

正法舍摩經卷第一

定

元魏婆羅門瞿曇般若流支譯

十善業道品第一

歸命一切諸佛菩薩

如是我聞一時婆伽婆在王舍城遊
那羅陀婆羅門村余時慧命舍利弗
於晨朝時共衆多比丘入王舍城各
各行乞食時衆多比丘離慧命舍利
弗而行乞食遂余往到遮羅迦波離
婆闍迦外道所已共相問訊彼此歡
喜說法語論迭于相問彼遮羅迦波
離婆闍迦外道問諸比丘言汝之釋
迦沙門瞿曇說如是法欲為不善是
不可愛非是可樂非是可意於他欲
者亦不隨喜我亦如是說彼身業是
不可愛非是可樂非是可意於他欲
者亦不隨喜汝之釋迦沙門瞿曇說
彼口業是不可愛非是可樂非是可
意不隨喜他我亦如是說彼口業是
不可愛非是可樂非是可意不隨喜
他汝之釋迦沙門瞿曇說彼意業是
不可愛非是可樂非是可意不隨喜

他我亦如是說彼意業是不可愛非
是可樂非是可意不隨喜他汝之釋
迦沙門瞿曇如是法律為何異何
意何勝若汝釋迦沙門瞿曇如是法
律與我何異而汝釋迦沙門瞿曇自
說我是一切智人彼遮羅迦波離婆
闍迦外道如是問已彼諸比丘新出
家故於比丘法未能善解心不隨喜
是故不答今時衆多比丘既乞食已
離慧命舍利弗各各皆到那羅陀村
食訖已住今時慧命舍利弗亦乞食
已同共往到那羅陀村今時衆多比
丘往到慧命舍利弗所具說如上
今時慧命舍利弗語衆多比丘言若
我慧命共汝相隨王舍城內同四出
巷同三角巷即共汝等到遮羅迦波
離婆闍迦外道所者我則能以正法
破之然我在於異四出巷異三角巷
而行乞食故我如是不聞彼難彼遮
羅迦波離婆闍迦外道前所問難世
尊普眼諸業果報一切現知今在此
處寂為尊勝一切外道見則降伏為
諸聲聞諸優婆塞諸天人等善說一

切業果報法去此不遠汝可往問彼
當為汝善說一切業果報法若天魔
梵世間沙門婆羅門等所不能說唯
有如來能為汝說我於彼法未善通
達唯有世尊第一善解業果報法能
為汝說今時衆多比丘向世尊所
亦時世尊依晝時法如須彌山自光
網焰如晝日明如夜中月如月清涼
如陂池清甚深如海安住不動如須
彌山心無所畏如師子王一切衆生
之所歸依猶如父母大悲熏心一切
衆生唯一上親慈悲喜捨為依止處
以三十七大菩提分勝妙之法莊嚴
其身一切衆生清淨眼觀無有厭足
勝日月光輝迦王千偈言

世尊廣普眼無三垢淨眼能巧說二諦
善知三種苦如是佛世尊已修二種修
現證於道果滅諸習具足遠離三界眼
而說異三界知十八界諦觀知解脫諦
十八功德衆白功德相應解脫九繫縛
具足十種力成就四無畏亦成就大悲
大悲心深潤成就三念處
亦時衆多比丘既見世尊整服一肩如

法叉跪右膝著地礼世尊足退在一
面正威儀住位頭鍛容令時衆多比
丘推一比丘往近世尊復更頂礼世
尊足已自言世尊我於晨朝著衣持
鉢入王舍城而行乞食如上所說次
第乃至共彼外道遮羅迦波離婆闍
迦問難語說彼問身業口業意業皆
如上說

尔時世尊先觀察已然後為說尔時
世尊為彼比丘那羅陀村諸婆羅門
而說法言汝諸比丘我所說法初中
後善義善語善法應具足清淨鮮白
梵行開顯所謂正法念處法門諦聽
諦聽善思念之我為汝說諸比丘言
如是世尊彼諸比丘於世尊所至心
諦聽

尔時世尊為諸比丘如是說言諸比
丘何者正法念處法門所謂法見法
非法見非法常念彼處心不生疑慧
樂聞法供養長宿彼知身業口業意
業業果生滅不顛倒見不行異法諸
比丘身業三種所謂煞生偷盜邪淫
云何煞生於他衆生生衆生想起煞

害心斷其命根得成然生彼有三種
謂上中下所言上者然羅漢等隨阿
鼻獄所言中者然住道人所言下者
然不善人及然畜生又復三種所謂
過去未來現在又復三種所謂貪作
瞋作癡作彼貪作者所謂獵等彼瞋
作者所謂下性彼癡作者外道齋等
又復三種所謂自作他教二作有五
因緣雖是然生無然罪業所謂道行
無心傷然螻蟻等命若擲鐵等無心
然生而斷物命醫師治病為利益故
與病者藥因藥命斷醫無惡心父母
慈心為治故打因打命終然火重入
無心然重入火死如是五種雖斷生
命不得然罪又復更有三種然生所
謂教他自作二作

又修行者內心思惟隨順正法觀察
法行云何偷盜成就滿足云何偷盜
得果報少彼見聞知或天眼見他物
他攝自意盜取如是偷盜成就滿足
若是王法為饒益尊父母病人緣覺
羅漢阿那含人斯陀舍人須陀洹等
若為病急若為飢急彼為饒益如是

偷盜得果報少盜業不具又復偷盜得果報少謂偷盜已專心懺悔既懺悔已後更不作遮他偷盜教不盜戒亦其善道令住善法遠離偷盜如是盜業不具足滿何業具足若人偷盜彼偷盜人若誑惑他屏處思量作欺誑事斗秤治物作惡業行如是種種此業具足云何成業若他攝物知已盜取如是成業何業具足作已隨喜樂行多作向他讚說又復教他善戒者盜此業具足如是三業具足不減餘偷盜業得果報少而不決定

又修行者內心思惟隨順正法觀察法行云何邪婬此邪婬人若於自妻非道而行或於他妻道非道行若於他作心生隨喜若設方便強教他作是名邪婬云何邪婬得果報少若邪婬已專心懺悔不隨喜他遮他邪婬示其善道彼邪婬業不具足滿離邪婬意修行善戒如是邪婬得果報少不決定愛如是三種身不善業得果報少果報輕軟如是外道遮羅迦波離婆闍迦所不能知非其境界并天

世間若魔若梵沙門婆羅門一切世間諸天人等所不能知除我聲聞從我聞故知業果報更無教者

又修行者知業果報云何口業惡不善行口業四種所謂妄語兩舌惡口綺語如是四種何者妄語自思惟已然後於他作不實語若作咒誓若在三王前若王等前妄語言說令他衰惱或打或縛或令輸物彼成妄語如是滿足成妄語業地獄中受復有口業名為兩舌於和合者共作業者破壞語說如是語者成就兩舌云何此語得果報少破壞語已心中生悔我愚癡故作如是說專心懺悔亦遮他人作破壞語亦其善道業不具足此業不重云何此業不具足滿此破壞語或以煩惱或以酒醉心異分別向他異說此業不足云何名為業道相應成破壞語若以惡心破壞於他隨喜讚嘆如是名為業道相應成破壞語云何此業決定成就破壞語說作已隨喜復教他作隨喜讚說喜樂貪著不難於心常懷惡心他人所避不可

往返為他毀咎不生羞耻無慚無愧
不能自知如是名為破壞語業又修
行者觀察業集云何名為惡口業行
彼見聞知或天眼見如是惡口能生
熱惱聞不悅耳不忍他惡令異人信
若重若輕戲笑瞋心得無量報無量
種報彼重惡口墮於地獄彼輕惡口
不決定受如是名為第三口業彼業
具足相應之義如前所說
又修行者知業報法云何名為第四
口業無義綺語前後相違不相應說
不決定受決定如餘如是名為第四
口業

又修行者觀業報法云何意業意業
幾種彼見聞知意業三種貪瞋邪見
何者為貪若見他人富者財物心生
怖望欲得彼物是意貪業復次意業
若見他人富者財物心生惡嫉是意
嫉業若生邪見生顛倒見是邪見業
彼有二種謂失不信云何不信彼人
心謂無施無祀無齋無會無有善業
無不善業無業果報廣則無量云何
為失彼人心謂一切苦樂皆是天作

非業果報如是二種名為邪見又修行者觀業報法云何三種身口意業如是十種樂行多作彼決定受此義云何何者業果於現世受何者業果於生世受何者業果於餘世受復於世間何處何生彼見聞知或天眼見身業熟生樂行多作墮於地獄畜生餓鬼若生人中命則短促若因貪心鴆等熟生彼人則生脂鹿雉雞迦賓閻羅如是等中鴆師園兵之所熟害乃至作魚鈎釣所熟彼前作業相似因緣常在生死若生人中命則短促設得生天不得好處多有鐵畏速為他熟熟生之報有下中上偈言有於藏中死有生已命終有能行則亡有能走便平

彼熟生者此業成就勢力果報謂地獄受若現在受若餘殘受

又修行者觀業果報云何偷盜樂行多作報有三種謂地獄受若現在受若餘殘受彼偷盜業樂行多作墮於地獄畜生餓鬼若生人中則常貧窮若得財物畏王水火劫賊因緣具足矣

棄不曾得樂彼偷盜業得如是等三種果報

又修行者觀業果報云何邪婬樂行多作得三種果報見聞知或天眼見若彼邪婬樂行多作墮於地獄畜生餓鬼若生人中餘殘果報妻不隨順若得二根世間所惡彼如是等三種身業三種果報非彼外道遶羅迦波離婆闍迦之所能解廣說身業則有無量皆不能解何以故彼以癡法熏其心故唯我能解我實不見餘人能解更無有人能見如是業果報法如我見者若我弟子修行法者以從我聞是故能解

又修行者內心思惟隨順正法觀察法行云何口業口業幾種彼見聞知或天眼見口業四種所謂妄語兩舌惡口綺語若彼妄語樂行多作墮於地獄畜生餓鬼若生人中一切衆生不信其語諸善界會善長者衆刹利等衆及妻子等不信其語口常爛臭齒亦不好面皮無色一切世人妄語枉謗常生怖畏親友兄弟知識不固一

切所作不得果利於一切人不得饒益如是妄語是不可愛非是可樂非是可意成就如是不善業果

又修行者內心思惟隨順正法觀察法行云何名為第二口業樂行多作成就果報彼見聞知或天眼見如是兩舌樂行多作墮於地獄畜生餓鬼若生人中若聾若瘡口常爛臭無人信語衆人所笑面色不好不住一處心動不定常行惡行如是名為兩舌業報

又修行者內心思惟隨順正法觀察法行云何名為第三口業樂行多作成就業果彼見聞知或天眼見如是惡口樂行多作墮於地獄畜生餓鬼若生人中處處皆畏一切人所皆得衰惱無人安慰於自妻子不得愛語猶如野兔畏一切人遠善知識近惡知識是名惡口三種果報又修行者內心思惟隨順正法觀察法行云何綺語樂行多作彼見聞知或天眼見若彼綺語樂行多作墮於地獄畜生餓鬼若生人中一切不愛

王舍怨家兄弟親家輕持熾賤此是
綺語口業果報

又修行者內心思惟隨順正法觀察
法行去何意業三種不善樂行多作
意不善業被見聞知或天眼見若彼
貪心樂行多作意不善業墮於地獄
畜生餓鬼若生人中雖有財物則為
王賊及水火等無理橫失恒常貧窮
又修行者內心思惟隨順正法觀察
法行去何瞋心樂行多作意不善業
彼見聞知或天眼見瞋心意業樂行
多作意不善業墮於地獄畜生餓鬼
若生人中則生邊地夷人之中常畏
鐵虜常怖鬼虜墮於嶮岸處彼人之心
不曾安隱常被誹謗常得如是多種
衆惡

又修行者內心思惟隨順正法觀察
法行去何邪見樂行多作意不善業
彼見聞知或天眼見邪見意業樂行
多作墮於阿鼻地獄等中受一切苦
若墮畜生於無量世百千万億億數
轉生餓鬼境界亦復如是若生人中
如法所說自種性業善業道行不依

法行於上世來父祖種性千倍下劣
又修行者內心思惟隨順正法觀察
法行更復思法深細觀察云何如是
十不善法流轉生死世間地獄餓鬼
畜生彼見聞知或天眼見云何煞生
云何樂行云何多作謂煞生者此煞
生人近惡知識若惡知識近住之人
與彼相隨喜樂被人相隨遊戲共行
共宿於彼生信謂有功德隨彼所作
亦與同行被人如是近惡知識彼煞
生人近煞生者則以種種煞生因緣
教令煞生或外道齋或屠獵等如貪
味者說煞生事如怨家者說煞生事
如賊貪物說煞生事如鬪戰者說煞
生事如貪名者說煞生利彼人間已
心則生信亦隨順行喜樂煞生如是
喜樂既煞生已墮於地獄餓鬼畜生
不可愛著心不樂處一切善人訾毀
之處以此因故若生人中命則短促
如是煞生近惡知識以為種子
云何樂行彼不善人既煞生已喜樂
歡喜心意分別見煞功德如是分別
則有多種斷他命已不生懊悔讚說

言善心不放捨轉復更作教他人作
既教他已說彼煞生種種功德異異
因緣如前所說如是名為樂行煞生
云何多作此煞生已如前行說近惡
知識習作煞生多造煞具作危歟處
作圖毒箭集養狗等養煞生鳥近旃
陀羅造鬪戰具鎧鉀刀杖及以積錢
聞戰之輪種種器仗諸煞生具如是
一切皆悉攝取如是惡人多作煞生
以是因緣墮於地獄畜生餓鬼受極
苦惱煞生之業有下中上受苦報時
亦下中上既作業已如是不得不受
果報如是如是自作惡業自得惡報
若點慧人捨惡行善彼世間中如是
無少樂行多作

云何偷盜樂行多作云何樂行多作
盜已墮於地獄此惡戒人性自偷盜
近惡知識若惡知識近住之人與彼
相隨則行偷盜有下中上何者為下
謂王法等如前所說何者為中非福
田所偷盜彼物此盜為中何者為上
佛法僧物微少偷盜是則為上彼佛
法僧若盜僧物佛法能淨盜佛法物

僧不能淨若盜眾僧現食用物墮大
地獄頭面在下若取屬僧所常食物
則墮無間阿鼻地獄寬廣閻等以重
福田微少偷盜以有心念樂行多作
彼少偷盜墮於地獄畜生餓鬼若復
懺悔不生隨喜心中生悔彼不定受
若偷盜人無量方便而行偷盜以如
是故名為偷盜

云何樂行偷盜他物得已歡喜與賊
相隨心以為樂既得財物作衣食已
心生歡喜讚其功德教他偷盜教已
讚說如是名為樂行偷盜

云何多作既偷盜已多作床敷卧具
檀被食飲餅糗衣服莊嚴姪女娛樂
博蒲博戲心生喜悅我今快樂一切
樂中偷盜為最以此因緣我豐床敷
卧具飲食衣服莊嚴姪女博蒲第一
勝樂我今常當作偷盜行令我後時
增長富樂如前所說如是如是多行
偷盜決定於彼地獄中受

云何邪姪樂行多作此邪姪人心不
觀察姪欲覆蔽若人先世姪欲處求
所謂鴛鴦迦賓閻羅孔雀鸚鵡魚雉

鷄鳥阿修羅等如是處來於此中生
常與多欲不善知識相隨共行如是
二分喜樂婬欲心不觀察心不厭足
不離欲心不觀察行隨有欲處往到
其所以欲處來此欲處生喜行婬欲
故不觀察婬欲所覆如是邪婬不善
之人觸染勢力彼彼喜樂如是邪婬
復更如是心喜樂行樂行如是邪婬
惡觸

云何樂行如是邪婬雖不常行而常
喜樂心意分別更於餘處心不喜樂
如婬欲者如是樂行邪婬境界

云何多作愚癡凡夫心不觀察邪婬
覆蔽他復為說邪婬功德第一勝樂
所謂婬欲言為此事非是不善復教
多人喜樂婬欲如是邪婬愚癡凡夫
喜樂多作如是三種身不善業口業
四種妄語兩舌惡口綺語何者妄語
所謂自心先自作誑然後誑他如是
妄語自他成誑又彼妄語五因緣發
所謂瞋貪邪法所攝欲心怖畏

云何瞋心而發妄語若於王前或大眾
中長者衆中若善知識怨家諍闘饒

益知識衰惱怨家是故妄語云何貪
心而發妄語見他財物方便欲取是
故妄語云何邪法所攝妄語如婆羅
門法中所說饒益尊故饒益牛故畏
自死故為取婦故如是妄語皆不得
罪如是之人邪法攝語如是妄語是
愚癡人邪見攝語此語堅重於地獄
受是故乃至失命因緣不應妄語此
妄語者能為地獄第一種子言為取
婦妄語無罪是欲心發亦是邪法云
何怖畏而發妄語何慶怖畏為彼饒
益是故妄語起如是心若不妄語彼
則於我多不饒益彼人畏死是故妄
語彼五因緣愚癡之人作妄語說如
是一切皆住癡法今時世尊而說偈言
若有何等人起一妄語法則不畏他世
無惡不造作若人生世間口中有大斧
若以斫自他口中惡語出如是應實語
不應斫他人雖無乞求者應當多少與
此三種行者捨身則生天
若如是者一切因緣一切所作莫妄語
說於他妄語心莫隨喜亦不隨逐妄
語者行其共同坐若妄語人共行坐

者他人見之亦謂妄語如是若與垢業之人共相隨者則樂垢業若與彼人共行坐等雖無垢業他謂垢業若如是者應觀察法惡知識者勿與相隨此惡知識於生死中寂緊繫縛則墮地獄畜生餓鬼所謂隨逐惡知識行若善知識相隨行者則得解脫廣則無量此中如是略說妄語又修行者內心思惟隨順正法觀察法行去何兩舌兩舌幾種彼見聞知或天眼見兩舌者多於和合人起破壞意口中語說兩舌二種自作教他教他者怨家若似怨家所遣破壞汝破壞彼人是他因緣有他不遣自作破壞令他衰惱又復云何瞋因緣故於他不愛與他人惡口說惡語聞者不受

又修行者內心思惟隨順正法觀察法行云何惡口彼見聞知或天眼見彼惡口者貪瞋癡發一切愚癡凡夫之人常行不離如是惡口有無量種無量攀緣無量因緣無量心發無量果報此語能破無量善行此語能與一切人惡世間如怨善人不近人所不

信此語如毒如是惡口惡道因緣是
垢言語正梵行人捨離不行今時世
尊而說偈言

默慧離惡口 正語喜樂行 如是美語人
則近涅槃住 常說善妙語 捨離垢惡語
垢惡語汙人 能令到地獄 垢語所汙人
彼人則無善 惡如師子地 彼不得生天
一切善語人 能善安慰他 諸世間所愛
後世則生天 若人不惡語 捨離於諂曲
雖人行如天 彼人善應札 寶語常行忍
直心不諂曲 不惱於他人 彼建立法幢
人命不久住 猶如拍手聲 人身不如法
愚癡空過世 何人不自愛 何人不樂樂
若人作惡業 不行自愛因 妻子及財物
知識兄弟等 皆悉不相隨 唯有善惡業
善業不善業 常與相隨行 如鳥行空中
影隨常不離 如人之資糧 道行則受苦
不作善業者 彼衆生亦然 如具資糧者
道行則安樂 衆生亦如是 作福善慶行
久時遠行人 平安得還歸 諸親友知識
見之皆歡喜 作福者亦尔 此死他處生
所作諸福德 如親等見喜 如是作福德
和集資未來 福德於他世 則得善住處

福德天所讚若人平等行此身不可毀
未來則生天觀如是處已點慧者學戒
得聖見具足善行得寂靜

又修行者內心思惟隨順正法觀察
法行觀察第四不善業道綺語口業去
何綺語綺語幾種前後語言不相應
說故名綺語心輕速轉前後語言相
應而說亦名綺語從慢心起自輕因
緣今人不信即於現身是惡道生一
切世間輕毀之因無所饒益垢語綺
語如是第四垢語口業非善業道勿
作綺語亦莫隨喜不應受行若結語
者則非善人

意不善者貪瞋邪見去何為貪他所
攝物自心分別欲得彼物非正觀察
彼人如是愛樂他物於他所有無因
無分而自擾惱望得彼物故名意貪
不善業道非是可愛非是可樂所得
果報非意相應非寂靜意非是安樂
愚癡之人虛妄生貪他物但得虛妄
分別生貪味著心意動轉常生怖望
心樂欲取見他財物自得苦惱故名
為貪如是意地第一貪心不善業道

又修行者內心思惟隨順正法觀察
法行云何名瞋意地第二不善業道
彼見聞知或天眼見於他前人無有
因緣起瞋惡意又復於他若貧若富
無有因緣而見也已意地起殺重惡
瞋心以瞋因緣於地獄受善法報等
既成熟已瞋心如電壞善穀等唯正
智眼對治彼闇瞋心如火燒一切戒
瞋則色變是惡色因瞋如大斧能斫
法槁住在心中如怨入舍此世他世
心一正行瞋能壞破捨彼瞋心慈是
對治及四聖諦苦集滅道行地獄行
瞋為上使唯有善人聖聲聞人聞法
義人乃能捨離又修行者內心思惟
隨順正法觀察法行云何邪見正法
障礙一切惡見心之黑闇彼見聞知
或天眼見無始以來行邪見因墮於
地獄餓鬼畜生故名黑闇樂邪見者
正道障礙如刀火毒螫岸惡處唯有
一切愚癡之人多著樂行以顛倒見
故名邪見彼有二種一信邪因二心
不信業果報法信邪因者作如是知
身等樂苦皆是天作非業果報於業

果報心不信者謂無施等是名邪見
如是十種不善業道不饒益業一切
皆以邪見為本

正法念處經卷第二

癸卯歲高麗國分司大藏都監奉
勅彫造

正法念處經卷第二

定

十善業道品之二

九經婆羅門習書般若流支譯

又修行者內心思惟隨順正法觀察
法行云何如是十善業道對治修行
漏無漏業彼見聞知或天眼見以此
因緣世間中縛善法盡滅所謂縛因
不善業道善是佛因是解脫因所言
善者謂雖然生攝取世間一切衆生
施與不畏於現在世人所讚歎面色
諸根端正美妙得長命業若不煞者
則為羅刹鳩鵞茶等一切惡鬼能煞
人者及餘惡人能煞人者於夜闇中
擁護彼人諸天常隨觀察擁護身壞
命終則生善道天世界中受妙果報
若勤精進願下中上三種菩提隨願
皆得彼人若願聲聞菩提得阿羅漢
入於涅槃彼人若願緣覺菩提得辟
支佛如是若願無上菩提得正遍知
明行足善逝世間解無上士調御丈
夫天人師佛世尊一切諸法命為根
本人皆護命不煞生者則施其命若

施命者施一切樂第一施者所謂施命如是思惟生天之因取勝戒者所謂施命若願染愛境界勝樂不煞為人若願生人中勝得轉輪王七寶具足王四天下若願大身阿修羅者捨身得為阿修羅王彼人若願大身夜叉得夜叉王此不煞生取為大業正法種子行於生死唯不煞生為歸為救入生死間不煞為燈不煞生者名曰慈悲正念思惟不煞生善心常生喜若遮他煞他不可遮則是行捨彼人如是行四梵行以熏身心不煞善根不可思議取為真實何等何等種種諸願如是如是隨願皆得譬如世間善巧金師得好真金如是如是隨所欲作彼金如是隨意造作種種莊嚴若作瓶等若作人像若作佛像如是如是不煞生者不缺不穿不孔不虛如是如是隨願皆得隨何等人如是不煞則近涅槃彼人常共善知識行彼人則是善器衆生善能攝取自他福德彼人則是世間福田不行地

獄餓鬼畜生此善行人成就善法一切所得皆悉堅固無有王賊水火等畏皆自食用人中尊貴他不能勝法具足故是故智者不應煞生

又修行者內心思惟隨順正法觀察法行云何不盜則得善法彼見聞知或天眼見不偷盜者出大貪網彼人現在善人所信若王王等一切皆信若於王眾若長者眾若刹刹眾若沙門眾婆羅門眾一切皆信憐愛慈念信受其語所有財物一切堅固不失不壞無能劫奪王賊水火諸畏皆離不須方便財物易得得財物已如法食用於持戒人行道之人諸福田中皆能捨施若世間中所應用處皆悉能與身壞命終則生善道天世界中若願出世若梵若魔若帝釋王若轉輪王王四天下七寶具足隨願皆得若樂持戒則得菩提如前所說又修行者內心思惟隨順正法觀察法行云何邪婬捨離得果彼見聞知或天眼見離邪婬人善業道行見如是法善人所讚一切所信非婦女中

心不生慮若王王等一切皆信所有
妻妾無能侵奪隨順供養不違其意
設有褻損妻妾不嫌心無妬忌不生
外心一切世間人所見之如母姊妹
不為世人之所罵辱不邪淫者得如
是婦身壞命終則生善道天世界中
如前所說彼天退已餘天子生若邪
淫者欲退未退彼天女中餘天子生
時彼天女即於現前與餘天子共相
隨逐娛樂戲笑彼欲退天既見天女
與餘天子共相隨逐娛樂戲笑妬心
瞋縛墮於地獄如是邪淫樂行多作
則為大失隨何等人能離邪淫攝
大善道是涅槃器

又修行者內心思惟隨順正法觀察
法行玄何一切不善對治捨離妄語
大善分攝現得果報彼見聞知或天
眼見離妄語者諸世間人或眼見
或有耳聞一切皆信設復貧窮無財
物者一切世人供養如王如衆星中
光明之月一切人中實語之人光明
亦亦一切寶中實語寶勝欲度生死
一切船中實語船勝若欲出離一切

惡行實語離勝一切燈中實語燈勝一切惡道善將導中實語導勝一切世間受用物中實語物勝一切治病諸藥草中實語藥勝一切奮迅諸勢力中實語力勝一切歸中實語歸勝一切知識實語為勝若人攝取實語財物則於世間不曾惡行不墮貧窮與天比近數數往來何處何處隨彼所生常為男子生勝種姓一切憐愛信受其語彼人不為無色夜叉毗舍遮等之所能煞行他國土多有床敷設有病痛藥食具足無心思念一切皆得一切世間第一勝樂皆悉得之身壞命終則生善道天世界中取長命慶大神通慶寂高勝慶若願白淨無漏勝道則得涅槃如前所說又修行者內心思惟隨順正法觀察法行去何遠離兩舌惡業善業道行現在未來得業果報彼見聞知或天眼見離兩舌人於現在世受業果報知識親友兄弟妻子奴婢作使如是等人皆悉堅固無人能壞王及怨家惡兄弟等不能破壞若無財物亦不

捨離設值時儉若行曠野山中嶮處
皆忘不捨常樂不離若有他人種種
方便說破壞語雖聞不受王於彼人
好心堅固水賊刀悉不能令畏以離
兩舌不善業故如是捨離兩舌功德
身壞命終則生善道天世界中於天
家中多有天女之所圍遶常共相隨
愛念娛樂彼天女身妙瓊散香塗治
莊嚴第一天女常生歡喜若捨兩舌
願淨無漏彼人則得無漏禪道到於
涅槃如前所說

又修行者內心思惟隨順正法觀察
法行云何世間不善業道惡口捨離
於現在世得業果報後何處生彼見
聞知或天眼見捨離惡口見勝妙色
真實人信一切世人皆樂往返滑語
軟語於一切人皆忘安慰不令有怖
一切世人遙遠見之皆往近赴多善
知識設無財物於一念頃令一切人
恭敬如奴若於前世惡業所致得衰
惱者人不捨離一切財物皆忘易得
此人無有怨家王水刀火等畏身壞
命終則生善道天世界中既生彼已

滑語利益要略省語因相應語得如是語得大神通得勝妙體若願出道坐禪樂行無漏之法彼人則得三種菩提如前所說

又修行者內心思惟隨順正法觀察法行去何世間不善業道綺語捨離於現在世得善業報後何處生彼見聞知或天眼見捨離綺語即於現身世間敬重善人所念前後語言不相違反一切世人愛其語說無人恐嚇求其過者善語正語世所尊重少語軟語令人易解法相應語不虛穢語有深因語皆有理趣於法不違一切世間見者尊重資財寶物皆悉牢固受用稱意於無德者說有功德彼無德者說其功德身壞命終則生善道天世界中既生彼已諸天敬愛有大神通受天官樂不可具說若願淨白無漏禪樂三種菩提隨所未得如前所說

如是三種身不善業如是四種口不善業次第捨離乃至涅槃彼善業因世所稱讚次得生天後得涅槃彼身

口業實業果報修行法者內心思惟
隨順正法如是觀察如實知見又修
行者內心思惟隨順正法觀察法行
云何意地善業道行彼見聞知或天
眼見意業三種貪瞋邪見不善對治
現在受樂身壞命終則生善道天世
界中若歎生死彼人無餘涅槃界入
又修行者內心思惟隨順正法觀察
法行云何離貪不善業道得善業果
彼見聞知或天眼見彼離貪者於現
在世一切財物及珍寶等皆悉豐饒
無人侵奪若王王等尚不起心何況
復有偷盜劫奪若有因緣漏失財物
他人得者彼則如親還送歸之彼人
常富財物不離常不為他之所破壞
身壞命終則生善道天世界中既生
彼已天阿修羅共相聞諍彼阿修羅
無能勝者不可煞害無能令怖不畏
他人一切天子皆悉愛樂心生憐愍
有不可說可愛聲觸色味香食若願
出世淨白無漏禪定道果三種菩提
隨願而得如前所說又修行者內心
思惟隨順正法觀察法行云何離瞋

不善業道得善業果彼見聞知或天
眼見彼離瞋者於現在世業行果報
豐財大富一切愛念心意憐愍第一
驗隘怖畏惡處無能得便王畏賊畏
隨驗岸畏水畏火畏詭曲等畏無量
諸畏隘處等畏皆悉遠離一切世人
第一愛念一切惡人亦生愛念一切
善人如子兄弟極生愛念身壞命終
則生善道天世界中得大神通得勝
妙體常得一切可愛妙聲觸味香色
隨心受用有歡喜園勝妙樹林寶間
錯輦於大林中天姝女衆之所圍遶
一切餘天不能起發若身口意令其
怖者百千天子心意憐愍親近愛念
帝釋天王愛念憐愍天阿修羅共閻
諍時不生怯弱離怖畏心若願出離
煩惱諸垢出世間道彼如是處天世
間退生於人中為轉輪王如是往返
經無量世王四天下七寶具足所謂
女寶彼女寶身作栴檀香口中常出
優鉢羅香身觸細軟如迦陵伽觸迦
陵伽者海渚中鳥彼觸勢力若觸人
身則無疲乏遠離飢渴憂悲苦惱彼

諸上人得彼觸力女寶亦尔若轉輪
王若見若觸皆受快樂寒時身溫熱
時涼冷如是觸力非餘人得離瞋善
業順行勢力一切男人見此女實心
善分別如母姊妹一心於王於王敬
重專心於王常與樂行遠離五種婦
女過失謂不貞良異男子行妬心惡
貪樂惡處欲夫亡命住如是女寶復
有五種功德相應五者所謂隨夫意
轉多生男子種姓不劣喜樂好人不
生妬心夫其餘女娛樂行時不生妬
心復有三種大勝婦女功德相應謂
不多語心不邪見夫若不在不樂聲
觸諸味香等心意不動以是因緣身
壞命終則生善道天世界中如是勝
妙女寶之食唯轉輪王乃得之耳
又修行者內心思惟隨順正法觀察
法行云何捨離多垢瞋心得轉輪王
善業果報彼見聞知或天眼見捨離
瞋他惡不善業餘殘善業得轉輪王
第二寶食所謂珠寶此有八種功德
具足謂夜闇中作善光明如秋滿月
遠離雲翳如是珠寶能於闇中光明

遍照滿百由旬復於晝時日熱可患
放冷光明除熱清涼如是珠寶第一
功德又復珠寶第二功德若行曠野
無水之處兵衆渴乏能令多有八分
相應清淨水流除一切渴如是珠寶
第二功德又復珠寶第三功德若轉
輪王憶念水時如是珠寶隨王意流
如是珠寶第三功德又復珠寶第四
功德如是珠寶具有八楞彼一一楞
放種種色青黃赤白紫頗梨色如是
珠寶第四功德又復珠寶第五功德
彼珠寶力百由旬內人皆離病心行
正直一切所欲如業相似非不得果
如是珠寶第五功德又復珠寶第六
功德以彼珠寶之勢力故令彼惡龍
不降惡雨如是珠寶第六功德又復
珠寶第七功德於無水處嶮岸曠野
無樹草處是珠能令多有樹木池水
蓮花叢林青草皆悉具足如是珠寶
第七功德又復珠寶第八功德珠寶
力故無人橫死不盡壽者能令畜生
不相煞害不相憎嫉相憎嫉者謂蛇
鼠狼如是八種勝大功德具足相應

彼轉輪王離瞋善業所得果報滿足
千子皆悉勇健人中第一勝妙身色
能壞他軍隨轉輪王心意轉行端正
可意如法善人隨順法行與轉輪王
種姓相似一切聚落大衆會處皆悉
敬愛讚其心行

又修行者內心思惟隨順正法觀察
法行亡何離瞋善業修行得轉輪王
第三輪寶出於世間彼見聞知或天
眼見彼之輪寶有五功德相應具足
所謂千輻其體皆是閻浮檀金廣五
由旬如第二日照明世間如是輪寶軍
初功德又復輪寶第二功德行無障
礙飛空而去一日能行百千由旬又
復輪寶第三功德謂隨王意於何方
虜憶念欲行若瞿陀尼若弗婆提若
鬱單越四天王處於彼彼處彼千輻
輪飛空而往輪寶力故能令四兵馬
馬車步皆悉相隨飛空而去又復輪
寶第四功德若有不臣轉輪王者彼
金輪寶王與相隨能令降伏又復輪
寶第五功德彼金輪寶無能為敵若
王王等見即降伏皆以法力輪王隨

遂故能使尔如是輪寶五種功德具足相應如是已說第三大寶

又修行者內心思惟隨順正法觀察法行云何離瞋善業修行得轉輪王第四為寶出於世間彼見聞知或天眼見此轉輪王修行法人隨順法行得謂順為第一調順能勝他城七支柱地所謂四足尾根牙等如是七分皆悉柱地若有如是七種相者彼為大力勝餘弱象一千倍力斷則柔軟色白如雪如帝釋王伊羅睺那自餘諸象聞氣即伏不敢正看三處能聞所謂水處陸地空中能速疾行於一日中遶閭浮提能行三面彼象調順以一縷縱繫咽牽行若轉輪王乘行之時彼象調順與王心同若轉輪王欲何處行則不須教速至彼處平正均行不震不掉行步詳審身不動搖次第舉足不躑不蹶亦不怒力種種善行小兒見之不生怖畏四出道巷若重屋上到彼處行婦女能捉手得摩之若聞戰時甚能勇忍行則調順縱繫不越如是輪王大龍為寶是轉輪王

十善道中行一業道種子所得何況
具足和合修行十善業道得如是順
法修行法者以天眼見彼轉輪王第
四鳥寶

又修行者內心思惟隨順正法觀察
法行云何轉輪王得彼馬寶彼馬寶者
有何功德和合相應彼見聞知或天
眼見馬寶如鵝拘物頭花如是淨色
普身皆有天旋等相以為莊嚴是第
一相量色形等衆相相應第一調順
於一日中遶閻浮提能行三匝而身
不多如是轉輪王得此第五功德馬寶
又修行者內心思惟隨順正法觀察
法行云何轉輪王得主兵寶彼見聞
知或天眼見彼主兵寶有何功德所
謂轉輪王憶念思惟不待教勅而知王
意隨王所須皆悉能辦遠離非法依
正法行時方所須稱王意辦不苦不
惱依正法取如王意念隨心所須一
切所作不違法義隨王境界所須所
作皆能成辦如是轉輪王離瞋善業得
主兵寶恒常修行十善業道利益一
切世間衆生猶如父母

又修行者內心思惟隨順正法觀察
法行云何輪王得彼第七主藏大臣
富長者寶彼長者寶有何功德彼見
聞知或天眼見主藏臣寶屬轉輪王
何者功德能以金剛及因陀羅青色
寶珠摩迦羅多及牟璫羅迦羅婆等
種種妙寶一切坑澗深山幽谷險岸
惡處不平之處悉能令滿不待王勅
而寶不盡何況金銀此長者寶第一
比泥不誑不諂不熱惱他一切見者
清涼愛念如是輪王富長者寶如是
輪王七寶具足王四天下能與龍衆
天衆同坐天處有二四天王天三十
三天帝釋天王分座而坐如是七種
妙寶具足得轉輪王又復更有相似
七寶劣前七寶所謂劍寶皮寶床寶
林寶殿寶衣寶履寶彼轉輪王劍相
似寶有何功德若有國土起拒逆心
如是劍寶疾走而去一切國土見劍
即伏不煞一人如是劍寶有此功德
不罰不煞一切國土自然降伏如是
第一劍寶功德

云何輪王得彼第二皮相似寶彼第

二寶有何功德彼皮寶者海中而生
彼既生已商人得之將來上王彼寶
功德廣五由旬長十由旬海龍之皮
水雨不爛風不能動火不能燒能却
寒熱寒時能溫熱時能涼何處何處
輪王行時隨王軍衆彼主兵寶之所
將行能以為屋悉能容受王及軍衆
一一隔別妻婦不雜各不相見其色
鮮白如日光明如是第二皮寶功德
云何輪王得彼第三床相似寶彼第
三寶有何功德彼床寶者柔軟細滑
坐上則凹起則還平若坐其上禪念
思惟於解脫中得寂靜心若坐彼床
心念欲事即得離欲如是次第瞋癡
亦尔即彼床上出小禪屋諸有婦女
雖復於王極生染心見此床寶心則
無染如是第三床寶功德

云何輪王得彼第四林相似寶彼第
四寶有何功德若王憶念林中遊戲
往彼林中彼林功德王善業力如天
世間歡喜林中出生花菓賒居屋鳥
蓮花池涼於彼_濬口天歌姝女戲笑
歌儻一切天女悉來集會彼王如天

一切五欲功德相應於彼林中婦女
相隨娛樂遊行善業力故彼修行者
一切觀察如是第四林寶功德

云何輪王得彼第五殿相似寶彼第
五寶有何功德謂轉輪王在彼殿中
夜偃卧時欲見月者則有星月於殿
中現見已眼樂謂之是珠天女詠歌
聞則無憂樂眠安睡睡已善夢見妙
樂事寒時則有溫風所吹熱時則有
涼冷觸樂夜有三分二分則睡第三
分時離睡而起受行法樂如是第五
功德殿寶彼轉輪王報得受用

何者衣寶有何功德續成緻密第一
柔軟垢所不汙王既著已則無寒熱
飢渴痛瘦疲倦之極火不能燒刀不
能割如是第六衣寶功德

又修行者內心思惟隨順正法觀察
法行轉輪聖王云何得彼第七功德
履相似寶彼第七寶有何功德彼見
聞知或天眼見履相似寶王若著之
水行若陸若遊行時則詳徐涉若百
由旬亦能行去不損威儀而身不乏
如是輪王具足七寶復有如是相似

七寶隨心食用四天下處及二天處
是王所食滿足千子皆悉勇健能破
他軍彼轉輪王是一切人所應敬重
離瞋善業得如是樂一善業道之餘
勢也

又修行者內心思惟隨順正法觀察
法行云何如是一切世間無始以來
幽冥黑闇邪見為種一切結使皆亦
如是又復云何捨離邪見修行正見
而得解脫世間生死彼見聞知或天
眼見彼修行者隨順正法觀察法行
若捨邪見修習正見一切結使不饒
益法皆悉斷滅則得涅槃遠離生死
離邪見人五根不障如是善人喜樂
正法如是寧初聞佛功德觀於生死
五道之中種種苦惱觀彼五處極大
怖畏天中則有放逸之苦後退時苦
人中則有農作等苦地獄之中他惱
害苦於餓鬼中飢渴惱苦於畜生中
相敬食苦如是五處一一散說則無
量種如是觀已則於生死起厭離心
猶如光明通達正法生出家心生此
心故善法流出若人和合既生是心

彼地夜叉歡喜讚歎身毛皆豎生如是心此善男子如是名字如是種姓發心欲斷無始世來貪瞋癡等為欲破壞魔之境界不樂煩惱染欲境界心不喜樂欲染心愛

又離邪見彼善男子有出家心恒常如是樂修多作近善知識樂聞正法常清淨心礼拜佛法善淨寂靜身業口意業彼人如是寂靜口意是善行人彼地夜叉知己歡喜生如是心此善男子善心淨心不樂在家所有舍宅如罩如籠心不喜樂無始貪欲瞋恚愚癡於魔境界不生喜樂不樂欲愛欲共魔戰欲斷煩惱

又復如是彼善男子如是觀察生死苦已出家之心轉轉增上遠離煞生偷盜邪婬飲酒妄語具足受持優婆塞戒彼地夜叉見如是已轉復歡喜次第上聞虛空夜叉作如是言某國某村某聚落中某善男子如是種姓如是名字正信如是堪能出家欲剃鬚髮欲被法衣正信出家減損魔分長正法朋斷魔繫縛斷貪瞋癡一切

使結邪見為本出世涅槃正見為本
隨順正法觀一切法而修行者寂初
如是讚歎正見不嫌不毀不賤不惡
亦教他人令住正見不讚邪見嫌賤
毀惡常說邪見正見相對二業果報
不令衆生住於邪見一切世間愚癡
凡夫根本繫縛所謂邪見一切衆生
以邪見故墮於地獄餓鬼畜生彼善
男子捨離邪見具足當得無量善法
又復如是彼善男子觀察居家無量
苦惱逼迫繫縛既觀察已生厭離心
樂欲出家欲共魔戰如是正士彼地
夜叉知己歡喜轉復上聞虛空夜叉
虛空夜叉向四天王歡喜心說某國
某村某聚落中某善男子如是種姓
如是名字如是正信堪能出家欲剃
鬚髮欲被法衣正信出家減損魔分
長正法明四大天王如是聞已心生
歡喜

如是正士聞正法已厭離欲垢彼善
男子恭敬和上聖聲聞已剃除鬚髮
被服袈裟受波羅提木叉戒已彼地
夜叉虛空夜叉知己歡喜向四天王

說如是言閻浮提中某國某村某聚
落中某善男子如是種姓如是名字
捨離邪見修正見業如法正行剃除
鬚髮被服法衣受波羅提木叉戒已
一切世間不饒益處居家隘造妻子
愛毒皆已捨離正信出家在家心業
一切捨離欲共魔戰欲斷無明時四
大王聞已歡喜既歡喜已向四天王如
是說言閻浮提中某國某村某聚落
中某善男子如是種姓如是名字捨
離邪見修行正見剃除鬚髮被服法
衣正信出家某甲比丘受為弟子彼
天間已心歡喜曰魔分損減正法明
長彼四大王既如是說四天王聞如是
歡喜

又復如是彼善男子乃至塵許惡不
善法見則深畏能忍不作心行正直
不樂多語不修禮家不共往返不近
惡友多人聚集憤鬧之處無心欲見
不往惡衆不往多人集戲之處不貪
美味大器多食親友善知識不數往
見於境界中常正念行常勤精進如
法飲食如法處行勤斷魔縛勤修正

見如是善人利益一切世間衆生亦
時世尊而說偈言

若不煞衆生慈心常行忍於衆生如父
彼能觀世間捨離於偷盜黠慧常攝根
身業常行善能度諸有惡乃至盡婦女
眼尚不欲觀破欲堅明慧故名得解脫
觀金土平等離愁憂正行煩惱絕不隨
彼得無量樂利養心平等得失意亦然
苦樂心不異故名爲比丘不見怨親異
攝根不放逸不爲境界傷故名婆羅門
見境界如毒勇離如避怨彼涅槃不遠
正遍知所說如實見生滅正見心不貪
心不動如山彼解脫生死桎梏餘草等
美惡食心平袈裟綃布等彼愛不能縛
不貪著利養知足草爲敷見利養如火
如是乃名見外境界愛河之所不能漂
諦知自業果佛說是比丘已過事不憂
不怖望未來現得依法行彼不汙心意
若不壞法意常於法中住則不行生死
彼白法具足若人以智火燒心中煩惱
境界如僮僕彼人則無苦若人根寂靜
根不得自在心不著色等離煩惱如佛
若人能制根五根不自在色等不能劫

離煩惱寂滅若人心愛念有忍者亦然
見者心惺悟彼如月半居若樂住空閑
不樂重樓觀樂樹下露地得名乞比丘
勇寂調善智如實知苦樂必到無上處
永離諸憂愁憐愍淳直心一切時修禪
勝負心平等如是修得諦

離邪見故得如是法又修行者內心
思惟隨順正法觀察法行云何彼人
捨離邪見修行正見離疑惑心如是
次第修無漏禪彼地夜叉虛空夜叉
至四大王見聞歡喜彼見聞知或天
眼見彼四大王彼四天王到帝釋所
如是說言閻浮提中某國某村某聚
落中某善男子如是種姓如是名字
剝除鬚髮被服法衣正信出家善戒
正行無尋樂說辯才相應常正憶念
乃至少罪深生怖畏滅損魔分長正
法朋彼四王等向帝釋王如是說已
帝釋天王如是聞已心大歡喜三十
三天帝釋王眾皆共歡喜

正法念處經卷第二

癸卯歲高麗國分司大藏都監奉

勅彫造

正法念處經卷第三

定

生死品第二

元魏婆羅門瞿曇般若流支譯

又修行者內心思惟隨順正法觀察
法行云何比丘次第捨漏初捨不善
法次修行善法正觀思惟修心正住
彼見聞知或天眼見彼比丘初如是
觀根塵相對迭相因緣一切世界無
始以來生死輪轉彼如是觀此生因
緣境界大海皆悉無我唯有內心境
界因緣世間流轉如是取初修遠離
行離憤鬧廣樂空閑處阿蘭若處山
野林中稻穰積等樹下露地塚間處
住則能繫縛心之猿猴以修習故心則
寂靜不樂聚落歌舞戲笑憤鬧之處
亦不樂見長幼婦女不樂多語有二
鍵尼皆壞梵行一是婬女二多言說
皆悉捨離既捨離已心一寂靜彼人
之心能如是住云何正觀初觀何法
彼人初心如是觀察十八意行能起
善根起不善根起無記根何等十八
所謂比丘正觀察意眼見色已若喜

意染得不善報若起憂意離染欲意則得善報若起捨意得無記報又復如是耳聞聲已若喜意染得不善報若起憂意離染欲意則得善報若起捨意得無記報又復如是鼻聞香已若喜意染得不善報若起憂意離染欲意則得善報若起捨意得無記報又復如是舌知味已若喜意染得不善報若起憂意離染欲意則得善報若起捨意得無記報又復如是身覺觸已若喜意染得不善報若起憂意離染欲意則得善報若起捨意得無記報又復如是意知法已若喜意染得不善報若起憂意離染欲意則得善報若起捨意得無記報以如是等十八意行三報因緣世間生退若彼比丘如是觀察十八意行得上初地彼地夜又見如是已轉復歡喜次第傳聞虛空夜又彼地夜又虛空夜又彼二夜又向四天王歡喜說言閻浮提中某國向四天王歡喜說言閻浮提中某國某村某聚落中某善男子如是種姓如是名字剝除煩惱被服法衣正信

出家既出家已離憤鬧處在寂靜處
今復觀察十八意行已證彼法彼四
大王如是說已四天王聞轉復增上
歡喜心日魔分損減正法朋長彼四
天王如是復向三十三天帝釋天王
歡喜說言閻浮提中次第乃至某善
男子某甲種姓名字某甲剃除鬚髮
被服法衣正信出家離憤鬧處乃至
塚間如法觀察十八意行已證彼法
如法正住彼四天王向帝釋王如是
說已彼憍尸迦三十三天帝釋王聞
心大歡喜又修行者內心思惟隨順
正法觀察法行如是比丘已如法觀
十八意行得初地已復復更證何者
異地彼見聞知或天眼見彼復次第
觀察四家四者所謂慧家諦家捨家
出家云何比丘住於慧家謂彼比丘
如是觀察自身正法如是如實分分
善知此身中有地界水界火界風界
空界識界何者地界地界二種一內
二外何者為內身中所有諸分名內
是內有覺彼何者覺與皮肉等和合
則覺所謂髮毛爪齒等根堅澁所攝

入內名覺彼復何者所謂髮毛爪齒
皮肉筋脉骨髓脾腎心肺涕唾等處
生藏熟藏小腸大腸肚脬頭腦如是
身中一切內分堅澁有覺名內地界
何者名為外地界耶所有外地堅澁
不覺名外地界若內地界若外地界
彼一和合此界唯界觀此地界無有
作者無有受者非無因緣無常無樂
無我無淨比丘如是觀察慧家則得
解脫一切非我亦無我所亦無所我
如是地界如實正知如實見已心得
離欲如是比丘則於慧家而得解脫
何者水界水界二種一內二外何者為
內所有水數皆水界相所謂爛相體
中津潤涕淚涎唾腦血脂汁凝脂髓膽
小便汗等如是身中有內水數覺分
所攝名內水界何者名為外水界耶
諸外水數濕潤所攝所謂不覺不覺
所攝以不覺故名外水界若外水界
若內水界彼一和合此界唯界觀此
水界一切非我亦非我所亦非所我
如是水界如實正知如實見已心得
離欲如是比丘住於慧家何者火界

火界二種一內二外何者為內身內所有種種分分若火火攝是內有覺所謂身煖而不燒燃所謂能消何者能消謂取飲食得味正樂迴轉消化如是身中內及內分若火火攝是內有覺名內火界何者名為外火界耶所有一切外火火數若煖煖攝不覺所攝以不覺故名外火界若內火界若外火界彼一和合此界唯界觀此火界一切非我亦非我所亦非所我如是火界如實正知如實見已心得離欲如是火界非有作者非有受者何者風界風界二種一內二外何者為內身中所有若內內分風數所攝若輕輕動覺分所攝彼復何者謂上行風若下行風若傍行風若產等風若如針刺如刀所斫邪分別風有旋轉風如是等風有八十種動如虫行如是等風如是八十於八十處分分行風如是身內分分處處風數所攝輕輕成熟有覺所攝名內風界何者名為外風界耶所有外風輕輕動數攝和合無覺名外風界若內風界若外風

界彼一和合此界唯界觀此風界一切非我亦非我所亦非所我如是風界無有作者無有受者如是如是如實正知如實見已心得離欲如是比丘證於慧家

何者名為虛空界耶虛空界者亦有二種一內二外何者為內謂此身中所有內分內分虛空虛空所攝有覺知處不普不遍色動轉處飲食衆味轉下消化開張之處又咽喉中耳中眼中鼻中虛空舌處虛空口內等空口中舌動行處虛空此等名為內虛空界何者名為外虛空界所有虛空覺處不攝不一切滿不一切遍所謂樹枝條葉間空一切窟中諸所有空山谷河澗如是等中所有虛空若外孔穴如是名為外虛空界若內色中攝虛空界若外色中攝虛空界彼一和合此界唯界觀此空界一切非我亦非我所亦非所我如是如是觀虛空界如實正知如實見已心得離欲如是觀已則不放逸此虛空界一切非我亦非我所亦非所我無有作者

無有受者如是知已心得離欲
何者識界謂十二入内外和合眼識
見物意識了別如是耳鼻舌身意識
如是識界意是根本皆意識知今時
世尊而說偈言

行法意在前意有力速疾先意動轉已
則能說能行抖擻諸惡業則能知退生
諦知業果報則得不死處能制一切根
樂利益衆生諸根調寂靜是安隱比丘
乘駕六根輦能煞欲心怨勇智行蘭若
能到寂靜處阿蘭若知足卧地心安隱
能抖擻惡法如風散重雲身業口業善
喜樂行善行諦見行恭敬能破壞魔軍
欲等不能縛心善而不貪多有慈悲意
出道住比丘境界是縛因若不愛色等
彼至勝寂靜到不苦惱處

又修行者內心思惟隨順正法觀察
法行如是思惟比丘觀察十八意行
成就初地諦知六界得第二地復念
何法得第三地彼見聞知或天眼見
如實諦知五受根故得第三地云何
諦知樂受欲生彼如實知如是次第
知苦受生知喜受生知憂受生知捨

受生有樂皆知知觸因緣而生樂受
知樂受已彼如實知我知樂受若彼
比丘知觸因緣而生樂受於樂受觸
不生貪樂知樂受觸生樂受已則樂
受滅彼樂受滅則如實知我樂受滅
彼如是念我苦受生因緣而生彼知
苦受如樂受生彼如是知如說樂受觸
緣生等此苦受中如是廣說云何比丘
知於喜受共觸因緣生於喜受云何比
丘知於憂受共觸因緣生於憂受若隨
順觀彼喜受已喜受則滅見其滅已離
喜受欲若我喜受初生則滅見其滅已
如實知受心得離欲如是憂受如是
廣說捨亦如是彼如是知得第三地
彼地夜叉知已歡喜次第上聞虛空
夜叉虛空夜叉聞四大王彼四大王
聞四天王彼四天王向憍尸迦帝釋
王說閻浮提中某國某村某聚落中
其善男子如是種姓如是名字剗除
鬚髮被服法衣正信出家得第三地
欲共魔戰滅損魔分長正法明彼既
聞已轉復歡喜彼憍尸迦帝釋天王

即乘大鳥其鳥名曰堙羅睺那從大神通第一天衆到炎摩天歡喜說言閻浮提中次第乃至其善男子廣說乃至得第三地欲共魔戰損滅魔分長正法朋彼炎摩天從帝釋王如是聞已轉復歡喜

又修行者內心思惟隨順正法觀察法行云何比丘得第三地次第更修得第四地彼見聞知或天眼見比丘欲得第四地者如是觀察以觸因緣我樂受生若彼樂因樂因緣滅寂靜失沒則無樂受以觸因緣我苦受生如是捨離苦觸苦受苦集苦等諸苦因緣彼如是知觸因緣受我受念念共觸而生因觸而生彼於樂受心不生喜不生喜樂不讚彼受亦不多作不生味著如是苦受不能逼迫不惱不乱如是行捨憶念正知如是三受自餘諸心皆悉無染一切捨離如是捨者清淨鮮白彼比丘如是心念我今此捨如是清淨如是鮮白我今云何得虛空處彼人如是怖望欲得虛空處行如彼處心我云何得我已證

捨究竟堅固我今此捨畢竟喜樂
常攝不離我以此捨取虛空處又我
此捨如是清淨如是鮮白用取識處
無所有處用取非想非非想處我怖
彼處如是正行彼人如是正行非想
非非想處作如是念我今此捨依於
彼處如彼處法今我得之我以此捨
喜樂彼處用取彼處正行非想非非
想處譬如世間善巧金師若其弟子
以生色金置於火中以筒吹之以手
執鉗並托並吹極令善調彼生色金
調柔真淨光色明好隨所須用一切
造作皆可讚嘆一切方土隨所至處
無說過者磨之無垢不雜不澀第一
柔軟所作皆妙光明淨勝映蔽餘寶
然此巧師若其弟子知彼真金善巧
能治知是真實如是知已隨所憶念
欲作何等令見之者皆生歡喜即以
作鈴若莊嚴身若不見處若眼見處
若作耳鐙用莊嚴耳若作瓔珞用莊
嚴咽若以莊嚴供養經論若作拍環
環有印文用莊嚴指若作金鷄若作
髻冠以莊嚴髻何處何處用以莊嚴

彼彼如是相應善成如有智善戒
比丘生如是心我今此捨如是清淨
如是鮮白如是正行取虛空處我則
相應我依此捨繫念彼處喜樂彼處
用取彼處我以此捨行虛空處如是
識處無所有處如是非想非非想處
如是憶念我今此捨去何得常不動
不壞不念念滅彼思惟已次復攀緣
四無色處彼捨非常非是無常非動
不動非常無常彼如是知彼虛空處
如是識處無所有處如是非想非非
想處緣於彼處非常無常則於彼處
心不喜樂知不寂靜無常動轉彼復
觀受知受欲生知受生已知受欲滅
知受滅已知眼觸生如是次第知可
觸生知鼻觸生知舌身意觸受之生
彼既如是證知受已復於此受更深
觀察眼觸生受欲生已生及此受住
我悉知之知我受滅欲滅已滅
又復知我耳觸生受我眼觸受已滅
已沒已歇已棄更不復來此受滅已
次第復觀耳觸生受緣苦緣樂不苦
不樂耳觸生受如是如是隨順觀察

如是知已則於可受不生喜樂知彼受已離欲解脫

耳觸生受如是滅已觀鼻生受知鼻生受鼻觸因緣我此受生樂緣生樂苦緣生苦不苦不樂因緣故生不苦不樂如是如是隨順觀察鼻觸生受如實正知受則滅沒知受滅沒彼既滅已知鼻緣生苦受樂受不苦不樂受我若後時鼻緣生受如是觀察亦如是生生已復滅

彼既滅已觀舌生受後時生受亦有三種如前所說次第乃至觀意生受亦有三種彼既如是如實知受得第四地勤發精進欲脫魔縛彼地夜又知已歡喜如是復向虛空夜又歡喜心說虛空夜又向四大王亦如是說彼四大王向四天王亦如是說彼四天王向帝釋王亦如是說彼帝釋王向炎摩天如是說言閻浮提中某國某村某聚落中某善男子如是種姓如是名字剝除驢騾被服法衣正信出家持戒精勤如是次第如實知受得第四地如我今者向天所說魔分損

減正法朋長彼炎摩天見帝釋王乘
彼白鳥埵羅膝那彼炎摩天如是見
已心生歡喜向帝釋王如是說言汝
今帝釋閻浮提人隨順法行能生愛
念是汝所應

又修行者內心思惟隨順正法觀察
法行去何彼比丘捨魔縛已觀察捨
受彼見聞知或天眼見彼比丘如是
諦觀察受眼識因緣生不善受彼受
欲起第二善緣不善受滅善受得生
彼記錄滅記受則滅無記受生如是
次第耳觸生受鼻觸生受舌觸生受
身觸生受意觸生受如是知受善法
滿足煩惱微薄彼如是修復細觀受
彼觀法受法受共障如燈光明日光
能障如是二受障亦如是善受既生
障不善受應如是知譬如燈明第二
燈明不能相障又思量受若以何受
共何等受畢竟相障彼見善受共不
善受畢竟相障譬如燈明星宿光明
二不相障

又彼比丘思量觀察何受何受何者
何者如是能壞彼如是觀無漏緣受

壞漏緣受譬如火光能障雪光又何者受何者受勝如是復起如是觀察彼不善受障於善受後時復起譬如晝日覆月光明彼月光明於夜闇中無能障覆又彼比丘正思量受多受和合一受能障勝彼多受觀彼多受是世間受彼一受者是出世間無漏心受此受為勝能障漏受譬如夜中衆多星宿一月光明能障衆星又彼比丘隨順觀察彼微細受何者多受謂眼耳鼻舌身所起此是漏受何者善發彼觀世間有漏受多復非無漏世間無力如夜闇中星宿光明於有月時不能善照又彼比丘觀察彼受我此受者幾許時住彼觀我受生滅相住譬如電光又彼比丘如是觀察此義云何眼受因緣生鼻受不被正觀察意根攀緣其受則壞一切根受譬如牛馬馳驢水牛各各壞相非一因緣如是如是五根所起無始以來喜樂攀緣非一境界壞相境界境界根壞譬如牛馬馳驢等彼比丘如是觀受得微細智

彼比丘能於彼智樂修多作觀樂受
已隨順觀受隨順觀盡如是憶念我
此受者眼耳鼻舌身意所起生從何
來滅何所至彼比丘隨順觀察見受
盡滅思惟道理如是觀已則知眼受
生無處來滅無所至我此眼受本無
今有已 有還無我此眼者無有來處
如海中水滅無所至如河下行到於
大海我此眼受本無今有已 有還無
因緣而生耳鼻舌身意受皆亦譬如
陶師若其弟子因輪泥團人功勢力緣
水緣杖而生於瓶如是瓶者非有處
來滅無所至而此瓶者因緣而生如
是如是因眼緣色緣明緣空緣於憶
念而生眼受所謂苦樂不苦不樂猶
如彼瓶若好因緣則生好瓶若惡因
緣則生惡瓶如是如是若緣善緣生
善眼受耳鼻舌身意等皆亦若合善
受次第順行則到涅槃若不善因緣
不善眼受生緣欲瞋癡於生死中墮
於地獄畜生餓鬼惡道境界彼比丘
一切所有善行善果隨順縛思觀察
彼受無所依止非有作者非有因起

非無因起亦非聚集非常非色非不
念念非顛倒法比丘如是見此受陰
則滅有愛共喜樂生垢惡之愛一切
生死皆見無常則於出道樂修多作
彼比丘如是修己一切結斷遠離諸
使何者為結所謂愛結障礙結無明
結見結生結慢結斷此諸結何者為
使謂欲染使及有染使見使障礙使
慢使無明使思羣結疑結妬結嫉結
疑使以此因緣三有流轉行於三地
輪轉三惡三時隨行於三品中隨三
受熏隨三生轉生死因緣

又修行者內心思惟隨順正法觀察
法行云何彼比丘覺知如是眼之因
緣彼如是觀眼者何因何緣而生彼
見聞知或天眼見業為眼因眼因業
生如是轉行譬如世間尼居陀子從
子出生尼居陀樹樹復生子子因緣繫
縛如是如是知因業生業復轉生若
生則有老死憂悲啼哭苦惱如是業
因愛羅所縛一切愚癡凡夫之人生
死海中如是輪轉以此因緣一切愛
想若不作業以無業故則無有愛以

無愛故則無有受彼因緣者譬如炷
爐油火因緣則有燈焰念念出生比
丘如是觀察受因諦觀業因業法業
力生一切受爐者喻身油者喻根炷
者喻受欲瞋癡火念念生焰喻念念
智明喻智慧彼修行者如是見知一
切三界皆有此受譬如金師若其弟
子得好真金則能造成妙莊嚴具如
是如是彼巧作師喻修行者彼真金
者喻善攀緣若善攀緣則有善業得
涅槃道不善攀緣得不善業亦時世
尊而說偈言

諦知因與緣決定微細義喜樂解脫流
愛所不能使衆生隨業流一切業中生
業果繫縛已 有中隘處行若離不善業
常喜樂善業 如是修行者如無垢月光
彼能燒惡業 如火焚乾草三界之光明
解脫諸惡法 若人怖解脫心不樂生死
生死不能縛 如鳥飛虛空諦知受所從
善知受果報 則得於解脫彼諦知三界
苦樂不能動 善惡不經心見世間如焰
彼修者普愛 意常不錯謬恒樂於法行
心樂比丘法 如是名比丘不樂數見親

樂見於善人 出家離舍垢 如是名比丘
寂靜於諸根 不貪著境界 行視一尋地
如是名比丘 不行他罵家 一向不販賣
不樂四出巷 如是名比丘 不樂觀歌舞
不樂饒人處 樂住於塚間 如是名比丘
唯取當日食 不取明日食 食二分便罷
如是名比丘 捨離妙好服 意樂塵土衣
食行俱相應 如是名比丘 若不作世業
不望世業果 不苦求所須 如是名比丘
解脫於欲瞋 捨離癡心泥 惡法不能汙
如是名比丘 已過一切結 捨離一切使
解脫一切縛 如是名比丘 遊八分聖道
趣向涅槃城 離惡意煩惱 如是名比丘
堅意寂靜根 捨離欲淤泥 常一意正住
如是名比丘 若已得地智 寂靜心諦見
知諸地善惡 如是名比丘 漏法無漏法
皆因緣而生 一切種種知 如是名比丘
正直修梵行 寂靜離懈怠 早起淨恭敬
如是名比丘 樂修於定慧 復樂於四禪
亦樂阿蘭若 如是名比丘 如鳥飛虛空
影則常相隨 若意順正法 如是名比丘
能然諸煩惱 平等善意觀 善知出入息
如是名比丘 若能次第知 諦見所修法

善知道非道如是名比丘得樂心不喜
遇苦則不憂憂喜心平等如是名比丘
若諦知老死天修羅禮敬知衆生善惡
如是名比丘衣鉢常知足不聚積財寶
少欲而梵行如是名比丘一食而離垢
不貪著諸味能捨於利養如是名比丘
行捨心悲心捨離妬嫉惡已燒一切過
如是名比丘

彼比丘內心思惟隨順正法如是觀
受既觀受已得微細智更深觀察眼
觸生受攀緣順行如是觀眼第二攀
緣相與共滅我眼觸受攀緣已滅聲
共攀緣我生受受若不愛受生心莫
共滅彼比丘以不愁繩繫縛彼心在
攀緣柱彼受滅已彼聲攀緣共耳受
滅鼻緣於香而生鼻受彼比丘復觀
鼻受如是思惟我鼻共香而生鼻受
若善不善若記無記我此鼻受心莫
共滅彼比丘若觀心壞如是攀緣數
數習行修取調心善法熏心無漏善
法尔時不動舌攀緣味此之攀緣若
善不善若記無記彼比丘證攀緣已
次觀察受若苦若樂不苦不樂如是

觀已思惟憶念我此心者為壞不壞
又復觀察彼味攀緣所生之受能破
壞心如如是觀已以不愁繩繫縛彼心
在攀緣柱如行修取心若如是舌受
味受所不能劫又彼比丘觀彼身觸
如是身觸共彼觸受縛攀緣柱若善
不善若記無記觀彼觸受若心動壞
復以縛於攀緣柱已而調伏之不復
破壞

又彼比丘次觀察意意縛法受若善
不善若記無記見受意壞彼比丘以
不愁繩繫縛彼心在攀緣柱而調伏
之則不破壞彼比丘觀六境界身入
受已諦知五受得不盡壞彼以智燈
觀眼觸受覺何者受彼觀意識緣生
此受意縛心取一切世間愚癡凡夫
以分別火而自燒然此無受者唯行
聚生唯行聚滅因緣所縛眼觸生受
隨順觀已隨順而行彼不能取心不
動轉不死不乱又彼比丘觀察耳受
何者耳受誰覺此受彼見意識隨順
繫縛如此耳受意共繫縛依止彼意
此無作者亦無受者因緣而生如是

耳受非有作者非有受者唯有行聚
因緣勢力若生若滅又彼比丘觀察鼻
受誰覺此受彼觀察受意識共縛攀
緣彼意依止彼意因彼因緣隨順而
生唯有行聚非有作者非有受者相
續轉縛觀鼻受已離於受者

又彼比丘次觀舌受誰覺舌受觀察
此受意識繫縛如是舌受依止彼意
彼縛攀緣彼因緣生非有作者非有
受者更無別物唯有行聚因緣力生
又彼比丘觀身觸受誰覺此受此何
誰受如是觀察意識繫縛如此身受
非有作者非有受者更無別物唯有
行聚因緣力轉

又彼比丘觀察意受誰覺意受觀察
意受意緣於法而生意識三和合觸
觸共受生辟如種種無量香物眾多
和合則生善香此善香生非是一因
此亦如是因緣和合生一切受非有
作者非有受者辟如莖葉鬚髯等緣
蓮華名生彼非一因如是依眼緣色
緣空緣念緣明生眼觸受依眼而生
如是受者不從一生非一物生非一

合生非一相生非聚集生非應化生
彼比丘如是如是諦求此受如是如
是生白淨法如甘蔗汁器中火煎彼
初離垢名頗屋多次第二煎則漸微
重名曰巨呂更第三煎其色則白名
白石蜜此甘蔗汁如是如是煎復更
煎離垢漸重乃至色白比丘如是緣
器智火以煎相續心甘蔗汁初始禪
觀如頗尼多次復第二則如巨呂次
復第三如白石蜜如是比丘心相續
法以智火煎則成無漏鮮白之法離
垢不雜出世法生出於生死鮮白離
垢猶如洗衣

又彼比丘更以異法微細觀受眼觸
生受有處有細垢重不輕與癡相隨
其衆生受彼某甲受勝故能壞餘殘
少在彼不依止如是耳受鼻受舌受
身受意受彼比丘如是修已受觀成
就魔軍欲壞彼地夜又轉復歡喜如
是上聞虛空夜又彼地夜又虛空夜
又聞四大王彼地夜又虛空夜又彼
四大王聞四天王彼地夜又虛空夜
又及四大王并四天王向帝釋說時

帝釋王即樂白爲煙羅睺那向炎
摩天歡喜心說具足如前彼炎摩天
聞帝釋說心生歡喜以種種色天寶
妙鬘莊嚴之具香莊嚴身乘種種乘
可愛聲觸味色香等種種可愛不可
說樂心大歡喜炎摩天衆向梵率天
四万由旬七寶殿舍勝妙光明種種
宮室意分別城一万由旬名無漏樂
菩薩坊巷弥勒世尊住在彼處有諸
菩薩五百人俱彼炎摩天到世尊所
心大歡喜正天衣服在於一肩右膝
著地合掌禮已合掌於額而作是言
天今當知閻浮提中業地之慶依閻
浮提某國某村某聚落中某善男子
如是種姓如是名字剃除鬚髮被服
法衣正信出家持戒修行恭敬尊長
獲得第四求無漏善諦見受地破壞
魔衆堅牢善作正法橋梁開顯白法
令彼魔分無有威力天朋增長有大
勢力如我今者向天所說弥勒世尊
如是聞已向炎摩天如是說言天朋
有力魔分劣弱正法朋長煩惱縛緩

正法念處經卷第三 第二十四張定
魔軍戰動我聞歡喜

正法念處經卷第三

癸卯歲高麗國分司太歲都監奉
勅彫造

正法念處經卷第四

定

生死品之二

元魏婆羅門瞿曇般若流支譯

又修行者內心思惟隨順正法觀察
法行彼比丘受陰地分略如六天之
所知見又復云何得第五地又彼比
丘已諦見受彼六天衆既作業已觀
想陰相分別思量何者地中我共彼
想行於白法正思惟已一分中行觀
察彼想行白法相初如是法分分善
知云何緣於有見有對生不可見無
對之想彼比丘更廣觀想彼想攀緣
十一種色所謂長短方圓三角團及
青黃赤白紫等

依彼長相則起長想如是世間愚癡
少智無邊生死業果退生愛離寒熱
飢渴之患為他作使若奴僕等迭互
相食如是和集虛妄不實一切所有
不饒益事如是無量不可堪忍無量
百千億那由他一切所作身口意起
作苦惱業以為莊嚴虛妄誑詐愚癡
凡夫恒常如是人中則有農作等苦

迭相欺誑斗秤不平言訟譟鬪治生
求利參承王等入海遠行種種鬪諍
田作放牧生夷人中喜生邪見報不
具足離聞正法生無佛處無善因緣
雖得無難心常喜樂飲酒淫盜貪欲
瞋恚妄語兩舌惡口綺語如是之人
是長生死緣彼長相則起長想
又復天中長生死相緣彼相想如是
天中不得境界喜樂境界聲味色香
貪欲瞋癡種種放逸習近婦女歡喜
園中種雜莊嚴寶間宮殿樹林水池
有妙蓮花遊戲快樂天諸花香種種
味食舞食遊行貪著喜樂天旃檀末
若散若塗曼陀羅花天歌音聲心生
意樂離於正法是長生死若生天中
有如是事緣彼長相則生長想
又復餓鬼長生死相緣彼相想惡業
行故飢渴乏瘦雨火墮身咽則如針
骨狀山巖如空破瓮以妬嫉故以刀
劍等迭相斫割在黑闇處墮墜嶮岸
疾走往趣河渠陂池間魔羅人手執
刀杖若利鏃等斫打斲之受大苦惱
食人唾吐是等惡食無量百千不可

堪忍受種種苦眼中淚出頭踉蹌亂
覆身蓋面有百千虫周遍其體擔負
惡身饒一切病長行生死常有鐵鳥
爪嘴火燃攫啄其眼口如燒樹迭牙
相食於三十六百千億數介許由旬
曠野中行無主無導飢渴所逼其身
火然入黑闇處如是餓鬼邪見所誑
離聞正法是長生死緣彼相想又復
畜生迭互相食非理婬欲不知所應
若生水中水中而行心燥常飢常畏
他取龜龜慳獸及水獺等魚則堤弥
堤弥亘羅有名鳧魚金毗羅魚郝迦
羅魚名太口魚給畫等虫常一切時
大者食小常畏網等遮障而取又陸
地行犍底水牛猪爲牛馬驢及犂牛
麋熊羆等種種苦縛刀刃所斲有病
老死迭相惱害百千苦惱如空中行
鳥鳥獾狐鵝及孔雀鸚鵡雞雉鳩鴿
水鴈青鳥護澤百舌鸛雀命命他養
是等諸鳥如是無量復有異鳥然縛
飢渴迭相食敗寒熱苦惱之所逼切
如是畜生水陸空行三處皆畏是長
生死緣彼相想如活地獄黑繩地獄

合地獄叫喚地獄大叫喚地獄焦熱地獄大焦熱地獄阿鼻地獄第一苦惱不可思議無量百千畏火刀等墮諸惡池身分血洋入刀葉林入大火中墮在灰河行火燃地受火燒苦堅鞞相似無量種惡苦惱所逼不可忍耐如是地獄是長生死緣彼相想彼比丘慧聚觀察彼見有對緣彼長色業果因緣緣於四諦觀察衆生種種諸行百千由旬如是道行分分思量觀察因緣厭離生死

又修行者內心思惟隨順正法觀察法行云何彼比丘分分思量觀彼短相彼見聞知或天眼見彼比丘欲動魔軍云何分分思量觀察短生死相受戒頭陀精勤布施持戒智行恭敬尊長直心歡喜如是正見敬重父母見佛聞法恭敬供養不諂曲行不慢不誑近善知識守信正行直心起業嚴身口意如是之人生死則短緣彼相想若生天中則有放逸歡喜園中間錯寶輦種種樹林水池蓮花有好栴檀勝妙瓔珞莊嚴端正有劫波樹

河流泉林遊食快樂捨如是樂受持
禁戒飲食遊行如是種種禪思讀誦
樂見善人教他讀誦捨施調順正行
梵行寂靜諸根少語樂法如法飲食
若天如是生死則短今時世尊而說
偈言

種種諸苦惱飢渴口焦乾火炎燒其身
如被燒枯樹彼苦不可數若一念靜想
暫依佛法僧彼人生死短
比丘如是緣於相想

常怖畏撻打若雨及寒熱迭互相食散
如是等衆苦彼苦不可數若一念靜心
暫依佛法僧畜生生死短
比丘如是緣於相想

在活黑繩合叫喚大叫喚阿鼻等地獄
種種極苦逼彼苦不可數能於一念中
寂靜心取戒地獄生死短

比丘如是緣於相想彼比丘如是思
惟生死短相何者四楞彼正觀察靜
單越人於一切物無我所心決定上行
彼人如是四楞生死比丘如是緣於
相想

何者是圓地獄畜生餓鬼等中無智

輪轉非自心行是圓生死比丘如是緣於相想

何者三角若人行善不善無記種種雜業地獄天人諸處雜生彼不善業生地獄中善業天中雜業人中若行三業於三處生如是名為三角生死比丘如是緣於相想

何者是圓四大天王三十三天夜摩化樂他化自在業相似生於天中退復生天中於人中退復生人中非難處地是團生死比丘如是緣於相想何者是青不善業攝地獄之人入閻地獄是青生死比丘如是緣於相想何者是黃黃色業攝生餓鬼中乎相加惡造共破壞如是餓鬼是黃生死比丘如是緣於相想

何者是赤赤業所攝生畜生中迭相食血於血生愛是赤生死比丘如是緣於相想

何者是白白白色業攝生於天中彼人白業善道寶價買天人生天欲退時餘天語言汝善道去人世界中人中欲死親友知識妻子啼哭淚出覆面而

作是言甚可愛愍今捨我去當好處
生生於人中如是天人是白生死比
丘如是緣於相想

彼比丘如是思惟既得人身若不行
善修施戒智彼人自誑流轉地獄畜
生餓鬼曠野中行如是愚癡凡夫之
人具足聚集如是業道彼比丘諦觀
察受觀察想陰攀緣而行諦見諦求
因眼緣色而生眼識三和合觸修多
作想歷別觀察見色好惡若近若遠
若長若短若方若圓若白三角是色
形相歷別觀察彼諸相想觀想因緣
觀陰界入因緣相想歷別觀察若惡
業報分分正證因相應緣覺因相應
然後捨離若有利益若不利益各各
異相知過去想我於此業已得善報
已得惡報如前所說如是知想若有
想者猶須憶念彼憶念者緣彼想生
如燈光明因燈緣燈因緣於燈故有
光明如是如是因想緣想以想勢力
故有憶念彼比丘得第五地比丘如
是知想觸已於彼天樂不生貪樂於
地獄苦不生怖畏彼平等見想如真金

彼想比丘破如是想異法觀想解脫
彼想復觀餘人虛妄不實我今觀
察何因何緣何因緣想彼觀察想因
緣和合生如是想若因緣滅彼想則
滅如彼月珠譬如月珠緣月緣珠則
清水生想亦如是因緣而生如是想
者非無因緣非有作者非有受者非
自然生比丘如是諦觀想陰彼既如
是諦觀想已諦知生滅復微細觀如
河激流想亦如是善想生已餘因緣
力轉為不善不善想生餘因緣力轉
為善想彼心猿猴初始破壞無記為
記彼觀樂想不生貪樂無漏樂中生
於樂想樂中苦想如是知樂云何而
見善陰界入若生若滅不喜樂受不
樂想滅不取想滅然後行生非住非
滅心不怖望識生住滅比丘如是諦
知此陰是故不住魔之境界貪欲瞋
癡所不能縛無有常樂淨我等見無
明不能於生死中以色聲香味觸愛
羂之所繫縛不失憶念彼憶念生能
盡諸漏能到涅槃今時世尊而說偈言
若何等比丘親近懈怠人不常勤精進

如是非比丘若不樂牀敷佛說是比丘
若意樂懈怠彼不應善法煩惱根唯一
所謂懈怠是若有一懈怠彼人不得法
非唯有法服而得名比丘
若無讀誦心無禪無漏盡唯有比丘形
如是非比丘但意林中遊不樂道境界
貪意樂酒色如是非比丘若能絕魔縛
復能斷惡業佛說彼比丘不妄食僧食
寧食地毒菌及以洋銅等終不破禁戒
而食僧飲食如是則不應食所不應食
若食煩惱者則是地獄人若人捨煩惱
如地窟中出彼比丘應食非樂見婦女
以自身為質而心意樂惡此人汙僧寶
云何是比丘若貪愛利養喜樂於境界
无婦女生染非道非俗人若能燒煩惱
如火焚樹林名善婆羅門不貪著飲食
常樂行聚落喜數數洗浴愚癡誑自他
悉沒於道法靜心空閑處常行禪不捨
得名婆羅門入善道境界好處阿蘭若
非其人不住離欲人能止悲喜樂欲者
若喜多言語愛樂於境界不向涅槃城
不生不死處近王極美食常飲酒喜腹
唯名字比丘妄語誑檀越若詐設方便

數到王門所裏惱他俗人損敗空閑者
若人捨妻子而依寂靜林猶有係戀意
如吐已還食

彼比丘此過寂靜諦觀諸陰如實諦
見勤修解脫諮問尊長若道非道諦
知見故八分聖道求解脫城常勤行
道平等正見心無垢染其心寂靜於
所行道樂修多作彼比丘如是善法
無漏業道和合修行減損魔衆長正
法朋彼地夜又如是指已轉復上聞
虛空夜又虛空夜又次第復向四大
王說彼四大王乃至炎摩竭率陀天
彌勒世尊如前所說兜率陀處有一
菩薩極大歡喜向化應天如是說言
閻浮提中某善男子剎除鬚髮被服
法衣如前所說彼化應天轉復歡喜
如前所說又修行者內心思惟隨順
正法觀察法行云何彼比丘得第五
地彼見聞知或天眼見觀十色入十
者所謂眼入色入耳入聲入鼻入香
入舌入味入身入觸入云何觀察此
十色入眼入因緣色入因緣我此想
生彼如是觀以眼因緣色因緣故而

生眼識三和合觸觸共受想思等俱
生彼比丘若受知受若思知思若想
知想如此色長如此色短此色可愛
此不可愛此色可見此不可見此色
有對此色無對如是乃至此意名色
有十一種如是分別三和合觸觸共
受想思等俱生知彼眼觸生受想思
彼義云何覺知名受受知時節是名
想義是名意轉此等法生有異異相
有異異體異義則如十大地法如是
異相是思異相念慧解脫受想思觸
欲進三昧此一攀緣有異異相如是
受想如是想相有異非一譬如日光
一緣異體如是如是異自體受異自
體思諦知眼觸生受想思彼正觀察
眼如是空無物不堅比丘如是實見
彼眼諦知於道遠離邪見正見現前
彼捨如是共癡濁行不淨眼想不真
實想諦觀此眼唯是實搏脂膿血淚
不淨物合如是知已則能斷欲彼於
此眼知無常已則見無常彼知此眼
唯有肉搏在骨匡已心得離欲復知
此眼筋纏縛已知此眼入自他迭互

各不相應此物不堅一切無我

以要言之如是眼者唯是苦物既觀
知已離眼入欲既觀眼入如是知已
次復觀色如是色者有愛不愛是無
記法不實分別此有何堅何淨何常
何我何樂如是觀色思惟知已知一
切色皆悉無堅唯有分別此色如是
有愛不愛此愛不愛體不可得此唯
世間若愛若憎分別攝取若愛若憎
如是憶念又彼此互既如是觀眼色
入已觀耳聲入彼觀察聲云何而生
根塵相對而生此聲彼如是觀以耳
因緣念因緣故而生耳識三和合觸觸
共受想思等俱生知觸共彼受想思
生若以知觸共思而生覺知思想所
謂長相遠等因緣得聞其聲厚微細
業若愛不愛彼比丘知如是聲思知
想知分分思量以意識知思知受知
憶念思量彼耳聲入思量簡擇然後
覺知如是聲者非有自體無愛不愛
唯有分別此聲如有愛不愛如是
聲者非有自體非常非物破壞不堅
無樂無我亦無我所唯貪瞋癡愛不

愛聲如是正觀聲耳入已若聞聲時

則不迷惑不生喜樂不取不著不謂

有堅如是觀察耳聲入已不樂耳識

離耳識欲耳識非我我非耳識觸受

想思皆亦如是又彼比丘觀鼻香入

以鼻因緣以香因緣念因緣故而生

鼻識若近若遠若愛不愛若香若臭

風和合來因風而聞鼻為內入香為

外入三和合觸觸共受想想等俱生

知彼相已如是觀察鼻香入相知內

觸相則知觸相思相平等於如是法

一相攀緣異因緣用異者所謂有異

異相有異異體異相則如十大地法

如前所說此一切法如是異相非是

一相一因緣作彼比丘如是諦知彼

鼻香入如是諦求此如是物有何物

堅有何物常何物不壞此入無常苦

空無我彼人如是知鼻香入一切非

我非是我所如是正知唯有分別此

鼻香入如是唯縛愚癡凡夫非黠慧

者比丘如是一種觀察

又彼比丘觀舌味入彼念等緣而生

舌識三和合觸觸共受想想等俱生

彼隨順覺名為受相知是想相對是觸相想是思相想緣於相彼如是法各各自相復平等相異因緣生如是一切共成一事譬如因筒因鉗因縛因木因瓦金師因緣作一指環若作手釧如是法者非一相成此舌味入亦復如是又彼比丘諦觀舌入及以味入如是觀已彼舌味入無有少法常樂我淨一切種種深細思惟不得一法如是如是一相相應彼於舌入味入離染一切衆生沉沒此海意樂味海迭相障礙是故復於人天地獄畜生餓鬼五道大海如是繫縛比丘如是於舌味入雖欲解脫舌入非我我非舌入非常非物亦非不動非不破壞非舌味入比丘如是得離染欲又彼比丘觀身觸入身觸因緣而身識三和合觸觸共受想思等俱生如前所說眼根入等以身觸入應如是知

又修行者內心思惟隨順正法觀察法行云何比丘如是觀察十色入已觀察法入彼見聞知或天眼見彼法

入中攝三種法謂數緣滅非數緣滅
及以虛空所有無法皆法入攝如是
觀已彼虛空者亦是法入數緣滅者
此法名智無量種種證已順行數緣
作已證斷煩惱令彼煩惱盡滅失壞
一切無漏非數緣者彼非數緣名智
非受非知非覺又亦非疑餘人之識
有百千生一切皆失眼耳鼻舌身意
等識彼已破壞不復更生如是名為
非數緣滅此非數緣第三虛空知此
三法不生是常非三世攝此非今生
亦非已生又非當生又彼比丘法入
二種各各分別謂色無色所言色者
謂十色入云何眼識非見非對見對
見色如是耳識非見非對云何取聲
如是鼻識非見非對云何取香如是
舌識非見非對云何取味如是身識
非見非對云何取觸云何如是彼外
五入此內五入非見非對與彼見對
云何相得彼比丘如是觀察眼識生
時二種攀緣乃至意識皆有一種如
是識生如印印物彼不似印印軟物
堅則不能印印堅物軟印則文生如

是如是識非見對緣取見對一切法
中第三印生不相似物不相似生如
是諸法不相似物不相似生是初居
致第二居致二法相似還相似生所
謂白縷生成白衣第三居致二不相
應不相應生如燈火生木之與火不
相應見第四居致見從稀物而生稠
物如乳生酪乳稀酪稠彼法如是則
不相應如是如是不相似法謂眼識等
異因異緣眼識等生今時世尊而說
偈言

若樂覺知法在林而行禪正覺知諦相
則得無上處常樂行慈心勤於法境界
諦知於身相則名真比丘若人正觀察
欲患不能壞彼得言比丘異此非比丘
愍一切衆生捨一切貪戀解脫一切縛
則名真比丘若人調御心境界不能壞
無垢如真金名知足比丘若人愛不愛
不垢汙心意當知彼行善捨離一切過
威儀不可嫌法行調諸根勇猛清淨意
如是名比丘若人常喜樂知諸論中義
不貪著飲食名寂意比丘林行阿蘭若
塚間草為敷若以此為樂如是名比丘

諦知罪業過善達諸業果深識因與緣
是離惡比丘破生死曠野壞惡調諸根
復能善知友名寂意比丘於譽心不喜
毀訾心不憂如大海之深是修行比丘
堅意隱他惡不食軟滑語時語善恭敬
名寂靜比丘知欲界業因亦知色界因
無色亦諦知是知論比丘不喜世俗語
常樂斷諸過於境界如壽佛說是比丘
若人欲如泥意常如是行默慧開心意
解脫生死縛若人禪誦業遠離於懈怠
利益諸衆生名蘭若比丘若能答問難
辯才調諸根當知是法師不介如草等
若身行意行一切不疲倦僧所有事業
一切皆能作而不求財物不為富樂名
唯利益僧意解脫一切縛持戒不怖天
亦不求名利持戒為涅槃是寂靜比丘
常捨離衆惡但樂行善行不近惡知識
是佛法比丘常以慈修心恭敬質直意
寧句不諛者去涅槃不遠常畏老病死
不怖樂世間修禪不放逸去涅槃不遠
若人以無常自他空無我修禪上上智
去涅槃不遠

又修行者內心思惟隨順正法觀察

法行云何彼比丘得五地已得第六地
彼見聞知或天眼見彼比丘解四居
致此法云何有相似因得相似果不
相似因不相似果因不相似果不相
似有半相似半不相似云何名為有
相似因得相似果譬如稻因還生於
稻如是如是內相似者善業相似如
是得果謂天人中是初居致云何名
為不相似因不相似果譬如甜乳而
生酢酪不可愛樂如是如是內不相
似謂於此世受染聲觸味色香等而
得地獄不可愛果不可樂果猶如酢
酪第二居致云何名為因不相似果
不相似譬如青等合生異色色不相
似如是如是內不相似謂業果報皆
不相似非其業果所謂邪見外道齋
法煞羊怖天而墮地獄第三居致云
何名為有半相似半不相似譬如白
縷以成白衣縷細衣麤是不相似如
是如是內半相似半不相似細不善
業得大地獄不善麤報第四居致
又彼比丘思惟觀已不取業果更復
思惟觀異業果於有中行猶如輪轉

有四居致有業未到衆人共作而能
逼惱此初居致有業已到方能逼惱
第二居致有業若到若其未到皆能
逼惱第三居致有業非到亦非未到
第四居致有業未到衆人共作能逼
惱者如世間法星雖未到國土得殃
若出世間眼識未到業海能逼所謂
欲心憂悲等逼此初居致有業已到
方能逼者如世間法火到乃燒刀至
方割若出世間不善業到地獄畜生
餓鬼逼惱第二居致有業若到若其
未到能逼惱者如世間法呪毒勢力
若到未到悉能逼惱若出世間人欲
死時有怖望相未到地獄第三居致
有業非到非未到者譬如世間種種
藥子非到生力非未到生若出世間
亦復如是羅漢比丘決定受業量如
須弥彼阿羅漢若入涅槃若未涅槃
此業不能逼阿羅漢第四居致
有業現受而非生受此初居致有業
生受而非現受第二居致有業生受
亦現世受第三居致有非現受亦非
生受第四居致何業現受而非生受

若世間者如犯王法王法與罰此業
現受而非生受出世間者修行布施
善人所讚此業現受非他世受此初
居致何業生受而非現受若世間者
入火得火出世間者此世行善若行
不善異世得果此可現見第二居致
何業生受亦現世受若世間者所謂
現受生世亦受出世間者亦復如是
第三居致何業非現亦非生受若世
間者如不語戒不語布施出世間者
謂無記業非現世受非生世受第四
居致

彼比丘如是一廂處坐如是觀察無
量種枝業果報羅網遍滿地獄餓鬼
畜生人天之中如是見已隨順法行
又修行者內心思惟隨順正法觀察
法行云何比丘知業果報謂知此業
知此業果知善不善知此衆生成就
身惡行成就口惡行成就意惡行毀
謗賢聖邪見所攝彼人以是業因緣
故身壞命終或墮地獄或墮畜生或
墮餓鬼若有衆生成就身善行成就
口善行成就意善行讚歎賢聖正

見所攝彼人以是業因緣故身壞命終則生善道天世界中彼比丘如是觀察自業報法彼比丘如是觀已魔界衆生不與共行終到正勝如是法行修默離行勤行善道終盡生死攝取他人今度生死如自度已及諸檀越彼比丘知業報法觀察地獄餓鬼畜生人天諸趣業報法數譬如清淨毗琉璃珠為莊嚴故以繩穿之隨彼繩色若青若黃赤白紫等如彼色見如是業珠報繩穿之彼比丘於是業中皆見聞知或天眼見清淨明了又彼比丘若見若聞知業報法猶如彼珠譬如有珠其色極白普清無瑕清淨任穿已善修治普門殊勝一切世人之所讚歎任王王等所應畜用如是功德相應淨珠唯王王等知此功德清淨珠價取此珠已著莊嚴上如是如是彼比丘十善業道淨分寶珠普白善淨離過無瑕清淨任穿對治法分有大勢力是答難法乃是法師法鑽所穿善巧修治如是如是願施戒智如是如是修治十善業道珠已

隨願所取轉輪聖王若取天王若取魔王若取梵王修無漏禪三昧自在如是如是彼正法珠善修治已名為普門此普門者謂天人門彼正法珠名為普門世間城中既得出已入涅槃門一切世人所讚歎者謂正見人學人所讚任王王等所應用者入正法道心王所應若人信彼毗琉璃珠一切功德皆悉具足如是寶珠與正法珠相似相對

又彼比丘觀業報法猶如彼珠譬如有珠其珠有瑕不普清淨非一切門而不鮮白不任鑽穿不任修治一切人見則不讚歎非王王等所應畜用如是如是彼外道法是相似法如有瑕珠所言瑕者謂身見瑕戒取疑瑕非一切門唯是地獄餓鬼畜生三趣之門非是好法又亦不與無漏相應不任鑽穿非答難法非是法師法鑽所穿非王王等所應畜用八富伽羅正法道行是心之王彼外道珠非其所應如是等法相似相對非法瑕珠若繫人咽如是之人彼相似珠用繫

咽已在於地獄餓鬼畜生無始以來
生死流轉彼比丘如是觀察殊相似
珠譬如世間有琉璃珠似毗琉璃有
人見之謂毗琉璃愚癡凡夫亦復如
是彼比丘如是諦知法非法已得第
七地彼地夜又見彼比丘清淨持戒
得第七地轉復歡喜如是傳聞虛空
夜又虛空夜又聞四大王彼四大王
聞四天王彼四天王如是傳聞三十三
天三十三天如是復白帝釋王說彼
帝釋王次第復向炎摩天說彼炎摩
天展轉復聞兜率陀天兜率陀天如
是具白弥勒世尊弥勒世尊告化應
天彼化應天復向他化自在天說作
如是言閻浮提中其善男子如是次
第如前所說

又修行者內心思惟隨順正法觀察
法行云何比丘觀業報法第十一者
名為無作是色所攝一切法中與色
相應若人受戒一發戒已若睡若悶
失心癡狂如是善法相續轉行譬如
河流流常不斷如是之人若睡若悶
失心癡狂如是無作常流不斷無作

正法念處經卷第四 第五 羅定

名色不可見對彼復云何色業所攝
此無作色乃是一切善法之柱此如
是等十一種色

正法念處經卷第四

癸卯歲高麗國分司大藏都監奉
勅彫造

正法念處經卷第五

定

生死品之三

元魏三藏門聖曇般若流支譯

又彼此丘如是觀察云何衆生有種種色種種形相有種種道種種依止種種又彼觀察有種種心種種依止種種信解有種種業此如是等種種諸色種種形相種種諸道種種依止譬如點慧善巧畫師若其弟子觀察善平堅滑好地得此地已種種彩色種種雜雜若好若醜隨心所作如彼形相心業畫師若其弟子亦復如是善平堅滑業果報地生死地界隨其解作種種形相種種諸道種種依止心業畫師業作衆生

又諸彩色取白作白取赤作赤取黃作黃若取鵠色則為鵠色取黑作黑心業畫師亦復如是緣白取白於天人中則成白色何義名白欲等漏垢所不染汙故名白色又復如是心業畫師取赤彩色於天人中能作赤色何義名赤所謂愛聲味觸香色畫觀

察衣又復如是心業畫師取黃彩色於畜生道能作黃色何義名黃彼此迭乎飲血噉肉貪欲瞋癡更相煞害故名黃色

又復如是心業畫師取鵠彩色攀緣觀察於餓鬼道作垢鵠色何義名鵠彼身猶如火燒林樹飢渴所惱種種苦逼心業畫師嫉心所秉癡闇所覆又復如是心業畫師取黑彩色於地獄中畫作黑色何義名黑以黑業故生地獄中有黑鐵壁被燃被縛得黑色身作種種病飢渴苦身無量苦逼皆是自業非他所作

又彼比丘觀察如是三界五道五種彩色生死盡衣於三地住謂欲界地色無色地心業畫師習近婬欲攀緣欲界種種色盡緣色依止有二十種離欲四禪以為畫筆依十六地是所盡處畫作色界離緣色界三摩跋提緣無色界盡為四處心業畫師廣畫如是三界大本

又彼比丘觀察如是心業畫師更復異法畫作衆生心如畫師身如彩器

貪欲瞋癡以為堅牢攀緣之心猶如
梯蹬根如畫筆外諸境界聲觸味色
及諸香等如種種彩生死如地智如
光明勤發精進如手相似衆生如畫
神通如彼無量形服有無量種業果
報生如畫成就

又彼比丘依禪觀察心業畫師有異
種法如彼畫師不生疲倦善治彩色
各各明淨善識好筆畫作好色心業
畫師亦復如是不生疲倦若修禪定
善治憚彩攀緣明淨如彩光明修道
之師如善好筆知禪上下如善識知
有取有捨如不疲倦如是禪定心業
畫師畫彼憚地如彼好色又彼如是
心業畫師若有疲倦則畫不善地獄
餓鬼畜生道處同業因緣鐵杵為筆
不善彩色畫非器人所謂地獄餓鬼
畜生如是等色非好色畫廣說如前
又彼比丘次復觀察心之狻猴如見狻
猴如彼狻猴躁擾不停種種樹枝花
菓林等山谷巖窟迴曲之處行不障
碍心之狻猴亦復如是五道差別如
種種林地獄畜生餓鬼諸道猶如彼

樹衆生無量如種種枝愛如花葉分別愛聲諸香味等以為衆果行三界山身則如蜜行不障碍是心猿猴此心猿猴常行地獄餓鬼畜生生死之地又彼比丘依禪觀察心之伎兒如見伎兒如彼伎兒取諸樂器於戲場地作種種戲心之伎兒亦復如是種種業化以為衣服戲場地者謂五道地種種裝飾種種因緣種種樂器謂自境界伎兒戲者生死戲也心為伎兒種種戲者無始無終長生死也

又彼比丘依禪觀察心弥泥魚如見弥泥如弥泥魚在於河中若諸河水急速乱波深而流疾難可得行能漂無量種種樹木勢力暴疾不可遮障山澗河水迅速急惡彼弥泥魚能入能出能行能住心之弥泥亦復如是於欲界河急疾波乱能出能入能行能住地獄有河其河名曰鞞多羅泥彼河極深濤波湧迅無時暫停甚可怖畏急疾乱流善不善業以為流水難可得行一切世間愚癡凡夫所不能渡此五道河無量劫中常漂衆生

境界疾流迅速不斷勢力暴惡不可
遮障無常相續力勢所牽不可約截
愛河急惡心弥泥魚能行此河若入
若出出者天人入者地獄餓鬼畜生
心弥泥魚在愛河中如是入出
又修行者內心思惟隨順正法觀察
法行去何彼比丘修禪念住知業報
法觀察一切衆生之心常自在行為
心所使為心所縛如是觀察彼見聞
知或天眼見一切衆生心業自在依
心業行為心所使

又復觀察去何衆生縛在生死無始
無終無量轉行彼見聞知或天眼見
以心染故衆生繫縛以心淨故衆生
解脫如是心者無量種種攀緣壞相
自體壞相同業壞相心有五種謂五
道中自在乘執與結使心和合相應
常在生死離第一依謂虛空等三無
為法五根壞相有五種心無量無邊
愛心依止種種壞相以要言之此是
染分云何方便得離染分三煩惱根
有三對治過去未來一切諸佛正遍
知說如是正道欲以不淨瞋以慈心

癡以因緣

彼於身中如是觀欲如是比丘緣身行已分分觀身從足爪等乃至於頭分分觀察此處身分何者是我何者我所自身分中如是足爪離身觀察爪非是身足指非身何者是身何者是我何者我所足掌非身何處起心謂是我所此內踝者非是我身此足跟者亦非我身踰非我身膝非我身圓非我身陰非我身此髑髏者亦非我身糞門之處亦非我身如是皆處四十五骨皆非我身頭非我身面中之骨亦非我身頭中之骨亦非我身彼比丘如是觀察於分分中不見有身一一分分皆不見身又復不見如是分分復觀眼耳鼻舌身意皆不見身又復觀察我中無我彼如是等唯是微塵如是分分觀察彼身猶如芥子乃至微塵又復分分觀察諸大何者是我何者地界如是次第何者是我何者水界何者是我何者火界何者是我何者風界彼如是觀界非是我我非是界非別有我非別有界

非異界我別更有物如是皆以第一
義諦譬如無量多樹和合則見於林
樹非是林異樹無林是第一義譬樹
之外無別名林又復觀樹離彼根莖
枝葉等外別更無樹第一義諦無如
是樹依世諦故有林有樹身亦如是
足等和合唯有名字依世諦故得言
有身彼比丘知身法已離於身欲離
身分欲得離一切根受界欲既離欲
已彼喜欲愛不能繫縛如是勤觀欲
心對治

又彼比丘云何勤觀瞋心對治彼住
慈心常勤觀察惡行衆生所謂五道
生死退生常有怖畏如死無異比丘
觀之如母悲子彼諸衆生如是苦惱
云何可瞋我若瞋之則是瘡上復更
與瘡如是衆生本性苦惱不應瞋之
瞋是第二取大煩惱如是勤觀瞋心
對治

又彼比丘云何次第勤觀第三取大
煩惱癡覆衆生身不善行口不善行
意不善行身壞命終墮於惡道生地
獄中彼若離癡修行正見身行善行

口行善行意行善行誦知善法及不善法如是誦知法非法心則滅第三
軍大煩惱如是勤觀癡心對治
又彼比丘如是勤觀三種煩惱三種
對治彼三種滅已一切煩惱結使皆
滅如斷樹根皮莖枝葉花菓緣等一
切悉乾如是能斷此三煩惱一切煩
惱皆悉斷滅

又修行者內心思惟隨順正法觀察
法行云何彼比丘第七地中修第八
地得第八地彼見聞知或天眼見彼
比丘軍初如是如實觀眼云何世間
愚癡凡夫眼見色已或貪或瞋或生
於癡彼諸凡夫若見知識若見婦女
心則生貪若復異見則生於瞋見他
具足貪瞋所覆以眼於色不如實見
癡蔽於心愚癡凡夫唯有分別眼見
於色若貪若瞋若癡所覆愛誑之人
自意分別此我我所如是染著譬如
狗咬離肉之骨涎汁和合望得其髓
如是貪狗齒間血出得其味已謂
是骨汁不知自血有如是味以貪味
故不覺次第自食其舌復貪其味以

貪覆故謂骨汁味愚癡凡夫亦復如是虛妄分別眼識見色貪著喜樂思量分別以色枯骨著眼口中境界如齒如是齧之添意如涎愛血流出貪受血味謂色為美於色得味猶如彼狗凡夫愚癡眼識見彼如骨之色虛妄分別如狗齧骨如是觀察眼見於色猶如枯骨如是一切愚癡凡夫虛妄分別之所誑惑

又彼比丘如是思惟云何比丘於愛生畏厭離生死捨一切欲譬如龍鳥至年六十其力威壯善調為人革聞捉取縛其五處置牢檻中然後乃多與歡喜搏及以甘蔗甘蔗酒等種種美味以諸樂器歌聲樂之望使不愁不憶林樂若忘林樂得與凡鳥同共止住極令調善繫屬他人彼鳥雖復如是將息如是供養不能令其心離憂悶然其不忘林間之樂自在遊行不忘山曲樹林花草衆鳥音聲河傍處樂思惟念已絕縛而去憶彼樂故於調爲人不生忌難壞其牢檻去向林中心不顧念多多蹇荼美歡喜搏

及以甘蔗甘蔗酒飲琴樂歌聲心不
可調心不可誑不志林樂不樂凡爲
共行共住還向林中修行比丘亦復
如是無始以來流轉世間五縛所
縛何等爲五所謂愛聲觸味香色誰
爲善調所謂眼耳鼻舌身意如是六
識何者牢檻所謂喜樂妻子眷屬止
住之處僕使富樂染著煩惱之所遮
障多歡喜搏及甘蔗酒種種美味諸
飲食者分別之心爲歡喜搏姪欲爲
飲食心愛網以爲作樂歌笑等聲邪
見凡夫猶如凡爲共同住者謂有身
見戒取疑網口中甜者所謂喜樂邪
見言說繫屬他者屬欲瞋癡善調之
爲謂修行者一切染癡以爲供養憶
念出離則名爲山禪三摩提以爲山
窟生正道心此名爲花涅槃爲果衆
鳥聲者所謂法師智慧爲河河濟口
者所謂一心言地分者謂四梵行慈
悲喜捨彼修行者猶如壯鳥隨順思
量禪定之樂趣僧伽藍爲還林去比
丘如是修行道者猶如壯鳥若不介
者如狗無異

又修行者內心思惟隨順正法觀察
法行去伺彼比丘於八地處修第九
地得第九地彼見聞知或天眼見一
切三界皆是無常苦空無我不淨等
器觀一切欲亦復如是譬如林中極
大山崖嶮峻之處有大高樹名佉殊
梨有無量剎於彼樹頭少有果實而
復難得若取彼果多有諸過恐此樹
果墮在嶮處復畏失命樹腹有孔孔
坎脆爛欲上彼樹復畏孔壞危人之
命彼樹極高墮樹尚死況墮高崖嶮
惡之處愚癡凡人盲無智目貪著衆
味望見彼果不看嶮崖樹腹爛孔彼
愚癡人貪其果味而上彼樹未到果
所即便墜墮即余命終更有餘人少
知方便或有命業則不墜墜少得果
味多受苦惱如是如是彼修行比丘
觀五道林中間有孔極大嶮崖謂一
切病佉殊梨樹所謂欲心無量剎者
所謂無量百千煩惱求彼苦果所謂
苦也樹頭果者一切欲意諸愛聲觸
味色香等難可得者是欲果也所謂
入海若有刀畏親近於王作賊治生

如是等苦乃得所欲如彼得苦多諸
過者貪欲瞋癡墮高崖者謂墮地獄
畜生餓鬼即命終者法命盡也樹爛
孔者皆空無物一切不堅癡人往者
所謂愚癡邪見人也有如是等無量
諸過復有多過如是欲果味少過多
彼比丘如是觀於一切欲心不生分別
又彼比丘觀察欲心猶如火焰猶如
燈焰明色可愛其觸甚熱飛虫癡故
見彼明焰貪著受樂入中即死愚
癡凡夫亦復如是欲瞋癡覆於一切
欲心生愛著如彼飛虫見燈明色若
入欲燈則墮地獄畜生餓鬼如彼飛
虫入燈而死彼比丘如是觀察心得
離欲

又彼比丘內心思惟隨順正法觀察
法行又此世間一切衆生何縛所縛
輪轉生死彼見聞知或天眼見二縛
所縛繫在世間何等為二一者食縛
二者觸縛食縛有四一者持食二者
思食三者擇食四者觸食何者搏食
謂四人處欲界六天八大地獄鬼中
一分二思食者所謂魚中三搏食者

所謂行禪色界天等四觸食者所謂諸鳥何者為觸觸者謂欲有執手者或有笑者有眼見者如是皆為欲觸所誑如是一切愚癡凡夫謂欲界中人及餓鬼畜生地獄此等習欲故名欲界又無色界三摩跋提攀緣為食以此二縛常在世間不得離欲常為一切結使所縛

又彼比丘如實觀眼眼識見色若生樂觸則攀緣樂非樂報業又如實觀如是如是眼識見色是惡意慮若眼觸生攀緣於苦是樂報業彼如實知何者名為眼識見色攀緣於樂非樂報業於此法中隨順觀察眼見色已不善思惟觀察攀緣憶念味著而生樂心現在雖樂後得苦報成就地獄餓鬼畜生何業現在得不樂報後得樂報眼識見色而生眼觸心善思惟觀察攀緣於現在世心不樂著現在不樂非苦報業轉生人天受勝妙樂終到涅槃如是耳鼻舌身意識皆亦如是又修行者內心思惟隨順正法觀察法行云何彼比丘眼識見色心

行於捨謂彼比丘眼見色已心不喜
樂非不喜樂不貪不惡心不怖望非
不怖望亦不憶念非不憶念亦非不
善觀察覆障如是行捨是名捨處非
苦樂處又彼此止得第十地六地處
行謂阿那含初禪地中乃至四禪得
登彼地彼觀諸法出沒生滅常勤修行
八分聖道欲覺欲到解脫之門彼此
住如是精勤魔宮隱蔽彼地夜叉見
已歡喜即以上聞虛空夜叉虛空夜
叉聞四大王彼四大王聞四天王彼
四天王如是復聞三十三天三十三
天聞焰摩天彼焰摩天聞兜率天彼
兜率天聞化樂天彼化樂天復向他
化自在天說彼自在天復向梵天如
是說言閻浮提中某善男子廣說如
前乃至八地攝於六地彼既聞已甚
大歡喜梵迦夷天出禪樂行既實聞
已轉復歡喜余時世尊而說偈言
若善若不善業果皆定自作業自食
皆為業所縛如是煩惱地初甜而後苦
捨境界如毒以不饒益故智不屬煩惱
屬於智境界此世若後世一切時受樂

智常燒煩惱如火能焚草煩惱覆智梵
故佛說三寶若樂智境界寂靜如牟尼
若煩惱蠹蝕彼人一切失若人知二諦
勇猛諦知見彼行第一道捨離生死處
若人樂生死喜樂煩惱怨彼人常被縛
流轉有隘處若人有出意常行寂靜行
死生天衆中到梵世界處若不受欲等
供養佛法僧彼人捨生死如風吹乾草
若不為心使而能使於心則能除煩惱
如日出無間心怨取第一更無如是怨
心常燒衆生如放燒時樹若心自在行
愚癡不調根彼若不寂靜去涅槃太遠
知苦及苦報復能知苦因則脫一切縛
普離諸煩惱智為第一明癡為第一闇
取如是光明是名點慧人癡為第一惡
點慧人能捨若令癡自在寂靜難可得
若欲自安隱寧觸入大火毒地同處住
終不近煩惱智第一甘露第一安隱藏
智為第一親智為第一寶如是之智火
常燒煩惱山燒煩惱山者則到安樂處
若人無智慧如盲入闇處則不厭生死
非法諍鬪龍若人常念法善得於人身
不為心所誑應受善人供

彼比丘如是知法非法依法正行如是淨心則能破壞無量百千高大生山無有餘氣更不復生離煩惱刀近於涅槃

正法念處經地獄品第三之一

又彼比丘隨順思惟業果報法觀法非法云何惡業無量種種皆因於心相續流轉如河浚流漂諸衆生令墮惡業果報之地在於地獄受極苦惱彼比丘觀善不善諦意思量此諸衆生云何如是為心所誑為愛所誑墮活黑繩合喚大喚熱及大熱阿鼻惡處地獄中生彼諸地獄各有別處皆有官人如業相似各各證知彼地獄處名為何等衆生何業到何地獄墮在何處彼比丘若見聞知或天眼見有大地獄名活地獄復有別處別處有幾名為何等處有十六一名屎泥二名刀輪三名瓮熱四名多苦五名闇冥六名不喜七名極苦八名衆病九名兩鐵十名惡杖十一名為黑色鼠狼十二名為異異迴轉十三名苦逼十四名為針頭摩耨十五名陂池十

六名為空中受苦此名十六活地獄
處何業生彼活地獄處彼比丘若見
聞知或天眼見若有煞生樂行多作
此業普遍煞業究竟和合相應墮活
地獄根本之處煞生之業有上中下
地獄受苦亦上中下彼地獄業何者
為上彼煞生者若煞善人若受戒人
若善行人有他衆生有衆生想有煞
生心斷其命根此業究竟心不生悔
向他讀說而復更作復教他煞勸煞
隨喜讚嘆煞生若使他煞如是癡人
自作教他罪業成就命終生於活地
獄中如此人中若五十年彼四天王
為一日夜彼數亦亦三十日夜以為
一月亦十二月以為一歲彼四天王
若五十年活大地獄為一日夜以惡
業時有下中上活地獄命亦下中上
有中間死隨業種子多少輕重活地
獄中或一處受或二處受或三處受
或四處受或五處受或六處受如是
乃至十六處受乃至惡業未壞未爛
業氣未盡彼地獄中五百年命依天
年數不依人中

又修行者內心思惟隨順正法觀察
法行去何彼比丘觀活地獄知別處
業心業盡即自業盡作業果地分種
種異心別處受苦有百千億那由他
數怖畏惡事無有相似不可譬類分
分觀察活地獄處衆生何業生屎泥
處彼見聞知或天眼見以何惡業不
善種子生屎泥處所謂煞生若欲心
煞謂令鳥煞放鷹放鷂復有異煞若
圍煞鹿若獵煞鹿而不懺悔業業普
遍煞業究竟和集相應如前所說彼
人以是惡業因緣身壞命終生彼地
獄在一分處受種種苦謂屎泥處燒
屎極熱其味甚苦赤銅和屎屎中有
虫虫金剛嘴遍覆屎上彼諸罪人食
如是屎虫入身內先食其腎次食其
舌次食其斷次食其咽次食其心次
食其肺次食其肚次食其脾次食其
胃次食小腸次食大腸次食熟藏次
食筋脉一切脉分次食肉血彼人如
是彼地獄中受極苦惱如人中數乃
經無量百千年歲諸煞生人造作惡
業若圍煞鹿若獵煞鹿養煞鳥雀若

鷹鵄等令彼煞已奪取自食彼業果報如是煞已被人取食以是惡業之勢力故彼糞屎中多有諸虫至金剛劈入其身內如是食之善不善果自業相似若彼罪人惡業盡者彼人於此屎泥之處地獄得脫彼心業盡盡之盡已彼人如是得脫彼處若其人業後報未熟生畜生中受飛鳥身餘鳥所煞若受鹿身為園所煞如彼前世煞鳥煞鹿彼人果報地獄中受餘殘之業生畜生中若後氣業生於天中若生人中彼業因緣生則短命又彼比丘觀活地獄第二別處名刀輪處彼業果報衆生何業生於彼處彼見聞知若心貪物如是因緣而煞衆生欲得命因以刀煞生彼人如是以此因緣而不懺悔復教他煞業業普遍如前所說彼人以是惡業因緣身壞命終墮彼地獄生刀輪處彼處大熱周圍鐵壁高十由旬彼地獄處大火常然人間之火於彼處火如雲相似彼地獄處常有鐵火速著其身彼熱鐵火割彼人身碎如芥子散燒

劈裂一切雨鐵辟如山間闊浮提中
夏月水雨彼處十方遍雨熱鐵多與
苦惱彼地獄人雖被劈裂而常不死
以是惡業之果報故如是割身尋割
尋生彼刀輪處有刀衆林其刀極利
復有兩刃刀頭下向遙望彼林青而
有汁與水相似彼諸罪人飢渴慙急
同業苦者唱哭走赴既入彼林以業
因故周遍雨刀劈其身體又復彼人
貪自命故食養衆生則是誑他彼業
果報如是如是心業盡師盡地獄衣
如是地獄不善業盡如是如是地獄
受苦彼業所攝彼於地獄如是無量
百千年歲常被劈裂乃至惡業未壞
未爛業氣未盡心業盡師盡文不滅
廣說如前

又彼比丘觀活地獄第三別處名兌
熟處彼業果報衆生何業生於彼處
彼見聞知彼衆生人若煞駱駝若煞
睹羊若煞衆鳥若馬若兔若羆若熊
有毛畜生為食其肉欲令毛脫活燒
活煮若置湯中彼人以是惡業因緣
身壞命終墮活地獄生兌熟處惡業

種子相似果報置鐵釜中煎煮極熱
猶如熟豆如是無量百千年歲在彼
地獄大火煮之心業盡師所盡之衣
破壞爛盡彼地獄衆乃得脫次受
殘業次受氣業如前所說乃至若生
天人之中命則短促彼修行者於內
法中隨順正法觀察法行作是思惟
彼比丘如是觀察活大地獄炁熟厚
已當云何耶彼見聞知或天眼見彼
比丘第一勇猛能破魔軍度生死海
能以戒水滅欲心火能以慈水滅瞋
心火能以甚深目緣燈明除癡心闇
如是比丘則能速渡生死大海
又彼比丘觀活地獄第四別處名多
苦處衆生何業生於彼處業因種子
相似果報若人種種苦逼衆生然彼
衆生命猶不盡所謂木壓令其受苦
若以繩懸若以火頭若燒若柱若繫
其髀而以懸之若以煙熏令受苦惱
若於道上牽令疾走若置地上棘刺
之中令受苦惱若撲著地若高繫處
推之令墮若以針刺若以繩縛若令
爲毆若擲在空下未至地以刀承之

令受苦惱若著沙上若以石鎖若以杖打若挾其頭若令小兒詳打戲拈衆苦惱之若置熱處若置水中若以水漬若以沉水若以衣水掩面湯口若繫著樹若懸樹枝令受苦惱若在險岸臨峻怖鬼若送與怨令其種種方便若治若拔其陰若挾其指若拔其毛若轉鐵輪以劈其頭令受苦惱若洋白鎔鉛錫銅等灌其身體若割其鼻若以利鐵若尖木等貫其鼻門陰密之處令受苦惱若以水淋若以繩繫塊上挽曳若以燈鬚周匝遍炙若拔其髮若以惡虫令啖食之若握其皮若牽若推若急速疾抖擻其身若置鑊中湯火煮之令受苦惱若以磚打若以鹽等塗其身體若以塵土若以麩等掩其口面若以囊筒置糞門中鼓囊吹之若以利刀劈其足指若以氣吹不使出聲若以浮石急指其身若割手足若駢長行若遮所須若繫其咽黃藍花中來去曳之若以種種雜雜脂膩而灌其口若以金寶種種財物若打若壓若作樂具若打射

等若打令腫腫上復打若以繩懸推
令極高然後墮地令受苦惱此如是
等無量種種諸苦惱事觸惱衆生彼
人以是惡業因緣身壞命終墮活地
獄名多苦處惡業相似得相似果如
是地獄十千億種不可具說此極苦
惱具說如上彼一切苦自業自受地
獄地處心業盡師受筆所盡不善分
別為種種彩所愛妻子以為彩器執
著因緣以為堅牢身自作業自得苦
報非父母作乃至惡業未壞未爛業
氣未盡於一切時常受不息彼處退
已若於前世過去久遠有善業熟則
不墮於畜生餓鬼若生人中同業之
處受餘殘業常為王罰若打若縛聞
諍怖畏為一切人之所誣枉常受重
苦善友知識妻子眷屬親舊主人之
所憎惡

又彼比丘觀活地獄第五別處名閻
隄處彼業果報衆生何業生於彼處
彼見聞知衆生邪見顛倒業果所謂
方時外道齋中掩羊口鼻如是屠無
置龜搏上上復與搏壓之令死彼人

以是惡業因緣身壞命終墮活地獄
生闇瞑處闇火所燒以惡業故有大
力風吹金剛山合磨令碎猶如散沙
間無暫樂彼處罪人各不相見熱風
所吹如利刀割令身分散餓渴身燃
努力唱喚而聲不出如掩羊口如埽
壓龜常被大火之所燒然常被鎮壓
如是無量百千年歲常處闇瞑乃至
無有微少光明如針頭處然自身毛
而自燒身常一切時遍身火起受如
是苦乃至業盡皆是心之猿猴所作
彼心猿猴行於使山使山幻堅慢心
高峯之所止宿惡見山巖是其行處
遊慢樹林瞑山窟中是其住處妬心
功德以為衆果愛河所漂不善業沒
乃至惡業爛壞離散闇地獄處余乃
得脫若於前世過去久遠有善業熟
不生餓鬼畜生之道若生人中常被
繫縛餘殘業果壽命短促
正法念處經卷第五

癸卯歲高麗國分司大藏都監奉
勅彫造

正法念處經卷第六

定

地獄品之二

元魏婆羅門瞿曇般若流支譯

又彼比丘觀活地獄第六別處名不喜處彼業果報衆生何業生於彼處彼見聞知行惡之人心常憶念欲煞衆生為獵煞故遊行林野吹貝打鼓種種方便作大惡聲聲甚可畏林行衆生鹿鳥師子虎豹熊羆猿猴等畜遊行無畏行惡業者為欲煞故作彼畏聲為獵煞故遊行林野為欲奉王若奉王等彼人以是惡業因緣身壞命終墮活地獄生不喜處如彼業因相似受果如作業時令他衆生心不喜喜墮在地獄入火炎中熱炎劈鳥極大惡聲獾狐鳥鷲狗犬野干食其耳根令心不喜彼有惡聲寧為極惡不可愛樂心不喜聞一切聲中寧可怖畏金剛劈虫入其骨裏行其骨中敢食其耳如是乃至惡業未盡心淤泥魚愛河中行瞋心旋轉波漂流生死山中常所止宿欲瞋癡分貪少

味欲為釣所釣常行邪見深水之處
於三界中若退若生以為身滑常渴
聲觸味色香等如是罪業作時喜笑
得殃報時號哭而受今時世尊而說
偈言

癡心泥魚住於愛舍宅作業時喜笑
受苦時號哭

若其惡業彼處受盡今乃得出復生
餓鬼畜生之中若其前世過去久遠
有少善業若生人中常懷愁苦於一
切時間不吉聲心不曾喜所謂常聞
不饒益事妻子死亡財物散失眷屬
有殃若然若縛常懷悲惱心初不喜
彼不善業因果相似

又彼比丘觀活地獄第七別處名極
苦處衆生何業生於彼處彼見聞知
行惡業者作惡業時深厚結使極深
惡惡多殺衆生而行放逸彼人以是
苦處受熱鐵火極重苦惱墮嶮崖下
鐵鈎炎鬚如是受苦常不休息日夜
不停又彼比丘諦知業果求涅槃城
諦知世間生死苦惱觀察黑繩大地

獄處如是黑繩大地獄處有何異處
彼見聞知黑繩地獄有處名曰等喚
受苦彼處惡燒受苦無間衆生何業
生於彼處彼見聞知若人說法依惡
見論以因譬喻一切不實不顧一切
投崖自殺無正善戒彼人以是惡業
因緣身壞命終墮在黑繩大地獄中
生等喚處受大苦惱彼受極苦舉在
嶮崖無量由旬熱炎黑繩束縛繫已
然後推之墮利鐵刀熱地之上鐵炎
牙狗之所敗食一切身分分分離
唱聲吼喚無有救者無有護者無所
歸訴無有安慰令離苦者自心所誑
在生死輪常恒疾轉癡闇盲_{實身}如
普燒黑林相似彼地獄地見閻羅人
苦切偈語責疏之言

汝邪見愚癡癡闇所縛人今墮此地獄
在於大苦海惡見燒福盡人中寂凡鄙
汝畏地獄縛此是汝舍宅若屬邪見者
彼人非黠慧一切地獄行怨家心所誑
心是第一怨此怨最為惡此怨能縛人
送到閻羅處心常馳諸境不曾行正法
迷謬正法道送在地獄救心不可調御

甚於大猛火速行不可調牽人到地獄
心第一難調此火甚於火難調速疾行
地獄中地獄若人心自在則行於地獄
若人能制心則不受苦惱欲為第一火
癡為第一闇瞋為第一怨此三秉世間
汝前作惡時自心思惟作汝本癡心作
今受此惡報心好偷他物竊行他婦女
常煞害衆生自心之所誑如是業自在
將汝到此處是汝本惡業何故尔呻喚
若人作惡已後懊惱則癡彼不得果報
如下種鹹地欲者少味利受苦報則多
癡人貪著欲彼從闇入闇癡人作諸惡
為饒益妻子獨受地獄苦自業之所誑
若為妻子故造作諸惡業則到此地獄
今受此苦惱非妻子非物非知識能救
人中欲死時無能救護者若人染欲心
為愛之所誑而共相隨行今得如是苦
本為境界劫已為愛所誑自作此惡業
今何故呻喚

於彼等喚受苦惱處如是受苦闇魔
羅人如是治罪彼地獄人如是受苦
如是無量百千年歲受第一苦如是
乃至惡業離散破壞爛盡尔乃得脫

若於前世過去久遠有善業熟若生人中不善業故在於邊地陀毗羅國婆婆羅國海畔境界辛頭境界洲渾境界為人抄劫掠其財物於極苦惱貧處為奴若作門兵身體瘡殘一切身分鄙劣不具飢渴燒惱寒熱衝逼如箭射墜受極苦惱常被誣枉為諸小兒木石磚等之所打擲為一切人之所嫌賤無妻無子一切人中取為凡賤受第一苦餘業果報與因相似因緣相似如本所作後如是受若彼比丘如是觀察地獄黑闇極苦惱業於生死中得離欲縛

又修行者觀彼比丘常勤精進諦見業果善行正行厭離世間一切生死斷絕第一堅牢魔縛不肯住於魔之境界於煩惱地不樂共住心不喜樂染著垢愛彼地夜叉見彼比丘有如如是等功德相應轉復上聞虛空夜叉如上又彼比丘觀察黑繩之大地獄復有異處彼見有處名曰旃荼黑繩地獄衆生何業生於彼處彼見有人

牀卧敷具病所須藥非已所應而多
食用俗人愚癡覆藏惡業若自然羊
若他教煞如婆羅門外道所誑彼人
以是惡業因緣身壞命終墮於惡處
黑繩地獄生旃荼羅受大苦惱所謂
惡鳥若鳥若鷲若惡猪等拔其眼根
彼地獄主若以杵枷若以大斧若以
惡火掬怒急瞋種種苦逼既生如是
地獄之中復受種種極重苦惱所謂
挑眼若拔其舌一切身分分分皆拔
飲熱銅汁三奇熱鐵遍刺其身削鬚
其足鳥鳥所食一切病集啼哭號咷
無主無伴間魔羅人瞋怒極打如是
黑繩地獄之處乃至無量百千年歲
惡業壞爛尔乃得脫若於前世過去
久遠善業未熟則生餓鬼畜生之中
若生人中癯脊目盲壽命短促人中
死已復入惡道如是衆生業鑠所縛
行善業者則得善報作惡業者則得
惡報業果所縛常在生死

又彼比丘觀察黑繩大地獄處名畏
鷲處衆生何業生於彼處彼見有人
貪物因緣而煞他人若縛若餓若棄

飲食彼人以是惡業因緣身壞命終
墮於惡道黑繩地獄生畏驚憂受大
苦惱彼地獄處鐵地火燃普皆水色
十千由旬周遍炎起有鐵蒺藜彼地
獄人怒杖急打晝夜常走火炎刀枷
挽弓弩箭隨後走逐鐵錐尋刺恒常
急走閻魔羅人手執鐵刀鐵枷鐵箭
皆悉炎燃斫打射之唯行彼處飢渴
所逼命常欲斷無救無歸氣息欲絕
有命而已他人所棄具受衆苦尔時
世尊而說偈言

多人共相隨造作不善業後惡業熟時
有生獨受果火刀怨毒等雖言猶可忍
若自造惡業後苦過於是親眷皆分離
唯業不相捨善惡未來世一切時隨逐
隨花何處去其香亦隨逐若作善惡業
隨逐亦如是衆鳥依樹林旦去暮還集
衆生亦如是後時還合會毀滅他勝事
自取而陵他隨作何惡業彼人癡所誑
若不趣涅槃復不向天處彼癡第一因
從闇復入闇

彼人如是自作惡業受地獄苦乃經無
量百千年歲地獄流轉乃至惡業破壞

爛盡尔乃得脫然後復生畜生餓鬼
若生人中為放牧人若放駱駝若放
餘畜若放牛驢若放草馬當為當狗
常駢驢駝處處治生以自存活若作
圍兵圍兵主帥貧窮短命鄙惡作業
餘殘業因相似果報

又彼比丘觀察黑繩大地獄處普遍
觀察十六別處如活地獄

又彼比丘觀活地獄黑繩地獄既觀
察已知業報法一切惡業果報堅鞏
有作而集集而不作作而不集作而
集者則決定受集不作者不決定受
作不集者不決定受彼見聞知三種
惡業及業果報如實知已重生耽離
觀察業繩迭相縛處又復觀察無量
種業又復觀察無量種心動轉攀緣
彼比丘如是觀察見諸眾生心自在
已又復觀察餘諸地獄彼見聞知第
三地獄名合地獄眾生何業而生於
彼所謂作集惡不善業燒煮眾生彼
見聞知眾生三種作集惡業生合地
獄受惡果報所謂熱生偷盜邪行如
是三種種惡不善業生合地獄彼上惡

業則生如是根本地獄中下惡業則生別處有上中下三種苦受又作業時心力異故彼中受命有上中下又作業時心力攀緣有上中下於彼受苦有上中下三種業定身業三種口意三種謂上中下又復三種謂欲界生色界中生無色界生又復三種所謂過去現在未來又復三種所謂現受生受後受又復三種謂善不善及以無記又復三種現縛中縛異生處縛又復三種人非人縛非人人縛自處自縛所謂捨人還得人身作地獄業是業勢力相似所作業相似生如得解脫神通比丘又復三種一者作二者不作三者縛作所言作者初作沙門言縛作者後相續縛言不作者乃至獲得阿羅漢果又復作者作沙門已作沙門行又縛作者此處退已於異處生又復三種一者禪縛二者非禪縛三無報縛彼禪縛者如初禪地二禪縛地非第三禪非第四禪非禪縛者謂施戒等無報縛者謂阿羅漢諸漏既盡決定受業不得果報彼

比丘觀世間海業網繫縛迭牙因生

行業果報非有作者非有受者非無

因緣唯有業力彼比丘如是思惟破

壞魔軍修集善法更復勝上觀合地

獄業因果報云何衆生生於根本合

大地獄彼見有人煞盜邪行樂行多

作如是之業普遍究竟樂行多作是

業則生根本地獄并及別處彼人於

是根本地獄受大苦惱作業如前若

人偷盜及作邪行是人皆名邪行之

人云何名邪如是異作復異分別若

人邪行尊者之妻彼人生於合大地

獄受大苦惱所謂苦者鐵炎嘴鷲取

其腸已掛在樹頭而斃食之彼有大

河名饒鐵鈎彼有鐵鈎皆惡火燃閻

魔羅人執地獄人擲彼河中墮鐵鈎

上又彼河中有熱炎刀罪人於彼受

大苦惱彼苦無比無有譬喻所謂彼

處受燃鈎苦謂以燃鈎鈎打其身閻

魔羅人取地獄人置彼河中按令使

沒彼地獄人迭手相沉既相沉已唱

喚彌央河中非水熱赤銅汁漂彼罪

人猶如漂木流轉不停如是漂燒受

大苦惱彼鐵鉤河既燒漂已彼地獄
人或有身如日初出者有身沉沒如
重石者有若河岸不沒入者或有罪
人身如水衣有為炎噴鐵鷲食之如
食魚者或有身洋其身猶如生酥塊
者有以鐵墻而打之者或有身破百
千分數如沙搏者有在河中如洋銅
者有以熱灰燒其身者有以炎鉗鉗其
身已置熱灰中復以鐵鉗連剗刺者
有擊其身猶如細縷挽而打者有挽
其頭令頭在下在上打者有置鑊中
湯火煮之如熟豆者有在鑊中迭乎
上下速翻覆者有置在鑊偏近一處
舉手向天而號哭者有共相近而號
哭者久受大苦無主無救彼中多有
炎噴鷲鳥野干狗等在熱地上不熱
而食屏處受苦各不相見種種因緣
種種受苦彼受無量百千種苦自心
所誑十不善本邪行所得緣煞生得
緣偷盜得

又復如是閻魔羅人以鐵炎杵築彼
罪人罪人怖走四向顧望望有歸救
作如是言何人救我我何所歸四向

走望如是行已炎杵築已置炎燃河
若炎燃樹山巖石間窟穴等中極
惡處受種種苦謂著樹頭復推令墮
在鐵鈎地彼身瘡裂如是千到若百
千到又復如是間魔羅人取地獄人
置刀葉林刀葉甚多火炎熾燃而此
罪人見彼樹頭有好端正嚴饒婦女
如是見已極生愛染如是婦女妙身
莊嚴末香塗身塗香塗身如是身形
第一嚴饒身極柔軟拍爪纖長熙怡
含笑以種種寶莊嚴其身種種欲媚
一切愚癡凡夫之人見則牽心彼地
獄人既見如是端正婦女在樹上已
生如是心是我人中本所見者是我
本時先所有者彼地獄人自業所誑
故如是見如是見已即上被樹樹葉
如刀割其身肉既割肉已次割其筋
既割筋已次割其骨既割骨已次劈
其髓如是劈割一切處已乃得上樹
欲近婦女心轉專念自心所誑在彼
樹上如是受苦既上樹已見彼婦女
復在於地被入見已然彼婦女以欲
媚眼上看彼人美聲語美先以甜語

作如是言念汝因緣我到此處汝今何故不來近我何不抱我如是地獄業化所作罪人見已欲心熾盛刀業樹頭次第復下彼人既下刀業向上炎火熾燃利如剃刀如是利刀先割其肉次斷其筋次割其骨次割其脉次割其髓遍體作瘡彼地獄人如是被割如是被劈脉脉斷已看彼婦女欲愛燒心既如是看炎嘴驚鳥即啄其眼火燃刀業先割其耳如是被割唱聲吼喚刀業炎燃次割其舌次割其鼻如是遍割一切身分欲愛牽心如是到地既到地已而彼婦女復在樹頭彼人見已而復上樹如前所說彼業力故如是無量百千年歲如是無量百千億歲自心所誑彼地獄中如是轉行彼地獄人如是被燒何因故燒邪欲為因彼人如是猶不捨欲無始來心如是轉行在於地獄餓鬼畜生衆生之心不可調順在地獄中猶故如是當知是心不可信也又復如是合大地獄彼中有山名為鷲遍彼地獄人燒身飢渴走赴彼山

而彼山中處處皆有炎火鐵鑿其身
大肚而彼鐵鑿身內肚中有地獄人
名為火人彼地獄人望救望歸故赴
彼山既到彼山彼鐵鑿鳥先破其頭
開髑髏骨而取其腦復挑其眼彼地
獄人啼哭唱喚然無救者既破其頭
飲腦盡已擲頭異處彼地獄人無頭
無眼而復走向閻冥地獄罪業力故
復有鐵鑿其身極大彼鐵鑿腹中悉有
火人來向罪人到即吞之彼地獄人
入驚腹中即為火人奪他妻罪業
所致

彼煞生因樂行多作乃經無量百千
年歲常被燒燃而復不死彼邪行因
樂行多作則見婦女在刀葉林彼偷
盜因樂行多作入異地獄在於一處
彼處是河其河名曰無邊彼岸熱沸
銅汁滿彼河中地獄罪人見河彼岸
多有種種第一淨食法陀尼食蒲闍
尼食有好數具有好樹林林有遶影
復有陂池河流清水彼地獄人如是
見已即發大聲迭相招喚作如是言
汝來汝來我今得樂今有種種法施

足食蒲閣足食有好敷具如前所說

彼地獄人如是唱喚餘地獄人既聞聲

已皆共馳走謂有能救謂有可歸和

集一處迭相問言我今當於何處得

樂何救何歸復有異人不喚而來指

示之言汝今看此無邊彼岸大河彼

岸如是有法陀尼食蒲閣尼食敷

具樹林蔭影清涼如前所說彼地獄

人如是一切迭相和集俱走往赴無

邊彼岸大河彼岸如是河中熱白鐵

汁熱鉛錫汁沫覆其上彼地獄人既

如是走墮在彼河既墮彼已其身有

如生酥塊者有消泮者有炎噉鳥食

取之者有熱炎口惡魚食者有身分

散而消泮者彼地獄人在彼河中如

是一切如是受若是彼惡業因緣勢

力作集所致如是受苦彼地獄人如

是無量百千年歲燒煮熟爛分散消

泮乃至作集惡業破壞無氣腐爛彼

地獄中亦乃得脫彼地獄中間魔羅

人責疏罪人而說偈言

妻子屬所縛將來地獄舍何故為心詐

造作彼惡業汝今為妻子知識親眷等

造作諸惡業非是黠慧人汝實不自愛
今到地獄處何故為兒子作惡業至此
若為妻子誑造作諸惡業後心不生悔
彼人入地獄汝獨地獄燒為惡業所食
妻子兄弟等親眷不能救若為癡所誑
而不作善業後則不得樂汝今徒悔恨
若隨順欲瞋癡心第一誑為妻子樂故
一切向下行自業自與果衆生業至此
作善業生天作惡來此處

如是彼處閻魔羅人如是多多責地
獄人如是如是責疏之言若汝自身
造作惡業今欲令誰食如是食若自
作善還自得善若作不善自得不善
不作不得作則不失汝今作業今得
此報彼地獄人如是久在合大地獄
乃經無量百千年中常被燒煮乃至
惡業未壞未爛業氣未盡如是然生
偷盜邪行樂行多作所得果報於一
切時與苦不止若惡業盡彼地獄中
亦乃得脫若於前世過去久遠有善
業熟不生餓鬼畜生之道若生人中
貧窮短命得下劣妻設得好者共異
人通若或無妻得凡鄙身為他所使

彼業勢力餘殘果報得如是等如是
惡業能誑惑人令入地獄又彼比丘
知業果報次復觀察合大地獄十六
別處何等十六一名大量受苦惱處
二名割割處三名脉脉斷處四名惡
見處五名團處六名多苦惱處七名
思苦處八名朱誅朱誅處九名何何
異處十名淚火出處十一名一切根
滅處十二名無彼岸受苦處十三名
鉢頭摩處十四名大鉢頭摩處十五
名火瓮處十六名鐵火末處合大地
獄有如是等十六別處衆生何業生
於彼處彼比丘思惟觀察若人三種
惡不善業所謂煞生偷盜邪行樂行
多作彼決定受合大地獄受苦惱處
衆生何業生初大量受苦惱處彼見
有人不應行姪不正觀察樂邪欲行
生彼大量受苦惱處地獄之中受大
苦惱所謂炎熱鋒利鐵犢刺令穿徹
以彼鐵犢從下刺之背上而出又復
刺之腹上而出又復刺之胷中而出
又復刺之肩上而出又復刺之從背
而出又復刺之從咽而出又復刺之

從口而出復破髑體而從其出又復刺之從耳而出彼地獄人如是被殞一切身分皆悉穿破受大苦惱若燒若煮一切身分彼受如是諸苦惱已又復更與極重苦惱所謂復以熱炎鐵鉗揆拔其卵若鐵鷲鳥挽拔其卵而食之者如是乃至所作集業未壞未爛業氣未盡於一切時與苦不止若惡業盡彼地獄處亦乃得脫若於前世過去久遠有善業熟不生餓鬼畜生之道若生人中同業之處為第三人謂內官等彼不善業餘殘果報又彼此丘知業果報次復觀察合大地獄復有何處彼見聞知復有異處名割割處是合地獄第二別處衆生何業生於彼處彼見有人煞盜邪行樂行多作墮合地獄生割割處煞生偷盜業及果報如前所說何者邪行謂於婦女不應行處口中行姪彼人以是惡業因緣身壞命終墮於惡處合大地獄生割割處受大苦惱所謂苦者閻魔羅人以熱鐵釘釘其口中從頭而出出已急拔又釘其口耳中

而出復以鐵鉉盛熱銅汁瀉其口中
銅汁熱炎燒然其脣次燒其舌既燒
舌已次燒其眼如是燒咽次燒其心
次燒其肚如是次第乃至糞門從下
而出如是邪行樂行多作惡業果報
在於地獄如是如是種種受苦乃經
無量百千億歲常被燒煮乃至惡業
未壞未爛業氣未盡於一切時與苦
不止若惡業盡彼地獄處今乃得脫若
於前世過去久遠有善業熟不生餓
鬼畜生之道若生人中同業之處口
中常臭如爛氣臭如是熏他一切所
惡是彼惡業餘殘果報

又彼比丘知業果報次復觀察合大
地獄復有何處彼見聞知復有異處
彼處名為脉脉斷處是合地獄第三
別處衆生何業生於彼處彼見有人
煞盜邪行樂行多作墮合地獄脉脉
斷處煞生偷盜業及果報如前所說
何者邪行謂於婦女非道行姪彼不
隨順自力強逼彼人以是惡業因緣
身壞命終墮於惡處合大地獄脉脉
斷處受大苦惱所謂熱筒盛熱銅汁

置口令滿唱聲吼喚作如是言我今孤
獨如是無量百千年歲乃至惡業未
壞未爛業氣未盡於一切時與苦不
止若惡業盡彼地獄處亦乃得脫若
於前世過去久遠有善業熟不生餓
鬼畜生之道若生人中所得妻婦貪
愛他人被人見之不能遮障是彼惡
業餘殘果報彼作集業果報不失猶
故須受又彼比丘知業果報次復觀
察合大地獄復有何處彼見聞知復
有異處名惡見處是合地獄第四別
處衆生何業生於彼處彼見有人煞
盜邪行樂行多作墮合地獄生惡見
處煞生偷盜業及果報如前所說何
者邪行所謂有人取他兒子強逼邪
行自既力多令彼啼哭彼人以是惡
業因緣身壞命終墮於惡處合大地
獄生惡見處受大苦惱所謂自見已
之兒子以惡業故見自兒子在地獄
中於彼兒子生重愛心如本人中如
是見已閻魔羅人若以鐵杖若以鐵
錐刺其陰中若以鐵鈎釘其陰中既
見自子如是苦事自生大苦愛心悲

絕不可堪忍此愛心苦於火燒苦十
六分中不及其一彼人如是心苦過已
復受身苦所謂彼處閻魔羅人之所
執持頭面在下熱炎鐵針咸熱銅汁
灌其背門入其身內燒其熱藏燒熱
藏已次燒大腸燒大腸已次燒小腸燒
小腸已次燒其睪既燒睪已如是次
第次燒其咽既燒咽已次燒其喉既
燒喉已次燒舌根燒舌根已次燒其
舌既燒舌已次燒其斷既燒斷已次
燒其頭既燒頭已次燒其腦如是燒
已在下而出彼邪行人受如是苦如
是无量百千年中以業化故見自見
子自身心苦具受如是身心三苦如是
無量百千年中常受大苦乃至惡業
未壞未爛業氣未盡於一切時與苦
不止若惡業盡彼地獄處亦乃得脫
若於前世過去久遠有善業熟不生
餓鬼畜生之道若生人中則無兒息
雖有不淨不成種子世人皆言此人
不男一切賤賤是彼惡業餘殘果報
又彼比丘知業果報次復觀察合大
地獄為當更有異處以不被見聞知

復有異處名為團處急團相似是合

地獄第五別處衆生何業生於彼處

彼見有人煞盜邪行樂行多作墮合

地獄生於團處煞生偷盜及以果報

如前所說何者邪行所謂有人若見

特牛若草馬等婬道處已心生分別

此如是處與人婦女不應有異如是

念已即便生於人婦女想而行婬欲

彼人以是惡業因緣身壞命終墮於

惡處合大地獄生於團處受大苦惱

所謂見彼若牛若馬惡業因故地獄

中見自心分別如前憶念人婦女想

若本特牛若本草馬見已即生人婦

女想欲心熾盛即便走向如是牛馬

有鐵尖火滿牛馬內彼人既近牛馬

根門惡業因故入彼根門即入其腹

滿中熱火彼處受苦乃經無量百千

年中常被燒煮其身熟爛不能出聲

於彼腹中間處苦逼乃至惡業未壞

未爛業氣未盡於一切時常被燒燃

若惡業盡彼地獄處亦乃得脫若於

前世過去久遠有善業熟不生餓鬼

畜生之道若生人中同業之處則生

無礼非仁之國以已之妻令他侵近
不生妬忌邪行業因餘殘果報

又彼比丘知業果報次復觀察合大
地獄為當更有異處以不彼見聞知
復有異處名多苦惱是合地獄第六

別處衆生何業生於彼處彼見有人
煞盜邪行樂行多作墮合地獄多苦
惱處煞生偷盜業及果報如前所說
何者邪行謂男行男彼人以是惡業

因緣身壞命終墮於惡處合大地獄
多苦惱處受大苦惱作集業力於地
獄中見本男子熱炎頭髮一切身體
皆悉熱炎其身堅鞏猶如金剛來抱
其身既被抱已一切身分皆悉解散

猶如沙搏死已復活以本不善惡業
因故於彼炎人極生怖畏走避而去

墮於嶮岸下未至地在於空中有炎
呀烏分分攞斫令如芥子尋復還合
然後到地既到地已彼地復有炎口
野干而取食之唯有骨在復還生肉

既生肉已閻魔羅人取置炎鼎而復
煮之如是無量百千年歲煮之食之
分之散之乃至惡業未壞未爛業氣

未盡於一切時與苦不止若惡業盡
於多苦處今乃得脫若於前世過去
久遠有善業熟不生餓鬼畜生之道
若生人中同業之處失無量妻不得
一妻究竟如是說自有妻則耽離之
喜樂他人邪行業因餘殘果報又彼
以上知業果報次復觀察合大地獄
為當更有異處以不彼見聞知復有
異處名忍苦處是合大地獄第七別處
衆生何業生於彼處彼見有人煞盜
邪行樂行多作墮合大地獄生忍苦處
煞生偷盜業及果報如前所說何者
邪行所謂有人破他軍國得婦女已
若或自行若自取已給與他人若依
道行若不依道彼人以是惡業因緣
身壞命終墮於惡處合大地獄生忍
苦處受大苦惱所謂苦者閻魔羅人
懸之在樹頭面在下足在於上下燃
大火燒一切身從面而起彼大地獄火
熱勢甚熾被罪人身危脆酥軟眼寂
軟故燒盡無餘彼罪人身燒盡復生
彼人如是受極苦惱堅韌叵耐彼人
如是地獄中生彼人如是受大苦惱

唱聲乳喚呻號啼哭唱喚口開彼地獄火從口而入火既入已先燒其心既燒心已次燒其肺如是次第至生熟藏根及糞門如是燒已次燒其足既受如是被燒苦已復有烏來取食其身彼受如是二種大苦唱聲乳喚而燒不止如是無量百千年歲於地獄中受極苦惱如是苦惱無異相似如是無量百千年歲乃至惡業未爛未壞業氣未盡於一切時與苦不止若惡業盡彼地獄處亦乃得脫若於前世過去久遠有善業熟不生餓鬼畜生之道若生人中同業之處誤得好婦端正無雙則為官軍破壞劫奪惡業力故唱喚號哭懊惱心碎彼人如是地獄人中二時二處受大苦惱唱喚號哭懊惱等苦邪行業因餘殘果報

正法念處經卷第六

癸卯歲高麗國分西大藏都監奉
勅彫造

正法念處經卷第七

定

地獄品之三

光祿寺奉門郎雲般若流支譯

又彼比丘知業果報次復觀察合大地獄復有何處彼見聞知復有異處彼處名為朱誅朱誅是合地獄第八別處然生偷盜邪行樂行多作墮合地獄朱誅朱誅衆生何業生於彼處彼見聞知若人然生偷盜邪行樂行多作墮合地獄朱誅朱誅地獄處生然生偷盜業及果報如前所說何者邪行所謂有人不善觀察若羊若驢以無人女是故姪之彼人於佛不生敬重或在浮屠或近浮屠彼人以是惡業因緣身壞命終墮於惡處舍大地獄朱誅朱誅地獄處生受大苦惱所謂鐵鑊常所啖食一切身分受大苦惱彼地獄火滿其腹內彼地獄人內外燒煮自種惡業得此惡報如是無量百千年歲常有惡並朱誅朱誅在地獄中啖食其肉復飲其血既飲血已次斷其筋既斷筋已次破其骨

既破骨已次飲其髓既飲髓已食大小腸被地獄人如是燒已如是炙已如是食已嚼喫蹄尖種種浪語悲啼大哭如是乃至不可愛樂不善惡業食受未盡如是無量百千年歲常被燒煮炙熟食之乃至惡業未壞未爛業氣未盡於一切時與苦不止若惡業盡彼地獄處亦乃得脫若於前世過去久遠有善業熟不生餓鬼畜生之道若生人中同業之處多有怨對雖在王舍而不得力生常貧窮資生乏少又不長命是彼邪行惡業勢力在於人中受餘殘果報又彼此丘知業果報次復觀察合大地獄復有何處彼見聞知復有異處名何何異是合地獄第九別處是何業報作集之業普遍究竟墮合地獄何何異處彼見聞知若人然生偷盜邪行樂行多作墮合地獄何何異處然生偷盜業及果報如前所說何者邪行邊地夷人於姊妹等不應行處而行姪欲彼國法亦生處過惡彼人以此惡業因緣身壞命終生合地獄何何異處受

大苦惱所謂彼處地獄之中常被燒
煮閻魔羅人之所撻打苦毒吼喚其
聲遍滿五千由旬彼地獄人未到地
獄在中自有中聞彼吼聲吼聲極惡不
可得聞彼顛倒故聞彼啼哭則是歌
聲拍手等聲種種話聲惡業力故聞之
愛樂生如是心令我到彼如是聲處
如是念已速生彼處何因緣有取因
緣有彼中有中何處何處發心怖取
則生彼心取彼心已則生彼處既生
彼處即於生時得地獄苦即聞地獄
自體惡聲急惡苦惱無異相似不可
譬喻受大苦惱既聞惡聲心重破壞
受大苦惱所謂鐵山名烏丘山其山
炎燃其炎極高五千由旬在虛空界
彼有鐵樹樹有鐵鳥鳥身炎然滿彼
樹上彼山火然間無空處惡業力故
常有炎火熾燃不滅以惡業故見蓮
花林遍滿彼山彼地獄人既見蓮花
迭乎相喚作如是言汝來汝來如是
山上多有冷林潤膩之林今可共往
閻魔羅人打地獄人上雨刀石罪人
畏故走赴彼山望得救免望主望歸

如是罪人既到彼山而彼山上熱炎
遍滿多有炎鳥鐵嘴甚利彼地獄人
如是見已彼鳥疾來向地獄人彼地
獄人有炎鳥來破其頭者復有鳥來
取其腦者復有鳥來取其眼者復有
鳥來取其鼻者復有鳥來取其頰者
復有鳥來取其皮者復有鳥來取其
臂者復有鳥來取其足者復有鳥來
取其舌者復有鳥來取其項者復有
鳥來取頭皮者復有鳥來取其喉者
復有鳥來取其心者復有鳥來取其
肺者復有鳥來取小大腸者復有鳥來
取其腹皮復有鳥來取其臍下陰密
處者復有鳥來取其腔者復有鳥來
取其蹄者復有鳥來取足跟皮復有
鳥來取足下皮復有鳥來取其足指
復有鳥來分分食之復有鳥來分分
取肋復有鳥來取背骨者復有鳥來
唯取其手一脔之骨復有鳥來一切
身分具足取者復有鳥來取其髓者
如是衆鳥食地獄人分分皆食罪業
力故食已還生於彼炎鳥間魔羅人
生怖畏故鳥丘山中處處馳走望救

望歸上烏丘山上彼山已以惡業故
炎火遍滿來覆其身如是無量百千
年歲燒而復生是彼作集惡業力故受
大苦惱若復上到烏丘山頂山頭復
有火炎極高五千由旬彼炎吹舉在
空而燒如燒飛虫如是無量百千年
歲受大苦惱而常不死乃至惡業未
壞未爛業氣未盡於一切時與苦不
止若彼煞生偷盜邪行樂行多作惡
業受盡彼地獄處亦乃得脫若於前
世過去久遠有善業熟不生餓鬼畜
生之道若生人中同業之處一切身
分皆悉爛臭得惡癩病若得癡病多
有怨對恒常貧窮生惡國土彼作集
業餘殘果報

又彼比丘知業果報次復觀察合大
地獄復有何處彼見聞知復有異處
名淚火出是合地獄第十別處衆生
何業生於彼處彼見有人煞盜邪行
樂行多作墮合地獄淚火出處煞生
偷盜業及果報如前所說何者邪行
若比丘尼先共餘人行不淨行毀破
禁戒若人重犯彼比丘尼彼人以是

惡業因緣身壞命終墮於惡處合大
地獄淚火出處受大苦惱所謂彼處
相似受苦彼苦堅韌不受業作所謂
大火普炎所燒眼出火淚彼淚是火
即燒其身彼地獄人受如是等種種
苦惱又復更受餘諸苦惱閻魔羅人
劈其眼眶佉陀羅炭置眼令滿劈其
眼骨猶如劈竹彼地獄處如是惡畏
復以鐵鉤鐵杵鐵枷鉤割打築令身
分散以熱鐵鉗劈其糞門洋熱白鐵
內之令滿如是內燒復有大火外燒
其身內外二種如是極燒受第一苦急
惡苦惱受如是等無量種種衆苦具
足閻魔羅人說偈責言

內滿熱白鐵外以大火燒 極燒受大苦
地獄惡業人若業生苦果 受惡苦惱報
彼於三界中不可得譬喻三種業三果
於三界中生三過三心起 三處苦報熟
彼如是業報於三界中生 因緣和合作
如是異法起如心如是行 如是如是轉
善人行善行 惡人造惡業 心自在作業
業自在復有此心業所起 如是愛所誑
惡心作業惡 彼人來至此 若在地獄煮

彼人愛所誑非異人作惡異人受苦報
自業自得果衆生皆如是汝自心所作
一切如是誑今為大火燒何故尔呻喚
閻魔羅人如是責疏地獄人言汝自
作業今者自受不可得脫如是一切
業果所縛彼一切業此中受報閻魔
羅人如是責之彼地獄人閻魔羅人
如是無量百千年中如是燒煮地獄
罪人乃至作集惡不善業未壞未爛
業氣未盡於一切時與苦不止若惡
業盡彼地獄處尔乃得脫若於前世
過去久遠有善業熟不生餓鬼畜生
之道若生人中同業之處常有癖病
在其腹中若身焦枯形貌醜陋若守
門戶身體狀貌如燒樹林作集業力
餘殘果報

又彼比丘知業果報次復觀察合大
地獄復有何處彼見聞知復有異處
彼處名為一切根滅是合地獄第十
一處衆生何業生於彼處彼見有人
煞盜邪行樂行多作墮合地獄一切
根滅地獄處生煞生偷盜業及果報
如前所說今說邪行樂行多作若人

多欲或於口中若糞門中非婦女根
姪彼婦女彼人以是惡業因緣身壞
命終墮於惡處合大地獄一切根滅
別異處生受大苦惱所謂以火置口
令滿以熱鐵鉢盛赤銅汁鐵叉譬口
打刺令寬置熱銅汁彼處復有熱鐵
黑重重體炎燃彼十一處皆悉火燃
以為炎塢在中燒之雖燒猶活如是
常燒熱炎鐵蟻啖食其眼熱曰鑽汁
置耳令滿炎熱利刀割截其鼻復以
利刀次割其舌兩熱利刀燒割其身
一切諸根受大苦惱受極苦惱得不
樂報彼地獄人無異相似不可譬類
今說少分譬如以燈取況於日如是
地獄受苦亦余非有比類天上樂勝
亦無譬喻彼地獄人受地獄苦亦復
如是無有譬喻何以故天上樂勝地
獄苦重如是苦樂今說少分彼地獄
處所受苦惱堅鞫九重乃至作集惡
不善業未壞未爛業氣未盡於一切
時與苦不止若惡業盡彼地獄處余
乃得脫若於前世過去久遠有善業
熟不生餓鬼畜生之道若生人中同

業之處妻不貞良他人共通喚謀他人而共煞之若告官人誣枉令煞若以惡毒和藥而煞若待其睡以刀等煞是彼作集惡業勢力餘殘果報作集業力果報未盡不可得脫會必受之又彼比丘知業果報次復觀察合大地獄復有何處彼見聞知復有異處名無彼岸受苦惱處是合地獄第十二處衆生何業生於彼處彼見有人煞盜邪行樂行多作墮合地獄生無彼岸受苦惱處煞生偷盜業及果報如前所說何者邪行所謂有人起婬欲心憶念自妻婬他婦女彼人以此惡業因緣身壞命終墮於惡處合大地獄生無彼岸受苦惱處受大苦惱作集業力受如是苦所謂彼處受火燒苦受刀割苦受熱灰苦受諸病苦如是彼岸則不可得無安慰者如是所說受諸苦惱不可譬喻如說受苦彼地獄人自心所誑如是受苦如是無量百千年中常被燒炙若煮若打乃至集作惡不善業未壞未爛業氣未盡於一切時與苦不止若惡業盡

彼地獄處亦乃得脫若於前世過去

久遠有善業熟不生餓鬼畜生之道

若生人中同業之處則常貧窮曠野

惡處山中飡處為夷人奴常有病苦

又彼比丘知業果報次復觀察合大

地獄復有何處彼見聞知復有異處

名鉢頭摩是合地獄第十三處衆生

何業生於彼處彼見有人煞生偷盜

邪行作集墮合地獄鉢頭摩處煞生

偷盜業及果報如前所說何者邪行

所謂沙門自知沙門本在俗時先共

婦女曾行欲來得欲滋味雖為比丘

心猶憶念夜卧夢中見彼婦女於姪

欲味不善觀察即共行欲彼人覺已

心即味著非梵行事思量憶念心生

隨喜向他讚說姪欲切德喜笑心樂

樂行多作彼彼喜樂彼人以是惡業

因緣身壞命終墮於惡處合大地獄

鉢頭摩處受大苦惱所謂苦者彼地

獄處一切皆作鉢頭摩色與鉢頭摩

色相相似彼處如是普皆赤色有赤

光明間魔羅人取地獄人鑊中煮之

若置鐵函鐵杵搗之若脫彼處彼人

遠見鋒頭摩花在清池中彼地獄人
若於函鑊二苦得脫於彼清池鋒頭
摩花望救望歸疾走往赴生如是心
我往彼處應得安樂彼地獄人飢渴
苦惱望鋒頭摩彼人如是若百過走
若干過走所走之道多饒鐵鉤傷破
其足既破足已敷心在地彼地鐵鉤
傷破其心若背著地鐵鉤破背若傍
著地鐵鉤破脅若其坐者鐵鉤上入
彼人如是迭相唱喚若燒若煮飢渴
身乾迭相唱喚啼哭懊惱一切罪人
如是齊心看鋒頭摩閻魔羅人在其
背後執大利刀若斧若枷割斫打之
彼地獄人種種方便求救求歸到鋒
頭摩到已即上望涼冷故彼鋒頭摩
如佉陀羅大火遍滿金剛堅荼罪人
既上樹荼鉤卷彼惡業人以惡業故
在合地獄鋒頭摩處如是無量百千
億歲以惡業故煮而不死乃至作集
惡不善業未壞未爛業氣未盡於一
切時與苦不止若惡業盡彼地獄處
亦乃得脫若於前世過去久遠有善
業熟不生餓鬼畜生之道若生人中

同業之處被人則得雄雌等眼看視不正無戒貧窮壽命短促作集業力之所致也

又彼比丘知業果報次復觀察合大地獄復有何處彼見聞知復有異處名為摩訶鉢頭摩處是合地獄第十四處衆生何業生於彼處彼見有人然盜邪行樂行多作墮合地獄生於摩訶鉢頭摩處然生偷盜業及果報如前所說何者邪行實非沙門自謂沙門而戒有缺何以故雖行梵行不求涅槃如貝聲行笑涅槃行如是念言我此梵行願生天中若生餘處天相似處令我生彼天世界中天女界中如是沙門如是梵行非梵行願乃是受行生死因行愛因緣行是垢染行如是梵行於病老死憂悲啼哭椎曾拍頭憂苦懊惱如是等惡不得解脫彼人以是惡業因緣身壞命終墮於惡處合大地獄大鉢頭摩地獄處生受大苦惱所謂有河名曰灰波廣五由旬長百由旬常流不息無針孔處灰不遍滿彼地獄人在彼河中受

挫堅韌第一苦惱既隨彼河身則分散骨則為石駭為水炙肉則為泥河中水者熱白鐵汁地獄罪人身散還合為河中魚彼河所漂漂已則熟右廂左廂有炎勢鳥而噉食之若望歸救走離彼河間魔羅人以鐵炎積積置河中彼若欲出足則爛熟筋熟腔熟膈熟髓熟髓骨亦熟髓皮亦熟髓肉亦熟背肉墮落背肉亦熟頭肉墮落頭肉亦熟頭骨墮落頭骨亦熟髓體墮落髓體亦熟彼地獄人如是河中如是如是燒煮炙等如是無量百千年歲彼地獄人彼惡河中受極苦惱今乃得脫雖脫彼處而復更見有清波池池有開敷鉢頭摩花彼地獄人望救望歸求安隱樂走向彼處鉢頭摩林彼鐵蓮花觸如利刀彼地獄人身若觸之彼鐵蓮花削割斬斫身體碎壞稍墮漸落閻魔羅人多與苦惱逼令速上蓮花林上彼蓮花林滿中熾火其花鐵葉罪人既上葉則卷合彼地獄人在其葉內熾火燒然如是無量百千年歲以惡業故彼中有

烏而食其眼拔其舌根割截其耳分散其身如是烏者自業果報彼地獄人於彼摩訶鉢頭摩處地獄之中常被燒煮乃至作集惡不善業未壞忘爛業氣未盡於一切時與苦不止若惡業盡彼地獄處亦乃得脫若於前世過去久遠有善業熟不生餓鬼畜生之道若生人中同業之處則患疾病常飢常渴復多瞋恚是彼惡業餘殘果報又彼比丘知業果報次復觀察合大地獄復有何處彼見聞知復有異處名火覓處是合地獄第十五處衆生何業生於彼處彼見有人然盜邪行樂行多作墮合地獄生火覓處然生偷盜業及果報如前所說何者邪行實非沙門自謂沙門作沙門已憶念在家白衣身時習近婦女喜笑舞戲彼人如是不善觀察憶念喜樂心生分別數數如是思惟分別非善思惟非是正念證法思惟非滅苦集正法思惟非學思惟於學思惟不作不行非正憶念調心思惟非念佛法衆僧思惟非念死相非於生死離

欲思惟非見少罪如微塵許怖畏思

惟不應多取敷具醫藥看病飲食資

具因緣彼如是人而便多取敷具醫

藥隨病飲食資具因緣彼人如是多

取卧具病藥飲食資具因緣彼人以

是惡業因緣身壞命終墮於惡處合

大地獄生火覓處受大苦惱所謂苦

者彼火覓處熱炎遍滿無毛頭處無

炎無熱而不遍者彼地獄處地獄人

身狀如燈樹彼燈熱炎合為一炎彼

地獄人呻號吼喚吼喚口開滿口熱

炎彼地獄人極受大苦轉復唱喚呻

號啼哭火炎入耳既入耳故轉復呻

號唱聲吼喚炎復入眼既入眼故轉

復呻號唱聲吼喚彼人如是普身炎

燃熱炎鐵衣復燒其舌既破戒已食

他飲食故燒其舌以犯禁戒不善觀

察看他婦女故燒其眼以不護戒共

他婦女歌笑相喚以愛染心聽其聲

故熱白鐵汁滿其耳中以犯禁戒取

僧香熏故割其鼻以火燒之彼人如

是五根犯戒墮地獄中本業相以受

苦果報惡業行故彼地獄中如是無

量百千年歲常被燒煮多有炎燄
處處普遍滿合地獄名火亢處乃至
集作惡不善業未壞未爛業氣未盡
於一切時與苦不止若惡業盡被地
獄處亦乃得脫若於前世過去久遠
有善業熟不生餓鬼畜生之道若生
人中同業之處得侏儒身盲目耳聾
貧窮少死常患飢渴是彼惡業餘殘
果報又彼比丘知業果報次復觀察
合大地獄復有何處彼見聞知復有
異處彼處名為鐵末火處是合地獄
第十六處衆生何業生於彼處彼見
聞知若人煞生偷盜邪行樂行多作
墮合地獄鐵末火處煞生偷盜業及
果報如前所說何者邪行所謂有人
實非沙門自謂沙門若聞婦女歌舞
戲笑莊嚴具聲既聞聲已不善觀察
心生愛染聞彼歌笑舞戲等聲漏失
不淨心適味著彼人以是惡業因緣
身壞命終墮於惡處合大地獄鐵末
火處受大苦惱所謂熱鐵四角地獄
周圍鐵壁五百由旬常有鐵火熾燃
不息燒地獄人自業所作從上雨火

不曾暫停如是雨鐵如是雨火以雨
鐵故彼地獄人一切身分分散為末
以雨火故常煮常燒常受如是二種
雨苦彼地獄人如是受苦唯地獄人
受如是苦除是以外無可譬喻彼人
如是所受苦惱堅鞫急惡如是惡苦
一切皆畏不受不樂自業所作如是
受苦乃至作集惡不善業未壞未爛
業氣未盡於一切時與苦不止若惡
業盡彼地獄處亦乃得脫若於前世
過去久遠有善業熟不生餓鬼畜生
之道若生人中同業之處常在大河
渡人之處常生怖畏若身常病若當
象等雖有惡命而常畏死是彼惡業
餘殘果報又彼比丘觀察如是合大
地獄一一別處唯十六處更不見有
第十七處合大地獄十六別處多象
常滿如是觀察實業法報彼比丘如
是觀察彼諸象生種種惡業自在果
報狀離生死

又修行者內心思惟隨順正法觀察
法行如此比丘諦觀察已通達業果
如是諦知三大地獄并別處所及業

果報觀察。知已。繫縛。通達不樂。有中。住魔境界。彼地。夜。又見彼比丘。如是。精進。即復上聞。虛空。夜。又虛空。夜。又聞四大王。如前所說。次第。乃至無量。光天。乃至說言。閻浮提中。某國。某村。如是。次第。剷除鬚髮。被服法衣。正信。出家。彼比丘。如是。乃至得第九地。無量光天。聞已。歡喜。迭相告言。天等。當知。魔分損減。正法。增長。

又彼比丘。如是。觀察三地獄。已。次復觀察第四。叫喚之大地獄。衆生何業。生於彼中。彼見聞。知。所謂有人。然生偷盜。邪行。飲酒。樂行。多作。如是。四業。普遍。究竟。作而復集。身壞命終。則生如是。叫喚大地獄。然盜。邪行業。及果報。如前所說。今說飲酒。樂行。多作。則生。叫喚大地獄中。若人以酒。與會。僧衆。若與戒人。出家比丘。若寂靜人。寂滅心人。禪定樂者。與其酒。故心則濁。乱。彼人以是惡業。因緣。身壞命終。墮於惡處。叫喚大地獄。彼中。惡熱。受大苦惱。受何等苦。謂以鐵鉗。強擘其口。洋赤銅汁。灌口。令飲。初燒其脣。既燒。

脣已次燒其齒既燒齒已次燒其舌
既燒舌已次燒其咽如是燒咽次燒
其肚如是次第燒其小腸燒小腸已
復燒大腸如是生藏次燒熟藏燒
熟藏已從下而出如是彼人酒不善
業得如是報號啼乳哭呼喚大哭彼
人如是唱哭吼已問魔羅人為責疏
之而說偈言

已作不善業今受苦惱果自癡心所作
後則被燒煮如是不善業已惡心所作
今受莫呻哭何用呼老為若人作惡業
皆得惡果報若欲自樂者如是莫近惡
若作少惡業地獄多受苦癡心自在故
得脫猶作惡惡業不可信今人到地獄
少火能燒山及一切林樹癡人念作惡
不喜樂善法見惡行果報皆從因緣生
云何不樂法何故不捨惡若人離惡業
則不見地獄若人自心癡不知惡業果
彼人受此惡汝今如是受惡業生地獄
為惡業所燒惡不到涅槃然不過惡業
本惡業所誑今為惡業燒若不作惡業
終不受苦惱若人能制愛此道寂靜勝
如是捨愛人則近涅槃住已造惡業竟

不曾修行善如是惡業燒心勿行惡業
行惡業之人無處得安樂若欲自樂者
應當喜樂法若人喜樂惡受苦中之苦
若不能忍苦不應作惡業善人行善易
惡人行善難惡人造惡易善人作惡難
彼地獄中間魔羅人如是責誅地獄
人已設種種苦所謂二山山甚堅鞏
鐵炎火然兩相作勢一時俱來投業未
地獄人投已磨之其身散盡無物可
見如是磨已而復還生復以二山如
前投磨如是如是生已復投生已復
磨如是無量百千年歲惡業未盡彼
地獄處若得脫已走向餘處望救望
歸思得解脫閻魔羅人即復執之令
頭在下置鐵鑊中彼人如是在鐵鑊
中頭面在下經百千年湯火煮之如
是惡業猶故不盡彼鑊湯處若得脫
已走向餘處望救望歸欲求安樂彼
人面前有大鐵鳥其身炎然即執其
身攢斲分散脉脉節節為百千分分
散食之分分分散如是無量百千年
歲而彼惡業猶故不盡彼鐵鳥處若
得脫已望救望歸走向餘處飢渴苦

惱遠見清水若陂池等疾走往赴彼
處唯有熱白鐵汁滿彼池等彼欲澡
洗即便入中既入彼處以惡業故即
有大龜取而沉之熱白鐵汁煮令極
熟如是無量百千年歲乃至不善惡
業破壞無氣盡已如是大龜亦乃放
之既得脫已彼人苦惱望救望歸走
向餘處面前現見閻魔羅人手執鐵
鑽其鑽炎燃以如是鑽而鑽其頭即
便穿徹或有被刺破背出者或有被
刺破背出者或有被刺破頭出者彼
地獄人受大苦惱唱聲吼喚餘地獄
人罪業力故聞其吼喚謂是歌聲皆
共走趣望救望歸閻魔羅人即復執
之鐵鑽刁斧皆悉炎燃穿刺割斫如
是無量百千年歲乃至作集惡業破
壞無氣爛盡彼地獄處亦乃得脫望
救望歸走向餘處遠見有村屋舍具
人多有河池專心直進疾走往赴欲
入彼村彼村一切皆悉炎燃有金剛
口利牙黑虫身皆炎燃處處遍滿既
入村已門即密閉彼地獄人為金剛

千年歲乃至作集惡業破壞無氣爛
盡得出如是苦惱大海若於前世過
去久遠有善業熟不生餓鬼畜生之
道若生人中同業之處心則忽忘貧
窮無物常在道巷四出巷中賣鄙惡
物治生求利為諸小兒佯笑戲拈口
齒色惡脚足劈裂常患飢渴之所逼
切無有妻子無父無母兄弟姊妹此
是飲酒與酒惡業餘殘果報如是戒
人與酒罪業則墮如是叫喚大地獄受
苦果報應如是知

又彼比丘知業果報復觀叫喚之大
地獄有何別處彼見聞知叫喚地獄
有別異處名大吼處衆生何業生於
彼處彼見有人殺生偷盜邪行飲酒
樂行多作墮彼地獄生大吼處殺盜
邪行業及果報如前所說何者飲酒
所謂以酒與齋戒人清淨之人彼人以
是惡業因緣身壞命終墮於惡處叫
喚地獄大吼處生受大苦惱所謂苦
者熱白鐵汁先置口中以本持酒與
齋戒人與清淨人惡業所致故以炎
燃鐵鉢盛之置其口中大苦逼惱發

聲大吼如是吼聲餘地獄中則不如
是彼諸罪人生大悲苦喝聲吼喚大
吼之聲遍滿虛空闍魔羅人本性自
瞋彼地獄人罪業力故闍魔羅人聞
其吼聲倍更瞋怒諸飲酒人不護諸
惡一切不善不生慚愧若與酒者是
則與人一切不善以飲酒故心不專
正不護善法心則錯亂彼亂心人不
識好惡一切不善不生慚愧若人與
酒則與其因以有因故能為不善如
相似因相似得果以此因緣久受大
苦種種苦惱無量苦惱何故名曰大
吼地獄以受無量種種苦惱發聲大
吼是故名曰大吼地獄如是衆生在
如是處乃至不善惡業破壞無氣爛
盡彼地獄處亦乃得脫若於前世過
去久遠有善業熟不生餓鬼畜生之
道若生人中同業之處生則愚鈍心
下黯慧則多忘失少時不憶如是閻
鉗愚癡之人無有資財人不敬愛貧
窮無物雖復求財而不可得若得微
病即便命終是彼惡業餘殘果報又
彼比丘知業果報復觀叫喚之大地

獄復有何處彼見如是叫喚地獄有十六處何等十六一名大吼二名普聲三名煖火流四名火末垂五名熱鐵火杵六名雨炎火石七名煞煞八名鐵林曠野九名普闇十名閻魔羅適約曠野十一名劍林十二名大劍林十三名芭蕉烟林十四名有煙火林十五名火雲霧十六名分別苦此十六處叫喚地獄所有別處衆生何業報生彼處彼比丘如是已觀叫喚地獄大吼處已次觀第二名普聲處彼見有人煞生偷盜邪行飲酒樂行多作彼人則墮叫喚地獄生普聲處煞盜邪行業及果報如前所說何者飲酒若人飲酒樂行多作若於他人初受戒者與酒令飲彼人以是惡業因緣身壞命終墮於惡處叫喚地獄普聲處生受大苦惱所謂杵築彼地獄人發聲吼喚其聲遍滿彼地獄處若鐵圍山一切諸河四天下處閻浮提等在彼處者彼吼聲出一切消盡彼人啼哭悲號吼聲自業相似彼地獄人如是吼喚乃至惡業未壞未爛

業氣未盡於一切時與苦不止若惡業盡彼地獄處今乃得脫若於前世過去久遠有善業熟不生餓鬼畜生之道若生人中同業之處則生曠野少水國土又彼比丘知業果報復觀叫喚之地獄復有何處彼見聞知喚大地獄復有異處名髮火流是彼地獄第三別處衆生何業生於彼處彼見有人煞生偷盜邪行飲酒樂行多作彼人則墮叫喚地獄髮火流處煞盜邪行業及果報如前所說何者飲酒於優婆塞五戒人邊說酒功德作如是言酒亦是戒令其飲酒彼人以是惡業因緣身壞命終墮於惡處叫喚地獄髮火流處受大苦惱所謂兩火彼地獄人常被燒煮炎燃頭髮乃至脚足有熱鐵狗散食其足炎嚙鐵鷲破其髑髏而飲其腦熱鐵野干食其身中如是常燒如是常食彼人自作不善惡業悲苦啼哭說偈傷恨向閻羅人而作是言

汝何無悲心復何不寂靜我是悲心器

於我何無悲

正法念處經卷第七 第三十六頌定

應答

問魔羅人答罪人曰

汝為癡所覆自作多惡業今受極重苦
非我造此因癡人不學戒作集多惡業
既有多惡業今得如是果是汝之所作
非是我因緣若人作惡業彼業則是因
已為愛翳誑作惡不善業今受惡業報
何故瞋恨我不作不受殃非謂惡無因
若人意作惡彼人則自受莫喜樂飲酒
酒為毒中毒常喜樂飲酒能煞害善法
若常樂飲酒彼人非正意意動法豈得
故應常捨酒酒為失中失是智者所說
如是莫樂酒自失令他失常喜樂飲酒
得不愛惡法如是得言惡故應捨飲酒
財盡人中鄙第一懈怠本飲酒則有過
如是應捨酒酒能熾燃欲瞋心亦如是
癡亦因酒盛是故應捨酒

如是地獄髮火流處是地獄人自業
所得乃至作集惡業破壞無氣爛盡
彼地獄處余乃得脫若於前世過去
久遠有善業熟不生餓鬼畜生之道
若生人中同業之處彼人則生一種
國土無酒之處一切資具無色無味

正法念處經卷第七 第三十七段定

不知色味是本惡業餘殘果報

正法念處經卷第七

癸卯歲高麗國分司吳藏都監奉
勅彫造

正法念處經卷第八

定

地獄品之四

元魏婆羅門瞿曇般若流支譯

又彼比丘知業果報復觀叫喚之大
地獄復有何處彼見聞知復有異處
名火末重是彼地獄第四別處衆生
何業生於彼處彼見有人然盜邪行
樂行多作彼人則墮叫喚地獄火末
重處業及果報如前所說復賣酒者
加益水等而取酒價如是賣酒有偷
盜過彼人以是惡業因緣身壞命終
墮於惡處叫喚地獄火末重處受大
苦惱所謂苦者四百四病何等名為
四百四病百一風病百一黃病百一
冷病百一雜病彼地獄人相似因果若
閻浮提處鬱單越處瞿耶尼處弗婆
提處如是四處隨若干人一病之力
於一日夜能令皆死彼地獄處具有
如是四百四病而復更有餘諸苦惱
所謂苦者彼地獄人自身重生破其
皮肉脂血骨髓而飲食之受如是苦
唱聲大喚孤獨無救而復於彼閻魔

羅人極生怖畏復為大火之所燒煮其身炎然受種種苦乃至作集惡業壞散無氣爛盡彼地獄處亦乃得脫若於前世過去久遠有善業熟不生餓鬼畜生之道若生人中同業之處貧窮苦惱是其前世賣酒惡業餘殘果報

又彼比丘知業果報復觀叫喚之地獄復有何處彼見聞知復有異處彼處名為熱鐵火杵是彼地獄第五別處衆生何業生於彼處彼見有人煞盜邪行樂行多作彼人則墮叫喚地獄熱鐵火杵別異處生業及果報如前所說今復說酒若人以酒誑與畜生師子虎熊鸚鵡鴿命命是等鳥獸令其醉已則無有力不能得去然後捉取若煞不煞彼人以此惡業因緣身壞命終墮於惡處叫喚地獄熱鐵火杵別異處生受大苦惱熱炎鐵杵是惡業作樂令碎末如沙相似一切身分皆悉散壞彼受大苦唱聲啼哭遙相向走如是走時熱炎鐵杵隨後打築普受大苦閻魔羅人復更執之

以利鐵刀削其身體削已復割割已復剗剗已復劈乃至作集惡不善業末壞未爛業氣未盡於一切時與苦不止若惡業盡彼地獄處亦乃得脫若於前世過去久遠有善業熟不生餓鬼畜生之道若生人中同業之處得風血病是彼惡業餘殘果報生惡國土無有醫藥賸病使人貧窮困苦復生惡國多有種種惡草荆棘在於多熱少水之處常懷怖畏是彼惡業餘殘勢力

又彼比丘知業果報復觀叫喚之大
地獄復有何處彼見聞知復有異處
彼處名為雨炎火石是彼地獄第六
別處眾生何業生於彼處彼見有人
煞盜邪行樂行多作彼人則墮叫喚
地獄雨炎火石別異處生業及果報
如前所說又復若人作如是心為若
醉時能多煞人若煞多人我則得勝
為令為鬪與酒令飲是業報故墮於惡
處叫喚地獄雨炎火石別異處生受
大苦惱所謂苦者罪業力故彼地獄
中有大為生身皆炎燃一切身分皆

能打觸取彼人已觸破彼人一切身分破碎墮落與大怖畏彼人如是唱聲大喚身分散盡若得脫已而復更為閻魔羅人執之置鑊在於熱沸赤銅汁中如是無量百千年歲常燒常煮身體爛壞乃至惡業未壞未爛業氣未盡於一切時與苦不止若惡業盡彼地獄處亦乃得脫若於前世過去久遠有善業熟不生餓鬼畜生之道若生人中同業之處彼人則生然為之家為為所然常困貧窮面色不好手足堅澁身常澁觸是彼惡業餘殘果報

又彼比丘知業果報復觀叫喚之大地獄復有何處彼見聞知復有異處名然然處是彼地獄第七別處衆生何業生於彼處彼見有人然盜邪行樂行多作彼人則墮叫喚地獄生然然處業及果報如前所說又復若人以酒與他貞良婦女令其醉已心亂不正不守梵行然後共姪彼人以是惡業因緣身壞命終墮於惡處叫喚地獄生然然處受大苦惱所謂苦者

熱炎鐵鈎拔其男根拔已復生拔已
復生新生孺嫩而復更拔極受大苦
唱聲叫喚彼惡業人脫如是處走向
異處既如是走當其面前見有險岸
見有鳥驚獺狐鷄鵲身皆是鐵熱炎
嘴爪處處遍有在彼險岸彼地獄人
如是見已生大怖畏皺面喎口望救
望歸墮險岸處熱炎嘴爪鐵身鳥獺
獺狐鷄鵲分分分散而敢食之食已
復生如是無量百千年歲乃至惡業
未壞未爛業氣未盡於一切時與苦
不止若惡業盡彼地獄處亦乃得脫
若於前世過去久遠有善業熟不生
餓鬼畜生之道如是次第如前所說
王法所縛身體惡色面貌醜陋繫獄
而死是彼惡業餘殘果報
又彼比丘知業果報復觀叫喚之大
地獄復有何處彼見聞知復有異處
彼處名為鐵林曠野是彼地獄第八
別處衆生何業生於彼處彼見有人
然盜邪行樂行多作被人則墮叫喚
地獄鐵林曠野業及果報如前所說
又若有人毒藥和酒與怨令飲彼人

以是惡業因緣身壞命終墮極惡處
叫喚地獄鐵林曠野受大苦惱所謂
鐵輪熱炎疾轉閻魔羅人以熱鐵繩
縛地獄人在彼鐵輪速疾急轉閻魔
羅人以熱鐵箭射其身分體無完處
如芥子許罪業力故而復不死彼鐵
輪處因緣若盡走向餘處罪業力故
復為鐵地之所執持於百千年而敢
食之乃至惡業未壞未爛業氣未盡
於一切時與苦不止若惡業盡彼地
獄處亦乃得脫若於前世過去久遠
有善業熟不生鐵鬼畜生之道若生
人中同業之處生捉地家喜捉地頭
以彼惡業餘殘勢力地整而死是彼
惡業餘殘果報

又彼比丘知業果報復觀叫喚之大
地獄復有何處彼見聞知復有異處
名普闇火是彼地獄第九別處衆生
何業生於彼處彼見有人煞盜邪行
樂行多作彼人則墮叫喚地獄普闇
火處業及果報如前所說又復若人
賣酒活命有買酒人不知酒價彼賣
酒人少酒貴賣而取多物彼人以是

惡業因緣身壞命終墮於惡處叫喚
地獄普聞火處受大苦惱所謂苦者
普聞火處地獄之中閻魔羅人不識
不知為是何人而閻打之彼地獄人
受大苦惱不知誰打入閻火中彼火
乃無微少光明如毛頭許彼地獄人
於彼火中燒煮爛壞復有鐵鋸解劈
其身從頭而起裂為兩分罪人苦惱
唱聲大哭乃至作集惡不善業未壞
未爛業氣未盡於一切時與苦不止
若惡業盡彼地獄處亦乃得脫若於
前世過去久遠有善業熟下生餓鬼
畜生之道若生人中同業之處常患
飢渴之所逼惱無有財物生隘迫處
生常儉處非正人類相似處生是彼
惡業餘殘果報

又彼比丘知業果報復觀叫喚之大
地獄復有何處彼見聞知復有異處
名閻魔羅遮約曠野是彼地獄第十
別處衆生何業生於彼處彼見有人
煞盜邪行樂行多作被人則墮叫喚
地獄生閻魔羅遮約曠野業及果報
如前所說今復說酒若人以酒強與

病人新產婦女若為財物若為衣服
飲食等故如是與酒若取財物若取
衣服若飲食等彼人以是惡業因緣
身壞命終墮於惡處叫喚地獄生閻
魔羅遮約曠野受大苦惱所謂苦者
從足甲燃乃至燃頭閻魔羅人熱炎
鐵刀從足至頭若斫若刺既斫刺已
又復更與極大苦惱所謂火燃炎利
鐵戟如是無量百千年歲常一切時
燒斫劈打乃至惡業未壞未爛業氣
未盡於一切時與苦不止若惡業盡
彼地獄處亦乃得脫若於前世過去
久遠有善業熟不生餓鬼畜生之道
若生人中同業之處彼人則生惡國
惡處邊地之處下賤放賄如是處生
是彼惡業餘殘果報

又彼比丘知業果報復觀叫喚之大
地獄復有何處彼見聞知復有異處
名劍林處是彼地獄第十一處衆生
何業生於彼處彼見有人煞盜邪行
樂行多作彼人則墮叫喚地獄生劍
林處業及果報如前所說今復說酒
若人以酒誑他欲行曠野之人言是

第一阿娑婆酒令人不醉而與惡酒
彼將酒去既入曠野嶮處飲之飲已
極醉無所覺知如是醉人所有財寶
悉為賊取或奪其命阿娑婆酒味如
酪漿有如美水有如馬酪以好妙藥
和而作之彼人不與而與惡酒故令
使醉彼與酒者世人皆言如捉咽賊
冢是惡賊彼人以是惡業因緣身壞
命終墮於惡處叫喚地獄生餓林處
彼作集葉受大苦惱所謂苦者雨炎
火石甚多稠密普身被燒如是劈斫
倒地吐舌彼處有河名熱沸河熱血
洋水常生怖畏彼河熱沸以熱銅汁
熱白鐵汁和雜其中如是無量百千
年歲常被燒煮閻魔羅人以炎刀枷
若斫若打乃至惡業未壞未爛業氣
未盡於一切時與苦不止若惡業盡
彼地獄處尔乃得脫若於前世過去
久遠有善業熟不生餓鬼畜生之道
若生人中同業之處彼人黑色與墨
無異多瞋多妬性慳常貧是彼惡業
餘殘果報

又彼比丘知業果報復觀叫喚之大

地獄復有何處彼見聞知復有異處
名大劍林是彼地獄第十二處衆生
何業生於彼處彼見有人煞盜邪行
樂行多作彼人則墮叫喚地獄大劍
林處業及果報如前所說今復說酒
曠野之中無人居處唯有道路多人
所行若人於中賣酒求利彼人以是
惡業因緣身壞命終墮於惡處叫喚
地獄大劍林處受大苦惱所謂多有
大利劍樹高一由旬刀葉甚利樹莖
炎然煙毒熾盛是本與酒惡業所作
若一由旬未到樹所身已熟爛而復
不死如是如是近大劍林彼林周廣
三千由旬火煙毒刀有百千重受大
苦惱而復不死若地獄人到劍林
間魔羅人打蹴令入有在樹下普遍
雨刀一切身分一切筋脉一切諸節
一切骨髓皆悉破裂分分分散復有
刀枷閻魔羅人手執刀枷周圍劍林
罪人若出見則還入彼大劍樹鐵林
之中罪人若見閻魔羅人極生怖畏
有映樹者有上樹者有被捉者既捉
得已以刀斬斫有頭破者是本與酒

惡業果報若映樹者有鐵鷲鳥啄破其眼而飲其汁是本與酒惡業果報若上樹者則墮樹枝在於地上身為百段若一千段是本與酒惡業果報若有罪人不依樹者則墮火河熱灰所漂身骨洋爛如是無量百千年歲受大苦惱此說少分乃至惡業未壞未爛業氣未盡於一切時與苦不止若惡業盡彼地獄處亦乃得脫若於前世過去久遠有善業熟不生餓鬼畜生之道若生人中同業之處心則不正報得惡病若得大病若心痛病只羅娑病若脚腫病若目盲病是彼惡業餘殘果報

又彼比丘知業果報復觀叫喚之大 地獄復有何處彼見聞知復有異處彼處名為芭蕉煙林是彼地獄第十三處衆生何業生於彼處彼見聞知若人煞生偷盜邪行樂行多作彼人則生叫喚地獄芭蕉煙林別異處生業及果報如前所說今復說酒若人欲心是故持酒陰密與他貞良婦女欲令彼醉不住威儀心動變異墮行

非法彼人以是惡業因緣身壞命終
墮於惡處叫喚地獄芭蕉煙林別異
處生受大苦惱所謂苦者彼地獄處
周圍經廣五千由旬普煙遍滿有惡
焦火而復黑闇彼闇火中有炎鐵塊
厚三居餘皆是火炭闇覆不見彼地
獄人速疾沒入黑闇火覆不能唱喚
如是罪人一切根門皆悉火滿是彼
與酒惡業果報若脫彼處則芭蕉煙
滿其根門既受煙苦還復憶前火中
之樂如是煙氣勢力嚴利若脫彼處
復有鐵鳥名煙葉鷄其嘴甚利啄破
其骨取髓而飲乃至惡業未壞未爛
業氣未盡於一切時與苦不止若惡
業盡彼地獄處亦乃得脫若於前世
過去久遠有善業熟不生餓鬼畜生
之道若生人中同業之處則多胷病
貧窮短命是彼惡業餘殘果報

又彼比丘知業果報復觀叫喚之大
地獄復有何處彼見聞知復有異處
彼處名為煙火林處是彼地獄第十
四處衆生何業生於彼處彼見聞知
若人煞生偷盜邪行樂行多作彼人

則墮叫喚地獄煙火林處業及果報
如前所說今復說酒若人飲令愁家
寒惱以酒與賊若與官人令與愁苦
彼人以是惡業因緣身壞命終墮於
惡處叫喚地獄煙火林處受大苦惱
所謂熱風如刀如火彼惡業故作如
是風吹彼罪人在於空中勢相打觸
不得自在身體碎壞猶如沙搏惡業
力故身復還生如是無量百千年歲
乃至惡業未壞未爛業氣未盡受一
切苦所謂苦者火苦刀苦利刀劈苦
病苦鐵苦熱灰等苦受如是等第一
極苦第一極惡第一極急如是無量
百千年歲乃至惡業未壞未爛業氣
未盡於一切時與苦不止若惡業盡
彼地獄處亦乃得脫若於前世過去
久遠有善業熟不生餓鬼畜生之道
若生人中同業之處頂上三堆極高
隆出常患瘡病是彼惡業餘殘果報
又彼比丘知業果報復觀叫喚之大
地獄復有何處彼見聞知復有異處
名雲火霧是彼地獄第十五處衆生
何業生於彼處彼見聞知若人煞生

偷盜邪行樂行多作生彼地獄雲火
霧處業及果報如前所說今復說酒
若人以酒與持戒人若與外道令其醉
已調戲持之令彼著耻自心喜樂彼
人以是惡業因緣身壞命終墮於惡
處叫喚地獄雲火霧處受大苦惱所
謂苦者彼地獄中地獄火滿厚二百
肘間魔羅人捉地獄人令行火中從
足至頭一切洋消舉之還生以惡業
故有火風起吹地獄人如葉集散十
方轉迴猶如被繩彼地獄人如是被
燒乃至無有灰末可得而復還生如
是無量百千年歲常如是燒乃至惡
業未壞未爛業氣未盡於一切時與
苦不止若惡業盡彼地獄處亦乃得
脫若於前世過去久遠有善業熟不
生餓鬼畜生之道若生人中同業之處
彼人則生閻魔羅國婆離迦國常負
人故項則常腫彼酒惡業餘殘果報
又彼比丘知業果報復觀叫喚之大
地獄復有何處彼見聞知復有異處
名分別苦是彼地獄第十六處衆生
何業生於彼處彼見聞知若人煞生

偷盜邪行樂行多作彼人則墮叫喚
地獄分別苦處業及果報如前所說
今復說酒所謂有人欲行因緣以酒
與奴及作人等令彼飲酒身力不乏
若行獵時能速疾走能煞鹿等彼人
以是惡業因緣身壞命終墮於惡處
叫喚地獄分別苦處受大苦惱所謂
苦者隨彼罪人如是如是種種分別
閻魔羅人如是如是與大苦惱百倒
千倒若百千倒億百千倒若干種種
異異苦惱如前所說餘地獄中種種
苦惱彼一切苦此中倍受閻魔羅人
責疏罪人而說偈言

以三種惡業遍在九處熟四十重受苦
惡業行所得酒為惡根本被笑入地獄
一切根失滅不利益因緣太喜多語言
增貪令他畏口過自誇誕兩舌第一處
酒能亂人心令人如羊等不知作不作
如是應捨酒若酒醉之人如死人無異
若欲常不死彼人應捨酒酒是諸過處
恒常不饒益一切惡道階黑闇所在處
飲酒到地獄亦到餓鬼處行於畜生業
是酒過所誑酒為毒中毒地獄中地獄

病中之大病是智者所說酒失智失根
能盡滅法寶酒為第一胎是破梵行惡
飲酒令人輕王等尚不重何況餘凡人
為酒之所持諸法之大斧令人無著慚
若人飲酒者一切所輕賤無智無方便
身口皆無用一切皆不知以酒劫心故
若人飲酒者無因緣歡喜無因緣而墮
無因緣作惡於佛所生癡壞世出世事
燒解脫如火所謂酒一法若人能捨酒
正行於法戒彼到第一處無死無生處
汝捨離善行為酒之所誑墮地獄惡處
何用呼癡為飲酒初雖甜受報第一苦
過如金波迦是智者所說智者不信酒
不能壞其意觸令果報熱由酒到地獄
若作惡業者意輕則心喜報則第一苦
後悔是癡人不樂欲中意欲第一誑人
縛在生死惡一切地獄因若人喜樂欲
彼人苦無邊為欲所誑者樂則不可得
汝本意樂欲來此惡地獄受極惡苦惱
今者徒生悔汝本作惡業為欲癡所誑
彼時何不悔今悔何所及作集業堅牢
今見惡業果本不應作惡作惡今受苦
惡業得惡報作惡者自受惡不殃善者

如是應捨惡若捨惡之人於惡則不畏自作自受苦非餘人所食

閻魔羅人如是責疏地獄罪人既責疏已復與無量種種苦惱乃至惡業未壞未爛業氣未盡於一切時與苦不止若惡業盡彼地獄處亦乃得脫若於前世過去久遠有善業熟不生成鬼畜生之道若生人中同業之處身體乾枯第一瞋心難可調順是彼惡業餘殘果報

又彼比丘知業果報復觀叫喚之地獄彼大地獄唯有此處更無別有異處可見亦無別有業果可得如是叫喚之大地獄如是十六眷屬之處如活黑繩合等地獄種種苦惱此中具足轉重轉勝彼地獄中所受苦惱彼一切苦此地獄中皆悉十倍何以故以作惡業堅重多故然盜邪行與持戒人酒四倍惡業此地獄受堅鞞多重種種苦惱壽命延長彼四倍業果報苦惱彼比丘觀察如是四倍惡業苦惱果報既思惟已則於生死十倍厭離又修行者內心思惟隨順正

法觀察法行彼比丘觀察如是諸地

獄已深畏生死得第十地彼地夜叉

知已歡喜如是復聞虛空夜叉如前

所說次第乃至梵迦夷天梵不流天

大梵天等彼梵天等聞已歡喜如前

所說生死魔分皆悉損減正法增長

又彼此並知業果報次復觀察餘六

地獄彼見聞知復有地獄名大叫喚

衆生何業生彼地獄彼見聞知若人

煞生偷盜邪行飲酒妄語樂行多作

增上滿足如是之人生大叫喚大地

獄中煞生偷盜邪行飲酒業及果報

如前所說今說妄語增上滿足第一

極惡一切善人之所憎賤一切惡道

所由之門如是業者所謂有人若王

王等軍衆等中謂為正直二人諍對

與作證人言如是事是我所知此事

正尔我則是量彼二諍人各各說已

如是證人內心實知口不正說或得

財物或知識朋友或染欲心自誑破

壞如前所說如是證人作如是心彼

先時語如是如是我於今者如是異

說我此妄語如是妄語竟有何罪彼

妄語人心謂無罪起如是心我當無罪彼人異說於二人中得妄語罪一人得罰或時致死或時畏死或時得罰或輸舍宅如彼法制相似得罰如是惡人以是妄語惡業因緣身壞命終墮於惡處謂大叫喚大地獄中彼處命長以何爲量如化樂天八千年壽依此人中若八千年於彼天中爲一日夜彼三十日以爲一月彼十二月以爲一歲於彼天中若八千年彼地獄中爲一日夜彼大叫喚大地獄中是惡業人妄語人處以誑自他能破一切第一善根如大黑暗大衆不信如是妄語善人不許一切聖人聲聞緣覺正徧知者之所可責一切世間出世間道皆不相應一切善根橋梁大斧常惱他人如爛死屍破壞不堅如惡毒氣世間生死惡道因緣如屎無異能令口中生爛臭氣常生苦網不可愛樂是大地獄大怖畏使臨欲死時心則大驚閻魔羅人境界所攝是大惡家能令人墮餓鬼畜生證明惡業貧窮因緣能與地獄大怖畏

事能作畜生相食因緣無始來轉生
死種子妄語卑報於彼處生彼大地
獄有十八處何等十八一名吼吼二
名受苦無有數量三名受堅苦惱不
可忍耐四名隨意壓五名一切閻六
名人間煙七名如飛虫墮八名死活
等九名異異轉十名唐怖望十一名
雙逼惱十二名迭相壓十三名金剛
鬚烏十四名火鷲十五名受鋒苦十
六名受無邊苦十七名血髓食十八
名十一炎此十八處是大叫喚之地
獄所有別處彼大叫喚大地獄者
衆生何業而生於彼作集業道普徧
究竟樂行多作墮大叫喚根本自體
極大怖畏大地獄中受大苦惱所謂
苦者其舌甚長三居餘量其體柔軟
如蓮花葉從口中出閻魔羅人執熱
鐵犁其犁炎然耕破作道熱炎銅汁
其色甚赤以灑其舌舌中生虫其虫
炎口還食其舌彼妄語人罪業力故
舌受大苦不能入口彼地獄人口中
有虫名曰確虫而拔其齒又惡業故
風散其斷碎糝如沙有利刀風削

割其咽炎噴刀鐵至毀食其心彼大叫
喚根本地獄如是極燒妄語人身以
惡業故身中生虫還食其身至身炎
燃彼地獄人身内虫食受急痛苦如
是内外二種苦惱彼地獄中間魔羅
人復與罪人種種苦惱謂鐵鉤打箭
脉骨髓一切身分破壞碎散又復更
受餘異苦惱所謂斤斧斤其身體一
切身分乃至骨等彼妄語人以他因
緣作如是說不依一切法橋而行乃
是一切不饒益門復是一切善報之
電如是妄語亦是一切惡道之門亦
是一切苦惱之藏一切衆生之所不
信一切聖人棄捨如屎諸佛世尊聲
聞緣覺阿羅漢等捨之如毒若行世
間出世間道如大黑闇人無愛者乃
是地獄第一因緣無異相似如大黑
闇有如是等種種諸惡若人已說今
說當說如是業因相似得果彼大叫
喚之大地獄復有火燒如生醉者炎
燃鐵鋸以鋸其體身心苦惱彼大地
獄大火煮之是見知者大悲因緣地
獄相似一切重病如是病者名尚巨

說受如是病極大苦惱如是所說二種大苦乃有無量百千億數億那由他地獄苦惱乃至作集惡不善業未壞未爛業氣未盡於一切時與苦不止若惡業盡彼地獄中今乃得脫若於前世過去久遠有善業熟不生餓鬼畜生之道若生人中同業之處貧窮短命亂心不男一切惡賤人所不信是彼殺生偷盜邪行飲酒妄語餘殘果報

今時世尊而說偈言

若人過一法如是妄語人破壞未來世無惡而不造莫作妄語說一切惡因緣能繫縛生死善道不可見二世不饒益一切相憎惡妄語者能令一切法空曠若人即生時口中有大斧如是能自割所謂妄語說一切惡之幡一切惡處繩棄闇之蔽處所謂妄語說若人離實語一切善人捨今世猶如草後世惡處燒健者勿妄語妄語甚為惡口中氣爛臭後身則生悔若捨離實語彼人法豈得如是離法人生世若無邊實為諸法燈善人愛如寶得天道中勝離熱者所說

實道得生天實道得解脫若人離實者
善人說如狗若人無實語小人中小人
實是法之階明中第一明實是解脫道
財中第一財救中第一救是智者所說
明中第一明眼中第一眼無物猶為富
莊嚴之莊嚴實為第一藏王等不能棄
若實說之人行到第一道種種莊嚴者
端正不如是若人實莊嚴端正則如天
非父母財物非知識非親能救護後世
唯實語能救聖人說妄語火中第一火
毒中第一毒惡道第一階妄語能燒人
名為第一燒如毒火燒觸故應捨妄語
如是一切惡慎勿妄語說一切畏等惡
智者說妄語

彼比丘如是諦觀妄語業果無障礙
見亦復諸見實語功德如是諦觀善惡
業道觀大叫喚大地獄處彼見有處
名為吼吼是彼地獄第一別處衆生
何業生於彼處彼見聞知若人殺盜
邪行飲酒生於彼處業及果報如前
所說復有妄語親舊因緣一朋所攝
於對諍時作妄語說後不懺悔不厭
不毀樂行多作彼人以是惡業因緣

身壞命終墮彼地獄生吼吼處受大
苦惱所謂苦者以古妄語還受舌罰
間魔羅人以利鐵刀穿其頷下挽出
其舌以惡泥水用塗其舌口中炎燃
舌根爛臭炎口黑重敗食其舌身受
大苦如前活等地獄中說苦惱之狀
彼前一切諸地獄中所受苦惱皆悉
和合如前略說乃至彼人妄語惡業
壞爛無氣彼地獄處亦乃得脫若於
前世過去久遠有善業熟不生餓鬼
畜生之道若生人中同業之處貧窮
顛狂無心失心短命根缺世所嫌賤
皆是一切不饒益器

又彼比丘知業果報觀大叫喚之大
地獄復有何處彼見聞知復有異處
名為受苦無數量處是彼地獄第一
別處衆生何業生於彼處彼見聞知
若人然盜邪行飲酒作而復集墮彼
地獄名為受苦無數量處業及果報
如前所說復有妄語何者妄語若人
因欲或因瞋心作妄語說若他所違
作如是言彼人是我第一知識是我
所愛汝若愛我彼是我友可為我故

與彼怨對作不饒益方便語說若人如是妄語言說身壞命終墮於惡處在彼地獄生受苦惱無數量處受大苦惱所謂苦者如前所說活等地獄所受苦惱彼一切苦皆悉和合是此地獄一處苦惱何以故以業重故受苦亦重以受苦重亦業果報如是受苦無有休止業與煩惱生死輪轉無有邊際猶如旋環如是妄語一切惡業異異因緣異異轉行種種惡業多作多受皆由妄語又復妄語能割斷滅滿善根柱如相似因得相似果以是因緣此地獄處名為受苦無有數量彼不可說彼受苦惱不可具說無異相似乃是一切地獄人中之地獄人受惡苦惱所謂苦者受重生苦受飢渴苦受大火苦無怖望苦無安慰苦受黑闇苦受相觸苦受不愛觸色聲香苦受見本生怨家人來鐵刀割苦渡灰河苦鐵鈎破苦受墮嶮岸大火燒苦受拔草苦拔草苦者打斫作瘡著草瘡上待相著已然後掣發受金剛授磨令碎苦受周遍火炎黯灸

苦受如是等地獄相應無邊苦惱與
彼受處地獄相應墮大嶮處所受苦
果妄語相似如是乃至彼妄語人妄
語惡業未壞未爛業氣未盡於一切
時與苦不止若惡業盡彼地獄處亦
乃得脫若於前世過去久遠有善業
熟不生餓鬼畜生之道若生人中同
業之處彼人常病若患咽病若患口
病如是等苦貧窮困苦常從富人能
捨之人乞求不得一切皆知皆言汝
是妄語舌人是故不與惡病而死是
彼前世妄語惡業餘殘果報
正法念處經卷第八

癸卯歲高麗國貧人藏書
勅彫造

正法念處經卷第九

定

地獄品之五

元魏婆羅門瞿曇般若流支譯

又彼比丘知業果報觀大叫喚之大
地獄復有何處彼見聞知復有異處
彼處名為受堅苦惱不可忍耐是彼
地獄第三別處衆生何業生於彼處
彼見聞知若人煞盜邪行飲酒樂行
多作墮彼地獄生受堅苦不可忍處
業及果報如前所說復有妄語何者
妄語若王王等官人執持若因於他
若自因緣若因與物得脫怖畏若餘
人證若為生活如是妄語彼人以是
惡業因緣身壞命終墮於惡處在彼
地獄生受堅苦不可忍處受大苦惱
所謂苦者以惡業故自身生起一切
身中處處遍行遍挽其筋地獄因緣
遍食身分食脾腸等在內宛轉如是
苦惱重於火苦如是彼處受大熱苦
受惡毒苦嚴利於火受如是苦無有
邊際彼地獄處所受苦惱堅鞫亘耐
不可具說彼地獄苦不可忍耐而復

不死於一切時受極重苦乃至惡業
未壞未爛業氣未盡於一切時與苦
不止若惡業盡彼地獄處亦乃得脫
若於前世過去久遠有善業熟不生
餓鬼畜生之道若生人中同業之處
既在母胎母即常病惡業力故從初
在胎乃至出時母病不差若得出胎
即生即病一切醫師所不能治是本
惡業餘殘果報

又彼比丘知業果報觀大叫喚之大
地獄復有何處彼見聞知復有異處
名隨意壓是彼地獄第四別處衆生
何業生於彼處是作集業生於彼處
彼見有人煞生偷盜邪行飲酒及以
妄語樂行多作隨彼地獄隨意壓處
煞生偷盜邪行飲酒業及果報如前
所說何者妄語所謂有人認他曰地
奪他曰地聞諱妄語曲迴而說不正
直說却他曰地言語壓他自取道理
彼人以是惡業因緣身壞命終墮於
惡處在彼地獄隨意壓處受壓苦惱
所謂苦者如前所說活等地獄所受
苦惱彼一切苦此由具受活等地獄諸

地獄人見此地獄皆悉指言彼是地獄
所謂苦者二鐵輔囊風滿其中間魔
羅人置彼罪人在鐵爐中亦如置鐵以
輔極吹鐵鉗鉗之在鐵砧上鐵椎打
之如是打已復置爐中以二鐵輔吹
之如前以罪業故惡熱甚熾吹已復
吹吹已鉗出置鐵砧上以熱鐵椎極
打連打多打急打如是打已猶活不
死又復鉗之置鑊湯中堅之令堅一
切時亦不曾暫停乃至惡業壞爛無
氣彼地獄中今乃得脫若於前世過
去久遠有善業熟不生餓鬼畜生之
道若生人中同業之處常渴多瞋人
所不信是彼惡業餘殘果報
又彼比丘知業果報觀大叫喚之大
地獄復有何處彼見聞知復有異處
名一切闇是彼地獄第五別處眾生
何業生於彼處彼見有人然生偷盜
邪行飲酒及以妄語樂行多作墮彼
地獄一切闇處然生偷盜邪行飲酒
業及果報如前所說何者妄語所謂
有人奸他婦女於眾人前若於王前
妄語說言如是婦女我實不犯令彼

女家返得殃罰彼人以是惡業因緣
身壞命終墮於惡處在彼地獄一切
閻魔受大苦惱所謂苦者劈頭出舌
出已刀割割已復生復以炎刀苦痛
割之如是無量百千年歲乃至惡業
未壞未爛業氣未盡於一切時與苦
不止若惡業盡彼地獄處亦乃得脫
若於前世過去久遠有善業熟不生
餓鬼畜生之道若生人中同業之處
生盲耳聾常在道頭若四出巷乞索
活命自身如是得如是人以為父母
經無量家乞求而活壽命不長無妻
無子是彼惡業餘殘果報

又彼比丘知業果報觀大叫喚之大
地獄復有何處彼見聞知復有異處
名人閻魔是彼地獄第六別處衆生
何業生於彼處彼見聞知若人煞盜
邪行飲酒及以妄語樂行多作墮彼
地獄人閻魔煞生偷盜邪行飲酒
業及果報如前所說何者妄語所謂
有人治生活命共他立要香火為契
異處治生實得財物妄語說言我不
得物而不共分彼人如是即是大賊

劫他財物彼人以是惡業因緣身壞
命終墮於惡處在彼地獄人間煙處
受大苦惱所謂苦者如前所說活等
地獄所受苦惱彼一切苦此中具受
復有勝者所謂此中一切身分皆悉
遍割割已復生生則軟嫩彼復更割
割已復生生更軟嫩而復更割是彼
惡業苦報魚報一切肉盡唯有骨在
自身生至至金剛劈其至至炎然種種
雜色而食其身受種種苦唱聲大喚
彼地獄人如是無量百千年歲乃至
作集惡業破壞無氣爛盡彼地獄處
余乃得脫若於前世過去久遠有善
業熟不生餓鬼畜生之道若生人中
同業之處一切身分皆悉爛臭頭生
濕至常無衣服貧窮困苦設有少者
一切補納所有語言一切不信人所
不愛不知治生是彼惡業餘殘果報
又彼比丘知業果報觀大叫喚之大
地獄復有何處彼見聞知復有異處
彼處名為如飛至墮是彼地獄第七
別處衆生何業生於彼處彼見有人
煞生偷盜邪行飲酒及以妄語樂行

多作墮彼地獄如飛虫墮別異處生
煞生偷盜邪行飲酒業及果報如前
所說何者妄語所謂有人取衆僧物
若穀若衣隨何物等處處販賣賤買
貴賣既得利已不與衆僧言不得利
欺誑衆僧如是之人貪心妄語作如
是言我唯得此更無有餘我所治生
唯得尔許如是之人治生妄語如是
癡人貪心所作彼人以是惡業因緣
身壞命終墮於惡處在彼地獄如飛
虫墮別異處生受大苦惱所謂苦者
彼有鐵狗齧破其腹破已食之食腸
食背間魔羅人手執斤斧斧熱炎熾
斤其身肉以稱稱之一兩半兩與狗
令食斤斧甚利復斤其骨為取其髓
用與狗故熱炎鐵鈎鈎其頤下既令
破已熱炎鐵鉗拔舌令出駢令使起
熱炎鐵鈎鈎其身體肉皆破裂如是
拔筋一切身分皆悉遍鈎如是妄語
行惡業人自作惡業自如是食彼妄
語人如是業熟既得免離閻魔羅人
有大熾火滿地獄中間無空處妄語
罪人入火地獄如飛虫墮如是常燒

燒已復生生已復燒如是無量百千年歲乃至作集惡業破壞無氣爛盡彼地獄處亦乃得脫若於前世過去久遠有善業熟不生餓鬼畜生之道若生人中同業之處生在貧窮下賤之家生便被燒設有多人嚴峻防備而必被燒是彼惡業餘殘果報

又彼比丘知業果報觀大叫喚之地獄復有何處彼見聞知復有異處名死活等是彼地獄第八別處衆生何業生於彼處彼見聞知若人煞盜邪行飲酒復有妄語樂行多作墮彼地獄死活等處如前所說活等地獄所受苦惱彼一切苦此中具足復有異苦謂以杖打即死却杖即活如是無量百千年歲死已復活活已復死彼人如是以惡業故若得脫已次復更見優鉢羅林疾走徃向望救望歸見優鉢羅滿中青花是何妄語所得果報所謂有人非出家人為作賊故著出家服見有多人欲行曠野而問之言彼曠野處為有賊不彼知有賊即答言無彼人到已為賊劫棄亡失

財物妄語誑他彼信因緣如業相似
相似得果見優鉢羅滿中青光而悉
是火間魔羅人執之扶著優鉢羅中
以火燒之以無足故不能得下如是
惡業相似勢力令彼罪人手足眼目
一切皆無如是地獄優鉢羅中大火
充滿如是無量百千年歲常被燒煮
死而復活乃至惡業未壞未爛業氣
未盡於一切時與苦不止若惡業盡
彼地獄處亦乃得脫若於前世過去
久遠有善業熟不生餓鬼畜生之道
若生人中同業之處所有言語不依
道理自出心語曲迴言說設得財物
為王所棄繫獄而死是彼惡業餘殘
果報

又彼比丘知業果報觀大叫哭之大
地獄復有何處彼見聞知復有異處
名異異轉是彼地獄第九別處衆生
何業生於彼處彼見有人煞生偷盜
邪行飲酒及以妄語樂行多作墮彼
地獄異異轉處煞生偷盜邪行飲酒
業及果報如前所說何者妄語所謂
有人諂曲妄語欲令他人勝資衰利

死活等故所謂有人若陰陽師善知

卜術卜事皆當若有德人常出實語

世人所信復有因緣他人所問作如

是意我不妄語一切皆知一切人信

我今妄語人皆謂實如是念已即作

妄語以妄語故能令國土一切亡失

若勝人死令他怨者迭相劫奪亡失

財物彼妄語人一切所信信其妄語

彼妄語人正行形服而實是賊彼人

以是惡業因緣身壞命終墮於惡處

在彼地獄異異轉處受大苦惱所謂

苦者彼地獄處遠見父母奴僕知識

香火善友是本人中先所見者於地

獄中而安慰之彼地獄人既聞愛語

疾走往赴望救望歸彼人如是走赴

異處入灰火中如石墮水沒已復出

一切身分受大苦惱唱聲大喚復見

父母妻子香火善友知識復更走赴

以惡業故道生鐵鈎鈎攬其體既到

復為閻魔羅人之所執持炎燃鐵鋸

解劈其身猶如劈木如是罪人若脫

彼處唯有骨在一切身分皆悉破裂

走向異處更為其餘閻魔羅人執著

炎火鐵刀輪中彼鐵刀輪上下皆有
以惡業故如是鐵輪利刀遍滿彼輪
疾轉炎火熾燃磨彼妄語惡業之人
碎如麤末末已復生彼地獄人輪處
得脫復見父母妻子香火善友知識
望救望歸疾走往赴以惡業故既如
是走道上多生熱炎鐵鈎有惡師子
惡業所生執彼罪人置於口中在牙
齒間閻魔羅人熱炎鐵鈎鈎之令出
出已思念而復更走既如是走其足
破裂火炎極燒一切身分皆悉破壞
燒燃焦爛猶走不止遍身是瘡彼罪
人身骨脉皆盡是彼妄語樂行多作
相似業因相似得果如彼人說我實
語人而作妄語諂曲心語枉謗他語
如是彼人見有父母妻子香火善知
識等彼妄語人如是久受無邊苦惱
堅鞞利苦如是無量百千年歲常煮
常燒常劈常打乃至惡業未壞未爛
業氣未盡於一切時與苦不止若惡
業盡彼地獄處亦乃得脫若於前世
過去久遠有善業熟不生餓鬼畜生
之道若生人中同業之處貧窮下賤

根闕常病一切衆人之所憎嫉一切不信一切汙惡一切所作唐勞其功所求不得是彼惡業餘殘果報又彼比丘知業果報觀大叫喚之地獄復有何處彼見聞知復有異處名唐怖望是彼地獄第十別處衆生何業生於彼處彼見聞知若人煞盜邪行飲酒復有妄語樂行多作墮彼地獄唐怖望處業及果報如前所說今說妄語何者妄語於苦惱人若有病人飢人渴人貧窮孤獨下賤癡癡如是等人若糲米等一切食具若食若飲若衣若敷卧具舍等一切皆無若乞不乞許而不與彼常怖望後時息心彼人以是惡業因緣身壞命終墮於惡處在彼地獄唐怖望處受大苦惱以本許食而後不與彼惡業故見地獄中有好種種法施足食蒲闍足食種種妙好莊嚴之處彼地獄人極大飢渴疾疾而走趣彼食處遠見彼食極好甚愛清潔具足到已即無唯見鐵汁熱炎熾然既趣彼食疾疾而走以惡業故滿道鐵鈎鈎攪其體

乃到彼處如前所說次第乃至到彼處已彼所見食恚為洋鐵熱炎熾燃大臭色惡是彼妄語惡業所作既近見之即便墮中若與彼氣燒鼻墮落若身觸之一切身分皆悉炎然如螢火垂鐵汁燒脣既燒脣已次燒其咽既燒咽已次燒其心既燒心已次燒其脾既燒脾已次燒其腸如是次第燒生藏已次燒熟藏燒熟藏已從下而出又復敷具及卧具等許布施已後時不與彼妄語業寒熱所逼受大苦惱無所怖望彼地獄中熱銅板地罪人坐已一切身分皆悉消洋洋已燒然後復更生若人屋舍欲施客人許而不與彼妄語業置歡喜鑊隨喜鑊中如是鑊量五十由旬熱沸鐵汁滿彼鑊中彼惡業人頭在下入既入鑊中或上或下皆悉爛熟未熟則沉熟已則浮既浮出已復沉在下如是沸熱既爛熟已一切身分皆悉肉脫筋皮骨散一切諸節損少減盡彼鑊甚閻沸鐵滿中生燒其身唱哭號哭彼既煮已復入餘鑊鑊中煮熟熟則

浮出如初鑊煮此中亦尔如是上下
或出或入彼諸罪人或合一處或時
分散若相近時極熱相觸如是相觸
一百千倒身體破為一百千段而復
更生又復更與餘諸罪人極熱相觸
如是相觸一百千倒身體破為一百
千段是本妄語惡業羂縛於一切時
受如是苦如是乃至彼妄語人惡不
善業未壞未爛業氣未盡於一切時
與苦不止若惡業盡彼地獄處尔乃
得脫若於前世過去久遠有善業熟
不生餓鬼畜生之道若生人中同業
之處生則為奴屬本前世所誑之人
以前世時許而不與是故如是或復
繫屬餘人為奴彼人異業何以故以
無始來生生輪轉無始以來造作種
種惡不善業如是世間生死所攝處
處流轉難相值故喜愛業繩之所繫
縛是故輪轉處處異故不可相值以
此因緣或時復與異人為奴常離飲
食卧具屋舍隨病醫藥常為大家之
所罵辱是彼惡業餘殘果報

又彼比丘知業果報觀大叫喚之大

地獄復有何處彼見聞知復有異處
名雙逼惱是彼地獄第十一處衆生
何業生於彼處彼見有人煞生偷盜
邪行飲酒樂行多作墮彼地獄雙逼
惱處業及果報如前所說復有妄語
何者妄語謂邑子中社等會中若我
傍心若因瞋心若相憎嫉或相鬪諍
妄語而說自他俱誑自他破壞以作
如是妄語因緣彼處衆中令他得罰
心生歡喜彼如是業多作究竟作而復
集彼人以是惡業因緣身壞命終墮
於惡處在彼地獄雙逼惱處受大苦
惱彼人如是社會等中妄語惡說以
如是因如是因緣身壞命終墮彼地
獄在雙逼惱別異處生受大苦惱所
謂苦者如活黑繩合叫熨等諸地獄
中前所說者此中轉勝以惡業故
彼處則有炎牙師子彼惡師子取彼
妄語地獄罪人如前所說種種苦惱
既得脫已為彼師子舉而食之舉食
則死下之則活又復食其一切身分
食已復生生已復食以惡業故令彼
師子齒機關中炎火充滿以如是齒

食彼罪人罪業力故師子口中被啗
被燒受兩種苦如是無量百千年歲
常被燒壓受大苦惱乃至惡業未壞
未爛業氣未盡於一切時與苦不止
若惡業盡彼地獄處亦乃得脫若於
前世過去久遠有善業熟不生餓鬼
畜生之道若生人中同業之處惡業
力故或為蛇螫而致命終或為師子
虎熊所煞而斃食之是彼惡業餘殘
果報

又彼比丘知業果報觀大呵喚之大
地獄復有何處彼見聞知復有異處
名迭相壓是彼地獄第十二處衆生
何業生於彼處彼見有人煞生偷盜
邪行飲酒及以妄語樂行多作墮彼
地獄迭相壓處殺生偷盜邪行飲酒
業及果報如前所說何者妄語有兄
弟等有近有遠兩朋諍對彼兄弟者
或同一父或同一祖或異兄弟或是
伯叔分物鬭諍有同種姓極遠乃至
二十一世如是人來為作證明如
是等中為益近者作妄語說自知非
實而故教之以受曲意方便計狡作

妄語說彼業普通究竟和集彼人以
是惡業因緣身壞命終墮於惡處在
彼地獄迭相壓處受大苦惱所謂苦
者如前所說活等地獄所受苦惱彼
一切苦此中具受復有勝者彼人妄
語誑親惡業於地獄處有鐵鉸刀見
本人中所誑親者鉸其身肉著其口
中駢跡令食以惡業故自肉不消閻
魔羅人說偈責之而作是言

實語得安樂 實語得涅槃 妄語生苦果
今來在此受 若不捨妄語 則得一切苦
實語不須貿易得而不難 實非異國來
非從異人來 何故捨實語 喜樂妄語說
實為勝濟口 因實得諸法 實為燈中取
如來如是說 實為藥中勝 常能破壞苦
作惡非我教 汝自癡心造 汝自作惡業
汝今還自受 業盡乃得脫 唱喚何所解
已為惡業誑 今者徒叫喚 自誑是愚癡
叫喚非黠慧

閻魔羅人如是責疏地獄人已復與
無量百種苦惱如前所說與大苦惱
乃至惡業未壞未爛業氣未盡於一
切時與苦不止若惡業盡彼地獄處

尔乃得脱若於前世過去久遠有善業熟不生餓鬼畜生之道若生人中同業之處常為他人之所誑惑所有財物常為他人之所劫奪如是苦惱得財物已而復亡失為一切人之所不信是彼惡業餘殘果報

又彼比丘知業果報觀大叫喚之地獄復有何處彼見聞知復有異處彼處名為金剛嘴鳥是彼地獄第十三處衆生何業生於彼處彼見聞知若何等人煞生偷盜邪行飲酒復有妄語樂行多作墮彼地獄金剛嘴鳥別異處生彼前活等諸地獄中所受苦惱彼一切苦此中具受煞生偷盜邪行飲酒業及果報如前所說今說妄語所謂若人於衆僧中許與病者隨病醫藥而後不與彼人以是惡業因緣身壞命終墮於惡處在彼地獄金剛嘴鳥別異處生受大苦惱所謂苦者本許不與惡業所作金剛嘴鳥啄其身肉而敢食之既啄肉已即彼啄處還復更生生則軟嫩猶如蓮華以軟嫩故極受大苦如是更啄啄已

復生軟嫩於前而復更喙受苦轉增
彼地獄人如是無量百千年歲為鳥
所食既脫彼處次第復生熾火炎燃
鐵沙之中彼地獄人足蹈熱沙為沙
所燒一切身分灰亦叵得又復更生
自食其舌食已復生食已復生舌妄
語故為人所食彼妄語人妄語說故
還自食舌余時世尊而說偈言

甘露及毒藥皆在人舌中實語成甘露
妄言則為毒若人須甘露彼人住實語
若人須毒者彼人妄語說毒不決定死
妄語則決定若人妄語說彼得言死人
妄語不自利亦不益他人若自他不樂
言何妄語說若人惡分別喜樂妄語說
輩墮火刀上得如是苦惱毒害雖甚惡
唯能煞一身妄語惡業者百千身破壞
智者說實語是凡人正法戒人為莊嚴
能示解脫道衆生自作業為愛水所漂
善逝說實語為第一船筏無始終世間
愛網之所縛唯實能救解法主如是說
實能斬煩惱斧能斬斫樹刀斧斬猶生
實語斬不尔實能益二世故說不盡財
出處不可盡一切法中勝說此實功德

能生大樂界 智者捨妄語 諦見人皆捨
捨實語人金剛嘴鳥如是無量百千
年歲常燒常食乃至惡業未壞未爛
業氣未盡於一切時與苦不止若惡
業盡彼地獄處亦乃得脫若於前世
過去久遠有善業熟不生餓鬼畜生
之道若生人中同業之處數數聞諍
常墮負債處一切世人不信其語是彼
惡業餘殘果報

具足妄語不實之人到極苦惱地獄
惡處受惡果報

又彼比丘知業果報觀大叫喚之大
地獄復有何處彼見聞知復有異處
名火鬚處是彼地獄第十四處衆生
何業生於彼處彼見有人煞生偷盜
邪行飲酒業及果報如前所說復有
妄語所謂有人於吉會中違制犯法
衆人皆言汝有所犯彼人畏罰妄語
說言我實不犯彼人以此惡業因緣
身壞命終墮於惡處在彼地獄生火
鬚處受大苦惱所謂苦者如前所說
活等地獄所受苦惱彼一切苦此中
具受復有勝者所謂鐵板熾火炎燃

閻魔羅人執地獄人置鐵板上復以鐵板置罪人上努力揩磨一切身分為血肉泥其色甚赤如金舒迦炎色赤樹鐵板壓之故令如是若彼地獄閻魔羅人殺却鐵板彼地獄人脂血肉末遍滿身體既受此苦是故於彼閻魔羅人生大怖畏走向異處望救望歸見有大河若受苦時滿中熱灰於前與苦閻魔羅人生怖畏故直入彼河既入河已筋節機關一切身分皆悉消泮如生酥塊而復不死是彼惡業之勢力故彼地獄處竹林稠密一切火燃如此人間大風起時火燒乾林不燒衆生彼火黯處衆生遍滿被燒熾然無針頭許而不燒處既被燒煮大聲叫喚四出馳走望救望歸乃至惡業未壞未爛業氣未盡於一切時與苦不止若惡業盡彼地獄處余乃得脫若於前世過去久遠有善業熟不生餓鬼畜生之道若生人中同業之處語言遲難而復不正自眷屬中少少語言尚不辨了何況衆中善巧言說是彼惡業餘殘果報

又彼比丘知業果報觀大叫喚之大
地獄復有何處彼見聞知復有異處
名受鋒苦是彼地獄第十五處衆生
何業生於彼處彼見有人煞生偷盜
邪行飲酒業及果報如前所說復有
妄語所謂有人先心憶念隨何等物
若多若少若於佛所若於衆僧若於
法中許布施已後時復言我實不許
衆僧常有怖望之心而後不與妨廢
衆僧若於餘人許而不與與彼為妨
彼妄語人作集罪還身壞命終墮於
惡處在彼地獄受鋒苦處受大苦惱
所謂苦者如前所說活等地獄所受
苦惱彼一切苦此中具受復有勝者
所謂彼處熱鐵針鋒纖細而長炎然
極利閻魔羅人執此利針刺彼罪人
如是罪人受一切苦發聲大喚既大
喚已針則滿口并舌俱刺譬如步數
滿中挿箭既受此苦不能叫喚不能
啼哭彼受如是針鋒苦惱更無過者
無異相似自心妄語得如是苦自他
誑故地獄受苦一切身分皆悉堅鋒
數如毛根身分皆壞彼受苦人既受

鋒芒隨傾而倒如是如是隨傾倒地
衆針競刺彼人如是更受針芒轉復
弊氣努力唱喚不得出聲若其拔針
則能叫喚若不拔針不能出聲彼既
受苦卧災鐵地宛轉翻覆起而復
擾動不停間魔羅人手執大斧復執
鐵積鐵枷鐵杵斫刺打築如是無量
百千億歲受大苦惱食彼妄語惡業
果報乃至惡業未壞未爛業氣未盡
於一切時與苦不止若惡業盡彼地
獄處亦乃得脫若於前世過去久遠
有善業熟不生餓鬼畜生之道若生
人中同業之處貧窮困苦所有語言
人不信受處處乞求許者不與彼人
如是極大貧窮是彼惡業餘殘果報
又彼比丘知業果報觀大叫喚之大
地獄復有何處彼見聞知復有異處
彼處名為受無邊苦是彼地獄第十
六處衆生何業生於彼處彼見有人
煞生偷盜邪行飲酒業及果報如前
所說復有妄語所謂多人海中治生
而彼道者與賊同心彼諸賊人語導
者言勿著彼道當行此路令我得物

共汝分之彼諸商人頭導者言汝將我等今到寶所我與汝物彼導者言我當如是我當如是相許決定而彼導者將諸商人不著寶路而行賊道賊先有謀豎竿懸幡其幡青色導者見之不言有賊彼諸商人見青幡已問導者言彼青幡處應當是賊而彼導者荅言非賊彼諸商人謂其語實皆不遮防既到賊處所有財物悉為賊棄導者亦取以是妄語惡業因緣身壞命終墮於惡處在彼地獄受無邊苦別異處生受大苦惱所謂苦者如前所說活等地獄所受苦惱彼一切苦此中具受復有勝者所謂彼處閻魔羅人熱炎鐵鉗拔出其舌拔已即生生則軟嫩而復更拔復有以鉗拔其眼者拔已復生生則軟嫩而復更拔復有以刀遍削其身刀甚薄利如剃頭刀彼處有王名為斷重復食其腸彼地獄中復有異處其地普青而復黑閻羅人入中以惡業故有摩竭魚內外火燃食彼罪人彼摩竭魚金剛炎口金剛炎爪金剛炎齒攖齧

罪人一切身分破散碎末若脫魚口
則入其腹腹中炎然在彼腹中乃經
無量百千億歲常被燒然氣未通暢
或復少氣常被燒薰受堅韌苦是本
妄語惡業所作是彼自舌妄語因故
在摩竭魚腹中極燒身體破壞後復
更為地獄火燒後復更為青火所燒
如是燒已閻魔羅人復為說偈責疏
之言

妄語言說者是地獄因緣因緣前已作
唱喚何所益妄語第一火尚能燒大海
况燒妄語人猶如燒草木若人捨實語
而作妄語說如是癡惡人棄寶而取石
若人不自愛而愛於地獄自身妄語火
此處自燒身實語甚易得莊嚴一切人
捨實語妄說癡故到此處功德中實勝
是毒之甘露何癡捨功德而取毒中毒
造過得惡果常在於地獄壞自身功德
到極惡地獄智者說妄語一切苦種子
樂根實第一故不應妄語實語言說人
一切人所受妄語皆不愛故不應妄語
若人實語說如天常喜樂若人妄語說
常受地獄苦若不作善業作無量種惡

受無量苦惱今悔何所及善果從善得
作惡受惡果 點慧人捨惡 喜樂行善法
實為第一善 妄語第一惡 捨過取功德
是人人中勝

閻魔羅人如是責跡地獄人已復與
種種無量苦惱如是無量百千億歲
乃至惡業破壞無氣腐爛盡滅彼地
獄處亦乃得脫若於前世過去久遠
有善業熟不生餓鬼畜生之道若生
人中同業之處貧窮常困於一切人
常生畏懼若為奴僕若苦作人人中
下賤所有語言人不信受彼業因緣
常受苦惱實語相對妄語果報

正法念處經卷第九

癸卯歲高麗國分司大藏都監奉
勅彫造

正法念處經卷第十

定

地獄品之六

元魏婆羅門瞿曇般若流支譯

又彼比丘知業果報觀大叫喚之大
地獄復有何處彼見聞知復有異處
名血髓食是彼地獄第十七處衆生
何業生於彼處彼見聞知若人煞盜
邪行飲酒業及果報如前所說復有
妄語作集惡業謂王王等若聚落主
諸自在者賦稅物已後言未足而復
更取若或長取違王舊法彼人以是
惡業因緣身壞命終墮於惡處在彼
地獄血髓食處受大苦惱所謂苦者
如前所說活黑繩等諸地獄中所有
苦惱彼一切苦此中具受復有勝者
所謂彼處炎燃樹葉間魔羅人以炎
鐵繩縛彼罪人頭下足上懸在彼樹
金剛喙鳥有金剛爪先食其足足上
血出下入其口彼地獄人即自食之
而常不死何以故一切苦中飢苦最
大處處皆說一切皆知一切皆誦彼
飲自血受二種苦既受大苦復受飢

苦今時世尊而說偈言

非如熱風燒 風吹火燒苦 業風之所吹
飢渴苦甚重

彼地獄人如是無量百千年歲自食
血髓頭面在下為第一火之所燒燃
如是無量百千年中於一切時彼地
獄處常被燒煮乃至惡業未壞未爛
業氣未盡於一切時與苦不止若惡
業盡彼地獄處亦乃得脫若於前世
過去久遠有善業熟不生餓鬼畜生
之道若生人中同業之處貧窮困苦
人所不信鼻常有血若嚼楊枝鼻中
齒間常有血出是彼地獄餘殘果報
又彼比丘知業果報觀大叫喚之大
地獄復有何處彼見聞知復有異處
名十一炎是彼地獄第十八處衆生
何業生於彼處彼見聞知若何等
人煞生偷盜邪行飲酒業及果報如
前所說復有妄語謂王王等若可信
人能斷事者若或長者或於兩人若於
兩朋相對諍事而為斷之或因取物
或因相識或欲或瞋隨情偏斷不
依道理作妄語說彼人以是惡業因

緣身壞命終墮於惡處在彼地獄十
一炎處受大苦惱所謂苦者如前所
說活等地獄所受苦惱彼一切苦此
中具受十倍更重朋妄語人更復偏
重何者為重以惡業故十一炎處有
火聚生十方為十內飢渴燒是第十
一內火飢渴炎從口出彼妄語人舌
朋妄語是惡業故念念燒舌燒已復
生受燒舌苦為十六分十火聚苦不
及其一以惡業故受是舌苦彼地獄
人受如是等十一炎聚極重苦惱乃
至無量百千年歲常燒常煮乃至惡
業未壞未爛業氣未盡於一切時與
苦不止若惡業盡彼地獄處尔乃得
脫若於前世過去久遠有善業熟不
生餓鬼畜生之道若生人中同業之
處常患飢渴一切身分常被熱燒貧
窮短命所有語言人所不信性甚愚
癡懵鈍醜陋手足劈裂衣裳破碎常
在道路若四出巷巷三角巷恒常乞
求若常治生賣微賤物從生至終受
第一苦於對諍中常墮負朋是彼惡
業餘殘果報

又彼比丘知業果報觀察大喚大地
獄處唯有此處更無異處

又修行者內心思惟隨順正法觀察
法行見彼比丘欲入寂靜不老不死
不盡不減涅槃之道彼地夜又見彼
比丘勤精進已心大歡喜轉復上聞
虛空夜又虛空夜又如次第至少
光天說如是言問浮提中某甲種姓
略而言之次第乃至得第十地心不
樂住魔之境界亦不樂與愛心共行
捨離染法彼少光天聞已歡喜而作
是言魔分損減正法朋長又彼比丘
知業果報勤斷世間生死繫縛如是
憶念此諸衆生受大苦惱為愛所誑
癡結所縛心使相應三時中煮而於
生死無心欲斷此諸衆生豈可無心
若其有心則應有知若有知者何不
離欲又復衆生久在天中受勝樂者
猶尚離欲何況地獄久受大苦而不
離欲彼衆生心如堅韌受如是等
無量種種一切苦惱而不疲倦長夜
眠睡而不寤寤如是心者有五種過
如是無量謂老病死怨憎會恩愛

別離

正法念處經卷第十 第五張 定書

又復更有十種苦惱十者所謂飢渴
過患愛離過患彼此國土鬭諍過患
退生過患他毀過患求他過患寒熱
過患兩人相憎共鬭過患失財過患
所未念中不得過患如是略說心有
如是十種過患衆生之心受如是等
多種過患猶不離欲此諸衆生無始
無終怨心所誑如是心者常動不住
無耳無心如石金剛多吉祥處能為
妨碍不住正法不曾喜樂一切時渴
色聲香觸味等境界未曾飽足如毒
刀火五境界毒六入大賊不知不覺
七菩提分亦不安忍八分聖道又亦
不知九衆生居乃至不知十善業道
於十一地不能思量於十二入生住
行等不能諦知十三地上不能思量
十四心緣常共相隨於十七垢心不
思量於十八受穿穴流行於十九行
十五因緣不能安忍十六惡行和合
相應穿穴而行近二十處彼二十邊
心常亂行比丘如是觀察心已於彼
衆生起憐愍心諦觀思量業果報法

又彼比丘如是精勤復更生心欲斷魔縛作是思惟為當更有勝地獄不彼見聞知更復有餘勝大地獄於大叫喚之大地獄十倍勝惡惡業苦惱勢力極惡名為焦熱有十六處何等十六一名大燒二名分荼梨迦三名龍旋四名赤銅弥泥魚旋五名鐵鑊六名血河漂七名饒骨髓虫八名一切人熟九名無終淚入十名大鉢頭摩十一名惡嶮岸十二名金剛骨十三名黑鐵繩擲刃解受苦十四名那迦五柱惡火受苦十五名闇火風十六名金剛嘴蜂此是焦熱之大地獄十六別處彼大地獄壽命長遠無有竿數衆生何業生彼地獄彼見聞知若人堅重煞生偷盜邪行飲酒妄語言說復有邪見樂行多作惡業普遍而復究竟樂行多作彼人以是惡業因緣身壞命終墮在焦熱大地獄中煞盜邪行飲酒妄語業及果報如前所說今說邪見若人邪見樂行多作向他人說所謂世間無施無會無善無惡及以果報無此世間無他世間

無父無母如是斷說自失業果向他

人說安住他人隨喜他人自身增長

他人邪見說言無因無業無道如是

之人雖有形服而是大賊彼人以是

惡業因緣身壞命終墮於惡處在彼

焦熱大地獄中受大苦惱彼不信人

實業果報彼不信人臨欲死時未到

中有惡相已現謂彼病時眼中自見

險惡闇處多有師子虜地熊羆高大

如山既如是見生大怖畏見彼惡歎

疾來向已速行不住逼近其身彼重

病人聞彼師子虜等吼聲生大怖畏

悲苦懊惱復見異人皺面喎口復見

在上有黑色火聞野干鳴作種種聲

又復更見閻魔羅人身作種種可畏

形狀生大怖畏彼邪說人說惡因人

說惡朋人說惡見人說惡法人樂說

不信業果之人所作言說是墮嶮岸

惡處因人自他皆誑造作最大惡業

之人彼如是業樂行多作作而復集

得果時至見如是等不善影相生大

怖畏諸根戰動狀相外彰失屎失尿

或復呻喚蹠聲不出或復皺面或復

張口或復以手摩挽牀敷或自見身
山頭墮地如是見已手欲拒拓瞻病
之人見如是已作如是言如是病人
挽摩虛空如是病者或見自身欲有
所墮以手摩觸一切身分如是邪見
惡業行人於業果報不生信心如是種
種在地獄中受報相生譬如屎堆人
雖未到已聞其臭如是如是未到地
獄而見地獄惡處生相極大恐怖一
切邪見不信之人如是驚怖愚癡之
人作集惡業不善業價買得地獄苦
惱財物彼處受報如是地獄多有惡
風所謂斜風界波羅風彼風嚴利觸
其身分若拍若劈彼風急惡彼受身
心二種苦惱此身欲盡將至中有臨
死殘命而心不能攀緣善法彼邪見
人於人世間如是空過不得利益於
中有中未入地獄地獄相現自業邪
見惡業所致謂心戰動有不可愛惡
色聲觸諸味香等一切皆得聞不可
愛可怖可畏地獄罪人啼哭之聲有
惡風觸如極利刀得極苦味見惡炎
色臭惡臭氣彼人如是一切境界生

大怖畏心甚驚恐如是惡人顛倒說法惡業力故見地獄色皆悉顛倒是顛倒見地獄處莊嚴殊妙故於地獄極生愛心起意怖望我今云何得生彼處彼邪見人於有分中不得受苦要生地獄取因緣故生地獄中取心即生更無中間既彼處生即於生時如前所說活等地獄所受諸苦彼一切苦此中具受十倍更重四百四病如地獄中極惡相似無異譬喻諸怖畏中此畏最勝惡業果報皆悉平等一種火生如是惡火以胡麻許若置山林若國若洲能速燒盡一閻浮提何況地獄受罪人身如是惡火燒罪人身如生酥塊泮已復生在大閻浮處無有晝夜差別之相如是無量百千年歲苦惱海中一切閻中邪見取閻作集而說得如是果於無數年時節長遠常被燒煮所受苦惱不可譬喻於一切時如是受苦乃至惡業破壞無氣腐爛盡滅彼地獄中余乃得脫既得脫已於五百世生餓鬼中名黃餓鬼彼人彼處既得脫已於五百

世生多苦惱畜生之中彼處脫已難
得人身如龜遇孔若於前世過去久
遠有善業熟得生人中在於邊處夷
人中生常病常貧目盲少命所有語
言人所不信是彼邪見餘殘果報
又彼比丘知業果報次觀燒熱之大
地獄有何異處彼見聞知有別異處
名大燒處是彼地獄軍初別處衆生
何業生於彼處彼見聞知若人煞生
偷盜邪行飲酒妄語業及果報如前
所說復有邪見樂行多作得惡業果
云何邪見所謂有人作如是見煞生
因緣得生天中如是惡業得惡果報
何以故以死苦者苦中軍重諸道中
樂天樂為軍煞生之業非彼樂因煞
生與苦故非樂因如是既作惡因業
果為他人說如是邪見得惡業果而
不懺悔彼人以是惡業因緣身壞命
終墮於惡處在彼地獄生大燒處受
大苦惱所謂苦者如前所說活等地
獄所受苦惱彼一切苦此中具受十
倍更重復有勝者以惡業故自身生
於其火極熱餘地獄火於此地獄極

熱大火十六分中唯是一分此地獄人見餘地獄所有諸火猶如霜雪此地獄人內外炎然而復更有第三熾火謂心悔熱如是異生而復更燒彼地獄人自知邪見如是苦果苦報苦味以邪見故如是火燒無一念間暫時得樂如是熾熱大地獄處名大燒處彼惡邪見惡業行人長遠時煮去何長時無人知數彼地獄人於一切時燒煮散壞乃至惡業未壞未爛業氣未盡於一切時與苦不止若惡業盡彼地獄處亦乃得脫既得脫已於三百世生餓鬼中於二百世生畜生中彼人彼處既得脫已若生人中同業之處則於父母不生敬重無慚無愧無羞無耻食人糞屎於諸國土處處遊行離間正法為一切人之所嫌賤與狗同食與狗同行手足齧咬常依他食盡其身命空無福德捨此身已次第還入不可愛道如前邪見不受中下彼比丘既觀察已隨喜正見正意諦觀行於正道得涅槃行相應觀察

又彼比丘知業果報復觀熾熱之大地
獄復有何處彼見聞知復有異處彼
處名為分荼離迦是彼地獄第二別
處衆生何業生於彼處彼見聞知若
人煞生偷盜邪行飲酒妄語樂行多
作業及果報如前所說復有邪見如
是一種樂行多作所謂有人自餓而
死望得生天彼人如是復教他人若
隨喜他令住邪見惡因所縛心惡思
惟造作惡論復教他人令住惡論彼
人如是自餓而死彼人以是惡業因
緣身壞命終墮於惡處在彼地獄分
荼梨迦別異處生受大苦惱所謂苦
者如前所說活等地獄所受苦惱彼
一切苦此中具受兩倍更重復有勝
者所謂彼人一切身分無芥子許中間無
是罪人一切身分無芥子許中間無
火無炎燃處彼人惡業相似因果火
熱甚熾不可譬喻無有相似如彼邪
見一切業中取第一惡如彼相似其
火熱極一切火中此火最熱一切惡
業相似得果是故彼火不可譬喻無
有相似彼業力故於一切時常燒不

停如是燒已復見開敷分荼梨迦無
量鳥衆喜樂池涼清水具足異地獄
人如是說言汝疾走來汝疾走來我
此間有分荼梨迦池林清軟有水可
飲林有潤影近在不遠彼地獄人笑
邪見人而安慰之相隨走趣分荼梨
迦池林水所既如是走火炭滿道道
上有坑滿中熾火罪人入已一切身
分皆悉燒盡燒已復生生已復燒渴
欲飲水走猶不息既如是走鞞多羅
枝生在道上枝有火炎拘揆罪人一
切身分皆悉作瘡骨髓散盡盡已復
生以熱渴故猶故走趣分荼梨迦池
水樹林以惡業故有食肉虫遍其身
體啄其兩眼而敢食之啄已復生生
已復啄彼人無眼而復熱渴如是走
趣分荼梨迦池水樹林復有異虫生
在其身彼盲眼人一切身分為虫所
食唱聲大喚又復眼生虫復啄食如
是無量百千年歲食已復生生已復
食若復走趣分荼梨迦池水樹林既
到彼已怖望涼冷便前進入既入彼
處分荼梨迦炎燃高火五百由旬彼

地獄人惡業所誑各各別上分荼梨
迦既上樹已多有炎燒普遍身分如
是上已受第一惡極重苦惱飢渴所
逼如是彼處所有熾火其色猶如分
荼離迦彼火燒炙死而復活一切身
分皆悉遍燒如甄牀迦樹色相似於
一切時受大苦惱乃至惡業未壞未
爛業氣未盡於一切時與苦不止若
惡業盡彼地獄處亦乃得脫既得脫
已於四百世生餓鬼中受飢渴苦既
得脫已於三百世生畜生中既得脫
已難得人身如龜遇孔若生人中同
業之處彼人則生畏刀鐵處偷竊賊
處多惡人處國土中生又彼生處常
貧常病僕使下賤諸根不具是彼邪
見惡行惡業餘殘果報

又彼比丘知業果報復觀焦熱之大
地獄復有何處彼見聞知復有異處
名為龍旋是彼地獄第三別處衆生
何業生於彼處彼見聞知若人煞生
偷盜邪行飲酒妄語樂行多作業及
果報如前所說復有邪見樂行多作
所謂有人形相不正或有常躄不曾

正坐若常合掌常手支頰常舐手食
有如是等諸外道輩彼有說言斷欲
瞋癡得涅槃者是則不然寂靜根者
是亦不得彼人以是惡業因緣身壞
命終墮於惡處在彼地獄生龍旋處
受大苦惱所謂苦者彼處多饒炎頭
惡龍瞋怒毒威在彼地獄彼龍身量
若一居餘有一由旬惡毒熾盛普身
遍體有見毒者有觸毒者有牙毒者
滿彼地獄彼地獄人生龍群中衆龍
迴轉撈磨罪人碎如麩搏復有生在
龍口中者彼牙毒炎連急速嚼有無
量到若百千到死已復生生已復嚼
嚼已復死死已復生彼諸罪人三種
火燒一是毒火二地獄火三飢渴火
彼諸罪人生三火中受堅鞞苦自業
相似復有第四病火煮之病重苦惱
不可具說如是罪人惡業行者常一
切時在火中生燒煮撈磨乾燥碎散
乃至惡業破壞無氣腐爛盡滅彼地
獄處亦乃得脫既得脫已百五十世
生在針咽餓鬼之中於二百世生
畜生中飢渴燒身離水無水謂師子

帝熊羆等身在於曠野十二由旬無水之處若得脫已難得人身如龜遇孔若生人中則為野人眼不見食何況食之唯食藥草及諸果等以自存活是彼惡業餘殘果報

又彼比丘知業果報復觀焦熱之大地獄更有何處彼見聞知復有異處名為赤銅泥旋處是彼地獄第四別處衆生何業生於彼處彼見聞知若人煞生偷盜邪行飲酒妄語樂行多作所謂計言一切世間命無命物一切皆是魔醯首羅之所化作非是業果彼人以是惡業因緣身壞命終墮於惡處在彼地獄生於赤銅泥旋處受大苦惱所謂苦者彼地獄處赤炎銅汁滿中如海其中多有鐵刺那魚惡業所作復有樹葉利如剃刀生在赤銅泥旋處諸地獄人在彼處生生已復死死已復生一切身分皆悉散壞爛熟浮出在銅汁上出已復沒受大苦惱迭相走奔更相唱聲彼邪見人邪見說者唱笑既走惡業所作惡彌那魚張口疾走向地獄

人彼魚既到即以涎翳攝縛罪人令
入口中以牙機關嚼之令碎彼罪人
身半在魚口半在口外熱炎赤銅沸
汁煮之受是二種堅急苦惱彼人如
是半在魚口常被咀嚼半在熱炎赤
銅汁煮經無數時既得脫已更復入
餘異赤銅汁既入彼處多有惡虫虫
金剛鬚牙復甚利無量熾毒如是惡
虫在彼闇處赤銅汁中取彼罪人嚼
之令破碎末如沙然後食之彼地獄
人既受苦惱若欲唱喚而張口者彼
赤銅汁滿其口中不能出聲彼赤銅
汁遍滿九竅滿已極煮一切身分皆
悉消泮又復彼處時節長久煮之下
沉沉已浮出既浮出已惡業所作多
有風刀而甚毒利碎割其身彼不實
語不信業果邪見之人常一切時燒
煮散壞乃至惡業未壞未爛業氣未
盡於一切時與苦不止若惡業盡彼
地獄處亦乃得脫既得脫已於三百
世生餓鬼中彼鬼名為怖望怖望若
得脫已於三百世生畜生中作為作
熊作蟻子等常患飢渴寒熱所逼風吹

日炙忍耐叵堪彼畜生中既得脫已
難得人身如龜過孔若於前世過去
久遠有善業熟得生人中在多怖畏
驗惡之處常斫木處常取魚處常生
怖畏是彼惡業餘殘果報

又彼比丘知業果報復觀焦熱之大
地獄更有何處彼見聞知復有異處
名鐵鑊處是彼地獄第五別處衆生
何業生於彼處彼見有人煞盜邪行
飲酒妄語業及果報如前所說復有
邪見樂行多作所謂外道邪見齋中
煞於丈夫而作是言我今作會而煞
丈夫彼得生天我亦生天彼若生天
與我為證或有取龜煞證因緣後世
生天或復教他一生如是種姓如是
妨身正道安住邪道如是惡業邪見
之人身壞命終墮於惡處在彼地獄
生鐵鑊處受大苦惱所謂苦者如前
所說活等地獄所受苦惱彼一切苦
此中具受十倍更重復有勝者有六
鐵鑊十由旬量六者所謂平等受苦
無力無救火常熱沸鋸業水生極利
刀鬚極熱沸水多饒惡地平等受苦

無力護者罪人入中詳聚一處作一身聚猶如焚搏被煮無力而復更煮轉復無力如是惡處身不能救心不能救如是無法惡道之人無法可救離能救人以無救故長久時煮火常熱沸熱鐵鑊者罪人入中熱沸赤銅煮之身散灰亦叵得盡只復生生而常煮鋸葉水生熱鐵鑊者罪人入中赤銅色水鋸割其身彼處火炎頭在下入既入彼處或沉或浮常為鋸割熱沸銅汁割其身體脉脉分散如是劈裂又復沉沒沒已更浮浮已復沉如是鋸水常割常裂皆悉熱爛猶如熟豆身體分裂或浮或沉於長久時常煮割劈極利刀鑊熱鐵鑊者罪人入中所受苦惱有利刀鑊在彼鑊中利如剃刀劈其身分若置罪人極熱沸水多饒惡地此二鑊者罪人入中所受苦惱有熱沸水極沸勇沫高半由旬沫中有蛇牙甚嚴利若觸若見皆有熾火燒地獄人觸如刀割肉盡骨在煮之則熱身皆爛盡沸沫煮之身分皆泮若在水中苦毒煎煮受第

一苦堅鞞重苦彼地獄人閻魔羅人若來到者起如是意作何方便閉塞鐵門令彼罪人不能走出閻魔羅人起如是意當以金剛堅塞其口令之在地則不能走種種苦惱在中具受閻魔羅人既發此意一切鐵鑊合口在下復炎鬚火兩倍熾炎彼地獄人受如是苦閻魔羅人極有瞋意復更思惟云何方便更與異苦既思惟已復取鐵薪兩重爇然若地獄人意欲向上熱沸銅汁迭牙相著有身散者有地嚴毒火燒其身已爛熟者常一切時受種種苦乃至惡業未壞未爛業氣未盡於一切時與苦不止若惡業盡彼地獄處熱鐵鑊中令乃得脫既得脫已於三百世生食臭氣餓鬼之中彼處脫已於三百世生畜生中彼處脫已若生人中同業之處作癡論師說惡因論心意顛倒或望富樂一月不食有望生天一日不食愛使所縛被人如是為苦所縛如是如是復更受苦是彼惡業餘殘果報又彼比丘知業果報復觀焦熱之大

地獄復有何處彼見聞知復有異處
名血河漂是彼地獄第六別處衆生
何業生於彼處所謂邪見惡業衆生
生於彼處彼見有人違犯禁戒多犯
戒已如是思惟我若苦行罪則消滅
有多福德彼人既作如是思惟入樹
林中懸脚著樹頭面在下以刀破鼻
或自破額作瘡血出以火燒血望得
生天是惡道行辟如有人沙中求油
油不可得彼人血盡而致命終彼人
以是惡業因緣身壞命終墮於惡處
在彼地獄血河漂處受大苦惱所謂
苦者如前所說活等地獄所受苦惱
彼一切苦此中具受五倍更重復有
勝者所謂彼處閻魔羅人手執熱炎
枷刀鑽石散之為末流血成河此河
急漂餘地獄人多饒殘骨在彼河中
復有第二赤銅河流其河名曰惡水
可畏彼河有重名為九魚其觸如火
彼地獄處觸彼罪人燒而食之如是
地獄血河所漂年歲無數時節久遠
受大苦惱彼血河漂地獄之處常一
切時受惡苦惱如是乃至彼邪見人

惡不善業未壞未爛業氣未盡於一切時與苦不止若惡業盡彼地獄處亦乃得脫既得脫已於五百世食煙活命餓鬼中生既得脫已於四百世生畜生中而作海鳥或在海畔河口覆生彼鳥赤頭是彼前業餘殘果報若生人中同業之處貧窮多病是本惡業餘殘果報

又彼比丘知業果報復觀熾熱之大
地獄復有何處彼見聞知復有異處
彼處名為饒骨髓至是彼地獄第七
別處衆生何業生於彼處彼見聞知
若人多作惡不善業身不善業口不
善業意不善業復離正聞如是癡人
望生覓世惡行離戒本性無戒此諂
曲人與他苦惱遠離正戒以乾牛屎
而自燒身彼人現世燒身受苦如是
人中人所燒身壞命終墮於惡處
饒骨髓至地獄處生受大苦惱所謂
苦者鐵椎打頭乃至脚足唱聲大喚
一切身分如蜜螭搏不可分別而復
不死是彼邪見惡業力故彼地獄處
曠三由旬高五由旬地獄人身廣長

亦尔遍滿其中以為肉山彼地獄處
饒濕生虫皆是衆生如是虫者何業
所致若何丈夫若何婦女自身他身
有虫虱等卒然彼虫或煞蟻子或黑
虫等或煞蜚等被人以是惡業因緣
身壞命終彼處作虫名機關虫如是
罪虫生在彼山自業所作自業果生
以惡業故饒骨髓虫地獄之處更復
有餘閻魔羅人以火燒之彼邪見者
本人中時以乾牛糞燒身業故與機
關虫一處合燒受大苦惱彼山既燒
火炎上出高十由旬彼地獄人自罪
業故大火燒身共機關虫一處被燒
彼虫身小受苦亦少彼地獄人身塊
甚大受苦亦多彼火炎歸迭于相燒
時節長遠年歲無數不可窮盡乃至
彼人邪見惡業未壞未爛業氣未盡
於一切時與苦不止若惡業盡彼地
獄處尔乃得脫既得脫已於五百世
生在針咽山傍止住餓鬼之中彼處
脫已於五百世生畜生中受海魚身
在於大海大波浪處極冷水中灰水
之中既得脫已難得人身如龜遇孔

若生人中同業之處常在林行在林
中住或荒榛處資生活命貧窮困苦
如走之人彼荒榛中野火所燒是彼
惡業餘殘果報

又彼比丘知業果報復觀焦熱之大
地獄復有何處彼見聞知復有異處
彼處名為一切人熟是彼地獄第八
別處衆生何業生於彼處彼見聞知
若人煞生偷盜邪行飲酒妄語樂行
多作業及果報如前所說復有邪見
所謂有人愚癡邪見聽聞邪法如是
癡人身業顛倒口業顛倒意業顛倒
如是三業常顛倒行彼邪見人修邪
見行若於樹林若山若榛若兩村間
若洲渾上如是等處放火燒之彼邪
見人有如是心若火飽滿天則歡喜
天若歡喜我則生天如是癡人聞惡
法故惡法所誑作如是計餒火令飽
嘗得生天如是放火彼人以是惡業
因緣身壞命終墮於惡處一切人熟
地獄處生受大苦惱所謂苦者如前
所說活等地獄所受苦惱彼一切苦
此中具受五倍更重復有勝者既生

彼處見本人中男女妻妾所愛知識
若父若母一切所愛親友之人皆被
燒煮彼地獄處男女妻妾所愛善友
父母知識皆是人中集化所作見在
地獄而被燒煮彼人見已心大憂悲
極受大苦見彼一切所敬愛者被燒
被煮彼地獄處愛火自燒憂悲苦重
十六分中彼地獄火不及一分地獄
人中一切苦惱愛火苦勝彼愛火者
火中之火彼愛羅者羅中之羅彼愛
縛者縛中之縛繫縛一切愚癡凡夫
彼人邪見不善業故於地獄中見所
愛敬親善等人被燒被煮彼地獄人
愛火自燒彼地獄火於愛心火猶如
霜雪聞妻子衆父母等衆悲號大喚
作如是言汝來救我可來救我彼地
獄人為地獄火之所燒煮不得自在
云何能救彼地獄處常一切時受如
是等身心火燒時節長遠年歲無數
乃至惡業未壞未爛業氣未盡於一
切時與苦不止若惡業盡彼地獄處
余乃得脫既得脫已於三百世生餓
鬼中唯食解等所棄飲食彼處脫已

於五百世生畜生中常作水虫多饒
兒子如是兒子為漁獵人常所煞害
既脫彼處難得人身如龜遇孔若生
人中同業之處貧窮短命諸根不具
無妻無子常作賤人天祀奴等是彼
惡業餘殘果報

正法念處經卷第十

癸卯歲高麗國分司大藏都監奉
勅彫造

正法念處經卷第十一

篤

地獄品之七

元魏華嚴阿羅漢曇嚴若流支譯

又彼比丘知業果報復觀焦熱之大
地獄復有何處彼見聞知復有異處
彼處名為無終沒入是彼地獄第九
別處衆生何業生於彼處彼見有人
殺盜邪行飲酒妄語樂行多作業及
果報如前所說復有邪見身口意業
業業普遍作業究竟樂行多作彼人
以是惡業因緣身壞命終墮彼地獄
無終沒入別異處生受大苦惱所謂
苦者如前所說活等地獄所受苦惱
彼一切苦此中具足五倍更重邪見
所作以不正聞他人所教有如是心
若以五犧地鱗鹿馬而著火中火既
歡喜我得大福生勝世間人所燒者
魔醯首羅世界中上若人以火燒衆
生者則得無量勝大福德如是愚癡
邪法所誑邪見之人身壞命終墮於
惡處在彼地獄無終沒入別異處生
受大苦惱所謂苦者彼有鐵山火焰

其熾廣五由旬其山普遍地獄火燃
閻魔羅人駢地獄人令上彼山燒脚
胷背臂頭項手足耳眼乃至頭腦
燒已復生生已復燒時節長遠無有
年數乃至惡業未壞未爛業氣未盡
於一切時與苦不止若惡業盡彼地
獄處亦乃得脫彼邪見人既脫彼處
於五百世生於食屎餓鬼之中一切
身分皆悉焰燃於夜中行衆人所見
彼惡業人如是鬼中既得脫已生在
畜生作螢火虫身有火焰於夜中行
一切人見白晝日風吹日光所炙身則
內燒是彼惡業餘殘果報

又彼比丘知業果報復觀熾熱之大
地獄復有何處彼見聞知復有異處
彼處名為大鉢頭摩是彼地獄第十
別處衆生何業生於彼處彼見有人
殺盜邪行飲酒妄語樂行多作以要
言之身口意業普遍究竟作而復集
彼人以是惡業因緣身壞命終墮於
惡處在彼地獄大鉢頭摩別異處生
業及果報如前所說復有邪見彼邪
見人有如是心於大齋中若殺丈夫

得稱意處造作如是邪見惡業身壞
命終墮於惡處在彼地獄大鉞頭摩
別異處生受大苦惱所謂苦者彼地
獄處如鉞頭摩在彼鬚中金剛棘鬚
五百由旬地獄罪人鉞頭摩金剛棘
中彼金剛棘破壞彼人一切身分無
針頭許不被刺處無地獄火不遍燒
處身瘡焰燃如是久時常燒常煮乃
至惡業未壞未爛業氣未盡於一切
時與苦不止若惡業盡彼地獄處亦
乃得脫既得脫已於二百世生於食
屎餓鬼之中彼處脫已於五百世生
畜生中作孔雀等常食惡毒既得脫
已難得人身如龜遇孔若生人中同
業之處常困貧窮繫屬他人若作伎
兒以戲為業而自活命若如是戲而
活命者世間下賤乃至命盡是彼惡
業餘殘果報

又彼比丘知業果報復觀熾熱之大
地獄復有何處彼見聞知復有異處
名惡嶮岸是彼地獄第十一處衆生
何業生於彼處彼見有人殺盜邪行
飲酒妄語業及果報如前所說復有

邪見樂行多作所謂有人作如是見
入水死者一切罪滅死已生於八臂
世界彼處不退如是癡人望生彼處
復教他人亦隨喜他人水而死彼人
如是入水死已墮於惡處在彼地獄
惡嶮岸處受大苦惱破壞身業口業
意業於彼處生受大苦惱所謂苦者
如前所說活等地獄所受苦惱彼一
切苦此中具受復有勝者彼地獄處
極利刃石遍滿其中多有惡山處處
遍滿巖崖嶮峻高千由旬鳥飛不得
到何況罪人而能往到焰火普遍一
切熾燃彼地獄處一地獄人為餘一
切地獄罪人說如是言君等可來過
此山已更無地獄若過此山我等得
樂諸地獄人以惡業故聞見彼人作
如是說如是說已諸地獄人走赴彼
山以惡業故到彼巖崖嶮岸之處彼
處普燒火焰熾燃既走往至不能得
上有墮墜者有在火中極被燒者有
怖畏故手抱焰石而被燒者有驚畏
故望救望歸走迴還者彼地獄處閻
魔羅人手捉鐵椎極打連打彼地獄

人身業口業意業邪故長久遠時如是燒煮乃至惡業未壞未爛業氣未盡於一切時與苦不止若惡業盡彼地獄處亦乃得脫既得脫已於三百世生於食血餓鬼之中同業處生彼處脫已於三百世生於有毒畜生之中是彼惡業餘殘果報若生人中同業之處貧窮多病惡國土生諸根不具常有怖畏惡國土中

又彼比丘知業果報復觀熾熱之大
地獄復有何處彼見聞知復有異處
名金剛骨是彼地獄第十二處衆生
何業生於彼處彼見有人殺盜邪行
飲酒妄語樂行多作如前所說復有
邪見樂行多作所謂有人作如是心
一切世間命無命物自然而生自然
而滅如棘刺針孔雀毛色如鹿愛焰
輒闍婆城無因緣有無因緣滅一切
諸法皆亦如是無因緣生無因緣滅
自然如是復教他人安住他人令如
是信破壞身業口業意業彼人以是
惡業因緣身壞命終墮於惡處在彼
地獄金剛骨處受大苦惱所謂苦者

如前所說活等地獄所受苦惱彼一

切苦此中具受復有勝者閻魔羅人

取地獄人以嚴利刀削其身肉皆悉

令盡唯有骨在見本怨家執諸骨人

以此打彼以彼打此以惡業故骨為

金剛有頭破者身中破者或有罪人

一切身分皆悉破者有作孔者有骨

乾者或有罪人失身分者復有以骨

更打者有以焰石而打之者彼地

獄人惡業因緣無數年歲彼地獄中

見本怨家如是執持更打而打乃至

惡業未壞未爛業氣未盡於一切時

與苦不止若惡業盡彼地獄處亦乃

得脫既得脫已於五百世生自食腦

餓鬼之中彼處脫已於五百世生畜

生中而作蠍虎或作瞿陀彼處脫已

難得人身如龜遇孔若生人中同業

之處生於邊地樹林國土陀羅毗羅

安陀羅等惡國土中貧窮多病繫屬於

他是彼惡業餘殘果報

又彼比丘知業果報復觀焦熱之大

地獄復有何處彼見聞知復有異處

名黑鐵繩刀解受苦是彼地獄第十

三處衆生何業生於彼處彼見有人
殺盜邪行飲酒妄語樂行多作業及
果報如前所說復有邪見所謂有人
作如是見一切罪福在因緣中所因
之處皆得罪福喜為他說樂行多作
彼人以是惡業因緣身壞命終墮於
惡處在彼地獄名黑鐵繩刀解受苦
別異處生受大苦惱所謂苦者如前
所說活等地獄所受苦惱彼一切苦
此中臭受五倍更重復有勝者所謂
彼處閻魔羅人以黑鐵繩鑊其身體
以惡業故如是鑊已以利鐵刀火焰
熾燃從足至頭而解劈之彼地獄人
既被鑊劈悲號大叫唱喚啼哭而復
更以鐵繩鑊之焰燃利鐵極細分解
如芥子許亦不可得而更和合還復
更生和合生已而復更割割已復割
彼人如是彼地獄處於長久時受大
苦惱乃至惡業未壞未爛業氣未盡
於一切時與苦不止若惡業盡彼地獄
處人乃得脫既得脫已於五百世生
餓鬼中食人所棄盞器惡水彼處脫
已於一百世生畜生中作蛭作蝨若

蠅螂等種種諸虫是彼惡業餘殘果報若生人中同業之處所生常為飢渴所逼若有異人違犯王法橫誣枉押令其入罪是彼惡業餘殘果報

又彼比丘知業果報復觀焦熱之大

地獄復有何處彼見聞知復有異處

彼處名為那迦虫柱惡火受苦是彼

地獄第十四處衆生何業生於彼處

彼見有人殺盜邪行飲酒妄語樂行

多作業及果報如前所說復有邪見

樂行多作所謂有人如是邪見言無

此世亦無彼世殺盜邪行飲酒妄語

業及果報如前所說此世間常一切

法常常不破壞彼人如是顛倒邪見

邪見之人復教他人令住邪見數數

為說大衆中說惡因譬喻為他人說

令彼前人取惡邪見於大衆中於相

似法非法說法彼人以是惡業因緣

身壞命終墮於惡處在彼地獄那迦

虫柱惡火受苦受大苦惱所謂苦者

如前所說活等地獄所受苦惱彼一

切苦此中具受復有勝者所謂彼處

有鐵柱生釘其頭上從下而出如是

出已半下入地半在頭上如是穿已
有那邊虫在彼罪人皮肉脂中一切
處生飲食罪人一切身分先啄其脉
飲血令盡次食其肉次破其骨次飲
其髓次斷其筋次斷其脉次燒其竅
次拔其毛抖擻其皮次入身內在叢
筋中次破其心既破心已而飲其汁
次破其肺次入背中而飲其汁次散
其脉次以焰鉗破其頷下而拔其舌
拔已與狗以其舌根本說惡語說顛
倒因非法譬喻和合說故彼地獄人
如是舌罪故受如是一切苦網彼邪
見人曲見教他以大惡心教化餘人
令住邪見身業口業意業破壞於長
久時在地獄中常被燒然無有年數
不可窮盡乃至惡業未壞未爛業氣
未盡於一切時與苦不止若惡業盡
彼地獄處亦乃得脫既得脫已於三
百世生食死屍餓鬼之中既得脫已
難得人身如龜遇孔若生人中同業
之慶他犯王法橫得其殃以惡業故
貧窮多病繫屬他人不得自在噉食
人肉而復名人是彼惡業餘殘果報

又彼比丘知業果報復觀焦熱之大
地獄復有何處彼見聞知復有異處
名閻火風是彼地獄第十五處衆生
何業生於彼處彼見有人殺盜邪行
飲酒妄語樂行多作業業普遍作業
究竟以是惡業墮彼地獄閻火風處
業及果報如前所說復有邪見樂行
多作所謂有人作如是見一切諸法
有常無常無常者身常者四大彼邪
見人如是二見惡因惡喻爲他人說
令住邪見復生隨喜於大衆中於非
法中相似法說彼人以是惡業因緣
身壞命終墮於惡處在彼地獄閻火
風處受大苦惱所謂苦者如前所說
活等地獄所受苦惱彼一切苦此中
具受五倍更重復有勝者彼既得脫
閻魔羅人所作苦惱難脫已惡業
所作後復更入閻火急風受苦之處
惡風所吹彼地獄人在虛空中無所
依處如輪疾轉身不可見彼人如是
如輪轉已異刀風生碎割其身今如
沙搏分散十方又復更生已復散
散已復生恒常如是無有年數受如

是等堅急苦惱乃至惡業未壞未爛
業氣未盡於一切時與苦不止若惡
業盡彼地獄處尔乃得脫既得脫已
於五百世生於食吐餓鬼之中彼處
脫已復生飢渴畜生之中是彼惡業
餘殘果報

又彼比丘知業果報復觀焦熱之大
地獄復有何處彼見聞知復有異處
彼處名為金剛鬘蜂是彼地獄第十
六處衆生何業生於彼處彼見有人
殺盜邪行飲酒妄語樂行多作業及
果報如前所說復有邪見所謂有人
作如是見世間有始因緣而生有常
無常一切皆是因緣所作彼不實語
邪因譬喻於非法中相似法說令他
餘人安住邪法退失正法障導正法
而作邪見彼不正說常法非因常法
不動常法不異常不能作猶如虛空
彼邪見人不實分別彼人以是惡業
因緣身壞命終墮於惡處在彼地獄
生金剛鬘蜂鎧鉀處受大苦惱彼邪
見人身業口業意業破壞下賤之人
衆生中劣障導正法住不善法以惡

癡故作惡道行自謂有智恃智我慢
自意分別不實語說受大苦惱所謂
苦者如前所說活等地獄所受苦惱
彼一切苦此中具受五倍更重復有
勝者所謂彼處閻魔羅人以極細鉗
稍拔其肉如毛根許拔已復拔如是
連拔置其口中駢令自食彼處多有
金剛嘴蜂觸罪人身有熱血出味醎
如鹽閻魔羅人取彼醎血置罪人口
駢令食之彼既食已十倍飢渴燒其
身心惡業所誑復自食肉食已更生
惡業因緣作集惡業之所誑感受大苦
惱無有年數乃至惡業未壞未爛業
氣未盡於一切時與苦不止若惡業
盡彼地獄處亦乃得脫既得脫已於
四百世生餓鬼中食不淨食彼處脫
已於五百世生畜生中而作曲蟻
螻等至飢渴燒身是彼惡業餘處
果報

又彼比丘知業果報復觀熾熱之大
地獄如是觀已彼更不見第十七處
如是熾熱之大地獄如是等處如是
盡遍彼邪見人如是業作惡業住處

彼比丘如是觀察六大地獄如實而知
彼修行者內心思惟隨順正法觀察
法行如是見已心生歡喜作如是言
此比丘第一精進得十一地彼人則
能斷生死道彼地夜又知已歡喜轉
復上聞虛空夜又如前所說次第乃
至聞不少天作如是言某國某村某
善男子如前所說得十一地不共魔
王同一處住心不樂與煩惱共戲離
生死欲非境界處一切世界無邊苦
中不肯住止

又彼比丘觀活黑繩合喚大喚及焦
熱等并別處已復更觀察為當更有
餘地獄不彼見聞知有大地獄名大
焦熱衆生何業生彼地獄彼見有人
殺生偷盜邪行飲酒妄語邪見樂行
多作墮被地獄業及果報如前所說
復於持戒不犯禁戒具足不玷淨行
童女善比丘星未曾行欲未曾犯戒
如來法中如法行者令其退壞如是
之人不信佛法如是心言佛者則非
一切智人佛既非是一切智者何況
弟子比丘星僧有清淨行如是一切

皆是妄語虛誑不實如是佛法乃是

惡處非布施此能生福德非布施此

能得涅槃此凡人僧如是和合比丘

女尼毀破禁戒則不得罪彼人如是

惡思惟已壞彼童女比丘尼戒令退

僧行令其犯戒彼人身業口業意業

惡不善行身壞命終墮於惡處在大

熱熱大地獄中受大苦惱一由身

身極柔軟軟於生酥如是眼軟更軟

於身如是五根皆悉壞軟聲觸色香

猶尚能殺何況餘苦如彼作惡惡業

重故如是身心皆悉壞軟彼惡業人

惡業力故受極苦惱彼惡業人臨欲

死時現受業報有大苦惱如前所說

活地獄中所有苦惱皆悉具受如此

罪人臨欲死時於先三日如是受苦

乃至命盡失音不語想大怖畏行劣

識驚如是次第四大色慾極受苦惱

地界堅鞞身體強怒一切身分筋脉

骨髓處處閉塞皆悉破壞生大苦惱

如新生酥搏押磨打地界如是又復

水界一切身分筋脉繫縛本自堅燥

能令爛緩殺虫氣臭一切漏門皆悉

閉塞咽不通利舌縮入喉諸竅受苦
遍體汗出又復火界一切身體所有
筋脉皆悉燒煮受大苦惱身體皮膚
如赤銅色内外皆熱口乾大渴燒心
熾熱又復風界輕相更增以身乾故
如昇虛空復下墮地一切身分一切
皆乾一切身分一切脉中風行不住
有風名為必波羅針如焰針刺乃至
遍身如毛根等乃至精髓皆悉乾燒
卑波羅風能割皮肉脂骨精髓如芥
斧斫吹一切根一切身分皆悉閉塞
大小便利擁隔不通息不調利咽喉
不正眼目損減耳中則聞不可愛聲
鼻不聞香舌不知味鼻柱傾倒人根
縮入糞門苦痛如火所觸受大苦惱
皮膚腫起毛髮不牢此等唯說惡業
行人臨欲死時彼人如是三夜三日
四大愁盛苦惱所逼若命盡時他世
相現所謂自見一切屋舍如黑帳幕
見有黑焰如夢見色如是惡相不曾
慙住復見惡色師子虎等不可愛色
一切極惡皆悉具見聞惡虎聲生大
恐怖鐵磨身皮殘有欲盡彼風上行

始起足甲離足甲已次行足跌離足
跌已次行其跏如是離跏次行其膝
如是離膝次行其脛如是離脛次行
其臍如是離臍次行其肚如是離肚
次行其心如如是離心咽喉不利口乾
唾盡一眼則陷見虛空中閻魔羅人
手執鐵棒既如是見以手摩托知識
諸親見如是已皆言此人手摩虛空
氣息閉塞遍吹身分於是氣斷如彼
燈炷燒已而滅捨此世間生在中
有如因相似相似得果彼惡業人於中
有中受中有苦彼見自身如長命時
人壽八万四千年歲年始八歲小兒
之身自見自身餘一切人皆所不見
四大微細不見不對鑽須弥山能穿
能過而不妨碍自身不障須弥不障
何況餘山彼中有中如是自見黑闇
鐵城自身入中以惡業故見自己身
一切諸毛皆悉焰燃又復自見閻魔
羅人以黑鐵繩反縛其手復縛其足
彼黑鐵繩毒堅觸惡其色可畏次纏
身中遍體普急不容毛頭惡業行人
如是自見既為鐵繩堅急縛已有不

可愛色聲香味觸等境界謂惡業故
眼見惡色甚可怖畏閻魔羅人眼則
焰然多種惡色努臂極瞋心不喜見
又復耳聞不可愛語心不樂聞所謂
說言此人乃是惡業行者身業口業
意業不善造作惡行人中善處寶洲
之地自誑其身不正思惟十善業道
作不善行常虛妄行不得善寶一切
欲行如刀火毒墮在險岸此人如是
為欲所誑他妻所誑如是惡行此人
如是不善觀察造作三種不善惡業
如是癡人自行惡業我於今者置大
焦熱大地獄中與種種苦無量百千
種種苦惱皆悉具與令使後時更不
復作惡行惡業閻魔羅人為呵中有
離妻子人大憂愁者而說偈言
女色為知識 不利益如怨 破壞人世界
到閻地獄處 一切怨惡中 更無如業怨
三惡業縛束 我今送地獄 獨造作惡業
獨受惡果報 獨自到惡處 世間無同伴
若人多作惡 因緣於他人 自作還自受
彼人不能救 汝何故愚癡 為妻子所誑
於比丘尼等 癡誑故造惡 此世未來世

然常隨後行怨中第一怨一切惡處示
自所作惡業如毒如刀火汝自作惡業
汝如是自食非此人作業餘人受果報
非初非中後非此世他世若人散乱意
心不正觀察貪受樂味故造作不善業
愚癡乱心人增長不善法不知正觀察
造作諸惡業心能証衆生心能令人貪
令人向地獄閻中閻處去閻覆生死中
難得佛正法若人不愛法從苦到苦處
若人寂靜心境界不破壞彼人到善處
汝今者至此

如是造作惡業行人自身口意造不
善業閻魔羅人既呵責已送大焦熱
大地獄去鼻齕不淨臭爛惡衆舌嘗
堅熱不淨惡味得不可愛香味之色
身則當觸取重惡觸有惡風來如刀
如火此五境界極惡可畏心怖畏故
則生恐怯於先已見大地獄相閻魔
羅人堅繫其咽業風所吹將向地獄
不得自在閻魔羅人面有惡狀手足
極熱挨身努肚罪人見之極大恐怖
閻魔羅人聲如雷吼罪人聞之恐怖
更增閻魔羅人手執利刀腹肚甚大

如黑雲色眼焰如燈狗牙鋒利臂手

皆長搖動作勢肩闊長个鋒利焰燃

臂麤脉脹一切身分皆悉麤起如是

種種可畏形狀執惡業人如是將去

過六十八百千由旬地海洲城在海

外邊復行三十六億由旬漸漸向下

十億由旬業風所吹如是遠去彼如

是豪業風力吹非心思量不可譬喻

彼處境界日月風力所不能到唯業

風力一切風中業風第一更無過者如

是業風將惡業人去到彼處既到彼

已閻魔羅王呵責如前閻魔羅王既

呵責已惡業人縛縛出向地獄以惡業

故彼處見有閻魔羅人謂是衆生將

惡業人向大焦熱大地獄去如是罪

人閻中遠見彼大焦熱大地獄中普

火焰燃彼地獄量五千由旬不增不

減去彼地獄三千由旬聞地獄人啼

哭之聲悲愁恐懼極大憂惱已受無

量種種苦惱堅惡叵耐如是無量百

千万億無數年歲聞大焦熱大地獄

中地獄罪人啼哭之聲既聞啼哭十

倍恐懼心驚怖畏閻魔羅人如是將

送向大焦熱大地獄去閻魔羅人呵責之故而說偈言

汝聞地獄聲已如是怖畏何況地獄燒如燒乾新草火燒非是燒惡業乃是燒火燒則可滅業燒不可滅火不地獄燒火不隨逐行汝作惡業火須臾當燒汝若作惡業火彼在燒欲燒若捨惡業火則不畏地獄若人自愛身復畏於地獄彼人則捨惡不受大苦惱捨離惡業人心常善觀察身口意皆善去涅槃不遠若人常惡心癡心常自在故得惡地獄何須眼出淚造苦得苦報苦滅得樂報初中後惡業衆生不受樂汝人中造惡惡業已多作如是惡業果今者將欲受若人作惡業則向惡處去若人作善業則去向善處非是作惡業而得於樂果樂果非惡得以不顛倒受無始世界來作善得樂果若作惡業者如是得苦果因緣則相似顛倒不相應已作因於前如是得果報

如是罪人惡業所作閻魔羅人於中有中苦呵責已將向地獄彼惡業人既聞呵責怖畏毛豎何況眼見彼中

有人既見地獄焰火熾燃色等諸陰
極受寒苦戰動難忍於彼地獄熱焰
熾火心生貪著起心即取取因緣有
一切有分法皆如是因緣生彼惡
業人不善業因殺生偷盜邪行飲酒
妄語邪見復有邪行於彼淨行無欲
染心淨戒相應善比丘足強通行欲
彼不善業作而復集勢力堅韌所得
果報有大火聚其聚舉高五百由旬
其量寬廣二百由旬焰燃熾盛彼人
所作惡業勢力急擲其身墮彼火聚
如大山崖推在嶮岸無有坎蹙挽摸
之處如是罪人直入大火彼地獄中
如是勢推惡業行人入大地獄熾燃
火中以惡業故有熱鐵鉤先鉤其足
今頭在下而入火中被惡業人既如
是入地獄熾火先燒其眼既燒眼已
次燒頭皮燒頭皮已次燒頭骨燒頭
骨已次燒頰骨燒頰骨已次燒其齒
既燒齒已次燒牙牀燒牙牀已次燒
項骨燒項骨已次燒背骨燒背骨已
次燒胷骨燒胷骨已次燒咽筒燒咽
筒已次燒其心既燒心已次燒其肚

既燒肚已次燒大腸燒大腸已次燒小腸燒小腸已次燒其髓既燒髓已次燒其根既燒根已次燒胠骨燒胠骨已次燒其蹠既燒蹠已次燒脚腕燒脚腕已次燒足指如是如是彼惡業人以惡業故取初先入大火坑中如是極燒一切身分燒已復生受苦不斷如彼人中上上作業如是如是上上受苦彼地獄人如是具受焰鬍火坑如是極燒然後墮在金剛火地以怖畏故伸手努臂既倒地已即復建上如毬著地即上不停如是速建連上連下伸手努臂吼喚啼哭墮地復上如是唱喚大火焰鬍普覆身體建在空中常亦被燒如前所燒入火焰中如是無量百千年歲彼大地獄大火坑中燒已復燒連燒不止一切身分燒已復生乃至時盡若出火坑以惡業故而復更見閻魔羅人非是衆生罪人見之謂是衆生手中執持焰燃鐵鉗彼鉗極熱於彼火聚二倍更熱以何因緣彼鉗極熱以殺生故火坑所燒殺生偷盜二惡業故彼鉗

極熱二倍更熱以此因緣彼焰鐵鉗
二倍更熱閻魔羅人非是衆生以如
是鉗鉗取罪人置熱鐵地焰鐵鉗上
提令使坐焰燃鐵鉗從背門入背上
而出或从背上出廣說如前彼既坐已
三倍受苦熱焰刺鐵割其人根并外
俱割何因何緣三倍受苦所謂殺生
偷盜邪行以此因緣三倍受苦譬如
鐵師若其弟子鐵作之處以鞴吹之
風滿皮鞴如是風吹彼火焰然如是
如是作惡業人以作惡業究竟滿故
名惡業人作惡業人惡業弟子業業
普遍故名爲風所謂業風共婦女姓
名爲鍛作爐中熱沸謂地獄人唱聲
叫喚如是多吹如是多然多不善業
如是多燒不善業人受極苦惱以此
因緣彼地獄中三倍受苦殺盜邪行
樂行多作彼果應知閻魔羅人問彼
地獄極大怖畏皺面唱喚不善業人
大火煮人作如是言汝何所患汝何
所苦彼受苦人即復報答閻魔羅人
作如是言我今如是極受大苦如是
大苦猶尚可忍渴苦巨耐閻魔羅人

如是聞已復有惡河名可畏波彼河
唯有極熱勇沸銅汁鐵汁和合滿中
又復多有焰燃鐵塊彼岸嶮若見
彼河極大怖畏若聞其聲極生恐怕
閻魔羅人以熱鐵鉢盛取熱銅熱白
鐵汁持向罪人而語之言汝可飲之
彼人渴故兩手執取謂之是水取已
而飲彼地獄人以惡業故先燒其脣
既燒脣已次燒其舌乃至咽筒皆悉
被燒次第乃至燒身遍已從下而出
如是罪人四倍焰然四倍受苦何業
果報所謂殺生偷盜邪行及以飲酒
戒人自飲復與戒人出家比丘此業
果報於地獄中熱渴瀕水而飲熱沸
赤焰銅汁如是比丘持戒之人於衆
僧中不知是酒謂是淨飲而實是酒
酒者是毒手既執已不能棄捨畏衆
僧故而自飲之此業果報於地獄中
赤焰銅汁不能捨棄渴急而飲此是
酒果所謂沙門在檀越家惜檀越意
不能棄却而便飲之此業果報閻魔
羅人又復更問地獄人曰汝何所患
彼地獄人即復答言我今患飢我之

所受如是苦中飢苦為勝如是答已
閻魔羅人於可畏波熱焰河中取鐵
搗來五倍焰燃語罪人曰此則是食
彼地獄人惡業癡故起如是意今食
已至即取食之先燒其脣如前廣說
次第乃至從下而出惡業力故而常
不死作集業故舌還更生更生柔軟
過蓮華業身復更生更生軟_○惡業
果報彼比丘如是觀察何業果報新
生更軟彼見聞知如來如燈如是說
言若人殺生偷盜邪行飲酒與酒復
有妄語彼業果報若人犯戒若貝聲
行言我持戒如是比丘如是心意食
衆僧食得如是果閻魔羅人又復更
問地獄人曰汝燒舌耶彼地獄人惡
業癡人出舌示之彼舌極軟如蓮華
業廣半由旬妄語業故閻魔羅人犁
耕其舌無量百倒傷壞破裂發聲呻
喚妄語業故如是無量百千億歲出
於算數時節久遠受大苦惱是彼作
集惡業果報如是受已而於地獄未
得解脫閻魔羅人復為說偈呵責
之言

如汝護惜命他心亦如是汝如是殺生
作惡業故來世人寧捨命而聚集財物
何故取他物以為已所有一切人愛妻
勝於愛自身汝癡欲害人何故強侵逼
若人飲酒者於佛所癡生法中第一過
汝何故飲酒舌中出惡毒一切人不信
汝妄語惡人何故不捨離如是五種惡
汝心所喜樂今者應忍受徒生此憂惱
惡業法如毒汝如是不捨故到此地獄
焰勝大畏處

閻魔羅人如是呵責地獄罪人既呵
責已自所作業彼業如印常受大苦
晝夜不息種種堅鞭有無量種種如無
量種不善業行如是無量種種受苦
如因相似得相似果如是苦果似種
子故在大焦熱大地獄中滿足惡業
不善業人受苦果報善滿足者樂果
滿足彼惡業人如是受苦如是無量
百千年歲如是惡業如怨無異大不
饒益如是燒煮彼地獄人如是罪人
若脫彼處望救望歸走向異處遠見
樹林極大黑闇如是闇處多有大狗
彼狗名為張口大力如是狗者能急

疾走口是金剛彼狗吼聲甚可怖畏
如是張口大力狗者於彼林中處處
遍有彼地獄人見彼林已疾走往入
彼諸惡狗一切皆來逐彼罪人先齧
其肉皮筋根脉及脉穴骨及骨節
一切身分皆悉遍食如芥子許遺餘
不盡後復更生長久遠時惡狗所食
此何業果謂殺生業為食肉故而殺
衆生得如是果

正法念處經卷第十一

癸卯歲高麗國大藏都監奉
勅彫造

正法念處經卷第十二

篇

地獄品之八

元魏婆羅門瞿曇般若流支譯

又偷盜果以惡業故彼地獄中見自
已物他人劫奪即便走逐既如是走
閻魔羅人以利鐵刀執取斫割脉脉
皆斷斷已復生又復更有餘地獄人
疾走而來閻魔羅人亦復捉取刀戟
杵枷皆悉焰燃斫刺葉打是被偷盜
惡業果報如是無量百千年歲乃至
偷盜不善業果破壞無氣腐爛盡滅
彼人被處尔乃得脫

又邪行者見本婦女灰河所漂極大
唱喚惡波所推或有出者或有沒者
喚地獄人而作是言我今在此灰河
惡處無導無救汝今可來救我此難
彼地獄人既聞啼哭惡業癡心入彼
灰河即於入時一切身分為灰所爛
乃至無有芥子許在唯有殘骨後復
肉生肉既生已而復更見向者婦女
稍遠於前在灰河中而復唱喚作如
是言救我救我被人即前而彼婦

女疾走往赴既前到已欲抱婦女
婦女抱之彼婦女身皆是熱鐵焰起
熾然鋒利鐵爪既抱得已即便攬之
身體碎壞無芥子許全處可得唯有
骨在如是罪人普身皆血唯有筋網
彼地獄人欲心所覆見彼婦女而復
走往被灰河中乃經無量百千年歲
如是惡漂如是惡燒乃至惡業未壞
未爛業氣未盡於一切時與苦不止
彼處業盡余乃得脫如是復生飢渴
燒身處處浪走復見有河陂池清水
望冷水故疾走往赴既走到已彼河
池等洋白鐵汁皆悉充滿饒惡毒蛇
普遍其中彼地獄人熱渴甚急即飲
如是毒蛇和合洋白鐵汁彼惡毒蛇
罪業所作極其微細入罪人口既入
腹已即便鹿大地獄人肚亦復增長
如是惡蛇在其身內所有一切皆悉
遍齧先齧小腸而啖食之是破戒人
飲酒罪過如是無量百千年歲惡業
所誑彼地所齧白鐵所燒如是燒齧
死已復生戒人飲酒破戒罪過
又復妄語惡業果故被地齧舌如是

無量百千年歲受大苦惱乃至惡業未壞未爛業氣未盡於一切時與苦不止彼處業盡今乃得脫脫彼處已處處浪走而復更見不慈心果彼地獄人業作衆生如是說言汝等云何無辜被燒更可無處而住於此我示汝處令汝得樂閻魔羅人如是語已取地獄人於地獄中更置餘處彼處別異別異苦惱多多更與閻魔羅人如是更與地獄罪人種種苦惱所謂在於一切方處大火所燒受種種苦周匝嶮岸處處遍燒又復更入大身惡吼可畏之處常燒常煮如是受苦身大極軟十由旬量又復更入名火騷處於彼處生受大苦惱彼火騷處大火甚熱於一切火此火最勝更無相似彼火騷處常雨火沙而燒煮之彼沙稠浚如夏時雨復有異處名內沸熱彼處閻火常燒常煮今彼罪人身體脹滿猶如皮囊復更有處彼處名為吒吒吒齊彼地獄地一切罪人以諸身分迭相指割受大苦惱復有別處彼處名為普受一切眾生苦惱

彼處惡者受大苦惱彼如是處多有
可畏惡狗師子鳥鷃鳥脂地一切與苦
復有惡河彼河名為鞞多羅星惡燒
惡漂彼處燒者皆悉爛熟彼河熱灰
赤銅白鐵焰燃沸熱百種千種惡漂
燒者如是燒者復有別處名無間閻
罪人入中間火燒者受種種苦復更
有處名苦騶處罪人入中燒者受苦
熱焰鐵輪轉在其頭一切身分鋸割
劈裂若得脫已復入異處名雨縷騶
抖擻更燒更煮普身焰燃如是燒已
閻魔羅人百到千到焰刀剗割若得
脫已而復更入騶塊鳥處而燒煮之
彼處骨身如雪相似自身生火彼地
獄人各執利刀迭相割削如是無量
百千年歲若得脫已而復更入悲苦
吼處在彼惡處常燒常煮既如是煮
發聲大吼如是吼聲自餘一切諸地
獄中無如是吼若得脫已而復更入
名大悲處被人邪見非法惡法讚說
為法彼邪見人以惡業故見所愛色
或父或子或兄或弟在大悲處而被
燒煮換身受苦啼哭喚言我今孤獨

可來救我彼父子等極大悲苦伸臂
向上大聲唱喚彼地獄人如是見已
憂悲火生燒然愛薪憂悲火熱形地
獄火猶如冰雪如是二種大火所燒
極受苦惱發聲唱喚閻魔羅人而為
說偈呵責之言

愛火熱於火 餘火則如冰 此中地獄火
愛火三界中 如是地獄火 蓋少不足言
若愛因生火 饒焰而毒熱 惡行地獄人
業盡乃得脫 愛火燒三界 未有得脫期
愛能繫縛人 在無始生死 愛火是地獄
非地獄生火 地獄火雖熱 唯能燒於身
愛火燒衆生 身心俱被燒 愛因緣生火
火中取為上 地獄火不普 愛火一切遍
三因三處行 三種業顯現 於三時中生
皆是愛心火 天中欲火燒 畜生瞋火燒
地獄癡火燒 愛火一切燒 如是愛心火
三界皆焰燃 見何不樂法 今如是心悔
閻魔羅人於彼地獄大悲之愛如是
呵責地獄罪人既呵責已而復更與
種種苦惱如是罪人被愛得脫而復
更於無悲閻魔地獄中責彼愛普火
燒地獄人其色猶如甄紉迦樹如是

罪人若脫彼處復於本轉地獄中煮
彼地獄人在彼地獄十六處煮邪見
所攝犯比丘尼惡業罪過彼人彼處
於無數年久時長燒乃至惡業未壞
未爛業氣未盡於一切時與苦不止
若惡業盡彼地獄中亦乃得脫雖脫
彼處復生餓鬼畜生之中無量千世
飢渴燒煮迭互相食食百千身如是
畜生以惡邪見復犯淨行比丘尼戒
彼人如是難得人身如龜遇孔若生
人中同業之處於五百世作不能男
犯比丘尼不善惡業餘殘果報

又彼比丘知業果報觀大焦熱大地
獄處彼見聞知若人殺生偷盜邪行
飲酒妄語邪見業果如前所說又復
若人毀犯清淨優婆夷戒身壞命終
墮於惡處在彼地獄在一切方焦
熱處生受大苦惱所謂苦者彼地獄
處一切無間乃至虛空皆悉焰燃無
針孔許不焰燃處彼人火中伸手向
上發聲唱喚第一急惡大力堅苦熾
火所燒灰亦叵得又復更生如是無
量百千年歲常燒不止彼處若脫墮

救望歸走向異處既如是走閻魔羅

人復更執之普焰鐵繩從脚而纏乃

至於頭次第急纏血皆上流集在頭

中然後復以焰燃鐵鈎釘其頂上額

下而出復捉鐵鈎急轉急挽而復抽

掣罪人血出如赤銅汁熱焰熾燃灌

其身體如是無量百千年中血灌其

身而燒煮之死而復生死而復生惡

業力故常一切時如是燒煮乃至惡

業未壞未爛業氣未盡於一切時與

苦不止若惡業盡彼地獄處亦乃得

脫復於無量百千年歲生於餓鬼畜

生之中若生餓鬼受飢渴苦於畜生

中迭相食苦乃於無量百千世中為

他所殺而取食之彼惡業人受彼苦

已難得人身如龜遇孔若生人中同

業之處貧窮多病於他人所常得熱

惱心亂不止復不長命於四百世作

不男人是彼惡業餘殘果報

又彼比丘知業果報觀大熾熱大地

獄處彼見聞知若人殺生偷盜邪行

飲酒妄語邪見業果如前所說又復

若人毀犯淨行沙彌戒故身壞命終

墮於惡處在彼地獄大身惡吼可畏
處生受大苦惱所謂苦者如前所說
活等地獄所受苦惱彼一切苦大身
惡吼可畏之處皆悉具受復有勝者
彼罪人身一由旬量第一柔軟如生酥
塊閻魔羅人執持其身以微細針遍
拔其毛合肉拔之從足至頭皆悉遍
拔無芥子許而不拔處彼人如是極
受碎苦唱聲大喚餘地獄人聞之心
破開裂分散心怨所誑造作惡業自
業所誑如是聲出地獄罪人如是受
苦閻魔羅人為呵責故而說偈言
欲心出甜語聞甜語欲發欲語是大惡
今受如是果欲語害利刃彼刃自割身
寧自割其舌不說姪欲語欲所誑衆生
瞋心急熾燃癡心所秉故說姪欲甜語
姪欲樂至少作惡業甚多癡人欲心秉
從苦而得苦欲樂一念頃非樂亦非常
轉身受極苦如是應捨欲為欲覆之人
住於地獄舍若不屬欲者則不畏地獄
若人作惡業決定受苦惱悲苦凡鄙人
何故今唱喚惡行地獄人業盡乃得脫
無有多唱喚而得解脫理若人欲自在

作不愛惡業 癡人今受苦 唱喚何所益
若見未來果 現在喜樂善 彼人不唱喚
如汝今朝日

閻魔羅人如是責誅惡業行人既呵
責已復與種種無量苦惱乃至惡業
未壞未爛業氣未盡於一切時與苦
不止若惡業盡彼地獄處今乃得脫
既得脫已無量千世生於餓鬼畜生
之中彼處脫已難得人身如龜遇孔
若生人中同業之處短命貧窮心亂
不正所有語言一切不信於四千世
作不能男是彼惡業餘殘果報

又彼比丘知業果報觀大焦熱大地
獄處彼見聞知復有異處名火騷處
是彼地獄第三別處衆生何業生於
彼處彼見有人殺生偷盜邪行飲酒
妄語邪見樂行多作業及果報如前
所說若復有人於攝威儀正行婦女
行其非道彼人以是惡業因緣身壞
命終墮於惡處在彼地獄生火騷處
受大苦惱所謂苦者如前所說活等
地獄所受苦惱彼一切苦此中具受
十倍更重復有勝者如是地獄火騷

之處以惡業故多有惡重名為似騷
在地獄處長似弓弦其毒甚嚴其齒
極利閻魔羅人執地獄人縛其手足
數其身體在熱鐵鈎極熱鐵地彼地
獄人如是受苦唱喚啼哭先燒其背
受極苦惱閻魔羅人取似騷虫置其
糞門彼似騷虫形如弓弦入其身中
能作第一堅毒急苦其觸如火初燒
糞門燒已而食食糞門已次復上行
入其熱藏燒已而食食熱藏已次復
上行入其生藏即燒生藏而復食之
如是食已次第復入小腸大腸燒齧
而食如是食盡在其身內處處遍走
罪人身內如白鵠兒猶故不死如是
惡虫走向咽筒走而未到燒煮其心
燒已遍食彼地獄人如是受苦唱喚
啼哭彼人如是二火所燒身內則有
似騷虫食身外則有地獄大火彼似
騷虫食咽筒已次走向面既到面已
先燒舌根燒舌根已齧而食之如是
食已走向耳根復食其耳食耳根已
走向髑髏次食其腦既食盡已破頭
而出彼地獄人猶故不死是彼惡業

之勢力故遍身有孔如是惡虫復入孔內復為地獄大火所燒普身內外一切焰然惡業行故如是無量百千年歲食復食食食已復生生已復食死已復活如是罪人受大苦惱是彼惡業作集勢力彼地獄人彼處脫已走向異處見大蛇衆一時俱來彼人見已極大怖畏走向餘處如是蛇衆惡業所作走疾如風向彼罪人到已纏絞普身周遍其牙甚利有大惡毒齧彼罪人受百千種大苦惱彼地獄人如是具有三火所燒一飢渴火二蛇毒火三地獄火如是無量百千年歲常如是燒無有年數時節長遠乃至惡業未壞未爛業氣未盡於一切時與苦不止若惡業盡彼地獄處亦乃得脫既得脫已無量千世生在餓鬼畜生之中於餓鬼中飢渴極燒遍生一切畜生之中生生常為他所殺害殺已而食若脫彼處難得人身如龜遇孔若生人中同業之處於五百世為第三人所謂不男是彼惡業餘殘果報

又彼比丘知業果報觀大焦熱大地
獄處彼見聞知復有異處名雨沙火
是彼地獄第四別處衆生何業生於
彼處彼見有人殺生偷盜邪行飲酒
妄語邪見樂行多作業及果報如前
所說復有邪行於沙弥居作惡行已
心生歡喜猶故喜樂彼人以是惡業
因緣身壞命終墮於惡處在彼地獄
雨沙火處受大苦惱所謂苦者如前
所說活等地獄所受苦惱彼一切苦
此中具受復有勝者所謂彼處五百
由旬大火充滿一切焰燃有金剛沙
遍滿其中柔軟如水能燒之人猶尚
畏沒沉重惡業地獄之人彼地獄人
入中則沒猶如沒水惡業因故沒已
復出彼金剛沙有三角塊刃火極利
揩罪人身乃至骨盡盡已復生生復
更揩揩已復盡盡已復生死而復活
無能救者墮焰沙中唱喚號哭呼嗟
涕泣以惡業故於彼苦處不能自脫
時節長久若惡業盡彼地獄處亦乃
得脫雖脫彼處無量千世生於餓鬼
畜生之中若生餓鬼飢渴燒煮畜生

之中迭相毆食於一千世常被牠殺
若脫彼處難得人身如龜遇孔若生
人中同業之處常貧常病人所不信
為不男人是彼惡業餘殘果報
又彼比丘知業果報觀大熾熱之火
地獄復有何處彼見聞知復有異處
名內熱沸是彼地獄第五別處衆生
何業生於彼處彼見有人殺生偷盜
邪行飲酒妄語邪見樂行多作業及
果報如前所說又復有人邪見邪行
於持五戒優婆夷邊強行非法汙其
梵行令戒缺壞彼作是意破戒無罪
不信業果彼人以是惡意惡行業因
緣故身壞命終墮於惡處在彼地獄
內熱沸處受大苦惱所謂苦者如前
所說活等地獄所受苦惱彼一切苦
此中具受復有勝者所謂彼處有五
火山皆內熱沸如是五山普遍地獄
皆悉熱沸一名普燒二名極深無底
三名閻火聚觸四名割截五名業證
遍彼地獄一千由旬如是五山去普
輪山及大輪山道理極遠彼地獄人
見彼五山優鉢羅華於彼山中多有

樹林陂池具足怖望彼處欲得安樂
疾走往赴以惡業故彼山內火惡
風所吹吹已熾然燒地獄人普身挨
轉如是燒已復見有山青色而大既
燒受苦復更走趣望救望歸既到彼
山勢墮其中猶如弩弦所放鐵箭射
入鐵封如是入已不知所在如是如
是彼地獄人在內熱沸火山之中沒
無處所彼地獄人在於彼處如是燒
已煮已炙已又復更入閻火聚觸惡
山之中諸根閉塞受一切苦如墜納
箭具受一切惡業果報如是罪人作
集惡業閻火聚觸惡山之中受如是
果苦惱急惡無主無救無有伴侶食
自業果久受極苦常燒常煮業風所
吹彼熱沸處一切身熟得出彼處無
足力故不能得走閻魔羅人而復更
執置割截山以鐵焰鋸割其人根割
已復生新生軟塑而復更割如是無
量百千鋸割受大苦惱又復更入業
證山中受大苦惱唱喚偈言

如我自作業我如是受果 欲然燒我故
今到此地獄放逸地不善 欲火燒人身

彼羂繫縛我是故到此處我先時不知
欲果如是苦為癡之所誑自作今自受
無悲心惡人將我在此處無邊苦惱海
云何可得脫業為苦中苦我今如是受
不曾見有樂地獄苦不盡

彼地獄人灰火地獄受第一苦如是
唱喚彼地獄人常一切時受大苦惱
乃至惡業未壞未爛業氣未盡於一
切時與苦不止若惡業盡彼地獄處
余乃得脫若得脫已復於無量百千
世中生於餓鬼畜生之道於餓鬼中
迭牙相見飢渴燒身於畜生中迭相
食敗於百千世死而復生彼人彼處
既得脫已難得人身如龜遇孔若生
人中同業之處惡業力故貧窮多病
身分不具是彼惡業餘殘果報

又彼比丘知業果報觀大焦熱之大
地獄復有何處彼見聞知復有異處
彼處名為吒吒嚕是彼地獄第六
別處衆生何業生於彼處彼見有人
殺生偷盜邪行飲酒妄語邪見樂行
多作業及果報如前所說復有邪行
謂於受戒正行婦女行非梵行或時

一到二到三到四到五到彼人如是不相應行或於姊妹或於同姓或於香火或香火婦或知識婦誑誘邪行彼人以是惡業因緣身壞命終墮於惡處在彼地獄吒吒吒嚕別異中生受大苦惱所謂苦者如前所說活等地獄所受苦惱彼一切苦此中具受復有勝者謂有惡風第一勢觸極颯極吹令彼地獄罪人之身分分分解猶如劫貝急惡抖擻如彈羊毛如是勢急極惡大風吹罪人身毛塊毛塊分分分散猶如細毛毛亦叵見如何者毛劫貝沙毛彼毛既散還復聚合彼罪人身亦復如是惡風所吹分散十方彼罪人身於地獄中惡風如刀分分割裂碎散如沙乃至無有一物可見如是身分毛亦叵見以惡業故一切身分而復更生已復散欲力故余欲如前說如是無量百千年歲乃至惡業未壞未爛業氣未盡於一切時與苦不止若脫此苦彼處復有金剛惡鼠食其人根分令破碎如芥子許受苦啗喫食人根已次食其腸

既食腸已次食熟藏食熟藏已從脊
而出次食其背既食背已次食背骨
彼惡業人以惡業故如是無量百千
年歲受地獄苦於長久時得脫彼處
所受苦惱既得脫已走向異處復有
黑虫纏絞其身先經人根燒而食之
受極苦惱唱聲大喚如是黑虫常經
常食乃至被人作集惡業未壞未爛
業氣未盡於一切時與苦不止若惡
業盡彼地獄處亦乃得脫既得脫已
復於無量百千世中於食自肉餓鬼
中生自食身肉雖自食肉而復不死
以作業時自姊妹等行非梵行自受
樂故於餓鬼中自食身肉若脫彼處
生畜生中常作牝豚自食其子如人
中時於親等中行姪業故彼人彼處
若得脫已難得人身如龜遇孔若生
人中同業之處彼人常有人根惡病
如是人根惡病急故自割人根彼業
因緣若自有妻為下賤人之所侵逼
不相應人共行姪欲以作業時犯他
妻故一切惡中邪見邪行取為深重
此不善業於世出世皆不相應

又彼比丘知業果報觀大焦熱之大
地獄復有何處彼見聞知復有異處
彼處名為普受一切資生苦惱是彼
地獄第七別處衆生何業生於彼處
彼見有人殺生偷盜邪行飲酒妄語
邪見樂行多作業及果報如前所說
復有邪行所謂比丘貪染心故不相
應行以酒誘誑持戒婦人壞其心已
然後共行或與財物彼人以是惡業
因緣身壞命終墮於惡處在彼地獄
普受一切資生苦處受大苦惱所謂
苦者如前所說活等地獄所受苦惱
彼一切苦此中具受彼人常恒修習
苦哉而捨善行修習惡道如是不善
惡業行人習不善道喜樂習行以惡
業行之因緣故於彼地獄受更重苦
極急堅惡大重苦惱活等地獄所受
苦惱彼一切苦此中具受所謂彼處
自從足指乃至於頭焰刀剝割一切
身皮不侵其肉如是剝削一切身分
與大苦惱既剝其皮與身相連敷在
熱地以火燒之身既無皮閻魔羅人
以熱鐵鉢盛熱涕灰灌其身體彼人

如是被燒蒸煮受大苦惱唱聲大喚
呼嗟號哭如是無量百千年歲受大
苦惱年歲無數不可得脫常受如是
堅鞭苦惱乃至惡業未壞未爛業氣
未盡於一切時與苦不止若惡業盡
彼地獄處亦乃得脫若於前世過去
久遠有善業熟不生餓鬼畜生之道
難得人身如龜遇孔若生人中同業
之處常貧常病得極惡病海畔衆生
同業生人形體不具所謂一脚一眼
一臂其身獨短命則不長或一日壽
如是處生是彼惡業餘殘果報
又彼比丘知業果報觀大焦熱之大
地獄復有何處彼見聞知復有異處
所謂有河其河名曰鞞多羅居惡燒
惡漂是彼地獄第八別處衆生何業
生於彼處彼見有人殺生偷盜邪行
飲酒妄語邪見樂行多作業及果報
如前所說復有邪行所謂有人燒香
索婦把手相付彼婦無過心生厭賤
強與作過既與過已猶故喜樂而共
行欲彼人以是惡業因緣身壞命終
墮於惡處在彼地獄鞞多羅居惡燒

惡漂大河之處受大苦惱所謂苦者
如前所說活等地獄所受苦惱彼一
切苦此中具受復有勝者謂於閻聚
虛空之中雨熱鐵杖惡業所作其杖
極利入在地獄罪人身中入已極燒
一切身分普皆作孔劈割燒煮一切
身分皆悉分離內外火燒受極苦惱
焰然鐵杖如是劈已極受大苦彼苦
堅韌不可辟喻彼地獄人既受大苦
處處馳走墮在嶮岸岸下有河其
河名曰鞞多羅尼惡燒惡漂以惡業
故滿中惡趣罪人見之驚怖極苦如
是惡趣焰牙惡毒碎其身體分分如
塵而散食之極受大苦唱聲號哭乃
至惡業未壞未爛業氣未盡於一切
時與苦不止年歲無數若惡業盡彼
地獄處余乃得脫若其不墮餓鬼畜
生難得人身如龜遇孔若生人中同
業之處常貧常病常有悲苦為他所
使諸根不具生在邊地凍山雪山其
面極醜如草馬面唯食根葉以存性
命不曾知有稻粟等食是彼本業餘
殘果報

又彼比丘知業果報觀大焦熱之大
地獄復有何處彼見聞知復有異處
名無間闇是彼地獄第九別處衆生
何業生於彼處彼見有人殺生偷盜
邪行飲酒妄語邪見樂行多作業及
果報如前所說又復有人於離外染
境界繫縛貪欲瞋癡三煩惱軟修善
之人而遣婦女勸誘令退彼人以是
惡業因緣身壞命終墮於惡處在彼
地獄無間闇處受大苦惱所謂苦者
如前所說活等地獄一切所受堅惡
苦惱彼一切苦此中具受復有勝者
彼地獄處有地窟虫口嘴極利能破
金剛令如水沫罪人惡業有如是虫
於彼惡虫所得苦惱勝地獄苦若受
虫苦彼地獄苦則為大樂彼地窟虫
破罪人骨而食其髓彼地獄中一切
諸苦皆悉和合於受虫苦百分之中
不及其一於十分中不及其一百千
分中亦不及一於彼惡虫不能得脫
屢屢逃走隨彼彼處皆不得脫如是
無量百千年歲常燒常煮於餘一切
地獄罪人所受苦惱最惡最重受如

是苦於一切時彼地獄處如是燒煮而亦不死以彼惡業作集勢力地獄和集常如是燒常如是煮乃至作集惡不善業未壞未爛業氣未盡於一切時與苦不止若惡業盡彼地獄處亦乃得脫若於前世過去久遠有善業孰不生餓鬼畜生之道難得人身如龜遇孔若生人中同業之處生姪女家為彼作奴顏色不好手足破裂恒常負水是被惡業餘殘果報

又彼比丘知業果報觀大焦熱之地獄復有何處彼見聞知復有異處名苦鬻處是彼地獄第十別處衆生何業生於彼處彼見有人殺生偷盜邪行飲酒妄語邪見樂行多作業及果報如前所說復有惡姪有善比丘持戒正行於律無犯種姓有事故生怖畏人所信家而彼舍主邪姪婦人語言比丘共我行欲若不肯者我則舉告必令比丘於王得罰或語我夫作如是言比丘侵我若共我欲多與比丘佞隨居食種種美飲我與比丘二人極樂更無人知我向人說此好

比丘第一持戒有多卧具病藥因緣
具足檀越我能教化必令比丘事事
皆得彼人如是誑善比丘令退正道
如是婦女惡業因緣身壞命終墮於
惡處在彼地獄生苦驢處受大苦惱
所謂苦者如前所說活等地獄所受
苦惱彼一切苦此中具受復有勝者
所謂彼處閻魔羅人取彼婦女以利
鐵剝剝其皮肉肉盡骨在而復更生
生則軟塑而復更剝剝已復生生已
復剝閻魔羅人取彼婦女肉生轉多
而復坏塑鐵剝剝然遍剝其身而復
火燒如是婦女極受苦惱唱喚啼哭
作集惡業常一切時如是受苦處處
馳走以惡業故見今比丘來向其身
欲意所誑疾走往趣業然難捨如是
惡處欲心猶在見被比丘抱其身體
則入火窟普火焰燃如是無量百千
年歲於苦驢處受極堅鞭第一大苦
乃至惡業未壞未爛業氣未盡於一
切時與苦不止若惡業盡彼地獄處
亦乃得脫雖脫彼處於五百世生畜
生中若脫彼處難得人身如龜遇孔

若生人中同業之處則為婦女在於
城中常除糞屎城中所有一切人中
眾為凡鄙貧窮醜陋手足髮裂脣口
鬼缺面色甚惡無父無母無有諸親
兄弟姊妹常從他人乞食活命衣裳
破壞垢穢不淨身關一廂於顯現處
身有傷破為諸童子之所打擲受苦
而活是被惡業餘殘果報

正法念處經卷第十二

癸卯歲高麗國大藏都監奉
勅彫造

正法念處經卷第十三

篤

地獄品之九

元魏婆羅門瞿曇般若流支譯

又彼比丘知業果報觀大焦熱之大
地獄復有何處彼見聞知復有異處
名兩縷髒抖擻之處是彼地獄第十
一處衆生何業生於彼處彼見有人
殺生偷盜邪行飲酒妄語邪見樂行
多作業及果報如前所說復有邪姪
所謂侵近善比丘居或時荒亂國土
不安於比丘居正行持戒而是童女
因時不安強逼侵犯汙其淨行彼人
以是惡業因緣身壞命終墮於惡處
在彼地獄生兩縷髒抖擻之處受大
苦惱所謂苦者如前所說活等地獄
所受苦惱彼一切苦此中具受復有
勝者謂於彼處復有無量金剛利刀
以為刀網處處遍覆隨所迴轉身動
則割遍體普割如是刀網金剛刀縷
縷縛罪人如此間繩在毛綿中彼處
罪人在彼網中生而復死死而復生
閻魔羅人以焰鐵箭射其身分一切

昔遍如是罪人金剛網縛焰箭所射
受極堅鞭第一苦惱唱聲呻哭悲號
帝哭受大苦惱普身破壞一切堅縛
若彼罪人得脫彼處惡業因緣所受
苦極處處馳走復入熾燃普火炭聚身
體消洋燒身唱哭孤獨無伴遠見大
門門有光明疾走往赴既到彼已復
有大鱗毒乃甚熾入其口中彼地獄
人於彼內燒不能唱哭如是業鱗如
彼惡業如是迴轉彼地獄人一切身分
碎散如沙不能唱哭一切筋脉皆悉
碎壞如是無量百千万億阿僧祇歲
在鱗腹中燒挨破壞如是罪人若出
鱗口一切身中筋脉皆緩處處馳走
而復更見閻魔羅人來取其身以利
鐵刀一切身分遍切遍割如膾鱖魚
如是無量百千年歲亦不可數常一
切時受大苦惱乃至作集惡不善業
未壞未爛業氣未盡於一切時與苦
不止若惡業盡彼地獄處今乃得脫
雖得脫已於五百世生於餓鬼畜生
之中彼處脫已難得人身如龜遇孔
若生人中同業之處貧窮常病身體

色惡身體常有惡瘡毒瘡恒受苦惱
是彼惡業餘殘果報又彼比丘知業
果報觀大焦熱之大地獄復有何處
彼見聞知復有異處名跋闍烏是彼
地獄第十二處衆生何業生於彼處
彼見有人殺生偷盜邪行飲酒妄語
邪見樂行多作業及果報如前所說
復有邪婬或因酒醉或復欲感婬姉
婬妹被人以是惡業因緣身壞命終
墮於惡處在彼地獄跋闍烏處受大
苦惱所謂苦者如前所說活等地獄
所受苦惱彼一切苦此中具受復有
勝者所謂墮在熱焰銅爐身則消泮
還復和合而更消泮於彼爐中生已
復死死已復生常受大苦如是爐中
閻魔羅人兩韃火之爐火罪人不可
分別如是無量百千年歲爐中者之
如此人中煮金無異如是如是彼地
獄中如是燒煮惡業行人若得脫彼
爐中惡業出彼銅爐閻魔羅人置鐵
鉤上鐵椎打之如鍛鐵師椎打鐵塊
如是打時打則命終舉椎還活彼地
獄人於一切時常被燒煮年歲無數

若脫彼處閻魔羅人置之鼓中既置鼓中以惡業故鼓出畏聲聞則心破散已更生已復散彼人如是死已復活活已復死乃至作集惡不善業未壞未爛業氣未盡於一切時與苦不止若惡業盡彼地獄處今乃得脫雖脫彼處於六百世生畜生中若生人中同業之處心常驚恐如野鹿等心驚不安常畏官人橫枉繫縛壽命極短心初不安是彼惡業餘殘果報又彼比丘知業果報觀大焦熱之地地獄復有何處彼見聞知復有異處名悲苦吼是彼地獄第十三處衆生何業生於彼處彼見聞知若人殺生偷盜邪行飲酒妄語及邪見等樂行多作業及果報如前所說復有邪端所謂有人於女姉妹在齋會中見惡邪法而共行欲從婆羅門聞是邪法女若憶男而男不取則得大罪彼婆羅門作如是計若不尔者破法得罪如是邪聞惡法所誑而行邪行彼人以是惡業因緣身壞命終墮於惡處在彼地獄悲苦吼處受大苦惱所謂

苦者如前所說活等地獄所受苦惱
彼一切苦此中具受復有勝者所謂
彼處閻魔羅人熱焰鐵杵極勢搗築
遍身破壞體無完處如米豆許遍身
是瘡彼人身分一切是瘡普受熱苦
孤獨無伴受堅鞭苦年歲久遠無有
竿數若業因盡得脫如是熱焰鐵杵
處處馳走復入鐵地其鐵焰燃入已
則墮受大苦惱唱聲吼喚復見大林
相去不遠色如青雲普林寂靜饒鳥
音聲去其不遠有大池水清淨可愛
彼地獄人起如是意彼是第一寂靜
樹林清淨池水我於彼處應得安樂
望救望歸走向樹林焰火集聚熱焰
鐵地罪人在中見彼樹林相去不遠
多有衆鳥彼地獄人馳走向林望有
安樂望救望歸彼人如是極受大苦
乃到樹林一切所見與本見異一切
皆惡極大怖畏所謂彼處大口惡龍
龍有千頭其眼焰燃惡毒甚熾皆是
向者所見之樹向者所聞衆鳥聲音
今則皆是地獄罪人遍身焰燃唱喚
之聲向者遠聞謂是衆鳥如是惡龍

取地獄人而取食之與種種苦如是
罪人受大苦惱唱聲大喚彼龍焰口
如是食已於龍口中而復還活自業
所作於龍口中死而復活活而復死
如是常食年歲甚多無有竿數食已
復生食已復生若於口中業盡得脫
熱渴甚急復見池水在於異處疾走
而往彼處池水闔火遍覆滿彼池中
地獄熾火深一由旬彼地獄人到已入
中入則沉沒受極苦惱自業相似餘
業非喻所受苦惱無異相似乃至惡
業未壞未爛業氣未盡於一切時與
苦不止若惡業盡彼地獄處亦乃得
脫雖脫彼處於七百世生於餓鬼畜
生之中若脫彼處難得人身如龜遇
孔若生人中同業之處貧窮多病為
他所使在巷乞求身形羸短是彼惡
業餘殘果報

又彼比丘知業果報觀大焦熱之大
地獄復有何處彼見聞知復有異處
名大悲處是彼地獄第十四處衆生
何業生於彼處彼見聞知若人殺生
偷盜邪行飲酒妄語及邪見等樂行

多作業及果報如前所說復有善人
從他人邊讀誦經論或復從其聞有
經論彼人多欲婬其妻妾教師等婦
而實貞良誘誑行婬常向人說彼是
我母以教師婦母相似故癡心違信
如是行欲彼人以是惡業因緣身壞
命終墮於惡處在彼地獄生大悲處
受大苦惱所謂苦者如前所說活等地
獄所受苦惱彼一切苦此中具受復
有勝者所謂彼處有熱鐵牀牀有利
刀狀如磨齒罪人在中恒常急磨
一切身分皮肉筋脉骨髓血汁皆悉
和合既如是磨悲號啼哭餘地獄人
既聞其聲生大苦惱於自身苦不復
覺知雖如是磨而常不死如是無量
百千年歲磨而常活乃至惡業未壞
未爛業氣未盡於一切時與苦不止
若惡業盡彼地獄處亦乃得脫於六
千世生於餓鬼畜生之中若脫彼處
難得人身如龜遇孔若生人中同業
之處或胎中死或生已死或有生已
未坐而死或有生已未行而死或有
生已能行而死或有行而行走而便死

者隨其所生諸根不具是彼惡業餘
殘果報

又彼比丘知業果報觀大焦熱之大
地獄復有何處彼見聞知復有異處
名無非閻是彼地獄第十五處衆生
何業生於彼處彼見聞知若人殺生
偷盜邪行飲酒妄語邪見樂行多作
業及果報如前所說又復有人姪自
子妻彼人以是惡業因緣身壞命終
墮於惡處在彼地獄無非閻處受大
苦惱所謂苦者如前所說活等地獄
所受苦惱彼一切苦此中具受復有
勝者彼處鐵地焰然熱沸閻魔羅人
執地獄人在彼熱地上下翻覆令彼
罪人迭手在上迭手在下百到千到
和集同煮合為一塊不容毛頭彼此
如是合為一塊閻魔羅人以杵搗築
復作異塊密於前塊如是細搗細密
和合不可分別如是無量百千年歲
受堅鞫苦乃至惡業未壞未爛業氣
未盡於一切時與苦不止若惡業盡
彼地獄處今乃得脫雖脫彼處於九
百世生於餓鬼畜生之中若脫彼處

難得人身如龜遇孔若生人中同業之慶貧窮常疾常為怨對之所破壞生惡國土海中夷人一切人中取為鄙劣又不長命是彼惡業餘殘果報又彼比丘知業果報觀大熾熱之地獄復有何處彼見聞知復有異處名木轉處是彼地獄第十六處衆生何業生於彼處彼見聞知若人殺生偷盜邪行飲酒妄語及邪見等樂行多作業及果報如前所說又復有人他救其命有於病等臨欲命盡為他所救或被殺者為他所救彼則有恩而不識恩反姪其妻彼人以是惡業因緣身壞命終墮於惡處在彼地獄生木轉處受大苦惱所謂苦者如前所說活等地獄所受苦惱彼一切苦此中具受復有勝者彼處有河名大吽喚在彼河中熱白錫汁燒煮漂流無量百千地獄罪人在彼河中如是漂煮彼地獄人同在其中為河所漂以急漂故頭在下入中則沉與餘罪人翻覆相壓不可分別如是上下地獄以壓罪人在下熱沸白錫燒煮

唱喚受無間苦彼地獄人如是受苦
以惡業故而復更有魔竭大魚食其
身分食已復生彼不轉處受大苦惱
如是受苦時節久遠自惡業故如是
受苦乃至惡業未壞未爛業氣未盡
於一切時與苦不止若惡業盡彼地
獄處亦乃得脫雖脫彼處於五百世
生於餓鬼畜生之中既得脫已若生
人中同業之處一切女人之所憎賤
於自父母兄弟妻子悉皆嫌惡五百
世中不能行欲是彼惡業餘殘果報
又彼比丘知業果報觀大焦熱之大
地獄唯有如是十六別處更不見有
第十七處普觀一切唯十六處此大
極惡極大焦熱極大地獄如是無邊
此自業果地獄中受燒煮罪人受大
苦惱如業相似非異人作異人受苦
自作不失不作不得如自作業相似
得果自作業生衆生如是如業所作
自業所得若善不善如業得果彼比
丘如是思惟地獄果報地獄行業既
思惟已厭離生死不見有樂不見有
常不見有我不見有淨如是唯見一

初生死皆悉無常苦空無我如是見已離一切欲離於欲結離於欲行離於欲意離於欲因見欲過惡轉復增上更生怖畏如是正攝身口意行三業勝行魔不得便不繫屬魔彼如是修緩於生死惡相續鏤破壞離散

又修行者內心思惟隨順正法觀察法行作如是意彼比丘甚為希有有增上力得十一地彼地夜又見彼比丘不倦精進有增上力心生歡喜轉復上聞虛空夜又虛空夜又聞四大王如前所說次第乃至向大梵天如是說言閻浮提中某國某村某善男子如是種姓名字某甲剎除鬚髮被服法衣正信出家心不樂住魔之境界不樂喜欲愛心共住於煩惱地不生喜樂見他苦惱則於世間一切生死深生厭離彼梵身天聞已歡喜說如是言魔分損減正法朋長彼修行者以天眼觀見彼比丘如是已得第十一地見於正道如是諦見知業報法諦見身業口業意業諸比丘如是三種微細身業口業意業分分細知

若天世間若魔世間若梵世間若沙門界婆羅門界如是天人不能如是分分細知何況外道遮羅迦波利婆闍迦而能得知唯我能知及我弟子若從我聞能如是知微細三業分細分細如是皆知汝等比丘若有餘人問者汝如是答若如是問彼諸外道遮羅迦波利婆闍迦心則迷沒不能答汝何以故諸比丘一切生死所攝衆生非其所行非境界故彼人貪知不能正知忽知垢知微劣少知彼三種業身口意業彼人所說為他破壞不能斷絕生老病死憂悲啼哭一切苦惱不證聖法不到涅槃非究竟道非寂靜法非安樂法非生天道彼人思惟三種業道身口意業唯有慢心諸比丘彼外道遮羅迦波利婆闍迦自意歡喜心不思惟諸過功德彼人如是此三種業身業口業意業大惡彼人於我無少相似譬如涅槃之與生死乃至無有少分相似理相玄遠彼知三業我知三業無少相似諸比

丘汝等應知彼外道問唯有言語佛
有正道寂滅涅槃一切生死無常敗
壞皆苦無樂諸比丘應如是知無有
物常無物不動無物不變無物不異
諸比丘彼修行者見彼比丘如是身
業口業意業種種諦見趣涅槃城
又復觀察云何彼比丘得十二地彼
修行者如是觀察見彼比丘不憊精
進復更諦觀惡業因果七大地獄并
及別處如業報法諦觀察已彼見聞
知又復更有取大地獄名曰阿鼻地
獄一千倍勝衆生何業生彼地獄彼
見聞知若人重心殺母殺父復有惡
心出佛身血破和合僧殺阿羅漢彼
人以是惡業因緣則生阿鼻大地獄
中經一切住若減劫住業既平等而
減劫住以劫中間造作惡業墮阿鼻
故被人減劫阿鼻燒者何以故時節
已過不可令迴是故於彼減劫燒煮
苦惱堅韌以多惡業少時受故如是
造作阿鼻之業有悲堅心軟中心作
受苦不重如人造作一阿鼻業若重

心作彼受勝苦一切作業及業果報一切皆是心心數法皆心自在皆心和合心隨順行復有六結繫縛衆生若心寂靜衆生解脫如彼次第在於阿鼻地獄之中苦因緣故所受苦惱身有軟麤若五逆人於地獄中其身長大五百由旬若四逆人四百由旬若三逆人三百由旬若二逆人二百由旬若一逆人一百由旬

又彼比丘觀察阿鼻大地獄處此名毛起取大地獄凡有幾處彼見聞知普此地獄有十六處何等十六一名烏口二名一切向地三名無彼岸常受苦惱四名野干吼五名鐵野干食六名黑肚七名身洋八名夢見畏九名身洋受苦十名兩山聚十一名閻婆叵度十二名星孺十三名苦惱急十四名臭氣覆十五名鐵鏹十六名十一焰普彼阿鼻取大地獄有如是等十六別處

又彼比丘如是觀察人欲死時乃至中有云何阿鼻地獄行人此中受苦復生苦處彼見衆生貪欲瞋恚愚癡

所覆造作惡業成就阿鼻地獄惡行
如是造作阿鼻地獄惡業行人有為
生天故以大火燒殺其母又復有人
高山巖岸推母令墮如是殺母又復
有人置母水中如是殺母又復有人
餓殺其母惡道癡人惡聞所誑是故
殺母貪心怖天如是殺母或有餓殺
或在山上巖處推殺或火燒殺或水
中殺為得天故被人愛天而殺自母
有以瞋心毒等而殺有輕心故心因
緣故心自在故是故殺母如是殺之
以三毒過故如是殺或復有人以癡
心故不知如來是大福田生瞋惡心
出其身血如是破僧殺阿羅漢以多
瞋故被人如是一切因緣一切作業
皆悉遠離生於阿鼻地獄中彼惡
業人臨欲死時有人即身阿鼻地獄
大火已生或復有人臨欲死時及中
有中彼中間生得阿鼻苦彼如是等
隨於何時造作阿鼻地獄惡業即時
燒燃一切善業所有出家決定受業
解脫分業一切燒燃不得受戒如是
燒已不善惡業燒彼人身過去久遠

所作勝業以作五逆彼如是業決定
不受何處決定地獄決定能令命短
若百年命二十年盡思念所作皆不
可得譬如下種在於鹹地彼惡業人
如是乃至自隨身天即時捨去一切
所作不得果利諸根頽於境界中
數見惡夢常得一切不饒益事所有
妻子及奴婢等皆悉捨去常患飢渴
若遇美食不得本味聲已破壞一切
惡觸面色甚惡心常驚恐人中鄙劣
一切諸親兄弟等衆無惡因緣而生
驚畏一切世界處處見煙此人身中
諸界不調遠見惡色洗浴速乾身恒
患熱喜患黃病口常鹹苦牀敷雖軟
得堅惡觸吹笛打鼓琵琶等聲聞之
猶惡況餘鄙聲又復彼人鼻識破壞
於好香物輾則惡臭一切身分皆悉
臭爛一切髮毛墮落不堅齒色變壞
手足破裂一切竿數盡皆忘失天常
怖赫夢則心驚以心驚故常瘦不肥
若以好花置頭及身則速萎乾衣裳
健破喜生垢穢澡浴浣衣而速有垢
於道中行無因緣倒既倒地已壞身

作瘡於其身體瘡更多出而復難差
卧睡咽乾常喜多飲城邑聚落實自
饒人而見皆空不覩日月星宿實色
微軟風來覺有堅觸如鐵觸身如欲
近火身則被燒兩重熱觸於月覺溫
於極冷水亦覺其煖極好樹林見為
惡處先時所聞可愛鳥聲聞如野干
見一切人如塚無異常一切時聞不
喜聲雖復飲酒心亦不喜不曾作惡
而得罪罰於大巷中四出巷中三角
巷中放屎放尿如是之人諸天捨離
常得一切不饒益事彼人身色如被
燒林一切世人憎而不愛彼惡業人
於現在世先有如是阿鼻之相次死
相現白日見月夜中見日不見自影
無有因緣而聞惡聲鼻則癢去倒髮毛
相著身得熱等必死之病普身蒸熱
四百四病唯見四百普身遍惱如在
火坑而被燒煮八十種虫在其身體
一切身脉筋皮脂肉皆恙過有八十
種風吹殺彼虫謂八十種虫八十風所
殺何等八十一名毛虫毛過風殺二名
黑口虫隨時風殺三名無方虫夢見

乱風殺四名大力作虫不忍風殺五
名迷作虫虫色字作風殺六名火色
作虫味押風殺七名滑虫鐵過風殺
八名河漂虫糞屎上風殺九名跳虫
糞門行風殺十名分別見虫憶念過
風殺十一名惡臭虫皮過風殺十二
名骨生虫味過風殺十三名赤口虫
脉過風殺十四名針刺虫欲過風殺
十五名脉行食虫骨過風殺十六名
必波羅虫食力風殺十七名堅口虫
特牛風殺十八名無毛虫垢作風殺
十九名針口虫濕過風殺二十名膈
穿破虫屎多過風殺二十一名不行
虫食和合風殺二十二名屎散虫齒
破風殺二十三名三節虫喉集風殺
二十四名腸破虫下行風殺二十五
名塞脹虫上行風殺二十六名金虫
三廂風殺二十七名糞門熟虫節節
行風殺二十八名皮作虫心過風殺
二十九名脂嚙虫散乱風殺三十名
和集虫開合風殺三十一名惡臭虫
送閉風殺三十二名五風共未虫藏
集風殺三十三名集集虫藏散風殺

三十四名藏華虫行去來住走作風
殺次名大諂虫鈍虫黑虫大食虫煖
行虫眼耳鼻虫身風所殺次名舐骨
虫瞻過風殺次名黑足虫冷沫過風
殺次名密割虫髓過風殺次名腦虫
依爪風殺次名髑髏行虫依足一廂
風殺次名頭骨行虫不覺作風殺次
名煩惱與虫破壞風殺次名耳行虫
行劈風殺次名家旋身虫塊過風殺
次名腦遍行虫破腔風殺次名涎灑
虫破節風殺次名齧齒骨虫腔破不
覺風殺次名涎食虫力爛風殺次名
唾冷沫虫筋推柱風殺次名吐虫十
味漂內行旋風殺次名密醉虫密亂
風殺次名六味悖望虫毛爪屎壞風殺
次名杼氣虫精出風殺次名增味虫
破壞作風殺次名夢悖望虫寬柱風
殺次名毛生虫乾屎作風殺次名善
味虫一廂縛風殺次名虫母虫六就烏
風殺次名毛光虫一切身分作風殺
次名毛食虫健壞風殺次名習習虫
一切動身分風殺次名酢虫熱作風
殺次名瘡生虫和集風殺次名粥溺

重下上風殺次名筋閉重命風所殺
若人命風并屎出時被人即死次名
脉動重閉風所殺

一切衆生臨欲死時如是等重如是
等風不相應風而殺彼重如是阿鼻
地獄之人顛倒惡業如是下上顛倒風
吹彼惡業故作大力風遍吹其身此
如是等八十種風殺八十種重如相
應殺如顛倒殺有風名為必波羅針
能令一切身分乾燥如以機關用壓
甘蔗一切血乾一切脉閉一切筋斷
一切髓泮受大苦惱惡業行人阿鼻
之人臨欲死時彼重欲死則見有色
阿鼻之人見地獄相如見屋舍黑幕
所覆一廂火起次第周遍黑幕屋內
一切焰燃被人如是見屋然已驚怖
戰恐皺面呻喚兩手亂動眼轉涎出
齧齒作聲兩脣相觸被人更復見第
二色大黑闇聚轉復驚恐多饒師子
虎豹熊羆及蛇鱗等極生怖畏大高
山上欲墮嶮岸屎汗牀敷畏墮彼山
申手向上諸親見已皆言此人手摩
虛空如是病人見彼山林巖崖窟穴

多饒柳樹火焰熾燃欲墮其上心生

驚怖跼聲唱喚復更失糞眼目動轉

恐怖皺面眼中淚出遍身毛起如棘

刺針外縮却入口中涎出然後此人

四大怒盛四者所謂地界水界火界

風界地界瞋怒一切身分不堅破壞

如兩石間塵水聚沫如塵沙搏一切

身骨身分脉道斷絕散壞普彼人

身受第一苦如是地界瞋怒故余以

惡業故水界瞋怒咽喉不利舒氣欲

死筋肉皆緩見大水漂流入眼耳火

界瞋怒自見其身在大屋中被燒

燃受大苦惱一切身分受堅韌苦以

受苦故呻喚迴轉手足亂動頭不顫

住風界瞋怒有堅澁觸種種輕冷一

切身分堅韌閉塞種種能吹輕者上

去如昇虛空墮大嶮岸冷能攣縮一

切筋卷彼人四大臨欲死時四大力

盛如是四大毒地瞋怒如是等種

種苦惱彼苦惱者無有辭喻彼人如

是一切身分皆悉破壞如水沫塊水

漂燒等受第一苦把挽卧敷手摩虛

空現在心滅中有心生如在山頂放

身墮地既離山頂無所攀捉空中轉
行彼人如是生在中有如印相似中
有心生於彼則見惡面手足睹象驢
馬熊羆虎豹師子蛇鱗野干狗犬之
屬閻魔羅人手捉種種可畏器仗打
其身體唯罪人見餘人不見如是見
故極皺面眼如油漸盡然亦漸滅彼
惡業人如是死滅中有色生不見不
對其身猶如八歲小兒即死即倒即
於倒時閻魔羅人之所執持焰燃鐵
索繫縛其咽及束兩手東西南北四
維上下見大焰燃見彼火中種種惡
面閻魔羅人火中沸熱手執種種可
畏器仗而打其身彼人既見及縛其
臂極大怖畏閻魔羅人呵責罪人既
呵責已將向南廂懊惱啼哭而說偈言
我離世間命如癡無伴行惡人將我去
周匝饒惡人一切唯火焰遍空無中間
四方及四維地界無空處去處不自在
彼處不可知曠野漂我去無一切伴侶
無人見安慰無救脫我苦無力無自在
燒身極受苦送我不自在不知何處去
遍身一切處皆以鐵繫縛非物非知識

非妻亦非子 無人來救我 以嫌我惡故
失法無歸救 苦惱破壞心 閻魔羅縛我
歸救不可得 瞋我故如是 與我多急苦
何人是誰遣 遍縛我身體 我今如是見
行物不動物 如是一切處 大火悉充滿
一切地界處 惡人皆遍滿 我今無所歸
孤獨無同伴 在惡處閻中 入大火焰聚
我於虛空中 不見日月星 此一切顛倒
一切普闍覆 一切五根等 皆悉顛倒見
鈎我身一切 破裂受大苦 我無所歸依
云何而得脫 增長苦惱聚 一切周匝人
念念增聚苦 身心皆受苦 苦惱逼我身
更無餘同伴

閻魔羅人聞惡業人所說 偈已以瞋
怒心答自惡業所誑人曰

汝前已作惡 後何用思量 前為癡所誑
今悔何所及 汝所作惡業 惡中之大惡
不善中不善 苦中之大苦 或劫或減劫
大火燒汝身 癡人已作惡 今何用生悔
非是天修羅 捷闍婆龍鬼 業網所繫縛
無人能救汝 若人為業縛 被縛在地獄
送到不自在 一切因緣行 汝作惡中惡
此惡第一惡 造殺母惡業 此業已決定

若人本所生 父身分增長 彼父不自在
汝惡以刀殺 三界寔為勝 一切過已離
一切縛解脫 汝於彼作惡 一切法之蔽
能開解脫門 汝惡人破僧 彼果今此受
一切使已過 一切結已捨 癡人殺羅漢
彼果今此受 諸法中如火 破壞實語實
汝常妄語說 彼果今此受 迭相破壞義
念念中憶念 汝作兩舌說 彼果如是受
如刀如火毒 惡中第一熱 汝常惡口說
彼果今此受 前後顛倒句 無義不相應
汝多綺語說 彼果今此受 衆生無自在
常愛命怖畏 汝多殺衆生 今受苦惡果
貪心陵他人 而取他財物 貪欲心故盜
今時果報熟 癡暗所覆故 復作第二惡
已作欲邪行 何故今生悔 於他物欲得
自多貪思惟 彼物不可得 今得如是果
汝已多多瞋 瞋猶多思惟 如是得地獄
何故今生悔 顛倒惡邪見 二業已破壞
汝以邪見心 令他住邪見 此等諸惡法
從身口意生 汝以癡心故 自作向他說
多多作惡已 決定不善行 今此處我執
何故心生悔 如於大海中 唯取一掬水
此苦如一掬 後苦如大海 若人作惡業

彼人不自愛惡業地獄煮不應念惡業
惡人見惡行善人亦如是惡行憎善人
如是生地獄癡人則捨善而入於不善
汝癡人捨寶而取於石等饒種種好法
佛寶等無量汝既得人身何故不樂法
常捨離惡人常有善心意求得於涅槃
外道不能得初中後皆善於法常生樂
初中後生苦是惡業果報如是常捨惡
攀緣於善行捨惡業之人生處常受樂
無始生死來惡業數數燒何故不疲倦
愚癡屬癡心汝前惡業燒後為大火燒
惡業地獄因惡業人煮熟聞說惡業系
心則應調伏況作惡業已如是燒煮苦
如是等無量種種大苦惱汝於須臾間
受如是苦惱

閻魔羅使如是呵責惡業行人既呵
責已將向地獄極苦惡處經無量時
業網所縛彼人惡業一切身分皆悉
火燒如樹內乾多時被燒去地獄門
道里不遠彼地獄處不可辭喻尔時
世尊而說偈言

四角有四門廣長分分處燒煮不自在
地獄人多倒

去彼二万五千由旬聞彼地獄無量
堅惡啼哭之聲堅苦無味破壞可畏
無異相似異地獄中生彼衆生彼人
若聞一切地獄所有苦惱皆悉不憶
聞此則死何況未生地獄之人彼地
獄人人世間中作惡業已於中有中
種種苦覆復聞彼聲十倍悶絕彼人
如是苦惱無邊身心苦惱心更起亂
如夢相似彼人轉復近阿鼻住以惡
業故寒風所吹地下水人不曾觸
彼處無日彼風勢力過劫盡風彼風
極冷形此中雪如冰無異彼處水上
冷風更冷以惡業故風如利刀此風
勢力能吹大山高十由旬而令移散
如是惡風吹中有人彼人寒苦色等
諸陰受極苦惱如是苦惱不可譬喻
如劫盡時七日出熱更一千倍勝熱
熾望此取因緣則有有分即彼熾望
中有陰滅而生異陰有受陰生譬如
第二三十三天五四三二一由旬等
業力自在相似生身頭面在下足在
於上臨欲墮時大力火焰抖擻打壞
經二千年皆向下行未到阿鼻地獄

之處阿鼻地獄如是向下在於中間
未可往到謂阿鼻者阿鼻地獄欲界
最下從此欲界色界上行如是乃至
阿迦尼吒兩界已上更無有處阿鼻
地獄亦復如是下更無處墮彼處已
惡業力故受極苦惱如是阿鼻地獄
之人見大焦熱地獄罪人如見他化
自在天處相似不異彼阿鼻獄多饒
焰鳥既生彼中先燒其頭次燒其身
彼人如是頭身燒熱今說少喻如是
焰鳥須彌山王少時圍遶并彼山王
六万眷屬所有山河陂池林樹皆能
燒盡唯地獄人久燒不死今說少喻
譬如火煮鐵器極熱置脂一渾即時
燒盡如是如是一逆罪業阿鼻之火
能燒人身四天下處衆生及山天阿
修羅諸龍山窟洲林大海皆能燒然
若人造作二逆惡業能燒二海如前
說燒若人造作三逆惡業能燒三海
如是四業能燒四海彼身燒熱如鐵
器燒即於入時更復輪山及大輪山
即於入時皆能燒盡一切海畔所攝
諸龍大阿修羅諸畜生衆復有善業

四天下處欲界六天聞地獄氣即皆

消盡何以故以地獄人極大臭故地

獄臭氣何故不來有二大山一名出

山二名沒山遮彼臭氣彼惡臭氣無

異相似以惡業故地獄寬廣彼地獄

中有焰嘴鳥其嘴堅利色白如冰如

是惡鳥於地獄中一切罪人身皮脂

肉骨髓皆食復有異鳥火中而生火

中而行火中而食如是惡鳥食地獄

人一切身肉次破其骨既破骨已破

肉飲血彼飲血已次飲其髓彼地獄

人唱哭悲啼啼哭悶絕次復有鳥名

火騷行火所不燒極大歡喜破其頭

已先飲其血次復有鳥名食髑髏以

火焰嘴破其髑髏而飲其腦次復有

鳥名為食舌而食其舌及齒根肉食

已復生新生柔軟如蓮華葉如是復

食食已復生次復有鳥名為拔齒嘴

如焰鉗其鳥大力盡拔牙齒次復有

鳥名執咽喉身甚微細食其咽喉次

復有鳥名苦痛食而食其脾次復有

鳥名食生藏破其心已而飲其汁次

復有鳥名為脾聚而食其脾次復有

鳥名腸內食食其腸內次復有鳥名
喜背骨破其背骨而飲其髓飲已外
出次復有鳥名為脉截脉脉斷已入
脉孔中而飲其汁受苦唱喚次復有
鳥名為針孔喙利如針而飲其血
次復有鳥名骨中住破其頰骨在內
而食次復有鳥名食肉皮食其外皮
次復有鳥名為拔爪拔一切甲次復
有鳥名為食脂破其皮已而飲其脂
次復有鳥名為緩筋破裂其筋一切
皆食次復有鳥名為拔髮拔其髮根
如是阿鼻地獄之處三千由旬名惡
鳥處彼復更有異地獄人同共被食
如是無量百千年食食已復生彼人
如是怖畏鳥食阿鼻地獄一切苦網
遮覆之處既得脫已望歸望救次復
更入名墮嶮岸受苦之處普被地獄
十一焰聚周匝圍遶孤獨無伴業羅
所縛一切內外皆悉遮障曠野中行
一切地獄諸苦惱中勝苦欲到疾走
往詣名墮嶮岸受苦之處下足則洋
舉足則生生則更軟其觸甚苦堅利
苦惱極大怖畏如是怖畏跛面喎口

手足身分一切消泮然後次第到彼
嶮岸彼人彼處墮於嶮岸以惡業故
作風舉之三千由旬下未到地鵬鷲
烏狗獾狐食之風復更舉彼惡風觸
如火如刀舉令在上更復食之如是
上下乃過無量百千年歲若離彼處
更復走向旋轉卽孔地獄之處到彼
處已在下則有千輻輪生輪金剛軸
焰利速轉彼地獄人卽於到時其輪
疾轉一輪破身一輪破頭於彼破處
熱焰脂出兩眼消泮復有二輪轉
在兩肩破兩肩骨一切消泮於其兩
手各有一輪其輪疾轉猶如攢火
火生於手有二種火一是輪火一是
攢火肉中出火如是鐵輪焰燃疾轉
彼人身骨一切碎壞疾轉破碎今如
沙搏又復背上火輪千輻速疾而轉
從於背骨乃至跨骨到人根處復有
鐵鐮兩頭繫柱罪人在上推令來去
次第擗之入於熱藏復入生藏破生
藏已次斷其脇又令大坐胷上輪生
疾轉破胷內踝輪生破骨髓出足下
鐵鈎破其兩足受大苦惱惡業行人

如是無量百千年歲受阿鼻苦堅鞭
惡苦不可忍耐自業所作若離彼處
受惡苦惱望歸望救疾走異處彼既
走已見有大山走赴彼山多有異虫
虫身焰燃滿彼山中彼地獄人入黑虫
處彼黑虫身其觸如焰如是黑虫食
彼罪人分分分散碎壞如塵苦惱唱
喚以唱喚故焰燃黑虫即入其口從
咽喉等乃至熟藏入已而食彼人極
受堅惡苦惱若彼罪人造作惡業五
逆阿鼻十不善業和合業同相似受
果如是無量百千年歲黑虫所食受
大苦惱若離彼處復見食肉畜生之
林多饒惡狗野干師子熊羆虎等疾
走往趣既到彼已為諸惡獸分分分
張而散食之破頭食腦有食咽者有
食頭者有食肩者有食臂者有食腹
者有食腸者食腸根者食大腸者食
小腸者食熟藏者食生藏者有食腔
者有食蹄者食足趺者彼人如是食
已復生初生軟塗以軟塗故更食苦
重食已肉生又多殺生作集惡業
受惡果故彼地獄人如是無量百千

年歲彼地獄處受惡業果惡業惡果
無異相似不可譬喻

正法念處經卷第十三

癸卯歲高麗國大藏都監奉
勅彫造

正法念處經卷第十四

篇

地獄品之十

元魏婆羅門瞿曇般若流支譯

又彼比丘觀察偷盜樂行多作所受果報彼見聞知如是偷盜惡業行人旋火之輪乳闍婆城鹿受相似大財物聚地獄中見有金珠寶衣裳財物種種各異和合聚集彼惡業人如是見已生於貪心貪癡業誑生如是心彼財物者是我財物如是癡人以惡業故於焰火燃炭聚中過走趣彼物惡業所作閻魔羅人即以刀網取彼罪人一切身分劈割燒盡唯有骨在無始世來貪心不捨如是受苦猶憶不忘今時世尊而說偈言

慢心嫉煙騷分別取他物貪心火燒人世間火燒木貪毒所齧人彼人亘寂靜數數喜樂貪又復更增長猶如火得薪貪心如是長火燒人得走貪燒不可避貪人如輪轉貪心誑惑人無始終世界更無始貪然貪心所誑人入於海水中入饒刀頭處因貪心故受貪因緣作王

迭手相殺害離母子和合愛物入頭處
若得脫愛毒被人捨貪火若人金土等
則近於涅槃戒為取勝財日為第一光
財物可散壞戒常不失戒持戒生三天
復生禪境界戒光無相似此世未來世
若滅貪火者以智慧為水不滅貪心人
解脫不可得

彼地獄人於被貪火如是燒已復入
阿鼻第二火燒復墮險岸在利刀處
三倍極燒彼地獄處如旋火輪輒闔
婆城鹿愛相似如是物貪如夢所見
閻魔羅人執地獄人乃過無量百千
年歲與大苦惱偷盜業故

又彼比丘觀察阿鼻邪行業果彼見
如是作惡業人被鐵惡處既得脫已
過火聚已惡業轉故更入異處名邪
見處彼惡業故見有婦女如本人中
先所見者先所行者彼既見已無始
來習欲火發起即便疾走趣彼婦女
彼婦女者惡業所作身皆是鐵既前
到已為彼所抱復鳴其口食其脣等
無有在者如芥子許身亦食盡盡已
復生生已復食食已復生彼人如是

受堅鞭苦彼人如是欲火不捨復於
異處更見婦女欲火所燒疾走往趣
不念苦惱彼婦女者身是金剛鐵火
焰然抱彼罪人抱即破碎如摧沙搏
一切身散散已復生生已復散散已
復生又復更走如是受苦欲心不定
如是比丘見彼處已聞知亦从而說
偈言

女為惡根本能失一切物 若人樂婦女
樂則不可得一切法中惡 婦女多詭妬
丈夫因婦女能令二世失 婦女樂行欲
婦女常行誑 心中所念與口說異言語
初時軟滑語後心如金剛 非恩非供養
心輕不憶念百恩而不念而計於一惡
心如鹿愛體 婦女惑業地 丈夫欲深心
婦女令人失此世未來世 女失第一失
若欲受樂者應當捨婦女 若捨婦女者
世間第一樂 若人欲斷愛怖望大富樂
欲至寂靜處 彼應捨婦女

以癡心故如是無量百千年歲燒煮
破壞又復更生 彼人彼處若得脫已
復入火聚燒已煮已飢渴所逼處處
馳走

又彼比丘觀察阿鼻不善滿足妄語
業人樂行多作所受果報彼見聞知
妄語業人在彼地欲飢渴亂燒彼有
大力閻魔羅人執彼罪人而問之曰
汝何所患答言飢渴閻魔羅人執集
業人即擎其口而出其舌惡業力故
如是惡舌五由旬量妄語果故彼舌
既出閻魔羅人即取敷置焰燃鐵地以
惡業故作一千犁在彼地處犁頭焰
燃極大力牛百到千到若來若去縱
橫耕之膿血成河河中有虫又復舌
中多饒虫生舌極柔軟如天服軟如
是軟舌縱橫耕已復更生合合已復
耕如是無量百千億歲如是惡舌受惡
苦惱惡苦堅韌不可忍耐彼人受苦
唱喚號哭孤獨無救如是惡業非是
母作亦非父作亦非天作又復非是
異丈夫作非是不作非異處来自作
不失不作不得作業受果彼人如是
受苦叫喚閻魔羅人為呵責之而說
偈言

應捨離堅惡 無美味妄語 妄語說之人
心輕不久失 不信如是處 一切善人捨

不愛如怨家 健者能捨離 妄語先自誑
然後誑他人 若不捨妄語 自他俱破壞
妄語言說人 先自口破壞 彼人天捨離
終到惡處去 若喜樂妄語 彼人無好處
世出世間道 妄語故捨離 妄語堅報堅
點慧人捨離 依止妄語人 到於地獄處
實說人中勝 一切人供養 妄語一切捨
如是應實語 若不殺實語 軟心悲衆生
實語為天階 實為第一法 若人地獄行
閻魔羅人前 彼因緣妄語 智者如是說
毒羅鈎相似 如刀如火等 若說妄語者
多受惡果報 欲求善業果 欲得見真諦
常應實語說 捨離惡妄語

彼地獄人受如是等堅鞭苦惱如是
無量百千年 歲犁耕其舌 彼妄語人
舌還入口 彼人怖畏 破口破面 處處
馳走 墮炭火聚 入已被燒 彼人如是
受大苦惱 無救無歸 更復有餘 閻魔
羅人手執棒 刀 彼地獄人 從頭至足
皆令破散 唱哭啼哭 而常不息 阿鼻
之火 常極燒然

又彼比丘 觀察兩舌 樂行多作 所得
果報 彼見聞 知此地獄人 兩舌業果

兩舌因故復到極惡地獄之中彼處更有閻魔羅人轉更其惡罪人見之問罪人曰汝何所患答言患飢閻魔羅人即擘其口挽出其舌手中提之如是舌量三百由旬如是普出彼閻魔羅人無慈惡人取焰鐵刀刃利焰燃割舌一脔彼舌一脔有狗野干豺等食之彼受如是極惡苦惱唱喚號哭聲自不止彼地獄人如是唱喚閻魔羅人呵責之故而說偈言

汝以破壞心而作多語說一切法中始彼果如是煮破壞語惡人生處常孤獨何人兩舌語善人所不讚生處常凡鄙在於惡處生若人兩舌說則是癡所乘惡業行之人常被地獄燒若人樂作惡彼常兩舌說第一惡所誑密言不隱覆兩舌人兩面常食他背肉若人捨兩舌彼人常堅密知識兄弟等常不曾捨離若人捨兩舌常護王密語捨兩舌寂靜若人離妬惡何故不行法何不捨兩舌今受兩舌果何故心生悔

問魔羅人如是呵責地獄人已受舌苦人入大苦海乃過無量百千年歲

彼人惡業若脫彼處堅鞭苦已言還
如本更不復見閻魔羅人彼地獄人
既得脫於地獄中苦處急急走受第
一苦不可忍耐惡業風力吹惡報薪
大火燒燃處處急走彼處復有閻魔
羅人執而問曰汝何所患惡業因緣
即便答言我今患飢閻魔羅人即擊
其口而取其舌大勢力人以刀割之
駢令自啖彼患飢急即自食舌涎血
流出彼人如是自食其舌彼舌如是
割已復生割已復生業羅力故宛轉
在地唱喚號哭彼人苦惱眼轉睛動
受大苦惱孤獨無伴自作自受閻魔
羅人為呵責之而說偈言

舌弓之所放利口語火箭若人惡口說
彼果此相似如世食肉者一切人捨離
若人惡口說彼人舌如毒刀火毒等惡
此惡非大惡若人惡口說此惡是大惡
舌鑽能生火在心中增長人中惡口火
如燒乾燥薪若人樂甜語一切人供養
如自母無異心喜如已父甜語第一善
因樂果亦樂不盡能除惡利一切世間
甜語為天階甜為第一截甜為世間眼

甜如蜜無異惡口第一惡說已到地獄
汝舌作自受今何故生悔

閻魔羅人如是呵責地獄罪人乃過
無量百千年歲彼惡業人妄語惡口
樂行多作教他隨喜受如是苦若脫
彼處處處馳走又復更有閻魔羅人
執持極燒與大苦惱

又彼比丘觀察綺語樂行多作惡業
果報彼見聞知此地獄人自業果報
受極苦惱第一苦逼得脫如是閻魔
羅人處處馳走復更為餘閻魔羅人
執提問言汝何所患彼即答言患飢
極渴而說偈言

自身功德盡自身鑽所生鐵火燒飢渴
我受惡燒苦如冰雪於火如須弥芥子
飢於地獄火其勝亦如是地獄火勢力
不行於異處如是飢渴火天中亦能到
如此地獄中受餘重苦惱如是苦雖重
不如渴火苦

閻魔羅使聞彼語已焰燃鐵鉗以擘
其口焰燃鐵鉗盛赤銅汁熱沸焰燃
置其口中彼不相應綺語罪過故燒
其舌即時消泮如雪在火彼地獄人

受二種苦不可具說如是燒已唱聲
大喚以苦喚故更復多多內其口中
焰然赤銅燒其舌已次燒咽喉燒咽
喉已次燒其心既燒心已次燒其腸
既燒腸已次燒熟藏燒熟藏已從下
而出如是罪人受苦唱喚閻魔羅人
即為說偈呵責之言

前後不縛句無義不相應汝本綺語說
彼果如是受若常不實說若常不讀誦
彼則非是舌唯可是肉齧若人常實語
常樂善功德彼則是天階乃得名為舌
閻魔羅人如是呵責地獄罪人既呵
責已復以熱沸洋赤銅汁置彼地獄
罪人口中如是無量百千年歲以不
相應綺語說故如是惡報彼地獄人
若得免離閻魔羅人處處馳走復入
火聚身體消洋脚胫骨等在火聚中
皆悉洋消如生酥塊洋已復生彼人
如是望救望歸處處馳走以惡業故
望見有城滿中寶物他人守護如是
癡人惡業因故心生貪著走向彼物
謂是已有彼貪心人惡不善業樂行
多作所得果報於地獄中心顛倒見

如是見已以貪心故望多受用以貪
心故手中刀生走向彼物既到物所
以刀相斫彼地獄人迭相削割如是
相割唯有骨在後復更生已更割
割已復生乃過無量百千年歲惡業
所作閻魔羅人手執利刀剗地獄人
捉地獄人一切剖削一切肉盡無芥
子許唯有骨在彼地獄人唱喚號哭
憂愁苦惱如是剖削削已復生如以
刀割閻魔羅人若置河中即復還活
如是如是彼地獄人還復更生如是
受苦唱喚號哭閻魔羅人復為說偈
呵責之言

貪所壞丈夫為貪之所誑於他物怖望
此間如是貪貪心惡不善癡人心喜樂
貪心還自燒如木中出火貪心甚為惡
令人到地獄如是應捨貪苦報毒惡物
見他人富已貪心望自得彼貪生毒果
今來此處受

閻魔羅人如是責蹠地獄罪人既責
蹠已然後多多與諸苦惱如是無量
百千年歲乃至惡業未盡已來時節
長遠與苦不止彼地獄人若離彼處

望救望歸處處馳走復入火聚墮極
焰燃熱鐵之地宛轉復起處處馳走孤
獨無伴惡業行人惡業怨家將入地
獄若復得離閻魔羅人處處馳走此
人瞋心樂行多作果報今受無救無
歸師子虎虵惡瞋之類現住其前彼
人怖畏處處馳走以惡業故而不能
走為彼所執極大瞋怒先食其頭既
被食頭唱喚悲苦宛轉在地復有惡
虵牙有惡毒而復齧之而食其脇虎
食其背火燒其足閻魔羅人復遠射
之如是受苦閻魔羅人復為說偈呵
責之言

汝為瞋所燒人中取凡鄙復到此處燒
何故今唱喚瞋為第一因令人生地獄
如繩繫縛汝今得此苦惱瞋心誑癡人
常念瞋不捨不曾心寂靜如虵窟中住
若人堅惡體恒常多行瞋彼人不得樂
如日中之闇非法非多財非知識非親
一切不能護瞋恚亂心人於此世他世
能作黑闇果復能到惡處是故名為瞋
不瞋者第一瞋人則不勝若人捨離瞋
彼人趣涅槃汝以瞋因緣到惡處地獄

業盡乃得脫

死轉何所益

正法藏經卷第十四

第十二張

萬

六

閻魔羅人如是呵責地獄罪人既呵責已復更箭射師子虎等多瞋畜生以瞋因故殺而食之彼業相似得相似報果似種故如是罪人惡業果報之時煮食若脫彼處望救望歸處處馳走邪見惡因五逆果報得如是道生在阿鼻如是五逆決定彼受如業相似彼地獄人在於何處摩訶迦離及不蘭那提婆達多居迦離等彼處燒煮彼地獄人到大地獄決定燒煮彼受第一急惡苦惱彼處苦者何者苦惱一切衆生不能說喻如是阿鼻地獄罪人受大苦惱惡業行人閻魔和集一切衆生毛起地獄在上雨刀阿鼻之人燒煮劈裂又復更生已復裂更劈更燒雨金剛枷雨金剛雹又復雨石破壞碎散彼五逆人如是燒已又復更有十一焰聚受大苦惱不可忍耐十方十焰第十一者飢渴火聚以飢渴故口中焰出彼人周圍十焰圍身如是燒煮遍其身體無有微細如毛孔許而不燒然彼諸罪人平

等被燒乃至無有毛根許樂故名阿鼻乃至無有微少許樂故名阿鼻一切諸根一切境界皆悉煮熟以不正心故名阿鼻此世間退更無生處唯生於彼大地獄中苦更無過時節無數故名阿鼻一切欲界所攝衆生寂為極下故名阿鼻如是阿鼻更無過者故名阿鼻如是阿鼻更無勝者故名阿鼻彼大地獄如頭已上更無有物如是阿鼻地處甚熱亦復如是更無有上故名阿鼻彼阿鼻處其地取熱更無有過熱沸赤銅燒赤肉骨更無過者故名阿鼻彼處地密故名阿鼻彼地獄處暗肉骨髓一切焰燃彼地獄人普皆焰燃不可分別此人彼人微細中間更不可得故名阿鼻如山中河勢力不斷晝夜常急彼阿鼻處常受苦惱勢力不斷彼人苦惱不可休息乃至劫盡復無中間故名阿鼻彼人苦惱不可得說此有少喻如海水滲不可得數如是如是阿鼻地獄惡業行人所受苦惱不可得數不可得說一切苦處更無有如阿鼻處

者以業重故受苦亦重若作一逆彼人苦輕若作二逆彼人身大受苦亦多如是次第一切身分皆悉轉大苦亦如是業因重故如是苦因更無相似如受樂受阿迦尼吒更無相似苦樂二處如是上下皆不可喻如是上下邊不可喻何以故以作惡業作惡業故因相似果於地獄中在地獄邊相似譬喻不可得故彼人如是或有一切或有減一切在彼燒煮惡業盡已尔乃得脫以因盡故其果乃盡如火盡故其熱亦盡如種失故其芽亦失如是阿鼻地獄之人若惡業盡無氣爛壞於彼地獄尔乃得脫若得脫已餘殘業果針孔山巖餓鬼中生既生彼處飢渴燒身其身猶如火燒樹林若脫彼處生畜生中舒舒摩羅復生屎中作不淨虫於餓鬼中二百千世飢渴燒煮於畜生中經二千世惡不善業餘殘勢力種種生處一切苦惱畜生之中種種惡食心常憶念殺生處生復於彼處迭相食噉受大苦惱若脫彼處過去業力得生人中於

五百世胎中而死復五百世生已而死為鳥所食復五百世未行而死是彼惡業餘殘果報若後殘業果報盡已於無始時業網轉行相似得果有下中上彼比丘如是觀已而說偈言無始生死中業網覆世界或生或死滅皆自業因緣從天生地獄從地獄生天人生餓鬼界地獄生餓鬼異異勢力生異異勢力樂皆是愛業生非自在所作阿僧祇作業生死衆生常餘人不能解唯如來所知彼諦知此業亦知於因緣與癡人解說化一切衆生

諸比丘彼比丘如是觀察阿鼻苦已一切生死心得離欲以大慈悲而修其心正憶念已得十一地彼地夜叉知己歡喜復更傳聞虛空夜叉虛空夜叉又聞四大王彼四大王聞四天王如前所說次第乃至聞大梵天如是說言閻浮提中某國某村如是種姓某善男子剗除鬚髮被服法衣正信出家與魔共戰不住魔界心不喜樂深欲境界得十一地彼大梵天聞已歡喜說如是言魔分損減正法朋起

善分增長隨順法行諸比丘法建立
熾然又修行者內心思惟隨順正法
觀察法行去何彼比丘觀察阿鼻已隨
順修行去何彼比丘觀察阿鼻大地
獄處阿鼻地獄凡有幾處彼見聞知
如餘地獄具十六處此阿鼻獄亦復
如是具十六處何等十六一名烏口
二名一切向地三名無彼岸長受苦
惱四名野干吼五名鐵野干食六名
黑肚七名身洋八名夢見畏九名身
洋受苦十名兩山聚十一名吼生閻
婆豆度十二名星躔十三名苦惱急
十四名臭氣覆十五名鐵鏹十六名
十一焰此十六處乃是阿鼻根本地
獄眷屬之處彼十不善惡業道行并
五逆業皆共和集大地獄行入阿鼻
獄有內五逆有外五逆究竟作已生
在阿鼻大地獄中如業相似生於彼
處如業相似作集之業業普究竟樂
行多作在彼地獄別異處生彼阿鼻
業凡有五種謂殺羅漢惡心思惟出
佛身血心生隨喜樂行多作復教他
作令彼安住或遣他作彼人以是惡

業因緣身壞命終墮於惡處在彼地獄生鳥口處受大苦惱所謂苦者如前所說活黑繩等七大地獄唯除阿鼻所受苦惱彼一切苦此中具受百倍更重複有勝者閻魔羅人譬罪人口如擘鳥口然後將到名黑灰河浚流漂急入其口中如瓦熱灰初燒其脣既燒脣已次燒其齒既燒齒已次燒其咽既燒咽已次燒其心既燒心已次燒其肺既燒肺已次燒其腸既燒腸已次燒腸截燒腸截已次燒生截燒生截已次燒熟截燒熟截已從下而出彼地獄人受灰河苦燒內皆盡身內無物唯有外物惡業任持是故不死受堅鞭苦於長久時常燒常煮無數年歲乃至惡業未壞未爛業氣未盡於一切時與苦不止若惡業盡彼地獄處亦乃得脫既得脫已於一千世生餓鬼中名鼎餓鬼若脫彼處生畜生中作爲犍牛牀徒魔邏鼠狼毒蛇守宮蚯蚓蚊子等虫又復作牛既脫彼處若生人中同業之處生贍子家於二百世胎中而死或復生

已未行而死或復欲出而使命終餘
殘惡業之因緣故復作惡業

又彼比丘知業果報觀察阿鼻大地
獄處彼見聞知復有異處彼處名曰
一切向地是彼地獄第二別處衆生
何業生於彼處彼見聞知若人思惟
得漏盡證聖比丘居阿羅漢人強行
姪欲樂行多作彼人以是惡業因緣
身壞命終墮於惡處在彼地獄一切
向地別異處生受大苦惱所謂苦者
如前所說活黑繩合喚大叫喚熱大
焦熱大地獄中所受苦惱彼一切苦
此中具受百倍更重復有勝者彼處
鐵地頭面在下身在於上顛倒上下
數數轉換閻魔羅人與地獄人極重
苦惱彼人受苦不能唱喚不得出聲
不得出氣半身下分若在其上閻魔羅
人以利斤斧漸漸斬之乃至肉盡唯有
骨在又復彼骨灰汁洗之洗已墮落
彼人彼處有命而已復置熱沸焰漂
赤銅熱沸鐵鐵在彼鐵中上下迴轉
極煮爛熟如大小豆既煮熟已普氣
遍覆一切叵見如是無量百千億歲

鐵鑊中煮乃至惡業未壞未爛業氣未盡於一切時與苦不止若惡業盡彼地獄處亦乃得脫若於一切若減一切復更燒身所受苦惱少於阿鼻地獄中苦於一千世受餓鬼身而生責䟽餓鬼之中飢渴燒身一切身燃如燈相似彼若得脫於一千世生畜生中曠野鳥等常患飢渴謂遮多迦野干顰垂瞿陀野馬野驢鹿等如是畜生是彼惡業餘殘果報脫彼處已若生人中同業之處則於馬面國土中生於三百世在胎而死若過去業得活不死貧窮常病多受苦惱五百世中作不能男是彼惡業餘殘果報又彼比丘知業果報觀察阿鼻大地獄處彼見聞知復有異處名無彼岸長受苦惱是彼地獄第三別處衆生何業生於彼處彼見聞知若何等人境界所亂或因欲心或近惡友或自酒醉共母行欲行已心惶近惡知識取其言語如是癡人復更如是樂行多作復教他人令如是行彼人以是惡業因緣身壞命終墮於惡處在彼

地獄名無彼岸長受苦處受大苦惱
所謂苦者如前所說活黑繩等七大地獄所受苦惱彼一切苦此中具受
百倍更重復有勝者所謂彼處閻魔
羅人熱焰鐵鈎鈎其人根從臍而出
取棘刺針刺其人根或於臍中鐵鈎
釘入或釘其鼻或釘其耳復斫其口
焰熱鐵鈎置口令滿普焰滿口受大
苦惱彼人下分復受大苦彼人如是
三處受苦燒壓劈打皆悉破壞普彼
一切名無彼岸長受苦處在阿鼻內
受大苦惱所受苦惱不可譬喻乃至
惡業未壞未爛業氣未盡於一切時
與苦不止或於一劫或減一劫如是
常燒若惡業盡彼地獄處亦乃得脫
既得脫已於四千世食彼不羅餓鬼
中生飢渴燒身若脫彼處生畜生中在
於曠野無水之處竹林中生口常乾
燥生迫狹處山谷之中常畏陰影常
畏鵠鷲畜生中生以何因緣生竹林
中彼竹林處常有大風吹竹生火四
千世中常被燒死還生彼處脫彼處
已若生人中同業之處貧窮常病世

中鄙賤妻不貞良若侵他妻或犯他
女為彼所捉捉已付王若王等拔
其人根無有舍宅於四出巷若三角
巷徙他乞食以自活命常患飢渴彼
復發病或四出巷若墓田中苦毒而
死是彼惡業餘殘果報

又彼比丘知業果報觀察阿鼻大地
獄處彼見聞知復有異處名野干吼
是彼地獄第四別處衆生何業生於
彼處彼見聞知若人毀訾一切智人
毀辟支佛毀阿羅漢若毀法律非法
說法復教他人令住隨喜彼人非法
復說為法常毀聖人彼人以此惡業
因緣身壞命終墮於惡處在彼地獄
野干吼處受大苦惱所謂苦者如前
所說活黑繩等七大地獄惡業相似
所受苦惱彼一切苦此中具受百倍
更重復有勝者所謂彼處業作野干
鐵口焰煉遍滿彼處如是野干焰牙
甚利疾走往趣毀聖法人各食異處
有食頭者有食頂者以舌惡語復有
野干而食其舌復有野干食其鼻者
復有野干食臂骨者有食肺者食小

六万阿浮陀 五千六浮陀 口語心願惡
毀聖到地獄 善色惡業行 非法似法說
以汝前惡說 今於此處燒 衆生怖望實
云何說惡法 以汝惡說故 如惡相似受
決定妄語人 非法說為法 此為第一賊
餘者非大賊 若人正說法 出離一切惡
則到於善處 彼處無苦惱 無盡財不失
一切不能偷 實語為天階 亦是涅槃門
如是常實語 常憶念法行 無悲憂不老
彼人人中勝 汝捨離正法 毀世於善人
汝本集聚惡 今於此處受

閻魔羅人如是呵責毀聖法人既責
疏已多與苦惱彼不可知不可說苦
何以故以毀聖人極重因故相似得
果如來所說如是燒煮乃至惡業未
壞未爛業氣未盡於一切時與苦不
止若惡業盡野干吼處今乃得脫既
得脫已於二千世生餓鬼中在賓茶
處彼身為塊肉塊相似不見不聞不
見不嘗不能言語若脫彼處於三千
世生畜生中常作屎虫既脫彼處若
生人中同業之處於五百世恒常貧
窮所有語言人所不信癩病聾瘡是

彼惡業餘殘果報

正法念處經卷第十四

第三十四

萬

又彼比丘知業果報復觀阿鼻大地獄處彼見聞知復有異處彼處名為鐵野干食是彼地獄第五別處衆生何業生於彼處彼見聞知若人惡心惡念隨喜以重惡心燒衆僧寺并燒佛像及多卧敷衣裳財物穀米衆具以惡心故火燒僧處燒已隨喜心不生悔復教他人隨喜讚說業業普遍作業究竟和合相應彼人以是惡業因緣身壞命終墮於惡處在彼地獄鐵野干食別異處生受大苦惱所謂苦者如前所說活黑繩等七大地獄所受苦惱彼一切苦此中具受百倍更重複有勝者以業重故受苦亦重何以故因果相似果似種故既生彼處惡業因緣一切身分焰火普燃彼身焰然十由旬量有十一苦頂苦最重諸地獄中此苦最勝彼處復有火相似山彼山一切炎火普燃飢渴燒黃於長遠時常燒常打伸手向上彼人伸手高五由旬焰轉普燒如燒山角彼人普燒唱聲吼喚悲啼號哭唱

喚口張火焰滿口內外普燃皆作一
焰無有中間火焰漸長久時燒煮若
脫彼處望救墜歸處處馳走咽口破
面求覓樂處自作惡業隨順繫縛彼
地獄中復到異處彼有山河苦惱增
長上雨鐵塼一居餘量如夏時雨塼
打彼人從頭至足破壞并疊如打
乾脯一切身分不可分別彼人如是
常雨惡鐵受大苦惱又復更生彼身
無力焰牙野干而取食之如食乾脯
和集復生生已復食彼惡野干於長
久時如是常食如是燒煮煮已復生
以惡業故如是食之受大苦惱自作
非他自作不失不作不得非無因得
不從異來無有作者之所安住非有
受者之所住持自作因得乃至惡業
未壞未爛業氣未盡於一切時與苦
不止若惡業盡如是地獄極惡之處
乃亦得脫復一千世生餓鬼中普身
焰燒發聲唱喚一切國土一切城邑
一切聚落夜中唱喚夜則火燒於晝
日時日光雨火火相似燒乃至生火
惡業壞爛無氣盡滅若脫彼處於一

千世生畜生中常在曠野作百足虫
常患飢渴兩頂兩面復有兩口多時
受苦不能得停一切身分多為黑土
之所取食既脫彼處過去久遠有少
善業若生人中同業之處於一千世
作黑色人色如黑雲喜被毀傷恒常
貧窮常行多行屢屢而行駱駝行使
為他所使常患飢渴難得飲食繫命
而已如是餓鬼經一千世如是畜生
經一千世如是人中經一千世惡業
因緣如是受苦

正法念處經卷第十四

癸卯歲高麗國大藏都監奉
勅彫造

正法念處經卷第十五

篇

地獄品之十一

元魏迦羅門瞿曇般若流支譯

又彼比丘知業果報復觀阿鼻大地獄處彼見聞知復有異處名黑肚處是彼地獄第六別處衆生何業生於彼處彼見聞知若何等人取佛財物而自食用不還不償不信彼業而復更取復教他取為作住持或施佛已復還攝取或他與物令使施佛而自食用彼人以是惡業因緣身壞命終墮於惡處在彼地獄生黑肚處受大苦惱所謂苦者如前所說活黑繩等七大地獄所受苦惱彼一切苦此中具受百倍更重復有勝者所謂彼處飢渴燒身自食其身食已復生食已復生如是無量百千億歲食已復生生已增長兩重受苦飢渴苦惱於彼惡業所受苦惱百倍更重自作苦惱還自押身彼人如是自食身肉處處馳走既如是走有黑肚地如黑雲色執彼罪人從足甲等稍稍漸齧合骨而食食已復生生已復食食已復生

如是久時以惡業故如是被食以彼
罪人食用佛物諸福田中佛福田勝
損佛物故如是受苦既得脫已入焰
鐵地佉陀羅炭火炎相似入彼地中一
由旬量彼人入火無量百千億歲煮燒
復更增長如是極煮若得脫已望救
望歸彼處復有閻魔羅人以焰鐵鉗
鉗取其身置鐵鑊中煮之極熟如大
小豆燒煮轉挨若浮若沉受堅鞭苦
第一惡苦如是苦惱不可譬喻一切
三界因果相似彼人所受地獄苦中
百分千分歌羅分中不及其一如是
苦惱百千勢力第一苦惱大海所漂
自業果證乃至作集惡不善業未壞
未爛業氣未盡於一切時與苦不止
若惡業盡於彼黑肚地獄之處今乃
得脫既得脫已千二百世生於食屎
餓鬼之中若得脫已於七百世生於
食吐畜生之中既得脫已難得人身
如龜遇孔若生人中同業之處作食
屎等邪見外道是彼惡業餘殘果報
又彼比丘知業果報復觀阿鼻大地

獄處彼見聞知復有異處名身泮處
是彼地獄第七別處衆生何業生於
彼處彼見聞知有人行惡取法財物
而自食用作而復集業業普遍作業
究竟復教他作彼人以是惡業因緣
身壞命終墮於惡處在彼地獄生身
泮處受大苦惱所謂苦者如前所說
活黑繩等七大地獄所受苦惱彼一
切苦此中具受百倍更重復有勝者
所謂彼處有二鐵樹皆悉焰然惡業
風吹迭乎相合彼地獄人在二樹中
極勢相觸如多羅葉機關壓援身體
消泮又復更生生已復援兩樹直來
兩邊援身受大苦惱如是躑躅消泮
墮地彼有鐵烏金剛惡喙乃在彼樹上
啄罪人頭啄已上樹數數如是罪人
頭破啄眼而食罪人唱喚悲啼號哭
復食其眼破其頭已而飲其腦既飲
腦已次劈其心既劈心已而飲肉血
彼既飲已次食其腸既食腸已次食
其脬既食脬已次食熟藏食熟藏已
次食其髓既食髓已次食其脰既食
脰已次食其脰既食脰已次食足趺

食足趺已次食足拍彼人如是受堅
鞭苦於長久時年歲無數百年中數
亦不可盡無少相似今說少分如大
海中取一掬水置於異處如是所說
唯說一分彼惡業人如是長時受堅
鞭苦如是乃至作集惡業未壞未爛
業氣未盡於一切時與苦不止若惡
業盡彼地獄處亦乃得脫既得脫已
於一千世生於食唾餓鬼之中有命
而已第一飢渴苦惱燒身彼處若脫
生畜生中而作大魚在大海中鹹水
之處常在大海水中而住謂那迦羅
若摩伽羅若作大龜常患飢渴鹹水
中行經一千世既脫彼處於過去世
有人業熟若生人中同業之處所在
國土二王中間壇界之處彼二國王
常共聞諍彼人財物聚集得已為他
所取王罰而取既奪取已獄中守
掌飢渴燒身從他得食受極苦惱是
彼惡業餘殘果報

又彼比丘知業果報復觀阿鼻大地
獄處彼見聞知復有異處名夢見畏
是彼地獄第八別處衆生何業生於

彼處彼見聞知若何等人於多比丘
衆聚和合欲食之食取而食之令彼
衆僧不得飲食身受飢苦不得念善
不得坐禪心不寂靜彼惡業人取僧
現食取已不懺心不生悔復於僧食
熹樂欲取復教他人心中生隨喜業業
普遍作業究竟彼人以是惡業因緣
身壞命終墮於惡處在彼地獄夢見
畏處受大苦惱所謂苦者如前所說
活黑繩等七大地獄所受苦惱彼一
切苦此中具受百倍更重復有勝者
一切衆生不知其名彼大苦惱皆悉
堅鞭甚切難忍所受苦惱自業所起
今說少分如海一滄如人夢中所見
不實此地獄中所見如夢見有惡人
甚可怖畏彼人手執種種器仗若枷
若杵取地獄人惡業行人置在鐵地
坐鐵函中以熱鐵杵搗築其身并骨
碎散如蠟蜜塊又復更生已棒打
破壞碎散是彼惡業作集勢力受彼
果報若脫彼函所受苦惱復入鐵林
自業道行入彼鐵林一切身分分分
析裂劈割令散墮鐵牀上彼惡業人

一切身分皆悉破壞若脫彼處望救
望歸處處馳走復雨鐵刀劈割其身
一切筋脉斷絕破壞唯有骨網無有
少肉可停繩處皮骨筋連唯是骨網
更復雨鐵劈裂破碎悲苦唱喚啼哭
而走處處馳走而不得脫自惡業起
不善業起乃至作集不善惡業未盡
未壞極急燒煮一切身熱破滅壞爛
不善業故長遠時受不得解脫若彼
惡業一切受盡尔乃得脫既得脫已
於一千世生食瘡汁餓鬼之中若脫
彼處於五百世生畜生中常有石墮
壓撻之虞身如草等受大苦惱因此
致死彼處得脫若生人中同業之虞
常貧常病為他所使曠野嶮岸饒沙
之虞草稀之虞無草之虞無水之虞
離澤之虞常怖畏處惡國土生是彼
惡業餘殘果報

又彼比丘知業果報復觀阿鼻大地
獄處彼見聞知復有異處名曰身洋
受苦惱處是彼地獄第九別處衆生
何業生於彼處彼見聞知有檀越家
常有好心正信成就恒於病人於出

家人為差病故與其財物如此財物
隨何病人令得病差而有惡人具聲
行人內心不善離善知識遠無漏道
被服袈裟而是大賊食彼供養病人
財物用已不懺心不生悔不還不償
復教他人令往隨喜而復貪取彼人
以是惡業因緣身壞命終墮於惡處
在彼地獄生在身洋受苦惱處受大
苦惱所謂苦者如前所說活黑繩等
七大地獄所受苦惱彼一切苦此中
具受百倍更重復有勝者彼地獄處
一由旬量熱沸鐵樹彼樹焰然惡業
所作彼地獄處有熱焰石金剛相似
觸甚堅韌百倍焰燒如是火樹熾然
極高樹根下處彼地獄生四百四病
增長苦惱獨而無伴頭面在下脚足
在上彼樹炎熱勢力熾盛形地獄火
則如冰冷彼樹根汁一種苦壓遍罪
人身無毛頭許彼病苦重於火百倍
樹壓苦惱復過於是時節久遠年歲
無數受如是苦彼處復有閻魔羅人
手執鐮刀脉脉遍割彼地獄處受五
種苦謂樹火鐵飢渴病苦於長久時

年歲無數聞者毛起百千由他此說
少分堅鞭苦惱惡味苦惱乃至惡業
未壞未爛業氣未盡於一切時與苦
不止若惡業盡彼地獄處亦乃得脫
既得脫已於七百世生食火烟餓鬼
之中飢渴燒身如燒林屋彼處得脫
於三百世生畜生中作被燒龍常雨
熱沙墮其身上而被燒煮於畜生中
既得脫已若生人中同業之處住叢
林中常負磚等盡生極苦不曾一飽
不得美食唯聞好食美味之名爲奴
他使貧病凡賤是彼惡業餘殘果報
又彼比丘知業果報復觀阿鼻大地
獄處彼見聞知復有異處名兩山聚
是彼地獄第十別處衆生何業生於
彼處彼見聞知有人行惡於辟支佛
飢欲取食而便偷取彼人以是惡業
因緣身壞命終墮於惡處在彼地獄
兩山聚處受大苦惱所謂苦者如前
所說活黑繩等七大地獄所受苦惱
彼一切苦此中具受百倍更重復有
勝者所謂彼處多有鐵棒鐵戟鐵鑊
鐵函苦惱上兩鐵山與種種苦彼處

多雨勝勝山聚從上而墮一由旬量

唯兩山聚打彼罪人身體散壞猶如

沙搏散已復生生已復散散已復生

有十一焰周遍燒身火燒身已次復

破眼破已復生閻魔羅人復割其舌

割已復生復割其鼻熱白鏹汁置其

割處復割其耳熱赤銅汁置耳令滿

以熱鐵鉢盛熱沸灰以灑其耳復以

利刀割而復割四百四病常具足有

火焰普遍合為一焰受極熱苦彼地

獄處於長久時無有年數乃至作集

不善惡業未壞未爛業氣未盡於一

切時與苦不止若惡業盡彼地獄處

亦乃得脫既得脫已於五百世生蠅

虫等遍覆其身常所啖食身有瘡孔

孔有惡虫啖食其身住屏中住常食

糞屎餓鬼之中若脫彼處於七百世

生畜生中曠野惡處常受鹿身飢渴

燒煮既得脫已若生人中同業之處

身常負重被打身壞晝夜不安手足

皆破口常乾燥身體色惡衣裳破壞

是彼惡業餘殘果報雖生人中於五

百世非是正人與鬼相似身常苦惱

正法金蓮經卷第十五 第十張 華
晝夜不安是彼惡業餘殘果報

又彼比丘知業果報復觀阿鼻大地
獄處彼見聞知復有異處彼處名為
閻婆叵度是彼地獄第十一處衆生
何業生於彼處彼見聞知有人野處
於河澤中取濟活命彼河澤處是第
一業一切田地穀等食具皆從彼得
以存性命有惡心人斷截彼河河既
斷已彼處國土一切皆失鳥鹿亦死
况復人類城邑聚落一切沙門婆羅
門等皆悉渴死彼河斷故國土人民
一切死盡彼人以是惡業因緣身壞
命終墮於惡處在彼地獄閻婆叵度
別異處生受大苦惱所謂苦者如前
所說活黑繩等七大地獄所受苦惱
彼一切苦此中具受百倍更重復有
勝者所謂彼處七百由旬如大曠野
險岸高山大火焰燃多有鐵樹彼
地獄人顛倒見故見有河池樹林具
足彼患飢渴第一惡火燒其身已唱
喚號哭走向彼池作如是意我到彼
處飲彼池水既到彼池有熱沸灰滿
河池中於彼池所閻魔羅人手執鐵

刀執彼罪人以刀削割受二苦惱一
刀割苦二飢渴苦彼人如是在曠野
處刀破其身受大苦惱於長久時若
脫彼處以飢渴故處處馳走飢渴燒
身處處馳走見有冷河疾走往趣彼
人既走池中有鳥身大如烏名曰閻
婆勢利生焰執地獄人上舉在空舉
已遶行彼地獄人即失憶念然後放
之如石墮地彼中地處焰堅惡觸罪
人墮地碎為百分復更和合合已復
散散已復合鳥復更取如前所說與
彼苦惱彼地獄人復有惡病如前所
說如是無量百千億歲受如是種種惡
鳥苦惱若脫彼處而復更為閻魔羅
人之所執持置在熱沸赤銅旋河既
置彼處身皆消泮如水沫消又復更
生彼惡業人惡業行故長久遠時如
是燒煮無有年數破國土人若得脫
已飢渴燒身處處馳走自惡業故所
行之處鐵鉤滿道其刃極利割破其
足自從足下次第至脛一切破裂足
破裂已其身焰燃受極苦惱唱聲啼
哭心生悔惱呻號叫喚一切身分皆

悉燒然燒已復起起已復去彼人如是心亂不正彼處復有焰齒狗來遍齧罪人一切身分皆令破壞皮肉腦髓皆悉噉食復飲其汁彼破國土惡業行人自業如是於長久時受大苦惱乃至作集惡不善業未壞未爛業氣未盡於一切時與苦不止若惡業盡彼地獄處亦乃得脫既得脫已於五百世生餓鬼中極受苦惱若脫彼處於五百世生畜生中作賒羅婆生生之世入火被燒或為蛇食或為火燒或為風殺彼處既脫若生人中同業之處無戒時生一切人中取為凡鄙是彼惡業餘殘果報

又彼比丘知業果報復觀阿鼻大地獄處彼見聞知復有異處名星鬘處是被地獄第十二處衆生何業生於彼處彼見聞知有人行惡於起滅定一切煩惱盡滅比丘初起極飢偷其食已心生歡喜食已貪取口說讚善復教他人業業普遍作業究竟作而復集惡業堅執彼人以此惡業因緣身壞命終墮於惡處在彼地獄生星

鵝處受大苦惱所謂苦者如前所說
活黑繩等七大地獄所受苦惱彼一
切苦此中具受百倍更重復有勝者
所謂彼處地獄二角普地獄處鑊湯
焰然如虛空星於一角處二十億數
九那由他九千鉢頭摩六十億阿孚
隨三十大鉢頭摩億百網億二十千
罽過如是數時節燒煮煮熟燒熟如
魚動轉焰然赤沸銅旋鑊中燒煮增
長一切時燒受堅惡苦彼惡業人唱
喚心悔自心惡業長久遠時如是燒
煮如前所說彼人如是一受苦處若
得脫已又復更入勝熱味風惡觸如
刀割一切脉既割脉已舉之在上移
向地獄第二角處彼惡業人既到地
獄第二角已風吹億劍割彼罪人一
切身分皆悉散壞唯有筋脉彼人如
是身唯筋縷閻魔羅人然後執持置
在星鵝風吹鑊中既置彼已足在於
上頭面在下頭面先入彼復後時熱
沸赤銅先燒其眼次燒髑髏體次燒其
面次燒其齒次燒咽喉熱赤銅汁置
咽喉中一切普燒不能唱喚不能出

聲彼人如是受堅鞭苦受彼苦已更復有餘閻魔羅人手執鐵杵打築其頭既築其頭一切身分皆悉跳建頭身俱跳如魚動轉過久遠時如是兩角星轉地獄在中煮熟乃至作集不善惡業未壞未爛業氣未盡於一切時與苦不止若惡業盡彼地獄處亦乃得脫既得脫已於一千世生在怖望餓鬼之中常受苦惱飲食難得於百年中或得不得彼處脫已於五百世生畜生中在隘迫處而受鹿身心常驚恐於一切人皆生怖畏於嶮岸中離人之處常怖畏故羸瘦無色身體乾枯惡業力故舊人所殺既得脫已若生人中同業之處則常治生身為導主飢渴常之一切時行常繫屬他為他所使依他活命與人相似非是正人常受苦惱是彼惡業餘殘果報

又彼比丘知業果報復觀阿鼻大地獄處彼見聞知復有異處彼處名為一切苦旋是彼地獄第十三處衆生何業生於彼處彼見聞知有惡心人

起顛倒意於一切智所說言語盡
文字除滅隱障令失法身令諸衆生
不得信佛若聞正法則生信心以無
法故衆生不信如是心意如是邪見
作集惡業垢心惡心若教他人令住
隨喜如是作已後復更作惡心意故
業業普遍作業究竟復於彼處作已
復作彼人以是惡業因緣身壞命終
墮於惡處在彼地獄一切苦旋別異
處生受大苦惱所謂苦者如前所說
活黑繩等七大地獄所受苦惱彼一
切苦此中具受百倍更重復有勝者
所謂彼處熱沸赤銅置其眼中二眼
皆滿或以熱沙金剛惡觸揩磨其眼
消泮碎散又復更生已復揩復以
利鋸割截其手截已復生生已復截
復置焰鑊頭在下入身在鑊外如是
極責半身鑊外利刀割削以眼看法
滅壞法故受如是報以手揩磨滅壞
法故受鋸截報以本惡心隱滅法故
在鑊中坐金剛鬘鳥拔心而食飲其
心汁以惡心故受如是苦身坐鑊中
背分在上不入鑊處閻魔羅人執利

斤斧以斤其皮令使下脫嚴熱灰汁而灌洗之焰熱利針遍刺其身焰熱鐵輪疾轉在頭如是受苦若脫彼處墮消泮地苦常不斷作集業故於地獄中受如是苦乃至惡業未壞未爛業氣未盡於一切時與苦不止若惡業盡彼地獄處亦乃得脫雖脫彼處於五百世生在食煙餓鬼之中惡行覆身心受苦惱心亂不止若脫彼處於七百世生畜生中作夜行虫若作獐狐兔麋等鳥脫彼處已過去久遠有人業者若生人中同業之處生雪山中食惡飲食恒常貧窮於三百世夷人中生是彼惡業餘殘果報又彼比丘知業果報復觀阿鼻大地獄處彼見聞知復有異處名臭氣覆是彼地獄第十四處衆生何業生於彼處彼見聞知有人邪見故以惡心憶念思惟隨順瞋心生喜樂意於僧田地或甘蔗田園林果樹或復衆僧餘受用處放火焚燒如此燒僧所受用物令諸比丘衰損失壞業業普遍作業究竟和合相應彼人以是惡業

因緣身壞命終墮於惡處在彼地獄
臭氣覆處受大苦惱所謂苦者如前
所說活黑繩等七大地獄所受苦惱
彼一切苦此中具受百倍更重復有
勝者所謂彼處有熱焰網名針孔網
熱焰普遍遍地獄中惡業罪人既生
彼處閻魔羅人焰利大刀熱箭射之
驅入焰然針孔網中不能得走彼惡
業人彼處繫縛不能得脫彼網極利
剗割其手復剗其脇復剗其背一切
身分皆悉遍剗唯有骨在網剗剗已
閻魔羅人甘蔗杖打百倒千倒若百
千倒彼惡業人惡業遍覆受彼箭苦
於長久時受大苦惱堅鞭惡觸所受
苦惱無異相似彼地獄中極受大苦
乃至作集惡不善業未壞未爛業氣
未盡於一切時與苦不止若惡業盡
彼地獄處亦乃得脫雖脫彼處於七
百世生於食血餓鬼之中唯食產血
若脫彼處於五百世生畜生中作雞
孔雀鸚鵡等鳥脫彼處已若生人中
同業之處於旃陀羅屠兒家生是彼
惡業餘殘果報

又彼比丘知業果報復觀阿鼻大地獄處彼見聞知復有異處名鐵鏹處是彼地獄第十五處衆生何業生於彼處彼見聞知有人輕心誑心惡意於儉時世請喚比丘作如是言於此年中我家夏生病藥所須我皆供給一切勿憂莫生異意彼諸比丘心皆生信時世復儉信彼人故更不餘求既赴夏坐彼惡心人一切不與駭令使去時世儉故彼諸比丘或有死者或有比丘失前夏者或有極受飢渴苦者或有比丘向異國者如是惡人棄捨比丘妨廢惱乱彼人以是惡業因緣身壞命終墮於惡處在彼地獄生鐵鏹處受大苦惱所謂苦者如前所說活黑繩等七大地獄所受苦惱彼一切苦此中具受百倍更重復有勝者所謂彼處地獄罪人十一焰聚周匝圍遶常患飢渴閻魔羅人數數常以熱赤銅汁熱鐵塊搏令飲令取彼罪人身乃於無量大鋒頭摩三余多數屋余多數常燒常煮乾燥破壞又復更生復有勝苦如業所作閻魔

羅人取熟鐵鏝廣五由旬焰火甚熾
普一焰躡以彼鐵鏝裹其身體一切
爛熟普身焰燃唱喚號哭破壞苦惱
無少樂事如針孔許可攀緣處如是
鐵鏝火遍無間如是惡觸受苦叵耐
如是鐵鏝作飢作渴作大熾火受如
是苦乃至惡業未壞未爛業氣未盡
於一切時與苦不止若惡業盡彼地
獄處亦乃得脫脫彼處已於百千世
生於食腦餓鬼之中若脫彼處於七
百世生於食火畜生之中彼處脫已
若生人中同業之處於五百世爲王
不信常繫在獄飢渴而死是彼惡業
餘殘果報

又彼比丘知業果報復觀阿鼻大地
獄處彼見聞知復有異處名十一焰
是彼地獄第十六處衆生何業生於
彼處彼見聞知有人惡行若於佛像
若佛塔等衆僧寺舍破壞拭滅惡心
破壞聖人住處滅佛畫像或復有人
非佛弟子於佛不信而自說言是佛
弟子爲求過失而聽佛法推求其便
聞已於法不生信入如是毀此樂行

多作彼人以是惡業因緣身壞命終
墮於惡處在彼地獄十二焰處火中而
行受大苦惱所謂苦者如前所說活
黑繩等七大地獄所受苦惱彼一切
苦此中具受百倍更重復有勝者所
謂彼處有一千倍嚴惡毒地彼地多
饒普遍地獄彼地獄人在中來去閻
魔羅人手執鐵棒打令疾走為地所
齧復有執火極熱燒然彼人如是二
種火燒謂毒火燒地獄火燒唱喚馳
走悲號啼哭以唱喚故閻魔羅人復
為說偈呵責之言

汝以愛毒醉一切癡心力於正法頑鈍
今者徒叫喚見惡業喜樂唯貪現在樂
作惡初雖甜後則如火毒作惡業之人
一切人毀此作善者皆讚如是應捨惡
見者不愛樂惡報受苦惱作惡得惡報
如是黠慧捨作惡不失壞一切惡有報
惡皆從作得因心故有作由心故作惡
由心有果報一切皆心作一切皆因心
心能誑衆生將來向惡處此地獄惡處
寂是苦惡處莫繫屬於心常應隨法行
法行則常樂惡行不寂靜非法無善果

以不顛倒受一切種種果如因相似見
果與因相似異相非因果如是無常法
皆因緣而生非無因見果地獄中寂勝
如因果相應地獄中熟煮作集業堅鞭
決定惡處行業果相續縛地獄中煮熟
若懺悔方便惡業則破壞不見不愛果
實見者所說世間因光明如業因得果
業果迭相因一切法如是見迭生因緣
迭生自在行相似隨順縛實見者所說
一切世間法非是無因果非自在等作
實見者所說無始生死來皆因緣而生
此業相似見無法不相似若知愛作業
衆生業因生彼人知業果故名寂靜人
自體作惡人常為癡羅縛已作惡業竟
云何心生悔惡常依止惡法常依止法
歸慧人俱捨實見者所說若迷道非道
則迷於佛法彼不得寂靜如日中無闇
若人迷因緣迷於法非法法到惡地獄
極苦惱之處

闇魔羅人因相應語呵責之已復執
戟鉞以瞋怒心復以無量種種器仗
縛地獄人無量百千鉞頭摩數於長
遠時斫刺打築自業所作如是受苦

乃至作集惡不善業未壞未爛業氣
未盡於一切時與苦不止若惡業盡
彼地獄處亦乃得脫既得脫已於七
百世生食糞屎餓鬼之中是彼惡業
餘殘勢力若脫彼處於五百世生畜
生中作蚯蚓等彼業勢力餘殘果報
脫彼處已若生人中同業之處生於
邊地身體黑色漁人之屬下濕之處
水田無食飲食難得食水中多是彼
惡業餘殘果報

又彼比丘知業果報觀察阿鼻大地
獄處更不見有第十七處下向亦無
傍廂亦無麤細俱無近遠皆無更無
所攝一切不見彼比丘如是思惟見
道思惟觀察盡邊八大地獄各十六
處眷屬之處如是盡邊惡業人地一
切愚癡凡夫之人作集此地作惡業
人受證之處八大地獄并眷屬處我
更不見異大地獄更無異業一種生
處更無惡處如此阿鼻大地獄處何
處衆生得大苦惱如此阿鼻大地獄
處毛起地獄於千分中不說一分何
以故不可說盡不可得聽不可譬喻

地獄苦惱如是極惡如是堅鞫如是
大苦如是叵耐如是苦惱無異相似
不可喻苦何以故無人能說無人能
聽若有人說若有人聽如是之人吐
血而死此大地獄不可愛樂不可憶
念彼地獄苦苦中之苦彼比丘如是
觀察大地獄已則於一切生死苦惱
心生厭離觀察無常苦空無我見一
切法皆悉無常思惟聖諦則於生死
重生厭離毀咎生死如是生死寂為
鄙惡彼比丘如是見已生如是心此
諸衆生無有天眼不知過去離聞正
法復於地獄極苦惱處第一苦處第
一惡處而復更生此如是等愚癡凡
夫愛羅所縛無始生死

又修行者內心思惟隨順正法觀察
法行知彼比丘次第觀察一切惡處
從活地獄次第乃至阿鼻地獄彼業
果報一切悉知得十三地不樂魔界
愛不自在為脫愛縛不住魔界喜樂
無常彼比丘欲斷使結入涅槃城彼
地夜又見其精進心生歡喜轉復上
聞虛空夜又說如是言閻浮提中某

國某村某善男子某姓某名剃除鬚髮被服法衣正信出家正行正道正見不邪行出世道知業報法得十三地盡見一切地獄邊底知無間苦彼地夜又如如是如是具足傳聞虛空夜又虛空夜又向四大王如前所說彼四大王向四天王亦如是說彼四天王向三十三天說如如是三十三天向夜摩天亦如是說彼夜摩天向兜率天亦如是說彼兜率天向化樂天亦如是說彼化樂天向第六天亦如是說次第乃至向少光天如是說言天今當聽心當正念閻浮提中某國某村如是種姓某善男子剃除鬚髮被服法衣正信出家彼正行法不曾休息心不樂住魔之境界不樂染愛不樂欲染色聲香味觸等境界得十三地八大地獄一切業報皆悉盡知彼比丘如是知已厭離無明黑闇生死天今應知魔分損減正法增長彼少光天如是聞已極大歡喜其以得聞魔分損減正法明長是故歡喜彼處諸天得聞正法如是歡喜未聞佛

法諸天聞已猶尚歡喜何況信心隨
順行人諦見正士聞彼比丘知業報
法增長正法而不歡喜

正法念處經卷第十五 地獄品竟

癸卯歲高麗國大藏都監奉
勅彫造

正法念處經卷第十六

爲

元魏婆羅門瞿曇般若流支譯

餓鬼品第四之一

復次比丘知業果報遍觀一切地獄
苦海為愛瀑水洄漩所沒大地獄人
富蘭那末迦離等俱迦離提婆達多
如是等魚為大摩竭魚之所吞食從
活地獄乃至阿鼻地獄其獄廣大沃
焦深水及餘地獄大苦海中提弥魚
提弥鯢羅魚那迦羅魚鳩毗羅魚失
収摩羅魚龜鼈龜鼈旋洄洄漩貪欲
瞋恚愚癡風力之所颺鼓水浪濤波
洄漩相注時如水沫受大苦惱淚如
雨墮啼哭悲泣呻吟悲嘑辛酸大叫
猶如濤波愁思波覆惡業龍力雨大
苦雨滿諸地獄阿鼻地獄無間極深
其火猛焰如劫火起燒大劫時滿所
迦婆羅山魏言輪山即是也是為大地獄苦
惱大海劣弱之人無有善力無能度
者如是比丘觀大苦已心則厭離伽
他頌曰偈者正音云伽他單舉
依字說言為揭魏言頌
一切衆生癡所欺 為於愛染之所縛

將至世間嶮難道

老死惡濟恐怖處

三處退已入地獄

從地獄出生天上

三處命終墮畜生

復從彼終墮餓鬼

自業惡行之所迷

諸欲自在使衆生

為癡瞋網所纏縛

流轉回渡三界海

無始久受大苦惱

種種衆生生死苦

無有厭離生死心

無始久集因緣故

諸天放逸自壞心

人中追求受諸苦

餓鬼常為飢渴燒

畜生迷共相食噉

地獄之中大猛火

餓鬼道中癡所惱

一切衆生生死中

微毫少樂不可得

於諸苦中生樂想

衆生癡惑愛所誑

無有教示正道者

於此苦中不得脫

若有遠離於善法

常行妄語無誠信

不能修習禪定法

長淪生死受諸苦

諸佛如來所說法

若今現在未來世

過於父母及親族

常隨衆生而不離

三衆之類衆生等

三種過惡常自在

常行三界不止息

以三種受為伴侶

三業迷惑於衆生

行趣三惡嶮難道

於三有行常愛樂

三有法中輪轉行

若有衆生歸三寶

自在修行三菩提

斷除遠離三種見

如是之人離衆苦

於三時中樂正行 如實觀見三種老
於飲食中知止足 是人則能離憂惱
過貪瞋癡三種聚 善思三業不造惡
如是行人離生苦 永斷一切諸憂熱
若人知於道非道 於有無中善思惟
能善修學慈悲心 則得第一寂勝道
若有家生不濁亂 心常清淨無所染
能離不善諸惡法 當知是人得解脫
若有人能行正道 正念大力堅牢故
常樂遠離於諸有 是人解脫必無疑
若人能斷於有愛 不起有愛怖望心
是人於生老死苦 乃至不生微細著
若有愚人造諸業 作諸惡已轉增長
諸欲如毒不可親 有智之人應捨離
若人捨離於諸欲 心常樂求解脫果
是不善滅無餘 如日光照除闇冥
如是親近善法者 常捨一切諸不善
能善思惟淨不淨 如是略說汝當知
如是以丘當念此世他世以智慧利
益心既念已當以智慧饒益一切世
間觀地獄苦於一切衆生思惟憶念
起慈悲心修行慈悲於一切地獄怖
畏苦惱逼迫之處具觀察已知業果

報知業報已生厭離心復作是觀此諸衆生云何沒於種種惡道大怖畏憂行於生死曠野之中如是比丘作是思惟生慈悲心知餓鬼道喻惡之業由心貪嫉欺誑於人貪惜積聚欲望長富廣積衆惡惡貪所覆不行布施不施沙門婆羅門及諸病瘦盲冥貧窮有來乞求心生慳嫉不肯施與不作功德不持禁戒此世他世無利衰出妻子奴婢恹惜不與慳嫉自誑以是因緣墮餓鬼中女人多生餓鬼道中何以故女人之性心多妬嫉丈夫未隨便起妬意以是因緣女人多生餓鬼道中

復次比丘知業果報觀餓鬼道餓鬼所住在何等處作是觀已即以聞慧觀諸餓鬼略有二種何等為二一者人中住二者住於餓鬼世界是人中鬼若人夜行則有見者餓鬼世界者住於閻浮提下五百由旬長三万六千由旬及餘餓鬼惡道眷屬其數無量惡業甚多住閻浮提有近有遠復次比丘知業果報觀諸餓鬼有無

量種彼以聞慧略觀餓鬼三十六種一切餓鬼皆為慳貪嫉妬因緣生於彼處以種種心造種種業行種種行種種住處種種飢渴自燒其身如是略說三十六種何等為三十六種一者迦婆離鑊身餓鬼二者甦支目佉針口餓鬼三者脰多婆叉食吐餓鬼四者毗師咤食糞餓鬼五者阿婆叉無食餓鬼六者捷陀食氣餓鬼七者達摩婆叉食吐餓鬼八者婆利藍食水餓鬼九者阿賒迦怖望餓鬼十者^{區伊}咤^反吒食唾餓鬼十一者摩羅婆叉食鼻餓鬼十二者囉訖吒食血餓鬼十三者瞿婆婆叉食肉餓鬼十四者蘓捷陀食香烟餓鬼十五者阿毗遮羅疾行餓鬼十六者坐陀邏伺便餓鬼十七者波多羅地下餓鬼十八者矣利提神通餓鬼十九者閼婆隸熾燃餓鬼二十者坐陀羅伺嬰兒便餓鬼二十一者^迦^俱摩欲色餓鬼二十二者三牟陀羅提波海渚餓鬼二十三者閼羅王使執杖餓鬼二十四者婆羅婆叉食小兒餓鬼二十五者烏

殊婆叉食人精氣餓鬼二十六者婆
羅門羅剎餓鬼二十七者君荼火爐
燒食餓鬼二十八者阿輸婆羅他不
淨巷陌餓鬼二十九者婆移婆叉食
風餓鬼三十者鴛伽羅婆叉食火炭
餓鬼三十一者毗沙婆叉食毒餓鬼
三十二者何吒毗曠野餓鬼三十三
者賒摩舍羅塚間住食熟灰土餓鬼
三十四者毗利差樹中住餓鬼三十
五者遮多波他四交道餓鬼三十六
者魔羅迦耶殺身餓鬼是為略說三
十六種餓鬼廣說則無量重心這惡
業行各異種種慳心不行布施貪心
因緣受種種身

復次比丘知業果報觀諸餓鬼受大
飢渴自燒其身以前世時多起妬嫉
惡心破壞廣造三業身口意惡十不
善業生餓鬼中其人以作十種不善
業道因緣得一切苦以惡業故生餓
鬼中惡業牽故業為本故入於惡道
為彼所縛以因業故不脫生死為無
始來猕猴之心躁擾輕轉行於輪轉
障導之慶攀緣種種羅網枝條速疾

往返住生死山睡於巖窟所行之處
不可覺知觀心狢猴速疾不停應作
如是初調伏心若心不調能將衆生
至大怖處得大苦惱如是心怨能令
衆生流轉生死比丘如是思惟心已
於生死中得離欲穢獸生死苦如是
思惟一切生死皆悉苦惱如是比丘
思惟分別餓鬼之中有無量種思惟
是已一二分別觀諸業報非無因生
若樂好醜淨與不淨善惡貴賤上下
生滅一切雜類非自然生比丘如是
觀諸餓鬼知業果報以聞慧觀云何
觀於迦婆離鎗身餓鬼其身長大過
人兩倍無有面目手足穿穴猶如鎗
脚熱火滿中焚燒其身如火燒林飢
渴惱熱時報所縛無人能救無歸無
怙愁憂苦惱無人救護以何業故生
於彼處即以聞慧見此衆生於前世
時以貪財故爲他屠殺受雇殺生鬻
割脂肉心無悲愍貪心殺生殺已隨
喜造集惡業其心不悔如是惡人身
壞命終墮於惡道受迦婆離餓鬼之
身

迦婆離鎗身
魏言鎗身

在於地下五百由旬從

此命終忽然即往生於大怖黑闇之
處既生之後上下二山一時俱合壓
竿其身受大苦惱身增轉大滿一由
旬為飢渴火焚燒其身餓鬼道中經
五百歲餓鬼道中一日一夜此閻浮
提日月歲數經於十年如是五百歲
名為一生少出多減命亦不定又第
二業墮餓鬼中若有衆生受他寄物
拒拒不還生於彼處不施資財不以
法施不施無畏若男若女不行如是
三種布施常懷慳嫉以是因緣生餓
鬼中

復次比丘知業果報觀於餓鬼彼以
聞慧觀於針口諸餓鬼等以何等業
而生其中彼以聞慧觀於蘊支目佉
餓鬼

蘊支目佉
經云針口

知此衆生於前世時以

財產人令行殺戮慳貪嫉妬不行布
施不施衣食不施無畏不以法施如
是惡人身壞命終受於針口餓鬼之
身受鬼身已自業誑惑所受之身口
如針孔腹如大山常懷憂惱為飢渴
火焚燒其身受諸內苦外有寒熱蚊
虻惡色熱病惱等如是身心受種種

苦餓鬼道中一日一夜比於人間日月歲數經於十年如是受命滿五百歲命亦不定若男若女生在其中又第二業墮此針口餓鬼之中若有丈夫勑其婦人命施沙門婆羅門食其婦慳惜實有言無語其夫言家無所有當以何等施與沙門及諸道士如是婦人誑夫悞財而不布施身壞命終墮於針口餓鬼之中由其積習多造惡業是故婦人多生餓鬼道中何以故女人貪欲妬嫉多故不及丈夫女人小心輕心不及丈夫以是因緣生餓鬼中乃至嫉妬惡業不失不壞不朽於餓鬼中不能得脫業盡得脫從此命終生畜生中於畜生中受遮吒迦鳥身此鳥喙食天雨即口承天雨水而飲之不得食餘亦常患飢渴受大苦惱畜生中死生於人中以餘業故常困飢渴受苦難窮常行乞食以自存濟以餘業故受如斯報復次比丘知業果報觀諸餓鬼彼以聞慧觀於食吐諸餓鬼等是諸衆生以何業故受於食吐餓鬼之身彼以聞慧知此衆生前世之時身為婦人

誑惑其夫自敗美食心懷慳嫉憎惡其子而不施與或有丈夫妻無異心便起妬意獨食美味不施妻子以是因緣墮於睺多餓鬼之中

睺多漢又
拙言食吐

受餓

鬼身常為飢渴焚燒其身其身廣大長半由旬於曠野中四奔疾走求覓漿水高聲嗥叫唱言飢渴以此衆生前世之時不以財物無畏布施不行法施以是因緣生餓鬼中壽命長遠如上所說經五百歲乃至惡業未盡不破不壞終不得脫在食吐鬼中常求歐吐因不能得從此命終生畜生中亦常食吐受飢渴苦畜生中死生於人中餘業因緣常患飢渴於諸巷陌常拾世人所棄殘食或從沙門及婆羅門乞求自活以餘業故受如斯報復次比丘知業果報觀諸餓鬼彼以聞慧知此衆生於前世時多行貪嫉常懷慳惜不行布施以下淨食施諸沙門及婆羅門如是沙門及婆羅門不知不淨而便食之此人以是惡業因緣身壞命終墮於惡道生於食糞餓鬼之中壽命長短如上所說亦五

百歲飢渴燒身求諸糞穢猶不可得
以業力故常不從心不淨之象蛆虫
糞屎馳走求索常不充足至命不盡
常受苦惱乃至惡業不盡不壞不朽
故不得脫若惡業盡從此命終隨業
流轉受生死苦人身難得猶如海龜
遇浮木孔遍受惡身若生人中貧窮
多病常困飢渴恒乞朝食以自活命
無量衰惡以為嚴飾其身破裂不淨
臭穢人所惡賤口氣腥臊其齒齧黑
餘業因緣受如是報

復次比丘知業果報觀於餓鬼慳嫉
地處一切餓鬼慳嫉為本是諸衆生
以何業故生於無食餓鬼之中彼以
聞慧知諸餓鬼前身之時以慳嫉故
自覆其心妄語欺誑自恃強力枉證
良善繫之囹圄禁人糧食令其致死
殺已快心不生悔恨心生隨喜復教
他人既作惡業初不改悔如是惡人
身壞命終生於無食餓鬼之中若男
若女生於其中飢渴之火增長熾燃
如山潛水涌波之力腹中火起焚燒
其身無有遺餘滅已復生生已復燒

有二種苦焚燒其身一者飢渴二者
火燒其人苦逼嗟叫悲惱四方馳走
自業惡果不可思議其人如是受內
外苦一切身分業火所燒身內出火
自焚其體譬如大樹內空乾燥若人
投火燒之熾然此鬼被燒亦復如是
遍身皆燃哀叫悲哭口中火出二焰
俱起焚燒其身惴惶求道地生棘刺
皆患火燃貫其兩足苦痛難忍哀嗟
悲叫火燒其舌皆患融爛如燒凝酥
滅已復生以惡業故奔走求水至諸
池源泉源諸水水即枯竭其人惡業
至於林中遊戲之處若在高原若陂
澤中顛倒見故但見一切大火猛焰
山地樹木悉見熾然徃趣諸水見諸
水邊守水諸鬼手捉器仗逆打其頭
受大苦惱皆由前世貪嫉心怨之所
誑惑壽命長遠經五百歲亦如上說
如是惡業常無所食惡業不盡故使
不死乃至惡業不盡不壞不朽故不
得脫若業盡得脫從此命終惡業所
吹隨業流轉受生死苦人身難得猶
如海龜遇浮木孔若生人中受母胎

時母不能食令母身色憔悴醜惡殺生業故胞胎傷隨設不胎夫令母身體臭穢可惡樂行不善若得出生短命多難王難繫縛受牢獄苦飢渴餓死以餘業故受如是報

復次比丘知業果報觀餓鬼世間彼以聞慧觀於食氣諸餓鬼等以何業故而生其中彼以聞慧知此衆生於前世時多食美食而自食取不施妻子及餘眷屬妻子但得麤其香氣不知其味於妻子前而獨食之以慳嫉故同業眷屬而不施與亦教他人不給妻子起隨喜心數造斯過而不改悔不生慚愧如是惡人身壞命終生於食氣餓鬼之中既生之後飢渴燒身處處奔走呻吟叫悲泣愁毒唯恃塔廟及以天祀有信之人設諸供養因其香氣及麤餘氣以自活命復有麤氣諸餓鬼等以諸世人多病因緣水邊林中巷陌交道設諸祭具因斯香氣以自活命如是食氣諸餓鬼等無量苦惱惡業不盡故使不死乃至惡業不盡不壞不朽故不得脫業

盡得脫從此命終隨業流轉受生死
苦人身難得猶如海龜遇浮木孔若
生人中貧窮多病身體臭穢以餘業
故受如是報

復次比丘知業果報觀餓鬼世間彼
以聞慧觀於食法諸餓鬼等以法因
緣令身存立而有勢力以何業故生
於其中彼以聞慧見此餓鬼於人中
時性多貪嫉為活身命為求財利與
人說法心不敬重犯戒無信不為調
伏諸眾生故說不淨法說言殺生得
生天福強力奪財言無罪報以女適
人得大福德放一牛王亦復如是以
如是等不淨之法為人宣說得財自
供下行布施藏舉積聚是人以此嫉
妬覆心命終生於惡道之中受於食
法餓鬼之身是人壽命經五百歲日
月脩短亦如上說於嶮難處東西馳
走求索飲食飢渴燒身無能救者猶
如乾木為火所燒頭髮蓬亂身毛甚
長身體羸瘦脉如羅網脂肉消盡皮
骨相裏其身長大堅勁麤陋爪甲長
利惡業所誑皺面深眼淚流若兩身

色黠黠猶如黑雲一切身分惡虫喫
食蚊虻黑魚從毛孔入食其身肉悵
惶奔走若至僧寺或有人來於衆僧
中行二種施因此施故上座說法及
以餘人讚歎說法此鬼因是得命得
力命得存立乃至惡業未盡不壞不
朽終不得脫若業盡得脫從此命終
由前世時以種種心造種種業處處
受生人身難得猶如海龜遇浮木孔
若生人中常守天祀祠婆羅門殺羊
祀天作呪龍師不得自在常依他人
乞求自治惡業因緣還墮地獄以餘
業故

復次比丘知業果報觀餓鬼世間彼
以聞慧觀於食水諸餓鬼等以何業
故而生其中彼以聞慧知諸餓鬼於
前身時惡貪覆心麴釀酤酒欺誑世
間加水灰汁或沉麴糲以惑愚人
不行布施不修福德不持禁戒不聽正
法不行正法復教他人令行惡貪見
作隨喜作已不悔如是惡業身壞命
終生於食水餓鬼道中常患飢渴焚
燒其身走於曠野飡難之處惛惛求

水困不能得其身狀貌堅澁可忍如

焦鹵地身破裂壞舉體熾燃長與覆

面目無所見飢渴燒身走趣河邊苦

人渡河脚足之下遺落餘水泥垢垂

涕速疾接取以自活命若有餘人在

於河側掬水施於命過父母則得少

分以是因緣命得存立若自取水守

水諸鬼以杖撻打身皮剥脫苦痛難

忍哀叫嗥哭走於河側以作惡業自

誑身故業繫不盡故使不死乃至惡

業不盡不壞不朽猶不得脫業盡得

脫從此命終業風所吹流轉生死人

身難得猶如海龜過浮木孔若生人

中生於邊地貧窮困厄無有林樹無

水漿處而依住止常患焦渴恒困熱

病晝夜常渴以餘業故受如是報

復次比丘知業果報觀餓鬼世間彼

以聞慧觀有諸餓鬼名阿賒迦

餓言

以何業故而生其中彼以聞慧知

此衆生嫉妬惡貪自覆其心見他善

人因得少物賣買價直不以道理欺

誑取物作已隨喜不生悔心亦教他

人令作此惡不行布施不修福德不

持禁戒心無誠信不順正法其心鹿
獼不可調伏不親善友常懷嫉妬如
是惡人身壞命終墮於怖望餓鬼之
中若諸世人為亡父母先靈設祀如
此餓鬼得而食之餘一切食悉不得
食常患飢渴焚燒其身如火燒林無
能救者面色皺黑淚流而下手脚破
裂頭髮覆面身色可惡猶如黑雲辛
酸悲叫而說頌曰

不施則無報 無施果亦無如無燈無明
不施無樂報 如盲人無目不能有所見
不施亦如是 來世無樂報若生餓鬼道
人中常貧窮 流轉受苦惱嫉妬因緣故
不施則無報 造業終不失自業得果報
衆生依業食 我為惡業燒生在餓鬼中
受此大飢渴 猛火常熾燃何時離飢渴
何時得安樂 受苦極熱惱何時得解脫
不識道非道 不知善業果飢渴如火燃
如是受苦惱 亂髮覆面目無人能救護
脉現如網縛 苦逼命不盡惆悵行曠野
常受諸苦惱 孤獨無救護具受諸辛苦
如是怖望餓鬼呻吟奔走處處逃遁
比丘觀已如是思惟生死熾燃欲界

增上如是餓鬼若其種姓或時設供
祭祀亡者得而食之以濟身命唯得
食此餘一切食恚不得食惡業不盡
故使不死乃至惡業不盡不壞不朽
故不得脫若惡業盡從此命終業風
所吹流轉世間受生死苦人身難得
猶如海龜遇浮木孔若生人中生工
師家下賤僮僕為人策使餘業因緣
受如是報

復次比丘知業果報觀餓鬼世間彼
以聞慧觀於食睡諸餓鬼等以何業
故而生其中彼以聞慧知此衆生若
男若女慳嫉覆心以不淨食誑諸出
家沙門道士言是清淨令其信用而
便食之或時復以非所應食施淨行
人數為此業復教他人令行誑惑不
行布施不持禁戒不近善友不順正
法樂以不淨而持與人如是惡人身
壞命終生惡道中受於^啞吒餓鬼之
身^啞吒^啞吒^言食^為飢渴火常燒其身於
不淨處若壁若地以求人睡食之活
命餘一切食恚不得食乃至惡業不
盡不壞不朽故不得脫業盡得脫從

此命終隨業流轉受生死苦若生人中貧窮下賤多病消瘦羸鼻膿爛生除廁家或於僧中乞求殘食以自濟命餘業因緣受報如是

復次比丘知業果報觀餓鬼世間彼

以間慧觀於魔羅食騶餓鬼

魔羅經言騶世

人所奉九子魔是也

以何業故而生其中彼以

間慧知此衆生以前世時盜佛花鬘及尊重師長盜其花鬘以淨潔故用

自在嚴不以惡心其心貪嫉身壞命

終或生佛塔或生天祀而有神力若

人忿譁誼塔要擔則得其便能示惡

夢以怖衆人若有異人遭諸惡事求

其恩力言此鬼神有大威德神通夜

又以花鬘上之因此事故得騶食之

少離飢渴不為飢火之所焚燒世人

讚歎鬼常喜悅是食騶鬼乃至惡業

不盡不壞不朽故不得脫業盡得脫

從此命終隨業流轉受生死苦若生

人中作守園人賣花自活以餘業故

受如斯報

復次比丘知業果報觀餓鬼世間彼

以間慧觀諸餓鬼食血自活以何業

故而生其中彼以聞慧見諸餓鬼本
為人時愛樂貪嗜血肉之食其心慳
嫉戲笑作惡殺生血食不施妻子如
是惡人身壞命終墮惡道中貪嗜血
故生羅訖吒餓鬼之中

羅訖吒羅
言血食

受鬼身

已人皆名之以為夜叉供養奉事以
血塗泥而祭祀之既歃血已恐怖加
人數求禱祀人皆說之以為靈神如
是次第得自活命壽命長遠亦如上
說經五百歲如是餓鬼作諸妖孽乃
三惡業不盡不壞不朽故不得脫業
盡得脫從此命終隨業流轉受生死
苦若得人身生旃陀羅家斃食人肉
以餘惡業因緣故尔

復次比丘知業果報觀餓鬼世間彼
以聞慧觀於食肉諸餓鬼等以何業
故而生其中彼以聞慧知此衆生嫉
妬惡貪自覆其心以衆生肉而作肉
段齋齋稱之賣買欺誑實少言多以賤
為貴如是惡人身壞命終墮於惡道
生在食肉餓鬼之中是夜叉鬼於四
衢道或在巷陌街巷市店或在城內
僧所住處天祀中生形狀醜惡見者恐

怖而有神通其性輕軟不多為惡行
不淨施以是因緣故得神通以諸衆
生雜類牛羊犍鹿之肉設會與人以
是業緣故有神力乃至惡業不盡不
壞不朽故不得脫業盡得脫從此命
終隨業流轉受生死苦人身難得猶
如海龜遇浮木孔有微善業得生人
中墮於邊地如旃陀羅蠻夷之屬敗
食人肉餘業因緣故受斯報
復次比丘知業果報觀餓鬼世間彼
以聞慧觀食香烟諸餓鬼等以何業
故而生其中彼以聞慧知此衆生為
嫉妬心惡貪所覆商賈賣香見人買
香速須供養不以好香與彼買者乃
以劣香價不酬直心無淨信謂無惡
報不識諸佛真實福田如是惡人身
壞命終生食香烟夜叉鬼中而有神
通身著香鬘塗香末香妓樂自娛或
生神廟四交巷中寺舍林間遊戲之
處重閣樓櫓皆遍遊行世間愚人恭
敬礼拜燒沉水等種種諸香而供養
之以前世時商賈賣香令人供養勝
上福田非心田故若於佛法僧中行

少布施得大果報譬如左拍隨樹其子甚小種之良地成樹甚大枝條四布若於佛法僧福田之中行布施者得大果報亦復如是福田力故如是夜叉有神通力而得樂報於鬼世界得脫苦已從此命終隨業流轉受於生死人身難得猶如海龜遇浮木孔若生人中生貧窮家其身香氣而似香塗以餘業故受如斯報復次比丘知業果報觀餓鬼世間彼以聞慧觀於疾行諸餓鬼等以何業故而生其中彼以聞慧知此衆生貪嫉覆心或為沙門破所受戒而被法服自遊聚落諂誑求財言為病者隨病供給竟不施與便自食之為乞求故嚴飾衣服過諸城邑廣求所須不施病者以是因緣身壞命終墮於惡道生阿毗遮羅餓鬼之中

阿毗遮羅餓鬼
義言疾行

鬼身已於不淨處噉食不淨常患飢渴自燒其身若有衆生行不淨者如是餓鬼則多惱之自現其身為作怖畏而求人便或示惡夢令其恐怖遊行塚間樂近死屍其身火燃烟焰俱

起若見世間疫病流行死亡者衆心

則喜悅若有惡呪喚之即來能為衆

生作不饒益其行迅疾一念能至百

千由旬是故名為疾行餓鬼凡世愚

人所共供養咸皆号之以為大力神

通夜又如是種種為人殃禍令人怖

畏乃至惡業不盡不壞不朽故不得

脫業盡得脫從此命終隨業流轉受

生死苦若生人中生呪師家屬諸鬼

神守鬼神廟以餘業故受如斯報

復次比丘知業果報觀餓鬼世間彼

以聞慧觀於伺便諸餓鬼等常求人

短以何業故而生其中彼以聞慧知

此衆生貪嫉覆心誣枉衆生而取財

物或作鬪諍恐怖逼人侵他財物於

村落城邑劫奪他物常求人便欲行

劫盜不行布施不修福業不親良友

常懷嫉妬貪奪他財見他財物心懷

惡毒知識善友兄弟親族常懷憎嫉

衆人見之咸共指之為弊惡人是人

身壞墮於惡道受坐陀羅餓鬼之身

坐陀羅餓鬼言孔此樹花遍身毛孔自然火焰焚此樹花燒其身如甄斜迦樹花盛之時此樹花

果色故以前之為飢渴火常燒其身呻呿悲叫

奔突而走求索飲食欲以自濟世有
愚人逆塔而行若見天廟順行恭敬
如是之人此鬼得便入人身中食人
氣力若復有人近房欲穢是鬼得便
入其身中食人氣力以自活命自餘
一切悉不得食乃至惡業不盡不壞
不朽故不得脫業盡得脫從此命終
隨業流轉受生死苦若生人中多遭
衆難王難水難火難賊難飢儉之難
常生貧窮下賤之處多諸病苦身體
尪羸以餘業故受如斯報

復次比丘知業果報觀餓鬼世間彼
以聞慧觀於地下黑闇之處諸餓鬼
等以何業故而生其中彼以聞慧知
此衆生愚癡造惡貪嫉覆心枉法求
財繫縛於人置闇牢中令其黑闇目
無所見互相呼聲音常哀酸在於獄
縛受大憂苦無人救護如是惡人身
壞命終墮黑闇裏生餓鬼中在於地
下黑闇之處有大惡蛇遍滿其中受
身長大長二十里風寒噤戰飢渴燒
身頭駸遽亂身體羸瘦打棒其身皆

悉破壞行大嶮難黑闇之處受大劇苦惆悵奔走唯獨無侶猛風勁切猶如刀割以惡業故求死不得乃至惡業不盡不壞不朽故不得脫業盡得脫從此命終隨業流轉受生死苦人身難得猶如海龜遇浮木孔若生人中多處深山幽嶮海側不見日月生此國土其目盲冥無所見了貧窮下賤乞求自活以餘業故受如斯報復次比丘知業果報觀餓鬼世間彼以聞慧見有餓鬼名曰神通大力光明以何業故而生其中彼以聞慧知此衆生妄語誑人貪嫉破壞偷盜他財誑人取物或恃勢力強奪人財賜諸惡友不施福田不淨布施為求恩故為求救故為節會故為急難故為親附故為如是等是為不淨施是人身壞命終之後生於大力神通鬼中受鬼身已多有無量苦惱餓鬼圍遶左右在於深山或處海渚生處其中神力自在唯此一鬼受第一樂自餘眷屬身如燒林飢渴火逼皆共瞻視是受樂鬼不淨施報業盡得脫從此

命終隨業流轉受諸生死人身難得
猶如海龜遇浮木孔若得為人於飢
饑世統領國土或為大臣以餘業故
受如斯報

復次比丘知業果報觀餓鬼世間彼
以聞慧觀夜熾然諸餓鬼等火從身
出呻嗥悲叫奔突而走至諸城邑村
落人間山林住處身如火聚飢渴火
然以何業故而生其中彼以聞慧知
此衆生貪嫉覆心破壞他人妄語誑
人枉奪人財破人城郭殺害人民令
他眷屬宗親散壞抄掠得財持奉王
者大臣豪貴得王勢力王善其能稱
歎讚美轉增兇暴如上所說如是惡
人身壞命終墮閻婆隸餓鬼之中

聞婆隸

言熾然

以前世時夜行劫奪繫縛於人加

諸楚毒以是因緣夜則遍身熾然火
起以前世時繫縛於人嗥哭叫喚以
是因緣熾火燃身悲聲大叫惡業不
盡故使不死乃至惡業不盡不壞不
朽故不得脫從此命終隨業流轉人
身難得如海中龜值浮木孔若得人
身常為他人之所破壞設有財物多

為王賊侵陵劫奪若登高危或昇林
樹顛墜傷身以餘業故受如是報
復次比丘知業果報觀餓鬼世間彼
以聞慧見有餓鬼常求人便伺求其
短殺害嬰兒以何業故而生其中彼
以聞慧知此衆生前世之時為他惡
人殺其嬰兒心生大怒即作願言我
當來世作夜叉身報殺其子如是惡
人身壞命終墮於惡道受蚩陀羅餓
鬼之身

蚩陀羅餓鬼
言伺便鬼

常念怨家瞋恚含毒

求諸婦女產生之處伺嬰兒便而斷
其命此鬼勢力神通自在若聞血氣
於須臾頃能行至於百千由旬若婦
人產以微細身而求其便以瞋恚心
常求其便處處追逐欲殺嬰兒求其
害便如是餓鬼遍一切處求小兒便
覓其因緣若母犯過育養失法得其
子便若不淨穢汙為鬼得便闚視窓
牖或復門中大小便處不淨水邊呪
中求短求彼所忌若見影像若衣不
淨若火若水若地若刀若求喜慶若
臨高巖若上高閣上下求便如是種
種常求其便忿怒之心常不捨離如

上所說若得其便能害嬰兒若不得便至於十歲種種求便猶殺不捨如是不善自纏其心飢渴燒身不能殺害若得其便則斷其命若此小兒有強善業或為善神之所擁護不能殺害彼鬼瞋心從此命終隨業流轉受生死苦人身難得猶如海龜值浮木孔若生人中宿業瞋習然結所縛無緣之處悉如怨家種種方便求他短闕以餘業故受如是報

正法念處經卷第十六

癸卯歲高麗國大藏都監奉
勅彫造

正法念處經卷第十七

篇

餓鬼品之二

元魏婆羅門瞿曇般若流支譯

復次比丘知業果報觀餓鬼世間彼

以聞慧觀於迦摩餓鬼

迦摩即靈法
經言欲色

以何業故而生其中彼以聞慧知此
衆生若男若女若黃門人著種種衣
而自嚴飾服女人衣行姪女法若人
欲發興之交會因此事故而得財物
施與凡人非福田慶不淨心施以是
因緣身壞命終生於欲色餓鬼之中
受鬼身已種種嚴飾隨意所念皆得
從心欲善則美欲惡則醜若其欲作
愛不愛色恚能為之或作男子顏容
端正或作女人姿首美妙或作畜生
相貌殊異能作種種上妙莊嚴能遍
遊行一切方所若得食飲能食無忌
少行施故能以微細之身盜入人家
以求飲食世人說言毗舍闍鬼盜我
飲食或作人身入他節會或作鳥身
食人祭飯其身細密人不能見此鬼
如是隨意能現種種衆色世人皆名

如意夜又或作女身與人交會如是種種莊嚴誑人行於人間在鬼道中乃至惡業不盡不壞不朽故不得脫業盡得脫從此命終隨業流轉受生死苦人身難得如海中龜值浮木孔若生為人墮伎兒中著種種衣縱逸遊戲以求活命自以已妻令他從事而求財物以餘業故受如斯報復次比丘知業果報觀餓鬼世間彼以聞慧觀於海渚諸餓鬼等以何業故而生其中彼以聞慧知此衆生前世之時見有行人欲過曠野病苦疲極於是人所多取其價與直薄少以惡貪故巧詐欺誑曠野空乏遠行之人以是因緣生海渚中是海渚中無有樹林陂池河水其處甚熱於彼冬日甚熱毒盛欲比人間夏時之熱過踰十倍唯以朝露而自活命雖住海渚不能得水以惡業故見海枯竭設見樹林皆悉熾然大火焰起堅心斷絕衆惡臻集無有安隱飢渴燒身呻嗟悲惱自心所誑憂憂奔走悲聲叫絕無救無護無依無恃踉蹌遽亂身

體羸瘦一切身脉皆悉震現猶如羅網所至之處皆悉空竭無救無歸無依無怙惡業不盡不壞不朽故使不死業盡得脫從此命終隨業流轉受生死苦人身難得如海中龜值浮木孔若生人中生在海渚或有一足或復短足困乏漿水以餘業故受如斯報

復次比丘知業果報觀餓鬼世間彼以聞慧觀於閻羅執杖餓鬼以何業故而生其中彼以聞慧知此衆生以慳嫉故自壞其心親近國王大臣豪貴專行暴惡心無慈悲不行正理為諸賢善之所輕毀如是惡人身壞命終受閻羅王執杖鬼身於鬼世界為閻羅王超走給使若有衆生造諸惡業時閻羅王即令此鬼錄其精神此鬼身色醜惡可畏手執刀杖頭鬚蓬亂倒髮覆身長脣下垂耽耳大腹高聲大叫以怖諸鬼手執利刀擬諸罪人反執其手以繩縛之將詣王所白大王言我於人中攝此罪人來至於此大三此人前世行不善業身業不

善口業不善意業不善願三呵責時
閻羅王即說偈頌而呵責言

汝是人中愚癡輩 種種惡業自在嚴

汝今何不修善行 如至寶渚空歸還

善業因緣得樂果 樂果因緣生善心

一切諸法隨心轉 流轉生死常不斷

一切諸行悉無常 猶如水泡不堅固

若能如是修正法 是人未來得勝報

若有人能常修善 捨離一切諸惡業

是人則不至我所 乘階上生受天報

若人愚癡無覺悟 愛樂惡業至我所

能捨惡業詣不善 是人則行第一道

若見世間諸業果 亦是天上種種樂

如是猶起放逸心 是人不名自愛身

為利誑故造惡業 放恣一切身口意

如是人等行各異 汝今業對至我所

汝為眾惡所誑惑 早定行於嶮惡道

若人愛樂造惡業 未來人身甚難得

若人遠離眾惡業 意行善法心愛樂

此人現世常安樂 必得涅槃解脫果

若有眾生習善行 於世間中取殊勝

若人習學不善業 一切世間取大惡

若有智慧行善人 能離初中後惡法

若有造習衆惡業

則入地獄受苦報

能以善法調諸根

則獲世間淨勝法

是人身壞命終時

上生天宮受快樂

業繫縛汝甚堅牢

閻羅使者之所持

送至恐怖諸惡道

閻羅世界大苦處

汝於前世作衆惡

此業今當還自受

自作自受不爲他

若他所作非已報

如是閻羅王呵責罪人已使者將出

以此罪人自作惡業自業所誑將受

果報種種苦惱楚毒治之飢渴所逼

但食風氣惡業不盡故使不死從此

得脫隨業流轉受生死苦若衆人中

生在邊戍幽山嶮谷深河峻岸危怖

之處有自在者行於此路令其引導

以餘業故受斯罪報

復次行者內觀於法云何比丘觀於

五地彼以聞慧明眼觀察十種色入何

等爲十一者眼入二者色入三者耳

入四者聲入五者鼻入六者香入七

者舌入八者味入九者身入十者觸

入云何比丘眼緣色相比丘觀眼緣

色而生於識三法和合而生於觸觸

共受想思識者觸相觸者覺相受

者知相想者如長短愛不愛現見相

對等思者識知一緣而各各相

思有三
或色非色

各各自體如十大地法何等為十一

者受二者想三者思四者觸五者作

意六者欲七者解脫八者念九者三

昧十者慧一緣而各各相識等十一

法亦如是猶如日光一起衆光自體

各各別異如識自體異乃至思亦如

是彼比丘如實知色入觀眼空無所

有無堅無實比丘如是如實知道離

於邪見正見心喜眼離癡垢實見其

眼但是肉段癡無所知但是淚竅如

實知已離於欲心觀眼無常知無常

已但是肉團住在孔穴如實知眼筋

脉纏縛當知衆緣和合而有眼入如

是眼者無有見者無我無知乃至若

亦如是觀眼入已得離欲意是比丘

如實觀察眼入已分別觀色如是色

者愛以不愛皆忘無記以分別生何

法可見何者為淨何者是常何者可

貪比丘如是思惟觀察如實知色非

有非樂如是思惟觀察色相無堅無

實以分別生愛不愛等非實有耶一

切衆生於愛不愛虛妄貪著如此色者非有自體非常非有非真非樂非不壞法非堅非我以貪欲瞋癡自覆心故生愛不愛非色有愛有不愛耶以憶念生故比丘如是觀於色入見名色已不貪不染不迷不取知色無堅彼比丘如是觀眼觀色入已不著眼識得離欲穢眼識非我我非眼識觸受想思亦復如是

觀色第三地
於十三不相開

復次比丘知業果報觀餓鬼世間彼以聞慧觀取小兒諸餓鬼等以何業故而生其中彼以聞慧知此衆生忌術呪龍為除災電誑惑病人呪術夜叉取人財物或復殺羊如是之人身壞命終墮活地獄受無量苦從地獄出生婆羅婆又餓鬼之中

婆羅婆又復
魏云食小兒

有衆生殺生餘報生在人中為此餓鬼偷而食之或至產婦所住之處取彼嬰兒或匍匐時或始行時如是餓鬼偷諸小兒次第食之若得其便即能斷命若無殺業莫能為害如他頌曰惡業繫縛受惡果 若行善業受樂報業繩長堅繫縛人 縛諸衆生不得脫

不得安隱涅槃城

長流三有受衆苦

能以智刁斬斯業

必得解脫諸熱惱

以斷業繩無繫縛

得至無為寂靜處

如魚入網為人牽

愛縛衆生死亦余

如人毒箭中野鹿

其鹿狂怖走東西

毒藥既行不能脫

愛縛衆生亦如是

常隨衆生不放捨

觀愛如毒應遠離

愚癡凡夫為愛燒

猶如大火焚乾薪

是愛初染難覺知

得報如火自燒滅

若欲常樂心安隱

應捨愛結離諸著

如魚吞鈎命不久

愛結縛人亦如是

縛諸衆生詣惡道

墮於餓鬼飢渴逼

餓鬼世界諸苦惱

處處逃遁而奔走

地獄趣中受苦者

皆由愛結因緣故

若諸貧窮困病人

求索朝食自存濟

皆由愛結因緣故

受斯苦報聖所說

如是具觀一切貪嫉

因緣界報於生

死中得生厭離棄捨

諸欲

復次比丘知業果報

觀餓鬼世間彼

以聞慧觀於食人精

氣諸餓鬼等以

何業故而生其中彼

以聞慧知此衆

生於前世時巧辯誑

人詐言親友我

為汝護其人聞已策

心勇力是時彼

人令他人敵欲喪其命捨之而去竟不救護欲於主所取其財物時被誑者沒陣而死彼人以是不善因緣身壞命終墮於食人精氣餓鬼之中受大飢渴自燒其身刀斫其體皮肉斷壞從空雨刀遍走四方無逃避處若見有人行惡無信不奉三寶即得彼侵入其身中食噉精氣以自濟命求之甚難因不能得或至十年或二十年乃得一便常困飢渴自作惡業還自受之惡業不盡故使不死乃至惡業不盡不失不朽故不得脫業盡得脫從此命終生於人中常守天祀貧窮困厄不得自在食噉殘祀以餘業故依他自活

復次比丘知業果報觀餓鬼世間彼以聞慧見有餓鬼名梵羅刹以何業故而生其中彼以聞慧知此衆生前世之時殺害生命以為大會謂其希有販賣飯食賤取貴賣貪嫉破壞如是衆生身壞命終墮餓鬼中名婆羅門羅刹餓鬼為飢渴火焚燒其身馳奔疾走現覩人像殺害衆生或住空

巷衢道四交路首以求人便諳婆羅
門殺生設會多生其中或自藏身以
殺害人或入人身中以斷人命呪術
人言鬼神著人入人身已令人心亂
枉惑無知如是惡業常作衆惡飢渴
燒身受大苦惱住餓鬼界乃至惡業
不盡不壞不朽故不得脫業盡命終
餘業因緣生在人中常食人肉或飲
人血以餘業故受如斯報

復次比丘知業果報觀餓鬼世間彼
以聞慧觀火爐中食諸餓鬼等以何
業故生於彼處彼以聞慧知此衆生
遠離善友貪嫉覆心喜噉僧食如是
之人身壞命終墮於地獄受無量苦
從地獄出生於君荼餓鬼之中

君荼餓
鬼大渴

既生之後飢渴燒身如火焚林周遍
奔走而求飲食自業所誑於天寺中
被燒殘食合火而噉心常憶念火爐
殘食飢渴燒身二火俱起呻吟嗥叫
作諸惡業決定成熟乃至惡業不盡
猶不得脫業盡得脫餘業因緣生於
人中貧窮多病隨其行處常為火燒
野火所焚以餘業因緣受如斯報

復次比丘知業果報觀餓鬼世間彼以聞慧觀多行嫉妬習於遍業究竟成業墮餓鬼道生於不淨巷陌之中以何業行生於彼處彼以聞慧見此衆生慳嫉覆心以不淨食與諸梵行清淨之人以是因緣身壞命終生於不淨囉他餓鬼之中

淨他觀言卷四

若於晝日

人不能見若人夜行則多見之若城邑聚落衆聚之處若住瞻野行軍廁昇穢惡之處虫蛆滿中臭處不淨若人見者惡不欲觀歐吐捨去而是餓鬼生在其中由前世時以不淨食持與衆僧以是因緣生不淨處受大苦惱雖處其中常不得食有諸惡鬼手執利刀刃出火焰在傍守護常因飢渴一月半月乃得一食猶不得飽設得食飽守糞諸鬼強打令吐飢渴燒身呻呼哀叫交橫馳走憂惱悲泣即以伽他而說頌曰

種子不善因緣故 獲得憂苦惡果報

因果之性相相似 惡業因緣得苦報

為惡業鈎之所牽 如魚吞鈎入惡道

吞鈎之魚尚可脫 惡業牽人無免者

諸業大力牽衆生 不善業繩之所縛
將詣餓鬼世界中 具受諸大飢渴苦
諸餓鬼等飢渴苦 過於火刀及毒藥
如是飢渴有大力 無量飢渴惱衆生
無一念時得休息 晝夜苦惱常不離
乃至不得微少樂 常受種種諸辛苦
以作苦業因緣故 生惡道中受苦報
於此苦報難得脫 何時當得受安樂
所見諸泉悉無水 一切陂池皆枯竭
處處逃奔求水漿 往至諸河悉不見
我所行處求諸水 山林曠野無不遍
隨所至處望水飲 求覓少水不能得
飢渴之火燒我身 無歸無救受大苦
如是餓鬼自業所誑呻喚哀嚶乃至
惡業不盡故不得脫報盡命終以餘
業故生於人中受諸婬女婦女之身
若得男身生除糞家身服女人所著
之衣行女人法以餘業故
復次比丘知業果報觀餓鬼世間以
何業故生於食風餓鬼之中彼以間
慧知此衆生見諸沙門婆羅門貧窮
病人來乞求者許施其食及其來至
竟不施與今此沙門及婆羅門貧窮

病人飢虛渴之如觸冷風彼妄語人
身壞命終墮於婆移婆叉鬼言餓鬼之食風
中既受鬼身飢渴苦惱如活地獄等
無有異奔走四方無所惴望無人救
護無依無怙自心所誑於遠方處適
見飲食在於林間及僧住處奔走往
趣疲極困乏飢渴倍常張口求食風
從口入以為飲食以惡業緣故使不
死惡業持身妄見食想猶如渴鹿見
陽焰時謂之為水空無所有如旋火
輪以前世時虛誑許人而竟不與以
此報故但眼見食而不能得伽他
頌曰

因果相似聖所說 善因善果則成就
善因則不受惡果 惡因終不受善報
因緣相順縛衆生 生死相續如鈎鑊
生死繫縛諸衆生 輪迴諸趣莫能脫
若能斷除諸繫縛 堅牢鈎鑊業煩惱
是人能至寂靜處 永斷一切諸憂惱
其人如是受相似因苦報之時自心
所誑奔揆馳走常食風氣以自治命
乃至惡業不盡不壞不朽故不得脫
業盡命終生於人中貧窮下賤人所

輕忽常為衆人許施房舍飲食衣物而無與者聞他許時心悅望得至後不獲轉懷憂結受二種苦一者飢渴二者憂惱受大苦惱以餘業故受如斯報伽他頌曰

如是衆生惡業熏具受種種諸苦惱如糞所熏甚可惡如是惡業應捨離善法所熏寂殊勝能永離於惡道若如瞻蔔花熏香油花雖滅壞香油在復次比丘知業果報觀餓鬼世間彼以聞慧觀食火炭諸餓鬼等以何業故而生其中彼以聞慧知此衆生典主形獄貪嫉覆心打縛衆生禁其飯食令他飢渴取食泥土以續生命此典獄人以是因緣身燒命終墮於食火餓鬼之中常至塚間取燒屍火猶不能足如是惡業因時悅樂受報極惱心不愛樂不淨可惡愛毒勢力因緣和合受於食火餓鬼之身若得食火少除飢惱如人以水滅世間火比丘如是觀時於世愛欲深生厭離不樂與俱作是念言愚癡凡夫為愛所使不得自在食火除飢無法可喻受

餓鬼身乃至惡業不盡不壞故不得脫業盡命終生於人中常生邊地飢餓之處所食鹿惡無有美味不識滋味以餘業故受如斯報

復次比丘知業果報觀餓鬼世間彼以聞慧觀於食毒諸餓鬼等以何業故生於其中彼以聞慧知此衆生貪嫉覆心以毒食人令其喪命取其財物如是惡人身壞命終墮活地獄具受衆苦從地獄出生於食毒餓鬼之中在於民隄山窟之內或在波梨耶多幽嶮山中或生冰山極冷之處或在摩羅耶山極熱惡難多有毒處無有漿水多饒毒藥寒則冰凍熱則毒盛甚可怖畏叢石峻巖師子猛虎所居之處而生其中寒苦極惱過人百信夏日熱惱百倍於人感夏五日空中雨火燒其身體極冬寒至於虛空中五日雨刀以惡業故空中雨火及兩刀劍住嶮難處為飢渴火焚燒其身叫喚悲惱以毒藥丸而自食之食已即死惡業不盡即便還活既得活已飢渴倍前呻哭悲哀有利鵞鳥來

啄其眼受大苦痛舉聲大叫鳥啄食已眼復還生如是受苦乃至惡業不盡不壞不朽故不得脫業盡命終生於人中文道巷陌以自存活惡業所熏猶行蠱毒還墮活等大地獄中以餘業故

復次比丘知業果報觀餓鬼世間彼以聞慧觀於曠野諸餓鬼等以何業故而生其中彼以聞慧知此衆生以前世時於曠野無水嶮難之處日光焰暑求福之人種殖林樹及造湖池以給行路有諸群賊決去池水令道行者疲極渴乏氣力微劣破壞劫剥奪其財物嫉妬覆心不肯布施如是之人身壞命終墮阿吒毗

魏言曠野餓鬼之

中大火燒身如燃燈樹日光焰曝走於曠野叫喚求水及求飲食求哀自救如是餓鬼以惡業故遙見陽焰謂是清水平住湛然疾走往趣望得水飲不計疲極所至之處但見空地了無有水何以故陽焰之中性自無水云何而得是鬼悵惶走於曠野荆棘惡判貫其兩足疲極望水悶絕躄地

惡業力故死已復生飢渴惱逼過前十
十倍未起之間烏鴉鵲驚覺啄其眼
食其身肉分張鍰裂破散身骨三苦
普至受大苦惱無歸無救手相悲告
即以伽他而說頌曰

鵲驚烏鴉諸惡鳥 金剛利喙啄我身
鍰裂破壞無全處 具受衆苦無救護
諸業如影不離身 如昔惡業今受報
我等宿害行路人 以是今受大苦惱
業園所繞業繩羅 不見有可求脫處
唯有惡業盡壞時 乃能脫此大苦惱
惡業能將諸衆生 業牽今至可畏處
惡業能隨至何所 至受果時惡業熟
業縛衆生遊三界 輪轉無窮無休息
若行善業捨衆惡 則離衆苦無饒益
若人不愛諸惡業 觀之如火不貪著
是人不至餓鬼趣 不為飢渴火所燒
於須臾時常增長 飢渴苦痛念念生
身體熾火照山谷 猶如大火燒山林
野火焚燒大山林 大龍降雨則能滅
劫火一起海水竭 我火不可如是滅
業薪因緣生此火 為愛欲風之所吹
此惡業火燒我身 周遍圍遠無空餘

持戒精進智慧水

以布施瓶而盛之

寂滅大人持此水

能滅三界諸業火

若為三業之所使

三業流轉行諸有

是人迴旋行三處

如是三法之所誑

三十六業所驅使

不能離於四十行

九十八種諸結使

如是等法行三界

以一百八明智慧

思惟十二之深義

若人能知法非法

是人則得無量樂

若有可能知二種相

思惟二八特勝行

思惟十六特勝已

是人遠離眾惡道

若人能見二種道

是為四法究竟人

已得超越四流海

是人覺悟無眾惱

能善修行八聖道

十力之義善知見

善知二苦之因緣

是人則到無生處

若人善達二諦義

能善思惟四念處

能觀過去未來世

不為魔網所障導

我為惡業之所使

遠離眾善白淨法

到諸餓鬼世界中

自造惡業癡所惑

如是有諸餓鬼利根智慧有少善業

憶念本行數數呵責諸餓鬼等雖復

呵責諸餓鬼等然其惡業猶不得脫

乃至惡業不盡不壞不朽故不得脫

業盡命終生於人中常行山嶮隨逐

群鹿以餘業故

復次比丘知業果報觀餓鬼世間彼以聞慧見塚間住諸餓鬼等以何業故而生其中彼以聞慧知此衆生貪嫉覆心見有信人持花施佛盜取此花賣之自供此人以是惡業因緣身壞命終墮餓鬼中受於塚間餓鬼之身飢渴熱惱常食燒死人屎熱灰熱土一月之中乃得一食或得不得頭冠鐵鬘火焰俱起頭面鬻體皆悉融爛燒已復生次著鐵鬘以貫頭上火焰復起燒燃咽習一切身分從內出火遍燒其身以前世時盜佛花鬘故獲斯報受身醜惡身上火起諸虫啖食有異羅刹來至其所以杖打棒刀斫其身痛急嗥叫受三種苦何等為三一者飢渴二者鐵鬘三者羅刹刀杖打斫以惡業故受如是報憂悲苦惱即以伽他而說頌曰

我受飢渴諸辛苦 鐵鬘貫身火熾燃
刀杖打斫第三苦 具受如是諸憂惱
我為自心之所誑 為諸惡業癡所惑
今日受斯餓鬼苦 永離知識及親族

非是知識及妻室 亦非男女諸眷屬
能救我此業繫苦 是業大力不可奪
苦樂由業非他作 我今受斯三種業
布施持戒及聞法 我得聞已不修故
我為癡網所覆故 造作種種眾惡業
第一惡業因緣故 我今受斯大苦報
我今若得免離此 餓鬼世界大苦處
如是惡業未來世 乃至失命願不作
是時餓鬼如是說 已大苦所壓悔本
造業乃至惡業不盡不壞不朽故
不得脫業盡命終生於人中墮旃陁
羅家者見鬼膾擔負死屍以餘業故
受如斯報

復次比丘知業果報觀餓鬼世間彼
以聞慧觀樹中住諸餓鬼等以何業
故而生其中彼以聞慧知此眾生於
前世時見人種植福德林樹為遠行
者及病困人以貪嫉心斫伐取材及
盜眾僧園林樹木此人以是不善因
緣身壞命終墮毗利羖餓鬼之中
毗利羖
生在在樹中以惡業故寒則大寒熱
則大熱逼迫壓身如賊木虫受大苦
惱身體萎熟為諸虫蟻啖食其身若

有以食棄之於樹得而食之以自治
命於餓鬼中受諸辛苦惡業不盡不
壞不朽故不得脫業盡命終生於人
中常賣藥草材木花葉以自存活為
他所使不得自在受大苦惱以餘業
故受如斯報

復次比丘知業果報觀餓鬼世間見
有餓鬼住四交道因以為名以何業
故而生其中彼以聞慧知此衆生貪
嫉壞心盜他行糧取已含笑拾之而
去其人失糧行於曠野受大飢渴如
是之人以此惡業身壞命終墮遮多
波他

魏言
交道

餓鬼之中以惡業故自然

而有鐵鋸截身縱橫四徹飢渴燒身
若諸世間多病因緣交道設祀凡夫
愚癡不識因果行於惡見交道祭祀
後病得差謂是鬼恩是交道鬼因此
祭食以自濟命若是餘飯則不能食
惡業不盡故使不死乃至惡業不盡
不壞不朽故不得脫業盡命終生在
人中貧窮下賤生於屠兒殺羊之家
以餘業故受如斯報

復次比丘知業果報觀餓鬼世間彼

以聞慧見諸衆生行於邪道諂曲作惡行於惡因說邪見法謂是真諦不信正法如是之人身壞命終墮魔羅身餓鬼之中受惡鬼身若諸比丘行時食時及坐禪時是魔羅鬼為作亂心妨尋之事或發惡聲令其恐怖為作惡夢如是餓鬼為魔所攝憎嫉正法專行暴惡以此現造惡業緣故大熱鐵搏從口中入如地獄人等無有異吞取熱鐵受大苦惱無有休息從此魔羅迦耶鬼中命終之後墮地獄中多劫受苦或滿十劫或二十劫如是決定在三惡道或被燒炙或受打棒為他食取人身難得猶如海龜遇浮木孔若生人中盲冥瘖瘡聾頑無知一切衆衰無量病惱莊嚴其身貧窮下賤以餘業故受如斯報復次比丘知業果報觀餓鬼世間以聞慧觀如是略說餓鬼之處若分別說有無量種眷屬餓鬼有住海中有住海渚有住閻浮提有住瞿陀尼有住弗婆提有住鬱單羅越等大洲中間之所住處但以一名門說有種種

名門有羅刹鬼鳩槃荼鬼毗舍闍鬼
知彼鬼神微細業行各以何業而生
彼處食何等食以何等行何所欲樂
如是餓鬼以何緣故而生此處皆由
不能調伏心之獼猴行不調柔猶如
鳥耳無有住時如鳥在林為人所射
聞別趣技從一至一於一切境界常
伺不息猶如大風吹動諸塵是心可
畏如師子獸如虎如豹如蛇如毒尚
可調伏是心難調復過於此隨所造
業得相似果是心如是難可覺知
如是染心縛諸衆生若心清淨則得
解脫是心如王諸根圍遶以為眷屬
由心造業業因緣果以果因緣故有
五道心如機關諸根如絲五根及心
不善調御行於惡道若能善調作諸
善業生天人中乃至證得不動涅槃
比丘如是觀微細心行隨順觀察如
是觀已於生死中得大猷離是比丘
先已觀地獄苦獸離生死次觀餓鬼
世間種種衆苦得入苦聖諦得苦諦
無尋行未得無尋道證
復次修行者內觀於法順法修行彼

比丘如實觀業果報先已分別觀諸
地獄次觀餓鬼諸道差別如實見諸
生死過患甚可惡賤如是觀已離魔
境界歇捨生死起精進力以求涅槃
成就具足得十五地既成就已尔時
地神諸夜叉等心大歡喜告虛空夜
叉虛空夜叉聞已歡喜告四大天王
時四天王聞已歡喜告三十三天帝
釋眷屬聞已歡喜告夜摩天夜摩天
等聞已歡喜告兜率陀天兜率諸天
聞已歡喜告化樂天化樂諸天聞已
歡喜告他化自在天如是欲界次第
相告其聲展轉從梵身天乃至光音
天咸作此言閻浮提中某國某城某
村某邑某種姓中某善男子剷除顛
踣以信出家離魔境界欲破魔軍今
魔使者生大怖畏能動一切諸煩惱
山入於正道欲放光明今得如是十
五地行時光音天聞是語已皆大歡
喜告餘天衆汝等諸天應生歡喜增
長正法滅損諸魔及魔眷屬令正法
河流注不斷竭邪見池調伏貪欲瞋
恚愚癡摧滅邪徒紹隆正法欲散生

死欲界天子聞此語已甚大歡喜讚
說之音如是次第展轉相告乃至光
音一切天衆比丘如是勤修精進心
不休息端直不詭遠離邪曲如是求
涅槃城善音名稱遍諸天衆

正法念處經卷第十七

無量壽

癸卯歲高麗國大藏部監奉
勅彫造

正法念處經卷第十八

牛篇

畜生品第五之一

元魏婆羅門瞿曇般若流支譯

復次比丘知業果報如實觀諸地獄
知業果報一百三十六地獄中衆生
壽命長短增減如實知已觀第二道
無量餓鬼略而說之三十六種及觀
業行亦如實知彼以聞慧觀諸畜生
種類差別三十四億隨心自在生於
五道於五道中畜生種類其數最多
種種相貌種種色類行食不同群飛
各異憎愛違順伴行雙隻同生共遊
所謂飛禽及諸走獸烏鵲鵝鴈鴻鳥
衆類異群別遊不相怨害狐狗野干
等互相憎嫉烏與白鷄馬及水牛虬
蛇鼯等共相殘害形相不同行食各
異以何業故種種形相行食各異彼
以聞慧觀是衆生為種種心之所役
使作種種業入種種道散種種食觀
察彼等以何因故各各異類共相憎
嫉即以聞慧知此衆生於前世時以
邪見故習學邪法復有衆生亦學邪

法而生邪慢以邪見論邪見譬喻手相
諍論雖共談論無所利益無有安樂
亦非善道如是二人身壞命終墮於
地獄受無量苦從地獄出以本怨憎
墮畜生中是故怨對還相殺害所謂
舩地黃鼯馬及水牛烏角鷄等

復次比丘知業果報觀諸畜生以何
業故畜生之類相隨無害即以聞慧
知此衆生於人中時為生死故行布
施時尋共發願於當來世常為夫妻
是人身壞命終之後生畜生中而有
少樂非大苦惱謂命命鳥鴛鴦鴿鳥
多樂受欲以業因故

復次比丘知業果報觀諸畜生狐狗
野干以何業故性相憎害即以聞慧
知此衆生於人中時於諸善人出家
人所汙其淨食常戲鬧諍貪心因緣
身壞命終墮畜生中受於野干狐狗
之身手相憎嫉

復次比丘知業果報觀諸麀鹿以何
業故而生彼處即以聞慧知此衆生
為前世時喜作強賊擊鼓吹貝至於
城邑聚落村營破壞人柵作大音聲

加諸恐怖如是之人身壞命終墮於地獄具受衆苦從地獄出生摩竭中心常怖畏以本宿世破人村落令他恐怖是故生於曠野山林常多恐怖以業力故若生人中心常恐怖小心怯弱多懷怖畏餘業緣故如是少分觀畜生處于相憎嫉以多業故共相殘害隨本業故

復次比丘知業果報觀諸畜生以何業故受化生身即以聞慧知此衆生於前世時為求絲絹養蠶殺蠶或煮或煮以水漬之生無量虫名火蟥虫有諸外道受邪齋法取此細虫置於火中供養諸天以求福德身壞命終墮於地獄具受衆苦從地獄出生於俱舍諸化生中種種異類

復次比丘知業果報觀諸畜生以何業故墮濕生中彼以聞慧知此衆生起惡邪見殺害龜鼈魚蟹蚌蛤及小池中多有細虫或酢中細虫或有惡人為貪財故殺諸細虫或邪見事天殺虫祭祀身壞命終墮於地獄具受衆苦不可稱計從地獄出受濕生身

或作蚊子或為蠶虱觀二種生已如是次第以微細心觀業果報觀於外生諸衆生等以何業故而生彼處若人未斷貪欲恚癡修學禪定得世俗通有因緣故起瞋恚心破壞國土是人身壞命終墮於地獄受無量苦從地獄出受於卵生飛鳥鵲鷲之形從此命終若生人中常多瞋恚以餘業故

復次比丘知業果報彼以聞慧觀諸畜生以何業故受胎生身若有衆生以欲愛心和合牛馬令其交會以自悅意或令他人邪行非礼是人身壞命終之後墮於地獄具受衆苦從地獄出受於胎生畜生之身若生人中受黃門身以餘業故

復次比丘觀十一種畜生已次觀四種衆生從地獄出受四種食何等為四一者搏食二者意思食三者觸食四者識愛食比丘思惟觀察四食果報以聞慧觀見有衆生以諸搏食與惡戒者及諸賊人既食之後令此賊人殺害除怨是賊受語即殺彼怨如

是惡人身壞命終墮於地獄具受衆苦從地獄出墮於段食畜生之中受水牛牛羊驢驘爲馬猪狗野干寧鹿犛牛烏鷄鵬鷲鵝鴨孔雀命命鴻鵠雜類衆鳥多處曠野嶮岸中生是名少分搏食衆生

復次比丘觀於觸食衆生之類住在穀中或初出穀以觸爲食復有衆鳥樂住水中依岸爲巢或穿河岸以爲窠窟敷產卵穀龍蛇等類以何業故而受觸食比丘觀察即以聞慧知此衆生於前世時心許行施思惟籌量後心還悔而不施與以不善業墮畜生中以本思心受觸食報

復次比丘觀於思食諸衆生等以何業故而受思食即以聞慧知衆生類謂赤魚子堤弥魚子錯魚等子螺螄蛤蚧思心爲食若母憶念則不飢渴身命增長以何業故而生此處即以聞慧知此衆生愚癡少智不識業果許施人物而語之言却後半月或至一月我當施汝財物飲食金銀珍寶時彼貧人聞其許施心生歡喜美言

讚歎一月半月望有所得時貧窮人
往至其家是時其人更作異語不復
不信如是惡人命終之後墮於憂喜
地獄之中具受衆苦從彼命終墮畜
生中意思為食以其前世許他貧人
令生歡喜後竟無實以是因緣若生
人中為人奴婢以餘業故

復次比丘知業果報觀諸畜生第四
識食即以聞慧見有畜生愛識苦惱
常憶飲食生曠野中受大鱗身蜥蜴
等身唯吸風氣復有光明天亦名愛
識憶食而非苦惱見食憶持隨念即
飽畜生憶食以何業故而受斯報即
以聞慧知此衆生或以多瞋或以多
癡殺害衆生彼人身壞生惡道中受
大鱗身以前世時好愛怨結自縛其
心以是因緣生畜生中受斯苦惱愛
識食風若生人中於無因處常懷瞋
恚而起鬭諍以餘業故

復次比丘知業果報觀無量無邊畜
生世間云何衆生受水虫身彼以聞
慧知此衆生愚癡少智無有慧心臨
命終時極患渴病貪愛念水身壞命

終隨於惡道受水虫身作種種魚是
人命終於中陰有見諸水時起心即
往生於水中取因緣有此中陰有分
若本不行布施持戒是人則生燄水
之中口常乾燥如觸灰汁以本業故
復次比丘知業果報觀諸飛鳥畜生
之類以何業故行於虛空無導之處
即以聞慧觀三種神通何等為三
一者解脫神通二者身行神通三者心
自在神通是解脫人隨心憶念若鳥行
地界若飛於空亦如地行非解脫法
諸佛如來神通之力如心念緣隨意
能至有三種作如是三種聖神通勝
復次比丘知業果報觀於畜生云何
觀於地獄畜生天人水行陸行空行
飛鳥走獸彼以聞慧觀地獄中種種
苦惱有二種畜生有衆生數非衆生
數衆生數者生於彼處被燒苦惱非
衆生數者地獄罪人以顛倒心見諸
大鳥於虛空中翱翔遊戲心即生念
願生此處隨念即生受飛鳥身具受
如上地獄苦惱以惡業報生地獄中
見諸師子形色可畏虎豹大鳥惡虫

鱗蛇大惡色者非衆生數以諸逼迫
害地獄人是衆生數業之所得令諸
罪人受大苦惱彼無苦惱畜生衆生
在地獄中為師子虎豹乃至鱗蛇之
所惱害

復次比丘知業果報觀飢渴燒身諸
餓鬼道有諸畜生受飢渴苦即以聞
慧見三十六種餓鬼道中生諸飛鳥
從人中死生於鳥中受鳥鷄鵲鷹
鷄等鳥害生之類從鳥中死生餓鬼
世間受餓鳥身飢渴燒身啄諸餓鬼
拔其眼出或破其頭而食其腦如是餓
鬼眼睛腦髓熱如融銅此等衆生皆
共食之以惡業故比丘如是觀餓鬼
鳥已即以伽他而呵責言

熱業得熱報具受諸大苦如是應捨離
此惡不善業勿造斯惡業貪嫉自破壞
若行貪嫉者墮餓鬼畜生中互相殘害
或打縛繫閉則受餓畜生故應捨愚癡
愚癡自壞心遠離於戒施為愛所誑惑
則墮畜生中不識行邪正食所不應食
應作而不作不解法非法五根癡頑鈍
但作畜生業

如是比丘觀諸畜生但有一業時所
繫縛流轉無量百千生死受畜生中
無量百千種種苦網之所繫縛畜生
一業無量因緣次第貪欲業繫不斷
生大海中深十由旬受於摩竭大魚
螺蚌蛤蚶提彌鯢羅那迦錯魚迭牙
相畏常懷恐怖多行姪欲愚癡因緣
非法邪行不識應行不應行處生大
海中為水焦惱常患飢渴互相殘害
惶怖相畏若多行瞋癡生大海中深
万由旬受毒龍身迭共瞋惱瞋心亂
心吐毒相害常行惡業龍所住城名
曰戲樂其城縱廣三千由旬龍王滿
中有二種龍王一者法行二者非法
行一護世界二壞世間於其城中法
行龍王所住之處常雨熱沙若熱沙
王所住之處常雨熱沙若熱沙著頂
熱如熾火焚燒宮殿及其眷屬皆悉
磨滅滅已復生

復次比丘知業果報觀龍世界雨熱
沙苦以何業因而受斯報即以聞慧
知此衆生於人中時愚癡之人以瞋
恚心焚燒僧房聚落城邑如是惡人

身壞命終墮於地獄受無量苦從地獄出生於龍中以前世時以火燒人村落僧房以是因緣受畜生身熱沙所燒

復次比丘觀龍世間以何業故生於彼處以何緣故不為熱沙之所燒害即以聞慧知此衆生於前世時受諸外道世間邪戒行於布施而不清淨如上所說七種不淨以瞋恚心願生龍中是人身壞命終之後墮戲樂城受龍王身生彼城已瞋恚心薄憶念福德隨順法行如是龍王其身不受熱沙之苦

復次比丘知業果報觀龍世間以何業故法行龍王生戲樂城戲樂城者為何等相即以聞慧觀法行龍王所住之城七寶城郭七寶色光諸池水中優波羅花衆花具足酥酪味食常受快樂香鬘瓔珞末香塗香莊嚴其身神通憶念隨意皆得然其頂上有龍蛇頭於其城中有諸法行龍王其名曰七頭龍王烏面龍王婆修吉龍王得叉迦龍王跋陀羅龍王

迦言靈醯

多龍王

魏言亦龍

鉢摩彌龍王雲鬘龍王阿

跋多龍王一切道龍王鉢婆呵龍王

魏言思龍如是等福德諸龍隨順法行以善

心故依時降雨令諸世間五穀成熟

豐樂安隱不降災電信佛法僧隨順

法行護衛舍利如是龍王無熱沙苦

受第一樂於四天下降澍甘雨謂閼

浮提瞿陀尼弗婆提瞿單越若人順

法孝養父母供養沙門及婆羅門修

行正法令法行龍王增長大力以法

勝故降微細雨五穀熟成色香味具

無諸災害果實繁茂衆花妙色日月

晶光威德明淨福德龍王不放毒風

閼浮提人有四因緣則多喪命何等

為四一者飢饉二者刀兵三者毒風

四者惡雨若諸世間隨順法行修諸

福德法行龍王增長大力不出惡雲

不降惡雨無惡風氣衆水調善稻穀

豈熟果味肥美色香味具食之無病

離諸飢惱色力具足四大安隱修行

善業以行善業助其果報田稼豐熟

法行龍王如是次第擁護順法修善

衆生觀閼浮提已觀瞿陀尼云何順

法龍王護瞿陀尼瞿陀尼界衆生心
軟唯有一惡以水濁因緣食之夭命
順法龍王於彼世界不雨濁水瞿陀
尼人食清水故得無病惱以龍力故
復次比丘知業果報觀弗婆提法行
龍王云何與樂彼以聞慧知弗婆提
人若聞雷聲若見電光以心軟故即
得病苦法行龍王於彼世界不作雷
音不放電光今弗婆提人不遭病苦
龍王力故

復次比丘知業果報觀鬱單越人云
何衰惱彼以聞慧知鬱單越人者遇
黑雲冷風所吹香花不敷既見花合
心懷憂惱黑雲起故僧迦賒山鳥鳴
鹿惡衆樂音聲悉無美音於惡龍所
得此衰惱法行龍王不以黑雲冷風
惡龍如是四天下法行龍王以義安
樂利益衆生

復次比丘知業果報觀龍世間何等
惡龍不順法行即以聞慧知戲樂城
諸惡龍王不順法行其名曰波羅摩

梯龍王

魏言毗謀林婆龍王

魏言迦羅

龍王

魏言毗摩提龍王

魏言位於海

中戲樂城內去何此等非法惡龍增長勢力

彼以聞慧知諸衆生行不善法不孝父母不敬沙門及婆羅門如是惡龍增長勢力於閻浮提作大惡身以惡心故起惡雲雨所雨之處生惡毒樹惡風吹樹毒氣入水令水雜毒一切五穀皆悉弊惡若有食者則得痛苦穀力薄故令人短命是弊龍王惡心災毒迭平相害以是惡故閻浮提人悉皆毀壞以非法龍作諸惡故

復次比丘知業果報觀於自在大力龍王云何非法惡行龍王以諸婁患惱瞿陀居彼以聞慧知非法惡龍於瞿陀居空山嶮處降澍洪雨令一切水皆悉潦濁瞿陀居人若有飲者以此因緣得大衰惱如是比丘觀瞿陀居如實了知

復次比丘知業果報觀弗婆提彼以聞慧知諸世間不修法行時惡龍三力勢增長震吼大雷如大山崩弗婆提人以軟心故多遭病苦或耀電光遍滿世界如火熾然雲中龍現眼如

車輪其身黑惡猶如黑山其頸三頭
齧出衆花形如馬相或作蛇身現如
是等種種惡身令弗婆提有人見之
得大衰惱

復次比丘知業果報觀鬱單越如第
二天六何惡龍於鬱單越人加諸衰
惱即以聞慧知鬱單越僧迦賒山如
前所說蓮華常開香氣紛流其色妙
好彼國衆人觀之歡喜若世間人不
孝父母不供養沙門婆羅門時惡龍
王以自在心勢力增長起大重雲猶
如黑山鬱鬱垂布掩蔽日光蓮華
即合無有香氣失金色光鬱單越人
見華既合愁惱怯劣雲中出風吹衆樂
音皆悉亂壞不可愛樂如是四天下
惡龍勢力而作衰害

復次比丘知業果報觀四天下有勝
有劣彼以聞慧觀鬱單越國快樂
安隱勝三天下閻浮提人行法非法
以是因緣苦樂增減是三天下增長
業地行十善道有佛出世以閻浮提
因緣故有四天下閻浮提人思惟修
行十善業道能修梵行此世界中多

能思惟觀察生滅此國金剛座處一切世間閻浮提國悉無此座金剛座處八万四千由旬佛坐此座生菩提心以此因緣如來出於閻浮提國非餘天下何以故善根成就得佛菩提須彌山王尚不能持何況餘地以是因緣佛處閻浮提不處餘國人身難得閻浮提中造業因緣得生人中以此因緣四天下中閻浮提國第一取勝非餘天下

復次比丘知業果報觀龍世界以何業故非法行龍王吞食蝦蟇取食沙土呼吸食風彼以聞慧知此衆生於人中時欺凌妻子獨飯美食其人妻子見之戀著口中流涎此人獨食飽滿充足於妻子所但與麤澁如是之人身壞命終墮於龍中吞食蝦蟇散沙吸風受相似業果

復次比丘知業果報觀龍世界以何業故諸龍降雨復以何業降諸灾雹即以聞慧知此惡龍含毒瞋恚不順法行一一龍王瞋恚鬪諍起惡雲雨惡風灾雹恚令五穀散壞不収以諸

衆生行於非法惡龍瞋恚故有斯變
復次比丘知業果報觀龍世界云何
於閻浮提降澍時雨潤益甘蔗稻麻
叢林大小麥豆五穀增長即以聞慧
見法行龍王降注時雨以義安樂利
益衆生以諸衆生隨順法行降澍時
雨令國豐樂

復次比丘知業果報觀一切龍所住
宮殿樂許龍衆住於海中樂許龍衆
住於衆流即以聞慧知閻浮提人不
順法行無量諸龍住於衆流閻浮提
人隨順法行五十七億龍住於衆流
復次比丘知業果報觀龍世間觀戲
樂城及流水龍已觀大海底何等衆
生住在其中即以聞慧知大海地下
天之怨敵名阿修羅略說二種何等
為二一者鬼道所攝二者畜生所攝
鬼道攝者魔身餓鬼有神通力畜生
所攝阿修羅者住大海底須彌山側
在海地下八万四千由旬略說四地
第一地處二万一千由旬是羅睺阿
修羅王所住之處此羅睺阿修羅王
於欲界中化身大小隨意能作以人

行善不善力故時阿修羅作是思惟
我當觀彼怨家園林遊戲之處與諸
姝女共相娛樂恣意受樂思惟是已
即自莊嚴以大青珠王波頭摩珠王
光明威德珠王或以金玉五色赤珠
王或以雜色衣王若青若赤若黃若
黑種種諸色莊嚴其身以為鉀胃光
明晃晃時羅睺阿修羅王身量廣大
如須弥山王遍身珠寶出大光明大
青珠寶出青色光黃黑赤色亦復如
是以珠光明心大憍慢謂無與等欲
令天女阿修羅女愛敬其身從城中
出其所住城名曰光明縱廣八千由
旬無量寶林流泉浴池諸樹蓮花莊
嚴其城首冠花鬘塗香自嚴散以末
香從城而起觀天園林遊戲之處若
閻浮提人不行正法不孝養父母不
敬沙門婆羅門及諸尊長不依法
行不奉三寶不觀善法及不善法諸
天勢力悉為減少四天王天展轉相
告恚避逝恐師子兒羅睺阿修羅
王來殺我等若閻浮提人修行正法
孝養父母敬事師長供養沙門耆舊

長宿一切諸天勢力增長時四天王
以衆寶衣莊嚴其身塗香末香即時
當於師子兒羅睺阿修羅上虛空之
中雨諸刀劍一切天衆心生喜悅至
須彌側發聲大叫若天不出阿修羅
王欲觀園林日百千光照其身上莊
嚴之具映障其目而不能見諸天園
林遊戲娛樂受樂之處時羅睺阿修
羅王作是思惟日障我目不能得見
諸天姝女我當以手障日光輪觀諸
天女即舉右手以障日輪欲見天女
可愛妙色手出四光如上所說立海
水中水至其胷寶珠光明或青或黃
或赤或黑以手障日世間邪見諸論
師等咸生異說言羅睺阿修羅王蝕
日若日赤色黑色以如是法相人壽
命不識業果諸相師等作如是說或
言當豐或言當儉或言凶禍殃及王
者或言吉慶時阿修羅手障日已歸
觀諸天園林浴池遊戲之處時天帝
釋見是事已勅諸天衆莊嚴宮殿令
諸天子以種種寶莊嚴其身往趣羅
睺阿修羅所欲共鬪戰時羅睺阿修

釋王見諸天衆即還宮城

復次比丘云何觀月蝕即以聞慧知
羅睺阿修羅王眷屬官衆行於海上
見月常遊憂陀延山頂行閻浮提住
毗琉璃光明之中端嚴殊妙百倍轉
勝官屬見已即至羅睺阿修羅王白
言大王滿月端嚴如天女面時羅睺
王聞是語已愛心即生欲見天女從
地而起渴仰欲見以手障月欲見天
女阿修羅王無量衆寶莊嚴其身如上
所說閻浮提中呪術師等而作呪曰
一切國土衆落城邑衆惡速滅一切
世間土地衆惡速滅一切婆羅門中
衆惡速滅若月黑色黃色世間相師
作如是說或言當豐或言當儉或言
王者凶危或言吉慶或言兵刃勇起
或言不起瞿陀尼弗婆提鬱單越何
其方面所蝕之處無邪見說以此二因
緣故日月掩蔽謂是月蝕復次二因
緣故掩蔽日月天降大聲羅睺阿修
羅王住大海下時諸官屬白言大王
天主憍尸迦住須弥山頂善見城內
處善法堂諸天功德五欲具足眷屬

圍遶歡娛受樂天主憍尸迦為諸天主大王今為我等所尊王有大力神通勝彼可率官屬往攻天主壞善見城時阿修羅即受其語奮威縱怒出光明城震吼如雷閻浮提中諸國相師謂天獸下說如此相或言豐樂安隱無他或言災儉五穀勇貴或言王者崩亡或言吉慶靈應嘉祥或言兵刃起於境內或言人民安樂無變或言當須齋肅潔淨拜神求福時羅睺阿修羅王如是思惟我寶珠等留此城內為我諸子作大光明若無寶珠則無光明天上亦亦有日月故則有光明若無日月則應闇冥我今寧可覆蔽日月令天黑闇時阿修羅思惟是已從城而起即以一手覆障日月諸光明輪世間愚人諸相師等咸記災祥如上所說復以一手摩須弥頂欲與諸天決其得失是阿修羅畜生少智見天種種勝相莊嚴威德光明心生疑悔還歸所止住光明城是名第二因緣掩蔽日月令日月蝕天聲震吼

復次比丘知葉果報觀大羅睺阿修

羅王所受之樂彼以聞慧觀阿修羅

所住城內種種衆寶以為莊嚴在須

彌山側深二万一千由旬廣八千由

旬蓮華浴池林樹蔚茂皆悉具足真

金為地色若電光金殿堂閣珊瑚寶

樹懸衆寶鈴出妙音聲種種樂音歡

娛受樂二池中金花莊嚴鳧鴈鴛鴦

皆真金色以為嚴飾見者愛樂如天

衆鳥摩尼為喙歡喜遊戲七寶雜色

青毗琉璃以為羽翼於諸樓閣欄柵

之間歡娛遊戲甚可愛樂出妙音聲

見者悅樂一切衆鳥亦復如是清淨

無穢端正莊嚴孔雀翡翠

尾也

眼手開

合頭頂勝冠雙類隨行飲食華汁婆

鴉羅華其聲雅妙如童子音頂冠金

色或毗琉璃於欄柵間翱翔遊戲未

曾休息恣於華汁其目紺青身色雜

綵如聞電光衆色分明黃色細軟鮮

明如電行於林樹山巖之間縱逸遊

戲華鬚瓔珞如天虹色光明遶身如

鵝莊嚴咽喉含美如赤珠色兩翅柔

軟如蓮華敷無量衆色長摩尼鵝身

氣香潔如畢利迦遊戲宮殿雙類同行羽翼潤澤飛則俱遊澡潔清池翱翔陸庭亦復如是哀鳴相呼出微妙音發欲之音俱枳羅鳥遮俱羅鳥婆求羅鳥如是衆鳥遍滿城中林樹之間悉聞其音多有林樹蓮華浴池以為莊嚴於其城中有四園林皆是金樹一一園林縱廣正等滿百由旬一名遊戲二名耽樂三名鵝住四名俱枳羅此四園林映飾其城一一林樹有三千種如願之樹其樹金色如雲如影其枝柔軟鳥栖其上衆華常敷香氣芬馥滿一由旬多有群蜂流蜜充溢或金色樹酒泉流樹牛頭栴檀香樹有如雲色七葉香樹枳多迦樹畢利迦樹微風吹動黑沉水樹普眼香樹明燈香樹摩尼香樹火色香樹青無憂樹赤無憂樹婆究羅樹阿枳多樹阿殊那樹尼珠羅樹青荊香樹堤羅迦樹有如是等衆華香樹其華敷榮常若新出復有衆果摩頭迦樹鳳凰子樹波娑那樹其果如龍無遮果樹毘伽果樹毗頭羅樹地蓋果樹虛空

蓋樹雲色果樹樂見果樹遮雲果樹

鳥集果樹蜂芒果樹香躡樹香華樹

種種色華時時常敷女人見之皆生

樂著樹補桃樹迦卑他樹波流沙迦樹

其葉具足光明莊嚴鬱映渠流嚴飾

泉池觀之可愛如是種種諸樹或有

生於閻浮提中或有生於鬱單越國

或有生於阿修羅王光明城中或有

華樹或有果樹或有酒樹阿修羅王

遍行遊觀歡娛受樂與眾姝女圍遶

自娛於此煩惱染無常不堅速朽之

樂謂為甘露不死之地阿修羅王有

四姝女從憶念生一名如影二名諸

香三名妙林四名勝德此四姝女有十

二鄰由他侍女以為眷屬圍遶阿修

羅王娛樂恣情縱逸受樂無喻可說

阿修羅王自業成就無量億眾姝女

圍遶歡娛喜樂千柱寶殿寶房行列

復次比丘知業果報觀羅睺阿修羅

王以何業報得阿修羅道作何業故

得如是報伽他頌曰

無因則無果造業必有報如種子得果

善業生人天善業得樂果常蒙天人中

惡業墮三處阿修羅云何彼受畜生道
云何受樂報少智莫能了此有何因緣
比丘思惟已即以聞慧觀阿修羅往
昔過去習婆羅門法第一聰慧善知
世間種種技術喜行布施於曠野中
施諸飲食果食根食清泉美水房舍
敷具又於四交路首施諸病人行路
估客盲冥貧窮施於房舍飲食敷具
悉令滿足而不正見尔時彌梯羅林
有僧伽藍縱廣二十由旬於其寺中
有無量百千佛塔寶焰在嚴泥弥王
等五百大王共造斯福中有一塔真
金瓔珞焰鬘莊嚴七寶映飾種種莊
校隨其曾聞諸佛名号皆悉面畫如
來影像種種林樹池流泉源莊嚴勝
妙如上所說

尔時閻浮提中如羅睺阿修羅王城
中林樹皆悉具有如所見樹盡工畫
飾莊嚴佛塔浴池流泉衆妙蓮華衆
鳥遊戲亦如上說時婆羅門名曰婆
利誦毘陀論廣造福業如上所說時
婆羅門以四千乘車載衆飭食至大
曠野衆人行路欲施所須見一佛塔

高二由旬廣五十里時有惡人以火燒塔捨之而去時婆羅門見火燒塔作是思惟我今寧可且住施福救如來塔奇妙莊嚴彫飾精麗廣大希有當滅此火令塔不壞若我不救王若知者或加重罰非實信心非尊重心即以四千乘車載水以滅此火既滅火已含笑而言我救此塔為有福德無福德耶若有福德願我後身得大身相欲界無等雖作此願而猶不信不正思惟常愛鬪戰不信正業福田力故生光明城作阿修羅王

正法念處經卷第十八

癸卯歲高麗國大藏都監奉
勅彫造

正法念處經卷第十九

樂生

篤

元魏婆羅門瞿曇般若流支譯

畜生品之二

復次比丘云何觀羅睺阿修羅王第二住處彼以天眼智慧觀察阿修羅王所住之處縱廣一万三千由旬園林浴池蓮華鬱茂遊戲之處異類衆鳥以為莊嚴阿修羅城黃金為地處處多有摩尼寶珠珂貝嚴飾多衆婁女端正殊妙羅睺阿修羅王之所主領不相諍訟隨意憶念能有所至所住境界有十三處何等十三一名遮迷二名勇走三名憶念四名珠瓔五名蜂旋六名赤魚目七名正走八名水行九名住空十名住山窟十一名愛池十二名魚口十三名共道若諸世間不孝父母不供養沙門及婆羅門不行正法諸天衆減增長阿修羅衆若諸世間供養沙門及婆羅門修行正法減損阿修羅增益諸天衆以法非法二因緣故令諸天阿修羅增長損減

復次比丘知業果報觀羅睺阿修羅
王所住境界諸阿修羅業法果報彼
以聞慧知此衆生見漁獵者張圍設
網罟罟遮截爲利衆生令其活命破
彼魚堰或有勢力逼令放生或爲自
利或求名譽或爲王者或爲大臣遮
斷屠殺或護種族先世相習行不殺
法不行諸善是人身壞命終墮阿修
羅道受阿修羅身壽命長遠經五千
歲阿修羅中一日一夜比於人間經
五百歲如是壽命滿五千歲少出多
減亦有中天以下中心因緣力故身
相威德如業得報比丘當知觀衆生
心種種信解

復次比丘知業果報觀大海底羅睺
阿修羅地彼以聞慧第一清淨利智
觀於地下第二地有地名月驕在羅
睺阿修羅下二萬一千由旬有阿修
羅名曰陀摩睺經言阿修羅王名曰
花鬘彼有大城名雙遊戲縱廣八萬
由旬園林鬱茂清流浴池蓮花映飾
金山巖峩山窟幽邃多有禽獸周遍
莊嚴青毗琉璃以其地地生綠草

柔軟可愛種種衆鳥音聲和雅諸阿
修羅衆悉住其中充滿國界豐樂安
隱周遍奇特甚可愛樂七寶林樹莊
嚴園觀亦如上說復有衆樹殊特倍
前那伽龍樹無憂龍樹陀婆樹佉提
樹無憂力樹復有衆樹勝前樹林謂
夜光樹夜開敷樹婆究吒樹尼單多
樹重花樹普愛樹集花樹繁花樹柔
軟花樹五歲花樹絳愛樂樹瞿流瞿
流音聲樹衆鳥遊戲樹白齒樹那羅
茶樹雙遊戲城住四山中其山金色
一名歡喜山二名金焰光山三名不
見頂山四名可愛光山其山高廣五
千由旬種種林樹流泉浴池河水清
冷群獸異類種種雜色隨色周遊衆
姝女等歡娛受樂種種衆寶莊嚴門
戶牛頭栴檀樹香風涼冷觸身悅樂
常遊香林遊戲自娛種種衆寶以為光
明無所障蔽種種妙花莊嚴其身無
量百千孔雀音聲大阿修羅王之所
守護寒暑調適多諸人衆歡樂常悅
音聲伎樂歌舞喜笑以自娛意星鴟
城中有大池水縱廣五百由旬第一

清淨取上美味無有泥濁亦無垢汙
湛然無減端嚴可愛猶如滿月星鬘
城中其池名曰一切觀見以池勢力
隨摩睺阿修羅王若欲聞戰莊嚴器
仗圍遶彼池自觀其身如視明鏡自
觀其相知戰勝負於池水中如明淨
鏡自見退走知天必勝若於池中見
身偃卧知為死相時隨摩睺阿修羅
王勇健阿修羅王於池水中自見其身
若走若墜時阿修羅作是思惟以何
事故於此池中見如是事我與天閻
退墮破壞即皆還歸所止之處或至
十年或至百年或五百年時勇健阿
修羅王以衆器仗種種鉾鎧塗香末
香花鬘莊嚴復至一切觀池園遶自
觀何因緣故見我破壞即於池中見
閻浮提人孝養父母恭敬沙門婆羅
門修行正法樂生天上命終之後生
諸天中是故天衆增長阿修羅衆虧
損減少以於池中見如是相時隨摩
睺勇健阿修羅王作是思惟以人修
行孝養父母供養沙門婆羅門行法
因緣以人力故天得勝力我今當與

世間之人作不安樂不饒益事令天

減劣我等增長時隨摩睺羅勇健阿修

羅王復自思惟以人因緣天有勝力

我當云何令此衆人失其所食令天

亦破人以食故而得壽命得修法行

今當方便斷人所食思惟是已即向

海中惡龍王所是惡龍王不順法行

含毒多瞋常為他人作大衰損不利

益事我今當往至彼住處惱亂龍王

奮迅龍王迦羅龍王如是等龍不順

正法時隨摩睺羅勇健阿修羅王既至龍所

作如是言汝於世人快得自在人今

助天令我損減人依食故而得壽命

汝當為我斷彼人食汝若能令則無

復人若無人民天則損減如婆修吉

龍王德叉迦龍王是汝大怨我於諸

天亦復如是吾之怨敵汝可為我殲

滅人界今時惡龍聞隨摩睺羅勇健阿

修羅王如是說已答言甚善我當與

汝共為伴侶朋翼佐助是時龍王自

入其宮起大瞋恚震動大水或百由

旬二百由旬三百由旬地住水上以

水動故大地亦動非法惡龍動大地

已世間邪見諸論師等咸作是說如是相者國土災儉或言豐樂或言王崩大臣受殃或言王者靈瑞吉祥或言兵起或言安隱或言水災或言亢旱世間相師如是說於地動之相而不能知動之因緣復有異因緣故令大地動隨諸衆生行善不善業因緣故令地大動地下有風名為持風持風動故令大水動大水動故令大地動五十由旬或百由旬或二百由旬或三百由旬或四百由旬隨風廣狹水動亦尔如水廣狹地動亦然以何因緣風動故水動水動故地動即以聞慧天眼觀察風持於水水持於地以風動故大水則動以水動故大地則動是為二因緣故令地大動彼比丘觀二種動若善因緣動衆生豐樂無諸衰患若諸衆生作不善行因緣動者衆生則有不善事起善不善等一切諸業從因緣生非無因生非有作者因果相似而得果報邪見相師不識因果作是說言天帝動地或言風動灾禍豐樂飢饉荒壞王者吉凶風雨旱

勞兵革軍陣或起不起天牛婆羅門
或善或惡世間相師占相吉凶觀星
宿者不識因果但作此說記說百災
一言有微愚人皆謂我此書記取勝
無比

復次比丘知業果報觀隨摩睺阿修
羅勇健阿修羅王非法惱亂惡龍王
等具觀察已為利一切諸世間故思
惟觀察云何惡龍弊阿修羅何因緣
故損減不勝不作棄損壞諸世間即
以聞慧知閻浮提人若修行正法孝
養父母供養沙門婆羅門及諸耆老
若王大臣修行正法亦時地神諸夜
叉等見彼惡龍惡阿修羅欲行非法
壞諸世間即向大海至婆修吉龍王
德叉迦龍王等諸龍王所說如是事
復告虛空諸夜叉等說如上事時虛
空中諸夜叉等聞諸地神說是語已
即以大身大神通力生大瞋恚口中
出烟乘空上行往詣四天王所說如
是言提婆天王惱亂惡龍弊阿修羅
今欲破壞閻浮提中順法修行孝養
之人閻浮提中邪見論師見彼夜叉

口中出烟謂彗星出言是閻羅王一百一子不知乃是一百一大力夜又時彼世人或有見者有不見者世俗相師說言是閻羅王一百一子不如實知妄生分別言彗星出或言豐樂或言飢饉或言王者吉祥或言王崩或說兵起或言不起或言牛婆羅門吉與不吉或言水旱災異或言某國凶衰或言某國無事雖作此說虛妄不實

復次比丘知業果報觀於惡龍惡阿修羅所行之法彼以聞慧見彼大身大神通力行使夜叉告諸天衆說如上事時四天王告夜叉曰汝莫怖畏汝莫怖畏諸天尊勝阿修羅衆怯弱下劣何所能為所以者何閻浮提人修行正法孝養父母供養沙門婆羅門恭敬長宿以是義故我衆增長阿修羅弱無所能為時虛空神諸大神通大夜叉等聞天所說歡喜踊躍於彼惡龍阿修羅所生大瞋恚即下欲誚法行龍王婆修吉德叉迦等諸龍王所說上因緣從空而下一切身分

光焰騰赫見是相者皆言憂流迦下

魏言天若其夜下世人皆見若晝下

特下者或見不見下入大海至彼法行大龍

王所說上因緣見是相已世間邪見

諸呪術師咸作異說是相出者或言

豐樂或言飢饉或言王者吉凶或言

兵起或言不起或言人民喪歿或言

不死或言牛婆羅門有吉不吉雖作

此說不知業果隨相似說無有真實

復次比丘觀憂流迦天火下者復有

因緣憂流迦下諸天欲行宮殿隨身

其行速疾二殿並馳手相研磨令火

熾焰光明騰赫從上而下世人見已

諸呪術師及占星者作如是說世間

飢饉或言豐樂或言王者吉凶灾祥

或言國土安寧或言荒壞或言畜生

疫病流行民遭重疾或言人畜安吉

無為諸世邪論雖作此說而不能知

相之因緣何以故但隨相說不識業

果故所以者何一切世間沙門婆羅

門若天魔梵若阿修羅不能如是知

微細業因緣果報不能思惟我此法

律十善業道唯除如來

復次比丘知業果報觀於空行大力
夜又云何而得此大勢力能行天上
能至大海法行龍王所彼以聞慧見空
行夜又大神通力入大海中至婆修
吉德又迦隨順法行大龍王所說如
是言隨摩睺阿修羅身健阿修羅王
至一切觀池自觀其身如上所說時
婆修吉德又迦等諸大龍王聞夜又
說告夜又曰非法惡龍我當呵責令
其折伏我當於彼閻浮提中降澍時
雨令閻浮提人百穀苗稼悉得增長
豐樂安隱夜又聞已歡喜而去時大
龍王婆修吉德又迦諸龍王等自在
嚴已往至非法惡龍惱乱龍王奮迅
龍王諸惡龍所作如是言汝行非法
好作衆惡我行正法隨順衆善汝於
我等非為善伴我今欲與汝鬪決其
勝負時惱乱龍奮迅龍等聞是語已
即起在嚴震雷耀電霹靂起火降澍
大雨若閻浮提人孝養父母供養沙
門及婆羅門耆舊長宿時婆修吉德
又迦龍王等則得勝力惱乱奮迅惡
龍王等破壞還退令閻浮提雨澤以

時人民豐樂時諸呪師占星宿者妄作邪說言八曜等功德相故二十八宿功德相故是故依時降澍大雨牛婆羅門力故令天降雨非餘因緣若閻浮提人不孝父母不供養沙門婆羅門不敬尊長不行正法婆修吉德又迦如法龍等退沒不如時惱亂龍奮迅龍等得大勢力令閻浮提雨澤不時災旱水湧人民飢饉世間邪見呪術占星諸相師等作如是說八曜過故時節過故卦相過故諸外道等不識業果不知以衆人行惡令國災儉更作異說非如實見何以故若天世間若魔世間若梵世間若沙門婆羅門非其境界唯除如來及我弟子諸沙門等聞我所說諸業果報及餘業報決定之相非是餘人能知此業復次比丘知業果報觀陀摩睺阿修羅所住之處若如法龍王婆修吉等得大勢力非法者壞陀摩睺阿修羅住星驤城或住林中心懷憔悴光明威德志亦損減羞愧愁感自入其宮作如是念我今何時能破諸天時陀

摩睺思惟是已即往羅睺阿修羅所作如是言阿修羅王汝當強力無得怯弱不久我當破彼天衆羅睺阿修羅王聞是語已告陀摩睺勇健阿修羅言汝莫愁怖且自安意不久我能壞彼天衆及其天主帝釋天王時陀摩睺勇健阿修羅王聞是語已復更歡喜還其所止

復次比丘知業果報觀星孛城已次觀陀摩睺阿修羅王餘地園林彼以聞慧觀陀摩睺有異園林縱廣一萬三千由旬園林深池衆鳥異類遊戲之處蓮華浴池鳬鴈鴛鴦周遍莊嚴歡娛受樂其地住處有七園林一名雲鬘林二名常林三名戲樂林四名果常集林五名風樂林六名伎樂林七名雜寶林是為七種大林陀摩睺阿修羅之所住處多諸衆侶以自業力皆受富樂志滿其中

復次比丘知業果報觀陀摩睺阿修羅受業報果以何業故生於彼處即以聞慧知此衆生於前身時作大施會供養外道行不淨施雜漏不堅以

種種食施於破戒離行之人心無正
思如是施已命終生於畜生之中受
隨摩睺阿修羅身以下中上業所得
樂報亦下中上因果相類

復次比丘知業果報觀勇健阿修羅
王業之果報以何業報得呵修羅王
彼以聞慧見此衆生於人中時憙作
賊盜偷竊他物以不正思施離欲外
道充足飲食以是因緣生阿修羅中
復次比丘觀隨摩睺阿修羅壽命脩
促彼以聞慧天眼觀察見阿修羅壽
六千歲於閻浮提中六百歲以為隨
摩睺阿修羅中一日一夜如是壽命
滿六千歲少出多減命亦不定以善
不善業因緣故為畜生道業果所攝
於阿修羅為第二地觀第二地已隨
順法行觀一切衆生順法衆生法護
衆生一切生死所攝衆生善業生於
人天之中惡不善業生於地獄餓鬼
畜生

復次比丘知業果報觀天使者聞虛
空中神通夜叉說是事已為何所作
彼以聞慧知天使者往詣護世轉持

天所作如是言阿修羅衆不順法行
教諸惡龍為閻浮提順法行善諸福
德人作不饒益衰害惱乱所以者何
恐彼行善順法之人命終生天彼作
是念閻浮提人以食因緣能行布施
持戒智慧汝當往至閻浮提中降澍
惡雨害民百穀空行順法諸夜叉等
來至我所說如是事我今語汝汝可
展轉告餘天衆若軍持天三竺簇天
常恣意天說如是事普令得聞時四
大天王聞其所說往詣善見城中善
法堂上五欲功德眷屬具足憍尸迦
天王所廣說上事天主憍尸迦即告
護世四天王言汝當往詣閻浮提觀
諸衆生有信佛寶法寶比丘僧寶供
養沙門婆羅門耆舊長宿知恩報恩
質直有信孝養父母受持齋戒不諂
不佞不以斗秤欺誑於人手相陵易
今時護世四大天王聞是語已為利
衆生下閻浮提二國土一一聚落一
一城邑軍營村柵一一觀察修行法
教遍行普觀今時護世四大天王見
閻浮提人隨順法行孝養父母敬信

三寶見此事已即詣大海大龍王宮
戲樂城內婆修吉德又迦等大龍王
所作如是言法行龍王勿怖勿怖非
法減少正法增長破壞闇冥顯發光
明動魔軍衆天衆增長天人龍王樂
行正法能擊法鼓歌頌法音增益天
衆減損諸魔非法惡龍及阿修羅時
婆修吉德又迦等諸大龍王聞已歡
喜即白護世四天王言我今歡喜天
王我今不畏非法惡龍非法惡行弊
阿修羅不能惱亂闇浮提中法行衆
生唯願仁者為我啓白釋迦天王時
諸龍王說此語已護世天王至帝釋
所具說上事時天帝釋聞是語已歡
喜踊躍伽陀頌曰

牟尼真知說實道 若人能行生天上
諦行布施修慈心 護諸衆生說愛語
正見清淨心離垢 佛說三十三天道
淨修衆善行相應 能以善心正依止
從此樂震至樂處 復從光明還入明
譬如朝落光明花 亦如一燈燃異燈
若人欲得如彼燈 莫行放逸自壞心
若有常行淨善心 離垢明淨如寶珠

是人智慧離塵垢 能至諸天所生處
持戒習禪及三昧 若人有能心修行
是人智慧如真金 必得往生諸天宮
若有捨離於殺生 於諸衆生起慈悲
愍哀質直心寂靜 如是之人生天宮
於一切人施軟語 捨離衆惡不善業
惡業不能汙其心 如是之人生天宮
若人視金如草木 觀諸愛欲如火毒
如是離欲智慧人 則生天宮受快樂
若有不為欲境惑 不隨愛欲之因緣
得脫三惡道怖畏 如是之人生天上
若見鬪諍能勸喻 知識親族及兄弟
能善和解令無諍 如是之人生天上
若人離惡出欲泥 常施一切衆生樂
離垢寂滅心解脫 則能破壞魔軍衆
若能調伏於心意 不為心意之所使
是人清淨破怨敵 則得上生諸天宮
若有人能淨身業 遠離衆惡不善法
離欲修習禪定樂 如是之人生天宮
捨離放逸惡知識 斷除愛毒諸煩惱
不為女人欲所縛 如是之人生天宮
若人於法勤精進 布施持戒及三昧
志意勇猛心堅固 是人則生於天上

若人能於衆結縛 智刀斬之而不尋
自在離縛無所滯 如是之人生天宮
離諸欲垢不貪著 滅衆過惡除染愛
勇健離垢斷怖望 則得受於自果報
若有衆生受人報 能常修行衆善法
如是善人業果報 今天世間得增長
以人力故天增勝 以天擁護人安隱
各各迭牙增勢力 得住正法隨順道
天之善道人世界 人之善道天世間
諸惡道地有三種 行善之人所遠離
汝應勇猛勤精進 當樂親近善知識
如是常應增長法 勉力勤加昇天宮
法為衆樂之根本 以法因緣得涅槃
眠時衆生法常覺 法為最勝第一道
時天帝釋如是教勅護世四大天王
為護閻浮提人增長正法得利益故
遍行觀察

復次比丘知業果報觀天心行已內
自思惟隨順法行

復次比丘知業果報觀阿修羅第二
地已次觀第三阿修羅地何等為第
三阿修羅地彼以聞慧見第三地在
第二地下二万一千由旬有阿修羅

地名修那婆維廣一万三千由旬樹林鬱茂浴池流泉衆花常敷伎樂充滿城名鎗毗羅維廣八千由旬於彼城中有阿修羅王名曰花鬘阿修羅民名遊戲行彼阿修羅鎗毗羅城種種衆寶以為莊嚴園林遊戲清流浴池蓮花具足遊戲阿修羅衆悉滿其中
有四大林以為莊嚴於六時中花樹皆有寶鈴出妙音聲二名黃鬘其林皆悉是真金樹三名焰鬘其樹花色猶如火焰四名雜林諸雜花果以為莊嚴此四種林在嚴阿修羅鎗毗羅城遊戲阿修羅住處快樂如天無異以衆塗香末香自塗其身常樂遊戲歌舞戲笑百千姝女圍遶衛護花鬘阿修羅王常遊園林而相娛樂種種衆寶莊嚴其身是名遊戲阿修羅王所受樂處時第二地勇健阿修羅王遣使名曰閼婆來詣花鬘阿修羅所作如是言閼婆提人供養父母知恩報恩恭敬沙門及婆羅門如法行故今天有力我當竭力破壞人天所行

正法是時第三地花鬘阿修羅王聞

是說已如上所說心懷瞋恚作如是

言我當去何壞彼人天因人故天人

天即是我之大怨時第三地遊戲阿

修羅即時在嚴種種鉀冑執持器仗

欲詣樂城龍王宮殿時婆修吉德叉

迦大龍王等聞阿修羅聲生大瞋恚

身出電光赫焰大明雨大熾電無量

百千億龍從海中出共阿修羅興大

鬭諍若鬭浮提人修行正法龍則得

勝阿修羅衆四散破壞若世間人不

順正法則阿修羅勝龍衆破壞既被

破已徃白天使者曰大仙我今被破

汝應竭力破阿修羅時天使者聞是

事已心生瞋恚口中烟出徃告四天

王白言天王阿修羅勝龍今破壞鬭

浮提中邪見相師見烟相已咸作是

說彗星出現或豐或儉或水或旱亦

如上說是為第二因緣彗星出現若

天龍勝則時雨數降疫氣不行兵革

不起邪見相師復作此說是八曜力

之所作為廣說上事若諸世間不修

正法不順法行不孝父母不敬沙門

及婆羅門則阿修羅勝以阿修羅勝
故雨澤不時人民飢饉兵刃數起世
間邪見諸相師等作是思惟八曜所
作為世人說星宿之過廣說如上如
是一切諸外道等不知正法及以非
法以愚癡心憶想分別不如實說以
阿修羅勝龍王不如時護世四天王
即向四天衆伽陀頌曰

法勝非法滅 增實離妄語 天勝阿修羅
光明勝黑闇 布施勝慳貪 持戒莫毀犯
佛勝非外道 不動勝退沒 實語莫詭曲
悲心勝怨害 慈心勝瞋恚 天王勝修羅
上勝下莫增 豐勝勿飢饉 智勝滅愚癡
法戒滅衆惡 精進離懈怠 丈夫勝女人
長者勝小人 忍勝於瞋恚 人勝非惡龍
白日勝於夜 月勝非餘曜 五穀勝菅苗
滅苦樂增長 離病常安樂 柔軟勝麤惡
解脫滅衆縛 法戒勝一切 善法常增勝
不善常消滅

護世四天王如是說已即擊天鼓作
如是言諸天大衆龍王退弱阿修羅
勝時諸天衆聞是語已莊嚴器仗於
須臾頃至大海巖世間人孝養父

母故事沙門阿修羅衆見諸天來即時退散還入其宮若諸世人不孝父母不敬沙門及婆羅門於須臾時與天共闘天亦得勝花鬘阿修羅王敗散還宮比丘如是觀阿修羅與天共闘如實見已生厭世心順法修行復次比丘知業果報觀第二地花鬘阿修羅王所受業報以何業故生第三地彼以聞慧見此衆生因節會日相撲射戲搏菹園基種種博戲因此事故行不淨施無心無思亦無福田是人身壞墮於惡道生遊戲行阿修羅中壽七千歲以人中七百歲於阿修羅中一日一夜如是壽命滿七千歲亦有中天命亦不定

復次比丘知業果報觀察思惟花鬘阿修羅王即以聞慧知此阿修羅王以食施於破戒病人心無淨思以此業緣生阿修羅中於鎗毗羅城作阿修羅王名曰花鬘其所食味如天所食須臾之味一切樂具如前所說正法念處經卷第十

癸卯歲高麗國大藏都監奉
勅彫造

正法念處經卷第二十

焦

元魏婆羅門瞿曇般若流支譯

畜生品第五之三

復次比丘知業果報觀於第四阿修羅地彼以聞慧見有畜生阿修羅地在三地下二万一千由旬名曰不動其地廣博六万由旬城名鎗毗羅縱廣一万三千由旬在嚴妙好阿修羅王名鉢呵婆阿修羅衆名一切忍是阿修羅王於諸阿修羅中得勝自在安樂勇健光明威德自在無畏尚不畏於帝釋天王況於餘天有大力勢放逸憍慢住一切地下從此以下更無住處是阿修羅王所住之處摩尼寶珠以為其地心常歡悅如人節會喜樂自娛多諸愛慢以衆蓮花流泉浴池周遍在嚴鎗毗羅城七寶宮殿以為莊嚴離諸怨敵互相親善無他怖畏受第一樂此第四地鎗毗羅城園林流池蓮花莊嚴七寶宮殿端嚴殊妙如星處空端嚴殊妙亦復如是伽他頌曰

心能造作一切業 由心故有一切果
如是種種諸心行 能得種種諸果報
心為一切巧畫師 能於三界起衆行
為心所使遍諸趣 處處受生無窮已
心為繫縛解脫本 是故說心為第一
為善則能得解脫 造惡不善則被縛
如是心意使衆生 流轉行於三界海
愚癡愛結自在故 心使衆生流轉行
不能到彼涅槃城 如生盲人失正路
如是衆生作種種業 是故彼城受種
種報是第四地於其城外園林流池
周匝圍遶河泉蓮花衆鳥異類莊嚴
第四阿修羅地所住之處一切忍阿
修羅等勇健無畏第一端正莊嚴其
身共相娛樂不相惱亂心常悅樂猶
如節會與衆姊妹女種種莊嚴一徒
衆眷屬圍遶或百或千遊戲嬉樂其
地皆以摩尼真珠以為姊妹女光明晃
耀諸阿修羅恭敬尊重鉢呵娑阿修
羅王瞻仰無厭雖受樂報無常敗散
復次比丘知業果報觀一切忍阿修
羅王所受果報以何業故生於彼處
即以聞慧見此衆生於人中時邪見

覆心不識業果離佛法僧見第一精
進持戒之人欲有所須來從乞求辛
苦乞索乃施一食既施食已而作是
言我施汝食有何福德我以癡故施
汝此食汝下賤人不應出家以食施
汝如以種子投之沙鹵如是難施身
壞命終以此難施墮於惡道不淨布
施以福田功德生於第一安樂之處
衆寶莊嚴受畜生報生不動界作阿
修羅名一切忍謂與天等勝餘一切
阿修羅王一切樂具皆悉具足以施
福田得如是報非自心生

復次比丘知業果報觀一切忍阿修
羅衆業及果報以何業報生一切忍
阿修羅地即以聞慧知此衆生愛著
美味住林樹間護此林樹非為衆生
自活命故非有悲心為自利益身命
因緣護一切林以是因緣身壞命終
生一切忍阿修羅中

復次比丘知業果報觀阿修羅與天
共聞即以聞慧觀法行龍王住戲樂
城龍王頂上有七頭其名曰婆修吉
龍王德叉迦龍王跋陀龍王樓醯龍

王雲鬘龍王婆都龍王一切道龍王
鉢呵婆龍王婆利沙龍王此諸龍王
正見順法樂離放逸如上所說時不
順法非法惡龍王鉢摩梯龍王毗
林婆龍王迦邏龍王睺樓睺樓龍王
等既為如法龍王所壞即走往趣第
一住處雙遊戲阿修羅所作如是言
速來速來同伴當知婆修吉龍王德
又迦龍王及四天王破壞我等汝今
是我之所親友向不相助時遊戲阿
修羅聞是語已即詣光明城至羅睺
阿修羅所到已具說上事若羅睺阿
修羅王知世間人修行正法供養沙
門知恩報恩語鉢摩梯等惡龍王言且
住一月遮彼婆修吉德又迦龍王我
當告彼第二住處阿修羅王無惱汝
等廣說如上時陀摩睺阿修羅聞是
語已入星鬘城至阿修羅王所作如
是言大王羅睺阿修羅王遣使告我
作如是言婆修吉龍王德又迦諸龍
王及四天王惱乱鉢摩梯時第二地
勇健阿修羅王聞是事已即自觀察
有力無力若閻浮提人修行正法供

養沙門及婆羅門自知無力答彼使
言天有大力所以者何閻浮提人修
行正法我今當往告第三處為一切
行阿修羅廣說上事時勇健阿修羅
即往告彼第三住處阿修羅衆時一
初行阿修羅聞是語已入鎗毗羅城
至花鬘阿修羅王所復說上事花鬘
阿修羅王即觀閻浮提人若有供養
沙門婆羅門者告一切行阿修羅言
我當告彼第四住處阿修羅等時第
三地阿修羅即向第四地阿修羅所
說如是言婆修吉德又迦與四天王
共破我伴諸龍王等我今當為彼諸
天衆作大衰惱時第四處阿修羅衆
聞是語已即向鎗毗羅城至鉢呵娑
阿修羅王所時鉢呵娑告諸阿修羅
何故速行即答如上時鉢呵娑告諸
阿修羅衆羅睺阿修羅等無所能為
令四天王破壞鉢摩梯諸龍王等世
間順法供養沙門及婆羅門何所能
為我能壞之時鉢呵娑阿修羅王至
大衆阿修羅所告言速疾莊嚴我今
欲往婆修吉德又迦等四天王所破

其軍衆時諸阿修羅王以無等力率諸軍衆與天共鬪時鉢呵婆阿修羅王告諸阿修羅言汝等何故無有勇力不能破彼諸龍王等而自破壞我今當往自以身力破彼龍天時鉢呵婆阿修羅王勅其軍衆速疾莊嚴執諸器仗我今不久與天共鬪汝等先見與天忿敵不久當發我已告諸阿修羅衆天不可忍當與彼戰時諸阿修羅知是事已即自在嚴種種器仗是時大力波羅呵婆阿修羅王自以勇力大心無畏不量自力他力優劣自出其城至第三地詣鎗毗羅城到花鬘阿修羅王所時鉢呵婆阿修羅王與無量億那由他諸阿修羅到花鬘阿修羅所作如是言速起速起為鬪戰故我等能破婆修吉德叉迦等諸龍王及天王等時花鬘阿修羅王聞是語已告諸軍衆今非鬪時所以者何閻浮提人孝養父母恭敬沙門修行正法以是事故天有大力是故我今非是鬪時時鉢呵婆阿修羅王聞花鬘阿修羅王說是語已告言速

起遠起我能獨破婆修吉等及諸天
衆何況汝等為我同伴時花鬘阿修
羅王聞其所說威力增長心生歡喜
及其無量億那由他阿修羅衆詣第
二地時鉢呵婆阿修羅王勇健阿修
羅王花鬘阿修羅王相隨往詣羅睺
阿修羅所告言遠起速起阿修羅王
為鬪戰故破諸天故時羅睺阿修羅
王告諸阿修羅王言我等今者非是
鬪時所以者何鬪浮提人孝養父母
恭敬沙門婆羅門生於天上今天大
力是故不得與天共鬪阿修羅王以
非時故時諸阿修羅王語羅睺阿修
羅言遠起速起我為鬪故而來至此
欲與天鬪時羅睺阿修羅王即隨其
意起欲往詣大海告鉢摩梯惡龍王
等說如是言諸阿修羅王今欲破彼
婆修吉德又迦諸龍王等時鉢摩梯
聞是語已心大歡喜即往婆修吉德
又迦所告言汝來同伴汝今可出吾
共汝戰住何處鬪時婆修吉德又迦
龍王即出其城與鉢摩梯惡龍共戰
非法龍王破壞還退時無量億阿修

羅衆速疾馳奔詣龍王所欲共鬪戰
時婆修吉德又迦復出其城與阿修
羅在大海上交陣鬪戰不可稱說於
虛空中或雨大火或雨刀戟矛相攻
伐愛毒自燒以愚癡故如是鬪諍若
閻浮提人順法修行孝養父母恭敬
沙門婆羅門一法行龍則能獨破一
切阿修羅軍若世間人行法者少則
阿修羅勝法行龍退若龍破壞即往
詣於天使者所告言速來速來一切
阿修羅衆悉來伐我我與彼戰敗失
不如時天使者聞是語已種種器仗
而自莊嚴向婆修吉德又迦龍王所
作如是說我聞汝為阿修羅王之所
破壞是故至此破阿修羅軍時天使
者與龍王俱詣阿修羅所欲共鬪戰
時羅睺阿修羅王聞是事已亦向天
所在大海上列陣而戰若世間人順
法修行時天使者即能速疾破阿修
羅衆時阿修羅既被破已還其宮城
時第二地阿修羅衆聞是事已告諸
軍衆汝等勿怖我身尚存能討彼天
汝何所畏時阿修羅即復疾走詣天

使者興大鬪戰於大海中交陣共鬪
天復得勝壞阿修羅軍阿修羅軍既
被破壞時第三地阿修羅衆聞其被
破即向天所與天共戰迭不相害若
天破壞即向護世四天迦留夫所作
如是言提婆天王速疾馳赴阿修羅
衆燒亂我等時迦留天持諸器仗即
往詣彼阿修羅所時阿修羅見天衆
來生大瞋恚疾詣天所與迦留天衆
合陣大鬪見者毛豎一切世間鬪戰
大者無過天與阿修羅戰無可喻者
若諸世間順法修行迦留天則得大
勝壞阿修羅如是諸天與阿修羅無
量大衆鬪於大海無可喻者以法非
法因緣力故有勝有退非其自力若
迦留天為彼所壞時護世天即往告
彼鳩持天衆時鳩持天與迦留天及
天使者及德叉迦婆修吉等無量大
衆和合共集時羅睺阿修羅王佐光
明城第一地雙遊戲阿修羅隨摩睺
阿修羅與無量億那由他阿僧祇阿
修羅衆同為一軍與天共鬪不可殫
說若世間人順法修行天衆則勝阿

修羅軍退散破壞一切皆由法之力
勢令天得勝不由非法若無順法行
人則阿修羅勝護世四天見是事已
往詣常恣意天所作如是言速疾往
嚴阿修羅軍勝於天衆常恣意天聞
是語已與無量百千天衆持種種器
仗欲詣大海與阿修羅鬪住大海中
厲聲大叫欲望速破阿修羅軍更平
合戰經於多時大惡鬪戰無量苦惱
若阿修羅為天所破即往向彼羅睺
阿修羅所具說上事時羅睺阿修羅
王安慰諸阿修羅言汝今莫怖汝今
莫畏我有大力能壞天衆天力劣弱
我力勝彼阿修羅汝等可迴諸阿修
羅聞羅睺阿修羅王說是語已即復
還迴欲與天鬪是時諸天與阿修羅
列陣大戰無量刀戟手相打斫如是
大戰時第一地雙遊戲阿修羅第二
地隨摩睺阿修羅與諸天衆對敵共
戰若諸世間不順法行阿修羅勝天
衆則退若諸世間修行正法天衆則
勝若能破壞阿修羅軍如是法者是
天勝幢法為第一法為能救苦行非

法行非法者非法不救一切阿修羅
行非法故天作是念阿修羅王惱亂
我等既不勝天不與天等何以故閻
浮提人孝養父母隨順法行恭敬種
姓耆舊有德淨修八齋布施持戒修
行福德不行放逸不近惡友是人命
終生於天上阿修羅非法無法救護
一切天衆思惟是已時天使者鵄持
天常恣意天一切天衆持天法幢速
疾馳往向阿修羅軍而語之言住住
阿修羅我住天中汝等何故數惱我
等汝既不能勝諸天力又非第一非
汝兵戈能勝諸天我今為欲破汝軍
衆故來至此以汝惡心於諸天故不
得至汝所住宮城以汝一切不行正
法不得安樂不得寂滅如是說已直
趣其所一切決勇雨大刀戟婆修吉
等雨大焰火墮阿修羅軍時阿修羅
見是事已即喚鉢摩梯諸惡龍等汝
為我伴當與德叉迦婆修吉大龍王
等雨火共戰時鉢摩梯聞是語已即
走往趣婆修吉所時二部龍雨火相
燒天與阿修羅大興鬪戰天復得勝

破阿修羅軍時阿修羅皆共相率往
至羅睺阿修羅所憂惑憔悴以求救
護羅睺阿修羅王見是事已安慰之
言勿怖勿畏以有我故若獨一身尚
不畏彼帝釋天王況有汝等以為翼
從諸天劣弱何所能為汝何所畏我
今當告大仙勇健阿修羅王花鬘阿
修羅王鉢呵婆毗摩質多羅阿修羅
王等為彼說已我當自往破彼天衆
時羅睺阿修羅王即往告彼三地阿
修羅王到其所已說如是言一切天
衆四天王天皆共和合來至我所與
我共闘今當思惟設何方便破彼諸
天時諸阿修羅聞是語已即答羅睺
阿修羅言我當莊嚴與彼三十三天
王帝釋共戰汝今可去天當破壞阿
修羅勝時羅睺阿修羅王即往戰處
欲與天闘時諸阿修羅衆向羅睺阿
修羅王說言大王天有大力天有大
力不可共戰時羅睺阿修羅王即趣
天衆雨諸刀戟與天共戰是時諸天
見阿修羅雨諸刀戟使龍雨火疾走
往趣欲破羅睺阿修羅軍天雨劍戟

猶如金剛交陣鬪戰不可稱說若闍
 浮提人順法修行孝事父母供養沙
 門及婆羅門恭敬耆舊天衆則勝阿
 修羅軍退沒不如若諸世人不順法
 教天則退弱阿修羅勝如是法力非
 法力故天與阿修羅無等鬪戰若阿
 修羅勝天衆破壞一切天衆互相告
 曰提婆提婆當念於法以有法故天
 衆得勝以法因緣天得增長是故諸
 天當起信敬思惟念法復往趣彼阿
 修羅軍一切天衆以念法故為法所
 護光明威德皆悉增長勝前百倍時
 阿修羅見詣天衆光明威德即生怯
 弱告諸軍衆汝今何故生怯弱心天
 之威德不與吾等及其刀戟兵刃相
 撲吾悉勝彼汝今何故而生怯弱時
 諸軍衆聞阿修羅王安慰之音氣力
 增長是時羅睺阿修羅軍還向天衆
 時諸天等身得法力速疾馳奔向阿
 修羅交陣大戰時大力羅睺阿修羅
 王處其軍中猶如第二須弥山王天
 衆法力即破羅睺阿修羅軍諸救護
 中法為第一一切光明法光第一時

羅睺阿修羅見其軍衆破壞退散皆
悉怯弱阿修羅王復安慰言汝等阿
修羅勿怖勿怖何故丈夫怯如鳥鳥
自於已舍去有勇健是大丈夫汝等
亦皆解知論法無所畏懼曾已具見
無量軍衆破壞退散汝今何故而生
愁怖時諸阿修羅聞安慰已心生歡
喜以憍慢故即迴復返欲與天鬪時
羅睺阿修羅王以憍慢心在其軍前
一切阿修羅依止羅睺羅睺所護以
羅睺王為最第一一切阿修羅皆往
向彼四天王所諸阿修羅以依羅睺
阿修羅力得生氣力羅睺阿修羅王
在我前行此王之力尚能破彼釋迦
天主况四天王即復對敵雨諸刀戟
又雨大石猶如大山從空而下欲壞
天衆時護世天見羅睺阿修羅王雨
大石山告諸天衆羅睺阿修羅王雨
大石山汝等當雨刀戟鋒稍莫今天
衆得大衰惱時護世天說是語已及
諸天衆直趣羅睺阿修羅王共羅睺
阿修羅合陣大戰雨刀雨石從空而
下墮大海中令海涌沸天雨刀劍傷

害海中無量百千衆生之類或死或怖逃走畏避遍大海中皆生泡沫羅睺阿修羅與天共戰餘天阿修羅見是事已皆作是念未曾有也天與阿修羅如是大戰戰鬪不止若世間人修行順法一切阿修羅多諸伎術刀稍矛劍大力勇健心無所畏雖有此術即時破壞若世間人不順正法羅睺阿修羅王則勝天衆是故法為第一法為取勝一切諸法非無因緣若羅睺阿修羅王破壞失力諸阿修羅皆志愁悴厭離鬪心時羅睺阿修羅王見諸軍衆皆志愁悴生厭離心而告之曰阿修羅莫自愁悴令心劣弱勿怖勿怖我若與汝至本宮城不安樂住莫作是意欲還宮城奮迅威武令增身力迴詣戰場莫歸本處時阿修羅聞是語已復往趣彼四天王所更共鬪戰雨大石山雷電注雨黑雲黯黯列陣大鬪見者毛豎天復得勝破阿修羅軍一切諸阿修羅作是思惟天有大力我當歸彼第二住處星房城中阿修羅王以求救護利益安

樂破諸天衆彼城之中有阿修羅王
名曰勇健自性勇健已曾百千與天
共戰乃至天主釋迦提婆彼亦能勝
如是阿修羅勝過一切思惟是已皆
共往詣勇健阿修羅所說如是言阿
修羅王天衆大力羅睺阿修羅王與
之共闘不能令伏今可疾往以力利
益為作救護佐助勝力王若執仗帝
釋天王亦不能壞阿修羅軍況餘天
衆王曾伏彼於諸闘戰阿修羅中得
大名稱速疾詣彼馳奔急趣手執兵
戈奮動武器與天共戰破彼天衆汝
先已曾百千破彼金剛之手於彼天
中汝以勝力奮威振武時阿修羅王
聞是語已即向花鬘阿修羅毗摩質
多鉢呵娑阿修羅所作如是言天軍
力勝破壞羅睺阿修羅王及其軍衆
王今聽我與天共闘令我得勝時花
鬘阿修羅王毗摩質多羅阿修羅王
鉢呵娑即告勇健阿修羅曰速去速
去我為汝伴能壞天衆汝助羅睺阿
修羅王則能破壞一切天衆況四天王
時勇健阿修羅王聞是語已即向羅

睽阿修羅所為助戰故時諸阿修羅
衆見勇健來皆大歡喜悉生勇力手
執武器刀鎗箭稍直詣天衆設諸闘
具箭如雨墮時天見此二阿修羅將
大軍衆各作是言此阿修羅如是數
數無有著恥來惱天衆以畜生故我
數破之猶來不止作是說已牢自莊
嚴奮迅勇力向阿修羅軍欲共交戰
時勇健羅睺阿修羅王見天衆已作
如是言天今下此必共戰諍我當與
天列陣大戰時二阿修羅王籌量此
已速疾往詣四大王所次意欲闘各
望得勝若日在天後阿修羅軍日在
其前以日光明照其目故不能加害
亦不能雨刀仗劍戟不能以目正視
諸天各各相謂日光晃昱照我眼目
是故不得與天闘戰是時羅睺阿修
羅王即以一手障彼日光是第三因
緣世人見已以愚癡心咸作是言今
者日蝕或言當豐或說當儉或言水
災或言旱災或言王者吉凶灾祥或
言衆人有疫無疫如是無實妄生分
別不如實知隨愚癡說如是羅睺阿

修羅王障蔽日光而語勇健阿修羅
 言天今易見天今易見可以刀劍種
 種武器兵戈矛戟破彼諸天勇健阿
 修羅王在其前面速疾馳走雨諸刀
 戟向諸天所天衆見之在嚴種種聞
 戰之具亦疾往趣勇健阿修羅王雨
 衆武器刀劍矛稍向騁持天衆騁持
 天衆見是事已讚言善哉善哉阿修
 羅王我諸天衆數數破汝而汝無耻
 不生獸心我以法力以行法故以歸
 法故以修法故不離法故是故我勝
 汝多貪故貪著他物望為己用多行
 貪故汝無法行云何於此十善業道
 順法諸天欲望破壞黑闇不能覆障
 光明明力勝故勇健阿修羅王聞是
 說已告諸天曰何須多言我見汝等
 神通威德不能忍之我等自依己力破
 壞天衆以見諸天威德勝故不能忍
 之作是語已直前往趣騁持天所時
 騁持天見是事已雨種種箭射阿修
 羅身無空缺處當於勇健阿修羅上
 雨衆刀劍時騁持天告阿修羅曰何
 故多貪阿修羅汝以惡業而自破壞何

用與天共相攻伐非法不能破壞如
法我不為汝作諸衰惱汝等何故數
惱天衆雖作此說然阿修羅猶復馳
奔走趣天衆時鳩持天告婆修吉德
又迦等諸龍王曰今此勇健阿修羅
王以驕慢故自恃己力猶不調伏汝
今可於阿修羅上降澍大火令彼失
力破壞還退時婆修吉聞是語已即
於空中雨大猛火燒鉢摩梯諸惡龍
等復疾走趣勇健阿修羅上放大熾
電霹靂猛火雨阿修羅軍時阿修羅
王被龍火已生大瞋恚手擎大石廣
八百里擲鳩持天時迦留天見是事
已即雨大火燒滅此山是時勇健阿
修羅王見山被燒即失威力告諸天
曰此山已燃我當更以大山擲汝身
上尔時勇健阿修羅王手擎大山復
欲擲天時諸天衆告阿修羅言汝既
無法而作非法不能壞我我住正法
汝住非法諸天如是毀訾阿修羅王
是時羅睺阿修羅王聞是語已將諸
軍衆疾走向天天衆見已皆亦馳赴
欲與阿修羅交陣大戰以諸兵刃種

種刀戟戈矛箭稍于相攻伐天說法
已誠心憶念歸命三寶直趣阿修羅
軍天衆既至阿修羅軍皆悉退散為
百千分欲向海下非法惡龍鉗摩梯
等語阿修羅言勿怖勿怖汝今捨我
欲何所至德又迦婆修吉諸龍王等
我能遮之汝當獨與諸天共闘破諸
天衆汝若畏者汝本何故自出宮城
來至於此汝不自審力之強弱何故
乃與諸天作怨若汝捨怨還本宮城
我等龍衆為何所趣德又迦婆修吉
是吾怨家我何所趣時阿修羅聞是
語已復還天所與天共闘時諸惡龍
不能遮彼如法龍衆阿修羅軍尋復
退散還歸海下入本宮城時阿修羅
見其軍衆如是破已遣阿修羅向第
三地花驪阿修羅所白言大王速起
速起天衆力勝破壞一切阿修羅軍
分散四趣逃避逃走大王久已與天
共戰得大名稱今亦如是當起爾意
破諸天衆王若去者帝釋天王不得
為敵况餘天衆是時花驪阿修羅王
聞是語已思惟籌量即與無量億阿

修羅衆而自圍遶以種種器仗刀戟
鈔稍牢自在嚴往詣戰場大聲震吼
聲滿十方時羅睺阿修羅王見是事
已語勇健阿修羅言花鬘阿修羅王
今來向此益我威力破諸天衆汝今
可迴汝今可迴花鬘阿修羅來我今
大力軍衆聞已還詣戰場欲與天鬪
時四大天王語阿修羅言汝畜生法
天數破汝而復還迴汝愚癡心自失
軍衆說是語已向阿修羅衆速疾馳
走花鬘阿修羅見諸天來告其軍衆
汝等阿修羅勿怖勿畏與天共戰何
故聚住破彼天衆莫生怯弱以有我
故汝何所畏獨我一身能壞諸天何
況勇健阿修羅王為我朋侶師子兒
羅睺阿修羅王為我同伴汝等鬪戰
莫生怖畏莫生怖畏增長威力破彼
諸天今阿修羅增長得勝奮怒大力
與之共戰時花鬘阿修羅如是勅已
即與諸阿修羅往詣鬪持天常恣意
天迦留足天三竺侯天所住之處毗
琉璃地周遍嚴飾心生喜悅而作是
說我等不須三十三天帝釋天王能

數數壞阿修羅軍以法力故以法為
伴時阿修羅虜在大海遍於海上欲
與天鬪集在大海是時諸天見阿修
羅大衆集已各共議曰一切第三地
花鬬阿修羅宿大力者今皆來集說
是語已阿修羅衆皆至其所時天見
已即告阿修羅曰虛來至此望壞天
衆我有大力何以故鬪浮提人隨順
法行孝養父母供養沙門婆羅門意
樂善法修行善法命終生天是故我
今勝於汝等有大力勢第一無比我
等如法順法修行不惱汝等汝行非
法惱乱我等時阿修羅聞是語已不
受天語即與天鬪時諸天等從其所
住滿虛空中從空而下欲破阿修羅
軍兩軍交戰聲震大海魚鼈龜鼉摩
竭大魚那迦錯魚心皆大怖散為百
分或百千分天等大鬪雨諸器仗矛
稍刀戟天與阿修羅如是大戰時花
鬬阿修羅王告諸天曰前軍鬪戰我
時未至今汝破之我今至此當摧汝
衆獨我一身能伏帝釋何況汝等四
天王衆是故我能破汝天衆說是語

已即向鬬持天時迦留天見其來已
 即向花鬬阿修羅所時阿修羅欲破
 其軍於大海邊拔取大石方四百里
 或三百里或二百里或一百里或一
 由旬大火熾燃欲以此山擲迦留天
 時天見之即歸三寶思惟念法以箭
 射之碎如沙末墮大海中時阿修羅
 見事無功即取大戟與迦留天對敵
 共戰天既見已於虛空中雨金剛電
 碎其刀戟阿修羅軍皆悉散壞時勇
 健阿修羅王復走往趣常恣意天欲
 共鬬戰取大圍山名波利佉廣五百
 由旬告諸天曰我今破汝一切諸天
 令汝天衆至閻羅王所說是語已直
 向常恣意天時護世天見是事已接
 取圍山以打阿修羅臂即時破壞走
 入海下還本住處時諸軍衆見阿修
 羅退隨摩睺阿修羅軍皆亦散走困
 乏垂死還入本處時羅睺阿修羅及
 其軍衆復疾往趣三笠侯天自以己
 力欲與鬬戰諸天見已於羅睺阿修
 羅上雨大猛火燒阿修羅軍阿修羅
 王及其軍衆退走散壞還歸海下是

時諸天見阿修羅軍皆悉退散心大歡喜阿修羅王憂感愁惱丈夫之力皆悉散壞還走水下從門而入欲求救護求歸依處時諸天衆知阿修羅急入水下還本山頂住毗琉璃山恐阿修羅復來至此何以故毗摩質多羅阿修羅王鉢呵婆於阿修羅中取為大力第一取勝能救一切諸阿修羅猶未來此彼若破壞一切阿修羅皆悉破壞說是語已皆大歡喜氣力增長皆共遙視阿修羅軍決意欲戰時婆修吉德又逆法行龍王破鉢摩梯等被傷殘餘還入戲樂城望鉢呵婆阿修羅王破壞諸天救護我等若不能壞天還得勝天衆增長如是阿修羅伴惡龍王鉢摩梯等愁毒苦惱住本城中阿修羅軍亦復如是愁憂苦惱住於本處

正法念處經卷第二十

癸卯歲高麗國大藏都監奉
勅開造

正法念處經卷第三十一

初

元魏婆羅門瞿曇跋耆流支譯

畜生品第五之四

今時毗摩質多羅阿修羅王聞第三
地華鬘阿修羅王勇健阿修羅王羅
睺阿修羅王被破失力時有阿修羅
語鉢呵婆言軍衆破壞无能救者唯
汝有力能護彼軍鉢呵婆言汝速看
彼三阿修羅王今在何處阿修羅言
今者悉為諸天所破還歸水底住於
門下皆失勢力還歸大王婆羅呵婆
欲求救護望助其力著慚愧耻於門
下住不得入城時毗摩質多羅鉢呵
婆聞是語已語阿修羅言阿修羅等
與天共戰釋迦天主在中不耶阿修
羅言未曾來也時鉢呵婆聞是語已
即大瞋恚眼赤如血奮其身力視阿
修羅作如是言唯四天王破壞三地
諸阿修羅今失勢力阿修羅軍無所
能為為彼一天之所破壞我今當往
破一切天時鉢呵婆阿修羅王作是
語已諸阿修羅皆有威力阿修羅王

勅諸軍衆速疾擊鼓我欲自出擊彼
天衆令其破壞衰惱喪滅及帝釋王
我獨能破天今破壞阿修羅衆我不
能忍若無我者得言諸天有大勢力
我今猶存云何諸天能有大力欲望
奪我阿修羅女毗摩質多羅鉢呵娑
說此語已擊大戰鼓告諸軍衆速疾
莊嚴我今欲往攻彼天衆令阿修羅
衆皆得增長如是勅已即自發起百
千輪殿無量十億阿修羅軍光明如
日始發起時一切大地山河剎陀羅
山須弥山王皆悉大動乃至善見城
天善法堂釋迦天主所坐之處動搖
不定時天帝釋作是思惟我座搖動
阿修羅王必與天鬪是故令我坐處
傾動時天帝釋告諸天曰若毗摩質
多羅阿修羅起則園林山谷須弥山
王皆悉大動汝等三十三天速疾莊
嚴阿修羅來毗摩質多羅鉢呵娑阿
修羅王發起欲來破壞天衆我今亦
自乘伊羅婆那鳥及諸天衆共詣鬪
處何以故我不見天衆能與此鉢呵
娑毗摩質多羅阿修羅王共戰時天

帝釋說是語已善見城中善法堂上
一切天衆一一天宮所住之處皆悉
勅令出善見城往趣毗摩質多羅鉢
呵婆戰鬪之處天衆聞已即入質多
羅林取種種器仗此質多羅林一切
戰具皆悉備有時彼天衆或百或千
或千億萬億疾入彼林皆取戰具聲
震躁擾如海潮聲逼迫隘疾颺塵滿
空如是大衆或有行空有行山脊有
行山谷周圍大陣無空缺處復有諸
天遊戲林間聞擊鼓聲走趣質多羅
林捨於欲樂取衆戰具百百千千億
億萬衆一切諸天皆共瞻仰帝釋天
王時天帝釋見是天衆皆大歡喜坐
衆寶殿其殿嚴嚴七寶莊嚴或以光
寶而為嚴飾或有金色以為莊嚴或
毗琉璃或以頗梨或以車渠或以迦
羅種種大寶以為莊嚴或種種摩尼
以為莊嚴寶網羅絡懸衆寶鈴端嚴
殊妙如業果報得此勝殿其身光
明威德赫焰位次相比間不容人或
有住於須彌山峯側滿充遍有住空中
百百千千皆共瞻視釋迦天王同待

天主與阿修羅王共戰各各籌量設
諸方便時天帝釋告御目曰賢士汝
往告彼伊羅婆那六頭白鳥具足一
切大龍功德我乘此鳥摧阿修羅是
時御目受天主教即向如意蓮華池
所時伊羅婆那六頭白鳥與衆群鳥
遊戲池中尔時侍目告鳥子曰天主
釋迦欲乘寶鳥摧阿修羅爲子聞
已即告寶鳥伊羅婆那聞其所說即
共守者詣御目所到善法堂侍目即
入白天帝釋天王當知第一寶鳥今
已來至時天帝釋即以憶念化此寶
鳥令有百頭面貌清淨離諸塵垢其
一一頭皆有十牙皆悉鮮白一一牙
端有十華池一一池中有千蓮華一
一蓮華有十華臺一一華臺有百華
葉一一葉中有百玉女以五音樂歌
舞嬉戲出美妙音無以爲比如是伊
羅婆那殊勝寶鳥帝釋天王之所變
化其身廣大一千由旬其色鮮潔純
白無以帝釋乘之欲破阿修羅軍種
種伎樂或有歌舞或有戲笑或嘯或
吼或有叫喚光明威德端嚴殊妙出

善見城諸天見已各乘種種異色寶

殿種種器仗以自在嚴種種伎樂歌

舞戲笑喧噓

鳥進反

出聲歡喜悅樂見

帝釋王喜悅倍前時天帝釋端坐寶鳥

王處其中大功德力之所集成无量

天衆周匝圍遶端嚴無比種種天衆

皆共圍遶三十三天王其明勝於百

千日光滿虛空中衆伎樂音充塞遍

滿二万由旬從上而下詣阿修羅闕

戰之處介時護世四大天王發聲大

叫上昇虛空往詣天帝釋即於空中

遇天帝釋白言天王毗摩質多羅鉢

呵娑欲伐諸天一切大海擾亂不定

百千衆山皆悉動搖阿修羅衆奮武

遊戲出大怖聲大海魚鱉及小龍子

皆失身力小羅刹鬼毗舍遮鬼元量

衆生墮失身命娑羅摩悌非法惡龍

歡喜踊躍吼如雷震娑修吉德又迦

等法行龍王愁悴自守毗摩質多阿

修羅王從水下出六万真金須弥樓

山悉皆震動一切衆生心皆怯弱變

持天常恣意天迦留足天三笠筏天

心皆惶怖怯弱不安遣我来至大天

王所天王當作何等方便如是我已
破彼三地阿修羅軍羅睺阿修羅王
華鬘阿修羅王勇健阿修羅王百千
共戰志已破壞帝釋聞已告護世言
我已先知毗摩質多羅鉢呵婆起欲
惱天我今欲下摧破阿修羅軍救護
諸天我為法護為法所救修行於法
法為勝幢求法樂法不樂非法我以
如是功德能破彼軍我則得勝無勝
我者莫生怖畏我今將大軍衆到阿
修羅所莫生怯弱所以者何閻浮提
人孝養父母恭敬沙門婆羅門耆
舊長宿知恩報恩順法修行守護正
法喜樂正法信奉正法供養沙門知
業果報於六齋日齋戒自守布施持
戒修福習智我常憶念順法修行受
行法戒彼阿修羅無有法行是故於
彼阿修羅所無少畏心時天帝釋說
是語已往詣毗琉璃山頂四天王天
所住之處時天帝釋見四天王告諸
天衆此護世四天來集此處欲破阿
修羅軍時護世天白帝釋言此諸天
衆天王所攝天王所護依止天王不

畏阿修羅及其軍衆如是說已時三

十三天皆大歡喜讚天王言天王常

勝天衆常勝旣讚嘆已到四天王所

時天帝釋所將天衆无量百千宮殿

圍遶乘伊羅婆那大白鳥王如上所

說其身殊妙七寶光焰赫若電光滿

虛空中無量音樂震吼之聲充滿十

方百千天衆歡喜圍遶住須弥山

闍婆衆莊嚴諸天仙聖歌頌無比讚

嘆共相娛樂自善業果受第一樂時

四天等見帝釋下皆大歡喜時天帝

釋告四天言我今至此欲破阿修羅

勿怖勿怖諸天大衆志集來此時四

天衆聞已歡喜白言天王我已獨能

破阿修羅況天王來大衆皆集我依

天三於阿修羅無少畏心說是語已

即遶帝釋於一面住觀毗摩質多

羅阿修羅王羅睺阿修羅王勇健阿

修羅王華瓊阿修羅王軍身著諸天

金剛鎧鉀手執種種兵刃武器欲摧

阿修羅軍心念不息住種種寶莊嚴

殿上法行龍王婆修吉德又迦等心

欲鬪戰住在一面瞻仰帝釋隨其教

剌即當奉行共觀水下時四阿修羅
王忽然直出一切軍衆元量千億
共圍遶手執種種鬪戰之具直前而
進不顧左右無量百千億大衆圍遶
一切須弥留山皆悉震動一切阿修
羅中其力取勝善解無量鬪戰之術
從水下出猶如第二須弥山王與鉢摩
梯等非法惡龍而自圍遶毗摩質多
羅鉢呵娑來至戰場諸天大衆遍虛
空中阿修羅軍滿大海上欲共天衆
興大戰鬪各自思惟欲觀鬪戰於一
面住時四天王德叉迦婆修吉等白
帝釋言天王阿修羅軍在我前住天
王何故不勅我等與彼共戰時天帝
釋告諸天衆及諸龍衆我今當遣護
世四天下閻浮提觀諸衆生孝養父
母恭敬沙門婆羅門順法修行則能
破壞阿修羅軍天為法護依止於法
依法增長天亦增長法損減故天衆
亦減我今遣汝詣閻浮提到人世界
如是說已即勅四天汝速往閻浮提
觀諸衆生若有順法孝養父母恭敬
長宿供養沙門齋戒自守布施持戒

不行放逸隨順正法時四護世間是
語已如射箭須至閻浮提一一住處
一一村落一一城邑一一軍營一一
交道一一國土一切觀察孝養父母
供養沙門婆羅門耆舊長宿皆遍觀
察見閻浮提人順法修行孝養父母
供養沙門婆羅門耆舊長宿如法修
行見是事已心生歡喜如射箭須到
帝釋所心喜踊悅白天王言甚可慶
悅釋迦天王閻浮提人順法修行孝
養父母恭敬沙門婆羅門耆舊長宿
布施修德增長天衆減損阿修羅軍
帝釋聞已甚大歡喜告護世言一切
天衆應生歡喜我今破壞阿修羅軍
我今破壞阿修羅軍閻浮提人多修
福故天衆聞已皆大歡喜身力轉增
過先十倍白言天王何故而住何故
而住我以天王威勢力故破彼怨敵
令天得勝時天帝釋告婆伽吉德叉
迦等諸龍王曰汝速走趣鉢摩梯等
非法龍所莫往毗摩質多羅阿修羅
軍時婆修吉德叉迦聞是語已即疾
往趣阿修羅伴鉢摩梯等非法龍所

雨大猛火時毗摩質多羅鉢呵婆即

遣鉢摩梯放大熾電一切惡龍身上

火然受大苦惱尋復破壞走趣阿修

羅軍作如是言各各異軍不可勝彼

大眾皆當和合共闘天乃可破作是

語已即復走向婆修吉德又迦所時

法行龍婆修吉見彼惡龍語德又迦

言彼以惡心瞋恚而來我當為之而

作衰惱今不復來若不加彼數數

如是惱亂我等作是語已時德又迦

即走往趣鉢摩梯所於虛空中雨大

猛火放諸烟焰燒彼惡龍既被燒已

尋便退走奔趣阿修羅所望救生命

羅睺阿修羅王見是事已作如是言

此龍破壞退來至此汝等何故捨之

而住作是語已奮力而走時迦留足

天見羅睺阿修羅來亦走往趣交軍

合戰甚可怖畏如惡險岸諸小阿修

羅住於海中皆悉驚塞或有恐怖喪

其身命空中雨刀遍迄歇下百千万

數如是聞時若天被害斬截手足尋

復還生無所患害一切身分亦復如

是無所患苦色相不異妙色具足唯

除斬首及斷半身天阿修羅互相怨
敵如是鬪戰若阿修羅為天所害斷
則不生亦如人法受諸苦痛非如天
法時迦留足天與羅睺阿修羅軍如
是大戰時迦留足天復取無量大山
雨阿修羅軍時阿修羅軍分散破壞
為百千分羅睺阿修羅王見其軍眾
悉破壞已即取大山廣三百由旬走
向天眾時迦留足天見已手執弓伏
亦走往趣以箭射山碎如砂末墮大
海中虛空雨刀時阿修羅見是事已
畜生心故少勇怯弱走向勇健阿修
羅軍勇健阿修羅王見其退還告軍
眾言此羅睺王空有大身無有少力
為天所壞走來奔軍欲望救護如凡
阿修羅等無有異以無力故若有力
者則以此身必能獨破一切天眾是
身如第二須弥山王此迦留足天第
一勇健能與如是大身共鬪而不破
壞作是語已即與陀摩睺眾走趣迦
留足天欲共鬪戰時天見已即告瓊
持天言速來速來今勇健阿修羅王
將大軍眾來向我所時瓊持天聞是

語已即復疾走向勇健羅睺阿修羅
所羅睺復與勇健阿修羅牢自莊嚴
迴向天衆欲與迦留足天相搏共鬪
念本宿怨擲大山石上雨刀箭種種
器仗及擲大樹滿虛空中間无空處
不復相見百千共鬪无等鬪戰諸天
身分壞已復生亦如上說阿修羅軍
輒斬不生亦如人法諸天軍衆唯除
斬首命則不全若斷中腰亦復如是
是時天衆少有減損阿修羅衆多有喪
滅時阿修羅被天破已餘殘軍衆還
退水下欲望救護天衆大呵阿修羅
軍聞其呵聲皆失威力微命自存羅
睺勇健走還本城於門下住時第三
地華鬪阿修羅王見羅睺勇健為天
所破告軍衆曰我軍志來當與天戰
我有大力天何所能作是語已即與
其軍走趣天衆及羅睺勇健阿修羅
軍餘殘相率還與華鬪俱詣天衆共
相謂言何故妄稱阿修羅王而自退
走既自無力又无刀戟善巧戰敵設
得至宮毀辱妻子說是語已氣力還
增身如大山手執兵器走速如風復

向天衆欲與天戰時天使者及變持
天常慈意天迦留足天等皆共籌量
一切阿修羅皆共和集欲來我所自
恃己力而生憍慢不知天力說是語
已走趣阿修羅即共大闘上雨大山
或雨大石雨刀雨戟共相擒擄無量
相煞無量逼迫無量相打無量喪命
遍大海上無量種闘無法可喻龍衆
共龍無量種闘時天帝釋見是事已
告三十三天言速疾莊嚴一切阿修
羅衆今皆來此除鉢呵婆我當乘伊
羅婆那白鳥與鉢呵婆闘時天帝釋
告諸天已語伊羅婆那白鳥王言我
今乘汝破毖摩質多羅阿修羅王及
其軍衆作是語已手執金剛遍觀阿
脩羅衆勢力誰勝見天得勝阿修羅
軍退沒不如天見阿修羅破壞退走
皆大歡喜天三帝釋怡悅喜樂時鉢
呵婆見是事已作是思惟三地無量
億阿修羅衆闘戰失力皆已破壞如
前於一切觀池所見無異如實不虛我
今當往破天帝釋壞彼諸天說是語
頃天衆已至水底門下時毗摩質多

鉢呵婆生大瞋恚諸山搖動大海涌波
日光山頂皆作赤色及其軍衆住於
水底見諸天衆破羅睺等阿修羅軍
走趣水下無力无救一切擾亂天大唱
叫一切阿修羅皆恚失力互相謂言
我今無力无有救護有阿修羅言勿
怖勿怖還迴勿走說是語時即雨山
峯遍打阿修羅軍天大歡喜唱如是
言捉阿修羅捉阿修羅然此非法惡
行畜生常惱我等不能鬪戰怯如烏
鳥無勇健志不善刀戟如是好破令
不復迴此阿修羅聞不知時節如
是天衆各各歡喜向阿修羅欲加打
害瞋恚目赤猶如絳色雨刀雨戟又雨
大火猶如秋月降注大雨如是破壞
阿修羅衆時鉢呵婆阿修羅三坐百
千輪行殿之上與無量億阿修羅衆
而目圓遠兩種種刀戟手接大山或
一由旬乃至五由旬向於天衆時羅
睺欲鬪時鉢呵婆安慰之言勿怖勿
怖我今來此破一切天衆滅摧壞汝
莫怖畏阿修羅王勿怖勿怖若至本

宮於已妻所云何自稱我是大夫而無膽勇虛稱丈夫時鉢呵娑說是語已走趣天衆諸天見之亦疾往趣天與阿修羅合陣大戰大聲震吼滿須弥留山川嶮峻時羅睺阿修羅王走趣迦留足天勇健阿修羅王手執大戟走趣變持天華變阿修羅王手擎大山廣三由旬走趣三竺筏天及天使者如是大戰一切衆生聞說毛豎何況覩見時鉢呵娑阿修羅王復欲調伏摧壞諸天如風吹雲自恃大力不懼天衆時四大天王如是被惱至三十三天白帝釋言天衆獨闕將為阿修羅之所破壞天王速去莫今天衆散滅毀壞畜生得勝天王速去速去除善法堂餘一切天皆當速去三十三天聞是語已一切天衆皆悉疾往鉢呵娑毗摩質多所雨衆刀箭鉢呵娑於三十三天衆上雨大石山滿虛空中一切和合吼叫大闢各各自謂我軍得勝如是闢戰百千山谷互相打觸碎為微塵於虛空中滿千由旬此塵雲中迭承雨箭雨山猶如秋雨

無量億阿修羅衆喪滅不還諸衆

中無量千人天命喪壽怯弱阿修羅

等為護命故走入本宮敗軍之餘既

入城已阿修羅衆諸婦女等來問之

言我夫今者為何所在阿修羅答言

阿修羅軍與天共鬪破壞天衆皆大歡

喜欲來不久時阿修羅諸婦女等即

向一切觀池觀阿修羅軍見天得勝

阿修羅軍敗散破壞死屍狼藉百退

千退諸女見已悲塞懊惱却坐於地

啼泣悲哭心大苦惱遠池而住推習

大叫自拔頭髮舉手拍身眼中流淚

時諸婦女於池水中見夫死已憂悲

大苦天阿修羅如是共鬪如是大惡

鉢呵娑阿修羅王與元量億阿修羅

而自圍遶來向帝釋帝釋見已告諸

天衆此阿修羅今來我所欲共鬪戰

難可調伏我以法伴當破彼軍如明

除暗說是語已乘伊羅婆那白鳥王

其走速立猶如射箭善法天衆而自

圍遶從上而下直向阿修羅軍拔大

樹林擲上軍上又擲大石或兩大箭

向鉢呵娑時鉢呵娑乘大輪毀攻帝

釋王時天帝釋語鉢呵婆汝為畜生
住非法道欲何所至吾當壞汝令汝
退還走入水下時毗摩質多羅鉢呵
婆語天主言我今破汝反諸天衆時
毗摩質多羅鉢呵婆接大金山廣五
百由旬以擲天衆伊羅婆那白鳥
三見金山來口出猛風吹破金山猶
如砂末墮大海中時阿修羅三見金
山碎復取金剛齊山廣五百由旬擲
天帝釋時伊羅婆那白鳥王以鼻接
取還打鉢呵婆阿修羅曾令其傾動
三十三天見是事已揚聲大叫唱言
畜生天王破汝白鳥打汝今汝傾動
何況天帝釋手放金剛作是語已一切
天衆走向阿修羅軍有取大石有取
大樹有取大山有執大戟有執大稍
有震雷電霹靂起火有執犁具或有
相搽有執刀輪或有執刀有行虛空
有執弓箭前有執圍山有相擒捉拈加
有順法闢有相道理或有拍授有多
巧偽有以火闢或有水闢或有注流
或一切闢或有暗闢或有幻闢或以
鋸闢或用抓闢或以毀輪或以聲叫

聞者不_レ忍或以_レ脚踏或以_レ手闕如是
種種器仗身皆具足一切天衆在帝
釋前向阿修羅時鉢呵婆羅睺王等
見諸天衆執種種器仗共鉢呵婆向
帝釋所時諸天衆見四阿修羅王向
帝釋所即自莊嚴以助天王時天帝
釋自觀天衆告阿修羅曰汝等畜生
云何如是癡無所知一切阿修羅力
不及一天之力獨我一天能破汝軍
何以故天有法力汝無法力法以非
法相去玄絕譬如日光比於暗冥如
以實語比於妄談如以須弥山比於
衆山如以解脫比於繫縛如以利益
比於衰損如以善友比於冤家如以
甘露比於毒藥如以白日比於昏夜
如以偽珠比於真實如以巨富比於
貧窮猶如行使比安住者如以螢火
比於日光如無足者欲比猛風相去
玄遠如以盲人比明眼者如以險路比
平坦道如以外道比於如來猶如虛
雲比於土地如以一念欲比一劫汝之
興我相去玄殊亦復如是
汝不順法我則敬重汝便愚癡我有

智慧汝不修福天修福行汝是畜生
我為淨天如是知已汝則不應與吾
共戰說是語已即現去相令伊羅婆
那向阿修羅伽他頌曰

法能破非法 實語破虛妄 智慧破愚癡
天破阿修羅

今時帝釋說是語已化伊羅婆那如
前所說向阿修羅軍遠過疾風手執
千刃金剛怖阿修羅不以煞心時阿
修羅見天帝釋亦走往趣時四天王
三十三天亦各疾走天與阿修羅交
陣大戰皆望得勝互相攻伐天阿修
羅有被傷害殞命而死或有怯弱退
走還歸有住觀視有心念歸或有瞋
恚或復癡亂或有怖畏時天帝釋即
作變化令阿修羅見伊羅婆那白鳥
至一一頭上有千帝釋皆以手執千
刃金剛種種器仗衆蓮華池亦如前說
於華池中見無量千帝釋天王伊羅
婆那化為十頭一一頭上有千浴池
一一池中有二蓮華一一蓮華有百
華臺一一華臺各有千葉為頭華臺
有百千億帝釋天王億那由他種種

武器金剛寶劍間無空處時阿修羅見是化已怖畏迷沒作是念言帝釋天王遍虛空中間無空處手執種種刀戟器仗身力無量種種刀杖滿虛空中間無空處遍於十方恐其水下天帝軍衆亦滿其中時阿修羅甚大怖畏各共相告鉢呵婆言阿修羅勿怖勿怖我能伏彼帝釋天王伊羅婆那說是語已疾走往趣伊羅婆那大龍爲王時伊羅婆那即時以鼻捉阿修羅於虛空中迴旋轉之如人弄鈴垂死乃放爲旣放已得少甦息語阿修羅言一人云何能破帝釋今當一切盡共攻之時四阿修羅王復走向伊羅婆那帝釋見已放金剛電打阿修羅欲令退散非爲奪命時阿修羅以無量大山刀劍矛稍雨天王上如夏降雨注天王身端嚴無患如是天王與阿修羅無量大鬪餘天見已走趣阿修羅軍阿修羅軍馳趣天衆共鬪戰無量惱害無量衆生見者大怖無等燒亂如是大戰天阿修羅王及其軍衆互相攻伐無量器仗堅如

金剛共合閻戰時天帝釋雖見元量
阿修羅衆在其前任而不奪命但欲
破彼阿修羅衆令退無餘時鉢呵婆
毗摩質多羅阿修羅王及其軍衆退
散敗走以求救護求歸依處歸大海下
向門而走喪失勢力毗摩質多羅鉢
呵婆乘百千輪殿以為却敵令三阿
修羅王在前而走怖畏苦惱時天帝
釋告伊羅婆鄰白為王言速疾逐彼
毗摩質多羅彼以慢心自言大力汝
今速往破其所乘百千輪殿大仙所
說不誑生戒是涅槃道此言真實衆
生愛命勿斷其命汝速至彼破其輪
殿為百千分伊羅婆鄰聞是勅已以
變化身疾於迅風至大海下鉢呵婆
毗摩質多羅見已怖畏在大海底向
門疾走無力能進伊羅婆鄰以大勢
力到其所已手執其輪令鉢呵婆墜
墮殿下接今離殿現對其所碎其大
殿如摧朽草時花鬘阿修羅王皆失
勢力命垂欲絕憶念妻子走趣門下
勇健阿修羅王亦復逃奔走趣水下
向門而走以求自救羅睺阿修羅王

亦復迷遁走趣水下望自救命雖有大身忘無氣力是時天衆見阿修羅悉破壞已歡喜而言阿修羅等聞戰得報破壞退走天見是事作如是言我等當往至其門下觀彼破阿修羅時天疾往走向水下阿修羅被破猶如猛風吹破浮雲天帝見已語阿修羅言汝以何故自為此惡令無量阿修羅衆喪失軀命汝與諸天共為怨敵無少利益今閻浮提人順法修行以人修善天有勝力人行不善天則破壞汝不知時不知方處與我怨敵無所利益汝欲伐天自得衰害時阿修羅聞是語已復入水下以求生命時天帝釋勅諸天衆可迴可迴阿修羅軍皆失氣力唯有微命放之令去還本所止時諸天衆白天王言此阿修羅不可調伏不知自力不審他力我等今可復更破壞阿修羅衆今不復迴我於天中自業受樂於阿修羅不生惱害此阿修羅云何於他順法行人而欲衰惱我不報怨終不迴也說是語已手執種種器仗刀戟速疾

走趣阿修羅軍加以怖畏令其破壞
而不煞害時天帝釋起悲愍心於鉢
呵婆忍其怖死告諸天衆汝等無慈
悲心說是語已與善法堂一切天衆
還向天宮時四大天王見帝釋還告
三十三天衆言天王旣還汝亦可迴
旣得勝方皆各歡喜志還本宮天王
帝釋垂伊羅婆那白為王三十三天
歌頌讚嘆詣第二天昇善法殿及餘
天衆皆入本宮志捨鉀胃置雜殿林
伊羅婆那捨於化身還復本形入蓮
華池如是到天世界受五欲樂五欲
功德共相娛樂遊戲林池婆修吉龍
王德叉迦龍王等破阿修羅旣得勝
已心懷歡喜還戲樂城阿修羅軍敗
破餘殘身體毀壞者愧伍頭諸婦女
等憂惱愁悴向阿修羅羅睺阿修羅
語諸被破阿修羅言我先不語汝等
非是與天共戰聞時人順正法孝養
父母恭敬沙門婆羅門耆舊長宿增
長天衆減損阿修羅我說是語不隨
我言是故今日得此惡果今天煞害
無量衆生有阿修羅諸羅睺言實如

所言不用王言非時而聞是故今得如是惡果隨摩睺阿修羅言以業欲執令我不迴生如是意得此惡果如是迭乎說已還於自地毗摩質多羅到第四地入其本城甚大羞耻憂悴恆頭姪女圍遶憂憤憔悴鉢摩梯等非法惡龍喪失氣力還戲樂城如是愛毒破壞衆生互相加害流轉世間無有少樂賢聖弟子如是觀已得離

欲意

復次修行者內觀於法隨順修行此比丘如是觀已得十七地心常樂觀第一寶諦今時地神夜叉見已歡喜告虛空神虛空夜叉聞已歡喜告護世天如是展轉乃至淨天皆說是言閻浮提中有善男子住其聚落名字某甲以信出家剃除鬚髮被服袈裟離魔境界不樂煩惱默捨生死作是觀已今得如是第十七地諸天聞已皆大歡喜作如是言如此比丘天中之天損減魔衆增益諸天

正法念處經卷第二十一 畜生品竟

癸卯歲高麗國分司大藏部監奉勅周造

正法念處經卷第二十二

初聖

元魏沙羅門瞿曇般若流支譯

觀天品第六之一

四天三初

復次比丘知業果報已觀地獄餓鬼畜生不善業報知實細觀察已次第當觀善業果報所以者何一切衆生樂於樂果耽捨苦報諸樂集故名之爲天復觀微細業集衆善業受生滅身得愛果報以七種戒生於天中何等爲七口業四種身業有三以其親近多修習故生六欲天六欲天中有上中下道命亦如是有中有下食亦如是中有下色亦如是有中有中有力亦如是有上中下樂報亦亦有中下六欲天中初之二天依須彌山四天依空猶如雲聚彼初天衆屬四天王天初變持天遠須彌山四埵而住是變持天有十住處於一一面異業異名如是無量業生變持天依業受樂無量種色娛樂受樂無有老苦諸業網印印之從因緣生非無因生亦非斷滅非有作者是故丈夫常當自

勉修諸善業若愛自身無始流轉善不善無記業網縛諸衆生流轉生死猶如水輪流轉地獄餓鬼畜生於人世間如觀伎衆若行善業生於天中依須彌山有六万山遶須彌山種種衆寶焰光明曜照諸山峰蓮華浴池流泉清淨莊嚴其山山高八万四千由旬四寶所成善業諸天所共圍遶無量光焰以為照明甚可愛樂如是比丘觀於初天變持天衆其變持天有十住處何等為十一名白摩尼二名峻崖三名果命四名白功德行五名常歡喜六名行道七名愛欲八名愛境九名意動十名遊戲林是為十處各各異住須彌龕向閻浮提有二天住一名白摩尼二名峻崖向閻浮提隨意所至向瞿陀尼有二天住一名果命二名白功德行向弗婆提有二天慶一名常歡喜二名行道向鬱單越有四天住一名愛欲二名愛境界三名意動四名遊戲林是諸天等一住處廣千由旬住大海上彼天壽命閻浮提中五十歲為一日一夜如

是壽命滿五百歲亦有中天

復次比丘知業果報觀彼地天遊戲
受樂作何等業生於何地彼以聞慧
觀須彌山側所住諸天若人修善以清
淨心歸佛歸法歸比丘僧十指手頃
不生餘心彼人命終生須彌塹白摩
尼天以其淨心受三歸故獲威德身
光明莊嚴受樂自在所受快樂十六
分中轉輪王樂不及其一其地有河
名曰欲流真珠為沙以布其底以何
力故峻崖二天心所憶念從河而出
種種美飲復有珠河名曰真珠珊瑚
寶流天衆玉女種種衆寶從河而流
所謂毗琉璃碎金剛珠天尼羅珠天
大青珠天赤真珠天車渠寶及餘種
種衆寶莊嚴隨念即得復有香河名
曰香水鵝鴨鴛鴦以為莊嚴其河兩
岸多有金樹以為園林種種衆鳥天
聞香氣發欲心喜受欲樂已百倍悅
樂及餘五欲共相娛樂多有衆樹赤
枝青葉青枝赤葉復有衆樹其葉雜
色青黃綠色雜色衆蜂以為莊嚴心
常悅樂出妙音聲受善業報遊戲受

樂種種衆寶莊嚴山峯或嚴平頂有五山峯何等為五一名雜種二名種種流泉三名衆鳥音四名香熏五名常果如是等山七寶莊嚴此諸地天遊戲喜樂恣意自娛天衆玉女以為圍遶歌舞戲笑五欲恣情心意悅樂三歸功德乃至盡報於未來世得至涅槃若生人中財物具足常得歡喜受第一樂好習伎樂財物具足以餘業故

復次比丘觀天世間見變持天第二住處名曰峻崖以何業故而生彼處即以聞慧見此衆生於何律濟造立橋船或以善心以船渡於持戒之人以持戒人故兼渡餘人不作衆惡是人命終生於善道住峻崖處以善業故生彼天已受種種樂多衆華地園遶莊嚴清淨涼冷香色妙好無有泥濁常有戲笑歌舞遊戲多衆天女以為圍遶衆寶嚴身諸天女衆恭敬供養五樂音聲以為音樂與諸天女遊戲園林衆寶浴池娛樂受樂有六浴池何等為六一名流樂二名樂見三名

一切喜四名雲鬘五名池鬘六名如意復有四林見之可愛出妙香風衆華莊嚴何等為四一名香風林二名雜林三名蜂遊戲四名悅樂天諸玉女於彼林中受五欲樂隨心所念遊戲園林所行無尋無所遮止以衆妙寶莊嚴其身受樂增長如山潛水五欲自娛五根愛河波蕩縱逸遊戲諸園林樹浴池種種衆寶莊嚴金山與諸天女遊戲山峯多衆天女花鬘自嚴端正無比種種美味食之充滿受斯樂報心意悅樂不可稱說善業因緣乃至業盡從此命終生於人中賢直巨富為王典藏以餘業故復次比丘知業果報觀鬘持天所住之處彼以聞慧見鬘持天第三住處名曰果命以何善業生此天中即以聞慧知此衆生於飢饉世守持淨戒淨身口意為利安樂諸衆生故種植果樹行者食之安樂充滿以是因緣得安隱行是人命終生於天上生果命天生彼天已無量天女色妙無比眷屬具足受天快樂園林華果真金

為樹珊瑚為枝諸寶交絡懸衆寶鈴
出妙音聲遊戲林中受五欲樂有六
種林何等為六一名一切義林二名
四園林三名柔軟林四名遍樂林五
名蜂樂林六名金影林此園林中常
有天主遊戲受樂蓮華浴池以為莊
嚴遊戲林中流泉浴池出妙音聲樹
出光曜衆鳥哀鳴飲食豐足七寶莊
嚴種種山峯遊戲受樂其須彌山有
五山峯何等為五一名光明莊嚴二
名閼浮三名白水四名笑莊嚴五名
常遊戲此諸天衆遊戲如此衆山峯
間受善業報與無量百千諸天主衆
以為園遶共相娛樂伽他頌曰

以少因生天 得受一切樂 是故應捨惡

常行於善業 思心行布施 及護持淨戒

戒能生天上 受五欲功德 非父母利益

兄弟及親友 善護持淨戒 從樂得樂處

持戒二世利 或持道軍勝 持戒人為上

從樂得樂處 持戒施正行 是名淨行人

以此自業深 從人生天處 戒為無盡藏

戒樂為無上 丈夫持勝戒 常受於安樂

持戒智慧人 常得三種樂 讚嘆及財利

後生於天上 若人能持戒 如是修戒者

現樂得涅槃 永得不死處 無始生死來

欲癡等怖畏 戒為大光明 是故常行戒

常應讚歎戒 戒如清淨地 王賊及水火

不能劫戒財 是故常修戒 遠離於破戒

若人樂持戒 則得至涅槃 持戒人為貴

應親近持戒 戒如日月光 破戒可鄙穢

無垢離曠野 離憂無熱惱 戒為佛所讚

能至涅槃城 若人具足滿 淨戒常增長

是人戒守護 臨終無怖畏 戒為初後善

一切樂行轉 持戒者為貴 破戒如畜生

若人破戒者 行於畜生道 不識作不作

是故常修戒 若人持禁戒 為戒衣所覆

若有不持戒 裸形如畜生 持戒者之大

如至遊戲處 如親人憶念 持戒來至此

淨戒持正行 善業皆和合 此人修善業

則生於天中 若人欲求樂 常應持淨戒

是人能成就 增長戒充滿 現在及未來

戒為第一伴 功德常隨逐 是故應修戒

曠野飢渴怖 戒為能救護 持戒行為勝

隨至未來世 若人持戒人 知戒果如是

彼則以利刀 自斷其身首 衆樂皆和集

不可以喻說 持戒果清淨 善逝如是說

初善及中善 後善亦如是 戒果甚廣大
從樂得樂報 知此功德已 常應修淨戒

戒為能救護 無有與等者

如是比丘思惟持戒實功德已常讚

持戒毀譽破戒如彼天處受五欲樂

持戒業盡退生人中神德無比第一

端正所生國土多有樹林以餘業故

復次比丘知業果報觀護持天所住

之處彼以聞慧知護持天有第四處

受天快樂名曰白功德行以何等業

而生此處若人少智見佛行時以所

著鬘散於佛上或以華鬘供養佛塔

以善心思福田功德思功德故是人命

終生於善道白功德天生彼天已功德

辦鬘之莊嚴其身毗琉璃寶以為其地

七寶莊嚴多有衆鳥身七寶色出妙

音聲光明普照百功德光莊嚴妙好

衆樹叢林無量嚴飾善宿之樹兩崖

生樹香熏樹等以為莊嚴隨心所念

香氣廣狹滿諸由旬華果常茂及餘

莊嚴莊嚴其地諸天伎女歌頌舞戲

歡娛受樂一一方面遊戲之處娛樂

悅樂笑舞喜戲園遶恭敬所受快樂

不可稱說其地柔軟猶若生酥天人
行時隨足上下如兜羅綿一一住處
足隨隨平亦如前說一一寶樹出妙
色光其光如日光明悅樂妙色金樹
華葉常鮮無有萎落善業所生不可
算說戒力自在善業所得如印印物
如是天子遊戲園林蓮華浴池自業
受報有上中下受天戲樂自業身相
光明可愛色聲香味觸等恣情悅樂
身無病惱無有飢渴常恣五欲未曾
厭足多起愛欲心不充滿若天憶念
隨念皆得隨念所得他不能破自在
無尋心常歡喜隨念能至化身隨心
大小任意廣大輕便一瞬目頃能行
至於百千由旬無少疲極如風行空無
所障昇天亦如是無有疲極天身威德
從心而生輕淨無垢一切行處如意
光色天子天女歡喜遊戲於園林中
天子天女五欲自娛意悅受樂各各
相隨共相娛樂諸地住處於乾陀羅
山園林之中縱逸遊戲耽著欲樂不
念退沒無常之苦放逸自恣癡愛所
誑遊戲放逸乃至愛樂生天因集業

盡還墮地獄餓鬼畜生若有善業生
於人中或守城主或護國土多饒人
衆常歡喜處無病端正以餘業故
復次比丘知業果報觀場持天第五
地處彼以聞慧見變持天有地名一
切喜衆生何業生於彼處彼以聞慧
見持戒人心有正信以花供養諸佛
如來自力致財買花供養是人命終
生於善道生一切歡喜行天生彼天
已受四種樂何等為四一者無怨二
者隨念能行三者餘天不能勝其威
德四者天女不念餘天五種伎樂歌
舞手相娛樂種種遊戲或以水戲花
池遊戲或以花戲或以果戲或以香戲
或以鳥戲或遊戲林中蜂音遊戲手
相瞻視天女圍遶遊戲喜笑共相愛
樂皆悉無有嫉妬之苦其地勝樂妙
香花池以為園遶所謂善香蓮華池
不萎蓮華池雜優鉢羅蓮華池常饒
蓮花池如是無量蓮華池莊嚴其地
種種快樂遊戲林中以相娛樂其林
金樹多有衆蜂遊戲林中種種衆香
衆鳥哀鳴甚可愛樂人中五音十六

分中不及其一如是天子妙色盈目
 軋闍婆音以悅其耳種種香風鼻所
 悅樂如是五欲境界無量衆色甚可
 愛樂非從作生他不能奪不從他求
 自樂成就天諸上味妙色味觸隨意
 念生從自業起如是一林樹一一華
 地一一園苑無量天女眷屬圍遶種
 種欲樂愛樂喜悅受善業果多衆金
 樹流出光明金色衆鳥出妙音聲聞
 之悅意如是無量不可譬喻成就如
 是無量悅樂乃至愛樂盡從天中退
 或墮地獄餓鬼畜生若有善業生於
 人中或主城邑或主聚落大富自在
 心無慳吝無量給使以為圍遶受第
 一樂以於福田種善業故乃至涅槃
 復次比丘知業果報觀變持天彼以
 聞慧見變持天第六地處名曰行道
 以何等業生於彼處彼以聞慧知持
 戒人見大火起焚燒衆生以水滅火
 救諸生命是人命終上昇善道生變
 持天以無畏施因緣力故受天樂報
 變色妙聲衆香味觸無量天女之所
 圍遶種種伎樂歌舞戲笑多衆天女

黃金欄楯寶鈴莊嚴真珠羅網以覆
牕牖無量寶珠以為莊飾無量天女
遊戲其間諸天女衆皆生愛樂瞻仰
天子視之無狀種種莊嚴瓔珞其身
其身香潔怡悅含笑常懷歡喜圓遠
天子如是天女見此妙色心極愛樂
耳聞衆聲皆悉悅樂所謂金色衆鳥
珊瑚為鬘遊戲翱翔山峪之中出美
妙音不可稱喻或在中出衆妙音
或在峪中或在花中或在水中或在
空中或在平地或在階道或在山窟
出美妙音如是天耳常聞妙音常聞
妙香所謂善妙香風無量衆華無比
快樂天女口中出妙香氣及餘種種
可愛妙香聞之悅意舌得無量須陀
美味轉輪聖三所食上味百千信中
不及其一身所衣服無有經緯縫縷
之文細滑柔軟生愛樂心無量種衣
著之悅樂若生憶念隨意即得清淨
可愛他不能奪如是無量六欲境界
無量快樂無量蓮花林中遊戲無量
林樹金摩尼林種種衆鳥其音美妙
合共遊戲於摩尼殿如是遊戲河池

蓮華流泉浴池如是種種欲樂果報
彼比丘以聞智慧觀察是已而說頌曰

六根愛著 境界所燒 愛火燒天

過於梵林 得樂愛樂 為樂所誑

不念退沒 愛所欺誑 諸樂必盡

無有常者 欲得常樂 應捨愛欲

諸天退時 離天樂處 思愛別離

過地獄苦 比丘思惟是已復觀世間諸樂悉無

自在無常退沒為愛所誑不知退沒

作是觀已厭捨天欲如是天中所受

之樂乃至善業不盡業盡還退隨業

受生或墮地獄餓鬼畜生若生人中

受第一樂常無怖畏為一切人之所

愛樂王者信用乃至盡命無有惱亂

以餘業故於未來世得至涅槃

復次比丘知業果報觀變持天第七

地處彼以聞慧見此衆生修行善業

見他親友互相破壞懷心懷怨結能為

利益和合諍訟以是善業此人命終

上昇善道生欲愛天生彼天已隨心

所念隨念即得種種戲樂種種衣服

種種莊嚴天冠瓔珞受天樂具一一

出中種種歌頌伎樂音聲所謂單荼
樂音天女歌音乘衆寶殿常懷歡悅
種種園林山嶠峪嶠河池流泉蓮華
馨茂天女圍遶金色蓮華香風搖動
出妙香氣所謂毗琉璃林多羅林栴
頭迦林觀言鳥樂林蓮花林衆樂音
林俱枳羅林善業所生遊戲其中天
河清淨摩尼莊嚴蓮華浴池林樹映
飾於河水中出妙音聲如是之音多
有衆鳥其鳴哀雅以此河池莊嚴其
地譬如女人衆色具足若無功德若
不孕產不名莊嚴天所住處亦復如
是無河莊嚴不名淨妙種種美味色
香具足是故此河為第一莊嚴一切世
間愛染味中水為第一莊嚴園林乘
於寶船莊嚴人天常所受用多所利
益如是功德具足之水衆生受用於
此水中遊戲受樂從水戲已詣鏡水
林受天快樂入鏡林中自照其身樹
淨無垢猶如明鏡自觀見其善惡業
相若有善業自見其身生於善處若
有惡業將受苦報自見其身先造業
相墮三惡處五道生死所受苦樂皆

惡明見若不善業見墮活地獄黑繩地獄叫喚大叫喚等大地獄中受種種苦如前所說皆悉具見如天上樂不可稱說地獄罪報亦復如是不可稱說於鏡樹中自見相已悉忘天樂猶如隔世見無量苦不復覺樂如一兩鹽投恒河中莫知其味如是心苦如大恒河其樂微少如彼鹽味雖有歌頌伎樂音聲園林遊觀衆鳥哀鳴都無樂心見是事已捨至異處心還就著天諸五欲復於異樹自見其身墮於種種餓鬼道中種種苦惱飢渴燒身見是相已生大怖畏告餘天曰大仙我於鏡樹見大怖相汝為見不時天答言我不見也若有惡業見餓鬼相若有善業不見惡相大仙天子而問之言汝見何相天子答曰見餓鬼相受諸苦惱既見餓鬼受苦惱已悉忘天樂如隔千生歎捨林觀更向餘處復貪天樂五欲自娛色聲香味觸種種華池衆鳥妙音遊戲其中與衆天女遊戲受樂如是愛水之所漂沒復至鏡林惡業因緣見畜生身乎

相殘害自見其身受畜生身受種種
苦心甚狀惡向餘天所如前具說狀
捨而去還著貪愛受五欲樂往返生
死復於鏡林見人身時隨業所集知
識親友兄弟破壞還為和合以是因
緣生此天中見自業已狀捨而去還
著欲樂受愛色聲香味觸等如是放
逸受天欲樂又入鏡林復見自身命
終退沒生於餘道或見自身墮於地
獄餓鬼畜生復生狀離此處無常我
必退沒離諸天女諸行無常離別不
久一切動壞作是念已時護世天告
言天子歡喜可愛閻浮提人順法修
行孝養父母供養沙門婆羅門增長
天衆滅損魔軍如來正覺出於世間
明行足善逝世間解無上士調御丈
夫天人師佛世尊演說正法初善中
善後善妙義善語無垢無滅清淨白
法安隱寂靜所謂此色此色集此色
滅此色滅證於鏡林中自見業已聞
如是說問護世言如來世尊阿羅呵
三藐三佛隨明行足善逝世間解無
上士調御丈夫天人師佛世尊今在

何處護世告言在閻浮提為一切衆
生宣說正法是時天子聞護世說畏
退沒苦下閻浮提於人道中死為大苦
於畜生中相殘害苦餓鬼道中飢渴
大苦地獄道中燒煮拷掠種種衆苦
如是觀察五道之中五怖畏已來向
佛所遙見世尊端嚴澄靜諸根寂靜
意喜寂滅無上調伏餘摩他定人中
之龍調御丈夫威德光焰如融金聚
過踰日光不可傾動如須弥山甚深
如海端坐樹下如真金山是天中天
天子見已發願淨心至世尊所頭面
禮足在一面住白佛言世尊頗有常
處不動不壞不變易不尔時世尊即
為天子說四聖諦天子聞已還歸天
宮到天宮已受五欲樂乃至愛善業
盡從天退已隨業流轉若生人中雖
未見諦常值知識親族眷屬兄弟具
足大富饒財以餘業故
復次比丘知業果報觀變持天所住
之處彼以聞慧見變持天第八地處
名愛境界此等衆生以何業故而生
彼處即以聞慧見有衆生作說法會

是人命終上昇天宮生愛境天過欲
愛天至愛境界生彼天已受善業報
其諸宮殿皆真金色七寶莊嚴真金
欄楯多有衆鳥心愛樂鳥一切音鳥
遊戲河鳥金色之鳥如是等鳥其數
衆多河池流水園林遊觀百河具足
百千種鳥或受四欲或有五欲以自
娛樂目覩妙色皆生愛樂耳聞妙音
心愛悅樂鼻聞妙香內心愛悅舌得
美味愛心增悅身觸細軟愛悅充滿
心所憶念意悅喜樂五欲功德心甚
愛樂受第一樂於愛境地受無等樂
乃至愛善業盡此世他世業盡還退
若有餘業不墮地獄餓鬼畜生得生
人中大富國土所謂迦尸國憍薩羅
國或生刹利大姓婆羅門大姓以餘
業故

復次比丘知業果報觀天世間以何
業故生變持地意躁動天彼以聞慧
見此衆生以淨信心供養衆僧掃如
來塔清淨信心知上福田是人命終
生於善道意躁動天生彼天者身無
骨肉亦無汙垢香氣能熏一百由旬

其身潔淨猶如明鏡悉見一切諸天
色像成就如是善業果報彼天住處
有四園林何等為四一名無垢林二
名明了林三名善香林四名曼陀羅
林於彼林中有蓮華池池生蓮華珊
瑚為莖真金為鬚鵝鴨鴛鴦出衆妙
音種種色香上妙之花無有塵垢亦
無萎落水無衣濁香乳充滿林中衆
鳥常共遊戲於蓮花池其一樹衆
華常敷猶若新出無有萎落甚可愛
樂六時無變善業之人遊彼林中與
諸天女衆寶嚴身歡娛受樂於六欲
境心意染著無須更頃厭離之心愛
網所縛如魚在網受愛善業乃至不
盡業盡還退有餘善業不墮地獄畜
生餓鬼得受人身作大導師大富饒
財王所敬愛以餘業故
復次比丘知業果報觀變持天所住
之處彼以聞慧見變持天第十地處
名曰林戲以何等業生於彼處彼見
聞知若人持戒信心清淨知僧福田
為施衣故施一果直為作衣價心常
愛樂而生隨喜是人命終生林戲天

生彼天已於天園林自在遊戲隨意
所至若行水上如遊陸地若行於空
亦無所畏服天衣變受第一樂如上
諸地遊行無尋地流泉水出妙香氣
多衆天文威德光明如第二日受天
快樂以業因緣得樂果報非為自作
他人受報衆生作業自受果報若造
善業生天人中若作不善墮於地獄
餓鬼畜生衆善上生恣意受樂乃至
善業不盡業盡還退有餘善業不墮
地獄餓鬼畜生若生人中所生國土
多有林樹神德自在不可破壞以餘
業故

正法念處經卷第三十二

癸卯歲高麗國分司大藏都監奉

勅彫造

正法念處經卷第二十三

初

元魏婆羅門瞿曇般若流支譯

觀天品第六之二

四王天之二

復次比丘知業果報觀瞻持天十種地已觀迦留波陀天

此言為述天

所住之地有

幾種地自作善業受樂果報彼以聞慧見迦留天有十種地何等為十一名行蓮華二名勝蜂三名妙聲四名香樂五名風行六名鬚喜七名普觀八名常歡喜九名愛香十名均頭是為迦留足天十種住處各各異業生於天中彼以聞慧見此衆生持戒善業以熏其心歸佛法僧稱南無佛三自歸命以此善業畢至涅槃其善不盡是人命終生迦留足天行蓮華地受五欲樂愛著欲味目視不眴身如日光愛樂彼地一切蓮華如白魚色莊嚴其地華常開敷一一蓮華香氣普熏一百由旬勝餘一切衆華之香種種色蜂毗琉璃色出種種音人中種種伎樂音聲百千分中不及其一何以故天欲天音人不能聞所以者

何非人境界故除轉輪王及離欲人轉輪聖王諸根力大能受天欲離欲之人眼等諸根離憂喜故是故能聞畜生蜂音猶尚如是何况天女愛欲歌音不可譬喻如天女聲甚可愛樂色香味觸亦復如是受無量種无量愛樂乃至愛善業盡從天中退若有餘業不墮地獄餓鬼畜生得受人身生長者家多饒財物以餘善因緣乃至涅槃其福不盡

復次比丘知業果報觀迦留足天第二住處彼以聞慧見第二地名勝蜂喜衆生何業而生彼處若人智慧有信持戒有慈悲心利益衆生華香伎樂供養佛塔是人命終生迦留足天勝蜂之處種種音樂歌舞戲笑遊戲受樂受自業果華香恣意聞天女歌即受快樂無量天女歌頌妙音風吹衆華香氣殊異與諸天女遊戲衆寶演弥山峯耳聞音聲受天快樂如是善業果報比丘觀已為讚善業即以伽他而說頌曰

戒善如階道 業力生天中 若人乘此道

得至天樂處 四種口業戒 身三種淨業

智人棄七業 能至於天中 持戒第一樂

財物所不及 財富可敗失 持戒常牢固

人以戒莊嚴 戒香常端正 佛說淨善業

生第一天處 若人行善業 能行於天中

如至遊戲處 受第一快樂 身出大光明

晃昱照天宮 遊戲諸園觀 自業之所得

心常懷歡喜 受樂常安悅 遊戲天宮殿

持戒因緣故 若人善持戒 護持無量種

成就天果報 是故應修戒 持戒為階陞

得衆樂因緣 若人破戒者 無有安樂處

持戒清淨水 湛然常充滿 以此自澡沐

天宮受快樂 若天變莊嚴 和合受快樂

遊戲於天宮 皆由善因得 天女所圍遶

如日月光明 天中受快樂 皆由善因生

隨心念皆得 得已終無失 善法常增長

皆由善因得 受無量快樂 一切常增長

若人持戒者 則得如是樂 若人常行善

為王所敬重 善為勝莊嚴 是故應行戒

善人常調伏 矜憐諸群生 常行慈布施

能至天世間 不煞害衆生 愍哀一切衆

常修行正業 是人生天宮 不盜他財物

心常念布施 諸根寂滅慧 是人至天中

不犯他婦女常樂行正道求寂滅涅槃
彼人生天中不飲酒醉亂醉者人所輕
智人能離酒彼人生天中持戒善修行
捨離衆惡業能生無量樂安慰一切衆
如是比丘觀無量樂讚善業已勝蜂
歡喜無量衆蜂出衆妙音乃至愛善
業盡從天還退若有善業不墮地獄
餓鬼畜生若生人中第一端正巧言
辯辭常受安樂无有衆惱壽命長遠
以餘業故

復次比丘知業果報觀迦留足天第
三住處彼以聞慧見第三地名曰妙
聲衆生何業生於彼處即以聞慧知
持戒人奉施如來無量心者寶蓋供
養是人命終生妙聲天受天快樂行
於真金毗琉璃山與諸天女天鵝莊嚴
遊七寶山入提闍婆林塗香末香種
種樹林種種泉流河池蓮華其林光
明青黃紫色入彼林中香風微動葉
出歌音阿修羅提闍婆所有歌音十
六分中不及其一微風吹動手相鼓
觸出妙音聲五樂之音娛樂受樂旣
聞樂音十倍放逸愛樂音聲染著自

詐香味觸等亦復如是乃至受善業盡從天上退若有餘善不墮地獄餓鬼畜生得受人身多受音樂大富多財舍宅安隱五穀豐足眷屬妻子壽命延長三所敬愛以餘業故

復次比丘知業果報觀迦留足天第四位處彼以聞慧見迦留天第四地處名曰香樂衆生何業生於彼處彼以聞慧見此衆生香塗佛塔信心持戒是人命終生香樂天受天快樂不可譬喻天脩施味以為飲食身心無惱五樂音聲天鵲莊嚴戲笑歌舞與天女衆常相娛樂如山湧水遊戲山峯天青珠寶珊瑚玫瑰車乘馬璫金山峯中種種流水河泉花池俱翅鳥林見種種林遊戲其中流水河池其味美妙勝閻浮提一切美味善業所生食此上味受是天樂乃至受善業盡從天還退有餘善業不墮地獄餓鬼畜生得受人身生大富家多饒財物豐足五穀以餘業故

復次比丘知業果報觀迦留足天第五位處彼以聞慧見迦留足天有第

五地處名曰風行以何業故生於彼處即以聞慧知彼衆生信心持戒見比丘僧以扇布施令得清涼如憂尸羅今諸比丘讀誦經法是人壽終生風行天受天快樂以善業故香風來吹悅樂無比四天香風皆來熏之百千倍香涼冷可愛或勝一倍乃至五倍四天王天香氣二倍三十三天香氣三倍夜摩天上香氣四倍兜率陀天香氣五倍化樂天他化自在天香氣六倍以業勝故天衆亦勝觀善業已其風行天遊戲林中受諸香觸六天香風皆入此天同一風力何以故一風功德不可宣說隨天所念從風皆得欲聞音樂風吹山峪天女歌音所不能及若欲念香乃至他化自在天衆華香和合不可稱說來熏此天若念涼冷隨心所欲若遊異方欲見衆寶須弥山峯或遊金峯閭浮檀金或頗梨峯園林之中種種華果流泉河池衆鳥香華以為莊嚴種種天女所住之處無量香觸出妙音聲天子乘風至諸園林山峪遊戲如前所

說如是香風今此天子乘之去來受
五欲樂共相娛樂遊戲受樂不生嫉
妬無有諍心皆相愛樂以自涂業上
中下業如印印物得相似報得妙香
風無有嫉妬業力既盡從天還退所
造之業有上中下受報既盡業盡還
退如是衆生業行隨業流轉非無因
生彼比丘觀察業已而說頌曰

如因日知時 因時生草木 隨業因緣生
非是無因生 無量千生死 業鎖之所繫
三種愛堅牢 繫縛諸衆生 如蜜和毒藥
是所不應食 天樂亦如是 退沒時大苦
業盡懷憂怖 捨離諸天女 退時大苦惱
不可得譬喻 善業欲盡時 如燈焰欲滅
不知何所趣 心生大苦惱 愛毒之所燒
憂悲自壞心 諸聲身相動 怖畏失天身
如是衆樂味 愛欲寂大誑 以不捨離故
增長大苦惱 天上欲退時 心生大苦惱
地獄衆苦毒 十六不及一 一切諸焰輪
愛力之所作 愛鎖縛衆生 至諸嶮惡道
諸天退時苦 人中捨命苦 觀生死如火
見已離諸欲 若人放逸行 彼人無解脫
放逸癡所惑 去涅槃甚遠 應離於放逸

放逸為大怨 天中放逸故 退墮地獄中
三界如輪轉 業繫輪不斷 是故捨愛欲
離欲得涅槃

如是比丘觀天退已 厭離欲心觀風行
天無常之樂業因緣生不離无常乃
至愛善業盡從天還退有餘善業不
墮地獄餓鬼畜生得受人身善於海
行為大導師善知風路以餘業故

復次比丘知業果報觀迦留足天第
六住處彼以聞慧見迦留天第六地
處名散華歡喜以何等業生於彼天
彼以聞慧見持戒人心有淨信正身
口意僧說戒時施諸澡瓶或行道路
或於曠野盛滿淨水施人澡瓶是人
命終生散花歡喜天種種音樂遊戲
音聲與衆天女遊戲衆寶毗琉璃須
弥山側香風所熏種種香鬘瓔珞其
身流泉浴池以為莊嚴天子天女
相娛樂受無量樂於無量時入流
泉林於彼林中受天快樂毗琉璃樹
真金為葉真金為樹毗琉璃葉入此
林中常懷喜悅身出光明飲天甘露
善業因緣閻浮提中上味蜜酒比天

肝飲苦如華薤色味具足其香普熏
滿一由旬一切衆鳥身真金色飲衆
香水心懷悅樂出妙音聲遍滿林中
多有衆蜂遊戲其中一切香味從樹
流出或有金色有琉璃色有車渠色
赤真珠色有如綠色從樹流出以為
香河名歡喜流廣二由旬天子天女
遊戲兩岸歡娛受樂天子天女飲已
喜悅歌儻戲笑金色蓮華琉璃為莖
遊戲歌頌乘衆寶殿入大池中八切
德水遊戲受樂互相澆漬其池名曰
阿耨之迦清淨嚴飾殊妙無比如是
天衆受天快樂乃至受善業盡從天
命終不墮三惡得受人身生豐樂國
常無飢渴生大富家不值飢世衆人
所愛以餘業故

復次比丘知業果報觀迦留足天第七地
七住處彼以聞慧見迦留足天第七地
處名曰普觀以何等業生於彼處彼
以聞慧知持戒人修行善業以善熏
心於破戒病人不求恩惠悲心施安
心不疲厭供養病人是人命終生普
觀天受五欲樂天變莊嚴心意悅樂

一一遊觀如意遊行與諸天女而自圍
遶威德明耀猶如日光一切天衆恭
敬尊重遊於須弥寶山之中著衆天
衣衆寶莊嚴隨念遊戲行於林中衆
蓮華池山峪河泉受自業報如是遊
戲天園林中真金欄楯多有衆鳥以
為嚴飾風吹鈴網出衆妙音其林名
曰普現莊嚴威德光明勝百千日須
弥留山有七山峯圍遶此林何等為
七一名高山二名合山三名雨落四
名龍聲五名愛光六名雨寶七名星
鬘圍遶彼林以衆寶鈴莊嚴衆樹諸
天女等天鬘莊嚴遊戲林中身百千
光晃耀明照天子見已五欲縱逸以
金蓮華共相娛樂歌儻戲笑妙音愛
色香味觸法不知厭足如是三十六火
之所圍遶如火燒然皆無厭足比丘
見已而說頌曰

愛火所圍遶 遍於天世間 欲燒不自在
為欲癡所使 如火益乾薪 增長火熾然
如是受樂者 愛火轉增長 薪火雖熾然
人皆能捨離 愛火燒世間 纏綿不可捨
若人渡愛河 思覺惡虫畏 得至新滅處

遠離愛欲故 若人脫愛網 遠離於欲瞋
智人度煩惱 永離諸憂患 若布施持戒
心常念於天 斯人汙淨戒 猶如雜毒水
愛誑諸衆生 過於億千劫 愚者不能捨
為貪之所使 衆生愛所誑 猶依止於愛
如人力重擔 而飲熱鹹水 飲已尋復渴
須臾無暫息 愚人不善思 唐勞自焦苦
是故應離愛 愛心難調伏 愛使諸衆生
不得脫生死 無上第一樂 禪樂遊觀處
是樂為寂勝 能視涅槃城 成就勝樂因
則受天樂報 愛網之所縛 還受地獄苦
愛初後非善 常受衆苦惱 愛為衆惡本
正法導師說

如是比丘觀天世間欲河洄復之所
漂沒退沒死苦具觀察已 心生厭離
如是普觀天所住地受天快樂乃至
愛善業盡 從天還退不墮地獄餓鬼
畜生若生人中 大富饒財妻子奴婢
僮僕賈客眷屬和合以餘業故
復次比丘知業果報 觀迦留足天第八
住處 彼以聞慧見 迦留足天第八地
處名常歡喜 以何業故 生於彼處 即
以聞慧知此衆生 以淨信心見犯法

者應受死苦繫在牢獄以財贖命令
其得脫不為財利為益衆生慈悲心
故不求報恩是人命終得生天上常
自歡喜悅樂百倍勝於餘天以業勝
故無量天女歌儻戲笑以為娛樂遊
戲山峪金毗琉璃柔濡觸樂河池流
泉於園林中受天快樂所受之樂百
千万分轉輪王樂不及其一何以故
與諸天衆同業生故身無骨肉亦無
垢汙於須弥山側衆寶蓮華天變天
衣莊嚴其身若上金峯身則金色昇
琉璃峯身琉璃色如入池水身皆同
色上琉璃峯其身光色如第二日琉
璃力故若昇銀峯身色如雪如拘物
頭華一切身分端正莊嚴天女園遶
作衆伎樂遊戲園林受天快樂如是
遊戲遙見園林衆樹具足名天戲林
衆閭浮檀金殿入天戲林其林柔濡
衆鳥音聲和合美妙天子入已鳥名
天音天同業生天善業故即說頌曰
若有人能作 愛樂之善業 彼人業果報
成就極端嚴 既得受天樂 若不行放逸
從樂至樂處 後必至涅槃 一切樂無常

要必終歸盡 莫受此天樂 以為自娛樂
此天樂無常 壽盡必退沒 既知此法已
當求涅槃道 一切法皆盡 高者亦當墮
和合必有離 有命皆歸死 三界諸眾生
現在及未來 生者必有死 无有法常者
譬如日出沒 一切人皆見 一切生亦然
死法常現前 如是知諸法 一切皆生滅
莫行放逸心 放逸過毒害 謹慎不放逸
是處名甘露 若行放逸者 是名為死句
若不放逸者 常得不死處 若行放逸者
常趣於死路 若人行放逸 如毒亦如火
行放逸眾生 命終至苦處 若人不放逸
所至應敬禮 能至寂滅處 永離諸放逸
一切樂皆盡 愚者不覺知 至於臨終時
一切皆忘失 若人自愛身 惡修行善業
修行於法樂 如佛之所說 一切皆無常
後則致大苦 佛因實諦故 為諸眾生說
時天聞鳥說是偈 已心自思惟其心
醒了念宿命果少 離放逸知足光明
持其心意不貪五欲 不行放逸不久
心動復著五欲 受五欲樂乃至受善
業盡從天還退 若无惡業不墮地獄
餓鬼畜生得受人身 不遭王難常受

快樂不值衆惡以餘業故

法華經疏卷第三 華嚴經初

下

復次比丘知業果報觀迦留足天第九
九住處彼以聞慧見迦留足天第九
地處名曰香樂衆生何業而生彼處
彼見聞知若人持戒信於三寶佛法
僧中大福田處施衆末香塗香淨心
供養如法得物以用布施作已思惟
而生隨喜是人命終生香樂天受天
快樂身出光明天五樂音心常歡喜
經於多時受五欲樂不覺長遠諸根
耽樂躁動貪著無始流轉不知厭足
遊戲園林以衆花鬘自嚴其身塗香
末香種種樹林具足光明河池流泉以
為莊嚴心著欲樂不覺退沒如是欲
境愛心所誑受五欲樂乃至業盡從
天還退若有善業不墮地獄餓鬼畜
生得受人身生清涼國不值荒壞刀
兵飢饉為一切人之所供養以餘
業故

復次比丘知業果報觀迦留足天第十
十住處彼以聞慧見迦留足天第十
地處名曰均頭以何等業生於彼處
若人持戒信心清淨見有衆生得罪

於三被駭受戮救令得脫是人命終
生於頭天受五欲樂三万天王所受
欲樂此天所受具足無減具三天樂
欲樂欲明欲樂相續三天之樂隨念
皆得乃至天女五欲音樂受樂之具
乃至愛善業盡從天還退有餘善業
不墮地獄餓鬼畜生得受人身常離
怖畏憂苦惱亂無病安隱端正妙色
人所愛念大富饒財隨劫增減壽命
長遠以餘業故

復次比丘知業果報觀迦留叱足天
十種地已觀四天王天第三住處名
常恣意有幾住地彼以聞慧觀恣意
天有十種地何等為十一名歡喜岸
二名優鉢色三名分陀利四名衆彩
五名質多羅六名山頂七名摩偷八
名欲境九名清涼池十名常遊戲
是名常恣意天十地住處以何等業
生於彼處彼以聞慧見此衆生淨心
持戒離於邪見見人斫伐鬼神大樹
夜叉羅刹之所依止其人擁護令不
斫伐此諸鬼神不惱害人依樹受樂
無樹則苦以此人故鬼神得樂是人

命終生歡喜岸天受天快樂池名清涼鵝鴨鴛鴦身皆金色以為莊嚴出衆妙音七寶蓮華以為嚴飾金色林樹名曰金林其蓮華池周匝圍遶金寶林樹影現池中無量種色其池妙好如帝釋池若天帝釋從上而下欲伐阿修羅見其蓮華如日初出如是蓮華無量百千以為莊嚴帝釋見已告諸天曰此清涼池清淨莊嚴甚為奇妙於如是等功德華池心常愛樂喜岸天子與諸天女娛樂受樂不可譬喻自在遊戲天女圍遶受第一樂行食自在於華池岸及行異處身無疲極心常悅樂第一具足歡憐戲笑音常不絕天女圍遶念身心樂清淨无垢增長成就受五欲樂心無厭足何以故愛心如火不知足故如是天子遊戲種種山河宮殿池水蓮華七寶莊嚴遊觀之處聞種種音與衆天女遊戲諸林歡娛受樂須弥山峯毗琉璃寶白銀珊瑚黃金之色光明照耀自在遊行光明如日可愛如月或有光色不可譬喻以善業故得此妙身受

善業果是天遊戲受五欲樂乃至愛
善業盡從天命終若有餘善不墮地
獄餓鬼畜生得受人身端嚴殊妙豐
樂安隱巨富多財受第一樂以餘業故
復次比丘知業果報觀常恣意天第
二地處彼以聞慧見常恣意第二地
處名優鉢羅色衆生何業生於彼處
彼以聞慧見此衆生順法修行持戒
淨信為欲供養佛法僧故造優鉢
華池供養三寶是人命終生優鉢羅
色天受天快樂遊戲華池歡喜娛樂
歌儔戲笑受無量樂一一園林琉璃珊
瑚真金莊嚴其地柔濡無量天女遊
戲其中受天快樂隨念成就無量山
峪娛樂喜樂以樂因故受樂果報五
根所對皆志快樂身如琉璃優鉢羅
色遊諸華池優鉢羅間其華香氣滿
百由旬勝一切華如王寂勝以因得
果如來所說生天上已愛彼華池遊
戲其中受無量樂六根所對心常愛
樂乃至愛善業盡從天命終若有餘
業不墮地獄餓鬼畜生得受人身生
大國土多饒華果具足天樂巨富饒

復次比丘知業果報彼以聞慧見常
恣意天第三住處名分陀利衆生何
業而生彼處彼以聞慧見此衆生淨
身口意為佛法僧造蓮花池供養三
寶是人命終生分陀利天善業成就
受天快樂種種衆寶莊嚴其身光明
晃曜諸天所愛華鬘莊嚴多諸天女
以為園遶金剛青摩尼寶車衆寶
莊嚴娛樂自在受樂乃至受善業盡
從天命終若有餘業不墮地獄餓鬼
畜生得受人身所生國土多有陂澤
大富饒財受第一樂父母兄弟妻子
眷屬之所愛念以餘業故

復次比丘知業果報觀常恣意天第
四住處彼以聞慧見常恣意天第四
地處名曰彩地衆生何業生於彼處
即以聞慧見此衆生心有淨信為比
丘僧染治袈裟若畢鉢羅若赤若黃
若紫若紺若梅檀若青若綠若黑若
碧以此衆色為出家人染治法服是
人命終生彩地天受天快樂衆絲衣
璫以為莊嚴其身常出種種光明以

照其地一切皆赤如赤寶華所出光
明其地光明亦復如是及餘種種青黃
雜寶莊嚴其地一切彩色衣服莊嚴
亦復如是莊嚴其身遊戲林中常受
快樂無以為比無量殊勝功德具足
受種種樂善業所得種種園林宮殿
樓觀與衆天女衆寶莊嚴遊戲園觀
隨至彩地皆與同色一一林樹二山
峯一一華池一一河水一流泉遊
戲受樂種種伎樂歌舞戲笑與衆天
女共相受樂六欲自娛食須陀味飲
天甘露無有醉亂天衆圍遶受斯悅
樂比丘觀已而說偈曰

善業為高勝勝高須彌山善業能將人
阿迦尼吒天種種持禁戒護於無量種
以善業果報天中受快樂戒光淨莊嚴
持戒清淨水澡浴修行人生天受快樂
施戒自調伏利益諸衆生智慧進慈心
彼人生天中正行離衆過戒寶自在嚴
悲心於衆生彼人生天中質直者如金
鍊之離塵垢修行樂正業彼人生天中
慈愍諸衆生心常念利益不染諸惡業
彼人生天宮晝夜持禁戒智慧常護持

彼人生天中 常得受快樂 若人念思惟
乘於持戒馬 到諸天宮殿 無量戲樂處
若遊戲天宮 受天快樂報 皆由持淨戒
如來之所說 若人躋嚴飾 天華極精妙
遊戲於天中 皆由善業故 遊戲優鉢花
園林而莊嚴 遊戲於天中 皆由善業故
若住虛空界 天宮而在嚴 清淨光明天
皆由持戒得 金寶莊飾殿 周遍妙花香
遊戲於山峯 皆由持戒得 如人入已室
其心無怖畏 持戒亦如是 能至於天中
非雜多花香 非摩盧占蔔 能勝天中香
持戒香最勝 若人護持戒 此人則為勝
若人捨離戒 是名為死人 知此功德已
若為愛自身 善護持禁戒 遠離犯戒心
持戒常調伏 忍辱人樂見 如人乘階道
到天快樂處

如是比丘觀天所受自業果報觀業
果已於生死中厭離欲心彼彩地天
遊戲受樂乃至愛善業盡從天命終
有餘善業不墮地獄餓鬼畜生得受
人身為一切人之所愛敬大富饒財
生於南天無惱亂處以餘業故
復次比丘知業果報觀常以心意次第

五住處彼以聞慧見常念意天第五
地處名質多羅魏言華地衆生何業生於彼
處即以聞慧知此衆生信心悲心以
種種食施與持戒不持戒人是人命終
生質多羅天以種種業得種種樂種
種敷具受種種樂種種遊戲諸園林
中與諸天女娛樂受樂種種山林溪
峪峯嶺遊戲其中衆華池泉優鉢羅
華鉢頭摩華種種花果遊觀之處種
種衣服莊嚴其身種種言說巧言辯
辭戲笑愛語論議之言作種種因種
種林中受種種樂如是比丘觀已歡
喜而說頌曰

諸業之所作過於巧畫師業畫師天由
作種種樂報種種衆彩色現觀則可數
心業布衆彩其數不可知毀壁畫則亡
二俱同時滅若身空滅時業盡不可失
譬如一畫師造作衆文飾一心亦如是
造作種種業五彩光色現見之生愛樂
五根盡亦尔如業有生死如世巧畫師
現前則可見心畫師微細一切不能見
圖畫好醜形今壁衆像現心業亦如是
能作善惡報是心於晝夜思念恒不住

如是業隨心展轉常不離風塵烟雲熱

盡色則毀滅捨善不善時諸業今乃失

如是比丘觀心盡師自在造業如實觀

業歟離生死此天受於種種愛業乃

至業盡從天命終若有餘善不墮地

獄餓鬼畜生得受人身大富多財常

行正法乘大船舫以求財寶以餘業故

復次比丘知業果報觀常恣意天所

住之處彼以聞慧見常恣意天第六

地處名曰山頂衆生何業生於彼處

彼以聞慧見此衆生以善修意為遮

寒熱造作義屋令人受用是人命終

生山頂處受天快樂五欲自娛種種

成就有七園林一名易陀羅戲林二

名重林三名息樂林四名遊戲林五

名吼林六名幻林七名毘陀羅林於

此林中與衆天女相隨戲笑歌儼縱

逸作天伎樂隨意遊觀受第一樂一

一華林遊戲其中以衆寶藏莊嚴

其山一一山峯出金色光遊戲其中

離諸病惱以衆善業得生彼處受天

悅樂河水流泉蓮華浴池而相娛樂

乃至愛善業盡從天命終若有餘善

不墮地獄餓鬼畜生得受人身為大
王師衆人所愛以餘業故

復次比丘知業果報觀常恣意天所
住之地彼以聞慧見常恣意天第七
地處名曰摩偷

魏言
美地

衆生何業生於

彼處彼以聞慧見此衆生修行善業
受持禁戒利益衆生柔濡悲心質直
不謫不惱他人以食布施道行沙門

婆羅門貧窮病苦孤獨之人或一日

二日乃至多日常供不息是人命終

生於美天受天快樂園林鈴網出妙

音聲諸天女衆周匝圍遶無量天欲

歡娛受樂多諸童子天湏陀味甘美

恣意曼陀羅華以為天鳥遊戲華林

金毗琉璃頗梨山峯多有衆蜂遊於

華池出美妙音與衆玉女遊戲園林

其林勝於百千日光曼陀羅林俱賒

林中金色衆鳥音聲可愛五樂音聲

受天快樂金毗琉璃以為其地多有

諸池真珠為沙以布其底一一池中

八功德水自業所生湏弥留山金毗

琉璃頗梨邊以為其石莊嚴寶山與

天王女遊戲受樂受自業果乃至受

善業盡從天命終若有餘善不墮地獄餓鬼畜生得受人身常受富樂近岷茶山受大王封以餘業故

復次比丘知業果報觀常忘意天所住之地彼以聞慧見常忘意天第八地處名曰欲境衆生何業生於彼處彼以聞慧見此衆生於持戒人若邪見病人施其所安飲食湯藥令離痛苦是人命終生欲境天受天快樂无所怖畏同地諸天悉皆供養以業勝故樂報亦勝譬如燈大光明亦大如是天上受天勝樂以善業力生於彼處毗琉璃寶摩尼金光須弥山峯遊戲受樂無量遊觀莊嚴其地園林浴池河泉流水七寶莊嚴種種光明多諸天女恭敬圍遶受五欲樂如意遊戲受諸欲樂於彼受樂乃至愛善業盡從天命終若有餘業不墮地獄餓鬼畜生得受人身第一端正無所怖畏大富多財王所敬重衆人供養壽命延長生好國土生值正法不生惡世以餘業故

復次比丘知業果報觀常忘意天所

住之地彼以聞慧見常忘意天第九
地處名清涼池衆生何業生於彼處
彼以聞慧見有衆生信心悲心見諸
衆生臨終渴病見閻羅使生大怖畏
以石塞漿若以冷水施此病人以是
因緣是人命終生清涼天受天快樂
其地具足流水河池戲樂之處於彼
天中受種種樂目視則足香氣恣意
身觸細濡聲味亦令其心清涼離於
醉過其飲具足五種功德天既飲已
增十功德行空不墮乘空無礙如遊
平地不勞其力歌舞戲笑心常悅樂
受天功德百功德樂耳聞音聲無所
障碍如是天中受第一樂如是天樂
隨意所受境界之樂有八林樹六寶
所成一名四歡喜二名遊戲行三名
意清涼四名風樂林五名音樂聲六
名業音七名花林八名如意林於此
林中遊戲受樂眼視妙色耳聞愛聲
鼻聞妙香舌得上味如是離垢其心
清涼五根境界皆悉受樂為如是等
六欲所燒日夜增長六欲之火縱逸熾
然而不覺知生放逸地放逸壞心乃

至愛善業盡從天命終有餘善業不
墮地獄餓鬼畜生得受人身常離飢
渴無有疲倦不值飢怖受第一樂一
切世間人所愛念為設敷具供身醫
藥以餘業故

復次比丘知業果報觀常恣意天所
住之地彼以聞慧觀常恣意天第十
地處名常遊戲衆生何業生於彼處
即以聞慧見有衆生為修禪者生獸
雖故圖畫房舍作死屍觀是人命終
生常遊戲天常受快樂其地皆以金
毗琉璃珊瑚因陀青摩尼寶以為莊
嚴遊戲受樂無量音聲甚可愛樂不
可具說飲食衣服華香之具隨念即
得無量遊戲所謂見林遊戲悅樂遊
戲鳥音遊戲音聲遊戲恣意遊戲善
香遊戲觸衣遊戲種種香熏種種和
合遊戲之樂行於虛空見諸親友心
亦悅樂行衆寶山亦受悅樂成就如
是無量悅樂五樂音聲自業成就乃
至愛善業盡從天命終有餘善業不
墮地獄餓鬼畜生得受人身常有種
種遊戲之處著於種種繒綵衣服愛

正法念處經卷第三十三 第三十七張 初分
種種語種種遊戲以餘業故

正法念處經卷第三十三

癸卯歲高麗國分司大藏都監奉
勅彫造

正法念處經卷第二十四

初

元魏婆羅門瞿曇般若流支譯

觀天品第六之三

四王天之三

復次比丘觀四天王三地往處一一業果具觀察已觀第四處彼以聞慧觀三莖篲天有十種地何等為十一名軋陀羅二名應聲三名喜樂四名探木五名白身六名共娛樂七名喜樂行八名共行九名化生十名集行是為三莖篲天十地往處比丘如是分別觀察彼業果報以何業故生此天處即以聞慧見莖篲天修行善業生彼天中得相似果第一地處名軋陀羅衆生何業生於此天若有衆生信修身以園林地或甘蔗田或菴羅林美果之林施與衆僧令僧受用此人命終生軋陀羅天受無量樂以天旃檀牛頭旃檀以塗其身无量天女圍遶娛樂種種莊嚴種種色貌善知歌舞戲笑之法遊戲園林及諸華池遊戲受樂身服天衣華鬘自嚴心相愛樂其華香氣熏百由旬天諸王

女聞此香氣皆大歡喜百倍縱逆瞋
仰天子欲情無厭尤量種法百倍恭
敬如是天子心意恣逸欲樂自娛有
諸河流一名寶流河二名波流河三
名金流河四名酒流河五名美流河
六名流沫笑河如是諸河鵝鴨鴛鴦
出衆妙音於河兩岸多有園林其林
鬱映衆鳥雜色七寶莊嚴出和雅音
甚可愛樂諸天女衆出妙歌音聞衆
鳥聲百倍增欲不樂餘音聞已歡喜
受無量樂七音具足柔軟相應河中
衆鳥天女歌戲飲天甘露無有醉亂
與諸天女歡娛受樂於衆寶山金毗
琉璃頗梨山峯園林池河流泉蓮花
衆鳥嚴飾復與天女遊於青色毗琉
璃地種種衆華遍覆其地於此地中
遊戲受樂以善業故天樂成就如是
比丘以聞智慧觀天樂已而說頌曰
五根常受樂 欲境所誑惑 欲火未曾有
須臾間厭足 一一諸境界 處處見天女
一切勝境界 欲火焰熾然 若合若離散
或說或憶念 以天女因緣 火起燒天人
火法和合有 不合則不生 若合若不合

欲火常熾然 因緣不合故 火遠則不燒
欲火無遠近 常燒害衆生 以意想新力
邪憶念所使 愛油投欲火 焚燒愚癡人
若以火燒身 燒已須更滅 名色離散已
欲火猶不滅 欲火燒衆生 過於火燒人
欲火害雖甚 而人不生厭 五根因緣起
緣於五境界 愛風之所吹 欲火燒衆生
徒憶念燧生 由境界增長 雖非可見法
燒人過熾火 欲火亦如是 增長過熾然
如是欲所盲 貪著於欲樂 火則有光明
欲火間所覆 是欲如怨毒 智人應捨離
如是以丘觀於欲火 焚燒天人心生
悲慙見其過故 不樂天樂如是 軋陀
羅天受種種樂 乃至愛善善業盡從天
命終有餘善業 不墮地獄餓鬼畜生
得受人身多有田封大富饒財以餘
業故

復次比丘知業果報觀望後天所住
境界彼以聞慧觀望後天第二地處名
曰應聲衆生何業生於彼處彼以聞
慧見有衆生正行善業為邪見人說
一偈法令其心淨清涼信佛是人命
終生應聲天受五欲樂遊戲天河蓮

華池中金毗琉璃頗梨山峯乳閼婆
音諸天女衆種種莊嚴歌舞戲笑端
正無比圍遶天子增長喜樂遊戲山
峯受種種樂天鬘末香莊嚴其身無
量境界以自娛樂又遊山峪金山園
林遊戲受樂有諸金山所謂瞻婆帝
山無影之山一切樂山心意化山如是
等山衆寶莊嚴金園林莊嚴諸天衆
等歡喜歌頌遊於山峯乃至衆水衆
蓮華池其水清淨涼美淨潔以為莊
嚴衆鳥縱送出妙音聲其山住處甚
可愛樂受自業報遊戲受樂天女圍
遶種種衆鳥出衆妙音衆蜂欲音遊
戲天子所住林殿與衆天女受第一樂
如是地天所受之樂乃至愛善業盡
從天還退隨業流轉受諸生死或生
地獄餓鬼畜生若有餘業得受人身
生於大姓豪富第一人所敬重身口
意善業爲堅固奴婢僮客皆悉具足
以餘業故

復次比丘知業果報觀三塗後天所
住之地彼以聞慧見望後天第三地
處名曰喜樂衆生何業生於彼處彼

以聞慧見此衆生修行善業以淨信心施人美飲或施行人清淨美水令其安樂或覆泉井恐諸蛇毒蜘蛛虫蟻墮於井中行人飲之而致苦惱以是因緣覆蓋泉井不求恩分爲福德故被人命終生三惡之後天喜樂地中生彼天已其身光明如第二日以善業故遍身莊嚴遊戲山峪泉池流水與諸天女同心共遊端正少年無有苦老无量色聲香味愛觸受五欲樂其地山林多有七寶以爲林樹無萎林等其林衆花未曾萎變香氣常熏金影樹林金枝弥覆毗琉璃峯以爲莊嚴孔雀衆鳥俱翅羅鳥七寶羽翼出美妙音自觀身相心生悅樂所謂雜色羽翼隨天所念出美妙音聞其聲已各各皆發希有之心此鳥能知我心所念隨意出聲其音美妙於鳥口中出甘露飲相續不斷衆鳥飲之十倍縱逸心生歡喜口出百種功德之音其音莊嚴功德勝妙聞種種鳥歌衆妙音愛欲之心百倍放逸心生歡樂復有衆鳥名嚶遊戲於鈴網內

出衆妙音其音清妙與鈴音合不可
分別和合出聲兩倍轉妙復有衆鳥
名曰岸行住於河岸金蓮華中流出
香飲復有衆鳥名曰影遊隨其行處
地則同色復有衆鳥名曰輪鳥若此
輪鳥遊行所近令諸天女端正殊妙
過先百倍無量林中遊戲受樂未曾
斷絕隨念成就第一勝樂清淨無比
无量天女而自圍遶遊戲林中或遊
山峯乘空趣於金毗琉璃山頂衆蓮
華池鵝鴨鴛鴦其水清淨如毗琉璃
香水湛然充滿其中於遊戲處衆香
流水諸林香氣悉皆普熏无量金樹
毗琉璃樹圍遶彼山其地柔軟舉足
下足踏之隨平於此地中與諸天女
遊戲其中皆共娛樂目視愛色无量
百千種種妙色無量百千可愛妙聲
无量百千種種妙香如是諸根受无
量樂乃至愛善業盡從此命終若
有餘善不墮地獄餓鬼畜生得受人
身常得安樂王所愛重衆人所念以
餘業故

復次比丘知業果報觀望候天彼以

聞慧見空後天第四地處名曰採水
衆生何業生於彼處彼以聞慧見此
衆生修行善業信心悲心潤益之心
見病困者其命臨終咽喉之中噫噉
出聲餘命未盡施其漿飲或施其財
以續彼命是人以此善業因緣命終
生於三竺簇天採水之地受天快樂
光明威德如帝釋王諸天女衆周匝
圍遶常受快樂受自業報過無量時
見無量林無量河流諸天女衆相隨
入林林名摩利無量河水蓮華浴池
以為莊嚴天諸音樂出妙音聲多有
天女歡喜娛樂於其林中多有華果
乳閨婆音衆鳥之音其林寶樹曼陀
羅林俱舍耶林不破壞林常歡喜林正
歡喜林如意香林如是華香普熏一
切諸天女衆隨天所念於摩利林既
遊戲已向五華林互相娛樂其林衆
鳥名曰宿命見諸天衆而說頌曰
福德可愛樂能得勝果報是故應修福
無及福船筏福德藏無盡福德親無上
福德如明燈亦如慈父母福德至天中
福能至善道人能修福故天上受福樂

若人修勝福常得生樂處是故應修福

元及福德樂利益於二世受敬及財物

常觀此二因是名福德樂福德恒隨身

如影常不離福為第一樂無福無樂報

若天福德盡退已隨業生世間善惡果

是故應修福我於天世間今受畜生身

無福因緣故自業之所欺若無福調伏

常行於惡道其人無安樂如沙不出油

愚人為心欺遠離於福德其人不得樂

衆苦常不斷是人數數生數數還退沒

以天行放逸彼天樂無常業網繫衆生

癡愛之所誑無始生死來流轉如水輪

諸天退沒時具受大苦惱地獄衆苦毒

不得以為比天樂必有退如何不覺悟

不見死滅故貪著世間樂諸世間生滅

不可以數知而人莫能厭為愛之所欺

時諸天衆聞鳥說法心少憶念還復

放逸為心所使行於愛欲於彼林中

五樂音聲歌舞戲笑以自娛樂為放

逸火燒境界薪一一住處一一園林

一一山峯一一宮殿一一華池與諸

天女遊戲其中受五欲樂於此天中

受天快樂乃至愛著業盡從天命終

隨業流轉若有餘善不墮地獄餓鬼
畜生得受人身從生至終不遭病苦
無有惱亂人所愛敬生好國土離於
飢渴色顏端正以餘業故

復次比丘知業果報觀空後天彼以
聞慧見空後天第五住處名曰白身
衆生何業生於彼處若有衆生識於
福田以淨信心見有佛塔風雨所壞
若僧房舍以福德心塗飾治補以正
信心知業果報作已隨喜復教他人
今治故塔是人命終生白身天生彼
天者服白色衣如珂如雪如拘牟頭
華十六分中不及其一所住宮殿亦
復如是一切白光其身鮮白遊戲諸
林珊瑚樹林出衆妙香種種樂音歌
舞戲笑受天快樂入珊瑚林其林多有
衆鳥音聲光明莊嚴有大勢力光明
赤色諸色中上本身鮮白以樹赤光
身皆赤色牙相瞻視各作是言我等
本色皆悉不現更生異色此樹色赤
可至餘林即與天女入毗琉璃林其
林青色如閻浮提仰觀虛空令諸天
身皆失白色其樹青光悉覆天身所

有衆鳥及諸蓮華悉亦青色時諸天子與諸天女而自圖遠作天伎樂遊戲歌舞久受天樂五欲自娛經於久時復詣銀林縱送遊戲其銀林中一切嚴飾皆為白色白寶蓮華白寶衆鳥是白身天入此林中猶如乳中見月色像久住此林遊戲受樂天衆伎樂不可譬喻捨此林已詣衆雜林其林種種諸樹莊嚴或有金樹或有銀樹或琉璃樹種種色葉以為莊嚴此天身已亦復如是生種種色於此林中與諸天女多時遊戲復捨此林詣金山峯名曰普遍其金山峯七寶莊嚴柔彼山頂悉見須弥山王眷屬六万金山須弥山王住在其中復至普眼山上彼山日久時遊戲多諸流水河池莊嚴周遍園林多有衆鳥出妙音聲白身天等於普眼山久受天樂與諸天女遊戲受樂捨彼山已復往在於大圍山頂復有異天來在此山共集遊戲時白身天與諸天衆遊戲受樂天伎樂音甚可愛樂受樂盡時如燈油盡其光則滅猶如日沒其明

亦滅天亦如是業盡還退隨其本業
生於地獄餓鬼畜生若生人中其身
鮮白如藕絲色生於北天漢國土等
皆悉好色鮮澤具足受第一樂統領
人民以餘業故

復次比丘知業果報觀筌篲天所住
之地彼以聞慧見筌篲天第六地處
名共遊戲衆生何業生於彼處彼以
聞慧見此衆生信心持戒同為法義
和合共會持戒布施以是因緣此諸
人等從此命終生共遊戲天生彼天
已福德成就皆共一心和合受樂遊
戲行食皆共受樂境界悅樂五樂音
聲戲笑歌舞歡娛受樂諸天女衆種種
莊嚴種種珍寶莊嚴山地遊戲其中
受自業果毗琉璃珠以為欄楯種種
衆寶鵝鴨鴛鴦莊嚴其河種種寶樹
莊嚴河岸諸天女衆圍遶遊戲詣真
珠河於其河中无量泳飲清淨香潔
白真珠沙以布其底真金為泥多有
金魚無量寶珠莊嚴魚身其河兩岸
黃金為樹毗琉璃寶以為其業毗琉
璃樹黃金為業一切華果妙色具足

華果常敷衆鳥遊戲常懷悅樂聞其音聲皆生愛樂若以目視見之心悅彼諸天子常懷歡喜復往詣於本所住處婆求水中寶樹枝葉如屋如殿其地柔軟隨足上下如天青寶往返遊戲衆蓮華林以為莊嚴平正廣博種種衆鳥妙寶莊嚴或有金地毗琉璃樹枝如羅網以為宮宅多衆華香衆蜂圍遶以為莊嚴天子天女充滿其中受天樂報復往泉水園沐浴池其林衆鳥遊戲水中其身金色充滿其中出妙音聲河泉流水清淨香潔往往金山出種種音諸天女等於其河側手執金華圍遶天子娛樂受樂以華相撲以為喜樂經於多時復與諸天詣於欲林於彼林中如是一切放逸覆心其林衆鳥悉於果味衆蜂色貌如毗琉璃忘於華味俱翅羅鳥心常醉逸猶如春時河岸衆鳥醉於美飲如是天子五欲恣意諸天文衆見諸天子欲心充滿如是女人無有餘樂勝於欲樂如是女人欲味念欲依止於欲自性念欲常念天子心不

捨離若見天子與諸天女娛樂受樂
百倍憒醉如是受樂乃至愛善業盡
從天命終隨業流轉墮於地獄餓鬼畜
生若生人中還與眷屬同生一國同
業修福以餘業故皆悉巨富皆行善
業一切皆共同受一業同處受生其
人善惡皆悉同受無有差別以餘
業故

復次比丘知業果報觀筮篋天所住
之地彼以聞慧見筮篋天第七地處
名樂遊戲若人持戒化諸衆生令心
淨信勸令歡喜或教布施或教持戒
信於福田具功德處是人命終生樂
遊戲天身具光明即自思惟我以何
業來生此處即自念知我於前世於
人中時布施此人為我知識同為福
德以是因緣生此天中憶念如是沙
門知識教化力故令我布施發清淨
心是故我今生遊戲天即時迴顧見
諸天女如蓮華林衆妙色相具足莊
嚴見之心著不復念本毫微之善生
放逸地愛著五欲受天觸樂見諸天
女無量妙色心生戀著无始流轉欲

火所然猶如猛火焚燒枯林欲火所然亦復如是諸天女衆向諸天子口出香氣遍其住處手執蓮華無量莊嚴詣天子所天子天女無量欲樂共相娛樂受五欲樂比丘如是觀放逸已厭離生死於生死苦大怖畏處生怯弱心而說頌曰

苦樂法初起則忘久苦樂譬如初日朝則無有先日云何天世間現在受天樂不知當退沒一切皆歸盡如蜜在棘林亦如雜毒飯諸樂亦如是不覺退沒苦天中上妙欲受之無厭足天中諸愛力大樂自覆心愛火燒衆生求樂不可得若得離愛欲一心行為樂無我離欲人能至涅槃城是人初後淨從樂得樂處若人斷愛結令心无遺餘善攝於心意不受一切法知應作不作彼人常得樂若能斷愛河得脫生死流勇健者能度必至涅槃城愛者則無樂三毒和合故若能解脫欲是名清淨樂如是比丘觀放逸行天愛火增長生悲愍心是時彼天與諸天女詣香烟林遊戲之處天女圍遶種種音聲歌舞

戲笑娛樂受樂或行虛空如鳥飛翔
天女圍遶有乘鵝殿有乘鵝鳥有行
於地多有天女歌讚音頌身皆安樂
無有疲憊誦香烟林見彼林中先
住諸天生大歡喜和合共集戲笑音
聲第一歡悅於香烟林無量音聲充
滿其中蕭笛笙篳篥種種鼓樂天女莊
嚴衣瓔珞具出衆妙聲歌笑之音諸
河流水出種種音衆寶色鳥種種形
色天諸歌音聞者悅樂遍滿林中其
林多有天諸藥草鳳鳥泉池華果具
足於此戲處受五欲樂復與天女眷
屬圍遶詣須弥山辯才峯間於彼山
中衆蓮華池園林具足其山峯中
毗樓勒天王之所住處無量天女所
共圍遶觀諸衆生所作事業法以非
法幾許衆生行於法行幾許衆生行
於非法作何業故利益世間作何業
故不益世間以何令彼正法增長非
法減少云何令魔軍衆減少勇健阿
修羅惱乱龍等皆悉損減如是護世
天王於辯才山去峯不遠日所行道
毗留勒天王觀其光明修行何法有

此光明照於世間思惟觀日行道光明若世間人順法修行擁護正法如法增長日光清淨時節隨順光明照曜五穀成熟人無疾病若行非法則日無光明五穀不登人民疾病如是皆由法非法力得增上果日之光明非無因緣光明無等行須彌側故名大明毗留勒天王因見日已觀諸世間彼諸天衆歡喜受樂見此大明行山峯間光明威德百倍歡喜毗留勒天王觀世間已見天光明威德增勝心生歡喜而說頌曰

三種作善業 有三種三因 三時三地處
三功德三果 不盜常行施 而行於正法
實忍善相應 一切天中生 具足天莊嚴
天鳥自嚴身 如是天中樂 皆由善業因
若放逸衆生 不行於善業 如是愚癡人
不得生天中 人中作善業 人作業成就
以是業報故 得生此天中 若有愛自身
欲受於樂果 作大福德因 得生天世間
若於諸天中 受上中下樂 如是三種樂
福德因緣故 若人作諸業 隨業有增減
如是隨諸業 天中受樂報

時毗留勒天王觀諸天衆說是偈已
與諸天衆遊戲山峯園林浴池華果
地處種種衆鳥出妙音聲多諸天衆
目視山谷心生愛樂受六欲樂貪於
六境放逸遊戲五樂音聲於蓮華池
遊戲之處或遊飲河毗琉璃林泉池
莊嚴皆共遊戲乃至愛善業盡從天
命終隨業受報墮於地獄餓鬼畜生
若生人中智慧辯才為世導師人所
信受以餘業故

復次比丘知業果報觀三竺筏天所
住之地彼以聞慧見竺筏天第八地
處名曰共遊衆生何業生於彼處彼
以聞慧見此衆生信心修行持戒布
施法會聽法佐助經營勸助隨喜深
心善心以淨信心如是思惟此人福
德我亦如是念當修福是人命終生
共遊天隨喜施故無量境界心生愛
樂其園林中種種音聲遊戲受樂其
池四岸毗琉璃珠以為欄楯金華遍
覆種種衆鳥出妙音聲與諸天女而
共遊戲其園林中俱翅羅鳥孔雀莊
嚴與諸天女遊戲受樂其諸蓮華珠

璃為莖黃金為葉金剛為臺遊戲其中於美林中衆果具足與諸天女飲於美味受五欲樂或行山峯毗琉璃地其地平正或遊山王河泉流水清淨無垢清涼快樂與諸天女遊戲其中或遊渡濟真珠為沙以布其地清淨水中而自遊戲或有樓閣七寶莊嚴高峻廣大或有伎樂與諸天女遊戲受樂或有意樹寶鈴妙聲以為莊嚴或有林中六時具足與諸親友及天女衆常受快樂或有七寶以為其地上此山已觀餘天衆如是種種不可譬喻自業所化受天快樂如是諸天愛樂放逸不知厭足眼愛無量種種妙色不知厭足耳鼻舌身意貪於聲香味觸及法亦復如是如是六根深愛六境不知厭足隨得境界愛心轉增如火益薪隨得境界無量增長愛覆諸天不識真樂受如是等无量天樂乃至愛善業盡從天命終若無善業墮於地獄餓鬼畜生若生人間同集一衆或入大海商賈求財或同一城或在山中同一村落或同一業或

復親友或同一王大富自在以餘業故

復次比丘知業果報觀三竺後天第九住處名曰化生衆生何業而生彼處彼以聞慧知此衆生起大悲心見有衆生飢饉所逼投沒深水欲自喪身救此溺人愛之若子悲心救護是人命終生於天上隨此天子所近天女加跌而坐從其懷中忽然化生時天父母即生子想天子生已生父母想父母愛子亦如閻浮提人如是天中從坐化生愛之弥甚語天子言汝善果報從我化生我與汝樂我今將汝遊戲一切諸園林中諸蓮華池及遊山頂金網所覆泉沐浴池樹枝弥覆蓮華池中金色蓮華衆蜂在嚴清淨流水及諸飲河種種美味恣意共汝遊戲受樂天子白言我今生此得善果報生值父母我今供養時天父母即將天子詣兩閻浮檀林與諸天女至彼林中見閻浮檀樹華果鬱茂其香普熏滿五由旬以華遍散種種妙色青赤黃紫種種形色長短方圓以

此衆華莊嚴其身如天駿旋時天父
母語其子言此兩閻浮檀林歡喜花
敷若風動樹其華遍散一切天衆汝
今可於此林遊戲與天女衆而自娛
樂相隨遊戲說是語已與諸天衆共
入彼林見衆天鳥名曰命喚即以偈
頌讚天子曰

善哉汝賢士 從作善業生 護持七種戒
今得如是果 持戒果安樂 天中受果報
持戒如船筏 能度生死津 若人戒水淨
澡浴勇健心 閻浮檀金花 天中自漂潔
持戒為種子 修種種戒行 遊戲於天中
汝今樂成就 若人調伏心 常以戒莊嚴
彼人得天處 受無量快樂 若人作善業
從樂生樂處 遊戲於天宮 持戒增長故
乘於尸羅階 增長於智慧 此人至善道
智慧善業故 是故常持戒 布施智慧財
常離於破戒 如避刀火毒 如是善護戒
將人至善道 若離於持戒 則無安樂處
如是命鳥偈讚天子令心喜悅天子
聞已心生歡喜即與其父共入林中
其林皆以如意之樹以為莊嚴猶如
日光莊嚴奇特無量百千樹林和合

流泉浴池莊嚴其林毗琉璃樹真金
莊嚴無量愛樂初生天子見此林樹
生大歡喜遊彼林中見諸天女無所
繫屬時詣天女見此天子獨遊林中
容貌端嚴未有天女皆疾走詣此天
子所戲笑歌舞作天伎樂時彼天子
既捨父母欲心所覆詣天女衆共相
娛樂歡喜無比天衆伎樂受樂成就
於金銀毗琉璃車渠馬瑠寶山峯中
園林浴池真珠為沙以布其地天蓮
華池種種衆鳥以為莊嚴與諸天女
處處遊行遊戲受樂一一山中一一
河中一流水與諸天女遊戲受樂
觀察如是希有事已共天女衆歡娛
受樂乃至受善業盡從天命終隨業
流轉墮於地獄餓鬼畜生若生人中
或作國王或為大目為一切人之所
愛念顏貌端正以餘業故
復次比丘知業果報觀三塗等天所
住之地彼以聞慧見筌篥天有第十
地名曰正行衆生何業而生彼處彼
見聞知若有衆生行於善業見人亡
破為他抄掠故令得脫或於曠野墮

處教人正道或疑怖處令他安隱利
益衆生善行三業淨身口意是人命
終生正行天生彼天已其身光明猶
如滿月其光明曜六根常受五欲之
樂常自娛樂無量天女以為供養身
服天衣及著天鵝常行遊戲園林華
池入頗梨林其林皆悉是頗梨樹普
出光明以為嚴飾華果具足其業光
澤猶如雲母果如明鏡其相方正
是時天子入毗留博叉林見百千身皆
忘端正塗香末香華鬘莊嚴百倍踊
躍謂餘天衆忘不如已時毗留博叉
入彼林中觀諸世間以林勢力毗留
博叉於此林中見空行夜叉地行夜
叉及閻浮提法非法相見增長果於
頗梨樹見人行法心則歡喜見行非
法心則不悅毗留博叉見法非法向
帝釋說於夜叉所知閻浮提人若善
不善時彼天子於此林中受五欲樂
乃至愛善業盡墮於地獄餓鬼畜生
若生人中於法城內生於止見大長
者家大富饒財以餘業故
復次比丘知業果報觀三業後天已

觀四大天王天名曰行天遶須彌山
王住於宮殿外道說言曜及星宿粗
略而說三十六億衆生何業生於彼
處彼以聞慧見此衆生持七種戒身
戒口戒身三種戒口四種戒生於彼
處得增上果以衆生作善不善業因
緣故現善惡相日月星宿名曰行天
遶須彌山虛空持風名曰風輪為增
上緣轉持日月星宿遶於須彌山王
於彼天中二護世天一名提頭賴吒
二名毗沙門此諸天衆與二大天王
遊四天下種種摩扞以為宮殿青黃
赤白如前所說與行天衆遊戲空中
受五欲樂如意自娛乃至愛善業盡
墮於地獄餓鬼畜生若得為人常樂
遊行一切國土設无因緣常遊諸國
或受安樂或受苦惱以餘習故餘
戒力故

復次比丘知業果報觀四大天王更
無餘地作如是念四天王天無量无
邊如是盡觀於須彌山四面受樂右
遶遊行日月遊行遶須彌山隨在何
方須彌山王則有影現人說為夜闍

浮提北名曰風輪持北方星輪轉不
沒風輪持故諸外道等見此辰星北
斗七星常現不沒便謂此星能持一
切世間國土不如實知不知風力之
所持也如是外道少分有知比丘如
實觀四天王天獸離生死見天退
苦觀已獸離生死無常一切破壞一
切變動一切別離一切業藏諸業流
轉如是比丘以聞知見復次行者內
觀於法順法修行一切愚癡凡夫貪
著欲樂為愛所縛為求生天而修梵
行欲受天樂如是比丘深生獸離不
樂不著不修不味觀諸樂已以聞智
慧見彼比丘能與魔諍欲度生死海
得第十七地地神夜叉聞已歡喜告
虛空神空行夜叉聞已歡喜告四天
王如前所說次第乃至無量光天閻
浮提中某村某邑某城某國某種
姓中某善男子名字某甲以信出家
剝除鬚髮而被法服與魔共戰欲出
諸有如是無量光天聞已歡喜告餘
天曰閻浮提人順行正法我今隨喜
此人發心欲出生死與魔共戰持戒

正行欲與魔戰減損魔軍增長如來
所說正法

正法念處經卷第二十四

癸卯歲高麗國分司大藏都監奉
勅彫造

正法念處經卷第二十五

初

觀天品第六之四

三十三天初

大魏婆羅門瞿曇般若流支譯

復次比丘觀於持戒若有離於持戒智慧不得生天彼以聞慧見持戒者生於天中受天快樂以有智故命終退時不墮惡道以何等戒有幾種戒生於天中以何相生見七種戒化生天中有上中下不煞生戒生四天王處不煞不盜生三十三天不煞不盜不行邪婬生夜摩天不煞不盜不邪婬不妄語不兩舌惡口綺語生兜率陀天受世間戒信奉佛戒不煞不盜不邪婬不妄語兩舌惡口綺語生化樂天他化自在天亦如是比丘如是觀於戒業繫諸衆生上生天中云何持戒生於何處彼以聞慧見此衆生受不煞戒生四天處身量色力富命第一若受不煞不盜戒生三十三天身量色力富命轉勝若受不煞不盜不婬親近修習生夜摩天身量色力富命轉勝信智勝故生兜率陀天身量

色力富命轉勝不然不盜不邪婬不
妄語兩舌惡口綺語生化樂天身量
色力受樂富命轉勝於前受持不然
不盜不邪婬不妄語兩舌惡口綺語
生於他化自在天中身量色力壽命
富樂勝於餘天非魔波旬自在所使
亦不使魔

復次比丘知業果報觀微細因生於
天上彼見思心為勝戒因上中下戒
生六欲天心勝業勝生於六天以心
勝故生處亦勝

復次比丘觀戒幾種彼見世間有二
種戒一者自生二者從他自生者自
性能持從他者和合而生復有二種
戒一者在家二者出家在家戒者所
謂五戒出家戒者持解脫戒復有二
種戒謂一行戒非一行戒一行者所
謂一戒非一行者或受二戒或持三
戒復有二種一者久時二不久時久
時者盡形護戒不久時者隨心所要
隨力持戒復有二種一者有垢二者
無垢有垢戒者生於天中無垢戒者
至於涅槃復有二種戒一者世間戒

二者出世間戒世間戒者則有流動
出世間戒則無流動復有二種戒一
者自護二者護他自持戒者名曰自
護他護者令他住於世間染戒復有
二種一者止二者作作者成就諸行
轉於生死止者知因知緣而不進學
復有二種一者智攝二者施攝布施
攝或得大富樂智所攝戒得至涅槃
復有二種一者內行二者外行外行
者依於淨身內行者心口意淨復有
二種一者修習二者不習修習者已
於無量世來修習不習者一世持戒
如是比丘觀如是等無量二戒
復不比丘觀微細戒有幾種戒比丘
觀戒復有三種一者少分戒二者多
分戒三者盡受戒少分戒者持於一
戒多分戒者或持二三盡受戒者持一
切戒復有三種一者愛二者不愛三
者自性愛愛者為財利故而受禁戒
不愛者疾病故而受禁戒自性者自
性淨行此功德勝復有三種戒一者
禪行戒二者無禪戒三者離惡戒禪
行戒者修世間禪乃至入於城邑聚

落而常修禪非禪戒者離禪行戒離
惡戒者恐遭衆惡捨之不為如人醉
酒行不善業智人見之斷酒不飲復
有三種戒一者諂曲戒二者不諂曲
戒三者性善戒諂曲戒者垢染不淨
得少果報不諂曲戒者得大果報性
善戒者若心增上則得大果若心劣
弱其果則小復有三種一者回緣持
二非因緣持三者法不應作因緣持
者有因緣故護持禁戒非因緣者無
緣持戒不應作者生於大姓所不應
作護種姓故復次從緣持戒者為得
佛故以思勝故其果則大無緣持戒
其果則小不識果故不應作者末世
名故其果亦小生於人中復有三種
一者畏師二非畏師三者畏於惡道
畏師持戒名下持戒非畏師持戒名
中持戒若畏惡道名上持戒復有三
種一者自持戒而不教人二者自行
教人三者於他行捨復有三種一者
缺戒二者不缺戒三者一切缺戒缺戒
者初善持戒後則破戒是名缺戒不
缺戒者初中後時常善持戒是名不

缺戒一切缺戒者會諸外道而受齋戒邪見煞生是名一切缺戒

復次比丘觀四種戒何等為四離口四過一者妄語二者兩舌三者惡口四者綺語復有五種戒止五境界是名為五復有六種因緣而持禁戒一者畏他求便二者畏於罰戮三者怖畏四者因緣五者不觀六者自性復有七種戒謂身三戒口有四戒比丘如是觀無量持戒衆生畏於惡道持戒能度如是持戒略說二種一者世間二者出世間

如是比丘觀四天王天已觀三十三天所住之地及觀業行以何業故生三十三天彼以聞慧見三十三天所住之地何等三十三一者名曰住善法堂天二者名住峯天三者名住山頂天四者名善見城天五者名鉢私地天六者名住俱吒天俱吒者山名也七者名雜殿天八者名住歡喜園天九者名光明天十者名波利耶多樹園天十一者名險岸天十二者名住雜險岸天十三者名住摩尼藏天十四者名旋行

地天十五者名金殿天十六者名影
影處天十七者名住柔軟地天十八
者名雜莊嚴天十九者名如意地天
二十者名微細行天二十一者名歌
音喜樂天二十二者名威德輪天二
十三者名月行天二十四者名閻摩
娑羅天二十五者名速行天二十六
者名影照天二十七者名智慧行天
二十八者名衆分天二十九者名住
輪天三十者名上行天三十一者名
威德顏天三十二者名威德焰輪天
三十三者名清淨天如是三十三天
比丘觀於微細業之果報持戒善業
集何等業生於善道善業因緣得善
果報樂報處生彼以聞慧聞佛說法
非外道法彼見諸天所生之處遊戲
受樂不可稱說帝釋天王之所擁護
住善法堂外道說為常住不滅初觀
善法次分別觀善修何戒生善法堂
彼見聞知若人持於七種之戒不缺
戒不穿戒不隙戒堅固持戒不可譏
嫌布施修心於福田中稱時而施若
施阿羅漢若看病入若父母若阿那

舍若斯陀舍若須陀洹若起滅定若
道行人行慈悲心歡喜捨與於怖畏
者施其壽命是人命終生善法殿作
釋迦提婆姓憍尸迦名能天主有九
十九鄰由他天女以為眷屬恭敬圍
遶供養帝釋如一女人供給丈夫諸
天女等心無嫉妬供養天后同奉帝
釋亦無妬心其善法殿廣五百由旬
毗琉璃珠以為欄楯珊瑚為柱頗梨
車渠馬瑙莊嚴閭浮檀金而為殿壁
如融金色其床皆以金剛摩尼亦蓮
華珠青珠玉寶以為莊嚴其諸蓮華
金剛為鬘真金為莖清淨華池以為
莊嚴復有衆鳥毗琉璃翅亦蓮華珠
以為其翼青因陀寶以為其身遍滿
池中其池四岸青摩尼華摩尼布地
復有衆鳥青因陀寶以為其足車渠
為喙珊瑚為眼充滿池中其池復有
衆鳥具足其身皆如閭浮檀金珊瑚
為翅因陀羅寶以為其眼復有浴池
衆蜂莊嚴其蜂色相如毗琉璃莊嚴
浴池其善法堂有十大華池何等為
十一名難陀蓮華池二名摩訶難陀

蓮華池三名歡喜蓮華池四名大歡喜蓮華池五名遊戲蓮華池六名正憶念蓮華池七名一切義蓮華池八名正分別蓮華池九名如意樹蓮華池十名因陀羅覆處自在大光明蓮華池是為十種大蓮華池以用莊嚴天善法堂復有其餘蓮華林池其華清淨白銀為莖真金為鬚琉璃為葉金剛為臺復有蓮華金剛為莖雜色為葉一一華葉如赤寶華如毗琉璃有如車渠有如金色有如是等雜色蓮葉或有百葉有二百葉乃至千葉種種色華各各差別以為莊嚴釋迦天王善法殿堂其蓮華中多有衆鳥常欲之鳥一切行鳥常音聲鳥若天帝釋與諸天女入蓮華池娛樂遊戲鳥亦遊戲天奏音樂鳥亦發聲復有衆鳥名欲放逸若天帝釋遊於華池鳥亦遊戲如天女身復有衆鳥名曰遊行於華池岸口銜華鬚遍於池側舞弄遊戲出妙音聲釋迦天王有如是等勝蓮華池

復次比丘觀天帝釋善業所化彼見

華池真金為魚或白銀魚毗琉璃魚
赤蓮華寶以為其翼車乘為目若瞋
恚時如赤蓮花種種雜寶以為鱗鯈
或七寶翅遊戲受樂於蓮花池

復次比丘復觀帝釋蓮華林池彼以
聞慧觀蓮華池以何為地彼以聞慧
見天帝釋真珠為沙以覆其地或以
銀沙或以金沙或毗琉璃以為其沙如
是種種雜色莊嚴悉分別見帝釋天
王善業所化

復次比丘如是分別觀察地分彼以
聞慧見彼波頭摩華之林周匝皆以
真金欄楯或毗琉璃以為欄楯或以
白銀而為欄楯真金羅網以覆其上
種種衆鳥出妙音聲遊戲池邊復次
比丘知葉果報觀善法堂蓮華池中
其蓮華池衆蜂雜色出衆妙音金色
華中白銀色蜂金剛為翅其身柔軟
白銀蓮華金色為蜂如是種種衆蜂
遊戲其中如是善業成就種種果報
復次比丘觀善法堂彼以聞慧觀善
法林釋迦天王幾種園林彼以聞慧
見善法堂所有園林一一觀察善法

諸天帝釋天王與諸天女在何等林
遊戲受樂五欲自娛彼見有林名天
女遊戲天樹華果皆悉具足衆鳥充
滿樹名如意隨天所念悉從林生若
諸天衆遊戲林中勝華開敷天女入
林若近其樹華即下垂授諸天女時
諸天女既取華已枝條還舉如是衆
華色香相貌各各差別隨其念生故
名意樹若念音樂亦復如是間種種
音隨心所念善業之風吹諸樹葉乎
相敲觸其聲美妙如天樂音故名意
樹復有無量憶念之樹隨諸天女心
之所念莊嚴之具天衣天華隨念皆
得故名意樹復有意樹毗琉璃色真
金莖素白銀為枝毗琉璃素珊瑚為
枝或七寶素流出美味復有意樹若
諸天女欲見帝釋以善業故即於此
林見化帝釋與之娛樂此林功德見
化帝釋如是林中九十九那由他天
女一天女各見與己共相娛樂不
見餘女與天主會隨諸天女心念莊
嚴見帝釋身即隨所念故名意樹如
是林中無量欲樂於此林中次第遊

戲至喜樂山其山莊嚴七寶所成以
金剛身嚴聳莊嚴真金樹枝弥覆周
遍猶如宮殿金銀青珠以為摩盧莊
嚴其山多有衆鳥出妙音聲其山有
殿名曰勝上殿有千柱其柱皆以金
毗琉璃青摩尼寶之所成就金剛廁
填百千天宮猶如紅色端嚴殊特師
子之座敷具柔軟殿有千牀毗琉璃
寶以為莊嚴釋迦天王改阿修羅軍
既得勝已一切天衆皆懷歡喜讚嘆
帝釋共諸天女昇於此殿遊戲歌舞
共相娛樂隨其本業各各自受上中
下樂既遊戲已復入山中遊戲受樂
一心念欲何以故女人多欲天欲勝故
天欲熾然復誚一河於其河中上味
飲食隨河而流種種色香上味之飲
充滿其中若有飲者離於醉亂飲
名歡喜天女飲之心大歡悅
復有美飲名曰能觀既得飲已悉能
遍觀一切天中所有園林無量山障
一切皆見復有天飲名曰衆味其飲
甚多飲之色力百倍增長天女飲已
復入食地以其自作上中下業得如

是報種種色香美味具足既飲食已
復往詣於音樂之地遊戲山中毗琉
璃寶以為樂器真金為絃衆寶鼓音
馬瑙雜寶以為簫笛諸天女衆無量音
聲如是無量無數音樂輒聞婆音諸
天女衆遍身莊嚴身諸樂具遊戲受
樂以自娛樂歌樂音聲宮商和雅音曲
齊等以爲志具足為增欲樂既作歌音
復往詣於鈴音之地其地鈴網微風
吹動出於無量百千妙音聞之歡喜
歌舞戲笑種種妙寶莊嚴其身復往
詣於衆鳥莊嚴蓮華之池其池衆鳥
金銀雜寶以為莊嚴天女入中遊戲受
樂各取金華而共遊戲以華相散心
無嫉妬種種遊戲其聲美妙八功德
水遊戲其中既遊戲已為增欲故自
欲難滿貪著欲燒不知厭足復往詣
於鏡樹之林於此林中自見其身種
種莊嚴切德具足種種鏡中見種種
色十倍放逸何以故女人之性三種
放逸何等為三一者自恃身色而生
憍慢而生放逸自見身色輕餘女人

復捨此地更詣一林名一切時其林
一日具有六時常不斷絕猶如輪轉
以六種時而為莊嚴林中衆鳥无量
雜色隨其林中時分相似共遊林中
離於嫉妬心懷悅樂見此林已隨心
所念入六時林隨時遊戲而受悅樂
種種時鳥自集遊戲與諸天女而相
娛樂於此林中受五欲樂不念餘林
時天帝釋既至此林天女歡喜歌舞
戲笑供養帝釋如是帝釋一林之中
種種功德皆悉具足

復次比丘觀天帝釋第二園林有幾
種林名字何等彼以聞慧見帝釋林
名一切遊戲有何功德彼見聞知其
林自體名一切林於此林中多有天
子共諸天女遊戲受樂百千天女隨
念遊戲於遊戲處有八万四千行殿
毗琉璃寶以為其輪閭浮檀金以為
鈴網白銀羅網以覆其上七寶莊嚴
第一天子或有乘馬或有乘鵝或有
乘空或有地行或有伎樂或作歌音
圍遶帝釋向遊戲處八万四千龍為
金網覆身寶鈴莊嚴柔軟繒褥以覆

爲上若爲念慾願則開敷香汁派出
第一勝天乘此龍爲瞻仰帝釋前後
圍遶詣遊戲處八万四千天女種種
莊嚴瞻仰帝釋或歌或舞或奏天樂
種種遊戲詣遊戲處八万四千天女
作衆伎樂遊戲歌舞娛樂帝釋種種
莊嚴瞻仰帝釋天后舍脂乘千輻輪
七寶之殿真金毗琉璃碑渠馬瑙天
青珠寶大青珠寶以爲莊嚴駕百千
鵝間浮檀金爲身珊瑚爲足赤寶爲
目赤蓮華寶以爲其身珊瑚爲鬚真
珠爲翅以駕其殿隨帝釋念而有所
至帝釋坐上以種種寶莊嚴其身威
德光明勝百日光同時並照與后舍
脂詣遊戲處勝餘一切天女莊嚴足
一百倍共天帝釋分座而坐詣遊戲
處如是諸天受於色聲香味觸樂與
三十三天向一切樂林一切天衆圍
遶帝釋及以舍脂如前所說受於无
量百千種樂龍鳥之殿大日侍衛歌
樂音聲娛樂帝釋向一切樂林遊戲
受樂欲至彼林先住天女聞天樂音
手執蓮華作衆伎樂出迎帝釋帝釋

見之告諸天衆此諸天女一切林中種種衆寶以為莊嚴種種音聲我今與之遊戲林中時諸天衆聞帝釋說自言天王此諸天女王之給侍常歸於王以王為主帝釋告言此天女等非我給使非歸於我非我業力以自業力自業受身隨其自業有上中下是故天女有上中下非是我力今時帝釋而說頌曰

下業得下報 衆生道成就 中業得中報 上業丈夫身 若人所作業 隨業得果報 其入時處業 於此身中受 若天光明輪 遊戲種種樂 斯人得善果 清淨勝業故 若丈夫作業 或善或不善 受於果報時 或苦或受樂 此種種樂報 種種天遊戲 此非我因緣 由彼前業得

時諸天衆聞天帝釋說此偈已皆生隨喜合掌頂受向一切樂林欲共遊戲諸天女等或百或千手執蓮華種種莊嚴一一天女形顏色相悉無差別歌音亦亦善業所化瞻仰帝釋舞戲而行向遊戲林其林寶樹白銀為葉白銀為地銀色衆鳥充滿其中出

種種音帝釋為首與諸天眾次第而入種種寶光若身若地光明旋轉遍虛空中帝釋見已心大歡喜天女歌音宮商角等天樂音聲八万四千行殿駕以龍為鈴網莊嚴出眾妙音無量天子九十亿天女讚歎帝釋受六欲樂

時天帝釋與諸天女復往詣於一切樂林乘大龍殿亦如前說天主釋迦及餘天眾次入金林金葉金果五丈夫量其味甜美眾香具足食之增欲龍為食之醉欲而行聞眾樂音舞戲自娛諸天見之生希有心舞戲可愛食已舞戲種種鳥音於此林中銀色眾鳥住於金林第一端嚴

時天帝釋與后舍脂及諸天眾天子天女遊戲受樂餘天子等各與天女歌舞戲笑互相娛樂以善業故不生嫉妬復往金林林中有池名曰清涼金色蓮華毗琉璃華種種和集團遶帝釋天善法堂共天帝釋娛樂受樂與天女眾久時在於蓮華池邊作眾伎樂共善法殿一切天眾復入一切樂

林其林皆悉此琉璃樹金果具足美味充滿如波那婆果色香味具諸天取果開而飲之其味勝於人中上味摩偷之酒諸天飲之無有醉乱天有三種放逸受樂一者天女二者食果三者五欲是為三種受放逸樂如釋迦天主所食天飯蘓陀之味目業成就一切天衆恭敬圍遶一一方面於此琉璃林遊戲受樂種種衆鳥及以衆蜂鈴網弥覆既遊戲已還與天衆入善法堂有第三林名曰無比釋迦天王有五百子天女圍遶遊戲其中其園廣博所受之樂次如帝釋常順法行正見無邪以正見故於闍戰時勝阿修羅若人供養父母恭敬沙門婆羅門隨順無諍彼作是念我今當將諸天女等詣無比林一一天子有一部由他天女以為眷屬妙色具足皆共一心遊戲受樂時諸天子詣帝釋所白言天王我今欲往至無比林遊戲娛樂願與我等至彼林中時天帝釋告天子言吾已遊戲今欲順法以自利益樂從欲生不可滿足我

今捨樂長放逸過放逸過毒是故捨
離時天帝釋而說偈言

不放逸不死 放逸是死處 不放逸不死
放逸常生死 不放逸不死 放逸是死句
我以不放逸 今得天中勝 我今信如來
汝當修行法 我於佛教法 不敢有違失
若違如來語 貪欲愚癡人 不得脫眾苦
常受諸憂惱

時天帝釋說是語已入善法堂今時
帝釋子諸天子等生大歡喜共詣本
宮金寶莊嚴歌頌娛樂還其所止擊
鼓相命欲詣園林遊戲受樂

今時七萬天子各乘寶殿有乘天鳥
與諸天女遊行空中天眾圍遶或有
遊於蓮華池間奏諸天樂歌舞戲笑
詣無比林時帝釋子天驎莊嚴兩梅
檀香其明晃耀猶如日光或有光明
如月盛滿有如星宿隨其自業向無
比林各各愛戀其心無間入彼林中
受天快樂其林端嚴不可喻說入彼
林時香氣無以牛頭栴檀香十六分
中不及其一聞此香已生希有心復
入飲林為求樂故次第入林以善業

故毗琉璃樹金樹銀樹頗梨迦樹各有
百數種種雜色猶如雜綵其樹雜色
莊嚴奇妙亦復如是無量色相天子
見之如淨明鏡無量百千四顧觀視
生大歡喜天女圍遶聞衆樂音心甚
歡喜復於異處遊戲自娛其林衆鳥
真金為翅毗琉璃為骨珊瑚為足白銀
為背赤真珠寶以為其目出衆妙音復
有天子聞斯妙音各相謂言諦聽諦
聽衆鳥之音无量音曲與天女音不
可分別聞鳥聲已復詣異林遊戲受
樂見諸池中千葉蓮華光明如日至彼
池間種種莊嚴如前所說與諸天女
圍遶華池歌舞戲笑娛樂受樂復與
天女更至異林於此林中河泉流水
於其河中有種種水所謂流乳及以
流飲甜美衆水天子飲之多有衆蜂
衆鳥百數金銀珊瑚雜色寶石集在
河中天子天女於此林中遊戲自娛
經於多時受五欲樂復往詣於華樹
林中其林衆華忘不萎變香氣普熏
滿十由旬所謂月光明華月色華白
色華清涼無熱如星色華復詣果林

其林有果所謂蜜搏樹果辛味樹果
柔濡樹果香鬻樹果聞香即飽六味
樹果如意味果無厭足果如是無比
林中具足此果善業所生於此林中
遊戲受樂飯食資飲復往詣於鳥舞
之林其林衆鳥遊戲歌舞出妙音聲
天子聞之即受快樂復詣雜林其林
異色一切華果如前所說河池衆鳥
亦復如是故名雜林於此林中五欲
自娛耽闍婆音久受快樂釋迦天王
作是思惟我諸子等何處受於放逸
之樂不覺退沒時諸天子知天帝釋
心之所念至帝釋所諸天女等各還
本宮遊戲受樂尔時帝釋見諸天
子而說頌曰

怖望諸境界 愛心難厭足 離愛則知足
此人無憂惱 若人愛欲境 則不得安樂
境界如毒害 後世受苦惱 若初若中後
若現在未來 求樂不可得 後則受苦惱
一切諸世間 增長於生死 流轉不暫停
和合必有離 未曾有免者 樂為苦所覆
無量諸譏惑 衆生癡所誑 遊戲於愛欲
一切癡愛人 未曾有厭足 境界難滿足

如火益乾薪世間受所誑難滿亦如是
雖近於死地猶不生厭難為愛境所誑
不求善資糧天退不自在為愛所誑惑
我今教可汝汝為欲所迷當作自利益
法為第一道若有行法者從樂得樂報
能如是行者得寂滅涅槃是故應修福
以求涅槃樂若有常修福得至無盡處
天闍帝釋說寂靜心調柔是時帝釋子
調伏頌父教

時天帝釋教呵諸子令順正道修行
善業閑惡道門詣於雜林遊戲受樂
諸善所生帝釋天王有五百殿種種
諸寶頗梨珊瑚金銀天青寶王天大
青寶種種諸寶釋迦天王見種種林
諸蓮華某如日初出以為莊嚴帝釋
見已而說頌曰

人中造福德人中無量種作種種福德
種種皆成就不作眾善業為心然所誑
退時不自在墮於極惡處一切諸宮殿
諸華所莊嚴以善業增長成就天人報
余時釋迦天王說此偈已復詣餘殿
其殿敷置無量柔軟寶莊嚴座以為
嚴飾善業所化時憍尸迦見此宮殿

處之受樂復至銀殿無量光明無量
衆寶無量衆華嚴飾其殿無量天女
遊戲受樂復至園林諸天女等其地
柔軟衆華莊嚴其林廣博種種金鳥
出衆妙音衆蜂圍遶如意之樹釋迦
天王普眼所觀天衆圍遶遊戲受樂
其身威德勝於日月金樹林中毗琉
璃殿以衆寶柱而為莊嚴諸蓮華池
青寶莊嚴時天帝釋作如是念我入
寶殿遊戲受樂諸天王念天王欲入
與諸眷屬天女圍遶歡娛受樂今時
帝釋知天所念告諸天子汝等各各
遊戲園林時諸天子聞天王教各入
華池與其天女遊戲自娛天王入殿
坐於清淨毗琉璃床以善業故其殿
清淨猶如明鏡於此淨壁悉見古昔
諸天王等退沒之相及以名字其名
曰鉢浮多天王自在天王無憂天王
正慧天王一切樂天王善住天王普
明天王一切愛天王千見天王威德
天王持德天王青色天王不退天王
如幻天王齋戒天王福德天王諸遊
戲天王梯羅天王橋尸迦天王以善

業故見如是等三十三天王如是天
王善業盡故退墮地獄餓鬼畜生隨所
生處受大苦惱若入地獄壁上見其
受大苦惱若墮餓鬼見其壁上受大
苦惱飢渴燒身羸瘦苦惱筋骨相
連若墮畜生見其壁上互相殘害受
大苦惱若生人中追求作業受種種
苦如是見諸生死無可樂處於生死
中多諸過患無堅無常變易破壞如
是天王皆悉退沒以自業果生於地
獄餓鬼畜生云何捨於如是大樂受
斯苦惱云何可忍奇哉生死甚為大
苦能將天人至大怖處第二天王受
斯大苦釋迦天王第一勝人見此事
已生大厭離自觀其身閉三惡道從
天中死生於人中人中命終還生天
上若生人中生安樂國城邑聚落生
大姓家行正法處離於邪見憍慢諂
曲復有自見生於人中為國王子大
目之子正見家生大富自在人中命
終當生何處即自見身還生天中具
大神通第一光明共餘天衆食於雜
食心生愧耻以業薄故隨所作業如

業得食後於生處不見勝食愧心思
惟我當幾世受如是報以善業故於
殿壁中自見其身天中七生人中七
生去來七返無第八生非於天中非
於人中非地獄中非餓鬼中非畜生
中帝釋心念云何我身無復生處我
生何處而不可見心生驚怖何故無
有第八生處久思惟已即自念知先
聞世尊說如是言須臾洎人七生之
後入無餘涅槃我必如是以清淨心
敬禮世尊發歡喜心坐其金座閻浮
檀金以為牀座衆寶莊嚴復於壁中
見諸先世退沒天王復念入於善法
堂上見諸天衆利益諸天時天帝釋
從其座起往詣華林共詣天子天女
眷屬遊戲自娛受五欲樂種種衆鳥
莊嚴林樹及以蓮華以為嚴飾諸天
見已作諸伎樂乳閼婆音至帝釋所
皆為作禮圍遶帝釋天子天女歌舞
遊戲種種歡喜善法堂天種種莊嚴共
詣天女圍遶帝釋作衆伎樂詣善法
堂一切歡喜歌舞戲笑時善法堂所
住諸天隨帝釋行供養帝釋種種寶

聲鼓天伎樂種種歌舞出美妙音遍
諸天衆異住諸天聞此樂音皆來詣
於善法堂上皆為天王稽首作禮右
遶而住無量百千詣善法堂善知歌
舞種種莊嚴以善業故生在其中戒
善所護受斯大果一切天衆樂報成
就其善法堂縱廣五百由旬其色鮮
妙如融金聚毗琉璃樹以為莊嚴種
種寶花周匝嚴飾其華香氣滿五
由旬常若新出令心愛樂未曾厭足
如是天衆給侍帝釋九十九鄰由他
天女隨天帝釋入歡喜殿金毗琉璃
車渠寶柱以為莊嚴其牀柔軟敷以
天衣釋迦天王志令就座諸天受教
即皆就坐

正法念處經卷第二十五

甲辰歲高麗國分司大藏都監奉

勅彫造

正法念處經卷第二十六

初

元魏婆羅門瞿曇般若流支譯

觀天品第六之五

三十三天之二

時天帝釋告諸天曰以善業故生此天中業盡則退業果因緣而生此天我於此天必有退沒當自勉力求安隱時諸天衆聞天帝釋說是語已白帝釋言如是天主我等於此善業樂處不敢復作放逸之行白言天王以何因緣今我不退今時帝釋告諸天曰八方上下所生之處無非有為無常破壞勿生貪著謂可常保不淨煩惱後致大苦非生樂法非智因緣非為正行如是憶念後則大苦諸天子汝等已曾無量世中生此天上命盡還退墮於地獄餓鬼畜生復以善業生此天中受自業果受天中樂業幻所誑復墮地獄餓鬼畜生是故天子不應放逸我所說者是恒河沙等諸佛之法聞此法者於生死中當得解脫所謂無明緣行行緣識識緣名色名色緣六入六入緣觸觸緣受受

緣愛愛緣取取緣有有緣生生緣老死憂悲苦惱如是唯有大苦聚集無明滅則行滅行滅則識滅識滅則名色滅名色滅則六入滅六入滅則觸滅觸滅則受滅受滅則愛滅愛滅則取滅取滅則有滅有滅則生滅生滅則老死憂悲苦惱滅如是大苦聚集滅如是天中生死迴旋如是見已生厭離心煩惱盡故常不破壞不生不老無死无盡是名涅槃諸天子若能如是則脫生死此生死處无有此法所謂無生常住不可破壞无盡無滅於生死中則無此法於生死中唯有退沒生滅之法

時諸天子聞天帝釋說是法時於過去世佛正法中修行來者更不放逸信佛法僧一心清淨種涅槃因若有天人於過去世佛正法中不修心者放逸亂心為愛所誑受五欲樂以愛誑故具受無量生死苦惱時天帝釋說是法時護世四天王如是思惟釋迦天王共諸天衆住在何處作是念時即見天王坐於天宮天衆圍遶威

德光明受天快樂時四天王即詣善法堂至帝釋所頭面作礼於一面坐坐已須臾復從座起於帝釋前白言天王問浮提人行十善道順於法行孝養父母恭敬沙門婆羅門耆舊長宿天王願加讚歎喜時天帝釋告護世言我亦隨喜護世天王利益世間令行善法我聞歡喜汝得善業如是閻浮提人隨順法行護世天王向帝釋說若閻浮提人不順法行不孝父母不敬沙門婆羅門耆舊長宿增長魔衆減損正法帝釋聞之告三十三天及四天王速疾往嚴阿修羅王提羅勇健鉢呵娑王非法惱亂惡龍王等住於海下或來戰鬪尔時護世四天王等聞帝釋教還四天處至樂見山莊嚴器仗如前所說時天帝釋與護世天無量千衆而自圍遶天衣天鬘以自在嚴將諸天女詣一切主山猶如衆星圍遶滿月遶須弥山亦如日光蒙於衆星如百千金山圍遶須弥金銀毗琉璃青因陀珠赤蓮華寶以此寶樹莊嚴天帝遊戲之處多有衆鳥

出妙音聲天蓮華池伊羅婆那白龍
為王遊戲之處金色蓮華琉璃為莖
與諸乳鳥共遊其中如前所說雖是
畜生亦受天樂

時天帝釋至其鳥所以手摩捫而戲
拊之我此白鳥王善能與諸阿修羅
鬪今我得勝說是語已復往詣於一
切主山至無憂殿與諸天子九那由
他天女而共遊戲受五欲樂共諸天
衆伎樂音聲遊戲之處无量莊嚴天
衆受報乃至受善業盡集樂報盡於
善法堂命終還退或墮地獄餓鬼畜
生若有善業得生人中常受快樂聰
明智慧同生一城或同聚落於世間
中衆為上首或為親友兄弟知識常
受安樂以餘業故帝釋天王開三惡
趣觀天退沒而說偈言
此地諸園林 及諸蓮華池 山峯極端嚴
廣大多珍寶 蓮華諸河池 寶石而莊嚴
林樹種種華 衆鳥皆和集 金樹如意樹
淨如毗琉璃 銀寶或珊瑚 種種雜莊嚴
衆蜂出妙音 在於蓮花池 寶樓甚廣大
端嚴極淨妙 莊嚴甚奇特 諸天所應供

如是諸嚴飾天人輪迴轉如幻亦如泡
如乾闥婆城五欲愛所誑天樂亦如是
愛傷諸世間流轉生死海愛毒如猛火
滅壞諸世間欲樂無厭足求之而不息
無常火燒已不知何所趣衆生皆為此
愛毒之所誑愛染覆諸天不覺時所遷
天人阿修羅地獄龍夜叉一切無自在
念念時所遷一切三界中為時網所纏
不知無自在為愛之所惑
如是天帝釋見天無常有生有滅見
無常已念第一法以偈讚佛

南无婆伽婆利益諸衆生說愛如毒害
為衆廣分別了知一切法其智無罣碍
離於智所知則無第三法無常及苦空
亦無有作者如來見實諦為諸衆生說
今時帝釋以清淨心讚嘆佛已如印
所印還住所止受天快樂

復次比丘知業果報觀三十三天所
住之地彼以聞慧見第二處名曰山
峯衆生何業而生彼處彼以聞慧
見此衆生教人持戒乃至一日一夜
不煞衆生亦不偷盜不犯王法不行
偷盜乃至小罪亦不故犯是人命終

生於第二山峯之處其地柔軟須弥
山峯種種雜葉光明莊嚴於此地中
觀見一切須弥山根金銀琉璃雜寶莊
嚴無量天鵝衣服莊嚴其地妙色如
融金聚毗琉璃林莊嚴山地與諸天
女遊戲其中復往詣於飲食之河一
名天善味河二名大駛流河三名流
行河四名大流河五名曲流河六名
濬淺河七名千流河八名如意河飲
此河流離於醉亂一切諸飲從河而
流種種眾味種種諸色或有乳色或
赤寶色青寶色毗琉璃色或黃金
色或有雜色妙香流出湛然常滿復
有天食皆有種種色香味具味如石
蜜香潔白淨如意之味隨天所念有
種種味種種園林香花莊嚴種種色
鳥以為嚴飾與諸天女遊戲其中種
種伎樂歌舞戲笑甚可愛樂多有諸
林謂娑羅林大娑羅林如意樹林常
華香林如意風林觸身悅樂金枝莊
嚴鈴網弥覆百千眾鳥出妙音聲受
五欲樂共相娛樂無有病惱離於飢
渴身無疲極無所營作如心所念遊

戲園林蓮華池中見諸妙色五欲娛樂住山峯天其身光明如意大小神通自在隨意所念皆悉即得得已不壞無能奪者如是住峯一切天衆受自業樂乃至受善業本所持戒不煞不盜善業既盡命終還退隨業流轉墮於地獄餓鬼畜生若生人中住於山谷大富饒財端正第一園林鬱茂寒暑調適以餘業故

復次比丘知業果報觀三十三天第三地處彼以聞慧見有地處名曰山頂衆生何業生於彼處彼以聞慧見有衆生持二種戒見諸衆生被縛幽閉解之令脫行於曠路為飢所逼不盜他人甘蔗果菜雖有勢力不奪他人漿水飲食以其不煞放衆生故是人命終生三十三天山頂之處受無量樂無量河水所謂欲流洄復怖欲為岸歡喜之人憶念濤波於此河中多有衆鳥色香愛味諸有蛟龍無量欲著曲戾流行水沫為械嫉妬園林無量境界以為山谷如是愛河諸天沒溺無能渡者無始輪轉不得彼岸

流注不絕習為甚深行於三道瀑流
波注遍於欲界色界無色界生老病
死憂悲苦惱為大勢力如是愛河諸
世間人亦不能渡山頂諸天愛河當
流與諸天女遊戲其中受五欲樂有
六園林何等為六一名常歡喜二名
常遊戲三名白雲聚四名普樂林五
名如月林六名恒河林如是等林嚴
飾山頂遊戲其中受無量樂復向飲
河所謂質多羅河手觸之河無厭足
河雜色水河其河兩岸金銀頗梨以
為林樹華果具足甚可愛樂以善業
故其地諸天種種河林飲食香潔從
河而流千萬天衆遊戲娛樂所服天
衣無有纏縛身具光明無有骨肉亦
無津汙口意無倦常懷歡喜行步序
序歌舞戲笑乃至受善業盡身口意
業清涼業盡第一樂報決定業盡從
天還退墮於地獄餓鬼畜生若生人
中常受安樂巨富饒財樂修智慧遊
戲歌舞所生國土多處高原以餘
業故

復次比丘知業果報觀三十三天所

住之地彼以聞慧見第四地名善見城衆生何業生於彼處彼以聞慧見有衆生修行持戒救於溺人令脫水難或將被戮救贖令脫或以自身投深水中救彼溺人若有惡人教令偷盜不從他教不行偷盜乃至行於曠野飢渴所逼尚不盜人糧食果食尊劬於戒於微細戒心生畏懼不敢毀犯是人命終生善見城其城縱廣十千由旬十千階道閭浮檀金以為其地十千大殿毗琉璃寶或閭浮檀金或有白銀因陀青寶及餘七寶間錯莊嚴於諸街巷多有樓閣寶殿莊嚴光明晃耀若以日光喻彼天宮如日中燈其城四面毗琉璃寶以為園林周匝莊嚴真珠羅網遍覆其上復有金樹銀網弥覆復有銀樹金網弥覆有七寶樹為遊戲處如意之樹隨天所念從此樹生因陀青寶大青寶林金色衆鳥出妙音聲金林之中銀色衆鳥青寶林中赤寶華鳥赤寶林中雜色衆鳥如是園林衆鳥妙音以為莊嚴善見大城街巷阡陌一切皆以

真金宮殿白銀為柱毗琉璃樹以為
莊嚴復有金殿毗琉璃柱復有金殿
金樹莊嚴雜寶宮殿莊嚴階道金
色衆鳥出妙音聲周遍莊嚴善見大
城不可稱說有四大林以為嚴飾一
名雲鬘林二名大樹林三名光明音
林四名樂見林一一園林縱廣二千
五百由旬一一林中有了一萬河皆以
金華弥覆水上兩岸嚴飾甚可愛樂
金銀頗梨青寶王樹以為莊嚴於此
林中多有衆蜂白銀為身毗琉璃寶
以為兩翅其音美妙勝於笙笛然竹
之音過十六倍毗琉璃樹黃金為果
香美柔軟味勝石蜜其果香氣滿一
由旬鳥聞香氣百倍受樂金樹銀果
香美上味毗琉璃樹黃金為葉華寶
色果如是種種無量林樹莊嚴園遠
善見大城隨其憶念種種善業皆志
成就得種種報如其種子受如葉報
住善見城受無量樂此城如是衆所
樂見故名善見其林種種赤寶莊嚴
珊瑚車渠種種鈴網弥覆園林遊戲
之處善見諸天住在其中其城宮殿

華鬘寶幢無量百千億寶幢幡蓋微
風吹動出於種種微妙樂音多諸天
子天文眷屬圍遶住於須弥山頂善
見城中善業莊嚴受勝報者三十六
億帝釋天王之所識知有大神通光明
威德心常歡喜無量百千天子天女
出天王城詣林遊戲乘於無量百千
億殿種種幢幡百千億種以為莊嚴
其殿種種色相莊嚴因陀青寶以為
箱轡赤蓮華寶以為殿輪有乘寶
殿紫磨金地毗琉璃道車乘為繩以
界道側寶鈴莊嚴復有天子乘眾寶
殿有乘寶宮車乘為底真珠羅網以
覆其上珊瑚為壁白銀為柱復有天
子乘於金殿真珠為壁赤寶為底白
銀為柱珊瑚莊嚴一一莊嚴出千光
明百千諸殿不可殫說天眾圍遶無
量百千種種莊嚴天子乘之往詣園
林毗琉璃幢或赤覆幢或紫金幢或
赤蓮寶幢無量種色寶幢眾幡遍
於虛空歡喜遊戲往詣四林無量伎
樂百千億聲種種妙音皆悉具足聞
者受樂如葉所得上中下報歡喜受

樂往詣大林。一一天子與天女衆，或百或千，乃至百千歌舞戲笑，輒聞婆音伎樂具足，往詣大林，受五欲樂。一天女各與天子娛樂，受樂如意，縱逸往詣種種遊戲之處，或行空中，如青雲氣，映琉璃色。如是天衆處於虛空，以種種衣莊嚴其身，種種嚴飾，美音愛語，往詣大林。或有天衆行於金道，無量百千寶殿輪輞，諸金地金塵滿空，令空陰翳而無染汙。若諸天子命欲終時，塵則著身，有諸天子曾見餘天有如是相，不久退沒受大苦惱，生慈悲心而說頌曰：

諸天行此道，或百或千還，為於時節火而燒境界新。見他病死相，而自不覺知，衰相既至已，乃知自苦惱。放逸自燭心，常樂於境界，不覺死隨逐，常不離衆生。受樂遊戲人，樂行於放逸，死軍將欲至，破壞如毒害，非是呪藥力，非天阿修羅。自業之所縛，世所不能救，塵垢覆身面，而猶不自覺。死信既來至，不久必終沒。衆生常貪欲，渴愛無厭足，死賊忽已至，著樂不覺知。汝已死相現，為死之所牽。

須臾必退沒 退時受苦惱 此山頂衆生
園林莊嚴處 業縛不自在 受於自業報
遊戲放逸行 受樂無厭足 痴人愛增長
退沒不自在 有烟必有火 其相法如是
如是退沒相 必當歸死苦

如是天子見是相已放逸心息修本
善根呵責自心及餘天子如是說時
有諸天子乘種種殿寶網彌覆懸衆
寶鈴無量莊嚴以自校飾見者愛樂
天鬘天衣以為莊嚴如融金聚百千
万衆遍須弥頂是時天子見天衆來
或乘金殿或在地行或乘鵝殿有與
天女歌舞戲笑向遊戲林天蓮華樹
河泉池流華果茂盛種種雜寶以為
莊嚴一切園林甚可愛樂善見諸天
既至園林即皆下殿往詣金樹其樹
鮮榮曜若日光空行天衆從空而下
詣遊戲處一切天衆皆忘雲集鼓樂
絃歌遊戲受樂無有嫉妬歌舞戲笑
五欲自娛莊嚴樂音與諸天女行於
飲食河岸之間向琉璃林其琉璃林
以真金果以為莊嚴香色具足味如
蜜酒與諸端正妙色天女飲摩偷果

久受天樂如是天衆歌舞戲笑以
受快樂餘天聞已往帝釋所合掌頂
禮白言天王善見城中一切天衆皆
詣園林遊戲之處天王當知帝釋聞
已勅諸天衆速疾嚴飾我欲往詣善
見詣天遊戲之處善法堂上一切天
衆聞天王勅垂種種殿若垂金殿毗
琉璃幢毗琉璃殿真金為幢七寶雜
幡以為莊嚴金色鳥殿出衆妙音或
有鳥殿其行速疾或有金鵝毗琉璃
足赤蓮華寶以為兩翅天子乘之隨
天帝釋向善見大城遊戲之處復有
天子乘孔雀鳥七寶為身是孔雀鳥
於閻浮提中勝餘一切衆鳥之色何
況天中善業莊嚴形相色貌無以為
比乘此孔雀詣遊戲處種種樂音歌舞
戲笑詣善見天遊戲受樂時天帝釋
乘於千輻四輪之殿其殿莊嚴七寶
蓮華寶三者車乘寶四者清淨毗琉
璃寶五者珊瑚金剛六者頗梨七者
真金如是七寶雜色莊嚴駕以千搏
身七寶色種種形相音聲美妙勝諸

天女歌頌之音帝釋樂之有五百幡金銀毗琉璃以為寶幢青黃赤白紫色雜成莊嚴其殿帝釋乘之无量天女歌頌妙音在前歌舞或遊虛空或行於地隨意自在無所障礙受五欲樂伎樂目娛向善見天遊戲之處餘天見之執種種華毗琉璃莖往帝釋所善見天衆見帝釋來皆捨遊戲往迎帝釋帝釋告言汝等今應遊戲水中善法天衆聞帝釋勅頂受其教即入池水取蓮華葉向善見天馳速而走善見天衆亦執蓮華走向善法天衆遊戲喜笑時天帝釋住在空中觀諸天衆遊戲水間久時遊戲猶不厭足復以蓮華而共鬪戲或以金華毗琉璃華種種色莖共相打擲久於此處以蓮華相打以為戲笑復詣果林取諸軟菓遙相打擲果戲闌已復往酒林食摩偷飲以善葉故而不醉乱時天帝釋從殿而下入於林中時諸天子見帝釋來皆大歡喜供養帝釋諸天子等合掌白言我得善命得善果報得值天王利益我等過於父母如

是天衆既供養已時天帝釋告諸天子汝等皆悉如我之子如兄如弟相慰勞已入放逸地於園林中遊戲受樂河洑泉水蓮華池中種種衆鳥出妙音聲以為莊嚴以諸金華莊嚴其地其地細妙柔軟平正其諸樹林金毗琉璃頗梨諸樹莊嚴其地河泉流承出衆飲食皆悉具足昇陀羅華居餘耶舍大蓮華等以為莊嚴天子天女遊戲歌舞於山谷中歡娛受樂五樂之音天女歌音受五欲樂善見城中諸天子等善法堂中諸天子等皆共遊戲於園林中於人中數經無量時遊戲受樂還向本宮其道種種遊戲之處戲笑受樂種種莊嚴還於本宮善見城中所住諸天受於天樂乃至受善業盡從天命終隨其本業墮於地獄餓鬼畜生若有善業得生人中常受安樂多聞知見常受音樂歌舞戲笑愛於節會多饒資財生不遭疫病離於憂惱以餘業故

復次比丘知業果報觀三十三天所住之地彼以聞慧見第五地名鉢私

他衆生何業生於彼處彼以聞慧見持戒人貧窮乞索財物飯食見大貧人分食惠施減妻子分而施貧窮盲冥孤獨困病之人善信修集見他犯姦為官所執從右門出執事魁膾欲斷其命怖畏目冥救令得脫是人命終生三十三天鉢私他地生此天已以善業故其身光明皆悉普照猶如日光其光色相無量光明青黃赤白紫綠諸光遍照諸天十倍增勝如閻浮提衆星宿之中月光第一此地天子其身光明亦復如是衆色具足餘天比之猶如螢火諸天女等見此天子皆走往趣天子既生在嚴之具亦皆隨生於其頂上大青寶王以為寶冠其光普照滿一由旬餘大珠寶見此珠光皆滅不現猶如日出螢火失光自然七寶以為花冠其光普照滿百由旬一切光明以為莊嚴青黃赤白紫綠諸光於其身上自然而有珠寶瓔珞七寶光明其光普照一百由旬身服瓔珞七寶所成其光能照一百由旬以金剛縷以為帶緣垂於

曾前所著青帶如天虹色脚著種種
雜色履屣其光明曜猶如電光行不
疲極若念行空隨其所向以捷力故
能有所至終不疲倦所著衣服无有
經緯種種衆寶光明照曜殊勝可愛
天子生已即自思惟我以何業來生
此中適生此念自見往世於閻浮提
善不善處從彼命終來生此天若閻
浮提中修行善業此中成熟我作善
業故來生此以因緣生非無因生於須
臾頃諸天女衆少壯妙色光明具足
悉來親近初生天子諸天女等莊嚴
之具所出音聲如五樂音其香普熏
滿二由旬其華勝於一切諸華妙色
光顯天服莊嚴功德所生天善業故
譬如日出衆華開敷天子既生天女
色敷至天子所種種遊戲娛樂天子
抱持天子詣林遊戲種種伎樂歌舞
戲笑瞻仰天子共詣林中其林名曰
蓮華化生若諸天子入林戲時一一
足下悉生蓮華以承其足毗琉璃瑩
金剛為躡真金為葉其葉葉軟衆蜂
莊嚴隨其舉足欲下足時蓮華即生

以承其足從此花林入摩偷林其林
金樹流出香飲勝葡萄酒色香味具
諸天飲之無有醉乱天女飲之復往
詣於遮都羅林其林三衆不可譬喻
一者鳥音二者蜂音三者天女歌頌
之音彼諸天子三衆林中一一遊處
一一華池種種鳥音聞之悅樂不知
猷足愛火所燒乃至愛善業盡從天
命終業所繫縛墮於地獄餓鬼畜生
若生人中妙色端正生大種姓功德
具足富樂自在隨心遊戲無病安隱
壽命長遠生值善世或值中國不生
邊地或為大王或為大目多饒財寶
為大商主以餘業故

復次比丘知業果報觀三十三天所
住之處彼以聞慧見第六處名曰俱
吒衆生何業而生彼處彼聞知見若
有衆生獲執賊人不加罰戮不令苦
惱或他捉賊令其得脫以潤益心利
益衆生供養父母奉施病藥隨心所
須不盜父母所有資財悅意軟語利
益少言常以香華供養禮拜念佛功
德恭敬師長禮拜問評和言軟善見

惡知識而不親近不樂其行不善惡人不正行人世間所賤不共同行不與同住親近宿老遵奉祇敬受佛禁戒智慧具足真心持戒不惱壞他衆人所愛善言讚嘆軟語供養奴婢僮客不損加怖飲食知足不飲餘食不惱衆生不喜瞋恚不與下賤屠兒魁膾販賣貨易賣買貨直不誑衆生不入酒肆不為女人之所輕易不壞威儀進止庠序言則奉行不求他人好惡長短心不懷恨不說毀訾亦不言智見他田植不生嫉妬租稅依法不欺王者不盜他田溉灌之水若晝若夜不取他果一切衆惡志捨不為或一一止或復下止云何下止遍作諸業是名下止云何中止作已懺悔毀訾不作是名中止云何上止不作遍業不教他人勸他令捨不生隨喜捨離惡人中下之業如是三人得三種果謂上中下如是行善捨惡業人身壞命終生俱吒天旣生天已身无骨皮離於汙垢受樂成就不可稱說譬如轉輪聖王七寶千子王四天下所

受之樂比此天樂如活地獄其天住
處縱廣三千由旬七寶天樹河池莊
嚴於彼天中名曰行林其林金樹隨
天憶念志從樹生隨天所至常與天
俱如轉輪王七寶隨王心念常與王
俱此天園林亦復如是若天念住林
即住地譬如飛鳥翱翔於空住則依
地此天園林亦復如是此俱吒天一
勢力也以善業故復有勢力以善業
故隨其行處眾妙音鳥常與天俱是
俱吒天二勢力也復有善業隨其行
處諸蓮華池眾蜂妙音鵝鴨鴛鴦
以為莊嚴是俱吒天三勢力也復有
善業著天華鬘行於空中自然而有
千葉蓮華毗琉璃莖諸天女等坐其
華臺與共遊戲是俱吒天四勢力也
復有善業隨天所至行於空中天諸
寶器威滿天飲自然在手共諸天女
次第飲之歌舞戲笑如意能行是俱
吒天五勢力也復有業力隨其所念
一切成就若有憶念欲行異方能越
山峯園林華果皆悉具足行於空中
與諸天女作天伎樂隨意所至善法

堂天善見城天見此天衆昇此高殿
下觀山谷生大歡喜如天使者觀閻
浮提善法堂天善見城天見此天衆
共相謂言此俱吒天如念能行能踰
我等處處無尋是俱吒天六勢力也
釋迦天王與其后坐百千紫蓮華
臺上乘空而遊善業所化一一華業
有五天女天鬘莊嚴坐於華業如融
金聚作天伎樂瞻仰帝釋端正殊妙
與天帝釋詣俱吒天時彼天衆見帝
釋來皆大歡喜出迎帝釋頭面敬礼
美言讚嘆圍遶帝釋四面而住或在
山峯或遊戲處或在山頂或在園林
或蓮華池共帝釋住俱吒天衆與天
帝釋久時遊戲還歸本宮釋迦天王
還善法堂此天所受五欲之樂上妙
色聲香味觸等乃至愛善業盡隨
業流轉墮於地獄餓鬼畜生若生人
間第一安樂不遭病苦或居大洲不
畏怨敵或為大王或為大日常受安
樂以餘業故

正法念處經卷第三十六

癸卯歲高麗國大藏都監奉
新彫造

正法念處經卷第二十七

初

无魏婆羅門瞿曇般若流支譯

觀天品第六之六

三十三天之三

復次比丘知業果報觀三十三天所住之地彼以聞慧見第七地名曰雜殿衆生何業生於彼處若有衆生見故塔寺或惡國王邪見大目斷僧田業如是衆生不畏王禁施僧田物向此惡王說佛功德善言嘆佛是人命終生雜殿處生此天已五樂音聲歌舞戲笑受種種樂復有異業生於此天不然不益於屠兒所以財贖命自不作惡不教他人若有造惡心不隨喜云何不益自為國王或為大目不枉稅奪亦教他人令其住戒以此二業生雜殿處其林縱廣三千由旬種種宮殿天子遊戲故名雜殿諸天子等一一宮殿莊嚴奇妙金色蓮華香氣第一毗琉璃蜂出妙音聲其蓮華林一切雜生一一華池種種蓮華或有華池亦實蓮華雜琉璃華或有華池生諸蓮華金華琉璃二華雜生一

一蓮華各有百葉或有金葉或赤寶
葉復有雜華毗琉璃葉金色衆蜂遊
戲其中復有華池生諸蓮華赤寶衆
蜂以為莊嚴復有華池生諸蓮華毗
琉璃莖真金為華或有華池生諸蓮
華真金為莖白銀為華或有華池生
諸蓮華車渠為莖白銀為華復有華
池生諸蓮華摩羅伽多為莖閻浮檀
金為華種種色蜂出妙音聲滿蓮華
間譬如閻浮提中香樹之華衆蜂滿
中雜殿華池亦復如是譬如畫師若
畫師弟子於閻浮提所曾聞事以衆
雜彩畫種種像其雜殿林亦復如
是復有雜色種種衆鳥頭足雜色其
身曾腹亦復如是或有衆鳥金臆銀
翅赤寶為背目如赤寶或有衆鳥白
銀為臆真金為翅青毗琉璃以為兩目
赤寶瞳華雜寶為背以七寶色種種
衆鳥以為莊嚴雜殿林中復有山峯
青寶珠玉車渠毗琉璃寶赤寶真金
光明普照遍滿林中牙相間錯旋流
宛轉滿此林中莊嚴奇特甚可愛樂
雜殿林中復有雜葉等相交錯毗琉

璃莖赤寶為璣以為纏蔓果實在嚴
白銀為莖青寶為璣光明圍遶車渠
為枝真金纏遶赤寶為枝白銀纏絡
如是二色牙相纏裹是雜殿林復有
三色莊嚴樹枝以為幃帳毗琉璃枝
真金赤寶以為纏遶如是赤寶為枝
金銀為纏白銀為枝車渠赤寶以為
纏遶是一一枝一一枝纏絡雜殿林
中復有雜華真金為枝一毗琉璃
華若以銀枝因隨色華若金枝赤寶
為華車渠為枝毗琉璃華生眾色果
亦復如是雜心所起作諸雜業雜因集
故得種種報以業回緣於雜殿林受
雜果報因果相似如種種子得相似
果如其業力隨其所作隨其時節隨
心雜生如是作業得如是報如印印
物天中樂果非無因生地獄苦報亦
復如是非是我作他人受報

復次比丘知業果報觀雜殿林云何
眾生造業生於三十三天若諸世間
有諸眾生行於非法不孝父母不敬
沙門婆羅門及諸長宿不近善友不
信業果行於邪見如是之時魔王歡

喜行非法時於此世間有四天衆何等為四一名闍諍魔使二名荒亂魔使為法行人而作亂心令聽法者昏迷睡眠三名貪癡魔使令諸施主心生貪惜作如是念若我以物施諸福田沙門婆羅門我之妻子當如之何衣食自濟四名離正念魔使令出家人離於正念是為初惡若人入於城邑市肆見諸女人酒肆闍諍手相撾打夢行破戒是名四種魔使若闍諍提人行於非法作此惡時四種魔使心生歡喜白魔王言損減正法增長魔軍甚可慶悅魔王聞之問使者言云何世間增長我法減損正法時魔使者白魔王言闍諍提人行於非法不孝父母不敬師長沙門婆羅門聽正法者我令昏迷今出家者還入凡俗捨離法服或出家人或有持戒或梵行人於其夢中作婦女身令其心亂今諸施主貪惜財物慳貪覆心惡著妻子今出家者習學種種販賣闍諍手相撾打我作如是種種方便令魔增長正法損減時魔聞之即遣使

者告羅睺身健毗摩質多羅阿修羅
鉢摩梯惱乱惡龍汝等今日應生歡
喜佛之正法今已損減魔軍增長如
是魔使即詣水底至毗摩質多阿修
羅所廣說上事時阿修羅聞之歡喜
即告惱乱惡龍王等富樂城中惡龍
聞之生大歡喜為世間人而作惱乱
如上所說時天帝釋聞毗留勒天王
說如是語入雜殿林與三十三天共
論斯事護世天王來白我言魔天大
力及阿修羅毗摩質多惱乱惡龍汝
應集諸天衆悉來至此我當至彼實
莊嚴山與阿修羅聞諸天聞之荅言
如是各還本宮而自莊嚴雜殿天衆
亦還本宮種種音聲歌舞戲笑入雜
殿林時天帝釋與諸天衆捨雜殿林
詣於餘地此雜殿林所住天子所受
之樂乃至愛善業盡命終還退隨業
流轉墮於地獄餓鬼畜生若生人中
成就快樂莊嚴端正從少至終常愛
雜色種種莊嚴好種種語衆人所愛
若行出家昇師子座為說法師解種
種語聞之知足以餘業故

復次比丘知業果報觀三十三天所住之地彼以聞慧見三十三天第八地處名歡喜園衆生何業生於彼處彼以聞慧見此衆生善心深心不煞不盜亦教他人令不煞盜若見煞者勸令不煞不教人作見作不喜若有所犯尋即悔過離惡知識云何不煞見鳥煞害教令放捨自不作惡設作即悔受不煞戒以財贖命令其得脫復教他人令助歡喜云何不盜云何偷盜一切官人王所勅令持國理民聚落城主若放牧主若邊戍主有所勅令取牛羊等是人護戒而不肯取以是因緣命終之後生歡喜天三十三天歡喜之園復有聽法得聞法會六齋之日聽法受法一心聽法是法會主命終之後生於天中一切施中法施第一以此因緣命終生於三十三天歡喜之園生彼天已成就無量百千天樂不可譬喻當說少分其林縱廣三千由旬七寶林樹以為莊嚴其歡喜天不詣餘園是故名曰歡喜園林自功德名其林皆是如意之樹隨

天所念皆從樹出若天生念欲須宮殿念已欲上即見樹林是七寶殿有一百柱二殿柱或以金銀琉璃頗梨赤寶車渠用如是等一切衆寶以為殿柱復作是念欲得柔軟階道昇此殿堂隨念即見階道成就既入宮殿復自思惟今此宮殿生蓮華池隨念即生諸蓮華池七寶之色鵝鴨鴛鴦以為莊嚴復作是念我此堂中應有天女歌舞戲笑隨念即有天女來赴隨心戲笑歌舞供養復作是念我今應得天衆伎樂隨其所念風吹樹葉互相鼓觸出妙音聲勝諸天樂復作是念今此宮殿應生飲食隨其心念樹枝割裂流出飲河色香味具復作是念我今應得須陀之味隨其念已即生上味須陀之食色香味具天子食之乃至充足復與天女遊戲娛樂入歡喜園歡喜園中所住天子成就如是勝妙之樂從殿而下於此地中即生蓮華毗琉璃莖真金為葉其莖柔濡見者愛樂色香具足舉足下足蹈華而行如是步步成就天樂隨其

念念受五欲樂一切諸根於自境界
不知厭足所謂眼常貪色種種瞻視
愛樂不息令眼悅樂見如是色猶不
厭足耳聞妙聲不知厭足如是鼻香
若麝諸香生大愛欲不知厭足舌貪
美味不知厭足如是愛觸不知厭足
如是一切念皆是愛念愛樂自身遊戲
林中受欲無厭境界為母諸根為攢
憶念風吹自高為薪欲火熾然欲無
厭足以愛欲心於歡喜園遊戲受樂
釋迦天主於雜寶聚山破阿修羅得
大名稱如上所說復來入於歡喜林
中告諸天曰汝等天衆當生歡悅入
歡喜園受五欲樂遊戲自娛我亦自
當於歡喜園遊戲受樂已破魔軍毗
摩質多羅及惡龍等一切天衆及諸
天女皆可至吾遊戲之處受五欲樂
滿夏四月五欲自娛時天帝釋向三
十三天說是語已心大歡喜告白為
王伊羅婆那言汝今在嚴吾欲與汝
共諸天衆并諸天女遊戲娛樂於歡
喜園汝當化身令諸天衆乘汝頂上
牙頂之二處於遊戲華池園林山峯

正法金剛經卷第三十七 第九張初 莫
之中如先所化

今時白鳥伊羅婆那聞天主教即化
大身身有百頭頭有十牙一一牙端
有百浴池一一浴池有千蓮華一一
蓮華皆有千葉七寶所成一一葉端
皆有千數七寶衆蜂一一葉間有千
天子其鳥頂上有諸天女不相妨尋
作天伎樂乘虛而遊到歡喜園其鳥
兩脅化二園林一名喜林二名樂林
於其林中河池蓮華皆悉具足七寶
意樹諸天子等遊戲其中受五欲樂
天子天女充滿林中時伊羅婆那大
白鳥王辟如第二須弥山王詣歡喜
園其鳥背上化作大城平正柔軟其
城街巷七寶宮殿園林莊嚴猶如第
二善見大城如是化殿七寶所成有
一百柱以為莊嚴殿有華池帝釋天
王與諸天女遊戲其中作天伎樂憍
尸迦天王坐於大殿向歡喜園其身
不動如須弥頂其鳥耳中復生華池
其池縱廣滿十由旬其第二池十一
由旬一名甚深二名清淨八功德水
充滿其中池中生華名優鉢羅毗琉

瑠莖赤寶為華衆蜂莊嚴天香具足
其華開敷優鉢羅華天子天女坐華
鬚上遊戲娛樂或有天子以水遊戲
或有天子蓮華遊戲不知白鳥為行
為住其鳥鼻端化作樓殿廣五由旬
種種衆華曼陀羅華悉遍莊嚴衆蜂妙
音牛頭栴檀葉以覆樓殿復有金樹種
種衆華以覆其上有諸天女坐華鬚上
歌衆妙音讚嘆天王如是為鼻所化長
殿於白鳥王蓮華之中化生蓮華廣一
由旬有百千葉其葉廣長香氣第一滿
十由旬一一葉中天子天女遊戲其
中各不相見如是遊戲不相妨導與
天王釋向歡喜園皆不覺知為之行
住猶如住於須彌山頂於鳥頂上復
化大山名界莊嚴以種種界而為莊
嚴天樹河池園林蓮華莊嚴之處遊
戲受樂是名鳥王頂化大山其白鳥
王於其牙上化作園林如一億月多
有衆華其地白淨如須陀色多有衆
蜂俱翅羅音充滿其中無量衆鳥衆
寶莊嚴孔雀命命如是無量種種衆鳥
從牙化生其白鳥王身量廣大天衆

圓遶大身大力行步平正而不搖動
向歡喜國其白為王從鼻兩孔化作
河流如閻浮提恒河之水閻牟那河
水從池流下其水清淨涼冷不濁從
上而下白為鼻中所出河流亦復如
是於四天下人所住處林樹藥草元
旱炎熱穀麥增長草木葉上有水相
現名之為露其為鼻水從空而下去
地遠故為風所吹散而氣燥故今露
少三天下中名之為露復次天白為
王若放霧氣墮行天中世人觀之其
色則白外道說為因陀天王所行之
道復有說言白為王道如寶白水風
持不墮在於空中猶如陽焰直以遠
故見之不了其為頭上大山之頂寶
幢華蓋懸以寶幡毗琉璃輪真金為
蓋其光明曜猶如日光於其幢上懸
以長幡於其幡中出大光明大海之
中諸阿修羅見是事已各相謂言帝
釋天王勝幡已現乘白為王向歡喜
園時天帝釋遙見園林告諸天曰汝
見此林甚可愛樂釋迦天主破阿修
羅既得勝已遊戲此林如此林樹甚

可愛樂與三十三天夏四月時於此
林中遊戲受樂時諸天衆白帝釋言
隨王所勅我當奉行說是語已近歡
喜林歡喜林中先住諸天受五欲樂
見天勝幢及白鳥王心大歡喜出迎
帝釋禮拜供養合掌頂上作天伎樂
歌舞遊戲入歡喜林時天帝釋即
下白鳥與諸天衆入歡喜園一切天
衆亦皆下為如是鳥頭鼻端及為兩
脅一切天衆皆捨白鳥入歡喜林遊
戲受樂歡喜林中先住諸天及與天
主伐阿修羅諸天衆等於夏四月受
天快樂釋迦天王共諸天衆受樂自
娛如此時間若諸天子善業將盡乃
至受善業盡命終還退墮於地獄餓
鬼畜生若生人中常受安樂種種解
了端正第一衆人所愛山林河池可
受樂處而生其中主大國土富樂自
在以餘業故

復次比丘知業果報觀伊羅婆那大
龍為王以何業緣成就大身大神通
力與阿修羅鬪得大名稱為何業故
受畜生身彼以聞慧見此衆生天中

壽命滿十萬歲過去之世毗陀論部
名不羅擲有婆羅門大修福德好行
布施貧窮盲冥苦惱之人以善心故
常樂施與利益衆生今時有王名曰
善見於節會日出宮遊戲如諸天衆
與八萬四千大白爲王金網彌覆寶
鈴莊嚴猶如如來一切金鈴以爲莊
嚴八萬四千姝女而爲圍遶八萬四
千妓樂之音向遊戲處園林之殿是
善見王第一威德受大樂果時婆羅
門具足威德詣善見王遊戲之處是
婆羅門名三摩多見此大王具足威
德王有白鳥名曰雲聚寶鈴莊嚴真
珠金網以爲瓔珞善巧工匠之所成就
莊嚴白鳥種種歌戲詣遊戲處端正
第一時三摩多婆羅門心自念言此
白鳥王第一快樂我當願生爲天帝
釋作白鳥王以布施力及願力故命
終生天爲天帝釋作白鳥王比丘觀
已而說頌曰

如此業盡師 處處業所牽心王力甚大
造作種種報 勝因緣所轉處處心所使
在在一切處 行於三界道一切衆生業

自在使心行 是故調伏心 能至不退處
輕轉難調伏 處處安攀緣 若善調伏心
調伏則安樂 若能調伏心 則能斷衆過
勇者離過惡 不復受諸苦 若此世苦惱
若未來世苦 一切不調伏 輕心因緣故
天龍阿修羅 地獄鬼羅刹 心常為導主
如王行三界 心將詣天上 復行於人中
心將至惡道 心輪轉世間 心輪轉壞人
境界癡所誑 愛澌諸衆生 現得無邊苦
一行常隱覆 大力難調伏 言而不可見
輕動速流行 若人有智慧 調伏如是心
其人離魔網 則能到彼岸 憶念邪諂曲
深而極輕動 是心惡險岸 將人至惡道
如是離衆惡 不為諸報使 不著諸惡法
得至不滅處 心從因緣生 所須從心得
緣轉速流注 如是流轉行 如是作諸業
得種種果報 微細心流行 一念常不住
行處不可知 常無有形色 將人至何所
行於何等道 到已住何處 身為業所作
見心所作業 作者不可見 此心難調伏
其形不可見 遍害諸衆生 無目速造業
是心性如幻 從惡得惡報 是心性如幻
行處甚難知 能將一切人 無量生死處

非刀所能割 火亦不能燒 是心雖無目
燒害一切人 業繩甚堅牢 縛諸苦惱人
受百千生死 將去不可見 須臾作善業
須臾起不善 心作善不善 調伏則得樂
六根緣境界 多貪無厭足 不覺心將至
惡道受苦惱

如是以丘觀婆羅門作大善業其願
狹小見已思惟自誠其心如如是善業
或得天身或離生死為心所使隨畜
生中心願力故

復次比丘知業果報觀三十三天所
住之地彼以聞慧見第九地名曰光
明衆生何業生於彼處彼見聞知若
人持戒轉教他人自不作惡不教他
作見作勸捨自護禁戒教人護戒堅
固不缺悉令清淨不煞不盜云何不
煞若見有地多有衆生為持戒故不
自穿掘不教人掘若蠍若蟻蝦蟇黃
祝種種衆生知此衆生所居之處不
自穿壞教他不作或受禁戒或不受
戒若見為惡教令懺悔云何不盜若
是他地若陶師處若復餘人乃至泥
土自不盜取不教人取令他住戒見

他盜者不生隨喜勸令不作是名不
煞不盜是持戒人命終之後生光明
天心常歡喜歌舞戲笑遊戲受樂其
身光明常照天衆多有天人園林遊
戲第一持戒生此天處作善業人受
斯樂報所有園林金網彌覆寶鈴妙
音毗琉璃鈴善業所成遙見天子鈴
中歌頌說如是言善來天子修善之
人以寂靜偈而作頌曰

善寂靜心護持戒 持戒清涼今受樂
善持禁戒種種行 後得涅槃或樂報
或遮惡道至善處 是故持戒後清涼
持戒之人臨終時 其心安隱不恐怖
我無惡道之怖畏 以持淨戒能救護
汝以持戒善護持 今至天中莫放逸
如是天子以善業故鈴網之音演說
偈頌覺悟其心令離放逸有諸天子
久於先世持戒來者聞是法已少時
持戒不入放逸若天持戒不經多世
則入放逸不自覺知雖聞法音即入
放逸遠離鈴網覺悟之音更詣餘林
七寶莊嚴光明林中其林廣長三千
由旬唯除四地及善見城餘無勝者

其林四維有四如意毗琉璃樹善淨
無垢其光普照滿一由旬光明如日
五千由旬悉皆見之天子天女在於
樹枝遊戲受樂隨心所念從樹得之
四樹之中有光明林金銀琉璃為蓮
花池莊嚴林樹如融金聚處處皆有
須陀之味善淨無垢清潔香美大力
自然須陀之味復有衆鳥視之可愛
其音美妙以為莊嚴真金為首白銀
為翅毗琉璃臂赤寶為喙蓮華色寶
以為其目如是衆鳥以為莊嚴銀葉
樹上有真金鳥黃金樹上有白銀鳥
毗琉璃樹赤蓮華鳥赤蓮華樹青寶
王鳥一切衆鳥飲酒食果有七寶樹
七寶色鳥遊戲其上復有衆蜂如赤
寶華作種種葉之所受身於蓮華由
遊戲受樂如是樹中一切功德影皆
悉具足天子天女於此樹上遊戲自
娛其林具足諸天功德若天阿修羅
共聞之時釋迦天王告諸天衆速疾
莊嚴阿修羅軍惱亂樂見山頂所住
諸天三十三天聞是語已向光明林
一切天衆共天帝釋入四樹間光明

林中毗琉璃樹淨如明鏡自見其相
知閻勝否若損身分具悉見之如是
樹中自見其身若打若害若見被割
壞已復生若見斷首斷臂即時逝沒
於此樹中皆具見之如其所見告諸
天子當避橫死甚為大利阿修羅聞
害此天子帝釋聞已告言大仙汝勿
鬪戰必當衰害非時夭壽比丘思惟
觀天樹中見衰沒相以聞慧知若人
悲心見屠煞者欲煞衆生今其得
脫以是果報於光明林自見身相諸
天復詣光明林中名曰雜林住光明
林如意之樹以為莊嚴入此林已各
自思惟天阿修羅誰力增勝以何力
故天得增勝以何力故阿修羅勝時
天帝釋告諸天衆修行法者生諸天
中閻浮提人於劫初時行十善道或
教他人自勸身口持七種戒不缺不
漏堅固不誚如是衆生命終生天譬
如皮囊滿中盛沙不繫其口有大力
人漚之速出劫初之時生諸天中亦
復如是是故諸天勢力增長阿修羅
衆其力減少樂見山頂所住諸天能

遮阿修羅復於後時人行不善缺漏
不堅行少善業闇淨提人命終生天
譬如菴羅果欲熟之時有大力人搖
動其樹其果少墮生於天中亦復如
是復於異時行雜垢業不持身戒不
持口戒不堅不淨不常修習是人命
終少生天中譬如毗羅大樹之果其
果未熟少力之人雖復搖之不能令
動設得動之果落甚少若有熟者其
果則墮若未熟者則不墮落如是劫
初衆生多生天上後世衆生生天甚少
亦復如是以其雜垢破禁戒故汝等
諸天莫行放逸若行放逸增益阿修
羅減損諸天衆今世衆生多行非法
無有戒法不持七種身口之戒誑惑
他人今生熱惱不孝父母不敬師長
不順法行是人命終墮於地獄譬如
皮囊滿中盛沙不繫其口有大力人
瀉之速出今世衆生行不善業墮阿
修羅亦復如是若諸衆生有半持戒
或身或口是人命終生阿修羅中或生
天中譬如菴婆羅果樹有大力人搖
動其樹若果熟者隨搖則墮若未熟

者搖之不落雜業衆生亦復如是或
生天中或墮地獄或有生於阿修羅
中若諸世間盡行不善不孝父母不順
法行不敬師長沙門婆羅門不持身
戒及以口戒是人命終墮於地獄或
復墮於阿修羅中是故今諸阿修羅
軍增長大力天力減少雖復如是我
今能勝阿修羅軍非餘天衆汝當思
惟行於法行若於今世若未來世守
護正法一切力中法力最勝餘無及
者汝當思惟憶念正法勉力勤加破
阿修羅時諸天衆聞天帝釋說如是
教白帝釋言如天王教我當奉行說
是語已向鉀曾林從樹出生不可壞
鉀以自莊嚴著此鉀者無能為敵其
光照曜譬如日出憂陀延山其光明
曜亦復如是向樂見山欲與阿修羅
列陣大戰如前所說光明林中所住
諸天互相娛樂受五欲樂心意放逸
於毗琉璃林黃金樹林赤寶林中華
果具足種種衆鳥出妙音聲

復次比丘知葉果報觀三十三天中
種種鳥獸有種種色種種莊嚴種種

形相種種音聲種種寶翅遊戲受樂
於園林中如實觀之知微細業目緣
果報彼以聞慧見諸衆生為工畫師
雖受雇直無巧偽心為他營福圖畫
僧房講堂精舍明淨彩色以青黃朱
紫種種雜色圖畫佛塔精舍門閣或
作山樹人龍鳥獸師子虎鹿園林城
郭浴池戲處蓮華林池沙門婆羅門
軍營殿堂為供養佛莊嚴因緣圖飾
形像受人雇直或復刻鏤或以泥木
金銀銅等如是種種造立形像諸工匠
師命終生天受衆鳥身造作雜業而
不持戒作此鳥身或受鹿形衆蜂之
身常受快樂如其作業得相似果如
天受樂無智造業雖有思心以無智
故癡身受樂於天園林遊戲受樂山
林峯嶺如畫刻鏤象牙金銀如素所
為如印印物於天園林生無量色如
本彩色天復於此光明林中遊戲歌
舞受種種樂此光明天乃至愛善業
盡命終還退隨業流轉墮於地獄餓
鬼畜生若有善業生於人中常受安
樂或為國王或為大臣為無量人之

所供養樂行遊戲愛於節會心常歡
喜顏色端正飲食如意常受安樂他不
能奪牀褥卧具園林遊觀奴婢充足
以餘業故

復次比丘知業果報觀三十三天所
住之地彼以聞慧見第十地名波利
耶多衆生何業而生彼處彼見聞知
若人淨信以久捨物若衣服飲食牀
蓐湯藥以用布施復教他人不煞衆
生乃至蜚蠊不起煞心若見有果為
虫所食為護其命不食虫果見人食
者勸令不食自持禁戒復教他人云
何不盜於他所有乃至不取根食果
食若於林中若於空地自既不取亦
教他人如是之人自利利人命終之後
生於波利耶多樹園波利耶多樹第
一軍勝於此一樹能示閻浮提人善不
善相若閻浮提人隨順法行其樹華
果則便具足以閻浮提人順法行故
其華光明照百由旬三十三天心懷歡
喜園遶而住如是波利耶多樹華果
茂盛知閻浮提人孝養父母供養沙
門婆羅門耆舊長宿是故此樹華果

敷榮夏四月時其諸天衆圍遶此樹
娛樂受樂若波利耶多樹其華半生
則少歡喜知閻浮提人少分持或令
此天樹但生半華若一切人盡行非
法則此天樹波利耶多華皆墮落其
色憔悴無有光明亦失香氣譬如冬
天雲霧障日光明不了視不矐目如
是波利耶多拘毗陀羅樹光明微少
香氣損減相貌憔悴時諸天衆見是
事已白帝釋言天王當知波利耶多
樹光明損減香氣劣弱一切威德忘
不如本必是閻浮提人不孝父母不
敬沙門婆羅門耆舊長宿帝釋聞
之即取寶像與諸天衆恭敬供養尊
重讚歎如來之像念佛功德告諸天
衆此波利耶多拘毗陀羅樹花葉墮
落我今當往至彼樹下汝等莊嚴我
今善心持如來塔世尊形像至彼樹
下以天塗香末香供養世尊今時諸
天聞帝釋教無量百千諸天大衆詣
帝釋所時天帝釋以如來像置天冠
上頂戴而行往詣波利耶多樹園見
彼天衆皆無歡悅以此波利耶多樹

素墮落失本光明是故不悅時天帝
釋以如來像安置樹下七寶之地毗
琉璃座一切天衆皆起信敬生敬重
心以天摩盧迦華天曼陀羅華摩訶
曼陀羅華拘賒耶舍華如是衆華
以為供養香水澡浴如來形像如是供
養已教諸天衆當起信敬離於慳嫉
離放逸心此佛如來三界大師正法
聖衆諸天子等聞帝釋教皆起敬信
頂禮如來天尊之像今時帝釋即以
偈頌而讚歎曰

如來解脫恩愛毒 親愛一切諸衆生
久已度於生死海 南無南無一切智
今時帝釋合掌恭敬向如來像與諸
天衆踟躕合掌復以偈頌讚歎如來
如來永斷欲貪瞋 永離熱惱不可量
一切衆生無上師 南無南無一切智
偈讚佛已一切天衆圍遶樹王敬重
如來生大信根如是一切天衆以淨
善心增長正法供養佛像時波剌耶
多樹即便生鬘新素欲出諸天見已
皆大歡喜其樹不久次第花葉如本
不異其光遍照一百由旬香氣亦余

葉如雲色衆蜂圍遶其影鮮澤天衆
圍遶如第二日見光威德其香普熏
一百由旬其枝遍覆一百由旬根亦
如是一切天衆皆大歡喜其天樹王
光明香氣如本具足譬如六萬衆山
之中須弥山王寢為第一種種樹中
波利耶多樹光明莊嚴亦復如是寢
為第一見勝光明威德殊勝充滿具
足明淨顯現具足明焰三十三天見
之歡喜共相謂曰汝等天子見佛如
是大勢力不此天樹王華葉光明香
氣具足如本不異三十三天見樹勢
力光明增勝皆離疑網閻浮提人順
法修行念法心勝魔軍損減非法惡
龍及阿修羅不能破壞如法之人正
法增長天衆不減於天女中不復劣
弱魔軍減少天衆大力以樹王相當
知諸天有大威德如是三十三天各
各說已今時護世從閻浮提詣第二
天波利耶多樹王園中是時護世見
三十三天於波利耶多樹下以清淨
心供養如來身出光明到已頭面頂
礼帝釋白天王言諸天大衆今應歡

喜今閻浮提一切人民隨順法行供養父母沙門婆羅門恭敬長宿時諸天衆聞其所說皆大歡喜供養護世作如是言汝令我喜汝亦如是常得慶悅以說閻浮提人行法行故如是天衆聞護世天說如是語復設供養既供養已持如來像詣善法堂樹王諸天及天帝釋還入波利耶多樹園夏四月中受天快樂遊戲娛樂天女圍遶於夏四月遊戲受樂若有天子從此命終隨業流轉墮於地獄餓鬼畜生若有前業得生人中顏貌端正人所樂見心常歡喜安樂無惱衆人愛敬歌舞戲笑常自娛樂一切女人若有見者皆生愛敬或為國王或為大目以餘業故

正法念處經卷第二十七

癸卯歲高麗國分司太歲都監奉勅彫造

正法念處經卷第二十八

初

元魏婆羅門瞿曇般若流支譯

觀天品第六之七

三十三天之四

復次比丘知業果報觀三十三天所住之地彼以聞慧見三十三天第一地名離險岸衆生何業生於彼處彼聞知見若人持戒利益衆生福德熏心或功德人持戒智慧或復病人施其一食自不煞生若空樹中或有虫蟻種種細虫若種種放牧牛羊爲馬馳驢之人或冬寒時冰雪霜降於曠野中放火焚燒若有善人或以水土滅此燒火見作勸止自不故作設作改悔不生隨喜爲說恐怖令住善法令彼衆生住於善法自不偷盜亦不教人如是之人命終生於離險岸天其地金銀種種赤寶以爲廁填如是種種金銀雜寶雜業莊嚴種種衆寶種種廁填種種寶樹以爲莊嚴種種禽獸莊嚴其地處處皆有禽獸之類遍險岸地一切園林無量七寶以爲莊嚴離險岸天住此林中莊嚴之具

如融金聚百千天女以為圓遶受五欲樂隨其住處身出光明岸樹光明亦如天身於此林中遊戲受樂與諸天女往詣河林其河兩岸多諸金樹黃金為葉以樹光明令水黃色悉無白色其流駛疾不見白色於園林間天子天女遊戲受樂天作是念今此樹中應出美飲以善業故隨其所念即時流出種種美飲色香味具以諸寶器而用飲之飲天上味受天快樂見諸天女愛火所燒以樂覆故而不覺知天子復念我今欲聞種種音聲以善業故隨其所念有風動樹出妙音聲勝五樂音天子復念今此樹上應當出於湏臾之味以善業故隨其所念即於樹上猶如大器盛物瀉之從上而下石蜜之味不得為比天子食之歌衆妙音往詣寶地諦觀瞻視常樂念欲至寶地中受五欲樂捨此地已復詣普林其普林中有七種鳥真金七寶以為鸚鵡鳥因陀青寶以為鵲鵲翅多赤寶以為鶯鶯毳琉璃寶以為鸞鸞青寶車乘以為孔雀大青七

寶為命命鳥珊瑚銀寶為迦陵頻伽
其聲美妙如婆求鳥音衆所樂聞翔
翔空中遊戲自娛其音美妙如天女
音於蓮花池衆蜂莊嚴遊戲其中復
於陸地翱翔遊戲復有金樹種種業
影映飾鳥身天見衆鳥發歡喜心耳
聞其音心意悅樂天子行空與鳥遊
戲或於水中與鳥遊戲或於陸地共
鳥遊戲如是天衆共鳥遊戲天子天
女互相娛樂天鳥仇匹遊戲受樂比
丘觀鳥受天樂已而說頌曰

畜生行欲癡力所作 天若如是
畜生無異 人受富樂 不著放逸
是智慧人 愚者相違 放逸將天
至於地獄 智者所說 放逸如毒
愚癡放逸 著現在樂 放逸果熟
後生大海 觀於放逸 無少利益
若捨放逸 常無憂惱 放逸大苦
不放逸樂 舉要言之 應捨放逸
若人愛苦 應行放逸 樂行放逸
終無樂報 樂不放逸 至不退處
不行放逸 常無苦報 此諸天衆
與鳥遊戲 天與畜生 等無差別

界道身意一切皆壞 天人非人
地獄餓鬼 意差業別 業別道分
諸業分異 道亦如是 種種雜業
生於天中 樂著放逸 不覺退沒
死相既至 汝當自知 於天中退
受大苦惱 為癡所害 放逸所誑
諸天渴愛 墮於地獄 戲樂自誑
墮於地獄 受天樂已 後受大苦
為心所惑 不獸生死 為愛所欺
從苦入苦

比丘如是以是惛頌可責放逸諸天
子等貪於五欲不知獸足如火得薪
乃至受善業盡從天還退隨業流轉
墮於地獄餓鬼畜生若有善業生於
人中常受安樂飲食充足國土豐樂
五穀熟成或為王者或為大目以餘
業故

復次比丘知業果報觀三十三天所
住之地彼以聞慧見三十三天第十
二地名谷崖岸此諸衆生以何等業
生於彼天彼聞知見若人善心修行
福德施坐禪人得初禪者自施其食
教人施食施已隨喜教他隨喜是名

布施不煞不盜若人道行井泉池流
施水之處施其瓶罐飲水之器供給
行路復有異人教他盜取持度曠野
汝若不取必當渴乏今時其人雖知
渴死畏犯罪故不受其教不盜財物
亦不隨喜勸人不取今住善道乃至
失命不犯偷盜云何不煞自行不煞
勸人不煞毀此煞法若屋牕牖若戶
扇間若屋樑上有微細虫若然火時
懼傷其命不閉戶牖是名不煞復教
他人令行不煞住於善道如是之人
命終生於二十三天崑崙崖岸天受善
業報有一林樹名隨時住其林種種
衆寶光明青毗琉璃清淨無垢種種
衆鳥出妙音聲花常開敷流泉河池
以為莊嚴青毗琉璃以為蓮花莊嚴
金蜂如融金衆雜色衆鳥遊戲其中或
於水中或於陸地或於山峯險岸山
窟出衆妙音善業所化受善業果種
種天文之所圍遶天變天衣以為莊
嚴色相威德端嚴殊特於此林中歌
舞遊戲以善業故林中天鳥而說
頌曰

衆生造善業 天中受快樂 若造不善業
地獄受苦報 既生於天中 而能自覺悟
從樂得樂果 不為愛所惑 業縛衆生
長在三有獄 業力自在轉 如轆轉衆輻
輪轉於三有 八方及上下 業力風所吹
如塵遊虛空 因緣之所生 如蓮花莊嚴
如是天莊嚴 皆從善業生 譬如清淨水
如虛空無塵 如是清淨心 能至安樂處
解脫三縛人 能護於五根 遠離一法人
天中受安樂 無慚无愧人 不調惡知識
如毒亦如火 智者應捨離 實語行施人
常應樂親近 常慈心衆生 此道生天中
直心不諂曲 布施修正念 以是自業因
來生此天中 世間一切命 皆由法非法
救護無過法 是故應行法 若人捨離法
樂行不善業 為惡之所燒 受苦無窮盡
既得生天已 若縱放逸心 其人善業盡
退時乃自覺 究竟樂為勝 無生亦无死
死網縛衆生 無有安樂處 隨其受樂處
愛心轉增長 愛火燒衆生 地獄受苦報
勿得行放逸 諸天所不應 放逸過而壞
退失於天處
如果天鳥說此法時天子心亂念諸

天女於利益法不聽不受渴愛五欲心意耽著於蓮花池遊戲之處歡娛受樂往往山峯名樂遊戲山峯有鳥名曰戲樂遊戲池中互相娛樂時天見鳥作如是念奇哉此鳥種種衆色種種音聲勝一切鳥是時天子復作是念我今乘鳥遊觀林池天既念已即時鳥身自變廣大令時天子以手摩捫乘之遊空翱翔受樂天子復念於鳥背上化七寶殿園林花池皆悉具足種種衆鳥以為莊嚴上乘虛空與諸天文種種莊嚴處處遊戲受種種樂遍觀諸天所住之處既觀察已轉增愛著足百千倍不可為比如是愛火六欲熾然不可調伏妄愛為樂實為大苦乘鳥遊空五樂音聲歌頌之音其聲美妙不可譬喻遍見一切天子天文於須弥山園林池流山谷樹林道花遍覆多有衆鳥皆悉見之一住處無量百千諸天所住處處觀之猶不厭足諸根愛著貪著五欲歡喜無厭愛心增長如是多時乘鳥遊戲觀須弥山王六万諸山善業諸天

之所住處無量寶焰光明莊嚴甚可愛樂須彌四面有四種色謂毗琉璃白銀黃金頗梨之色此天遍行觀須彌山乘於鳥殿還其所止至其住處如天所念色相莊嚴是時天子復乘鳥殿至摩時多池其池周匝廣五由旬青毗琉璃種種蓮花以為莊嚴鳥至此池與諸天女受五欲樂猶如衆蜂貪嗜花味飲於摩偷食須陀味色香美味皆悉具足服天寶衣與諸天女遊戲受樂乃至愛善業盡從天命終隨業流轉墮於地獄餓鬼畜生若有善業得生人中常受富樂多有乘騎遊戲之處或為王者或為大臣人所敬愛以餘業故

復次比丘知業果報觀三十三天所住之地彼以聞慧見第十三地名摩屋截眾生何業而生此天彼聞知見若有善人利益眾生不煞不盜亦教他人令住善道自不殺生乃至見於酒蜜之中有濕生虫若不濫治終不故飲不教他作亦不隨喜知不善業捨而不作見他作惡捨不親近勸令修

善是名不煞生云何不盜乃至入於塔廟若有供養佛塔燈明不以此光營作衆事亦不取烟以為書墨微細之罪恙皆畏懼是名不盜復有不煞及不偷盜不煞生者乃至蚤蟻惱觸於人亦不煞害心不念煞若見他煞勸令放捨語其人言若煞生者是不善業命終當墮活地獄中如是教他令不作惡安住善法如是善人自持禁戒令他住戒若行曠野若飢饉世以飲食施若其飢餓困逼之時不盜他食於曠野中貧窮飢困乏少糧食者能減已食施諸貧人以思心福田二事勝故得大果報以時施故何以故病之六者無過飢饉是故施食得大果報如是二種持戒之人自利利他善心直行第一善人乃至小罪常懷大懼以衆寶珠施於父母或以珠璣施如來像是人命終生三十三天摩尼藏地生彼天已受第一樂五欲自娛是善業人威德光明皆悉普照五百由旬譬如日出普照衆山此天光明照一切地亦復如是其衆寶地先具光

明如是天子身光既照百倍轉勝其
諸光明青黃朱紫如天虹色其身光
明百倍轉勝莊嚴殊妙以善業故身
如電光勝諸天衆如衆星中日最第
一此天之身亦復如是遍身光焰自
觀實地其地皆以種種摩尼以為莊
嚴種種間錯分齊分明一切光明猶
如百日一時同照天子見之生大歡喜
復觀異處見諸天女妙色具足以不
可譬喻種種衆寶以為莊嚴受諸欲
樂鼓樂絃歌笙笛篳篥如是種種歌
衆妙音或有舞戲天鵝莊嚴或於花
池與鳥遊戲或食天果復於意樹取
諸花果歌欲樂音令衆歡喜天子既
至見諸天女為諸欲境惡地所整從
坐迴顧向諸天女諸天女等天鵝莊
嚴天子見之欲火燒心迴顧天女時諸
天女見其丈夫命將臨終五死相現
猶如衆蜂捨於萎花赴新開花諸天
女等捨本所事趣此天子亦復如是
種種天鵝種種天衣以自莊嚴以愛
欲心娛樂天子令心喜悅是退天子
以無始來習諸愛欲見其天女背叛

異趣心生熱惱如阿鼻獄猛火燒身
見諸天女背已趣他其心熱惱亦復
如是從天命終以嫉妬心自害其身
有報將盡取緣濁心更無所見退墮
地獄餓鬼畜生以何因緣見諸天女
叛已趣他生大苦惱以於前世人中
之時邪行非礼犯他婦女以作善業
生於天中侵他妻故見斯惡業如是
善業之中惡業成熟是故微少惡業
而不應作若能奉持七種之戒不缺
不漏則有餘果夜摩諸天見退沒相
則不如是未來世報略而說之不復
廣說諸天女衆天變莊嚴速往詣於
初生天子以諸天變而用上之令其
莊嚴花鬘香氣色香具足無有萎變
令初生天子著此花鬘天子著之心
生歡喜即相親近共遊園林互相娛
樂於此地處天衆所住見清淨水毗
琉璃花真金為葉金剛為鬘百千衆
蜂以為圍遶其蜂或以真金為翅毗
琉璃身白銀為翅真金為身赤寶為
翅雜色為身珊瑚為翅常於如是不
萎不變蓮花池中遊戲娛樂其聲清

妙如天女音如是衆蜂以為莊嚴天
子天女入蓮花池遊戲受樂歌詠戲
笑久於池中娛樂受樂復往詣於金
鬘樹林二樹弥覆既至林中種種伎
樂出妙音聲見須弥峯如融金聚見
諸天衆在於山峯與諸天文伎樂自
娛天變天衣以為莊嚴閭浮檀金以
為璽珞莊嚴其身於蓮花池優鉢羅
池種種香味皆悉具足天子天女遊
戲受樂鵝鴨鷺鷥大力師子悉為行
列諸天在中遊戲受樂復見天衆行
於虛空與諸天女猶如明燈歌頌美
音以自娛樂兩衆妙花受天快樂五
樂音聲歌戲娛樂復見天衆飲天美
味無有醉失各說愛語以相娛樂令
心喜悅復見天衆食須陀味以自善
業所得果報色香味觸皆悉具足復
見天衆於七寶樹採七寶花以自莊
嚴復見天衆採花摘果或有食者或
相打擲以為戲笑共相娛樂復見天
衆乘於天鳥衆雜七寶以為莊嚴乘
此鵝鳥遊於虛空乎共遊戲復見天
衆歌衆樂音於天子前諸天女衆舞

戲娛樂以天蓮華。手相打撲以生欲。心言說調謔增愛境界。初生天子見如是等種種天衆種種業化。心自思惟我雖見此眼不知足聞種種聲耳亦無厭種種衆香鼻亦如是種種六味舌無厭足身貪細觸天衣妙服莊嚴塗身亦復如是。不知厭足一切愛法心常隨順我今愛樂嘗受斯樂。既思惟已。手相愛樂如天所應受五欲樂如是。天子六愛著心一切愛火圍遶焚燒。譬如有人於盛夏日極熱之時行於曠野大火卒起燒諸乾草樹葉枝條山谷林樹一切火起。悼惶怖走逃避無地。其火焰熾四面圍遶同為一焰燒一切林隨其所趣烟焰俱起為火所燒不能免離世間一切愚癡凡夫亦復如是。乾草樹枝愛火所燒將至天中造業之人結使癡風吹大愛火修禪習觀得世俗禪喻乾枯樹山谷草葉愛火所燒猛熾火者喻六種愛處處走者喻於諸根染著境界其焰熾然憶念境界猛風所吹愛火所燒破壞天人世間火者喻於愛

火天善業故受於無量百千種樂乃至愛善業盡從天還退隨業流轉墮於地獄餓鬼畜生若生人中住於實地一切衆寶以為莊嚴而生其家或為大王或為大目常受安樂衆人所愛子孫具足豐饒資具以餘業故

復次比丘知業果報觀三十三天所住之地彼以聞慧見第十四地名曰旋行衆生何業生於彼地彼以聞慧見有衆生不熱不盜見他作者勸令不作說不善業得惡果報云何不熱乃至菜菓若於水中見微細虫護之不食若不瀉水終不故飲瀉水之虫不棄乾地還置水中令至安隱不失其命亦教他人令住言道云何不盜若甘蔗田若果若菜若薺婆羅他所攝物不起盜心亦教他人令不偷盜自持禁戒教他持戒云何持戒不熱不盜乃至失命不飲虫水亦不受用亦教他人令其不作是名不熱生云何不盜乃至草菓亦不故盜行於布施若見病人施其醫藥令得安樂亦復不以煞虫之藥與他治病是善布施

乃至涅槃其福不盡是人命終生三
十三天旋行之地既生之後以善業
故一切衆寶光明旋轉殊勝天女以
為供養既供養已詣光輪林種種音
樂林中有鳥名莊嚴樹充滿林中以
鳥勢力隨其心念欲有所至飛於虛
空林亦隨行若諸天子在於樹下亦
隨林行隨所到處生蓮花池衆雜蓮
花以為莊嚴毗琉璃葉真金為莖白
銀為鬚蓮花臺上諸天女等歌衆妙
音以善業故其蓮花中流出摩偷音摩偷
者美飲俗名為酒也天女飲之與蓮花臺諸天子
等住蓮花臺天女圍遶共飲摩偷久
受樂已從空而下與鳥相隨及天女
衆詣優鉢羅殿其殿縱廣滿二由旬
如是百千優鉢羅花一天女住一
葉端歌舞伎樂復有青色優鉢羅花
以花青光今諸天女皆作青色若在
赤色今諸天女皆見赤色身莊嚴具
亦復如是天子天女坐蓮花臺以善
業故與諸天女而其圍遶坐蓮華鬚
手擎種種雜色寶幡歌舞遊戲久
受天樂從花臺下見雜娑羅殿河名

樂見兩岸多有衆寶之樹枝葉具足
莖幹成就種種衆鳥羣翅端正婆求
之音莊嚴河岸隨天所念從河而出
其河莊嚴天女歌舞甚可愛樂手相
娛樂天子來詣如是愛河天女見之
皆大歡喜歌舞戲笑作衆伎樂有異
天女作衆伎樂來詣天子是時天子
見諸天女顏色妙美百倍愛著走趣
天女與此天女及優鉢花諸天女等
河岸遊戲諸天女等一切同集作衆
伎樂出妙音聲其歌音聲遍滿須弥
山王寶峯之中時山峯中一切天衆
聞是妙音皆來集會心意戀著天女
歌音天子天女大衆和合不起嫉妬
歌舞遊戲復往詣於遊戲園林以受
無量百千種樂乃至愛善業盡從天
命終隨業流轉墮於地獄餓鬼畜生
若生人中常受安樂常樂澡浴塗香
末香愛衆蓮花優鉢羅花拘牟頭花
俱迦那陀花質直聰慧愛樂正法或
為國王或為大目或作長者或主城
戍或為導師治生諧偶以餘業故
復次比丘知業果報觀三十三天所

住之地彼以聞慧見第十五地名曰

金殿衆生何業生於彼處彼以天眼

智慧觀察見持戒人不殺不盜云何

不殺若見怨家欲來害已或有他人

侵其妻室雖捉擒獲不打不害放捨

令脫軟言慰喻或見有人欲害怨家

以財贖命令其得脫復有惡人已捉

擒獲放之令去而不加害如是惡人

復至其家欲侵欲害而復擒獲還即

放之而不加害以護持戒畏業果故

怨家持刀欲來殺人護彼怨家令其

得脫不被殺戮畏破戒故自捨身命

不害他人是名不殺云何不盜不盜

幾種此持戒人乃至小罪生大恐怖

畏業果報不造惡業修行善業復有

不盜見於小罪乃至微塵心生恐怖

或詣塔寺或至園林閑靜讀誦經行

之處或至水邊不取他物種種鞋履

悉不故取他所不聽亦不受用以護

戒故若晝若夜不起盜心是名不盜

是名不殺不盜云何住戒捨於不淨

不愛不樂不善之法持戒清淨善人

所愛如實不虛如是持戒生於天中

必至涅槃隨心所願成三菩提是持戒人若行曠野若獨若伴若行道路若行非道若見惡獸懷妊產子為飢所逼欲取其子是人見之自捨其身與此惡獸欲令殺已不食其兒是持戒人為續其命憐愍衆生自捨身命孝養父母云何布施若持戒人貧窮困乏勤苦得物順法持戒或有沙門起於滅定來至其家從其乞求如是貧人減於妻子所食之分有少飯食施此比丘自屈一日見其食已心生歡喜復教他人不殺不盜住於善道見作隨喜是持戒人自利利他命終之後生三十三天猶如香氣生於金殿是善業人生彼天已受欲樂地黃金為殿一切衆寶以為莊嚴帝釋見已生希有心百倍受樂以偈頌曰
上上之樂 善業善果 諸天所受
先世業故 四輪之殿 駕以象馬
智慧為鈎 殿光如日 持戒之善
遊於天上 憐愍衆生 如母愛子
慈悲之人 能至天中 行慈悲者
饒益衆生 常應供養 後生天中

悲愍調伏 利益衆生 是人如天

諸天敬仰 慈悲之人 端嚴如月

覆護衆生 離於憂惱 是故勤加

修行求樂

時天帝釋說此偈已入其金殿坐柔

濡敷種種形相以為莊嚴與諸天衆

俱坐其上天女圍遶之時受樂種種

色身種種莊嚴而相娛樂時天帝釋

復出金殿詣一切樂林種種天衆百千

圍遶種種伎樂出衆妙音其諸天衆

出大光明隨天帝釋去林不遠見遊

戲處無量百千光明莊嚴金毗琉璃

以為其樹光明赫焰周遍莊嚴其遊

戲林種種莊嚴不可譬喻今說少分

譬如七日俱時並出其林光明亦復

如是其諸光明有種種色青黃朱紫

白色諸光其林莊嚴遊戲之處光明

赫焰帝釋見已告諸天衆汝等見是

一切戲樂遊戲之處園莊嚴不唯然

已見時天帝釋語諸天衆過去之世

頂生大王於此林中與天帝釋分座

而坐遊戲受樂無量天女之所圍遶

主四天下時二天王受於無量百千

萬億五欲之樂猶不知足從天還退
時頂生王以善業故於此林中光明
威德端正勢力我今說之汝當善聽
於過去世有頂生王主四天下不加
刀杖亦無刑罰欲無厭足以先世善
業來上此天其身光明勝須弥山過
踰十倍一切天光至其光中皆滅不
現時四天王見頂生王即出奉迎白
頂生言善來大王我今放出奉迎大
王應修供給時頂生王受其供已復
上三十三天是時頂生光明威德猶
如日光人中最勝在此天中亦復如
是時四護世天自見光明悉不復現
惟未曾有告諸天曰此頂生王至此
三十三天或是其身威德之力或是
輪力非餘天力亦非人力勿起怖意
此人順法為轉輪王護世說已時頂
生王到三十三天
尔時帝釋遊戲在於一切樂林娛樂
受樂遙見頂生即分半座命之令坐
尔時頂生即與帝釋共坐一林二王
久時受五欲樂業盡還退尔時三十
三天遊戲之處無有及此一切樂林

其林殊妙無量衆寶以為莊嚴光明如日時天帝釋說是語已與百千天女而自圍遶入一切樂林既入林已天子天女^{娯樂}受樂食於種種須陀之味既飯食已昇七寶殿其殿光明威德端嚴猶如日光種種樂音還善法堂帝釋去已舊住諸天受五欲樂乃至愛善業盡墮於地獄餓鬼畜生若生人中常值善世不值刀兵生好國土園林具足稻麥甘蔗花果具足大富之慶常值正法或為大王或作大臣為一切人之所愛敬端正第一諸根成就子孫具足以餘業故復次比丘和業果報觀三十三天所住之地彼以聞慧見第十六地名曰^{慧影}眾生何業而生彼天彼以聞慧見此衆生善業善心不殺不盜云何不殺云何不盜幾種不殺幾種不盜不殺生者自不殺生若種種魚鱉若珂若貝不取不賣見殺生者教令住戒見他作者心不隨喜勸令安住善道之中是名不殺生六何不盜若此善人以清淨心直心持戒不以貪心

或佛塔廟或於僧中燒香之處不與
香氣不以方便令薰其衣若香至鼻
心不貪著是名微細不偷盜戒見他作
者勸令不作令住善道如是衆生
自利利人以何等心利益衆生見殺生
者如殺已見觀諸虫蟻亦復如是亦
教他人令住善道云何布施若貧窮
人勤苦得財以用布施持戒行人得
初禪者在器之食分半施之亦教他
人令行布施如是之人自利利他命
終之後生鬘鬘影天既生天已樹名鬘
影其光明輪周遍園林其樹花香鬘
一由旬勝餘花香其花脩長若以一
花則成首鬘其花雜色種種莊嚴青
黃赤白繁茂鮮榮復於園林受五欲
樂伎樂音聲欲樂具足隨心所念皆
悉成就種種殊異無量成就以善業
故一切成就復於林中有蓮花地名
曰雜花有大勢力生諸蓮花花常開
敷七寶色蜂以為莊嚴蓮花池中種
種衆蜂出妙歌音天子天女聞蜂歌
音皆大歡喜共相謂曰奇哉此蜂出
妙歌聲令我心悅一是衆蜂歌衆妙

音復有鵝鳥皆以其翅扇蓮花池令
花勃起如黃金色遍覆池水鳬鴨見
之歡喜走趣出妙音聲如是花池多
有衆鳥天子天女以歡喜心捨衆樂
音往詣衆鳥遊戲受樂復往詣於行
列宮殿遊戲之處其諸宮殿十寶為
柱金銀琉璃車渠頗梨以為莊嚴其
地多有種種天女遊戲受樂天寶莊
嚴天栴檀末以塗其身共相娛樂不
起嫉心互相愛樂離於妬心受自業
果種種地中以種種業而生其中受
自業果遊戲受樂復往詣於如意之
樹其樹勢力隨天所念悉皆得之於
此林中飲食河流第一色香衆味具
足以歡喜心遊戲河中食須臾味既
飲食已百倍悅樂復往詣於青蓮花
林其花第一色香味具於花葉中流
出摩偷美味之飲猶如酒糟酒流而
出其色青綠如分陀利黃分陀利出
黃色飲琉璃色花出琉璃色飲頗梨色
花出頗梨色飲車渠色花出車渠色飲
雜色之花出雜色飲雜色葉花出琉
璃並金剛為鬚如是種種諸飲從花

流出香味第一諸天飲已復往詣於
一切觀於遊戲娛樂到此林中悉見
一切三十三天所住之地一切觀林
甚可愛樂於此林中有蓮花池名曰
普流廣三十里清淨之水湛然充滿
如琉璃色鵝鴨鴛鴦周匝圍遶一切
衆鳥皆如金色七寶為背珊瑚為足
赤寶為目雜寶莊嚴其音美妙遊戲
舞持時諸天子詣遊戲處金色之鳥
出妙音聲天子昇於金殿之上其殿
光暉如融金聚各相謂曰汝見諸天
遊戲之處令諸天衆其身光明黃色
轉妙過踰兩倍於此殿中遊戲自娛
受五欲樂貪愛境界而無厭足如火
益薪轉更增熾諸天受於色聲香味
觸亦復如是不知厭足於此天中受
五欲樂乃至愛善業盡命終還退隨
業流轉墮於地獄餓鬼畜生若有餘
業生於人中常受快樂花鬘塗香以
為莊嚴至以末香心常歡悅或為三
者或為大目大富饒財為一切人之
所愛敬無有怨敵亦無病惱以餘
業故

正法華經卷第三

癸卯歲高麗國分司大藏都監奉
勅印造

正法念處經卷第二十九

初

九觀婆羅門瞿曇般若波支譯

觀天品第六之八

三十三天之五

復次比丘知業果報觀三十三天所住之地彼以聞慧見第十七地名曰柔軟衆生何業生彼天中彼以聞慧見持戒人不煞不盜生此天中云何不煞有諸衆生為貪財利恣足五欲斷毒地命取其寶珠以自供命持戒之人不為此事是名不煞亦教他人令行不煞乃至螽蟻微細衆生亦不故煞云何不盜不以盜心取人草土乃至微細亦不故取乃至他人所有書記不以盜心書寫自用是名不盜云何布施是持戒人貧窮乏財以無貪心減身資分施初禪人衣服飲食卧具醫藥資生之具或施一食或於僧寺平治僧地令僧去来安隱無難如是自行布施亦令他人安住善道勸於他人令捨惡業是持戒人不煞不盜自利利他以是因緣命終生於三十三天生此天已受天快樂其地皆

以柔軟天緒以為敷具遍覆其地柔軟滑澤若天行上隨足上下足躡則偃舉足隨平僻如大風吹水波起高下不定風止則平其地柔軟亦復如是其地清淨猶如明鏡若有工師若工師弟子善能磨鏡塗拭明淨照顧衆像若指一毛以為百分於此鏡中皆悉了見此天地中見諸天子一切身分亦復如是如彼明鏡清淨无垢其地清淨亦復如是其地復生希有之事若諸天女心有所念欲令天子共其遊戲天子即於所住地中自見書字即與天女遊戲受樂其地復有希有之事若天德念一切所須皆從地生如是三十三天於柔軟地受天快樂復往詣於遊戲之處其遊戲處有大園林名摩偷迦鈴網弥覆無量寶樹以為莊嚴於彼林中種種衆鳥華果具足五樂音聲遊戲受樂五根境界受果報樂於其地中復有林樹名曰婆羅若諸天衆入此林中遊戲之時樹則變小令諸天女取果不難其林皆是七寶所成光明晃曜如日初

出以為在嚴無量種色華果莊嚴種種色鳥出妙音聲以為在嚴如是衆鳥住於林中出衆妙聲於此林中受六欲樂歌舞戲笑捨此林已復往詣於遊戲山峯名曰高聚往至彼峯與諸天女種種莊嚴歌舞戲笑升高聚峯其峯周匝廣十由旬其山峯上有大華池名曰光明以七寶華拘牟陀華俱迦那陀華青優鉢羅華充滿池中其水清淨鵝鴨鷺鷥出衆妙音甚可愛樂天子天女圍遶華池歌舞戲笑飲於天味無有醉亂六味之果隨念食之其汁香美飲之無失天子天女皆共飲之復於異處有諸天女歌舞戲笑鼓樂絃歌簫笛笙篳種種樂器與諸天子娛樂受樂園遶華池久受天樂復有華池名一切意樂遊戲之處天發莊嚴栴檀塗身散以末香身出光明以其自作上中下業因緣力故隨心所樂得三種報生似業意若人造作如是之業得如是果眼識緣色而生樂心何以故若作下業於等色中見作下色其人如是於一緣

中見於下色若作中業則見中色生
中樂心若作上業則見無量種種妙
色形相端嚴如是一切聲香味鼻亦
復如是目之所緣欲界天中一切諸
地皆亦如是若不如是三種之報則
不成就當知如是三種之業得是妙
色端正莊嚴天女殊勝此諸天衆於
一切意樂園林之中遊戲受樂貪著
色聲香味觸等不知厭足比丘觀已
而說頌曰

劫盡日焰	大海乾竭	億百千劫
貪愛不滅	諸水雨等	海尚可滿
貪欲之海	愛色無厭	憶念諸樂
欲不可滿	若離憂愛	欲則止足
樂從欲生	智者不樂	離欲之樂
樂中取勝	離愛之樂	如雜毒水
若離愛欲	如水乳合	欲燒癡人
盲冥無覺	如摩羅耶	山至食木
愛欲憶念	念不可數	念無厭足
死王所縛	不為欲使	不住愛境
是人樂器	如來所說	如夢所見
軋閨婆城	虛妄不堅	諸欲虛誑
如幻水沫	甄婆迦果	欲為衰惱

甄婆迦果

生於海濱
食時七日

如火害人 若知欲過 不貪醉果
能見實諦 永離愛惱 諸欲如毒
未得思念 得之自惱 衆惡熾然
欲無厭足 退失天樂 墮於地獄
由欲所誑 欲如水波 如電如燈
女欲如毒 如魚洄漩 思惟增長
如火益薪 初後不安 智者所棄
若有習近 展轉增長 觸如火焰
欲受苦報 知此欲過 智人厭捨
離欲之人 得涅槃樂 無數千万
鄰由他天 習欲墮落 受地獄苦
欲火刀毒 求樂應捨 常應捨欲
地獄之因 未見有人 不為欲使
無有習欲 不受苦惱 是故捨欲
莫生心念 一切諸欲 如火熾然
如是比丘觀諸天子為欲所使說偈
呵責放逸諸天復誚一切意樂園林
作衆伎樂與諸天女種種莊嚴入彼
林中歌樂音聲歡娛受樂無量河池
莊嚴園林處處皆見種種妙色如是
眼根受於色欲又隨憶念聞衆妙音
種種愛聲鼻聞種種上妙愛香舌得
種種殊異之味隨心所念皆悉得之

隨心所念得種種觸身心悅樂隨意
所念樂法成就如是天衆為愛所覆
放逸遊戲如心所念受五欲樂乃至
愛善業盡命終還墮於地獄餓鬼
畜生若生人中常受安樂常受華鬘
塗香末香大富饒財直心善心一切
衆生之所樂見信受其言衆人所愛
妻子具足善行禮義不失儀式所有
財物王賊水火所不能奪王所供養
生大種姓以餘業故

復次比丘知業果報觀三十天所
住之地彼以聞慧見第十八地名雜
莊嚴衆生何業生於彼處彼以聞慧
見持戒人不煞不盜亦教他人令住
善道云何不煞不惱衆生自不煞害
不教他煞亦不隨喜亦不親友煞生
之人乃至不與語言交接不聽他人
不淨之語不同路行復有不煞有諸
衆生或以歌音或琴樂音笙篴簫笛
誑諸禽獸令墮網陷此持戒人不作
如是方便煞害亦教他人令行不煞
見他作者贖令得脫心不念煞是名
不煞云何不盜或有衆生虛妄誑詐

商賈求財行於非法種種偷盜云何
誑詐或以碎沙雜餘財物稱而賣之
見其為非勸令不作方便教言莫以
妻子自身財物惡友因緣而作偷盜若
行偷盜命終墮於地獄餓鬼畜生偷盜
果報受大苦惱如是自不作惡亦勸
他人令離惡法因緣既至能捨不取
如是之人自利利人云何布施或入
大海過大曠野以求財物或從他人
傭力求財布施貧窮苦惱之人心生
敬重諸根悅豫而施與之或以此物
施二禪人或施貧者是名布施云何
不煞若諸獵師羅網捕鳥若人捕魚
其人見之以物贖命還令得脫思惟
歡喜諸根悅豫亦教他人令贖生命
心生隨喜我為善業恒願修習亦令
他人修行善業如是善業不煞不盜
自利利他如是二種持戒利益自利
利他命終生於三十三天種種廁填
莊嚴之殿而於中生善業之人生此
天已種種摩尼光明晃曜廁填莊嚴
其身光明種種色衣種種天女種種
衣服莊嚴其身住在其後初生天子

作如是念我以何業而生此處自念
前生修善業故來生此天即自歎曰
奇哉善業我修行故來生此處如是
天子既思惟已以善業故初聞樂音
天女歌音遍一切處山峯宮殿美音
充滿禽獸率舞聞此歌音百倍受樂
初聞此音心生樂著是名第一生欲
因緣既著聲已心復生念欲是衆色
即時迴顧見諸天女無量色相不可
譬喻具足莊嚴是誰天女誰之所攝
心既念已欲心即生是時天女而說
頌曰

種種欲因緣 我取為第一我今奉天子
遊戲種種樂

今時天子既聞歌音又見美色即時
迴身至天女邊欲受卑樂是名第二
生欲曰緣復有第三生欲因緣心使
諸根貪於境界心緣自在天子欲心
卑諸天女天女以身示卑天子是名
第三生欲因緣復有第四生欲因緣
无量無等香熏之氣不可譬喻天子
觀之從何所來即知此香從天女生
便以欲心抱持天女觀無等香是名

第四生欲因緣於四境界心愛塗樂
時諸天女以種種飲食湏陀之味供
養天子是名第五生欲因緣如是不
可譬喻生欲因緣五欲境界初著天
樂如是天子受天樂報初生之時憶
念宿命以著欲樂皆恣忘失復以欲
心往詣天女天女亦來向天子所歌
舞戲笑手相娛樂至天子所調戲受
語歡娛受樂復往向於園林華池天
女身著種種莊嚴復與天子往一切
觀意樂園林一切見林一切地天遊
戲之處其林諸樹意念具足無量莊
嚴金樹銀葉赤寶為枝頗梨為果色
香味具有如是等无量諸樹莊嚴園
林復有異林以為莊嚴毗琉璃樹真
金為枝赤寶為葉白銀為果車渠莊
嚴復有異樹於一時量一寶莊嚴所
謂金銀赤寶毗琉璃寶車渠莊嚴復
有樹枝一時之量一寶所成華果具
足天華莊嚴其華種種色香具足其
香周遍滿六由旬種種色蜂飲諸華
汁是一切見意樂之林如是諸樹以
為莊嚴種種白葉受斯果報復以蓮

華而為莊嚴毗琉璃莖真金為葉赤
寶為顯青因陀蜂以為莊嚴其音美
妙天眾聞之生大歡喜其林復有行
列莊嚴種種色林以為行列青黃朱
紫如閻浮提觀於電光其林如是行
列莊嚴河津華池莊嚴林園如是切
德具足之林天子見之心大歡喜與
諸天女至彼林中餘天見之知初生
天子欲來我所皆起往迎互相慰問
美言稱讚娛樂受樂妓樂之音遊戲
種種蓮華林中久於一切見林受五
欲樂復捨此林往詣樂行遊戲之處
其遊戲處種種欄楯以為園遶長流
美飲七寶宮殿行列如林真金為地
種種眾鳥出妙音聲舞戲自娛河池
流水其音美妙飲食河流色香味具
天子遊中受五欲樂遊戲自娛與諸
天女種種莊嚴受天善業經於久時
以放逸故而不覺知如是天子受五
欲樂業盡還退放逸覆心不觀退沒
愛心所迷欲火焚燒心著欲樂而不
覺知若襄相現怖畏成就見無常變
決定必退今乃心覺如是天子樂著

放逸乃至愛善業盡命終還退隨業
流轉墮於地獄餓鬼畜生若有餘業
生於人中受第一樂財寶具足端直不
諂生於中國識邪正行知法非法一
切善人順法之處知報恩處而於中
生為一切人之所樂見一切長幼皆
生愛敬常無病惱端正第一大力無
畏安慰一切妻子具足所有財物王
賊水火不能侵奪以餘業故

復次比丘知業果報觀三十三天所
住之地彼以聞慧見三十三天第十
九地名曰如意衆生何業生於此地
彼以聞慧見有衆生以正見心信業
果報堅住正見其心質直不惱衆生
差養父母順法修行而不懈怠恭敬
三寶佛法衆僧不煞不盜不教他作
亦不隨喜見他作者勸令不作為諸
衆生說於業果令住善道不煞不盜
若有衆生不持戒者教令住戒若人
持戒教令堅住如是之人自利利他
命終之後生於善道三十三天云何
不煞生若是衆生知他衆生乃至蟻
子螻蟻之類不故斷命是名不煞有

諸衆生煞害瞿陀鼠兔等安置置
畢罟網機陷勸令不作復有異人以
惡方便作諸罟弭張設羅網捕獵鳥
獸種種煞具網漉衆生今其斷命是
持戒人勸令放捨是名不煞令他衆
生安住善道云何不盜乃至草葉不
起盜心見他偷盜勸令不作復有衆
生行於非法若於佛塔若於精舍以
諸音樂供養佛塔復有異人亦在其
中歌舞自娛或與女人歌舞戲笑而
生歡喜或於僧寺若客作伎人或鼓
衆伎樂供養佛塔以自活命作諸音
樂不令此人為他作樂是名不偷盜
復有偷盜或於婬女初許多直後酬
少價是名偷盜復有偷盜若有酤酒
屠兒販賣市買決價不酬本直是名
偷盜如是煞生偷盜持戒之人悉捨
不為見作不喜心亦不念云何布施
貧窮少財能捨財物施三禪人自忍
飢苦施與他人慈悲心施如愛已子
云何持戒不煞衆生若治屏廁煞害
衆生教令不作施其水漿還置穢處
令不害命是名不煞善業之人作此

善業命終生於三十三天善業之人
生彼天上受五欲樂天伎樂音種種
天女以為園遶受無比樂今為此天
說少分喻如金輪王所受之樂比於
天樂十六分中不及其一所受天身
無有骨肉亦無垢汙不生嫉妬其目
不眴衣無塵垢無有烟霧亦無大小
便利之患其身光明轉輪聖王都無
此事於已妻子不偏攝受離於嫉妬
飲食自在無有睡眠亦無疲極轉輪
聖王都無此事以是因緣轉輪王樂
十六分中不及其一故以人中說少
分喻如是次第受五欲樂有一園林
名迦毗羅長十由旬廣五由旬一切
皆以金鳥莊嚴無量衆鳥遍身衆寶
以為莊嚴妙花光明莊嚴園林七寶
為樹林有衆鳥光明殊勝如人著於
種種莊嚴轉增勝妙種種色鳥莊嚴
天樹亦復如是復有天子於此林中
以種種華遊戲娛樂其華皆以毗琉
瑠寶以為莖葉及以華鬘赤蓮華寶
以為華臺其花香氣滿十由旬勝一
切華天聞此香十倍增樂復與天女

於迦毗羅向飲食河隨念即至高
大之殿種種欄楯樓閣門戶種種寶
鈴種種寶鬘真珠羅網以覆其上種
種寶幢懸衆寶幡金銀頗梨赤寶莊
嚴種種諸柱或有鵝鳥或有鳩鴿或
命命鳥或有鴻鴈以為莊嚴有如是
等種種衆鳥莊嚴其殿天衆昇殿以
善業故與諸天女向迦毗羅大林詣
飲食處到已即下食天甘饌食訖遊
戲於園林中種種樂音遊戲受樂經
於多時心著樂故不覺長遠復往詣
於一切見林昇於高峯欲見衆林共
餘天衆還昇化殿種種歌舞種種戲
笑互相娛樂同心受樂既至一切見
林住於峯上見須弥山王一面多有
園林以為莊嚴其花光色如融金聚
光明騰焰種種河泉流池濟處美飲
之河種種食河無量天女種種莊嚴以
為園遶其須弥山持諸世間處於六
萬衆山之中六萬衆山以為園遶高
峻廣大天龍夜叉阿修羅乾那羅之
所住處善業諸天之所依止種種善
業果報所得四寶成就一一住處種

種衆色以為莊嚴皆悉見之乎相歡
娛欲心放逸種種美言共相調戲上
中下身遊戲行食既見此已而作是
念非我獨受五欲之樂亦復多有其
餘諸天與諸天女遊戲受樂如是見
於種種色香如意之樹莊嚴園林尔
時諸天復見餘地一名高聚二名大
高聚種種河流以為莊嚴若其日月
行此山頂觀彼二山於此日中見百
千身如羅睺阿脩羅手障日光如前
所說今時天子復於空中徘徊旋轉
觀於山王與諸天女娛樂受樂歌頌
音聲住於宮殿山王園林皆悉見之
還於自地既至本宮於園林中歌舞
戲笑受種種樂五欲自娛欲樂覆心
不覺長遠復往詣於娑羅摩山其山
縱廣有五由旬高十由旬或乘宮殿
或乘飛鳥而昇此山種種寶柱以為
莊嚴種種河池七寶莊嚴如意寶樹
光焰騰赫種種伎樂歡喜相娛受自
業果以放逸故經於多時而不覺知
為樂所迷不知厭足復往詣於優鉢
羅林於此林中百千衆蜂以為圍遶

入於林中共食美飲歌舞受樂而無
厭足復往詣於遊戲之處名曰無垢
百百千千衆樂音聲共相娛樂而不
厭足諸天放逸受五欲樂乃至愛善
業盡命終還退墮於地獄餓鬼畜生若
有餘業生於人中顏色光澤主上貴
重第一富樂聰慧明了以餘業故
復次比丘知業果報觀三十三天所
住之地彼以聞慧見第二十地名微
細行衆生何業生於彼天彼以聞慧
見此衆生修行善法自利利人不誑
衆生不惱衆生質直修行而行善業
得樂果報作清涼業得清涼報善業
樂報一切衆生之所供養衆人所愛
現在未來安樂利益若捨此身至未
來世所作善業猶如父母為如實故
受無量樂不殺不盜亦教他人令行
不殺不行偷盜若復有人殺生偷盜
不共同止亦不親近不共遊戲不與
同事如是破戒行惡之人不與同住
親近持戒行善之人同其事業遊戲
受樂乎共思惟法以非法此善業人
自不作惡亦教他人令不作惡如是

之人過修善業令破戒者住於善道
示人正法今入正道種於善業其人
心淨猶如鍊金行於善業現在未來
安隱快樂是名不煞復有不煞有諸
衆生以邪見故煞諸麤蠍百足蚊虻
蜥蜴之類煞如是等衆諸果樹欲令
園林華果繁茂持戒之人則不如是
以護生命種種果食疑有虫者終不
故食若水酪漿種種諸飲不諦觀
視終不飲之經宿之水若不細觀
恐生細虫若不濾治不飲不用是
名微細持不煞戒云何不盜不恣
復有幾種若人思惟欲令種種稻
穀麻麥種種桑豆菰獨成就今世
間人五穀不登獨我成熟常作如
是不善思惟復於異時衆生薄福田
緣不収如是惡人見世飢饉心生歡
喜如我所念於市肆賣曲心巧偽量
諸穀麥誰惑於人究竟成業若心思
惟名為思業若作誰時名為誰業作
誰業已名究竟業如是衆過捨離不
作持戒之人雖復貧窮不為非法誑
惑他人見他作者心不隨喜若飢饉

世治生求利如法販賣不誑衆生是
名不盜如是善人云何布施善心善
行自利利他自身貧窮勤苦得財若
從他人常乞財物得已布施貧窮疾
病困乏之人若學三禪得三禪人從
他求索勤苦得已而行布施是人布
施三業成就若心思惟欲行布施是
名決定若布施時名之為業若行施
已心復思惟是名究竟如是之人造
作一千二百善業命終之後生於善
道微細地處行善業人生彼天已以
作微細業因緣故所得天身隨其所
念巨細隨心其地園林七寶為樹第
一清淨自業成就其七寶林長二十
由旬廣十由旬河泉流水園林具足
見者愛樂清淨無垢猶如明鏡其樹
枝葉清淨無垢如融金色金銀琉璃
及餘種種雜色之樹以為園林天子
入林於諸寶樹枝葉之中皆悉自見
身之色像如一樹中自見其身百千
樹中自見其身亦復如是是一天子
身之色相悉現衆樹以善業故得相
似果其樹復有奇特之事隨其造作

上中下業生此天中隨其本作上中下業悉現樹中根莖枝葉皆悉覩見時天帝釋與諸天女華嚴莊嚴其殿光明晃曜大明勝於和合百日照微細行天遙見帝釋皆往出迎到已恭敬頂禮帝釋隨天帝釋還入林中受五欲樂釋迦天王亦以美言慰問諸天行大善業其林衆鳥出美妙音真金為樹莊嚴園林是時天王觀業報已而說頌曰

善業得此果種種業林證雖無有言說知以善業報種種諸果報處處受生死或善或不善故得如是報若人修善業當得生天中若作不善業墮於三惡道樂行善不善者欲癡所迷不知當退沒決定受死苦今此善業報以樹相而知於欲不厭離心為樂所迷欲味放逸人心常求境界常為愛所惱亦為愛所縛欲共女人生女人為甚惡能生於熱惱如火害衆生如是欲熱惱過於大猛火女色大熱惱焚燒衆生心女人壞世間令善皆盡滅是地獄因緣大仙如是說口善說美言其心如毒害誑詐無暫停

女人心無實 須臾起愛心 須臾心不愛
其心不暫停 如電不久住 巧智虛誑人
心貪則親近 常思樂他人 懷慢情恣態
天人毗舍遮 羅刹龍夜叉 皆為女色縛
女人如惡毒 不念於恩惠 非種姓伎術
女人性如風 其心不停息 若見大財富
心則生愛樂 又見衰禍至 厭之而捨棄
若有人親近 則生愛樂心 見其憂惱至
須臾即捨離 如蜂樂遊華 見萎速捨棄
女人亦如是 不悅則捨離 惡心無慈惠
躁擾心不定 為破愚癡人 女人出於世
天中大繫縛 無過於女色 女人縛諸天
將至三惡道 若心貪女色 是欲取尤甚
女色欲燒心 後受大苦惱 現在所作業
貪欲自迷心 癡心不能覺 女欲之所迷
丈夫既信已 為無量愛縛 忽然便捨離
猶如蛇脫皮 如是女人性 諸方便供養
種種而守護 猶不可從心 女人性如是
其心無誠實 虛誑多奸偽 智者所不信
時諸天子聞天帝釋說是法已 心生
厭離而說頌曰

如是如是能天王 所說如實誠不虛
我無智慧不覺知 為天女網自縛心

時天帝釋聞此偈已即往詣於鳥音聲林無量宮殿以為莊嚴蓮華浴池莊嚴杯樹金色山峯如融金聚種種伎樂歌頌妙音多有種種天女眷屬帝釋天王入此林中欲受天樂諸根境界受五欲樂復往詣於乾陀聚山須弥之峯七寶莊嚴其河流注端嚴奇特如真珠瓔珞莊嚴山峯真珠為沙以布河底於河兩岸多有衆鳥出妙音聲見此河者皆生愛樂釋迦天王與諸天女及諸天衆種種莊嚴遊戲受樂於此山峯既受樂已復與天子及諸天女復往詣於周羅宮殿遊戲之處既至此處餘地諸天聞天主至亦皆來集其峯宮殿居須弥頂高廣嚴淨夜摩天光照觸其頂如須弥色映四天下夜摩天光照此山頂亦復如是得夜摩天光明照故於餘宮殿千倍殊勝今時天主釋迦提婆於此宮殿既遊戲已與諸天子及諸天女還善法堂此微細行天受五欲樂乃至愛善業盡命終還退墮於地獄餓鬼畜生若有餘業生於人中常受安

樂或為國王或為大臣第一螺駿其
心審諦人所詔奉不好多言衣服鮮
潔淨無垢汙妻妾貞潔心不邪曲好
行布施端直不諂兄弟宗親之所愛
敬恭敬師長愛樂賓客樂行布施
持戒自守性愛香鬘遠惡知識生於
大姓端正殊妙種種莊嚴以餘業故
復次比丘知業果報觀三十天所
住之地彼以聞慧見第二十一地名
歌音喜樂衆生何業生於此地彼以
聞慧見有衆生善心善業善身口意
行於善業自利利他饒益衆生心有
慈悲信於業果正見正業持二種戒
心不散亂不失威儀不親惡友孝養
父母供養沙門婆羅門三種善業遍
行究竟持二種戒不煞不盜云何不
煞若稻穀粟麥生微細虫不擣不磨
知其有虫護此虫命不轉與人復有
不煞生若牛馬駝驢擔負脊壞瘡中
生虫若以漿水洗此瘡時不以草藥
斷此虫命以鳥毛羽洗拭取虫置餘
臭爛敗肉之中令全其命護此驢牛
恐害其命復護虫命乃至蟻子亦不

故煞若晝若夜不行放逸心不念煞
有衆生想若蟣若蟻亦不故煞是名
不煞云何不盜幾種不盜若有衆生
見蛇食虫蝦蟇食虫黃鼬食虫若狗
野干取諸衆生欲自食之其人若見
以其所食而貿易之令其得脫如是
之人護彼此命是名不盜自不偷盜
亦不教人勸諸衆生令住善道未住
戒者教令住戒已持戒者令其增長
說業果報令其覺悟是則名曰不煞
不盜復有順法行人利益衆生見諸
蜜蜂知他欲煞以物救贖令其得脫
施衆生命是名施命復有布施若法
行人貧窮乏短若以一食施四禪人
若見惡人欲斷人命以物贖命令其
得脫施命施法諸施之中取為第一
是人行於二種之施亦教他人令行
二施見作隨喜如是持戒命終之後
生三十三天歌音喜樂之地以善業
化得勝供養其地園林以善業故種
種莊嚴天所住處無有一跡非善業
化無有一天不遊戲者無有一天不
受樂者無有一天不退沒者善業盡

故退時自知猶不厭足愛纏所縛愛
所欺誑帝釋天王說是語已與諸天
衆於園林中遊戲受樂林樹華果種
種具足飲食之河衆味具足與諸天
衆至此河邊歡娛受樂復與天女往
詣摩多隣南遊戲之處時天帝釋見
其林樹告諸天曰汝等見此遊戲處
不諸天子言唯然已見時天帝釋為
諸天子說本事法如我昔於宿舊諸
天聞如是說過去有佛号迦迦_{居伽}村
陀如來於此林中為天說法初善中
善後善善義善語純脩具足白淨之
法所謂是事有故是事有是事滅故
是事滅云何名有以有欲故則有過
失若無欲者則無過失天子當知是
為是事有故是事有云何是事無故
是事無若无欲者則無欲過是為是
事无故是事無云何是事滅故是事
滅愛滅故欲滅欲滅故欲過滅是名
是事滅故是事滅天子當知是事有
故是事有是事無故是事無若以逆
觀愛之因緣生欲之本欲之因緣能
生於欲云何為欲心求憶念欲有所

作是名為欲癡有所求故名無明以
無明故於境無厭是名為愛諸天子
不求知足故名為欲諸天子是名是
事有故是事有云何是事無故是事
無所謂有愛貪不知足若愛滅者無
厭則滅是為是事無故是事無是名
是事滅故是事滅

復次天子是事有故是事有所謂和
合作業以有業故則有業報若元集
業則無業報諸天子是名是事有故
是事有是事無故是事無

復次天子云何是事有故是事有所
謂先以憶念眼緣於色而生於識憶
念為先是名是事有故是事有云何
是事無故是事無若無色則无眼無
眼則無憶念无色无眼無憶念故眼
識亦無如是天子是名是事无故是
事無

復次天子云何是事有故是事有譬
如陶師輪繩泥水衆法和合而有瓶
生諸天子是事有故是事有亦復
如是

復次天子云何是事無故是事無譬

如陶師輪繩泥水若不和合則亦无瓶
是為是事無故是事無亦復如是
復次天子云何是事有故是事有
謂和合必有別離是為是事有故是
事有云何是事無故是事無若无和
合則無別離如是天子是為是事
无故是事無

復次天子云何是事有故是事有以
有生故則便有死若無生者則無有
死如是天子是名是事有故是事有
是事無故是事無

天無老故為天謬法不
言老法但言有死

復次天子云何是事有故是事有所
謂有欲故決定被燒譬如有火則必
有燒如是天子是名是事有故是事
有云何是事無故是事無所謂獸離
欲故欲不能燒猶如無人則不能燒
如是天子是名是事無故是事无
復次天子云何是事有故是事有所
謂有父母精血有業有藏有中陰身
猶如香氣故有身生如是天子是為
是事有故是事有云何是事無故是
事無若无父母則無精血无決定業
無藏无中陰則無身生如是天子是

為是事無故是喜，無

正法念處經卷第三十九

癸卯歲高麗國分司藏都監奉

勅彫造

正法念處經卷第三十

初

元魏婆羅門星曇般若流支譯

觀天品第六之九

三十三天之六

復次是事有故是事有所謂有彼岸
故則有此岸若無彼岸則無此岸如
是天子是為是事有故是事有是事
無故是事無乎共有生各各因緣一
切有為法從因緣生因緣者所謂無
明緣行行緣識乃至死亦如是天子
當知如是十二因緣彼佛世尊於此
宮殿人中之數五千歲中於此宮殿
演說此法我今為汝宣說少分如恒
河沙等三世如來應等正覺同說此
法為正法身彼佛世尊說此法時七
億諸天盡諸有漏得法眼淨

今時世尊還閻浮提以大悲心為人
說法所謂無明緣行乃至生緣老死
時諸衆生無量無邊遠離塵垢於諸
法中漏盡解脫如是世尊天人之師
為諸天人演說斯法如是帝釋為
諸天衆廣說法已往詣摩多隣那天
宮到其宮已見種種鳥七寶翅羽以

為莊嚴眾蓮華池其諸池中七寶蓮
華其蓮華色種種寶色種種眾蜂以
為莊嚴如日初出其華光明莊嚴寶
殿於其宮側毗琉璃樹以樹光明互相
映發今此天宮出青光明其琉璃樹
真金為葉以此樹葉相映發故出黃
赤光復有大光以為莊嚴宮室園林
以種種寶以為莊嚴種種寶宮種種
七寶園林華樹以為莊嚴甚可愛樂
帝釋見之發希有心於其殿中有大
華池七寶成就其水黃色如融金聚
殊妙莊嚴種種眾寶莊嚴廁填種種
色鳥以為莊嚴一切天眾種種伎樂
歌舞戲笑共相娛樂往詣大池其池
名曰一切眾勝池中諸鳥見諸天子
心意蕩逸即為天子而說頌曰

譬如靈鷲鳥不住蓮花中如是寂靜處
惡人不應住如是寂靜林云何行放逸
顛倒不順法如日出冷光若得離受樂
解脫離眾苦若離此二法天樂非為樂
修禪離放逸解脫於欲網解脫乃名樂
非汝愛所誑世尊先住此及諸修行者
汝為欲所牽不應住此林此殿受天樂

無常不久住 若離於愛欲 是為第一樂
先住此林者 皆入第一處 若得第一處
能斷一切苦 貪心好美食 為貪心所誑
此寂靜林中 斯人不應住 若修寂靜心
樂清淨應住 心行於欲境 不住寂靜林
若有心寂靜 應住於林中 為欲心所亂
不應住此林 怖畏五因緣 愛所不能燒
清淨離夢人 終不墮惡道 有生必有死
強者病所侵 富樂有義惱 少壯老所壞
恩愛必有離 和合不久停 諸法皆如是
正覺之所說 若人於三界 其心不迷者
是人得寂靜 應住寂林中 常為欲誑曲
憶念懷怖畏 是人則不得 林中寂靜樂
若人心清淨 依林修寂靜 其人林中樂
非是行欲人 林中修淨心 入聚心不動
是故住林中 不應住城邑 若人入城邑
為欲心所亂 諂曲不清淨 至林還寂靜
是故林樹間 第一寂滅處 行者所應住
能離於欲心 諸根心寂靜 行者心安樂
千帝釋之樂 不及此人心 若得禪定樂
一切白淨法 夜摩諸天中 不及此樂分
樂從欲所生 常與衆苦合 若斷煩惱樂
永無有破壞 無始生死中 煩惱怨結心

若斷此怨結 欲樂無能及 從欲生樂者
不淨苦果報 若得解脫樂 是樂無與等
依止離欲行 行者第一道 從愛生欲樂
不能至正道 初愛生味者 得報如火毒
從欲所生樂 常在於地獄 初愛生善味
中愛亦如是 後漸靜清淨 能至安樂處
若行初中善 莊嚴如慈母 云何捨正念
戲欲樂境界 欲洄洑所轉 中後常苦惱
云何愚癡人 於欲生愛樂 如妙色毒花
如觸猛火焰 欲樂亦如是 後受大苦惱
如火益眾薪 其焰不可滅 自他俱能燒
欲樂亦如是 如飛蛾投火 不見燒害苦
欲樂亦如是 癡人不覺知 若人著欲樂
常為欲所燒 如蛾投燈火 欲火過於此
是故捨欲害 常樂修智慧 莫行於放逸
放逸墮惡道 一切愛欲樂 為放逸所誑
受樂報既盡 後墮地獄苦 其人善業盡
為欲之所誑 從天至地獄 欲癡所誑故
從生乃至終 常修正思惟 心念於戒法
是人得寂滅 諂曲邪憶念 三毒生味著
放逸水甚深 女欲為水衣 歌樂動其心
愛水衝磐石 境界地所覆 心波駛流注
愛河大瀑惡 流注龍境界 癡人入此河

為天欲所沒 可畏如瀑河 癡人不覺沒

猶如癡蜜蜂 飲於毒樹花 如是欲毒害

癡人樂貪著 蜂飲毒存亡 愛欲無不沒

三毒水中生 放逸風所吹 愛火燒天眾

而猶不覺知 毒生於天中 放逸為網林

癡人所遊戲 以愛自誑心 放逸生諸欲

攀緣不暫停 是欲如夢幻 智者所不信

諸欲雖如夢 夢非地獄因 是故捨諸欲

常修清淨業 善行為最勝 非為不善業

如是善業繫 則得於勝處 諸天著欲樂

不得寂靜處 智人至寂靜 以不放逸故

余時天鳥為於放逸諸天子等說是

偈已時釋迦天王於此林中復詣異

處到彼林已其林一切善業莊嚴種

種功德學無學人所住之處大仙世

尊迦迦村陀如來住處時天帝釋與

無量天眾作天伎樂共入林中見此

林樹既入林中諸天威德志皆殊勝

如須弥山處於六万金山之中釋迦

天主在諸天中亦復如是三十三天

諸園林中此林光明寂勝殊特時天

帝釋與諸天眾恭敬圍遶詣閻浮林

其閻浮林一切金樹以為莊嚴釋迦

天王至此林中告諸天曰汝等天衆見此一切殊勝林不無量華池園林具足天衆白言唯然已見帝釋告言此林如是一切功德皆悉具足我今觀之生希有心今觀此林如見迦迦村陀如來無等色身一切智慧大悲如來之所住處於此住處無量天衆以聞法故從樂得樂此佛如來無上丈夫已入涅槃遺果猶存今時帝釋復往詣於俱吒迦殿林迦迦村陀如來往昔亦曾入此林中帝釋天王入此林中見百千萬殿圍遶此殿七寶莊嚴謂青寶王金剛車璫毗琉璃寶種種衆寶間錯莊嚴種種幢幡以為嚴飾諸殿之中如來所坐殊勝之殿光明是曜猶如初夏秋天之時無諸雲翳於衆星中日月竄勝如來所坐宮殿殊勝亦復如是其明照曜唯除帝釋一切天衆不能久視是殿威德譬如閻浮提中盛夏之日一切世人無能久觀如來之殿亦復如是釋迦天王告諸天曰汝等見是殿威德不諸天白言唯然天王我已見之帝釋

告曰此殿往昔迦迦村陀如來等正
覺調御丈夫無上大師與百千沙門
皆離疑網見四真諦得二解脫具六
神通四如意足昇此大殿以利安樂
諸天人故於夏四月此處安居為三
十三天演說正法所謂此是色此色
集此色滅此色滅道證受想行識和
合聚集觀過捨出亦復如是天子當
知彼佛如來如是次第為諸天衆放
逆憍慢不覺退沒無常之苦但著欲
樂不知自相平等之相說如是法利
益衆生今時如來復為放逸諸天子
等說微妙法以偈呵責

放逸生死本 諸天所住處 放逸毒所醉
沒在於諸有 若有離放逸 永脫三界海
放逸癡為本 盲冥無所覺 光明起有今
從於火日生 因癡生放逸 大仙如是說
放逸火熾然 由心之所起 誑惑愚癡人
至諸地獄道 天人行放逸 女色之所使
和合相娛樂 不知愛別苦 臨命欲終時
現前受大苦 婢女亦隨盡 諸樂皆磨滅
和合必有離 一切樂皆盡 壯少貴衰變
一切業皆盡 一切諸衆生 善惡業所繫

如伎人遊戲 去來各差別 業伎之所繫
流轉於生死 無常業流動 智者不應信
放逸如毒害 應方便捨離 若離於放逸
永渡三界海

今時迦迦村陀如來調伏九部由他
放逸諸天今離放逸分別解說利益
諸天與諸比丘及諸大眾詣閻浮提
時天帝釋為諸天衆說是語已往詣
殿所昇於寶殿俱吒迦殿無量衆寶
以為莊嚴其諸珍寶一切天衆先未
曾見諸天見之皆生歡喜發希有心
帝釋見已告諸天衆汝等見此殊勝
殿未曾曾有此勝妙莊嚴時諸天衆
自天三言雖然已見帝釋告言此寶
宮殿乃是夜摩天王之所奉獻以淨
信心施於迦迦村陀世尊此殿光明不
可得見如是彼天光明殊勝何以故
先世天子不行放逸如汝等故時諸
天衆自知劣弱捨憍慢心一切天衆
皆以頭面禮如來殿皆發歡喜顏
色悅樂心生歡離自知其業減劣甚
少有發無上菩提心者有發緣覺菩
提心者有發聲聞菩提心者有於佛

所得不壞信一切天衆皆生淨信合
掌恭敬住在一面時天帝釋入俱吒
殿至於如來師子之座演說法要迦
迦村陀如來所卧敷具金剛為牀種
種具足時天帝釋以清淨心舉身投
地礼師子座心自念言此是如來所
坐之處以敬重心念如來故從地而
起見書殿壁有偈句頌其文頌曰
若人投崖巖或有不失命墮放逸地者
無有不受苦若人行放逸一切有所作
如是於晝夜終無有樂報世間出世間
一切諸樂法放逸能破壞是故應捨離
不放逸不死放逸是死句不放逸寧勝
當為諸天主放逸生死本謹慎是勝道
是故捨放逸常得受天樂若人欲求樂
若怖畏諸苦應捨放逸行放逸如火毒
放逸瞋覆人放逸癡毒害作諸不善業
放逸墜坑陷不放逸寧勝放逸為不善
不放逸得樂放逸常受苦惣說此偈句
為苦樂根本既知此功德善修自利益
今時帝釋讀誦此偈增長恭敬以清
淨心復以頭面礼師子座久於此處
讚不放逸毀此放逸還出此殿向諸

天衆時諸天衆見天王帝釋皆生恭敬至帝釋所時天帝釋以偈頌為諸天衆具足演說告諸天曰如是偈句為欲利益安樂一切諸天子故書之殿壁一切天衆聞是說已皆禮世尊作如是言如來世尊世間之眼為我等故說如是偈時諸天衆久不放逆復以種種伎樂之音與諸天衆往詣微細行天微細行天聞是事已與諸天女種種伎樂出妙音聲來詣此林欲與此林諸天子等共相娛樂微細行天既至此林此林諸天還失正念入於放逸種種伎樂歌舞戲笑向微細行諸天大衆既相見已皆生歡喜於園林中寶樹寶枝弥覆園林互相娛樂乃至愛善業盡從天命終隨業流轉墮於地獄餓鬼畜生若有閑於三惡道門還生人中安樂國土園林流池皆悉具足常行善業大富饒財或為國王或為大目為一切人之所愛敬常樂布施護持禁戒樂作善業以餘業故

復次比丘知業果報觀三十三天所住

之地彼以聞慧見有地處第二十二
名威德輪衆生何業生於彼天彼以
聞慧見諸衆生修行善法常不放逸
以利益心利益衆生信於業果近善
知識不煞生不偷盜若尸賒婆樹若
菴羅樹若棗若榛種種林樹於此樹
上有諸鳥巢巢中有子若鳥若蛇取
諸鳥子其人見之以慈悲心利益衆
生救令得脫云何不盜於他林樹乃
至不取一枝一葉亦不教他若行道
路見地遺果不取不盜見人取者勸
令捨離云何行善而修布施於降雨
時以食施僧若飢饉世若疾病人以
食施之自持禁戒令他住戒見住戒
者教他隨喜為他衆生說業果報念
佛法僧而行布施若施父母若優婆
塞或無禁戒病患之人以飲食湯藥
所須之具施此諸人亦教他人說業
果報不近惡友不與同住不共言說
常能善攝身口意業自利利他是人
命終生於善道三十三天威德輪地
生此天已以善業故其身光明如月
盛滿其地莊嚴甚可愛樂七寶園林

充滿其地種種流泉諸蓮華池種種
蓮華毗琉璃並黃金為葉遍覆池水
種種金石以為崖岸旋轉洄洑猶如
舞戲種種衆鳥出妙音聲今心悅豫
真金山峯毗琉璃峯莊嚴其地鵝鴨
鴛鴦出衆妙音天子天女歡喜遊戲
遶蓮華池其河流注出妙音聲復有
衆寶蓮華之林種種光明種種衆蜂
以為莊嚴天子天女觀蓮華池以種
種寶莊嚴其身光明輪天久時受樂
復往詣於彌難多林遊戲受樂種種
樂音互相娛樂至彼林中有蓮華林
名篋篋遊戲其蓮華林縱廣正等五
百由旬上味色香美味之飲充滿其
中諸天飲之歌舞戲笑共相娛樂時
有天鳥名曰正行見諸天子行於放
逸而說頌曰

无耻無慚愧 懈怠惡知識 是地獄種子
智者所捨離 無耻无慚愧 常作不善行
如人墜高巖 後時乃自覺 貪癡無誠信
其心無怖畏 為嫉妬所迷 不得生天中
飲酒虛妄語 心堅著貪欲 不信業果報
是地獄因緣 守護心過惡 瞋恚之惡業

眾生惡業故。墮於三惡道。心勇造惡業。
常為欲所使。常行於妄語。其人無樂報。
若人毀犯戒。如偽寶雲母。其人惡業故。
墮於三惡道。若人住惡心。其間無有邊。
若人歸三寶。如夜大光明。愚夫行放逸。
如醉癡自欺。二放逸所惑。輪轉於地獄。
一切諸世間。有出必歸滅。如生則有死。
異音不相離。放逸自圍遶。境界海增長。
愛鎖之所縛。遊戲於天中。諸天初生時。
樂生念念滅。放逸自覆心。不知無常轉。
放逸自迷惑。常樂於境界。因欲無厭足。
常受諸苦惱。无有念念時。須臾不自在。
是愛使眾生。受於天中樂。愛地甚暴惡。
无量雜覺觀。遊戲於愛地。為欲之所使。
譬如地獄火。焚燒諸罪人。愛火亦如是。
焚燒一切天。飢渴火熾然。焚燒諸餓鬼。
畜生相殘害。人中追求苦。愛火周遍起。
一切皆圍遶。火燒常熾然。世間莫能覺。
如是天鳥為諸放逸諸天子等。說是偈。
已若諸天子。已於先世行善業者。聞
此法音。少離放逸。不飲天酒。遠離色
香味觸。上妙五欲。放逸之樂。復入園
林。伎樂自娛。隨心所念。受種種樂。青

毗琉璃車渠寶峯於園林中流泉河水眾蓮華池以為莊嚴種種色蜂遊集其中其蓮華林毗琉璃葉頗梨為莖多有眾蜂不可喻說百千天女與諸天子遊戲受樂以善業故種種境界天女愛河之所澌沒未曾覺悟如是遊戲共相娛樂乃至愛善業盡從天命終隨業流轉墮於地獄餓鬼畜生若生人中生安樂處大富饒財其心廣大樂修正法常受智慧愛樂沙門及婆羅門壽命延長以餘業故復次比丘知業果報觀三十三天所住之地彼以聞慧見三十三地處名日月行眾生何業生於彼處彼聞知見若有眾生以清淨心修行善業善修其心造佛形像或為供養洗佛形像令除塵垢揩拭刷磨或見金銀為如來像見之歡喜思惟愛仰福田功德思心功德自熏其心而行善業心生喜悅不然不盜云何不然如是之人乃至不念斷眾生命亦不教他見人作者不生隨喜勸令不作令住善道自利利人復有不然不生煞念乃至

牀褥卧具有濕生虫不起心想欲害其命於微細命乃至蟻子不起煞意是名不煞生云何不盜如是善人修行善業不知厭足於一切處不行偷盜乃至草木泥土自既不取亦不教他設有大熱不奪他蔭不令他人住於日中自受蔭處自有勢力亦不奪他不教他人見他作者勸令不作乃至陰涼亦不偷盜微細之事皆不偷盜是名不盜如是之人命終之後生於天中月行之地生彼天已以善業故得樂果報光明普照猶如和合十月並照如是天衆身相光明清淨無垢亦復如是天子既生一切天衆百倍轉勝其身光明冷暖調適一切餘天見之愛樂其光勝於餘天之光其光普照滿十由旬勝餘一切珍寶之光以善業故如是天子無量眷屬以為圍遶作衆伎樂詣於園林遊戲之處林名五樂第一勝妙於三十三天寂為殊特其樹威德樹有善果衆鳥勝慧鉢頭摩伽華華池流水空中香風來吹寶鈴出於無量微妙音聲是時

天子與諸天衆作衆伎樂與諸天女
種種莊嚴詣五樂林種種伎樂遊戲
受樂天女歌頌五樂之音受第一樂
以於福田作善業故得此勝香其香
普熏滿五由旬其果處空猶如衆星
其樹莊嚴天中衆勝明如日光其光
不熱亦復無冷其果色香衆味具足
其香勝於一切香氣熏五由旬如星
處空果中常流種種香飲諸天飲之
離於醉亂種種香味隨心所欲皆悉
得之受如是等功德之種時有天鳥名
教放逸為於放逸諸天子等而說頌曰
善業將盡空過壽命當速修法
莫行放逸少壯易過命亦如是
衆具將失莫行放逸天非常法
非常具足及時未壞當修福德
善業和合心念守護未見有處
而無過患若常亂心行於非法
是樂虛妄去已不還持戒貧樂
生於天中若不護戒臨終悔恨
故應持戒守護莫犯愚人離戒
不能昇天若於天中受五欲樂
持戒清淨故得大果諸天耆欲

放逸癡毒不覺無常壞其身命
無量百千那由他天皆為放逸
欲火所燒一切衆生放逸所盲
後受衰惱乃知其過心常攀緣
而無暫住愚不覺知後為大惡
心樂欲境不覺憂惱衰禍既至
乃生悔恨結使煩惱徒憶念生
心王結使常行隨逐隨心馳騁
在在所住常為惛醉流三界海
若知真諦見世間法無常苦空
永離憂惱為色所使常求諸欲
是人後生永無天樂此珊瑚林
衆寶莊嚴種種枝條蓮華嚴飾
種種流水諸河莊嚴葉因所得
適於虛空劫火既起燒滅須弥
況此天身猶如水沫生已復滅
放逸自欺

今時諸天子若於先世集衆善業聞
此天鳥說法之音則能解悟如鳥所
說必當無常少時憶念離於放逸復
為境界色香味觸之所誑惑悲忘法
音猶如隔世所應作業不應作業皆
恣忘失現受欲樂不觀未來不念天

鳥說法之音現觀五欲遊戲受樂不
念地獄餓鬼畜生受大苦惱不念天
身甚為難得不念無始苦惱輪轉地
獄餓鬼畜生諸苦堅韌難可調伏唯
除天子第一勝心久習善根

復次比丘觀此天鳥以何等業說於
清淨無垢如實之法教於放逸諸天
子等彼聞知見若有於人中時作放
逸行若遊戲人若大力士若諸伎兒
身著袈裟遊戲歌舞頌佛功德而
得財物既得財物若衣若食布施沙
門婆羅門或自食用以著袈裟因緣
力故身壞命終生於天上受飛鳥身
受第一樂以彼業故復次諸天歌舞
戲笑娛樂受樂毗琉璃樹黃金為葉
頗梨為枝四周弥布復有寶樹種種
珊瑚寶樹嚴飾百千衆蜂以為莊嚴
黃金真珠以為樹枝復有山峯七寶
焰輪以為莊嚴復有蓮華黃金蓮華
頗梨蓮華毗琉璃花於此華中遊戲
受樂復有異天寶殿樓閣諸天於此
與諸天女遊戲受樂離於嫉妬及諸
恐怖心相愛樂互相渴仰受第一樂

復與天衆遊戲歌舞入如意林旣入
此林隨心所念一切皆得以是因緣名
如意樹久於此林受天樂已復往詣
於須彌金峯其山峯中河池流泉以
為莊嚴與諸天文歌舞戲笑作天伎
樂出妙音聲聞之悅樂目視種種上
妙之色而受快樂以自業化諸天女
衆以為圍遶於須彌山無量種種蓮
華之池皆悉見之復有種種園林蓮
華其香殊妙聞之悅樂復有第一上
妙之華若身華之猶如華於迦旃隣
提迦旃隣提海中之鳥華之
大衆有輪王出此鳥則現無量離垢清

淨光明善妙之香若有見之甚可愛
樂遊戲如是山峯之中若心生念一
切皆得無量功德皆悉具足自在受
用他不能奪清淨無垢於此地中受
天快樂遊戲娛樂受種種樂其身光
明無量天女以為圍遶受天五欲乃
至愛善業盡命終還退隨業流轉墮
於地獄餓鬼畜生若生人中從生至
終常受快樂色貌第一或為王者或
為大目所生國土常有善法正見衆
生之所住處而於中生離惡知識以

復次比丘知業果報觀三十三天所住之地彼以聞慧見有地處第二十四地名閻摩娑羅衆生何業而生彼天彼聞知見若有衆生奉持禁戒以正見心利益衆生正身口意若邊險地若曠野中若人沒溺墮於大河救令得脫若於曠野渴乏所逼施以漿水若於險道迷失道徑示以正路不求報恩利益衆生救護衆生施其壽命云何不煞生不偷盜或於此人若復餘人行於善業不煞衆生若於所住房舍之中生諸衆生若胎生濕生若魚若細壤人資具或在採間數墮人上今人不安以慈悲心而不煞害蝦蟇毒虫種種毒螫雖被中害不斷其命是名不煞生云何不盜幾種不盜如是善人行於曠野其力自在賈客之水及於黑塩有力能取而不偷盜自守渴乏若彼賈客以水施之然後乃飲若彼不施貧以飲之善觀微細業之果報受行佛法念佛功德以修其心於須臾頃不近惡友不與言

說不同道行以何因緣不與同行一
切善業近惡知識則為妨碍是故不
得與之共語去來同住何以故惡知
識者是貪瞋癡之所住處有智之人
應當捨之猶如毒樹其人清淨如鍊
真金身壞命終生於閻摩娑羅之地
善業之人生彼天已一切善人敬重
供養決定業行受於樂果其身光明
如人之數日日增長何以故諸天之
中無日夜故此天身光如是增長餘
天見之於天女前皆生慚愧勝餘一
切異地諸天諸天見已皆往詣於釋
迦天王問此因緣白言天王閻摩娑
羅有一天子初始出生光明勝於一
切天衆時天帝釋聞是語已而說頌曰
天子之光明從於持戒生須弥金光輪
十六不及一身常出光明猶如融金聚
光明善和合智者造業故以上中下業
三種持戒故得果亦如有上中下報
持戒離放逸增長無放逸常得受安樂
諸法皆如是若持戒清淨今得光明身
和合千日光所照莫能及若有勝丈夫
受持七種戒其人得善果先佛之所說

若人造善業 不失樂果報 不作則無果
作業終不失 痴人不樂因 但喜樂果報
無因果難求 如沙不出油 若人修行善
遠離於嫉妬 不善愚痴人 常行於瞋恚
今時天帝釋說於如是善業果報教
於放逸諸天子等時諸天子聞是語
已頂受奉行還至閻摩娑羅之地至
其住處天子天女遊戲娛樂伎樂音
聲受天之樂此天地處二娑羅樹於
三十三天諸園林中此樹取勝其量
色相光明華果取為殊勝鈴網彌覆
樹葉之音如五樂聲天聞其音皆來
向樹遊戲受樂諸天既至昇娑羅樹
於其樹上有蓮華池其蓮花池名曰
歡喜蓮華池中多有鵝鴨鴛鴦出眾
妙音以為莊嚴無量蓮華八功德水
蓮花莊嚴諸天見之歎未曾有除此
二樹未有如是蓮華浴池此娑羅樹
唯除波利耶多拘毗陀羅樹餘無及
者說是語已天子天女遊戲歌舞受
五欲樂久於此處受天之樂復往詣
於常遊戲林首冠華鬘服於種種異
色之衣其身流出種種光明說少分

喻譬如夏日電光之色三種具足一者青光二者黃光三者赤光遊戲之處諸天子等受五欲樂如山渚水泊波之力受種種樂

今時天帝釋與善法殿一切天衆遊戲出於善法堂殿與諸天女作衆伎樂出妙音聲向閻摩娑羅所住之地時閻摩娑羅一切天衆見帝釋來皆出奉迎合掌頂禮釋迦天王善法堂天閻摩娑羅天皆共和合共相娛樂歌舞戲笑往詣雙樹至此樹下一切天衆圍遶此樹飲於摩偷天之上味時釋迦天王告諸天曰汝見如是閻摩娑羅樹一切天中唯除波利耶多俱輒隨羅樹餘一切樹無與等者諸天自言唯然已見帝釋告言汝等諸天未知如是閻摩娑羅樹之功德唯見其色汝當觀此二樹勢力時天帝釋從殿而下手執金剛擊此大樹其門即開於其樹中無量園林華池流水蓮華莊嚴摩屈山峯白銀山峯頗梨山峯毗琉璃山峯種種流水河池莊嚴復見天華七寶蓮華池百千衆蜂以

為園遶復見園林黃金白銀毗琉璃寶
青寶王樹復有衆鳥七寶為翅出無
量種美妙音聲諸天聞之得未曾有
歡喜受樂時天帝釋與諸天衆前後
圖遶入於閻摩娑羅樹中行列之殿
見行列殿種種寶柱七寶莊嚴謂青
寶三毗琉璃寶白銀衆寶頗梨車渠
莊嚴其柱復有種種牀褥繒敷統綖
莊嚴其牀其牀四足衆寶莊嚴謂金
剛寶青寶頗梨毗琉璃寶復見樹內
山峯之中種種衆鳥无量音聲時天
帝釋告諸天衆汝等見此雙樹之內
奇特事不諳天白言唯然已見時天
帝釋自觀天衆放逸喜樂將諸天衆
入於示業果報之殿其殿清淨猶如
明鏡其明普照時天帝釋曉示諸天
汝等當於寶殿壁上觀業果報隨其
因緣所作之業若於福田施以財寶
信心奉施隨心而施以時而施得如
意報隨其生處則受果報隨其所受
種種果報皆悉見之時天帝釋復示
天衆汝等天衆當觀如是持戒修行
於諸道中守護衆生猶如父母如實

不虛如清淨地如好珍寶諸天種子
若人護此七種之戒隨其生處天人
之中受持戒果時天帝釋復示諸天
業鏡之影告諸天曰汝等觀於一切
業報若有文火作諸善業集於智慧
正見之燈能知如是上中下智漏無
漏果時天帝釋復示天衆九種布施
持戒之智於布施中有上中下善道
果報皆得成就思修福田功德具足
九種具足天子若不決定施不相應
相是名少果復有少果謂餓鬼神通
或有畜生受於樂果是名下施天子
汝等觀是業鏡之影種種業果中布
施果不修思心心不具足功德財物
亦不具足施好福田具功德者得中
果報生於人中弗婆提國瞿陀尼國
若處畜生若阿修羅若夜叉中是名
七果於鏡殿壁見如是相時天帝釋
復示天衆業之果報告言天子汝等
當觀上中下業不修思心福田具足
云何名為不修思心而得果報若有
施主以時而施使人布施心無深信非
身自施見之不起不恭敬礼具足福

正法念處經卷第三十 第三十張 初益成

田具足財物思不具足決定布施生
於邊地無正法律無礼仪處或為王
領或為目佉無有人礼諸天子汝當
觀此葉鏡之壁悉皆得見時天帝釋
如是示之

正法念處經卷第三十

癸卯歲高麗國貧民藏都監奉

勅周造

正法念處經卷第三十一

誠

觀天品之十 三十三天之七

九觀婆羅門瞿曇般若流支譯

時天帝釋復示諸天上布施果思心具足福田具足財物具足思心功德皆悉具足福田勝者諸如來等物具足者謂飲食財物思具足者深心信等而修供養如是布施於人天中得大果報或生天上有大威德或生人中為轉輪王七寶具足主四天下七種下寶是轉輪王順行正法一切具足持戒修智入於涅槃是名上施如是等施於鏡壁中見其果報

時天帝釋復於清淨毗琉璃壁示於三種布施之果鏡壁中現所謂資生布施得大富果報如前所說無畏布施生於大國為王領主無有兵刀災儉疾疫橫死不畏怨敵無病安隱離於火畏及以水畏無疾疫畏或為王者或為大主久住於世是為無畏施之果報也於鏡壁中見如是業

又於鏡壁見勝布施所謂法施取為

無上能出一切有為生死之種子也
此無上施得無上果三菩提中隨心
成就於鏡壁中復見業果若為財物
故與人說法不以悲心利益衆生而取
財物是名下品之法施也是下法施
不以善心為人說法唯為財利不能
自身如說修行是名下施若以說法
而得財物或用飲酒或與女人共飲
共食如伎兒法自賣求財如是法施
其果甚少於鏡壁中見如是等法施
之人生於天上作智慧鳥能說偈頌
是則名曰下法施也

云何名為中法施耶為名聞故為勝
他故為欲勝餘大法師故為人說法
或以妬心為人說法如是法施得報
亦少生於天中受中果報或生人中
如是帝釋天王於鏡壁中皆悉示之
是則名曰中法施也

云何名為上法施耶以清淨心為欲
增長衆生智慧而為說法不為財利
為令邪見諸衆生等住於正法如是
法施自利利人無上最勝乃至涅槃
其福不盡是則名曰上法施也復有

法施時天帝釋復示諸天餘法施報
知下法施說布施法不說智慧中法
施者說於持戒上法施者說於智慧
解脫下智慧者為人說法少人解悟
說布施法唯說布施不說餘法說法
因緣令知持戒後得智慧其人信順
得阿羅漢盡諸結漏得二解脫是則
名曰下法施也何以故說於布施相
應法故

云何名曰中法施耶說於持戒相應
之法以修其心是中智慧於鏡壁中
見如是等業之果報順於智慧得阿
羅漢速盡諸漏或得緣覺是中法施於
鏡壁中見如是相是則名曰中法施也
云何名為上法施耶說智功德以修
思心不求恩惠唯為利他而演說法
說欲過惡欲味繫縛出離為樂令邪
見者住於正法說於清淨離垢之法
是上法施得無上菩提等正覺果明
行足無上調御天人之師無上正法
調伏之法初中後善無上成就一切
知見為諸衆生廣說法要是則名曰
上法施也

尔時天主釋迦提婆復於鏡中觀業
果報時天帝釋示諸天衆諸天見之
皆生愧耻時天帝釋告諸天衆汝等
天子莫得放逸何以故以造其因生
生之處得相似果汝等天子應至我
所視汝業報汝觀是業上中下報汝
今應修不放逸行時諸天衆見此業
報希有之事於生死中皆生厭心而
說頌曰

欲樂虛妄 本性羸劣 欲樂所迷
不見怖畏 若信欲情 無所利益
善業既盡 臨終乃覺 勝樂充滿
必有衰變 如是著樂 失之增惱
若天世間 墮於地獄 身心大苦
一切逼惱 此苦難量 第一辛酸
愛別離苦 復過於此 愛離現前
諸天常有 愚者不見 愛心所誑
初美虛誑 為欲所欺 百千万億
京妓兆載 得欲還失 不可常保
善業為因 得樂果報 無因無果
亦如無樹 如毒害命 放逸亦然
如火焚燒 如刀如戟 初如親友
後成怨敵 如魚吞鈎 放逸亦然

天龍人鬼及阿修羅皆為放逆
得大衰惱天王當知我等福故
令王於此示生死獄

時諸天子說是偈已復作是言天王
云何得知誰示天王如是之法時天
帝釋告諸天子汝今諦聽當為汝說
吾於此天初生之時宿舊天子名須
摩羅是吾第一之親友也從彼次第
聞如是事如迦葉沸為調諸天來至
於此迦葉如來見諸天子心大放逸
為欲利益諸天子故以憶念神通化
作如此葉影之壁留此樹中我於今
時其心放逸須摩羅天示我此法汝
於今者勿得放逸何以故一切有為
無常破壞汝等天子若心放逸當入
此樹自觀已身上中下色則自愧耻
若有天子信不放逸當示此法何以
故此是如來為利眾生示如是事調
伏諸天於葉鏡地令住善道還閻浮
提我從如是大德之天聞此希有難
見之事我時聞已為離放逸與諸天
眾來至於此今諸天眾皆得慚愧是
故我今示於汝等葉鏡之壁上中下

業汝等天子慎勿放逸也。尔時天帝
釋復告天衆當共汝等詣第二樹觀
諸業鏡往昔之時迦葉如來於此樹
中示現變化利益一切放逸諸天觀
於生死諸業之網。我今示汝釋迦天
王說是語已頭面頂禮迦葉如來即
出其門出已還閉有餘天衆歌儻戲
笑作衆伎樂歡娛受樂見天帝釋即
來親近頭面敬禮樂行歌儻相娛
樂以鉢頭摩諸蓮花等互相打擲時
諸天衆從樹出者向放逸天說其所
見希有之事。是時放逸諸天子等以
心放逸於希有法不聽不信時天帝
釋為攝放逸諸天子故亦共遊戲於
蓮花池種種音聲天諸伎樂互相娛
樂以天鵲天衣而自莊嚴入於種種
園林之中遊戲受樂以善業故時諸
天衆與天帝釋入於業鏡見業報者
皆不遊戲如無學人所作已辦離放
逸行安立而住見諸天衆耽著放逸
生悲愍心作如是言此諸天子心著
放逸不知當退隨業流轉墮於地獄
餓鬼畜生順煩惱業不離一切生死

業行隨業所作或善不善如是之業
得如是報如是天子觀放逸天生悲
愍心

時善法殿諸天子等白帝釋言以天
王恩令我天衆受五欲樂遊戲諸天
種種園林遊戲受樂云何天王不攝
我等今時天帝釋為諸天衆而說頌曰
天子汝著樂 多行於放逸 放逸愛著故
不見真實諦 若常放逸心 則無有善報
離於善業者 則墮於地獄 一切諸愛著
皆當有別離 汝等不覺知 須臾必終沒
命欲臨終時 諸極皆壞滅 方乃知苦惱
忽至無能免 譬如旋火輪 如乳聞婆城
三界皆無常 亦如水泡沫 譬如水聚沫
愚者依覆護 於無常法中 而心生喜樂
非天亦非人 夜叉龍鬼神 臨終業所繫
無人能救護 念死時未至 當修於善業
死王甚暴惡 莫於後生悔 我今教勅汝
慎莫行放逸 汝為愛所覆 馳騁諸境界
境界繫縛汝 是諸地獄因 是故應捨離
以求安隱處

時天帝釋為諸天衆說是法時諸天
放逸曾不在念唯除已見薰鏡地者

皆生厭心白帝釋言願入第二娑羅之樹此樹乃是迦葉如來為欲利益放逸諸天所化葉網示生死報業鏡之壁示諸天衆時天帝釋知放逸天樂於遊戲令詣異處與不放逸諸天子等至第二樹至於樹已手執金剛擊此大樹其門即開釋迦天主及諸天衆心生歡喜共入樹中天衆入已見諸園林昔所未親甚可愛樂一切所須皆悉具足多有種種無量衆鳥蓮花池水衆花莊嚴無量金樹一切愛樂微風來吹皆大歡喜七寶山峯衆鳥妙音如意之樹猶如日光其光普照如日之光是娑羅樹復有飲食充滿河中香味流溢取妙第一種種妙香五根所得五種境界相應之樂甚可愛樂大德諸天聞之樂著何況餘天時天帝釋示諸天衆一切園林可愛殊妙樹外蓮花園林流池十六分中不及其一時天帝釋悉共諸天復往詣於毗琉璃山其山清淨第一無比於其山頂有千柱殿毗琉璃寶之所成就赤蓮花寶以為欄楯黃金為

地其琉璃殿長五由旬廣三由旬迦葉如來化所成就時天帝釋共諸天衆垂七寶階昇琉璃殿得見迦葉如來影像如迦葉佛在殿說法時天帝釋及諸天衆合掌恭敬礼如來影深生信敬礼拜既訖以偈讚佛

如來世間無上尊 得真解脫如實諦
其影寂靜妙無比 能開無上解脫道
若人常礼如來者 淨信無垢心寂靜
其人永脫怖畏有 常得安隱勝樂處
如是寂靜奇妙法 演說此句寂滅處
此佛如來所說法 示諸衆生涅槃道
若有衆生念此法 是名勇健無畏人
則能得於無上處 常樂無惱心安隱
若有衆生念真諦 則如渡者昇船楫
三界之海惡洄洑 如是之人能超渡
如來正覺世間眼 普觀諸法無不遍
此佛光明無倫匹 一切諸光無與等
衆生憶念自濁心 愚癡瞋恚慾垢等
智慧大水甚清淨 洗除一切衆生垢
一切衆生不能見 外道慢心莫能了
其法清淨離塵垢 世尊普示諸衆生
喜樂放逸無救者 如是衆生導師救

渡於生死到彼岸

能度無救諸衆生

饒益一切諸世間

唯有如來無上尊

以能利益衆生故

是故如來取殊勝

如是天帝釋以淨信心歎佛影像但
頭合掌與諸天衆頭面敬礼如來影
像復與天衆但頭合掌礼於如來所
化天衣如是衣者如來神力之所任
持時諸天衆見影像已皆得離慢離
於放逸如來所化影像之色端嚴殊
妙千帝釋天不得為比何況餘天時
天帝釋見如來像神通化影以此影
像示於憍慢放逸諸天令離憍慢放
逸心故

尔時諸天子白天王言憍尸迦迦葉
如來以何因緣於此閻摩娑羅樹中
示於葉網生死之化何故不於樹外
而化時天帝釋告諸天子我亦如是
先疑斯事彼天示我令離憍慢我於
往昔亦問斯事時彼天子即答我言
希有之法不可常見不常見故見則
深信以是因緣如來留化不在於外
非一切人皆悉能見若化在外諸天
見之不生希有或生過惡以是因緣

於此閻摩娑羅樹內示留化像此二樹中希有神化樹內之化第一希有一切諸天所不能見以是因緣迦葉如來於此樹內化留影像及以鏡豈示生死業時諸天衆聞天帝釋說是事遠離疑悔

時天帝釋復示諸天宮殿之壁廣五由旬於此鏡壁初觀見於活地獄十六隔處煞生之人墮此地獄具受無量種種楚毒如前所說從地獄出生餓鬼中多起瞋恚妬心增長以刀相害業網所繫生畜生中牙相咬害為人所食以肉因緣煞害其命或受惡獸虎豹之形瞋恚增多為人所煞畜生中死生於人中常受鬪爭其心鬪惡兵刃中死不得長壽有餘善業生於天中威德色相減劣不如壽命短促若諸天衆與阿修羅共鬪戰時被傷而死於殿壁中皆恚具見如是黑繩地獄十六隔處亦如前說煞生偷盜因緣力故墮此地獄具受無量種種楚毒受苦既畢從地獄出生餓鬼中以諸刀杖牙相煞害如前所說或

食屎尿不淨之物求之難得有餘餓鬼互相鬬裂身體破壞或喪身命餓鬼中死生畜生中於曠野中受遼吒迦餓鳥之身焦渴燒身畜生中死若生人中刀兵之憂弊惡國土或中兵刀飢餓而死勤苦得食為他所奪設使得食食不能消從人中死者有餘業生於天中色相顏貌減劣魔惡所食之味不如餘天見餘天時生大愧耻伎樂之音皆忘不如壽命短促如是之業於此壁上皆悉見之時天帝釋復於殿壁中見衆合地獄十六闍虜如前所說煞生偷盜邪淫之人墮此地獄具受無量種種楚毒受苦既畢從地獄出生餓鬼中受於食吐餓鬼之身壽命長遠若得飲食為餘餓鬼之所劫奪若有眷屬亦為餓鬼之所欺奪復有異鬼以刀斬截受大苦惱辛酸而死從此命終生畜生中受於水牛牛馬之形壽命長遠設得飲食為他所奪畜生中死若生人中壽命短促貧窮下賤妻不貞良如是之業於殿壁中皆悉具見

時天帝釋復觀業果於殿壁中見叫喚大地獄十六隔處如前所說煞生偷盜邪婬妄語墮此地獄具受衆苦種種楚毒無量辛酸從地獄出生餓鬼中壽命長遠或受錐身餓鬼之形或受針頸餓鬼之形隨業所受常困飢渴若有眷屬為他所奪或生食毒餓鬼之中毒火所燒餓鬼中死生畜生中在大曠野互相殘害迭相食取畜生中死若生人中身色憔悴無有威德若有餘業得生天中身量形貌皆悉減劣一切衆寶莊嚴之具光明微少不為天女之所愛敬天女背叛捨至餘天須陀昧智慧薄少心不正直為餘天子之所輕笑若諸天衆與阿修羅鬪戰之時為他所煞以餘業故

尔時釋迦天王復共諸天衆於寶殿壁見大叫喚地獄十六隔處是中衆生受種種苦如前所說若有衆生煞生偷盜邪婬妄語飲酒醉亂墮此地獄具受無量種種楚毒受苦既畢從地獄出生餓鬼中處處逃走有大惡

鬼拔出其舌出已還生餓鬼中死生
畜生中受迦頻闍羅鵝鳥之身以自
音聲而喪其命以其妄語餘業緣故
畜生中死若生人中受業果報如前
所說有所言說人不信受若有善業
生於天中其聲嘶破麤惡鄙濁不善
歌頌一切天衆不信其言不能宣說
美愛正語如餘天衆以本妄語餘業
緣故

時天帝釋復於殿壁觀焦熱地獄十
六闍處是中衆生具受種種無量苦
惱辛酸楚毒業之果報如前所說受
罪既畢從地獄出生餓鬼中受食不
淨餓鬼之身受大苦惱五倍於前餓
鬼中死生畜生中在於大海受摩竭
魚身畜生中死若生人中容貌醜陋
脣口瘡大人所惡見人中命終若有
餘業得生天中身光減劣如前所說
一切天衆之所輕賤

大焦熱地獄阿鼻地獄此二地獄業
之果報不作化現何以故恐天心軟
見之喪命若見如是二地獄者則大
怖畏是故不化此生死報時天王釋

觀察是已以偈頌曰

譬如諸微塵 在於虛空中 風吹而旋轉
諸業亦如是 和合有別離 苦樂亦如是
因業之所轉 非是無因緣 今此業化緣
牟尼如實知 化無量業網 諸心之種子
心集業難知 唯除諸如來 種種諸業繫
輪轉於世間 業網有大力 能受百千萬
那由他劫數 種種諸生死 譬如縲繫鳥
雖遠攝則還 業縲繫衆生 其事亦如是
尔時天帝釋示諸天子希有事已衆
生無量決定之業及不定業現報所
受生報所受餘報所受復有三種善
不善業及無記業示如是等無量業
網迦葉如來所化影像與諸天衆礼
拜既訖從此閻摩娑羅樹中而出天
衆出已帝釋還閉娑羅樹門帝釋既
出見餘天衆放逸遊戲以自娛樂受
五欲樂尔時天王見此事已心生憐
愍而說頌曰

畜生雜形類 為放逸所莊 若食若受欲
貪心常變樂 奉行於善業 天中食報盡
如是放逸人 命終何所趣 放逸恣自壞
葉風之所吹 猶如樹傾倒 墮於諸道中

百千那由他天中受生死而不起厭離
不生憂怖心

尔時帝釋說此偈已至諸放逸天子
衆中諸天子等心生敬重供養恭敬
時天帝釋為攝其心與此天子遊戲
種種園林之中不入閻摩娑羅樹間
諸園林中遊戲受樂時天帝釋與其
眷屬諸天大衆詣善法堂閻摩娑羅
所住諸天受天之樂乃至愛善業盡
命終還退隨業流轉墮於地獄餓鬼
畜生若生人中受第一樂主大園林
常受安樂以餘業故生摩羅耶國主
持檀林大富豐樂

復次比丘知業果報觀三十三天
所住之地彼以間慧見三十三天
第二十五地名速行地衆生何業
而生彼天見有衆生行於善業其
心質直離於諂曲不惱衆生信於
果報行正見業大修布施大富饒
財見有衆生入於大海以求財寶以
大船舫施此商人諸商人等得此船
舫多獲財寶持用布施修諸福業如
是船主以船施之不求恩惠不受其

報云何不盜若行道路有諸賊軍破壞
村柵或畏官軍逃避村柵入此村中
乃至不取糠秸草葉信業果報而生
怖畏非畏王法是名不盜云何不煞
生乃至濕生蚰蜒之類終不故煞心
不念煞若有衆生造作罽羅罽網機
撥坑陷煞諸虎狼禽獸之屬即以財
物贖命令脫其心不悔亦教他人令
住善道作如是等種種善業是持戒
人不煞不盜憶念善業皆得成就若
有所作一切天衆皆共讚善顏色清
淨諸天供養是則名曰現業果報是
善業人從此命終生於三十三天之
上名速行地生彼天上以善業故第
一莊嚴一切衆生不能分別如是天
處甚可愛樂天子既生其身光明受
第一樂身無骨肉亦無垢汙無有怨
敵亦無怖畏無所追求離於嫉妬無
不受樂無病怖畏唯除退時無有三
怖心多放逸適見諸地皆可受樂五
欲自娛無量境界遊戲受樂毗琉璃
樓黃金欄楯種種樹林蓮花林池七
寶所成鵝鴨鴛鴦以為莊嚴出於種

種微妙音聲山谷之中多饒衆鳥須
彌山峯七寶莊嚴蓮花池中金銀真
珠以為底沙種種寶樹如日光明金
毗琉璃以為樹枝衆花莊嚴無量衆
蜂以為嚴飭須彌山窟第一衆寶以
為莊嚴其地柔軟七寶高峰其高峯
中衆花妙香周匝嚴飭隨念而生
復有異處燈樹莊嚴如意之樹百千
光明莊嚴奇特百千天女以為圍遶
歌衆妙音共相娛樂如是天衆隨所
觸見皆受快樂耳聞衆音心皆受樂
若聞諸香無量功德皆悉具足若以身
觸無不愛樂隨心所念一切皆得無
有因緣能奪其樂如是天子百千天
女而為圍遶其餘天衆往詣山峯其
峯名曰一切勢力一切皆是如意之
樹莊嚴山峯流泉河池生衆蓮花以
為莊嚴無量百千天衆圍遶毗琉璃
寶以為樹枝遍覆其上百千重閣以
為莊嚴無量衆鳥出妙音聲以善業
故此山峯中成就如是種種諸樂善
業為本非無因生亦非他作此人受
報非自在天歡喜故與

尔時天子上此山峯見諸天子無量
百千光明悉等與已無異於此峯中
與諸天子天女作衆伎樂出妙音聲
娛樂受樂此諸天衆其身光明色量
受樂皆悉具足諦視瞻仰衆蓮花鬘
以為莊嚴聞衆歌音心生愛樂皆服
天衣無有線縷經緯之別如是諸天
其身皆悉具足光明

尔時天子昇山峯已見諸地界各各
差別見諸河流光明之輪以善業故
於此天中住於二處種種清淨莊嚴
之地衆樂成就如前所說何故名曰
速行地耶如此天衆有大勢力若諸
天衆與阿修羅鬪能於人中一瞬目
間打阿修羅還至本處三十三天故
名速行以前業故得相似果以本施
人速行之船令渡大海多獲珍寶布
施修福是故得此速疾果報如是天
子手執器仗甚大迅速以善業故久
受天樂善業既盡五衰相現身體汗
流身光卒滅如燈油盡一切諸根亦
復如是於五欲中悉無樂味見餘天
衆即生愧耻一切天女皆悉背叛是

時天子見其天女皆已趣他生二種

苦一者妬嫉苦二者愛別離苦此二

種苦自燒其心過於猛火若於先世

有偷盜業今時自見諸天女等奪其

所著莊嚴之具奉餘天子若於先世

有妄語業諸天女等聞其所說生顛

倒解謂其惡罵若於先世以酒施於

持戒之人或破禁戒而自飲酒或作

麴釀臨命終時其心迷亂失於正念

為如是等二倍悔熱之所惱亂墮於

地獄若於先世有煞生業壽命短促

速疾命終若於先世有邪婬業見諸

天女皆悉捨已共餘天子互相娛樂

是則名曰五衰相也以其持戒五種

缺故業網所縛受如業報若行放逸

死王所牽如是一切缺漏持戒為生

天故而持禁戒無常速壞今時則為

業網所縛墮於地獄餓鬼畜生如是

觀天無常之樂如目所見初雖有愛

畢歸磨滅動壞無常如電不住觀

於一切諸欲過惡而說頌曰

飲於放逸酒諸天嗜癡飲退墮於地獄

大猛火圍遶初染於愛欲瞋恚熱惱心

癡心所迷惑但空無有實為伎樂音聲
虛妄所誑惑不覺退沒苦畢竟不可免
見諸天女時令天心轉變畢竟當捨離
退墮於異趣觀諸女人性不離於女人
富樂則親近衰變則捨離如野鹿信遊
信欲亦如是後若得衰變心輕而捨之
不念恩敬養亦不念親友若遭衰變時
即捨不復念猶如衆蜜蜂捨於萎變花
女人亦如是衰至則捨離不觀善愛心
輕躁念愛欲女人性如是如蜜蜂毒藥
惑慾致愚癡巧辭增癡惑女人難可信
智者所遠離女色誑天人忘令心迷惑
至於未來世不能少利益天人及夜叉
龍阿修羅等羅刹毗舍遮皆為女幻誑
如是諸欲樂從於境界生臨至命終時
諸樂皆亡失一切諸天衆園林而莊嚴
為死繩所縛欲繫而將去欲樂不能救
何用諸姝女溥天諸世間死王忘將去
如是以丘觀諸天子退沒相已生慈悲
心厭離欲境如是天子自業所資隨
其至處業繩所牽常不放逸復有餘
天放逸愛樂遊戲受樂馳諸境界如
人乘馬遊戲一切園林之中受放逸

樂乃至愛善業盡命終還退隨業流轉墮於地獄餓鬼畜生若生人中常生樂處第一富樂多饒財寶或為國王或為大臣多有為馬馳驢騎乘行不步涉無有疲倦以餘業故

復次比丘知業果報觀三十三天所住之地彼以聞慧見第二十六地名曰影照衆生何業而生彼天若有衆生能摠護持七種之戒得相似果以思修心正見相應不煞不盜善持禁戒是持戒人作樂因故持世間戒乃至不盜微細之物離於偷盜若其住止近於海側他攝之地海潮所出珂貝魚鱉如是種種一切衆物不以盜心取此諸物此善業人信於未來畏業果報非為三法是名不盜云何不煞生是善業人信於未來畏業果報善思直心不惱衆生離惡知識以求樂故不煞衆生或造河中或行山谷其人為於影鬼所執寧捨自身不害影鬼不以毒藥置於影中恐害鬼命雖知方便而不殘言若單都鬼知煞方便守戒不為或以水照或以鏡照或

以日光其人知然而不加言亦不報
怨自捨身命不煞衆生是善業人身
壞命殒生三十三天影照之地生彼
天已以善業故其身光明五樂音聲
受第一樂衆樂具足於須弥地遊戲
娛樂與千天女以為園遶閻浮檀金
以為其地間錯莊嚴復於閻浮檀金
山峯之中遊戲受樂如意之樹隨心
所念悉從樹生如是久時與諸眷屬
受於天樂復往詣於外影之林閻浮
檀金以為樹林莊嚴園苑金樹銀葉
青毖琉璃以為其果銀樹金葉毗琉
璃果以為莊嚴外影林中既遊戲已
復詣異處漸次遊戲孔雀衆鳥七寶
雜色種種廁填莊嚴其身天子見已
入彼林中與孔雀諸鳥共遊戲時
孔雀鳥見天子來出於種種美妙之
音天女歌音十六分中不及其一是
時天子作如是念我今當乘此孔雀
鳥與諸天女遊戲山峯處處遊觀以
善業故隨其所念孔雀天鳥即近天
子化為大身有大色力端正莊嚴殊
特轉勝尔時天子與諸天女乘此孔

雀於須弥山處處山峯隨心所念悉
往觀察一一花池一一山峯如是一
切山峯花池皆遍瞻視

尔時四大天王護世界者欲至三十
三天說閻浮提法以非法是時天子
於虛空中路逢護世四大天王而問
之言汝等相隨從何所來尔時護世
答天子曰我從第一善業可愛處來
其處多有蓮花園林河池具足種種
莊嚴而從彼來欲詣三十三天向釋
迦天王說閻浮提法以非法尔時天
子聞於護世四大天王說是語已生
希有心乘於衆寶大力孔雀隨念而
行無所障尋從天來下向閻浮提如
第二日以希有心遍觀一切閻浮提
中國林花池河流泉源村營城邑具
足觀之閻浮提中諸婆羅門邪見外
道諸相師等見此相已作如是說是
八臂天乘伽樓羅金翅鳥王從天來
下向閻浮提觀於世間但作如是妄
分別說復有邪見異道諸婆羅門作
如是說此是摩醯首羅自在天子名
鳩摩羅童子之天乘於孔雀從天來

下向閻浮提擁護世間復有邪見異道諸婆羅門作如是說摩醯首羅乘於白牛造作世間能壞世間名為作者能作世間如是邪見外道諸婆羅門種種分別種種讚歎造作諸論非實見實如是一切諸婆羅門破壞正法第一愚癡亦教他人令其邪見

尔時天子既觀察已還於天宮如是外道以愚癡心不實說實不如實見於劫初時此天來下外道見已不如實知如是邪見外道諸婆羅門自生分別轉為他說如是外道不如實見尔時天子既至天宮向餘天界說如是言我至閻浮提見其國界其地平正園林花池柔軟可愛時諸天子聞其所說或乘白鳥或乘孔雀種種騎乘或身乘空悲遍觀察須弥山已次第而下至閻浮提或於河池山林靜處暫下止住令諸外道婆羅門等皆名此處為福德地在此地中苦行持戒謂福德處如是虛妄次第相傳聞之心著謂有真實

尔時天子初下之時有婆羅門見此

天子自生分別或言此是大梵天王
或言此是摩醯首羅或言此是八臂
天王或言此是自在天子鳩摩羅童
子天各生分別此是梵王所住之地
此是摩醯首羅自在天王所攝之地
此是八臂天王所攝之地此是鳩摩
羅童子天所攝之地既分別已或作
邪論或作讚歎或自立宗或自說因
自說譬喻種種邪見既自邪見復以
邪見轉教他人餘人間已展轉相教
如是次第非如實見

正法念處經卷第三十一

癸卯歲高麗國大藏都監奉
勅彫造

正法念處經卷第三十二

誠

觀天品之十一 三十三天之八

大魏婆羅門瞿曇般若流支譯

今時天子念其天宮還於天上是時
邪見外道諸婆羅門言此諸地某天
某天之所攝受或作諸論或作讚歎
如是林中所住邪見外道諸婆羅門
見之敬重頭面頂禮但觀其相而生
敬信不如實知是第二天復生分別
見此天子處處遊行身如火聚謂閻
浮提人身入火中以是因緣生於善
道受諸天身外道邪見諸婆羅門即
作邪論或自立宗或自說因自說譬
喻或作讚歎既自邪見復為他說令
他受行以火燒身望生天上如是不
能如實見知說邪因果非實果報身
壞命終墮於地獄
復次邪見外道諸婆羅門住林中者
生於邪見觀此天子從天來下向閻
浮提以遠見故見不明了遙見天子
徙於莊嚴山峯來下至閻浮提後還
天上林中所住諸婆羅門見是事已

自生分別謂閻浮提人投赴高巖以是因緣生於善道受諸天身是故邪見諸婆羅門自墜高巖欲求生天復以此法為他人說造作邪論或作讚歎說此邪法以為業果以其邪見妄說因果身壞命終墮於惡道地獄之中是名邪見

時林中住邪見外道諸婆羅門見此天子從天來下向閻浮提去之遙遠不見正色但見大光猶如火色妄生分別便謂閻浮提人供養火故身壞命終生於善道受諸天身何以故火是一切諸天之口是故供養火者得生天上作如是等妄生分別不如實見造作邪論或自立宗或自說因自說譬喻自作邪見復教他人令入邪見如是邪見諸婆羅門自無利益令他衰惱身壞命終墮於惡道生地獄中復有邪見外道諸婆羅門住在林中見此天子妄生分別遙見天子不飲不食時婆羅門作如是念閻浮提人不飲不食以是因緣身壞命終生於善道受諸天身我今亦當不飲不食

復教他人令學其法造作邪論或作讚歎說此邪法以為業果以是因緣身壞命終墮於惡道生地獄中如是外道不如實知開惡道門

若此天子或住少時或須臾頃於閻浮提過於百歲外道邪見諸婆羅門便作是說如是天子常住不動不破不壞造作世界能壞世間外道見之便作邪論或作讚歎說於邪因以是因緣身壞命終墮於惡道生地獄中如是無量不如實見造作邪論不如實見自心欺誑不如實見如是比丘觀諸衆生為心誑惑以偈頌曰

心為惡蛇愛毒周遍螫人五體
虛生大悔愛河廣大五根津濟
此岸恐怖彼岸安隱見之妄解
不如實知是邪見人墮於地獄
是邪見人非因見因墮於地獄
顛倒見故愚癡之人迷於因果
有獄所縛受諸苦惱業之果報
則有生死若如實見則到彼岸
愚人求欲為欲所惑墮於地獄
如蛾投火人中持戒奉修正見

而得生天非由苦行此諸外道
行邪見行恃智邪慢誑惑他人
入於愚癡黑暗大海世間受苦
以邪見故非以苦身而得解脫
智者所說調伏其心燒煩惱山
則得解脫修行正見滅諸煩惱
見於實諦則得解脫
一切外道惑諸世間無有寂滅
不妄語處世間外道虛誑甚多
百劫求之無有少實出世之法
皆是真實世間言說繫縛如毒
愛心造福得無常樂出世之法
則得常樂不淨衆惡因緣和合
空有言說而無誠實如是妄說
虛誑之人墮於黑闇可怖畏處
如是以上實諦見之說如是偈云何
衆生得真實知得真實見不起邪見
邪見之論自無實見令他邪見以邪
見論或自受行或為他說自墮地獄
亦令他人墮於地獄時諸天衆觀察
一切閻浮提已乘諸天鳥還歸三十
三天至於天宮向餘天衆如前所說
復於園林遊戲受樂妓樂自娛種種

功德皆悉具足一切衆寶莊嚴之處
遊戲受樂乃至可愛善業壞盡從天
命殄隨業流轉墮於地獄餓鬼畜生
若生人中常受安樂無有病惱離諸
衰亂豐樂國土而於中生受丈夫身
諸根具足或為國王或為大臣以餘
業故

復次比丘知業果報觀三十三天所
住之地彼以聞慧見三十三天第二
十七地名智慧行衆生何業而生彼
天彼以聞慧見有衆生大心持戒修
行善業如實見於業之果報心有信
樂常行善業捨於不善其心質直遠
離惡友乃至不與同路而行不共言
論不與同住如是善業悉遍修習如
煉真金於現在世為一切人之所愛
敬以修善故

若有比丘常修讀誦修多羅毗尼阿
毗曇如是比丘精勤修習若晝若夜
心不懈息若夜闇寘廢其讀習若有
衆生敬重佛法及此比丘施僧燈明
敬重法故敬信三寶復行布施令得
增長讀習之善若盛熱時以扇布施

令無間實亦無熱惱聞諸比丘談論
聖法心甚喜悅二種功德因緣力故
是善業人自利利人身壞命終生於
善道三十三天慧行之地生彼天已
以善業故其身光明勝於日光滿足
十倍一切天衆之所供養無量百千
天女圍遶供養恭敬皆是天子先所
親友和悅含笑種種莊嚴其身勝妙
色相威德皆悉莊嚴離於妬嫉互相
愛敬不離須臾皆生歡喜親近天子
手執蓮花或執金花或有銀花毗琉
璃花頗梨迦花或雜寶花若金蓮花
白銀為莖赤寶為鬚毗琉璃花真金
為莖青寶蓮花白銀為莖磤磤蓮花
青寶珠王以為其莖赤蓮花寶金剛
為鬚如是天女至天子所以所持花散
天子上猶如盛夏降澍洪雨諸天女
等以諸寶花散於初生天子之上亦
復如是

尔時天子見諸天女心生歡喜欲心
即動惡欲心發從其座起得未曾有
詣諸天女踊躍歡喜皆共和合娛樂
受樂歌舞戲笑遊戲娛樂令此天子

欲心增長如是天女周帀園遶遊於園林天諸園林衆寶光明一切諸欲皆悉具足於此樹下遊戲受樂種種衆鳥歌衆妙音與天女音不可分別莊嚴欲具花果充足種種流泉蓮花河池有百千種園遶園林如是天子與諸天女遊戲娛樂受無量樂以善業故

是時天子復與天女更詣異林伎樂自娛隨念具足受天之樂聖人所愛持戒之果成就果報如是天子天女園遶復往詣於摩尸支羅遊戲之林先舊諸天見此天子皆出往迎心生歡喜猶如見於親族兄弟安慰問訊共入林中五樂音聲受天之樂如是天子受種種樂復於摩尸支羅林中無量歡喜目視衆色心生喜樂其地園林皆以七寶而為莊嚴金色寶衣莊嚴林樹如是種種寶樹莊嚴其地柔軟無量飲食從河而流目視如是一切衆色眼甚愛悅如是初生天子與諸天衆娛樂受樂天子復詣毗琉璃地共天女衆次第見於摩尸寶衣

從樹而生其色明淨甚可愛樂微風吹動隨風上下無量色蜂以為莊嚴光色如燈諸天見之發希有心生大歡喜共天女衆往詣此樹作天伎樂遊戲受樂是時諸天於此林中心生希有即於花中出天摩偷具足一切上妙之味一切天衆昔所未見色香味觸見之皆生百倍悅樂飲天摩偷上味之酒天子飲之共諸天女遊戲受樂歌衆妙音讚天王釋以天帝釋因緣力故令我於此摩尼支羅園林之中受五欲樂味若摩偷色香美味從樹花出取為希有我今飲之百倍受樂尔時天子共諸天女以毗琉璃器盛滿摩偷天之上味迭共相勸飲此天味此諸天衆於人中時布施持戒今得如是勝妙色香上味果報隨其本業上中下報心生愧耻樹上有鳥名飲摩偷見諸天子心生愧耻即為天子而說頌曰

衆生癡所使飲於摩偷酒現觀癡所繫貪著於美味摩偷癡羅網飲之至命終退墮於地獄諸龍亦如是若見觸嗅嘗

令人心癡醉 是故眾羅網 智者所捨離
見之生貪著 觸之則嗅嘗 嗅之心貪味
著味為衰惱 一切繫縛中 無過貪嗜味
壞名聞色力 以其著味故 著味所迷亂
目瞢常惛醉 心迷致寢荒 不知善惡法
女人所輕笑 眠卧於糞穢 而無所覺知
不能自動發 酒能壞名聞 踰過於死畏
猶如飲毒藥 亦如死網羅 飲酒之為患
二十有六失 既知此過惡 應當速遠離
大姓智慧人 為酒之所汙 衆人所輕忽
如草隨風轉

如是天鳥雖是畜生毀譽諸天何況
餘天此諸天子飲於天味上中下味
色香具足如其善業願行種子飲已
復詣陀羅殿林於此林中欲行遊戲
聞種種音心生歡喜青優鉢羅以為
首鵲天子天女共相圍遶歡喜遊戲
心常念欲金色光明陀羅林殿既受
樂已復往詣於彌伽雲林既至彌伽
雲林之中見百千殿天詣莊嚴
尔時天主釋迦提婆乘伊羅婆那大
白鳥王共諸天子天女眷屬圍遶心
生喜悅為欲利益放逸諸天時諸天

衆見帝釋來悉皆出迎皆以頭面頂
禮天主於天主前出衆妙音歌儻戲
笑歡喜叫呼時天王釋以柔軟言慰
問諸天在於伊羅婆那白爲之上告
諸天曰汝以自業受於天樂我今欲
還歡喜之園除阿修羅瞋恚恃怙大
力慢心時諸天衆白帝釋言天王我
今亦當隨於天王除阿修羅瞋恚
慢時天帝釋告諸天曰汝勿急遽我
今自能破阿修羅時天帝釋語諸天
已入歡喜園見阿修羅在歡喜園猶
如雲衆漸漸增長時諸天衆罵詈毀
訾轉增高時諸天衆見其增長罵
詈不息倍更增長顏色醜惡帝釋見
之告諸天衆此阿修羅以汝瞋故身
增轉大我當方便令離瞋慢時天帝
釋而說頌曰

不瞋能伏瞋 忍伏麤惡心 法能伏非法
光明破暗冥 成實勝妄語 正語伏綺語
軟語勝惡口 能禁兩舌過 慈心斷煞害
布施除慳貪 正念勝邪念 善念破惡念
明能破無明 白日照黑闇 白月勝黑月
如是常得勝 智慧知真諦 勝於邪見欲

賢聖八分道 能破諸惡道 如來四無畏
能破諸怖畏 憶念破忘失 智能破愚癡
若住阿蘭若 則能破諸欲 須弥勝衆山
及以衆園林 大海勝洎流 及以諸河池
日光勝衆星 亦勝於餘宿 法式勝無法
布施破貧窮 質直勝諂曲 實能破妄語
吉能破不吉 火能燒衆薪 水能破於渴
食則能除飢 師子心勇健 勝於一切獸
知足勝怖望 智者如是說 悲愍者常勝
無悲為減劣 智慧能調伏 智者如是說
衆惡邪見業 多作諸妄語 如是外道中
如來寂殊勝 天勝阿修羅 以其法勝故
我當破一切 何況汝一身 汝阿修羅使
汝勿生怖望 今此師子座 智者所應住
時阿修羅聞釋迦提婆說是語已不
復增長以得聞於實語縛故減劣不
增色力勇健志不增長見其劣弱時
有天子手捉其足曳令下座即時駭
出天歡喜國時天帝釋心生歡喜復
往詣於摩尸支羅所住之地乘於伊
羅婆娑大白鳥王騰空而遊向於摩
尸支羅之林所作已辦與諸一切天
子天女至摩尸地摩尸地天見天王

釋皆悉出迎頭面頂礼修敬既畢皆
往詣於彌伽雲林其地一切衆欲具
足柔軟廣博衆花遍覆以蓮花枝用
為宮室一切愛處釋迦天主共諸天
女種種樂音歌舞遊戲娛樂受樂乳
闍婆王圍遶帝釋歌衆妙音讚歎天
王五樂音聲以為娛樂時天帝釋在
於伊羅婆那白鳥之上其爲端嚴勝
於寶山行步進趣如動玉山其爲鮮
白踰於雪山如春末時日光照曜雪
山之峯如是天衆天子天女圍遶帝
釋遊於園林其諸園林毗琉璃寶白
銀頗梨因陀青寶大因陀寶赤蓮花
寶真金磔磔以為莊嚴釋迦天王共
諸天衆天子天女遊戲園中閑思趣
門心生歡喜雖得見諦猶受欲樂而
常思惟衆生生死既思惟已不恚不
悅觀諸樂受皆患無常破壞離散如
是知己內自思惟諸天退沒因於自
業為何所至受自業果業風所吹墮
於地獄餓鬼畜生流轉受苦而無伴
侶一切諸天及諸天女皆患如是會
當別離如是之業大作樂具戲弄一

切愚癡凡夫時天帝釋思惟是已而說頌曰

譬如虛空雲為風之所吹和合頃臾散
生死亦如是時時如衆花見人有生死
一切皆磨滅如去來亦然如是善業熟
則受於天樂善時既盡已樂受則亦失
時節如樹林生時甚敷榮時節既過已
一切皆墮落諸天如樹葉樹如受樂處
受樂則有墮無有常樂者猶如夏降雨
不住於空中諸樂亦如是念念不暫停
譬如孔雀鳥風雲則出聲風止聲則滅
天樂亦如是譬如以乾木而置於火中
天樂亦如是為時火所燒生已復歸滅
已經百千返為愛之所欺而無有厭心
寢愛網所覆一切無免者戲弄於諸天
受諸不善業

如是天帝釋愍諸天故說是偈已乘
於伊羅婆那大白鳥王天衆圍遶奏
諸音樂出妙音聲還善法堂以得勝
於阿修羅故心生歡喜諸天恭敬到
善法堂摩尼支羅所住諸天受欲無
厭受於色聲香味觸等遊戲園林乃
至可愛善業壞盡從天還退隨業流

轉墮於地獄餓鬼畜生若生人中生
大種姓受第一樂端正殊妙生在中
國正法行處大富饒財子孫具足壽
命延長眷屬和順世間所有一切資
具皆悉具足一切衆人之所愛敬或
為大王或作大臣以餘業故

復次比丘知業果報觀三十三天所
住之地彼以間慧見三十二天二十
八地名曰衆分衆生何業而生彼天
彼以間知見有衆生修行善業正身
口意質直不誑不惱衆生常行善意
其心質直離惡知識親近善友不近
惡友不共言論不與同住亦不同行
常避惡人惡人所友亦不親近親近
賢善聽聞正法聞已思惟心入於法
善不善無記若有善法則便攝取知
不善法則便捨離正念觀察調伏其
心不貪不欲持七種戒微細不犯乃
至小犯常懷大懼一切善業如鍊真
金清淨無垢如是之人不煞不盜布
施修福見煞言者救令得脫去何救
於煞害衆生若有丈夫侵他婦人為
官所收打惡聲鼓從右門出欲斷其

命無救無護無所怖望愁悴憂惱欲
至塚間將至煞處如是善人贖令得
脫復行布施修諸福德云何善人修
行福業若僧住處曠野無水渴之苦
惱如是善人或為作井或為造池若
有水池若井崩壞若多細蟲為僧修
治以諸細蟲置餘水中如是微細皆
不煞害若以漚囊漚諸水蟲還置水
中是名不煞生云何不偷盜不以盜
心取他草業若曠野中種種果菜故
村聚落疑他所護亦不故取是名不
盜是人修行一切善業身壞命終生
於善道三十三天衆分之地生於右
門真金為座白銀琉璃或以頗梨或
車渠寶或赤蓮花寶以為其座青因
陀寶大青寶王真珠之座如是珍寶
莊嚴之座而於中生既生天已而自
思惟我以何業而來生此即自念知
我於前世作斯善業供養衆僧如是
善業猶如父母清涼之寶生於天上
決定受樂如是天子作是念已即自
現見業之果報見果報已讚歎善業
毀訾惡業念本生已念入業地無量

善業地如父如母介時天子念本生已而說頌曰

以善得人身 得已不放逸 造作衆善業
因是得生天 人身甚難得 得已行放逸
為放逸所迷 命終墮地獄 作三種善業
修行七種戒 然於三怨家 則受諸天身
若人伏煩惱 未斷於愛心 是人愛因緣
則生於天中 破壞於嫉妬 大苦之窟宅
種種行布施 是人生天中 觀他如已身
悲愍護衆生 慈心常調伏 是人生天中
觀偷盜如火 布施於一切 以自修其心
是人生天中 觀他妻如母 常思惟真諦
欲泥不能汙 是人生天中 火從自心起
由舌鑽燄生 若離此妄語 則生於善道
惡口破慈心 智者能捨離 常樂說軟語
則生於天上 觀綺語如刀 一切常遠離
常行於正語 是人生善道 若有行善人
不行於兩舌 實說諦知時 是人生天中
若人護如是 七種身口戒 其人諦知戒
則生於天中

如是初生天子思惟既訖說此偈已
觀本生處念生處已著欲境界以前
習故說如是偈余時初生天子威德

殊勝一切皆集天女見之速疾馳奔
至天子所猶如衆蜂馳奔蓮花諸天
女衆馳奔天子亦復如是手中執於
種種伎樂琴瑟篳篥鼓衆妙音是諸
天女花鬘莊嚴散以末香手執花鬘
復有天女散花供養初生天子如是
天女以種種供養供養天子不可譬
喻勝上天女或百或千見此天子初
生天中心生愛樂又見本所奉事天
子死相已現捨本天子馳向初生福
德天子譬如渴牛捨於枯池走趣清
水此諸天女亦復如是捨本所事馳
速往詣初生天子

尔時初生天子聞諸天女莊嚴之具
出美妙音欲心即發何況見色及其
音聲尔時天子見諸天女及聞樂音
恭敬供養心生愛樂恣志本生猶如
隔於百千生死何以故以生天中放
逸地故性如是故尔時初生天子為
諸天女以諸欲法種種情態不善觀
故欲心增長時諸天女說於種種欲
心相應不淨之語如是受於放逸之
樂天子天女互相隨逐天女圍遶一

切諸欲皆忘具足如是之樂昔所未
得今既得已心生歡喜為欲所牽隨
諸天女不得自在時諸天女奉給天
子歌儻盛矣種種吟詠鄙華調話令
此天子心意迷惑隨諸天女所至之
處常隨其後欲網所縛如鳥在網如
是天子愛欲所縛亦復如是隨其至
處天子隨之如是地處七寶莊嚴昔
所未見見之愛樂既見此地於此地
中無量天衣天鬘莊嚴受無量樂復
往詣於度曠野林作天伎樂共此天
子至曠野林見此林中一切衆鳥種
種相貌以為莊嚴其音美妙出種種
聲與諸群鳥遊戲娛樂諸鳥亦復雄
雌相隨若至華中飲摩偷酒雄鳥隨
之若於諸花亦復如是若鳥遊空雄
雌相隨亦復如是隨其至處若食美
果鳥亦隨之若復遊戲蓮花池中亦
復如是於山峯中二鳥雙遊如是天
鳥亦為愛網之所繫縛將至異處衆
蜂之類亦復如是群鹿麋鹿相隨遊
戲亦為塵塵欲網所縛亦如天子迷
天女色譬如夏時降雨滿池充滿盈

溢是諸天子為諸天女欲愛充滿亦復如是愛欲繫縛雖復舒緩甚為難解如是比丘觀此事已而說頌曰

如是女欲網繫縛甚堅牢 能令諸衆生
輪轉於有獄 身縛尚可解 心縛不可脫
心既為欲縛 常受諸苦惱 羅網尚可斷
欲網不可燒 隨其所行處 不離三要道
羅網但縛身 愛網甚廣大 雖非是色法
能縛一切人 羅網縛衆生 尚可現觀見
如是愛縛心 求之不可見 初染生愛者
心著甚難解 人為愛所縛 不能脫生死
其色大羅網 縛衆生六根 羅網但縛一身
或縛或不縛 若枷鎖枷械 聖說非為堅
癡人愛染心 繫縛甚堅牢

如是比丘毀訾愛欲尔時天子為愛
天女一切愛網之所繫縛將至園林
見種種林甚可愛樂無以可喻尔時
天子遊於花池其池名曰白鵝之池
與諸天女至此池邊天子天女遊戲
娛樂受五欲樂種種樂音出衆妙聲
衆分天子復往詣於金山之中互相
娛樂受五欲樂既受樂已作如是念
我今當與一切天衆詣善法殿遊戲

受樂作是念已與諸天衆詣善法殿
或遊虛空或乘鵝鳥或乘孔雀或乘
宮殿如是種種詣善法殿見天帝釋
種種伎樂歌衆妙音至善法堂尔時
釋迦天王問衆樂音告諸天子大仙
如是音樂是誰樂音何地天衆來至
於此時諸天子聞是語已皆出觀之
既見天衆還善法殿白帝釋言天王
當知衆分地天衆今來至此奉問天
王時天帝釋告諸天子汝今應當發
勝歡喜以諸樂器作諸伎樂出迎衆
分所來天子種種遊戲共相娛樂時
諸天子聞帝釋勅即奉其教手執種
種琴瑟箏篳篥種種樂器種種天鵝莊
嚴其身其身流出種種光明身光鮮
白晃曜照明出迎衆分所來天子二
衆相見和合遊戲作諸神通種種伎
樂歌衆妙音至善法殿尔時天主釋
迦提婆坐百千柱寶殿之上其師子
座名曰得勝天王坐上安隱快樂威
德光焰百千天衆周匝圍遶受善業
果威德殊勝過於和合百日照雖
度天宮而不放逸如是天衆既見天

王皆大歡喜過先十倍即以頭面頂
禮天王釋迦提婆歌儼遊戲以諸偈
頌讚歎天王

天三憍尸迦 常護於世間 法行常寂靜
境界莫能壞 以法調世間 不以非法教
順法常安樂 違法受苦惱 行法則安樂
修智亦如是 不侵不妄語 常受於安樂
若世間功德 出世間功德 此一切功德
天王悉具足 怖者為作歸 苦者示善道
天王持世間 天人阿修羅 天王取殊勝
離諸不善法 洗除三惡垢 受於三歸法
如實知三業 行勝三菩提
雖生放逸地 不樂於放逸 天王持世間
法行離怨敵

尔時衆分之地諸天子等勝智慧等
讚六王時尔時釋迦提婆因陀羅觀
諸天衆善言慰喻告諸天曰諸天子
莫行放逸若放逸者則無利益時諸
天子讚帝釋已與天帝釋乘於虛空
向衆分地帝釋為首諸天隨從往詣
衆分時天帝釋作如是念此諸天子
心行放逸不知退苦我當示化退沒
之相令生厭離時天帝釋為於遊戲

放逸諸天子等化中陰有時諸天子
戲遊園林山峯花池時諸天子各各
自見一切衆具勝相莊嚴皆見失壞
一切樂具亦皆磨滅惶怖苦惱身被
繫縛怖畏涕泣烟焰俱起來遠其身
閻羅王使之所執持飢渴自燒行大
怖畏火來燒身猶如燒林閻羅使者
醜惡可畏種種惡色手執刀杖弓刀
矛稍及捉黑繩赤棒網羅或有上昇
或有下行時閻羅王所遣使者遍須
弥山時諸天子見閻羅使從於天上
縛諸天子加諸楚毒罵詈撻打遍身
火起其焰猛熾時閻羅使手把刀戟
奮目大怒互相告曰諸閻羅使遠縛
如是放逸天子我當戮之將入地獄
令其不復得行放逸如是大喚上昇
虛空上須弥山遍於諸地皆令摧壞
百千万億那由他數閻羅使者伺命
之官醜惡獄卒遍壞諸地及以山側
遍於虛空或上或下惱諸天子語諸
天子汝等所受五欲之樂種種音樂
今何所在汝等今為閻羅使者將詣
地獄受大苦惱若諸天子將墮地獄

則見獄火來燒其身若諸天子有善業者但見地獄不見自身為火所燒時諸天子自見中陰被大繫縛尔時獄卒閻羅王使為此天子而說頌曰
汝愛於欲樂 而不作善業 是故得苦果
今日已成熟 汝若樂放逸 而行於非法
至於臨終時 心乃生悔熱 悔熱喻火燒
亦喻於刀戟 從於五根生 而還自燒滅
於苦謂為樂 貪恣為親友 觀放逸如是
是故應捨離 放逸愛和合 為欲之所縛
三種大怨家 能破壞大樂 惱慢近惡友
懈怠及貪心 遠離於持戒 是地獄因緣
持戒清涼觸 得報甚清涼 愚人不修行
臨終生悔熱 見於他妻妾 而生貪著心
飲酒行劫盜 因此墮地獄 惡口親惡友
邪見無正信 其心多躁擾 此法失人身
貪心及綺語 妄語無誠信 今世若後世
無有少安樂 遠離於善友 親近惡知識
根本無利益 不信業果報 不識業果報
苦樂非衆生 是人迷因果 臨終生悔熱
若人常妄語 恃智生惱慢 後得大衰惱
乃覺其業果 若流轉世間 具受諸苦惱
皆由無明力 大仙如是說

尔時釋迦提婆因陀羅化作如是閻
羅使者為諸天子中有說法折伏呵
責時天帝釋復為諸天衆示現變化
若諸天子有先世業應墮畜生示於
無量種種業相如印印泥中陰之相
牙相殘害共相食噉生大怖畏令諸
天子皆志見之若諸天子無畜生業
但見畜生牙相殘害不見自身作畜
生形時天帝釋復為放逆諸天子等
示化中陰若諸天子當生餓鬼為於
飢渴焚燒其身長髮覆面其形醜惡
此諸天子見虛空中烏鵲諸鳥來啄
其眼及耳鼻舌是時天衆見向所化
如是惡相生大怖畏餘天見已白帝
釋言釋迦天王何故捨諸天子而自
止住此諸天子皆被繫縛或阿修羅
或餘惡人將之欲去遍須弥山一切
諸地我亦曾與阿修羅聞未曾覩見
如是惡相又阿修羅及其軍衆未曾
俱來至此天中云何世間失正法耶
不孝父母耶不敬沙門婆羅門耶不
敬耆舊長宿耶天王今諸世間不供
養如來及法僧耶不知因果不知真

諦耶如護世天王常說此法今閻浮
提不修行耶今諸天衆皆被惱乱天
王何故不嚴器仗乘於伊邠大龍鳥
王身服鎧鉀擊大戰鼓莊嚴鬪戰有
諸天衆天主同業向天王釋作如是
說復有諸天覩此希有未曾見事心
生獸離極大恐怖諸根振動歸依帝
釋作如是言唯願天王救護我等此
諸天衆所住之地恣為阿修羅之所
劫奪未曾見此阿修羅等可畏之身
如是怖畏諸天子等皆向帝釋作如
是說復有天子見是化已向善法殿
速疾馳奔取諸器仗鬪戰之具復有
天子詣雜殿林取諸鬪具向閻羅使
若打若捉不能加害譬如鏡中所見
色像不可捉持不可打害如是天王
示如斯化

是時天主釋迦提婆復示天子化阿
修羅勝於羅睺勇健阿修羅等被縛
搗打斫刺罵詈悲泣憂惱如諸天子
化受苦惱時諸天子見阿修羅受大
劇苦百千万倍過諸天子時諸天子
見阿修羅受大苦惱未曾所見生大

怖畏復往詣於釋迦天王白天王言
我今不知是何丈夫有斯大力皆能
繫縛諸阿修羅王羅睺阿修羅王勇
健阿修羅王繫搗打棒斫刺罵言云
何有此未曾有事令諸天子身毛皆
豎唯願天王為我說之我今亦畏得
此憂惱天王何者為知不耶諸天之
衆及阿修羅皆悉破壞一切世間恐
皆摧滅天王若知願為我說釋迦天
王若不知若不知者願善思惟
正法念處經卷第三十二

癸卯歲高麗國大歲都監奉
勅彫造

正法念處經卷第三十三

誠

觀天品之十二

三十三天之九

元魏婆羅門瞿曇般若流支譯

尔時天主釋迦提婆告天子曰此諸天子以放逸行不如實知不行正法我為如是放逸天子欲令離於憍慢放逸示如是化此諸天子既生獸離其心調伏我今說法必能信受時天帝釋見諸天子心調伏已告諸天眾汝等諦聽當為汝說如此丈夫第一大力形貌醜陋能壞他人難以為敵非呪術力所能調伏一切天眾無如之何復有勝天過於汝等亦不能遮復况汝等色力減少無自在力是丈夫者名閻羅使名死時使以煩惱業縛諸眾生縛之而去將至地獄餓鬼畜生有八種法攝於一切生死眾生何等為八一者一切生者皆歸於死二者無有強健而不病惱三者一切少壯皆歸衰老四者具足財富當有貧窮五者皆由業故有諸世間業之所得隨順於業隨所作業或善不善

如是如是得業果報六者一切恩愛
皆當別離無有堅固七者自作之業
決定受報無有他作我受其果無有
自作他受其報一切諸法決定如是
八者世間放逸無有安隱必受苦果
是名八法如是之法於世間中流轉
生死從因緣生如是之法不可以力
而離擇之非呪術力所能調伏如是
閻羅使者非力能敵非呪術力之所
能遮生死之法法皆如是若人造惡
能加苦惱無量楚毒諸天阿修羅人
龍夜叉毗舍遮等如是閻羅使者皆
能加害令此衆生墮於地獄餓鬼畜生
時諸天衆白帝釋言天王我於如是
閻羅使者不得自在唯願天王以方
便力令我得脫閻羅使者我當隨順
天王之教今時天王釋迦提婆告諸
天曰有大方便若能修者不為閻羅
使者所言云何方便能得自在謂斷
一法言一法者謂斷放逸復修二法
謂舍摩他毗婆舍那復斷三過謂貪
瞋癡觀四聖諦苦集滅道知五善護
謂五境界復有六護所謂六根知七

正智謂七覺分行八聖道謂正見等
知九衆生居知十業得果知十一修知
十二入知十三念隨順係念知十四
禪善修其心知十五法知於十六阿
那波那知十七中陰有道相續輪轉
行法知十八界知十九中有知於欲
界衆生所居有二十處知其行業如
是知者則得自在若天若人能如是
知能斷三惡道能生一切善法攝諸
善法若天若人能斷惡道死則不為
閻羅使者之所怖畏是故應捨放逸
之行放逸能斷一切善法猶如怨家
放逸之人不得世樂及出世樂放逸
覆人猶如畜生未睡如睡不知應作
及不應作福德非福德親友非親友
福田非福田應說不應說不知利益
不知損減不知功德不知過惡是名
初惡一切無利衰惱之根本也應斷
放逸一切諸天皆行放逸云何不為
閻羅使者之所繫縛尔時天主釋迦
提婆而說頌曰

若天人放逸 樂行於非法 至於臨終時
則見閻羅使 放逸如毒害 智者所捨離

臨於命終時 則無衆苦惱 放逸死受苦
不放逸寂樂 若欲求樂者 常應離放逸
諸天子斷一法者謂斷放逸則有六
種何等為六眼見色已生放逸心非
如實見或見好色或見惡色若黃若
黑若赤若白若長若短若方若圓如
是世間不如實知以放逸故亦復不
知出世之法以放逸意雖復見色不
如實見於已身色不能正觀不樂觀
於四真諦法於諸色中不實見實心
放逸故不能觀於世間之法及出世
法耳聞聲已不知其義或歌或語若
義若非義不解如是世間之義若修
多羅若伽陀若祇夜若毗伽部若憂
陀那若屈陀那若毗多迦若闍多迦
若毗佛略若阿浮多達摩聞如是法
不解其義以放逸故命終之時為閻
羅使繫縛將去復有放逸既聞諸香
鼻即貪嗅不知花香及以果香不知
如是世間之香先以燒香供養布施
以放逸故不知諸香復以放逸不知
諸味其所食味若甘若酢若鹹若苦
若辛若淡若澁若滑不知差別心放

逸故不知如是世間之味及以不知出世法味以放逸故復以放逸不知身觸不作身業修治宅舍不修作業不作衆善是人宅舍物不具足不知世間所不應作不知出世間所不應作不近者舊亦不恭敬禮拜問訊以放逸故

諸天子復以放逸不知心法若善不善若無記不知臨命終時死杖所言受大苦惱為閻羅使自在將去是故天子應斷一法所謂放逸修二法者一者賒摩他二者毗婆舍那如是二法示涅槃道賒摩他者能斷生法及未生法能令寂靜毗婆舍那者見心見法二種身故名毗婆舍那如是二法以為善伴能斷三過若著欲者教不淨觀若瞋恚者教慈心觀若愚癡者教以智慧如是三法對治三法令其不復起於放逸若臨終時不復畏於閻羅使者云何四聖諦四聖諦者謂苦諦集諦滅諦道諦苦諦者苦有二種一者身苦二者心苦集諦者謂陰界入滅諦者所謂寂滅道諦者謂

八聖道是名四聖諦善護五境界者
所謂色聲香味觸等云何六護所謂
六根眼耳鼻舌身意於境界處善守
護之何等七法謂七覺分如人身分
亦如城分亦如衆分是名菩提分何
等為七謂念覺分擇法覺分精進覺
分喜覺分猗覺分定覺分捨覺分念
覺分者有何等相所謂念於有為過
惡念於實諦念於涅槃寂滅之法是
名念覺分擇法覺分有何等相以智
慧簡擇云何簡擇以如實相法簡擇
此法思惟其義心念其義念念不離
既思念已復修精進是名精進覺分
念此法已希欲心生念如是義而生
歡喜是名喜覺分復於此義心思惟
已身法心法如實調伏柔軟輕樂修
行不乱是名猗覺分復於此義心思
惟已緣於住心以攝其心是名定覺
分復捨定意及以餘念是名捨覺分
如此之法若果若智及斷煩惱皆忘
差別其果亦別上上轉勝一緣而生
其用各異如是天子是名七覺分若
有念者能捨放逸

諸天子云何八聖道能離放逸怖畏
未來以求安樂求涅槃道正見聖諦
如實見正思惟聖諦正語聖諦正
業聖諦正命聖諦正精進聖諦正
念聖諦正定聖諦云何正見如實
見相應義是名正見云何正思惟
如實見如實法自相平等相於如是
法心念種子 is 名正思惟云何正語
思惟四種口業捨口四過護持禁戒
是名正語云何正業捨於三種身不
善業護持禁戒是名正業云何正命
乃至失命持戒不捨是名正命云何
正精進於如是義其心憶念而起精
進是名正精進云何正念於如是法
義憶念思惟不忘不失是名正念云
何正定於如是法義以實念心一心
憶念決定一相是名正定是名賢聖
八聖道分若能憶念則不畏於閻羅
王使復觀九種衆生居處

諸天子又觀十種大地之法何等為
十一者受二者想三者思四者觸五
者作意六者欲七者解脫八者念九
者三昧十者慧是名十大地法共心

而生各各異相汝等當知何等相如是之法一緣而生猶如日光如是之法共心而生有增減相應相云何名想知差別相應故名為想云何名思意緣三種善不善無記復有三種謂身口意思所依止而無相貌云何名觸三種和合而生於觸起三種受故名為觸天子當知云何三觸生三種受謂苦受樂受不苦不樂受云何名作意攝取於法故名作意云何名欲憶念所作故名為欲

云何解脫能辯了故亦名為信以能信故亦名為力以能持故云何名念若攀緣處心不迷亂是名為念云何名三昧若心一緣是名三昧云何名慧分別觀法是名為慧

諸天子復有十種煩惱大地若有受行如此法者臨命終時為閻羅使自在繫縛何等為十一者不信二者懈怠三者不念四者亂心五者愚癡六者不善觀七者邪見解脫八者不調伏九者無明十者放逸是名十法煩惱大地染生有法為閻羅王使者所

縛之因緣也諸天子如我所說云何十種不善大地云何不信不信解脫若不信於解脫之法故名不信云何懈怠捨離精進故名懈怠云何不念以忘失法故名不念云何亂心其心不正故名亂心云何愚癡無方便心故名愚癡云何不善觀不正觀察思惟非法不行正道不淨見淨故名不善觀云何邪見取顛倒法堅著不捨故名邪見云何不調伏心不寂靜故名不調伏云何無明迷於三界故名無明云何放逸不作善業故名放逸是名十種煩惱大地甚可鄙惡

諸天子復有十種染地之法何等為十一者瞋二者恨三者不悔四者堅五者幻六者諂曲七者嫉妬八者慳九者憍慢十者大慢是名十種染地法也何故名曰染地法耶大地所攝故名染地云何名瞋其心麤惡故名為瞋云何名恨其心結縛轉成怨結故名為恨云何不悔樂作眾惡作已歡喜故名不悔云何名堅作諸惡業執著不捨是名為堅云何名幻誑眾

生故為十二入之所誑惑故名為幻
天子當知云何十二入所謂內有眼
耳鼻舌身意是名內入外有色聲香
味觸法是名外入二種分別一者相
二者自體大所言相者四大因緣而
生眼識是名為眼當知耳鼻舌身意
分別境界各有自相云何當知自體
相耶言自體者名不顛倒以五因緣
而生眼識何等為五有眼有色有明
有空有憶念故眼識得生耳則不尔
耳識之生明闇俱知不因於明鼻舌
身意亦復如是意識於明或時有用
或時不用云何有用云何不用若眼
識見色意識決了是名為用云何或
用或不用眼識觀色若無光明則
無所見餘根所知不因光明是名識大
諸天子復有四大因緣各各相依云
何四大乎共相依或增或減眼增火
大鼻增地大身增風大舌增水大耳
增空大此法增勝耳中空界意得取
聲是故當知故有增減復次觀入何
者近緣何入遠緣鼻舌及身如是三
根對觸乃知眼之所見非近非遠耳

之所聞遠則不了近則能知內亦自聞鼻之所聞近則能知內亦自了如鼻內有病亦自聞臭如耳中風聲亦皆自聞如是識二種所攝眼識意識如是盡攝譬如一火隨然得名或名水火或名草火一切諸識亦復如是因於意識各各差別天子當知如是諸入既得知已莫得放逸不放逸行不貪不瞋不癡如是善人命終之時不懼閻羅王使者所縛不見可畏獄卒惡相不見閻羅王惡境界也不墮地獄餓鬼畜生常受安樂乃至涅槃成就無量歡喜安樂不放逸故復次天子觀十二入無常苦空無我觀其依止因緣而生如是觀已離於放逸觀眼識生猶如幻法空無所有非堅非實破壞之法眼識滅已而生耳識空無所有不堅破壞如是觀內六入外六入或生或滅聞諍愛味衰變無常從因緣生如實知之如是見已不貪於色若見愛色不生染著不放逸者諸天五欲尚不生貪何況人欲尔時釋迦天王而說頌曰

迷惑於界入妨於涅槃道以此放逸故

失一切善法若有三種過是大惡道使

癡為第一惡放逸故流轉愚癡放逸行

死常任手中若有樂放逸一切盡破壞

若人過一法思惟於二法知於三處相

是人則受樂若天福德盡放逸所破壞

墮落癡所誑無人能救護一法常取勝

能忍而修行若與忍相應悲念諸衆生

命終怖畏時得如是大力是故離放逸

精進修諸行若能捨無明常守護明智

以知明無明放逸不能壞若人捨放逸

決定得大利如是不放逸則能自利益

放逸網自縛勒修則解脫如是縛解相

我今撻略說天子既已知若有行放逸

至於臨終時乃知其果報

如是天帝釋廣說十二入相調伏放

逸諸天子等若諸天子曾種善根少

行放逸聞此法已心自覺悟不復放

逸諸根淳熟皆能受行若諸天子根

未熟者如破生癰破捺之時捺已洗

治無所利益亦復如是

復次帝釋天王從一漸增次第說於

十二入法十二入相已於諸天大衆

之中作神通力示希有事次第令入
繫心正念覺因緣相離於放逸令其
利益見此變化心生厭離時天帝釋
方便利益為諸天衆廣說妙法諸天
子云何諂曲云何名妬於他熱惱故名為
名諂曲云何名妬於他熱惱故名為
妬云何名慳懼已物盡而生貪惜故
名慳是名三界染地之法分別則有
三界所攝嗔恨慳妬幻欲界所繫諂
曲一法遍於欲界及於梵天憍慢大
慢遍於三界諸天子是名十種不善
大地法也復有十種善大地法何等
為十所謂不貪不癡有慚有愧有信
調伏不放逸精進捨離不生侵惱是
名十種善大地法如是十法各各異
相謂不貪者一切善法之根本也猶
如梁柱不癡善根亦復如是慚者自
守正直愧者愧於他人信者於一切
法其心清淨調伏者身心調善離於
惡法依清涼法不放逸者勤修善法
捨者於作不作因緣之中其心捨離
不侵惱者不惱衆生是名十種善法
大地若有心念如是法者於命終時

不畏死怖不畏閻羅使者所縛何以
故攝善法故如向所說心心數法善
大地法洎大地法自相揔說是名十法
復次諸天子云何名為修十一法若
有比丘觀於自身自見其身不愛不
迷心不堅著是名初修

復次諸天子若有比丘先受所欲毀
訾不味不著不念生厭離心是則名
曰第二修也

復次諸天子若有比丘常不放逸不
著境界盡諸結使是名修於不放逸
行是則名曰第三修也

復次諸天子若有比丘憶念善法修
行善法如是善法能生樂報樂因樂
緣如是樂報我當受之斷不善法是
則名曰第四修也

復次諸天子修行樂受生受有何力
云何而生何因何緣云何因緣云何
而生如是受生莫為妨身如實觀受
不堅不實空無所有是則名曰第五
修也

復次諸天子若有比丘修行一切諸
行無常苦空無我無所有乎相因緣

而得有生非一力生如是修行如是修已心不受樂是則名曰第六修也

復次諸天子若有比丘作如是念我生善念生善因緣既生此念異念所壞我今所緣生滅不善之念壞我善念妨我善法如是常念所緣是則名曰第七修也

復次諸天子若有比丘修第八行法相平等相住自相法不顛倒一切諸法性無垢故如是比丘復自觀察我既有生畢定當死有為之法無非三相如是修行一切諸法皆悉無常是則名曰第八修也

復次諸天子云何名為第九修耶三煩惱根三種對治所謂貪欲瞋恚愚癡貪欲之人教不淨觀瞋恚之人教以慈心愚癡之人教觀因緣是名對治如是修觀心常思念是則名曰第九修也

復次諸天子云何名為第十修耶念佛功德安樂世間是故修行利益自身是則名曰第十修也

復次諸天子云何名為第十一修從

他次第聞無常法念念不住從於處胎生滅不住如始處胎童子少年乃至老時如是比丘及餘修習既修習已臨命終時不畏閻羅王使者自在所持不見醜惡怖畏之相是則名曰十一修也

復次諸天子云何名為十三條念善修利益安樂乃至涅槃何等十三念不放逸念生住滅念不散亂如是念已若見好色若見惡色若見女人觀其身內膿血不淨之所住處大小便利不淨之處如是係念令不散亂若入城邑聚落乞求行色境界不應行處若不係念則著色欲以是因緣係心不散是名第一一心係念也

復次第二條念思惟觀外境界可愛園林及蓮華池可愛河泉遊戲之處見已作如是念如是可愛遊戲之處以愚癡心而生貪著必當衰壞樹葉萎黃失其本相彫零墮落狀似枯死蔭影希疎如有為一切無常空無所有何況愛法如是作心係念作是念已心不貪著內外境界魔不能亂

是名第二一心係念

復次第三一心係念利益安樂云何
係念緣何等法若食若眠曾見美色
念不分別心不係念作如是念愚癡
凡夫諸根貪著不知厭足如是係念
是名第三一心係念

復次第四一心係念隨何等處得供
養利衣服牀褥卧具醫藥心不歡喜
不喜不樂何以故供養之利利養瘡
深割皮壞肉壞肉斷筋斷筋破骨破
骨傷髓利養因緣能壞善法亦復如
是是名第四一心係念

復次第五一心係念若遊城邑聚落
村營不住城邑若有衆人往至其所
不與多言不樂多語何以故若人遊
行城邑聚落心則散亂不能自利如
是一心係念如實觀之是名第五一
心係念

復次第六一心係念見如是過於塚
間樹下若草積邊若山澗邊若住空
舍無所愛著亦無親愛不親近他善
法增長得自利益遠避衆人是名第
六一心係念

復次第七一心係念聞說天報心不
愛樂而生厭離樂聞說於地獄苦果
其心無厭作如是念大過衰沒為閻
羅使自在將去我今不復作地獄業
亦不隨喜見有作者教令捨離如是
比立聞天不喜聞地獄苦不生怖畏
離憂離喜常念善法是名第七一心
係念

復次第八一心係念我起善念捨不
善法悉令盡壞離於餘氣生餘善法
係念善法若不善念妨於善念我已
斷不善念如是攀緣想念次第之數
一心係念調伏其心是人能於洄洑
湧波怨家之心令住境界是名第八
一心係念

復次第九一心係念念佛功德念敬
重法念敬信師隨善師行正意修行
直視一尋利益一切眾生心念度脫
如是係念得果不空乃至涅槃是名
第九一心係念

復次第十一心係念善修正行如有
四種大怖畏至謂衰老病死怖畏死愁
不慧憶念見四種法流動無常於壽

命安隱少壯具足如是四種如前所說常有怖畏如是修無常想不樂五欲不為愛怒之所使也常行正念則能碎於煩惱大山是名第十一心係念復次第十一心係念不生分別此是精進此是懈怠若生是念則自毀傷不惱他人其心清淨係念調伏不惱衆生是名第十一心係念

復次第十二心係念常聽正法聞已受持既受持已堅持不忘是人知於善法及不善法如是之人如大闇中大燈明也善不善法於佛法中皆能了知猶如明燈是名一心係念如是一心係念不為愛怒不為魔使是名第十二心係念

復次第十三心係念念身受心念如是處知於自相正心係念離放逸行既不放逸不為閻羅使者自在將去以自在故不失憶念無非時行不行非處不行惡境一切係念是名第十三心係念

復次諸天子有十四種善修其心善調伏心善清淨心離於放逸何等十

四一者知足二者精進三者寂靜四者親近善師五者離惡知識六者修習佛法七者善觀修習八者捨於憍慢九者信於因果法及非法十者念於善欲十一者不觀女色十二者不近親族十三者正住一切境界十四者畏於生死是名十四法善修其心以此因緣調伏其心臨命終時不畏惡道閻羅獄卒不開惡道門不斷正法不為閻羅使者之所繫縛隨意將去不作惡業能得一切善法者所謂善調伏心今修善業能將衆生至人天中開涅槃門後得涅槃是故諸天子汝等應善調伏其心心調伏故尚不見於閻羅使者何況將去時天帝釋為諸天衆說惡道畏見閻羅王使者怖畏我已如是一一漸增次第為汝說十四法今當為汝說十五法如我往昔從佛所聞我今當說何等十五若出家沙門毀於法式亦令他作被袈裟法所著袈裟令他愛欲樂好袈裟以自莊嚴其音聲惡猶如驢聲細步徐行端嚴威儀為愛欲故莊嚴

其身如是沙門不勤精進樂見女人
憍慢自大其心輕躁欲心放逸是故
所著衣服為遮寒熱纔得覆身不生
貪著不為愛著放逸所誑臨命終時
不生悔心是名初法

復次諸天子云何沙門知第二法知
於知足持何等戒出家修行或修智
慧既自知已於施主所施卧具醫藥
知足受畜相應受施如法受施如是
受施不妨出家沙門之法是名知於
第二法也

復次諸天子云何沙門知第三法不
以貪心念於卧具若聚落城邑非切
德處為飲食衣服故捨離阿蘭若處
入於聚落城邑妨修善法失於知足
沙門法中第一勝者所謂知足及不
放逸若人樂貪不樂知足為貪所誑
害於善法如是之人猶如癡狗還自
食吐是名沙門第三法也

復次諸天子云何沙門知第四法所
讀經典不言多讀恐於施主多設供
養飲食衣服卧具醫藥恐其難消妨
出家法非我所應自知止足是名沙

門知第四法復有第四少欲之法若有比丘少欲知足於何等法不放逸行如是沙門或為僧使或為病人至施主家乞求財物於施主家若飲一水妨於善法唐勞行使虛作勤勞而無福德何以故以貪味故至施主家令諸施主心生輕賤如是比丘非自利益不利病人非利衆僧此是第一輕慢因緣所謂至檀越家貪於食味輕躁不正語此三種法世間出世間之所輕賤是故知足不放逸行捨於此法是名沙門第四法也

復次諸天子云何知第五法少欲知足依止乞食受出家法唯受一食不舉宿食若舉宿食心則貪著不樂禪誦貪著食味恐後不得如是少貪妨沙門法何況比丘多貪供養若畜此法為於愛網堅牢繫縛是名沙門第五法也

復次諸天子云何沙門知第六法若有沙門大姓出家少欲知足我既出家已不自說言我是某甲大姓出家亦教弟子不令宣說若受法弟子若

出家弟子教令不說恐諸施主多設
供養卧具衣服飲食醫藥若我受取
妨於善法若我不受壞弟子心若生
瞋恚妨其善法於未來世得不饒益
如是之人知足受施不為愛攝心不
散乱於正法中生正念心樂於林中
修學禪觀觀身循身觀觀心循心觀
觀受循受觀觀法循法觀如是比丘
於有為獄則能超越以行少欲知足
行故是名沙門第六法也

復次諸天子云何沙門知第七法少
欲知足畏大利養捨利養已知何等
法若有比丘多有知識樂多事務樂
多弟子多利供養貪樂請食數見親
舊如是比丘修行之人不應與之共
為行伴至聚落中何故不得與其相
隨恐放逸故如是比丘樂於利養衆
人所知同處行故亦謂此人多貪無
厭以供養故敬重其人二俱妨尋若
多事比丘受他利養若此行人不受
其物令多事者其心忿恚言此比丘
諂曲不實誑於聚落諸施主等謂是
比丘內心貪濁以是因緣今他見者

內自毀傷是故少欲知足比丘不應
與彼多事比丘同止共住行來出入
以生過故是名沙門第七法也
復次諸天子云何沙門知第八法少
欲比丘怖畏生死遠於利養常念一
心云何知法若在家時種種技術既
出家已不復自說所謂醫方工巧伎
樂刀稍如是種種技術不自談說何
以故恐諸施主知我技術多致供養
妨沙門法或以如是世俗技術心樂
習行毀壞善法不得一心不得禪定
心不清淨妨沙門法自利利他亦皆
損減不能利益調伏弟子是故應捨
不說技術是名沙門第八法也
復次諸天子云何沙門知第九法少
欲比丘智慧之人遠離供養見塔寺
中若城邑內若聚落中若近聚落若
柵邑中若近柵邑見有僧寺若有衆
多破戒比丘多欲無厭多畜飲食食
不淨食飲酒放逸治生販賣不淨之
物出入財產親近俗人以為知識不樂
住寺多樂住於施主之家少欲比丘
不應與此多欲比丘共住一寺若有

欲得寂靜之心欲離魔縛不應住於如是之處何以故恐城中人若聚落人柵邑中人知諸比丘破戒行惡謂我一人持戒第一多施供養若我受此供養之物不名少欲若我不受如是利養衆人嫌恨亦令多人瞋恨施主何故以物乃施一人不施多人知此過已少欲比丘不應共於不淨比丘同處而住是名沙門第九法也復次諸天子云何沙門知第十法若有比丘得世俗通能示異相少欲比丘不應宣說何以故恐諸聞者謂我當是阿羅漢人多說供養妨沙門法或失神通壞少欲法是名沙門第十法也

復次諸天子云何沙門知第十一法若有比丘持佛舍利從城至城從村至村從邑至邑從鄉至鄉以實神力示於世間如是舍利是大福田當設供養如是比丘少聞無智稱美讚歎少欲比丘言此比丘多聞智慧能為汝等演說正法施主聞已敬重舍利及多聞比丘廣設供養若此比丘受

此供養非少欲法少欲比丘不應與此遊行比丘共行共住何以故諸施主等見此比丘不持禁戒謂少欲者亦破禁戒是故不應與破戒者行住坐卧恐閻羅使獄卒縛故恐放逸故是名沙門第十一法也

復次諸天子云何沙門知第十二法受乞食法頭陀功德無知識處遊行乞食不行放逸捨於著味是名沙門第十二法也

復次諸天子云何沙門知第十三法知足比丘受糞掃衣知足受衣畜陳故衣於物知足是名沙門第十三法也復次諸天子云何沙門少欲比丘知第十四法知足比丘能破魔衆是名沙門第十四法也

復次諸天子云何沙門知第十五法少欲比丘獨行無侶捨惡知識摧破無始煩惱堅山如是知足得第一樂臨命終時則不為於閻羅使者自在所縛不見醜惡大怖畏相心不怖畏余時釋迦天王即說偈言

少欲知足法出家應修行如是持戒人

則近涅槃道 所作不怖望 勤求涅槃道
不為魔境縛 不至魔境界 若人常修行
不生怖望心 修行勤精進 則無有衆苦
念已作怖畏 思惟於現在 亦知於未來
則脫煩惱縛 常樂不放逸 畏於不信法
修無垢淨智 則近涅槃住 諸天受快樂
猶起放逸行 何況愚癡人 為放逸所使
若人行放逸 是為已死人 若不放逸行
常住智慧人 放逸懈怠心 精勤能斷除
放逸衆苦本 捨之如棄死
如是釋迦天王為諸天衆化閻羅使
怖諸天子為之說法 今時帝釋知諸
天子於正法中心生信樂 見閻羅使
漸欲消滅 既見此事 復往詣於釋迦
天王 復有諸天恐怖隱藏於園林中
一切皆往詣帝釋 所余時帝釋知此
諸天心之所念 隨諸天衆心漸清淨
漸漸滅化

正法念處經卷第三十三

癸卯歲高麗國大咸都監奉
勅彫造

正法念處經卷第三十四

誠

觀天品之十三

三十三天之十

元魏婆羅門瞿曇般若流支譯

時諸天衆心生敬重復聽帝釋所說法要合掌頂上白帝釋言我今現見此法勢力天王說法隨我等心得信清淨閻羅使者亦隨漸滅隨聞如來所說法力即皆消滅何況修行若有修行至不滅處尔時帝釋心生歡喜作如是言我於今者所作已辦我為如是放逸諸天除斷放逸得不放逸令其歡喜我今當為此諸天衆說深妙法如我往昔於大師所聞正法要解脫城門念出入息安那波那於昔舊天次第所聞既得聞已復見世尊為我宣說是故我今為諸天說雜四聖諦法於一諦中四種分別我今當說利益如是一切天衆亦自利益亦利益他生死行衆生種種方便為之說法令諸衆生心得淳熟我已如是說十五法我今次為諸天衆等說十六法阿那般那出入息法分別四聖

諦方便自因之相云何名為次第說
也是修行者觀於自身縛心猕猴諸
天子云何縛於覺觀心之猕猴縛何
等心所謂縛識如是一心次第觀身
相觀身循身觀染不染無記觀受善
受循受觀苦受樂受不苦不樂受觀
受自相觀法循法觀善不善無記如
自相是名四念處是修行者入如是
法一心觀察一切有為自相寂滅觀
四念處是四聖諦相如是念處遍一
切處所謂次第行相常無常合和聚
散空無作者空無我者破壞衰惱如
是觀苦無常見四念處已觀四聖諦自
相如實觀察生於暖法從於暖法生
於智慧譬如鑽火先見烟相後乃見
火如鑽如燧先生熱氣後乃生火以
信樂故於一切煩惱無知法中未來
能生聖法毗尼亦復如是以十六種
觀四聖諦如是暖法云何生耶云何
觀於四聖諦耶諸天子所謂是苦聖
諦因緣有故無常敗壞故苦離人故
空不自在故無我如是四種分別觀
苦聖諦行者觀苦聖諦已觀集聖諦

四種分別云何分別所謂行相續轉
故集相似果流轉諸有故因一切性
流轉有故勢力不相似相續緣有故
行者復觀苦滅聖諦四種分別諸天
子云何行者分別修行苦滅聖諦捨
一切衰惱故滅煩惱火離故一切法
第一寂滅故清淨法出生死故行者
復觀道聖諦四種分別諸天子云何
行者分別觀察所謂得不退處故道
不顛倒故一切聖人所住法故以無
尋斷除生死衰惱出世間故是名十
六種修行之法我已說之汝等天衆
勤修精進觀現煖法展轉相教從出
入息生於煖法從於煖法生於頂法
以信係念三寶功德聚等勝過前觀
如是行者云何觀察名頂法道如山
頂上頂法增長次第得生忍法善根
以得忍故住第三處名生現前非現
法忍以現忍法故名忍法忍增長故
名世間第一法於一念時心心數法
名得世間第一法次第得成須陀洹
如是之法我自證之若人能證如是
之法不見閻羅可畏使者亦不怖畏

如是諸天子以不放逸故得如是法
是故諸天子莫得放逸今時釋迦天
王而說頌曰

若於出入息 善知十六斷 瞑法及頂相
忍法逆順觀 知世第一法 次第知真諦
知次第正法 不失於善道 解脫於三結
破壞八種有 勇猛斷惡道 故名須陁洹
有漏不善法 決定行惡道 流趣於涅槃
故名須陁洹

今時天帝釋說此偈已告諸天衆如
是十六種念阿那般那我已具說汝
當思惟此道寂滅入涅槃城無所怖
畏一切聖人之所愛念是故汝等應
當決定修行此道若汝畏於閻羅使
者應當次第憶念如是阿那般那十
六之行

復次諸天子有十七種中陰有法汝
當係念行寂滅道若天若人念此道
者終不畏於閻羅使者之所加害何
等十七中陰有耶所謂死時見於色
相若人中死生於天上則見樂相見
中陰有猶如白氎垂垂欲墮細軟白
淨見已歡喜顏色怡悅臨命終時復

見園林甚可愛樂蓮花池水亦皆可
愛河亦可愛林亦可愛次第聞諸歌
儻戲笑次聞諸香一切愛樂無量種
物和合細觸如是次第即生天上以
善業故現得天樂得此樂已含笑怡
悅顏色清淨親族兄弟悲啼號泣以
善相故不聞不見心亦不念以善業
故臨命終時於中陰有大樂成就初
生樂處天身相似天衆相似如是之
相生處相似如印所印亦如一切天
衆色相亦如欲界六天受樂亦如遊
行境界相似觸亦相似天色相似又
住中陰見諸天中生處勝故即生心
取愛境界故即受天身是則名曰初
中陰有

復次諸天子云何第二中陰有耶若
閻浮提人中命終生鬱單越則見細
軟赤氎可愛之色見之愛樂即生貪
心以手捉持舉手攬之如攬虛空親
族謂之兩手摸空復有風吹若此病
人冬寒之時暖風來吹若暑熱時涼
風來吹除其鬱熱令心喜樂以心緣
故不聞哀泣悲啼之聲若其業動其

心亦動聞其悲啼哭泣之聲葉風吹令生於異處是故親族兄弟臨命終時悲泣啼哭甚為慟尋若不妨尋生鬱單越中間次第有善相出見青蓮花池鵝鴨鴛鴦充滿池中周遍具足其人見之即走往趣如是中間生於善心命終即見青蓮花池中遊戲若於鬱單越欲入母胎從花池出行於陸地見於父母添欲和合因於不淨以顛倒見見其父身乃是雄鵝母為雌鵝若男子生自見其身作雄鵝身若女人生自見其身作雌鵝身若男子生於父生尋於母愛添生鬱單越故名第二中陰有也

復次諸天子古何第三中陰有耶若閻浮提中死生瞿陀居則有相現若臨終時見有屋宅盡作黃色猶如金色遍覆如雲見虛空中有黃氎相舉手攬之親族兄弟說言病人兩手攬空是人尔時善有特盡見身如牛見諸牛群如夢所見若男子受生見其父母添愛和合而行不淨自見人身多有宅舍見其父相猶如特牛除去

其父與母和合瞿陀居人男子生者
有如是相若女人生瞿陀居界自見
其身猶若乳牛作如是念何故特牛
與彼和合不與我對如是念已受女
人身是名瞿陀居國女人受生是名
第三中陰有也

復次諸天子云何第四中陰有耶若
閻浮提人命終生於弗婆提界則有
相現見青氎相一切皆青遍覆虛空
見其屋宅悉如虛空恐青氎墮以手
遮之親族兄弟說言遮空命終生於弗
婆提國見中陰身猶如馬形自見其
父猶如父馬母如草馬父母交會愛
染和合若男子受生作如是念我當
與此草馬和合若女人受生自見已
身如草馬形作如是念如是父馬何
故不與我共和合作是念已即受女
身是名第四中陰有也

復次諸天子云何第五中陰有耶若
鬱單越人臨命終時見上行相諸天
子若大葉大心心業自在生於天上
臨命終時以手攬空如一夢心夢中
所見種種好花見之歡喜又聞第一

上妙之香第一妙色皆悉具足第一
莊嚴青黃赤白第一香氣在其手中
是人見花生於貪心作如是念今見
此樹我當昇之作是念已臨終生於
中陰有中見蓮花樹青黃赤白有無
量種復作是念我當昇樹作是念已
即上大樹乃是昇於須彌寶山昇此
山已見天世界花果莊嚴作如是念
我當遊行如是之處我今至此花果
之林處處具足是名鬱單越人下品
受生是名第五中陰有也

復次諸天子云何第六中陰有耶若
鬱單越人以中葉故臨命終時欲生
天上則有相現臨命終時見蓮花池
甚可愛樂衆蜂莊嚴一切皆香昇此
蓮花昇已須臾乘空而飛猶如夢中
生於天上見妙蓮花可愛勝妙取為
第一作如是念我今當至勝蓮花池
攝此蓮花是名鬱單越人中品受生
是名第六中陰有也

復次諸天子云何第七中陰有耶鬱
單越人以勝葉故生三十三天善法
堂等三十三處從鬱單越臨命終時

見勝妙堂莊嚴殊妙其人亦時即昇
勝殿實非昇殿乃昇虛空至天世界
見其宮殿心念即往生此殿中以為
天子是名鬱單越人命終之後生於
天上受上品生是名第七中陰有也
復次諸天子云何名曰第八中陰有
道相續若鬱單越人臨命終時則有
相現諸天子其人見於園林行列遊
戲之處香潔可愛聞之悅樂不多苦
惱無苦惱故其心不濁以清淨心捨
其壽命受中陰身見天宮殿作如是
念我當昇此宮殿遊戲作是念已即
昇宮殿見諸天衆遊空而行或走或
住山峯之中或身相觸處處遊戲住
於中陰自見其身昇於天上猶如夢
中三十三天勝妙可愛一切五欲皆
悉具足作如是念我今當至如是之
處作是念已即生天上取因緣有如
是有分有上中下生天上已見於種
種殊勝園林怖望欲得從鬱單越死
生此天中如是一切鬱單越人生此
天已餘業意生樂於欲樂貪五欲境
歌儔遊戲受愛欲樂意遊山峯多受

欲樂愛一切欲何以故由前習故愛
習增長如是諸天子是名鬱單越人
命終生天生此天處熏習遊戲及死
時相是名第八中陰有也

復次諸天子云何第九中陰有耶若
瞿陀居人命終生天有二種業何等
為二一者餘業二者生業生於天上
其人云何中陰受生臨命終時則有
相生現報將盡或中陰有則有相生
動亂如夢諸天子瞿陀居人臨命終
時以善業故垂捨命時氣不咽濁脉
不斷壞諸根清淨于時次第見大池
水如毗琉璃入池欲渡其水調適不
冷不熱洋洋而流浮至彼岸如是如
是近受生處既至彼岸見諸天女第
一端正種種莊嚴戲笑歌儻其人見
已欲心親近前抱女人即時生天受
天快樂如夢中陰即時滅壞無量乱
心生已即覺見衆妙色受勝妙身是
名第九中陰有也瞿陀居人生有三
品上中下業同一光明等一中陰等
同一見同一生行一切相似不如鬱
單越人三種受生差別相也

復次諸天子云何名曰第十中陰有也若弗婆提人臨命終時見於死相見自業相或見他業或見殿堂殊勝幢幡欄楯莊嚴於中陰有心生歡喜周遍遊戲欲近受生於殿堂外見業相似見衆婬女與諸丈夫歌頌娛樂第一莊嚴歌舞戲笑於中陰有作如是念我當出殿見諸婬女及諸丈夫共其遊戲歌舞戲笑何以故以諸婬女與諸丈夫第一遊戲歌舞戲笑念已即出入遊戲衆中時其人自知我入猶如睡覺即生天上是名第十中陰有也是名四天下中陰有也如是光明中陰有生我微細知餘不能了諸餘外道莫能知者雖世間法無人能見

復次諸天子云何名曰第十一中陰有耶諸餓鬼等以不善業生餓鬼中惡業既盡受餘善業本於餘道所作善業可愛之業猶如父母欲生天中則有相現云何盡有而心相現諸天子若餓鬼中死欲生天上於餓鬼中飢渴燒身煨炙破壞常貪飲食常念

漿水但念飲食餘無所知命欲終時
不復起念本念皆滅其身無熱柔軟
清涼身有長毛遍身惡蟲皆悉墮落
面色清淨涼風觸身臨至命終悉無
飢渴諸根淨潔鵲驚鳥鷄諸惡禽獸
常啄其眼至臨終時皆悉不近見飲
食河盈溢充滿入中陰有以前習故
雖見飲食不飲不食唯以目視如人
夢中見食不飲不食或如夢食雖食
不飽如是雖見而未飽滿唯生歡喜
見天可愛如覺見色心即生念走往
趣之怖望欲往至於彼處念已即趣
生於天上是名十一中陰有也

復次諸天子云何名曰第十二中陰
有耶希有之業以愚癡故受畜生身
無量種類多癡因緣業成熟故餘業
受於無量百千億生死之身業成就
故墮於地獄餓鬼畜生於無量劫所
作之業輪轉世間不可窮盡不可思
量無始邪曲不作利益惱害衆生輪
轉無窮於畜生中無量種類無量種
食無量諸道無量種身無量種地有
無量種諸心種子造無量業或教他

不信作諸惡業受報既盡猶如沛於大海之水令海枯竭業海生涸畜生業盡以餘善業畜生中死生二天處或生四天王天或生三十三天於畜生惡道苦報欲盡將得脫身則有相現其相所緣有無量種不可具說畜生中死生於天上甚為希有非謂餓鬼地獄中也何以故以癡心故多作惡業墮畜生中於一世中所作惡業百千億生受之不盡或於一劫至百千劫生死流轉從生至生業鎖所繫流轉世間受畜生身是故寧墮地獄餓鬼不受愚癡畜生之身以是因緣畜生之中命終生天甚為難有非地獄也如是畜生苦處臨終見光明現以餘善業癡心薄少本智少增智心漸利臨命終時見光明相若見山谷見諸樹林種種流水種種河池及見飲食若憶念見世間智故見有樂處或在山中或在林間或憶飲食或見樂處即走往趣如夢所見走往趣之如是如是近受生處即受天身如從夢覺見衆色相於百千億受生之處

忘皆未曾見如是色見已歡喜發希
有心此何等物云何有此何因有此
以不習故諸識鈍故是故生於希有
之心我當至此盡攝此物餘善業故
起如是心以此因緣生如是意生此
念時即生天上是名十二中陰有也
第一難有第一希有第一難知戲弄
之中業取第一種種業處心大幻師
遊戲諸道生死之處戲弄衆生今時
諸天聞天帝釋說此語已心生深信
而說頌曰

天王如父母 利益天世間 天王利我等
此世及未來 為我等說法 斷於放逸心
我等必當得 盡苦涅暎道 以現業果報
為我等宣說 以生死之法 示世令解知
天王見實諦 饒益於我等 以我愚癡故
示之以智慧 貪心愛姝女 常求於欲樂
天王示我等 生死之因緣 王如盲者導
病者大良藥 演說正法道 利益諸天衆
天王既如是 說法以利益 令閻羅獄卒
悉滅不復現

今時諸天衆說此偈已今時天帝釋
復告諸天子云何名曰第十三中陰

有道地獄衆生希有難得生於天上
餘業因緣善因緣故如葉成熟第一
清涼第一利益先墮地獄善為出緣
從於無量苦惱之中既得脫已生受
無量快樂之地地獄衆生者所謂活
地獄黑繩地獄衆合地獄叫喚地獄
大叫喚地獄焦熱大地獄等及衆苦
處受大苦處第一可怖毛豎之處熾
火熾然周匝圍遶是地獄人以業盡
故將欲得脫從此地獄臨命終時則
有相現云何中陰有生於天上業因
緣故捨於大苦受第一樂諸天子地
獄之人惡業盡故命終時若諸獄
卒擲置鑊中猶如水沫滅已不生若
以棒打隨打即死不復更生若置鐵
函置已即死不復更生若置灰河入
已消融不復更生若鐵棒打隨打即
死滅已不生若鐵喙鳥鐵鳥食敗食
已不生若師子虎狼種種惡獸取之
食敗食已不生是地獄人惡業既盡
命終之後不復見於閻羅獄卒何以
故以彼非是衆生數故如油炷盡則
無有燈葉盡亦尔不復見於閻羅獄

率如閻浮提日光既現則無闇冥惡業盡時閻羅獄卒亦復如是惡口惡眼如衆生相可畏之色皆悉磨滅如破盡壁盡亦隨滅惡業盡壁亦復如是而不復見於閻羅獄卒可畏之色以如來說閻羅獄卒非衆生數故是名地獄衆生得脫地獄生於天上今時天帝釋以偈頌曰

如人值怨家得脫無衆難如得多知識一切方便利既得脫惡業大力獄卒處今已得善業生於天世間其人生天上無量諸莊嚴常受於天樂乃至善業盡其人不自在業盡還退沒如燈油炷盡光明亦隨滅業風之所吹從上而退下風力之所轉流轉於世間若人有智慧不為業所縛諸業不能縛不流轉生死如以藕根絲欲繫須弥山其人渡曠野無憂及衰惱智者不流轉猶如須弥山今時天帝釋為諸天衆說是偈已復說地獄中陰有相本所不見忽於虛空中見有第一歌儻戲笑香風觸身受第一樂衆妙音聲謂樂器音種種音聲聞如是等風吹樂音聞可愛香

見妙色相園林花池聞衆妙音自見
身相忽生妙色威德第一見身香潔
花鬘莊嚴一切無身見諸虛空清淨
無垢星宿滿空聞河流聲鵝鴨鴛鴦
出種種音皆悉聞知如是中陰聞當
生處有諸音樂琴瑟箏篴種種樂音
先於無量百千億歲未曾得生如是
歡喜遍生善相如自見身在於兄弟
親族知識念念之中生大歡喜欲近
生有或生三十三天或生四天王天
至此天已見衆園林及聞香氣七寶
蓮花天子端正作如是念我今當至
如是之處念已即生如是有分取因
緣有如是衆生惡業既盡從地獄出
於不可說大苦惱處命終生於大樂
之處是名十三中陰有也

復次諸天子云何名曰第十四中陰
有道相續云何知耶若人中死還生
人中有何等相云何怖望其人死時
若生人中則有相現云何怖望若生
人中於臨終時見如是相見大石山
猶如影相在其身上尔時其人作如
是念此山或當墮我身上是故動手

欲渡此山兄弟親里見之謂為觸於
虛空既見此已又見此山猶如白氎
即昇此氎乃見赤氎次第臨終復見
光明以少習故臨終迷亂見一切色
如夢所見以心迷故見其父母愛欲
和合見之生念而起顛倒若男子生
自見其身與母交會謂父妨尋若女
人生自見其身與父交會謂母妨尋
當於今時中陰則壞生陰識起次第
緣生如印所印印壞文成是名人中
命終還生人中是名十四中陰有也
復次諸天子云何名第十五中陰有
道相續天中命終還生天上則無苦
惱如餘天子命終之時愛別離苦墮
於地獄餓鬼畜生如此天子不失已
身莊嚴之具亦無餘天坐其本處不
見種種苦惱之相所坐之處無餘天
生此天命終生於勝天若四天處命
終之後生二十三天可愛勝相聞衆
歌音先所未聞見五欲境皆悉勝妙
次第命終見中陰有第一天女種種
音聲手執蓮花色相殊勝河池流水
園林勝妙音所未覩如夢所見是中

陰有見如是事若近生有如從眠覺見於正色見五欲功德境界具足本所未見嗚呼歎言如是希有昔所未見我當往至如是之處念已即往生於天中是名第十五中陰有相續道也復次諸天子云何名曰第十六中陰有道相續云何有耶若從上天退生下天見衆蓮花園林流池皆亦不如既見此已飢渴苦惱渴仰欲得即往彼生如是雖同生天二種陰有二種相生是名第十六中陰有相續道也復次諸天子云何名曰第十七中陰有道相續若弗婆提人生瞿陀尼有何等相瞿陀尼人生弗婆提復有何相諸天子如是二天下人彼此示生皆以一相臨命終時見黑闇窟於此窟中有赤電光下垂如幡或赤或白其人見之以手攬捉是人命時現陰即滅以手接幡次第緣幡入此窟中受中陰身近於生陰見受主法亦如前說或見二牛或見二馬愛染交會即生欲心既生欲心即受生陰如是諸天子是名第十七中陰有也

汝等當知既知此法勿得放逸何以故放逸之人不得脫於生老病死於世間法不得利益如是放逸永無安樂若欲脫苦當自勉力捨於放逸若天若人有智慧者應捨放逸天子當知是名十七種中陰有道相續不斷汝等應當捨諸放逸諸天子如是十七中陰有道相續汝等應當思惟觀察既觀察已則如實知如實知已勤修精進

復次諸天子於二十法中從一漸增已為汝等次第宣說十七中陰有道相續今為汝等說十八界何等十八衆生無量信解不同無量種種性怖畏三過三聚衆生三種自在微細信解種種所作種種性種種業種種道種種苦樂種種色種種增上一切衆生心界之性心界廣多身體各異如是無量衆生心界總略麤數有十八惡心過所使以廣心界故有地獄餓鬼畜生天人輪轉總說諸法十八所攝增上一切鬼女及畜生女能變化者

得心增上瞋恚增上以瞋心故欲心薄少是則名曰畜生非人初界性也於畜生中復有多欲欲心增上謂孔雀鳥俱翅羅鳥鳩鵲雞雀鵝鴨鴛鴦衆蜂魚等迦陵頻伽鳥其性多欲是名上欲

復次諸天子云何第二心性界也於畜生中何等畜生名為中欲所謂猪狗猪牛水牛駱駝烏馬騾驢烏鷄鵲鷲鸚鵡鳥等是名中欲是名第二心性界也

復次諸天子云何第三心性界耶於畜生中何等畜生名下欲心所謂師子虎兕狼狗熊羆豺豹狐狸摩伽羅魚俱賒耶魚吉利斯摩羅魚摩伽羅魚毛頭摩羅魚如是等類時節行欲非時不行是名下欲是名第三心性界也諸天子於畜生中有無量種無量生處無量名字不可具說不可數知復次諸天子云何第四心性界耶於畜生中何等畜生瞋心偏多非欲心多此第四界所謂師子虎狼狗蛇黃狢兕豹熊羆角鷄烏鵲失収摩羅及

野豬等如是衆生瞋心偏多是名第四心性界也

復次諸天子云何第五心性界耶於畜生中何等畜生名為中瞋所謂牛馬水牛迦陵頻伽鳥娑林陀鳥迦盧陀鳥孔雀鷄鵒及猫鼠等中瞋恚性是名第五心性界也

復次諸天子云何第六心性界耶謂下瞋性所謂下瞋者鵝鴨鴛鴦食魚白鳥俱翅羅鳥雀娑羅鳥驢鹿龜鱉兔蠃山鳥鴈鳥蝦蟇如是等比名為下瞋是名第六心性界也

復次諸天子云何第七心性界耶於是神中若有神通行於欲心阿修羅神畜生之數欲性增多名為上欲是名第七心性界也

復次諸天子云何第八心性界耶若食香餓鬼名曰中欲是名第八心性界也

復次諸天子云何第九心性界耶若怖望鬼食棄食鬼是名下欲是名第九心性界也

復次諸天子云何第十心性界耶迦

獲足天等名曰下欲瞋心則多好愛
鬪諍常欲與諸阿修羅鬪以其瞋故
欲心則薄是名第十心性界也

復次諸天子云何第十一心性界耶
謂鬪持天中欲中瞋中性是名第十
一心性界也

復次諸天子云何第十二心性界耶
所謂常恣意天欲性則多瞋恚性少
不善鬪諍行使諸天多瞋少欲是名
十二心性界也

復次諸天子云何第十三心性界耶
所謂一切三十三天欲性則多瞋恚
薄少是名第十三心性界也

復次諸天子云何第十四心性界耶謂
鬱單越人瞋恚心薄欲性界多是名
第十四心性界也

復次諸天子云何第十五心性界耶謂
瞿陀星人一切瞋恚心多欲心亦多
二性同等是名第十五心性界也

復次諸天子云何第十六心性界
耶弗婆提人欲心瞋心二俱雜有是
名第十六心性界也

復次諸天子云何第十七心性界耶謂

閻浮提人種種性種種行種種信解
是名十七心性界也

復次諸天子云何第十八心性界耶一
切餘天及地獄人雖受苦惱見業幻
女人猶生欲心以業作故如是地獄
欲心亦多四天王天衆生心性如是
界如是依止如是信解是名總說一
切十八界性如是一切有欲有瞋則
有癡心以癡因緣而有貪瞋若離癡
心則無貪瞋以癡心故或貪或瞋如
是諸天子是名分別三種之過以依
過故無量分別

復次諸天子復有十八界所謂眼界
色界眼識界耳界聲界耳識界鼻
界香界鼻識界舌界味界舌識界身
界觸界身識界意界法界意識界如
是諸天子是名十八界若天若人思
惟如是十八界者能於境界護放逸
行此是一切愚癡凡夫癡因緣也

復次諸天子放逸之人有十九處二
種所攝所謂四禪處除淨居天有十
六處欲界三處地獄畜生餓鬼人受
苦多者地獄所攝是為十九

復次諸天子如前所說四禪上六處人及地獄餓鬼畜生是為二十如是生死不調伏故各各差別或說十種掉悔尔時諸天衆聞天帝釋說是法已即以偈頌讚帝釋曰

天王說此法 寂靜取第一 我今受此法 怖畏故修行 若人能說法 利益於他人 其人如父母 示以涅槃城 若為他人說 一句之善法 則為善導師 為衆生所尊 天竺之所說 善法價無量 此法得寂靜 非為餘寶物 寶物歸無常 善法增智慧 世間物破壞 善法常堅固 若有順法行 隨人百千世 雖種種寶物 不能至後世 種種財寶物 則可強劫奪 王賊及水火 不能劫法財

尔時諸天子讚歎供養天帝釋已於帝釋前恭敬而住尔時帝釋調伏諸天為諸天子示一切天樂皆悉無常變壞無我除滅所化時諸天衆皆生厭心還歸本宮受天之樂乃至愛集樂業既盡命終還退不墮惡道生於人中第一順法以自修行樂遊林野畏未來世得聞法已出家學道或得

正法念處經第三十卷第二十七張 城
須陀洹或得斯陀舍或得阿那舍或
得阿羅漢以前間法因緣力故

正法念處經卷第三十四

癸卯歲高麗國大藏都監奉
勅開造

正法念處經卷第三十五

誠

觀天品之十四 三十三天之十一

元魏婆羅門瞿曇般若流支譯

復次比丘知業果報觀三十三天所住之地彼以聞慧見三十三天二十九地名曷陀羅衆生何業生此天中彼以聞慧見有善人順法修行以正直心不惱衆生實見業果清淨持戒常樂持戒離於諂曲如煉真金清淨無垢正見修行受持善戒畏未來世布施修福所謂見有修禪比丘欲斷魔縛盛夏熱時流汗熱渴施石蜜漿或施拂扇如是善人不煞衆生或見獵師羅捕孔雀山鷄種種衆鳥獵師捕得或養或煞或以衆鳥作遊戲具是人見之恐其煞害贖此生命放之本處令得安樂是名不煞利益衆生云何不盜云何捨盜見於微細業之果報而生怖畏是持戒人若河池岸邊或於異處見有楊枝或有蜜漿為施行人是人渴乏不取不飲以慈心故是名不盜如是之人命終生於三

十三天既生天已一切諸欲皆忘具足五樂音聲遊戲園林種種衆鳥出妙音聲於蓮花中衆蜂音聲鴻鳥之音林中衆樹七寶莊嚴諸蓮花池香水充滿如毗琉璃在中遊戲其山峯中七寶焰光七寶石窟金銀頗梨因陀青寶如是種種衆鳥出妙音聲如是衆鳥七寶為翅而以莊嚴種種音聲聞之悅樂一切天衆手相隨順無量美音遍園林中於其林中可愛飲食從河而流若天見之生大歡喜歎未曾有如是林中種種衆色種種莊嚴莊嚴其身與諸玉女百千同衆遊戲受樂受於天中種種快樂其身光明威德第一如是天子受業果報與諸天女圍遶受樂心生歡喜既受樂已如是思惟我當往詣毗琉璃寶莊嚴欄楯園遶林中衆寶莊嚴種種衆鳥出妙音聲充滿林中一切天衆心皆歡喜五樂音聲遊戲受樂與諸天衆及諸天女遊戲林中有池名曰清水清淨可愛諸天衆等於蓮花池遊戲受樂尔時初生天子與天女

衆欲至此林。余時諸天遇見天子歌
舞戲笑徐步而行。往迎天子。詣清水
池。於此池邊歡娛受樂。以池力故。隨
諸天子心之所念。一切皆現。若念色
香衆。蜂具足。若念天。飲天。飲即生。若
念湏陀色香味具。亦復如是。柔軟淨
潔。色如滿月。若念林樹。即生第一功
德具足種種樹林。鈴網彌覆。微風吹
動。出妙音聲。如乳闍婆音。復次。天衆
作如是念。我當入池。作是念已。即入
池中。沒身深入。見於池中種種寶珠
以為欄楯。莊嚴寶殿。或真金白銀毗
琉璃寶青寶頗梨雜寶。為牀敷以天
衣。天子天女遊戲受樂。於其池中無
量種種不知厭足。於五欲樂無有妬
嫉。互相愛敬。遊戲歌儻娛樂受樂。既
出池水。復往詣於左單多林。於其林
中多有衆鳥。蓮花林池具足。莊嚴無
量衆鳥。出妙音聲。遍滿林中。其樹常
有種種光明。其林具足種種功德。衆
蓮花池。以為莊嚴。諸天衆等。其身光
明種種功德具足。境界受天快樂。愚
癡凡夫。第一樂者。所謂天子天女娛

樂受樂愚癡凡夫為婬女羅網之所
纏縛流轉生死互相娛樂久受樂已
復往詣於摩多山峯宮殿之處昇須
弥峯與諸天女共昇山峯微風吹衣
幡然隨風皆共上昇摩多山峯余時
天子見此宮殿殊持妙好蓮花莊嚴
七寶光明嚴好山峯如山功德具足
相應摩多山峯其處高峻奇特嚴好
不可譬喻於此峯中遊戲歌舞娛樂
受樂既受樂已見大光明過其本相
其山峯中先具光明猶如日光時有
異光來照山峯其光照已過百千倍
天子見之恠未曾有即閉兩目低頭
而住何以故先未曾見此光明故其
光照之不久還滅如閻浮提見天火
下衆生見之皆大怖畏時諸天子見
此光明亦復如是怖畏未久心還安
隱怖畏滅已一切皆共籌量此事何
故有此希有之相令我等天皆生怖
畏未久還滅時諸天衆恠未曾有詣
善法堂與諸天女至帝釋所見天帝
釋頂礼供養皆悉圍遶恭敬而住尔
時釋迦天王近住天衆歌舞遊戲種

種蓮華以為莊嚴歡喜戲笑一切天
衆於帝釋前歌舞遊戲曼陀羅地諸
天衆等不歌不舞亦不遊戲亦不歌
頌讚歎帝釋不與餘天言談語論尔
時帝釋告曼陀羅所住天衆諸天子
汝等何故不歌不舞不遊戲耶尔時
曼陀羅所住天衆白天王言我於住
處見未曾有本所未聞奇特之事尔
時天王告曼陀羅所住諸天汝見何
等希有之事自言昔來未見未聞時
曼陀羅諸天白帝釋言天王我等遊
戲摩多山峯昇彼山上見大光明從
上而下一切山峯皆大焰起我見此
事恠未曾有未知當有何等因緣帝
釋聞之少思惟已告諸天衆有如斯
事我已先聞如是之事我於尔時聞
此事已即問世尊以何因緣有此奇
特希有之事尔時世尊而告我言憍
尸迦汝已閉於惡道之門勿生怖畏
一切有為生死所攝所謂無常汝今
諦聽當為汝說此是夜摩天上諸天
命終夜摩諸天色量形貌及以受樂
勝三十三天過百千倍以業盡故命

終還退去此無量百千由旬從上而
墮其光薄少如燈欲滅光明微少如
是夜摩天子於虛空中退時墮落光
明微少猶尚如是況夜摩天大光明
相不可具說夜摩天光三十三天所
不能視何以故非境界故憍尸迦三
十三天不能視於夜摩天光夜摩天
衆三種業故三十三天但說二業我
從世尊聞如是說汝今所見亦復如
是今為汝說時諸天衆聞是語已於
五欲中生厭離心此是夜摩諸天命
終之時退歿相也其光去此無量百
千由旬從空而下汝勿怖也今時釋
迦天王為諸天衆而說頌曰

隨如是大樂 富樂亦如是 決定當墮落
受如是大苦 業得相似果 世尊如是說
以其業勝故 其果亦如是 上上相續法
如業之所得 上上相續縛 其果亦如是
此威德上故 知業決定勝 以業上勝故
得勝命色力 一切諸天衆 業盡故還退
譬如焦敗種 種之不復生 觀心性相續
念念如燈焰 心因念念滅 諸業亦如是
無常業因故 終必有破壞 謂樂有常者

是則不可得樂若非無常 不生亦不滅
若有智慧者 應離愛境界 欲離愛欲人
則得離愛樂 一切有漏法 無常苦不實
若得無漏法 乃名不動樂

如是天帝釋為毘陀羅諸天如實說
已復更安慰毘陀羅天令歸自地告
諸天衆汝等諸天於一切時莫得放
逸今時諸天礼天帝釋還其所止到
本地已受五欲樂五樂言聲種種莊
嚴園林之中受天之樂乃至愛善業
盡命終還退隨業流轉墮於地獄餓
鬼畜生若生人中生安樂處或作大
人為一切人之所愛念無有病惱生
大種姓大長者家常受安樂乃至老
死以餘業故

復次比丘知業果報觀三十三天所
住之地彼以聞慧見三十三天第三
十處名曰上行衆生何業生於此天
彼以聞慧見有衆生順法修行信業
果報行於正見布施修福持一分戒
初持多分後一切持於道行僧布施
靴鞋及施澡瓶不煞不盜或有邊地
夷人捉人欲煞是持戒人救贖令脫

若是王者或見曠野征伐得財恐犯
偷盜不受其分是名不盜云何不煞
生是持戒人或是王者見有惡人欲
求害已以持戒故不斷其命如是之
人畏業果報命終生於三十三天名
上行地生此天已以善業故三千天
女以為給侍諸天女衆種種瓔珞莊
嚴其身手執種種伎樂琴瑟及種種
香種種歌頌讚歎天子向天子所欲
心親近天子見之亦向天女各各生
於歡喜之心皆共往詣常歡喜園其
林一切出琉璃寶金銀之樹以為莊
嚴種種流泉蓮花林池莊嚴其園有
無量河而為莊嚴種種鈴網彌覆其
上無量衆鳥周遍莊嚴出於無量種
種美妙和雅之音其林如是種種莊
嚴天子天女於園林中互相耽發轉
增妙好林中有山名曰遊戲七寶所
成有無量種種衆色寶座端正莊嚴赤
蓮花寶以為其習真金為背白銀為
腹真金為頂珊瑚為足頗梨為角或
有一色所謂金色或有二色金色銀
色一切衆色以為莊嚴一切諸座於

林樹間隨天衆行出衆妙音如天女
歌如是衆應歌衆妙聲此諸天衆既
受如是無量樂已復往詣於須弥山
峯於山峯中有一大河名曰山谷乘
種種殿種種伎樂五樂音聲勝欲具
足第一歡喜威德具足往詣須弥山
峯山谷河所於此種種河岸之間遊
戲受樂流水岸中蓮花林中國林之
中歌音悅耳受於欲樂皆生歡喜手
相愛敬多有天子及天女衆花香塗
身花鬘貫頂以善業故受天快樂以
業力故隨順遊戲如天所應受天之
樂不可譬喻今說少分一切世人不
能具說何以故不可譬喻如是天樂
無相似故人中持戒善業因故受如
是樂於此天中受五欲樂乃至可愛
善業破壞朽盡命終還退隨業流轉
墮於地獄餓鬼畜生若生人中第一安
樂近於山澤多有河林國土之中或
為大王或為大目第一威德以餘業故
復次比丘知業果報觀三十三天所
住之地彼以聞慧見三十三天第三
十一地名威德頽衆生何業生於彼

天彼以聞慧見有衆生第一淨心布施修福持七種戒不近惡友持戒不濁護持福德常勤精進一心直心如煉真金護幾種戒所謂不煞及不偷盜云何不煞若國土荒亂手相煞害是持戒人畏破戒故寧自捨命不害他人不教他煞是名不煞生云何不盜若國土荒壞亂一切衆人競取他物是持戒人畏破戒故飢渴垂死寧自捨命不取他物

云何布施施何福田若供養佛若說法處而施與之第一修心其意正見是人命終生於天上威德顯地生此天已威德光輪周遍園遶第一勝色受相似因果以善業故五樂音聲以悅其耳常聞鼻隨羅香俱賒耶舍香青蓮花香七寶花香以悅其鼻舌得種種上妙須陀天上味飲目見種種七寶山谷上妙之色身得種種勝妙天衣無有經緯優鉢羅華香以塗其身如是天子以善業故善果成就千天女衆以為園遶園林莊嚴其林勝妙如融金色金銀枝中懸以寶鈴微

風吹動出妙音聲以為娛樂又聞種種歌頌讚歎之音受第一樂天詣天衣以為莊嚴遊戲山谷見於無量種種衆色毗琉璃寶金銀青寶大青寶王於頗梨山峯自見其身猶如明鏡時初生天子天女圍遶入寶山峯見百千身百倍歡喜諸天女衆亦復歡喜嗚呼歎言我身如是端正莊嚴我今常樂五樂音聲受天五欲功德之樂諸天女衆心生歡喜從一山峯至一山峯從一山谷至一山谷皆於其中遊戲受樂受毒所醉如狂病人心行不正如是天衆放逸所壞亦復如是共諸天女遊於山頂種種飲食須臾之味種種鳥音於園林中受無量樂互相愛樂一心共遊一心係念如是遊戲以天衣璫瓔珞莊嚴皆共往詣如意園林或往詣於酒水河池於此河中亦優鉢羅花遍覆其上鵝鴨鴛鴦以為莊嚴時諸天衆於河岸上食於花汁或飲上味天之美飲與諸天鳥遊戲受樂見之悅目

爾時諸天受毒所醉復飲天酒百倍

增長愛火燒五欲薪愛欲所渴不知
歌足一切皆為欲網所縛譬如有人
犯官禁法為王所縛一切天衆見於
無量百千愛欲見之往趣遊戲其中
於飲河岸既遊戲已河中蓮花鉢頭
摩花優鉢羅花拘物陀花衆鳥在中
歡喜受樂池中有鳥名曰赤水十寶
為身及以兩翅其身光明見諸天衆
樂放逸行即為天子而說頌曰

天衆常放逸 天鳥亦復然 天衆及飛鳥
彼此無勝劣 樂行於非法 不求解脫樂
天衆若如是 與鳥無差別 若離於放逸
順法而修行 則為世間勝 以不放逸故
若天樂遊戲 禽鳥亦如是 天衆則與鳥
平等無差別 以其業勝故 受生法亦勝
若入於惡法 不得生善處 若不覺生死
一切皆無常 天衆若如是 愚癡如畜生
生苦及老苦 死苦亦如是 思愛及別離
次第受衆苦 若人有智慧 視於無垢法
彼於世間勝 非汝放逸行 若人覺苦惱
而生淨智慧 是人名為天 非汝著欲者
親友及兄弟 數數愛別離 若不厭生死
與鳥等無異 飲酒過雖重 酒醉尚可醒

放逸不可悟 是故應遠離 放逸破壞人
輪轉於五道 是故離放逸 第一勝方便
酒醉但一日 令人不醒悟 放逸惛醉人
流轉百千劫 若離於放逸 則得不滅處
若人樂放逸 常受於生死 若人求利益
當捨於放逸 放逸生煩惱 大聖之所說
鳥行於放逸 畜生輕心故 天何故放逸
而不能捨離

如是天鳥以善業故教化利益一切
諸天如是天鳥猶如父母利益教示
此諸天衆放逸心故不覺天鳥說利
益法

尔時諸天復往詣於摩多羅林種種
音聲手相愛敬至摩多羅林遊戲受
樂其林皆是七寶之樹枝葉相接無
量衆蜂遊戲在於林樹之上天寶花
中天衆見之皆生歡喜共天女衆遊
戲歌舞天女歌音遍園林中於園林中
出於響音皆如歌聲鳥音蜂音其音
齊等遍須弥山其須弥山本性可愛
既有此音二倍轉勝時諸天衆若見
若聞皆受快樂大欲成就共諸天女
遊戲受樂種種莊嚴妙色具足遊戲

歌僊受天之樂乃至愛善業盡命終
還退隨業流轉墮於地獄餓鬼畜生
有餘善業者生人中受第一樂心常
歡喜顏貌端正為一切人之所愛敬
或為王者或為大目以餘業故

復次比丘知業果報觀三十天所
住之地彼以聞慧見有天處第三十
二地名威德焰輪衆生何業而生彼
處彼以聞慧見此衆生善心修福不
諂不幻觀於正法以正見心利益一
切衆生信佛法僧其心柔軟修行福
業者若於僧寺或見佛塔有破壞者為
之修治或時塔寺為火所燒竭力救
護不惜身命或見大火焚燒佛法衆
僧珍寶財物喪身救之或見有人為
火所燒入火救之以悲心故能作如
是難為福德云何不煞及不偷盜若
見道邊遺落之物若金若銀及餘財
寶取已唱令此是誰物若有人言此
是我物當問其相實者當還若無人
認七日持行日日唱之若無主認以此
寶物付王大臣州郡令長若王大臣
州郡令長見福德人不取此物後當

持與佛法衆僧是名不偷盜云何不
煞若行道路見諸虫蟻蚓蛾蝦蟇及
餘小虫捨避諸虫行於遠道以慈悲
心護衆生故信業果報知生死過觀
生滅法是名不煞生是持戒人身壞
命終生於善道三十三天威德焰輪
所住之地生彼天已第一善業其威
德輪周匝莊嚴而受快樂不可具說
今說少分其身周遍威德熾光如日
之照而不曜目以善業故百千天女
圍遶其人而受快樂金毗琉璃青因
陀寶以為宮殿遊戲歌儻復有園林
花常開敷多有衆鳥出妙音聲見色
聞聲皆可受樂

復有一林名曰開合處處諸林開口
閉目常見光明於此林中共諸天女
遊戲受樂生希有心復往詣於祇多
之林與無量百千天女歌儻音聲遊
戲山峯以歌音故出衆響聲猶如歌
音若有異天於諸林中遊戲受樂聞
此歌音即出其林自相謂言是何等
聲猶如第二釋迦天王出已即見初
生天子天衆見之生歡喜心出迎天

子發希有心既見天子皆生歡喜命
天子言善來天子汝來我所汝於天
衆取為殊勝於此天中猶如第二釋
迦天王

尔時餘天皆志速往至天子所到已
圍遶時諸天子歌儻戲笑心生歡喜
圍遶天子皆共往詣歡喜園林遊戲
受樂諸天女等圍遶天子歌儻遊戲
尔時天子須臾迴顧見諸天衆皆隨
其後心生歡喜問天衆言欲至何所
時諸天衆語初生天子今當往詣歡
喜園林可愛之處五欲功德受於勝樂
尔時天子未曾見此奇特園林徐行
往詣歡喜園林其林是曜光明普照
猶如日輪初生天子見此園林復生
歡喜入此林中見此林樹有無量種
甚可愛樂一林之中具四威德無量
百千衆鳥音聲或有出於微妙音聲
或有命言善來天子或有圍遶歡喜
踊躍如是天鳥莊嚴園林復有異處
於山谷中河水之聲出衆妙音真金
為岸於其水中多有種種鵝鴨衆鳥
出妙音聲既見此河與無量天女在

於河岸遊戲受樂五樂音聲歡娛受樂既受樂已復往詣於如意樹林見如是樹光明如月或見如日新生天子於此樹下受五欲樂不可具說既受如是無量樂已向蓮華池至蓮花池天衆圍遶如奉帝釋皆生歡喜於蓮花池既受樂已復往詣於高聚山頂歌儻遊戲天子天女手相娛樂受五欲樂至高聚頂見山頂上有蓮花池無量衆鳥共諸天衆受第一樂以善業故第一威德共諸天衆於園林中如意林中上味林中多有衆鳥莊嚴其林於此林中遊戲受樂是時天子於高聚峯與諸天衆久受樂已復觀自地新生天子生希有心百千天衆皆共圍遶復與天衆詣善法堂見天帝釋

尔時新生天子至善法堂見善法堂種種衆寶以為莊嚴衆寶欄楯如前所說尔時釋迦提婆見此天子心生歡喜而說頌曰

以善業果報 今生於此地 於此天世間 命終當墮落 業盡還墮落 隨業之所生

今若修善業後不生悔心放逸者欲樂
消盡於善業以時自在故業盡墮惡道
見餘天退沒云何不生厭我亦當墮落
決定無有疑若有畏未來隨順於法行
其人命終時則無惡道畏放逸無怖畏
其心行不善後得大憂惱臨終生悔熱
一切諸天衆必當有退沒既知欲無常
莫行於放逸五欲誑衆生為欲之所迷
欲網所纏縛常墮於地獄知此衰惱已
當作自利益以心調伏故命終心不悔
為欲虺所螫欲如海潮波癡人趣死路
為欲火所燒親愛及兄弟親友皆別離
死時衆苦集不可得具說死時既至已
猶如墜山巖大力不可避將人入惡道
大力執持人能壞於世間天衆既知己
當捨於放逸諸根生貪著而不知厭足
愛心常增長如酥油投火如是種種門
因愛有世間輪轉於地獄餓鬼及畜生
生死所擾動苦惱自迷心既知能離愛
則到第一道勇健者斷愛離憂無苦惱
則得安隱眠以能離愛故若人心常樂
修行於智慧不為於生死愛網之所縛
若人心無相歇離於愛欲離垢及曠野

到安樂彼岸 若人不歇苦 得樂亦不欣
是人脫苦樂 能到涅槃城 若有人修行
常起慈悲心 是人知因果 則能脫苦網
若人不分別 離意分別過 是人離眾過
能得無上道 和合則有離 盛色必有衰
有命皆歸死 一切法如是 諸天將退沒
念念欲現前 當知如是法 莫行於放逸
愚人無方便 常求於欲樂 如沙中求油
則是不可得 若人樂放逸 則不得安樂
放逸受大苦 如樹根堅牢 我為汝實說
法非法之義 汝當善思惟 勿於後生悔
若有愚癡人 不受善師教 臨終衰惱至
心必生悔熱 億千劫由他 無數億地載
阿僧祇諸天 皆為放逸誑 無常大劫火
尚燒此山王 何況諸天身 如水沫芭蕉
諸行皆遷動 生法悉無常 如是諸法中
求樂不可得

如是天帝釋為新生天子方便說利
益法時新生天子以放逸故不受一
言余時帝釋知其不受默然而住時
初生天子合掌頂上禮帝釋已與諸
天眾歌儻遊戲百眾千眾還歸自地
園林花池處處遊戲遍觀住處流泉

華池莊嚴之處種種衆鳥其聲可愛
種種山谷寶光焰輪與諸天衆受無
量樂放逸覆心愛著慾心慾火所燒
從於五根生五種焰心窟住處不覺
自燒與諸天女放逸遊戲覆藏怨賊
謂為親友如是受樂乃至受善業盡
隨業流轉墮於地獄餓鬼畜生若有
善業生於人中常受安樂第一端正
無量功德生大種姓為一切人之所
受念或為人王或為大臣生處長壽
乃至命終受樂不壞以餘業故

復次比丘知業果報觀三十三天所
住之地彼以聞慧見三十三天第三
十三地名曰清淨衆生何業生於彼
天彼以聞慧見此衆生以善心故信
於因果持七種戒於一切衆生起慈
悲心不近惡友不與惡人言語談論
常信三寶其心寂靜心無鄣尋意無
散亂不行惡法不與下賤惡人交友
於一切衆生常說愛語利益時語供
養法師常聽正法隨力布施若於行
路乃至不以盜心取他草葉是名不
盜云何不煞生若蝦蟇若毛頭迦

兩頭
蛇也

乃至目見不起煞心何以故一切衆生皆自愛命以此因緣一心係念諦視而行不傷衆生云何不煞生若有疾病恐喪其命買肉療病若於熟時或經多時肉中生虫若去此虫則断虫命寧自喪命不去此虫護虫命故如是善人乃至微細小罪見之生怖去何不盜如是善人安樂利益一切衆生若田澤園林有乾牛糞知他所攝終不故取恐犯偷盜如是之人捨於盜心持戒離垢不雜不濁離於穢結是持戒人身壞命終生於善道名清淨地如是天子生此天已受第一樂其身光明勝於日光威德熾盛受於無量天之快樂以善業故受如是樂諸天女衆百千圍遶天詣天衣莊嚴其身七寶林中與諸天女遊戲受於第一之樂復往詣於樂處頂林見此園林可愛奇特生大歡喜問諸天曰以何因故如此園林勝諸園林花果莊嚴山窟嶮谷崖岸河泉花池流水無量衆鳥出妙音聲於其山中處處多有衆寶之鹿種種莊嚴第一殊勝

尔時先生諸舊天等告初生天子曰
天子當知如我往昔次第曾聞先世
天子作如是說有轉輪聖王名曰頂
生主四天下受於無量百千之樂欲
無厭足以自在力來至此天從四天
王天次至此天於人中數無量百千
歲在此天中受於欲樂而無厭足既
至此天與天帝釋分座而坐與帝釋
天共出遊戲知此林中無量功德至
此林中遊戲受樂以此因緣此林殊
勝乃至於今勝於餘林時頂生王於
此天中與天帝釋同處而坐自葉盡
故從天還退我昔曾從先舊諸天傳
聞斯事非我自見此林具足乃至於
今時新生天子聞已歡喜遠離疑惑
以五樂音聲受於無量五欲之樂林
中有鳥名曰怖樂以善業故為諸天
子而說頌曰

以愛因緣故欲心無厭足多欲從愛生
心意不可滿一切衆生類死法常現前
設以諸方便不能遮此法久受無量樂
必定當退沒是故諸天子應隨順法行
唯有法能救能令得善道以法得壽命

無法則無壽 若能愛樂法 隨順於法行
從樂得樂處 則不見衆苦 若不愛樂法
樂行於非法 則墮於地獄 常受諸苦惱
如是天王界 所說諸地處 除斯更無有
其餘諸地住 此三十三天 更無微少處
而能脫死地 以無常業故 應知此因緣
種種無常法 帝釋所說法 而天不能受
善智憍尸迦 其身如妙藏 愛於俱賒花
捨離於惡衆 為諸天父母 善說於正法
愚天不受教 放逸亂心故

如是天鳥為諸天子說是偈已時諸
天子性放逸故不生厭心放逸覆心
不受其教還著欲樂但觀現在不觀
未來於此天中受五欲樂乃至愛善
業盡命終還退隨業流轉墮於地獄
餓鬼畜生若有餘業生於人中常受
快樂好行善法端正第一為一切人
之所愛樂以餘業故

復次彼比丘知業果報觀三十三天
所住地處除此三十三地更無餘地
彼作是念但有如是三十三天更無
餘地此是釋迦天王之地天王福力
天王自在更無有餘如是觀於第二

天衆因果相似相續而生葉果之鏡
皆悉相應一一諸地各各差別具觀
察已於無量生死怖畏生厭離心生
死險處愛別離苦慙憎會苦老病死
苦逼迫之處見無量苦暴河所漂心
生厭離嗚呼世間甚為大苦於生老
病死大險難處沒在其中而不覺知
不知求出如是生死無有少樂無常
敗壞變易之法衆生愚癡不知不覺
以身因緣多作衆惡身雖破壞業縛
不亡今時比丘觀是事已而說頌曰

種種內供養牀褥及卧具 此身要當壞
無人能自護不念於恩惠 得便則傷害
智者為身恣則不造惡業 衰病所住處
種種衆苦集不淨穢惡聚 是故名為身
智者所觀察死相常現前 念念不住
須臾歸磨滅此身念念老 終無有增長
為愚癡所迷恃少生憍慢 恃財生憍慢
不益於自身財物皆亡失 惡業還自燒
若不行布施則無受樂報 財物會歸盡
貪狂故守護若所愛財物 布施於師長
此財則堅牢慳者財如草 淨心布施者
猶如盲者導此世未來世 能護法弱者

持戒七種福 不可破壞句 戒能護丈夫
上生於天中 第一勝智者 常欲無煩惱
是人脫衆縛 則到不退處 有海大險難
此三堅牢筏 若得無垢心 則能到彼岸
如是比丘觀布施持戒智慧果報如
實見之欲至寶諦三種觀已得十八
地於一切生死中心得歇離修行精
進以求涅槃不住魔境地行夜叉知
此事已告虛空夜叉虛空夜叉告四
護世護世天王告三十三天三十三
天告夜摩天如是展轉至光音天如
上所說

正法念處經卷第三十五

癸卯歲高麗國大藏都監奉
勅彫造

正法念處經卷第三十六

誡

觀天品之十五

夜摩天之初

元魏婆羅門瞿曇般若流支譯

又彼比丘知業果報精進不壞觀察
三十三天已上復有何天在彼三十
三天上住光明勝妙力命自在勝彼
三十三天果報彼見聞知於彼三十
三天已上復有一切法勝之堂法果
報勝光明勝妙名夜摩天因三種戒
故得生彼夜摩天中三者所謂不煞
不盜不邪行等善修不缺不孔不穿
堅固不犯一切聖人所愛讚戒報常
清涼次第乃至得到涅槃猶如善親
生死海中能渡生死大海到於彼岸
彼修行者復諦思惟見彼比丘觀七
種戒果報業法有下中上如前所說
正觀察已又復觀察彼夜摩天須弥
山上夜摩天處以何為處有何光明
高幾許住如是觀察彼見聞知如不
煞生及不偷盜不邪行等樂修多作
自能持戒教他持戒自他利益如是

彼夜摩天可高幾許彼見聞知高六十八百千由旬彼夜摩天須弥樓上兩倍高遠

彼夜摩天凡有幾地舉高幾許何物為地彼見聞知彼一切地有三十二高五千由旬彼夜摩天住於虛空如虛空中所有雲聚為風所持如此地根下有水持水為風持名閻婆風持夜摩天如持雲聚何等名為三十二地一名勢力二名乘處遊行三名雲處遊行四名積負五名心相六名山樹具足七名廣博行八名成就九名勝光明園十名正行十一名常樂十二名增長法十三名一向樂十四名樂行十五名種種雜十六名心莊嚴十七名風吹十八名崇高十九名沫旋行二十名百光明岸二十一名山聚行二十二名月鏡二十三名憶念量二十四名遮尸迦二十五名解脫禪二十六名慢上慢二十七名下入二十八名階行二十九名自身鏡三十名慢身光明三十一名上行三十

二名林光明此等是彼夜摩天地夜
摩天王三名牟修樓陀如彼三十三天
之主帝釋大王名憍尸迦如是彼處
夜摩天王名牟修樓陀夜摩天王隨
順法行於帝釋王法神通樂其量多
少千倍為勝牟修樓陀天王之身五
由旬量光明勝妙帝釋王身一居餘
量夜摩天王牟修樓陀身量如是夜
摩天王牟修樓陀一身分力彼帝釋
王百千和合所不能及彼業因果亦
復如是如是比丘既觀察已而說偈言
如負少物者 度水則不沒 少惡業之人
上昇不下沉 如鳥翅堅牢 行空無羈絆
持戒堅固者 則生於天中

彼比丘如是觀察彼夜摩天樂果業
因彼夜摩天有四大山彼一切山高
万由旬何等名為四大山耶一名清
淨二名無垢三名大清淨四名內像
是等名為四大山也復有其餘種種
異山有無量種有無量色無量形相
無量功德如是具有多千異山多饒
天花具足莊嚴夜摩天中如是莊嚴
三十二地有種種山種種莊嚴饒種

種河蓮花水池百千園林周而圍遶
一種形相香色味具諸樹蓮花有種
種味如彼帝釋三十三天所有山河
蓮花水池諸園林等勝妙之事人中
所有山河樹林蓮花水池所不能及
彼夜摩天勝妙之事三十三天所不
能及亦復如是何以故因果多故彼
有無量善業福德百種功德業因緣
果善業所化不可具說以何因緣不
可得說種種業力動轉多故如是業
果一切衆生所不能說一切善業得
天化生夜摩天中如是種種不可具
說彼天果報千分之中此可說一何
以故若持戒者必定得果今此實說
若持戒人聞已心進若修智人十倍
力進以何因緣知彼持戒如是差別
持戒之人生彼天中修智之人則得
涅槃如是智戒功德已說若彼已知
如是戒果如是智果生如是心持戒
尚余何況修智我如是得彼人聞已
勤行精進如是而說有中業果
復以因緣異說有法彼天如是久住
天中受第一樂無所妨碍後時猶返

不得自在況人中欲多有諸過少樂
少味動轉不住常不安隱能為破壞
與無量罰恐怖賊等

彼如是等因緣說天我復更有餘異
因緣而說彼天外道之人有如是念
一切皆是摩醯首羅之所造作非業
所得更無人知遮彼外道故說業果
實有業果實有因生非是異作非無
因有一切因果相似得果因果相似
非從異因而得異果非善業因生於
地獄非不善業因緣生天然彼如是
因果因緣修施戒智必定業故得生
天中如是說天苦樂二種不可具說
天中之樂彼業一分不可譬喻此說
少分

又彼比丘知業果報次復觀察夜摩
天地彼見聞知彼夜摩天有地分處
名為勢力衆生何業生彼地處彼見
聞知若人持戒微塵等惡見則生畏
其心正直不誣不誑不惱他人正見
不邪不癡心念觀此世間一切無常
苦無我等念佛法僧不煞不盜如前
所說又不邪行心離不樂不行不作

乃至飛鳥鵲等行欲亦不觀看乃至
欲瞞心亦不念若人如是亦教他人
彼人爲他說業果言汝勿如是汝若
作者必入地獄彼人如是真見業果
如是不犯他妻婦等於業生怖彼人
善業生彼地處百千天女之所圍遶
纔生於彼彼諸天女即於生時歌天
音聲彼天忽聞如從瞞覺彼樂音聲
始初出時如是化生於樂音聲如是
得念彼歌音聲脩有八分功德具足
一者語二者稱三者甜四者善合五
者相應六者善深七者一切愛樂八
者百万由旬聲不妨尋法句相應清
淨不濁如是八分功德具足勝妙音
聲覺善業人

彼於自身出妙光明廣五由旬青黃
赤白如天上虹即彼天子初生之時
有光明旋猶如日月暈輪端嚴彼既
起已百千天女相隨圍遶故有第一
歡喜之心天子天女共相隨從如是
往入名光明林

又於彼處夜摩天中有花不萎彼花
名爲眼甘露花香不壞花善色香花

聞花名已心則受樂彼花則有如此
勢力何處何處說彼花名彼處彼處
虛空之中出彼香花名月勝花常轉
行花若天念時彼天樹花出聲而生
隨天行轉隨彼天子所念何處於彼
處行如是天子在彼樹上行於虛空
在其花中隨所念處如是而行猶如
第二三十三天在堂上行如是彼處
夜摩天天子在於花中如是而行光明
赫焰而常下觀一切諸處於一瞬頃
一切遍見而不疲倦

彼處復有名樂愛樹彼樹可愛於彼
樹內何處可愛入其內已受天快樂
園林蓮花池水之中有名隨順一切
念樹樹之勢力若彼天子憶念之時
彼夜摩天一切地中一切勝物皆在
其地彼樹力故樹中受樂八分樂音
不可稱計彼中有樹名香漂樹彼有
勢力如彼天子憶念之香如是樹中
香為之出彼復有樹名花香樹在彼
樹內如在房中戲樂無異有好園林
蓮花池水彼夜摩天在中受樂彼夜
摩天在彼樹中青黃赤紫妙色光明

脩有種種香色具足彼天若入有一切種妙色皆生彼天之身亦如是色彼身衣色一切盡滅唯樹色現

又復有樹名虛空行於眼瞬頃行虛空中百千由旬隨念而去彼樹光明如日不異然彼天子乘彼無量種種妙樹在空而行百千天女圍遶相隨躡香塗身彼天子身有勝光明彼天子前有諸天女種種妙衣莊嚴其身喜笑歌憖彼歌音聲周布遍滿無量由旬彼天女中天子端正且說少分善業所得如星中月天子端正亦復如是然彼天子千功德勝種種樂聲歌憖嬉戲入香林中百千種鳥普遍彼林無量河池勝妙蓮花以為莊嚴甚可愛樂勝於百千日之光明且以現事少分譬喻猶如人中可愛園林流水河池蓮花莊嚴於彼四天大王天處十六分中不及其一如是四大大王天處復於三十三天之處園林可愛十六分中亦不及一如是三十三天之處園林可愛於夜摩天園林可愛十六分中亦不及一如是次第

善業勝故以有上上勝善業故園林可愛設使一切衆生之中善智慧人一心專意更無異作方便善巧相應辯才而亦不能說其一分何以故以非一切人境界故彼處如是非一切人心之境界設使第二三天共帝釋王於百千歲亦不能說彼夜摩天一地之中受樂之事何以故以非境界三十三天不曾見故不曾聞故故不能說於彼善業且說一分不可具足一切盡說此之善業一切和集決定受樂不可思議受樂之事可愛之樂唯說一分譬如一切善巧畫師若其弟子於壁等處或畫為月或畫為日然彼畫師而終不能畫作光明及其威德不能令行不能令照不能令涼不能令炙唯可能畫輪形而已說夜摩天亦復如是唯說樂受不能說其受樂可愛不可得其勢力之實若彼光明若彼園林若彼勝德若歌若樂若彼端正若境界樂若光明輪少分比類而已

又彼天子於彼天中戲樂之處無量
欲樂種種具足無量濟口園林莊嚴
如是地分既觀察已五欲境界功德
牽心境界力動令心不住分別染轉
愛河所漂普眼所見皆悉可愛然彼
天子如是見已次復往向名無量欲
具足林中流水河池多有種種蓮花
莊嚴無量百千衆鳥音聲到彼林已
於彼林中本未曾見種種具足共諸
天女既到彼已於彼蓮花河池之中
有真珠沙饒金銀鳥其翅皆作青寶
珠色在彼河岸種種妙樹莊嚴河岸
天子在中遊戲受樂

天子如是既受樂已次復往向名寶
岸林多有天衆天女圍遶見彼勝林
殊妙七寶光明地分隨於何處寶山
之峯流水河池蓮花可愛百千万峯
莊嚴山谷彼地分分妙寶莊嚴善業
力故令彼天子見諸天女而共嬉戲
遊行受樂以善業故彼善根因相似
得果有無量種如是無量種種受樂
然彼天子五欲功德受勝樂已次復
往向名釋迦說地處之中彼處種種

受天樂已復為所愛境界寧心分別
勢力之所迷意於彼所見境界不住
彼心獼猴食天樂果為果所醉見諸
天女生愛樂故常行不住何風所吹
令其常轉在彼夜摩天衆之中根不
知足境界之樂有無量種極甚可愛
終不為他之所侵奪他則無分亦不
為他之所能毀

又復普生妙寶蓮花如是如是種種
嬉戲如是如是種種憶念彼彼如是
寶蓮花中是善業得若彼天主牟修
樓陀夜摩天王如是思念我當在彼
蓮花中坐共諸天衆乘空而行即生
心時牟修樓陀夜摩天王共諸天衆
於虛空中飛行而去一切天衆如是
飛行身不微動時一切天坐蓮花中
在於虛空五樂音聲歌儻喜笑如是
遊行受天之樂五欲功德彼天如是
坐蓮花中行受天樂如日欲出初沒
之時於人世間虛空端嚴一切皆赤
彼天道花光明端嚴亦復如是
彼一切天極受快樂受快樂已次復
往向名拘鞠羅衆林之中名滑高山

向彼頂上為受樂故若彼天衆到山頂已彼有無量七寶莊嚴流水河池所有光明勝百千日多有端正天子天女無量七寶光明如日諸樹莊嚴彼天既到滑高山已於彼勝山嬉戲受樂迭共遊行

下彼蓮花次復更上名白峯山為戲樂故然後方及牟修樓陀夜摩天王向天衆所共諸天女相隨圍遶彼諸天衆見已奉迎心生歡喜歌舞遊戲相與往向牟修樓陀夜摩天王自葉得果以彼善業有下中上天樂亦介有下中上勝色亦介有下中上食亦如是下有中上樂亦如是下有中上如是乃至一切極劣下夜摩天所受之樂十六分中帝釋天王所受之樂不及其一彼帝釋王所受之樂尚不可說況作三倍功德之業百業行樂而當可說彼天如是唯多善業如是善業持戒之人心常歡喜有無量種如是此說夜摩天中受大快樂希望有故

又復如是牟修樓陀夜摩天王種種

百千分別憶念無量種種功德成就
不可譬喻受諸快樂牟尼修樓陀夜摩
天王滑高山上彼蓮花中勝妙七寶
受快樂已復見蓮花如是思念我當
入彼大蓮花內既入彼已一切天衆共
受快樂即於念時彼蓮花臺增長寬
大以善業故多有如是大蓮花臺皆
入其中彼花臺內多有孔穴彼孔穴
中出大光明彼蓮花內復有異天昔
未曾見光明出過普百由旬其光備
有無量種色夜摩天王牟尼修樓陀及
諸天衆見光明已生希有心是何光
明於此蓮花臺中而出

尔時天王牟尼修樓陀告天衆言汝見
如是勢力光明如是出不天衆答言
唯然已見如是光明甚為希有尔時
如是夜摩天主又復告言一切天衆
今皆共我從蓮花門入蓮花臺入已
觀察尔時如是一切天衆一心白言
我等皆如夜摩天王意所怖樂我等
意願亦復如是我亦欲入大蓮花中
并諸天女相與共入

尔時天主牟尼修樓陀夜摩天王并諸

天衆諸天女衆皆共入彼蓮花臺中
皆悉欲見希有之事今時相與欲從
孔入則有光明如日光照火洋金聚
更生日光照諸天身遍滿虛空彼大
蓮花臺中光明如是照耀天皆見故
一切瞞眼不耐光明時既入彼大蓮花
中生歡喜心生希有心何因故有如
是光明不可稱說而我昔來未曾覩見
今時天主牟修樓陀夜摩天王在天
衆前天衆在後相隨而入夜摩天王
心亦歡喜而共入已見有無量百千
寶珠百千光明照耀顯赫多有無量
遊戲之處園林莊嚴無量百千宮殿
莊嚴光明遍滿有無量樹百千莊嚴
復有無量七寶諸樹園林莊嚴有無
量色異異形相種種衆鳥多有無
量遊戲妙山莊嚴可愛無量蓮花池
水莊嚴無量百千妙堂莊嚴無量百
千流水河池澗谷莊嚴如說一切色
量形相七寶莊嚴牟修樓陀夜摩天
王猶尚不見何況餘天彼處如是蓮
花臺中河流清水彼河兩岸皆是玻
璃或有金岸或有銀岸或有寶岸或

有青色寶珠為岸或有赤色蓮花寶岸或有種種間錯寶岸

復有勝妙蓮花池水有種種寶蓮花莊嚴或有一色蓮花莊嚴有種種色妙華莊嚴所謂青黃赤白等色蓮花莊嚴彼若青華彼華名為青色寶華若黃色者則名為金若白色者則名為銀若赤色者則名赤寶如是無量種種蓮花在於如是大蓮花中如是如是彼天迭共心生歡喜見彼蓮花無量百千種種諸蜂滿中莊嚴

諸天見已復向異處極大可愛園林之中遊戲之處彼處多有種種樂音既聞樂音意甚愛樂生歡喜心天眾天女彼此更互歡喜心往生希有心入彼園林多有種種眾鳥音聲七寶莊嚴其地柔軟下足則容舉足還起一切普生歡喜之心處處遍看轉勝轉勝彼天之心迭相愛樂遊戲受樂彼天久時迭相愛樂如是遊戲受快樂已復向異處次第受樂彼處名行種種寶地既往彼處音聲娛樂種種音聲歡喜受樂六欲境界心愛樂見

多受欲樂而行放逸嬉戲遊行於彼
地處見異功德青黃赤白無量諸種
皆悉可愛

彼天如是於彼地處次第復向名嬉
戲山受境界樂猶未厭足彼嬉戲山
七寶莊嚴多有無量種種諸鳥種種
妙色種種形相無量百千諸樹莊嚴
流水河池蓮花莊嚴園林戲處山谷
峻岸峻極之處廣衆莊嚴天衆在彼
嬉戲山中五欲功德而受快樂迭相
愛念彼天之身種種光明而為莊嚴
多有無量種種莊嚴勝妙天女共相
娛樂

彼處如是復於久時受大快樂未知
厭足次復徃向作行重樓復有行堂
向彼戲樂未知厭足五功德樂亦未
厭足無量分別無量種種欲復更增長
大增長愛復受無量種種快樂彼諸
天衆諸天女衆彼此迭共歡喜受樂
如是復共夜摩天王牟修樓陀歡喜
受樂彼蓮花中光明照耀過百千日
所有光明勝而不熱各於其根迭相
愛樂五根受樂第一端正見者甚樂

聖所愛戒善淨勝果有無量種無量
分別無量境界受諸快樂迭共一心
彼此更互心不相妨共相敬重迭清
淨心彼蓮花中文時受樂如是之時
於境界中未知厭足隨所憶念從彼
蓮花臺門出去如是入故還如是出
欲出之時彼滑高山其中有鳥名諦
見鳥鳥見彼天欲出去故即為彼天
而說偈言

此天身色空 年少亦復然 樂念念向盡
愚癡故不覺 如此天一切 無量妙善相
時輪所劈割 令身分散壞 如彼天身命
無量百種相 以其業盡故 死王之所煞
此天受樂久 恒常心放逸 自羅之所繫
將欲壞其樂 樂及安力命 能令愛別離
死王力甚大 在近臨欲至 若多放逸者
天羅臨欲到 必來奪樂命 速疾壞令盡
此之時破壞 常放逸行天 著勝樂未覺
為樂之所誑 此天失光明 諸根心劣減
墮於閻羅處 彼時則知果 此身念念變
樂念念無常 猶故染心天 無眠故不見
從愛至勝愛 恒常受行樂 若死王來至
不能到樂處 不知生死老 心見不生怖

彼後欲死時 於自業生悔 境界不厭足
諸根亦如是 若為智燈照 則除著樂闇
常習近境界 思念無量種 如火為風吹
熾然而增長 欲樂甚大力 常增欲火焰
智者諦思量 故能調境界 若常迷亂心
恒樂於境界 皆是癡力故 如是受戲樂
癡故樂近之 境界火增長 如薪與火合
為風之所吹 屬欲未厭足 常為欲所使
此天退天墮 天欲所誑故 前身受樂時
彼身集功德 念念命不住 彼壞何處去
如彼人身壞 天命亦不疑 雖久會當死
天身必破壞 此天境界樂 常著心不離
必當退此處 而不覺知苦 如此天所受
五欲功德樂 不及別天苦 十六分之一
如魚在水中 未曾有渴苦 於愛知足者
亦未曾有欲 若人不觀心 常愛行欲樂
長夜久時睡 苦惱不曾滅 癡故樂受樂
不覺知苦惱 後得衰惱時 乃知得何果
欲初似賢善 而實甚為惡 此為地獄使
專行不饒益 盲者信此欲 智眼者則離
猶嶮岸相似 如是墮地獄 謹慎第一友
常能作利益 放逸第一怨 故應近善友
欲遍一切身 如第一嚴毒 惡道第一導

所謂放逸是若行於放逸復染著境界
彼以愚癡心常受諸苦惱若不知是苦
不知觀智者彼則與等愛樂天亦亦
飲食樂安樂羊亦有此樂若天亦如是
與羊則不異以心力勝故業亦如是勝
離業功德已勝則不可得天不畏而戲
是故住死中死時既到已方知其果惡
乃至未死來意常不錯亂時意樂法
皆隨順法行一切命皆失一切樂皆盡
一切愛別離汝死時欲至死為第一惡
到曠野大道更無如法歸故應隨順法
有異法名死所謂放逸心放逸前破壞
然後為死然由法得命樂故說法第一
法為不放逸天道之導師益不益不異
縛脫亦如是放逸不放逸功德過平等
由彼癡心故今天無所知共惑聚戲樂
智者則捨離
如是彼處名諦見鳥諦觀察已呵責
彼天無量種過天未覺知以有放逸
覆其心故意樂境界五欲功德以樂
受故不覺真諦故不覺退如是天處
必歸無常一切世間悉皆無常而彼
不覺

又復彼天坐蓮花上在滑高山并蓮花座捨出離去而身不動向名廣池有五百堂七寶莊嚴周而攔匝處處無量間錯莊嚴復有異天於中受樂又彼堂中皆有却入在上高樓多有重數復有諸天心生歡喜滿彼堂中無量飲食衣服林敷迭相愛敬心不妨尋常遊受樂欲食恒豐一切時有五樂音聲彼處一切天女天衆如是受樂半修樓陀夜摩天王坐蓮華臺一切天衆皆共相隨向彼廣池忽然而至既到彼已彼舊住天既見王至一切下樓復有離於蓮花處者有出堂者離鉤欄者一切皆從住處而出生歡喜心盡共奉迎半修樓陀夜摩天王皆向王走生敬重心生歡喜心既見天王在虛空中合掌在頂禮敬王已半修樓陀夜摩天王在天衆前一切天衆皆志在後若歌若舞近彼廣池彼處一切功德具足無量妙堂皆志作行種種莊嚴有種種鳥種種音聲無量百千諸樹莊嚴所有光明勝百千日彼處多饒無量天衆常受

快樂在夜摩天勝妙地上夜摩天王
到已則入彼一切天心生歡喜讚歎
天主半修樓陀半修樓陀夜摩天王
以善妙語先安慰之乃臨廣池到已
次昇名見心樂勝妙堂上彼堂珍寶
光明照耀周匝彼處種種間雜多有
無量勝相功德千千莊嚴一切天衆
之所圍遶夜摩天王昇彼堂已第一
勝相微妙光明師子之座七寶莊嚴
如是妙座一切樂觸具足而有天王
坐上彼有第一宿舊天衆圍遶現前
多有無量諸天女衆於先歌儻然後
次第彼宿舊天問天王言王於何處
乘蓮花座今來至此已於久時不曾
見王時宿舊天於彼天王第一尊重
余時天主半修樓陀夜摩天王答天
衆言我向於彼蓮花臺中見希有事
我向入彼蓮花臺中一切諸天及諸
天女俱共入已一切皆見時彼天王
如其所見希有之事悉為舊天盡皆
具說如蓮花中種種功德悉為舊天
具足盡說時彼舊天於先已曾勝勝
見來間已不生希有之心彼蓮花中

種種勝事於先已曾善見來故時彼
舊天於是乃為半修樓陀夜摩天王
說於舊法作如是言願天王聽我先
曾聞此大蓮華有大勢力此蓮花內
大勢力者隨心憶念種種功德莊嚴
具足此夜摩天一切處中除此更無
如是樂處如蓮花中如是先聞有迦
鄰迦牟尼世尊無上士調御丈夫天
人師出現於世彼所說法初中後善
義善語善獨法具足清淨鮮白演說
正法所謂此色此色集此色滅此色
滅道如是此法初中後等如是說已
彼佛法中有多百千已見諦者有得
果者如是次第得阿那含者斯陀含
者須陀洹者如是復有得四禪者得
三禪者得二禪者得初禪者彼佛安
住如是人已復令餘人住十善法隨
順法行令使多人乃至無量百千億
人行善業已然後觀察有何等人我
今調御彼以清淨過人天眼見夜摩
天我應調御彼時此處夜摩天王名
曰樂見彼王內藏有善種子身行放
逸彼王近身多有無量諸天之衆善

根淳熟而多放逸行放逸行彼迦那迦牟尼世尊以憐愍之是故來上此夜摩處天世間中為利益天盡其苦故為彼諸天除放逸故盡漏比丘有五千大國遶共到夜摩天處更勝光明處處普遍彼時諸天見佛世尊若有諸天從今已來未見佛者謂佛是天於天中勝彼天於佛生希有心不知是佛而此佛色於諸天眾最為殊勝一切功德皆悉具足無異相似光遍一切天之世間彼天既見與佛世尊相隨聲聞亦生勝上希有之心作如是念彼是何人如是形服而共此天相隨不離國遶而行時彼天子即取種種勝妙蓮華向迦那迦牟尼世尊亦時世尊見天子來上昇虛空示現種種勝妙神通隨念分別無量功德身上出水色香味觸具足而有彼處天水於十六分不及其一其身頂上出火焰然有無量種無量色光遍滿虛空所謂青黃赤紫色等復現異異勝妙神通所謂一身以為多身或為千身或百千身或為

億身所有光明遍滿一切天處世間
復令多身以為一身世尊如是復現
神通夜摩天中一切地處一一手捉
舉置掌中并諸園林流水河池擲在
虛空過眼境界復還安置本所住處
世尊又復現大神通彼處大山以手
撥取擲虛空中并諸園林河池澗谷
及天女衆不知所往復還安置本所
住處其中諸天不覺動轉如本不異
世尊又復現異神通無量種色無量
種作無量形眼有無量種種功德色
現大力勢令彼天衆種種異見或見
如來在於山中或見如來在園林中
或見如來在蓮花林或見如來在堂
中行或見如來在於樹下或見如來
在河池中或見如來在遊戲處園林
之中或見如來一切禪處或見如來
遍滿一切虛空之中坐禪而住或見
如來於虛空中敷具上坐復虛空中
若坐若行若復經行還復坐禪
世尊又復示現神通如是如是音聲
說法五樂音聲勝夜摩天形夜摩天
所有音聲如閻浮提鳥鳥之聲彼一

切天如是劣減彼天既聞如是聲已
皆悉捨離能歌慢心

世尊又復現異神通所謂在彼虛空
之中作諸天衆化作天女勝妙殊絕
形夜摩天夜摩天女如螢火垂光明
色量如是形相服飾莊嚴園林慶樂
皆悉勝妙彼大天王并諸天衆見化
天已心生耻愧皆見自身色光欲樂
如草無異彼夜摩天生如是見
尔時世尊知其根熟知其深心知因
果報無虧尋見為欲利益一切世間
極大悲心如來世尊尔時即向夜摩
天王樂見三所現異神通如向所見
一切神通盡為樂見悉皆現之百倍
勝前尔時樂見夜摩天王一切陽心
皆悉捨離

彼時樂見夜摩天王亦復坐彼大蓮
華中亦如向者牟修樓陀夜摩天王
大蓮花中遊戲受樂

時彼世尊大蓮花中示現神通然後
復語夜摩天等作如是言汝今所見
一切皆是樂見所感世尊為化令使
離慢故見其內遊戲之處園林蓮華

河池山谷并妙堂等境界行處無量
種見彼樂見王捨離慢心時彼世尊
入大蓮花化作一切復於樂見夜摩
天王住處之前有蓮華生億百千葉
如來坐彼蓮花臺上聲聞弟子坐其葉
上而現種種勝妙神通或有飛至虛
空中已然後還至蓮花中者復現種
種異異神通時彼樂見夜摩天王作
如是念此是何人有何善業以何勢
力能作如是奇特之事我之所有若
多若少色光明等甚為微劣彼則
為勝

正法念處經卷第三十六

癸卯歲高麗國大藏都監奉
勅彫造

正法念處經卷第三十七

誠

觀天品之十六

夜摩天之二

元魏罽羅門瞿曇般若流支譯

尔時世尊知彼調伏心淳熟已即令
聲聞以天眼力而調伏之尔時聲聞
告樂見言樂見當知此佛世尊并諸
天人魔及沙門若婆羅門一切世間
諸天及人阿修羅師此佛世尊一切
悉知一切悉見常為一切世間說法
初中後善義善語善獨法具足鮮白
清淨說出世法寂靜乃至到於涅槃
所謂此色此色集此色滅此色滅道
今者為汝夜摩天眾說法故來利益
安樂饒益故來

時彼樂見夜摩天王於聲聞所如是
聞已嘆言大仙我今往至佛世尊所
不知云何供養世尊我於今者不解
儀式云何供養時彼聲聞聞已答言
樂見天王來近世尊樂見聞已捨冠
莊嚴心善調伏寂靜諸根一心正念
整服立有右膝著地頭面敬礼合掌
向佛一切天眾皆從聲聞如是聞已

捨莊嚴具一心正念寂靜諸根一切
皆詣坐蓮花臺如來世尊諸聲聞衆
之所圍遶如月悉為衆星所遶又亦
如彼須彌山王衆山圍遶又亦如海
為諸大河之所圍遶如轉輪王八万
四千小王圍遶又亦如日光明圍遶
諸聲聞衆如是圍遶如來世尊第一
勝妙不可稱量威德光明於大蓮花
臺上而坐

尔時樂見夜摩天王身著法衣整服
一廂合掌向佛正住一面世尊告言
令汝今者捨離放逸尔時樂見一處
坐已彼迦那迦牟尼世尊即出勇勝
不畏音聲一切夜摩皆悉遍滿告言
樂見我今說法初中後善義善語善
獨法具足鮮白梵行如是而說汝今
諦聽正念善思我於今者善為汝說
時樂見言如是世尊願樂欲聞尔時
世尊為樂見等天衆說言有九種因
能生放逸於彼放逸樂行多作能壞
世間愚癡凡夫身壞命終墮於惡道
地獄餓鬼畜生之中以生因緣受大
苦惱生死繫縛不得涅槃安穩之樂

不得利益何等九因一者所謂樂於放逸行於放逸常行放逸不近聖人不能調攝身口意業不攝根行不能自正身口意等而令行於不善境界常喜樂聞不善之法而不樂於佛之正法此是放逸行之初因能生放逸若放逸行愚癡衆生身不善行口不善行意不善行以身口意不善行故身口意等不善之業和集癡人放逸所誑身壞命終墮於惡道生在地獄餓鬼畜生若捨放逸是善丈夫常捨放逸若求善者應捨放逸此是初因能生放逸

復次樂見復有第二放逸行因能生放逸起放逸已能壞善根所謂舉動心不審諦彼眼見已則生分別數數如是憶念思惟樂於彼色更不異緣常如是作不善之行非是善念心意錯亂彼放逸者以放逸故身壞命終墮於惡道生地獄中此是第二放逸行因能生放逸

復有第三放逸行因能生放逸所謂不實未見未聞本未曾有唯有心念

心生分別或依止欲或依止癡彼如是念如是思惟心常緣彼心常念彼第一之法不善思惟以自亂心此是第三放逸行因能生放逸縛諸衆生能誑衆生令身口意行不善行身壞命終墮於惡道生地獄中

復有第四放逸行因能生放逸能令一切放逸衆生身壞命終墮於惡道生地獄中如是樂見何者第四放逸之因所謂恒常樂見婦女樂見莊嚴不實之色於不實色心生愛樂見其歌儻心生分別彼則心權如是分別身口意等非作善業彼放逸者身壞命終墮於惡道生地獄中此是第四放逸行因能生放逸復有第四放逸行因能生放逸所謂恣樂種種園林樂蓮花池或樂種種諸花樹林見已心樂在中戲樂在中遊行不念善事不正心意彼行放逸放逸所誑身壞命終墮於惡道生地獄中此是第四放逸行因能生放逸復有第五放逸行因能生放逸如是樂見近惡知識與共和合毀破淨戒行於惡行不善

思惟造作惡行如是衆生近惡知識
行放逸行身壞命終墮於惡道生地
獄中此是第五放逸行因能生放逸
復次樂見復有第五放逸行因能生
放逸所謂衆生無量種行無量種意
無決定意造作善業如是衆生無一
定業如是衆生不定作業一切作業
悉皆散失於世間業出世間業彼一切
業不究竟作不能布施不作福業非
善思惟以放逸過是故犯戒身壞命
終墮於惡道生地獄中此是第五放
逸行因能生放逸

復有第六放逸行因能生放逸所謂
衆生捨離正法捨離聖諦乃至捨離
八聖道分有所行作不善觀察如是
樂見如是衆生以放逸行亂其心故
身壞命終墮於惡道生地獄中此是
第六放逸行因能生放逸

復有第七放逸行因能生放逸所謂
貪味何處何處著彼諸味彼處彼處
心樂常念隨彼心作如是衆生更無
異念不作善業不持正戒心常樂他
請愛與食常貪味故為味所誑不作

善業於苦無常空無我等此四種中
一亦不念唯念不善顛倒之法一切
所作非自利益如是衆生身壞命終
墮於惡道生地獄中此是第七放逸
行因能生放逸

如是樂見復有第八放逸行因能生
放逸所謂衆生若得種種無量樂已
於彼樂事喜樂貪著謂常不動謂常
安隱謂不破壞彼常憶念如是之樂
身口意業常行不善不知應作及不
應作不知是法不知非法不覺不知
破壞苦惱不念地獄餓鬼畜生無量
百千分別苦惱一切不念不應念者
而便念之如是不念死滅之法一切
世間生死之中死能作亂而不知念
如是衆生為樂所誑如是惡貪著樂
衆生後時死至尔乃生悔悔火自燒
身壞命終墮於惡道生地獄中此是
第八放逸行因能生放逸

如是樂見復有第九放逸行因能生
放逸所謂種種樂樂之心天人之中
為愛所誑不知歸依佛法衆僧不持
禁戒不聽佛法不住聖律所應作法

而不知作而常慧聞不應作法不入
正法而心不畏未來世罪不見後世
死後之苦失自利益怨心所誑身壞
命終墮於惡道生地獄中此是第九
放逸行因能生放逸樂見當知此之
富樂非常非恒非不破壞如是樂見
夜摩天王過去無量於此已退彼何
處去彼自業果成就故尔彼以善業
不善業羅網所繫縛故輪轉生死以善
業故生天人中不善業故生於地獄
餓鬼畜生是故樂見若有欲得人身
之者莫行放逸何以故身命無常富
樂亦尔當如是念勿放逸行何以故
多有無量百千天衆以放逸行是故
退墮如是勿行放逸之道愚癡之者
行於此道非善男子一切生者必定
歸死死在現前老亦如是病亦如是
憂離亦尔善不善業富樂亦尔如是
一切不饒益過常隨不離一切衆生
尔時世尊而說偈言

放逸之毒樹三枝住在上 謂老病死物
常在其上住老等不能惱 丈夫善行者
若不放逸行彼行涅槃道不放逸大斧

常能斫諸過 彼解脫過故 得無上之樂
若放逸受樂 彼樂常怖畏 若離彼放逸
彼樂常不退 如是百百倒 放逸之所誑
以未覺知故 今猶有不離 四種顛倒見
住在放逸上 捨離放逸故 則失世間怨
此無量分別 無量怖畏通 生死轉行苦
皆由彼放逸 若離一放逸 則得樂不退
一切無漏法 放逸故能失 天中不放逸
上上而轉行 何放逸癡天 不能得解脫
彼此善思惟 種種分別已 如自利益作
後時則不悔 若天若受樂 若其餘少法
此有為相法 應知皆無常 若法有為數
彼畢竟失滅 後時必破壞 常受諸苦惱
若有憶念樂 放逸所壞者 彼於離散時
則多受苦惱

彼佛世尊如是如是無量分別種種
調御樂見天王如是是因緣於一切法
皆不顛尋一切知見天衆團遶種種
調御令彼諸天捨離放逸若有諸天
被放逸縛不得自在乃至退時夜摩
天王二万天衆從佛世尊聞正法已
一切皆得須陀洹果

尔時世尊如是思念我所應作如是

作已更何所作而利益他尔時世尊

見未來世如是思量更何所作如未

來世利益安樂苦惱衆生世尊如是

又復於彼大蓮花內神通所化更作

如是天妙神通與天一種住而不滅

今有飛鳥復為說偈以彼如是天神

通力調伏天已作如是言如未來世

樂見天王於彼退已復有天王其三

名曰牟修樓陀夜摩天王未來當生

行放逸行當於彼時有善衆生彼於

一時出遊戲處滑高山中徐上彼山

上彼山已次復上彼大蓮花已亦坐

如是蓮花臺上彼大蓮花是我所化

彼天見已生希有心而入其中入彼

種種甚可愛樂大蓮花中復從彼出

向他天說彼時舊天於前次第先曾

聞來亦復向彼牟修樓陀夜摩天王

如是而說當於尔時牟修樓陀夜摩

天王既得聞已信佛世尊信彼佛法

善根種子於是乃至得到涅槃彼天

如是信心生已不久時間釋迦牟尼

如來出世如是彼處牟修樓陀夜摩

天王及於釋迦牟尼佛所得聞正法

牟修樓陀夜摩天王次第傳聞於舊
天邊如是傳聞如是一切如所聞事
如是一切皆悉具有如汝今見大蓮
花中希有之事我於今者如是為說
又復釋迦牟尼世尊於今出在閻浮
提中為衆說法汝今應當到彼聽法
如彼過去名迦鄰迦牟尼如來世尊
所說汝如是得必定無疑必得解脫
尔時彼名牟修樓陀夜摩天王從宿
舊天如是聞已心生歡喜生敬重心
過去久遠名迦鄰迦牟尼佛說次第
傳來我今得聞以如是故我心歡喜
心得清淨以於舊天得傳聞已故生
歡喜心得清淨何況現見釋迦牟尼
如來世尊從佛聞法尔時彼天如是
念已八万天子相與共向波羅奈國
見佛世尊無比之色以三十七菩提
分法莊嚴其身猶如金山威德焰然
一切衆生皆蒙利益一切皆見無量
百千眷屬圍遶而為說法四諦相應
尔時彼名牟修樓陀夜摩天王八万
天衆共至佛所到佛所已頭頂礼足
尔時佛告牟修樓陀夜摩天王噯言

善來牟修樓陀汝已曾聞名迦那迦
牟尼佛法修多羅說如是聞已來到
此處

尔時彼名牟修樓陀夜摩天王如是
念曰佛一切智極微細智無鄺尋智
如我過去天中之事盡皆解知牟修
樓陀念已心喜八万天衆一切皆共
更礼世尊礼世尊已住在一面

尔時世尊如是告言牟修樓陀我於
今者為汝說法初中後善義善語等
獨法具足鮮白清淨此法門者名天
乘樂汝當諦聽善思念之我為汝說
牟修樓陀夜摩天王受教而言如是
世尊我今樂聞

尔時世尊如是說言何者法門名天
乘樂此有十二年修樓陀何等名為
十二天道若善男子住彼道者彼正
丈夫能上天道猶如世間者官道者
則得入城離於怖畏離於疑慮如是
不壞身口意等行十二道則得至天
如是丈夫入於天中何等十二一名
實道若著彼道得到天上牟修樓陀
彼實道者有五功德何等為五一者

實語實說丈夫一切人信二者不壞
常一切時無人能壞二者清淨常一
切時名色清淨四者可重常一切時
天所貴重五者上生身壞命終生於
天上此有偈言

實語常調御恒為天供養一切世間愛
後時得生天

牟修樓陀此初天道牟修樓陀何者
復為第二天道而著彼道得到天上
所謂布施清淨無垢不破不壞不怖
果報如是熏思此則名為第二天道
此善業人得至天中此第二道有三
功德所謂三者一切人愛常自熏思
心生歡喜身壞命終生於天上此第
二道至天世間此有偈言

布施人所愛亦復增長思後時生天富
布施果如是

牟修樓陀何者復是第三天道而著
彼道得到天上所謂忍辱能忍之人
有五功德所謂五者不諍不憊此初
功德一切無能偷盜其物此二功德
一切人愛此三功德多有悲心此四
功德身壞命終得生善道天世界中

此五功德此有偈言

法華經卷第三十卷第三十張誠

忍辱相應行悲心亦不怖一切人所愛
身壞得生天

牟修樓陀何者復是第四天道而著
彼道得到天上所謂美語牟修樓陀
如是美語有六功德一者一切人愛
二者無怖畏處三者面常清淨四者
得善名稱五者行則不慮六者身壞
命終生於天上牟修樓陀此是美語
六種功德此有偈言

一切人所愛增長善名稱普面甚端嚴
身壞則生天

牟修樓陀何者復是第五天道而著
彼道得到天上所謂憐愍一切衆生
此善男子乃至終得到於涅槃我說
彼人無等功德此有偈言

於一切衆生悲心如父母彼人憐愍寶
常在心中住

牟修樓陀何者復是第六天道而著
彼道得到天上所謂正心正心之者
能作善業善思惟者善語言說略
說此正心功德此有偈言

若善正心者常順法觀察不為過所使

如日光除闇

正法念處經第三十七卷 第十四講 誠益

牟修樓陀凡為一切法之根本謂善正心牟修樓陀何者復是第七天道而著彼道得到天上所謂正見正見丈夫能到涅槃何況於天彼若少有所口意業一切如是利益衆生得生天中乃至涅槃此有偈言

唯正見為勝隨何人有心俗人亦如是得脫生死縛

牟修樓陀何者復是第八天道而著彼道得到天上所謂遠離不善知識無三種過善人不捨為同戒故諸惡因緣一切不生餘勝大過亦更不得此有偈言

近惡知識者彼則不得樂近惡知識已廣得不饒益

牟修樓陀何者復是第九天道而著彼道得到天上謂聞正法略說聞法攝七功德一者得聞未聞異法二者所聞堅固不失三者捨離一切惡業四者諸聖之所樂見五者深心信敬如來六者則得增長壽命七者身壞命終生天此有偈言

未聞者得聞已聞者堅固捨離諸惡業身壞得生天

牟修樓陀何者復是第十天道而著彼道得到天上謂柔軟心牟修樓陀彼柔軟心有四功德一者於他不生怨嫌二者雖作而不堅固三者不為瞋恚所惱四者身壞命終生天此有偈言

若善淨無垢諸過不著心瞋垢不能汙死後得生天

牟修樓陀何者復是十一天道而著彼道得到天上謂信業果信業果者一切惡業皆忘捨離乃至不起微塵等惡唯於惡業見則怖畏彼人善業不善業果一切皆知彼人知己造作善業捨不善業彼人恒常習作善業身壞命終得生天上此有偈言

若知業果者常見微細義被惡所不染如空泥不汙

牟修樓陀何者復是十二天道而著彼道得到天上謂於三寶深心信敬不顛倒信彼於三寶深心信敬不顛倒故無量功德多有無量百百功德

此一切德則勝一切諸餘功德謂此
丈夫先受人樂終到涅槃謂天天女
不放逸行若放逸天非世間樂非出
世樂以是義故牟尼修禪如彼大仙
名迦那迦牟尼世尊如是為彼夜摩
天王樂見說法彼如是法一切如來
法皆如是更不異法如汝於前舊天
所聞此有偈言

深信三寶 無量數勤修 於先得主天
終得涅槃果

此等則是十二天道恒常修行如是
必定得果不疑尔時天王至修禪
并八万天從佛世尊聞此法門聞已
皆得須陀洹果尔時天王牟尼修禪
禮世尊足而說偈言

我得脫惡道 依於佛世尊 一切天孤獨
如來法救度 我朝日得果 入於佛法由
共天如是入過生死畏處

牟尼修禪如是說已飛昇虛空并諸
天眾向夜摩天所居地處彼天一切
如是皆到既到天中猶故受樂遊行
嬉戲一生命業盡已則退惡道閑塞
生於人中第一富樂第一端正有勝

大心一切國土於中皆勝若有非是
須陀洹者彼天退已如其業行或生
地獄餓鬼畜生若餘業故得生人中
彼亦如是得大富樂種種莊嚴以餘
業故

又彼比丘知業果報次復觀察夜摩
天中所有地處彼見聞知夜摩天中
復有地處彼處名為乘處遊行衆生
何業生彼地處彼見聞知若人善心
善深直心不煞盜婬彼人善業身壞
命終生彼地處始生彼時即見天中
種種樹林清流水河蓮花池等勝妙
殊異甚可愛樂衆鳥音聲聞香知味
觸等皆勝可愛可樂見彼妙色聞妙
聲等作如是言今此所見種種樹林
種種可愛清流水河蓮花池等種種
妙色昔所未有甚為可愛甚為可樂
有無量種種亦無相似心叵歎足今此
所聞種種歌聲衆鳥音等悉皆勝妙
昔所未有甚為可愛甚為可樂有無
量種更無相似心叵歎足今所聞香
昔所未有亦甚可愛亦其可樂有無
量種更無相以心叵歎足此味亦亦

昔所未有亦甚可愛亦甚可樂有無
量種更無相似心叵厭足此觸亦亦
昔未曾有亦甚可愛亦甚可樂有無
量種更無相似心叵厭足彼天如是
內心思惟五欲境界念欲常得如是
勝妙五境界樂嬉戲遊行心不厭足
彼處所有一切天女聞已語言此天
世間法常如是一切境界一切常亦
無不樂處無不樂時如此勝相處處
普遍具足皆有五欲功德有無量種
隨念皆得常受天樂更無與等天見
此林已生如是希有之心何況入中
牟修樓陀天王之前復過於是彼處
九億那由他千種種莊嚴少色天女
歌舞具足歡喜心面五欲功德而為
供養牟修樓陀夜摩天王如是受樂
夜摩天王牟修樓陀天子必見何以
故此處境界牟修樓陀夜摩天王則
是其主此一切天皆屬彼王我等依
之猶如父母在此一切夜摩天中所
有地處彼始生天既聞此已諸天女
等而為圍繞入彼林中既入林已見
下中色種種形服莊嚴諸天一切皆

受五欲功德行食俱樂一切皆有正
功德食見彼遊戲多有無量諸天女
衆共餘諸天美聲語說無量百千種
種功德而為莊嚴復有七寶妙樹莊
嚴復有種種行樹莊嚴彼處多有隨
憶念樹天有所念從彼樹得如是具
足功德寶樹彼始生天有無量種勝
妙功德皆悉具足五境界樂亦皆具
足彼天見已眼著甚樂生勝愛樂處
處處見如是見已共諸天女入彼大
林入大林已豐飲食河百千莊嚴種
種色鳥種種音聲彼諸天女歌聲普
遍耳聞其樂與鳥合聲

彼始生天復於異處見蓮華林希有
殊妙長三由旬廣二由旬見彼大林
有金蓮花無量形相有無量色以為
莊嚴譬如秋時虛空之中諸曜莊嚴
如是如是百千天女多饒具足歌儻
遊戲五樂音聲受諸快樂迭相心念
迭相附近一念不離恒常一心迭相
愛樂見園林中處處多有歡喜天衆
亦見多有種種鳥群迭共戲樂迭相
愛念迭相附近一念不離恒常一心

迭相愛樂如是天等遊戲受樂鳥亦如是鵝鴨鴛鴦如是等鳥有無量種無量群衆在蓮華林清淨水中處處遊戲於彼河岸其處有天摘取金葉用飲天酒共天女衆歌儻遊戲受種種樂復摘銀葉用飲赤酒酒色猶如蓮花寶色香味清冷一切具足共諸天女歌戲受樂自善業力之所感致復有異天亦在彼處蓮花林中極可愛處如是諸天五欲境界受諸快樂摘青寶色蓮花之葉共諸天女用飲天酒復有異天入彼樹下天華所覆既飲天酒怡然快樂於園林中共諸天女遊行放逸飲色香味天果美汁歡喜歌笑復有異天金銀玻璃青寶樹枝覆蔭為舍共諸天女歌笑嬉戲受天快樂復有異天依止河岸鳥音聲處在柔軟地妙觸之地其處生華摘取彼華其華五色有別有合共諸天女取已嗅之彼諸天女近於天子歌儻戲笑復有異天在種種寶石地之上所謂青寶玻璃金銀如是地處嬉戲遊行受諸快樂乃至集作受善

業盡善業盡已於彼處退彼處退已
墮於惡道生在地獄餓鬼畜生若有
餘業得生人中常生樂處則有第一
端正之色大心大富得為國主以餘
業故

又彼比丘知業果報次復觀察夜摩
天中所有地處彼見聞知復有地處
彼處名為雲處遊行衆生何業生彼
地處彼見聞知若人直心本性正直
信於三寶不煞不盜不行一切不善
邪行不樂不行亦不多作見諸婦女
乃至不生欲意之心不念姪欲捨姪
欲心亦不分別猶如捨毒此善男子
身壞命終生夜摩天在彼雲處遊行
之處生彼處已身之光明與日不異
受善業樂受無比樂無量境界受諸
快樂即初生時甚大歡喜心生思惟
我今去何獨在此處即生念時見諸
天女在樹林中樹種種枝具足寶鈴
鈴有妙聲地色猶如火洋真金地處
有如銀玻璃色多有百千妙蓮花池
以為莊嚴彼地分處林樹柔軟有百
千鳥出美妙聲彼諸天女如是林中

遊戲受樂即彼天子心生念時林間
速出妙莊嚴具而自莊嚴以蓮花鬘
莊嚴其頭其身皆著種種色衣到天
子所既到近已種種莊嚴而圍遶之
詠種種歌微妙音聲心極愛染娛樂
天子無量樂具具足而有彼諸天女
如是種種娛樂天子如是天子於彼
天女本未曾見既得見已如是思惟
此是何人從何處來繫屬於誰為誰
而來

既來見已見其具有種種色衣有種
種寶莊嚴其身其手執持無量樂器
且少分喻何處何處三十三天所有
天女歌樂之聲不得為比何況三種
功德具足無量善業所得之果夜摩
天女於彼三十三天天女歌詠音聲
甚為殊勝色少勢力身之形量歌聲
樂受園林諸樹流水河池須臾之食
勝妙堂舍戲樂之處一切皆勝上上
次第乃至他化自在天中色少勢力
身之形量歌聲受樂如是等事一切
皆勝何以故葉果重故心戒清淨無
垢染故此夜摩天如是天女不可比

類一切具足彼如是處有二種過謂
無常欲唯有少分微樂可說若愚癡
人受持禁戒怖望於有作如是心願
我持戒得生天中為迴彼心我說無
常退及受離如是等過何以故若起
少心怖望於有一切善法皆悉散失
一切有中無處常者下上傍廂若常
不動不破壞者無有是處一切分別
無不分別以此因緣說彼天報非可
愛處

尔時彼處諸天女等圍遶如是始生
天子歌儻遊戲種種娛樂尔時天子
本未曾見心自思惟此屬於誰而來
近我隨彼天子心之所念即心念時
以善業故彼天女言天為我主何以
不共我等語說天是我夫隨天所須
我為給使令天受樂時彼天子既得
聞已作如是言汝若屬我今可來近
在此林中何以故此之天處是受樂
地生此天者此處受樂時彼天女即
抱天子無量種種受快樂已天女復
起作如是言我共天子在園林中處
處遊行此園林中多饒無量種種天

衆隨眼所見種種可愛種種諸鳥音聲可樂多有種種流水河池蓮花莊嚴多有百千種種山峯其峯高峻種種七寶多有光明莊嚴山峯種種山谷處處嚴好多有種種諸鳥音聲在地處處有池莊嚴如是功德志皆具足我共天子俱行遊戲受諸欲樂尔時如是始生天子從彼天女聞是語已語天女言我隨汝意皆如是作如是說已起彼坐處為受樂故一切天女共彼天子園林中行種種音聲天寶樂器在手執持共彼天子遊行放逸

尔時天子共彼天女遊行放逸復有其餘天子天女共行遊戲合會相逢時二天子見則相愛迭共語說彼此天女亦復如是心迭相愛一切和合復向異林如是林者名戲樂林彼林之量三千由旬彼林無量有百千億邨由他數諸天子衆滿彼林中如歡喜林曠野無異如是具足種種功德名戲樂林天遊行處處種種具足彼兩朋天共見彼處皆悉本來未如是見

亦未曾聞不可譬喻見彼林已生歡喜心面眼目等皆有喜狀時始生天及其天女即語彼天作如是言此如是等昔來未見

如是說已兩朋天子兩朋天女頭著天鬘身塗栴檀坐天堂殿上昇虛空歌儻喜笑迭共遊戲相與共詣牟修樓陀夜摩天王如是上去復有餘天并其天女手執蓮花坐天之虛上昇虛空歌儻喜笑迭共戲樂相與共詣牟修樓陀夜摩天王亦尔上去復有餘天能微細行手執篋篋能穿無量百千山過行不郭尋共諸天女歌儻嬉戲亦復向彼牟修樓陀夜摩天王所住殿舍心生歡喜亦尔上去復有餘天於虛空中雨諸天花共諸天女歌儻嬉戲亦復向彼牟修樓陀夜摩天王所住殿舍亦尔上去彼始生天如是無量種種差別無量遊戲皆悉具見亦共同行在天女前如是而行彼無量天皆以美語共其言說

尔時如是始生天子遙見遠處有勝光明過百千日自餘凡夫眼不能觀

復聞彼處無量音聲聲有四種一者相應二者真正三者和合四者平等如是音聲彼天聞已心生歡喜問天女言今見彼處勝妙可愛有大光明在於彼處如是遙見彼處如是勝上音聲美妙平等和合歌聲復有儻戲云何如是尔時天女即便語彼始生天子作如是言夜摩天王彼處受樂多有無量百千天衆復有無量諸天女衆一切天衆之所讚歎猶如兜率寂靜天王受天之樂

尔時如是始生天子既聞是語則生第一希有之心如是念言除寂靜王如是受樂更有何處如是受樂時彼如是始生天子既思念已語天女言誰名寂靜於何處住我見此已當往見之時彼天女聞其語已心則思惟作如是念此始生故不知更有大勢力故作如是言我見寂靜時彼天女復語之言兜率陀天在我之上於我為勝過百千倍我之所有受用之樂一切業果皆悉殊勝彼於此處夜摩天王威德勢力及餘一切種種皆勝

在我上住一切凡天皆不能往非其
境界彼天一切於我皆勝若天具有
福德之力大神通力則能往到非一
切天皆能到彼

正法念處經卷第三十七

癸卯歲高麗國大藏都監奉
勅彫造

正法念處經卷第三十八

誠

觀天品之十七 夜摩天之三

六魏婆羅門瞿曇般若流支譯

尔時如是始生天子作如是念彼天
大樂勝於此間夜摩天王如是思惟
於須臾間心動不定於境界樂心生
愛樂復更深著觀諸樂處普於天衆
何者何者受樂之事一切皆見次第
安詳遊歷彼處如是次近半修樓陀
夜摩天王所住之處王於彼處無量
百千多億天衆圍遶受樂多有無量
諸天女衆手執蓮花園遶供養彼天
王色不可比類無與等色威德光明
功德具足彼王出勝一切天衆所有
光明如日勝於一切星等衆星圍遶
夜摩天王亦復如是威德殊勝在師
子座其座軟觸非絲等成純是妙寶
希有之色彩服莊嚴威德具足無量
種聲歌樂之音異異嬉戲聞欲功德
勝心受樂夜摩天中如是境界更無
勝者勝帝釋王所有功德半修樓陀
夜摩天王有五十聚勝妙光明從身

而出皆有焰起彼帝釋王於兩肩上
二處出光彼光明聚於此則劣牟修
樓陀夜摩天三六根門衆以善業故
如是和合於帝釋王所有功德百倍
為勝如是勝故不可比類彼色如是
無可譬喻樂及境界亦如是勝不可
譬喻彼王眷屬下劣威德猶勝帝釋
何況天王牟修樓陀所有威德內外
清淨彼既如是云何可喻

尔時如是始生天子即於遙見牟修
樓陀天王之時色樂威德一切微劣
既見天王觀自身已如是思惟我身
於彼天王之身億百千倍百千倍
微劣不如以行第一勝善業故得此
天王牟修樓陀上妙之身此有如是
殊勝威德何況所聞名為寂靜勝於
此王牟修樓陀所有威德皆悉具足
上上天業次第勝勝轉轉微妙如是
少時心思惟已而復專聽歌等音聲
尔時如是始生天子更復前進安詳
徐詣牟修樓陀夜摩天王所住之處
牟修樓陀夜摩天王周而多有勝妙
身色第一莊嚴容貌端正殊勝威德

好身妙音七千天女近身歌舞喜笑
遊行自餘天女小遠身者不可計數
嬉戲娛樂皆飲天酒彼此共送意念
同心彼諸天女各得笑王牟修樓陀
共受欲樂心作是知王唯愛我更不
愛餘於我得樂不於餘女唯我欲勝
餘則不尔夜摩天欲口說則成身不
交合彼諸天女皆有是意一一皆謂
牟修樓陀夜摩天王唯獨愛之

尔時如是始生天子更復前近牟修
樓陀夜摩天三是有無量百千天衆
之所圍遶有無量種具足勝妙功德
舌語調伏天衆牟修樓陀夜摩天王
於一切天若舊生者若始生者皆悉
普識牟修樓陀見始生天眼則不轉
自餘舊天即便語彼始生天子作如
是言大王今者如是看汝何以不跪
尔時如是始生天子聞已即跪尔時
天王牟修樓陀見其跪已告言大仙
汝今始生夜摩天地汝今可在夜摩
天地第一樂處於中受樂汝以修行
三種善業得生此處汝今善来自善
業故此中受樂於此天處久住多時

勿放逸行半修樓陀夜摩天王為始
生天而說偈言

始初生天子 若愛此生樂 彼不及退苦
十六分中一 味少怖畏多 常誑惑丈夫
如乾闥婆城 欲樂味亦尔 此欲極為惡
能破壞衆生 是故有智者 心常不信欲
半修樓陀夜摩天王如是教彼始生
天子始生天子如是啓白半修樓陀
夜摩天王而作是言實尔天王我初
不知此天之中有如是過不知天中
去何法行如他餘天之所行作我如
是作我自不知尔時天王半修樓陀
復說偈言

若至死到時 更無餘同伴 死後異處去
無有共行者 衆生心種種 若干心性欲
如是異異業 造作生死縛 乃至即生時
必定已屬死 種種癡覆心 於此不知怖
若退時已到 能破第一有 彼癡心不覺
死苦之可畏 歡喜生放逸 數數受生死
癡者不覺知 境界能誑天 境界地能誑
境界愛生癡 天常不覺知 退時大怖畏
生苦取為大 退無如是苦 如是大生苦
唯天中成就 業風之所吹 輪轉受大苦

丈夫死所將 心誑不自在 非父亦非母
非知識非親 若死時既至 無有同伴者
本性如是誑 一切無伴侶 唯意如是惡
各各迭相誑 非餘亦非親 而能為救者
死時既到已 親亦如非親 汝若見非親
亦受大快樂 死王力自在 公奪大樂去
境界令心迷 常為欲所使 雖未覺苦惱
必定得不疑

今修樓陀夜摩天王以如是等真實
之法教彼如是始生天子時彼天子
既得聞已心生厭離於須臾間還復
歌舞戲樂喜笑更復染著一切世間
愚癡凡夫心無常故心不定故以樂
力勝覆其心故為愛使故心百倍動
以此因緣天放逸行以如是故乃至
少法不住心中

尔時如是始生天子於彼天王今修
樓陀堂殿之所種種戲樂共自眷屬
如是歌舞種種嬉戲三欲功德皆忘
具有境界受樂和集還去著來時道
到自所止雲霞遊行本所住處既還
到已復共餘天種種受樂嬉戲遊行
向名廣殿彼殿可愛今具足說內有

二十部由他含有種種色異異形相
寶光明集多有天衆諸天女衆如是
妙毀隨天所念一切皆得如彼天子
心之所念一切皆得如是之色如是
形相園林花池多有無量百千鳥衆
以為莊嚴七寶山峯彼殿如是天善
業故若天憶念欲遊行時毀并園林
蓮花河池種種天樹飛行虛空如鳥
無異若天憶念此殿動去我則受樂
即於念時飛行而去若天憶念起如
是心隨我所須飲食具足則有河流
皆是天食無量種種皆悉具足隨念
而有色香味具滿河流出以彼天子
本善業故若不善業無此境界

又復此天生如是念我此殿內轉更
寬博廣百由旬即於念時多有無量
種種可愛諸流水河妙蓮花池并諸
澗谷具足房舍種種園林妙蓮花等
皆悉具足如是寬博彼天見已轉更
歡喜生如是心我於此處遊行戲樂
我心歡喜更共餘天此中受樂復今
餘天於此殿中共我戲樂若夜摩三
天衆來此我共受樂即彼天子心生

念時半修樓陀夜摩天王所有天衆
向其殿內而共遊戲即於念時彼天
發行有乘鵝者乘孔雀者復有乘於
他養鳥者有乘花者有乘鴨者復有
異天乘鴛鴦者復有乘於命命鳥者
有乘樹者如是異異種種乘來勝歡
喜心樂音遊戲復共種種形服莊嚴
諸天女等喜笑歌舞蓮花妙鬘角絡
其體受第一樂勝歡喜心天女讚歎
乘空而行向天遊戲殿舍之中既行
到已彼此迭共種種受樂如是遊戲
放逸行故其心不定半修樓陀夜摩
天王見其放逸而觀察之如放逸天
放逸行觀生如是心我於今者以何
方便而能利益安樂如是放逸之天
尔時天王半修樓陀復微細意深思
惟曰今今餘天須陀洹者共我相隨
籌量語論如彼地處雲雲遊行地處
之中種種受樂行於放逸云何善法
攝取彼天自他利益彼此皆作令我
及彼皆離過罪我為善友令彼利益
說法利他是善知識若教惡業則是
怨家能令和集地獄惡業尔時天王

半修樓陀共須陀洹既壽量已自神通力化作妙殿共昇彼殿而向彼去第一河池流水具足園林諸樹皆悉備有無量種種皆悉可愛有如是等勝妙之事共向彼處雲雲遊行地處之殿則為下劣百倍不如千倍不如何以故善業力故夜摩天中一切諸天所有善業半修樓陀夜摩天三善業最勝善業勝者神通亦勝以此因緣其殿則勝有妙光明勝於一切夜摩諸天所有殿舍譬如日殿一切餘殿不及少分如是彼殿取為殊勝餘天之殿不及少分彼如是殿自分功德皆悉具足行虛空中向彼地處雲雲遊行受樂地處須陀洹天相隨共往以須陀洹聖人之天少放逸行故與相隨向彼地處

尔時彼處放逸行天既見天王半修樓陀生敬重心速尔前進一切皆向半修樓陀夜摩天王相與奉迎或百或千百百千千如是一切奉迎天王尔時天王半修樓陀既到彼殿即作神通變化力故令彼迎天忽尔之中

各不相見唯見自身獨近天王於其
樂音一切不聞種種妙色皆悉不見
以王神通故令使尔彼天各各有如
是心唯我在此自餘諸天為何所在
恒常共我坐此殿中今何處去一切
不見如是念已彼天各各前向天王
半修樓陀唯見天王及須陀洹不見
餘者彼一切天各各皆生希有之心
心生怖畏皆白天王半修樓陀作如
是言我此殿中共住諸天不知今者
向何處去尔時天王半修樓陀告彼
天言如是等天一切放逸行放逸行
以業盡故退墮地獄餓鬼畜生或生
人中若放逸天行放逸行放逸所壞
為境界愛之所破壞心樂五欲諸功
德故於境界火心念分別而自焰然
從自心燄生此熾火業風所吹名廣
殿中心未歇足為五焰火所燒然已
復為地獄大火所燒受種種苦自心
所誑身壞命終生地獄中此放逸過
一切過中寧為勝上何以故為放逸
過所破壞者散失一切諸善法故彼
如是天自心自誑如是癡天後時心

悔尔時彼處一切諸天既於天王牟
修樓陀如是聞已一一心中皆生厭
離皆生怖畏各白天王牟修樓陀而
作是言天主大王云何如是一念之
頃一切天退此未曾有一切諸天於
一念頃如是皆退雲雲遊行地處盡
空此為甚苦以何方便令我不退不
受苦惱不受別離令我不受別離之
苦令我不墮地獄餓鬼畜生等中尔
時天王牟修樓陀即為彼天而說偈言
行放逸道者 則不見賢善 猶如鑛冰者
火則不可得 離因則無果 無因果叵得
放逸求功德 究竟不可獲 放逸破壞生
如是轉行天 彼癡失善業 墮於惡道處
若有是癡心 於愛欲受樂 恆得衰惱已
其心則生悔 欲火所燒者 為境界所誑
不得寂靜道 一切上樂處 若世間欲樂
若愛所生樂 不及一內樂 十六分之一
猶生為第一 白法離生死 愛盡第一樂
畢竟不退樂 不怖畏知足 此修者不求
如是禪定樂 更無樂可比 若不為愛縛
疑所不壞者 彼則渡有海 常受一切樂
苦心住欲者 彼則不受樂 是一切苦器

入於地獄處 常為業繫縛 之所牽挽者
一切無能救 令脫此苦者 所見去來法
由業有生死 去來皆如是 業因之所得
愚癡故貪欲 乃至終退時 受生死大苦
而不能覺知 以愚癡覆故 受樂不厭足
以不知足故 如是常破壞 非初非中後
非今非後世 常修習欲者 無明故流轉
以善業盡故 於此處必退 貪放逸毒者
癡故不覺知 此身念念變 以癡故不覺
於後欲退時 乃覺知苦惱 若於苦怖畏
及怖畏死者 應念於正法 如是必得樂
余時彼天既聞天王半修樓陀如是
說已於放逸行少時心離復白天王
半修樓陀而作是言天主大王此一
切天皆忘不見豈一念間皆破壞耶
一切失耶願王實說余時天王半修
樓陀即告之言如來善業還如是去
以業盡故一切業法決定如是一切
衆生造相別離心生懊惱老病死等
如是三種有相對法命少無病若何
丈夫或人或天心不放逸不放逸行
彼於如是三種可畏則能覺知如此
三種命少無病以放逸故能令皆失

一切諸天畢竟如是死未來聞勤行精進作諸方便三種精進謂施戒智此三能除此三大畏無量分別常隨逐行暫時不離若不畏者彼則於後臨欲死時口面破壞眼目轉動諸根乾燥一切諸親兄弟妻子眷屬皆捨尔時則為退愛別離火之所燒極大苦死彼一切天於一切時無量分別五欲現前歌舞戲笑歡喜遊行於園林中如是受樂放逸境界如見善友知識之面不覺其果彼於後時悔火所燒我身云何不作善業何不布施何不持戒何不修智如是三種我何不作由放逸故我於今者孤獨而死捨離諸親及兄弟等為死所攝如是將去離此世間第一愛處無量境界受樂之處如是後時心生悔惱乃至如是能破壞天大力死王未來之間汝等畢竟莫行放逸捨放逸故必得安隱於彼死時不為悔火之所燒然如此之道第一安隱凡諸一切衰惱之者於施戒智樂修多作彼時依此榮救得脫是依是救是大力伴若死至時

必定不免必能破壞彼來至時不可禁
制不可免離能奪一切衆生之命如
是惡死何不方便精進勤修令使不
來一切放逸惡未至時甚為賢善如
大毒火放逸亦令汝等諸天是放逸使
又復諸天皆屬放逸彼放逸恣隨逐
不捨於園林中山峯之上遊戲而行
一切諸法皆恣無常而謂是常生如
是心我常共彼諸天女衆相隨受樂
如是天女常少不老我此天女常共
相隨終不能別如是常為諸境界樂
之所誑惑第一大力能為破壞死王
既至非諸天女能遮能救彼思量心
亦不能救常不別心亦不能救彼所
思惟一切皆空一切無常不堅不牢
既為放逸所破壞已生於地獄餓鬼
畜生為癡所壞致此大苦又復彼天
於無始時輪轉生退數數懊惱常被
誑惑愚癡不覺

尔時天主牟修樓陀法相應語義相
應語如是說已若彼處天有智慧者
則於彼語猶如甘露無垢清淨攝取
在心捨離放逸於欲深厭彼天如是

心正念已即向天王三年修樓陀而說偈言

若利益及實如相應不異天作如是語
是利益之因能攝心寂靜如是者得樂
從樂至樂處必得樂不疑若於此顛倒
放逸破壞天如是癡心者必當墮地獄
如是天子既向天王如是說已生獸
離心彼諸天子又復重尔問天王言
我今有疑此殿舍中一切天衆為何
處去尔時天王牟修樓陀見其調伏
心生獸離已捨放逸即攝神通彼諸
天衆迭手相見既相見已彼此迭共
生歡喜心彼諸天衆心歡喜已牟修
樓陀夜摩天王而告之言汝等各各
迭手見耶向來乃是我神通力所攝
尋故而今汝等手不相見汝於今者
還復迭共相見如本彼能破壞大力
死王若來至者百千億劫永不相見
令汝等退生在地獄餓鬼畜生更不
可得如是相見是故應念不行放逸
勿起異心常當攝意勿樂境界尔時
多天如是聞已極生獸離心獸離故
得須陀洹尔時天王牟修樓陀如是

知已甚大歡喜生如是心我於今者所作已辦自意滿足捨離此處向嬉戲處雲處遊行諸天衆等第一善心若有已得須陀洹者不放逸行若不
得者其心則輕猶行放逸樂放逸行樂放逸樂如是園林流水河池山峯
澗谷共諸天女受種種樂不慮死畏乃至彼處受樂遊戲歌舞喜笑可愛
善業和集皆盡善業盡已於所應作悉皆不作復墮地獄餓鬼畜生若有
餘業生於人中常一切時第一喜樂第一端正第一財物具足而有一切
人愛奉性心喜隨順法行嬉戲歌舞而受諸樂樂行寺舍有蓮華處流水
河池若王大臣王等富者一切知識皆共善友諸親兄弟心皆愛樂常不
妄語心常正直一切善人常樂共行不壞威儀無量功德皆悉具足如是
彼人身聚具足如是得身以餘業故又彼比丘知業果報觀夜摩天所有
地處彼見聞知彼夜摩天復有地處名為積負衆生何業生彼地處彼見
聞知若善丈夫常畏業果心性正直

正見不邪修行正業捨惡知識常一切時念佛法僧微少惡業深生怖畏不煞盜婬乃至道行若見婦女若歌若儻莊嚴具聲聞已不著心不愛念心善觀察無不善心亦不喜樂見其過已心不分別彼若如是不起邪行身壞命終生於善道夜摩天中積負地處此善業人生彼處已受樂不斷恒常成就自身光明五欲境界受於快樂彼處有山名聚積崖七寶諸樹以為莊嚴滿彼山中無量百千種種鳥衆鳥有無量種種妙色莊嚴彼山在彼山處出種種聲行種種處見則可愛多有無量種種妙色種種處行無量形相滿彼山中又復更有流水河池種種蓮花諸澗谷中多有種種名憶念樹以為莊嚴交枝為舍種種花果皆悉具足其山之量三百由旬諸天子衆諸天女衆處處多饒昔彼山中皆可愛樂第一天衆所住之處如是山中分分地處彼處一切善分分處七楞七廟皆有園林種種間雜彼善分處有七種寶彼七種寶各為

一廂

一廂青寶光明遍至六万由旬如是
光明一切虛空普遍青色若天憶念
欲上山時天自普身以種種寶間錯
莊嚴在彼如是聚積崖山行於如是
青寶之廂乘空而去自身種種莊嚴
諸寶無有色光與山同色皆作青色
及青光明與山平等青色青光皆悉
第一聚積崖山一廂如是青寶之色
又復如是聚積崖山第二廂處皆是
頗梨若天種種莊嚴其身種種間錯
行於彼廂乘空而去舉身種種莊嚴
諸寶無有光色與山同色謂頗梨色
光明亦尔與山平等彼天身光如入
水池

又復如是聚積崖山第三廂處悉皆
是銀色及光明所遍至處五百由旬
第一白光見者甚樂若何者天行於
彼廂乘空而去其身種種莊嚴之色
皆同白色以彼山廂光明力故
又復如是聚積崖山第四廂處一切
皆是閻浮提真金為體光色如日
彼廂光明其焰圓輪滿千由旬若何

者天行於彼廂乘空而去身亦同色
又復如是聚積崖山第五廂處皆鉢
頭摩真寶之色一切普赤光明遍至
一千由旬若何者天行於彼廂乘空
而去身同赤色彼天若著赤寶莊嚴
本赤色滅百倍更赤以彼寶廂光明
力故

又復如是聚積崖山第六廂處皆是
金剛真寶之色其光遍至五千由旬
楞闍色出如天虹色若何者天行於
彼廂乘空而去身亦同色以是彼山
光明力故

又復如是聚積崖山第七廂處皆是
七寶種種雜色光明遍至百千由旬
若何者天行於彼廂乘空而去隨天
之身諸莊嚴色皆悉更勝隨種種衣
其色轉勝

如是勝妙聚積崖山威德普勝若須
弥樓妙寶山王而欲比此聚積崖山
光明可愛妙寶光明百倍不及千倍
不及至百千倍亦所不及彼勝妙山
如是威德何以故善業勝故彼山光
明亦如是勝彼夜摩天淨戒勝故善

葉勝故以是勝因是故彼山普勝可愛
又復彼山普真珠網周而遍覆第一
善淨第一光明一切天見皆得利益
彼真珠網如是覆山甚為端嚴有大
光明彼有大城名如意念真珠瓔珞
莊嚴殊妙如是光明甚為廣博多有
無量種種諸鳥名雜瓔珞住彼網中
若天放逸行放逸時彼鳥說偈教誡
之言

種種業因故今生此天身得天不知法
後則心生悔此園林可樂枝杓攔莊嚴
身生此處者一切是善果何人作何業
作業作善業彼彼如是成果亦如是得
汝等天現見下中上等樂何人如葉行
彼彼如是果癡種種莊嚴隨逐癡行人
彼為癡所迷不見大怖畏若癡放逸者
不作自利益喜樂種種欲怖求種種果
天為癡覆故不造作諸業若天愛雜果
彼天不持戒譬如捨離燈欲唯取光明
彼天亦如是離因異求果若以因求果
彼則常受樂無子果叵得無燈豈有光
無戒則無天離智無解脫若得解脫者
則無所怖望若離欲愛者慧則非我所

若業所得樂 一切是垢濁 若得盡滅樂
一切不垢濁 不得盡滅樂 垢濁則不疑
彼復經百劫 境界不知足 愛境界樂故
於樂不知足 若常近於欲 數數更增長
彼增長如毒 後時與苦惱 欲能為破壞
恒常是退因 若不能捨欲 彼天甚懈怠
若知功德過 此是智慧相 不知功德過
則為愚癡相 若知功德相 過亦如是知
真知功德過 恒常不離樂 善人知此欲
境界過功德 天云何捨智 受行樂境界
彼如是鳥真珠網中利益天故已說
此偈又復彼山普光明輪之所圍遶
山上種種諸寶輪旋而纏遶之種種
光明如閻浮提紅色相似若諸天等
見彼輪旋心生歡喜則有輪旋遶身
而生彼一切天見一一廂生希有心有
無量寶莊嚴天身此一一廂遊戲受
樂以修種種勝善業故如是受樂
又彼山中所有諸殿有四園林如須
弥樓何等為四一名端正莊嚴二名
峯林三名甘露端嚴四名種雜此等
名為四種園林流水河池妙蓮花等
種種澗谷有種種鳥音聲微妙諸樹

花敷樹鳥音聲皆悉可愛拘欄重樓
種種堂殿行行相應有山名為一切
布施希有殊勝到彼山已次到彼林
如彼雲處遊行地處如是天子共天
女衆受天五欲功德之樂而彼樹林
第一可愛彼中一林皆是閻浮那提
金寶其葉皆是毗琉璃寶妙蓮花寶
車渠色花

復次第二林是白銀林真金色葉彼
林之花有無量種種第一善香熏百由
旬彼天嗅之既嗅香已勝歡喜心彼
第三林是毗琉璃其葉是銀其花則
有種種雜色有種種香彼第四林名
種雜林無量雜色無量河池有妙蓮
花種種諸鳥種種音聲百千功德具
足而有於彼林中種種音聲如彼第
二三十三天帝釋之王如是彼處須
夜摩天光明威力功德具足多有無
量諸善業者於彼山中多有無量百
千天衆之所圍遶而受快樂種種境
界功德具足彼須夜摩大福德天第
一神通第一光明第一勢力自業所
化五欲功德皆悉具足五欲境界皆

恚可愛六根受樂彼處如是須夜摩
天彼天中勝以善業故彼山如是具
足可愛彼中有鳥名一切時常歡喜
鳥彼鳥如是自禁口語怖望相應而
說偈言

非智慧心念 亦復非怖望 唯業能與樂
樂由作業得 勝中復勝勝 可愛中可愛
持戒善果報 從丈夫作得 境界門搖動
如曲河下流 若能調御心 彼天是樂器
自作福德業 自身而修行 或受苦受樂
自身如是受 造作惡業者 自身則如怨
身善如善友 如是身自行 如河流之遠
身轉變亦尔 是故應作福 無垢淨持戒
若意樂不善 常意境界樂 猶如大闇處
作不饒益行 喜樂境界動 常隨順欲行
有此非法意 彼則受苦惱 諸苦是魔業
法樂普周遍 如是苦樂相 智者如是知
若心求樂者 隨順正法行 若有怖望苦
彼心行非法 非因不得樂 種種苦皆然
苦樂因差別 尔知自利行 若無量分別
則有無量種 彼一切業果 如是得生死
若不受樂法 一生身空過 法能將到天
行法者得樂 若法救護者 此如是善足

離法者非善 必定入地獄 好人寧身死
而不行非法 若捨離法者 生死常轉行
離於法眼者 為癡覆於心 樂虛妄無利
如病眼者樂 法芽意如田 無心則不生
若持戒意鈍 專行於非法 依非法道已
不善使令行 久轉行生死 為心所疲倦
此心念念中 無量種種轉行 其體甚輕動
如幻軋闍婆 彼心有繫縛 謂智慧持戒
不縛有大力 無量種種轉 境界欲樂多
為愛使令行 是故誑惑天 令行放逸行
不覺知終退 命終必破壞 一切無常動
盡時必失樂 一切天上樂 癡天不覺知
癡愛放逸行 如是喜樂樂 天眾愚癡故
常輪轉生死 先無後時有 已有後還無
天當必定退 世間法如是 唯有智慧者
不著世間樂

如是彼鳥行彼山中作如是說與種
種法和合相應若天先曾已於多世
行善業來聞彼鳥語心念攝受若未
多世一兩世來行善法者雖聞鳥語
乃至一句而不覺知是故應當勤行
精進常作利益修行智明除此已外
無如是救無如是藥此智能遮一切

惡道乃是第一樂之種子智者應當
心樂正法正念思惟而修心意若修
意者是則具有如是功德和合相應
次第乃至到於涅槃若天聞彼鳥音
聲已於須臾間暫息放逸

又復彼天於山園林無量衆寶光明
峯上彼天山中五欲功德種種和集
嬉戲遊行多種受樂乃至可愛善業
和集一切盡已彼處復退如葉而行
生於地獄餓鬼畜生有生人中彼於
一生常受快樂身得自在不屬於他
第一大富心常愛智第一勝色端正
具足為一切人之所樂見為一切人
之所敬重生於可愛富樂國土或在
城內或多人處親舊兄弟之所供養
若王大臣其心正直隨順法行正見
不邪彼餘業故

正法念處經卷第三十八

癸卯歲高麗國大藏都監奉
勅彫造

正法念處經卷第三十九

誠

觀天品之十八 夜摩天之四

元魏婆羅門瞿曇般若流支譯

又彼比丘知業果報觀夜摩天所有
地處彼見聞知夜摩天中復有地處
名為積負衆生何業生彼地處彼見
聞知若行善業精勤持戒常不惱他
持戒和合成就不缺不孔不穿堅固
不壞能開一切惡道之門清涼一切
惡道熱惱能作歸依猶如父母於未
來世隨順而行三種功德具足相應
何等三種所謂不煞不盜不婬不煞
不盜如前所說不邪行者若行道邊
若四出巷巷而行或乞食行或時
餘行若見婦女種種歌儻莊嚴音聲
不生愛念心不願樂見他所作心不
隨喜慶他作善教他懺悔說其過失
言此婦女第一過因所謂邪行以此
因緣能令衆生墮於地獄如是持戒
梵行清淨身壞命終生夜摩天積負
地處既生彼已善業力故於中受樂
謂積負山五百由旬滿中諸鳥音聲

可愛跋求之聲山中甚饒昔彼山中
音聲可愛然彼天子初生之時七寶
樹下如是而生如閻浮提睡眠之人
他人拍手聞聲覺者彼大如是聞鳥
音聲可愛故覺彼天之身所有光明
勝於秋時山頭出日所有光明彼日
光明則為不如少分相似天光明勝
而彼天子忽然覺已善業力故今使
彼鳥為說善業相應偈言

離筋羅所縛屎尿唾等處如是婦人身
故來生此中因誑曲不直見男心歡喜
心迷不定住汝不識故來不實語誑他
莊嚴令人樂彼巧誑婦女善能誑男子
婦女猶如蜂樂種種花中種種男子處
如是生愛樂如蜂嗽花已然後異處去
婦女亦如是嗽男異處行得物如賢善
常瞋不可調誑惑男子已復行於異處
以誑幻器仗如惡毒不異此婦女然男
能作不利益猶如風空火不可執持取
種種多方便婦女不可護不利益病死
作不善業等女第一因緣能壞涅槃行
若在種種處隘迫怖畏處世間男得苦
皆因於婦女非少非中年非未老寂靜

婦女性心動如日之光明 婦女非常友
如燈焰不停 彼則是常怨 猶如畫石文
唯親近富者 無物則欺人 有物婦女近
無物婦女捨 與物與供養 作種種功德
其心如火焰 而不可秉執 男如是隨順
如心之所欲 彼如是婦女 恒常誑男子
如弛花所覆 如灰土覆火 色如是覆心
婦女亦如是 猶如見毒樹 悅眼而不善
婦女如毒花 智者應捨離 怖望見婦女
復樂於境界 彼恒不得樂 非此世他世
若音樂放逸 懈怠動詒誑 近惡友貪食
彼則不見賢 精勤大力勇 福德捨婦女
恭敬信因果 此人自得善 諸過網婦女
在於世間行 若能離婦女 則生夜摩天
如是彼天聞彼鳥聲如夢所聞無量
種種勝妙功德皆悉具足說如是偈
能作兩明利益善事始生天子如是
聞聲如是聞已因緣生智彼智能念
何處生來善持三種可愛戒來憶念
來處既憶念已而說偈言

持戒來生此 婦女不可捨 勇者離婦女
則到涅槃城 非火亦非刀 非火刀非鋸
能割婦女縛 更無異方便 我本已常捨

勤心毀戕來捨故得此樂夜摩天勝處
異此樂之外更復有大樂當得不退處
必至於涅槃

今時如是始生天子既聞鳥語見鳥
色已心生歡喜觀彼天處見積負山
多有無量百千諸樹光明園遶復見
流水百千莊嚴聞天鳥衆種種音聲
彼鳥則有種種寶翅多有妙池種種
蓮花而為莊嚴蜂衆如烟如是群出
莊嚴端正如是諸事今皆未見無異
相似夜摩天處如是觀已如所見聞
如是歡喜既歡喜已從樹下起如是
起已觀察自身觀自身已自身所有
威德光明種種無量見身威德諸光
明已即生色慢次復更生第二慢心
謂如是念我更無比隨所憶念一切
皆得此第二慢次復更生餘五慢心
所謂五根著五境界生如是等七種
慢故令心破壞本所作法不得相續
一切不念以心動故多放逸故彼心
放逸而行放逸五境界蹋繫縛愛類
即便上彼積負山上為受樂故彼山
三地所謂下地中地上地彼下地中

有五園林一名香漂二名焰勝三名
光明四名常樂五名高聚彼香漂林
若有物生一切香勝彼香普熏五千
由旬彼焰勝林無量種焰諸色光明
一切皆勝過百千日所有光明彼光
明林天身光明在其中行五欲功德
皆悉具足彼常樂林流水河池無量
百千天香味色皆悉具足彼高聚林
第一高峯七寶光明如是已說下地
園林第二中地百千曠野無量七寶
蓮花水池無量百千衆鳥可愛種種
異聲觸味色香甚可愛樂清淨無垢
滿彼地中第三上地山頂之巔彼處
有城百由旬量諸天滿中城名寶林
有種種河河中水流滿中飲食多有
天樹妙蓮花池樹有花果無量百千
具足痔嚴多有歡喜諸天女衆無量
百千滿彼城中須夜摩天半修樓陀
往到彼城於彼城中五欲功德受天
快樂可愛聲味色香和合增長愛火
如是彼天積負山上種種受樂遊行
嬉戲種種境界種種受樂因果差別
尔時如是始生天子以心怖望境界

樂故向彼山上獨一無侶有一舊天
既見如是始生天子心生歡喜即前
近之語餘舊天作如是言此天子者
是始生天餘舊天言天今云何知其
始生時彼大天答餘天言此始生天
有五種相所謂一者光明覆身身無
衣服心作是念勿令他天見我裸露
即於念時他見有衣而實無衣此是
初相始生天子又復更有第二之相
所謂見物生希有心於園林等未曾
見來見則遍看此第二相始生天子
又復更有第三之相謂見天女弱顏
著慙心生疑慮未敢正看此第三相
始生天子又復更有第四之相若見
餘天雖前近之心生疑慮意志不定
此第四相始生天子又復更有第五
之相欲昇虛空心生怖畏設飛不高
安詳不遠去則不遠近地而遊或傍
城壁或依附城此第五相始生天子
具有此相我共汝等相與往詣始生
天子彼時天衆圍遶大天一切皆詣
始生天子到已語言大仙當知我等
諸天見汝始生相與共來以善業故

善修學戒不毀不缺不孔不穿離垢
清淨汝得生此如是語說為始生天
如是說已為放逸故次上彼山飛空
而去在虛空中種種樂音心生歡喜
迭共受樂彼時如是始生天子既如
是見即便思念我今獨自步行而去
上積負山既思念已即尔步行入彼
山所見有大衆諸天女等無量衣服
莊嚴其身有無量種種樂聲而歌彼諸
天女見始生天各各歡喜競共前走
向始生天既見其眼生希有心而觀
察之復生是心我應供養應為其婦
復更近之以本未見初始見之生希
有心白天子言我於今者樂見天子
為天子來天子今者自葉果故共我
受樂於園林中有種種林種種林中
有種種山高峯澗谷復有種種異異
天處七寶莊嚴光明園遶諸樹花果
遍滿山中處處皆有樹枝堂舍彼堂
舍中多有種種歌樂音聲其地處色
如火洋金如是妙色地處受樂復有
異處流水河池種種蓮花莊嚴其處
又虛空中有百千堂種種莊嚴第一

可愛我共天子在如是處受諸快樂
尔時如是始生天子本善業力語彼
天女作如是言我今如是共汝受樂此
天地處一切欲樂不可厭足尔時彼
處諸天女衆共向異林名雜殿林於
彼林中種種樂聲聞彼樂音心生歡
喜善業成就受樂果報彼林具足妙
色境界甚可愛樂如是無量可愛之
味種種勝味如是無量可愛之香如
是無量可愛之觸其地柔軟故有此
觸非縷所成種種天衣其觸軟滑如
是種種皆甚可愛有種種鳥妙好音
聲種種歌音甚可愛樂無量種種聲受
如是等五境界樂共諸天女種種莊
嚴美妙之者以無量種受諸快樂
尔時彼林有如是等功德具足無量
天衆諸天女衆滿彼林中彼天見已
則生第一希有之心見種種已處處
遍行於彼處處園林之中皆是車渠
及青寶等莊嚴地處復有綠地鳥在
中行鳥有種種七寶之色間錯其身
彼鳥迭手遊戲受樂出跋求聲共彼
雌鳥在其綠地如是而見綠地見已

復於水中見種種鳥多有鶯鶯諸鸚
鴨等種種異色間錯莊嚴彼鳥皆有
第一音聲如是見已復見天子共諸
天女在園林中彼園樹林有六時花
一時俱生彼樹各各爭出勝花彼樹
光明或攝或放如眼開合彼諸天子
諸天女衆見已歡喜復見異處有青
林行種種雜色見已心動心既動故
種種欲樂上看虛空見有無量百千
天女滿虛空中第一衣服而自莊嚴
遍滿虛空種種間雜譬如壁上種種
畫色或在綃上或氎等上種種異見
歌舞喜笑種種遊戲彼天見已心則
轉動種種分別空中見已而復迴面
即時見有蓮花池林種種蓮花滿彼
池中種種形相種種妙色謂青黃赤
有種種鳥在彼池中彼天如是既觀
察已生歡喜心尔時天衆一切處見
間無空處遍滿虛空無處不有鳥及
天衆亦遍水中亦遍虛空間無空處
如微塵許以於徃時修善業力如是
見已而說偈言

此見之大海不可得滿足 舌愛味亦尔

無有滿足時 鼻貪嗅諸香 如見不可滿
身著於善觸 不知足亦然 耳貪著妙聲
亦不曾知足 意念種種法 一切不可滿
六境界中動 離知足光明 患渴常行轉
欲地無量種 不知厭足天 猶如火投薪
若不知厭足 自體無處住 如是六火惡
起念風所吹 此常燒世間 癡者不曾覺
此放逸者地 非修行法道 放逸今破我
入受樂境界

如是彼天念本善業憶念業故說偈
已竟法余更復添著境界多有愛聲
觸味香色無量種種功德相應念念
增長既增長已共天女眾處處遊行
五欲功德有無量種無量分別種種
受樂復共天女異處園林山谷之中
多有無量百千眾鳥出妙音聲七寶
莊嚴甚可愛樂到異天處欲共彼處
諸餘天眾諸天女眾同受樂故到彼
處已彼此迭呼美聲相問如是語說
如是一心迭共遊戲遊行受樂若餘
劣天有万天女而圍遶之常受欲樂
未知厭足而彼天女常樂遊戲亦能
以欲復供無量百千諸天如是天女

受樂欲樂

以何因緣彼天之中多女少男此有
因緣天世間中欲染強勝癡則為中
若生彼天住中有時已見彼處天女
具足既見彼已欲心增長著彼天女
即便迴心取天女身彼中有者怖望
樂故以心取故即便受彼天女之身
以此因緣於諸天中天女則多男天
則少如是有天一萬天女復有餘天
二萬天女復有餘天三萬天女復有
餘天四萬天女復有餘天五萬天女
復有餘天六萬天女如是次第乃至
百千萬天女者或有強者天女如是
多少差別

彼依地天行欲之法如人不異四天
王欲如此人中男女二身迭乎交合
迭相觸逼無有不淨三十三天行欲
之時彼此相抱根不相觸夜摩諸天
行欲之時語笑則成兜率陀天相視
成欲彼化樂天語說聞聲聞香成欲
迭遠處者若聞其香若聞語聲欲則
究竟具足成就如是他化自在諸天
與化樂天一法不異若一天子一切

天女之所愛念大生敬重心不疲倦

亦無病患離肉骨蟲汗等皆離天天
之中有增上力和合相應彼一切時
力常不壞勢力光明皆悉具足以是
因緣唯一天子共多天女無量百千
極相愛樂常行欲事彼天之心不守
一女於一切女心皆樂見隨意所行
一切天女又復如是第一欲染迭共
受樂不相妨碍如心憶念如是受樂
又復彼天共彼天女如意所欲有無
量種種無量分別如天相似自業相似
積資地處於長久時無量種種五欲
功德遊戲受樂多饒天衆諸天女衆
次第巡行復到異林名嚴風林為欲
受樂遊行嬉戲見餘天子本業盡故
天女衆中時至欲退彼欲退天有相
出現相如有病所謂相者彼天若前
近蓮花池花則不開此是初相又彼
退天第二相者若近林樹若蓮花池
鋒則離林離蓮花去此第二相

又彼退天第三相者若彼天子共諸
天女遊戲之時聞其歌音則生厭離
此第三相又彼退天第四相者若近

樹林彼樹之花一切皆萎此第四相
又彼退天第五相者欲在所戲殿舍
遊行不能行空此第五相如是五種
是夜摩天欲退之相如彼第二三十
三天欲退之時蠅等所著汗出則知
三十三天欲退之相地狀如是此夜
摩天善業盡故有此諸相則知其退
彼有十二死之大相次第見此欲死
之相而彼天子欲退之時死相即現
所謂彼天欲出光明光明不出還入
身中猶如日沒又退相現所謂彼天
見花鬘果心不受樂又退相現所謂
彼天著花在頭即便墮落又退相現
所謂彼天水中看身見自身像非天
身像乃見欲生何道身像若見地獄
若見餓鬼若見畜生若見人色如是
異見從此退已生地獄等異生相現
又退相現所謂彼天水中看身既見
身已則生怖畏生怖畏已身毛皆豎
又退相現所謂彼天見自處醜而不
端嚴又退相現所謂彼天於何等處
毗琉璃處金處銀處若頗梨處若青
寶處彼一切處如是處坐動搖不安

又退相現所謂彼天若風所吹則大
抖擻其觸堅韌又退相現彼天衣觸
重如金剛如是見已其心則愁心既
愁已於可愛聲味觸色香心則不樂
既如是已即尔便近無常之火又復
更有異退相現謂於處處若毗琉璃
石等壁中或於鎖中或於異處看自
身像則不見頭又退相現或見自頭
乃在於地見如是相死近不遠

彼諸天女如是知已厭惡棄捨彼天
憂愁起離別意有如是苦生來之苦
不及此苦十六分一

又第十二退相現者所謂彼天意亂
不定如旋火輪不念一處其心極動
退愁苦故彼現命根將欲盡滅如燈
油盡光明微少如是彼天知見自身
將欲退沒常自隨身所行天女見其
如是皆捨而去如火燒樹鳥見則離
而不觀察先本已來所有功德彼諸
天女見欲退天亦復如是捨離而去
其餘天子相隨而行時彼天子見婦
女去如是相已安心忍耐而說偈言
皆以自業故如是受果報 婦女見欲退

捨遠而不近 以自業盡故 離於無量樂
天女見退天 則向異天去 此樂無常定
心性亦如是 婦女樂欲惡 友不相信惡
此四種大苦 一切時常逼 是故應捨離
如棄毒火等 因業故得樂 因業故得苦
由業故破壞 業故如是見 如此天大樂
受用五功德 後時福業盡 退天不自在
如是說生死 一切是業幻 示解脫道者
真諦佛所示 若有擾動心 則不見諸過
彼癡有所攝 是故婦女近 日則非闇因
不由火故冷 婦女無愛心 少愛心不住
如地住不動 如風動不住 婦女性無思
故有如是過 丈夫於久時 多供養婦女
見衰則捨逐 如鳥捨枯池 上行者不墮
石等不能飛 山則不能行 婦女無善友
常能為妨礙 破壞法義名 不饒益納藏
出生一切過 金剛可令軟 日亦可離熱
婦女不捨誰 本性法如是 非種種愛語
非供養非物 而能攝婦女 心如火近
得樂共其行 得苦則捨離 無量思不念
一過計在心 於園林山中 成就無量樂
既得衰惱已 婦女離捨去
彼天既見天女如是捨離其身即便

思惟一切世間法皆如是已說此偈
婦女心堅奉天欲死即便離去依止
餘天猶如冬時蓮花乾枯衆蜂見之
即便捨離去向餘處尔時天女離欲
退天向餘天去又五樂聲歌舞遊戲
種種受樂在於園林蓮花水池種種
鳥聲名施念樹百千莊嚴忘前常共
受樂天子共餘天子而受諸樂俄尔
間忘如百千生見前天退於一念間
忘其功德婦女如是捨恩不念婦女
之性無所係戀唯因物故有所愛念
或有所須是故近男而自體性於一
切處皆不究竟一切過去未來現在
皆無有能知其體性以心動故如旋
火輪如乳闍婆城及陽焰等不可捉
持婦女體性亦復如是不可執持如
是現前捨退天子向餘天去彼欲退
天奉業熏故復說偈曰
若天搖動心如放逸欲樂於退不生怖
必定退天處若天天處生後必定有退
如晝日盡時必定有夜至晝日則如命
夜分則如退既知此二種應念不生死
彼天如是念奉前生既生念已取人

中時用以為喻不取天時而為譬況
何以故天無晝夜以自光明是故常晝
尔時彼天如是久時觀察如是欲退
天已還如入法決定受用善業果報
又彼天子於園林中遊戲受樂五樂
音聲河坎澗谷蓮花林中或在山峯
如是等處共天女衆共餘異天受諸
快樂依本善業受樂果報乃至所作
愛善業盡善業盡已退彼天處既退
天已如行而來如行而去墮於地獄
餓鬼畜生若有退已得生人中常生
樂處隨順修行正法國土聰明黠慧
一切人愛若作國王若作大臣若作
王者其王國土不畏他國敵陣軍衆
常受快樂以餘業故

又彼比丘知業果報復更觀察夜摩
天中所有地處彼見聞知彼夜摩天
復有地處名為心相衆生何業生彼
地處彼見聞知若行善人善意直心
正見不邪心常諦知善惡因果不煞
盜婬不煞不盜如前所說不邪行者
心不生念亦不隨喜所謂乃至見盡
婦女不念不觀無不善念心不樂見

不味不著無欲愛心而觀察之亦教
他人遮他人作自身不作不教他作
彼能自利復利益他彼持戒人得脫
熱惱常行諸善恒念自身見身不淨
於自身體常念不迷不貪婦女於婦
女羅而得解脫離婦女欲一切人信
現前持戒相應和集得如是樂離欲
邪行不樂不行不思不念彼人如是
能滅欲火第一用心第一樂行彼善
衆生身壞命終生於善道夜摩天中
心相地處善業衆生生彼處已無量
天樂而受樂行離肉骨汗自身光明
常受勝樂恒常受用五欲功德一切
欲樂皆悉成就於彼成就如是功德
受天快樂多饒百千諸天女等之所
圍繞如須弥山衆星圍繞光明勝妙
而自在莊嚴善業所化勝光明輪圍遶
端嚴無量光明從身而出彼天女衆
其數甚多娛樂受樂五樂音聲可愛
聲觸味色香等而受快樂

彼如是念我復更於其餘可愛勝妙
處行即於念時善業力故彼諸天女
觀察其心既觀察已語言天子我今

大何住於此處異此樂處復有樂處
今可相隨行向餘處名為千殿山峯
之上有種種寶之所莊嚴無量百千
天諸住處今可相隨共向彼處尔時
彼天既聞天女如是語已如心所念
極生歡喜作如是言今如汝意我如
是行

尔時彼天如是語已飛行虛空向名
千殿山峯之上有無量寶所莊嚴處
有無量天無量天女種種妙聲歌聲
遠聞五百由旬遍於虛空多饒諸天
及諸天女路傍詠歌令此天子生歡
喜心向名千殿山峯之上速疾而上
遙聞彼處天衆天女歌儻之聲莊嚴
具聲如是聞已則生希有歡喜之心
速速前近

時彼天子即前近彼名千殿山到已
則見種種具足可愛勝處有無量種
所謂七寶諸妙園林勝蓮花池以為
莊嚴心所樂見迭共受樂勝淨水池
水流之聲見園林中種種勝鳥上下
來去種種間雜七寶堂舍皆悉作行
種種雜異異諸寶以為莊嚴彼堂

如是甚可愛樂山谷崖岸種種行林
莊嚴殊勝多有勝妙鵝鴨鴛鴦是等
水鳥種種音聲皆可愛樂種種幡幢
為風所吹莊嚴可愛見者皆勝於虛
空中有行殿舍若來若去若合若離
有光明寶而為莊嚴復更聞有彼此
迭共若歌儺等勝妙音聲聞有勝妙
迭平遊戲笑等音聲有平不平七寶
之聚無量種種勝妙莊嚴無量種種
勝山峯處無量千種勝妙好花形相
色香行住走戲若相抱等如是種種
在彼天處如是天子天女之衆而為
圍遶在名千殿山峯之上住虛空中
下觀彼殿如是觀見彼山峯已生歡
喜心告天女言汝等看此千殿山峯
此殿如是甚為可愛一切種種皆悉
可愛彼天女衆聞其語已白彼天言
天今當知我今已見我已如是數數
見來或已百到若已千到天未曾見
天今善看於此勝處第一善觀

彼諸天女如是說已如是天子共諸
天女從空而下臨近彼殿於彼殿中
有受樂天見其來已生歡喜心有天

前迎迓而看之以彼天子初始生故如是歡喜以手抱之而作是言今我天朋如是增長天衆由是則有大力汝於今者共多諸天同受快樂多有諸天多有光明今修樓陀天王之所多有天衆多天女衆遊戲受樂復有餘天見始生天合掌供養既供養已而語之曰汝今到此山峯之上此中今有須夜摩天無量天衆諸天女衆圍遶受樂復有天王天善業故今於無量妙蓮花中迭共遊戲善業力故此處受樂此是好處汝今來此汝始生天得來至此

始生天子既聞是語語自天女作如是言夜摩天王何處遊戲五欲功德而受快樂天女聞已答天子言我今共去向大天主今修樓陀住受樂處彼始生天聞此語已即共天女去向天王受樂之處共天女衆歌儻遊行次前遙見今修樓陀夜摩天三亦優鉢羅林中而住亦優鉢羅有百千葉彼葉葉中有舍如窟內有天女第一妙者共諸鳥衆種種遊戲彼諸鳥者

是水行鳥鳥有勝聲種種妙音彼處如是赤優鉢羅如是莊嚴彼大天王婦女之身皆皆種種妙寶衣服其實多有種種光明赤優鉢羅寶光明故同一赤色彼優鉢羅如是赤故令一切寶光明皆赤如是勝妙赤蓮花寶過於秋時初出之日赤色之妙又復於彼赤優鉢羅諸葉之中共蜂遊戲如是具受五功德樂

若彼赤色優鉢羅中天子天女有如是心我於今者欲飲天酒即心念時於彼赤色優鉢羅寶花葉之中勝善色香清冷之觸天酒流出有無量種與彼天主牟修樓陀而共飲之如是受樂

又復彼天更有所念欲令赤色優鉢羅中歌音聲出即於念時則有風吹而令赤色優鉢羅葉迭相觸出種種聲自餘種種五樂音聲於此音聲十六分中不及其一聞彼聲已生歡喜心既聞彼聲百倍受樂共彼天主牟修樓陀在彼赤色優鉢羅葉而受快樂

又復彼天心若憶念遊戲受樂作如是念我今住此赤優鉢羅妙寶葉中如是遊戲今欲令此赤優鉢羅行於虛空即於念時彼優鉢羅如鵝鳥飛在空而行天子在中下觀餘處諸園林等有餘諸天自善其故遊戲受樂時彼天子復共天主牟修樓陀在優鉢羅妙寶葉中遊戲受樂處處而行彼所受樂無量分別善持戒故如彼持戒相似得果而受快樂以彼持戒有下中上如是受樂有下中上彼處如是於長久時受快樂已種種見已又復行向心相地處千殿山峯時彼如是始生天子不可思議種種見已心生歡喜向彼天主牟修樓陀赤色妙寶優鉢羅中共多無量諸天女眾彼諸天女歌舞遊戲彼夜摩地五欲功德具受第一境界之樂牟修樓陀夜摩天王赤優鉢羅赤色光明照耀天主牟修樓陀大王之身亦如是赤猶如赤色阿訶伽色於天王身所有赤色十六分中不及其一如是具受無量種樂今時如是始生天子復更

前進漸近天主半修樓陀合掌礼拜
偈言
伍頭未舉半修樓陀夜摩天王即說

前所作善業修持三種戒 彼業得此報
今者受快樂 莫行於放逸 空受彼業盡
應於餘善業 勤行勿放逸 善業則應行
不善業應捨 善行受勝樂 不善行受苦
若勤不休息 如是作善業 彼則常受樂
後時得涅槃 若行放逸行 則非善轉行
彼善業盡故 則到地獄中 若行清淨業
常勤精進者 則得第一處 彼處無苦惱
若為根所使 復為境界駢 一切縛所縛
常轉行生死 惡法不汙者 如已煉真金
彼脫有曠野 一切處安隱 若放逸行者
此不利益本 若捨則為吉 安樂無憂惱
汝今既始生 受樂事相應 生如是心意
慎勿著垢染 放逸能使天 婦女使亦然
婦女火所燒 常受於苦惱 是故天應當
勤捨離婦女 貪欲愚癡者 為心之所縛
如是法非法 不知應作不 丈夫少福德
去涅槃大遠 輕重真實知 行法無遺餘
怖法怖法果 如是者得樂 為心所牽者
根馬不調故 若知是牽心 勇到第一處

知足縛縛心 如心境界亦 勇者能令住
彼是世間智 天無量愛處 得無量種樂
若不貪著欲 則到於善處 汝作善業已
得可愛境界 今得夜摩處 心勿著放逸
如是始生天 億鉢頭摩數 天衆天女衆
自業受果報 業果難解 從心而化出
衆生為癡誑 依此而轉行 十二入怨家
巧能誑惑心 置在生死輪 令於世間轉
過去現未來 天處一切退 天處山常亦
衆生流轉行 毗琉璃山峯 園林等可愛
山等常不動 諸天轉不停 園林甚可愛
地處亦如是 恒亦住不壞 諸天轉不停
毗琉璃為基 真金甚可愛 此蓮花常亦
諸天轉不停 河池可愛樂 多諸鳥莊嚴
常如是不闕 諸天轉不停 堂殿常不異
拘欄亦如是 常亦不破壞 諸天轉不停
為境界所誑 世間如是轉 云何此處天
心不生厭離 心行於生死 以久習故堅
如是受大苦 而猶不覺知 如屠兒縛羊
置之於欄中 一一取而煞 餘者不生怖
正法念處經卷第三十九

癸卯歲高麗國大藏都監奉
勅彫造

正法念處經卷第四十

誡

觀天品之十九 夜摩天之五

元魏婆羅門瞿曇般若流支譯

牟修樓陀夜摩天王如是呵責既呵責已復共無量百千天衆皆悉從彼赤優鉢羅相隨而出向餘山峯其峯名曰一切觀察五百由旬七寶莊嚴流水河池園林衆華鳥衆莊嚴有無量種功德具足牟修樓陀夜摩天王為欲遊戲受快樂故上彼山峯一切觀察妙寶山峯種種可愛所謂其根有妙水池名為愛見園遶山峯於彼池中有名角峯出在水中七寶為節節如辟釧彼七寶節有勝光明狀如豎辟五百由旬又其頭上七節枸欄周帀而有所謂七者一金枸欄二銀枸欄第三枸欄是毗琉璃第四枸欄則是青寶第五枸欄則是車渠第六枸欄赤蓮花寶第七枸欄金剛妙寶如是諸寶以為間錯有如是等妙寶枸欄而園遶之周帀端嚴甚可愛處多有天衆多天女衆第一妙色可愛

音聲如是莊嚴如是殊妙。爾時天王
半修樓陀共多天衆多天女衆乃至
無量百千之衆如是共到一切觀察
山峯之所既往到已見彼山峯諸天
衆已而說偈言

夜摩一切處此高如舉臂恒於一切時
多饒諸天衆光明端正山七寶所莊嚴
有清淨流水有蓮花池遶園林甚可愛
多饒諸鳥獸此峯池中出極高穿虛空
此處天常樂天鵝自在嚴歌儻心歡喜
天女極甚多五樂音可愛觀者心樂見
此峯甚可樂周匝光明園以所作善業
三種持戒因天衆依此峯遊戲受快樂
我久依此峯遊戲受諸樂此是欲樂地
善業之所化此處凡癡天有已退今生
放逸行衆生如羊屠者然自死不覺知
如羊不怖畏若天覺知死不應行放逸
半修樓陀夜摩天王如是既見一切
觀察妙山峯已見多無量百千億數
那由他天諸天女衆種種境界心意
受樂諦見諸天業果報已復觀諸天
行放逸行為愛所漂未知厭足諸欲
熾火之所燒然既見如是愚癡天已

心生憐愍已為說偈復更前入一切
觀察山峯之中自業受樂定業所牽
心搖動故復與百千諸天女衆如是
相共入彼樂處彼處舊天既見天王
牟修樓陀即便奉迎有住空者有以
衆香自塗身者有在鳥背堂中住者
有共天子而前奉迎牟修樓陀夜摩
天王乘空行者有作五樂音聲迎者
如是種種異異莊嚴各各奉迎牟修
樓陀夜摩天王尔時如是一切天等
在上空中以諸花香皆悉下散牟修
樓陀夜摩天王散已前近復有餘天
以金樂器出妙音聲并復歌讚亦復
前近牟修樓陀夜摩天王復有餘天
手執花鬘彼花之香聞者欲發住在
空中天風所吹其衣搖動漸漸前近
牟修樓陀夜摩天王復有餘天住虛
空中妙聲讚歎牟修樓陀夜摩天王
漸漸前近有如是等無量異天種
種異異殊勝莊嚴有種種色以作業
時有下中上色莊嚴等亦復如是有
下中上一切皆向牟修樓陀夜摩天
王各各奉迎尔時如是一切天衆皆

悲讚歎牟修樓陀夜摩天王迎已俱
到一切觀察山峯上已天王力故諸
欲功德五境界樂有無量種一切增
長以善業故

尔時天主牟修樓陀共諸天衆在於
園林妙蓮花池成就無量種種諸欲
漸次更上一切觀察山峯之上其餘
地處既到彼已善業力故即便得見
惡道門開見有天女時至欲退彼欲
退故先九相現所謂一者皮緩太軟
以其皺故二者身動以身動故頭上
著花離散墮落復有第三退相已現
謂著赤花在頭則黃復有第四退相
已現謂有風來吹其衣服無縷之衣
則如縷成如人衣觸復有第五退相
已現謂空中飛則生疲倦地行亦尔
復有第六退相已現謂身汗水本清
今濁復有第七退相已現謂至樹下
取花取果樹枝則舉高不可得則不
能取復有第八退相已現謂天子來
共行欲者則見天女色醜無媚復有
第九退相已現謂有風來散其頭髮
令不柔軟觸則處處此退相現天數

十日於人中數經二千年猶故不退

彼退天女復有二種退相現已則到退時所謂一者欲心則多不能暫住所謂二者在遊行地地不柔軟下足不容舉足不起獨不能住噯餘天女言我煩悶共我住此彼退天女又復更有退相已現所謂相者臂動不住無語因緣而動不止彼退天女又復更有退相已現所謂相者先來歌儻音聲皆忘忘始生時歌儻音聲無有教者不從他學以善業故自然皆知如是退時善業盡故一切皆忘彼退天女又復更有退相已現所謂相者天女又復更有退相已現所謂相者若前往近蓮花池水若河流水則於水中見欲生處隨於何道欲生之處見彼身像彼退天女又復更有退相已現所謂相者身著莊嚴若是瓔珞若是釧等一切皆重彼退天女又復更有退相已現所謂相者隨何處坐坐處皆變若坐金處若毗琉璃因陀羅如是等處彼一切實皆變為木彼退天女又復更有退相已現所謂相者本見地等今見皆異彼退天女

又復更有退相已現所謂相者普身一切皆悉汗出如此人中又復更有退相已現所謂相者眼見天衆一切旋轉如見輪轉不見天身一切諸根不樂境界心作是念我今無救命欲盡故於欲生處如生處見如彼色見如前所說彼退天女命盡退時後念命盡心生中有半修樓陀夜摩天王如是見彼天女退已生厭離心既見天女如是退已而說偈言

婦女縛世間 誑令長譚戲 非法能壞法
是一切過處 為女欲所使 此天女被縛
彼死軍來到 破壞而將去 女以種種戲
巧誑惑男子 能令後時退 如自棄而去
蓮花園林山 若河若谷中 多種戲樂已
天女然後退 天女必定退 必定愛離別
丈夫如是見 猶行欲不止 能令世間失
能多增長愛 為此婦女縛 不可得解脫
欲染縛取大 能縛此世間 種種異思量
更無如是縛 無量種欲箭 傷天者何去
女欲使令汝 破女已得勝

半修樓陀夜摩天王如是觀察於退生畏欲退天女無有方便可救令脫

觀察普遍無量種門決定退已復觀
餘天五欲功德受種種樂於退不畏
如畜相似作是思惟云何彼天死時
臨到而不怖畏如是念已自心生怖
而亦不能為他天說何以故非時說
法令法輕故而彼餘天境界受樂樂
境界故如是非時不可為說半修樓
隨夜摩天王念死畏已隨順彼天猶
共戲樂復無量種遊戲受樂在於如
是一切觀察山峯之中多有種種妙
好園林及蓮花池共諸天衆遊戲受
樂六種愛身喜樂境界於彼園林蓮
花池等無量種處迭半歌舞共飲共
食若觸香味如是受樂聞歌音聲甚
為可愛如是受樂到彼山峯拘攔之
所遊戲而行彼拘攔者是毗琉璃諸
天入中其身光明一切皆失彼寶莊
嚴彼毗琉璃寶光明故皆同一色所
謂青色諸天既見皆同青色生希有
心迭半各各如是說言如我先見多
種殿來百千殿來初未曾見如此山
峯毗琉璃寶如是光明

今時此天如是說已即諸天中有一

舊天向餘一切後生諸天如是謗言
如我次第傳所聞來今為汝說以何
因緣如是光明曾於過去久遠世時
兜率天王下閻浮提誠心供養正遍
正知供養佛已來過此處一切觀察
山峯之中以心憐愍夜摩天故故留一
珠此夜摩天見珠光明諸夜摩天知
業果報有輕有重則離慢心若夜摩
天行於非法見此珠已知夜摩天與
兜率天有勝有負心如是知我於今
者成就何樂我樂光明色量形相於
兜率地則為微劣壽命亦劣地處亦
劣業果亦劣彼諸天等見彼寶珠勝
光明已則生第一勝歡喜心若放逸
行則離慢心若隨法行增長彼法以
此因緣兜率天王留珠在此

今時諸天從宿舊天聞是語已則生
第一勝歡喜心於彼寶珠生希有心
意樂欲見彼一切天相共在彼一切
觀察山峯之中求覓彼珠以求覓故
一處見之有一百倍勝光明出能覆
餘珠令使不現被覆未開猶尚如是
何況不覆所謂覆者夜摩天珠覆蓋

如是大光明珠彼夜摩天却餘寶珠
出此一珠時夜摩天見此一珠所有
光明心則離慢又夜摩天自身所有
一切光明皆悉不現復觀彼珠其中
則有金書文字字有偈言

清淨無垢濁常隨順法行彼不放逸故
恒常受快樂若樂若苦惱若老若少年
若大姓小姓死王皆能煞若端正若醜
若大力小力若獨若有主死王皆能煞
若王若僮僕若俗若出家若堅若軟者
死王皆能煞若富若貧窮若功德若無
若男若女等死王皆能煞若行若在家
若水中若陸若在山峯住死王皆能煞
若睡若寤寤若食若不食能歷亂世間
死王皆能煞若在下在上若在傍廂住
時輪無鄙辱死王皆能煞若吉若不吉
若法非法行若病若不病死王皆能煞
若惡者善者若慳若不慳若放逸若不
死王皆能煞若地獄餓鬼若畜生若人
大力不休息死王皆能煞若欲界諸天
若色界天等彼天悉大力死王皆能煞
若無色界天三摩趺提主彼天悉大力
死王皆能煞有生皆無常一切必破壞

一切有為法 破壞則不疑 見死力如是
若見欲過患 見愛染語已 則離生死海
初時有味堅 貪著欲境界 由之入地獄
猶如蛇舌舐 見此處退已 知死王大力
心則善調伏 知心有此過 園林山等中
若在堂中住 一切天皆退 為時火所燒
若為境界覆 癡故放逸行 愛繫縛此天
將入惡道去

時彼諸天大毗琉璃寶珠之中見彼
金書偈句字已讀已聞已若天心有
善種子者見聞是偈暫生厭離若迷
境界愚癡之天雖亦見聞猶著境界
嬉戲遊行受五欲樂心不生厭時彼
諸天既見寶珠如是光明珠內偈說
一切世間多諸過患既見聞已生希
有心此勝寶珠如是光明甚為希有
而彼諸天自性放逸種種遊戲種種
受樂無量分別多受無量境界之樂
彼樂深勝不可譬喻

尔時彼天復放逸行多擊種種歌樂
音聲向一水河河名連流堅著放逸
見諸境界其心堅著無始集來愛繫
所繫牽向彼河種種樂聲繫縛其心

彼此迭共遊戲受樂彼速流河多有
樹林蓮花所覆種種鳥聲甚可愛樂
蓮花之香以熏其水彼河兩岸饒歡
喜天若歌若舞彼天迭共勝歡喜心
在彼河岸受諸快樂五樂音聲平等
美妙有無量種五欲功德而受快樂
彼河水速故名速流其河兩岸樹枝
間間鳥在中住彼鳥即名樹奇間住
鳥善業故彼此迭共勝歡喜心利益
天故而說偈言

山河如是速 天如是失樂 癡故不覺知
如是放逸行 一切諸衆生 命樂速不停
癡者不覺知 如生盲於道 寧盲無眼目
不著欲愚癡 為樂隨欲行 趣向地獄去
非盲故地獄 以不知法故 是故寧自盲
不為欲所使 欲行不利益 常誑惑癡者
以自心癡故 而不厭離欲 若行於欲者
無智亦無知 不數欲生苦 而常樂於欲
見欲然如友 如今波迦果 能將向死處
數數至惡道 如一切諸河 水流無迴者
天樂亦如是 已去不復還

彼鳥如是住在樹中如葉之實已說
此偈時彼諸天善業修心聞說偈已

心極厭離如是思惟我今乃於畜生之時如是聞法是故得知我放逸行定入惡道今時彼天既生是心思惟念已其中有天離彼河岸在一處住而說偈言

一切衆生命 如水沫不異 如河流波動
少年亦如是一切諸衆生 盡皆屬老死
汝等無心意 不念不知慮 諸有身未壞
諸有世間淨 若心皆作法 則不入惡道
彼天如是迭手各各心隨順法如是
說偈如是念法未經久時根羸無力
復不思惟見無量種可愛可樂五欲
境界隨心樂已為受樂故行向餘天
彼天如是迷於境界五境界因常增
天欲在於彼處受天快樂第一可愛
五欲境界相應受樂乃至此愛善業
盡已復為業使生於地獄餓鬼畜生
若餘天退若生人中第一樂處無諸
衰惱第一富樂生於第一大種姓中
一切敬愛一切供養不怖不病第一
聰明若他餘人若奴若婢若諸作人
一切皆愛常於其人有供養心得生
第一善國土中不在邊地生在知法

知非法處五根具足智慧自在以彼善業作而復集聖人所愛三功德葉決定生天以餘葉故

又彼比丘知葉果報觀夜摩天所有地處彼見聞知彼夜摩天復有地處彼處名為山樹具足衆生何葉生彼地處彼見聞知謂若有人修行善業直心正心隨順法行不壞威儀不缺威儀遠惡知識常生善心微塵等惡見則深畏正見不邪常正見行常一切時信業果報心意正直身行善業口意善業護三種戒所謂不煞不盜不婬不煞不盜如前所說不邪行者若於晝中見婦女像心不生念白日見已夜不生念心生知足於晝行時善攝其心以知足繩繫縛諸根念身而行善護其心常樂觀察諸界入陰不樂多語不於非時入他舍內不行惡肆於一切處非時不行不近惡狗不常入村不常入城若四出巷不樂常見親舊知識心不常念常勤修行智之境界常正觀察恒常正念敬重尊長常迎奉侍彼善行人如是持戒

身壞命終生於善道夜摩天中山樹
具足地處之中於彼生已受無量樂
如印相似無量種樂皆悉具得

有二妙山圍遶彼地於彼山中有四
樹林一名膩青影二名無量負三名
一切上四名清淨負膩青影林青色
妙寶青色之樹金銀為葉皆悉具足
端嚴勝妙不可譬喻林中殿舍出青
光影遠去遍滿五百由旬色如青雲
彼後三林無量負林一切上林清淨
負林一一皆有無量種樹無量種色
無量種形無量種相無量種葉無量
種鳥近於彼林於彼林中有如是等
無量種樹復有其餘種種諸樹所謂
多有金樹銀葉復有銀樹毗琉璃葉
有珊瑚樹白銀為葉有雜寶樹雜寶
為葉以樹雜故其影亦雜其枝普覆
地分處處皆悉有水彼彼地處極為
嚴好蜂衆莊嚴有妙音聲多有天鳥
莊嚴地處彼第二林嚴好如是又第
三林多有無量流水河池其河多有
無量諸鳥種種音聲所謂孔雀俱耆
羅等音聲可愛住可愛處

又第四林多有種種雜色寶樹園林池水種種蓮花林影光明彼諸樹林一切皆如雲母琉璃若天入中皆見自身猶如雲母琉璃之色

又彼處山有異勢力若天欲退死時將至隨業去處一切皆見彼既見已獸離於有不放逸行以見自身異生處故彼福天子於彼如是功德地生以無量種善業力故尔時得生彼處天子生在山中山名伽那如是天子初生之時行放逸行既見退已生惡處故始生天子不放逸行如是攝心未經久時更著境界五欲之樂在於園林蓮花池中極可愛處五欲功德皆悉具足五樂音聲多有無量諸天女衆之所圍遶有無量種無量分別無量諸念彼山林中如前所說以彼天子前善業故如是種種受五欲樂彼既如是受欲樂已善業力故於彼山中則見五種希有色相等為五謂何生處而來生此見彼來處乘何業因而來生此見彼業因於何時退見彼退時見其退已於何處生見彼

處生生彼處已成就苦樂見彼苦樂
於他身事亦如是見彼天衆生復見
異時或見百劫或見億劫自身之事
作如是知我曾於此天中而生雖知
生數不知時數何以故以智少故不
能思量彼山勢力善業勢力故如
是見

然彼天子見無量種希有事已畏生
死過厭離善業況非福業而不厭離
亦離離業以其皆有苦惱過故以彼
難有多過惡故如是見已見彼山中
希有事已於有生死過惡之處怖畏
厭離於一切時增長無量種種衰惱
見梁繩已則於餘樂心離不樂所謂
樂者天中欲愛觸味色香如是既見
觸味色香如見毒飯不以為樂彼既
如是見無量種天境界樂憎惡不樂
彼既如是厭離欲已向餘天說令作
利益安樂之事彼天如是則善修行
身口意等而行善業所謂法師若能
為他說正法者於彼放逸諸衆生等具
足佛語而為說法畏放逸行放逸衆生
入於無量境界惡處為彼衆生說五種

畏所謂五者生畏老畏病畏死畏自
業畏等此諸眾生如是作業故如是
得受樂境界怖畏離別此等諸畏若
能示他非為貪物非詖曲心亦非怖
望供養因緣而能為他正說佛法
復有為他雜說佛法如已所聞譬喻
相應是自少聞少讀佛語推時在後
異因譬喻從他聞來自思量說內心
貪多種種種雜語推時在後如是說法
如是因緣作生死畏彼於山中見有
諸業

於如是等一切法中復有勝者謂為
父母尊者說法復有為於病者說法
為邪見者令生正見而為說法為欲
死者而說佛法若見生死無因無緣
自然有者是則為之說因緣法若於
生來未聞法者為之說法若行曠野
若於海中大船行者放逸行者若諸
國王若王大臣若諸年少行欲放逸
種種慢等令得離故而為說法若勇
健者能多煞害若多殺生放逸行者
為說罪過遮彼煞生若樂諍鬪望生
天故欲取鬪死顛倒見者為之說法

遮令不作若常猶者為之說法今得捨離若諸婦女妬嫉之者為之說法遮其嫉妬

此如是等十二種人若有能為說法之者彼人如是真實說法身壞命終生夜摩天山樹具足地處之中既生彼已則於彼處山壁等中見生死葉見已則於一切生死生獸離心若不為他如是說法而生彼者一切作業皆忘不見則於後時受諸欲樂遊行嬉戲五欲功德種種具足在彼地處聞歌音聲衆鳥聲音種種異異色香具足蓮華池中有無量蜂百千音聲諸離音聲

既於彼處受諸樂已復向山中山上平處在中受樂第一端正種種功德具足天女誅天歌音甚可愛樂色味香等皆悉具足生大歡喜復飲天酒既飲酒已轉復增長放逸之樂久行放逸受諸樂已復向彼山名遊戲林普毗琉璃以為拘欄莊嚴堂舍如火洋金而為莊嚴種種七寶莊嚴之處到彼處已普於其處多饒衆鳥第一

端嚴既到彼處五欲功德遊戲受樂
未知厭足心常怖望不可厭足如火
得薪為風所吹捺愛凡夫未知厭足
亦復如是何以故愚癡凡夫於無始
來如是流轉為愛所誑自境界中根
不知足從本已來未曾知足彼堂第
一可愛拘欄功德具足天於其中五
欲功德而共受樂有若干種無量分
別有無量種憶念成就爾時彼天不
放逸行謹慎行者既見如是放逸行
者心生憐愍而說偈言

如心之所作還如是受得善念漸愛欲
不善令增長若寂靜欲者見欲如刀毒
癡者不靜意見欲生愛捺若批若根塵
此因緣於心煩惱熏心故相似流轉行
於如是捺淨勇健者不捺畢竟常見色
云何有別異一切皆如是境界心自緣
調心為第一雜過甚為鄙僻如狍一種
色相各差別和合種雜生心亦如是轉
如機關水輪轉故有所作心因緣故語
此世間流轉放逸壞眾生心貪著欲味
亦常喜樂色不覺相續轉影中山林色
紫故亦見身天女何見已貪著欲境界

若恒常有欲終則愛別離如是之欲愛
智者則不樂何況無常空自身如是空
於彼苦報中癡者云何樂天既退天已
為惡業將去境界之所誑寂靜不可得
若天如是不行放逸不放逸行不放
逸天為放逸天如是說竟以自業故
見實色已於業生畏復憐愍故如是
已說如是住彼山樹具足地處之天
有無量種受諸快樂毗琉璃處於影
像中自見身色

又復於彼山樹具足地處住天更有
其餘毗琉璃林或有銀林彼林有名
有名常影有名無影彼常影林是毗
琉璃如是林中地分柔軟衆鳥音聲
百蓮華池以為莊嚴有流水池莊嚴
其處天於彼處遊行嬉戲受種種樂
彼常影林有五大池池有蓮華鵝鴨
鴛鴦多有種種跋求之音迭共出聲
聲甚可愛受種種樂於彼水中有風
來吹有種種波令彼鳥身相觸相離
其水清淨離於塵濁如是衆鳥蓮花
葉中迭共遊行受種種樂五華池者
一名樂見二名水足二名鳥樂四者

常喜五名天樂彼華池中多有衆蜂
無量形色有無量種種百千雜色飲
蓮華汁無量美味衆蜂飲已則出第
一勝妙音聲山樹具足地處之天聞
其聲已走向蜂所蓮華池中彼華池
水第一清淨第一色香彼諸天衆共
天女衆見彼水已入彼池中遊戲受
樂既入池已共諸天女在水遊戲五
欲功德種種具足復行欲樂彼處如
是種種戲樂

又復更有第一勝聲種種雜聲所謂
歌聲復有樂聲復有水聲種種諸鳥
種種音聲此種種聲迭手相離迭手
相順不相壞句合為一音如是可愛
如是天衆共天女衆如是受樂如是
雜雜音聲既出異山中天遊戲受樂
則不如此餘處鹿鳥臨飲食時若聞
此聲即便止食住耳不動聽此雜聲
飲時亦亦停住不飲聽聞彼聲餘異
地處所有天衆聞是聲已生希有心
況餘畜生如是五處種種受樂亦時
如是山樹具足地處住天於長久時
五蓮華池成就樂已為飲酒故受欲

樂故向餘園林園林名飲多有天酒
滿彼園林以如是義名飲園林彼諸
天衆善業力故到飲園林諸有水池
清淨滿者一切皆失第一香色味等
具足天酒出生滿彼河中彼酒之香
乃至遍滿五由旬內逆順來去如天
憶念如是酒生此世間中第一樂者
謂隨念樂如心憶念得自在者是為
寂樂唯此為樂更無有樂此隨心念
是第一樂何況復有五欲功德具足
之樂五樂音聲共天女衆而受快樂
復有隨意自在之樂種種遊戲受種
種樂彼如是酒離於酒過飲已極適
不可得說

彼天如是種種受樂放逸而行共天
女衆同飲天酒於長久時受覆其心
無始集來如是復集不能捨離為愛
所誑彼天如是不知厭足如火獲薪
如是彼中山樹具足地處之天如是
思惟我於今者上此山頂彼天如是
迭相憶念同一心生如是同心一切
皆共和合喜心去向彼山到已即上
自善業故第一光焰向彼山頂飛昇

虛空而上彼山第一神通上彼山已
五樂音聲皆悉相應一切所有歌樂
之聲普遍山上復有勝香普熏山上
滿虛空中有妙光明在虛空中勝耀
等光上彼山上以天神通上彼山已
見彼山頂有無量種種流水河池蓮華
滿中國林泉華種種具足彼處多有
衆鳥音聲第一天香

彼山頂上普皆平等光明遍照天衆
上已共天女衆第一受樂山上之天
有百天女有二百者復有餘天三
百天女自業作故有少中多復有餘
天有少中多有一千者有二千者有
三千者如是乃至有二万者種種歌
舞遊戲受樂一一園林處處遊行嬉
戲受樂如是蓮華勝妙林中衆蜂莊
嚴在彼林中五樂音聲遊戲受樂彼
山多有種種妙寶而為莊嚴於彼山
中處處遊戲受樂而行彼山之石一
切是寶殊妙間錯光明勝日其地柔
軟如閭浮提瞿耶居中第一柔軟劫
貝敷具綿等之軟若兜羅綿若復餘
綿如是等綿又復如餘柔軟之綿下

足則容舉足則平彼山頂上如是柔
軟若寶若地若樹若林若山之峯彼
一切處第一柔軟極樂之觸隨眼所
見皆可愛樂如是山上甚可愛樂天
衆天女在上遊戲彼此迭共受種種
樂諸欲功德一切具足受天快樂

彼處如是久時受樂彼天和合第一
音聲歌儻遊戲種種受樂於虛空中
有大光明猶如天狗彼一切天皆悉
同見彼勝天者見大光明未曾見聞
生希有心中天見之不能眼着以手
掩眼入於樹下下天見之不能忍耐
生怖畏故共諸天女入自寶窟又復
更有大威德天眼既見已則能忍耐
諦觀察之生希有心如是意念此是
何光誰有如是勝妙光明此山如是
妙寶光明如是山中光明具足此異
光照令不復現在空如焰我於昔來
初未曾見彼更審着見大天狗如是
向下有大光明遍虛空中如火焰熾
如是下墮彼天上觀如大天狗從天
而墮其量長短大小如是如是思量
然後說言彼天狗量五千由旬一切

虛空皆悉焰然不可譬喻

如是如是次第下來漸漸近下彼大
勇天亦不能看何以故以非彼天眼
境界故不能看彼勝大光明亦復以
手自掩其眼不久之間生希有心還
復却手開眼看之上觀虛空見彼天
狗漸更近下一切天衆皆生疑慮彼
此迭手相向說言上虛空中為何
物甚為希有在空而墮時彼天衆不
能決斷而作是言此是何物尔時如
是未久之間如是天狗空中滅沒不
知所在

尔時怯天知彼滅已從窟而出共諸
天女離於怖畏彼此迭手相向說言
此希有物為何物我心甚疑令我
見之心生怖畏如是說已彼此迭手
皆不能決如是久時彼此迭手相向
說言彼是何物生希有心而生怖畏
如是山上遊戲受樂復心動已猶更
受樂受境界樂種種受樂有無量種
無量分別五樂音聲於園林中多有
天衆共天女衆無量百千天衆受樂
正法金剛經卷第四十

癸卯歲高麗國大藏都監奉
勅彫造

正法金處經卷第四十一

美

元魏婆羅門瞿曇般若流支譯

觀天品之二十

夜摩天之六

尔時天王牟修樓陀須夜摩天共諸
天衆諸天女衆無量百千那由他千
諸天大衆諸天女衆一切皆向山樹
具足地處之中伽那山所一切天衆
坐蓮花座普遍虛空上彼山上見彼
天衆有無量種形服莊嚴無量種色
無量功德具足天女而為圍遶彼山
中天五欲功德受諸快樂尔時天王
牟修樓陀如是見已心甚歡喜共天
女衆即便速向山樹具足地處天衆
彼處天衆既見天王牟修樓陀即尔
速疾共天女衆一切奉迎鼓樂音聲
種種歌舞生歡喜心迭乎相近彼此
和合遍山頂上種種歌舞讚歎天王
牟修樓陀共到山上於彼山上彼此
迭乎種種音聲娛樂受樂彼諸天衆
如是受樂於長久時上虛空中見天
狗下如是天狗光明等事如前所說
尔時天衆既見如是希有事已而復

更生疑慮之心有大怖畏即尔前近
牟修樓陀夜摩天王依止附近有向
虚空直視觀者有先曾聞彼天狗者
離放逸行共彼天主牟修樓陀誠心
礼佛復有怖畏入金窟者有依樹者
此二種天無勇无力有天走趣牟修
樓陀夜摩天王望歸求救此如是見
第一希有生疑慮心尔時天主牟修
樓陀見如是已告天衆言汝等天衆
為知不知如此光明在虚空中臨欲
墮地汝等皆來其中有天先不知者
則白天王牟修樓陀而作是言我實
不知今見如是希有之事我實不知
尔時天王牟修樓陀喚一切天而告
之言汝等天衆一切皆聽我今為說
以虚空中光炎墮地汝等天衆有怖
畏者希有心者

尔時如是一切天衆夜摩天王牟修
樓陀為之說言汝等皆聽於我此處
在上極遠復有天衆彼一切種量色
形相長命業因百倍勝我是菩薩處
第一勝淨在人中時五種持戒不孔
不穿堅固不犯有无量種勝修行故

身壞命終生於善道天世界中彼天
世界名兜率陀兜率陀中若所受樂
若諸園林若諸天女若諸光明若色
若力若利智慧若長壽命若无量樂
或身或心若所受用資生之具若天
女色彼十六分此夜摩天不及其二
彼天功德非我能說彼天光明形我
此處夜摩天光如螢火垂於日不異
若諸光明若所受用資生之具一切
不及彼天久時无量種種受諸快樂
彼天之樂第一可愛種種諸物五欲
功德種種境界而受快樂勝於此處
夜摩天樂於長久時善業乃盡无常
金剛打令碎壞彼无常法一切衆生
必定皆有必定種子不定種子一切
衆生皆悉具有无常到已其命則盡
善業盡故即便退彼兜率天處一切
有為流動如燈謂生住滅一切三界
無物不動而是常者一切皆動一切
終盡非是常法無處是常諸有為法
必定退失是故彼處兜率陀天必當
退失如燈油盡及炷等盡其燈則滅
燈既滅已則有闇生燈生闇滅燈滅

暗生如種滅已則有芽生如是如是
彼業盡故其命則盡彼處諸天梵率
隨中如是退故汝等今見彼天已死
以業力故有如是相身是无記雖死
而有如是光明何況復有无量善業
所化光明第一勝上決定善業所化
光明汝夜摩天從今應知彼相如是
彼若未死有何光明有何威德有何
莊嚴有何等業彼不可說無有譬喻
彼天如是四倍善業之所化作如是
終盡何況我此三倍持戒少業所化
汝等皆生夜摩天處坏脫無常有
為滓濁是故此天與彼殊絕彼天如
是猶尚破壞何況汝等而不破壞今
時天王牟修樓陀而說偈言

无常天拘瞬 燒梵率隨天 不自在故滅
如燈油炷盡 業力之所推 大力十二輻
業輪之所轉 上下不停住 取種種境界
無量門莊嚴 以時滿足故 闇退不自在
時節自在故 草木如是生 彼既時到已
還復乾枯燥 天如是時到 則成就天樂
如是復時到 還退不自在 業於時到時
流轉於世間 以時自在故 樂者還受苦

若受樂受苦 勿信境界常 此一切因緣
苦樂則老別 一切皆无樂 一切業自在
苦亦尔无常 皆是業因故 異異諸果生
有為法流轉 欲知此因緣 應知四聖諦
若知四聖諦 彼必得解脫 癡樂境界者
世間轉如輪 善知義知諦 彼則得解脫
不知義諦者 则无解脫期 彼若如是知
世間無常已 則起解脫意 遮不善業心
彼夜摩天如是怖畏須夜摩天有元
量種无量分別彼夜摩天王半修樓陀
與法相應如是說道尔時彼天既聞
天王智者語已心各老別有厭離者
厭生死者畏生死者又復心轉喜樂
境界伽那山中種種園林種種戲象
多有流水蓮花池等莊嚴之處樹枝
所覆寶藏莊嚴有種種鳥音聲可愛
有蓮花池種種莊嚴有大七寶而莊
嚴山多有无量可愛聲觸味色香等
種種境界共天女衆喜樂境界愛樂
成就忘前厭離不復憶念
又諸境界初樂後苦共天女衆如是
境界而受諸樂彼山處故心之獼猴
以自在力於中受樂又復天衆皆共

天主半修樓陀相隨而還有乘空者
坐蓮華者有乘无量莊嚴處者所謂
有天成孔雀者乘白象者有乘鵝者
乘鴛鴦者有如是等種種具乘天女
圍遶若歌若舞種種樂音如天相應
在其天主半修樓陀大王之前向戲
樂林半修樓陀天王住處種種深心
生意覺知有耽離者有放逸者如是
種種遊戲境界而受快樂戲樂林中
地處諸天如是差別種種不同若復
彼處山樹具足地處住天在伽那山
頂上而住彼種種意嬉戲受樂其中
有天生耽離者如是種種無量分別
無量境界而受快樂如是无量境界
受樂心不厭足如是乃至善業樂因
盡爛壞失於彼天處業盡而退如是
退已種種業續之所繫縛生於地獄
餓鬼畜生若生人中常在樂處諸根
具足有善智慧第一大心第一大富
為一切人常所供養端正好色若為
人王若為大臣以餘業故

又彼比丘知業果報觀夜摩天所有
地處彼即聞知復有地處名廣博行

衆生何業生彼地處彼見聞知若善
男子近善知識信業果報心意正直
隨順法行受持禁戒正見不邪修正
見行常近耆宿於佛法僧生清淨信
信於生死常一切時善攝諸根不著
境界怖畏生死知愛別離生老病死
恩愛聚會恩愛離別一切皆知於五
衆陰識知其過常勤精進順行善業
離惡知識常一切時樂聞正法聞已
思惟思已知義攝持在心知離欲味
常不殺生常不偷盜如前所說復捨
邪行於婦女根眼不樂見於其歌舞
莊嚴音聲聞已不味於畫婦女若見
若聞無不善念夢見婦女覺已不樂
不生愛念不多行欲常正觀察捨離
邪婬棄於欲事如毒无異彼人如是
功德相應常行善業恒有善念離
垢染心持戒普淨善護禁戒彼人如
是身壞命終生於善道天世界中在
夜摩天廣博行處彼三功德樂修多
作愛樂淨戒持戒得果生於彼處纔
生於彼即聞天鳥種種音聲第一可
愛如跋求聲鼻所嗅香本未曾有

第一天香麝彼香已生第一樂身所
覺觸本未曾得心意清淨而不濁亂
如心迴轉正相應故則生歡喜味亦
如是有種種味本未曾得彼天如是
六識之身前受樂已如是思念此何
世間我住何處此處一切皆悉可愛
皆悉可樂與本皆異此處世間見一
切色无量好色復見自身所有光明
勝日光明離肉骨汗離諸不淨離影
離暎離脉離筋離大小節離於堅觸
身體柔軟普身諸分一切皆軟離於
疲倦自所念行者來若去皆无障碍
離於求索離身偃曲彼以迭牙不相
憎嫉身體雜毛頭髮皆旋一一毛旋
眼所對觸无有妨碍境界不劣離於
諸障聲觸味香身不增減不變不老
恒常有力天女妬嫉怖畏怯弱一切
皆離身自具足離求在嚴離求財物
於諸天女離攝取過復何所離於園
林中處處遊行无所怖畏離怨家畏
離不淨畏離於知足見自己身則
生愛樂念念增長天无量種種境界
樂如所怖望有樂皆得怖望樂已以

少智故心如是疑我何處來我此身者為是何身此是何處此處何名彼如是疑心中思量譬如醉人或有睡人夜有四分三分已過從睡而寤於良久時彼心疑念我是何人我何處住少時思念今乃得知如是如是始生天子於良久時心思惟已然後乃知我人中死來生此處彼天如是於人中時持戒熏思如是相似生於天中

若閻浮提不樂境界在彼天處初生之時亦不喜樂何以故本熏思故時彼如是始生天子於良久時如是覺知我在天處以善業故天世間生若人如是於人中死生於天中彼持戒來猶故如是不著境界如是後時天上退已生於人中本天上時所習熏故有相似相如是人中以熏思故後時死已生於天中不樂境界不近婬欲時彼如是始生天子以持戒故雖生彼天不近境界以餘業故令心如是不樂境界

若出地獄生天中者彼生業故在地

獄中難可得出餘善業故以少願故
得出地獄生於天中以在如是苦惱
處來生在天中得樂即著心生歡喜
又多瞋恚喜樂園林流水河池種種
蓮花勝愛樂心嬉戲遊行彼於飲食
愛樂心強彼意相續之所熏故

若出餓鬼有餘業故生天中者意相
續熏樂食心強愛於飲食常處於冷
多樂婦女彼熏意故

若出畜生有餘業故生天中者則多
飲食如畜生中多食多飲生於天中
亦復如是多食多飲少飲多食愛欲
心強以意相續熏故如是

若无色界四處退已生彼天者以本
修得三摩跋提是故生彼无色界中
四地處生業盡故退生彼天中如是
本意相續熏故如是愛觸味色香等
如是得已而復不樂以心寂靜不多
乱故彼熏心故若於色界依止初禪
如是乃至依止四禪彼禪盡故退生
欲界如是本意相續熏故有下中上
心樂坐禪境界樂心少而不多
若欲界天欲界中退還生欲界以生

業故如是二道作衆善業若天若人如是二種欲天中退還生欲天作善業故唯欲界中一切諸天二種業熟除淨居天彼淨居天非生業熟非餘業熟如是業風常吹一切世間衆生令其流轉心羅所繫亦為種種業羅所縛无量百千異心信解无量分別次第相續於五道中流轉常行

尔時如是始生天子如是觀察如是思念然後乃知我於某道退來生此我人中退而來生此受生業故彼如是知彼業故生若餘業生如是亦知以何因緣知此天子非餘業生若餘業者久時因緣或一百劫能與果報有一千劫或百千劫少天眼者不自見知本過去生久遠之業因緣生此生業生者則知來處彼如是觀生因緣已心生憍慢未久之間善業熏故於境界中生愛著心有无量種彼天尔乃如是念知我今在於夜摩天中名廣博行地處生已即生心時諸天女衆而現在前以善業故彼天女衆速來圍遶以彼天子善業力故天女

來至若彼天女生來久者則不著耻
近欲抱之遠彼天子共園林中而受
諸樂以善業價得彼天女種種功德
第一可愛而共受樂於彼地處有好
山林蓮華河池澗谷流水有好平地
有好金窟樹枝之舍無量百千種種
諸鳥種種音聲無量百千天女之衆
迭相圍遶在如是處歌舞遊戲彼處
園中有七寶處處遊行如是種種
眼所見者皆悉可愛彼處有山名為
廣少彼山之峯七寶光明種種莊嚴
種種寶石雜雜間錯有蓮花林皆是
七寶在園林中多有河池如是種種
莊嚴之處以善業故妙色莊嚴於如
是處歌舞遊戲種種受樂

彼天如是同受樂已有於水中而遊
戲者如是種種欲到地獄餓鬼畜生
以善業故戲樂不止彼諸天等自於
身中示一切天業相名字若天前世
作何善業何心作業於何時作何因
緣作何生處作此如是等於下中上
福田具足財物具足而作善業未彼一
切相於自身中見其名字譬如明了

善書畫者各各別處隨其所作歷然分明如彼名字此天如是善業畫師於業地處一切善業皆悉普盡善業彩色善淨光明見則極愛盡作彼天一切樂見如彼善業巧畫之色如是而生彼天之身以有如是畫字相現百倍嚴勝譬如第一百煉真金或復其餘赤蓮花寶或青色寶於如是等種種勝寶端嚴可愛彼天身相百倍端嚴如是畫相自眼不見何以故以在領下咽上相故是以不見若彼天子心未放逸則便更互相見此相又善業因如是更互相見此相彼廣博行地處之天如是希有彼天復有希有之相如咽之相額上亦亦以善業故有如是相種種業盡種種色相所謂相者云何而退於何時退如是退已當生何處彼種種色種種盡相彼天額中皆悉具見此希有相是業所作彼天身上如是字鬘種種雜雜如是端嚴如餘異處所有諸天種種華鬘莊嚴身首端嚴殊妙此相莊嚴亦復如是

又彼諸天復有善業果報成熟自業
盡身共諸天女種種盡身勝莊嚴者
受諸快樂无量種種園林之內於廣
博行地處之中遊戲受樂既受樂已
復向一河河名善雜彼河從於雜愛
山峯流出而來故名善雜有種種寶
莊嚴彼河无量鳥衆種種音聲多有
无量種種異樹莊嚴彼河有種種花
其華雜色有百千分異色不同莊嚴
河岸无量天女近彼河岸遊戲受樂
又復更有殊妙河水名為雜河此河
從於雜色崖岸山峯流出故名雜河
如是雜河若天近之於今生處則能
憶知彼天若從地獄中來到彼河岸
則便憶知既憶知已有極可愛五欲
功德皆悉具足有諸天女心甚歡喜
遊戲受樂以心憶知曾受苦惱故於
樂事一切皆忘如是歌欲而說偈言
地獄熾火中 苦切甚大苦 我等惡業盡
皆來在此處 業善果亦善 諸功德莊嚴
業忘故累苦 必定如是受 我於苦樂中
輪轉生死處 業風吹令轉 猶如海中波
若有心作惡 喜樂應盡者 彼不善行故
因緣墮地獄 得脫彼地獄 來生此天處

忘彼處苦已 而復行欲樂 此境界流轉
苦樂如梁繩 而心甚堅韌 受苦不厭倦
此彼岸和合 諸根之所誑 為愛網所縛
一切流生死 出地獄生鬼 出鬼生畜生
出餘畜作龍 出龍生三處 業如是常行
世間轉如輪 以久來習故 猶不生疲倦
愛樂龍宮殿 不樂地獄苦 流轉於有獄
有樂不樂處 千鈐頭摩苦 百億鈐頭摩
如是時受苦 癡故不厭倦 三界皆无樂
普遍一切苦 衆生為癡誑 而不生厭倦
如是受苦已 癡故造苦因 由因故有果
如果從種子 境界所迷心 勇健有大力
衆生調彼心 令彼時寂靜 彼心調伏已
一切界轉行 輪迴於三有 不能見真諦
如以風因緣 令海水波動 如是因緣心
令世間常轉 衆生著婦女 為苦樂所執
不到於善地 无苦惱之處 若憶知苦時
則生厭離心 既忘彼苦惱 還著樂放逸
若有能憶知 地獄苦惱者 如是天中樂
猶如小微塵
彼天皆憶本曾生處 諸有近彼雜色
崖岸山峯所出 雜河岸者 則皆憶知
本曾生處 若離去者 於本生處 一切
皆忘 彼復於苦心 既忘已 忘本生處

忘本生已而復樂著種種境界有无
量種无異相似可愛聲觸味色香等
天妙境界如是受樂

既受樂已而復更向名久欲山彼久
欲山普皆可愛有第一河蓮花水池
其水清淨圓遶彼山鵝鴨鴛鴦在彼
河池而為莊嚴種種金寶為河兩岸
水流之聲有種種音彼山之中如是
等河其數一萬種種樹林種種衆鳥
而為莊嚴彼諸河中四河軍勝所謂
四者一名速流二名金鵝三名毗琉
璃水四名樂漂是名為四

尔時天衆自業果熟一切如是生歡
喜心種種衣服莊嚴其身遊戲受樂
向速流河近彼河岸有長妙花極大
樹林名无量樂其花開敷其枝密覆
間无空處无量百千種種色花有流
水池種種諸鳥鳥身皆是種種雜寶
衆鳥音聲處處遍滿彼速流河第二
岸邊有蓮花池彼池名曰醉蜂巡行
如日初出赤色蓮花在彼池中以為
莊嚴如是蓮花有第一香普覆池水
彼河二岸一有樹林一有花池彼河

長量五百由旬廣五由旬其水普清
水中生花遍覆其水花葉雜色若干
種種有第一香彼如是香遍五由旬
余時彼處如是諸天隨心所念有天
在於園林中者有天在於蓮花中者
如心所念遊戲受樂與天女衆彼此
迭共歡喜受樂自有光明以善業力
在彼處生彼速流河於兩岸邊廣博
行天種種遊戲而受快樂如是一河
彼金鵝河從山峯出彼山名衣又衣
山峯復出此河此金鵝河甚為可愛
河在衣山猶如金鵝故名此河以為
金鵝彼金鵝河如是功德所謂其水
悉是天酒遠離酒過第一善香味色
觸等皆如心意一切具足有所憶念
不妨不乱余時彼天共諸天女飲如
是酒復受勝樂彼一天皆有无量
諸天女衆之所圍遶心意樂著五欲
境界五樂音聲稱情美妙共諸天女
隨心所念如意自在金鵝河邊成就
无量種種勝樂於境界中心不歇足
又復歌舞種種遊戲受諸快樂從一
山口至一山口從一山峯至一山峯從

一河岸至一河岸從蓮華池至蓮花池從園林處至園林處從樹根下至樹根下如是種種諸處受樂既受樂已次復往向毗琉璃水第三河所毗琉璃水第三河中其水清淨如毗琉璃彼處多有毗琉璃樹又復多有毗琉璃鳥在彼水中其水波盪其沫如笑淨潔清水徐流不急其水極深有妙音聲善業力故毗琉璃水如是緩流天欲受樂有心念時到彼河中境界渴故種種愛貪彼天受樂不在一處有在河岸而受樂者有在水中而受樂者共諸天女第一嬉戲而受使樂彼諸天衆皆悉乘鳥從一水波到一水波處處遊行從一水淀入一水淀從一迴波入一迴波有入水者入已復出更入急處又復彼天從一蓮花入一蓮花又復從一優鉢羅林更入其餘優鉢羅林如是遊行百到千到成就樂受不可譬喻又復彼天善業力故境界寂靜毗琉璃水清淨之處見業果報若其有天持戒淨勝若智慧勝彼則能見本何

因緣如是作業得生彼天毗琉璃水
清淨之處一切皆見以何因緣如是
心生憶念往事以前世時於福田中
有清淨心深生信故彼一切天二各
各作如是心我境界力如是動轉五
欲之水在愛河中如是漂我令我不
覺無常退至我於此處必定當退如
過去世所作業相生此之因自咽上
現彼天既見如是相故知過去世作
如是等善業因緣來生此處如是受
樂若彼業盡於此天上必定當退如
是念已彼此迭牙相向而說復見五
道怖畏之處見怖畏已彼一切天各
生歡離毗琉璃水河岸邊處而說
偈言

若過去修善 為善人所愛 今此天處受
念念向盡去 彼盡已則退 天中善報處
一切樂因緣 皆如是盡滅 既入無常手
一切皆破壞 若法无常者 今一切皆貪
如是无常法 能與一切貪 愚癡少智者
貪著於欲味 癡不覺知過 如今波迦果
色聲等繫縛 愛故受苦惱 惡業迷眾生
令不得自在 以迷惡業故 則受惡業果

諸著欲味者 欲害如毒果 著欲不知足
故墮地獄中 常樂行施戒 施戒福成就
若常如是行 彼則生天上 持戒常修行
捨離不善業 恭敬修威儀 彼則生天上
愍衆生安慰 深信於佛法 攝心寂靜者
彼則生天上 若於怨家所 慈心離瞋垢
常寂靜心者 彼則生天上 若心中無瞋
彼善而無惱 勇善調伏者 彼則生天上
常實語持戒 而不多言說 知堅知不堅
彼則生天上 若不樂世間 厭離老死法
常樂於涅槃 彼則生天上 若樹下塚間
如是山谷等 常一心禪者 彼則生天上
知時敬父母 不近惡知識 常行慈心者
彼則生天上 不樂聚落城 及戲耍道行
一處住知足 彼則生天上 若善自觀身
常見其不淨 知自身如是 彼則生天上
若能知法網 種種法網知 不喜樂生死
彼則生天上 若覺知諸法 无量種種生
雖見不喜樂 彼則生天上 心心念念如幻
如乳闍婆城 若調伏此心 彼則生天上
若諦知一相 或善知二相 心於欲厭離
彼則生天上 於他妻如母 於一切如父
若如是平等 彼則生天上 若恒離兩舌

常樂和合他 心不慳而直 彼則生天上
於他一切物 皆如土塊等 自生知足樂
彼則生天上 若於夜於晝 常能離懈怠
勤行精進者 彼則生天上 若離慢貪瞋
復離於懈怠 如是捨離者 彼則生天上
恒不樂五塵 五塵不破戒 常護戒智者
彼則生天上 若能知四取 四諦亦如是
智者如是知 彼則生天上 若知苦苦報
亦復知苦沒 如是諦見者 彼則生天上
若得衰惱已 而不捨於法 是攝受法者
彼則生天上 若著壞色衣 及著糞掃衣
善心不行惡 彼則生天上 若一切時禪
常有出世心 恒樂空閑處 彼則生天上
若美若不美 隨他之所得 心不喜不厭
彼則生天上 若著塵鄙色 塵土糞掃衣
如是衣知足 彼則生天上 若牀若地樓
或復在餘處 不生苦樂心 彼則生天上
於眼所見色 青黃赤白等 若如實諦見
彼則生天上 若聞愛不愛 二種聲不樂
心正不動亂 彼則生天上 調伏於六根
而不樂境界 攝心不動亂 彼則生天上
如是大饒益 恒常受快樂 若一切皆作

行無垢法者 彼則生天上 若知於業報
而能作業報 於苦常怖畏 彼則生天上
彼天如是領下咽中見諸相已極大
怖畏已說此偈於河岸邊共諸天衆
本性放逸以本業故於咽中現若至
餘處則不復見若有因緣則便見之
若無因緣雖有不見何以故以一切法
因緣生故

又復彼天本性放逸性放逸行離久
欲山復向餘山山名寶圍歡喜心故
種種莊嚴現在生欲能牽其心不計
未來所有諸畏以根搖動不寂靜故
於彼天中受第一樂歌舞喜笑種種
遊戲於河岸邊種種樹枝諸花具足
彼處多有常歡喜鳥

復有寶山勝寶圍山無量百千分分
之處皆悉具有雜寶間錯而彼諸天
悌望樂故欲往見之時彼天衆遙見
彼山光炎圍繞如穿虛空光炎上出
天不曾見忽尔見之彼山光明青黃
赤紫普萬由旬

又復如是雜寶光明出勝其餘無量
寶山所有光明如須弥山所有光明

能壞一切其餘諸山所有光明此寶
圍山所有光明能壞其餘寶山光明
亦復如是彼寶圍山眼若看者能令
眼樂

又復第二能與耳樂所謂種種河池
之聲有孔雀等七寶翅鳥種種音聲
有如是等无量種鳥種種音聲彼有
寶樹樹有鈴網風吹出聲其聲美妙
不可譬喻寶圍大山以如是聲能令
耳樂

彼寶圍山又復能與第三根樂而彼
天衆猶未至山謂彼山中從無量華
出无量香令天鼻樂彼寶圍山如是
能令第三根樂
彼寶圍山又復能與第四根樂所謂
能令舌根得樂色香味酒能令豐足
種種美果皆令飽滿

彼寶圍山又復能令天身皆得無縷
衣觸无量衣服皆甚柔軟復有冷風
隨念樂觸以吹其身

彼大寶山如是能與天之快樂彼天
五根如是受樂如五根樂意亦如是
得第一樂此寶圍山於一切根皆令

正法念處經第三卷 第三四三美 得樂如是饒益一切天衆

今時彼天既到如是寶圍山已彼寶圍山光炎圍遶出无量種炎光明圍多有无量百千蓮花流水河池以為莊嚴金毗琉璃青色妙寶白銀寶等種種雜雜百千莊嚴彼天既見如是山已本性自樂見彼山故百倍受樂共諸天女迭乎各各更相受樂生歡喜心勝勝怖望意甚欲見彼寶圍山窟窟谷谷處處皆有蓮花池林從一山峯至一山峯從河至河須臾之處從一寶林至一寶林處處遍見種種鳥衆復聞其聲五樂之音遊戲受樂彼天眼耳鼻舌身等五種境界一切可愛彼根聲觸味色香等各各勝妙如是諸根於境界中一一受樂如是境界愛放逸故現在世中若苦若樂過去世時若苦若樂皆忘忘失如前業果種種字盡於其咽中先所見者一切皆忘如是遊戲種種受樂是故皆忘本所作業彼天勝妙寶圍山峯名淨無垢如是无垢清淨之處見行殿塵天在殿行殿所行處有妙寶塵

彼清淨處尚見殿塵何況其餘天身
等物種種莊嚴可愛身色業盡所作
有異異種若此天衆命盡故退何業
所作以善業力咽中字盡如是皆見
彼初見已不生厭離何以故以愚癡
故初得欲味即便樂著不生厭心彼
愚鈍天若為他示或自覺知見彼欲
過即便覺知事至怖畏彼天如是貪
著欲味見其過患則於後時悔火所
燒云何我本不捨此欲如毒刀火此
欲乃是地獄餓鬼畜生之因我今以
此欲因緣故必墮地獄餓鬼畜生惡趣
之中如是後時悔火所燒若修心者
則於欲味不生味樂見欲過患則於
彼欲不味不著知欲過故以有智慧
見彼過故後則不悔若不怖樂彼欲
境界失不憂者本修心故

正法念處經卷第四十一

甲辰歲高麗國大藏都監奉

勅彫造

正法念處經卷第四十二

美

元魏婆羅門瞿曇般若流支譯

觀天品之二十一

夜摩天之七

尔時彼天次第而行上彼山峯第一
无垢如鏡之地彼諸天衆業地鏡中
自見其身分分明了彼諸天等若有
先修身口意者業地鏡中得見自身
額中所現業果生死如彼某時某處
某國某因其緣某退相等一切皆見
亦見他相當退之相隨何者天額中
書字餘業之相或有生業彼一切相
業地鏡中一切自見退夜摩天若是
餘業或是生業或身惡業或口惡業
或意惡業如是因緣退已當生某地
獄中某餓鬼中某畜生中從畜生處
既得脫已行欲放逸之所誑故業風
所吹轉某處生又復如是欲過中出
彼於額上字書盡中一切具見於額
盡中亦如是見欲過中出如某欲法
如是對治所謂修欲无光明觀不為
彼欲之所能誑又復彼欲有異對治
謂見此色是虛妄見於如是色隨順

見已心正觀察怖欲之心更不增長
如是如是五境界中如欲過患如是
諦觀彼天如是則无意愛意愛之心
不能為妨不能為尋喜愛乃是生死
種子彼天如是欲中得出額盡字中
一切皆見彼既見已若勝修身若勝
修意彼能捨欲見欲過患故知出欲
知出過已見先受樂境界過患如食
毒藥今所受欲亦如是見何以故以
於境界受欲樂故墮於惡道如是修
故捨離境界若於額上書字盡中
見惡道業墮於惡道地獄餓鬼畜
生之中見彼業已彼如是業一切皆
失生善道業一切皆生善業力故彼
諸天子如是見已深生信心造作善
業如是乃至造作涅槃種子善業
若更餘天少智慧者其心樂欲彼前
作業業網自在既見業盡文字相已
生如是心若我此處後時退已或生
人中或生天中彼天如是見生處已
心不驚怖而復更入五境界波愛河
中洗以放逸故行放逸行如是天者
不曾學來不曾聞來少智慧故於欲

不知不能離欲善法則滅而復更作
其餘生業地獄餓鬼畜生之業何以
故一切善業皆悉盡故欲所誑故而
復墮於地獄餓鬼畜生之中今時有
鳥名為賢語見放逸天行放逸行天
善業故而說偈言

若善喜心者 如是則得善 若隨不善者
如是得不善 一切多用心 如地風水火
隨所得因緣 心如是行轉 心能速疾行
亦能速疾迴 速將至天中 速令入惡道
心速疾行善 若能防護心 一切法能作
一切業能斷 一切法行主 所謂彼心是
復以如是義 故得名為心 心常求人便
皆不應信之 體性甚懷動 大力不可持
須臾間作善 須臾作不善 如是作無記
其行不可測 心來不可知 心去不可識
先無後時有 已有還復无 心無有處所
和集不可得 以无身體故 不可得捉持
因緣和合故 念念如是生 如珠牛糞合
因緣而生火 如是根色等 一切因緣心
非一能生心 和合故生心 如是知心已
知心難調伏 意隨正法行 慎勿意樂欲
彼天如是既聞偈已修身修意二種

修心既修心已不樂境界隨順法行
退夜摩天復生勝處不離天處若生
人中或為人王或為大臣或時得種
解脫種子三種菩提隨願皆得或具
善業作轉輪王
若彼諸天如是希有見於業相如鏡
中見心不調者彼天復墮地獄餓鬼
畜生之中

又彼比丘觀此希有業盡文字果報
之相彼則觀見若人精勤專意深心
盡如來像若有思信寂靜之心如是
書寫正法文典心意寂靜彼人生天
咽中額上見則生信

又復有人心无正信或為王勅或為
他遣或為取物活命因緣若書經文
或畫佛像亦生天中見則不信多行
放逸彼亦造作善業種子得生天中
雖見不信以離信來離思來故如是
无因則無業果如是一切皆從因緣
相似業生

若復有天性意放逸行放逸行受天
境界五欲之樂常不厭足復於增長
无量欲山寶圍山中於長久時五欲

功德而受樂已共天女衆如是種種
遊戲受樂後離如是五欲功德莊嚴
之山復向第三珠圍山去生歡喜心
五樂音聲在道遊戲普勝妙事第
一成就於須臾間具足受樂如意所
念種種境界而受快樂既於山中在
河岸邊受欲樂已方至第三珠圍之
山如是如是天可愛樂境界受樂如
是如是喜愛增長以於彼愛不解
脫故欲火所燒於彼聲觸味色香等
不知厭足境界河中亦不厭足如弥
那魚如是第三名珠圍山一廂則是
青色珠寶次第二廂赤蓮花寶次第
三廂是車渠寶次第四廂是白銀寶
彼天見已生歡喜心迭互相向如是
說言天當看此无量種種端嚴殊妙
種種光明此寶光明百千万由旬皆悉
普遍入彼光明不可分別此勝光明
青黃赤白有无量種

彼諸天衆如是說已復向餘林林名
樹稠彼諸天衆諸天女衆生歡喜心
無量音樂隨種種處皆悉樂見次到
彼林善業成熟種種莊嚴如是遊行

種種受樂乃於久時行放逸行為愛
所使令時彼天見樹稠林諸七寶樹
於彼林中見有二河第一香水勝味
觸水如心意念則有水滿彼河之水
隨念而轉彼河銀岸多有種種異異
諸鳥彼一河者名為雜水次第二河
名如意水彼雜水者本性自體如是
雜水第一清淨水流盈滿彼種種水
遠離醉過善業因緣其水則有無量
種色是故彼河名為雜水

又第二河名如意水隨彼天心種種
意念如是水生若念須陀則須陀流
第一白淨第一香味須陀流滿若彼
諸天意念天酒則有色香觸味具足
美妙天酒滿中流出若念山澤種種
異華則有色香觸等具足如是妙花
滿河流出於其花中有種種蜂以為
莊嚴彼華之名尚不可說如是第二
如意水河種種流滿

彼處如是樹稠林中有如是花莊嚴
可愛彼處諸天在兩河中處處遊戲
種種受樂可愛聲觸味色香等種種
受樂以善業故共飲天酒種種受樂

聞樂音聲種種可樂種種歡喜隨心
具足受種種樂遠離憂悲遠離飢餓
離於怖畏於境界中常不知足如飲
鹹水隨增其渴有無量種無量分別
有無量種受天之樂彼天如是行林
河中受樂行已彼處有鳥名曰河行
見天放逸而說偈言

猶如此水流 天樂亦如是 念念不住
癡故不覺知 老病死等故 能令業盡退
天不離此法 常隨逐欲行 命則非是常
三界樂亦尔 天癡為欲誑 如是不覺知
如空中水滴 必墮而不停 一切樂如是
與雨沛不異 如風吹塵土 迭互相推
轉於虛空中 身轉亦如是 此樂非勝樂
貪誑不常定 與愛毒和合 猶如雜毒食
彼常勝樂者 所謂不死處 无愛別離處
无冷無熱處 彼處常安隱 智者之所說
何處不生死 彼處則无苦 諸因婦女樂
一切皆有苦 彼愛為種子 復生地獄中
彼樂能生苦 云何說為樂 乃是苦中苦
後時則如毒 若此眾生生 衆生業風吹
業網覆所覆 隨生愛愛樂 若善不善業
常隨彼共行 處處皆逐去 如香不離花

汝如是受樂 以後時則失 如晝日時滿
日沒光隨沒

彼水行鳥天善業故已為一切放逸
行天如是說已若天放逸行放逸者
聞水行鳥如是偈說作如是言此鳥
善語已覺悟我如此鳥說我必當得
此鳥實說我放逸故行放逸行猶故
如是不能捨離我於後時必定破壞
得大怖畏我等從今當善心意對治
放逸捨離放逸彼天如是於長久時
專心善意捨離放逸知欲過患心思
惟已以心動故心大大故或於多時
久習欲故還復著樂彼天如是无量
分別无量境界上下受樂種種諸欲
具足之處種種鳥聲勝妙園林有蓮
花池七寶山峯多有无量妙蓮花池
以為莊嚴多有無量百千蜂衆出種
種聲莊嚴妙池彼處有河滿中飲食
有百千樹隨念枝網蔭覆彼河枝間
有華華為堂舍種種具足彼天自身
有妙光明無諸憂惱自善業故得如
是報下中上天皆離垢嫉迭手相
愛一心一欲彼此不妨如是如是遊

尔時彼天既受樂已迭共籌量而作
是言如我先聞此夜摩處一切諸天
有主名為牟修樓陀遊戲受樂我等
今者相與共去彼處諸天離彼天主
牟修樓陀五百由旬遙聞歌聲以太
遠故聞不了了以聲普遍一切天處
是故不了若鳥音聲如是歌聲功德
具足聞彼歌聲雖不了了極生愛樂
不可厭足以心動故生決定意一切
天衆即向天主牟修樓陀戲樂之處
彼林一切功德具足彼欲行天共諸
天文種種莊嚴種種衣服一切功德
皆悉具足普身所著无縷天衣以自
莊嚴其手皆執種種樂器迭相愛念
生歡喜心有乘空者乘蓮花者復有
乘於優鉢羅者彼優鉢羅有第一香
多有衆蜂復有乘於拘物頭者彼拘
物頭形量白色皆如月輪彼天皆共
如是六天遊戲歌舞在空中而行五欲
境界種種受樂不知厭足彼天善業
自心所化自如如是來自業所化有下
中上色亦如是有下中上樂亦如是

有下中上如是受樂智慧亦尔有下
中上命亦如是有下中上一切如是
遍滿虛空向戲樂林无量種欲具足
之處半修樓陀天王住處堂殿之所
彼如是行在道未到戲樂之林於虛
空中遙見如炎復見一處青寶之色
復於異處見黃白色復於異處見如
火色彼天如是空中見已則生第一
希有之心迭相告言天當看此虛空
之中希有之事如著種種希有色衣
在虛空中我未曾見彼諸天衆迭相
說已生希有心小時停住未經久時
復聞有聲第一微妙美音歌聲聞音
聲已復生喜心希有之心始從在地
乃至遍空一切天衆共諸天妙心皆
樂見志欲往看此天如是空中見者
一切皆是山樹具足地處諸天彼天
亦尔遙見此天
山樹具足地處諸天亦向天王須夜
摩天須夜摩天坐七寶座在七寶窟
以大青寶瓔珞莊嚴復以勝妙蓮花
之色勝大妙寶而自在莊嚴又復更有
第一光明妙寶勝幡光明普遍一十

由旬有白光炎滿虛空中如著種種勝妙衣服在於虛空幡亦如是此廣博行地處諸天如是見已生希有心少時停住須臾則知山樹具足地處諸天亦向天主半修樓陀所住之處戲樂林所起如是心彼如是去亦如我去廣博行處勝上諸天籌量說言我今共彼山樹具足地處諸天一切和合相與俱去向彼天主半修樓陀所住之處如是時間暫住須臾尔時彼處山樹具足地處諸天見廣博行地處天衆生希有心作如是言我今共彼廣博行處一切諸天迭共和合相與同詣半修樓陀天王住處戲樂林中尔時如是山樹具足地處諸天共廣博行地處諸天一切天衆皆共和合遍在虛空無量幢幡皆垂寶殿在鳥背上五樂音聲五欲功德皆志具足向戲樂林須夜摩天遊戲大林多有元量諸欲功德皆志具足不可譬喻往向彼林受境界樂五欲功德不知厭足一切功德富樂之事皆不厭足迭于相近不可厭足如

是一切皆受欲樂不知厭足然彼此
止見彼天已無量業果皆悉諦知而
說偈言

譬如天雨水	是故河增長	如是欲雨故
天增長欲火	弥那生水中	而常患枯渴
如是樂增渴	故天不知足	如虛空无边
亦復无盡滅	欲如是无邊	界欲不可盡
海水波旋滿	勝勝有足義	怖望於欲者
畢竟不知足	天未得境界	愚癡不知足
必常怖望樂	得已不知足	既得憂惱已
无量到退失	由境界熱惱	是故應捨欲
既拔貪欲誰	能壞信欲者	得憂惱則離
而天不覺知	境界非可足	不知足无樂
如是不知足	智者能捨離	寂靜為樂根
苦由境界起	故應修寂靜	遠離境界地
常捨離煩惱	修行无上智	從智得解脫
由煩惱繫縛	病殺繫縛等	境界所怖畏
流轉生死中	皆由於境界	若合若別離
或百或十到	生生處常介	唯善逝諦知
生死無量樂	生死無量苦	一切由境界
生生處皆有	如是之境界	破壞癡心者
愚癡无眼故	復患樂境界	捨怨而不道
聞名亦生慮	境界如怨家	癡故不曾捨

若為境界燒 則是愚癡者 為自業所詐
癡故不能離 如有畏火者 猶故近於火
如是境界迷 亦樂近境界 猶如貪食者
不為自受樂 近愛癡亦尔 永无安隱寧
如渴者於鹽 舐之不除渴 境界故闇眼
於愛不知足 天境界不足 欲心之所誑
為業風所吹 到於惡道處

彼此立如是諦知无量道處衆生業
生次第皆 知憐愍彼天已說此偈
又復彼天迭相和合一切同行心生
歡喜向戲樂林半修樓随天王住處
余時彼天如是而行无量服鎗無量
樂行無量業化无量園林地等受樂
无量百千天女圍遶如是而行復有
餘天百千堂殿在上而坐行虛空中
光明周遍普照虚空歌舞遊戲五樂
音聲具足莊嚴身以香塗身頸著瓔珞
頭冠天情風吹衣裳如雲而行天女
抱之心甚喜樂復有餘天天女詠歌
及笙簧聲既聞此聲心生愛樂如是
等類若干種天種種受樂向戲樂林
空中而住憐望受樂彼地處天一切
皆向半修樓随天王住處惣說彼天

如業相似若戲若行若莊嚴具音聲
普遍十方充滿皆來近在王住堂殿
普彼一切夜摩天衆半修樓陀夜摩
天三於中取勝如業之身以業勝故
其果亦勝如是因果非不相似如種
子芽一切天衆皆近天王半修樓陀
所居堂殿彼天皆劣唯有天王半修
樓陀於中獨勝一切諸天天欲之中
天王欲勝皆悉具足无譬喻樂且說
少分

有七寶鳥在樹林上周匝遍有喙銜
樹心身無所依在虛空中

又復異處饒希有鈴其聲美妙若天
聞者皆來向之如是分別心快樂故
在彼林行

又復更有七寶衆鳥間錯雜翅在彼
林外周匝圓遶喙中銜鵝繞林飛行
又復多有希有孔雀背上皆有蓮花
水池於彼池中饒種種鳥有百千蜂
在彼池水蓮花之中蜂有音聲池名
清水彼蓮華葉種種不同或有花芽
是毗琉璃或有花葉是七寶者有餘
蓮花五由旬香如是彼鳥孔雀背上

端嚴殊妙歌樂嬉戲也鳥相應彼孔雀皆亦甚希有

又復多有大希有鳥孔雀銜鵝謂其背上有大蓮花天子坐彼蓮花臺上有百天女而為圍遶種種嬉戲美妙歌音而受快樂

又復多有大希有鳥孔雀銜鵝彼受樂天自業所化一一孔雀頭上皆有隨念樹生有種種花其花甚饒樹上多有七寶翅鳥其諸天子既上彼樹與天女衆共飲天酒歌舞嬉戲而受快樂

又復多有大希有鳥孔雀銜鵝二孔雀藁毛之中多諸天衆共天女衆坐受快樂迭相愛樂嬉戲歌舞受天之樂天見如是孔雀銜鵝希有事故生希有心

又復更見第二希有所謂蓮花妙池銜鵝彼蓮花池其數二万離於泥濁有金銀沙八功德水盈滿彼池鵝鴨鴛鴦池中甚饒天善業故鵝說偈言久時受此樂 此樂非常法 一切皆無常而天不覺知 此樂且相續 必當有斷時

為欲心所誑 不覺知失壞 此樂雜苦樂
隱覆故不覺 如蓮花鬘中 毒地不可見
猶如雜毒飯 食者被殺害 此樂一切亦
必當墮地獄 如索虜為賈 眼見甚可愛
境界羶如是 見好實其惡 如金波迦果
初甜美味多 後時則能殺 世間樂亦亦
如飛虫見燈 其心甚愛樂 入中則被燒
此樂亦如是 愚凡夫不知 戲樂猶如燈
怖樂如觸火 畢竟不得樂 如鹿患渴故
隨逐陽炎走 畢竟不除渴 此樂亦如是
過現不知足 未來亦復然 一切天境界
如是故應捨 寂樂為根樂 是智者所說
於樂根无心 彼則常受苦 梵實第一勝
忍為寂寂靜 一智明是世 一慈生勝樂
不惱他家吉 正見第一善 直心寂為良
捨惡業亦亦 若近於老宿 恒常敬重法
供養於師長 信業則為善 常供養三寶
正心意無垢 復供養父母 是涅槃城道
佛說一切法 出家寂第一 梵行行中勝
能得一切樂 佛說諸施中 法施寂為勝
勤中禪第一 則能到涅槃 於施戒智中
唯智以為寂 智能到涅槃 施戒唯得樂
眼見非為寂 智見則為勝 佛說八分道

諸道中寂靜 諦中四諦勝 是如來所說
於五種力中 智慧力為最 說上下八方
更无有勝者 唯如來為最 能示真法故
說一切衆中 聖衆寂靜 以三寶福田
依止能生樂 等供養父母 第三次和上
能以法境界 開眼令觀見 非可見可取
如來如是說 此皆是樂地 依境界非樂
若能行此法 則行无垢道 行此道安隱
夜摩地非樂

彼鳥如是以善業故本人中時因法
活命賣法得物以自存濟如是業因
彼象為鳥本善業故雖生鳥中憶法
不忘如是說偈是故應當精勤讀誦
常受持法以業因緣雖作畜生本來
習故善能說法得果不空

又彼一切諸夜摩天向彼二万蓮花
之池種種異異別別在嚴勝妙天女
而為圍繞於彼池中先有種種異異
莊嚴諸天之衆諸天女衆百百千千
那由他數那由他數億億數等種種
受樂共諸天女五樂音聲或有人入
蓮花中者或有坐於蓮花臺者或有
在於蓮花葉者或有在於蓮華鬚

者隨心意念麤細等身如眼睫頃百
千由旬已能來去如眼所見無遠无
近皆一念時彼天來去亦復如是如
一指面衆眼共看不妨不患如是彼
天或有一百或有一千皆共聚在一
蓮花鬚同坐不妨不隘不迫以善業
故自業力故彼蓮花池如是勢力如
是功德彼天如是於蓮花中或百或
千如是嬉戲如心美味天酒恣飲彼
蓮花中舊住諸天共後來天和合嬉
戲自有光明勝百千日皆受欲樂
於如是處久時受樂今乃前詣半修
樓陀天王林所欲入彼林彼林多有
無量種種色甚可愛樂半修樓陀如心
意念化作彼林如自心中如是如是
種種所念如是如是化作種種異異
樹林本未曾有夜摩天王善業力故
今時天衆見如是林本未曾有本未
曾見生希有心生是心已欲入彼林
漸次近之彼天種種莊嚴其身塗天
栴檀著天所應如天相似種種衣服
過蓮花池到彼樹林見已著慚業如
是故有如是林種種勝妙彼諸天衆

見餘林來既見彼林普遍審觀既審
觀已迭相向說迭相指示然後入中
既過彼池入林中已見鸚鵡行皆悉
執持種種寶鬘一一鸚鵡寶珠繫咽如
是寶珠相續為璉繞彼林已而說偈言
此衆生輪轉 自業所牽維 老死標纒中
衆生不厭離 彼道至道行 天人阿修羅
不知真諦故 為自心所使 世間所作輪
手推非疾轉 業手衆生輪 轉之甚為速
十一輻和合 聚在癡戲中 因緣輪迴轉
世間不覺知

彼天如是聞鸚鵡鳥所說偈已一心善
念觀察本業大懇重心念本業行作
如是言彼鸚鵡鳥則為勝我我則不
如彼鸚鵡鳥思惟作業我為愛壞嬉
戲受樂時彼諸天如是說已為欲往
見夜摩天王牟修樓陀過鸚鵡行復
向名為嶮岸驪林於彼林中復有一
林名曷陀羅百千色花以為莊嚴彼
林多有種種鳥衆林之光明勝百千
日離日熱過彼林之樹有勝光明見
彼樹林則生眼樂聞鳥音聲則生耳
樂嗅藕根香則生鼻樂嘗食果味

則生舌樂无縛天衣觸生身樂諸根樂故意生喜樂五根縛心令意隨順思念諸法以二種意隨順而知如是見於毘陀羅林

毘陀羅樹一皆繞諸天女衆如是天女種種衣服莊嚴微妙口中言說種種歌舞種種受樂彼諸天衆本未曾見

如是彼處一切地中地行諸天見彼天女在樹林中不可譬喻无量百千億衆甚多天衆天女普遍林中无有一天無一天女心不惓望欲見天主半修樓陀一切惓望皆欲往見實心喜樂欲見天王以是天王福德力故尔時彼天如上所說和合而來行彼林中彼林多有流水河池蓮花雜林皆悉具足地分處處一切莊嚴其地柔軟皆作金色雜寶間錯如是見已則受欲樂如是次第漸進前向夜摩天王半修樓陀一切同心惓望欲見心皆相愛如上所說種種異樂過彼地處復入異地於彼地中有可愛山如是地中諸可愛山其數五百是遊

戲處彼一切山是毗琉璃其樹皆是
赤蓮華寶金葉莊嚴復有寶樹銀葉
莊嚴彼處多有珊瑚諸鳥又復更有
異法莊嚴无量雜寶鹿鳥莊嚴種種
河池流水莊嚴交枝為舍普遍莊嚴
交枝之舍處處遍有其果金色金寶
樹枝其果皆作毗琉璃色金寶之葉
有百千蜂蜂有音聲美妙悅耳種
種味觸飲食滿河多有寶鳥莊嚴彼
河彼中地處觸則生樂復有天衆見
諸寶山山名遊戲有見平地有見山
峯有見窟門復有天見樹枝堂舍有
見一切在蓮花池天衆天女皆悉歡
喜有共天女而歌舞者或有諸天共
天女衆入蓮華林遊戲樂者有歡喜
心而飲酒者有以天華散平地者有
結花鬘莊嚴身者有以寶冠共諸天
女迭于莊嚴自有光明身无垢穢復
有異天共諸天女行虛空者復有異
天手執樂器口中咏歌住在平地或
百或千彼天之身如是如是種種莊
嚴種種光明青黃赤紫雜色光明從
身而出

尔時彼天旣於如是遊戲山中受快樂
已欲見天王牟修樓陀更前內入彼
天復見夜摩天王名集鵝地即入其
中山樹具足廣博行地彼一切天第
一莊嚴并集鵝地三地諸天皆於
天王牟修樓陀生於重心是彼天王
善業力故是彼天王過去修集無量
善業之所感致集鵝地中有一万殿
无量種色種種金柱而為莊嚴彼殿
可愛金寶為壁毗琉璃寶青寶柱雜
雜間錯復有異殿毗琉璃壁金寶青
寶拘欄因陀羅寶以為窓牖又復多
有種種寶柱雜雜間錯復有異殿毗
琉璃壁金寶為門毗琉璃扉種種間
錯復有樓殿甚可愛樂謂赤蓮花雜
金為柱金寶為門珊瑚為窓種種雜
寶間錯其地又復彼處種種間錯青
寶為壁赤金為門白銀為柱昔彼殿
內光明炎熾

又復彼處牟修樓陀天王之殿種種業
化第一赤色金寶之殿金剛間錯赤
蓮花寶以為殿柱七寶為窓第一光
明迭相照耀重樓行殿如是如是種

種莊嚴彼天見已迴眼遍看復觀寶
山彼此迭共相與同心普看山殿前
向大王須夜摩天然後乃入半修樓
隨天王殿內既如是入勝勝異見種
種可愛第一希有無量功德一切具足
彼諸天等見集處已怖望欲見夜摩
天主半修樓隨一切天衆皆悉同行
復入一處王所行處見大天王七千
天子而為圍繞悉皆第一勝妙莊嚴
身有光明一一天子威德如山天衣
流動頭著寶冠肘後臂上妙寶莊嚴
勝妙花鬘以嚴其曾有如等等七千
天子圍繞天王半修樓隨亦如衆山
周帀圍繞須弥山王亦如諸河圍繞
大海如星曜等圍繞於月如是彼天
一切圍繞夜摩天王半修樓隨如是
而住夜摩天王端正殊妙光明威德
勝出一切諸餘天衆

天王之殿有百千柱彼一一柱皆是
七寶以莊嚴殿天因隨羅大青寶座
彼天王殿如是勢力如是如是天入
彼殿如是如是轉更寬博如是如是
是七寶莊嚴殿內有樹名殿嚴樹彼

正法念處經卷第四十二卷第三品頌美

如是樹恒常有花於六時中具足不
闕又一切時常有天果彼殿何名謂
名樂見七寶為譬種種間雜

正法念處經卷第四十二

癸卯歲高麗國大藏都監奉
勅彫造

正法念處經卷第四十三

美

元魏婆羅門習曇般若流支譯

觀天品之二十二 夜摩天之八

今時彼天漸更前近半修樓陀夜摩
天王若歌若舞種種嬉戲共受第一
勝業果報彼一切天種種供養半修
樓陀夜摩天王既供養已坐在一處
一切坐已歡喜語說既語說已天王
告言汝一切天樂行放逸相隨而來
自今以後護命護法勤行精進以護
法故常受快樂乃至涅槃捨身已後
永无苦惱常受天樂今時彼處一切
天衆皆共和合夜摩天王為說偈言
世間種種界 種種業自在 天種種道來
善業生此處 有中如是來 有中如是去
如彼來時業 如來去亦尔 諸有和合事
諸有意见不到 皆是善業作 精進勿放逸
長久時受樂 此後必定退 退為第一苦
當有則无疑 彼如是之義 我召汝為說
汝等一切聽 如如来所說
夜摩天王如是普為彼一切天和合
利益已說此偈告天衆言汝等樂行

境界所迷然不覺知天則減劣而不
增長此境界樂一切无常當不寂靜
得不饒益所謂何者一切皆聽如汝
所見六正覺知者七寶塔廟種種七
寶莊嚴成就所謂六者一是尸棄正
覺知者二毗婆尸正覺知者三毗舍
婆正覺知者四迦那迦牟尼如來正覺
知者五迦羅迦居村陀佛正覺知者
六迦葉佛正覺知者此六佛塔天中
久作次第耳聞我今供養以何因緣
一切如是我未曾見我少心故彼諸
世尊利益安樂諸世間故往世曾來
到此世間我以如是次第聞來得如
是法

彼迦羅迦居村陀佛為夜摩天作大
利益謂利益者一佛塔化是大希有
如來境界令住此間若此世界不訪
沙門婆羅門者天朋則減此減劣相
於此佛塔光炎之中我皆現見若減
若退唯我獨見汝等放逸放逸行多
是故不見以著境界受欲樂故我以
歌聲召汝等來為利益故汝等放逸
放逸而行即是死退我恐汝等食善

樂盡墮於惡道故召汝來六佛世尊
利益無量諸衆生故已所說經彼諸
如來於此塔中皆悉書之我已誦得
天今善聽我為汝說勿後退時而生
悔心尔時彼天第一敬重專心思念
一切默住二種敬重一敬天王二敬重
法諦意正住其心不動天三既見天
衆如是善調伏故普告之言汝等始
入初如來塔尸棄如來壁上書經饒
益天衆利益天衆安樂天衆

彼寂勝天共其天王牟修樓陀寂初
入塔見尸棄佛毗琉璃像在青寶牀
加趺而坐於其壁中自書經言諸比
丘若天若人有八種法障尋善法何
等為八諸比丘所謂一者若天若人
為放逸壞不能作善若世間善出世
間善世間法者若心懈怠若心放逸
行放逸行彼世間法一切皆壞若放
逸者於善友所不能看視則為中人
若是怨家然則增長求覓其便此是
放逸妨世間法諸有懈怠放逸行者
不能成就如是之業彼人業盡知友
亦盡怨家熾盛增長大力害家皆失

貧窮无物為他輕賤第一凡鄙所謂
貧窮諸有貧窮凡鄙丈夫善友知識
親舊兄弟貪瞋邪見一切增長彼愚
癡者取為凡鄙何以故不善行故天
所棄捨一切侵陵為他侵已或時致
死或時商賈亡失財物以其放逸放
逸行故

若諸比丘若比丘尼若優婆塞若優
婆夷如是放逸常勤修行无記禪定
不得盡漏唯貪食味占相食時妨亂
其心如是放逸放逸行者常一切時
心不清淨貪著食味猶如畜生食吐
之者其心如狗亦如受持烏狗戒者
如是之徒常放逸行不讀誦經於眷
屬中於多聞中是少智者是為凡鄙
為諸檀越之所輕賤離無所畏第一
無畏所謂多聞能思惟法第一凡鄙
所謂少聞彼少聞者為他輕賤不知
自過而於他所多貪瞋癡於多聞者
真實知者若於尊長若於檀主有善
根者以愚癡故放逸多故生瞋心瘡
不善業故身壞命終墮於惡道生地
獄中放逸行者如是人中行放逸故

正法念處經第四十三卷 第五張 美 言
於世間義出世間義以為妨導

諸比丘去何天中放逸破壞此天自
性行於放逸放逸行天其心愛樂觸
味色香而行放逸不見老至不見破
壞不見退沒心不思惟善業盡滅不
習作法不敬重佛及法眾僧彼離善
心行於放逸佛出世時不見不知心
不生信怖畏近至衰禍近至死苦近
至離別之苦近至不遠天女棄捨大
怖近至如在嶮岸而墮墜者於先境
界所受樂事不具足見於異世中不
隨順行於臨死時不與其樂亦不安
慰如是境界皆悉破壞无有氣勢於
諸有中異處去時不共相隨若作放
逸放逸行業彼於有中則隨逐行彼
境界渴心未厭足放逸而死一切天
捨心生驚怖迷於境界如是而死彼
時相應或生地獄餓鬼畜生三惡之
處是故天人一切不應行於放逸尸
棄如來當余之時而說偈言

若天一切時成就境界樂彼天既破壞
諸業隨逐行樂不可常保業聚集不失
樂所誑惑天由業不自在境界現生樂

後能作衰惱 染著境界天 心常亂不定
不知善福業 是生死病藥 如藥燈亦不
為端亦為救 有中之善業 隨逐於衆生
是故黠慧者 常應勤精進 修福德為吉
捨境界為善 若有智眼者 知畏未來世
黠慧類生怖 愚則至時畏 智者如是知
心常慮破壞 若意常愚癡 則意樂境界
為境界所迷 後則心生悔 諸有身和合
智常不濁者 皆作福德業 无福德則苦
年修樓陀夜摩天王如是示彼一切
天衆尸棄如來所說偈頌譬上書字
取初法已次第復示其餘七法作如
是言我復為汝說餘七法次謂傲慢
无時寢寤傲慢行者常不寢寤於天
人中恒為妨尋常妨一切世間之法
出世間法云何名為妨世間義出世
間義身傲慢者亂其心意一切法義
意為前導是故轉行被亂心意行不
善處非所應處非時而行行邊喻處
近惡知識不自測度亦不知他不知
自力不知他力以傲慢故不能作業
於自家事不知籌量如狂不具不行
正行一切衆中家為凡鄙又於諸親

兄弟等中取為下劣彼不應作而使
作之所應作者則不能作彼所應作
所不應作一切不知亦復不知作與
不作於法非法亦不能知又亦不知
應說不說應行不行亦復不知是處
非處如是一切悉皆不知以傲慢故
而不能知持戒之法又傲慢故不知
時節不知方處不知住心及不住心
以傲慢故不知樂時不知輕重又不
知真不知非真戴面而行無所畏忌
又此傲慢於出世間法義妨者云何
為妨出世間義為此傲慢所妨亂者
不知業因不知果報不知善道及不
善道不知威儀不知方處不知時節
不知裁量足與不足不知大衆雖得
聞法不能修行於未聞法心不欲聞
無心訪問凶頑不畏語不依理心意
動亂如風動塵分散處處彼心如是
常亂不定彼心意亂傲慢行者不修
禪定不能攝心見色則著樂於境界
或時著欲眼常動轉如是慢者不正
眼故行於傲慢或因著欲或是醉亂
或時禍業或時狂病一切時令更下

餘異彼如是故為諸世間之所詳指
如是指故則為一切之所輕賤不知
自過彼非饒益又非利益亦非安樂
彼則於義皆不成就

云何傲慢於出世間法律為妨云何
復於傲慢者中以為妨導謂彼人中
有出家人傲慢之行實為鄙劣此法
毗尼能離傲慢一切端嚴不離傲慢
則不端嚴彼傲慢人不能修禪不知
住止常行城邑聚落等中不行好處
不能說法調伏檀越唯貪飲食牀卧
敷具唯不善觀如是之人身壞命終
墮於惡道生在地獄餓鬼畜生如是
之人非世間道出世間道二處安隱
傲慢有七一者色慢二者財慢三者
生慢四者服饒莊嚴等慢五者為主
供養故慢六者婦女親近故慢七者
他妻亂心故慢此七為慢減句殘句
或復滿句此一切法彼慢為妨如是
人中少有富樂微少命行微行傲慢
何況天中此則是慢

彼天受聲觸味香色念念之中增長
傲慢傲慢行故命則稍減不覺命行

不知命盡不知行盡不知善業若不
善業彼一切時常恒如是乃至命盡
傲慢不止次第乃至善愛業盡業盡
則退臨至退時尔乃覺知起如是心
境界誑我令我生染如是慢誑身壞
命終墮於惡道生在地獄餓鬼畜生
如是傲慢妨世間道

又復天衆以傲慢故妨出世道彼一
切天愛善業故以正法故於此天處
夜摩中生以天慢行不知自業不近
其餘少慢行者不近一切不慢行天
不樂見佛及法衆僧於正法中不信
不入以於正法不隨順故行於惡道
不能觀察十二因緣不敬尊長亦不
親近有智慧天為欲所誑貪著境界
於此天處臨欲退時乃生悔心是故
天人應捨放逸應離傲慢若不捨離
則如熾火燒胡麻等尸棄如來當尔
之時而說偈言

放逸則破壞 為慢所迷惑 若天若丈夫
不得寂靜樂 若樂放逸行 是則名為死
諸放逸樂過 退墮地獄中 不正道行過
是則名放逸 放逸誑心天 則入於地獄

意樂於不實 於實不意樂 放逸垢闍故
天為欲所誑 欲所迷癡天 放逸慢亦亦
不能真實見 如生盲於道

尸棄世尊如是已說放逸慢心妨尋
世間出世間法又復第三示破戒過
如是之事彼佛世尊悉知无餘如實
諦知破戒過患塔中譬上次第書之
今時天王牟修樓陀示彼天衆塔中
譬上不持戒過書盡文字不持戒者
是諸天人第三過患非是利益非世
間道非出世道世出世道一切皆非
何者人中不持戒故妨世間道所謂
受戒愚癡之人既受戒已應作不作
一切不知亦復不知是處非處作過
患已覆藏在心兄弟因緣如是破戒
專為兄弟諸親舊等不顧念戒或不
取戒受已則犯不生忌難以如是故
為諸親舊兄弟眷屬一切人等皆悉
輕賤作如是言此不持戒不勤精進
身口意戒一切不持如是諸親至兄
弟等嫌賤輕薄以輕賤故時節吉凶
皆不看視不與往還吉凶等會不請
不喚不信不敬以如是不受戒故

不持戒故不攝戒故本善友者則為中人若先惡者則求其便若非惡親則不攝之以為朋侶如是之人如樹根斷風吹倒地如是倒已一切物失諸親等離彼人自心本性輕動以輕動故內則懷惡於一切人多貪多瞋心邪疑慮分別怖望欲為惱亂其心常瞋一切衆生面色不好無有威德心亂不定恒常貧窮如是之人不受戒故不持戒故身壞命終墮於惡道生地獄中是故常應念作利益受戒持戒不妨世法

是持戒人以戒因緣心意堅固常正憶念信於善友若王大臣信彼人故以大貴價金寶銀寶種種寶物一切委之若隱密語信而向說若王王等寄物不侵密語不露以護戒故為人所信又復諸親兄弟眷屬一切時人信愛供養皆悉敬重過於尊長持七德戒王亦供養知識親等皆悉供養如是之人一切人信一切人愛財物具足常不貧乏皆不能與作不饒益第一大富以大富故能行布施能作

福德正意善住不壞智慧以是因緣
身壞命終生於善道天世界中

彼人如是微少破戒則為輕劣何況
修行出世間道如是之人意動不住
於業果報盲無智眼或不持戒或破
多戒唯一戒在或全无戒他謂比丘
被人唯有比丘形服猶如貝聲心常
諂曲誑諸檀越作如是言我持佛戒
如是之人實不持戒聖所受戒實不
成就彼是誰賊誑諸世間諸天及魔
一切沙門若婆羅門諸天人等自他
俱誑不如說行如是之人內空無物
不實不堅如水沫聚誑一切人第一
諂曲彼人多求牀卧敷具病藥所須
處處多取彼人常沒生死泥中或生
地獄若地獄等諸惡趣中彼人破戒
取不應取以破戒故不善分攝如是
之人乃至不應於僧地中行至一步
以不相應非所應故何因緣余以諸
檀越修治彼地為持戒者諸比丘等
不為無戒破戒比丘不為一切無善
心者如是之人於彼地中行至一步
亦所不應何況敷具病藥所須及餘

一切諸受用物尸棄如來當尔之時
而說偈言

若比丘無戒	是賊中之賊	內滿爛膿等
外披服袈裟	一切虛不堅	猶如水沫聚
如是空无戒	妄說是比丘	破戒屬地獄
僧寶所不攝	為心所誑故	身壞墮地獄
遠離法毗尼	自業故墮墜	垢闇之所覆
常受大苦惱	不著善法衣	裸露善人棄
以離善業故	惡將至地獄	聚集不善業
苦門則開張	生死縛堅牢	破戒故如是
為破戒火燒	彼則為極燒	如是毀戒者
必定入惡道	意受持戒故	師則能與戒
无心諂受戒	必定入地獄	彼人於日夜
常增長不善	若能持戒寶	則能壞破戒
若人空無法	唯有闇和集	彼无一念時
而慙不破壞	為破戒所縛	垢故善人捨
破戒羅常牽	捨戒不善者	无戒若破戒
親附惡知識	若習近欲者	此地獄因緣
无戒愚癡人	或復懷慳人	惡業相應人
去地獄不遠	業有相似果	此云何下知
癡故自為患	而著遊戲樂	日日常增長
惡河不可渡	苦波滿其中	如是漂眾生
彼人非生善	彼人非善心	若捨離法者

則攝不善法 若身攝善法 是第一善道
行彼句之人 則到不退處 受持戒讀經
愛樂善法者 正行常調伏 彼則離苦惱
此不持戒垢 則能令穢汙 彼以壞學故
為地獄所攝 如是一切知 應勤心取戒
一切生死海 無戒是因緣

如是所說一切人等出世間道無戒
故妨去何天中無戒為妨此世間中
業果之地若於此中持七種戒攝取
和集天中受樂久行放逸乃至樂盡
然後退墮如燈油盡燈炷盡故光明
亦盡

去何妨尋出世間道謂不持戒彼持
戒人生於天中生彼處已如是心念
我於人中持七種戒生於此處與天
平等此始生天以著境界愛欲樂故
一切皆忘若其餘天不忘持戒則示
此天持戒業果為其說言汝本人中
持戒具足生在此處彼始生天以心
動故著境界樂不聞語聲不入不取
不信持戒故不能取善業果報境界
勢力動其意故彼不持戒不隨法行
彼如是天破壞善法是故退墮如是

持戒生於天中或生世間或出世間
彼世間者以持戒故此是一種出世
間者則是菩提此第三法不持戒妨
何者第四天人妨尋所謂懈怠樂懈
怠人若染著人如是之人一切普遍
於一切種一切世間所有諸法皆不
成就彼懈怠人七種法劣何等為七
若人懈怠无增上果則是二劣以是
劣故供養則劣財富亦劣境界智劣
如是劣故一切世間正士不近世間
人情問評則劣彼人如是一切世間
諸事皆劣是故頑鈍一切所作皆患
失壞如是人中世間法義懈怠為妨
云何人中而能妨尋出世間法以懈
怠故此懈怠人一切家事作業皆畏
是故出家作如是言我出家已多言
教具病藥所須飲食豐樂我於晝夜
無所為作彼懈怠故如是出家既出
家已不讀誦經不能止惡不行善法
不修禪定不持禁戒常為懈怠之所
覆蔽彼人多利多得供養食用豐足
不樂持戒不樂智慧少智過故身壞
命終墮於惡道生地獄中尸棄如來

當介之時而說偈言

正法念處經第四卷

第六講 美

爾

懈怠少福德 癡能破壞心 一切親等薄
善道不可得 懈怠及惡業 或為癡所覆
妨尋涅槃道 得不善惡果 无羞无慚愧
懷動惡知識 皆是苦惱因 智者則捨離
邪及慢大慢 如是我慢等 常捨此一切
受苦惱因緣 若為懈怠覆 不憶念發動
出氣與死等 空得命无果 懈怠所患者
有命亦同死 如是懈怠人 心念死為勝
若溺懈怠泥 没苦海不出 若人勤精進
則渡生死海 少力懈怠人 如愛飲食羊
命未盡如死 若死入地獄 貧窮癡如羊
或為苦所攝 若人食他食 懈怠是因緣
若有懈怠者 多依他活命 多貪著美味
心惑常樂欲 彼則不知諦 唯貪著食味
死時既到已 悔火自燒心 諸有忍寒熱
乃至飢渴等 如是身受苦 後時得寂靜
莫起懈怠意 懈怠則怯弱 不能忍生死
不得脫苦惱 懈怠空在世 善人中凡鄙
未來世亦空 不曾得寂靜
懈怠之人除此過已復有異過所謂
遠離出世間道 懈怠之人是不善人
是退没人

云何諸天失於世間及出世間法律
耽居云何諸天妨道謂此懈怠
復有餘業若緣善故得生天中彼天
復為懈怠所壞一切愛聲觸味香色
心復不樂不樂園林天可愛處不飛
不走不聽歌聲自亦不作不飛虛空
不從山峯至異山峯不在河中不涉
波鵲乘鳥遊戲如是樂者夜摩天王
有如是樂彼懈怠天亦不往詣夜摩
天王所有一切諸境界樂皆悉不受
普彼一切如毒如怨一切是垢此是
懈怠妨于世間

云何懈怠而復妨导出世間道若復
餘天常聞正法愛樂正法彼不能近
遠離正法於未聞法无心欲聞設聞
不持又亦不習不近尊長不學智學
離一切法離一切善常樂生死常受
苦惱何以故彼離道故則於有中而
不得脫彼為懈怠之所壞故生於地
獄餓鬼畜生彼則常為生老死等之
所籠繫受諸苦惱世間流轉彼懈怠
者如是懈怠則是一切不饒益事亦
是一切惡道之本生死種子故世

聞一切苦惱由之而生是故世間若有欲脫生死縛者則應精勤捨離懈怠諸有一切不饒益事皆此為本此如是等一切懈怠則於苦海不可得渡此之懈怠有無量過

又復除此四種過已有第五過諸天人等妨碍世間出世間道所謂惡貪一切世間出世間法普為妨碍云何天人於世間道出世間道惡貪障障所謂俗人以貪心故行於非法常樂財物愛物之心如河水旋亦如獼猴心愛物故欲取物故設諸方便如是如是惡貪增長如是思惟我今當設何等方便何等欺詐誑惑他人心常如是欺詐誑惑復為他人如是教示欺詐誑惑如是之人多作非法以如是法復教他人如是之人貪心則多如是思惟他所有物皆悉屬我彼人如是心思惟已復教他人教他人已即共相隨欺詐誑惑設諸方便誑惑他人取其財物如是誑已心生歡喜作如是念我善能作我能欺詐誑惑他人得其財物本是他有今則屬我起

如是心是故歡喜得其滋味如是次第樂行多作令他苦惱惡貪覆意破壞城郭村邑聚落多人住處或燒城郭村邑聚落多人住處為一切人之所棄捨一切善人之所嫌賤是諸國土之人棘刺城之棘刺聚落棘刺破壞國土破城破村破壞屋舍壞他種族常一切時樂如是惡令他衰惱如是惡人身壞命終墮於惡道生在地獄是世間中惡貪之人是惡貪人妨導世間惡貪既集又復增長如火得薪如是如是惡貪增長如是如是惡貪方便如是如是得他財物如是如是轉復增長是故修行福德之人勤捨惡貪何以故第一垢者所謂貪心取他財物彼垢壞者入於地獄尸棄如來當今之時而說偈言

若人行欺詐方便取他物則是大貪心
常行不善行彼人於晝夜心常不清淨
為貪覆其心常怖望他物彼人如劫火
自體本性惡一切所怖畏猶如惡毒蛇
若人為惡貪常覆其心者恒入於地獄
及在餓鬼等大地獄火中熱處既脫已

若生得為人 五百世貧窮 毀面而皺口
常受於苦惱 為貪壞心者 皆如是受苦
若人捨離貪 常怖求智慧 恒有神通力
則行於善道 除却心中貪 猶如閉地窟
若為貪地窟 必定受苦惱 若懷貪心者
念念轉增長 如火得乾薪 熾然而增長
愛樂財物人 恒常怖求物 死時既到已
有物皆捨離 若作惡業已 終竟不捨失
彼人為貪縛 將入地獄去 財物則屬他
自得惡業汗 非財見為財 非樂謂為樂
惡貪住心中 見惡如善友 貪火能燒人
智者不集貪 為貪所燒人 後時入地獄
世間財如山 一切皆元常 云何為財物
如是作惡業 唯有愚癡者 能作如是惡
如是惡貪皆勿自作莫令他作如是
惡貪妨碍世間集惡貪者日日增長
如火得薪如是如是熾然增長如是
惡貪得財物故如是增長共貪慳嫉
增長熾盛是故諸有福德之人應當
捨離汝等天衆當如是知有治生人
賤買飲食若餘物等若作齋會布施
沙門若婆羅門為令他知謂是福人
真實可信知人信已然後自物貴賣

與他山雖布施非清淨心為令他信
治生求利賤買賣賣如是方便以少
物施得物更多或得十倍或得八倍
如是惡貪善人則捨

又捨惡貪言惡貪者所謂法師說法
取物得如是物非三寶用此是惡貪
則應捨離又捨惡貪言惡貪者謂出
家人或白衣家牙所作佛像或刺繡像
或髹等上畫作佛像或刻木像或銅
等像賣如是像彼是惡貪既得物已
非法中用人中則有如是惡貪妨世
間法出世間法智者呵毀智者捨離
云何名為天中惡貪汝等天中如是
大樂猶故惡貪如是現見山金銀山
毗琉璃山青寶之山六青寶山頗黎
山中汝等一一遊戲受樂於一山中
既受樂已復向餘山共諸天女種種
受樂天衆圍繞如是一切由貪故今
非餘所作汝等天衆愛共貪縛墮於
惡道而不覺知不生怖畏不畏死苦
不畏所愛眷屬等離不覺退時種種
衰苦汝等天衆以貪心故不畏不覺
汝等天衆如是貪心无量無邊魔業

貪心不知厭足不畏離別不畏死苦如是惡貪妨世間道

云何天中貪心妨尋出世間道此愛聲觸味色香等慧樂受樂貪心諸天不就其餘少貪天所聽法聞法求法學法不欲聞法令心白淨一切善法勝根本者所謂覺法一切法覺要由聞法若不聞法於法不覺何故不覺以放逸故復以何法是放逸根所謂貪心是故應當捨離貪心若捨貪心則到涅槃貪所覆者流轉生死天衆當知出世間道天人之中惡貪妨尋是故智者常應精勤捨離惡貪施有三種一資生施二無畏施三為法施彼資生施生報天果不能布施此人勝天非天勝人如是人身第一難得若得人身不行布施則為虛生如商賈人得值寶洲不知取寶而便空還若得人身不知捨財而布施者亦復如是

何者復是無畏布施凡有幾種無畏布施無畏布施凡有三種一者救命施其無畏二者妻子為他拘執方便

救攝施其無畏三者防護畏失物者
施其无畏彼救命者生人天中報得
長命護失物者生則大富所有財物
三賊水火不棄不壞若為國王或為
大臣以彼業故有大力勢有大名稱
在所生處恒常大富救妻子者若生
人中善攝妻子天上退時天女不捨
如是三種無畏布施

何者法施法施二種一世間法用以
布施二出世法用以布施彼世間法
用布施者謂以四禪世間中智和集
布施於人天中受世間樂天人中生
則生邪見

出世間法而布施者以不瞋故生天
人中或生欲界或生色界若生欲界
彼或在於一百九十八地上生隨願
生彼若生色界則得解脫以果勝故
大智慧故依處勝故則得解脫生淨
居處若因願力為轉輪王主四天下
有金輪寶寶有十四所謂七寶七相
似寶善願力故盡滅諸漏得緣覺道
以願勝故則成如來應供正遍知明行
足善道世間解無上士調御丈夫天

人師佛世尊以法布施因緣勝故此
三種施汝等天衆一切皆無如是義
故人則為勝天為報地人為業地業
因緣果如是人中天因緣生業果則
勝如是人勝天為不如

正法念處經卷第四十三

癸卯歲高麗國大藏都監奉
勅彫造

正法念處經卷第四

美

元魏洛陽釋門聖德般若流支譯

觀天品之二十三

夜摩天之九

又復業分若人生天不曾布施唯持
於戒得生天中唯有一種功德具足
五欲功德劣於餘天是業因緣人勝
天劣毗婆尸佛當余之時而說偈言
人中布施已則生於善道非天能布施
以是果地故人中是業地果地則是天
一切果因業無因則无果念念不住
如是轉不迴業果將欲盡應當作福德
一切是心力能令命流轉是故有智者
不為命作惡一切皆不畏未來諸苦惱
如是苦惱人癡闇所縛故布施持戒寶
於誑心中有若天若是人則到於善道
有為生住滅皆是无常故一切有為樂
亦如是无常雖壞而生貪念念動不住
樂命皆如是是故應捨離
如是此法一切有為皆無常苦空
無我一切世間無量衰惱處處普遍
有五種縛縛天縛人愚癡目盲惡欲
壞心唯生愛樂一切愚癡无道凡夫

迭相愛縛如鳥在籠一切人天於生死中流轉常行以是義故若人若天或命或樂勿生常想應於世間一切諸法不生常想不作无量種種分別又復具足十二種施如是布施天中所无唯人中有天唯食果若食果盡爛失破壞退彼天處何等十二布施具足一者方處具足二者時節具足三者功德具足四者可愛具足謂所受物五者福田具足六者施飢渴者七者信心施與八者不求而施功德具足九者有歡喜心施妻子等十者簡擇心所敬重勝富伽羅而施與之十一者施於世間不輕賤者十二者施不望報此如是等十二種施復有持戒功德具足得生天中盡已則退是故天應捨放逸行如是十二離垢布施為轉輪王財寶富足或生於天或天相似復有十二離垢布施何等名為十二種垢一者於多人聚和合衆中或於僧中平等皆有戒智及行功德具足不平等施此是垢施得少果報一者

若男若女以欲因緣或男施女或女施男此是第二垢惡布施又復第三垢布施者以怖畏故捨物施與王家門師謂是沙門婆羅門等有如是心若我於王得衰惱者則能救我此非修思因緣故與名為垢施又復第四垢布施者所謂癡心捨物布施如彼外道婆羅門等齋會等施此是第四垢惡布施又復第五垢布施者謂見他人所布施者不知彼人持戒以不知知彼人有智慧不有寂靜不為有禪不唯見他人如是布施他因緣故內自無思如是捨物而施與之此是第五垢惡布施又復第六垢布施者謂前乞者苦求乃與此是第六垢惡布施又復第七垢布施者知他有物為令他信方便欲偷捨物與之後欲作惡種種侵損為一見其便是故與物此是第七垢惡布施又復第八垢布施者為破壞他和合之事捨物施之於他二人共為一友今使別離後覓其便則與衰惱此是第八垢惡布施又復第九垢布施者謂為成親捨物

與他或男施女或女施男此是第九
垢惡布施又復第十垢布施者所謂
治生多買食具種種諸物粟豆果菜
一切雜物待齋會日貴賣邀利得物
自用微少饒之此是第十垢惡布施
又第十一垢布施者為名稱故捨物
布施此第十一垢惡布施又第十一
垢布施者妻子飢貧以物與之內無
善思此第十二垢惡布施此一切施
離思无思以無思故空无果報若思
增長則能離垢譬如垢衣灰汁洗浣
則便清淨如是思熏布施成就毗婆
尸佛當今之時而說偈言

十二功德具離十二種垢成就清淨施
相違則垢濁或天或男子布施得大力
離施墮惡趣布施生善道貪心嫉妬垢
唯親愛妻子此人墮餓鬼唯怖望飲食
若解貪心縛斫伐憍心樹除滅闇聚者
此人布施故布施在前行施主隨其後
布施能示道行到他世去施水澡浴人
以持戒香塗智慧廣无垢得度苦彼岸
丈夫有三燈為利益故然所謂施戒智
此等能除過愛極為深廣疑波極動乱

持戒修智故過如是苦海心不調而速
一切處皆著布施持戒法則能縛此心
此等三藥師能除煩惱病布施持戒智
恒常與安樂心有放逸過分別曲而輕
布施持戒智此三能縛心三種過熾火
燒一切世間智水滅火已得寂滅涅槃
彼毗婆尸如來世尊如是書經在彼
塔中此布施行唯人能行天則不能
以此因緣人勝天劣汝等既知如是
布施於諸境界心莫放逸當善持心
善持心已故令煩惱大惡過患心中
不生若其生者智火能燒智火燒已
則到第一不退之處不生不老不死
不盡如是之處應當捨離如然放逸
又復天衆更有餘事意則劣減損辱
羞耻所謂食時現見故著以業勢力
有下中上果亦如是有下中上彼天
不能乃至少物以施他天臣以自業
迴轉與他所謂人中食時捨施或時
持戒如是得食天見他食勝色勝香
勝味具足如是見上心則羞耻若在
園林蓮花池水遊戲之時一切受樂
如業相似成就樂事見餘天面受快

樂已內心著慚自身任減天中則有五種善耻何等為五一謂食時有見他天白須陀色自食則垢或時色赤相近食食見則極著此是初著第二著者謂見他天端正好色形服莊嚴有多天女妙色殊絕供養餘天見已則著第三著者謂見他天在蓮花中空中飛行園林山峯蓮花池水金毗琉璃戲樂處行以業勝故飛行則疾若少業天行則不速不能共彼同處遊行常在他後著天女眾第四著者謂天入在蓮花池者以天本有如是業故則有如是蓮花池生色香觸量劣天見已於眷屬中則生著耻第五著者如天之業如是得報如業坐處若於本時作大善業則有妙好毗琉璃座或青寶座或時復有赤蓮花色勝坐處坐若餘劣天在彼處坐以業少故如是妙座或變為金或變為銀或為頗黎彼天既見坐處變已種種雜業輕重等業既見知己則生著耻既生著故威德劣減彼天如是面色減劣餘天威德面色增上自天女眾

如是見之則捨而去捨離如是少業
天子依止其餘大業天去遊戲受樂
天女同心一切皆共詣餘天子彼少
業天極生著耻此是天中於眷屬所
第五著耻如是不樂有為之法彼有
為法能為誰惑令生貪心如練樹葉
其味甚苦和餘甜味天樂亦尔雜苦
雜樂何況復存異道衆生地獄餓鬼
畜生中著或定業生不定業生常苦
不止有无量種大力苦生辟如海中
種種雜水異異河入種種水入衆生
之心亦復如是相續河流種種諸業
依業河起成就大力諸苦惱生汝等
天衆此量如是說一切種異苦應知
總一切苦有三種因和合相應諸苦
滿足此三種苦有三對治則能除之
何等為三謂智戒施毗婆尸佛當尔
之時而說偈言

若心不依止 智戒施等三 彼衆生常苦
樂則不可得 如種種因緣 何等業幾種
衆生所作業 如是成就果 一切皆因緣
無不因緣者 有為不破壞 因緣不可見
為心所誑故 布施面著慚 如是布施者

則不得樂果	和合布施勝	捨離慳嫉垢
天常受樂故	則无如是心	飢渴為大火
能燒諸餓鬼	一切慳嫉果	實智者所說
若常行布施	彼必定得樂	以施得樂果
是故布施勝	世間作光明	恒常自隨逐
布施則到天	天供養如僕	施是不誑處
如來如是說	以其是實故	常應行布施
捨慳嫉怨已	而善修於心	若能行布施
得渡生死海	施三寶福田	三種皆清淨
決定於三時	三眼是彼果	初常行布施
次精勤護戒	智則能割愛	此為大樂道
若不除斷愛	世間不饒益	彼則不能到
不生死勝處	常離不施心	恒樂行布施
无施故飢渴	餓鬼中燒身	希施得大富
天軋閻浮中	因施得為王	善法轉輪王
依止布施地	智者能持戒	持戒者知時
因智得解脫	出苦之要道	一切佛所讚
勇健者知已	則常行布施	不布施生天
天中受樂少	施故生人中	從生受富樂
若生在畜生	亦常受樂果	一切布施樂
是智者所說	若在餓鬼中	彼亦有飲食
以平少施故	則得如是果	若生地獄中
飢渴不能燒	一切以施故	如是皆得果

生泥道中者 是衆生自業 布施得安樂
如見於父母 如是住施地 常行於布施
恒樂施持戒 得脫諸惡處

半修樓隨夜摩天王如是已示救逸
天衆天衆知已一切現見住戒果報
攝取持戒

又彼天衆復有著慚所謂業故現前
著耻見食故著園林蓮花處處遊行
多天女衆而為圍遶種種樂音在於
天中地上而行心樂境界五欲之樂
第一勝樂不可譬喻成就樂事

如是轉行飲食地處次第往到種種
莊嚴端正天女如是天女之所圍繞
彼天歌舞五樂音聲遊戲受樂彼天
耳識不知厭足境界可愛是故受樂
不可厭足

又復彼天見種種色皆悉可愛端嚴
殊妙如意念色見則生樂種種光明
種種異色種種形相或在遠住或在
近住或中間住彼天見已有如是念
彼遠住色可前近來隨心念時彼可
愛色即來在近或中住色如意念來
若念近者近者則來若念中者中者

則來者念遠者遠者則來業果勝故
如是隨意以彼業因有下中上天報
如是有下山 上如是彼天受毒所齧
不知厭足如火得薪无有足時愛心
之者則於境界不可厭足如是天中
无量種種樂皆不可足

又復天衆鼻識麁香有元量種謂園
林中天花妙花香又復彼花樹枝中生
枝垂至地有種種色種種形相種種
分分雜雜異異一切時花同時開敷
彼如是花天女取之送與天子令得
嗅之或為風吹香至天子天子嗅之
嗅已欲發則受欲樂

又復天身如是天中莊嚴殊妙與天
相應頭上莊嚴寶瓔珞等隨天意念
一切出生種種衣服有種種香无縷
天衣其量相應彼天如是生愛心故
不知厭足

又復彼天若心意念以自業故一切
所須具足皆得則有第一可愛飲食
天上地中有須施食以奉施時有下
中上須施亦亦有下中上

又復具有種種天飲有下中上業如

是故自業如印猶如人中人身長短
隨日所在影亦如是長短似身如是
如是彼天本於人中之時作如是業
如是食生彼食食時天女現前則生
著耻如是天中見勝天女人生苦惱
如是有中一切无常無有一樂不破
壞者現見一切有為皆尔如是應知
又復彼天奉善業盡退時生苦若放
逸天樂天欲樂退時愛離膩潤盡時
欲向餘道則有相現以欲退故身心
大苦若大苦生彼苦如是不可譬喻
毗婆尸佛當尔之時而說偈言

種種放逸樂 為境界所誑 食欲盡退時
无與同伴者 天前放逸行 不行布施等
於後死退時 悔熱自燒心 初中後等時
心常作利益 利益常調者 死時不怯怖
有生必有死 亦有愛別離 愚者不思惟
為境界所誑 死次第念念 境界破壞天
來至天不覺 以欲著意故 若天能知此
生愛別離苦 乃至須臾間 於欲心不住
欲无常可畏 常作不利益 如是愚癡者
而猶近於欲 癡天常如是 為欲火所燒
既被欲燒已 習欲不休息 若思念真諦

不喜樂境界 若喜樂欲者 是則常啼哭
此一切三界 轉行猶如輪 一切業爾縛
天不見其實 於種種道中 處處數生死
衆生為愛迷 常受諸苦惱 欲如電火輪
暫住不可得 如夢乳園婆 衆生虛妄取
欲如如是等 畏欲復勝是 無常苦空中
勿生我所心 此之老死輪 極惡正調伏
譬无救衆生 無眠不覺知 牟尼說五根
空而无自體 多有无常苦 自體是病處
如是見知已 則應捨離欲 彼寂靜智慧
則近涅槃住 彼欲退天者 根心皆動亂
今時苦受生 不可得譬箭 如是受大樂
如是愛憎心 被天欲退時 如是受大苦
諸有死未來 諸有離八難 皆應作利益
此道能得樂 天中地處退 入地中死亡
何人如是知 不厭離生死
如是天中業盡退時業繩繫縛牽令
使退將向餘處生大怖畏是故有天
同如畜生若天心樂境界樂行非自
利益是故天衆勿放逸行莫於後時
心生悔熱夜摩天王牟修樓陀如是
為彼山樹具足地處行天毗婆尸佛
所作佛塔見彼塔已調伏天衆為作

利益示欲過患為顛倒天四顛倒者
說於正法死未來聞則示其死與其
怖畏彼死畏處无量苦處示平等道
以寂靜心作他利益調伏天衆於六
經中毗婆尸佛所作經文第二已竟
又彼天主牟修樓陀夜摩天王共彼
天衆山樹具足地處來者有修心者
不修心者皆攝取之精勤修習利益
他行除其放逸諦見業果令心柔軟
心柔軟故生大信心信心生已示其
欲過示欲過已說命无常說無常已
說生死苦彼天間已心則柔軟心柔
軟故天王告言汝等天衆一切皆看
此大佛塔迦迦村陀如來之塔應正
遍知明行足善遊世間解無上士調
御丈夫天人師佛世尊妙寶佛塔光
明遍滿金珠拘攔如穿虛空高出於
上一切皆見甚可愛樂第 清淨一
切天衆見者心樂此諸天中高出如
幢堅牢不動猶如禪住種種善寶光
明勝妙如正法說第一可愛天如是
見汝等天衆共我相隨往彼塔所供
養禮拜或以香塗散花供養此大仙

塔有何希有今共往看看我利益乃
至涅槃或身或命皆得安樂何以故
如來世尊雖少說法則能利益安樂
衆生一切衆生必得利益則無有疑
我等今者為自利益皆共往去今時
天衆既聞天王如是語已心皆清淨
信天王語白天王言我等皆去供養
禮拜為自利益為自安樂今時如是
山樹具足地處諸天天王在前天衆
在後向世尊塔皆共往到到已則見
迦迦村隨如來之塔生敬重心禮拜
供養周而旋遶

今時塔中衆寶光明形日光明如螢
火重彼寶光明勝妙如是彼佛塔中
見垂寶板第一光明板有經字是天
神通之所為作是故不失不破不壞
不可祇滅何故不失迦迦村隨牟尼
如來以為利益諸天人故說此經與
於天人中如是說法何以故天中乃
是人之善道人中乃是天之善道天
退之時憐人善道人死之時憐天善
道如是天人送為善道天之與人送
相愛樂持戒不壞則生天中持五戒

者則有二種彼持或者以愚癡故生而不熟唯癡者作雖癡而信以心信故信於佛等修行身善口善意善非是邪見乃至命盡信業果報依法得物以自存活不惱他人敬重父母供養父母親近沙門若婆羅門恒聞正法如是癡人唯信相應彼雖癡鈍具足修行身口意等相應善業自性如是不受禁戒如是之人身壞命終生於善道天世界處終心善故得生天中若得生於夜摩天處劣於餘天身色形服及莊嚴具諸天女衆若行若食一切皆劣則生者慚光明亦少一切欲事具足皆劣彼无智故不知取戒於有戒天有智慧智者知取戒者則為減劣

又彼癡故不知取戒而修戒行於佛等中生清淨信乃至不能取一日戒身行善行口行善行意行善行身口意中不能具足一切修行身善行者謂不殺生及不邪行不行偷盜此是不能一切修行口行善行唯不妄語口之餘垢一切不避如是唯行一分善

行不能具足一切善行若意善行唯信
命盡或有餘業或時唯信生夜摩天於
次前者轉更劣減於餘修行受戒持
戒具足之天形量身色勝莊嚴具若
食若行者天女衆壽命長短聲觸色
香一切皆劣自見劣故極生羞耻慙
於餘天受持戒者

復有愚癡不知取戒持戒相應唯心
正見得聞佛法敬信三寶佛法衆僧
乃至不取一日之戒聞持戒來或於
知識教示聞來或於所畏生忌難故
不作偷盜次第聞來若聞佛說以餘
業故貧窮而生如是之人畏現在世
畏未來世故不偷盜口中不說破壞
之語不迭相破於破壞者令使和合
愛善業故或時傳聞佛所說語彼破
壞語餘業緣故親舊知識妻子奴婢
一切破壞以是業因身壞命終墮於
惡道生地獄中如是之人二種因緣
故不兩舌彼人以是業因緣故身壞
命終心有信故或餘業故或生業故
信福田故生夜摩天量色形相一切
劣減天女衆劣若處處行飲食等劣

聲觸亦劣味色香命一切皆劣光明
亦劣於他天所則生者耻如是放逸
不取戒故如是三種各生天中而有
優劣唯信佛故或如是思功德勝故
或時本性如是勝故或以心體柔軟
勝故或正見勝故深信勝不諂不曲
不熱惱他如是勝故供養父母生敬
重心如是勝故或願勝故彼人如是
如業之心恒常相續於福田中深心
勢力意思功德有下中上如是勝業
上生天中業相似果決定受得終不
虛妄不疑不得如是定得何況取戒
乃至涅槃決定必得終无虛妄

幾種取戒略而言之四衆眷屬四種
受戒彼皆攝果何等為四所謂比丘
諸比丘尼諸優婆塞諸優婆夷四衆
受戒彼如是人可有幾種別別受戒
彼優婆塞略有四種何等四種二
分行二半分行三數數行四一切行一
分行者唯持一戒半分行者謂取三
戒行於三戒數數行者不常受戒一
切行者受持五戒
又復更有四種持戒何等為四一希

持戒二半持戒三悔持戒四合持戒
彼優婆塞於學句海次第漸取初取
三歸作優婆塞彼人修心復於久時
善觀察已取一學句於彼學句堅持
不缺不穿不孔

何者不缺何者不穿何者不孔彼不
缺者乃至命盡受持不捨不起一念
破戒之心於他作者心不隨喜遮他
人作或令他人安住法中故名不缺
彼不穿者如彼所受一學句戒乃於
後時捨彼學句次於後時復更攝取
數捨數取如是名穿彼人如是學句
不穿離如是持

何者不孔云何為孔於此學句初清
淨心知識邊取取已後時其心則悔
不能護持心生疑惑彼疑牽心心濁
而行非多思行彼人後時悔火所燒
如是燒已則捨學句如是捨已更不復
取此名為孔若人不作如是住者則
名不孔

又彼希行優婆塞者住於缺穿孔學
句戒云何為缺此心不滅不破不壞
善心生已則取學句如芭蕉葉如電

相似如是動心歡喜取戒信心敬重
後時復聞外道法已心則生悔癡垢
濁心是故捨戒復於後時聞正法已
還復攝取此名為跋

又復跋者此優婆塞疑於學句如是
持戒有供養天憶念正法作如是心
我於今者為於佛語而得清淨為於
天所而得恩力如是心故二皆供養
如是疑心依法持戒此名為穿又復
孔者內心有孔外則善行為他見故
為供養故受持學句此名為孔智者
如是一切皆捨希持戒行優婆塞者
云何名為希持戒行優婆塞耶此優
婆塞取一學句於多時中今乃復取
餘之學句如是次第非是一時不生
一心不從一師如是久時希取學句
此則名為希行學句優婆塞也

又復第二半優婆塞半半取行或取
二已然後取三或取三已然後取二或
於後時今乃取三或於久時方乃取
二此名半行於半半中下增而行
增下而行何以故半半學句并合而
取如是合行而受持者此名第二半

云何第三悔優婆塞前不取戒唯疑
心故但於佛等生深信心彼優婆塞
或比丘所聞持戒果功德无量乃至
涅槃既得聞已悔火燒心方生敬重
乃至命盡持戒不捨此名第三悔優
婆塞

又復第四合優婆塞彼持戒行一切
具足云何名為合持戒行優婆塞耶
此優婆塞聞正法已則得正法句句
處處於經經中十二因緣十二因緣
以知如是十二因法心中生念如是
信已唯以言根一切持戒攝取滿足
於一時中攝取五戒堅持不缺不穿
不孔乃至命盡常如是持四優婆塞
如前所說

又下中上如是次第一切中勝具持
五戒於一切中取下劣者謂希持戒
寂下持戒優婆塞者唯一念中攝取
持戒天則不及天魔王等志皆不及
何以故涅槃城法能攝取故此一切
天於涅槃城不怖不求

彼地夜叉見持戒者供養礼拜虛空

夜又如如是見已供養禮拜以如是人
隨順法行能報恩故能調順故如是
夜又或向天說如是之人得現世果若
王大臣或土田主而供養之或施財
物隨後行天神通增長有大勢力諸
非法行惡夜又等不能惱亂不能破
壞隨心所須種種意念皆得具足稱
情受樂諸所作業皆志成就不多病
患面色清淨睡眠安隱覺時喜樂妻
子奴婢及餘客等攝取不離身壞命
終生於善道在彼天中量色形相一
切皆勝持戒勝故如是勝生如是業
力以持戒故得是大果本人中時所
集善業夜摩天中放逸行故一切皆
盡衆生之心業網縛故復於後時墮
於地獄餓鬼畜生是故皆應勤行精
進乃至未得聖印以來如是精進若
心自在放逸而行彼天退時心則生
悔墮於地獄餓鬼畜生善業盡故是
以應當捨離放逸如是第四善優婆
塞得現生樂若能次第不斷精進則
到涅槃如是一種是優婆塞佛之眷
屬次復云何是優婆夷佛之眷屬凡

有幾種佛優婆夷優婆夷者則有四
種一是有信二是種姓隨順次第第三
調伏行四近住行言有信者彼優婆
夷種姓熏心其心柔軟善修其心彼
優婆夷少聞佛語聞已能知知已得
味味已則入謂入法律彼優婆夷住
善心已然後受戒婦女之心不能拘
執聞外道語心則不受不捨佛法乃
至不與外道共語唯於佛等生清淨
心具受五戒此名有信優婆夷也去
何種姓隨順次第優婆夷耶種姓賢
善隨順法行入法信法法救法歸法
性法堅不行惡業他道論師不能破壞
常優婆塞種姓中生於佛等中極
生信心彼種姓中若生於女彼女則
能隨順次第自從生來常聞佛語供
養沙門此優婆夷恒常聞義此優婆
夷常一切時相續熏心受戒持戒此
是種姓隨順次第優婆夷也

彼調伏行優婆夷者謂本不信佛法
僧等彼若得近善知識故信於佛等
近他因緣他令使信見他功德持戒
具足數數取戒彼優婆夷則名調伏

彼近住行優婆夷者若有女人常近外道知外道法見其威儀知威儀已
尔乃後時近佛弟子沙門之所見其威儀從其聞法形相行食舉動進止
身著袈裟去來寂靜如是見已然後次第棄捨外道信於佛等以相近故
是以調順從其受戒名近住行優婆夷也

如是四種優婆夷衆如是四種優婆塞衆略說如是有信解故心相續故
他因緣故次第近故如前所說優婆塞衆所有因緣優婆夷衆亦皆如是
入於法律如優婆夷所有因緣優婆塞衆亦如是入心相續故優婆塞衆
正行彼心皆有下中上故身壞命終皆志生於善道天中彼有生於夜摩
天者如所集戒正行不同如是生於餘天之中以善持戒和集相應得生
天已放逸而行不勤精進諸未得聖皆福業盡復生地獄餓鬼畜生福德
盡故放逸過故若其有天不放逸行彼則到於樂中樂處彼以持戒善修

行故是故不應起放逸心此放逸者
如毒不異一切世間愚癡凡夫為貪
所誑而行一切不饒益行一切生死
繫縛不離是故天人應捨放逸若天
若人如是持戒故得生於第一好處
放逸過故福德則盡彼如是人自誑
太甚或墮惡道或長久時流轉生死
牢修樓陀夜摩天王如是善心示其
天衆彼佛塔中板上經字作如是言
彼佛世尊憐愍衆生利益天故神通
所化彼天聞已第一勝心厭離生死
捨放逸行如毒不異此優婆塞及優
婆夷眷屬已說

正法念處經卷第四十四

癸卯歲高麗國大藏都監奉
勅彫造

正法念處經卷第四十五

美

觀天品之二十四 夜摩天之十

元魏婆羅門瞿曇般若流支譯

云何比丘及比丘尼二種眷屬彼有幾種有何功德有何等行云何持戒幾種持戒如是沙門世尊弟子或是比丘或比丘尼求涅槃行勤行精進若晝若夜能令魔眾眷屬怖畏幾比丘居點慧正行如法律行心无所畏向涅槃城求於實諦求實諦故持戒不越如是則能入涅槃城修何等行功德相應一切女人愛欲近欲二是功德一切善者家初如是真實觀察男身自身見彼男身或與身等或大於身如是見已生於兄弟父母等想如是修心此婦女人欲樂為本若相近者意常怖望若晝若夜若坐若卧若睡若寤若餘所作若少若老若是中年若住平處若住惡處若苦若樂若病無病若護不護若禁不禁若大姓生若小姓生若媚若醜若道邊住若家中住若聚落中或於空處若或

莊嚴若不莊嚴若繫在獄若不在獄
若夫愛樂若不愛樂若近尊長在尊
長前若近卑賤若近年少若近老年
一切婦女於一切時於一切處欲常縛
心欲在心中譬如火熱如地之堅如
風輕動如水濕潤如四大中所有自
相皆不顛倒於一切時皆不自離女
欲如是常隨繫縛不曾暫離如是女
人復有二垢所謂妬嫉如是二垢復
有餘垢共生不離所謂諛諂彼復有
垢隨逐不離所謂欺誑彼復有垢隨
逐不離所謂憍慢彼復有垢隨逐不
離謂衰惱處衰惱處者近於富男而
共行欲彼復有垢隨逐不離所謂躁
擾心常不住彼復有垢隨逐不離所
謂誣枉親舊知識兄弟眷屬彼復有
垢隨逐不離所謂能於大會之中損
壞威儀彼復有垢隨逐不離所謂兩
舌彼復有垢隨逐不離所謂私語彼
復有垢隨逐不離所謂貪食彼復有
垢隨逐不離所謂能行不應行欲彼
復有垢隨逐不離所謂叵信彼復有
垢隨逐不離所謂能說他之婦女壞威

穢事彼復有垢隨逐不離所謂愛閻
彼復有垢隨逐不離所謂辱人彼復
有垢隨逐不離所謂壞乱能令村柵
聚落壞乱彼復有垢隨逐不離所謂
近此婦女因緣墮於地獄如是婦女
如屎如毒亦如利刀如墮嶮岸大火
曠野惡毒蛇等一切相似婦女之心
志皆如是

如是等心婦女之人既見三寶讚歎
稱說聽聞佛語婦女之心則可柔軟
彼復更有希有之法如是對治如是
堅鞏垢惡之心對治二種謂自生心或
為他教以信出家自生心者善熏心
故為他教者近善知識彼如所說諸
過閻聚從元始來依止心者能令散失
彼初如是出家怖望比丘尼者近善
知識何以故此如所說諸垢對治知
說為說令其善住善能為解苦惱結
縛令得解脫安隱樂住善知識者安
慰示導元始來閻能令失滅示其善
道拔无始來惡欲等判於愛惡處則
能救免示常不生不死不老安隱之
處彼如是垢對治之處我今說之如

次第說如隨逐垢如彼對治令得寂靜一切如是婦女妬嫉多於男子如是彼此逆順對治出離生死

女欲多故不淨對治如身實見身是病藏不善之聚一切不淨糞屎等處彼於此身或自或他如其自相如是觀察觀其本藏此身本從何處出生彼見精血不淨和合集聚如汁二家惡汁合為一身如是身者不淨種子而生此身

又復彼女如是觀身此身若從不淨種子而得生者如此身中無少淨法彼比丘尼復更諦求觀身九種惡瘡不淨從身流出如婦女身男身亦尔婦女男子九種瘡流婦女之身三種大過何等為三所謂婦女尿門寬大兩乳汁流是名三種

又復男女平等瘡流鼻兩孔中並皆流涕兩目出淚兩耳孔中或有垢出或有血出或有膿出口中氣是或噉故鼻唾沫流出於下分中若屎若尿血等不淨如是如實觀察此身諸不淨已如是憶念此身聚中无有淨物

微塵許流一切皆是不淨之物

如此身者何物住中何者依止若有
淨物來近此身身猶不淨身不淨故
如是淨物亦同不淨隨何等物本清
淨者若來觸身則為不淨所謂彼物
本清淨者若食第一清淨之食彼食
入身則成糞屎此身如是飲清淨物
入身成尿外物觸身由此身故一切
淨物皆為不淨所謂淨者一切香衣
若令身著汗出則臭又復如花本一
切香與身相著萎蕤為氣臭是彼比丘尼
復觀察身如此身者何處住來謂本
在於母身藏中母身云何為淨不淨
彼比丘尼如是觀察我母本性亦復
如是一種不淨

彼比丘尼又觀察身如此身者何處
而住於何處行彼如是處為淨不淨
如是觀已如實見知一切所有清淨
之處隨何等處如此之身若死若活
若在彼處彼如是處則有虫垢髮毛
骨等能令彼處悉皆大臭以如是身
在彼處故

彼比丘尼為斷欲故復觀察身如是

身者為誰所食云何觀察如實見之
所謂羅剎諸惡鬼等諸不淨者之所
食敢非是鵝鴨及鴛鴦等淨潔眾生
之所食敢

彼比丘尼復實觀察如是身已則見
此身唯邪所攝顛倒分別不正觀察
闇眼現前男子相近欲繫縛心不見
不淨彼以如是決定觀察此無始來
久習堅欲皆得斷滅或令微少一切
垢中癡垢取惡一切婦女欲為取惡
欲垢因緣更生餘垢若以對治除欲
垢者餘一切垢皆滅无餘如日沒時
光明盡沒如是斷除垢根欲故餘垢
盡滅

彼比丘尼此道滅欲彼欲滅故餘共
生垢一切皆滅何者共生所謂妬嫉
若男若女所有妬嫉皆因欲故妬嫉
二垢欲是其根彼欲斷故或微薄故
彼二則滅

又彼二垢復有餘垢隨逐繫縛何者
余垢所謂諛諛從妬嫉生妬嫉滅故
諛諛亦滅從諛諛垢復生餘垢隨逐
繫縛所謂欺誑諛諛滅故則无欺誑

從欺誑垢復生餘垢隨逐繫縛所謂
憍慢欺誑滅故則無憍慢從憍慢垢
復生餘垢隨逐繫縛謂衰惱處憍慢
滅故無衰惱處從衰惱處復生餘垢
隨逐繫縛所謂躁擾衰惱處滅則无
躁擾從躁擾垢復生餘垢隨逐繫縛
所謂誣枉躁擾滅故則不誣枉從誣
枉垢復生餘垢隨逐繫縛謂壞威儀
无誣枉故不壞威儀從壞威儀復生
餘垢隨逐繫縛所謂兩舌一切婦女
兩舌破壞不壞威儀則无兩舌從兩
舌垢復生餘垢隨逐繫縛所謂私語
屏處說他兩舌滅故則不私語從私
語垢復生餘垢隨逐繫縛所謂貪食
婦女腹內飲食則多一切婦女常貪
飲食多置腹中自養其身不私語故
則不貪食從貪食垢復生餘垢隨逐
繫縛所謂能行不相應欲一切婦女
貪欲食故則不相應惡邪欲發彼貪
飲食養垢滅故彼不相應邪欲則无
從彼惡邪不相應欲復生餘垢隨逐
繫縛所謂叵信若有婦女不相應欲
一切諸人於彼婦女皆生疑慮為一

切人之所不愛彼不相應邪欲垢滅
巨信則滅從巨信垢復生餘垢隨逐
繫縛所謂能說他之婦女壞威儀事
巨信滅故則不說他壞威儀事從說
他垢復生餘垢隨逐繫縛所謂愛聞
說他滅故愛聞則滅從愛聞垢復生
餘垢隨逐繫縛所謂辱人愛聞滅故
則不辱人從辱人垢復生餘垢隨逐
繫縛所謂壞亂能令村舍聚落壞亂
辱人滅故則不壞亂此一切垢上上
次第相住持者一切皆滅如是自體
根本繫縛婦女之心更無有法能令
柔軟唯除佛語知識口說從其得聞
彼婦女人如是聞已如是難捨住處
家業捨而出家若其不能盡滅諸漏
則能專心持戒修行初修不殺不盜
不婬不作妄語不破壞語不作惡口
不作綺語一切善修常數數修樂修
多作如是婦女身壞命終生於善道
欲界天中若不厭欲業心自在生夜
摩天山樹具足地處之中得丈夫身
善能如是持戒不毀如是既得彼天
身已則行放逸放逸行天善業盡故

復墮地獄餓鬼畜生復生如是上上
垢惡婦女之身亦時世尊而說偈言
欲為妬嫉地 心如電火輪 是貪慢之藏
智者則不信 心體是欲霜 如利刀火等
心如墮嶮岸 難測深於海 心常緣如網
誑惑於他人 如金剛火燒 亦如毒蛇螫
滿足諸過惡 无量種和集 婦女則無心
少分修持戒 以欲勢力故 婦女不持戒
若離欲勢力 於戒則能持
牟修樓陀夜摩天王如是為說本生
持戒而語之言汝等男天如是人中
女身持戒生此天處本婦女身持戒
善業汝身男生如是生已放逸故盡
汝等天衆如是自欺從今以後慎勿
如是放逸而行

世尊如是已調伏天為作利益彼如
是等一切正覺正遍知者四種眷屬
彼眷屬中第二眷屬婦女姊妹隨順
次第比丘眷屬如彼次第比丘持戒
第一勝上善修心意如是比丘自他
惱亂見則生畏於世間中生死之道
則生厭離其心怖畏一切生死乃至
微少塵許小惡見則生畏諦觀察行

無所怖望第一深心第一種姓正行
持戒布施熏心於四聖諦正念思惟
幾種比丘幾種法行比丘不越四種
正法何等為四所謂一者不獨道行
是初比丘何以故獨行比丘行聚落
中則為輕賤或復自在以自在故則
破學句若於村中若城等中人衆之
處隨意念行於餘比丘不生忌難見
多婦女則生疑慮其心躁擾看彼婦
女俗人見之則生譏嫌見他譏嫌則
生瞋念如是比丘心中生此第二瞋
過如是比丘瞋欲覆故心則愚癡如
是出家獨行沙門行於人中三過增
長是故不應獨行人中此是一種
又復第二不越比丘如是比丘念身
而行此比丘行欲在道行專念自身
謂如是念我舉此足心及心數觀察
其足如是比丘從足至頭一切身分
皆悉觀察或舉右足或舉左足常觀
此身脉絡繫縛脂骨皮筋繫縛足踝
業風吹行心則不斷若舉若下若舒
若屈足舉則攝足下則寬如是脚者
筋網繫縛大小五指和合為脚舊爪

新爪合為足趺

觀足趺已次觀足脛猶如合汁甘蔗之莖肉泥封塗以筋繫縛骨中孔長筋經其外前因緣生有毛覆皮外有毛聚皮如蠅翅以覆脛外彼如是脛一舉一下如實觀之經行處行全身來去

次復觀察此身二腔筋血脂肉骨等合成如是觀察心及心數業風所吹是故動行

又復觀察此身二腔於脛為處多有筋肉迭相纏縛以肉塗上以肉傅上血爛為汁汁脂內滿唯見外皮心生愛染若舉一脚下踏之時如實觀察復舉第二舉第二脚亦如是觀足舉則攝著地則寬或伸或屈如是次第堅廣孔處一切觀察欲行欲動或餘種種皆是風吹兩脚已上如有瓶等中有熟藏所謂屎尿不淨惡汁一切所見不堅不淨二脚行故彼瓶隨去并其所盛一切諸物皆悉隨行彼於行時如是如是隨順繫念

又彼比丘於彼上瓶搖動其身觀察

而行作如是念我女何行上身動行
觀大小腸彼見舉脚氣共腸動大腸
小腸一切動轉或從左廂去至右廂
或從右廂去至左廂如是腸中有風
黃冷屎尿重滿并腸轉動

又彼比丘觀察動已如實觀察彼腸
已上所有生藏筋羅繫縛下上傍
脉網纏之內有爛沫飲食水汁彼食
猶如新吐冷沫為生藏覆滿生藏中
第一大鼻上與咽連筋脉骨持唯有
業風共心心數相隨持行

比丘如是觀察身已觀身動行我身
上面頰骨齒骨髑髏骨等和合為頭
有二眼堀并集成頭眼中脂多常時
不停

我今觀此婦女之身筋皮羅縛如經
經木念念生滅退沒出生在於聚落
城邑等中而行乞食以養身因如養
地遠如是養身不為欲故非貪飲食
非貪著味如是比丘如是而行如是
第二精進比丘於法不越又彼比丘
村城聚落多人住處入中乞食既乞
食已如是觀身如是一切婦女男子

普皆觀察彼能如是善修習行勤發
精進欲等離心不入其心如是比丘
善調伏根勝而不劣如是比丘希望
利益不越法行

又復第三修行比丘所謂比丘常修
正念正念比丘心不散亂是善知識
常有善意有不亂意如是比丘天常
隨行天魔不能興作妨亂去何正念
謂知欲行心心數法已生欲生如是
能知不放逸意應緣不緣一切皆知心
心數法若善不善无記等法一切皆
知心如是念我諸善法因緣故生所
謂我當利益安樂乃至涅槃我今破
壞餘不善法以我善法心心數法生
因緣故則破不善此不善法若不破
壞令我後時當不利益當不安樂如
是善法及不善法如實而知知已思
量如是等法心意所知分分觀察有
五種念不味不着心不分別先所作
者不念不樂何者五念謂念眼色若
前境界可愛者來眼境界色若近若
遠善色惡色本曾見來或他用來種
種諸色如是比丘見已不味心不思

惟何因緣來捨彼因緣如人畏燒避
火不異如是比丘畏欲火燒初染之
時歡喜愛多後時苦多本所味色心
則不念心不分別不住於心自本愛
色今不復念亦不分別亦於他身憎
愛之色心則不念不念於他他所念
色心亦不求如是自身或弟子等
自他俱速令不味著不生隨喜令
住正道如是比丘名為清淨正念不
貪於不染法相應正行如是比丘眼
不著色

又復比丘第二念者謂念耳聲如是
比丘正念觀察若耳所聞極可愛聲
若歌若舞打鼓拍手戲樂等聲曾所
聞者不念不味心不樂著亦不分別
何因緣聞捨彼因緣如畏燒者捨火
不異如是比丘捨離彼聲或遮他人
或自兄弟所聞之聲一切皆遮令住
善道心不隨喜如是比丘自他利益
不貪音聲以勝念故於聲不著是名
比丘第二正念如是比丘耳不著聲
又復比丘第三念者謂發精進正意
寂靜梵行持戒如是比丘不念不味

意不生念若今用香若復熏香若香若臭若淨不淨若遠若近一切不念於香無心何因緣來捨彼因緣若是他人若自弟子若鼻嗅香生味著者如是比丘則便遠之心不隨喜自行善業亦令他人住於善法心常善念正行不貪鼻不貪香如是比丘得名除垢善修持或心生善念又復比丘第四念者先曾所得可愛諸味若愛不受若久時味若近時味不念彼味不味彼味心不分別何因緣來捨彼因緣如畏燒者捨火不異若於他人或自弟子若貪著味如是比丘則便遠之心不隨喜此名比丘不貪著味善念正行捨離諸惡修行善戒自他利益

又復比丘第五念者曾所得觸先已觸來彼觸染樂軟滑生垢於彼欲法不染不味心不分別何因緣來捨彼因緣如畏燒者捨火不異若他人身貪觸染著不生隨喜善觀觸法此名比丘離觸清淨名善持戒修行善法得名善住次第乃至到於涅槃

又彼比丘復有五念應當修行何等
為五一念時節二念少年三念生死
四念具足五失散壞五念涅槃欲到
涅槃如是比丘云何念時謂彼比丘
常一切時繫念修行不迷境界不為
境界之所破壞不失不散比丘不念
此晝此夜如是時節不念不知於覺
悟時出息入息與意相應常不離意
如出入息乃至一念皆決定知出入
二息在我腹內是故我腹若起若滅
以二息故我陰入界而得存立諸有
為法一念不住陰界入等出於暖氣
此共氣生共氣俱滅破壞爛盡復於
後時因緣異生氣共生滅一念不住
彼念比丘如是念時繫念相應比丘
如是自觀此身界陰入等和合聚集
一念不住唯有苦惱一切身分非有作
者非有受者迭相因緣平等共生如
是身者念念流轉於念念中生死老
退諸行聚集如是比丘修行不空如
是修行念時比丘以念時故決定必
得四種清淨一心清淨心清淨故面
色清淨善業清淨未來利益次第乃

或復他人見其持戒彼檀越主第一
歡喜生清淨心如是四種持戒比丘
如是實義思惟清淨如是一切普清
淨故則得安眠卧見善夢隨順於法
彼常如是不放逸行不放逸故得七
種法何等為七一法无尋思惟善法
彼善業者心則歡喜歡喜增長歡喜
因緣身則肥盛身肥盛故名色二法
迭生因緣此因緣故身則肥盛身無
病患身之興心迭生相依則善聰明
言聰明者念本作業如是念故聰明
增長念善法故如是增長既思惟已
樂亦增長樂增長故力亦增長如是
增長七種法故夜則安眠夜安眠故
修身修心比丘如是念於夜時
云何比丘念於晝時如是比丘念眼開
合我念眼合時節已過則念已過如
是時節共心心數相與俱滅皆悉散
壞如是時節次第失滅或滅或生於
出息頃命已盡滅我今老時次第欲
到我少已盡欲到餘有漸次決定欲
到死時我一切命當失不久一切方

便不可得離一切衆生無因緣然欲
來壞命譬如燃燈火食蘊油念念盡
滅如是如是老死之火燒命蘊油念
念盡滅如是繫念知無常已勤修善
法此之內法如是速疾念念無常念
念盡滅誑生貪者念念盡壞如此內
法外亦如是一切世間有為之法速
疾無常念念盡滅如是山河城邑聚
落藥草園林一切人中一切天中必
當失壞

如是園林蓮花河池以一切天放逸
而行先已曾失今失當失彼為放逸
之所壞故墮於地獄餓鬼畜生自業
成熟如是比丘此如是等一切世間
無量動轉破壞无常不亂其意乃至
一念意常不亂堅固憶念正念不亂
一心諦觀正意不亂又彼比丘正念
彼時我如是威儀如是正行此時應
起此時行禪如是時中親近尊者此
時我食此時善衣此時我去到檀越
家為其說法我於此時離檀越家如
是行去如是比丘念知行時

云何以丘念於少年謂此比丘念於

自身乃至在胞胎中之時念如是少
次第相續如是少身念念不停謂歌
羅邏次安浮陀次肉團時次身分時
次嬰孩時次童子時次中年時次老
年時如是法體念念不停少身次第
此念念時愚癡凡夫不覺不知放逸
破壞疑水所漂在愛河中如是漂已
復墮餘處同業衆中業鎖繫縛相續
流轉復生餘處又自業行於自身心
隨順繫縛母精血中作安浮陀次肉
團時次第開張身分具足人道中生
嬰孩童子少年中年及老年時次第
至死如是一人如是展轉一切欲界
一切道中各各差別皆以業風吹彼
衆生從少年等次第而得如是自業
如是差別如是比丘念於少年

又復比丘第三念者精勤修行必定
當得念於何法所謂生死若晝若夜
恒常修行一切衆生乃至終盡有命
皆死三界衆生一切無常生死之法
有為衰惱思愛別離天中退已墮於
地獄地獄中出生於天上若人中死
生於地獄餓鬼畜生及天人中餓鬼

中死生於地獄餓鬼畜生人天之中
如是下上傍廂生死業風所吹旋轉
而行自業成就流轉在於生死海中
如是比丘若晝若夜修生死念如是
修已彼若念慢常令人迷樂於虛妄
以正念故此慢或薄或皆盡滅第一
勝念謂念生退是故欲入涅槃城者
修行此念何以故以我慢故心常虛
妄顛倒求常在生死中流轉常行愛
羅縛故於彼常夢則不可得今時世
尊而說偈言

得脫於愛畏 無有諸怖懼 勇健離疑者
則能得常處 若沒於有水 心常喜樂欲
彼人心虛妄 何能得常處 若人虛妄心
境界中喜樂 彼人迷法道 則生地獄中
放逸妨亂心 不能真實見 放逸猶如火
是故應捨離 放逸故能失 一切善法藏
盡一切方便 不見八分道 十法皆失壞
樂於放逸毒 亦以放逸故 四禪盡皆失
放逸縛衆生 能縛而非色 常處則是樂
離放逸則得 若人意不遷 常畏於生死
彼則脫惡道 得安隱寂靜

如是修行念生退念如是修行生死

念已則常不迷彼觀世間一切有為
生退法已厭離生死種種觀已觀生
死苦有元量種此无量種世間衆生
一切放逸隨何等時捨離放逸能一
切時觀察無常觀察盡滅見盡滅已
觀察佛念如是之人則能盡苦

又復比丘第四念者所謂修行一切
具足志皆失壞念彼具足一切失壞
此念比丘不樂利養不貪擅越往返
來去亦不樂見王若大目若見王者
不生樂心愛不能妨又於晝夜不生
分別於他具足若卧具等心不分別
不生怖求以為己物如是見已不生
嫉妬心如是念如是衆生決定死亡
一切具足必定失壞如是如是具足
增長如是如是愛亦增長又復如是
具足失故怖望更得有無量種无量
分別心生苦惱彼苦惱者不可譬喻
如是比丘如是觀見具足失壞既觀
見已則於後時不怖天王况復人王
若轉輪王何以故見無量種失壞苦
故若王大臣或大長者刹利大姓種
種具足更有大力能破壞之種種具

足一切皆失妻子奴婢客等捨離失財物故得大衰惱他強勝故則為劣減四出巷中處處而行手足壞裂膚乾衣破飢渴羸瘦身體枯燥從城至城從村至村從山至山從邊地處至邊地處受如是等无量種苦比丘如是既觀察已復更思惟隨於无量嶮岸惡處於生死處生厭離心

如是比丘復見人中種種具足一切失壞如是見故如是比知思惟天處若此人中如是无量多種怖畏不得自在刀賊水火三種衰惱財寶具足富樂失壞何況復於離肉骨汗天樂處生有天花鵝在頭莊嚴无量百千天衆圍繞多有無量諸天女衆遊戲歌舞喜笑受樂在天園林蓮花水池山峯則有七寶光明衆集樂行五聲音聲種種天歌七寶間雜堂殿光明常一切時身无量種種勝勝妙事不可譬喻天境界中受樂成就迭手相愛無有關諍隨所須念一切皆得五聲音聲心受快樂若如是樂具足失壞則得苦惱以業盡故復墮地獄餓鬼

畜生臨欲墮時如是生處次第无隔
已於久来无量種作皆得苦惱復生
異處種種苦惱如是彼天若生地獄
彼地獄中大力熾火周而燒身甚為
飢渴不可譬喻受大苦惱作地獄業
作業道已見於自身墮活黑繩合喚
大喚熱大熱等如是七種大地獄中
唯除阿鼻獄大地獄資生離別生大
苦惱見苦惱事彼苦惱事不可得說
如是比丘常一切時晝夜修行如是
正念

又復比丘念彼如是財物具足資生
失壞修行此念念天人有如是事
自餘三道則无財物資生之具何得
有失所謂地獄餓鬼畜生人中少有
相似樂受非是自在於彼人處則有
五種具足失壞何等為五謂眼於色
若愛若樂見則怖求怖求味著為樂
攝取如此顛倒不利益者則不愛樂
見不淨色彼於色中心則惡之是故
無樂如是具足與彼失壞同一根本
又彼比丘隨順繫念具足失壞何者
具足云何失壞謂耳聞聲耳聞聲已

隨順彼聲愛樂相應心生歡喜如是具足又所聞聲有異因緣所謂四大於四大聲心不愛樂不生歡喜與心相違不利益心是名失壞

又彼比丘聞好花香和合末香種種雜香聞嗅香等種種諸香順心受樂彼香因緣則生樂心能令欲發又彼比丘繫念思惟彼念香者思惟彼人鼻嗅諸香彼一香有元量種所謂爛臭與心違逆聞糞屎等元量臭氣心不喜樂彼人如是此物失壞

又彼比丘專心繫念復有異種世間之中具足失壞云何繫念於人世間舌味受樂順心喜樂食味易消消已則適得命色力樂辯才等心生喜樂若復餘味不可愛樂違心不樂食之難消心則不適於命色力安樂辯才資用則微唯生苦惱彼人如是此物失壞

又彼比丘復念身觸可愛可樂寒時得溫熱時得涼順心生樂人世間中如是具足若異因緣復令身觸不愛不樂心不生樂熱時不涼寒時不溫

違心受苦不喜不樂唯生苦惱世間
人中如是五種具足失壞比丘如是
若晝若夜繫念修行

正法念處經卷第四十五

癸卯歲高麗國大藏都監奉
勅彫造

元魏譯經門羅漢般若流支譯

觀天品之二十五

夜摩天之十一

又彼比丘復念天中可愛境界根和合生分別風吹數數增長愛火所燒諸世間人貪彼處樂起如是心天中甚樂如是比丘繫念思惟彼天失壞比丘於彼可愛境界不生貪樂離熱惱意如是比丘第一善意見六欲天皆悉失壞彼四天處有十二種失壞之事一謂力劣二謂常與阿修羅鬪彼阿修羅忽然闇至入其軍中三謂鬪時為阿修羅打彼天身所著鎧鉀四謂鬪時撥其頭上所著兜鍪令墮海中五謂壞口則生著慚六謂鬪時見羅睺羅則生驚怖七謂退時彼天女眾捨之而去向餘天子八謂食時以自業故見食劣者則生著慚九謂軍眾量色形相莊嚴具等自業相似於他劣者則生著慚十謂彼天遊戲之時於彼天中所生之鳥見彼劣者亦生輕賤十一劣天向遊戲處步行

而往十二劣天所受欲觸自業相似
他莊嚴具則為勝妙見他勝故則生
慚耻四天王處有如是等十二失壞
如是比丘善修心者不貪天樂以無
造意觀察彼天既觀察已心生厭離
毀咄天欲若其有人怖求天故而行
梵行如是梵行非梵行因如是等人
為彼比丘之所輕賤何以故無自在故
又彼比丘觀察三十三天失壞彼見
三十三天之中八種失壞何等為八
一者錮劣共阿修羅鬪戰之時雨墮
不淨二者鬪時見彼敵主勇阿修羅
其心退弱三者食時劣者羞慚四者
劣天不為天王帝釋所識五者劣天
色力形相一切下劣六者劣天聲觸
色味香等皆劣不與他齊七者劣天
退天之時天女捨離八者劣天若具
遊戲殿堂之時神通則劣不能遠進
此是八種三十三天失壞之事夜摩
天中有六失壞何等為六一者食時
劣者羞慚二者劣天所有教勅天女
不受三者劣天少福業故彼天女眾
雖供養之不如供養多福德者四者

劣天半修樓陀夜摩天王說法之時
心不愛樂此是彼中寂大失壞五者
劣天本業少故光明則變若天前世
行善業多彼天則坐大青寶座坐已
復起下劣業天在彼處坐座變為銀
業種種故如是失壞六者量短如是
六種是夜摩天失壞之事

兜率陀天有四失壞何等為四一者
劣天兜率陀中間法之時心不喜樂
不樂聽王說法之聲是名失壞兜率
陀中聽王常在无漏樂地彼聽王者
則是菩薩以隨意生故作聽王如意
之色聽身七寶光明遍滿不可喻色
身光周遍五千由旬有種種色兜率
陀天光明不如聽王悉勝令彼諸天
心生希有彼聽王菩薩令彼得生希
有心已即為彼天說法偈言

福德業既盡 命則速減損 勤精進攝法
兜率常應念 若捨離於法 放逸所壞天
不集福德業 後時則生悔 乃至老未來
亦未有病死 皆應作福德 莫後時生悔
若不攝福德 為放逸壞者 以放逸壞故
在地獄受苦 既得根具足 而非法行者

何用命與財 親舊兄弟等 常數作福德
心意攝受法 或復止惡業 或時近善人
以智慧利刀 割去惡枝葉 破壞過惡聚
斷除過相續 重智戒福德 心不怖望物
常近善男子 示真實道者 若持戒生天
為欲所迷惑 不修福業者 常在有中行
若常樂於智 持戒寶莊嚴 若畏欲鉤者
則是天中天 若常行法者 彼則天應禮
若顛倒行者 則入於惡道 此岸彼岸遠
既得法橋已 若不速度者 於有不得脫
智慧火能燒 無量煩惱薪 何義煩惱縛
著彼愛境界 厚重染欲垢 障導於智眼
佛語如良藥 能除彼障導 正法之大將
能破欲賊軍 口說善法語 汝應勤聽受
有四種顛倒 常能為誑惑 世間有八法
能令一切失 大力愛河中 百疑不可度
若上智後者 度已到寂靜 若天近於欲
欲能令心癡 常在於五處 未有解脫期
欲難得易壞 如電何用為 欲生苦如刀
金波迦火毒 如是如是近 亦如是增長
欲者不可足 猶如火燒薪 癡天怖欲樂
不知畏過燒 若離不善欲 後時得大樂
癡者染欲已 為欲堅繫縛 欲如電不異

然後異處去 若習近於欲 欲則上上勝
彼為欲火燒 燒已到燒處 若天近於欲
此心為大癡 不怖无體法 樂中之大樂
欲者无涅槃 無樂無解脫 是故莫近欲
近欲甚為惡 若近欲境界 根則知足
不知足無樂 寂靜不可得 應畏有為處
生死之大海 以大惡欲愛 常與衆生故
如此山峯上 種種可愛樹 依之而修禪
思惟欲生滅 四種諦寂靜 智者善修行
怖畏生老死 脫到善彼岸 愚意不思惟
樂欲故有縛 欲樂既盡已 生老死必脫
若念此大苦 於有海不倦 癡故欲箭射
墮地獄惡處 癡樂欲樂故 畢竟捨安樂
於惡不知畏 死時到如火 乃至死到時
能破壞一切 此能破壞故 破壞命種子
皆利益安隱 丈夫應精勤 得樂離憂悲
恒常作善業 若除於欲藏 離熱得清涼
如是智不癡 則不怖望欲
如是鵝王調伏天故說如是偈 若天
放逸行放逸者 雖聞不念心不思惟
若天樂聞彼鵝所說調伏偈 句句無
漏地速疾而行 欲聞正法 聞正法已
生敬重心 如是天衆得聞正法 心敬

重已速速疾走復向行堂彼行堂中
所有諸天以聞正法心敬重故光明
增長百倍千倍餘放逸天光明則劣
如是天中得現世果樂天欲者彼天
少色形服莊嚴一切皆劣此如是等
梵率隨天軍初失壞

又梵率天第二失壞眾集聽法无量
百千億數眾會五百菩薩所住地處
梵率天王名曰寂靜為眾說法所謂
无明因緣行等彼諸天眾聽正法時
一心專意識諦聽諦聞如是聞故威德
莊嚴皆悉勝上有百千倍轉更增長
若天動心心則如電亦如大風吹大海
水種種波動以愛因緣如是動心愛
樂境界彼天威德形服莊嚴如本不
異不更增長見他勝故內心慚耻此
則名為梵率隨天第二失壞又梵率
天第三失壞若天聞法心生敬重如
說而知如法相知如是知已心念正
住彼天威德形服莊嚴皆悉勝上有
百千倍轉更增長若彼諸天不念法
者彼天威德形服莊嚴則不增長此
則名為梵率隨天第三失壞又梵率

天第四失壞若彼諸天聞正法時心生敬重專心憶念如法攝取專心受持如是修行久思惟已然後修行彼天如是敬法重法勝因緣故聞法力故威德光明形服莊嚴轉更勝上有百千倍轉勝增長若天聞已不能修行彼天見他威德光明形服莊嚴勝增長已自見已身威德光明形服莊嚴則不增長彼天見他威德光明形服莊嚴轉勝增長則生慚耻此則名為壞率隨天第四失壞

又彼比丘如是觀察壞率隨天四種失壞見失壞已觀化樂天復見失壞彼見如是天勝妙樂猶故而有四種失壞何等為四所謂一者善業盡故脚則有影普餘身分皆有光明脚上則无是故彼天脚則有影自餘諸天所有光明如山園遶彼少光明劣天見已則避而去光明勝者見之則笑作如是言此天鄙劣善業盡故彼脚影天聞已羞慚心生愁惱如是心言我業盡故今則如是一切具足終必失壞如人世間以有日故終必有夜

如是山中一切具足終必失壞若人有命終必有死如是具足終必失壞如是世間无有具足而不失壞此失壞者是化樂天寂初失壞又化樂天第二失壞如閻浮提人中所有劫貝等綿甚為柔軟足蹋則下舉則還起化樂天中地處柔軟亦復如是若天受報善業盡時地不柔軟脚蹋不下舉脚不起餘天見之知其業盡有天見之語餘天言彼天業盡退時將到此化樂天第二失壞

又化樂天第三失壞彼化樂天遊戲之時若至樹下遊戲受樂樹則雨花在彼天上此花遍在遊戲處地若天善業欲盡之時樹花不墮不散地處餘天見其樹花不墮不散地處則便說言此天業盡退時將至彼天聞已著慚愁惱如是心言我今欲退如是失壞此化樂天第三失壞

又化樂天第四失壞彼化樂天必定失壞天中具足必定失壞彼化樂天何者第四具足失壞謂一一天住寶地處如是寶地清淨無垢如鏡不異

一天之身无量處現見種種影種種形服種種莊嚴如人界中日輪是一於無量處蓮花水池无量百千種種處現如是天身無量百千寶地之中處處皆現如身而見若其有天善業盡者彼天之身一寶地中影現而已非處處現如是失壞如是見已餘智慧天既如是見即便說言如是天者善業盡故將欲退壞此化樂天第四失壞今時世尊而說偈言

世間樂具足 不覺知失壞 具足必有失
如日出有夜 如是具足樂 如是必失壞
於欲不知足 是故愛少時 若心愛具足
或怖望常樂 彼若捨離愛 如是常得樂
天欲樂未足 以入地獄中 一切皆由愛
是如來所說 若人入地獄 百到若干到
亦以愛網誑 故得如是惡

彼化樂天有如是等四種破壞

又彼比丘復觀他化自在天中四種失壞若彼諸天善業將盡臨欲退時則有失壞彼處天中多有種種妙鳥莊嚴天花不蔭處處覆地第一善香不可譬喻彼處莊嚴有種種色勝妙

光明若寶光明於十六分不及其一
彼鳥多有七寶翅蜂常一切時出天
歌聲如是他化自在天中天業若盡
欲失壞時彼寶翅蜂出不美聲捨如
是天種種花香到餘處去餘智慧天
以知彼天臨欲退故向之說言汝於
今者以放逸故退時欲到而不覺知
彼業盡天如是聞已復見彼蜂捨至
餘處彼天自知有如是心我福業盡
如是天子心生愁苦不可譬喻以見
自樂將欲盡故如是心熱與地獄火
等无有異唯除地獄更無山火此是
他化自在天中取初失壞

又復他化自在天中第二失壞彼天
之身第一滑觸周而光明形人中曰如
螢火虫彼天之身所著瓔珞及餘種
種莊嚴具等所有光明寶譬山峯皆
在中現如於鏡中現見不異若彼天
子欲到退時彼天身上所著瓔珞莊
嚴具等山峯若譬於中不現餘黯慧
天如是見已語彼欲退業盡天言汝
放逸行退時欲到汝身所著瓔珞莊
嚴無有光明寶譬山峯於中不現彼

點慧天曾見餘天臨欲退時有如是相此是他化自在天中第二失壞又復他化自在天中第二失壞所謂彼天退時將到彼處諸天業未盡者乘種種寶妙光明殿三處能行所謂虛空陸地水中行則速疾無所障尋不搖不動若天業盡將欲退時彼殿搖動行則不速自餘諸天見其殿動而語之言汝於今者退時欲到我先曾見餘天退時有如是相彼業盡天如是聞已與天境界將欲離別愁火燒心如地獄火所燒不異此是他化自在天中第三失壞

又復他化自在天中第四失壞若彼諸天善業未盡五樂音聲莊嚴具聲皆悉美妙所有歌聲美妙可愛聞已心喜若其有天善業盡者彼天五樂音聲不妙歌聲亦尔如瘧不異彼天聞已心不生喜以自業故莊嚴具中聲出說言汝於今者善業盡滅以汝放逸放逸行故汝於今者將欲到於異世間去以業縛故彼天如是以自業故聞莊嚴聲其心極愁作如是言

我於今者境界之樂福德業盡彼種種寶所莊嚴憤即時墮落如是見已生大苦惱此是他化自在天中第四失壞於三界中更无有處有物是常一切無常如是六天是失壞處彼如是天善業盡故必定當退此失壞天怖望此天持戒生者善業盡時必定當尔如是第五山樹具足地處諸天牟修樓陀夜摩天王迦迦村陀世尊塔中所有經字示彼天衆如是說言汝等天衆捨離放逸勿放逸行放逸味苦地獄中受一切欲味患皆如是彼諸天衆聞第三佛所說經已若天放逸樂放逸者放逸則減於六經中迦迦村陀如來所說第三經竟

尔時彼處夜摩天主知彼天衆心生厭離而告之言汝等天衆已聞大仙所說正法能盡諸苦除捨放逸為天人說寂靜之法汝等天衆已聞第三如來之法汝於今者聞法律已精勤修行復聽餘佛所說之法聞已攝取則得利益退此天已不墮地獄鐵鬼

畜生等修樓陀夜摩天王如是說已
一切天衆皆白天主等修樓陀而作
是言唯願天王利益我等安樂我等
今時天主等修樓陀告天衆言汝等
天衆一切皆看此之第四如來之塔
種種珍寶而為莊嚴無量百千光明
照耀有種種寶間錯奇麗無量功德
之所莊嚴光明普覆此天世間一切
遍滿今時天衆白天王言我今已見
今時天主等修樓陀告天衆言汝等
今者一切共我詣如來塔天衆答言
如是天王今時天主等修樓陀并天
衆等相隨而去到佛塔已其心清淨
頭面敬礼如來之塔心則清涼礼已
則起看毗盧遮那如來之塔彼如來塔
種種妙寶光明照耀如前所說
彼佛塔中寶壁之上有經法字利益
天人所謂說言若有人能成就七法
則生天上何等為七一者所謂有善
男子聞法聞義聞法修行聞法善意
隨所聞法心則攝取聞已堅固聞已
受持聞已愛樂心生喜樂此善男子近
七功德具足知識何者七種知識切

德皆念具足所謂一者如說而行二者近他如說行者三者則能如說而行堅固攝取四者得法堅固思惟五者住意六者謂近同善業者七者他教不取他惡近如是等七種功德具足知識云何名為如說修行如是知識善行善作若有所說知量少說能為利益時相應說方相應說不疾不遲多義少語美妙易解與法相應自他利益如是而說如彼所說如是而行云何近他如說行者常正修行身口意等意內外淨猶如真金彼人如是如說修行云何名為如說而行堅固攝取若有所作普清淨作三種作業觀察彼業善清淨已生天人中乃至涅槃如是之人或自思惟或從他聞此業報樂堅固喜樂堅固攝取如是知識堅固攝取彼善男子云何得法堅固思惟所謂善淨堅固攝取二世利益如是見已堅固思惟如是堅固思惟意者或從他所得聞堅固喜業果已或自思已喜樂真諦如是喜樂真諦知識云何住意此多聞已意

則不乱此名住意云何為近同善業者謂見他人同已功德如是見已則近彼人云何他教不取他惡餘人非法似善法者所不能牽如是親近七種功德具足知識善男子者或生人間或生天中此說初法

何等復是自餘六法成就彼法得生天上所謂多聞攝取修行不懈怠心不熱惱他不誑等六此等七法如是已說成就如是七種法者身壞命終生於善道天世界中如七大殿若王大臣乘如是殿五樂音聲歌舞喜笑妙樂莊嚴如是而行向遊戲處如是七法若人成就行向天處

何者多聞而名多聞謂聞真法聞已調伏不生憍慢如其所聞多聞增長不放逸行智不欺足常諮問他自己功德不向他說不誦己名此多聞者身壞命終生於善道天世界中此第二法隨順正入修行成就

云何第三攝取修行謂聞法已攝取修行若復有人得聞法已於非法律攝取修行唯聞法已倚法重擔不修

不行不取法果若復有人以智慧鉤
調伏持戒若智不靜則彼持戒猶如
晝燈无有光明不堅不實若持戒中
有智和合彼人猶如火燈光明堅而
復實得果不虛若修法者得說言堅
非唯口中言說為堅彼人身業口業
意業皆悉寂靜身壞命終生於善道
天世界中此第三法

云何第四名不懈怠言懈怠者所謂
不作何名不作隨所作法發已不作
不能究竟彼如是法精勤不斷則能
究竟若是懈怠不精勤者不能究竟
少發起者於世間法出世間義不具
足行若懈怠者一切所作皆悉羸劣
為一切人之所輕賤毀此嫌薄自受
苦惱身壞命終墮於惡道生地獄中
如是之人懈怠所壞如是懈怠應當
捨離如火如刀如墮峻岸如惡毒蛇
若為懈怠所破壞者則不精勤无有
威德如羊不異彼則無智種種所作
一切不知若智非智若法非法應行
不行一切不知何以故以不讀經不
聞法故以懈怠故若復有人論開心

意於智所知若法非法一切皆知應作不作應行不行一切皆知如是等法智慧所知一切皆知智及精進懈怠者无彼懈怠者如盲不異身壞命終墮於惡道生地獄中如是之人出世間義一切皆劣受第一苦他舍而乞常依他門怖望乞勾常看他面第一惡色頭髮覆眼眼目乾燥脚爪皮等一切焦枯四出巷中家家乞行苦活命一切輕毀此因緣故應當捨離一切懈怠

與此相違勤精進者一切所作皆志成就乃至涅槃何況其餘世間之法身壞命終生於善道天世界中以是等故若天若人一切皆應捨離懈怠勤發精進時彼世尊毗葉婆佛而說偈言

懈怠意及幻 或慢或惡口 或捨離智等
此是失壞地 親近惡知識 捨離善知識
或復邪見等 此是失因緣 不知善不善
非時而語言 或信婦女等 此不饒益地
近何人何人 何處何處食 身自不利益
此法令人輕 壞勇若失念 或為王所憎

或心堅強等 此法未時死 不誦知業果
及以法非法 離善知識者 則墮於惡道
懈怠若多睡 或貪著諸味 瞋及故妄語
若惡口言說 多貪若憍慢 心動捨離法
若習近婬欲 或讚婬欲法 如是有三過
懈怠是根本 若勤精進者 則无諸使過
一切精進者 必定成就果 如所應精進
業必定得果 如是三種業 能得三種果
三聚三根本 決定三有行
彼佛世尊毗葉婆塔野上書字如是
說偈毀毘懈怠天衆見已作如是言
我等決定捨離懈怠從此懈怠有枝
條過如佛所說懈怠之者若天若人
一切作業於一切時一切減劣若天
若人不懈怠者次第乃至到於涅槃
此第四法人天之中多有所作多有
利益

又第五法多有所作多有利益所謂
念也一切法中能為妨者所謂懈怠
如是一切世間之法攝涅槃者念則
是根若出家者若在家者念不放逸
不放逸行一切所作皆悉成就如是
之人數數作業如法作業勤發精進

隨所怖望心念正行彼人五根護五境界心不迷惑眼見色已於彼色中不生欲染心不喜樂如色實見知其根本見如是色根本因緣何因緣生彼人如是知見色已心不濁亂如是彼色則不能牽以如實見如是色故若出家者若在家者若天人等知生色過欲生色過已滅色過如是念知某方某處心緣彼色如是境界之因緣故共眼生識由彼境界已生我畏此無垢念能除煩惱我以此念已除如是境界怖畏如是怖畏因緣而生於諸境界第一怖望心正念故則能除遣无量種種色境界怖畏念緣能除於念念中稍除漸除譬如世間善巧銅師以好銅器置火中已然後治之如是數數入火復治勤不休息漸漸除垢令其滑淨如是善念數數除垢余乃清淨又如瓶師因緣合集以久習故泥團成瓶如是之人勤心發念修集因緣如緣生瓶正念觀察如所著衣從初次第念念至盡如是如是始發善念次第乃至一切過盡得見

真諦聖印印心彼過相盡過相盡故人則知之是故若有欲得善者當一切時如實正念若眼緣色念縛縛心令不動轉如調馬如是善念於先住持過去境界攀緣念已如是復遮現眼境界念九十八去何念住謂生欲染不正觀風不能令動如是念住如實思惟此色彼色有无量種无量形相觀四聖諦苦集滅道令彼欲染一切寂靜或令欲染一切盡滅或皆微薄此是何者善法勢力所謂繫念是其根本一切善法皆依念住如是轉行是念現在

云何復念未來世法未來未有未生未見彼境界相云何而念若得境界是則可念未來世中境界未有當云何念彼所念者雖復未來見因緣相攀緣未來如是得念謂見有人修身口意善業行者見已則念如是之人決定生天若見有天惡業行者見已則念如是天者必墮地獄如是念知此第五法於人天中多有所作多有利益

又第六法於天人中多有所作多有利益謂第六者不熱惱他若不惱他其心寂靜不生分別此有梵行此无梵行見他敷具病藥所須不生譏嫌不自言是亦不說言我能持戒若少持戒少讀誦經於檀越所不自稱說等心然親常念三寶不朋破戒不惱持戒於諸檀越不數參承而取資用其心柔潤數數諮請說法師長常住空閑常一切時近梵行者如是功德相應之人不熱惱他如是於他不熱惱故多有所作多有利益

又第七法於天人中多有所作多有利益所謂不誑自隱功德除去惡業心意正直衣鉢知足恒常乞食山谷巖密樹林中住行食知足其心平等无有高下非无因緣人中遊行疑有垂象不行於彼不壞澤中水岸河坎畏殺虫故不呪霹靂雷電雨等令墮傷殺不說星宿日月薄蝕諸曜吉凶而來財物飲食供養以資自命不常往返一檀越家亦不戴面仰頭而行亦不動屑詐作誦習不高聲語亦不

私竊不著閒雜鞵鞋履等不以雜繩
用繫身體自身不著雜色香囊至
敷具等皆忘不畜无戒功德大眾會
處則不入中不令他人到於城邑聚
落等處說已持戒求望利養不種種
處妨乱心意不貪不求不近村住於
舊知識親眷等舍不自在入攝令屬
己不彰他惡不隱他德見他實過屏
處不說捨棄婦女如遠惡虵於諸婦
女不共語說不與同行饒華之樹一
切不往可愛園林亦不遊行畏聞可
愛衆鳥聲故畏聞彼聲欲心動故是
故不欲聞彼鳥聲饒聲水河不近坐
禪畏聞彼聲心動乱故多熏香花不
近坐禪亦不近行何以故畏鼻聞香
心意動故亦不觀看種種諸鳥種種
色鳥鵝鴨命命若孔雀等多欲諸鳥
不看見不見不近彼行畏心動故畏見
畜生婦女因緣欲心發故
椰子果樹波鄰婆樹母柘果樹黃婆
果樹毗羅果樹迦界他樹波留沙樹
佉殊羅等種種林樹不近坐禪恐畏
生心貪其味故捨離果樹在寂靜村

无味可貪無多人衆在安樂行園林之中如是坐禪勤發精進共過怨闕心恒不乱乃至不取為寺因緣犁地之土如是斷愛朽壞鐵鉢以繩連綴用受飲食而心不念銅銀等鉢不畜三椀所有袈裟不翻披著於夏天時除大小便更不餘行乃至一步畏殺虫故食奢弥果時食好果不食爛果食小棗等不看不食若食梨果佉殊羅果炙棗豌豆若朽豆等不看不食恐畏其內有諸虫故於自屋壁所生諸虫終不除却畏傷損故畏其死故坐處一坐不觀他鉢畏貪食故若行道時不近他行恐為妨故饒虫之地不大小便畏傷虫故畏殺虫故乞食行時看一尋地以直心故恒常親近正直心者如是比丘不集諸物於一切物皆不怖望於希有物心不樂見常勤坐禪彼善比丘如是不誑彼善比丘如是持戒清淨不犯如是淨命如是內心清淨善淨如是比丘如說學句堅持不犯彼善比丘如心所念如是道生常淨命故有善意生不樂

劣生願生善道時彼世尊毗葉婆伽而說偈言

清淨命之人 寂靜身口意 坐禪而離愛
去涅槃不遠 頭陀不放逸 塚間樹林中
常如是處住 去涅槃不遠 塵土物敷具
一針復破壞 根果食知足 彼人安樂行
於欲解脫人 常樂於知足 善意勇健者
去涅槃不遠 不誑誑之人 遠離於塵垢
其心如虛空 去涅槃不遠
彼佛世尊如是讚歎善行比丘不誑誑者

成就如是七法之人是善男子若行
欲者沒生死海則是畜生形雖是人
而實非人若能成就七法之者則為
善人之所讚歎身壞命終生於善道
天世界中受天樂已退生人中則得
涅槃以餘業故第一善者此七種法
所謂從初近善知識次第多聞攝取
修行不懈怠念不熱惱他不誑等法
如是七法非誑曲法以如是等七法
寶藏之因緣故得生天中若天等中
得七法已莫放逸行今福德盡天中
退已墮於地獄餓鬼畜生故天不應

行放逸行以自破壞於諸有中无有
放逸行放逸行而得樂者人中成就
如是七法則生天上有三因緣天中
退已墮於地獄餓鬼畜生所謂三者
不聞正法近惡知識不信業果若不
成就此七種法墮於地獄餓鬼畜生
余時天主半修樓陀告天衆言此等
一切汝等已聞彼佛世尊以憐愍心
利益衆生已如是說時彼天衆一切
皆共白天王言我等今者已聞如來
此所說經彼佛世尊憐愍世間已作
利益為除放逸故如是說半修樓陀
夜摩天王告天衆言汝聞此經勿行
放逸天放逸故生於地獄餓鬼畜生
何以故汝以大價貴重之物貿得此
間天中生處今者不應以放逸故令
其空盡如佛所說如是經法攝取正
行捨離放逸

於六經中毗葉婆佛所說經典第四已竟
正法念處經卷第四十六

癸卯歲高麗國大藏都監奉
勅彫造

正法念處經卷第四十七

美

元魏婆羅門瞿曇般若流支譯

觀天品之二十六

夜摩天之十二

尔時第三夜摩天王牟修樓陀示其
天衆佛塔經文令彼天衆心純熟已
復示生死衰惱之處无量百千諸過
充滿恩愛別離近不愛者所謂老死
憂悲啼哭衆過皆滿具足失壞生死
乃是具足一切諸衰惱處尔時天王
既見天衆心善調伏然後復以憐愍
心故利益衆生如是告言汝等天衆
今者應知一切諸天放逸行故必致
衰惱後死到時心則生悔極大熱惱
得大殃禍當於彼時无有方便而可
得脫業繩繫縛如是將去獨而无伴
若人若龍或地獄人將入地獄死罽
所縛无有同侶唯除善法若不善法
在於一切諸衆生海時彼天衆復白
天主牟修樓陀而作是言如是如是
當於尔時无一同侶除法非法尔時
天主牟修樓陀告天衆言汝等天衆
應如是知更無同伴

又復告言汝等天衆若欲增長信心
種子欲得安樂畢竟除苦今此天中
又復更有閻浮那陀金寶妙塔真珠
網覆有七寶柱而為莊嚴種種雜寶
種種光明是迦那迦牟尼佛塔我今
共汝一切天衆往詣彼塔到彼塔已
禮拜供養入彼佛塔入彼塔已隨彼
塔中所有諸法一切遍看見已攝取
得已修行以自利益出於生死次第
乃至到於涅槃

尔時天衆既聞天主牟尼修樓陀如是
語已心生敬重離放逸心諸根寂靜
俱向大仙名迦那迦牟尼佛塔塔之
光明如前所說尔時天衆一切皆共牟
修樓陀夜摩天王詣彼佛塔到佛塔
已夜摩天王牟尼修樓陀告天衆言彼
迦那迦牟尼如來說一切法皆悉無
常利益世間憐愍衆生此佛塔內化
在壁上汝等天衆若得見者則生厭
離見無常法必生厭離彼佛世尊所
說所化此佛塔中壁上化現時彼天
王如是說已共彼天衆入佛塔中彼
佛塔量廣十由旬彼佛塔內一切生

死皆悉无常一切具足无不失壞自業行故不得自在異異不同五道差別各各化現佛塔壁中如鏡相似彼色明了亦如正見處處各各了了分別如雜色畫

彼處一廂見八地獄謂活黑繩合喚大喚熱及大熱至阿鼻等見天墮中自業風吹首下足上普身炎然一切身上火色猶如金舒迦樹上從天處下墮次第至地獄中高聲唱喚自心所誑善業盡故為放逸惑之所誑故天中成就第一樂已入於地獄大苦惱處唯獨無伴離於知識親舊弟兄墮於地獄无能救者

彼諸天衆窺初如是塔中壁上了了而見四天王天墮於地獄四天王天有殺生過有偷盜過四天王天去何殺生謂彼天衆共阿修羅戰鬪之時殺阿修羅天得勝時阿修羅壞取其頭冠取其鐵刀隨彼所有一切皆取此業因緣或復更有餘業因緣墮於地獄為心所誑作如是業於彼天中隨何時退於彼退時陰盡滅時攀緣

中陰生地獄中續彼樂處受中陰身
甚大苦惱彼於如是中陰之中苦惱
叵耐何況已入地獄之中受無量種
極大苦惱此為大業如是戲弄此諸
衆生天處退已生地獄中彼諸天衆
於佛塔內如是皆見世尊所化

又彼天衆於彼塔中異處復見四天王
天退天處已生餓鬼中彼天如是
食樂失已生曠野中復得如是飢渴
苦惱如是天衣久時著已後復頭髮
覆面覆身閉眼處生彼身猶如被燒
樹相裸露无衣或有身著火炎衣者
在曠野中飢渴燒身唱聲叫喚乃至
少水如露涕許亦不可得生三十六
餓鬼之地夜摩天衆彼佛塔內壁中
而見烏鳥獼猴鴉啄其面若眼口等
如是處見如是天處地觸軟滑遊戲
行已後時復生餓鬼之地熱火堅地
熱惱土塵和合為地多饒黑虫有金
剛隼夜摩天衆彼佛塔內壁中而見
彼鬼叫喚天處退來又復天中餓好
香來或身陷羅居世奢等異異勝香
百千種香一切麝來復於後時在於

不淨屎尿氣臭死屍塚基穢惡處行
如是餓鬼餓无量種種不淨之物穢惡
是氣於彼鼻中有炎蟻子彼炎蟻子
滿其鼻中彼諸餓鬼餓鬼中生於彼
塔內一處僻中如是而見

又復如是前生天中無量種種酥酪
之食可愛色味香觸具足復受戲弄
餓鬼之身如是生已第一不淨第一
臭氣屎味難得於百年中不曾一得
如是屎食彼佛塔內一處僻中如是而
見如彼食屎塔內僻中如是而見又
彼天身所著之衣第一柔軟第一滑
觸无量諸寶間錯而成如天所應甚
為可愛已於天中著如是衣復有天
風吹種種花以至其身復於後時善
業盡故生餓鬼中裸形无衣自身生
毛毛甚稠黏堅韌色黃而覆其身百
千黑虫遍體食之多饒如是種種火
至食其身體生餓鬼中飢渴燒身恒
常羸瘦以啼哭故眼面皆爛久受無
量餓鬼之苦故逆所誑從天處退墮
餓鬼地

又夜摩天中山樹具足地處天衆於

彼塔中壁上異處次第復見四天王
天退墮種種諸畜生道種種方處略
而言之生於三處水陸空行彼水行
者迭相食敗受大苦惱或受寒苦或
受熱苦彼陸行者日炙焦然受大苦
惱飢渴燒身迭相殺害或畏繫縛受
大苦惱百千種受不可得說如是畜
生業風所吹受諸苦惱彼空行者若
細若塵若大身鳥常樂相殺受大苦
惱彼天退已生畜生中以放逸慙之
所誑故

如是餘天若不放逸不放逸行作勝
善業修福德者從天退已生於人中
如自善業如是受報若不善業生人
中者一切如是種種為作入於衰惱
有下中上有貧有富依方時法若醜
若美好惡等色彼佛塔內壁上而見
若有善業樂修多作若修持戒八聖
道業不穿不孔堅固不犯善調心意
三業大力善業力勢決定受得可愛
果報歸依三寶因緣力故或時布施
衆生無畏或以法施因緣勢力或復
其餘更異相似作諸善業淨法熏思

寂靜心力次動口業或清淨心諫勸
父母修施戒智自身先有善業力故
能勸父母或施病人貧窮之人或以飲
食供給病人或以藥草施與病人無
醫師者病藥所須布施力故或不殺
生或不偷盜或不邪淫不飲酒等或
於曠野嶮遠之處善心造井若水池
等施所須者此業勢力或時供養佛
法僧寶此業力故礼拜合掌作善業
故或於饒人破壞國土多人畏屢畏
曠野死或畏刀者施其无畏或施緣
覺阿羅漢人牀敷卧具病藥所須如
是業故或於妻子正護與樂或於儉
時布施飢者飲食養之此業取善乃
至涅槃三種菩提如願得果何況生
天若天上退還生天中彼復更見天
中轉行如是彼天在佛塔內壁中而
見彼處天中種種業網无量因緣業
纏縛取无量衆生於生死中施設張
之衆生入中則為所縛

尔時彼處夜摩天衆彼佛塔內壁中
既見四天王天無量種種退得大衰惱
如彼世尊名迦那迦牟尼如來所化

見已復更觀察三十三天彼佛塔內
壁中既見四天王天如是表惱次復
思惟三十三天為如是不時夜摩天
彼佛塔內復到異處於淨壁中見彼
世尊如彼世間生死之實業鏢所繫
若樂若苦如化而見如是次見三十
三天亦復如是如業受樂如自業行
若善業行不善業行彼天如業受樂
受苦或墮地獄餓鬼畜生或人或天
種種差別无量業羅所繫縛已復於
三十三天之中流轉而行在生死處
業風所吹於三界中无處有業不受
果報何況三十三天之處彼夜摩天
彼佛塔內清淨壁中復見五道自業
所作自業羅縛復於後時入活黑繩
合喚大喚熱及大熱七大地獄唯除
阿鼻軍大地獄何以故天中不作阿
鼻之業此因緣故天則不生阿鼻地
獄天唯生在七大地獄三十三天退
已若生活地獄者以殺生故或餘業
故天阿修羅戰鬪之時殺阿修羅則
是殺生地境界住一切諸天皆有殺
生四天王天三十三天二皆殺生二皆

偷盜自上四天則不如是彼地界住
四天王天三十三天如是作業三十
三天是微細業餘天不尔如是生於
三十三天微細之業及生退等山樹
具足地處天衆彼佛塔內壁中見之
三十三天歡喜園中波梨耶多光明
杯中雜殿堂中種種嬉戲受境界樂
善業盡故知足羅之所繫縛入地
獄中四天王天退墮地獄所受苦惱
二十三天墮地獄苦十倍更多何以
故諸有天中境界之樂若樂勝者離
別之苦亦如是勝極為大苦相續流
轉以如是業轉轉上勝如天身中一
切身分處處柔軟彼眼等中以柔軟
故所受苦惱亦多而勝如是彼處四
天王天所受之樂三十三天樂則勝
彼三十三天境界失壞所有憂苦亦
多亦勝心苦惱大心苦惱多苦樂二
種甚多其勝不可譬喻天中甚樂地
獄極苦業羅所縛如墮嶮岸受無量
種勝重苦惱夜摩天衆彼佛塔內壁
中而見三十三天放逸所壞彼夜摩
天如是見已心極愁惱

又夜摩天彼佛塔內異處罍中而復更見三十三天退彼天已墮餓鬼中在歡喜林光明林中間雜殿處遊戲之處受天使樂天酥施食具足資身充飽受樂如是久時受勝樂已復食不淨糞屎之食諸不淨至遍其身體如是觀見放逸行天三十三天墮餓鬼中夜摩諸天如是見已心極愁惱又夜摩天彼佛塔內異處罍中而復更見三十三天或退天已生畜生道在大海中作弥那魚或作貝重摩伽羅魚舒摩羅魚在如是等惡重中生迭相殺害飢渴燒身受无量苦如是空行鳥等畜生迭相殺害常有怖畏心恒畏死受諸苦惱如是澤中種種獸等相殺相食受諸苦惱

如是說已四天王天以善業故生於人中如是次第三十三天如善業故若生人中同業之處受諸苦惱生死所縛若天退時受无量種天中苦惱如是苦惱不可得說何況人中在胎藏內所有苦惱人世界中欲出胎時受諸苦惱嬰孩時苦出胎在地未能

行時倒地等苦匍匐時苦身體无力
於作不作一切不知愚癡啼哭如是
苦惱如是種種苦惱之事不可具說
彼佛塔內壁上而見如鏡中見山樹
具足地處天衆一切皆見

彼諸餓鬼如是飢渴繫屬於他不得
自在有寒有熱風吹日曝處處而行
在於曠野如是等苦有無量種皆悉
具受不可盡說如是天中山樹具足
地處天衆彼佛塔內壁上而見如是
已見種種苦惱有無量種世間生死
在彼壁中如善巧畫彼諸天衆見希
有已心生厭離生如是心天勝於人
人第一道所謂是天天第一道所謂
人中人欲死時則願生天天欲退時
願生人中人樂於天天樂於人於此
天人二道中生如是苦惱何況其餘
惡道之中業所戲弄

又復如是山樹具足地處天衆彼佛
塔內異處壁上見善法堂三十三天
退彼天處如業行故生五道中彼天
退者如前所說業因緣故若天中退
亦生天中猶不離苦如今生退若愛

別離於退生畏如是畏退无量種苦
彼天既見無量苦惱次復觀察彼佛
塔內異處鉢中見帝釋身退彼天處
妙寶天鵝天衣莊嚴種種光明彼莊
嚴具火煉金色有勝光明不可譬喻
勝欲具足五欲具足一切捨離自業
所牽惡道門開放逸所使墮於地獄
餓鬼畜生自業所作或善業牽不善
業牽故如是退彼佛塔內淨寶鉢中
見於往世先退帝釋彼諸帝釋有三
十二

初帝釋者名菴舒摩既作三十三天
王已自福盡故生大海中作摩伽羅
大身之魚本在人中作獵魚師常多
殺魚亦常禮佛以禮佛業是故得生
三十三天為帝釋王殺生因緣海中
作魚以餘業故生畜生中

又夜摩中山樹具足地處天眾彼佛
塔內異處壁中次第復見第二帝釋
名三浮提本在人中曾作善業與病
者食或清淨心與比丘食彼業因緣
是故得生三十三天為帝釋王後時
福盡餘業因緣不善業故作蜥蜴虫

彼前世時邪見心故外道齋中殺蚺
錫虫以彼因緣生地獄中出地獄已
餘業因緣作蚺錫虫

又夜摩中山樹具足地處天衆彼佛
塔內異處壁中次第復見第三帝釋
波羅迦奢是其名字受天境界五欲
樂已於彼欲退本人中時供養父母
病時瞻視彼業因緣是故得生三十
三天為帝釋王本業盡故彼天處退
生餓鬼中彼過去時於異處生時世
飢餓多儲穀等責糶與他誑惑他已
心更怖望後時大儉以彼因緣是故
生於黑繩地獄彼餘業故生在針咽
餓鬼之中

又夜摩中山樹具足地處天衆彼佛
塔內異處壁中見無量種種生死裏惱
生希有心如是无量種種見已次第
復見第四帝釋名曰作受天處退已
生於脂中如是見已觀彼善業何業
因緣為帝釋王彼前世時於他邪見
婆羅門人病困欲死與藥令服憐愍
心言當服此藥以是業緣生於善道
三十三天作帝釋王善業盡故墮地

獄中彼處既出以餘業故生在膾中
彼天復觀如是業果以何因緣復生
膾中彼前世時恒常喜獵多殺衆生
或多殺鹿或多殺膾彼業因緣命終
生於活地獄中彼業既盡以餘業故
生在膾中

又夜摩中山樹具足地處天衆彼佛
塔內異處譬中次第復見第五帝釋
名為善意以何業故生於彼處為帝
釋王彼前世時曾見他人師子欲殺
救令得脫以憐愍心將來歸家多日
供養種種飲食彼業因緣是故生於
三十三天為帝釋王名為善意彼處
退已生於焦熱大地獄中以何因緣
生彼地獄本前生時於王衆中妄語
言說是業因緣墮彼地獄善意帝釋
彼處退已復有帝釋次第而生名憍
尸迦彼夜摩中山樹具足地處天衆
彼佛塔內異處譬中而得見之彼何
善業謂前世時是多財寶富婆羅門
一居奢內置婆羅門設大齋會集尊
重人飲食供養施其財物彼業因緣
是故當來作帝釋王名憍尸迦又本

復作无量福德當作帝釋名憍尸迦
又夜摩中山樹具足地處天衆彼佛
塔內異處壁中見彼天處帝釋王處
有佛世尊釋迦牟尼說法勢力令彼
帝釋閉塞惡道天中退已生於人中
如是七返如是道行諸夜摩天如是
見已生希有心

一切諸餘帝釋天王彼佛塔內異處
壁中皆悉見其生處惡道唯獨不見
彼憍尸迦帝釋惡道此何因緣今時
彼處一切天衆白其天主牟修樓陀
而作是言一切諸餘帝釋惡道如是
皆見何故不見彼憍尸迦帝釋惡道
以何因緣見其七返而无第八
今時天主牟修樓陀聞已告言汝等
我今欲為汝等說故將汝等來入此
佛塔入此塔已我為汝等說於正法
何以故汝等一切皆悉如是放逸而
行天欲誑故心癡迷惑不聞正法是
故我為利益汝等將汝等來入佛塔
中令汝等輩現離憍慢汝放逸行此
身空過於後退時心則生悔如是因

緣我於今者勸汝等輩聽聞正法以
何因緣此中唯見彼憍尸迦二道生
處不生惡道又亦更無第八返生此
佛塔內如是不見彼憍尸迦先放逸
行大放逸行命欲盡時善業盡相退
相出現有善知識而語之言汝憍尸
迦退相已現今欲破壞汝清淨心以
自利益如是說已憍尸迦言為我亦
道令我聞法此處不退尔時仙人善
友知識為憍尸迦如是說言憍尸迦
聽有善方便令憍尸迦此處不退此
閻浮提有佛出世名甘蔗胤種姓中
生一切悉知一切悉見一切業果皆
悉普證示導一切衆生正道无上法
王為汝說法令汝此處當不退失彼
知識所如是得聞既得聞已為聞法
故速疾速疾向閻浮提到世尊所時
憍尸迦於一念頃到世尊所見佛世
尊為說正法安慰為說聞已得益示
涅槃城彼所說法初中後善義善語
善獨法具足清淨鮮白諸苦苦報苦
滅苦證說四聖諦苦集滅道彼憍尸
迦既得聞已復問世尊釋迦牟尼而

作是言大仙瞿曇今我有妨退相已
現我於此處不久當退如是問已彼
佛世尊言憍尸迦如是如是如汝意
念汝退相現汝天妨尋善業盡故放
逸行故以汝身心愛自在故欲到異
處在大生死曠野之中不可得渡彼
岸直到一切世間愚癡凡夫無足力
故生老病死悲啼號哭愁憂苦惱无
可愛樂恩愛離別怨憎集會毒蛇師
子種種可畏滿彼曠野遇日所炙愚
癡黑闇无邊欲染以為妨尋愚癡凡
夫諸獸充滿无量百千分別樹林障
閉擁塞无正法水離善知識所說正
道多有無量邪見外道邪意異路滿
彼曠野不能遠離前際後際中間寬
遠五道之苦不可忍耐闇苦覆地汝
憍尸迦於此生死曠野之處心生怖
畏而不免離汝於先來染著欲樂是
故不覺欲樂盡故今者則知汝退至
時欲不能救退時臨到將墮異處彼
憍尸迦聞佛說已整服一廂去頭天
冠頂礼佛足却住一面白言世尊頗
有方便令我不退此處以不令我不

退復得於此三十三天為王以不彼
佛告言我有方便令汝不退何以故
更无異人而能如是決定作業生於
此中坐汝坐處而為三十三天之王
如是因緣是我所見我今見汝於此
坐處久坐不離我於今者見有因緣
汝則不退所謂得聞我所說法彼憍
尸迦聞佛語已合掌在額心生歡喜
而白佛言唯願世尊善為我說我今
諦聽彼憍尸迦如是語已彼佛世尊
為說欲味過患出離廣說如是勝修
多羅彼憍尸迦如是聞已即時獲得
須陀洹果時憍尸迦既得果已次第
退生閉塞惡道以此因緣夜摩天眾
此佛塔內野中不見彼憍尸迦第八
生處彼帝釋王得涅槃故過第七返
第八返生則不可得如是因緣我為
汝等天眾已說今時天主半修樓陀
而說偈言

欲則非財物以不資益故 戒信財中勝
畢竟得涅槃 此欲非財物 令人有曠野
若令解脫欲 乃是真財物 若不救惡處
若樂不寂靜 彼唯大癡故 非財而名財

如是得言物 所示欲非物 若離非物欲
得彼真財物 若說寂靜道 彼示道第一
彼何者勝道 智慧者能到 若有不近欲
若不為愛誑 彼行善道處 不近於欲火
欲常不可足 欲亦非寂靜 共愛而和合
如火得薪焰 天人若龍等 不知足則失
為地獄火燒 彼失乃是失

如是天主半修樓陀以如是等无量
種法教示天眾擁護救攝尔時天眾
極生厭離厭離欲已復白天王半修
樓陀而作是言惟大天王我已觀見
他未來世生處諸道今復自觀我未
來世當生何道半修樓陀天王荅言
如是當觀天眾聞已彼佛塔內則於
異處壁中觀察見夜摩天退墮地獄
謂活黑繩合喚大喚熱大熱等見无
量種墮彼地獄有頭在下如是墮者
有舒兩臂而墮中者天身未滅如是
預見地獄生處亦見天處業盡退時
彼地獄中身體爛熟炎鐵地上無量
為鷲滿彼地處彼處種種無量怖畏
焰沙滿地地獄眾生在地獄地極燒
極炙彼天如是墮地獄中頭則在下

如是受苦第一急苦第一堅苦有无
量種受諸苦惱閻魔羅使種種呵
責既呵責已與種種苦彼諸天等皆
見自身如是受苦如是見已彼佛塔
內異處譬中復見過去夜摩天王在
地獄中受无量種堅惡苦惱為欲乱
心先樂境界已曾破壞作諸惡業云
何而作有何等相閻魔羅使皆悉具
說而語之言汝本一切愛境界故已
作惡業今於此受如是過去夜摩天王
其名何等有名大業有名具足眾賢
有名威德有名不壞有名意樂有名
善色有名普樂此如是等夜摩天主
墮七地獄如善不善業果而受已受
第一境界之樂心未厭足為愛所壞
如是退墮

彼大業者本作何業生夜摩天為夜
摩王昔人中時以淨信心施緣覺食
業因緣故身壞命終生於善道夜摩
天處為夜摩王於彼天處受无量種
境界欲樂未知厭足退彼天處本偷
盜故而復墮於黑繩地獄彼前生處
曾作藥師於他病者不相應治取其

財物以彼惡業是故生於黑繩地獄
觀彼大業夜摩天王過去業已次復
觀察具足眾賢善不善業彼何善業
生夜摩天為夜摩王彼佛塔內異處
僻中次復觀見彼過去世以清淨心
捨已財物施病比丘以思熏心彼業
因緣身壞命終生於苦道夜摩天中
而作天王又復更為此世界河漂善業
盡故退墮叫喚大地獄中又復前世
人中之時作土地主放逸而行心生
憍慢有道行人甚渴流汗彼王見已
與甘蔗酒彼飲酒故失其本信即便
犯戒失自利益如是與酒不善業故
身壞命終墮於叫喚大地獄中彼天
如是觀察第二夜摩天王惡業行已
見於一切有為生死與焰不異彼此
迭乎相向說言此大天王如善不善
无量種業相應果報如是示我我等
今者於此天王所得利益如於父母
所得利益元有異也

彼天如是相向說已於佛塔內次復
異處於寶壁中見迦那迦牟尼世尊
神力所化夜摩天王名威德者因

何業生夜摩天而為天王見彼前世
人中之時不破壞他而得財物於夜
暗中有說法處為佛法僧然燈照明
彼業因緣身壞命終生夜摩天而為
天王名曰威德久時為王既作王已
隨命長短身壞命終次復生於四天
王天於彼退已生鬱單越彼處終已
次復生於三十三天彼處退已生閻
浮提得為人王有大威德有大神通
彼處生已放逸行故為欲所誑心輕
動故而復殺生偷盜邪淫作如是等
三不善業以作如是惡業因緣身壞
命終墮於焦熱大地獄中不可譬喻
有无量種无量百千異異分別地獄
業故於地獄中受諸苦惱如是已
為心怨所誑小時天眾復見天中无
量具足復見失壞或樂或苦如是見
已迭手相向而說偈言

極惡復甚惡 大力不可忍 癡心造此業
如是墮地獄 一切業由心 因緣在有中
為癡所壞故 皆派轉受苦 種種大力苦
遍惱不可耐 業縛在世間 而不生厭倦
天退人中生 人死入地獄 出彼生畜生

出畜生生鬼 如是業輪中 世間業風吹
流轉於世間 癡故不覺知

如是彼中山樹具足地處天衆迭相
為說彼迦那迦牟尼世尊如實所化
无量種業在佛塔內壁中明了

觀彼業已次復觀察夜摩天王善不
善業无量種生彼佛塔內具處壁中
復見善色夜摩天王彼因何業生夜
摩天而為天王見彼前世人間之時
生婆羅門種姓之中正見不邪不熱
惱他善修持戒於繫獄中極受苦者
无依主者或於饑時有飢餓者多與
淨潔美好飲食以清淨心或於齋日
或非齋日受戒持戒彼因緣故救被
縛者令得解脫或以物贖令其得脫
彼因緣故身壞命終生於善道夜摩
天中為夜摩王名曰善色於長久時
作彼天王有大威德有大神通作彼
王已身壞命終次復生於三十三天
有无量種受大快樂至終盡時於彼
三十三天處退次復生於阿修羅中
其身其大有大神通阿修羅中報盡
終已生於人中作大長者有大威德

彼處終已生瞿耶尼在於人中彼處終已復於人中邊地受生心輕動故復更殺生獵殺諸獸以刀箭等多種殺害彼業因緣身壞命終生地獄中地獄大火之所燒然受無量種堅惡苦惱以作不善惡業因故

山樹具足地處天衆如是觀察彼業報已復元量種元量分別諸善惡業如是見已於佛塔內復向異處於彼壁中觀迦那牟尼世尊之所化現既往到已於彼壁中復見其餘希有之事往世曾有夜摩天王名曰普樂以何業故生彼天處為夜摩王彼如是見本前生處人世界中人身之時曾有善意常禮師長心生敬重見時則起合掌供養若復餘業掃佛塔地掃已泥塗散花燒香常一切時如力如分布施沙門若婆羅門常於病者阿那舍人給施供養以淨信心如是供養以是善業因緣力故身壞命終生於善道夜摩天中而為天王名曰普樂身體皆樂彼身光明有種種色見者心樂安隱清涼光明遍滿五百

由旬一切寶色此光明勝端嚴殊妙
勝於一切不可譬喻如閻浮提人中
勝者謂月光明端嚴殊妙如是一切
夜摩衆中普樂天王光明最勝於長
久時五欲功德成就樂已於彼處退
以彼業力之餘勢故生閻浮提人中
為王所王之處五百由旬於中自在
生彼處已心輕動故獵殺諸獸彼業
因緣身壞命終墮活地獄彼處出已
不善惡業之餘勢故生於鳥中

正法念處經卷第四十七

癸卯歲高麗國大藏都監奉
勅彫造

正法念處經卷第四十八

美

元魏涼州羅門瞿曇般若流支譯

觀天品之二十七

夜摩天之十三

彼諸天衆既見如是業果報已彼佛塔內復更觀察異處譬中覓希有法於彼譬中復見天王半修樓陀隨順法行不習近欲愛樂法行作諸衆生利益之行善知一切善惡等業既知業已不放逸行雖作天王而不放逸彼諸天衆觀見天主半修樓陀業果報已心作是念此大天王本因何業生此天處而為天王見其往世於人身時修行善法然燈佛所得聞佛法既聞法已攝取受持思惟修行如所聞法如是安住如是聞已乃至一念心不曾亂正信出家剝除鬚髮披服法衣既出家已乃至微少塵許等惡生大怖畏修行梵行以彼業因身壞命終生於善道天世界中謂在他化自在天處作彼天王名曰不壞彼處退已生於人中為轉輪王王四天下彼業盡已命終生於四天王天彼處

退已生於人中復得為王所王之土
一千由旬彼命終已生弗婆提於彼
為王大勝身體彼命終已次復生於
阿修羅中第一神通有大勢力彼處
命終而復更作大富長者恒常修行
第一大施次有持戒智等具足隨所
生處何處何處施戒智等三事具足
彼處命盡修施戒智不斷絕故身壞
命終生於善道天世界中夜摩天處
為夜摩王名牟修樓陀彼如是法次
第相續不斷絕故彼心善故善調伏
故不放逸行諸欲境界不壞其心自
他利益无量善業隨順行故多有天
衆欲所不攝尔時彼處夜摩天衆而
說偈言

隨順善法行 彼則常得善 无量千億劫
善業不失壞 常增長持戒 於智轉習行
一切時布施 繫念常不斷 修行施等三
除斷三種過 捨離彼過故 勤修行功德
雖天欲具足 境界樂不壞 彼不放逸故
則不墮地獄 法常不斷絕 彼隨順法行
不隨法行者 則是大愚癡 近法戒之人
精勤修智行 能滅諸有苦 如日光除闇

能增長法者 為天人所礼 如是異處生
乃至到涅槃 若如是知法 諦思惟法相
彼則解脫有 當得到彼岸 智忍常愛語
愍一切衆生 或施種種物 此道至涅槃
惡者則近惡 或習近懈怠 堅心增惡法
彼行地獄道 見何人皆喜 見何人皆瞋
處處皆貪善 如是故名癡 惡法所迷惑
捨離於善法 癡故入地獄 受惡法苦惱
行法推求善 常捨離於欲 半修樓陀處
天中住无垢

彼夜摩中山樹具足 地處天衆彼此
如是迭相為說 於愛境界而生怖畏
一切衰惱皆現見 已復共天王半修
樓陀彼佛塔內 異處譬中次第復觀
夜摩天王半修樓陀及諸天衆 此處
退已當生何處 在於何道時諸天衆
於彼譬中皆見 自身并其天主半修
樓陀天衆退已 生閻浮提一切皆於
弥勒世尊出世之時 諸根具足一切
皆生大種姓中 共為同伴共一國土
迭相愛念 生大種姓皆悉大富尊重
姓生如是譬中 皆見自身半修樓陀
在彼國土 生在刹利大種姓中大富

大力為一切人之所供養百千億寶
滿其舍内生剎利家以為長子名曰
善戒尔時彼處弥勒世尊說寂靜法
向涅槃城謂四聖諦功德具足初中
後善義善語善獨法具足清淨鮮白
所謂此色此色集此色滅此色滅道
如是次第受想行識總相略說一切
衆生安隱離濁向涅槃城无有障罣
為諸世間如是說法

尔時善戒剎利王子王之長子傳聞
弥勒世尊說法如是聞已如前所說
諸同侶等亦如是聞前世所修善業
因故彼此籌量一切皆共向彼善戒
剎利子所有二万人詣彼善戒剎利
王子如前所說尔時善戒聞其語已
本善業故心生歡喜生敬重心面色
清淨一切和合同時皆起共詣弥勒
佛世尊所如是衆人旋遶善戒亦如
第二三十三天圍遶帝釋在路遙見
弥勒世尊有三十二大丈夫相廣說
妙法利益一切天人世間并諸沙門
波羅門等如是為說入涅槃法初中
後善彼法清淨猶如水池能盡諸苦

能除一切生死繫縛次第乃至到於涅槃說如是法。爾時衆會廣大於海彌勒世尊在中說法。

爾時世尊遙見善戒人衆圍遶告大衆言。此夜摩天主牟修樓陀并其大衆。此夜摩主牟修樓陀修行梵行。先已曾種善法種子。今者根熟。此夜摩主牟修樓陀繫縛已緩。多不善業一切消滅。捨離於欲諸苦。盡時於今將至。彼人如是得聞。如來口言語已。心生歡喜。心生敬重。一切生死皆得遠離。如來之色甚為希有。不可譬喻。牟修樓陀得見如是希有佛已。頭頂禮足。住在一面。白言。世尊。我行世間生死流轉。疲倦厭離。

爾時世尊如應說法。有十千人常近於王。常共王行。先同伴者得盡諸漏。彼夜摩主牟修樓陀如迦那迦牟尼。世尊譬中所化。種種希有之事。有無一切智人所化。種種希有之事。有無量種。非餘境界。并天世間魔等世間及諸沙門婆羅門等。无能見者。除近正士如來住者。近善知識。出生死中。

時彼天衆一切共同生歡喜心於佛法僧生敬重心時彼天王并諸天衆復更禮佛出彼佛塔於六經中彼迦那迦牟尼如來世尊所化第五已竟尔時天主牟尼修樓陀夜摩天王生歡喜心見欲過患復生怖畏共諸天衆次復觀察山樹具足地處天衆歡喜而行彼處多有種種天衆多有園林蓮花水池滿彼地處有無量種種蓮花滿池有可愛聲種種諸鳥聞彼聲者則受快樂山樹具足地處多有無量百千諸天女衆歌舞喜笑種種遊戲多有無量功德具足有七寶樹具足花果多有山峯皆是妙寶滿彼地處而為莊嚴自業果報有下中上天衆自業唯樂欲樂滿彼地處迭共同侶不相妨碍彼此相信多有天子多天女衆迭相愛念多有諸河河中有飲味甚可愛復有種種妙寶堂殿皆悉作行雜色可愛五欲功德皆悉具足衆寶光明迭相莊嚴彼諸寶殿串出勝光如火煉金珊瑚磲琺多有青寶

及山峯等莊嚴地處山樹具足地處莊嚴如是可愛半修樓陀夜摩天王既觀察已告天衆言汝等天衆看彼天衆歡喜心行從山至山從一山峯至一山峯歡喜遊戲五樂音聲歌舞戲樂汝等皆當看彼天衆如是天衆已於佛塔種種見來答天王言我等已見

余時如是夜摩天王告天衆言如來已說如相應說天中衰惱放逸行天命將欲盡善業欲爛退時欲至戒果欲壞行業如化癡不覺知放逸行天不覺不知墮於地獄餓鬼畜生此無量種諸苦衰惱生死流轉皆由本業何以故以彼命行念念流動不可迴故以業力多不可離故如此一切有為三相生住滅等三過患故多有無量諸衰惱事无有少味而諸天衆不知不覺自謂大樂念念近死死時欲至已入死門而不覺知如此一切有為之法念念不停一切有命无常破壞少年速變彼天退時覺知苦惱有无量種恩愛別離時彼天衆既見天

王心生歡喜速疾速疾莊嚴其身天
衣垂紺寶冠瓔珞天妙鵝等以嚴其
身自身光明多有種種莊嚴天女百
千之衆圍遶天子種種樂音歌舞戲
笑受第一樂自善業故如是莊嚴具
足无量百千種色徃向天主牟修樓
陀尔時天王如是見已隨順瞻觀即
前稍近見其遊戲受諸快樂尔時天
王順其心故暫入衆中遊戲受樂非
自喜樂在他天中於須臾間喜笑遊
戲彼天心動於欲生樂遊戲樂已到
餘山峯種種珊瑚金銀等樹无量百
種妙色莊嚴有无量種衆鳥音聲有
無量種光明照耀有无量種分別異
念有无量種天妙寶性莊嚴山峯彼
天徃到如是山峯到山峯已心愛受
樂彼夜摩主與本曾見佛塔諸天
處同行共彼天衆无量境界喜樂
者行

時夜摩天主告天衆言我共汝等相
隨而去自身利益捨境界故則得利
益不捨境界則不利益我等決定隨
順法行乃至畢竟到於涅槃向彼天

衆如是說已共彼天衆以寂靜心一切皆向山樹具足地處而行到彼處已於中一處種種流水妙蓮花池有蓮花林多有衆鳥在嚴彼池復有種種寶蜂在嚴普皆如炎彼如是處可愛地處則有第六迦葉佛塔天主見已生希有心一切諸寶光明之中佛塔光勝穿空而出種種妙寶而為莊嚴所有光明勝百千日光明寂靜在寬博處見彼佛塔余時天衆如是見已白其天主牟修樓陀而作是言此是何等妙寶光明如前所見余時天主夜摩天王聞其語已而告之言天衆皆聽如今所見此種種寶勝妙光明如前所見此是大仙第六如來應正遍知明行足善逝世間解無上士調御丈夫天人師佛世尊天中之天迦葉佛塔此佛塔者諸天本業所修梵行本曾修心利益饒益此佛塔內寶壁之上化現明了如餘如來所應利益此佛塔內亦復如是我共汝等諸天大衆於佛正法生敬重心作自利益夜摩天主如是說已共諸天衆

往向佛塔到已則見具足種種妙寶
光明如前所說

今時如是夜摩天主共其天衆入彼
佛塔即見大仙迦葉佛像閻浮那陀
真金之像妙寶衣服无量光明毗珎
璃寶為師子座佛像坐上如現在時
說法之相等无有異彼像則有不可
喻色如是色者形彼天色如螢火垂
於日不異佛威德色如是勝妙今時
天王并彼天衆見佛像已勝歡喜心
敬重深信頭面敬禮去冠瓔珞身莊
嚴具遠離色慢止於色樂離光明慢
一切憍慢皆悉捨離心離欲垢以頭
頂禮彼世尊足轉轉離慢重復更禮
如是禮已一切天起一心不動以業
因故彼佛塔中寶躡之上佛像傍廂
見有文字此修多羅是佛神力之所
化現利益天人一切世間皆悉利益
正字正句善義善味次第乃至示於
涅槃乃是一切諸出家人之大和上
如律教學此謂比丘有十三法以為
妨碍不得坐禪讀誦經律障自利益
不得涅槃若諸比丘不捨如是十三

法者於病老死悲啼號哭愁苦懊惱
則不得脫人中凡下非實出家身口
意等常不正行不勤精進如是比丘
若於一日受他財具病藥所須則不
能消彼如是物於已為妨所謂妨者
能令身瘦懈怠怖畏无所知曉如
是之人則於大力速力勇猛甚深大
河不能得渡如是之人自體羸瘦不
能翹勤心不調伏而常懈怠不知坐
禪讀誦經律怖畏無智自體無明之
所覆蔽是故不能渡於五河依止境
界故不能渡境界所漂在愛河中愛
河漂已入生死海流轉常行无有休
已何等十三所謂喜樂多語言說治
病工畫聞邪惡事歌詠讚頌數星思
惟思惟占相唯貪飲食求諸寶性親
近王等怖望請呼不請問他樂多知
識與惡同處此十三法沙門之人坐
禪讀誦則為妨導如是妨故失自利
益利益則少失利益故生於地獄餓
鬼畜生虛妄出家如是之人既非出
家亦非在家捨離善法為同梵行
之所輕賤俾有虛名具聲相似不聞

不知涅槃之行有所憶念志不隨意
護身之天放離而去

彼初妨者妨於坐禪能為大乱彼初
喜樂多言語者初則可愛後則悔熱
一切出家應捨此法所謂喜樂多語
言說樂多語故心不調伏不能正行
不能持戒心常動乱心動乱故則多
疑網如是之人意近惡人彼惡人者
所謂乱心彼常樂見伎兒歌舞從方
至方從處至處遊行不止若城若村
諸聚落等常行不住看其戲樂常於
節會遊戲之日處處觀看諸聚會處
恒常往看近如是人以為伴侶自稱
已心意常動乱常樂言語晝夜恒尔
無有休息彼人乱意不聞不知餘司
梵行常所輕賤知他賤已於彼他人
持戒行者心生瞋忿彼人以此業因
緣故身壞命終墮於惡道地獄餓鬼
畜生之中

又彼喜樂多言語者復有大過彼惡
比丘未曾多聞毀破禁戒樂多言語
自高輕動雖見佛已心無慚愧无慚
愧故不恭敬佛檀越見之不生恭敬

以他輕賤捨戒還俗

又彼喜樂多言語者復有大過有何者過所謂自樂多言語故而復教他餘出家者令退正法彼自破壞復能壞他彼人如是自他壞故有惡名聲彰出四遠僧衆知故驅遣捨棄此善持戒諸比丘等畏彼惡者令其有失一切皆言捨此比丘言此比丘是惡知識同梵行者如是惡賤

又彼喜樂多言語者復有大過種種言語先已聞來心樂謂樂彼惡沙門既得聞已心生大樂彼心樂故信於非法信非法義法為非法非法為法亦信其餘非法行人此人喜樂多語人故則入邪見以彼邪見之因緣故妄語言說彼人以是惡業因緣身壞命終墮於惡道生在地獄餓鬼畜生因此樂多言語過故復有多過今時世尊如葉如來而說偈言

多集綺語句 能令心意亂 破壞於梵行 妨尋涅槃道 常喜樂多語 凡鄙不持戒 其人常捨離 坐禪知諦者 不調為根本 能失於善念 亦能失梵行 令涅槃道暗

能妨於天道復能示惡道令向餓鬼道
令生畜生道謂名樂多語此為生死母
坐禪誦比丘欲安隱則捨

彼佛世尊迦葉大仙如是已談樂多
言語有大過失

又復次說不樂多語所有功德所謂
比丘善正心意唯樂正法唯知正法
如是正說唯念正法思惟正法唯行
正法恒常礼佛彼如是等諸比丘等
未曾見處而能見之以能捨離多語
有故唯一正行怖畏生死彼語有果
所謂若人說四聖諦之言語也彼身
有果所謂礼拜佛法眾僧翹勤精進
彼身精勤意則有果意常精勤自相
同相等思惟相彼則是果三種精勤
去涅槃近若其有人一切方便一切
精勤捨多言語遠惡知識常不親近
正心直心不動乱心如足三種則到涅
槃三種道者何等為三所謂心念阿
那波那觀不淨界無常破壞此一切
道正心能得非不正心樂多言語非
心正念妨此三道乃是惡趣地獄餓
鬼畜生之行此等縛人將入地獄餓

鬼畜生三惡道去如是衆生爲多言語之所誑惑是故喜樂多語言說如毒如刀如火如蛇如墮峻岸懸懸比丘坐禪讀誦常應捨離

彼多言語能誑多人今墮地獄畜生餓鬼彼若餘業生於人中則爲伎兒常戲之人楚行擲絕力士舞戲種種歌等在他門傍處處行之或復治生商賈求利或復目前常在巷中多人之處市肆貿易以自濟命樂多言語惡鈍所齧樂多言語大火所燒墮在如是樂多言語臨嶮之處爲多言語惡毒所螫如是癡人樂多言語所有枝條之所迷惑一切迷惑由多言語樂多言語是大闇聚畏惡道者一切皆應如是捨離捨已次第精勤修行則得見諦是故應當作如是學空閑曠野寂靜之處無諸妨聲无唱嘆聲歌聲鼓聲修智日處山谷巖窟樹根等處福德之處无聲妨處獨無餘人在一處坐一心正念壞煩惱魔如是善作以調伏心令心寂靜離於一切多語言說一切親舊知識兄弟來去相

見語言皆離心不怖望唯樂獨處以
為安樂常行禪誦離四顛倒彼十六
種阿耨波羅皆念念知无夜無晝勤
發精進生死縛中能脫能走能如是
者則得勝處若本未見常安隱處彼
人則應離多言語有智慧人善心意
者堅固修行沙門之人離於懈怠捨
此一法所謂喜樂多語言說

又斷第二妨尋之法所不應行殺生
攝故何者第二所謂治病醫師比丘
不能坐禪不能讀誦如是行樂醫師
比丘異道異作常不見病人常求治病
作如是業大增長貪彼貪心故如是
思惟怖望眾生多有諸病無量種種病
彼病眾生多供養我多與我物是故
我於多人處行恒常受樂從村至村
從城至城從邊地處至邊地處彼惡
比丘既作如是思惟念已貪則增長
如是比丘貪增長已心中生垢不能
坐禪不能讀誦非是善行
又復治病則得垢過彼惡比丘自謂
比丘若諸眾生有病患者彼惡比丘
示其藥言速將油來若无油者則壓

胡麻壓胡麻故多有虫死如是名為治病之過妄作沙門唯口自言我是沙門實非沙門

又見病者勅瞻病人令其與肉作如是言須新殺者不用多脂不用自死不用病死不用毒死不用地殺不用乾者不用瘦者如是約勅以約勅故彼則殺生以殺生故得殺生罪若教殺生若殺生者彼二種人同一殺業墮活地獄是故不應作治病業以貪心故

又復更有治病之過唯可口言我是沙門實是大賊是大惡人為彼衆生多病痛故處處採拾種種藥草若樹樹枝若樹果等為財物故皆恣採取彼諸藥草一切攝虫為虫所依虫在其中處處皆滿彼以貪心欲得物故地中拔取或有割取以拔取故殺地處虫或破彼虫所依止處若割取者則殺内虫彼處虫死此治病過彼心如是樂不淨命何處得有修禪讀誦彼心恒常喜樂治病

又復如是治病以丘惡心思惟有大

勝過如是比丘思惟惡法有如是心
欲令多人皆有病患病者若多我則
多得財物供養飲食卧具如是多利
彼欲壞心不念善法不樂禪誦不近
尊長不近善友亦不礼佛作不善行
身壞命終墮於惡道生地獄中彼處
得出以餘業故如彼善業生於人中
則常病痛貧窮短命彼惡不善治病
業故

又治病過依法治病亦復有過无始
以來皆有三種謂風熱冷山三調傳
身則安樂不墮惡道是身分故以身
滅故彼三亦失而彼愚癡凡夫之人
未曾聞來未有智慧實非沙門而自
說言我是沙門治彼三種何義何因
剷除鬚髮披服法衣而便出家何故
捨此无始以來欲瞋癡等非身所攝
若燒身者彼三不燒不失不滅於五
道中隨逐繫縛處處共行何故於此
欲瞋癡等三種大過不先療治而先
治彼風熱冷等此妄出家愚癡无智
凡鄙之人自心所誑如有癡人无主
無伴貧窮无物彼人乃有大勢力恐

日日慙亂彼愚癡者若以財物與大力怨不可遮障若以勢力亦不能防以如是怨大勢力故恒常伺求欲來殺害此愚癡人不恐彼怨知他餘人有微小怨如是被人於微小怨則生怖畏共愚癡人以為同伴而愚癡者語同伴言我今相為除却彼怨彼愚癡者大勢力怨知其愚癡知其懈怠放逸而行如是知己即往殺之何以故以彼癡人作他事故如是如是彼沙門人自謂沙門立沙門者捨離自身大勢力怨然而作他事彼欲瞋癡於无量世隨逐不離示生死道有大力勢而无處所不可尋求唯智所知與癡同行為除如是大怨因緣捨離自身親舊知識妻子兄弟剃髮出家既出家已而於如是大勢力怨不能觀察為財物故而語他言汝之怨家風熱今等我為除滅如是乱心愚癡之人死王來至三種怨家隨逐不離彼力大怨謂欲瞋癡彼人乃為欲縛所繫極放逸行將向他世樂作他事大貪乱意是故若人知此過已不用治

病若人治病應殺欲等則常元病余
時世尊迦葉如來而說偈言

風等無多過 欲等過則多 風等不惡道
欲等墮地獄 心過是大過 常令行惡道
是故除則樂 除風等非樂 若捨自作業
喜樂他所作 彼人速失壞 為智者所笑
風等失壞故 眾生則失身 欲等不曾失
生死无量倒 彼欲等滅樂 風等滅非樂
以欲等滅故 畢竟得勝樂 治心名治病
治身非治病 治心病難知 治風等易解
彼佛世尊迦葉如來以此因緣如是
遮障出家之人不聽治病又出家人
醫方治病有無量過謂生貪心見餘
醫師心則生慢以不善語毀餘醫師
妨廢作業心生嫉妬攝餓鬼業如是
造作餓鬼道因彼人如是妬心動心
生大貪心以生貪故見婦女時不善
觀察以自妨亂彼人癡心見他婦女
欲發壞心彼治他人風冷熱等而自
增長身中諸病欲瞋癡病增欲等故
是等因緣增長地獄餓鬼畜生種種
苦惱彼為欲等之所破壞不善醫師
則有惡見大過所縛將入地獄是故

一切出家之人常應精勤除欲等病
勿治風等此等三法沙門之人欲求
涅槃不應如是醫藥治病妨廢坐禪
讀誦經律

又捨第三妨導之法所不應行何者
第三所謂畫師出家業盡則非所應
去何如是為除欲故捨家出家更生
餘欲既知世間心業盡已而作其餘
種種來盡若有不知心業盡者可作
種種諸色來盡彼出家人常應如是
諦知來盡五大來色盡作五道心
種種故何等為五謂大來色盡作五
道心之畫師以大白業勝淨來色盡
作天道以信心故樂行大施離慳嫉
妬第一白法施戒山起盡作諸天心
之畫師盡作天道

又出家人復應觀知業之來盡多種
業來盡作人道入則老別有下中上
若是富人能持戒者彼人則是第一
白業來色所盡若人大富不能持戒
彼人則是黑白之業來色所盡若人
貧窮而能持戒彼人則是赤白之業
來色所盡若人貧窮不能持戒彼人

則是垢黑之業來色所盡若人懈怠而復多欲彼人則是黑黃之業來色所盡若人端正大種姓生彼人則是白淨之業來色所盡若人在於中種姓生彼人則是紅赤之業來色所盡若人在於下種姓生彼人則是垢黑之業來色所盡心之盡師以善業來盡作人道生於人中若為國王若為大臣而復造作不善業者如是之人白業來滅黑業來色增長出生又復若人生卑賤家若極貧窮常行布施受持禁戒如是之人黑業來滅白業來色增長出生

又復若人生中種姓有善妙色或作中業彼心盡師赤白之業來色所盡如是无量雜業來色業盡之師此人世間種種異業雜色來盡差別不同又出家人更觀餘道所謂復觀地獄衆生心之盡師二種業來之所盡作所謂黃黑黃者謂大黑謂嫉妬生在下中地獄中生如是二種來色所盡彼比丘觀如是地獄來盡色已復觀飢渴燒身餓鬼黑業來色彼一切鬼

一一各各業色所盡

法苑珠林卷第三十五 美

又復觀察何業采色盡作畜生謂黑赤色彼若受於第一苦惱第一怖畏是黑色盡若相殺害是赤色盡如是色者是心盡師盡如是色

又復略說畜生三處迭相怖畏殺畏縛被他食肉虛空行者所謂孔雀雉鴉等鳥陸地行者謂牛水牛猪馬等畜水中行者所謂魚等彼黑色盡若不畏殺彼赤色盡謂天中象如惟一切世間種種苦惱天中五相人中為作畜生相殺餓鬼飢渴地獄之中受大苦惱如是種種雜業采色之所盡作愚癡少智不慧不慮是故懈怠不能坐禪不能持戒不能讀誦而不能知心之盡師而作餘盡第一盡者謂世間中生老病死怨憎集會恩愛別離寒熱飢渴迭相破壞毀此供養僮僕人主苦惱安樂地獄餓鬼畜生人天業色雜盡生死種種不能修不能思惟心念知已不生厭離而彼比丘捨離坐禪讀誦之業餘心盡作

復有異法生死處盡不能思惟而便
思惟更作異盡所謂種種根緣境界
若有衆生樂境界者於長久時流轉
地獄餓鬼畜生此法云何謂眼見色
愛樂境界而生欲心於彼色中堅固
染著彼人則攝黑業來色地獄餓鬼
畜生等處如是色盡

若彼衆生眼見色已如是思惟此色
无常動轉變異彼人如是不慧不樂
不貪不著如是則為攝白色業天人
中生乃至涅槃如是有人眼見色已
不樂不緣不怖不念无心受用不生
欲心彼人則以第一白業來色工盡
於天人中而受快樂彼惡比丘如是
癡心不忍不念不禪不誦若眼見色
於境界中意樂染著如是縛者則是
黑業來色工盡黠慧之人則能捨彼
黑業來色惡意業盡唯應坐禪讀誦
經律

又復觀察盡師沙門思惟盡時盡作
何像謂耳聞聲若愛不愛彼如實觀
如是聲者无常不住不堅破壞如是

知已心不意樂不生歡喜不念不樂
不聽不觀如是白業采色工畫彼白
色盡天人中生天中生已如是第一
種種盡勝而彼畫師惡意沙門自言
沙門不曾起心思惟聲盡然作餘畫
而不思惟坐禪讀誦捨離禪誦不修
白業

又彼聞聲癡意沙門不曾聞來愚癡
无智如是思惟此聲可愛能令心喜
能令我樂彼惡沙門不善觀察故觀
彼聲心生怖望因之生欲於彼聲中
心生喜樂此黑采色心之盡師畫作
地獄餓鬼畜生彼惡沙門知業盡已
而作餘畫捨離坐禪讀誦等業

正法念處經卷第四十八

癸卯歲高麗國大藏都監奉
勅彫造

正法念處經卷第四十九

美

元魏婆羅門瞿曇般若流支譯

觀天品之二十八

夜摩天之十四

又思比丘離於雜色種種盡已更作餘盡何者餘盡所謂餘者因根境界生死繫縛彼根境界或有可愛或不可愛謂鼻嗅香彼觀察了鼻所嗅者若香若臭於香不樂不善觀察不能壞心如是思惟此香无常念念不住不堅破壞如是實香本無後有已有還無彼如是香臭不可樂心亦不轉彼白業盡善業盡故人天中生而彼盡師惡意沙門捨如是業而作餘盡離禪誦業

又嗅餘香於香意樂心迷惑故怖墜所迷不善觀察心則破壞是黑色業常集如是黑業采故盡於地獄餓鬼畜生受諸苦惱彼惡沙門捨離如是業彩色盡不能思惟而作餘盡妨廢坐禪讀誦經律

又有雜業種種采盡所謂舌味或有可愛或不可愛彼善比丘得可愛味

不喜不瞋不念不樂於此美味常善
觀察无不善觀如此味者本元後有
已有還无手捉彼食內於口中以舌
觸之舌得食已彼食名甜甜即生美味
熟爛腦涕額頰中下斷中而出舌頭
得味與涎和合在牙關中咀而嚼之
如是繫縛愚癡凡夫彼人如是思惟
舌味正觀察者是白色盡此白色盡
若於人中若於天中受第一樂彼惡
沙門不能觀察如是業盡而作餘盡
妨廢坐禪讀誦經律彼愚癡人食味
在舌甜舌觸已乃得其味作如是念
此食好味第一好味勝味美味色香
具足第一淨潔食慢心故身口意等
行於惡業此黑業盡在於地獄餓鬼
畜生三處明了彼惡沙門自言沙門
不正觀察之所破壞以自妨亂捨業
盡已更作餘盡以妨禪誦

復有業盡業盡世間謂唯有根境
界相著有身觸識於彼實觸心善觀
察此所生觸則有三種非常不住非
不破壞唯有薄皮見之生受唯有根
處非是淨潔非常非樂非有我法唯

假和合故名爲身四大如迭如箭入體
常妨常病一切過處如是真實觀察
身觸觸則不妨此觸唯客能爲妨尋
非自己物若能如是善觀察者白色
業盡天人中生彼惡沙門立沙門者
不作如是思惟觀察心業盡師種種
異異業盡世間彼惡比丘捨不觀察
更作餘盡妨廢坐禪讀誦經律

又復愚癡凡夫之人不善觀察而於
此觸不正觀察生如是心我此觸者
第一樂觸身體肥盛則集樂因得此
樂觸我則受樂如是愚癡凡夫之人
而於此觸不善觀察不善思惟此黑
業彩盡作地獄餓鬼畜生彼惡沙門
立沙門者捨彼業盡而不思惟更作
餘盡妨廢坐禪讀誦經律

又惡沙門立沙門者樂世間法非出
世法於出世法不思不念出世法者
謂四聖諦而於滅道十六種行阿那
波那出息入息及以四禪四種梵行四
沙門果不修不行捨此法已作餘鄙
業心不寂靜唯爲少樂少彩色盡妨
廢坐禪讀誦經律更求異色不寂靜

盡彼因如是不正觀察身壞命終墮
於惡道生地獄中

又彼盡者復有大過入於惡道地獄
因緣所謂盡作端正婦女種種嚴飾
善妙之色以愚癡故心生意樂令他
餘人見已愛樂欲發亂心何況作者
如是之人能令自他二俱欲發身壞
命終墮於惡道生地獄中今時世尊
迦葉如來而說偈言

若不思業盡 而作餘彩畫 為盡火所燒
入於地獄中 不思無漏法 而樂於漏法
彼人染心癡 臨嶮岸欲墮 若人應禪誦
若應依林住 癡故捨所應 則墮於地獄
癡故思思惟 作大力盡羅 為盡之所誑
將向地獄去 彩色非為雜 心盡乃是雜
彩盡兩則滅 心盡不可失 若人心不盡
彼盡不如心 業盡是大盡 盡於三界處
衆生種種色 流轉五道中 一切是業盡
心盡師所作 此之心盡師 盡作業羅網
縛一切衆生 流轉於三界 雨炙塵烟等
令盡色失滅 彼之心業盡 千億劫不失
一切地失壞 海水亦乾竭 若心盡所作
畢竟不破壞 癡者不觀察 種種自業盡

以命財物故 而作餘盡業

畫師沙門妨廢坐禪讀誦經律如是分別有无量過樂盡作者善人不愛不善者樂是故比丘不應盡作盡乱其心不得涅槃乃至不能善觀察行修一善法是故應當如是正學若諸比丘欲求涅槃畏惡業者乃至自手不執盡筆我今呵責此三種法沙門之人所不應作以知彼法如是過故又第四法沙門之人所不應作何者第四所謂邪聞惡不善法歌詠讚誦如是比丘捨離妻子親舊知識父母兄弟欲斷煩惱坐禪讀誦是故出家若不乱心常一心者能斷煩惱无能妨乱若作歌詠讚誦惡事種種憶念心意則乱彼乱心故妨尋善法不能禪誦不近師長不聞正法不樂供養佛法僧寶不攝威儀不能善持威儀之戒常作歌咏心生愛樂如是歌咏依彼所_味過去種種曾聞之法非法所攝唯聞彼法以為耳樂非善觀察所攝所集綺語相應彼如是法是惡沙門之所信樂數數聞已行彼惡道

行惡道故復作俗人自壞正法樂歌
咏故常作歌咏則於禪誦懈怠不勤
乃至不應入衆僧中一切飲食皆不
應食懈怠尚尔何況破戒入衆僧中
猶尚不應何況得受牀敷卧具病藥
所須或復受他礼拜恭敬懈怠之人
所不應受是故比丘常歌咏者以歌
咏故不樂坐禪讀誦經律樂歌咏者
唯常勤心習作歌咏常一切時樂依
歌咏種種方便間錯心意為種種癡
之所破壞讚彼歌咏有種種味被人
如是自乱心意命欲漸盡老死時到
將欲往至未曾知處獨行無伴離出
世法若常歌咏愚癡之人不覺死至
甚為自誑人身難得諸根難具雖得
出家徒作歌咏空无所獲虛妄而死
失自利益又復比丘作歌咏者癡破
壞故垢心垢行作歌咏業一切癡中
婦女癡大彼婦女癡比丘不應婦女
癡者少而能燒如火雖少能多焚燒
彼婦女癡如是能燒愚癡軍衆彼於
生中百千万處皆恚能燒彼歌咏中
初讚婦女婦女在初彼婦女癡破壞

比丘種種無量不正觀察愚癡壞心
讚婦女身以為供養持在心中說為
淨索彼愚比丘一切自身失正觀察
復令他人不正觀察自他失故身壞
命終墮於惡道生地獄中彼於所聞
惡不善法歌咏讚頌繫縛過故

又聞邪法歌咏讚頌復有大過謂惡
沙門聞邪惡法歌咏讚頌今意愚闇
若復被人未曾聞來未曾見來不從
他人先見聞來直自貪心故作歌咏
復教他人種種歌咏言我曾見言我
曾聞故被繫縛以彼他人知如是人
先不見來先不聞來則言如是不善
之人如是妄語自心思量而作歌咏
彼人如是妄語業故身壞命終墮於
惡道生地獄中歌咏過故又聞邪法
歌咏讚頌復有大過所謂邪聞樂於
歌咏於所從聞先舊之人則生惡心
憎嫉之言我歌咏勝毀訾先舊之時
論師彼實人能言其不善彼惡沙門
如是捨離坐禪讀誦增長瞋恚具足
增長不善施業白淨善業於未來世
能獲安樂此善業滅梵行之人輕賤

如是聞邪惡法而歌咏者以如是人心不正故

又聞邪法歌咏讚頌復有大過如是邪聞而歌咏者若晝若夜心意不正不念佛法而樂歌咏恒常讚頌不思正法不能坐禪又不精勤除滅煩惱如是之人非實沙門无沙門意正法難得於百千劫難得正法彼惡沙門在沙門者得如是法而不正行而不攝取

又聞邪法歌咏讚頌復有大過謂彼惡人貪作歌咏未曾聞來而便讚頌或時妄語被人常近不正行者猶如狂人心懷動故於一切處皆恣往到讚咏歌頌繫縛邪語讚妄語者種種所說所有口業皆悉妄語不曾一實如是之人歌咏覆心復近其餘富貴惡人依止彼故作不善業如是之人近惡人故得酒供養以飲酒故不作一善其心動亂失自利益由飲酒故惡道門開彼人醉故能作一切不善惡業見婦女故不正觀察故失正心彼惡沙門作非梵行被燒福德爛臭

惡物如毗頭羅有花無果猶如晝燈
无光明照又如晝月無時冷觸如是
如是彼惡比丘唯以架梁覆身而已
唯有沙門形色而已身壞命終墮於
惡道生地獄中彼聞惡法歌咏過故
讚頌過故是故沙門聞不善法不應
歌咏不應讚頌若作正法讚歎頌咏
正法增長若有讚咏不損正法若稱
歎佛若讚三寶增長正法令法光明
如是讚者如是福德次第乃至到於
涅槃彼口業果勤修習者若人所讚
身壞命終生於善道天世界中彼人
如是實讚歎故增長正法如是歎咏
是則應作不如是作則入地獄
又第五法妨廢坐禪讀誦經律何者
第五所謂比丘數星思惟實非沙門
自謂沙門數星思惟則不應作如是
比丘毀沙門法妨廢坐禪讀誦等故
彼思惟已福德命行不覺損失何為
出家不得彼法彼命終盡所作不辦
不得免離衰老病死悲啼號哭愁
苦懊惱彼人常在生死道中流轉而
行彼於數星不得利益數星思惟不

能自救亦不救他何以故唯數業星
能救自他何以故一星生人有苦有
樂有醜有媚有大種姓有小種姓有
依法行不依法行有貧有富有王有
民有貴有賤有盜不盜有聰有蒙有
愚有智有男有女或有持戒有不持
戒有勤精進有不精進有為人愛不
為人愛一切皆愛一切不愛唯一種
星而有異種人生不同若星因緣彼
一星生何故一切不皆一種如向所說
前功德過一切不知不數業星數空
中星愚癡之人功德與過不知不數
善不善業二果不數數空中星又復
彼人數星思惟而實不善亦不寂靜
所謂一星或生於人或生畜生或生
餓鬼老別不等非星勢力業勢力故
異異而生此星思惟如是不善亦不
寂靜思惟業星是善寂靜次第乃至
到於涅槃

又復彼人數星思惟而實不善亦不
寂靜所謂彼星力不常定更有妨故
有勝劣故此星復為勝星所覆彼星
異時而復更為異星所覆是故當知

數星思惟義不相應若其有人數星
思惟謂星因緣有苦有樂非是自身
有苦有樂彼星更有餘星所覆去何
而能與他苦樂故知由業而得如是
善不善果非星能與若由曜者更有
曜暎如是初曜則得苦惱如日與月
羅睺蝕之則得苦惱若此日月自不
能救何能救他是故沙門立沙門者
數星思惟不應如是數星思惟

有三大曜謂病老死此為最大常在
世間彼惡沙門不思惟此而更思惟
餘世間曜彼人愚癡无有聞慧思惟
世間二十八宿如是思惟則有罪過
而不思惟彼出世間二十八宿若能
思惟實觀察者入涅槃城二十八者
所謂五陰及五取陰十八界等思惟
此者到於涅槃以如實觀離欲持戒
故得涅槃數星思惟則不能得
又惡沙門立沙門者復有異法數十
二月如是數已不得利益亦復不能
斷除煩惱猶故在於有中而行而不
能知數十二入若能思惟數十二入
知實義已於欲生厭以寂靜故則得

涅槃彼惡沙門立沙門者以不能數
不思惟故思惟他染而數他事

又惡沙門立沙門者復有異種惡思
惟染思惟六時既思惟已於病老死
不得解脫為无常染之所擾亂不思
惟身三十六種若思惟者彼實觀
察則能捨離而得涅槃

又惡沙門立沙門者念世間時思惟
彼時作如是言此時則善某念不善
某時當得某時不得如是惡念惡思
惟者非是寂靜則非得樂非近涅槃
非得涅槃應念心時心相攀緣有善
不善有記无記念世時者心不思惟
此三種時若能思惟善不善心有所
攀緣如是思惟我生某心善攀緣者
我未來世當生善道若我未來當得
涅槃我生某心不善攀緣不善染心
彼當非樂當非寂靜當非涅槃不得
涅槃我生某心無記攀緣得无記報
又惡沙門沙門相似念世間道思惟
世時唯一念时无候離多若一日時
半月月時善不善果思惟人中命行
盡時而不思惟我之命行念念中盡

彈指頃盡无疾離多若一日時半月
月時我之命行念念盡滅而不可避
無有方便可避死時

又惡比丘復有思惟異法數時妨廢
坐禪讀誦經律所謂思惟世間染法
思惟星時彼人思惟樂行多作念在
心中如是記說如是某星某曜來覆
能與為妨能與其惡此世間中能好
能惡思惟彼事則不能離衰老病死
悲啼號哭愁苦懊惱不斷生死是故
不應如是思惟如星曜覆復有異法
異法所覆所謂生星死曜所覆无病
之星病曜所覆少年之星老曜所覆
愛和合星愛離曜覆生天之星退曜
所覆人中生星為作曜覆樂受之星
苦受曜覆善心生星不善心生曜之
所覆不淨之星欲曜所覆慈心之星
瞋曜所覆觀智之星癡曜所覆彼惡
沙門立沙門者於自思惟不能思惟
出世思惟而不思惟此是思惟出世
間星如向所說如實觀察實法之星
實曜所覆如向所說既思惟已如實
觀察八聖道分如是曜星思惟得果

寂靜快樂乃至涅槃若凡愚人思惟如是世間星曜或思惟曜或思惟星乃令无量多百千人入於惡道生在地獄餓鬼畜生此是世間生死因緣生貪瞋癡若有思惟出世間道時節星曜若思惟時思惟曜星思惟此已如實觀察而修行者則令无量多百千人於老病死悲號啼哭愁苦懊惱而得解脫到不退處不老不病不死不盡寂勝涅槃不退之處若如是學比丘沙門立沙門者欲得苦盡生死苦盡修星思惟修時思惟如向所說為鄙為染如是知已知非畢竟知非寂靜非得涅槃唯妨比丘坐禪讀誦比丘不應數星思惟數星思惟則不相應又第六法不應思惟所謂沙門立沙門者妨廢坐禪讀誦經律何者第六不應思惟謂思惟占相沙門之人不應思惟世間染法增欲瞋癡思惟彼相妨廢善法若諸沙門立沙門者知地動相世間染相或晝或夜如是思惟地當欲動今見有相所謂地水平等定住風吹則動雖動不濁地欲動

故風吹則濁或雨欲墮蟻子運卅月
當欲蝕油脂沉水鳥在空中近地下
飛日當欲蝕諸方則赤若欲安隱臙
潤風起諸方无垢右旋行相見如是
相則知安隱若欲有惡諸方赤黃乾
无臙色有乾風起赤黃青色日暈輪
起在虛空中日將欲蝕諸方則赤當
有善者彼方則有潤臙風吹清淨无
垢无塵霧等復見善相右旋行相相
應之相當有不善則見諸方有赤黃
色乾無臙色或見彼方无臙風吹見
赤黃青暈輪日出在虛空中彼惡沙
門立沙門者如是占相如是見故妨
廢坐禪讀誦經律思量記說怖望財
利種種供養思惟二王為勝不勝彼
以如是求勝不勝是故心中生欲瞋
癡如是三種彼為根本如是比丘得
三種過既非沙門復非俗人若善沙
門立沙門者不用占相以見此相增
染欲故

又復更有惡相思惟有占相師王欲
闢行問其時節彼決定記某日時中
共彼鬪戰一切人破若一切人欲戰

關者於彼何處多殺無量百千衆生
皆悉散壞或捉繫縛如是城村或國
土中或多人處於彼王所迭共鬭爭
迭牙相破能令失壞无量百千衆生
受苦彼惡沙門為王看日為王占時
言某日好某時取好王必得勝能破
餘王見相已說彼惡沙門如是思惟
此王若勝我則於王多得財物多得
供養當於王所得如是事彼惡沙門
立沙門者善法則滅所謂坐禪讀誦
經律或時增長不善之法以其分別
勝非勝故彼以思惟如是法故身壞
命終墮於惡道生地獄中以此因緣
若善沙門立沙門者則不思惟世間
之相以此思惟生三種過妨善法故
若不思惟此世間相思惟餘法離三
種過出世間攝正念思惟此法云何
所謂如彼地動相知或晝或夜如是
思惟地將欲動如是之人或夜或晝
何不思惟心地當動如地動時一切世
間或山或河園林樹木若村城等皆
悉普動如是如是心地動故自餘一
切大地善法及餘法等皆悉普動是

故沙門立沙門者應先觀察如是心地當必欲動心地轉動如地震動如動如地當動必先有相謂水本清風吹則濁如是如是凡夫之人或欲或瞋或癡將生其人面色或黑或赤如是先濁是故沙門立沙門者應觀此相攝涅槃相觀此相者不得苦惱此心地相出世間相

又復次觀世間法相雨欲墮故蟻子運卵如是沙門立沙門者如是觀察出世間相如村城內多饒人處見有檀越若諸沙門諸婆羅門諸長者等以信佛故為聽法故往到佛所如是實相彼善沙門立沙門者見如是相即便記說今於彼處有佛世尊欲說正法如此檀越及諸沙門諸婆羅門諸長者等皆到佛所彼佛決定欲說正法今見此相非下劣相今知此相是法雨相

又惡沙門立沙門者見月耀相決定知月必當欲蝕置油水中下沉沒故此如是相非善非吉亦非寂靜此如

是相非沙門相非寂靜相彼沙門相則不相應出世間相觀察相應占世間月終時則惡知正法月當必欲蝕以正法油沉沒邪見人心水中此相非善亦非清涼此第一相非是世間月蝕之相

又惡沙門立沙門者更觀世間月蝕異相如月當蝕鳥在空中近地下飛此於沙門立沙門者不相應相復有好相出世間相所謂觀察正法月蝕此是沙門正法道行謂彼沙門於下知識下檀越等下人邊行如鳥下飛在彼白衣不正行人邪見之人門下行等近下語說如在空行近地下飛時過失故一切沙門立沙門者觀察此相第一勝相不應觀察彼月蝕相則非好相

又復有相若惡沙門立沙門者以日蝕相觀世間相日將欲蝕諸方則赤當有善者彼方則有膩風所吹清淨無垢无塵霧等見彼善相右旋行相相應之相彼善沙門立沙門者不相應見以妨坐禪讀誦業故此世間相

則非寂靜則非安樂如是如是若善沙門立沙門者欲得寂靜應當觀察出世間相觀菩薩日為一切智菩提當攝或於一劫或於二劫或於三劫決定當攝如是沙門見出世間菩薩之相所謂精進布施聞智赤色方相慈心憐愍一切衆生菩薩身赤當安隱者謂此菩薩第一功德皆悉具足一切智相當必圓滿當必說法諸方元垢无塵霧者離惡時過當有善者如來名稱臙風所吹如彼世間相師所見此出世間如是相師見未來相聲聞緣覺阿羅漢相右旋相者謂正觀察

又彼相師唯見如是世間法中生死之相當有不善則見諸方有赤黃色乾無臙色或見彼方无臙風吹有赤黃青暈輪日出在虛空中彼惡沙門觀如是相妨廢禪誦若善沙門出世相師為諸信人如是記說當有不善何者不善謂障正法見如此相如見彼方有赤黃色如是相者正法欲滅有如是相謂諸方人憂樂惡口妄語

兩舌殺生偷盜當有彼人乾風吹者
所謂惡名若有衆生非正法行惡名
風吹聞於八方四方四維皆悉普遍
以諸衆生不行正行作不善業惡名
風吹如是遍聞世間相師見赤黃青
暈輪日出在虛空中如是師者世間
相師出世相師見赤黃青暈輪日者
謂惡沙門惡婆羅門如是衆會非一
切智起智慢故自言我是一切智人
此邪見人非是實日非一切智立一
切智非好種姓凡姓中出彼如是人
邪見日出一切藥草園林樹葉悉皆
乾枯如是所謂一切善人正見藥草
園林盡乾如是如是此出世間正法
日出增長禪誦第一義諦光明勝智
如是觀察出世間相先觀察已然後
記說所謂為彼有信沙門諸婆羅門
諸長者等如是記說作如是言諸有
值遇正法日出皆應精勤作諸善業
莫於後時一切正法皆悉滅沒邪見
日出非是沙門自言沙門非婆羅門
言婆羅門非一切智言一切智諸惡
沙門惡婆羅門暈輪日出汝得衰惱

如是記說一切智法彼則相應是真
相師有大勝意有能思惟如是相者
不妨坐禪讀誦經律更異思惟世間
相者則妨禪誦山世間道出世間道
如是勝劣世間法者則攝生死出世
間法次第乃至到於涅槃今時世尊
迦葉如來而說偈言

離坐禪讀誦常喜樂占相彼捨離善法
不可得涅槃若捨離自法而樂他法者
彼二法失壞到於惡道處若人捨自家
而喜樂他舍人中輕被笑速令致貧窮
如是癡惡意智慢自言勝捨離自法已
而修行他法出家而邪命失法失名稱
人中輕如草未來入惡趣捨離寂靜法
而行於惡業彼人不久間因此失佛法
心怖望離欲无有餘怖望勤精進知足
如是名行禪若心喜樂欲常貪於飲食
是著袈裟賊不名為比丘若比丘說相
常思惟星曜近王放逸行非比丘相應
醫師畫師業聞惡法讚咏與惡者同處
則失比丘法憎嫉禪讀誦愛樂多語說
貪供養財利則失比丘法推求諸寶性
愛樂多知識覆貪餘財物退失比丘法

唯貪諸飲食 我慢不問他 怖望人讚歎
退失比丘法 若不近一切 捨離於惡眾
水草食知足 是名真比丘 得諸境界已
棄之如捨火 除斷我慢過 是名真比丘
內外俱寂靜 智光明莊嚴 持戒衣覆身
是名真比丘 遠離世間法 不動如須弥
一切世間愛 是名真比丘 三宿住城內
饒人處皆舍 止住山谷中 名解脫比丘
畏惡不近他 正行心不動 智審諦寂靜
是獨行比丘 不怖常愛語 捨離惡知識
不樂多所作 名解脫比丘 彼如是比丘
得脫於有過 知世間涅槃 等心不怖望
心常喜樂智 及以善寂靜 於生老病死
怖畏中得脫

如是比丘得阿羅漢若不尔者唯名
比丘為自妨尋墮於嶮岸此第六法
如是妨尋若善沙門不應為作

又復沙門立沙門者於第七法不應
為作何者第七所謂唯集飲食滿腹
此多貪瞋捨離一切禪誦等業唯在
大牀空坐而已眾僧所攝牀卧敷具
病藥所須虛妄受用奉在家時懈怠
懶惰畏諸作業是故出家唯貪食味

常同他會求望飲食或樂境界如是
比丘是死比丘所謂比丘不能坐禪
讀誦經律毀破淨戒自餘死者唯棄
其身毀戒比丘一切善法皆悉破壞
唯能坐牀心生憍慢自謂為好唯有
比丘形服而已其實無戒離於正戒
所言戒者謂之心戒彼不能持彼不
能作彼戒七種何等為七所謂口戒
比丘如是或於比丘或於俗人口不
共語唯除法事謂婦女人持戒比丘
除乞食行口不共語或為咒願作如
是言令汝得樂得涅槃等若見即時
見姊妹時唯看其足不看其面不看
其服及莊嚴等尔時世尊迦葉如來
而說偈言

手觸若風吹 此火久乃燒 見婦女火起
速燒不持久

是故比丘怖畏欲燒不共一切婦女
語言此是一戒又第二戒所謂不近
不善知識不於一處久時住止不取
多利捨多供養不捨病人不見妻子
隨於何處有多利養則捨而去畏生
貪故離破戒者不與同住如是七種

比丘不攝唯貪飲食於他財利於他
供養若見若聞則生憂惱如是思惟
我今當設何等方便得彼利養如是
思惟心生貪著如是心濁增長貪心
彼惡沙門一切善法皆悉破壞晝夜
常愁心不安隱而彼比丘見餘持戒
善行比丘為他供養生嫉生貪而便
往到彼檀越家諂曲形服少語徐行
心不寂靜外現威儀寂靜之相身披
納衣復與多人不持戒者以為朋侶
唯有貝聲而行惡法同伴相隨造彼
檀越現持戒相如是如是隨心所行
如是比丘彼檀越主謂其持戒如是
念言此等比丘第一持戒彼惡比丘
現持戒相令彼檀越心信敬已共諸
餘侶數數往到彼檀越家如是比丘
隨已所聞少知佛法共其同侶為彼
檀越說所知法如是方便欲令檀越
迴彼比丘所得利養而施與之如是
比丘形相沙門第一大賊到檀越家
方便劫奪他人財利及以供養如是
比丘見他財利見他供養生貪嫉者
不曾少時眼開合頃暫作善法彼惡

正法念處經第四十九卷 第三十五攝 美在右
比丘破戒沙門捨離坐禪讀誦等業
無一念間不攝地獄餓鬼畜生

正法念處經卷第四十九

癸卯歲高麗國大藏都監奉
勅彫造

正法念處經卷第五十

美

元魏婆羅門瞿曇般若流支譯

觀天品之二十九

夜摩天之十五

又彼比丘共已同侶於檀越家先所
相識持戒比丘以諂誑心說其過惡
或以嫉心說其破戒或以嫉心說其
元聞或以嫉心說其行相語檀越言
汝此門師毀破禁戒或說懈怠無聞
无智愚癡如鳥少聞少智彼惡比丘
向他檀越如是惡說恒常習近非法
境界何處得修禪誦等業彼空無物
不堅不實身壞命終墮於惡道生地
獄中今時世尊迦葉如來而說偈言
妄語言說者惱一切衆生 彼常如黑闇
有命亦同死 語刀自割舌 云何舌不墮
若妄語言說 則失實功德 若人妄語說
口中有毒蛇 刀在口中住 炎火口中燃
口中毒是毒 地上毒非毒 口毒壞衆生
命終墮地獄 若人妄語說 自口中出膿
舌則是泥濁 舌亦如熾火 此如是羅縛
地獄之前使 破壞法橋等 皆是妄語過
彼妄語之人 則非有父母 亦不能持戒

墮於惡道中 若人妄語說 彼人速輕賤
為善人捨離 天則不攝護 自不攝言語
速疾多瞋恚 心懷多語說 常受諸苦惱
常憎嫉他人 與諸衆生惡 方便惱亂他
因是入地獄

彼佛世尊迦葉如來如是已說妨廢
禪誦七種惡法彼惡比丘於持戒者
作不饒益是故天捨口中生刀為少
利故他實功德而說言无彼實无過
而說有過如是之人是惡沙門自謂
沙門妄語言說彼人如是常有惡意
惡行惡法彼檀越主後時知已心則
輕薄知其諂曲此第七法是故比丘
應當捨此第七惡法所謂怖望飲
食供養皆欲在已

又復第八障尋惡法妨廢比丘坐禪
讀誦是故沙門應當捨離何者第八
所謂採集種種寶性造作諸寶如是
比丘怖畏生死剝除鬚髮披服法衣
以信出家彼生死中多諸苦惱略而
言之有二種苦依陰界入在三界中
廣則五道又復廣者八大地獄餓鬼
畜生欲界六天於欲界中復有技條

種種諸苦於色界中復有心苦無色界中則有退苦故欲退時三昧則亂如是心者有無量種分別之苦彼善男子觀苦惱已心生厭離怖畏如是无量過惡剷除鬚髮披服法衣以信出家

又彼沙門復觀餘苦心生怖畏所謂身苦身苦二處謂欲色界隨有身處皆受苦惱彼色界中去何受苦謂於禪中疲倦故起起彼禪已身則疲倦彼欲退時身威德劣風觸其身如是風者本來不觸是故觸身則受苦惱唯除眼觸受樂无苦則是无記如是分別受苦不同依色身有彼善男子如是聞已知生死中一切苦惱陰界入聚和合皆苦

彼觀如是无量無邊生死苦已而便出家既出家已近不善人近彼人故同其作業聞寶性方畏何性故以信出家聞餘性故更生貪心或聞金性或聞銀性或聞寶性如是聞之不知厭足貪火所燒彼既燒已共惡知識行於山中從山至山從一山峯至一

山峯如是通行在隱密處貪火所燒
晝夜常苦無有樂時以何因緣如是
出家不念彼性思惟異性謂捨身性
而不思惟如向所說彼人如是心意
不正亂心意故妨廢禪誦失於善法
彼非沙門亦非俗人為求涅槃是故
出家性鬼所著則生貪心貪羅繫縛
入於地獄今時世尊迦葉如來而說
偈言

觀察身性者即是一切性 欲得涅槃者
調身性非餘 若捨離身性 貪著於餘性
彼人迷真性 不得脫苦惱 金性則不能
除捨諸苦惱 諦知真性者 得脫苦不疑
一切苦生苦 此苦難得脫 財於王賊火
一切皆怖畏 是故應捨物 如本來無物
捨離則受樂 攝取則受苦 諦知於身性
復諦知性相 喜樂於禪誦 能燒煩惱山
是故慧慧者 觀察身攝性 衆生知自相
則得涅槃樂

有智之人如是勤心觀此身性不樂
經營金銀等性此是一切在家之人
怖畏根本况出家人出家人者一切
捨離彼財物者一切怖畏非賣財物

如是得樂如是財者則非財物非財物性何者是物謂觀身性若捨身性而樂餘性非於禪誦勤精進也如是之人身壞命終墮於地獄故出家人常應修集禪誦財物不應求於世間凡物彼因緣故能增長愛是故知足第一財物餘財物者能令衰惱此第八法妨於禪誦出家沙門應當捨離又復第九障等惡法妨廢比丘坐禪讀誦是故沙門應當捨離何者第九所謂近王出家之人不應近王何以故近王沙門一切世人嫌不供養彼親近王惡沙門者怖望財物或城或村或多人處常求財物不知厭足若不求者徒近於王妨廢禪誦如是比丘發心欲行解脫之道而復返入繫縛道中是故比丘不應近王

又復比丘不近何者所謂比丘不近惡人彼是何人謂惡知識或時染著五塵境界所謂色聲香味觸等不善觀察懈怠愚癡住村中等一切除捨不近一切懈怠之人不近一切詭詐之人不近一切貪食味人不近一切

商賈之人不近一切屠獵師等惡命
活者不近一切本性妬人不近一切
邪見之人不近一切不審諦人不近
一切我慢之人不近一切平富貴人
不近一切博戲之人不近一切酤酒
之人不近一切嗜酒之人不近一切
酒肆之處不近樂見婦女之人不近
一切姪女主人不近一切儲畜雜貨
販賣之人不近一切厨宰之人不近
一切獄卒等人不近一切捕鳥之人
不近一切戲論之人不近一切信外
道人不近一切衆所憎人比丘不應
近如是人或與同住或共語言或同
道行一切不應何以故多人疑故若
出家人若離諸過清淨之人皆不應
近彼生疑者謂彼比丘亦同如是以
彼比丘或近彼人或同處住如是比
丘他過所汙是故不應近如是等何
况近王彼近王者寔為凡鄙尔時世
尊迦葉如來而說偈言

比丘林應住 近王寔凡鄙 著袈裟近他
如奴依主命 比丘非近他 尚不應近天
鵝不應近狗 以其淨潔故 无我無怖望

心不求一切怖畏生死者 近王則非善
住園林塚間 若平地若山 則是善比丘
近王則非善

如是種種无量方便捨離近王若近
王者諸梵行人悉皆呵毀所應近者
其唯智王如是近者畢竟寂靜近智
王故必得涅槃隨所得處皆悉不退
近彼智王則有方便謂於禪誦堅固
精進不作餘業妨廢禪誦親近尊長
修習知足其心調順常无貪求以近
尊長隨時諮問受持不忘於希有物
不求見聞不生奇特近智王者有此
方便令時世尊迦葉如來而說偈言
近尊長供養 隨時勤請問 修行施戒智
復親近智王 天人世間中 能示安隱者
非有中苦縛 世間之凡王 若无苦惱者
此乃名為王 若常受苦惱 不得名為王
比丘應近如是智王勿近凡王近世
王故妨廢禪誦若不禪誦復墮地獄
餓鬼畜生此是世間凡王境界是故
比丘知此過已常不近王住林之人
若親近王則非所宜故應捨離此第
九法妨禪誦故

又復第十障尋惡法妨廢比丘坐禪
讀誦是故沙門應當捨離何者第十
所謂比丘怖望請嘆貪樂食味既於
境界正修行已乃更後時在人間行
捨棄林野可愛之處復於人中處處
遊行如是比丘近於放逸家家村村
從城至城從多人處至多人處如是
遍行樂多言說妄行人中樂世俗語
樂見親舊親舊知識詳共請嘆得好
美食既得種種美味食已妄於林中
捨離禪誦放逸而行怖望飲食以常
貪著種種食故不覺身盡如是著味
怖望請嘆心以為樂

又若比丘於境界中不如法行眼見
好色心愛樂故則生染欲怖望樂見
轉復愛著於彼彼處心生意樂如是
比丘行於人中失自利益禪誦之業
如是失已常怖食味常到他舍眼見
色故心生愛樂如是次第耳聞於聲
心生愛樂鼻得香已心生愛樂如是
樂著一切境界為一切縛之所繫縛
為一切繫縛之所繫縛於一切欲隨逐
而行既非在家復非出家如是之人

身壞命終墮於惡道生地獄中是故
不應樂他請喚樂他請喚有如是過
是故比丘應觀此過不應常在人中
遊行若須行者有五因緣得行人中
一為病人推求醫藥資用因緣得行
人中二為饒益尊長因緣得行人中
三為佛塔自舍破壞修治因緣得行
人中四為饒益衆生因緣得行人中
五為他王破其國土欲化彼王救命
因緣得行人中為如是因得行人中
若无如是五種因緣行人中者是虛
妄行妨廢禪誦如是行者於老病死
悲啼號哭愁苦懊惱不能得脫彼惡
沙門立沙門者徒尔出家是故比丘
若心懈怠欲斷愛者心應正觀寂靜
諸根依憑尊長附近三寶攝心而行
攝三寶故拔斷一切煩惱使根尔時
世尊迦葉如來而說偈言

捨離禪誦樂 唯貪著食味 是則非比丘
其心如餓鬼 除禪更无樂 智者如是說
離於禪定樂 更无樂可得 愚人捨上樂
唯貪著諸味 如是癡惡人 則得衰惱事
若人無境界 常依境界樂 增長不善法

命終墮惡道 若人離禪誦 捨持戒布施
剛獲不調伏 有命亦如死 若順法行已
在世間不死 離法常愚癡 有命亦如死
雖有人皮覆 愚癡同畜生 以智燈光明
不照其心故 若受持戒者 可得名為人
一切破戒者 則如狗不異 若貪不布施
惡行不調伏 則不名為人 攝在餓鬼數
若人无戒智 復無布施寶 彼人雖有命
則與死不異 若行戒施禪 受持念三昧
是人亦名人 應為天所礼 有功德是人
无功德如羊 功德知功德 彼人則名天
如是功德功德者 知功德人者 一切
憂樂若无功德 彼常受苦 是故比丘
既聞如是勝功德 已不應貪味 此第
十法妨廢禪誦沙門之人 畏生死者
應當怖畏

又第十一障 尋惡法妨廢比丘坐禪
讀誦 是故沙門 應當捨離 第十一者
謂癡比丘 我慢心故 不請問他內智
不開外向化說言 一切智有一切智
故 我能說 我能解義 我能讀誦 一切
法聚 是我所持 百千法義 我教弟子
更無有人 與我等者 自心攝受 復為

他人作如是說彼唯智慢而實无智
彼人常為一切衆生說自功德是故
世間一切聞者皆生貴重一切世人
皆作是言此善比丘具一切智如是
比丘更無與等一切世人皆如是說
而彼比丘取無所解內實空虛无所
知曉心中無物猶如空器亦如秋雲
離於禪誦諸少智人之所供養唯修
禪誦持戒布施勤修精進攀緣善法
智慧毗尼調伏莊嚴安住佛法勤不
休息大悲熏心此是沙門所應行法
彼惡比丘內空无智如是意念若我
今者見彼比丘則示我法如是以丘
輕賤於我彼擅越家常供養我若就
彼學則彼擅越不供養我輕賤於我
是故我今隨自所知所解多少為他
宣說隨彼聞者解與不解我終不能
就彼而學如是內空畏他輕賤以慢
心故既自不解不請問他畏人輕賤
如是慢心妄語之人失五學句何等
為五所謂妄語彼未知故是以為他
妄語而說此是彼人破初學句又復
次破第二學句所謂偷盜彼不應受

他人供養彼檀越主為智慧故與物
供養而彼愚人少於智慧而取其物
如是癡人則是偷盜如是名破第二
學句

又復次破第三學句所謂比丘初出
家時所受學句依持戒住緣於持戒
起如是心我今出家而彼比丘若不
學問何有持戒為他說言我則多知
如是名破第三學句

又復次破第四學句所謂難問畏他
輕賤是故謗法而說非法言此是法
此是第一毀破學句如是名破第四
學句

又復次破第五學句所謂彼人不知
法故於同梵行所說正法言非正法
作如是言汝等一切不知深法汝所
說者非佛所說彼人如是謗他眾僧
作如是言唯我能知汝等眾僧一切
不知如是謗僧畏他輕故語眾僧言
汝說非法而僧說者其實是法彼惡
比丘如是則失正法功德取大妄語
身壞命終墮於惡道生地獄中不請
問他惡業因故

不請問他復有大過謂我慢心我慢
心故不入林中畏他輕賤於示道者
而不請問何者為道去何心緣何所
攀緣去何忘失復攝在心如是於他
不請不問慢心過故彼不能得如是
道故心生疲倦結加趺坐即余復起
作如是念此法虛妄彼諸比丘唐為
此業此非是道實元有禪無三摩提
亦无禪果無三昧果以我慢心畏他
輕賤如是誹謗彼邪見者身壞命
終墮於惡道生地獄中余時世尊迦
葉如來而說偈言

知時離我慢 請問於尊長 比丘勤精進
速得於涅槃 諸從他所聞 皆為他人說
自知離我慢 彼比丘諦知 離慢離大慢
知道知非道 如是知自他 是知足比丘
我慢心甚堅 心慢而愚鈍 怖財利供養
則不得寂靜

彼以如是不請問他慢故心堅不能
禪誦如是比丘常食他食以存性命
彼人唯有比丘形服名字比丘身壞
命終墮於惡道生地獄中或以心慢
不請問他是故學者乃至有命未盡

以來常請問他如是比丘心常安樂
身壞命終生於善道天世界中生彼
處已次第乃至到於涅槃以離慢故
又第十二障尋惡法妨廢比丘坐禪
讀誦第十二者樂多知識多知識名
作不饒益如是比丘唯增長愛若有
比丘多知識者則多妨亂多所作故
妨亂心意心意亂故不得禪誦出家
之人怨親平等猶尚不應近一知識何
況復有多知識耶若懈怠者唯名比
丘到他舍故即眼見時心則動亂眼
見色故眼識異本心不攀緣寂靜之
法不念觀察心不正直多有言說見
知識已次第聞聲心則亂緣有異觀
察心不寂靜不寂靜故不寂靜觀有
所攀緣若見知識一念亦妨況見知
識乃至久時是故沙門乃至不用有
一知識況多知識若有比丘近知識
者饒人處行從饒人處至饒人處如
是遊行念念命盡而不覺知則失善
分若失善分寂是自誑乃至不能於
一念間修禪讀誦是故比丘如是學
者增長染愛不應親近俗人知識

又若能令未來安隱示涅槃道導師
知識坐禪同行則應親近何者同行
所謂除滅一切煩惱至涅槃城此是
第一勝善知識餘知識者則是外家
非真知識以非真故則非知識若見
共語共行共業同有所作妨廢善業
若未來世得其力者乃名知識若示
梵行若令修行或教怖畏未來之世
示令怖畏生於地獄餓鬼畜生名善
知識令身口意造作惡業到惡道者
一切勿近尔時世尊迦葉如來而說
偈言

若示未來世 彼是善知識 若能遮惡處
復能救災禍 常說利益法 利益未來世
彼是善知識 作知識利益

此勝知識有無量種元量分別種種
說法非多飲食禮拜入舍非示愛聲
觸味香色得名知識如是知識非善
知識善比丘者應當捨離尚不應近
此一知識况復近多如是知識生無
量過若有知識於未來世作不利益
雖名知識實是怨家若有比丘近彼
知識則妨自業坐禪讀誦

又第十三障尋惡法妨廢比丘坐禪
讀誦是故沙門應當捨離第十三者
所謂比丘與惡同處一切比丘與惡同
處妨廢禪誦與惡同處凡有五種何
等為五所謂比丘善持淨戒第一善
法有正直心而與第一破戒惡人同
處止住不得自在此是第一與惡同
處又復第二與惡同處所謂比丘不
自在過或自在過與邪見人而共相
隨若村若城若多人處同行同住此
是第二與惡同處又復第三與惡同
處所謂比丘常自樂數親舊知識
欲往欲近與共相隨至在俗時先住
之家此是第三與惡同處又復第四
與惡同處所謂比丘畏他輕賤求知
見故到惡處住論師之所共相習近
此是第四與惡同處又復第五與惡
同處所謂比丘心意動亂不能正行
於先飲食或卧具等或先食來或先
飲來或先卧來近婦人來或於先時
所受用色聲香味觸如是種種憶念
思惟念境界處境界憂念之所破壞
餘一切處皆忘可避此境界處則不

可避以是第一最惡處故以於一切
禪誦等業取為妨故自餘惡處皆悉
可避唯此一處取不可避境界之樂
從自心起分別惡處取為難避唯除
坐禪三摩提樂正觀察念如是能避
尔時世尊迦葉如來而說偈言

不善觀察風所吹熾然火 彼正觀察雨
能令滅無餘 衆生先所起 久時无明暗
如起智慧燈 能令滅无餘 欲癡火能燒
地獄愚癡人 智者則不尔 是故得涅槃
如是十三法 智光明能除 是故畏過者
常應勤持戒 拔出自身中 三種過根本
以智慧大火 燒多煩惱薪

如向所說與惡同處應設方便一切
遠離出家沙門寧當獨行勿多憶念
亦莫懈怠本村本城本多人處過去
樂事勿憶勿樂勿念本時節會之日
饒人之處本曾遊行亦勿憶念怖畏
欲見亦勿攝受諸惡弟子諸惡知識
亦勿親近勿樂愛聲觸味香色勿生
染心勿不正行心莫驚動亦勿怖望
飲食敷具病藥所須勿著種種雜色
袈裟亦勿方便推搗令平若洗浴時

不以脚足指踏身體勿作種種開雜
言語如是燒滅無始閻聚極惡生死
五道是門六塵境界分別焰起地獄
餓鬼畜生之中常燒常炙一切世間
愚癡凡夫處處流轉燒炙失壞入苦
海中生死轉行猶不厭離捨行持戒
若人生天第一放逸後退彼天與先
間侶勝者離別生在地獄餓鬼畜生
受第一苦悔火所燒无有救者放逸
所壞悔火所燒生在地獄餓鬼畜生
以是等故諸有怖畏未來退者一切
皆應修行正法常不斷絕如是法律
一切如來應正遍知為放逸天斷除
放逸若人生天一切皆是持戒力故
若有善修善調伏心如是之人不得
言死身壞命終生於善道天世界中
汝等天衆一切未知生此天因戒之
輕重我為饒益示汝彼業是故說此
十三法門人天世間迭乎為因人世
界中則能持戒天世界中則不能持
人死生天若不放逸退生人中以是
因緣故說此經彼佛世尊迦葉如來
利益天人饒益安樂乃至涅槃如是

利益一切世間

尔時彼處半修樓陀夜摩天王并天
衆等深生厭離雖處於欲而於欲中
不行放逸皆悉成就不放逸行頂礼
世尊迦葉佛塔其心清淨彼一切天
如本來時還如是去

迦葉世尊第六經竟

此法名為六修多羅山樹具足地處
流行

尔時天衆一切皆出迦葉佛塔問於
天主半修樓陀而作是言天王云何
知此佛塔尔時天衆如是問已半修
樓陀天主告言汝等天衆一切皆聽
我有因緣先見此塔我於先時始生
此天放逸而行意樂境界五霸所縛
周遍行此夜摩地處五欲功德遊戲
受樂處處而行從一園林至一園林
從山至山從巖至巖從崖至崖從一
花池至一花池從一峯處至一峯處
多有無量百千天子為天女衆之所
圍繞彼天女衆无量百千服飭莊嚴
在天子前歌舞喜笑遊戲圍繞我於
尔時如是遍觀此天世間樂著境界

五欲功德心生歡喜愛心所牽我三處行皆不妨尋所謂水中在鵝背上從一鵝背至一鵝背次復在於鴛鴦背上從一鴛鴦至一鴛鴦次復乘鴨在於蓮花之中從一蓮花至一蓮花在水波中從波至波處處遊戲隨意而行無有障尋一切嬉戲歌舞歡笑心極受樂如是遊行

我既如是種種戲已復念餘戲謂處陸地乘於殿堂百千天女圍遶相隨從山至山從一山峯至一山峯從一山谷至一山谷從一園林至一園林從一山窟至一山窟我於今時在如是處行不障尋

如是次第在虛空中復乘堂殿百千天衆而為圍遶作諸天樂出妙音聲歌舞喜笑遊戲而行遍此一切天之世間見不可說種種異處多有七寶光明照耀勝妙之處如是山峯處處遍見有百千樹七寶莊嚴如是次第復見有河百千蓮華集在其岸處處皆有微妙蓮華我共天衆皆如是見

在虛空中如是下觀一切諸欲功德具足

此天世間百千種殿處處皆饒我常於中行无障導謂在三處水陸虛空如是遊戲種種受樂

我復有時遂見六山有六光明穿空而出焰色分明不知何物我時見已生希有心專念思惟此所見者昔未曾有為是何物如是念已即并行殿一切天衆遠疾前去詣六光明我既到彼六光明所并殿俱墮我先所有光明威德一切損減我於尔時心自思惟此是何物是何勢力令我自身并此天衆一切皆墮威德光明一切損減我於尔時既思惟已於天衆中有一舊天名无垢廣彼天先見如是六山六種光明而語我言天王今者莫有所畏王則无過此於天王無有不吉願王今聽以何因緣天王今者并此天衆空中而墮過去曾有无量天王曾於此處虛空中行不能得過皆如是墮天王先來未曾得聞以不知故欲如是過即便下墮威德光

明一切欲滅山之因緣我今為說此
處常有六佛如來應正遍知明行滿
足天中之天一切世間真實知見於
此山樹具足地中作六佛塔利益天
人此佛塔者是所應禮所應供養禮
拜供養无不得力何以故更無勝故
如是佛塔不可得遇以此因緣天王
今者如是下墮

我時告彼无垢廣言佛在何處彼无
垢廣即答我言今者悉無世間之中
一切皆无彼一切知一切悉見知欲
過惡知生死中諸苦惱已精勤修行
六波羅蜜劫數滿足三阿僧祇得一
切智入於涅槃此是略說欲得廣聞
見此佛塔更為廣說此六佛塔今者
在於山樹具足地處中住

我於余時聞彼舊天無垢廣言生希
有心見勢力已共彼宿舊无垢廣天
并諸天衆到六塔所到已思惟為欲
聞法度生死故入佛塔中入佛塔已
聞如是法彼佛世尊之所宣說時彼
天衆得聞天主牟修樓陀如是語已
各辭天王向自地去牟修樓陀夜摩

天王亦向先來自住之處說佛塔竟

正法念處經卷第五十

癸卯歲高麗國大藏都監奉
勅彫造

正法念處經卷第五十一

慎

北魏婆羅門瞿曇般若流支譯

觀天品之三十

夜摩天
七十六

又彼比丘知業果報觀夜摩天第七地處名廣博行衆生何業生彼地處彼見聞知或天眼見若人曾知持戒善心不煞不盜如前所說復捨邪欲所謂有人或到林中近妙聲鳥彼妙聲鳥迭手相於生欲心故出欲音聲雌鳥在前雄鳥在後相隨共行彼鳥翅羽有種種色一切見者心皆歡喜欲情內發而彼見已不生欲念心不思惟况復行欲彼人如是清淨持戒捨於邪欲持戒清淨身壞命終生於善道天世界中在廣博行地處而生彼處生已一切諸欲功德和集受諸快樂有勝園林銀毗琉璃青寶之樹大青寶樹蓮華色寶種種寶樹莊嚴園林種種寶池水流盈滿若人今作善業來者行此林中種種受樂所謂林者名赤色林於彼林中有諸天衆諸天女衆若入其中彼樹光明增長轉

勝種種妙寶莊嚴成就種種衣服若
諸天衆入彼林中彼樹光明普皆赤
色而彼樹林其色皆如赤蓮華寶或
作迦鷞檀那寶色樹色柔軟真珠鈴
網弥覆其上隨念生果隨念酒流如
意念行隨天意念何處受樂彼樹枝
葉即出種種勝妙樂音如是行去多
有天女共諸天衆并如是樹飛虛空
中隨心所向如鳥無異彼樹既飛在
虛空中皆如日出一切虛空普遍嚴
好又復彼樹名赤色樹水出如雨在
虛空中甚可愛樂彼鈴之聲天鳥之
聲天樂之聲如是種種勝妙之聲遍
滿虛空

時彼天衆見樹飛行在其面前天女
之衆所圍遶已同一樂心多有無量
百千天女共詠歌聲飛虛空中樹在
於前如示道者天衆在後與樹相隨
天衆如是隨心所念起如是意我於
今者上彼樹上如是念時彼樹倒迴
諸天即上有在枝上而遊戲者彼天
如是在彼樹上處處遊戲如是枝上
在枝住天隨心念時即彼枝上生蓮

華池天及天女在彼池中遊戲受樂
如是樹上住枝之天共天女衆在赤
林中遊戲受樂皆隨所念如是受樂
復有餘天業中住者若有所念即樹
業中出生妙堂於彼念時如是堂出
種種妙寶間錯莊嚴鈴網彌覆彼一
切堂有蓮華池而為莊嚴有真珠網
簾其戶牖天在其中共諸天女歌儻
遊戲彼此迭乎不相妨導共相愛念
如是諸天善業力故迭相親友無怨
無中此多親友是善業果大善業果
謂多親友亦時彼天迭共同心在赤
林中種種遊戲彼赤林中如是諸天
一切欲樂皆悉具足大勝業故隨意
所念虛空中行受無量樂

又復彼天不行虛空還向本處種種
流水滿蓮華池於如是處天女圍遶
遊戲受樂又復次向名稠樹林彼稠
樹林甚可愛樂林中有河河中乳流
如是乳河莊嚴彼林其乳勢力若天
飲者憶念往世於何處生捨命而來
於此處退生於何處若放逸行彼種
種苦無量種種苦皆憶念已心生愁惱

生愁惱故則離放逸離放逸已隨順
法行此大饒益飲彼乳味勢力所致
既飲如是勢力乳味而復入彼名稱
樹林林有種種流水河池而為莊嚴
有種種鳥在彼池中其鳥甚多樹枝
饒華以華重故皆悉下垂而為莊嚴
有七寶蜂其色平等飲彼華汁以自
適樂從蓮華池至蓮華池從一樹下
至一樹下彼樹一切皆毗琉璃蓮華寶
葉有金色果如是果者天中美味蘇
隨中勝如是果者是隨念果若須味
時則有如是美味果生食彼果已而
復歌樂行向餘處心生歡喜
復向飲林彼林之樹天酒流出美味
香色甚可愛樂不可具說離於醉過
如是勝酒從樹流出如雲雨墮彼天
飲已復更轉生勝歡喜心彼天如是
生歡喜已聞種種音飲天美酒受種
種樂復有無量光明莊嚴自身天女
迭共遊戲歌儔喜笑
又復次向蓮華龍林彼林之量五百
由旬五寶蓮華蓮華甚香以為莊嚴
蓮華龍林更無餘物唯除蓮華及有

諸龍彼蓮花中如是龍者迭互相於
欲心起發食彼蓮華衆龍一心迭共
為伴龍女圍遶在清水中水七功德
離水衣過離泥濁過離長短過於彼
觸中自意受樂如是如是龍自意念
如是如是隨意水生彼龍在中共諸
龍女戲樂之時亦如諸天共諸天女
受樂不異

尔時天衆見彼蓮華龍林之中諸龍
戲樂從空中下向蓮華林詠歌音聲
及諸天女莊嚴音聲龍在池中出聲
如雷普彼天處如一歌聲以彼天處
如是歌聲令諸山谷皆有響聲餘處
諸天聞其聲故一切皆來同向蓮華龍
林之所種種光明莊嚴其身饒天女
衆如是同向蓮華龍林

尔時彼天於先在彼蓮華龍林種種
遊戲復有餘天山谷等處異異處來
彼一切天迭相見已歡喜之心轉勝
增長如是諸天并天女衆及彼諸龍
并龍女等共在水中遊戲受樂彼天
天女龍龍女等如是受樂至於久時
如是遊戲歌儻喜笑彼天如是放逸

而行善業盡故命欲盡故彼天天女
善業福德欲盡之時若上蓮華蓮花
不勝如是蓮華沒於水中即便破壞
如是諸天若諸天女福德盡相如是
應知

又復彼天若彼天女福德盡相謂彼
諸天若彼天女以遊戲故上龍背上
龍不能忍墮彼龍背此是彼天若彼
天女福德盡相放逸行天放逸所壞
如是相出尔時彼天若有本來不大
放逸先知彼相知彼相故而說偈言
久時已過去欲到命盡時死時臨欲到
癡天不覺知而心不知足貪著境界樂
根不知足故增長境界欲五根樂境界
為欲破壞心福田業將盡癡天不覺知
此大運時輪常割衆生命轉疾臨欲至
癡天不覺知此死火甚惡為業風所吹
命盡時將至癡天不覺知生死有為中
無親無非親死罽甚可畏無能令免者
諸有死未來諸有命未盡皆應捨放逸
而作自利益死杖不久間必破衆生命
大力既來至能令命失壞境界癡所盲
遠離法燈明是故不見知大可畏死罽

癡者不能知怖畏於死時以心著境界
為愛所誑故退退而復生從道復至道
衆生癡所壞故受自業果甚惡而極速
能破諸世間云何於死時而不生怖畏
衆生豈無心為當是無畏如是癡不知
怖畏於死時退相極顯現如現見不異
如是知不久於天中則退

彼天如是見退相已諦知退相心意
慙慙不向其餘未退天說欲退天說
以未退者五境界中受諸欲樂恐其
不信後時退故何以故於境界中放
逸癡故或意迷故於彼天衆命欲盡
者若放逸者不應為說亦不應示介
時彼天如是知已嘿然不言捨蓮華
池向餘處去

彼天於後復樂境界受境界樂彼欲
退者大耋相出大畏相出癡不覺知
不懼不畏龍中遊戲在蓮華中共諸
天女彼處久時受快樂已復共如是
無量百千諸天之衆更向一山彼山
名為常樂鷄山到已欲上有天金銀
天毗琉璃天蓮華寶寂勝天寶妙門
之堂有百千數莊嚴彼山復有百千

勝妙蓮華而為莊嚴如是山中第一
勝樂一切具足百千樂音恣耳所聞
多著種種無縷天衣自身光明迭相
著面有妙色聲觸味香等如心所愛
而受快樂自意念行不可說樂皆恣
成就天河流水園林莊嚴見則生樂
彼天如是次第復上常樂騁山既上
山已有在堂中坐於床者有乘鵝者
有天在於蓮華臺上跏趺坐者天共
天女在鳩婆羅菜中而住種種嬉戲
若歌儻等五樂音聲坐受快樂其心
欲在虛空中行共諸天女處處遍看
於彼天處處可愛隨心所樂稱意
而去有處如焰金銀蓮華妙寶光明
有處多有鳩婆羅菜青色膩影有
處則是天毗琉璃青寶光明有處是
銀頗梨真珠光明可愛

次復有河有真珠沙出寶山峰有七
功德清冷水流見彼峰河有水旋流
其狀猶如真珠瓔珞如是觀察見彼
處已飛於虛空復見異處七寶蓮華
莊嚴水池無量蜂衆莊嚴蓮華如是
見已復觀異處有園林池甚為可愛

見有鳥獸獸種種色有銀色者有金色者寶角可愛蓮華寶眼真金色背兩脅白銀頗梨色甲背脚均平復有餘獸羣隊相隨七寶妙色皆無所畏羣羣遊戲自受快樂業所作故形殊妙以其業故皆食天食

又園林中餘處復見孔雀命名無縷鳥名戲論鳥名大眼鳥名動翅鳥如是等鳥群群遊行在山峰中出入園林園林中見既到如是常樂騁山臨欲上時見如是鳥彼山一廂則是青寶彼第二廂是蓮華寶彼第三廂則是金寶彼第四廂則是銀寶青寶廂處有妙寶堂名曰雜影堂中則有毗琉璃樹其華下垂猶如大蓋流水河池而為莊嚴蓮華之林乃有百千百千種鳥雜色莊嚴多有天女甚為端正正在彼堂中

彼第二廂蓮華寶處有名笑林彼林銀樹其葉是金有赤蜂羣無量百千羣鳥音聲有流水河河水有香微風徐動如是普遍莊嚴笑林彼第三廂金寶之處有妙寶林名樂寶林有頗梨

樹而為莊嚴其樹金枝枝網普覆有
無量鳥百千音聲有流水河而為莊
嚴彼處多有歡喜大眾歡喜天女在
中歌舞一切妙欲功德具足而為莊嚴
彼第四廂銀寶之處蓮華寶樹青色
寶枝而為莊嚴多有種種妙音聲鳥
多饒無量天及天女無量百千蓮華
莊嚴有無量種無量分別有無量種
隨眼所見見則受樂彼林彼樹彼
河彼水彼寶枝等彼蓮花池彼鳥彼
獸彼蓮華等種種色香種種形相甚
為端嚴常樂騁山處處皆有如是諸
天及天女眾乘空上彼常樂騁山普
彼山處一切皆見此勝念山有雜色
光彼天既見眼則樂著普欲上山共
天女眾五樂音聲五欲功德而受快
樂勤行善業樂修多作可愛善業持
戒善寶聖所愛果如是受樂皆欲上
彼常樂騁山臨欲上時名寶語鳥為
說偈言

此河水速流善業樂亦尔
癡者不覺知境界貪所誑
如是時來時死亦如是來
樂迷放逸故天癡不覺知
癡者無智故

不覺命已過亦迷於善業而受不可盡
衆生不離愛有中隨順行彼癡愛衆生
不覺善不善善果甚可愛若天受快樂
如是見不善在惡道苦處若捨善不善
復能離諸過則至不退處不死處
彼樂得解脫欲樂非得脫夜摩及餘天
業盡故得脫無常則不住常則為第一
佛望有中樂退墮不可樂

彼實語鳥為彼天衆欲上山者如是
說已彼天聞已於天衆中若其有天
不大放逸彼天則聞若放逸者以放
逸過是故不聞猶著境界彼放逸天
一切不取天鳥所說如是鳥語真實
利益時彼天衆復歡喜心向第一山
上彼山頂峯上有堂在堂而坐如前
所說彼一山峯名普見山彼普見山
一千山中最高最上是故彼山名曰
普見共天女衆上彼山頂種種樂音
歌憐受樂多有天衆及天女衆上彼
山峯見無量色善業所化光明水池
彼光明池有可愛水其水清淨中有
金魚見者眼樂水波亂動有鸚鵡鵲
鴨等鳥羣此種種鳥可愛音聲水中

甚多又彼水中多有蓮花拘婆羅耶
拘物頭華尼那陀花迦吒摩羅如是
等花遍覆池水有種種蜂出種種音
又復多有易陀羅華多有金珠而為
間錯其水清淨又彼如是可愛池中
復有蓮華名曰沐騁有百千葉一一
葉中出無量葉有蓮華葉青寶色
者有蓮華葉頗梨色者有蓮華葉黃
金色者有蓮花葉白銀色者有蓮華
葉是車渠者有蓮花葉迦維檀那有
迦剛華第一善香彼如是等異色葉
中各各有臺其色光明如初出日彼
種種臺有無量色無量色葉遍彼池
中所謂青黃赤白黑色臺白而赤其
香可愛滿一大臺尔時天衆從虛空
下向光明池下已入池池有金鳥天
既入池在鳥背上有天在於蓮花臺
上共多天女遊戲受樂有天在於拘
婆羅耶蓮花之上復有餘天在水中
者有在醵背入於水中而遊戲者有
在陸地共天女衆而遊戲者五欲切
德皆悉具足迭共喜笑遊戲受樂有
在堂中共諸天女異處遊戲同飲天

酒離於醉過現樂功德味觸色香皆
悉具足其中諸天有以珠器而飲酒
者所謂青寶銀寶金寶毗琉璃寶蓮
華色寶及頗梨等種種珠器有共天
女金蓮華葉而飲酒者有以開葉不
穿不破拘婆羅耶而飲天酒詠歌音
聲生歡喜者有天受用蘇陀之食色
觸香味皆具足者各各別別共自眷
屬種種受樂有於異處共諸天女五
樂音聲種種歌儻遶光明池而遊戲
者有共天女在於水中而遊戲者彼
水之味隨天念轉若天心念欲令此
水色香味觸若冷若燠善業力故應
念而有善不善業果報如是非有作者
又復彼天若如是念此水為酒令我
得飲即於念時皆是天酒觸味香色
皆悉具足離於醉過天既飲之增長
勝樂善業力故心生歡喜然彼諸天
自業力故如是受樂自業所化一切
於三界中種種戲弄愚癡凡夫不覺
不知如是諸天五欲功德皆悉具足
而受快樂於彼天中名實語焉為說

偈言

如油盡燈滅 身命亦如是 以本業盡故
天中必定退 如壁破壞時 依壁盡亦滅
如是業盡故 天樂則無有 天於彼天處
福業盡則退 一切法無常 衆生志破壞
皆無常不定 命速不久住 死力勢甚大
而天不覺知

彼實語鳥利益天衆以彼諸天善業
力故如是已說若彼諸天未於多時
放逸行者既聞鳥語於少時間正心
思惟若放逸者亦如不聞以亂心故
雖聞不受

於彼池處如是久受境界樂已各如
所乘向彼山頂共諸天女飛空而往
復見餘處有無量山種種形相一切
山中常樂勝山寂為高出復有一山
名平等聚復有一山名曰普見此三
山量於夜摩處一切山中寂為高大
天衆如是觀察彼山其山光明遍彼
天處天衆既見即得上彼常樂勝山
上已則見種種間雜諸妙寶樹金樹
銀樹毗琉璃樹莊嚴彼山彼樹根根
莖莖節節枝枝葉葉皆是七寶莊

嚴殊妙彼樹根基七寶莊嚴諸節次第寶別不同一節則是毗琉璃寶一節則是蓮華色寶次節銀寶次節金葉之寶次節則是迦鷁檀那彼樹如是節節各各莊嚴不同自從根基乃至於葉一切皆是七寶莊嚴

彼樹不遠復有寶堂行而不亂皆同一心如人世間日之光明彼諸天衆為戲樂故次向彼堂彼堂之數有千百千如心意量如意念行如意念作彼天之中有如是堂近彼堂處有蓮華池其數多少亦如彼堂如是蓮華節節次第七寶莊嚴

又於彼處復有衆鳥三功德行何等為三一是水行二是陸行三是樹行言水行者謂名鴛鴦泥盧睺大胡盧鵝鴨摩鳩羅等是水行鳥言陸行者彼山頂處出妙音聲謂名二枝名歡喜聲名一切忍有鳥名為一切鳥聲名一切時恒常受樂如是等鳥是陸行鳥天音聲中此鳥音聲取為美妙言樹行者謂俱翅羅名命命鳥名孔

雀鳥名鸚鵡鳥名普眼鳥不眇眼鳥
名普行鳥名實語鳥名知時鳥如是
等鳥是樹行鳥人中有半彼天皆有
於彼天中有如是等無量衆鳥種種
音聲如是天中三種行鳥出妙音聲
又常樂騁大山頂上更復有鳥行虛
空中身是七寶若彼諸天行放逸行
放逸壞時彼鳥說偈呵責之言

放逸所壞云為境界所誑愛心所迷亂
死王臨欲到凍著欲樂故不知善不善
一切衆生癡境界欲所誑行於種種道
造作種種業為種種心使流轉於五道
如是彼鳥見放逸天放逸行故已說
此偈而呵責之猶如父母調伏諸子
而彼諸天雖如是聞不受不取猶故
受樂遊戲歌儻乃至一切善業皆盡
則於後時退彼天處退天處已如自
業行墮於地獄餓鬼畜生若餘業故
生於人中同業處者則生第一富樂
之處有勝上意心常歡喜在好國土
迦那那洲若師子國富樂處生長
者家以餘業故
廣博行地第七已竟

又彼此互知業果報觀夜摩天所有
地處彼見聞知夜摩天中復有地處
名曰成就衆生何業生彼地處彼見
有人信佛世尊善心持戒不煞不盜
如前所說復捨邪淫於先所行共婬
婦女心不憶念彼善男子如是持戒
善意熏心身壞命終生於善道夜摩
天中成就處地生彼處已自業相似
而得果報所謂園林蓮華池水池有
種種鳥美妙音聲種種莊嚴妙身天
女而為園遶生如是等天樂之處五
樂音聲種種遊戲不可譬喻勝妙聲
觸味色香等而受快樂譬如水池有
五水漬皆悉是水在水池畔水入池
中不遮不碍如是如是五根受著五
受之身常隨五處不知厭足譬如五
處皆悉置火一切焰然風吹普熾若
以乾薪如是如是著五火中彼火如
是熾然增長如是如是此根愛然如
火增長憶念風吹不正觀焰境界乾
薪五根火焰如是如是此五根火得
境界薪如是如是根火熾然如世間
火飛蛾入中則被燒然如是如是若

有入於愛境界火則為所燒一切愛
著皆如飛虫不覺不知一切諸天如
彼飛虫為火所燒墮五境界共天女
衆園林中行從蓮花池至蓮華池從
蘇陀處至蘇陀處從飲酒處至飲酒
處從美音處至美音處從香花林饌
花香已次復往到勝香花林從一林
處至一林處見林眼樂復向其餘眼
見樂林如是通入諸境界火

彼山如活皮六見之如見命物彼諸
天衆如是見山如是如是處處普見
如火得醉其焰熾然如是彼處始生
天子見如是處七寶莊嚴見無量種
心則生樂見彼山處無量百千諸天
女衆如是天女甚多甚饒彼一切處
多有天女種種莊嚴遍滿彼處天衆
亦亦遍滿彼處歌舞遊戲迭共受樂
五樂音聲遊戲受樂若下劣天如是
種種莊嚴天女可有一万如是次第
三万二千如是次第有四万者有五
万者如是次第乃至百千諸天女者
余時如是諸天女衆於彼天子迭共
相愛不生厭心一切天女一一各各

作如是知天子愛我彼天如是愛於
欲樂不知厭足如火得酥焰起熾然
彼放逸行諸天子等園林樹木蓮花
池中於河水中可愛天女共受快樂
如是次第復於後時共彼天女入鵝
林中如是林者於彼天中猶尚希有
況於餘處謂彼林中有鵝莊嚴如是
鵝者在彼林住彼鵝銀翅有金翅者
蓮花寶足復有餘鵝蓮花寶足金寶
間腹有金身鵝背則是銀迦鵝檀那
勝寶之足其翼亦是迦鵝檀那復有
餘鵝頗梨為背背是車渠腹是青寶
足則是金復有餘鵝七寶雜身有鵝
純色謂如銀色有頗梨色有純金色
有車渠色有青寶色復有餘鵝大青
寶色復有餘鵝迦鵝檀那勝寶之色
如葉心盡如是受樂如是鵝者復共
勝妙端正雌鵝處處遊戲或在池中
如是遊戲如是次在蓮華林中山河
等中或於陸地蓮華林中柔軟地處
有種種華共彼雌鵝如是受樂尔時
諸天入彼鵝林多饒種種莊嚴天女
共彼天女遊戲受樂彼天既見如是

鵝已生希有心轉勝歡喜迴眼音音
如是勝林彼諸天女隨順天心既知
天子心歡喜已語天子言天今當知
此名鵝林如是鵝林甚可愛樂種種
寶樹光明殊妙有種種寶莊嚴此林
希有功德皆悉具足種種蓮花而為
莊嚴無量百千山峯莊嚴有種種華
莊嚴彼林如是種種名尚叵說有蓮
華池莊嚴彼林

於彼林中有鵝王住名曰善時鵝如
天主宰修樓陀住此天中彼善時鵝
乃是一切鵝中之王住此林中在名
廣池遊戲受樂

宰修樓陀夜摩天王恒常來至此鵝
王所共此鵝王種種遊戲勝共一切
天衆戲時所受之樂其餘一切諸天
遊戲皆悉不如共鵝遊戲彼天子言
以何因緣夜摩天王恒常共彼善時
鵝王而遊戲耶天女答言如是因緣
一切天衆皆悉不知天子今者如是
心念我今共去向彼善時鵝王之所
入彼林中乃至到池盡見林已見彼
天主宰修樓陀及見鵝王彼始生天

於天女衆如是聞已作如是言我今
共去到彼鵝王牟修樓随天王之所
亦時如是諸天女衆共始生天向彼
林間水池之中鵝王之所未至鵝王
已見種種天妙樹林多饒種種鳥獸
羣衆有種種色種種鳥獸鳥共雌鳥
獸共牝獸如所應食種種不同食天
根果皆七寶身在嚴勝妙中間平地
於樹林中窟穴之中若平地處或於
河岸蓮華池岸或在池中或山谷中
群群遊戲或出音聲彼始生天見已
心喜又生希有未曾有心眼則眴動
諸天女衆而圍遶之詠歌音聲如是
遊戲入彼鵝林

復於一處見孔雀羣在園林中彼諸
孔雀有咽起者有以咽項相揩摩者
如是露處種種遊戲復有孔雀七寶
之身在園林中屏處遊戲有共樹心
而遊戲者種種孔雀如天所應始生
天子共諸天女如是見已欲入鵝林
見多無量百千億數諸天女衆在鵝
林中復見餘林甚可愛樂所謂有河
第一清水普河兩岸多有諸天及天

女衆七功德水盈滿彼河所謂河者
名欲水河寂靜水河歡喜流河名酒
流河有河名為葡萄酒流有名隨稱
一切念水名鳥音聲可愛樂河彼大
林中如是河流彼岸行鳥飲冷水已
而說偈言

故業勿令盡 數數造新業 以本業盡故
則於天中退 若人造新業 三種三時生
故未盡造新 則不墮惡道 若畏未來世
不貪著現在 不樂過去者 不久間得脫
若心不動轉 苦樂不經心 彼智者捨身
餘處則得樂 若受故業樂 而不造新業
故業受盡已 癡者死時知 若彼癡心天
受行境界樂 若勤佛功德 不為欲所使
若有得如是 大過患之身 能不著現樂
則是智慧者 若不為欲使 畏過不貪著
復畏於惡道 則是勇健者 若心貪著樂
而不畏惡道 此癡愛樂行 由愛故退失
貪著於諸欲 得已心歡喜 修欲不得力
後時墮惡道 如電如陽焰 如軋闍婆城
如是說欲惡 能誑惑一切
彼岸行鳥見始生天放逸行故如是
說偈彼始生天新著欲故雖聞不受

亦時彼天聞彼鳥語既不受已復入鵝林更受無量境界之樂始著欲故鵝林勝故雖聞不取如是鵝林枝網覆故實與不實一切不知

彼鵝林中見寶珠林遠處遙見第一光明復有百千光明羅網其處諸天尚不能看況下地天三十三天四天王天而能看耶彼天珠林如是光明若天欲發如是寶珠為作堂舍行虛空中珠內有孔天坐其中飛行虛空遊戲受樂以善業故珠為堂舍行於虛空如是珠中有天園林蓮華水池種種樹林分分地處多有山峯饒鳥音聲如是彼天在虛空中音聲娛樂六欲功德一切成就遊戲受樂

正法念處經卷第五十一

癸卯歲高麗國大藏都監奉
勅彫造

正法念處經卷第五十二

慎

觀天品之三十一

夜摩天之十七

光觀婆羅門瞿曇般若流支譯

又復彼天若心有念欲下虛空即心念時共諸天衆從空而下下已還至自住處住如是寶珠還復如本有大光明彼諸天女為始生天如是說已
尔時如是始生天子為欲繖縛復樂境界向寶珠林見不遠處有黃赤白無量百千種種光明滿珠林中彼寶珠林不遠之處則有鵝林尔時如是始生天子於天女邊如是聞已向寶珠林共彼天女如是往到既前到已見珠光明乃有無量當尔之時始生天子如是憶念如彼異天入寶珠林虛空中行遍見天處我亦如是入寶珠林如是而行即於念時隨心所念珠為堂舍在虛空中彼始生天空中見已共天女衆入寶珠堂如自善業見彼堂中種種可愛彼寶珠中有流水河蓮華水池園林山峰滿珠堂內眼見心樂

復於諸處見有諸鳥鳥聲可愛彼如是處有種種色形相香華復見異處種種鳥獸有河平岸有河峻岸皆志可愛在彼河邊復見異處多有天子及諸天女歌舞喜笑遊戲受樂彼如是處諸園林等一切皆如向來所說天子始見共天女衆遊戲受樂放逸而行愛不知足又行異處次復行到蘇陀食處為食食故如自善業相似得食食彼食已為境界火之所燒然復向酒河共諸天女愛波所漂去向彼河飲酒地處到彼處已乃以珠器盛酒而飲彼既飲酒歡喜之心轉更增長愛境界火之所燒然為五境界之所迷惑復共天女歌舞遊戲彼處如是受天樂已復向水池蓮華之林為欲在彼池中遊戲共天女衆受諸欲樂是故向彼蓮華池林到已復更受境界樂共諸天女水中遊戲第一勝樂不可譬喻受如是樂又復欲發惛望欲樂欲聞音聲貪著境界五樂音聲心念惛望聞天女衆歌詠之聲五樂音聲聞已心樂不可稱說

更無異法可以為喻彼受如是五欲
功德種種勝樂不知厭足以有愛故
愛不知足如火得薪無有足時如是
欲者欲不可足常無量種無量分別
而受諸樂於長久時既受樂已而復
更於鵝林之中珠堂上坐共諸天女
下彼珠堂在鵝林中而復更見未曾
有處如是如是見彼處已如是如是
心生喜樂如是如是種種見已而於
境界猶不知足如是流水蓮華河池
園林等處若天天女見無量種五樂
音聲如是遊戲又復鵝王住寬廣處
天共天女向彼鵝處如是彼處見種
種天無量百千歌儻遊戲而受天樂
更無餘物可為譬喻形世間曰如螢
火蟲唯除光明更無譬喻彼處如是
不可譬喻境界受樂彼受樂天譬喻
叵得人世界中第一美味所謂蜜味
合藥之酒甘蔗肉等閻浮提中此味
第一一切和合於赤蘇陀如極苦味
藥味不異人中勝味於彼天味如是
劣減如是味勝少分譬喻天中之味
不可譬喻彼天之香亦不可喻如人

世間第一善香謂栴檀香若沉水香
末香塗香瞻波迦華尼居私帝蘇摩
那華如是軋陀婆離師迦憂鉢羅華
拘物頭華尼朱羅等此一切華皆悉
和合猶亦不如天中之華於彼天中
桂婆色華十六分中不及其一如是
天中香亦如是不可譬喻又彼天中
觸亦如是不可譬喻人世界中一切
國土平等勝觸謂憍奢耶綃及烏拏
若刳貝等如是種種彼人中觸一切
和合於彼天中極微劣觸謂金窠堅
猶勝人世界中所有勝觸於天下觸十六
分中不及其一如是天中所有諸觸不
可譬喻又彼天中聲亦如是不可譬
喻人世界中第一聲者所謂琵琶等
笛篳篥篳齊鼓歌等如是諸聲一切和
合猶亦不如彼天之中莊嚴具聲於
彼天中莊嚴具聲十六分中不及其
如是天中所有音聲不可譬喻
如是譬喻唯可得與四天王天以為
譬喻若於第二三三天則非譬喻
於夜摩天亦非譬喻人中欲樂唯可
得況四天王天所受欲樂四天王天

所受欲樂唯可得況三十三天所受
欲樂三十三天所受欲樂唯可得況
夜摩天中所受欲樂如是次第業力
勝故六欲天中次第轉勝諸天境界
意亦如是天樂轉勝意地之樂有無
量種一切和合如是天子彼鵝林中
遊戲受樂次第漸前遂近鵝王見彼
鵝王在廣池中種種遊戲共彼雌鳥
住蓮華林天衆圍遶彼大鵝王有一
蓮華一由旬量七種蓮華金剛為頭
其觸極軟及香色等不可譬喻無量
光明從華而出有百千葉彼大鵝王
在彼如是蓮華中住於節會時節會
之時夜摩天王半修樓陀并天衆等
鵝為說法彼鵝王者以願力故生夜
摩中如是利益生夜摩天為夜摩天
如是說法令離放逸尔時如是始生
天子次第漸前往到廣池善時鵝王
既見如是始生天子為說偈言

以有渴愛故於欲不知足由心動諸根
不覺時已過所受著欲樂無常法所攝
以樂見婦女不覺時已過為愛所迷故
繫屬於生死如是愚癡者不覺時已過

為欲奉心故沒在癡闇中 瞋所繫縛者
不覺時已過 繫縛在地獄 不生厭離心
放逸毒所迷 不覺時已過 不調不知著
恃姓生憍慢 心貪不知足 不覺時已過
五繩網所縛 六法之所迷 三時中常癡
不覺時已過 不知惡趣道 惡羅所破壞
若有如是心 不覺時已過 初得欲則樂
後則不利益 以心著欲故 不覺時已過
不知前世苦 而樂著天樂 未知愛別離
不覺時已過 為業網所縛 如魚在網中
是故失善道 不覺時已過 愚癡者無心
不知有過患 沒在於癡闇 不覺時已過
眾生業羅縛 獨而無伴侶 見天女故迷
不覺時已過 乘騎諸根馬 迷失於善道
貪著三界味 不覺時已過 不知戒非戒
或復多瞋恚 失意亦失道 不覺時已過
不知利益不 迷於作不作 如小兒戲拈
不覺時已過 如河水速流 在園林地處
常受欲樂故 不覺時已過 在山頂堂中
若在蓮花林 常受欲樂故 不覺時已過
於業業報中 未曾有知解 唯貪著食味
不覺時已過 業風之所吹 常在此三界
流轉猶如輪 癡故不覺知 常在於惡處

上高累繩上如是愚癡者不勤捨離過
若能捨離欲是第一精進離一切惛望
則無諸煩惱彼初中後時若得佛法已
寂靜修行故是無煩惱者若得於欲樂
彼樂必破壞因欲得苦報知欲非勝法
是故有智者心不樂於欲彼則能斷除
生死苦因緣

彼大鵝王為始生天如是說偈毀訾
欲法如是說故彼始生天漸漸前進
近於鵝王彼始生天雖聞勝法而心
不受境界迷故漸近鵝王而不攝法
猶著境界受諸欲樂現見鵝王在水
中戲入蓮華林割取蓮華共天女眾
擲而拚之善時鵝王而語之言此安
隱語而不肯受汝於後時為何所得
尔時鳥鵲始生天子復聞遠處有勝
妙聲勝於天聲聞彼聲已心生愛樂
其聲普遍琵琶篳篥齊鼓笛等如是
種種可愛音聲尔時彼天在廣池邊
種種遊戲既聞聲已一切迴面向彼
聲聽尔時遠見有百千堂周匝圍遶
天歌音聲甚為可愛聞者欲發端嚴
殊妙如星連月如是如是堂行圍遶

或身光明周而輪行一切天衆見之心樂百千天女詠歌音聲夜摩天主在百千葉七寶蓮華臺上而坐無量天女之所圍遶為聽法故向彼善時菩薩鵝王所住之處

今時鵝王善時菩薩見已遶迎共餘雌鵝并餘雄鵝無量百千勝妙七寶間錯其身一切同時皆在虛空飛向天主今修樓陀復有餘鵝詠歌音聲如是二王一是鵝王二是天王迭相敬重出美妙語迭相問訊鵝王善時以本願故為夜摩天除放逸故生夜摩天善時王言天王久時不來在此廣池之所我於餘天聞如是言今修樓陀夜摩天王不放逸行共諸天衆在彼山樹具足地處看六佛塔禮拜供養化力書經在彼佛塔讀說彼經示諸天衆此因緣故我今來迎汝於彼處說法之時我亦在此廣池之側為遊戲天如應說法謂第一義寂靜安隱能除放逸畢竟利益以此因緣我今如是來迎天王我以愛法離於憍心敬重故來

彼時如是半修樓陀夜摩天王聞是語已作如是言鵝王普為饒益一切夜摩諸天利益一切夜摩諸天故在此處今共迴還到廣池所說是語已半修樓陀夜摩天王無量天衆諸天女衆之所圍遶善時鵝王無量百千鵝衆圍遶如是二王各并其衆彼此和合於虛空中種種音聲心皆無垢猶如寶珠於放逸地不放逸行有大威德共向廣池到廣池已彼廣池所一切天衆既見天王暫止放逸不作音聲不相娛樂不於水中種種遊戲生敬重心

夜摩天王知彼天衆心調順故語鵝王言善時鵝王此時取善今可說法天衆見我心皆離慢并天女衆一切無慢可為說法余時鵝王自念今生曾於往世有佛名為迦迦村陀於彼佛所聞諸法門所聞法中唯以一法為天衆說語天王言天王善聽我今為說有五種法若天若人放逸行者是根本過何等為五謂放逸者其心則亂意念異法口宣異言若有所說

不實無義前後相違動轉不定他則不受何以故以其放逸心動亂故自不能知為何所說為誰而說彼則輕毀彼則不受以如是故則於一切便為自輕是放逸過放逸過故墮於惡道於三惡趣隨相應生此是初過

又彼放逸有第二過何者第二所謂不知應作不作放逸意故不知何者是所應作不知何者所不應作不知何業不知何果以不知業故不知果彼愚癡者迷業果故身壞命終墮於惡道生地獄中以放逸故得如是過此第二過

又彼放逸有第三過何者第三若人若天以放逸故近惡知識不敬三寶不求於智不敬尊長於過功德不覺不知於生死苦不生厭離不知雜業謂種種業不能翹勤常喜睡眠不能持戒身壞命終墮於惡道生地獄中以放逸故得如是過此第三過

又彼放逸有第四過何者第四謂於天中若於人中即初生時命行不住即生即滅善業亦亦生已即盡死王

欲至共誑放逸彼必別離此有四法
必定離別何等為四一者少年二者
安隱三者壽命四者具足如是四種
必定離別智者常觀如是四種若放
逸者則不能知若天若人放逸行者
一切不知以不知故墮於惡道以放
逸故得如是過此第四過又彼放逸
有第五過何者第五謂於第一不可
信處而便信之不可信中取叵信者
所謂婦女而愚癡者信於婦女彼愚
癡者雖信婦女然彼婦女於其不信
乃至命盡心不離誑一切婦女皆多
諂誑皆多幻熱多垢破壞其心多悞
破戒心濁如是等過一切婦女心皆
不離如火之熱一切婦女不離此法
若愚癡者信彼婦女唯有語言然無
一實以愛貪故為欲所牽是故近之
如是略說放逸之行五種過患如是
五過不離放逸是故天人應捨放逸
此放逸行障涅槃門放逸行者身壞
命終墮於惡道生在地獄餓鬼畜生
以放逸故得如是過此第五過是故
智者應離放逸若捨放逸有五功德

何等爲五所謂正行心意正信作所
應作不應作者則便不作恒常用意
於一切時皆作利益捨離放逸如素
不異善知三世此不放逸寧初功德
不放逸故得此功德

又不放逸第二功德何者第二謂知
輕重近善知識常行善業遠惡知識
不作惡業以彼惡業善人嫌毀若見
惡人則皆捨離見功德人則便親近
如是修行善意行故不入惡道此不
放逸第二功德不放逸故得此功德
又不放逸第三功德何者第三所謂
謹慎乃至捨命不屬婦女不信其言
常一切時形相可見一切婦女有二
種縛繫縛世間唯見其色不信其語
彼有智者如是如實觀察婦女如是
如實正觀察已雖見歌儻喜笑遊戲
莊嚴具等心不貪著一切放逸皆因
婦女一切婦女是半放逸若有能離
婦女放逸則能渡於生死大海人世
界中人皆說言不放逸者得名好人
此不放逸第三功德不放逸故得此
功德

又不放逸第四功德何者第四所謂
謹慎不放逸者謂於富樂欲等不信
觀知無常作如是知此欲無常轉動
不定則不可信不久破壞不久失滅
如是不信安隱之事故不放逸一切
安隱為病所壞如是於少亦不生信
一切少年為老所壞是故於少不生
慢心如是於命亦不生信不生慢心
不作惡業何以故必為死王所劫奪
故是故不信一切有為生死之法以
不信故不放逸行此不放逸第四功
德不放逸故得此功德

又不放逸第五功德何者第五所謂
恒常親近聖人愛樂智故歸依三寶
聞法思義彼臨死時不生怖畏以知
死相知退相故不生怖畏聞義天子
則知退相人欲死時則知死相如是
知故知生惡道知生善道作如是知
我生善道我生惡道若臨死時惡道
相出則能方便令心清淨心清淨故
惡道相滅善道相現此不放逸第一
勝果甚為難得諸親善中此亦取勝
此不放逸第五功德不放逸故得此

功德尔時彼處善時鵝王頌彼如來
迦迦村陀佛所說偈言

已離欲如來 讚歎不放逸 毀訾放逸行
所至生死處 不放逸解脫 放逸故受苦
此放逸繫縛 愚者不能斷 不放逸善人
則生於天中 於天中放逸 故退時心悔
一切放逸者 生死不得脫 放逸第一羅
能縛令流轉 作所不應作 不作所應作
一切放逸者 所作皆顛倒 尚不作世法
何況出世法 是故諸智者 不讚放逸行
以是故不應 行放逸之行 如是放逸行
是惡道初使 若有能捨離 苦惱之藏處
如是勇健者 能渡有大海

善時鵝王為彼天主牟修樓陀并諸
天衆如是已說過去舊法利益天人
又彼鵝王現為天主牟修樓陀復更
說法作如是言有五種法對治沙門
放逸之行何等為五所謂一切放逸
行者皆受苦惱如是之人隨何放逸
能致苦惱捨彼放逸知彼過已修行
功德捨離彼故無不饒益不受苦惱
不善惡業則不增長修行正行此是
沙門初對治法放逸對治

又復沙門第二對治對治放逸何者
第二謂見實義實見之人一切心意
皆悉決定如實而見如實見故不行
放逸以如實見放逸過故此是第二
放逸對治

又復沙門第三對治對治放逸何者
第三所謂親近不放逸者受戒持戒
如彼所行如是而行如彼所作亦如
是作於持戒者常與同處於破戒者
捨而不近是故放逸一切皆無此是
第三放逸對治

又復沙門第四對治對治放逸何者
第四謂求智故常近智者常樂智者
捨離放逸近不放逸如是謹慎不放
逸者樂近苦遠彼善男子恒常如是
不放逸行此是第四放逸對治又復
沙門第五對治對治放逸何者第五
所謂有王若王大臣執放逸者與其
罪罰或斷其命或時盡奪一切財物
或時與杖或截其手如是種種與放
逸者異異刑罰彼既見已心生怖畏以
怖畏故捨離放逸不放逸行如是對
治捨離放逸以見他人受如是罰生

怖畏故隨順法行畏行放逸墮於地獄是故不作一切惡行此是第五放逸對治如是放逸於天於人則非安隱彼多天衆聞是經已捨離放逸卒修樓陀夜摩天王既聞鵝王所說經已起隨喜心復共天衆飛昇虛空如其本來還如是去自餘諸天有在廣池更受樂者有向林中而受樂者既入園林種種受樂如是乃至愛善業盡善業盡故於彼處退彼處退已如自業行或墮地獄或墮餓鬼或墮畜生若以餘業生於人中則生第一富樂之處黠慧利根多所知見有智慧命以有智慧是故大富為王所愛以餘業故成就地竟

又彼比丘知業果報觀夜摩天所有地處彼見聞知復有地處名光明園衆生何業生於彼處彼見聞知或天眼見若善男子曾聞法義受戒持戒正見不邪不惱亂他心意正直不煞不盜如前所說復捨邪淫畏邪行故乃至不觀畫婦女像常行善業善修

淨命如是之人身壞命終生於善道
天世界中光明園處生彼處已善業
力故天妙境界五欲功德種種受樂六
根所使樂見園林如是如是見種種
法如是如是六根增上以增上故則
能駢使地處平正第一柔軟七寶開
雜甚可愛樂彼地之中若有樹生觸
極軟滑金果銀菜勝觸香味皆悉具
足如是天果如意出香如意生味
彼處諸天若有是心欲令彼果如意
出酒即有觸香色味具足天之美酒
從果流出在於樹下時彼諸天共天
女衆執珠寶器承而飲之如是天酒
有下中上香味觸等業無量故如彼
業因如是得酒有下中上又復餘天
有無量種受五欲樂為放逸燒樂見
園林歌舞喜笑處處遊戲相隨而行
向彼園林如是如是隨所行道見異
異種微妙之色彼所得味有無量種
無量分別種種勝味彼所嗅香有無
量種無量分別種種妙香與心相應
彼憶念觸有無量種無量分別受樂
相應天妙之觸彼天所聞天妙音聲

有無量種無量分別心樂相應聞已
歡喜第一持戒勝善業故五欲功德
皆悉具足而受樂行彼天如是受樂
行故乃經久時如是受樂不知厭足
復更遠見名心樂林無量百千寶樹
莊嚴彼心樂林如是可愛枝葉根莖
各各別別一廂銀林其白如雪名銀
樹林其光猶如閻浮提中月之光明
彼一樹端嚴殊妙天若見者心則
受樂又復一廂赤色猶如迦鷁檀那
甚赤無比有赤光明其葉亦赤如是
葉等和合成林如是赤林極為可愛
彼林赤故遍照虛空一切皆赤又復
一廂名常樂林其林一廂有青園林
其林普青青影光明彼林一廂如是
光明端嚴殊妙如閻浮提虛空不異
是毗琉璃寶之光明如是彼處名常
樂林復次一廂是頗梨林光明清淨
根莖枝葉多有無量流水河池皆悉
具足又彼大林次復一廂青寶樹林
根莖枝葉青色光明於樹枝中有種
種鳥鳥種種聲多有種種妙蓮花池
而為莊嚴彼天園林如是光明端嚴

勝妙

正法念處經卷第三

第十九章

五

尔時彼處光明圍地一切諸天自身
光明為欲遊戲受諸樂故向心樂林
於彼林中遊戲受樂愛林所繫五欲
功德受天快樂不知厭足又復遊戲
種種受樂入心樂林彼林之內有種
種色有種種味有種種香花果具足
多有妙蜂莊嚴其林處處普遍又復
多有可愛鳥衆種種可愛妙蓮花池
種種可愛樹枝屋舍散華遍地地觸
柔軟甚可愛樂多有無量百千天衆
是故彼處如是端嚴樹枝屋舍多有
蓮華流水池河種種山谷多有諸樹
歌儻喜笑種種遊戲莊嚴具聲猶如
歌音微風動林枝花垂挑是故彼林
如是嚴好尔時彼天入彼林中轉勝
歡喜復更歌儻遊戲喜笑迭共受樂
於一切時心樂境界其心恒常念行
放逸

彼諸天衆如是受樂乃至久時復入
七寶曼陀羅林彼林可愛林中取勝
猶如山王所有光明勝百千日繞蓮
華池以為莊嚴曼陀羅林有孔雀王

名曰雜色種種七寶間錯斑雜所出
音聲普遍彼林實是菩薩以願力故
生彼天中為放逸天除放逸故見彼
諸天五境界火之所燒故住樹枝中
勇猛無畏生憐愍心告彼天言此諸
天等多放逸行不慮後退此樂欲盡
無常不住一切天樂速疾已過如山
中河其流迅速而不覺知心常著樂
以惡受故尔時雜色孔雀鳥王而說
偈言

所作如夢見 住處如見焰 城如乳闍婆
天如是著欲 天為愛所生 終竟必破壞
謂樂不可盡 天如是著欲 樂不久則失
如河流速過 為欲城所誑 天如是著欲
如風吹動水 彼水中見月 猶如旋火輪
天如是著欲 如電之流動 如塵愛之焰
如水沫不堅 天如是著欲 如芭蕉葉動
又亦如鳥耳 不善人所愛 天如是著欲
如金波迦果 如有食鐵鈎 如幻之無常
天如是著欲 皆虛誑無物 暫時不停住
初時味則甜 天如是著欲 唯放逸一味
是有縛之因 速使入惡道 天如是著欲
愛惡物謂好 常可畏常妨 如毒如刀等

天如是著欲

彼心樂林如是孔雀名雜色王為調
伏天如是說偈善意願故於天中生
彼孔雀王用人中物以為辟翳為天
衆說何以故今天聞已憶本生故以
憶本生知業果故修行無常修無常
故不放逸行是故雜色孔雀鳥王以
中喻為天說法說何等法謂無常法
為說欲過說欲無常

尔時有天聞所說法憶本前生以憶
本生知業報故於少時中不放逸行
生於善意彼天少時生於善意不放
逸行少時利益少時安隱種未來世
無量百千安隱生處善業種子是故
菩薩雜色鳥王說如是法尔時天衆
猶故著樂入彼林中以蓮華鬘莊嚴
身首自身光明莊嚴其身五樂音聲
種種受樂於彼林中無量河池水流
盈滿具足莊嚴天衆見已放逸而行
於生老死不生怖畏歌舞遊戲不知
厭足更入餘林彼林名鬘鬘林之樹
無量百千其樹枝華種種異色間雜
不同有無量種形相色香種種妙花

枝枝具足如是妙華大小均等希奇
得所於彼林中有七寶蜂其音可愛
在彼華中共天遊戲彼諸天等取彼
華鬘共天女衆相擲嬉戲天及天女
本自端正以著如是妙花鬘故十倍
勝本迭牙一心於彼林中遊戲受樂
折取花枝其花香氣遍五由旬有十
由旬二十由旬三十由旬如是彼林
天香具足無量種花和集而有
尔時彼天如是遊戲受諸樂已復向
酒河河名歡喜其河甚大彼酒音聲
醴味香色皆悉具足在河而流彼天
見已坐河岸上取而飲之彼復有鳥
名為常樂見彼諸天在歡喜河而飲
酒故為說偈言

没入放逸海 貪著諸境界 此酒能迷心
何用復飲酒 為境界火燒 不知作不作
園林生貪心 何用復飲酒

彼常樂鳥見樂酒天在河飲酒為調
伏故如是說偈彼天聞已猶故飲酒
不休不止心生歡喜自身光明周圍
如鷗復以花鬘莊嚴身軀飲酒遊戲
不知厭足五欲功德五樂音聲歌儻遊

戲次第復向華枝舍林悌望欲樂故到彼林共天女衆歌儻喜笑

今時彼天見彼樹林衆花具足心生歡喜以先聞故見則歡喜如是勝妙可愛園林有七寶蜂而為莊嚴天衆見已生希有心迴眼普看不生厭足彼天女衆皆亦如是見五千種百千分別華舍具足彼諸天女見則入中歌儻遊戲而受快樂彼樹枝葉甚可愛樂密覆如屋彼衆樹枝是種種寶所謂枝者毗琉璃枝金葉所覆若金枝屋毗琉璃葉之所覆蔽迦鷁檀那妙好色果具足而有迦鷁檀那青寶樹枝銀色葉覆若頗梨樹金果具足若彼有樹迦鷁檀那以為枝者青寶葉覆金果具足若頗梨樹頗梨枝屋金葉密覆大青寶果具足而有隨念莊嚴皆悉可愛蜂衆圍遶音聲美妙遶華枝屋彼枝舍內如是嚴好天欲受樂則入其中以善業故

又枝舍外種種具足有蓮華池蓮花金葉皆毗琉璃青寶為鬚白銀為臺周遍林外無量蜂衆而為莊嚴鵝鴨

駕鵞迦曇婆羅出妙音聲聞者心樂
是故彼林甚為微妙彼蓮花林其外
華池如鵝不異寶花枝舍周圍彼林
處處普遍

蓮華輪外復有樹林如是林者有鳥
獸住心皆歡喜有在樹下依樹坐者
有遊行者在林中食天美果華根
等者果花根等有第一色香味觸等
和合具足如是鳥獸雄雌牝牡皆各
相隨又彼鳥獸聞天歌已開眼張耳
羽毛皆豎歡喜心樂又彼鳥獸雄雌
牝牡各各相隨在於樹下柔軟觸地
迭相看面而受快樂或共遊戲
諸獸嚼咽牝牡同處迭相看面共受
快樂其身皆是七寶間雜在於林中
如是受樂

正法念處經卷第五十二

癸卯歲高麗國大藏都監奉
勅彫造

正法念處經卷第五十三

慎

觀天品之三十二

夜摩天之十八

元魏婆羅門瞿曇般若流支譯

又復彼鳥種種形相見者愛樂種種
憶念種種受樂所謂樂者有銜蓮花
耳聽歌音周迴而行雄雌相隨而遊
戲者有鳥羣住縱身任縮聽彼樹枝
屋舍中聲一心聽者有以喙銜勝光
明寶在於處處遍遊行者有七寶身
從於山中聞歌音故揚翅飛來為聽
歌音向華枝舍普遍虛空皆悉嚴好
心歡喜者復有餘鳥在餘林中種種
妙寶莊嚴兩翅以劈折取種種敷華
銜來向彼華枝屋舍復於餘鳥聞歌
音已共銜寶鳥有種種色勝妙光明
如是來向華枝屋舍普遍虛空皆悉
嚴妙如是來者
如是彼林內外鳥獸有種種色種種
形相種種具足皆可愛樂彼林殊妙
嚴好如是彼諸天衆在彼林中種種
受樂

尔時彼天五樂音聲在彼林中久時

遊戲愛火所燒猶不厭足復向餘林
彼林名為鳥音聲樂無量天女以自
圍遶如是歌僊喜笑遊戲在虛空中
手彈箏篴如是飛行有在鵝背如是
去者復有餘天乘孔雀者有在空中
坐蓮華臺如是去者復有餘天乘七
寶鳥在虛空中如是去者一切皆向
鳥聲樂林彼如是行在路未至種種
勝樂皆悉具足欲至彼林名實語鳥
為說偈言

乘中業乘勝餘乘則不然人以業乘故
能遍行三界何誰於何處何業云何作
彼則於彼處如作受苦樂業種種雜雜
心因緣所作無物叵得者久時必皆得
種種異異樂由業因緣起以業因盡故
種種樂亦無諸有不亡失先所作善業
若欲常得樂皆應作餘業若心常懈怠
放逸毒所悶放逸天不覺未來苦惱處
一切樂離別到大苦惱處以能破陰界
是故名為死彼速疾欲來能令命盡滅
天境界所迷是故不覺知

彼實語鳥以善心故憐愍天衆如是
偈說真實之法利益彼天而天不取

愛覆心故轉復歡喜而更前入鳥聲

樂林一切天衆心皆樂見鳥音聲林

如是林者名既如是復有如是鳥音

聲樂彼林中樹一切是寶所謂金銀

毗琉璃樹有白銀樹有頗梨樹有青

寶樹是平澤中蓮華之林彼諸蓮華

猶如燈樹一切種種甚可愛樂有種

種鳥有無量色無量形相寶間雜翅

不可具說何以故以心善業無量種

故鳥之形相如是種雜以心雜故雜

作善業善業雜故得如是果不可具

說以心微細速流轉故以是因緣不

可具說一切天法皆不可說天業果

報今說少分有好妙欲境界放逸園

林流水蓮華河池種種山峯蓮花之

林鳥及寶等天女可愛以業果故天

世界中如是化現彼山因緣說天可

愛如彼善業所作果報不失不滅若

不作者果不可得復以此因如是說樂

又復彼天如是種種勝莊嚴身以香

塗身自身光明而受快樂勝歡喜心

如是觀察鳥聲樂林如是觀見七寶

諸樹光明如火有種種鳥園遶彼林

彼鳥誅歌若天聞之昔未曾聞如是
音聲既得聞已心喜受樂彼一切天
聞已皆樂彼如是鳥有住樹中而誅
歌者有鳥在於蓮花林中而誅歌者
有在花中而誅歌者有鳥在於蓮華
池中而誅歌者彼天聞已心生喜樂
若天天女迭共和合種種歌音一切皆
止聽鳥歌聲心生愛樂如是彼鳥誅
歌音聲普遍山峯諸山峯中一切諸
獸自體本性喜樂歌音聞彼歌已或
百或千皆悉前近既前近已耳明不
動聽其歌音有在樹底住聽歌者有
對天草無心飲食聽歌音者於彼林
中鳥歌音聲如是可愛鳥聲樂林可
愛如是又彼林中香甚可愛種種華
香有種種色隨念皆有香色聲等隨
念皆得笙篴齊鼓箏笛歌等種種美
音是天音聲彼鳥之音勝彼天聲一
根境界如是勝故彼林可愛
又彼林中復有一根境界可愛所謂
天味隨意所念得勝果味或天酒味
天藥草味如是彼林隨念得味如是
林中諸味具足

又彼林中復有勝法所謂有山遊戲
彼山枝網普覆種種重樓皆是枝網
行而不乱有無量種七寶雜譬有無
量種彩畫皆遍多有種種莊嚴天女
在重樓上彼林如是種種莊嚴又彼
園林復有莊嚴彼林功德具足已說
今復說山莊嚴可愛具足之相謂毗
琉璃莊嚴其山山有七種功德具足
何等為七所謂色聲觸味香等隨念
皆得有隨念樹七種具足彼處諸天
見彼功德癡惑迷乱不見不聞彼鳥
說法彼說法鳥猶如父母所說之法
皆悉決定天者境界不聞不覺境界
迷故不受鳥語行愛曠野復向大林
為三種火之所燒然五怨所使喜愛
所誑迷於實道唯有苦樂苦相似樂
以著如是虛妄樂故不覺不知利益
說法不受不取而聽其餘三處行鳥
詠歌之聲謂水行鳥天可愛色可愛
形相七寶之身種種間雜鵝鴨鴛鴦
如是等鳥種種音聲并水音聲彼天
樂聞美妙聲歌一切時樂放逸而行
一切諸天愛彼音聲如是彼天更聞

餘鳥種種音聲不聞法音所謂林行
種種諸鳥孔雀白鴿莊嚴樹鳥山谷
巖窟所住之鳥出美妙聲一切鳥聲
皆與相似妙聲之鳥七寶身鳥以莊
嚴山兩兩並飛在虛空中同共出聲
觀彼諸鳥如見莊嚴彼鳥光明見者
常樂生愛著心如是勝勝衆鳥音聲
彼天樂聞有語聲者有歌聲者有響
聲者如是無量種種分別跋求之聲
種種異聞天有欲心為天女衆之所
圍遶聽彼音聲

於長久時間聲受樂更有勝愛覆蔽
其心復飲天酒第一味香皆悉具足
如天所應從巖窟中如是流出多有
妙蜂皆集酒上彼諸天等迭手一心
同飲天酒不相妨導復有餘天向蓮
華林遶華菜中多有天酒第一天味
香觸具足隨念美味諸天天女恣意
共飲歌儻戲笑迭手一心共同欲意
彼諸天等於勝林中遊戲受樂於境
界中心不歇足而復更向毗琉璃寶
莊嚴之山彼山多有鵝鴨鴛鴦皆皆
青影覆乃由旬皆是青影其山舉

高三百由旬多有園林饒蓮華池流水盈滿有第一鳥見者皆愛於彼山中有好平地有好山谷有好巖穴河泉源窟多有行林蓮華水池具足諸華有三種鵝在岸出聲所謂有鵝頗梨寶色七寶間錯或自體白如是鵝者山中甚饒莊嚴彼山毗琉璃山普有流水水色清淨猶如寶珠彼山多有種種香華多有無量百千諸鳥種種雜鳥以此諸鳥嚴蓮華池彼種種物勝勝希有上上希有可愛妙色莊嚴彼山聲觸香等無量種物以莊嚴山六根受樂普山莊嚴彼諸天衆為欲受樂往到彼山普遍處處歌僊遊戲以蓮華鬘瓔珞其身一切時樂心常歡喜心常受樂五境界怨如五火燒愛縛其咽向彼山頂為受樂故惴望欲見種種憶念種種分別漸漸欲到漸近彼山見有山窟是毗琉璃彼山窟者青色光明可有二萬以為莊嚴普第一樂勝妙光明若住山天入彼窟中種種遊戲若彼諸天入窟中者彼如是窟如是如是

轉轉寬博如彼天心如是如是種種
憶念如是如是皆於窟中具足而得
彼窟名為如念得窟住彼窟天共天
女衆恒常受樂不知厭足彼諸天女
種種莊嚴以善業故見彼天女心極
受樂形服莊嚴姿媚殊絕歌舞喜笑
受天之樂夜摩天王卒修樓陀利益
天故佛所說偈書在彼山寶窟門上
偈如是言

死王吞衆生 衰老飲少年 病至滅強健
世間無知者 有無量種生 有無量種退
如生老亦然 世間無知者 無有一念間
無一時一日 死無時處住 世間無知者
已數數受生 亦曾數數退 癡天迷境界
世間無知者 此有輪如籠 貪著於愛欲
愛縛縛將去 世間無知者 愛過旋波中
多有分別鳥 此愛河寬廣 世間無知者
彼寶窟門為利益天書佛偈頌其法
如是有天見之則便尋讀讀彼偈已
憶自本生於少時間不放逸行以善
業故於須臾間正心思惟增長未來
無量百千多生之樂增長淨分減損
染分彼天如是少時正念能滅無量

百千生數若有見彼寶窟門上所著
偈者則生厭離不獲逸行若天入窟
不讀偈者則為唐入

若見不見一切入者皆放逸行在內
一處見寶珠聚謂金剛聚青寶珠聚
摩伽羅多寶珠之聚大青寶聚而彼
寶窟體性自明以寶珠故光明更勝
第三復以天入中故天身光明今彼
寶窟光明轉勝如是彼窟甚為可愛
彼寶窟中天天女衆五欲功德受
諸欲樂安隱離惱離於熱惱遠離憂
悲自善業故受無量種天勝妙樂彼
天既見彼寶地已生歡喜心歌舞遊
戲五樂音聲而受快樂

又彼寶窟入其中者則見有河第一
香觸具足天酒盈滿其中酒河兩岸
饒飲酒鳥以為莊嚴如是鳥者謂名
歡喜有名常樂有名常戲名無異味
名見可愛名審諦心有鳥名為異處
不樂名飲香樂此等諸鳥復有餘鳥
在彼酒河遊戲飲酒天善業故鳥說
偈言

初飲美味酒飲已多作意未來得惡果

在於地獄中 飲已能令癡 癡故造惡業
癡作惡業故 入於地獄中 初時生歡喜
後乃得惡報 初時能除渴 後時甚大熱
初時口意失 後時則失樂 是故有智者
則不應飲酒 若常飲酒者 則如鳥無異
飲酒能令癡 說酒為大毒 若見酒如毒
彼見不退處 若飲不味酒 則為飲鐵汁
一切惡一分 說酒為一分 是心過所作
一切戒根心 飲酒心不正 不能思惟法
比丘飲酒故 非阿蘭若行 飲酒令心亂
不調不知者 失法空無福 失現在未來
不知修威儀 不知時及處 障尋於正法
唯言說無義 自既不能知 不知何所說
自口語如屎 亦自不能知 令世間輕賤
令法不增長 見貧者飲酒 如火之炎然
過事皆忘失 於現事皆迷 况思惟未來
飲酒三時失 能失壞名色 或失衆生身
能生無量過 飲酒障尋法
如是彼處住 山窟鳥心常歡喜以業
因緣為天說 偈彼天間已 若有善業
隨順法行而生 彼者憶本前生憶本
生故則知酒過 知酒過故則不飲酒
不放逸行

自餘天衆不受鳥鵲猶故飲酒生歡
喜心五樂音聲歌儻受樂乃至久時
彼山窟中種種受樂既受樂已於入
時道還如是出如是出已猶於境界
不知厭足放逸而行樂見園林共天
女衆復於一切園林之中河岸山谷
種種遊戲如是諸天以善業故如是
受樂彼處如是不可譬喻天樂具足
彼諸天等於境界中受諸欲樂不知
厭足廣多愛故所言廣者自體廣故
彼不曾攝恒常開舒是故名廣又於
境界不知厭足以諸境界廣無量故
以根常渴不曾斷故如是彼天五欲
功德轉轉增長不斷不絕常受欲樂
心生希有可愛功德不可譬喻是故
彼天不知厭足如海吞流無有足時
天不知足亦復如是常一切時於彼
天處如是受樂行於種種園林之中
欲水所漂共諸天女遊戲受樂彼天
如是乃至作集愛善業盡至於後時
退彼天處如自業行業繩繫縛如是
樂處業盡退已墮於地獄餓鬼畜生
若有餘天餘善業故生於人中在閻

淨提大富樂處第一種姓歌儻喜笑
種種遊戲常受快樂身色殊妙形服
端嚴種種具足勝國土中或為國王
或為大臣或迦奢國憍薩羅國在安
隱洲彼餘業故

夜摩天攝勝光明園處第九地竟

又彼比丘知業果報觀夜摩天所有
地處彼見聞知或天眼見復有地處
名曰正行衆生何業生於彼處彼見
有人隨法正行第一清淨報亦清淨
業清淨故受樂果報聖人所愛勝善
布施少於智慧以布施故生於天中
受天愛果所謂天處何人得彼天中
果報所謂有人善心清淨生敬重心
柔軟之心不煞不盜如前所說復捨
邪淫所謂耳聞先時有人曾共婦女
而行淫欲如是聞已心不喜樂於先
欲事心不思念不生覺觀復能遮他
不聽思念如是成就清淨業行身壞
命終生於善道夜摩天中正行地處
受本所修善業果報生彼處已受樂
種種香味觸等無量境界行園林中
天蓮華池百千天女之所供養在於

園林蓮花之池流水處行無時暫住
先所未見不可辭喻不可具說種種
天樂具足受彼無量種樂於境界中
心不知足

又於彼處有無量種天妙園林如是
彼處始生天子少婦女衆而圍遶之
於餘園林有天女衆在中遊戲見始
生天心則欲發行則異本以天衣躡
種種莊嚴見始生天即便前近始生
天子見彼天女五倍欲發即前往近
彼諸天女始生天子迭相離合彼此
共受無量種樂同心一意不相違返
如是天女一切共歌歡喜僂笑彼諸
天女生如是心此始生天是我夫主
始生天子有如是心此諸天女是我
之婦如是天子共諸天女彼此相信
不相疑慮喜笑歌僂迭相愛樂在園
林中從一園林至一園林從一山峰
至一山峰從蓮華池至蓮花池從一
枝舍至一枝舍從一聚樹至一聚樹
從一池去復至一池如是池者青寶
之色彼池多有鵝鴨鴛鴦種種音聲
有如是等無量諸鳥種種音聲耳聞

心樂如心意念如是水生色香味具
在彼池中有無量種歌僊遊戲受諸
快樂既受樂已復見餘處有異天衆
歡喜遊行始生天子見之即往共天
女衆五樂音聲歌僊遊戲如是而去
今時彼天既見如是始生天子而說
偈言

山園林等中 或在蓮花池 一切重樓處
共天女受樂 或於金山中 或毗琉璃峯
或園林聚樹 共天女受樂 隨念可愛樹
或在流水河 或在寬廣池 共天女受樂
七寶間雜處 或在山河中 或平地好處
共天女受樂 曼陀羅樹林 青優鉢羅林
種種鳥音處 共天女受樂 種種地分處
或於寶林中 或在可愛堂 共天女受樂
或五樂音聲 令心樂清涼 常歌僊遊戲
共天女受樂

彼諸天等為始生天如是說偈始生
天子聞說偈已彼處復有名實語鳥
如法利益令正行故為說偈言

山園林等中 或在蓮華林 凝為愛所迷
共天女俱墮 或在金山中 或毗琉璃峯
食善業盡已 共天女俱墮 隨念可愛樹

或在流水河遊戲善業盡共天女俱墮
大寶間雜處或在山河中為境界所迷
共天女俱墮男陀羅樹林青憂鉢羅林
著樂處所言共天女俱墮種種地分處
或於寶林中不行行善法共天女俱墮
或五樂音聲令心樂清涼貪著故時過
共天女俱墮

彼寶壽鳥為利益天隨順饒益令天
安隱令正行故如是說偈彼天放逸
雖聞不受彼諸舊天猶尚不取況始
生天

彼新舊天為放逸毒之所傷故音皆
歌舞心生歡喜在園林中處處遊戲
受境界樂自身光明不假餘照彼一
切天共天女衆復向一山名山鷄山
彼山鷄山多有無量種種寶性有種
種寶而為莊嚴普山光明百千蓮華
如日初出以為莊嚴有百千億流水泉
池彼山四廂有四聚林所謂一名百
池流水二名大光三名嚴山四名普
香此名四林在彼山廂彼山一廂百
池流水聚林之中有隨念樹有百千
池金銀青寶迦羅檀那諸寶色魚普

遍池中其池之水清淨涼冷如意念
水盈滿彼池多有園林園遠彼池鵝
鴨鵝鶩音聲可愛聞者心樂有一切
時常歡喜鳥見彼天衆而說偈言

一切命無常 少年不停住此天處亦亦
而天不覺知 諸法念不住次第皆失壞
業繩所繫縛 世間不覺知 千億諸天衆
在園林遊行 退時將欲到 世間不覺知
六欲諸天等 放逸受愛樂 一切皆失滅
世間不覺知 樂如水沫聚 如夢所得物
速滅不久停 世間不覺知

彼處諸天欲上山時彼一切時常歡
喜鳥以利益心天善業故如是說偈
彼諸天等樂境界故不聽不取不覺
不知不能見諦不看彼鳥如生盲者
有道不見

今時彼天次向第二大光藁林彼林
光明勝於一百日之光明彼林諸樹
有勝光明或樹光明或寶光明勝妙
功德皆悉具足光明炎然彼大光林
三種光明普遍彼林彼如是林普皆
可愛流水河池而為莊嚴有隨念樹
莊嚴林處如是林處各各差別彼諸

天衆各在異處五樂音聲歌僊遊戲
種種受樂善業漸盡於彼山中復在
異處受境界樂如大醉爲如是林中
久時受樂

又彼天衆於彼山中自心動故次第
復向巖山之林於中復受五境界樂
爲放逸恣之所迷惑不知畏退無有
方便而可得脫唯初時樂後則衰憊
聲味色香受諸欲樂愛亂心故處處
遊行

復見餘林普彼林外有蓮華林周而
圍遶有隨念樹莊嚴彼林百千種華
而爲莊嚴有餘大樹有殊妙香而莊
嚴之又復多有流水河池而爲莊嚴
又復多有種種鳥獸七寶枝舍而爲
莊嚴又復多有種種香美飲食之河
彼諸天衆到如是山或百千到歌僊
遊戲迭共爲伴同一欲心俱到彼林
共天女衆久時受樂彼此迭乎憐望
境界

又復彼天未知厭足於彼山處次復
更見大可愛林名曰普香彼林甚香
樹枝華香金枝華蓋覆彼林上有居

尸奢第一妙香又彼林中身陀羅華
第一妙香香氣流布普百由旬天聞
彼香生希有心彼諸天衆嗅如是等
無量妙香入彼林中彼諸天衆迭相
愛樂同一心欲受境界樂不知厭足
虜虜遊行無量種行

彼天如是虜虜遊行遊戲而行如是
漸向山鵝山頂遂尔前到百百千千彼
山頂上見有大城城甚可愛其城縱
廣五百由旬普彼城中有行重樓金
寶殿舍銀寶殿舍毗琉璃舍車渠之
舍如是種種妙寶殿舍而為莊嚴行
巷相當門狀可愛皆是妙寶普彼城中
饒蓮華池彼諸天衆入如是城心生
歡喜種種功德具足受樂在寶舍中
寶園林中或復在於蓮華池中枝華
舍中或華林中或復在於蓮華池中
或復在於饒華地處或復在於山窟
之中或復在於山谷之中或復在於
山脊之處彼天如是或在城中或在
餘處山頂之上共諸天女處處受樂
無量種樂多種受樂五樂音聲功德
具足如是遊戲種種受樂彼受樂時

諸天奉善業一切必當盡後受苦惱時
乃知放逸過心樂者欲者唯受微少樂
彼樂未久間後時必當壞樂境界樂者
常有惓望心見婦女放逸後時必當壞
天者境界樂不慮退時苦至後破壞時
乃知退苦惱天若近婦女而共放逸行
終至後退時彼一切捨離一切欲退天
無與共行者唯有一切業隨後與同行
常應修善業常捨不善業常離於放逸
常行不放逸放逸是有根不放逸寂靜
放逸不放逸如所說其相勇者常思惟
修行善業樂常修行法者則不受諸苦
彼鳥如是利益天故已說此偈彼諸
天等放逸行故不聽不受而復更為
境界所盲行園林中種種遊戲或在
園林或在可愛寶城等中受種種樂
彼天在於山鵝山中既受樂已而復
更向千峯之山惓望欲見彼寶山故
樂天境界是故次往天善業因而受
快樂見彼寶山生勝愛心一切欲樂
皆悉具足於一切時多有華果流水
河池蓮華之林具足而有彼一切天

於彼樂處見則受樂行亦受樂食亦
受樂見彼勝山生希有心謂山勝山
彼大勝山復有衆山周而圍遶皆是
寶山是故彼山名曰山勝彼山多有
園林華池有流水河多有寶蜂無量
衆鳥種種音聲如是諸鳥皆是寶身
種種形相皆悉可愛莊嚴山峯普彼
山峯光明悉遍彼諸光明有百千種
如是寶山在諸山中見彼寶山頂挿
虛空有大光明微妙殊勝彼諸天等
上如是山共天女衆五樂音聲遊戲
受樂心生歡喜上彼山上如意念行
有在空中而遊行者有共天女同一
欲心於五境界受諸欲樂愛河所漂
不暫停者若寂靜樂則是常樂捨未
來世如是寂靜利益安樂而樂天樂
如是天樂如雜毒蜜而諸天衆心生
樂著初時似賢後則不善實非是樂
與樂相似彼天不知心生樂著共天
女衆五樂音聲隨心遊戲上彼山頂
如是如是上彼山上如是如是見彼
山處隨見何處轉勝可愛如是寶山
普皆可愛樹林河池種種諸鳥在園

林中滿彼山處無量百千種種園林
莊嚴彼山七寶光明周匝圍遶普彼
天衆共諸天女歌饒遊戲徐上彼山
並行並看天及天女種種形眼鵝莊
嚴身更無異心心常樂樂放逸而行
彼諸天衆自身光明共自光明無量
形眼莊嚴天女圍遶同行安安詳詳
如心意行上彼山上善業力故自作
善業自得樂報決定自受遊戲歌饒
在河池中有無量種受諸快樂徐上
彼山五樂音聲離病無倦心生歡喜
如是遊戲彼如是行見無量種山谷
鵝鴈各各差別隨自意行隨何處行
皆無所畏如是次第漸上山山
彼山鵝山復有異處有大鵝王住在
其中彼鵝王者寶莊嚴身名曰善時
見彼諸天行放逸行彼諸天等勝善
業故得彼樂命應怖畏時而便喜笑
今時菩薩善時鵝王為利益彼一切
天故住山窟中隨順修行寂靜善業
饒益天故為除放逸畢竟利益彼諸
天故第一勇勝種種微妙一切天愛
美音聲語覆一切天所有音聲而說

愛欲染心癡常樂著境界彼天則不知
利益未來世此餘少福德臨欲至退時
退已到異處受自業果報百千生中間
為業鏹所縛此業縛衆生須集道資糧
若天恒受樂常作不善業彼因不相似
癡者住心中為欲所迷惑唯食而待死
若不能諦知不能利衆生為欲所迷惑
唯食而待死若為身樂故壞法是愚癡
一切時一心常勤修善業捨離不善者
此是智慧相放逸不持戒食卒前業盡
以放逸行故不久退天處彼常如是意
為時所催駈後為悔火燒無有能救者
惡不可得避衆生決定受後到於死時
知已寂靜行

善時鵝王第一勇勝自體如是美妙
音聲為彼天衆如是說偈如是鵝王
菩薩音聲為一切天作無量種無量
音聲章句示現皆悉相應菩薩之聲
美妙勢力勇而復勝蔽天音聲彼處
如是一切天衆復聞遠處有大音聲
無量天女之所圍遶種種莊嚴勝妙
寶殿一切時華一切時果皆悉具足

無量蓮華遍覆其處多天女衆歌聲
可愛妙寶瓔珞光明照耀七寶間錯
園林水池而為莊嚴幢幡拘欄種種
莊嚴百千天女妙音聲歌五樂音聲
聞者心樂毗琉璃寶大青寶柱真金
柱等之所莊嚴大師子座之所莊嚴
如是寶殿行虛空中夜摩天王在彼
殿上多有無量百千天女供養天王
百千合掌讚歎天王在虛空中分明
如畫勝歡喜心向山鵝山為欲往見
善時鵝王如是鵝王以大願力為利
益天生在夜摩憶本前生是故天王
生敬重心而來向之為聽法故為於
自身并為天衆利益安樂饒益自他
不墮惡道離放逸故

余時彼天山鵝山中遊戲受樂在種
種處山園林中或有在於平處住者
或有在於山谷中者或有在於蓮華
林者或有在於池水中者或有在於
殿堂上者或有在於寶舍中者或有
在於山嶺中者或有在於河岸處者
或有在於山頂上者或有在於華林
中者或有在於果林中者或有在於

隨念樹者或有在於毘琉璃金隨念
樹者或有在於無量到數見則可愛
樹林中者一切皆悉共天女衆或共
多衆或共少衆一切天衆速生喜心
歌舞嬉笑看彼天王見大天王坐勝
殿上成就無比天之快樂見已疾走
一切天衆盡力而走既見天王牟修
樓陀普音並走心眼俱樂眼觀不捨
轉轉前近彼諸天衆如是思惟夜摩
天主牟修樓陀為欲聽法是故來詣
善時鵝王我今往見供養天王彼諸
天衆如是思惟既思惟已一切皆近
夜摩天王五欲功德境界之樂一切
具足天衣天鬘以為莊嚴彼一切天
皆悉前向牟修樓陀夜摩天王行虛
空中

若天在於一千擎山遊戲樂者如是
見已天衣莊嚴一切皆前到天王所
禮拜供養既供養已轉勝歡喜歌舞
戲笑近王面前一切皆與夜摩天王
如合一處共向鵝王菩薩之所彼鵝
王菩薩第一聰明有大智慧以奉願
力為彼諸天除放逸故生在夜摩彼

一切天皆到鵝王菩薩之所夜摩天
王既見菩薩生敬重心敬重法故共
天女衆從殿而下鵝王菩薩常說大
法常作法吼既見天王牟修樓陀則
正法吼彼大鵝王法勢力故於一切
天取為勝妙光明殊絕法威力故

正法念處經卷第五十三

癸卯歲高麗國大藏都監奉
勅彫造

正法念處經卷第五十四

慎

元魏婆羅門瞿曇般若流支譯

觀天品之三十三

夜摩天
之十九

今時鵝王見彼天主牟修樓陀作如是言今者善來種種語言問評供養既供養已讚言善哉夜摩天王乃能如是不放逸行甚為希有在此第一放逸之處而能如是不行放逸不放逸行此為希有復有希有一切天主皆於天中百倍受樂不行放逸此甚希有離樂因緣則不可得

如是菩薩善時鵝王憶自本生尸棄佛所曾聞經法念彼經已而為天主牟修樓陀如是說言汝大天王獲得善利不放逸行為聞我聲是故來此甚為希有汝今善聽我為汝說如彼世尊尸棄如來所說而說當於今時我作人王聞如來說如本所聞今為汝說汝今諦聽善思念之有一法門名王法行如是法門則能利益灌頂受位剎利大王王得此法於現在世常得安樂常有益正護國土能護

自身善人所讚身壞命終生於善道
天世界中為夜摩王

灌頂受位剎利大王成就何業於現
在世常得安樂常有利益正護世間
大富大力能護自身善人所讚身壞
命終生於善道天世界中為夜摩王
有大神通大富大力所謂此王具足
成就三十七法於現在世常得安樂
常有利益正護世間護世間故大富
大力一切餘王不能破壞能護自身
善人所讚身壞命終生於善道天世
界中為夜摩王

何等名為三十七法一者軍衆一切
淨潔二者依法賦稅受取三者恒常
懷忍不怒四者平直斷事不偏五者
恒常供養尊長六者順舊依前而與
七者布施心不慳悞八者不攝非法
行者九者不近不善知識十者貞謹
不屬婦女第十一者聞諸語言不一
切信第十二者愛善名稱不貪財物
第十三者捨離邪見第十四者恒常
惠施第十五者愛語美說第十六者
如實語說第十七者於諸臣衆若死

因緣不舉不下第十八者知人好惡
第十九者常定一時數見衆人第一
十者不多睡卧二十一者常不懈怠
二十二者善友堅固二十三者不近
一切無益之友二十四者瞋喜不動
二十五者不貪飲食二十六者心善
思惟二十七者不待後時安詳而作
二十八者法利世間二十九者恒常
修行十善業道第三十者信於因緣
三十一者常供養天三十二者正護
國土三十三者正護妻子三十四者
常修習智三十五者不樂境界三十
六者不令惡人住其國內三十七者
於一切民若祿若位依前法與是等
名為三十七法若成就此三十七法
得名受位剎利大王於現在世常得
安樂常有利益大富大樂有多財寶
能護國土能護自身善人所讚身壞
命終生於善道天世界中為夜摩王
以如是等三十七法善業因故

何者名為剎利大王軍衆淨潔所謂
善心利益他人於對諍者依法斷事
不違法律依法正護不違本要忠心

諫主主行利益順成讚善依法護國
所設言教依量利益且起直心不惱
於他依法事主不唯畏罰心無貪悞
於一切法皆順不違為未來世隨法
而行怖畏生死信業果報捨三惡業
不樂多欲不憚行罰正意不乱如是
自他二皆能度能利益王若如是者
是王軍衆如是軍衆與王相應是故
令王於現在世常得安樂常有利益
能護國土能護自身善人所讚身壞
命終生於善道天世界中為夜摩王
以諸軍衆一切淨潔是故令三不生
惡心善業因故

又復受位刹利大王次第二法應勤
修習成就相應於現在世常有利益
能護國土能護自身善人所讚身壞
命終生於善道天世界中為夜摩王
何者第二所謂依法賦稅受取以供
衣食云何依法或國或城或村或邑
或人集處於一切時常依舊則依道
理取彼王如是若國壞時若天儉時
則不賦稅取時以理不逼不罰依先
舊來常中所用稱斗尺均平如是受取

依法不違不逼不罰不侵不奪如是
國王則是憐愍一切衆生王若如是
依法受取功德因緣於現在世常得
安樂常有利益能護國土能護自身
善人所讚身壞命終生於善道天世
界中為夜摩王以常依法賦稅受取
善業因故

又復受位剎剎大王有第三法應勤
修習成就相應不逼國土現在未來
二世利益何者第三所謂恒常懷忍
不怒心如是念隨何因緣令我瞋忿
如是因緣一切皆捨身雖自在見他
瑕疵不譏不調於諸臣僚眷屬僕使
有罪過者不重刑罰於他怨人若他
親善不說其過不說其惡若於軍衆
起瞋心時則念忍辱念忍辱故瞋心
則滅口說美語更說異言令彼軍衆
不憂不怖恒常如是一切法中一切
時忍自體實忍非因緣故如是不瞋
如是不忿王若如是心懷忍辱功德
因緣於現在世常得安樂常有利益
能護國土能護自身善人所讚身壞
命終生於善道天世界中為夜摩王

以能於人恒常懷忍善善業因故

又復受位剎利大王有第四法應勤修習成就相應現在未來二世利益何者第四所謂平直斷事不偏王善心意於一切民猶如父母不以物故不以用故不以親故不以恩故不以友故不以貴勢有囑及故不用如是一切因緣依法斷事不偏不黨於諍對者然親平等利益語說實語而說王若如是平直斷事功德因緣於現在世常得安樂常有利益不失國土不失名稱一切軍衆皆無罪罰能護國土不畏他論他王不勝久時為王王領國土能護自身善人所讚身壞命終生於善道天世界中為夜摩王以心平直斷事不偏善業因故

又復受位剎利大王有第五法應勤修習成就相應現在未來二世利益如是乃至到於涅槃何者第五所謂恒常供養尊長何者尊長謂尊長者如實而見持戒智行利益衆生常作善業身口意等恒常寂靜自心無垢今他攝福如是尊長王應親近既親

近已聽法聞法常往供養受其所說
受其言教如其所說王應受持如所
說行以一切時供養尊長功德因緣
於現在世常得安樂常有利益能護
國土能護自身善人所讚身壞命終
生於善道天世界中為夜摩王以一
切時供養尊長善業因緣

又復受位剎利大王有第六法應勤
修習成就相應現在未來二世利益
何者第六所謂順舊依前而與若父
先與若祖先與或復先祖於先舊與
若地若金若銀等物彼受位王以不
濁心以清淨心隨順歡喜愛樂彼法
如是依舊隨順讚善教他令與王若
如是依前而與功德因緣於現在世
常得安樂常有利益能護國土能護
自身善人所讚身壞命終生於善道
天世界中為夜摩王以常順舊依前
而與善業因故

又復受位剎利大王有第七法應勤
修習成就相應現在未來二世利益
何者第七所謂布施心不慳慳何者
布施布施者名少壯老時恒常布施

布施一切一切種種施一切時施利益
一切饒益一切安樂一切常念地獄
餓鬼畜生一切道中受飢渴等種種
苦惱布施之時願如是等三趣衆生
早得解脫生人天中王若如是得現
世報何者現報所謂名稱若遭難時
奴僕軍衆則不捨離他國土人常來
供養餘人見已不能破壞一切怨敵
乃至不能得其少便於他常勝如是
布施得現世報非福田處如是布施
尚得如是現世果報況於福田物思
具足勝善布施常閉惡道常受樂報
彼無量種布施而與何者无量謂法
布施貧生布施無畏布施王如是等
種種布施若施沙門施婆羅門如是
布施功德因緣於現在世常得安樂
常有利益能護國土能護自身善人
所讚身壞命終生於善道天世界中
為夜摩王以彼布施善業因故

又復受位刹利大王有第八法應勤
捨離成就相應現在未來二世利益
何者第八所謂不攝非法行者不令
在國以刹利王自隨法行是故不攝

非法行者不令住國何者名為非法行者所謂有人種種方便劫奪他物或取他咽令其悶絕而取其物或與惡藥令無覺知而取其物或設方便盜偷他物或復私竊盜取他物或在道路或在中作諸方便而取他物買真賣偽種種欺誑而取他物或復有人奸欺無道壓善舉惡進非退是誑枉賢良黨助不肖或有邪見或有斷見或復有人苦煞衆生望得解脫若外道齋於大會中屠煞羊等望有福德或復有人捷割衆生令使不男或復有人姪於男子或復有人不能供養父母師長如是等人不令住國何以故若共同國令諸善人心意壞故相倣習故同處住故善人壞故令王無力失增上力非時降雨時則不雨五穀熟時五穀不熟所有國土一切破壞惡人過故以此因緣不令惡人住在國內此因緣故不攝一切非法行者不令住國依法行者攝令在國攝法人故隨時降雨日觸順時是故五穀至時善熟不壞國土離於怖

畏不生憂愁一切國土利益之事是攝法人因緣力故能斷一切生死苦惱今有福人在已國住以近如是福德人故行法人故第一梵行所謂安住有福德人近福德人順法行人是故一切有智慧王近行法人令住國內王若如是不攝一切非法行者功德因緣於現在世常得安樂常有利益能護國土能護自身善人所讚身壞命終生於善道天世界中為夜摩王以彼不攝非法行者善業因故又復受位剎利大王有第九法應勸捨離成就相應現在未來二世利益何者第九所謂不近不善知識不善知識是惡知識彼惡知識略有八種一切王者皆應捨離何等為八一者斷見所謂有人如是心言無業無施無有此世無有他世此是取初惡知識也又復第二惡知識者所謂有人如是心言一切婦女依時共行不破梵行又復第三惡知識者所謂有人如是心言若以火燒得大福德若與衆生則無福德又復第四惡知識者

所謂有人如是心言乃至未死有命
以來得名為人若身死已善不善業
一切皆失如風吹雲更無可集衆生
如是無有罪福又復第五惡知識者
所謂有人常教他人破壞父母亦復
不聽供養尊長又復第六惡知識者
所謂有人言然生善若然老人若然
盲人惡病之人長病人等棄其命故
得生樂處又復第七惡知識者所謂
有人如是心言於山崖上自投身下
若火燒身若自餓死或五處火以炙
其身如是取死有無量福後得天上
無量眷屬無量天女之所供養又復
第八惡知識者所謂有人如是心言
一切由天非業果報如是八種惡知
識者一切不聽住在國內眼亦不看
唯攝一切實語說人從如是人聽聞
正法聞已攝取受持修行王若如是
不近一切不善知識功德因緣於現
在世常得安樂常有利益能護國土
能護自身善人所讚身壞命終生於
善道天世界中為夜摩王以彼不近
不善知識善業因故

又復受位刹利大王有第十法應勤捨離成就相應現在未來二世利益何者第十所謂有法應當捨離捨何者法所謂婦女有智之人不屬婦女一切世間屬婦女者於世間中取為凡鄙若餘凡人屬婦女者猶尚凡鄙豈況國王人中第一一切婦女能破壞人一切國土一切人民一切王者皆由婦女而致破壞以貪心故能令王等皆失利益能棄其物令行非法不聽布施以貪心故能令王等一切懈怠以樂欲故常近不離能令丈夫失自利益婦女如雹能害善苗一切婦女樂破壞語慢妬之藏屬婦女人行同婦女屬婦女人國土亦失是故不應繫屬婦女若屬婦女則為凡鄙以婦女法是鄙惡故屬婦女人亦為鄙惡屬婦女者失一切法屬婦女者常入苦處若屬婦女善人捨離以欲過故如是之人婦女所誑一切婦女皆悉欺陵軟弱之人體性介故不知恩養能與哀惱多貪妬嫉婦女如是皆不可信若屬婦女彼人則於城邑

聚落一切人中取為凡鄙何況王者
其損更深是故不應繫屬婦女王若
如是畏婦女過功德因緣於現在世
常得安樂常有益能護國土能護自
身善人所讚身壞命終生於善道天
世界中為夜摩王以離婦女善業因故
又刹利王復有一法是第十一應勤
修習成就相應現在未來二世利益
第十一者謂聞言語不一切信一切
世間人心不同迭相破壞性熹破壞
作時能壞成時能壞本性自體垢
故破壞常樂諍鬪故相破壞以近親
故共相破壞自體破壞以國土過是
故破壞自輕因緣故相破壞彼此
迭相闇地相說各為自明故相破壞
欲令自勝令他不如故相破壞如是
等語王皆不信違道理故前後相違
以從惡心次第來故以愛自朋如是
說故先被教來於先囑來先有恩來
先有怨來迭相破壞來向王說此如
是等前說因緣迭相瞋故作如是說
王不普信是以國土則不破壞如是
王者心性本好不違不乱依道理瞋

心不橫瞋於破壞語心不生信彼王
自有如是功德不信於他自心所樂
少於瞋恚一切衆生於王愛樂心善
思量隨順法行心意正直多攝州土
王若如是不一切信功德因緣於
現在世常得安樂常有利益能護國
土能護自身善人所讚身壞命終生
於善道天世界中為夜摩王以不普
信善業因故

又剎利王復有一法是第十二應勤
修習成就相應現在未來二世利益
第十二者謂愛善名不貪財物以王
之心不貪財物不急奉手不動眉面
不怒眼目不惡語說其心終不無因
緣瞋又心亦不無因緣喜心意堅固
王若如是得善名稱亦得財物如是
得已於財物中不大歡喜得名稱故
勝歡喜心王法不妨一切人愛怨不
得便財物多故又復更有十種因緣
得美名稱何等為十一者美語二者
能捨三者審諦四者他國遠人來看
五者近之則得安樂六者以時給施
左右七者敬尊奉施所須供給善人

拯濟孤獨八者淨行九者好心不惱
乱他十者正見不生邪見得此十法
行如是法復教他人行如是法以如
是行得此法故得善名稱王若如是
愛善名稱不貪財物功德因緣於現在
世常得安樂常有利益隨順法行他不
能勝異人近之則得安樂彼人久時
作人中王能護國土能護自身善人所
讚身壞命終生於善道天世界中為
夜摩王以愛善名不貪財物善業因故
又剎利王復有一法是第十三應勤
捨離成就相應現在未來二世利益
第十三者謂捨邪見邪見者名一切
衆生不安隱本此顛倒見一切因
緣皆不生信彼不信處一切憎惡一
切毀訾王則應捨若王不捨則邪見
行一切人憎一切不信一切諸人皆
不順行不順行故一切人捨得衰
惱時依法行天一切捨離天捨去已
无所能為是故王者應捨邪見王若
如是正見不邪功德因緣於現在
世常得安樂常有利益能護國土能
護自身善人所讚於一切時作正利

益為一切人之所供養一切人愛依法行天常不捨離一切國人如王意行一切分別一切心念皆悉具得彼王心意本性不乱能於久時王領國土安隱無患身壞命終生於善道天世界中為夜摩王以捨邪見善業因故又刹利王復有一法是第十四成就相應現在未來二世利益第十四者謂世間法出世間法王根本法所謂惠施王若大臣能行惠施一切國人敬愛不捨心生敬重不捨其國向餘國土若餘國人以王能施共自妻子并其軍眾一切皆來歸屬於王多人來故令王國人增長更多自餘諸國不能破壞以人多故無能破壞如是施者世間布施於世間中第一安隱又復更有出世間施第一好施若人布施為天所攝有大力能有大威德布施沙門若婆羅門貧窮等人莊嚴未來現在好色何以故心清淨故食則清淨食清淨故面色清淨面色淨故端正可意此等皆是布施之力又復有法現得果報何者現報所謂布

施心無憍慢離貪離嫉信於因緣信
因信報信未來世供養尊長其心柔
軟正意思惟捨種種物攝大富因攝
離慳嫉信於福田福田功德福田種
子王若如是善語熏心第一淨心功
德因緣於現在世常得安樂常有利
益能護國土能護自身善人所讚久
時為王王領國土久時受樂國土不
亂恒常安隱不怖不憂身壞命終生
於善道天世界中為夜摩王以能惠
施善業因故

又刹利王復有一法是第十五應勤
修習成就相應現在未來二世利益
第十五者謂勤愛語愛語王者一切
皆愛一切皆近若與財物不能如是
攝取衆生如此愛語更無能令歡喜
清淨如愛語者一切衆生如是因緣
故愛語說先愛心生然後發語此因
緣故口說愛語如是王者能取他城
他國土等自國自城他不能得一切
人愛王若實語雜有愛語設有怨家
亦為親友何況中人本來親者王若
如是愛語言說功德因緣於現在世

常得安樂常有利益怨成親友不作
中人一切人愛一切供養能護國土
能護自身善人所讚一切人中久時
為王身壞命終生於善道天世界中
為夜摩王以彼愛語善業因故

又刹利王復有一法是第十六應勤
修習成就相應現在未來二世利益
第十六者謂修實語實語者名一切
生死解脫之因不須物買不可窮盡
乃是六藏無能劫奪心海中生第一
叵見一切善人之所讚歎一切世間
次第流出此法乃是涅槃城門於一
切時用不可盡增長功德能滅諸過
一切人信能除貧窮若能實語雖復
醜陋於餘一切端正人所則為取勝
以實光明而自莊嚴一切下姓若能
實語則勝一切大姓之人如是實
語莊嚴種姓一切人信一切人近
一切人見如見兄弟隨何處行於彼
彼處為人供養如父如母如王不異
雖行曠野險惡之處猶故受樂隨行
何國為王供養如供養主若村若城
多人住處一切諸人及大長者皆悉

供養自餘國土所不行處流名遍滿
彼處諸人作如是言彼處若王若王
大臣實語善行如高幢幡名聞六天
彼善男子天常供養隨後而行不見
惡夢第一勝天供養如天若更貧窮
以實語故後還大富一切憶念皆具
足得念念漸老諸根不衰得好神通
大力身體作長命業成就相應一切
諍對以其為量以其為證若犯王法
被收縛者以物寄之唯此一人敢為
可信如是富者以物寄之以實語故
心意不動怨親之人不能令動唯以
實相而自娛樂生歡喜心以實語食
而自充飽實語之愛數數思惟或瞋
或喜不動其心此王則是第一大仙
常作世間及出世間二種利益不越
所作實盡之文常以實水澡浴清淨
常著鮮白無縷寶衣實名之香十方
遍嗅一切世間未相見者皆成知友
何況見者善名流布過須彌峰雖是
年少老人見之供養如父以實老故
亦復能作長命之業乃至造作無上
菩提大智之業何況能造夜摩天王

世間之業王若如是修如實語功德
因緣於現在世常得安樂常有利益
能護國土能護自身善人所讚身壞
命終生於善道天世界中為夜摩王
以修實語善業因故

又剎利王復有一法是第十七應勤
修習成就相應現在未來二世利益
第十七者謂於臣衆若無因緣不舉
不下是王重意彼王不知他戒形相
及不知意則不生信為王之法細意
思惟然後乃作王於臣衆若不於先
深細思惟或下或舉彼則非王若為
王者則不久滅唯可單有王名而已
不思惟作心意少動意輕不住若說
舊法衆則不信言王妄語是故於王
不生愛心或以餘人揆其王位是故
王者知此過已不作妄語如是妄語
現在未來不能利益是故現在無量
種過知此過已不妄語說餘人若介
亦不相應況復王者如是如是失於
王法如是如是亦失世間若王有福
勝世間人一切皆勝王常實語則護
世間護彼樂故王法不妨一切善法

實為根本若不實說則於臣衆無有
因緣或舉或下若常實語則於仕人
若無因緣不舉不下王若如是則於
王位不動不失一切臣衆知王如是
則不捨離向他國土深生敬重如父
如母一切時樂生歡喜心彼王則有
堅意住意有不動意有一願意與臣
衆樂王若如是不無因緣或舉或下
功德因緣於現在世常得安樂常有
利益能護國土能護自身善人所讚
身壞命終生於善道天世界中為夜
摩王以無因緣不舉不下善業因故
又剎利王復有一法是第十八應勤
修習成就相應現在未來二世利益
第十八者謂能識知人之善惡此大
智慧數數修故若能知者則為第一
軍勝大王王知彼人是智非智若如
是知則是世間一切地器任為王者
一切他王不能破壞若勤所作如所
應處安置使令彼如是業皆得成就
不失財物於所作法次第增長王見
人中若非法行王則不攝貪食之人
不知恩人王則不攝多人怨人邪見

之人無憐愍人妄語之人他王怒人惡
律儀人不知時人難調伏人常惡業
人著境界人曲因說人其體本性不
知足人恒常不作利益行人常於他
所先作惡人慢心之人常樂怒人踴
躍之人語動之人意動之人如是等
人王則不攝攝何等入所謂隨法修
行之人不諂曲人不我慢人實語之
人聰明智人柔軟心人不惱他人不
誑他人於三寶所能供養人得信之
人知足之人調伏之人不懈怠人常
作業人少食之人一切愛人有慈心
人有悲心人精進之人正見之人智
慧之人依法律人生來清淨身口意
人信因緣人知業報人不飲酒人不
多睡人近善友人樂惠施人有戒之
人有智之人如是等人王則應攝如
是等人王於其中知輕知重堪為何
業則令營作彼王如是更無餘王能
為破壞無量財寶富樂具足隨順法
行隨法行故則能布施能為福德供
養三寶王若如是知人好惡功德因
緣於現在世常得安樂常有利益能

護國土能護自身善人所讚身壞命
終生於善道天世界中為夜摩王以
識別人善業因故

又剎利王復有一法是第十九應勤
修習成就相應現在未來二世利益
第十九者謂定一時數見衆人若剎
利王常定一時數見衆人如是王者
久時為王一切國人皆不嫌恨能知
一切人之善惡能令國人一切行法
強不陵弱一切國人隨時見王財物
具足以此方便增長熾盛財法富故
不屬他王以安隱故隨順法行供養
沙門婆羅門等從其聞法既聞法已
法行轉勝以定一時數見人故修法
之行轉勝增上如是如是隨法行故
如是如是富樂增長大富樂故能大
布施廣作福業精勤持戒王若難見
彼王則無如是功德是故王者應定
一時常數見人王者若能常定一時
數見人者則能行法是行法人有大
福德王若如是常定一時數見衆人
功德因緣於現在世常得安樂常有
利益能護國土能護自身善人所讚

身壞命終生於善道天世界中為夜
摩王以定一時數見衆人善業因故
又刹利王復有一法是第二十應勤
修習成就相應現在未來二世利益
第二十者謂少睡眠少睡眠故心善
思惟意不錯謬不愚不鈍然不得便
恒常一意所作決定決定作故善思
惟作王若如是善思惟作隨何等法
皆速成就不經久時彼王晨朝則不
放逸不放逸故壽命則長善思惟故
一切國人心則慕樂不生厭惡國內
人民一切軍衆一切僮僕左右百官
諸大臣等皆悉熾盛財物豐饒多臣
民故則多財物多財物故有大威德
有威德故則能布施修行福業能
善持戒王若如是少於睡眠功德力
故於現在世常得安樂常有利益能
護國土能護自身善人所讚身壞命
終生於善道天世界中為夜摩王以
少睡眠善業因故

又刹利王復有一法是二十一應勤
修習成就相應現在未來二世利益
二十一者謂一切時常不懈怠不懈

息王堅固精進如法修業隨何所作
一切皆能究竟成就隨心制御皆悉
屬已他不能壞他不能棄一切國人
愛王心意皆生敬重其王國土一切
皆善一切具足若城若村多人住處
遍滿國內間不空曠不懈怠王堅固
精進有大勢力如是如是隨何所作
彼彼所作一切成就何以故不懈怠
故法時處等方便具足不懈怠王於
世間業出世間業皆能成就乃至能
成涅槃之業何況餘業若勤精進而
不懈怠時處方便所作具足彼王則
勝一切餘人種種具足彼王如是世
間所作皆悉成就如是共智而復能
作出世間業皆悉成就出世間者謂
施戒智王若如是常不懈怠功德因
緣於現在世常得安樂常有利益能
護國土能護自身善人所讚施戒智
等猶如香氣身壞命終生於善道天
世界中為夜摩王以不懈怠善業
因故

正法念處經卷第五十四

癸卯歲高麗國大藏都監奉

勅彫造

正法念處經卷第五十五

慎

元魏婆羅門瞿曇般若流支譯

觀天品之三十四

夜摩天
之二十

又剎利王復有一法。是第二十二應勤修習成就。相應現在未來二世利益。二十二者。善友堅固。友堅固。王善思惟。作久時。為王遠離諸過。他不能壞。如樹多根長而深入。堅牢善住。不可傾轉。風不能壞。如彼牢樹。風不能壞。王亦如是。知友堅固。好心善意。一切人愛所共敬。重世間法中堅固。不壞功德。善友有十三種。功德具足何等十三。一者善知。王若有惡。能令清淨。二者堪能。取難作者。能為王作三者有智。若彼善友復有善友。則令為友。四者心盡。所有財物。善友皆知。五者盡意。知於善友。有利益事。勤心作者。究竟若得衰惱。乃至失命。則不捨離。八者無意。隨心所須。如心為作。九者不匿。隨家所有。一切不隱。隨其所須。索者不悞。十者共心。若見善友多。

有具足則生歡喜第十一者若得苦
惱則共同苦設使大瞋心亦不變隨
有何食一切同食同共遊戲第十二
者於所有物不劣根求若自有物不
苦求與第十三者若知家中消息好
惡乃至諍鬭如是等事一切盡說不
忘不難自家中事乃至諍鬭亦皆盡
說如是十三功德善友如是功德具足
善友則是世間如是世間功德具足
十三善友王成就一則有大力況復
有多是故智王應當勤攝如是善友
王若勤攝如是善友一切所作可愛
之事皆志成就又因善友復能成就
出世間道略而言之有十功德具足
善友何等為十一者能遮非法之行
二者能教修行布施三者能教受戒
持戒四者示智能教修智五者好心
遮近惡友六者正信示業果報七者
若見迷惡道時教住善道八者若見
毀犯戒時能為除滅九者教令供養
父母十者恒常數數教誡如是十種
出世善友一切惡道皆能擁護猶如
父母堅固善友常於善友若善友朋

不生慢心如是善友非現在世是未來世是故王者應堅善友王若如是善友堅固則修善業功德因緣於現在世常得安樂常有利益能護國土能護自身善人所讚身壞命終生於善道天世界中為夜摩王以堅善友善業因故

又刹利王復有一法是三十三應勤捨離成就相應現在未來二世利益三十三者所謂不近無益之友言無益者所謂一切誑惑之人不近一切博戲之人導惡行人若惡思惟思惟已作近如是人大不饒益所失甚大失中大者所謂誑惑誑惑有二者私密二者公彰彼公彰者謂博戲等種種誑惑彼私密者詐設形服猶如惡人不識別者心謂之好如是等人外道所攝并實外道外道棘刺誑惑自親亦誑他人不畏後世現善形相實是大賊如是等人尚不應見不應共語何況親近以為知識善人應捨彼尚不能利益自身况能利他王者應當捨如是等不善知識無益之友不

近一切誑惑之人不近一切博戲之人如是等人不與相識正念所作正思惟作王若親近善知識行善知識熏功德因緣於現在世常得安樂常有利益能護國土能護自身善人所讚身壞命終生於善道天世界中為夜摩王以不親近無益之友善業因故又刹利王復有一法是二十四應勤修習成就相應現在未來二世利益二十四者所謂瞋喜所不能動若刹利王能持瞋喜彼王國土牢固不壞一切國人皆志務樂不生厭惡無能破壞無能得便王若不瞋思惟而作非不思惟非無因緣退人職位非無因緣進其官爵與財利等以不瞋故密語不彰非無因緣而舉下他於歡喜慶心不高舉如是王者身有實意不作諸惡不攝惡人平等重意彼王如是世間法中瞋喜不動而得安隱云何復於出世間道瞋喜不動而得安隱王若不瞋則為能持生死一垢王若不喜能持力垢彼王如是能持力垢持生死垢若人能持如是二垢

彼人則能持癡力垢王若如是能持
三垢智忍堅意有決定意功德因緣
於現在世常得安樂常有利益能護
國土能護自身善人所讚身壞命終
生於善道天世界中為夜摩王瞋喜
不動善業因故

又剎利王復有一法是二十五應勤
修習成就相應現在未來二世利益
二十五者所謂不著飲食二法不多
貪著何以故貪多飲食於王則妨常
念飲食在腹內故彼諸國人左右軍
衆心生厭賤有如是念彼王心意同
如畜生唯除飲食更無餘心無餘業
心恒常如是貪樂飲食心常愛樂飲
食味故則不思惟法與非法於國土
事不能籌量思惟計校不思惟人不
能調伏一切左右內外軍衆於大臣
等一切國人不能次第如彼相應與
其官爵於所作事不知輕重彼王財
物唯有損減財物減故則少財物財
物少故飲食則盡無飲食故一切輕
毀以貪飲食故致貪窮貪多飲食不
自節王如是妨碍世間饒益云何復

為出世間妨謂心貪著樂多飲食常
受諸味不正思惟不能念身不能念
受不能念心不能念法不能念思念苦
集滅道自餘一切皆不思念如是貪
著飲食境界同如畜生無有老別是
故應當依順道理相應飲食如相應
行相應語說清淨諸根如應轉動思
惟正道身受心法苦集滅道如是法
中心善調伏能思能念心正念故根
轉清淨相應飲食身則調停身調停
故心亦調順心調順故能念善法是
故不應愛著諸味若以飲食內於身
中調適相應則為安隱恒常依法而
修習之如是彼王能調伏心心則正念
心正念故能作善業王若如是不貪
飲食功德因緣於現在世常得安樂
常有利益能護國土能護自身善人
所讚身壞命終所修善業唯如香氣
生於善道天世界中為夜摩王以不
貪著飲食二味善業因故

又剎利王復有一法是二十六應勤
修習成就相應現在未來二世利益
二十六者謂善思惟善思惟王則於

世間及出世間安隱之事一切皆得
何以故心功德故善思惟者於現在
世若未來世常得勝樂隨何等事善
思惟作則無諸過意如是念貪欲等
垢常行惡道應令盡滅以不淨法除
貪欲垢以慈悲法除瞋恚垢以觀智
法除愚癡垢如是皆以心善思惟故
能除滅非不善意而能除也若惡思
惟不能成就世間之法要善思惟則
能成就是故當知一切諸法善思惟
作則得成就王若如是心善思惟功
德因緣於現在世常得安樂常有利
益能護國土能護自身善人所讚身
壞命終生於善道天世界中為夜摩
王以善思惟善業因故

又剎利王復有一法是二十七應勤
修習成就相應現在未來二世利益
二十七者謂不待時安詳而作若作
世間作出世間利益之法久時乃作
則不可作既不可作而作之者則不
成就譬如有病不時速治久乃治者
則不可治不可治故則能斂人如是
復有無量作法不時速作久乃作者

難作叵作不可得作如是能障出世
間道微少煩惱亦如彼病不速治故
煩惱不斷以不斷故則入惡道是久
乃作之大過患如是障尋出世間道
微少煩惱不時斷故漸次增長猶如
毒芽久則增長燒一切身能令衆生
若墮地獄餓鬼畜生是故不應安詳
待後久時乃作如是王者若諸餘人
若諸比丘若諸俗人若大富人若貧
窮人一切不應安詳待後久時乃作
若人待後久時乃作彼人生過速得
衰惱乃經久時不能除滅不能破壞
不能斷絕以不斷故自得衰惱若人
不觀久時乃作則速失壞并根普拔
如是之人無彼過故畢竟得樂住世
間道出世間道如是之人若過始生
即能除滅如毒芽生見即除者彼毒
芽者喻如煩惱久則增長過生則多
是故若有斷始生過則為真知而得
安隱彼人常樂王若如是不待後時
安詳而作功德因緣於現在世常得
安樂常有利利益能護國土能護自身
善人所讚彼人常樂身壞命終生於

善道天世界中為夜摩王以不待時
安詳而作善業因故

又剎利王復有一法是二十八應勤
修行成就相應現在未來二世利益
二十八者所謂以法利益國土非是
非法彼多法王能自利益能利益他
自利益者若王持戒能護國土非不
持戒是自利益利益他者謂見有人
不隨法行令住法中王者如是正護
國土護國土故法財名三皆和合得
既能如是令他依法何況自身不隨
法行如是王者則得財物云何得物
所謂決定於國土中一切財物六分
取一是以國土則為大富以正護故
若國大富王有急事一切人民以愛
王故知王有急須用財物皆悉多與
此是王者第二功德具足成就如是
王者正護國土左右軍眾敬愛於王
一切方處稱王善名王若如是法財
名等和合具足於現在世常得安樂
常有利利益能護國土能護自身善人
所讚身壞命終生於善道天世界中
為夜摩王以自他利善業因故

又剎利王復有一法是二十九應勤
修習成就相應現在未來二世利益
二十九者謂常修行十善業道彼十
善道第一樂報以要言之則有三種
謂身口意身則有三煞盜邪行口則
有四妄語兩舌惡口綺語意地有三
貪瞋邪見如是十種不善業道顛倒
則名十善業道名為慧道名為正道
不善業道則無有慧善道有慧故名
慧道攝人天生次第乃至到於涅槃
彼王如是自身能住復令他人軍衆
等住如是王者於諸衆生猶如父母
能到涅槃隨自所願何道皆得彼王
如是一切所念皆悉成就常為天護
無有刀劍怨敵等畏一切國土常不
壞亂一切五穀隨時善熟如天時節
日月調和普照一切國土所用一切
具足多饒人衆彼王如是正護國土
後時無常身壞命終生於善道夫世
界中受何業報受何等樂略而言之
夜摩天中不煞業故天命則長有下
中上如是天命於六欲天不偷盜故
天中大富七寶具足園林山峯種種

可愛在如是處遊戲受樂不邪淫故
諸天女衆於餘天子志皆不往乃至
未退有命以來不往不近彼諸天女
一切端正一切好色光明勝妙眼見
心樂若人邪行彼生天中所有天女
共餘天行如是異異業報成就此如
是等身善業行善護不犯樂修多作
生於天中受天樂報次復第二口四
善業樂修多作生於天中口何者業
生於天處受何樂報謂修四種口正
行戒不妄語故滿語美語種種實語
常一切時第一妙語隨口所說彼語
則樂隨語皆得不妄語故不兩舌故
所有軍衆常不破壞於一切時隨順
供養不惡口故常聞美妙歌儻遊戲
喜笑等聲第一悅耳美妙之聲不綺
語故常出義語一切諸天愛樂其語
皆信其語彼於天中如是成就口業
果報何者意業如是天處受何樂果
以不貪故一切憶念一切所須隨念
皆得得已不失自餘諸天不能侵奪
唯自受用此果報者不貪業故以不
瞋故一切天愛第一端正可意妙色不

邪見故所求皆得如所求得不變不異如所念得未曾不得常具足得如是略說十善業道所得果報若布施者則得勝報以布施故富樂轉勝以智勝故勝一切天一切樂受願是根本若癡樂者則非是樂心自在故福田力故時自在故物自在故信解力故以自在故有一善業亦生天中乃有衆生入於涅槃何況生天如是業報第一微細何人不知則迷業報迷道若王修行或國土人或王軍衆以王因緣皆行十善王若如是修十善業功德因緣於現在世常得安樂常有利益能護國土能護自身善人所讚身壞命終生於善道天世界中為夜摩王以行十善善業因故

又剎利王復有一法是第三十應勤修習成就相應現在未來二世利益第三十者謂信因緣信因緣王若大臣等不迷業報意常正念於境界中不放逸行彼因名為果種子因緣於時處具足和合彼名信因若信因者

亦信於衆彼以如是諦見因果不作惡業猶如種子與芽為因如是諦見信因緣故不迷業報彼如是業有善不善生死相續不斷不絕種種苦樂能令衆生處處受生有中流轉如有中相續輪轉在於地獄餓鬼畜生天人之中有三種行一福業行二罪業行三不動行謂四禪行彼福業行是天人因彼罪業行地獄等因彼不動行是色界因彼三種界王若於中唯諦知因彼王不迷生死曠野如是

一切此有為中所謂因果王信因果過不能壞以能畏過故不造作不善之業常作善業王若如是信於因緣功德力故於現在世常得安樂常有利益能護國土能護自身善人所讚身壞命終生於善道天世界中為夜摩王以信因緣善業因故一切衆生第一勝法謂信因緣是故王者應當精勤修習此法受持此法謂信因緣又剎利王復有一法是三十一應勤修習成就相應現在未來二世利益三十一者謂供養天以何因緣供養

彼天善業行故得生天中有大神通
若我造作不善業道能遮止我若夜
若晝恒常供養一切所作皆能調伏
能於夢中示善不善一切國土不饒
益時能為作護令入善法彼天如是
能遮不善若夜若晝常能擁護猶如
父母無量方便種種擁護應供養天
彼能作善是故王者供養彼天以愛
法故離於惡業不為侵他非邪見故
無如是意離天無業此天造作一切
世間無如是心一切苦樂皆天所作
無如是心供養於天如是供養為利
益我不失饒益非謗因果非邪見心
彼王如是供養天故得他供養王若
如是常供養天功德因緣於現在世
常得安樂常有利益能護國土能護
自身善人所讚身壞命終生於善道
天世界中為夜摩王以供養天善業
因故

又剎利王復有一法是三十二王者應
作成就相應現在未來二世利益三
十二者謂一切時正護國土正護國
王隨順法行猶如父母一切畏服施

與無畏施無畏故晝夜常恒善法增長一切軍衆皆悉敬愛心不捨離國內人民或獻財物或復讚歎稱王善名或時晝夜心常思惟欲令其人得安隱樂彼王如是利益一切諸衆生故是以令王自在增長多自在故五穀成熟國土增長一切軍衆皆悉增長國內耆宿願王熾盛彼如是王正護國土法財名三日日增長和合相應王若如是正護國土於一切時利益國土離瞋離貪功德因緣於現在世常得安樂常有益能護國土能護自身善人所讚身壞命終生於善道天世界中為夜摩王以護國土善業因故

又剎利王復有一法是三十三王者應作成就相應現在未來二世利益三十三者謂一切時正護妻子護妻子故妻子得樂王若大臣無量福德多種福德和集增長若有財物有何者物何處何時有物不惜給與妻子若與財物若與飲食若與牀敷若與衣服若或抱持愛語信任令心歡喜

施與無畏如力分與施與妻子舍內
得福作無量種舍內福德此護妻子
有大福德若復有人無憐愍心或為
貪覆不憐妻子彼人之心甚於惡獸
煞生食肉食屎獸等若人不能出家
住法彼人應當如力如分正護妻子
令得安樂若自有力無憐愍心不護
妻子如是之人不名在家不名出家
是故應以資生布施及餘物施若教
持戒王若大臣能令妻子受戒持戒
教令布施教令習智更餘次第正護
其樂次第如力王若大臣如是作者
久時受樂久時壽命王若如是正護
妻子功德因緣於現在世常得安樂
常有利益能護國土能護自身善人
所讚身壞命終生於善道天世界中
為夜摩王以護妻子善業因故

又剎利王復有一法是三十四應勤
修習成就相應現在未來二世利益
三十四者謂常習智習智者名一切
苦滅出離一切生死之因若能決定
習智者好彼智者名於入大閻墮在
閻中得無量種衰惱之者照明如燈

生死曠野嶮道資糧盲者眼目無力者力無伴者伴無救者救病者良藥迷者導師生死曠野嶮道遠行飢渴乏者之清冷水之飲食也繫縛生死牢獄之者出要之因無親友者則能與作利益親友與無目者作光明眼能於死時而作強伴閻摩羅人來近至時於死滅時作大力伴一切惡處能為閑塞於欲墮隊大嶮堦者如手接取若作同侶得一切樂於裸露者是好衣服無能劫奪若有怖畏破戒罪火熱惱逼者能作無量多枝葉花清冷蔭影具足之樹一切眾生眼所矚者皆生愛樂是故智勝於無始來流轉世界諸眾生等能與現在未來世樂更無餘法能作樂因如一智也常應識知種種修習心行正道心善思惟心中安住其餘法動元量種意初中不善智則能除能示實道此則安隱一切饒益皆能成就示涅槃城常應修習以修習故善識知故生人天中為王為勝智火能燒一切煩惱乃至後時得寂滅樂更無異法能令

出離一切生死如此智者是故惴望一切地者應當思惟修習此智為他人說王若如是常修習智為他而說樂修多作功德因緣於現在世常得安樂常有利益能護國土能護自身善人所讚後正流轉身壞命終生於善道天世界中為夜摩王以能修習多智因故終得涅槃

又剎利王復有一法是三十五應勤捨離成就相應現在未來二世利益三十五者所謂不樂一切境界若剎利王樂於境界如是王者不得安隱若王樂聲觸味香色一切方便不得安隱亦復不能正護國土亦復不能正護自身常樂境界常著心故失法物名三皆退壞樂境界王餘王能破他破壞故自軍眾等皆生厭惡不復愛樂以厭離故則失王位而得衰惱得衰惱故或失壽命是故王者不用縱心樂著境界若不縱心大樂境界彼王則能正護自法或時心淨正攝色聲香味觸等不能動心久時為王王領國土一切軍眾不厭不捨是故他王不能破壞

命住久時不得熱惱久時受樂今既受樂後生樂處王若如是不樂境界功德因緣於現在世常得安樂常有利益能護國土能護自身善人所讚身壞命終生於善道天世界中為夜摩王不樂境界善業因故

又剎利王復有一法是三十六王不應作成就相應現在未來二世利益三十六者所謂不令惡人住國不調伏者不令住國若諸惡人惡業破戒令住國者彼王則不久時為王則於彼人必得殃禍彼大過故國人破壞自在劣減五穀不登人不作業王則不能正護國土一切國人於王不樂住國土天不生憐愍以其國內惡人住故以其國有不調人故彼調伏人亦不調伏第一修業福德之人近惡人故彼則有失是故王者不調伏人不令住國若王不令不調伏人住其國者惡法行人則不住國以不住國則無上過又復常能正護國土一切國人皆悉知王不令惡人住在國內則不作惡一切國人皆修行法不作

非法彼能如是隨法行王一切意念
皆悉成就一切國人皆知法律依法
律行餘不饒益不生不起彼王如是
以法為救以法為伴王若如是以法
為本不令惡人住其國內功德因緣
於現在世常得安樂常有利益能護
國土能護自身善人所讚身壞命終
生於善道天世界中為夜摩王以離
惡人善業因故

又剎利王復有一法是三十七王應
勤修多獲福德一切國人皆不厭惡
成就相應現在未來二世利益三十
七者所謂依前過去舊法不斷先得
依法而與使人軍眾一切人民先來
得者不斷不奪若地若物依本常與
若有何人種姓次第先來得者隨相
應與一切人民則於其王不生厭惡
左右軍眾一切不能迷相妨尋王不
憂悔不生熱惱王位不動國土不亂
恒常正住一切職人不偏斷事強不
陵弱不違法律一切國人如自業作
心生歡喜天心喜故以時降雨寒暑
隨時常豐不儉無刀兵劫龍心不瞋

一切善天不捨其國行於餘國彼王國土以行法故餘天不壞以人因緣是故有天以人力故天則有力彼王既知如是過已依先舊與不斷不棄若王善行第一法行於國內人依次第來隨相應與依祖父來隨所應與若王國土令法久住依法正護如彼次第依分而與如是次第依法王者一切天衆不求其便護其國土彼王大富國土具足以大富故布施作福持戒修智王若如是依隨法行功德因緣於現在世常得安樂常有利益能護國土能護自身善人所讚身壞命終生於善道天世界中為夜摩王以不違法善業因故

若王成就此如是等三十七法攝取彼法安住彼法一切功德皆悉具足彼從樂處復得樂處亦時彼名善時鵝王為說過去尸棄如來所說偈言若王軍衆淨法行制諸根彼則有法慧生天世界中若王時賦稅依法而受取彼則捨離貪為夜摩天王若王忍愛語瞋喜不能動彼護國土故生天中取勝

若王不朋諍不看友非友彼則心平等
得天衆中勝若王勤敬宿供養諸尊長
彼意堅不貪得為天中王若王依先世
隨祖父法與彼不棄衆生得為天中王
若王修施戒說法制諸根彼護國土人
天世界中貴若王捨非法攝取行法者
彼正法持戒生天中寂勝若三離婦女
唯親近善人彼則無垢意生天中為王
若王不普信唯攝取善人彼命終真見
夜摩天中勝若王愛善名不貪著財物
彼離貪垢故為夜摩天王若王不邪見
心愛樂正見彼淨見不動為夜摩天王
若王勤施戒亦常修行智彼得諸國土
後生為天王若王常愛語生他人取樂
彼得土清涼生天中寂勝若王實語說
不動如須弥彼登實階梯天衆中如幢
若王無因緣不舉下軍衆彼王民不猷
命終為天王若王知好惡亦知有力無
彼王有慧力生夜摩為王三界第一勝
所謂名三寶王若能供養彼王則生天
若王時見人能利益國土彼離慢心儉
生天中寂勝若王離睡垢則離於癡過
彼智境相應決定為天王若王離懈怠

常堅固精進 彼能竭過海 來世為天王
若王友堅固 常隨法行者 彼善友圍遶
生天為天王 若王離惡友 常捨離不近
彼則離諸毒 生天為天王 若王持瞋害
不樂作惡業 彼離惡垢故 常為天中王
若王不貪味 唯愛樂善法 彼能示善道
點慧生勝處 若王善思惟 隨順善法行
彼如法見道 到夜摩天處 若王時速作
依如是法行 彼速離諸苦 為夜摩大王
若王法利國 或以王法護 彼為人所讚
生天天亦讚 若王行十善 是如來所說
彼是修行法 生天為天王 若王信因緣
如是道非道 彼則離見垢 點慧生天勝
若王供養天 如所應而作 彼得天供養
生天中取勝 若王護妻子 心意不濁亂
彼自妻知足 生天中取勝 若王遠境界
愚癡所愛者 彼則是持戒 當生天為王
若王捨惡人 近依法行者 彼是善法王
應為夜摩王 若王依法行 是護國土主
應一切地主 亦堪夜摩主

如是彼名善時鵝王 以願力故生彼
天中而作鵝王 既見天主 卒修樓陀
念本生時 從尸棄佛所聞經法 為令

天主牟修樓陀心歡喜故如是說已
語天王言天王當知業如是故得此
天處以大法勝故得此處若得此處
不放逸行於後退時心不生悔命盡
死時醜面可畏地獄之使不來現前
汝夜摩王慎勿放逸勿放逸行汝於
彼處聞我音聲故來至此汝既捨離
一切境界為聽法故而來至此若苦
惱者隨順法行則非奇特若受天樂
不放逸行此則為難汝夜摩王牟修
樓陀若不著欲則為大樂若更餘天
近汝愛汝隨汝而行為軍眾者善得
生處以得近汝善知識故恒常得樂
近惡知識樂不可得汝夜摩王牟修
樓陀於此天眾多作利益此諸天眾
以近汝故得二種樂謂今世樂後涅
槃樂汝等諸天一切軍眾各各還向
自地處去我今復欲更向其餘放逸
天處為除放逸

善時鵝王如是說已彼諸天眾於山
頂上飛昇虛空牟修樓陀夜摩天王
聞說法已隨喜讚歎上天宮殿天眾
圍遶上昇虛空共諸天眾諸天女眾

之所圖遠復有餘天住山鵝山千峯
之。遊戲受樂如是放逸放逸而行
境界所迷愛樂境界為愛所壞於園
林中蓮花水池意念樹林如是如是
迭共同伴遊戲受樂五樂音聲天樂
之音不可辭喻在飲食河遊戲受樂
一切時華一切時果衆鳥音聲皆悉
具足饒蓮華池具足之處自業化果
受第一樂如是乃至受善業盡作集
業盡善業盡故如自業行或墮地獄
或墮餓鬼或墮畜生若以餘業得生
人中同業之處第一富樂或近海畔
或在其餘饒流水處作大富人廣多
商賈或作國王常在海岸船舶具足
多有財物多有人衆一切人愛

正法念處經卷第五

癸卯歲高麗國大藏都監奉
勅彫造

正法念處經卷第五十六

集 卷

觀天品之三十五

夜摩天之二十一

元魏婆羅門瞿曇般若流支譯

復次比丘知業果報觀夜摩天所住之地彼以聞慧或以天眼見夜摩天復有地處名曰常樂衆生何業而生彼地彼見若人不煞不盜如前所說常離邪淫乃至見盡女像不念欲想於彼盡女不生勝相見盡女時不思念想似某女人心亦不生可愛之想不如是觀不以欲心觀盡女像心不迷惑心依正法以正念故捨離欲心遠避女人自毀其身既自思念不邪淫已心生歡喜未生欲心常作方便令使不生勸邪淫者令住正道為說欲過不可愛樂若能如是捨離邪淫則是第一清淨身業正見不貪身壞命終生於善道天世界中在夜摩天常樂之地彼在中陰乃至天處皆因善業五根受樂色聲香味觸皆悉具足次第生天於彼天中三處化生一者生於蓮花臺中二者生於拘婆羅

耶鬚中三者生於曷陀羅花

若於拘婆羅耶鬚中生者光明及色亦如其花或赤或青或種種色七寶莊嚴亦如拘婆羅耶之鬚云何七寶雜色莊嚴青毗琉璃以為其鬚目睫眼瞼皆亦如是銀色爪甲赤白紅色齒如真珠其身猶如閻浮檀金齋下毛色如因陀寶自餘身分處處雜色心之畫師如畫所作

若在蓮花臺中生者色亦如是如閻浮檀真金之色髮青寶色脣色猶如赤蓮華寶或車渠色其甲猶如蓮花寶色齋下毛色如紺車渠唯說少分若於曷陀羅花中生者其身衣服有種種色在中生故還似其色謂相似者如現見法隨何色菓其中生物所生之物即同其色在中生故相類亦然隨其生處即同其色亦復如是以在在故一切相似天子生已常具衆樂不斷不絕常受天樂不可譬喻於彼樂中但說少分譬如海中一滯之水此所說樂亦復如是若於人中作善業者聞此天樂心則精勤何以故

知業果故望此樂報勤修善業如為
解脫勤精進者為破有中無量苦故
破壞愛毒彼見有中無有少樂以是
因緣說善業果此說天樂不為有果
亦時天子既生此天常樂地處常於
其中五欲功德遊戲受樂百千天女
歌詠讚歎而供養之於園林中蓮華
河池在如是處種種歌儻共相娛樂
不相妨碍自業受樂在園林處平地
山巔下蓮華林中常受天樂時諸天子
為天女衆之所圍遶於一一處一一
園林一一可愛遊戲之處一一七寶
山峯之中受天欲愛不知厭足見諸
可愛妙蓮華池聞妙音聲食天上味
服於細軟上妙天衣所受之香久受
五欲共相愛樂亦時有鳥名曰覺時
為於放逸諸天衆故以偈頌曰

於三有聚中一切皆當死 愚者於生死
不能生厭離 一切必有死 皆當勤方便
死怨既來至 無有能救者 能斷一切樂
能加衆苦惱 離別一切愛 是故名為死
能與衆生畏 能與大苦惱 能令意迷惑
是故名為死 能斷保命心 能破壞諸根

衆生不能破 是故名為死 衆生不能壞
諸業不能勝 令衆生失壞 是故名為死
衆生皆悉有 決定能煞害 能令愛別離
是故名為死 天夜叉樂神 鬼龍羅刹等
時輪皆能煞 是故名為死 惱亂難調伏
於一切如火 堅強不可避 是故名為死
能壞於陰人 命氣及心意 時法大勢力
是故名為死 其行甚駸速 破壞諸衆生
當勤修福業 勿得行放逸

此覺時鳥為放逸 天說於死法決定
無疑時諸天衆以放逸故 雖聞此法
不生厭離 諸根自體性輕動 故受樂
多者 諸根輕動則亦難伏 以樂勝故
諸根輕動不可調伏 以此因緣 此諸
天衆雖聞真實堅固利益 然於此義
不覺不知 設有覺知 愛毒所害 雖覺
不受 以此因緣 雖聞實語利益 真語
而不攝受 不受法故 初著美境 受諸
欲樂 五樂音聲 嬉笑歌舞 種種遊戲
於園林中 蓮花池處 共諸天女 以善
業故 在於無量七寶莊嚴可愛山峯
常受快樂 不斷不絕 一切天欲功德
具足 共相娛樂 種種珍寶莊嚴之地

常受快樂如是遊戲種種受樂次第
遊行到於廣池其池縱廣一百由旬
有一蓮華其花柔軟七寶間錯毗琉
璃莖金剛為鬚其花開敷遍覆大池
此諸天衆本未曾見既見此花生希
有心今此天中甚為可愛所見之處
皆可愛樂諸天見之百倍歡喜迭相
相示皆共瞻仰圍遶一面共行遊戲
心生歡喜觀此蓮花一切皆生希有
之心共相謂言汝觀汝觀可愛蓮華
昔所未見有大光明多有無量七寶
衆蜂莊嚴如是大寶蓮華以大蓮華
遍覆大池周匝遶花少分見水於廣
池岸真珠間錯青因陀寶赤蓮華
寶白銀色寶間錯莊嚴大蓮華臺高
五由旬廣十由旬隨天所念善業
力故於天遊戲受樂之時隨天心念
若大若小如天心念於大池內蓮華
之心皆悉具足是故此池名隨念池
其花名為隨念蓮華如是二事同名
隨念今時天衆初始見時心生歡喜
足一百倍以善業故在彼池岸歌儻
戲笑五樂音聲一切共受如是天樂

時諸天衆既遊戲已復飲諸天上味
之飲辭於醉過既飲上味受樂功德
如念即得如意念香如意念色如意
念味如其憶念種種寶器於彼池中
即有寶器上味充滿從池而出美妙
天酒從池流出此諸天衆飲斯上味
飲上味已復向異處遊戲而行見蘇
陀藥色香味觸皆悉具足意欲食之
歡喜往趣既至食所皆共食之或以
手食或用寶器如葉相似食須陀已
隨其來處還向廣池彼此迭共生歡
喜心天衆圍繞五樂音聲歌儺喜笑
遊戲而行到廣池中見大蓮華光明
殊勝過百千日彼一切天妙寶光明
於華光明十六分中不及其一亦時
天衆見大蓮華心極歡喜天衆圍繞
五樂音聲歌儺遊戲圍繞大池皆共
循行如是如是隨其遶池周遍循行
復見池中希有之事於花池上多有
種種可愛妙色七寶衆蜂雄雌娛樂
而受快樂共飲花汁花汁美味不可
譬喻並飲花汁以偈頌曰

若作種種業則生種種果 種種受生者

以業種種故心雜故種種造種種休處
種種業盡故不久則失壞此所受天樂
不可具足說無常力自在不久須臾至
樂如水泡沫如陽炎非水諸樂亦如是
一切必破壞極惡不可遮眾生皆怖畏
死王將欲至其力不可壞破壞一切樂
及斷於命根業鏹所繫縛將至於餘世
若樂已過去是樂不可念若樂在未來
亦不名為樂若樂住現在與愛境界雜
無常所遷動一切皆破壞若樂屬三界
智者所不讚云何諸天衆愛樂如是儘
此身不久停死火必來至能燒滅一切
如火焚乾薪諸樂速遷滅莫行於放逸
勿於臨終時而生於悔心無量百千生
業樂皆已過如夢至何所如風念不住
愚者樂無厭如火得乾薪是故所著樂
則非為常樂解脫渴愛者能離於欲過
修禪不放逸得無垢淨樂得如是樂者
乃可名為樂諸有雖名樂猶如雜毒蜜
如是著樂者心恒求欲樂欲樂非常樂
是故非寂靜

如是衆蜂以善業故為諸天衆說如
此偈時諸天衆雖聞此法而不攝受

復觀此池心生愛樂共諸天女遊戲
歌僂處處遍觀久於此處遊戲受樂
復欲觀彼池中蓮花輕便四大自在
力故業勢力故蓮華池中自在遊行
或有天衆入花葉中遊戲受樂或有
入於種種妙寶間錯華臺共諸天女
而受快樂於花臺中隨心所念昇花
葉上時蓮華業如是如是轉更增長
以善業故蓮華增長二百由旬三百
由旬乃至千由旬以天善業意念力
故臺亦如是漸更增長二百由旬其
大蓮華光明亦漸更增長今時天
衆各各在於餘花葉中共天女衆遊
戲受樂此諸天衆既上花葉業即
增長

今時天衆遊戲受樂作如是念我今
於此遊戲止住應生酒河及須陀食
即於念時蓮花葉中即生酒河及須
陀食皆悉具足復作是念我今飲酒
食須陀味即共天女飲於天酒食須
陀味

今時天衆久受樂已復作是念我於
此處止住遊戲此花葉中應生園林

以善業故隨其所念即生園林七寶
雜樹有種種鳥種種音聲寶樹蔭覆
猶如宮室花果具足所念花果隨時
皆得有種種河泉池流水勝妙可愛
種種妙聲寶鈿地廣多有妙花色香
相貌皆悉可愛華有三種所謂青色
優鉢羅花拘物陀花菴摩羅那花蘇
支羅花香業花離沮花具足欲花羅
婆羅花君荼羅花有如是等水生之
花於花光中多有衆蜂如是等花隨
念雜色有青寶色周遍皆生如是天
花莊嚴其林復於陸地生種種花其
花種種色貌相類甚可愛樂生此林
中彼諸天衆住在如是蓮花葉中所
謂樂光明花天子天女笑之即來復
有一花名曰見樂復有一花名種種
色歡喜開敷柔軟業花一切光明勝
莊嚴花朱多藍花無厭足花憶念樂
花有如是等陸生之花隨天念時一
切現前於樹林中復有諸花所謂曼
陀羅花與喜樂花香觸愛花香味可
愛花伎多羅花五業之花龍林舌華
遮鉢羅花林鳩之華須摩那花光明

之花聞香飽花一切愛花山鵝之花
山峯鵝花如是等華有生樹下有生
榛林此諸天等蓮花中住遊戲之時
善業力故生此諸花今時天衆共諸
天女住蓮花林遊戲花葉受種種樂
彼大蓮花隨念廣池勢力如是

時諸天衆蓮華葉中作是思惟今於
此處應有衆山種種寶峯從此出生
光明具足種種鳥衆種種妙聲在山
峯中巖窟河池平處嶮岸寶鈿之地
如是等處我應遊戲復作是念我今
住此大蓮華葉此處若有巖窟河池
平地流泉我當於中遊戲受樂善業
力故即於念時多有園林花池山峯
巖窟平頂皆可受樂七寶光明而為
莊嚴種種樹枝甚可愛樂見之心樂
過一百山天花果樹枝條蔭覆猶如
宮室甚可愛樂百千寶窟生在山中
以為莊嚴時諸天衆離蓮華葉與千
天女而自圍遶上妙天華色香觸等
皆悉具足無有萎變莊嚴天女美妙
歌聲音曲膏等聞者心樂如天所應
五欲具足安詳徐步而昇大山願曰

遍觀時諸天衆遊戲受樂飯於食河
飲於流味既食無量諸飲食已即於
河邊取易施羅花俱施耶舍花莊嚴
其身復嚴天女歌儻遊戲於五欲中
久受樂已於可愛境界受諸欲樂不
知厭足愛河所漂復向廣池大蓮花
中此諸天衆或百或千諸天女衆而
為圍遶種種莊嚴到於大池各至所
住蓮花葉中各各遊戲受於可愛勝
妙之樂如印所印各如自業受相似樂
亦時天衆復作是念此處應有種種
山谷種種衆鳥種種色貌行食相類
見之心樂七寶之身出妙音聲一切
處行皆無障尋或在水中或在陸地
或行空中而無疲倦若有此鳥來至
此處我當棄之行虛空中與諸天女
遊戲空中下觀常樂地處諸天歡娛
受樂遍觀察已共諸天女復受勝樂
時諸天衆作是念時有種種山種種
山峯種種山谷種種山窟種種樹林
種種鳥衆善業力故隨念即來種種
相貌種種莊嚴種種勝妙跋求之聲
種種七寶雜色衆鳥天女見之一切

皆生希有之心其音美妙遍滿虛空
皆來向此蓮華葉中天遊戲處遍覆
虛空今時天衆及諸天女既見彼鳥
心轉歡喜以歡喜故共天女衆欲昇
虛空今時諸鳥知天所念來近天衆
時諸天子共諸天女昇於鳥上鳥即
飛行過於虛空手執笙篴歌衆妙音
笙篴鼓吹甚可愛樂聞之心樂復觀
自地天衆受天欲樂喜愛著心不念
退沒以善業故唯受天樂今時有鳥
名曰寶語為調放逸諸天衆故以偈
頌曰

暴風鳥集飛其行甚速疾一切衆生命
速疾過於此風行或迴旋鳥去時有返
命根既壞已則無有還期以業速盡故
速到於死時必定離天處愚者不覺知
大力不可遮極惡憎衆生死王甚勇健
必定須更至天多行放逸為樂之所誰
不覺必當得無量大苦惱一切法無常
畢定當破壞諸有法如是是取可怖畏
老能壞壯色死能喪身命敗壞破資具
相對法如是於如是大惡衰惱大怖畏
如猶行放逸是名無心人若畏未來世

則名有智眼。若與此相違，是為大愚癡。一切心所誑，今意皆迷亂。業盡則失壞，如油盡燈滅。無量境界樂，此樂皆無常。本作業盡故，必當歸磨滅。

是實語。鳥以善業力，為令諸天心調伏。故說如是偈。時諸天衆，以放逸故，愚癡不覺，心不信解，亦不攝受。復觀如是常樂地處，可愛山谷、河泉、流水、花池、園林、一一花林、山峯、巖谷。天衆充滿遊戲，空中聞諸歌音，遍滿虛空。時諸天衆復見異處，衆多天子及天女衆，在花池岸飲天上味，於如意樹、五樂音聲而受快樂。復行異處，見有宮殿在於虛空。天子、天女、天鵝、莊嚴天之五欲，皆悉具足。遊戲受樂，見二天衆合為一會，在虛空中遊戲受樂。乘於七寶莊嚴之鳥，那羅林、天住於宮殿。此二天衆一切和合，在虛空中共相娛樂於虛空中。久遊戲已，復昇山峯，久於山峯遊戲受樂。復向廣池念花而去，或有乘鳥滿虛空中騰躍而行歌天妙音。是諸天衆念勝樂故，復向廣池。既到池，已從鳥而下入於

廣池蓮花葉中如前所說種種遊戲而受快樂

今時天衆在於廣池大蓮花中久受樂已復作是念今我此處應生枝葉陰覆宮室俱翅羅聲種種妙寶花林莊嚴種種寶色枝葉陰覆以為宮室我當於中遊戲受樂以善業故即於念時種種妙寶光明莊嚴第一妙花色香具足以覆其上所謂白銀毗琉璃寶大青寶王赤蓮花寶頗梨色寶如是乃至金色寶等微妙第一見之悅樂如是種種衆寶枝葉陰覆宮室善業力故隨念而生今時天衆見此枝葉陰覆宮室心生歡喜入此宮室歡娛受樂一切天女而為圍遶天衣天鬘莊嚴其身一切天欲皆悉具足其心和順不相妨罣離於妬嫉鬭諍瞋恚而受樂行以善業故受此天樂五樂音聲一切齊等於枝葉陰覆宮室之中共諸天女而受欲樂心無厭足愛毒所燒受五欲樂不知厭足不可辭喻枝葉陰覆宮室之中受天勝樂深樂成就如是枝葉陰覆宮室衆

寶所成毗琉璃樹真金為葉赤蓮花
寶以為其果青因陀寶以為其枝或
白銀葉頗梨為果或青寶葉赤蓮花
果或雜寶葉雜寶為果或真金葉白
銀為果金葉金果亦復如是種種枝
葉蔭覆宮室以善業故隨天所念皆
悉具足今時天子共諸天女心生歡喜
入於枝葉蔭覆宮室間然而住共眾
天女遊戲受於種種之樂如魚處水
不知厭足於此枝葉蔭覆宮室生希
有心在宮室中嬉戲歌詠娛樂受樂
既受樂已復作是念我今此處枝葉
蔭覆宮室之內應生第一色香味觸
天之上味從葉流出共天女眾飲之
快樂以善業故即於念時天上味飲
色香味觸取為第一從葉流出共諸
天女飲之受樂心不知足以愛欲心
久時歌儻遊戲受樂以放逸地不知
厭足先所作業臨欲退時遊戲受樂
渴愛境界不知厭足

復作是念今我此處花葉之中應生
第一須陀之味具香味觸以善業故
即心念時第一須陀具香味觸從葉

中出出已食之時諸天衆久受樂已
復作是念今我此處寶樹枝中應生
寶珠瓔珞莊嚴勝妙天冠光明具足
辭莊嚴等諸天種種嚴飭之具光明
莊嚴從樹枝出作是念時善業力故
出生種種天莊嚴具光明嚴飭

尔時天衆著莊嚴具久受天樂不知
獸足共諸天女受五欲樂不知獸足
雖久受樂於境界中轉增渴愛以心
不定復生異念今於此處應有香風
來吹樹葉互相搏觸出妙音聲勝於
歌音作是念時以善業故種種香風
吹動樹葉互相搏觸出妙音聲天女
歌音十六分中不及其一時彼天衆
共諸天女歌儻遊戲久時受樂猶不
知足

尔時天衆復作是念我今於此所住
之處應生種種七寶雜色莊嚴宮殿
一切天欲皆悉具足隨念出生如是
生已於此廣池周匝普遍在虛空中
共諸天女歌儻遊戲喜笑受樂作是
念時即有種種七寶宮殿雜色莊嚴
真珠瓔珞以為莊嚴其殿四面種種

衆寶勝妙欄楯觀之可愛其欄楯上
或有鵝鳥或有孔雀或命命鳥種種
衆鳥住在其上處處皆有衆鳥止住
如心所愛種種衆鳥而現其前天衆
見已共諸天女昇此宮殿遊戲歌儻
一切皆往向廣大池在宮殿中下觀
大池見諸蓮花生希有心此大蓮花
種種寶菜種種光明種種妙色以為
莊嚴所謂金剛青因陀寶赤蓮花寶
毗琉璃寶大青寶王金光明菜見之
受樂

時諸天衆在於虛空宮殿之中復有
餘天住於廣大蓮花菜中共諸天女
歌儻遊戲互相娛樂或有在於虛空
宮殿或有在於大蓮花菜是諸天衆
作無量種不可譬喻遊戲受樂如是
種種遊戲歌音其聲遍滿五百由旬
五欲功德皆悉具足五樂音聲受无
量樂自作勝業所集業盡猶不覺知
善業將盡退時欲至行於異處當生
何道受何等苦受何等樂善不善業
今當將我至何等處示我何道為在
地獄為在餓鬼為在畜生為在人中

為生畏處為不畏處以沒放逸黑闇
中故於如是等不覺不知若至覺時
善業已盡無常大風吹令墜墮如是
天衆多行放逸如怨詐親非實利益
詐為利益善業既盡將受異果尔時
乃覺作如是念我作不善多行放逸
如是終時尔乃覺知以多習行此放
逸怨不生畏難復於花池遊戲歌儻
善業力故極生愛樂而復樂觀蓮花
菴中遊戲諸天及住虛空宮殿天衆
彼此和合而共受樂尔時有鳥名水
波輪以善業力為於放逸諸天衆故
以偈頌曰

衆生命不住 猶如水濤波 無堅如水沫
而天不覺知 若无風吹鼓 水沫或久住
無常天福盡 速滅不久停 譬如燈油盡
光明亦皆无 業盡亦如是 天樂則隨滅
無有所作業 而不失壞者 如是諸衆生
愚癡不覺知 凡諸有生類 有生必歸滅
一切有為法 皆亦復如是 衆生自業故
流轉於生死 云何此世間 放逸所破壞
放逸失善法 放逸為堅縛 以其放逸故
退墮於地獄 苦有一因緣 謂從放逸生

是故求樂者應離放逸行若離放逸者則得不死處以不放逸行則近於涅槃以不放逸故得至涅槃處是故智者許放逸為苦因一切放逸者猶如狂病人現為他所輕死則入惡道一切放逸者於業果報中及以生死處無不顛倒行放逸火熾然燒地獄衆生若欲脫地獄當離放逸行若欲離放逸當樂修智慧則脫煩惱縛常得安樂處五根生三垢心流轉三界已離放逸者說放逸如是放逸藏甚苦不放逸藏樂是故求樂者應離放逸行

如是水波輪鳥為彼天衆捨離放逸善調伏故說如是偈時諸天衆以放逸故於如是等真語實語雖聞此法不能聽受復於虛空廣池之內蓮花葉中共相娛樂遊戲受樂作天伎樂天妙音聲及餘境界堅著色聲香味觸等不知足狀如飲鹹水雖復數飲不能斷渴此諸天衆亦復如是雖受無量種種天樂而不知足

尔時天衆於虛空中久受樂已復於廣池與彼天子及諸天女於大蓮花

衆中遊戲受樂五樂音聲彼此和合
一處同心同欲共相娛樂其心堅著
六欲境界久於此處歌儻喜笑以無
量種無量老別而受天樂如是等樂
隨心所念具足成就以善業故隨其
所念一切諸樂隨念老別皆得成就
是諸天衆為無量念覺觀波淪大河
所漂生歡喜心一切天衆久在大池
大蓮花中成就天樂受天無量放逸
之樂

時夜摩天王半修樓陀知諸天衆著
放逸樂生憐愍心欲除諸天放逸行
故為之現化斷除色慢去廣池不遠
化作大山名曰清淨猶如善淨真毗
琉璃無量金銀種種雜寶而為莊嚴
遍於彼山有遊戲林周匝圍遶多有
無量百千流泉水皆清涼其山寶峯
光明普照一切林樹以為莊嚴多有
花池無量種花以為嚴飭無量千數
枝葉蔭覆猶如天宮如是勝山周遍
莊嚴夜摩天中常樂地處所住天衆
皆悉見之

夜摩天王半修樓陀復更思惟化作

天衆如天怨家顏色端正其行速疾
歌儻戲笑勝常樂地過踰十倍或復
化作勝妙天女勝常樂地一切天女
亦過十倍此地天女一切不如何等
一切所謂相貌端正顏色殊妙嬉笑
歌儻種種遊戲皆悉殊勝其清涼山
一切皆是毗琉璃山如前所說

余時勝天在於化山住於第一取高
山峯於此峯中化作天子及化天女
歌詠伎樂音聲美妙聞者愛著彼化
天衆及化天女從化山峯次第而下
遊戲歌儻來向寶天余時寶天聞諸
化天歌詠之音如前所說十倍殊勝
美妙音聲共天女衆歌詠遊戲時諸
化天亦復同作一類歌詠漸漸來下
近寶天衆余時二種天衆既相見已
化天歌詠漸增轉勝時寶天衆見勝
色故即離色憊既破寶天形服色憊
余時化天即出音聲而詠歌頌時諸
寶天為於化天歌詠所覆化天香氣
色量形貌及化天女量色形貌一切
皆勝時諸寶天五欲境界一切欲樂
為彼化天五欲境界欲樂所覆以夜摩

天王方便力故令諸實天諸慢漸薄
今時化天與實天衆共集一處令實
天衆威德光明皆悉隱蔽如閻浮提
日光既現星宿月光一切皆滅化天
威德令實天衆光明悉滅亦復如是
時化天衆出勝歌音令實天音隱蔽
不現於化天音如閻浮提人中歌音
比於天聲量色形貌所有勝相亦復
如是如夜摩天勝人色相時實天衆
著覆心故向廣池岸時化天衆在彼
池中大蓮花上歌儻嬉笑天中所有
五欲功德皆悉具足樂事成就於廣
池上大蓮花中歌儻戲笑共相娛樂
時化天衆一切樂具皆勝實天以雜
歌頌為實天衆而說偈言

一切業相似得天中樂報天命及樂受
業盡則失壞是故諸未失天中種種樂
皆由福德因無福則大苦命速不暫停
上色亦如是死來甚迅速勿行於放逸
放逸能破壞衆生一切樂命為死所滅
勿得行放逸諸根不可制境界不可遮
智者於境界則能得自在故應捨愚癡
常修行智慧常遠離諸過无利之根本

放逸生諸欲由欲造苦因生死皆是苦
生滅法如是若捨離放逸則不樂境界
能離於諸過則得解脫樂放逸是苦樹
是大苦之根放逸能破壞一切諸衆生
是色等無常非樂非和合得已而復失
諸有皆如是隨有樂境界皆是繫縛因
隨得轉增長如火得乾薪如是無厭足
則不名為樂若得離愛樂乃可名為樂
若離生死樂尔乃得常樂若為欲所使
則不名常樂

如是夜摩天王牟修樓陀以方便力
壞彼天憍如是歌詠第一妙聲音所
未聞誘諸天衆欲令實天聞其歌聲
因得聞法時諸天衆既得聞已牟修
心力之所熏故即便覺知如斯歌義
既覺知已心生厭離作如是言彼天
於我一切皆勝自離放逸而說偈頌
况我卑劣而行放逸時夜摩天王牟
修樓陀以方便力令諸天衆生厭離
心斷除放逸第一方便為作利益以
此天衆色樂憍憍是故不知天當退
沒至後退時悔火自燒後為地獄大
火所燒夜摩天王以是方便令實天

正法念處經第五十六卷 第三十四
衆心生厭離而得利益

正法念處經卷第五十六

癸卯歲高麗國大藏都監奉
勅彫造

正法念處經卷第五十七

慎

元魏婆羅門瞿曇般若流支譯

觀天品之三十六

夜摩天之二十二

時夜摩天王牟修樓陀知諸天衆心生厭離復為現化令增厭離化作天衆於華業中遊戲歌儻諸實天衆亦未曾見如是天衆遊戲受樂有無量種無量差別為實天衆得離慢故時實天衆聞諸化天歌樂音聲心生羞耻止不歌儻不能遊戲不受欲樂一心正住觀化天衆見化天衆作無量種歌儻戲笑無量差別無量可愛更無相似可以譬喻時諸化天蓮華業中歌儻遊戲種種受樂

尔時天王牟修樓陀見實天衆心離憍慢善調伏已復於蓮華業中化天歌儻有一華業滿中化天忽然墜落墮大池中或有深沒更不復出或有涌出在於水上或如死屍浮在水上或有相抱二俱沉沒皆唱是言救我救我送乎相喚或有相抱發聲大叫或有相抱而便沉沒諸實天衆在大池

岸觀諸化天見化天衆退沒乱壞極
生怖畏極大愁惱

尔時池中一蓮華業既墮落已復有
一蓮花業化天滿中而復墜落墮大
池中或有沉沒或有少力浮在水上
發聲大叫或有沉沒不知所在或有
死已沒於水下或有死已浮在水上
猶如舡棹或有叫喚或共天女相抱
大叫或為天女兩手急抱而沒水中
猶如人間在惡水中舡棹壞時人皆
沉沒此化天衆住花業中與業俱墜
清淨水中沒在大池亦復如是

尔時復有一蓮花業化天滿中而復
墜落墮大池中如石墮水不復更出
尔時復有一蓮華業多有化天住在
其中而復墜落墮大池中迭共相抱
皆大叫喚或沒半身久時叫喚然後
盡沒如是百百千千有無量種安詳
徐墮大池水中猶如沉石令實天衆
皆悉見之無量天衆沒已不出

尔時復有一蓮華業滿中化天臨欲
墮落發聲大叫如大山崩或如地動
或如大海潮波之聲化天墮時出大

音聲亦復如是時實天衆在彼岸上
聞化天衆如是音聲見如是等諸衰
惱事皆生厭離心大恐怖周匝遶池
觀此化天心極厭離共相謂言如此
之事本所未見有如是等一切天衆
極大衰惱昔所未聞昔所未見此大
怖畏作是語已或有思惟極生厭離
尔時復有一蓮華葉滿中天女而復
墜落墮大池中驚爲怖求哀唱如是言
救我救我復相謂言若天放逸則得
如是衰惱殃禍墜落退没互相告已
時諸實天心得調伏皆生厭離不行
放逸心得隨順

時夜摩天王牟修樓陀見實天衆心
調伏已為利益他自隱其身入蓮花
臺共諸調伏不放逸天入蓮華臺令
實天衆不見天王王及天衆第一善
心為利天衆皆共入於蓮花臺中餘
實天衆不見其身觀諸實天作如是
念彼天云何為調伏不為離慢不
尔時天王知諸天衆心善調伏乃至
心中不念放逸皆生怖畏今正是時
應為說法而攝取之知此事已於大

池中大蓮華內復作變化令生怖畏
化作蓮華有無量葉及諸化天在蓮
華葉墜於大池墮於水時出無量種
怖畏之聲而復化作無量天衆死屍
狼藉夜摩天王牟修樓陀心自思惟
如是天衆極大怖畏或當馳走奔於
餘地即復化現今其不去唯觀化天
轉轉復生大獸離心如是一切種種
化現皆悉作已與其天衆入花臺中
復更觀察遍觀察已第一悲心為利
天衆出蓮花臺共諸天衆出華臺已
即攝神力化事皆滅安慰天衆作如
是言若天放逸一切皆當得此衰惱
一切怖畏放逸為本不放逸天則不
怖畏不得衰惱爾時天王牟修樓陀
為諸天衆以偈頌曰

愚癡樂放逸常受諸苦惱若離放逸者
則得常安樂一切諸苦樹放逸為根本
是故欲離苦應當捨放逸

爾時實天見夜摩天王牟修樓陀心
皆安隱歡喜馳趣夜摩天王共相謂
言我今得主夜摩天王今者坐於大
蓮華甚天衆圍遶能救護我能攝受

我如是各各共籌量已一切皆走向
大蓮華上蓮花臺半修樓施天王住
處師子之座與蓮華臺二俱同色夜
摩天王共餘天衆住華臺中天衆到
已白天王言誰令天衆如是破壞如
是衰惱如是墜墮沉沒水中唱聲叫
喚誰能如是與諸天衆種種苦惱
尔時天王半修樓施告天衆曰此放
逸過一切衆生必定皆有汝等天衆
皆悉未知尔時天主半修樓施為諸
天衆以偈頌曰

一切諸衆生皆悉不能破一切諸業行
無有能勝者能令諸世間一切皆失壞
以有如是力是故名為死彼能壞世間
能破陰界入死王從此世將至未來世
無力能拒捍無有能救者唯有法能救
是故法名救命速不久停壯色亦如是
死來甚迅速不應生放逸一切衆生樂
皆為無常壞命為死所滅不應樂放逸
若善業盡時必至三惡趣既知如是過
不應樂放逸世間屬無常自有三毒刺
有生故有死不應樂放逸死能破壞命
老能令衰變病能壞安隱不應樂放逸

業繩縛衆生心依繩闇道流轉三有中
不應樂放逸樂者必受苦苦者苦轉勝
公夫為妻子不應樂放逸母亦為妻室
妻亦為怨家此等輪轉行不應樂放逸
於園林山谷天女衆圍遶世間皆當盡
不應樂放逸一切天受樂皆當歸破壞
虛妄不可信不應樂放逸有生皆是苦
是老死之器決定必當得不應樂放逸
諸根難調伏無有能調者一切樂皆盡
不應樂放逸少年必當老諸欲猶如夢
是故有智者不應樂放逸猶如芭蕉菜
如電不久住一切皆破壞不應樂放逸
諸根難調伏樂著諸境界唯有智慧能
能住自境界

如是天王牟修樓陀以諸天衆心得
厭離為利益他說如是偈余時天王
牟修樓陀復為天衆說放逸過作如
是言汝等天衆云何沒在放逸闇中
不見大惡不見大畏汝等皆見如是
等天以放逸故皆志破壞歸於死滅
無能救者彼諸天衆一切樂具皆志
勝汝色量形貌富樂光明天女歌詠
舞戲皆勝汝等現見彼諸天衆以放

逸故一切磨滅汝等天衆皆應思惟
遠離放逸一切世間惡龍池中放逸
池中境界惡龍取為大惡諸風火惡
中放逸之火與憶念風取為甚惡一
切闇聚無量時集無始來集放逸闇
聚取為闇冥一切求便諸惡怨中放
逸大怨求境界便取為大惡諸利刀
中放逸利刀最為傷害墮惡道刀一
切大惡毒蛇之中放逸毒蛇貪欲之
毒能煞一切愚癡衆生毒中取惡一
切怨家詐親善中放逸怨家詐現親
善取為大惡以起一切親故愛故一
切相械枷鎖及以繩索繫縛之中放
逸繫縛取為堅固過堅難故一切曠
野無水無樹無果無蔭無量衆生於
中遭苦諸曠野中放逸曠野取為大
惡以離樂水離善人樹離持戒蔭能
與世間一切衆生無量苦惱一切不
實虛妄見中妄見為實如旋火輪
輒聞婆城鹿愛炎中放逸虛妄取為不
實境界樂動不停不住無有如實唯
虛妄見如旋火輪輒聞婆城鹿愛炎
中放逸取為虛妄不實一切嶮岸顛

墜之中放逸嶮岸取為可畏必定當墮大惡道故汝等天衆當知如是一切五道所攝衆生以放逸故三趣衆生行惡業故墮入惡道是故一切畏苦惱者應當勤心捨離放逸此放逸皆一切苦本今時天王牟修樓陀為諸天衆以偈頌曰

不放逸得脫放逸常受苦放逸不放逸已略說其相

如是天王牟修樓陀調伏諸天為說正道時諸天衆一心諦聽心調伏故折伏諸根諸根寂靜夜摩天王牟修樓陀於蓮花臺坐師子座時諸天衆白天王言願為我說畢竟利益畢竟安樂今我得此畢竟利益畢竟安樂我云何行

今時天王告諸天曰有佛世尊具一切智解脫之師一切諸過皆悉解脫一切功德皆悉具足於一切衆生中取為殊勝若能歸依則能斷除汝等苦惱佛無放逸汝當歸依能救汝等無量無邊生死怖畏

今時天衆聞天王教一切胡跪及諸

天女生敬重心攝伏諸根於佛世尊
生敬重心合掌頂禮受三歸依一切
天衆以誠實心歸依佛歸依法歸依
僧以善淨心毀咎放逸誠心悔過以
見化天有無量種種衰惱滅壞不能堪
忍無量苦惱

今時天主牟修樓陀見諸天衆心生
厭離復為化現無量神通於須臾間
能示一身以為千身於千身中現百
千身於須臾間於一形相現於無量
種種形相於須臾間飛昇虛空種種
妙寶嚴飾其身種種形服於須臾間
沒於水中現一千頭種種寶冠種種
寶印莊嚴其辟其身光明勝於千日
於須臾間化作大山園林具足在園
林中一切天衆之所圍遶天衆皆見
或見在於大蓮華中無量百千光明
天女之所圍遶是諸天女身出光明
時實天衆皆不能觀天王之身及天
女衆

今時天王牟修樓陀復現神通為令
天衆離放逸故從其口中出於百千
諸天大衆或有坐於七寶宮殿種種

妙寶光明之身種種客服共諸天女
莊嚴端正詠天歌音以為圍遶一切
皆從牟修樓陀天王口出或有坐於
蓮花之中如蜂歌音飲於天酒香味
相應共諸天女或百或千以天衣鬘
而為莊嚴身出光明皆從天王口中
而出

時牟修樓陀復現神通從口而出或
有天衆衆七寶鳥遊戲歌詠五樂音
聲共諸天女歡娛受樂從於天王口
中而出天之莊嚴不得為比光明功
德皆悉具足

今時天王牟修樓陀復以神力從其
口中化天踊出坐於拘婆羅耶中作
天伎樂出妙音聲諸天女衆之所圍
遶皆飲天酒歌頌戲笑共諸天女或
百或千或億百千不可喻色殊勝天
女而為圍遶種種遊戲天園林中遊
行空中而行道路歌頌音聲勝於寶
天足一百倍歌音色樂種種功德皆
悉具足今天衆聞時實天衆未曾見
此希有之事見已皆生希有之心或
生歡喜或有生疑作是思惟此天云

何從於天王口中而出甚為希有時
實天衆如是思惟或共論說不知去何
今時天王半修樓陀復現神通從其
口中出化仙人種種容顏或有長髮
或作螺髻或有身著樹皮之衣或有
手中執持澡瓶或著天衣華鬘莊嚴
或著黑色鹿皮之衣有如是等種種
色貌諸大仙人從口中出或百或千
出已住於虛空之中而說偈言

一切衆生心如幻法不住一切必歸死
有中莫放逸一切可愛中 愛心轉增長
終必歸破壞 有中莫放逸 有中更無處
有生而不滅一切樂皆畏 有中莫放逸
一切所見中 謂五欲可愛一切皆如夢
有中莫放逸 喜憂難調伏 常為衆生怨
速將入地獄 有中莫放逸 雖數受欲樂
得已而復失 必當皆壞滅 有中莫放逸
初中後不善 能壞於世間 業鐐所繫縛
猶如鈎釣魚 雖種種方便 欲斷於業鐐
一切天非天 不能斷業鐐 生死鐐極長
首尾不可見 是愛甚堅牢 以縛愚癡人
我及餘天衆 若人阿修羅 一切皆無常
癡盲不能見 業身遙一切 常流轉諸有

一切愛縛心 智慧乃能斷 從於愛水中
生於五鎖遂 覺觀風力故 為時火所燒
愚癡無智慧 貪苦中妄樂 迷故顛倒取
流轉五道中 喜樂於妻子 及種種富樂
常保此妄樂 為死王將去 如虜狼煞鹿
害之不疲厭 死王大力勢 力煞害亦如是
一切諸有中 無量多種苦 為癡所迷惑
而心不疲倦 若人依止惡 不名自愛身
既不自愛身 世間更何愛

如是天王牟修樓陀從口所出變化
仙人為實天衆除放逸故說如此偈
畢竟利益亦時天王牟修樓陀復為
利益神通變化從其臂中示現踊出
大蓮華尤甚可愛樂其池多有鵝鴨
鴛鴦而為莊嚴第一清淨八功德水
其蓮華池有百千億七寶蓮華以覆
其上其花香氣滿百由旬其蓮華臺
王在其上種種妙寶莊嚴天冠種種
光明種種寶衣莊嚴其身種種寶印
莊嚴其臂種種妙女而為圍遶聖師
子座其諸妙女手執白拂侍立左右
復有諸人讚歎王言勝妙增上猶如
帝釋第一天王有如是等百千化王

夜摩天王以憐愍心利益他故為令一切諸實天眾離放逸故作帝釋轉輪聖王及餘無量百千諸王

余時天王牟修樓陀為利益故復示變化從其齋中出大蓮華廣百由旬百千億葉七寶蓮華種種寶業多有眾蜂出歌詠音聞者心悅見之愛樂夜摩天王從其齋中所化蓮華其蓮華莖長五千由旬毗琉璃茎金剛間錯青因陀寶所共集成而以莊嚴勝天虹色甚可愛樂大蓮華內有諸化人種種衣服莊嚴其身第一勝樂執犁耕地而說偈言

一切犁地者心皆惛望果癡心惛利故不覺當有死愚者惛利心念念常增長而不覺諸行念念歸滅盡老罽時欲至能令少壯盡病苦若未至能壞於安隱此三種惡罽破壞天非天速來時欲至愚者不覺知天龍阿修羅捷闍緊那羅羅刹毗舍闍皆為老死壞能令貪愛者捨離於親里癡愛相繫縛輪轉於諸有子孫及子孫如是種子等人為愛所誑一切皆當失

如是化人為利益他說如此偈時實
天衆聞是偈已心念思惟於境界中
不多愛樂今時天王牟修樓陀為利
天衆復作現化於其一切身分之中
種種莊嚴種種容顏種種寶冠无量
種色無量種形無量種相天乳闍婆
若人若龍阿修羅等各以自法衣服
莊嚴從天王身毛孔中出各如本色
如其形相如其自法自共姝女歌儻
嬉笑娛樂受樂天王受樂與人相似
富樂歡悅自相愛樂歌儻嬉笑歡娛
受樂復有諸龍種種莊嚴或有一頭
或有二頭乃至七頭有種種色種種
形相勝妙寶冠莊嚴其首種種音聲
歌詠遊戲生歡喜心娛樂受樂如是
勇健羅睺阿修羅等皆盡化出

天帝釋樂減夜摩天共諸姝女園遶
供養第一莊嚴阿修羅女園遶供養
五樂音聲聞之可愛阿修羅正住在
宮殿從於天王牟修樓陀身分而出
受第一樂

又復化現儻單日人住雲鷲等十大
山中富樂自在少減第二三十三天

園林花池多有種種諸飲食河種種歌舞遊戲受樂從於天王牟修樓陀身中而出復化瞿耶居人自樂成就歡喜遊戲亦復如是時實天衆見如是等無量種類無量差別夜摩天王成就如是第一神通為除放逸勝利益故作如是化非不利益令放逸天現見無常心則柔軟是故示化種種具足先示欲味後示其過令其厭欲以是因緣夜摩天王為實天衆示化欲味受種種樂歌舞遊戲衣服莊嚴飲食娉女親近供養五根受樂如心所念具足皆得是名欲味云何欲過若得欲已心生愛樂求之不得共他而有非獨屬己愛別離苦无量種苦為強力者之所侵奪復有五種強力所奪所謂王賊水火怨家復有餘苦常為怨侵常畏他奪守護怖畏或心憂愁死生貪樂身心常苦如是欲過終至於死有無量種衰惱諸苦愚癡之人於此欲過衰惱苦中不生厭離復有欲過有何等過為欲因緣母子閨諍住不同處一切皆由欲因緣故

若兄弟鬪諍不相憎嫉若打若縛一切皆由欲因緣故是為欲過若王者共諍無量國土互相攻伐互相打縛若煞若害加種種苦一切皆由欲因緣故是為欲過是故當知皆由於欲繫縛一切在於生死

今時天王牟修樓陀為實天眾化作如是無量老別人中欲過王者共諍無量方便及以餘人以欲因緣入於海中若共鬪諍若繫若縛憂悲苦惱怖畏鬪諍不饒益事一切皆由欲因緣故一切人中皆因欲過不得安隱云何天中因於欲過所謂諸天共阿修羅鬪戰相壞一切皆由欲因緣故若阿修羅共天鬪諍亦復如是由欲因緣有如是等是為欲過以此因緣牟修樓陀夜摩天王為實天眾除放逸故示如是化

若諸龍等共龍鬪諍國土失壞震雷放電一切皆由欲因緣故若諸畜生互相鬪諍煞縛捕得一切皆由欲因緣故是名欲過於鬼神中以食因緣或欲因緣互相撲打以刀相斫一切

皆由欲因緣故是為欲過以此因緣
夜摩天王為實天衆除放逸故示如
是化

於地獄中牙相燒打牙相煞害受諸
苦惱於人中時由欲因緣造作惡業
閻諍憎嫉以其念本女色因緣共相
憎嫉以是惡業墮地獄中身體裂壞
如是地獄皆由欲過以此因緣夜摩
天王為實天衆捨離欲故示如是化
遍於五道示欲過患令獸生死示於
人中所有欲味一切皆失夜摩天王
為示天衆欲味欲過化作蓮花百葉
墮落破壞磨滅復廣示現天人之過
既示過已復示出離解脫種子利益
安樂諸天衆故

夜摩天王復為饒益諸天衆故示於
欲過何以故聞異欲過則於生死生
獸離心以異見故以此因緣為諸天
衆復示欲過若天若龍阿修羅等示
欲味已復示欲過於退沒時得諸衰
惱是諸天人龍阿修羅於一切處受
無量種種欲樂已至於退時隨諸天
等所應受者皆悉示其種種退法所

謂高山嶮峻崖岸有無量種種師子羆
豹野狐猪兔牛驢爲馬駱駝猶牛失
收摩羅魚摩伽羅魚龜鼈之屬或有
一頭或有二頭或復多頭口中含土
手中執火復有遍身烟焰俱起或有
雨火或有放於金剛惡電遍衆多處
其聲[○]虓[○]呵甚可怖畏如一百山同時
俱崩無量種類身色黯黯頭如大山
色相可畏舉身髮髮焰火熾然或有
百臂或有千臂於其手中或有執繩
或執刀杖或執金剛見者大怖滿大
山谷如是等衆從大山出走趣化天
奮目大怒眼赤如血從其口中出諸
火焰黃赤朱紫無量種色如黑雲中
電光亂起

復化死王閻羅伺命色貌可畏走向
化天手提赤繩及諸器仗所執器仗
頭皆火然發大惡聲猶如震雷其身
熾然滿十由旬或有伺命有一百眼
或四百眼乃至千眼眼皆焰出青赤
黃鵠種種雜色其火熾然至於十里
種種相貌一切衆生之所怖畏醜陋
可惡從化山中虓呵而出凸腹下垂

脇如山谷頭如山峯或有縮咽入兩肩中或有長髮鬚皆直豎咽火燄起或有長爪火焰熾然或有身毛焰然火起或有遍體大火猛熾如燒大山皆從大力化山中出放金剛電復有死王閻羅伺命其頭狀如烏鷄鷄野千狐狗駱駝之面遍身火熾惡虫覆身以怖天衆從於大黑化山中出一切疾走猶如猛風吹大黑雲熾電俱起走趨化天尔時死王閻羅伺命漸近化天捉得化天焰火鐵繩返縛其手縛已牽挽尔時化天見餘化天身被繫縛極大怖畏各各散走時死王使尋逐捉之舉置頭上昇空而去不復可見過眼境界遽响之聲甚可怖畏或有伺命捉得化天以焰鐵繩而繫其頸入地而去復有死王閻羅伺命捉餘化天擲著水中詢喊唱叫喊諸化天其身不沒住在水上為諸化天而說偈言

愚癡憍慢心為放逸所使樂時既已過今當就死苦無量境界林惡毒滿其中愛牙甚廣大求善應捨離不作衆善業

而常癡放逸 死時既已到 竟為何所作
沒在愛水中 不能度衆苦 以沒生死故
永無有安樂 一切有生者 死常隨其後
云何愚癡人 而樂放逸行 難知不可遮
常有大勢力 是大力死軍 世間不覺知
非是鬪戰力 無方能捨離 衆生放逸故
不覺死怨至 死使有二種 遍行於世間
謂老病衰壞 愚癡不覺知

如是死王閻羅王伺命說此偈頌呵
責天衆百返千返加諸苦惱時實天
衆見衰惱已得離一切放逸之心受
三歸依時夜摩天王知諸天衆心已
調伏復示變化令實天衆心得歇離
是等化王所著天冠一切欲具皆從
天王手修樓隨身中而出共諸姝女
隨順供養如前所說上色具足復為
衰老之所毀壞髮白面皺遍身脉現
拄杖而行羸瘦憔悴一切諸業皆不
能作依他而行為諸愚人輕持戲笑
上氣不樂諸根變熟一切力盡衆所
輕賤行步數倒死時將至近池而行
身極羸瘦依他扶持身色醜惡行於
池側未經幾時身中多有種種病起

所謂熱病下痢欬嗽盛氣噎病脉腫
疽瘡癰病垂近死地身大穢惡是大
惡病不可療治死相已現其王具嬰
如是諸病得如是等極大苦惱然後
命終既死之後臃脹臭爛多有無量
百千種虫時諸天衆見此死屍復有
鵝鷺諸惡禽鳥從山飛來取諸死屍
而散食之或有取屍騰空而去時諸
天衆見是事已其心厭欲一心正念
亦時天王為利天衆復示神化示於
羅睺阿修羅王勇健阿修羅王等一
切皆在大海水下至夜摩天住天王
所去王不遠住在一面大聲叫呼既
叫呼已顛墜墮地尋即命終如木如
石不動不覺諸阿修羅王諸姊妹等
見是事已極生苦惱皆志圖達叫喚
啼哭於啼哭時有鳥飛來取諸死
屍猶如木石衆鳥取之不覺不動阿
修羅女既啼哭已一切皆死復為鵝
鷺鳥衆衆鳥竟共取之從空而去令
諸天衆不復見之夜摩天王為利天
衆示化如是啼哭悲泣

亦時夜摩天王復化龍王如前所說

復示無常或有龍王熱沙所燒猶如
焰火如佉陀羅炭入乾草聚是諸龍
王熱沙所燒亦復如是復有龍王龍
女圍遶為金翅鳥搏擻將去諸龍女
衆發聲大叫復有龍王為鋸所解悲
聲唱叫恚心相斫牙相加害如是化
龍為死將去時諸天衆見是事已心
極厭離

時夜摩天王復化弗婆提人瞿陀尼
人無量百千皆悉衰惱及諸女人亦
復如是老極須臾皆歸於死既死之
後多生諸虫偃卧於地甚可惡賤時
寶天衆見此諸事無量差別大惡有
過見死苦已皆生厭離互相謂言此
諸衆生有苦而死此諸衆生老病死
盡終竟不知當詣何處為誰將去一
切資具皆悉無常一切諸樂皆雜有
過無常不住敗壞之法不可保信一
切諸法皆悉破壞無有少樂如是實
天等共論說皆生厭離
時夜摩天王知諸天衆心生厭離復
化丈夫自在離慢決定上生謂鬱單
曰人少減天福受第一樂復化令作

老病身死身既死已無量百千諸重
敢食其屍若有見者皆生厭惡猶如
屎聚夜摩天王為利放逸諸天衆故
示如是化壽單曰人

今時天王復作化示令實天見謂中
陰有無量有綱化中陰有如衆生死
以業因緣生於地獄餓鬼畜生人天
之中化中陰有令諸天衆皆得現見
無量種種心行之業有因緣生無量
百千五道生死為諸實天得厭離故
於六池中示如是化不可思議希有
之化無等無比令天現見於池水中
具見一切五道衆生以業煩惱因緣
力故流轉而行從一道死復生一道
輪轉生死無救無歸無有伴侶輪轉
諸有輪迴地獄餓鬼畜生及以人天
令實天衆見於種種生中陰有見已
驚怖極生厭離復見夜摩諸天中陰
之身見夜摩天以業盡故從天退墮
悔火所燒貪放逸故天身則滅中陰
身生足上頭下如印中陰以惡業故
生地獄陰見生死業故極大怖畏共
相謂言是業因緣甚大戲持夜摩天

衆時實天衆見是事已生歡離心是名見地獄中陰非生有陰半修樓陀示如是化以何義故不示生陰以天心軟不能堪忍若見生陰不可辟喻不可說苦即失身命是故示化不示生陰是名實天觀夜摩天退欲入地獄中陰之身時夜摩天王復以希有神化中陰示夜摩天放逸過惡之所傷害以業盡故欲墮餓鬼足上頭下如印相似業繩所牽隨所作業如是成熟時實天衆復見如是第二中陰復次第三見化中陰如夜摩天復為放逸之所傷害業盡還退惡業所縛欲墮畜生足上頭下如是中陰如印所印生畜生中無量種類相似中陰是名第三道中陰有相見之怖畏復生歡離驚愕惶怖互相觀視以偈頌曰微細難解知遍行一切處是業使衆生流轉於諸趣若人謗賢聖好行邪見業不信於業果死則入地獄若人內懷惡以法誚誑人世間所不愛死則入地獄若人著欲樂常行於惡業以樂誑其心死則入地獄若得畢竟樂乃得名安隱

若樂有苦報是不名為樂放逸諸天衆
退失夜摩天若法具足者智者所讚歎
遊戲園林中樂見諸天女欲境無厭足
以是故退沒以樂增長故渴愛轉增長
智慧人所說斷愛為第一我見世中陰
今生大厭離誰當救護我今我得解脫
時諸天衆見如是等種種中陰生厭
離心時夜摩天王卒修樓陀知諸天
衆心調伏已皆滅化天示以自身寂
滅莊嚴諸天見之其心安隱往詣天
王到已圍遶住在一面心生敬重歡
喜踊躍作如是念我今得主時寶天
衆見無量惡皆生厭離

正法念處經卷第五十七

癸卯歲高麗國大藏都監奉
勅彫造

正法念處經卷第五十八

慎

元魏婆羅門瞿曇般若流支譯

觀天品之三十七

在摩天之二十三

今時夜摩天王告天衆曰汝今何故
不於園林華池無量衆寶莊嚴山峯
歌儻戲笑天王如是觀諸天衆為生
獸離不獸離耶時諸天衆聞夜摩天
王說此語已白天王言當於何處園
林七寶山峯之中而有樂處我見無
量生死衰惱無量老別不可堪忍我
自目見一切諸欲皆悉無常後皆致
苦此欲無常不住不久敗壞無堅無樂
尔時夜摩天王聞天衆說而告之曰
汝今當知一切欲樂後皆致苦時諸
天衆白天王言我今已解欲為大苦
時夜摩天王告諸天衆我能宣說一
切生死無量諸苦今當為汝略說少
分今億千劫不復放逸常行人天二
種善道若斷放逸是為智慧若放逸
緣來即應遠離若不為放逸之所使
役則不墮地獄餓鬼畜生復告天衆
今當為汝說三惡道二種善道二善

道者天之與人三惡道者所謂地獄
餓鬼畜生如是五道大勢力苦我能
宣說不可廣說今當略說以要言之
於天人中有十六苦何等十六天人
之中善道所攝一者中陰苦二者佳
胎苦三者出胎苦四者歸求食苦五
者恐憎會苦六者愛別離苦七者寒
熱等苦八者病苦九者他給使苦十
者追求營作苦十一者近惡知識苦
十二者妻子親里衰惱苦十三者飢
渴苦十四者為他輕毀苦十五者老
苦十六者死苦如是十六人中六苦
於人世間乃至命終及餘眾苦於生
死中不可堪忍於有為中無有少樂
一切無常一切皆盡一切敗壞初生
中陰識如香氣有何等苦業風所吹
非實眼見天眼所見而無所尋若生
人中生種姓家有下中上以布施持
戒智慧果報而欲生者此識香氣中
陰亦得如是之食若欲生於貧窮種
姓所食魚鱗色香味觸皆志慮惡身
量減劣少布施故不得勝報是名人
中生初中陰苦

復次第二苦若生胎中以業煩惱因緣故住生貧窮家母食麤澁苦酢之食膜衣蒲中薄少食味入其膚中令胎中子身羸惡色氣力劣弱母疲極故子於胎中則受大苦轉向兩脇走避苦惱母食冷熱則受痛苦無力無救不能叫喚沒屎尿中受無量苦是為善道人中第二大苦何況地獄餓鬼畜生

復次第三苦從胎出生胎藏逼迫猶如壓油嬰兒出胎欲墮逼迫亦復如是是為大苦復次以初生時其身柔軟如生酥搏亦如芭蕉又如熟果母人瞻產以手捉之其手堅澁皴裂劈拏獸惡慶面指甲長利面目醜惡以手捉之猶如火燒亦如刀割如是嬰兒身軀細軟母人觸之得大苦惱若得新衣麤澁厚重或得故衣補納破裂孔穴穿露狹小單薄止於草蓐寒時大冷受大寒苦熱則大熱猶如火燒以衣布施不清淨故受斯苦惱從胎而出受大苦惱復以不淨布施因緣令母少乳所食苦澁母食劣故其乳

則少或母食盡惡故令乳少羸瘦惡色唯筋皮骨以為其身飢渴病故身躰無力若無所食敢從他乞求人所輕賤少得飲食色香味薄依他而食辛苦繼命如是乏食令身苦惱以本所行不善施故乃至命盡常不充足以乏食故常受苦惱復次第四苦惱以惴望食而得苦惱飢餓所惱或作盜賊作諸惡業作無利益或作勇健因致失命或次死苦諸苦之重所謂飢渴今時夜摩天王半修樓陀為諸天衆以偈頌曰

生死大苦惱 無與飢渴等 衆生以飢苦作諸不善業 從自身起火故名飢渴苦 飢渴燒三處 如劫火燒林 世間大焰火 不能至後世 飢渴大難斷 至於百千劫 愚人造不善 行於嶮惡道 皆為飲食故 智者如是說 飢渴有大力 過於大猛火 一切三界中 以食因緣轉 若於人世間 有種種財物 一切以食故 成就三有海 如是夜摩天王半修樓陀為諸天說 復次天衆於人世間有第五苦謂恚 憎會有六種苦何等為六謂眼見恚

等心不愛樂心不憐愍見其身色心意出亂於心心數而起怖畏生不利益心心數中而生苦惱一切惡中初第一惡所謂見怨家色及惡知識復次第二怨憎會苦若聞其聲不得利益不愛不順心生惱亂是為怨憎會苦第一惡聲謂所聞攝不正法聲憎惡聲故身壞命終墮於地獄餓鬼畜生若聞不愛不利益聲聞已生於惡心惱亂不愛不樂心不憐愍是為人中怨憎不愛合會之苦

復次第三怨憎不愛會苦謂鼻聞香不愛不樂心不隨順聞之心惱或生深苦是為大惡不愛合會諸天子等是名人中不愛合會若人愚癡無有智慧或行或住心生貪著輕慢不敬若人以香供養法僧其人便以欲心嗅之身壞命終墮於地獄餓鬼畜生如是惡人以身因緣以貪身故身心不淨身壞命終墮於地獄諸天子是為人中不愛怨憎合會之苦復次第四不愛會苦所謂世間愚癡惡人因於味故而作惡業以惡業故身壞命

終墮於地獄若非沙門現沙門像內
懷腐爛猶如蠶聲或在僧寺或白衣
合實非沙門者沙門眼常貪美食為
味所縛以是因緣身壞命終墮於地
獄復有懈怠比丘捨離禪味為美食
故處處遊行心常樂食以懈怠故身
壞命終墮於地獄諸天子是為人中
以著味故不愛合會而生苦惱

復次諸天子人中第五不愛會苦所
謂身觸以此縛心不善思惟不順法
行意不正念如是惡人惡境所縛身
壞命終墮於地獄諸天子是為人中
不愛合會而生苦惱

復次天衆人中第六不愛合會而生
苦惱所謂有人心意躁動不能止住
心意不正多有散亂常思惡業不樂
善法樂不善法無利益事以是因緣
身壞命終墮於惡道生地獄中諸天
子是為人中不愛合會而生苦惱及
餘種種無量諸苦人中具受復有三
種愁憎會苦謂近愁家恐害其命如
眼中刺常不隨順是為第一愁憎會
苦復次第二愁憎會苦與惡知識共

同事業是名第二怨憎會苦

復次第三怨憎會苦內懷瞋恚得便
傷害是名第三不受怨憎會苦諸天
子是為人中無量種種苦時夜摩天王
牟修樓陀復為天衆得厭離故說於
第六人中太苦所謂愛別離苦二世
利益是名為愛善友別離是為太苦
若離父母兄弟姊妹妻子親里及餘
所受有恩之人別離太苦如墮刀火
燒其身心受太苦惱是為愛別離苦
夜摩天王為利天衆演說此法時夜摩
天王復為天衆說於第七人中太苦
所謂寒熱二苦諸天子云何人中寒
熱二苦以於人中飲食不調應令而
熱應熱而令久坐則苦久立亦苦多
飲亦苦不睡亦苦若於昏夜右脇而
卧久眠亦苦左脇亦亦初樂後苦於
人世間以貪樂故為樂所誑而終善
業以樂誑故入於地獄諸天子人中
之樂如苦無異如是夜摩天王牟修
樓陀為利益諸天衆說如是法汝等
天衆勿生此意謂人中樂應生厭離
為離生死說法利益除天放逸故

復次夜摩天王為夜摩天眾復說第
八人中太苦所謂病苦無量差別無
量病起所謂熱病下痢上氣欬逆四
百四病害諸眾生復有病苦害諸眾
生憂悲愁惱等病人中太苦時夜摩
天王半修樓陀為利益天眾復說第
九大苦今雖生死示於人中生死大苦
所謂人中為他所使是為大苦同道
同生同根同歲同力以業劣故為他
所使若晝若夜不得自在常受大苦
是名人中使役之苦

復次為他使苦若人第一種姓精勤
色力讀誦智慧具足無乏以貧窮故
為下賤人之所使役時夜摩天王半
修樓陀為夜摩天眾得利益故復為
說法以業下劣無布施業人所輕毀
晝夜辛苦為人所使無施因緣常受
苦惱手足破裂貧窮無食衣服垢壞
飢渴所惱寒熱辛苦如是無量苦惱
不可堪忍晝夜使役不斷不絕人中
復有種姓色貌勢力下劣而多財富
復有種姓色力智慧一切皆勝而常
貧窮以貧窮故親近賤人為業所誑

為心誑故受大劇苦諸天子是為人
中使役之苦復次為他使苦若貧窮
人順法而行以貧窮故親近惡行不
善之人近不善故同其惡業雖不
喜樂為他所使而造惡業身壞命終
墮於惡道生地獄中為他使故二世
受苦復次天衆人世界中受大苦惱
所謂第十追求大苦無量苦惱為求
財故入於大海入敵鬪戰經營造作
言辭辯說親近下賤耕田殖殖商賈
販賣畜養畜生遊行依附他人如此
昇大山巖處處遊行依附他人如此
所作一切追求皆為財物嚴飾衣服
或貧窮人或愛著人如是追求愛網
所縛乃至命盡或作惡業或作妄語
誑惑他人輕稱小斗欺誑於人沽酒
販賣羅賣胡麻及以賣毒作如是等
惡律儀行治生販賣或破國土城邑
聚落軍營人衆及餘種種衆惡之業
以妻子飲食敷具財物故追求之苦
無量百千乃至千歲說不可盡諸天
子是名人中追求之苦如是夜摩天
王為利益天衆耽離有故說究竟法

諸天子勿於人中起惛望心當生厭
離若貪諸有不得利益以是因緣說
於人中一切衰惱若生人中以退求
故作不善業以是因緣或墮地獄或
墮畜生或墮餓鬼既生惡道受種種
苦如是夜摩天王復說十一人大
苦告諸天衆人中大苦所謂近惡知
識皆無利益一切苦因近惡知識無
惡不得造身口意一切惡業以是因
緣身壞命終墮於惡道生地獄中受
無量苦於未來世或墮餓鬼畜生之
中受無量苦觀於人中地獄餓鬼畜
生過已遮於天衆惛望人有說一涅
槃寂滅之處

復次夜摩天王為欲利益夜摩天衆
說人中苦所謂人中第十二妻子親
里衰惱大苦所謂妻子親里煞縛鞭
打飢渴貧窮種種苦惱所愛之人受
苦惱故亦得苦惱是名衰惱於人道
中以妻子親里眷屬因緣而得苦惱
以是勿樂生於人中一切有生必歸
於死隨有死處皆是苦惱於生死中
最大苦者謂生老死人中具有諸天

子既知人中如是大苦不可堪忍勿
生欣樂以如是等無量善寂滅無上
道義示諸天衆於人道中無利益事
種種有網不可譬喻況三惡道無量
百千億不可譬喻大苦充滿不比人
中若天退時少放逸天為之說言汝
當生於人善道中若人臨終親里知
識願其生天善道之中二種善道猶
尚如是況三惡道受大苦惱如是利
益攝他常不放逸夜摩天王說無量
種無量差別無量方便無量種法涅
槃勝法說妻子苦已復為夜摩天衆
說第十三人中大苦所謂飢渴苦由
飢渴故作無量惡其餘衆苦無如飢
渴以飢渴故入衆惡處大種姓人為
飲食故合掌垂淚哀聲親近下賤小
人說慈愛語如是一切皆由飢渴畏
飢渴故不顧其命入危嶮處刀刃之
間及惡為敵一切皆由飢渴苦故或
入大海經於無量百千由旬無量惡
魚鯢彌鯢魚洪波惡處自捨身命乘
於鱗舟而沉大海如是一切皆由畏
於飢渴之苦復有無量種種差別不

可具說如是諸苦為口腹故若人執縛從右門出打惡聲鼓嚴以死驢災標在前怖畏愁惱將詣煞處命在須臾雖復大苦未過飢渴是故應當以淨善心於福田中以好財物而行布施時處具足於生死畏中勤修精進善心布施天中少飢一切生死皆依飲食以除飢渴是故一切應行布施諸天衆是名人中飢渴苦惱無量差別於天道中苦微而軟天樂覆之福德多故飲食易得而天不覺過於欲界飢渴焰火之所覆蔽畏於苦火諸天子如是觀於人中種種生老病死之苦勿生欣樂如是夜摩天王牟修樓陀見夜摩天衆其心調伏多調柔軟既觀察已復為天衆說人中苦勤修利他自利則易牟修樓陀以不斷力為利他故為夜摩天衆數數宣說無量種法說第十四人中苦所謂他輕賤苦不可堪忍種種差別於貧窮人輕毀偏多有十種苦種姓親族兄弟富人之所輕賤以貧窮苦依他而食綺語不實親族空語無義之語

城邑若節會日人見輕毀人道之中有如是等無量輕毀大苦世間之人無薪之火住在心中謂輕毀火親里知識兄弟火燒取為尤甚無福德故得此十苦遍燒其身大恐怖畏以燒乾身氣如烟起諸天子應生知足勿於人中而生欣樂人中少樂甚大苦惱衰憊短壽輕毀垢汙唯於人中多有輕毀非四道中於人道中輕毀最重得他輕毀一切身分猶如中毒隨本所得供養之處後更輕毀若人先常得好供養後得少利得少時供若善男子如是輕毀過於死苦諸天子是為人中難忍大苦復次第十五人中大苦所謂老苦當為汝說人中老年苦老者能令一切身分羸瘦減劣諸根皆熱破壞少壯拄杖而行無有氣力輕毀住處背偃鼻反髮白死使身意減劣雖未命終猶如畜生諸天子是則名為人中老苦名色戲持不久必死若見老苦而不怖畏當知是人名為無心猶如木石以無心故雖復

人身猶如畜生諸天子於人道中生
為大苦以有生故是故老苦既知老
苦勿於人中起欣樂心復次第十六
人中無量種受生生則有苦何等苦
也所謂死苦死已復生身根入壞命
根斷滅不復見於兄弟知識色身滅
已復行異處以自業果而為貧賤一
切衆生必歸終盡命盡棄身受中陰
有是名為死一切有生皆歸於死若
死而不生生而不死無有是處諸天
子勿於人中而生樂心尔時夜摩天
王牟修樓陀以偈頌曰

於人世界中有陰皆是苦 有生畢歸死
有死必有生 若住於中陰 自業受苦惱
長夜迷行苦 此苦不可說 沒於屎尿中
熱氣之所燒 如是住胎苦 不可得具說
常貪於食味 其心常惓望 於味受大苦
此苦不可說 小心常惓望 於欲不知足
所受諸苦惱 此苦不可說 怨憎不愛會
猶如大火毒 所生諸苦惱 此苦不可說
於惡愛別離 衆生起大苦 大惡難堪忍
此苦不可說 寒熱大苦畏 生無量種苦
大苦甚暴惡 此苦不可說 病苦害人命

病為死王使 衆生受斯苦 此苦不可說
為他所策使 常無有自在 衆生受斯苦
此苦不可說 愛毒燒衆生 追求受大苦
次第乃至死 此苦不可說 若近惡知識
衆苦常不斷 當受惡道苦 此苦不可說
妻子得衰惱 見則斗大苦 出過於地獄
此苦不可說 飢渴自燒身 猶如猛火焰
能壞於身心 此苦不可說 常為他輕賤
親里及知識 生於憂悲苦 此苦不可說
人為老所壓 身羸心意劣 偃偻拄杖行
此苦不可說 人為死所執 從此至他世
是死為大苦 不可得宣說 衆生莫能見
諸業不能遮 能壞諸衆生 是故名為死
大力難堪忍 能令諸衆生 獨行大怖畏
是故名為死 衆生畢竟有 時火不可避
能斷衆生命 是故名為死 死王所破壞
能斷人命根 盡於陰界入 是故名為死
生必有別離 知識及兄弟 別已不復合
是故名為死 及死未至時 應當修善行
死惡無慈愍 未至應修善 是死甚卒暴
極惡無慈愍 未至能修善 乃為天中真
若法中生慧 是名善命人 若人不離法
是為命中命 若人心念佛 是名善命人

不離念佛故 是為命中命 若人心念法
是名善命人 不離念法故 是為命中命
若人心念僧 是名善命人 不離念僧故
是為命中命 若人心念實 是名善命人
不捨離實故 是為命中命 若人心念道
是名善命人 不捨離道故 是為命中命
若人常憶念 趣向於涅槃 亦乃得名天
非樂欲樂者 若常一心念 樂修禪定業
此樂能離有 非謂著欲樂 既知此有過
於欲生厭離 精勤求涅槃 是名真實天
如是夜摩天王以無量種種利益諸天
令諸天衆心得清涼斷除惡道亦時
天衆白天王言天王如天王說我等
現見色力形貌十倍勝者皆受衰惱
而況我等夜摩天王聞此語已而告
之曰如汝所見此諸天衆少衰惱耳
汝等夜摩天衆當墮地獄餓鬼畜生
百倍過此以汝天衆行於非法放逸
行故若諸天衆順法而行遠離放逸
則閑一切惡道之門常於天人受種
種樂當離憂悲老病死苦得常住處
永無如上所說諸苦以是因緣勿行
放逸如是欲樂比無漏智禪定之樂

百千分中不及其一。一時天衆聞天王說現見諸過。復作是言。天王說法。利益我等。我今攝受。令我不受。如是生死衰惱之苦。今時夜摩天王。今修樓陀。以偈頌曰。

若有自作業。非是他人受。若自善調伏。是則得常處。若有作異業。無及善業者。無量百千生。業常隨順行。廣作諸福德。修行於善法。則得取勝處。永離老病死。如是自善業。天衆應思惟。若修行善業。此是勝資糧。

如是夜摩天王。今修樓陀。說是偈已。告諸天衆。自今已去。勿為貪著色聲香味觸。故而起放逸遊戲園林。時諸天衆聞此語已。白天王言。願我未來見弥勒佛。無上士調御丈夫。天人導師。出興於世。我生人中。見彼世尊。在初會。數得聞法。已盡。諸有漏。復有天衆。願求阿耨多羅三藐三菩提。作是願已。歸佛法僧七萬天子及餘天衆。必生人中。見弥勒佛。得聞法已。諸漏永盡。復有餘天。先見佛塔。發阿耨多羅三藐三菩提願。復有餘天。發緣覺

心一切皆願當來得果。尔時夜摩天王作如是念：我已為他作大利益，令諸天衆離放逸。行時，夜摩天王知諸天衆意善，調伏各令還宮。時諸天衆恭敬圍遶，夜摩天王捨池而去。夜摩天主牟修樓陀為諸天衆作利益，已復詣餘地為餘天衆而作利益。

夜摩天常樂地，第八牟修樓陀天化經具足竟。

復次比丘，知業果報，觀夜摩天所住之地，彼以聞慧見。夜摩天處名增長，法衆生何業生於此。地彼見若人善心持戒，不煞、不盜，如前所說，復離邪婬微細，亦捨乃至見盡。男女不生憶念如是之人，不觀、不念、不味、不著，不濁。心念恐犯淨行，亦不思惟、不念、不善，遮於心過，為他人說邪婬業果，以遮其心，令其不喜、不愛、不樂。此邪婬果不應習近，非寂滅道，不可愛樂。行善之人不應喜樂，為他宣說微細之果，持戒梵行於微塵惡見之生怖。如是之人，身壞命終，生於善道。天世界中增長法，地生彼天已善業行，故愛

果成就所謂園林金山峯中流泉河
池泉寶莊嚴衆鳥妙音其池四岸七
寶莊嚴青毗琉璃青因陀寶間錯其
地多有衆蜂種種色聲相類各異見
之可愛其聲美妙聞之悅樂於園林
中增長愛樂復於異處金剛青寶頗
梨為石莊嚴山谷於光明山聞流水
音而受快樂如意所作皆忘自在受
無比欲無量百千天女圍遶常受欲
樂增長欲樂受於無量差別不可喻
樂種種金山毗琉璃峯行虛空中種
種衣服嚴飭其身戲笑歌儻種種妙
色諸天女等以為圍遶具天五欲若
見天色無量差別生無等樂隨意遊
戲是名色欲若聞音聲隨其所念共
諸天女戲笑歌儻所聞諸香無量差
別風吹花池蓮花之香及餘異花山
谷風吹種種花香以悅其鼻舌得無
量種種天味隨念具足鹹淡苦甘辛
酢等味有無量種不可譬喻如意之
味如是身觸無量種業如意即得冷
暖溫涼柔軟細滑衣無縷縫種種色
寶而以莊嚴無量寶光照十由旬二

十由旬乃至百由旬光明寶珠而受
觸樂天園林中或有花香天子聞之
以善業故受樂希有非不作生非無
因生所作不失非是意生非是他與
亦非他作而我受報以因緣故而生
果報業果成就是持戒人隨心所念
愛心憐望天衆妙色天之細色中色
近遠時生遠時中時隨念成就無量
樂法以是丈夫善持戒故如是天衆
其心著於六欲境界欲河所漂而行
遊戲一一園林一一山峰七寶莊嚴
園林流泉出妙音聲百色衆鳥出衆
異音是善業者遊戲其中種種妙色
種種相貌種種功德種種嚴飭令生
欲火天女園遶種種山峰天鵝天衣
莊嚴其身塗香末香以嚴其身共諸
天女於山峰中遊戲受樂隨其所念
生無量欲復與天女而共往詣等不
等地其地可愛真金白銀青毗琉璃
青因陀寶車乘為地鈴網音聲衆鳥
莊嚴余時有鳥名不放逸見此天子
行放逸處說偈可責

但受故業 不作新業 業盡則墮

諸法如是

業將欲盡

壽命念念

死來卒暴

愚者不覺

天子天女

不覺欲染

念欲時過

退時將至

得失多返

因欲境界

於衰惱中

六何惡意

汝以善業

成就受樂

復作善業

將至善道

若樂境界

則沒有海

若離境界

則得解脫

境界波力

起於愛河

智者捨離

趣涅槃城

勇人捨欲

而求真諦

能知愛境

三有洄瀆

捨離境界

勿生心念

如甄波迦

果報甚苦

人心著樂

貪馳境界

集不善業

流轉惡道

常應護心

輕動塵積

常著境界

愛境所覆

心馳諸境

不覺衰惱

衰惱既至

乃知業果

既知此業

及境界過

常應捨離

世間諸縛

如是不放逸鳥說此偈頌而此天子

不聽不受與天女衆共受欲樂此諸

天女生死因緣生大苦因於無識者

與之共遊常行驗惡愛心不停常求

男子心如惡毒如惡驗岸能然一切

男子心火與如是等可畏天女共受

天樂以愚癡故而不遠避若有智者
怖畏生死欲求樂者離諸天女愚癡
迷惑欲覆心故雖知因於女人而得
苦惱不能捨離與諸姊妹共受欲樂
貪欲愚癡瞋恚所覆沒生死泥與諸
天女遊戲受樂而不攝受無量利益
遮於惡道為心所誑於法不覺遊戲
園林與不正行諸天女衆愛網受樂
復詣異地金毗琉璃青因陀寶大青
寶王周遍莊嚴遊無量處聞歌詠音
解其章句言音美妙五樂音聲勝德
具足無比妙音昔所未聞新生天子
既聞此音與諸天女馳往趣林其林
無量寶樹具足林名大歡喜長百由
旬廣三十由旬如是大林衆寶具足
具大功德無量天衆百百千千歌儻
遊戲娛樂受樂

時新生天子見此大林毗琉璃樹有
大光明無量香花功德花鬘無量種
色種種相貌見此事已復見異樹毗
琉璃樹真金為葉青寶為枝白銀為
果天味功德皆悉具足青因陀寶校
飾其樹種種色花以嚴樹枝復見異

樹青寶為樹真金為枝毗琉璃葉無
量衆蜂種種色貌出美妙音以為莊
嚴見之悅樂時新生天子復見寶花
猶如開目觀之可愛花中衆蜂出妙
音聲復見黃金枝葉陰覆猶如宮室
百千衆蜂其音美妙甚可愛樂復見
毗琉璃枝青寶為葉陰覆宮室第一
寶珠種種色鳥而以莊嚴其地柔軟
新生天子復見虹色以嚴其地觀之
可愛覆以七寶平正可愛及見天女
新生天子所見諸色皆悉可愛所聞
音聲皆可愛樂其所聞香有無量種
皆亦可愛隨所得味令心愛樂無量
獲味天味具足隨其所觸無量諸觸
令心愛樂隨其所念種種諸法隨念
即得如是天子一切欲縛欲樂不斷
無量可愛無量寶地寶鈿莊嚴聞天
鳥音聲共諸天女入大林中復見花
池種種莊嚴分分差別或有蓮花毗
琉璃莖真金為葉金剛為頸青因陀
寶以為其莖花皆柔軟復有蓮花真
金為莖毗琉璃葉白銀為莖赤蓮花

寶以為其蹟種種衆蜂出妙音聲復
有蓮花七寶合成真金為業七寶剎
鈿以為其臺所謂因陀青寶赤蓮花
寶毖琉璃寶紅蓮花寶車渠之寶大
青寶王如是種種衆色光明以為其
臺如一花臺無量花臺皆亦是天
子見之觀無厭足隨其所見種種境
界轉轉增長如以蘇油灌於大火不
知厭足不知厭足云何有樂以非樂
故亦非寂滅非愛心者得寂滅心隨
所得樂愛心增長隨愛增長不知厭
足以無厭足則入近苦以於苦中而
生樂想愛火所燒復入林中見山谷
中無量林樹無量種光見之諦視於
五境界欲火之中不知厭足復入摩
尼寶石之池真金頗梨色觸柔軟五
種柔軟無有水衣衆鳥音聲澄靜淵
深復見異處有蓮花池頗梨色水充
滿其中周布寶石以砌四面光明普
遍鵝鴨鴛鴦以為莊嚴蓮花嚴飭林
樹圍遶林中多有美音之鳥如是種
種莊嚴其池新生天子見此池中種
種衆蜂七寶為翅岸生香樹色貌具

足以為莊嚴新生天子復前入林見
有大河須陀充滿新生天子復見異
處有乳粥河清淨飲河河流之聲如
琴樂音或百或千處處流行多有衆
鳥飲上味酒出妙音聲

時新生天子復見陸地種種衆花色
貌具足香蜂遍滿衆花之中莊嚴大
林其林先香以花香故轉增百倍新
生天子與諸天女復見林中有大山
峰衆寶莊嚴無量流水以為嚴飭樹
枝蔭覆猶如宮室種種寶光無量百
千衆鳥妙音見之可愛俱翅羅音無
量百千衆花普熏光明端嚴如閻浮
提日月光明在於虛空無量光明莊
嚴天處光明殊勝無量光明莊嚴山
峯天子見之復共天女入山峯中隨
入山峯觀林轉勝歌音齊等漸近轉
勝聞此歌音速疾往詣昔所未見如
斯天衆舉目視之復見可愛光苑林
樹毗琉璃樹青因陀樹皆悉端嚴新
生天子復入七寶蓮花光林於此林
中多有天子及諸天女妙色具足嚴
身之具隨念而生一一天衆各各異

住共諸天女飲天上味離於醉亂種種寶林梵筵之中遊戲受樂入七寶池共諸天子五樂音聲歌儻戲笑歡喜受樂以愛覆心不知厭足樂著五欲入蓮花林以蓮花葉飲天上味而不醉亂復有天子心樂色聲香味觸等復有天子住河兩岸而共遊戲新生天子復見寶殿梵筵如林毗琉璃寶以為欄楯皆同欲心以上中下善業力故得上妙色五樂音聲受無等樂不可辭喻

尔時新生天子本未曾見如此天眾遊戲受樂既見此已與天女眾以歡喜心向天眾所尔時天眾見此天子衣服嚴飭上妙色身得未曾有生歡喜心亦向天子二眾和合心無妨碍共天女眾一一梵林一金峰一一花池一一酒河一流水如是受樂不可具說如是一切天眾受樂

時諸天眾久受樂已復向一切堅固之山其山七寶無量河池流泉具足新生天子天女圍遶共諸天眾常樂音聲山河流泉周遍充滿無量百千

梵筭宮殿甚可愛樂周匝蓮花而以
圍遶猶如燈樹如意之樹以為莊嚴
天衆見之生希有心其山一面毗琉
璃寶其第二面真金所成其第三面
因陀青寶其第四面大青寶王四面
嚴飭皆悉平等於平正處峰谷梵林
皆悉具足若念觸樂欲遊戲時便上
此林百百千千一天子有千天女
以為眷屬天五樂音無量音聲無量
和合歌儻遊戲百百千千共新生天子
於園林中花池流泉所見勝上百千
億樹以為莊嚴七寶光焰蓮花林梵
此諸天衆於此諸處歌儻戲笑安詳
徐步向彼大山互相愛樂善業為伴
善業所資以善業故無有骨肉及以
垢汙共遊須陀食河之上及遊飲河
以善業故色香味觸皆悉具足天子
食之樂五境界食之發欲處處受樂
衆欲具足受於無等無量之樂欲昇
彼山見其大山殊勝之處歎未曾有
久乃至此大山之頂遊戲山處甚可
愛樂於此山頂多有無量遊戲之處
衆寶莊嚴林樹河池拘物頭花遍於

香林滿山頂上諸欲具足隨心所念
無量種愛皆得如意皆可受樂他不
能攝如是天子久受天樂如是受樂
處處通觀復往詣於七寶山谷七寶
林覆光明喜樂見衆天鳥出妙音聲
寂靜之宮園遶花池池名寂靜行處
以於先世不具持戒生此池中於先
世時其心堅固能說法要而身不能
如說修行猶如伎兒說業果報從於
地獄餓鬼中出生此池中多作鵝鳥
以今生處寂靜行故生寂靜池七寶
為翅身出光明其音美妙食於蓮花
雄雌相隨以自娛樂菩薩鵝王名曰
善時多住此池夜摩天王辛修樓陀
多住於此山窟之中為天說法鵝王
在池為鳥說法尔時諸天衆遊戲歌
舞分為二分一分天衆以善業故至
此池所一分天衆入放逸林遊戲歌
舞歡娛受樂有善業者往至大池鵝
為說法見諸天衆為說偈言

若人雖說法不能如說行此愚人空說
常受諸苦惱若但為他說不能如說行
語堅而無義名為空無心放逸故生欲

因欲故生瞋斯人入惡道馳赴於地獄

若樂已過去非現前可得若現受當受

是亦不名樂愚人樂放逸愛於現在樂

自業果所誑則入於地獄三世愛所誑

常作無利益生死縛衆生智者不應信

愚者所親友被害如大怨縛世間衆生

智者不應信若為枷鎖縛猶尚可斷壞

常求欲愛人不能斷愛縛若人斷愛縛

而受於常樂斯人離愛境行智慧境界

智觀樂光明說愛大闇苦智者持光明

則能破諸闇以智慧利刀斫伐於愛樹

能伐愛樹人得無上樂處斷伐愛過林

及以多流泉既斷愛林樹得脫於諸有

三道大愛河放逸水洄洑若昇智慧船

到安隱彼岸昇智慧山峯持戒谷莊嚴

以無量智眼悉見諸有過若人遠離法

斯人内外空若人不樂法不堅如水沫

若有人堅實内外如金剛以法行寂靜

益利他衆生若沒放逸泥樂於境界樂

境界地所墮常受諸辛苦是故求樂者

不應行放逸若脫放逸者則近無量樂

若有智慧人不信於放逸若為放逸墮
流轉於五道

如是鵝鳥為調諸天說此偈頌時諸
天眾以著欲樂而不聽受亦不攝取
復作歌俳遊戲受樂

正法念處經卷第五十八

癸卯歲高麗國大藏都監奉
勅周造

正法念處經卷第五十九

慎

元魏婆羅門僧曇摩般若流支譯

觀天品之三十八

後集卷之三
二十四

今時菩薩鵝王名曰善時攝諸鵝衆以正念心利益一切衆生之心觀諸鵝衆心受快樂獨在一窟思惟念法如是善時鵝王愛念法樂為他說法以為悅樂復有餘鵝亦思念法今時天衆以歡喜心為求樂故來向此處觀此大池周遍可愛一切時樹花果異是天衆觀之及天女衆歡喜歌儻遊戲受樂百倍增長圍遶大池今時菩薩鵝王見天衆已以成就慧而說

頌曰

智者不放逸 能離於放逸 則昇智慧臺
得無上安隱 若斷於放逸 得勝寂滅道
入此廣大道 智慧到涅槃 放逸能障道
令心過相續 以是放逸故 破壞法橋梁
能壞於善念 失於解脫道 以是放逸故
將人至惡道 以放逸亂心 不覺時利益
不知語作法 不覺如死人 雖住於天身
如畜生無異 放逸癡所壞 或憊或歌笑

或生或退沒 當生已復滅 三界諸衆生
放逸故轉行 造作一切過 惡業之所縛
迷惑一切法 放逸怨所轉 以放逸所害
不知於內法 亦不知外法 不覺失其心
智者所輕笑 而天子行之 無羞無人罰
為放逸所害 心樂於遊戲 亦常樂歌儻
於境界無厭 退失於天慶 為放逸所誑
於怖處而笑 猶如盲冥人 不知道非道
如是善時菩薩鵝王利益他故觀天
衆已住於第一可愛說法鳥衆之中
說調伏偈而諸天衆雖聞其說而不
聽受歌儻戲笑受五欲樂遶池而住
樂觀境界夜摩天中有三大士常為
放逸行天夜摩天衆而演說法何等
為三一者夜摩天王半修樓陀二者
善時鵝王菩薩三者種種莊嚴孔雀
王菩薩是三大士常為利他而演說
法或有令得聲聞菩提或有令得緣
覺菩提如是大士起魔境界時魔波
旬作如是念此諸大士空我境界欲
捨我去人中沙門四天王中四大天
王三十三天中憍尸迦夜摩天中半
修樓陀善時菩薩種種莊嚴菩薩兜

率陀天寂靜天王及其眷屬此等諸人雖住我境而不屬我六天及人我使能敗除化樂天雖我境界而有大力我不能亂我今當遣智慧大臣至夜摩天往亂其法作是念已即與大臣而共籌量汝當往詣夜摩天王辛修樓隨善時菩薩種種莊嚴菩薩所而敗壞之汝等三人善能言語善能變化有大勢力其三人者一名歡喜二名放逸三名欲迷汝去當至夜摩天王辛修樓隨善時菩薩種種莊嚴菩薩所說法敗之時三大臣聞是語已即下往詣夜摩天衆至善時鵝王所到已見此鵝王威德勇健勝相無畏其聲調伏為諸天衆說偈頌曰此非放逸時不應生歡喜此二法生癡死時有大力喜烟放逸火燒无量天衆境界所迷惑無目不覺知能斷於相續及以衆生行為境界所迷不覺知利益時三大臣聞是語已而說偈言

放逸衆歡喜一切樂緣轉放逸故生愛云何如是說

善時鵝王以偈答曰

無放逸歡喜一切樂緣轉放逸生苦惱
故說蓮花池

時魔大臣放逸復說偈言

樂及於境界放逸諸天女
及以諸技術為第一可愛

善時鵝王復以偈答

若法生放逸一切皆是苦
能失諸善根行於三惡道

今時放逸復說偈言

或處於園林若在蓮花池
或於重閣處放逸故受樂

善時鵝王復以偈答

於山園林中曠野寂靜處
無放逸寂靜能斷於魔縛放逸入地獄

或墮畜生中復生於餓鬼放逸癡心故

如是善時鵝王說是偈頌答放逸時

牟修樓陀於金窟中遠離放逸而修

禪定及餘天子遠離放逸亦修禪定

牟修樓陀既知此事來向太池无量

百千天女圍遶遍滿虛空歌舞作樂

出衆妙音近於天王不放逸天不歌

不舞於答難時忽然而至今時牟修

樓陀問鵝王說一切偈頌憶念知已

魔王大臣名曰放逸三人同侶我於
餘天聞其至此一名放逸二名歡喜
三名欲迷於癡人所增長重惑我當
為此放逸大臣說十一法答難法門
破此魔衆

余時夜摩天王思惟此事與善時鵝
王共籌量已從空而下坐蓮花臺與
无量放逸行天而自圍遶說此十一
種勝上答難法門告諸天衆汝今諦
聽放逸之過我從往昔曾見无放逸
天子名曰安隱為我宣說令我得聞
如此之法乃是迦葉如來之所演說
汝今諦聽善思念之一切天衆說法
鳥衆善時鵝王及魔王衆放逸大
臣顛倒說者為諸世間作无利益住
魔伴黨一切諦聽十一問難勝上法
門所謂十一白法斷於十一垢染之
法欲求真實欲求涅槃欲離魔界畏
生死縛住於寂靜阿蘭若處獨一无
侶欲求實諦欲滅黑闇一心諦聽何
等十一勝上法門斷十一法一者以
調伏斷於憍慢二者正心不乱斷除
二種破戒三者精進能滅懈怠四者

白法能斷垢法五者白法能斷惡法
六者知足能斷多欲七者以遠離
住斷近親里八者以正語斷无義語
九者正住斷於輕掉十者布施斷於
貧窮十一者智慧斷於無知如是十
一垢染之法縛人著於放逸樹枝欲
離魔境應當斷滅畏生死者應斷放
逸夫放逸者是生死本不放逸者是
解脫因今時迦葉如來欲令一切諸
衆生等離生死故說如是法我昔從
於先舊天子聞說此法如是天子亦
從迦葉如來聞如此法為我宣說次
第傳聞我為汝說以何等法調伏憍
慢調伏之人一切衆生之所愛重住
調伏故斷此憍慢麤惡之法憍慢有
五何等為五所謂若入聚落城邑或
行道路其行速疾不慎威儀或行道
路或行非道或抖擻衣或佯跛行正
心之人見之生瞋云何此人行不順
法為醉為狂是則名為第一憍慢如
是憍慢云何而斷應正直行不轉不
顧直視一尋威儀齊整不抖擻衣不
高舉足限齊四指不通肩被袈裟

齊等行不掉辭此不放逸能斷放逸
復有四種放逸諸比丘比丘等應當斷
離所謂說无益語心不思念不知多
少至施主家不喚突入亦不彈指在
上而坐說於无量無義之言而不覺
知於靜坐處發大音聲觀衆女人无
緣而瞋左右顧視不觀前後眷屬憍
慢盜入他家如是比丘一切世人皆
患不愛寂靜行者說此比丘名為憍
慢在家出家皆亦如是如斯等過云
何斷除若於施主及以餘人說正法
語前後相應觀人而說觀心而說依
時處說不相違說軟語而說令易解
說法相應說如說而行不觀女人彈
指而入知時出入亦知其相不抖擻
衣不掉辭行不作高唾不大音聲美
語說法待問而說不斷他語少言美
說以法語說是名毗尼斷於憍慢復
次第二調伏能斷憍慢云何調伏所
謂比丘及比丘等入於他家若聞歌
伎作樂戲笑遊戲之中於他言笑不
聽不樂不味不願不作多語不說他
惡不自嚴飭而至他家不數數入不

常乞求如是比丘入於他家若本施主若至異家以此調伏而斷憍慢復次第三比丘至施主家離說法語說世俗語說國土論說生天論說於遊戲歌儔之論說於過去染愛之事近女人坐著雜色衣而入他家若比丘等如是憍慢熾然增長何等毗尼能斷滅之所謂若比丘比丘等入於他家說出家法說布施論說持戒論讚智功德說於元常敗壞之法說老說病說愛別離說自業作說死離別說知足法說調柔法說苦說集說滅說道說地進退說破戒過說厭離法說斷慳法色憍慢人為說色過為說食過無常破壞說少壯過必歸老壞觀人深心相應而說如是比丘以調伏故破壞憍慢復次第四調伏斷除憍慢不數受於多諸飲食若更有人貪著食味不知厭足喜至他家亦不親近隨其所得衣服飲食卧具醫藥若多若少知足受畜不念他樂亦不味著不生覺觀一心而行調伏而行正威儀行調伏比丘及比丘等調伏之法

如是憍慢以調伏法而斷滅之一切憍慢放逸故生放逸為本於諸功德皆无利益是故欲求涅槃應斷放逸如是夜摩天王半修樓陀善時鵝王為魔王大臣名放逸等現前為說往昔天子從迦葉如來三藐三佛陀次第傳聞為魔眾說云何第二問答所謂於不持戒正念現前而斷滅之戒有二種世間出世間略說心為能持戒有多種略說二種一者性重戒二者離惡或若破性重戒則非迦葉如來弟子性重戒者所謂煞生非梵行偷盜具滿三鉢梨沙睺或盜佛物或盜法物盜已食之心不悔過亦不還償覆藏不說如是比丘則非迦葉如來弟子腐爛敗壞不名法器但以妄語莊嚴衣服是名破於性重之戒以放逸故是故迦葉如來告諸比丘應離放逸如是夜摩天王為善時鵝王菩薩說法鵝眾及魔王眾放逸臣等坐蓮花臺半修樓陀說如是法復次第三離惡略說九種何等為九一者淨修一行二者常速悔過三者

順行四者半行五者多行六者輕犯
即悔七者說道盡行八者破壞行九
者一切行是名九種離戒一切愚癡
凡夫或沙門沙門等以放逸故名不
學者名无智者惡不淨行云何一行
云何離惡輕慢惡見以放逸故毀破
輕戒破已復悔所謂掘地斷草是名
一行

若沙門沙門等若放逸行毀破輕戒
還復悔過如是沙門破一行戒或一
或二或三破輕戒已我還悔過如是
數作數悔是名捨離惡戒非敬重法
非離放逸心常散亂是名破戒悔過行
云何順行放逸增長輕心輕戒不勇
猛學戒能說能知破戒因緣知實不
實於戒法中知破重戒得大重罪堅
持不犯若有難緣破於輕戒不持不
敬不重正法是名破戒悔過比丘
若沙門沙門等云何半行唯學戒法
知重知輕或持不持其心思念護餘
戒衆如是攝心行於半戒餘戒不行
是名半行比丘行放逸行放逸所使
住放逸境不能速得涅槃

云何多行若比丘比丘尼或沙彌沙
彌尼優婆塞優婆夷具足持戒如是
順法多行多持離戒不歎不穿不空
雖堅固持不能盡護是名多行

若沙門沙門等云何輕犯速悔如是比
丘或放逸故或近惡友於戒慢慢速
悔令淨或畏地獄惡道之苦尋即悔
過令心清淨於僧前說我作不善心
不覆藏悔已不作是名比丘犯已隨悔
云何比丘說道盡行若比丘比丘等
或於重戒中或破或緩或以放逸或
近惡友速向師悔或布薩時向眾僧
說心不覆藏眾僧示導得聞道故不
復更作畏三惡道不破不緩是則名為
善時鵝王說道盡行

云何破壞行盡形慢慢離於禪誦心
不愛樂遊天宮中為求衣服飲食嚴
嚴遊行施主之家親近俗人為其騎
使以求安樂是名破壞行如是比丘
身壞命終墮於地獄

善時云何一切行信一切法毗尼為
他人說於輕戒中或不能持一戒二
戒或以性故或无習故不能具持非

不敬重作已悔過善時是名一切行
其惡薄少若比丘比丘等少惡破戒
一切皆由放逸過故如是夜摩天王
住蓮花臺為善時鵝王說法鳥眾魔
王大臣名放逸等說如是法亦時夜
摩天王牟修樓陀以偈頌曰

為放逸所畜 飲於放逸毒 放逸之所縛
將入於地獄 若人放逸行 世間所輕賤
現得不利益 命終入地獄 癡人於晝夜
或住或道行 一切放逸者 不得一念樂
以其放逸故 流行於欲界 輪轉五道中
或從禪中退 若得世間定 生於无色處
輪轉於諸有 皆由放逸故 一切三界中
為於愛網羅 放逸之所縛 癡人不覺知
如是夜摩天王於往昔時從舊天子
次第得聞迦葉佛經為善時鵝王說法
鳥眾及魔大臣放逸等說於十一法
中已說三法何等為三一者調伏斷
於憍慢二者正心不乱斷除二種破
戒一者性戒二者離戒若種善根親
近善友破性重戒近善友故得脫生
死何況離戒是故智者應當勤求近善
知識三者捨離一法云何一法所謂懈

怠捨離懈怠勤行精進若能精進則能滅於一切懈怠猶如放逸於一切法能作无益一切善法親近善友以為根本

復次第四白法能斷垢法何等白法以勤精進斷於懈怠譬如光明滅一切闇以勤精進斷除懈怠亦復如是夫懈怠者害一切法隨生懈怠轉轉增長能壞世間出世間法現在未來不可稱說无量諸法懈怠之人勢力薄弱人所輕賤亦復不能修理家業貧窮下賤不能營作治生貿易耕田殖殖及以餘事志不能作不能親近善友知識以懈怠故人所輕賤皆共拍笑不學智慧癡无所知不知時處不知自力不知他力若依時節應有所作現在未來一切應作皆不成就若人精進則能斷除如是懈怠眾人所愛眾所敬重初夜後夜心不疲倦離睡易覺知時而起知時而卧知時相應思惟而作堅固精進精進為伴以精進水澡懈怠垢一切所作離垢成就有所作業或得衰惱精進不退

不怯不憊不間不息若作大事精進
伴故則能成就而不毀壞凡所造作
不假他人識好惡人知自他力善人
所讚衆人供養或王大臣之所供養
大富大力一切闔諍无敢為敵諸大
力人不能破壞善友為伴知識增長
多善友故有大勢力多受安樂隨所
行處若至異方常得安隱若遊餘方
善人親近隨所有人親近其人致敬
供養以禮待之離懈怠故得如是等
无量功德被大堅固精進之鎧離懈
怠垢能破魔軍能出生死一切善人
之所愛敬發勤精進為同伴故復得
出世間无漏無垢得涅槃道初堅牢
惡塵垢之處緩而難脫以此家宅縛
諸世間妻子眷屬姊妹兄弟奴婢田
宅財物倉庫大憂瀑河精進為伴則
能離於生死怖畏捨家出家服三法
衣精進為伴於家縛中勤精進故而
得出離得无住道勤修禪定習誦正
法欲入涅槃而得解脫知時所應發
勤精進如實知於身口出沒諦知自
相如實知於陰界諸入生滅等相盡

夜不息精進不懈親近善師以智方便發勤精進習道盡過斷无始流轉生死之縛如是懈怠一切无利猶如閻冥一切衆生不利益事是堅固惡以精進故則能滅之其人如是隨所得道隨其所得發勤精進則能散滅一切和合不樂煩惱染縛境界誑惑一切愚癡凡夫愛詐親善是色香味觸境界之中猶如惡賊劫善法財物破壞善法能作一切无利益事不愛果報非愛財物惱乱一切愚癡凡夫能令迷乱是故應當捨離境界不應味著修解脫道令心清淨隨心清淨則能精進正念无疑以正修行破壞怨家復以精進為伴侶故能斷貪欲瞋恚愚癡正觀察斷不受諸有然怨家已如閻浮提中觀於虛空淨无雲翳日月清淨光明顯耀其人清淨亦復如是如病得差如貧得財猶如盲人行大曠野失於正路得道得眼其人如是以持禁戒正修行故修行現證我生已盡梵行已立所作已辦不受後有如是離於塵垢於一切縛而得

解脫度於彼岸智慧勇猛離於塵垢
一切皆由精進伴故是故發大精進
能斷懈怠及以放逸生死諸縛今時
夜摩天王半修樓陀以迦葉佛偈而
說頌曰

發於精進念常樂獨靜處得脫於惡業
智慧得涅槃發精進為伴離於懈怠垢
得脫曠野怖是人得常樂懈怠及放逸
能障一切法以此大過故今眾生苦惱
若求現世樂應離於懈怠放逸懈怠人
如狗等无異

如是夜摩天王為善時鵝王說法鳥
眾魔王大臣放逸欲迷等說彼迦葉
如來經典從昔天子傳聞而說
復次第五白法能斷惡法何等惡法
所謂樂入城邑聚落常習慣而不樂
住於阿蘭若處壞沙門法云何壞法
如是以丘離於修禪及以讀誦或入
聚落或入城邑處處樂住白衣之家
或共男子或共女人多有言說若共
女人言語談說能繫縛人失一切利
益或生欲心何以故女人如火近之
轉近若近女人漸令心亂以是義故

比丘不應入於聚落城邑之中若共丈夫言語談說失於一切自利之事於无漏法心不清淨如是比丘自壞其法復次若有比丘樂入聚落及以城邑得多過衆得何等過以入他家令心惱乱見白衣舍富樂飲食牀褥卧具心生貪著猶如食吐離阿蘭若遊於人間捨道入俗捨閑靜樂為家所縛行貪瞋癡以是過故復墮地獄餓鬼畜生以何因緣得如是苦由其樂入城邑聚落是故比丘若欲得地應離此過

云何捨離以住阿蘭若故能攝一切无住功德无住所攝第一安隱若有比丘獨住在於阿蘭若處諸根寂靜其心清淨意如鍊金第一寂靜善護諸根離於怖畏離於垢汙第一安隱得无漏樂六欲天中一切欲樂作善業故一天之樂可愛无等况復六天一切諸樂若得盡漏一念之樂无分譬喻一切思量筭數不能譬喻是故若求第一義樂應離憒內不入聚落以求禪定三昧正受常獨行於山谷

巖窟阿蘭若處若草聚邊獨一而行
求无漏樂遠離知識親里眷屬當觀
知識親里之樂无常无住是別離法非
無住處濁垢惱乱无有自在多懷怖
畏是故若有愚人智慧薄少捨第一
義樂求有漏樂名相似樂其人則為
遠離光明而求黑闇癡人退没以其
不知功德過相是故應當捨離聚落
城邑之樂常獨住於阿蘭若處如是
離於聚落城邑住林樹間得无住樂
是名第五以白淨法斷於垢業若欲
求樂欲離魔境以白淨法斷除垢法
如是半修樓陀知說法鳥衆其心調
善善時菩薩利益他心為說迦葉佛經
從昔天子次第傳聞為魔王大臣放
逸等說十一法中已說五法餘有六
法今當次說汝集一心今正是時汝
今已得離難具足若不說法若不聽
法是大欺誑是故已得離難具足諸
根具足當為說法三種惡道地獄餓
鬼畜生之中云何說法云何聽法畜
生之中互相殘害餓鬼飢渴地獄苦
逼云何聞法若人天中不放逸行則

能聞法我難放逸汝善信心汝今諦聽當為汝說法難得聞難難具足亦復甚難復次第六垢濁欺誑云何垢法所謂多欲夫多欲者第一垢染惡貪住處云何而滅當以知足則能滅之若多欲者在家出家不得安樂若在家出家其心多欲常於晝夜不得安樂若得物已心不寂靜所得財物不知厭足在家多欲未足為妨如出家人若出家多欲不名在家不名出家云何名為出家人也斷除憍慢嫉妬多欲以要言之若多欲者一切輕毀若有比丘意多所欲常憍財物如是比丘於善法中心不清淨心不淨故諸根不淨行亦不淨若以憍慢經行僧地乃至一步則入地獄何況卧具病瘦醫藥而元罪過統地獄行若破戒多欲而行惡法實非沙門自稱沙門猶如野干著師子皮如虛為寶聲如空聲內空无物若多欲比丘自稱我是迦葉如來聲聞弟子迦葉如來法中出家多欲所燒過於大火多欲迷悶過毒入身多欲傷人過於寒

老多欲利刀伐於善樹過於刀害多
欲之患過於惡病多欲之心常求人
便欲斷人命過於怨家求便害人是
故當知此多欲過破壞二世應當捨
此多欲始穢晝夜思惟終不得樂今
時夜摩天王半修樓陀說迦葉如來
所說偈言

多欲如利刀 斬害愚癡人 捨之如刀劍
諸害皆冥人 多欲大惡瘡 若生於心中
其人貪欲故 晝夜不得樂 欲火憶念新
愛風之所吹 猛火大熾然 焚燒衆生心
以貪覆心故 令人心輕動 愛著財物故
而喪其身命 若人於世間 造作諸惡業
皆由貪慢故 智者如是說 若人心勇決
能入大火中 皆由貪心故 自作无利益
若刁慍乱苦 若種種鬪爭 皆由心因緣
親近愚人故 當知此衰惱 皆由貪過故
不應親近貪 智者如是說
如是半修樓陀為善時鵝王說法鳥
衆魔三大臣名放逸等說此大過去
何斷除當以白法云何白法所謂少
欲夫少欲者名曰一切安樂之法若
人少欲常得安樂其人不畏王賊水

火多欲之人愛財物故親近他家以求財物近於小人以求財物若人少欲則不至於惡人門下不作妄語不作虛誑歌儺戲笑不作綺語不作惡業不為貪財欲火所燒見他得樂不生憂惱不為貪財近惡知識不生疑慮若行道路不畏盜賊離於怨家人不求便不畏罰戮在家之人若能如是則无所畏離諸怖畏一切安隱何況出家遠離過畏離在家法住林樹間若復來至在家人所多有所求當知是人食吐无異於沙門中第一供養所謂少欲少欲比丘知足清淨名稱普聞唯受一食唯著糞掃衣唯獨无侶遊於山谷巖窟草聚唯處寂閑於食三分唯食其二若乞食時遠避知識不近親里唯畜一鉢執持錫杖隨得供養以智思惟捨之而去若行道路前視一尋不尤右顧眄捨離美味不食宿飯於聚落中限至三宿於城邑中乃至七宿不坐寶饒莊按之座於本親里眷屬知識捨之不往不念王者甘味美饌牀褥卧具不說勝

姓親近善友性行同類與同戒者言
談語論如是比丘離惡離濁少欲知
足能斷魔縛若有多欲破戒比丘而
著袈裟天及世間元間大惡如病
如賊知足比丘諸根不行色聲香味
觸境界之中住於露地則能利益一
切衆生攝持心意修於身法受心念
處攝持心意於生死中守護諸根以
知足故名爲比丘若有比丘欲行少
欲不放逸故則能少欲以放逸故則
生多欲在家出家皆亦如是今時夜
摩天王以偈頌曰

若不放逸者則得解脫果若其放逸者
則墮於地獄放逸不放逸此說其勝果
若月若闇冥若解脫若縛放逸不放逸
其義亦如是少欲則安樂多欲則苦惱
如斯苦樂相智者之所說若多欲衆生
其心常如火少欲如涼池澡浴離貪人
如火得乾薪燒之无厭足多欲人貪財
無厭亦如是貪人於晝夜常无有安樂
以其多樂欲愛箭射其心過去无量王
貪財無厭足未來亦如是一切皆磨滅
是故智者說少欲取為樂

正法念處經卷第五十九
如是夜摩天王住蓮花臺為普時親
王說法為眾魔王大臣名放逸等說
迦葉如來第六經云

正法念處經卷第五十九

癸卯歲高麗國大歲都監奉
勅修造

正法金藏經卷第六十

慎

九觀婆羅門瞿曇般若流支譯

觀天品之三十九

夜摩天之二十五

復次夜摩天王善時鵝王及說法鳥
衆現前為令魔王大臣放逸等得調
伏故說迦葉如來修多羅徒昔天子
傳聞而說已說六種白法斷除塵垢
我今當說第七垢法白法能斷何
等垢法所謂見今生處而生樂心樂
見親里遠離斷之知識親里心常樂
見常念親近晝夜不離不樂修禪習
業不近善師供養三寶不念未來業
於三業中不為他說亦不自作但念
親里欲見親里知識親舊云何修理
生業以何自活作是念已憂愁所覆
雖為解脫住林樹間不隨順行是為
無智心入憂海既入憂海復入无等
生老病死大憂海中欲見親里親舊
知識入魔網中見親里故增長愛心
家家請食便生貪心隨俗所作聞在
家者有所言說心則樂著以心樂故
如其所作失自利益愚癡故退不畏

未來惡道之苦亦不思惟地獄餓鬼
畜生及餘生處亦不思惟現在怖畏
老病死苦愛別離苦愁憎會苦亦不
思惟一切所愛皆當別離以怖親里
知識親戚而行出家還復習近樂於
親里知識親舊愛他飲食數至他門
身壞命終墮於惡道或生地獄或生
餓鬼或生畜生所為出家皆悉退失
既墮地獄餓鬼畜生受大苦惱親里
知識莫能救護是故一切比丘若畏
地獄餓鬼畜生不應樂見生處親里
及諸知識以近此故得无利益為念
愛盡義故而行出家斷除愛網以愚
癡故習近愛網如人畏火捨之逃走更
入大火如是畏家捨家出家還入畏
處亦復如是捨離親里入林樹間還
復習近是為無眼无知所閉諸根不
調是名染法云何而斷若不能以智
慧斷除或不能遮或不能持應當長
久遠避遮之若无智人不能以餘方
便斷愛當遠避之一切人愛以不見
故斷一切愛法皆當別離至於死時
无人能救唯除善業無量百千生處

善法之繫取為能救非諸親里能救於人亦非兄弟如是比丘捨離親屬獨處閑居能斷垢法老病死時非諸親里而能救護比丘如是思惟斷一切愛或得微薄是名比丘斷親里愛復次在家出家斷於第八捺法何等捺法所謂无義語以正語斷之若在家人空无義語眾人輕賤猶如草芥有義之言第一財物諸餘財物所不能及无義之言雖復富樂猶名貧窮空无義語空而無實人所輕賤猶如白羊無言說財智人視之猶如畜生第一輕毀如是等法云何而斷空无義語所謂正語正語有二何等為二一者嘿然二者四種正語何等為四一四者不破壞語是名正語在家出家若能如是則不輕毀在家出家有六因緣速為人輕何等為六謂無義語突入人家貪愛他食坐於尊處虛說無實如是六法人所輕笑在家出家應離此法

復次第九垢捺白法能斷云何白法

斷於垢法謂輕掉法正住能斷輕掉
法者障一切法心性輕掉以掉動故
不信不覺不知世間所作不知言語
不知時節不近善友以輕掉放逸故
於世間法不能了達如是輕掉惡垢
能敗現在及未來世不得利益在家
出家應以正住白法斷除輕掉在家
出家若身口意離掉正住衆人供養
正戒正智正意離魔境界善法滿足
終得涅槃於世間法智者讚歎世間
所作皆能成就衆所供養所至之處
常得安樂所作成就如是在家出家
離於輕掉為一切人之所讚歎
復次夜摩天王牟修樓陀為說法為
衆善時鵝王及以魔王放逸大巨等
以本曾從舊天子所次第傳聞迦葉
佛經為天衆說

復次第十垢法可輕可毀智人所捨
何等垢法所謂貧窮貧有二種一者
貧戒二者貧吝復有二種一者貧施
二者貧慧復有二種一貧種姓二者
貧見復有二種一貧寶物二貧師尊
復有二種一貧親族二貧親舊一切

貧窮皆可輕毀若男若女云何而斷
所謂布施一切貧窮布施能斷譬如
燈明能滅諸闇一切愚癡智能滅之
一切異見正見能斷如是非法法能
斷之第一取勝一切智者之所愛攝斷
衆惡道現在未來二世安隱云何布
施施有多種所謂智施戒施法施安
慰施亦正道施失道路者亦道路施
於道行者亦以水施命施資具施无
畏施實語施斷疑施五戒施出家戒
施具足戒施病醫藥施眼目等施如
是等種種布施能利現在及未來世
猶如父母常思修已斷諸貧窮斷於
惡道於天人中而受安樂既受樂已
終得涅槃如是布施能斷貧窮是故
智者應行布施

復次第十一闇法能縛生死闇障諸
法何等闇法所謂无智无量無知乃
至无明闇縛一切生一切闇聚以縛
其頭无知如刀如火如毒无知亦如
一切無明一切無明因緣而起能令
流轉一切地獄餓鬼畜生能縛衆生
令其流轉如是怨垢云何斷除謂无

漏智猶如明燈為救為歸於諸衆生
如父如母猶如醫師亦如良藥斷无
知縛更不復生如斷樹根樹則不生
如火燒薪不復更生亦如流水不復
更返以无漏智燒於无知亦復如是
不復更生是故應當於一切時勤修
精進以无漏智斷除無知如此所說
十一種法放逸根本隨逐放逸放逸
故生是故應斷一切放逸一切放逸
根本皆无利益能成放逸譬如依大
地故有一切藥草樹木叢林流水河
池隄防城邑聚落園林及須弥山王
皆依大地一切地獄餓鬼畜生亦復
如是皆依放逸是故智者應當捨離
尔時夜摩天王以偈頌曰

老人身皮破无力拄杖行老而不知法
皆由放逸故以病破壞身偃卧於牀席
而不生厭離皆由愚癡故若遇於飢渴
若入於惡道而不生厭離皆由放逸故
若得愛別離而生於苦惱一切放逸故
如來如是說若於五道中具受種種苦
衆生常苦惱以其愚癡故嗚呼不厭離
生死諸世間諸業大輪轉循環不暫停

三界皆無樂 亦无有少常 如是愚癡人

不知生獸離 境界皆虛空 三界猶如夢

一切皆悉苦 無目不見知 如是愚癡人

為放逸所害 死畏欲至時 无有能遮救

為於不善觀 惱乱其心意 死王欲將至

而人不覺知 死王將欲至 奪人保命心

三種無利益 惱害諸衆生 老病死等苦

以放逸故生 追求惱人中 放逸害諸天

飢渴惱餓鬼 地獄苦所惱 畜生多愚癡

迭互相殘害 如是衆苦惱 惱害諸衆生

以順非法行 放逸愚癡故 猶如依大地

生諸藥草等 放逸亦如是 增長諸煩惱

此魔王軍衆 第一大臣等 摧以智金剛

如日光除闇 於此所說中 知功德及過

放逸果受苦 无放逸果樂 如是夜摩王

無量分別說 放逸之過惡 不放逸功德

苦病死諸苦 愛別怨憎會 无量諸衰惱

遍滿生死中 若人知方便 遮於未來苦

惡業是苦因 不作惡業樂 滅煩惱取樂

智者如是說 此是涅槃道 真智所演說

調伏不放逸 住於閑靜處 勇猛離貪心

去涅槃不遠 離怨及親友 滅除於有欲

境界不放逸 去涅槃不遠 若人捨離惡

修行慈悲心 怖畏生死者 去涅槃不遠
以智斷煩惱 智慧心清涼 度於懈怠垢
去涅槃不遠 與四諦相應 斷於三種過
於諸根自在 去涅槃不遠 知阿那般那
修行二種相 解了智所知 去涅槃不遠
若脫於過畏 若樂不縛心 以能度彼岸
是故名牟尼

如是夜摩天王為說法鳥眾善時鵝
王說迦葉如來正法經典離放逸故
如是無量正法調伏妙音勇勝說法
今時魔王軍眾放逸大臣聞正法已
作如是念我今不能轉動夜摩天王
如此之法難知深法不可迴轉作是念
已具告同伴今此牟尼修橫隨此法道
中不可轉動乃至一句如是魔臣共
思惟已勢力劣弱本念破壞失大威
德飛昇虛空於須臾頃還至他化自
在天宮魔波旬所到已時一切魔問
使臣言汝所作事如憶念不事究竟
不時三大臣聞是語已白魔王言天
王我失勢力夜摩天王牟尼修橫隨有
大智慧於正法中乃至一句不可動
轉及其天眾亦復如是我不能亂時

魔波旬聞此語已作如是念放逸行
天我能令其住於欲中雖有大力以
放逸故住我境界作是念已告魔衆
言却後我能破夜摩天汝勿急速我
有大力怎能壞乱一切天衆後當破
之時魔波旬說是語已復受无等六
欲之樂於放逸地轉增无量成就大樂
夜摩天王共善時鵝王及說法鳥衆
說無量種法魔軍放逸既已退還時
諸天衆所作已辦

尔時新生天衆遊戲歡娛於園林中
來向天王說法之處及善時鵝王說
法鳥衆

尔時夜摩天王見此天衆告善時言
汝觀如是放逸行天今來向此我今
當遊寂靜園林說是語已飛昇虛空
入寂靜林此諸天衆放逸遊行五欲
具足園林池中娛樂乃至愛業所集
業盡隨業流轉墮於地獄餓鬼畜生
若有餘業生於人中財富具足為世
大人或為大王或為大臣大樂之處
衆人所愛以餘業故
復次比丘知業果報彼以聞慧見夜

摩天所住地處名一向樂衆生何業
生彼地處彼以聞慧見有善人持戒
不熟不盜如前所說復捨邪婬不犯
邪行第一難持能捨不作若見禽獸
壯壯和合不生心念捨不欲見亦不
思惟於邪行報生怖畏心是故捨離
見邪行者勸令不作說邪行報今住
善道以此因緣說如是法言是邪婬
得不愛報畢定墮於地獄之報既自
不作教他不作如是之人自利利他
身壞命終生於善道夜摩天中一向
樂地以善業故樂常不斷无量諸樂
皆悉增長於此地中有諸園林見之
愛樂如意之林一切欲樂隨念皆得
於園林中愛樂受樂新生天子有諸
園林一名光明樂二名流水樂三名山
聚樂有蓮花池名曰雜池有名香流
復有園林山池復有異山天之功德
無數具足林池可愛新生天子遊戲
受樂千倍功德所謂摩尼欄楯池次
名衆鳥音樂池次名天歡喜池次名
常遊戲池次名受樂池次名无濁池
次名寶有池次名見當有池此池周

遍有諸天鳥出妙音聲色量具足充滿池中如意之樹遍於池側无量功德皆悉具足以善業故與无量天女受五欲樂諸天之色隨念順行樂觀不離次第觀之受五欲樂以其持戒集善業故得如是報於花池中遊戲歌舞受五欲樂如是五欲渴愛刺林復以天女而自圍遶於摩尼莊嚴間錯之池復往詣於餘蓮花池莊嚴之山遊戲受樂天鳥天衣五境界樂目視可愛昇此山上欲受快樂所上山峯名曰山谷甚可愛樂於彼山上復有餘天天鵝天衣以自莊嚴從金山下天衆圍遶遊戲而來百百千千相隨而下新生天子見諸天衆問天女言如彼天衆共諸天女遊戲受樂我亦如是遊戲受樂諸天女言願隨其意時初生天子知天女心共諸天女圍遶遊戲第一歡喜五樂音聲以為歌頌二衆共集遊戲受樂不知厭足山上有鳥名曰山冠孔雀王為諸天衆以偈頌曰

世間業莊嚴 天亦業莊嚴 天處无常故

業盡還破壞 世間愛和合 不愛於別離
為境界所誑 諸天命速盡 如心之生滅
老病死破壞 離別一切人 常有此死法
愚者不覺知 老使次第來 死時垂欲至
為病軍能破 愚者不覺知 六種失人身
五根能破壞 如人失正道 處處皆障身
若人念因果 常念而不失 是人見實果
於後不生悔 若人於境界 實見不貪著
此人於愛境 則能速得脫 若脫於愛網
則度惡曠野 能速放逸火 是人大智慧
五種大怖畏 壞一切世間 以其自業故
老病死離別

如是山冠鳥種種 莊嚴孔雀王菩提
薩埵以願力 故受孔雀身 利益他人
及利孔雀為天說法 斷除放逸
今時天眾見新生天子 心生歡喜以
放逸故於善法語 心不信受 或歌或
舞遊戲受樂 五樂音聲於山峯園林
有無量種不可譬喻 金光明窟如意
之林莊嚴 此山無量眾鳥百千山河
花林莊嚴 共諸天女 具一切欲天樂
具足無量遊戲 如是天眾遊戲次第

昇雜摩屋間錯之山於此山上有七寶樹如意之林莊嚴其山縱廣五由旬於其林中有孔雀王名種種莊嚴住在此林為天說法為令天子諸天女等離放逸故愛說法故遊園林中蓮花林中種種雜林河泉流水山峯之中寶莊嚴處百千眾鳥妙音之處一切天眾莊嚴之處諸天女眾莊嚴之處多有天子天女和合受樂此孔雀王則至其所以善業故受種種樂一切遊戲如是遊戲无量差別不可譬喻隨念皆得

今時孔雀王於摩屋間錯山峯之中見諸天眾受放逸樂為令天眾離放逸故以偈頌曰

現在若未來 色境无厭足 憶念火所燒 數數求境界 雖得生天上 生已還歸滅 為業網所縛 復墮於地獄 出受鬼畜生 受无量苦惱 眾生行五道 以業因緣故 眾生種種業 甚多不可量 故得種種果 天中无量樂 業盡故還退 有生則有滅 見於真諦者 能見天退滅 此死時欲至 其命則破壞 一切能惱乱 愚者不覺知

以種種調伏 種種說利益 天衆樂所迷
而不生厭離 善語法相應 二世得安樂
愚者不攝受 後則生大悔 以多法調伏
語真義亦明 而天著放逸 不知真利益
死怨害天命 大力無能救 大力速馳奔
死時欲來至 諸天龍夜叉 乾闥毗舍闍
一切無能敵 是故死力大 若知力無力
是人真知業 不為惡業汙 不行於惡道
常修行諸善 離不善境界 如是作業人
則無衆苦惱 隨順於法行 增長信精進
三昧力相應 如母利益子 善法於五道
一切能救護 非父非母力 能行於彼處
信順於正法 能救惡道苦 隨其所至處
信常有大力 如燈能除闇 如病得良藥
如盲者得眼 如貧人得財 如水漂溺人
信為大船楫 若人放逸行 信為能除滅
死時得信故 能除生有海 則得寂滅處
古世牟尼說 以得信力故 名正智修行
信及不放逸 精進知止足 集智近善友
此六解脫因 施戒善寂滅 慈心利衆生
及行悲喜捨 此法得因緣 輕躁近惡友
麤獷喜妄語 邪見放逸行 此法地獄因
慳嫉苦惡語 放逸行離善 心常貪他物

聖說餓鬼因 近癡離智慧 愛欲遠正法
貪食樂睡眠 佛說畜生因 若人身口意
作三種不善 如是無智人 則墮於地獄
若作如是因 受果則不差 如種穀得穀
善惡業如是 見此衆多人 作生死苦因
如是愚天衆 而猶不覺知 放逸初雖樂
後則大苦惱 若法後時苦 智者應捨離
乃至未解脫 終无有少樂 若得解脫者
常樂得成就 無常放逸樂 智者所不說
若得常樂者 智者說為樂 上上次相續
諸業皆如是 其果亦如是 上上而不斷
既知業果已 應捨離放逸 當起智慧心
此樂為無上

如是孔雀王菩薩種種方便為天說
法斷除放逸種種無畏美妙音聲悉
蔽諸天歌詠之音以善業故其聲遍
滿二万由旬聞者悅樂法樂相應
今時諸天衆為求樂故空中旋轉如
四天王行使天等或去或來此諸天
衆亦復如是

今時兜率陀諸天衆聞此聲已七万
天衆從上而下敬重正法放逸薄故
向夜摩天種種莊嚴孔雀王所時種

種莊嚴孔雀王菩薩知兜率陀天以
心歡喜告諸天子善來真天少放逸
故能來至此求未來果若欲得聞種
種法要汝當速下如我所聞寂靜之
法當為汝說我已修集能至涅槃我
於往昔所聞之法一切師等本所不
聞我於迦羅村隨佛所得聞此法生
生之慶以願力故常不忘失為他人說
今時兜率陀天聞孔雀王說是語已
從空中下敬重正法於山峯中大衆
共會山峯之中無量蓮花池无量流
泉無量寶性無量衆鳥出妙音聲於
摩尸間錯山峯之中圍遶孔雀王四
面而住威德殊勝色相具足一切光
明勝夜摩天如夜摩天比閻浮提人
兜率陀天勝夜摩天亦復如是時夜
摩天見兜率天破壞色慢及自在樂
往詣孔雀王菩薩所有樂遊戲入於
林中未曾見於兜率天故瞻仰而住
或上山頂欲求遊戲復有諸天圍遶
孔雀王四面而住

今時孔雀王菩薩告諸天衆有二十
二法我今當說我所敬習利益天人

第一安樂一切衆生令得正行此二
十二法利益安樂天人愛法現在未
來天人愛法能斷放逸滅令不生者
諸天人能離放逸常得安樂乃至淫
瞋此法利益父母利益所不能及何
等二十二一者悔心二者畏惡道三
者忍四者精進五者說法六者悲心
七者軟心八者調伏九者信業十者
不住壞處十一者住心十二者畏惡
名十三者不樂著十四者獨行十五
者心不散亂十六者念死十七者離
色富財種姓憍慢十八者軟語十九
者於一切衆生起平等心二十者
知足二十一者畏於境界二十二者
捨不信心此二十二法若天若人如
實修行不墮惡道遠得涅槃云何名
悔云何悔已而得安隱既生悔已斷
不善法云何生悔若見他人造作不
善身口意業他作身業而呵毀之應
生悔心不共同住若有因緣自起不
善覺觀之心隨生即捨不生憶念不
味不著內心生慚愧於他人勤修精
進令其不生不受覺觀心呵惡覺觀

譬如大坑滿中糞屎死狗不淨有清
淨人入中求淨既入坑中不淨浸咽
余時其人心生厭惡若有起於不善
覺觀其心生悔亦復如是譬如異人
常求淨行以不知故誤食糞穢或有
強力怨家強令食糞食已惡賤心生
悔恨後更不食若有行於善業之人
慚愧呵毀不善覺觀亦復如是勤修
精進斷除覺觀是名初法不生放逸
斷除放逸破壞放逸是故天人應當
修學若有善人欲求真諦怖畏生死
若生微少不善覺觀應生悔心不生
願心不生放逸不放逸人能起悔心放
逸之人則不能悔如是一法是諸善
業之根本也所謂斷除不善覺觀而
生悔心是名初法

復次第二善法增長善法所謂畏於
惡道名大出法滅於放逸能斷放逸
一切人天畏惡道行若有沙門若婆
羅門若復餘人若畏惡道不作惡業
若見他作亦不隨喜知不善業墮於
地獄餓鬼畜生是故不作惡不善業
惡業之因墮於惡道何以故於少惡

業習近喜樂今惡增長墮於地獄餓鬼畜生是故沙門若婆羅門及餘畏惡道者應如是學常應怖畏不善果報甚為大惡成就地獄餓鬼畜生放逸行人少智之人若能如是畏惡道者不作放逸不作身口意三種惡業如是之人常修善業捨不善業是名畏惡道譬如有人知自他方畏於毒蛇及以刀火能斷人命畏惡道者怖畏惡業亦復如是如是之人於微細業捨而不作不行放逸捨放逸故生天人中受大富樂受富樂已後入涅槃以勝樂故無死无變無退無盡是故常應怖畏惡道若有沙門若婆羅門及餘行者能如是行得无上處彼時世尊說此偈言

若人畏惡道應捨放逸垢修善求功德則到涅槃城若人畏惡道其人心正直以其正心故從樂得樂處若不畏惡道則多造惡業為惡火所燒將入於地獄譬如微少火雖小亦能燒惡道亦如是經劫猶得報若人欲得樂應畏於惡道怖畏救惡道則能得安樂

如是法中若天若人若沙門婆羅門
及餘善人若畏惡道於少不善尋即悔
過心不隨喜亦不思惟心念地獄餓
鬼畜生怖畏苦果念已畏於三不善
道捨十惡業止而不作不教他作亦
不隨喜不近如是惡業之人修行善
業捨一切惡行淨元始捨離放逸止
一切惡於不善法流轉有中而得解
脫於一切法得解脫已解脫諸過則
能安隱度有彼岸是故應當常畏惡
道當如是學一切天人若愛此法能至
涅槃

復次彼佛世尊說離放逸能至涅槃
利益安樂一切天人我於先世人中
得聞憶念不忘我今當為諸天衆說
云何名為第三忍法如是忍者第一
善法第一清淨佛所讚歎忍有二種
一者法忍二者生忍云何法忍緣法
道行思惟白法忍堅固法思惟善道
勝故能忍故名為忍譬如大地忍諸
世間山河園林無量種類忍之不疲
一切法忍亦復如是能到涅槃一切
法忍堅固寂勝白淨善法涅槃道攝

故名法忍如是之人堅固世間忍故能至涅槃

復次第二忍所謂若沙門婆羅門若復餘人欲起瞋恚忍令不起知瞋過故作是思惟若起瞋恚自燒其身其心瞋毒顏色變異他人所棄皆恚驚避衆人不愛輕毀鄙賤身壞命終墮於地獄以瞋恚故无惡不作是故智者捨瞋如火知瞋過故能自利益為欲自利利益他人應當行忍譬如火焚燒屋宅有勇健者以水滅之智慧之人忍滅瞋恚亦復如是能忍之人第一善心能捨瞋恚衆人所愛衆人樂見人所信受顏色清淨其心寂靜心不躁動善淨深心離身口過離心熱惱離惡道畏離於怨憎離惡名穢離於憂惱離怨家畏離於惡人惡口罵詈離於悔畏離惡聲畏離无利畏離於苦畏離於慢畏若人能離如是之畏一切功德皆悉具足名稱普聞得現在未來二世之樂衆人視之猶如父母是忍辱人衆人親近是故瞋怒猶如毒蛇如刀如火以忍滅之能

令皆盡能忍瞋恚是名為忍若有善人欲修行善應作是念忍者如寶應善護之如是忍者能破瞋恚正法忍光猶如炬火能滅瞋闇如盲者眼貧正法者之財賄除邪見之貧窮猶如父母利益其子瞋恚沒溺忍為大船墮惡道者忍為救拔忍如大水滅地獄火忍力能斷餓鬼慳嫉飢渴之惱若墮畜生互相殘害忍力則能施其身命應樂行忍常習不捨若畏惡道當勤精進思惟忍力今時孔雀王菩薩以偈頌曰

若人忍莊嚴 諸莊嚴中勝財物可劫盜忍則不可失 若人修行忍一切眾所愛後時得安隱 忍為第一戒若人修行忍捨一切瞋恚 現在及未來常得安隱處忍辱戒智慧 如是三種財此財取第一非珍寶能譬 若人修行忍一切應供養善人所讚歎 是故應行忍忍藥為第一能除於瞋毒 忍能滅瞋恚令其不復生闇覆愚癡人 忍為勝光明如燈能除闇忍示於正道 若離正法財流轉於五道若有忍財物於世取豪富 瞋恚大曠野

黑闇甚難度 忍資糧具足 能過无留難
若迷正法路 忍能為正導 怖畏惡道者
忍力為救護 常令衆生樂 能滅於苦惱
常得安隱樂 永離諸怖畏 善人之所愛
能生信功德 和集善吉祥 捨離不善法
亦人正解脫 能滅生死畏 昇天之階陞
滅除地獄火 餓鬼畜生界 忍為能救護
忍能滿功德 令衆生寂滅 欲得吉祥樂
當修行忍辱

如是忍者名第一法以修行故現在
未來常得安樂身壞命終生於天上
後得涅槃是故為不放逸生天人中
當修行忍

復次第四善業能離放逸若沙門婆
羅門及餘善人作何等善業所謂精
進勤求善法與善相應道法精進正
時相應時處寂靜修習世間出世間
法相應寂靜非不相應若沙門婆羅
門於世間出世間法初夜後夜知時
止息知時知處及知方便如是則得
安隱而住精進能破一切懈怠若沙門
婆羅門為破煩惱勤修精進既生精
進於色聲香味觸境界不起著心若

得因緣持心令住正心精進二法為
伴攝心令離一切境界若不善力起
精進遮之正念斷除一切法中精進
第一以此二法為同伴故令諸善法
堅固不壞而得果報正心精進功德
力故終得涅槃若沙門婆羅門及餘
善人知此功德當勤精進於世間中
精進寂勝若世間業以勤修故而得
堅固以勤修故而得果報久住於世
他不能壞若人精進於命終時其心
清淨亦不怯弱心不散亂不恐不怖
雖得衰惱不休不息常勤修習諸善
增長然不能壞无有人能說其過惡
隨所作業具足成就如是世間善業
精進智者所讚何況出世正智精進
而不勝妙是故一切法一切時一切
智有智和合現前精進知時知處正
見勤修發精進故得一切樂若行顛
倒則得无利衰惱憂患若無智慧雖
復勤苦不名精進尔時孔雀王菩薩
以偈頌曰

時處相應故 令作業增長 如法勤精進
則得善果報 雖法處作業 捨離於正法

作業不成就以離精進故如法勤精進
智慧得涅槃如空中投戟即生於天上
若人勤作業而修行精進所作皆和合
得廣大成就若於世間義若出世間義
皆由精進力一切得成就若離精進力
及離於正法彼人无富樂如求月中垢
賢聖八分道念為能守護精進大力人
能到第一道精進得菩提精進故生天
一切諸道果无非精進得既知此功德
精進調諸根意發勤精進無與精進等
如是孔雀王菩薩為兜率陀天眾夜
摩天眾說於平生所持經法時諸天
眾皆悉聽受離於放逸諸根調伏一
心諦聽時孔雀王知諸天心生大歡
喜發勤精進以清淨心為之說法令
集安隱寂滅涅槃利益安樂一切諸
天一切菩薩法利眾生

正法念處經卷第六十

癸卯歲高麗國大藏都監奉

勅彫造

正法念處經卷第六十一

終

觀天品之四十

夜摩天之二十六

元魏婆羅門瞿曇般若流支譯

復次第五聞法利益安樂一切人天
謂何等法所謂說法說於一切布施
之法說諸善法一切尊中聞法取勝
能斷一切憍慢根本所謂說法能調
憍慢說法聞法尊敬重法說於信法
說受持法說修行人不離說法諸佛
如來以法為師何況聲聞緣覺說法
有十功德多所利益何等為十時處
具足分別易解與法相應非為利益
為調伏心隨順說法說施有報說生
死法多諸障尋說天退沒說有業果
若說法人有此十法令聞法者得多
功德利益安樂乃至涅槃是聽法者
及說法人隨所作願各得成就一切
種種布施之中法施最勝乃至能令
一切衆生得涅槃樂

復次聞法功德成就深心信根清淨
一向淨心信於三寶諦聽法處為聞
正法隨舉一足皆生梵福吾人供養

說法法師當知是人即為供養現在
世尊其人如是隨所供養所願成就
乃至得阿耨多羅三藐三菩提以能
供養說法師故何以故以聞法故心
得調伏以調伏故能斷無知流轉之
闇若離闇法無有一法能調伏心如
聞說法有四種恩甚為難報何等為
四一者母二者父三者如來四者說
法法師若有供養此四種人得無量
福現在為人之所讚歎於未來世能
得菩提何以故以說法力令憍慢者
得調伏故令貪著者信布施故令益
癩者心調柔故令愚癡者得智慧故
以聞法力令迷因果者得正信故以
聞法力令邪見者入正見故以聞法
力令樂殺生偷盜邪婬業者得遠離
故以此說法調伏因緣終得涅槃以
此因緣說法法師甚為難報父母之
恩難可得報以生身故是故父母不
可得報若令父母住於法中名少報恩
如來應等正覺三界最勝度脫生死
無上大師此恩難報唯有一法能報
佛恩若於佛法深心得不壞信是名

報恩以此供養亦自利益今時孔雀

王菩薩說經偈曰

以說法因緣得安隱涅槃能斷一切縛
衆生之大師以說寂靜法能斷愚癡網
如是勝導師能示衆生道若法令衆生
超度諸有海此法最殊勝世法莫能及
若人能供養此四種福田斯人得善果
導師如是說既得具諸根亦得聞佛法
若行於非法後悔無所及處處生愛著
常求於欲樂恒貪愛妻子不覺死來至
念念多諸惡種種過所亂以心縛衆生
將趣三惡道是惡難調伏常求天人便
是心不可信衆生之大怨以善聞善見
無量種修習以法調伏心如馬得銜勒
如是第一深厚福田具善功德應修
供養利益天衆說如是法及說業道
尊重讚歎說法之師孔雀王菩薩以
願力故生彼天中利益諸天時諸天
衆既聞法已心得清淨皆悉一心聽
其所說作如是言此孔雀王所說相
應非不相應與兜率陀寂靜天王所
說相應無異無別思惟此法初中後
善第一清淨第一善法第一安隱利

益安樂一切天人令得寂滅

尔時孔雀王聞兜率陀天說是語已
心淨歡喜一切悲心安忍利益一切
天衆乃至涅槃復說第六深勝法門
能至涅槃如是之法第一安隱第一
最勝衆人所愛所謂悲心一切人愛
令人生信安慰生死怖畏衆生心不
安隱令得安隱於無救者為作救護
若有悲心是人則去涅槃不遠悲心
柔濡無欺誑心無麤獷心能斷瞋心
悲潤心故又悲心者名大莊嚴於五
道衆生若起悲心能破瞋惱云何於
地獄衆生而起悲心此諸衆生云何
為於自業所誑由心怨家之所造作
得不可喻種種大苦鐵鈎鐵杵融銅
熾然惡虫所斂難度瀑河沒衆生
鵲鷲烏鵲之所啄食入劍樹林及灰
河中受種種苦不可具說所謂活地
獄黑繩地獄衆合地獄叫喚地獄大
叫喚地獄焦熱地獄大焦熱地獄乃
至阿鼻地獄及其隔處大地獄等一
百三十六處衆生墮中圯裂劈坼斷
截燒煮自心所誑業網所縛愛火所

燒無救無歸東西馳走求哀自免以
求救護我當何時得度如此大苦惱
海於此衆生而起悲心若種如是悲
心種子則為天王或作轉輪聖王二
切衆生之所愛重悲心之人愛樂善
業是名觀地獄衆生受大苦惱而起
悲心則得增長無量梵福

復次若沙門婆羅門及餘善人利益
衆生觀諸餓鬼當起悲心云何衆生
墮餓鬼中種種飢渴自燒其身如燒
叢林四面馳走牙相搪突炎火焚燒
遍體熾然無救無歸處處遍走以求
救護無能救者此諸衆生何時當離
種種苦惱何時當斷飢渴之苦是名
觀餓鬼苦而起悲心

復次若沙門婆羅門及餘善人觀於
畜生而起悲心餓鬼之中無量苦惱
牙相殺害畜生三處所謂空行水行
陸行死法無量牙相殘害牙相食噉
此諸衆生何時當脫是名觀畜生苦
而起悲心若有能生如是之念則生
梵天以悲心念諸衆生故悲念衆生
於三惡道大苦惱處於軍大惡業果

之地興悲心已復於六欲諸天而起
悲心於六欲天受天之樂不可譬喻
種種山谷山峯園林而受快樂蓮華
林池共諸天女遊戲受於百千種樂
既受樂已業盡還退生在苦處受大
苦惱墮於地獄餓鬼畜生此生死處
戲持衆生受鑊所縛東西馳走迷亂
無知受大苦惱是名觀諸天苦而起
悲心

復次若沙門婆羅門及以餘人觀於
人中而起悲心以種種業生於人中
受苦樂果上中下衆生種種作業種
種心性種種信解或有貧窮依恃他
人憎嫉妨碍畏他輕賤追求作業以
自存活如是觀人世間而起悲心如
是悲心第一白法能得涅槃如是觀
五道衆生五種苦已而興悲心如是
之人得勝安隱則得涅槃今時孔雀
王菩薩說迦迦村陀如來頌曰

若人心柔軟悲心自莊嚴為一切所護
衆人所稱歎如是柔軟心諸根常悅預
此正見善人去涅槃不遠若悲心莊嚴
則為人中天若人無悲心是則常貧窮

若人柔軟心調伏如真金 若悲在心中
此實無窮盡 若人常精進 恒修行正法
此人心智光 猶如大明燈 若人於晝夜
心常住於法 斯人之悲心 晝夜常不離
其人心清淨 利益諸衆生 既受安樂已
後得於涅槃 悲心清淨施 牟尼所讚歎
能斷一切過 悲財無窮盡 功德勝莊嚴
能斷一切過 牟尼悲潤心 故至不滅處
悲因隨所在 如蜜乳和合 瞋恚及熱惱
不能住其心 既昇悲心棧 哀矜心勇健
能度於有海 三毒大汨沒 功德勝營邑
無勝此莊嚴 善人之所愛 故名為悲心
如是孔雀王菩薩為天說法初中後
善相應寂滅一切天衆樂集聽受
復次彼佛世尊說第七法謂何等法
與之相應而得解脫斷於放逸以何
等業謂柔軟心斷輕躁過攝諸功德
若有人能柔軟深心離一切垢涅槃
解脫猶如在手軟心之人心如白鐵
修行善業衆人所信危嶺之心如金
剛石恒常不忘怨結之心行不調伏
衆人所憎不愛不信若起惡心堅執
不捨心不安樂不樂禪誦不近善人

不生善法如沙鹵地不生種子又如沙中不出麻油魚獮心人亦復如是不生善法如搆角乳如月中暝如石女兒如空中花魚獮惡業誑詐無智自誑誑他五有所沒近不善人捨離三寶此生盲人覩正法明慧之日甚可哀愍生老病死憂悲苦惱衆苦之衆入大曠野受無量苦遠離柔軟甘露之味如是惡人沒於苦海去涅槃遠何以故不行涅槃道因行故以是義故常不得樂若有人能柔軟其心其人一切定得涅槃辟如麻性出油日性光明月光性冷火熱地堅風動水濕四大各各自相不倒軟心之人調伏其心信心精進不顛倒見信於因果則於涅槃如在現前今時孔雀王菩薩以佛經偈而說頌曰若人心柔軟猶如成鍊金斯人內外善速得脫衆苦若人心器調一切皆柔軟斯人生善種猶如良稻田一切諸衆生不能盡斯藏能破於貧窮及以多誑詐利根寂靜人常修行禪定不著放逸境永離諸苦惱

如是孔雀王菩薩說是偈時夜摩天
衆兜率天衆樂聞無厭復欲聞法合
掌恭敬白言大聖願為我等具說二
十二法我等為欲利益他故當三心
聽今時孔雀王菩薩為諸天衆說二
十二取勝法門已說七法今當次第
說第八法若有沙門婆羅門及餘善
人心生思惟有何等法謂調伏法能
與一切作莊嚴法一切調伏毗尼相
應若沙門婆羅門若復餘人在家出
家若老若少調伏相應以此莊嚴能
令端正若離調伏猶如野干烏鷄鵠
鷲出家之人云何調伏出家之人初
以袈裟而自調伏當行七事何等為
七一者如其國法受糞掃衣隨所住
國在家之人所棄之衣若在塚間有
死人衣死屍所壓則不應取若於塚
間得破壞衣則應受用是名袈裟調
伏之法

復次第二調伏若入聚落觀地而行
前視一尋念佛影像一心正念諸根
不亂數出入息係心身念入於聚落
不觀一切所須之具不觀種種器物

亦不觀他莊嚴幃帳不與女人言論
語說不抱小兒不數動足亦不動臂
及其牀座不手摩頭不數整衣不抖
擻袈裟不按摩手亦不彈指是名第
二調伏之法

復次第三調伏入施主家於飯食時
齊腕澡手若受食時不大舒手當前
一時不滿口食亦不太少若於食時
不輕持不調戲謂不知足失他淨信
令他輕慢當觀他心若所揣飯不大
不小不大張口不令有聲不大出氣
所應之食但食二分食知止足不觀
他鉢而生貪心所受飲食不壞他心
自觀其鉢不左右顧視食已離鉢澡
漱清淨守攝諸根正心說法心念審
諦不遲不速不曲不直不非時說不
多不少護施主心不壞其信是名第
三調伏之法

復次第四調伏若於食時若於聚落
或於城邑先所見食不生心念不數
言說亦不怖望所受敷具如法受畜
不求上勝是名第四調伏之法

復次第五調伏一切所作不倚不着不

惜身命於所用具不多聚積不行邊
方危怖之處不異服飭不樂請喚不
偏樂於一家往返是名第五調伏
之法

復次第六調伏不斷草木及掘生地
不著雜色草屣雜色衣服若他破戒
不謗不說心不怖望王者之饒不親
近於意聞比丘是名第六調伏之法
復次第七調伏若有比丘同意同法
應當親近利益令有常度欲棄魔境
寂滅調伏守攝諸根如此比丘應當
親近若於山窟若於山澗樹下露地
常修行空無相無願是名第七調伏
之法若有比丘能如是行則能捨離
一切諸縛而得解脫尔時孔雀王菩
薩為諸天衆以偈頌曰

調伏法相應 修行智境界 怖畏生死過
則不空出家 學處不毀缺 不念於本樂
常觀於諸陰 應住靜林中 軟語寂滅人
現趣於涅槃 持戒莊嚴身 與出家相應
於自他法中 若能不迷惑 業報非業報
道非道亦然 離於惡業行 苦樂不怖畏
於家得解脫 衆苦不能縛

如是孔雀王說於調伏無量功德令諸天衆皆得信解一切天衆一心諦聽今時孔雀王菩薩為夜摩天衆兜率陀天衆說法心不休息知諸天衆敬重法故復說第九無垢淨法云何名為無垢淨法若沙門婆羅門及餘世間信於業報信業報故則得大法若沙門婆羅門及餘世間信業果報此人則能知身惡業於身惡業不習增長不愛不樂以其得果在於地獄餓鬼畜生惡境界故如是於口惡業不習增長不愛不樂以其當受地獄餓鬼畜生惡果報故如是於意惡業作惡業念已生悔止不更作親近師長從其聞法云何得脫惡業果報如是師長有智調伏為說因緣以方便說令悔所作過去惡業則為盡滅以其如是念善業故不作惡業觀業因緣從何所起如是觀之不作惡業能令一切不善之業漸得消滅或令輕薄現在所作身口意惡不善之業以

心輕故作已速悔不復更作如是悔
心若業成就一切惡業皆悉消滅若
沙門婆羅門及餘世間如是知業作
是思惟我以習惡當作身口意惡不
善之業報熟之時墮於地獄餓鬼畜
生彼於未生惡不善業以正方便令
其不生沙門婆羅門若能如是信業
果報設有地獄惡業成就應久在地
獄受大苦惱或得薄少或皆消滅復
次勤精進故若有惡業應墮餓鬼久
在餓鬼飢渴大苦或少時受或皆消
滅如是沙門婆羅門及餘衆生若有
應墮畜生惡業久在畜生互相食敢
或少時受或一切滅唯除作習決定
成就隨於何道若於地獄餓鬼畜生
境界之中定受果報

復次信業果報思惟難解微細業果
於三種惡業作已懺悔不復更作以
不定業生畜生中如是思惟若地獄
業若餓鬼業受畜生身悔心清淨能
破重業以心力故或一切滅或斷少
分若有應受畜生惡業心悔能滅自
業能滅不受長命畜生之身不受大

苦或以勝心能斷惡業以此因緣當信業果若沙門婆羅門及以餘人信業果報則能到於生死彼岸何以故一切生死五道之中以善不善業果報故有是故應信實業果報一切衆生一切業果因緣故與是故若男若女應勤精進晝夜思惟業之果報於生死中第一堅牢

復次第十若沙門婆羅門及以餘人應當思惟思何等法所謂住處所言若沙門婆羅門及以餘人少智慧者住處所言其心樂著情戀不捨或僧伽藍或僧住處或在聚落或住國土或住城邑及以異處常樂懈怠樂於非處不至寂靜同蘭若處不行異處不名在家不名出家於非法處乃至命終如是之人為何因緣而行出家不至一切所應山林阿蘭若處乃於非處而盡身命為修禪故而行出家不入山林寂靜之處而住非處若沙門婆羅門住於非處為諸施主之所輕毀不樂親近不修供養亦不樂見若住非處過失彰顯為諸凡俗之所

輕笑乎共論說言某沙門某婆羅門
及以餘人樂住非處不名在家不名
出家不樂山林阿蘭若處貯畜財物
樂見俗人親近在家猶如奴僕為諸
白衣之所輕賤是故此人不名在家
不名出家住非處故設今無過為他
所謗無有一人住於非處不為施主
之所輕賤數見白衣或近在家雖不
輕慢或生異過若沙門婆羅門住非
法處以住非處得無利益是故沙門
婆羅門不應住於破壞之處常樂住
處常樂獨處樂住樹下樂住塚間樂
住靜處以修禪默或在山谷獨一而
行乃至盡命應避非處捨離一切非
法之處能得解脫住非處者不得解
脫今時孔雀王菩薩而說頌曰

比丘住非處 人視如僮僕 輕之如草木
亦失自利益 比丘住非處 非在家出家
於禪誦法中 其心不喜樂 比丘住非處
貯積稻財物 貪心著財寶 不覺死時至
身命念念盡 而不能覺知 不知所作業
能受未來報 比丘住非處 常樂見俗人
常行於非處 死則入惡道 心無所樂著

一切不怖望能脫一切貪是名為沙門。
若在山樹下常修習禪觀則得清淨智。
遠離一切過遠離一切貪不為境界惑。
則能滅煩惱如火焚乾薪獨修行比丘。
攝持於五根如實知身相則得涅槃道。
常念勤精進遠離一切過是人到涅槃。
如至遊戲處常求於涅槃常怖畏生死。
如是清淨心則不樂非處。

比丘如是住於非處得衆多過是故。
比丘應當捨離非法之處若有比丘。
住於非處凡俗無異若有俗人住於。
非處得無量惡何況沙門近在家故。
則與一切善法相違是故應當遠離。
非處時孔雀王菩薩復為夜摩天衆。
及梵率天說迦迦村陀如來第十一。
法如是善法甚可愛樂能至涅槃何。
等善法所謂住心若比丘有住心者。
能持善法人所讚歎住心之法離一。
切惡無始流轉心過羅網結使周遍。
繫縛堅固非是少時少精進少定能。
斷如是大惡羅網若有比丘薄少住。
心則不能斷心地過網無有異法能。
斷生死如住心法唯修行者有住心。

法若不善法起攝心令伏不樂惡業
精勤斷除勇猛精進斷不善法若貪
欲心起修不淨觀是名相應是惡欲
心不淨能斷不樂不著若起瞋恚攝
心修慈若起癡心攝心觀於十二因
緣念時孔雀王菩薩以偈頌曰
若不樂住心隨樂起諸愛若為愛所縛
失於二世利

如是孔雀王菩薩為夜摩天兜率陀
天說不住心無量過惡念時天衆聞
二世利樂聽無厭作如是言孔雀王
未曾有也乃能為我演說深法初中
後善能至涅槃於種種生死能生厭
離第一安隱唯願為我次第宣說我
等當共一心聽受自利利他時孔雀
王聞是語已知諸天衆一心樂聞踊
躍歡喜其心怡悅第一利他美妙音
聲告諸天衆若沙門婆羅門及以餘
衆心念於法既念法已勤修怖畏修
何等法所謂畏惡名稱若有比丘畏
於惡名則離諸過所謂不入女人戲
笑之處不入酒肆不近沽酒不與共
語不近嗜酒人亦不與語不近賊人

不近先作大惡之人不近好聞人不
近陰惡懷毒人不近無恒數捨道人
不近博戲人不近伎樂人不近小兒
不近繫縛女色人不近輕躁人不近
不護口人不近貪人不近販賣欺誑
人不近巧偽市道世所惡賤人不近
決掘河池人不近貴門女人同路一
步不近調象人不近魁膾人不近調
馬人不近斷見人不近無戒人如是
惡人比丘一切不應親近何以故近
如是人失比丘法世間之人作如是
念如是比丘近如是人必與同行與如
是人習近共行生一切人如是之念是
故比丘當畏惡名不應與此不淨業人
同路行於一足之地此時孔雀三菩薩
以如來偈而說頌曰

上頌文中少第十二標
文或合或開本同未詳

若人近不善則為不善人 是故應離惡
莫行不善業隨近何等人 數數相親近
近故同其行或善或不善 一切人求善
當近於善人如是能得樂 善則非苦因
近善增功德近惡增尤苦 功德及惡相
今如是略說常近於善人 則得善名稱
若近不善人令人速輕賤 常應親善人

遠離於惡友以近善人故能捨諸惡業
時孔雀王菩薩復為諸天說如是言
若有比丘有七功德則離惡名何等
為七一者離衆人一者不樂供養之
利三者知足能令施主得清淨心四
者樂住山各靜處攝諸善業五者離
於多語六者若入聚落不至酒家七
者不作販賣貿易比丘若有如是切
德正行相應則無惡名衆人所敬是
故畏惡名者為取第一若有比丘不
畏惡名所得過惡過於白衣隨意而
作隨意而說於所破戒心無慙愧是
破戒人身壞命終墮於地獄畏惡名
者樂空閑處不樂近於聚落城邑以
知足故不壞他信遠離一切憤吏之
處於微小過心常怖畏如是怖畏惡
名比丘得世間善

復次第十三法能多利益何等善法
所謂不樂著去此法可愛若有比丘
離著清淨意純無著樂於閑靜安住
淨合離於憂惱第一安隱攝心一處
若遭苦厄心不怯怖若他罵辱不起
瞋恚逢喜不喜於畏不畏不親宗族

自失利益隨所作事皆忘究竟於先
所作諸惑之業不生喜樂不樂觀者
遊戲歌舞從一聚落至一聚落從城
至城從邑至邑從家至家心不樂者
睡安覺安不樂者故清淨正行猶如
耆老魔不得便不著於色聲香味觸
亦不樂著供養之利得已捨於不善
覺觀精勤斷除令其不生若生惡覺
尋即除滅令不惱心如是比丘尚能
精勤滅不善覺况復麤過而不斷除
有三種法應當修行何等為三所謂
已生不善法妨於悲心為斷除故勤
行精進未生不善法為不生故勤行
精進已生善法念當精勤修習增廣
若有比丘心不樂著正意清淨欲求
愛盡欲求厭離欲求安樂無得樂著
若有比丘心不樂著則得第一取勝
之樂

尔時孔雀王菩薩以偈頌曰

常修於禪定 心無所樂著 心常清淨故

意正不錯亂 若人正憶念 諸惑不能染

以能離諸過 是名得安隱 一心正憶念

覺觀莫能亂 以離惡覺觀 是名善安住

若人意寂靜 常樂於涅槃 其人諸報中
遠離諸不善 若有修行者 得禪三昧樂
皆由一心念 修行之所得 若樂獨比丘
樂從內心生 此樂於諸樂 第一無等倫
一心係念者 其心則清淨 得脫諸過網
心意常寂滅 常一心係念 攝持於五根
斯人智慧水 能滅愛毒火 解脫愛縛人
常得清淨樂 現前得勝處 無盡亦無壞
覺觀亂其心 處處受生死 一念緣相應
三昧力能持 是故此勝道 能到涅槃城
以一心念故 能破魔王軍 堅固智光明
繫縛心逸馬 到第一彼岸 無垢清淨處
第一勇健者 修行到彼岸 以一心係念
能至不壞處

如是孔雀王菩薩為諸天衆無量說
法利益安樂復為地率陀天夜摩天
衆不斷說法能至涅槃告諸天衆一
切善法中第一真法所謂第十四獨
行比丘好行善業行林樹間善寂滅
行所謂獨行比丘寂靜調伏心無所
畏一切處樂若在山谷若在山窟若
草積邊心無偏著其心正直獨行比
丘有七法利益何等為七一者知足

心常歡喜二者心常清淨三者世間
所敬諸天所護四者離惡塵垢五者
善法增長六者一心正念淨身口意
解脫現前七者離於垢法成就白法
以獨行故能破無量無始流轉煩惱
怨家獨行比丘一心正行怖畏煩惱
於微少惡心生怖畏常勤精進威儀
寂靜余時孔雀王菩薩為刺諸天以
偈頌曰

輕擾堅牢惡 大力難調伏 勇健調伏心
則得第一樂 如是三種過 破壞諸世間
智水能除滅 則得第一樂 若人不愛法
雖人而非人 不住於真道 不至涅槃城
既得此人身 功德所依處 云何不昇摧
度諸有流海 一切衆生命 如電旋火輪
如乾闥婆城 速過不暫停 是身念念壞
常畏於老死 速滅無堅住 如何起身慢
此身為病城 是大憂悲處 善不善之地
是故名為身 若人施戒智 而自莊嚴身
於人中取勝 成就善果報 若人有七真
其人與佛等 施戒智精進 悲忍善調伏
若人於無量 不可數時劫 修六波羅蜜
斯人名為佛 若人捨離欲 三界取第一

以捨諸欲故常得大安樂。若人貪著欲
衆苦常現前欲為衆苦因。是故應捨離
如是孔雀王菩薩為兜率陀天夜摩
天衆說如是法。尔時孔雀王復為天
衆說第十五利益之法。若沙門婆羅
門及餘世間心不散亂則得利益。若
散亂心善攝心意令心正住常樂親
近同梵行者常勤精進以求安隱離
諸惡道。若比丘心不散亂折伏六根
不著境界怖畏生死捨離一切不善
之法捨離一切不善法故常得安樂
。若有比丘於色聲香味觸法中心不
散亂是名比丘心意正念心正念故
善法增長正念之人不樂生死常勤
精進樂修三昧以正念故則能得道
。既得道已勤修衆行以勤修道發起
衆行正憶念故而得道果心常正念
修習道故斷除衆結滅於諸使斷何
等結。所謂愛結恚結無明結慢結始
結慳結皆斷此結滅何等使。所謂欲
染使恚使有染使無明使慢使見使
疑使此使皆滅以此結使大力因緣
流轉諸道三界所攝若心不散一心
念於見道修道皆悉能滅若沙門婆

羅門若復餘人欲得安隱一切善不善法心為根本是故且應精進修道怖長有過攝心正念能滅煩惱無有餘法能滅如是無始流轉煩惱稠林如正念心今時孔雀王菩薩以一切智偈而說頌曰

一心念現前 怖畏於諸惡 能生無漏法
猶如畦種稻 一心念現前 精勤修習道
斷除不善法 如日除闇冥 若一心現前
常正念寂滅 則不畏來過 如金翅鳥毒
如是散亂心 如風有大力 智者能調伏
猶如調象師 戒三昧智慧 猶如大猛火
與風共和合 焚燒諸惡林 是故應修智
斷除於愚癡 離於老死患 得無上勝處
若能勤攝心 修行於精進 以其攝心故
能斷一切惡 心常緣境界 勇猛能攝持
諸欲不能壞 如毒藥在手 如是勤精進
能調伏其心 三道大愛河 速度勿停住
如是孔雀王為利夜摩天眾兜率天
眾說於善行時諸天眾聞是法已怖
畏生死捨離一切境界之樂
正法念處經卷第六十一

癸卯歲高麗國大藏都監奉

勅彫造

正法念處經卷第六十二

終

觀天品之四十一

夜摩天之二十七

元魏波婆羅門瞿曇般若流支譯

時孔雀王菩薩知天衆心復為宣說
第十六法告諸天衆復有善法可愛
樂法能制放逸猶如鐵鈎應念修行
何等善法所謂念死若人念死常勤
修習不休不息無等大惡惱亂一切
諸衆生等無能逃避決定無免有生
必死能令一切恩愛別離令人喪滅
生於異處或有從樂生於苦處業繩
繫縛自業所資墮於地獄餓鬼畜生
於命終時無有伴侶唯有善業及不
善業以為同伴所作善業猶如父母
將至樂處不善惡業猶如大怨將至
地獄餓鬼畜生以是義故應修善業
捨離諸惡若能如是修行念死其心
則不著於境界不著貪欲瞋恚愚癡
怖畏死故不為妻子眷屬因緣作不
善業一切在家若修此念尚得寂靜
何況出家若有沙門修於念死則不
犯戒不樂境界不處憤吏若處憤吏

心則散亂多言之本多見女人能生一切貪欲之慶應當捨離思惟念死若慶憤吏心意不善於命終時當得一切無利衰惱不得安樂臨死之時刀風劍風之所解截無歸無救業繩所縛將至餘世非父母兄弟妻子眷屬所能救護若能如是修念死相是人則樂持戒智慧如是修行是則能令善業增長不善消滅以善業故受人天樂後得涅槃若男若女知此功德若在家出家若沙門婆羅門常應念死以念死故其心怖畏不作一切不善之業心作是念一切衆生皆當歸死天人地獄餓鬼境界無處不死若能如是修行念死畏未來世其心不著色聲香味觸如是境界非常不變非不壞法常念無常苦空無我若心念死不為諸惡之所惱亂常當數數修不淨觀善觀增長數數念死修習增長係念無常無有常慶而不破壞不變不滅可愛山峰百千万億乃至須弥山王劫火所燒皆當摧滅況人天身大海無邊一切大河一切龍

王所住之處一切諸龍及阿修羅七
日既出則皆乾竭何況我身舉要言
之欲界色界無色界一切三界無常
變動皆當破壞況我身命當是常住
不動不破壞法若能如是心意常念
意善觀察如是修心無處可樂無處
可貪無處可瞋貪瞋淨故癡亦隨滅
離三過故得第一處不老不死不盡
不滅如是念死無所緣念是故念死
於一切念取為第一修念死相復有
功德若沙門婆羅門如是修行諦觀
此身猶如虎檻云何觀苦如我此身
身心病惱為老所壞死王將去死網
所縛為何所作不能修行布施持戒
及修智慧是故應當於死未至修行
施戒及以智慧不久死至壞於一切
衆生之命若沙門婆羅門如是係心
念於死相所作不空必得涅槃復次
念死所謂此身唯有無常一切諸行
皆悉無常苦空無我念念變壞速疾
不停破壞之法空無所有非堅固法
如旋火輪軋闍婆城一切諸行皆亦
如是我之身命亦復如是無有堅固

猶如水沫乳閼婆城如是死法一切
皆有畢定來至甚可怖畏是故當修
堅固之法攝三善業捨三不善當作
如是念於死想若沙門婆羅門自心
修念修是念故得大利益余時孔雀
王菩薩以先佛偈而作頌曰

此六惡怨家 破壞於世間 老病死不斷
由於三毒故 五境界大賊 能劫於善財
此怨詐親善 行於嶮惡處 放逸不善心
堅著於境界 能將諸衆生 疾至三惡道
若有能覺知 苦等真實諦 是人則能得
安隱寂靜處 拔斷諸毒根 增長功德行
應離懈怠心 莫近惡知識 若比丘精進
勤修念死觀 則得無上處 永離老病死
若有能如實 覺知於根塵 依止正智慧
則能渡有海 念死常生怖 離慢及懈怠
親近智慧人 衆惡不汙心 精進心柔軟
修法離衆惡 正見心不動 此人應親近
若近惡知識 則不得善法 若近於勝者
則不畏衆過 一念及須臾 晝夜常不離
智者常念死 無有逃避處 念死最殊勝
諸念無與等 修行得寂滅 永離諸塵垢
若有念死畏 則不起心惡 心離一切過

當得寂滅處不放逸勝果世尊如是說
若常念死畏則離諸不善

時孔雀王菩薩為諸天衆說如斯法
復次第十七法能多利益沙門婆羅
門有何等法所謂離於色慢種姓之
慢及財富慢若有色慢種姓之慢及
財富慢是愚癡人口行惡業身行惡
業意行惡業以此因緣身壞命終墮
於地獄餓鬼畜生於彼生處處輪
轉無量生死受大苦惱不可稱說既
知過已不起色慢種姓之慢及財富
慢若有人能離於色慢種姓之慢及
財富慢當知是人則不造作身口惡
業如實見色無常苦空無我空無所
有無有堅固是不淨器髮毛爪齒皮
肉和合無量骨鏹筋髓胎肉屎尿膿
血充滿其中我此已身初亦不淨中
亦不淨後亦不淨無量業煩惱因緣
所生無堅無常無實無我今我此身
若至死時不為我伴乃至一步棄於
塚間或以火燒或為鵑鷲烏鴉狐狗
之所啖食若人如是思惟憶念於色
慢中或減或薄

復次若沙門婆羅門起種姓慢自言
我種姓勝若以實觀於真諦中無有
種姓但妄分別以愚癡故妄生分別
此種姓勝此種姓不如如實不然何
以故以有生故是故有姓如是變易
隨何等人有實布施持戒智慧定心
調伏有此功德其人雖生下姓之中
名大種姓何以故以有功德勝種姓
故非生種姓功德因緣非生因緣若
無功德則無因緣是故沙門婆羅門
不應起於種姓憍慢

復次觀於色慢若沙門婆羅門及餘
行人觀我此色於嬰兒時雖有色貌
昂面不動非動時色動時之色非匍
匐色乃至少年非中年色中年之色
非老年色老年之色非死時色如新
死色非久死色如我死屍衆蠅啖食
蛆虫所啖風吹日曝雨漬濕爛一切
破壞分散狼藉滿於塚間此身分散
為無量分骨節分張髑髏異處咽喉
肩臂手指爪甲諸節異處脊骨腕骨
髀骨脛骨踝骨足骨指骨以斯如實
觀於色故離於色慢云何如實觀財

富慢觀已遠離一切世間如實觀知
一切世間皆無自在無量種法皆無
自在云何此法當有自在以一切有
為諸法因緣所轉不得自在從因緣
生譬如屋宅集眾村木塼塹合和平
相依止名之為屋身亦如是皮肉脂
骨筋髓和合名之為身無有自在是
身色相亦無作者如是沙門婆羅門
如實觀察色慢種姓慢財富慢一切
皆滅或令薄少復次以不實觀故起
種姓慢若如實觀如是種姓但有分
別無目之人妄生憶念若布施持戒
智慧淨行正見和合如是種姓則為
殊勝非如愚癡妄起慢心念種姓勝
若沙門婆羅門及以餘人若能如實
知於種姓於種姓慢一切皆滅或令
薄少今時孔雀王菩薩以迦迦村隨
如來經偈而作頌曰

若有人常起色姓財富慢是人如醉象
不見險惡岸一切諸憍慢放逸亂諸根
現在人所輕命終墮惡道若人起憍慢
色富慢所盲其人則無樂命終墮惡道
若恃色富慢非為如實見愚癡無智慧

不能渡苦海。色種姓財富。及以諸樂具。
一切皆無常。智者不應信。若離施戒智。
則無有種姓。若有施戒智。是種姓取勝。
愚者不名富。非善道種姓。是故智為因。
離智無種姓。若有持淨戒。猶如清涼池。
斯人大種姓。是名勝種子。布施戒及智。
勇猛實精進。能與此相應。是名勝種姓。
若離於正法。非剃髮種姓。名之為沙門。
名為婆羅門。若修於正法。有施戒智慧。
乃名為沙門。乃名婆羅門。老能奪壯色。
死能斷命根。財物必散壞。一切法如是。
病能壞強健。令衆生流轉。若有智慧者。
應離色財慢。知如是惡已。誰有起憍慢。
是故色財慢。智人所捨離。以修行善法。
則無諸苦惱。上顯文中少第十八標
文或合或別本同未詳
如是孔雀王菩薩為諸天衆如是
說法

復次沙門婆羅門復有行法謂第十
九於一切衆生起平等心若沙門婆
羅門及以餘衆若平等心得第一樂
一切衆生之所愛敬身壞命終生於
善道天世界中云何於一切衆生起
平等心若沙門婆羅門捨於諍論不

與人諍既捨諍亂於一切衆生得平等

心是故沙門婆羅門能捨諍論則於

一切衆生得平等心復次有法能令

沙門婆羅門於一切衆生得平等心

觀一切衆生皆為衰惱觀於怨家猶

如親友此諸衆生生死所攝生死不

斷以有生故有老病死憂悲苦惱寒

熱飢渴打縛鞭撻怨憎會苦愛別離

苦如是觀於苦惱衆生得大衰惱於

怨親中修平等觀若沙門婆羅門作

是觀已於一切衆生中得平等心若

沙門婆羅門復作是念此諸衆生衆

苦所惱所謂疾病惱諸衆生身心疾

病以病衰惱得大苦惱於怨親中如

是思惟作是念故心得清淨以心淨

故血則清淨以血淨故顏色清淨一

切諸根皆亦清淨如是觀察得現果

報一切衆生之所樂見愛敬瞻仰以

是因緣身壞命終生於天上復次沙

門婆羅門復以異法觀諸親友猶如

怨家一切衆生無有不死不離生死

生已復死如是衆生以自業故墮於

地獄餓鬼畜生此等衆生諸苦所惱

如是思惟利益一切衆生心則清淨
心清淨故血則清淨血清淨故顏色
清淨顏色淨故端正無比一切衆生
愛樂瞻仰得現果報身壞命終生於
善道天世界中如是比丘修大善業
於諸衆生起平等心復次沙門婆羅
門及餘世間復以異法修平等觀此
諸衆生業與業藏因業流轉如業所
作或善不善皆悉成就以善業故生
人天中以惡業故墮於地獄餓鬼畜
生若沙門婆羅門及餘人天如是修行
心則清淨心清淨故血則清淨血清
淨故顏色清淨顏色淨故一切衆生
愛樂瞻仰身壞命終生於善道受諸
天身必得涅槃心清淨故於一切衆
生起平等心得如是果

復次若沙門婆羅門復有異法於一
切衆生修平等心何等異法所謂一
切衆生共愛別離一切衆生生死所
攝無一衆生非愛別離此愛別離甚
為大惡如是修行心則清淨心清淨
故血則清淨血清淨故顏色清淨顏
色淨故端正無比以端正故一切人

見心得清淨愛樂瞻仰以於一切衆
生起平等故得現果報身壞命終生
於善道受諸天身以餘業故後得涅
槃復次若沙門婆羅門及以餘人復
以異法於一切衆生修平等心何等
異法所謂是心輕轉速行不住若欲
心起修不淨觀若瞋心起修慈心觀
若癡心起當觀察思惟十二因緣是
三種心三法對治於一切衆生起平
等心於怨親中修平等心意清淨故
一切行處心無疑慮則得第一清淨
樂行覺安卧安諸天所護無能得便
有大威德以心淨故血則清淨血清
淨故顏色清淨顏色淨故端正無比
一切衆生愛樂瞻仰於一切衆生起
平等心得現果報身壞命終生於善
道天世界中受諸天身以是業故終
得涅槃今時孔雀王菩薩以偈頌曰
若於怨親中其心常平等如法無偏黨
牟尼說智慧若人心清淨不為過所汙
獨行林樹間牟尼說無貪心無怖望垢
遠離一切濁不樂諸境界牟尼說寂靜
一切無常等如實諦觀察知世間明闇

牟尼說勇猛不厭世間法而修行善法
於苦樂平等 牟尼說雖垢心常知足足
常遠離諸欲不怖重供養 牟尼說清淨
不近惡親友不行非義處獨行自堅心
牟尼說正業遠離喜及畏愛力不能壞
諸根悉寂靜聖說不怖望平等平等心
境界常平等於一切平等 牟尼說智慧
了知一切法善不善業集捨於善不善
牟尼為人說精進斷諸惡常修身念處
如實知受生 牟尼說為智若人畏生死
時處常作業法語攝諸根 牟尼說寂滅
如是孔雀王菩薩為夜摩天兜率陀
天衆以無量種方便說法時諸天衆
一心正念捨諸欲樂以柔軟心樂聞
說法

時孔雀王知諸天衆心調伏故復為
說法復次若沙門婆羅門及餘世間
心當念法念何等法所謂第二十知
足之法知足法者利益安樂若沙門
婆羅門身心知足知足為伴知足為
救成就安樂知足之人於一切處無
所追求第一安樂眼不貪色於無量
色不生希望亦不分別若見色相心

不憶念不求過去可愛之色不受不
樂亦不怖求不生欲心亦不生念不
生味著若沙門婆羅門如是知足常
得安樂如是耳聞可愛之聲不受不
樂亦不心念於過去境界若起貪欲
心不分別如實觀之此聲非常非樂
非我但有分別害諸衆生愚癡凡夫
妄念分別聲至耳根令心惱亂如實
觀之如是善觀如實知足如實觀聲
空無所有無堅無實但有分別如是
觀察於一切愛美妙音聲一切愛境
不生貪著以知足故得如是樂若沙
門婆羅門及以餘人鼻所聞香不生
分別不起惡覺亦不思惟鼻聞香已
如實觀之如此香者無常敗壞變易
不實空無所有若著此香則不能脫
惡覺亂心是名知足若沙門婆羅門
鼻不受樂如是境界皆悉觀察以知
足故則得第一清淨之樂修習增廣
得第一樂

復次若沙門婆羅門及以餘人於舌
味中心不貪著不念不分別於過去
味不念不思惟不善憶念亦不怖求

非不知足如實觀味此味無常敗壞
變易但以分別而生貪著謂為可取
若如實觀於味不樂心不貪著不生
味愛若能如是於味知足則得安樂
復次沙門婆羅門及餘世間如實觀
觸如此觸者非有自性無常敗壞變
易之法如是觸者空無所有無堅無
實先無今有已有還無若能如是如
實觀觸於過去觸不生係念不受不
樂於觸不求隨何等觸未觸其身離
貪欲觸是名知足

復次若沙門婆羅門觀於意法愛以
不受如實思惟觀法無常敗壞變易
空無所有無堅無實此法無常苦空
無我先無今有已有還無一切磨滅
如是憶念愛不受法則知止足於不
愛法不生憎嫉於可愛法不生喜樂
於過去法心不係念亦不味著如是
善觀意所樂法於一切意法不念不
味不愛不樂諸沙門婆羅門以知足
故於六愛中而得解脫今時孔雀王
以偈頌曰

若能觀知足脫六愛境界不念不憍望

是人常得樂 若以正念心 如實觀於色
其人於色愛 不能亂其心 鼻與境相應
若能不貪著 其人意清淨 鼻過不能亂
智者得古味 正觀不貪著 其人於味過
不能汙其心 身受種種觸 得之不貪著
其人知觸故 常得安隱樂 於愛不愛法
其意不貪著 善住如大山 是意世所讚
若沙門婆羅門行知足法 能離如是
六種之愛 佛所讚歎 如是孔雀王告
薩為夜摩天兜率陀天衆說斯真法
復次若沙門婆羅門思惟念法 念何
等法 所謂第二十一畏於境界 畏惡
境界不實之見 不得利益 若沙門婆
羅門如實觀色境界 如眼緣色而生
眼識意識 決了分別 觀察若境界來
生於貪欲 如是貪欲境界來 惱亂我
當生恐怖 若見境界 斷欲貪愛而不
觀現如所分別 意亦如是 或貪或瞋
皆如實知 若煩惱起 如實觀起得無
利益 現在未來 以此煩惱 不得安樂
一切衆生 由此煩惱 不得利益 不得
安樂 如此煩惱 悉能繫縛一切衆生
沙門婆羅門 若能如是觀境界者 貪

欲心生一切能滅或令薄少如是如
實觀於眼色復觀於耳因緣和合而
生耳識因耳因聲而生於念或生苦
受或生樂受如是觀識或復多生貪
瞋與癡或生餘識猶如然燈觀不善
念我生不善念知不善念知不善念
從緣而生當斷滅之若斷不善善法
滿足實觀境界善念增長不善之念
熾愛共生有愛共生皆悉令滅以滅
除故而得清淨離濁惡垢得一切樂
是故沙門婆羅門及餘世間初觀境
界中若生惡欲即應斷滅觀於善法
滅諸不善如是於耳聲中如實了知
應生善念

復次若沙門婆羅門及餘世間鼻所
聞香云何生識因鼻因香而生鼻識
若不善念生知不善念若沙門婆羅
門作如是念我今若生不善之念不
得利益不得安樂今當斷滅如實觀
察則能斷滅不善之念作是念已如
實觀香生於善念以善念故則能滅
於共喜生愛如是觀已於一切香不
生樂著以斷著故而得安樂如是如

實知於境界則得如實安隱之處若能如是如實觀香鼻雖聞香於香不樂若沙門婆羅門舌得味時若生不善貪欲如實念知因舌因味而生舌識作是念時於味不樂不貪不著如實知舌識若知舌識喜愛於味於識得脫得第一樂如是如是實知境界如是如是得無上樂不為喜愛之所壞也於舌味中如實觀已復觀身觸因身因觸而生身識三法和合而生於觸以共觸故生受想思若沙門婆羅門如實觀觸此觸無常動壞變易若生不善覺觀得無利益不得安樂如實知觸善念觀察不為喜愛之所惱亂不樂境界以諸方便觀身觸已復觀意法云何而生因意因法而生意識或善不善或無記若緣不善起不善念如實了知我緣不善而生意識我生喜愛不得利益惱亂不安如是思惟觀法出沒則順法行順法行故如實見於一切諸法自相同相不為喜愛之所惱亂以愛薄故而得解脫以解脫愛故得第一樂知一切法

皆悉生滅以能如是觀諸境界則生正智能滅一切諸結煩惱煩惱盡故得無漏智以得無漏智相應故得第一處是故沙門婆羅門莫信境界一切境界猶如怨家一切衆生境界如蛇若人未得無漏智慧莫信境界境界輕動猶如怨賊詐為親友如此境界悉能繫縛一切衆生今時孔雀王菩薩以偈頌曰

若實知境界 如以鐵鉤持 馳散輕動故 作諸不利益 怖望迷境界 樂於分別心 死網羅欲至 能斷衆生命 為境界所牽 令人心躁擾 為愚癡所誑 而不能覺知 境界無定實 如乳閼婆城 能增長衆苦 為地獄因緣 境界火所燒 愚癡欲所誑 輪轉不停息 不覺燒其身 因念故生欲 因欲生瞋恚 瞋恚覆人心 死則入地獄 是故有智者 離欲滅瞋恚 遂遠離愚癡 則能到涅槃 知境界如怨 遮之而不樂 智者厭境界 畢竟到涅槃 是為孔雀王菩薩為諸天衆說佛經法

復次第二十二法得大利益何等法

耶所謂不信心若沙門婆羅門及餘善人乃至盡命不應信心如此心者輕躁難攝自性曲戾不住一境樂於異境一切愚癡凡夫以此心故流轉地獄餓鬼畜生此心一切不可親友輕躁緣境迷惑一切愚癡凡夫令其流轉在於地獄餓鬼畜生雖常流轉而不厭離如此惡習於生死中受大苦惱是故不應信此惡心乃至未得聖印所印不得須陀洹閑惡道門若不如是遍行諸道受一切苦一切繫縛一切羂縛諸使和合甚難調伏是故沙門婆羅門不應信心余時孔雀王菩薩以偈頌曰

深速而無垢 遍一切衆生 是心猶如王
流轉諸世間 難見甚可畏 輕躁造惡業
若人能攝心 則至第一道 能將至善處
亦至於惡道 若調伏離垢 則至於涅槃
心能作苦樂 心勢力流轉 能作種種業
調伏則得樂 是故應護心 護心則得樂
若人於境界 諸根心寂滅 脫生死憂悲
則到無住處

如是孔雀王為諸天衆說迦迦村陀

尔時諸天衆皆悉歡喜欽心圍遶作如是言善哉善哉大士快說妙法初中後善為天衆說能至涅槃

尔時孔雀王復為天衆說如是言我於迦迦村陀如來所聞二十二法以義利益安樂天人能到涅槃我以此法利益天衆是故宣說時諸天衆歡喜讚歎合掌欽礼供養孔雀王菩薩既礼拜已夜摩天衆入蓮花林遊戲受樂兜率天衆上昇虛空歸兜率天尔時夜摩天衆於園林中遊戲受樂乃至愛善業盡隨其自業墮於地獄餓鬼畜生若有餘業生於人中生大種姓常順法行顏貌端正財富具足處好國土或王大臣以餘業故復次比丘知業果報觀夜摩天所住之地彼見有地名曰樂行衆生何業生於彼地彼見聞知若人大心善行直心持戒不殺不盜如前所說復離邪婬若見素盡女人不生邪觀見作勸捨令住持戒常為衆生數數說法令住法中為一切衆生說邪婬過說

業果報若人邪淫甚為下賤身壞命終墮於地獄以是業報受大苦惱作是觀已不應邪淫勿於後悔邪淫之罪受報大苦為諸衆生說如是法令住正行救惡道行如是之人自利利他持戒依戒盡形持戒不破戒不缺戒不穿戒不外實內空身壞命終生於善道夜摩天中名樂行地生彼天已受無等樂有一大池名曰樂行縱廣五百由旬其池清涼湛然清淨復有摩偷甜美飲樹周遍皆是毗琉璃樹真金為葉青寶玉枝圍遶此池五百由旬蓮華充滿遍覆池水其諸蓮華真金為葉毗琉璃莖琉璃為鬚復有蓮華七寶莊嚴種種蓮華遍覆池中種種衆鳥七寶莊嚴出妙音聲無量百千天子天女圍遶此池一一天子無量百千天女以為眷屬與此天子娛樂受樂自善業故復於池邊有七寶林名曰心樂於此林中有種種鳥一百流水而以莊嚴無量衆寶莊嚴其林天子天女或在樂池或於此林於五根中受境界樂以善業故生

此天中間歌所牽向於岸林復有餘
天於此天中命終退歿有諸天女天
衣莊嚴見新生天子速馳往趣求為
給事是諸天衆不殺不盜不行邪淫
善業果報生此天中不邪淫故命未
終時天女不捨趣於異天命終乃去
四天王天三十三天不離邪淫未命
終時天女背叛捨之而去如捨晝燈
往趣餘天與新生天子而共娛樂歌
舞遊戲時彼天子臨欲命終見諸天
女背叛趣他心生嫉妬生大苦惱如
地獄苦以心瞋故墮於地獄夜摩天
中離邪淫故無此果報以是因緣先
退天子諸天女等皆共往詣新生天
子到已園遶入大林中為受欲樂向
諸天衆時諸天衆見新生天子心皆
歡喜與諸天衆及諸天女或万或億
往詣園林其園林中如意之樹以為
莊嚴多有無量種種衆樹無量百千
蓮華莊嚴鵝鴨鴛鴦充滿池中無量
百千功德大池久於此池作天伎樂
受五欲樂久受樂已於境界中不知
厭足復與新生天子向普光明山遊

戲受樂歌舞戲笑一一華池一一園
林一一流泉一一山峯一一山原一
一山谷一一榛林一一花林一一河
中一一山窟一一如意林中一一樹
枝蔭覆宮室一切天衆五樂音聲受
五欲樂不可為喻以其自業相似相
應一切往詣普光明山歌舞遊戲
相娛樂於境界樂不知厭足一切歡
喜諸欲具足向普光明山今時山中
有舊住天聞歌音聲生希有心觀諸
天衆時諸天衆即皆昇於普光明山
舊天見之皆大歡喜初來天衆皆昇
虛空無量莊嚴威德光明互相瞻仰
一切天衆於此可愛山峯之中河泉
流水華池園林七寶光明莊嚴宮殿
林樹莊嚴諸樂行天而受快樂或在
華池或在河岸或在林中或在如意
林樹之間或在虛空飛至異處或有
歌舞或有無量天女圍遶飲天上味
離於醉亂既飲上味轉增歡喜為如
是等二種所轉境界火燒歡喜如烟
今時有鳥名曰寶音見諸天衆受放
逸樂以偈頌曰

五炎遍熾然 愛風之所吹 諸欲所迷惑
放逸火焚燒 故業將欲盡 而不作新業
業盡故還退 諸天皆如是 若至欲退時
苦惱破壞心 無有能救者 唯除於善業
喜樂於富樂 常愛諸天女 自心之所誑
當至大惡處 為無常所壞 云何不覺知
終至於命盡 一切皆別離 以心貪境界
為自業所誑 天命念念過 以愛破壞心
譬如盡鮮滅 彩畫皆亦亡 以其業盡故
天報亦隨失 五根合境界 未曾有厭足
如蘇油投火 熾然無厭足

如是實智鳥為斷天衆放逸心故說
偈頌法時諸天衆以放逸故迷惑不
受以放逸心共諸天女或飛虛空或
有昇大普光明山昇彼山已其身光
明勝百千日其山先有七寶光明以
天光故山轉殊勝山中無量衆寶園
林以天光故十陪轉勝復有餘天在
園林中或蓮華中或在枝葉蔭覆宮
室衆寶光明莊嚴之處遊戲歌舞受
天之樂見此光明得未曾有今時天
衆於園林中既遊戲已一切皆向樂
蓮華池遊戲受樂不相愛樂不起嫉

垢安詳昇於七寶光山歌舞戲笑離
於怖畏離瞋憂悲離他所攝隨念而
行受第一樂音聲遊戲歌舞如意所
念須陀之食上味美飲第一歡喜遊
戲娛樂受自業樂如是久時受天樂
已向喜見池其蓮華池長十由旬廣
五由旬甚可愛樂多有衆鳥鵝鴨鴛
鴦充滿池中金色蓮華遍覆池水一
切皆以青毗琉璃膏因陀寶大青寶
王赤蓮華寶以砌池底於此池岸周
遍生樹黃金為莖白銀枝葉或青寶
枝赤蓮華葉毗琉璃樹頗梨為枝黃
金為葉大青寶樹白銀為枝黃金為
葉青寶為枝金毗琉璃以為其樹大
青寶枝真金碑磔二寶為葉或有金
樹金葉金枝勝於日光或有金樹毗
琉璃枝毗琉璃葉猶如雲聚莊嚴可
愛或有金樹金枝金葉猶如火聚或
有銀樹銀枝銀葉光明端正如月盛
滿或青寶王樹青寶王枝青寶王葉
如沉水烟色相端嚴或有寶樹種種
枝條以為莊嚴或白銀枝青寶枝
復有寶樹金銀枝飭復有寶樹金銀

頗梨三種校飭復有寶樹赤蓮華寶
白銀校飭復有寶樹種種諸色眾花具
足曼陀羅花俱餘耶舍花以為莊嚴
復有果樹果汁之味天上味酒所不
能及復有花樹熏百由旬復有聲樹
微風吹動其音勝於乳閼婆音復有
眾樹見之悅樂其樹色相彩畫莊嚴
所不能及復有寶樹名曰香烟種種
香烟從樹而出諸天鰥已皆大歡喜
多有如是種種寶樹遶喜見池時諸
天眾見此池已得未曾有或食其果
或飲果汁或共天女採花莊嚴或有
入於天園林中飲於上味與諸天女
戲笑歌舞或有入於蓮華林中遊戲
受樂或有食於須陀味食或有天子
與諸天女飛昇虛空或有天子共諸
天女昇七寶殿受諸欲樂如是天眾
於蓮華池受五欲樂於境界中不知
厭足以愛心故不知厭足如酥投火
如燒乾薪於愛欲境不知厭足亦復
如是時蓮華池多有眾鳥有一鵝王
名曰善時是大菩薩以願力故生夜
摩天無量百千鵝眾圍遶如閻浮提

滿月處空衆星圍遶如是轉王衆鳥

圍遶亦復如是為利天衆以偈頌曰

如是去來住遊戲歌舞笑無比取大惡

不覺死欲至隨其所至處死怨不可避

如是愚癡人而猶不覺知不擇於貧富

少壯及老年若在家出家無不為死壞

樂人及苦人功德無功德有戒及無戒

無不為死壞若持戒破戒智慧及愚癡

諸王及庶民皆為死所壞若天若地獄

若餓鬼畜生放逸不放逸皆為死所壞

若生於欲界色界無色界如是三界中

皆為死所壞業網老所壞病苦有大力

是死如夜叉攝縛諸衆生如是死怖畏

第一大暴惡天為欲所迷應泣而更笑

如是習近欲欲為苦惱因習近轉增長

如蘇油投火欲能壞善法初味後不安

欲為衆苦因後得大衰惱欲初無安隱

中後亦如是非怖望非得非為寂靜因

諸根於塵境迷著各差別愚人愛欲樂

是故墮地獄若共癡受樂隨受得苦惱

此怨詐親善能害一切人

如是善時轉王為放逸諸天說如是

偈時諸天衆為欲所迷雖聞轉王說

如此法而不聽受於園林中蓮華林中果樹林中樹枝蔭覆香淨之室無量百千衆蜂妙音天衆天女各共歌舞出妙音聲不可譬喻復有天衆坐天寶地觀於可愛蓮華之池受自業果遍觀天衆菩薩我王作是思惟此諸天衆無心識耶不知必定受大苦惱天中欲退有五怖相何等為五一者一切可愛可樂愛重天女與天同業不復和合愛別大苦是為初苦二者可愛可樂天之境界不復和合與之離別是為第二退沒大苦三者退時見異天衆遊戲受樂自觀已身如燈將盡業風所吹不知何趣心生苦惱過於地獄是名第三退沒大苦四者欲退沒時隨所生處或生地獄餓鬼畜生不了了自見見生處故心生大悔悔火所燒受無量苦是名第四退沒大苦五者退時受大苦惱作如是念我本曾聞知識說法以放逸故貪著境界而不聽受亦不修行以放逸故貪境界故復作是念我作惡法不聽受法不持禁戒不集智慧我從生來

放逸所誑今為悔人而燒我心業繩
繫縛而將我去由放逸故是為諸天
於退沒時五種大苦如是天衆不覺
不知放逸所誑貪心所壞善時鵝王
一心思惟欲設方便我當以何方便
為天說法令得善業今時菩薩鵝王
久思惟已為利他故說願偈言

常行於戒施 哀愍諸衆生 成就一切事
是故應持戒 與慈悲和合 遠離於怖望
利益諸衆生 所作必成就 勇猛無虛誑
常行於法施 遠離慳嫉妬 所作必成就
持戒寂滅人 尊重供養師 知應作不作
所作必成就 不諂曲憎嫉 常說於愛語
誠實不虛誑 所作必成就 知處及知時
知可作不作 知有力無力 所作必成就
如是鵝王知法修行為說法師以法
成就利益衆生此天放逸我當云何
為之說法今離放逸久思惟已憶念
本生我於往昔生閻浮提於迦那迦
牟尼世尊所曾聞之法我今應說我
於今時生閻浮提大長者家作長者
子名優鉢羅達多彼佛如來知我命
終生夜摩天樂行之地願生鵝王當

為放逸諸天子等宣說我法今正是
時當為宣說今時鵝王思惟是已以
清淨心利益天衆以慈悲心念阿耨
多羅三藐三菩提心故往詣天衆受
五欲處與諸鵝衆圍遶而住見彼天
衆遊戲山林或遊花園或遊枝葉蔭
覆宮室或於虛空坐寶宮殿或有天
子共諸天女食須陀味今時菩薩鵝
王作如是念今正是時當為放逸諸
天說法我今當以美妙音聲演說偈
頌掩蔽天子天女歌音天子天女著
欲放逸不得聞法聞我音聲耳識愛
樂必至我所作是念已出妙音聲念
佛功德起慈悲心昇七寶山鵝衆圍
遶滿十由旬無等妙音以偈頌曰
及死時未至應修行福德勿自保其命
於後生悔恨若行於放逸是名為死處
若不放逸行第一不死句若行於放逸
此道非寂滅依不放逸故智慧得涅槃
天衆莫放逸放逸非寂滅非寂滅行故
則墮於地獄若已失當失若今現在失
皆由放逸過如來如是說是故一切時
當勤加精進遠離於放逸則得寂滅法

如是菩薩鵝王昇彼山上以美妙音
說此偈頌令天女歌皆悉掩蔽其聲
不美時諸天衆聞鵝王音皆生愛樂
遍於山上一切諸天得未曾有謂是
歌音以貪著心非敬重法一切皆來
向山峯中至鵝王所尔時菩薩鵝王
復以偈頌如前所說時諸天衆天子
天女聞其音聲心皆隨順如是鵝王
於人中時大長者子名優鉢羅達多
於迦鄰迦牟尼佛所得聞正法而來
生此今以妙音敷揚宣說勝妙無等
天子天女一心諦聽鵝王所說

正法念處經卷第六十二

癸卯歲高麗國分司大藏部監奉

勅彫造

正法念處經卷第六十三

終

元魏婆羅門留曇般若流支譯

觀天品之四十二

夜摩天之二十八

今時鵝王告諸天衆常當聽法勿行放逸當近善友能利他者詣之聽法聞正法已以敬重故是人善心乃至涅槃漏盡大樂有二種人生於梵福一者善觀察持二者求漏盡復有二種一者常說法二者常聽法如是法師猶如父母為人說法能出生死得究竟善法如是法師猶如父母說法之人以法布施法之施主令他聞法既聞法已心得清淨直心敬重聽法師說法於聽法人猶如父母於生死中猶如橋梁所謂聞所未聞聞已覺知知已思惟既思惟已則修行入既修行已則能安住安立他人共彼思量若得衰惱其心不動未種善根能種善根思量增上令根熟者而得解脫令邪見者入於正見若不善念生能令斷滅增長善心斷不善因緣

不放逸行親近善人離慳諂曲供養
父母信業果報集長壽業世人稱歎
諸天所護所念成就得如法樂離於
懈怠發勤精進知恩報恩常修念死
於命終時心不悔恨終得涅槃如是
聽法三十二功德說法之師猶如父
母說法示人畢竟利益益不濁心說以
清淨心利益衆生通達智慧聞是法
已如佛利益於生死中而得解脫是
聞法者於無始來流轉生死未曾聞
法於法師所初得聞已發希有心如
生盲人良醫決膜得見世間種種色
像本所不見種種妙色見已歡喜如
是衆生於無始來流轉生死癡力所
盲得聞正法於覺分地種種善根可
愛四聖諦本未曾聞經義光明見之
歡喜如生盲人見色歡喜見覺分地
心生歡喜亦復如是是名聞法第一
功德

復次第二聞法功德以聞法故內心
思惟法有何義若自不解從他諮問
如是法者有何等義是聞法者從他
聞法復自思惟以思惟故修習增長

說法義故前後相應至心受持數數
觀義以觀察故心則歡喜如是如是
隨所思惟憶念觀察通達深義是為
聞法第二功德

復次第三聞法功德隨所聞法聞已
思惟如此之義為何意說如此之義
何因緣說如是之義為調伏衆生是
故宣說復與同心同行之人而共思
量思惟前後得大利益終得涅槃是
名第三聞法功德

復次第四聞法功德思量前後說法
之義了知而受了知受者名曰如所
說義身口意業攝受修行作三善業
修習增長攝取說法以清淨心既受
持已句句思量尋其因緣隨其所思
隨思則得未曾有義以得義故則能
滅諸煩惱結使悉能攝受無量功德
戒施智慧深心勝故戒施智故是名
第四聞法功德當樂習行修習增廣
復次第五聞法功德善聞善攝三種
之業自修堅固聞法安住若沙門婆
羅門若在家人說某善男子安住正
法如說修行如是修行能知自住又

攝受法隨其所住能滅百千億那由他劫百千千萬億億生死能滅無量百千千萬億地獄餓鬼畜生之苦是名聞法大功德聚修習親近得多利益說法之人示人涅槃如佛世尊令住法中是為聞法第五功德聽正法故復次第六聞法功德何等功德所謂自住法中建立他人令成法器令厭生死示安隱處說苦集滅自他二身俱生福德利益他故得大功德隨所聞法轉轉增長隨滅煩惱亦復如是煩惱滅故而得涅槃以聞正法得此功德是名第六聞法功德

復次第七聞法功德修習增廣何等功德所謂若逢衰惱其心不退聞業報故雖逢衰惱心不退沒不作惡業不作惡口不惡思惟不壞勇猛是名第七聞法功德

復次第八聞法功德云何功德或見他人或知他人來從求法或求聞法或從求戒或求智慧離於憍慢為之解釋隨其所說種種分別令其淺易是名第八聞法功德

復次第九聞法功德聞正法者種善根子譬如稻田封畔不壞放以清流下種芽生徃法師所聽聞正法以善種子種於耳田心之封畔亦復如是至於熟時多收果實救於地獄餓鬼畜生飢饉恐怖救三惡故一切衆苦皆得斷滅住於曠野解脫一切怖畏處故得入無上寂滅之處因說法故得入涅槃說法之人猶如世尊是故聽法功德出生死中寂為第一常當親近專心聽法聞已修行是名第九聞法功德

復次第十聞法功德云何功德既已種於聞法種子當善護持令其成熟若人聞法善根種子常習行故則得成就譬如稻田以時下種以日光照時至則熟聽法之人種諸善根以智慧日令得成就亦復如是以是因緣常應詣於說法之處聽受正法是名第十聞法功德

復次第十一聞法功德何等功德如是成就以心善根常詣法會聽聞正法聞法受持思惟攝受以是因緣令

心調伏能滅煩惱煩惱盡故則得解脫以解脫故狀有為法應作是念我生已盡梵行已立所作已辦不受後有一切皆由聞法功德是故應當常聽正法是名第十一聞法功德

復次第十二聞法功德有異方便是大功德解脫之因何等功德所謂公邪見者入於正見無始流轉在生死中間於惡法攝受邪見以邪見故墮於地獄餓鬼畜生若聞正法樂習親近修今增廣能捨邪見修行正法增長正智得第一樂無誑之樂以聽法故修習增長是名第十二聞法功德復次第十三聞法功德何等功德習修增廣所謂若生微少不善念心即能除斷若生欲覺修不淨觀而斷滅之若生瞋恚修慈心觀若愚癡覺應當觀察十二因緣對治斷滅以聞法故知對治法非不聞法以聞法故尚減如是三不善根微細覺觀况隨煩惱是故聞法是大功德是名第十三聞法功德

復次第十四聞法功德以聞法故滅

於不善覺觀之心猶如日光滅於闇
冥智亦如是能滅一切不善之闇令
法增長煩惱損滅離聞正法則不能
滅是為第十四聞法功德

復次第十五聞法功德所謂能令善
心增長以此聞法功德力故非唯滅
於不善覺觀復增善觀善觀增故則
得智慧譬如少火置草木中以風吹
故火則增長少善根生亦復如是以
智慧故而得增長若聞正法聽受其
義生一念善能滅無量百千劫生死
今不復生既知如是聞法功德當勤
聽法無有異法能作此護以聞法故
作大施主有於布施以聞法故捨離
非法以聞法故而得智慧既觀如是
聽法功德能出生死應當精勤乃至
盡壽勤聽正法如是聽法第一救護
第一歸依能出有海是名第十五聞
法功德

復次第十六聞法功德何等功德所
謂能避不善因緣若不善緣生觀惡
道畏智慧之人觀已捨離怖畏生死
若不善緣生避而不行為不生故勤

行精進持戒智慧若生貪心應行布施若生慳心不貪滅之以智慧心破壞愚癡以如實見滅不善觀以正見心斷於邪見以正覺觀斷妄分別若起樂覺當觀衆苦若起實覺當修空觀若起我覺當觀無我是為如實對治覺觀若因緣生當遠離之若細若麤若中當斷滅之一切不善因緣生者聞正法故能遠避之若不聞法則不能避一切聞法如安隱處是名第十六聞法功德

復次第十七聞法功德何等功德所謂放逸之人以聞法故滅惡覺觀行不放逸不放逸人能攝諸根一切善法皆得增長不放逸人能斷一切不善之法其人則去涅槃不遠得一切安樂以何因緣斷於放逸謂聞正法聞正法故知放逸過則能遠避聞正法故能調諸根調五根故則能攝心善念增長滅惡覺觀以善觀故得第一樂一切煩惱放逸為本亦如一切善法之中不放逸心以為根本聞正法故斷除放逸是故衆生常應一心

聽受正法聞已修行修習增長是名第十七聞法功德

復次第十八聞法功德何等功德所謂聞正法故親近善友供養善人愛重尊敬思惟等量近善友故得大功德若近惡友多招過咎無有餘法得近善友如聞正法聞正法故得近善友是故第一梵行謂近善友是名第十八聞法功德

復次第十九聞法功德何等功德所謂聞正法故能斷斷詐慳嫉之心若近善友得何功德近善友故得勝功德所謂能斷斷詐慳嫉以聞法故能如實信業及果報若有衆生斷詐慳嫉身壞命終墮於惡道或墮餓鬼或墮地獄若本多行斷詐慳嫉以聞正法即能捨離毀之不行於先所作慳離悔過見他斷詐勸令不作令他厭離悔本所作令住善道以聞正法得此功德於人天中第一堅固謂聞正法是為第十九聞法功德

復次第二十聞法功德何等功德所謂得聞法已供養父母知業果報知

於福田是上功德第一福田所謂父母以是知業果報因緣能為種種供養父母多設敷具病瘦醫藥所須之具隨其所作供養父母能生梵福以福德故後得涅槃又以聞法供養父母衆人所愛於現在世為一切人之所讚歎命終之後生於善道受諸天身聞法力故終得涅槃是故智者知此功德乃至失命常當供養父母福田正行正意一心敬重是名第二十二聞法功德

復次第二十二聞法功德時謂知業果報知業報故不樂異法以聞正法能知業果若念不善知不善念若心念善知心念善如實知於業之果報若心緣念不善之法知不善念後得不善不愛果報墮於地獄餓鬼畜生以是知故不復生於不善之心以此不善定知當得不愛果報墮於地獄餓鬼畜生以作如是惡業緣故我身必當墮於地獄餓鬼畜生此三種業以聞正法而得了知離聞法已餘無能知是故智者乃至失命常應聽法

若常聞法修習善業則不造作不善之業是名第二十一聞法功德

復次第二十二聞法功德何等功德所謂能集增長長命之業聞正法故信業果報不作殺生偷盜等業隨何善業樂修增廣生天人中壽命延長以聞正法樂修增廣是故復得如此功德壽命延長以此聞法因緣生天人中若生天上於餘天眾眾為長壽飲食遊戲受第一樂以聞法故若生人中種種色力財富長壽生好國土常習正見以聞正法樂習增廣必得出苦若人能以善心聽法第一福德為聽法故若行一步皆生梵福聽正法者常行聽法得善身業聞已讀誦得善口業聞已心淨得意善業是聽法者三業善故生天人中受於第一最勝富樂壽命長遠終得涅槃如是一切諸大功德皆由聽法非餘能得是故聞法第一安隱是名第二十二聞法功德

復次第二十三聞法功德何等功德謂聞法者一切衆人之所稱歎持戒

功德及以多聞調伏勝慧一切世人
皆共恭敬禮拜問訊於一切人美言
直心如是之人功德相應於微塵惡
常生怖畏衆所知識一切讚歎若得
惱亂衆人救護是聞法者世所讚歎
是名第二十三聞法功德

復次第二十四聞法功德何等功德
所謂諸天之所護念聞法之人善業
相應身行善業口行善業意行善業
以此功德諸天所護以此人故衆人
安隱此人命終無量人衆不得利
益護此人故魔衆損減正法增長見
此因緣是故諸天晝夜守護常隨其
後隨其所作一切成就天恩力故以
善業故不相為因彼所作業既得成
就隨所作業轉修增廣一切善業皆
得成就如是次第第二世利益如是聞
法功德即是第一安隱之藏是名第
二十四聞法功德

復次第二十五聞法功德何等功德
所謂一切憶念皆得成就是順法行
智慧之人持戒布施現前業報一切
憶念皆得成就隨其所作皆得成就

無能劫奪若其所作易得成就如法受用離五種難正命清淨不為他攝身壞命終生於善道受諸天身是名第二十五聞法功德

復次第二十六聞法功德何等功德所謂如法富樂同持戒者豪富之人志來親近同持戒故迭相齋遺所得財物非害人得非壓他人順法得財施法行人其人布施功德上上增長二世利益二世安樂以聞法故得此功德是名第二十六聞法功德

復次第二十七聞法功德何等功德所謂智慧遠離懈怠以聽正法聞懈怠過以懈怠故於諸世間出世間法義不得成就以聞法故捨離懈怠一切所作常勤精進正念不亂離懈怠人一切所作方便疾成如時所作如法所作一切成就二世利益若離懈怠常勤精進一切所作皆志究竟一切發心無不成辦若本懈怠聞正法故知懈怠過速捨離之如捨刀火以懈怠故能壞一切世間作業聞懈怠過一切義利皆得成就以聞正法功

德力故是名第二十七聞法功德

復次第二十八聞法功德何等功德
所謂次第聞法起報恩心知他恩分
聞正法中說報恩故思念報恩知恩
報故一切親友悉皆堅固以功德故
一切怨家猶如親友若人少恩常念
不忘知恩報恩得大功德是名第二
十八聞法功德

復次第二十九聞法功德何等功德
所謂修行念死第一勝念所謂念死
以常念死則懷怖畏以怖畏故不造
惡業設見美色不念分別聞諸樂音
亦不憶念若聞衆香不貪不樂亦不
憶念若舌得味不貪不樂亦不憶念
若身得觸不貪不樂亦不憶念意思
惟法不貪不樂亦不憶念斷離如是
一切有網如是之人怖畏死故觀諸
世間悉無堅固一切皆苦一切無我
一切皆空實見之人於一切處若天
若人無有善心何況地獄餓鬼畜生
於五道中悉斷希望而得解脫於一
切生死苦中不復欣樂怖畏厭離以
厭離故而得解脫得解脫智我生已

盡梵行已立所作已辦不受後有若
離聞法不得如是梵行立等厭離功
德是故應勤聽受正法親近師長供
養聽法現在未來二世利益所謂近
善知識聽聞正法以此二法而得安
隱是名第二十九聞法功德

復次第三十聞正法功德何等功德
所謂以聞法故死時不悔修念死者
若有過起則能速斷若三種垢貪瞋
癡起生死因緣以念死故則能斷除
以斷三垢不生不死不退不出無有
異法能斷此法以得聞法功德力故
得如是法一切安隱功德之中聞法
功德第一根本今時獲王菩薩說迦
那迦牟尼所說經法為天衆說正法
相應是為第三十聞法功德

復次第三十一聞法功德何等功德
所謂死時心不悔恨若得聞於正法
之義行善業故於命終時心不生悔
隨所聞義既得聞已憶命思惟既思
惟已於佛法僧增長淨心以心淨故
血則清淨血清淨故顏色清淨身心
淨故臨命終時見於善道有白光明

可愛天處見生處故轉增淨心隨其
淨心信佛法僧轉生勝處若作四天
王業心淨信故生第二天若有三千
三天之業生夜摩天若有夜摩天業
生兜率陀天如是展轉乃至第六他
化自在天以心淨力故得增勝處如是
一切皆由聞法若離聞法終不能得
若聽正法於命終時為救為歸是名
第三十一聞法功德

復次第三十二聞法功德何等功德
以聞法故終得涅槃勝聽法功德於一
切功德最勝最上何等勝上所謂涅槃
勝以聽正法修習增長如說修行如
實成就其人決定能斷煩惱到於涅槃
如是善時鵝王菩薩為斷夜摩天
眾放逸行故以無等音說於真法天
眾皆生希有之心今時天眾聞佛法
故心得清淨一切天眾白鵝王言於
此天中汝是天主以有智慧辯才力
故我等天眾猶如畜生以放逸故樂
於境界常為欲愛自害心故鵝王音
聲我等歌音所不能及今時鵝王菩
薩說於正法相應頌曰

以聞正法故 能止於惡法 以離惡法故
常得安隱處 以聞正法故 其心得清淨
能令心安住 不作眾惡業 聞法能摠持
聞法不造惡 聞法知業果 後得於涅槃
聞法故知法 聞法故信佛 智者聞法故
能解脫眾苦 以聞正法故 能知真法相
是故有智者 當勤聽正法 聞如來說法
能離於生死 漸離三種愛 得三無盡處
以聞正法故 知四法因緣 及諸法生滅
聞法皆能知 以聞正法故 了知陰界入
如是二種相 智者應修行 第一大力過
縛一切生死 以聞正法故 一切皆能知
以惡大力故 縛一切生死 以聞正法故
一切皆能滅 於一切轉相 一切不轉相
以聞勝法故 一切皆能知 若死時欲至
則受大苦惱 以念聞法故 死苦不能亂
以聞智慧故 燒諸煩惱樹 以智火燒故
滅已不復生 聞法不放逸 則得一切樂
聞法故安隱 是故應聽法 得聞正法已
近智及耆老 能到無上處 永離老病死
聞故不造惡 聞故順法行 聞法故離苦
聞法取第一 以聞正法故 得三業清淨
若求清淨者 當勤聽正法 以依聞法故

堅固勤精進 是則能遠度廣大三界海
聞法之財富 世間取第一多財不知義
智者說貧窮 遠離於師長失聞正法財
是人無命果 為惡所破壞放逸懈怠人
親近惡知識 是人無命果如殖種沙鹵
遠離見聞法 是則為盲人
若人遠離法 而行於非法 是人捨離樂
攝取於疾病 若人近善友 增長無量法
猶如注大雨 河流皆增長 順法寂靜行
夙興念正法 必定得安樂 不為放逸誑
既知智功德 智者應修行 非是無智者
而得受安樂

如是善時鵝王為諸天衆種善根故
數數為說利益之法 斷無利益說佛
經法今時天衆既聞法已 生敬重心
生歡喜心放逸薄少天同業故復詣
異處而受天樂善時鵝王既以迦那
迦牟尼所說經名集無量功德聞法
堅固經為諸天衆具演說已復詣異
處思惟念法樂行地天五樂音聲受
五欲樂乃至愛善業盡以惡業故墮
於地獄餓鬼畜生若有餘業與人同
業生於人中 大富安樂善持禁戒常

樂聞法第一順法聰慧正見或為王者或為大臣以餘業故

復次比丘知業果報觀夜摩天所住之地彼以聞意見夜摩天名種種雜地衆生何業生此地處彼見有人造作善業身口意善正見正命遍行善行直心樂實不殺不盜遠離邪婬若在夢中見於女人心不親近晝亦不念濁心覺觀如我此身以捨邪婬得善果報離邪婬故得生天上與諸天女圍遶受樂捨離女人怖望天女以求天女名濁梵行望生天故捨離邪婬我先與女人歌笑舞戲是為不善當墮惡道以是義故於本所習不生貪欲覺觀之心不念本習歌舞戲笑若心生念尋即斷除以是因緣命終生於種種雜地既生此地善業果成五欲和合天子生已以善業故一切天處雜寶光明自然而生所謂無量金剛種種山峯種種光色如毗琉璃因陀青寶大青寶王車渠頗梨赤蓮花寶及餘種種百千光明周遍天處初見如是種種光明眼識樂著本未

曾見見之樂著種種音聲歌衆樂音
不可譬喻復聞種種天之妙香新生
天子初為如是三種境界無等無比
心生樂著退光明林諸天女衆見新
生天子從林中出其林種種光明莊
嚴如是天子以善業價買得天女時
諸天女種種莊嚴皆悉端正種種妙
色種種歌詠天樂音聲亦時天子為
諸天女無始愛欲引其心故以歡喜
心近諸天女或有天女手執樂器作
衆妓樂歌衆妙音復有天女聞妙花
香愛眼含笑以視天子復有天女在
於地上手執樂器出妙音聲復有天
女手執妙花馳赴天子復有天女手
擎種種上味天飲色香味具離於醉
過到天子所以蓮花葉盛天上味色
香味具飲已增悅過踰十倍是為心
著第四境界先著妙色次聲香味又
復身受種種樂觸隨意所念念之即
得是名新生天子著五欲樂亦時新
生天子共諸天女往詣一切隨順欲
林受五欲樂亦時新生天子天女圍
遶觀諸天衆種種遊戲或有遊戲在

於捺林或有在於山峯遊戲或有遊
戲作五樂音或有天子共諸天女種
種莊嚴在虛空殿遊戲娛樂或有天
子手攀樹枝歌舞戲笑五樂音聲
時新生天子見諸天衆如斯遊戲心
生歡喜天女圍遶共入天衆和合遊
戲新生天子共諸天女遊戲受樂自
業相似受五欲樂久受樂已從林中
出復昇種種寶莊嚴山共相娛樂遊
戲受樂或在涼泉或在園林種種寶
石莊嚴之山清涼泉水以為莊嚴遊
戲其中時諸天衆心行放逸今時有
一天遊戲鳥名流水行為放逸天以
偈頌曰

以種種業故而受樂果報天中受報已
業盡當還退愚人現得樂而不觀怖畏
後得衰惱至今時乃知業放逸之所縛
苦樂等無異以天業盡故後生大悔心
放逸如毒害是故應捨離放逸言諸天
將入於地獄和合生欣慶離別則大苦
和合必有離一切法如是世無有一法
有生而不壞一切生滅法出沒法如是
隨所見諸天而受於天樂放逸毒所迷

一切皆歸滅一切放逸樂初謂為可愛
後得衰惱至乃知為大怨放逸著女色
智者說大怨著色喪身命修羅龍亦然
嗜酒著女色貪於諸境界躁擾懈怠心
是放逸根芽

如是流水行鳥為放逸天說如是偈
今時天衆雖聞此偈而不覺知境界
所害歌笑遊戲入光明林其林可愛
枝葉遍覆多有種種樹林鬱茂甚可
愛樂時諸天衆共新生天子五樂音
聲遊戲受樂於園林中及梵笏樹種
種流水蓮花林池種種地處樹枝蔭
覆猶如宮室種種林中種種意樹種
種山谷七寶光明種種莊嚴殊勝宮
殿昔所未見天衆見之生希有心況
新生天子如是新生天子皆悉遍觀
與天女衆遊於林間於新境界極生
渴愛欲火所燒放逸為烟天女圍繞
燒已復燒於園林中處處遊行無量
愛力境界所燒久與天女圍繞受樂
復向種種雜蓮花池其蓮花池可愛
無比所謂種種雜色鉢頭摩花毗琉
璃葉真金為葉赤蓮花寶以為其臺

白銀為鬚青因陀寶以為衆蜂莊嚴
花池復有蓮花白銀為莖青因陀寶
以為其葉真金為莖青因陀寶以為
其葉赤蓮花寶以為其鬚白銀為臺
赤蓮寶蜂以為莊嚴復有蓮花莖葉
鬚臺一切皆赤赤蜂莊嚴復有蓮花
銀莖銀葉銀鬚銀臺銀蜂莊嚴復有
蓮花一切青色如青蓮花青葉青莖
青鬚青臺青蜂莊嚴

復有蓮花種種雜色一一蓮花七寶
間錯種種相貌種種妙香種種色葉
而以莊嚴所謂青黃赤白紺色莊嚴
種種衆葉衆蜂莊嚴如是種種雜蓮
花池其水清涼其味甘美甚可愛樂
多有蓮花天色妙香衆相具足新生
天子共天女衆五樂音聲受五欲樂
種種雜色蓮花池岸有諸林樹圍繞
花池以樹莊嚴百倍殊勝其樹具足
雜花莊嚴具一切花從根至條青黃
赤白紺色衆花皆悉具足其蓮花池
出大光明滿十由旬多有衆鳥出美
妙音蓮花池岸復有林樹名曰宮殿
天善業故有大勢力若天昇樹念生

宮殿隨念即成以善業故七寶花葉
化為宮殿七寶莊嚴多有河池園林
山嶽處處多有嚴飭宮殿昇山宮殿
衆寶嚴身共諸天女歌舞遊戲或飛
虛空觀夜摩天所住諸地隨意遍觀
如是等花岸樹力故復有種種雜色
花池於池岸上復有異樹名摩尼音
種種衆鳥以為莊嚴以樹勢力若諸
天衆遊戲花池微風吹動牙相接觸
出妙音聲寶珠如花從樹而墮光遍
虛空如閻浮提日月光明於虛空中
寶珠光明亦復如是

蓮花池岸復有異樹名授飲食若諸
天衆遊戲花池以天善業從樹果中
出天美飲色香味具天子飲之十倍
增悅無有醉亂共諸天女歌舞遊戲
復有林樹出須陀食如業所得於池
岸邊復有異樹名葉歌音若諸天衆
遊戲此池以善業故微風來吹而受
快樂風吹樹葉牙相接觸出妙音聲
如天女音不可分別一切諸樹所出
音聲亦復如是

於蓮花池岸復有異樹名曰鳥樂以

樹勢力鳥在樹上若天入池遊戲受樂五樂音聲互相娛樂或昇寶樹或乘天鳥為觀天衆可愛之處隨其所念鳥在其前即於鳥上有大宮殿多有涼泉衆蓮華池枝蔭宮室皆悉具足復有異鳥為諸天衆以偈頌曰

持戒人安隱 破戒勿久壽 寧受下賤身
不欲入地獄 智者次第行 漸漸念念修
淨治我見垢 如三正鍊金

正法念處經卷第六十三

癸卯歲高麗國分天藏都監奉
勅彫造

正法念處經卷第六十四

終

身念處品第七初

元魏婆羅門瞿曇般若流支譯

余時世尊遊王舍城在耶羅帝婆羅門聚落告諸比丘我今為汝說身念處初善中善後善善義善味純備具足清淨梵行所謂身念處法門汝今諦聽善思念之當為汝說諸比丘言唯然世尊願樂欲聞佛告諸比丘云何名為身念處法門所謂內身循身觀比丘觀已則不住於魔之境界能捨煩惱如實觀身既得知見證如是法我說是人涅槃所攝如是比丘實見身已不為諸惡之所亂也能斷眼耳鼻舌身意內染及外色聲香味觸法如是循身觀能到涅槃如是比丘眼雖見色不生分別不起染欲歡喜之心如實觀身此身唯有髮毛爪齒薄皮脂血筋肉骨髓生藏熟藏黃白痰癢冷熱風病大腸小腸屎尿不淨肝膽腸胃脂髓精血涕唾目淚頭頂髑髏如是觀身隨順係念若如是念

則不著色聲香味觸外境界也初觀
眼色如實見眼但是肉搏四大所成
云何行者如實觀眼觀於眼根此肉
堅分內有覺法是名眼根肉搏內地
界也復觀眼根肉搏之中內有覺法
目淚濕等是名眼根肉搏之中內水
界也復觀眼根肉搏之中內有覺法
有暖有熱是名眼根肉搏之中內火
界也復觀眼根肉搏之中內風輕動
是名眼根肉搏之中內風界也於內
風界如實觀察耳鼻舌身隨順觀察
亦復如是如是觀已於可愛色不生
樂著不為愛境之所破壞

復次修行者內身循身觀如此身者
念念生滅生老病死此身如幻空無
所有無實無堅如水泡沫衆苦集處
衆苦所依衆苦之藏如是身中無有
少樂一切皆苦一切無常一切破壞
衰變之法磨滅不淨復次修行者觀
身循身觀如是身者孰為其本云何
順行誰為救護云何而住是比丘如
實觀察復作是念如是身者以業為
本由業順行業為能救若集善業生

天人中惡業相應墮於地獄餓鬼畜
生如是身者不淨不堅無常不住如
是比丘如實觀身於愛欲中不復
生念

復次修行者如實觀眼如閻浮提人
所有眼根有虛空處得見色像餘方
所見如是不耶若諸弟子或聞我所
說或以天眼智慧觀察閻浮提人見
色之時有眼有色有明有空無尋有
意念心五因緣故而得見色鬱單越
人則不如是設無空處亦得見色猶
如魚等水中見色鬱單越人於山障
外徹見無尋亦復如是
復次修行者隨順觀身如閻浮提人
耳之所聞愛不愛聲近則了了遠則
不了大遠不聞鬱單越人則不如是
是比丘如實觀於鬱單越人耳之所
聞若近若遠若大若小若愛不愛以
報勝故而皆能聞譬如日光近遠能
細若淨不淨光明悉照鬱單越人所
聞音聲亦復如是
復次修行者隨順觀身如閻浮提人
鼻根所聞鬱單越人如是不耶彼以

聞慧或以天眼見鬱單越人以報勝
故但聞衆香不聞臭氣譬如水乳同
置一器鴉王飲之但飲乳汁其水猶
存鬱單越人亦復如是但聞衆香不
聞臭氣

復次修行者隨順觀身如閻浮提人
舌所得味鬱單越人如是不耶彼以
聞慧或以天眼見閻浮提人上中下
食鬱單越人則不如是鬱單越人無
我所心常自行善自然粳米其食一
味閻浮提人則不如是

復次修行者隨順觀身如閻浮提人
種種色身鬱單越人如是不耶彼以
聞慧或以天眼觀閻浮提人種種色
身鬱單越人則不如是以善業故純
一色身道等身等其色猶如閻浮檀
金其身圓直柔軟端正其報不比閻
浮提人閻浮提人無量種業其行不
同是故則有無量種身無量種色如
是比丘於二天下人世界中隨順觀
已次觀第三弗婆提國如閻浮提人
鬱單越人所有諸入與弗婆提人諸
入所見為同不耶彼以聞慧或以天

眼見弗婆提人於黑闇中亦見衆色
如闇浮提中猫虎兕馬角鴟之屬無
光明處能見衆色弗婆提人亦復如
是於夜闇中如眼境界能見一切處
細衆色

復次修行者隨順觀身云何觀於闇
浮提人如前所說如闇浮提人所聞
之音弗婆提人如是不耶彼以聞慧
或以天眼見弗婆提人聞怖畏聲耳
識所緣盡一箭道以福德故不聞遠
處怖畏之聲

復次修行者隨順觀身已觀三天下
衆生住處如闇浮提人鬱單越人鼻
識所緣弗婆提人如是不耶彼以聞
慧或以天眼見弗婆提人盡所聞香
鼻識麁已夜亦如是以報勝故
復次修行者隨順觀身如闇浮提人
鬱單越人舌識知味如是弗婆提人
所得之味如是不耶彼以聞慧或以
天眼見弗婆提人一食餘盧迦三日
不飢弗婆提人乃至命終身無病惱
以法勝故若臨命終遇病五日亦乃
命終復次修行者隨順觀身如闇浮

提人鬱單越人身之形相弗婆提人
如是不耶彼以聞慧或以天眼見弗
婆提人其身圓滿如尼俱陀樹復次
修行者隨順觀身於三天下如實觀
已觀於第四瞿陀尼人所住之處云
何瞿陀尼人緣身境界彼以聞慧或
以天眼見瞿陀尼人眼識所緣山僻
無尋如於頗梨琉璃之中見衆色像
瞿陀尼人亦復如是

復次修行者隨順觀身如閻浮提中
鬱單越中弗婆提中三天下人聞聲
悉別瞿陀尼人耳識緣聲如是不耶
彼以聞慧或以天眼見瞿陀尼人眼
識聞聲如閻浮提中蛇虺之類眼中
聞聲瞿陀尼人亦復如是如隔障尋
聞衆音聲見衆色像亦復如是以法
勝故

復次修行者隨順觀身如閻浮提人
弗婆提人鼻識緣香瞿陀尼人如是
不耶瞿陀尼人嗅香法異眼等別緣
云何瞿陀尼人鼻識緣香彼以聞慧
或以天眼見瞿陀尼人若眼見色即
亦知香若眼不見亦聞其香以法

勝故

復次修行者隨順觀身云何瞿陀尼人舌識緣味彼以聞慧或以天眼見瞿陀尼人食於稗子飲於牛味如閻浮提人飲甘蔗遊酒蒲桃之酒瞿陀尼人飲牛五味能令惜醉亦復如是瞿陀尼人食於稗子如閻浮提人食粳糧飯充足飽滿

復次修行者隨順觀身云何觀於瞿陀尼人身之量耶彼以聞慧或以天眼見瞿陀尼人其身長短半多羅樹如業相似自業色身

復次修行者思惟觀察四天下中等住處性等相似意等相似行等相似乎對觀察彼以聞慧或以天眼見四天下衆生心意無有一人心意相似無有一人行等相似無有一人身等相似一切無有一人相似是名比丘隨順觀身

復次修行者隨順觀身云何四天下人頗有一人無業無因來生不耶無業藏耶無業流轉耶頗有不行習欲法耶如是比丘不見一人無業藏者

無有一人無業而生無有一人無業
流轉無有一人不習欲法隨所作業
或善或不善隨業受報無有一人不
為怨親中人所攝是名修行者隨順
觀身

復次隨順觀身云何集業而得天身
云何天中受五欲樂彼以聞慧或以
天眼觀諸衆生生四天王天處受天
五欲眼視美色不知厭足或細或麤
自以天眼見万由旬若化神通能見
無量百千由旬如是修行者觀天無
量善業勢力四天王天所見色貌皆
悉可愛心生愛樂不見惡色

復次修行者隨順觀身云何四天王
天耳聞音聲彼以聞慧或以天眼見
四天王天若聞天聲甚可愛樂若以
報耳聞三千由旬若化神通則能聞
於二万由旬所聞音聲皆可愛樂
復次修行者隨順觀身云何四天王
天鼻聞香耶彼以聞慧或以天眼見
四天王天自報鼻根聞於衆香二百
由旬若化神通聞於百千由旬之香
復次修行者隨順觀身云何觀於四

天王天舌根充滿彼以聞慧或以天眼見四天王天舌根無厭亦無不愛如業所得以善業故於味不厭

復次修行者隨順觀身云何觀於諸天身耶若急若細若速疾行彼以聞慧或以天眼見諸天身有大勢力神通微細於一手中置五百天在手而住各令諸天身不妨尋亦不迫隘譬如一室燃五百燈其燈光明不相逼迫諸天手中置五百天亦復如是不迫不妨

復次諸天若化大身無量由旬若好若醜若有見者或怖不怖

復次修行者隨順觀身云何觀於速行天耶彼以聞慧或以天眼見速行天一瞬目頃能行無量百千由旬還至本處隨天憶念所往之處無所障礙若有所欲皆悉具足無能奪者於一切處所得之物皆悉自在於他無畏無能為導天境界樂念念增長以善業故受五欲樂是名行者隨順觀身

復次修行者隨順觀身云何觀於三

十三天身耶云何緣於境界受樂彼以聞慧或以天眼觀三十三天如四天王天受境界樂三十三天受於愛色聲香味觸勝四天王天足一千倍何以故三十三天所作之業勝愛大力可愛樂故勝於四天王天所作業故以三十三天所作業勝是故四天王天不及上天如是三十三天所受樂勝不可具說是名修行者隨順觀身

復次修行者隨順觀身云何觀於地獄地獄衆生所受之身謂活地獄黑繩地獄大合地獄叫喚地獄大叫喚地獄焦熱地獄大焦熱地獄阿鼻地獄彼以聞慧或以天眼見諸衆生所作之業不可愛業不喜樂業不善之業謂三種業於身口意造集業故墮地獄中集惡業故受地獄苦於地獄中受諸劇苦乃至惡業不盡終不得脫是名修行者隨順身觀復次修行者作是思惟作何等業墮於地獄彼以聞慧或以天眼見此衆生習近殺害樂習增長以是因緣墮活地獄又

見衆生習近殺生偷盜喜樂習近增長斯惡以此因緣墮黑繩地獄又見衆生習近殺生偷盜邪婬習近喜樂增長斯惡以是因緣墮衆合地獄又見衆生習近殺生偷盜邪婬妄語習近喜樂增長斯惡以是因緣墮叫喚地獄又見衆生殺生偷盜邪婬妄語飲酒邪見以是因緣墮焦熱地獄又見衆生殺生偷盜邪婬妄語以酒飲人邪見不信或破比丘比丘尼戒以是因緣墮大焦熱地獄又見衆生作五逆業五種惡業以是因緣墮阿鼻地獄云何五逆若有衆生殺父殺母殺阿羅漢破和合僧若以惡心出佛身血如是五種大惡業故墮阿鼻地獄思惟如是地獄業報於諸衆生起悲愍心

復次修行者隨順觀身云何衆生墮餓鬼道彼以聞慧或以天眼見無量餓鬼以怪嫉故墮餓鬼中在於地下五百由旬無量餓鬼惡食無食或食

不淨牙相食噉飢渴所逼受大苦惱
上雨大火以燒其身此諸餓鬼隨惡
業故受如是苦

復次修行者隨順觀身彼以聞慧或
以天眼見畜生道彼見無量種種畜
生略說三處一者水行所謂魚等二
者陸行所謂象馬牛羊麀鹿暗等三
者空行所謂無量衆飛鳥等

復次修行者隨順觀身彼以聞慧或
以天眼觀於畜生有幾種生彼以聞
慧或以天眼見諸畜生有四種生何
等為四一者胎生所謂象馬水牛牛
羊之類二者卵生所謂蛇虺鵝鴨鷄
雉種種衆鳥三者濕生蚤虱蚊子之
類四者化生如長面龍等是修行者
如實觀畜生已若天若人若地獄餓
鬼畜生不見一處不為恩愛別離所
惱一切衆生輪轉生死或作怨家或
為親友無有一處不生不滅如是比
丘於生死處不生愛心如是不喜樂
如是厭離不隨如是破壞如是滅法不
可久住一切衆生衆苦之處是故比
丘生死之中多苦少味無常破壞當

應厭離厭離生死便得解脫如是那
羅帝婆羅門聚落比丘修行者內身
循身觀觀於內身於此身中分分不
淨如實見身念念思惟從頭至足循
身觀察是修行者初觀頭頂彼以聞
慧或以天眼觀頭髑髏以為四分於
頭骨內自有虫行名曰腦行遊行骨
內生於腦中或行或住常食此腦於
髑髏中復有諸虫住髑髏中若行若
食還食髑髏復有髮虫住於骨外食
於毛根以虫瞋故令髮墮落復有耳
虫住在耳中食耳中肉以虫瞋故令
人耳痛或令耳聾復有鼻虫住在鼻
中食鼻中肉以虫瞋故能令其人飲
食不美腦涎流下虫食腦涎是故令
人飲食不美復有脂虫生在脂中住
於脂中常食人脂以虫瞋故令人頭
痛復有續虫生於節間有名身虫住
在交牙以虫瞋故令人脉痛猶如針
刺復有諸虫名曰食涎住舌根中以
虫瞋故令人口燥復有諸虫名牙根
虫住於牙根以虫瞋故令人牙疼是
名內修行者循身身觀是十種虫住

於頭中

復次修行者觀身循身觀頭肉中有
幾骨耶彼以聞慧或以天眼見髑髏
骨頭有四分額骨頰骨合有三分鼻
骨一分交牙二骨頤有一骨牙齒合
有三十二骨齒根亦尔咽喉二骨如
是項中有十五骨

復次修行者內身循身觀云何頭肉
以食增長和合有覺彼以聞慧或以
天眼觀於頭肉則有四分兩頰二分
咽喉及舌肉段一分上下兩脣及其
兩耳皮肉四分其舌根者名為脉肉
貪嗜上饒樂於六味

復次修行者內身循身觀有何等虫
住在何處作何等業或病或安彼以
聞慧或以天眼初觀咽喉咽喉有虫
名曰食涎咀嚼食時猶如歐吐涎嚼
和雜欲咽之時與腦涎合喉中涎虫
共食此食以自活命若虫增長令人
瘕病若多食膩或多食甜或食重食
或食醋食或食冷食虫則增長令人
咽喉生於疾病觀涎虫已如實知身
復次修行者內身循身觀觀於嚼虫

能消諸唾或能為病或令安隱彼以聞慧或以天眼見消唾虫住咽喉中若人不食如上臍等虫則安隱能消於唾於十脉中流出美味安隱受樂若人多唾虫則得病以虫病故則吐冷沫吐冷沫故胃中成病觀唾虫已如實知身

復次修行者內身循身觀觀於吐虫云何令人安隱疾病住在何處食何等食彼以聞慧或以天眼見於吐虫住人身中住於十脉流注之處若人食時如是之虫從十脉中踊身上行至咽喉中即令人吐令人生於五種歐吐何等為五一者風吐二者陰吐三者唾吐四者雜吐五者蠅吐若虫安隱食則謂順入於腹中云何吐虫生於風吐彼以聞慧或以天眼見食輕冷若無臍食則發風病令人大小便利難通眼不能睜風入咽喉風動吐虫以此過故是名風吐觀吐虫已如實知身

復次修行者觀內身循身觀云何吐虫令人吐陰彼以聞慧或以天眼見

人食辛鹹熱和合令人發熱惱於吐
虫從其住處動而上行令人吐陰觀
吐虫已如實知身

復次修行者觀內身循身觀云何吐
虫令人吐唾彼以聞慧或以天眼見
人食於甜冷重食膩滑之食或食已
睡眠令唾增長唾增長故唾虫增長
為咽喉病令身沉重則有冷唾觀吐
虫已如實知身

復次修行者觀內身循身觀云何吐
虫生於雜吐彼以聞慧或以天眼見
食輕冷無膩之食辛酢鹹食滑冷重
膩能令吐虫行咽喉中以是三過能
令人吐觀吐虫已如實知身

復次修行者觀內身循身觀云何蠅
吐令人嘔吐彼以聞慧或以天眼見
蠅食不淨故蠅入咽喉令吐虫動則
便大吐觀吐虫已如實知身

復次修行者觀內身循身觀彼以聞
慧或以天眼見醉味虫行於舌端乃
至命脉於其中間或行或住微細無
足若食美食虫則惛醉增長若食不
美虫則萎弱此虫食時如蜂食花微

細甜味以用作蜜嗜味也食亦復如是然其所食雖復微細亦得充足若虫得味我亦如是得此食味若虫憶食我亦憶食若我不食如是醉虫則亦病苦不得安隱觀醉虫已如實知身

復次修行者觀內身循身觀觀放逸虫云何此虫為我病惱或作安隱彼以聞慧或以天眼見放逸虫住於頂上若至腦門令人疾病若至頂上令人生瘡若至咽喉猶如蟻子滿咽喉中若住本處病則不生是名觀於放逸之虫觀放逸虫已如實知身

復次修行者內身循身觀觀於貪嗜六味之虫云何病惱云何安隱彼以聞慧或以天眼見六味虫所貪嗜者我亦貪嗜隨此味虫所不嗜者我亦不便若得熱病虫亦免得如是熱病以是過故令於病人所食不美無有食味觀味虫已如實知身

復次修行者內身循身觀觀於氣虫住於頂下彼以聞慧或以天眼見於氣虫以瞋恚故食腦作孔或咽喉痛

或咽喉塞咽喉風噎生於死苦此杼
氣虫共咽喉中一切諸虫皆悉撩乱
生諸病惱此杼氣虫常為唾覆其虫
短小有面有足觀杼氣虫已如實
知身

復次修行者內身循身觀彼以聞慧
或以天眼見憎味虫住於頭下咽喉
根中云何此虫為我病惱或作安隱
彼見此虫憎嫉諸味唯嗜一味或嗜
甜味憎於餘味或嗜酢味憎於餘味
或嗜辛味憎於餘味或嗜鹹味憎於
餘味或嗜苦味憎於餘味或嗜酸味
憎於餘味隨所憎味我亦憎之隨虫
所嗜我亦嗜之舌端有脉隨順於味
令舌乾燥以虫瞋故令舌瘡瘡而腫
或令咽喉即得癰病若不瞋恚咽喉
則無如上諸病觀憎味虫已如實
知身
復次修行者內身循身觀見嗜嗜虫
其形微細狀如牖塵住一切脉流行
趣味住骨髓內或住肉內或觸體內
或在頰內或齒骨內或咽骨中或在
耳中或在眼中或在鼻中或在鬚鬚

此嗜睡虫風吹流轉若此虫病若虫
疲極住於心中心如蓮花晝則開張
無日光故夜則還合心亦如是虫住
其中多取境界諸根疲極虫則睡眠
虫睡眠故人亦睡眠一切衆生悉有
睡眠若此睡虫晝日疲極人亦睡眠
觀睡虫已如實知身

復次修行者內身循身觀見有腫虫
行於身中或住頭中或住項中行於
血中或行脂中其身微細隨飲血處
則有腫起瘡瘡而疼或在面上或在
項上或在咽喉或在腦門或在餘處
所在之處能令生腫若住筋中則無
病苦觀睡虫已如實知身如是鄰羅
帝婆羅門長者聚落比丘修行者觀
虫種類從於頭中舌耳腦門毛孔髮
中皮肉骨血筋脉之中如實觀之既
觀察已於舌味中生厭離心於後生
處不復愛味於無量無邊由旬愛縛
味海能生厭離以厭離故不為食愛
之所亂惱不復親近豪貴長者離於
多欲於食知足取得支身以是義故
不嫉他人得供養利不樂多言不樂

住寺不起身慢不生色慢不恃衣服
而生憍慢不恃袈裟鉢盂而生憍慢
不恃弟子而生憍慢不恃聚落而生
憍慢不恃親里而生憍慢獨一無貪
遠離塵垢住寂靜處近於涅槃若貪
嗜美味沒於味海為魔所攝去涅槃
遠是修行者觀諸虫已於味耽離不
貪飲食

復次修行者內身循身觀如實觀於
脊骨彼以聞慧或以天眼見其脊有
四十五骨曾十四骨左右脇肋各十
二骨節亦如是胞骨亦然如是分別
觀骨節已復觀從肩至髀幾分肉脅
如是左右各十二脅作是觀已如實
知身

復次修行者內身循身觀有幾許筋
連綴繫縛彼以聞慧或以天眼見左
右脇除於皮肉一百細筋以為纏縛
觀筋經已如實知身

復次修行者內身循身觀觀於此身
從膊至髀有幾許脂彼以聞慧或以
天眼自見已身以食因緣脂則增長
以食因緣令脂損減極羸瘦人摩加

隨等有五兩胎既觀察已如實知身
復次修行者內身循身觀觀我此身
有幾許水彼以聞慧或以天眼自見
身中有十掬水從毛孔出名之為汗
於諸根中眼則出淚名為濕界以食
因緣胎血增長觀身水已如實知身
復次修行者內身循身觀觀其身中
幾許糞穢彼以聞慧或以天眼見其
身中有七掬屎有六掬唾作此觀已
如實知身

復有修行者內身循身觀觀我身中
幾許痰癢及尿彼以聞慧或以天眼
見其身中五掬黃癢尿有四掬除其
病時或增或減如是觀已如實知身
復次修行者內身循身觀觀我身中
幾許胎髓不淨穢精彼以聞慧或以
天眼見其身中十二掬胎髓有一掬
精有一掬如是觀已如實知身
復次修行者內身循身觀觀其身中
有幾許風彼以聞慧或以天眼見身
空處有三掬風如是觀已如實知身
復次修行者內身循身觀觀其身中
幾脉常流飲食消化彼以聞慧或以

天眼見其身中有十三脉若脉流注
令身肥悅辟如攢棹汲水流注溉灌
令其增長身脉溉灌亦復如是等等
十三一名命流脉二名隨順流脉三
名水流脉四名汗流脉五名尿流脉
六名糞流脉七名十流脉八名汁流
脉九名肉流脉十名脂流脉十一名
骨流脉十二名髓流脉十三名精流
脉觀流脉已如實知身

復次修行者內身縮身觀如彼流脉
與誰為本令身肥悅復有諸虫處處
遍行彼以聞慧或以天眼見命流脉
心為其本隨順流脉兩脇為本水流
脉者生藏膀心以為根本汗流脉者
毛根及脂以為根本尿流脉者根胞
為本糞流脉者熟藏下門為本十流
脉者咽喉及心以為其本汁流脉者
肺為其本肉脂流脉者筋皮為本骨
流脉者一切續節為本髓精流脉者
卵及身根為本如是行者觀流脉已
如實知身

復次修行者觀身循身觀有何等虫
何處流行或為疾病或為安隱從於

髓骨乃至遍身彼以聞慧或以天眼見十種虫至於肝肺人則得病何等為十一名食毛虫二名孔穴行虫三名禪都摩羅虫四名赤虫五者食汁虫六名毛燈虫七名瞋血虫八名食血虫九名瘡瘡虫十名酢虫此諸虫等其形微細無足無目行於血中痛痒為相

復次修行者內身循身觀觀一一諸虫在於身中為何所作彼以聞慧或以天眼見食毛虫若起瞋恚能散瞋眉皆令墮落令人癩病若孔行虫而起瞋恚行於血中令身益滋頑_痼無知若禪都摩羅虫流行血中或在鼻中或在口中令人口鼻皆悉臭惡若其赤虫而起瞋恚行於血中能令其人咽喉生瘡若食汁虫而起瞋恚行於血中令人身體作青癩瘰或黑或黃癩瘰之病若毛燈虫起於瞋恚血中流行則生病苦瘡癰熱黃疥癩破裂若瞋血虫以瞋恚故血中流行或作赤病女人赤下身體搔痒疥瘡膿爛若食血虫瞋而生病腦頭旋迴轉

於咽喉口中生瘡下門生瘡若瘡
瘡血中流行則生疾病疲頓困極
不欲飲食若醉虫瞋恚亦令其人得
如是病如是一切諸虫及其種類既
觀察已如實知身

復次修行者內身循身觀觀十種虫
行於陰中何等為十一名生瘡虫二
名刺虫三名開筋虫四名動脉虫五
名食皮虫六名動胎虫七名和集虫
八名臭虫九名濕虫十名熱虫

復次修行者內身循身觀觀何等虫
住我身中或為疾病或為安隱彼以
聞慧或以天眼見於瘡虫隨有瘡處
諸虫圍遶取食此瘡或於咽喉而生
瘡病觀瘡虫已如實知身

復次修行者內身循身觀觀於刺虫
作何等病彼以聞慧或以天眼見於
刺虫若生瞋恚令人下痢猶如火燒
口中乾燥飲食不消其身剝剝水入
熱藏晝夜不睡於熱藏中撓攪糞穢
令尿冷等與尿和合住如是處作下
痢病令不憶食劣弱不健若人愁惱
虫則歡喜蝕人血脉以為養滋或下

赤血或不消下痢如是觀刺至已如
實知身

正法念處經卷第六十四

癸卯歲高麗國分司大藏都監奉
勅彫造

身念處品之三

元魏婆羅門瞿曇般若流支譯

復次修行者內身循身觀觀閉筋虫
彼以聞慧或以天眼見閉筋虫或行
麤筋或行細筋若覺虫行筋則疼痛
若不覺行筋則不疼痛一切骨肉皆
亦消瘦筋中疼痛若虫瞋恚人不能
食若住筋中而飲人血令人無力若
食人肉令人羸瘦觀齒筋虫已如實
知身

復次修行者內身循身觀彼以聞慧
或以天眼觀動脉虫是虫通行一切
脉中其身微細行無障碍若虫住人
食脉之中則有病過令身乾燥不喜
飲食若虫住在水脉之中則有病生
令口乾燥若在汗脉令人一切毛孔
無汗若在尿脉令人淋病或令精壞
或令痛苦若虫瞋恚行下門中令人
大便閉塞不通苦惱垂死觀動脉虫
已如實知身

復次修行者內身循身觀觀食皮虫

彼以聞慧或以天眼見食皮虫以食過故虫則瞋恚能令人面顏色醜惡或生惡疱或痒或赤或黃或破或復令其鬚爪墮落令人惡病或皮斷壞或肉爛壞觀食皮虫已如實知身

復次修行者內身循身觀觀齒脂虫彼以聞慧或以天眼見動脂虫住在身中脂脉之內若食有過若多睡眠此虫則瞋不消飲食或生疥癬或生惡腫毛根癰病或得癰病或脉脹病或乾消病或身臭病或食時沫汗如是觀動脂虫已如實知身

復次修行者內身循身觀觀和集虫於我身中作何等業或病或安彼以聞慧或以天眼見和集虫集二種身一者覺身二不覺身皮肉骨血脂髓精等是名覺身髮毛爪齒名不覺身是名和集二身以食過故虫則無力人亦無力不能速疾行來往返睡眠鼾聲或多焦渴皮肉骨血髓精損減觀和集虫已如實知身

復次修行者內身循身觀彼以聞慧或以天眼觀於臭虫住在肉中屎尿

之中以食過故虫則瞋恚身肉屎尿涕唾皆臭鼻中爛膿或眵淚爛鼻隨虫行處皆悉臭穢若衣若敷若食住齒中以虫臭故食亦隨臭衣敷盡臭舌上多有白垢臭穢身垢亦臭觀臭虫已如實知身

復次修行者內身循身觀彼以聞慧或以天眼見濕行虫行背肉中知食消已入膏三孔取人糞穢汁則成尿滓則為糞令入下門觀濕虫已如實知身

復次修行者內身循身觀觀十種虫行於根中一切人身皆從中生何等為十一名瘡瘡虫二名假假虫三名苗花虫四名大語虫五名黑虫六名大食虫七名暖行虫八名作熱虫九名火虫十名大火虫此諸虫等住陰黃中何等是虫為人疾病或作安隱彼以聞慧或以天眼見瘡瘡虫以食過故虫則瞋恚食人眼眵令人眼痒多出眵淚此微細虫若行眼中眼則多病或令目壞若入精中眼生白翳其虫赤色為眼生病若虫不瞋則無此

病觀瘡瘡虫已如實知身

復次修行者內身循身觀彼以聞慧
或以天眼見撥撥虫住在人身行於
陰中一切身中行無障尋陰黃覆身
如此虫者若入骨中令人身體皆大
熱熱若行肉中晝夜常熱手足皆熱
若入皮裏身則汗出觀撥撥虫已如
實知身

復次修行者內身循身觀彼以聞慧
或以天眼見苗華虫行住陰中利嘴
短足身如火藏不欲食飲若以食過
虫行異處隨所行處則大熱爛身血
增長其身大熱猶如烟起身皮破壞
如火燒瘡若虫順行則無此病觀苗
華虫已如實知身

復次修行者內身循身觀彼以聞慧
或以天眼見大蟲虫住在身中行陰
黃中或安不安以食過故虫則瞋恚
從頂至足行無障尋能令身中一切
熱血生於熱瘡若血若陰從於口中
耳中流出或死或次死或身青黃熱
病口苦若虫不瞋則無此病觀大蟲
虫已如實知身

復次修行者內身循身觀彼以聞慧或以天眼見於黑虫住在身內行於黃陰中或安不安以食過故虫則瞋恚令人面𪗨或生多癢或黑或黃或赤或令身臭或令雀目或口中生瘡或大小便處生瘡若虫不瞋則無此病觀黑虫已如實知身

復次修行者內身循身觀彼以聞慧或以天眼見大食虫住在身中或作安隱或為疾病彼以聞慧或以天眼見大食虫以食過故則生瞋恚住陰黃中隨食隨消身大力故一切身及身分眼耳鼻舌於自境界皆悉咸劣見不明了以食過故根不正緣若虫不瞋則無此病觀大食虫已如實知身

復次修行者內身循身觀彼以聞慧或以天眼見暖行虫常愛暖食憎於冷食此虫云何與人疾病云何安隱彼以聞慧或以天眼見暖行虫若我食冷或以飲冷或食或味虫則瞋恚口多出水或極或重或麻或睡或心陰萎善或身強或復多睡或咽

病若虫不瞋則無此病觀暖行虫已如實知身

復次修行者內身循身觀彼以聞慧或以天眼見於熱虫住在身內行於陰中作何等病云何安隱彼以聞慧或以天眼見於熱虫住人身中若食重食以食過故病垢增長妨出入息以食過故令身龐大或咽喉塞令大小便悉皆白色不受寒冷不受酸食觀熱虫已如實知身

復次修行者內身循身觀彼以聞慧或以天眼見火食虫住在身內行住陰中此虫寒時則便歡喜熱時萎弱寒歡喜故人則憶食熱時火增不欲飲食於冬寒時陰則清涼熱則陰發如是火食虫如是憎火觀火食虫已如實知身

復次修行者內身循身觀見大火虫此虫云何令人疾病或令安隱彼以聞慧或以天眼見大火虫若人性所不便而強食之以食過故虫則瞋恚散身內虫以是過故令人腸痛或脚疼手疼隨食虫處則皆疼痛若虫不

瞋則無如上所說諸病觀黃陰虫已如實知身

復次修行者內身循身觀彼以聞慧或以天眼觀於骨中有十種虫何等為十一名舐骨虫二名齒骨虫三名割節虫四名赤口臭虫五名爛虫六名赤口虫七名頭頭摩虫八名食皮虫九名風刀虫十名刀口虫如是骨虫云何疾病云何安隱彼以聞慧或以天眼見舐骨虫住於骨外住多骨處或住髀骨脛骨髀骨脊骨如是一切骨中或行脉中以食過故虫則瞋恚令骨疼痛或令骨動令人色惡食近骨肉令骨大疼若虫不瞋則無如向所說諸病觀骨虫已如實知身復次修行者內身循身觀彼以聞慧或以天眼見齒骨虫遍住一切身骨之中若虫齒骨諸大乾消其聲破散下痢不調或兩脇痛鼻塞嘔吐不憶飲食若虫不齒一切諸骨其人則無如是等病觀齒骨虫已如實知身復次修行者內身循身觀彼以聞慧或以天眼見割節虫以食過故虫則

瞋恚或身身分頭痛心痛或於城邑聚落多人之處謂為空廓鼻塞心惱以痛惱故於好色聲香味觸中心不愛樂若割骨虫調順不瞋則無如向所說諸病觀割節虫已如實知身復次修行者內身循身觀彼以聞慧或以天眼見於臭虫住在身中或為疾病或作安隱彼以聞慧或以天眼見此臭虫以食過故虫則瞋恚令身重熱或生赤色黑色癩瘡身汗多出不能睡眠即成癩病一切身分皆悉爛臭若虫不瞋則無如向所說諸病觀臭虫已如實知身

復次修行者內身循身觀彼以聞慧或以天眼見爛骨虫住在身內或為疾病或作安隱彼以聞慧或以天眼見爛骨虫以食過故虫則瞋恚或一歲二歲乃至多年或年少時被傷瘡癰雖復除差至老猶發如是爛虫久久乃發令骨壞爛體生赤瘡如優曇鉢羅果臭爛可惡其瘡大痒多有膿血從瘡流出衆蠅封著蚊虻啖食若爛骨虫調順不瞋則無如向所說之

正法念處經卷第十五 第九誑
病觀爛骨虫已如實知身

經身

復次修行者內身循身觀彼以聞慧
或以天眼見赤口虫住身骨中作何
等病云何安隱彼以聞慧或以天眼
見赤口虫以食過故則生瞋恚其虫
赤色過於火色令人身體日夜汗流
作血痺病若赤口虫調順不瞋則無
如向所說之病觀赤口虫已如實
知身

復次修行者內身循身觀彼以聞慧
或以天眼見頭頭摩虫住在骨中行
於骨中云何此虫令人疾病云何安
隱彼以聞慧或以天眼見頭頭摩虫
以食過故虫則瞋恚能令人身周遍
生瘡若虫行時令人顛中心動忪忪
或如失身或身動搖不能睡眠身體
痒相猶如虫行目視不明得寒熱病
或身體腫若頭頭摩虫不瞋則無如
向所說諸病觀頭頭摩虫已如實知身
復次修行者內身循身觀彼以聞慧
或以天眼見食皮虫住在身中或為
疾病或為安隱彼以聞慧或以天眼
見食皮虫以食過故虫則瞋恚脣口

及眼皆生諸瘡兩脇生瘡若行筋中
或復齒筋能令其人咽喉乾燥或復
聾塞耳中膿出或髑髏上剝剝而行
或非時頭白咽喉癰病非時睡眠或
憎飲食不樂一處樂行空地心或多
亂狂說是非虫食皮故一切身分酥
裂破壞塵土坐身若虫不瞋則無如
向所說諸病觀食皮虫已如實知身
復次修行者內身循身觀彼以聞慧
或以天眼見風刀虫行於骨中以虫
瞋故或為疾病或為安隱彼以聞慧
或以天眼見風刀虫以食過故虫則
瞋恚猶如蛇螫痛毒難忍所謂頭頂
咽喉心胞大小便處手足甲中亦如
針刺以虫齒齒鼻則失香舌不知味
其目瞋動不憶飲食以虫瞋故與骨
行虫共害其身以痛多故晝夜不睡
若虫不瞋則無如向所說之病觀風
刀虫已如實知身

復次修行者內身循身觀彼以聞慧
或以天眼見刀口虫住在身中此虫
或為疾病或作安隱彼以聞慧或以
天眼見刀口虫始於母胎初出生時

此虫初生以法勝故始出胎藏飲母乳故是時此虫盡食餘虫後還雜食以是因緣餘虫還生觀刀口虫已如實知身此十種虫行於骨中如實觀之如實觀已眼離塵垢離凡夫過心生厭惡離我我所離疑清淨離於邪見如實知身乃至涅槃

復次修行者內身循身觀彼以聞慧或以天眼見十種虫行於屎中何等為十一名生虫二名針口虫三名白節虫四名無足虫五名散汁虫六名三焦虫七名破腸虫八名閉塞虫九名善色虫十名穢門瘡虫其色可惡住糞穢中作何等病云何安隱彼以聞慧或以天眼見於生虫行糞穢中若虫燒熱我身亦熱若虫冷病我亦冷病下痢白膿令身損減顏色萎黃若此生虫調順不瞋則無如何所說之病觀生虫已如實知身

復次修行者內身循身觀彼以聞慧或以天眼見針口虫行糞穢中其身長大從於熟藏行趣生藏一切諸虫皆不能遮復從生藏上至咽喉嚙吐

俱出或作心痛或令不安以火弱故
與糞俱出須臾即死觀針口虫已如
實知身

復次修行者內身循身觀彼以聞慧
或以天眼見白節虫行糞穢中身短
白色多虫相續冷而大臭破壞人力
隨糞俱出衆蠅封愛有此病者糞穢
益多不憶飲食觀白節虫已如實知身
復次修行者內身循身觀彼以聞慧
或以天眼見無足虫住在身中此虫
云何為人疾病云何安隱彼以聞慧
或以天眼見無足虫以食過故虫則
瞋恚吹一切風氣塞大小便若塞生
藏不能蹶吐亦不能嚏不能頻申疲
極不安不能睡眠不耐飢渴以虫停
故多生諸病觀無足虫已如實知身
復次修行者內身循身觀彼以聞慧
或以天眼見散汁虫住在身中為消
食故於汁流處撥令分散於身分中
與汁俱行乃至於足從足至頂一切
身分汁遍流故衆人說之以為好色
若汁不流色則醜惡觀散汁虫已如
實知身

復次修行者內身循身觀彼以聞慧
或以天眼見三焦虫住在身中若我
熱病虫增垢惡生藏不安火大增動
以熱病故虫亦熱病遍身奔走熱惱
自焦以虫瞋故味涼之脉皆悉乾燥
渴病頭痛觀三焦虫已如實知身
復次修行者內身循身觀彼以聞慧
或以天眼見破腸虫住在身中此虫
云何而作疾病云何安隱彼以聞慧
或以天眼見破腸虫若人多食飲食
味故諸虫逼迫虫則生瞋齧破人腸
或心脹痛或令風脹或令熱脹或令
冷脹得如是等種種苦惱是破腸虫
傷害人腸若虫調順則無如向所說
之病觀破腸虫已如實知身
復次修行者內身循身觀彼以聞慧
或以天眼見閉塞虫住在身中此虫
云何為人疾病云何安隱彼以聞慧
或以天眼見閉塞虫行糞穢中若我
飲食其虫亦食食已閉塞以食過故
傷害涼脉傷於火大所食腸脹屈腸
戾腸或時令人心痛腸痛觀閉塞虫
已如實知身

復次修行者內身循身觀彼以聞慧或以天眼見善色虫住在身中此虫云何而為疾病二何安隱彼以聞慧或以天眼見善色虫若我食時或食好肉或食惡肉或食重食虫於身中為作安隱口中取味走徧身中令無病惱氣力增長斷除諸病住在身中以福德故虫有大力人則有色氣力充足若虫無力人亦瘦瘠色羸憔悴觀善色虫已如實知身

復次修行者內身循身觀彼以聞慧或以天眼見下門瘡虫住在身中云何為我而作疾病云何安隱彼以聞慧或以天眼見下門瘡虫以食相違虫則瞋恚生種種瘡或生濕瘡或生乾瘡或前生瘡或後生瘡或生熱瘡若虫瞋恚閉塞穢門熏涼之脉若血涿脉若汁流脉或以火少不消飲食以火少故穢門生瘡以虫瞋故作種種病若虫不瞋則無如向所說諸病觀穢門瘡虫已如實知身

復次修行者內身循身觀彼以聞慧或以天眼見十種虫行於髓中有行

精中何等為十一名毛虫二名黑口
虫三名無力虫四名大痛虫五名煩
悶虫六名火色虫七名下流虫八名
起身根虫九名憶念虫十名歡喜虫
復次修行者內身循身觀彼以聞慧
或以天眼見有髓虫名曰毛虫一切
身分皆悉生毛若此虫瞋令髓傷害
既與其過便食人體令人癩病顏色
醜惡骨髓疼痛皆失氣力若毛虫調
順不生瞋恚則無如向所說諸病觀
毛虫已如實知身

復次修行者內身循身觀彼以聞慧
或以天眼見黑口虫住於髓中一切
身中行無障碍若虫瞋恚能令髓融
以傷髓故令人色惡曲脊身偃行步
不便拄杖而行顏色憔悴身體振掉
若黑口虫調順不瞋則無如向所說
諸病觀黑口虫已如實知身

復次修行者內身循身觀彼以聞慧
或以天眼見少力虫住在身中此虫
食髓若髓不足虫則無力虫無力故
人亦無力復有餘虫亦食人體為於
強虫之所陵逼人則苦惱觀無力虫

復次修行者內身循身觀彼以聞慧
或以天眼見大痛亟遊行髓中流轉
常行遍諸身界此亟能為諸病因緣
遍諸根中膿汁流出不能睡眠觀大
痛亟已如實知身

復次修行者內身循身觀彼以聞慧
或以天眼見於悶亟住在身中行於
微細心流脉中與脉為妨以妨脉故
則得心痛心悶欲吐顏色弊惡不欲
飲食或熱病心痛猶如刀割見外亟
時心悶欲吐觀悶亟已如實知身

復次修行者內身循身觀彼以聞慧
或以天眼見有諸亟名曰下流行精
流脉中若食好食發欲之食令精增
長如此亟等於尿流脉中引精令出
觀下流亟已如實知身

復次修行者內身循身觀彼以聞慧
或以天眼見起根亟住在胞中若尿
滿胞亟則歡喜既歡喜已以尿因緣
令身根起此是一切愚癡凡夫不善
觀門觀起根亟已如實知身

復次修行者內身循身觀彼以聞慧

或以天眼見憶念歡喜坐作何疾病云
何安隱若坐歡喜有力多見諸夢或
善不善以坐過故以坐流行於心脉
故夢見衆相觀憶念坐已如實知身
如是鄒羅帝婆羅門長者棄落修行
比丘作是觀已如實觀身如是身者
何者是常不動不壞何者為樂何者
是我何者是淨何者可恃彼以聞慧
或以天眼見此身中若麤若細無有
一法是常不動不壞若樂若淨若我
而可依恃譬如有人求日中間若麤
若細皆不可得身亦如是若有求其
常樂我淨亦不可得是名修行者內
身循身觀作是觀時遠離魔界近涅槃
道愛不能亂及餘煩惱不能為尋
是名內身循身觀

復次修行者內身循身觀有何等風
住在身中若調不調作何等業彼以
聞慧或以天眼見心轉風住在身中
云何心風能運轉身彼以聞慧或以
天眼見心轉風以風調故能轉其身
或行或住或俯或仰或作衆事以風
力故或安或危觀心轉風已如實知

身是名內身循身觀

復次修行者內身循身觀有何等風
住在身中若調不調作何等業彼以
聞慧或以天眼見爪甲風住在身中
若不調順為何所作彼以聞慧或以
天眼見手足甲以風因緣而得增長
乃至老朽是名觀於爪甲之風如是
修行者觀身內風以風堅故手足爪
甲亦成堅實速得增長比丘如是觀
身爪甲如實知身

復次修行者內身循身觀有何等風
住在身中若調不調作何等業彼以
聞慧或以天眼見足下風住在身中
若不調順為何所作彼以聞慧或以
天眼見足下風若不調順能生搔痒
既生搔痒能令生瘡或於行時蹈地
有聲令足骨堅耐於寒熱又此足筋
通於眼脉以油灌鼻以油塗足令眼
明淨觀足下風已如實知身

復次修行者內身循身觀有何等風
住在身中若調不調作何等業彼以
聞慧或以天眼見不覺風住在身中
或調不調為何所作彼以聞慧或以

天眼見不覺風住於皮內令躄瘡瘡以風力故令躄皮內猶如鐵行若以手捺瘡如鐵至觀不覺風已如實知身復次修行者內身循身觀有何等風住在身中若調不調作何等業彼以聞慧或以天眼觀見有風名曰破骨或行或住或在園林或在寺舍或疲極時破骨苦痛不得睡眠手足不便不能屈伸觀破骨風已如實知身復次修行者內身循身觀有何等風作何等業彼以聞慧或以天眼見有一風名曰破行住在身中若不調順為何所作彼以聞慧或以天眼見破行風若不調順此風則發以為惱亂不能行步去來進趣觀破行風已如實知身

復次修行者內身循身觀有何等風住在身中若調不調作何等業彼以聞慧或以天眼見破踝風住在身中為作何等彼以聞慧或以天眼見破節風若得冷觸令腔骨疼遍於身中

觀破節風已如實知身

復次修行者內身循身觀有何等風
住在身中若調不調作何等業彼以
聞慧或以天眼見破胘骨風住在身
中若不調順為何所作彼以聞慧或
以天眼見破髀骨風若不調順令其胘
肉汁流之脉洪盛甚壯令脚屈申兩
髀相近肉重腿起如是觀破髀風已
如實知身

復次修行者內身循身觀有何等風
住在身中若調不調作何等業彼以
聞慧或以天眼見有節風住在身中
為何所作彼以聞慧或以天眼見有
節風於兩肩四節咽喉二節額骨二
節鼻骨一節頤骨一節牙齒骨有三
十二節上腭一節交牙二節項十五
節兩膊二節兩肘二節兩腕二節脊
骨數有四十五節脅十四節左右脇
肋各十二節兩脇肋端各有脆骨二
十四節橫骨一節跨骨二節身根一
接兩髀二節兩膝二節兩踝二節足
跟二節足趺二節兩手二足上下合
有六十節手足爪甲合二十節此是

節風之所依也若我有病或致喪命或致苦惱觀節風已如實知身

復次修行者內身循身觀有何等風住在身中若調不調為何所作彼以聞慧或以天眼見髀頑風住在身中若調不調為何所作彼以聞慧或以天眼見髀頑風若不調順不能屈由不能行來以病過故觀髀頑風已如實知身

復次修行者內身循身觀有何等風住在身中若調不調作何等業彼以聞慧或以天眼見身行界風住在身中若不調順為何所作彼以聞慧或以天眼見身界風調順安隱則有氣力氣行出入能消飲食身有顏色眼耳鼻舌身皆安隱所食消化若不調順身色虛惡五根減劣飲食不消顏色不悅眼等諸根於境劣弱不產子孕如是觀身行界風已如實知身復次修行者內身循身觀有何等風住在身中若調不調作何等業彼以聞慧或以天眼見抽筋風住在身中若不調順為何所作彼以聞慧或以

天眼見抽筋風若風調順諸有所作
若眠若住一切身色皆悉光澤皆是
筋風之所為作若不調順不能修作
若眠若住一切不能有所施作觀筋
風已如實知身

復次修行者內身循身觀有何等風
住在身中若調不調作何等業彼以
聞慧或以天眼觀見有風名曰往返
住在身內若不調順為何所作彼以
聞慧或以天眼見往返風若不調順
閉身流脉令作淋病一切身分皆悉
疼痛腹痛身根疼痛不能飲食精血
竭盡不產子孕若風調適則無此病
觀往返風已如實知身

復次修行者內身循身觀有何等風
住在身中若調不調作何等業彼
以聞慧或以天眼觀見有風名節行
惱亂住在身中若不調順為何所作
彼以聞慧或以天眼見節行惱亂風
若不調順令人生癢或生痔病便利
苦惱四大枯悴或令頭痛飲食不消
下風不通身體燥悴生諸瘡病或生
熱病若行節風調順則無如上所說

諸病觀行節風已如實知身

復次修行者內身循身觀有何等風
住我身中或調不調作何等業彼以
聞慧或以天眼觀見有風名破毛爪
糞住在身中若不調順為何所作彼
以聞慧或以天眼見破毛爪糞風若
不調順諸根瘦損或復頭痛或一眼
一耳半面疼痛或目視眊眊或復鼻
塞不知香臭面色萎黃欬逆歐噦見
不淨時即便歐吐其心多亂不能禪
思常念身心無病安隱人身之中受
想行識四陰住處此身所攝一切無
常作是觀已知生死法觀破毛屎風
已如實知身

復次修行者內身循身觀有何等風
住我身中作何等業彼以聞慧或以
天眼見亂精沫風於小便中能令其
人精尿俱出細如芥子與尿俱出或
大便疼作如是病惱亂其心不得專
一若風調順則無此病觀亂精風已
如實知身

復次修行者內身循身觀有何等風
住在身中或作安隱或不安隱彼以

聞慧或以天眼見有老風住在身中
隨風轉增漸就衰老氣力微弱不能
去來須臾欲起極不從心行住坐卧
疲極頓乏猶如他身心睡惛濁若風
調順則無此病觀老風已如實知身
復次修行者內身循身觀有何等風
住我身中或為安隱或不安隱彼以
間慧或以天眼見塞胞風住在身中
若不調順身肉瞋動身羸心痛屎尿
閉塞便利澁難妨於修禪得大苦惱
心意散亂識不安隱不能觀法以身
苦故不能念法若風調順則無如向
所說諸病觀塞胞風已如實知身

正法念處經卷第六十五

癸卯歲高麗國分司大藏都監奉
勅彫造

正法金剛經卷第十六

終

身念處品之三

元魏婆羅門瞿曇般若流支譯

復次修行者內身循身觀有何等風
住我身中或作安隱或不安隱彼以
聞慧或以天眼見乾糞風若我多食
風則不調能令苦惱入於身分筋脉
之中令糞乾燥或二日三日四日五
日乃一便利乾燥少穢而甚苦痛若
風調順則無此病觀乾糞風已如實
知身

復次修行者內身循身觀有何等風
住我身中或為安隱或不安隱彼以
聞慧或以天眼見兩傍風若不調順
為何所作彼以聞慧或以天眼見兩
傍風行於身側血則乾燥以血乾燥
受大痛苦若風調順則無此病觀兩
傍風已如實知身

復次修行者內身循身觀有何等風
住我身中或作安隱或不安隱彼以
聞慧或以天眼觀何等風住我身中
作何等業彼以聞慧或以天眼觀見

有風名塞九孔住在身中若不調適能令九孔閉塞不通頭有七孔及大小便九孔既塞身則痛苦入息出息不得安隱若風調順令身安隱乃能行法以風持故身得去來觀九孔風已如實知身

復次修行者內身循身觀彼以聞慧或以天眼見何等風住我身中作何等業彼以聞慧或以天眼見有一風名斷身分若不調順為何所作彼以聞慧或以天眼見斷身分風若不調不順手指則癱不得造作手足皆癱胫筋急痛九處筋脉弦弦而急身分搖動疲極無力斷身分風若調順者則無如是可說諸病觀斷身分風已如實知身

復次修行者內身循身觀有何等風住我身中或作安隱或不安隱彼以聞慧或以天眼見內有風名曰害火天眼見此風力能除火熱令食不消不消食故不復憶食不能食故則無顏色何故無色血乾燥故以血乾燥

肉則消盡肉消盡故筋則卷縮不復
生脂不生脂故骨亦乾燥骨乾燥故
髓亦乾燥髓乾燥故遍身精盡心中
氣力風吹故動若害火風調順安隱
則無如上所說病苦觀害火風已如
實知身

復次修行者內身循身觀有何等風
住我身中作何等業彼以聞慧或以
天眼見有風名作一切身分冷風為
何所作彼以聞慧或以天眼見一切
身分冷風令身臭汗堅澁惡色身體
皺減羸瘦毛堅身生黑瘡膿出爛臭
搔蝟汁流或生赤瘡或大蒸熱或生
白瘡遍身瘡大或復其身如白象皮
瘡澁生瘡或復口齒希疎黧黑手足
生瘡猶如工師疲極頓乏身生瘡癬
手足常熱堅鞣瘡惡或生瘡爛爪甲
惡色鼻柱萎倒眼暗墮落人所惡賤
一切施主之所惡見衆蠅封著爪甲
墮落若睡眠時氣息惛濁鼾睡大聲
不欲飲食或食不消舌不得味如是
一切身分冷風令身爛壞若一切身
分冷風調順則顏色可愛細軟滑澤

衆人所敬暖汗津液出於毛孔則無
如上所說諸病觀一切身分冷風已
如實知身

復次修行者內身循身觀有何等風
住我身中或調不調作何等業彼以
聞慧或以天眼見有一風名破強健
住我身中若不調順令心怯怖一切
身分皆悉苦痛或身挺直頻申不樂
出息入息悉不安隱身體振掉不能
衣服苦患頭痛若習禪觀不得一心
或見惡夢心悶歐吐於好色中生顛
倒見近見為遠焦渴憔悴若破健風
調順和適則無如上所說諸病觀破
健風已如實知身

復次修行者內身循身觀有何等風
住我身中作何等業彼以聞慧或以
天眼見身觸風住我身中或調不調
作何等業彼以聞慧或以天眼見身
觸風若不調適耳中鳴喚辟肉觸動
一切身分皆亦觸動處處逃走不樂
一處更無餘病若一切身觸風調順
則無如上所說諸病觀一切身觸動
風已如實知身

復次修行者內身循身觀有何等風
住我身中彼以聞慧或以天眼見有
熱風住我身中或調不調作何等業
彼以聞慧或以天眼見此熱風若不
調順所食入口咽之則燒以是因緣
四大不調不得增長或所食味不作
二塗濁穢不淨若有淨流四大增長
唯有濁穢則為病苦若熱風不調所
食皆濁不作清淨是故得病若熱風
調順若清若濁二種食流四大平等
以平等故則不為病觀熱風已如實
知身

復次修行者內身循身觀有何等風
住我身中作何等業彼以聞慧或以
天眼見有一風名曰集風此集風
遍身分中能集能散閉塞上下從頂
至足有十種風一名頭行風二名骨
行風三名食氣風四名耳行風五名
鼻內風六名脂內行風七名節行風
八名食涎風九名食齒根風十名齒
吐風

復有十風在咽中一名散食風二
名食涎風三名清唾風四名歐吐風

五名十味流脉中行虫六名甜醉虫
七名嗜味虫八名杼氣虫九名憎味
虫十名嗜唾虫復有十虫生於血中
肉中而行一名食毛虫二名孔穴虫
三名禪都虫四名赤虫五名食汁虫
六名毛燈虫七名瞋血虫八名食血
虫九名瘡瘡虫十名酢虫如是十虫
生於血中其虫形相或短或團微細
無眼復有十虫作苦痛相生於肉中
一名瘡味虫二名憊憊虫三名閉筋
虫四名動脉虫五名食皮虫六名動
脂虫七名和聚虫八名臭虫九名汁
行虫十名熱虫如是寺虫從肉中生
復有十虫行於黃中一名黑虫二名
苗花虫三名大譎曲虫四名蘇毗羅
虫五名烏虫六名大食虫七名行熱
虫八名大熱虫九名食味虫十名大
火虫如是等虫行於陰中諸身分中
有十種虫一名舐骨虫二名齒骨虫
三名斷節虫四名臭虫五名消骨虫
六名赤口虫七名頭頭摩虫八名食
皮虫九名刀風虫十名刀口虫復有
十種虫行於糞中一名生虫二名針

口虫三名白節虫四名無足虫五名
散糞虫六名三焦虫七名破腸虫八
名閉塞虫九名善色虫十名穢門瘡
虫其色可惡是名糞中十種虫也復
有十種虫行脂髓中何等為十一名
毛虫二名黑口虫三名失力虫四名
大痛虫五名煩悶虫六名火色虫七
名下流虫八名起身振虫九名憶念
虫十名歡喜虫如是等虫遍行一切
身分之中如意能行一切身中行一
切界隨其行處皆作過惡是集虫風
一切身中如意遍行此身如是以風
因緣諸虫流行觀集虫風已如實
知身

復次修行者內身循身觀有何等風
住我身中作何等業彼以聞慧或以
天眼觀見有風名曰上下住在身中
或安不安為何所作彼以聞慧或以
天眼見上下風若不調適行於五處
作何等業作出入氣人說為命行於
心頂遍於身中自在無尋是為風力
第一分也若風不調能破壞身是風
亦令口中多唾令身羸瘦飲食不甯

逆歐而出是為風力第二分也住於
心胃為何所作若氣在心或憂或喜
若氣從咽喉上至於頂下入舌根隨
其所念則能有語能說文字思惟諸
義是為風力第三分也復有常為身
火惱亂令身流汗是為風力第四分
也是風遍身驗眼視眴動一切身思
惟遍身依男女根能生子息若男女
行欲如此風力能集精血能令女人體
骨多力男女精血和合共集釀羅婆
身薄精之時風吹令厚而作肉團作
肉搏已次生五胞生五胞已或方或
圓隨身長短識亦遍滿隨種種相辭
如有人攢酪出酥有酪有水有炁有
攢攢之出沫知其已熟收取生酥如
是風力及業煩惱能集成身亦復如
是是為第五風力分也若飲食敗味
於舌根中咽喉脉中飲食充滿乃至
過於毛根爪甲氣力增長作色香味
若風不調下風上行作四種惡氣塞
難出遍身苦惱若離本處一切諸根
一切識中皆得惱亂喪失身命既捨
身已失三種法一命二煖三識是故

得言

若捨此身時失命腰及識更無所覺知猶如瓦木石

是則名為第一惡也若不調適作第二業喘息慮重不能調順一切遍身苦惱所逼逼之苦極則捨身命是則名為第二惡也是上行風若不調順作第三惡既惱諸根一切遍身而作惱亂喪失身命是則名為第三惡也是上行風若不調適作第四惡或大喘息或復微少或致命終或但偃身而不失命是則名曰第四惡也若睡眠時氣息出入以時命根如是觀上下風已如實知身

復次修行者內身植身觀有何等風或安不安作何等業彼以聞慧或以天眼觀見有風名曰命風住在身中或令身肥或令羸瘦令心審諦若風不調心則輕動所知皆失曾聞亦忘失見境不了於聲不聞如是鼻不知香舌不知味身不覺觸意不知法不識自他觀命風已如實知身

復次修行者內身植身觀有何等風

作何等業彼以聞慧或以天眼見亂心風住於身中若調不調為何所作彼以聞慧或以天眼見於此風若我心過風不調順隨心所行或動或頑乾消癡亂或所食味邪流不正如是惱亂其心令於善法不生愛樂流汗多唾不耐冷觸若見色相以有病故不能如本如實見色身重難攝身毛皆豎若風調順則無如向所說之病觀亂心風已如實知身

復次修行者內身循身觀有何等風住於身中或安不安作何等業彼以聞慧或以天眼見有亂風住在身中若不調順多見惡夢睡眠驚悟雖住溫燠而常覺冷若見城邑村落人民見為空聚或見黃色少於言語不樂卧處本曾聞法皆悉忘失四大惱亂其所食味住於心中無緣生厭妄見丘聚若風調順則無如上所說諸病觀亂風已如實知身

復次修行者內身循身觀有何等風作何等業彼以聞慧或以天眼見視眴風住在身中若不調適不得眴目

更無餘風速於如此視眴風者行一切處悉遍諸根若不調順則生此病眴風已如實知身

復次修行者內身循身觀有何等風或調不調作何等業彼以聞慧或以天眼見有一風名牙相閉欲命終時有五風起或調不調為作何業彼以聞慧或以天眼見眼耳鼻舌身心壞故於自境界色聲香味觸法中不能緣了若風不發命則不斷發則失命觀五閉風已如實知身

復次修行者內身循身觀有何等風或調不調作何等業彼以聞慧或以天眼見壞胎藏風住在身中若人初識入於母胎先業因緣歌羅羅時即壞其命若歌羅羅時不壞其命至肉搏時乃斷其命今風入胎令其破壞若肉搏時不斷其命身分具足乃斷其命若身分具足不斷其命諸根具足乃斷其命隨其宿世殺業輕重於胎藏中而斷其命若於宿世不殺眾生如所說風不能殺害觀壞胎藏風

已如實知身

復次修行者內身循身觀有何等風
或調不調作何等業彼以聞慧或以
天眼見有一風名轉胎藏住在身中
天眼見轉胎風以此衆生先世邪業
若是男子轉為女人或作黃門或胎
中死以惡業故若於先世無惡業者
莫能為害觀轉胎藏風已如實知身
復次修行者內身循身觀有何等風
住在身中作何等業彼以聞慧或以
天眼見去來走擲風住在身中或亂
不亂為何所作彼以聞慧或以天眼
見去來走擲風若不調順手足孿躄
身偃曲脊不能行來飲食仰他不能
自食身根智慧悉不清淨若風調順
身則能行去來進止能走能擲上下
騎乘觀去來走擲風已如實知身
復次修行者內身循身觀有何等風
或調不調作何等業彼以聞慧或以
天眼見眼耳鼻舌身五根別風業之
所作業風所吹一風與眼共緣四大
之中風力強故故名為風是風能令

眼根四大清淨見衆色像一風耳中能令聞聲鼻香舌味身觸亦復如是如是五風如實觀之若風調順於五境界無所障導若不調順則多障導不能如實知於境界如是觀於眼耳鼻舌身五種風已如實知身

復次修行者內身循身觀有何等風或調不調作何等業彼以聞慧或以天眼見有刀風住在身中或乱不乱作何等業彼以聞慧或以天眼見命終時刀風皆動皮肉筋骨脂髓精血一切解截令其乾燥氣閉不流身既乾燥苦惱而死如于炎刀而刺其身十六分中猶不及一若有善業垂死之時刀風微動不多苦惱觀刀風已如實知身

復次修行者內身循身觀有何等風或調不調作何等業彼以聞慧或以天眼見針刺風住在身中或調不調為何所作彼以聞慧或以天眼見命終時風不調順遍身諸節及一切脉一切筋中一切枝骨一切毛孔一切肉中一切骨中一切髓中如燒炎針

遍於身中來遍人身如百千灸針皆刺其身十六分中不及其一若於宿世有善業者於命終時是針刺風則不大苦觀針刺風已如實知身

復次修行者內身循身觀有何等風或調不調作何等業彼以聞慧或以天眼觀見有風名曰惡黃住在身中若調不調為何所作彼以聞慧或以天眼見惡黃風若不調順則生黃病口中乾燥遍身皆黃面目爪甲一切皆黃腹脹大於其腹上青黃脉現其身無力食不能消口苦尿黃身體羸瘦目視衆色皆作青黃不能起止腹中常脹若黃風不調則生此病若黃風調順則無此病觀惡黃風已如實知身

復次修行者內身循身觀有何等風或調不調作何等業彼以聞慧或以天眼見有一風名曰破腸或調不調為何所作彼以聞慧或以天眼見破腸風若不調順若多飲食而復頻申能破其腸或雜骨食肉入其腸中能破其腸食則流出腹大增長生大苦

痛不能飲食食力少故身體微劣手足皆腫下門蒸熱一切身分恒熱不定口中乾燥常見惡夢腹中風動一念不住若破腸風調順和適則無如向所說諸病觀破腸風已如實知身復次修行者內身猶身觀有何等風或調不調作何等業彼以聞慧或以天眼見有一風名曰冷噤若調不調為何所作彼以聞慧或以天眼見冷噤風若不調順口中味甘其心忪忪不憶飲食若欲坐禪則生疑怠舌重難語或咽喉痛氣噤息惡心中臭氣上衝咽喉氣溢難出不覺飢渴咽喉閉塞若冷風調順則無如上所說諸病觀冷噤風已如實知身復次修行者內身猶身觀有何等風住在身中或調不調作何等業彼以聞慧或以天眼見有一風名曰傷髓住在身中若不調順為何所作彼以聞慧或以天眼見傷髓風若不調順令身振動身多疲極不能遠行常多病疾顏色醜惡身體瘡瘡不能多語其心怯弱是人晝夜骨髓常疼身毛

皆堅諸脉劣弱常患頭痛以此風故
常動腦虫以虫動故猶如針刺若屈
調順則無如上所說諸病觀傷髓風
已如實知身

復次修行者內身循身觀有何等風
住在身中或調不調作何等業彼以
聞慧或以天眼觀見有風名曰害皮
住在身中若不調順為何所作彼以
聞慧或以天眼見害皮風若不調順
令我身皮其色醜惡皆恙瘡溢身皮
破裂設以蘇油而塗其身速疾乾燥
身體手足皆恙堅直難可屈伸夢中
多見垂墮嶮岸暖飲食味口中覺空
舌瘡破裂不能飲食若害皮風調順
和適則無如向所說諸病觀害皮風
已如實知身

復次修行者內身循身觀有何等風
住在身中或調不調作何等業彼以
聞慧或以天眼見有一風名曰害血
住在身中若不調順為何所作彼以
聞慧或以天眼見害血風住在身中
若不調順行於肺中作二種過或上
或下若血上行令眼耳鼻血脉不調

諸大不安大不調故身體失力顏色
麤惡不能去來鼻中常臭同梵行者
不與同行同處而坐若血下行至大
小便流血而下作三種過一者痔病
二者苦惱三者下血若害血風和順
調適則無如上所說諸病觀害血風
已如實知身

復次修行者內身循身觀有何等風
住在身中或調不調作何等業彼以
聞慧或以天眼觀見有風名曰害肉
住在身中若不調順為何所作彼以
聞慧或以天眼見害肉風若不調順
令人身中生諸癰病臭惡遍身破已
臭惡多有濃汁耐冷惡熱不耐辛苦
宜輕甜冷一切身動臭爛流出若風
調順則無如向所說諸病觀害肉風
已如實知身

復次修行者內身循身觀有何等風
住在身中或調不調作何等業彼以
聞慧或以天眼觀見有風名曰害脂
若不調順作何等業彼以聞慧或以
天眼見害脂風若不調順令脂增長
身生皰肉高下不平逆阜凹凸或堅

或滑或有頑癡無所覺觸若害胎風和順調適則無如上所說諸病觀害胎風已如實知身

復次修行者內身循身觀有何等風住在身中或調不調作何等業彼以聞慧或以天眼見害骨風若不調順為何所作彼以聞慧或以天眼見害骨風若不調順令骨疼痛其聲破散晝夜不睡項頸疼痛一切筋骨皆緩不治筋骨無力身常疼痛疲極苦惱不能起止無一念樂若風調順則無如向所說諸病觀害骨風已如實知身

復次修行者內身循身觀有何等風住在身中或調不調作何等業彼以聞慧或以天眼見有一風名曰害精住在身中若不調順為何所作彼以聞慧或以天眼見害精風若不調順誰惑於人若人眠睡戲持於人示人種種諸惡之念以妄想心作非梵行風不調故夜行鬼女虛誑破實夢為其犯今不憶食觀害精風已如實知身

復次修行者內身循身觀有何等風
住在身中或調不調作何等業彼以
聞慧或以天眼見有一風名曰皺風
住在身中若不調順為何所作彼以
若足下足上若踣若髀若髁若背若
脇若乳若咽若項若肩若臂若耳若
眉一切身分皆悉皺減其身深皺或
開或合其足尸破設油漆身尋即乾
燥令如老人觀皺風已如實知身

復次修行者內身循身觀有何等風
住在身中或調不調作何等業彼以
聞慧或以天眼觀見有風名曰白髮
住在身中若不調順為何所作彼以
能令少年髮白羸瘦猶如老人若在
家人所生之子如父速老其子病故
無復子孕以風力故今年少者如老
無異是白髮風起於惡劫隨諸衆生
不順法行風則增長若有福德風則
調順若無福德風則不調觀白髮風
已如實知身

復次修行者內身循身觀有何等風

或調不調作何等業彼以聞慧或以
天眼見有一風名曰損臟住在身中
若不調順為何所作彼以聞慧或以
天眼觀損臟風若不調順不憶飲食
令人衰弱不慧臟食病之所起因於
晝寢風不調順不樂甜食嗜苦酢味
若不食臟風則調順身不疲極觀害
臟風已如實知身

復次修行者內身循身觀有何等風
住在身中或調不調作何等業彼以
聞慧或以天眼見有淋風住人身中
若不調順為何所作彼以聞慧或以
天眼見淋病風若不調順常多淋瀝
不能如意身體無力其出入息麁濁
不調身色痿黃羸瘦憔悴若風調順
則無如向所說諸病觀淋風已如實
知身

復次修行者內身循身觀有何等風
作何等業彼以聞慧或以天眼見有
一風名食相應若調不調為何所作
彼以聞慧或以天眼見食相應風若
不調順所食四分五分之中三分歐
吐令人心亂失於食力不能視眴以

風力故意法不定若風調順則無如
向所說諸病觀食相應風已如實
知身

復次修行者內身循身觀有何等風
住在身中或調不調作何等業彼以
聞慧或以天眼見有一風名壞牙齒
住在身中為何所作彼以聞慧或以
天眼見壞牙風若不調順牙齒疼痛
毀壞墮落斷中血爛唇口生瘡上腭
生瘡鼻塞不通若風調順則無如向
所說諸病觀壞牙齒風已如實知身
復次修行者內身循身觀有何等風
住在身中或調不調作何等業彼以
聞慧或以天眼見有一風名曰喉脉
住在身中若不調順為何所作彼以
聞慧或以天眼見喉脉風若不調順
令咽項痛或咽喉腫或其聲澁若風
調順則無如向所說諸病觀喉脉風
已如實知身

復次修行者內身循身觀有何等風
住在身中或調不調作何等業彼以
聞慧或以天眼見有一風名曰下行
住在身中或調不調為何所作彼以

聞慧或以天眼見下行風若不調順
令食過惡力少不消飲食消故皮肉
骨髓精血增長若食不消風令黃病
悉不調順是下行風若不調順則失
食力食力少故顏色憔悴若風調順
則無如向所說之病觀下行風已如
實知身

復次修行者內身循身觀有何等風
住在身中或調不調作何等業彼以
聞慧或以天眼見有一風名曰上行
住在身中為何所作彼以聞慧或以
天眼見上行風住於頂上若風調順
從頂而出猶如烟氣從上而出若住
日中若住陰中若晝若夜常出不斷
凡人皆見若風不調則氣不出若復
頂氣斷已三日不出決定命終觀上
行風已如實知身

復次修行者內身循身觀有何等風
住在身中或調不調作何等業彼以
聞慧或以天眼見有傍風住在身中
若調不調為何所作彼以聞慧或以
天眼見於傍風若不調順閉出入息
一切筋脉皆令掣縮或聚或散或牽

或挽或鼻瞬動或忽忽作聲後得大
苦若傍風調順則無如向所說之病
觀傍風已如實知身

復次修行者內身循身觀有何等風
住在身中或調不調作何等業彼以
聞慧或以天眼見有一風名曰轉筋
住在身中若不調順為何所作彼以
聞慧或以天眼見轉筋風若不調順
今手筋脚筋大小便筋背筋遍身諸
筋皆悉捲并合為一處堅急頑鈍無
所覺知若風調順則無如向所說諸
病觀轉筋風已如實知身

復次修行者內身循身觀有何等風
住在身中若調不調作何等業彼以
聞慧或以天眼見有一風名曰壞毛
住在身中若調不調為何所作彼以
聞慧或以天眼見壞毛風若不調順
一切身分所有諸毛皆悉墮落身體
痿黃設更生毛即隨墮落若風調順
則無如向所說之病觀壞毛風已如
實知身

復次修行者內身循身觀有何等風
住在身中若調不調作何等業彼以

聞慧或以天眼見有一風名似少風
若風調順為何所作彼以聞慧或以
天眼見似少風以調順故十時風力
形貌色力屈伸俯仰分分相似若風
不調於其身中心意流脉則便擾動
而發狂癡心乱不正若其心意流脉
調順則不狂乱觀似少風已如實
知身

復次修行者內身循身觀有何等風
住在身中若調不調作何等業彼以
聞慧或以天眼見有一風名嗜睡眠
若不調順為何所作彼以聞慧或以
天眼見睡眠風若不調順於聽法時
令人惛睡聞不善法心則樂聞若晝
若夜欲正觀察則為所乱樂至酒肆
若風調順則無此病觀睡眠風已如實
知身

復次修行者內身循身觀有何等風
住在身中作何等業彼以聞慧或以
天眼見有一風名曰瞋風住在身中
若不調順為何所作彼以聞慧或以
天眼見瞋恚風若不調順以少因緣
而起大瞋為瞋所使一切世人起大

瞋怒身毛皆豎心忪動亂所見不了
以近為遠見於日月生顛倒心謂曰
為月以月為日若風調順則無此病
觀瞋風已如實知身

復次修行者內身循身觀有何等風
住在身中作何等業彼以聞慧或以
天眼見有一風名曰名字若調不調
為何所作彼以聞慧或以天眼見名
字風若其調順能有言說緣心數法
古風言說隨心而行能說無量名字
句義如是舌說名字之風若不調順
則少言誤語或口瘡不語觀舌名字
風已如實知身

正法念處經卷第六

癸卯歲高麗國分司大藏都監奉

勅周造

正法念處經卷第六十七

終

身念處品之四

元魏婆羅門瞿曇般若流支譯

復次修行者內身循身觀有何等風
住在身中若調不調作何等業彼以
聞慧或以天眼見有一風名曰壞味
住在身中若不調順為何所作彼以
聞慧或以天眼見壞味風若不調順
令人舌中嘗甜味以至動故一切
好食美饍悉不能食以不食故身體
劣弱不能讀誦修學禪思及修善法
身不調故心不樂法名色互相因緣
而住猶如束竹相依而住相依力故
如是名色各各相依如是行聚食因
緣住如水和麩名為麩漿各各有力
名色得住若風調順則無如向所說
之病觀壞味風已如實知身
復次修行者內身循身觀有何等風
住在身中若調不調作何等業彼以
聞慧或以天眼見有一風名曰肺過
住在身中若調不調為何所作彼以
聞慧或以天眼見肺過風若不調順

食欲消時夜則患痛令食酢氣乃至
食消一切身體皆悉無力脉如網縛
若風調順則無如向所說諸病觀肺
風已如實知身

復次修行者內身循身觀有何等風
住在身中若調不調作何等業彼以
聞慧或以天眼見有一風名臭上行
若調不調為何所作彼以聞慧或以
天眼見臭上行風令身鼻口一切皆
臭能令臭氣從毛孔出從於熟藏上
衝生藏令一切身堅鞏大苦食不消
化不能坐禪晝夜不能修行善法若
臭上行風和順調適則無如向所說
之病觀上行風已如實知身
復次修行者內身循身觀有何等風
住在身中若調不調作何等業彼以
聞慧或以天眼見有一風名大便處
若調不調為何所作彼以聞慧或以
天眼見大便風若不調順於三肉胞
則成痔病所下之血如赤豆汁身體
燒熱惛嗜睡眠筋脉拘急食不能消
舌不得味若風調順則無此病觀大
便處風已如實知身

復次修行者內身循身觀有何等風
住在身中若調不調作何等業彼以
聞慧或以天眼見有一風名曰忘念
住在身中若調不調為何所作彼以
聞慧或以天眼見忘念風若不調順
令念忘失習誦多忘不能憶持於四方
面所見顛倒已過之事忘失不憶所
食速飢而不能食身毛麤澁爪甲亦
然不耐寒熱所食隨忘若風調順則
無如有所說之病觀忘念風已如實
知身

復次修行者內身循身觀有何等風
住在身中若調不調作何等業彼以
聞慧或以天眼見有一風名曰生力
住在身中若不調順為何所作彼以
聞慧或以天眼見生力風若不調順
雖復多食美饍飲食身常無力如毒
壞身以風不調故有此病若風調順
則無此病觀生力風已如實知身
復次修行者內身循身觀有何等風
住在身中或調不調作何等業彼以
聞慧或以天眼見有一風名生身心
力住在身中若不調順為何所作彼

以聞慧或以天眼見生身心力風若風調順始從胎中身心漸增令心強健以風調故知作不作久時所作皆能念知去來進止強健不怯耐於飢渴寒熱衆苦身體充滿其身頭髮不非時白若不調順則失此法觀生身心力風已如實知身

復次修行者內身循身觀有何等風住在身中或調不調作何等業彼以聞慧或以天眼見有一風名曰妨咽喉語住在身中若不調順為何所作彼以聞慧或以天眼見妨咽喉語風若不調順則生身病以餘不調則便失音或時耳聾或手足攣蹇或身曲偃僂兩目失明以風不調生如是病觀妨咽喉語風已如實知身

復次修行者內身循身觀有何等風住在身中若調不調作何等業彼以聞慧或以天眼見有一風名曰瞋風若不調順為何所作彼以聞慧或以天眼見有瞋風若不調順所見顛倒惱亂流脉令其動變一切骨節皆悉疼痛觀瞋風已如實知身

復次修行者內身循身觀有何等風
住在身中若調不調作何等業彼以
聞慧或以天眼見有一風名曰持命
住在身中若調不調為何所作彼以
聞慧或以天眼見持命風若不調順
令人失命捨於覺知一切衆生第二
之命能持於身依於識心以不調故
能斷人命依持一切衆生命根若風
調順則不夭命觀持命風已如實
知身

復次修行者內身循身觀有何等風
住在身中若調不調作何等業彼以
聞慧或以天眼見有一風名曰損壞
一切身分住在身中若不調順為何
所作彼以聞慧或以天眼見壞身風
始從住胎以此風力令其身分破壞
損傷身曲偃脊凸臆戾髓若風調順
則無此病觀壞身風已如實知身
復次修行者內身循身觀有何等風
住在身中作何等業彼以聞慧或以
天眼觀見有風名曰攝皮住在身中
為何所作彼以聞慧或以天眼見攝
皮風若為外風所觸若冷若熱若香

若臭或下或上或大力小力隨時來
觸若能覺知觀攝皮風已如實知身
復次修行者內身循身觀復有何風
住於身中彼以聞慧或以天眼離於
垢濁清淨所緣離疑度疑於曠野
如實不疑於此身中更無異風此風
聚集此風和合如此風流緣於根界
共業煩惱和合而住能持於身或為
妨言是修行者遍觀一切身內諸風
具足見已歇離欲心愛不能壞不入
魔境近於涅槃以智慧日破無始流
轉貪瞋癡闇離疑曠野不染色聲香
味觸等於境界中如實見之一切三
界皆悉無常苦空無我如實見之如
是郝羅帝婆羅門長者聚落修行
比丘如實知此樂修身念知生滅法
不念餘觀觀一切身知一切縛及以
解脫

復次修行者復以異法觀察是身失
壞盡滅云何此身當失壞耶於命終
時云何風亟能壞此身云何惱亂於
一切界幾時命終云何上下逆順風
吹如是比丘內身循身觀彼以聞慧

或以天眼見臨終時一切諸虫先被
惱乱虫既死已人乃命終一切有為
決定失壞如是死法必當有此堅牢
大惡如是比丘觀於頭中有十種虫
為風所殺一名頂内虫為足甲風之
所殺害二名腦内虫為於兩足傍風
之所殺害三名髑髏骨虫為不覺風
之所殺害四名食髮虫為破骨風之
所殺害五名耳内行虫為行踏地風
之所殺害六名流涕虫為於跟風之
所殺害七名脂内行虫為破脰風之
所殺害八名交牙節虫九名食涎虫
為破足腕節風之所殺害十名食齒
根虫為破髀骨風之所殺害十一
復次有十種虫行於咽喉下至胃中
為風所殺何等為十一名食涎虫為
破力風之所殺害二名唾虫三名吐
虫四名行十味脉虫為行轉風之所
殺害五名甜醉虫為害節風之所殺
害六名嗜六味虫為破毛爪甲屎風
之所殺害七名杼氣虫為正跳風之
所殺害八名憎味虫為破壞風之所
殺害九名嗜瞋虫為胞中風之所

殺害二十

復次有十種虫住於血中為風所殺
一名食毛虫為乾糞風之所殺害二
名孔行虫為二傍風之所殺害三名
禪都虫為六竅風之所殺害四名赤
虫為斷身分風之所殺害五名蛔母
虫為惡火風之所殺害六名毛燈虫
為一切身分風之所殺害七名食髮
虫八名瞋血虫為破捷風之所殺害
九名瘡瘡虫為一切身動風之所殺
害十名酢虫為於熱風之所殺害生
於血中其形短促團圓無足微細無
眼能作身痒憒憒而動其虫味鹹於
人死時如是等虫為風殺已血則乾
燥其人即死是故人說死人無血血
欲乾故得大苦惱臨命終時心懷大
怖受大苦惱恐捨此身行於異處捨
離親族知識兄弟妻子財物癡愛無
智愛結所縛無有救護無善法伴唯
獨一身一切身分血脉乾燥受於身
心二種大苦

十三

復次修行者內身循身觀有何等虫
為風所殺得何苦惱彼以聞慧或以

天眼見十種虫住在肉中何等為十
一名生瘡虫為於行風之所殺害二
名刺虫為上下風之所殺害三名問
筋虫為於命風之所殺害有故名之
以為命風若出身中人即命盡故名
命風四名動脉虫為於開風之所殺
害五名皮虫為乱心風之所殺害六
名動脂虫為惱乱風之所殺害七名
和集虫為視眴風之所殺害八名臭
虫為於閉風臨命終時五閉風之所
殺害十四

復次修行者內身循身觀云何死時
白汗流出如是諸虫行於陰中何風
所殺是修行者觀十種虫行於陰黃
中何等為十一名瘡瘡虫為壞胎藏
風之所殺害若男若女欲命終時此
風斷脉二名憊憊虫為轉胎藏風之
所殺害若男若女令失氣力或於口
中出一掬黃猶如金色三名苗華虫
為去來行住風之所殺害四名大詭
虫五名行孔穴虫六名黑虫七名大
食虫八名行熱虫為壞眼耳鼻舌身
風之所殺害如是次第九名大熱虫

為於刀風之所殺害十名食味虫為
針刺風之所殺害十一名火虫為惡
黃風之所殺害十二名大火虫為破
腸風之所殺害^{十五}

復次修行者內身循身觀觀於骨虫
臨命終時為何等風之所殺害彼以
聞慧或以天眼見一切身分骨內有
十種虫何等為十一名舐骨虫為黃
過風之所殺害二名齧骨虫為於冷
風之所殺害三名斷節虫為傷髓風
之所殺害四名赤口臭虫為傷皮風
之所殺害五名消骨虫為傷血風之
所殺害六名赤口虫為傷肉風之所
殺害七名食皮虫為傷骨風之所殺
害八名風刀虫為害精風之所殺害
九名刀口虫為皮皺風之所殺害^{十六}
復次修行者內身循身觀觀屎中虫
臨命終時為何等風之所殺害彼以
聞慧或以天眼見十種虫何等為十
一名生虫為生力風之所殺害二名
針口虫為傷汗風之所殺害二名白
節虫為於癰風之所殺害四名無足
虫為傷汗風之所殺害五名無足虫

為食相應風之所殺害六名散糞虫
為破齒風之所殺害七名三焦虫為
喉脉風之所殺害八名破傷虫為下
行風之所殺害九名閉食消虫為上
行風之所殺害十名黃虫為二傍風
之所殺害十一名消重食虫為輔筋
風之所殺害是風及虫令糞乾燥惱
乱諸界牙相動發牙相衝擊風皆上
行惱身界已破壞斷氣撓攪其身令
其乾燥奮刀殺之人死之時受大苦
惱無法可喻一切世人皆當有死決
定無疑

復次修行者內身循身觀觀髓中虫
臨命終時為何等風之所殺害彼以
聞慧或以天眼見於髓中有十種虫
何等為十一名毛虫為害髓風之所
殺害二名黑口虫為似少風之所殺
害三名無力虫為睡見乱風之所殺
害四名痛惱虫為不忍風之所殺害
五名心悶虫為名字風之所殺害六
名火色虫為於緊風之所殺害七名
滑虫為於肺風之所殺害八名下流
虫為臍上行風之所殺害九名起身

根至為穢門行風之所殺害十名憶
念歡喜至為忘念風之所殺害十八
復次修行者內身循身觀已見無常
不淨無我前已一重為傷肺風之所
殺害如是等重臨命終時為風所殺
如是比丘內身循身觀以無漏明斷
除無始流轉間黑畢竟常滅以世間
相似業而得此法以其久修七種之
念現前見故何等為七一者念佛二
者念法三者念僧四者念戒五者念
天六者念死七者念無常

復次修行者內身循身觀觀死幾種
壞一切業彼以聞慧或以天眼觀死
四種所謂地大不調水大不調火大
不調風大不調云何地大不調而斷
人命若地大不調身中風氣地大堅
故舉身皆閉手相破壞牙相逼惱譬
如二山堅如金剛於二山間置生酥
搏有大黑風吹此二山牙共相擊壓
生酥搏地大風大如彼二山一切身
命皮肉骨血脂髓精氣身盛盛之猶
如生酥為地大風大打壓加害破壞
身界得大苦惱不能念佛念法念僧

現陰將盡為中陰繫相續不斷一切愚癡凡夫之人以心相似相續緣生受諸生死

復次修行者內身循身觀觀命終時云何水大不調令我及一切愚癡凡夫而喪身命彼以聞慧或以天眼見水大不調舉身筋脉一切皮肉骨血脂髓精氣我及衆生臨命終時一切皆爛膿血流出于相逼迫一切皆動如兩山壓亦如前說以生酥搏置於海中黑風所吹洪波相擊不可止住無堅無牢如是水大破壞其身亦復如是不能復念佛法僧寶餘念之心相續不斷一切愚癡凡夫緣心相似而受生身如印所印於命終時現陰既盡受相似生亦復如是以心猕猴而受生死引入生死

復次修行者內身循身觀云何火大不調而斷人命彼以聞慧或以天眼見命終時火大不調一切身脉一切諸筋一切輔筋皮肉骨血脂髓及精

一切燒煮熱炎熾然譬如燒於佉陀
羅炭火聚如山投以生酥燒之炎起
如是身者猶如酥搏投之死苦亦復
如是不能復念佛法僧寶現陰將盡
心念相續一切愚癡凡夫以心緣念
相似受生如印所印於命終時現陰
既盡而心受生亦復如是以心獼猴
因緣力故而受生死

復次修行者內身循身觀云何死時
風大不調而斷人命彼以聞慧或以
天眼見臨終時風大不調一切身分
一切筋脉一切身界所謂皮肉骨血
脂髓精氣皆悉散壞乾燥無膩不相
割裂從足至頂分散如沙譬如酥搏
黑風所吹散壞失膩於虛空中分散如
沙人命終時風大不調死苦所逼亦
復如是不能復念佛法僧寶一切凡
夫盡有緣心相續而生如印所印於
命終時有盡心生亦復如是以心獼
猴因緣力故而受生老病死之身是
名四大不調有四種死行者見已觀
察無常苦空無我如是見已不近塵
境近涅槃道於染愛色聲香味觸不

樂不著不起愛心離於塵垢離於曠
野不著色聲香味觸不起色慢不恃
少年不恃命慢不憚多語不入城邑
無所偏著常念死畏於微細罪心生
怖畏如實知身知生滅法於一切染
欲心得厭離樂行正法心不懈怠如
是那羅帝婆羅門長者聚落修行比
立觀察修行

復次修行者內身循身觀云何修行
觀內外身所謂觀外法已觀於內身
循身觀觀察種子如種生芽從芽生
莖從莖生葉從葉生花從花生實是
名外觀

復次修行者觀於內身前識種子共
業煩惱入不淨中名安淨陀從安淨
陀名歌羅羅從歌羅羅名曰伽那從
伽那時名為肉搏從於肉搏生於五
胞所謂兩手兩足及頭從於五胞生
於五根如是次第乃至老死

復次修行外身隨順觀云何草木前
見青綠後漸變黃終時墮落身亦如
是初見嬰兒次至中年漸至於老則
歸於死

復次修行者外身隨順觀外諸種子
云何生耶從地生於一切藥草及以
叢林而得增長彼以聞慧或以天眼
見是諸法各各因緣各各力生若內
若外一切有為除三種法所謂數緣
無為非數緣無為虛空無為云何諸
法各各力轉所謂無明緣行行緣識
識緣名色名色緣六入六入緣觸觸
緣受受緣愛愛緣取取緣有有緣生
生緣老死憂悲苦惱如是一切大苦
聚集若無明滅則行滅行滅則識滅
識滅則名色滅名色滅則六入滅六
入滅則觸滅觸滅則受滅受滅則愛
滅愛滅則取滅取滅則有滅有滅則
生滅生滅則老死憂悲苦惱大苦聚
滅如是唯有大苦聚滅如是諸法若
內若外不相因緣而得生長如是修
行者內身循身觀三種外身界隨順
觀觀內如外觀外如內如實觀察如
是修行者觀內外法先觀閻浮提為
增長正法修內法觀分別觀察一一
觀察人天合觀別觀無覺內因於外
一切四大外因於內心心數法有內

法外法增長若有內法內法正了若內
法增長見外則了云何內法因外
增長林褥卧具病瘦醫藥所須之物
皆悉具足比丘則能增長善法若無
卧具病瘦醫藥不能增長一切善法
無心怖求如是內外于共相因而得
增長非有住者非常不變非無因生
復次修行者觀於外身云何一切三
界衆生外法因緣而得增長有一法
增長一切有為所攝衆生有四種食
何等為四一名搏食二名思食三名
觸食四名愛識食欲界之食四大種
子因於外食而得增長內善禪樂是
名初觀外法增長內法云何外法增
長內法彼以聞慧或以天眼觀初初
時衆生所食何因何緣八分具足何
等八分所謂愛味色聲愛聲樂濡堅
固色貌外法者謂林褥卧具湯藥能
增長身樂修善法如是修行者外身
隨順觀若蚊虻蟻等不惱觸身內法
增長若風雨寒熱若不妨尋得求內
法若聞不愛不樂醜惡之聲聞之無
尋名增內法若聞臭氣不可愛樂不

以為尋名增內法若聞愛香無所障
尋名益內法五根皆悉內因外入有
五內入是名外身觀賢聖弟子如實
知身

復次修行者觀於外身云何六識而
取於法彼以聞慧或以天眼見於外
法無所障尋則能知法何等六識所
謂眼識耳識鼻識舌識身識意識是
名內法了知外法是內外法手相因
緣譬如飛鳥遊於虛空隨其所至影
常隨身內外諸入亦復如是若一切
身一切內法增長心亦增長心為一
切法之因緣各各相因而有諸法如
是修行者不見一法是常不變不破
壞者

復次修行者外身隨順觀觀閻浮提
人壽命云何減損云何增長彼以聞
慧或以天眼見劫初時光音諸天下
閻浮提食於地皮如三十三天須陀
之味以劫初時人善心故地皮好色
好香善觸離一切過衆人食之壽命
八万四千歲唯有三病一者飢二者
渴三者怖望至第二時如是人等以

不善心取於地皮遂令地皮穢濁不
淨所謂飢渴及以怖望欲命終時熱
病而死如是觀閻浮提人因於外食
而得壽命無病無惱

復次修行者外身隨順觀云何閻浮
提人於第三時一切因食而得色命
彼以聞慧或以天眼觀第三時地皮
皆滅以食過故風冷熱等皆不調順
無量病起一切有為行聚外食因緣
內入增長由內因緣外法增長觀外
身因內內法緣外

復次修行者隨順觀外身云何第四
闍時間浮提人食何等食彼以聞慧
或以天眼見閻浮提人於闍戰時食於
莠子或食鵲豆或食魚肉或食菜根
一切好味皆悉滅没多有病苦非時
而老於闍戰時人無氣力

復次修行者外身隨順觀云何劫初
時間浮提人壽命長短彼以聞慧或
以天眼見劫初時間浮提人壽命八
万四千歲身長五百弓

今人身
等一弓

復次修行者外身隨順觀云何閻浮提
人於第二時壽命色量彼以聞慧或

以天眼見閻浮提人於第二時壽命四萬歲人之身量長二百弓

復次修行者外身隨順觀云何觀於閻浮提人於第三時壽命色量彼以聞慧或以天眼見閻浮提人於第三時其人壽命一萬歲人之身量長一百弓

復次修行者外身隨順觀觀閻浮提人壽命色量彼以聞慧或以天眼見閻浮提人於閻戰時其人壽命受一百歲身長一弓

復次修行者隨順觀外身觀末劫時無十善時一切人民但自擁護無福德時云何壽命壽幾許命彼以聞慧或以天眼見於惡劫無法之時一切好味皆悉磨滅所謂鹽酥及安石榴蜜與石蜜甘蔗稻糧六十一日稻如是等味世間勝者一切皆滅一名赤稻次名鳥將來稻次名飛虫稻次名迦叱波稻次名赤芒黃米稻次名易洛稻次名斑稻次名白真珠稻次名速稻次名鐵芒稻次名垂穗稻次名赤色稻次名朱叱迦稻次名樹稻次名

水陸稻次名陸地稻次名正意稻次
名海生稻次名雙穗稻次名等嘆稻
次名焦熱稻次名鸚鵡不食稻次名
日堅稻次名命稻次名一切處生稻
次名師子稻次名無垢稻次名大
輕稻次名一切生稻次名大力稻
次名生香稻次名割地稻次名剎賓
稻次名山中稻次名近雪山生稻次
名離縛稻次名迦陵稻次名大迦陵
伽稻次名如雪稻次名大貝稻次名
善德稻次名流稻次名不學稻次名
不曲新陀稻次名負黑稻次名波斯
主稻次名多得稻次名鴛伽梨稻次
名量稻次名長稻次名雜稻次名非
人稻次名惠稻次名曰種稻次名摩
伽陀稻次名水沫稻次名時生稻次
名無康稻次名第一稻次名暖稻次
名漢稻次名黃色稻次名婆薩羅稻
次名縛相稻次名舌愛稻次名澁稻
次名堅稻次名須陀稻次名麦色稻
次名少稻次名六種藏稻次名無皮
稻次名甜稻次名黑色稻次名青色稻
如是稻中有二種子一者自生二者種

殖及餘一切香花於惡世時盡皆滅
沒以滅沒故閻浮提人皮肉脂骨悉
皆減少一切身骨羸陋短小食味薄
故一切内外不相因緣皆志耗減是
修行者如是外觀一切無常無樂無
淨無我亦無作者非無因生非異因
生非是一作亦非二作非三非四非
五非六邪見外道之所造作如是觀
外境界隨順身觀如是修行者觀初
後時如上廣說如實隨順觀於外身
復次修行者隨順觀外身云何觀四
天下山河城邑國土海魚由旬之身
須弥山王四面大洲謂閻浮提國鬱
單越國弗婆提國瞿陀尼國有八大
地獄餓鬼畜生六欲諸天如是隨順
觀於外身

復次修行者初觀閻浮提東方大海
山河國土彼以聞慧或以天眼見有
大山名曰無減高十由旬縱廣三十
由旬於此山中有恒伽河有國名迦
尸復有二河一名安輸摩河二名毗
提醯河憍薩羅國有六國土名他鶩
伽國名毗提醯國廣百由旬安輸國

廣三百由旬迦尸國一万四千聚落
城廣二由旬金蒲羅國人民衆多林
樹具足那梨吱樹多羅樹多摩羅樹
莊嚴其城佉珠羅樹波那婆樹多有
衆果是修行者復觀異人謂取衣人
賒婆羅人穿其脣口以珠莊嚴駱駝
面人其國縱廣一百三十由旬觀彼
國土隨順觀外身復觀閻浮提山河
聚落彼以聞慧或以天眼見盧醯河
出佉羅山廣三由旬長百由旬入於
東海多有人民城邑莊嚴

復次修行者隨順觀外身閻浮提中
何等山河彼以聞慧或以天眼見有
大山名弥斫迦高一由旬長一百由
旬復有一山名為高山高五由旬長
百由旬山上有池池有大力廣半由
旬其池有河長二百由旬入於大海
復次修行者隨順觀外身閻浮提中
何等異河彼以聞慧或以天眼見閻
浮提中有一大河名迦毗梨多有大
花莊嚴其河謂迦多吱花般遮花阿
殊那花迦陀摩花南摩梨迦花阿提
目多迦花以為莊嚴復有第二河名

瞿摩帝以多饒牛故名牛河如是二河廣半由旬長三百由旬入於大海

瞿摩帝者名牛

復次修行者隨順觀外身閻浮提中復有何等山河彼以聞慧或以天眼見閻浮提有山名曰生念其山有河名娑羅娑帝河邊有城名俱尸那其河不駛洋洋而流其山方圓三十由旬山中有人名吱羅陀邊地惡人心無慈悲其山復有取衣之人住其中善能水行於大海水能過能度山水饒魚以宿習故唯食血肉以自存活

復次修行者隨順觀外身過閻浮提復有何等山海渚耶彼以聞慧或以天眼見有寶山住於海邊高千由旬種種衆寶之所成就所謂青寶大青寶王金剛車渠赤蓮花寶以為莊嚴往昔有諸法行商人入於大海為大風力將至寶山其大海水廣万由旬海中多有提弼魚堤弼鯢羅魚失收摩羅魚提影魚不為其難得度大海至金鏘渚真金為地諸羅刹等住在

此渚其形可畏有大勢力過此渚已復有一海廣二千由旬過此海已復有一山名曰二一其山三峯高七由旬縱廣三百由旬七寶莊嚴青寶金剛青毗琉璃車乘諸寶赤蓮花寶莊嚴其山

復次修行者隨順觀外身過此山已復有何等山海渚耶彼以聞慧或以天眼見有大海名曰黑水廣一萬由旬諸阿修羅遊戲其中龍及龍女亦遊其中其黑水海觀之可畏有羅刹鬼名曰捉影攝阿修羅令其劣弱退入水下其黑水海水下無山水如黑雲多有諸龍住在其中是修行者既觀察已如實外觀行者復觀過黑水海有何山海彼以聞慧或以天眼見有大海名赤寶水充滿其中海岸有樹名閻浮樹一切樹中取為高勝樹高九十由旬迦樓羅鳥王金剛為隼住在其上去閻浮樹一百由旬名青水海於此海中有諸羅刹名曼頭呵身長十里水中有山此諸羅刹住在山中

正法念處經卷第六十七

癸卯歲高麗國分司大藏都監奉勅彫造

正法念處經卷第六十八

終

身念處品之五

元魏婆羅門瞿曇般若流支譯

復次修行者外身隨順觀過青水海復有何等山海渚耶彼以聞慧或以天眼見有大海名曰清淨縱廣五百由旬海中有山名光明瑠高一由旬縱廣三百由旬白銀所成金華莊嚴有蓮華池名曰善意長三十由旬廣十由旬持諸天樓迦足天諸天鵝鴨鴛鴦莊嚴

復次修行者隨順觀外身過清淨海復有何等山河海渚彼以聞慧或以天眼見有大海名曰大波廣三千由旬水下風起衆生因緣一切大海及以洲渚諸海波出過二由旬閻浮提人說名海潮大波海中有大魚住首如犛頭

復次修行者外身隨順觀過大波海復有何等大山海耶彼以聞慧或以天眼見大波海北有一大山名阿奴摩那廣十四由旬白銀莊嚴如第二

日天曼陀華拘隸耶舍花毗琉璃華
及天園林以為莊嚴

復次修行者隨順觀外身過阿奴摩
山復有何等大山海耶彼以聞慧或
以天眼見阿奴摩那山東有一大海
名曰澄淨去水不遠須弥山側毗琉
璃面有山名優陀延向弗婆提金色
生光閻浮提國毗琉璃故其影青色
復次修行者隨順觀外身過優陀延山
更有何山彼以聞慧或以天眼見有
大山名曰善意一切閻浮檀金廣大
金華以為莊嚴廣十由旬高五百由
旬多有金樹真金禽獸紫磨金色波
羅賒樹多有諸天軋闍婆王躡持天
三莖葆天如其業相上中下業自業
果故至善意山見閻浮提是名閻浮
提東方山海

復次修行者隨順觀外身云何閻浮
提南方山海彼以聞慧或以天眼見
民陀山廣八由旬有河名曰南摩
多廣半由旬長二百由旬有大毒龍
住在河中河中多有失奴摩羅龜伽
羅摩復有大河名曰濤波復有大河

名曰鞞伽於此河邊多有林樹復有
大河名黑賓拏廣三由旬長三百由
旬入於大海復有大河名曰大盧陀
有大毒龍住在其中摩羅耶山多有
梅檀其山廣長五百由旬高三由旬
有一大河名登祇尼出摩羅耶山廣
一由旬長一百由旬入於大海復有
一河名質多羅種種林樹種種衆鳥
以為莊嚴廣一由旬長五十由旬入
於大海

復次修行者隨順外身觀閻浮提彼
以聞慧或以天眼見有國土名弥佉
羅種種樂處其國縱廣四十由旬復
有一國名諸迦羅廣五十由旬多有
種種美果之樹伎那迦果波那婆果
無遮樹果毗遲樹果迦卑他果不樓
迦果婆陀羅果阿殊那花梅吒迦華
莊嚴其國次名迦陵伽國其土縱廣
九十由旬多有林樹多有稻田次名
耽婆婆帝國其土縱廣一百由旬多
有樹林多有稻田復有一國名檀荼
迦其土縱廣二十由旬空曠無人

復次修行者隨順觀外身觀閻浮提中於南方面復有何等山河大海彼以聞慧或以天眼見有大河名瞿陀婆利其水清淨廣一拘睺長二百由旬復有一國名曰烏荼其土縱廣二十四由旬復有一國名安陀羅其土縱廣四十由旬復有一國名曰鷄羅其土縱廣五十由旬其國多有牛及水牛多有稻田林樹花果近南海濱有國名迦俱羅摩一切林樹皆悉具足其土長三百由旬廣五十由旬有一大河名迦毗梨種種樹林以為莊嚴其水清淨廣一由旬長五由旬多有可愛迦俱羅樹多迦樹莊嚴其河甚可愛樂

復次修行者隨順觀外身過閻浮提復有何等山海洲渚彼以聞慧或以天眼見有大海名不梨邨蓮華葉覆縱廣一萬由旬風吹不動以蓮華葉遍覆水故過此海已復有一渚縱廣五百由旬有諸羅刹住其中其形醜惡甚可怖畏過羅刹渚有一大山名摩醯陀縱廣四十由旬高十由旬

多有衆樹謂多羅樹娑羅樹諸阿修羅諸龍龍女遊戲其中或復在於園林遊戲於閻浮提六齋之日四天王天住此山上觀閻浮提何等衆生孝養父母隨順法行何人齋日受持齋戒有何等人信佛法僧有何等人與魔共戰誰行直心誰行布施何人不慳誰不惱他何人知恩何人信業誰行十善誰近善友何人信於邪見外道如是四天王於摩醯陀羅山觀閻浮提若閻浮提順法修行四天王天至帝釋所白如是言天王應生歡喜破壞魔軍增長正法及諸天衆一切閻浮提人行於善法時釋迦天王及諸天衆聞其所說皆大歡喜若閻浮提人不順法行時四天王天則皆愁拙向三十三天作如是說閻浮提人不順法行增長魔軍減損天衆復次修行者隨順觀外身過摩醯陀羅山復有何等山海渚耶彼以聞慧或以天眼見過摩醯陀羅山見有一渚縱廣一百由旬有一足人住在此渚飲食根果以自存半壽命五十歲

樹葉為衣不為屋宅住在樹下於此國中多有師子猛惡之獸其師子身皆有兩翼土田調適無寒無熱一切女人皆如猊面口出妙音過此洲已有一大海縱廣二万由旬海中有山名摩利那羅金銀頗梨毗琉璃寶之所成就多有種種金色之鳥曼陀羅花俱賒耶金華六時常具有神通力大阿修羅於此山中遊戲受樂受愛色聲香味觸等山長五千由旬高一百由旬有十五峯皆是白銀諸天女等在中受樂為阿修羅之所惱亂以此因緣諸天初共阿修羅鬪一切天人愚癡凡夫皆為女人之所使役復次修行者隨順觀外身過多梨那羅山復有何等山海渚耶彼以聞慧或以天眼過彼山已見有大海縱廣五千由旬水中有魚長一由旬於此海中有諸水人身長三由旬或作牛頭或作猪頭或水牛頭或駱駝頭或師子頭或作虎頭或作豹頭或猊猴頭遍似一切畜生之面如印所印過此海已有一大山名曰輪山一切諸

欲皆悉具足天蓮花池上味之果者
食其果生樂七日緊那羅王住此山
中以自業故心常歡喜上中下業亦
相娛樂遊戲受樂其日輪山縱廣二
千由旬過此山已復有一山名軍閼
摩其山皆以白銀成就毗琉璃石如
天莊嚴其山有樹名曰女樹於此山
中遍山諸樹天欲明時皆生嬰兒日
出能行至於食時皆成年少至日中
時身色盛壯至日晡時年已朽老拄
杖而行頭髮皓白如霜著樹至日沒
時一切皆死一切衆生共業而行隨
所作業隨業受報

復次修行者隨順觀外身過軍閼羅
山復有何等山海渚耶彼以聞慧或
以天眼見於南方過此山已有一大
海於海水下五百由旬有龍王宮種
種衆寶以為莊嚴毗琉璃寶因陀青
寶頗梨攔楯七寶莊嚴光明摩尼種
種衆寶莊嚴殿堂重閣之殿猶如日
光有如是等無量宮殿德又迦龍王
以自業故住此宮殿是德又迦龍王
日夜常修念佛念法念僧過此寶堂

五百由旬有大惡海一切衆生見者
惶怖多瞋惡龍以為圍遶過此海已
復有一山名曰牛王其山具有一切
衆生於此山中出於牛頭栴檀之香
第二栴檀名曰黃色其栴檀相如日
光明一切凡人不能得見若人順法
轉輪聖王出現於世或有如法小王
出現於世如轉輪王則能得之乳闍
婆王住此山中歌舞喜戲以自娛樂
過牛王山五百由旬有一大海名大
水沫大風音聲過此海已有一大山
名曰三峯一曰金峯二曰銀峯三曰
頗梨峯其峯有池名曰沫輪金沙
布底天華莊嚴鵝鴨鴛鴦充滿池中
風吹海水擊三山峯多殺大魚以自
業故被打而死

復次修行者隨順觀外身過大海已
復有何等山河渚耶彼以聞慧或以
天眼過前大海見閻羅王次罪福處
一切衆生證業果處是閻羅王所住
境界閻羅王法治諸罪人是諸衆生
自心所誑住黑闇處過此住處一百
由旬但有虛空過百由旬至閻羅王

所住宮殿其王宮殿閻浮那提金之所成就一切衆寶以為莊嚴河泉流水蓮花嚴飾縱廣一百由旬其殿光明如第二日過此住處無日月光一切黑闇海廣大故日光不現以地獄衆生惡業因故一切黑闇目無所見不知東西

復次修行者隨順觀外身遍觀衆生所住之處若地獄處若河若山若樹若海若諸天處若畜生道若餓鬼道八方上下頗有衆生不生不死不生不滅頗有恩愛而不別離無有一處不壞不變無常恩愛要當別離如是比丘不見一處非愛別離於五道中無一指地非愛別離隨諸衆生所住之處無非生死生滅無常是故於此有為生死諸行之中應生厭離此是誑惑躁動障尋多有憂悲速疾不停破壞磨滅得已還失如幻如夢得之還失此恩愛處誑惑愚癡無始流轉欲瞋癡處猶如怨家詐為親友愛欲住處是故應離有為起厭離心捨於心心於無常境界勿生喜樂莫與愚癡

而片遊戲如是修行者教諸衆生如
實隨順觀於外身四十住處無一衆
生不依業生無一衆生非業流轉無
一衆生不為業縛如所作業或善不
善而得果報彼比丘如是觀時不見
一衆生非業故生無一衆生非業藏
者無一衆生非業流轉如所業作或
善不善而得果報彼比丘觀察業已
如實外身隨順正觀

復次修行者隨順觀外身云何觀於
閻浮提中西方國土山河海渚彼以
聞慧或以天眼見有大河名曰富那
有諸花樹婆娑羅樹婆娑迦樹佉殊
羅果攷多迦花那梨攷羅樹多摩羅
樹有如是等種種衆樹莊嚴其河多
有山谷河邊有國名攷迦移過此國
界名卒頭河河邊有國名蘇毗羅人
民豐樂食赤稻米其國安樂山林流
水過此國界復有一國名蘇羅沙訖
過此國界復有一國名波羅多其土
縱廣二十由旬國中多有石榴蒲桃
其國有城名弥多羅蒲迦過此大城
有五大河共合而流從此以西乃

有大海多饒種種惡魚惡獸甚可怖畏是修行者見此海中有的一大洲名曰迦羅縱廣一百由旬種種衆鳥住在此洲種種園林甚可愛樂是毗荼他之所住止遊戲受樂城名鉢利多第二住處名曰長駿其處可愛此迦羅渚重閣殿堂多有流水過此住處有辛頭河入西海口有一大山名曰蘇棄住在海中於此山中多有珊瑚若有商人至此寶山多獲珍寶富樂無窮

復次修行者隨順觀外身過此山已復有何等山海渚耶諸羅刹等住何等處彼以聞慧或以天眼見有大海多有大海五千由旬多有鼈貝摩伽羅魚提弥魚提弥鯢羅魚撓攬海水風鼓大海令魚亂行行者復觀過此海已有一大洲名曰周遍可愛衆師子國其國有地身長十里飛空而行無所障碍壽命千歲不相憎嫉行者復觀過此洲已復有一海名曰可愛縱廣五百由旬於此水中多有蓮花衆蜂莊嚴花臺廣大有諸羅刹名鳩迦

羅住此海中。食蓮花臺。恣意充足。行者復觀過此。住處有一大山。名曰曠野。縱廣一百由旬。於此山中。多有白象。及迦陵頻伽鳥。出妙音聲。如是美音。若天。若人。若緊那羅。若阿修羅。無能及者。唯除如來。

復次。修行者。隨順觀外身。過此大山。復有何等山河海渚。彼以聞慧。或以天眼。見有大山高五十由旬。其山多有毗琉璃林。有諸師子。羽翼具足。守護寶林。恐曼提呵羅剎來奪其處。

復次。修行者。隨順觀外身。過閻浮提。復有何等山河海渚。彼以聞慧。或以天眼。復見西海。縱廣一萬二千由旬。於彼大海。無山。無城。水中。唯有象頭魚身。瞎頭魚身。行者復觀過此海。已有一大山。名曰金山。其山光明。照大海水。令大海水。猶如金色。莊嚴其山。山高三百由旬。廣五十由旬。有皀闍婆。名閻浮摩利。住在其上。心常悅樂。壽命二千歲。亦有中天。無量百千皀闍婆。衆住此山中。身如金色。一切色相。與天相類。食於樹果。其性勇健。一切。

阿修羅住於水下無能棄此軋閼婆
衆所有根果

復次修行者隨順觀外身過此海已
復有何等山海渚耶彼以聞慧或以
天眼見此大海過五分已有大輪山
真金所成高千由旬廣五百由旬金
剛為頂於此山中有緊那羅及阿脩
羅住在此山是甄那羅園林可愛河
沫泉池多有花果獼猴遊戲河名金
水廣半由旬於此河中多有金魚游
洋曜鱗行者復觀過輪山已有一大
海縱廣一万由旬其海有渚名曰寶
渚於此渚中種種衆寶無有土石徧
於渚上皆是珍寶行者復觀過此海
渚復有何等山河海渚彼以聞慧或
以天眼見有大山名曰白山多有林
樹其色白淨水沫圍繞高一千由旬
縱廣五百由旬行者復觀過此山已
見有大山名曰善雲高百由旬廣六
十四由旬空無人住若夜叉若緊那
羅畏阿修羅悉無住者過此山已有
頗梨山高三千由旬縱廣千由旬河
池林果一切具足如天之山過此山

已有大清水縱廣百由旬多有鼈貝其水難行過此水已有仙光山諸阿修羅住此山中常畏天衆多有婢女種種莊嚴酒河沍溢旣波迦果及茹那果生仙光山其味甚美食之殺人復次修行者隨順觀外身後有何等山河海渚彼以聞慧或以天眼見六万金山紫磨金樹周遍山中禽獸充滿於此山中處處多有金蓮花池出大光明一切金山須弥山王住其中諸鬘持天樓迦足天三塗笑天四天王天住此山上於此山上有如意樹隨天所念皆從樹生一切禽獸身皆金色多有衆花曼陀羅花拘賖耶花於山四陲有四大林一名歡喜林二名雜殿林三名鮮明林四名波利耶多林歡喜園中有大樹王名波利耶多於此樹下夏四月時受五欲樂遊戲自娛四天王天於歡喜園遊戲受樂四天王天於此園中歡娛受樂故名歡喜園鮮明林者衆彩莊嚴故名鮮明林雜殿林者種種雜殿天子衆之遊戲受於可愛色聲香味觸等

故名雜殿林波利耶多林歡喜林中一切天衆受五欲樂須弥山王向閻浮提一方之面毗琉璃寶以毗琉璃光照力故令閻浮提仰觀虛空皆作青色第三方面鮮明林中諸天欲共阿修羅闍於此林中集共議論須弥山王向瞿陀尼一方之面真金所成令瞿陀尼仰觀虛空皆作赤色第二方面有雜殿林於此殿中盛天闍具須弥山王向弗婆提一方之面白銀所成令弗婆提仰觀虛空皆作白色須弥山王向鬱單越一方之面頗梨所成令鬱單越見空清淨白光明色行者復觀四天王天壽命幾歲以閻浮提中五十年為一日一夜如是壽命滿五百歲亦有中天復次修行者隨順觀外身須弥山上復有何等異天止住彼以聞慧或以天眼見須弥山王有三十三天住在山頂所受樂行不可具說城名善見縱廣十千由旬七寶莊嚴因陀青寶金剛車乘赤蓮花寶柔軟大寶以為莊嚴有善法堂廣五百由旬毗琉璃

珠以為欄。相真金為壁。一切門戶亦復如是。以一切莊嚴嚴飾殿堂。釋迦天王住善法堂。以善業力受相似樂。人中百歲為第二天。一日一夜如是。壽命滿一千歲。亦有中天。須彌西面名曰沒山。日至此山間。浮提人謂之日沒。故名沒山。

復次修行者。隨順觀外身。觀須彌山王。其量高下。彼以聞慧。或以天眼觀。須彌山高廣八万四千由旬。阿修羅王住在其側。居山水下。以衆生業之所住。持今日旋轉有大尊神。名曰健疾。常在前導。於瞬目頃能行十千一百五十由旬。周匝旋轉。以日為度。知諸衆生壽命長短。

復次修行者。隨順觀外身。觀四天下人所住之處。間浮提國。弗婆提國。瞿陀尼國。鬱單越國。幾許量耶。彼見閻浮提國七千由旬。弗婆提國八千由旬。瞿陀尼國九千由旬。鬱單越國十千由旬。隨四天下地之形。相人面亦亦像其地形。閻浮提人面之形。相上廣下狹。像其地形。其餘三方。弗婆提

人面像地形猶如半月瞿陀尼人面像地形猶如滿月鬱單越人面像地形其面正方如是外觀觀四天下人之形相如實了知

復次修行者隨順觀外身云何觀於閻浮提國北方國界山河海渚彼以聞慧或以天眼見閻浮提北方有國名曰婆耆其土縱廣滿十由旬次第二國名民陀羅其土縱廣二十由旬次第三國名首羅斯都其土縱廣一百由旬次第四國名阿梯梨其土縱廣一百由旬次第五國名曰陀羅其土縱廣一百由旬次第六國名曰鳩留其土縱廣一百由旬次第七國名摩陀羅其土縱廣五十由旬次第八國名軋陀羅其土縱廣一百由旬次第九國名曰賒迦其土縱廣一百由旬次第十國名婆陀羅迦其土縱廣二百由旬次第十一國名陀羅陀其土縱廣一百由旬於此國中多有山嶺次第第十二名婆佉邏國其土縱廣一千由旬次第十三名毗師迦國其土縱廣二百由旬次第十四名摩醯

沙國其土縱廣二百由旬次第十五名曰漢國其土縱廣一千由旬官屬都合一千由旬真漢唯有二百由旬次第十六名都佉國其土縱廣五百由旬次第十七名跋跋羅國其土縱廣二百由旬次第十八名究頗羅國其土縱廣五十由旬次第十九名鳩留摩國其土縱廣滿五由旬次第二十名甘滿闍國其土縱廣一百由旬自餘小國及以空地志不在數

復次修行者隨順觀外身觀間淨提北方國界復有何等山王彼以聞慧或以天眼見有大山名曰雪山種種山峯其山眷屬廣千由旬山中多有盧陀羅樹松樹栢樹天木之樹娑羅樹多摩羅樹多有夜叉多緊那羅多毗舍遮夜叉之屬其山可愛修學禪者多依此山河流甘美大力龍等住在山中多有伎羅多人住在此山復次修行者隨順觀外身觀間淨提北方國界復有何等山河海渚彼以聞慧或以天眼見雪山東名懸雪山多有可愛禽獸滿中松栢之樹及天

木樹那迷流林婆鳩流樹閣摩迦樹
過此山已復有一山名多摩伽羅縱
廣二十由旬有一千窟過此山已有
百由旬空曠之地多有河池無有藥
草及以樹木過此處已有白銀山名雞
羅娑金峯圍遶毗留勒天王住在其
上於山峯中河池清涼多有蓮花青
優鉢羅花池中多有鵝鴨鴛鴦而以
莊嚴過雞羅娑山有一大山名曰峯
山緊那羅王在其山下歌舞遊戲於
此山上有五金峯三頗梨峯十白銀
峯無量天花香氣可愛山中有河名
鳩摩羅從山流出多有鵝鴨鴛鴦充
遍河中過此山已復有大山名彌那
迦縱廣五十由旬多饒呵修羅住此
山中常樂歌詠

復次修行者隨順觀外身觀閻浮提
復有何等山河海渚彼以聞慧或以
天眼過此山已見有大海縱廣一萬
由旬多有大龍及堤弥魚那迦羅魚
鼈貝之類過此海已有一大山名曰
善意山中有池名曰疑酥縱廣一由
旬其池可愛於此池中多有鵝鴨鴛

鷲迦陵頻伽鳥其山縱廣五十由旬
山中有河名橋尸迦多有水鳥莊嚴
其河過此山已有一大海縱廣二万
由旬甚可怖畏雷聲常吼惡龍瞋恚
手相攻戰或雨刀火放大熾電以瞋
心故吐毒相殺

復次修行者隨順觀外身觀閻浮提
過海龍已有一大洲名耽婆迦縱廣
一百由旬多有諸大惡羅刹等食魚
自活彼有地獄名耽婆迦焚燒衆生
有一大河名橋尸迦滿河流血頭駿
骸骨隨河而流地獄縱廣五百由旬
受大劇苦過地獄已有一大海狀如
地獄縱廣一万由旬其水青黑無龍
夜叉無乾闥婆過此海已北方有海
名曰寶滿衆山圍繞林樹無量松栢
梅檀如意之樹山中復有無量果樹
過此山已有一大山名曰彼岸縱廣
五千由旬於此山中多梨那羅果唵
羅樹果一切時果六時具足河池充
滿鵝鴨鴛鴦諸大仙人住在山中山
有千峯種種衆寶莊嚴其山山有種
種毗多羅樹皆是金樹種種衆香過

此山已有一大河名曰石水於此河中一切衆生若草若木若人非人若禽若獸入者如石其河兩岸生諸竹林名曰吱遮風吹相揩自然生火燒殺無量百千衆生行者復觀過此河已有一大河名曰斯陀廣十由旬長三百由旬無人能度以水鹹故若有入者身即碎裂過此河已有渚名閻浮摩有乾闥婆名曰常樂住此渚上多行布施淨持禁戒心常歡喜離於憂惱欲果具足於此渚上金樹具足毗琉璃花充滿池中近須弥山以山勢力一切河水及諸禽獸皆作金色多有無量優鉢羅花拘物陀花處處酒河洋洋溢流自然稻米不須種植其渚縱廣二千由旬過此渚已無有一切山河樹林有一大海名水沫輪海中多有火毒惡龍名曰電光過此海已有一大山名涅槃沙山中有窟名堤弥沙黑暗之窟窟中多有化生龍女初夜化生端正具足莊嚴其身壽命一夜於日出時則皆老死殺生餘業故受斯報過此山已復有一山

名曰蘇摩祇利縱廣五百由旬過此山已有一大山名須弥等縱廣五百由旬於此山北有一大林名毗多迦林有羅刹名曰惡夢住在此林其行速疾於眴目頃能行至於百千由旬為諸衆生作不利益作不安樂

復次修行者隨順觀外身觀閻浮提鬱單越二國中間復有何等山河海渚何處頗有不生不死非退非滅非業因緣非愛別離非怨憎會是故於生死中得生厭離應離縛著者以求解脫歇於生死於生死中勿生貪樂莫與憂心而共遊戲勿以愛網而自纏縛莫樂生死一切生死熾然大苦憂悲苦惱愛別離苦怨憎會苦大火熾然於地獄餓鬼畜生天人之中無常變壞癡人貪著謂之為樂應生厭離莫住魔境勿與煩惱而共遊戲後生悔心如是修行者隨順觀外身如實見於生死不住魔境離於垢濁離疑曠野

復次修行者隨順觀外身觀閻浮提北方復有何等山河海渚彼以聞慧

或以天眼見有大山名俱翅羅跋羅
縱廣三十由旬高十由旬於彼山中
無量百千俱翅羅鳥青無憂樹亦無
憂樹七葉花樹軍陀羅樹賢迦曇婆
婆花那摩利花金余提迦花蘇摩那
花深婆羅花多羅花卑陵伽花鳩迦
花瞻婆花軍陀親命花婆利師迦花
隨其時節皆自敷榮或於異時變
持天衆離本住處遊戲此山有諸夜
叉住此山中歡喜受樂不惱天衆於
此山中多有俱翅羅鳥過此山已有
大海濱名曰鵝住其中多有百千鵝
群無量蓮花如是海濱鵝鴨鴛鴦珠
鬘之鳥民那羅鳥咽喚鳥等其蓮花
色如融金聚十千由旬諸蜂圍遶遍
覆其上過此以北有鬱單越有一大
海縱廣千由旬多有大魚堤弥鯢魚
那迦羅魚失収摩羅覓魚龜等滿大
海中其水青色猶如虚空深十千由
旬鼈貝之母住此水中身廣十里水
下有山鼈有大力敵千象力墮山峯
上則皆破碎過此海已有一大海名
曰乳海縱廣五千由旬洪波常起大

復次修行者隨順觀外身觀閻浮提
北復有何等山河海渚彼以聞慧或
以天眼見諸大山其數五百金銀頗
梨一千由旬近鬱單越多有蓮花如
日初出過此山已有一大國名曰乳
旋山河園林多有鳥獸夜又止住心
常歡喜多有花樹衆物具足

復次修行者隨順觀外身觀閻浮提
北復有何等山河海渚彼以聞慧或
以天眼觀閻浮提及鬱單越二國中
間更無有國鬱單越國縱廣十千由
旬三十六億聚落可愛三十六億所
受之樂少減四天王天天無骨肉垢
汗天亦不眴鬱單越人有骨肉垢汗目
有視眴無我我所亦無我慢死則決
定生於天上離慢諂曲不起妬嫉心
常歡喜不畏夜又羅剎毗舍遮鬼鳩
睺荼鬼師子虎豹夜又惡龍惡虫之
類亦無荒儉寒熱飢渴疾病遠離一
切怨家恐怖手相愛敬不為妨碍無
有王賊水火刀兵之畏金樹光明晝
夜不別金鳥銀鳥珊瑚之鳥若樹若

鳥種種雜色歡喜如人雖無心識亦如人法

復次修行者隨順觀外身觀鬱單越復有何等可愛味耶彼以聞慧或以天眼見鬱單越有十大山何等為十一名僧迦賒山二名等峯山三名陀摩勿力伽山四名白雲持山五名高聚山六名普變山七名時節樂山八名持歡喜山九名如意山十名俱賒耶舍山是名十大山鬱單越國大海周匝如閻浮提有四大山何等為四一名雪山二名民陀山三名摩羅耶山四名雞羅娑山鬱單越國十種大山亦復如是

正法念處經卷第六十八

於耶城高麗國大藏都監奉勅彫造

正法念處經卷第六

終

身念處品之六

元魏婆羅門瞿曇般若流支譯

復次修行者隨順觀外身十大山中
復有何等河池流水華果鳥獸彼以
聞慧或以天眼見僧迦賒山僧迦賒
樹六時之華其樹晝夜光明不斷如
閻浮提燃大炬火其香普熏滿一由
旬如閻浮提所有林樹少分相類如
是僧迦賒山有四大林一名青影林
二名鳥音林三名溫涼林四名鎗毗
羅林若至此林其花如雲從空而下
合和聚集故名僧迦賒山僧迦賒言聚集青影
林者隨有一切白色衆鳥住在此林
以林力故如琉璃色故名青影林鳥
音林者若入此林如意所念鳥出妙
音聲單越人見之皆大歡喜故名鳥
音林溫涼林者若人有寒入則溫暖
若有熱者入此林中即得清涼林由
有鳥名曰風行是命命鳥以鳥力故
一念能行一千由旬若人見鳥憶念
欲行即乘此鳥一念能至一千由旬

其命命鳥能解四天下人所有語言
亦能宣說如人受樂如人欲樂其身
七寶莊嚴兩翼青寶車渠頗梨赤蓮
華寶莊嚴其身見者歡喜觀僧迦隸
山有第二林名曰鸚鵡林鳥歡喜有
蓮華池涌覆其上若閻浮提鵝王中
熱而死生此池中如閻浮提鵝王
住阿那婆達多池中種種衆鳥住在
此林中鵝鴨鴛鴦鵲鵲之鳥恒奈摩
那婆鳥黃鳥鳩鵲七頭醯鳥香鳥三
婆闍鳥瞿耶沙陀鳥聲歡喜鳥六時
行鳥喜月明鳥月出歡喜鳥日色孔
雀鳥若見雷時歡喜出聲生樂鳥少
黃色鳥俱羅婆鳥那提昔鳥泥拘咤陀
鳥陀婆迦鳥雜身鳥衆蜂旋鳥其音
能滿至一由旬如閻浮提蜂住於樹
林鳥鳥山舞鳥第一音鳥鷄鳥婆羅
羅鳥華覆身鳥住蓮華鳥青優鉢羅
鳥邊沙鳥頻伽項鳥般舟陀鳥樂婆
羅鳥常音聲鳥梵天音鳥見雲歡喜
鳥僧迦摩鳥見聞歡喜鳥白雲鳥復
有異鳥觀之可愛離瞋恚鳥住林樹
間鸞單曰人見之歡喜觀彼衆鳥住

林中如實知外身

復次修行者隨順觀外身僧迦賒山
有何等林彼以聞慧或以天眼見第
三林名鎗毗羅林枝葉相覆蔭影涼
厚鬱單越人為遊戲故入此林中
名班葉樹次名龍華樹次名菴婆羅
次名拘鞞陀羅樹次名婆羅樹次名
喜愛樹次名鳥白樹次名婆羅多羅
次名賒摩樹次名尼沙迦毗陀樹次
名周多樹次名迦羅樹次名毗羅迦
樹次名旗隣陀樹次名婆鳩羅樹次
名喜香樹次名憍樂樹次名美多羅
樹次名多摩羅樹次名鳩羅迦樹次
名青荊香樹次名月輪樹次名曜行
樹次名常開敷樹次名尼均輪樹次
名開樹次名阿濕波他樹次名甄叔
迦樹次名賒摩梨樹次名楊柳樹次
名毗邏樹次名迦卑樹次名鄰梨岐
羅樹次名波鄰娑樹次名無遮果樹
次名阿殊鄰花樹次名迦曇婆羅樹
次名泥周羅樹次名天木香樹次名
乘攝樹次名水生樹華次名曼陀羅
樹華次名俱舍耶舍樹花次名金色

華次名銀色花次名毗琉璃樹次名孔雀止息樹次名異處行樹次名洲生樹次名迦離賒合樹次名婆迦縣樹次名牙相映厚樹次名滑樹次名肩生樹次名因陀羅長樹次名毘生樹次名巷生樹次名珊瑚色樹次名鳩摩鬚樹次名悚樹次名應臂三樹次名煙色樹次名燈明樹次名風動樹次名芭蕉樹次名俱翅羅樂樹次名散華樹次名花未覆樹次名開烏彌羅樹次名憶念樹次名如飯樹次名優曇鉢羅樹次名頭頭摩樹次名蜂旋樹次名負峰樹次名涼風樹次名動搖樹次名無憂樹有如是等六一種樹勝過餘樹不說中下鉢毗羅林流水華池甚可愛樂鬱單越人無有怖畏憂悲病苦無有君王亦無熱惱離於怨對妬嫉之患於僧迦賒山鉢毗羅林歡喜受樂觀僧迦賒山已如實知外身

復次修行者隨順觀外身觀鬱單越國僧迦賒山第四林名曰溫涼彼以聞慧或以天眼見溫涼林種種涼池

亦如上說花葉果樹河流具足謂清涼河廣一由旬其水甚深一名清淨河次名無濁河次名乳水河次名蒲桃汁河次名蘇摩河次名美乳塗白水河次名憶念河次名鵝王河次名鴨河次名鴛鴦河次名妙音聲河次名花流河次名弱楊河次名濤波流河次名駛流水樂河次名迦曇婆翅河次名珠璣河次名饒龜河次名赤魚旋行河次名軍毗羅河次名魚旋河次名華流河次名沫輪河次名水笑河次名平埤河次名雨聲河次名音曲流河次名隨時轉河次名無力河次名山峯河次名金色水河次名銀色水河次名銀石河次名真珠沙河次名山流河次名雲轉河次名車渠莊嚴河次名珊瑚樹河次名春歡喜河次名秋清水河次名山谷流河次名峯輪笑河次名雪水河次名日不照河次名遠流河次名洄復河次名尼均輪陀流河次名香水河次名雞多迦香熏河次名雨歡喜河次名毛頭摩河次名周遍旋轉河次名無

量流河次名瀆水澆岸河次名婆鳩

羅河次名減水河次名歡喜旋流河

次名壞山河次名雲行河次名歌音

河次名鼓音河次名雷音河次名龍

女喜樂河次名夜叉所愛河次名仙

人所愛河是名僧迦賒山第四溫涼

林有如是等七十大河不說其餘無

量小河林樹華果功德具足觀清涼

林已如實知外身僧迦賒山第五名

震雷雲鬚龍遊戲雲鬚所謂離瞋婆

修吉龍王德叉迦龍王齒毒龍耀大

電光興雲普覆隨順法行有如是等

七十大龍於鬱單越以時降雨澍於

平地鬱單越人猶如諸天

復次修行者隨順觀外身如前所說

若樹若花若果若實若河若石窟若

地方處若草若山谷若山窟如是等

處無針鋒許衆生所住不生不死不

退不出百返千返一切愛樂種種衆

生無不破壞恩愛別離惱亂心悔無

不曾為怨親中人無不合和無量生

處百生千生或在水性或生陸地或

行虛空於畜生中無一衆生不相毀

食不相殘害無一衆生不作怨結如
我此身無處不生如是比丘不見針
鋒之地非生死處如前所說觀僧迦
賒山已如實知外身

復次修行者隨順觀外身復有何等
勝妙山林彼以聞慧或以天眼見第
二山名平等峯猶如天上歡喜之園
平等山峯所有河池花果林樹如前
僧迦賒山中廣說復有何勝其等山
峯三百金峯光明如日五百銀峯亦
如前說功德勝前鬱單越人其身光
明猶如滿月名離怖畏實無怖畏故
名無畏鬱單越人住此山中歡娛受
樂如四天王夏四月時於歡喜園受
五欲樂有何等勝四天王天無骨無
肉無有汗垢鬱單越人所不能及鬱
單越人遠離怖畏勝四天王天
天住高山頂宮殿而居猶懷恐畏鬱
單越人無有宮宅無我所心是故無
畏鬱單越人命終之時一切上生是
故無畏四天王天則不如是鬱單越
人復有勝法離怖畏故勝四天王
等山中所有樹林如第二日離怖畏

人隨心所念皆從樹出衣無線纓璎

珞莊嚴或念飲食於百千河飲食盈

流鳥音可愛如前所說金翅青毗球

琉璃無量百千鵝鴨鶯鶯無量衆庶真

金為身珊瑚為角車藥為目青玉為

甲及餘異獸無量種類住在山中樹

枝相蔭交牙而生如真珠網俱翅羅

鳥孔雀妙音百千流水無量河岸以

為莊嚴一切河流八功德水何等為

八一者具味二者清淨三者香潔四

者除渴五者涼冷六者飲之無厭七

者無垢八者飲之無患無惡魚過於

此山中有種種花池所謂有名廣博

山花池次名衆沙花池次名五樹花

池次名鶯鶯岸花池次名鵝水花池

次名扇翅花池次名饒百鳥花池次

名大珊瑚花池次名竹樹花池次名

深花池次名月愛花池次名上月花

池次名離水花池次名洄瀘花池次

名竹林花池次名仙愛華池次名魚

旋華池次名三波陀魚莊華池次名

峯中花池次名池鬚花池次名旋轉

花池次名淨水花池次名月光花池

次名月輪花池次名離垢花池次名乳水莊嚴花池次名清涼花池次名月愛花池次名頗梨旋花池次名速旋花池次名澄靜花池次名不動花池次名天愛花池次名歡喜花池次名善味花池次名如意味花池次名樂花池次名雞珠婆花池次名甘露上流花池次名龍花池次名樂花池次名阿殊那花池平等山峯有如是等四十七池於平等山中取為殊勝其池皆是八功德水如前所說其山高勝如破空出以山高故有勝園林功德具足所謂清涼之林色白如月廣百由旬多有銀樹色白如雪於此林中有蓮花池名離水衣花池次名蜂覆華池次名貝色花池次名常水花池次名半見花池次名歡喜花池次名迦軌婆菩提迦花池次名鵜翅花池次名遊戲花池次名可愛花池次名見峯花池次名樂遊戲花池次名常樂花池次名常蓮花池次名常歡喜花池次名雲花池是名第一取勝十六花池除其中下無量百千無

名者一切清淨無有泥濁亦無水衣
鵝鴨鴛鴦可愛音聲令鬱單越人常
得歡喜命命孔雀於園林中出妙音
聲修行者觀平等山峯已如實知
外身

復次修行者隨順觀外身信解四聖
諦觀平等山峯頗有一處是常不變
若樂若我而不空者如前所說一切
生死所攝衆生頗有不死不生一切
所愛不離不別不破壞耶彼修行者
觀平等山峯不見一處是常不動若
樂若我若不空者一切衆生所住之
處無不生死為愛別離之所破壞如
是一切生死無常衆生無針鋒處不
生不死不生不滅念四聖諦觀鬱單
越平等山峯已如實知外身

復次修行者觀鬱單越更有何等可
愛之處彼以聞慧或以天眼見第三
山名曰勿力伽具足莊嚴如前所說
僧迦賒山及平等山峯具足莊嚴此
山轉勝勿力伽山流水具足石蜜河
水意樹具足所謂金樹六時花果敷
榮蔚茂光明如日勿力伽山有光明

林肝謂金光旋林次名銀聚林次名
普山林次名柔軟林次名金光旋林
廣百由旬真金林樹多有衆蜂次名
銀聚林縱廣三百由旬無量銀樹其
林光明如百千月多有師子無量衆
鳥心常歡悅如前所說勿力伽山有
第三林謂常樂林林中有鳥名常遊
戲受樂歡喜其國有人名曰解脫常
樂林中歡喜自在隨意遊樂無人遮
碍如諸天衆而受悅樂勿力伽山有
第四林名曰柔軟金樹銀樹珊瑚之
樹多有衆鳥名曰解脫其林縱廣五
百由旬常多欲人住在此林其地柔
軟如兜羅綿花果之樹及蓮花池無
量百千衆蜂圍遶修行者觀勿力伽
第三山已如實知外身如前所說
復次修行者隨順觀外身觀鬱單越
更有何等可愛之處彼以聞慧或以
天眼見第四山名白雲持縱廣千由
旬純淨白銀之所成就光明踰月如
閻浮提滿月出現衆星失光白雲持
山亦復如是鬱單越人住此林者名
常發欲常樂遊戲白雲持山蓮花嚴

身離於怖畏憂悲疲極寒熱飢渴常

愛歌戲於蓮華間遊戲受樂於山峯

中共衆姝女遊戲娛樂常行愛欲常

離憂悲白雲持山有諸園林謂鼓音

聲林次名鴨音林次名憶念林次名

水聲林鼓音林者鬚持天衆擊於天

鼓出美妙音聲如篳篥笙笛和合出聲

擊天鼓音復過於此間浮提音十六

分中不及其一鳥獸園林華池地界

金銀流水功德如是天鼓音聲如前

所說常欲之人聞天鼓音常受愛色聲

香味觸如迦樓足天於歡喜園受天

之樂有第二林名鴨音聲其林花池

有百千種不可具說鴨音聲林有衆

寶座次名鞞那婆座次名寶莊嚴座

次名調伏座次名樂音聲座次名火

色座次名賒羅座次名能投巖座次

名山峯行座次名遮波羅座次名普

眼座次名迦支多那寶座次名金角

座次名銀剛座次名風力座次名食

樹葉座次名住水音聲座次名行林

座次名珊瑚座次名四窠座次名細

鬚座次名黑皮座次名賒輸多那座

次名曰光明座次名柔軟座次名自
與座遊戲種種自業於白雲持山中
受相似樂復有第三憶念之林人名
樂欲若有所念從樹而得一切園林
莊嚴可愛亦如前說白雲持山有第
四林名水音聲種種仙人住此林中
遊戲受樂若有汗熱入池水中遊戲
受樂有諸仙人一名無尋仙人次名力
仙人次名徐行仙人次名虛空行力仙人
次名寶雲行仙人次名行日道仙人
次名行量仙人次名白色仙人次名
刪鄰多仙人次名鳩尸迦仙人次名
山無尋仙人次名常樂仙人次名乳
陀羅仙人次名行虛空仙人次名富
物仙人次名內住仙人次名閻蜜仙
人次名常力仙人次名鵝殿仙人次
名龍殿仙人次名放電光仙人次名
住摩羅耶仙人次名難多迦鬚仙人
次名樂姝女仙人次名樂酒仙人次
名住彌樓山仙人次名三車鄰仙人
次名常遊戲仙人次名常歡喜仙人
次名垂莊嚴仙人次名飛行仙人次

名呪藏仙人是名三十仙人止住在
於白雲持山種種莊嚴遊戲在於水
音聲池歌舞戲笑自業受樂自業力
故共相似姝女遊戲受樂如是遍觀
白雲持山諸林樹已如實知外身觀
白雲山中頗有一法是常不動不變
不壞涅槃所攝如是比丘不見一法
是常是樂不動不變不破壞者一切
諸法皆悉無常破壞磨滅猶如日光
破諸闇冥無常世間初味後苦深流
不出愛果無樂如甄波迦果如毒如
刀得時甚樂悅目須臾如電不住如
水駛流無常不住如乳聞婆城誑惑
於人一切人貪如果必墮如雜毒食
消時大苦如蜜塗刀亦如利戟誑惑
無量百千衆生猶如河岸臨峻大樹
諸欲無常亦復如是是修行者如實
觀欲生厭離心正念觀察滅除塵垢
復次修行者隨順觀外身髻鬘瓔珞
更有何等可愛山河彼以聞慧或以
天眼見第五山名曰高山縱廣一千
由旬光明普照有真金樹毗琉璃葉
白銀為樹珊瑚為葉毗琉璃樹真金

為葉光明如燈復有異樹無量種樹
蓮花林池園林遊戲種種摩盧種種
山峯亦如前說住須彌山鬚持天衆
三塗後天從須彌山至此高山遊戲
受樂其高山峯皆是衆寶之所成就
有五大峯一一山峯高五十由旬縱
廣二百由旬第一金峯於山谷中生
一切寶謂毗琉璃珊瑚車渠頗梨迦
寶赤蓮花寶柔軟寶青因陀寶大青
寶王自然天衣第二銀峯銀樹具足
峯中多有牛頭栴檀若諸天衆與阿
修羅共鬪戰時為刀所傷以此牛頭
栴檀塗之即愈以此山峯狀似牛頭
於此峯中生栴檀樹故名牛頭第三
山峯名天女樂金銀毗琉璃以為園
林其地柔軟歡喜遊戲愚癡凡夫為
愛所誑離聞正法常愛欲樂第四山
峯名日生色四大天王於蒲桃園遊
戲受樂一切禽獸夜叉仙人鬱單越
人皆悉受樂蒲桃酒河盈滿而流其
味如蜜有如石蜜或有辛味或有雜
味其峯河岸多諸生色所謂水牛牛
羊猪狗野狐象馬駝驢龍虎熊羆師

子咒豹如是種種無量寶色峯名生色生諸生色故名生色第五山峯毗琉璃林有蓮花池毗琉璃蓋其花柔軟所謂少滿蓮花池次名衆多蓮花池次名轉行蓮花池次名花覆蓮花池次名日照蓮花池次名柔軟岸蓮花池次名無比蓮花池次名密林蓮花池次名香風蓮花池次名常水蓮花池是名十種花池住此峯中復有大河處處而流六味具足一切意樹而以莊嚴衆樹花果河池具足亦如前說彼比丘觀第五山第五峯已如實知外身

復次修行者隨順復觀高山知業法果報知衆生業法果報衆生自業住自業流轉以自業故而生此山善業盡故不善業故墮於地獄餓鬼畜生若有善業生天人中高山四面所住之人各樂善樂常憍望欲常不知足如是比丘以偈頌曰

譬如火得薪如海受衆流愛欲難厭足是故應捨離

如是修行比丘以清淨眼見此衆生

於大憂悲愁毒之中猶復歡笑衆生
不知一切皆苦無我無常一切法空
一切闇冥一切生死無有常樂非寂
靜非寂滅一切資具要當破壞此法
不實終墮地獄餓鬼畜生辟如日出
必當有沒一切衆生亦復如是有生
之類必歸於死辟如春時一切大地
山樹藥草叢林平地至於秋時大地
山樹藥草叢林陂澤花池一切衰變
少如春時老如秋時鬱單越人不能
覺知一切少壯皆歸衰老辟如夏時
天降洪雨河有崖岸諸水臻集盈溢
充滿至於孟冬一切減少富樂具足
猶如夏時富樂破壞猶如孟冬辟如
水泛蓮花池中衆蜂所樂歡喜受樂
霜雪既降蓮花萎爛衆蜂捨離人亦
如是苦無病惱如花新開衰病既至
如花萎爛衆蜂圍遶猶如富樂親友
臻集衆生如是為愛所誑不覺自
壞如是比丘觀於高山園林花樹河
泉陂池仙人禽獸山谷已如實知
外身

復次修行者隨順觀外身彼以聞慧

或以天眼見鬱單越國復有何等可

愛山耶彼以聞慧或以天眼見第六

山名鬚莊嚴於其山中有種種莊嚴

其山朱綠青黃種種色樹所謂雜花

林樹復有花樹名曰無憂復有花樹

名曰金葉復有花樹名曰技覆復有

花樹名阿提目多迦金莖金葉風吹

動搖水中復有尼均輪陀樹毗琉璃

葉有芭蕉珊瑚為葉見日則起復有

提羅迦樹若見月光即便開敷復有

花樹名拘牟陀無日則開復有花樹

名半月喜復有花樹名那羅迦羅復

有花樹名三歡喜復有花樹名槃頭

時婆復有花樹得烟增長復有花樹

名曰無憂女人觸之花即為出復有

花樹名曰軍陀其性柔軟復有花樹

名尸利沙得人足踏即便增長復有

花樹名鞞多婆暖則有香復有花樹

名鳩鳩摩流轉異國復有花樹名曰

見吉復有蓮花名曰善意天人所愛

復有蓮花名青優鉢羅生在水中復

有蓮花名常開敷復有花樹名曰師

子迦曇鉢羅復有蓮花名曰水笑足

躡則生復有花樹名赤無憂女人足
躡以得女人色香味觸花則為出復
有花樹名阿吒迦如是花樹二十有
二周遍花鬘以為莊嚴或有金色毗
琉璃色或白銀色或有黃色或有綠
色或有雜色或在池中或在樹下或
在榛林或有周遍行一切處復有衆
鳥真金為身白銀為翅或白銀身黃
金為翅或珊瑚身毗琉璃翅毗琉璃
身青寶王翅或頗梨身真金為翅或
有衆鳥真金為腹白銀為翅毗琉璃
背或有衆鳥七寶為身謂青寶王摩
伽羅寶頗梨迦寶車乘珊瑚摩蘇鳩
留摩利寶赤蓮花寶如是自業種種
雜色種種音聲無量種種身鬘單越人
自業力故有無量種種雜色樹林山河
花池甚可愛樂如心所念種種衆寶
之所莊嚴先世善業所化飲食河池
林樹周遍莊嚴鬘單越人於鬘莊嚴
山處受樂住此山人名常遊戲於鬘
莊嚴山常遊戲人猶如諸天於夏四
月在波梨耶多拘鞞陀樹下歡娛受
樂唯除覘眴身有骨肉及有垢汗自

復次修行者觀業果法衆生三種憍慢放逸不作善業何等為三一者恃色而生憍慢二者恃少而生憍慢三者恃命而生憍慢不作身善業不作口善業不作意善業以勝善業上生天中從天還退墮於地獄餓鬼畜生人中之愛如蜜雜毒受第一苦第一繫縛第一惡處愛縛衆生不知生從何來去至何所一切諸欲如甄波迦果初雖少甜後致大苦猶如覆網衆生不覺墮於嶮岸愛別大苦如火自焚壯色不停如山峻水無常不住變易衰壞於五道中無有一處不為惡業風之所吹流轉諸有然諸衆生於生死中猶不生厭觀諸莊嚴山常遊戲人已如實知外身

復次修行者隨順觀外身鬱單越國復有何等可愛山河花池彼以聞慧或以天眼見鬱單越有一大山名曰時樂廣千由旬高三十由旬六時常鮮一者孟冬二者季冬三者孟春四者季春五者孟夏六者季夏於第一

時有何等花於孟冬時有常開樹名
不合華次名堅花次名凍花次名蜂
覆花次名娑佉羅花次名善香花次
名無芽花次名鴨音花次名第一花
次名可愛花次名涼冷具足花次名
深生花次名夜開花次名第一堅花
次名曰花是為孟冬寒時十五種花
生時樂山第二季冬復有蓮花生鬱
單越時樂山中以善業故阿提目迦
花隨念墮落所謂鳩羅婆迦花次名
鉢頭摩花次名鉢摩迦花次名究羅
婆迦花次名多香花次名蜂旋花次
名三摩拓花次名無憂花次名甄叔
迦花次名青無憂花次名不合花次
名香拘物陀花次名阿彌荼迦花次
名窟生花次名河岸生花次名尼支
藍花次名赤花次名娑那帝花次名
烏愛花次名常開花次名百葉花有
如是等二十種花生於季冬及孟春
時阿提目迦花等經於二時鬱單越
國時樂山中復有諸花生於季春謂
瞻蔔花次名蘇摩那花次名善色集
花次名徒摩羅花次名香花次名蜂

蓮花次名除飢香花次名尸利沙花

次名赤花次名等香花次名常香花

次名駛婆羅味花次名風萎花次名

百葉花次名畏日花次名諸蘭帝花

次名護色花次名闍智羅花時樂山

中有如是等二十種花生於季春以

鬱單越人善業力故時樂山中於孟

夏時復有諸花名吱多迦花次名鳩

吒闍花次名賒多婆嚙臙花次名迦

曇婆花次名尼朱羅花次名由提迦

花次名蘇摩那花次名龍舌花次名

無間愛樂花次名善味花次名善香

花次名普葉花次名一切攝取花次

名轉花次名鼻境界花次名五葉花

次名愛雨花次名愛觀花次名塗摩

花次名水流花次名雪色花有如是等

二十種花於時樂山生孟夏時以鬱

單越人善業報故時樂山中於季夏

時復有異花所謂笑花次名蘇摩那

花次名常瞻蔔花次名林生花次名

虛空轉花次名夜可愛花次名一切

方花次名流花次名遊戲地花次名

樂花次名山谷花次名陸生花次名

迦曇婆花次名卑陽伽花次名鵝旋
花次名修留毗花次名多摩羅婆花
次名水花次名月花次名嶮岸上花
有如是等二十種花生於季夏鬱單
越國時樂山中樹林花果蓮花河池
時轉普遍此時樂山如餘山中一切
花果此山常有時樂山中所住之人
名曰陀刹支摩

經言
尚遊

復次修行者知業果報云何衆生先
業既盡不作新業而不知於時節輪
轉衆生食命時如大火焚燒命薪時
如惡雷摧壞命火時如師子敢害人
獸時如駛河拔人樹根漂至異處一
切死法不可逃避云何衆生而不覺
知不見老病死戲持破壞一切少壯
及一切欲破一切力一切衆人之所
輕笑羸瘦之本能滅眼耳鼻舌身意
涎涕流溢身曲不端牙齒齩體骨節
筋脉皆悉慢緩不能去來洗沐清池
為諸年少之所輕毀欲入死城失於
氣力不安隱處不善之地數大小便
多樂眠卧衆生云何不見此老而行
放逸以放逸故不見決定當有疾病

以疾病故四大不調諸根失樂一切
筋肉皮血脂膚及以精髓皆悉乾竭
憎一切味不能坐起憶念醫所以來
安隱一切飲食入口皆悉煩之疲極
不能起止欲多睡眠身體羸瘦唯有
皮骨一切親族及其妻子不能為伴
如死怖畏而此衆生不知不覺是修
行者觀放逸行衆生已起悲愍心以
悲愍故修四梵行謂慈悲喜捨是修
行者如是觀鬱單越人起悲愍心觀
身威儀如賊無異身如水沫諸識如
幻富樂如夢作是觀已生厭離心
復次修行者隨順觀外身觀鬱單越
復有何等殊勝可愛山林河池彼以聞
慧或以天眼見鬱單越有一大山名
歡喜持其山有持名曰周遍縱廣五
百由旬一切寶性之所莊嚴所謂金
性銀性銅性寶性酒性蜜性六味之
性及餘異性其林普遍毗琉璃花蔓
藉纏遶金葉蓮花白銀為莖金銀葉
花毗琉璃莖蓮花充滿如日初出有
種種鳥莊嚴其池所謂鵝鴨次名鴻
鳥次名婆伽鳥次名金鳥次名白咽

鳥次名遮沙鳥次名摩頭求鳥次名
鷺鷥鳥次名波婆鳥次名鶴鳥次名
阿婆鳥次名娑羅娑鳥次名堤弥羅
鳥次名婆求鳥次名時鳥次名畏熱
鳥次名夜行鳥次名樂鉢頭摩花坐
如是等二十種鳥住蓮花池過普遍
杯歡喜持山半山之中五百由旬復
有五百由旬名竹岸人住在此山其
山有樹名曰軍持出妙歌音天女聞
之住空而聽園林河池蓮花皆悉具
足如前所說

正法念處經卷第六十九

癸卯歲高麗國分司大藏都監奉
勅彫造

正法念處經卷第七

終 威美

身念處品之七

元魏婆羅門瞿曇般若流支譯

復次修行者觀諸衆生業之果報如此衆生應當啼哭如何乃作歌舞戲笑而不觀於放逸衆生地獄受苦啼哭悲哀不知衆生愛網所縛以身口意作惡業故墮於地獄餓鬼畜生受大苦報憂悲啼哭受種種苦如其業行墮活地獄黑繩地獄衆合地獄叫喚地獄大叫喚地獄焦熱地獄五種愛故愛於色聲香味觸故為之所縛流轉在於生死大海如是修行者觀行岸住人已如實知外身

復次修行者隨順觀外身觀鬱單越復有何等可愛山林彼以聞慧或以天眼見鬱單越有一大山名曰心順縱廣一千由旬於此山中常有緊那羅女於山峯中歌衆妙音河岸園林平處山谷多有華池有諸林園所謂吱多吱林次名龍林次名那梨吱羅林次名婆那娑林次名佉羅林次名

菴婆林次名無遮林次名金毗羅林
次名迦卑他林次名孔雀林次名俱
翅羅林次名鸚鵡林次名河池林次
名蓮華林次名優鉢羅林次名辛頭
波利多林次名鳩羅婆迦林次名命
命鳥林次名多羅林如是林中一切
珍寶美妙之音一切人聞歡喜受樂
癡愛所覆轉增愛火若有聞此緊那
羅女歌頌之音百倍增長若有飢羸
食草在口聞此歌音不覺遺隨飛鳥
在樹雙鳥遊戲啄食美果聞此音聲
皆志止住衆蜂聞聲不飲美味若有
仙人在虛空中聞其歌音即住不行
如是心順山中緊那羅女歌頌之音
甚可愛樂其山皆是毗琉璃寶金銀
為石珊瑚為樹真珠為沙鉢婆羅池
以頗梨寶為臺鉢羅多有白鵝其色
如貝復有諸座七寶莊嚴於園林中
有俱翅羅孔雀命命其音可愛復有
池水衆蜂莊嚴如是心順山中一切
衆人若見若聞心生愛樂遍於山上
一切男女歡喜戲笑心生悅樂此心
順林復有第二可愛之事如須弥山

所出光明上照二百由旬心順山中
光明上照二千由旬其光白淨金樹
光明以毗琉璃山光力故皆作白色
如須弥山王金色光明草來近之皆
作金色如是心順山光令一切禽獸
河池華樹皆作白色以心順山光明
力故山有人住名曰白人光明亦白
住在此山大力端嚴心常歡喜第一
清淨妙香塗身華鬘莊嚴歌舞戲笑
愛樂音聲不生嫉妬無我所心亦無
我慢一切光明皆作白色種種末香
以散其身種種歌音聞之悅樂如意
之樹出香美酒飲之無患隨其所念
衣從樹出衣無線縷經緯之別種種
飲食種種莊嚴種種衆鳥出妙音聲
今人瞋息復有妙音種種衆鳥令其
覺寤種種花池生種種華如是白光
明人受業果相如其所作上中下善
業受樂成就

復次修行者隨順觀外身觀此衆生
云何現見他善業盡而就死苦云何
不覺初不生苦於受生時父母精血
於尿道中識生受胎業風所集和合

動之上曰一變名阿浮陀阿浮陀中
以於元世不殺生故識心不滅不爛
第二七日名伽那身煩惱癡識不壞
不滅如是七七日名曰肉團住在胎
中屎尿之間若母動身若母飲食被
壓辛苦如壓蒲桃復以業風吹動肉
團肉團增長生於五胞所謂兩手兩
足及頭復以業風所動增長生於膜
衣從膜衣中有脉如筍上衝生藏若
其母食冷食熟食或美不美從筍孔
中入其齋中為胎中命今其不死如
是胎中受大苦惱若於胎中不死不
壞為月水之所穢汙十月住胎如
在牢獄苦惱逼迫一切身分猶如山
壓從胎中出既生之後風日所觸受
大苦惱棄之於地隨意捨行自嗽其
指指中生乳以自增長而得壽命增
長嬰兒轉成盛年漸至衰老時風所
滅衆生業故業藏流轉如業所作或
善不善諸業成就如此衆生現見業
法果報苦惱而猶放逸於生死中苦
受之本所謂生也寒熱飢渴疲極病
瘦愛別離苦怨憎會苦於生死中生

為大苦破壞生具生死流轉無常苦
空生滅無我云何鬱單越人不覺
知如此山谷園林花果河池蓮花一
切皆當無常破壞歸於虛空如是衆
生一切皆死生於天上天上命終隨
其本業墮於地獄餓鬼畜生是修行
者如是觀於業法果報見生死過於
白光明人生悲慙心

復次修行者隨順觀外身鬱單越國
復有何等可愛山林彼以聞慧或以
天眼見鬱單越有一大山名俱賒耶
舍縱廣千由旬有蓮花池名曰清涼
縱廣五百由旬金色蓮花充滿其中
無有泥濁於此池中多有象蜂鵝鴨
鴛鴦以為莊嚴蓮花池中有天俱賒
耶舍之花曼陀羅華林樹華果河谷
園林清涼之池如前所說於俱賒耶
舍山半山之中五百由旬有八万四
千殿奇特可愛真金為殿白銀欄楯
白銀為殿真金欄楯頗梨為殿毗琉
璃寶以為欄楯毗琉璃殿頗梨欄楯
青寶玉殿車渠欄楯車渠寶殿青因
陀寶以為欄楯如是諸寶欄楯等相

間錯鈴網彌覆歌舞戲笑伎樂音聲
心常歡喜葡萄蔓覆猶如天中善見
大城天善法堂俱賒耶舍莊嚴大山
亦復如是八万四千殿園林河池樹
林花果一切具足俱賒耶舍山中所
住之人名曰雜色心常歡喜歌舞戲
笑飲食樂故

復次修行者觀業果報如是衆生何
故不見愛別離苦一切衆生思愛別
離行於異處不知一切皆當死滅隨
業受報若有善業生人天中若不善
業墮於地獄餓鬼畜生此雜色人心
懷放逸不知厭足愛著色聲香味觸
樂為愛所縛受河所漂欲火所燒而
不覺知無常死滅入大黑闇不見老
苦破壞少壯不見死火欲來燒人能
令永離一切親愛死如大火燒人命
樹焚衆生林

復次修行者隨順觀外身薺單越人
以何業故生十山中何等十山一名
僧迦賒山二名平等峯山三名勿力
伽山四名白雲持山五名高聚山六
名歸莊嚴山七名因陀羅樂山八名

歡喜持山九名心順山十名俱餘耶
舍莊嚴山彼以聞慧或以天眼見此
衆生前世善業生此山中不殺不盜
不邪淫不飲酒行十善業生此山中
復次修行者觀業果報以何業故彼
諸衆生色力形相勝餘衆生彼以聞
慧或以天眼見此衆生正見行施心
不諂曲不惱衆生直心憐愍順法修
行親近正法以是因緣身壞命終生
於善道四天王天三十三天於彼命
終生於此間此間命終生於彼處
復次修行者觀業果報此諸衆生以
何業故而受勝報彼以聞慧或以天
眼見此衆生以前世時於怖畏者施
以無畏見人就死出於右門反縛而
出將至塚間打惡聲譟遣旃陀羅欲
斷其命贖之令脫以是因緣身壞命
終生於善道若四天王天三十三天
若夜摩天

復次修行者隨順觀外身此諸衆生
以何業故於勝天中勝於餘天色相
可愛衆人供養彼以聞慧或以天眼
見此衆生於前世時樂聞正法聽佛

正法聖法毗尼讀誦佛法乃至一偈
讀誦思惟以聞一句正法因緣作轉
輪王主四天下從此命終生於天上
一返二返乃至七返於六欲天謂四
天王處三十三天夜摩天兜率陀天
化樂天他化自在天從天命終來生
此間以善心故受於色聲香味觸樂
還生天上天上命終先聞法故於未
來世得初禪定生梵身天若梵衆天
若大梵天復以聞法種子因緣力故
於未來世得第二禪從此命終生少
光天無量光天光音天復以聞法種
子因緣力故於未來世得第三禪生
遍淨天福德生天復以聞法修行因
緣問難思惟於未來世得第四禪以
離著智火燒煩惱樹生無量善天遍
善天廣果天復以聞法因緣種子修
行讀誦問難思惟為邪見說今住正
見盡一切有度於險難得緣覺道若
發阿耨多羅三藐三菩提願則成無
上正覺明行足善逝世間解無上士
調御丈夫天人師佛世尊以聞正法
因緣力故聞正法者謂聞布施持戒

以為根本何以故此聞法者若在家
出家間布施果既了知已而行布施
知布施果聞持戒果而持禁戒聞智
慧果修集智慧聞已即得生天終得
解脫是聞法者生天涅槃之種子也
於一切施若資生施若無畏施若以
戒施聞正法施取為第一若聽正法
第一持戒若聞正法為他人說令捨
不善令法增長是正法父

復次修行者隨順觀外身過鬱單越
復有何等人住彼以聞慧或以天眼
見鬱單越北有國縱廣二千由旬一
名迦毖毗梨國縱廣三百由旬有河名
迦毖毗梨人所住處亦名迦毖毗梨
河池蓮花花果園林枝葉相覆如前
所說過此國已有河名阿弥多其邊
縱廣七百由旬園林華池皆悉具足
亦如前說阿弥多河邊有五國土一
名天冠池國二名波羅毖池國三名
霜衣國四名孔雀音國五名山峴住
國天冠池國縱廣一百五十由旬波
羅毖池國縱廣一百五十由旬其霜
衣國縱廣二百由旬孔雀音國縱廣

二百由旬山巒住國縱廣一百由旬
復有十國一一國土各百由旬何等
為十一名拘登伽國二名持香國三
名黑腹國四名轉目國五名山嶮岸
國六名順行國七名四方國八名圓
國九名跋履國十名僧伽多國復觀
此國河池園林花果具足亦如前說
彼洲四方人面亦然如閻浮提人面
像大洲上廣下狹鬱單越人面像大
洲亦復如是觀鬱單越國一切洲渚
山谷園林華果河池禽獸具足如是
觀已如實知外身

復次修行者隨順觀外身過鬱單越
國瞿陀尼國二國中聞復有何等山
林海渚彼以聞慧或以天眼見鬱單
越國瞿陀尼國二國中聞有一大海
名曰普眼廣一萬由旬有一水眼廣
一由旬龍勢力故過此大海有一大
山名遊戲瞿縱廣十千由旬色如聚
墨龍氣燒故過此山已有一大海名
具思弥縱廣一千由旬多有大魚堤
弥魚堤弥鯢羅魚軍毗羅魚那迦羅
魚如是等魚充滿海中其海甚深見

者怖畏於此海中有樂住龍離於瞋
恚過此大海有一大海名曰水雲縱
廣十千由旬於此海中大波涌出或
十由旬二十由旬三十由旬過此海
已有一大洲名真珠蛤多有真珠若
魚若龍於水中死棄於此洲其洲縱
廣一千由旬過此洲已有一大山名
曰寶山縱廣正等五千由旬七寶山
峯毗琉璃等猶如第二須弥山王過
此山已有甄叔迦林縱廣二千由旬
種種園林花果具足過此林已有一
大山縱廣五千由旬金蓮華池鵝鴨
衆蜂出衆音聲過此山已有一大海
縱廣十千由旬金色之水充滿其中
出金色光海有金山名曰金水高五
百由旬過此山已有瞿陀尼縱廣九
千由旬有十億聚落一万二千城第一
大城其數五百如閻浮提有三百餘
大城所謂波叱梨弗多城如是瞿陀
尼大雲聚等五百大城其大雲聚城
縱廣十二由旬四交街巷屋宅樓閣
充滿城中住於中國第一大城名曰
百門次名欄楯次名泥目羅次名光

明次名山谷有如是等第一大城攝
於中城復有大國名伽多支次名僧
耆那多國次名摩尼國次名銀國次
名幡國有如是等第一大國譬如閻
浮提中第一大國謂迦尸國憍薩羅
國摩伽陀國瞿陀尼國第一國土亦
復如是次有中國謂尼藥羅國次名
單持國次名遮都羅國次名俱蘭荼
國次名鞞多婆國次名窟行國瞿陀
尼界有如是等第一中國有二十五
國攝一切國如閻浮提十八大國瞿
陀尼國有五大河一名廣河二名拘
周師波帝河三名月力河四名樂水
河五名僧岐那河如閻浮提四大河
所謂恒伽河辛頭河婆叉河斯陀河
瞿陀尼國有五大山何等為五一名
龍飛山二名三峯山三名珠門山四
名百節山五名堅山如閻浮提中有
四大山何等為四一名雪山二名民
陀山三名摩羅耶山四名鷄羅婆山
瞿陀尼國有三大池一名深岸池二
名無間池三名放光池如閻浮提阿
那婆達多池及瞻波池

復次修行者隨順觀外身觀瞿陀尼何所受用彼以聞慧或以天眼見瞿陀尼多饒牛糞一切女人皆有三乳如閻浮提女人十月乃產瞿陀尼人亦復如是如閻浮提女人二乳流汁瞿陀尼女人三乳流汁亦復如是如閻浮提園林具足花果河池一切具足其果半味其華半香河水半味復次修行者隨順觀外身衆生何業生瞿陀尼以下中業生瞿陀尼彼以聞慧或以天眼見餘生處少戒少施少業少順法行云何少戒於前生處以貧窮故受雇持戒或畏刑罰以清淨心禮佛法僧親近國王得財布施以近王故不讀誦經施非福田貪邪見人謂為福田十善垢濁行不清淨業因緣故閻浮提死生瞿陀尼如是不知善不善故食半味食少智少慧貪著女人先業因緣生瞿陀尼一切衆生以業藏故由業故行業故流轉如其所作善不善業得如是果若作善業生人天中若不善業墮於地獄餓鬼畜生以業因緣得相似果如種

種子譬如種榮得榮種麥得麥稗子
生稗如以種子種於薄地取果減少
若以種子種之良田多取果實如種亦
稻不生餘物種豆得豆種甘蔗者則
得甘蔗以田勝故得果亦勝如三種
田一者福田施二者福田苦施三者
苦施福田施者名之為上福田苦施
名之為中苦施為下除思功德譬如
外三種田一者饒石亦多水衣名為
中田二者其水豐足無有草穢又無
水衣亦無殺賊名為上田三者多有
水衣草穢其水不調又多殺賊是名
下田若諸田夫勤加功力則得果實
此內外法以業藏故隨業流轉業轉
而行各各勢力各各因緣各各受生
瞿陀尼人不修淨業故生於此處命
終自業流轉生死如是修行者觀外
法業已如實知外身

復次修行者隨順觀外身過瞿陀尼
復有何等山河海渚彼以聞慧或以
天眼見瞿陀尼國弗婆提國兩洲中
間有一大海名清淨水縱廣一万二
千由旬清水盈滿多有鼈貝堤弥魚

提鯢羅魚那迦魚摩伽羅魚軍毗羅
魚失叔摩羅魚魚亦青色過此海已
有珊瑚山縱廣五千由旬毒害衆生
住在山中過此山已有熱水海多有
毒虵毒虵氣故令海水熱無有一衆
生以虵毒故衆生皆死以毒熱故過
此海已有一大海名曰赤海縱廣一
万五千由旬龍阿修羅住此海下以
飲食故互相瞋恚常共鬪諍有龍名
曰摩多梨那有阿修羅名僧伽多過
此海已有一大洲名羅刹女國縱廣
二千由旬有羅刹女名曰長髮住在
此洲敢食火燒香花及肉一念能行
二千由旬常求人便心常憶念是羅
刹洲骸骨血肉狼藉臭穢充滿其洲
過此洲已有一大洲名毗舍遮鬼女
國縱廣五千由旬毗舍遮鬼名曰髮
覆住在此洲過此洲已有一大山名
曰饒山縱廣五百千由旬多饒樹林
所謂那梨吱羅樹次名波那婆樹次
名無遮果樹次名多羅樹次名多摩
羅樹次名卑耶羅樹次名俱羅迦樹
次名陀婆樹次名佉提羅樹次名提

羅迦樹次名阿殊那樹次名迦曇婆
樹次名泥荼羅婆樹次名佉殊羅樹
次名菴婆羅樹次名卑末槃陀樹次
名婆多利樹次名婆吒樹次名甄叔
迦樹次名龍樹次名無憂樹次名驥
隣陀樹次名吱多迦樹次名迦尼迦
羅樹次名阿堤目多迦樹次名那浮
摩利迦樹次名波吒迦樹次名波吒
羅樹次名迦卑他樹次名毗羅婆樹
次名天木香樹次名波頭摩樹次名
瞻波迦樹次名迦羅毗略迦樹次名
青無憂樹次名鳩羅婆迦樹次名軍
陀樹次名婆陀羅樹次名鳩吒閼樹
多有如是種種果樹處處流泉乳闍
婆王遊戲彼林過此山已有一大海
縱廣五百由旬名曰乳水其水色味
如乳無異海有大魚長五由旬住在
海中過此海已有一沙山縱廣一千
由旬無有林樹及諸藥草過此山已
有一大海名曰龍滿縱廣六千由旬
海有諸龍名栴遮羅住此海中自相
鬪諍樂注大雨過此海已有一大海
名蘇無陀羅縱廣二千由旬其水不

動清淨湛然多有軍毗羅魚那迦羅魚失奴摩羅魚盡貝之屬

復次修行者知業法果彼以聞慧或以天眼見如說處山河海渚林樹之處無有一處不生不死不生不滅一切思愛無不別離無有一處非業故行無有一處而非業處無有一處非業流轉受自業果或生或死無有山河海渚非生死處山河海渚無鍼鋒許非我生處百千千億億億百千生死之中皆愛別離悉憎合會百千千億億億百千生死之處墮於地獄餓鬼畜生無始無終貪瞋癡網之所繫縛流轉生死是故應當厭離生死勿生貪著此生死者甚為苦惱久受堅牢痛苦難忍老死憂悲苦惱愁毒一切有生必當墮落歸破壞門於生死中無有少常譬如日出無有少闇觀生死中亦復如是如是修行者觀外身得如實知外身

復次修行者隨順觀外身過平等海復有何等山河海渚彼以聞慧或以天眼見弗婆提國縱廣八千由旬多

有眷屬小洲具足聚落城邑河池林樹洲渚山窟行列樹林花果禽獸一切具足有六大山一名大波賒山二名新瞿山三名孔雀集山四名獸峪山五名海高山六名真珠瞿山遍弗婆提如閻浮提有四大山如前所說大波賒山縱廣三千由旬於此山中有三大林其一林皆悉縱廣一千由旬一名須弥林二名流水林三名峪瞿林衆樹具足所謂呵梨勒樹次名平面樹次名峪生樹次名枝等樹次名岸生樹次名石生樹如閻浮提樹說住此山者名大鷄人山中有河名婆盧河次名流沙河次名狹涼河次名速流河次名龍水河次名光林河次名征迦河第二大山名曰林瞿縱廣一千由旬此山有林名鳩吒林次名行林次名天木行林次名烟林次名久垂林山中有河一名多羅覆次名角圍河次名愛水河次名攝念河次名烟笑河林瞿山中所住之人名俱知羅

復次修行者觀第三山名孔雀聚縱

廣千由旬此山有四大林一名雲林
二名百池林三名高吼林四名真珠
輪林復有大河所謂泥均輪陀河次
名大喜河次名愛林河次名先涼河
次名吉河於孔雀聚山有住人名曰
青咽

復次修行者觀弗婆提有第四山名
獸峪此山有林名闍知羅林次名可愛
林次名弥伽林花果具足亦如前說
林中有河名涅茂迦次名普笑次名
歌羅羅林中有獸名曰調伏次名普
影次名毛獸次名見走次名為馬次
名無道次名仙獸次名多羅頭擊次
名好耳次名象頭次名第一兒次名
愛影次名兔毛次名馳身次名黑尾
次名白頭次名端正次名蛇舌次名
狗牙次名伽婆耶次名鉗婆次名確
井井如是等獸闍浮提中或有或無
獸峪山中國林涼池華果樹木一切
具足亦如前說一切華池如闍浮提
住獸峪山人名曰速力

復次修行者觀弗婆提國有第五山
名曰海高縱廣一千由旬園林涼池

華果具足亦如前說此山有林名曰
三帝次名咽喚閑林次名山林林中
有河名曰三角次名高喚次名石聲
人住海高山者名遮鉢羅觀海高山
已如實知外身

復次修行者隨順觀外身觀弗婆提
有何等山彼以聞慧或以天眼見第
六山名真珠鬚縱廣一千由旬園林
流池周遍具足種種花果禽獸具足
亦如前說真珠鬚山出一大河名不
見岸廣一由旬有人住於真珠鬚山
名曰普眼如是弗婆提六山圍遶弗
婆提國有三大城一名善門城二名
山樂城三名普遊戲城一大城廣
三由旬中下之城有六十三有一中
城名鳩吒舍次名大波舍次名普吼
城有如是等中城之中第一最大下
城名一切負次名大音城次名曠野
孔穴城有如是等小城之中第一最大
復有三億五十萬三千五百五十
六聚落第一聚落名迦尸摩羅次名
水沫次名根村次名樹啼村次名一
切人次名葉聚落次名毗頭羅次名

波迦村次名毗吒聚落次名摩摩聚
落次名那提次名伽吒次名徒呵
次名林聚落次名赤旋次名阿叉次
名風吹次名鬚村次名頂樹次名黑
斂有如是等第一聚落此等衆人其
面圓滿像地洲形閻浮提人耳鼓在
嚴鬱單越人眼為莊嚴瞿陀尼人項
腹莊嚴弗婆提人肩髀莊嚴四天下
人自身嚴好

復次修行者觀業果報衆生何業生
弗婆提有上中下業彼以聞慧或以
天眼見此衆生先世不知業法果報
以不知故施非福田或難乞求今乃
施與或勤苦求亦如前說以此業故
名下品生若有衆生持中品戒若近
國王法故不殺衆生非清淨心以此
因緣身壞命終生於天上從天命終
生弗婆提名中業生上人上業聞於
正法受持讀誦為他人說而生隨喜
如說修行無有一法能度生死險道
曠野如聞正法受持讀誦為他人說
諸施中勝所謂法施第一持戒謂聞
正法聞正法智最為第一正法者亦

如前說觀弗婆提業果報已如實知
外身

復次修行者觀弗婆提內復有何等
山河海渚彼以聞慧或以天眼過弗
婆提八千由旬見有大山名曰礧石
縱廣三千由旬此山四面一万由旬
有微少鐵皆悉速赴走奔此山過此
山已有一大海七千由旬名曰波行
圍遶五山猶如環玊何等為五一名
鐵口山二名大藏山三名多陀迦山
四名鉏多山五名歡喜山過此山已
有一大洲名陀毛迦曼荼羅縱廣三千
由旬多有夜叉緊那羅住在此洲河
池樹林花果具足甚可愛樂閻浮提
中弗婆提中所有禽獸此洲悉有過
此洲已有一大海名多星宿海中有
山名優陀延有十三峯遶此大海去
須弥山不遠外道說言與閻浮提人
善不善業為增上緣善不善風於優
陀延山中出於星宿諸婆羅門外道
論師失於業報不知真諦於人王所
說言星宿諸曜所作非業果報是諸
外道婆羅門論師邪見倒說星曜所

作非業果報若星曜所作非業果報
日月勝故善不善時節亦轉一切時
節而有華果日月若勝何故日月為
餘曜所覆所謂曰莎婆奴月羅睺一
切星宿為曜所覆曜為餘覆以是善
不善故宿曜亦有善不善業是故善
不善業衆生自業非星曜作

復次修行者隨順外身觀曜星宿見
業果報非曜等作觀多星宿海已觀
須弥山優陀延山峯已如實知外身
復次修行者觀多星海縱廣七千由
旬過此海已有諸神仙住在此洲山
河林樹花果具足如閻浮提其洲縱
廣三千由旬仙人夜叉之所住止一
切如意樹花果具足過此洲已有大
圍山及有大海三千由旬在閻浮提
弗婆提二國中間如是大海名冷暖
水縱廣三千由旬多有蠶貝堤弥魚
堤弥鯢羅魚鄰迦羅魚摩伽羅魚失
叔摩羅魚龜鼈之屬住大海中過此
山海有一大海名曰赤海去閻浮提
不遠縱廣五千由旬赤水滿中多有
大魚其魚赤色手相食散以魚血故

今海水赤故名赤水過此海已有一大海名曰清水縱廣七千由旬山河具足多有大魚第一極深過此海已有一大海名曰寶渚縱廣三千由旬一切衆寶集在此渚金沙車渠真珠珊瑚蘇摩羅寶種種具足有摩偷果名乱心毒生在樹上若閻浮提人取果食之七日如死若有飛鳥食之即死過此渚已有一大海名曰鹽縱廣七千由旬多有蠶貝真珠蚌蛤堤弥魚堤弥鯢羅魚軍毗羅魚那迦羅魚充滿其中復有諸龍夜叉羅刹毗舍遮鬼皆住水中水下多有無量諸山此閻浮提洲五百小洲以為圍遶略說勝者所謂金地洲次名寶石洲次名幢鬚洲次名迦那洲次名蠶貝洲次名真珠洲次名圓洲次名光明洲次名翳沙波陀迦洲次名康白洲次名普賢洲次名心自在洲次名黑雙洲次名香鬚洲次名三角洲次名須犀擘洲次名餘那斯都洲次名阿藍迦洲次名楞迦洲有十二山羅刹所住次名弥留毗羅迦洲次名山住洲

次名赤貝洲次名赤真珠洲次名雪
旋洲次名沙塵遠洲次名無道洲次
名五銅洲次名覆洲次名賒吉帝力
洲次名女國洲次名饒樹洲次名翳
沙波陀洲次名丈夫洲閻浮提界說
如是等眾勝小洲此閻浮提縱廣七
千由旬周遍可愛如前所說

復次修行者隨順觀外身觀日月光
照何等處彼以聞慧或以天眼見日
月光照須彌山王四面四天下及照
大海照須彌山王八万四千由旬光
照山側但周其半斫迦婆羅金剛之
山周圍三十六億由旬難忍業火燒
然金剛斫迦婆羅山乳海之水近則
成酪轉近此山則成生酥漸漸復近
則成熟酥漸漸近之為地獄火燒之
磨滅是故不滿閻浮提等是修行者
觀於欲界如實見之耽離欲意不見
一處常不破壞不變易法於一切處
無始生死自業果報因緣力故自業
果報之所戲拌無有一處不生不死
若百若干若百千返無量無邊生死
無間觀内外身耽離欲愛於色聲香

味觸心不愛樂如是都羅帝婆羅門
長者聚落修行比丘修身念處不住
魔境聞說如是念處已有衆多人破
我見垢無上法中得法眼生說身念
處無上之法若於山谷若在山窟若
在塚間若在露地若草積邊修學禪
定無得放逸於命終時致有悔恨是
我所教時諸比丘聞世尊說皆大歡
喜於世尊說生信樂心歡喜奉行

正法念處經卷第七

癸卯歲高麗國分司大藏都監奉
勅彫造

佛本行集經卷第一

宜

隋天竺三藏闍那多譯

發心供養品第一

歸命大智海毗盧遮那佛

如是我聞一時婆伽婆住王舍城迦
蘭陀烏竹林之內與大比丘僧五百
人俱尔時如來住於佛行無復煩惱
故名耆耉得一切智行一切智知一
切智住於天行住於梵行住於聖行
心得自在依諸世尊欲行諸行悉皆
得行在於比丘及比丘尼諸優婆塞
及優婆夷四衆之中受大供養恭敬
尊重又諸國王大臣宰相種種外道
及諸沙門婆羅門等佛得如是種種
利養飲食衣服牀鋪湯藥四事充滿
皆悉具足取勝取妙無與等者智慧
第一名稱遠聞雖受利養而心無染
猶如蓮華不著於水世尊名号說法
音聲於世間中取上取勝更無過者
如是世尊多陀阿伽度阿羅訶三藐
三佛陀十号具足能於現在天魔梵
釋沙門婆羅門等一切天人世間之

中神通遍知知已說法行於世間前後及中言語皆善文義巧妙理趣精微相好莊嚴具足無缺清淨梵行宣揚顯說

尔時尊者大目犍連於晨朝時整衣持鉢入王舍城欲行乞食時目犍連獨立思惟今日晨朝乞食尚早我今先當至淨居天尊尊者目連作是念已辭如力士屈伸臂頃從王舍城沒身不現至於淨居諸天宮所忽然立住

尔時無量淨居諸天既見目連安庠而至心生歡喜各相謂言我等今者可共往迎尊者目連發是語已相隨至於目犍連所頭面頂礼目犍連足却住一面白目連言尊者目連希有希有尊者目連於世間中難見難值謂佛世尊多陀阿伽度阿羅訶三藐三佛陀於無量百千万劫勤修諸行而說偈言

於百千劫中勤求菩提道過於多時來衆生中大寶世間難見者唯有佛世尊尔時尊者大目犍連從淨居天聞是

獨已遍體戰慄身毛皆堅而作是念
希有希有不可思議難見難值謂佛
世尊多陀阿伽度阿羅訶三藐三佛
陀世間難逢無量百千万億劫中時
一出現今時尊者大目犍連於淨居
天為彼天衆說無量種微妙之法顯
現無量清淨法義宣通無量深密法
要令諸天心各生歡喜教化顯示尊
重法已即沒身迴此閻浮提譬如力
士屈臂還舒一念之頃到王舍城次
第七食還至本處飯食訖收衣鉢洗
足已詣於佛所到佛所已頂禮佛足
却坐一面復自坐已向佛而說所行
來處世尊我旦乞食到王舍城便至
首陀婆娑天上天語我言如來世尊
於世間中難見難值如前所說具白
佛言世尊我聞如是希有語已實難
思議所謂諸佛多陀阿伽度阿羅訶
三藐三佛陀於無量百千万劫中時一
出世

今時佛告目犍連言目犍連淨居諸
天少知少見以狹劣智乃能得知百
千劫事所以者何目犍連我念往昔

於無量無邊諸世尊所種諸善根乃
至求阿耨多羅三藐三菩提目捷連
我念往昔作轉輪聖王身值三十億
佛皆同一号号釋迦如來及聲聞衆
尊重承事恭敬供養四事具足所謂
衣服飲食卧具湯藥時彼諸佛不與
我記汝當得阿耨多羅三藐三菩提
及世間解天人師佛世尊於未來世
得成正覺

目捷連我念往昔作轉輪聖王身值
八億諸佛皆同一号号然燈如來及
聲聞衆尊重恭敬四事供養所謂衣
服飲食卧具湯藥幡蓋華香時彼諸
佛不與我記汝當得阿耨多羅三藐
三菩提及世間解天人師佛世尊目
捷連我念往昔作轉輪聖王身值三
億諸佛皆同一号号弗沙如來及聲
聞衆四事供養皆悉具足時彼諸佛
不與我記汝當作佛如上所說目捷
連我念往昔作轉輪聖王身值九万
諸佛皆同一号号迦葉如來及聲聞
衆四事供養皆悉具足乃至不與我
授記別當得作佛如上所說

目捷連我念往昔作轉輪聖王身值
六万諸佛皆同一号号燈明如來及
聲聞衆四事供養皆悉具足乃至不
與我授記別當得作佛如上所說目
捷連我念往昔作轉輪聖王身曾供
養一万八千諸佛皆同一号号娑羅
王如來及聲聞衆四事供養皆悉具
足然後出家作如是念為未來世當
得佛道護持禁戒時彼諸佛不與我
記乃至作佛如上所說目捷連我念
往昔作轉輪聖王身曾供養一万諸
佛皆同一号号能度彼岸如來及聲
聞衆四事供養皆悉具足乃至不與
我授記別當得作佛

目捷連我念往昔作轉輪聖王身曾
供養一万五千諸佛皆同一号号曰
如來及聲聞衆四事供養皆悉具足
乃至不與我授記別當得作佛目捷
連我念往昔作轉輪聖王身曾供養
二千諸佛皆同一号号憍陳如如來
及聲聞衆四事供養皆悉具足乃至
不與我授記別當得作佛

目捷連我念往昔作轉輪聖王身曾

供養六千諸佛皆同一号号龍如來
及聲聞衆四事供養皆悉具足乃至
不與我授記別當得作佛目捷連我
念往昔作轉輪聖王身曾供養一千
諸佛皆同一号号紫幢如來及聲聞
衆四事供養皆悉具足乃至不與我
授記別當得作佛

目捷連我念往昔作轉輪聖王身曾
供養五百諸佛皆同一号号蓮花上
如來及聲聞衆四事供養皆悉具足
乃至不與我授記別當得作佛目捷
連我念往昔作轉輪聖王身曾供養
六十四諸佛皆同一号号螺髻如來
及聲聞衆四事供養皆悉具足乃至
不與我授記別當得作佛

目捷連我念往昔作轉輪聖王身曾
供養一佛号正行如來及聲聞衆四
事供養皆悉具足彼佛亦不與我授
記當得阿耨多羅三藐三菩提及明
行足一切世間解

目捷連我念往昔曾供養八万八千
億辟支佛幡蓋香華四事具足乃至
彼佛滅度之後為起塔廟供養如前

而不與我投於記別汝當得阿耨多
羅三藐三菩提

目犍連我念往昔有一如來号曰善
思多陀阿伽度阿羅訶三藐三佛陀
於彼佛所弥勒菩薩最初心種諸
善根求阿耨多羅三藐三菩提時弥
勒菩薩身作轉輪聖王名毗盧遮那
尔時人民壽八万歲目犍連彼善思
如來初會說法九万六千億人得阿
羅漢道第二會說法八万四千億人
得阿羅漢道第三會說法七万二千
億人得阿羅漢道

目犍連彼毗盧遮那轉輪聖王供養
於彼善思如來及聲聞衆恭敬尊重
幡盖花香四事具足目犍連時毗盧
遮那轉輪聖王見彼如來具足三十
二大人相八十種好及聲聞衆佛刹
莊嚴壽命歲數即發道心自口稱言
希有世尊願我當來得作於佛十号
具足還如今日善思如來為於大衆
聲聞人天恭敬圍繞聽佛說法信受
奉行一種無異弥勒又言願我當來
為多衆生作諸利益施與安樂憐愍

一切天人世間目捷連弥勒菩薩在
於我前四十餘劫發菩提心而我然
後始發道心種諸善根求阿耨多羅
三藐三菩提目捷連我念往昔有一
佛名示誨幢如來目捷連我於彼佛
國土之中作轉輪聖王名曰牢弓初
發道心種諸善根求阿耨多羅三藐
三菩提我時供養彼佛世尊滿一千
年及聲聞衆恭敬尊重禮拜讚歎四
事充足持五百具妙好衣裳一時布
施乃至彼佛般涅槃後起舍利塔高
一由旬廣半由旬七寶莊嚴所謂金
銀頗梨琉璃赤真珠等車乘馬璫而
以校飭復持種種幡蓋幢鈴香花燈
燭以用供養目捷連我設如是諸供
養已晝夜精懃發廣大誓願於當來
得作佛時有諸衆生不孝父母不敬
沙門及婆羅門不識家內親疎尊卑
無信敬心不信三世因緣業果不信
現在有於聖人無一法行唯行貪欲
瞋恚愚癡具足十惡唯造雜業無一
善事願我於彼世界之中當得阿耨
多羅三藐三菩提憐愍彼等諸衆生

故說法教化作多利益救護衆生慈悲拔濟令離諸苦安置樂中為彼天人廣說於法目捷連諸佛如來有是苦行希有之事為諸衆生

目捷連諸菩薩等凡有四種微妙性行何等為四一自性行二願性行三願性行四轉性行目捷連云何名為自性行若諸菩薩本性已來賢良質直順父母教信敬沙門及婆羅門善知家內尊卑親疎知己恭敬承事無失具足十善復更廣行其餘善業是名菩薩自性行云何名為願性行若諸菩薩發如是願我於何時當得作佛阿羅訶三藐三佛陀十号具足是名菩薩願性行云何名為順性行若諸菩薩成就具足六波羅蜜何等為六所謂檀波羅蜜乃至般若波羅蜜是名菩薩順性行云何名為轉性行如我供養然燈世尊依彼因緣讀誦則知是名菩薩轉性行目捷連是名菩薩四種性行

尔時世尊在舍衛國祇樹給孤獨園以得作佛住於佛行略說如上時佛

食訖七日入定念於往昔諸佛世尊
多陀阿伽度阿羅訶三藐三佛陀
時阿難過七日後詣於佛所頂禮佛
足却坐一面白佛言世尊希有如來
身體清淨面色魏魏如我前見今復
倍常光明增盛世尊諸根無量寂靜
坐何三昧念何法相今時世尊告阿
難言如是阿難如汝所說多陀阿伽
度阿羅訶三藐三佛陀若入定住念
於往昔諸佛如來得大自在神通智
已欲住一劫若減一劫念百千億諸
佛智慧而如來智無有障罣何以故
如來以具諸佛智慧度彼岸故阿難
如來一食訖已或住一劫或減一劫
欲住多少隨意自在無有疲倦何以
故如來具得諸佛三昧度於彼岸諸
三昧中此取為勝

佛告阿難我念往昔無量無邊阿僧
祇劫時世有佛号帝釋幢多陀阿伽
度阿羅訶三藐三佛陀能為一切无
量衆生作歸依處能為衆生作慈悲
宅善能憐愍一切衆生能與一切衆
生安樂有大威德無量聖衆前後圍

繞阿難彼帝釋幢如來有五百億諸
聲聞衆悉皆得證阿羅漢果壽五千
歲彼帝釋幢如來授一菩薩記次當
作佛号上幢如來阿難彼上幢如來
復授一菩薩記次當作佛号幢相如
來阿難彼幢相如來復授一菩薩記
次當作佛号喜幢如來阿難彼喜幢
如來復授一菩薩記次當作佛号十
幢如來阿難彼十幢如來復授一菩
薩記次當作佛号難伏幢如來

阿難彼難伏幢如來復授一菩薩記
次當作佛号明燈如來阿難彼明燈
如來復授一菩薩記次當作佛号善
明燈如來阿難彼善明燈如來復授
一菩薩記次當作佛号建立如來阿
難彼建立如來復授一菩薩記次當
作佛号善建立如來阿難彼善建立
如來復授一菩薩記次當作佛号龍
仙如來阿難彼龍仙如來復授一菩
薩記次當作佛号無比威德如來
阿難彼無比威德如來復授一菩薩
記次當作佛号聖所生如來阿難彼
聖所生如來復授一菩薩記次當作

佛号妙勝如来阿難彼妙勝如来復授一菩薩記次當作佛号仙勝如来阿難彼仙勝如来復授一菩薩記次當作佛号普陰如来阿難彼普陰如来復授一菩薩記次當作佛号預相如来阿難彼預相如来復授一菩薩記次當作佛号上族如来復授一菩薩記次當作佛号自境界如来

阿難彼自境界如来復授一菩薩記次當作佛号無等如来阿難彼無等如来復授一菩薩記次當作佛号拘留孫如来阿難彼拘留孫如来復授一菩薩記次當作佛号大光明如来阿難彼大光明如来復授一菩薩記次當作佛号離憂如来阿難彼離憂如来復授一菩薩記次當作佛号捨洪水如来阿難彼捨洪水如来復授一菩薩記次當作佛号大力如来阿難彼大力如来復授一菩薩記次當作佛号至彼岸如来阿難彼至彼岸如来復授一菩薩記次當作佛号日如来阿難彼日如来

復授一菩薩記次當作佛号寂滅如
來阿難彼寂滅如來復授一菩薩記
次當作佛号大震聲如來阿難彼大
震聲如來復授一菩薩記次當作佛
号自王如來

阿難彼自王如來復授一菩薩記次
當作佛号寶王如來阿難彼寶王如
來復授一菩薩記次當作佛号宿王
如來阿難彼宿王如來復授一菩薩
記次當作佛号微妙如來阿難彼微
妙如來復授一菩薩記次當作佛号
梵音如來

阿難彼梵音如來復授一菩薩記次
當作佛号功德生如來彼功德生如
來有七十億聲聞弟子皆悉證於阿
羅漢果其佛壽命足七万年般涅槃
後正法住世滿三千歲

阿難彼功德生如來復授一菩薩記
次當作佛号龍觀如來彼龍觀如來
得菩提已為諸衆生住世一切
阿難彼龍觀如來復授一菩薩記次
當作佛号無畏上如來阿難彼無畏
上如來復授一菩薩記次當作佛号

龍上如來阿難彼龍上如來復授一
菩薩記次當作佛号天德如來阿難
彼天德如來復授一菩薩記次當作
佛号身分上如來

阿難彼身分上如來復授一菩薩記
次當作佛号無比月如來阿難彼無
比月如來復授一菩薩記次當作佛
号因上如來阿難彼因上如來有一
千六百聲聞弟子皆阿羅漢阿難彼
因上如來復授一菩薩記次當作佛
号紫上如來

阿難彼紫上如來復授一菩薩記次
當作佛号多伽羅尸棄如來阿難彼
多伽羅尸棄如來復授一菩薩記次
當作佛号蓮花上如來阿難彼蓮華
上如來復授一菩薩記次當作佛号
憍陳如如來阿難彼憍陳如如來同
名号者有一百佛所住之劫名小蓮
花彼憍陳如如來各各皆有三百億
衆聲聞弟子皆阿羅漢彼諸如來一
一住壽各三百歲佛涅槃後正法住
世亦三百歲

阿難其末後憍陳如如來復授一菩

薩記次當作佛号栴檀如来阿難彼
栴檀如来復授一菩薩記次當作佛
号明燈如来

阿難彼明燈如来復授一菩薩記次
當作佛号利益如来

阿難彼利益如来復授一菩薩記次
當作佛号善德如来彼善德如来以
佛眼觀一切衆生為欲憐愍諸衆生
故不斷佛種住世十劫彼善德如来
多陀阿伽度阿羅訶三藐三佛陀有
三十二億那由他聲聞弟子皆阿羅

漢阿難彼善德如来復授一菩薩記
次當作佛号明星如来

阿難彼明星如来復授一菩薩記次
當作佛号護世知足如来彼護世知
足如来過於無量那由他劫然後作
佛阿難彼護世知足如来有二十億
聲聞弟子皆阿羅漢

阿難彼護世知足如来復授一菩薩
記次當作佛号尸棄如来阿難彼尸
棄如来成佛之處劫名蓮華於彼劫
内同号尸棄多陀阿伽度阿羅訶三
藐三佛陀有六十二次第得佛阿難

其尸棄如來取在於後得菩提者復授一菩薩記次當作佛号出生如來三藐三佛陀憐愍一切諸衆生故住世教化滿二千劫

阿難彼出生如來復授一菩薩記次當作佛号善目如來

阿難彼善目如來復授一菩薩記次當作佛号商主如來

阿難彼商主如來復授一菩薩記次當作佛号善生如來阿難彼善生佛多陀阿伽度阿羅訶三藐三佛陀壽命少時唯住一日於其中間教化八万四千聲聞悉皆令得阿羅漢果阿難彼善生如來復授一菩薩記次當作佛号梵德如來阿難彼梵德如來有三十二億聲聞弟子皆阿羅漢彼梵德如來般涅槃後正法住世滿三万歲

阿難彼梵德如來復授一菩薩記次當作佛号青蓮花如來

阿難彼青蓮華如來復授一菩薩記次當作佛号善見如來阿難彼善見

佛多陀阿伽度阿羅訶三藐三佛陀
有三千億聲聞弟子皆阿羅漢

阿難彼善見如來復授一菩薩記次
當作佛号見真諦如來阿難彼見真
諦如來復授一菩薩記次當作佛号
根如來阿難彼根如來復授一菩薩
記次當作佛号紫色如來阿難彼紫
色如來復授一菩薩記次當作佛号
為他如來

阿難彼為他如來復授一菩薩記次
當作佛号南斗宿如來阿難彼南斗
宿如來復授一菩薩記次當作佛号
娑羅如來阿難彼娑羅如來復授一
菩薩記次當作佛号主領如來阿難
彼主領如來復授一菩薩記次當作
佛号大主領如來

阿難彼大主領如來復授一菩薩記
次當作佛号智勝如來阿難彼智勝
如來復授一菩薩記次當作佛号普
賢如來

佛本行集經卷第一

癸卯歲高麗國大藏都監奉
勅彫造

佛本行集經卷第三

且

隋天竺三藏闍那崛多譯

發心供養品中

阿難彼普賢如來復授一菩薩記次
當作佛号月如來阿難彼月如來復
授一菩薩記次當作佛号分陀利如
來阿難彼分陀利如來復授一菩薩
記次當作佛号無垢如來阿難彼無
垢如來復授一菩薩記次當作佛号
證我如來

阿難彼證我如來復授一菩薩記次
當作佛号大雨如來阿難彼大雨如
來復授一菩薩記次當作佛号無畏
如來阿難彼無畏如來復授一菩薩
記次當作佛号自光明如來阿難彼
自光明如來復授一菩薩記次當作
佛号大力如來

阿難彼大力如來復授一菩薩記次
當作佛号日如來阿難彼日如來復
授一菩薩記次當作佛号秋光如來
阿難彼秋光如來復授一菩薩記次
當作佛号熱光如來阿難彼熱光如

來復授一菩薩記次當作佛号相如
來阿難彼相如來復授一菩薩記次
當作佛号無比如來

阿難彼無比如來復授一菩薩記次
當作佛号勝上如來阿難彼勝上如
來復授一菩薩記次當作佛号相上
如來阿難彼相上如來復授一菩薩
記次當作佛号娑羅王如來阿難彼
娑羅王如來復授一菩薩記次當作
佛号身上如來

阿難彼身上如來復授一菩薩記次
當作佛号無慮畏如來阿難彼无慮
畏如來復授一菩薩記次當作佛号
化如來阿難彼化如來復授一菩薩
記次當作佛号寂定如來阿難彼寂
定如來復授一菩薩記次當作佛号
勝王如來

阿難彼勝王如來成佛之慶其劫名
賢有三百佛皆同一号号勝王如來阿
難彼勝王如來取在後佛復授一菩薩
記次當作佛号一切事見如來阿難
彼一切事見如來有三億衆聲聞弟
子皆阿羅漢

阿難彼一切事見如來復授一菩薩
記次當作佛号無憂如來阿難彼無
憂如來復授一菩薩記次當作佛号
龍上如來阿難彼龍上如來復授一
菩薩記次當作佛号閻浮上如來阿
難彼閻浮上如來復授一菩薩記次
當作佛号尼拘陀如來阿難彼尼拘
陀如來復授一菩薩記次當作佛号
廣信如來阿難彼廣信如來復授一
菩薩記次當作佛号救脫如來阿難
彼救脫如來復授一菩薩記次當作
佛号勝上如來

阿難彼諸世尊多陀伽度阿羅訶
三藐三佛陀各各次第轉相授記至
於最後勝上如來我身悉皆供養承
事今時世尊而說偈言

彼等諸如來 釋迦大師子 以佛清淨眼
一切皆覩見 如是如來智 不思議佛行
諸天諸人等 悉不能得知 因果及佛智
諸法顯現相 唯諸佛境界 凡夫不能知
所說諸佛名 顯現諸佛行 有大威德相
以佛眼普見 若有智慧人 當欲求菩提
應讀此佛名 不久得作佛

尔時阿難白佛言世尊我曾聞佛金口所說聞已繫心憶持不忘所謂諸佛智無有尋無等等無障尋世尊如來實知如是智不

尔時世尊告阿難言如來智慧具足了知是故知見無障無尋如來欲作境界寬狹念諸佛智分齊少多隨意皆得

尔時阿難復白佛言世尊猶如尊者阿尼盧豆得淨天眼過於人眼如是尊者阿尼盧豆以淨天眼能得見於一千世界如來說言我見無邊此義云何佛時默然如是再問乃至過三然後方答

佛告阿難汝莫以於聲聞智慧欲比如來何以故我今以於清淨天眼過於人眼見此東方恒河沙數佛刹之中諸菩薩等初發道心種諸善根或見東方恒河沙數諸佛刹中無量菩薩得受記別或見東方恒河沙數佛刹之中諸菩薩等行菩薩行或見无量諸菩薩等於諸佛邊修行梵行後得生於兜率天宮從兜率下入於母

胎或見菩薩從母右脇誕育而生或見菩薩行童子法或見菩薩在於宮內示行欲法或見菩薩捨於轉輪聖王之位出家修道或見菩薩降四種魔或見菩薩菩提樹下證得阿耨多羅三藐三菩提或見菩薩得菩提已受解脫樂或見菩薩端坐思惟二種分別或見菩薩轉法輪時或見菩薩為諸衆生捨於壽命欲入無餘涅槃之時或見菩薩般涅槃後正法住世像法住世久近多少延促之時阿難我如是見東方佛刹恒河沙等諸佛成道及滅度後正法像法悉皆沒盡如東方刹南西北方四維上下亦復如是也

尔時世尊告阿難言阿難我念往昔過於無量無邊阿僧祇不可數不可說劫是時有一轉輪聖王名曰善見降伏四方如法治世彼王所統悉皆豐樂不行鞭杖亦無煞害兵戈偃息如法化人阿難彼善見王所居住城名閻浮檀其城東西十二由旬南北面各有七由旬

阿難彼閻浮城清淨莊嚴殊特妙好
悉用四寶之所莊飾黃金白銀頗梨
琉璃其外別更有七重城彼城皆悉
高於七尋各厚三尋而彼城頭周匝
皆有七重欄楯彼諸欄楯雕刻精麗
殊妙少雙亦用四寶之所成就黃金
白銀琉璃頗梨若黃金欄黃金鈎柱
白銀窓臺若白銀欄白銀鈎柱黃金
窓臺若頗梨欄頗梨鈎柱琉璃窓臺
若琉璃欄琉璃鈎柱頗梨窓臺而彼
七重一一城內皆有七重寶多羅樹
行列圍繞彼樹枝葉花果扶踈翳鬱
敷榮人所樂見其樹根莖皆是四寶
黃金白銀頗梨琉璃金多羅樹金根
金莖銀枝銀葉花果悉銀銀多羅樹
銀根銀莖金枝金葉花果悉金若是
頗梨為多羅樹頗梨根莖琉璃枝葉
琉璃花果若是琉璃為多羅樹琉璃
根莖頗梨枝葉頗梨花果彼多羅樹
皆有羅網其羅網間悉懸寶鈴其諸
鈴網皆七寶成所謂金銀琉璃車渠
馬瑙珊瑚頗梨彼諸城外有七重漸
匝圍繞彼漸匝甚深八仞德水湛然盈滿

種種名花所謂優鉢羅花波頭摩花
拘勿頭花分陀利花弥覆水上彼諸
塹底皆是金沙彼塹岸邊周匝皆有
七寶羅網弥覆其上阿難彼閻浮城
四面各有一十六門彼諸城門四寶
所成黃金白銀頗梨琉璃金門銀扇
銀門金扇若頗梨門琉璃為扇若琉
璃門頗梨為扇彼諸城門各各皆有
却敵樓櫓層閣飛閣垂珠羅網亦以
七寶之所莊嚴微妙精奇人所喜見
其諸城門皆有七重四寶門障安住
不動發起開閉顯曜光明可愛可樂
所謂金銀頗梨琉璃彼諸城門遠觀
洞徹門若開時風自吹開門欲閉時
風自吹閉彼七重障風若開時門門
相當悉皆通見門欲閉時風自吹閉
七重門障溘然還遮阿難彼閻浮檀
城之處中有一大池名曰歡喜彼池
東西廣一由旬南北廣半由旬其池
四岸四重埽壘彼埽端正微妙可喜
四寶所成黃金白銀琉璃頗梨彼池
四面皆有閣道而彼閣道端正可喜
亦為四寶之所合成黃金白銀琉璃

頗梨黃金閣道白銀階級白銀閣道
黃金階級琉璃閣道頗梨階級頗梨
閣道琉璃階級彼閣道上悉有却敵
而彼却敵嚴饒可喜七寶所成黃金
白銀車渠馬瑙珊瑚琥珀及以琉璃
彼池四邊皆有拘欄端正可喜亦皆
四寶所共合成黃金白銀琉璃頗梨
其池東面黃金拘欄其次南面白銀
拘欄其次西面琉璃拘欄其次北面
頗梨拘欄黃金拘欄黃金為柱白銀
窓臺白銀鈎欄白銀為柱黃金窓臺
頗梨拘欄頗梨為柱琉璃窓臺琉璃
拘欄琉璃為柱頗梨窓臺

阿難彼歡喜池周匝圍繞有多羅樹
七重行列彼樹間中悉有羅網七寶
莊嚴其羅網間皆懸寶鈴多羅樹外
有七重漸端正可喜然彼池中有種
種花所謂優鉢羅花波頭摩花拘勿
頭花分陀利花其池岸上有陸生花
所謂瞻婆華阿陀目多華婆利師花
捷陀婆利師花彼歡喜池八功德水
之所充滿諸鳥渴時皆得平飲彼池
水底皆布金沙七寶羅網以覆池上

彼妙羅網節節皆懸七寶之鈴阿難
彼閻浮城街巷平整其街兩邊有多
羅樹多羅樹間悉有羅網其羅網間
節節皆懸七寶之鈴其七寶鈴微風
吹動出妙音聲令人樂聞心生歡喜
譬如人作五種音樂阿難彼閻浮城
所有人民皆悉純直彼諸人民欲相
娛樂更無別言聞彼鈴聲即便歡喜
自然歌舞更不憶念其餘音樂

阿難彼閻浮城常有種種微妙音樂
所謂鍾鈴鼗鼓琴瑟箏篳篥箏箏
簫琵琶箏笛諸如是等種種音聲復
有無量微妙鳥音所謂鸛鵲鸚鵡孔
雀拘翅羅鳥命命鳥等無量無邊種
種諸鳥皆出微妙殊異音聲無時暫
息地上皆散種種妙華所謂優鉢羅
花拘勿頭華波頭摩華分陀利花及
諸陸地種種雜花阿難彼城無有苦
惱逼切不如意事一切俗悉無所減
少是物豐饒飲食無乏衆味具足悉
滿家居無有空地人民熾盛威德魏
巍所住之城辟如北方毗沙門王阿
羅迦城等無有異阿難時彼世中有

一佛出名曰寶體多陀阿伽度阿羅訶三藐三佛陀十号具足阿難彼寶體佛未得道前作菩薩時常樂清淨彼城人民亦樂清淨時寶體佛居止側近閭浮檀城若於晨朝欲行乞食入於城邑聚落之中則有無量千萬諸天下来供養圍繞侍衛寶體如來欲入城時足按城門時彼城內所有人民皆悉為於諸天護持神通力故供養於彼寶體佛故掃除糞穢香湯灑地香泥塗地散雜香花滿於地上處處皆安妙好香鑪燒無價香張懸種種幡幢蓋等如是無量供養之具以用供養寶體如來

余時有一城外村人共城內人欲結誓娶來入城邑彼人見城端嚴殊妙世所未有從小已來眼所未覩心大驚恠問於城內居住人言此城今者欲作何事彼城內人報村人言此處有一如來出世名曰寶體多陀阿伽度阿羅訶三藐三佛陀不久欲入此城乞食以如是故灑掃莊嚴更復向於村人廣說如來功德無量无邊亦

讚佛德多陀阿伽度阿羅訶三藐三
佛陀十号具足如是復歎法寶有德
如是復稱僧寶有德彼人聞於三寶
功德心生歡喜踊躍無量作如是念
寶體世尊多陀阿伽度阿羅訶三藐
三佛陀希現於世我今可詣寶體佛
所彼人內心作是念已即共城邑諸
聚落人相將往詣寶體佛所至佛所
已作如是念若是如來得一切智見
我心者應先共我語言慰喻

時寶體佛知彼人心於先即共彼村
人語時彼村人得彼如來於先語已
心生歡喜踊躍無量既滿其願即請
如來後日施食時佛默然受彼人請
時彼村人得於如來受已請已復生
歡喜速向自家具辦飲食時四天王
及梵釋等諸天大衆齎持種種天諸
供具來獻如來時彼村人至於自家
其夜辦具種種美食食訖味可食
之味辦具已訖起明清旦於家地上
掃除清淨香泥塗地以妙香水重灑
其上復散種種雜妙好花敷置床座
即遣使人往白佛言如來若知時節

至者願赴我家時寶體佛於晨朝時
著衣持鉢與千億衆聲聞比丘前後
圍繞至受請家到彼家已諸比丘等
各隨大小依次而坐時彼村人見寶
體佛安坐已訖即將種種妙好飲食
自手擎持以奉如來白言世尊唯願
諸佛及比丘僧隨意飽食及諸大衆
受食訖已食不可盡彼人生念此百
味食既不可盡必是如來威神德力
令使充溢餘食既多我今可喚所看
如來白衣人衆布施此食皆食飽滿
然後我心得大歡喜復生此念希有
希有不思議法此寶體佛威德力大
令我眷屬不嘆自來佐助於我我亦
不曾借倩一人又我亦復不用多功
衆事一時皆得辦具時寶體佛飯食
訖已為彼村人如應說法使其歡喜
生希有心安置彼人於正法中及彼
大衆皆聞說法悉各歡喜或得道者
乃至起還歸向本處

時彼村人聞寶體佛說法教化聽受
法已歡喜踊躍心發弘誓作如是言
願我未來如似寶體如來所得一切

諸法我皆具足又願我於大眾之中
如是說法令一切人歡喜信受如今
世尊寶體如來將比丘衆安序而行
一種無異時彼村人供養如來具足
尊重恭敬心已隨佛向寺剃除鬚髮
捨俗出家得成比丘時彼寶體如來
住世為諸衆生說法已訖入般涅槃
之後無量無邊天人衆等闍維
佛身復將無量供養之具於闍維所
而設供養時彼比丘既聞如來入般
涅槃生大憂惱作如是念我今可往
至闍維所若至彼處應得異法是時
比丘速疾往詣彼闍維所到彼處已
即得異寶初得之時謂彼珍寶不甚
清淨少有塵垢

尔時比丘細刮拭看即知清淨真琉璃
寶價數直於百千兩金彼摩尼寶
安置之處晝夜無異夜如日現一切
房舍一切院落皆悉光明是時天人
收彼寶體佛舍利已起造於塔時彼
比丘亦生心念我今可以此摩尼寶
安置淨罽承露盤上作於寶瓶生此
念已至於塔所至彼所已作如是念

我此摩尼寶珠價直百千兩金我今以是摩尼寶珠安於塔上為彼如來是我之師是故我今持此摩尼置於塔上彼摩尼寶光明照於彼塔之上無量千歲而彼比丘復然無量種種燈明足滿千年供養彼塔恭敬尊重滿千年已心常不捨念佛三昧彼比丘持清淨戒故加復供養如來塔故以是因緣命終之後在生死中无量無邊百千万世受於人天福樂果報不曾墜墮於惡道中

阿難時彼比丘過於百千無量無數阿僧祇劫復值一佛出現於世号曰能作光明如來時彼比丘供養於佛修持禁戒梵行清淨出家如前復發此心願我未來藉此功德生生世世莫生惡道時作光佛知彼比丘心所願已即與授記語言仁者汝於來世過於百千無量無數阿僧祇劫當得作佛多陀阿伽度阿羅訶三藐三佛陀号曰然燈彼然燈佛作菩薩時於末後身生兜率天從兜率天降神來下從右脇入託於母胎住居十月滿

十月已一心正念欲生之時放於光明照彼佛刹皆悉遍滿

尔時菩薩既將欲生其母諮王智者主言大王當知我意欲往園林之內遊戲觀看王聞夫人如是語已即出勅告城内大臣及諸豪富長者居士商賈人言我今夫人欲出園林觀看遊戲汝等當家可各莊嚴城内街衢悉令清淨所有穢惡及礫糞埽並宜除却辦具香湯灑散於道香泥塗地以妙香花布散其上處處安置妙寶香鑪燒衆名香又復安置種種寶瓶盛諸香水著好淨花優鉢羅華波頭摩華拘勿頭花分施利華置於瓶內處處安置芭蕉之樹隨芭蕉樹大小高下各懸雜色種種幡幢其諸幡幢衆色間雜其幢樹內復各垂於七寶網羅真珠瓔珞網羅節目悉有寶鈴若夜淨天星辰出現又於處處悉各施懸衆寶明鏡猶如日月或懸種種雜色流蘇或處處垂金銀寶帶彼城街巷如是種種精麗莊嚴等彼天神捷聞婆城一種無異時王夫人共千

左右乘寶輦舉伎樂引導種種音聲
前後圍繞填滿街巷從宮殿出四面
觀看安庠而行威德特尊勢力廣大
處在衆中無與比者向彼園林既到
園林漸趣河岸至河岸已即上於船
遊入河中至中流已忽然自有一大
燈明上下縱廣十二由旬其燈明內
有莎草叢高下四指其色艾白柔軟
猶如迦耶隣提出妙香氣又如瞻婆
波利師華其園林內出種種華及種
種果種種樹木天上人間所有樹木
名華美果悉滿此園時菩薩母仰觀
虛空安庠右手攀引樹枝枝即垂下
時王夫人即以右手捉於樹枝從右
脇間出一童子端正可意名曰然燈
自然而合掌十指掌童子生時放大
光明照彼佛刹皆悉充滿天上即雨
無量諸花所謂曼陀羅花摩訶曼陀
羅華曼殊沙華摩訶曼殊沙華優鉢
羅華波頭摩華拘勿頭華分陀利花
又雨無量旃檀散香充滿遍布十二
由旬復雨種種無量無邊天諸伎樂
不鼓自鳴又出無量歌讚音聲音聲

之內言辭唱云無量作燈明無量作
燈明是彼菩薩瑞應之号故稱然燈
今時然燈菩薩大士諸根具足相好
圓滿無所乏少日日長大在於樓上
受五欲樂然彼童子受五欲時雖復
歡樂忽自生念世間愛欲虛幻暫時
須臾破壞不久磨滅思惟此已從家
內出剃除鬚髮身服袈裟得於出家
出家之後欲求菩提漸向樹下修習
正覺證正覺後以佛眼觀一切世間
即生此念有誰取得初聞正法即見
世間空無化者再觀三觀亦見世間
無有聞法及可度人彼佛在世經三
千年獨一無侶端坐過於三千年後
彼然燈佛多陀阿伽度阿羅訶三藐
三佛陀作如是念此衆生輩耽著五
欲放逸多時迷荒無厭我今當化令
彼覺知作是念已從燈炷城出住空
中化作一城名閻浮檀於彼城內化
作種種琉璃諸屋於其城外又復化
作種種七寶多羅之樹七重行列七
寶莊嚴如上所說城莊嚴事其城縱
廣東西南北五千由旬又其城內莊

嚴之具如忉利天一種無異彼城內人壽三千歲此閻浮提諸衆生等悉遙觀彼一切人民受於歡樂自恣五欲恣見恣知恣聞恣羨

時然燈佛如是過於三千歲後生是念言我今可作神通變化令閻浮人生厭離想

時閻浮人見然燈佛所居之城四壁皆出猛火焰熾生大恐怖共相謂言嗚呼彼城自然燒盡不久漸滅時閻浮提一切人民諸根成熟應得佛化彼等人民見彼化城四面火起熾盛燒然怖畏驚恐求歸依處無救護者欲求解脫無能度者發此言已願於彼城下來至此或復此城上至於彼我等一切當滅彼火是時天龍夜叉乾闥婆人非人等出於彼城告我等言何故此城自出火然時彼城前忽尔自然出三閻道一金所成二銀所成三頗梨成其閻道間各有雜寶多羅樹行彼多羅樹出大聲云汝等人輩宜速聚集會於一處若汝心欲見然燈佛多隨阿伽度阿羅訶三顏三

佛隨者彼佛不久欲下閻浮提時閻
浮提一切人民皆悉往詣彼閻道所
見然燈佛從城內出於閻道下時諸
梵釋四天三等前後圍繞閻浮提人
見彼佛已皆大歡喜各生是心我等
前者欲覩如來今已得見復更生念
我各於先問佛是事此城何故如是
火然如來應為我等解釋時然燈佛
足蹈地已其諸人民悉各皆念我獨
頭面頂礼於佛而發是言我得於先
頂礼佛足

時然燈佛坐師子座坐已為彼衆生
說法所謂讚歎布施之事持戒之事
離欲之事得漏盡法說於出家功德
之利助清淨法如來見此閻浮提人
聞佛說法信樂聽受生歡喜心心意
柔軟心得無碍如來更復為說諸法
如往昔佛知於衆生機根說法令其
歡喜所謂苦集滅道世尊今復為閻
浮人具足說此四諦之法時然燈佛
初日說法教化度脫六百億人悉皆
漏盡證阿羅漢心得自在第二日化
五百億人第三日化四百億人第四

日化三百億人第五日化二百億人
第六日化一百億人第七日化五十
億人悉皆如上得阿羅漢五類第三
一七日內教化度脫百一億人取後
第三一七日內復度七十五億衆生
悉得上利漏盡意解成阿羅漢彼然
燈佛住世一切共諸比丘聲聞弟子
為世間人作利益故地持遺師
作如是說
阿難諸佛次第相傳授記其然燈佛
初種善根求阿耨多羅三藐三菩提
乃至轉法輪住世一切化衆生故摩
訶

僧祇師作
如是說

阿難其然燈佛為菩薩時在於船上
雖受五欲於世間中深生厭離作如
是念我可坐船渡河彼岸亦發此心
即生一大清淨蓮花然燈童子於其華
上結加趺坐坐已蓮華即自還合猶
如象蓮時諸姝女求覓童子莫知所
在即奏大王

尔時大王遣使四方推求尋覓東西
南北不知其所乃至四維亦不知處
然燈菩薩以天威德神通力故在彼
船上蓮華臺中結加趺坐而身不現

即得五通飛騰虛空乃至向於菩提
樹下得一切智及轉法輪說法度脫
六十八億百千人俱皆悉共住在於
世間教化衆生

尼沙塞師
作如是說

佛本行集經卷第二

癸卯歲高麗國大藏都監奉

勅同造

佛本行集經卷第三

宜

發心供養品下

隋天竺三藏闍那崛多譯

尔時世尊在舍衛城告阿難言阿難
諸佛菩薩晝夜常說一切諸法有四
種攝而攝衆生何等為四一者布施
二者愛語三者利益四者同事

尔時阿難從座而起整理衣服偏袒
右肩合十指掌右膝著地而白佛言
世尊如來往昔供養幾佛求阿耨多
羅三藐三菩提於何佛邊種諸善根
為未來世求於菩提佛告阿難諦聽
諦受善思念之今當為汝說彼如來
諸佛名字并及所種善根之處

阿難我念往昔有佛出世号曰然燈
多陀阿伽度阿羅呵三藐三佛隨於
彼佛邊種諸善根求未來世阿耨多
羅三藐三菩提

次復一佛出現於世号世無比我時
供養彼佛世尊種諸善根求未來世
阿耨多羅三藐三菩提次復一佛出
現於世号蓮華上我時供養彼佛世

尊種諸善根求未來世阿耨多羅三藐三菩提

次復一佛出現於世号最上行我時
供養彼佛世尊種諸善根求未來世
阿耨多羅三藐三菩提次復一佛出
現於世号德上名稱我時供養彼佛
世尊種諸善根求未來世阿耨多羅
三藐三菩提

次復一佛出現於世号釋迦牟尼我
時供養彼佛世尊種諸善根求未來
世阿耨多羅三藐三菩提次復一佛
出現於世号曰帝沙我時供養彼佛
世尊種諸善根求未來世阿耨多羅
三藐三菩提

次復一佛出現於世号曰弗沙我時
供養彼佛世尊種諸善根求未來世
阿耨多羅三藐三菩提次復一佛出
現於世号見一切利我時供養彼佛
世尊種諸善根求未來世阿耨多羅
三藐三菩提

次復一佛出現於世号毗婆尸我時
供養彼佛世尊種諸善根求未來世
阿耨多羅三藐三菩提次復一佛出

現於世号曰棄我時供養彼佛世尊種諸善根求未來世阿耨多羅三藐三菩提

次復一佛出現於世号毗沙門我時供養彼佛世尊種諸善根求未來世阿耨多羅三藐三菩提次復一佛出現於世号拘留孫我時供養彼佛世尊種諸善根乃至梵行求未來世阿耨多羅三藐三菩提

次復一佛出現於世号拘那含牟尼我時供養彼佛世尊種諸善根乃至梵行求未來世阿耨多羅三藐三菩提次復一佛出現於世号曰迦葉我時供養彼佛世尊種諸善根乃至梵行求未來世阿耨多羅三藐三菩提阿難我於弥勒菩薩之邊種諸善根求未來世阿耨多羅三藐三菩提而有偈說

此佛大威德 離欲得寂靜 釋迦牟尼佛 皆悉供養來

尔時阿難白佛言世尊如來供養彼等諸佛多隨阿伽度阿羅呵三藐三佛陀將於何等供養之具供養彼佛

種諸善根求未來世阿耨多羅三藐
三菩提

佛告阿難我念往昔過無量世有一
國王名曰降怨是刹利種紹灌頂位
其王福德壽命極長端政可憲名稱
遠聞阿難彼降怨王居住之處有一
大城名曰蓮華彼王於此城中治化
安置宮殿彼城東西十二由旬其南
北面經七由旬土地調適雨澤以時
五穀豐熟無所乏少多有人民填滿
充塞間無空處園苑樹林華果具足
泉流池沼水常湛然街巷兩邊皆安
店肆去來市買無暫時停猶如北方
毗沙門城名阿羅迦東西南北等无
有異彼蓮華城如是莊嚴種種具足
阿難彼降怨王有一豪富大婆羅門
名為日主勇健強力多饒財寶象馬
奴僕六畜牛羊種種皆豐無所乏少
其庫藏內純是異類黃金白銀真珠
珍寶車馬珊瑚琥珀悉皆備具
一如北方毗沙門王阿難時彼日主
大婆羅門特為彼王心所愛重恒相
伴侶不曾暫離日日相見無厭憊心

阿難彼降怨王時有一事將付日主
婆羅門判令好斷決日主如法分判
已後入彼王意王於日主婆羅門所
倍生歡喜分割半國與婆羅門封授
為王令其治化時降怨王為彼日主
婆羅門王別更立城名為延主東西
南北街衢巷術城郭莊嚴如蓮華城
一無有異阿難彼日主王有一夫人
名為月上阿難然燈菩薩從兜率下
降神之時於日主宮月上夫人右脅
入胎端坐出生成道說法化人皆得
阿羅漢果如上因緣然燈菩薩本行
經說時然燈佛在彼二城次第居住
說法度人

時父日主常以四事供養彼佛尊重
恭敬如佛所歎

阿難其降怨王漸漸傳聞彼延主城
日主王宮第一大妃月上夫人生一
童子名曰然燈端政可憐世間無雙
衆相具足譬如金像童子生已將詣
相師國內大智婆羅門所教令占相
童子如是相貌云何彼相師言此童
子者福德莊嚴若在家內為轉輪王

化四天下作大地主具足七寶一金
輪寶二神珠寶三王女寶四耆象寶
五者馬寶六主兵臣寶七主藏臣寶
復有千子悉皆端政具丈夫相能摧
怨敵威被大地四海山林無不降伏
國土安寧雨澤以時五穀豐熟人民
安樂無有苦惱無有疾病不用兵戈
如法治化若捨出家當得作佛多陀
阿伽度阿羅呵三藐三佛陀十号具
足名稱遠聞阿難彼童子捨家出家
乃至得成阿耨多羅三藐三菩提及
轉法輪名稱遠聞如上所說

時降怨王作如是念希有世尊出世
甚難時時一聞復難覩見是時降怨
王即遣使人向日主所作如是言我
今傳聞王大夫人生好童子衆相具
足如上所說我今欲請彼然燈佛多
陀阿伽度阿羅呵三藐三佛陀至我
所住蓮華之城受我微供王若遣來
彼此蒙益如其不放我當嚴備四種
兵往時彼使人受是語已往提主城
日主王所具以此語白日主王

時日主王聞此語已悵快憂愁心懷

不樂時日主王集聚群臣具以上事
向而說之汝等思惟彼有是言欲何
報答時諸群臣共白王言大王當知
如此之事還可諮問於然燈佛何以
故然燈世尊多陀阿伽度阿羅呵三
藐三佛陀有大慈悲時日主王報諸
臣言我心亦有如是憶念時日主王
共諸群臣躬自往詣然燈佛所乃至
彼佛慰喻王言大王安心莫驚莫怖
莫生憂愁何以故我今亦欲遊行他
國教化民人慈愍一切諸衆生故
時然燈佛多陀阿伽度阿羅呵三藐
三佛陀遊向彼國化衆生故即共無
量無數百千諸比丘衆相隨而行時
日主王供養供給然燈如來四事具
足無所乏少在後隨從送佛到於自
境界已頂禮佛足三匝圍繞泣淚而
還歸於本宮

時降忍王聞然燈佛來蓮華城及於
無量聲聞比丘百千之衆皆是漏盡
大阿羅漢聞已喜歡嚴治道路所有
雜穢悉使耘除校飾莊嚴如上所說
乃至等彼軋闍婆城一種無異時降

然王出勅告示其城內外十二由旬
禁斷一切所有人民不聽私賣諸香
花鬘其有之處我自採買欲持供養
彼然燈佛時降然王將四種兵具大
威德從城而出迎然燈佛

佛本行集經受決定記品第二上

余時彼國雪山南面有一梵志名曰
珍寶父母清淨婆羅門種乃至先祖
七世已來不曾雜穢無有人能輒敢
譏毀然其種姓皆為智者之所讚譽
又為其餘諸導師等之所恭敬三種
行具能教一切毗陀之論四種毗陀
皆悉收盡又聞陀論字論聲論及可笑
論呪術之論受記之論世間相論世
間祭祀呪願之論具足備有大丈夫
相自生善家復有五百善姓家兒為
其弟子圍繞供承阿難當知余時珍
寶婆羅門者現今弥勒菩薩是也時
彼五百諸弟子等常從是師讀誦祭
祀呪術之法時彼五百弟子之中有
一大姓婆羅門子号名為雲於彼眾
中而作上首眾行具足少小從師時
年十六端政可意得善種生父母清

淨乃至七世無有穢濁無能譏呵其
家種族乃至具足大丈夫相世間無
比身黃金色頭髮亦然其聲清淨如
梵天音從彼珍寶仙人之邊受誦呪
術捷利速疾所得真正一聞便領語
言辯了字句分明所有一切婆羅門
家種種呪術工巧技能皆悉洞解解
已語彼梵志師言大師和上我今習
學已盡和上所有德術意欲還家其
和上心戀雲童子不欲別離即語之
言汝摩那婆我有一論名為毗陀乃
是往昔諸仙所說一切外道婆羅門
等未曾知聞况復得見及以教他摩
那婆言唯願和上為我解說

時彼梵志即復更教彼摩那婆秘要
呪術時摩那婆亦悉受得復更重白
彼梵志言我今已得和上呪術方法
盡解復更何作梵志復告摩那婆
言我婆羅門種姓相承復有家法若
有弟子從師學問必須報恩將諸財
物以用布施摩那婆言和上為我解
說家法將何報恩和上今心欲須何
等梵志語言汝摩那婆欲報我者可

將一好清淨傘蓋革屣金杖金三叉木金瓶金鉢上下舍勒五百金錢如是與我

尔時童子白梵志言和上大師我無如上所說之物可奉和上請乞放我四方求索得即將來供養和上梵志報言汝若知時當隨所去時雲童子頂礼師足圍繞三匝辭別而行時雲童子聞有一處去此雪山五百由旬其城名為輸羅波奢時彼城內有一種姓大婆羅門名祭祀德居住彼城彼婆羅門大富饒財甚足資產彼祭祀德大婆羅門欲為六万諸婆羅門奉設一年無遮之會備辦六万布施之具為二人人一傘蓋一三叉木革屣瓶鉢上下舍勒及錢物等供身之具皆悉備足別為上座一婆羅門造於金柄上妙傘蓋取勝革屣純金為杖金三叉指金瓶金鉢上下舍勒價數各直百千兩金五百金錢一千特牛各并犢子一牛一犢得一斗乳其牛角上皆以金裝五百童女皆珠璣瑤莊嚴其身其諸女中有一童女

名曰善技取為上首其般遮會年歲已滿唯一日在

時雲童子從雪山下安庠而坐輸羅波城無遮會所時彼六万諸婆羅門遙見童子即發大聲唱言善我是處善造此般遮會今梵天至自來受此般遮布施時雲童子語彼六万婆羅門言汝等莫喚我作梵天我是於人實非梵天婆羅門言汝是阿誰雲童子言汝可不聞雪山南面有一梵志名曰珍寶種種通達教授門徒五百弟子乃至如上次第所說彼衆之中有一上足弟子名雲年始十六智慧聰明德術具足與師無異乃至其聲如梵天音汝等聞不婆羅門等皆各各言聞雲童子言即此身是婆羅門衆既識知已更復歡喜發大聲言善哉善哉善建立此無遮之會得雲童子來受此供

時祭祀德婆羅門女善技之身及諸童女樓上遙望見雲童子端政少變見已喜歡向四方礼諸天諸神心自密念願此童子論議第一勝舊上座

諸婆羅門令我遠離此不善人莫與
如此不善之人共為夫婦時雲童子
至於會所圍繞三匝繞三匝已至於
上座婆羅門前美言慰喻問言仁者
誦持何論時此六万諸婆羅門同聲
共答雲童子言仁者莫問我此上座
誦於何論何以故今此上座可是我
家婆羅門法呪術諸論悉皆誦持雲
童子言婆羅門輩汝此上座雖復誦
念婆羅門家醫方技藝但我師資婆
羅門學別自有法要須相問汝等有
論名先有不時彼六万婆羅門衆各
共答言我等此名尚未曾聞何況得
有何况得誦雲童子言我師法中教
我有此一毗陀論名為先有我亦誦得
時彼大會婆羅門言請為解說我等
樂聞時雲童子在於上座敷設處立
以梵音聲誦彼先有毗陀之論時會
六万婆羅門衆歡喜踊躍同聲唱言
稱適我心稱適我意甚大歡喜告雲
童子言汝摩那婆今可為我作於上
座坐我座首受我上座最勝之水受
我上座最初之食時雲童子推彼上

座令向下坐即於勝座承取初水受
於先食食稱意食食訖已後隨其所須
布施之具依上座法而為受之其不
須者辭而不受時祭祀德大婆羅門
心自念言我今建此無遮之會不依
聖法所有一切布施之物不依聖教
何以故此會達嚫所有一切布施之
物為雲童子不領我意具足而受
時祭祀德大婆羅門長跪諮白雲童
子言大德童子汝可受此我之布施
一切之物莫令我會施不具足時雲
童子語祭祀德婆羅門言大婆羅門
汝善布施衆事具足非是不善此無
遮會無有關少唯我須者我今受之
所不須者徒取無益時彼上座舊婆
羅門心生此念我久時乞願得如是
布施之具次望先取云何今者為此
幼歲摩鄰婆來推我向下奪我利養
若我生來所有一切持戒精進苦行
果報是果報緣生生世世共此童子
相會集處為其奪我利養之事報此
怨讎終不相捨阿難當知今時雲童
子者我身是也祭祀德者現今檀施

涉尼是也時彼上座婆羅門者即今提婆達多是也阿難以是因緣提婆達多愚癡之人往昔共我世生生恒作怨讎不相捨離

時雲童子將其所得種種施物欲向雪山以奉梵志經諸聚落村邑國城或住或行如是觀看於後漸漸至蓮花城入彼城內見城莊嚴殊特妙好不可思議如上所說即生是念何故今者此蓮花城如是莊嚴不可思議或當有人欲於此城作無遮會或復祭祀諸星宿天或作吉祥或作福業或是時節婆羅門會或當是此城內人民聞我名聲多解多知謂言我來於此欲共諸婆羅門問難論義而復無有一人念我或復恭敬禮拜於我時我即問彼一人言仁者此城何故莊嚴如是微妙

余時彼人即報我言大智童子汝可不聞然燈世尊多陀阿伽度阿羅呵三藐三佛陀不久欲來此蓮華城說法教化為是事故我王降怨約令人民各使莊嚴時諸人等欲造福業布

設如是種種雜飾擬欲供養然燈如
來阿難我時生念如我法中有此言
說若人具足三十二相彼人即有二
種果報若在家者必定得作轉輪聖
王若捨出家修學聖道必定當得阿
耨多羅三藐三菩提名稱遠聞威德
自在此是無疑阿難我於今時更生
是念我今先應向此停住供養禮拜
然燈世尊求於未來阿耨多羅三藐
三菩提然後別報梵志師恩我又生
念將何等物供養於佛以何事業種
諸善根今時我心作是思惟諸佛世
尊不尚錢財以為供養唯法供養聖
所稱譽我未有法義無空見今可買
覓上妙好華持以奉獻願未來世得
作於佛我時即至一陂師家語彼人
言仁者可賣此花與我今時彼人報
於我言仁者童子汝可不聞降怨大
王出勅告下所有華鬘悉不聽賣與
於他人何以故王欲自取持供養佛
我聞彼人如是語已復更至於餘陂
師店求索花買彼還答我如前不異
如是處處買華不得於街巷裏私竊

訪求見一青衣取水婢子名曰賢者
密將七莖優鉢羅華內於瓶中從前
而來我見彼已心生歡喜即語之言
汝將此華欲作何事我今與汝五百
金錢汝可與我瓶內七莖優鉢羅華
彼女復言仁者童子汝可不聞然燈
世尊多陀阿伽度阿羅呵三藐三佛
陀今欲入城受此地主降怨王請王
於佛所生尊重心復欲建立諸功德
故宣令國內十二由旬所有香油華
鬘之屬不聽一人私竊盜賣若有賣
者唯王得買自將供養以我比舍有
一鬘師名曰怨讎彼有一女私從我
邊取五百錢即盜與我此七莖華我
既違禁得於此華自欲供養然燈世
尊多陀阿伽度阿羅呵三藐三佛陀
實不可得時我復更語彼女言善女
所說因緣我今已知汝可取我五百
金錢與我五莖優鉢羅華兩莖還汝
尔時彼女即答我言仁者童子汝取
此華欲作何用我時報言如來出世
難見難逢今既遭遇欲買此華上然
燈如來多陀阿伽度阿羅呵三藐三

佛陀種諸善根為未來世求於阿耨
多羅三藐三菩提。爾時彼女復語我
言。我觀童子內外形容。身心勇猛。愛
法精進。汝必當得阿耨多羅三藐三
菩提。摩訶婆。汝若許我。未得聖道。於
其中間。生生世世。為汝作妻。若汝得
道。我當剝除出家學道。求阿羅漢。為
汝弟子。修沙門行。若如是者。我今與
汝此五莖華。不者。不與我。時復更語
彼女。言善女。我今此身。是婆羅門種
姓清淨。通達四種毗陀之論。我毗陀
中。作如是說。若人欲求阿耨多羅三
藐三菩提。行菩薩行。彼人應於一切
衆生生。憐愍心。安樂之心。所來求者。
不應慍惜。乃至身命。亦須施人。況復
所愛婦兒。妻子及餘財物。不得慍貪。
善女。我今發願。求於菩提。為欲安樂
諸衆生。故憐愍救濟一切衆生。或有
人來索我妻子。我以布施。汝愛戀心。
若作障。尋則我割捨。心願不成。復於
汝邊。得無量罪。汝若作願。能於彼時
一切所有資財寶物。我布施時。不作
難者。我當許汝。為我作妻。爾時彼女

即語我言摩那婆假使有人來向汝
邊乞我身者我亦不生慳貪之心况
復男女及餘財物我語彼女必能如
是如汝所願許當來世與我作妻是
時彼女從我邊受五百金錢即授五
莖優鉢羅花持以與我其餘兩莖為
我布施與汝同作未來因緣復語我
言汝欲種植善根之處將此二華散
於其上當願共汝生生同處莫相捨離
時然燈佛多陀阿伽度阿羅呵三藐
三佛陀從外來入蓮華城中我時賣
此七莖蓮花遙見佛來漸漸至近觀
彼佛身端政可意清淨光明照耀於
世調伏諸根其心寂定安住不動六
根澄靜若琉璃池進止威儀猶如象
王復有無量百千万億諸天大眾前
後圍繞各散無量天諸雜華及天無
量栴檀末香優鉢羅華波頭摩花拘
勿頭花分陀利花於然燈佛多陀阿
伽度阿羅呵三藐三佛陀上尊重供
養時降忉王偕從羽儀四種兵衆出
彼城門迎然燈佛尔時彼處聚集無
量無邊異類人及非人天龍八部諸

鬼神等所將香末種種雜花以散佛
上無有一華墮落於地並在然燈如
來頂上虛空之中成大寶蓋佛行隨
行佛住隨住我時見彼然燈如來生
信敬心生殷重心生敬心已將此七
莖優鉢羅花散於佛上發此願言若
我來世得作佛時如今然燈如來得
法及於大衆無有異者所散之華住
虛空中花羣向下花莖向上當佛頂
上凡於華蓋隨佛行住我見如是神
通德力倍復生於信敬之心

阿難時彼無量無邊人衆各將無價
妙好衣裳布於道上所謂微細迦尸
迦衣細白氎衣細苧摩衣微妙細軟
拘周摩衣及妙繒綵綺奢耶被為欲
供養然燈佛故覆地令滿阿難我於
是時見彼無量無邊人衆將無價衣
悉皆覆地時我身上唯一鹿皮我
將鹿皮布於地上而我鹿皮覆地之
處為彼人衆惡罵瞋嫌捉我鹿皮遠
擲他處我生此念嗚呼世尊然燈如
來可不憐愍慈念我耶生此念已佛
知我心憐愍我故

時然燈佛以神通力變一方地如稀
土泥時彼人衆見此路泥各各避行
無有一人入於泥者我時行見速往
泥所見彼泥已即生此念如是世尊
云何令踐此泥中行若泥中行泥汙
佛脚我今乃可將臭肉身於此泥上
作大橋梁令佛世尊履我身過我時
即鋪所有麁皮解髮布散覆面而伏
為佛作橋一切人民未得踐過唯佛
最初蹈我髮上如是供養然燈佛多
隨阿伽度阿羅呵三藐三佛施故復
生是念願此然燈如來世尊及聲聞
衆足蹈我身及頭髮上渡於此泥復
發此願願未來世得作佛時如今然
燈如來無異如是威德如是勢力作
天人師又願我今盡此身命若然燈
佛不授我記我終不起於此泥中當
是童子布身髮時是時大地六種震
動所謂東涌西沒西涌東沒南涌北
沒北涌南沒中涌邊沒邊涌中沒
佛本行集經卷第三

癸卯歲高麗國大藏都監奉
勅彫造

佛本行集經卷第四

五

隋天竺三藏闍那崛多譯

受決定記品下

尔時然燈如來多陀阿伽度阿羅呵
三藐三佛陀知於我心與大比丘百
千人俱及彼天龍千萬億衆左右圍
繞來向我所足蹈我身及螺髮上安
庠而行如大龍王觀看左右告諸比
丘汝等比丘不得共我同路而行是
摩那婆身及螺髮無有一人堪可蹈
者此人身髮唯除如來乃堪踐耳何
以故此是菩薩身及髮分時然燈佛
即語我言善哉善哉汝摩那婆發廣
大心擔願如海汝所求者為諸衆生
作利益故為諸衆生作安樂故摩那
婆汝既求此如是大願利益安樂一
切世間憐愍無量無邊衆故能為天
人作引導故發大精進勇猛之心
乃能滿足如是等法志求金剛不惜
身命是故汝今以身荷負如來而行
汝於當來乃至不得慳惜身命何況
餘財汝摩那婆求於阿耨多羅三藐

三菩提此是初相汝能發起如是引
願汝一切捨所有之物汝摩那婆所
行布施不得求於未來世報唯求出
世無上菩提勿生貪心見他資財不
得奪取汝持禁戒勿令缺犯不得撒
濁不應取相勿自譽讚誹謗他人及
毀自身汝當忍辱設有他來打罵禁
繫殺害之者皆須忍受乃至節節支
解於汝身體之時汝於如是怨讎等
邊應當忍辱生慈悲心不得殺生不
得劫奪他身命財於他財物常遠捨
離於自營求亦當知足莫近他人婦
女妻妾於自所有亦須不貪遠離妄
語乃至命盡不得向他非實而說不
得鬪亂親者令踈見破壞人恒教和
合不得惡口常以美言不得綺語必
有利益時語法語汝行正見一切邪
道皆當捨離汝摩那婆若能荷擔如
是諸事汝所求願無不具足汝應於
彼一切衆生生一子想哀愍衆生調
伏心口莫作諂曲應當供養尊重之
人汝莫傲慢令心放逸常須寂定三
昧正受觀無我法勿斷未來菩提種

性汝當如是利益衆生安樂一切摩
那婆汝若能辦如是等事口可自唱
稱言我能時我今時即白佛言世尊
我能

時然燈佛多陀阿伽度阿羅呵三藐
三佛陀既知我心即時微笑彼佛有
一侍者比丘從座而起整理衣服偏
袒右臂長跪合掌白言世尊以何因
緣如來微笑時然燈佛告比丘言比
丘汝見是摩那婆持七莖花供養於
我伏身被髮泥上作橋令我踐渡以
是事故此摩那婆過於阿僧祇劫當
得作佛号釋迦牟尼多陀阿伽度阿
羅呵三藐三佛陀十号具足如我无異
阿難我於是時間然燈佛為我授於
決定記已身心輕便不覺自騰於虛
空中高大多羅樹以清淨心合十指
掌向佛作礼阿難我於彼時遍身喜
悅不能自勝阿難時然燈佛即告我
言摩那婆汝可觀於東方世界時我
即觀見彼東方恒河沙等刹土諸佛
皆悉為我授決定記汝摩那婆於未
來世過僧祇劫當得作佛号釋迦牟

尼十号具足如此東方南西北方四維上下亦復如是

阿難我於今時從空而下安立住地頂札然燈世尊佛足却住一面即生此念我今可於然燈佛邊求索出家即白佛言唯願世尊聽我出家受具足戒我於佛邊修行梵行佛語我言汝摩那婆今正是時即得出家剃除鬚髮除鬚髮已無量諸天取於我髮為供養故十億諸天共得一髮阿難自我得成阿耨多羅三藐三菩提已來不見一衆生不供養諸佛而得安樂者無有是處阿難我於彼時猶尚具足諸煩惱縛貪欲瞋恚愚癡未盡無量百千億諸衆生取於我髮各持供養而得解脫况復今日離欲瞋癡而於我邊作諸功德不得解脫无有是處是故阿難一切衆生應當發心供養如來

阿難我從彼來在煩惱中行善盡行不捨精進勇猛之心常行布施常作功德我以如是諸善業故於彼无量百十世中得作梵王作於帝釋或作

百千轉輪聖王以彼善根因緣力故
今得作佛多陀阿伽度阿羅呵三藐
三佛陀得轉無上最妙法輪阿難我
以福德智慧力故現今所有一切剎
刹及婆羅門長者居士沙門智人信
受我語依我法行阿難汝觀我語終
無二言如然燈佛授我決記教示於
我我依修行今得阿耨多羅三藐三
菩提尔時世尊而說偈言

假使天落地 此大地變壞 一切諸衆生
猶得常住身 須弥山王崩 大海水乾竭
阿難汝當知 諸佛無二言

尔時世尊說此偈已復告阿難諸佛
世尊常有此行假使光明無量无邊
為諸衆生住持一尋徃是一尋為諸
衆生復現無量無邊光明何以故畏
諸衆生不知晝夜一月半月一年半
年春夏秋冬四時八節恐其忘失阿
難彼然燈佛十号具足明照業成常
光無暗是故彼佛号曰然燈常有光
明照耀天下自餘因緣如上所說
阿難我念往昔有一如來出現於世
号勝一切多陀阿伽度阿羅呵三藐

三佛陀我以金華散彼佛上發如是
言願我未來得微妙身具足相法如
今世尊今時彼佛知於我心即時散
笑侍者比丘整衣白佛乃至佛告彼
侍者言比丘汝見是人將於金花散
我上不時彼比丘答言我見佛告比
丘是人過於一億劫後當得作佛号
釋迦牟尼多陀阿伽度阿羅呵三藐
三佛陀十号具足阿難我於彼時得
授記已不捨精進勇猛之心信更增
長修餘福業我以如是善因緣故無
量世中生梵天上及於帝釋轉輪聖
王又作一王名曰善見彼王城郭却
敵門樓宮室殿堂純是黃金園苑樹
林泉流池沼皆金校飾彼業因緣我
今得成阿耨多羅三藐三菩提轉於
无上清淨法輪

阿難我念往昔有一如來出現於世
号蓮花上多陀阿伽度阿羅呵三藐
三佛陀我將銀華散彼佛上發如是
願乃至彼佛告侍者言汝見是人將
於銀花供養我不比丘言見佛告比
丘是人未來過十千万劫當得作佛号

釋迦牟尼多陀阿伽度阿羅呵三藐
三佛陀我於彼時間授記已不捨精
進勇猛之心倍更增長作諸功德我
以如是善果報故無量世中作梵天
王及於帝釋轉輪聖王又我過去曾
作一王名大善見所居之城名拘尸
那彼城樓櫓却敵窓牖皆為白銀之
所成就園苑樹林泉池諸水悉是白
銀莊嚴校飾乃至彼業因緣報故今
得作佛多陀阿伽度阿羅呵三藐三
佛陀乃至轉於無上法輪
阿難往昔以來有如是法凡諸菩薩
初生之時東西南北各行七步無人
執持阿難彼蓮花上佛初生時兩足
蹈地其地處處皆生蓮花面行七步
東西南北所踐之處悉有蓮花故呈
此佛為蓮花上當於彼時无量無邊
百千万衆天龍夜叉乾闥婆阿脩羅
摩睺羅伽人非人等一時大唱處處
出聲發如是言此大菩薩名蓮花上
因於天人唱此聲故彼佛世尊号蓮
花上

阿難我念往昔有一如來出現於世

号最上行多陀阿伽度阿羅呵三藐
三佛陀尔時我將一把金粟散彼佛
上乃至彼佛語侍者言是人過於一
千劫後當得作佛号釋迦牟尼我於
彼時聞授記已不捨精進增長善業
彼功德果報因緣故無量世中作梵
釋天轉輪聖王又復曾作一轉輪王
名曰頂生我於彼時宮殿之內經由
七日雨金粟雨沒於人膝縱廣弥滿
以是善業因緣力故我今得成阿耨
多羅三藐三菩提乃至轉於無上法
輪阿難彼最上行如來欲至聚落城
邑乞食足步虛空去地六尺是時天
龍人非人等高聲唱言此佛世尊名
最上行以是因緣号是如來為最上
行阿難我念往昔有一如來出現於世
号上名稱多陀阿伽度阿羅呵三藐
三佛陀我時布施彼佛一室及比丘僧
而乞願言乃至彼佛告侍者言是人
於後滿五百劫當得作佛号釋迦牟
尼我於彼時得授記已不捨精進業
因緣故經無量世作梵釋天轉輪聖
王又是報故我時作一轉輪聖王名

曰善見時天帝釋毗首羯磨下來為我化作一殿名一切勝以是善業果報因緣我今得成阿耨多羅三藐三菩提乃至轉於無上法輪

阿難我念往昔有一如來出現於世号釋迦牟尼多陀阿伽度阿羅呵三藐三佛隨與我同号種姓父母名字壽命一切悉同我將一掬蘇摩那華散彼佛上

迦葉遺師說言將金一掬

發如是願乃至

彼佛語侍者言是人於後滿一百劫當得作佛号釋迦牟尼我於彼時得受記已不捨精進增長功德無量世中作梵釋天轉輪聖王以是善業因緣力故以三十七助菩提分法莊嚴我身令我得成阿耨多羅三藐三菩提乃至轉於無上法輪

阿難我念往昔有一如來出現於世号曰帝沙多陀阿伽度阿羅呵三藐三佛隨我將一掬碎末栴檀散彼佛上乃至彼佛告侍者言是人過於九十五劫當得作佛号釋迦牟尼

我於彼時得授記已不捨精進增長功德無量世中作梵釋天轉輪聖王

以是善業因緣力故我得名為取上
戒行清淨具足以是善業果報因緣

我得名為取上智見功德具足

迦葉道
師如是

說言我以善業因緣力故得於取上戒行功德
名稱遠聞乃至得於取上智見功德遠聞我

今得成阿耨多羅三藐三菩提乃至
轉於無上法輪

阿難我念往昔有一如來出現於世
号曰弗沙多陀阿伽度阿羅呵三藐
三佛陀時彼佛在雜寶窟內我見彼
佛心生歡喜合十拍掌翹於一脚七
日七夜而將此偈讚歎彼佛而說偈言
天上天下無如佛 十方世界亦無比
世間所有我盡見 一切無有如佛者
阿難我以此偈歎彼佛已發如是願
乃至彼佛語侍者言是人過於九十
四劫當得作佛号釋迦牟尼我於彼
時得授記已不捨精進增長功德無
量世中作梵釋天轉輪聖王以是善
業因緣力故我得四種辯才具足無
有一人能共我論降伏我者我得成
於阿耨多羅三藐三菩提乃至轉於
無上法輪
阿難我念往昔有一如來出現於世

号見真理多陀阿伽度阿羅呵三藐

三佛陀我於今時將種種花散彼佛

上迦葉遺師說言彼佛号日見一切理乃至彼佛語侍者

言是人過於九十三劫當得作佛号

釋迦牟尼我於彼時得授記已不捨

精進增長功德無量世中作梵釋天

轉輪聖王以是因緣我今獲得最上

之名具持戒行乃至得名解脫知見

一切具足證於阿耨多羅三藐三菩

提乃至轉於無上法輪

阿難我念往昔有一如來出現於世

号毗婆尸多陀阿伽度阿羅呵三藐

三佛陀我於今時將一掬小豆散彼佛

上乃至彼佛告侍者言是人過於九

十一劫當得作佛号釋迦牟尼十号

具足我於彼時得授記已不捨精進

增長功德無量世中作梵釋天轉輪

聖王以是善業因緣力故我又曾作

轉輪王名為頂生得四天下復得

帝釋半座而坐以是果報今得成於

阿耨多羅三藐三菩提乃至轉於無

上法輪

阿難我念往昔有一如來出現於世

号曰尸棄多陀阿伽度阿羅呵三藐
三佛陀我於彼時將無價衣覆彼佛
上及聲聞衆發如是願乃至彼佛告
侍者言是人過於三十一劫當得作
佛号釋迦牟尼我於彼時得授記已
不捨精進勇猛之心常行布施造作
福業我以如是善業因緣無量世中
作大梵王及天帝釋轉輪聖王今日
復得種種衣服所謂迦尸迦衣葛摩
妙衣劫波妙衣憍奢耶衣拘沉婆衣
我今得成阿耨多羅三藐三菩提乃
至轉於無上法輪

阿難我念往昔有一如來出現於世
号毗舍浮多陀阿伽度阿羅呵三藐
三佛陀我於今時將好種種百味飲
食布施彼佛及聲聞衆發如是願乃
至彼佛告侍者言是人過於三十劫
後當得作佛号釋迦牟尼我於彼時
得授記已不捨精進勇猛之心常行
布施造作福業我以如是善根因緣
無量世中作大梵王或作帝釋轉輪
聖王今得種種百味飲食乃至得成
阿耨多羅三藐三菩提轉於無上清

阿難我念往昔於拘婁孫多陀阿伽
度阿羅呵三藐三佛陀邊行於梵行
求未來世阿耨多羅三藐三菩提故
阿難我念往昔於迦鄰迦牟尼多陀
阿伽度阿羅呵三藐三佛陀邊行於
梵行求未來世阿耨多羅三藐三菩
提故

阿難我念往昔於迦葉多陀阿伽度
阿羅呵三藐三佛陀邊行於梵行求
未來世阿耨多羅三藐三菩提故

阿難我念往昔於弥勒菩薩邊賁持
種種微妙四事供養之具供養恭敬
尊重讚歎自念奉獻求未來世阿耨
多羅三藐三菩提故阿難我念往昔
將無量種供養之具所至到處即持
供養過去無量諸佛菩薩及聲聞衆
種諸善根求未來世阿耨多羅三藐
三菩提故

阿難往昔過百阿僧祇劫是時有佛
出現於世号曰然燈多陀阿伽度阿
羅呵三藐三佛陀

阿難如是次第過百億劫時有一佛

出現於世号一切勝多陀阿伽度阿
羅呵三藐三佛陀

阿難如是次第過五百劫時有一佛
出現於世号最上名稱多陀阿伽度
阿羅呵三藐三佛陀

阿難如是次第過一百劫時有一佛
出現於世号釋迦牟尼多陀阿伽度
阿羅呵三藐三佛陀

阿難如是次第九十四劫時有一佛
出現於世号曰弗沙多陀阿伽度阿
羅呵三藐三佛陀

阿難如是次第九十三劫時有一佛
出現於世号曰見義多陀阿伽度阿
羅呵三藐三佛陀

阿難如是次第九十一劫時有一佛
出現於世号毗婆尸多陀阿伽度阿
羅呵三藐三佛陀

阿難如是次第三十一劫時有一佛
出現於世号曰尸棄多陀阿伽度阿
羅呵三藐三佛陀同是劫中又有一

佛復出於世号曰神聞多陀阿伽度
阿羅呵三藐三佛陀

阿難此賢劫初第一拘婁孫馱如來

出現於世

第二拘那含牟尼如來出現於世
第三迦葉如來出現於世

第四我身釋迦牟尼如來今現在世
阿難彼然燈多陀阿伽度阿羅呵三
藐三佛陀出現於世生大婆羅門家
一切勝佛出現於世生大剎利王家
蓮華上佛出現於世生大婆羅門家
最上行佛出現於世生大剎利王家
德上名稱佛出現於世生大婆羅門家
釋迦牟尼佛出現於世生大剎利王家
帝沙如來出現於世生大婆羅門家
弗沙如來出現於世生大剎利王家
見真義佛出現於世生大婆羅門家
毗婆尸佛出現於世生大剎利王家
尸棄如來出現於世生大剎利王家
神聞如來出現於世生大剎利王家
拘婁孫馱佛出現於世生大婆羅門家
拘那含牟尼佛出現於世生大婆羅
門家
迦葉如來出現於世生大婆羅門家
阿難我今在於剎利種姓大王家生
出現世間

阿難然燈佛多陀阿伽度阿羅呵三
藐三佛陀壽命八百四千萬億歲住

世利益諸世間故尼沙塞師如是說迦
來壽命一劫住世及聲聞衆利益諸世間故

阿難一切勝如來住世八万億歲利

益一切諸世間故尼沙塞師如是說迦
來壽命一劫住世及聲聞衆利益諸世間故

如來住世一劫利

益世間故

蓮華上佛住世八万歲為利益故

最上行佛住世八万歲為利益故

上名稱佛住世六万歲為利益故

釋迦牟尼佛住世八万歲為利益故

帝沙如來住世六万歲為利益故

弗沙如來住世五万歲為利益故

見真義佛住世四万歲為利益故

毗婆尸佛住世八万歲為利益故

神聞如來住世六万歲為利益故

拘婁孫馱佛住世四万歲為利益故

拘那含牟尼佛住世三万歲為利益故

迦葉如來住世二万歲為利益故

阿難我今多陀阿伽度阿羅呵三藐

三佛陀住世八十歲為利益故而說

偈言
有佛以神通住世受供養或神通及業

盡已入涅槃
阿難然燈如來有於二百五十萬億
聲聞弟子大衆集會如來滅後法住
於世經七千萬歲末後十年諸比丘等
不生敬信無慚愧心營理世務樂於
諸業所有持疑不相諮問各恃已能
平生憍慢恒聚非法諸惡知識不善
之人以為朋友共相狎習圍繞遊徙
是等癡人行不統故使彼如來佛法
僧寶速疾隱沒不現世間所有經書
悉皆滅盡

一切勝佛有萬四千聲聞弟子大衆
集會如來滅後正法住世經於少時
蓮華上佛有七萬衆聲聞集會如來
滅後正法住世經十萬歲

上行如來有六萬衆聲聞集會如來
滅後正法住世七萬七千歲

德上名稱佛有二萬衆聲聞集會如
來滅後正法住世經五百歲

釋迦牟尼佛有於一千二百五十聲聞

集會如來滅後正法住世經五百歲

像法住世亦五百歲

帝沙如來有六萬億聲聞集會如來

滅後正法住世經二万歲

弗沙如來有無量億聲聞集會如來
滅後正法像法乃至法住乃至法滅
見一切義佛有三十二億那由他衆
聲聞集會如來滅後正法暫時不久
住世

毗婆尸佛三會說法度聲聞衆第一
大會一百六十八百千人第二大會
有十万人第三大會八百千人如來
滅後正法住世經二万歲

神聞如來唯有二會度聲聞衆第一
會度有七万人第二會度有六万人
如來滅後正法住世經六万歲

拘婁孫馱佛有四万衆聲聞弟子如
來滅後正法住世經五百歲

拘那含牟尼佛有三百万聲聞集會
如來滅後正法住世二十九日

迦葉如來有二万衆聲聞集會如來
滅後正法住世經於七日

阿難我多陀阿伽度阿羅呵三藐三
佛陀有一千二百五十聲聞集會我
滅度後正法住世有五百歲像法住
世亦五百歲今當略說優陀那偈而

說偈言

說施及年數 種姓并壽命 聲聞衆集會
正法與像法 彼等諸世尊 住世般涅槃
釋種大師子 總說悉已訖

佛本行集經賢劫王種品第三上

余時佛在王舍大城竹林精舍迦蘭
陀鳥所居之處與大比丘五百人俱
余時世尊依諸佛法乃至說於清淨
梵行告諸比丘汝諸比丘諦聽諦受
如世尊教諸比丘言我等歡喜信心
奉持佛告比丘此賢劫初地建立已
有一寂尊豪勝富貴大首領人轉輪
王種名衆集置旣安置已時諸大衆
白地主言我大地主當為我等治罰
惡人賞於良善仁者當分稻田與我
我各種之我等種已當各割分奉輸
仁者時彼地主受大衆請即為如法
依平檢校惡者治罰善者賞之人得
稻田各加守護佃熟已後隨分受之
佛告比丘時彼大衆如是集會和合
共推扶彼仁者持為地主以為大衆
商量舉故故号彼為大衆平章又被
地主為諸大衆如法治化令衆歡喜

同心愛樂得共和合各各處分故名
為王又復守護一切稻田熟取衆人
稻田分故名刹利王刹利王者名為
田主汝等當知以是因緣劫最初時
大衆所立王種是也

佛告比丘時彼大衆所立之王後生
一子名曰真實為轉輪王王四天下
作大地主七寶自然千子具足備三
十二大丈夫相威德勇猛能摧怨賊
彼王治化在世之時大地及海無有
荆棘丘陵高下五穀豐熟人民安樂
無諸恐怖及以艱難不用兵戈諸方
自伏如法治化

諸比丘彼真實王千子之內有一長
子名曰意喜亦名自用此子亦作轉
輪聖王如上所說七寶千子乃至大
地如法治化

諸比丘彼自用王千子之內有一長
子名曰智者衆人号之名為受戒彼
智者王亦紹父位作轉輪王如上所
說七寶千子乃至大地如法治化
諸比丘彼智者王千子之內有初長
子名曰頂生亦紹父位作轉輪王如

上所說乃至大地如法治化

諸比丘彼頂生王千子之內取初長
子名為大海亦紹父位作轉輪王如
上所說

諸比丘彼大海王千子之內取初長
子名為具足衆人又喚名之為數次
紹王位如上所說

諸比丘彼具足王千子之內取初長
子名為養育次紹王位如上所說

諸比丘彼養育王千子之內取初長
子名曰福車次紹王位如上所說

諸比丘彼福車王千子之內取初長
子名曰解脫次紹王位如上所說

諸比丘彼解脫王千子之內取初長
子名善解脫次紹王位如上所說

諸比丘彼善解脫王有子名曰逍遙
次紹王位如上所說

諸比丘彼逍遙王有子名大道遙次
紹王位如上所說

諸比丘彼大道遙王有子名日照曜
次紹王位如上所說

諸比丘彼照曜王有子名大照曜次
紹王位如上所說

佛本行集經卷第四

癸卯歲高麗國大藏都監奉
勅彫造

佛本行集經卷第五

宜

隋天竺三藏闍那崛多譯

賢劫王種品下

諸比丘彼大照耀王有子還名意意
次紹王位如上所說

諸比丘彼意意王有子名曰善喜次
紹王位如上所說

諸比丘彼善喜王有子名曰滿足次
紹王位如上所說

諸比丘彼滿足王有子名大滿足次
紹王位如上所說

諸比丘彼大滿足王有子還名養育
次紹王位如上所說

諸比丘彼養育王有子還名福車次
紹王位如上所說

諸比丘彼福車王有子名人首領次
紹王位如上所說

諸比丘彼人首領王有子名曰火質
次紹王位如上所說

諸比丘彼火質王有子名曰光炎次
紹王位如上所說

諸比丘彼光焰王有子名善辟冠次

紹王位如上所說

諸比丘彼善僻冠王有子名曰空冠
次紹王位如上所說

諸比丘彼空冠王有子名曰善見次
紹王位如上所說

諸比丘彼善見王有子名曰大善見次
紹王位如上所說

諸比丘彼大善見王有子名曰須弥
次紹王位如上所說

諸比丘彼須弥王有子名曰大須弥次
紹王位如上所說

轉輪聖王統四天下海等大地具足
十寶乃至如法治化人民諸比丘如
是等王皆是過去轉輪聖王具足修
習無量福業深種善根以是果報並
得食於此四天下一切大地受諸福
樂壽命難量不可算計諸比丘汝等
當知我今更說彼轉輪王種姓苗裔
世世相承并餘小王子孫繼襲位處
名字次第少多為汝略說彼等氏族
汝等善聽

諸比丘大須弥王治化已來世世相
承子子孫孫有一百一小轉輪王悉

皆住在婁多那城治化人民受於福樂
彼諸王內取後一王名師子乘師子
乘王世世相承子子孫孫有六十一
小轉輪王悉皆住在波羅捺城治化
人民受於福樂

彼諸王內取後一王名曰女乘彼女
乘王世世相承子子孫孫有五十六
小轉輪王悉皆住在阿踰闍城治化
人民受於福樂

彼諸王內取後一王名嚴熾生嚴熾
生王世世相承子子孫孫合有一千
小轉輪王皆悉住在迦毗梨耶城治
化人民受於福樂

彼諸王內取後一王名曰梵德彼梵
德王世世相承子子孫孫有二十五
小轉輪王皆悉住在阿私帝那富羅
城治化人民受於福樂彼諸王內取
後一王名為象將彼象將王世世相
承子子孫孫有二十五小轉輪王皆
悉住在德叉尸羅城治化人民受於
福樂

彼諸王內取後一王号名為護而彼
護王世世相承子子孫孫一千二百

小轉輪王皆悉住在奢耶那城治化
人民受於福樂

彼諸王內最後一王名能降伏能降
伏王世世相承子子孫孫合有九十
小轉輪王皆悉住在迦那鳩闍城治
化人民受於福樂

彼諸王內最後一王名為勝將彼勝
將王世世相承子子孫孫二千五百
小轉輪王皆悉住在於瞻波城治化
人民受於福樂

彼諸王內最後一王名曰龍天彼龍
天王世世相承子子孫孫有二十五
小轉輪王皆悉住在於王舍城治化
人民受於福樂

彼諸王內最後一王名為作闍彼作
闍王世世相承子子孫孫有二十五
小轉輪王皆悉住在拘尸那城治
化人民受於福樂

彼諸王內最後一王名大自在天彼
大自在天王世世相承子子孫孫有
二十五小轉輪王皆悉住在菴婆羅
劫波城治化人民受於福樂

彼諸王內最後一王還名大自在天

彼大自在天王世世相承子子孫孫
有二十五小轉輪王悉皆住在檀多
富羅城治化人民受於福樂

彼諸王內最後一王名曰善意彼善
意王世世相承子子孫孫有二十五
小轉輪王悉皆住在多摩婆頗梨多
城治化人民受於福樂

彼諸王內最後一王名無憂變彼無
憂變王世世相承子子孫孫八万四千
小轉輪王皆悉住在寐亡私洩他梨羅
城治化人民受於福樂

彼諸王內最後一王名毗紐天彼毗
紐天王世世相承子子孫孫一百一
王皆悉住在毗褒多鄰城治化人民
受於福樂

彼諸王內最後一王還名大自在天
彼大自在天王世世相承子子孫孫
合有八万四千諸王還在於彼寐亡私洩他梨羅城治化人民受於福樂

彼諸王內最後一王名曰魚王比丘
當知諸如是等小轉輪王悉有福德
皆種善根具足受於世間福報無與
等者其化所被大地及海一切諸山

悉皆統攝諸比丘彼轉輪王各各皆有粟散諸王我今說之

諸比丘魚王有子名曰真生彼真生王父祖已來修習善根得紹繼王福報盡故便失王位時人見彼王化失道無有福德共相謂言此王人中取好貧劣人中單薄人中可愍人中可掘是故世人皆号之為可掘之王掘王有子名為平等行王平等行王子名閻火閻火王子名為焰熾焰熾王子名為善僻善僻王子名為虛空虛空王子名為戒行戒行王子名為無憂無憂王子名為離憂離憂王子名為除憂除憂王子名為勝將勝將王子名為大將大將王子名為胎生胎生王子名為明星明星王子名為方主方主王子号名為塵彼塵王子名為善意善意王子名為善住善住王子名為歡喜歡喜王子名為大力大力王子名為大光大光王子名大名稱大名稱王子名為十車十車王子名二十車二十車王子名為妙車妙車王子名為步車步車王子名為十

十弓王子名為百弓百弓王子名二十弓二十弓王子名妙色弓妙色弓王子名為罪弓罪弓王子名為海將海將王子名為難勝難勝王子名為茅草茅草王子名大茅草大茅草王世世相承子子孫孫苗裒合有一百八王還住在彼裒多那城治化人民受於福樂

彼一百八王在後王大茅草者其王無子作如是念上世已來我之種姓栗散諸王見自頭鬚生白髮時各以諸子灌頂為王別取勝上取好一州以用布施剝除鬚髮捨於王位出家修道我今無兒當以誰繼嗣我王後誰堪增長我之種姓或復我今斷諸王種復生此念我今若不出家修道則斷一切諸賢聖種思惟是已時大茅草即以王位付諸大臣大眾圍繞送王出城剝除鬚髮服出家衣王出家已持戒清淨專心勇猛成就四禪具足五通得成王仙壽命極長至年衰老肉消背曲雖復拄杖不能遠行時彼王仙諸弟子等欲往東西求覓

飲食取好軟草安置龍裏用盛王仙懸樹枝上何以故畏諸虫獸來觸王仙時諸弟子乞食去後有一獍師遊行山野遙見王仙謂是白鳥遂即射之時彼王仙既被射已有兩滌血出墮於地即便命終彼諸弟子乞食來還見彼王仙被射命終復見有血兩滌在地即下彼龍將王置地集聚柴木焚燒王屍收骨為塔復將種種雜妙香華供養彼塔尊重讚歎承事畢了尔時彼地有兩滌血即便生出二菩蔗芽漸漸高大至時蔗熟日炙開剖其一莖蔗出一童子更一莖蔗出一童女端政可憇世無有雙時諸弟子心念王仙在世之時不生兒子今此兩童是王仙種養護看視報諸臣知時諸大臣聞已歡喜往至彼林迎二童子將還入宮召喚解相大婆羅門教令占相并遣作名彼相師言此童子者既是日炙熟菩蔗開而出生故一名善生又以其從菩蔗出故第二復名菩蔗生又以日炙菩蔗出故亦名曰獲彼女因緣一種無異故名

善賢復名水波時彼諸臣取甘蔗種
所生童子幼少年時即灌其頂立以
為王其善賢女至年長大堪能伏事
即拜為王第一之妃

時甘蔗王有第二妃絕妙端政生於
四子一名炸面二名金色三名象眾
四名別成其善賢妃唯生一子名為
長壽端政可憐世間少雙然其骨相
不堪作王時善賢妃如是思惟甘蔗
種王有此四子炸面等輩兄弟群強
我今唯有此之一子雖極端正世無
有雙然其相分不堪為主作何方便
令我此子得紹王位復作此念是昔
蔗王今於我邊無量敬愛深心染著
縱情蕩意我今可更窮極婦人莊飾
之法所謂淨潔摩拭身體香湯沐浴
使氣芬芳駿塗澤蘭面著脂粉花鬘
瓔珞種種莊嚴令甘蔗王心於我邊
重生耽湏愛戀娛樂若得如心我於
屏處當乞求願思惟是已如上所說
莊嚴自身今極殊絕至於王邊王見
妃來生重愛敬縱逸其心妃見王生
如是心已二人眠卧妃白王言大王

當知我今從王之求一願願王與我
王言大妃隨意不逆從心所欲我留
與妃時妃復更重諮王言大王自在
若與我願不得變悔若變悔者我不
須此王語妃言我一與妃心之所願
後若悔者當令我頭破作七分妃言
大王王之四子炸面等輩願擯出國
遣我生子長壽為王時甘蔗王即語
妃言我此四子無有過失不橫求財
無有罪患豈可無辜枉得駈遣遠擯
他土於我治化國境之內有何非祥
不聽其住妃又白言王已先誓語若
悔者頭破七分王告妃言我如前言
與妃所願妃若知時任隨妃意時甘
蔗王過此夜後至明清旦集聚四子
而告勅言汝四童子今可出去我治
化內不得居住遠向他國

時四童子胡跪合掌白父王言大王
當知我等四人無有罪惡無諸過咎
不作非法取他錢財又復不造其餘
惡業云何父王忽然擯我出於國界
王勅子言我知汝等實無過失不橫
取財如上所說此非我意駈擯於汝

此是善賢大妃之意彼妃乞願我不
違彼今汝出國時四王子所生之母
聞甘蔗王欲擯其子今出國界聞尸
速疾往至王所至王所已自言大王
聞王欲逐我之四子今出國界為實
亦不王言實遣諸妃各復白於王言
善哉大王我等各求乞隨兒去

王報諸妃隨汝意去時諸妃妹復白
王言我姊甥甥今既出國我亦乞去
王各報言任隨汝意時諸大臣公卿
輔相亦曰王言王今斥遣此四王子
今出國者我等諸臣亦求隨去王言
任意時王與當諸象馬臣亦求隨從
王言隨意復有弓將弩將獄將諸典
當羊畜牧等將諸臣之子又復諸餘
主藏兵將遊軍壯士善射之將奴婢
僕使及其子等聞甘蔗王欲逐四子
今出國界俱白王言我等並求隨從
王子東西而去王言隨意又復國內
竹匠皮匠瓦師埽師造屋木師造酒
食師判鬚髮師染洗衣師屠兒按摩
治病合藥釣魚等師聞王欲逐四子
出國審如是不王言實亦我等求去

王言隨意時甘蔗王勅諸王子作如是言汝等王子從今已去若欲娶姻不得餘處取他外族還於自家姓內而取莫令甘蔗種姓斷絕時諸王子自父王言如大王勅彼諸王子受父教已各各自將所生之母并姨姊妹奴婢資財諸款乘等即向北方到雪山下經少時住有一大河名婆耆羅洩渡於彼河上雪山頂遊涉久停時四王子在彼山頂射獵捕諸禽獸而食漸漸前行至山南面見川寬平無諸坑坎堆阜陵谷丘壑溝渠荆棘塵埃及沙磧等其地唯生軟細青草清淨可愛樹林花果蔚茂敷榮猶如黑雲光澤猶錦林木遍滿其間少空所謂娑羅樹多羅樹那多摩羅樹阿說他樹尼拘陀樹優曇婆羅樹千年桑樹迦梨羅樹等垂諸枝柯各相蔭映又有種種諸雜妙花所謂阿提目多華瞻波華阿輸迦華波多羅花婆利師迦華拘蘭那華拘毗陀羅花檀奴沙迦梨迦花目真隣陀華蘇摩那等一切諸華或有已開或有未開或初

欲開或開已落復有無量衆雜果樹
所謂菴婆羅果閼浮果陵拘闍果波
那婆果鎮頭迦果呵梨勒果毗藍勒
果阿摩勒等種種諸果或始結子或
子欲熟或子已熟堪可食噉

復有無量諸雜野獸所謂伊泥耶鯨
摩鹿水牛那羅迦鯨野牛白象及師
子等復有無量種種飛鳥所謂鸚鵡
及拘翅羅鸚鵡孔雀迦陵伽命命
鷄鵲山鷄白鶴遮摩迦鳥及蘭摩等
一切雜鳥復有無量諸水陂池其地
各有種種雜花所謂優鉢鉢羅華波頭
摩花拘勿頭華分陀利華悉滿諸池
池岸四邊復有諸華垂覆池上其水
清淨無有濁穢湛然彌滿不深不淺
易度易行周匝四邊種種諸樹池內
復有種種諸虫所謂魚鼈龜鼉龜鼉
鰕蟾一切水性復有小鳥所謂鳬鴈
鵝鴨白鷺鷥鷄及鴛鴦等一切諸鳥
然其彼處舊有一仙在中居止名迦
毗羅彼諸王子見是處已共相謂言
可於此間造城治化
余時王子既安住已憶父王語於自

姓中求覓暫姻不能得婦各納姨母
及其姊妹共為夫妻依於婦禮一欲
隨從父王教令二恐釋種雜亂相生
今時日種甘蔗之王曰一國師大婆
羅門來謂之言大婆羅門我四王子
今在何處國師答言大王當知王之
四子已各自將母姨姊妹歇乘人物
遠出國外向於北方乃至已生端政
男女時甘蔗王為自所愛諸王子故
心思欲見意情歡喜而發是言彼諸
王子能立國計大好治化彼等王子
是故立姓稱為釋迦以釋迦住大樹
葉樹枝條之下是故名為耆夷耆耶
以其本於迦毗羅仙處所住故因城
立名故名迦毗羅婆蘇都時甘蔗王
三子沒後唯一子在名尼拘羅隋言為
別成王
王住在迦毗羅城治化人民受於福樂
其尼拘羅王生於一子名曰拘盧還
在父王迦毗羅城治化而住其拘盧
王復生一子名瞿拘盧亦在父城為
王治化其瞿拘盧王復生一子名師
子頰還在父城治化人民師子頰王
生於四子第一名曰閼頭檀王隋言
淨飯

第二名為輸拘盧檀那

隋言白餅

第三名

為途盧檀那

隋言餅

第四名為阿弥都

檀那

隋言甘露餅

復有一女名甘露味師子

頰王取初長子閼頭檀者次紹王位

還在父城治化人民受於福樂

時迦毗羅相去不遠復有一城名曰

天辟彼天辟城有一釋種豪貴長者

名為善覺大富多財積諸珍寶資產

豐饒具足威德稱意自然無所乏少

舍宅猶如毗沙門王宮殿無異彼釋

長者生於八女一名為意二名無比

意三名大意四名無邊意五名騷意

六名黑牛七名瘦牛八名摩訶波闍

波提

隋言大意亦云梵天

而此梵天於諸女中

年最幼小初生之日為諸能相婆羅

門師觀占其體云此女嫁若生兒者

必當得作轉輪聖王王四天下七寶

自然千子具足乃至不用鞭杖治民

時善覺女年漸長成堪欲行嫁白淨

王聞自國境內有一釋氏甚大豪富

生於八女端政少雙乃至相師占觀

其女當生貴子時淨餅王聞是語已

作如是言我今當索是女作妃令我

作如是言我今當索是女作妃令我

皆獲轉輪聖王苗襲不絕

此是律家作如是說又言

大慧是菩薩母者此依阿波陀那經又言阿波陀那經說按諸經以此義是實

時淨飯王即遣使人往詣善覺大長

者家求索大慧為我作於波闍波提

波闍波提者隨言生法本 今時善覺語彼使言善使

仁者為我諮啓大王是言我有八女

一名為意乃至第八名為大慧何故

大王求取小者大王且可待我處分

七女竟已當與大王大慧作妃時淨

飯王復更遣使語長者言我今不得

待汝一一嫁七女訖然後取於大慧

作妃汝八頭女我盡皆取時善覺釋

報大王言若如是者依大王命隨意

將去時淨飯王即遣使人一時迎取

八女向宮至於宮已即納二女自用

為妃其二女者第一名為意及以第

八名大慧者自餘六女分與三弟一

人與二並妻為妃時淨飯王納意姊

妹內於宮中縱情嬉戲歡娛受樂依

諸王法治化四方

佛本行集經上託兜率品第四上

今時護明菩薩大士從於迦葉佛世

真所護持禁戒梵行清淨命終之後
正念往生兜率陀天何以故或有衆
生命終之日為於風刀節節支解受
於楚痛或氣欲盡喘息不安以是因
緣受大苦惱失於本心忘其宿行不
能專正寂定其心菩薩不然命欲終
日正心思惟緣其前世託生處所有
如是等希奇之法又諸菩薩復有一
法命終之後必生天上或高或下不
定一天而其一生補處菩薩多必往
生兜率陀天心生歡喜智慧滿足何
以故在下諸天多有放逸上界諸天
禪定力多寂定軟弱不求於生以受
樂故又復不為一切衆生生慈悲故
菩薩不然但為教化諸衆生故生兜
率天下界諸天為聽法故上兜率天
聽受於法上界諸天復為法故亦有
下來兜率陀天聽受於法

然此菩薩亦生兜率其兜率陀所居
諸天即喚菩薩名為護明以是因緣
名為護明諸天展轉稱喚護明其聲
上徹至淨居天及到阿迦臧吒天頂
時諸天等皆同唱言護明菩薩已來

生於兜率天中此聲下至三十三天
乃至達到四天王天并復徹諸阿修
羅宮各共相謂護明菩薩已得上生
兜率陀天極下至於阿修羅宮最上
到彼阿迦尼吒皆悉來集兜率陀
天聚於護明菩薩宮所聽受於法護
明菩薩既生兜率其兜率陀諸天宮
殿光明照耀自然莊嚴更復出於無
量無邊莊嚴之事皆由護明菩薩功
德威神力故大梵天王及大威德阿
修羅等皆悉集來兜率天中前後圍
繞護明菩薩復有無量無邊衆生託
生兜率得見最勝最妙五欲心迷忘
失不憶本行及以先業護明菩薩生
兜率天設見最勝最妙五欲心不迷
惑不曾忘失正念本緣乃至為化諸
衆生故住兜率天天數壽命滿四十
歲為彼諸天說法教化顯示法相令
心歡喜自餘衆生生彼天者或以往
昔不清淨業故生其中或復橫死不
滿天壽護明菩薩過去修行清淨業
因復為教化諸衆生故盡兜率天所
有壽命是故稱言希有希有不可思

議又復得於不思議法護明菩薩盡
彼天年介時護明菩薩大士天壽滿
已自然而有五衰相現何等為五一
者頭上花萎二者腋下汗出三者衣
裳垢膩四者身失威光五者不樂本
座時兜率天見彼護明衰相現已出
大音聲嗚呼嗚呼共相謂言苦哉苦
哉護明菩薩不久應當捨離於此兜
率天宮退失威神我等今者何可得
住是時彼處兜率天衆唯聞哭聲諸
天宮殿聲響相接此聲乃至上色界
頂首陀會天阿迦膩吒諸天衆等各
相謂言嗚呼哀哉護明菩薩今已現
於五種衰相不久墜落從兜率下及
修羅宮嗚呼之聲其音遍滿處處唯
聞不久墜落是時諸天聞此聲已阿
迦膩吒他化自在色欲天等並各下
來至兜率天夜摩諸天四天王天聞
此聲已皆悉集聚上兜率天如是
乃至龍王夜叉乾闥婆阿修羅迦樓
羅緊陀羅摩睺羅伽鳩睺荼羅刹等
地居諸天屬色欲界諸天攝者皆悉
飛騰上兜率天集聚一處共相謂言

我等今見護明天子欲從兜率下生
人聞其兜率天褒相現時即人間數
有十二年時首施會一切諸天作如
是念我昔曾見補處菩薩兜率天下
生人間時與此無異彼等諸天今見
護明菩薩大士五褒相現必定知下
於閻浮提即發大聲唱如是言人等
莊嚴於此剎土菩薩大士不久從彼
兜率天來下生此處掃治掃治佛欲
下生是時此閻浮提地有五百辟
支佛在一林中修道居住時彼五百
辟支佛聞此聲已飛騰虛空相共往
詣波羅捺城至彼處已各各示現五
種神通踊身虛空出於烟焰次第說
偈捨於壽命入般涅槃爾時護明菩
薩大士見彼天衆及梵釋天護世諸
龍毗舍闍等觀察彼衆心意泰然不
恐不驚不疑不畏出柔軟語而告之
言汝諸仁者各各當知如我今見有
此五種褒相出時不久從於兜率天
下生於人間時梵釋等諸天報言尊
者護明如尊所見五種褒相出現之
者尊必不久當下兜率生於人間尊

可憶念昔本行願時彼無量百千天衆發是語已遍體戰慄身毛皆豎心大驚怖合十拍掌頂礼護明

尔時護明告彼衆言我今必下決定無疑時今已至是故汝等應念无常當想未來恐怖之事汝等善觀身體穢汙心強愛著以是諸欲共相纏繞於生死中不得出離如是臭形甚可厭惡汝等一切合十拍掌觀我身體及諸衆生相與未能免脫此法是故汝等為我莫愁為我莫苦彼諸天言尊者護明唯願尊者慈悲普覆亦莫更生其餘諸心但念往昔本誓因緣億劫生身尊亦曾受天人業果往昔所造善業因緣憶念彼施善根法行於諸衆生生慈悲心護明菩薩報諸天言汝等當知一切衆生於世間中及以生處但令是有但令是生不免分離况復於我又諸衆生皆悉無常恩愛別離云何得脫

是時諸天復更白言希有希有尊者護明難可思議能於無常境界之中臨捨壽時心得辯才一種達解無有別異尊者護明又復一切自餘諸天

見此五種衰相現時心即憂愁失於正念護明菩薩復更重告諸天衆言一生補處諸菩薩等善根增長知諸有處於功德中寂定其心苦來逼切不生諸惱乃至不隨諸苦而行能於一切諸衆生邊起大慈悲時諸天言如是如是尊者護明一切衆生於彼人間種諸善根生此天宮此處福盡還即退下

護明菩薩復告天言我以是故見人天中有是過失我今從此下生人間為諸世間一切衆生滅盡諸苦是時彼中有一天女愛樂戀著護明菩薩復更別告一天女言我等可至閻浮提中觀我大家護明菩薩於何處生彼天女言我今亦樂於閻浮提何以故我之大家欲生彼處是故我亦願在彼間時二天女復相謂言我亦不為此大家故願往生彼何以故我此大家往閻浮提則有無量無邊衆生種諸善根於中信受而行教化復有無量無邊衆生修諸福業來生此處佛本行集經卷第五

癸卯歲高麗國大藏都監奉
勅彫造

佛本行集經卷第六

宜

上託兜率品下

隋天竺三藏闍那崛多譯

尔時兜率天衆之中有一天子名曰金團往昔已來數曾下到閻浮提地護明知已告金團言金團天子汝數下至閻浮提中汝應知彼城邑聚落諸王種族一生菩薩當生何家金團天子報言尊者我甚知之尊者善聽我今當說護明言善金團說言此之三千大千世界有一菩提道場處所在彼閻浮摩伽陀國境界之內是昔諸王成阿耨多羅三藐三菩提處尊者護明彼中有河名為恒河其河南岸有於一山是舊仙人所居停處然其彼處名毘閼羅亦名般荼婆毘閼羅耆闍崛山共相圍繞以為眷屬彼山牢固其色猶如綠摩尼寶中有聚落名曰山饒去山不遠有大城名為王舍其城往昔有一王仙名優荼波梨種姓以來常為王治妃是善見大王之族為大夫八其子為王名婆

異迦今現治在摩伽陀國繼彼優荼
王仙之後尊者護明往生閻浮堪為
彼王作於長子護明菩薩報金團言
雖有此理但彼王種父母不淨其城
處邊地勢堆阜高下不平純是溝坑
土沙礫石荆棘諸草少有泉池諸河
流水樹木苑囿花果園林是故汝今
可更別觀餘刹利種金團天子復作
是言尊者護明彼迦尸國波羅奈城
善光王仙有子名為善文夫王彼王
堪為尊者作父護明菩薩報金團言
此理雖然但迦尸國善丈夫王有四
種法涂著邪見是故汝今可更別觀
其餘王種堪我生處金團天子復作
是言尊者護明憍薩羅國舍婆提城
彼城有王名岐居移反羅耶是憍薩羅大
國之主其身巨力多有人民尊者堪
為彼王作子護明菩薩報金團言此
理雖然但彼國主憍薩羅王是摩登
伽苗稟種類父母不淨雜穢而生薰
上世來非是王種小心下賤意氣不
高又其家中資財薄少雖有七寶金
銀琉璃瑪瑙真珠不能具足是故汝

今別更為我觀諸刹利堪我生處
金團天子復作是言尊者護明彼跋
踐國拘睢弥城王名千勝其王有子
名為百勝彼王多有象馬七珍四兵
具足尊者堪為彼王作子護明菩薩
報金團言此理雖然但跋踐王母不
賢良從他丈夫生於是子非正王種
然其彼王亦長宣說斷見之事是故
汝更觀餘刹利我何處生

金團天子復作是言此金剛國有一
城邑名毗耶離穀米豐饒無有飢饉
人民安樂國土莊嚴譬如天宮一種
無異彼城國王樹王之子種姓清淨
無可穢嫌彼國王宮庫藏之內多有
金銀珍寶等物一切具足無所乏少
尊者堪為彼王作子護明菩薩報金
團言此理實然毗耶離主上世已來
真是王種但彼國人心性剛強各各
自用稱我是王憍慢熾盛放逸自高
不共其餘異類相雜又無尊卑大小
禮節自言我解自言我知雖復有王
不肯承事云自法是不從他求故
汝今更觀餘處刹利王種我生何家

金團天子復作是言尊者護明彼摩
波睺提國有優闍耶那城明燈王子
名為滿足居住彼城其王身體大育
威力多諸左右能破一切敵國怨家
尊者堪為彼王作子護明菩薩報金
團言此理雖然但彼國王無有一法
可軌之行嚴酷暴惡不信因果是故
汝今可更別觀餘王種姓任我生處
金團天子復作是言尊者護明彼闍
浮提摩頭羅城有一大王名曰善辟
其子稱為自在健將尊者堪為彼王
作子護明菩薩報金團言此理雖然
但彼國王邪見家生以如是故一生補
處菩薩大士不得生彼邪見之家是
故汝今可更別觀餘王種姓我何處生
金團天子復作是言尊者護明此
白象城般紐王種勇健威猛可意端
正世無有雙又能破強隣一切怨敵尊
者堪為彼王作子護明菩薩報金
團言此理雖然但般紐王種姓清淨
為彼雜類之所擾亂何以故彼王長
子名踰地師絺羅是於梵天法王之
子第二名為毗摩斯那風神王子第

三名為頻毗鄰者是帝釋子復有二子別母而生 名鄰拘羅二名娑呵提婆此二子者是星宿天阿輸鄰子是故汝今可更別觀餘王種姓我何處生

金團天子復作是言尊者護明彼閻浮提窳洹羅城窳洹羅種王名善友多饒象馬車乘牛羊一切資生悉皆具足無量衆寶庫藏豐盈金銀真珠未嘗乏少彼王有友常樂勤修法行之事尊者堪為彼王作子護明菩薩報金團言此理實然其善友王雖有如是具足之法但彼國王年老衰邁更不復能營理國務又其王今多饒諸子是故汝今可更別觀餘王種類我何處生

金團天子復作是言此等並是中國之王復更別有邊地之國邪見諸王毗紐海洲有一國主婆羅門種治化在於毗紐之上名月支王父母種姓清淨具足兼解祭祀諸天之法四毗陀論皆悉了知尊者堪為彼王作子護明菩薩報金團言此理雖然但我

下生出家成道要須剎利不欲生彼
婆羅門家是故汝今唯覓剎利我生
何處

金團天子復作是言我於閻浮一切
諸國處處聚落處處諸王處處村舍
處處城邑處處剎利各住諸城而是
剎利造種種業我為尊者經歷已來
生於無量疲極苦惱心迷意亂更不
復能觀者餘處設復觀察口亦不能
如是宣說護明菩薩報金團言實如
汝語然汝要須為我選覓一剎帝利
清淨之家堪我生處金團天子復作
是言我為尊者苦惱愁憂處處觀察
忽然忘失一剎利家護明菩薩問金
團言其名云何金團白言有一剎利
之本已來從於大衆平量安立世世
轉輪聖王之種乃至菩薩苗裔已來
子孫相承在彼迦毗羅婆蘇都釋種
所生其王名為師子頰王其子名為
輸頭檀王一切世間天人之中有大
名稱尊者堪為彼王作子護明菩薩
報金團言善哉善哉金團天子汝善
觀察諸王家種我亦念在於此家生

我今深心如汝所說金團當知我定
往生彼家作子金團往昔一生補處
菩薩所託家者有六十種功德具足
滿於彼家何等六十彼家本來清淨
好種一切諸聖恒觀彼家 二 彼家不
行一切惡事 三 彼家所生悉皆清淨
四 彼家種姓真正無雜 五 彼家體胤
嫡嫡相承無有斷絕 六 彼家昔來不
斷王種 七 彼家所生一切諸王皆是
往昔深種善根 八 生彼家者常為諸
聖之所讚歎 九 彼家生者具大威德
十 彼家多有端正婦女 十一 彼家多有
智慧男兒 十二 彼家所生心性調順 十三
彼家所生無有戲調 十四 彼家生者無
所可畏 十五 彼家生者不曾怯弱 十六 彼
家生者聰明多智 十七 彼家生者多解
工巧 十八 彼家生者皆畏過罪 十九 彼家
所生不與世間工巧雜合亦不貪財
以為活命 二十 彼家所生常存朋友 二十一
彼家所生不以煞害諸虫諸獸以自
活命 二十二 彼家種姓恒知恩義 二十三 彼家
種族能修苦行 二十四 彼家所生不隨他
轉 二十五 彼家所生不曾懷恨 二十六 彼家所

生不結癡心

^七

彼家生者不以怖畏

隨順於他

^八

彼家生者畏煞害他

彼家生者無有罪患

^三

彼家生者乞

食得多

^一

至彼家者無空發遣

^二

家剛強難可降伏

^三

彼家法則恒出

禮律

^四

彼家常樂布施衆生

^五

彼家建立因果勤劬

^六

彼家所生世間勇

健

^七

彼家恒常供養一切諸仙諸

聖

^八

彼家恒常供養神靈

^九

彼家恒

常供養諸天

^十

彼家恒常供養大人

一

^四

彼家歷世無有怨讎

^二

彼家名聲

威振十方

^三

彼家一切諸家為寂

^四

彼家生者上世已來悉是聖種

^五

彼

家生者於聖種中取為第一

^六

彼家

生者恒是轉輪聖王之種

^七

彼家生

者是大威德人之種姓

^八

彼家生者

多有無量眷屬圍繞

^九

彼家生者所

有眷屬不可破壞

^十

彼家生者所有

眷屬勝一切人

^一

彼家生者悉孝養

母

^二

彼家生者皆孝順父

^三

彼家生

者悉皆供養一切沙門

^四

彼家生者

悉皆供養諸婆羅門

^五

彼家生者豐

饒五穀倉庫盈溢

^六

彼家生者多有

金銀車渠瑪瑙一切資財無所乏少
五十七彼家生者多畜奴婢象馬牛羊一
切具足^{五十八}彼家生者不曾事他^{五十九}彼
家生者如是一切衆事具足於世間
中無所乏少^{六十}

金團天子凡是一生補處菩薩處於
母胎彼母若有三十二種相具足者
乃能堪受菩薩在胎何等名為三十
二事一彼母人正德而生二彼母人
支體具足三彼母人德行無缺四彼
母人所生得處五彼母人為行庶幾
六彼母人種類清淨七彼母人端正
無比八彼母人名字德稱九彼母人
身體形容上下相稱十彼母人未曾
產生十一彼母有大功德十二彼母
恒念樂事十三彼母心常隨順一切
善事十四彼母無有邪心十五彼母
身口及心自然調伏十六彼母心無
所畏十七彼母多聞總持十八彼母
極女工巧十九彼母心無諂曲二十
彼母心無誑詐二十一者彼母人心
無有瞋恚二十二者彼母人心無有
嫉妬二十三彼母人心無有慳慔

二十四者彼母人心無有急速二十五者彼母人心難可迴轉二十六者彼母人體有至德相二十七者彼母人心能懷忍辱二十八者彼母人心有慚有愧二十九者彼母人行薄姪怒癡三十者彼母人行無女家過三十一者彼母人行孝順向夫三十二者彼母出生一切諸德一切諸行皆悉具足如是母人乃能堪受一生補處後身菩薩菩薩欲入母胎之時取鬼宿日然後乃入於母胎中其受一生補處菩薩胎母已前其母必須受八閼齋然後菩薩入於彼胎

護明菩薩復作是言我今受有不為世間一切錢財五欲快樂故下人間受此一生唯欲安樂諸衆生故哀愍苦惱諸衆生故

尔時衆中有一天女告於其餘一天女言我等大家護明菩薩必下人間我等此宮遠離護明菩薩大士云何令我心樂此處第二天女即報之言奈何奈何我等今者共作何事令於我等得往人間善觀彼家護明菩薩

所生之處第三復有一天女言願我等今捨此天壽令我等往彼處受生何以故我等亦願至於彼處共我護明菩薩同生第四復有一天女言汝等相與莫生悔心何以故我等大家護明菩薩尚捨天壽生於人間況復我等更復有一天女稱言尊者護明今者下生於閻浮提唯願大士莫忘我等時護明菩薩告於彼等諸天女言汝等莫大生於苦惱我前已為汝等說於一切有處皆悉無常如芭蕉望無有堅實如借物用必須還他非我已有猶如陽焰幻化水泡一切有處皆是誑惑愚癡之人謂言常生

今時衆中有一天子悵快心愁口復唱言觀此菩薩所說生處無常不真咄哉我等何假須樂於此生處我等今見護明菩薩如是功德具足之體生兜率天此兜率宮如是福聚如是端正如是微妙如是莊嚴護明菩薩捨離下生咄哉我等云何獨在此無常境

今時復有第二天子答彼第一初天

子言善哉天子如是如是如汝所說而作偈言

我此護明大菩薩 往昔在於諸有中
常捨極所愛婦兒 奴僕象馬財珍寶
或復割截身骨肉 頭目髓腦血皮膚
如是來索悉不違 或百或千皆施與
尔時衆中復有天子而說偈言

咄哉我等身在此天宮生 常恐今當墮
人怖死亦然 何有生法中 福業不盡者
諸是無常界 衆生悉命終

護明菩薩告諸天言汝等天人須知
一切世間別離生死為本汝等為我
莫苦憂愁何以故我往昔來不造凡
業今欲令我久住世間終不可得我
於過去佛法僧邊種諸善業常發道
心乞求大願今得善報當成菩提汝
應歡喜何得苦惱時彼諸天聞是語
已各相謂言汝等諸天熟視護明菩
薩大士而此護明菩薩大士今者不
久下於人間口復唱言尊者護明尊
者不久生於人間此兜率宮所有威
德及諸天福尊悉將去尊受人間末
後有身我等諸天云何奉事護明菩

薩告彼一切諸天衆言我前所生五
種衰相汝等復說無常因緣如是法
門汝等常須繫念在心勿令忘失我
今此處下生人間當得阿耨多羅三
藐三菩提轉於無上最妙法輪汝等
諸天可各願下人間受身生彼處已
汝等當得解脫一切諸煩惱苦

尔時護明菩薩觀生家已時兜率陀
有一天宮名曰高幢縱廣正等六十
由旬菩薩時時上彼宮中為兜率天
說於法要是時菩薩上於彼宮安坐
訖已告於兜率諸天子言汝等諸天
應來聚集我身不久下於人間我今
欲說一法明門名八諸法相方便門
留教化汝取後汝等憶念我故汝等
若聞此法門者應生歡喜時兜率陀
諸天大衆聞於菩薩如此語已及天
玉女一切眷屬皆來聚集上於彼宮
護明菩薩見彼天衆聚會畢已欲為
說法即時更化作一天宮在彼高幢
本天宮上高大廣闊覆四天下可意
微妙端正少雙威德巍巍衆寶莊飾
一切欲界天宮殿中無匹喻者色界

諸天見彼化殿於自宮殿生如是心如
狂墓想時護明菩薩已於過去行於
實行種種善根成就福聚功德具足
所成莊嚴師子高座昇上而坐護明
菩薩在彼師子高座之上無量諸寶
莊嚴間錯無量無邊種種天衣而敷
彼座種種妙香以熏彼座無量無邊
寶鑑燒香出於種種微妙香花散其
地上高座周匝有諸珍寶百千万億
莊嚴放光顯耀彼宮彼宮上下寶網
羅覆於彼羅網多懸金鈴彼諸金鈴
出聲微妙彼大寶宮復出無量種種
光明彼寶宮殿千万幡蓋種種妙色
映覆於上彼大宮殿垂諸瓔珞無量
無邊百千万億諸天王女各持種種
七寶音聲作樂讚歎說於菩薩往昔
無量無邊功德護世四王百千万億
在於左右守護彼宮千万帝釋礼拜
彼宮千万梵天恭敬彼宮又諸菩薩
百千万億那由他衆護持彼宮十方
諸佛有於万億那由他數護念彼宮
百千万億那由他劫所修行行諸波羅
蜜福報成就因緣具足日夜增長無

量功德悉皆莊嚴如是如是難說難
說彼大微妙師子高座菩薩坐上告
於一切諸天衆言汝等諸天今此一
百八法明門一生補處菩薩大士在
兜率宮欲下託生於人間者於天衆
前要須宣暢說此一百八法明門留
與諸天以作憶念然後下生汝等諸
天今可至心諦聽諦受我今說之一
百八法明門者何

正信是法明門不破堅牢心故

淨心是法明門無濁穢故

歡喜是法明門安隱心故

愛樂是法明門令心清淨故

身行淨行是法明門三業淨故

口行淨行是法明門斷四惡故

意行淨行是法明門斷三毒故

念佛是法明門觀佛清淨故

念法是法明門觀法清淨故

念僧是法明門得道堅牢故

念施是法明門不望果報故

念戒是法明門一切願具足故

念天是法明門發廣大心故

慈是法明門一切生處善根攝勝故

悲是法明門不煞害衆生故

喜是法明門捨一切不喜事故

捨是法明門厭離五欲故

無常觀是法明門觀三界欲故

苦觀是法明門斷一切願故

無我觀是法明門不染著我故

寂定觀是法明門不擾亂心意故

慚愧是法明門內心寂定故

羞耻是法明門外惡滅故

實是法明門不誑天人故

真是法明門不誑自身故

法行是法明門隨順法行故

三歸是法明門淨三惡道故

知恩是法明門不捨善根故

報恩是法明門不欺負他故

不自欺是法明門不自譽故

為衆生是法明門不毀訾他故

為法是法明門如法而行故

知時是法明門不輕言說故

攝我慢是法明門智慧滿足故

不生惡心是法明門自護護他故

無障罣是法明門心無疑惑故

信解是法明門決了第一義故

不淨觀是法明門捨欲深心故

不諍鬭是法明門斷瞋訟故

不癡是法明門斷煞生故

樂法義是法明門求法義故

愛法明是法明門得法明門故

求多聞是法明門正觀法相故

正方便是法明門具正行故

知名色是法明門除諸障導故

除因見是法明門得解脫故

無怨親心是法明門於怨親中生平

等故

陰方便是法明門知諸苦故

諸大平等是法明門斷於一切和合

法故

諸入是法明門修正道故

無生忍是法明門證滅諦故

身念處是法明門諸法寂靜故

受念處是法明門斷一切諸受故

心念處是法明門觀心如幻化故

法念處是法明門智慧無翳故

四正勤是法明門斷一切惡成諸善故

四如意足是法明門身心輕故

信根是法明門不隨他語故

精進根是法明門善得諸智故

念根是法明門善作諸業故

定根是法明門心清淨故

慧根是法明門現見諸法故

信力是法明門過諸魔力故

精進力是法明門不退轉故

念力是法明門不共他故

定力是法明門斷一切念故

慧力是法明門離二邊故

念覺分是法明門如諸法智故

擇法覺分是法明門照明一切諸法故

精進覺分是法明門善知覺故

喜覺分是法明門得諸定故

除覺分是法明門所作已辦故

定覺分是法明門知一切法平等故

捨覺分是法明門厭離一切生故

正見是法明門得漏盡聖道故

正分別是法明門斷一切分別無分

別故

正語是法明門一切名字音聲語言

知如響故

正業是法明門無業無報故

正命是法明門除滅一切惡道故

正行是法明門至彼岸故

正念是法明門不思念一切法故

正定是法明門得無散乱三昧故

菩提心是法明門不斷三寶故

依倚是法明門不樂小乘故

正信是法明門得取勝佛法故

增進是法明門成就一切諸善根法故

檀度是法明門念念成就相好莊嚴

佛土教化慳貪諸衆生故

戒度是法明門遠離惡道諸難教化

破戒諸衆生故

忍度是法明門捨一切瞋恚我慢諂

曲調戲教化如是諸惡衆生故

精進度是法明門悉得一切諸善法

教化懈怠諸衆生故

禪度是法明門成就一切禪定及諸

神通教化散乱諸衆生故

智度是法明門斷無明黑暗及著諸

見教化愚癡諸衆生故

方便是法明門隨衆生所見威儀而

示現教化成就一切諸佛法故

四攝法是法明門攝受一切衆生得

菩提已施一切衆生法故

教化衆生是法明門自不受樂不疲
倦故攝受正法是法明門斷一切衆
生諸煩惱故福聚是法明門利益一
切諸衆生故

修禪是法明門滿足十力故

寂定是法明門成就如來三昧具足故
慧見是法明門智慧成就滿足故

入無導辯是法明門得法眼成就故
入一切行是法明門得佛眼成就故
成就陀羅尼是法明門聞一切諸佛
法能受持故

得無尋辯是法明門令一切衆生皆
歡喜故

順忍是法明門順一切諸佛法故
得無生法忍是法明門得受記故
不退轉地是法明門具足往昔諸佛
法故

從一地至一地智是法明門灌頂成
就一切智故

灌頂地是法明門從生出家乃至得
成阿耨多羅三藐三菩提故

今時護明菩薩說是語已告彼一切
諸天衆言諸天當知此是一百八法

明門留與諸天汝等受持心常憶念
勿令忘失

佛本行集經卷第六

癸卯歲高麗國大藏都監奉

勅彫造

俯降王宮品第五

隋天竺三藏闍那崛多譯

尔時護明菩薩冬分過已至於寂勝
春初之時一切樹木諸華開敷天氣
澄清溫涼調適百草新出滑澤和柔
滋茂光鮮遍滿於地正取鬼宿星合
之時為彼諸天說於法要悉令其心
愛樂歡喜踊躍充遍不能自勝誠勸
諸天使行此法教令厭離一切有為
生老病死求無上法

是時護明菩薩大士觀彼天衆如師
子王欲下生時其心安隱不驚不怖
不畏不亂復更重告諸天衆言汝等
諸天一切當知此我最後受後邊身
是時菩薩正念一心從兜率下如餘
諸天捨天壽時離五欲故生大憂苦
忘失正念菩薩下時則不如是菩薩
下時具足一切不可思議希有之法
護明菩薩從天下時時彼諸天憶菩
薩故一時號哭嗚呼苦哉嗚呼苦哉
我等既失護明菩薩我從今去永更

不復得聞正法減損我等功德之利
生死根本今益增長時淨居天告彼
一切諸天衆言汝等今見護明菩薩
欲下生時莫生憂惱何以故彼下生
時必定當得成阿耨多羅三藐三菩
提成已還來至此天宮為汝說法猶
如往昔毗婆尸佛尸棄如來毗舍浮
佛迦羅迦孫馱佛迦那迦牟尼佛迦
葉如來彼等諸佛皆從此去憐愍汝
故悉各還來到此天宮為汝說法攝
受汝等今此護明菩薩大士還如是
來攝化於汝如前不異

尔時護明菩薩大士於夜下生當欲
降神入於摩耶夫人胎時時彼摩耶
當其夜白淨飯王言大王當知我從
今夜欲受八禁清淨齋戒所謂不煞
生不偷盜不婬逸不妄語不兩舌不
惡口不無義語又願不貪不瞋恚不
愚癡不生邪見我當正見諸如是等
禁戒齋法我當受持我今繫念恒常
懃行於諸衆生當起慈心

時淨飯王即報摩耶大夫人言如夫
人心所愛樂者隨意而行我今亦捨

國王之位隨汝所行而有偈說

王見菩薩母從座恭敬起如母如姊妹
心不行欲想

時護明菩薩一心正念從兜率下託
淨飯王取大夫人摩耶右脇安庠而
入護明菩薩正念正知從兜率下入
母胎時是時天人魔梵沙門婆羅門
等一切世間光明普照復世界外黑
闇之處日月如有大勢力有大威
神如是幽隱光明不照德不能及此
菩薩光志能達照彼處所有一切衆
生各相謂言云何此間忽有衆生是
時此地六種震動所謂東涌西沒西
涌東沒南涌北沒北涌南沒邊涌中
沒中涌邊沒如是乃至起覺吼等十
八種相悉皆普現次復有千須彌山
王皆悉震動千尼民陀羅山王千持
威德山王千佉羅伽陀山王千毗鄰
耶迦山王千馬頭山王千弥尼陀羅
山王千善見山王千鐵圍山王千大
鐵圍山王如是等山悉皆震動并及
一切諸餘小山涌沒伍昂崑崙峨嵋
出大烟氣四千大海及餘諸池浩汗

奔濤洪波沸涌其四大河恒河羊頭
斯多博叉及餘諸水皆悉逆流一切
叢林一切樹木一切藥草一切時苗
皆悉肥濃長養滋茂其下乃至阿鼻
泥梨苦惱衆生皆蒙快樂

以是因緣菩薩從於兜率初下放大
光照一切世間幽昏黑闇悉令明著
欲為後時成佛道已以四真諦智慧
光明普照一切愚瞋衆生作先瑞相
菩薩初從兜率下時大地六種十八
相動及諸山王出大烟氣四千大海
涌沸濤波是故如來為未來世諸惡
衆生沒在煩惱垢濁淤泥佛成道已
欲拔出置於涅槃岸

菩薩初從兜率下時一切諸水皆悉
逆流是故如來為未來世諸惡衆生
隨順沒溺煩惱流者佛成道已說法
度脫一切衆生令其反本逆生死流
菩薩初從兜率下時悉能增長一切
樹木藥草叢林皆令肥膩滋茂之者
為未來世諸惡衆生未種善根令種
善根已種善根令得解脫
菩薩初從兜率下時乃至阿鼻地獄

衆生皆受快樂佛成道已令諸衆生
解脫苦惱受於快樂以是因緣於先
示現是等瑞相

又復菩薩兜率下時右脇入胎自餘
衆生從產門入佛得成道為諸衆生
說清淨法迴邪入正此是於先示現
瑞相

菩薩正念從兜率下託淨飯王第一
大妃摩耶夫人右脇住已是時大妃
於睡眠中夢見有一六牙白象其頭
朱色七支拄地以金裝牙乘空而下
入於右脇夫人夢已明旦即白淨飯
王言大王當知我於昨夜作如是夢
當入於我右脇之時我受快樂昔時
未有從今日後我實不用世間快樂
此夢瑞相誰占夢師能為我解

時淨飯王白一宮監內侍女人而告
之言汝速疾來至外宣勅語我國師
大那摩子令急追喚八婆羅門大占
夢師所謂祭德鬼宿德自在德毗紐
德梵德等并老迦葉三子速來時彼
使人白於王言如大王勅不敢違逆
是時使人奉大王命至宮門前大聲

唱言誰在門前頗有入宮婆羅門不
時彼門前有一當直婆羅門子姓婆
隨氏名羅耶那隋言生室報於宮監內使
人言我在於此其使人言大王有勅遣
突八大諸婆羅門能占夢者所謂祭
德迦葉子等其使傳言乃至國師大那
摩子承彼屋室使人之言即便召喚
八大占夢婆羅門師及大那摩國師
之子同入宮中時淨飯王告諸占夢
婆羅門等作如是言昨夜夫人有此
異夢是何瑞相有何徵感時彼占夢
婆羅門等聞王語已善知諸相善占
夢祥即具諮白淨飯王言大王善聽
所夢瑞相我當具說如我所見往昔
神仙諸天經書典籍所載而說偈言
若母人夢見日天入右脇彼母所生子
必作轉輪王若母人夢見月天入右脇
彼母所生子諸王中取勝若母人夢見
白象入右脇彼母所生子三界無極尊
能利諸衆生慈親志平等度脫千萬衆
於深煩惱海

尔時占夢婆羅門師白大王言夫人
所夢其相甚善善大王今者當自慶幸

夫人所產必生聖子彼於後時必成佛道名聞遠至時淨飯王聞諸占夢婆羅門師說此頌已心大歡喜踊躍無量不能自勝時王備辦無量餽饌百味飲食噉味舐毀諸麤果等種種施設彼婆羅門自恣而取飯食訖已時淨飯王復將無量錢財寶物以用布施

時淨飯王聞此相師占觀妃夢云是吉祥瑞相之後即於其國迦毗羅城四門之外并衢道頭街巷阡陌有人行處安大無遮義會之所人來須者盡皆布施須食與食須飲與飲須衣與衣須香與香須鬘與鬘塗香末香衣服床敷氍褥房舍屋宅牛羊象馬及車乘等是人須者皆悉與之作如是等種種布施悉為資益於菩薩故設是供養

尔時彼處有一仙人名阿私陀能立外道種種諸義以捨五欲有大威神有大德力具足五通常能到於三十三天集會之所自在能入彼仙多住南天竺國遮睢佉城聚落名恒河怛

去彼不遠有一叢林名曰增長是時
仙人在彼林中修學仙道摩伽陀國
一切人民咸皆謂此阿私陀仙是阿
羅漢摩伽陀國一切人民貴敬彼仙
尊重承事時彼仙人有所知解悉以
教人自知見已教他令見時彼聚落
有一童子名那羅陀彼那羅陀年漸
長大至於八歲其母將付阿私陀仙
令作弟子時彼童子供養恭敬尊重
師事阿私陀仙盡弟子禮無暫休息
時彼仙人在增長林晝夜精進攝心
坐禪及那羅陀童子一處其那羅陀
侍者童子任在仙人後侍立執拂隨逐
蚊蟻苦惱從於兜率陀天正念下至
淨飯王宮夫人右脇入於胎時放大
光明遍照人天一切世界復此大地
具足六種十八相動時阿私陀見未
曾有希奇之事異種光明復見此地
六種震動心大驚怖毛孔悉豎自心
念言今有何緣此大地動有何果報
時彼仙人少時思惟默然而住正念
正定思惟知已心生歡喜踊躍無量
不能自勝作是唱言希有大聖不可

思議世間當出大富伽羅

菩薩初從兜率下時入母右脇受胎
訖已時有一天名曰速往至諸地獄
大聲唱言汝諸人輩一切當知菩薩
今從兜率天下入於母胎是故汝等
速發誓願願生人間地獄衆生聞此
語已所有衆生往昔已來曾種善根
復造雜業以惡強故墮於地獄彼等
各各面相覩見厭離地獄復得光明
身心安樂復得聞於速往世間諸天
之聲捨地獄身即生人中所有三千
大千世界諸衆生等往昔已來種善
根者皆來於此迦毘羅城四面託生
菩薩入於母胎訖已時天帝釋及四
天王提頭賴吒及毗留勒又毗留博
叉毗沙門等各相謂言仁者當知菩
薩已從兜率天下入在母胎我等今
須擁護守視莫令其餘或人非人惱
亂菩薩或覓其便今此菩薩唯是極
大威德諸天乃能守護非是世間人
所能守此是菩薩未曾有法如來有
此四種護持具足無缺此是於先守
護瑞相

世有衆生入母胎時不能正念或住
母胎亦復不能專心正念或復生時
亦不正念或有衆生入母胎時能專
正念住於胎中亦能正念出胎之時
亦能正念或有衆生入胎正念住胎
正念出胎之時不能正念菩薩入胎
心亦正念住胎正念出胎正念此是
菩薩未曾有法如來得成於佛道已
說法教化無忘無失知於衆生機根
而說此是往昔希有瑞相菩薩在於
母胎之時常住右脇不曾移動自餘
衆生以不定故或至右脇或至左脇
以是因緣其母患痛受無量苦菩薩
在胎處於右脇不轉不動起立坐卧
不損母胎此是菩薩未曾有法如來
得成於佛道已行菩提法志得成就
此是往昔於先瑞相

菩薩在胎不驚不怖得大無畏惡物
不染所有不淨涕唾膿血黃白痰瘡
不能穢汙自餘衆生在母胎時種種
不淨如琉璃寶以天衣裹置不淨處
亦不染汙如是如是菩薩在胎一切
不淨不汙不染此是菩薩未曾有法

如來得成於佛道已於一切法不染
不著此是往昔於先瑞相

菩薩在於母胎之時其菩薩母受大
快樂身不疲乏自餘衆生入於母胎
或復九月或復十月母受負重身體
不安菩薩在胎母若行坐若眠若起
皆得安樂身不受苦此是菩薩未曾
有法如來得成於佛道已速得阿耨
多羅三藐三菩提正得諸通及一切
智此是往昔於先瑞相

菩薩在胎母受禁戒心常奉持戒行
而行自餘衆生在母胎時母行雜行
菩薩在胎母持禁戒不行雜行此是
菩薩未曾有法如來得成於佛道已
及聲聞衆取勝持戒於世間中出大
名聞沙門瞿曇持戒無比持戒分勝
此是往昔於先瑞相

菩薩在胎其母不生欲染之想不為
欲火之所惱亂時菩薩母恒行梵行
自餘衆生入母胎時不久其母欲心
熾盛倍多於前菩薩在胎其菩薩母
於自夫邊猶尚厭離不行姪欲何況
餘人此是菩薩未曾有法如來得成

於佛道已眼根善伏善藏善護善覆
善熏復能因此如上所知為他說法
如是耳根鼻根舌根身根意根乃
至善熏復能如是令他斷故修習說
法此是往昔於先瑞相

菩薩在胎其菩薩母不貪異味自餘
衆生在母胎時其母貪嗜不知厭足
菩薩在胎其菩薩母不患寒熱及以
飢渴不惱其身此是菩薩未曾有法
如來得成於佛道已知四種食此是
往昔於先瑞相

菩薩在胎其菩薩母志習庶幾樂喜
行檀自餘衆生在母胎時其母慳貪
不喜布施慳惜財物

菩薩在胎其母意樂行於布施心意
開解居自家內此是菩薩未曾有法
如來得成於佛道已說不慳法此是
往昔於先瑞相菩薩在胎其菩薩母
常行慈悲能於一切諸衆生邊但是
有識有命之類悉皆愍念自餘衆生
在於母胎其母不仁威德少故行諸
不善惡口罵詈

菩薩在胎其菩薩母恒於一切諸衆

生邊作大利益安樂之心此是菩薩
未曾有法如來得成於佛道已能於
一切諸衆生邊行平等心此是往昔
於先瑞相

菩薩在胎其菩薩母如前端政種種
相貌悉皆可喜自餘衆生在於母胎
其母損瘦體不洪滿氣力羸弱倍於
常人菩薩在胎其母常生歡喜之心
戒行威德身色取勝取妙取尊此是
菩薩未曾有法如來得成於佛道已
見身巍巍不可瞻仰體黃金色衆相
莊嚴此是往昔於先瑞相

菩薩在胎其母欲觀於菩薩時即見
菩薩在於胎中身體洪滿諸根具足
譬如明鏡鑒於面像其母見已歡喜
踊躍充滿於體不能自勝自餘衆生
在於母胎被歌羅邏及阿浮陀之所
覆蔽而不能現菩薩初入母胎之時
身體充滿五支五根皆悉具足此是
菩薩未曾有法

菩薩在胎其菩薩母所見衆生若男
若女被鬼所持若得見於菩薩母者
一切魍魎一切鬼神皆悉遠離還得

本心若體舊有諸餘雜病或痿黃病
或風癩病或痰癰病或等分病或餘
諸病所謂白癩丁瘡惡腫疥瘡消瘻
癰疽癬癩癰腫寒熱眼耳鼻舌咽喉
及頭一切諸病所侵惱者彼等衆生
來至摩耶大夫人邊其大夫人右手
摩頂摩其頂已皆得安樂諸病悉除
若有重病不能來見摩耶夫人摩耶
夫人或取草葉或取樹葉或取草莖
右手摩將送彼病人其病人得此等
諸物或食或觸或置身上即得斷除
一切諸病便受安樂身體輕便菩薩
在胎有如是等無量無邊威神德力
未曾有法

佛本行集經樹下誕生品第六上

尔時菩薩聖母摩耶懷孕菩薩將
滿十月垂欲生時時彼摩耶大夫人
父善覺長者即遣使人詣迦毗羅
淨飯王所

摩訶僧伽師古摩耶夫人姓名
善覺

奏大王言如我所知我女摩耶王
大夫人懷藏聖胎威德既大若彼產
出我女命短不久必終我意欲迎我
女摩耶還來我家安止住於嵐毗尼

中六相娛樂盡父子情唯願大王莫
生留難乞垂哀遣放來我家於此生
產平安說已即奉送還

時淨飯王聞善覺使作是言已即勅
有司其迦毗羅城及提婆陀訶兩間
之中平治道路除却一切荊棘沙礫
糞穢土埴香湯灑地持於種種雜妙
花香散於其地又復光飭摩耶夫人
以諸種種香諸種花鬘諸種瓔珞莊嚴
其身備諸音聲作唱伎樂持大王力
大王威風從諸宮內一切嫗女欲向
其父善覺之家於先遣使往彼報知
令來迎接

是時摩耶大夫人身安然端坐大白
象上時象背上諸天化作微妙寶帳
摩耶夫人坐寶帳裏詣其父家到於
提婆陀訶城內是時摩耶夫人初始
欲向提婆陀訶城時時淨飯王辦具
一万大力香象皆被金鞵七寶校飾
莊嚴其身並悉精麗備擬以送摩耶
夫人復有一万善好良馬皆紺青色
頭黑如烏皆悉被鬘尾垂耒耒地真金
鞵轡鞍鐙留羈悉亦金飾一切雜寶

莊嚴其身復有一万妙好寶車並駕四馬其車周匝張懸幡蓋及衆寶鈴鐙鉦相和如是辦具皆隨摩耶夫人之後復有二万勁勇力士一人當千威猛捷健端政絕殊能破強怨身著鎧甲手執弓箭刀杖闔輪及諸戟稍種種戰具隨夫人後復更別有一万寶車十千妃嬪皆坐其上持諸瓔珞種種衣服莊嚴其身左右圍遶摩耶夫人時淨飯王重更切勅宮監大臣好加防衛不聽非司其餘浪人逼近摩耶夫人之車及諸妃嬪勿令雜合唯遣童女牽車進奉如是次第摩耶夫人象乘處中一万寶車各各一妃坐於其上左右圍繞前後導從摩耶夫人最爲上首其外復有一万香象一万力士皆服鎧甲隨從夫人左右前後圍遶而行皆各坐於香象之上又復一万步行力士亦著鎧甲手執種種戟稍諸仗翼衛夫人如是莊嚴摩耶夫人詣向父所無量象馬皆悉嘶鳴又有無量龍頭大鼓無量小鼓種種樂器出微妙音無量莊嚴無量威

德向於提婆陀訶之城時彼善覺大
臣長者共自眷屬從城而出逆前迎
女摩耶夫人又持無量莊嚴之具引
夫人前是時善覺大臣有妻名嵐毗
尼彼婦諮白夫善覺言大聖釋子若
當知時諸釋種族各皆自有園果樹
林遨遊觀瞻至於其中自相娛樂我
大聖子今可造作清淨園林我等當
共聖子娛樂受於歡樂時善覺釋摩
耶大妃夫人之父於迦毗羅及提婆
陀訶兩城之間近自境內為婦造作
一大園林以善覺婦名嵐毗尼為彼
造立此園林故以是因緣即名之為
嵐毗尼園彼園樹木蓊鬱扶疎世間
無比其中多有種種花樹種種果樹
以為莊嚴復有種種渠流池沼種種
雜樹無量無邊摩尼諸寶遍滿園苑
今時善覺釋種大臣於彼春初二月
八日鬼宿合時共女摩耶相隨向彼
嵐毗尼園欲往觀者大吉祥地到彼
園已摩耶夫人從寶車下先以種種
微妙瓔珞莊嚴其身復以種種雜好
熏香用以塗拭衆多娉女伎樂音聲

前後園遶安庠徐步處處觀看從於
此林復向彼樹如是次第周匝而行
然其園中別有一樹名波羅叉其樹
安住上下正等枝葉垂布半綠半青
翠紫相暉如孔雀項又甚柔軟如迦
隣提衣其花香妙聞者歡喜摩耶夫
人安庠漸次至彼樹下

是時彼樹以於菩薩威德力故枝自
然曲柔軟佝垂摩耶夫人即舉右手
猶如空中出妙色虹安庠頻申執波
羅叉垂曲樹枝仰觀虛空時菩薩母
摩耶夫人立地以手攀波羅叉樹枝
之時時有二万諸天王女往詣摩耶
夫夫人所周匝園遶合十拍掌共白
摩耶大夫人言

夫人今等能斷生死輪上下天人師
決定無有二彼是諸天胎能拔衆生苦
夫人莫辭憊我等共扶持

尔時菩薩見於其母摩耶夫人立地
以手攀樹枝時在胎正念從座而起
自餘一切諸衆生母欲生子時身體
遍痛以痛因緣受大苦惱數坐數起
不能自安其菩薩母默怡坦然安靜

歡喜身受大樂是時摩耶立地以手
執波羅叉樹枝託已即生菩薩此是
菩薩希奇之事未曾有法如來得成
於佛道已無乏無疲不勞不倦能拔
一切煩惱諸根割斷一切諸煩惱結
猶如截於多羅樹頭畢竟不生無相
無形無後生法此是如來往先瑞相
又復一切諸衆生等生苦逼故在於
胎內處處移動菩薩不然從右脇入
還住右脇在於胎內不曾移動及欲
出時從右脇生不為衆苦之所逼切
是故菩薩此事希奇未曾有法如來
得成於佛道已盡其後際修行梵行
永無有畏常得快樂無復諸苦此是
如來往先瑞相

菩薩初從母胎右脇正念生時放大
光明即時一切諸天及人魔梵沙門
婆羅門等一切世間悉皆遍照乃至
各各共相謂言云何此處忽有衆生
此是菩薩希奇之事未曾有法如來
得成於佛道已裂破無明黑闇之網
能出明淨大智慧光此是如來往先
瑞相

菩薩初從右脇出已正心憶念時菩薩母身體安常不傷不損無瘡無痛菩薩母身如本不異菩薩生時種種資益以是因緣母無患苦身口及心無有一惱辟如有一大身衆生有大威德有大氣力卧於地上宛轉自撲其地不損若減若破如是菩薩在母右脇正念生時其菩薩母如是因緣無瘡無損是時彼處有一婦人合掌諮白菩薩母言大德夫人生兒之時身體得無痛苦已不菩薩母言以是大人威神力故令我身體不覺痛痒我今身體無缺無減以是因緣此是菩薩希奇之事未曾有法如來得成於佛道已行於梵行不缺不減具足不少此是如來往先瑞相

菩薩初從母胎出時無苦無惱安庠而起一切諸穢不能汙染或屎或尿黃白痰癢或膿或血皆不穢著自餘衆生出母胎時諸惡雜穢

菩薩不尔不同於彼諸衆生類一切諸穢皆不染著正心正念安庠而起從胎出生辭如如意琉璃之寶用於

迦尸迦衣褻時各不相染如是如是
菩薩在於母胎之時一心正念安庠
而起清淨出生無一切穢乃至膿血
屎尿臭處不穢不染此是菩薩希奇
之事未曾有法如來得成於佛道已
在於世間住於世間世所有法世間
穢濁不汙不染此是如來往先瑞相
菩薩初從母胎出時時天帝釋將天
細妙憍尸迦衣褻於自手於先承接
擎菩薩身此是菩薩希奇之事未曾
有法如來得成於佛道已創為娑婆
世界之主大梵天王於先勸請如來
說法此是如來往先瑞相

菩薩初從右脇生時四大天王抱持
菩薩將向母前示其母言世大夫人
今可歡喜夫人生子既得人身諸天
猶尚歡喜讚歎况復於人是故菩薩
希奇之事未曾有法如來得成於佛
道已無量衆多一切比丘及比丘尼
諸優婆塞及優婆夷皆向如來聽受
於法依如來教不違不背此是如來
往先瑞相

菩薩生已立在於地仰觀於母右脇

之時口作是言我此身形從今日後
不復更受於母脇中不入胎即此是
於我輩末後身我當作佛此是菩薩
希奇之事未曾有法如來得成於佛
道已口作是言我今生分一切已盡
梵行已立所作已辦不受後有此是
如來往先瑞相

佛本行集經卷第七

癸卯歲高麗國大藏都監奉
勅彫造

佛本行集經卷第八

宜

樹下誕生品下

隋天竺三藏闍那崛多譯

菩薩生已無人扶持即行四方面各
七步步步舉足出大蓮華行七步已
觀視四方目未曾瞬口自出言先觀
東方不如彼小嬰孩之言依自句偈
正語正言世間之中我為最勝我從
今日生分已盡此是菩薩希奇之事
未曾有法餘方悉然初生之時無人
扶持於四方面各行七步如來得成
於佛道已得七助道菩提法分此是
如來徃先瑞相

菩薩生已觀視四方如來得成於佛
道已具足而得四無畏法此是如來
徃先瑞相

菩薩生已口自唱言我於世間最為
殊勝如來得成於佛道已一切世間
諸天及人悉皆尊重恭敬承事此是
如來徃先瑞相

菩薩生已口自唱言我斷生死是取
後邊如來得成於佛道已一如語行

此是如來往先瑞相

菩薩生已諸眷屬等求覓於水東西
南北皆悉馳走終不能得即於彼園
菩薩母前忽然自涌出二池水一冷
一煖菩薩母取此二池水隨意而用
又虛空中二水注下一冷一煖取此
水洗浴菩薩身此是菩薩希奇之事
未曾有法如來得成於佛道已得奢
摩他毗婆舍耶遠離欲事不假勞苦
求其資財一切自然此是如來往先
瑞相

菩薩初生時諸天等持於金床與菩
薩坐坐已菩薩澡浴其身雖是人身
諸天扶持此是菩薩希奇之事未曾
有法如來得成於佛道已得彼四種
蓮華之座扶持如來此是如來往先
瑞相

菩薩初生放大光明障蔽一切所有
光明此是菩薩希奇之事未曾有法
如來得成於佛道已無有一人能如
法論勝如來者此是如來往先瑞相
菩薩初生身放光明障蔽日光猶如
晝星此是菩薩希奇之事未曾有法

如來得成於佛道已於諸聲聞弟子
衆邊自在獲得取上供養最上名聞
此是如來徃先瑞相

菩薩初生一切樹木一切藥草隨時
開敷此是菩薩希奇之事未曾有法
如來得成於佛道已有諸衆生未得
信解即得信解已信解者復得增長
此是如來徃先瑞相

菩薩初生上界諸天持其白縵真金
為柄大如車輪此是菩薩希奇之事
未曾有法如來得成於佛道已以不
瞋故而得解脫離欲饒益不勞慙苦
而獲資財此是如來徃先瑞相

菩薩初生上虛空中一切諸天各持
白拂志用衆寶以為其柄拂菩薩上
菩薩初生虛空清淨無有烟雲無有
塵霧但聞雷聲

菩薩初生於上空中無諸雲霧有微
細雨清淨香水具八功德令諸衆生
皆受快樂

菩薩初生四方空中起微妙風清涼
無惱一切八方清淨光澤無有烟雲
塵埃翳障

菩薩初生於上空中無有人作自然而出妙梵音聲

菩薩初生於上空中自出種種諸天音樂種種歌聲雨種種花種種諸香日光雖曝不能令萎此是菩薩希奇之事未曾有法如來得成於佛道已為諸世間以諸智慧現大神變清淨諸通世間無比如來為首此是如來往先瑞相

菩薩初生於上虛空一切諸天各持無量優鉢羅花鉢頭摩華拘物頭華分陀利華諸如是等種種雜華復持雜種微妙諸香復持種種眾寶花鬘散菩薩上散已更散如是相續菩薩初生時有五百諸天王女持諸天華所熏之油詣向菩薩母前而立安慰問訊發如是言善生菩薩無疲倦耶菩薩初生時有五百諸天王女持天塗香詣向菩薩母前而立安慰問訊作如是言善生菩薩無疲倦耶

菩薩初生時有五百諸天王女持天種種寶微妙衣詣向菩薩母前而立安慰問訊作如是言善生菩薩無疲

倦耶

菩薩初生時有五百諸天王女持天種種雜寶瓔珞詣向菩薩母前而立安慰問訊作如是言善生菩薩無疲倦耶

菩薩初生時有五百諸天王女持天種種微妙音聲詣向菩薩母前而立安慰問訊作如是言善生菩薩無疲倦耶

菩薩初生時此大地具十八相六種震動一切衆生皆受快樂當於彼時無一衆生而生欲心無復瞋恚及以愚癡無慢無怖無一衆生造惡業者一切病者皆悉得愈飢者得食渴者得飲皆令飽滿無所乏少憒醉衆生皆得醒寤狂者得正盲者得視聾者得聞不完具者皆得具足貧者得財牢獄繫閉皆得解脫地獄衆生皆得休息畜生衆生除諸恐怖餓鬼衆生皆得充足菩薩初從右脇生時有如是等無量無邊希奇之事未曾有法佛本行集經從國還城品第七上

余時有一大臣國師姓婆私吒名摩

訶那摩共諸國師婆羅門等俱共往

詣嵐毗尼園至彼園已在門外立時

婆私吒語諸國師婆羅門言汝觀於

此大地何故如是震動辟如乘船在

於水上日月覆蔽失本光儀狀如晝

星纔有形影一切樹木隨時開敷於

上空中清淨皦潔無諸雲翳但聞雷

聲又虛空中澄靜朗曜而有殊妙微

細香雨功德具足自然而含八種之

味又從八方起微妙風其風清涼冷

煖調適一切諸方悉皆清淨無有烟

雲塵霧黶黶又虛空中無有人唱自

然而聞深梵之聲復虛空中聞於種

種諸天音樂復聞天歌天讚天詠雨

天香華日光雖曝不能令萎

時一國師報彼大臣婆私吒言此事

雖然不足為怪何以故地性如有

何不祥又一人言今此大地六種震

動虛空敞晃隱蔽日光猶如從來晝

看星宿復雨天花衆光雖照不能令

異甚為希奇

其婆私吒共彼國師議是事時時彼

園中有一女人從嵐毗尼疾走而出

來到門外時彼女人至門外已見婆
私吮及以國師歡喜踊躍不能自勝
語婆私吮及國師言諸釋種子汝可
速往至大王所是時大臣及國師等
見彼女人作如是言無復歡喜不能
自勝問彼女言汝令我等至大三所
當何聞徹為奏歡喜疑怖恐怖不祥
事乎彼女報言汝釋種子我今白汝
一大慶幸歡喜之事其摩訶那及國
師等問彼女言有何喜慶彼女答言
國大夫人產一童子端正可愛世間
少雙然此童子直是真天所以處處
散於天花放天光明時大臣等聞是
語已心大歡喜踊躍充滿不能自勝
是時大臣即解衆寶妙好瓔珞賜彼
女人為聞如是歡喜事故解賜已後
更復思惟今此女人是王宮內時幸
之人王見是女極大愛敬我今解身
瓔珞賜與後脫為患即還收取取已
轉持施彼國師捨已咒願作如是言
今以瓔珞施於國師所有功德迴施
彼女以何因緣聞喜事故
時彼大臣摩訶那摩語於國師婆羅

門言大婆羅門汝今可還向大玉所奏
是喜事時大摩那發遣於彼婆羅門
已更復重問彼女人言汝先語我國
大夫人產童子者是天似天放天光
明汝復更見有何異相時彼女人答
大臣言唯願善聽彼童子者相貌過
人有大威德致令摩耶國大夫人立
地之時童子自然從右脇出國大夫
人胃脇腰身不破不缺童子生時一
切諸天從於虛空持好細妙迦尸迦
衣周匝遍覆於童子身持向母前作
如是語國大夫人當自慶幸倍生歡
喜何以故今大夫人產育聖子當是
童子初欲出時仰觀母脇而說是言
我從今日不復更受母人之胎此即
是我最後邊身從是已去我當作佛
即立於地無人扶持即行七步足所
履處皆生蓮華一切四方正眼觀視
目不暫瞬不驚不怖正正東面言辭
辯淨字句圓滿非如孩童而說是言
於諸世間我為最勝我當濟拔一切
生死煩惱根本童子任彼所立地處
以是童子身清淨故從虛空中二水

注下一煖一冷復持金床令童子坐
澡浴其身童子生已身放光明障蔽
日月上界諸天持其白蓋具金為柄
大如車輪住虛空中又有諸天手持
白拂衆寶為柄搖童子上又虛空中
一切音樂不鼓自鳴復聞無量無邊
微妙歌詠之聲又雨香花處處遍滿
日光雖照鮮潔如常不能令異
尔時大臣摩訶那摩聞此語已即自
思惟希有希有於此惡時而感大士
出與於世我今應當自往淨飯大王
之所奏聞如是希有之事

時彼大臣取善調馬行疾如風駕馭
寶車從嵐毗尼園門外發徑至於彼
迦毗羅城未見於王在先過打歡喜
之鼓盡其身力而扣擊之

時淨飯王坐寶殿上輔相弼諧治理
國政群臣卿士百辟官僚或後或前
左右圍遶皆悉聞彼歡喜鼓聲時王
驚問諸群臣言卿諸臣等是誰忽然
敢能擊我甘蔗種門歡喜之鼓盡其
力打出是大聲時守門臣前白王言
大王當知王之大臣婆私吒姓摩訶

那摩駕四馬車迅疾如風從嵐毗尼
園門外來忽跳下車盡其身力即擊
大王歡喜之鼓更無言語直云我今
欲見大王時淨飯王語諸臣言有何
喜事宜速喚彼婆私吒姓釋種大臣
摩訶那摩來急到我前臣奉王勅白
言大王謹依教命星速往喚彼釋大
臣摩訶那摩勒令急疾到於王所
時摩訶那摩聞王勅已即至王前高
聲唱言願王常勝願王常尊今奉此
言增益身力時淨飯王聞此語已告
大那摩釋種大臣作如是言汝釋大
臣何故急遽速疾而來盡於身力打
歡喜鼓時彼大臣摩訶那摩即報王
言彼天辟城嵐毗尼國大王夫人在
中遊戲於彼樹下生一童子身黃金
色其狀似天乃至端政放天光明
時淨飯王復更重問審實相好其事
云何時彼大臣復報王言夫人立地
乃至右脇不裂不壞童子生已自立
於地諸天各持迦尸迦衣遍覆其身
仰觀母脇口如是言我當作佛拔斷
生死苦惱根本澡洗放光應證日月

樹木藥草依時開華虛空諸天持白
蓋拂搖童子上虛空雷聲微細天雨
涼風四來不見其形梵響樂音不鼓
自唱華照不萎如上所說一二次第
具諮白王大王當知我見是等希有
之事是故我今以歡喜緣擊歡喜鼓
敢遍告知時彼大臣復持諸天供養
餘華敬奉大王如是偈說

時淨飯王聞是語已告大臣言汝既
持是歡喜之事白我今知如汝深心
欲求何願我當盡與隨意不違其婆
私吒大臣荅言臣蒙王恩無所乏少
時淨飯王復告大臣汝當乞願必當
相與大臣復更重白王言願王歡喜
臣蒙王恩無所乏少

時淨飯王復告大臣汝今不應違於
王勅要須乞願我當與汝時婆私吒
大臣白言大王若當必定歡喜乞臣
願者唯願大王聽臣奉事太子左右
隨時給侍所以者何此之童子今既
生已必定還續甘蔗日種轉輪聖王
苗粟不絕時淨飯王報大臣言善知
時者隨意所樂

時淨飯王告諸臣言汝等大臣應當如彼婆私吒臣之所典掌國法吉祥次第具錄勿令缺減時淨飯王告大那摩釋大臣言大臣汝來我國既生如是太子今當為是勝上太子作於生法時淨飯王大威德力以王威神諸臣百官左右圍遶猶如半月左右侍立及摩訶那摩諸大臣等發向於彼嵐毗尼園欲迎菩薩至其中路時淨飯王告摩訶那摩及大臣言汝等大臣我聞生子復見如是希有之事未曾有法豈不歡喜覆自憂愁摩訶那摩大臣復言大王要當歡喜自慶不須懷愁何以故天人所生有如是法不可思議大希有事大王可不聞往昔有一婆羅門名多虱吒迦華生彼生已後不從人學自然能解四種毗陀又復大王可不聞於往昔有一頂生之王從父頂生生已還如孩童一種漸漸長大王四天下

又復大王可不聞於往昔有一王名毗迦從父掌生非母腹出

又復大王可不聞於往昔有一王名

留婆從父腔生

又復大王可不聞於往昔有王名迦
轄婆從父辟生

又復大王可不聞於大王先祖從昔
以來名昔蔑王從昔蔑生是等諸王
雖生人間不可思議

時淨飯王復更語於摩訶那摩釋大
臣言汝大那摩彼等諸王皆是大明
有大威德此不方彼摩訶那摩以歡
喜心復白王言大王當知此太子者
必定勝彼一切諸王淨飯王言有何
勝相摩訶那摩大臣答言彼等輩生
此太子生臣以校量知相大勝王復
語言汝勿戲調所以者何凡人父者
可不欲子最勝於他或多見聞或廣
知解或善修行或備禮義或明治道
或懃精進有如是者心則歡喜時淨
飯王說是語已漸漸至彼嵐毗尼園
至彼園已在大門外即遣使人白夫
人言夫人福德善生聖種夫人宜於
太子生處作吉祥事敷設莊嚴速令
訖了吾欲面親觀視太子是子在胎
吾雖親見於先種種希奇瑞相未曾

有法但我今心愛念子故自欲往看
是時摩耶國大夫人為於童子備辦
種種世所應為吉慶之禮皆悉設了
即遣使人奉報王言大王知時應入
是園時有女人見淨飯王已入園內
抱持菩薩將詣王所作如是言童子
今可敬札父王王言不然先遣札我
師婆羅門然後見我是時女人抱持
菩薩先將往詣婆羅門所是時國師
婆羅門等見菩薩已白淨飯王因呪
願言唯願大王常尊常勝如見子勝
願王釋種芽葉常興大王此子必當
得作轉輪聖王

時淨飯王復問國師婆羅門言所以
知然是時國師復白王言如我所見
毗陀羅論所說諸相合此子法是事
真實時淨飯王復問國師婆羅門言
若如是者我之釋氏轉輪聖王菩薩
之種必當增長何以故今世諸王於
其福德苦行精勤皆悉缺減若今生
是童子有於此等福力如昔劫初諸
王福德大力勇健相具足者是則我
家必當興盛還如劫初諸轉輪王

時菩薩摩訶耶夫人見淨飯王并及國師婆羅門等面色熙怡即便諮白淨飯王言大王示我轉輪聖王相貌云何善我為我略說其要令我心喜時淨飯王問於國師婆羅門言仁者大師願為解釋轉輪聖王形狀相貌時彼國師及婆羅門報淨飯王及夫人言唯願大王諦聽我說我從先聖諸論相傳說轉輪王所有自在功德悉具若轉輪王治化人民彼轉輪王必能飛騰虛空而行住於地上若時亢旱隨念即雨若王界內有於瞋恚諸惡衆生更迭相嫌心懷恨者以轉輪王威德力故國內衆生各各歡喜轉輪聖王七寶具足所謂金輪神珠象馬玉女主藏典兵臣等是名七寶轉輪聖王壽命長遠終無橫死少病少惱身體端嚴世間無比於其境內一切人民愛敬是王猶如一子轉輪聖王愛護人民過於赤子時淨飯王復白國師婆羅門言大婆羅門如仁所說夫為轉輪聖王之者皆有是事然非我耶

時菩薩母摩耶夫人復更重白淨飯王言大王是事未足為怪所以者何此童子者今日生於甘蔗種姓剎利家故時淨飯王復作是言希有之事轉輪聖王生於人間但彼轉輪聖王威德如是大受果報勝業我心生怪往昔一切轉輪聖王無有如是諸奇特相所謂甘蔗日種生王尼拘羅王憍拘羅王瞿瞿羅王或復我父師子類王及以我身無有如是奇特之相其事云何復有何因是時國師及婆羅門復更諮白淨飯王言大王當知有前有後未足為怪大王可不聞於往昔有一國王名耶耶垣一切功德悉皆具足父名婆流其有一子名為不流不流有子名毛頭摩羅毛頭摩羅有子名迦叉福迦叉福有子名阿羅祇不阿羅祇不有子名曷帝隸耶尼曷帝隸耶尼有子名因羅婆毗羅因羅婆毗羅有子名頭䟽般那如是等王具大威德然不得作轉輪聖王彼等取後頭䟽般那生於一子名婆羅施其婆羅施方始得作轉輪聖王往

昔劫初有刹利種名摩訶三摩多從
天而下然不得作轉輪聖王其後次
第展轉相承到於頂生轉輪聖王王
領乃至三十三天祖父子孫苗稟繼
續猶自退減不得作於轉輪聖王時
淨飯王復作是言大婆羅門此言為
善何以故我亦欲得我子如此亦願
我子如汝彼言時淨飯王自心思惟
我今若將童子入城作何輦輦時淨
飯王生是心已是時工巧毗首羯磨
即時化作七寶輦輦自然而成不由
人作端嚴微妙殊特少雙時淨飯王
即出嚴勅勒令修理迦毗羅城灑掃
耘除一切荆棘沙礫礪石糞穢土埵
悉露不瞋恚令淨潔其迦毗羅種種
莊嚴猶如閼城一種無異其城所有
種種雜戲一切樂人能歌能舞巧為
幻化或有持珠或能出水或莊嚴身
以為婦女如是種種變化所能彼等
一切皆悉雲集時彼大衆或有踊身
擲在虛空或復騰鈴或復打鼓或者
躡屐或緣竿頭或復倒行首下足上
或復反擲猶如旋輪或懸虛空上繩

而走或復睺渠或復跳

音調

刀諸如是

等無量無邊種種戲笑種種示現或有揚聲大叫大哭或復吹指或弄衣裳
尔時護世四大天王各變其身作婆羅門志並幼年端政可喜頭為螺髻
躬擔菩薩寶轡而行是時釋天亦隱
本形化作童年婆羅門子端政如前
頭旋螺髻身著黃衣用其左手執金
澡瓶復以右手擎持寶机在菩薩前
断於人行口發是言卿諸人輩宜各
避道寂勝衆生今欲入城

上來四句梵本
無稱以明心重

尔時色界大梵天王述往昔偈讚菩
薩言

天上天下無如佛 十方世界亦復然
世間所有我盡觀 一切更無如佛者
尔時菩薩從天辟城嵐毗尼園初欲
入於迦毗羅時一切諸天灑掃道路
復有五千諸天王女各各手內執一
金瓶盛滿香水以用灑地在菩薩前
次第而行

復有五百諸天王女各持諸天微妙
掃帚在菩薩前掃地而行

復有五百諸天王女各持諸天雜寶

香爐焚燒種種微妙之香在菩薩前
供養菩薩引道而行

復有五百諸天王女持金寶瓶盛滿
妙香在菩薩前引道而行

復有五百諸天王女各各執持天妙
多羅樹葉之扇在菩薩前引道而行

復有五百諸天王女各各執持孔雀
王尾用以為拂在菩薩前引道而行

復有五百諸天王女各各執持多羅
樹葉所作筌提在菩薩前引道而行

復有五百諸天王女各各手執諸天
胡床在菩薩前引道而行

復有五千諸餘天女各執金鈴時時
搖動揚聲大唱吉祥之音在菩薩前
引道而行

復有二万五千香象悉金鞞轡金為
鞍轡皆被金甲一切校餉悉是純金
其莊具上復籠金網在菩薩後次第
而行

復有寶馬其數二万悉皆青色頭黑
如烏驥披垂地一切鞞轡鞍轡鐙具
純金莊嚴天金羅網以覆其上隨菩
薩後次第而行復有二万衆寶妙車

駕以駟馬幡蓋莊嚴天金羅網以覆其上在菩薩後次第而行復有四万步兵壯士皆志勇健各敵於千並好丈夫有大筋力能破怨隙身披甲鎧手執弓刀或把鐵輪或持戟槊如是次第在菩薩後翊從而行

復有無量無邊色界最大威德諸天衆等在於菩薩右廂而行

復有無量無邊欲界最大威德諸天衆等在於菩薩左廂而行

復有無量無邊龍王夜叉捷闍婆阿修羅迦樓羅緊那羅摩睺羅伽鳩摩荼羅剎毗舍遮等出現半身各各執持衆雜妙華滿虛空中隨菩薩行

復有無量無數無邊億百千万諸天神王歡喜踊躍皆悉遍滿不能自勝揚聲叫喚或復吹拍或舞或歌發殊異音或弄木棠或弄手足作諸戲樂或持種種末香塗香花鬘瓔珞募陀羅等種種諸華各自手擎在菩薩上於虛空中行散菩薩散已復散一切諸天以是菩薩威德力故不聞人氣一切諸人雖觀天色亦不驚老復不

放逸

佛本行集經第八卷

第三品 五

共

尔時一切釋種耆屬將四種兵車兵馬兵象兵步兵圍遶菩薩或前或後或左或右從菩薩行充塞遍滿迦毗羅城其淨飯王持大王力大王威德擊無量鼓大鼓小鼓後吹無量無邊鼙貝諸如是等無量無邊種種異類雜妙音聲娛樂菩薩導引將入迦毗羅城

時迦毗羅去城不遠有一天祠神名增長彼神舍邊常有無量諸釋種族童男童女跪拜乞願恒得樂心時淨飯王將菩薩還至彼天舍告諸臣言今我童子可令礼拜是大天神尔時乳母抱持菩薩詣彼天祠時更別有一女天神名曰無畏彼女天像從其自堂下迎菩薩合掌恭敬頭面頂礼於菩薩足語乳母言是勝衆生莫生侵毀

此上兩句梵本有攝

不應令彼跪拜於我我應礼彼何以故彼所礼者能令於人頭破七分

佛本行集經卷第八

癸卯歲高麗國大藏都監奉

勅彫造

佛本行集經卷第九

四

從園還城品下

隋天竺三藏闍那崛多譯

今時迦毗羅城有諸釋種五百大臣
皆悉是於菩薩眷屬還復造立五百
精舍欲菩薩坐當於菩薩初入城時
各各立在自家門前以歡喜心合掌
恭敬而作是言願天中天入我精舍
願大船師入我精舍願身金色清淨
衆生入我精舍願施一切歡喜心者
入我精舍願名遠聞無毀缺者入我
精舍願德最尊無等等者入我精舍
時淨飯王為如是等五百親眷生憐
愍故將於菩薩次第巡歷入其精舍
悉皆周遍然後始將入於自宮

今時菩薩當生之日即有五百諸釋
種子同日而生菩薩巍巍最為初首
復有五百諸釋種女亦同日生耶輸
陀羅而為上首

復有五百諸釋奴僕亦同日生淨飯
王宮車匿為首

復有五百釋種婢媵亦同日生淨飯

王宮侍衛太子

復有五百鮮白馬駒亦同日生淨飯王廐捷陟為首

復有五百大香象王色白如雪齊有六牙在王宮門忽然而現

復有五百大巨伏藏周匝四面繞迦毗羅自然而現

復有五百妙好園林流泉浴池種種花果皆悉遍滿並現在於迦毗羅城四面周匝悉是太子威德力故

復有五百大商賈主積諸錢財多饒珍寶相隨來詣迦毗羅城

復有五百微妙傘蓋五百金瓶並是五百粟散諸王遣使送來上淨飯王作如是言今以是物奉獻大王慶賀太子

復有五千諸婆娑羅門及刹利種大富長者各持己女將來奉上於淨飯王時淨飯王凡所須者皆悉備具

時淨飯王自心思惟我生太子今作何名復更思惟彼生之日一切衆事皆悉自成今我可為太子立名名為成利時淨飯王即開藏出百億兩金

供養成利為立名字是故偈言

如是在宮內 衆事悉豐饒 今作太子名
應當名成利

佛本行集經相師占看品第八上

時淨飯王即召相師解占觀者呼使
前來令看太子作如是言汝諸相師
婆羅門等占是太子在我族中為好
為惡汝等好看吉凶之相

是時諸相師婆羅門等聞王勅已一
心瞻仰太子形容各依先聖所有諸
論共相量宜量宜訖已白於王言大
王今者大得衆利何以故此太子者
有大威德是大衆生今生王家大王
當知此太子身有三十二大丈夫相
凡有一人具三十二丈夫相者於世
間中則有二種果報不老更無餘異
何等為二若在家受世樂者則得作
於轉輪聖王王四天下護持大地七
寶具足乃至不用刀杖化人自然如
法遍於海內若捨王位出家學道得
成如來應正遍知名稱遠聞充滿世界
時淨飯王聞是記已復更重問婆羅
門言太子何處是大丈夫三十二相

婆羅門言三十二種大人相者一者
太子足下安立皆悉平滿二者太子
雙足下有千輻輪相端正處中可喜
清淨三者太子手指纖長四者太子
足跟圓好五者太子足趺高隆六者
太子手足柔軟七者太子手足指間
具足羅網八者太子踰如鹿王九者
太子正立不曲二手過膝十者太子
陰馬藏相十一太子皮膚一孔一毛
旋生十二太子身毛上靡十三太子
皮膚細軟如兜羅綿十四太子身毛
金色十五太子身體淳淨十六太子
口中深好可喜方正十七太子頰車
方正如師子王十八太子兩脰廣闊
十九太子身體上下縱橫正等如尼
拘樹二十太子七處滿好二十一者
具四十齒二十二者諸齒齊密二十
三者齒不踈缺不齟齬二十四者
四牙白淨二十五者身體清淨純黃
金色二十六者聲如梵王二十七者
舌廣長大柔軟紅薄二十八者所食
之物皆為上味二十九者眼目紺青
其三十者太子眉眼睫如牛王三十

一者眉間白毫右旋宛轉具足柔軟
清淨光鮮三十二者頂上肉髻高廣平
好大王此是大子三十二種大丈夫
相如是具足若有一人具足此等大
夫相者是人所得二種果報在家出
家如上所說

時淨飯王聞諸相師說是語已心大
歡喜遍體踊躍不能自勝即出種種
百味飲食設彼相師婆羅門等令其
自恣隨意飽滿復以種種雜妙衣服
種種諸寶及餘資財而布施之時淨
飯王於迦毗羅大城之內四衢道頭
及諸街巷處處遍滿立無遮會凡所
須物皆悉給與須食與食須飲與飲
須衣與衣須香與香須床敷與床敷
須房舍與房舍須資財與資財須馱
乘與馱乘所有功德皆悉迴施並為
資益於太子身

是時菩薩在天辟城嵐毗尼園從於
母胎初出生時正憶正念放大光明
遍滿世界又此大地六種震動徧十
八相余時地居諸天諸仙見此瑞已
歡喜遍身不自勝持揚聲叫喚發大

語言今日閻浮嵐毗尼中菩薩出生
為於一切天人世間作大安樂為諸
無明黑闇衆生作大光照時四天王
聞彼地居諸天諸仙發大聲已其四
天王所在諸天傳聞此語復大歡喜
發大音聲戲弄衣裳作如是言今於
人中菩薩出生為諸世間安樂明故
三十三天聞四天王叫喚音聲亦大
歡喜如是乃至須夜摩天從忉利聞
至兜率陀從夜摩聞化自樂天從兜
率聞他化自在從化樂聞展轉復至
色界梵天從他化聞梵衆天從梵天
處聞梵輔天從梵衆天聞大梵天從
梵輔天聞光天從彼次梵天聞少
光從彼光天處聞無量光天從少光
聞光音天從無量光聞淨天從彼光
音天聞少淨天從淨天處聞無量淨
天從少淨聞遍淨天從無量淨聞廣
天從彼遍淨天聞從於廣天至少廣
天從少廣天至無量廣從無量廣至
廣果天從廣果天至於熱天從於熱
天至無熱天從無熱天至無比天從
無比天至善現天從善現天如是次

第一剎那頃乃至到於阿迦尼吒一切諸天各各唱言今日菩薩生於世間為於天人作大安樂為於黑暗盲冥衆生作大燈明尔時有一阿私陀仙在三十三天上安居見彼諸天歡喜踊躍不能自勝或弄衣裳揚聲如前見已即問彼諸天言仁者大德三十三天今以何故歡喜踊躍遍滿身中不能自勝復大叫喚手弄衣冠說是語已三十三天報彼仙人阿私陀言阿私陀仙大德不聞今人世間閻浮提地當於北方雪山之下有釋種城名迦毘羅彼城有王名為淨飯彼王取大夫人生子極大端正可喜絕殊身色黃金頭如傘蓋鼻高圓直兩臂下垂形體端嚴六根具足處處皆充如鑄金提具三十二大丈夫相偕八十種微妙之好大仙彼之菩薩決定得成阿耨多羅三藐三菩提成已決定轉於無上清淨法輪而彼菩薩能於一切天人魔梵沙門婆羅門等諸世間中自證諸通證諸通已闡揚正法其法秘密初中後善義味深妙

具足說於清淨梵行彼說法時所有
一切諸衆生等以聞法故有生法者
斷絕生法受老法者斷其老法受病
法者得斷病法受死法者得斷死法
憂愁苦惱悉得斷除滅其根本阿私
隨仙從彼三十三天聞已心生重信
即於彼天隱身來下現增長林

尔時復有說如是言南天竺地有一
城名優禪耶尼去城不遠山名頻陀
於其中間更有一山名阿私陀是時
仙人於彼山居以彼山故即稱仙人
名阿私陀其仙人從忉利天下在彼
山時阿私陀仙將一侍者名那羅陀
從彼山中隱身來此迦毗羅城去城
不遠下而立佳作是思惟我昔於此
迦毗羅城聞衆國師及婆羅門云淨
飯王生菩薩子彼是天人及我等師
不得輕忽若我今於迦毗羅城現神
通入無有此理何以故迦毗羅城不
同往昔今日若往應當更現其餘異
相我應敬彼如事尊神我章步行入
彼城内時阿私陀及其侍者那羅陀
身徒步共入迦毗羅城從小巷裏私

竊欲向淨飯王所到宮門前時迦毗羅人民稠鬧處處遍滿間無有空為菩薩故作大莊嚴

時諸大衆見彼仙人步行而來入迦毗羅復從小巷趣向淨飯大王宮門見已無量無邊人民雲雨而集隨逐仙人心生驚愕恠不敢問以何義故仙人致此時彼大衆城內人民或在自家門前而立或在窓邊或倚枸欄或在臺頭或在屋上觀彼仙人各相謂言往昔此仙來入迦毗羅婆城時乘大神通騰空而行到於淨飯大王宮中今日步行而來入城我等不知以何義故步涉而來

時阿私陀至淨飯王宮門前已語當門人作如是言我婆羅門久來耆耄猶如祖父今日步行翻似年少二十小兒及鄰羅陀童子而來其鄰羅陀年始八歲汝可為我白淨飯王時守門者語仙人言如尊者教我當奉諮即入宮門漸漸而行到於王前具以白王時淨飯王聞此語已心大敬仰歡喜無量即從座起語彼通事守門

人言汝急疾引仙人將來勿使淹遲
時守門者還仙人所而作是言大仙
知時宜速入宮時阿私陀聞彼語已
即共侍者那羅陀入淨飯王宮時淨
飯王遙在殿見阿私陀仙漸漸而行
將至王所是時大王即從座起詣仙
人所承事迎接扶持其腋將好寂勝
寂妙第一希有寶座安置令坐坐已
礼拜口唱是言我今恭敬礼拜尊者
是時仙人口即咒願淨飯王言唯願
大王常得安樂時淨飯王白仙人言
尊者何求故屈到此為須衣耶為須
食乎為復求須其餘諸事須者但道
我悉備具必與不違時阿私陀諮白
三言大王當知今我來者無所乏少
不求衣食一切諸事悉所不須然我
今者故從遠來欲見大王寂勝童子
大王慈恩願當示我善勝童子是時
童子在於寶座睡卧眠寢淨飯王語
阿私陀言尊者大仙少時留心童子
今眠猶未覺寤願待須臾時阿私陀
即白王言大王莫說如是語言穉童
子睡何以故我等雖寤猶如睡人大

王童子久來斷除無復眠睡晝夜恒
為諸衆生等得安樂故大利益故而
入禪定

時淨飯王知童子眠寤時欲至即入
宮內勅令莊嚴宮舍殿堂淨水灑地
掃除糞穢香水重灑花散其上在在
處處安置香鑪燒雜妙香復懸種種
繒絲幡蓋垂諸旒蘇堅大寶幢復懸
無量真珠瓔珞真珠羅網種種寶鈴
垂覆其上懸衆雜寶猶如日月星宿
之光復掛種種妙寶衣裳喻如飛天
手持花瓔復懸雜色朱紫紅黃種種
衆毼諸如是等校飾精麗莊嚴宮中
如乳閭城一種無異復白釋種內外
眷屬寂大寂勝威德尊者令來入宮
使共摩耶夫人一處是時摩耶詣童
子所至已持手抱童子頭令向仙人
擬如禮拜仙人之足是時童子威德
力故其身自轉足向仙人時淨飯王
更復共扶迴童子頭令拜仙人童子
力故足還自轉向彼仙人時淨飯王
復迴童子頭向仙人還復轉足如是
至三其阿私陀遙見童子是時童子

放常光明照觸大地童子威德端正
可喜色純黃金頭如寶蓋鼻直而圓
落臂下垂文節正等無缺無減具足
莊嚴

時阿私陀即從座起白於王言大王
莫將童子聖頭迴向於我何以故彼
頭不合頂礼我足我頭應當頂礼彼
足復唱是言希有希有大人出世取
大悉有大人出世我本從天所聞之
者即此童子真實定是如彼不異時
阿私陀整理衣服偏袒右臂右膝著
地由其兩手抱持童子安其頂上還
復本座本座坐已還下童子置於膝
上是時摩耶國大夫人即白大仙阿
私陀言仁者尊師當令童子礼大仙
足阿私陀仙報夫人言國大夫人莫
作是語今是童子不應礼我我及一
切諸天世人應當接足礼拜童子
時淨飯王即持種種雜妙珍寶以用
觀施阿私陀仙時阿私陀持白澡罐
以水洗手受此施物受已即持迴奉
童子時淨飯王白阿私陀大仙人言
尊者大仙我以此物施於尊者唯願

納受仙人報言大王施我我今迴施
寂勝童子淨飯王言我知大仙福田
勝故供養大師阿私施仙復報王言
我今見是勝因緣故迴施童子淨飯
王言大聖尊仙我今不解尊師此意
仙人復言大王當知我今身心深自
歸伏於此童子淨飯王言何因何緣
願為解釋時阿私施即報王言大王
諦心善聽是義我當為王說其本末
大王當知我昔在於忉利天上安居
行道忽見忉利一切諸天歡喜踊躍
充滿其身不能自勝憊弄衣冠跳躑
悅豫我時於彼即便問言諸天仁者
何因何緣歡喜騰躍不能自勝執持
衣冠憊弄躑躅作是語已忉利諸天
即答我言大德仙人汝今知不於下
世間北方地內雪山之下有釋種城
名迦毗羅彼城有王名為淨飯彼王
寂大第一夫人產一童子端正可喜
人所樂見身黃金色頭圓鼻直足滿
臂長猶如金像備具三十二大人相
八十種好必定得成阿耨多羅三藐
三菩提當轉無上清淨法輪今此童

子相貌具足決是無疑今此童子以
自神力能知此世及以過去未來世
等天人魔梵沙門婆羅門等一切世
間自證知已分別法相乃至略說種
種苦惱可解脫者令得解脫大王我
於彼時聞是語已故來至此觀看童
子時淨飯王報仙人言若如是者大
憐愍我大饒益我無覆憂愁更有何
法過四種行四行過已能勝能寂今
此童子既人所生能於未來得無上
道阿私隨仙復白王言大王當知彼
等一切諸婆羅門在在處處云何得
勝而證知耶時淨飯王復更諮白於
仙人言我今在於大仙之前願為解
說令我樂聞時阿私隨答言大王如
我相傳婆羅門家四毗陀經說往昔
有一婆羅門名曰殺羊復有婆羅門
名拔迦利復有婆羅門名拔伽婆復
有婆羅門名末檀地復有婆羅門名
迦吒羅利復有婆羅門名般適尸棄
彼等皆得阿修羅王筭計之法得勝
得上復有仙人名阿帝利耶復有一
王名鉢羅摩檀那復有一王名閼那

迦此等諸人皆得除滅身苦方便大
王當知如是如是今此童子雖生人
間而過於人得勝人法大王往昔復
有一王名婆伽羅大海奔濤波浪如
山甚難得渡非祖非父彼身能渡大
王諸如是等雖生人間有大威德以
威德故過諸天人

時淨飯王報仙人言若如尊師所宣
說者我無有疑但我愛子其心狹劣
故生驚恐阿私陀仙復語王言大王
所有心狐疑者今可諮問悉為決之
時淨飯王白言大師我實懷疑如彼
往昔有調浮王多羅求王知離婆王
達離波王諸如是等不曾得見不曾
得知我此童子云何得知得見此事
願說因緣時阿私陀復報王言大王
我亦知王有是疑惑不得言無何以
故大王但聞他所說事以意消息籌
量取之用自決疑凡其前後所作諸
王未必一向有於證驗大王彼等諸
王子及父祖勝劣不同是故大王不
可種姓獨取其勝不可以家獨取其
勝不可以先生故而勝後為不如或

有後出而勝先生大王譬如天曉之時先現明相然後出日論其明相未能照明其日後出普光大破一切闇無有遺餘大王世間如是如是或時生子勝父勝祖時淨飯王白仙人言大德尊師善以譬喻證明於事慰解於我令得決疑心大安隱大仙尊師善攝受我時阿私陀復白王言大王當知我齒衰邁餘殘無幾今此童子幼稚少年春秋方盛長大成就當向山林出家學道恨我朽老不覩慈顏時淨飯王白仙人言大仙尊師今是童子決出家耶阿私陀仙報於王言大王今者不須疑慮時淨飯王迴頭顧視看國師面時阿私陀問於王言大王內心欲作何語淨飯王言大德尊仙此我國師婆羅門等曾語我言今此童子必定得作轉輪聖王阿私陀仙復白三言大王如我意者終不虛妄我今所語誠實至真時淨飯王聞是語已復更白言大仙尊師若審然者乃令我心更大憂愁切割我心肝腸惱沸時阿私陀復報王言大

王智慧勿作是言大王往昔高曾祖父以行福業功德緣故得度衆生到於彼岸如是正導託作主兒不但獨為治化人民令得安樂而為王子時淨飯王復白仙言大師我意亦然思惟如是今此童子種我王世荷負重擔代我所憂我至老年出家入山當修古道

時淨飯王復白仙言大師我意欲令我子常在云何方便及今幼年勿使捨我阿私陀仙復白王言大王我實不能專正決定說是方便令作障導時淨飯王復語仙人作如是言大師善聽我今當作種種方便設方便已不令我子從今幼稚及到成年不聽暫離捨我出家阿私陀仙即問王言大王今者因何事故說如是語時淨飯王報彼仙人阿私陀言尊師當知如我國內所有相師婆羅門等皆語我言若是童子在家當作轉輪聖王以是因緣我如是語阿私陀仙復白王言大王當知彼等相師皆大妄語何以故如是勝相非是轉輪聖王之

相今此童子有百善相八十隨形挺
特殊好分明炳著皆悉具足時淨飯
王問仙人言大師何等是此童子八
十隨形之好時阿私陀具白玉言

大王當知今此童子兩手掌內有金
剛文

大王今是童子諸指甲薄而且軟
大王今是童子諸指甲其色赤紅
猶如銅錄

大王今是童子諸指甲皆潤澤
大王今是童子諸指甲妙色

大王今是童子諸指甲皆臚
大王今是童子踝骨不現

大王今是童子兩膝圓圓有大光夜
大王今是童子進止雍容安詳徐步

大王是童子行如師子王
大王是童子行猶如牛王

大王是童子行猶如鵝王
大王是童子行安詳徐步猶如耳璫

大王是童子行安詳如住
大王是童子身形體挺直

大王是童子身形體柔軟
大王是童子身形體滑澤

大王是童子身膚體上充

大王是童子身出妙熏香

大王是童子身膚體無上

大王是童子身膚體整肅

大王是童子身支節分解又自分明

大王是童子身膚體顯現如大梵王

大王是童子身膚體無疾

大王是童子身膚體清淨無有黑黧古并切

大王是童子身無有諸病

大王是童子身圓滿正等

大王是童子身七處齊滿

大王是童子身具足諸好

大王是童子身遍體端正

大王是童子身行處淳淨

大王是童子身最勝無垢諸毛清淨

大王是童子身無有垢障能出淨光

大王是童子身常光一尋

大王是童子腰猶如弓把百雅切

大王是童子腹無有破壞謂其皮紋攝等

大王是童子齋深隱妙好

大王是童子齋團圓不散

大王是童子齋猶如車輪

大王是童子齋分明右旋

大王是童子手不麤不澁

大王是童子手如兜羅綿

大王是童子手掌心之中文理畫深

大王是童子手文理冊畫柔軟光澤

大王是童子手文不破散

大王是童子手所有冊文分明次第

大王是童子手兩腕闊大

大王是童子頭猶如髀骨

大王是童子口脣色猶如頻婆羅果

大王是童子面顏貌寂靜

大王是童子舌薄而且長如赤銅色

大王是童子聲深而清亮

佛本行集經卷第九

癸卯歲高麗國大藏都監奉

勅彫造

佛本行集經卷第十

五

隋天台三藏闍那崛多譯

相師占者品下

大王是童子音言語哀美清揚遠震

大王是童子口四牙廣大

大王是童子牙悉皆鋒利

大王是童子鼻端立圓直如鸚鵡喙

大王是童子眉齊平而密

大王是童子耳穿環垂墻

大王是童子耳不聾不瘖

大王是童子耳不聾不瘖

大王是童子眼無有缺減

大王是童子眼無有傷損

大王是童子身諸根寂定

大王是童子面額最勝上

大王是童子髮純紺青色

大王是童子頭髮色潤澤

大王是童子髮不麤不澁

大王是童子髮不稠而厚

大王是童子髮齊而細密

大王是童子髮不缺不破

大王是童子髮拳卷而旋

大王是童子髮圓而右旋狀如万字

大王是童子頭其上肉髻猶如山頂

大王是童子頭顱頰堅靱

大王是童子頂若人非人不可破壞

大王是童子頂巍巍其高無人能見

大王若有一人身體具足三十二大

丈夫之相復有如是八十種好彼人

一向決定得成阿耨多羅三藐三菩

提得菩提已轉於無上最妙法輪

今時尊者阿私陀仙為王說已作是

思惟今此童子幾時出家得成佛道

轉於最上勝妙法輪彼作如是思惟

之時自心生智即能知見從今已去

三十五年此之童子必得成於阿耨

多羅三藐三菩提轉於無上最勝法

輪時彼仙人因此繫念思惟之時復

自見已諸根純熟覆自呵責如是歎

言嗚呼嗚呼我今在於如是童子法

教之外不值此時如是觀已悲號啼

哭歔歔哽咽淚流滿面時淨飯王見

阿私陀仙人如是啼哭懊惱不能自

勝王亦悲哀失聲而哭摩耶夫人既

見是已亦復流淚鯁塞嗚咽彼諸釋
種大臣眷屬皆各號咷失聲叫吼宮
內大小亦悉悲啼流涕如雨時淨飯
王涕淚交橫潛然滿面白阿私陀大
仙人言大德尊師此之童子初欲生
時即有五百釋種童子同日而生略
說乃至五百童女同日而生五百奴
僕五百婢媵五百馬駒五百白象皆
悉六牙一時同日集宮門外五百伏
藏自然涌出五百園林在迦毗羅城
之四面自然而現五百商主從諸方
來迦毗羅城五百傘蓋五百金瓶外
方諸王隣境珠玕悉來送我復跪拜
我復有一万天諸童女並在長者及
婆羅門刹利家生大仙尊師童子生
日我一切利皆悉得成我心願者皆
滿具足我嘆國內諸善解相婆羅門
等明吉凶者悉皆召集彼等見此童
子形容皆大歡喜踊躍充遍不能自
勝唯獨尊師今見童子何故悲啼何
故流淚而今我等眷屬狐疑大師為
我辯說此由為我童子有於災禍不
祥事乎為自身樂為從外來

時阿私陀見淨飯王涕淚交臉愁憂
悵快而白王言大王今者莫愁莫憂
所以者何我今非是見於童子有災
有變亦不見有諸餘苦惱不見身內
及外不祥大王當知今此童子長壽
巍巍有大威德端正可喜黃白金容
頂如傘蓋鼻若截筒身體洪滿支節
自稱猶如金像身有三十二丈夫相
大王此之童子無有八十微妙種好
大王如是諸相非是轉輪聖王之種
大王是故我見童子決定得成阿耨
多羅三藐三菩提轉於無上清淨法
輪為彼諸天世間人等說法安樂一
切衆生而彼法寶初中後善乃至說
於清淨梵行若於是邊聽受法已應
生衆生即斷生法應老衆生即斷老
法應病斷病應死斷死憂悲苦惱一
切衆生皆蒙解脫大王我今自恨年
耆根熟衰朽老邁當於今時不得覩
見失此大利是故我今悲惋自傷非
彼不吉即為大王而說偈言

自恨我有大顛倒 不值此當得道時

空過一生無所聞 豈非是我失大利
我今年老根純熟 死時將至不復奢
念此生分得遭逢 所以一喜一憂懼
大王釋種方興盛 誕此童子福德人
一切諸苦逼世間 此志能令得安樂
大王無量無邊諸衆生等為貪恚癡
諸火惱時此當能滅能與微妙甘露
法水無量無邊諸惡衆生已入邪見
曠野澤中不見正道迷惑之時此當
能與淳直溫腴平坦好道無量無邊
諸苦衆生閉在煩惱牢獄之中此當
能解一切業縛無量無邊愚瞋衆生
長夜昏闇覆翳重盲此當為生大智
慧眼無量無邊涂著衆生以被煩惱
毒箭所射此當拔濟令免其苦我今
年垂身心退敗慨恨彼時不見此法
是以啼泣大王如優曇花無量無邊
億千万年時一出現諸佛如是無量
無邊千万億劫出世甚難大王今此
童子決定得成阿耨多羅三藐三菩
提決定轉於無上法輪我自傷過不
值此時今當背彼是故悲泣大王彼
等衆生大得財利大得福業若能見

此大聖童子。在彼地方菩提樹下坐。
降四魔。能得觀者。彼等衆生大得善。
利大得度。脫大王若能見此大聖童。
子得菩提。已漸漸至於波羅捺國。當
轉無上最妙法輪。一切衆生大獲勝。
果大王。此之童子。莊嚴清淨。是閻浮。
提諸聖沙門。皆悉教令得阿羅漢。作。
其弟子。是故我時大王。彼等衆生善。
得人身。善來此世。大得財利。大種福。
業。又復得見童子。至於三十三天。諸。
天圍遶。乘七寶梯而下。彼處無量無。
邊衆生。禮拜大王。王今亦善得此人。
身大得財利。及以法利。若王當見自。
子得道於天人中。說是妙法。獲證無疑。
佛本行集經私施問瑞品第九
時淨飯王。從彼仙人阿私陀邊。聞此。
語已。生大歡喜。即從座起。整理衣服。
右膝著地。合十拍掌。向於仙人歡喜。
倍常得未曾有。遍身毛豎。頂禮其足。
却住一面。將二十具上妙衣裳。布施。
仙人。時阿私陀。於所施衣二十具中。
唯受一具。稱已用者。而為受之。受一。
具已。自餘諸衣。還持迴施於淨飯王。

而作是言大王當知我出家人婆羅門種無多威德少欲無求應須知足大王國主賜資慶覓財物有限當任意用自他已然大王童子在於母胎希有之事理應無邊生育已前所有瑞相唯願大王為我盡說我得聞已是大布施令我歡喜踊躍充遍不能自勝此則是我大得財寶時淨飯王白仙人言聖師諦聽專心諦受我為聖師次第而說童子在胎希奇之事未曾有法及童子生所有異相我悉說之大仙尊師我念一時童子之母在於樓上卧妙床敷睡眠之中安庠覺起而語我言大王聽我夢所見事今向王說我於昨夜夢見有一白象六牙身鮮頭赤七支拄地形體端嚴然其六牙皆是金裝飛行虛空從北方來入我右脇入已我身即受快樂使樂希有於世間中無物可喻耳不曾聞又快樂來於世間事我心不樂亦不更願共於方上一處受樂一切五欲皆悉願捨

大仙尊師我於彼時即廣口喚諸婆

羅門有能白相善詣先典依經據書而教變出即語之言我大夫人夜所夢見事相如前果報云何為我解說是時一切諸婆羅門即依先書諸聖所說占此夢相而自我言大王今可特意歡喜是夢大善大有吉祥此大夫人必生童子於世間中大得名聞天下敬尊無有雙正時我聞是諸婆羅門如是語已設大美食持好財寶布施彼等而發遣之我於彼時在此城內所有街陌四衢道頭或復坊巷隨有處立大無遮會所有財寶皆悉布施湏食與食乃至資生五行調度皆令滿足願此功德迴施童子莊嚴其身

復次大師童子在胎有四天王來至我家在於四方各嚴守護童子之母復次大師童子在胎童子之母受大快樂身體敷愉無疲無倦

復次大師童子在胎母常持戒諸根調伏無有瞋恨

復次大師童子在胎童子之母無有欲心亦不曾為欲心所惱身口唯行

清淨梵行

復次大師童子在於胎童子之母不患寒熱不苦飢渴

復次大師童子在胎其母底幾所有錢財珍奇寶物人所須者恣意與之心生歡喜不生慳慳

復次大師童子在胎其母恒行慈悲憐愍於一切命

復次大師童子在胎童子之母端正可喜世無有雙先時光澤倍更增進轉勝於前

復次大師童子在胎其母欲觀童子之時即見童子在於胎內身體洪滿諸根完具可喜端正猶如淨鏡見其面像母見此已生大歡喜踊躍遍身不能自勝

復次大師童子在胎諸有病人來欲到於童子母所其童子母以手摩觸或以草葉或持樹葉送於彼邊彼等衆生皆得安樂身體無患無諸苦惱大師童子在胎有如是等無量種種希奇之事未曾有法

復次大師時童子母摩耶夫人父善

覺釋遣使語我大王知時我女懷孕
此勝衆生威德甚大若彼出已我女
不久必取命終我意今者欲喚自女
來向我園嵐毗尼中共我相娛受於
快樂亦望是處得保吉祥唯願大王
善好發遣我聞彼使如是語已即時
宣告嚴駕發遣摩耶夫人乃至從此
迦毗羅城到彼天辟兩城中間耘除
一切荆棘砂礫種種糞穢皆令清淨
香湯灑地持諸妙花而散其上餽童
子母以諸妙香諸種花鬘莊嚴其身
作諸音樂持王勢力持王威神及其
宮內一切姊妹前後圍遶乘大白象
歸向善覺天辟城中其童子母摩耶
夫人遙見迎來即持種種無量無邊
莊嚴之具相隨共入嵐毗尼園逍遙
娛樂時童子母摩耶夫人從白象下
宮內姊妹左右圍遶前後侍衛安庠
進入嵐毗尼園觀視林樹從此樹下
如是次第到波羅叉樹下之時伸舉
右手攀彼樹枝安庠而息是時童子
見於其母摩耶夫人手攀枝已從彼
胎中一心正念安庠徐起從右脇出

其母右脇亦無疼痛亦無患難不劈
不裂是時童子右脇生時身放大光
照曜世間大師是名童子在母胎內
初生之時有如是等希奇之事未曾
有法

復次大師童子在胎不憂不愁從其
胎內安庠徐起身體鮮淨不為種種
涕唾痰癢屎尿淤血之所穢汙

復次大師童子初從胎內出時一切
諸天以迦尸迦繩裹其身懷抱執持
將向母前而語母言大德夫人今應
歡喜夫人今日生於聖子天人中尊
復次大師童子初生無人扶持住立
於地各行七步凡所履處皆生蓮花
頗視四方目不曾瞬不畏不驚住於
東面不似孩童呱呱然啼叫言音周正
巧妙辭章而說是言一切世間唯我
獨尊唯我最勝我今當斷生老死根
復次大師童子生時即於是處忽有
二池一暖一冷隨童子母恣意取用
上界虛空復流二水冷暖如前洗浴
童子

復次大師童子生時有真金榻坐童

子身令童子浴

復次大師童子生時身放光明翳障一切諸寶火燄一切光明

復次大師童子生時身放光明蔽日月光伏如星宿

復次大師童子生時一切樹木隨時敷榮花果茂盛非時諸樹亦復開鮮復次大師童子生時虛空諸天持其白蓋真金為柄覆童子上

復次大師童子生時虛空諸天復持白拂摩尼為柄拂童子上

復次大師童子生時虛空清淨無雲無霧及諸烟塵但聞雷聲

復次大師童子生時虛空無雲而下細雨清淨妙水八味具足

復次大師童子生時一切諸方涼風忽起其風調適不為惱患諸方清淨

無有烟雲及諸氛翳

復次大師童子生時於上空中出大梵聲非人所作自然而響

復次大師童子生時於童子上自然而有無量音聲非人所作復聞無量歌樂之聲復雨無量種種花香日光

所照常鮮不異

復次大師童子生時於上虛空一切諸天雨於種種天諸妙花優鉢羅花分陀利花拘物頭華波頭摩華復持無量種種末香復持無量種種殊妙最勝華鬘散童子上散已更散

復次大師童子生時自然忽有無量無邊諸天王女持種種香及種種油塗香末香天妙衣服種種天樂或歌或舞出種種聲漸漸而行詣向摩耶童子母前而問訊言善生童子得無疲倦復次大師童子生時於此大地六種震動十八相具

復次大師童子生時三千大千一切世界諸衆生等一時受樂

復次大師童子生時我得成就一切大利種種吉祥隨我心願莫不具足復次大師彼時我臣婆私吒子摩訶那摩來向我邊而語我言唯願大王常尊常勝國大夫人產生清淨最勝童子

次有人來復語我言唯願大王常勝一切家室隆盛於諸釋種眷屬之中

復各生於五百童子

次有人來復語我言唯願大王常滿一切今日釋種眷屬之中復各生於五百童女

次有人來復語我言乃至宮中一時產生五百奴僕

次有人來復語我言乃至產生五百婢媵

次有人來復語我言乃至產生五百馬駒

次有人來乃至自然五百香象身白如雪齊有六牙在宮門外

次有人來乃至五百金藏隱伏自然顯現

次有人來乃至此處迦毗羅城自然而有五百園林忽尔出現

次有人來乃至他方五百商主多賣財寶來至於此迦毗羅城

次有人來乃至將於五百白蓋五百金瓶粟散諸王送來奉獻并復遣人

諮白我言我等皆待大王教命依勅而行

次有人來而語我言願王常勝有万

童女在於剎利及婆羅門長者家生
大師我於尔時如是思惟我作何乘
將我童子安隱還向迦毗羅城是時
空中有一天舉七寶所成非人工造
忽然而現端正可喜種種莊嚴
大師我於彼時作是思惟誰負此舉
是時四方自然而有四天子來來已
各各擔負寶轡離地不遠乘空而行
我於尔時將是童子入於宮殿覆復
思惟今我童子作何名也我更思惟
其生之日我一切利自然而成我時
知已便作名字号悉達多

大師尔時我復於此城内諸有相師
能占吉凶一切召喚示此童子令其
觀看汝等一切諸婆羅門為我好觀
此之童子有何相貌復有何怪而相
師等聞我語已共瞻童子各各相議
而報我言大王汝得大利如是童子
有大威德生大王家具足三十二大
人相若當有人具足如是丈夫相者
此人則有二種之行若其在家必定
當作轉輪聖王王四天下七寶具足
乃至不用一切兵戈如法治化若其

捨家修學聖道必得作佛多陀阿伽
度阿羅呵三藐三佛陀名聞遍滿一
切世間

大師我於尔時將百味食設彼一切
諸婆羅門皆悉充足自恣布施種種
衣服

大師我於彼時在此城內所有街巷
四衢道頭皆行布施須食與食資財
五行皆持施與乃至所得諸功德者
迴施童子為供養故大師童子在胎
初生之時有如是等種種瑞相希奇
之事未曾有法諸如是等在胎生法
我今具白大師令知今奉大師如是
布施唯願大師領受歡喜

尔時尊者阿私陀仙從童子父淨飯
王邊聞此微妙諸瑞相等生大歡喜
不能自勝徙座而起辭王出宮步至
門外即以右手執耨羅陀童子右臂
從門隱身騰虛而行向南天竺下阿
睺提聚落之時阿私陀仙語耨羅陀
童子作是言汝耨羅陀童子當知有佛
出現於今世間汝當彼邊出家學道
修習梵行久遠之時大得利益大得

安樂時阿私陀覆復思惟我滅度後
所有利養世間名聞一切皆是那羅
童子悉收斂得是故此之那羅童子
因利養故世名聞故盡其道行不得
精進不得正念不得信行於三寶邊
不能分別此是佛陀此是達摩此是
僧伽是故名聞損彼自身

尔時尊者阿私陀仙更復思惟是淨
飯王悉達童子在何國地當得成於
阿耨多羅三藐三菩提復在何處轉
於清淨無上法輪如是少時思惟訖
已內心明見知是童子其後於彼摩
伽陀國當得阿耨多羅三藐三菩提
波羅捺國轉於法輪我於今者當應
將此那羅童子詣波羅捺造一精舍
安置立已晝日三時暗夜三時向彼
為其說佛名号汝那羅陀佛出於世
沒那羅陀佛出於世如是三稱汝應
彼邊出家修道懃行梵行汝當後時
有大利益得大安樂時阿私陀作是
念已將那羅陀向波羅捺為造精舍
安置立已晝夜六時作是唱言汝那
羅陀佛與於世晝夜六時如是三唱

汝當出家乃至後時得大安樂時阿
私施如是方便住世無量而取壽終
時阿私施命終之後其那羅施侍者
童子於世間中得大利養得大名聞
時那羅施著世利養貪名聞故心不
自定不能增進以求利養不知足故
不能自念不能自信不能分別此是
佛耶此是法耶此是僧耶彼阿私施
命終之後時淨飯王語諸國師婆羅
門言大師當知今此太子既生王宮
不久必當行於聖行證得聖道猶如
尊者大阿私施仙人授記此言真實
恐當不虛必應如是大師我王種族
若為嗣立當大損減其婆羅門諸國
師報淨飯王言大王今者莫作是念
如我授記此之太子必當定作轉輪
聖王如我等語終無有異

時淨飯王語國師言仁等大師汝於
今者非阿私施聖師之言此語虛謬
時彼國師婆羅門等更報王言彼仙
人語若其不虛言是實者大王今應
須作方便及年少時增益世事當觀
太子著於何者漸漸更加如是則定

自愛家居不向山林修於苦行

時淨飯王復問國師婆羅門言此事云何時國師等復白王言大王當知往古諸仙或飲風露或食花果或食根藥著樹皮衣少欲知足彼等諸仙猶愛俗事一著於世尚生放逸况復太子日日習近一切諸根自然染著以王勢力具足功德住在家人能捨出家無有是處時淨飯王復作是言此事如是如大師語世間亦有方便之事如大師說但彼大仙阿私陀說必不虛言是故我心常生疑惑時淨飯王思惟如是未來之事心疑猶豫即集群臣諸釋種族而告之言我勅汝等若見太子增長之時莫向彼前說阿私陀授記之事所以者何太子若聞如此語者其喜不捨菩提之心時淨飯王復更重告諸臣等言卿諸臣等為我太子國內所有禁繫囚徒皆悉放赦令得解脫乃至一切諸禽獸等亦並放捨復告國師婆羅門言大師若知所有精進婆羅門等或百或千聚集之處隨意所須悉皆布施

所有天祠及神廟堂皆令修治依法
祭祀為我太子令得大福尔時國師
婆羅門等即依王命四方召得三万
二千諸婆羅門日別令入淨飯王宮
所有資財悉持布施滿七日夜所有
功德迴施太子願令增進而有偈說
淨飯王心大歡喜 以生福德太子故
一切群臣皆聚集 天下囚繫普放恩
誕育既稱適本心 懇重欲為作生法
持彼百千乳牛犢 皆金裝角銀鈴蹄
牙齒悉壯毛色鮮 各各從犢隨其後
膚體充肥多乳汁 一頭一捋得十斗
更有無量種種奇 錢財穀帛諸雜物
為令太子增益故 布施於彼婆羅門

佛本行集經卷第十

癸卯歲高麗國大藏部監奉

新周造

佛本行集經卷第十一

今

隋天竺三藏闍那崛多譯

姨母養育品第十

尔時太子既以誕生適滿七日其太子母摩耶夫人更不能得諸天威力復不能得太子在胎所受快樂以力薄故其是羸瘦遂便命終

或有師言摩耶夫人壽命年數唯在七日是故命終雖然但往昔來常有是法其菩薩生滿七日已而菩薩母皆取命終何以故以諸菩薩幼年出家母見是事其心碎裂即便命終薩婆多師復作是言其菩薩母見所生子身體洪滿端正可意於世少雙既覩如是希奇之事未曾有法歡喜踊躍逾滿身可以不勝故即便命終余時摩耶國大夫人命終之後即便往生忉利天上生彼天已即有勝妙無量无邊諸天姊妹女左右圍遶前後翼從各各持於無量无邊供養之具曼陀羅等詣菩薩所處處遍散為欲供養於菩薩故從虛空中下漸漸而墜

到於人間淨飯王宮到王宮已語淨
飯王而作是言大王當知我得善利
善生人間我於往昔胎懷於彼清淨
衆生大王童子滿足十月受於快樂
今我生於三十三天還受快樂如前
不異彼樂此樂一種無殊大王從今
已往願莫為我受大憂苦從今已去
我更不生時彼摩耶即以天身而
說偈言

一切怨親平等心

精進勇猛無暫息

善思真如實諦理

念無錯亂有始終

形體炳著真金容

諸根寂靜善調御

我千巧能說諸法

善行植札寂勝尊

尔時摩耶說此偈已即便隱身忽然
不現還彼天宮

時淨飯王見其摩耶國大夫人命終
之後即便嘆曰諸釋種親年德長者
皆令雲集而告之言汝等眷屬並是
國親今是童子嬰孩失母乳哺之寄
將付囑誰教令養育使得存活誰能
依時看視瞻護誰能至心令善增長
誰能憐愍愛如已生携抱捧持以慈
心故功德心故歡喜心故時有五百

釋種新婦彼等新婦各各唱言我能
養育我能瞻看時釋種族語彼婦言
汝等一切年少盛壯意耽色慾汝等
不能依時養育亦復不能依法慈憐
唯此摩訶波闍波提親是童子真正
姨母是故堪能將息養育童子之身
亦復堪能奉事大王彼諸釋種一切
和合勸彼摩訶波闍波提為母養育
時淨飯王即將太子付囑姨母摩訶
波闍波提以是太子親姨母故而告
之言善來夫人如是童子應當養育
善須護持應令增長依時澡浴又別
簡取三十二女令助養育以八女人
擬抱太子以八女人洗浴太子以八
女人令乳太子以八女人令其戲弄
其淨飯王產生二子一者太子字悉
達多二名難陀

其白飯王亦有二子第一名難提迦
第二名為婆提唎迦

其斛飯王亦有二子第一名阿難多
第二名為提婆達多

甘露飯王亦有二子第一名為阿尼
盧豆第二名為摩訶那摩

淨飯王妹名阿彌多質多囉

諸言甘
露味

生於一子名為底沙

是時摩訶波闍波提太子姨母白淨
飯王作如是言謹依王勅不敢乖違
時波闍波提依於王命養育太子辟
如日月從初一日至十五日清淨圓
滿養育太子亦復如是漸漸增長又
復譬如尼拘陀樹得種好地而漸增
長後成大樹太子如是日日增長從
其太子出生已來淨飯王家日日增
長一切財利金銀珍寶二足四足無
所乏少而說偈言

五穀及財寶金銀諸衣服或造或不造
自然得充足童子及慈母乳酪酥常豐
慈母少乳者悉皆得盈溢

時淨飯王所有怨讎自然皆悉生平
等心平等心已漸生親厚既生親厚
共王同心即便牢固一心一意同願
同行風雨隨時無諸災雹亦无擾亂
少種多收彼諸苗稼一切藥草樹木
園林隨色長色諸香豐足隨味具味
依限成熟終不過時皆是太子威德
力故一切城內所懷妊者安隱得生

又諸人民無衆疫橫亦无夭死以此
太子威德力故側近所有一切人民
長者居士各各自守不相求及無此
求彼彼當與我設今因事所須少多
貸換假借彼應多與不生是念須若
干者即與若干城内人民各各相尊
孝養父母敬事師長以是太子威德
力故亦如往昔如法行行一切諸王
人民士庶皆依法行悉持十善具足
而行國內無怖五穀豐登遠離飢饉
如是如是淨飯王國一切境內無有
飢饉亦無驚怖五穀豐饒一切人民
如法而行種種布施作諸功德造諸
園林造諸大義井泉池渠皆悉自現
天舍廟堂曹局省府皆亦自現人無
枉橫一切人民皆並歡喜猶如天上
無有差殊以於太子威德力故如是
諸事莫不成就如偈所說
人民順尊教不慍亦不惜無不如法行
慈心不起煞飢渴既得解飲食皆充足
一切悉歡喜並受如天樂
時淨飯王過轉宿辰取角宿日為大
子作衆寶瓔珞所謂手腕指脛釧鐲

首飾雜寶勝妙花鬘頸繫種種瓔珞
珠璣印文指環臂渠臂珮金縷為帶
金鈴寶網種種摩尼為莊嚴具靴履
草屨雜寶莊嚴其天寶冠最勝殊妙
復有五百輝種種諸親為於太子各造
一具雜妙瓔珞如上莊嚴作已將詣
淨飯王所而白王言善哉大王我等
所造此妙瓔珞七日七夜唯願大王
以此瓔珞莊嚴太子當令我等不空
疲勞時淨飯王於其晨朝思宿之日
共一國師婆羅門名優陀耶那優
陀夷比丘之父并及五百諸婆羅門
皆唱是言甚大吉祥共將太子至彼
一園名曰無垢清淨莊嚴往昔已來
貴之如塔時彼園內復有無量無邊
百千一切衆生男子婦人童男童女
相喚雲會集聚彼園欲觀太子復更
別駕一乘大車載置種種瓔珞金銀
飲食衣服悉令充備於迦毗羅城內
街衢四衢道頭及諸小巷諸如是處
設大布施高聲唱言凡所須者皆悉
給與如是駕在太子前行復有八千雜
種音樂作種種聲虛空自雨無量无

邊雜妙花雨復有無量百千諸女皆以種種諸寶瓔珞莊飾其身在於閣上或在高臺或在却敵或在城頭及女牆邊或城樓上或窓牖中或居堂脊或立屋頭手執諸花觀看太子以花逆散於太子前後有八千諸天寶女手執拂箒身體莊嚴在太子先祕除道路一切釋種眷屬諸親並志在於淨飯王側及太子前次第而行是時摩訶波闍波提懷抱太子安置膝上坐輦乘中如是種種無量无邊莊嚴備已將引太子往詣彼園尔時國師優陀夷父共彼五百諸婆羅門人各以無量无邊吉祥之言稱讚太子持諸瓔珞繫太子身繫瓔珞已太子身相皆悉隱障彼之瓔珞並各昏暗無復精光猶如聚墨不能照曜无復光顯譬如無價閻浮檀金欲於其邊安置丸炭如是如是彼諸瓔珞繫太子已猶如晝螢不能自現所有瓔珞至太子身不顯不現不照不曜亦復如是時彼人眾見此太子有如是等希奇之事未曾有法各各唱言鳴

呼嗚呼希有希有各各歡笑人人拍手歌儺叫嘯擲弄衣裳時彼園內有一天神名曰離垢然彼天神在於虛空隱身不現而說偈言

假使此大地及城邑聚落山河諸樹木皆成閻浮金佛一毛孔光具足威德相翳彼如聚墨百福莊嚴滿瓔珞光相滅若人具諸相第一勝報果不須瓔珞嚴時彼天神說此偈已即持種種無量天花散太子上還其本宮

尔時釋種諸親族等即持無價碎末旃檀及細磨者雜色牙席雜種諸藥具滿諸器持與太子令莊嚴身復持鹿車真金為輦種種船舫諸雜野獸乃至馬駒雜寶所作具施太子恣令嬉戲具足八年如是歡樂娛樂太子增長養育然其不似世之嬰孩流涕不淨無諸糞穢亦不呱啼呻吟頻縮不飢不渴諸母養育常生歡喜

時淨飯王作是思惟今我太子端正少雙未知其力竟復何如今可試看驗其強弱尔時大王即共無量釋種童子同坐飲食持一純金雕鏤之鉢

盛歡喜丸具足充滿復以真金作諸環鎖置諸一切衆童子前教令爭食又復聚於諸小白象令與童子共相覓食語諸一切衆童子言汝等當知如是白象將棄汝食時諸童子斷衆白象爭力不如遂令象食然後始語太子令知太子汝食今被他棄是時太子即以兩手執彼金鉢出少身力而壞彼鎖令象却頻不如太子時淨飯王復為太子多集羗羊安置宮內為令太子生歡喜故真金為鞍雜寶莊飾種種瓔珞以嚴其身金羅網覆是時太子乘彼羊車至於園林及其親叔甘露飯等自餘諸釋各為諸子莊諸羗羊具足如前彼諸童子亦乘羊車隨意遊戲

佛本行集經習學教誨品第十一

時淨飯王知其太子年已八歲即會百官群臣宰相而告之言卿等當知令我化內誰家有智誰具技能種種悉通堪為太子作於師匠教使學書及餘諸論時諸臣等即報王言大王當知今有毗奢婆蜜多羅善知諸論

寂勝寂妙如是大師堪教太子種種
書論時淨飯王即遣使人亡彼毗奢
婆蜜多羅而告之言尊者大師汝能
為我教此太子一切技藝諸書論不
時蜜多羅報言大王謹依王命我今
堪能時淨飯王心生歡喜即占好日
善宿吉時共大釋種耆舊有德令其
莊飾一切禮儀種種所須悉令充備
復嚴五百諸釋種童前後左右周匝
圍繞更復別有無量无邊童男童女
隨從太子將昇學堂時彼大師毗奢
婆蜜多羅遙見太子威德力大不能自禁
遂使其身從座忽起屈身頂礼於太
子足礼拜起已四面顧視生大著慙
時蜜多羅生慙愧已於虛空中有一
天子名曰淨妙從兜率宮共於無量
无邊寂大諸天神王恒常守護是大
子者在彼虛空隱身不現而說偈言
世間諸技藝 及餘諸經論 此人悉能知
亦能教示他 是勝衆生者 隨順世間故
往昔久習來 今示從師學 出世所有智
諸諦及諸力 因緣所生法 生已及滅無
一念知彼等 名色現不現 猶尚能證知

尔時天子說此偈已以種種華散太子
子上即還本宮時淨飯王即持種種
無價珍寶以用布施諸婆羅門復持
種種百味飲食施設衆座諸婆羅門
將是太子付彼大師毗奢蜜多留諸
乳母人侍太子即還王宮

尔時太子既初就學將好寧妙牛頭
栴檀作於書板純用七寶莊嚴四緣
以天種種味特妙香塗其背上執持
至於毗奢蜜多阿闍梨前而作是言
尊者闍梨教我何書 元少一書

或復梵天所說之書

今漢譯門書
正十四音是

佉盧虱吒書

隋言
續前

富沙迦羅仙人說

書

隋言
蓮花

阿迦羅書

隋言
即分

瞿伽羅書

隋言
吉祥

耶寐尼書

隋言大
壽國書

鴛瞿梨書

隋言
指書

耶鄰尼迦書

隋言
缺衆

娑伽婆書

隋言
野牛

波羅婆尼書

隋言
樹葉

波流沙書

隋言
愚言

毗多茶書

隋言
起衆

陀毗荼國書

隋言
天竺

胎羅佉書

隋言
樹人

度其老那婆多書

隋言
古義

優伽書

隋言
嚴熾

僧佉書

隋言
筆計

阿婆勿陀書

隋言
覆

阿菟盧摩書

隋言
順

毗耶寐奢羅書

隋言

陀羅多書

烏場

西瞿耶尼書

無言

珂沙書

跋勒

胎那國書

大隋

摩那書

斗外

未荼叉羅書

中字

毗多悉成書

天

富數波書

花

提婆書

天

那伽書

龍

夜叉書

无障

軋闍婆書

天音

阿脩羅書

示飲

迦婁羅書

金翅

緊那羅書

非人

摩睺羅伽書

大蛇

彌伽遮迦書

諸獸

迦迦婁多書

鳥音

浮摩提婆書

地居

安多梨叉提婆書

虛空天

鬱多羅拘盧書

須弥北

連婁婆毗提呵書

須弥東

烏老波書

舉

臚老波書

櫛

娑伽羅書

海

跋闍羅書

金剛

梨伽波羅佉梨伽書

往復

毗奈

音

多書

食殘

阿菟浮多書

未嘗

奢婆多羅跋多書

如伏轉

伽那那跋

多書

半轉

優老波跋多書

舉轉

尼老波跋多書

擲轉

波陀梨佉書

在

毗拘多羅波陀那地書

從二增上句

耶婆陀輸多羅書

增十句已上

末荼婆晒尼書

中流

梨沙耶娑多波

侈比多書

諸仙若行

陀羅尼卑义梨

書

觀地

伽伽那界麗义尼書

觀虛空

薩彌沙地尼山陀書

一切樂果因

沙羅僧伽

何尼書

抄覽

薩婆婁多書

一切種音

今時太子說是書已復諮蜜多阿闍梨言此書凡有六十四種未審尊欲教我何書是時毗奢婆蜜多羅闍於太子說是書已內心歡喜悅豫熙怡密懷私慙折伏貢高我慢之心向於太子而說偈言

希有清淨智慧人 善順於諸世間法
自己談通一切論 復更來入我學堂
如是書名我未知 其今悉皆誦持得
是為天人大尊導 今復更欲覓於師
今時復有五百釋種諸臣童子俱共
太子齊入學堂學書唱字以是太子
威德力故復有諸天神力加故諸音
響中出種種聲

唱阿字時諸行無常出如是聲
唱伊字時一切諸根門戶閉塞出如
是聲

唱優字時心得寂定出如是聲
唱哩字時諸六入道皆證知故出如

是聲

唱嗚字時當得渡於大煩惱海出如
是聲

唱迦字時當受諸有業報所作出如
是聲

唱佉字時教拔一切煩惱根本出如
是聲

唱伽字時十二因緣甚深難越出如
是聲

唱咍字時諸無明蓋覆翳甚厚當淨
除滅出如是聲

唱俄字時如來當得成佛道已至餘
諸方恐怖衆生施與無畏出如是聲
唱遮字時應當證知四真聖諦出如
是聲

唱車字時今者應當所有諂曲邪惑
意迷皆悉除滅出如是聲

唱闍字時應當超越出生死海出如
是聲

唱社字時魔煩惱憧當碎破倒出如
是聲

唱若字時當令四衆皆順教行出如
是聲

唱吒字時其諸凡夫一切衆生處處畏敬此言無常出如是聲

唱宅字時應當憶念此之宅字若根純熟不聞諸法即得證知出如是聲

唱茶字時應當得彼四如意足即能飛行出如是聲

唱唵字時作合歡華如唵言語散唱諸行及十二緣生滅之法無常顯現出如是聲

唱拏字時其得道人受利養時無一

微塵等諸煩惱而不散滅堪應他供出如是聲

唱多字時當向苦行出如是聲

唱他字時一切衆生其心若斧諸塵

境界猶如竹木當作是觀出如是聲

唱隨字時當行布施行諸苦行即得

和合出如是聲

唱他字時當有法聲出如是聲

唱唧字時當須用彼食飲活命出如

是聲

唱數字時真如實諦出如是聲

唱頰字時當得成道證於妙果出如是聲

唱婆字時解一切縛出如是聲

唱婆字時說世間後更不受有出如是聲

唱摩字時說諸生死一切恐怖寂為可畏出如是聲

唱耶字時開穿一切諸法之門為人演說出如是聲

唱囉字時當有三寶出如是聲

唱邏字時斷諸愛枝出如是聲

唱婆字時斷一切身根本種子出如是聲

唱嚩字時得奢摩他毗婆舍那出如是聲

唱沙字時當知六界出如是聲

唱婆字時當得諸智出如是聲

唱時字時當打一切諸煩惱却出如是聲

余時彼諸五百童子作如是唱諸字門時以是太子威德力故兼復諸天護持所加出於如是微密秘奧諸法門聲

時淨飯王又復集聚群臣議言卿諸臣等一切誰知何處有師最便武技

善巧軍戎兵仗智略堪教於我悉達
太子時諸臣等奉報王言大王當知
此處有釋名為善覺其善覺子屢提
提婆隋言堪教太子兵戎法式其所
解知一切凡有二十九種善巧善妙技
術精微所作輕便勁捷勦勇二十九
者所謂騰象跨車跳坎越馬射妙走
疾志猛性剛身體輕便所為諦審善
能調習捉象搭鈎巧解安施擲象翳
索又工將養飲飼畜生處分拍搗善
撻兵馬諳練曲直斜正山川手握拳
牢脚踰地穩振頭結髻新固甚牢能
破能開能劈能斬射不虛落挽鞬无
雙遙聞響聲射即懸著所放之處
箭入甚深點慧聰明辭清辯捷謀謨
策策巧解多知討古論今方便善詐
諸如是等所有兵家秘要神能悉皆
通達唯應是彼乃可堪教大王太子
一切戎技

時淨飯王聞是語已心大歡喜即勅
諸臣令喚忍天其忍天至王勅之言
羣提提婆汝能教我悉達太子戎仗
智不是時忍天即白王言臣甚能教

玉復勅言汝若知時好教我子今得
成就時淨飯王為於太子欲遊戲故
造一園苑名曰勤劬是時太子入彼
苑內遊戲歡娛或令按摩時彼五百
諸釋種目悉為其兒各造園苑擬以
戲笑按摩遨遊時忍提婆將引太子
入勤劬園教戎仗智彼諸釋種各各
自入其園苑中遊戲學習時忍提婆
將其數種兵戎器仗欲教太子太子
見已悉皆棄捨即語忍天作如是言
汝教其餘諸釋種子我自解此不須
更學時忍提婆即以教於其餘釋種
此戎仗智而彼學已不久人人悉得
成就二十九種並皆通達所謂騰跳
白象車馬乃至挽強於一切處皆成
就得取第一智輕便最能聰明智慧
又如是等諸王技中寂善寂勝所謂
書策解諸計數雕刻印文宮商律呂
舞歌戲笑馳士治蹴魚治漫談或造
諸珍瓏奇異寶染衣出色圖畫草葉
種種諸事和合熏香或弄手筆草正
諸書能制文章又復能於白象背上
能迴能轉旋鞍驕芳面馬所有象馳

頭項尾脚種種諸技並悉便能又於
車邊亦善巧弄出講異法刀槊弓箭
身中得悉意氣容與相撲拗腕搏力
稱斤按摩築擠此皆拗脰搦臂能擲
能走乃至不空及聞聲射入鞞挽強
箭速如雨太子於此一切諸技皆悉
棄捨更不肯學去我自解何假須教
復欲教習諸王要法所謂天文祭祀
占察懸射前事認語巧誦知諸獸音
達於聲論造作諸技因伎報答呪術
雜事十餘種名治化古先一切書典
教於太子及自他釋亦如是教又復
世人積年累月所學問者或成不成
彼等衆技一切諸論太子能於四年
之中及餘釋種皆悉學得通達無尋
一切自在是時忍天即為太子而說
偈言

汝於年幼時 安處而學問 不用多功力
須臾而自解 於少日月學 勝他多年歲
所得諸技藝 成就悉過人

佛本行集經卷第十一

癸卯歲高麗國大藏都監奉

勅彫造

佛本行集經卷第十二

令

隋天竺三藏闍那崛多譯

遊戲觀瞻品第十二

今時太子生長王宮孩童之時遊戲
未學年滿八歲出閤詣師入於學堂
從毗奢蜜及忍天所二大尊邊受讀
諸書并一切論兵戎雜術經歷四年
至十二時種種技能遍皆涉獵既通
達已隨順世間悅目適心縱情放蕩
馳逐聲色曾於一時在勤劬園遨遊
射戲自餘五百諸釋種童亦各在其
自己園內優遊嬉戲時有群鴈行飛
虛空是時童子提娑達多彎弓而射
即著一鴈其鴈被射帶箭遂墮悉
達園中時太子見彼鴈帶箭被傷墮
地見已兩手安徐捧取取已加跌安鴈
膝上以妙滑澤柔潤水波万字輪文
福德之手細軟猶如芭蕉嫩葉左手
擎持右手拔箭即以酥蜜封於其瘡
是時提娑達多童子遣使人來語太
子言我射一鴈墮汝園中宜速付來
不得留彼是時太子報使人言鴈若

命終卽當還汝若不死者終不可得
時提婆達多復更重遣使人語言若死
若活汝須相還我手於先善巧射得
遇墮落彼云何忽留太子報言我已
於先攝受此鴈所以然者自我發於
善提心來我皆攝受一切衆生况復
此鴈而不屬我以是因緣即便相覓
集聚諸釋宿老智人判決此事是時
有一淨居諸天變身化作老宿長者
入釋會所而作是言誰養育者即是
攝受射者之者即是放捨時彼諸釋
宿老諸人一時卽可高聲唱云如是
如是如仁者言此是提婆達多童子
共於太子家初構結怨讎因緣復有
一時其淨飯王共多釋種諸童子輩
并將太子出外野遊觀看田種時彼
地內所有作人赤體辛勤而事耕墾
以牛繫繫彼犁轡端牛若行遲時時
掣掣日長天熱喘噉汗流人牛並皆
困乏飢渴又復身體羸瘦連骸而彼
犁傷土塢之下皆有虫出人犁過後
時諸鳥雀覓飛下來食此虫衆太子親
茲犁牛疲頓無被鞭撻犁轡研頹

纒勒咽血出下流傷破皮肉復見犁
人被日炙背裸露赤體塵土全身烏
鳥飛來爭拾虫食太子見已起大憂
愁辟如有人見家親族被繫縛時生
大憂愁太子憐愍彼諸衆等亦復如
是見是事已起大慈悲即從馬王捷
陟上下下已安庠經行思念諸衆生
等有如是事即復唱言嗚呼嗚呼世
間衆生極受諸苦所謂生老及以病
死兼復受於種種苦惱展轉其中不
能得離云何不來捨是諸苦云何不
求厭苦寂智云何不念免脫生老病
死苦因我今於何得空閑處思惟如
是諸苦惱事

時淨飯王觀田作已共諸童子還入
一園是時太子安庠矚眄處處經行
欲求寂靜忽見一處有閭浮樹條幹
滑澤端正可憐驚翳扶疎人所樂見
見已即語諸左右言汝等諸人各遠
離我我欲私行是時太子發遣左右
悉令散已漸至樹下到樹下已即於
草上加趺而坐諦心思惟衆生有於
生老病死種種諸苦發起慈悲即得

心定彼時即便離於諸慾棄捨一切
諸不善法思惟境界分別境界慾界
漏盡即得初禪我身亦自有如是法
未免此法未度此輪當思惟時有五
神仙飛騰虛空自在而行有大威德
有大勢力具足巧通毗陀之論善解
諸術從南向北經彼園林間浮樹上
而欲飛過即不能去各相謂言我等
往昔去來自恣穿過須弥出諸神通
種種示現乃至到於毗沙門宮大天
王所或至阿羅迦毖多城亦能穿過
彼城多有種種夜叉諸惡神等我亦
曾經彼上飛過而此樹端我亦曾經
無量過度不曾有尋不失神通今日
以誰威德力故令於我等退失神通
不能得過彼等仙人即觀其樹遂見
太子在樹陰下加趺而坐威光巍巍
顯赫難觀彼等見已作是思惟此坐
是誰將非是彼大梵天王世間之主
或復是彼吃沙那天慾界之主或天
帝釋或毗沙門大庫藏主或月天子
或日天子或復是於轉輪聖王或此
坐者得非是佛出現世乎然今此人

威德甚大

尔時彼林守護之神告諸仙言諸仙人輩此非大梵世間天主非毗沙那欲界之主亦非天帝及毗沙門摩藏之主亦復非是日月天子此之太子名悉達多是淨飯王釋種童子諸仙當知大梵天王所有威德其毗沙那天主帝釋毗沙門王摩藏之主月天日天轉輪聖王諸威德等比悉達多太子所有一毫威德彼諸威德十六分中不及其一是故汝等至此樹林欲上飛過神通有限不能得度時彼諸仙聞護林神如是語已從虛空下住太子前各各說偈讚歎太子時一仙人而說偈言

世間煩惱火熾然 此能出生法池水
既得如是微妙法 滅彼煩惱火燼無
復有一仙而說偈言

世間愚癡甚黑暗 此能出生智慧光
既得如是微妙法 照彼昏盲一切世
復有一仙而說偈言

憂惱曠野大澤中 此大獸乘能勝致
既得如是微妙法 能度三有諸衆生

復有一仙而說偈言

一切世間煩惱經

此能方便令解脫

既得如是微妙法

能脫一切諸結羈

復有一仙而說偈言

世間所有生死病

此大醫師能治療

既得如是微妙法

能治一切生死疣

時諸仙人各各說偈歎太子已接足

頂礼右繞三面飛騰虛空相隨而去

時淨飯王須臾之間不見太子心內

即生不喜不樂而問人言我之太子

今在何處

此上兩句梵本並無

忽然不見是時諸

臣東西南北交橫馳走尋覓太子莫

知所在時一大臣遙見太子在彼閭

浮樹陰之下思惟坐禪復見一切樹

影悉移唯閭浮陰獨覆太子時彼大

臣見於太子有是希奇難思議事即

大歡喜踊躍充遍不能自勝急疾奔

馳走詣王所至已長跪依所見事即

說偈言

大王太子今在於

閭浮樹陰下端坐

加趺思惟入三昧

光明照耀如日山

此實真是大丈夫

樹影卓然不移動

唯願大王自觀察

太子相貌坐云何

辟猶大梵諸天王 亦如忉利天帝釋
威神巍巍光顯赫 遍照於彼諸樹林
時淨飯王聞已即詣閭浮樹所遙見
太子在彼樹間結加趺坐譬如黑夜
視山頂頭大聚火光出猛明炎盛德
顯著炳照巍巍如重雲間忽出明月
亦如暗室然大淨燈時王見已生大
希有奇特之心遍體戰惶身毛悉豎
即頭頂礼於太子足歡喜踊躍而作
是言善哉善哉我此太子大有威德
說偈讚曰

如夜大火聚山頂 似秋明月散雲間
今見太子坐思惟 不覺毛張身戰慄
時淨飯王說偈讚已更復頂礼於太
子足重說偈言

我今無度屈此身 頂礼千輻勝妙足
從生已來至今由 忽復得見坐思惟
時有擎挾筌蹄小兒隨從大王啾唧
戲笑有一大臣咄彼小兒作如是言
汝小兒輩幸勿唱叫時諸小兒報彼
臣言何故不聽我等宣適今時大臣
即以偈頌答彼一切諸小兒言

日光雖極熱猛盛 不能迴彼樹陰涼

復有軍妙一尋光 威德世間無有匹
思惟端坐於樹下 不動不搖如須弥
悉達太子內深心 樂此樹陰當不捨
佛本行集經捕衛爭鬪第三上

尔時太子漸向長成至年十九時淨
飯王為於太子造三時殿一者暖殿
以擬隆冬第二殿涼擬於夏暑其第
三殿用擬春秋二時寢息擬冬坐者
殿一向暖擬夏坐者殿一向涼擬於
春秋二時坐者其殿調適溫和處平
不寒不熱復於宮內後園之中壘水
涼渠造作池沼栽蒔種種衆雜名花
所謂優鉢羅花波頭摩花拘物頭華
分陀利華為於太子作喜樂故復有
無量无邊諸人各自職司侍衛太子
或復有人按摩太子或復有人示軟
太子或復有人以諸香油塗茶太子
或復有人洗浴之時揩拭太子或復
有人澡浴之時供香湯者或有塗髮
梳頭髻者或復有人執鏡照者或執
塗香或執眼藥或復有執熏衣香者
或執牛黃或執華鬘或復有執種種
雜色微妙衣服立太子前常擬供奉太

子耆者其衣悉是迦尸迦衣執已曲躬須耆即進其太子父輸頭檀王所著衣裏若迦尸迦外表則用其餘諸物太子不然所服之衣内外悉用迦尸迦作太子左右及執作人僮僕男女諸後從等皆悉餒以粳糧之飯雜實麤醬或臠或羹太子一身別置妙好香美粳糧精細揀擇羹臠雜莫百味蘭餽種種珍羞及諸餅果如是無量日別恒常晝夜修營各皆新造以擬太子又持白蓋覆太子上或畏夜戲零露風霜或復晝遊塵埃日照時淨飯王既見太子年漸向大心中復憶阿私陀仙授記之語集諸耆舊釋種大臣而作是言汝等親族曾聞知不我此太子初生之時口諸解相及婆羅門阿私陀等皆記之言其若在家定當得作轉輪聖王若捨出家必得成就於無上道而我等今作何方便令此童子得不出家諸釋親族即報王言大王今當速為太子別造宮室令諸媒女娛樂嬉戲是則太子不捨出家而有偈說

阿私隨所記 決定無移動 諸釋勸立殿
望使不出家

如是方便我等釋種可得興盛能令
一切恭敬尊重不為粟散諸王所欺
時淨飯王復語釋種諸親族言汝等
當觀誰釋女堪與我太子悉達為妃
尔時五百諸釋種族各各唱言我女
堪為太子作妃

上兩句梵本
卷無釋今略

時淨飯王復自思惟若我今日不共
太子如是籌量忽取他女與其作妃
脫不稱可則成違負若我今共太子
語論太子意深終不肯道我今狐疑
作何方便復更思惟我今可以種種
雜寶作無憂器持與太子令太子用
施諸女人密遣使覘觀察其意看於
太子眼目瞻矚在於誰邊我即巧取
與其作妃

時淨飯王即遣造作雜寶玩弄無憂
之器所謂金銀種種雜飾造已即於
迦毘羅城振鐸唱言從今已去至七
日來我太子欲見於釋種一切諸女
見已欲施一切雜寶種種玩弄無憂
之器城內所有一切諸女悉可來集

於我宮門

尔時太子六日已過至第七日於先
出在王宮門前據筌蹄坐是時城内
一切諸女皆以種種雜寶瓔珞各嚴
其身來集宮門欲見太子復欲受取
種種諸寶無憂之器是時太子見諸
女來即持種種寶器施與彼等諸女
從四方來見太子者以是太子威德
大故諸女不能正看太子但取寶器
各各低頭速疾而過寶器盡已寂後
有一婆私咤族釋種大臣摩訶那摩
其女名為耶輸陀羅前後侍從衆多
婢媵圍遶而來遙見太子峨峨注睛
舉目雅步瞻觀直眄目不斜闕漸進
前趨來近太子如舊相識曾無媿顏
即白太子作如是言太子今可與我
雜寶無憂器來太子報言汝來既遲
皆悉施盡彼女復更白太子言我有
何過汝今欺我不與寶器太子荅言
我不欺汝但汝後來自不及耳是時
太子指邊有一所著印環價直百千
從指脫與耶輸陀羅耶輸陀羅白太
子言我於汝邊可止直於尔許物耶

太子報言我之所著自餘瓔珞任意
所取彼女自言我今豈可剥脫太子
只可莊嚴於太子身語於太子作是
言已心不喜歡即迴還去

今時世尊成道已後尊者優陀夷而
白佛言世尊云何如來在王宮時將
身一切無價瓔珞脫持施與耶輸陀
羅不能令彼心生歡喜佛告尊者優
陀夷言汝優陀夷至心諦聽我當說
之耶輸陀羅非但今世與其瓔珞令
不歡喜其往昔來曾因少緣生瞋恨
故雖復多種珍寶布施猶不歡喜
優陀夷言甚奇世尊此事云何願為
我說

今時佛告優陀夷言我念往昔無量
世時迦尸國內波羅捺城時有一王信
邪倒見而行治化彼王有子造少罪
憊父王駭擯令出國界漸漸行至一
天寺中共婦相隨居停而住時彼王
子所將食糧皆悉罄盡王子遊獵煞
捕諸虫以用活命所獵之處見一鼃
至赴而煞之即剥其皮內水中煮其
欲向熱汁便竭盡是時王子語其婦

言實未好熟卿更取水彼王子婦即便取水婦去已後王子飢急不能忍耐即食鼉肉一切悉盡不留片殘時王子婦取水迴還問其夫言此中鼉已走去其婦不信何忽如是鼉煮已熟云何能走婦心不信而意思必是我夫飢急食盡誑我言走情懷瞋恨心常不歡於後數年其父命終時諸大臣即迎王子灌頂為主既作王訖所得衆寶及諸奇珍種種衣裳無價之物皆悉與妃其妃雖納而面顏色不悅如前今時彼王語其妃言我一切寶無價之物以持賜妃何故顏色而不歡悅如前不異時其夫人即說偈頌以報王言

寂勝大王聽 往昔遊獵時 執箭或持刀 射煞野鼉死 剥皮煮欲熟 遣我取水添 食肉不留殘 而誑我言走

告優陀夷此汝當知今時王者我身是也其王后者今日耶輸陀羅是也我於今時少許犯觸續於後時多以財寶與望和適而其懷恨猶不喜歡

今日亦然雖將無量諸種錢帛亦不能令其心歡喜

時淨飯王所遣密使察太子者一心覩於太子眼目其所瞻矚共於諸女相當語對而彼密使委悉皆知知已即時往詣王所而白王言大王當知有釋大臣摩訶那摩其女後來太子共語數番徃復兼且微笑停住少時調戲言語太子彼女二顏俱悅彼此荅對四目相當時淨飯王聞彼密觀如是語已心內思惟太子意欲得彼女耶

時淨飯王看好吉宿良善之日即喚國師婆羅門來使向釋種摩訶那摩大臣之家而作是言知卿有女今可與我太子作妃是時國師聞王語已即詣釋種摩訶那摩大臣之家作如是言摩訶那摩王勅如是時釋大臣報國師言我釋迦法相承如是若有技能勝一切者於彼人邊即嫁女與若無技能不得與女大王太子生長深宮耽嫖戲未曾學習無有技能弓射天文兵書戎仗一切戰鬥擗力

拳提悉未工開我何故今無藝人邊
而嫁女與

是時國師聞是語已還至王所將如
是語具白於王時淨飯王聞此語已
心懷愁惱如是思惟摩訶那摩此語
如法向我實論無一虛妄雖作是念
而王內心悵快默然迷悶而住其狀
如似坐禪思惟太子是時見父王面
失於容色悵快不歡猶如坐禪思惟
一種見是事已漸至王所而問王言
未審父王以何緣故如是愁惱獨坐
思惟作是語已時淨飯王答太子言
子不須問我如此事太子再問父王
重止太子如是三問父王大王要須
報我所以解我心疑時淨飯王三見
太子問如是事即向太子如前所說
太子知已問父王言父王願知父王
城內有人能出與我共試技藝已不
時淨飯王聞此語已即大歡喜踴躍
遍身不能自勝即更重審問於太子
作如是言善哉太子汝實能摘諸技
藝不太子答言大王善聽我今實能
大王但當速集諸釋一切童子共我

捕試諸有技藝

時淨飯王勅迦毗羅城內街巷四衢道頭悉教振鐸大聲唱令從今以去計至七日我之儲宮悉達太子今欲出其所有諸技若有解者悉令聚集共捕試看時六日過至第七日五百釋種諸童子等悉達為首並皆聚集聚集訖已相共出城至一寬地是諸童子出技能處時釋大臣即好莊嚴耶輸陀羅為上勝毘作如是言誰能善通一切技藝寂勝上者即以此女與其作妻時淨飯王共諸釋種耆舊長德於先而至復有無量無邊雜姓男子女人童男童女皆悉聚集詣彼試場寬地之所欲觀太子及諸釋種一切童子捕試技能誰寂為勝是時有諸釋種童子文學使者先共太子試於手筆時有釋種相共謂言今者宜令毗奢塞多為作試師即語之言汝可觀察諸童子內手筆誰勝或復快書疾書善書解多種書尔時毗奢塞多大師先知太子於諸書中寂勝最上熙怡微笑而說偈言

一切人間及天上 乳闍脩羅迦樓羅
所有文字諸書典 太子遍歷皆通達
我身及以汝等輩 不知如此書籍名
人間悉解我試來 定知其勝汝不如
今時彼等釋種徒衆詳共齊白淨飯
王言我今已知大王太子於書典中
最爲勝上竿計須試得知誰明是時
衆中有一軍大竿計之師名頗誰那
一切竿計最爲第一時釋衆笑頗誰
那來將往試驗語言尊者汝好觀看
諸童子中是誰竿計爲最第一時太
子竿令一釋種明了童子對下竿等
而不能供更二童子下猶不供三童
子下亦不能供乃至一十童子俱下
而亦不供二十三十四十五十一百
共下而亦不供二百三百四百五百
一時盡下猶尚不供是時太子作如
是言汝等今竿我當爲下時一釋種
童子唱竿太子爲下不能竿得太子
復言二人雙計復不能及太子復言
乃至一百一時共計猶不能及太子
復言汝等何假如是相覓但此等輩
一切一時各自計唱我當爲下時諸

釋種五百童子一時俱唱太子爲其
一時齊下如上所數從於一起乃至
盡數太子不錯亦復不亂安座審諦
次第而下彼等一切諸釋童子盡力
共竿不能及遶悉達太子万分之一
時頗誰那國大竿師心密驚怖極生
歡喜而說偈言

善哉捷利淨憶持 分明唱下無有錯
五百釋童稱解竿 一時共對不能當
如是智慧正念心 竿計疾速甚深奧
是等竿師計天下 巨海滂數悉應知
汝等默然且禁聲 不須與彼相捕覓
其既解知如是術 應得共我相校量
時彼釋衆一切皆生希有之心從坐
而起合十指掌頂禮太子謂悉達多
太子大勝真實大勝同聲復白淨飯
王言善哉大王大得善利善生人間
大王今生如是聰黠大福德子智慧
之子吉根如是輕便轉滑成就口業
時淨飯王熙怡微笑語太子言善哉
太子汝今能共此頗誰那大竿之師
計竿世間方便智能得相入不是時
太子答父王言大王我能

時淨飯王語太子言汝若能者當自

知時時頗誰那大計竿師語太子言

仁者太子汝知億上竿數已不太子

答言我甚知之時頗誰那竿師復言

汝知云何為我說之太子答言凡入

億中竿計數者汝等諦聽我今說之

一百百千是名拘致隋數千其百拘致

名阿由多隋數十百阿由多名那由他

隋數千百那由他名波羅由他隋數十

百波羅由他名恒迦羅隋數千百恒

迦羅名頻婆羅隋數十百頻婆羅名阿

苾婆隋數千百阿苾婆名毗婆婆隋數十

百毗婆婆名鬱曾伽隋數千百鬱曾

伽名婆訶那隋數十百婆訶那名那伽

婆羅隋數十百那伽婆羅名帝致婆羅

隋數十百帝致婆羅名界婆婆他那

波若帝隋數十百卑婆婆他那波若

帝名醯兜奚羅隋數十百醯兜奚羅名

迦羅通多隋數十百迦羅通多名醯都

因陀羅陀隋數十百醯都因陀羅陀

名三藐多羅婆隋數十百三藐多羅

婆名伽那那伽尼多隋數十百伽那那

伽尼多名尼摩羅闍隋數十百尼摩羅

闍名目陀婆羅

隋數十萬

百目陀婆羅

名阿伽目陀

隋數十萬

百阿伽目陀名

薩婆婆羅

隋數十萬

百薩婆婆羅名毗薩

闍波帝

隋數十萬

百毗薩闍波帝名薩婆

薩若

隋數十萬

百薩婆薩若名毗浮登

伽摩

隋數十萬

百毗浮登伽摩名婆羅

極叉

隋數十萬

入於如是竿計之數其須

弥山若欲竿知斤兩銖分悉可得知

自此已上復有一竿名陀婆闍伽尼

民那此之已上復有竿計名奢勝尼

此尼已上復有竿名波羅那陀此上

復有竿名伊吒此上復有竿名迦樓

沙吒喞多此上復有竿名薩婆尼婆

波至於此計恒河沙等一切竿數悉

覽盡以此上復有竿計數名阿伽婆

婆此數數於一恒河沙億百千萬恒

河沙數計取悉皆撻入於此而於此

上復更有計名波羅摩光毗婆奢時

頻誰那大計竿師語太子言如是已

知其入微塵數竿之計更復云何今

亦須知太子答言汝等諦聽我今說

之凡七微塵成一客塵合七客塵成

一兔塵合七兔塵成一羊塵合七羊

塵成一牛塵合七牛塵成於一蠟合
於七蠟成於一虱合於七虱成一芥
子合七芥子成一大麥合七大麥成
一指節累七指節成於半尺合兩半
尺成於一尺二尺一肘四肘一弓五
弓一杖其二十杖名爲一息其八十
息名拘盧奢八拘盧奢名一由旬於
此衆中有誰能知幾許微塵成一由

旬 佛指數計得三百八
十四里一百三十步

時頽誰那大筭計師報太子言大德
仁者我尚不知如是之數我今聞說
猶生迷悶況復自餘少智少聞愚癡
之人雖然唯願太子爲我等說幾許
微塵成一由旬

佛本行集經卷第十二

癸卯歲高麗國大藏都監奉

勅雕造

佛本行集經卷第十三

令

隋天竺三藏闍那崛多譯

摘術爭智品下

尔時太子報頰誰那大竿師言汝等
諦聽其一由旬微塵多少漸漸積滿
一阿菴婆如是更復一那由他更復
二十億那由他百千復六十億百千
復三十二億復五百千復一百千如
是等數微塵多少總計足滿此一由
旬如是次第展轉而數由旬大小此
閻浮提縱廣正等七千由旬西瞿耶
尼八千由旬東弗婆提九千由旬北
鬱單越十千由旬是一三千大千世
界由旬之數縱廣如是次第大小依
此由旬如是計取若干百由旬若干
千由旬若干百千由旬其一由旬復
有若干微塵之數總計可得所以者
何此之計數過一切數故名竿計不
可數得不可計知諸微塵等三千大
千世界之內所有之者
時頰誰那大竿計師及諸釋種一切
宗族生大歡喜踊躍無量遍滿其體

不能自勝身上唯留一箇單衣餘衣
悉解以施太子復脫無量无邊瓔珞
散施太子而讚歎言善哉善哉太子
甚深使知快解如是次第於竿計中
太子復勝所謂書數智計測玄太子
無比彼等諸釋而作是言我等已知
今此太子於書竿中取勝無比其次
戎仗兵法須試是誰取勝是誰取勝
尔時彼諸釋種宗族推其姓中一大
目名婆呵提婆置為證察而白之言
大德和上願好用心觀何童子武技
之中誰取勝妙所謂不空及聞聲等
射遠射剛挽強牽解

尔時戲場為阿難陀童子置立安施
鐵鼓去於射所二拘盧奢以為其表
提婆達多童子所射安置鐵鼓四拘
盧奢乃至為於難陀童子安置鐵鼓
六拘盧奢為於大臣婆私吒氏摩訶
那摩安置鐵鼓八拘盧奢如是次第
自餘童子各各相去隨遠及近安置
射表為於悉達太子安置十拘盧奢
牢剛鐵鼓以為射表

時阿難陀彎弓射彼二拘盧奢所置

鐵鼓繞得中及以外更速則不能過
提婆達多童子所射四拘盧奢安置
之鼓射而即著更不能過

摩訶那摩大目所射八拘盧奢鐵鼓
得著速不能過是諸釋子各各所立
鐵鼓遠近悉皆射著其分已外不能
越過

尔時次第至悉達多太子欲射有司
進上所奉之弓太子暫欲以手施張
按弓強弱拼弦牢新其弓及弦應時
碎斷悉達太子即便問言此之城內
誰有好弓堪我牽挽禁我氣力時淨
飯王心懷歡喜即報言有太子問言
大王言有今在何處王報太子汝之
祖父名師子頻彼有一弓見在天寺
常以香花而供養之然其彼弓一切
城內釋種耆屬乃至不能施張彼弓
况復牽挽太子語言大王速疾遣取
弓来是時使人將彼弓来既至衆中
先持授於一切釋種諸童子輩所執
之者不能施張况復欲挽其後次將
付與摩訶那摩大目時彼大目盡其
所有一切身力不能施張彼弓之弦

况復牽挽然後乃將奉進太子太子執已安坐不搖微用少力不動身體左手執弓右手捋弦以拍繞挽而拚作聲彼聲遍滿迦毗羅城城内所有一切人民悉皆恐怖各各問言此是何聲或復有人從他聞言悉達太子取其祖父師子頻王所用之弓而暫施張牽挽作聲為此因緣淨飯大王將於無量无邊諸物用供太子是時太子施張彼弓右手執箭出現如是微妙身力牽挽彼箭平實而射過阿難陀及提婆達乃至大目摩訶那摩三人等鼓其箭射逮十拘盧舍所安置處皆悉洞過沒於虛空尔時諸天在於虛空而說偈言

如是取勝善地中 坐於往昔諸佛座
摩伽陀國人民衆 今觀利箭善勝弓
六度成就智慧力 降伏一切諸怨敵
天魔煩惱及陰等 當得常樂我淨因
不退菩提真實道 永斷生死苦根栽
病老憂畏悉蠲除 證彼涅槃微妙智
尔時諸天說是偈已各將種種天妙雜花散太子上散已忽然沒身不現

是時太子所射之箭天主帝釋從虛空中秉執將向三十三天至天上已為此箭故於彼天中建立箭節常以吉日諸天聚集以諸香華供養此箭乃至於今諸天猶有此箭節日

尔時釋種諸眷屬等復作是言悉達太子射拔取遠已勝眾人今更須試射鞞之物是誰能過是時彼地相去不遠自然而有多羅樹行其中或有諸釋童子用一箭射即穿過於一多羅樹或有穿過二多羅樹或三或四及過五者是時太子執箭一射即便穿過七多羅樹彼箭穿七多羅樹已箭便墮地碎為百段時諸釋種復更別立鐵猪之形其內或有釋種童子執箭射一鐵猪形過或二三四及過五者太子執箭一射便穿七鐵猪過七猪過已彼箭入地至於黃泉其箭所穿入地之處即成一井於今人民常稱箭井時諸釋族復更立於七口鐵甕滿中盛水其中或有釋種童子熟燒箭鏃極令猛赤而用射於一鐵甕徹或二或三止至四五太子執彼燒熟

赤箭一射便過七鐵水甕去甕不遠
即有一大娑羅樹林其箭過已悉燒
彼林一時蕩盡時諸釋族復作是言
射鞞技能太子已勝今復試斫須一
下斷其中或有諸釋種子手執利劍
一下斫一多羅樹斷或二或三乃至
四五太子之手執於劍已一下斫七
多羅樹斷而彼七根多羅之樹雖復
被斫其樹不倒彼諸釋種作如是言
太子不能斫一樹徹是時色界淨居
諸天即便化作大猛威風吹彼樹倒
其次難陀將一束竹來太子前其內
密置按摩所用鐵棒著中以奉太子
太子見此一束之竹不謂其間有於
鐵棒不用多力左手執劍一下鉋斷
譬如壯士手執利刀斫一莖竹或斫
一箭如是如是太子鉋彼按摩鐵棒
謂言竹束左手執劍不用多力一下
斬斫隨時徹過時諸釋種復作是言
已試斬斫太子取勝今復更須作諸
象技跳擲上下誰復為能其中復有
諸釋童子從象鼻前跳上象背或有
童子從脚跳上或有童子從尾跳上

其跳上時或手執持麈尾大鐵棒或執鐵輪或執鐵排或執戟槊或執長刀左執跳上上已右接即以擲地太子跳時脩立却走腳踏象牙上於象頂左手執持種種諸器或棒或輪或排或槊及以長刀左執右擲右執左擲而投於地諸釋種族既不能及復作是言今須馬上更共相試其中或有釋種童子手執槊騰或執箭跳從於一馬騎第二馬膝槊弄刀或復以箭射於拍環或有遇中或不著者或有釋子跳過二馬騎第三馬乃至射著及以不著或跳三馬跳已即便騎第四馬射著不著或跳四馬騎第五馬及著不著太子是時手執於槊或執弓箭跳過六馬騎第七馬箭射乃至頭鬚毛端皆悉得著如是次第或於車上示現輕便或現筋陡如是種種或試音聲或試歌舞或試相朝或試湯話戲謔言談或試染衣或造環寶及真珠等或畫草葉和合雜香博奕搏菰團碁雙六握槊投壘擲絕跳坑種種諸技皆悉備現如是汝能所

試之者而一切處太子皆勝時諸釋
種復作是言我等今知悉達太子一
切技能悉皆精勝今須相撲得知誰
能是時太子却坐一面其諸釋種一
切童子雙雙而出各各相撲如是次
第三十二齧諸童子等相撲各休却
住一面次阿難陀忽前著來對於太
子欲共相撲太子始欲手執難陀太
子身力及威德力而彼不禁即便倒
地其後次至提婆達多童子前行以
貢高心我憊之心不曾比數悉達太
子欲共太子相撲威力欲共太子一
種齊等挺身起出巡彼戲場面向太
子疾走而來欲撲太子
尔時太子不急不緩安詳用心右手
執持提婆達多童子而行擎舉其身
足不著地三繞試場三於空旋為欲
降伏其貢高故不生害心起於慈悲
安徐而撲卧於地上使其身體不損
不傷太子復言咄汝等輩不假人人
共我相撲饒汝一切一時盡來共我
相撲尔時彼諸釋種童子一切皆起
憊憊之心並各奔來走向太子而欲

撲之是諸童子各以手觸彼等以是太子身力復威德力各各不禁皆悉倒地。尔時彼釋一切皆生奇特之心各相謂言希有希有。從生已來不曾學習今日乃出於如是等種種諸技時彼場內所有人民觀看之者悉唱呼呼叫喚之聲。或出種種諸異音聲弄珠瓔珞及衣服等於上虛空無量諸天同以一音而說偈言

十方一切世界中 所有勇健諸力士
悉皆力敵如調達 不及太子聖一毛
大人威德力無邊 暫以手觸皆倒地
聖者威神力廣大 汝等云何欲比方
假使不動填弥山 大小鐵圍甚牢固
并及十方諸山等 一觸能碎如微塵
鐵等強韌金剛珠 及以諸餘一切寶
大智力能末如粉 况復撲此少力人
尔時諸天說此偈已將種種華散太
子上於虛空中隱身不現如是次第
悉達太子一切處勝時淨飯王知其
太子所有技能皆悉勝彼一切諸人
自眼既見心復證知踴躍喜歡遍滿
其體心意適悅不能自勝以尊上心

勅喚白象瓔珞莊嚴辦具悉竟而作
是言我息太子乘此白象將入城內
彼大白象擬太子乘從城門出是時
提婆達多童子城外而入見此白象
而問人言此象誰許欲將何處其人
報言欲將出城擬志達乘欲入城內
時提婆達多以釋意氣種姓尊豪我慢
興盛倚身力強縱逸放蕩無諸忌憚
魚復妬嫉於彼象前少許地走便以
左手執於象鼻右手築額一下倒地
宛轉三匝遂即命終白象卧地塞彼
城門衆人往來不通出入道路填咽
調達過已於後又復有童子至名曰
難陀相續而來欲入城內見此白象
卧在城門死已大身塞於道路諸人
民過不能得行即問諸人誰作是事
人輩答言此大白象為於提婆達多
所煞左手執鼻右手築額一下倒地
三旋命終難陀思惟提婆達多童子
試其自身之力以煞白象但此象身
極大極應汙泥城門妨人出入即以
右手執彼象尾牽取離門可七步許
其難陀後次太子來欲入城內見此

白象在於城門見已借問諸行人言
誰煞是象衆人報言提婆達多一禁
而煞太子即言提婆達多此為不善
何故煞也太子復問誰牽離門衆人
復言難陀童子以其右手執彼象尾
而牽離門至於七步太子復言善哉
難陀作事善也太子思惟彼等二人
雖能示現其自氣力但此象身其天
魚壯於後壞爛臭熏此城作於如是
思惟訖已左手舉象以右手承從於
空中擲置城外越七重牆度七重壑
既擲過已離城可有一拘盧舍而象
墜地即成大坑乃至今者諸人相傳
謠於此處為象墮坑即此是也尔時
無量无邊百千諸衆生等一時唱言
希有希有如是之事甚大可怖各各
皆唱善哉善哉大人大士希有希奇
未曾聞見而說偈言

調達等煞白象已

難陀七步牽離門

太子手擎在虛空

如以土塊擲城外

尔時大目摩訶那摩見於太子一切
技藝勝妙智能最為上首而作是言
唯願太子受我懺悔我於先時謂言

太子不解多種技巧藝能令我心疑
不嫁女與我今已知願受我女用以
為妃余時太子占良善日及吉宿時
稱自家資而辦具度持大王勢將大
王威而用迎納耶輸陀羅以諸瓔珞
莊嚴其身又復共於五百嫫女相隨
而往迎取入宮共相娛樂受五欲樂
是故偈言

耶輸陀羅大臣女 名聞蓋國遠近知

占卜吉日取為妃 迎將來入宮殿內

太子共其受慾樂 歡娛縱逸不知厭

猶如天主憍尸迦 共彼舍脂夫人戲

余時世尊得成道已尊者優陀夷白

佛言世尊如來云何往昔之時初欲

納於耶輸陀羅不以其生大家故取

不以種姓大故而取不以富貴多財

故取不以端正華色故取唯出技藝

而取得彼耶輸陀羅用以為妃是時

佛告優陀夷言汝優陀夷至心善聽

非但今日耶輸陀羅我取之時不以

大姓尊豪故取乃至不為端正故取

唯用技藝而取得之往昔亦然優陀

夷言世尊此事云何願為說之余時

佛告優陀夷言我念往昔過於無量
无邊世時波羅捺城有一工巧鐵作
之師其有一女端嚴可喜身體正等
面目廣平世所少雙多人敬愛尔時
彼國波羅捺城有一長者其子可喜
端正如前所說無異而於一時其長
者子見彼工巧鐵師之女在於樓上
窓內現面向外觀看彼長者子見此
女已即生愛心彼長者子私心之中
記此女已速往歸家告其父母作如
是言某工巧家有於一女我意貪愛
欲取為妻彼子父母報其兒言汝今
不須取此工巧鐵師之女汙辱我門
我當別覓長者之女或大臣女或居
士女與汝為妻彼長者子作如是言
我永不用餘人之女以為我妻我意
唯欲取此工巧鐵師之女我若不得
此女為妻必自害身終不用活時長
者子父母心愁畏兒沒命即嚶於彼
工巧鐵師來至其家而語之言汝所
有女今可嫁與我子為妻工巧鐵師
作如是言我今不與非工巧者共作
婚姻其長者子父母答言仁者何用

工巧之人共作誓為莫愁汝女飢寒
辛苦不豐衣食鐵師復言雖知如是
但我今覓同類之人若解工巧我與
彼女假令無大資財之具但取彼有
工巧之技隨家所辦我即當與時長
者子父母聞彼如是言已即語其子
如前所說時長者子既共彼女心意
相當兼復足解工巧之事精心細意
快便作針即於別時造作多針以油
脂洗善好明淨作一大束置竹筒中
詣向工巧鐵師之家到近巷已在於
道頭唱此偈頌以賣其針偈言

不澁滑澤纖光明洗清淨巧人所造作
誰能買此針

余時彼家工巧之女在於樓上窓門之
內聞長者子說偈賣針聞已即復以
此偈答長者子言

咄哉狂顛人汝甚無心意忽來鐵師舍
而唱欲賣針

時長者子更復說偈報彼女言

可喜端正女我實非顛狂性是巧智人
善能造針作汝父若知我妙解如是事
必將汝妻我兼送無量財

今時鐵師工巧之女聞長者子如是語已速疾而往其父母前作如是言願耶孃聽外有一人如上說偈向父母陳善解造針高聲唱說時彼工巧鐵師父母即喚於彼長者子來入至家內而問之言善哉童子汝實善解造作針乎童子報言我甚能為鐵師復言出汝針來我試觀看時長者子從竹筒裏拔出一針示彼鐵師此是汝看時彼鐵師既見針已作如是言善哉童子汝巧作針大能穿孔時彼童子語鐵師言此針非是竹筒所出別更復有勝於此者更出一針示彼鐵師鐵師看已復讚歎言大能善穿童子復言非此為好更有勝者第三別復更出一針以示鐵師鐵師如前美言稱讚善能善穿童子復言此亦未精更有勝者第四更出一針以示鐵師看已復讚歎言大能造作大能鑽孔童子復言此猶未善更出一針示現鐵師看已復言善作善穿童子復言此非巧者第六復出一針以示鐵師復言此實最勝最妙善穿時長者子

還取彼針置於手上一一次第下著水中而針志浮時彼鐵師覩是希有未曾見事歡喜踊躍向長者子而說偈言

我未曾聞見 能造如是針 今以歡喜心 嫁女與於汝

尔時佛告優陀夷言優陀夷欲知尔時長者子者今我身是工巧之女今耶輸陀羅是當於尔時我取於彼以爲妻時不以大家不以種姓乃至不以端正故取但以工巧試驗故得今亦復然耶輸陀羅不以種姓端正故得乃至以於工巧而得

佛本行集經常飾納妃品第十四上

尔時釋種所有童子皆志端正殊妙可喜世間少雙多爲衆人之所樂見並皆先通一切諸技無有能勝所謂書畫竿計造印及聞聲著諸神射等一切志解捷利巧智聰明黠慧彼童子內其志達多最爲初首第二難陀第三即是提婆達多唯除於此童子三人餘更無勝

時迦毗羅城內有一釋種大臣姓檀

荼氏名曰波尼彼臣大富錢帛豐饒
資財脩具如法而得不違理求五穀
七珍積如山岳二足四足象馬牛羊
奴婢僕僮作使受雇衆事自滿皆悉
充盈復更別有無量无邊金銀琉璃
摩尼真珠車渠碼瑙珊瑚琥珀如是
等寶須者稱心無所乏少彼之大臣
家內猶如毗沙門宮無有異也時彼
波尼有於一女名瞿多弥彼女端正
可喜少雙不短不長不肥不瘦不白
不黑不偉不纖處在幼年為國內寶
時淨飯王聞其化內有釋大臣檀荼
波尼有如是女聞已選擇良善宿曰
即喚國師諸婆羅門使向波尼大臣
之家作如是言聞汝有女名瞿多弥
彼女今可與我太子悉達為妃其難
施父復聞大臣檀荼波尼有女欲為
悉達太子求好為妃聞已亦遣使人
語彼檀荼大臣作如是言汝瞿多弥
可與我子難陀作妻若不與者我必
損汝提婆達多復聞檀荼波尼大臣
有女欲為悉達太子求好作妃彼亦
遣使語檀荼言汝瞿多弥今可媒嫁

與我作妻若不與我我當為汝生於
大禍

尔時檀荼波尼大臣如是思惟此等
三人釋種童子皆悉端正可喜無雙
一切技能並各具足悉達太子家為
第一其次難陀復為第二提婆達多
即是第三我唯一女今若偏與悉達
太子彼二童子必當為我作大怨讎
若與難陀則為悉達及以提婆作於
嫌隙若與提婆達多童子則為悉達
及以難陀搆造怨惡是時檀荼波尼
大臣如是不悅憂惱懷愁顏色不怡
思惟而坐自念我今作何方便時瞿
多弥見父如是默然而坐至其父邊
而作是言阿爺今者何故不樂憂愁
而坐作是語已其父報女瞿多弥言
汝瞿多弥莫問此事非尔所知其女
第二復問父言其父又報非尔所聞
第三復問又報如前乃至第四其女
重問阿爺必定須語女知不得藏隱
尔時檀荼波尼大臣以女懇慫顧問
不已第四乃報其女是言汝瞿多弥
三問於我汝今諦聽我當說之今淨

飯王遣使語我知汝有女名瞿多弥
可嫁與我太子為妃難陀童子復遣
使來索瞿多弥持欲作婦若不與我
必當損汝提婆達多亦遣使人索瞿
多弥欲得作婦若不與我要當生禍
彼三使人如是索汝我聞愁悶作是
思惟與一太子則二童子與我作怨
是故我今悵快不樂懷愁而坐時瞿
多弥語其父言阿爺莫愁我當自作
智慧方便必使一人為我作主事理
雖然阿爺但且放女寬恣我當自嫁
今時檀荼波尼大臣聞瞿多弥作是
言已即奏王知然後乃於迦毗羅城
四衢道頭振鈴告白一切遠近從今
日後至第七日釋種有女名瞿多弥
當求自嫁誰欲取者過六日後至第
七日當共集聚聞此語已至第七日
五百釋種諸童子輩悉達為首皆悉
在於宮門集聚時淨飯王將諸耆舊
釋種大臣復有無量元邊人眾若男
若女童男童女並皆集聚在王宮門
是時悉達所有左右自餘童子所有
左右皆共觀看瞿多弥女取誰作夫

余時釋氏女瞿多彌六日已過至第七日於晨朝時澡浴清淨將好種種微妙之香用途塗其身著於種種雜色衣服種種瓔珞莊嚴其身復著種種香華之鬘多將侍從左右圍遶復有乳母及諸宮監部領導引前後遮擁漸至宮門安庠而行入宮門內彼諸釋種童子難陀提婆達多寂為上首皆於晨朝香湯沐浴以種種香用途其身如前所說莊嚴之事唯除悉達不莊嚴身服於常服唯著耳璫頭上三重細金華鬘時瞿多彌有一乳母語瞿多彌作如是言女欲取誰以為天主其瞿多彌次第觀者五百童子報乳母言阿母當知此諸童子極大瓔珞莊嚴其身猶如婦女我女人意情下所見此相怯弱非是男兒大丈夫相此是婦女媚惑之飾男兒不假莊嚴其身丈夫相者自有服飾悉達太子自身威光不以瓔珞莊嚴其身非假外物用為容飾自有內潤丈夫之相是故我心樂彼悉達以為我夫時瞿多彌右手執持須摩那髮遍歷

大衆向悉達所到已立住將此華鬘
繫悉達頸探已抱項而作是言悉達
太子我今取汝以為我夫悉達答言
如是如是如汝所言是時悉達還復
將一須摩那髮繫於彼女瞿多彌頸
作如是語我今取汝用以為妃汝今
應當作於我妃

時淨飯王見於如是希有之事心生
歡喜踊躍無量遍滿其體不能自勝
時其衆中所有人民或有心中愛悉
達者彼等一切高聲唱喚跳躑躅轉
大叫大呼大歡大喜舞弄珠璣衣冠
服飾自餘諸釋五百童子及其左右
彼等眷屬所圍遶者面失顏色慘慘
無光皆悉不歡佞頭赧愧各懷悵快
四散而還是時悉達稱意所有珍寶
資財衆雜廣營種種禮事莫不辦具
復以種種妙好瓔珞莊嚴顯飾瞿多
弥身即遣使將五百姝女圍遶迎入
宮內為妃娛樂受於五慾之樂

佛本行集經卷第十三

癸卯歲高麗國大藏都監奉

勅彫造

佛本行集經卷第十四

今

常飾納妃品

隋天竺三藏闍那崛多譯

今時世尊於後寂初得成道已時優
陀夷即白佛言未審世尊往昔之時
與瞿多彌釋種之女有何因緣乃能
令彼捨餘童子直取如來用以為夫
而心娛樂云何得今時佛告彼優陀
夷言汝優陀夷至心諦聽其瞿多彌
釋種之女非但今世嫌餘釋童而樂
於我過去世時亦復如是不用彼等
諸釋童子取我為夫時優陀夷即白
佛言唯然世尊願為我說此事云何
我今樂聞

今時佛告優陀夷言我念往昔雪山
之下多有雜類無量無邊諸獸群遊
各各相隨任取所食時彼獸中有一
犍𦍇端正少雙於諸獸中無比類者
彼𦍇如是毛色光鮮為於無量諸獸
求覓欲取為對各各皆言汝屬我來
汝屬我來復有諸獸自相謂言汝等
且待莫共相爭聽彼犍𦍇自選取誰

即為作偶彼獸即是我等之王時諸
獸中有一牛王向於特庖而說偈言
世人皆取我之糞 持用塗地為清淨
是故端正賢特庖 應當取我以為夫
是時特庖向彼牛王說偈答言
汝項斛領甚高大 止堪駕車及挽犁
云何將是醜身形 忽欲為我作夫主
是時復有一大白象向於特庖而說
偈言

我是雪山大象王 戰鬪用我無不勝
我既有是大威力 汝今何不作我妻
是時特庖復以偈答彼白象言
汝若見聞師子王 膽懼驚怖馳奔走
遺失屎尿狼藉夫 云何堪得為我夫
尔時彼中有一師子諸獸之王向彼
特庖而說偈言

汝今觀我此形容 前分闊大後纖細
在於山中自恣活 復能存恤餘衆生
我是一切諸獸王 無有更能勝我者
若有見我及聞聲 諸獸悉皆奔不住
我今如是力猛壯 威神甚大不可論
是故賢庖汝當知 乃可為我作於婦
時彼特庖向師子王而說偈言

大力勇猛及威神

身體形容極端正

如是我今得夫已

必當頂戴而奉承

尔時佛告優陀夷言汝優陀夷應當
悟解彼時師子諸獸王者即我身是
時彼牝席今瞿多弥釋女是也時彼
諸獸現今五百釋童子是當於彼時
其瞿多弥已嫌諸獸意不願樂聞我
說偈即作我妻今日亦然捨諸釋種
五百童子既嫌薄已取我為夫
時淨飯王為其太子立三等宮以擬
安置於太子故第一宮內所有姝女
當於初夜侍衛太子第二宮內其諸
姝女於夜半時供奉太子第三宮內
諸姝女輩於後夜時侍奉太子其第
一宮耶輸陀羅最為上首二万姝女
圍繞侍立

第二宮中摩奴陀羅

摩言意持

而為上首

諸師復言此意持妃唯聞其名不見
現在及往緣事

第三宮內即瞿多弥而為上首如是
次第侍御太子諸姝女等合有六万
復有師言侍太子者諸姝女等合有
十万以為三宮二万总是釋刹利種

所餘八万並是衆雜異姓諸女
時淨飯王念阿私陀仙人所說故於
宮內復更別造一大好殿猶如秋雲
變轉光潤作事微妙實難思議順一
切時而受快樂鈞蘭閣道一切正等
無有偏頗何以故恐畏太子處處遊
行見諸濁穢復教宮內色別置立諸
雜音聲各各千數其中所謂一千笙
篴一千具箏一千五絃一千小鼓一
千具筑一千張琴一千琵琶一千細
鼓一千大鼓一千具笛一千具笙一
千銅鈸一千具簫一千算箏一千具
箏一千具瑟諸如是等一切音聲種
別一千一千種歌一千種舞其手及
聲常於宮內晝夜不絕猶大雲內出
於隱隱甚深之聲如是太子在於宮
妙寂勝妙女百千之中前後圍繞受
諸快樂恭敬侍養一切皆以種種瓔
珞莊嚴其身復以金釧七寶璣串
於手臂而作音聲猶如帝釋受諸玉
女娛樂歌舞寂寂勝妙語言姿媚相
爲相笑相抱相鳴相觀相眄或傾側
頤或斜項者二解顰眉巧閑頰映五

色綺靡四目嬾嬾能令太子歡娛受樂不須遠涉出宮外遊如帝釋天王女娛樂如是如是太子在於女寶之中受諸歡樂乃至其中諸姝女等巧解五慾常能浹弱令太子歡不聽更出至於宮外

時淨飯王為增太子諸功德故建立苦行斷於一切諸邪惡法行一切善布施諸物造衆福業脩行苦行以此善根迴資太子為令增長諸功德故願莫出家是故偈言

大王增長太子故 復以私施授記因
苦行調伏捨諸非 恒共智臣坐思念
如是次第太子在於父王宮內唯獨一人具足五慾娛樂逍遙嬉戲自恣足滿十年不曾外出

今時南方摩伽陀國有一大王姓耆連尼名頻婆娑羅畏懼怨敵心內恒愁集聚群臣常相議論作如是語汝等諸臣出入去來觀境內外莫使更有一人勝我若勝我者恐彼人來奪我王位時諸臣等即差兩人令巡境界時彼二人聞王勅已歷自境內及

隣界首周匝欲還聞有人言從此已
北有一家大高峻雪山彼山麓下有
別種姓稱為釋迦族內初新產一童
子其人端正善得生地兼彼姓氏第
一特尊眷屬豪強衆事具足身有三
十二丈夫相亦復備於八十種好彼
生之日有諸解相婆羅門等以授其
記今此童子身體具有三十二相八
十種好炳著分明其若在家必定得
作轉輪聖王統四天下十善化民七
寶充備不用兵仗自然歸降若捨出
家當得作佛多陀阿伽度阿羅訶三
藐三佛陀十号具足乃至說於清淨
梵行

時彼使人履涉迴還即向其王頻婆
娑羅白於是事乃至梵行如上所說
是故大王及其幼年速當起兵滅彼
童子莫令於後來奪我等大王之位
作是語已摩伽陀王頻婆娑羅即告
於彼二使人言卿等二人莫作是說
何以故若如汝言脫彼童子必定得
作轉輪聖王如法治化我當敬奉伏
接隨從依彼威神我等受樂安隱治

化若彼捨家得作佛者慈悲憐愍度脫衆生我等為其作於聲聞受法弟子今觀如是二種果報福德因緣不可興心加害於彼

時淨飯王於其太子所住宮院周匝別更造立子城唯置一門名為野獸彼門下開安施機發開閉之時有五百人扶持擁衛方得開闔其門聲動聞半由旬次第第二重中院宮閣亦開一門其關鍵鑰皆安機發開閉之時有三百人其聲聞徹一拘盧奢次至內宮太子坐殿復有一門關鍵累關亦安機發開閉擊接有二百人禦備轉嚴非人間以其聲聞及半拘盧奢彼之三門內外悉羅壯士防守身著鎧甲精銳牢強手並執持種種戎具所謂弓箭鉞斧長刀劍戟三叉鐵押鐵棒闔輪槊矛禁衛宮闈如是警嚴恐畏太子捨離柵房踰越出家逃竄山藪

佛本行集經空聲勸狀品第十五

尔時虛空有一天子名曰作瓶彼天見是太子十年在於宮內受五慾樂

作是思惟此之護明菩薩大士縱極

多時在彼宮內受諸五慾莫為貪著

是五慾故心醉荒迷情放盈溢百年

迅速時不待人護明菩薩今須覺察

早應捐棄捨俗出家我若不先為彼

作於耽離之相則彼耽溺未有醒寤

發出家心我今應當讚助其事為成

就故作瓶天子即於夜半而說偈言

身自被縛欲解他 譬若盲人引群瞽

已身解脫乃免彼 猶如有目能導人

善哉仁今年盛時 宜速出家令願滿

應當利益天人等 五欲行者不可耽

沒溺六塵境捨難 唯有出世行大智

乃能耽離此五慾 是故仁今可捐棄

衆生多有煩惱患 仁當為作大醫師

說妙種種法藥王 速疾將向涅槃岸

無明黑暗所障蔽 諸見羅網種種纏

速然智慧大燈明 早使天人得淨眼

今時空中作瓶天子說此偈已威神

感動發勸因緣復以太子宿世善根

福德力故令彼宮內姝女伎兒所作

音聲歌曲不順五慾之事唯傳涅槃

住持信解微妙之聲自然而述說於

偈言

佛本行集經卷第十四 第九張 令

世間事無常 猶如雲出電 尊者今時至
應捨家出家 一切行無常 如瓦坏瓶器
如借他物用 如積乾土城 不久便破壞
猶如夏泥壁 如河兩岸沙 緣生不能久
猶如燈出炎 生已速還滅 如風無暫住
急疾不曾停 恒常無真實 猶如芭蕉心
幻化誑人意 空拳誘小兒 一切諸行者
皆悉因緣生 各各有緣因 愚癡輩不覺
猶如人索繩 手木成因緣 如因子生芽
離子芽不生 二相離不成 復非常無常
諸行因癡生 彼不住無明 无明亦非彼
本性來空寂 生滅無體故 如印成印文
非彼非離彼 諸行亦如是 眼不離於色
識眼色因生 此三不相離 三亦不真實
空淨不淨法 眼等分別生 此顛倒分別
皆悉由識生 若有巧智人 推求識所生
知彼無去來 知我如幻化 如兩木出火
第三因於手 若無此三因 則不得火用
若智推求者 彼亦無去來 諸方尋求已
不見火來去 陰入諸界等 因貪癡業生
和合因衆生 真如無衆生 咽喉唇口舌
而出諸文字 字非是咽喉 亦非離彼等

彼等和合故 出語隨於智 語言不在智
亦復無色形 生處及滅處 智人求不得
所觀悉空寂 語言如響聲 因木因諸絃
人智三合故 笙簧而出聲 彼聲三處無
若有智慧人 求彼聲來去 諸方求覓已
去來不可得 因及有緣者 諸行如是生
有諦了之人 空觀應如是 陰入及諸界
內外悉皆寂 求一切處我 如虛空無形
如是諸法相 仁於定光佛 往昔已證知
今為天人說 顛倒分別故 欲等火焚燒
應起慈悲雲 施甘露法雨 仁昔於億劫
念施及持戒 我得無上道 聖財分諸世
尊者念往昔 聖財施貧窮 以將聖財攝
調御真慳惜 仁昔持淨戒 窮急不偷財
願開甘露門 為諸衆生說 憶念往昔行
當開地獄門 善開解脫路 戒行心願成
往昔修忍辱 聞他毀罵等 建立忍辱故
觀諸行悉空 念此往行故 世間嗔恚多
教住於忍辱 莫捨彼願力 仁者行精進
當得我淨智 在於煩惱海 度衆到彼岸
念於往昔願 拔衆四苦河 出大精進力
度脫厄難等 往昔修習禪 為斷諸煩惱
諸根不調者 教令調伏故 仁念於往昔

愍衆在煩惱 寂靜諸慧等 調伏彼諸根
仁昔修智慧 願破煩惱暗 愍衆在無明
開亦真如眼 仁念於往昔 衆生煩惱瞋
開無濁穢明 仁寂勝智慧 應愍諸衆生
方便教令出

三界生老病火熾

飢渴熱炎不曾休

應當為世作大橋

濟渡令歸到彼岸

衆生流轉煩惱海

猶如蜂在竹孔間

三有猶復若秋雲

上下往還無止息

亦如戲場諸幻化

又似山川逝水流

衆生老病死亦然

或生天人三惡道

諸有慾癡不自在

展轉五道無覺知

猶如陶師旋火輪

處處五欲自纏縛

猶如飛鳥犯羅網

亦如獵師布羈縻

貪他財寶無厭足

如魚吞餌遇釣鈎

諍覓忿怒結怨讎

煩惱染著受諸苦

五慾過患如利刀

亦如妙器盛毒藥

應當棄捨如糞穢

貪著愛戀失正心

是因諸有相續生

增長欲垢不曾斷

六塵境界炎熾盛

猶如乾草猛火燒

速起捨離早出家

智人觀察諸慾境

可畏猶如猛火坑

亦如魁臙屠刀机

亦如深泥忽溺人

利刃蜜塗將舌舐

如觸地頭及攪屏 聖人觀慾亦復然
如箭如槊如劍戟 如毒射肉難可食
一切怨讎慾為首 五慾功德如水月
如影亦如山谷響 亦如戲場衆幻師
猶如夢裏見喜事 智人見慾亦復然
境界諸塵悉空誑 怖畏不能得自在
譬如陽炎無有實 亦如水上聚浮漚
此事皆從分別生 智人應觀如是等
凡人處世年少時 端正可喜著諸慾
及至年老頭鬚白 為衆棄薄如枯河
富貴饒財多放逸 如是之人多樂慾
於後失財貧窮苦 以不自在捨於慾
如樹多饒華果故 衆人竟來慾採摘
人喜布施亦復然 為他歸投無厭足
其人財盡年老至 從他乞求不喜見
色美財多氣力充 人喜愛見聚集樂
財盡行乞人不喜 年過腰脊手執杖
如電折樹無人愛 如是可畏衰老法
汝當速出求正覺 自證已後為人說
老病瘦損諸人輩 如摩竭迦遠大樹
衰老身力無精進 乾枯猶如朽爛木
老耄好色生惡色 怡悅顏面皮膚皺
老壞華色為悴色 欲樂棄樂令無樂

老奪威勢到命終 衆病至如鹿投罟
汝見世間百病已 速斷解脫方便處
猶如冬天風雪雨 摧折樹木軟枝柯
世間老病多種至 諸根損瘦亦復然
老至今人盡倉庫 世間欺苦莫過老
死命鬼奪人氣去 如日沒山不復現
死命令人恩愛離 使人憎嫉不喜會
欲共恩愛之人合 忽失如葉墮大水
死至今人不自由 命去如水漂一草
人到彼世無有伴 隨其業緣而受有
死命鬼飲無量衆 猶如摩竭吞海舟
若金翅鳥瞰大龍 如猛火燒乾草澤
如是苦惱逼切已 大士往昔起弘誓
念彼願力今時至 捨慾應當速出家
憶往昔行檀戒忍及精進 寂靜禪智等
為他不為自 時至今願滿 速出復脫他
仁昔施諸珍 金銀及瓔珞 恒立無遮會
隨他所須願 乞子與其子 索孫即與孫
求女與他女 乞位捨王位 乞資財不違
仁昔作一王 名為大閼德 復一大德王
名尼民陀羅 復名阿私陀 復名為師子
此等諸王輩 布施千種財 昔復有大王
名常思諸法 復一大德王 名為真寶行

此等思惟法 往昔有大王 精進名聞月
復有一王子 名曰福業光 庶幾大威德
得至知恩義 仁昔一大王 名為月色仙
復名健猛將 次名實增長 次名求善言
次名有善意 次名調伏根 如是等諸王
法行大精進 仁往昔作來 仁昔作大王
名為月光者 其次名勝行 其次名連克
其次名方主 其次名健施 次名迦尸王
次名寶賸王 如是諸大王 即仁是非異
種種珍寶貨 來乞皆隨與 仁彼世財施
今勸捨法財 仁昔於過去 見佛如恒沙
彼諸佛世尊 仁悉曾供養 無量供養具
布施無慳慤 求道不休息 衆生解脫故
今正是其時 速出莫住家 仁昔初覩佛
名曰不空見 持畎奢迦華 喜心供養彼
往昔有一佛 名毗盧遮那 一時歡喜觀
往昔有一佛 名曰微妙音 將一呵梨勒
供養彼世尊 往昔有一佛 名曰白栴檀
立於彼佛前 暗然一草莖 往昔有一佛
名曰連兔者 欲入大城時 一掬末香散
次佛名法主 說法唱善哉 聞法言快談
仁稱說無量 尊應當供養 其次觀一佛
名曰普示現 仁見讚歎彼 其次有一佛

名曰熾盛分 仁以歡喜故 觀察彼佛身
又將金華鬘 供養於彼佛 今可憶念彼
勿令心忘失 其次有一佛 名曰光相幢
持一掬小豆 用供養彼佛 往昔有一佛
号名曰智幢 仁持輪迦華 以供養彼佛
次復有一佛 名曰調伏車 仁見彼佛已
於前立讚歎 次佛名寶勝 前然無量燈
施妙無量樂 佛名一切勝 曾施真珠瓔
次見大海佛 布施諸蓮華 至蓮花藏佛
布施大帳蓋 師子兩佛邊 曾施軟草鋪
於娑羅王佛 布施諸所須 到敷華佛前
布施微妙乳 耶輸陀佛所 施拘陀羅華
實見佛觀已 歡喜布施食 昔佛名智山
屈身礼彼佛 有佛名龍德 施彼佛已子
高飛空行佛 曾施旃檀末 次佛名帝沙
珠寶及赤花 曾供養彼佛 見大莊嚴佛
持瞻蔔香華 而供養彼佛 曾見光王佛
持衆寶供養 昔見釋迦文 持妙多銀花
而供養彼佛 其次帝釋相 見已喜讚歎
昔有佛名曰 廣大日天面 多持衆花嚴
供養彼世尊 其次復有佛 号名為勝尊
持妙多銀華 莊嚴彼佛上 往昔有如來
名曰龍勝者 然燈照彼佛 富沙如來邊

曾施白疊敷藥師王佛邊持寶蓋供養
佛名大牟尼復有師子相世尊勝功德
持寶網供養有佛名迦葉雜音聲供養
昔佛名解脫供養雜末香寶相佛世尊
天華而供養阿耨婆諸佛勸請坐像與
世間王尊佛供養以華鬘尸棄佛世尊
捨王位布施有佛名難降一切香供養
大然尊佛邊布施自身體蓮花上佛前
布施諸瓔珞法幢如來上散諸妙花香
然燈世尊邊五青蓮奉施如是等諸佛
自餘無有量難說不思議往昔諸世中
仁並曾供養復持無量種微妙供養具
供彼過去佛無有疲倦心今念彼供養
思惟往諸佛為諸衆生輩生慈解脫故
覺悟莫戀家尊於過世時在然燈佛所
供養彼佛已逮得上無生及獲五神通
復證順法忍於後仁尊者供養佛勝前
僧祇數僧祇如是諸劫數彼諸劫皆盡
諸佛亦滅度仁往昔諸身彼世中所受
種族及名字亦皆悉滅无諸行法非常
世間相不定速捨空誑境疾宜早出城
生老病死隨難當甚可畏猶如劫火起
炎熾燒世間無常火亦然燒盡一切

如是諸苦逼云何可暫停應觀諸衆生
沒在煩惱暗愚癡無慧眼不能自覺知
發大精進心令功德圓滿為諸衆生輩
速出莫住家

時彼宮內諸姊妹女等作音聲時其音
聲內皆出如是諸法之聲欲令太子
厭離世間心生覺悟

佛本行集經出達老人品第十六

尔時作瓶天子欲令太子出向園林
觀看好惡發厭心故漸教捨離於彼
宮中是時宮中所有姊妹女作諸音聲
歌唱疲極自然次第更復讚歎園林
功德其音稱言聖子諦聽園林之地
甚可愛樂所謂其地布青軟草樹木
可喜枝葉扶疎華果敷榮葍藟滋茂
復有諸鳥所謂種種鴻鵠孔雀鸚鵡
鸚鵡及拘翅羅鴛鴦等鳥出於如是
微妙之聲
尔時太子聞是聲已發出遊心即嘆
馭者而謂之言汝善馭者今可速疾
嚴飾莊校賢直好車我今欲向於彼
園林觀看善地是時馭者聞此語已
白太子言謹依命教不敢有違是時

馭者速疾即奏淨飯王言大王當知
太子今欲出向園林觀看善地時淨
飯王出勅宣令迦毗羅城一切内外悉
遣灑掃清淨莊嚴除却土垢砂礫瓦
石穢濁糞聚皆使端平以妙香湯灑
散地上滅諸塵埃又以香泥用塗其
地復持種種香華散上於諸街巷處
處皆燒雜妙好香其諸街巷四衢道
頭置滿瓶水安諸雜華以芭蕉樹處
處莊嚴於諸樹間懸雜色幡復於樹
上或以寶物或以繒綵作蓋作幢用
莊嚴樹樹間復懸真珠瓔珞七寶羅網
而覆其上其羅網目節節復懸金銀
寶鈴和風吹動出微妙聲或以七寶
作日月像及諸天形各持瓔珞廁羅
網間於羅網間又復更懸白猫牛尾
及雜毛等時淨飯王如是教勅雜妙
莊嚴迦毗羅城精麗猶如軋閭婆城
一種無異莊嚴城已復飾園林除却
沙石及諸糞穢乃至交珞懸衆寶鈴
如上所說其諸樹中有男名者以男
瓔珞而莊嚴之若女名者以女瓔珞
而莊嚴之復教打鼓張鈴通告城内

人言汝等恙皆除却道上或老或病或復死亡盲聾瘡痂六根殘缺不具足者恙令駭逐但是心意所不好喜及非吉祥並令除擗勿使太子於路見之是時馭者莊飾車乘駕善調馬恙嚴備已白太子言聖子當知今日已駕被車馬訖了正是行時可乘而出觀看善地

尔時太子從座而起至輦乘所登上寶車上已秉持大王威神巍巍勢力從城東門引導而出欲向園林觀看福地是時作瓶天子於街巷前正當太子變身化作一老弊人偃僂佻頭口齒踈缺鬚鬚如霜形容黑皺膚色黧黹曲脊倚行唯骨與皮無有肌肉咽下寬緩如牛垂頤身體萎摧唯仰杖力上氣苦嗽喘息聲麤喉內吼鳴猶如挽鋸四支戰挑行步不安或倒或扶取杖為正如是相貌在太子前順路而行太子見彼老人身體如是戰慄不祥棄相如上所說於太子先困苦匍匐太子見已即問馭者此是何人身體皺皺肉少皮寬眼赤涕流

極大醜陋獨尔鄙惡不似餘人兼其頭顱髮稀脫落如我所見餘人不然又復眼深與衆特異口齒缺破無可觀瞻即向馭者而說偈言

善馭駕乘汝今聽 此是何人在我前

身體不正頭髮稀 為生來然為老至

尔時馭者因被作瓶天子神力白太子言大聖太子如此人者世名為老太子復問於馭者言世間之中何者名老馭者即事報太子言凡名老者此人為於衰耄所逼諸根漸敗無所覺知氣力綿微身體羸瘦既到苦處被親族駭無所能故不知依怙兼且此人亦不能久非朝即夕其命將終以是因緣故名老壞即為太子而說偈言

此老名為大苦惱 却棄美色及娛樂

諸根毀壞失所念 支節舉動不隨心
尔時太子聞此偈已問馭者言此人為是獨一家法使其如是為當一切諸世間相悉皆如斯是時馭者報太子言聖子當知此人非獨自一家法使其如斯但是一切世間衆生皆有

是法太子復問彼馭者言我今此身
亦當如是受老法耶馭者答言如是
如是大聖太子貴賤雖殊凡是有生
悉皆未過如是老法即今人身具有
如是老弊之相但未現耳太子復問
於馭者言若我此身不離是老老法
未過有是醜陋衰惡相者我今不假
向彼園林遨遊戲笑宜速迴駕還入
宮中我當思惟作何方便得免斯苦
是時馭者答太子言如聖子勅我不
敢違即迴車乘還入於城是時太子
至其宮內坐本座上正念思惟我亦
當老老法未過云何縱逸自放身心
時淨飯王問馭者言汝善馭者今從
太子從宮內出至於園中遊戲觀看
恣情極目歡樂以不其馭者跪報於
王言大王當知太子出遊至於半道
勒駕迴還不到園苑時淨飯王問馭
者言太子何故不至園林中道而返
馭者答言大王當知太子欲向園林
遊戲始至半路忽於道傍見一老人
乃至身體戰慄拄杖或倒或起不能
正行太子如是見彼人已即勒迴車

還入宮內加趺而坐正念思惟時淨
飯王即心念言希有希有此之形相
阿私隨仙授記語言必定真實決恐
太子捨家出家我今宜應更為太子
增益五慾若其廣見五慾之事充足
心眼染著情迷不捨出家稱適我意
時淨飯王即為志達加足種種五慾
諸事悉令增廣使太子心著於愛樂
不聽出家而有偈說

彼宮內中多受樂 欲出遊戲見老人
還入宮內心憂愁 嗚呼我未脫此老
父王聞此語言已 心思畏子捨出家
增益五慾及宮人 令著恩愛紹王位
余時太子在於宮內充足五慾娛樂
遊戲無有疑難尊重貴勝唯獨一人

佛本行集經卷第十四

癸卯歲高麗國大藏都監奉
勅彫造

隋天台三藏闡明多譯

淨飯王夢品第十七

余時作瓶天子以神通力欲令太子
發出家心即於其夜與淨飯王七種
夢相時淨飯王眠卧床上於睡夢裏
見如是相第一所謂夢見有一大帝
釋幢其幢周匝有於無量无邊人舉
從迦毗羅城東門出第二所謂夢見
太子乘十大象駕馭衆車從迦毗羅
城南門出第三所謂夢見太子駕馬
馬車端坐其上從迦毗羅城西門出
第四所謂夢見雜寶莊嚴一輪從迦
毗羅城北門出第五所謂夢見太子
在迦毗羅城之中央大街衢内手執
一提撾打大鼓第六夢見此迦毗羅
城之處中有一高樓太子坐上四面
散擲無量諸寶而其四方復有无量
無邊億數諸衆生來將此寶去第七
夢見此迦毗羅城外不遠有於六人
舉聲大哭號咷流淚各以兩手自拔
頭髮宛轉于地

時淨飯王於夢裏見如是之相心大
惶怖恐畏毛豎遍體戰慄驚悸疑恠
忽然而寤覺已即喚所當宮內諸大
臣來而勅彼等作如是言卿等知不
我於今夜夢見如是大恐怖事七種
次第如前所列皆悉說之復勅語言
汝等善持此等諸夢莫令忘失明日
坐殿可於衆內奏我令知而諸臣等
聞王勅已即白王言謹如王勅實不
敢違天曉王坐即於衆中具以夜夢
諮奏王知時淨飯王問臣白已即出
國內善解占夢諸婆羅門而告之言
汝等大智解我所夢有何果報我夢
如是如前所說彼等大智諸婆羅門
聞王勅已各共思惟量宜可否而白
王言大王當知我等未曾聞如是夢
我等聞已心意迷荒不知此夢有何
果報時淨飯王問諸占夢婆羅門等
作如是語心復憂愁作如是念或我
太子不得作於轉輪聖王莫復得已
而還墜落轉輪王位今我心內極大
憂愁誰能決我如此疑結

余時作瓶天子在於淨居宮殿之內

遇見淨飯大王如是憂愁不樂見已
忽然從彼天宮隱身而來化作一梵
婆羅門身頭有螺髻以髻為冠智慧
聰明端正威少著黑鹿皮以為衣服
立在淨飯王宮門外唱如是言我能
善解淨飯王夢決斷所疑時當門人
聞婆羅門作此語已速疾往詣淨飯
王所長跪諮白淨飯王言大王當知
門外有一婆羅門立口稱是言我善
能解一切諸夢時淨飯王即便勅喚
此婆羅門令入宮中入已歡喜即宣
勅問彼婆羅門作如是言汝巧智慧
大婆羅門今知我不我於昨夕夜半
之時見如是等七種夢相第一見有
一帝釋幢無量无邊百千人民左右
圍繞共舉此幢從迦毗羅城東門出
乃至去此迦毗羅城道里不遠見有
六人舉聲大喚以手拔我今恐怖
心意迴遑夢相既然未知善惡汝可
為我一解之時淨飯王作是說已
默然而住聽其解釋
余時作梵天子即白王言大王當知
王所夢見一帝釋幢有於無量无邊

人民左右圍遶共舉此幢從城東門而將出者此是大王悉達太子與於无量百千諸人左右圍遶當捨太子從宮閣內踰城出家此夢是彼於先瑞相

又復大王所見太子乘十香象駕馭衆車從城南門而出行者彼出家已即便證得於薩婆若及以十力此夢是彼於先瑞相

又復大王所見太子乘馬車從城西門而出行者彼出家已證薩婆若具足而得四無所畏此夢是彼於先瑞相

又復大王所夢雜寶莊嚴一輪從城北門而出行者彼出家已證得阿耨多羅三藐三菩提後於天人前轉於無上微妙法輪此夢是彼於先瑞相又復大王所夢太子在迦毘羅城之中夫四衢道內手執一椎擊大鼓者彼出家已證得菩提轉法輪時諸天各各揚聲唱言其音上徹乃至梵天傳相告知響遍色界此夢是彼於先瑞相

又復大王所夢太子在迦毗羅城之
處中樓上而坐四面散擲種種寶者
彼成阿耨多羅三藐三菩提已於諸
天人八部衆前當散如是衆妙法寶
謂四念處及四正勤四如意足五根
五力七覺八道種種諸法此夢是彼
於先瑞相

又復大王所夢去此迦毗羅城其外
不遠見有六人舉聲大哭手拔髮者
太子出家當得阿耨多羅三藐三菩
提得菩提已而於彼時有諸六師其
心應當生大憂惱所謂富蘭那迦葉
摩婆迦羅瞿奢子阿耆那只奢甘婆
羅波羅浮多迦吒耶那那闍夷裨耶
私致只子尼軋陀若佉子等此夢是
彼於先瑞相

余時作瓶天子為淨飯王解說夢已
白太王言大王宜應心生歡喜勿懷
恐怖憂畏不樂何以故此夢吉祥獲
善果報須自慶幸慎莫有慮如是安
慰淨飯王已忽然不現

時淨飯王聞婆羅門如是解夢說云
吉祥善果報已即為太子更重增加

五慾之具今太子心染著愛戀望不出家。爾時太子在於宮內恣意而受五慾之事不可思議。

佛本行集經道見病人品第十八

爾時作瓶天子復更思惟此之護明菩薩大士在彼宮內著於五慾放逸情蕩已經多時世間無常盛年易失護明菩薩應當早捨宮內出家。我今可先為其作相勸請覺悟。今速欲離如是念已作瓶天子神通力故亦是護明菩薩大士宿福因緣坐於宮內忽然發心欲出園林觀看遊戲。爾時太子召喚馭者而告之言謂善馭者汝可速疾莊嚴好車我欲出城向於園苑遊戲。悅目觀看叢林是時馭者白太子言如聖子勅我不敢違。馭者既聞太子如是教令語已即往奏白淨飯王言大王當知太子今欲出向園林觀看善地時淨飯王出勅宣令國內人民悉使莊嚴掃灑清淨迦毗羅城並遣除却一切諸草沙礫荆棘朽木土垢糞穢臭處皆令平坦乃至園內所有女名樹木之音還令

以女瓔珞之具而莊嚴之男名樹木
以男瓔珞而用校飾乃至道上於太
子前或老或病不聽出現莫使太子
見已生於厭離之想是時馭者莊校
車已進太子言已嚴車訖唯願聖子
善自知時是時太子即乘寶車乘已
執持大王威神巍巍盛德從城南門
漸漸而出欲向園林觀瞻嬉戲
今時作瓶天子即於太子前路化作
一病患人連體困苦水注腹腫受大
苦惱身體羸瘦脰脰纖細瘦黃少色
喘氣微弱命在須臾財糞穢中宛轉
呻喚不能起舉欲語開口纔得出聲
唱云叩頭乞扶我坐是時太子見彼
病人乃至口言唱扶我起太子見彼
病患人已問馭者言謂善馭者此是
何人腹肚極大猶如大金喘息之時
身遍戰慄脰脰纖細身體羸瘦黃
無色或復唱言嗚呼阿孃或復稱言
嗚呼阿爺悲切酸楚不忍見聞依託
他身方能起止時作瓶天子以神通
力教馭者報於太子言願聖子聽此
名病人太子復問彼馭者言稱病人

者此是何名馭者報言大聖太子此人身體不善安隱威德已盡困篤无力死時欲至無處歸依父母併亡無處告訴已无歸依無告訴故此人不久自應命終欲得求活極大困苦必當不濟望覓老日無有是處唯待時耳大聖太子以是因緣故名病也而有得說

太子問於馭者言 此人何故受是苦馭者奉報於太子 四大不調故病生太子復問於馭者言此人為當獨一家法為當一切世間衆生悉有是法馭者報言此之病法非獨一家一切天人衆生雜類皆悉未免太子復言我亦此病未過未脫會當似彼成如此事嗚呼可畏太子即告其馭者言謂汝馭者若我此身不脫是病具茲病法難得度者我今不假至彼園林遊戲受樂可迴車駕還入宮中我當思惟馭者答言如太子勅是時馭者既受教已迴車向宮是時太子還入宮內端坐思惟我亦當病病法未現豈得縱情

時淨飯王問馭者言太子遊園受歡
樂不厭者報言大王當知太子欲向
城外出遊觀看池沼而於半路見一
病人乃至口言願扶我起見已即勅
迴車而還宮中靜坐思惟繫念時淨
飯王聞此語已心內思憶阿私陀仙
授記之語決定真實太子莫復捨家
出家我今可為太子更加五慾之事
增長太子令著五慾不捨出家時淨
飯王即益太子五慾之具復倍增長
而有偈說

太子久住宮閤中

欲出向園受五慾

路見一瘦羸病者

便生厭離慾想迴

端坐思惟老患因

我今未起何得樂

色聲香味等諸觸

寂妙寂勝不可厭

大士昔行善業緣

今受極樂無有比

如是次第太子在於宮內之時具足

而受五慾功德晝夜無絕

佛本行集經路逢死屍品第十九

尔時作瓶天子復於一時發如是念
此之護明菩薩大士在於宮內極意
歡娛今時已至護明菩薩宜早出家
我今可為彼大士故勸請令出厭離

五慾捨家出家是時作叛天子心欲
勸發於護明故作意令從宮內而出
向彼園林觀看善地是時太子告馭
者言謂善馭者汝可速駕駟馬寶車
我欲出城詣園遊戲是時馭者聞太
子命即疾往奏淨飯王言大王當知
太子欲出觀看園林時淨飯王勅令
莊嚴迦毗羅城掃灑街巷荆棘沙礫
朽木土埤糞穢瓦石皆悉淨除乃至
園內所有諸樹是女名者女璫瑤嚴
男名字者男璫瑤飾復振鈴鐸唱如
是言莫令更有一人不祥在太子前
或者或病乃至太子眼見之後生於
獸雜是時馭者即為太子嚴備好車
車訖唯願知時太子坐車或神大德
從城西門出向於外觀看園林時作
叛天子於太子前化作一屍卧在林
上衆人昇行復以種種妙色莖衣張
施其上作於斗帳別有無量元邊姻
親左右前後圍遶哭泣或有散髮或
有椎胸或復拍頭交橫兩臂或復二
手取於塵土持塗面頤或出種種悲

咽音聲淚下如雨大叫號慟酸哽難
聞太子觀之心懷慘惻問馭者言謂
善馭者此是阿誰卧之牀上以種種
華莊嚴園遶乃至雜色苴摩衣服作
於斗帳人昇而行大衆同逆稱冤叫
哭說偈問言

王子妙色身端正 問善馭者此是誰
卧於牀上四人昇 諸親園遶叫哭哭
尔時作叛天子以神通力令善馭者
報太子言大聖太子此名死屍太子
復問善馭者言死屍是何馭者報言
大聖太子此人已捨世間之命無有
威德今同石木猶如牆壁無有別異
捐棄一切親族知識唯獨精神自向
彼世從今已後不復更見父母兄弟
妻子眷屬如是眷屬生死別離更無
重見故名死屍向於太子而說偈言
已捨心意等諸根 屍骸無識如木石
諸親號咷暫園遶 恩愛於此長別離
太子復問善馭者言謂善馭者我亦
有此死法以不又此死法我已起未
馭者報言大聖太子太子尊身於此
死法亦未免脫世間一切若天若人

所有親族眷屬識知各各有是別離之事彼不見此此不見彼而說得言一切衆生此盡棄 天人貴賤平等均雖處善惡諸世間 無常至時無有異 今時太子聞說此已報馭者言若我此身同有是死死法未過又我即今不得見天及以天中所有眷屬彼等又亦不見於我我今何假向彼園林遊戲快樂可速迴車還入宮內我當思惟是時馭者聞太子命如是言已即迴車駕還向宮中今時太子至宮內已端坐思惟我當必死既未能得超越死法繫念默然思惟如是世間果報會歸無常而太子初欲入宮時有一無智愚癡相師立在大王宮門之外熟視瞻仰太子面顏上下形容丈夫之相大聲唱言汝諸人輩一切當知從今日後至七日內此之太子七寶自然成就來應時淨飯王問馭者言汝善馭者引導太子至園林中頗得稱心受歡樂不馭者長跪奉報王言大王當知太子今出不至園林時淨飯王問馭者言太子何故不至

園林馭者白言大王善聽太子出宮於其中道見一死人卧在牀上四人扛舁乃至親屬圍遶哭泣見已即迴還入宮內思惟不樂時淨飯王聞此語已心內思惟阿私陀仙所記必實太子莫復捨我出家我今可更增益太子五慾之事令其染著勿使出家時淨飯王與其太子增加服玩種種充足而有偈說

無量劫海功德行

太子以見命終人

心大悵快懷憂愁

還入宮內思當死

昔置此城宮殿妙

太子年盛極端嚴

五慾稱心甚自娛

猶在十目歡喜苑

如是次第太子在於宮內具足而受

五慾恣意歡喜

佛本行集經耶輸陀羅夢品第三十上

尔時作瓶天子見太子出觀死屍迴

歇離世間五慾之事還宮內坐經六

日後復更如是重思惟言此之護明

菩薩大士以著五慾心迷放逸不肯

棄捐今時已至護明菩薩應須速疾

捨離出家我今可為作勸請緣時作

瓶天子為發太子出家心故亦是作

瓶天子宿福因緣感動自令太子興
意欲向園林內遊

尔時太子召喚馭者而勅之言謂善
馭者急嚴駕乘我欲入園馭者受命
即往啓奏淨飯王言大王當知太子
今欲出向園林遊戲觀者時淨飯王
勅令清淨種種莊嚴迎毗羅城如前
不異乃至振鐸告城內言莫使一人
在太子前老病及死六根不具令太
子見生獸離心馭者受教進好賢車
太子知時即坐車上威德尊重從城
北門引駕而去

尔時作瓶天子以神通力去車不速
於太子前化作一人剃除鬚髮著僧
伽梨偏袒右肩手執錫杖左掌擎鉢
在路而行太子見已問馭者言謂善
馭者此是何人在於我前威儀整肅
行步除塵直視一尋不觀左右執心
持行不以餘人剃髮剪鬚衣色紺赤
以樹皮漆不同白衣鉢色紺光猶如
石黛時作瓶天子以神通力教彼馭
者白太子言大聖太子此人名為出
家之人太子復問彼馭者言稱出家

者此行何行馭者報言大聖太子此人恒常行善法行遠離非行善平等行善布施行善調諸根善伏自身善與無畏能於一切諸衆生邊生大慈悲善不恐怖於諸衆生善不煞害於諸衆生善能護念於諸衆生太子以如是故名爲出家太子復問彼馭者言汝善馭者此人善能造作諸業何以故言法行者此是善行乃至善能不害衆生是故汝今將車向彼出家人邊馭者承命白太子言如太子勅即引車向出家人所是時太子至已諮問彼出家人作如是言尊者大士汝是何人時作瓶天子以神通力教彼出家剃髮之人報太子言太子我今名爲出家之人太子復問仁者何故名出家人彼復報言太子我見一切世間諸行盡是無常觀如是已捨於一切世俗衆事遠離親族求解脫故捨家出家作是思惟行何方便能活諸命此事知足善行法行乃至善能不行煞害一切諸命太子以如是故我名出家太子又言仁者所爲此

業大善汝若能觀一切諸行是無常
法能知如是乃至善與一切衆生无
怖畏者乃至心能不起煞害於諸衆
生又能活命施其安隱而有偈言
觀見世間是滅法 欲求無盡涅槃處
怨親已作平等心 世間不行慈等事
隨依山林及樹下 或復塚間露地居
捨於一切諸有為 諦觀真如乞食活
尔時太子為敬法故從車而下徒步
向彼出家人所頭面頂礼彼出家人
三匝圍遶還上車坐即勅馭者迴還
宮中是時宮內有一婦人名曰鹿女
遙見太子歸來入宮因於欲心而說
偈言

淨飯大王受快樂 摩訶波闍無憂愁
宮內姝女極姝妍 誰能當此聖子戲
尔時太子聞此所說偈頌聲已遍體
戰慄淚下如雨心內愛樂涅槃之樂
清淨諸根趣向涅槃而作是言我今
應當取彼涅槃我今應當證彼涅槃
我今應當行彼涅槃我今應當住彼
涅槃

尔時淨飯王在官殿內諸臣百官左

右園遶太子忽然入到王邊合十指
掌曲躬而立白父王言唯願大王今
可聽我我欲出家志求涅槃大王當
知一切衆生皆有別離時淨飯王聞
其太子作是言已如象搖樹遍體戰
動支節怡解淚下盈目語聲嗚咽報
太子言我子太子此意且停子今非
是此出家時我亦曾經年少之時諸
根動時而亦未見世間衆患不行法
行又亦未曾見諸惡欲而行苦行子
起是心甚不堪忍我子童子年少之
時心意未定諸根未伏而欲住彼阿
蘭若時不堪苦行我子童子待我年
老我若時至欲行法行我當捨國付
子王位而入空閑行於苦行我子童
子若子反逆不順我心違我語言行
於法行子於現世得不善法以違尊
語是故我子此精進心且急捨離住
於宮中安意家內行於俗法我子童
子凡世間人先須受於五慾之樂然
後發意向出家心太子報言大王
今者不可得障子出家心何以故辭
如有人從彼焚燒熾然猛焰火宅之

中欲走出者此是健人不可遮斷大王諸有生者會有別離若人覺知世間之中皆有別離而不能捨別離法者此非善利又如有入作事不成死時將至而不疾為此非善智即為父王而說偈言

若觀一切決無常 諸有之法終散壞
寧忍世間諸親別 死命欲至事須成
時淨飯王更復懇懃重語太子我子
童子決定不得捨我出家又諸大臣
依昔世論各以所見諫太子言大聖
太子可不聞乎劫初已來韋陀論中
昔諸王輩年少之時各在自境如法
治化至年老時嫡胄相承各將世子
以紹王位然後向山修行法行以是
義故大聖太子不得獨違先王之法
時淨飯王聞諸大臣作是語已淚下
如雨一心諦觀太子之面眼睛不瞬
是時太子心內狐疑憂愁不樂還入
宮中太子至宮諸嫔女等遇見太子
皆悉歡喜從坐而起或手合掌或面
嬌姿或舞或歌或身承奉見太子坐
各以慾心嫉態熾盛圍遶太子相共

娛樂如自在天在於宮內威德巍巍
衆相顯赫歡樂亦然

尔時太子以共同生諸相諸好一齊
等者恒常莊嚴日夜遊戲又見太子
如是諸相顯赫炳著心生如是希有
之想此是月天自下於地彼等姝女
見於太子如是相貌極起羨心或復
揚眉或有目視或口警語或手相招
以是太子威神力故今其慾心不能
熾盛復不能笑太子亦從父王邊出
時淨飯王即喚馭者而告之言謂善
馭者太子不至彼園林乎馭者報言
大王當知太子欲向彼園林中於其
半道見有一人剝除鬚髮身服漆衣
執杖持鉢見彼人已迴車入宮端坐
思惟

尔時淨飯王聞是語已如是思惟大
仙私施言不虛妄定恐太子捨家出
家我今更可增益王慾令其涂著勿
使出家時淨飯王更加王慾教住宮
內心受快樂不許出家重說偈言

太子道見出家人 身體著衣樹皮漆
觀已志求無上道 深心唯樂在出家

觀老病死苦無邊

又見出家乞食活

厭離世間捨三患

慕樂解脫求無為

生老病死諸瘡疣

太子欲離彼等苦

道上見彼出家者

心生大喜此是真

欲捨貪等諸惑根

我應剝除入山藪

太子欲求至真法

見彼沙門大喜歡

乘善駟馬調御車

欲出三界故觀死

半路見彼捨俗服

心喜此是上菩提

余時淨飯王更為太子廣設五慾所

有功德事事加益恚使增多復於舊

宮城郭之外四面周匝守護牢防別

更築於崇巨高壘遠於舊院坑塹極

深其墻塹頭安置種種七寶羅網羅

網節目悉懸鳴鈴宮閤門扉嚴加禁

衛晨夕出入開闔之時使有大聲聞

徹四遠門外復置無量兵車象馬及

人團隊相捉皆被轡甲恚使精牢其

次復於宮院之外安置無量百千壯

士形容端正可喜無雙恚能破他所

有怨敵身帶甲冑手執三叉弓箭長

刀戟稍鑕棒諸如是等種種武仗防

護太子內外城門復教宮內嚴加約

勒諸婢女等晝夜莫停奏諸音樂顯

佛本行集經卷第十五 第三張 今
現一切娛樂之事所有女人幻惑之
能悉皆顯現以愆枷縛使著慾心勿
捨出家

佛本行集經卷第十五

癸卯歲高麗國大藏都監奉
勅周造

佛本行集經卷第十六

今

耶輸陀羅夢呿下

時天竺三藏闍那崛多譯

尔時國師有於一子名優陀夷

時言

聰明智慧衆論辯巧時淨飯王即遣

喚彼優陀夷來來已王語作如是言

汝優陀夷點慧多智今可往侍悉達

太子以方便力教我太子令心安隱

愛樂宮中勿使厭離捨慾出家時淨

飯王更復召喚一切釋種眷屬聚集

而語之言汝等宗族我意疑慮悉達

決定不住家居汝等今者佐助於我

作何方便令其不離時諸釋種報大

王言我等詳共守護太子其有何力

能強出家

尔時淨飯王及諸釋種於迦毗羅城

東門外安置五百勇健童子善能用

兵巧解神射多有方便悉皆大力猶

如壯士力敵少雙一一童子有五百

車而自圍遶一一車邊復有五百勁

捷壯夫各各圍遶如是次第南西北

門亦復如是乃至各有五百人防如

上所說復有宿老諸釋大目志皆各住十字街巷四衢道頭遮共守護志達太子時淨飯王別置五百最勝壯健諸釋侍官其身悉皆帶持鎧甲乘象乘馬四面圍遶淨飯王宮各各在於閤門內外通夜持更

尔時國大夫人摩訶波闍波提憍曇弥在於宮內集聚姊妹女而語之言汝等當知從今已去晝夜莫睡將諸明寶置高幢上勿令夜暗又復處處別然蕕油香燈蠟燭恒教覆火勿使滅無諸門管鑰好牢關閉非時不得令人橫開身體莊嚴皆著瓔珞各各連手猶如鈎鎖相捉而住圍遶太子莫聽浪行若執弓刀或持叉棒或拄戟槊如是坐立或執或對種種器仗晝夜用心勿令不覺太子行動彼若出家我宮空虛無可娛樂

時優陀夷國師之子侍衛太子入儲宮內見於太子住在殿中思惟而坐宮內姊妹女皆悉默然見如是已語彼諸女作如是言汝等一切巧解談論語言戲謔善承人意變惑為歡端正

可憐世間無比各各自有如是伎能
今日去何默然而住可忘失耶如是
功能應當如彼北鬱單越國土所作
莊嚴之事又復汝等堪為北方毗沙
門天護世大王而作妃后況復人間
宮內不堪汝等嫖女豈可令此太子
離慾若如汝等猶能令於真正聖人
教行五慾況復今日不能令此釋迦
太子染著世間汝等嫖女能作美言
迴怒令喜巧取他心婦人之身所有
方便幻惑之術假使女人亦能行慾
況復男兒不著汝等若世間人得共
汝等同於一處能不行慾終無是處
而說偈言

汝等嫖女輩 大有方便力 巧能幻惑他
善示汝境界 假使離慾人 真正諸仙等
得見於汝者 必應生慾心 況復此太子
觀汝等娛樂 不能行五慾 終無有是處
如是汝等自境界中巧解方便我見
汝等具足皆有如是方便而遂不能
令王太子於汝等邊慾心染著我甚
不悅汝等更可人人加意出巧方便
而令悉達太子見已於汝等邊別生

慾心勿令耽離汝等姝女可不聞乎

昔迦尸國有一仙人名提波耶那

隋言姪上生

被孫陀梨姪女誑惑而彼仙人如天

無異諸天猶尚不能奈何彼孫陀梨

姪女惑故隨彼步行來入城中又復

往昔有一仙人名為獨角仙人之子

生小已來未經欲事當於彼時有一

姪女名曰商多

隋言

誑惑彼仙遂令

失禪及五神通又復昔有仙人名曰

毗商蜜多

隋言

多時苦行經於十年

無所歆食當於彼時有一姪女名弥

迦那

隋言

極大端正彼仙亦復被其

誑惑諸如是等大神仙人多有被於

諸姪婦女之所誑惑牽取教行世慾

之事況復今日患達太子盛壯少年

身體柔軟大王之子善解諸事汝等

至心承事供奉令於汝等生染著心

勿使其斷王之體壞彼等姝女於國

師子優陀夷邊聞是語已向於太子

示現種種巧媚幻惑今生增上勝妙

欲心或有姝女示現儻形或有姝女

出微妙聲唱頌歌讚或作音樂或出

可笑奇異面形或造百種語言辭句

或復有於太子之前示現逶迤巧妙
行步或復有將雜異種種妙好鮮華
以奉太子或作種種百和之香塗太
子身或於口中吹拍造作種種鳥聲
或復謠白作如是言聖種王子願聽
我等所作種種世俗慾情語言譌調
而王太子在於宮內聞如是等諸種
慾戲作是思惟世間之中被於苦逼
所謂生老及病死等惱患既然不知
厭離捨彼等苦求歸依處我今云何
巧作方便能捨此等世間諸苦生老
病死又復彼等諸姝女輩多種示現
歌儻音聲或復種種諸妙慾事而彼
患達太子見已不生希有戀著之心
時宮女中有一姝女自手將一末利
華鬘前出繫於太子頸下而太子眼
熟視不瞬觀彼女人即還自解末利
華鬘解已手持從窓牖中擲棄於外
時國師子優陀夷見太子端坐正念
思惟不著世間有為境界又不染愛
妙色聲香如是見已其優陀夷聰明
智慧巧解種種殊方善論諫太子言
大聖太子我被大王勅來至此友娛

太子我今諮白願太子聽我以太子
於世事中心意不動而說偈言
我略說友相惡諫善勸行厄難相救濟
是名真善友

時優陀夷說此偈已復作是言大聖
太子我今既是聖子之友諸事好惡
須共平量見異默然而欲捨我不名
為友是故我今欲向太子有所諮白
依如友心唯願領納太子當今盛壯
年少我今觀看太子之心不作善事
而欲捨離諸婢女等嫌恨其邊有何
可惡凡繫縛心隨順是也愛著之情
慇懃為本婦女之體唯以丈夫敬重
為歡若太子心必不愛著五慾之事
世間富貴榮華是難但當以口美言
善語慰喻宮人令其意悅而說偈言
婦人敬是樂敬為樂取上無敬唯有色
如樹無有花

余時太子從國師子優陀夷邊聞是
語已即作種種善巧語言長慰之聲
猶如雲陰隱隱雷震微妙之聲猶如
善美和合音聲柔軟報答優陀夷言
汝優陀夷我亦知汝為我良朋為我

善友好心開發諫曉我意我今亦知
汝意向我親密厚重我今亦不違逆
汝心汝今見我有如是過我今順汝
但我非是不知世間五慾之樂我觀
世諦一切諸事了達分明我以世間
無常敗壞以是義故此處可畏心意
不樂而說偈言

世榮雖快樂有生老病死此四種若無
我心誰不樂

是時太子說是偈已復更重語優陀
夷言汝優陀夷當觀於此諸姝女等
既被老耄盛壯色已各各相覩意不
喜樂况有癡人欲於是處生愛樂心
而說偈言

生老病死法住此生老病若住生樂心
共鳥獸無異

尔時太子共國師子優陀夷等往復
來去言論之時日遂至没太子既見
日光没已便入宮中共諸姝女行於
五慾快樂歡喜相共聚集團圍遶而住
其太子妃耶輸陀羅即於是夜便覺
有娠又當其夜太子姨母憍曇姓氏
摩訶波闍波提眠中夢見一白牛王

在於城中揚聲吼喚安庠而行無有一人能當彼前而作障尋又復其夜淨飯大王亦夢城內處中豎立一帝釋幢以多雜種衆寶莊嚴復持種種瓔珞校飾壯麗猶如須彌山王從地踊出在於虛空彼帝釋幢其中又復出大光明四方皆悉周匝照耀又復四方興起大雲俱來至於帝釋幢上降注大雨霏霏灌注彼帝釋幢又於空中雨於種種無量无邊妙華之雨其帝釋幢周匝復有无量種種微妙音聲不作自鳴更復有一鮮白金蓋衆寶為竿黃金為子端正可喜自然覆於帝釋幢上四方復有四大天王及諸眷屬來向城中開門將彼帝釋幢出

尔時其夜耶輸陀羅疲極睡眠無所知曉卧夢覩見有二十種可畏之事心戰身動恐怖不安疑恠驚惶忽然而寤時太子問耶輸陀言汝耶輸陀何故如是驚怖戰悸氣喘心忪忽尔而起何故如是汝耶輸陀今者又不在于尸陀林又復不為諸屍所繞亦不

在山不居曠野今此城內無量元邊
兵仗守護在於王宮此處深牢不懼
野獸亦復不慮盜賊來驚此中安樂
是無畏處我今見汝耶輸陀羅心大
驚怖心大憂愁心生疑畏忽然覺寤
此事何因

尔時太子妃耶輸陀淚下如雨恐怖
悲咽報太子言大聖太子我於今夜
夢見如是二十種變唯願諦聽我當
說之

聖子我向夢見一切大地周匝震動
聖子次復夢見有帝釋幢倒於地
聖子次復夢見虛空日月及諸星宿
悉皆墮落

聖子次復夢見有一取大鮮潔傘蓋
是我從來依蔭之處守護我者憐愍
我者而被婢生車匿之子忽以壯力
奪我將行

聖子次復夢見我頭駸駸為彼諸寶
所莊嚴者刀截而去

聖子次復夢見我身體上所有瓔珞
為水所漂

聖子次復夢見我之身形微妙端正

忽成醜陋

聖子次復夢見我身體上所有手足
自然墮落

聖子次復夢見我此身形忽然赤露
聖子次復夢見我之從來常所坐牀
我坐之時承事聖子彼牀忽然自踏
於地

聖子次復夢見我常所共聖子眠卧
受樂之牀彼牀四脚並皆摧折

聖子次復夢見有一衆寶所成大山
纖利四楞無量高峻被火所燒崩頽
墮地

聖子次復夢見淨飯大王宮內有一
微妙之樹被風吹倒

聖子次復夢見明月圓圓衆星圍遶
在此宮中忽然而沒

聖子次復夢見淨日照明千光圓遶
在此宮內忽然而沒彼隱沒後世間
黑暗無有光明

聖子次復夢見此宮城內有一火炸出
向城外

聖子次復夢見此城從來所護之神
遍體種種瓔珞莊嚴可喜端正彼忽

悲啼舉聲大哭住在門外

聖子次復夢見迦毗羅城忽為曠野
可畏如夜心無處樂

聖子次復夢見迦毗羅城所有諸池
水悉皆濁所有樹林華果枝葉並皆
墮落遍散於地無可觀瞻

聖子次復夢見所有壯士手執刀杖
身著甲鉾周匝四方交橫馳走聖子
我見如是二十種夢心大恐怖驚疑
不安此何徵祥為凶為吉是何果報
為復我身壽命欲盡為共聖子思愛
別離是故我今心如撞搗戰動忙怕
不能自持於睡眠中忽然驚起

尔時太子聞此語已自心思惟我今
不久捨世出家是故今此耶輸陀羅
見於如是大恐怖夢是時太子即報
其妃耶輸陀言妃耶輸陀汝雖見彼
一千帝釋幢崩倒卧地於汝何傷設
復見於一千日月及諸星辰墮落於
地汝亦何苦雖見千傘婢生車匿力
竭將行既是夢事非關白日汝心何
亂不假憂愁汝善大妃莫驚莫怖莫
作分別世間法中自有如是虛妄之

夢不須懷愁但當安隱依常眠睡汝
善大妃年時嫩少身體柔軟為余憂
懼恐畏疲勞耶輸陀羅以受樂身未
曾經苦既聞太子如是語已還卧而
眠太子為欲安恤慰喻耶輸陀故以
五慾樂共相娛樂更同睡眠

余時太子其夜自復見五大夢第一
夢見席此大地持用作檣以須弥山
安為頭枕東方大海安左手臂西方
大海安右手臂南方大海安置兩足
第二夢見有一草莖名曰建立從臍
而出其頭上至阿迦臍吒

第三夢見有四飛鳥作種種色從四
方來在於太子兩足之下自然變成
純一白色

第四夢見有四白獸頭皆黑色從足
已上乃至膝頭舐太子脚

第五夢見有一糞山高峻廣太子
自身在彼山上周匝經行不為彼糞
之所汙染

佛本行集經捨宮出家品第二十一上

余時太子在於宮內夜睡眠時有一
宿衛守宮之臣告諸一切持更人言

汝諸人輩行更之時宜各如是喚金

毗羅

金毗羅者
所言可畏

或喚目帝羅

目帝羅者
所言解脫

或

喚鶯伽那

鶯伽那者
所言莊嚴

汝等人輩在此已

不彼等報言我等在此是時大臣復
更語彼諸人輩言汝等並宜用心持
更汝等並宜用心持更今夜已深所
有諸類或住水中或居陸地或在樹
上或處窟間或山谷傍或屋舍裏皆
悉疲乏染著睡眠汝等諸人今夜持
更悉執器仗共守門閤應須警慎好
加製持自餘當鋪持更之人莫令睡
眠大王嚴重有如是勅何以故恐畏
太子捨此城邑剃髮出家若保宮內
此聖太子必當得作轉輪聖王統四
天下大仙國師如是授記作是語時
初夜已過至於半夜漏刻之人大唱
而言我聖大家恒常尊勝願我大家
長命吉安初分已過次入中夜漏刻
未半尔時色界淨居諸天下來至於
迦毗羅城是時城內所有人民皆悉
迷悶沉重睡眠淨飯王身并諸左右
及太子既當馬諸臣宮人婢女皆悉
迷惑疲乏重眠是時衆中有一天子

名曰法行來至宮內以神通力令諸
姝女身體服飾縱橫不正或復褰袒
不能收斂其中或有諸姝女輩或以
手柱顙頤而眠或有姝女擲却筵篋
置於一邊而身倚卧或有姝女以其
兩臂抱鼓而眠或以兩手內著窓中
而其半身露出而睡其中或有各以
兩臂相抱而眠或有姝女目睞不交
睛瞳眈眈熟視而睡或有姝女倚諸
瓔珞垂簾而眠或有宮人形容端正
從來俯仰具知著慙一切功能皆悉
備足今以重睡因緣所經放氣出聲
大小麤細臭處遶勃都不覺知或有
脫身諸瓔珞具或有擲却諸雜華鬘
或棄衣裳張目而眠猶如死屍一種
無異傍人觀者不作活想或有仰卧
長展手脚張口而眠或有乱擲手脚
一邊交橫而眠或有拳縮手臂脰脰
繚綆而眠或有立地倚壁而眠身體
掉動猶如醉人或有覆頭鼾睡而眠
或有蹲坐縮項而眠或有面孔青白
失色極醜而眠或有姝女以細腰鼓
懸於項上絡腋而眠或有姝女以於

等篋搭項而眠或有嫁女齧齒齧齒
鳴喚而眠或有垂頭調語而眠或有
伏面猶如塚間死屍而眠或有失於
大小便利不淨而眠

余時太子忽然而寤觀其宮內蠟燭
及燈或如拳展或如辟大顯赫朗耀
極其光明見諸宮人如是睡卧或執
銅鈸笙瑟笳蕭琴筑琵琶等笛蠶貝
口出白沫鼻涕涎流見如是等種種
相貌見已太子作是思惟婦人形容
止如是耳不淨惡露有何可會外飾
粉脂瓔珞衣服華鬘釵釧假莊嚴身
癡人不知橫被誑惑於色境界妄生
慙心若有智人正念觀察婦人身體體
性如是空無有主猶如夢幻是中應
無有人可得放逸生貪以邪念故元
明所縛而說偈言

世間不淨衆惑迷 無過婦人之體性
衣服瓔珞莊嚴故 愚癡是邊生慾貪
有人能作如是觀 如幻如夢非真實
速捨無明勿放逸 必得解脫功德身
余時太子更復專念如是思惟咄哉
世間有是大患咄哉可畏有何可貪

以慈哀心愍衆生故舉聲大哭此處
繫縛愚癡之人猶如屠兒割斷諸命
此處不淨愚癡之人妄生愛樂如盡
瓶中盛滿糞屎此處虛假愚癡之人
埋沒沉滯猶如弱泥溺於諸象此處
臭穢愚癡之人以為香美猶如猪在
廁溷之中此處空誑愚癡之人橫生
染著猶如狗抱無肉骨頭此處損害
愚癡之人爭競投入猶如飛蛾奔赴
燈燭此處有毒愚癡之人貪著愛好
猶如魚鼈吞食餌鈎此處萎黃愚癡
之人樂著親近如濕生華離水日曝
此處危脆愚癡之人行來履涉猶如
老牛入在深泥此處懸嶮愚癡之人
墜墮沒陷猶如盲者落大峻崖此處
循環愚癡之人流轉生死猶如瓦匠
旋器之輪此處纏綿愚癡之人被其
繫縛如犬著枷不得自在此處無潤
愚癡之人被炙乾枯猶如夏天盛熱
旱草此處衰耗愚癡之人日就消滅
猶如月虧漸將至末此處無利愚癡
之人善根用盡猶如博戲輸他錢財
余時太子如是觀察諸姝女身復更

思惟我今分明見如是相應當歡喜
勇猛勤劬發精進心增長福德起弘
誓願濟拔世間無救衆生為作救護
無養育者為作歸依无舍衆生為作
室宅今所辦事已現我前不久決當
得果斯志何以故此諸婢女皆捨著
慙著重眠睡

尔時作瓶天子於夜半時既見太子
睡眠已覺安庠而至向太子所白太
子言太子往昔成就具足真實之事
又復太子昔在人間發如是心願我
捨身生兜率夫太子彼願時節已過
又復昔時在兜率天願生人間受於
母胎彼願成滿在胎之時願早生出
彼願亦畢生已增長在於宮中童子
受樂遊戲自在彼願又過弱冠之時
欲得精勤學諸技藝彼願已成壯年
縱心欲受世樂彼願現驗不亘久就
今日一切諸天諸人願令太子捨離
出家修學聖道

尔時太子聞彼作瓶天子如是語已
即自著其八千億斤金價衆寶所作
草屣串於脚已欲起迴顧觀其所坐

合檮寶牀而發。如是大語言云。此是我身。最後受於五慾之處。從今已後。當更不受。此是我身。最後受於五慾之處。從今已後。當更不受。

爾時太子舉右手。褰衆寶所成羅網。幃帳。從宮中出。安庠徐步。始行少地。在於殿內東面而立。合十拍掌。至心念於一切諸佛。念已。舉頭仰瞻虛空。及諸星宿。

爾時護世四大天王及天帝釋。知於太子出家時。至各隨其力。辦具欲來。爾時提頭賴吒天王。主領所部。乾闥婆等。一切眷屬。百千萬衆。前後導從。作諸音樂。從東方來。三匝圍遶。迦毗羅城下於地上。却住其方。合十拍掌。佞頭曲躬。面向太子。

爾時毗留勒叉天王。主領所部。鳩旃荼等。一切眷屬。百千萬衆。前後導從。手執寶瓶。盛滿種種微妙香湯。從南方來。三匝圍遶。毗羅城下於地上。却住其方。合十拍掌。佞頭曲躬。面向太子。

爾時毗留博叉天王。主領所部。諸龍

王等一切眷屬百千万衆前後導從
手執種種妙真珠貫復持種種諸雜
珍寶薰起種種香雲華雲及以寶雲
復起微妙柔軟香風從西方來三匝
圍繞迦毗羅城下於地上却住其方
合十拍掌佷頭曲躬面向太子
尔時毗沙門天王主領所部諸夜叉
等一切眷屬百千万衆前後導從手
執火珠或執燈燭或執火炬熾盛猛
熾身著鎧甲或執弓刀箭槊器仗及
鉞戟等從北方來三匝圍繞迦毗羅
城下於地上却住其方合十拍掌佷
頭曲躬面向太子

尔時天主釋提桓因與其眷屬一切
諸天百千万衆前後導從將天華鬘
末香塗香或復執持幡幢寶蓋或執
種種諸妙瓔珞從彼三十三天而來
三匝圍繞迦毗羅城却住上方合十
拍掌佷頭曲躬面向太子

尔時太子觀見諸方仰瞻虛空及諸
星宿并覩護世四大天王以諸上妙
種種瓔珞莊嚴身體頭戴天冠次第
而行安庠徐步共乳閼婆及鵝豚茶

一切諸龍并夜叉等百千眷屬左右
圍遶各從其方東南西北而來至此
依方面住復見天主釋提桓因將領
百千諸天眷屬前後閑塞在於虛空
周匝集聚復見鬼星已與月合時諸
天等唱大聲言大聖太子鬼宿已合
今時至矣欲求勝法莫住於此人王
師子時至速疾棄捨出家諸天如是
更復佐助讚唱此言速出莫住
余時太子仰瞻虛空如是思惟今中
夜靜鬼宿已合諸天大眾地及虛空
並皆佐助決定我今時至不虛宜出
家也太子如是心思惟已即嘆同日
所生奴子車匿告言車匿汝速疾來
莫違於我急被帶我同日所生馬王
軋陟將前著來勿令我家所有眷屬
一釋種子聞彼馬聲是時車匿聞於
太子如是言已仰瞻虛空如是思惟
今始中夜心即生疑遍體戰慄身毛
皆豎悚懼不安白太子言大聖太子
去何中夜遣我被帶軋陟馬王有何
恐怖有何怨敵有何急疾或復城外
或今城內有好惡耶是時太子語車

匿言謂汝車匿我今急疾恐怖怨敵
被諸苦逼汝那得知但速被帶我同
日生馬王軋陟時疾將來

佛本行集經卷第十六

癸卯歲高麗國大藏都監奉
勅彫造

佛奎行集經卷第十七

令

隋天竺三藏闍那崛多譯

捨宮出家品下

尔時車匿既聞太子如是語已自心
思惟聖子今者决欲出家不肯住也
如是念已故發大聲大言大譟問太
子言望使宮人覺知太子聖子恒常
知諸時節所作之事常依順時今是
何時而喫索馬聖子若欲往詣園林
觀看善地遊戲之者此非其時何用
馬為聖子今日無有怨讎復無違逆
反叛之人四方安靜復無有人擾攘
離乱邊壇一切無有逃亡外方隣邦
亦無侵奪欲共聖子鬪戰之者聖子
覆蓋一切大地唯一無二今何假須
馬王軋陟聖子今日此處宮內諸姝
女等共相圍遶歡娛受樂猶如天主
歡喜園中釋提桓因共諸天女周匝
圍遶聖子亦然在此宮內寶牀上坐
何用於馬但願安心於此百千姝女
之中聽作音聲娛樂而住是時車匿
口如是言又復以手拔諸姝女頭髮

令寤又以脚踰彼姝女身但彼姝女不覺不知以上諸天神通力故尔時太子心内生疑畏衆人覺秘密細聲以於此偈告車匿言

同生車匿汝當知我觀宮內如塚墓亦似蛆虫穴無異如與羅刹同共居東西南北狼藉眠又類受胎初泡水車匿我見五慾苦心意不願在此宮若遊諸方我不喜以見老病及死屍車匿速將軻陟來我今决欲出家去

尔時車匿聞於太子如是言已猶如猛獸著於毒箭生大苦惱大聲而哭白太子言聖子今可捨諸尊乎太子報言善生車匿我今欲求勝上之處寧捨現前諸尊親族勿令未來我及眷屬入於死命鬼口之中更為車匿而說偈言

我當求於涅槃故寧捨親族向出家未來死鬼劫奪人命一入口悉食盡尔時車匿重聞太子如是言已復更懇勸白太子言大聖太子一切世人謂言太子决定得作大轉輪王云何欲捨太子又断車匿此言咄沒車匿

莫如是語我昔在於兜率天上勝於
此處曾作天王悉領於彼三十三天
我於是時猶不樂於彼處之樂何以
故以見生死無常患故况復今日此
人間乎少時在於此人境界多有患
濁處此王位雖復治世暫時自在而
不得離病死之怖但世間中有死命
鬼治世之處彼之諸王即不能得自
在安樂車匿復更報太子言大聖太
子雖復太子不用世位但淨飯王今
已年老太子盛壯勿令大王心生苦
惱太子報言善生車匿我今於此大
父王邊心生愛敬如父愛我我倍愛
父大王奇特敬愛親族我亦不欲捨
諸親族我於親眷亦復不作諸餘異
心但我大畏大怖大驚諸有之中受
生死苦今日欲求解脫法故而暫捨
離所愛重親當來世中能愍救護諸
眷屬故又未來世不相離故
尔時車匿白太子言大聖太子心決
定耶要須捨俗求出家乎太子報言
善生車匿我已立要車匿又言為何
事故太子答言我見世間無常過故

意欲專求彼勝處耳車匿復問以何緣故覓彼勝處太子答言若使世間無生无死無老无病無愛別離无怨憎會得王位已受諸功德無有无常境界真實一生人中無有濁穢若如是者可令我於此處心樂汝善車匿莫違我心我已勅汝急速被帶我同日生馬王軋陟車匿自言如太子勅不敢有違其車匿聞太子如是勅語言已亦識太子深心之意亦復先知淨飯王勅嚴制禁重但以諸天神力加故發心欲取軋陟將來太子之前而有偈說

車匿以天神力加 忍違大王勅命制
兼以菩薩昔願滿 發意遂取馬莊嚴
今時車匿即至厩中於槽檻上搦取
軋陟即以絛金作迦毗遮七寶莊嚴
串於馬口牽出離槽別繫餘轅刮刷
其背先以柔軟輕細之物履於脊上
以金所成七寶莊嚴鞍鞵而被上覆
金網如是具足被帶馬已即牽將向
太子之前是時軋陟同生馬王遙見
太子身力壯故遍體歡喜出大鳴聲

時其軋陟馬王吼喚出聲之時聞半
由旬時首陀會一切諸天以神力故
令此馬聲隱沒不聞恐畏有人障導
太子不得出家

是時太子歡喜踊躍遍滿其體即以
右手柔軟綢繆手指猶如蓮花葉赤
色如紫礦摩拭馬王脊背之上而勅
語言汝同日生軋陟馬王我今欲求
甘露之法汝須努力如是善行勿令
有人作我障導汝善軋陟鬪戰之時
尚出死力欲勝他故今日與我善為
佐助求出世樂世間之樂暫時歡喜
不久還失生大憂惱為法出力此事
甚難我今欲為一切世間求解脫故
出家修道汝善努力出勇猛筋捷疾
而行我今出家為諸世間及汝等輩
作大利益

尔時太子正念立地發大弘願作如
是言此我最後在家乘也我從今去
更不復乘如是之乘發誓願已控鞅
即乘軋陟馬上乘已重語軋陟馬言
汝軋陟馬努力負我最後負荷我今
為諸天人世間作利益故發心出家

太子亦坐軋陟馬王鞍上之時一切
無量阿脩羅衆迦婁羅緊那羅摩睺
羅伽羅刹衆毗舍遮地居諸天及首
陀會乃至阿迦膩吒天等隨逐軋陟
馬王而行是時諸天手持白蓋復以
種種諸寶莊嚴蓋柄周匝以諸衆寶
真珠羅網懸於其上其網目間悉懸
金鈴擎持以覆太子之上是時太子
乘軋陟馬漸向宮門軋陟行時蹄足
聲聞一俱盧舍首陀會天以神通力
隱彼鳴聲不令遠聞畏有障導太子
出家

是時太子出家之時其虛空中有一
夜叉名曰鉢足彼鉢足等諸夜叉衆
在虛空中各以手承馬之四足安徐
而行太子初欲發足出家有一天子
唱如是言願善吉利大法船師今欲
度脫無量衆生於煩惱海復有一天
唱如是言願無障導大聖世尊今欲
出家渡生死海

是時太子語車匿言善善生車匿汝今
可在我前而行示現我道出宮內門
彼門關鑰欲開之時其聲聞於一拘

盧太子者非人至門開彼關鑰其開之時
首施會天以神通力隱蔽彼聲不令
人聞恐畏太子出家之時有諸障尋
是時車匿白太子言大聖太子宫門
已開太子報言門已開也決定我心
所願求利必當得成無有疑慮

尔時車匿白太子言大聖太子希有
甚奇此之宮門以前開時大用氣力
而方得開聖子今者至已即開大聖
太子亦至門邊譬如猛風吹彼雲隊
開散兩邊是時太子從內宮門出於
外已作是唱言此我最後出於宮門
從今已去當更不出

尔時太子從宮出已安庠而至毗耶
羅門其門邊有一夜叉將名曰善入
共其五百夜叉眷屬既見太子安庠
徐步向門而來見已各各共相謂言
今此悉達大聖太子夜半非時來向
門下我等今者欲為彼不時夜叉衆
各相謂言我等可為太子開門隨彼
稱意東西行動脫彼如心所願成就
得甘露道既自證已復為天人世間
當得作大利益是時善入夜叉之將

急疾開彼毗耶囉門其門已前開閉之時其聲鳴徹至半由旬時淨居天以神通力隱蔽門聲不使諸人得聞其響恐為太子作出家障

太子從此迦毗羅城毗耶囉門初出之時彼門所有守門諸將或有執捉關鑰之者彼等諸人或著睡眠不覺太子出彼宮時或復是彼諸夜叉神之所迷惑或是諸天神力迷惑所有寂慎善持更人彼等一切悉重睡眠不覺人出

余時欲界魔王波旬見於太子初出家時為欲恐怖於太子故以神通力化作諸聲所謂虛空出現大雲雲中復更出大雪聲及霹靂聲更復化作諸大水河吹於大石出沒奔流太子之前復作大山其山高峻現大崖岸又復化作大猛火聚炎赫熾然

余時淨居諸天以神通力隱彼大雲雷電霹靂一切諸聲及彼大山河石高峻崖岸猛火皆令不現將彼魔王波旬擲著無量百千由旬之外勿使障碍太子出家

尔時太子從城門出至外邊已迴身
觀看迦毗羅城出師子吼唱如是言
我今寧自擲棄身形墮大石崖飲諸
毒藥而取命終亦不飲食若我未得
隨心願求度脫衆生於生死海我終
不入迦毗羅城其諸天聞太子如是
師子吼聲皆悉隨喜

尔時太子出此師子吼聲之時所有
守護迦毗羅城諸鬼神等或守城門
或守牆壁或守敵樓皆悉大唱如是
之言如是如是願如太子所出師子
無畏吼聲成就滿足以歡喜心各舉
兩手語太子言大勇健兒出已迴觀
迦毗羅城

是時太子聞此言已不驚不怖以歡
喜心身毛皆豎更作是言此城我今
終不迴入若我得於甘露之句諸聖
所歎已斷生死煩惱之流證涅槃道
然後乃入太子城外出此師子吼言
要誓證彼真實真如菩提然後還來
入城教化出此聲處在後諸人造作
於塔名曰太子出師子吼而彼處所
有一窠大尼拘陀樹彼樹有神其神

以偈語太子言

若人欲伐於樹木 要必當盡其根本

如斫物頭須斷絕 渡水宜令達彼岸

言語一音不得虛 作怨亦訖莫復喜

今時太子以偈報彼護樹神言

雪山處所可動移 海水或使其枯竭

虛空可令崩落地 我吐言語終不虛

今時淨居諸天而說偈言

此處今出大藥王 當治衆生煩惱毒

若有被愛箭所射 此匠今悉能拔除

此處今出大醫尊 善治一切衆生患

若人有老病死疥 此設療治悉能愈

此處今出大智炬 燭彼顛倒癡衆生

所在愚瞋黑闇中 即皆覩見大光照

此處今出大顯赫 能為世間作大明

以智圓滿慧眼光 普照十方諸境界

此處今出大船師 當度未度衆生類

牢裝方便智舟艤 濟度無量億天人

此處今出大商主 欲教一切度大積

所有迷惑無量衆 示導令從正路行

此處今出是大王 世間法王無上王

建立法幢大法相 今知是法及非法

此處今出是大導 能伏一切諸世間

其未調伏諸天人一切當能善調伏
此處今出是大王出世法主無上主
當轉微妙大法輪摧伏一切諸外道
此處今出是大覺當覺世間未覺者
其有被諸煩惱纏能斷一切縛令脫
此處今出大帝幢當雨無邊大法雨
十力具足世無雙能降一切諸外道
此處今乘大白象得度無明遠廣磧
執持利智金剛杵當破外道一切邪
此處今出大梵王憐愍世間一切衆
為利愚騃衆生當鳴大法鍾金鼓
此處今出是大龍當雨世間大法雨
潤益三界諸衆生除其熱惱諸邪病
余時淨居諸天說此偈已即口稱言
南無尊者大丈夫身禮拜太子隨太
子行時淨居天各隨先業果報所得
微妙之身威德勇猛志力精進難作
已作為於太子放身光明滅除暗暝
顯示道路譬如重雲日從中出放大
光明如是如是淨居諸天從其身體
放諸光明為於太子示現道路亦復
如是

余時欲界諸天子等皆各化作端正

可喜摩那婆身在太子前引導太子
平坦道路

大梵天王共諸梵眾眷屬圍遶在於
太子右邊而行

忉利天王共諸釋眾三十三天眷屬
圍遶在於太子左邊而行

四大天王各以種種微妙瓔珞莊嚴
其身以妙天冠莊嚴其首垂諸瓔珞
復共無量乳闍婆眾鳩鵲茶眾諸龍
夜叉無量百千左右圍遶身帶種種
堅牢鎧甲手執弓箭或執利劍或執
長刀或執鐵棒或執矛戟或執三叉
戟執槊執鈎擎持排楯在太子前引導
而行語太子言大聖太子從於此道
速行莫住上虛空中復有無量元邊
諸天百千億眾歡喜踊躍遍滿其身
不能自勝將天水陸所生之花散太
子上并及旃檀諸妙沉水多加羅等
天諸末香白餘更有種種雜香散太
子上復有塗香末香燒香太子行時
各各手持散太子上以用供養於太
子故

余時太子宫內所有姝女睡寤忽然

唱言不見太子不見太子耶輸陀羅
既觀卧牀獨自一身不見太子而大
唱叫作如是言嗚呼嗚呼我等今被
聖子誑逗即大叫喚以身投地把揅
塵土以散頭上又舉兩手自拔髮毛
拗折打破身諸瓔珞以撲於地以手
拍爪顰裂四支身體皮肉所著衣服
皆悉掣毀舉聲大哭出於種種酸楚
痛言又以諸餘種種苦惱逼切縈纏
自身支體

今時宮內嫔女侍人奏淨飯王作如
是言大王當知今夜睡寤不見太子
其當馬人既失軋陟亦復諮奏淨飯
王言大王當知今夜寤上亦復不見
馬王軋陟時淨飯王聞此語已大聲
叫喚而口唱言嗚呼嗚呼我所愛子
如是唱已悶絕倒地傍臣手持栴檀
冷水以灑其上少時還蘇復其本心
然後白喚防守城將而勅之言卿等
速疾往嚴四兵善著鎧甲速求太子
令知所在時彼防衛守城將軍聞王
如是嚴重勅已從宮內出遍告諸餘
大征將言汝等諸將各各當知淨飯

大王有如是勅所在境界百官大臣
其有受食我封祿者或有依我而活
命者如是人輩皆悉集聚速疾分頭
行求太子若得見者善言慰喻勿聽
往彼山林磳谷迎將迴還

尔時百官諸群臣等聞彼防衛守城
將軍如是言已即時各於迦毗羅城
内外衢道振鈴告言汝等一切所有
臣民食於淨飯大王國土封祿之者
及依大王而活命者諸臣百官悉皆
速出迦毗羅城為求太子若得見者
慰喻教迴還入宮中

尔時釋種諸臣百官并及一切迦毗
羅城所居人民其有食祿及不食者
皆從城出行求太子

尔時守城大臣遍告所行諸人如是
言已漸次至於太子當馬大臣之家
告彼當馬臣如是言淨飯王勅速求
太子出城而行彼大臣言我當太子
所居之處而不得行時彼守城大臣
重更語如是言淨飯大王如是嚴勅
所有太子侍衛左右悉皆禁縛彼當
馬臣如是報言仁者若欲縛於我者

且先自縛汝之所有眷屬妻兒兄弟姊妹姑姨舅氏合皆禁縛時彼城內大衆人民皆悉出求太子而行余時太子以諸天神威力障故求覓太子不能得見

佛本行集經剃髮染衣品第三十二上

余時太子從迦毗羅城門出已勅其車匿作如是言謂汝車匿我今語汝汝於我前引導直向羅摩村行是時車匿白太子言如太子勅不敢有違引前直向羅摩村邊其馬軋陟輕便行疾舉足安穩從夜半行至明星出行十二由旬摩訶僧祇師如是言馬半夜行十二由旬或復諸師作如是言從夜半起至明星出行百由旬至一聚落名弥尼迦至日出時到跋伽婆仙人居處到彼處已問車匿言謂汝車匿此何處所余時車匿報太子言大聖太子此之處所去羅摩村勢不遙遠

余時太子見此樹林乃往仙人所居之處并諸鳥獸流水井泉池渠河等知其車匿及馬軋陟行來已乏告車

匿言汝善車匿今若知時宜於此處
停下歇息是時太子從其馬王軋陟
而下口如是稱大弘誓願此今是我
家後所乘所下處也此今是我家後
所乘所下處也是時太子下軋陟訖
以美言語慰喻車匿作如是言車匿
世有僕使其心雖復孝向大家而無
自由復有僕使心雖自由而無孝順
復有僕使心不孝順兼且無力復有
僕使而心孝順復有大力善生車匿
如汝今日希有希得恭敬孝順好心
向我復有大力車匿我今向汝亦大
歡喜以如是業汝於我邊心大孝順
大愛敬我如是愛我汝今事我不求
利故凡世間事富貴之人還有愛著
而求事他汝今事我其義不然世又
有人見富貴時而欲事他為求物故
亦是貧賤即復捨捨汝今不然而說
偈言

畜兒為立家 事父答養育 為利營田作
皆以求報為

今時車匿聞此偈已問太子言大聖
太子凡是奴僕向富貴人所有諸事

欲發心作不能一一借問所以但我
今日既見聖子來入此山是故敢欲
諮問聖子以何緣故發如是心而來
至此是時太子報車匿言汝善車匿
我欲語汝汝今亦復何須用知車匿
復言大聖太子我雖是賤交與聖子
同日而生是聖子奴隨順聖子不違
逆意是時太子語車匿言汝善車匿
我今語汝汝能作不其車匿言大聖
太子我今既是聖子奴僕親事聖子
何敢不作

太子復言汝善車匿我今棄捨聖王
之位不以其餘畏怖他故唯求解脫
離繫縛故車匿我今不取如是王位
而心歡喜車匿一切王位是大恐怖
我今內心如是明見車匿我見出家
有如是利故割斷彼來入山林莫復
更為生死所拘我今欲求解脫生死
汝善車匿今可迴還將馬軋陟歸向
王宮我今出家心意已決而說偈言
不復更假多言語 識知我意愛汝心
我以割捨親愛來 汝今速將軋陟去
尔時車匿白太子言大聖太子凡人

出家見四種事然後捨離之何為四
或身年老或復帶病或時孤獨或無
資財而聖子今此四種中現無有一
又復聖子初生之時一切解相婆羅
門等有能占觀諸巧智人多讀經書
善解衆論昔曾授記如此童子必當
得作轉輪聖王統四天下作大地主
具足七寶彼七寶者所謂輪寶珠寶
象寶馬寶女寶主藏臣寶主兵臣寶
如是復生一千聖子悉皆勇健能破
他怨彼轉輪王統此大地一切海等
如法降伏而得治化聖子若得金輪
寶時此寶天成非人所作端正可喜
於虛空中在前而行王當乘空逐彼
寶輪諸親族等左右圍遶從空飛行
是時身當轉輪王位受大功德是時
聖子以明月珠摩尼之寶於夜暗時
照七由旬其地周匝而得光明是時
聖子如是無量受王位樂大聖太子
仁今若乘白象之時其象七支皆挂
於地其六白牙皆悉以金裝校鑲飾
被金鞍韉鞞鞞隱起以金瓔珞嚴服
其上復以羅網而弥覆之具足神通

飛騰自在乘是象已亦堪能行遍此
大地聖子是時受彼王位甚大快樂
又復聖子若當來世乘彼馬王而其
馬王遍體紺青頭爲黑色駿尾甚長
被金鞍鞵鏤寶鞞鞞純金纓珞莊嚴
其身以金網羅弥覆其上彼馬神通
自在無尋善能飛躍虛空而行若欲
行時聖子乘上行此大地周匝能遍
聖子尔時受是王位甚大快樂
又復聖子若當來世得女寶時眼目
端正面首可憐行步安庠最勝寂妙
猶天王女當自出現聖子尔時具足
而受自恣五欲轉輪王位甚大豐樂
又復聖子若當來世得主藏寶彼主
藏日得天眼故能從地出金銀藏等
一切諸寶將與聖子尔時當受五慾
具足功德

又復聖子若當來世得主兵寶其主
兵臣善巧多智聰明利根閑解便能
領四兵衆一念之頃知太子心皆悉
能令著於鎧甲一切具足無所乏少
部分將往詣聖子邊隨意而用聖子
尔時受其王位甚大快樂

又復聖子若當來世具得如是七種之寶當於尔時此間大地并諸四海一切山河及林泉等無有不屬其諸怨敵一切天下悉來歸降既降伏周無處有畏無處有疑一切人民悉各豐足無有不賓險難之處亦不須用刀杖兵戈如法而行既如法行治化天下尔時太子受聖王位快樂無極尔時太子聞如是等諸語言已還復報問於車匿言汝善車匿其相師等諸婆羅門唯有如是授於我記為復更有餘授記乎是時車匿報太子言更有其餘別授記事太子問言是何授記車匿答言彼諸相師婆羅門等復授記言此之童子若捨王位而出家者必定得成阿耨多羅三藐三菩提成菩提已即轉無上微妙法輪尔時太子語車匿言謂汝車匿慎莫妄語應須真實當於彼時阿私陀仙一向授記此之童子必成阿耨多羅三藐三菩提一向授記我當轉於无上法輪是時車匿聞是語已心驚戰怖身毛遍豎白太子言大聖太子能

憶如是授記語乎此記釋等諸眷屬
輩私竊而聞勿令聖子得知此記恐
畏聖子發菩提心是時太子語車匿
言車匿我昔從彼兜率天下入於母
胎及在胎中所有諸事我心憶持猶
尚不忘況復生已授我記忘終無是
理車匿諸天復語我如是言仁者太
子速疾出家必定當得阿耨多羅三
藐三菩提成菩提已決定轉於無上
法輪車匿是故我知決定當得成就
阿耨多羅三藐三菩提決定當轉无
上法輪車匿我今實言向汝而說車
匿我今寧被刀割身肉寧食毒死寧
入大火寧投大崖寧自剄死我今終
不未得免離生死之法而還向家何
以故如是世間五慾境界皆悉无常
不久停住是破壞法

佛本行集經卷第十七

癸卯歲高麗國大藏都監奉
勅彫造

佛本行集經卷第八

今

剃髮染衣品下

隋天竺三藏闍那崛多譯

尔時太子以手從其天冠頭髻解天
無價摩尼之寶付與車匿作如是言
車匿我今與汝此摩尼寶汝將此寶
還於我父淨飯大王至王邊已無量
頂礼汝知我意我付囑汝汝當信我
我今令汝將此寶還至父王邊啓白
令除一切愁苦復好為我諮啓父王
作如是言我今不以被人所欺而忽
捨離父王足下又亦不以瞋恨心故
亦復不為求覓資財又亦不以少封
祿故亦不欲求生於天上唯見一切
諸衆生等在不正路迷惑黑暗邪遷
而行欲作光明欲除如是生死之法
欲求利益世間之句無愁憂處欲斷
無常有漏之行求出家耳大慈父王
見我如是樂出家故不應憂愁而說
偈言

假使恩愛久共處 時至會必有別離
見此無常須臾間 是故我今求解脫

尔時太子說此偈已作如是言我今
欲離此憂苦故棄捨出家是故諮啓
我父大王不須愁憂若世有人緣憂
愁故為於五慾而縛著者彼等諸人
應須憂愁所以者何世多有人父生
於子為求財故所以養育報於父母
施法財者世子難有若父王意作如
是心我子今者非出家時唯願父王
莫如是念凡求法者無有時節所以
者何人居世間命無限齊知如是者
是故智人決須捨求勝上行處此是
我心決定之語譬如有人共死命怨
同居一室言我壽長無有是處車馬
汝至我父淨飯王邊作如是等多種
語言令王意定汝至彼處善作如是
方便慰喻莫令憶我車匿雖然我復
語汝若至我父淨飯王邊但說於我
惡逆之事無德行處大子如是元有
恩義無愛著心莫說於我孝順之處
所以者何已捨愛故即捨一切憶念
憂愁

尔時車匿聞於太子作如是等諸語
言已遍體熱惱滿面淚流合十拍掌

向於太子而作是言大聖太子如太子教但前所言於諸親族及父王邊大生憂愁我意不喜心情斷絕如大象王沒在深泥不能自出聞是語已誰不淚流復作是言精進之心餘人間說猶尚大驚况我車匿小來共於聖子同日一時俱長愛敬之心相樂不已而說偈言

假使用鐵持作心以聞如是言誓語人誰不心酸楚毒况我愛戀同日生尔時車匿說是偈已白聖子言我將馬王與聖子乘以彼諸天神通力故強令我心遣被與來非我自意我今云何能斷聖子是出家事我今既是同日生奴及此馬王一種無異豈能遠離聖子須臾獨還宮也終无是處聖子亦不合放於我軋陟向家而復令我傳此憂悲愛別之語向大父王說如是事而聖子今亦不合偕捨老父王而自出家彼法非是更無有法絕妙越殊過是尊者能勝孝養所生父母亦不應捨乳哺嫗母摩訶波闍波提以是而論聖子亦成無恩義人

而不憶舊育養之時聖子正妃耶輸
施羅貞潔之女諸德具足亦復不合
棄捨相離雖然若聖子今捨離一切
釋種親族我今既是同日生奴亦不
合放但是聖子足躋之地我常隨順
不得俏捨大聖太子是故我今意中
不忍將此熾然憂悲之火所燒心情
迴向於城而放聖子獨在此處空閑
林野令我自返脫至城邑淨飯大王
責我何言又復聖子既不還家我獨
去時聖子所有朋友識知并及宮內
婢女妃后問我何言聖子復語我作
是言汝今將我惡辭毀辱非法之事
向眷屬說令我眷屬遺忘於我憎惡
於我而我何敢妄說於此毀辱之言
我心可不自慙自著自愧自耻我之
心意及以口舌若為欲說聖子惡言
雖我妄言欲說聖子誰當信我妄言
之事聖子辟如有人說彼月天種種
惡事毀辱之言叵有人聞如此事者
能信以不但聖子今恒常習行慈悲
之心聖子囑託此言不善聖子既行
大慈悲行恒常美言慰喻衆生今捨

諸親此是非善是故善哉聖子迴心
向家受樂

尔時太子見其車匿如是憂悲苦惱
之語聞已復報彼車匿言車匿汝今
應須捨別離苦莫作憂惱何以故一
切衆生有生有老患有別離車匿一
切衆生所有愛著染惑之心其在胎
內養育之者皆悉是虛會有別離彼
非是我我非是彼而說偈言

譬如大樹衆鳥群

各從諸方來共宿

後日別飛各自去

衆生離別亦復然

猶如盛夏起大雲

暫聚以復還離散

衆生離別法皆尔

須臾聚合復分離

既相隨來生此間

今者各各還歸本

勿言我與汝有異

剎作彼此去住情

一切去來無所依

但隨衆生有愛著

強作分別自他意

猶如樹木枝葉莖

各各別有色形容

此緣本來無染汙

况復無常衆生類

譬如樹葉生果蘇

隨其熟時則墮落

人命脩短亦如是

長年促壽死終無

往昔一切諸仙人

恒說如是無常事

設使壽命八大劫

至於無常敗壞時

必死更無有疑慮

猶如諸方各自來 至河同共欲飲水
或復上船渡彼岸 既至岸上還復分
父母生子亦復然 并及眷屬諸朋黨
少小雖同在一處 長大須臾各別離
雖復業果同共家 其受苦樂報不等
及至無常事催促 各各相捨無親踈
尔時太子說此偈已告車匿言善生
車匿是故汝今莫惱自心決定還去
所以者何汝今止為愛著大家不能
捨者汝若到家還來覓我若汝迴至
迦毗羅城見我親族為我愁者汝告
彼等作如是言汝等眷屬於太子邊
宜應割捨愛著之心何以故我今知
彼有要誓言尔時太子即說此偈囑
車匿言

假使我今身血肉 并及文節筋脉皮
一切磨滅盡消亡 或復性命不全保
我若不捨此重擔 越渡諸苦達本源
未證解脫坐道場 終不虛尔還相見
尔時車匿既聞太子說此偈已即以
自身四布於地持其兩手前著抱於
太子兩足而作是言善哉聖子今乞
歡喜莫作如是苦切誓言大聖太子

我有何力有何神德能令聖子迴還
本宮但我從此獨自向家聖子眷屬
必當打我或復聖子父王淨飯并及
姨母摩訶波闍波提必應問我我妙
梵聲聰慧之子汝今將向何處擲來
尔時太子報車匿言車匿莫作是言
莫作是言我之父母及諸眷屬見汝
從此獨自迴還終不打汝所以者何
我眷屬等一切悉皆愛念於汝車匿
速起速起上來所論有如此法世若
有人將所愛人言語意氣向彼道時
必得賞賜汝決定須速還至家我之
父王見汝還已心得甦醒然我父王
見我捨家間道出家大生苦逼父王
之身及諸眷屬一切號咷悲咽哭泣
城內大小一切人民為我故生重
苦惱彼等若得見汝還者心少喜歡
尔時車匿從地而起合十指掌淚下
如流舉聲大哭白太子言以如是故
我今欲將聖子還家勿令大王種姓
斷絕是時車匿從地起已馬王軋陟
前膝胡跪出舌舐於太子二足兩眼

此馬雖復是畜生身猶尚慈悲垂淚
而泣況復聖子諸眷屬心當見何殃
唯願聖子正觀於此軋陟馬王今見
聖子不欲還家是以胡跪屈前兩膝
開口出舌舐聖子足以慈哀心二目
淚下

尔時太子以諸功德萬字莊嚴千輻
相輪猶如芭蕉內心柔軟金色右掌
網縵手指摩其馬王軋陟頂上而語
之言軋陟汝今具作馬事以得度於
大負重任從今已後汝軋陟馬還家
自養此今是我最後從家騎乘之務
行大遠路賴汝今日得濟於我軋陟
汝今莫生憂惱莫泣莫悲汝所載我
當得大報我今欲求阿耨多羅三藐
三菩提於後證時當將甘露分布與
汝而有偈說
太子以右羅網指萬字千輻輪相現
金色柔軟清淨手用摩馬王軋陟頭
猶如兩人對語言汝同日生馬軋陟
莫過悲啼生懊惱汝作馬功已訖了
我若當證甘露味所可負載於我者
分別密教甚深法報答於彼終不虛

尔時車匿白太子言大聖太子今日
已得廣大王位聖子具足一切諸相
玉女之寶所莊嚴宮普皆顯現自餘
多種五欲之事取勝寂妙人間難辦
今已得之何故聖子捨此妙樂愛於
諸獸百鳥充滿曠野之內又復是處
多有惡賊恐怖之事獨行獨坐遠離
諸樂云何悅心太子報言汝善車匿
所語不虛其理雖然汝今諦聽我為
汝說世間五慾會歸無常非究竟法
不合心安若得還失速疾如流不暫
停住如草上露不久消散猶如空拳
誑於小兒如芭蕉心無有真實如秋
雲起乍布還収如閃電光忽出還滅
如水上沫無有常定如熱陽炎誑惑
於人而說偈言

諸五慾之事 猶如魁膾机 如刀刃塗蜜
如借他器用 如新死哭泣 如夢見快樂
寤後覓還無 猶如剗貫人 如樹果子熟
不久當墮地 如惡人刀仗 煞然無慈心
猶如割肉鬻 當受大苦惱 如執大火炬
不慎而燒身 妙色人天果 久長受樂口
心無有厭離 已得復能求 猶如人熱渴

更復飲鹹水 求諸五欲等 不厭離亦然
是故若智人 欲離諸五欲 猶如毒蛇頭
若求長壽命 遠離如毒藥 亦如火聚
一切不堅實 念念不暫停 世法應如是
壽命無自由 決至向死鬼 如是思量已
莫住於世間

尔時太子說此偈已告車匿言車匿
五欲之事有如是等多種過患車匿
王位亦然以種種苦衆患雜亂我見
如是可畏相故寧住於此曠野之中
共諸飛禽走獸盜賊恐怖之處獨起
獨行遠離欲樂我意樂此彼非所願
車匿汝聞我作如是語已莫復違我
此之大事車匿我於如是法行之內
當開法眼汝須隨喜不應障我是時
車匿白太子言大聖太子太子若定
作是心者我今不敢違聖子勅如聖
子教我還向家

尔時太子讚車匿言善哉善哉大善
車匿汝今如是順從我意獲大善利
汝作事善是時太子身上所有諸寶
璎珞皆悉自解口作如是大弘願言

此是我今寢後在家莊嚴身飾此是
我今寢後在家莊嚴身飾解已手持
將付車匿付車匿已復作是言車匿
汝將此等諸寶瓔珞歸付與我諸眷
屬等是時車匿即取彼等諸寶瓔珞
受已更問於太子言聖子若我至家
將此瓔珞付於聖子諸眷屬時脫彼
眷屬問於我言車匿汝今何故將我
太子送至他國而捨獨來車匿悉達
太子復更囑託我等何事彼等若問
我如是事當作何報太子又言車匿
汝若至家為我頂礼父王淨飯并及
姨母摩訶波闍波提自餘尊者一切
眷屬悉皆問訊車匿為我諮啓淨飯
大王作如是言我今實知父王恩深
但我為證阿耨多羅三藐三菩提故
所以遠離若得證已即當還家奉見
大王又別為我諮白姨母摩訶波闍
波提國大夫人勿為我故生大憂愁
聖子必得成大善刹迴還共母歡喜
相見又我宮内一切姊妹及諸親族
時年童子并餘釋種作如是言我今
欲破無明暗網當得智明得智明已

我當迴還入迦毗羅

尔時太子從車匿邊索取摩尼雜飾
莊嚴七寶把刀自以右手執於彼刀
從鞘拔出即以左手攬捉紺青優鉢
羅色螺髻之髮右手自持利刀割取
以左手擎擲置空中時天帝釋以希
有心生大歡喜捧太子髻不令墮地
以天妙衣承受接取尔時諸天以彼
勝上天諸供具而供養之

尔時淨居諸天大眾去於太子不近
不遠有一華鬘名須臾那其須臾那
華下化作一淨髮師執利剃刀去於
太子不遠而立太子見已作如是言
謂淨髮師汝能為我淨髮以不其淨
髮師報太子言我甚能為太子報言
汝若能者今可知時

尔時彼化淨髮之師即以利刀剃於
太子無見頂相紺螺髻髮當剃頭時
帝釋天王生希有心所落之髮不令
一毛墜墮於地一一悉以天衣承之
受已將向三十三天而供養之從此
已來令諸天上因立節名供養菩薩
髮髻冠節至今不斷

尔時太子自解其身一切瓔珞及以
天冠剃去髮鬚剪落既訖觀於體上
猶有天衣見已念言此衣非是出家
之服出家之人在於山間誰能與我
袈裟色衣如出家法居在山林須如
法衣時淨居天知太子心如是念已
應時化作獨師之形身著袈裟染色
之衣手執弓箭漸漸來至太子之前
相去不遠默然而住

是時太子見彼獨師身著袈裟手執
弓箭見已即語作如是言山野仁者
汝能與我此之袈裟色衣已不汝若
與我我當與汝迦尸迦衣此衣價直
百千億金復為種種栴檀香等之所
熏修汝何用是麤弊衣服袈裟色為
可取如是迦尸迦衣而說偈言

此是解脫聖人衣 若執弓箭不合著
汝發歡喜心施我 莫惜共我博天衣
尔時獨師報菩薩言善哉仁者我今
與汝實不慳惜是時化人即與菩薩
袈裟之衣從菩薩取迦尸迦衣價數
直於百千金者復以種種栴檀所熏
菩薩尔時心大歡喜受袈裟衣深自

慶幸即脫身上迦尸迦衣與彼鴉師
時淨居天所化之人從菩薩邊取迦
尸迦微妙衣已即於其地以神通飛
上虛空中如一念頃還至梵天為欲
供養彼妙衣故於菩薩前以天神通
乘空而行菩薩見已生大歡喜希有
勝上奇特之心於此袈裟染色衣邊
復更倍生懇重至到歡喜之心

今時菩薩以剃頭訖身得袈裟染色
衣著形容改變既嚴整訖口發如是
大弘誓言我今始名真出家也是時
菩薩遣車匿還淚流滿面以送車匿
分別訖了獨一無雙體上既披袈裟
色服安庠徐步向跋伽婆仙人居處
是時車匿曲躬頂礼菩薩兩足圍遶
菩薩三匝而迴車匿既見菩薩割意
不肯還家兼其身體著袈裟衣頭無
天冠鬚髮悉剪身體復無諸寶瓔珞
并及微妙迦尸迦衣如是一切種種
悉無既遙見已上舉兩手大叫盡聲
號天而哭投身撲地心意悶絕良久
乃穌穌已還起諦觀立地視菩薩行
更復舉聲稱冤而哭以其兩手抱軋

陟項悲咽哽塞大聲呼嗟良久哭已

觀見菩薩心意不迴無可冀望將諸

瓔珞及以衣裳并牽馬王軋陟迴返

欲向家歸此是身還實非心捨其行

道路或時思惟或舉聲哭或復悶絕

躄倒於地或處直立不能前行或處

思慕不樂而坐車匿如是心懷愁惱

多種自現諸苦相已漸漸次到迦毗

羅城其軋陟馬數數迴頭觀者菩薩

作聲鳴喚逐車匿後淚下而行其馬

已前多足氣力歡喜縱逸以見菩薩

捨家出家剃鬚髮故苦逼憂愁恒常

懊惱身形羸瘦氣力消盡假使是馬

瓔珞莊嚴以心離別於菩薩故無有

威神無有威德迴顧數觀占看菩薩

而作大聲淚下滿面悲鳴而行在於

路上不食水草以飢渴逼行步羸弱

威力威神悉皆減損不復能行其眼

中淚恒常不乾菩薩初騎所發到處

止半夜行今以苦逼身羸弱故迴還

八日始得至家而有偈言

菩薩初出半夜行 車匿辭別牽軋陟

以苦逼切失威勢 迴還八日乃到家

今時車匿將馬軋陟辭別太子迴還
歸至迦毗羅城當初入時譬如有人
入於空宅其迦毗羅城之內四面
周匝或復園林或復泉池或復渠河
或復苑囿以太子捨行出家故無有
威神凋悴枯竭其迦毗羅城內所居
人民大小遙見車匿將領馬王軋陟
還歸不見太子以不見故悉隨車匿
及軋陟後次第而行諮車匿言悉遶
太子今在何處是時車匿流淚滿面
哭泣哽咽不能得言時彼城內一切
人民悲泣啼哭隨逐車匿及以軋陟
行則隨行心生疑惑而問車匿作如
是言其王子者今在何處於我國內
生大歡喜今汝何處捨降而來是時
車匿隨行隨報彼諸人言我實不敢
捨脩聖子而彼聖子捐棄自宮捨俗
衣形并發遣我及馬軋陟令使來還
太子獨自在山出家是時城內一切
人民聞此語已心生奇特希有之事
而讚助言未曾有法各各對面共相
謂言悉達太子難行能行時彼城內

一切人民口雖如是稱說彼言而其
淚下猶如流水復各呵身作如是言
咄我今者可共隨其相逐出家至於
彼處看人師子徒步行者我今寧應
至彼隨行勿令一日離別聖子而存
活命所以者何此城今無彼聖子故
無有威神无有勢力此城以無於太
子故寂寞今與曠野無異彼所居處
以有太子威神力故山澤叢林還成
聚落而有偈說

城內人民聞此言 口稱希有如是事
此無恙達成曠野 彼有太子如國城
余時馬王軋陟鳴喚城內所有一切
人民悉在自家各聞其聲聞已一切
所有人民及兩宮內諸姝女等作如
是心謂言太子迴還入城是時人民
及以宮內所有姝女或開窓牖或撥
門簾以歡喜心遙望太子時彼人民
及宮姝女唯見馬王及以車匿離別
太子獨自而來見已各還閉窓門戶
退入家內稱冤大哭時淨飯王以愛
苦惱逼切身故思惟欲見恙達太子
即入齋堂繫戒淨心修持苦行憂愁

悵快內心日夜求守一切諸天諸神
復作種種方便因緣欲求見子以慰
心故尔時車匿苦惱憂悲淚下如雨
手執軋陟并及太子縶身瓔珞無價
寶冠擎持將入淨飯王宮辟如王子
於戰鬪場被怨敵煞其從左右將馬
瓔珞入於王宮如是如是其奴車匿
離別太子將馬服玩雨淚而入大王
宮中亦復如是車匿入時其馬軋陟
在淨飯王宮門之外欲入門內觀瞻
太子左右行動坐卧之處不見太子
淚下如流炮地大鳴辟如有人於大
衆中說苦惱事時淨飯王宮內所有
種種諸鳥孔雀鸚鵡鵲鴿命命俱翅
羅等種種諸鳥聞軋陟聲亦謂言是
太子歸家彼等歡喜各自出聲和雅
而鳴如是軋陟作於聲已所有大王
廐內餘馬聞軋陟聲亦謂太子歸來
向家一切歡喜皆悉鳴喚其淨飯王
宮內姝女衆多百千摩訶波闍波提
等復有太子宫內姝女六万餘人及
其大妃耶輸陀羅等念太子故大生
憂惱塵淚滿面各任本容不復洗梳

身體衣裳皆悉垢膩捨諸一切妙好
瓔珞憂愁悵快心意不安或哭或啼
或思惟坐聞軋陟鳴各相謂言如是
軋陟作是鳴聲決定是我太子歸家
無有疑也彼等既聞軋陟聲已心大
歡喜渴仰欲見於太子故摩訶波闍
波提耶輸陀羅等多千姊妹各於自
房或在樓上或在殿中或在室內欲
見太子渴仰忽起急走集聚向於車
匿及軋陟邊彼諸姊妹唯見車匿及
馬軋陟離別太子而來向宮彼既見
已各舉兩手叫喚大哭流淚滿面口
唱太子種種諸德而有偈說

彼等姊妹心苦切 渴仰欲見太子還
忽覩車匿馬空迴 淚下滿面叫喚哭
解絕瓔珞妙衣服 散被頭髮身瘦羸
各舉兩手無承望 啼號不眠徹天曉

佛本行集經卷第十八

癸卯歲高麗國大藏都監奉
勅彫造

佛本行集經卷第十九

今

隋天竺三藏闍那崛多譯

車匿等還品中

今時摩訶波闍波提及瞿多彌既見
太子曇裏明珠傘蓋橫刀并摩尼寶
莊嚴繩拂自餘瓔珞軋陟馬王及車
匿等如是見已心大驚怖各舉兩手
捷拍身體憂愁而問於車匿言今我
所愛子悉達多留在何處汝自迴還
車匿報言國大皇后悉達太子棄捨
五欲為求道故出家入山遠離親族
剃髮染衣思惟苦行是時摩訶波闍
波提聞於車匿如是語已辭如犢牛
失其犢子悲泣啼哭不能自勝其摩
訶波闍波提從車匿聞太子之語亦
復如是即舉兩手心驚怖裂口大唱
言嗚呼我子嗚呼我子流淚滿面遍
體戰慄忽然悶絕身躄倒仆宛轉土
中如魚出水在於陸地跳躑若惱摩
訶波闍波提亦復如是躄地宛轉嗚
噎而語問車匿言車匿我今不見自
身有過及心口失負持於汝汝今何

故忽將我子擲棄曠野猶如擺木汝將我子置彼林內令共種種諸惡五獸恐怖之中獨自而住汝棄捨來不憐我子而身背乎車匿報言國大夫人奴身不敢棄捨太子夫人太子自棄捨如太子付我軋陟馬王及諸璽瑤教來迴還速疾向家畏大夫人心生憂愁令得安隱無惱患故時彼宮中諸婢女等各各啼哭而口唱言嗚呼阿爺或復唱言嗚呼兄弟或復唱言嗚呼大家或復唱言嗚呼我夫以此種種愛戀酸言欲染根本叫喚苦身或有婢女轉目而哭或有婢女相視而哭或有婢女迴身而哭或有婢女舉頭而哭或有相觀面目而哭或有兩手拍肚而哭或有兩手撫心而哭或以兩臂相交而哭或舉兩手拍頭而哭或以灰土塗頭而哭或有散髮覆面而哭或拔鬚髮低頭而哭或舉兩手仰天而哭或有婢女以悲苦故東西南北交橫馳走猶如野鹿被毒箭射或有婢女以衣覆面叫喚而哭或有婢女遍體戰慄猶如風吹芭蕉

樹葉低昂而哭或有倒地悶絕不知
少有餘命繞出聲哭或有嫁女如
魚出水擲置陸地宛轉而目微有喘
息劣餘殘命綿惛而哭或有嫁女猶
如掘樹倒卧在地宛轉而哭諸如是
等種種苦惱以逼切身號哭太子
是時車匿及馬乳母并彼無量百千
嫁女哭泣之聲不可得聞摩訶波闍
波提流淚悶絕小鮓即便大哭太子
口唱是言嗚呼我子嗚呼我子汝身
本時以種種香摩塗拂拭威神大德
而用莊嚴今者云何在於山谷為諸
蚊蟲細小毒虫啖啖汝身能忍此苦
住於曠野嗚呼我子汝身恒以迦尸
迦衣熏香所覆今者云何應澁臭衣
能忍著身嗚呼我子汝在家時清淨
妙香百味所作種種羹臠潔白之食
自餘惡雜不曾向口今者云何忍食
應澁冷淡食飲或飯或麤或麤或漿
云何空食此能得下嗚呼我子在於
宮內細滑牀敷柔軟氈褥或覆天衣
或復兩邊挾置倚枕或卧或偃隨意
自在今者云何在赤露地或棘針叢

鹿草之上忍得卧眠嗚呼我子在家
之時或有奴婢或有左右恒常供承
哀憇之心或有倚身或有胡跪或有
立地向汝面觀而得奉事無所乏少
今者云何瞋恚之人或有貧窮或有
焦煎向汝無慈汝何能觀取其意氣
嗚呼我子在於家內以妙華色可喜
端正姝女群隊左右圍遶而受快樂
汝今云何在於山曠猶如野獸恒常
恐怖獨坐獨行心乃娛樂嗚呼我子
善生羅網所覆長直脚指柔軟脚蹠
踰脛猶如鹿王掌底柔軟如蓮華葉
二輪莊嚴分明顯著今汝云何如是
脚跡徒跣躡地或有棘針或有沙礫
或時冰凍或時炎埃何忍東西將此
行涉

是時摩訶波闍波提作如是等無量
無邊諸種語言哭太子已心薄蘇醒
得復本念從地而起問車匿言車匿
此事已然我子悉達行路之時向汝
何囑車匿我子所有柔軟青色紺黑
頭髮復誰割也車匿我子頭髮今在
何處車匿報言國大夫人妃子悉達

囑語我言車匿汝至我家為我懇懃
拜拜問訊我母摩訶波闍波提若再
拜已作如是言諮啓大母願莫大愁
莫生苦惱莫憶於我子不久得如心
所願得即迴還奉覲大母其聖子手
自拔於刀左執頭髻右手持刀而自
割截擲於虛空諸天接取將還天宮
為供養故是時摩訶波闍波提既聞
車匿作是語已復更重哭大子駿騶
嗚呼我子頭駿甚長柔軟縲髻極能
端正一一毛孔一毛旋生不亂不斷
堪著王冠受於王位汝今何忍割截
擲棄嗚呼我子兩臂甚長行步摩序
如師子王兩目圓滿猶如牛王身體
金色曾轉寬大聲音隱隱如鼓如雷
如是人者何堪出家居在山野今我
此地無有福相若是人者行如法行
此地倒已復不能起為世作主我願
一切有德之人諸功德具值於法王
出現於世今諸大衆安隱快樂而有
偈說

必其此地無有福 不應生是智慧人
既現如是功德身 應當為世作聖主

尔時耶輸陀羅大聲叫喚一瞋一罵
雜種語音呵責車匿作如是言車匿
我婦女人年少夜半睡眠沉重無所
覺知汝今把我心中所愛如意聖夫
將何處置車匿去此近遠我之聖主
善大丈夫并汝及馬三平等行車匿
軋陟唯二獨來在於我前不見我心
所愛聖主是故我今身心戰慄車匿
汝非善人不潤益我車匿我今要言
假使酷暴極瞋怨家猶尚不能如是
損害似汝今日躋頻於我車匿如汝
是我所歸依者應覆護我應養育我
汝今云何見我夜半惺亂睡眠汝私
竊偷將我聖主向何處著車匿即汝
今是最大怨讎所作之事今已訖了
汝復何須懊惱啼哭汝宜拭面何用
強悲虛瀝目淚車匿汝不善業今作
已竟不假須哀車匿以汝為我聖夫
善友禁節入出可行則行不可則制
今反相從令我聖主隨意而出車匿
用汝何為汝今作是不善事已應須
歡喜我知汝今大獲果報大得福利
車匿凡世間人寧取有智以為怨家

不將愚癡共作朋友車匿汝雖於我
夫處為友而汝作事不曾思惟所以
者何車匿汝於我家今已造作不利
益事汝今應當生大慶幸車匿此諸
宮殿高峻莊嚴猶如雲隊復以種種
瓔珞廁填財寶充滿今為汝故悉皆
空虛即向車匿而說偈言

凡人寧近智慧怨 莫取愚癡作朋友

由汝作事不思審 令我合家苦惱煎

今時耶輸陀羅說是偈已重語車匿
作如是言車匿我今何得心不憂愁
向者我夫若當相對今日此等諸姝
女輦色白如雪膚赤如朱可憐少雙
端正第一解身瓔珞脫妙衣裳應須
共同受諸欲樂誰知一朝忽成孤寡
以無主故眼淚晝夜恒如水流啼哭
呼號常無斷絕車匿又此軋陟與我
長夜恒作怨憎不為利益見我夜半
睡眠不知負我心中所愛之主從城
而出此馬作業極深不善何故今者
在於我前苦痛而鳴令聲遍滿大王
宮內其先將我聖子出時此不善馬
何故默然飲氣而行若初去時如是

鳴喚彼時即應聞其聲響諸人睡覺
我今亦應不見如此大苦惱事此不
善馬假使箭射穿穴其身或以杖煞
應不合出行向山林是故此馬不為
我家作於利益正以畏懼少鞭杖故
將我內心所愛寂上聖主丈夫出向
山藪我今此宮以無主故堂殿房室
聚落城隍國邑街衢樓閣窓牖門閤
欄楯曲尺琅玕半月殿形微妙殊勝
寂上華嚴今悉空虛為此馬王惡乳
陟故令我皇閨猶如曠野舉目灑地
無處可貪耶輸陀羅作於如是多種
苦切痛楚悲泣酸哽言時不可聞見
迷悶暫停其車匿聞耶輸陀羅作是
言已低頭屏息合十拍掌垂淚大失
報聖子妃耶輸陀羅作如是言妃今
不應呵責乳陟亦復不合瞋罵於我
我無過失我及乳陟實無罪各妃之
聖夫初始去夜我作多種衆諸障身
所謂唱叫我於今時大聲喚妃以種
種語作如是言大妃速起大妃速寤
今夜此宮妃所愛夫欲將於我及乳
陟去手執頭髮一一出示耶輸陀羅

此之頭髮。尔時我拔某姝女。取此是
某甲姝女頭髮。此是某乙姝女頭髮。
各各稱名而告語。彼尔時不覺自餘
姝女一切。悉然。此軋陟馬聖子去時
亦作障。尋一千餘。遍出聲。鳴喚。以蹄
踏地前。却不行。又以領車。張鼻震吼。
此馬鳴時。其聲所聞。至半由旬。其蹄
聲聞。一拘盧舍。我於尔時。唱語妃言。
妃之所愛。今夜去矣。妃及其餘諸姝
女等。自不覺知。如是等聲。又是諸天
神力。隱沒。不令得聞。大妃須知。我及
軋陟。實不敢將聖子去也。如是測
度。知妃聖主。取我語。不聖子。若依我
語而行。終無是事。即向於妃而說。偈言。
我今不忍眼淚流。合掌低頭更諮白。
妃實不合呵責馬。并及我邊。不得瞋。
大妃我昔亦知淨飯大王。舊有嚴勅。
一切左右善加用心守護。太子我雖
先知。有如是教。但不自由。諸天力強。
迷我心意。所欲作事。不得從心。聖子
所行。並天神力。唱耳出家。
尔時心念城門自開。彼諸宮門。從來
各有多千人。衆心不放。遙守護諸門。

彼等皆著睡眠不覺聖子初出宮門之時如日初昇放大淨光破一切暗我於今時自知此是諸天所作大妃我於今時聖子出城行路之時我取在前徒步而走我於今時身不知乏大妃此軋陟馬行於路時脚不踰地猶如有人昇而將行其作聲時亦不遠聞大妃我於今時私心思念亦知此是諸天所作

大妃我於今時聖子如法樂沙門衣袈裟色服從他乞取其自身衣解付與他髡髮割截擲虛空中而不落地諸天接取我於今時心念知是諸天所作大妃以如是故妃今不應於我輩邊生於瞋恨所以者何不由我故亦不關馬將聖子出

今時大妃耶輸陀羅卧於地上少時思惟以種種語悲啼號哭作如是言嗚呼我主何故今者我如法行孝順向夫捨我而去向彼欲求於法行者彼無正法以其不能隨法行故嗚呼我主可不聞彼往昔諸王欲向山林求法之時將婦及兒相隨而去彼等

諸王無妨聖道亦得成就嗚呼我主
彼豈不知有如是法諸人猶尚共婦
剃頭出家修道精勤苦行將於好馬
祭祀諸天作無遮會於未來世二人
同受上妙果報若知韋陀論中說法
何故今者獨於我邊作法慳惜不共
行法咄咄空徃徒生人中若知世間
共於婦人有恩愛情云何棄捨欲
生於彼三十三天貪於玉女我意今
見如是之事彼天王女有何可貪有
何端正有何五欲歡樂事情若其不
貪於彼使樂捨此王位威神功德及
與我等諸姝女輩既棄捨已出家而
入空閑山林欲行苦行我今不取天
上果報亦不羨天王女之身我心知
足我有是力我在於此不用生天但
於此處修行苦行云如是願若在人
間若在上天唯願伏事如汝之主彼
心決定如是耐鞫若捨我等入於空
山閑靜林野我心亦然堅固不轉如
石無異軍牢實實若我今無夫之
婦以見自主從家而出行至山林使
我孤單獨在空室何得令心而不破

裂即說偈言

我今身心甚大對 如鐵共石無有異
主捨入山宮內空 何故我今心不破
今時耶輸陀羅如是因緣為於太子
苦惱逼切而心迷悶忽然躡地須臾
還起或時舉聲悲哀號哭或時默住
恆頭思惟或時忽驚狂言漫語彼之
我夫今何方去彼我聖主今何處停
使我孤梵獨居宮內棄我捐我捨情
我行我從今日不得聖子不卧本牀
亦復不以香湯澡浴亦復更不莊嚴
自身不揩摩拭不脂粉塗又更不著
雜色衣服從今已後不著雜種諸璫
珞具不以香華熏佩於身不食美食
不飲美漿一切酒等悉皆不飲常食
勝食今更不食頭上素髮更不嚴治
雖在於家恒常作於山林之想而行
苦行乃至不見彼之寂上勝大丈夫
我見一切諸園林池泉水殿堂悉滿
塵土猶如曠野一種無異以迦毗羅
聖子無故一切宮閣一切樓觀悉無
精光猶如沙磧以此憂愁苦惱心故
不能自持失於正念無復愧耻无復

耆慙其耶輸陀羅卧在地上作於如是苦惱死轉狂語之時宮內所有諸姊妹女等悉皆同聲叫喚大哭流淚滿面而有偈說

如是苦惱逼切彼 姊妹及妃耶輸陀
各各相觀眼淚流 猶如盛夏降大雨
尔時車匿見耶輸陀羅作於如是諸
苦惱已諫言大妃莫生如是酸切懊
惱莫大悲苦應須暫停莫憶聖子聖
子出時雖在人間與天無異威神氣力
與天不殊聖子出時諸天圍遶右邊
則是諸梵天王及梵眷屬左邊帝釋
及諸三十三天眷屬其東方有提頭
賴吒吒闍婆王其南方有毗婁勒叉
鳩睺茶王其西方有毗婁博叉及諸
龍王其北方有毗沙門天領諸夜叉
左右圍遶其身悉著金跣鎧甲或執
弓箭或執戟矟或復在於聖子之前
示現道路或復在後防衛聖子或在
於左或復在右隨從而行其虛空中
常有無量諸天王女百千万衆悉大
歡喜遍滿其體不能自勝將天雜華
散聖子上散已復散是時聖子見於

彼等諸天王女內心亦復不喜不樂
不愛不瞋不取不觸其聖子情如是
不著彼等所用國母大妃聖子出時
諸天如是示現神通所有諸事供養
聖子我今難可一一具說說是語已
時第二妃瞿姨聖女辟如大樹枝折
下垂不能自舉瞿姨聖女為於太子
受大苦惱其心煩毒為彼憂愁熱火
所燒遍體戰慄卧於地上宛轉大哭
口唱是言嗚呼我主心常歡喜嗚呼
我主面如滿月嗚呼我主端正少雙
嗚呼我主軍上軍勝諸相具足嗚呼
我主清淨之身世間無比支節不缺
次第善生猶如金像嗚呼我主功德
最勝嗚呼我主大慈大悲天人所供
嗚呼我主勇健多力如那羅延無有
怨敵能降伏彼嗚呼我主梵音微妙
出聲猶若迦陵頻伽嗚呼我主名稱
遠聞嗚呼我主百種莊嚴福德之聚
於天人世無與等齊嗚呼我主功德
圓滿諸仙見者悉皆喜歡嗚呼我主
名聞上下四方四維悉皆尊遍供養
之聚如智慧林嗚呼我主於世間中

舌味寂上嗚呼我主口脣紅赤如頻
婆果嗚呼我主雙目紺靑如青蓮華
嗚呼我主口四十齒清淨潔白如乳
如練如雪如霜嗚呼我主鼻高隆直
猶鑄金挺嗚呼我主眉間白毫正住
清淨嗚呼我主兩膊團厚寬廣平
腰細纖長猶如弓弣手足柔軟嗚呼
我主脰脰臂肘猶如象鼻手足正等
爪皆紅赤嗚呼我主此之瓔珞看日
所作吉星吉宿大淨飯王造作之時
生大歡喜今者何故乃得別離我今
亦復不憚見於此等瓔珞時瞿多彌
以苦惱心數數恐怖數數驚惶猶如
野鹿被他駭逐落於園內手執刀鋸
或復弓箭用射其身受大苦痛東西
馳走觀察四方無能投護可令免脫
時瞿多彌心亦復然語言不正在於
宮內自討殿中東西南北求覓不得
悲泣叫聲淚流滿面無有投護受大
苦惱復大唱言聖子在此此處猶如
忉利天宮一種無異諸物具足亦如
帝釋威德巍巍光明熾盛今悉失盡
今以聖子忽然無故其城猶如尸陀

之林或如山澤或如曠野我在於此
宮殿之中共於聖子受無比樂生大
歡喜無有厭離今聖子無意不樂著
譬如魚鼈出於水中居在陸地無有
暫樂何況意樂我亦如是聖子無故
有何樂心猶如過春諸蜂無樂以等
無故不著彼林不貪彼樹我今亦然
無聖子故此之室內有何歡樂嗚呼
我主坐起之處恒作音聲宮中婢女
以歡喜心作大歌舞今此宮殿一種
不殊而令於我忽生憂苦心意不歡
何況伎樂嗚呼我主身著微妙種種
香華瓔珞自嚴塗香末香隨時供足
無所乏少應正受樂稱心歡喜云何
忽然棄捨而去譬如虛空起大雲隊
閃電雷鳴放大雷雨忽然不現聖子
亦然次受王位應須受樂無所短乏
棄捨而去必我往昔精妙施已心還
生悔以心悔故今得是報雖受果報
無量深喜忽然復失以悔業故今成
寡身我今薄福失於如是取上勝人
咄此恩愛會無多時須臾便失猶如
戲場作大歡樂忽然還散現事如此

又傳聞道往昔王仙修習寂靜制伏諸根證於禪定至彼空林斷一切慾身專苦行食諸妙藥及於甘果隱處山數共婦相隨而行梵行今彼何緣獨向山野而自精勤

時瞿多弥抱軋陟頭舉聲大哭嗚呼軋陟無慈之馬共汝一時同生聖子今在何處汝復何故夜半將去不語我知呵責車匿而作是言咄汝車匿特無慈心我既睡眠何故不喚此既是我心中所愛今忽捨去汝以何故不語我知令我久長獨眠獨坐真實大苦咄汝車匿為我論說聖子去時去何而行復誰將引在於此宮是誰導出行向何方今至何所妃瞿多弥如是呵叱責車匿已復更和軟語車匿言事既以然汝善車匿汝親送來知聖子處汝將我等往詣彼所我等身當隨於聖子修習苦行專精求道還望來生共於聖子同生天上

尔時車匿聞瞿多弥如是種種嗔喜言已心生悵快倍更憂惱苦痛熾盛逼切其身淚流滿面強自抑忍安庠

慰喻瞿多弥心作如是言願妃善聽
但莫憂愁亦復不須如是哭泣計應
不久得見聖子所以者何當於聖子
遣我還時而語我言汝車匿去至於
宮內為我問許一切眷屬并我妃等
及諸釋種童子知親我故遣汝迴還
向宮慰喻彼等為我語彼作如是言
我今已除貪患癡網不久當成智慧
等覺成已即許迴返還入迦毗羅城
我知聖子決得利智稱心等願迴還
不疑定知如是取勝衆生不虛妄語
時淨飯王如是苦惱於其宮裏祭祀
諸天所作已辦遙聞太子宫閣之內
大叫哭聲王便從自宮殿而出是時
車匿即將太子瓔珞傘蓋并馬軋陟
牽詣王前一顯示承太子命慙重
囑故頭面頂礼淨飯王足涕淚交流
嗚咽滿面依具奏知
時淨飯王見其太子諸寶瓔珞并及
傘蓋馬軋陟等兼復聞於太子所囑
恩慈言語不覺忽然大叫唱呼失聲
大哭作如是言嗚呼我子中心所愛
誰期如是時淨飯王念太子故憂苦

切身迷悶倒地無所醒覺而有偈說
王聞菩薩誓願重 及見車匿軋陟還
忽然迷悶自撲身 猶如帝釋喜幢折
今時淨飯王宮所有釋種諸親族等
見淨飯王身撲倒地彼等皆患大生
憂苦心無暫樂各自舉聲蹄咷而哭
口唱種種悲苦之言大叫大呼如上
所說時迦毗羅城內所有人民大小
以其別離聖太子故各各稱冤大聲
而哭思念太子如是次第諸眷屬等
齊共慰喻於淨飯王

時淨飯王憶太子故憂惱之心不能
暫捨諸親族等或有言說開解王者
或有扶王令起坐者而王雖坐少時
還倒悶絕不醒或時暫蘇啼淚滿面
而勅車匿作如是言汝之車匿何故
不遣太子還宮時其車匿即白王言
大王當知我亦大作懇懃方便欲令
聖子降意歸還但聖子心無所染著
於世間中所有俗法一切棄捨無有
樂心即語我言汝莫諫我我今不用
一切五欲棄捨一切眷屬國城唯樂
山林泉流靜處

時淨飯王重聞車匿作是語已薰見
太子諸瓔珞具在於地上身即頂礼
滿面淚流大聲而哭語車匿言我今
力窮無復意氣手足悉折猶如朽株
我今別離此愛子故如樹無枝唯根
幹在於外諸國今見輕欺又我單身
無所能作如樹被電為諸小兒之所
戲弄嗚呼我子取上寂勝微妙丈夫
可喜形容端正無疋柔軟童子遠離
心願何故出家棄捨五欲心所樂者
背我而去嗚呼我子諸相具足百福
莊嚴一一相中皆並悉備嗚呼我子
身體諸好皆悉遍滿嗚呼我子伺諸
姪女睡眠不覺忽然而出嗚呼我子
昔在宮內我無一愁嗚呼我子諸王
家勝嗚呼我子上世以來恒在諸王
上族中生嗚呼我子何故忽捨王位
出家嗚呼我子恒為多人之所喜見
若男若女老嫗丈夫眼瞻視時無不
歡悅嗚呼我子善巧多智嗚呼我子
棄捨四方及諸七寶一切眷屬獨自
出家嗚呼我子猶如白象破大樹木
背宮出家嗚呼我子汝出宮時所有

城門難開難閉設開閉時其聲遠徹
去何今者使我不聞汝當諸天隱蔽
彼響嗚呼我子今此處所迦毗羅城
諸釋種子無所可望以汝志達捨出
家故嗚呼我子迦毗羅城諸釋種子
所有資財金銀珍寶穀麥倉庫自餘
錢物能得棄捨猶如涕唾背而出家
嗚呼我子我以為汝造諸時殿春夏
秋冬汝今去何棄捨而行娛樂曠野無
人之處唯與諸獸山林為樂嗚呼我
子昔者諸仙二種授記以是因緣我
昔歡喜遍滿其身不能自勝我於尔
時不覺頂礼兒之二足嗚呼我子汝
今出家護城諸神悉皆棄捨此城而
去嗚呼我子面圓如月嗚呼我子牙
齒白淨目如牛王嗚呼我子昔聞汝
語心生喜歡今日憶想反成憂苦嗚
呼我子恒以妙好多伽羅香栴檀沉
水牛頭栴檀用塗其身種種瓔珞所
莊嚴身末香熏香燒香所熏柔軟之
體今忽不見嗚呼我子愛戀之心徹
我皮肉筋脉骨髓而在中住今忽捨
出入山林間

佛本行集經卷第十九

癸卯歲高麗國大藏都監奉
勅彫造

佛本行集經卷第二十

今

隋天竺三藏闍那崛多譯

車匿等還品下

時淨飯王復作是言我今心願所有
四方護世神王護諸衆生今為我子
成利益故恒相佐助天上帝釋千眼
天主舍脂之夫大力天王及諸天衆
左右圍遶願為我子所有心求願作
佐助又世諸神風神水神火神地神
四方四維彼等諸神皆作佐助汝軍
勝者無上丈夫何故棄捨四大天下
彼之我子今捐家出志慕無上極妙
聖果其所欲求願速成就阿耨多羅
三藐三菩提道使早證明其淨飯王
卧於地上以種種語呵責軋陟作如
是言汝不善馬從來多種為我所作
愛樂之事今日何緣忽不饒益如是
損害於釋種家我之太子恒常愛汝
與我心合常作歡喜汝今如是汝須
覆滅汝可將我向太子處我共愛子
共行苦行我今離別所愛子故命在
須臾不久存活而說偈言

軋陟汝馬速疾行

將我詣彼還迴返

我無子故命難活

如重病人不得醫

時淨飯王說是語已因愛子故苦切

所逼卧在於地作如是等受苦惱事

舉聲大哭乍撲乍起言音哽咽

尔時有一智慧大臣并及國師婆羅

門等見淨飯王宛轉于地左倒右扶

心大愁毒悲苦經迫意不暫歡身心

一時生大熱惱其等欲開解三意故

故現顏色自無憂愁共白王言大王

今者宜可捨諸憂愁苦惱定於自心

須作健想不應如是悶絕自撲猶如

凡人涕泣流淚所以者何大王當知

如昔過去多有諸王棄捨王位如婆

華鷄梢而入山又復大王太子悉達

宿緣當受如是業報大王今者應憶

往昔阿私陀仙預授其記白大王言

彼童子者不可拘以人天果報并及

轉輪聖王之位而期待之使令貪愛

暫住於世大王今者若決定欲喚大

子還但勅我等二人令去當隨王命

終不敢違

時淨飯王即報之言汝等二人若知

時者可速疾往至太子邊若不尔者
我今身命無有吉祥為諸苦惱之所
纏逼是時大臣并及國師婆羅門等
聞淨飯王如是勅已即共發行詣太
子所而說偈言

太子應受如是業 王當念昔私施言
記彼不貪天轉輪 率樂人間五欲樂
時彼大臣及國師等說是語已相與
俱行其馬軋陟處處聞於如上苦切
呵責言已意甚憂愁生大熱惱以熱
惱故無暫時歡心既不歡即便命盡
命盡之後應時上生三十三天既生
彼天後知如來得成道已即從彼天
捨來下生中天竺國於鄉波城其城
有一婆羅門種具行六法即為彼家
而作子息乃至漸大至如來邊如來
知彼往昔之時作於馬身命終生天
時佛即說彼馬因緣既聞法已漏盡
解脫入般涅槃

佛本行集經觀諸異道品第二十四

尔時太子自手執刀割於頭鬚剃除
鬚髮身著袈裟即時無量百千諸天
生大歡喜遍滿其體不能自勝以喜

歡心齊出聲叫大歌大嘯弄諸衣裳
口大唱言悉達太子今已出家悉達
太子今已出家其定當得阿耨多羅
三藐三菩提得已一切生法衆生當
得解脫於彼生法乃至應受苦惱別
離諸衆生等悉得解脫於此繫縛
尔時菩薩割髻之處其後起塔名割
髻塔菩薩身著袈裟之處後起塔稱
受袈裟塔車匿軋陟辭別迴還向宮
之處後起塔名車匿軋陟迴還之塔
菩薩行路諦視徐行有人借問默然
不答彼等人民各相語言此仙人者
必釋種子因此得名釋迦牟尼
尔時菩薩自心發起如是思惟我今
既已捨於王位捐自眷屬境界國城
不可生悔此事成已是滅相法如是
念已心轉勇猛

尔時菩薩從彼阿尼弥迦聚落漸漸
欲向於毗耶離中路有一仙人居處
彼舊仙人名跋伽婆凡言菩薩入彼
仙人處時光明顯耀照彼山林菩薩
既除諸瓔珞具并捨一切迦尸迦衣
直是身威猶尚出光耀彼山林諸仙

人眼而有偈說

菩薩象王師子行

除捨妙衣及瓔珞

直著袈裟鹿法服

身猶威耀彼諸仙

時其林內所有持行婆羅門仙行往
坐卧或手執持隨威儀住彼等一切
向菩薩面起恭敬心愛樂尊重或復
生疑瞻仰菩薩然彼林內有諸耆舊
婆羅門仙或取華果藥木草根其餘
他行未集聚者彼等未見不生疑心
但遠遠聞菩薩之聲既聞聲已心驚
速疾來還林中本所住處應所作者
更不復作應所取者更亦不取其餘
華果及藥草根設已取者亦悉捨之
但心速欲來菩薩前

時彼林內所有諸鳥所謂鴻鵠鵝鴨
鸚鵡鷓鴣鴛鴦命命孔雀及迦陵伽
俱翅羅等一切諸鳥彼諸鳥等見於
菩薩入林中已各各自出和雅之音
作微妙聲又彼林中所有虫獸其等
一切悉捨水草不食不飲歡喜來向
於菩薩前

是時彼林諸婆羅門為祭祀故擊諸
犢牛取於乳汁彼等犢牛雖復拊訖

而其乳汁猶更如初自然流下

時彼一切諸婆羅門各相謂言曾聞有八婆娑婆天此人莫非是於其一或復有言諸婁宿天此是其一何以故自從其來入此林中此林放光皆悉明耀如日初出照於世間而說偈言或八婆娑此是一或二婁宿中一天若不此林何故光 辟如世間日初照余時彼等諸婆羅門修習仙法居彼林者隨林所出供養之具將如是等諸供養具請於菩薩各各一心齊頂礼足同共白言善來聖者我等諸仙欲請聖者住於此處此處所有華果樹林藥草根葉流泉冷水隨時堪可納受充用此是古仙之所居處欲求解脫易得安心此處空閑經行寂靜余時菩薩以微妙語辭采音句美麗可觀聲隱隱深猶如雷鼓隨所堪受問訊相訓是時諸仙衆中有一婆羅門仙善巧居林苦行之法彼見菩薩好容儀已別更告一婆羅門言仁者知不此天童子洞識人心善解方便何以故凡世間人各相謂言我生諸

子應當養育諸子長成則能為我興
立家計販賣求財造作生活我於當
時求智求道若負他債悉償令了如
是思惟諸思愛故養育諸子此則不
然為他求道不計自死不求自利
時彼衆中復更別有一婆羅門告彼
已前婆羅門言仁者仁者如是如是
如汝所言世間之人不自覺知不自
辨了常不知足但言我今須如是辨
明日復須作如是辨我行法時猶尚
未至如是一切諸世間人以迷惑故
既不辨於此世自利然未來世亦復
不得成就諸利

尔時菩薩從兜率天下來之時入釋
種胎欲受生日彼時先於其跋伽婆
仙人林中所居之處自然涌出二金
色樹時彼二樹高峻長大而彼二樹
當於菩薩出家之夜忽然沒地一時
不現其跋伽婆仙人見彼二樹同夜
沒不現已心大憂惱悵快任頭思惟
念言必我棄時相貌所至或復更有
惡相來耶菩薩見彼跋伽仙人如是
憂愁任頭悵快心不歡樂漸至彼邊

而白仙言尊者何故顏色憂愁低頭而坐

時彼仙人報菩薩言天善童子此我居處往昔以來有二金樹從地涌出彼樹高峻嚴麗可觀我見彼樹今忽不現以其沒故我今憂愁心意不樂如是低頭思惟坐耳菩薩即問彼仙人言尊者彼等二樹出來幾時仙人答言到今已來二十九年菩薩又問彼樹滅沒今來幾時仙人報言昨夜半時始沒不現菩薩即語彼仙人言彼二樹者是我福力果報故生若我當作轉輪聖王我於此處作一善地園林之所我今既其捨離出家以是義故彼樹昨夜沒而不現以是因緣尊者勿復自生憂愁

今時菩薩為於彼等一切諸仙左右圍遶於前行至彼所居處隨意遊行觀看種種坐起安禪苦行精進求道之處時彼林內有一仙人恒修苦行在菩薩後隨逐而行

今時菩薩入彼林中至於仙人居住處已東西南北觀看彼中行住坐卧

苦行居所欲求彼等寂勝處故問於
彼等諸仙人言我今始入求道未久
是故我欲借問諸仙唯願如法為我
解說汝此法行我曾未知汝等示現
為我宣說我得聞已如法奉行此處
求利真實行者如於汝等所有苦行
我亦依行彼等諸仙荅菩薩言仁問
我等一切苦行及求道法我等為仁
次第解釋凡行苦行此之衆內或有
食菜或有食蕒或食尼拘陀樹枝者
或食頭拘羅樹枝者或食迦尼迦羅
枝者或復止食一樹之枝或食牛糞
或食麻滓雜果藕根或食雜種諸樹
軟枝或復飲水而用活命或如蜾蠃
而自活命或復有如麀鹿食草而以
活命或有立地而用稱心或有坐地
而稱消適或食四口食而活命或復
有持麻作衣者或黑羊毛而作衣者
或草作衣或以野瑩綿作於衣或龍
鬚草以用作衣或以莎草持作於衣
或鹿皮作或以故破皮作衣者或亂
髮作或毛毳作或以死人幡作於衣
或糞掃衣或復裸形卧棘刺上或卧

板上或卧株上或卧杵上或復住於尸陀林中或住蟻垤猶如蛇居或住露地或復入水或復事火或逐日轉或舉兩手安然立住或地蹲坐或不洗梳身坐塵土或復髣髴或拔頭髮或拔鬚鬚然我等輩以如是行自住持已次或觀時思惟而行或復願欲求生天上或復有欲求生人間以苦行故然後其身始得安樂所以者何求法甚難要修苦行以為根本而說偈言

如是修習苦行時 自有三十三天報
苦行精進後得樂 是故苦為諸樂因
余時菩薩雖聞諸仙如是苦行而眼
未見其法極處心不喜歡而知此言
未是真善還緩聲報彼仙人言我今
觀看汝法雖有然苦須滅而後果報
更無所去唯當生天又其一切諸天
宮殿所有果報是無常法以行如上
少果報故如是苦行既須捐捨所愛
親族復去世間一切諸樂行於苦行
遠離諸樂以求樂故乃更入於大牢
獄中而說偈言

汝捨愛親及世樂

行於苦行欲生天

雖復謂言此出昇

不覺未來還入獄

尔時菩薩說此偈已復作是言若當

有人為苦逼身怖求勝處欲生天上

以天中受五欲樂故不知厭離於未

來世不免煩惱之所患害彼等仙人

以苦行故還求大苦是諸眾生命終

之時見大怖故求後好生以求生故

還復不離於彼無常所以者何何處

世間有諸恐怖還復染著彼之處所

以於此世苦切逼故求欲生天受於

樂故怖望渴仰願求生彼所作未辦

還復墮於無利益處而亦不求厭離

苦行亦不求離苦身之法欲覓勝處

過天上樂

若有智人離此五欲漸漸須覓勝上

之處如足步前以證勝處更須求過

彼寂勝處若其苦身以得法者此苦

身法是名非法若苦身故天上得樂

是因行法得於非法但此身動由心

故行是故應當先調於心莫苦其身

而說偈言

此身動時由心轉

應先調心莫苦身

身如木石無所知 何故隨心而困體
今時菩薩復作是言若前所說因於
斷食當得福者其野獸等應得大福
又復貧人以其先業果報微薄不深
植故資財乏少猶如世間無功德人
常求地上一切神祇功德之水以澡
浴身望應得於如心所願其事不然
今時彼諸苦行師等白菩薩言明智
仁者仁於此處見何等患菩薩答彼
苦行師言汝今行此苦行之事後日
還來入此有處其苦行師復更詳共
問菩薩言我此處有如是法行菩薩
報言云何得知如此苦行還入有處
汝等此行非究竟入非無畏處
時苦行師復更重白於菩薩言大德
仁者唯願仁者莫作如是說我今此
居所行道路是無畏處有大功德
若人依此道路行者捨此惡形得勝
妙身

菩薩報言雖捨惡形後得妙身而實
未是離有之法因今苦身得於後身
然彼後身亦未離苦所以者何雖復
行於多種苦行望欲求樂而不離苦

其苦行師復更執理白菩薩言仁者不然不以苦行後還得苦但以我等苦此身故後世決定得於快樂菩薩復答如此之言亦是無智何以故譬如有人欲求於利不知其內而有大夫以知失故欲求利者此非智人余時彼有一婆羅門在於衆中高聲唱言希有希有此之王子是真實智譬如有人得美飲食而和雜毒誰樂欲飲如是此事後雖得樂而未離於有為生老病死之法此豈非是還求後生

余時菩薩復作是言苦苦世間憎死命鬼復求後生此大癡騃苦行師言善哉王子仁慎莫深諦觀此行此行過去無量諸王仙等百千万億行此苦行而共求於後世之樂菩薩又言如汝今言千万歲者希有大癡嗚呼妄語此處大德以苦行故分別境界求後世樂於未來世受生死有不曾知足於煩惱中不作所作展轉其中以其世間求於樂故反多得苦

時苦行師復作是言仁者王子此境

界主寐

亡私反

洩

陀梨反

羅城其王欲作

無遮之會祭祀諸天煞害衆生其數不少求後受樂菩薩復言凡以煞害而得法者可名行乎其苦行師又復白言我相承來祭祀諸天法用如是菩薩報言何有苦他名為法也有塵坐身還將塵拭能得淨乎有血塗身還以血洗豈能得淨有行非法當得於法無有是處苦行師言實有是處菩薩又言有何因緣苦行師言依尋施論徃仙所說菩薩又言此是何義苦行師言若有諸人祭祀諸天是名為法

菩薩又言我且問汝世間近法若人煞羊祭祀天已得如法者何故不煞所愛親族而祭祀天是故我知煞羊祭祀無有功德汝行雜法意欲如是尔時菩薩遙見去此坐處不遠有一叢樹如尸陀林菩薩見已告彼苦行諸師等言尊者但看彼地處所名何苦行而彼林下或有死屍諸鳥所食或有死屍白骨而聚今者現見或有

死屍以火焚燒成一聚骨或有死屍懸著樹上或有死屍被其眷屬之所煞害莊嚴其座依法而葬後生慙愧或有死屍眷屬圍遶相送來向尸施林中安置於地訖還歸舍其苦行師又復更言仁者王子然其彼處尸施林者四輩共同無有簡選平等施身福德之地名為曠野此處地方布施身者不用苦力速生天上求世勝處速得受樂或有仁者投身絕崖或燒或施而生天上

菩薩復言若當如是修行行者後求富貴嗚呼大癡嗚呼無常而求後世多有怨讎求後富貴嗚呼大苦還求大苦彼等癡愚無智之人入大火聚入大蛇口菩薩如是辯才之舌向諸仙人說解脫言作微妙語如是說時日將向沒

是時菩薩還彼仙人所居之處一夜停宿後日天曉更餘處行彼等諸仙隨菩薩後次第而行

尔時菩薩少時行已見彼諸仙隨後而行菩薩見已即便依一樹下而坐

彼等諸仙圍遶菩薩或坐或立

是時彼諸衆仙之中最老仙人向於
菩薩生希有心而白之言仁者王子
自汝來至我所住處時彼地方而自
莊嚴仁者出已彼處如今即成曠野
以是義故唯願仁者莫捨於我所坐
之處何以故凡人欲得疾生天上在
此福地而修行者不久即生向於天
上是故仁者不應捨此如是微妙先
聖所行清淨之所而行餘處而說
偈言

仁來我林威德嚴 今去忽然成曠野
是故不應相棄背 如人愛命莫捨身
余時諸仙說是偈已即更白言仁者
王子今在此處得不見於無有恩義
鄙惡人乎或見墮於雜行之人或復
見於不淨行人若不如是仁者何故
不樂於我所居停處我等諸仙欲隨
仁者作於善友隨順不逆奉教隨行
欲共仁者求勝妙處假使歲星共仁
者居猶得勝處何況我等苦行諸仙
余時菩薩得彼諸仙上首請欲同求
解脫見其意已即說自心本所誓願

兼復讚歎彼等苦行一切諸仙而語之言仁者諸仙今者已得無尋之辯而身久來習行如法內心淨故能於未曾所識人邊生大慈重敬念之心今若欲捨猶如親愛乃生大愁其事雖然但仁者輩所求之法為生天果我不然也我今乃欲志求解脫不欲取有我之意願決定如是我心既觀如是相已見於汝等所居之處心不願樂一欲求還一欲求去此二甚遠然我亦非不樂此處又亦不復憎疾他人亦非見於他人過冬而不住此捨背行也然汝等輩皆住於法隨音仙聖有所言說汝等一切皆悉已得大仙之法是時彼等諸仙人見菩薩所求解脫勝上於菩薩所更生慈重愛敬心想

今時彼衆其中有一梵志仙人恒卧灰中或編祿上身著死屍糞掃衣服耳目青黃鼻長身白手執軍持聞菩薩說如是語已向菩薩面歡喜以報歎善薩言仁者所語極大微妙寂上捨願汝今乃能年少之時未受五欲

見諸過患若不渴仰欲生天者豈能得知天上後患如是觀已而求解脫彼人不久便得解脫若當仁者有如人意決定欲求彼解脫者汝今宜應速疾而行去此不遠有一仙人住止之所名曰穿藏彼有一仙名阿羅邏彼仙已得決定正智清淨之眼仁者可至彼邊諮問應聞至真方便行路仁者若聞此之方便必至彼真如我意觀仁者所見必過於彼如今仁者心想及身一切相貌決定當度諸智彼岸勝於往昔諸仙人等未曾證者今悉得之

尔時菩薩報彼梵志仙人等言願如仁者所述可也

是時菩薩捨彼仙人懇勸勸請背之而行意欲向於阿羅邏所而有偈說摩訶釋種聖王子 善巧美語慰諸仙
决欲前向羅邏邊 所有諸仙還自住
佛本行集經王使往還品第二十五

尔時國師大婆羅門及一大臣二人齊共受淨飯王悲哀瀝淚啼號勅已即便整備賢善好車駕馭而立奉承

大王威德勢力從所住城迦毗羅出
出已尋逐菩薩腳跡速疾而行漸漸
至於彼跋伽婆仙人住處其跋伽婆
遙見使來漸將向近即起前迎而口
唱言善來仁者云何忽屈來到此間
願旦消息少時停止此草鋪上解歇
暫坐我當具辦甘果冷水隨意飲食
時二使人即便頂禮跋伽婆仙人
之足禮已却退坐於一面坐安隱已
其跋伽婆種種慰勞王二使人
余時大目即便逆止跋伽婆語而問
之言大仙尊師我等今被彼甘蔗種
大淨飯王勅命而來我身即是彼王
大目指國師示此是彼王國之尊師
大婆羅門彼甘蔗王有一太子字悉
達多以畏生老病死之故欲求解脫
捨宮入山傳聞道其已至此處我等
求彼故來至此作是語已跋伽婆仙
即便報彼二使人言實有此事然其
脩辭功德具足勝上丈夫曾至此處
至此處已而問於我所修行法我依
實說彼既知己即云此雖勝於人間
其後還來入生死中非是究竟解脫

之處嫌故捨去欲求出離解脫生死
今者進向於阿羅邏仙人居所而說
偈言

脩辭丈夫功德具 至此間我法非真
欲求至極大涅槃 背我今向阿藍所

尔時二使大目國師婆羅門等聞跋
伽婆仙人語已以至孝心於淨飯王
懇重敬故不覺疲乏無有懈勌不食
甘果不飲水漿依跋伽婆仙人之語
即共相尋向菩薩所彼等漸至到菩
薩邊遙見菩薩在於林中於一樹下
鋪草而坐除其一切諸寶瓔珞身體
放光巍巍顯赫而自在嚴辟重雲中
忽然日出照耀天下滿林樹間見已
相與從車而下安庠徒步向菩薩邊
至已頂礼於菩薩足口同唱言唯願
聖子一切常勝更自前立近菩薩邊
尔時菩薩慰勞彼等隨於彼等所能
堪受勞謝語言而慰問已菩薩命令
相近而坐二使坐已自菩薩言大智
太子聖子之父淨飯大王以心愛敬
於聖子故大受苦惱所以者何當於
聖子出宮之日大王聞已立地自撲

迷悶而絕全不覺醒以水灑噴良久
乃蘇既復本心流淚滿面憶念聖子
其狀如是今遣我等來聖子邊唯願
聖子正心專聽王如是勅我以知汝
正意樂法我以知汝不住我宮必應
出家求無上道其理雖然但今非是
汝入山時我既見汝非時入山是故
我今憂愁苦毒全身被然猶如猛火
焚燒大林汝今且可割意還來入於
我宮暫捨於汝愛法之心受我愛重
若如此者是汝法行若汝不還至我
目下今我受苦如是增長譬如大河
長遠流注於一時頃兩岸崩頽其水
被填忽然斷絕又如猛風吹大雲陣
譬如熱天火燒乾草譬如旱月煎涸
諸泉譬如雹摧盛春苗稼善子我今
心亦如是以為憶念恩愛汝故心大
沸惱煎燒破碎是故汝且迴還向宮
享受王位治化天下於後若見有善
惡事當任汝心入山求法

佛本行集經卷第二十

癸卯歲高麗國大藏都監奉

勅彫造

佛本行集經卷第二十一

榮

王使往還品下

隋天竺三藏闍那崛多譯

時淨飯王復如是言我智慧子汝今雖於諸親族邊無愛戀心但取我意還來向家勿令我今為於汝故憂愁懊惱取於命終善子凡人行法行者皆於一切諸衆生邊生慈悲心如是乃得名為法行豈但獨自身入深山始名法行所以者何我昔曾聞往古已來或有諸人在自己家不脫瓔珞種種嚴身長養鬚髮具足功德求解脫故在於家內亦能得於解脫之法凡是修習解脫行法唯須智慧及以精進如此即是解脫正因汝今違我而入山者如此乃是避於五欲驚畏之法然其彼等諸人在家以諸瓔珞莊嚴自身得解脫者今當為汝略而說之昔有仁者名曰隨常仁者力金剛仁者多有仁者流行仁者大富仁者邊天又復有於毗提訶國王名能生耶耶底王隋言仁者淨仙又羅摩

王

隋言作喜

有如是等无量无边在家諸

王悉得解脫汝今須知在於家中求
解脫法亦能令得未必出家是故汝
可速來還家滿二種願一汝得受五
欲之樂一今我心常得喜歡凡世間
人受王位者若今心得如願功能是
名真王我今能為汝滿此願王位難
捨我為汝故此難捨事能捨與汝灌
於汝頂汝若建立如是因緣則我歡
喜便即辭退捨世出家入山求道而
說偈言

王位親密實難捨

今悉割斷持付汝

見汝堪治世間故

我生歡喜即入山

尔時大目并及國師婆羅門等宣淨
飯王如是口勅所說之偈悉具委曲
諮菩薩已復更別以三種事意諫菩
薩言大智聖子此是聖子父王淨飯
流淚嗚咽向我等勅酸切之語是故
聖子今聞父王如是苦勅堪應供養
恭敬父勅不得違逆聖子父王今以
沒溺大深苦河無人能拔出於智岸
唯有聖子能作救護堪拔彼苦猶如
墮於取極深水唯大船師乃能拔出

如是如是聖子父王今以沒深大苦
惱海更無有人能拔出者唯聖子耳
又復聖子小嬰孩時增長養育唯憍
曇彌兼其復是聖子姨母莫令孤寡
使其命終今為憶念於聖子故受大
苦惱辟如牝牛失犢子故悲喚而鳴
如是如是彼憍曇彌以眼不見於聖
子故悲苦嗚咽常恒啼哭是故聖子
不應捨離復以往昔養育之恩猶如
彼牛愛戀其子并及宮內婦女眷屬
亦然受苦又迦毗羅城內一切釋種
男女人民大小為愛聖子心煎迫故
被苦惱火之所燒然是故聖子今可
還家見於彼等譬如大地被焚燒時
在上諸天降大甘雨滅彼焦熱苦劇
之火

尔時菩薩聞父王使如是語已少時
思惟以調身心口喘氣已報使人言
我亦久知人父向子皆有愛心我知
我父淨飯大王向於我邊極大憐念
憶戀著心我今但以怖畏世間生老
病死自身見沒豈能救沉欲求度脫
故捨離彼諸眷屬耳誰復樂捨此之

親愛可不欲得恒相見也若世間中
無愛別離誰不樂世雖復久住共諸
親聚會當別離是故我今捨於一切
所愛親族及以父母志求菩提若汝
所言因愛我故致令父王生大苦惱
我聞此言實不戀著如是恩愛所以
者何辭如有人於睡眠中夢見親愛
聚集合會覺還別離若是凡人不解
方便心生苦惱此是无識愚癡衆生
若有智人能自思念親愛合會猶如
路行道上結伴相與共行隨逐近遠
到所至處各散還本以是事故親愛
眷屬聚集有離何須愁惱又前世時
曾為眷屬捨已來此此處眷屬捨至
後世後世捨已復至後世如是展轉
更互相捨此諸眷屬愛戀之心從何
處來去至何處凡世間人從初受胎
至一切處如是念念剎那時間志皆
有於死命鬼逐如此何者是時非時
今乃語我我子即今非是入山求道
之時何況在家受五欲時若當問我
時非時者今當略之所以者何彼死
命鬼於一切時攝諸衆生無不攝時

是故我今欲求離彼生老病死以如是故無時非時

菩薩復言若當我父喚子但來我必與子灌頂王位我父必有大弘願心如是難事易能與我可惜於道令我
不修但我不欲受此王位親愛繫縛非解脫道譬如患人不思美食云何
智人貪是世樂其無智想愚癡之身大有苦惱故乃能受此王位耳既居
王位放逸自在耽荒酒色不能捨離譬如金屋猛火熾然譬如美漿和諸
毒藥譬如花沼而有蛟龍如是如是王位快樂意所娛樂諸患隨逐不覺
不知以是因緣我今不樂亦非是法而說偈言

譬如金屋火熾盛 如食甘美毒藥和
如滿池花有蛟龍 王位受樂後大苦
尔時菩薩說是偈已復作是言以如
是故往昔諸王得王位已年少之時
治化受樂後至老年厭離五欲棄捨
宮殿便入山林凡人寧當在於山林
食草活命不居宮殿受五欲樂如養
黑地後受其殃初受樂時不知患害

後時瞋發遂便整人寧捨居家入於山林莫捨山林還入家居何以故為於先聖所譏嫌故我今既得生於善家應修善法莫如癡人行不善法自縱恣心既剃鬚髮著袈裟衣止住山林修道學問而彼於後捨袈裟衣不懷慙愧是名無著愚癡之人或為貪故或為瞋故或為癡故或為畏他如是反退我今不羨天帝釋宮況復還欲入自己宅譬如有人已得美食食訖已後吐棄此食棄之於地復欲還喫可得以不如是如是若人捨彼五欲出家或為諸緣還欲入家亦復如是譬如有人已離火宅還欲入來如是如是已見俗患捨白衣形入山修道迴還亦尔而說偈言

如人捨於火宅走 後時忽復更迴還
既見俗患離出家 從林反歸亦如是
尔時菩薩說此偈已告二使言汝等
前稱父王所說往昔諸王在家修法
得解脫者此事不然何以故此之二
事因緣相乘其大懸遠所以者何求
解脫人其心寂定微妙之處乃得居

停者在宮中五欲情蕩出外治民須
行鞭撻瞋責罪罰於是心中求解脫
者無有是處若人意樂無為寂靜彼
則不貪世間王位設在位時應須捨
離若樂王位其人心意不能寂靜若
樂寂定復貪世務此二相乖天地懸
遠譬如木火不得共居如是如是求
解脫法復著五欲終無是處是故我
今決定知彼往昔諸王捨王位已然
後乃得寂定之法若居王位教化之
時其智未成且學用心治理民耳不
必專求解脫之法其事雖然彼等諸
王各隨其意或求解脫或受五欲我
今不然不學彼等亦復不曾發如此
心我今已斷住家欲鑠得於解脫不
復貪著世間五欲豈得還家
時二使人聞於菩薩如是等說無染
著言專正決定至真之語更復詳共
白菩薩言大聖王子今者捨願求無
上法此是真實非無道理但如此行
今未是時所以者何聖子父王今受
如是憂愁苦惱是故聖子違背此心
非是正法而說偈言

今求法藏實是利 雖有正理未合時
父王愁毒切割心 孝德既玷是何道
余時二使說此偈已重白聖子作如
是言大聖王子如我所見此意非是
細觀法行於世財利及以五欲非巧
方便所以者何聖子今者未曾見因
云何求果現得果報而便捨背方求
未來大聖王子凡是世間一切書典
各各皆自有於悉檀或有人言有未
來世或有人言無未來世然此義中
人多有疑是故聖子以得果報現在
且受若無來世何須精勤求彼解脫
復有人言決定世間有善有惡未來
世受以是義故精勤修行求解脫道
是名為癡若使諸根決定破壞親愛
別離怨憎聚會境界相合自然捨離
生老病死何假須作勤劬方便當知
此義無有實也又在胎時手足胷背
腹肚髮爪諸節支脉自然而成或復
有人得成身已還復破壞或有人言
既破壞已還自然成故先典中有如
是語棘針頭尖是誰磨造鳥獸色雜
是誰畫之此義自然無人所作亦復

不可欲得即成世間諸物不得隨心
即使迴轉而有偈說

棘刺頭尖是誰磨 鳥獸雜色復誰畫
各隨其業展轉變 世間無有造作人
復有人言世間作者一切皆由自在
天作若自然者人亦何須勤劬作業
可不是因流轉自來及其去時還是
彼因流轉自去

復有人言以分別故則我相生故受
於有有盡亦然若受有時不假勤求
自然而受若有盡時自然而盡亦不
假滅

復有人言世間欲受人身之時其父
不負他人之債則便得生生天生仙
一切恚然若此三處不負債者此人
不用勤劬而求自然而得彼處解脫
如是次第諸經典中各各恚擅自說
如是各得解脫其有智人精勤欲求
勝處之時必損其心是故我知聖子
若欲求解脫者依理依法應如是求
解脫之路如古書典恚擅所說若如
是者必定當得無有疑也聖子慈父
淨飯大王為聖子故受愛心苦當得

除愈聖子今者還宮之時意中若見
宮殿患厭此事亦復不須思惟何以
故昔諸王仙棄捨家已至山林中後
還迴向自家宮中言彼王者各有名
号所謂菴婆梨沙王隋言盛捨離家已
在山林中諸臣百官聞諫曉喻左右
前後圍遶而還其羅摩王隋言既見
大地被諸惡人之所毀敗各各相奪
迭相煞害心不忍看從山出來如法
擁護又復往昔毗耶離城有一大王
名徒盧摩隋言亦從山林下來本國護
持世間往昔又有一梵仙王名婆枳
反梨佞隋言又羅枳提婆王隋言達摩
耶舍王隋言諸如是等梵仙諸王无量
无邊各捨山林還來本宮綏撫大地
是故聖子聞此往昔諸王本事今若
還宮無有患苦而說偈言

如是名稱諸王等 各捨塚女入山林
後立棄山還本宮 聖子今迴有何過
余時菩薩問彼二使如是語已告彼
大臣并及國師婆羅門言有無之義
疑與不疑我自知耳但此二義所有
真理隱之與顯我忍受之其傳聞者

既無因緣何由可信若有智人應不
依他虛說而行猶如盲人欲行道路
既無導者不見真實去何得行心自
不決若善非善彼盲癡人假令淨法
心見不淨以無智故我今寧發精進
之心而雖未得甘從果報長受苦惱
實不忍在五欲淤泥迷沒沉溺為於
諸聖之所譏訶變受快樂又汝等言
往昔已來虛空箭王及能作喜並從
山林還入家者彼等諸王我不取於
解脫法中用為證明何以故彼等諸
王以其所學盡神通故別更無有苦
行之法是故彼等迴反還宮汝等今
者莫作是心我當立擔假使日月墮
落於地此雪山王移離本所我若未
得正法之寶貪世事故以凡夫身還
入本宮無有是處我今寧入熾盛猛
炎大熱火坑不得自利而還入宮無
有是處

余時菩薩作是擔已從座而起捨棄
此林背彼二人獨自而行時彼二使
聞於菩薩如是言已復見決定捨諸
親族發如是願知必不迴舉身自撲

從地而起流淚滿面大聲而哭隨菩薩行欲近菩薩是時菩薩威德甚大彼等二人不能得逼猶如日光耀彼等目不能覩見菩薩之身

尔時使人復更重諮菩薩是言唯願聖子莫作如是剛鞞志意願定我等戀慕之心我等愛心既未除斷不忍棄捨聖子而去彼等二人愛菩薩故兼復重意向淨飯王以是因緣隨菩薩後東西而行或住或者或行或走時彼二人更復別教四人隱身隨菩薩後左右而行汝等人輩莫離聖子者至何處如是教已時彼二人心中愁毒受大苦惱啼哭叫喚各相問言我等今者云何至城見大王面大王心情為聖子故大受苦惱我等此言云何得奏若至王邊復作何語能解王心而有偈說

彼等二使知聖子 決定不還至自宮
別遣四人逐後行 自迴見王云何說
佛本行集經問阿羅邏品第二十六上

尔時菩薩捨其父王大臣使人并及國師婆羅門時兩俱流淚既分別已

漸漸前行安庠而向毗舍離城未至
彼城於其中路有一仙人修道之所
名阿羅邏姓迦藍氏時彼仙人有一
弟子遙見菩薩向已而來見已生大
希有之心從生未曾覩見斯事見已
速疾走向其師所坐之處至已向彼
諸同學等摩那婆邊大聲唱喚彼等
姓名各各自言仁者跋伽婆仁者弥
多羅摩仁者設摩諸如是類摩那婆
等皆悉告言汝等今者可各喜歡心
應捨離祭祀之法今此處所有遠方
客大德仁來應須迎接然此仁者已
能厭離諸結煩惱欲求取上至真解
脫即是釋主淨飯王子諸相端嚴猶
如金柱身光明曜巍巍堂堂脩辟下
垂手過于膝足趺下蹈千輻之輪行
步安庠如牛王規圓光威德猶如日
輪身若黃金衣袈裟服我等福利取
上之尊漸漸自來向我等邊我等今
者應須辦具隨力所有供養承事勿
令虧少恭敬尊重頂戴奉迎今時彼
摩那婆即以偈頌歎菩薩言
安庠善巧能行步 願時猶若大牛王

衆相滿足莊嚴身 一切諸毛皆上靡

足下圓輪具千輻 眉間宛轉妙白毫

脩辭洪直自在垂 此是人中大師子

尔時彼摩那婆口說此偈歎菩薩已

重告彼諸摩那婆言汝等一切諸摩

那婆可共相隨向於師所諮白此事

是時彼諸摩那婆等即便相隨往詣

其師阿羅邏邊到已委具諮白於師

如前等事言語既訖

尔時菩薩安庠而行忽然來至阿羅

邏邊其阿羅邏仙人遙見菩薩近來

見已不覺大聲告言善來聖子菩薩

前至阿羅邏所二人對面相共問訊

少病少惱安隱已不相慰問訖其阿

羅邏請菩薩坐草鋪之上而有偈說

二人相見大喜歡 各各問訊少病惱

相對語言時未幾 清淨草座即便鋪

尔時菩薩坐草鋪已其阿羅邏諦心

觀察菩薩之身上下觀已生大歡喜

希有之事即對菩薩以美音詳往來

談說稱讚菩薩作如是言仁者瞿曇

我久承聞仁者丈夫能捨王位踰城

出家割絕親愛染穢羅網辟如大鳥

斷牢鐵鐔或鞞皮繩頓絕之後自在
走出隨心所行如是如是仁者今日
乃能猛心捨宮入山於一切處知足
少欲大有智慧仁者瞿曇既得如是
希有之事世間富貴果報功能得已
能棄剝落山林此實難辦往昔諸王
雖得王位果報具足脩受五欲至年
老時喚於世子付囑王位灌頂為王
於後方捨宮內而出至於山林行求
於道彼不為難亦非希有如我所見
仁今年少不受五欲捨是富貴功德
之事能辦是心來此求道既得如是
不可思議大聖王位寂勝境界正盛
年時能殺心意不著諸欲志求解脫
不被縛著不為諸根境界所染能知
有中一切諸患不被諸有之所纏繞
何以故往昔有王名曰頂生彼王已
得統四天下猶不知足騰上至彼三
十三天得於帝釋半座而坐以其內
心不知足故五欲境界便即失盡墮
落於地

復有一王名邴睢沙亦得王領於四
天下還復上至三十三天治化諸天

猶尚不足亦失王位墮落於地諸如是類羅摩王陀盧呼彌王阿沙羅吒迦王等又多諸轉輪聖王以得王位不知足故皆失境界富貴王位悉皆滅盡世間無人得境界已心知足者猶如大火得薪熾盛其阿羅邏作是語已菩薩報言仁者大仙我見世間如是相已復觀一切猶如芭蕉心內不牢後還破壞以得境界恐不知足不求自利厭離欲事我知是已尋求正路處處遊行猶如有人行於曠野失伴迷路心惑諸方不得導師以求導故處處遊行今我亦然

尔時菩薩作是語已時阿羅邏更復諮白於菩薩言仁者瞿曇我久見於大士心相仁於解脫堪作大器

尔時衆中有一摩邨婆是阿羅邏仙人弟子合掌白師歎於菩薩作如是言希有此人不可思議能辦此心往昔諸王年少之時坐於宮內當受五欲於後得年頭白老時各喚太子付囑王位灌頂為王於後捨家而入山林行行修道而得王仙此者不然感

年少壯正是快意受五欲時少病少
惱氣力充足頭髮烏黑身體柔軟勇
猛具足無所乏少父王年老不貪王
位厭離世間不貪果報而能出家入
山求道

時阿羅邏白菩薩言仁者發心欲求
何事欲辦何道乃能發心來於此處
菩薩報言尊者大師我以見此世間
衆生以為生老病死纏縛不能自出
今發如是精勤之心時阿羅邏復作
是言仁者瞿曇乃能生於如是慧眼
發如是想此義真實所以者何而說
偈言

一切法勝唯有行 清淨寂定不過心
染著恩愛最怨家 諸有恐怖是老死
尔時阿藍說是語已而彼衆有一摩
那婆是阿羅邏仙人弟子白菩薩言
仁者今捨親愛眷屬背而來此有何
心意菩薩報言世界所有集聚合會
决有別離我知如是故發此意欲求
至真

時阿羅邏仙人重更白菩薩言仁者
今已得於解脫所以者何衆生所沒

此涅槃渡世間所縛此牢強繩仁者
已能獨辦此心我當說此解脫法門
所謂愛心仁須遠離言愛心者是世
間中大惡蛟龍於心水內居止停住
失一切利以如是故我今觀知世間
之人非是正行其能取於正行之法
唯有智人遠離愛染應須發心斷見
有相作於無相

菩薩答言大仙尊者我受是語如尊
所言阿羅邏仙復問菩薩仁去何受
菩薩報言世間之人以作相縛其相
縛者凡是父母生子養育為立家故
養育兒息有能增長成就我家以是
緣故父母養子若無因緣自許眷屬
猶不親近況復他人凡親近人貪求
利故而眠於人終無處覓阿羅邏仙
復更讚言善哉仁者仁今已知世間
諸法瞿曇沙門乃尔明證一切諸智
時彼衆有一摩鄒婆亦是羅邏仙人
弟子白菩薩言仁者瞿曇仁今已得
是寂上樂何以故能漸離於一切愛
相即得世間諸無惱法所以者何我
見世間少有人能不怜婦兒不求財

物不舉兩手哭於世間多見有人以
不少欲不知厭足愛惜資財常起貪
心染著世利家家盡皆舉手大哭而
說偈言

世間罕見知足人 少欲無求不受苦
所有哭泣恩愛者 多是貪著聚資財
時阿羅邏白菩薩言希有仁者瞿曇
如是廣大智慧是故仁今辦是勇猛
制伏諸根不令增長於諸欲染勿為
所牽是時菩薩問於尊者阿羅邏言
大仙尊者諸根何故如是不定欲降
伏者方便云何唯願尊者為我解說
其阿羅邏仙人報言沙門大士凡人
在世欲厭離生我今當為大士略說
方便之相大士諦聽而有偈說

大尊仙人阿羅邏 發遣菩薩神智心
於自己論志檀中 分別要略而宣說
瞿曇大士凡欲除於諸根體相及根
境界應須如是思量分別何以故是
諸根等一切境界既分別知志須捐
捨乃至諸根境界之內有諸愛染彼
愛所染即能令著以此著故則令衆
生沉沒世間不能得出謂凡夫人受

於貪愛繫縛等苦一切皆由境界故
得如是等事大士當知何因緣尔而
說偈言

山羊被煞因作聲 飛蛾投燈由火色

水魚懸鈎為吞餌 世人趣死以境牽

尔時菩薩聞此偈已復更問言尊者
今說調伏諸根方便相貌共因緣生
體性虛空誑惑無實猶如火坑猶如
夢幻如草上露我今心想以如是知
時阿羅邏仙人復問菩薩大士仁何
故言諸境界內無利益想菩薩報言
凡人欲依諸境界住受果報者猶如
有人造立屋舍欲蔽日光或避風雨
如人以渴故求於水又如人飢故求
覓食如人垢穢欲洗浴身如人露形
求衣覆體如人困乏故求乘騎欲得
除寒故求於暖欲得除熱故求於涼
欲去疲勞故坐床鋪如是等事諸所
求者皆為以苦求逼身故所以推求
如似病人為患重故方覓良醫世間
之人一切悉皆如是惴惴

時阿羅邏讚言瞿曇希有此心大德
云何於世間中能作如是速疾即生

無常之想希有希有能見真實大德
利根聰敏易悟若能如是明了見者
是名真見若異見者是名誑惑如仁
所言為飢求食避藏風雨以此寒熱
慙易奪故世間人心即生樂想又復
歎言仁者瞿曇真是法橋任持大器
我雖傳聞先觀弟子堪受法不若能
堪受然後為說種種諸論如我所見
仁者今日則不復然俯仰去為深得
進止不假須觀如我論中有真實義
盡為仁說

尔時菩薩聞阿羅邏仙如是語已生
大歡喜而重問言尊者大仙今日未知
我之孝心忽為我作如是妙說我知
是相雖未即益今已得利所以者何
譬如有人欲見於色而得光明如人
遠行須得善導如度彼岸須得船師
尊者今日顯示我心亦復如是唯願
尊者更為我說尊者所知云何度脫
生老病死

佛本行集經卷第二十二

癸卯歲高麗國大藏都監奉

勅彫造

佛本行集經卷第二十二

榮

隋天竺三藏闍那崛多譯

問阿羅邏品下

尔時尊者阿羅邏仙人善知菩薩心有至德更述已論決定志檀而說偈言瞿曇沙門善諦聽我論中說惣志檀如今雖在煩惱中如後自然還解脫尔時阿羅邏說是偈已作如是言凡衆生者此有二義一者本性二者變化合此二種惣名衆生言本性者即是五大其五大者所謂地大水火風空我及無相名本體性言變化者諸根境界手足語言動轉來去及以心識此名變化若知如是諸境界者名知境界言能知彼諸境界者是我能知思惟我者是智人說而說偈言若有能識諸根塵是名善知彼境界言知一切境界者智慧人說思惟知尔時阿羅邏作如是言思惟我者其人即是迦毗羅仙及其弟子以自度量此意境界波闍波提仙人之子名曰深意所見亦然如人數數生老病

死受諸苦毒深諦知已為他解說念其遠離思惟此理應當了知一切無相又復說言因煩惱者所謂無智受著諸業如是等業屬煩惱因此煩惱因則有四種此人不能解脫生死以其未離諸煩惱故四種云何一者無信二者著我三者有疑四者無定以有餘殘則無方便深著世間恒常墮落以如是故處處受生言無信者常行顛倒應如是知而反不知是名無信

言著我者云此是我稱彼非我我如是說我如是受我行我住我相我身如是名我不自覺知是名著我言有疑者此是以不惑疑一切止是一物猶如泥團是名為疑

言無定者如是如是是亦然非是亦然心意覺想一切諸業是眾是我是彼是此是名無定

又餘殘者未知勝處未覺始覺未證自性始證知故是名餘殘

又復說言無方便者即是無智以無智故不解方便無方便故不能顯示

以是義故名無方便

又染著者謂無智人見聞觸覺即生染著或時意著身著語著或意業著一切境界應不著處而惑著之是名為著

又墮落者我是彼處彼處是我若有如是思惟念者是名墮落以是因緣墮於煩惱是名無德是名無智是名五處苦惱無樂此無樂處所謂黑暗愚癡大癡有二雜住是名五處言黑暗者所謂癡情言愚癡者所謂生死言大癡者所謂行欲所以者何此處假使有大德人猶尚迷惑不知醒悟故名大癡二雜住者所謂瞋恚復二雜住所謂慳急無明衆生不如是修迷沒染著此五處所住於煩惱苦海之中順生死流我見我聞我證我作我教他作我如是至以如是心如意故輪迴沒溺於煩惱海如是四種纏繞裹結於煩惱中言無因果大德瞿曇仁應當知如是諸事而說偈言
若人欲得正見知 四禪清淨解脫處
心若覺了彼智已 知諸真聖及非真

如上分別應當宣 是故名爲四禪解
能捨諸行及無行 此即知無字句名
以是彼處大梵天 說於世間諸梵行
若能行此梵行者 即當得生於梵宮
今時菩薩聞阿羅邏如是語已復更
重問其方便行若行方便所至之處
及以梵行修行當行行處行法尊者
爲我一切解說

今時阿羅邏依已惣論義例宗體一
切皆向菩薩而說仁者瞿曇凡欲修
行應捨宮宅依出家儀乞食活命發
弘大誓修持戒行住於知足隨所堪
辦衣食卧具閑靜住處獨行獨坐如
諸論中智所知見貪欲瞋恚愚癡過
咎見已遠離厭惡諸欲受寂快樂調
伏諸根入於禪定當於今時遠離諸
欲遠離諸患空閑之處生離分別即
得初禪得初禪已還復思惟如是分
別漸漸得樂既得樂已生是寂定還
依因此寂定之力意重厭離欲瞋恚
等既數厭離心轉喜歡既加喜歡增
長於智是時即得生大梵宮生彼處
已還更如是思惟分別此乱我智還

復棄捨既棄捨已得第二禪生大歡喜得歡喜已見心被大歡喜所遍轉求勝上即至光音至光音天見受樂處至彼處已厭離喜樂既離喜樂即得三禪到三禪中即轉勝下遍淨諸天一向受樂若能如是得樂已捨不受不著即遠離諸苦樂之處得第四禪既離苦樂及攀緣心一切皆捨復有人以自慢心故求解脫相欲得出過四禪果報故內思惟此四禪法廣果天中所受果報此是廣智思惟觀之又如是言彼人思惟如是事已從三昧起見其身色有諸過患欲捨色身求上勝智故發是心彼人如是捨諸禪已進求勝處而發此心如前所說捨諸欲事如是捨離塵色身故發厭離心彼時即得身中所有虛空無邊分別於彼一切色相又色相內及樹木等所有諸物悉皆分別无邊虛空得如是等一切色處明了分別無邊空已即證勝處而有偈說

如是微妙大梵處 一切無相常無言
智人說彼解脫因 即此名為涅槃果

余時阿羅邏說是語已白菩薩言仁

者瞿曇此即是我解脫之處及其方

便我今為仁顯示已訖仁若心意喜

樂此法如我所說仁可領受而說偈言

如是清淨解脫法 我今知已復廣宣

仁者心意若喜歡 唯願依此領納受

時阿羅邏復更說言乃往昔時耆沙

仙人隋言毗踰闍那仙人 隋言離別聖波羅

奢羅仙人隋言他箭等及餘諸仙皆共稱

說是解脫法亦復同樂此解脫法而

得解脫仁者既是大智丈夫堪行此

法行此法已能得善處解脫報果

余時菩薩聞阿羅邏仙人所說梵行

之法受持而行欲沙門行求沙門果

故行此法即便證知而菩薩從阿羅

邏口下聞說法已信行此法不違不

背亦復不言我先自知但受持已思

惟此法增進更發堅固智心求於勝

處既見勝處亦不生慢譏毀彼仙但

自思惟非獨阿羅邏有此信行我今亦

有如是信行非獨阿羅邏有精進行正

念三昧及諸智等我亦有之乃至智

等我今可求如阿羅邏所知證法已

向他說分別顯示及作勝處

尔時菩薩於阿羅邏所說法行皆志證已知見而行然菩薩聞彼等諸法無多勤勞須臾時頃而盡得之如行能說宣通顯示一種無異尔時菩薩即更前至阿羅邏邊作如是言尊者阿羅邏尊能如自證法智向他人說所謂求生無想之處作是語亡時阿羅邏報菩薩言長老瞿曇如是法智我自證已向他顯說宣通開示

菩薩復言我從尊者聞此法已如尊所說我信知行已證此法若有智者知行境界亦應不捨如此之法但我所見此法雖妙未盡究竟所以者何我意如是觀察思惟此法猶有變動之時但此境界本性如是知已此智雖是無智更欲生別其餘諸法然尊者說雖言我得清淨解脫若分別觀是因緣法過緣還生非真解脫猶如種子非時而種藏在地中若未順時無有水雨芽則不生若依時種潤澤調適諸緣具足和合則生今此亦然但以無智者於愛業如是等法捨已

分別言我解脫但有著我皆忘須捨
即便捨是無智受等業無合處此等
捨已雖得勝前未至真處但行分別
有我之處彼等微細三事會有以彼
微細諸煩惱故復更別有不用之處
壽命長遠分別故言我得解脫而說
偈言

因諸過患微細故 所以受不用處身
壽命劫數既久長 便即說我得解脫
菩薩復言如尊前說我已捨我既自
稱言我已捨我是則不名真實捨我
若依分別未解脫者彼不可言無有
患累以是當知有患累處亦不可言
得於解脫無我之處有我之患不可
作異猶火色熱熱不離色色不離熱
此二各體以先無故合若有者無有
是處如我既然一切諸忘忘皆如是
此解脫已至於彼處還復被縛為以
於智取境界故彼滅色已但有於識
彼知我識即名是有以是有故不名
解脫是我忘檀境界大小如是知彼
還得如是求勝處所以是義故何須
分別此我非我如木如壁重重相捨

既各重重有於智故故我思惟悉須
放捨一切境界令得自利而說偈言
重重次第悉皆捐 是乃名為捨境界
一切根塵悉放故 是名自利及利人
今時阿羅邏徒衆之中有一弟子白
菩薩言大德瞿曇今來至此我等住
處悉成好器又復得於八種自在菩
薩報言此處去何得有自在

時阿羅邏止弟子言汝今且莫思量
此事所以者何言自在者於諸事中
能作決定不共他人無有等侶內身
自證寂定得故乃生歡喜菩薩報言
此事不然

阿羅邏言其義云何菩薩即言如是
如是阿羅邏言仁者但說莫秘此語
菩薩報言若依尊者說言此行無有
迴也阿羅邏言仁者何故立於此問
何處有疑菩薩報言我今心已厭離
生故欲問真正

阿羅邏言仁者瞿曇欲得聞者我當
為說凡欲聞化於世間者即我是也
唯有名字不生不老不退不還無邊
無中無前無後是名為我自在能入

輪轉在於生死之內亦不繫住彼法
非法彼天彼人及諸有趣彼能遠行
彼能作乘乘彼乘者能渡深有海流
轉去來能作生死亦能變化自在寂
勝寂妙寂大能作世主攝化一切

菩薩問言如此化者是有以不阿羅
邏言我觀仁者所問音聲必欲不受
如此之義或當仁者意不貪樂菩薩
報言我無有患阿羅邏言大德瞿曇
勿作疑心隨意所樂但自論說所向
之義善思惟入以自明照若自見知
不被他誑不受他教不隨他義如是
證者名得自利餘人不能若不定心
隨諸論師而取義意其智減損仁者
聞已真正思惟各各讀誦觀察深義
審自證知知已有疑隨意問我我當
為說

菩薩復問尊者所言能化作世得自
在者於是義中我心有疑阿羅邏言
如仁者意此義不然菩薩復言我如
是見阿羅邏言何因如是菩薩復言
此緣唯一所以者何若自在化作此
世者則不得依次第相生現見來者

其煩熈輪不應如是次第而轉亦應
眾生心不喜利而自然得應一眾生
不得雜患應諸世人供養自在如父
如母自餘諸天不得供養其貧窮人
應不說彼所有毀辱善惡之業志應
在彼應諸眾生無處依著應無處求
應無所作世人應不如是思惟自在
有也自在無也世人如是分別有無
應作不作諸業應得自然果報彼自
在天若行苦行得成自在世間亦應
共受此業一切亦應俱名自在若彼
無因作自在者無處無人非不自在
彼若非是自在建立亦不名有豈可
得言自在建立其阿羅邏讚菩薩言
大德瞿曇智慧深遠善能顯示承受
諸論愍言愍體志以智力分別能知
是故平等見諸志檀真實之路願為
我說莫辟疲勞慳惜法寶

菩薩復言我今應當供養尊者阿羅
邏言師有多種仁者供養何由可遍
然今仁者既為上首亦可堪能供養
彼等菩薩復言尊者但當為我解說
如此等義阿羅邏言彼等實勝於一

切世間未有彼等先生仁者善意深
自思惟為業在前為身在前菩薩報
言此義云何阿羅邏言此是大患所
以者何若業在前非身先者應不受
身身應無業業自不生誰造此業若
身在前非業先者應無有業若無有
業何故復有衆生受身誰復有能開
化世者彼應不損一定常存三界所
縛是諸衆生生本應生自身若不能
自在者其一切人所愛樂身應自具
辦若自具者於一切處應當自有菩
薩報言我如患人求醫師療我今亦
復不難此義

今時衆中有一苦行是阿羅邏仙人
弟子白菩薩言善哉瞿曇尊師語言
唯願仁者莫離其義如此之義計不
須爭若其爭者此非利益仁但受取
如尊師說菩薩報言我不難也但欲
問彼相承所來須知其義彼仙人言
隨此因緣仁者受持取其真義若欲
生疑心中諍論是大非法未來得罪
時彼苦行仙人弟子即諍偈言

凡人聽受諮稟時 心意不乱義乃定

若當持疑懷諂曲 是則爭競覓人非
二彼求過即成怨 兩怨相爭口言惡
智者欲斷口業過 說理不作相競心
論議求勝是名貪 爭名伏他使人耻
多言顯過此大患 諂意聽義成自憍
慢心瞋恚其罪增 各說是非相毀訾
應作不作不作作 二相競故是大怨
尔時菩薩聞是偈已語彼仙言實有
如此相爭競過非道言無但我欲尋
本來相承成就之事非故窮盡說是
語已時彼仙人心猶不忍阿羅邏言
大德瞿曇解脫道路仁者憎乎如此
事緣非本來也菩薩報言若欲求彼
解脫之時須如是求

尔時阿羅邏仙人弟子復作是言沙門
瞿曇仁者離此欲求解脫徒損身耳
菩薩報言人求世間无常樂故猶尚
有乏况復欲求不還解脫時阿羅邏
仙人弟子復更白言仁者今既言不
還來可常行也菩薩報言今行之處
既是意樂今至彼處當復何還阿羅
邏言莫行至彼莫還來此可不得乎
菩薩報言希有此事尊者前說後受

於有何故復言更不還也阿羅邏言
實然仁者此大希有而彼真如寂靜
之體無始無終無有邊際無初無後
不定其行不可盡形然無相師禪定
主者之所建立大梵天是

菩薩復言我今更問大仙尊者若劫
盡時此諸大地及以叢林須弥山等
帝釋宮殿悉被劫火之所焚燒尔時
彼天復在何處是誰字誰云何語言
功德果報云何而住又劫盡時諸物
皆盡彼何不燒

尔時羅邏默然微笑時阿羅邏仙人
弟子白菩薩言仁者智慧今既取勝
仁者可不自知過去一切諸仙得正
道也所謂尊者波羅奢羅仙人頗羅
墮仙人阿須梨耶仙人跋陀那仙人
迦妬婆陀那仙人陀那達多仙人達
利多耶那仙人般遮羅波帝仙人阿
沙陀仙人跋摩達多仙人那族沙王
子耶耶垣仙人韶波梨仙人波羅婆
遮那仙人脾提阿仙人闍那迦仙人
阿睒佉國羅佉提婆仙人闍祁沙毗
耶仙人提毗羅仙人毗陀呵毗耶仙

人婆奴仙人提婆耶那仙人泥沙多
那耶仙人耶若多那仙人足耶薄都
仙人呵梨佉仙人跋闍羅婆睺仙人
諸如是等一切仙人皆入日光而取
正路

尔時菩薩報彼仙言今者既去入於
日光求解脫者此義是何我今應當
礼彼諸有我實不用如是自在是時
菩薩作是語已內自思惟阿羅邏法
非是究竟心不喜歡時阿羅邏仙人
弟子量度既知菩薩心已即從座起
白菩薩言仁者今於此法已外意欲
更求勝解脫也菩薩報言我意願當
證如是法無地無水無火無風及無
虛空無色無聲無香無味無觸無相
無受無畏無死無病無老無生無有
非無有無常非無常非語言說無有
邊際而說偈言
本無生老病死過 并及地水火風空
湛然三世無師教 常淨自然證解脫
尔時羅邏仙人聞是語已白菩薩言
仁者瞿曇我今所有自證之法以向
他人宣揚顯說仁者今亦自證此法

向他人說我所解法仁者亦解如我
今日作此衆師仁者亦堪如是之師
瞿曇今可共我同心我等二人領此
大衆教化顯亦是時羅邏雖名為師
但取菩薩平等行分自以半座分與
菩薩供養菩薩隨於菩薩意所堪須
供養之具生大歡喜取勝妙心意
熙怡遍滿其體不能自勝

尔時菩薩如是思惟此之法者不能
令人得至涅槃亦復不能遠離諸欲
越度煩惱不能寂定盡於諸漏而得
神通又復不能自覺覺他作沙門行
不能滅除諸惡煩惱所以者何行於
此法唯生非想而作諸業故知此法
非是究竟至極之果作是念已即便
背捨羅邏而行而有偈言

菩薩思惟此諸法 其心不甚大歡喜
知非究竟好出昇 即背羅邏而行去
尔時羅邏仙人徒衆即共菩薩分別
相辭作如是言唯願仁者行行之處
常得吉祥

佛本行集經答羅摩子品第二十七

尔時於此閻浮提地復更別有一大

導師名曰羅摩其命已終彼徒衆主
即摩長子名曰優陀羅羅摩子主領
彼衆其優陀羅常為彼衆說生非想
非非想法近王舍城一阿蘭若林中
而住是時菩薩遙聞其名勝前羅邏
所說之法聞已思惟我今應當至優
陀羅羅摩子邊行於梵行

尔時菩薩從阿羅邏居處而出安庠
而行渡於恒河借問既知即到其所
而白之言仁者優陀我於仁邊欲受
教誨行於梵行時優陀羅告菩薩言
大德瞿曇如我所觀見於瞿曇既是
智人堪受我法而行梵行若欲受法
行梵行時須順我法清淨業果而得
行報

尔時菩薩於優陀羅羅摩子邊受法行
行求沙門法沙門事故恭敬合掌白
言仁者未審仁者所行之法至何境
界為我解說其優陀羅告菩薩言大
德瞿曇凡取於相及非相者此是大
患大癱大瘡大癡大闇若細思惟即
得受彼微妙有體能作如是次第解
者此名寂定微妙寂勝寂上解脫其

解脫果謂三非想非非想處我行於此寂勝妙法其優陀羅又復更言於此非想非非想處過去之世無勝寂定現在既無當來亦無此行寂勝寂妙寂上我行此行

尔時菩薩聞此法已思惟不久即證此法是時菩薩從於彼邊隨口所出聞已心信隨順彼語而作是念如此之法我亦可得我亦可知實語無虛我今所可見即能見知即得知復語於彼優陀羅言非但仁者昔父羅摩獨有信行我今亦有如是信行非彼獨有精進正念禪定智慧我今亦有乃至智慧我於今者行彼法行學於羅摩自證法已為他顯說知彼法故見彼法故更欲求勝

尔時菩薩證是法已白優陀羅羅摩子言仁者父昔於此非想非非想處自證知見向他說耶優陀羅言大德瞿曇我父如是菩薩報言仁者優陀我今已通證知奉行其優陀羅白菩薩言大德瞿曇若其然者仁與我父羅摩無異大德瞿曇仁今若知此等

諸法已奉行者可如我父羅摩仙人
領此大衆教亦宣通時優陀羅既自
修行梵行不闕但取菩薩同行建立
菩薩若同法智增上供養最勝供養
菩薩心生歡喜不能自勝

尔時菩薩語優陀羅作如是言仁者
此法不能究竟解脫諸欲滅於煩惱
寂定一心盡諸結漏及諸神通成沙
門行到大涅槃此法還迴入於生死
所以者何既生非想非非想處報盡
還迴入於煩惱作是語已其優陀羅
白菩薩言大德瞿曇可不聞知我父
羅摩雖證此法而一切處不覺不知
已生非想非非想故而還來入於生
死者無有是處不取後生亦復不見
生之處所其優陀羅雖得如是寂靜
之法奢摩他行而不辦求取上勝法
唯口稱言我父羅摩作如是說菩薩
如是思惟此法非是究竟我今不應
專著此法捨優陀羅即便背行而有
倡說

菩薩思惟觀此法 羅摩往昔雖復行
既非解脫究竟見棄 即便背行而捨去

佛本行集經勸受世利品第二十八上

尔時菩薩從優陀羅摩子處辭別

而行安庠漸至向般茶婆山

隋言黃色

到

彼山已於山麓聞未平整處於一樹

下加趺而坐端身住心正念不動辭

如有人頭上火燃急疾速滅而擲於

地是時菩薩心求斷除煩惱邊際亦

復如是尔時菩薩內心如是思惟籌

量我於何時當得散此大煩惱聚我

於何時當得破此大惡癡藏證於阿

耨多羅三藐三菩提又諸衆生沒在

生死復於何時忘令解脫如是念已

威德儼然時彼山中多有雜人或取

草柴拾乾牛糞或復捕獵耕墾作田

或放牧人及行道路彼等諸人遙見

菩薩在般茶婆山樹下坐猶如雜寶

妙金鳥光見已各生希有之想共相

謂言汝諸仁者此非常人從何方來

到於是處或言此是般茶山神或言

此是般茶婆山所居仙人或言此是

何處神明或言此是毗富羅山所護

之神或言此是耆闍崛山守護之神

或言此是大地之神從地涌出或復

有言此是虛空上界天子來下於此
我等如是心各懷疑何以故此神身
體光明熾盛威德巍巍遍照此山猶
如日月光明遍照諸娑羅樹花志開
敷此非是人人之光明不能顯現如
是之事

佛本行集經卷第三十二

癸卯歲高麗國大藏都監奉
勅周造

佛本行集經卷第二十三

榮

勸受世利品中

隋天竺三藏闍那崛多譯

余時菩薩過是夜已於晨朝時正著
衣服徒般荼山安庠而行至王舍城
為乞食故觀諸陰等苦空無常欲求
無餘大涅槃故視地一尋調伏諸根
所染著處皆悉除斷不令點汙復作
是念我今乞食無有鉢器若我得食
於何處盛是時菩薩左右前後求器
未得忽見一處有大花池見已即語
傍一人言仁者汝可乞我此中池蓮
藕葉彼人間已即便入池取彼藕葉
以奉菩薩是時菩薩受彼藕葉向城
乞食時王舍城內外人民觀見菩薩
如是詳審復見菩薩威神巍巍見已
各生大希有心共相謂言此是三目
大自在天來至於此其中或有遠行
諸人欲營事故至於他方彼等既見
菩薩還迴向菩薩所或復有人欲造
作事中道既見菩薩形容便捨其業
來向菩薩若有坐人見菩薩已不覺

自起速疾來詣向菩薩所或復有人
合十拍掌恭敬一心向菩薩者或復
以頭礼菩薩者或復有以微妙音聲
白菩薩言善來善來時王舍城所有
人民見菩薩者無有一人不生歡喜
愛樂之心其王舍城或多舌人乱言
綺語彼等諸人在菩薩前默然而住
隨菩薩行又王舍城周匝四方或男
或女丈夫婦人欲營餘者悉捨來看
生希有心觀看菩薩眼目不瞬所觀
菩薩支節面額眉目肩項手足行步
於一一處各皆愛樂不能更觀其餘
處相

今時菩薩盛壯少年可喜端正興樂
花艷花色之時捨宮出家眉間毫相
宛轉右旋眉細脩揚目寬長廣威德
遍滿其體光明巍巍堂堂普照遠近
手足羅網皆悉普縹其二十拍善能
治化一切天人菩薩威神世間無比
而有偈說

菩薩行於道路上 所有一切諸看人
但覩身之一分光 見已即便生愛著
雙眉細揚若初月 兩目青紺似牛王

身體常放大光明

諸手足指有羅網

觀者以見微妙色

衆人不覺隨後行

看此殊妙相莊嚴

各各心生大歡喜

今時王舍守護城神見於菩薩有是

威儀心生驚怖戰慄不安謂言此是

何處大神欲來奪我此間坐處

今時菩薩以彼無量無邊人衆左右

圍繞或後或前諸人觀看安庠徐步

漸漸而行向王舍城欲乞於食舉動

俯仰進止雍容躡足前趨不遲不疾

專注平視殷攝諸根辭肘脯齊衣被

整肅擎蓮荷器其葉不萎寂定一心

人見歡喜取上取勝得奢摩他柔軟

調和如制伏鳥無有濁穢猶清淨池

離身一尋常光明照如娑羅樹衆花

開敷若金鳥形從地涌出具足圓滿

諸相莊嚴如夜虛空衆星圍繞菩薩

日月朗於世間

時王舍城有諸人輩彼等皆患生大

歡喜發希有心見菩薩行於街巷裏

城內商賈估販交關一切自停不復

市買若在店舍醉亂心迷悉得醒解

不復飲酒各捨一切譙會音聲奔走

皆來向菩薩所或復隨逐左右而觀
或復在前迴顧而視或復在後順菩
薩行其王舍城无量无邊諸婦女等
或倚門側或立窓間或在樓中或居
屋上舊作生活今念不為並廢事緣
遙觀菩薩家家出戶各各喜歡共相
謂言今此是誰從何來到是誰種族
其名字誰如是端正可喜行動我等
昔來未曾得見或復沙門或婆羅門
相負如是容止異常稱歎之聲遍城
內外

尔時摩伽陀國王舍城主姓施尼氏
名頻頭婆羅未作王時曾乞五願一
者願我年少之時早得王位二者若
得王位已後願我化内有佛世尊出
現天下三者若佛出現世時願我自
身承事供養四者若得承事已後唯
願為我如應說法五者佛若為我說
法我聞法已願莫謗毀得證法已依
而奉行

尔時頻頭婆羅王在高樓上與諸大
臣圍遶而坐遙見菩薩為諸大眾前
後導從安庠而行入王舍城頻頭婆

羅既觀菩薩心生大疑即從樓下出
宮門外見菩薩身威儀舉動端正無
正乃至猶如夜空衆星為諸觀者之
所愛樂如摩尼寶內外光明表裏洞徹
菩薩之身亦復如是威德熾盛照耀
巍巍時頻頭王見於菩薩如是相已
勅諸臣言我生已來未曾見人如是
形與身色面目頂額廣平皎潔分明
顯赫照耀如蓮花葉在於水中而不
為水之所點著是身威德毛志右旋
眉間毫相如琉璃淨亦如白珂亦如
泡乳色炎光具如滿月輪其二足跣
蹈地千輻步舉文現跡不差移不怖
不驚不戰不慄智慧安靜猶如須弥
從何所來忽然至此汝諸臣下應當
觀看此誰種姓誰之兒子何國土生
名字何等端正可喜歷此遊行
今時彼諸大目衆等或有說言此是
天王或言帝釋或復有言是大龍王
或復有言毗摩質多阿修羅王或復
有言此是婆梨阿修羅王或復有言
是毗沙門護世神王或復有言此是
日天或言月天或復有言大目在天

或復有言此是梵天

復更別有諸餘占相婆羅門言大王
當知如我等論先後所說此人必成
轉輪聖王何以故今此大士身體遍
滿一切諸相

今時諸臣大衆之中別有一臣而白
王言大王當知實有斯事所以者何
去此不遠十由旬外正在北方雪山
之下有一種姓稱為釋氏然彼釋氏
有一國界名曰迦毗羅婆蘇都彼國
土中有一王治名為淨飯是釋種王
彼王生子字悉達多既釋種生姓瞿
曇氏其彼太子初生之日父王即便
召集解相婆羅門等遣占相之時諸
相師既占看訖白大王言大王當知
今此太子具二種相若在家者必當
成就轉輪聖王王四天下守護大地
乃至如法治化世間若捨王位必定
得成多陀阿伽度阿羅呵三藐三佛
隨名遍十方大王當知此必是彼太
子不疑所以者何其人現今剃除鬚
髮身黃金色著袈裟衣捨國出家遊
行到此而說偈言

彼國相師說此言 不居王位定作佛
斯決是彼釋種子 出家苦行求菩提
今時大臣說是語已是時其王頻頭
娑羅內心思惟如我往昔曾發誓願
若如是者我願得成時頻頭王勅二
臣言卿若知者速往彼看此出家人
居停何方在於何地汝等驗已速報
我知然後我當自王於彼觀看供養
諮受未聞

時彼二臣奉王勅已即便相共隨逐
菩薩所向而行不暫捨離

今時菩薩在王舍城乞食之時見彼
大衆處處充滿內心思惟如是方便
此諸大衆無有歸依无救无護常為
生老病死所纏不畏不驚不怖不恐
亦復不知求究竟道無有導師愚迷
惛闇沒溺煩惱癡無有智日日減損
染著諸陰苦空無常不知厭離
今時菩薩作是念已起慈悲心倍更
增加精進勇猛折伏其意作是念言
我今當作一切世間歸依之處我當
救護苦惱世間當為世間說於生老
病死盡處

尔時菩薩舉目唯觀前一犁牛輒默然
諦視徐徐動步齊整容儀遍王舍城
次第乞食既得食已從王舍城庠序
而出漸漸至彼般荼婆山其山麓下
有一泉池坐彼水邊正念安置隨得
麋細如法取之食訖浣衣洗於手足
即便進上般荼頂頭上已向於山南
觀看求覓林樹妙好枝條翳鬱扶疎
饒諸鳥獸飛走遊戲花果泉流擇好
樹間安施草鋪向於東面端身正心
結果加趺儼然而坐猶如師子入孔
穴中不畏不驚著袈裟服其光顯赫
巍巍堂堂熾盛照曜如日初出而有
偈說

彼山翳鬱饒樹林 鳥獸相娛受諸樂

身披袈裟入月者 光明熾盛如日初

尔時菩薩坐彼樹下如是思惟我此
處學更無有人無富伽羅無衆生無
壽者無命者無禮亮無摩訶闍無摩
鄰婆無養育者此之五陰一切皆空
無命無識一切諸法唯有假名名衆
生耳

尔時頻頭婆羅王所使二臣隨逐苦

薩恒不捨離其一臣去菩薩不遠於前而坐一臣速還摩伽陀國頻頭王邊到已長跪而白王言大王當知彼出家人從王舍城乞飯食訖到般荼山乃至端身南面而坐如前所說大王今者若欲觀者宜須疾往

尔時頻頭娑羅王聞其使人如是語已即便裝束賢善好車坐於其上嚴駕而往向般荼婆時頻頭王既至彼山遙見菩薩可喜端正心甚愛樂乃至猶如夜空衆星如暗山頭大猛火聚如大雲裏出閃電光摩伽陀王見於菩薩在彼樹下亦復如是見已生大希有之心歡喜遍體身毛皆豎下乘徒步詣菩薩邊到已問訖白菩薩言少病少惱四大安乎而有偈說王見菩薩如帝釋身光明曜心喜歡問訖起居四大和少病少惱身無患尔時菩薩以微妙口和軟語言如梵天音辯才字句不染不著告摩伽王頻頭娑羅慰勞問訖作如是言善治大王大吉大祥從何遠來可坐憇息營求何事而詣此乎

今時頻頭娑羅王聞於菩薩如是語
已進菩薩前在一石上安隱而坐王
欲度量菩薩意故白菩薩言仁者今
若不辭疲勞我欲諮問心內所疑唯
願仁者為我決斷即便問言仁者何
也為天為龍為梵為釋為人為神
今時菩薩以無憍慢貪欲恚心除斷
一切煩惱諸刺不諂曲語報摩伽陀
頻頭王言大王當知我非天也非龍
非梵我是於人大王我以求寂靜故
所以出家時摩伽王頻頭娑羅白菩
薩言仁者比丘我今見仁甚大歡喜
是故我今欲有發問我為愛敬於仁
者故欲說一言唯願聽受所以者何
仁今壯少正在盛年端正無雙身體
微妙堪當嬉戲遊縱之時今者何為
發如是意行作沙門厭離王宮空山
獨坐又仁者身如是相只止可合塗
赤梅檀香不應著此袈裟之服仁之
二手乃可指劃治化世間百味盈前
隨時飲噉豈可執器從他乞行而說
偈言

仁身合塗赤檀末 不應服此袈裟

手拍正可搗世間

豈宜從他乞食活

時頻頭王說是語已白菩薩言仁今
若為愛敬父故不取王位捨出家者
我今請仁在我境界受於五欲種種
所須當隨仁意須財與財及諸姝女
若佐助我我當與仁分國半治可居
我境受我王位我承事仁不令乏少
何以故仁者沙門身體柔軟不應住
於空閑闌若若坐草鋪在於地上損
仁者身恐畏成病但經少時仁父衰
敗還可自受本國王位是故仁今若
愛念我憐愍我者受我王位住我境
中如其仁者稱大種姓嫌我境狹土
地穢雜我及群臣諸百官等更別為
仁開拓他國使令寬廣與仁共治又
我願得仁者貴族共作因緣親厚眷
屬願不生疑謂為非實而說偈言
仁者若稱大種姓 嫌我境狹不肯停
我共諸目及百官 當更吞併令寬廣
時摩伽王說是語已更復重白於菩
薩言我於仁邊有愛敬心尊重之心
仁者今既乞食活身但當努力發寬
廣意受法受財受五欲樂所以者何

受此三種在於宮中觀諸姝女歡娛
受樂亦能令人得現世報未來亦然
若人不受此三種法但捨一事彼人
現世或復未來終不能得具足果報
設其受之必有缺減是故仁者若弘
廣心所以應須具足受此三種之樂
受三樂故用年少時端正果報受法
受財及受諸欲世間丈夫受欲之時
生子繼立此是大財是故仁者勿令
空過

又復仁者如是辟躡堪牽弓弩莫令
徒損如斯一世

又復往昔頂生之王以勇健故王四
天下及忉利宮如是仁者堪當此事
所以者何我今亦為憐愍一切諸衆
生故如是勸請我亦不為自王位故
勸請仁者我今見仁身體端正悲酸
流淚情懷不忍為是倍更生希有心
所以懇懃如是苦請仁今盛年且行
世欲待後衰老可行法時乃可捨家
又復仁者先祖以來自種姓內到年
老時乃依國法以王化事付其太子
或復大臣方始捨位出家入山

又復仁者往昔諸仙作如是說凡年少時先行欲事中年求財以自養活至耆耄時乃可棄捐修學於法如是乃能建立一切又人年少不行諸欲不求覓財此是身怨亦名為賊毀敗諸根難得攝受

又復仁者假使年少欲求法時但為諸根牽著五欲至於老時內心思惟斷絕衆事能攝諸根心生慙愧意得寂靜

又復仁者世間少年正放逸時不見遠道多有過失至中年時血氣漸弱放逸已過譬如人行度於曠野止而歎息言我已越此之處所是故仁今正年少時正放逸時隨意多少願且受欲

又復仁者年少之時諸根難迴仁者若欲行於法事愛樂法者依仁家法祭祀諸天因祭祀故亦得生天在於家內在嚴自身金銀諸寶校飾兩臂衆寶放光猶如明燈

又復仁者往昔諸王頭戴寶冠嚴飾身體常在家內祭祀諸天行於法行

立無遮會或有入山行大仙行而求解脫仁者今既學於彼等順時而行其摩伽王如是種種譬喻語言方便欲將勸請菩薩

尔時菩薩聞摩伽王如此語已不怖不驚不恠不異猶如山王身心不動寂然安住守攝諸根不生餘意三業清淨報彼王言而有偈說

摩伽陀王諫菩薩 猶諸朋友利相教
菩薩清淨三業行 如花不著水報彼
摩伽大王吐辭不善此說猶如無智
人語不稱天下王法之言王若於我
有真正心此語實誠非深利益亦非
愍我於我甚損世有惡人無有慈心
猶如富貴怯弱之人若欲利益於世
間者應當教示如彼往昔相承來事
是名朋友是名增長凡人若見至於
厄難不相捨離三業等同是名知識
我意如是富貴之時誰不能作朋友
知識若人得財依法處分不令散失
是名知識是人久後能用財寶教授
之時彼不取語或以先業自失於財
後不生悔王若與我為知識意愛敬

我者顯亦是事我或歎王或不歎王
尔時菩薩作是語已更復為王說如
是言大王當知我今求道止為怖畏
生老病死以是義故欲求解脫故受
此形親族眷屬實可愛戀可敬難捨
流淚滿面啼泣懊惱或為我故捨於
命者我已棄背來至此處然其世間
五欲之事貪惜染著多因不善

又復大王我今實不畏彼毒蛇亦復
不畏天雷霹靂亦復不畏於猛火炎
被大風吹燒野澤者但畏五欲境界
所逼何以故大王當知諸欲無常猶
如劫賊盜諸功德虛空無真猶如幻
化現於世間觀看謂實體是誑惑世
人不知強以心著况復正行其五欲
者尔時菩薩即說偈言

五欲無常害功德 六塵空幻損衆生
世間果報本誑人 智者誰能暫得住
愚癡天上不滿意 况復人間得稱心
欲穢染著不覺知 猶如猛火然乾草
往昔頂生聖王主 降伏四域飛金輪
復得帝釋半座居 忽起貪心便墮落
假令盡王此大地 心猶更欲攝他方

世人嗜欲不知厭 如巨海納諸流水

尔時菩薩說此語已復更告言大王
當知往昔有一轉輪聖王其王名曰
鄰睢沙王統四天下及忉利天化愍
天人猶不知足以是義故還墮世間
又復伊羅轉輪聖王亦復如是王四
天下及忉利天不知足故而取命終
又復婆梨阿修羅王既得王位因共
帝釋鬪戰不如遂被侵奪帝釋得已
又復轉為彼鄰睢沙轉輪王奪鄰睢
沙王既獲得已還復更被天帝釋奪
如是天人境界翻覆並皆无常誰切
德勝至於彼邊若有智人能作如是
思惟觀察无常境界變易須臾云何
可信唯有山林居住諸仙食諸藥草
根果花葉身著樹皮或復衣諸死獸
毛革形體狂羸唯皮骨在欲得度脫
出離世間一切諸苦希求解脫涅槃
無為若縱五欲之所纏逼墮還來
有智之人誰樂貪此若著五欲如自
求怨尔時菩薩更說偈言

居住山谷諸仙輩 食果飲水衣樹皮
雖復羸弱身體羸 規求解脫離欲故

彼等不能自制伏 猶被五欲之所牽
如是無常諸欲怨 有智之人不應著
余時菩薩說是語已復更告言大王
當知欲界之內欲取味故而作和合
得彼已後而不知足若無智者現受
諸欲不知足故受大苦惱復於來世
更受其殃是故智人不取欲想是以
智者見有人行黑業法者受於大苦
欲自安隱莫作莫樂一切諸欲應須
捨離若有集會即知離別縱欲恣情
則心放逸放逸若增便造不善不善
成就即墮泥犁過去世時作大苦行
現得諸欲得諸欲後勤劬保持不能
守護還當失落

又復大王如是諸欲若有智者作是
思惟世間人天猶如假借既非常物
何故心貪此之天人一切果報如草
上露如毒虵頭如被空林死屍骸骨
又如婦女初胎肉搏如夢如幻猶如
火聚如是種種多諸患殃恒為一切
苦惱逼迫智人應不愛樂著心

又復大王如諸論說乃往昔時寐掃
羅城於彼城內有一瞽王其王名曰

提頭賴吒王雖無目多育諸子滿一百人並有才智王弟別復有子五人伯耆弟兄足一百五其父各沒爭作國王以欲報緣相煞害盡

又復大王如檀荼迦空曠野澤披火燒時其頸誰擲煞諸雜類

又復如彼須弥山下有阿修羅然其兄弟各為貪故愛一王女二人相爭而自鬪戰傷害俱死

又如世間屠膾之所豎立諸木懸於雜類諸畜生形而行宰殺諸欲如是智者云何而心貪樂便說偈言

往昔修羅兩兄弟 為一王女自相殘
骨肉憐愛淙著憎 智人觀知不貪欲
菩薩又言大王當知或復有人為五欲故或欲生天或生人間既得生已著五欲故投身透木或復赴火如是無常詐惑境界為五欲故自求怨讎何意戀樂又說偈言

痴人愛欲故貧窮 繫縛傷煞受諸苦
意望此欲成衆事 不覺力盡後世殃
菩薩復言摩伽陀王我知五欲如是種種多諸過患王今不可以是五欲

而勸於我我今欲行無畏道路王若是我真好善友應當數數勸諫於我作如是言仁之所發弘誓大願願早成就速離煩惱何以故我既不被他人趁逐而入山林亦復不為怨敵所駭亦非他奪王位而走又不求往昔古仙而欲還退是故我今不取王語又復大王若有人執瞋毒虵頭既放捨已復還欲捉可有得不如猛火炬以燒手放放已更捉如是如是我已捨彼五欲出家今復還取亦復如是又復大王譬如明眼有目之人豈可羨於盲瞎人不譬如解脫無事之人豈可羨於牢獄繫縛有事人不譬如饒財巨富之人豈可羨於貧窮飢凍乞索人不譬如明了黠慧之人豈可羨於狂顛人不然其彼等猶有可羨我今已離如是五欲無一可貪又復大王如王前言住我境界受我五欲隨意娛樂我與多財并及姪女大王當知我今不取世間五欲如上所說一切諸事

又復大王我在本宮多饒五欲已能

棄捨六万姪女出家入山大王當知
諸欲如是有於無量無邊患害牽人
直向大地獄中餘報復來畜生餓鬼
現身又離一切善根不為聖人之所
讚美

又復大王世間諸欲猶如浮雲無有
暫住如猛風起須臾不停如山水流
奔濤還急

又復大王若人愚癡耽染五欲不知
本際沉淪生死被煩惱縛不能得解
如遠行人困苦疲極乃飲鹹水更增
其渴如是如是受五欲人不知其患
亦復如是

又復大王我今要說若當有人得天
五欲及以人間上妙五欲清淨具足
是等諸欲一人得已不知厭足更復
增長諸處尋求

又復大王如王前言共我治化摩伽
陀國我當減半分治天下或復說言
受我王位我志捨與我亦承事或復
興兵開拓境土使令清淨寬廣莊嚴
又復大王我今已捨彼四天下一切
豐足無所乏少舊有七寶棄捨出家

我今豈更為此一國細小王位而貪
羨乎

又復大王辭如大海娑伽龍王果報
既得大海水停以為宮殿寬博具足
七寶莊嚴豈可復貪牛蹄水耶大王
當知如是如是我今既已發勇猛心
捨四天下七寶宮觀染衣剃髮出家
入山今若還貪世間王位亦復如是
佛本行集經卷第三十三

癸卯歲高麗國大藏都監奉
勅彫造

勸受世利品下

隋天竺三藏闍那崛多譯

尔時菩薩又告王言如王前說仁者
比丘身體柔軟莫住蘭若空閑林中
眠卧坐止草鋪之上大王當知我在
自言以妙種種諸寶為床偃卧而坐
既厭離已棄捨出家所以者何大王
須識此身危脆敗壞無常非牢固形
是破散法隨有地處捨之而行猶如
泥搏一種無異又復大王若有智人
既擲死屍可還捨不若欲更收終無
是處

又復大王如王前言若於我邊生憐
愍者應須隨喜而忽嫌我乞食活命
此事不然大王當知慈愛我者莫作
是心何以故我今欲過生老病死苦
患之海行行入道是故作此比丘之
形為求寂滅安樂處故要須受此毀
好服形又未來世欲除一切諸過患
故大王當知若復有人於現在世受
彼五欲功德果報深著於愛彼等諸

人事須憐愍若當有人於現世中不得寂定安樂之心其未來生決受諸苦彼等衆生心須憐愍

又復大王我今驚畏煩惱之苦故捨出家欲求寂定涅槃真實假使我得帝釋天宮意亦不樂況復人間塵染果報而說偈言

我被煩惱箭所射 欲求寂滅膏藥塗
設使得天帝釋宮 意猶不貪況王位
菩薩復言大王當知如王前言凡天下人在於世間一切須取三時利者
如我意觀此則非是真利益言所以
者何求財得多會必有盡求欲轉欲
無厭足時若言求法此是真利利有
深淺要必須求求之則有功能五種
而說偈言

若無生老病死患 此是真實大丈夫
求財嗜欲恣世情 我捨二求唯取法
菩薩復言大王當知如王前言但且
治民取於王位乃至未老正少年時
且可受彼五欲法者此亦不然何以
故若少年時是常住者一切衆生應
無有老在在處處應不為彼死命之

鬼念念所牽以諸衆生壽命無定是
故智人若求寂定解脫法者不可得
取世間王位五欲之樂是故一切若
在少年若在中年或復老年但須速
求應所辦者早今得辦欲求解脫或
求於禪莫使淹遲宜速疾作

又復大王如王前言須依家法作於
祭祀及行布施隨意規求彼未來世
諸果報者大王當知我今不取如是
之樂若苦來逼為切故求而得樂者
此非真樂凡夫求於後世果報祭祀
諸天并及火神必須煞害他衆生命
此則非理所以者何若人行慈應不
損害他身命根假使祭祀一切諸天
及於火神煞害衆生得彼常樂定果
報者猶尚不可煞害於命而用祭祀
况復一切所得果報皆是無常破壞
盡滅非牢固法

又復大王凡人欲行解脫法者無有
別利或無行行或無持戒或無禪定
猶尚不可損害他命而求未來利益
果報又諸凡夫在於世間以煞生故
假使得於安樂果者此亦不善所以

者何以無慈故况復未來望得善報終無是處而說偈言

假使人生在世間 煞害他命以得樂智者稱說此非善 况復來世求人天

今時摩伽陀國頻頭娑羅王聞於菩薩如是語已便生希有奇特之心在菩薩前以慈悲故作如是言善哉善哉沙門瞿曇大有難行苦行之德於世間中能捨諸欲仁者比丘從於何方忽然而來何聚落生是何種姓父母何處自名字誰作是語已至心諦聽

尔時菩薩正心直視温和言氣而報王言大王當知去此北方雪山之下有大聚落名曰釋種彼有一城名為迦毗羅婆藪都

隋言黃頭居處

彼城有一釋種

之王号名淨飯是我之父我是其子

母名摩耶

隋言幻

我名悉達

隋言成利

時頻頭王聞此語已泣涕悲啼經少時頃拭面淚已白菩薩言希有比丘既生如是大種姓家去何在此林內獨行諸獸猛惡可畏可怖此林不善獨自娛樂無有伴侶去何得住坐起

自安

佛華行集經卷第三

第五經

集

尔時菩薩報頻頭言大王當知我今不畏諸惡禽獸亦復不驚不怖不怯設欲來者亦復不能動我一毛大王當知我今唯畏生老病死之所逼切故來在此諸惡獸中驚畏林內獨一無伴而自娛樂

大王當知老寂可畏所以者何老來逼時能奪年少盛壯將去摧折身形脊脊偃偻不能行步猶如枯樹誰喜樂者此寂可畏

又復大王其病來者是名可畏所以者何平健之時不知不覺一朝痛切宛轉呻吟花色充鮮忽然悴減煩冤楚毒眠坐不安當於是時誰能代者卧在牀枕勢不從心以是因緣病寂可畏

又復大王死寂可畏所以者何死來之日減我壽命忽撒將去雖復力能統四天下金輪摧伏七寶導前利刃強兵不能遮制爭奪可得以是義故死寂怖人

尔時頻頭娑羅王復更重問於菩薩

言大聖太子仁今求何菩薩報言摩
伽大王我今求者唯是阿耨多羅三
藐三菩提得已當轉無上法輪是故
求耳

時頻頭王白菩薩言大聖太子如我
所見仁心勇猛勤劬精進決定得成
阿耨多羅三藐三菩提終無有疑又
次能轉無上法輪善哉太子我今見
仁善哉太子我聞仁名善哉太子仁
善出家仁釋種子我從今日當常承
事大聖太子我今請仁恒常日日来
至我宮願數見我仁之所須四種事
者我當供養不令乏少時頻頭王作
是語已菩薩報言大王當知我今不
久從此移去更詣餘方

時頻頭王聞是語已合十拍掌白菩
薩言大聖太子仁心所求唯願莫有
諸魔障尋所規獲者願早成辦仁釋
種子願仁若得阿耨多羅三藐三菩
提時我於仁邊恭敬供養見仁身已
即當為仁作於聲聞如法弟子即便
說偈而讚歎言

我頻頭王合掌讚 唯願太子道速成

若所作辦憶今言 為諸衆生賜憐愍
今時菩薩聞此語已即報王言善哉
大王願如王言所作擔願彼此俱善
時頻頭王合十拍掌一心頂礼白菩
薩言善哉太子今可為我受於懺悔
我以無智惱乱大聖太子離欲以為
不淨我心染欲以欲為淨唯願恕量
除我此罪

今時菩薩熙怡微笑報頻頭王作如
是言善哉大王如是如是我以受王
清淨懺悔願王安樂少病少惱謹慎
身心更莫放逸恒行善法捨離非法
若如是者王得安隱多受吉利是時
菩薩慰喻頻頭婆羅王心法義說故
令其歡喜勸請教示顯說宣揚從座
而起漸行餘處

時頻頭王即前頂礼菩薩二足圍遶
三匝立地而住面向菩薩觀顰少時
即從彼處迴還到宮而有偈說

菩薩印可頻頭說 我得成道當度王
思惟大聖行喜歡 不覺從山還本國
佛本行集經精進苦行品第二十九上
今時菩薩從般荼婆山林而出安庠

徒步向伽耶城既到彼已登上伽耶尸梨沙山隋言鳥頭欲攝身心滅除諸惡上彼山已選平整處在一樹下鋪草而坐是時菩薩內心思惟三種譬喻悉是世間希有之事未曾聞說未曾覩見未曾證知何等為三一者所謂若有沙門若婆羅門雖復身體不行於欲而其彼等所有欲中一切心意欲愛欲惱欲熱欲著而滅不盡未得正定猶有我相自度一身彼等沙門及婆羅門恒受苦惱意不喜者心不樂處不能知見又復不得上仁之法亦不能證無畏之處然其彼等雖無我相不獨度身不受苦惱雖不受意不喜不樂而猶不能知見證法及無畏處

譬如有人取生濕木并及濕糞置於水上就中攢火有人故從彼岸而來就其乞火然如是人從生濕木濕糞水上出力攢火有能得火與彼人不若能得者終無是處火既不出彼人從求於何而得如是如是若有沙門及婆羅門雖不行欲乃至不能知見

證法此即是初第一譬喻世未曾有亦未曾聞

尔時菩薩復更第二思惟念言若諸沙門及婆羅門雖禁制身不行於欲彼等所有欲中意貪熱惱及著而滅不盡未得正定猶有我相自度一身体受苦惱不喜不樂不能知見證上仁法無畏之處又復彼等雖無我相不獨度身不受苦惱及不受心意不喜樂不能知見證上仁法及無畏處譬如有人取生濕木置於地上欲攢出火亦復有人來從乞火向其此人從生濕木攢欲求火能得於火與彼人不若能得者無有是處如是如是是諸沙門婆羅門等雖不行欲乃至不能知見證法此第二喻世未聞有尔時菩薩復更第三思惟念言若諸沙門及婆羅門雖禁節身不行於欲彼等所有欲中意愛惱熱及著滅盡正定此等沙門婆羅門等雖得自利及以利他心中喜樂能知能見得上仁法證無畏處譬如有人取乾燥木及以乾糞置於地上欲攢出火亦復

有人還從此岸向其乞火而其是人
用少功夫即便得火持與彼人如是
如是若有沙門及婆羅門離欲而行
彼等設有欲中意憂惱熱皆滅乃至
得彼上仁之法證無畏處此是菩薩
第三譬喻自意念生志是世間未曾
聞見

今時菩薩從彼伽耶尸梨沙山下來
摩伽陀聚落內次第而行借問人言
此處有何功德可行有何非法且須
除斷我今欲求寂上寂定寂妙音辭
如是前行至伽耶南有一聚落其聚
落名優婁頻螺及至彼處日以食時
菩薩著衣入彼聚落詣一陶家從乞
瓦器得已手持歷彼聚落次第乞食
到一村主長者之家然其長者名難
提迦隋言自喜至彼家已却立一面默然而
住其難提迦自喜村主有一善女名
須闍多隋言善生彼女端正可喜無雙為諸
世人之所樂見其善生女遇見菩薩
手持瓦器默然立住欲乞求食善生
見已從其二乳自然汁出時善生女
問菩薩言寂勝仁者仁是誰子是何

種姓名字云何父母何處今欲何求
仁者云何有何神異今我一見使我
兩乳汁自然流

尔時菩薩報言善姊我名患達此名
是我父母所立我今欲求阿耨多羅
三藐三菩提得已當轉無上法輪時
善生女聞是語已從菩薩手而取瓦
器入自家中滿盛香美甘味飲食并
及種種餅果羹臠溢瓦器中即出胡
跪奉授菩薩口作是言最勝仁者我
願恒常供養仁者衣服飲食卧具湯
藥四事所湏悉令充足唯願仁者慈
悲納受我觀仁者父母立名復見仁
者精進勇猛至意專心必當成就阿
耨多羅三藐三菩提決定轉於無上
法輪真實不疑仁者若成菩提道時
當來我家受我供養度脫於我當與
仁作聲聞弟子是時菩薩報言善姊
當如所願既受食已即便捨行

尔時菩薩從善生女乞得食已於空
靜處如法而食食已經行漸到一處
地方平整清淨可喜心樂欲觀樹林
葦薈枝條繁茂多饒花果清淨流渠

香美諸水河池泉沼映發交橫種種
豐饒無所乏少彼等諸水不淺不深
澄清皎潔易度易取其內無有毒惡
諸虫罔匪具足妙好禽獸去離聚落
不近不遙往來乞求無疲無乏其間
道陌土地坦平不下不高易行易涉
若當有人欲求無上最勝利益易得
易成速辦速證兼絕蝱蚋及諸虫蝎
又不喧鬧晝少行人往來擾亂夜斷
音響安靜清閑冷煖調和風雨順節
堪可修道禪定修心又往昔時有一
王仙名曰伽耶_{隋言}在中停止是彼王
仙舊城居處

今時菩薩見此地已如是思惟此中
地勢快好方平整覩即便為人所樂
乃至堪可修道行禪若有丈夫欲求
無上最勝之利斷諸惡者此地足堪
安止而住我今既欲摧伏諸惡修諸
善根宜應停止坐於此處以求菩提
必令成就

菩薩如是心思惟已即便取草鋪坐
此地欲修習禪既坐定已心如是念
今諸衆生求解脫者志行種種衆雜

苦行所謂或有諸衆生輩懸住二手以捨世間一切諸事有為法故彼等如是苦行之人或乞食時不從缸口內受於食或有不從小口鉢內受取於食或有不從兩羊之間受取於食或有不從人糞穢間受取於食或有不從拄杖人邊受取於食或不從執刀杖人邊受其施食如是確間及知婦人不淨來時不從受食或見婦人懷妊之時亦復不從其邊受食或知人家有不淨業不從受食或有不從酒醉人邊受取其食或有兩人喫食之時亦復不從其邊受食受食之時有狗來前亦不受食又受食時其上有有畜畜等來不淨穢惡亦不從受或復有人唱呼而喚來與汝食亦不從受有人唱去汝住與食亦不從受或人唱言我作食施汝當待取亦不從受有人故為造作於食亦不從受或復有人祭祀諸天殘餘之食亦不從受食內若有沙糖石蜜亦不從受有蘇油等亦不從受食內或有乳酪等物亦不從受食內若有魚雜肉等

亦不從受或食內有興渠臭熏諸辛
味等亦不從受或復止受一家之食
齊一口止或受二家至兩口止乃至
或受七家之食還復食於七口而止
或復一日止一時食或復一日兩時
而食或一日半始喫於食或經三日
乃喫一食或時一日少許而食或時
兩日亦少許食乃至七日亦少許食
或唯食菜或唯食稗或復唯食樹嫩
枝條或唯食酪或復唯食迦厘迦羅
樹之枝柯或復有時純食羊糞或復
有時純食牛糞或烏麻滓或食果子
或食諸種一切草根或食藕根或食
種種草嫩枝條

或復有唯空飲於水而以活命或有
隨宜所得多少即以活命或復有學
野獸食草以活於命或時立地卓然
而住或復有坐一定不移或復四支
柱著於地以口受食或有唯著純草
之衣

或有唯著莊間弊衣或復有著種種
草衣或復有著憍奢耶衣或以白牀
皮作衣者或以龍鱗而作衣者或復

有用諸畜生皮而作衣者或復有用
故畜生皮而作衣者或有以諸毛毳
作衣或復有以糞掃作衣

或有躰形或卧棘上或卧板上或復
有卧摩尼之上或卧椽上或卧冢間
或蟻垤內猶如地居或露地卧或復
事水或復事火或逐日轉或有舉其
兩臂而住或有蹲坐或復有用沙土
烟塵以塗全身正立而住或不梳洗
頭首面目髮如螺髻拳攣而住或復
拔髮或拔鬚鬚

或復有事泉池井河渠源諸神地神
樹神林神山神石神夜叉羅刹羅睺

諸言

阿修羅王婆梨

諸言

阿修羅王毗

摩質多羅

諸言

睺波利等阿修羅王

或事歲星或有事醫藥王仙人或事
婆羅墮仙人者或復有事瞿曇仙人
或事毗沙門天王者或復有事童子
之天或自在天或復事日或復事月
或復有事毘羅延天或帝釋天或事
梵天或事護世四大諸天如是各事
令歡喜已從乞求願稱願得已各求

解脫菩薩既觀彼等如是邪求解脫
見已發心欲行可畏極苦之行而有
偈說

菩薩既至尼連河 以清淨心岸邊坐
為諸求道不真故 欲行大苦化彼耶
今時菩薩如是觀察專正思惟坐訖
合口以齒相柱舌築上腭一念攝心
如是繫念調伏身意以齒舌腭攝心
繫念修習之時腋下汗流菩薩既見
汗如是流更復重發勇猛精進心無
所著不錯不乱住寂靜心一定不動
如是寂上苦身意口念皆不動是時
復作如是念言我今可入不動三昧
今時菩薩從口喘息及以鼻氣念皆
除滅口鼻滅已即時便從兩耳孔中
出大風聲其風聲氣猶如攢酥在大
甕裏搖攪於酪出大音聲如是如是
菩薩閉其口鼻之氣不使出時於兩
耳孔出風氣聲亦復如是菩薩復念
我今已發精進之心無處染著捨於
懈怠乃至如是寂上苦行寂勝難行
重復思惟我可更入不動三昧
今時菩薩既寂定身及口意已還止

口鼻及耳喘息一切皆杜既口鼻耳
悉寂定已內風壯大不得出故氣衝
於頂辟如勇健寂大力人取好利斧
打棒他腦如是如是菩薩從其口鼻
及耳閉氣不出內風壯故打腦之聲
亦復如是菩薩復念我今已發精進
之心無處染著捨於懈怠乃至如是
寂上苦行寂勝苦行思惟是已即便
更入不動三昧

余時菩薩從口鼻耳及頂喘息一切
皆停不令其出乃至遮止不得出故
內風強盛在兩肋間迴轉鼓動辟如
屠兒或屠兒子善解煞牛而彼屠等
或執利劍或捉利刀而破牛肚或復
破肋如是如是菩薩乃至內風強故
兩肋間轉穿破之聲亦復如是思惟
是已乃至更發精進之心寂勝苦行
我今還入不動三昧

余時菩薩從口鼻耳閉氣不出內風
強故令身熱惱辟如寂大二壯力士
取一弱人各執一臂將其向彼大火
聚上或惱或炙如是如是菩薩以內
氣不出故身受熱惱亦復如是思惟

是已乃至更發精進之心一切無著
已捨懈怠得於正念心不散亂一切
寂靜身口及意並得正受如是勝妙
最上苦行

尔時上界有諸天來見於菩薩如是
苦行各相謂言今此志達大智太子
已取命終而彼衆中復更別有其餘
天子共相謂言此之志達太子現今
其命未終始欲取盡或復更有諸天
子言此之志達大聖太子現亦不死
後亦不終何以故此之太子是阿羅
漢凡羅漢者有如是行不須恠之

尔時菩薩在彼蘭若所用心處作苦
行時即得成於最上苦行是時菩薩
坐處四面周匝所有隣比聚落諸人
皆來見於菩薩如是苦行作如是言
此沙門既行大苦行是故立名言大
沙門大沙門名起於彼唱以是義故
有此名稱

尔時菩薩復更如是思惟世間或有
沙門或婆羅門制限食故而建立行
各守清淨彼等或復唯食於麥或食
煮麥或食麥屑或以麥作種種諸食

而以活命如是更復或食烏麻或食粳米或食小豆或食大豆乃至或食純大豆飯或大豆汁或大豆屑或以大豆作種種食持用活命或有沙門及婆羅門斷一切食建立淨行我今亦可斷一切食而行苦行菩薩如是內心思惟

余時彼魔忽有諸天隱身不現來菩薩所白菩薩言大聖仁者願莫如是思惟此念欲得全斷一切不食所以者何仁今若欲斷一切食而行行者我等諸天各將一切天味下來入於仁者毛孔之中而今仁者得存活命又復仁者不損害身

余時菩薩聞此語已如是思惟我今既語一切人言我全不取一切諸食而今諸天自隱其身將天味來入我毛孔令我活命此則是我最大妄語誑惑一切如是念已告彼天言汝等諸天雖有此心是事不然

余時菩薩斷彼諸天如是意已日別止食一粒烏麻或一粳米小豆大豆蒙豆赤豆大麥小麥如是日日各別

一粒是時菩薩復更思惟我今可以手掌盛取少少汁飲而活於命或小豆臙赤豆豌豆菰豆臙等

尔時去彼聚落不遠其中有一取大種姓婆羅門名斯都耶那

隋言將兵將

彼

婆羅門從摩伽國頻頭王邊得一聚落以為封邑其邑即與優婁頻婆聚

落相近彼婆羅門得封邑已還立字

名斯都耶那復更別有一婆羅門名

曰提婆

隋言天

彼婆羅門生地在他迦

毗羅城經營一事漸漸行至斯都耶

那村邑而住少日為客是時提婆婆

羅門更經營別事因行漸至菩薩住

林時其提婆婆羅門見菩薩在林行

大苦行見已即識作如是言此是我

國志達太子乃能如是行大苦行彼

見菩薩如是苦行心大歡喜

尔時菩薩見彼提婆婆羅門心向於

菩薩生歡喜已即告提婆婆羅門言

大婆羅門汝能為我辦少許食活我

已不若小豆臙大豆菰豆赤豆等羹

而我食之持用活命彼婆羅門心狹

劣故少見少知無廣大意欲行布施

述可此語報菩薩言大聖太子如是之食我能辦之彼婆羅門於六年中日別如上所湏之食以供菩薩菩薩日日受取此食依法而食以活身命尔時菩薩但以手掌曰別從受隨得少許而食活命或小豆臠及赤豆等是時菩薩受食既少隨掌所容如上所說諸豆汁食菩薩如是食彼食已身體羸瘦喘息甚弱如八九十衰朽老公全無氣力手脚不隨如是如是菩薩支節連骸亦然菩薩如斯減少食飲精勤苦行身體皮膚皆悉皴皺辟如苦瓠未好成熟割斷其蒂置於日中被炙萎黃其色以熟肌枯皮皴片片自離如枯頭骨如是如是菩薩髑髏猶是無異菩薩既以少進食故其兩眼睛深遠陷入猶井底水望見星宿如是如是菩薩兩眼覩之纔現亦復如是又復菩薩以少食故其兩脅肋離離相遠唯有皮裹辟如牛舍或復羊舍上著椽木時彼聚落所有羊子牛子馬子行於彼林見於菩薩如是苦行見已各各生大歡喜發希

佛本行集經卷第三十四 第三十二張榮
有心恒常承事供養菩薩

佛本行集經卷第三十四

癸卯歲高麗國大藏都監奉
勅彫造

佛本行集經卷第三十五

祭

精進苦行品下

隋天竺三藏闍那崛多譯

余時淨飯大王盛春時至遊戲觀省
見諸園林新出枝葉種種雜卉衆花
開敷清淨莊嚴遍滿其內水中鵝鴈
鴻鵠鴛鴦充溢諸池樹上復有鸚鵡
鸚鵡及拘翅羅或諸孔雀迦羅頻伽
命命鳥等自相娛樂或復命喚作微
妙聲時淨飯王聞是聲已長歎歎息
捫淚而言嗚呼我兒志達太子忽然
捨我奄經六年既其出家今我不見
咄哉我今獨用此活知復何為我今
不見子志達故在於此處諸姝女中
左右圍繞雖復晝夜作諸音聲琵琶
琵琶琴瑟鼓吹種種音樂我今受此
上妙五欲我子云何獨自在彼山林
曠野無人衆內為於種種野獸圍繞
虎狼師子及白鳥等一切諸獸或復
諸獸各以爪牙自相殘害齧取而食
汝在彼處誰復得知或死或生寂無
消息其淨飯王心地如是憶念愁憂

苦惱不樂

今時菩薩在彼優婁頻螺聚落行苦
行時羸瘦困弊欲起行動力不勝身
立便倒地今時彼處地居諸天見此
事已謂言菩薩身命將終心內憂愁
傳相告語悉達太子今忽命終時彼
地居諸天衆中有一天子速疾往詣
淨飯王所既到彼已白淨飯王作如
是言大王當知大王太子悉達仁者
捨四天下并及七寶出家入山苦行
之時今已命終其天衆中復更別有
一地居天速往王所而白王言大王
當知王子悉達雖未命終但其餘命
不過七日

今時淨飯大王既聞諸天如此語已
為念子故憂愁苦惱逼切於心而大
唱言嗚呼我子何故獨於空林而死
雖得人身不受五欲復不證於無上
法味作是語已身心迷亂悶絕躃地
時淨飯王諸釋種族悉聞此聲聞已
悉各奔集往詣淨飯王宮到已安慰
淨飯王心作如是言大王莫作如是
苦惱又復大王現今身體極甚羸瘦

莫因此事而取命終淨飯王言今日
此處迦毗羅城是我親族眷屬品類
凡有幾數居住此城

今時彼等一切釋種即白王言大王
當知今釋摠數一切凡有九万九千
時淨飯王復作是言汝等眷屬若欲
令我命全活者速疾示我悉達太子
所居傳處是時一切諸釋種等咸共
報言大王當知大王乃可捉此大地
及諸山林鐵圍山等大海須弥以一
手擎擲於他方斯有是理欲令悉達
煩惱未盡若當一切天上世間人物
聚集欲將太子來向家者終无是處
今時釋氏國師之子名優陀夷白淨
飯王作如是言大王當知我今能往
悉達太子出家之處慰喻其意將迴
向宮其淨飯王聞是語已即便報彼
國師子言善優陀夷汝能詣向太子
邊者或復太子取於汝語歸來向家
汝共一處速疾還來若其太子不肯
來時汝亦一形莫見我面所以者何
汝發此言雖解我意若子不來我見
汝面以承望故更倍增長我之憂愁

尔時國師子優陀夷嚴駕即從迦毗
羅出徑往向彼優婁頻螺聚落之所
居連河邊既到彼已其優陀夷初先
遙見憍陳如等五人在彼見已即問
憍陳如言仁憍陳如悉達太子今在
何處時憍陳如即便報彼優陀夷言
悉達太子今已入林修行苦行時優
陀夷復重問言其親侍者名字是誰
時憍陳如即報之言汝優陀夷若欲
知者其人名為阿奢踰時隋言調馬

時優陀夷即便進語阿奢踰時作如
是言阿奢踰時汝今往詣於太子所
如我所語為我通道仁父有使來到
於此欲得相見時調馬報優陀夷言
我實不敢向太子邊通達此語所以
者何太子苦行已過六年自出家來
不曾將面向於生地對迦毗羅城邑
而坐何以故厭生患故汝優陀夷自
可入林面見太子對論父王所使
言語

時優陀夷自入林中見於菩薩卧於
地上從頭至足皆被塵塗無有威光
與地同色身體瘦削無復肌膚唯有

骨皮褻身而已眼深却陷如井底星
遍體屈折節節離解其優陀夷見於
菩薩如是身形即舉兩手而大唱叫
稱喚啼哭嗚呼嗚呼我釋種子今日
忽至如是厄難本時如是端正可意
如是妙色今成此身與土無異既復
不得解脫安樂徒勞損害如是妙身
尔時菩薩聞優陀夷號叫聲已即便
問言此為是誰內心乃尔憂愁懊惱
如火所燒啼哭而語時優婆夷報善
薩言大聖太子我是太子本國國師
之子名為優陀夷者即我身是太子
之父淨飯大王使我來此叅迎太子
菩薩報言汝優陀夷我今不用此煩
惱使我唯欲得涅槃之使不欲父王
此生死使

時優陀夷復更諮請於菩薩言大聖
太子仁今建立何等誓願乃尔牢固
菩薩即報優陀夷言唯願我身在於
此地破碎猶如烏麻白粉及以微塵
若我不得自利利人其精進心終不
放捨而生懈怠我今身心誓願如是
時優陀夷白菩薩言大聖太子我從

太子父王之前受是誓言令我決定
共於太子相隨入城今日太子若有
如是殷重誓願儻或未得自利利人
而取命盡我當云何敢捨太子違本
誓願將面空入迦毗羅城

尔時菩薩復更重語優陀夷言汝優
陀夷我今在此苦行之處儻我未得
成就自利於其中道而命終者汝優
陀夷取我屍靈從本出門扶昇將入
迦毗羅城汝復為我語彼一切迦毗
羅城内外人民作如是言此即是彼
精進之人無異語者立於誓願正意
正心骸骨之體汝優陀夷更復為我
答我父王所問訖語汝語我父作如
是言大王當知王子已發勤精進故
今已捨命非因懈怠如實語者今既
捨命非是虛誑汝優陀夷我今雖然
但我在於林中夜夢如是無量諸天
隱身來於我邊頂礼我足而白我言
患達太子汝今應當生大歡喜從今
已去至七日內汝必尅成取大利益
汝優陀夷我得此夢終不空也汝優
陀夷今可還家我不用汝與我作友

尔時優陀夷既聞菩薩如是誓已於
菩薩所無復望心即從菩薩坐處林
中獨自而出出已還至迦毗羅城見
淨飯王到已即白淨飯王言大王當
知王子悉達平安勇猛存活不死淨
飯王言若我太子安隱不死我更何
愁聞此語已心大歡喜

尔時欲界魔王波旬欲為菩薩生擾
乱故於彼六年苦行之內恒常密近
菩薩左右伺求其便微毫過失而不
能得即說偈言

阿蘭若處既精好 樹木叢林甚可觀
優婁頻螺聚落東 星連禪河岸隣側
彼處選擇得地已 誓願牢固結加趺
發大精進勇猛心 我今決定得解脫
魔王波旬來誚彼 詐以美語而白言
唯願仁者壽命長 命長乃能得行法
命長方得於自利 自利已後無悔心
仁今身體甚羸羸 定取命盡當不久
真實仁今千分死 福德怖或一分存
但多布施承事天 於諸火神修祭祀
如此或得大功德 用學禪定作何為
求勝出家道甚難 調伏自心亦不易

魔王如是向菩薩種種諸語而稱揚
菩薩時以微妙言音聲巧密報於彼
波旬不善汝放逸求自利故行世間
汝之於此福德心終無從塵等求覓
若欲求於福德者豈可發吐如是言
我觀死苦猶若生實無一念怖於盡
若諸衆生皆滅没我心終不慳時迴
今架慾海建大橋我心終不慳時迴
所以風災起天下尚能乾竭一切流
況此身內津血間其汁寧得不枯涸
脂髓潤澤於先竭然後皮實方乃乾
肉消皮立氣力微心意乃可得寂定
增長一切精進者唯有入於三昧門
我今欲行是行時望得至彼勝覺處
所以不惜此身命汝須知我內淨心
我心今有此至誠智慧莊嚴甚牢固
世間未見有人輩堪能斷我此精進
我寧為死奪命休不用長年在家活
丈夫寧當鬪戰死終不命在為他降
健兒既能降伏他降已更復何所畏
唯健能破諸怨敵我當不久降汝魔
汝軍第一是慾貪第二名為不歡喜
第三飢渴寒熱等愛著是名第四軍

第五即彼睡及眠 驚怖恐畏是第六
第七是於狐疑惑 嗔恚忿怒第八軍
覓利及爭名第九 愚癡無知是第十
自譽矜高第十一 十二恒常毀他人
波旬汝等眷屬然 軍馬恚皆行黑暗
其有墮此惡行者 是彼沙門婆羅門
汝軍恒常行世間 迷惑一切天人類
我今見汝彼軍馬 以妙智慧嚴勝兵
恚能降伏使無餘 盡破於汝大軍衆
猶如水破坏餅器 消散汝軍亦復然
我心正念安如山 智慧方便皆成就
無放逸心而行行 汝何能得我瑕疵
余時菩薩復作如是思惟念言若有
沙門及婆羅門過去世時求自利故
受於大苦或心不喜或復身心恚皆
不喜如是所受彼諸沙門及婆羅門
不過此苦如我今求自利益故今受
於此身意及心不喜等苦若復來世
有諸沙門及婆羅門為自利故所受
身心一切苦時不過於此如我今求
自利益故身心受苦唯未證得上人
之法未得知見未證增益更復何道
而取菩提菩薩更復如是思惟我念

昔在父王宮內觀作田時值一涼冷
閻浮樹蔭我見彼已坐彼蔭下捨離
一切諸欲染心厭薄一切不善之法
起分別心樂於寂定而生慧樂證得
初禪我今可還念彼禪定此路應向
菩提之道菩薩如是思惟念已如法
正觀一心而入彼之寂定望因此道
至於菩提即說偈言

此法既非是離慾 亦復非正趣菩提
又非解脫之勝因 但是身心之苦本
若我於今欲修學 應當如昔觀作田

坐彼閻浮樹下蔭 離染獲證四禪定

今時菩薩復作如是思惟念言彼之
樂者唯遠諸慾及不善法我今豈可
不知彼樂我今乃可證彼樂故為欲
成就一切知見菩薩更復如是思惟
我欲成就知見樂者應得生樂但我
羸瘦無有氣力豈可以身瘦無力故
能得彼樂我今可為身未力故而食
麤食或復煮豆或麴或麴或油或酥
而塗此身然後求於暖水澡浴

今時菩薩語彼侍者婆羅門言提婆
仁者我從今更不用如前飲食活命

我意欲求勝於此食食以活命或飲
食麴麴煮豆等或酥油脂欲塗此身
及暖水浴汝能為我辦此事不是時
提婆白菩薩言我今無有如是諸事
又我家貧不能堪辦此等諸物兼復
我今若即與仁亦未卒得仁但立誓
我當為仁方便求覓菩薩問言汝今
令我作於何誓是時提婆白菩薩言
若仁苦行訖了之時得心願滿仁於
彼時仁分法分復至我家當受我食
菩薩報言如汝所願

尔時提婆婆羅門聞菩薩如是印可
其已即便奉辭菩薩而去還詣向彼
斯鄰耶鄰婆羅門家到已語彼婆羅
門言仁者庶幾復樂法行今此聚落
相去不遠有一沙門行大苦行彼不
食來年月淹久今欲求食或飯麴麴
酥脂蜜等或復煮豆及塗身油并須
澡浴仁者今可與彼辦之

尔時軍將斯鄰耶鄰婆羅門家有於

二女一名難陀

隋言喜

二名

婆羅

隋言嬌

然彼二女極大端正可喜無比世間
少雙彼之二女往昔曾聞去此北方

雪山之下有一釋種聚落處所名曰迦毗羅婆蘇都彼城之內有一釋王名為淨飯彼王第一取大夫人名為摩耶而彼夫人生一太子極甚端正可意絕殊容白非常身黃金色頭頂上圓猶如傘蓋鼻如鸚鵡鵠鼻長至膝一切身體悉皆正等諸根充備猶如金鳥具足三十二大人相莊嚴其身周匝而滿八十種好時彼太子既誕生已將向相師婆羅門所占看其記云此太子若在家者必當得作轉輪聖王治四天下作大地主是時具得七寶正法治化世間若捨出家必成多隨阿伽度阿羅呵三藐三佛隨名稱遠聞彼二女聞如此語已早曾諮父作如是言今者既聞如是釋種其子端正可意無雙彼太子可作我夫主

余時軍將斯都耶那從彼提婆婆羅門邊傳聞菩薩此消息已語二女言汝姊妹等心願應成所以者何汝等今速往詣於彼取大沙門苦行之處何以故汝至彼已請彼沙門布施及

食尊重供養奉油并酥以用塗身然後別供暖水澡浴如是因緣後應得成汝等心願

余時軍將二女聞父如是勅已將於家常所有之食及油酥等至於菩薩苦行之處到已頂礼於菩薩足將所賣食奉上菩薩作如是言大善尊者願食於我此所奉食

尔時菩薩從彼二女受於食已隨意而食取酥及油塗摩其身然後暖水以用澡浴是時菩薩以彼油酥用塗摩身各隨毛孔悉入其體辟如土聚或復踈沙漏酥及油悉皆浸入並不復現如是如是菩薩身體所塗酥油皆悉入盡並不復現菩薩是時猶未得復本形身相

尔時菩薩飯食已訖告彼二女作如是言汝姊妹等藉此功德欲求何願時彼二女白菩薩言大善尊者我等昔聞有一釋種生一太子可意端正世所無雙我願彼人作於我夫菩薩報言汝姊妹等我即是彼釋種太子我從今去願不更受五慾之樂我於

當來欲成就阿耨多羅三藐三菩提
願欲轉於無上法輪

是時彼女姊妹二人聞此語已白菩
薩言大聖仁者此事若然仁者必定
得成於彼阿耨多羅三藐三菩提成
已當至我等之家願見我等我等當
為尊者作於聲聞弟子

菩薩復報彼二女言如是如是如汝
姊妹二人所願從此已去彼之二女
日別送食以與菩薩并將酥油先以
塗摩菩薩之身然後別將暖水洗浴
菩薩身體乃至漸漸令菩薩復本身
飾相

余時菩薩告彼二女作如是言汝姊
妹等從今已去莫作別意將息身法
但送我食何以故我從今後我若當
共女人身根兩相觸者無有是處我
意不樂我意不然

是時有一牧羊之子見於菩薩以苦
行故身大瘦損彼羊子見菩薩如是
大精勤苦向於菩薩心生歡喜即便
長跪白菩薩言大聖尊者我今意欲
承事尊者供養尊重未審尊者納受

已不菩薩報言若知時者汝欲所作如是早辦時彼羊子即為菩薩塗摩身體將羊乳汁奉上菩薩以用為食又為菩薩折尼拘陀大樹之枝擗於地上作於陰涼時彼所折尼拘陀枝因以菩薩威神力故即從地生更著枝柯葉花子等皆悉具足時人見之嘆彼樹為羊子所種尼拘陀樹

余時菩薩食麁食時彼五仙人共相謂言悉達太子今已失禪復其本性何況不失於持戒也此今戒是懈怠之人不得寂定心生憤亂彼等如是平量訖已於菩薩邊生疲倦心誹謗之心捨離菩薩而別他行漸至向於波羅捺國入鹿野園而修禪定而有偈說

彼等苦行五仙人 見於菩薩敢麁食
謂言无有禪定行 放逸自養五大身
佛本行集經向菩提樹品第三十上

余時菩薩欲求於彼麁食之時止欲令身少得氣力當於是時而彼善生村主之女從初始見菩薩已來起於彼日為菩薩作布施熟食并及器皿

若布施他或復於前未至日中若見沙門若婆羅門乞食來者所乞無并及食器而悉布施復心口念如是之願藉此施食所有功德迴施於彼釋種大子所苦行者願令成就早得諸道願速成就菩提妙果願令苦行如心所願悉具足滿如是布施行食并器經過六年

尔時菩薩六年既滿至春二月十六日時內心自作如是思惟我今不應將如是食食已而證阿耨多羅三藐三菩提我今更從阿誰邊求美好之食誰能與我如彼美食令我食已即便證取阿耨多羅三藐三菩提時菩薩心作於如是思惟之時有一天子知菩薩心如是思惟速往詣於善生村主二女之邊至彼處已即告之言汝善生女汝若知時菩薩今欲求好美食菩薩今須取上美食食美食已然後欲證阿耨多羅三藐三菩提汝等今可為彼備辦足十六分妙好乳糜

是時善生村主二女聞於彼天如是

告已歡喜踊躍遍滿其體不能自勝

速疾集聚一千牝牛而犖乳取轉更

將飲五百牝牛更別日犖此五百牛

轉持乳將飲於二百五十牝牛後日

犖此二百五十牝牛之乳還更飲百

二十五牛後日犖此一百二十五牝

牛乳飲六十牛後日犖此六十牛乳

飲三十牛後日犖此三十牛乳飲十

五牛後日犖此十五牛乳著於一分

淨好粳米為於菩薩煮上乳糜其彼

二女煮乳糜時現種種相或復出於

滿花餅相或現功德河水剎相或時

現於万字之相或現功德千輻輪相

或復現於斛領牛相或現烏王龍王

之相或現魚相或時復現大丈夫相

或復現於帝釋形相或時有現梵王

形相或復現出乳糜向上湧沸上至

半多羅樹頭更還下或現乳糜向上

高至一多羅樹訖已還下或現出高

一丈夫狀還入彼器無有一帝離於

彼器而落餘處煮乳糜時別有一善

解海竿數占相師來至彼之處見其

乳糜出現如是諸相

作如是語希有希有是誰得此乳糜而食彼人食已不久而證甘露妙藥。余時菩薩至於二月二十三日於晨朝時齊整著衣欲向優婁頻伽聚而行之食漸漸至於難提迦村至彼村已在村主家大門之外默然而立欲求食故是時善生村主之女見於菩薩在其門邊默然求食見已即便取一金鉢盛貯安置和蜜乳糜其鉢中自手執持向菩薩前到已而住。白菩薩言唯願尊者受我供養和蜜乳糜憐愍我故。

余時菩薩見彼乳糜調和於蜜內心如是思惟念言我今得好封瘡之藥是故我今應須強發精進之行欲證甘露及正法故。又我久來失此法體及是法行今日應須生道路故我今發是誓願之相我辦是意如我今日此所和蜜功德乳糜汝時奉持搏食之食依法食已我應須度死命鬼界伏彼死今鬼界之眾度於彼岸。

菩薩如是思惟念已。以乳糜而開

土。以土女言善哉。我今

乳糜訖後將此鉢器付囑與誰善生
女言付與仁者菩薩復言我如是器
無有用處善生女言仁者隨意思念
所作又我從來布施他食恒常備辦
并器布施

余時菩薩受彼食已從於優婁頻盪
聚落正念而出安座漸至尸連河岸
到已即便持所得食安置一邊清淨
之地脫衣入彼河中澡浴除身熱氣
菩薩澡浴身體之時虛空諸天以大
種種微妙香末和彼水雨種種雜下
雨

余時尸連河以諸末香

衆花弥滿水上合雜而流是時菩薩
於彼水中既澡浴已取其袈裟於水
中濯出接曬乾著於體上欲渡彼水
波流湍疾身體羸羸不能得越兼復
六年精勤苦行身力劣弱不能渡
彼河之岸

余時彼河有一大樹名頽誰都音都彼
樹之神名柯俱波音波住彼樹時彼

樹神見尸連河神音神見尸連河神

見尸連河神

所浴河內香水一切諸天各各分取
將還宮殿以此功德吉祥水故將還
自宮

尔時彼河居連禪主有一龍女名居
連茶耶隋言不常從地踴出手執莊嚴天
妙筌提奉獻菩薩菩薩受已即坐其
上坐其上已取彼善生村主之女所
獻乳糜如意飽食悉皆淨盡菩薩既
食彼乳糜已緣過去世世行檀福報業
力熏故身體相好平復如舊端正可
喜圓滿具足無有缺減

尔時菩薩食彼糜訖以金鉢器棄擲
河中時海龍王王大希有奇特之心
復為菩薩難現世故執彼金器擬欲
供養將向自宮是時天主釋提桓因
即化其身作金翅鳥金剛寶璽從海
龍邊奪取金鉢向忉利宮三十三天
恒自供養於今彼處三十三天立節
名為供養菩薩金鉢器節從彼已來
至今不斷

尔時菩薩食糜已訖從坐而起安率
漸漸向菩提樹彼之筌提其龍王女
還自取攝將歸自宮為供養故而有

偈說

菩薩如法食乳糜 是彼善生女所獻
食訖歡喜向道樹 決定欲證取菩提

佛本行集經卷第二十五

癸卯歲高麗國大藏都監奉

勅彫造

佛本行集經卷第二十六

樂

向菩提樹品中

隋天竺三藏闍那崛多譯

今時菩薩於河澡浴食乳糜休身體
光儀平復如本威力自在安庠面向
菩提樹時作是行步猶如往昔諸菩
薩行所謂漸漸調柔行步意喜來者
隨施行步安住猶如須弥山王巍巍
而行無恐畏行不濁乱行心知足行
不急疾行不遲緩行不蹶失行兩足
周正不相措行不相逼行不星速行
不搖身行安隱而行清淨而行精妙
而行無患害行師子王行大龍王行
大牛王行如鴈王行如鳥王行不懼
怯行無疑滯行無恠悞行廣寬博行
無羅延行不觸地行千輻相輪下地
而行以脚足指網縵所羅申如赤銅
色澤而行行步振遍大地而行行步
猶如大山谷響出聲而行行步之時
有坑坎處皆悉平正自然而行地上
所有土砂礫石皆除而行以足網縵
放光明觸罪類衆生安住不動善行

而行行步清淨生妙蓮花踰彼蓮花
臺上而行以往昔行淨善行故而得
此行往昔諸佛坐於師子高座之上
承行而行心意牢固如金剛行閉塞
一切諸趣稠林堂堂而行能為一切
諸趣衆生生安樂行摧折一切魔幢
而行破壞一切魔力而行埽塵一切
魔氣而行打碎一切魔威而行咸削
一切魔業而行消散一切魔衆而行
墮落一切魔勢而行捐捨一切魔行
而行煞害一切魔軍而行割斷一切
魔網而行伏諸非法一切邪衆如法
攝受外道而行照朗煩惱翳暗而行
散助煩惱朋友而行威力覆蔽釋天
梵天大自在天護世諸天無畏而行
於此三千大千世界唯自一人獨尊
而行不從他學而自證道分明而行
欲證一切種智而行正念正意知足
正行行行而行欲滅生老病死而行
欲趣向彼常樂我淨微妙取勝無畏
之處欲入涅槃城門而行有如是行
菩薩而行面正向彼菩提之樹直視
而行

尔時菩薩復作如是思惟念言我今至此菩提道場欲作何座證阿耨多羅三藐三菩提即自覺知應坐草上
是時淨居諸天子等白菩薩言如是
如是大聖仁者所有過去諸佛如來
欲證阿耨多羅三藐三菩提者皆悉
坐於鋪草之上而取正覺

尔時菩薩復作如是思惟誰能與我
如是之草心思惟已左右前後四顧
觀者是時忉利帝釋天王以天智知
菩薩心已即化其身為刈草人去於
菩薩不近不遠右邊而立刈取於草
其草青綠顏色猶如孔雀王項柔軟
滑澤而手觸時猶如微細迦尸迦衣
其狀如是色妙而香右旋宛轉

尔時菩薩見於彼人去已不遠在右邊
刈如是等草見已漸漸至彼人邊到
已寬緩問彼人言賢善仁者汝名字
何彼人報言我名吉利菩薩既聞彼
人名已如是思惟我今欲求自身吉
利亦為他人以求吉利此名吉利在
於我前我今決當得證阿耨多羅三
藐三菩提

菩薩如是心思惟已更出如是美妙
音響語彼人言其語猶如過去一切
諸菩薩等微妙音聲所謂實語不虛
發言用真正言出清亮聲潤澤之聲
妙聲喜聲聞承奉聲聞不違聲聞流
靡聲化聲導聲不寒吃聲不縮呻聲
不虛澁聲不變破聲軟滑澤聲甜淡
美聲分明的的選入耳聲聞心口意
皆志喜聲聞已除滅欲癡瞋恚闍諍
忿怒皆志令得清淨之聲聞如迦羅
頻伽鳥聲命命鳥聲雷隱隱聲如諸
音樂歌讚詠聲深遠高聲无障導聲
非鼻出聲清淨之聲真正之聲實語
之聲如梵天聲如海波聲如山崩聲
震動之聲如諸天王所讚歎聲諸阿
修羅歌詠美聲深難得底斷魔力聲
降伏一切諸外道聲師子之聲駛風
之聲爲王之聲如雲磨聲能至十方
佛刹土聲告諸所化衆生之聲不急
疾聲不遲緩聲不停住聲不缺減聲
不濁穢聲合一切聲入諸聲聲解脫
之聲無繫縛聲无染著聲合語義聲
依時語聲不過時聲巧能宣說八千

万億法門之聲无壅塞聲不止息聲能辨一切諸聲之聲隨心能滿一切願聲能生一切安樂之聲示現一切解脫之聲流通一切諸道路聲衆中說時不出衆外令諸大衆歡喜之聲聲出之時順於一切諸佛法聲

菩薩以此如是衆聲告語於彼刈草之人作如是言仁者汝能與我草不其化人報言我能與是時帝釋所化作人即便刈草以奉菩薩其草淨妙菩薩即取彼草一把手自執持當菩薩取彼草之時其地即便六種震動是時菩薩將於此草安庠面向菩提樹下

尔時菩薩持草行時中路忽有五百青雀從十方來右繞菩薩三匝訖已隨菩薩行又復五百拘翅羅鳥四方而來如前圍遶又復五百孔雀而來乃至略說五百白鵝五百鴻鸛五百白鷗五百迦羅頻伽之鳥并其五百命命之鳥五百白鳥皆悉六牙五百白馬頭耳鳥黑駿尾悉朱長而被散五百牛王並皆斛領猶如黑雲

是時復有五百童子五百童女各以種種諸妙瓔珞莊嚴其身五百天子五百天女五百寶璣以諸香花滿於其中又威種種諸妙香水無人執持自然空行

又世間中所有的一切吉祥之事皆從四方雲雨而來各在菩薩右邊圍遶經三匝已隨菩薩行

又世間中所有樹木一切藥草菩薩行時從根悉伏向於菩薩

又復四方微妙涼冷調和之風吹諸翳障皆悉清淨無雲無霧無烟無塵上虛空中復有無量千萬諸天菩薩當向善提樹時悉隨而行皆各一時歡喜踊躍遍滿其體不能自勝歌唱叫喚或口呼嘯作種種聲弄其天衣及寶瓔珞又復出聲作如是言今此閻浮有佛世尊出現於世

復有無量淨居諸天來在菩薩左右前後頂礼菩薩如是白言大聖尊者仁昔長夜恒常乞願今日所願以得成就世間所有一切諸天堪為仁作吉祥之事能與仁作吉祥之相

又復能成仁心願者彼等志來在菩薩前菩薩面向菩提樹時相隨而進菩薩欲至菩提樹下是時其地六種震動

又復菩薩行步之時如師子步如龍王步如牛王步白鴈王步如鳥王步無怖畏行無障礙行無染著行除滅一切毛不豎行無人降伏往昔善行禪定真正寂勝而行寂上寂妙伏諸怨行斷絕一切不利益行欲取無上法寶故行取無上樂攝受故行欲取寂上寂定故行行步之時地上所有一切衆生聞地動聲地居諸天阿修羅等一切諸龍諸乾闥婆一切諸鳥四足人等皆悉聞彼震動之聲心生疑恠處處觀看有何異事有何因緣大地如是涌沒搖動
尔時彼地有一龍王名曰迦茶隋言其黑也其龍長壽經歷劫數曾見往昔多諸佛來又龍日月晝夜甚長睡眠未久見大地動復聞震聲即便驚寤寤已忽起速疾徙自宮殿而出出外觀者四方之時迦茶龍王觀四方已見自居

處相去不遠有一菩薩安庠而行時
彼龍王見此菩薩預先瑞相猶如過
去諸大菩薩發心欲向菩提樹下一
種無異見是相已更無疑心決定知
此菩薩大士當得證於阿耨多羅三
藐三菩提生大歡喜即便說偈一心
合掌而讚歎言

威德巍巍大仁者
如我曾見過去時
有諸菩薩來此中
仁今亦然無有異
今見仁者到斯處
決定作佛必無疑
世尊徒步甚安庠
先舉右脚而行動
觀於諸方心諦視
應當定作佛世尊
仁今從此吉祥邊
乞一把草手持執
正面趣向於道樹
決定今作三佛陀
諸方四面涼冷風
猶如牛王作聲嚮
又有諸鳥來翼從
前後左右四面圍
世間黑闇晝夜昏
無明愚癡之所覆
仁聖成就丈夫已
必出大光普照明
又復靈異諸獸來
百千万衆前後遶
如彼輪迴右旋轉
仁今決定作世尊
又復鳥馬諸畜生
并諸幢幡等來至
星速急疾向菩薩
決知當作佛世尊
又復一切淨居天
持其清淨莊嚴體

曲躬頂禮於仁者 知仁決作佛世尊
仁今將此有漏心 又為一切煩惱逼
今得除滅彼結惑 必成無上勝菩提
仁今具足微妙法 甚深難測不思議
證已俯仰行步寬 是故我心無疑滯
仁今種種皆如法 所說寂上更無過
一切天人無等倫 是故我心無疑滯
尔時黑色龍王將如是偈歎菩薩已
心大歡喜踊躍无量合十拍掌在菩
薩前頂禮菩薩是時菩薩語龍王言
大善龍王如是如是如汝所說我今
必成阿耨多羅三藐三菩提而說
偈言

大善龍王如汝言 此為增益我精進
我今必成無上道 一切世間無等雙
如餘所見相莊嚴 大吉祥瑞為我助
我今於此煩惱海 必度彼岸無有疑
尔時黑色龍王有一龍妃名曰金光
而彼龍妃復與无量諸龍女等左右
圍繞其手各執諸妙香花末香塗香
雜色衣服寶幢幡蓋種種瓔珞作天
音樂其樂音中各作種種歌讚詠聲
而歎菩薩隨菩薩行歌音聲中出如

是偈頌菩薩言

世尊身意卓不移	無驚無怖而定住
歡喜踊躍離諸欲	瞋癡恚捨無處貪
尊能為世作醫師	是故我今頭頂禮
世間諸使煩惱厚	無能解脫離彼纏
諸根自伏復伏他	能拔衆生諸毒箭
無歸護處能歸護	世間幽冥作導師
三界燈明仁獨尊	是故我等今頂禮
世尊無人能伏得	以盡貪瞋及無明
離諸煩惱欲染情	是故我今頭頂禮
煩惱刺入衆生意	無有人能拔出之
世尊今作大醫師	能治彼等大苦惱
無依止者作依止	無導師處作導師
黑暗遍於三界中	世尊光明普能照
如我今見諸天衆	持妙香花滿虛空
儼弄瓔珞皆散衣	我見如是預相已
斟量斯事無虛謬	仁今作佛心喜歡
速往菩提德樹邊	降伏彼等四魔衆
摑裂煩惱鞞羅網	疾成無上寂涅槃
猶如往昔諸智人	到於此處取正覺
仁者今已來至此	我知作佛定無疑
世尊昔在因地時	行行劫數千万億
精苦勤劬不暫息	遂取正覺證真如

今時已至願莫停 速詣於道樹下坐
正心依彼樹王者 決證菩提无有疑
尔時菩薩聞是偈已安庠而行向善
提樹於其中間心如是念此欲界内
是彼魔王波旬為主自在統領我今
應當語彼令知若不告彼而取證於
阿耨多羅三藐三菩提者我則不成
名為大覺所以者何為欲降伏魔波
旬故攝受彼故亦兼攝受降伏一切
欲界諸天彼之魔衆魔宮殿中復有
无量无邊諸魔眷屬諸天已於往昔
種諸善根若聞我作師子吼聲若見
我證阿耨多羅三藐三菩提時則彼
悉來向於我邊當發阿耨多羅三藐
三菩提心

尔時菩薩思惟是已從於眉間白毫
相中放一光明名能降伏散魔軍衆
放此光已應時即至魔之宮殿翳彼
一切諸魔舊宮本業之光又復斯光
傍遍三千大千世界作大光明一切
皆滿時菩薩放彼光明中魔王波旬
自然而聞如是偈聲

世間有一大衆生 經歷多劫行行滿

淨飯大王之太子

棄捨王位而出家

彼欲開發甘露門

今來趣向菩提樹

汝身若有大氣力

可詣樹下共試看

其今已達彼岸邊

復欲度他令到彼

菩薩既以自覺了

今復更欲覺於他

又自得彼寂定禪

更欲教人令寂靜

既自行无繫縛路

欲教他趣解脫城

破散三惡恚使空

充溢人天道令滿

亦現禪定五通力

安置令知甘露宮

其今不久證大明

必當虛空汝境界

愚癡黑暗瞋恚侶

損汝明黨恚無餘

既被摧碎走無方

當尔時心作何計

彼若證於甘露法

常樂我淨湛然安

尔時欲界魔王波旬從光明中間是

偈已於睡眠中心忽驚動自然夢見

三十二種不吉祥相何等名為三十

二夢

所謂夢見其諸天界自許宮殿恚皆

黑暗無有光明

見自宮中有諸砂礫糞穢盈滿

見自身體恐怖不樂無有心情

見其自身諸方馳走

見其自身頭上天冠忽然墮落遺失

革徒徒跣而行

見自咽喉脣腭乾燥身體寒熱

見自園中所有樹木枝葉花果悉皆

乾枯

見諸池泉所有諸花皆悉枯竭

見自園中所有諸鳥鸚鵡鸚鵒孔雀

鴛鴦鴻鶴鷓鴣及拘翅羅命命鳥等

翎羽衣毛悉皆脫落

見其宮內所有音聲樂器之具螺鼓

琴瑟笙篴笙簧所有一切五種音聲

悉皆破析斷壞故敗狼藉在地

見其從來所愛左右皆悉自然遠離

其身憂愁困苦却住一面獨卧地上

見其端正可喜玉女赤露拳蹙手自舉

兩手以拔頭髮卧於地上

見諸魔子巧智辯者悉皆趣向菩提

樹下頂礼於彼菩薩之足

見其四箇所愛之女各舉兩手大聲

號哭作如是言嗚呼嗚呼阿耶阿耶

見其自身所著衣裳垢膩不淨

見其自身為諸塵土之所全徼周遍

滿體

見其自身忽然瘦劣無有精光

見自宮殿城壁戶牖樓櫓窓門却敵
雀塼天井皆悉崩頽落壞

見其所有諸大兵將夜叉羅刹或鴟
毘茶或復龍王彼等悉皆垂於兩手
或時舉臂拍頭捉臂各各受於極大
苦惱

見其所有的一切欲界諸天主等四鎮
天王帝釋夜摩毘率化樂他化自在
皆悉號哭漚淚滿面走向菩薩觀菩
薩面立菩薩前

見其在於鬪場之內刀仗矢刃自
許左右及眷屬等悉捨魔王諸方馳走
見其從來吉祥之餅皆崩破壞
見毘羅陀天仙口唱不吉祥事
見有一神名為歡喜當門作聲如是
唱說稱不歡喜

見虛空中塵霧烟雲悉皆遍滿
見守魔宮功德大神舉聲大吽
見其從來自在之處成不自在
見自朋友悉成怨讎

見諸魔宮或成黑暗或復失火悉皆
燒盡

見其一切諸魔宮殿震動不安

見其所有樹木藥林或被斫或自
倒地

見其所有思念判事或作方計竟日
等量不得一口唯有乱心

尔時欲界魔王波旬見如是等三十
二夢不祥相已從睡而寤遍體戰慄
心意不安內懷恐懼普喚一切魔家
眷屬皆令集聚及其宮內左右侍臣
并大兵將當諸城門守護之人向說
夜夢所見之事汝等諸人我昨夜夢
見諸變怪如前所說我見如是不祥
夢已甚大恐怖身心不安以是生疑
忽然睡覺我應不久必失此處恐畏
更有或大威德福力之人來生此處
替代於我而說偈言

昨夜光明自然現 光明中說此偈言
釋種太子今出家 三十二相莊嚴體
出家苦行六年滿 今漸來向道樹間
自覺覺他以菩提 汝若有力共彼試
彼種善根劫千億 今得菩提證正真
破汝境界悉當空 汝若不能折伏彼
彼證甘露身常住 欲破汝等此魔宮
是故我告汝諸魔 若有強力早向彼

沙門獨自在樹下 速疾破彼莫令全
汝等若取我愛言 為我辨具四兵衆
世間多有辟支佛 彼今出已令涅槃
望我獨自作法王 不令斷絕如來種
尔時魔王波旬長子名曰商主時彼
商主即便以偈白其父言

父王何故面無色 心戰身體無威光
看此形相似大驚 未審曾見聞何事
唯願向子等實說 如所聞見一一論
時魔波旬還以偈告其子商主作如
是言

子汝今當善諦聽 昨夜我夢甚異常
若我衆中具說之 大衆聞皆絕倒地
時魔波旬長子商主復更以偈報其
父言

大衆倒地不敢聲 入陣若退是大苦
若夢見有如是相 寧住莫聞被他追
時魔波旬復還以偈告其子言
丈夫發意取鬪勝 可以不勝即鬪休
彼獨沙門何所能 我到樹下當起走
是時商主復更以偈白其父言

有力衆力弱力人 獨一智慧勝他鬪
螢火虫滿三千界 一日出世悉能遮

若人自慢心不思 貢高欺他不廣問
諸智人來相開諫 若不取語此難治
尔時菩薩向菩提樹未至彼處其間
見一菴羅之樹謂言此是菩提之樹
菩薩至彼樹下欲坐意中以為菩提
之樹是時彼地以菩薩身威德力故
重不能禁欲陷向下

尔時菩薩如是思惟世有二人行坐
之處其地陷没何等為二一者斷絕
諸善根盡二者福德諸善甚多計我
即今應非是斷善根盡人此或應非
菩提樹下

尔時色界淨居諸天為憐愍真菩提
樹故懸妙繒幡置於其上又復彼中
所有諸樹枝幹悉傾向菩提樹是時
菩薩即知此是真菩提樹便捨於前
舊菴羅樹迴步安庠漸漸而向菩提
樹邊

尔時菩薩當向菩提樹下行時有一
夜又名曰香獸守護於彼菩提之樹
去樹不遠停止其中見菩薩來得急
即告更一同伴名為赤眼別夜叉言
仁者汝來我今語汝汝須知覺汝速

為我往欲界主魔王邊諮道如斯語
昔拘留孫及拘那含并迦葉等諸大
仙聖於此地中所居之處成大等覺
今復更有精進之人功德圓滿菩提
行備以具足得三十二相侵於魔王
境界所住是彼釋種淨飯王子名悉
達多已捨苦行得於正念來至於此
寂勝地處而欲居停願大王知時赤
眼聞香獸夜又如此語已速往詣於
魔波旬所既到彼已如上所語悉具
說之

尔時欲界魔王波旬從彼赤眼夜又
邊聞如此語已即便召喚他化自在
一切諸天化樂地率三十三天四天
王等并地居天諸龍夜叉諸乾闥婆
及阿修羅緊陀羅摩睺羅伽鳩睺茶
羅刹毗舍遮等一切大眾而勅之言
汝等悉集聽我處分有一釋迦種姓
之子欲取菩提我等相共至於彼處
斷其如此勇猛之心勿令取證

尔時魔王長子商主白其父王魔波
旬言父王如是子心不樂何以故而
今父王欲共悉達菩薩大士而作怨

雖唯恐後時父王內心悔無所及作是語已時魔波旬告子商主作如是言咄汝小兒愚暗淺短未曾知我變化神通未曾覩我自在威力

尔時商主白其父言父王當知我非父王愚癡之兒亦非不知父王神通威力自在但父王今未知悉達菩薩神通未見悉達菩薩德力其事雖然但願父王至於彼邊應當自見應當自知彼之神通

尔時欲界魔王波旬不取其子商主之言聞已忽然裝束四種精銳兵衆悉令聚集帶甲持仗辟如大力最猛健將率領可畏雜種軍衆人覩之時能令毛豎世未曾見又未曾聞如是无量百千万億天神鬼兵所謂一身能現多種百千面孔其一一面能出无量種種地身手脚繚戾形容可畏皆執弓箭槊矛槌棒斧鑿刀劒取勝金剛諸器仗等或復身體頭目手足衆雜異形或復頂上大火熾然或於肚邊出極猛火或復語言廣遠叫喚或執犁木或持杵等如是諸物眼孔

可畏或眼睛眯視眇高佷或口喎斜而復多齒其舌廣大現多種形或舌下垂或舌拳縮猶如礪石或眼放光猶如黑地其中毒滿或有頸項纏繞諸地或有手執鱗地而食猶金翅鳥從海取龍而取食之或復手執人肉骨血頭目支節而取食之或手執人五藏腸肚糞穢而食或有青眼如師子王喧張可畏或眼凸凸開合放光或復騎於猛火大山乘空而來或兩肩頭擎於焰火熾燃如山或於地上兩手拔樹合根擔來其中或有耳如殺羊或如簸箕或如蚌蛤或如魚耳或如猪耳或垂朵耳或復有肚如病水人脚脛細弱身體羸瘦或鼻匾透或腹如甕足如覆鉢身體皮乾猶如曝脯其肉枯燥血脉乾竭或復割截手足而懸或復斫頭而手中執或身出血更手相飲飲已復吐或吐白沫或飲融銅或吞鐵丸或刖手足肘膝而行或唯骨身無有皮肉或作腊形或驢騾形鳥形馬形駱駝牛羊殺羖犀兕水牛狐兔羴牛狽摩竭鯨鵠

佛本行集經卷第二十六 第三十張 崇光
師子虎狼熊羆禽狐豺猴豺豹野干
狸狗諸如是等種種形容作大恐怖
作大可畏如是軍衆悉皆整備儼然
承奉待命即行

佛本行集經卷第二十六

癸卯歲高麗國大藏都監奉
勅彫造

佛本行集經卷第二十七

榮

隋天台三藏闍那崛多譯

向菩提樹品下

尔時魔王即告赤眼夜叉之使作如是言謂汝赤眼汝今見此軍衆以不有誰輒欲侵我境界是時赤眼夜叉之使即白其王魔波旬言大王當知此是釋種淨飯王子名悉達多從彼善生村主女前猶如牛王作大音聲向於吉利刈草人邊乞得一把有一樹名殺羊多羅尼拘陀樹漸漸而來復有五百青雀圍遶以初春月所出可愛一切樹木悉著花果枝柯自垂無識諸樹猶尚傾頭伛而供養震動大地欲向於彼菩提樹下

尔時波旬既見菩薩欲向於彼菩提樹下作是思惟願此釋種向餘樹下鋪草而坐莫向於此菩提樹坐其心如是思惟念已告彼一切夜叉衆言汝等一切諸夜叉輩宜減少許夜叉之衆速往詣彼菩提樹下伏藏而住慎莫使此釋種之子趣向於彼菩提樹

聞其夜叉等白魔王言謹依大王嚴
命所勅是時夜叉即便抽減少許人
衆去彼菩提樹下不遠伏藏而住其
彼魔家諸夜叉衆遙見菩薩欲來向
於菩提樹時身體赫弈猶如金山照
耀放光不可譬喻其夜叉衆既覩見
已即說偈言

此必千光新日出 威德照耀如金山
憐愍一切諸天人 漸到樹王如師子
時彼樹林所守護神即以偈頌報答
於彼諸夜叉言

世尊千劫功德圓 備滿六度施戒忍
精進禪定及智慧 具足一切諸莊嚴
今漸來至向樹王 欲證無上菩提道
諸天及八部衆 思惟如是悉隨行
尔時彼諸魔家眷屬夜叉衆等聞此
偈已皆悉離彼菩提樹側星散而走
是時菩薩漸漸來到十六種相功德
具滿地分之處何等名為十六種相
所謂彼地却燒之時取後燃盡却初
立時取在先成

又復彼地所出諸草取勝最妙所謂
優波羅波頭摩拘勿頭分陀利充足

不少

又復彼地於閻浮提寂在於中

又復彼地不居頑鈍愚癡衆生唯住
聖種大福德人之所行坐

又復彼地無諸坑坎四面空寬平整
之處

又復彼地不下不高清淨洪滿猶如
手掌

又復彼地多有諸花優波羅波頭摩
拘勿頭分陀利自然生長

又復彼地悉為一切聖人通知

又復彼地自然顯現

又復彼地於一切時恒居聖人不曾
空闕

又復彼地終無有人能得降伏

又復彼地名稱遠聞所謂師子最高
之座

又復彼地其有心覓過不能得所謂
若魔魔家眷屬

又復彼地於一切地寂在中齊

又復彼地金剛所成

又復彼地所生諸草正高四指柔軟
青綠如孔雀項觸時猶如迦尸迦衣

顏色微妙可意端正香氣芬芳頭志
右旋往昔有諸轉輪聖王悉皆知聞
此可愛樂希有之事是故恒來往彼
觀音此之地處

尔時菩薩臨欲至彼菩提樹側是時
其地自然掃除清淨嚴麗香泥塗灑
可意端正令心樂觀又無一切砂礫
瓦石蒺藜棘刺諸惡草等是時菩薩
初執草行用於左手後至樹下即以
右手柔軟五指羅網莊嚴赤色猶如
燕脂所塗從左手取彼一把草安穩
欲置菩提樹下東面持草擲於地上
根即向樹菩薩心發如是之願我今
於此處所坐已越煩惱海度至彼岸
時菩薩擲彼一把草至地猶如餅中
置華或如河泥或如万字

尔時菩薩見自所執草湯擲地自然
不乱有如是等吉祥之相口作是言
如我今日所擲之草應乱不乱此吉
祥相表我在於乱世間中必定當證
不乱之法菩薩如是擲草鋪已足時
彼地六種震動

時欲界主魔王波旬至菩薩所而作

是言謂刹刹子汝今不合在此樹下
鋪草而坐何以故其此樹下於夜半
中多有元量毗舍遮鬼及富多鄰夜
叉羅刹數數恒來噉食人肉今此樹
北別有一林是大仙人所居停處彼
之處所名曰優婁頻螺聚落可憐端
正人所樂觀汝釋子宜至於彼地隨
意而坐

今時菩薩報彼魔王作如是言汝魔
波旬可不知耶我在於山阿蘭若處
空閑澤中或在樹下或在冢間或居
林內夜半安然心無所畏又復我今
亦非無智亦復非是無方便力非如
凡人至於此地但我久知往昔諸佛
在此樹下無畏之處得成聖道以如
是義我故來此

今時別更有一夜又在於魔王波旬
右立時彼夜叉語菩薩言汝釋種子
今何苦用此樹下坐自外四邊大有
餘樹汝可速疾移他處去時菩薩報
彼夜叉言我有心願於餘樹下不能
得成所願唯在於此樹下決定當成
餘處不得

時彼夜叉白其魔王作如是言大王
今聞彼言以不更作何事能得彼去
魔波旬報彼夜叉言我今唯應種種
方便作勤劬心斷彼不聽於此處坐
今時菩薩見魔波旬作如是言鋪草
而坐內心思惟發如是願我今坐彼
往昔過去諸佛所坐金剛之處坐已
當伏魔王波旬我今此處坐已斷滅
欲瞋恚癡諸煩惱等我今此處坐已
當證微妙甘露清涼之法

今時菩薩所鋪之草其根向內頭皆
向外鋪已右遶彼菩提樹三匝訖竟
加趺而坐身心端直如地纏身卓然
不動口三唱言我證甘露我證甘露
我今定當證得甘露而菩薩心發於
如是弘誓之願我坐此處一切諸漏
若不除盡若一切心不得解脫我終
不從此坐而起有偈說言

菩薩樹下加趺坐 如以大地自纏身
發於如是弘誓心 事若不成不起坐
今時魔王波旬從彼地所隱身不現
經少時間即化其身頭駸解亂塵土
滿身著鹿褐衣口脣乾燥狀若飢渴

手中執持一大束書速疾而來向菩薩所立菩薩前將所持書擲與菩薩口如是言此一封書是汝釋種摩那摩許遣我送來此一封是尸婁馱許此一封是難提迦許此一封是拔提伽許此一封書是難陀許此一封是阿難陀許自外諸書各各是彼諸釋種子寄與汝來時一書上爲抄不實虛妄言辭作如是語提婆達多今在於此迦毗羅城以受王位入汝宮內盡皆納受汝之妃后取於汝父淨飯大王繫牢獄中自餘叔父白飯斛飯并甘露飯一切宿老諸釋種王盡皆驅逐遣出城外汝見此書速疾須來汝用住彼阿蘭若爲

尔時菩薩聞是語已心發如是三種思惟因婁女故發於欲心而我妃后提婆達多實能納也因提婆達起鬪諍心彼實能奪我之國土父王位乎因釋種故生煞害心彼等何故各自惜身不護我父菩薩復更如是思惟世間境界悉皆無常穢汗不淨念念生滅無暫住時思惟一切皆悉是於

破壞之法生已即滅如是思惟便斷
欲心發出家心息諍鬭心起慈愍心
斷煞害心生悲哀心如是等事我久
棄吐思惟是已即發捨心

佛本行集經魔怖菩薩品第三十一上

尔時菩薩在於菩提樹下坐已時菩
提樹所守護神生大歡喜心意踊躍
遍滿其體不能自勝即解其身所有
瓔珞并散頭髻速疾而向於菩薩所
以取勝妙吉祥之事讚美菩薩內心
殷重發大希奇志命諸親及其眷屬
守護菩薩恭敬儼然

尔時彼處四面林木無問大小所有
樹神各從其樹出身來到護菩提樹
神邊問言大善樹神今在於汝樹下
坐者此是何人我等由來未曾聞見
最妙最勝身為一切諸相莊嚴如天
中天作是語已其護菩提樹神告彼
諸樹神言汝諸神輩當知此是淨飯
王子甘蔗種姓往昔劫初大衆推舉
所置立王世世相承至今已來此是
其胤時諸樹神復語菩提守護神言
菩提樹神汝今真得最大利益大善

福業今汝居處得有如是勝上衆生
三界之尊勝妙衆生此之衆生如優
曇花難現於世

尔時彼等一切樹神各將沉水牛頭
栴檀諸末香等又復種種妙好香花
散菩薩上散已復散歡喜踊躍遍滿
其體不能自勝舉手佞頭合十拍掌
向菩薩札口中各復如是唱言衆生
寂首唯願仁者早成此摠速證菩提
次復四天所居諸天及四天王次有
无量三十三天夜摩竭率化樂他化
自在天等无量無邊一切諸天及諸
梵天各將種種天上妙花曼陀羅花
摩訶曼陀羅花曼殊沙花摩訶曼殊
沙花天拘勿頭及波頭摩分陀利等
復持種種末香塗香如雨而散菩提
樹上其菩提樹猶如車輪周匝遍滿
一由旬內種種香花積至于膝
尔時菩薩坐彼菩提樹下之時无一
蚍蜉蟻子作聲况復大獸一切諸鳥
亦不作聲假使有風一切諸樹亦不
傾動當於菩薩坐彼菩提樹下之時
淨居諸天心喜踊躍遍滿其體不能

自勝頂礼菩薩心内各作如是願言
衆生最首願仁此心早得圓滿速成
菩提

今時菩薩坐彼菩提樹下之時發是
要誓我不成道不起此座是時魔王
波旬内心生大恐怖即作是言應此
刹利釋種之子欲得除滅我之境界
欲得令我出此境界若彼勝我在於
我前必教諸人令得涅槃為諸人說
涅槃方便使我境界當成虛空而彼
即今未得淨眼在我境界我今須作
勤劬方便令其所行退失起走而說
偈言

彼今若得成菩提 便廣為他說正法
即當損耗我境界 衆人既得正路開
自然使我境界空 境空我則成寡婦
其今未得清淨眼 乃復住我境界中
我應速疾往彼邊 先作障導破其事
猶如河水來未至 逆湏預造作橋梁
今時魔王波旬具足滿一千子於其
中間助菩薩者有五百子商主為首
在魔波旬右邊而坐其中助魔波旬
之者亦有五百第一頭首名為惡口

在魔波旬左邊而坐時魔波旬告其諸子作如是言汝等諸子我今共汝進退籌量欲取汝等子別意智共作何計若為力能降伏菩薩今時右邊長子商主說偈白父魔波旬言

若人敢觸大睡地 復能盤迴狂醉象
曾共嚴熾獸王鬪 是乃能伏彼沙門
今時魔王波旬左邊次子惡口復為其父而說偈言

若人見我心破傷 諸樹拔根即倒地
况彼沙門若覩我 而不一氣遠走哉
今時右邊有一魔子名為妙鳴即復以偈白其父言

若人浮渡於大海 還欲飲海恣令乾
父王此事不足驚 若見菩薩面可恠
今時左邊復一魔子名為百鬪即更以偈白其父言

我身膊上百臂生 一臂能射三百箭
父王但去莫愁惱 我獨能破彼沙門
今時右邊有一魔子名為善覺即復以偈白其父言

若其有力如為馬 或復毗紐及金剛
人藏宿業忍辱威 彼等諸力不能及

尔時左邊復一魔子名曰嚴威即更
以偈白其父言

我於虛空雨水火 至彼能破比丘身
令彼身如一聚灰 若猛火燄燒乾草
尔時右邊有一魔子名為善目即復
以偈白其父言

若使寂勝湏弥崩 一切天宮殿盡壞
大海諸水皆枯涸 日月從空恚墜來
能使日光冷如水 天宮墮落到於地
菩薩樹下一坐已 未成正覺終不移
尔時左邊復一魔子名曰報怨即更
以偈白其父言

我指能執持日月 虛空星宿及諸辰
捉搦彼等一切天 四海水入手掌內
况此沙門一釋子 即今捻擲海外邊
但速遣此諸軍兵 疾向於彼沙門所
尔時右邊復一魔子名為德信即復
以偈白其父言

日月運移不求朋 輪王應化無等侶
諸聖菩薩不假衆 獨自能破大魔軍
尔時左邊復一魔子名求過失即更
以偈白其父言

戰鬪器仗不過刀 身著鎧甲心無怯

如是兵馬必能煞 父王莫畏彼沙門
尔時右邊復一魔子名為福德瓔珞
莊嚴即復以偈白其父言

彼身鞞如那羅延 難可破壞四諦體
忿辱鎧甲三脫刀 執智慧箭降我等

尔時左邊復一魔子名曰不迴即更
以偈白其父言

如好乾草火立燃 善解神射箭剋中
霹靂擬山便突過 釋子見我手必降

尔時右邊有一魔子名曰法身即復
以偈白其父言

有人以彩空中盡 作諸衆生同一心
月天風神羅網纏 菩薩道場不能動

尔時左邊復一魔子名恒作罪即
更以偈白其父言

我飲毒消如人食 拍觸器仗悉成灰
若不碎彼身如塵 終不畜於此二手

尔時右邊有一魔子名為成利即復
以偈白其父言

三千世界毒滿中 世尊觀之无怖畏
三毒可畏彼滅盡 我等還宮用闔為

尔時左邊復一魔子名曰貪戲即更
以偈白其父言

我將音聲過萬億 嚴飾玉女數百千
於彼幻惑亂其心 今失寂禪受諸欲
尔時右邊有一魔子名為法戲即復
以偈白其父言

彼以禪定法為戲 常入解脫甘露遊
用諸攝樂拔衆歿 不持五欲以為適
尔時左邊復一魔子名曰捷疾即更
以偈白其父言

我力捷疾搦日月 亦能截斷勁火風
擄取沙門置父前 如碎麦芒被吹散
尔時右邊有一魔子名師子吼即復
以偈白其父言

曠澤无量野干鳴 乃未聞大師子吼
諸獸若聞師子吼 四散奔馳走百方
如是我等一切魔 未聞法王大聲唱
各說其意不肯止 至於彼邊當自休
尔時左邊有一魔子名曰惡思即更
以偈白其父言

我今惡思願得彼 其可不見此魔軍
彼心真癡無意懷 云何不走起疾避
尔時右邊有一魔子名曰善思即復
以偈白其父言

彼亦非是癡無力 汝等自短乏人情

今汝未知彼善權 後當以智降伏汝
汝等魔子恒沙衆 如是才辯滿三千
不能損彼一毛頭 况復煞害能令起
汝等淨心向彼處 口言讚歎身曲躬
莫作怨惡殘自兵 彼當必成三界主
如是乃至一千魔子於其中間或有
助白或有助黑各自隨心說其意見
尔時魔王波旬有一取大兵臣名曰
賢將時魔波旬語彼兵臣大賢將言
汝賢將來隨我而行今此有一釋種
之子其欲成就无上菩提我今共汝
至於彼處斷其道法勿聽得證無上
菩提時賢兵將即便以偈白其大王
魔波旬曰

王所統領四天王 阿修羅王緊陀羅
迦婁羅摩睺羅伽 頭戴十拍歸依彼
况復一切諸梵世 光音廣果及淨居
地住欲界色界天 悉皆向彼頂礼足
又王諸子智慧勝 勇力世間無比倫
心内恒常礼彼尊 王軍八十由旬滿
夜叉羅刹并諸鬼 雖住地上在王前
心恒念彼無過人 十拍合掌頭頂礼
魔軍千万見彼聖 祇以香花遥散之

我見此類相分明

菩薩必勝魔軍衆

魔家兵馬所住處

多有鵲鵲鵲鳴

或復鳥鴉烏鵲聲

驢狐諸畜惡聽響

我見彼菩提樹下

吉祥諸鳥種種音

鳬鴈鴛鴦俱翅羅

鸚鵡鸚鵡孔雀鳥

圍遶彼聖音微妙

如是勝相彼必強

又魔軍衆所住處

常雨砂石埃塵土

菩提樹下聖坐處

天降種種妙香花

魔衆住處地不平

高下坑坎多埵埤

礪石荆棘饒糞穢

菩提樹下地周圍

金銀七寶以莊嚴

見有如是等類相

智慧人輩若有意

見此相已應迴還

如是莊嚴遍地間

必當成就無上道

大王若不隨臣諫

如夢所見當不虛

如是仙人不可拒

應迴兵衆向本處

往昔王觸諸仙故

呪焚國土志成灰

過去有一梵德王

違犯毗耶婆仙意

王有妙園雜花果

呪咀出火悉燒燃

多年彼園草不生

況復樹木花果等

世間所有多苦行

斷諸惡修梵行時

諸王來志頂礼足

我等今可還歸本

王昔應聞維陀論

人有三十二相明

彼人求道故出家

必斷諸纏羅網結

得成無上正真道

眉間即放白毫光

普照十方億刹中

況復此魔軍衆等

豈可不能降伏得

王若欲闢不得勝

如彼頭頂至極天

諸天千万不能覩

應當成彼微妙果

世間未聞今得聞

猶如須弥及鐵圍

日月帝釋梵天王

夜叉羅刹諸林木

皆向菩提樹屈身

無疑此大福德聚

施戒忍進禪智力

歷劫以來修此行

今決退散我魔軍

如鳥踰破諸瓦坏

如諸獸王師子吼

如日翳覆諸螢火

世尊破魔亦復然

師子獨散諸獸王

毒蛇一螫煞多衆

菩薩熏修善根力

獨自能破我諸魔

尔時魔王波旬從大臣邊聞此偈已

心生恐怖熱惱不安身心憂愁苦惱

不樂慙耻著愧不知所為然其內心

猶懷我慢不肯迴還亦不逃走復更

語餘諸軍衆言汝等齊意莫驚莫怖

莫畏莫走此乃是我試彼心看我今

美言更慰喻彼看其起離菩提樹不

莫使如是衆生之寶忽值大殃

尔時魔王長子商主白其父言魔主

大王我意不願父王共彼釋迦種子

作於怨讎何以故若有百千万億魔
衆手執刀劍來此釋邊欲作障礙終
不能作况復父王獨自一身父王但
觀此釋種子在於此間菩提樹下師
子座坐不驚不怖父王觀此釋迦種
子不揺不動

又復虛空無量天衆十指合掌頂礼
於彼如是諸天頂礼供養讚歎之時
不曾歡悅其見父王惡心惡意欲來
屠害亦不瞋怒父王當知假使有人
將諸妙色能盡虛空設使彼大須弥
山王有一人指能擎將行此事亦可
或復有人浮渡大海得至彼岸亦可
有人竄大風神四方吹時忽然縛著
亦可取彼日月星宿下置於地亦可
一切諸衆生等合作一心亦可一切
諸衆生等移置諸處終不可得此釋
種子降伏於魔時魔波旬以偈告其
長子商主作如是言

汝真我怨非是子 更莫將面向我看

汝心今既著沙門 汝宜向彼釋子所

尔時魔王波旬不取長子商主諮諫

告其諸女作如是言汝等諸女各各

相共聽用我言汝宜至彼擇種子邊
試觀其心有欲情不其諸魔女聽父
勅已相與安庠向菩薩所到彼處已
去離菩薩不近不遠亦現種種婦女
媚惑詭曲之事所謂覆頭或復露頭
或復半面或出全面或作微笑亦現
白齒數數顧盼觀瞻菩薩或復以頭
頂礼菩薩或仰其頭觀菩薩面或復
佞頭覆面觀地或動雙眉或開閉眼
或解散髻以手梳髮或抱兩臂或舉
兩手亦現腋下或復以手執弄乳房
或露臂背現腹臆間或復以手拍於
脅上或復數數解脫衣裳或復數數
還繫衣服或復數數褰撥內衣露現
尻腔或解瓔珞擲著於地或解耳璫
或復還著或弄嬰兒或弄諸鳥或復
行步顧盼左右或復顛呻長嗟歎息
或以脚拍傍畫於地或歌或儻或動
腰身或作意氣或復憶念舊時所行
恩愛欲事喜笑眠卧恣態之時或復
現作童女之身或時現作婦女之身
或復現作新嫁女身或現中年婦女
之身作如是等亦現婦人諂媚惑著

種種之事復將香花散菩薩上復以
種種五欲之事勸請菩薩觀看其面
觀其心情為有欲心姿態以不彼今
復以欲心觀察我等以不或無欲心
觀我以不彼等魔女見於菩薩深心
寂定本來清淨無濁無垢面目清淨
猶如滿月從於羅睺阿修羅王手中
所出清淨無垢如日初昇光焰顯赫
如融金鏤清淨無染猶如蓮花從水
中出而不染著如火光焰如須彌山
確然不動如鐵圍山巖峯高峻善攝
諸根調伏心意彼等既見菩薩如是
皆生慙愧羞耻之心

佛本行集經卷第二十七

癸卯歲高麗國大藏都監奉
勅彫造

佛本行集經卷第二十八

榮

隋天竺三藏闍那崛多譯

魔怖菩薩品中

尔時彼等魔諸女輩善解婦女妖幻
之事更復別為餘誑惑法媚乱菩薩
而說偈言

初春佳麗好時節 果木林樹悉開花
如此美景可歡娛 仁色豐盈甚端正
現今幼年情逸蕩 正是丈夫行樂時
欲求菩提道甚難 仁可迴心受世樂
宜觀我等天女輩 可喜形貌柔軟身
以諸瓔珞自莊嚴 誰今能得如是體
仁感得已何不受 我身香潔如蓮花
世間如此福德人 何故捨之而不用
頭髮光明紺青色 恒以雜種香澤熏
奇異摩尼為寶鬘 作花持以挿其上
我等額廣頭圓滿 眉目平正甚脩揚
清淨等彼青蓮花 其鼻皆如鸚鵡鳥
口脣明曜赤朱色 或如頻婆羅果形
亦似珊瑚及腦脂 齒如珂貝甚白淨
舌薄猶如蓮花葉 語言歌詠出妙音
猶如緊隄羅女聲 兩乳百媚皆精妙

又復猶如石榴果 腰軟纖細如弓弣
脊脊寬博潤而平 猶如爲王頭頂額
雙髀更白洪端直 其狀猶若爲臯臠
兩脰正等纖而圓 清淨猶如鹿王蹲
足下平滿不斜凹 赤白猶彼蓮花輝
我等身體可喜容 如是衆相莊嚴具
技能一切皆備足 快解作諸種音聲
復巧歌儻悅衆心 諸天見我皆歡喜
悉各羨我生欲意 我等非是不樂仁
仁今見我何不貪 又如人覩金寶藏
捨離棄之遠逃走 不知財物是樂因
仁之心意亦復然 不識五欲之快樂
寂定安禪不取我 或可仁者是大癡
何故不受世樂情 涅槃道路甚懸遠
尔時菩薩諦心熟視諸魔女目不轉
捨正念微笑殷攝諸根定其身體無
愧無慙不急不緩端直安住猶如須
弥心意不傾自餘方便智慧之門往
昔已曾攝伏一切諸煩惱患哀愍言
音過於梵響猶如迦羅頻伽鳥聲以
偈語彼諸魔女言

彼諸世間五欲等 多苦多過衆惱經
由煩惱故失神通 無明陷墜墮黑闇

衆生受之不知足

我久捨離諸煩惱

如猛火坑毒藥函

往昔已來早辭避

既飲甘露智慧水

自心覺了欲覺他

當說微密教法門

若今受此穢欲事

終不可能得此道

若人增長貪愛心

是則名為大愚癡

既自不能得自利

况復能利於一切

是故我今心不耽

世間五欲燒衆生

猶如劫火災万物

五欲猶如水泡沫

亦如幻焰無一真

虛假誑惑於凡夫

智者誰應樂此事

猶如童蒙小兒輩

戲於自許糞穢中

迷惑愚癡無智人

見著種種諸瓔珞

觀已便生欲心想

頭髮根本從腦生

臭穢醜陋劇癰瘡

牙齒增長猶飲出

臂口耳鼻及眼等

一切皆如水上泡

腰髂脊背及尻臀

臭處不淨從血有

腹肚屎尿之囊袋

不淨諸物滿其間

是業皆從愛所生

譬如造輪為碾磑

愚癡受樂亦如是

若有一切諸智人

分別是等衆患殃

此處不受如斯樂

身體日夜常流血

臭處不意以眼看

兩脰兩脰雙脚趺

筋骨相縛而立住

我觀汝等今如此

如幻如化如夢為

一切念從因緣生 五欲无有真實德

五欲能失諸聖道 牽人將入惡道中

五欲猶如大火坑 亦如雜毒滿諸器

如瞋地頭不可觸 此處愚癡多被迷

强作淨想橫生貪 五欲如受雇客作

與諸婦人作奴僕 捨彼淨戒行道心

及離智慧寂定禪 住於憤乱喧鬧裏

捨諸妙法取欲戲 彼人墮地獄不疑

是等諸幻我見來 以是意中不貪樂

欲求畢竟自在樂 亦教他人今共同

我以解脫彼世間 如虛空風不可縛

汝等魔女苦滿此 世間一切諸衆生

我心終不分別之 暫共汝等行五欲

我久已除瞋恚恨 愚癡貪欲一切無

諸佛大智聖世尊 心無有尋如空體

尔時魔王波旬女等善解女人幻惑

之法更加情態益顯嬌姿莊嚴其身

亦現美妙音辭巧便來媚菩薩而有

偈說

魔王波旬有三女 可愛可喜喜見儔

在諸女中取尊豪 魔王教令善嚴飾

速疾往詣菩薩所 現諸幻惑作嬌姿

使身猶如弱樹枝 婀娜隨風而搖動

在於菩薩前向立 歌儻口唱如是言
仁善釋子當作王 云何坐彼大樹下
此盛上春妙時節 男女合會生喜歡
猶如諸鳥自相娛 欲心一發難止息
時至且可共受樂 何故守心不觀我
我等今者復以來 宜應同行稱心適
彼聖猶如日初出 億劫行諸行積功
其心不動如須弥 妙音清激猶雷響
行步安庠若師子 語言利益多所成
世間衆生不思量 恒為諸欲起闍諍
既起闍諍便言訟 如是无智等諸人
常為如此苦惱煎 智人知之不隨順
捐棄出家而遠離 處於山林以自娛
我今時節已現前 欲證常住甘露法
先須降伏彼魔衆 然後當成十力尊
其魔波旬諸女等 更白菩薩如是言
仁者面目如淨花 願聽我等諸語說
但且受於世王位 自在寂勝上尊豪
若卧若坐及起行 作妙音聲無斷絕
菩提極果甚難得 况復諸佛智慧身
解脫正路行涉難 仁見有誰往能到
是時菩薩復報彼 我當決定作法王
於天人中自在尊 轉妙法輪無有上

具足十力無所畏 在於三界獨巍巍
諸學无學弟子群 千億萬數圍繞我
口常作如是讚歎 大聖出興除世疑
我當為彼說法時 遊行處處隨心意
是故我於世間内 不樂一切五欲歡
魔女復白菩薩言 仁今少壯甚可惜
衰朽年老時未至 色力強盛且恣情
必其羸瘦不能堪 乃可捨此身端正
我等華容恁三五 正是仁者好良朋
五欲嬉戲取嬾懈 何故乃然厭離我
仁今若不見容受 我等隨逐終不辭
菩薩復更為說言 今日既得人身體
努力遠離於諸難 勤求入彼甘露門
能捨世間苦難時 則離人天一切難
及今老病死未至 諸惡聞諍復不興
我等速疾應當行 早離於斯諸難處
常住寂然無畏所 是彼真實涅槃城
尔時魔女復說偈言

仁在天中如釋天 左右端正諸天女
焰摩兜率及化樂 他化自在并魔宮
具足翫好无所虧 但受五欲莫寂滅
尔時菩薩以偈報言

五欲如霜不久住 亦如秋雲雨暫時

汝女可畏如蛇頭 帝釋夜摩兜率等
悲屬魔王不自在 欲事百怨何可貪
余時魔女復說偈言

仁可不見樹木花 諸蜂諸鳥雜音響
地生青色柔軟草 復出種種諸妙林
緊隨諸天作伎聲 如是妙時可受樂
余時菩薩以偈報言

樹木依時著花果 蜂鳥飢渴取氣香
日炙至時地自乾 昔佛甘露不可盡
余時魔女復說偈言

仁者面色猶初月 觀我顏兒似蓮花
口齒潔白清淨牙 如此妙女天中少
况復世間仁已得 身心柔順不相違
余時菩薩以偈報言

我觀汝體不淨流 諸虫周匝千万孔
不牢諸惡遍身滿 生老病死恒相隨
我求世間取上難 真正不退智人道
彼見六十四種巧 手動瓔珞鏤耳璫
被欲箭射微笑言 聖子云何不顛倒
諸有見患大仁者 見美五欲猶毒餅
利刃塗辜截舌傷 欲如蛇頭火坑穿
如人師子行風動 樹木山壁恣崩傾
我今威德離欲中 棄捨汝等猶如彼

其諸魔女出百伎 術惑菩薩不動移
菩薩如鳥師子王 猶如須弥住無動
彼等誘誑既不得 心生慙愧各低頭
恭敬歡喜讚歎言 尊面淨如蓮花潔
亦如醍醐及秋月 巍巍光照若金山
心所求者願當成 自度度他千萬衆
余時波旬諸魔女等力既不能幻惑
菩薩心生愧耻各自著慙相與曲躬
礼菩薩足圍遶三匝辭退而行安庠
還向魔波旬邊到已即白父如是言
父王不應舉意向於彼衆生所造作
怨讎何以故我等昔來不曾見有如
是衆生在欲界中作是姿態媚惑之
事顯示於彼不轉移動又復我等作
欲事時必得枯乾一切人意猶如旱
時諸草木等必令焦滅猶如春時酥
置日下自然融消今此丈夫何緣獨
余是故父王唯願莫共彼作怨讎即
向其父而說偈言

彼形過於瞻蔔色 无邊威德勝名聞
不動猶如大山王 頂礼已訖今來至
我當委具說其事 彼眼色如優鉢羅
微笑觀我心不移 面自清淨視无瞬

不瞋不恨無欲想 觀我等如幻化為
假使須弥倒地崩 星宿日月悉墮落
大海枯涸水滅盡 彼見欲患心不迴
語言微妙令人歡 觀我慈悲無欲想
見我無有瞋恚意 思惟我體不似癡
察我意行及身體 審諦思惟婦女患
是故心不行五欲 離欲無欲誰能知
非是人天所度量 我等現亦婦女諂
彼心若有欲心者 心意消滅如乾柴
而觀我等心不欲 猶如山王安止住
百福莊嚴功德智 具滿檀度戒行圓
千億劫行梵行來 清淨衆生大威德
我等頂礼彼金色 決定無疑降我魔
必當證正覺菩提 我等不願為怨結
此陣難擊我難勝 欲降伏彼亦大難
父王但觀虛空中 菩薩多衆他方至
種種瓔珞莊嚴體 恭敬重心礼彼尊
曼陀羅花等雨雲 作妙偈頌歎於彼
十方諸佛皆遣使 持雜種妙甘露食
有識衆類悉皆來 無情諸山及雜樹
須弥山神并帝釋 頂礼向於功德林
是故父王非是時 我等宜應還本處
尔時魔王即說偈言

凡人渡河到彼岸 欲得掘物必斷根
若作怨結須覓頭 諸所為事不可悔
時魔波旬不納長子商主勸言亦復
不受己之諸女諮諫之語身即自往
菩提樹所到菩薩邊到已即白菩薩
是言汝釋沙門今何求故來在於此
多毒惡龍雲雨野獸可畏可驚黑夜
處所獨自入斯林樹下坐汝之比丘
可不畏彼一切諸怨賊盜之人
時菩薩報魔波旬言魔王波旬我今
欲求寂滅涅槃往昔諸佛所行之處
最上無畏諸有盡處以求是故獨自
在此阿蘭若中樹下而坐

尔時魔王即便以偈白菩薩言

沙門汝獨在蘭若 苦行所希者甚難
具足方便老仙人 禪定失已並皆退
况汝年少時威壯 求此勝妙何因由
尔時菩薩復以偈報魔波旬言

往古諸仙苦行者 精進勇猛未甚深
彼福報善力不強 我昔持戒誓牢固
波旬我若不證道 終不捨於此樹林
尔時魔王復說偈言

我於欲界最為尊 帝釋護世皆由我

修羅緊那龍王等

阿鼻以來皆我民

汝亦在於我界中

速起自憶離此樹

今時菩薩復以偈報魔波旬言

汝於欲界雖自由

決定法界無自在

唯知地獄餓鬼等

然我今非三有人

得道必破汝魔宮

當令汝後失自在

時魔波旬復語菩薩作如是言釋子

汝速起離此處定當必得轉輪聖王

治四天下作大地主具足七寶乃至

統領一切山川釋子汝可不憶往昔

實語諸仙如是言耶記汝當王豈速

起作自在世主若起作者所謂威德

寂上無比如法住於治化之中得一

切國所有人民皆來渴仰恭敬供養

又汝釋子身體柔軟小來長養於深

宮中今此曠野林內少人多有諸獸

雄猛可畏獨自無伴恐損汝身我恒

憂愁釋子汝今疾離此處還向本宮

難得已得五欲微妙悅目適心慎莫

不受汝今雖欲求彼難得無上之道

釋子未知然其菩提甚成難得徒疲

勞耳作是語已默然而住

時菩薩報魔波旬言魔王波旬汝今

不須作如是語何以故我意不樂五
欲之事魔王波旬我久已知五欲諸
患一耽五欲不可知足暫時受樂不
得久停无常苦空無我不固猶草上
露如地舌頭可畏難觸猶如骨聚疽
惡不淨猶如肉片諸獸共貪相爭相
煞猶如樹上成熟之果不久著枝如
夢如泡如幻如焰無有真實如羊糞
中所覆之火忽然燒人魔王波旬我
今欲證無為之處波旬汝知我既已
捨四天下中豐樂之處及以七寶又
魔波旬譬如有人以食妙食還復吐
却後更欲食无有是處如是如是我
今已捨如上果報此是難事如彼人
吐既不更食我豈還宮魔王波旬我
今不久定取菩提當得作佛盡於生
老病死等患波旬汝還本所來處不
用住此汝多渴言無利益言愚癡人言
時魔波旬復更如是思惟念言此人
不可以五欲事誑之可得我今當更
設餘方便以美言辭慰喻彼心而遣
其去時魔波旬如是念已白菩薩言
仁甘蔗種沙門擇子速起速起仁自

小來未見戰鬪戰鬪刀兵甚可怖畏
仁者但行自家王法此障敵事非仁
所堪又仁莫共他作怨讎若結怨嫌
長夜瞋恚欲癡貪等濁穢心識不可
解脫色受想行識等諸陰仁速疾迴
此不善心不正見身沙門釋子仁至
家中作无遮會別以王法降伏世間
治化天下受金輪位莫戀婬此為戰
鬪傷仁還自宮是大威勢福德之子
如此王路可喜端正往昔諸王所共
歎美國土廣大統四天下一切充足
諸事不少仁既生在大王深宮今日
剃髮作比丘身不合如此作於乞士
仁復何用為沙門形貧窮活命王種
釋子我憐愍仁故作是語亦不強遣
起離於此但意不忍使仁作惡而說
偈言

死命可畏刹利種 宜捨解脫還本宮
立義弓箭治世間 今受樂後生天上
此路得名遍一切 往昔諸王皆共行
仁今既生王種中 不合沙門乞活命
時魔波旬如是言已菩薩諦視確然
不從既不動身亦不移坐心自如是

思惟念言嗎呼波旬汝覓自利非是
為我如是念已語波旬言魔王波旬
我今已坐金剛牢固結加趺坐甚難
破壞為欲證彼甘露法故魔王波旬
汝欲所作隨意即作所能堪辦隨意
即辦時魔波旬瞋發懊惱語菩薩言
謂釋比丘汝今何故獨坐在此蘭若
樹下魔出如是虛吼之聲汝意云何
我安坐也或言猶如坐於城內自言
牢防四壁圍遶今汝比丘可不見我
所率領來四種兵衆為馬車步諸雜
軍等幡旗麾蓋旛旌多諸夜叉
恚食人肉善解神射各把鞞弓執持
利箭槊矛鈎戟刀棒金剛鬘輪斧鉞
種種諸仗駕千萬億為馱馬車放大
吼聲虛空充塞其外復有无量諸龍
各各皆乘大黑雲隊放閃電電霧霏
亂下

時魔波旬從其腰間拔一利劍手執
速疾走向菩薩口唱是言謂釋比丘
我今此劍截汝身體猶如壯士斫於
竹束而說偈言

我此寶劍甚剛利 今在手中汝好看

沙門汝若不急奔 當斫汝身如竹束
尔時菩薩報魔王言

一切魔王滿此地 手志執刃若須弥
彼等不動我一毛 况能割截我身體
魔王汝若有力 今我欲證取菩提
汝若能障我不聽 速作莫住隨汝意
尔時菩薩說是偈已復語魔王作如
是言汝魔波旬若諸衆生有千万億
志如汝身盡力來此作我障尋欲妨
菩提令我不得取阿耨多羅三藐三
菩提證者我終不起離於此處餘樹
下坐

時魔波旬語菩薩言釋種比丘汝昔
在於優婁頻螺聚落處所居連河邊
發精進心六年苦行不惜身命猶不
得證阿耨多羅三藐三菩提亦復不
得取上解脫况乃今捨彼精進意退
失禪定生懈怠心而承望得

時菩薩報魔波旬言魔王波旬我昔
初發精進之心故坐彼間阿蘭若處
調伏自心我今成就精進勇猛又昔
六年苦行之時快生疲倦今日不然
汝魔波旬今諫於我如是之事非是

憐愍若有憐愍豈如是言汝既已發如是之心我今定當自得解脫又令他人當得解脫魔王波旬我決證彼阿耨多羅三藐三菩提決當得彼微妙解脫

時魔波旬既聞菩薩如是語已心大憂愁志捨一切勤劬之力復如是念我今美言美語慰喻不可令起此道樹下其發擔重既不可以好言令動今宜嚴勒恐怖訶責戰鬪割截令其心驚急起而走

時魔波旬如是念已語菩薩言汝釋比丘我既語汝真正之言汝不取我如是好諫不速起走向他方者汝必癡也汝之今日必見不善

時菩薩語魔波旬言魔王波旬我昔在於母胎之時汝等猶尚不能與我作諸障罽况復今日魔王波旬汝速還去向所來處從昔已來既不畏汝今亦無畏今時菩薩向魔波旬而說偈言

虛空刀杖雨我身 寸寸節節割我體
我若不渡生死海 此菩提樹終不移

時魔波旬語菩薩言汝釋比丘今若然者由汝未見魔之軍衆所以者何我之魔軍身著牢固剛鞞鎧甲手執種種兵器器仗雨汝身上當於今時汝釋比丘自應速起離此樹下來到我所必當口唱如是言語魔王汝可與我歸依汝之比丘未覺未知我作神通是故汝坐彼師子座作師子吼汝釋比丘但早速起何須今日口自虛唱作師子吼而說偈言

我有兵馬爲等軍 善解鬪戰諸神將
身帶鎧甲手執仗 今汝有命可速馳
於後求我護甚難 我雖欲救不可得
今時菩薩語波旬言魔王波旬四大
海水及此大地可移餘處日月星宿
可從空中墮落於地須彌大山可作
百段亦可大地及須彌山舉將上天
亦可大地及須彌山覆令顛倒可以
乾土壅恒河水不聽其流我今此心
不可遮制不可移轉離於此處何以
故魔王波旬如我往昔修行行時如
我身力禪定戒行種種諸力如是波
旬若天若龍無有過者無有勝者我

以往昔行菩提行億百千劫成就滿
足時菩薩向魔王波旬而說偈言
淨居諸天是我衆 智力為箭方便弓
我今降伏汝不難 猶如醉鳥踰枯竹
時魔波旬從菩薩聞如是語已瞋恚
增上瞋已復瞋遍滿其體普喚夜叉
羅刹等言謂大善將乱衆赤眼汝等
速來將諸山石樹木弓箭刀劍金剛
杵棒槌矛槊戟斧鉞種種器仗雨於
刹刹釋子頭上恚令墮落如霰而下
今時夜叉大善將等聞魔波旬如是
言已即便在東四種兵衆恚著鎧甲
將諸器仗速疾而來无量千万夜叉
羅刹及毗舍遮鳩睺荼等種種形容
種種狀自種種顏色種種執持變現
可畏顛倒身首異種叫呼可惡聲氣
或有為面或有馬頭或駱駝首牛及
水牛或驢或狗或羊猪狼師子虎豹
豺熊羆兕犀牛水獺犛牛獬猴狐狸
野干猫兔麀鹿如是等形及諸鳥面
復有摩竭龜魚等首或有蛇頭諸雜
虫身魚頭馬身鳥頭為身駝頭牛身
牛頭駝身或水牛頭驢騾之身或復

驢頭水牛之身狗頭猪身猪頭狗身
或殺羊頭豺狼之身或豺狼頭殺羊
之身或師子頭虎豹之身或虎豹頭
師子之身或狸貓頭熊羆之身或熊
羆頭狸貓之身或犀牛頭水獺之身
或水獺頭犀牛之身或犛牛頭犛猴
之身或犛猴頭犛牛之身或有獐頭
野干之身或野干頭獐猴之身貓頭
鳥身鳥頭貓身或摩竭頭龜鼈之身
或龜鼈頭摩竭之身魚頭蛇身蛇頭
魚身畜頭人身人頭畜身或復無頭
唯空有身或有半面或復半身或有
二頭唯止一身或復一身而有三頭
或復一身而有多頭或復有頭而無
有面或復有面而無有頭或復半頭
而無有面或復半面而無有頭或復
二頭而無有面或復無面而有三頭
或復多頭而全無面或全無眼或唯
一眼二眼三眼乃至多眼或復無耳
或復一耳二耳三耳乃至多耳或復
無手或復無臂或復一手二手三手
乃至多手或復無脚或唯一脚二脚
三脚乃至多脚及無足等

或頭顛倒或復挈頭或頭向下脚向
於上手足顛倒割截而懸或眼顛倒
或眼凸出青碧可畏或有赤眼或眼
出光或轉動眼或有耳聾或復有耳
猶如山羊或耳如驢或樹為耳或狝
猴耳或有魚耳或多種耳而是人身
或鼻膈腴而身麤醜或復懸口或復
懸舌或舌麤大或舌放光或復牙齒
極甚長大身體短促或復牙齒出入
參差或復牙齒猶如刀劍或復舌頭
如刀劍形或懸腹肚或復無肚或復
被髮或復無膝或膝如瓠或無有脰
脚如覆鉢或如碓曰

佛本行集經卷第二十八

癸卯歲高麗國大藏都監奉
勅彫造

佛本行集經卷第二十九

樂

魔怖菩薩品下

隋天竺三藏闍那崛多譯

尔時魔衆如是異形或乘白鳥或復
騎馬或乘駱駝水牛犀牛諸車乘等
四面雲集或似修羅類迦婁羅或復
有如摩睺羅伽及鳩呬荼羅刹夜叉
并毗舍遮伺命鬼等或復身體羸瘦
長大猶如餓鬼或有多種異狀形容
或有面孔威德甚大或頭如索或有
大頭或有小面或有皺面或有異形
令人見者喪失威色或見奪人魂魄
精神或面色青或復身體色如赤銅
或復頭赤身體青色或復頭黃身如
烟色或頭似烟其身黃色赤頭黑身
黑頭赤身白頭綠身綠頭白身或頭
左白而右邊綠或右邊白而左邊綠
或復身體頭面左右一切皆然
或復全身唯現骸骨或頭髑髏身肉
肥滿或頭面肉身露骨骸或人手足
畜生之身或畜生脚而作人身或有
身毛悉如針刺或有身毛猶如猪鬣

或有身毛類於驢驘或毛如羆狌狌
鼠狼或有身毛出於光焰或毛亂生
或毛逆上或有頭髻或充無髮或者
赤衣腰帶雜色或復頭上戴髑髏髮
或一頭上髮雜灰色青黃赤白烟熏
之色髑髏為冠如是形狀雲集而來
或手執持佉吒傍伽隋言末四分之一
取床陛之一并脚或
有腰帶懸於諸鈴動作大聲而其手
中執人髑髏或人骸骨以為花鬘或
復手執死人手足或復執鈴手搖令
鳴或有身體長大猶如一多羅樹手
中執矛或劒或刀箭稍弓弩或手執
戟或把三叉或棒或輪長刀利斧或
持鐵杵頭出猛焰鐵椎白棒擎石
如山

或者著青表黃赤白黑雜皮之衣或有
赤體以地纏身或從眼耳鼻出諸蛇
其蛇黑色以手執取於菩薩前而口
啖食或食人肉或有飲血或身體上
出燧燁烟口出火炬或諸毛孔出一
切火或脰出火迸散於地

或於虛空出大黑雲或虛空裏飛風
散雨出大閃電震動雷聲空中下雹

雨諸山石或下碎石霹靂大樹或有

節節自支解身或復張口或復拍手

嚇呼欲令生於恐怕或作大聲口叫

喚言速起馳走莫住此處或復化作

老婦女身舉其兩手大聲而哭嗚呼

我子嗚呼兄弟或復大笑或復周憶

東西南北急疾奔走或復背走還向

前來或忽然起或忽然飛於虛空中

遊戲自在或復攀樹懸身而行或儼

劍跳或弄槊戲長刀三叉斧鉞戟等

手脚不住或如盛夏牛王唱吼或復

作聲如尸婆獸或復空中作如是聲

呵呵啾啾咻咻嘶嘶許歧反啞居都反梨啞

梨口如是嘯兼復弄衣如是兵衆夜

叉羅刹及鳩豚荼毗舍遮等无量無

邊百千万億闍塞填噎菩提樹前南

至於海遍滿魔軍其間無有針鼻空

地變狀可畏欲搗菩薩欲煞菩薩唯

待魔王波旬一勅其等正向魔王面

觀諸如是等一切鬼神逼菩提樹飢

渴疲乏而意專欲煞害菩薩

其苦提樹東西及北三面无量淨居

諸天遍滿得住復有無量色界諸天

合十拍掌頂礼菩薩口如是言諸仁者者是今應證阿耨多羅三藐三菩提或有諸天作如是唱刹利大姓甘蔗種子速離此處此處恐畏有如是等種種器仗損害汝身

尔時菩薩報彼等言我今不久定破彼輩悉令離散猶如風吹毼上細花彼等一切諸魔鬼衆如是集時其夜正半虛空無明雖復有月及以衆星光並不現甚大黑闇假令有眼亦無所覩唯見大火起疾猛風聲大可畏大地震動四海悉沸而說偈言

四大海沸地震動 十方火焰聞惡聲
虛空星月翳不明 夜半黑闇無所見
時彼衆中有一龍王名曰持地彼龍內心欲菩薩勝於魔王邊生瞋恨心以惡意故怒其兩眼視魔波旬口吐惡氣觸魔王身展轉不安

尔時上界淨居諸天欲菩薩勝於魔王邊生慈愍心以漏盡故無復瞋心是時彼處所有諸天其有信敬於菩薩者在菩提樹見是魔衆遍滿於地擾乱菩薩見已皆悉在虛空中口各

唱言嗚呼嗚呼而有偈說

菩提樹下集諸天 見魔衆欲害菩薩
信法世間解脫故 口大唱言嗚呼聲
尔時菩薩唯思念法心不擾乱亦復
不作餘異意情時菩薩語魔波旬言
欲界天子我身既是刹利族姓我之
種類不曾妄語唯有實權汝何所作
可速疾為莫久停住時魔波旬語菩
薩言如汝所語我今欲得破碎汝身
作於百段為汝在前欲共我闘為復
令我在前害汝時菩薩語魔波旬言
我無弓箭及以刀杖可所射汝其事
雖然但我即今必先降汝訖當作佛
尔時魔王波旬即勅自軍衆言汝等
各自盡身力用勇猛莫住恐怖於此
釋種之子現大變動恐怖之事時其
魔衆頭得勅已曰魔王言如大天勅
我等不違即便各各出自身力亦現
可畏恐菩薩故是魔衆中或有諸鬼
口吐長舌搖動顛顛牙齒甚利欲齧
菩薩其眼團圓猶如師子其耳拳曲
猶如鐵鈎欲傷菩薩狀甚可畏走向
菩薩作是恐怖或有張口仰立直視

欲吞菩薩而有偈說

魔衆如是可畏來 彼聖卓然不驚動

如大智見小兒戲 菩薩觀魔亦復然

時彼衆中更有一鬼生瞋恨心將一
長刀向菩薩擲而刀自粘彼手不脫
或有擎山及將大石向菩薩擲彼山
及石還粘其手皆不墮地或在虛空
將山將石將樹將槌斧鉞戟戈向菩
薩擲復有住在虛空不下或有下來
自然碎末百段分散墮於餘處或在
空裏猶如日天雨大火雨熾然雲下
而彼大雨菩薩力故即皆變成赤拍
勿頭華雨而下或復來有在菩薩前
口吐諸蛇令蟄菩薩彼等諸蛇至地
癡住如被呪禁不能搖動

或作大雲放於閃電及震大雷雨電
及石在於菩提樹上而放彼等雨以
菩薩力故至地變成種種華雨或持
弓箭向菩薩射其箭悉還著弦不落
或有一時放五百箭彼等箭還住空
不下或執長刀舉向菩薩而疾走來
然其未至於菩薩邊而自蹠面覆倒
地上是時有一羅刹之女其身黑闇

手執髑髏欲來幻惑動菩薩心疾走
而來欲近菩薩從其發處轉展團藥
不能前進到菩薩邊

或有兩眼放大熾威猛焰火光欲燒
菩薩疾走來近至菩薩邊忽然不見
菩薩之身或復有鬼將重大石疾向
菩薩彼所來方走不能至菩提樹下
極乏困苦而有偈說

魔軍身意恣亂迷 種種方便欲害聖
不能驚動彼坐處 以有誓願智力強
或復有作師子吼聲或作虎狼熊羆
豺豹諸野獸聲而彼輩聲若有聞者
无量衆生皆悉恐怖或有諸鬼作如
是聲誅煞誅煞此釋種子或有諸鬼
作如是聲擎撲擎撲此刹利子或有
諸鬼作如是聲打煞打煞此沙門子
或有諸鬼作如是聲傷害傷害此瞿
曇種或有諸鬼作如是聲割截割截
此甘蔑種或有諸鬼作如是聲碎末
碎末此刹利種或有諸鬼作如是聲
破散破散此釋種子或有諸鬼作如
是聲摧壞摧壞此刹利子或有諸鬼
作如是聲速滅速滅此沙門子或有

諸鬼作如是聲節解節解此瞿曇子
或有諸鬼作如是聲隨意隨意逐便
所作或有諸鬼作如是聲任情任情
速作莫住如是喧動不可得聽此聲
聞時空可倒地一切大地可段段分
聞此聲時所有野獸皆大唱喚四散
馳走一切諸鳥在所聞此聲吼之時
皆悉從樹自撲落地時彼魔衆一切
諸鬼或有作於哂哂聲者或復有作
啞居邪反聲者或作嘯聲或言斫斫
或言斷斷或言煞煞或言割割或言
破破或言節節或言解解如是惡聲
不可勝數

其魔波旬即拔利劍手執前趨欲嚇
菩薩疾走而進口中唱言汝釋比丘
若安此座敢不起者我必害汝而彼
魔王東西交過欲近菩薩不能得前
是時魔王長子商主即以兩手抱魔
王取口如是言父王父王願莫願莫
父王會自不能得煞恚達釋子亦不
能動此之坐處兼得无量元邊過罪
時魔波旬不受其子商主之諫向善
薩走不肯還反

尔時有一淨居天子在虛空中隱身
不現見魔波旬以散乱心走惱菩薩
天以定心出微妙音語波旬言汝魔
波旬不自限量汝今不應擾乱此聖
沒連疾捨幻惑惡心還本境界汝終
不能搖動此聖所以者何猶如猛風
不動須弥時淨居天向魔波旬而說
偈言

寧令火失於熱性 水失潤澤住不流
地失牢固不勝持 風失吹動佔然靜
此无量劫行功業 終不捨此擔願心
見世困苦厄衆生 慳貪欲癡重病患
發慈悲愍是等故 欲以智藥顯聖醫
汝今何故作艱難 一切人多墮邪道
彼今欲開正見眼 此是大聖解脫王
此是導失道商人 無明衆生墮黑闇
此欲然於智燈照 此聖欲入涅槃城
秉炬欲破世間昏 忍辱枝樹心根鞫
信念花葉意莖固 智樹能與法果資
汝今不應拔使傾 又汝今被癡繩縛
彼欲解脫汝等結 豈可於彼生惡心
彼未解脫欲教他 汝作障尋徒疲乏
衆生沒大煩惱海 世間誰解作舟師

彼欲建立大橋梁 汝今何故興此惡
其昔劫修諸道行 彼等果熟是今時
是故此樹下結跏 猶如往昔諸先聖
時魔波旬從彼淨居諸天邊聞如是
語已起增上慢倍生瞋心復速疾走
向菩薩所欲害菩薩

今時彼處護菩提樹有八天神一名
功德二名增長三名無畏四名巧習
五名威德六名大力七名實語八名
善會彼等八神仰瞻菩薩目睫不交
一時同以十六種相讚歎菩薩作如
是言

仁今取勝清淨衆生光明照耀猶如
天上日月在空

仁今挺特清淨衆生顯赫焰熾猶如
空裏日天初出

仁今皎潔清淨衆生衆相開敷如綠
池內紅蓮花發

仁今無畏清淨衆生奮迅自在如師
子王處大林內

仁今安靜清淨衆生不驚動如須弥
山王出住海中

仁今清淨周匝顯現峙立猶如大鐵

仁今沉重審諦衆生衆德脩具猶如
大海衆寶充滿

仁今含容意度寬廣日日增長猶如
虛空無有邊際

仁今敦厚無諸邪曲心意正定猶如
大地養育衆生

仁今心意元有垢濁具足猶如阿耨
達池清淨之水脩八功德

仁今斷除一切諸結心意無染猶如
大風不善諸世

仁今巍巍難可觀觀面目猶如猛火
熾盛遠離一切諸煩惱熱

仁今勇健剛鞞衆生大力如彼毘羅
延天無人能伏

仁今精進歷劫熏修心意難迴猶如
帝釋放金剛杵

仁今已得第一善利寂為一切衆生
上首具足十力不久當成無上菩提

尔時守護彼菩提樹諸神王以十六
種相讚歎菩薩章句如是

一本闕
一讚

尔時色界淨居諸天復共同以十六
種相毀辱魔王挫其勢力何等十六

波旬汝今無有威勢猶如傳人被健兒伏妄言我勝

波旬汝今一身獨自無有伴侶猶如曠野被放逐人

波旬汝今一切軍衆諸力摧折如負重乏羸瘦老牛

波旬汝今愚盲穢惡無有清淨如夜射箭墮不淨地

波旬汝今猶跛瞎驢東西浪行落邪嶮道如迷商人

波旬汝今眷屬離散身無精光猶如負草貧窮乞兒

波旬汝今威德實衰元處依止強作姦猾猶如癡人無有羞耻

波旬汝今造業不淨多有垢膩如無恩義孝德之人

波旬汝今被他駭趁猶如野干被師子逐不得自在

波旬汝今一切軍衆不久退散猶如猛風吹諸飛鳥

波旬汝今愚惑昏闇不知時節如死日到孤獨貧兒

波旬汝今眷屬退敗猶如散藥從於

踈漏有孔器出

波旬汝今不久當被禁制治罰猶如解理趣逐愚人

波旬汝今須臾被斷一切身力猶如

罪人被割截手足異處

本闕二相

時首陀會一切諸天以如是等十六種相毀魔波旬摧其力已時護菩提樹之八神還復共以十六種相重毀波旬何等十六

波旬汝今不久之間被菩薩降猶如健兒被他賊煞一

波旬汝今被菩薩撲猶如怯弱羸瘦之人為大力士之所撻打二

波旬汝今被菩薩光之所覆蔽猶如日出障翳於彼小螢火垂

三

波旬汝今被菩薩威自然退散猶如一把碎末麥麴被大風吹四

波旬汝今被菩薩怖失脚馳走猶如小獸被師子追

五

波旬汝今被菩薩拔如娑羅樹為猛風吹合根倒地

六

波旬汝今被菩薩破如怨賊城為大力王之所摧滅

七

波旬汝今被菩薩竭如牛跡水為盛
旱日之所乾涸八

波旬汝今被菩薩退佞頭直走如得
罪人為他所煞忽然得脫九

波旬汝今被菩薩擾如野澤內遭大
猛火飛鳥亂驚十

波旬汝今被菩薩伏心內憂愁如無
法行忽失權勢下代國王十一

波旬汝今不久當被菩薩剥脫猶如
無翅老病鴻鵠十二

波旬汝今不久當被菩薩滅削如行
曠野無糧食人十三

波旬汝今不久當被菩薩劫奪如人
失船沒於大海十四

波旬汝今被菩薩燒如劫盡時一切
稠林樹木燼滅十五

波旬汝今不久當被菩薩窮倒猶如
金剛打壞石山十六

是等天神以十六種毀魔波旬其魔
波旬聞諸天神如是毀辱勸諫之時

向菩薩走欲煞害故違失勸諫被諸
天神之所毀辱猶不解心不還本宮

更復增忿勅兵衆言汝等速起急疾

打散擻此仙人莫與其命是人今既
自度彼岸於我界內復教無量無邊
衆生出我之境我不放汝若汝自知
得脫我手唯汝沙門速起馳走遠離
於此菩提樹下則命久活不遭困苦
尔時菩薩報波旬言若當使此須弥
山王崩離本處一切衆生悉无復有
一切星宿及以日月墜落墮地大海
乾竭我今已坐菩提樹下不可移動
魔復更瞋出聲惡言汝等捉此瞿曇
釋子擊將飛行且緩莫然速疾將向
我微妙宮五縛加鎖手著杻械遣守
我門令我數見如是困苦多種厄難
猶如惡奴

尔時菩薩報波旬言可此虚空將於
妙色盡雜種形或復虚空及諸星宿
并日月天墮落於地汝等諸魔滿足
三千恐怖於我乃至樹下魔欲嚇我
無有是處

佛本行集經菩薩降魔品第三十二上
尔時魔衆盡其威力脅菩提樹不能
驚動菩薩一毛有碍說言

天魔軍衆忽然集 處處打鼓震地噪

吹螺及貝諸種聲

唱言子欲作何事

今見此魔六軍衆

何不起走離此中

汝今妙色如鑄金

面目清淨天人仰

如是身體不久壞

此大魔衆難可當

但看地上及虛空

諸種變現皆充滿

必欲共闘恐不如

其若瞋忿或損身

梵音迦羅頻伽聲

告諸夜叉羅刹等

愚癡矻惱虛空體

今來怖我亦復然

能以金剛破山王

或用口吹竭大海

或猛瞋龍持手執

如是彼能動我心

魔衆憤怒放火山

拔樹并根歷亂擲

鎔銅赫赤星散注

或有手把惡毒蛇

或駱駝馬白鳥頭

或猫野干獼猴首

或瞋蛇龍吐氣古

或復霹靂閃電飛

雜雨土石雹金剛

或注鐵丸諸器仗

槩矛長刀三叉戟

或現金剛齒毒蛇

落地打碎樹枝條

種種兵甲大叫吼

或有百斛射百箭

蛇口吐猛焰火光

或捧鐵丸如須弥

或出可畏熾火雨

倒地劈裂徹泉下

或有竄身前後圍

或在左右及足邊

顛倒手脚放烟火

忽然還復口大笑

如是可畏諸魔軍

菩薩見如幻化為

如是魔力應奪命

彼見猶如水中月 亦復非真男女形
非我非命非衆生 眼耳鼻口身意等
內外因緣各自有 是諸法亦造無入
我作如此語非虛 不信當更作言擔
如我今見於彼等 欲得恐怖於我來
諸法體性及我身 一切悉空無有實
是時魔軍夜叉衆等以諸形只種種
身體如是恐怖菩薩之時菩薩亦時
不驚不怖不動不搖而彼魔王波旬
更復增瞋恚心內懷愁憂遍滿其體
不能自安而有偈說

魔家眷屬大可畏 各作種種恐怖形
見彼菩薩不驚惶 波旬心愁劇瞋恨
亦時菩薩作是思惟此魔波旬不受
他諫造種種事而不自知我今可以
如法語言斷其一切諸惡法行菩薩
如是心思惟已語魔波旬作如是言
魔王波旬汝善諦聽我本來此菩提
樹下創初之時將一把草鋪已而坐
所以者何恐懼後時共魔波旬成於
怨讎鬪諍相覓惡口罵詈汝魔波旬
造諸惡行无有善心我今欲斷汝魔
波旬一切怨讎欲滅汝等一切惡業

汝魔波旬若欲生於怨恨之心作如是念何故菩薩坐此樹下將草作鋪著糞掃衣汝心如是妬嫉此事汝魔波旬且定汝意我若成就阿耨多羅三藐三菩提後取如是等一切諸事付囑於汝願汝迴心生大歡喜魔王波旬汝今心中亦有言擔我等必當恐怖菩薩令捨此座起走勿停然我復有弘大擔願我今此身坐於此座設有因緣於此坐處身體碎壞猶如微塵壽命磨滅若我不得阿耨多羅三藐三菩提時我身終不起於此處魔王波旬如是次第我等當觀是誰勇猛擔願力強有能先成就此願或我或魔及汝軍衆若我福業善根力強我應成此擔願不虛是時菩薩向魔波旬而說偈言

汝昔施一無遮會 今得如是大威摧
我於无量億僧祇 為諸衆主種種施
余時魔王波旬復向菩薩而說偈言
我昔祭祀无遮會 汝今驗我既非虛
汝若干劫布施行 誰信此言欲降我
魔王波旬說此偈已是時菩薩不畏

不驚不怯不弱專注不乱以柔軟心
捨諸恐怖身毛和靡視瞬安庠伸其
右手拍甲紅色猶如赤銅兼以種種
諸相莊嚴具足无量千万億劫諸行
功德善根所生舉手摩頭手摩頭已
復摩脚踏摩脚踏已以慈愍心猶如
龍王欲視舉頭既舉頭已善觀魔衆
觀魔衆已以千万種功德右手拍於
大地而說偈言

此地能生一切物 無有相為平等行
此證明我終不虛 唯願現前真實說
今時菩薩手拍此地作是言已是時
此地所負地神以諸珍寶而自莊校
所謂上妙天冠耳璫手鐃臂釧及拍
環等種種瓔珞莊嚴於身復以種種
香華滿盛七寶餅內兩手捧持去菩
薩坐不近不遠從於地下忽然涌出
亦現半身曲躬恭敬向於菩薩白菩
薩言寂大丈夫我證明汝我知於汝
往昔世時千億万劫施無遮會作是
語已是時其地遍及三千大千世界
六種震動作大音聲猶如打於摩伽
陀國銅鐘之聲震遍吼等如前所說

具十八相

尔時彼魔一切軍衆及魔波旬如是
集聚皆悉退散勢屈不如各各奔逃
破其陣場自然恐怖不能安心失脚
東西南北馳走當是之時或復白鳥
頻蹶而倒或馬之卧或車脚折狼藉
縱橫或軍迷荒不能搖動或復弩槊
弓箭長刀羅索劍輪三叉戟嬰小斧
鉞鈇從於手中自然落地又復種種
牢固鎧甲自碎摧壞去離於身如是
四方爭競藏竄或覆其面踣地而眠
或仰倒地乍左乍右宛轉屍移或走
投山或入地穴或有倚樹或入闇林
或有迴心歸依菩薩請乞救護養育
於我其有依倚於菩薩者不失本心
時其波旬聞大地瞽心大恐怖悶絕
躡地不知東西於上空中唯聞是聲
打某擻某捉某斫某煞某斷某黑闇
之行悉令滅盡莫放波旬

佛本行集經卷第二十九

癸卯歲高麗國大藏都監奉

勅周造

佛本行集經卷第三十

榮

隋天竺三藏闍那崛多譯

菩薩降魔品下

尔時彼處別有地神將於一鉞涼冷
之水灑魔王上而告之言汝魔波旬
速疾急起走向自宮今為汝故當有
種種器仗欲來害於汝身節節解汝
而彼魔衆本時所作雜類形容殊異
身體變現而來執持種種兵戈器械
如是怖已不能復形還如是歸至本
來處各相迷失經由七日於後或有
得相見者或不相見其相見者各相
借問或復哭母或復哭父或兄或弟
或姊或妹互相謂言我等今者值此
大厄是我等殃我等今得本命而還
深是我等不可思議而有倡說

菩薩右手百福嚴 諸指網羅赤紅甲

掌內千輻輪相炳 閻浮金光妙色充

以手安庠摩頭趺 如是掌下似雲電

口言大地汝明我 往昔無數劫修行

所有來乞曾不違 水火風神皆驗實

梵天帝釋并日月 十方諸佛悉鑒知

如我苦行求菩提 布施持戒精進忍
禪定智慧等六度 及四无量諸神通
如是次第助道因 一切熏修盡皆證
十方我作諸功德 般遮于瑟及檀那
汝魔万分無一毫 是時以手指此地
其地震聲若鍾響 六種涌沒海波濤
魔覩倒地悶不蘇 或有空音唱縛掣
雖降面失於光色 自知不及菩薩威
推曾大哭唱叫聲 身體疲乏无歸處
東西南北縱橫走 心迷悶絕無有情
鳥馬車兵力悉摧 鳩豚毗舍遮羅剎
自然驚怖悉星散 退走求道各迴遑
如鳥在澤被火飛 父母兄弟姊妹女
兩兩相求不知道 各問汝今何處停
設得相見迭相嫌 俱去厄至恐失命
彼諸魔衆無億數 忽然消滅似散雲
如是苦經七日中 後遇相逢唱言活
我等心今大歡喜 時彼菩提樹大神
慈心將冷水一餅 灑於魔上作是說
速起莫住隨心去 汝今若不取我言
後值厄難當分甘 夜叉羅剎鳩豚等
摩睺羅伽及毗舍 世間所有可畏形
魔王率將樹下來 欲望恐怖於菩薩

端正容顏諸相滿 功德具如千日光
心不驚動猶須彌 觀彼魔衆如幻化
諸法無異無分別 如星如露如浮雲
法相如是正思惟 安心善住結加坐
若有我心彼聞見 如是邪念則生貪
癡人作是著我時 以心念故見恐怖
釋迦牟尼大尊者 觀於諸法平等如
十二因緣相續生 心意境界空无實
見諸魔衆不驚動 乏賴無利身體疲
木石刀杖悉棄捐 眷屬馳走無依怙
尔時魔王波旬長子名曰商主即以
頭頂礼菩薩足乞求懺悔口唱是言
大善聖子願聽我父發露辭謝凡愚
淺短猶如小兒無有智慧我今忽來
惱乱聖子將諸魔衆現種種相恐怖
聖子我於已前曾謬父言以忠正心
雖有智人善解諸術猶尚不能降伏
於彼悉達太子况復我等但願聖子
恕亮我父我父無智不識道理如是
恐怖大聖王子當何取生大聖王子
願仁所誓早獲成就速證阿耨多羅
三藐三菩提

尔時所有一切諸天向於菩薩生信

行者若虛空中及在地上或復諸方
彼等悉大歡喜踊躍遍滿其體不能
自勝以歡喜心口唱是言唎唎唧唧
梨梨其聲遍滿四方虛空震叫響徹
弄諸衣服嗚呼希有菩薩今已降伏諸
魔及魔軍衆以作天樂以作天歌讚
歎菩薩復將天花曼陀羅花摩訶曼
陀羅花曼殊沙花摩訶曼殊沙花優
鉢羅花拘勿頭花鉢頭摩花分陀利
花以天栴檀細末之香散菩薩上散
已復散雨而更雨有偈說言

菩薩既降伏魔王 此之大地六種動
衆生沒在无明暗 大聖神光普照明
天地開朗日月輝 猶如婦女瘡嚴面
虛空下種種花雨 曼陀羅等及餘花
尔時復有無量無邊諸餘天等千万
億數娑婆世主大梵天王及帝釋等
皆大歡喜乃至遍體不能自勝合十
指掌頂礼菩薩口作是言今此聖者
必證阿耨多羅三藐三菩提是時其
處菩提樹下相去不遠有一龍王名
日迦羅即便以偈歎菩薩言
如我昔覩佛日興 還如此處菩提樹

作大神通希有事 善巧方便降魔王
世尊今者亦復然 鋪草結加安隱坐
心不攀緣正意住 曾無一念暫時驚
如是勇猛大精進 決定取勝牟尼佛
而此大地六種動 其響震吼如鍾聲
東西南北涌復潛 不久必成大勝覺
虛空閑塞諸天衆 百千万億那由他
唱聲微妙心喜歡 仁今必作大妙聖
諸天万億不可數 各弄衣服滿虛空
如是預相無有邊 仁今作佛成大聖
千万那由他天衆 在空頂礼合掌恭
此之先應難具言 仁今作佛大尊覺
天諸童子億千万 喜歡手執妙天花
於仁者上雨花雲 仁今作佛世尊勝
周匝菩提樹林木 枝頭皆向尊屈低
此諸瑞相非一條 仁今作佛大尊極
仁既降伏天魔衆 可畏音響及殊形
悉以慈力攝化周 仁今作佛大尊稱
迦羅龍王歎佛已 心生快樂大喜歡
佛本行集經成無上道品第三十三
尔時菩薩既已降伏一切魔怨拔諸
毒刺建立勝幢坐金剛座已滅一切
諸世間内諍鬭之心滅諍鬭已外

調伏心清淨行為令一切世間衆生
作利益故為令一切世間衆生得安
樂故為令一切諸惡衆生發慈心故
為斷一切諸惡衆生結垢行故自己
滅除睡眠經蓋心得清淨光明現前
正念圓滿亦教衆生令斷一切睡眠
覆障自己斷除一切調戲得清淨心
無有濁亂亦教衆生令滅一切調戲
之心使得清淨自斷一切疑悔之心
離暗弊行於諸善惡一切法中無有
疑滯得清淨心

余時菩薩得斷如是五種心已煩惱
漸薄所以者何此等五法能為智慧
作覆障故能為智慧作不佐助遮於
涅槃微妙善路如是一切志皆棄捨
離諸欲心及不善法分別內外思惟
觀察一心寂定欲證意樂入於初禪
法中而行

余時菩薩如是思惟我今已證初增
上心現得安樂微妙之法心不放逸
應當正念捨離聚落依阿蘭若所行
法者盡令得之是時菩薩欲捨一切
諸分別觀清淨內心一無分別從三

昧生歡喜樂已證第二禪法中而行
余時菩薩復如是念我今已生此二
增心乃至捨離一切諸惡成衆行已
入二禪時菩薩厭離歡喜捨行清淨
正念正慧身受安樂如聖所歎捨於
諸惡已得安樂如是增上證第三禪
法中而行

余時菩薩復如是念此我第三增益
之心乃至在於蘭若行者是時菩薩
欲捨樂欲捨苦如前所捨分別苦樂
无苦無樂悉捨正念清淨證第四禪
法中而行

余時菩薩復更思惟此我增心第四
現見法安樂行已得證知心不放逸
善男子應正念一心在阿蘭若寂靜
而行

余時菩薩如是一心清淨無垢無障
無翳一切苦患悉皆除滅調和柔軟
可作諸業已住決定其夜初更欲成
身通受於種種神通境界所謂一身
能作多身復合多身還作一身作一
身已於虛空中上没下出下没上出
隱顯自在橫過亦然穿過山崖石壁

無尋應念而行入壁便出出已還入
譬如霧中沒已即現現已還沒入地
如水履水如地出沒虛空猶如飛鳥
或放烟熏或出光焰如大火聚日月
威德寂大巍巍能以手掌而捫摸之
現長大身乃至梵天譬如工巧巧師
弟子取清淨金作諸器皿隨意即成
亦分別知彼價貴賤如工瓦師瓦師
弟子成就泥團置於輪上欲作何器
即便得成亦知其價如善木師木師
弟子伐取樹木不腐不枯欲作何器
即能得成亦知其價如爲牙師牙師
弟子得好爲牙欲作何器即能作成
亦知其價如是如是菩薩亦然如是
成就清淨之心無濁穢心無瞞尋心
無患累心柔和軟心成就業心真寂
定心於夜初更修習造作種種神通
成就智心出現種種神通境界所謂
一身作於多身略說乃至身至梵天
菩薩心得如是寂定如是清淨如是
無垢如是無翳除滅一切煩惱患累
造諸業已心得寂滅

尔時菩薩還於是夜初更之中更欲

證知宿命神通成就心行欲於自心
知他人心種種念數所謂受身一生
之處二生之處三四五六七八九十
二十三十四十五十一百二百一千
一万無量億万半劫小劫中劫大劫
九量小劫中劫大劫我昔某處我名
字某如是姓族如是種類如是飲食
如是受樂如是壽命如是死已生於
彼處彼生復死

尔時菩薩以如是相如是行知種種
宿世自身既尔他身亦然又復自知
種種宿命辟如有人從自聚落出已
至於他聚落行於其道路知何處坐
知何處行知何處眠知何處言知何
處默至此聚落知彼聚落其間近遠
行路之時何處而行何處而坐乃至
何處眠卧言默至彼聚落還已聚落
復如是念思惟悉知從此聚落經若
干時至彼聚落復於某處若干時住
若干時行若干時坐若干時語若干
時默過若干時復至其邑復知彼處
若干時行坐起眠卧語默停泊乃至
到於已聚落已悉如是知菩薩亦然

如是定心清淨之心無垢穢心如是
軟心無患惱心可作業心於彼初夜
初更之中得宿命智正念證知心成
就行

余時菩薩既思惟知自身生處及他
生處所謂一生國土之處乃至无量
无邊億劫所生之處是時菩薩如相
如教次第聞說如知自身所生之處
及以他身種種生處亦復憶念菩薩
憶念如是生已能於處處諸衆生類
受諸生中得慈念心此我親舊此我
外人捨此親已復生其處此世彼世
流轉不息猶如風車猶如芭蕉決定
無實煩惱无常此義決定心如如是知
余時菩薩如是定心如清淨如是
無垢如是無惱如是柔軟可作靜業
於彼夜半欲得成就證知天耳而發
是心彼以天耳善清淨故過於人耳
聞種種聲所謂或聞地獄之聲或畜
生聲天聲人聲遠聲近聲辭如聚落
城邑國土或復市中其間有人昇上
高堂或復樓上於彼中住復有一人
以清淨耳聞種種聲所謂或聞吹壘

貝聲或大鼓聲或小鼓聲細腰鼓聲
或笙篳篥聲或琵琶聲簫笛笙瑟種種
音聲或聞歌聲或聞佛聲或聞笑聲
或聞尖聲或婦女聲或丈夫聲或童
子聲或童女聲如是如是菩薩如是
寂定其心清淨無垢無惱無濁柔軟
作業於彼夜半聞種種聲乃至一切
地獄等聲

尔時菩薩寂定清淨無垢無惱於彼
夜半成就欲證彼天眼時過於人眼
遍見一切或復命終墮落衆生或生
衆生上界衆生下界衆生端正衆生
醜陋衆生或墮惡道一切衆生或生
善道一切衆生行者住者或造業者
如所造業悉皆以眼通能達見復知
如是衆生所作身業不淨意業不淨
毀謗師僧或著邪見以邪見故造是
惡業以是因緣捨此身命生於惡道
地獄之中受諸苦惱如是衆生以口
業故受於種種諸惡道苦是等衆生
口業不淨造惡口業一切具足以是
因緣生於畜生受諸苦惱是等衆生
行身惡業具身惡業以是因緣造意

惡業具意惡業乃至毀謗一切諸聖
若干邪見以邪見故邪見因緣命終
捨身墮於餓鬼受餓鬼苦如是衆生
行身淨業口清淨業不毀諸聖以行
正見造正見業以是因緣命終捨身
生於天上若干衆生以造清淨身行
口行一切具足不犯不缺不謗諸聖
以有正見如是正見業因緣故命終
捨身生於人間如是菩薩以天眼淨
過於諸人見諸衆生或墮落時或受
生時上界衆生中下衆生端正醜陋
或身有香或身患臭或至惡道或至
善道如所造業真實皆知譬如有人
於國城邑聚落市間喧鬧之處昇上
大臺高樓中坐以淨天眼見於諸人
或東方來或西方來或西向東或東
向西或南向北或北向南或從南來
或從北來或來或去或住或坐展轉
其間或有逆行或有順行如是如是
菩薩如是寂定清淨無垢無惱柔軟
作業於彼夜半乃至見於諸衆生等
隨業受報若善若惡而有偈說
地獄受業苦極殃 畜生各各相啖食

餓鬼恒常患飢渴

人間困厄求資財

天上報盡愛別離

此苦取重無方喻

展轉一切衆生類

處處無有歡樂時

此名死命鬼深剝

亦是煩惱海根底

衆生沒溺无出處

輪轉此彼來去行

如是觀察五道中

以於天眼遍能見

煩惱始終無有實

猶如葉葉破芭蕉

今時菩薩如是寂心如是淨心無垢

之心如是遠離一切諸惡心調柔軟

可作於業已得寂定還於彼時後夜

將盡心欲證知如意通故而自發起

既發知已復知他意從何處生思惟

何事一切遍至如實通知若有衆生

發於欲心欲行欲事如是真知若離

欲心遠離於欲如實證知若瞋恚心

瞋恚發起真實通知厭離瞋心遠離

瞋恚如實通知若有癡心癡心發起

真實通知厭離癡心遠離癡已如實

通知如是略說愛心離愛乃至有為

無為下等上流靜亂廣狹大小有邊

无邊有上無上得定無定解脫无脫

如實通知辟如丈夫或復女婦正少

年時常喜嚴身在嚴身已或時淨

鏡或淨水中觀於自面相皆見盡如
是如是菩薩如是寂定其心如清
淨如是無垢如是無惱柔軟調和可
作於業已得寂定還彼後夜以清淨
心欲得證取宿命智通如是自心他
心亦然從何發心何處起心心遍
盡如實通知若有欲心若離欲心如
實通知乃至解脫不解脫心如是通
知而菩薩得如是定心清淨之心無
垢穢心離一切惡柔軟之心可作於
業已得寂靜還彼後夜欲得證知漏
盡神通內發智心彼如是念此諸衆
生沒煩惱海所謂數數生老病死從
此命終至於彼處受後生時還得如
是一切衆苦不能知離此等衆苦所
謂生老病死等苦如是思惟我今當
作何等方便云何得離此等諸苦作
何業行云何捨離生老病死度至彼
岸而說偈言

世間生死沒溺海 數數死已復受生
為此老病衆苦纏 愚迷不能得出離
尔時菩薩說此偈已復更思惟此老
病死從何而來何因緣有此老病死

菩薩如是思惟念時知老病死因生
故有此老病死以有生故老病死隨
菩薩復更思惟此生從何而有何因
緣故得有是生菩薩如是思惟念已
知因有故故有是生

菩薩復更思惟此有從何而有何因
緣故得有此有菩薩如是思惟念已
知因取故故有是有

菩薩復更思惟是取從何而有何因
緣故得有是取菩薩如是思惟念已
知因愛故故有是取

菩薩復更思惟是愛從何而有何因
緣故得有是愛菩薩如是思惟念已
知因受故故有是愛

菩薩復更思惟此受從何而有何因
緣故得有此受菩薩如是思惟念已
知因觸故故有此受

菩薩復更思惟是觸從何而有何因
緣故得有是觸菩薩如是思惟念已
知因六入故有此觸

菩薩復更如是思惟此之六入從何
而有何因緣故有此六入菩薩如是
思惟念已知因名色故有六入

菩薩復更如是思惟此之名色何因
緣有從何而生菩薩如是思惟念已
知因於識故有名色

菩薩復更如是思惟此之識者何因
緣有從何而生菩薩如是思惟念已
知因諸行故有此識

菩薩復更如是思惟此之諸行何因
緣有從何而生菩薩如是思惟念已
知因無明故有諸行

菩薩復更如是思惟緣無明故故有
諸行緣諸行故故有於識緣於識故
故有名色緣名色故故有六入緣六
入故故有於觸緣於觸故故有於受
緣於受故故有於愛緣於愛故故有
於取緣於取故故有於有緣於有故
故有於生緣於生故故有於老緣於
老故故有病死及以憂悲諸苦惱等
如是諸苦各相因生菩薩未曾從他
人聞未曾自見從法生眼生智生意
生慧生明

菩薩復更如是思惟有何無故無病
老死有何滅故滅老病死菩薩如是
思惟念知以無生故無老病死以滅

生故滅老病死

菩薩復更如是思惟以何無故而無
此生以何滅故而滅此生菩薩如是
思惟念知以無有無則無此生以滅
有滅則滅此生

菩薩復更如是思惟以何无故乃至
一切諸行念無以何滅故乃至一切
諸行念滅菩薩如是思惟念知以無
无明故諸行無以滅無明故諸行滅
菩薩復更如是思惟以滅無明故諸
行滅諸行滅故識亦隨滅略說乃至
生死憂悲苦惱皆滅如是一切諸苦
及集並皆念滅

菩薩如是昔未曾聞如是法中生眼
生智生慧生明生光生慧時菩薩得
如是定心如清淨如是無垢如是
得離一切諸惱柔軟之心可作業心
既得靜心此是無明真實而知亦知
無明因如是生亦知無明緣如是滅
真實諦了此是無明盡滅之相已得
正道真實而知乃至略說是識名色
六入觸受愛取有生老病死等如實
而知此是一切老病死集此是一切

老病死滅此是一切老病死滅已
得道如是志知此苦諦集如實而知
此苦諦滅如實而知此是苦諦滅已
得道如實而知如是等漏真實而知
如是漏集如是漏滅如是等漏滅已
得道如實而知此是欲漏如實而知
此是有漏此无明漏如實而知此愛
諸漏悉滅無餘斷絕諸有
譬如郭邑或復城傍或復聚落相去
不遠有一水池其水涼冷甘美清淨
間無穢濁水常充滿共岸齊平又岸
四邊多有諸樹圍繞莊嚴池內復有
種種諸虫或鱉或螺鼃鼃鼃多諸
水性或石或砂或諸魚鰾鯽魴鯉
及摩竭魚在於水內東西南北交橫
馳走求覓飲食或有住者或相趣逐
而有一人以清淨眼在於岸上洞徹
分明見於彼等一切諸虫知此是鱉
是螺是龜是鼃是鼃是砂是石是魚
是丘摩竭魚等若干求食若干鼃眠
若干東西南北馳走若干相趣如是
如是菩薩如是寂定於心如清淨
如是無垢如是無惱如是柔軟可作

諸業已得寂靜此是無明如實而知
此無明集此無明滅此是无明滅已
得道如實而知乃至略說此處諸漏
悉皆滅盡無有遺餘

尔時菩薩如是知時如是見時心從
欲漏而得解脫心從有漏而得解脫
從無明漏而得解脫既解脫已生慧
解脫生已即知我生已盡梵行成立
所作已辦畢竟更不受後世生其夜
三分已過第四於夜後分明星將欲
初出現時夜尚寂靜一切衆生行與
不行皆未覺寤是時婆伽婆即生智
見成阿耨多羅三藐三菩提而有
偈說

是夜四分三已過 餘後一分明將現
衆類行不皆未動 是時大聖无上尊
衆苦滅已得菩提 即名世間一切智
尔時婆伽婆得智見時於此世間梵
宮魔宮天人沙門及婆羅門世皆大
明小鐵圍山并大鐵圍其間從來恒
常黑暗未曾見光此之日月如是大
德如是光明如是威力遂不能令彼
處光明照耀顯赫今者自然皆大開

朗志覩光明其間所有一切衆生各
各相見各各相知各各相語此處亦
復有衆生乎此處亦復有衆生乎一
切樹木即生花果隨熟墮地世尊力
故虛空清淨無有塵霧無有煙霞忍
自起雲降微細雨以用灑地復起涼
風冷煖調適諸方澄淨顯現分明又
虛空中一切諸天作天音樂作天歌
讚而雨種種无量花雨所謂曇陀羅
花摩訶曇陀羅花復雨天衣憍奢耶
等復雨金銀琉璃等寶復雨優鉢羅
拘物頭分陀利復雨種種末香塗香
散於佛上散已復散彼地周匝滿一
由旬種種花雨末香塗香積至于膝
時此大地六種震動一切衆生一向
皆受極妙快樂諸苦不惱當於彼時
無一衆生有欲惱者有瞋恚者有貪
癡者亦復不生貢高之心我慢之心
無有恐怖不作衆罪無有疾病衆患
皆差更不發動飢渴衆生悉得飽滿
酒醉衆生皆得醒悟更不飲酒顛狂
衆生皆得本心盲瞶衆生皆得見色
聾者聞聲身體諸根不完具者悉得

具足貧窮衆生皆得地祇羸瘦衆生
皆得肥滿牢獄繫禁悉皆得脫枷鎖
自然解散地獄衆生悉免苦惱畜生
衆生恐怖皆滅餓鬼衆生滅飢渴苦
悉得飽滿而有偈說

尔時衆生瞋等無 滅衆苦受大快樂
酒醉狂顛得本性 一切怖者皆獲安
尔時世尊既成阿耨多羅三藐三菩
提已即作如是師子音吼而說偈言
往昔造作功德利 心所念事皆得成
速疾證彼禪定心 又復到於涅槃岸
所有一切諸怨敵 欲界自在魔波旬
不能惱我悉歸依 以有福德智慧力
若能勇猛作精進 求聖智者得不難
既得即盡諸苦邊 一切衆罪皆除滅
尔時如來初成佛已最先說此口業
之偈

佛本行集經卷第三十

癸卯歲高麗國大藏都監奉
勅彫造

佛本行集經卷第三十一

業

隋天竺三藏闍那崛多譯

普興魔覓品第三十四

今時菩薩於彼初夜以手指地降伏
魔眾波旬眷屬是時此地六種震動
乃至大震猶打銅鍾是時一切聚落
城邑國土所居有諸人眾彼等皆悉
見大地動聞震吼聲心並生疑各各
自往至相師邊或卜師邊天文師邊
或仙人邊或至所解占仰師邊悉皆
借問此事云何何故大地如是震動
作此大聲魔與沙門誰勝誰劣汝等
各自善能占仰唯願為我解說斯事
今時彼等一切諸仙天文師等各自
報其所問人言摩伽陀國伽耶聚落
有兩大力相共角試一求出世最大
法王一求世間非法之王兩覓爭鬪
而於彼中求法王者摸於彼求非法
王者其事已訖後夜中得成大法王
不久欲轉无上法輪而有偈說
一切諸人間地動各自往詣占師邊
問其占仰師是言仁等世間聖知者

而此大地何故動 唯願諦審善觀占
速疾決我等此疑 彼等一切諸師報
法王非法王在彼 二人相覓闔威神
各試德力誰為尊 摩伽陀國聚落內
菩薩天魔兩相角 法行摧伏彼魔軍
既降伏已得菩提 成佛法三獨無畏
忒時如來於彼後夜明星出時得成
阿耨多羅三藐三菩提已於時世間
自然而有寂大光明地六種動時彼
光明及地動已淨飯王宮睡眠驚寤
嘆諸相師并婆羅門天文師等而勅
之言婆羅門輩此事云何為我解說
作是語已時諸占相天文師等即白
王言唯願大王且少時忍我等占仰
然後白王

尔時佛母摩耶夫人已得天身作玉
女形從天上下告淨飯王及羅睺羅
母耶輸陀羅等作如是言大王當知
今夜王子悉達多已成阿耨多羅三
藐三菩提以是相故大地震動如來
既成三菩提已降伏衆魔无有怨敵
於世間中無所可畏是時色界淨居
諸天心尚疑惑如來得成三菩提不

尔時世尊知彼諸天心之所念飛騰
虛空為彼諸天斷疑心故說於如是
師子吼聲我今已斷諸慾愛結已定
慾心乾竭一切諸煩惱水更不復流
不受後有更不轉入於煩惱內度盡
苦邊更无復餘

尔時彼等一切諸天聞此說上心各
思惟如來已得成三菩提歡喜踊躍
遍滿其體不能自勝將天妙花塗香
末香天旃檀香牛頭旃檀細末之香
曼陀羅花摩訶曼陀羅花散如來上
散已復散其魔波旬見諸天衆將如
是等供養之具供養如來見已即對
如來之前相去不遠地上而坐悵快
不樂心大憂愁以一荻片而畫於地
復如是念世實希有難可思議諸仙
苦行我能迴轉其帝釋等一切諸天
我能教發貪慾之心云何今此沙門
釋種一心三昧經暫時間使我軍馬
皆悉降伏如是已後如來密教廣行
佛事說法之時諸比丘等即白佛言
希有世尊世尊云何以精進力得三
菩提成七道分滿足法寶作是語已

佛即告彼諸比丘言汝諸比丘今應當知然我非但此之一世精進力故得三菩提及七道分我往昔時精進力故得摩尼寶時諸比丘即白佛言世尊此事云何願為我等分別解說
爾時佛告諸比丘言汝諸比丘至心諦聽我念往昔有一商主入海採寶而於海內得一貴重摩尼之寶其價正直百千兩金得已忽然還墮海中時彼商主即持一杓發大精進勇猛之心杼大海水欲令乾竭求摩尼寶時海神天見於彼人杓杼海水將置陸地見已即作如是念言此人愚癡无有智慧大海之水無量無邊其人云何以杓欲杼置於陸地而彼海神即說偈言
世間多有衆生輩為貪財利種種為我今見汝大愚癡更无有人過汝者
八万四千由旬海今欲以杓杼令乾
困乏徒自喪一生所杼未多命便盡
所杼之水如毛滯此大海廣而甚深
汝今無智不思惟耳璫欲取須弥作
余時商主復向海神而說偈言
天神此為不善言乃欲遮我乾竭海

神但定意正觀我 不久杼海當令空
仁住於此長夜停 是故心應大憂惱
我誓精勤心不退 必竭大海使令乾
我無價寶寶璽此中 是故要枯大海水
水若盡底還獲寶 得已當迴歸向家
時彼海神聞是語已 心生恐怖作如
是念此人如是精進勇猛杼此海水
必當竭盡時彼海神如是念已即還
商主無價寶珠還已而說如是偈言
凡人須作勇猛心 負擔苦疲莫辭倦
我見如是精進力 失寶還得歸向家
尔時世尊而說偈言

精進處處得稱心 嬾惰恒常見大苦
是故勤發勇猛意 智人以此成菩提
佛告諸比丘欲知尔時大商主者即
我身是時彼商主入海既得无價寶
珠得還復失以勇猛心求寶還得今
日亦然以精進故得阿耨多羅三藐
三菩提七覺分道
時諸比丘即白佛言希有世尊希有
奇特不可思議一人獨自能降是等
一切魔衆作是語已即各嘿然
尔時世尊復更重告諸比丘言汝諸

比丘至心諦聽我非但今獨自如是
降伏衆魔過去世時亦曾如是獨自
降伏彼等魔衆時諸比丘即白佛言
世尊其事云何唯願為我分別解說
尔時佛告諸比丘言汝等善聽我念
往昔無量世時有二兄弟鸚鵡之鳥
一名摩羅祁梨隋言二名一名勝隋言二名勝隨祁梨
與言彼時二鸚鵡在於樹上忽然有
鷹迅疾而來撮一小者將飛空行尔
時彼兄即向其弟而說偈言

獨自一人亦得苦 獨自一人亦得樂
汝啄彼鷹要害處 其若苦困即放汝
汝今身小我薄力 唯汝精勤莫嬾墮
其弟既聞兄語已 欲出勇猛威力事
盡身極力思量竟 即便要處啄鷹身
鷹患身體苦痛纏 速疾即放鸚鵡鳥
鷹以身體患痛故 疾走處處求歸依
其巧鸚鵡鳥脫由 以啄彼鷹最要節
鷹因無有避藏處 嚴熾鸚鵡鳥空行
鷹見鸚鵡逐後飛 捨離遠走求活路
尔時啄鷹鸚鵡者 今即我身釋迦是
彼鷹即是魔波旬 於時我唯獨自身
已能降伏彼令得 況復於今功德倍

都得不伏彼魔王 汝等比丘宜知此
余時諸比丘復白佛言世尊云何魔
王波旬數數欺誑如來不能得者而
如來常免彼厄難作是語已世尊復
告諸比丘言汝諸比丘至心諦聽當
為汝說我非但今被魔波旬所誑得
脫不曾被其之所惱亂過去世時魔
王波旬誑惑於我亦不能得嫉亂於
我時諸比丘即白佛言世尊其事云
何唯願為我分別解說

余時佛告諸比丘言我念往昔有一
河名波梨耶多

隋言度彼節

時彼河岸有一

人是結花鬘師其人有園在彼河側
而彼河內時有一龜從水而出至花
園中求食而行處處經歷蹋壞其花
時彼園主見於彼龜處處求食踐壞
其花是時園主即作方便捕捉彼龜
捉已置於一篋篋中將欲殺食

余時彼龜作如是念我今云何得脫
此難作何方便作何巧智即發是心
我今可誑此之園主作是念已即向
園主而說偈言

我從水出身有淫 汝且置花洗我體

我身既有泥不淨 恐畏汙汝篋及花
時彼園主作如是念善哉此龜善言
教我我今不得不取其言我洗其身
勿令汙汙我之花篋作是念已即手
執龜將向水所欲洗龜身是時彼人
即提龜出置於石上抄水欲洗是時
彼龜出大筋力忽投沒水時花鬘師
見龜沒水作如是念奇哉是龜乃能
如是誑逗於我我今還可誘誑是龜
使今出水時花鬘師即向彼龜而說
偈言

賢龜諦聽我作意 汝今親舊甚衆多
我作花鬘繫汝咽 恣汝歸家作喜樂
余時彼龜作如是念此花鬘師妄言
誑我彼花鬘師母患著床其婦採花
造鬘欲賣以用活命今作是言定是
誑我欲食我故誘我出耳是時彼龜
向花鬘師而說偈言

汝家造酒欲會親 廣作種種諸味食
汝至家內作是語 龜實煮已脂糍頭
余時佛告諸比丘言汝等比丘欲知
彼時入水龜者我身是也花鬘師者
魔波旬是其於今時欲誑惑我而不

能善今復欲誑何由可得

時諸比丘復白佛言希有世尊實難思議魔王波旬威勢自在統於慾界種種誑惑猶不能動此之坐處作是語已今時佛告諸比丘言汝諸比丘今應當知非但今日此魔波旬將其力勢欲誑惑我過去亦然不能誑惑得我之便時諸比丘即白佛言善哉世尊其事云何唯願為我分別解說今時佛告諸比丘言我念往昔於大海中有一大乳其乳有婦身正懷妊忽然思欲狝猴心食以是因緣其身羸瘦痿黃宛轉戰慄不安時彼特乳見婦身體如是羸瘦无有顏色見已問言賢善仁者汝何所患欲思何食我不聞汝從我索食何故如是時其特乳嘿然不報其夫復問汝今何故不向我道婦報夫言汝若能與我隨心願我當說之若不能者我何假說夫復答言汝但說看若可得理我當方便會覓令得婦即語言我今意思狝猴心食汝能得不夫即報言汝所須者此事甚難所以者何我居止在

大海水中獼猴乃在山林樹上何由

可得婦言奈何我今意思如此之食

若不能得如是物者此胎必隨我身

不久恐取命終是時其夫復語婦言

賢善仁者汝且容忍我今求去若成

此事深不可言則我與汝並皆慶快

余時彼虬即從海出至於岸上去岸

不遠有一大樹名優曇婆羅

隋言時求願

彼樹有一大獼猴在於樹頭取果子

食是時彼虬既見獼猴在樹上坐食

於樹子見已漸漸到於樹下到已即

便共相慰喻以美語言問訊獼猴善

哉善哉婆私師吒在此樹上作於何

事不甚辛勤受苦惱耶求食易得无

疲倦不獼猴報言如是仁者我今不

大受於苦惱虬復重更語獼猴言汝

在此處何所食敢獼猴報言我在優

曇婆羅樹上食敢其子是時虬復語

獼猴言我今見汝甚大歡喜遍滿身

體不能自勝我欲將汝作於善友共

相愛敬汝取我語何須住此又復此

樹子少無多云何乃能此處願樂汝

可下來隨逐於我我當將汝渡海彼

岸別有大林種種諸樹花果豐饒所謂菴婆果閻浮果梨拘閼果頗那婆果鎮頭迦果無量樹等獼猴問言我今云何得至彼處海水深廣甚難越渡我當云何堪能浮渡是時彼虬報獼猴言我背負汝將渡彼岸汝今但當從樹下來騎我背上

尔時獼猴心無定故狹劣愚癡少見少知聞虬美言心生歡喜從樹而下上虬背上欲隨虬去其虬内心生如是念善哉善哉我願已成即欲相將至自居處身及獼猴俱沒於水是時獼猴問彼虬言善友何故忽沒於水虬即報言汝不知也獼猴問言其事云何欲何所為虬即報言我婦懷妊彼如是思欲汝心食以是因緣我將汝來

尔時獼猴作如是念嗚呼我今甚不吉利自取磨滅嗚呼我今作何方便而得免此急速厄難不失身命復如是念我須誑虬作是念已而語虬言仁者善友我心留在優曇婆羅樹上寄著不持將行仁於當時云何依實

不語我知今須汝心我於當時即將
相隨善友還迴放我取心得已還來
余時彼虬聞於猕猴如是語已二俱
還出猕猴見虬欲出水岸是時猕猴
努力奮迅捷疾跳躑出大筋力從虬
背上跳下上彼優曇婆羅大樹之上
其虬在下少時停待見彼猕猴淹遲
不下而語之言親密善友汝速下來
共汝相隨至於我家猕猴嘿然不肯
下樹虬見猕猴經久不下而說偈言
善友猕猴得心已願從樹上速下來
我當送汝至彼林多饒種種諸果處
余時猕猴作是思惟此虬无智如是
念已即向彼虬而說偈言

汝虬計校雖能寬而心智慮甚狹劣
汝但審諦自思忖一切衆類誰無心
彼林雖復子豐饒及諸巷羅等妙果
我今意實不在彼寧自食此優曇婆
余時佛告諸比丘言汝諸比丘當知
彼時大猕猴者我身是也彼時虬者
魔波旬是於時猶尚誑惑於我而不
能得今復欲將世間自在五慾之事
而來誘我豈能動我此之坐處作是

語已時諸比丘復白佛言希有世尊
奇特世尊實難思議此事云何魔王
波旬將此醜陋異類軍衆至如來所
如來復能一一觀知

余時佛告諸比丘言比丘當知非但
今日魔王波旬將此醜形大魔軍衆
至於我邊我亦觀知時諸比丘即白
佛言希有世尊其事云何願為解說
我等樂聞

余時世尊告諸比丘我念往昔有一
獵師知有一林多饒諸鳥數下彼處
其到彼已作於草菴將雜樹枝而覆
其上即入其中隱身坐住時彼諸鳥
謂是樹枝飛下來栖於其菴上時其
獵師見鳥栖上漸漸或射或擲而殺
時有一鳥見此菴已作如是念此之
菴舍處處移動自餘諸樹安定一住
此菴之下必不空然如是知已遠離
彼菴不被獵師之所捉擲而說偈言
我見一切林諸樹阿說及於毗藍羅
諸阿梨羅并閻浮无脂羅波鎮頭樹
安住停止於一處從生已來不動移
此樹轉易處處行其中必應不空立

若當其內有惡物 我應速疾捨此林
心裏既生大狐疑 或是惡行無慈愍
恐畏彼中殺害我 又我往昔於他方
已曾搥裂網走來 智者既知應捨此
亦時佛告諸比丘言汝等當知彼飛
鳥者我身是也其獵師者魔波旬是
其於彼時作可畏形欲殺害我我時
觀知今復將此可畏醜陋魔之軍衆
來於我邊我亦久知今時世尊而說
偈言

世間若不深思惟 云何能得上人法
今我以勝思惟故 從縛解脫得無為
佛本行集經二商奉食品第三十五上

今時世尊初始得成於菩提道在樹
下坐經七日夜加趺不起以念解脫
快樂為食今時世尊過七日已一心
正念從三昧起坐師子座初夜正觀
十二因緣下觀至上上觀至下善念
善觀不失不異因彼生此因有於彼
則復有此所謂緣无明有諸行緣諸
行有識緣識有名色緣名色有六入
緣六入有觸緣觸有受緣受有愛緣
愛有取緣取有有緣有有生緣生有

老病死憂悲惱等苦生。今時世尊知此法已而說偈言。

若有梵行觀諸法。即見如是法相生。若見諸法從相生。即知諸法因緣有。今時世尊還彼夜半觀十二緣從始。至終逆觀。至心善觀。善念不失不亂。因無彼故。則此自无。因滅彼故。則此自滅。所謂無明滅。即行滅。行滅。乃至生老病死憂悲苦惱一切悉滅。今時世尊知此法已而說偈言。

若有梵行觀諸法。即見如是法相生。若見諸法從相生。即知諸法因緣滅。今時世尊還彼後夜觀十二緣從始。觀終從終觀始。善觀善念不失不亂。所謂彼生已復生。此因有彼復有此。因无彼此亦無彼滅已。此亦滅。所謂因无明緣諸行緣諸行已。乃至一切生老病死諸苦惱等皆悉相生。彼無此亦無彼滅已。此亦滅。今時世尊知此義已而說偈言。

若有梵行觀世間。即見相生乃至滅。既散諸魔建立住。若彼日天曜虛空。今時世尊從彼師子座上而起離苦。

提樹相去不遠還加趺坐七日不動
以解脫行用為安樂七日諦觀於苦
提樹目不暫捨復作是念我此處盡
無邊際苦以捨重擔今時世尊過十
日後正念正知從三昧起其後有人
在於如來觀道樹處起塔名曰不瞬
目塔而說偈言

於此道場盡諸苦 復斯坐處觀彼座
已滅諸願至彼岸 我於彼處證苦提
今時世尊徙眼不瞬塔所起已安庠
漸至向摩梨支

隋言陽炎

經行之處到經

行已加趺而坐復經七日受解脫樂今時世尊過七日已正念正知從三昧起
今時迦羅罷王

隋言無色

詣於佛所到佛

所已頂礼佛足却住一面住一面已
即白佛言世尊我此宮殿往昔已曾
布施過去一切諸佛諸佛受已各住
於此憐愍我故其諸佛者所謂拘留
孫世尊拘鄰含牟尼世尊迦葉世尊
今日世尊善哉知時憐愍我故少時
住此所以者何我已將此宮殿布施
過去三佛今日世尊第四為我受此
宮殿即名四佛受我宮殿具足功德

今時世尊即受迦羅龍王宮殿受已
入中加趺而坐復經七日一定不起
受解脫樂今時世尊過七日已正念
正知從三昧起告彼迦羅大龍王言
汝龍王來從我邊受佛等三歸并及
五戒汝當長夜受大安樂時迦羅龍
即白佛言謹隨佛教心不敢違如世
尊勅時迦羅龍聞佛語已合掌向佛
即從佛受三自歸依歸依法
歸依僧復受五戒於世間中取初而
得優婆塞名於畜生中再說三歸受
三歸已所謂即是迦羅龍王

今時復更有一龍王名目真隣陀向
於佛所到佛所已頂礼佛足却住一
面住一面已是時龍王即白佛言世
尊我此宮殿往昔過去已曾布施一
切諸佛受已而住所謂拘樓孫世尊
拘那含牟尼世尊迦葉世尊善哉世
尊今亦為我受此宮殿我得四佛三
須三佛陀受此宮殿我獲善利

今時世尊從彼目真隣陀龍王受宮
殿已加趺而坐一坐經於七日不起
為欲受於解脫樂故時彼七日虛空

之中興雲注雨起大冷風於七日內
雨不暫停遂成寒凍今時目真隣陀
龍王從宮殿出以其大身七重圍遶
擁蔽佛身復以七頭垂世尊上作於
大蓋巖然而住心如念莫令世尊
身體寒冷風濕塵土蚊虻諸虫觸世
尊體

今時世尊過七日已見虛空中無有
雲霧以得清淨正念正知從三昧起
今時目真隣陀龍王攝其龍身七重
遶已隱於龍形化作年少婆羅門身
在於佛前合十指掌頂礼佛足而白
佛言世尊我今不以恐怖如來燒乱
如來故以龍身遶佛七匝又以七頭
覆世尊上安然而住但恐世尊身有
寒冷風塵土尘水漿虫虻觸世尊體
世尊我時思惟如是事已覆世尊身
今時世尊以是因緣即便說偈自讚
歎言

知足寂定取安樂 知足觀諸法甚深
安樂不惱於世間 亦復不殺害衆類
若得世間安樂者 遠離一切諸慾貪
捨於我慢自矜高 此樂寂為勝妙樂

人間所有諸欲樂 若能盡捨愛悉無
彼樂此樂等校量 十六分中不及一
尔時世尊說是偈已告目真隣陀龍
王言汝大龍王來受三歸并受五戒
汝當長夜得安樂故時真隣陀即白
佛言如世尊教不敢有違其真隣陀
聞佛教已即從佛受三自歸依及受
五戒

尔時彼處有牧羊子當於世尊為菩
薩時在彼苦行六年之中以向世尊
淨心供養恭敬尊重復將乳汁以奉
世尊兼復別折屈拘陀枝為作蔭涼
時彼樹枝即成大樹然其羊子隨此
多少信心福業善根因緣命終已後
即得生於三十三天便成大德威力
天子神通自在時彼天子生天上已
作是思惟今此果報本因何業而得
是身復作是念往昔世尊為菩薩時
我以身造作如是業菩薩苦行我奉
乳汁菩薩在彼我將屈拘陀樹一枝
插於地上為於菩薩作蔭涼故藉斯
善業我今得此微妙果報復如是念
我以世尊為菩薩身親供養故得是

果報種彼樹枝以作蔭涼是故我今得是果報兼得如是無尋神通况復世尊今已得成无上菩提今當為我還彼樹下受彼樹蔭時彼天子身出大色取勝光明夜半一向照彼樹所以天光明自照明已詣向佛所到於彼已頂礼佛足却住一面時彼天子即白佛言善哉世尊唯願為我受於彼樹隨意安樂憐愍我故

尔時世尊為欲憐愍彼天子故受於往昔羊子所種屈拘陀樹受已樹下加趺而坐一坐便經七日不動以解脫住受安樂故

尔時世尊以過於彼七日之後正念正知從三昧起告天子言汝天子來可從我邊受三自歸并及五戒汝當長夜得安樂故而彼天子受三自歸及五戒已時彼世間取初天中成優婆塞以佛再過說於三歸謂羊子身布施於樹及乳等故得成天身佛本行集經卷第三十一

癸卯歲高麗國大藏都監奉勅周造

佛本行集經卷第三十二

業

二商奉食品下

隋天竺三藏闍那崛多譯

今時世尊從羊子種樹林起已安庠
漸至一樹林下彼樹林名塋梨居迦
隋言出乳汁林到彼林已結加趺坐經於七
日為欲受彼解脫樂故今時世尊經
七日後正念正知從三昧起如是世
尊經七七日以三昧力相續而住然
彼善生村主之女布施乳糜一食已
後更不別食至今活命

今時彼處從北天竺有二商主一名

帝

當梨反

梨富娑

隋言胡瓜

二名跋梨迦

隋言

金提彼二商主有多智慧心細意正彼

二商主從中天竺依土所出種種貨
物滿五百車大得宜利從中欲還北
天竺國時彼路經老梨居迦林外不
遠次第而行彼等商主別有一具調
伏之牛恒在先行若前所有恐怖之
處而彼一具調善之牛如打擗縛駢
不肯行

今時彼處老梨居迦所護林神彼神

隱身密捉持是二調牛住不聽前過
彼二商主各持優鉢羅花之莖打二
調牛猶不肯行其餘所駕五百車牛
皆不肯動其諸車輪並不復轉其皮
鞅索悉皆自斷其餘轆轤軸轄轂輻
箱軛欄板鞅韃勾心或折或破或碎
或裂如是變恠種種不祥

尔時帝梨跋梨迦等心生恐怖皆大
憂惱身諸毛孔皆悉遍豎各相謂言
我等今者值何恠禍遇何灾殃各各
去車兩三步地頭戴十指合掌頂礼
一切諸天一切諸神至心而住作如
是言乞願我等今者所有灾恠殃各
恐怖早滅安隱吉利

尔時彼林所守護神現自色身慰勞
彼等諸商主言汝等商人勿生恐怖
汝等此處無一灾禍无一諸殃不須
怖畏諸商主等此處唯有如來世尊
阿羅呵三藐三佛陀初始成佛无上
菩提今日在此林内而住但是如來
得道已來經今足滿四十九日未曾
得食汝等商主今若知時可共往詣
向彼世尊多陀阿伽度阿羅呵三藐

三佛施所取宜在前將麴將酪蜜搏奉彼汝等當得長夜安隱安樂大利時二商主聞彼林神如是言已即白神言如神所教我等不違而彼二商即各將麴酪蜜和搏共諸商人往詣佛所既到彼已時二商主遙見世尊可意端正世間無比乃至猶如虛空衆星莊嚴身體諸相見已心大敬重清淨信向至世尊前到已即便頂禮佛足却住一面時二商主共白佛言世尊願為我等受此清淨麴酪蜜搏愍我等故

今時世尊如是思惟往昔一切諸佛世尊阿羅呵三藐三佛陀志皆受持鉢器以不尔時世尊內生智見即知過去一切諸佛多隨阿伽度阿羅呵三藐三佛陀一切盡皆受持鉢器是時世尊復如是念我今當以何器而受二商主食麴酪蜜搏世尊欲受發此心已時四天王各從四方速疾共持四金鉢器往詣佛所到已各各頂禮佛足却住一面而四天子却住立已將四金鉢奉上世尊作如是言唯願

世尊用此鉢器受二商主麴酪蜜搏
愍我等故我等長夜當得大利大樂
大安世尊不受以出家人不合畜此
彼四天王捨四金鉢將四銀鉢奉上
世尊作如是言世尊可於此器受食
略說乃至為我當得大利大安世尊
不受如是更將四頗梨鉢而亦不受
如是更將四琉璃鉢而亦不受如是
更將四赤珠鉢而亦不受次復更將
四瑪瑙鉢而亦不受次復更將四車
渠鉢奉上世尊如來亦復不為其受
余時北方毗沙門王告於諸餘三天
王言我念往昔青色諸天將四石器
來奉我等自我等言此石器內仁等
可用受食而喫

余時別有一天子名毗盧遮那自我
等言仁等天王慎勿於此石器之內
受食而喫仁但受持相共供養比之
如塔所以者何當來有一如來出世
其如來号釋迦牟尼仁等宜將此四
石鉢奉彼如來仁等天王今是時至
可將石鉢持奉世尊

余時四鎮四大天王各各皆將諸親

眷屬圍遶速至自宮殿中各執石鉢
端正可喜其色紺青猶如雲隊盛以
天花著滿其內將一切香用途彼鉢
復持一切諸妙音聲供養彼鉢速詣
佛所到已共將四鉢奉佛而白佛言
唯願世尊受此石鉢於此鉢內受二
商主麤酪蜜搏眩我等故各令我等
長夜獲得大利安樂

今時世尊復如是念此四天王以信
淨心奉我四鉢我亦不合受持四鉢
若我今於一人邊受則三人心各各
有恨若二人邊受於二鉢二人心恨
若三人邊受於三鉢一人心恨我今
可總受此四鉢出神通力持作一鉢
今時世尊從於提頭賴吒天王邊受
鉢已而說偈言

施善世尊好鉢盂 汝汝當成妙法器
既於我邊奉淨鉢 必增智慧正念心
今時世尊從於毗留勒叉天王邊受
鉢已而說偈言

我觀真如誰施鉢 彼得正念增長心
有能養育世令安 速成妙樂清淨體
今時世尊從於毗留勒叉天王邊受

得鉢已而說偈言

汝以淨心施淨鉢 清淨實心奉如來
當來速得清淨心 人天世間得稱意
余時世尊從毗沙門大天王邊受於
鉢已而說偈言

清淨持戒佛世尊 善伏諸根施全鉢
不缺壞心殷重施 汝當來世得淨田
余時世尊受四鉢已如是次第相重
安置左手受已右手按下神通力故
合成一鉢外有四脣而說偈言

我昔功德諸果滿 以發哀愍清淨心
是故今四大天王 清淨牢固施我鉢
而有偈說

當時世尊欲受食 諸天四方持器來

各以奉施佛如來 受已神通作一鉢

余時世尊於新淨潔天施鉢內從彼

北天帝梨富婆并跋梨迦

前代譯漏提謂波利以蓋

安羅門楚夏耶未知孰是 二商主邊受於

斯經二商主名非譯失 麴酪蜜和之搏慈愍故受如法而食

食已即告彼二商主及諸人言汝商

主等來從我受歸依佛歸依法歸依

僧復受五戒當今汝等長夜安樂獲

大善利其二商主及諸眷屬聞佛語

已即共白言如佛聖教我等不違耶
便共受三自歸依彼二商主於人世
間寂初而得三歸五戒優婆塞名所
謂帝梨富婆二商主等今時世尊以
二商主生隨喜故而說偈言

所施色味具足圓 受已方便離煩惱
其中雜和多種物 是故名為麴酪漿
噉訖身體潤澤光 面色輝花容克顯
氣力充實而得益 除飢渴惱心獲安
如是漿施佛世尊 令諸梵行得飽滿
我今所受已食足 是二商主奉麴搏
日種甘蔗於所坐 讚嘆是人為取上
以此布施功德故 當到聖智極果中
復得盡於諸漏邊 以因如是業行故
後更轉轉无恐怖 漸得脫於諸有纏
既入無漏得清涼 譬如良田善平正
種子穀苗悉皆好 風雨潤澤復隨時
禾稼成長自豐饒 如是皆由多種子
生已漸漸增茂盛 諸穀充溢倍多加
所收之子不可量 亦如成就諸戒行
能廣布施眾飲食 後得果報難可論
以昔成利故使然 若人欲求於後利
望其轉得饒益果 唯有供養仁智尊

當成果報妙善提并得善逝世間解
自己得心多種利復能向他作法饒
彼得自益利衆生是故名為大智者
欲得自利利一切欲得求道導世間
應於三寶佛法僧發心當生正信行
以信心故得果報廣大善達信行邊
即得戒行難思議即得寂勝無上道
布施能得此勝報觀見世界真實如
又得道智滿足充聖者能如是正見
彼得是見名正念散諸垢結等塵勞
證得無畏大涅槃解脫世間一切苦
如是具足一切法諸聖讚歎此寂尊
生老病死等既無悲苦別離皆滅盡
十力世尊歎此樂當得不生死處常
余時帝梨富婆二商主等及諸商人
共白佛言世尊我等諸人今在道路
唯願世尊為我等故作吉祥願當令
我等无有郭尋速疾而至自所居國
余時世尊為二商主及諸商人作吉
祥願而說偈言

願令二足大吉利一切四足亦大安
行路至處多吉祥所向諸方悉如意
晝夜行坐皆慶適日中所在亦多宜

於一切處願從心 商主商人並康健
希望子故種田作 散子既竟望收多
一切商人求利行 入海艱難採珍寶
汝等承望故行路 願所規獲利速成
我今得道快喜歡 汝隨至方皆願告
心所欲取一切利 如汝等願速稱心
行向經歷所至方 志願无有諸郭尋
尔時商主同白佛言世尊願乞我等
一物作念若到本鄉不見世尊當以
彼物作塔礼拜以表憶念大聖世尊
我等諸人供養尊重盡今形壽

尔時世尊即與諸商佛身髮爪以用
作念而告之言汝等商主此之髮爪
今持與汝令汝作念若見此物與我
無異於後當更別有一石從空而下
至汝等處汝等若見當還起塔供養
尊重

尔時帝梨二商主等從於佛邊受髮
爪已作如是念此之髮爪乃是身上
所棄之物法非勝妙不合尊重无供
養心

尔時世尊知彼一切商人心已告彼
等言汝等商主莫作是念我憶往昔

無量無邊不可計劫有一世尊出現
於世名曰然燈如來多陀阿伽度阿
羅呵三藐三佛陀善逝世間解無上
士調御丈夫天人師佛世尊我於彼
時作一婆羅門摩那婆具足解於四
毗陀論我於念時見彼世尊入於一
城城名蓮花我於彼時以五莖青優
鉢羅花散彼佛上即便發於菩提之
心時彼世尊即授我記汝摩那婆於
未來世時節過數阿僧祇劫當得作
佛號釋迦牟尼多陀阿伽度阿羅呵
三藐三佛陀我時於彼世尊法中捨
離居家剃除鬚髮而便出家我出家
後一切諸天取於我髮一莖即有十
億諸天作分將行而共供養從彼已
來我今得成阿耨多羅三藐三菩提
以佛眼觀彼等衆生無一衆生各在
佛邊而不皆得證涅槃者我於彼時
既未免脫貪慾瞋癡猶尚供養我之
髮爪無量衆生千万億數而得涅槃
况復今日盡諸一切煩惱結惑貪慾
恚癡皆悉除滅汝等何故不大尊重
我此清淨無染髮爪

尔時商主及諸人等聞於世尊說是
往昔因緣之事即於駭爪生希有心
生大尊重恭敬之心頭頂一心礼世
尊足圍遶三匝却步而行有偈說言
有衆商人諸方過 樹神發覺告彼言
此有自利得世尊 汝等頂礼布施食
如是世尊四十九日不得飲食既始
於彼商人等邊得於此食世尊食後
往昔業力忽然患腹而不消化
尔時山居有一藥神將彼新出微妙
甘美呵梨勒菓往詣佛所到佛所已
頂礼佛足却住一面白言世尊若有
患腹此呵梨勒取初新出微妙甘美
我今將來奉上世尊若佛知時為我
納受此呵梨勒受當食噉慈愍我故
世尊食此呵梨勒後腹內有病即得
除愈

尔時世尊即便納取彼呵梨勒為彼
藥神生慈愍故受已即告彼藥神言
來汝藥神歸依佛歸依法歸依僧當
受五戒汝當長夜得作大利多得安
樂彼藥神聞佛此言已即白佛言善
哉世尊我不違佛即受三歸并及五

戒當於彼時一切藥神諸女天中以
再過受三自歸依并及五戒取初為
首作優婆塞所謂大藥神園遶彼所
居山女天藥神

今時世尊從彼藥神女天受其所奉
呵梨勒果即便噉食食已取核於彼
地方即便種彼呵梨勒核以佛威神
自在力故即日即生即成根莖枝條
大樹即出莖花果實成熟世尊腹內
病即除愈不復患苦

佛本行集經梵天勸請品第三十六上

今時世尊從彼耆梨尼迦林出安庠
還至菩提樹下時彼國內若男若女
困篤著床萎黃重病不可療治難得
差者其人不久欲取命終然氣未斷
即送林中以之為塋而菩薩在苦行
之時於彼林內有一婦女名羅娑耶
氣猶未斷對菩提樹相去不遠而其
眷屬棄捨委地而彼婦女遙見菩薩
在道樹下修行苦行見已內心生大
敬信生敬信已從身脫衣置於一邊
白菩薩言大聖尊者若仁從此苦行
而起得渡煩惱海之彼岸滿足自願

彼時脫忍身無衣服可收取我此真
掃衣隨意所用慈愍我故時彼婦女
經歷時日其命始終以向菩薩生正
信故氣斷之後藉彼善根即得上生
三十三天作天王女威德甚大光相
炳然得成天身神通自在生彼天已
自發此念我何業果令我如是成就
此身而彼思念自識宿命我於往昔
在人間時作婦女身以真掃衣布施
世尊隨意所用藉彼善業我今成就
如是果報彼復更念世尊今既未受
於我真掃衣用我猶尚得如是果報
神通之力況復世尊納我衣用豈可
不得勝此果報

今時彼天以玉女身放勝光明於夜
半時往詣佛所其光遍照彼林樹間
到佛所已頂禮佛足却住一面彼玉
女天即白佛言善哉世尊取我所施
真掃之衣隨意所用慈愍我故而世
尊受彼真掃衣為玉女天生慈愍故
如來受已告彼天言來玉女天婦依
佛婦依法婦依僧復受五戒汝當長
夜得大利益得大安樂彼玉女天聞

佛語已即白佛言如世尊教我不敢
違即受三歸并及五戒時王女天見
世尊受其真掃衣以是因緣心大歡
喜踊躍無量遍滿其體不能自勝彼
王女天頂礼佛足圍三匝已即從彼
處沒身不現

尔時世尊發如是心我今將此真掃
之衣何處而洗發是心已帝釋天王
為如來故去林不遠化出一河其水
清淨無有穢濁帝釋天王於河岸邊
更復化作三片大石其第一石擬世
尊坐其第二石洗真掃衣帝釋天王
手自澆水其第三石洗衣訖已擬曝
使乾時曬衣石以佛威神從虛空飛
往到北天竺為彼帝梨富婁商主等
作於塔為供養故
摩訶僧祇師作此說如是次第七七
日誦或復有師說言此事經二七日
或復有師說言此事經三七日
或復有師說言此事經四七日
初一七日諦心而在菩提樹下
第二七日漸次移在不瞿眼塔
余時世尊從彼不瞿眼塔而起起已

至羅闍那樹下到樹下已經於七日加趺而坐受解脫樂安禪不起

尔時世尊過七日已正念正知從三昧起是時帝梨富婆并跋梨迦三商主等從迦浮吒城發漸至佛所至佛所已乃至略說圍遶三匝從佛而行尔時世尊從羅闍那樹下起已安庠漸至目真隣陀樹下而坐到已乃至當說偈言

尔時世尊過彼七日於晨朝時著衣持鉢詣難提迦村主之家到彼家已却在一邊嘿然立住為求食故其村主女既見世尊在門一邊嘿然立住欲乞求食見已即從世尊手內擎取於鉢將至家裏以好種種百味飲食滿置其中出奉世尊而作是言唯願世尊受我此食慈愍我故世尊受納善生村主女人食已即告女言來汝善生受三歸依并及五戒汝當長夜得大利益得大安樂其善生女聞佛語已白言世尊如世尊教我我不敢違即受三歸并及五戒是時善生寂初人間脩受三歸及受五戒作優婆塞

所謂善生村主之女是時世尊從善
生女受食食已在彼菩提樹下而坐
受解脫樂復經七日

余時世尊過七日已正念正知從三
昧起於晨朝時著衣持鉢安庠漸至
斯耶鄰耶婆羅門家到已住在其門
一邊嘿然求食其斯耶鄰耶既見世
尊在門外立嘿然求食見已即從世
尊乞鉢執已將入自家以好種種百
味飲食種種羹臠滿和鉢中持將奉
佛復白佛言唯願世尊受我此食慈
愍我故而世尊從斯耶鄰耶婆羅門
邊受得食已即告彼言來婆羅門乃
至應受三端五戒彼婆羅門聞佛言
已如佛所教而受三端乃至五戒是
時世尊從斯耶鄰耶婆羅門所得飯
食已受持漸漸安庠行至舅他鄰塔
隋言攬
略木塔食訖如法毀衣還向菩提樹下
加趺而坐經於七日乃至受於解脫
之樂

余時世尊過七日已正念正知從三
昧起於晨朝時著衣持鉢漸漸行詣
斯耶鄰耶親里眷屬四姊妹邊四姊

妹者一名婆羅

隋言力

二名摩佉婆羅

隋言極力

三名嵩陀梨

隋言正女

四名鉗

嚴反

婆迦梨

隋言凡師

到彼等家在一面立嘿

然而住為乞食故其四姊妹既見世

尊嘿然立住見已即從世尊乞鉢入

家盛取百味飲食色妙具足種種羹

臠滿置鉢中持以奉佛復作是言唯

願世尊受我此食慈愍我等時世尊

受彼四姊妹百種飲食為慈愍故受

已即告彼姊妹言來汝姊妹從我受

持三歸五戒汝等當得長夜利益安

隱樂故彼四姊妹聞佛語已即白佛

言如世尊教我等不違即便共受三

歸五戒是時世尊從彼姊妹受布施

已安庠漸到曷他鄰塔到已隨意如

法飽食還向菩提樹下而坐受解脫

樂經一七日

余時世尊七日已過正念正知從三

昧起於晨朝時著衣持鉢安庠漸至

羊子所種屋拘陀樹未至樹邊從菩

提樹其間半路見有一箇牧牛婦人

攪酪出酥余時世尊漸至於彼牧牛

婦所到已去彼婦人不遠嘿然而立

為求食故時彼婦人既見世尊去其
不遠嘿然立住見已即從世尊乞鉢
滿中盛酪以奉世尊而白佛言大聖
尊者受我此酪為慈愍故是時世尊
從彼婦邊受得酪已告彼婦言來姊
汝受三歸五戒必當長夜大得利益
獲安樂故是時婦人隨佛教受三歸
五戒是時世尊隨意飽食洗鉢訖已
漸至羊子前所種時屈拘陀樹其下
而坐受解脫樂經一七日尔時世尊
過彼七日正念正見從三昧起是時
忽有諂曲求過一婆羅門來詣佛所
到已共佛慰喻問訊說種種語却住
一面而白佛言瞿曇沙門云何名為
婆羅門也婆羅門者作何法用凡有
幾法如來知已即出如是師子吼音
而說偈言

除滅一切諸罪業 是故名為婆羅門
清淨無有諂曲心 內外正定常安住
如法修行詣梵行 口言心念亦復然
能於一切處无貪 是名婆羅門種姓
如是聞中凡八七日前三十七日全不
食噉自餘五七方始求食

今時世尊坐一三昧其三昧名遍觀
世閒而世尊以無上佛眼觀世閒時
見於世閒或有衆生從地獄出還墮
地獄或有衆生從地獄出生畜生身
或有衆生從地獄出受餓鬼身或有
衆生從地獄出受於人身或有衆生
從地獄出受於天身

或有衆生從畜生脫受地獄身或有
衆生從畜生脫還生畜生或有衆生
從畜生脫受餓鬼身或有衆生從畜
生脫生於人間或有衆生從畜生脫
生於天上

或有衆生從餓鬼脫墮於地獄或有
衆生從餓鬼脫還受餓鬼或有衆生
從餓鬼脫墮於畜生或有衆生從餓
鬼脫生於人間或有衆生從餓鬼脫
生於天上

或有衆生從人間死墮於地獄或有
衆生從人間死墮畜生中或有衆生
從人間死墮於餓鬼或有衆生從人
間死還受人身或有衆生從人間死
生於天上

或有衆生從天上墮生地獄中或有

衆生從天上墮落畜生中或有衆生
從天上墮受餓鬼身或有衆生從天
上下生於人間或有衆生從天上死
還生天中

今時世尊見諸衆生著於諸見或有
衆生以於欲火燒然其體或瞋恚火
或愚癡火熱燒其體著於欲事欲事
惱故即生歡樂瞋恚癡等一切亦然
而世尊見諸衆生等為三毒火之所
焚燒即說如是師子吼言此世閒中
諸衆生輩為有所經精勤造業得
於是形身為大患處處念著所生邪
意即常增長如所增長即成此有以
有著故於諸世閒有諸衆生以有著
故還思念有即成於有而其彼等一
切衆生所有之處即彼有處受於有
苦若能滅於彼諸有苦於此法入學
行梵行是名梵行若有沙門及婆羅
門以著有患知出諸有彼等皆名無
著諸有如是知已能出諸有我如是
說若復沙門及婆羅門以有而說欲
脫諸有彼等一切不名脫有我如是
說如是之人墮於邪道名受大苦我

如是說捨於世間一切邪道盡彼一切諸苦業果既盡諸苦即名無有此是世間衆生我見各各皆以无明所欺樂著諸有著諸有已即不能得解脫諸苦若復有人於一切處觀察諸有於一切處未遠離有而一切處並在於有既住在有是名無常是名為苦是名无實於無實法如是如是如實正智應當觀知若能如是正智觀者即盡諸有及受盡已於无有處亦不心念是則名為得滅比立既得滅已即更不生於後世有不受後身即能降伏一切衆魔即得勝於一切闘陣即一切處得大利益於諸有處不念不思

佛本行集經卷第三十二

癸卯歲高麗國大藏都監奉
勅彫造

佛本行集經卷第三十三

業

隋天竺三藏闍那崛多譯

梵天勸請品下

尔時世尊作如是念我所證法此法甚深難見難知如微塵等不可覺察無思量處不思議道我无有師無巧智正可能教我證於此法但衆生輩著阿羅耶隨言可著處樂阿羅耶住阿羅耶喜樂著處心多貪故此處難見其處所謂十二因緣十二因緣有處相生此之處所一切衆生不能覩見唯佛能知又一切處疑道難捨一切邪道滅盡無餘愛之染處盡皆離慙寂滅涅槃我今雖將如是等法向於他說彼諸衆生未證此法徒令我勞虛費言說尔時世尊如是念已為於此事昔未曾聞未從他得未有人說而心自辯即說偈言
我今辛苦證此法 不可輒尔即應宣
諸欲癡瞋恚法纏 一切衆生有此難
唯應逆流細心智 所可覩見如微塵
樂欲貪著難見知 為彼無明闇覆故

以如是故如來見是甚深事已其心
欲樂阿蘭若處不欲向他說於此法
而有得說

見諸衆生煩惱重 邪道邪見過患多
解脫法者甚深難 知故欲住阿蘭若
余時娑婆世界之主大梵天王在於
梵宮遙見世尊發如是心知已即作
如是思惟此世界中諸衆生等多壞
多失今日如來多隨阿伽度阿羅呵
三藐三佛陀既證如是無上法寶獲
成辦已世間未知而心忽然願樂蘭
若不欲說法時梵天王辭如壯士屈
申辭項從大梵宮隱身來下至世尊
前頂礼佛足却住一面合掌向佛而
白佛言善哉世尊今此世界一切衆
生無有歸依善壞失盡今者世尊既
得如是無上法寶真證見已而心忽
欲入阿蘭若不樂說法我今勸請無
上世尊為諸衆生莫寂靜住唯願世
尊慈悲說法願修伽陀憐愍說法現
今多有諸衆生輩少於塵垢諸根成
熟結使微薄利根易化不聞法故自
然損減若當如來為說法要使得證

知世尊法相。今時娑婆世界之主大梵天王。說是語已。復更以偈重請佛言。世尊。今在摩伽國。說於衆生雜種。因先開甘露妙法門。然後次第清淨說。如人不上須弥頂。豈能得見世界邊。大聖菩提道已成。速登法堂。智眼照引導。群盲令離苦。悲愍一切諸衆生。世尊疾捨此樹間。遍世遊行廣濟度。自得已。利天人勝。諸苦盡已。得清涼。佛不增減諸善根。到於清淨法彼岸。如來世間無有比。况欲勝上。亦復無三界獨步。稱世尊。修羅非是。山王匹於苦世間。作悲愍。仁今不可捨衆生。具諸德力。無畏人。唯尊能度諸含識。衆生久來被毒箭。所謂天人等世間。值遇世尊。應拔除。願為彼作歸依處。諸天及人生。生世發心欲聽密法門。彼願世尊。今已成。速說。莫令彼等退。世尊如我。今得見。衆生若當是事。知或他聞已。及自聞。即來頂礼世尊足。假令父母男女等。死已。骨散髮縱橫。而不憂彼命終時。亦不迴哭。彼人輩。彼等未知尊清淨。從兜率天來下生。

是故我今請世尊 多時失路今化取
不聞正義無量劫 如羸瘦人得脂腴
如乾土地得水澆 唯願世尊降法雨
諸佛無有慳惜法 三世諸聖樂行檀
過去諸佛入涅槃 無不說是正真法
尊今亦是邪羅種 能度無量諸衆生
共彼諸佛无有殊 教衆善法今時至
開諸衆生清淨眼 普令得見正道途
入於邪見荆棘林 應示純直離險逕
乘山路已得甘露 世尊衆暫欲墮坑
餘人濟拔悉不能 大險引導世尊是
又能方便教發意 今時已至願莫辭
共聖多劫不可期 猶如優曇花難值
諸佛出世既難遇 今日忽遭大導師
仁於精進力無邊 身體莊嚴衆相具
未說无有發心者 金口終不出異言
三世成就是事來 所以今日自度訖
度他須起精進力 真實言捨置及時
世尊滅暗然諸明 佛大法幢願速豎
時至妙言說正法 師子吼如天鼓鳴
我請如來置法船 來世得導无量衆
世尊已渡煩惱海 衆生沒溺須出之
辭如人得伏藏財 持以富他不獨用

世尊得法無盡藏

願為衆生分別宣

今時世尊聞梵天王勸請偈已為衆生故起慈悲心以佛眼觀一切諸世佛眼觀已見諸衆生生於世間增長世間或有利根或有鈍根諸衆生等或以成就易證於道或有衆生見未來世一切過患心生恐怖而不放逸或當來世亦可得道譬如或有青優鉢池波頭摩池拘物頭池分陀利池其內所有一切諸花或優鉢羅及波頭摩并拘物頭分陀利等已從地生而未出水在於其間沒而未現應須養育四大和合然後出水或有優鉢分陀利等從池涌出共水齊平或優鉢羅分陀利等出水開敷而不著水如是如是世尊佛眼觀諸世間一切衆生生於世間增長世間或有利根或有鈍根或有易化或易得道如是知已向梵天王而說偈言

大梵天王善諦聽 我今欲開甘露門
若有聽者歡喜來 至心聽我說法味
今時梵天聞此偈已作是思惟如來
世尊當說此法修伽陀當欲說此法

世尊憐愍為我受請欲說法故以是因緣心生歡喜踊躍充滿不能自勝頂礼佛足圍遶三匝在於佛邊沒身不現

尔時世尊作如是念我今於先初說法處誰能不違一如我意知我法體而證知已不惱於我

尔時世尊作如是念其優陀羅迦羅摩子心應巧智辨了聰明長夜成就其心雖復少有塵垢諸使結薄根熟智利我今應當於優陀羅迦羅摩子對於其前先為說法我所說法彼能速疾證知我法

世尊如是思惟念已時有一天在於空中隱身不現來向佛所而出聲音迦羅摩子其命終來已經七日

世尊更復內心智見優陀羅摩子實命終來已經七日

世尊復念優陀摩子命終已後當生何處而世尊心復生智見優陀摩子命終生於非非想天

尔時世尊復如是念非非想天壽命幾許有邊際不是時世尊心生智見

非非想天壽命八万四千大劫

余時世尊復如是念優陀摩子生非非想彼壽終後復生何處

余時世尊心生智見知優陀羅迦羅摩子今在非想彼處命終後還墮落生於此處受飛狸身而彼既得飛狸身已若有衆生生於水中或居陸地或空飛行常當殺害於彼生命或復共彼諸衆生等行於慾事報盡於後飢餓而死

余時世尊復心思惟其優陀羅迦羅摩子捨飛狸已復受何生

余時世尊心生智見知優陀羅迦羅摩子從飛狸身命終已後生於地獄嗚呼汝優陀羅迦羅摩子空然受身失於大利不得人間妙好善報而優陀羅迦羅摩子不得聞我如是善法若優陀羅迦羅摩子得聞如是諸善法者即應速得證於此法

余時世尊復如是念我今為誰初說此法我說法時不違我法不煩惱我而能速疾證於我法

余時世尊內心如是思惟而知其阿羅邏迦羅摩種極巧智慧聰明細心長夜成就雖少有垢結薄利根我今應當詣於彼聞阿羅邏迦羅摩種邊初說此法彼若得聞我所說法其必速疾應當證知

世尊如是思惟念已時有一天隱身不現往世尊所而出聲言彼阿羅邏迦羅種姓昨日命終

余時世尊心生智見知阿羅邏迦羅種姓昨日命終

余時世尊復如是念阿羅邏種從此命終受何處生

余時世尊內心生智知阿羅邏此處命終生不用處

余時世尊復如是念不用處天壽命多少有於限量邊際以不

余時世尊內心智見知不用處壽命有邊六万三千大千壽命

余時世尊復如是念其阿羅邏不用處天命終已後復何處生

余時世尊內心智見知阿羅邏從不用處命終已後還墮於此處在邊地

不識法處當得作王

尔時世尊復如是念其阿羅邏徒無識法邊地之王命終已後復受何生地王其命終後墮大地獄

尔時世尊如是思惟嗚呼嗚呼汝阿羅邏迦羅種姓空受人身大有所失不得善利而不聞我如是妙法若彼得聞我是法者即應速疾得證此法佛本行集經轉妙法輪品第三十七上

尔時世尊作是思惟諸世間中有何衆生身口清淨少塵少垢諸結使薄根熟利智而我今初說法之時不惱於我而能速疾證知我法不妨廢我轉於法輪

尔時世尊如是思惟有五仙人彼五仙者昔日與我大有利益我在苦行承事於我彼等五仙並皆清淨少垢少塵薄使利智彼等堪能受我最初轉於法輪所說妙法應不違我我今應詣彼五仙邊初為說法

尔時世尊復如是念彼等五仙今在何處是時世尊以淨天眼過於人眼

觀彼五仙今日在彼波羅捺城鹿野苑內經歷遊行

尔時世尊從菩提樹隨多少時住已漸向波羅捺國而有偈言

世尊欲說羅摩子發心觀察其所生知今命終在於天心念五仙欲至彼尔時魔王波旬見佛欲捨於此菩提樹起心生苦惱速詣佛所到佛所已而白佛言善哉世尊唯願世尊莫離此處安坐莫移世尊在此隨意所行尔時世尊告波旬言魔王波旬汝無慙愧不知羞耻汝於先時欲惱乱我我於尔時具有貪慾瞋恚癡等一切未盡汝來不能恼乱於我况復今日我已證得無上至真平等覺道一切邪徑盡皆捨離得正解脫

尔時世尊從道樹下起已安庠漸漸

行到旃陀羅村隋言嚴熾從旃陀羅安庠

行至純之訕反陀私洩他梨反羅聚落隋言无角地

中於其路上見有一乞婆羅門名優

波伽摩隋言來事兩逆相逢彼見佛已即

白佛言仁者瞿曇身體皮膚快好清淨無有垢膩仁者面自圓極莊嚴諸

根寂定仁者瞿曇師為是誰從誰出
家意喜所樂是於誰法今時世尊隨
行隨說以於此偈答彼乞索婆羅門言
我已降伏諸世間 成就具足種種智
於諸法中不染著 永脫一切愛網羅
能為他說諸神通 是故名為一切智
我今堪受世間供 自在得成無上尊
一切天人世界中 唯我能降諸魔眾
我無有師內自覺 世間更無與等雙
天人中唯我獨尊 身心清淨得解脫
一切通處皆通達 所可證處已證知
可安之處已得安 故稱我為世尊上
猶如分陀利在水 雖復處在於水中
而不為水之所沾 我在世間亦復今
不為一切世所汙 是故稱我為佛陀
今時優波伽摩婆羅門復白佛言長
老瞿曇今欲何去世尊報彼婆羅門
言我今欲向波羅捺國彼婆羅門復
問佛言長老瞿曇仁者至彼欲作何
事世尊更復以偈答彼優波伽摩婆
羅門言

我今欲轉妙法輪 故至於彼波羅捺
幽暝眾主悉令曉 擊敲甘露鼓之門

今時優波伽摩婆羅門復白佛言如
我意見長老瞿曇自稱身得阿羅漢
者伏諸煩惱其義云何世尊復更以
偈重答於彼優波伽摩婆羅門言
應當知我伏諸怨 永盡一切諸有漏
世間諸惡法皆滅 故我稱為真正尊
而有偈說

何恠得利自養育 不能增長利益他
見衆幽暝不慈悲 得道勝他共分用
自度彼岸觀沒溺 若不能拔非善人
自得地藏見貧窮 而不施他是非智
手自執持甘露藥 見有病人不與治
可畏曠野得路行 觀彼迷人應教示
如大闇燈作光明 明威不著在我心
佛亦如是作法光 於此因緣亦不著
今時優波伽摩乞婆羅門口唱言謂
長老瞿曇以手拍髀下道避佛向東
而行

今時彼處有一天神往昔舊與優波
伽摩婆羅門身曾為親舊天神欲為
優波伽摩乞婆羅門作利益故作安
樂故於無畏處得解脫故以偈告彼
優波伽摩婆羅門言

今值無上天人師 不識世尊至真覺

邪見赤體欲何去 汝當受苦末期央

若逢如是調御師 捨之不發供養者

手足與汝何功德 應當於此生信心

今時世尊安庠漸行從周蘭那婆娑陀

羅去即居羅至迦蘭那富羅聚落隋言

從迦蘭那富羅聚落安庠而去漸漸

而至婆羅漢聚落隋言從婆羅漢聚

落而去至盧醯多柯蘇兜聚落隋言

從開塞城至恒河岸到河岸已詣船

師邊至已即語彼船師言善哉仁者

乞願度我向於彼岸船師報言尊者

若當與我度價然後我當度於尊者

今時世尊報船師言我今何處得有

度價但我除斷一切財寶設復見者

觀如瓦石土塊無殊若當有人割我

一臂又以旃檀塗我一臂此二人邊

我心平等我以是故無有度價船師

復言尊者若能與我度價我今即當

度於尊者所以者何我唯因此持用

活命畜養婦兒

今時世尊以淨天眼過於人眼見有

一群五百頭鷹從彼恒河南岸飛空

而來向北世尊見已即對船師而說偈言

諸鴈群黨度恒河 不曾問彼船師價
各運自身出已力 飛空自在隨所之
我今應當以神通 騰虛翱翔猶彼鴈
若至恒河水南岸 安隱定住若須彌
時彼船師見佛過已心生大悔如是
思惟嗚呼嗚呼我觀如是大聖福田
而不知施度至彼岸嗚呼嗚呼我失
大利如是念已悶絕倒地而彼船師
少時迷荒還得甦醒從地而起即便
馳往摩伽陀王頻頭王邊奏如是事
余時摩伽陀王頻頭婆羅聞此事已
作如是言凡夫之人云何可知此有
神通此無神通是故汝等從今已去
凡是一切出家之人來欲度者莫問
是非但有來者勿取度價隨意即度
余時世尊飛度恒河達到彼已從於
彼岸復作神通飛騰而向波羅捺城
是時彼處有一龍池時其龍王名曰
商佉隋言墨世尊至彼池邊而下世尊足
步所下之處龍王起塔其塔因稱名
彌遲伽隋言土塔如來在彼經由一宿待後

食時於待時處復起一塔其塔復名宿待時塔而有偈說

諸佛夜不入人間 要待齋時而乞食
非時行者有大患 是故衆聖候於時
尔時世尊依三摩耶依摩伽陀齋欲
到時從西門入波羅捺城次第乞食
於波羅捺乞食得已從城東門安庠
而出既出城外在一水邊端坐而食
食訖澡洗北面而行安庠漸至向鹿
苑林而有偈說

鹿苑鳥獸衆鳴聲 往昔諸聖所居處
世尊身放光明耀 漸至彼苑如日天
尔時五仙遙見世尊漸至其邊見已
各各共相謂言我等要誓諸長老等
此之來者是彼沙門瞿曇釋種向我
邊來此懈怠人喪失禪定以懈怠故
全身纏縛而我等輩不須敬彼不須
礼彼不須迎彼不須與彼安置坐處
雖然但且隨其意樂隨其自坐唯憍
陳如獨一人心不同此指而口不違
即便相對而說偈言

瞿曇解怠今忽來 我等五仙各相契
詳共莫敬莫礼拜 此人違指不合迎

今時世尊漸漸近彼五仙人邊既逼
近已而彼五仙各各相與坐不能安
忽自違誓各各欲起譬如奢拘居鳥
在鐵網內而外有人放於大火其網
熱故不能安住欲飛欲跳如是如是
彼五仙人見世尊已不覺忽然從坐
而起時五仙內或有鋪設安置坐者
或有持水欲擬洗足或洗足石及華
履者或復有將盛水盆來或洗足已
將於木來擬安脚者或有迎接三衣
及鉢又口唱言善來長老瞿曇安坐
於此鋪上而有偈說

或迎取鉢及三衣 或復頂礼佛足下
或預鋪設所坐處 或持水器及澡瓶
今時世尊隨其鋪設安率而坐時佛
坐已作是思惟此等一切皆是癡人
各各雖發如是誓言而自相違不依
而住

尔時五仙見佛坐已而白佛言長老
瞿曇身色皮膚快好清淨面目圓滿
又足光明諸根寂定長老瞿曇必當
值遇妙好甘露或得清淨甘露聖道
尔時世尊即便告彼五仙人言汝等

仙人莫喚如來為長老也。所以者何？汝等仙人當來長夜應值苦患，何以故？我今已證甘露之法，我今已得甘露之道。汝隨我教，汝聽我言，我能教示於汝等輩。汝隨我語，不得乖違。若依我教清淨而行，若善男子及善女人，正信捨家，剃除鬚髮，出家欲求无上梵行，盡梵行源，現見諸法自在神通，證得行行自能，唱我已斷生死已立梵行所作已辦，更不復受於後世。有汝等各當如是自知，而有偈言：

彼等五仙喚佛姓，世尊思愍教彼言。
汝等心意莫矜高，捨於自慢恭敬我。
我慢無慢我平等，我欲迴汝等業因。
我已得佛為世尊，為諸衆生作利益。
作是語已，其五仙人即白佛言：長老瞿曇，昔行是行，昔求是道，昔行是苦，不曾得證上人之法，不共諸聖而同智見，不得增進，况復今日成就，顛墮失於禪定，懈怠纏身。

今時世尊，再過告彼五仙人言：汝等仙人莫作是言。如來非是懈怠之行，非是失禪，我亦非是懈怠纏身。汝等

仙人我今已成阿羅呵三藐三佛陀
我今已證得彼甘露知甘露道汝等
仙人應受我教聽於我法汝等今若
受我教示我能教誨於汝等輩汝依
我教莫違我教行我教法乃至汝等
未來當得不受後有

尔時五仙復白佛言長老瞿曇昔如
是行如是求道行如是苦不證上法
不共諸聖而同智見乃至懈怠以纏
自身

尔時世尊三過告彼五仙人言汝等
仙人自知我昔曾為人說妄言以不
五仙人言不也尊者

尔時世尊從口出舌至二耳孔至二
鼻孔以舌拄塞二鼻孔已還復以舌
自舐於舌遍覆其面覆已還縮依舊
還置舌本居處安置已告五仙人言
汝等仙人曾自眼見或復耳聞若人
妄語有如是舌神通力不彼等仙言
不也尊者是故汝等莫喚如來以為
懈怠如來亦非失於禪定然我不以
懈怠纏身諸仙當知我今已成阿羅
呵三藐三佛陀已證甘露知甘露道

汝等受我教法示誨聽我教法汝等依我教法而行若不違偕其善男子及善女人欲求解脫捨家出家乃至未來不受後有

今時世尊以如是教誨彼五仙彼仙所有外道之形外道之意外道之藏皆悉滅隱不現身上所著之服即成三衣手執鉢器頭髮鬚自然除落猶如剝來經於七日威儀即成形容譬如百夏比丘威儀行步坐起舉動如是而住

余時世尊即便告彼五比丘言汝等比丘各各隨分觀察東方時五比丘欲觀東方而見西方世尊復告汝等比丘隨分各各觀察西方彼等比丘欲觀西方即見東方世尊復告汝等比丘觀察北方彼等比丘欲觀北方即見南方世尊復告汝等比丘觀察南方即見北方世尊復告汝等比丘觀察上方即見下方世尊復告汝等即見上方世尊復告汝等比丘隨分各各觀察餘方彼等比丘欲觀餘方

即見正方世尊復告汝等比丘觀察
正方彼等比丘欲觀正方即見餘方
亦時世尊善能教誨彼五比丘令其
內心各生歡悅使其獲證隨順正理
各各歡喜時五比丘心開意解隨順
世尊諮承世尊聽世尊教隨世尊心
不違世尊所說教法聞說諦受奉侍
世尊無暫時捨

佛本行集經卷第三十三

癸卯歲高麗國大藏都監奉
勅彫造

佛本行集經卷第三十四

業

轉妙法輪品下

隋天竺三藏闍那崛多譯

尔時世尊作是思惟往昔諸佛多隨
阿伽度阿羅呵三藐三佛隨在何方
所轉於無上微妙法輪於時世尊發
是心已其地即時自然涌出異於餘方
尔時世尊復如是念往昔諸佛多隨
阿伽度阿羅呵三藐三佛隨云何而
轉無上法輪為當坐轉為當卧轉於
時世尊發是心已彼地方所即現五
百師子高座世尊見此五百座已即
發敬心以敬過去諸世尊故三匝圍
繞三高座已至第四座即上其上加
趺而坐譬如師子无所怖畏無所驚動
時憍陳如五比丘等即白佛言希有
世尊即今悉有如許佛來同說法也
云何乃有若干高座尔時佛告五比
丘言汝諸比丘今應當知此賢劫中
有五百佛出現於世三佛已過八般
涅槃我今第四出現於世餘者當來
續復興顯

今時世尊復如是念過去諸佛多陀
阿伽度阿羅訶三藐三佛陀為轉金
輪為轉銀輪轉頗梨輪轉琉璃輪為
當轉於赤真珠輪轉馬瑙輪轉磲渠
輪轉虎珀輪轉珊瑚輪轉七寶輪為
轉木輪

今時世尊如是念時於心內發自智
見知過去諸佛多陀阿伽度阿羅訶
三藐三佛陀依四聖諦次第三轉十
二種相因緣而轉無上法輪而世間
中無有沙門及婆羅門或天或魔或
梵世界無一衆生能作如是自在无
畏轉法輪者

今時世尊箕宿月初十五日內十二
日晷過半人影當如是時名毗闍耶
隋言北面而坐合於鬼宿及房宿時轉
難勝於无上清淨法輪一切世間所有沙
門及婆羅門天魔梵等无有能轉如
是法輪以房宿日轉輪無礙說法依
世故以此日

今時世尊告五比丘如是言音所謂
如來有此言音善能教授善能慰喻
能教不缺能教恭敬不曲不諂不覆

不麤不綺不朴柔順調和善能作業
不緩不急无有妨礙真正微妙善巧
分明流靡甘美悅可眾情無濁无垢
不可毀壞無與等者離染清淨久來
常捨不失不乏無結无縛解脫光潔
不貪不吃亦不軟弱能為一切眾生
生樂能與一切眾生身體而作潤澤
能發一切諸眾生心能斷慾心斷瞋
恚心斷愚癡心能攝諸魔能破諸罪
恙能降伏一切外道

世尊音響善能教他猶如鼓聲猶如
梵聲猶如迦羅嚩伽鳥聲如帝釋聲
如海波聲如地動聲岷嶺震聲孔雀
鳥聲拘翅羅聲命命鳥聲如鴈王聲
猶如鸛聲猶如師子猛獸王聲猶如
箜篌琵琶五絃箏笛等聲聞者能令
一切歡喜教誨分明意喜樂聞微妙
甚深无處乏少能令眾生造諸善根
聞者不空字體分炳文句顯了義業
幽邃法藏真實合時合節合三摩耶
不過時授知諸根情順於法句以諸
種種布施莊嚴持戒清淨忍辱含受
精進勇猛諸禪寂定奮迅神通智慧

分別世間善惡慈悲成就樂悲元勞勸
喜歡捨離建立三乘紹三寶種分別
三聚淨三脫門實語訓誨智人所歎
聖所可意無量无边猶如虛空遍至
一切諸相具足

世尊如是聲音告諸比丘言汝諸
比丘出家之人恒常須捨世間二事
何等為二一受欲樂凡有行動依於
聚落凡夫所歎此須棄捨第二捨者
自身所困受苦之處非聖所歎不得
自利不得利他此法須捨而說偈言
自身損處速棄捐 諸根境界悉須捨
若能捨此二種法 即得甘露正真道
今時佛告諸比丘言汝等當知我如
是捨彼二邊已說有中路我自證知
為開眼故為作智故為寂定故為諸
通故為覺了故為沙門故為涅槃故
而得成就汝等比丘若欲得知出有
中路如我所證為開眼故為生智故
為寂定故乃至涅槃八正聖道所謂
正見正分別正語正業正命正精進
正念正定汝等比丘此是中路我已
證知為開眼故為生智故為寂定故

為發諸通為覺了故為沙門故為涅槃故當得成就而說偈言

如是八種正路因除滅死生恐怖盡
既得除滅諸業已永更不受一切生
今時佛告諸比丘言汝等比丘至心
諦聽有四聖諦何等為四謂苦聖諦
苦集聖諦苦滅聖諦得道聖諦如此
名為四種聖諦

諸比丘何等相名為苦聖諦所謂生
苦老苦病苦死憂悲苦愛別離苦怨
憎會苦求不得苦此諸苦故名苦聖諦
諸比丘何等名為苦集聖諦所謂此
愛數數動心發思慾事處處思想是
則名為苦集聖諦

諸比丘何等名為苦滅聖諦所謂彼
愛遠離棄捨忘除滅盡不留餘殘心
及心想一切寂定是則名為苦滅聖諦
諸比丘何等名為得道聖諦逮得於
此八正聖路所謂正見正分別正語
正業正命正精進正念正定此名滅
苦得道聖諦

此苦聖諦我往昔來不從他聞於諸
法中自生眼智生意生明生擔願生

智慧此苦聖諦須如是知乃至未聞諸法之中生眼智慧彼苦聖諦已照

知竟

梵本并疊今略取要

如是苦集聖諦不從他聞於諸法中生眼及智彼苦集法悉須滅之如是乃至苦集聖諦已滅盡訖

如是苦滅聖諦不從他聞於諸法中生眼及智彼苦滅諦今應須證如是乃至生智慧已苦滅聖諦得證知盡如是苦集滅已得道聖諦不從他聞於諸法中生眼及智彼苦集滅知得道證乃至生智慧還彼苦滅得道證

竟

已上四章並皆疊道

諸比丘乃至我此四種聖諦如是三轉十二因緣如實未證我未證得阿耨多羅三藐三菩提未可得言我覺了也

諸比丘我以此四聖諦三種轉如實十二相證然後始得阿耨多羅三藐三菩提如是可言我覺了也

諸比丘我於今時生智生見不散亂心正得解脫諸比丘此我取後生更不受有也

佛說如是法相之時長老憍陳如即於彼坐遠塵離垢除諸纏縛淨諸煩惱於諸法中得淨眼智所有集法一切皆滅知法滅已如實證知辟如淨衣無有垢穢无有黑縷隨所染處而受其色如是如是彼憍陳如即於坐處諸垢皆除煩惱盡滅得法眼淨如實而知是時彼會六万天子遠塵離垢亦於諸法得淨眼智

尔時世尊作師子吼說是偈言

不可言說法甚深 真如寂靜无名字
最勝憍陳如先證 我所求道得不空
而有偈說

如是甚深法說時 最勝世尊慈悲行
憍陳如得淨法眼 復有諸天億万千
尔時所有地居諸天聞世尊說如是法相一時大唱作如是言仁者各知
今日婆伽婆多陀阿伽度阿羅呵三
藐三佛隨在波羅捺鹿野苑中往昔
諸仙所居住處轉於无上微妙法輪
若有沙門若婆羅門若梵若魔實不
能轉如是法輪而說偈言

善哉世尊真如見 為衆轉甘露法輪

持戒禪定輻輳如新愧精進軸銅轂
甚深无異正真說建立是輪三界尊
今在波羅捺城邊鹿野苑中如是轉
今時彼處地居諸天唱是聲已其聲
上徹四天王天四王聞已復傳唱聲
其聲中作如是言說今日世尊多隨
阿伽度阿羅呵三藐三佛隨在波羅
捺鹿野苑中轉於無上微妙法輪一
切世間若有沙門及婆羅門若梵若
魔實無有人能然轉者

四天王天作是聲時初利天聞初利
天王如是作聲夜摩天聞夜摩作聲
兜率天聞兜率作聲化樂天聞化樂
作聲他化天聞他化作聲梵天王聞
時梵天王即作是言今日世尊多隨
阿伽度阿羅呵三藐三佛隨在波羅
捺鹿野苑中轉於無上微妙法輪一
切世間若有沙門及婆羅門一切魔
梵實不能轉如是次第經一念頃時
上諸天各各相告其聲遍滿如是不
至大梵天所

今時娑婆世界之主大梵天王既聞
聲已復發如是梵音唱言今日世尊

佛婆伽婆多陀阿伽度阿羅呵三藐
三佛陀在波羅捺迦野苑中轉於无
上微妙法輪一切世間若有沙門若
婆羅門天人魔梵實无有人能作如
是如法轉者如是次第至有頂天
尔時世尊當轉法輪是時天人魔梵
沙門及婆羅門一切世間大光普照
其鐵圍山大鐵圍山其兩山間幽冥
黑暗所有衆生受極重苦而此日月
如是光明如是大德如是神通如是
威力如是自在而於彼處不能照耀
不能令光佛威神故彼處普照其中
衆生得光明故各各相見各各相知
各相謂言此處亦復有衆生也

梵李
無解

已上
兩句

尔時世界土地所有一切樹木百卉
藥草悉皆順時隨其種類大小各各
自生莖葉花果生已花自然來雨於
佛上為供養故其虛空中清淨無有
塵霧烟霞暫起輕雲降微細雨以灑
於地雨水清涼具八功德雨已還晴
復起微風涼冷調適四方皆淨顯現
分明无有塵翳上界虛空諸天聚集

作天音樂唱天妙歌雨天種種易陀
羅花卉及摩訶曼陀羅花又雨諸天
細妙之衣雨天金銀琉璃所作七寶
蓮花復雨天量優鉢羅花波頭摩花
拘物頭花分陀利花下如來上復雨
無量種種雜香末香塗香散如來上
散已復散如來坐處四面周匝方一
由旬其種種花悉皆遍滿間无空缺
復此大地六種震動動遍動等遍動
震遍震等遍震涌遍涌等遍涌吼遍
吼等遍吼覺遍覺等遍覺一切衆生
一向悉皆受大快樂於彼時中無一
衆生有慾惱者瞋恚惱者愚癡惱者
我慢惱者貢高惱者不驚不怖無一
衆生造作諸罪若患衆生即得除老
飢渴衆生即得飽滿酒醉衆生即得
醒悟顛狂衆生皆得本心盲者得視
聾者得聽若有六根不完具者悉得
具足貧凍裸露諸衆生等皆得富饒
羸瘦衆生皆得肥滿繫閑衆生皆得
解脫枷鎖杻械諸衆生等自然得出
地獄衆生即得滅惱六畜衆生无有
驚怖餓鬼衆生飢渴得定如是因緣

其憍陳如得名證智

佛本行集經卷第三 第五或兼 賢

余時長老憍陳如身如實得見一切諸法如實得知一切諸法如實得證一切諸法如實得度煩惱險路度煩惱磧度無疑處心中決定无有滯礙已得無畏不從他學時憍陳如知彼法行從坐而起頂礼佛足胡跪合掌而白佛言善哉世尊我入佛法世尊度我以為沙門與具足戒願作比丘余時佛告憍陳如言善來比丘入我法中行於梵行盡苦邊故是時長老憍陳如身即便出家成具足戒餘四比丘各說法要隨機教授而彼衆中有三比丘乞食他行唯二比丘稟受教誨其後三人既將食來合有六人相共坐食彼等已得如來說法教化承受當是之時次一長老跋提梨迦隋言是等二小賢其次長老名婆沙波隋言是等二起氣人即於坐中遠塵離垢盡諸結惑淨煩惱界於諸法中得法眼淨所有結惑一切皆盡識无常法如實證知譬如淨衣無有黑縷无有脂膩隨所欲染正受其色如是如是而彼長老跋

提梨迦并及長老婆沙波等在於彼坐遠塵離垢得淨法眼略說乃至即成出家得具足戒

如是次第彼後來人所乞食者如法

教化如法攝受世尊如法示現之時

彼之長老摩訶那摩

隋言大名

并及長老

阿奢踰時

隋言調馬

即於彼坐遠塵離垢

於諸法中得淨法眼如是如是長老

大名長老調馬即於彼坐盡煩惱垢

如實證知彼等自見得諸法相度法

相已無復疑心到无畏地不從他聞

於佛法中得知證已從坐而起頂礼

佛足在於佛前胡跪合掌而白佛言

唯願世尊聽我出家與我具戒

余時佛告二比丘言汝等比丘善來

入我自說法中行於梵行正盡苦邊

時二長老即成出家得具足戒而有

偈說

小賢起氣憍陳如 摩訶那摩及調馬

彼等初證知見此 如來甘露鼓法門

余時世尊即告彼等五比丘言汝諸

比丘我日夜恒行正念故正行行已

得於無上正真解脫具足證知汝等

比丘應當學我作如是念行於正行
汝等亦當得此無上正真解脫當證
知耳

今時魔王波旬往詣佛世尊所到佛
所已即以偈頌而白佛言

瞿曇以慾愛自纏一切天慾及人慾
今既入此大纏縛我決不放汝沙門
今時世尊思惟知是魔波旬說世尊
如是思惟知已即還以偈答波旬言
我以久脫諸愛纏天慾人慾患並離
大縛我既得出訖况復汝先被我降
今時魔王波旬聞佛說此偈已默然
而住如是思惟沙門瞿曇知我意行
沙門釋子見我心情即懷悵怏苦惱
不樂於彼地方沒身不現

今時世尊復更重告比丘言汝等
比丘若知諸色是无我者是色則不
作惱壞相當不受苦應如是見應如
是知如是有色以色無我是故一切
色能生惱色能生苦雖生苦惱亦不
可得色之定性色既不定亦不可願
色如是有亦不可道願如是无其色
既然受想行識亦復如是

汝等比丘當知於識亦无有我識若有我此識應當不作於惱不作於苦以識體无不可得故云何乃得作如是有亦不可道願如是无以識無我是故識能作惱作苦以識本無即不可願識如有如是不有

復告比丘於汝意云何識為當常為當無常時諸比丘即白佛言世尊此識無常佛復問言識既无常為苦為樂諸比丘言世尊此識是苦佛復告言識既是苦無常破壞非是正法非是常住若能如是見於識者乃可能作如是思惟彼是於我或我是彼或我見我是於我耶諸比丘言不也世尊佛告諸比丘汝等當知所有諸色或過去色現在未來若內若外若麁若細若上若下若近若遠一切不可作如是念彼是於我我是於彼如是如是如實正智應須如是所有一切受想行識過去未來現在內外麁細上下遠近諸識不作是念我是於彼彼是於我或我是我如是如是如實正見當如是知

佛告諸比丘汝等當知若有多聞聲聞之人能作如是思惟見者當厭離色受想行識既厭離已一切不樂既心不樂而得解脫既得解脫當生是智我生已盡梵行已立所作已辦不受後有我如是知

今時世尊說是法已時五比丘於有為中諸漏滅盡心得解脫當於是時此世間有六阿羅漢一是世尊五是比丘而於後時如來授記汝等比丘若知我初轉於法輪說法之時不違我教寂第一者謂五仙首其憍陳如比丘是也

時諸比丘聞是語已即白佛言希有世尊其憍陳如長老比丘作何善根以是因緣如來初轉無上法輪其能不違作是語已

今時佛告諸比丘言汝等比丘至心諦聽我念往昔還在此處波羅捺城有一凡師是時彼有一辟支佛身體帶患欲治病故入於聚落夏將欲至其辟支佛為治病故詣凡師邊既到彼已語凡師言仁者凡師汝若不辭

我寄汝家一夏安坐乃至治病將息
差故時彼瓦師以清淨心白辟支佛
作如是言善哉大仙此語不違隨意
而住我當稱力給奉大仙四事供養
時彼凡師為辟支佛去家不遠作一
房屋與彼令坐安施卧具蠲拂燈脂
時辟支佛即於彼夜入火三昧時彼
凡師見大火光作是思惟何故此燈
如是熾明而久不滅莫彼草屋被火
所燒

余時凡師安徐輕足至草菴所密私
伺看見辟支佛結加而坐如大火聚
熾然放光其身儼然不被燒焦凡師
見已速疾却看急走而還後日信心
倍生希有而彼尊者辟支佛住彼凡
師家如是寂靜經停一夏安居將養
而彼凡師所須四事悉皆供奉而供
養之復將醫師遣為治病湏藥療者
悉皆與之而不能得彼辟支佛身病
損差彼辟支佛既因身病遂便命終
余時凡師見彼尊者辟支佛身入般
涅槃見已悵快憂愁不樂啼哭流淚
嗚呼稱冤是時無量无边人民聞彼

凡師哭泣聲已訖彼借問言汝凡師何故如是嗚呼而哭時彼凡師向彼人輩說辟支佛神通因緣此之仙人如是精進如是持戒常行妙法我將醫師來為療治不能得老

今時別有諸辟支佛唯少一人不滿五百將栴檀木以神通飛從空而來闍維於彼辟支佛身訖而慰勞彼凡師言仁者凡師汝心應生歡喜踊躍遍滿於體何以故汝既供養此仙人身汝此功德汝當來世大得善利汝見我等神通已不見師言見今時彼等諸辟支佛復語凡師作如是言如今我等所作神通此之仙人神通亦然於我等邊此最老大時彼凡師即問彼等辟支佛言尊者今居在何處所諸辟支佛報凡師言去於此處有一聚落名玉舍城去城不遠有一山名諸仙居山我等居在彼處而住

余時凡師即白彼等辟支佛言善來諸仙受我家食訖隨意去

飯食訖已後語凡師言於當來世有佛出現汝於彼邊發心乞願藉此功德清淨之心聞已即白彼諸仙聖辟支佛言尊諸仙輦前我門師寂老寂大願我亦然於未來世當得值遇釋迦如來教法之中得出家者願我老大成寂上座彼等仙言願汝此誓決成就也

余時彼等諸辟支佛與於凡師此誓願已即從彼處飛空而去凡師既見辟支佛等飛騰虛空神通而行以清淨心觀彼等行合十指掌頂禮彼等余時凡師見彼尊者辟支佛身入般涅槃収其舍利而起於塔莊嚴彼塔著好相輪輪內懸鈴繒綵幡幢將諸香花燒香末香塗香而以供養發誓願言藉此善根於當來世願值於彼釋迦如來彼所說法願我證知我於彼邊願成寂大寂老聲聞汝等比丘當知余時彼凡師者今此長老太橋陳如比丘是也其橋陳如往昔供養彼辟支佛以是善根因緣力故今於我邊寂初說法而得證知我復授記

於諸僧內取初知法不違我心於先
出家謂憍陳如比丘是也

佛本行集經耶輸陀因緣品第三十上

余時波羅捺國去城不遠於中有一
屈拘陀樹彼樹扶疎蓊蔚滋茂其城
內外一切人民或諸王子宰相百官
皆悉以時祭祀承事供養彼樹其樹
所有人來乞願願我此願皆得稱可
我有所作皆當得成若我成就如是
事時我當祭祀奉報恩福而彼等人
或復先世業種清淨或福力强成就
彼因或逐現報而隨心念謂言此樹
能與我願而彼人來作大供養而報
賽之復有別人來乞於願隨願亦成
若復有人來彼樹間乞求男女其人
先業福德因緣而得男女而彼等人
各心念言彼等樹能與我男女彼等
人來各大祭祀作大供養報償彼樹
而彼林樹一切人民為其作名号曰
乞求所願皆得如是神樹

余時彼城有一取大巨富長者名曰
善覺而彼長者多有資財勢力自在
无量畜牧所謂爲馬牛羊駱駝及驢

騾等無所乏少豐饒五穀多有奴婢
音聲伎妾估客作人真珠虎珀琉璃
頗梨碑渠碼瑙白玉珂貝金銀銅錢
衆事具足無所騫闕其長者宅猶如
北方毗沙門天大王宮殿一種無異
時彼長者无有男女所有親眷來往
之者作如是言謂仁長者若仁自知
仁家巨富多有勢力略說乃至衆事
備悉但仁家中无有子息而此城外
有一神樹名曰乞求所願皆得彼樹
若有男子女人來從乞求男女皆得
長者何故不往詣於彼樹邊乞求索
男女若能乞者必應得生男女不疑
勿令仁家種族斷絕

時彼長者報其一切諸親族言何有
是事而彼樹木無識无情若能與人
男女願者無有是處凡男女者皆由
父母先業因緣或復福力而得男女
而彼人言我等自身各親祈請並彼
樹邊得於男女以得願故至彼樹所
作大供養報償彼樹時彼長者諸親
眷屬并過三過懇勸請彼長者言
汝大長者不可不信彼樹實能如是

佛本行集經卷第三十四 第三十頌 業 惡
與願彼已得男彼已得女長者但去
彼樹能與入之心願索男得男索女
得女決定無疑

佛本行集經卷第三十四

癸卯歲高麗國大藏都監奉
勅彫造

佛本行集經卷第三十五

業

耶輸陁因緣品下

隋天竺三藏闍那崛多譯

尔時善覺大富長者以諸親族數數
慇懃共相曉喻乃至第三苦切勸諫
而彼長者意中不已即將家僮賁持
大斧斲箕欬鋤及諸鋤鑿種種刀鋸
詣彼樹所既到彼已立於樹前而作
是言汝樹當知我從他聞汝是神樹
名所求願一切皆得若有人來求乞
男女悉皆果遂而我无有一箇兒息
心內願樂而不稱可今從汝乞若令
我得生於好男我當來作如是供養
作是報答必汝不能與我子者我當
將此大斧鋤鑿斲掘汝樹根本枝條
一切悉却終不放汝乃至令如馬蘭
根鬚而留殘著若掘到地取汝根莖
段段斫斷取汝枝柯片片剉切斫截
割已札札曬乾訖已持火燒汝作灰
如灰塵已或將汝灰臨急疾河向水
而擲或將汝灰對猛大風吹令四散
尔時彼樹有神依之神聞此語生大

恐怖憂惱不歡又作是念我實不與
他作男女但人來者自有業因自有
福力而得男女而彼等人謂言此樹
能與男女既得願已然後來報此樹
之恩而彼樹神悲泣流淚作如是言
此我生來所居之樹以彼長者不得
子故其必當壞毀我此樹而彼樹神
於帝釋天恒常承事

今時彼神速疾往詣天主帝釋忉利
天宮到已長跪白帝釋天作如是言
依前長者求乞兒子得不禍福善惡
之語大善天王唯願大天巧慧方便
早作如是精勤速疾與彼長者端正
之男勿令於我此樹磨滅

今時天主帝釋大王告樹神曰汝之
樹神勿作是語所以者何今我亦復
不能為於世間之人定與男女但諸
人輩自有福因而得男女其理雖然
汝之樹神少忍耐看莫生憂惱我當
觀察彼之長者有因緣不時忉利天
有一天子五衰相現不久定當墮落
世間五衰相何一者彼天頭上妙花
忽然萎黃二者彼天自身腋下汗汁

流出三者彼天所著衣裳垢膩不淨
四者彼天身體威光自然變改五者
彼天常所居停微妙寶床忽然不樂
東西移徙

余時天主釋提桓因語彼天子作如
是言善哉天子若知時者汝有善緣
植衆善本常不放逸謹慎畏罪元諸
過患不造諸非又復未曾作重惡業
直以嫉妬汝今應當退失此處必生
人間於一善處

余時天子白帝釋言願聞其處帝釋
報言今此下方閻浮提地有一大城
名波羅捺而彼城有一大長者名曰
善覺彼長者家大富饒財多有勢力
乃至一切無所乏少而彼無子汝今
發心往波羅捺為彼作兒

時是天子於過去世得天子身種諸
善根而作生死解脫因緣面向涅槃
背於煩惱不取諸有不愛一切有為
中生而彼一生欲取漏盡欲證聖道
而彼天子謔帝釋言大善天王我今
不欲處在居家以受世樂
又復護明菩薩大士不久從彼光率

天下降神生於迦毗羅城釋種姓內
淨飯王宮大夫人邊右脇入胎月滿而
生生已棄捨王位出家當成阿耨多
羅三藐三菩提成已當轉無上法輪
我意欲於彼菩薩邊修行梵行而彼
長者居家大有資財珍寶多諸勢力
乃至一切種種豐饒而其彼家放逸
之處我意不願向彼而生

尔時天主帝釋大三語彼天子作如
是言汝但乞願求生彼家護明菩薩
不久當成阿耨多羅三藐三菩提成
已當轉無上法輪我於彼時自當成
就汝出家緣亦助佐汝出家之事時
彼天子報帝釋言善哉天王若於彼
時王能如是佐助於我發心因緣今
得成就當生彼家

尔時天主帝釋大王報彼居拘陀樹
神言汝善樹神若知時者汝當速報
彼長者知而語之言善哉長者汝所
乞願不久當生端正之子生已不久
捨家出家當作沙門

尔時樹神從帝釋邊聞此語已心大
歡喜踊躍充遍不能自勝速往詣彼

大長者家到已在空隱身不現語長者言大善長者汝必當生智慧端正福德之子但其生已不久定應捨家出家而作沙門

今時長者報樹神言善哉天神但願我生我當方便不令捨家而作沙門時彼天子從忉利天墮落下來與大長者婦腹受胎既受胎已彼婦即覺語長者言大善長者應須歡喜我已受胎

今時長者聞是語已即為其婦立於窠上將息之法窠上敷設窠上莊嚴窠上供奉窠上飲食窠上服飾而供給之令其玩弄

今時長者於波羅捺四城門外衢道陌頭多人處所立無遮會有來索者求食與食須飲與飲欲鬻與鬻索香與香或須塗香即與塗香須床敷者即與床敷須資生者悉具與之時其家內所有財物皆收內庫一切酒坊一切屠舍並皆除斷

時長者婦或滿九月或滿十月其胎成熟產一男兒極大端正可喜少變

身體色黃猶如金柱頭頂團圓猶如
傘蓋鼻如鸚鵡長臂下垂支節端直
諸根悉具肌肉柔和猶生酥搏彼子
生已其上自然化出微妙七寶之蓋
而諸世人所見之者皆大唱言希有
昔來未曾覩見

尔時長者為彼童子立四乳母一者
抱持二者洗浴三者與乳四者共戲
童子生後長者恒於四城門外及交
道頭立无遮會如前所設又復集聚
内外眷屬而語之言我今已生如是
兒子汝等立名其眷屬等相共平量
此子初生上有寶蓋自然出現以是
因緣名聞流布遍於一切是故此子
應名上傘於是後人相共稱喚為耶
輸陀耶輸陀者
隋言上傘其耶輸陀於父母邊
唯止一子父母愛念不曾離心眼欲
恒看目前養育令其增長易觀易畜
而有偈說

福德之人疾增長 猶如良地蒔菓栽
薄運少祐無相人 似於道頭種諸樹
而彼童子漸漸長成既能行走後依
家法教諸技能使學作業所謂書算

及造印記出財與他從外受入貨易
興販滂諸色繒衣服裁縫別諸香類
識達五穀了別七珍及諸寶物諸如
是等一切皆練无不洞曉工巧辯捷
利智聰明悉皆成就无人與等及至
年大欲遣別停

尔時其父為彼童子造立三堂一擬
冬坐二擬春秋兩時而坐三擬夏坐
擬冬坐堂一向溫煖擬夏坐者一向
風涼擬於春秋二時坐者不熱不寒
調和處中其三堂內所有器服皆是
衆寶之所雜成所有飲食取美取甘
心所樂見其諸衣服種種莊嚴復以
衆雜末香塗香種種安置立諸姝女
端正可憐使相娛樂於其宮內堂殿
前立種種階道一一階道有五百人
擎五百寶案日初出時則便安施日
沒已後還擎收却

其堂周匝有五百人防護守視身體
皆著牢固鎧甲手執刀棒或持鐵輪
三叉戟等以用擬脩其三等堂各各
如是畏耶輸陀童子忽然捨棄出家
其堂內外門戶閑鑰皆悉牢固其彼

時耶輸陀在彼堂殿具足而受五欲快樂逍遙嬉戲于時世尊在波羅捺初轉无上法輪之後帝釋天王從天上下至耶輸陀宮殿之中到已發覺耶輸陀言仁耶輸陀仁今時至必應不久捨家出家時耶輸陀聞帝釋天如是言已嘿然而受既嘿受已天曉之時索駟馬車欲往園中觀看善地余時世尊於晨朝時著衣持鉢安庠而入波羅捺城欲乞於食即以長老阿奢踰時用為侍者其耶輸陀遙見如來向前而來威儀端正行步沉審身體具足諸相莊嚴猶如虛空滿於星宿見已心生歡喜清淨以內歡喜清淨之心從車而下頂禮佛足圍遶三匝遶已還上車中而行其耶輸陀見於如來迴還未久時佛知彼清淨之心即便微笑放於光明余時長老阿奢踰時整衣而立偏袒右肩右膝著地合十指掌向於如來而白佛言希有世尊何因緣故微笑放光余時佛告阿奢踰時作如是言汝比

丘見此耶輸陀童子以不其至我邊
頂禮於我三匝遶我還退上車阿奢
踰時即白佛言唯然世尊我向已見
佛復告言汝今諦聽此耶輸陀大善
男子今夜決定捨家出家至於我邊
乞作沙門作沙門已不久而得阿羅
漢果

時耶輸陀至園苑內觀於善地次第
經行時天帝釋以神通力即化作一
死婦女屍其身臃脹將欲爛壞蠅蛆
雜重處處啖食時耶輸陀見彼死屍
如是臭爛見已心生汙瀨之想而自
念言是臭爛身有何可樂生於著心
而自放逸復於此中生於樂想今已
膿爛即口唱言我今不樂臭穢樂也
欲還至家而彼童子從苑內出還入
已堂而彼在初夜欲眠睡時天帝釋
以神通力令諸姝女悉皆著睡而其
家內處處然燈猶如辟大堂堂盡照
令明不斷
尔時世尊當於彼夜作如是念今夜
之中其耶輸陀大善男子決定勇猛
捨家出家求作沙門如是念已至於

一河名波羅那

隋言

斷除渡至彼岸自取

草鋪既鋪草已結加趺坐欲一夜眠心為慈愍其耶輸陀善男子故

時耶輸陀正著睡眠自然忽覺而見堂內處處安置辟許燈明見諸姝女悉著睡眠或有姝女頸懸小鼓或有姝女挾於琵琶或有姝女挾於五絃或有姝女抱持箜篌或有姝女以臂抱鼓或有姝女手執簫笛諸音聲等或有姝女露於半身喘息而眠或有姝女頭髻解散傾側而眠或有姝女流於涕唾不淨而眠或有姝女口齒相齧作聲而眠或有姝女覆面而眠或有姝女仰面而眠其耶輸陀見於堂內諸姝女眠如是滿地猶若死屍一種无異見已即生厭離之想生大患想心中樂欲求涅槃想心欲建立向涅槃想而作是念謂此大是恐怖之處咄此大是擾亂不安然嫌之處時耶輸陀如是見已從其卧床忽然而起脚著草屣眾寶所成論其價直足二百千著已意念從堂欲下至堂基邊而無階道時天帝釋即將階道

立著其前身放光明而此光明普照其家

時耶輸陀見此明已從堂而出漸至父宮諸姊妹邊到已見父所卧堂內用好香油以為燈明其炷如辟迴地及柱處處皆安見諸姊妹皆著嚙眠懸抱樂器乃至如上猶如死人在屍陀林見已生於厭離之想乃至生於極大恐怖

時耶輸陀從父堂出漸至外門見外門閉鑰鎖甚牢而開門時其聲遠徹聞半由旬時天帝釋速疾開門隱沒彼門不令作聲畏耶輸陀出家之時有諸郭礙

時耶輸陀從家出已至大城門其門名跋陀羅婆提

隋言賢主

既到於彼賢主

城門其門閉閤門閉甚牢聲音遠聞亦半由旬時天帝釋一念之頃開於彼門又隱彼聲不令他聞心如是念勿令有人郭耶輸陀出家因緣時耶輸陀從城門出漸漸至於波羅那河余時彼河水忽暴漲弥岸平滿一切諸鳥平頭而飲時天帝釋即便

隱滅彼之光明時耶輸陀至河此岸
即便停住而口中唱謂此大患咄大
恐怖

今時世尊在河彼岸露地經行今時
世尊為憐愍彼耶輸陀故身放光明
以金色臂展手而向耶輸陀邊作如
是言善來善來汝耶輸陀此處無患
此處无畏此處安樂此處自在而有
偈說

如來既見彼心已 而口呼唱如是言
汝來汝來耶輸陀 取此无畏涅槃路
世尊無所而不見 世尊無所而不知
是故能知於彼心 故言世尊諸明具
時耶輸陀聞於世尊如是語已即免
一切心諸憂苦即得心定譬如有人
後春行路被諸熱惱疲極飢渴忽值
一池其水涼冷入於其內澡洗飲水
除滅一切熱惱諸苦如是如是其耶
輸陀大善男子聞佛如是安慰言已
即滅一切諸心憂惱心得寂定
時耶輸陀大善男子心生歡喜踊躍
无量遍滿其體不能自勝脫彼眾寶
所成草屣直二百千棄已步入波羅

那河譬如有人捨於涕唾无復心念
即背而行如是如是其耶輸陀棄捨
草屣亦復如是步入河渡尔時彼河
水故為淺

時耶輸陀善渡河已至於彼岸到世
尊所而耶輸陀遙見世尊威儀整頓
容止可觀諸根寂靜心意正定乃至
身以三十二相之所莊嚴猶如虛空
遍滿星宿見已復生清淨歡喜生歡
喜已漸到佛所到佛所已頂礼佛足
却住一面

尔時世尊見耶輸陀却一面已即便
為其次第說法所謂說於布施之行
持戒之行復說生天因緣之行五欲
罪患諸漏未盡尚有煩惱讚歎出家
清淨之法而世尊知耶輸陀心已生
歡喜已生希有心得柔軟心得无碍
堪可受法

尔時世尊以佛所有令他喜言今得
道言而向說法所謂苦集滅道四諦
向耶輸陀如是說時時耶輸陀即於
彼坐遠離塵垢盡煩惱界離煩惱已
於諸法中生淨法眼所有結惑皆滅

除盡如實證知辟如淨衣无諸黑縷
入色即受如是如是其耶輸陀善男
子心即於彼坐遠離塵垢盡諸煩惱
乃至如實悉皆證知

時耶輸陀善男子婦睡眠既覺於其
床上忽然不見夫耶輸陀彼心憶念
耶輸陀故悲復渴仰思遲戀慕即便
往詣輸陀母邊到已自言聖母今知
聖母愛子耶輸陀不新婦昨夜眠覺
求覓忽忽不見不知何去

余時聖母聞是語已憐憶愛念耶輸
陀故啼淚懊惱急疾往詣耶輸陀父
大長者邊到已即白大長者言長者
今知仁所愛子耶輸陀不一一皆如
新婦所說

余時長者聞其宮中失耶輸陀以憶
念子耶輸陀故遣使速往智慧人邊
或策師邊博戲人邊或婬女家而告
之言汝等人輩宜速急疾往如是處
求覓我子耶輸陀來

余時使者向波羅捺城四衢道振鈴
而唱如是告言若當有人能向我道
見耶輸陀知耶輸陀所在之處所行

之處令我得見令我得聞我乞彼人
百千價物即於後夜教開城門遣使
疾馳而遍告言汝等城外速疾往求
我耶輸陀

余時長者耶輸陀父當於彼夜天欲
曉時愁憂悵快啼尖泣淚速疾往向
跋陀羅提城門之邊到已即出漸漸
行見其耶輸陀革屣蹤跡見已尋逐
革屣跡行盡其跡已於河岸上見二
百千價直革屣少得本心即作是念
我所愛子耶輸陀者今應不死出大
喘息心口念言若其身死此之革屣
久應無有

時彼長者見革屣已不觸不緣棄捨
而去譬如有人見他涕唾不觀不念
棄捨而過如是如是其耶輸陀善男
子父見彼七寶所成一雙革屣棄捨
而過即便渡彼波羅那河尋求其子
余時世尊河邊遙見其耶輸陀善男
子父向佛而來世尊見已作如是念
此耶輸陀善男子父既來求子以愛
念故或能舍平不避好惡抱耶輸陀
善男子身我今可出變化神通若作

神通變化之事而耶輸陀善男子父在於此處唯得以眼見耶輸陀善男子面即便停住勿令相觸

時耶輸陀善男子父遙見世尊威儀齊整端正可喜乃至辟如虛空中星莊嚴日月心生歡喜以歡喜心往詣佛所到佛所已即白佛言善哉善哉大德沙門頗見我子耶輸陀者來此以不

尔時佛告彼長者言大富長者汝若知時且少安坐不久當得見耶輸陀時彼長者作如是念此大沙門應不妄語所言應實聞此語已心生歡喜踊躍充遍不能自勝頂礼佛足却住一面住一面已

尔時世尊即為長者次第方便如應說法所謂行檀及結使法悉皆滅已如實證知辟如淨衣易受染色如是如是時彼長者即於彼坐遠離塵垢如實證知於諸法中得法眼淨渡煩惱海越諸鄣礙無復疑心到无畏處不從他聞於世尊邊得聞法教受佛歸依受法歸依受僧歸依并受五戒

余時人間彼大長者取在初首為優
婆塞人身之中以三白成三歸依者
謂耶輸施善男子父其耶輸施善男
子父於說法時如是證見如是觀行
得於道跡見漏皆盡一切法中心得
解脫

余時世尊作如是念其耶輸施善男
子父聞法見知如實漏盡心得解脫
不應在家受諸五欲如昔在家我今
還可攝於神通余時世尊即攝神通
攝神通已耶輸施父即於彼坐得見
其子見已而告耶輸施言子耶輸施
汝母憶汝受大苦惱為汝故哭為汝
故悲莫復為汝而取命終汝可至彼
與於彼命作是語已其耶輸施善男
子即觀如來面

余時世尊即便告彼耶輸施父作如
是言汝大長者於意云何若有學人
已學諸智已學見法彼聞法時證知
漏盡心得解脫彼若迴心入於本家
能更復受五欲以不長者報言不也
世尊

余時世尊告長者言其耶輸施善男

子今已學智見證於諸法如汝無異
今耶輸陀聞說法時證得道跡諸漏
已盡心淨解脫佛告長者此耶輸陀
善男子今不應還歸住於家內受五
欲事如昔在家尔時長者即白佛言
善哉世尊耶輸陀今生於人間善得
大利善生世間諸漏滅盡心得解脫
尔時世尊見耶輸陀善男子身以諸
瓔珞而莊嚴體即說偈言

以諸瓔珞莊嚴身 寂定其心證於法
調伏諸根志清淨 於諸衆生起大悲
若能如是諦實行 是則名為真梵行
亦名沙門釋種子 是亦名為比丘僧
時耶輸陀善男子父即白佛言善哉
世尊願受我請布施飲食及耶輸陀
善男子等尔時世尊於長者邊嘿然
受請為欲憐愍於長者故

尔時長者既見世尊嘿然受請從坐
而起頂礼佛足圍遶三匝辭佛而去
是時長者去未久間其耶輸陀大善
男子從坐而起頂礼佛足胡跪合掌
而白佛言善哉世尊唯願世尊與我
出家受具足戒

尔時佛告耶輸陀言善來比丘汝今於我所說法中行於梵行正盡諸漏佛說是已時其長老耶輸陀身即成出家得具足戒為大沙門當於是時此世間中七阿羅漢一是世尊及五比丘耶輸陀等

尔時世尊於晨朝時著衣持鉢命耶輸陀用為侍者向其父家到彼家已鋪座而坐是時長老耶輸陀母并及長老耶輸陀婦來向佛邊到佛所已頂礼佛足却坐一面退一面已世尊次第而為說法所謂如是說布施行乃至清淨如來悉知彼等一切心生歡喜清淨柔軟心无障礙

尔時世尊所有諸佛令歡喜法所謂苦諦及苦集諦苦滅得道世尊為彼說是法時彼等於坐遠離諸塵得清淨智煩惱界盡於諸法中得淨法眼所有垢法諸可滅法一切知已皆悉滅盡如實證知譬如淨衣无有垢膩隨所染入而受其色如是如是彼等眷属坐於彼座遠離塵垢所有垢法皆悉滅已如實證知彼等婦人既見

諸法得證深入到諸法邊渡煩惱壙
得無疑畏不從他人說法聽證世尊
教中得知見已歸依佛法及歸依僧
即受五戒

今時世間當於是日取初人中三歸
受戒先得成為優婆塞者所謂長老
耶輸陀母并及長老耶輸陀婦所有
一切諸眷屬等

今時善覺大富長者既聞世尊為其
眷屬如應說法聞已歡喜即起辦食
長者及妻并其新婦自手將好種種
美食奉供養佛及耶輸陀所謂舐噉
咋噉啣啖其所施食志皆充足恣意
飽食

今時長老耶輸陀父善覺長者婦及
新婦見佛食訖收衣攝鉢洗於手足
如是清淨安坐竟已人別各自將一
小鋪次第相隨來向佛前依大小坐
今時世尊既見善覺長者眷屬如法
而來坐於前已如來慈愍為欲度脫
使離苦惱是故為其如應說法彼聞
法已心生歡喜信心熾盛威德增上
今時彼等既聽法已乃至一切心生

歡喜如是知已尔時世尊即從坐起
其耶輸施即隨佛行

佛本行集經卷第三十五

癸卯歲高麗國大藏都監奉
勅彫造

佛本行集經卷第三十六

業

隋天竺三藏闍那崛多譯

耶輸陀宿緣品第三十九

尔時天竺波羅捺城有四居士大富長者最為殊勝善男子輩何等為四

所謂第一名毗摩羅

隋言無施

其第二者

名修婆睺

隋言善辭

第三名為富蘭那迦

隋言滿足第四名為伽婆跋帝

隋言牛主

彼等從

他聞耶輸陀大善男子往沙門邊修行梵行聞已即作如是思惟希有斯事彼大沙門法行之中梵行應當牢固不動應當勝他其法會集應必第一所以者何而耶輸陀大善男子至沙門邊受行梵行即得出家我等今者亦應至彼大沙門邊求修梵行彼等如是共平量已相將往詣耶輸陀邊到已即共其耶輸陀對面美辭善巧談說各話心內意意語言敬心問訊相慰喻已各坐一面坐一面已彼四長者即便共白耶輸陀言尊者耶輸陀此之梵行必應牢固決定勝他如此法集可敬可愛如尊今於大沙

門邊受行梵行我等今者亦欲求於
大沙門邊修行梵行

余時長老耶輸陀許即便共彼波羅
捺城四大長者往詣佛所到佛所已
頂礼佛足礼佛足已却坐一面時耶
輸陀即白佛言大覺世尊此四長者
在本居家各為朋友取為殊勝善男
子輩所謂无垢善辭滿足并牛主等
今日故來歸依世尊善哉世尊唯願
為此四大長者如應說法教誨示導
余時世尊發大慈悲起憐愍故即為
彼等四大長者次第方便說微妙法
所謂布施持戒忍辱乃至為說種種
法要彼等長者聞世尊說如是法相
即於坐中遠離塵垢乃至所有一切
集法皆悉得知及滅相法亦如實知
譬如淨衣无有垢膩入於汁中正受
其色如是如是彼四長者即於坐處
乃至得知一切結惑集滅相法如實
證知彼四長者悉各如是見諸法相
得諸法相證於法相入於法相度煩
惱殫心無鄣昇越諸疑網除滅結使
得无畏處不隨他知依佛法行從坐

而起頂礼佛足在於佛前胡跪合掌
而白佛言大覺世尊我等今從佛世
尊邊乞求出家依佛教法受具足戒
今時世尊即告彼等四長者言汝輩
比丘清淨善來入我法中行於梵行
滅諸苦故是時世尊作此語已彼波
羅捺四大長者頭髮自落鬚鬣猶若
七日刺來身體自然披服三衣手擎
鉢器彼四長者即成出家受具足戒
時四長者出家未久受具始今在於
一處捨諸緣務謹慎身口不敢放逸
勤劬精進在空閑處行於善行獨坐
獨起不曾停息如救頭然住闍者內
今時彼等諸善男子為求道故正信
出家不久即得无上梵行自見法相
自證諸通無畏而行口即唱言已斷
生死得梵行報所作已辦來生更不
受後世有自知自證彼四長者皆悉
一時成阿羅漢心善解脫彼時世間
成就一十一阿羅漢第一世尊二五
比丘三耶輸陀及其在家最勝朋友
四大長者善男子是
余時長老耶輸陀身昔在家有五十

朋友諸國來集或有小來共相長養
善男子輩聞耶輸陀善男子往大沙
門邊行於梵行聞已如是共相謂言
彼之梵行必當精勝法集牢強而耶
輸陀善男子事彼大沙門行於梵行
我等今者亦可至彼大沙門邊求行
梵行彼等如是共平量已相將即到
耶輸陀所到已即對耶輸陀面相共
言說文辭巧麗種種談論各相問訊
各相虔恭如是訖已却住一面住一
面已

今時彼等五十友人各是別國取大
長者往昔在家親善朋舊即便共白
耶輸陀言仁耶輸陀今此梵行必應
是好勝於餘人而長老在大沙門邊
行於梵行我等意樂亦與仁同欲往
詣彼大沙門邊行於梵行

時耶輸陀即便共彼五十在家往昔
善友詣於佛所到佛所已頂禮佛足
禮佛足已却坐一面其耶輸陀即白
佛言大善世尊我昔在家有此五十
友朋知識或在前後一切皆悉是善
男子其意並樂歸依如來唯願世尊

大慈憐愍為說法要教詔示導

今時世尊即為彼等隨順說法而其
彼等諸長者輦聞佛所說乃至如實
一切悉知彼等長老志成漏盡諸阿
羅漢心善解脫於時世間合成六十
一阿羅漢謂佛世尊及五比丘并耶
輸陀其耶輸陀波羅捺城有四善友
无垢善辟滿足牛主其耶輸陀在家
朋友諸大長者有五十人並是別國
相召集來或前或後善男子等

余時世尊於波羅捺鹿野苑中度是
人已更欲別向地方而行即告長老
耶輸陀言汝耶輸陀還住於此莫隨
逐我所以者何汝耶輸陀小來未曾
苦於身體又復汝身皮膚柔軟不串
麤衣及以惡食汝在此住受汝父母
所須供養隨勝衣食自恣而受汝之
父母能供養汝

時耶輸陀稟承教誨恭敬而立即白
佛言如世尊勅我不敢違而耶輸陀
聞佛勅已住波羅捺一定不移

余時天竺波羅捺城復有五百商人
長者與耶輸陀昔在家時亦為朋友

入海採寶一時迴還至家各各相共
借問耶輸陀處彼等問已聞耶輸陀
今日在彼大沙門邊行於梵行彼等
聞已各相謂言彼之梵行定應上妙
教法勝他若不如是其耶輸陀善男
子今云何乃能迴心向彼大沙門邊
行於梵行我等今亦可共往詣大沙
門邊求行梵行

余時彼等五百商人諸大長者結集
相共詣向長老耶輸陀邊到已共白
耶輸陀言仁耶輸陀久不相見我等
入海今始迴還聞仁出家故來諮白
安隱无惱快樂以不如是種種善言
美語慰勞相問彼此訖了各起恭敬
却住一面

余時五百商人長者白於長老耶輸
陀言仁耶輸陀今此勝也時耶輸陀
即報彼言如是如是今此寂勝余時
彼商五百長者即於長老耶輸陀邊
備捨出家求受具戒經多年月不能
得道

余時世尊遊歷他國迴還至彼舍婆
提城住祇陀林精舍之內時其長老

耶輸陀身經於多時夏罷訖已即共
五百諸比丘衆相隨而去聞佛在於
祇陀精舍欲往詣彼見如來故彼客
比丘至祇陀園是時彼處主人比丘
或取鉢者或衣幘者內房中時起大
高聲喧鬧雜亂

尔時世尊知而故問長老阿難作如
是言長老阿難此中是何高大音聲
喧亂乃尔是時阿難即白佛言如來
世尊今者外許別有五百客比丘來
長老耶輸陀取為其首至於此處我
等既見客比丘來而此舊居諸比丘
輩共相慰喻問訊安和及受衣鉢內
於房時起是高聲

尔時世尊告阿難言長老阿難汝若
知時為我喚彼如是等客諸比丘來
尔時阿難聞世尊勅即便至彼客比
丘邊語諸一切客比丘言汝長老輩
世尊今喚汝等一切諸客比丘時諸
比丘既聞阿難如是言已語阿難言
如長老意我不敢違

尔時五百諸客比丘聞受阿難如是
教已往詣佛邊到佛所已頂礼佛足

既礼拜已却住一面諸客比丘住一面已嘿然而立

尔時世尊即告彼諸客比丘言汝等比丘何故如是作大高聲猶如世人諸諍鬪起呼呼呵呵其聲猶如釣魚之師各各相覓趁逐諸魚各相唱喚汝等比丘各還本處不得共我居住此中我趁汝等是時彼等五百新入客比丘聞佛如是言各白佛言如世尊勅彼等五百諸客比丘聞佛是言頂礼佛足遶佛三匝辞佛而去執持衣鉢從精舍出至一河邊其河名曰

婆羅瞿摩帝

隋言秀媚主

在彼秀媚河岸

邊住晝夜精勤无有休息初夜後夜不卧不眠猛勵修道志願規求助道法證是故用心彼等用心不休不息不久之間所為事成彼善男子既各正信捨家出家而能辦彼无上梵行而能得辦自現見法證於諸通即得断除一切諸結自口唱言生死已盡得梵行報所作辦更不復受於後世有自證自知彼諸長老一切悉皆成阿羅漢心善解脫無復怖畏

今時世尊在舍婆提祇陀精舍少時
住已欲更行歷其餘聚落從此聚落
到彼聚落漸漸而行到毗耶離至彼
城已往獼猴池其池岸邊有草精舍
即便停住

今時世尊日下西時從三昧起出草
精舍向於露地鋪座而坐比丘僧衆
左右周匝前後圍遶今時世尊告阿
難言長老阿難我見婆羅睺摩帝
河諸比丘等所居住處大有光明而
彼婆羅睺摩帝岸所有五百諸比
丘住如是三稱

佛告阿難汝今可喚彼諸比丘使來
見我是時阿難聞佛世尊如是勅已
向一年少比丘之邊到已即告彼比
丘言善哉長老汝速至彼婆羅睺摩
帝河岸邊彼處今有諸比丘等汝語
彼等諸長老言世尊今欲見長老等
若知時者宜應速疾往見世尊時彼
年少長老比丘聞於阿難如是言已
白阿難言如尊者教我不敢違

時彼年少長老比丘速疾而行辭如
壯士屈舒辭頃如是如是時彼長老

年少比丘從毗耶離速疾隱身至於
婆羅瞿摩帝岸出身現往彼所居
處諸比丘邊到已即告彼等一切諸
比丘言善哉長老汝等今者若當知
時世尊欲見汝等長老汝等今者若
當善知可速往詣至世尊所

尔時彼處諸比丘等白彼年少使比
丘言如長老教我不敢違是時彼等
諸比丘衆聞此語已辟如壯士屈伸
臂頃從於婆羅瞿摩帝河所居之處
各隱其身至毗耶離狝猴池岸草精
舍下而即現身

尔時世尊當此正入不動三昧其耶
輸陀長老亦入不動三昧彼來五百
比丘亦入不動三昧經夜初更尔時
阿難從座而起偏袒右肩正理衣服
合掌向佛而作是言願世尊知夜以
一更世尊今可慰喻於彼客比丘僧
是時世尊嘿然不言如是復已經夜
中分阿難更請乃至世尊嘿然不言
尔時其夜至第三分阿難復請世尊
嘿然經夜後分欲打鼓時明星將現
長老阿難更從坐起偏袒右肩正理

衣服合掌向佛而作是言世尊當知
夜已後分不久打鼓明星欲出世尊
今可教諸比丘慰勞於彼諸客比丘
又復比丘坐已經久身體疲憊

尔時世尊告阿難言長老阿難汝今
不知如此義理所以者何長老阿難
汝若知理應不發問今此三昧非汝
境界何以故阿難我向入此不動三
昧此之五百比丘亦入不動三昧長
老耶輸陀寂為初首皆悉入於不動
三昧我今自知如此理已尔時世尊
欲說偈故即作如是師子吼言

已渡煩惱諸慾泥 復已滅除諸聚刺
到彼會癡滅盡處 於彼苦樂更不停
既已越度彼岸邊 是則名為真勇健
亦稱比丘善破惡 又復名善解脫人
尔時世尊說是偈已而彼五百諸比
丘等心生希有未曾有事已生希有
未曾有故各相謂言諸長老等希有
此事此之長老耶輸陀者大有神通
乃能使此五百比丘一切皆亦有大
神通共耶輸陀昔作朋友各能相似
彼等父母亦皆有德是時彼等五百

比丘心各生疑欲問世尊決斷所疑
即便相與白世尊言今此長老耶輸
隨者彼於往昔種何善根而今身中
乃能如是居家殷富如是多財如是
多寶如是二足四足具足如是家生
然其初生上覆寶蓋又其父母為耶
輸隨造三種堂昔緣何業得此果報
又復於諸姊妹女等邊生狂暴想何因
能令值佛出家受具足戒成阿羅漢
父母及妻皆得聖法在家朋友及諸
國土商主朝廷并婆羅門摩帝河
邊五百比丘得羅漢果作是語已皆
各嘿然

尔時世尊即告彼等諸比丘言汝諸
比丘至心諦聽我念往昔波羅捺城
時有一人欲營其事彼如是念我若
此事得成就已復作是事此事辦已
當作此事我此事辦一切訖了後別
當造美食美飲種種辦具食噉嚼齧
啖唼吮等各辦具已當施沙門及婆
羅門悉令具足充實飽滿

尔時彼人以心勇猛善業因緣復以
衆多福德所潤所營事者悉皆成辦

彼人既見其事已辦於晨朝起整頓
多種豐饒飲食可食噉者具足執持
將詣城門到已安置作如是念今此
城門最初見者若有沙門若婆羅門
我當持此多種飲食乃至喫啖而用
布施

尔時彼城門外有一辟支佛名毘伽羅

尸棄

隋言成結

恒常住在波羅捺城而彼

尊者大辟支佛於晨朝時日在東方

著衣持鉢徐行欲入波羅捺城乞求

飯食是人遙見彼辟支佛威儀庠序

進止端平足步安穩无有差移左右

觀看徐行直視舉動審諦不急不寬

住立即瞻人所樂觀形服相稱内外

嚴儀彼人見已得清淨心生大歡喜

即將其食奉辟支佛尔時彼辟支佛

作如是念我今已得種種美食布施

而食時既未至我今且可少時攝心

坐禪繫念思惟是已却行一面到河

岸邊時有一樹即在其下加趺而坐

正意定想身體端然寂靜一心不搖

不動如是而住

尔時波羅捺城有一王名婆嵐摩達

多隋言嚴駕四兵從城門出是時城

外忽有一人從聚落來手執傘蓋逆

頭值王彼人遙見梵德國王在前而

來見已內心作如是念我今可避於
梵德王勿令見我彼人如是心生念
已即下道行向一別路其路乃到波
羅邨河從彼岸順流下行未經多
地忽然而見彼辟支佛在於河岸一
樹之下加趺而坐正念正思身不動
搖彼辟支佛為於日光照觸身體遂
便汗流彼人見已而作是念此仙應
是持戒清淨必定應得證諸正法今
此日光既照其體或患熱惱作是念
已我今可持此之傘蓋覆其身上為
作蔭涼

今時彼辟支佛知食時至作如是念
我食時至宜應從此三昧而起時辟
支佛既出三昧即見彼人持於傘蓋
覆已身上見已為欲愍彼人故飛騰
虛空作十八變於虛空中行動來去
或跪或立或卧或坐復出烟炎或放
火光或時作水湧沒隱顯作如是等
無量諸種神通示現

尔時彼人即便於此邨伽尸棄辟支
佛邊生淨信心合十指掌至誠頂礼
作如是願願我來世值如是聖或勝
於此既值遇已彼所說法願我即能
於彼法中速疾證知願我當來不墮
惡道復更啓請彼辟支佛之手奉食
而諮問言尊者現今住居何處彼辟
支佛即報之言我住某處我行某處
尔時彼人即便往詣彼辟支佛所居
住處草菴之邊至已内外灑掃泥地
除却穢草訖而奉請彼辟支佛欲以
四事供養供給若有所須我能辦具
一切衣食如是奉彼辟支佛已到自
家中向其父母妻子眷屬及餘无量
無邊人輩說如前言我今得見如是
仙人如是戒行如是清淨證妙法者
仁若知時至於彼所供養尊重是時
彼人父母妻子并及朋友諸知識等
聞已皆詣向邨伽羅辟支佛所以清
淨心恭敬供養

尔時彼人經於少時作是善念在家
大患煩惱纏繞出家大樂解脫无為
在家難辦一向無垢亦不可得一向

無染亦不可得乃至欲令盡一身命
清淨無垢行於梵行終不可得我今
可至彼仙人邊乞求出家如是念已
而彼人即往詣尸棄辟支佛所而諮
白言善哉大仙聽我出家而辟支佛
不許出家彼人再白乃至三白善哉
大仙聽我出家

尔時尸棄辟支佛心愍念彼人如是
三請即告其人作如是言汝善男子
汝今若欲求出家者去此不遠有諸
外道名曰波梨婆羅闍

隋言行復行

汝於

彼處且可熏修調伏身心而當來世
於正法中取出家因復乞求願未來
世有一佛出世名曰釋迦牟尼如來
願見彼佛我值遇已勿令失脫於彼
如來法教之中得出家已誓願捨離
一切諸苦

尔時彼人取彼伽羅辟支佛語遵奉
不違即請彼佛盡一形壽將諸供具
而以供養彼辟支佛

尔時尊者那伽羅尸棄辟支佛乃至
隨緣住於世已入般涅槃而彼人等
所有眷屬一切聚集見辟支佛入般

涅槃即便共取辟支佛身如法供養
殯墓闍維所謂造諸舍利之塔塔上
造作覆盆相輪懸諸寶鈴幡蓋香花
末香燒香然燈續明而用供養

今時彼人如是供養過歷時已即於
波梨婆羅闍所法中出家既出家已
還依彼林坐起而住於晨朝時數數
入於波羅捺城乞食活命曾經一日
入波羅捺乞食之時於一方面見婦
女屍為重病死身欲青色爛壞蛆虫
穿穴遍咬見已近立熟視熟觀於其
內心生不淨想捨之而去如是繫念
身體不淨憶念不捨數數復念成就
勤劬得四禪心復更重發如是之願
願未來世值釋迦佛出現於世

今時我願今得滿足值遇之日願彼
佛邊童子出家修行梵行彼佛世尊
所說之法願我聞已速能證知而其
彼人隨多少時住於世已遂便命終
命終之後生梵天宮然其彼人從天
上下復生人間如是次第經歷劫數
最後有身還來生此波羅捺城取大
巨富長者之家而其長者多有錢財

今時世尊復更重告諸比丘言更有

因緣我當具說憶念往昔還在此處

波羅捺城有迦尸國其王名曰_{音都}嚧尸

_{音言}王彼嚧尸於迦葉佛般

涅槃後收取舍利起七寶塔所謂金

銀頗梨琉璃馬瑙珊瑚琥珀等寶

內於塔裏其外別更以石壘之寶塔

去地高一由旬廣半由旬

今時彼國嚧尸王所起塔名陀奢

婆梨伽_{音言}其塔相輪第一覆盆嚧

梨王作第二覆盆王大妃作第三覆

盆王長子作第四覆盆是王女名摩

梨_{音言}作第五覆盆嚧梨尸王第

二兒作第六覆盆嚧梨尸王第三兒

作第七覆盆嚧梨尸王第四兒作汝

等比丘當知今時彼嚧梨尸王第三

兒為迦葉佛阿羅呵三藐三佛陀舍

利塔上其第六層造覆盆者今耶輸

陀比丘是也

復告比丘又彼過去伽羅尸棄辟支

佛邊手執傘蓋作蔭人者還是即今

此耶輸陀比丘身是其耶輸陀以手

執傘辟支佛上為作蔭涼迦葉如來
舍利塔上覆盆莊嚴相輪光顯彼等
業緣果報熟故初生之時頭上自然
有寶傘蓋

又復往昔為那伽羅辟支佛身造於
草菴將雜資財詣彼尸棄辟支佛所
并及種種衣服飲食供養因緣彼果
報故今得具足長者家生於盛年中
然其父母為造三堂受於種種自在
福報

又復往昔曾於林見死婦女屍生不
淨想念念念相續藉彼繫心善業果報
今世在家於諸姝女身體之中生冠
墓想

又復往昔於彼尸棄辟支佛所發於
捨願願我來世生生莫墮諸惡道者
以是善緣果報力故在在處處不經
惡趣從天生人從人生天受樂果報
又復往昔於彼尸棄辟支佛所發是
捨願願我來世值遇如是大仙尊者
或勝此遇若彼世尊有所言說微密
法要願我一切悉能聞持聞已速疾
皆得知證藉彼福力果報因緣值遇

於我取勝世尊復得於我說教法中
出家得成漏盡羅漢

又復往昔於彼尸棄辟支佛所初始
聞時心生歡喜生歡喜已即時傳向
其家父母妻子六親并餘眷屬說那
伽羅大仙尸棄辟支佛有種種功德
稱揚讚歎彼諸眷屬從其聞已倍生
信敬殷重之心歡喜踊躍即共相率
備辦種種供養之具往彼禮拜奉設
供養四事充足藉彼善業福報因緣
至於今世其耶輸施長老比丘父母
妻妾及諸眷屬於我法中皆得聖法
又復長老耶輸施有在家知識及彼
婆羅瞿摩河岸久時所住五百比丘
皆志證成阿羅漢果此等彼時遇辟
支佛並各同願齊心共發如是大誓
仙聖人邊植諸善業得是果報今時
世尊而說偈言

如是供養諸聖真 得於无量果報
佛及尸棄辟支覺 并諸羅漢漏盡人
或復供養卜力尊 無畏具足諸相滿
大慈大悲諸正智 能得果報無有窮
供養諸佛緣覺田 及諸聲聞解脫眾

佛本行集經卷第三十六 第三十二張 黃

現在人天受果報 後得寂滅大涅槃

佛本行集經卷第三十六

癸卯歲高麗國大藏部監奉

勅彫造

佛本行集經卷第三十七

業

隋天竺三藏闍那崛多譯

富樓那出家品第四十

余時憍薩羅聚落去迦毗羅婆羅都
城邑其間不遠有一村陌彼村有一
大婆羅門為淨飯王作於國師其家
巨富多饒財寶乃至屋宅猶如北方
毗沙門天宮殿無異彼婆羅門有於
一子名富樓那弥多羅居士隋言闍
是德者極
大端正可喜少雙為諸衆人之所樂
觀巧智聰慧細意細心能誦一切韋
陀論徹既自解已復能教他具解三
種韋陀舊解居士軋陀論呬轉婆論解
破字論又能宣說往昔諸事五明之
論一句半句一偈半偈皆能分別亦
復通解受記之論於世辯中悉皆具
解六十種事有大人相
淨飯大王悉達太子當生之日其弥
多羅居士亦共同時而生彼人本性
獸離世間志求解脫於煩惱中恒有
驚怖心常寂定往昔已曾見諸佛來
彼諸佛邊種諸善根作多福業薰習

其心志沮脛門不樂煩惱於一切有諸生死內皆悉遠離已作於行諸經壞爛取因為力至成熟地到聖法故時富樓那獨坐思惟我父既為輪頭檀王而作國師須多經營脩多種技處王法中代王斷事又復其兒悉達太子決定與彼輸頭檀王一種無異應當必作轉輪聖王我父若無我身決定與彼悉達轉輪聖王而作國師我父既為小王國師今以如是無暫開時況復欲作轉輪聖王大國之師普於國內辦事有閑終無是處我今預前當作何事當作何計我今唯有捨家出家

時富樓那如是念已當菩薩夜出家之時夜半嘿然不語父母共其朋友足三十人從家而出逕往至於波梨婆遮迦法之中請乞出家居在雪山苦行求道彼等諸人勇猛精進不暫休息其三十人一時成就獲得四禪并及五通

時富樓那苦行仙人自思惟言我今應可內自觀察悉達太子受聖王位

時節至末而富樓那以天眼觀覩見
世尊在波羅捺鹿野苑中證得元上
阿耨多羅三藐三菩提已轉無上微
妙法輪為諸天人分別說法見已即
至諸朋友邊而告之言汝等今可生
歡喜心作大踊躍今彼悉達大聖太
子出家已證無上菩提證菩提已已
轉無上清淨法輪

世尊今日現在於彼波羅捺城鹿野
苑內為諸天人說法開示汝等今可
共我相隨至於彼邊行於梵行是時
彼等諸朋友輦歡喜報言仁語善也
我等順從

時富樓那苦行仙人舉身即共三十
朋友從雪山下飛昇而行猶如鴈王
騰於虛空至波羅捺鹿野苑下往詣
佛邊到佛所已頂禮佛足以兩手執
世尊之足摩挲頂戴舉頭以口鳴如
來足起在佛前胡跪以渴讚歎佛言
昔在兜率陀天上正念化作白鳥形
託身欲入摩耶胎來至釋種家作子
如妙蓮花不著水在於母胎不汙身
彼母受樂無量歡不貪五慾唯樂法

唯行善行捨諸惡 觀尊在胎如鑄金
歡喜踊躍不知厭 看不知足更復覩
尊在胎內常說法 諸天人起慈悲心
皆悉歡喜飲法膏 世尊初生發妙語
我脫衆生生死苦 右脅出已七步行
無畏猶如師子王 我是如來終滅苦
世尊初生浴池水 水不冷煖弥岸平
浴訖塗香莊嚴身 空中自然蓋拂現
世間希有見此事 是故我等頂礼尊
說是偈已富樓那等若干仙人舉聲
徃佛乞求出家如是白言唯願世尊
哀愍我等我等心願欲得出家慈悲
怜故度脫我等

尔時佛告富樓那言汝富樓那今可
速起當隨汝意我與汝等從心所願
時富樓那得如來聽其出家已乞受
具足及其朋友二十九人彼長老輩
既得出家受具戒竟未久之間各各
用心獨卧獨行獨坐獨立勇猛精進
行坐空閑阿蘭若處各各別行用心
謹慎不曾放逸恒住空閑時節不久
若善男子求大利故正心正信捨家
出家為欲求於無上梵行已盡慾邊

見諸法相欲修諸通即證彼法已斷
諸生得梵行報所作已訖不受後有
彼等一切諸長老輩既證知己志成
羅漢以心善得一切解脫皆成大德
一切皆志能作大事利益衆生

今時世尊告諸比丘作如是言汝等
當知說法人中取第一者即此富樓
那弥多羅居士是也而有偈說

世尊在於波羅捺微妙語告諸衆言
此是滿足真比丘說法人中取第一
今時世間一切合成九十一阿羅漢
謂佛世尊并五比丘長老耶輸陀及
耶輸陀波羅捺國同時所生有四朋
友取勝長者勝中復勝諸善男子謂
毗摩羅善辟滿足井及牛主又耶輸
陀在家估客行賈商人五十朋友次
善男子長老富樓那弥多羅居士并
及知舊二十九人

佛本行集經那羅陀出家品第四十五
今時閻浮南天空地有一國土名阿
睺提彼國土中有一聚落名獼猴食
其聚落內有一巨富婆羅門姓大迦
旃延其家多有資財珍寶奴婢六畜

穀麥豆麻屋宅園林種種豐足乃至
如彼毗沙門宮無有殊異彼婆羅門
聰明智慧讀誦受持三韋陀論博通
諸物一事十名啞轉婆等文句字論
往昔過去一切諸事五明之論知句
半句分別世閒諸受記論及六十種
大丈夫相皆悉具足讀誦通知與嚴
熾王作國大師時彼國師大婆羅門
第一長子辭家遊歷他國學問不知
猷足處處尋師具解諸論技成就已
還歸本家既奉見父即諮白言善哉
阿爺我今學問種種通達為我聚集
一切大眾我欲誦出韋陀論等及諸
技能父聞歡喜即為集眾兒見人集
即在眾前所誦一切韋陀論等及諸
技能皆不隱藏悉並誦出而彼大眾
即便共尊彼國師子推為上座其父
即將種種珍寶而供養之時彼國師
大婆羅門復更別有第二之子名郝
羅陀隋言不其父告彼第二子言汝郝
羅陀今可捨家出至他國受學誦習
韋陀諸論今如汝兄而郝羅陀童子
之兄當誦一切韋陀論時其郝羅陀

一聞即便一切受持時鄒羅陀聞此語已即白父言善哉阿爺我已通解一切韋陀及呪術等阿爺今可為我聚集一切大眾我於衆前誦諸韋陀及以技能其父聞子如是語已心生希有即集大眾集大眾已諸種安量時鄒羅陀在大衆前誦諸韋陀一切論等亦時大眾聞已各各心生歡喜讚歎彼言善哉善哉大智童子快能誦習諸韋陀論其父復將種種財寶以用供養

亦時長兄聞弟誦通一切諸論心生苦惱作如是念我無量年遊歷諸國學習種種所誦呪論心慮煩勞方始誦持諸呪術得其鄒羅陀云何聞已皆少時間受持淨遍而其少年尚得如是若後成長必定應當作王國師以是因緣我須方便除滅其體如是則我得成大利若不然者終棄我位今時其父知自長子內心如是於鄒羅陀私生惡念既覺知已作是思惟我此小兒聰慧可憐勿令為兄之所棄命作是念已應須方便莫令其知

尔時南方有一城名優禪耶居去城
不遠有頻陀山其山中有一老仙人
名阿私陀在中居住彼仙洞解一切
事陀并及諸論以得四禪具五神通
是耨羅陀童子外舅是時國師太婆
羅門并及其婦即將其子耨羅陀身
往彼山中對共付囑阿私陀仙以為
弟子其阿私陀既受領得耨羅陀已
教詔顯示不久成就獲得四禪具五
神通

尔時梵志阿私陀仙將其弟子耨羅
陀身即出山向波羅捺城即於城外
造立草菴在中居住晝夜六時作如
是教大聲唱言善哉善哉汝耨羅陀
佛今出世如是三稱汝應彼邊剃落出家修
行梵行必當長夜大得利益大得快
樂自利身已復應利他

尔時彼老阿私陀仙作如是語教其
弟子耨羅陀已不經多時而取命終
阿私陀仙命終之後時彼梵志私陀
仙人所有世間利養名聞悉是弟子
耨羅陀得時耨羅陀以世利養名聞
多故貪戀著心無有正念更不作想

佛本行集經卷第三下第九瓊華

四

求覓勝上不信有佛有法有僧

尔時海内伊羅鉢龍

隋言華香葉

王既受龍

身心生厭離欲求解脫不樂於彼穢濁惡想而作是念往昔世尊迦葉如來多陀阿伽度阿羅呵三藐三佛陀親授我記汝大龍王從今已去過若干年若干百年若干千年若干百千年若干百千萬億年當有一佛出現於世号釋迦牟尼多陀阿伽度阿羅呵三藐三佛陀而今已過如是無量无邊億數百千万年更有彼佛釋迦如來出世以不

尔時復更有一龍王名曰商佉

隋言璽

彼龍王宮常有无量龍衆聚會而彼會處多諸龍王百千雲集伊羅鉢龍亦在彼宮是時有一夜叉之王名曰金齊與伊羅鉢龍王善友亦在彼龍衆會中坐

尔時伊羅鉢龍王即於衆中告夜叉王作如是言仁者汝今頗知世間釋迦如來多陀阿伽度阿羅呵三藐三佛陀出現世未是時夜叉報龍王言大善龍王我實不知釋迦如來出現

已未雖然龍王但我今知彼曠野中

有於一城其城本是夜叉宮殿名阿

羅迦毘陀

隋言城野言曠

彼城先來有二偈

文而彼偈云若無有佛出現世間終
無人能讀此偈者設復有讀亦不能
解此之偈意若當有佛出現世時即
得讀知無人解義唯有如來多陀阿
伽度阿羅呵三藐三佛陀能說此義
或有從佛聞而得解

尔時伊羅鉢鉢龍告彼夜叉王如是言
仁者汝今可往至彼讀取彼偈得來
以不是時金齊夜叉之王從伊羅鉢
龍王邊受如是言已即便往至彼阿
羅迦毘陀宮殿受讀彼偈得已速疾
還向伊羅鉢鉢龍王邊到已即白伊羅
鉢言大善龍王今日應當心生歡喜
所以者何釋迦牟尼多陀阿伽度阿
羅呵三藐三佛陀大聖如來今已出
世何以得知遂能令我得讀彼偈我
已受持彼偈將來若有人能解此偈
意復能宣說即應當知此是真佛
尔時伊羅鉢鉢龍王心大歡喜踊躍遍
身不能自勝即從金齊夜叉王邊受

取彼偈。尔時商佉龍王有女名曰常分端正。可喜。寂上花色。衆人所愛。世無有雙。

尔時彼會諸龍王等作如是念。我今應當至月八日十四十五或二十三及二十九并三十日。將好金器滿盛銀粟於銀器內。滿盛金粟。將此龍女莊飾其體。以妙種種瓔珞嚴身。從此龍宮出。置於彼恒河岸上。著於露地。說此二偈。以示衆人。

在於何自在。染著名為染。彼云何清淨。云何得癡名。癡人何故迷。云何名智人。何會別離已。名曰盡因緣。

時彼龍王說此偈已。遍告一切諸世間言。若有能解誦此偈者。我等即當以此金銀盛滿粟等。并及龍女持用布施。即取彼人作於佛想。若當有人傳從他聞來。為我說亦然。布施時。商佉王及伊羅鉢諸龍王等欲見世尊。渴仰世尊。思遲世尊。恒以白月黑月八日十四十五。將好金器滿盛銀粟於銀器內。復盛金粟。及彼龍女種種嚴身。將至恒河岸上。安置住於陸地。

彼二龍王相與而說此二偈言

在於何自在乃至盡因緣復作是言
若有人能解此偈義我等將此二器
金銀并及端正可意龍女以用布施
而彼龍王說於此事聲聞八方所有
山林或復在水或在陸地或婆羅門或
復長者各相謂言白月黑月恒以六
日彼二龍王從水而出將於二器盛
金銀粟及一龍女瓔珞嚴身從恒河
出在岸某方陸地住立說此二偈
在於何自在乃至盡因緣作如是語
若有人能讀解此偈我等將此二器
及女而布施彼時婆羅門及長者等
從二龍王聞如是語悉從八方覓來
集會彼龍王處各自唱言我能讀解
此之二偈及至龍邊讀偈不得又不
解義或復有人讀此偈已反還問彼
二龍王言此偈何也復問此偈其義
云何

時耨羅陀童子仙人居住在於摩伽
陀國為諸人民而作導師彼國男女
尊重供承讚歎歌詠耨羅陀仙各相
謂言此摩耨婆自既知已復教他知

自既見已復教他見是時彼國摩伽
陀內所有人民作如是念此鄒羅陀
仙聖童子既自知見教他知見我等
於彼二龍王邊聞斯二偈无人能誦
無人能答我等今可至鄒羅陀童子
仙邊到已應說如此之事作是念已
摩伽陀國諸婆羅門及長者等即便
往至鄒羅陀仙童子之所到已詳共
白鄒羅陀童子仙言仁若知時恒河
岸上有二龍王一名商佉二名伊羅
鉢常以白月黑月六日從恒河水出
於陸地將金銀器盛粟及女乃至誰
能解此偈義即施與彼說此二偈偈
云在於何自在乃至盡因緣

尔時鄒羅陀仙人童子作是思惟我
今既為此摩伽陀國內人民作於尊
師此之人民皆供養我尊重承事欽
仰於我又復謂我自知見已轉能教
他我今若於是人民前言我不解此
二偈義此之人民即毀辱我一切利
養名聞闕少我皆失之作是念已即
便告彼摩伽陀國諸婆羅門大長者
等作如是言我共汝等一時往詣二

龍王邊請說二偈尋取其義

今時童子鄒羅陀仙共摩伽陀長者
人民婆羅門等左右圍遶推鄒羅陀
童子仙人取為上首向二龍邊到已
告言二大龍王願為我等說於二偈
我得聞已思惟取義今時商估二龍
王等即為彼仙說二偈云在於何自
在乃至盡因緣

今時童子鄒羅陀仙告彼二龍作如
是言我今於汝二龍王邊受此二偈
從今已去過七日外當來汝邊答報
偈意時彼二龍白鄒羅陀童子仙言
如仁者教作如是事

時鄒羅陀從二龍王受得偈已還向
本處時摩伽陀一切人民憍薩羅國
一切人民及鳩留國般遮羅國諸人
民等傳聞童子鄒羅陀仙從商估龍
并伊羅鉢二龍王邊受持二偈謂言
從今去出七日還來到此說二偈義
而彼人民駕諸雜乘所謂象車馬車
牛車及步人等相與雲集

今時恒河此彼兩岸有於八万四千
衆類聞然集聚皆共欲聽鄒羅陀仙

及二龍王解說偈時時波羅捺居住
在城有諸六師各自稱言我是尊者
所謂富蘭迦葉摩薩迦梨瞿奢梨迦
阿耆多祁奢迦摩羅波羅浮多迦遮
耶那刪闍夷毗羅師誰富多羅尼
乳他若祁富多羅等

時那羅陀童子仙人即便向彼諸六
師邊欲問偈義到已即問此二偈意
而彼六師既不能解此偈義意更復
增上於仙人邊起瞋恚心還反問於
那羅陀仙作如是言此之二偈有何
意也

尔時世尊初證正覺居住在彼波羅
捺城鹿野苑內舊仙人林時那羅陀
童子仙人自心如是思惟念言此沙
門在波羅捺城鹿苑舊仙所居林內
我今可向彼邊借問此二偈意復重
思惟自餘沙門及婆羅門耆年大德
堪為一切國王作師久未出家所謂
富蘭迦葉乃至尼乳陀若祁富多羅
等我至彼邊問此二偈猶不能解况
復如此年少沙門生來未久出家始
尔我問於此二偈之意彼誰能答更

復思惟年少沙門或婆羅門不可輕
輕所以者何或彼年少沙門之人或
婆羅門亦有聰明快智慧者我今但
可往詣於彼大沙門邊問此偈義
尔時童子耨羅陀仙即詣佛邊到佛
所已共佛相瞻慰喻面款種種善言
巧語談話訖已即便却一面坐其耨
羅陀摩耨婆仙一面坐已即白佛言
大德尊者沙門瞿曇我欲諮問尊者
一義未審尊者許我以不是時佛告
摩耨婆言汝摩耨婆隨所有問我當
為解時耨羅陀摩耨婆仙得佛許已
即便說偈而問佛言

在何自在王染著名為染彼云何清淨
云何得癡名癡人何故迷云何名智者
何會別離已名曰盡因緣

尔時世尊聞彼說已即還以偈答耨
羅陀摩耨婆言

第六自在故王染名曰染无染而有染
是故名為癡以没大水故故名盡方便
一切方便盡故名為智者

尔時童子耨羅陀仙從佛得聞如是
偈已心意開解生大歡喜踊躍遍身

不能自喻聞已即便奔走往詣彼商
估所及伊羅鉢二龍王邊到彼二大
龍王邊已即便告彼二龍王言汝等
龍王說偈問我時二龍王依以二偈
問卽羅陀童子仙言在何自在王乃
至盡因緣

今時童子卽羅陀仙還以二偈答龍
王言第六自在故乃至名為智

今時伊羅鉢龍王聞此偈已心作如
是思惟念言我今已得無上世尊我
今已得勝修伽陀我今已知世尊出
現知修伽陀大聖世尊今為我生為
我出世為我覺悟

如是
無礙

時伊羅鉢二大龍王如是念已白卽

羅陀摩訶婆言仁摩訶婆實為我說

此是仙意自辯才力為從他聞而解

此義仙摩訶婆我實不見今世間中

及以天上若有沙門婆羅門等或天

或人能自辯才達是二偈能自說者

無有是處唯除如來无上世尊或佛

沙門從彼等邊聞而方辯

今時童子卽羅陀仙即便以偈告伊

羅鉢二龍王言

如龍王說非我辯大聖世尊已出興
諸相具足莊嚴身彼能如是辯才說
尔時伊羅鉢龍王即還以偈白仙童
子毘羅陀言

大仙言是佛語者為當睡卧夢裏聞
若是分明對面承唯願仁今重讚說
尔時童子毘羅陀仙依所覩見即更
以偈答龍王言

天人自在大丈夫今居波羅奈苑內
既轉無上法輪已猶如師子吼勝林
尔時伊羅鉢龍王復更以偈白毘羅
陀童子仙言

仁今所言佛世尊我不聞久今聞說
既聞與仁相共誼觀彼希現難思議
昔覩今復得重觀正覺如來諸相好
今日始更出現世難值猶若優曇花
經歷多時乃一興清淨猶彼空中月
諸相具足莊嚴體正覺最上勝菩提
久遠曠絕不聞聲清亮猶如梵音響
若諸衆生得聞者從佛得入解脫門
尔時伊羅鉢龍王說偈讚歎佛世尊
已復更重白毘羅陀仙作如是言毘
羅陀仙仁言佛也時毘羅陀摩毘婆

仙答龍王言我言佛也

梵本有同拜答

龍王復言那羅陀仙如此鳴吼出世甚難所謂彼佛佛世尊也那羅陀仙彼阿羅呵三藐三佛陀今在何方

時那羅陀摩那婆仙即整衣服偏袒右肩合十拍掌向佛在方示龍王言汝等龍王若欲知者彼佛如來多陀阿伽度阿羅呵三藐三佛陀今在其方

時伊羅鉢龍王知佛處已即整衣服

如是三說

偏袒右肩右膝著地向佛所在合十拍掌三稱此言南無世尊多陀阿伽度阿羅呵三藐三佛陀

如是三說

時伊羅鉢并及商佉二大龍王自餘無量諸龍眷屬那羅陀仙摩那婆等八万四千諸衆生輩欲向佛所

亦時伊羅鉢龍王作是思惟我今若以變化之身見於佛者此我不善我今宜以自許報身往見世尊

尔時伊羅鉢龍王至其龍宮以自報
形而欲見佛從北天竺特义尸羅城
向波羅捺國強有三百六十由旬時
彼龍王出欲見佛其頭已至佛世尊
所而尾猶尚在自本宮而彼龍頭其
狀猶如獨樹造般其項猶如象鼻放
水耳目猶如橋薩羅國銅鉢之器口出
光炎猶如重雲出於閃電氣息作聲
如雲雷鳴作伽茶伽茶聲而彼八万
四千衆類一切悉隨伊羅鉢行而伊
羅鉢遙見如來極大端正光相非常
心生歡喜乃至猶如虛空中星莊嚴
顯赫既覩見已向於佛邊生清淨心
正信之心踊躍喜歡進向佛所
尔時世尊既遙覩見伊羅鉢龍漸漸
而來見已告言善來善來伊羅鉢龍
王經歷多時不曾相見王今身體安
隱以不少病少惱及諸親眷並無
疾耶

佛本行集經卷第三十七

癸卯歲高麗國大藏都監奉
勅彫造

佛本行集經卷第三十八

業

那羅陀出家品

隋天竺三藏闍那崛多譯

尔時伊羅鉢龍王作如是念世尊已知我名字也復更重於如來世尊增加歡喜得清淨心生愛敬心時伊羅鉢即隱本形別更化作摩那婆身近世尊前頂礼佛足却住一面住一面已即更親誦彼二偈文而重問佛在何自在王染著名為染彼云何清淨云何得癡名癡人何故迷云何名智者何會別離已名曰盡因緣

尔時世尊復還以偈答龍王言

第六自在故 王染名曰染 無染而有染 是故名為癡 以没大水故 故名盡方便 一切方便盡 故名為智者

尔時伊羅鉢龍王復更以偈重白佛言 受持何戒行何行 復更作於何業因 能於人天受勝身 熏修寂上無邊利 尔時世尊即還以偈答龍王言

供養老人勿毀他 欲見尊長須時節 常愛善行及法語 數聽正真利益談

樂法深念正菩提 智慧分別思惟義
實言精苦修梵行 於他常行布施檀
質直詳審意勤劬 笑咲語言皆避惡
諂曲傲慢志遠離 勿共他人作怨讎
善言在於正念中 若聞若知定心意
若人常有放逸行 彼輩無聞无正思
若能行於聖道因 是名依行淨口業
彼等忍辱正思念 在於多聞廣智中
尔時世尊說此偈已其那羅陀摩那
婆仙即離欲法尔時伊羅鉢龍見佛
聞法瞻仰尊顏悲喜相交淚下如雨
尔時世尊告伊羅鉢大龍王言汝大
龍王何故忽然瞻看我面咲而復悲
如是淚下作是語已伊羅鉢龍即白
佛言如來世尊我念往昔有佛出世
名曰迦葉多陀阿伽度阿羅訶三損
三佛随我時於彼佛法之中修行梵
行為出家人
世尊我於彼時見有一草名曰伊羅
我時以手斫彼草取執捉將詣迦葉
佛所到佛所已白彼佛言世尊若有
比丘斫於此草得何果報時彼世尊
即報我言汝比丘知若人故心斫斷

世尊我於今時於彼迦葉多陀阿伽度阿羅呵三藐三佛陀邊聞於此語心中不信不生希有奇特之想以我不取彼佛語故不受於彼如來教誨又自思惟但我斫此伊羅之草有何果報心作是念

世尊而我當時既造於彼波夜提罪而不信有波夜提報復不能捨此之邪見命終已後遂即生於長壽龍中是故彼時為我立名名伊羅鉢伊羅鉢也而我今時還於彼處迦葉佛邊問彼佛言大聖世尊我於何時當得脫此惡龍之形何時當得復於人身作是語已嘿然而住

今時彼佛迦葉如來多陀阿伽度阿羅訶三藐三佛陀即告我言汝大龍王今應當知過若干年若干百年若干千年過若干百千万億年後當有佛出興於世彼佛号为釋迦牟尼多陀阿伽度阿羅呵三藐三佛陀彼釋迦佛當記汝得復於人身

世尊我於彼時作如是念我今以於

迦葉佛邊所說法戒違備不信受此
龍身以微善緣今值世尊還不持戒
世尊我見如此自罪過故呵責自身
泣淚啼哭如雨滿面見世尊喜所以
微嘆為是因緣我如是念希有希有
未曾有事如是之法諸佛世尊乃能
如是無有二言如彼迦葉如來世尊
授於我記汝大龍王過若干年乃至
億年於後當有如來出世如彼佛言
無有異也世尊我以是緣今復問佛
世尊我何時得脫此龍身更何時得
復於人身

今時世尊告伊羅鉢大龍王言汝大
龍王從今已去過若干年乃至如前
若干億年於後當有佛出於世名曰
彌勒多陀阿伽度阿羅呵三藐三佛
陀汝於彼時當得人身時彼世尊度
汝出家修行梵行得盡諸苦

今時世尊為伊羅鉢更復說法令其
歡喜勸示教言來汝龍王歸依佛歸
依法歸依僧受持五戒而汝當得長
夜利益大得安樂伊羅鉢龍既從佛
聞如是語已即白佛言如世尊教我

今歸依佛法僧寶受持五戒

今時世尊重更教誨伊羅鉢鉢言汝大龍王今應知時時伊羅鉢鉢語耨羅陀摩那婆言來摩那婆仁須幾多金銀珍寶隨意所須從我索之我當與仁而此龍女仁无所用所以者何此之龍女口一出氣能令世人作於灰土時耨羅陀報龍王言汝大龍王我亦不用金銀珍寶亦復不用龍王之女何以故我今佛邊聞諸偈已即於諸欲生厭離想今時伊羅鉢鉢龍王頂禮佛足遶佛三匝辭佛而還

今時世尊告彼八万四千眾等其耨羅陀最為上首次第為說所謂教行布施持戒得上生天又說欲中多諸過患令生厭離證於漏盡又教出家讚歎功德助成解脫而世尊知彼諸大衆耨羅陀等眾為上首各各皆生歡喜之心生踊躍心生柔軟心得無尋心

今時世尊所有教法令他歡喜真正要趣謂四聖諦苦集滅道世尊既將此四聖諦種種方便解說顯示教誨

建立分別宣揚教行學習如是生苦如是苦集如是苦滅如是得道世尊以此四種聖諦種種因緣顯示宣說乃至教行而彼衆等即於其坐離諸塵垢盡煩惱界於諸法中得淨智眼所有集法皆悉除滅如實知見譬如淨衣無有垢膩無有黑毛隨欲染時而受諸色如是如是彼諸大衆邾羅陀等於彼坐處遠離煩惱悉盡諸集證知諸法建立无畏度諸疑網不隨他語知世尊教即並歸依佛法僧寶受持五戒是時彼衆八万四千從坐而起頂礼佛足圍繞三匝辭還本處尔時童子邾羅陀仙已見諸法已得諸法已證諸法已入諸法度諸所疑度諸所惑無復疑網已得无畏不隨他語已知世尊法教微密即從坐起頂礼佛足而白佛言唯願世尊與我出家及具足戒

尔時佛告彼童子言善来比丘入我法中行於梵行正盡諸苦令到其邊時彼長老便成出家戒行具足是時長老邾羅陀比丘既出家已具戒成

就未經幾時獨行獨坐捨於衆關謹
慎身口不曾放逸精勤勇猛无懈怠
故不久之間其善男子所為出家無
上梵行進於彼岸現見諸法自證諸
通證已自知自見自覺而口唱言生
死已盡梵行已立所作已辦更不受
後有如是了知而彼長老即成羅漢心
善解脫慧善解脫而耨羅施長老比
丘既得羅漢無著之果空閑獨處作
如是念我今可詣佛世尊所以偈問佛
尔時長老耨羅施比丘於晨朝時從
房而出往詣佛所到佛所已頂礼佛
足却坐一面坐一面已時耨羅施即
便以偈問佛義言

我今方驗昔私施 諦了如語莫不實
今復得聞世尊教 渡到諸法彼岸邊
既已捨家能出家 復持七食存活命
行於此行得何報 我今諮問佛世尊
尔時世尊即還以偈報彼長老耨羅
施言

汝問行行果報者 此事無常難驗知
我今為汝分別宣 宜發精進令牢固
凡有行者入衆落 讚歎毀辱平等心

其有亂意處須防 當取寂定無上果

行人常觀叫喚響 猶如猛火熾炎然

見於婦人端正容 應須捨離勿生染

以不染於諸欲法 彼山各無相染因

无染印無聞覺緣 世間所有衆類輩

我身彼身無有異 我命彼命等共同

如是審諦思惟觀 嗔時勿殺勿相害

應捨貪等我慢事 一切凡夫染著身

諸有眼者能離怨 如食毒藥平等死

若入聚落乞飯食 莫觀諸事散亂心

諸貪染處若捨捐 以無著故當解脫

夜獨坐時莫念請 遠離聚落亦勿思

但至天曉欲乞時 正念正思入聚落

到聚落中嘿然往 次第歷家乞食行

遊於聚落莫忽唾 向他語言勿麁獷

手執鉢盂行乞食 雖有才辯但嘿然

設得少食心莫嫌 有施飯人勿毀罵

所得之處取為善 若不得處莫生瞋

於二邊生平等心 至於樹下隨意食

食訖已後還林內 住於樹下結跏趺

在於鋪上如仙人 身心及口皆寂攝

恐怖皆捨勵心意 餘事莫想唯念林

在於樹下當善觀 以舌拄腭漸出息

自餘諸根忘調伏 心意不得著諸緣

境界悉遣心莫存 穢濁之處並須捨

清淨真心行梵行 善語處所精勤求

博聞多智須稟承 其有寂靜離欲者

若如是人應親近 至於彼邊心信從

信已恭敬如世尊 勿說他家是非事

莫毀他人自讚歎 語言不得大高聲

猶如猛火遠處聞 如是思惟斷諸惑

是名比丘出家法 作不作事悉離身

若能平等觸處安 聖人行行應如是

當知業如車輪轉 對一人說聖法時

一人思惟即證知 調伏諸根獨處坐

此行唯在空閑林 或坐山間及樹下

或在河岸池泉側 如是處所坐思惟

關少智慧恒睡眠 滿足寂定常覺悟

如泉如池如大海 寂定之者亦復然

愚癡人如半瓶泔 智慧者猶滿池水

智人雖復多言語 言語雖多不失時

或有才辯語言多 復有少言而審諦

如是少言亦名智 是則名為仙聖人

是名真實中道行 是名寂靜得解脫

余時世尊說此偈 已其那羅陀心意

亦時世尊說此偈 已其那羅陀心意

開解歡喜踊躍又有師言而此長老
那羅陀者其本種族姓迦旃延以本
姓故衆人稱言大迦旃延又復長老
大迦旃延佛曾記言汝等比丘今應
當知我此聲聞大衆之中捷利取義
聞有廣說而其聰敏未能領悟或少
聽受而能為他廣分別說取第一者
所謂即此大迦旃延比丘是也

尔時彼等諸比丘輩聞是語已生命
有心各相謂言今此尊者大迦旃延
甚為希有心生疑惑更無有人能決
我疑解了一切諸經義者唯佛世尊
即往佛所到佛所已共白佛言善哉
世尊今此長老大迦旃延往昔曾種
何等善根而今來詣佛世尊所即得
出家受具足戒證羅漢果世尊復記
聲聞衆中捷疾利智略說廣解廣言
能略取第一者所謂即此大迦旃延
比丘是也我等願聞

尔時佛告諸比丘言汝諸比丘至心
諦聽我念往昔此賢劫中衆生壽命
二萬歲時有一如來出現於世名曰
迦葉多陀阿伽度阿羅呵三藐三佛

陀。爾時彼佛迦葉如來轉法輪已。堅
法幢。竟昔誓願滿具。自在利辦。大丈
夫一切作事。開化所化。度諸衆生。蓮
花衆等。八千億類。今生天上。是時彼
佛入涅槃後。并及建立解脫法門。悉
皆在此波羅捺城鹿野苑中。諸仙居
處說法而住。

爾時彼處波羅捺城有一信行善優
婆塞。受持五戒。彼優婆塞善解五明
分別世論。能解其義。彼優婆塞至鹿
苑林。向諸比丘略而問義。如是問已。
時諸比丘即為廣說。彼優婆塞既聞
彼等諸比丘輩。為其廣說如是之義。
心生欣羨。發如是願。善哉。希有。願我
來世更得勝於如此之法。亦能如是
分別。為他次第而說。如此比丘等無
有異。

爾時佛告諸比丘。言。汝等當知。彼時
五戒優婆塞者。即此摩訶迦旃延。是
以彼佛邊受持五戒。為優婆塞。善解
五明微細之義。復能分別。為他解說。
於彼時發如是誓願。願我來世成就
是等一切諸法。能廣為他種種解說。

又復比丘汝等當知是迦旃延比丘
往昔歡喜心種如是善根以是因緣
至於我邊即得出家成羅漢果我今
授記於我聲聞大眾之中略義能廣
廣義能略第一之者所謂摩訶大迦
旃延比丘是也

是時世間即成九十二阿羅漢第一
世尊後五比丘并及長老耶輸陀身
又耶輸陀大富朋友諸長者等勝中
復勝諸善男子所謂無垢善辟滿足
并牛主等又耶輸陀復有五十商主
朋友他方所來諸善男子又復長老
富樓那彌多羅居士及其朋友二十
九人并及長老迦旃延等

佛本行集經娑毗耶出家品第四十二上

尔時北天有一城名特义尸羅

隋言時
削石時

彼城內有於一家彼家婦女忽尔雙
產男女二人時其父母即召明師令
為相之是時相師即為占之云女薄
相無有吉利彼女父母聞此言已作
如是念此女今既無有好相則不吉
祥若至長成當是誰取用其作婦父
母如是共平章已即將彼女乞一學

問外道之婦其外道名波梨婆闍

隋言

行作如是言我今乞汝此女養育教行示道法令其增長若有所須調度供擬我當悉與

尔時外道波梨婆闍即便攝受彼女養育如是看視其女漸漸隨時長大及至笄年女意智成時彼外道波梨婆闍婦見女大即教彼女種種呪術種種技能悉皆成就意智明解種種諸論至齒成就端正少雙多人喜見身體柔軟面目勝他骨節成熟身體正等無所缺減

尔時彼女身體上著一奢絺衣在於腰下一奢絺衣披置肩上手執持三奇立排擬澡洗時安瓶之所遊歷處處村城聚落國邑王門覓諸外道欲共論議欲折伏故而漸漸行值一波梨婆闍道人名曰寂妙自在勝他處處遊歷從南天竺來往北天時彼道人亦復可喜端正少雙年又威壯為人樂見面目還尔勝於他人身體整頓支節可喜於諸論師寂得名聞時彼道人見此波梨婆闍之女如是

可意端正容色為他樂觀見已於彼波梨婆闍女人之邊生愛著心時彼波梨婆闍之女亦復於彼波梨婆闍道人之邊亦生染心更相貪戀私感無已

尔時彼客波梨婆闍道人即語於彼波梨婆闍女如是言善女仁者我意今者甚願樂汝共行世事是時彼女亦復報言我今心中亦貪樂仁欲得一處時彼波梨婆闍道人報彼女言我等二人俱是出家修道之者若在如是法行之中作世事者而諸人等若見我輩作如是事即便訶責毀辱我等我等今可於諸人前共相論議立要誓言若不如者即教承事

尔時彼女即如是言若我得勝汝脫不如此事不善便成非理豈有丈夫事女人乎若女不如伏事丈夫此事乃善此是順理時彼波梨婆闍道人即報女言善哉德女汝此語義甚為當理如汝所說

尔時波梨婆闍道人即於眾中打論議鼓而告之言此處頗有人能共我

問答已不若或波梨婆闍道人若或
波梨婆闍女人誰能共我問答語言
能者為善如是至三時彼波梨婆闍
女人在衆中聞如是語已即便唱言
我今甚能共汝論議往來問答

尔時彼女容儀庠序在大衆內發問
其義時彼波梨婆闍道人為解得通
而彼波梨婆闍道人反問彼女女解
亦通如是再過各各相問各各相通
至第三過而彼波梨婆闍道人問彼
女義其女有力能為解通但護於彼
波梨婆闍心相愛故現同不通嘿然
不答時彼波梨婆闍道人即於衆中
降伏彼女

尔時彼女既被波梨婆闍道人所降
伏已即便對衆徒彼波梨婆闍道人
身手之邊取其草屣及三叉拒執持
而行彼等二人既現相已如是穢乱
各不相避共一處行以彼道人二和
合故其女即便有於娠體女既有娠
違本行故失於容色不復端正而彼
波梨婆闍道人見彼女身失本顏色
即生厭賤而告彼言我不復能共汝

一處居住停止

時彼女人報彼波梨婆闍道人作如是言我等二人既並修道兩俱失意今於汝邊已有此胎汝今見我無有花色忽棄捨我我當立死若其未死必受大苦

時彼波梨婆闍道人離心既決與彼女人一金指環用以為記復告女言汝若生女用此指環貨易取財持以養育若生男者汝當與此指環為記令尋覓我付指環已捨彼女去偕面還向南天竺行

尔時波梨婆闍女人懷抱娠體遊歷處處經涉而行漸漸至於摩頭聚落時彼聚落有邊地州名曰白雲在於彼處寄一縣內產一男兒兒既生已時彼縣內所有居住男子婦人皆生憐愛慈愍之心或與彼酥或與彼油自餘所須皆亦布施而彼波梨婆闍女人如是思惟我今此子在縣内生今可立名還依地詔是故此子名娑

毗耶

隋言縣官

時彼女人波梨婆闍如法養育子娑

毗耶令其增長與於乳鋪而娑毗耶
童子長大意思漸漸向欲長成而彼
波梨婆闍女人即教其子書書算數
印記呪術自餘諸論悉教使成而彼
童子捷利聰明所學之事皆得成就
無不知者

時娑毗耶曾於一日問其母言阿孃
阿孃我父是誰今在何處是時彼母
報其子言子娑毗耶汝父今在南天
竺國汝今宜應至彼尋求推覓汝父
是時彼母即與其子夫先所留指環
為記出而付之而告之言汝將此記
尋求汝父而娑毗耶即報母言一如
母教我當依行

時娑毗耶受取記已漸漸發向於南
天竺從村至村從一聚落至一聚落
從城至城漸漸而向南天竺地所至
之處見論議人皆悉降伏漸到父所
既不識父亦不借問至已即打論議
之鼓作如是言此處頗有或復波梨
婆闍道人或復波梨婆闍之女有能
共我問答論議如是者不

時娑毗耶童子之父既覩童子亦見

即便心裏自然生愛子想而彼波梨
婆闍道人問童子言汝善童子汝今
是誰從何來也是時童子即向波梨
婆闍道人委曲而說其來因緣出於
拍環而以示現時彼波梨婆闍道人
見拍環已語童子言汝是我子

時彼波梨婆闍道人既得子已即更
增進教示種種呪術技能而彼波梨
婆闍道人於先舊時已曾修得於諸
禪定如是次第即教其子禪定之法
時彼波梨婆闍道人其後不久遂便
命終

時娑毗耶父命終後漸漸行至向海
岸邊既至彼處即便造作草菴而住
彼處寂靜思惟而坐不久成就獲得
四禪兼證五通既證獲已心如是念
世間所有諸阿羅漢或復自稱我得
羅漢阿羅漢道我於彼邊亦名羅漢
一種無異

時娑毗耶童子之母其命先終即得
上生三十三天是時世尊既已證得
阿耨多羅三藐三菩提在鹿野苑轉
於无上法輪之後時彼地居諸天各

各迭相唱告其聲轉轉相承上至三十三天今時忉利童子母天聞此聲已內心思惟我子今日住在何處彼正念觀即見其子在海岸住

今時彼天身色過他正當夜半放天光明照子住處至娑毗耶波梨婆闍行行邊告娑毗耶言汝娑毗耶非是羅漢亦復未入阿羅漢道及羅漢法汝於羅漢求道之法未有次第而娑毗耶問彼天言天是阿誰天今復是羅漢以不有入羅漢道法以不頗復有知羅漢法教能令學習得羅漢不今時彼天即便報於娑毗耶言汝娑毗耶今有世尊多陀伽度阿羅呵三藐三佛隨現在於彼波羅捺國鹿野苑中仙人居處而彼世尊自是羅漢入羅漢道自解知已復能教他得羅漢法時娑毗耶復問天言仁者大天我今無智作何方便乃能得知彼是多陀伽度阿羅呵三藐三佛施今時彼天教娑毗耶作如是言波梨婆闍汝問義法應須如是決受如是比丘名也云何調伏云何善行云何名佛云何以比丘云何沙門及婆羅門云

何清淨云何是智及知福田云何名巧
善解方便云何名仙云何名闍云何隨
順云何精進云何名龍云何名受云何
名聖云何行行云何求道汝娑毗耶若
見有人汝問是義彼人一一為汝解
說令汝歡喜汝於彼邊行於梵行
時娑毗耶波梨婆闍從彼天聞如是
文句心憶持已即遊歷行一切國城
村邑聚落處處打鼓求欲論議復口
唱言若有沙門及婆羅門能解如是
我問義不是時至處無有一人能解
如是議論之者時娑毗耶所行之處
或舊有人坐思惟法或論議者聞娑
毗耶來到其邊各各散走終無人敢
共彼論議言語談說

時娑毗耶波梨婆闍次第而行漸漸
至彼波羅捺城。今時彼城有六大師
各各唱言我於世間取為第一謂富
蘭鄰并三迦葉尸軋子等時娑毗耶
即便往詣彼富蘭鄰迦葉等邊到已
即共彼富蘭鄰面相慰喻言語問說
言說訖已却住一面

佛本行集經卷第三十八

婆毗耶出家品下

隋天竺三藏闍那崛多譯

時婆毗耶波梨婆闍問富蘭那迦葉等義如上所說云何比丘乃至云何名為求道時婆毗耶如是諮問迦葉語已而迦葉等領受言義心意錯亂不能報答以不逮及彼之義意增復頻皺眉頷被縮現為三分心生怨恨瞋恚憤怒無事唱咄時婆毗耶波梨婆闍作如是念此之長老我所諮問不解答對微塵等義又領我意倒錯衆老不能得解文句蹇澁更重慙慙而生瞋恨無事大呼

時婆毗耶波梨婆闍於富蘭那迦葉之邊生獸離已而偕捨去往摩娑迦梨勛奢梨及居軋邊既到彼已乃至共於居軋子面共相慰喻美言問訊事情訖了却住一面其婆毗耶波梨婆闍問居軋等如上所說於義云何名為比丘乃至求道其居軋子得婆毗耶如是問已心意錯亂不能報答

時娑毗耶作如是念此諸長老遂不能解微塵等義而我問已心意迷荒毗耶心如是念頗復世間更別有人或復沙門或婆羅門而世間稱是一切智真阿羅漢有如是者我往彼邊問心所疑若得領解我當承事供養頂礼晨夕不離

時娑毗耶復如是念大沙門今在波羅捺鹿野苑中諸仙居處世間人言智阿羅漢大有聰慧我今當至彼沙門邊問所疑義彼復更作如是思惟此處沙門或婆羅門老年宿德經多時來修行梵行各各堪作諸國王師世間各言聰明智慧大阿羅漢所謂富蘭鄰迦葉等及屈軼子彼等我問尚自不知况此沙門年少已來出家未久我今所問云何得解復重思惟彼之沙門不可輕忽不可欺陵所以者何其有沙門雖復年少而或聰明有大智慧不可得知我今但當至於彼處大沙門邊問心所疑

時娑毗耶波梨婆闍往詣佛所遙見

世尊乃至猶如虛空之中衆星莊嚴在於衆中宣說法要見已心生信行之想此必是彼如前所聞如來世尊多隨阿伽度阿羅呵三藐三佛隨無有異也即詣佛所到佛所已即共世尊對面美言巧語慰喻種種談說言訖却坐退一面已其娑毗耶波梨婆闍即便以偈而白佛言

我是娑毗耶道人故從他方遠來至心有疑欲問大智唯願為我分別說若能斷我心所疑一一思惟為我說依我義句次第解分分開曉莫參差時娑毗耶說此偈已嘿然而住但諸佛法既有三種神通門說若可化者即便化之何等為三第一所謂出現神通第二名為教示神通第三名為教行神通而世尊為彼娑毗耶波梨婆闍心有所疑知其心已向娑毗耶以偈答曰

汝娑毗耶遠道來欲問於我心疑惑汝今可說我當解隨汝所問我領之一如問意不令差汝娑毗耶宜早說心心欲請莫疑惑一一如問當廣宣

今時世尊說是偈已其婆毗耶波梨
婆闍作如是念我於已前諸處所有
或復沙門或婆羅門年耆宿德久來
出家堪作國師世間謂言大阿羅漢
智慧聰明我問彼等心所疑義然其
彼等皆志倒錯不能報我以不能答
我所問義而其彼等心內懷慙面作
三分嘖眉皺額生於瞋恨無事唱响
時婆毗耶心生希有此大沙門我之
所問不嗔不忿增上清淨客見熙怡
不作異色更益光顯我所諮問許為
我宣我於彼人諸根寂靜不見有錯
知如此已其婆毗耶波梨婆闍心大
歡喜踊躍遍滿不能自勝得歡喜
已即以偈頌問佛義言
大聖云何名比丘 諸聖伏者何名伏
知見何事名為覺 唯願世尊為我宣
今時世尊即以偈頌而答於彼波梨
婆闍婆毗耶言

苦行無礙求菩提 渡諸疑向涅槃岸
有有無有悲棄捨 梵行漏盡名比丘
一切捨處正念行 於不殺害世間內
能得清淨元濁體 免脫諸縛名為調

若能內外攝諸根 如此降伏是名直
厭離此世及後世 待時涅槃名善行
於諸劫中勤苦修 生死二邊隨業受
世間無垢離諸縛 是名為覺生死窮
時娑毗耶波梨婆闍聞說歡喜復更
以偈而問佛言

何等名為修梵行 沙門清淨復云何
佛說大智云何調 今問世尊為我解
今時世尊還以偈頌而答於彼波梨
婆闍娑毗耶言

以捨諸罪無垢纏 善得禪定正住地
獨能超越煩惱海 是名為聖梵行人
福德積聚捨諸非 此世彼世知無惱
一切生死除滅故 得此證者名沙門
諸有業報悉滅除 一切世間諸內外
一切天人不能穢 如是即名清淨形
諸縛皆盡無所拘 一切世間內外處
貪癡瞋恚悉免脫 佛說是名大智人
時娑毗耶波梨婆闍既聞說已復更
以偈重問佛言

諸佛以何為福田 云何巧知善方便
云何名為大仙聖 唯願世尊為我宣
今時世尊還以偈頌而答於彼波梨

婆闍婆毗耶言

諸刹二一分別知 諸梵諸天堪受供
果報執著解縛脫 如是乃名為福田
業根報子所從生 諸梵諸天悉分別
能以諸忍斷根本 如是名為巧智知
彼此選擇白淨因 一切世間內外有
無我不攝无處所 如是方便名善權
一切諸法有無知 一切世間无内外
此世天人得恭敬 無礙獨脫是名仙
時婆毗耶波梨婆闍既聞說已復更
以偈重問佛言

以何得故名為聞 云何隨順及精進
云何名為大龍者 唯願世尊為說之
今時世尊還以偈頌而答於彼波梨
婆闍婆毗耶言

一切諸法悉聞知 所有諸罪功德等
超越無復疑惑判 一切不著是名聞
名色皆是虛妄因 内外根塵是患本
如是諸處解脫已 佛說名為隨順心
捨離一切諸罪縛 離地獄苦須勇猛
解脫彼等不染著 如是名為精進人
世間有愛皆遠之 繫縛解脫皆悉斷
諸漏已盡無復刺 如是體者名為龍

時娑毗耶波梨婆闍既聞說已復更以偈重問佛言

以何等故名為受 云何說聖及行行何緣名為求道人 今問世尊為我說余時世尊還以偈頌而答於彼波梨婆闍娑毗耶言

所有事陀一一選 或於沙門婆羅門其邊領解既證知 於彼各各皆受取截割邪見羅網斷 彼智不復受有胎三種相想渥已除 不作分別是名聖正得諸神通已盡 平等一切諸法知能達善逝諸世間 如是解者名行行諸法所有苦報者 若上若下若中間名色境界能遍知 如是之人名求道時娑毗耶波梨婆闍所有諮問世尊之義皆悉稱適於其本心既歡喜已頂礼佛足合十拍掌瞻仰而歎佛世尊言善哉世尊世間所有六十二見皆無所用於世間中此等皆是虛妄之法我今歸依無上世尊唯世尊能悉分別知是大丈夫唯世尊能善解說法唯世尊能知一切道唯世尊能度諸苦海唯世尊能永盡諸漏唯世

尊有最大威德唯世尊獨多有智慧
唯世尊能得阿耨多羅三藐三菩提
而說偈讚

我今頂礼大丈夫 實行放光明普照
能於天人世間內 善開甘露鼓之門
我前所有疑惑心 唯世尊能為我解
世尊既是大仙覺 諸塵垢盡無有餘
其後更不受有身 一切生因皆散滅
世尊已得清涼處 知足淨心常實行
如是世尊猶若龍 取大丈夫金口說
帝釋一切諸天等 諸仙諸聖皆樂聞
世尊既是真覺人 世尊善能教導物
世尊能降伏魔眾 世尊能斷諸使纏
自己度脫復度他 於罪福中皆平等
超越不貪著一切 天人世間明了知
唯佛至真無上尊 已過一切諸邪道
諸漏有因皆滅盡 猶如十五夜月明
諸星圍遶遍滿空 如是照耀世間內
識及名色壽命等 王舍所住諸人民
有山名為毗富羅 一切取勝取為上
又如諸龍雪山取 飛行之者空取高
諸流海水取為深 又諸星中月為取
若欲歸命調伏者 唯有歸命無上人

歸命世間最勝尊 歸命正馭人中勝
歸命無上尊善逝 歸命无等等至真
猶如祭祀火最尊 意論唯呪術為最
人中王為最自在 諸河大海最為寬
諸星唯月最為光 諸明唯日最為盛
上下六道善惡趣 所謂三界諸世間
一切有形天及人 唯有世尊最為首
是故我今合十指 頭面頂禮無上尊
時娑毗耶說如是偈讚如來已復白
佛言善哉世尊唯願世尊慈悲憐愍
聽我出家并乞與我受具足戒是時
佛告娑毗耶言善來善來汝娑毗耶
於我自說法行之中正盡諸苦得解
脫故是時長老娑毗耶身即成比丘
滿具足戒其娑毗耶出家未久及受
具足行住坐卧獨無伴侶不曾染著
謹慎身口不敢放逸為求道故如救
頭然如是行持未久之間其善男子
正信勇猛捨家出家欲求无上清淨
梵行現見諸法自心證知言我已盡
一切生死得梵行報不受後有所作
已辦自如如是知其娑毗耶既已證知
如是之處得羅漢果心善解脫是時

世間凡成九十三阿羅漢第一世尊
乃至寂後及娑毗耶

余時世尊成道之後在波羅捺鹿野
苑內通及佛身合八人六月十六日
安居至九月十五日合九十三人解夏
佛本行集經教化兵將品第四十三上

余時他方有諸人輩或從處處諸邑
聚落及諸國土各各相喚意並願樂
欲求出家乞具足戒來波羅捺到於
佛邊白世尊言與我出家受具足戒
以是因緣諸舊比丘應接勞乏彼等
諸人未欲出家聲響喧鬧以此因緣
惱亂世尊不得閑靜

余時世尊於一時間獨坐靜室如是
思惟今者諸人從於四遠他方聚落
國土而來至於此處意如是念如來
與我出家受具以是因緣其諸人等
意欲規求遠來疲倦又復為我作於
擾亂我今可遣諸比丘等令其處處
至於他方聚落城邑教化一切若有
諸人欲求出家受具戒者如法當與
余時世尊作是念已於晨朝時從房
而出以此因緣集聚一切諸比丘衆

既聚集已而告之言汝等比丘今應當知我在空閑靜寂之室作是思惟如上所說乃至汝等向於他方與其出家與受具足勿令其來既自勞苦復妨亂他如是告已更重語言我今教勅汝諸比丘至於他方聚落城邑若有人來欲求出家受具戒者汝當與其出家受具復告比丘若彼來欲出家之時汝等應須作如是事先當為其剃除鬚髮既剃落已即教令著袈裟色衣其著衣時齊整服飾偏袒右臂教在衆前右膝著地教令頂禮諸比丘足礼已還起在比丘前跪坐教令合十拍掌作如是語我某甲歸依佛歸依法歸依僧汝等比丘從今已後依我勅教若有人來求欲出家受戒三歸即得具足

尔時世尊還在於彼波羅捺城鹿野坐夏告諸比丘作如是言汝諸比丘若當知我已得解脫應於一切諸天人中汝等行行為令多人得利益故為令多人得安樂故為世間求當來利益及安樂故若欲行至他方聚落

獨自得去不須二人又復比丘汝等
若至他方聚落為於多人生憐愍故
攝受彼故當為說法初中後善其義
微妙具足無缺汝等比丘當說梵行
有諸衆生少諸塵垢薄於結使諸根
成熟恐畏不能得聞正法即不能得
知於法相

佛告比丘我從今日漸當移去行向
優婁頻螺聚落詣兵將村而為彼等
說法教故今時世尊即說偈言

比丘我今度諸苦已作自利復益他
所有多人苦未除今須為其作憐愍
是故汝等比丘輩各各宜應獨自行
我今亦復從此移欲向頻螺聚落所
今時魔王波旬密來往詣佛所到佛
所已即便向佛而說偈言

汝為諸縛之所縛亦同諸天人等有
既被一切繩所繫沙門汝不脫網羅
今時世尊聞此偈已即便如是思惟
念言此是魔王波旬語也如是知已
還以偈報魔波旬言

我久已脫一切縛天人所有我悉無
我此諸縛既離身降汝波旬更何道

尔時世尊重更以偈毀辱於彼魔王
波旬作如是言

一切色聲香味觸 此是五欲法染人
我今悉已一切除 降汝惡魔波旬訖
尔時波旬聞此偈已作是思惟沙門
瞿曇已知我心生大苦惱深自悔恨
從彼地方忽然不現

時諸比丘同白佛言善哉世尊若有
人來至於我所問我等言尊者比丘
何名沙門及婆羅門我等比丘於彼
間已當作云何報答於彼

尔時佛告諸比丘言若有人問云何
沙門及婆羅門比丘出家有如是者
汝等比丘若知是時應當正知知已
應當正心觀察

尔時世尊因此事緣因此言次為諸
比丘而說偈言

永除諂曲及我慢 貪恚欲盡無處貪
如是清淨體性常 彼者沙門比丘是
諸罪漏盡号梵志 精進苦行名沙門
彼等垢盡出塵勞 是真出家破諸惡
時諸比丘聞此偈已復白佛言善哉
世尊我等比丘乞食之時須作何言

或復言謂施於我食或復直言布施食也我等云何方便乞食

余時佛告諸比丘言汝諸比丘不應如是依汝所言所以者何須護物心是時世尊以偈報於諸比丘言

智人乞食無有言 亦不捐點云與食
聖者嘿然側立念 是名乞食真比丘
若有智者乞食時 但當諦視一邊住
彼人若見如此已 即知是乞食沙門

時諸比丘復問佛言若復有人生信心已乞我等食恭敬我等我等比丘更作何言為當語彼汝大吉利為當語彼汝大安隱為當語彼汝大功德為當語彼我今受已汝得多福為當語言汝無有福我等比丘當云何言唯願教導

余時佛告諸比丘言汝諸比丘不應如是依汝所說我今方便教示汝等當作如是以偈說言

布施增長大福德 忍辱一切怨讎無
善人棄捨於諸非 離欲自然得解脫
修福常得安隱樂 所求易辦多種饒
現世速得寂定心 然後證彼涅槃處

尔時世尊略說此偈教諸比丘如是受食呪願法用

尔時彼等諸比丘衆從佛受得如是教誨從坐而起頂礼佛足圍遶三匝隨意而行是時彼等諸比丘衆各隨去後是時彼處有護林神護樹之神護經行神見林內空見樹下空見經行空私心思慕諸比丘故往詣佛所而說此偈諮問佛言

我等諸神大戀慕見此林樹忘皆空彼多聞衆比丘僧瞿曇釋子今向去尔時世尊還以得頌而報於彼守護樹林諸神等言

衆等調伏諸根訖遊行教化彼衆生或有往於憍薩羅或向毗耶離城邑或詣阿踰闍國土或趣金剛大地方決斷於他疑惑心隨機逐情為說法尔時世尊波羅捺城夏安居竟隨多少時然後重告諸比丘等使更遊方隨緣教化而世尊從波羅捺城遊行漸至優婁頻螺聚落之所是昔如來行苦行處其村有一大婆羅門名曰兵將造到彼村從舊往來道路而行

為教化故

尔時世尊行舊路時於其道傍見一園林鬱鬱可愛是時世尊從路下僻深入彼林從樹至樹見有一樹端正可意即坐其下一日消息時彼林內有諸丈夫伴侶朋友足三十人二十九人悉皆有妻唯獨一人隻身無婦時彼朋友二十九人共為此一無妻之人求覓於婦而不能得稱可其意忽然雇得一箇婬女將來與其共相娛樂而彼婬女即共彼人隨意娛樂行於世事伺候彼等三十丈夫並皆眠睡所有好物皆選擇取即將逃走尔時彼人及諸朋友相共尋求彼之婬女遍歷彼林而不能得遙見世尊坐一樹下可意端正衆人樂見調伏諸根心意寂靜已得取上寂勝之法猶如為王取善寂妙如彼大池滿於清淨涼冷之水有一尋光猶如金挺身相具足如娑羅樹遍滿於花乃至猶如虛空星宿

尔時彼等諸人見已往詣佛所到佛所已而白佛言尊者此處頗見如是

婦女已不佛報問言汝諸人輩所問之者是何婦女此婦女者緣何而來是時彼等共答佛言大善尊者我等朋友合三十人皆是良善在於此林居停住止二十九人並皆有婦唯獨一人單身無妻而我等輩相共雇得一箇婬女與其作妻今暫是娛樂而彼婬女見於我等歡樂之極自恣眠睡彼婬女選我等好物即將逃走我等亦為此朋友故亦復各為自許物來此林之內求彼婬女

今時佛告彼等人言諸男子輩我今問汝於意云何汝等今者寧求自身寧欲求覓彼婬婦女二事之中何者為勝彼等男子共報佛言善哉世尊我等今者若求自身此取為勝寧可莫求彼之婦女

今時世尊復更告言諸善男子若如此者汝等安坐我今當為汝等說法是時彼等三十男子朋友伴侶同白佛言唯然世尊一依聖教不敢有違是時彼等三十朋友頂礼佛足却坐一面

尔時世尊為其次第如應說法所謂
布施持戒行忍乃至有法皆是滅相
如實觀察既證知已猶如淨衣無有
黑縷無有垢膩隨其所染即受彼色
如是如是彼等三十男子朋友即於
彼坐遠塵離垢即時滅盡一切煩惱
於諸法中得法眼淨所有垢法悉是
滅相如是觀知

尔時彼等男子如是見諸法相得是
法相證是法相入是法相度是法相
除滅所疑無復惑著到無畏地不隨
他行既知世尊聖教法已從坐而起
頂礼佛足而白佛言善哉世尊願與
我等出家受戒

尔時佛告彼等男子作如是言來汝
男子入我所說法教之中行於梵行
正盡苦集滅於苦邊是時彼等諸長
老輦即成出家具足戒品

尔時世尊更為彼等而說法要懇懃
教誨是時彼等以佛更為說於法教
諒示之時不久之間彼善男子以其
正信捨家出家求於最上梵行已訖
現見自證神通之後口自唱言我今

已得梵行之報所作已辦更不復受
後世之有如是知時彼等長老皆或
羅漢心善解脫

尔時世尊教彼三十長老朋友得知
證已遊行履歷經白氎林到彼林已
深入林中見有一樹微妙可喜即坐
其下一日消息

尔時彼處忽有六十雲種姓人從彼
林路道便而過彼等諸人遙見世尊
坐於樹下端正可喜衆人樂見乃至
猶如虛空衆星之所在嚴見已心得
清淨正信生大歡喜以歡喜故往詣
佛所到佛所已頂礼佛足却坐一面
坐一面已嘿然而住

尔時佛為彼等六十雲種姓人次第
說法所謂教行布施持戒乃至證知
彼等長老一切皆得阿羅漢果心善
解脫是時世尊教化彼等六十長老
雲姓比丘令發心已即捨而去更遊
餘方

佛本行集經卷第三十九

癸卯歲高麗國大藏都監奉

勅彫造

佛本行集經卷第四

北齊

教化兵將品下

隋天竺三藏闍那崛多譯

今時世尊漸漸行到恒河岸邊至於
彼已而恒河畔有一船師遙見世尊
向已而來從坐速起急疾向前迎接
世尊到佛邊已而白佛言善來世尊
從何遠來而忽到此世尊若為憐愍
我故願上此船我度世尊到於彼岸
不取其價

今時世尊即上船上坐船上已將如
是偈教誨示導彼船師言

汝今善曝曬此船如是當得艇輕利
若能捨此慾恚惱必定速得至涅槃
汝以慈心曬此船今其輕便早疾渡
汝今若能捨慾恚必定速得趣涅槃
汝以悲心曬此船今其輕便早疾渡
汝今若能捨慾恚必定速得趣涅槃
汝以喜心曬此船今其輕便早疾渡
汝以捨心曬此船今其輕便早疾渡
汝今若能捨慾恚必定速得趣涅槃

若有比丘行慈心 能信世尊佛教法
速疾證於寂定處 不久得無動涅槃
若有比丘行悲心 能信世尊佛教法
速疾證於寂定處 不久得無動涅槃
若有比丘行喜心 能信世尊佛教法
速疾證於寂定處 不久得無動涅槃
若有比丘行捨心 能信世尊佛教法
速疾證於寂定處 不久得無動涅槃
今時世尊說此偈已告船師言汝善
男子將水灑船作是語已時彼船師
所有俗形皆隱不現左手自然執瓦
器鉢頭鬚及鬚猶如七日剝落比丘
行步威儀猶如百夏上座無異如是
成就即得出家受具足戒

今時世尊為欲令彼生歡喜故復更
為彼增加說法而彼不久善男子以
行梵行訖現自證法求得諸通欲捨
生死修於淨行所作已辦自言我更
不受後有而彼長老成阿羅漢心善
解脫是時長老佛教誨已令行他方
傳化衆生

今時世尊教彼長老船師比丘令行
去已獨一身在更無二伴漸漸至彼

優婁頻螺聚落之所

尔時忉利帝釋天王作如是念如來
今者在於何處而自觀看見於如來
獨自無人向彼優婁頻螺所去既觀
見已及時帝釋即自隱身化作梵志
摩鄒婆形可意端正衆人樂見頭上
螺髻用以為冠身著黃衣左手執持
純金澡瓶右手擎持雜寶之杖在如
來前即從佛取三衣鉢盂於先而行
時彼帝釋在前行路若值州縣聚落
國城即以神通飛騰虛空圍遶州縣
聚落村邑各各三匝三匝訖已停於
彼上

尔時彼化摩鄒婆身如是端正如是
可意為人樂觀如是威德見已衆類
百千万衆雲雨集聚各問彼言汝摩
鄒婆是何處人誰家種族兄弟姓字
云何而來時摩鄒婆即以偈頌報答
於彼諸人等言

世間丈夫知足者 自能覺悟世無雙
名阿羅漢善獨行 我今為彼作弟子
衆生沒溺煩惱海 困苦不能出到邊
彼今為作法船師 既已自度欲度彼

若其世間能度者 我為侍者逐後行
彼既能盡慾貪恚 無明黑闇亦破裂
世間有漏盡除滅 我作弟子而供承
世間取妙無比雙 何況得有勝上者
如來世尊今出現 我為親侍隨東西
世間如是無上尊 今日欲來至於此
時天帝釋說是偈已如來世尊即到
其前而衆人見如來如是可意殊特
為人樂觀乃至身體猶如虛空衆星
莊嚴大衆見已各相謂言如此師者
堪此弟子如是弟子堪如是師而世
尊為彼等諸人作於微妙善巧密教
言說法義

尔時彼諸一切人中或聞如來說此
妙法或有發心求出家者或有得於
須陀洹果斯陀含果阿那含果阿羅
漢果或復有為未來世作聲聞乘中
種子因緣或復有為未來世作緣覺
乘中種子因緣或復有為未來世作
菩薩乘中種子因緣其中或有受三
歸依及五戒者

尔時世尊發遣天主帝釋去已乞食
時至著衣持鉢獨自而行欲乞於食

漸漸到彼大兵將村入彼邑已即詣
兵將婆羅門家到其家已即便進入
於其門內鋪座而坐今時兵將大婆
羅門有於二女一名難陀二名波羅
時彼二女出向佛邊到佛所已頂禮
佛足却住一面

今時世尊知於彼等心行所趣結使
已薄知於諸界知諸人已說四諦法
如是說已時彼二女聞佛說法破二
十重諸見之山即時得證須陀洹果
彼等女見法實相已隨佛乞受三歸
五戒既得戒已即從佛手取於鉢器
將好色香美味具足種種飲食滿盛
鉢中以用奉佛今時世尊受彼食已
從村而出

今時提婆大婆羅門從他轉聞彼大
沙門來至於此聞已即作如是思念
我昔曾請彼大沙門許施飲食我今
薄財貧賤困乏當作何計而彼提婆
大婆羅門聞此言已速疾而還向自
已家到自家已語於其妻作如是言
昔大沙門在於優婁頻螺聚落苦行
之時我願施食彼大沙門今日至此

當作何計而彼妻報夫提婆言乞聽
所說未審余不我憶往昔年少之時
是時兵將大婆羅門曾弄於我欲求
世事我時不聽彼暫拍觸而今聖夫
將我與彼行於世事從其隨索多少
錢物得以而為彼大沙門作食布施
余時提婆大婆羅門報其妻言此事
不然我婆羅門理不合作如是之事
然其提婆大婆羅門別思惟已即詣
兵將婆羅門邊到彼所已即便自言
善哉兵將唯願借貸我五百錢若我
能償此事善哉脫不能償我之夫婦
二人詳共悉入汝家為汝作力

余時兵將大婆羅門即與提婆婆羅
門錢足滿五百而語之言汝今將去
隨意所用其事若訖更不得傳從他
借貸持以償我如汝所要身自出力
覓錢與我余時提婆大婆羅門從兵
將邊依法受取五百錢已至自己家
付與其妻付已語言汝宜精好脩辦
飲食身即自詣於外林中而往佛邊
到佛所已共佛對顏言語慰喻問訊
起居訖已却一面立欲請如來

今時提婆大婆羅門即白佛言善哉
大德沙門瞿曇唯願受我明日飯食
是時世尊嘿然受請已從坐而起
羅門知佛嘿然受其請已從坐而起
遶佛三匝辭佛而去至自己家是時
城內一切巷陌皆賣熟食今時提婆
大婆羅門即於彼夜嚴備多種甘美
飯食如是齧噉啖嚼啖其夜悉辦
如是諸味過夜天明家內洒掃鋪牀
座訖即至佛邊長跪諮白作如是言
大善沙門若知時者飲食已辦願赴
我家

今時世尊既至食時著衣持鉢漸漸
而行至彼提婆婆羅門家到其家已
隨鋪而坐今時提婆見佛坐已夫婦
自手擎持多種微妙清淨眾味飲食
立於佛前以奉世尊唯願如來自恣
而食是時提婆奉佛食訖別於佛邊
鋪座而坐坐已世尊即為提婆大婆
羅門如應說法示現教誨令歡喜已
從坐而起隨意而去

今時提婆大婆羅門送佛而出其提
婆妻從他借衣著奉佛食供養佛已

見佛出還即便解衣置於一處而掃除地時有一賊忽尔來偷其衣將去時提婆妻為失衣故心大愁惱時其提婆送佛還家見於其婦心大擾亂即便問言汝今何故如是煩惱妻報夫言聖夫當知我所借衣不知誰偷忽然失去是時提婆聞此語已心地迷悶不知所為作如是言我以從他貸五百錢用為供具汝今從他借衣而著忽復失去我家貧短以何備償當作何計

尔時提婆欲求自死即便往至屍陀林中上大樹上欲自撲地而不能墮即復大愁然彼賊人執其衣裳至屍陀林忽尔還來在於提婆所上樹下掘地埋之以土覆上於上大便放訖而去時彼提婆在於樹上遙見此事賊去以後從樹而下掘取其衣還將向舍時提婆妻掃除舍內處處分除其屋一角忽然自陷低頭觀覩地下見有一赤銅瓶其中滿金乃至略說見第二瓶第三第四悉皆是瓶更復觀看其下更見赤銅甕亦滿中金

彼見金已即大驚叫指示夫言聖夫
聖夫速來速來我已得也

今時提婆聞婦聲已作是思惟此婦
可怜何故失心如是誑語云我已得
得於何物其前他處借衣失去我今
已得衣現在此其何故唱言我已得
是時提婆將衣入家問其妻言居家
善者汝何所得彼婦即便指示其金
語言聖夫我得此也是時提婆復語
妻言汝所失衣我亦得也而彼婦女
取其衣裳向所借處還歸其主

今時提婆大婆羅門作是思惟我今
獨自不能淹消食多許金即便集將
五百錢直還向兵將婆羅門邊而償
其債到已語彼大兵將言我從仁者
貸五百錢今以還汝是時兵將語提
婆言我前語汝不得從他舉錢償我
唯出自家身力償我提婆復言我不
從他貸取此物兵將復問汝從何得
提婆報言我從地得此之金藏彼不
承信今時提婆即將兵將到自已家
示其金藏

今時兵將見其金藏是一聚炭語提

婆言汝何狂也語我是炭用作金相
是時提婆復更重語彼兵將言此實
真金非是火炭如是再過三過以手
觸彼金藏唱示言此是金非炭復作
誓願如我善業因緣力故得此金者
乞示兵將婆羅門見如此語已炭即
為金

余時兵將見此地藏悉皆是金見已
復問彼提婆言仁者汝今供養何誰
為天為仙并及善人而彼與汝如是
願報提婆報言我於今日家唯供養
是大沙門來於宅內奉施飯食或應
藉彼功德果報當成於此是時兵將
報提婆言汝今所得此之金藏悉皆
是彼善業因緣故生此報無人能奪
無人能斷汝莫作疑安隱而食
余時提婆作如是念我以布施大沙
門食生於如是大功德報心生歡喜
踊躍無量遍滿其體不能自勝復詣
佛邊到已共佛對論美言慰喻問訊
種種說已却坐一面

余時提婆重白佛言願大沙門受我
明日更奉施食世尊嘿然還受其請

是時提婆見佛嘿然受其請已從坐而起遶佛三匝辭退而還至自家已城內街巷一切悉有五熟而賣如上所說乃至施食飯佛以後共妻二人在於佛前鋪座而坐欲聽法故佛知彼等心行體性諸使薄少為說四等諸法相門彼等聞已却二十重我見之山即便證得須陀洹果彼等既見法實相已即受三歸奉持五戒

尔時世尊從坐起已隨意而行於後一時諸比丘等心疑各念共相問言彼之提婆大婆羅門并及妻等先作何業而造業已得是果報至如來邊證諸聖法復作何業今世貧窮還來大富時諸比丘如是語已即詣佛所到佛所已即諮問言善哉世尊彼之提婆大婆羅門并及妻等昔作何業而造業已得此果報復至佛邊得諸聖法更造何業先貧後富一旦如是尔時佛告諸比丘言汝諸比丘若欲聞者今應諦聽彼之提婆大婆羅門亦有過業亦有現業何等名為過去之業諸比丘知我念往昔此賢劫中

是時衆生壽二萬歲有佛出世号曰迦葉多陀阿伽度阿羅呵三藐三佛。隨十号具足時迦葉佛已轉法輪度生死岸堅立法幢滿首誓願成寂丈夫開化衆生無量十億住於善道還居在此波羅捺城昔聖處所鹿野苑中。尔時還彼波羅捺城有於一人從佛邊受三歸五戒而其生中不行布施命終之時心發是願迦葉如來所授於彼菩薩記别名曰護明言是菩薩於當來世衆生百年壽命之中得成佛者号釋迦牟尼多陀阿伽度阿羅呵三藐三佛。隨願我值遇於彼世尊以是因緣汝等當知尔時彼受三歸五戒不行布施優婆塞者今此提婆婆羅門是其於彼時受此三歸護持五戒為優婆塞命終乞願願值於我以是因緣今得值我復以彼時不行布施今得貧報此是過去所造作業比丘當知何者名為現在世某我昔六年苦行之時而彼提婆隨宜將食布施於我我今得成無上菩提其復請我至於己家布施我食以是因緣

得現世報是故汝等諸比丘等應當
須向佛法僧邊生於恭敬希有之心
當得如是功德果報猶如提婆婆羅
門身現受其福不得報者以慳貪人
不肯布施今受貧賤困苦之患汝等
比丘當如是學世尊自從波羅捺國
來至優婁頻螺聚落於其中聞有
八萬人受佛教化入諸法中

佛本行集經迦葉三兄弟品第四十四上
今時世尊作如是念我今先可教化
一箇得通之人令其歡喜彼歡喜已
應當次第廣化多人是時優婁頻螺
聚落其中有三螺髻梵志仙人居住
第一所謂優婁頻螺迦葉為首教授
五百螺髻弟子修學仙法為正為導
取在前行第二名為都提迦葉復領
三百螺髻弟子為首為導第二名為
伽耶迦葉復領二百螺髻弟子為首
為導合有千人隨彼兄弟修學仙法
今時世尊作如是念今此優婁頻螺
迦葉其聲遍滿摩伽陀國彼處內外
一切人民並謂言其是阿羅漢我今
可先化彼優婁頻螺迦葉今其歡喜

彼歡喜已當有多人受其教法佛復思念此等諸仙以何為重彼行是何念已即知彼等唯用苦行為尊其次則以領衆為重

尔時世尊隱本形相即便化作苦行之身頭上結髮螺髻為冠兼復化作五百梵志摩那婆子以為徒衆悉皆可意端正無雙為人樂見園遠左右以神通飛到彼優婁頻螺迦葉所聞聲處下地而住

尔時彼等一切諸仙見化衆已悉各急遶東西馳走或有安置於鋪設者或有洗足或坐草菴拂拭整頓或有將草作席鋪設或有取水以擬澡洗又復各各告彼等言汝等今者從何忽來而至於此不相告知汝等何不於先遣使道我欲來我若先知當預置設是故汝等當少時住我等辦具種種供擬世尊既知一切諸仙心生願樂悉知佛已

尔時世尊還攝神通復於本形獨立而住時彼諸仙既見世尊剝除髭髮身著袈裟染色之衣是時優婁頻螺

迦葉作如是念此大沙門大有威神
大有威德然其未得阿羅漢果如我
今日在於此住此是如來寂初於先
出神通法

余時優婁頻螺迦葉即白佛言善大
沙門仁今何遠來至於此善大沙門
仁今若當願樂於此我住處者隨仁
所須我當供給又仁意樂於何處所
坐起眠卧此是草菴此是草堂任意
選取作是語已佛告優婁頻螺迦葉
作如是言善哉迦葉汝若不時能見
敬重我欲入汝祭祀火神處所安居
余時優婁頻螺迦葉有一弟子於先
舊患下痢之病以病下故棄穢草菴
自餘一切諸弟子等見穢草菴瞋念
不淨黷造令出是時彼患摩都婆身
被駢出時作如是念此之菴舍為於
一切螺髻而造云何見我病患下痢
駢遣我出願我捨命得是身體仰報
彼等如是之事時彼患者作是念已
即便命終命終已後即受如是大毒
龍身生已在於彼草堂內或有人來
或畜生來皆被螫煞以是因緣彼堂

尔時優婁頻螺迦葉作如是念有何對治能伏毒龍唯應有火能相屈耳作是念已即以火神安彼草堂恒常如法依時供養尔時優婁頻螺迦葉即白佛言善大沙門我實不辭亦不惜是此之草堂但彼草堂有大極惡嚴熾龍王居住彼中其龍甚有大神通力有大惡毒有猛厲毒非止害仁亦損我也

尔時世尊如是無過語迦葉言汝若不辭不敬重彼但當與我草堂居住迦葉報言我意不願仁住火堂所以者何彼處今有一大毒龍猛惡嚴熾恐為於仁并及我身作於毒害善大沙門此堂本來我等師徒久共捨之無人能入

尔時世尊第三重告彼迦葉言仁者迦葉若有一切毒龍來滿此堂住者彼等不能損我一毛况一龍也仁者迦葉但汝意可我自當入願汝莫辭莫重彼堂其終不能損害於我是時優婁頻螺迦葉以佛三度懇勸未已

即白佛言善大沙門我亦不辭亦不重彼我以相語若心不疑當隨意住常作方便莫令被害

尔時世尊得於迦葉印可聽已手自執持一把之草入火神堂入已鋪草取僧伽梨褰作四疊以鋪草上加趺而坐僧伽梨上端身而住正念不動除捨一切外內怖畏身毛不堅寂然禪定

尔時彼堂毒龍出外求覓食故處處經歷飽已迴還入於火堂遙見如來坐火堂內見已其心作如是念我身猶活今有何人忽入我堂其意既惡即興毒害口出烟炎如來復坐如是三昧身亦放烟

尔時彼龍見是烟已增長更噴放猛火炎如來尔時亦入如是火光三昧身出大火佛及毒龍各放猛火是時彼堂嚴熾猛炎以猛炎故草堂形然如大火聚

尔時世尊復如是念我今可作如是神通作神通已莫害於彼龍王命根但當燒其皮肉筋骨悉令淨盡尔時

世尊即作如是神通變化以神通故
令彼龍王命不傷害但使其餘身分
然盡如是訖已又復從身出於諸種
雜色光明所謂青黃赤白黑色出已
唯照一尋地明示於彼龍

尔時優婁頻螺迦葉去彼祭祀火堂
不遠遙見堂內出大猛炎見已即作
如是念言嗚呼嗚呼此大沙門今被
毒蛇之所燒害可惜可惜以其不取

我等師徒好言善語時彼眾有一摩

邨婆名阿羅陁在梨迦隋言濕樹皮衣見彼火

堂亦大懊惱自餘一切諸摩邨婆各

各稱名志皆恐怖並相呼喚謂迦吒

牟尼隋言苦行仙謂耶摩其尼隋言雙火謂何

剎尼毗舍耶邨隋言立火謂毗羅波羅婆

隋言丈夫光謂奢摩羅耶邨隋言色眼謂波羅

耶邨隋言度彼岸謂迦吒耶邨隋言受行謂瞿

曇姓隋言音牛謂目捷連種隋言白棒謂婆私吒

姓隋言化住謂頗羅墮隋言重墮汝等汝等速

來速來此大沙門今被毒蛇吐火燒

然我等當往助其撲滅

尔時彼等諸摩邨婆聞是聲已或將

水瓶或復擔梯速疾走來已著梯

上彼火神大堂之上上已將水欲滅

於火而彼火炎世尊力故更增熾盛

時彼一切諸摩那婆即還下彼火神

堂住在一邊立各相謂言此大沙門

端正可意而被毒龍之所惱害

梵本沙門

來並弄編

余時衆中濕樹皮衣摩那婆仙悲哀

說偈以哭佛言

嗚呼微妙端正身

頭髮甚青拍羅網

七處圓滿端正眼

被龍翳如日月昏

余時更有一摩那婆還復悲哀哭泣

於佛而說偈言

嗚呼諸王勝家生

昔遮上種人中勝

世間無過此生處

今為毒龍火燒身

余時更有一摩那婆還復悲哀哭泣

於佛而說偈言

三十二相莊嚴體

自得解脫能脫他

瞋恚能伏不害身

今被毒龍毒火滅

余時更有一摩那婆還復悲哀哭泣

於佛而說偈言

支節長短正等身

昔遮諸王種增益

體如閻浮檀金柱

今為毒龍火所焚

余時更有一摩那婆還復悲哀哭泣

於佛而說偈言

諸仙聞聲心歡喜 布施持戒取福田
身體柔軟大吉祥 嗚呼今被龍火煞
余時優婁頻螺迦葉亦來集聚去彼
火堂不遠立住

余時有一摩那婆來自於優婁頻螺
迦葉作如是言和上一過試觀占彼
大沙門看其大沙門生宿之中更不
為於諸餘惡星所犯觸也其所犯者
何星遍是沙門生宿

余時優婁頻螺迦葉即便仰瞻虛空
星已還告於彼摩那婆言汝摩那婆
今應當知此大沙門鬼宿日生而彼
鬼宿不為餘星之所逼觸謂摩那婆
此大沙門星甚快明如我所見星宿
相與大沙門今共龍角鬪決勝之狀
此相必定是大沙門決降彼龍無有
疑也

佛本行集經卷第四十

癸卯歲高麗國大藏都監奉
勅彫造

佛本行集經卷第四十一

所

迦葉三兄弟品中

隋天竺三藏闍那崛多譯

尔時毒龍見火神堂四面一時炯然
熾盛唯有如來所坐之處其處寂靜
不見火光見已漸詣向於佛所到佛
所已即便涌身入佛鉢中而說是偈
若人百千億萬歲一心祭祀此火神
彼輩不能斷去瞋 如今勝世尊忍辱
一切天人世界內 唯有世尊大丈夫
諸被瞋恚重病纏 世尊能與忍辱藥
尔時世尊過彼夜後至明清旦手擎
於鉢將彼毒龍來至優婁頻伽迦葉
所坐之處到已即告彼迦葉言仁者
迦葉此是毒龍汝等所畏不能入於
火神堂者此即是彼以我威火滅其
毒火今故將來以示汝輩諸梵志等
而有偈說

是時彼夜分已過 世尊來至迦葉所
鉢中威於毒龍示 手擎安置著彼前
尔時優婁頻伽迦葉作如是念此大
毒龍為自入於大沙門鉢為大沙門

神通力故教其入中。爾時世尊知彼優婁頻螺迦葉心之所念，知已即便手所執鉢，自然展向優婁頻螺迦葉之邊。時彼毒龍九頭大項引頸欲向優婁頻螺迦葉身邊。

爾時優婁頻螺迦葉見龍舉頭欲向已邊，心生驚怖，却縮身住，自以兩手掩覆其面。爾時世尊告彼優婁頻螺迦葉，作如是言：「仁者，迦葉何故縮身？如是驚怖，汝心畏也。」迦葉報言：「如是。如是大德沙門，我實畏也。」爾時佛告彼迦葉言：「仁者，迦葉，汝莫怖畏。爾時世尊即以偈頌語迦葉言：

我昨夜來教化彼，其更不能恐怖他。
其若今欲整於仁，世間終無有此法。
假使天崩倒於地，大地破碎如微塵。
須弥移離本處安，諸佛口終不妄語。
爾時優婁頻螺迦葉作如是念：「此大沙門大威神力，大有功能，乃設如是神力之火，滅彼毒龍毒惡，熾火其事。雖然而猶不得阿羅漢果，如我今也。」爾時世尊取彼毒龍，發遣安置彼大海外鐵圍山間。是時優婁頻螺迦葉

即白佛言大德沙門彼毒龍今安在
何處亦時佛告彼迦葉言仁者迦葉
彼之毒龍我今已遣安置於彼鐵圍

山間

亦時優婁頻螺迦葉見佛示現是神
通已心生歡喜即白佛言大德沙門
願恒住此我當常請供奉飯食亦時
世尊嘿然受彼優婁頻螺迦葉等請
或復有師作如是說佛告優婁頻螺
迦葉作如是言仁者迦葉若汝等輩
能依時節告我食時如是則我受仁
者請時迦葉言我等當告亦時色界
淨居諸天即說偈言

此是大慈世尊力 善能降伏大毒龍
其三迦葉事大神 所有精進力當滅

亦時世尊從彼優婁頻螺迦葉邊受
食訖漸漸而行去於優婁頻螺迦葉

處所不遠有一林名差梨尼迦

隋言
斫枝

即出
乳汁

在於彼林經行而住是時四鎮

四大天王身出勝光當於夜半下來
世間以天身光普照彼林向於佛所
到佛所已頂禮佛足合掌而却各隨
來方住立一面向佛曲躬低頭頂禮

如猛火聚出大炎光照且迦林

余時優婁頻螺迦葉過彼夜後晨向
佛所到佛所已而白佛言大德沙門
食時將至飯食辦具未審昨夜四人
是誰身出最勝微妙光明而於夜半
照此林樹來到於此大沙門邊到已
頂礼却住一面佝頭合掌恭敬立住
譬如火聚出大勝光

余時佛告彼迦葉言仁者迦葉彼四
人者是四天王來詣我所從於我邊
欲諮問法是時優婁頻螺迦葉心如
是念此大沙門大有威神大有威德
乃有四大天王下來詣於其邊欲請
問法威力雖然但其不得阿羅漢果
如我今也

余時世尊即至優婁頻螺迦葉所住
之處飯食訖已後還向彼林內經行
寂靜而住是時忉利帝釋天王放身
最勝上妙光明於夜半時普照彼林
來詣佛所到已頂礼佛世尊足却住
一面合十指掌向佛而立譬如火聚
出大焰光倍勝於前四天王身明照
顯赫不可為比

尔時優婁頻螺迦葉過彼夜已往詣
佛所到佛所已而白佛言大德沙門
食時已至飯食辦具未審昨夜光明
是誰於夜半時身出寂勝大光明來
到已頂礼合十指掌向一面立乃至
猛焰倍四天光

尔時佛告彼迦葉言仁者迦葉彼是
忉利天主帝釋來詣我邊欲聽法故
是時優婁頻螺迦葉作如是念此大
沙門大有威德乃今帝釋來詣其邊
欲聽於法威力雖然而猶不得阿羅
漢果如我今也

尔時世尊從彼優婁頻螺迦葉邊受
食訖還向彼林經行而住時夜摩天
於夜半時身出勝光來詣佛所到已
合掌向佛頂礼却住一面乃至略說
此大沙門大有威力大有威神乃今
於彼須夜摩天來欲聽法威德雖然
其猶不得阿羅漢果如我今也

尔時世尊從彼優婁頻螺迦葉邊受
食訖還向彼林經行而住時兜率天
於夜半時身出光明來詣佛所乃至
略說此大沙門大有威力大有威神

乃令於彼兜率陀天來欲聽法威德
雖然其猶不得阿羅漢果如我今也
尔時世尊從彼優婁頻螺迦葉邊受
食訖還向彼林經行而住時化樂天
於夜半時身出光明來詣佛所到已
乃至此大沙門有大威神乃今化樂
天子下來欲聽受法威德雖然其猶
不得阿羅漢果如我今也
尔時世尊從彼優婁頻螺迦葉邊受
食訖還入彼林經行而住是時他化
自在天子於夜半時身出光明來詣
佛所乃至略說此大沙門大有威神
大有威力乃有他化自在天子來欲
聽法威德雖然其猶不得阿羅漢果
如我今也

尔時世尊從彼優婁頻螺迦葉邊受
食訖還向彼林經行而住是時娑婆
世界之主大梵天王於夜半時放身
光明普照彼林來詣佛所到佛所已
合十指掌頂禮佛足却住一面向佛
而立譬如火聚出大猛焰勝於已前
欲界諸天光明百倍不可為譬

尔時優婁頻螺迦葉過彼夜後往詣

佛所到佛所已即白佛言大德沙門
食時已至飯食辦具未審昨夜出勝
光明普照林內來至於此大沙門邊
彼為是誰合十拍掌頂禮却住乃至
勝前欲天光明

今時世尊即告優婁頻螺迦葉作如
是言仁者迦葉彼所來者是此娑婆
世界之主大梵天王來詣我所欲聽
受法是時迦葉作如是念此大沙門
大有威力大有威神乃令娑婆世界
之主大梵天王來至其邊欲聽於法
威德雖然其猶不得阿羅漢果如我
今也

今時世尊從彼優婁頻螺迦葉邊受
食訖還向彼林經行而住是時優婁
頻螺迦葉居處年常恒共堅立一祭祀
法至其時節摩伽陀國一切人民將
好種種上味飲食歌者食者詆者味
者辦具已訖明日各各欲來向於優
婁頻螺迦葉居處

今時優婁頻螺迦葉即於其夜在自
室內作是思惟明日集聚摩伽陀國
一切人民辦具種種無量飲食欲來

我邊修祭祀法而此瞿曇大德沙門
脫於是會大眾之前顯示神通勝上
之法若如是者我之所有利養名聞
即當著彼則於我邊或復減少唯願
方便此大沙門明日莫來

尔時世尊知彼優婁頻螺迦葉心所
念已過彼夜後至瞿單越到彼乞食
於阿耨達大池邊食食訖還在彼大
池邊少時靜攝竟還本林經行而往
尔時優婁頻螺迦葉過彼夜已食後
往詣佛世尊所到佛所已即白佛言
大德沙門於食至時辦具亦訖未審
沙門何故不來其事雖然我猶不忘
所有諸食上好味者我今為仁猶留
一分

尔時佛告彼迦葉言仁者迦葉汝昨
夜在靜室之中獨自而坐可不如是
思惟念言我於明朝在所居處年常
恒作祭祀之法摩伽陀國所有男女
一切人民將好種種食飲而來向於
我邊而此大德沙門瞿曇恐於彼會
衆人之前出現神通示上人法則我
所有利養名聞悉著於彼大沙門邊

我則減少心私願我明日莫來仁者
迦葉我於今時知仁此心如是想念
過於彼夜我即騰空至鬱單越向彼
乞食得已來到阿耨達池如法而食
隨日多少在彼經行還向此林宿止
而來是時優婁頻螺迦葉作如是念
此大沙門大有神力大有威權感變
雖然其猶不得阿羅漢果如我今也

尼沙
羅說

余時優婁頻螺迦葉居處年常有一
大會名翼宿日彼會之日摩伽陀國
數千万人各來聚集然其彼會亦有
市易隨諸人輩所湏貨買是時優婁
頻螺迦葉作如是念明朝此處若沙
門來所有人民皆觀看彼不為我等
造作齋食彼作如是思惟念已往詣
佛所即白佛言大德沙門明朝我林
修道處所當作大會多有衆生百千
聚集甚大喧鬧而大沙門愛樂寂靜
恒行清淨空閑之處沙門可從此處
移去別求靜處彼聞而住此僧
祇說
余時世尊從彼住處即便移至耆梨
迦林至彼林已心念彼四迦婁羅王

王名可觸又四提頭賴吒龍王四水
神龍四大天王帝釋天主及餘欲界
一切諸天娑婆世界主大梵天等並
皆念之

余時彼等四可觸王迦婁羅等知佛
內心如是念已出現大風從彼優婁
頻螺迦葉所居住處飛騰虛空即時
往詣耆梨迦林到彼處已頂礼佛足
合十指掌却住一面遥觀世尊向佛
頂礼

其四提頭賴吒龍王四水神王亦知
佛心出大雲雨從彼優婁頻螺迦葉
居處飛向耆梨迦林到已頂礼佛世
尊足合十指掌却住一面向佛遥敬
是時四方四大天王亦知佛心作大
端正可喜之身為人樂見顯赫威光
照曜自身悉垂白為從地湧出從彼
優婁頻螺迦葉居處往詣耆梨迦林
到已頂礼佛世尊足乃至合掌遥敬
於佛

余時忉利帝釋天王及欲界天娑婆
世界主大梵天王知佛心念身出威
光遍照其地從彼優婁頻螺迦葉居

住之處飛騰虛空一時往詣老梨迦林到已頂礼佛世尊足乃至曲躬遥敬於佛

尔時彼處一切人民見如是衆諸天龍等心生恐怖身毛皆豎即便問彼優曇頻螺迦葉等言大德和上此何物神作斯變恠非是災也或當有疫或大恐怖或大闢諍或有迦吒留單部鬼及黑闇鬼而欲來乎

尔時優曇頻螺迦葉作如是念此必是彼大德沙門威力作斯神通變也即便報彼諸大衆言汝等一切莫恐莫怖莫畏莫驚此非災變亦非疫病及以闢諍諸鬼魅來當有無畏當有豐熟當無恠異不須恐怖亦無疾病汝等但當安隱自慰此事無苦一切諸相盡皆大吉

尔時優曇頻螺迦葉作如是念我今亦可往詣於彼大沙門邊度量此事自應當知何故何變致使如是彼作如是思惟念已即便往詣佛世尊所欲至佛邊如來忽以神通之力即於其前化作一箇高峻大山而彼欲來

不能得過到彼山已即反迴還過彼
夜後還詣佛所到佛所已而白佛言
大德沙門昨日作何如是變怪我從
昔來在此居停未曾覩見如斯之事
今時世尊即便為彼廣說前事而彼
優婁頻螺迦葉既聞說已生大希有
奇特可怪我多年來在此恒常祭祀
火神不曾有一旋風之氣至於我邊
况復餘神然今此處沙門瞿曇有大
威德一切諸天來向其邊作是念已
即於佛邊生信向心希有之心即以
心請佛世尊云願大沙門明日食時
更於我邊受我微供若佛實是一切
智者應知我心作是念已如來即知
優婁頻螺迦葉心念嘿然而受彼之
心請

今時優婁頻螺迦葉還其居處告諸
一切摩那婆言汝等詣向大沙門邊
量度觀看其大沙門作於何事為當
未食欲著衣行為當嘿然寂靜而坐
今時彼等諸摩那婆從於優婁頻螺
迦葉聞此言已即便往詣耆梨迦林
到已見佛在彼林內樹下思惟寂然

而坐身出光明照耀彼處於食知足
不行乞求嘿然而住彼等見已詣向
佛所到佛所已而白佛言大德沙門
仁今何故不求食也

尔時佛告彼諸一切摩邾婆言諸摩
邾婆我已披請彼等問言大德沙門
是誰所請佛即報言汝輩和上已請
我也

尔時彼等摩邾婆心生於希有其奇
可恠希有希有此大沙門然口不言
遙知他心彼等即大歡喜踊躍遍滿
其體不能自勝

尔時彼等速疾迴還優婁頻螺迦葉
之邊到已白言尊者和上我決定知
此大沙門是一切智和上以心嘿請
於彼彼即自知和上之心亦向我語
我已彼汝和上心請

尔時優婁頻螺迦葉聞彼語已即便
鋪設大價之座鋪設既訖心發是念
沙門瞿曇若仁今是一切智當應
我念即現此座尔時世尊知彼優婁
頻螺迦葉心所念已身應時現於彼
座上

尔時優婁頻螺迦葉既見世尊在其座上端然而坐見已歡喜即以自手將好種種餽饌飲食持用施佛所謂噉食啖味舐啜豐足自恣復作是念希有希有此大沙門大有威神大有德力乃能知我心中所念威神雖然而猶不得阿羅漢果如我今也

尔時世尊於彼優婁頻螺迦葉邊受食訖還迴至於耨梨迦林經行而住是時世尊身上所著袈裟之衣悉皆破壞而彼兵將婆羅門村有於一家人命既終即便林塋是時世尊於林見已即自收取彼糞掃衣取已世尊作是思念我今何處洗於如是糞掃之衣能使清淨

尔時帝釋忉利天王既知世尊心意所念知已即於彼之處所以手掘地造作一池其水清淨作已即便諮白佛言善哉世尊願以此水洗糞掃衣是時世尊見池水已復如是念今雖得水當於何上洗浣是衣

尔時帝釋知佛心已從鐵圍山將一大石安置佛前置以白沸作如是言

唯願世尊於此石上洗跣是衣是時
世尊復如是念今雖得石復當攀何
洗跣此衣時彼池岸舊有一樹名迦

拘婆

隋言
攀

時彼樹間有一樹神知佛意念按樹
一枝今垂向下而白佛言唯願世尊
攀此樹枝洗跣於是糞掃之衣今時
世尊復如是念我洗衣已復於何上
曝曬此衣

今時帝釋知佛心念知已即從鐵圍
山間將一軍大寬廣之石安置佛前
既安置已即白佛言唯願世尊於是
石上以用曬衣是時世尊即於石上
曬糞掃衣

今時優婁頻螺迦葉過彼夜後往詣
佛所到佛所已而白佛言大德沙門
食時已至辦具訖了又復白佛大德
沙門已前此處無有是池今日何故
忽有此池此處已前無是二石又從
何來其迦拘婆此樹已前枝不垂下
今日何緣如是轉垂不知何緣忽然
如此作是語已嘿然不言

佛告優婁頻螺迦葉作如是言仁者

迦葉此處我得糞掃之衣彼時我作如是心念以何浣此糞掃之衣尔時帝釋知我心念以手掘池出此池水而白我言世尊今可以此池水洗糞掃衣以如是故至今相傳名為帝釋手掘之池得是水已我復更作如是思念我於何上蹋糞掃衣

尔時帝釋知我心念從鐵圍山將一大石來置此地而白我言唯願世尊於此石上用洗浣衣是故此名非人擲石我於彼時作如是念我手攀何而蹋是衣

尔時彼樹迦拘婆神知我心念以手按此樹枝令垂而白我言唯願世尊手攀此枝用脚踏衣以是因緣此樹之枝如是懸垂得於枝已我如是念今於何上躋於此衣

尔時帝釋知我心念從鐵圍山將此廣石擲置我前而白我言唯願世尊於此石上躋所浣衣以是因緣此石名為非人所擲

尔時優婁頻螺迦葉作如是念此大沙門大有威力大有神通乃能令彼

天主帝釋而來供承變現雖然但大沙門理實未得阿羅漢果如我今也
爾時世尊於彼優婁頻螺迦葉居處
食訖迴還至林經行而住
爾時優婁頻螺迦葉過彼夜後往詣佛所到佛
所已而白佛言大德沙門若知時者
飯食已辦是時世尊告彼優婁頻螺
迦葉作如是言仁者迦葉汝於前去
我即隨來

爾時世尊既發遣彼優婁頻螺迦葉
去已即乘神通向須彌山是時彼山
有閻浮樹以彼閻浮樹因緣故所以
得此閻浮提名於彼樹上取得菓已
於先來至優婁頻螺迦葉居處火神
堂中端然而坐而彼優婁頻螺迦葉
在後來見如來坐於火神堂內見已
驚怖即白佛言大德沙門仁從何道
而來至此仁元在林於我後發即今
何忽在我前到此火神堂其中安坐
爾時佛告彼迦葉言迦葉我先發遣
汝已至須彌山彼有一樹名曰閻浮
因彼樹故此今得是閻浮提名彼樹
上菓我今將來在此堂內指示迦葉

彼閻浮菓即此是也顏色端正香味
微妙食者甚美汝今可取此之甘菓
而取食之

尔時迦葉即白佛言大德沙門此事
不然仁自合噉此之甘菓我不應食
尔時優婁頻螺迦葉心如是念此大
沙門大有神通大有威力乃能於先
發遣我已其身自到須弥山取閻浮
菓來此火神堂於前而坐雖然猶不
得阿羅漢如我今也

尔時世尊於彼優婁頻螺迦葉居處
食訖速還向於林內經行是時優婁
頻螺迦葉過彼夜後至明清且往詣
佛所而白佛言大德沙門若知時者
飯食已辦尔時世尊告迦葉言迦葉
汝今且於先行我隨後去

尔時世尊於先發遣迦葉去已即復
還自向須弥山離閻浮樹相去不遠
更有一樹名菴婆羅從菴婆羅取得
一菓於先來到迦葉住處火神堂坐
迦葉後來見於世尊在火神堂安然
而坐見已白佛作如是言大德沙門
從何道來在我前到此火神堂

佛告迦葉我遣汝後至須弥山取得
於是菴婆羅菓將來在此乃至先勸
迦葉令食迦葉白言我不合食尔時
優婁頻螺迦葉心如見念止大沙門
大有神通大有威力乃能於先發遣
於我到須弥山取菓將來於先而坐
雖然猶不得阿羅漢如我今也

尔時世尊於彼優婁頻螺迦葉居處
食訖還迴至彼林內經行是時優婁
頻螺迦葉過彼夜後至明清且往詣
佛所而白佛言大德沙門若知時者
飯食已辦乃至去彼閻浮提樹處所
不遠有呵梨樹將彼菓來先到迦葉
火神堂內乃至沙門大有神通雖然
猶不得阿羅漢如我今也

尔時世尊食訖還至彼林經行乃至
去彼閻浮提近更有一樹名毗醯勒
彼樹上取一菓將來先到堂內乃至
如前此大沙門大有神通先遣我身
其後取菓雖然猶不得阿羅漢如我
今也

尔時世尊食訖還至彼林經行乃至
去彼閻浮提樹更有一樹名阿摩勒彼

樹取菓於先將來坐火神堂乃至沙門大有神通先發遣我身後將菓來火神堂雖然猶不得阿羅漢如我今也

今時世尊食訖還至彼林經行是時優樓頻螺迦葉過彼夜後往詣佛所到佛所已而白佛言大德沙門若知時者飯食已辦佛告迦葉汝先且去我隨後來今時世尊遣迦葉已至瞿耶尼到彼處已乞乳滿鉢在前來至火神堂內是時優婁頻螺迦葉見已白佛大德沙門從何道來在於我前到山堂內

佛告迦葉我遣汝後到瞿耶尼乞得是乳滿此鉢中在是而坐迦葉是乳顏色微妙香氣甘美汝意若樂取此乳飲迦葉白佛我不堪飲沙門自飲是時迦葉作如是念此大沙門大有威力大有神通乃先遣我其後身往瞿耶尼國乞乳滿鉢先來至此火神堂內雖然猶不得阿羅漢如我今也佛本行集經卷第四十一

癸卯歲高麗國大藏都監奉

勅彫造

佛本行集經卷第四十二

所

迦葉三兄弟品下

隋天竺三藏闍那崛多譯

尔時世尊食訖還至彼林經行是時
優婁頻螺迦葉過彼夜後往至佛所
到已白佛大德沙門若知時者飯食
已辦佛告迦葉汝於先去我隨後來
尔時世尊於先發遣迦葉去後即往
到彼三十三天到彼天已取得一華
其華名波梨闍多迦隋言彼岸生取已於
先来火神堂迦葉後來見佛已坐即
白佛言大德沙門從何道來在於我
前到火神堂

佛告迦葉我先遣汝後至忉利天宮
將此波梨闍華來此神堂然此波梨
闍多迦華顏色可愛香氣甚好汝意
若樂可取此華嗅其香氣迦葉白佛
大德沙門此華香氣微妙精好沙門
自持我不合嗅是時迦葉作如是念
此大沙門大有威力大有神通乃能
於先發遣我已後到天上取彼波梨
闍多迦華於先来坐火神堂內雖然

猶不得阿羅漢身心寂靜如我今也
余時迦葉居處螺髻諸梵志等欲破
於柴而不能得若倚立者不能屈身
若佝腰時不能正直若斧著柴拔不
能出余時彼等螺髻梵志作如是念
此之神通必當是彼大沙門作無有
疑也乃令我等今日不能破此柴薪
極甚勞苦

余時世尊告彼優婁頻螺迦葉一切
等言螺髻迦葉汝等今欲破於薪耶
迦葉白佛大德沙門實欲破薪而不
能得是時佛作如是語已彼等梵志
即得自恣破其薪柴是時優婁頻螺
迦葉作如是念此大沙門大有威力
大有神通雖然猶不得阿羅漢如我
今也

余時世尊食訖還向彼林經行是時
優婁頻螺迦葉所居住處欲燃火燭
而不能著是時彼等螺髻梵志作如
是念此之神通必是彼大沙門所作
無有疑也而今我等如是辛苦火不
能燃

余時世尊告彼優婁頻螺迦葉一切

等言迦葉汝等欲燃火耶是時彼等
迦葉報言大德沙門我欲燃火時佛
問已彼火即燃五百火聚是時優婁
頻螺迦葉作如是念此大沙門大有
威力大有神通乃能令彼可燃之火
不聽其燃若欲令燃方始即燃雖尔
猶不得阿羅漢如我今也

尔時世尊食訖還向彼林經行尔時
彼等螺髻梵志欲滅於火而不能得
尔時彼等螺髻梵志作如是念此是
沙門神通之力而令我等火炎欲滅
不能得滅

尔時世尊告迦葉言迦葉汝等今欲
滅於此火炎耶迦葉白佛大德沙門
我今欲得滅此火炎而不能得時佛
問已即得滅於五百火炎尔時迦葉
作如是念此大沙門大有威力大有
神通其力乃能滅火即滅欲燃即燃
雖尔猶不得阿羅漢如我今也

尔時世尊食訖已後還至彼林經行
而住是時彼等螺髻梵志至極寒冬
天正夜半或至後夜嚴酷凍冷多有
風雪入於屋連禪河水中或沒或出

如是澡浴

今時世尊以神通力化作五百赤炭火聚在彼岸邊是時彼等螺髻梵志寒噤出水住在岸邊各各向火是時彼等螺髻梵志心如是念此必定是彼大沙門作是神變忽然有此五百火鑪而無烟炎使於我等從冷水出向火炙煖是時優婁頻螺迦葉作如是念此大沙門大有威力大有神通乃能化作五百鑪火無有烟炎今我螺髻五百弟子從冷水出向火煖坐雖然猶不得阿羅漢如我今也

今時世尊食訖已後還至彼林經行而住是時彼等螺髻梵志欲取於水各手持餅或將軍持欲用取水而不能捉是時彼等螺髻梵志作如是念此必是彼大沙門作而令我等不能取餅及以軍持

今時世尊告彼優婁頻螺迦葉并及五百螺髻梵志一切等言迦葉汝等各欲將餅及軍持等欲取水乎迦葉白言善哉沙門此等五百螺髻梵志將餅軍持欲取於水時佛問已而其

五百螺髻梵志皆能將餅及軍持等得取於水

尔時優婁頻螺迦葉作如是念希有希有此大沙門大有威力大有神通乃能令此五百螺髻諸梵志等許其取水乃能得水不許不得雖然猶不得阿羅漢如我今也

尔時世尊食訖已後還至彼林經行而住是時優婁頻螺迦葉其於已前祭祀火時恒常坐七多羅樹上於後祭祀還欲上七多羅樹上而不能上

尔時優婁頻螺迦葉作如是念決定是彼大沙門作神通無疑今我不能上此多羅樹上祭祀是時迦葉作如是念此大沙門大有威力大有神通乃能如是不許我等上於樹者則不能上雖然猶不得阿羅漢如我今也尔時世尊食訖已後還至彼林經行而住是時優婁頻螺迦葉上七多羅樹上祭祀上已不能安隱而住尔時優婁頻螺迦葉作如是念決定是彼大沙門作神通無疑今我上此七多羅樹舊住處坐不能得住復更欲上

而白佛言善哉沙門願聽我等依舊
住此七多羅樹祭祀於火時佛語已
其迦葉等即得依舊安住彼七多羅
樹上

今時優婁頻螺迦葉作如是念此大
沙門大有威力大有神通乃能許我
住則得住不許不得雖然猶不得阿
羅漢如我今也

今時世尊食訖已後還至彼林經行
而住是時優婁頻螺迦葉祭祀火訖
欲覆藏置即不能覆是時優婁頻螺
迦葉作如是念決定是彼沙門瞿曇
作此神通令我等輩不得覆火是時
迦葉即白佛言善哉沙門願令我等
得覆此火作是語已即得覆火

今時迦葉作如是念此大沙門大有
威力大有神通乃能如是許覆得覆
不許不得雖然猶不得阿羅漢如我
今也

今時世尊食訖還至彼舊林中經行
而住是時迦葉祭祀火時火及木頭
東西馳走不能一住是時迦葉作如
是念決定是彼沙門瞿曇作是神通

令我祭祀火之器具東西馳走狀若人駢不能定住即白佛言善哉沙門願令我此祭祀火具得一定住

尔時佛告彼迦葉言如汝等意其祭火具即得安定因此緣故其迦葉等作如是念此大沙門大有威力大有神通乃能許我祭祀火器住則得住不許不住雖然猶不得阿羅漢如我今也

尔時世尊食訖已後還至彼林經行而住是時彼處忽尔非時其虛空中起大黑雲降大暴雨佛所居處無有雨水

尔時世尊作如是念我今可令此水遍布而於水內復見乾地今有塵起現經行處於彼往來作是念已即現如前乾地塵空來去經行

尔時迦葉作如是念今既非時虛空之中云何忽尔非時起雲而降大雨此大沙門所住之處亦一種有大水弥滿此之沙門或可為水之所沒溺或今不見作是念已多將螺髻諸梵志等坐於船中處處求覓漸至佛所

到佛所已如是而住

尔時迦葉既見世尊兩邊有水唯獨
中間現於乾地塵土全起來去經行
見已白佛大德沙門今住在此大水
中乎佛言住此作是語已飛騰虛空
即便往詣迦葉船上

尔時迦葉因此緣故作如是念此大
沙門大有神通大有威力乃能在水
作是道行雖然猶不得阿羅漢如我
今也

摩訶僧祇作如是說如來為彼優婁
頻螺迦葉等輩示現如是五百神通
而彼優婁頻螺迦葉於一切時作如
是念此大沙門大有威力大有神通
雖復變現德術如此而其唯不得阿
羅漢如我今也

尔時世尊作如是念此之癡人於無
量時有如是念此大沙門有大威力
有大神通雖然而不得阿羅漢如我
今也而我今可為此迦葉及諸弟子
令開慧眼發歡離心

尔時世尊告彼優婁頻螺迦葉作如
是言迦葉汝今非阿羅漢亦復未入

阿羅漢道而汝實無阿羅漢相况復得於阿羅漢果因於此言時其優婁頻螺迦葉心生嗔慙身毛卓豎頂礼佛足而白佛言善哉世尊與我出家受具足戒

尔時世尊告彼優婁頻螺迦葉作如是言汝大迦葉此諸五百螺髻梵志依汝住止順汝法行汝可共其平量好惡告語今知如於彼等意情所樂作如是事

尔時優婁頻螺迦葉聞佛語已即便往詣五百螺髻梵志之邊到已告言汝等梵志摩那婆梨徒我受此居處住止及奉火神所安堂室及祭祀器各隨汝等意樂而用我今欲向大沙門邊當行梵行

尔時彼等五百弟子螺髻梵志共白優婁頻螺迦葉作如是言和上自從見彼瞿曇大沙門來我等多時意樂欲往大沙門邊行於梵行而為敬惜和上心故口不發言和上今者若欲於彼大沙門邊行梵行者我等亦當隨從而往依彼教法

尔時優婁頻螺迦葉及諸弟子往詣
佛所到佛所已却住一面尔時佛告
迦葉等言汝等梵志可棄於汝鹿皮
之衣及軍持杖果雜頭髻今諸螺髻
祭祀火神諸器皿等種種調度向彼
尼連禪河水中而皆擲却是時彼等
即白佛言一如大德沙門教誨我等
不這時諸梵志即將所著鹿皮之衣
乃至種種器皿調度向彼河岸悉擲
水中彼等諸物擲水中已作種種聲
或呖呖反于悲聲而逐水流彼等螺髻
見於如是諸異事已心中復更增益
歡喜頂礼佛足而白佛言唯願世尊
與我等輩出家受戒

尔時佛告彼等梵志作如是言汝等
比丘來於我所說法中行於梵行
盡諸苦故是時彼等五百長老應聲
出家即成具足于時擲螺髻迦葉
在尼連禪河水下流岸邊修道見於
彼等鹿皮之衣及祭火神器皿調度
隨水汨流見已憺然心生恐怖而發
此言咄咄異事我兄或能為賊所破
不者居處被他煞也我今可往至彼

觀察是何災禍變恠所致忽然若斯
余時其弟部提迦葉作是念已先遣
多人螺髻梵志詣彼送看好惡當告
汝等檢校彼有何恠其事云何弟子
奉教往彼看已迴還報言並各平安
事瞿曇氏部提迦葉然後自將三百
弟子左右圍遶往於長老優婁頻螺
迦葉住處到已即見優婁頻螺迦葉
師徒剃除鬚髮著袈裟衣見已內心
不大歡喜向兄迦葉而說偈言

仁者虛祭祀火神 徒復空修於苦行
今日既捨此苦行 猶如蛇脫於故皮
余時部提螺髻迦葉即白長老優婁
頻螺迦葉兄言此能勝也是時長老
優婁頻螺迦葉報言此實勝也寧為
此行此行寧妙

余時部提螺髻迦葉告其三百螺髻
梵志諸弟子言汝等螺髻摩那婆輩
我彼居處及泉池等并諸調度汝意
自知作何處分我今欲在大沙門邊
當修梵行

余時彼等三百螺髻梵志弟子白師
部提螺髻迦葉作如是言如上今若

欲往於彼大沙門邊修梵行者我等亦當隨逐和上同詣彼邊共修梵行
爾時部提螺髻迦葉及諸弟子往詣佛所到佛所已却住一面

爾時佛告彼等梵志作如是言汝等今者能將身上所著鹿皮及祭祀火器皿調度擲置足連釋河水中棄去以不彼等梵志同白佛言如沙門教我不敢違而彼等將如前調度即擲水中作啖啖聲逐水而去爾時彼諸螺髻梵志見如是等希有之事復增歡喜乃至彼等長老比丘應時出家即成具戒

爾時伽耶螺髻迦葉在河下流忽見鹿皮及祭祀火器皿調度隨水流下見已心復生大恐怖而發是言咄咄異事我兄或能被賊所破其居坐處不被煞也我今可往至彼觀察為何災禍作是念已先遣多人螺髻梵志往彼逆看好惡當告汝等檢校彼有何怪其事云何弟子還報如前所答爾時伽耶螺髻迦葉然後自將二百弟子左右圍遶往於長老優婁頻螺

并及耶提二迦葉邊到已即見二迦葉身剗除鬚髮著袈裟衣見已內心不大歡喜向於二兄優婁耶提兩迦葉邊而說偈言

兄等昔空祭火神 亦復徒修於苦行
今日既共捨此等 猶如蛇脫彼故皮
尔時優婁頻螺迦葉并及長老耶提
迦葉還共以偈報弟伽耶螺髻梵志
作如是言

我等昔空祭火神 我等亦徒修苦行
我等今得捨此法 實如蛇脫彼故皮
尔時伽耶螺髻迦葉復問優婁頻螺
迦葉并及耶提迦葉等言兄今此處
實能勝也是時長老二迦葉言此處
實勝寧為此行此行最妙

尔時伽耶螺髻迦葉告其二百螺髻
梵志諸弟子言汝等梵志摩耶婆輩
我彼居處所有泉池并諸調度汝意
自知作何處分我今欲在大沙門邊
修學梵行

尔時彼等二百螺髻梵志第三白師
伽耶螺髻迦葉作如是言和上今若
欲往於彼大沙門邊行梵行者我等

亦當隨逐和上一時同詣大沙門邊
共修梵行是時伽耶螺髻迦葉及其
弟子往詣佛所到佛所已却住一面
而白佛言大德沙門我今及諸弟子
欲入沙門法中是事一切當如是持
今時世尊即告彼等螺髻梵志作如
是言汝等若能然是事者當取汝等
鹿皮之衣及祭祀火器皿調度悉棄
擲著星連河中彼等報言如沙門教
我不敢違是時彼等螺髻梵志即持
鹿皮及諸調度祭祀火物悉擲河中
擲河中已其諸皮衣軍持餅罐出種
種聲咲咲唱响隨流而下

今時彼諸螺髻梵志見如是等希有
之事復增歡喜而白佛言善哉世尊
與我出家及具足戒佛即告言汝等
比丘來入於我自說法中修行梵行
盡於諸苦是時彼等諸長老輩應聲
出家即成具戒

今時世尊在彼優婁頻螺迦葉聚落
之內隨多少時意樂住已漸漸行向
伽耶城邊如來在彼為頭山頂將是
一千比丘徒衆停住即以三種神通

教化彼等所謂身通口通意通而調習之

今時世尊欲顯身通所謂一身作於多身多身還復作於一身上沒下現下沒上現東沒西現西沒東現南沒北現北沒南現山崖石壁能過無礙入地如水履水如地從地跢趺昇陟虛空猶如飛鳥身出烟炎如大火聚滅火現水消水放火此之日月如是威德而能以手摩捫捉持乃至梵天自在行動此是如來現身神通

現口通者汝等比丘今應當知如是分別應當如是莫生分別應當如是觀察思惟應當如是莫思惟觀汝等比丘應如是證莫如是證汝等比丘應如是行莫如是行此是如來現口神通

現意通者汝等比丘今應當知此一切法皆悉熾燃言熾燃者眼亦熾燃色亦熾燃眼識熾燃眼觸熾燃眼觸所因生者有受若樂若苦非樂非苦彼亦熾燃以何熾燃以慾火故煩惱熾燃以瞋恚火煩惱熾燃以愚癡火

煩惱熾燃我如是說眼過如是

其耳熾燃聲響熾燃略說乃至鼻香
熾燃舌味熾燃身觸熾燃意法熾燃
因於意觸所生受者若苦若樂非苦
非樂彼亦熾燃以何熾燃以慧火故
煩惱熾燃以瞋惠火煩惱熾燃以愚
癡火煩惱熾燃我如是說耳鼻舌身
根塵過患

復次若有多聞之人能作如是深觀
察者彼能厭眼厭離眼識厭離眼觸
若因眼觸所生受者若苦若樂非苦
非樂是中亦能如是厭離是厭離眼
又復如是厭離於耳厭離於聲乃至
略說厭離鼻香厭離舌味厭離身觸
厭離意法若因意觸所生受者若樂
若苦非樂非苦彼亦厭離既厭離訖
即不染著既不染著即得解脫既得
解脫即有如是內淨智現自知我今
生死已斷梵行已立所作已辦不受
後有此是如來意作神通

今時世尊作如是說三種神通教示
之時彼諸一千比丘徒衆無為漏盡
於諸法中心得解脫而有偈說

已斷生死諸慾流 已得梵行自利益

所作惡已皆成辦 更不受於後有生

尔時彼諸一千比丘聞佛世尊如是說已於諸漏中無復有為即得內心善好解脫捨梵志法名聲聞僧

佛本行集經優波斯那品第四十五上

尔時彼三迦葉兄弟有一甥甥螺髻

梵志其梵志名優波斯那

隋言卑

住

在一山其所住山名阿修羅恒共二

百五十螺髻梵志弟子修學仙道彼

聞其舅迦葉三人及諸弟子往詣於

彼大沙門邊悉皆出家剃除鬚髮聞

已心驚大不歡喜而口發言希有舅

等於若干年祭祀火神今日忽已入

沙門中為作弟子我今當往彼處訶

責何故作是不善事也彼口中咽却

唧之聲而往詣彼三阿舅邊到已見

其三阿舅剃除鬚髮著袈裟衣見已

向舅而說偈言

舅等虛祀火百年 亦復空修彼苦行

今日同捨於此法 猶如蛇脫於故皮

尔時彼舅迦葉三人同共以偈報其

甥甥優波斯那作如是言

我等昔空祀大神 亦復徒修於苦行

我等今日捨此法 實如蛇脫彼故皮

尔時兵將螺髻梵志聞說偈已復反
問彼三阿舅言此能勝也是時彼三
阿舅報言此實勝也寧為此行此行
取妙尔時兵將螺髻梵志告其二百
五十螺髻梵志弟子作如是言汝等
梵志摩鄒婆單我彼居處所有泉池
并諸調度汝意自知作何處分我今
欲在大沙門邊修行梵行

尔時彼等二百五十螺髻梵志即便
共白優波斯那螺髻梵志作如是言
和上今若欲往於彼大沙門邊行梵
行者我等亦當隨逐和上同詣彼邊
共修淨行尔時兵將螺髻梵志及諸
弟子往詣佛所到佛所已而白佛言
大德沙門我今願將諸弟子入沙門
法中乃至是事當如是持
尔時世尊告彼螺髻諸梵志言汝若
然者當自取汝鹿皮之衣及祭火器
擲棄一邊而其彼等諸梵志言如沙
門教我等不違即至居處將祭火具
擲著一邊

今時梵志擲棄祭火器皿已後還至
佛所到佛所已頂礼佛足而白佛言
善哉世尊與我出家及具足戒佛告
彼等作如是言汝等比丘來入於我
自說法中修於梵行盡諸苦故而其
彼等二百五十諸長老輩應聲出家
即成具戒

今時世尊即為彼等諸長老輩增更
說法如前還以三種神通示教利喜
是時彼等於無為法悉盡諸漏心得
解脫今時世尊寂初集眾諸比丘眾
所謂此等一千二百五十人俱並悉
從於梵志出家皆阿羅漢悉得自利
隨侍世尊證會說法

復次其後諸比丘等即白佛言善哉
世尊彼等螺髻梵志師徒往昔之時
種何善根今日並得出家受具皆證
羅漢昔作何業今得是報又彼長老
優婁頻螺迦葉一人共其五百螺髻
梵志而得為首寂妙寂勝寂上寂尊
那提迦葉三百弟子為首為寂為勝
為妙伽耶迦葉二百弟子為首為勝
為妙為尊又復長老優婁頻螺迦葉

往昔造於何業今日世尊種種教示
如是難化自餘一切諸梵志等易受
於化作是語已嘿然而住

尔時佛告諸比丘言汝諸比丘至心
諦聽我念往昔還在於此閻浮提內
具足而有一千商人彼商人中有三
兄弟各為商主其一還名優婁頻螺
迦葉主領五百商人第二還名都提
迦葉亦復主領三百商人第三還名
伽耶迦葉亦然還領二百商人

尔時彼等三大商主及諸商人相共
欲往海內治生堪入海貨莊嚴已訖
其物價數足直三百千万金錢一百
千万擬自食糧一百千万擬餘商人
以為本領一百千万擬雜用度料理
船舶彼等如是莊嚴竟已漸漸而行
至彼海岸至海岸已供養祭祀大海
之神辦具船舶其外倍價更雇五人
所謂善解調治船者觀四方者泝水
入者善浮水者張施帆者既如是得
彼五人已其三商主大聲唱言誰能
入海三如是三聲大唱告已即坐船
上相共入海為求財故彼等既至大

佛本行集經卷第四十二 第三十二張 所
海之中忽遇黑風彼風吹船擲海渾
上僉然而住

佛本行集經卷第四十二

癸卯歲高麗國大藏都監奉
勅彫造

優波斯那品下

隋天竺三藏闍那崛多譯

尔時商主及衆賈人至海洲已值於種種諸雜珍寶彼等取拾滿其船舶還至岸邊取銀寶貨欲向本國中間路上遇見一塔其塔乃是迦葉世尊多隨阿伽度阿羅呵三藐三佛陀舍利之塔其塔破壞基陛頽落處處墜墜如是見已而彼最長商主告於餘二商主及衆商言汝諸人輩若知我等不惜身命為求財故入彼大海而今彼處得利迴還至於此間我等今者亦可共作來世利益善業因緣如舊智人所說偈言

福德之力成多利 人得利故放逸生放逸則無持戒心 以是因緣墮地獄尔時商主說是偈已復更告言汝等當知以是因緣我等今者應當運心共斂錢財隨意多少料理於此迦葉如來舍利之塔是時彼等諸商主輩及衆商人同共諮白長商主言大善

商主汝若毀錢當自作主檢校營造
我等隨心所出多少錢財與之

時長商主如是等言我不堪為檢校
之主所以昔何我事緣多不能修理
此之壞塔我若料理營此塔者則我
家中妨療生活彼等商人及二商主
慙懃多時相共勸請遣令檢校是時
彼等諸商人輩速疾隨出多少錢財
而付與之

尔時優婁頹螺迦葉修營彼塔即自
別造第一覆盆安置其上其次即是
都提迦葉第二覆盆其次復是伽耶
迦葉第三覆盆如是次第通彼商人
及商主等詳共料理迦葉如來舍利
之塔破壞崩落皆使端嚴還如初造
料理訖已發如是願願我等輩未來
世中還共值遇如是世尊既值遇已
於彼世尊所說法教復願我等速疾
證知願於來世生生莫墮三惡
四趣之中

佛告比丘汝等當知彼三迦葉十商
人者今三長老并及一千比丘是也
又諸比丘彼時優婁頹螺迦葉昔日

以諸商人多時慇懃勸請始肯檢校
以彼業故今於我前多時方始受於
我化當於今時那提迦葉伽耶迦葉
二商主等及諸商人暫發一言隨心
多少速出錢財以是業報今日速疾
承受我化

彼時優婁頻螺迦葉寂長商主先於
迦葉如來世尊舍利塔上第一覆盆
以用供養因彼業報今日得於五百
人中寂為其首寂勝寂妙寂為第一
那提迦葉第二覆盆因彼業報今為
三百梵志作首而得第一伽耶迦葉
第三覆盆因彼業報今作二百螺髻
梵首而得第一

今時彼等發如是願願我未來生生
世世莫墮惡道及以地獄因彼業報
不入惡道乃至地獄恒生人天受於
快樂又其彼等共見迦葉佛舍利塔
破壞料理還得如舊心發是願願於
我等未來世中還得值遇如是世尊
既值遇已彼世尊邊有所說法我等
聞已速疾證知因彼業報今值遇我
即得出家受具足戒得羅漢果

時諸比丘復白佛言希有世尊云何
世尊見是優婁頻螺迦葉墮於邪道
世尊方便出五百種神通教化然後
始得阿羅漢果作是語已默然而住
尔時佛告諸比丘言汝諸比丘非但
今日我見優婁頻螺迦葉墮於邪道
勇猛精進出五百種神通化得其過
去世亦墮邪道我心勤劬化取亦得
時諸比丘即白佛言善哉世尊此事
云何願為解說

尔時佛告諸比丘言汝諸比丘至心
諦聽我念往昔有一國土名毗提何

非正彼國內有一刹利王名鵞伽陀

與身灌頂為王甚有大力多饒兵衆錢

財穀米倉庫盈溢尔時國王心有邪

見曾於一時十五日夜月盛圓滿光

明照耀其王初夜喚諸大臣悉來集

聚其第一臣名毗闍耶

商言難勝

第二大

臣名蘇摩那

商言善意

第三名為阿羅波

多

商言前言

此三大臣聚為上首

尔時彼王復更廣命召集無量諸大
臣等而告之言汝諸臣等各各自說
心意之中作何方便過此一夜共相

娛樂而令不睡

時前言目即白王言大王當知如目意見應須脩辦四種兵衆未降國土當令降伏既降伏已治化而住

時善意目復白王言大王當知如目意見今一切處所有怨敵皆悉降伏更無所畏今宜恣情受於五慾而自歡樂

時難勝目復白王言大王當知五慾恒常是可得事此有何奇有何希有但大王今若有沙門若婆羅門精進持戒具足多聞廣智慧者若得是人彼可供養彼可承事何以故開悟人故

尔時國王報彼目言卿此一言甚為大善此言甚美是故卿今審諦觀察看何處邊最好沙門好婆羅門精進持戒多聞智慧我當至彼承事供養時前言目即白王言大王若須如是人者目今能知如是人處在於鹿野有一精進多聞之人名曰鰥承姓迦葉氏能說微妙多種言語大王今者可事彼人

今時彼王嚴駕馼馬賢善妙車坐於
其上身著白衣探白瓔珞左右皆悉
著白衣裳張白傘蓋脚白革履手執
白拂以白摩屈而在嚴之以大王威
大王神力及彼諸目前後導從往詣
髻形迦葉師邊到已恭敬坐於一面
諮受未聞

今時鵞伽施王慰問迦葉髻形導師
作如是言尊者四大安隱已不一切
時節和順已不資身之物得具足不
衣食易得無所乏少不擾亂耶
今時髻形迦葉道人即報於彼鵞伽
施王作如是言大王我今無所乏少
我身亦得安隱無患又復大王身體
起動安和已不善事利益增長已不
國內人民豐樂已不王之政治端平
直不

今時鵞伽施王共彼髻形迦葉道人
相慰問已心有疑慮即諮問言尊者
世間有諸沙門及婆羅門各說法行
是中所有至真實者尊者為我次第
解說作是語已時髻形迦葉道人
即報王言大王善聽是中所有至真

實者此之真義我今當說是中有偈而鈍根人不能了知

世間幽冥愚癡人或實或虛或妄語以彼無有智慧故觸語不能辯了知諸業一切雜種無善惡果報亦不有夜叉等身亦非實又復無有父母親沙門及婆羅門等世間師等亦復無愚癡人輩教他施若有善誑取他財所應死者其自死此身一切常相連所有火風及地水第七即是壽命根諸身及命兩間內器仗從中自運行世間愚癡人不知謂言此被傷害死如是怖畏名不智若受是名智慧人一經八万四千生流轉之時方得脫如是煩惱乃能淨八万四千生後周流轉無有錯乱期猶如海潮波依限如是之法次第說大王今者應當知余時前言大目闍說偈已即白鰲形

迦葉師言如是如是迦葉道人如尊者說所以者何尊者迦葉我知宿命憶念昔在俱睺弥城曾作屠兒彼時我煞無量無邊牛羊水牛猪殺羊馬煞賣取錢以用活命我作如是惡業已後從彼捨命今來生此大將之家足有資財以是因緣我知無有善惡業報

尔時鞞伽陀王第一太子名難勝者在王後立彼大臣聞如是語已悲泣下淚嗚咽不言時鞞伽王告彼臣言汝今何故悲泣乃尔難勝報言大王當知迦葉道人所說之得及前言臣如是義理無有違失

大王當知我亦憶念往昔在於俱睺弥城曾作長者能大捨施作於檀主所有資財悉皆共他分張而用白月黑月八日十四及十五日恒常受持八關齋戒恒常精進守護身口我作如是清淨業已今墮如是下賤婢胎生而作奴大王當知以是因緣我聞躰形迦葉道人及前言臣二人等語是故悲泣啼哭不勝亦知世間無有

善道

時鵞伽王聞於鰥形迦葉道人如是語已從座而起還至本宮過彼夜後聚集百官一切大臣而告之言卿等三人從今日去若有私竊善惡等事慎莫問我我今遣此難勝善意并及前言三大臣等此等三人聰明智慧代我判事

時鵞伽王作是語已入於一殿名為妙色在其中坐經於七日受五欲樂放逸自恣縱情而住過七日後

時鵞伽王有於一女名曰意意身著種種雜色之衣復以種種瓔珞七寶莊嚴身已向妙色殿至父王邊到已頂礼父王之足却坐一面默然而住時鵞伽王告其女言善意意女汝曾至彼園樹林內遊戲已不其中多有種種樹木其樹木上有諸華果復有種種飛鳥作聲汝入彼中意樂已不汝貪何等向我道之求願當與作是語已問女所須

時意意女白父王言善哉阿耶女今身資無所乏少唯欲啓白阿耶一言

唯願父王聽女諮諫而說偈言

父王我今欲布施 一切沙門婆羅門
恒至月生十五時 願與我千金錢直
尔時鵞伽施王聞其女說如是語已
即還以偈報意喜女作如是言

善女汝今至心聽 我從智人如是聞
雖復欲施多種財 一切皆空無果報
汝今何故發此意 誰惑世間諸癡人
現在未來悉皆無 汝復何須過勞苦
癡女汝今不聞彼 迦葉說法正不差
實無造業及作人 一切人天善惡果
夜叉鬼神悉非有 父母眷屬亦復無
略說八万四千生 如是煩惱乃能淨
若過八万四千後 流轉方無錯乱心
猶如海潮依限期 間中未至不可預
但當任運待時到 何用强作世紛紜
迦葉所說汝當知 此事無有虛真實
無現及以未來世 汝今莫自獨疲勞
尔時意喜女聞父王鵞伽說是語已
心中不樂即復以偈更白父言

阿耶今是國之王 應以正法治天下
愚臣諂曲既無實 復勸王事愚癡師
迦葉及彼三大臣 其等所說非真正

又王此是惡知識

今者詐現知識形

自行邪道復誤人

下賤愚癡何所別

其今不與王安樂

反教王作不善因

我昔曾聞是事來

現在我身親自見

愚癡故來生於此

後復還得愚癡身

幽冥出已入幽冥

其後復還受幽冥

迦葉既是愚癡者

稱其愚惑意所宣

王為人主統四方

知理達解世間事

去何如彼小兒輩

入邪小道逞中行

隨逐意受親近人

相學即便生染著

如箭被血所汙已

入東展轉更相塗

智者交往深自防

不狎惡伴諸朋友

雖身不作於諸罪

而常習近作罪人

久昵習學自相成

其後自然得惡響

是故猶如彼射埽

智者畏著罪亦然

莫與諸惡知識交

常親智慧善知識

若諸衆生身業淨

經於八万四千生

屠兒煞害衆命時

又如鴿射釣魚者

迦葉既似彼等輩

彼輩亦如迦葉儔

格量彼二一種齊

無有老別勝不如

如是無體理迦葉

愚癡盲冥空出家

執此虛妄為淨因

八万四千生分畢

顛倒左轉行失度

無智愚癡心意迷

若諸衆生得淨時 不應八万四千受
偷賊劫殺於人物 能與他作惡怨讎
迦葉共彼無有殊 彼與迦葉亦無異
衆生若得於彼淨 云何八万四千生
如是數取善惡時 上下及中平等者
一切無勝復無劣 亦復無有分別生
若諸衆生得淨修 經歷八万四千處
彼人愚癡無有智 猶彼迦葉空出家
譬如炎熾大火燃 普燒盡諸所祭物
如是無智愚癡故 自燒一切功德山
大目前言見未來 造作衆罪無果報
彼於先世修福業 故今得受快樂心
若人造作衆罪時 捨福自然受殃禍
如船在水中不出 以重沉沒故不浮
更無有人能出之 即沒水中常腐敗
如人數數造諸罪 以造不息罪過多
如是即沒地獄中 王此前言曰即是
以其罪患未成熟 其罪不久熟即知
罪熟即墮彼泥梨 猶如船在水中沒
被諸苔衣所覆蔽 草重自舉不能勝
船久如是益重牢 人造衆罪亦復尔
漸漸久沉體轉重 猶如人造善業因
速疾得向上界生 往昔造諸一切罪

今生如彼地種子 罪業盡已後漸生
若造諸善業報時 即自生於善果處
時意意女說是偈已復更重白其父
王言父王當知我自思惟亦識宿命
所以者何我憶往昔七生在於摩伽
陀國王舍城內以惡知識相牽挽故
造多罪業行於邪慾侵他婦妾受樂
如天大王當知我於彼時所造惡業
覆藏而住如灰覆火

復次大王我於彼處捨身已後又復
生於金剛聚落富貴家生彼處生已
值善知識黑月白月八日十四及十
五日清淨守護八禁齋法恒常持戒
大王當知我於彼處既造善業譬如
安置種種伏藏至於水界牢固封治
即便停住

復次大王我於彼處亦捨身命以昔
遇緣造惡業故有餘未盡即便墮落
叫喚地獄在於彼處經多千年受極
苦厄

復次大王我於彼處罪業畢盡捨身
即生頻伽俱吒國土內受白羖羊身
彼處生已有諸王子或駕車乘或被

鞍轡而騎我上

復次大王我於彼處既捨身已復生於彼陀毗羅國亦作羊身彼處捨身復受牛身捨彼牛身出山林中受獼猴身

復次大王我於彼處捨獼猴身還生於彼金剛國內復受非男非女等身彼處業盡捨身即生忉利天上歡喜國中與天帝釋以為侍衛

復次大王我於彼處捨身之後以昔護持月六齋戒得清淨故今曰來生大王之家資財巨富無所乏少而大王今可不自觀此之因緣從何而得如是功德可不以昔造善業故今受此報如是以不

今時鵞伽施王如是共女意憐對說言論之時有一天仙名不鄰羅施

諸言

不從天上下觀問浮提正當於彼鵞

伽施王宮殿之上從虛空中漸漸而下今時王女意意見彼天仙如是自上而下即從座起更置高座請彼天仙坐於其上是時天仙安坐訖已意意頂礼天仙之足合十指掌向於天仙

而詰白言尊者天仙世間頗有善惡
果報諸業已不頗有夜叉諸天以不
有父母不有此彼世有於沙門婆羅
門不唯願天仙為我解說我此父王
不信是事

今時大天不邨羅陀即便反問鵞伽
陀王作如是言大王去何汝今意中
實不信於此事以不王即自言此事
實然天仙復言大王當知善惡果報
一切皆有亦有夜叉及以諸天有父
有母有此彼世有諸沙門及婆羅門
大王須信我從天上下來至此

余時鵞伽陀王語天仙言尊者天仙
若有彼世今日尊者可與於我五百
金錢我未來世當償尊者滿足一千
時邨羅陀天仙向王而說偈言

我今與王五百錢 須知王身有禁戒
若王心中無善行 因何未來償一千
此世有人諂曲行 彼世相求何處得
智人不與彼等債 如是人輩債求難
墮於地獄猛火燃 或有諸鳥周匝食
云何來世能償我 墮於地獄受苦時
利刀割截身不完 節節割時流膿血

苦惱暫時無歇息

云何還我一千錢

舉手把利剝筋時

斫剝其身如斬蔗

支節無有完全處

云何還我一倍錢

嚴惡黑狗膩荼身

處處轉動割截食

在於地獄無身肉

云何未來與倍錢

彼處有大利鐵叉

獄墜數數鑽其上

在於地獄手向下

云何與我一千錢

地獄多有劍樹林

一一劍頭十六刃

貫穿其上不暫住

誰能與我一倍錢

灰河地獄熱沸流

速疾如風如箭射

入於其中受苦痛

云何與我一倍錢

吞熱鐵丸地獄中

或復融銷赤銅汁

在於如是苦逼內

云何與我一倍錢

地獄有手如雲霧

各出熱炎嚴熾火

割截支節無暫住

云何與我一倍錢

彼處可畏闇無明

日月光影所不照

在彼無智愚癡輩

云何與我一倍錢

大王捨此非法行

勸王行於如法事

王當作於如是習

後應不墮地獄中

東西南北所有來

沙門婆羅門乞索

王當充足與食飲

衣服湯藥卧具房

彼等精進梵行人

沙門婆羅門取語

彼能殺護王苦厄

猶如熱雨蠲蓋遮

王作如是善業時 多有朋友相隨順
得至善路快樂處 神通中取得神通
如牛渡水直截流 若人把尾隨得濟
一切世間亦如是 逐直得直邪得邪
諸有人中行法行 凡人學行皆成勝
尔時耆伽陀王既聞說已復還以偈
白彼天仙耨羅陀言

大梵天仙哀愍我 猶如父母愛嬌兒
唯願數為我現來 若觀智人見善事
唯願尊者見度脫 我没煩惱海甚深
我今無地可住行 唯尊作我歸依處
唯願大梵仙護我 我今覆面如蹈坑
地獄無量苦衆多 我今一一依尊語
尔時大仙耨羅陀天還更以偈告耆
伽陀王如是言

王今若造罪不息 憎嫉沙門婆羅門
斷見顛倒既不除 我汝各各不相見
王若能行正法行 承事沙門婆羅門
精進持戒布施禪 我汝恒常得相見
時耨羅陀大天仙神為耆伽陀大王
說法教令正見心既迴已王意喜歡
頂礼天仙合十拍掌右遶三匝時耨
羅陀即從座起別為伽王還本來處

余時佛告諸比丘言汝諸比丘今應當知余時天仙那羅陀者今見我身釋迦人是余時彼王鴛伽陀者見即今日優婁頻螺迦葉身是

余時佛告諸比丘言汝諸比丘我於往昔見彼優婁頻螺迦葉邪見熾盛墮顛倒道發精進心教化令入於正道中今日亦然見其顛倒入邪道故我以是發大精進力為其出現五百種變神通教化令其安住無上菩提盡生死際到無畏處至涅槃岸

佛本行集經卷第四十三

癸卯歲高麗國大藏都監奉
勅彫造

佛本行集經卷第四十四

所

隋天竺三藏闍那崛多譯

布施竹園品第四十六

余時世尊經於少時住爲頭山次第
漸欲向王舍城遊歷而行是時去彼
優婁頻螺聚落未幾至王舍城其間
有一舊仙人居林苑處所名曰法雨
而其法雨林內有舊仙人草菴其中
常有五百苦行道入而住志得五通
並皆年老久修梵行頭白少毛齒缺
背曲身體皮膚多有黑鱗咽喉垂聾
如牛頸頤容自乾枯形骸朽敗卽杖
方行喘氣嗽聲欲行卽踣向前欲進
一步不移羸瘦筋樵纔有皮骨皆悉
百歲一切無堪以其往昔種諸善根
唯今一生但值佛時卽得信行以未
聞法不入涅槃皆在窟中各各禪坐
余時世尊欲化彼諸苦行仙人爲憐
愍故至彼居處在其窟門戶類之外
而說此偈語彼仙言

若人雖說百句義 其名味字不合文
寧說一句勝百千 當令聞者得寂定

若人說於百句偈

既無義理文句乖

說一句為取勝尊

聞已自然得寂定

若人善巧解戰鬥

獨自伏得百萬人

今若能伏自己身

是名世間善鬪戰

一月之中千過鬪

一鬪百倍得勝他

若能歸信佛世尊

能勝於彼十六分

一月之中十過鬪

一鬪百倍得勝人

若能歸信法正真

能勝於彼十六分

一月之中千過鬪

一鬪百倍得勝他

若能歸信一切僧

能勝於彼十六分

一月之中千過鬪

一鬪百倍得勝人

若能思惟法性空

能勝於彼十六分

猶如小兒月月等

所食如彼茅草頭

若人歸信佛如來

能勝於彼十六分

若有能信法僧寶

并及思惟法性如

如是歸者信難量

能勝於彼十六分

如彼世間祭祀火

具足滿於一百年

若一心歸三寶時

彼福百千万倍勝

如是百數不可盡

口業不可說得窮

以彼質直牢固心

能得如是上福報

若人滿足一百歲

在林祭祀於火神

若見善調伏人來

能捨暫時供養者

是則勝彼祭祀火

多種具足極一生

若人壽命滿百年 破戒心無有寂定

有能堅持忍精進 一日活足勝彼長

若人壽命滿百年 愚癡心恒生散亂

有能智慧及禪定 一日活足勝彼長

若人壽命滿百年 盲聾惛憤無聞見

其有見佛及聞法 一日活足勝彼長

若人壽命滿百年 憍憎濁亂無覺察

有能諦觀生死趣 一日活足勝彼長

若人壽命滿百年 不觀世間無常句

其有能了身非實 一日活足勝彼長

若人壽命滿百年 不觀世間甘露處

其有能識甘露者 一日活足勝彼長

今時世尊說於如是妙偈頌時時彼

一切諸苦行人聞此偈已人人皆悉

證得六通是時彼等諸苦行人從其

窟出出已頂禮佛世尊足各各禮已

從彼地方飛騰虛空捨於壽命入般

涅槃身出水火以自焚燒既焚燒已

彼諸舍利從虛空中各墮地上

今時世尊取彼五百羅漢舍利持作

一聚即起支提是時彼中有諸比丘

佐助世尊供泥及石壘治為塔世尊

神手網繆之指親自砌壘彼塔成就

端正可意世尊於彼舍利塔上作種種法作已次第與諸比丘行向於彼摩伽陀國徒衆弟子足滿千人皆是彼舊螺髻梵志所出家者如是漸往詣王舍城

尔時世尊與諸比丘至王舍城居住於彼杖林之內是時彼林別有一塔名善安住而有偈說

是時大衆相圍遶 世尊漸至王舍城在於精妙杖林中 如來向彼欲居住

尔時彼處摩伽陀國有粟散王其王名曰頻頭婆羅傳聞他說沙門瞿曇甘蔗苗裔從釋種姓捨而出家今日來在摩伽陀中遊行教化與比丘衆足滿千人一切皆是耆舊螺髻梵志出家今已至於王舍城側在杖林中善安住塔相與停止而彼沙門能於世間出大名聞彼婆伽婆阿羅呵三藐三佛隨善逝世間解無上士調御丈夫天人師佛世尊現今在彼教化有緣

又復世尊能於天人魔梵沙門及婆羅門一切世間以自神通皆能證知

知已能作如是宣說生死已斷梵行
已立所作已辦永更不受於後世有
而彼世尊說法初善中善後善其義
微妙唯獨具足畢竟清淨如是說法
而如是等阿羅呵三藐三佛陀若當
有人欲得往見其人善哉我今亦可
至於彼所大沙門邊見世尊故
余時摩伽陀國頻頭娑羅即遣嚴駕
賢善好車而坐其上共於國內諸婆
羅門長者居士前後圍遶足滿十二
鄰由他人從王舍城導引而出往詣
佛所欲見如來

余時彼國王舍城中有一婬女其女
名曰婆羅跋帝可意端正人所樂見
世無有雙歌儔作倡音樂洞解所有
衆伎六十四能皆悉具足時彼婬女
傳聞人道此有沙門瞿曇釋子王種
出家乃至彼作如是心念我今可至
彼沙門邊

余時彼女如是示現欲出門已復如
是思我今可於頻頭娑羅大王之前
見六世尊復作是念又彼頻頭娑羅
大王以多人力打道而行到沙門邊

又復多人大眾雜聞恐其遮我不能得行我今可於崩墻空所無人行處速疾而往先見世尊

余時彼女作是念已雇取多人而告之言誰能多拔墻城塵埽即當與汝如許錢直是時彼等諸受雇人一念時聞破彼墻已而得道除一切瓦石荆棘平正今時姪女婆羅跋帝即遣莊東妙好車乘坐於其上從自己家出行端直平正好道欲詣杖林善安住塔見佛世尊頂禮恭敬

余時世尊知彼姪女婆羅跋帝心之所念知已即作如是念言若彼姪女於先而來見於我者其頻頭王既在後來見此姪女立於我前則生疑阻作是念已即作神通令彼姪女即更不能於王前來其頻頭王欲於先來其車一定即住不行

余時頻頭婆羅大王心生恐怖悵快毛豎作如是念我今有何鬼神災禍為我作尋致使如此是時彼處有一天神知於頻頭婆羅王心在虛空中隱身不現而告王言大王汝今莫生

恐怖大王汝今亦無灾禍亦無變恠
雖然大王汝於某處瞻波城中禁繫
一人名為某甲速令解放車即得行
余時頻頭娑羅大王聞彼天神如是
語已速疾遣使教放彼人既散放已
可通車處車即得行其不通處步入
山林往詣佛所到佛所已頂礼佛足
却坐一面

余時彼處摩伽陀國一切人民居士
長者或頂礼已却住 面或有共佛
對善語言各相慰喻訖已各還却坐
一面或復有在佛世尊前說已姓字
既自說已却坐一面或復有人向佛
合掌却坐一面或復有人對佛默然
却坐一面

余時國中一切人民長者居士坐一
面已作如是念今日此中有大沙門
復有優婁頻螺迦葉我等國師未嘗
今者為當是此瞿曇沙門徙迦葉邊
受學梵行為迦葉等從沙門邊學修
梵行

余時世尊知摩伽陀一切人民長者
居士心之所念以偈告彼長老優婁

佛本行集經卷第四第八張 所 有
頻螺迦葉作如是言

迦葉汝見何事情 先在河邊修苦行
為我及眾說此意 棄彼祭祀事云何
尔時長老優婁頻螺梵志迦葉即還
以偈奉答佛言

色聲香味及觸法 五欲世間人所求
如是染愛滿天中 為貪是事我祭祀
尔時彼處摩伽陀國一切人民長者
居士及婆羅門作如是念此大沙門
自說一偈而彼優婁頻螺迦葉復說
一偈而是二人竟不知誰何者是師
何是弟子是時世尊知諸人民作是
念已還更以偈問彼優婁頻螺迦葉
作如是言

色聲香味觸等法 迦葉是中汝樂何
或有天上人世中 汝心所貪答我問
尔時長老優婁頻螺梵志迦葉重還
以偈奉答是言

我見寂靜無尋空 無相障尋不能著
不變易處無有誑 是處祭祀樂我心
尔時彼處摩伽陀國一切人民長者
居士心如是念此大沙門自說二偈
而彼優婁頻螺迦葉亦說二偈我等

今者猶自不知何者是師何是弟子如是十方諸佛世尊皆有此法若其不令一切大衆生歡喜心及希有想則不說法

尔時世尊欲教大衆生於歡喜希有心故告彼優婁頻螺迦葉作如是言迦葉汝今若知時者可為於彼摩伽陀國一切人民長者居士婆羅門等現上人法出於神通是時優婁頻螺迦葉聞佛語已即白佛言如世尊教我不敢違

尔時優婁頻螺迦葉從坐而起即出神通飛騰自在於虛空中或復經行或住或坐或復眠卧身出煙焰或復隱身如是等出種種神通遍顯示已從空而下住於地上頂礼佛足而白佛言世尊實是我教授師我今真是無上世尊聲聞弟子而說偈言

攝受微妙神通已 頂礼世尊勝足趺
我弟子事既已周 世尊真是我師父
尔時摩伽陀國衆婆羅門長者居士
及諸人民心生是念今此優婁頻螺
迦葉乃是沙門瞿曇弟子從沙門邊

行梵行耶作是知已向世尊邊生信
向心生希有想

尔時世尊知諸大衆生於歡喜希有
之想即為大衆次第說法所謂教行
布施持戒說於生天因緣業報說於
厭離五欲之事說漏盡因說盡煩惱
讚歎出家護助解脫而世尊知摩伽
陀國婆羅門等長者居士及諸大衆
一切已生歡喜之心生柔軟心無染
著心

尔時世尊知彼大衆應當得道又復
一切諸佛世尊知諸衆生或有讚歎
而得道法即為大衆如應而說所謂
苦集及於滅道世尊為彼大衆宣說
婆羅而為上首已外十一邨由他人
一時領悟

復有師言凡有十二邨由他人遠塵
離垢盡煩惱界心得清淨於諸法中
生淨法眼可有集法皆是滅相如實
證知譬如淨衣無垢無膩無有黑色
隨其所染易受於色如是如是彼摩
伽陀諸婆羅門長者居士及以人民

坐於彼座遠塵離垢乃至一切苦集之法皆是滅相如是證知其中復有一部由他清信士受優婆塞戒
今時摩伽陀王頻頭娑羅已見法相已知法相已入法相於法相中已度諸疑徹過無尋於諸法中無復尋心已得無畏世尊法中不復隨他不復問他一切法中得如是知自在無尋時頻頭王即白佛言如來世尊我昔在家作童子時發五種願我於今日悉得成就何等為五一者我在少年之時早得王位世尊此是我之初願今已得成

第二又願得王位已我治化內有佛出世此即是我第二心願今已得成第三又願佛出世已彼世尊邊我設供養今得歡喜此是我心第三之願今亦得成

第四又願彼世尊邊歡喜心已為我說法此即是我第四心願今亦得成第五又願彼世尊所為我說法願我一切悉得證知此即是我第五心願今亦得成

又復世尊我昔在家童子之時發如是心願有所作我志得成無上世尊我今遂也善修伽陀我今勝也譬如有人身曲得舒有人逃避藏伏得出迷人得道闇地得明盲眼之人顯見諸色無上世尊我今亦然然今世尊種種方便為我說法

又復世尊我從今去歸依世尊歸依法寶歸依聖僧從今日去一切時行優婆塞行願世尊知我如是持如來世尊我從今去盡此形壽誓不煞生護衆生命猶如己命為諸衆生作歸依處如是等持五戒十善唯願世尊及比丘衆受我明日飯食供養

尔時世尊為摩伽國頻頭大王默然受請時頻頭王知佛默然受其請已即白佛言善哉世尊坐此車上入王舍城我當自行牽於此車作是語已佛語王言善哉大王唯願大王常得安樂我不用車

時頻頭王從坐而起頂礼佛足圍遶世尊三匝竟已辭佛而去其頻頭王去未久間時諸比丘即白佛言希有

世尊云何今日摩伽陀王布施世尊馬車令乘又乞自行此事云何作是語已默然而住

尔時佛告諸比丘言汝諸比丘至心諦聽其摩伽陀頻頭大王非但今日布施於我馬車今乘為我牽車往昔亦然已曾施我諸如是事時諸比丘重白佛言唯願世尊為我等說其事云何

尔時佛告諸比丘言我念往昔迦尸國內有一王名善意樂法如法王治時天帝釋欲見彼王告調御天摩多梨言諸言無善實汝摩多梨至迦尸國將善意王來見於我為我語彼作如是言仁者善意三十三天及天帝釋欲得見汝仁者莫辭要必須來

時調御天摩多梨即白帝釋言如天主教不敢有違既受教已嚴駕賢車其車控馭千疋馬牽莊嚴訖已即時飛下閻浮提地詣迦尸國善意王邊既到彼已住於虛空以得白於善意土言

仁者今可來上車 天乘莊嚴無有上

諸天憶念於仁者 是彼三十三天王
余時善意王既聞 即從東面登車上
此乘寂勝無有譬 行詣向於尊勝天
諸天遙見彼王來 各起而迎告於彼
善來人中法王者 共天帝釋坐此處
是時帝釋大天王 遙見彼王來即起
迎進而告王言曰 善來世間汝大王
於今此處自在天 可住此承天威力
意欲停時隨多少 任情所用終不違
余時彼王在於忉利三十三天多時
住已心意不樂作是念言我今恐畏
壽命減損作是念已即便以偈白帝
釋言

我昔初來樂天上 此處音樂微妙聲
我今恐畏壽命終 所以還不樂天果
余時忉利帝釋天王即還以偈報答
於彼善意王言

王今年壽未虧減 命終之日猶尚遙
但以王今善業微 是故不樂於天上
仁者昔來乘自力 彼業今盡無有餘
既以罪業迷惑心 故令心不樂天上
今若欲受天威力 即受天樂如舊時
如於微妙車乘中 又如惑亂妙林苑

汝今若作如是想 即得心樂住此天
時善意王聞此得已即便諮白天帝
釋言大善天王我從此處至人間當
作多福業行於布施行於苦行行於
善事語言多實受於齋戒我當作是
諸善業已還更來上於此天上時天
帝釋告彼王言如是如是如仁者言
汝今日從此處已去至於人間當作
如是多種功德多作善業乃至布施
受於齋戒汝造如是善業竟已還來
天上

時善意王住彼天上經歷多時然後
還詣向閻浮提至其王宮宮內所有
妹女妃后及諸王子大臣百官親眷
屬等皆悉死亡無有一在而王不見
彼等舊人心中不樂憂愁悵快而說
偈言

此是彼之舊衣服 瓔珞辟劍及耳璫
生平護惜不施他 今死物留身何在
如是種種莊嚴具 床褥被枕妙純綖
園林池沼及香山 忽然而捨於此處
一切人民既不見 所有宮殿並虛空
婦兒眷屬悉皆無 我意云何樂於此

智慧尊豪其富貴 如是威德大家生
司命惡鬼不護持 磨滅悉皆使離散
若富若貴若貧賤 若聰若慧若愚癡
或少或壯或老年 若至於此盡時節
其司命鬼不能護 一切捉撮使消亡
諸有利利婆羅門 毗舍首陀賁賤等
或旃陀羅塗摩類 時至不簡擇彼留
一切摧折悉無遺 猶如山川疾流駛
拔諸險岸所生樹 老病死至亦復然
吞噉衆類身命根 我親自於彼處見
四埵所居四鎮主 忉利三十三天宮
一戲意喜遊歷行 七日七夜時不及
我住於彼帝釋處 面前恒對瞞天王
彼邊所觀餘諸天 常見有於如是事
我今唯造作福業 行檀捨施及尸羅
精進忍辱智慧禪 誓更不求王位報
尔時佛告諸比丘言汝等比丘欲知
彼時善意王者則我身是其摩多梨
調御天者即此摩伽頻頭王是其於
彼時將車請我為我牽車今亦如是
請我與車亦欲為我躬自馭駕本誓
願然

尔時頻頭娑婆羅大王至已宮殿到已

彼夜辦具種種甘美飲食悉皆豐足
所謂嗽食啖食嚼食舐食諸如是等
一切並訖過彼夜後掃灑堂殿鋪設
諸座即遣使人往詣佛所諮請時至
作如是言善哉世尊時節欲至所警
飯食已辦具訖

尔時世尊於晨朝時著衣持鉢與比
丘衆左右圍遶足滿千人皆是宿舊
螺髻梵志所出家者羽翼世尊詣王
舍城

尔時初刹帝釋天王即自變改化作
天身為摩那婆形身端正可喜衆人樂
見頭上還以螺髻為冠身著黃衣其
左手中執金澡鉢右手挾持雜寶之
杖在佛比丘大衆前行行時其足離
地四指不到塵土尔時帝釋摩那婆
身說此偈言

如來自伏能調他	共此一千舊螺髻
如是金色妙身體	無上世尊今入城
自既寂靜能寂他	共此一千舊螺髻
如是金色妙身體	無上世尊今入城
自既得度能度他	共此一千舊螺髻
如是金色妙身體	無上世尊今入城

自既得脫能脫他 共此一千舊螺髻
如是金色妙身體 無上世尊今入城
其有能說十法門 十力具足十無勝
一千比丘左右遶 無上世尊今入城
余時城內一切諸人見天帝釋作如
是言希有希有此摩那婆極大端正
可意無雙人所樂見此誰侍者此供
承誰余時忉利帝釋天王即以偈報
彼諸人言

諸佛善能伏一切 寂靜無上寂勝尊
應供天人世間中 我今與彼為侍者
寂大丈夫能伏物 無有能勝佛世尊
應供天人世間中 我今與彼為侍者
余時世尊安庠行至頻頭娑羅王宮
殿中入已即便鋪座而坐余時頻頭
娑羅大王見佛世尊及諸大眾安坐
已訖自手執持種種饌饌飲食之具
施佛及僧并餘大眾一切充足自恣
噉食眾雜喫啖悉皆訖了佛及眾僧
飯食竟已淨洗手足各將小座坐於
佛前時頻頭王坐佛前已作是思惟
今日令佛於何處住莫令去城過近
過遠出家之人使得安止如法行道

時頻頭王復作是念此之竹園近於城隍還往穩便來去不疲平坦易行衆人所樂欲求利益易得不難兼少畜畜毒蛇蝮蝎晝日寂靜無人去來夜裏少聲聞若亦得欲近城池來去無罣堪爲善人修道之要我今應用此之竹林奉施世尊以爲坐處

時頻頭王作是念已而白佛言大聖世尊此竹園林去王舍城不近不遠乃至堪爲善人修道唯願世尊教我何法以此竹林布施世尊以爲坐處余時佛告頻頭王言如是大王若欲布施我竹林者聽當布施彼招提僧時頻頭王即白佛言如世尊教時頻頭王從坐而起手執金鉢與世尊水復白佛言善哉世尊此竹林園去城側近乃至堪爲善人修造我今捨施諸佛世尊招提僧等布施以後唯願世尊納取受用哀愍我故

余時世尊即便受取爲憐愍故因以此偈而呪願言

一切樹木雜園林 井及造作諸橋等
渠池井泉以充濟 船舫來去度衆人

彼等恒於晝夜中

福智日增長無絕

行法持戒人亦尔

信敬堅固即生天

尔時世尊為頻頭王呪願訖已從坐而起還至本處至本處已為此事緣集諸大眾集已而告諸比丘言汝諸比丘從今已後許諸比丘自畜園林尼沙塞師作如是說得竹園緣

佛本行集經卷第四十四

癸卯歲高麗國大藏都監奉

勅彫造

佛本行集經卷第四十五

所

布施竹園品下

隋天竺三藏闍那崛多譯

尔時王舍大城之中有一長者名迦
蘭陀國中大富多有資財豐饒駟使
乃至其家猶如北方毗沙門宮一種
無異其迦蘭陀竹林處所是彼長者
自己之物去城不遠乃至堪為善人居
處彼園中有諸求道人來去居住其
道人名阿耆毗伽隋言邪命迦葉遺師作
如是說尔時四鎮四大天王告青色
身夜叉等言汝輩速疾往迦蘭陀竹
園之內掃灑除却一切沙礫礪石荆
棘糞穢土埽皆令平正勿使坑坎仰
其淨潔今日世尊欲於彼園安居坐
夏是時青色夜叉等衆承彼四大天
王之威如是教已即便白言如天王
勅疾至彼園掃灑清淨乃至悉皆平
正嚴淨

尔時有一阿耆毗伽學道之人於晨
朝起明星將現見四青色夜叉而來
掃灑竹園見已即至彼等邊問作如

是言長老云何汝等是誰彼等報言
仁者我輩青色夜叉被四天王駈遣
我等來於此處掃灑竹園乃至平正
如來今欲於此安居經一夏坐以是
義故我等今來料理此處

尔時阿耨毗伽道人見如是事過夜
日出速疾往至迦蘭陀所大長者邊
到已語彼迦蘭陀言汝大長者今若
知時昨夜將盡明星現時我見有四
青色夜叉掃灑料理於竹林園我既
見已至彼等邊借問其言諸長老輩
汝等是誰彼報我言我等是彼青色
夜叉被四天王駈使而來至於此處
遣於我等掃此竹園而語我言汝等
至於竹林園內乃至修治使令平正
世尊今欲住此安居是故我等故來
此處掃灑料理此竹園中
尔時阿耨毗伽道人語長者言汝今
於先將竹林園奉施沙門瞿曇受用
恐畏於後摩伽陀王頻頭娑羅棄彼
園與沙門瞿曇汝之長者當於尔時
恐不得施此之功德汝當不得徒自
虛損

時迦蘭陀大富長者從彼阿耨毗伽
道人聞是言已即詣佛所半由旬道
逆逢世尊其迦蘭陀長者遙見世尊
前來可意端正衆人意見乃至諸相
莊嚴其身猶如衆星莊嚴虛空見已
即便於世尊所心生清淨心生歡喜
詣向佛邊到佛所已頂禮佛足手執
金餅以清淨水灌於佛手

尔時長者口作是言善哉世尊我住
王舍名迦蘭陀我有一園稱為竹林
去城不遠乃至堪為善人安處我今
將彼園奉世尊世尊為我受彼園用
慈憐愍故

尔時佛告彼長者言若當有人布施
奉佛或復園林或復宅地或餘衣服
或餘資財空施佛者然彼之物於天
人中即成為塔餘不得用

佛告長者汝今若將彼之竹園布施
招提若在未來一切大衆皆悉得用
勸汝如是殷重布施時迦蘭陀長者
聞佛如是語已即白佛言如世尊教
我不敢違

尔時長者重白佛言世尊我今將竹

林園布施未來三世一切衆僧來者
皆隨意用願為於我受用彼園憐愍
我故是時世尊從迦蘭陀長者之邊
受彼竹園為欲憐愍彼長者故即說
偈頌而呪願言

其偈初云樹木雜園乃至略說即得
生天此是世尊最先受施竹園因緣
今時世尊在王舍城迦蘭陀鳥竹園
之內與大比丘徒衆千人所謂志是
舊仙蟬騷梵志出家

佛本行集經大迦葉因緣品第四十七上

今時去彼王舍大城不近不遠有於
一村名新豎立別有一師作如是言
摩訶僧祇復作是說摩伽陀國王舍
大城有一聚落其聚落名摩訶娑陀

羅

隋言大
澤田

彼處有一娑羅門村其村

還名摩訶娑陀羅而彼村內有一大

富婆羅門名尼拘盧陀羯波

隋言大
用樹

彼

大長者巨富饒財多有駞使乃至其
家猶如北方毗沙門天宮宅無異而
彼長者大婆羅門領五百村處分駞
使受其節度

今時摩伽陀國頻頭娑羅王有一千

具犁牛耕地彼婆羅門止少一具不滿一千所以者何恐畏頻頭娑羅大王生嫉妬心所以故減其婆羅門所有六畜不可知數唯數烟火知其多少其金錢藏一切合有二十五害而彼大富婆羅門婦至其園中遊戲觀看彼婦因在一畢鉢羅樹下而坐尔時彼婦先舊懷娠即便在彼樹下而產生一童子可意端正衆人樂觀世間無比猶如金像而彼童子初生之時於彼樹上即自然出一妙天衣彼衣現已其父母見作是思惟此之天衣必是童子福德故生是故即因此之瑞相名畢鉢羅耶那隋言樹下生而彼童子從生已來因樹為名相傳即稱畢鉢羅耶那尔時父母與彼童子各別安置四種妳母謂抱持妳乳哺之妳將遊戲妳看養育妳而彼四妳養育洗浴抱持戲笑與乳哺飼令其增長時畢鉢羅耶那童子而其父母唯此一兒愛重之心雙不聽離若不見時父母心中即便不樂

尔時童子福德因緣養育未幾漸向

增長不久之間成就智慧乃至稍大能行能走而其父母及胎年數至滿八歲即為其受婆羅門戒既受戒已即便付囑父母家業諸雜技藝祭祀法式悉遣令教所謂書畫算數刻印及四韋陀諸授記法世辯言談受持杖法大呪術法闡陀之論種種文章五行星宿度數陰陽滲漏知時一日一夜凡若干時如是則凶如是則吉又復童子知地動相雷鳴震吼鳥獸鳴呼飛走驚動候相盡知一切諸變又占相知諸技藝相知男女相知六畜相知人洗淨清淨之行知受水法受澡罐法知受灰法知唱唄歌明識吉祥盛衰之相禳災解除祭祀火神大人諸天悉皆徭託既自學已復能教他受他物時或施他物皆悉學得於世間中無所不達無處不知睿智捷疾黠慧聰明敏博辯才利根多巧而彼童子今性質直常厭世間知慾不淨心生捨離以昔曾見諸佛世尊於彼佛邊種種善根修諸功德已得成就知諸食相心多欲入向涅槃門

常欲求出捨諸煩惱不受一切世間
有為不受一切生老病死往昔修行
以爛一切諸業繫縛因此智力至成
熟地一生補處

時畢鉢羅耶那童子父母見其年漸
長成堪受世慾如是知已即告彼言
耶那童子我欲為兒姊娶女子與兒
為侍作是語已時畢鉢羅耶那童子
白父母言波波摩摩我心不樂娶妻
畜婦我意願樂欲修梵行

余時耶那童子父母告其子言我所
愛子兒今先須生子立世然後任當
修於梵行何以故此事相承傳聞說
言若人無子無有繼後彼人終不得
生天上時彼童子報父母言波波摩
摩我今不用立世相傳亦復不用繼
續於後我當梵行如是父母再過三
過告畢鉢羅耶那童子作如是言愛
子要須立世娶婦何以故畏我等家
當絕嗣胤

時畢鉢羅耶那童子乃至三過被其
父母如是惱時即便提取閻浮檀金
教於工匠作婦女形作已將向其父

母邊出以示現向其父母作如是言
波波摩摩我不用受五慾之樂願修
梵行若必波波摩摩要欲為我娶婦
持立世者必當湏覓如是顏色如閻
浮檀金形狀者

時畢鉢羅耶那童子父母既見如是
事已心大憂愁悵快不樂心作是念
我等何處能得婦女如閻浮檀金色
形者時拘盧陀大婆羅門坐於樓上
心裏不歡默然而住尔時彼家有婆
羅門為其門師恒常來往至彼大富
婆羅門家

時彼門師婆羅門來入其家已而呪
願彼富婆羅門作如是言大施檀主
願汝增加一切財錢吉祥果報無所
乏少妻妾子息願多增益復更重問
其家人言汝之大家今在何處家人
報言大婆羅門我大家今在於樓上
心大悵快愁憂不樂默坐而住

時彼門師婆羅門即至於大富婆羅
門邊如是白言願大施主增長家計
宿昔何如於夜卧時食消以不又復
夜共愛人相戲受於快樂稱意以不

而彼主人富婆羅門嘿然不報彼復問言汝今何故嘿然不報我今如是與汝小來同苦同樂汝今何故不共我語

時拘盧陀大婆羅門向其門師婆羅門邊委說前事說已語彼婆羅門言我今何處得如是女如閻浮檀金色形者尔時門師婆羅門報大婆羅門作如是言汝大施主富婆羅門莫愁莫苦汝既為我作於施主我所須者衣食具度常從汝得我為汝覓求於如是閻浮檀形金色之女汝心莫疑我覓得得我須道糧并及道伴汝覓與我我共彼等相隨而去四方求覓尔時大富婆羅門聞如是語已稱其所言皆悉辦具及徒伴與時彼門師婆羅門得種種資糧相發遣已即作四色神明繖蓋種種莊校立為神明於其前作種種音樂前後圍遶或有傘蓋底打金作其神明面或以銀作或頗梨作神明之面或琉璃作神明之面作已別遣三傘蓋行向於餘方其一自隨告彼別道諸人等言汝輩

所至村邑方處普告一切諸村女言
此是神明阿誰女能施設供養若供
養者稱彼女心所欲求願即得成就
汝等當觀其諸女內若見有女作於
金色汝等當問其姓氏族名字住處
宜速疾來還向我邊如是語已即便
別去

時彼門師大婆羅門即自將一傘蓋
神明置於囊裏及食糧具詣於他方
或至州村聚落城邑王宮巷陌所入
之處即將音聲樂彼神明所至之處
有諸女等聞彼音聲一切悉來聚集
觀察

尔時彼大婆羅門見諸女集聚即從
囊中出神明形示現女輩口作是言
汝等女輩各當供養此之神明若有
女能供養於此神明之者其女所可
有心求願即得成就尔時彼等一切
女輩即將種種塗香末香華鬘散花
從家將來欲用供養彼之神明如是
方便漸漸行至毗耶離城

尔時去彼毗耶離城不遠有於一大
村名迦羅毗迦

隋言赤黃色

時彼村內有一

巨富大婆羅門名迦毗羅

隋言黃赤

彼婆

羅門富足資財多饒駘使乃至彼家
猶如北方毗沙門宮一種無異彼婆
羅門有於一女名跋陀羅迦梨耶

隋言紫
色黃女

彼女可意端正殊絕衆人樂

見世無有雙不短不長不麤不細不
白不黑不紫不青其在盛年堪為天
下玉女之寶

余時彼處毗耶離城有一節日名為
燃火其節日內有五百女共來集聚
跋陀羅女身亦來集在彼會中余時
彼將傘蓋神明大婆羅門詣向於彼
諸女之邊到已從囊即出神明示現
彼等一切諸女口作是言汝諸女輩
此是天神竅勝竅妙汝等各當供養
祭祀若有女人供養此神可有心願
皆悉得成

余時彼等一切諸女各將種種末香
塗香花鬘散花速走向彼神明之邊
口作是言我今供養此天神神明唯自
有彼跋陀羅女獨不肯往近彼神明
而彼一切諸女伴輩強抱其將往神
明邊亦到彼處其威光力彼間浮檀

金色之形即無威光便失本色

尔時彼處跋陀羅女於女伴邊出力
挺身即便得脫走向自家自己父母
作如是言波波摩摩願莫將我與於
餘人何以故我今不用人作夫主我
心中欲修行梵行尔時彼女所有兄
弟語跋陀羅作如是言阿姊阿妹我
等實亦不欲與汝暫時別離但我等
輩若不嫁汝於道理中復不能得世
人或言是女兄弟必於其邊有邪私
意是故不肯嫁與他人恐涉此疑
是時彼女兄弟復更作如是言汝但
莫愁我等若當將汝欲許於他人者
會當為汝多索錢財而彼人求若不
能辦多許錢物則汝自然不離家居
而彼兄弟可有人來求彼女者即作
是言若人欲求我姊妹者還聚好金
今如女大乃當相與
尔時彼所求女門師大婆羅門將閭
浮金女形行者既覩於彼跋陀羅女
見已問彼諸別女言此女是誰誰家
所生時彼諸女報於彼客婆羅門言
此處有一取勝巨富大婆羅門名迦

尔時彼客婆羅門聞此因緣已日將
欲没至黃昏時漸到於彼富婆羅門
迦毗羅家到其家已從乞寄宿而彼
家人即便許可借其宿處時彼寄宿
客婆羅門過其夜已至彼後日於晨
朝時詣迦毗羅婆羅門邊到其邊已
即在其前而呪願言願此仁者婆羅
門家常勝增長作如是呪願畢已
却坐一面其迦毗羅問於彼客婆羅
門言仁者昨夜安隱以不宿昔何如
是時彼客婆羅門報作如是言我昨
夜中甚大安隱快樂無惱
尔時彼家跋陀羅女於晨朝時從眠
卧起至其父邊到已頂礼於其父足
却立一面時彼求女客婆羅門白迦
毗羅富婆羅門作如是言善哉仁者
此是誰女其迦毗羅報彼客言是我
之女彼婆羅門復問仁者此女頗有
與處以不迦毗羅言此女未有許與
他處

時彼求女客婆羅門即白主人迦毗
羅言大富仁者摩伽陀國有一聚落

名摩訶娑陀羅彼聚落內有於一村

其村還名摩訶娑陀羅其中有一大

婆羅門名尼拘盧陀羯波羅宮餘財

彼有一子名畢鉢羅耶那摩那婆諸

義自解復能教他於三摩陀悉皆洞

解復解一事十名之論及尼乳轉書

論往事五明論等一句半句一偈半

偈皆能分別授記世辯六十種論解

大丈夫諸要相等一切技藝無所不

余時彼客婆羅門說如是語已白主

人言今勸仁者將此女與彼摩那婆

持以為妻是時彼大富婆羅門及諸

兒子報於彼客婆羅門言大婆羅門

此女若嫁索多錢財有誰能取客婆

羅門問主人言索幾多財彼等報言

稱此女形索若干金

余時彼客婆羅門聞即從袋出彼間

浮檀金女之形亦現於彼父母兄弟

訖作是言此間浮檀金色之示應攝

是女汝等當取與我此女余時彼女

父母兄弟作如是念應彼家人聞我

此女如是端正集聚多許間浮檀金

造作女形使若干大

余時彼女父母兄弟共如是言我等
今者若取此形間浮檀金不觀彼家
錢財多少又不諳悉其國禮儀法則
高下我女脫若至於彼家當見苦惱
今須密使私觀彼家作是念已告彼
求女婆羅門言善使仁者大婆羅門
我今欲遣使觀彼家法用去何然後
思量可與以不是時彼客大婆羅門
報言如是仁意當觀

余時彼客大婆羅門作是語已即辭
主人歸還本國到尸布盧陀羯波婆
羅門連到已白言善勝仁者大婆羅
門心應歡喜我求得女如間浮檀金
色形者彼甚可意端正無雙衆人
樂見

時彼大富婆羅門問於彼求女婆羅
門言大婆羅門仁者何處得見是女
彼婆羅門即報之言彼女舍去毗耶
離城其間不遠有於一村名迦毗羅
其內有一富婆羅門名迦毗羅彼婆
羅門有女名曰跋陀羅迦平梨耶
余時是鉢羅耶鄰父母聞是事已心
大歡喜遍滿其體不能自勝是時正

拘盧陀羯波大婆羅門即便置立從
已坐村連接乃至毗耶離城其間步
地半由旬道安一牛群并造家舍如
是處處安置訖了時迦毗羅大婆羅
門告於彼等當牧牛人作如是言汝
等各應如是脩擬若其有人從毗耶
離城來於此彼等所須一切諸物汝
等迎接供奉彼人勿令乏短

尔時跋陀羅卑梨耶女兄弟從其家
出向摩伽陀至王舍城彼等值初第
一牛群所居之處彼處諸人齒躬出
迎口作是言善來人輩從於何方遠
來到此即引將入客舍之中以諸香
湯與令澡浴復以種種香塗其身復
將種種無價之衣與其令著復將種
種雜好香花結用作鬘置其頭上然
後別將種種甘美餽饌飲食與其令
飲所謂啖啖嚼齧嘗啖種種味具皆
悉充足自恣飽已始告語言此中即
是我等牛舍可傳一宿後日早起隨
意而行時彼等客問牛子言此誰牛
舍牛子報言此是王拘盧陀羯波富
婆羅門牧牛之舍故為仁壽客行安

立恐畏仁等行來疲乏飢渴困極所
須不得而彼客人一夜安卧後日起
行如是次第值於第二牛群之舍如
是第三第四第五第六第七悉皆如
是出迎承接復口自言汝等仁輩從
何遠來乃至今宿一夜安樂眠卧後
日隨意而行

時彼等客問主人言如是牛舍可有
幾許牛子報言從彼摩訶婆陀羅村
已來至於毗耶離城半田旬間置一
牛舍余時跋陀羅迦卑梨耶女兄弟
共聞如此語已即作是念彼人牛舍
尚有若干其餘錢財更何須說我等
從此應須迴反還向本家我等當以
我之姊妹嫁與彼家以為其婦

時彼兄弟即遣使人告彼大富婆羅
門言汝來可取我之姊妹為汝新婦
作是語已從彼迴還時畢鉢羅耶摩
鄰婆聞於使人以得繻其心意之女
聞已即作如是念言我今應當自往
觀看彼女實有如是德行智慧以不
是時畢鉢羅耶童子即便至已父母
之邊長跪白言婆婆多多我必責亦

不用五欲願修梵行而尊長今既強
為我求於正對是故我今自應往彼
次第乞食觀看彼女實如使人言語
以不

時其父母即告子言若知時者汝當
自行而彼童子即便辭行次第乞食
漸漸至迦卑羅迦村時彼國內有如
是法若有沙門若婆羅門來乞食者
女手將食出與彼人余時跋陀羅女
即從其家自將食出授與彼客摩鄰
婆手

余時畢鉢羅耶見彼女已作如是念
與決定應是彼女也是時其女自手
授與彼摩鄰婆飯食訖已頂礼其足
却住一面時摩鄰婆問彼女言仁者
善女有嫁處未

余時彼女即便報言仁者摩鄰婆摩
伽陀國有一聚落其聚落名摩訶羯
波彼處有一婆羅門村彼村有一富
婆羅門名且拘盧隨羯波彼有一子
名畢鉢羅耶我之父母以將我許與
彼為妻

余時畢鉢羅耶即便報彼跋陀羅女

作如是言善女我聞彼摩鄒婆內心
不用行於五慾願修梵行是時彼女
即便諮白摩鄒婆言大婆羅門我今
得聞如是言者甚大歡喜我亦不用
行於五慾願修梵行今日許他此是
父母世間之意我實不用今強以我
隨同世人適彼為妻

今時畢鉢羅耶童子聞是語已問彼
女言謂仁善女汝昔曾見畢鉢羅耶
摩鄒婆不彼女報言善摩鄒婆我未
曾見時摩鄒婆復更重語於彼女言
謂汝善女即我是彼畢鉢羅耶摩鄒
婆身我實不用行於五慾我今內心
願行梵行此之事情是我父母眷屬
之意直是父母故強與我取汝為妻
今時跋陀羅女聞是語已即便白彼
摩鄒婆言善哉仁者大摩鄒婆我得
是言甚大歡喜仁必不用世五慾者
今莫久住速宜取我莫令於彼有無
梵行世間之人而求索我今時畢鉢
羅耶得是語已即從彼處迴還向家
至父母邊到已長跪白父母言養婆
多多我實不用行世五慾願修梵行

二尊為我欲娶婦者但速疾為我迎
彼婦來

尔時畢鉢羅耶父母即共迎畢鉢羅迦
大婆羅門止於言契交關下財隨索
多少辦具種種飲食雜味無價瓔珞
妙寶末等選來皆華善好徧日多貴
財寶後彼迎取跋陀羅迦畢鉢羅之世
聖兒作妻迎入家已於一室內鋪二
合榻隨安置已而彼二人在一室內
各各相親不相染觸

尔時畢鉢羅耶父母聞此事已作如
是念彼之二人在一室內不相染觸
此事云何耶更方便乎一合榻止留
一榻其既同眠自應相合而彼二人
猶不相觸若畢鉢羅耶著衣睡眠其
跋陀羅女即起經行若跋陀羅女著
於睡眠其畢鉢羅耶即復經行如是
更年周匝年歲終不同宿

佛本行集經卷第四十五

癸卯歲高麗國大藏都監奉

勅周造

佛本行集經卷第四十六

所

隋天竺三藏闍那崛多譯

大聖藥師如來變品中

余時跏趺羅身正著睡眠其夫起立
經行之時彼地方所有一黑地欲得
行過時跏趺羅既著睡眠而其一手
懸空床掛羅鉢鉢羅耶見於黑地欲從
彼過跏趺羅手既垂下懸心作是念
畏彼黑地並並其手即衣裹手擎跏
趺羅鉢安床上

余時跏趺羅以觸辭故睡眠即覺心
生恐怖愁憂不樂意中疑怖即便諮
白畢鉢羅耶作如是言賢善聖子仁
於前時可不與我有是要誓我意不
意行於五慾願修梵行今為何故發
如是心畢鉢羅耶報言如是不行
慾跏趺羅言聖子今若不行於慾何
故向者忽觸我辭

余時畢鉢羅耶依實報言向有黑地
從此而過我見汝辭懸在床前我於
彼時作如是念恐畏彼地吐毒整汝
我於彼時以衣裹手擎持汝辭安置

牀上實不故觸如是次第彼之二人
一處居止經十二年同在室內各不
相觸過十二年後有一時畢鉢羅耶
父母命終家業既廣即便經營畢鉢
羅耶身自檢校家外田作其跋陀羅
修絹家內所有一切資生之業

余時畢鉢羅耶曾於一時語跋陀羅
作如是言賢善仁者汝屢分教厭鳥
麻油今欲將與諸牛等飲其跋陀羅
即報夫主如聖子教我不敢違聞是
教已喚諸使女而告之言汝等速疾
壓烏麻油聖子欲將飲於諸牛

余時使女聞跋陀羅如是言已即將
烏麻置日中曬而見諸垂百千蠕動
見已各各共相謂言我等當得無量
諸罪或復有言我等今者知有何罪
此之罪過屬跋陀羅其使我等作如
是事跋陀羅聞諸使女等作是言已
即語之言若有如是衆罪過者汝等
當更莫壓於油

余時跋陀羅遣人拊搗彼烏麻已入
於室內閉門思惟心中不樂任頭默
然寂靜而坐其畢鉢羅檢校田地觀

看追還見諸衆生受彼種種無量苦
惟復觀諸牛受於田疇作使驅逐暫
不得停見已憂惱低頭默然作是惡
惟嗚呼一切諸衆生輩受是苦惱
還至其家以犬養其類已不樂低頭
念坐

其蹉跎羅見羣蜂羅如是憂惱低頭
思惟見已到邊到已自言聖子何故
如是憂愁心中不樂低頭而生仁今
可不作如是念我處分汝蹉跎羅今
使人壓油不爲我壓以此因緣必不
樂也彼即報言賢善仁者我今不以
如此因緣心中不樂低頭而生
我於今朝從此而去檢校田作見諸
衆生受種種苦來去行住不得暫安
復見諸牛種種作事不覺低頭我見
是已作如犬畜時時臨視猶意生無
乃受是苦我以此故心中不樂低頭
而生

時蹉跎羅復報云言善仁聖子我今
亦是如是入惡其夫問言賢善仁者
汝見何惡其蹉跎羅次弟即說如是
因緣令蹉跎羅等諸蹉跎羅等信

如是言賢善仁者住在家內難行清淨無缺無犯無損無害終不能盡一形一命可得稱心修行梵行其跋陀羅報言聖子是故我等二人詳共捨家出家是時畢鉢羅耶即便報彼跋陀羅言賢善仁者汝今且住我當求師若尋得已當告汝知汝於後時捨家出家

是時畢鉢羅耶即喚家內所有作使請月共等而告之言汝輩可有當我錢財或復穀米皆屬汝等皆放為良我欲出家修梵行為欲離故余時畢鉢羅耶取已白晷無價之衣即時周作彼僧伽梨即請一人剃其鬚髮而作是言世間可有大阿羅漢而出家者我今隨其出家修道當於彼時世間未有一阿羅漢唯除如來多陀阿伽度阿羅呵三藐三佛陀今時世尊於晨朝時明相現已證阿耨多羅三藐三菩提是時畢鉢羅耶與業當於是日夜分已過日始初出尋亦出家是時畢鉢羅耶迦葉生於人迦葉瞿姓之內故於世間得迦葉名

彼出家已於聚落內次第乞食漸次而行復一時間次第遊行到摩伽陀國摩伽陀聚落至鄒荼陀村王舍大城其間忽見如來在彼一神祇處余時是神名曰多子在於彼坐甚大端正其身正直猶如虛空之內衆宿莊嚴迦葉見已即得清淨得無二想我於今者必見教師我於今者必見婆伽婆我於今者必見一切智我於今者必見世尊一切見者我見世尊我見無礙知見者我見世尊彼大迦葉如是得淨心已心心相續正念不散頂礼世尊足下已畢右膝著地在於佛前白佛言世尊我是世尊聲聞弟子唯願世尊與我為師我是世尊聲聞弟子也是故論者而說偈言

彼見佛在多子樹 猶如金像光顯赫
其心內發一切智 合掌歡喜向世尊
於彼林處礼佛足 合掌尊前作是言
唯願世尊為我師 猶如闇處燃燈照
余時世尊告迦葉言迦葉若有聲聞弟子如是一心正念已訖言是我師如是之心專意供養而彼教師不知

言知不見言見彼人以此虛妄語故
受是尊重供養之者彼人頭破作於
七分然大迦葉我今知實言知見實
言見我為聲聞諸弟子等說法之時
說於因緣非無因緣非無開遮非但
開遮亦現神通非唯現通亦有開遮
非無開遮

復次迦葉我於彼時說於因緣乃至
亦有開遮非無開遮如我所說應奉
行之勿得違也隨順我言若如是者
於當來世長夜獲得自利益事得大
安樂也

復次迦葉汝應如是學迦葉汝若欲
學如是行者於梵行人內下中上所
應起敬重慚愧之心迦葉汝應如是
學也

復次迦葉汝於彼時常起正念勿暫
捨離迦葉汝於此事復應當學

復次迦葉汝於彼時於五陰中應觀
生滅之相所謂此是色此是色生此
是色滅此是受此是想此是行此是
識此是識生此是識滅迦葉汝於是
處應如是學

於時長老摩訶迦葉既蒙世尊作是教已生是不淨常乞食食經於七日至於八日如教生智於時世尊如是教已從座而起於是長老摩訶迦葉侍送世尊

尔時世尊行路未久便在路側到一樹下到彼樹已然其長老摩訶迦葉取已身上僧伽梨衣四疊敷地而白佛言世尊是座為世尊設憐愍我故佛坐是座作是語已於時世尊便坐彼座坐已佛告長老摩訶迦葉言迦葉如此僧伽梨極為微妙堅勝柔軟時長老迦葉白佛言世尊善哉善哉世尊今者憐愍我故受我是座

於時世尊告彼長老摩訶迦葉作如是言迦葉汝能持我所著糞掃衣不於時長老摩訶迦葉白佛言唯然世尊我能持彼如來所著糞掃衣耳

於時世尊即授長老摩訶迦葉鹿糞掃衣世尊便受摩訶迦葉所著妙服於世間中有人作疑頗有世尊憐愍他故顯示大德福利之事至於富勢在先棄捨而受鹿布糞掃之衣彼所

疑者唯應說此摩訶迦葉聲聞弟子
是也乃至能從如來受彼麤糞掃衣
其長老迦葉乃至得阿羅漢果盡於
形壽彼長老摩訶迦葉不捨此想是
故世尊授於彼記汝等比丘若欲知
我聲聞弟子少欲知足行於頭陀
忘具足者所謂長老摩訶迦葉比丘
是也

余時世尊復一時間在舍衛城祇樹
給孤獨園於時世尊告諸比丘言諸
比丘我於昔時離諸慾惡不善之法
有覺有觀離生喜樂入於初禪是時
摩訶迦葉比丘亦復如是離諸慾惡
不善之法有覺有觀離生喜樂入初
禪行

我於余時滅於覺觀內清淨心一處
無覺無觀定生喜樂入第二禪是時
摩訶迦葉比丘亦復如是亦滅覺觀
乃至入於第二禪行

諸比丘我於余時離喜行捨憶念正
智受於身樂如賢聖所歎已捨諸事
住於安樂入三禪行是摩訶迦葉比
丘亦復如是離喜行捨憶念正智受

於身樂如賢聖所歎已捨諸事住於安樂入二禪行

諸比丘我於余時欲斷諸苦斷捨諸樂先滅憂喜不苦不樂捨念清淨入四禪行是迦葉比丘亦復如是斷苦斷樂先滅憂喜不苦不樂捨念清淨入四禪行

汝等比丘我於余時正以慈心遍於一方入定安住如是第一第二第三至第四方如是上下於一切處一切世間以於慈心遍滿一切入定安住廣大無量無有怨恨不生毒害是時摩訶迦葉比丘亦復如是乃至無有怨恨不生毒害悲喜之心亦復如是

諸比丘我於余時以其捨心遍滿一方入定安住如是第一第二第三至第四方如是上下於一切處一切世間以於捨心悉皆遍滿入定安住廣大無量無有怨恨不生毒害是時迦葉比丘亦復如是乃至不害

汝等比丘我於余時過一切色相滅一切有對相不思不念一切別異相

念無邊虛空處即入無邊虛空處行
是時迦葉比丘亦復如是過一切色
相乃至入無邊虛空處行

諸比丘我於今時過一切無邊虛空
處念無邊識處即入無邊識處行是
時摩訶迦葉比丘亦復如是乃至入
無邊識處行

諸比丘我於今時過一切識相念一
切無所有相即入一切無所有處行
汝諸比丘是時摩訶迦葉比丘亦復
如是乃至入於一切無所有處行
諸比丘我於今時過一切無所有相
入非有想非無想處行是時摩訶迦
葉比丘亦復如是乃至即入非有想
非無想處行

諸比丘我於今時過一切非有想非

無想處行是摩訶迦葉比丘亦復如

是諸比丘我於今時入八解脫行逆
順出入入已還出出已還入是時摩
訶迦葉比丘亦復如是乃至入已還

出出已還入
諸比丘我於今時入八勝處行逆順

出入入已還出出已還入是時摩訶

迦葉比丘亦復如是乃至入已還出
出已還入

諸比丘我於今時入十一切處行入
已還出出已還入是摩訶迦葉比丘
亦復如是乃至入已還出出已還入
諸比丘我於今時遊戲種種神通境
界所謂一身分作多身合於多身共
作一身從外入內從內出外從上入
下從下出上石壁山障徹過無礙入
出於地如水不異譬如火炎現已尋
滅日之與月有大威德大威力而能
以手上捫摸之身得自在乃至梵天
汝諸比丘是時摩訶迦葉比丘亦復
如是亦復遊戲種種神通能以一身
分作多身復以多身共作一身乃至
身得自在至於梵天

諸比丘我於今時以淨天耳過於人
耳所聞衆聲或是天聲或是人聲皆
悉了聞是時摩訶迦葉比丘亦復如
是亦復能用清淨天耳過於人耳乃
至一切皆悉了聞

諸比丘我於今時以他心智知他當
伽羅等心行之事即如實知如是心

念若願心即如實知願心若無願心
即如實知無願心如有瞋心如實
知有瞋心無瞋心如實知無瞋心有
癡心如實知有癡心無癡心如實知
無癡心有愛心如實知有愛心無愛
心如實知無愛心有為心如實知有
為心無為心如實知無為心小心廣
心大心狹心亂心不乱心無量心無
邊心有上心無上心入定心不入定
心住定心不住定心解脫心不解脫
心如實即知是時摩訶迦葉比丘亦
復如是亦以他心智知富伽羅等心
行之事即如實知如是心念若有願
心若無願心乃至如實知解脫心不
解脫心如實能知

諸比丘我於今時憶知種種宿命之
事或一生處或二或三或四或五或
十二十三十五十或百或千或壞一
劫或住一切壞已住住已壞或知無
量壞劫成已壞壞已成我於彼處如
是名字如是姓如是生如是食如是
樂如是苦如是受若干時壽命我於
彼處死於此處生我於此處死彼處

生如是相如是形種種宿命皆悉念
知是摩訶迦葉比丘亦復如是亦以
清淨天眼過於天人見於宿命之事
或一生乃至如是相貌如是形種種
宿命皆悉念知

諸比丘我於今時以清淨天眼過於
天人見諸衆生死此生彼或好或醜
或生善道或生惡道隨其業報乃至
實知此等衆生具足身惡行具足口
惡行具足意惡行及謗賢聖邪見顛
倒此業和合因緣成故身壞命終墮
惡道中此等衆生具足身善行具足
口善行具足意善行不謗賢聖正見
業法因緣故身壞命終生於善道如
是之事以淨天眼過於天人如實見
於彼處死生於此處或勝或劣或好
或醜善道惡道隨業受報皆悉知見
是摩訶迦葉比丘亦復如是如實能
知如實能見諸比丘我於今時諸漏
盡已於無漏中心得解脫慧得解脫
於現法中神通自在證安樂行唱如
是言生死已斷梵行成就所作已辦
不受後有是摩訶迦葉比丘亦復

如是諸漏盡已乃至所作已辦不受
後有

余時諸比丘白佛言世尊是長老摩訶迦葉往昔之時作何善業生富貴家資財具足乃至所作已辦身相端正衆所樂觀世間無比最上最勝狀如金像作何業因復得出家具足衆戒證羅漢果又佛授記諸比丘中少欲知足頭陀第一摩訶迦葉比丘是也作是語已佛告諸比丘言諸比丘我憶往昔過去之時有一辟支佛名曰多伽羅尸棄恒住在彼波羅捺城於彼時間波羅捺城穀貴飢饉白骨滿地人民多死乞食難得出家之人不能舉措

余時辟支佛日在東方於晨朝時著衣持鉢入波羅捺城次第乞食不得如先洗鉢空鉢而出

余時波羅捺城中有一人其家貧苦而少居積而彼貧人見辟支佛多伽羅尸棄漸進而前威儀庠序視地而行進止得所舒顏平視威儀具足心得正念於時貧人見辟支佛心得清

淨漸到彼已白辟支佛作如是言善哉大仙於此城中求乞飲食可得以不尊者報言善哉仁者我於此城乞食不得

時彼貧人白辟支佛言善哉大仙來詣我家於時彼人家內唯有糗飯一升成熟已訖遂將辟支來入家中敷設安坐以飯奉獻而諸辟支佛有如是法以神通力教化衆生不以餘通余時多加羅辟支佛於彼人所受得食已憐愍彼故從彼貧舍騰空而去時彼貧人見彼尊者辟支佛騰空而去彼既見已歡喜踊躍身心遍滿頂戴十指合掌恭敬頭面作礼乞如是願願於將來值遇如是辟支聖人或復勝者若彼聖人所說法要願得聞持速疾解悟又願生生世世不墮惡道之中

汝等比丘欲知余時波羅捺城貧苦之人請多加羅辟支世尊到其家內而施食者摩訶迦葉比丘是也時彼貧人以少貯積能以好心施多加羅辟支世尊一食緣故千返生於北營

單越處於無量世往返恒生剎利大
姓婆羅門種居士大家藉是業報因
緣力故於迦葉佛出世之時得為迦
尸國王訖利尸子其迦尸國王訖利
尸子恭敬尊重迦葉如來阿羅訶三
藐三佛施盡於一世然後涅槃是迦
尸國王為佛舍利造七寶塔其七寶
者所謂金銀頗梨琉璃帝珎瑪瑙及
車渠等其寶塔內七寶莊校外以石
砌覆其實塔其塔高妙極一由旬廣
半由旬其王子名奢婆陵伽

隋言
華緣

於

其塔上造七寶蓋遍覆其塔

又有師說造塔八分於比丘僧布施
衣服飲食靴履施已作願願我將來
值如是聖彼聖說法尋即領悟又願
不生惡道之中所生之處得金色身
作是事已遂從父王求乞出家其父
不許時彼王子父命終後乃得出家
既出家已讀誦經典成就禪定於彼
命終往返恒生天人之內無量世中
遊歷是已於最後身今得生於扈拘
陀羯婆羅門家其家巨富具足財寶
乃至所須皆無少乏而是摩訶迦葉

於迦葉佛舍利塔上造七寶蓋供養
尊重因緣力故得金色身以於彼時
乞如是願願我不生惡道以是業報
因緣力故從是已來不墮惡道常得
生於天人之處受於無量無邊樂報
而於彼時復乞願言願我將來值是
聖人既得值已勿令偕我或勝此聖
彼若說法聞已即解以彼業報因緣
力故得值於我如是教化即值我已
即得出家具足衆戒證羅漢果我所
授記諸比丘中少欲知足即此上座
摩訶迦葉比丘是也

諸比丘此是摩訶迦葉往昔所造功
德業報因緣力故生於大富婆羅門
家乃至無所乏少身相端正寂妙寂
勝狀如金像復得出家具持衆戒證
阿羅漢果故我授記少欲知足頭陀
第一者即摩訶迦葉比丘是也

今時世尊經於多時復一時間告大
迦葉作如是言迦葉汝今將邁少年
已過老年復至汝身所著舊綿奢那
唐弊之服宜須捨棄今可取我上妙
衣服迦葉汝來如是之服長者所施

微細輕軟刀所割成縫治著身受他人請常在佛邊勿離於我作是語已時大迦葉白佛言世尊我於長夜在阿蘭若亦常讚歎阿蘭若法我於長夜乞食活命亦復讚歎乞食功德我於長夜著糞掃衣亦復常歎糞掃衣德我於長夜不非時食亦復讚歎非時法我於長夜修一坐食亦復讚歎一坐食法我於長夜受一搏食節量食收亦復讚歎受一搏食及以讚歎節量食法我於長夜在於塚間亦復讚歎在塚間法我於長夜在於露地亦復讚歎在露地法我於長夜住在樹下亦復讚歎住樹下法我於長夜在於經行亦復讚歎在經行法我於長夜常坐不卧亦復讚歎常不卧法我於長夜唯畜三衣亦復讚歎畜三衣法我於長夜少欲知足亦復讚歎少欲知足我於長夜樂於寂靜亦復讚歎樂寂靜法我於長夜不曾樂說無益之語亦復讚歎不樂無益言語之法我於長夜常行精進亦復讚歎常精進法我於長夜成就正念亦

復讚歎成正念法我於長夜成就正
定亦復讚歎成正定法我於長夜成
就智慧亦復讚歎成智慧法我於長
夜常入禪定亦復讚歎入禪定法
佛告迦葉作如是言迦葉汝見何利
益故長夜自行阿蘭若法亦復讚歎
行阿蘭若法乃至長夜自入禪定亦
復讚歎入禪定法

於是大迦葉白佛言世尊我見二種
利故長夜在阿蘭若處亦復讚歎行
阿蘭若者乃至長夜常入禪定亦復
讚歎常入定者何等為二一者我今
現得安樂行法二者為後世衆生生
憐愍故唯願將來人衆見我等故學
我等行應作是言過去之世有老宿
上座聲聞比丘彼等長夜樂阿蘭若
讚歎阿蘭若行乃至常入禪定亦復
讚歎常入禪定者我等去何學於彼
行乃至自入禪定讚歎常入禪定者
世尊我見此二種利故長夜在於阿
蘭若行亦復讚歎行阿蘭若者乃至
常入禪定亦復讚歎常入禪定者
佛告大迦葉言善哉善哉大迦葉汝

於來世為多衆生作大利益作大安樂安隱無量諸天人民是故汝今隨意所樂住阿蘭若處汝於隨時欲見如來時時來見

於時諸比丘問佛言曰希有世尊是長老摩訶迦葉何故乃能為多衆生作大利益作是語已佛告彼等諸比丘言諸比丘是摩訶迦葉非但現今為衆多人作大利益過去之世亦為多人作大利益

諸比丘白佛言世尊唯然世尊願說因緣佛告諸比丘言諸比丘我念往昔此摩訶迦葉曾作帝釋天王於彼時間無佛出世亦無辟支佛出世於彼時中一切人輩從人道中命終已後捨人身已多生惡道少生人天如是三十三天夜摩天兜率天化樂天他化自在天梵身天墮已多生惡道少生人天於彼之時天處人處多有空曠

佛本行集經卷第四十六

癸卯歲高麗國大藏都監奉
勅彫造

大迦葉因緣品下

隋天竺三藏闍那崛多譯

余時彼帝釋王作如是念我于今者
亦可下生彼閻浮提人間受生教化
彼等教誨成就作是思惟已嘆四天
王言善哉仁者汝於今者可就我所
聽我教令我今意欲共汝等輩生於
人間教化人故教誨彼等我於彼時
當作師子王身汝等當作師子而守
護之將多眷屬而圍遶之作是身已
造歷村舍城邑聚落遊行處時時被
人輩若問汝等我當應常與汝何物
汝等應當報彼人言曰別與我一百
數人若其彼等復問汝等須大夫也
須小兒也為取婦人為取男子汝等
應報作如是言若有多殺生者如是
等人日須一百用供給此師子王食
如是偷盜人者行邪淫者行妄語者
或兩舌者或惡口者或綺語者或多
貪者或多瞋者或邪見者如是之等
諸惡人輩日須一百供此師子若其

有諸不殺生者汝等勿與如此之人
師子不食如是不盜者乃至不邪見
者汝等勿與如此師子悉皆不食復
須是教家別一人定須出家

余時帝釋及四天王善教思惟作是
念已下來問淨余時帝釋化作師子
縱廣高下一俱盧舍猶如師子無有
異也時彼人眾在師子後為師子王
索食而行如彼昔時帝釋所教無有
異也

余時彼眾以怖師子悔心殺生無有
偷盜亦無邪淫乃至無有邪見之心
悉具足持修十善業家別一人出家
學道行四梵行命終已後生於梵宮
於其眾中若有人等唯持十善不出
家者彼等人輩多生人天流轉而行
是摩訶迦葉於彼時中如是方便為
眾多人作大利益以過去世因緣力
故今亦復示為眾人民作大利益諸
比丘是摩訶迦葉比丘於未來世弥勒
世尊法教之中亦為多人作大利益
時諸比丘白佛言世尊是摩訶迦葉
於彼云何當作利益佛告諸比丘言

諸比丘是摩訶迦葉我涅槃後攝護
我法及諸戒律令久住世當作法會
盡其形壽將命終時入於山間以神
通力住持此身起如此願願我此身
勿令散壞乃至弥勒如來多陀阿伽
度三藐三佛陀出見我身也作是思
惟已遂捨身命入無餘涅槃彼涅槃
後二山還合於後弥勒得阿耨多羅
三藐三佛陀時廣顯法教於彼時間
弥勒世尊憶念是大迦葉舍利生憶
念已告諸比丘作如是言汝等比丘
欲見釋迦牟尼多陀阿伽度三藐三
佛陀聲聞弟子少欲知足頭陀第一
者所謂摩訶迦葉已不被等比丘白
言唯然世尊我等樂見

今時弥勒如來阿羅漢帝三藐三佛
陀與無量千衆左右圍遶至於彼所
至彼處已時彼兩山即便兩開尔時
弥勒多陀阿伽多三藐三佛陀見大迦
葉比丘舍利不散不壞唯善僧伽梨
見已告諸比丘言諸比丘此是釋迦
多陀阿伽多三藐三佛陀聲聞弟子頭
陀第一名大迦葉即其人也

余時弥勒多陀伽多三藐三佛陀在於彼處為諸比丘而說其法作如是言諸比丘迦葉比丘所行如是我如是教汝等今者應如迦葉比丘所行余時眾中多千比丘乘如是法行如是法如摩訶迦葉比丘所當行也於彼眾中無量千數眾等於彼法中當得清淨法眼

佛告諸比丘如是次第是大迦葉比丘為當來時大利益也諸比丘我今誠勸汝等學大迦葉比丘願汝等行如迦葉比丘也

佛本行集經跋陀羅夫婦因緣品第四十八
余時跋陀羅迦卑梨耶女以不得善師遂至外道波離婆闍迦所出家學道精勤修習成就彼法尅獲四禪具足五通於彼法中得大名稱為成就威力

余時世尊已開女人聽其出家于時摩訶波闍波提為五百釋女皆悉出家光顯佛法建立比丘尼眾於彼時間長老迦葉作是思惟我於往昔已許跋陀羅迦卑梨耶女得善教師

要當相示必令汝得出家學道復作
是念彼跋陀羅迦卑梨耶女今在何
處即便入定觀察是女以清淨天眼
過於人眼觀見是女在彼波離婆闍
迦外道之處出家學道住在恒河河
岸之處修外道行見已便喚一箇得
通比丘尼來而告言曰善哉姊妹汝
若知時其跋陀羅迦卑梨耶女於波
離婆闍迦外道之所出家學道今在
恒河河岸之所善哉姊妹汝應詣彼
如實告言善哉姊妹汝夫迦葉我共
同師出家學道汝今亦可往詣彼所
於我師邊出家學道修行梵行時彼
得通比丘尼聞長老摩訶迦葉如是
語已譬如壯士屈伸臂頃彼比丘尼
如風逆疾從舍衛城而沒其身相送
至於跋陀羅迦卑梨耶波離婆闍迦
外道女前現身却住在於一面

彼比丘尼即便慰問波離婆闍迦外
道之女慰問已訖而復告言善哉姊
妹汝應知時汝夫迦葉與我同師出
家學道修行梵行汝今亦可往詣彼
所於我師邊出家學道修行梵行也

尔時跋陀羅迦卑梨耶波離婆闍迦
外道之女問彼比丘尼言善哉姊妹
汝等教師當何所似作是語已彼比
丘尼報跋陀羅外道女言善哉姊妹
我等教師以三十二大人之相莊嚴
其身具足八十種好十八不共佛法
十力四無所畏大慈大悲無邊戒衆
具足無邊定衆具足無邊智慧衆具
足無邊解脫衆具足無邊解脫知見
衆具足我彼大師一切聲聞諸弟子
等亦復如是戒衆具足定衆具足智
慧衆具足解脫衆具足解脫知見衆
具足時彼比丘尼於跋陀羅迦卑梨
耶女前如是如是歎佛功德及聲聞
弟子時彼跋陀羅迦卑梨耶外道之
女聞已遂於如來及比丘僧所心得
清淨得清淨已告彼比丘尼言善哉
姊妹若如是者我當隨去時彼比丘
尼語跋陀羅迦卑梨耶外道女言善
哉姊妹乘我神通相隨而去
尔時跋陀羅報彼比丘尼作如是言
善哉姊妹然我身自有神通也
尔時彼比丘尼共跋陀羅迦卑梨耶

外道女於彼發引亦如壯士屈伸臂
項從恒河所即便沒身於祇陀林中
忽然出現往詣佛所其跋陀羅迦卑
梨耶外道之女遙見世尊端嚴殊妙
乃至猶如虛空衆星在嚴見已心得
清淨即至佛前到已頂禮佛足而白
佛言善哉世尊聽我出家授我具戒
余時世尊告阿難言長老阿難將此
跋陀羅迦卑梨耶外道之女付囑摩
訶波闍波提憍曇弥勑教言曰此跋
陀羅迦卑梨耶外道之女教令出家
授具足戒是女當得神通具足威力
並備

余時長老阿難奉佛勑命白佛言曰
如世尊教不敢違也遂將彼女向於
摩訶波闍波提憍曇弥比丘尼所到
已具陳如上之事

余時摩訶波闍波提憍曇弥比丘尼
度跋陀羅迦卑梨耶外道之女令得
出家授具足戒具戒未久至空閑處
獨自安靜遠離諸濁精勤苦行心不
放逸思惟而住

余時跋陀羅迦卑梨耶外道之女既

得出家授具足戒乃至心不放逸思惟而住不久彼眾諸善男子善女人等正信出家求無上梵行現得見法自得神通所作已辦得安樂住口自唱言生死已斷梵行已立所作已辦不受後有

是長老女見知是已遂得阿羅漢果心得解脫世尊復記告諸比丘作如是言是比丘尼於聲聞比丘尼識宿命中是跋陀羅迦卑梨耶比丘尼家為第一

諸比丘尼凡所諮問皆能記別今時彼等諸比丘尼眾大生希有想各各嗟歎希有希有是跋陀羅迦卑梨耶比丘尼而大眾中諸比丘尼久已出家修行梵行未得如是捷疾神通如跋陀羅迦卑梨耶比丘尼者

今時彼比丘尼眾有心疑故往詣如來能斷疑惑達解一切實義者之所到已頂禮足却住一面住一面已彼諸比丘尼眾白佛言世尊此跋陀羅迦卑梨耶比丘尼往昔之時作何善根而於今若生大富家資財具足

乃至一切無所乏少身相端正衆人
樂見觀者無厭世所希有具足衆相
復以何緣而得出家具諸戒行疾得
神通世尊授記於諸聲聞比丘尼衆
弟子之中識宿命者是跋陀羅迦卑
梨耶比丘尼取為第一

作是語已佛告諸比丘尼作如是言
諸比丘尼我念往昔波羅捺城中有
二女共為親友一者大富長者女二
者大姓婆羅門女今時彼婆羅門大
種姓女請彼大富長者之女至其舍
宅時迦葉如來多陀阿伽度三藐三
佛陀詣大富長者家時彼大富長者
女見迦葉如來詣於已舍即便出舍
迎逆世尊時彼婆羅門女不肯出迎
時彼大富長者女告大婆羅門女善
哉姊妹汝以何故不理世尊彼女報
之言善哉姊妹我手無物去何空手
往詣佛所今向佛邊以何等事自恣
迎佛

今時大富長者之女報彼女言善哉
姊妹汝但迎佛如來必入今時彼大
婆羅門女遂造一蓋衆寶莊嚴以細

毼衣彌覆其上復以種種諸花鬘等

四散垂下

尔時迦葉如來阿羅訶三藐三佛陀
於晨朝時日在東方愍彼女故著衣
持鉢詣彼大富長者女家

尔時婆羅門大姓女持彼寶蓋奉獻
迦葉如來阿羅訶三藐三佛陀奉獻
訖復以偈誦而說之曰

種種寶蓋金為柄 微妙細衣花覆上
迎奉丈夫大威德 唯願世尊哀納受

尔時迦葉如來阿羅訶三藐三佛陀
愍彼女故受其寶蓋汝等比丘尼勿作
心疑彼時施寶蓋女豈異人乎即跏
陀羅迦卑梨耶比丘尼是也

諸比丘尼更有因緣我念往昔還此
波羅捺城有一大富長者其彼長者
有駝使女於彼時間有一辟支佛依
波羅捺大城而住

尔時辟支佛於晨朝時日在東方著
衣持鉢詣大長者舍宅乞食尔時使
女見辟支佛漸進而來威儀庠序進
止有方尔時使女心得清淨得清淨
已速詣家中向長者婦邊而自言曰

善哉聖女有一比丘在門乞食

時長者婦梳髮而坐以其左手舉髮
遥看彼辟支佛是辟支佛形體醜陋
身不正直時長者婦見已即告彼使
女言我今不喜如是醜陋不正之人
况與食耶是時使女復白彼言善哉
聖女但與但與此仙人食如是之人
何必端正但取心賢時長者婦復作
是言我實不喜如是之人云何遣我
布施食也使女復言聖女今者若不
意與仙人食者但願與我一日食料
我自迴施時長者婦復作是言善哉
姊妹汝今既是我家作使取汝自分
隨意所與

余時使女於長者婦邊取自分食奉
獻尊者辟支佛

諸辟支佛有如是法以神通力教化
衆生不以餘法時辟支佛於使女邊
生憐愍故受所奉食即於彼前騰空
而去時彼使女見辟支佛以神通力
飛騰空行既見此已歡喜踊躍身心
遍滿不能自勝合十指掌遥即頂礼
向彼尊者辟支佛隨遂起是願口即

唱言願我將來值是好師或勝是者
彼所說法願速領悟生生世世不墮
惡道勿令醜陋得不正身如此仙人
所以者何以醜陋故乞食不得我所
生處一切時中可意端正衆所樂觀
余時彼長者婦見彼尊者辟支佛現
大神通騰空而去見已告彼使女言
曰善哉姊妹汝可與我如此功德我
於今者倍與汝食時彼使女白長者
婦作如是言善哉聖女我不能與時
長者婦復作是言善哉姊妹願汝與
我如此功德我與汝食兩倍於前彼
使女言亦不能與如是三分四分五
分十分二十分三十分四十分五十
分志不肯與

時長者婦復告使女善哉姊妹汝今
與我如此功德我今與汝一百分食
使女言曰亦不能與

余時彼長者婦即生瞋恨便告之曰
汝以何故故違我勅遂捉使女苦加
打縛時彼使女遂即高聲作大啼哭
余時彼大長者從外入來見彼使女
啼哭如是而問之曰賢者何故如此

啼哭時彼使女即向長者說前情狀
尔時長者便生瞋恨即喚已婦令解
衣服及諸瓔珞復告言曰我既遣汝
檢校家資乃有沙門婆羅門者詣家
乞食而汝不與以是因緣耻令出堂
安置小室樊陋之處即令使女教令
洗浴以婦瓔珞衣服之具悉授使女
即令彼女開倉庫門顯示財寶而告
之曰賢者如是錢財物中若有沙門
婆羅門等若有乞者任隨施與莫為
限閼

汝等比丘於意云何彼時長者家內
使女豈異人乎勿作斯疑此即跋陀
羅迦卑梨耶比丘是也時彼使女
以於辟支佛所生清淨心故隨其終
已生忉利天可喜端正衆所樂觀寂
勝寂妙於忉利天宮殿之處於玉女
中無有勝者而彼天上有四天子各
各諍競求彼玉女欲以為妻各各言
曰是玉女者當與為婦

時天帝釋見四天子各各諍競即勅
言曰仁者汝等各競欲取此女為妻
汝等宜各隨便說偈偈取勝者即便

相與余時彼四天子白天帝釋善哉
天王唯願天王於前說偈我等當說
時彼帝釋即說偈言

行坐恒思念 寢卧常無樂 我著睡眠時
余乃心放捨

余時彼四天子之內有一天子復說
偈言

天王汝使樂 睡眠得安隱 猶如戰鼓聲
常恒攪亂我

于時第二天子復說偈言

如擊戰鼓聲 是聲牙有無 如近耳搖盪
攪亂我不息

于時第三天子復說偈言

搖盪容有時 有急亦有疾 我為欲所亂
狀如炎日光

于時第四天子復說偈言

汝等皆安樂 善巧能說偈 我今不自知
為活為當死

余時天帝釋見第四天子心耽著慾
即說偈言

是人欲捨命 不久自當死 恐捨天處樂
冥遠獲彼女

時彼天眾更共評論遂授彼女時彼

使女從是已來不墮惡道周迴往返
於天人處經無量生於家後生生迦
毗羅婆羅門家多饒財寶資財無量
是跋陀羅迦卑梨耶比丘尼由於往
昔生在彼大婆羅門家為女之時於迦
葉如來三藐三佛隨所施雜寶蓋復以
往昔在長者家為使女時因施彼尊
辟支佛食一食飯故而發願言願我
所生可意端正眾所樂見以彼業果
因緣力故生生之處可意端正眾人
樂觀取勝寂妙為人所慕緣於彼時
又復願言令我將來勿墮惡道以是
業報因緣力故生生之處不落三塗
於天人處周旋往返常受快樂以於
彼時更乞願言令我將來願值如是
教師或勝此者從彼聞法皆能領悟
以是業報因緣力故今得值我復得
出家具足眾戒亦復能得速疾神通
我為授記於聲聞眾比丘尼由得宿
命通寂第一者所謂跋陀羅迦卑梨
耶比丘尼是也諸比丘尼是跋陀羅
迦卑梨耶昔種善根以彼善根因緣
力故是故跋陀羅迦卑梨耶比丘尼

今生富貴大婆羅門家端正可意乃
至於我聲聞之衆比丘尼中憶往昔
命寂為第一

今時諸比丘白佛言世尊希有婆伽
婆是跋陀羅迦卑梨耶比丘尼隨順
長老摩訶迦葉得出家已善能隨順
出家之法作是語已佛告諸比丘言
諸比丘是跋陀羅迦卑梨耶比丘尼
非但今世隨順摩訶迦葉出家過去
之世亦復如是隨順出家諸比丘白
佛言世尊此事云何願為解說
佛告諸比丘我念往昔有一貧人修
營田業時貧人婦從家而出以食餉
夫到一河邊見一尊者辟支迦趺樹
下端身正念身心不動時彼貧婦見
辟支佛心生清淨合十拍掌頭頂禮
足敬意在前其夫在田遙見其婦從
家而出入河岸下不見渡處即起心
念誰在彼邊共誰而住於即不來今
我飢渴甚大疲頓思欲早至以是因
緣彼夫即便生大瞋恚悵快不樂執
杖向彼至彼處已見辟支佛安坐禪
定見已即作如是思惟我婦今者與

彼沙門共為世事決無疑也于時彼
人生大瞋恨以杖打彼婆私惡吒尊
者辟支佛令時辟支佛即從彼岸以
神通力騰空飛行

時彼貧婦即白夫言咄哉汝造如是
大罪仙人無咎以何義故橫生惱亂
今此大仙戒德具足行於妙法有大
威德具大神通今時貧人打辟支佛
已尋即生悔既生悔已即告婦言善
哉姊妹汝於今者可共出家同修梵
行所以者何我今是罪不可以少因
緣除滅婦即報夫作是言曰善哉聖
子不敢違教今我二人捨家出家時
彼二人齊心出家既出家已二人修
行成就慈心捨身命終遂生梵處汝
等比丘於意云何于彼昔時如是貧
人營田業者豈異人乎摩訶迦葉比
丘是也彼時貧人之婦供養辟支佛
為夫餉食乃至成就慈心捨身命終
生梵宮者豈異人乎即跋陀羅迦卑
梨耶比丘是也以及於彼時隨夫出
家故於今者亦復隨逐摩訶迦葉出
家不違教也

佛本行集經舍利目連因緣品第四十九上

余時摩伽陀聚落去王舍城不遠有

一村擲名鄒羅陀彼村之中有一巨

富大婆羅門名曰檀壤耶那

隋言住吉至

在彼村又有師說彼婆羅門名曰檀

鄒達多

隋言財與

彼婆羅門甚大巨富多

有資財如毗沙門一種無異彼婆羅

門具有八子其第一子名曰優婆佉

沙其第二子名曰大勝其第三子名

曰純陀其第四子名曰姜叉頡唎拔

多其第五子名曰闍陀第六名曰闍

浮呵迦第七名曰憍陳尸第八名曰

獲達離舍都是名八子復有一女名

曰獲尸弥迦是女於彼波離婆闍外

道法中出家修道

摩訶僧祇師復言彼婆羅門有七子

所謂第一名曰達摩其第二者名曰

獲達摩第三名曰優波達摩其第四

者名曰垢沙第五名曰優波垢沙第

六名曰頡唎拔多第七名曰優波波

離拔多是名七子其優波垢沙摩鄒

婆於兄弟內取為最良大善能誦習亦

教他人於四韋陀莫不曉悟誦習成

就善能解釋自餘諸論所謂及捷施
雞畫婆等及其名字一一能釋明宿
世事巧能分別於五明處曉了無尋
授記別論縷練在心六十四能具足
成就善能曉達大丈夫相時摩那婆
本性柔軟其心賢直常懷慈悲深厭
世事悔昔先罪已於過去多值諸佛
種諸善根成就衆事巧能薰習常樂
精勤於食知足厭背煩惱向於溫脍
順理無尋能惡諸有衆行成就朽壞
結縛至成熟地唯一生在聰明妙巧
細心思惟明了諸法童子父母營事
家業皆悉諮問今乃造作今時王舍
大城去城不遠有一聚落名拘離迦
於彼村內有一種姓大婆羅門居士
是大居士依彼村住大富饒財乃至
彼家猶毗沙門天王宮殿無有異也
彼婆羅門產生一子名拘離多顏容
端正衆所樂觀一切書論皆悉通曉
復能教他乃至能了丈夫之相其優
波垣沙童子共為親友時彼二人牙
相愛念常懷歡喜和顏悅色若少時
別大生愁惱彼等往昔千生之中愛

佛本行集經卷第四十七 第三張 所七者
戀相縛而有偈言

宿世因果相熏習 二心展轉互相親
以如是等愛心故 猶如蓮花生在水
優波佉沙拘離多 彼二逆乎相愛敬
若經少時不相見 腹中煩惋自懊惱

佛本行集經卷第四十七

癸卯歲高麗國大藏都監奉
勅彫造

佛本行集經卷第四十八

所

隋天竺三藏闍那崛多譯

舍利目連因緣品下

余時王舍大城去城不遠有一山名祇離渠呵於彼山中常有一時施設大會其會即名祇離渠呵復有山名離師祇離亦常設會其會亦名離師祇離復有一山名倍呵羅如是般塗山如是毗富羅山各有一會其會亦名毗富羅等如是彼山祇離渠呵隨節設會於彼會處聚集大眾時有無量千數無量百千數乃至億數人民交集衆種種衆所謂爲馬車步從八方來欲觀彼會其王舍城一切人民莫不皆出於彼時間去王舍城卽羅陀村去拘離迦聚落可半由旬時伍沙童子作是思惟我於今者可至祇離渠呵處詣彼觀看若至彼者令我必當剋獲一事謂心歇離於時優波伍沙童子乘四爲車從那羅陀聚落而出至祇離渠呵設會之所爲觀看故其拘離多童子亦作是念我於今

者可往詣彼祇離渠呵大會之處乃
至心生厭離棄其為背漸進而行是
童子前使諸人戲或歌或儻徒拘離
迦聚落而出至祇離渠呵設會之處
為觀看故

時彼二人顏容端正能悅人心乃至
技藝莫不了達堪為衆首時彼會中
數諸高座彼人至已各昇高座是時
優波佉沙童子見彼大衆以種種伎
作諸音樂或歌或儻嬉戲受樂既見
此已即作是念此事希奇未曾有也
今是人民乃能於此苦惱之中諸穢
濁內衰老垢處受樂放逸如是病垢
無有安隱如是死穢命非久長如是
大衆而生樂想放逸自恣種種歌儻
作衆音樂受諸戲樂時優波佉沙觀
大衆已作如是念過百年已如是大
衆無一在者作是念時即生悔恨不
生欣慕便從勝座安徐而起漸離會
處至空閑林詣一樹下愜快而坐諸
根閉塞思惟禪定
時彼會中有一技人以戲弄故令大
衆喜時拘離多童子見彼大衆呵呵

大笑即作是念今此大眾於百年已
領車類骨更可合不作是念已生大
憂苦不生貪樂便從坐起覓優波佉
沙童子即作念言優波佉沙童子今
何所在四向頭覓遙見優波佉沙童
子在彼林樹安坐思惟其心不樂諸
根閉塞思惟念定願睹見已即便詣
彼而自言曰汝今何故其心不悅於
此之處獨坐思惟汝於今者得無灾
怖不祥之惱歎苦事耶即說偈言

鼓瑟等音聲 男女歌詠聲 應聽是妙音

何故不生樂 此時應歡喜 勿得懷憂惱

此是受樂時 非應作啼哭 但聽是音聲

如天王女作 此會如天會 何故情不欣

今時優波佉沙童子告拘離多童子

奇哉親友汝見如是大會事不以於

種種音聲歌詠受大喜樂是大會衆

於百年已無有一在即說偈言

衆人會受樂境 是境不能殺 諸物不久固

愚癡輩何樂 此諸衆生等 染著五慾心

不久墮地獄 命終成灰土

我今心內無一欣 恐怖愁憂甚增長

汝等音樂雖有樂 如我意見樂法心

天人修羅緊那羅

多時心中受歡樂

不能厭離便命盡

是故我應修法行

余時拘離多童子復白優波佉沙童

子言優波佉沙我之心念亦復如是

即說偈言

苦樂相同者憂喜亦復同智者所讚歎

今我亦同汝汝慈心所好我意亦當隨

寧可共汝死不欲生離汝

余時拘離多童子復問優波佉沙童

子言我等今者欲何所作時優波佉

沙童子報拘離多童子作如是言知

友若余今者我等應當出家求勝甘

露時拘離多童子便報優波佉沙童

子作如是言如汝意樂我亦隨喜優

波佉沙我等今者既已捨家宜從此

去求索出家時優波佉沙童子告拘

離多童子言汝拘離多應當知時我

等今者衆人識知若家不許誰度我

等彼恐父母生留難心我等於今宜

詣父母時二童子遂從衆會還至家

中余時優波佉沙童子詣父母所而

白言曰善哉父母我今意者樂欲出

家唯願聽許余時父母私共評論今

者家內誰為繼嗣一切資生以誰為主如是童子我等愛念將欲捨我出家求道我有何心而能別彼於時父母共評論已即告優波佉沙童子言童子我等今日雖有衆子於汝偏愛暫時不見生大憂惱常樂見汝不欲相離汝從生來未曾勤苦如我等意乃至絕命不欲相離况我現存而當相放若許出家終無是事如是二請乃至三請亦不聽許如是三請不蒙許已尔時優波佉沙童子既不蒙許遂於一日不飲不食乃至七日尔時父母一切親屬及諸知識各共集會白父母言善哉聖者汝等應許優波佉沙捨家出家其人若得捨家出家樂彼求道容存活路身命若存汝等何憂而不見耶若不樂彼會自當歸勿令汝前取命終耳尔時童子父母即告言曰若必然者我今聽許

尔時拘離多童子即詣父母而白言曰善哉父母我今將欲捨家出家唯願聽許是拘離多父母唯有一息愛之甚重不欲暫捨若少不見生大憂

愁時拘離多童子父母昔於家內先
有要誓汝等家內大小於拘離多童
子邊有所作者勿得違也凡所發言
皆悉從命於時彼等善知時已告拘
離多童子言隨汝意樂任情所作

尔時王舍大城有一外道名波離闍
婆刪闍耶住在彼城有五百眷屬尔
時優波伽沙童子及俱離多童子未
有歸依不知何去時二童子遂剃鬚
髮於刪闍耶隋云彼闍外道之所出家學

道時彼二人念行捷利少欲知足智
慧深遠其刪闍耶毗羅瑟智隋云別異教

之子遂向二人說已道術種種技藝醫
方藥草非想禪定時二童子既聞是

已於七日七夜皆悉通達時彼二人

通達是已於波離婆闍迦外道之所
及五百眷屬為教授師時彼二人如

是次第主領大眾雖復如此而於內

心未得安靜時優波伽沙童子告波

離婆闍迦隋云離婆拘離多曰善哉拘離

多此刪闍耶波離婆闍迦法不究竟

窮盡苦際拘離多汝應共我更求善

師時拘離多波離婆闍迦童子告優

波佉沙波離婆闍童子言如優波佉沙所言我不違也雖然此師亦復不得全棄捨之更餘別覓時彼二人同心立誓我等二人若復更得勝是師者為我等說甘露勝道者必相啓悟今時世尊因頻婆娑羅等教化十二鄰由他衆生已住王舍城迦蘭陀竹園之內與大比丘衆一千人俱皆悉剃髮捨家出家

今時有一長老比丘名優婆斯鄰威儀庠序諸比丘中取為第一於晨朝時著衣持鉢入王舍城於其城中次第乞食庠訶僧祇師作如是說

自餘諸師又復說言時阿輸波踰祇多隋云馬星於晨朝時日在東方著衣持

鉢入城乞食於其城中次第乞食威儀庠序進止有方著僧伽梨及涅脩僧嚴持食器皆悉齊整巧攝諸根安心視外思惟諸法正念直行

今時王舍大城一切人民目所見者各共評論而說偈言

巧攝諸根識進止恒靜定今突出美言此必釋種子

爾時優波伽沙童子見彼長老阿濕波踰祇多比丘於王舍城次第乞食威儀庠序進止有方著僧伽梨及涅槃僧嚴持食器悉皆齊整巧攝諸根安心諦視思惟諸法正念直行而為諸人說此偈故

爾時優波伽沙波離婆闍迦即作是念世間所有諸阿羅漢一切聖人及成向道今是大德應在一數我當詣彼問其心疑

爾時優波伽沙波離婆闍迦復作是念若往問者今非其時所以者何以乞食故夫求法者應捨我慢且當隨逐詣何方所作是念已其優波伽沙波離婆闍迦即隨後行觀覓去所余時阿濕波踰祇多比丘從王舍大城乞食已持食出城時優波伽沙波離婆闍迦即詣大德阿濕波踰祇多比丘之所到已共彼長老阿濕波踰祇多比丘對自慰喻共談說已却住一面

時優波伽沙波離婆闍迦白大德阿濕波踰祇多比丘言仁者汝是正師

為當是他聲聞弟子耶說是語已時
長老阿濕波踰祇多告優波伍沙波
離婆闍迦言別有大師我是餘尊聲
聞弟子

尔時優波伍沙波離婆闍迦問大德
阿濕波踰祇多比丘言大德汝師是
誰依誰出家樂誰法行

尔時世尊初成正覺時諸人輩皆悉
号佛為大沙門是摩訶沙門也作是
名号尔時阿濕波踰祇多大德比丘
告優波伍沙波離婆闍迦言善哉仁
者有大沙門是釋種子於釋迦種類
於彼出家彼是我師依彼出家意樂
彼法尔時優波伍沙波離婆闍迦復
白大德阿濕波踰祇多言善哉仁者
彼汝大師顏容端正於汝勝不所有
德術亦勝汝耶

尔時長老阿濕波踰祇多即說偈言
如芥對須弥牛跡比大海蚊虻並金翅
我與彼亦然

假使聲聞度彼岸成就諸地猶弟子
於彼佛邊不入數與佛世尊威德別
然彼我師於三世法皆悉明了得無

尋智仁者我師於一切法事皆成就
余時優波伽沙波離婆闍迦白大德
阿濕波踰祇多言仁者汝師說何等
法論何等事即說偈言

我見斯威儀身心甚寂定 是故我疑網
願為說是事汝今莫疲倦 我心懷疑網
汝師說何法願為解說之 見是婆羅門
恭敬起是問報言我師者 甘蔗種大姓
一切智無勝是我無上師

余時大德阿濕波踰祇多告憂波伽
沙言仁者我生年幼學法初淺少知
少聞豈能廣說今當為汝略言之耳
余時憂波伽沙白阿濕波踰祇多言
善哉大德要略說之如我今者不好
多語而說偈言

我唯取真理不好名與句 智者愛實義
依義我修行

余時大德阿濕波踰祇多告優波伽
沙言仁者我彼大師說因緣法談解
脫路我師偈說如是之法摩訶僧祇
師作如是說

迦葉惟師又復別說是義云何仁者
我師說是法句

諸法從因生 諸法從因滅 如是滅與生
沙門說如是

余時優波佉沙波離婆闍迦善達文字
之法時大德彼阿濕波踰祇多比丘
能解文義又能攝彼義及文字是何
多耶

諸法因生者 彼法隨因滅 因緣滅即道
大師說如是

時優波佉沙波離婆闍迦觀見如此
法行之時即於是處遠塵離垢盡諸
煩惱得法眼淨諸有為法皆得滅相
如實觀知譬如淨衣無有垢染遠離
黑穢易受染色如是如是優波佉沙
波離婆闍迦觀此行法即於是處遠
塵離垢乃至如實觀知時已彼優波
佉沙波離婆闍迦如實觀見彼諸法
已得諸法已觀諸法已入諸法已度
諸法已無復疑網是非之心皆悉滅
沒得無畏地不隨他教自然能知如
來法已即說偈言

如是之法行如我所得者 數劫那由他
未曾得此法

余時優波佉沙波離婆闍迦已見諸

法已得諸法已得生智捨三奇木整
理衣服向大德阿濕波踰祇多頂礼
足下礼已還起右進三匝從是别去
詣拘離多波離婆闍迦所到已其拘
離多波離婆闍迦遙見優波佉沙波
離婆闍迦面目清淨儀容光澤見已
自言仁者優波佉沙波離婆闍迦汝
於今者諸根已淨皮膚光澤面目清
淨汝於今者頗證甘露不頗得甘露
道耶時優波佉沙波離婆闍迦告拘
離多波離婆闍迦言仁者我已值遇
甘露勝法得甘露道時拘離多即報
彼言仁者如是甘露誰邊所得時優
波佉沙波離婆闍迦報言仁者我於
彼大沙門邊所得拘離多波離婆闍
迦復言仁者彼大沙門說何等事論
何等法汝於今者云何而得甘露勝
道今時優波佉沙波離婆闍迦向拘
離多波離婆闍迦而說偈言

諸法因生者 彼法隨因滅 因緣滅即道
大師說如是

尔時拘離多波離婆闍迦聞是偈已
即於是處遠塵離垢盡諸煩惱得法

眼淨一切行法皆得滅相如實能知
如實能解譬如淨衣無有垢染遠離
黑膩易受染色乃至如實能觀知已
而說偈言

如是之行法如我今所得數劫都由他
未曾獲此法

時拘離多復以偈頌告優波伍沙波
離婆闍迦言

汝遇甘露故面目淨光澤汝讚說是法
聞已得淨眼

尔時拘離多告優波伍沙波離婆闍
迦言善哉仁者速往速往且從此到
大沙門所當行梵行彼佛世尊是我
教師

尔時優波伍沙波離婆闍迦告拘離
多言仁者我等今日不得失恩應詣
本師刪闍耶所何以故彼於我等多
作利益先於我邊有大重恩殺度我
等今得出家應詣彼別又復五百眷
屬徒黨依附我等修學行法須告彼
知若彼印可我亦共行

尔時優波伍沙波離婆闍迦共拘離
多波離婆闍迦往詣彼師刪闍耶波

離婆闍迦邊到已白言善哉仁者我等今欲至大沙門佛世尊所行於梵行時刪闍耶波離婆闍迦告優波伽我共汝等教習此衆如是第二優波伽沙波離婆闍迦復告刪闍耶波離婆闍迦言善哉仁者我等欲去至大沙門佛世尊所行於梵行時刪闍耶波離婆闍迦再語優波伽沙波離婆闍迦等言仁者莫至彼所是諸弟子付囑於汝我於今者獨到一邊縱情無預如是第三時優波伽沙波離婆闍迦共拘離多波離婆闍迦等語刪闍耶波離婆闍迦言我等不欲是諸弟子但我唯願速詣彼師大沙門邊行於梵行彼大沙門是我世尊是我教師說是語已即於此處皆刪闍耶而去不還

尔時彼五百波離婆闍迦外道之衆即作是念此優波伽沙拘離多是二人等多解多知聰明細意我等多年疲勞勵意讀誦技藝呪術等事然是二人於七日夜一切通達此非凡

底此等應曉能求勝處若彼求處我亦隨求其所行法我亦當行所修梵行我亦隨修作是思惟已便即隨行時刪闍耶波離婆闍迦復告於彼大眾言曰汝等八輩莫去莫去雖復如是言說遠逝不能留礙遂令而去時刪闍耶波離婆闍迦即作是念今此大眾必定捨我以此大眾捨離因緣故大慈惱即從口中吐大熱血而取命終

余時優波伽沙波離婆闍迦與拘離多波離婆闍迦將五百眷屬詣迦蘭陀竹林之處余時佛告諸比丘言汝諸比丘應善知時於此院內須敷淨座彼諸比丘白佛言世尊唯然受教時諸比丘即為世尊於其院內敷設淨座世尊於是坐彼座時長老憍陳如遙望見彼優波伽沙及拘離多二人與彼外道徒眾左方圍遶欲來至已即白佛言世尊今此二人優波伽沙波離婆闍迦拘離多波離婆闍迦等有大技藝多聞多知於諸道術無復幾網名聞流布遍至四方今若來

至世尊前者如我意見量此二人決
欲共佛論議來也作是語已佛告長
老憍陳如言汝憍陳如我今知彼二
人之心求勝故來不以論議
今時世尊遙見彼等優波伽沙波離
婆闍迦拘離多波離婆闍迦等二人
因緣而說偈言

見諸聖為樂 共居亦復樂 不見群癡輩
是則名常樂

今時世尊告諸比丘作如是言汝諸
比丘見此二人波離婆闍迦一名優
波伽沙二名拘離多不時諸比丘而
白佛言見也世尊佛復告彼諸比丘
言汝諸比丘今此二人是我聲聞弟
子之中各有第一一者智慧第一二
者神通第一而說是偈言

彼等遙見二人來 弟子圓遠及眷屬
雲雷尊音告比丘 如此二人外道生
今來詣我大眾處 汝等比丘應當知
一者智慧最為勝 二者神通復第一
時佛復告諸比丘言汝諸比丘一切
過去所有諸佛多陀阿伽度三藐三佛
施於此聲聞大眾之中更無勝也今

此二人當亦如是。諸比丘若未來世諸佛如來三藐三佛隨更無勝我。今此一雙聲聞弟子汝等比丘亦可數設。宜令彼坐而有倡說。

二人牛王得深智。已捨一切諸邪道。雖未至此大林中。世尊遙授彼人記。

於時二人漸進而來。欲到彼林遙見長老阿濕波踰祇多在一樹下。視地經行。即詣彼所。到已頂禮却住一面。時憍陳如而白佛言。希有世尊。云何今此優波伽沙波離婆闍迦等捨彼勝生放蕩之慶。及多聞虜發取上心。於長老阿濕波踰祇多所起。寂下心作是語。已佛告長老。慧命憍陳如。夫有智者。隨得智處。常起報恩繫念。不忘若少得恩。常憶無失。況多得也。憍陳如是。優波伽沙波離婆闍迦等於阿濕波踰祇多所得法。眼淨以是因緣。說此法句。

諸佛所說法。誰邊聽解知。是處起恭敬。如梵志事火。

尔時優波伽沙波離婆闍迦等與諸波離婆闍迦等詣向佛所。頂禮佛足。

長跪自言善哉世尊我等今者欲世
尊前出家修道唯願世尊聽我出家
受具足戒佛告彼言善來比丘今來
入我自證法中行於梵行盡諸苦故
作是語已彼諸比丘自然即得三衣
著身各執瓦鉢鬚髮自落狀如童兒
初剃其髮始經七日時諸長老即成
出家具足衆戒

尔時長老優波伽沙在佛右邊長老
拘離多在佛左邊各坐一面而是長
老優波伽沙從出家後始經半月盡
諸結漏現神通力及得神通智波羅
蜜證羅漢果時拘離多止經七日即
盡結漏現神通力及得神通智波羅
蜜證羅漢果

時彼長老優波伽沙及拘離多等如
是因緣漸次而有五百眷屬悉得出
家成具足戒

尔時長老優波伽沙母名舍利

摩訶薩多者
隨言子

是因緣世間号曰舍利弗多

摩訶薩多者
隨言子

其彼長老目犍連延是彼種姓以是
緣故世間号曰目犍連延又復世尊
而記之言汝諸比丘於我聲聞弟子

之中大智慧者舍利弗多取為第一神通之內目施捷連取為第一

尔時諸比丘白佛言世尊其長老舍利弗目捷連等彼於往昔種何善根乘是因緣今得出家具足衆戒證羅漢果世尊復記於大智慧聲聞之中舍利弗勝神通之中目連為取作是語已佛告比丘作如是言諸比丘我憶往昔於波羅捺城時有二人一者是兄二者是妹其兄名曰蘇畢利耶

隋言善通

其妹亦名蘇畢利耶時兄善愛

捨家出家既出家已即得成其辟支佛道其妹善愛於波離婆闍迦外道之中出家學道其兄善愛辟支佛尊於一時聞往詣外道妹善愛所既到彼已敷座而坐其妹善愛備辦百味飲食之具手自供設令食飽滿飯食已訖復持一刀及以一針奉施其兄辟支佛尊其辟支佛飯食已訖將妹善愛所施之物刀子及針於彼妹前飛騰而去其妹善愛眼自見彼尊者辟支佛騰空而去歡喜踊躍遍滿身心不能自勝令十指掌遙敬礼彼辟

支佛尊尋作是願願我將來值是教
師及勝此者彼所說法速得解悟不
生惡道如施利刀無不割者以此斷
割因緣業故今我來世一切煩惱莫
不斷壞又如此針遍能貫穿今我來
世一切煩惱具足穿徹汝等比丘於
彼時中善愛外道波離婆闍迦施辟
支佛刀子及針豈異人乎即舍利弗
比丘是也

復次諸比丘我念往昔波羅捺城有
一商人恒於大海捕螺而賣是時商
人作如是念我今所作求財自活是
大苦業今日應造將來世因功德之
事時波羅捺有辟支佛依城而住時
辟支佛曰在東方於晨朝時著衣持
鉢便往入於波羅捺城於其城內次
第五食賣螺商人遙見尊者辟支佛
來威儀庠序進止安審舒顏平視既
見此已心得清淨即為作禮請辟支
佛往詣其家尊重供養施諸餽饍供
給所須時辟支佛受彼所施飯食已
訖而辟支佛理無說法唯以神通而
用化物不以餘法時辟支佛受彼商

人供給所須飯食訖已憐愍彼故即
從是處飛騰虛空時彼商人親自遙
見辟支佛尊騰空飛已歡喜踊躍遍
滿身心不能自勝合十拍掌遙向頂
禮彼辟支佛遂發是願願我將來值
是教師或復勝者彼所說法遠得領
悟生生之義勿墮惡道如彼所得願
我亦得同是聖者騰空飛行今我將
來亦復如是汝等比丘於意云何彼
時人捕螺而賣以自存活後時供養
辟支佛者豈異人乎即目連連比丘
是也

諸比丘以此舍利弗目連連往詣種
彼諸善根故今得出家證羅漢果
復授記於我聲聞諸弟子中智慧勝
者舍利弗是神通勝者目連連是

佛本行集經卷第四十八

癸卯歲高麗國大藏都監奉
勅彫造

佛本行集經卷第四十九

所

隋天竺三藏闍那崛多譯

五百比丘因緣品第五十

爾時諸比丘白佛言希有世尊云何
舍利弗有五百波難婆闍迦刪闍耶
弟子已墮邪見曠野嶮難道行顛倒行
其舍利弗乃能教化將詣佛所佛見
彼已教捨邪見曠野嶮難於諸苦中
而得解脫作是語已佛告諸比丘汝
諸比丘正是舍利弗非但今日將五百
刪闍耶弟子彼離婆闍迦墮大邪見
曠野嶮難行處妄行還復化今來至
我所得免邪見虛妄顛倒於苦惱中
而得解脫往昔亦當將領如此五百
人等墮厄難中時舍利弗亦復將導
來詣我開我於彼時亦教彼厄免諸
苦惱諸比丘言唯然世尊願為解說
爾時佛告諸比丘言我念往昔有一
馬王名難尸承顏端正身體白淨猶
如珂雪又若白銀如淨滿月如君陀
花其頭紺色走疾如風聲如妙鼓於
彼時間間浮提有五百商人時諸商

人欲入大海辦具資糧持三千万種

種貨物復持十萬以為資糧擬於道

路與販取利復有別財用擬解師如

是具辦漸漸而行到大海際即祠海

神備諸船舶復雇五人其五人者一

者執船二者持棹三者杼漏四者善

巧沉浮五者船師是諸人等又相告

語所有罪過清淨懺悔又復教令入

海之法然後始入求覓珍寶時諸人

輩至其海內忽值惡風吹其船舫至

羅刹國時羅刹國其國多有羅刹之

女是時船舶欲到彼國大風飄搏船

志破壞時諸商人各運手足截流浮

去欲詣彼岸時羅刹女聞彼大海有

船破壞羅刹女等即往投接一時捉

得五百商人共彼商人王慈自娛歡

喜踊躍時羅刹女已共商人生男生

女方始將彼諸商人輩置一鐵城既

安置已變化本形令使端正可意適

人纔不及天或作童女或復化作不

久婦形化是身已香湯澡浴以香塗

身著種種衣種種瓔珞莊嚴其身首

戴種種妙花天冠一切身處盡諸花

戴種種妙花天冠一切身處盡諸花

瓔以為旒纓復以妙花莊校其身花
為瓔珞於花鬘嚴懸以寶鈴提疾走
行詣商人所到其所已語諸人言是
諸聖子莫有恐也諸聖子等莫有愁
也過汝手來過汝臂來過汝腕來是
時商人窮極護命恐怖畏死遂於彼
所起寶女想與其手解時羅刹女渡
諸商人於大海中既渡之已慈言哀
愍語諸商人善來聖子從何遠來汝
等聖子來與我等可為夫也憐愍我
等為我作主我等今者無人愛念汝
為我等作歸依處除滅我等憂煩愁
惱為我等輩當作家長我等依法承
事汝輩不令虧失汝諸聖子可來我
家以歡喜心受五欲樂汝等勿憂汝
等勿怖一切家業我當徭辦凡有所
須我等皆有具海大神必於我所深
生憐愍故將汝輩來我所耳

余時一切諸商人輩咸共告彼羅刹
女言善哉姊妹汝等安心可少時住
乃至今我當散愁憂時諸商人各住
一廂其心惻愴舉聲啼哭或有人言
嗚呼父母或有唱言嗚呼兄弟或復

唱言嗚呼姊妹或復唱言嗚呼所愛
諸親眷屬或復唱言嗚呼宗族我等
今者已離親戚或復唱言我等今者
離所愛戀或復唱言嗚呼妙地閻浮
境界作如是等悲啼啼哭種種之聲
又相告言嗚呼我忍作是語已各吐
熱氣共相慰喻送乎安心詣羅刹城
漸漸而行未到彼城於其中路見有
一所其地寬廣皆悉平坦無有荆棘
沙磧瓦石一切塵土皆悉無有生諸
青草其草繁茂其大臍直可愛可樂
有好樹林其林花果枝葉扶疎狀若
青雲覆翳垂布是大林處廣大無邊
時彼林所一切樹木我今當說
那迦多摩羅樹迦且迦羅樹阿濕波
他樹巨拘陀樹烏徒婆羅樹波羅叉
樹可閻羅樹迦離囉等種種諸樹
復有種種香花之樹弥滿彼林其花
樹者所謂阿題目多迦花樹瞻波迦
花樹阿輸迦花樹波多羅花樹波利
師迦花樹拘蘭荼迦花樹拘毗陀羅
花樹檀奴沙迦梨迦花樹目真隣陀
花樹蘇摩那等種種花樹彼等諸樹

或始出萌者或有已成萌者或復欲
開敷者或已成花或花開已而萎落
者有如是等香花雜樹

復有種種諸果子樹所謂菴婆羅樹
閼浮果樹俱闍果樹破那婆樹鎮頭
迦樹呵梨勒樹毗藍勒樹菴婆勒樹
有如是等種種果樹其諸果樹或生
或熟或有成熟始可食者或有過熟
已墮落者或始花者復有如是種種
諸樹

復有諸鳥遊集其上所謂鸚鵡鵲
等鳥俱翅羅鳥孔雀王鳥迦陵頻伽
鳥命命鳥等如是無量種種諸鳥
復有種種雜花池沿所謂優鉢羅花
鉢頭摩花拘物頭花分陀利花如是
等花弥覆池上於其池中復有諸鳥
所謂鴻鵠鳬鴈鳬鸕鷀等鳥遊戲
池中光嚴彼池觀者欣悅能滅憂煩
其羅刹城四壁潔白狀如珂雪又如
冰山其城在地若遙觀者乃見彼城
如白雲隊從地涌出其諸城上復有
樓閣種種却敵周匝女牆四廂墮墜
其塹岸上欄楯圍繞或有樓閣其樓

閤中有諸窓牖復有天宮臺殿堂閤
欄楯齊整其諸閤道微妙端嚴寶帳
綽蓋弥覆其上其城周匝建諸幢幡
施設寶案於香爐中燒諸妙香

尔時諸羅刹女將諸商人向彼城已
教脫舊衣以諸香湯沐浴其體令坐
種種妙勝之座以五慾具而娛樂之
五音諸聲於前而作以如是等種種
方便經於久時受大快樂歡喜悅念
迭相娛樂後時彼諸羅刹女等告諸
商人善哉聖子是城南面不得從彼
出向某處時諸商人有一商主智慧
深細聰明利見即生疑念作是思惟
以何等故此之諸女斷我等輩於南
面處不聽行過詣於彼所我應可伺
諸女睡卧如是之時尋於此道往至
其女所禁之處次第觀看欲知彼處
善惡之事若其知已即當如事應行
方便

尔時商主作是念已即伺彼諸羅刹
女等卧睡眠已遂從卧牀安詳而起
不令有聲即執利刀從家而出尋逐
意趣漸漸前進至於少地見一微徑

恐怖之所無有草木甚可畏懼乃聞
有人大叫喚聲狀如叫喚大地獄中
苦痛之聲聞此聲已遂大怖畏身毛
皆豎嘿然而住良久喘定漸安身心
氣力稍增還詣彼道漸漸復進其路
未遠見一鐵城其城高峻乃是所聞
聲出之處詣彼城已周匝巡行而不
見門到於北面見有一樹名曰合歡
近城而生其樹高大出於城上時彼
商主見斯樹已即上其樹觀看城內
見彼城中多有人死過百餘數或有死
者已被食半或命未斷半身支解或
有飢渴逼惱而坐或復消瘦唯有筋
骨眼目欠陷如井底星迷悶在地頭
髮蓬亂塵土紛身甚大羸瘦各相割
肉而噉食之以是因緣作大叫喚如
閻羅王所居之處見諸衆生受大苦
惱是大商主見是事已亦復如是生
大恐怖身毛皆豎時大商主復經少
時安心定意恐怖稍除氣力漸生即
以手捉合歡樹枝而搖動之一枝動
已舉樹枝葉手相振觸而有聲出
余時受苦諸人等輩聞是聲已仰觀

城上見彼商主在合歡樹見已悲呼而問之言汝是誰也為是天耶為是龍耶為野叉耶為乾闥婆為阿修羅為迦樓羅為緊那羅為是摩睺羅伽為是帝釋憍尸迦耶為是天尊大梵王耶或能見我在於厄難憐愍我輩故來至此欲來救拔我等苦也時彼人輩合十指掌頭頂遙禮哀泣發聲仰面上觀作如是白善哉仁者當於我輩生大慈愍脫我此難我等皆是愛別離人汝今應當濟拔於我作是方便令我等輩還能到於親愛之所余時商主從彼苦人聞是語已歡快不樂身心悲惱而報彼言是諸人輩當知我今非是天也亦非龍也乃至我非大梵天也但我等輩從閻浮提興生至此為求財故入於大海我等將欲至於陸地忽遇大風船舶破散值諸婦女來至我邊濟拔我等從余已來我輩常共如是諸女歡娛受樂我今云何能濟汝苦是時商主復問彼言汝諸人等云何在此受如斯事彼苦人輩即答言曰善哉善人我等

今者亦復如是從閻浮提興販商賈
為財寶故來入大海欲至彼岸遇值
惡風吹壞船舶我等彼時亦遭如是
羅刹之女濟度彼難亦復共我受五
慾樂但聞汝等有如是聲是羅刹女
即知大海有船破壞於彼之時將我
等輩置鐵城中我等來日行人同伴
亦五百人入此城來已被他食二百
五十今惟二百五十人在我等亦共
彼輩和合生於男女彼羅刹女語言
微妙其聲婉媚但彼女等貪食肉故
共生男女志還食盡汝諸人輩慎莫
共彼受樂娛樂何以故彼甚可畏無
愛心故是時商主復問彼言諸人等
輩頗有方便得脫如此羅刹難不彼
即報言有一方便商主復問方便如
何善哉為說彼等報言十五日滿四
月節會大喜樂日月與昴宿合會之
時有一馬王名曰雞尸隋言多髯形貌端
正見者樂觀白如珂貝其頭紺黑行
疾如風聲如妙鼓彼所停處乃有粳
米自無糠粳甚大鮮白香美具足彼
馬所食食足米已來詣海岸露現半身

口出人聲而作是言誰欲渡彼大鹹

苦水如是三說我今當令安隱得渡

鹹水彼岸汝等若值如是馬者即得

免難唯有此事更無餘也汝等若欲

脫諸難者勿泄此言商主復問汝等

頗復曾見雞尸馬王如此已不汝若

見者何不親近汝若親近何不渡汝

汝初得聞從誰而聞如此之事虛也

實也彼等報言善哉仁者我從虛空

聞如是聲闍浮提內諸商人輩愚癡

無智所以者何不能至彼昂月交合

十五日滿是大節會歡樂之時四月

節中不能詣彼北道而行若行彼處

應見馬王形貌端正觀者無厭食淨

粳米從於彼處來詣海岸露現半身

日別三時唱如是言誰欲渡彼大鹹

苦水至於彼岸我能安隱渡之今過

從於此處得至彼岸衆人聞已而有

信者尋虛空聲詣於北道馬王之所

雖往其所不受彼言而復還歸我等

皆由愛羅刹女是故如此今受是厄

是時商主復問彼言汝等去來可共

詣彼馬王之所彼等報言我欲上城

城即增長掘地欲出其孔還合我等

是處無解脫期我輩必為羅刹女食

何當得見彼親眷屬汝等人輩慎莫

放逸隨意所去速詣父母及自眷屬

還歸本鄉唯願汝等心意和合我等

人輩本生某處某城某邑善哉汝等

若至彼處為我等輩問計父母及餘諸

親朋友知識作是語已復告彼言汝

等後時更莫發心向彼大海何以故

於大海內有諸恐怖所謂海潮或時

黑風水流漩迴伍弥羅魚蛟龍等怖

諸羅刹女如是等怖大海之中多種

畏難汝等人輩但在彼處以諸方便

隨宜活命乃至傭力亦可存濟以是

方便得共父母妻子眷屬不復分離

能行布施多造福業嚴持齋戒是時

商主聞彼語已生大恐怖遂即從彼

合歡樹下下彼樹時彼諸人輩一時

發聲叫喚啼哭嗚呼大苦嗚呼極苦闊

淨提內微妙之地何當復能得見彼

處我若本知有是厄難寧住在彼食

噉牛糞用為活命不為求財而來此

也尔時商主既下樹已依著來道還

向本處見彼等輩諸羅刹女猶故睡眠商主亦時還即眠卧至於天曉便作是念云何令彼諸商人輩得知此事而不令彼羅刹女覺我今若當輒出是言向彼說者是即漏泄若其漏泄令彼羅刹諸女聞者恐將我等至厄難處我之此語應須隱默乃至四月臨當節會大歡樂時焉王來曰乃可出言而告彼等所以者何昔有偈說

凡於知識處 輕陳心實者 其事當泄漏
聞者各各傳 是以然所得 便受大苦惱
故有智慧者 惟不漏其言

余時商主思惟是已隱默而住乃至四月歡樂會時方始告彼諸商人言善哉諸人汝等今者慎莫放逸莫生惡著勿生愛心或貪婦女或貪飲食及餘資財我於汝等極生憐愍我今密語欲相示告汝諸人輩若見諸女睡安隱時可共集會同向某處

時諸商人聞彼商主說是語已猶如師子在於山林忽大哮吼有諸凡獸在彼山邊聞其吼聲生大驚怖各相

謂言我等今者未脫大海可惡之事
時彼商人過彼日已遂至夜內見彼
羅刹一切諸女就著睡眠安隱而卧
秘密盜竊從卧床起各各咸共詣彼
期處詣彼處已白商主言善哉商主
所見之者願為我說或從他聞憐愍
我故利益我故願為說之是時商主
報商人言汝等知時密於是事乃能
為說彼等報言我等實語聞是事已
皆悉密持

尔時商主即告彼等說前見事諸商
人等從大商主聞是事已憂愁不樂
甚大悵快恐懼戰慄白商主言善哉
商主我等今當宜可速至彼馬王所
願我等輩安置得達閻浮提內本生
之處時諸商人并及商主皆共聚集
詣彼難尸馬王住所

尔時馬王食彼無糠自然粳米清淨
香美如是食已至於海岸露現半身
以人音聲而三唱告誰欲樂渡鹹水
彼岸我當安隱負而渡之今到彼岸
時諸商人聞彼馬王如是語已歡喜
踊躍身毛皆豎合十拍掌頂礼馬王

作如是言善哉馬王我等欲渡樂至
彼岸願濟我等從水此岸達到彼岸
尔時馬王告諸商人汝等當知彼羅
刹女不久應來或將男者或將女者
顯示於汝慈悲哀哭受於苦惱汝等
於時莫生染著愛戀之心汝等若起
如此意言彼是我婦彼是我男彼是
我女汝等假使乘我背上必當墮落
為彼羅刹之所噉食汝等若作如是
意念彼非我許我非彼物非我男女
於時汝等設使以手執我一毛而懸
之者我於是時安隱將送汝諸人輩
渡彼鹹水達到彼岸作是語已是大
馬王告諸商人汝等今者可乘我背
或執身分脚足支節時諸商人或上
背者或執支節脚足分者尔時馬王
負彼商人出哀愍聲飛騰空裏行疾
如風

尔時彼諸羅刹女輩聞彼馬王哀愍
之聲復聞走聲狀如猛風忽從睡覺
覓彼商人悉皆不見處處觀看乃遙
見彼諸商人輩乘馬王上或執諸毛
纓競支節乘空而去既見是已速將

男女馳走奔赴至於海岸發慈愍聲
哀號啼哭作大苦惱各作是言汝諸
聖子今者捨我欲何所去令我無主
汝是我主汝等於先墮在海難大恐
怖中我等渡汝唯願汝等與我為夫
汝等今者捨背於我欲詣何所汝等
今者無恩無義何故相棄而不報恩
我等若當於聖子邊有所違犯今乞
懺謝從今已去不作諸惡汝諸聖子
凡善男子不得懷抱結恨慍恚汝等
迴還今何所詣捨離我等諸聖子輩
汝等如其不用我者今此男女可收
將去時羅刹女雖作如是惡流言語
雞尸馬王仍將彼輩五百商人安隱
得渡大海彼岸到閻浮提諸比丘於
汝意云何若疑於時雞尸馬王豈異
人乎勿生異念即我身是五百人中
大商主者豈異人乎即舍利弗比丘
是也五百商人豈異人乎即刪闍耶
波離婆闍迦諸弟子等五百人是我
於彼時以此五百諸商人等至厄難
處墮於如是羅刹女邊後羅刹女復
欲將彼隨意處分當於尔時是舍利

弗將詣我所我於彼時授其苦厄得渡鹹水達到彼岸今者還復至剛闍耶邪見曠野嶮難之中乘虛妄路舍利弗於彼之處亦教化已將詣我所我於邪見曠野之中化令得脫渡生死海諸比丘如來乃往未得佛時能作如是大利益事是故汝等當於佛所應生尊重恭敬之心生希有想汝等比丘應如是學

佛本行集經斷不信人行品第五十一

爾時婆伽婆度長老舍利弗及目犍連五百人等得出家已具足衆戒從摩伽陀國次第遊行從一聚落至一聚落歷諸村邑隨意而行漸漸歸還到王舍城

摩訶僧祇師作如是說

其迦葉惟師復作異說乃言如來至南方山處處遊行而復迴還至王舍城於時多有大力威神者有大威力諸善男子於如來所行於梵行於時多人道說毀訾各各唱言沙門瞿曇當令我等無有子息令我等輩破家散宅絕我後胤沙門瞿曇已度騷擾一千人等今遣出家沙門瞿曇從刪闍

耶波離婆闍迦邊亦復劫大集五百弟

子今使出家今者復有摩伽陀國諸

大威德大威力等諸善男子當至其

所行於梵行彼諸人輩見諸比丘來

於前者各各說偈而相謂言

是大沙門還踰南山詣此已度波闍等

今復將誰去

余時彼輩諸比丘等聞諸他人說如

是偈心生慙愧便至佛所竹園之內

以所聞偈而向佛說

余時世尊告諸比丘汝等當知如是

音聲不應多時唯至七日七日之後

是聲自滅於一切處無復更聞諸比

丘雖復有人向於汝等說如是偈

是大沙門還踰南山詣此已度波闍等

今復將誰去

作是語者汝等應以如此偈答

世尊大丈夫將人如法法既有如法行

智者何得違

余時彼等諸比丘輩於其晨朝日在

東方著衣持鉢入王舍城乞食之時

衆人見者皆說此偈而相告言

是大沙門還踰南山詣此已度波闍等

時諸比丘即以彼得報諸人言

時彼諸人聞是偈已作是思惟沙門
釋子凡所度人教行如法非不如法
是故此聲耳在於七日過七日已一切
皆滅於一切處不復聞也

佛本行集經說法儀式品第五十二上

尔時復有眾多外道波離婆闍迦五
日五日恒常集聚為人說法衆人大
集詣彼聽受以是因緣諸外道輩波
離婆闍迦等得大利養恭敬尊重於
彼時間王舍大城摩伽國王頻婆娑
羅於佛法中深生正信作如是念今
者外道波離婆闍迦五日五日恒常
集聚為他說法多有人衆詣彼聽受
以是因緣諸外道輩大得利養世人
貴重供養恭敬我於今者亦集諸師
五日五日勸令說法我應自往詣彼
大會彼大會內若見我來時一切人
民悉應來集如是因緣應令我師大
得利養世間尊重思惟是已至於佛
所具白斯事

尔時世尊因此起發集比丘僧而告

之言汝諸比丘我今已許五日五日

今汝等輩集聚大會為他說法談
論法義時諸比丘白言世尊何法當
說何法不說時諸比丘問此事已佛
告大眾諸比丘言汝等比丘我今已
許五日五日於其中間集聚眾已歎
佛功德歎法功德歎僧功德歎信功
德乃至略說讚歎戒行多聞功德歎
行布施歎行智慧歎行知足歎行少
欲歎說頭陀歎說遠離聚落城邑常
在空閑歎行妙行讚歎利益歎行精
進讚歎供養父母尊長供養沙門及
婆羅門讚歎供養諸善知識歎說善
言讚歎調伏諸根門者讚歎節量諸
飲食者讚歎初夜及以後夜省睡眠
者讚生正念讚相奉事讚相諮問讚
聞領悟讚受師教而不違偕聞已奉
行讚聞法已而能正知讚聞正法順
法而行歎說念佛歎說法歎說念
僧歎說念天歎說念施歎念寂滅歎
念阿耨波那歎說念身讚歎恒念不
淨觀想歎念死想歎念飲食作不淨
想讚歎世間不可樂想讚無常想讚

苦空想讚無我想讚歎斷想讚離欲
想讚歎滅想及以讚歎觀白骨想讚
歎骨離想讚歎臃脹想讚歎欲壞想
讚歎半散想讚歎散想讚半燒想讚
燒亦想讚可惡想亦應讚歎念諸功
德亦應讚歎四正勤四如意足五根
五力七覺道分讚解脫門諸解脫分
讚八勝處讚歎三明亦應讚說六通
功德

佛本行集經卷第四十九

癸卯歲高麗國大藏都監奉
勅彫造

隋天竺三藏闍那崛多譯

說法儀式品下

尔時諸比丘作如是念如來已許聽我等輩五日五日聚集大會應當讚說諸佛功德乃至讚歎說六神通諸功德等彼諸比丘五日五日遂即集聚同發一聲讚佛功德乃至讚說六神通等功德之事於時諸人各來聽法是時即有談論毀訾作如是言我等諸師云何同出一音說法譬如初學諸童子輩合聲唱讀無有異也時諸比丘聞此諸人毀訾道說來詣佛所白如上事

尔時世尊告諸比丘作如是言汝諸比丘從今已去制諸弟子不得同聲讚說法義唯請辯才堪說法者

尔時諸比丘或復請彼諸根闇鈍及缺漏者不具諸戒而演說法乃至衆人更復毀訾種種道說情不喜樂而口唱言是諸師輩尚作如是况非師者時諸比丘聞是事已具往白佛尔

時佛告諸比丘言汝諸比丘我從今日制諸弟子不得請於諸根閭鉢及以缺漏或不具者而說其法從今已後若請說法應請妙行具足之人於諸衆內勝行成就乃至佛後唱其制言應當簡擇辯才知法次第舊解阿含經等請令說法乃至衆中多解阿含佛復告彼諸比丘言非但唯解阿含經者須請說法復解修多羅及解摩登伽者應請是人為衆說法若大衆中有諸比丘解修多羅及解毗尼解摩登伽又於是中應當選擇文字分明具足辯才又於衆中現在比丘多解文字分明辯才悉具足者我今當聽是等比丘得從下座次第老遣為衆說法若一乏者更請第二第二疲乏應請第三第三疲乏應請第四第四疲乏應請第五乃至若干堪說法者次第應請為衆說法有諸比丘或在露地說法之時或寒或熱我許造堂堂下說法若雖有堂露無四壁風吹塵草汙諸比丘我今當聽起四壁障遮諸塵草時諸比丘在說法堂

若地不平應以種種若麻若草泥塗其地使令淨好

尔時諸比丘起說法堂泥地已訖在說法堂誦習經行以塵汙足聽許比丘應湏洗足是時比丘數數洗足脚足痛故乃至佛告諸比丘言應以香湯灑地滅去塵埃滅塵埃已其地亦乾還汙其脚乃至佛復告諸比丘我當聽許牛糞香水以塗堂地於時水乾牛糞散壞還復汙足佛復告諸比丘應取軟草或復麻等以敷地上尔時衆人見彼法師辯才具足能演說法即持香花而散其上時諸比丘不受其法而生厭離何以故以佛斷故出家之人不得將持塗香末香及諸香鬘時諸人輩聞見此事毀訾說言是等比丘如是供養尚不堪受况復勝者時諸比丘以如是事具往白佛尔時佛告諸比丘言汝諸比丘若其有諸白衣檀越以歡喜心以吉祥故持種種香花塗香末香及諸華鬘散法師上者應當受之是時白衣諸檀越等遂將種種資財寶物及袈裟等

供養法師是諸比丘恐懼慙愧不受
彼物世諸人輩毀訾談說是輩沙門
諸釋子等若干輕物尚不堪受况復
勝者

尔時諸比丘聞是事已具往白佛尔
時佛告諸比丘言汝諸比丘若有俗
人持諸財物及袈裟等奉施法師為
歡喜故我許捨施若有須者聽其受
取若不須者我許送還

尔時諸比丘於說法時取大部黨閭
誦者多或復一月不能得竟止欲休
罷恐怖慙愧止欲誦徹身心疲殆時
諸比丘具白上事尔時佛告諸比丘
言為衆說法應當知時

尔時諸比丘說法之時以微妙音演
說法義時有比丘恐怖慙愧具白世
尊尔時佛告諸比丘言我今聽許以
微妙音而演說法於時比丘取諸經
中要略義味而為他說不依次第於
時比丘慙愧恐怖慮違經律具以白
佛於時佛告諸比丘言我許隨便於
諸經中擇取要義安比文句為人說
法但取中義莫壞經本於是法師說

法之時大衆集會其聲不顯不能令
衆愛樂歡喜時諸比丘具白世尊佛
告諸比丘我今已許於大衆中敷設
高座應請法師昇座說法今衆悉聞
又時聚會其衆更大說法諸師聲猶
不徹時諸比丘復往白佛尔時世尊
告諸比丘當須更倍敷設高座使說
法者昇是座上尔時大衆倍更增多
聲猶不徹時諸比丘復往白佛佛言
我已聽許比丘或立或行隨便說法
時諸比丘集一堂內有二比丘演說
經法是故相妨即造二堂二堂之內
各別說法猶故相妨此堂之內將引
比丘往詣彼堂彼堂之處有諸比丘
迭相誘接令詣此堂往來交雜遂乃
亂衆人或去來法事斷絕或有比丘
於此法門不意聞說時諸比丘具以
白佛佛告諸比丘自今已去不得一
堂二人說法亦復不得二堂相近使
聲相接以相妨礙亦復不得彼詣此
衆此詣彼衆亦復不得增惡法門不
意聞說若憎惡者須如法治之
是時衆中無有法師諸比丘等具以

白佛佛告諸比丘若無法師應請誦者昇座誦之是時衆中無誦經者而諸比丘具以白佛佛告諸比丘我今聽許次第誦之或從上座次第老誦或從下座次第老誦乃至讀誦一四句偈余時諸法師讀誦經時猶如俗歌而說其法是故為人毀訾譏論如是說法似我俗人歌詠無異剃頭沙門豈如歌詠而說法也時諸比丘聞是事已具將白佛佛告諸比丘若有比丘依世歌詠而說法者而有五失何等為五一者自添歌聲二者他聞生添而不受義三者以聲出沒便失文句四者俗人聞時毀訾譏論五者將來世人聞此事已即依俗行以為恒式若有比丘依附俗歌而說法者有此五失是故不得依俗歌詠而說法也沒諸比丘其有未解如上法者若所遊止應先詰問和上阿闍梨等時有比丘欲詣他方城邑聚落余時和上阿闍梨等語彼比丘如是長老汝不須往時彼比丘遂不取語而詣彼去至於中路逢值劫賊執捉比丘

以手及脚打踏甚困唯留殘命劫棄
衣鉢然後放之時彼比丘既得迴還
僧伽藍處告諸比丘具陳此事時諸
比丘將此白佛尔時世尊因是事故
召集衆僧而告之言汝等比丘和上
阿闍梨實不許汝詣遠聚落遊行以
不時諸比丘白言如是實不許也佛
復告諸比丘汝等當知此事不善和
上阿闍梨既不許可何故自專詣他
聚落

諸比丘此有因緣所以者何我念往
昔此閼浮提內五百商人是商人中
有一商主名曰慈者最為導首時諸
商人皆共集會各相議言我等今可
辦具資糧入海之具詣彼大海為求
財故必應當獲種種珍寶來還其家
所謂摩尼真珠珂王珊瑚金銀如是
等寶使我等輩七世已來家內大富
住持資物養育眷屬多作基業
余時彼等五百商人具辦所須入海
貨物有三千万持一千万擬道路中
資用糧食又一千万與彼商人以為
本貨第三千万擬治舟舩及舩師價

具辦是已各各安心受八關齋既受
齋已各至已家辭別父母妻子眷屬
於時慈者遂詣母所具諮是事其母
是時在樓閣上新洗沐髮受八關齋
持法安靜余時慈者至於母前作如是
言善哉父母我欲入海求諸財寶至
於彼處持種種貨而來還歸所謂摩
尼真珠頗梨乃至金銀欲使我家如
此財寶住持七世資用無窮富饒具
足供養父母及諸妻子復用布施營
諸功德

余時慈者商主之母告慈者言兒今
何用入大海中汝今家內大富豐饒
財物具足凡有所須皆應無關七世
已來堪得存濟以充供養兼得行檀
作諸功德愛子愛子大海之內有諸
恐怖所謂潮波惡風之難恆彌羅魚
多有如是等難我今年老衰暮已至
愛子若去與汝相見此事實難我今
雖復少有殘命死日至近如是再三
懇懇切語是時慈者重白母言善哉
阿母我必詣海為求財故至於彼所

持種種寶必望歸還所謂摩尼真珠
乃至金銀將來供養父母師長行檀
布施廣修功德作是語已即欲進發
尔時慈者商主之母從座而起抱持
慈者而告之曰愛子慈者我不許汝
詣於大海而求財也何以故我今家
內多有資財無所乏少尔時慈者作
如是念我母今者不意於我益當損
敗而於今日更不許我入海求財我
於今日必作禍敗以是因緣便生瞋
恚遂搦其母置於地上打其母頭即
從家出共諸商人行到海岸既到海
已祭祀海神嚴整船舶別雇五人三
倍與價其五人者所謂執尾執棹杼
漏能沉能浮善行船者共量所宜遂
乘船舶入於大海為求財故彼等諸
人至於海內其船破壞五百商人悉
皆沒水唯有慈者商主一人得活尔
時慈者於彼破船捉得一板即依其
板運手動足極盡筋力因其風勢從
海濤波落於一渚其渚名曰毗尸波
提婆音云是時慈者在彼化渚食諸
果子及以藥草少時活命於後慈者

遊歷彼渚至於南畔見有一路遂從
彼道行至少地便即遙望見一銀城
其城可憐微妙希有觀者無厭樓櫓
却敵隍塹圍遶天窓欄楯及諸寶闕
臺殿宮舍偏梁閣道上覆寶帳以種
種寶而莊嚴之懸雜幡蓋豎立寶幢
香案香爐燒衆妙香其城周匝有諸
園林泉池渠流皆悉具足娛樂之處
在彼城內正處中央有一寶殿名曰
憐樂其殿微妙七寶所成所謂金銀
琉璃車渠瑪瑙席珀真珠等寶尔時
彼城有四婦女從城而出端正可憐
觀者無厭取勝取妙以諸瓔珞而莊
嚴身詣慈者所而白言曰善來慈者
何能自涉來至此城此城無主衆物
具足無所乏少於此城內有一寶殿
名曰憐樂七寶所成我等四女居其
殿內早起夜卧志意清潔言語貞良
容儀婉媚聲氣和雅是故汝今可入
此城昇於寶殿共相娛樂無男之虞
共受慈樂和合而行隨意止住我等
於汝持一切物承事供養

尔時慈者遂入彼城詣向寶殿無男

之處共彼四女以五欲樂隨意歡娛
經歷數年經數百年經數千年縱情
受樂於彼後時其四婦人告慈者言
善哉聖子汝可住此莫向餘城
尔時慈者即生疑慮云何此女而語
我言聖子今可在此城住勿向餘城
我今竊可違此婦人伺其睡卧乘依
此路至於別所東西馳訪當自證知
竟有何事若善若惡既覺知已應如
法行

尔時慈者伺彼婦人睡眠者時安徐
而起從寶殿下巡歷而行從東門出
圍遶是城周匝遶已至於南面見有
一道即尋是道漸行而進遂復遙見
有一金城端正可喜乃至周匝有諸
泉池渠流盈滿於彼城中有一寶殿
名曰常醉微妙可觀七寶所成所謂
金銀乃至車乘真珠等寶尔時彼城
有八婦女從城而出可喜端正取勝
寂妙以諸瓔珞莊嚴其身來詣慈者
商主之處到已白言善哉慈者何能
遂至復言慈者此城都是真金所造
一切衆物資財具足其城中央有一

寶殿名曰常醉七寶所成我等八女
早起晚眠乃至慈者亦入彼城昇於寶
殿共彼八女無男之處以諸五慾具
足受樂共相娛樂經於數年數百千
年隨意而住後時彼女告慈者言聖
子慈者汝莫從此去至餘城今時慈
者亦復驚疑尋即盜出處處遊觀乃
復遙見一頗梨城可意端正觀者無
厭彼城處中有一寶殿名曰意樂微
妙可意七寶所成金銀琉璃乃至真
珠余時彼城乃有婦女一十六人從
城而出顏容端正觀者無厭諸寶瓔
珞莊嚴其身乃至亦復白慈者言善
來慈者何能冒至又言慈者此城純
是頗梨所成衆物具足其城處中有
一寶殿名曰意樂亦以七寶之所成
立我等諸女一十六人早起晚卧如
前請住余時慈者即入彼城昇於寶
殿共十六女無男之處具受慾樂以
相娛樂經於數年數百千年余時諸
女又語慈者慎莫東西慈者亦疑即
遣彼出遊歷漸進又復遙見一琉璃
城可意端正四壁牢固乃至周匝泉

余時彼處有一寶殿名曰梵德可意
微妙七寶所成城中復有三十二女
從城而出端嚴可意觀者無厭微妙
殊持以諸瓔珞莊嚴其身語慈者曰
善來聖者胃能遠至又言慈者此城
皆是琉璃所成衆物具有我是清淨
行無違失常先啓白然後方為心意
和善言語風流今來諮汝願入此城
昇於寶殿共相娛樂具足五慾和合
受樂凡所須者我當諮奉余時慈者
入彼城中昇於寶殿共於彼女三十
二人無男之慶具受慾樂經於數年
經數百年數百千年意喜而住

余時彼諸三十二女復白慈者善哉
聖子汝今慎莫從此城出詣於他城
余時慈者便復生疑如是籌量此等
諸女云何語我作如是言聖子慎莫
從此城出至餘城也我今可伺諸女
睡時乘依此路安徐而去若善若惡
到已應知既知見已如實應行

余時慈者伺彼諸女睡眠著時徐徐
緩起下殿而去出城東門巡遶彼城

詣到城南見一道路見已遂復乘彼而去須臾遙見有一鐵城其城四面皆各有門時彼城中無有一人若男若女童男童女出迎慈者唯聞是聲誰飢誰渴誰裸露者誰急走者誰遠行來疲乏之者我乘誰者

尔時慈者便作是念我先已曾見於銀城於其城內有四女人迎接於我又詣金城時彼城內有八女人出迎於我又於一時詣頗梨城有十六女出迎接我我後一時遇琉璃城三十二女出迎接我而今此城無有一人或男或女童男童女迎接我者唯有聞彼意所不意如是等聲言誰飢者言誰渴者誰裸露者誰急走者誰從遠道疲乏來者誰我乘者如我今者若入此城即知是聲誰所作也

尔時慈者即入彼城入彼城已四門尋聞尔時慈者心懷恐懼身毛皆豎處處逃走作如是言我今敗也我今壞也而彼處處逃走之時見有一人頭戴鐵輪其輪赫赤狀如猛火其火焰熾甚可怖畏遂詣彼所問言仁者

汝是誰也汝頭上輪誰所轉也何故
焰赫熾燃可畏猶如火聚時彼罪人
報言仁者汝今知不我是商主名瞿
頻陀余時慈者又問彼言汝於往昔
作何罪業以彼造罪業因緣故有此
鐵輪如是熾猛如是焰熱轉在頭上
彼人報言我於昔日以瞋怒故打蹋
母頭以如是業罪因緣故受大鐵輪
如是猛熾如是赫焰轉在頭上余時
慈者聞此語已悲啼號哭悔過自責
憶省自業口作是言今我被禁如鹿
入檻

余時彼城有一夜又業守彼城名婆
流迦在彼城中時彼夜又從彼商主
瞿頻陀邊取其頭上熾燃火輪取已
擇著慈者頭上

余時慈者頭上鐵輪甚大焰赫極受
大苦極燒極燃其苦難忍即時以偈
問夜叉言

此城周匝四門所 常有光焰恐怖人
我今已被如此縛 猶如諸鹿入深檻
善哉乞問夜叉王 是輪何故與我著
熾燃猛焰如火聚 今將今我身命斷

我先經於喜樂殿復入金城常醉宮
又經頗梨意樂處取後所過名梵德
先入銀城有四女後至金郭復遇八
頗梨城女有十六又至琉璃三十二
如是值彼復值此次第值已轉更勝
既得值遇如是者云何今值恐怖輪
由我貪慾不知足今逢如此苦厄難
我昔為更作何業值此鐵輪頭上旋
熾燃輝赫如火聚今將令我身命斷
願夜叉王哀愍答經幾歲數受斯輪
余時夜叉棄守城者即便以偈告慈
者言

昔時汝母持淨戒汝以脚足踏其頭
以如是等業因緣今為鐵輪頭上轉
熾燃猶如猛火聚光輝炎赫甚可畏
輪轉在於汝頭上今汝身命斷更斷
於斯滿足六万年終無歲數關減者
此輪常在汝頭上如是事實終不疑
余時世尊即說偈言

若有知識與彼利彼乃返更與其禍
彼則後受如是殃猶如慈者懷瞋恨
不應與惡反與惡不應與罪更與罪
彼則後受如是殃猶如慈者懷瞋恨
若興慈心反覓便於恩德處不報恩

彼則後受如是殃

猶如慈者懷瞋恨

業力從遠牽將來

業力自近牽將去

業力將人處處經

隨其作業受苦樂

非地非空非海中

亦非山間巖石裏

一切無有地方處

能使脫之不受業

佛告諸比丘汝等比丘於意云何是

時慈者豈異人乎勿作異見即我身

是我以彼時欲入海故受八閤齋戒

以彼業報因緣力故得值如是四種

寶城一切諸物皆悉具足無所乏少

由於惡心瞋恨因緣踏母頭故具足

經由六万年歲受大鐵輪熾燃之苦

汝諸比丘因業報應非虛空受但是

衆生造善惡業隨業因緣而受是報

是故諸比丘應須受業清淨身業清

淨口業清淨意業諸比丘若有比丘

身自愚癡不辯罪福善不善等應當

諮問師長和上阿闍梨等於後乃行

城邑聚落若和上阿闍梨而不許可

自專去者應當如法治其不敬不孝

順罪

佛本行集經尸棄佛本生地品第五十三上

余時菩薩住在優婁頓墨河岸之側

行其苦行坐卧隨宜著弊故衣受隨用器一日之內唯食一粒所謂胡麻或一粳米或一小豆或一菜豆或一大豆或赤粳米或一青豆當於彼時輸頭檀王訪覓菩薩不知所在借問他言我子今者住在何處作何事業於是月日秘密遣使訪問菩薩行坐之處告使者曰卿今應當訪知我子所停之處何所為作應報我知時諸使者承是勅已即白王曰如王所勅不敢違言遂即馳訪次第漸到優婁頻婆所居之處見其菩薩行難苦行尋還往白輸頭檀王作如是言善哉大王今者童子在此優婁頻婆所居之所行難苦行其所居停皆悉隨宜乃至日食一青豆等時輸頭檀王聞是事已心懷悵快愁憂不樂即說是言嗚呼我子身體軟弱汝以何事乃至如是次第第六年時諸使者將其菩薩善惡消息詣大王所次第論說當於余時耶輸陀羅釋種之女聞諸使人論說童子在苦行處行其苦行所居行住隨宜安止乃至日食一青豆等

聞是事已便即思惟我於今者安然
受樂實非善也何以故我夫今者既
在苦行我亦應當順童子法行其苦
行時耶輸陀羅作是念已即脫瓔珞
金銀琉璃真珠摩尼種種諸寶塗香
末香諸花鬘等皆悉棄捨著純白衣
唯留一髻卧凡惡鋪所食麤澁纔可
活命世人苦行莫能及者

尔時世尊得菩提已時優陀夷而白
佛言希有世尊耶輸陀羅既見世尊
在於山林行苦行時云何善能隨順
世尊而行苦行諸餘世人莫能及者
佛告優陀夷言優陀夷耶輸陀羅釋
種之女非但今世我在山林行大苦
行能隨順我行於苦行過去之世我
在厄難亦能隨我入大苦難時優陀
夷白佛言世尊其意云何願為解說
佛告優陀夷我念往昔過久遠時有
一閑靜阿蘭若處其處山林嶮澁之
內有一鹿王領諸羣鹿食草而活次
第遊行於彼之時有一獵師張設木
樞罾彼鹿王尔時羣鹿各各走散當
於尔時有一母鹿見彼鹿王為樞所

罽即住不走。今時諸魔多解人語。而彼魔母即便說偈告魔王言。

魔王當努力。奮足是與頭。張設擁罽人。今猶未來此。

今時魔王即以偈句報母魔言。

我今雖用力。不能拔此纏。以皮作罽繩。縛束轉復急。微妙諸山林。甘泉水草美。願令未來世。永莫受此殃。而有偈說。

是時彼二魔恐怖淚交流。以惡獵師來。執持刀杖故。

佛本行集經卷第五

癸卯歲高麗國大藏都監奉
勅彫造

佛本行集經卷第五十一

基

隋天竺三藏闍那崛多譯

尸棄本生品下

今時鹿王遙見獼師執杖而來即便
以偈告牝鹿言

此是獼師將來至 身體烏黑著鹿衣
今來必剥我皮膚 斬截支節而將去

今時牝鹿遙迎獼者漸至其前而說
偈言

善哉汝獼師 今可敷草鋪 先破我皮肉
今乃煞鹿王

今時獼師問於牝鹿作如是言今此
鹿王與汝何親是時牝鹿報獼師言
此是我夫甚相愛敬以是因緣作如
是念願不與彼愛別分離以是義故
必先煞我後及鹿王今時獼師作如
是念此是仁婦希有希有是鹿能作
如是大事時彼獼師於其牝鹿生大
歡喜即以偈頌報牝鹿言

我自生小未曾聞 見有諸獸解人語
此事世間甚希有 我意何忍起害心
今旣不煞於汝身 亦復并放尔夫去

如是全活尔身命 願汝夫婦恒相隨
尔時獼師詣彼涼所解放鹿王尔時
牝鹿見王免縛心大歡喜遍體踊躍
不能自勝復以偈句白獼師言

善哉如是大獼師 諸親見者皆歡喜
如我得見夫免脫 歡喜踊躍亦復然
佛告優陀夷汝今當知彼鹿王者豈
異人乎即我身是時牝鹿者耶輸陀
羅即其是也耶輸陀羅於彼之時尚
隨順我受大苦厄况於今日能隨順
我行大苦行於諸世人莫能行事而
能行也

其羅睺羅今以過業所逼惱故在胎
六年耶輸陀羅為是菩薩懷愁毒故
不自嚴飾然其如來過六年後證阿
耨多羅三藐三菩提於時輸頭檀王
所遣使人候消息者彼等使人見佛
世尊從坐起故即詣輸頭檀王之所
到王所已而白王言大王當知太子
今者苦行已徹稱滿心意已從坐起
尔時輸頭檀王聞此語已別勅二人
而告之曰汝等今當詣太子所至彼
處已當宣我言告彼太子汝於今

者苦行已徹當可速來統領國事為轉輪王具足七寶時彼二人奉王勅已依王教命如法頂受承是勅意詣太子所頭面礼足却住一面白太子言善哉聖子輸頭檀王勅我二人到聖子所告聖子言汝於今者苦行已徹今可速來承受我位為轉輪王七寶之具令悉備足

今時世尊聞彼二人作是語已而說偈言

若人已調伏 世無不伏者 諸佛境无邊 无跡無來去 若人不入網 愛無所從生 諸佛境无邊 無跡无來去

今時耶輸陀羅於其宮內聞是太子苦行已徹猶望不久必應還來當受王位政國治民作轉輪王便生是念太子若作轉輪聖王我即當作第一妃后如是念已歡喜踊躍遍滿其體不能自勝持種種香塗其身體即著種種无價寶衣及諸瓔珞而自莊飾食諸妙饌眠寢寶床柔軟卧具作如是事豫待太子時羅睺羅過六年已盡其往業耶輸陀羅即以種種資物

食飲而自供養以是因緣其羅睺羅便即出生既出生已時諸內人尋共諮白輸頭檀王作如是言異哉大王耶輸陀羅今乃生子輸頭檀王聞此事已心大瞋怒即作是言今我太子捨家出家已經六歲耶輸陀羅今生此子何從而得是時釋子提婆達多作如是言此是我子輸頭檀王倍增瞋恚召諸釋種悉令聚集即告之曰卿等當知耶輸陀羅不護太子亦不護我不護諸釋不惜名聞縱恣其意辱我宗族我等今者應作何事而苦治也

尔時釋種皆共同聲作如是言耶輸陀羅汙辱家者我等應當如辱家法而苦治之

時彼衆內有一大臣作如是言當斲其髮以杖打之打已印記

復有一臣作如是言當截其耳割去其鼻

復有一臣而作是言當挑兩目

復有一臣作如是言槍貫木上

復有一臣作如是言擲著空井

復有一臣作如是言擲著火內

復有一臣作如是言令抱熾然大熱鐵柱

復有一臣作如是言繫縛手足遣大群牛踏而殺之

復有一臣作如是言令卧地上白象踏之

復有一臣作如是言從頭至足以鋸解之

復有一臣作如是言節節文解分為八段

余時輸頭檀王告諸臣言我今勅令耶輸陀羅及所生子俱當就死

是時如來已成阿耨多羅三藐三菩提便自觀見耶輸陀羅及所生子在

厄難處以慈悲心所逼惱故處處顧視於時而有毗沙門天去佛不遠時

被天王知如來意即持筆墨及陀羅素往詣佛所余時世尊手自作書而

白王言其所生兒是我之患願莫有疑余時毗沙門天王從世尊所受是

書已尋即往至輸頭檀王大衆之內即坐於書王懷裏

今時彼書有證有驗輸頭檀王見是
驗已思尋此書真是我息悉達太子
手自書處

余時輸頭檀王及諸大衆為此因緣
於耶輸陀羅生歡喜心耶輸陀羅傳
聞人道大王有勅欲殺其身及所生
子護身命故速疾往至摩訶波闍波
提憍曇弥所作如是言善哉尊后我
無是過此所生子太子體胤聽聞不
久太子來到若其到已自應當知今
欲殺我是虛枉耳

余時摩訶波闍波提聞耶輸陀羅作
是語已心復歡喜即遣使請輸頭檀
王至阿輸迦樹林之內到林處已而
白王言唯願大王當知今者耶輸陀
羅釋種之女至於我邊而作是言我
無此過我所生子太子體胤若彼太
子身來到已自知虛實是故大王莫
作是事應須待彼太子來到即知此
事定實云何

余時輸頭檀王聞彼摩訶波闍波提
作如是等善利益義即報之曰此言
有理若如尊后所言說者我等亦

聽太子至若不尔者當知此事定實云何雖復如此輸頭檀王由于釋女耶輸陀羅未生歡喜是故衣服及餘瓔珞少分供給發遣安置隨宜處所尔時釋女耶輸陀羅復至摩訶波闍波提憍曇弥所至已白言善哉尊后我於今者欲詣園內酬昔所許諸天微願暫一祠祀未審尊后聽許已不尔時摩訶波闍波提共彼釋女耶輸陀羅將羅睺羅廣辦供具賣持雜物詣彼神所其神名曰盧提羅迦從神作名其苑亦名盧提羅迦於彼苑中菩薩往昔在家之日恒於彼苑按摩遊戲彼苑之內有一大石菩薩往日於上坐起耶輸陀羅釋種之女當於尔時將羅睺羅卧息彼石於後捉石擲著水中遂立誓言我今要誓如實不虛唯除太子更無丈夫共行彼此我所生兒實是太子體胤之息是不虛者令山大石在於水上浮遊不沒時彼大石如彼要誓在於水上遂即浮住如芭蕉葉浮於水上不沉不沒亦復如是於時大衆見聞此已生希

有心謹誦調踊躍無已叫喚跼蹐
歌舞作倡旋裾舞袖又作種種音聲
伎樂

尔時輸頭檀王聞此事時歡喜踊躍
遍滿其體不能自勝即勅莊嚴彼迦
毗羅婆娑蘇都城令除荆棘沙礫土石
穢惡糞等諸不淨物更以香湯掃灑
塗治摩拭其地在在處處安置香鑪
燒取妙香其香鑪間雜錯種種妙色
寶瓶其實瓶內盛滿香水於其水中
復安香花於其香鑪寶瓶中間更復
安置芭蕉行列復懸種種紛葩繒綵
豎立種種雜色幢幡貝珠條貫處處
交橫金鈴羅網遍覆其上復作日月
星宿形像張設空中寶花流蘇處處
垂下復以種種雜犂牛尾所在間錯
尔時嚴飾迦毗羅處猶如幻炎乾闥
婆城莊嚴是已將羅睺羅即入彼城
召喚釋種宗族傍親悉皆聚集廣辦
種種財物飲食所須調度方始別更
為羅睺羅作其生日耶輸陀羅生息
之時是羅睺羅何脩羅王捉食其月
於剎那頃暫捉還放是故釋種諸親

族等聚集議論於羅睺羅食月之際
一剎那間生此童子是故立名名羅
睺羅其羅睺羅可喜端正諸人見者
莫不歡悅膚體黃白如真金色然其
頭頂猶如繖蓋其鼻高隆猶如鸚鵡
兩臂修臍下垂過膝一切支節无有
缺減諸根完具莫不充備

今時輸頭檀王為羅睺羅置四姊妹
何等為四一者抱持二者洗濯三者
飲乳四者遊戲此四姊妹隨時將養
不久即令智慧備足

今時世尊在波羅捺轉大法輪於時
諸天各各相告其聲展轉乃至梵頂
即於彼時輸頭檀王聞子志達已得
證於阿耨多羅三藐三菩提既覺證
已至波羅捺轉大法輪為於天人而
演說法

今時輸頭檀王於世尊所倍更憶念
作是思惟設何方便令彼太子愍諸
眷屬速來至此迦毗羅城復作是念
應當遣誰而為使者誰有智略能了
此事復作是念此憂陀夷國師之子
次復車匿此之二人從小已來恒共

志達拊塵弄土伴涉遨遊此之二人
並各堪至志達多所我今當遣往彼
為使

余時輪頭檀王喚優陀夷國師之子
及以車匿而告之言汝等二人應當
知時今者太子既得成就阿耨多羅
三藐三菩提已至波羅捺國轉大法
輪為諸天人演說諸法汝等今可速
往至彼志達多所宣我告勅傳我意
旨今汝太子行難苦行至其邊際稱
遂汝心已得證於阿耨多羅三藐三
菩提已復轉於无上法輪既為天人
演說諸法善哉太子今可來詣迦毗
羅城為憐一切諸眷屬故

余時優陀夷國師之子并及車匿而
白王言大王當知志達太子若不來
者未審我等更作何計王報之言汝
等但聽太子處分其優陀夷國師之
子并及車匿即白王言如大王勅不
敢違命受王勅已頂礼其足各還本
處辭別父母諸眷屬等漸行往至波
羅捺國諸仙居處鹿野苑中至彼處
已頂礼佛足却住一面白言世尊我

等今者奉承大王輸頭檀勅遣來至
此而王告言善哉太子汝今苦行已
得超越滿汝心願成就阿耨多羅三
藐三菩提轉大法輪復為天人演說
諸法善哉太子今可來至此迦毗羅
婆蘇都城憐愍一切諸眷屬故

今時世尊聞此語已故說偈言

若人已調伏 世无不伏者 諸佛境无邊
无跡無來去 若人不入網 愛无所從生
諸佛境无邊 無跡无來去

時優陀夷國師之子并及車匿白言
世尊欲令我等當何所作佛告彼等
作如是言汝能學我此諸弟子出家
法不

今時世尊雖問彼等但彼二人先於
佛邊已有慕仰出家之意因白佛言
我等並各願樂出家於時世尊即聽
出家與受具戒

今時世尊自從出家起坐未曾面向
生地迦毗羅城乃至未化賢友知識
五比丘等及以長老耶輸陀等親善
友輩波羅捺城所生有四大富長者
諸勝男子何等為四一毗摩羅二蘇

婆睺三富樓那四伽婆般帝

今時尊者耶輸陀有善知識等五十餘人長老富婁那弥多羅尼子亦有徒衆三十一人長老摩訶迦旃延復有八万四千徒衆長老婆毗耶亦有勝徒合三十人同行善友其數六十復有迷祇耶聚落所生長老那毗迦栖那耶那

今時復有一婆羅門其有二女一名難陀二名婆羅

今時復有一婆羅門名曰提婆并及其妻長老頻婆迦葉合有五百鰥婦梵志

復有長老那提迦葉鰥婦梵志其數三百

復有長老伽耶迦葉諸徒衆等其數二百亦是鰥婦諸梵志等

今時復有長老憂波斯那數合二百五十人俱

今時復有一樹林中五百苦行諸仙人等為雨法雨王舍城中頻婆娑羅王及臣等凡九十二那由他人長老摩訶迦葉長老舍利弗目犍連等又

刪闍耶波梨婆闍迦外道弟子五百人等化如是輩若干人已然後世尊方始迴面向本生地迦毗羅城

時優陀夷見婆伽婆迴面坐向本所生地迦毗羅城又復諸天告彼長老優陀夷言善哉尊者今可請佛願至生地本迦毗羅婆蘇都城為其憐愍諸眷屬故

余時長老優陀夷善知聖意如來將去遂從坐起偏袒右臂整理衣服合掌向佛僂身低頭而說偈言

辟如非時諸樹木

欲著花果待其時

非時花果无光麗

尊今可渡恒伽河

樹木紛葩花正開

其花香遍十方刹

花既開敷結果實

尊向生地正是時

此時取妙取為勝

清流香潔泉池水

百鳥林中出妙響

諸欣悅事是其時

釋種往昔心發願

一切大地我獨攝

見尊出家大憂怖

不稱心願甚鬱怏

世尊眷屬所思違

由尊生子羅睺羅

願往至彼為決疑

大眾渴仰思欲見

如來念母養育恩

為彼慈心憐愍故

若見遠來大聖師

應得歡喜除憂惱

釋種大王輸頭檀 往昔起此微妙願

何當得見金色體 我子入此迦毗城

此時非熱亦非寒 堪稱世尊受樂道

億數釋種瞻仰待 猶如異宿異月迴

今時世尊即告長老優陀夷言汝優

陀夷若其然者汝等二人於先可至

彼迦毗羅婆蘇都城告我親眷諸釋

種等作如是言今者太子苦行已徹

慈汝等故不久欲來其優陀夷及彼

車匿家佛勅已而白佛言唯然世尊

我不敢違頂礼佛足右邊三匝卻退

而去次第漸行至迦毗羅婆蘇都城

且俱陀林依彼聚落暫時止住

今時輸頭檀王嚴駕騶馬寶車而出

往至彼園占觀好地輸頭檀王於時

遙見長老車匿及優陀夷剗除鬚髮

身著袈裟執鉢器見已即告諸大

臣言汝等大臣此何人也剗除鬚髮

身著色衣手持應器時大臣等即報

王言此等二人乃是志達太子門徒

今時輸頭檀王心懷懷惱懷快不樂

而作是言我于端正容儀可喜觀者

无厭喻如金像而彼身形今如是也

不意觀見謂諸臣言汝等必當斷是
二人勿令我見作是語已始往園內
余時臣等作如是念今此二人一者
乃是國師之子二者志達太子侍者
作是等量不能遣却輸頭檀王在園
遊觀還欲出時余時諸臣恐王見彼
長老二人生煩惱故遂將安置空牆
院內

余時世尊告諸比丘作如是言汝等
比丘今可速疾辦具衣鉢我今欲行
遊觀餘國城邑聚落因欲向我本自
生地彼迦毗羅婆蘇都城憐愍一切
諸眷屬故

余時長老舍利弗從座而起整理衣
服偏袒右肩右膝著地合掌向佛而
作是言希有世尊未曾有也世尊今
者行正是時甚精甚妙今者世尊乃
欲遊觀諸餘國城實是其時余時佛
告舍利弗言舍利弗汝今欲得聞此
事者當為汝說尸棄如來多陀阿伽
阿羅訶三藐三佛陀將欲遊行本自
生地處處觀看城邑聚落其時微妙
甚可愛樂因緣之事

尔時舍利弗白佛言世尊今正是時
願為比丘演說往昔尸棄如來詣自
生地遊觀國邑令諸比丘聞佛說已
當如是持

尔時世尊即以偈說尸棄如來遊歷
觀看本生地事

善哉甚妙舍利弗

汝今應當一心聽

昔日尸棄聖如來

往昔觀看生地事

所至一切村聚落

徃見尸棄聖如來

處處皆各生甘泉

八功德味悉具足

所至一切村聚落

徃見尸棄大聖師

處處皆有諸花樹

枝葉垂下普蔭翳

所至一切林樹下

尸棄如來止住處

是樹自然雨妙花

遍布其地悉充滿

所經一切林樹下

尸棄如來若止住

其樹甘果自然落

枝條婀娜悉低垂

有樹人所攀及者

花果紛雜甚可憐

尸棄如來大聖師

應感流行如是事

若有人所不及樹

妙花甘果自然落

尸棄如來大聖師

應感流行如是事

諸天在於虛空裏

雨大妙花華迦羅

尸棄如來大聖師

應感流行如是事

諸大在於虛空裏

普雨清涼妙花雨

尸棄如來大聖師

應感流行如是事

諸天在於虛空裏

雨花名曰曼陀羅

尸棄如來大聖師

應感流行如是事

諸天在於虛空裏

雨花名曰波梨耶

尸棄如來大聖師

應感流行如是事

諸天在於虛空裏

雨花名曰毗婆伽

尸棄如來大聖師

應感流行如是事

諸天在於虛空裏

雨花名曰香勝香

尸棄如來大聖師

應感流行如是事

諸天在於虛空裏

雨諸種種妙香花

尸棄如來大聖師

應感流行如是事

諸天在於虛空裏

雨花名曰普至香

尸棄如來大聖師

應感流行如是事

諸天在於虛空裏

雨於異種妙香花

尸棄如來大聖師

應感流行如是事

諸天在於虛空裏

純雨真金妙色花

尸棄如來大聖師

應感流行如是事

諸天在於虛空裏

雨諸七寶妙色花

尸棄如來大聖師

應感流行如是事

諸天在於虛空裏

雨花純是真金並

尸棄如來大聖師

應感流行如是事

諸天在於虛空裏

純雨一切寶並花

尸棄如來大聖師

應感流行如是事

諸天在於虛空裏

純雨優波羅花菓

尸棄如來大聖師

應感流行如是事

諸天在於虛空裏

純雨栴檀妙香末

尸棄如來大聖師

應感流行如是事

諸天在於虛空裏

雨赤栴檀妙末香

尸棄如來大聖師

應感流行如是事

諸天在於虛空裏

純雨牛頭栴檀香

尸棄如來大聖師

應感流行如是事

諸天在於虛空裏

奏作種種天樂音

尸棄如來大聖師

應感流行如是事

非人在於虛空裏

拂弄種種妙天衣

尸棄如來大聖師

應感流行如是事

諸天隨順佛行路

持諸種種妙香花

其花紛雜種種光

雨諸道路深至膝

彼時元寒復無熱

亦无蚊虻諸惡虫

尸棄如來大聖師

應感流行如是事

一切大地悉微動

并大巨海及諸山

尸棄如來大聖師

應感流行如是事

一切大地普調柔

清淨無有惡荆棘

尸棄如來大聖師

應感流行如是事

所有丘陵悉平滿

山陵堆阜皆坦然

尸棄如來大聖師

應感流行如是事

刹刹種種大威德

其數八万有六千

尸棄如來大聖師

行住坐起相隨逐

諸婆羅門淨行種

其數八万有六十

尸棄如來大聖師

行住坐起相隨逐

豪富威德大長者

其數八万有六十

尸棄如來大聖師

行住坐起相隨逐

亦有地居諸天等

皆是妙色淨莊嚴

尸棄如來大聖師

行住坐起相隨逐

復有虛空諸天衆

皆大威德最嚴勝

尸棄如來大聖師

行住坐起相隨逐

四大天王及天衆

殊勝妙色威德者

尸棄如來大聖師

行住坐起相隨逐

護世四天大王等

復有殊妙大威勢

尸棄如來大聖師

行住坐起相隨逐

初利三十三天衆

微妙威力轉殊勝

尸棄如來大聖師

行住坐起相隨逐

須弥山頂帝釋王

及諸親友眷屬等

尸棄如來大聖師

行住坐起相隨逐

善分耶摩諸天輩

妙色清淨大威嚴

尸棄如來大聖師

行住坐起相隨逐

喜樂諸天兜率陀

威嚴功德甚微妙

尸棄如來大聖師

行住坐起相隨逐

次復化樂諸天等

所行功德轉微妙

尸棄如來大聖師

行住坐起相隨逐

他化自在諸天等 威德光嚴甚輝耀
尸棄如來大聖師 行住坐起相隨逐
大梵宮中諸天輩 妙色威力轉光華
尸棄如來大聖師 行住坐起相隨逐
色界所有諸天輩 及諸龍神金翅鳥
毗閼婆等阿修羅 野天鬼神及羅刹
緊那羅等摩睺羅 皆得具足妙威嚴
尸棄如來大聖師 行住坐起相隨逐
世間有諸衆生類 已說及以不說者
尸棄如來大聖師 行住坐起相隨逐
彼尊尸棄如是行 調伏無量天人衆
正覺入於大涅槃 永斷諸有及後生
時佛從告舍利弗言汝舍利弗尸棄
如來應供正遍知明行足善逝世間
解无上士調御丈夫天人師佛世尊
初欲往到本自生地有如是等无量
微妙希有行事

佛本行集經卷第五十一

癸卯歲高麗國大藏都監奉
勅彫造

佛本行集經卷第五十二

基

隋天竺三藏闍那崛多譯

優陀夷因緣品第五十四上

尔時佛復告舍利弗作如是言汝舍利弗我今當行遊歷國土初欲往到本自生地微妙之處亦當如是時舍利弗即從坐起整理衣服偏袒右臂合掌向佛而作是言世尊何時當欲遊歷國土觀看聚落

尔時佛告舍利弗言汝舍利弗我於今月過半月已布薩事訖然後當行遊歷國土

尔時世尊過彼半月布薩已訖與諸比丘涉歷諸國尔時世尊至于舍城飯食已訖迴還以足躡城門閭時彼大地六種震動動已復動涌已復涌時摩伽陀彼國之王頻婆娑羅與諸人衆俱詣佛所即隨佛行遊涉諸國觀看聚落時虛空中无量諸天千億万衆見佛將欲遊歷國土皆來集會歡喜踊躍遍滿其體不能自勝口出種種微妙音聲歌嘯喜樂呼唱大喚

旋裾舞袖拂弄天衣復以天上優鉢
羅華拘物頭華波頭摩華分陀利華
以散佛上復持種種末香塗香及香
華鬘亦散佛上散已復散

時婆伽婆所行至處觀看諸國一切
衆類皆悉恭敬尊重供養如來到處
得諸衣服軍勝寂妙飲食湯藥床褥
卧具如是資物不可稱計利養殊妙
無所乏少名聞流布遍滿世間而佛
於此名聞利養不生染著猶如蓮華
處於濁水

今時世尊有如是等無量威德於諸
世間威德寂勝殊妙第一

時婆伽婆多他阿伽度阿羅呵三藐三
佛陀明行足善逝世間解無上士調
御丈夫天人師佛世尊此世彼世若
天若魔梵沙門等及婆羅門諸天人
境以神通智皆悉證知而彼世尊為
世說法辭義巧妙初中後善悉令具
足清淨梵行

今時世尊知諸衆生堪受化者即教
化之宜建立者教令建立隨其住處
便得成就應受三歸授三歸法應受

五戒授與五戒應受八關齋戒之法
即授八關齋戒之法應受十善授十
善法應出家者令得出家應受具戒
授具足戒如是次第展轉漸進至迦
毗羅婆蘇都城園林而住

今時世尊至迦毗羅婆蘇都城住居
拘陀樹林園內而以偈說遊歷國土
勝妙之事

釋種如來大師子 瞿曇寂滅勝威德者
往觀城邑及聚落 悉有廣大諸異相
所欲至於村聚落 往見如來大聖師
處處一切諸人衆 恭敬尊嚴來迎奉
所欲至於村聚落 往見如來大聖師
凡是一切諸華樹 悉各傾向世尊所
至於一切林樹下 世尊若立若止息
是樹自然雨其華 遍布其地悉充滿
所至一切林樹下 世尊於中若止住
是樹甘果自然落 枝葉婀娜悉低垂
有樹人所攀及者 華果紛雜自可憐
瞿曇如來大聖師 遊行應感如是事
樹有人所不及者 妙華甘果自然落
瞿曇雄猛大聖師 遊行應感如是事
諸天在於虛空裏 雨華名曰華迦羅

瞿曇雄猛大聖師

遊行應感如是事

諸天在於虛空裏

雨華名曰曼殊沙

瞿曇雄猛大聖師

威德應感如是事

諸天在於虛空裏

雨於雜種妙色華

瞿曇雄猛大世尊

威神應感如是事

諸天在於虛空裏

雨華名曰曼陀羅

瞿曇雄猛大聖師

威德應感如是事

諸天在於虛空裏

雨華名曰波利耶

瞿曇雄猛大聖尊

遊行應感如是事

諸天在於虛空裏

雨華名曰毗婆伽

瞿曇師子大聖師

遊行應感如是事

諸天在於虛空裏

雨華名曰香勝香

瞿曇師子天人尊

遊行應感如是事

諸天在於虛空裏

雨於種種妙香華

瞿曇大聖人天眼

遊行應感如是事

諸天在於虛空裏

雨華名曰普至香

瞿曇雄猛大聖尊

遊行應感如是事

諸天在於虛空裏

雨於微妙金色華

瞿曇雄猛大聖師

遊行應感如是事

諸天在於虛空裏

雨諸微妙寶色華

瞿曇十力大聖尊

遊行應感如是事

諸天在於虛空裏

雨諸妙色寶莊華

瞿曇雄猛人天眼

遊行應感如是事

諸天在於虛空裏

雨優鉢羅微妙花

瞿曇雄猛天人師

遊行應感如是事

諸天在於虛空裏

雨於沉水妙香末

瞿曇三界天人尊

威德應感如是事

諸天在於虛空裏

雨赤栴檀妙香末

瞿曇去師子大聖師

遊行應感如是事

諸天在於虛空裏

雨於牛頭妙香末

瞿曇雄猛大世尊

遊行應感如是事

諸天在於虛空裏

奏作種種諸天樂

瞿曇威猛大聖尊

遊行應感如是事

非人在於虛空裏

拂弄種種妙天衣

瞿曇師子大聖師

遊行應感如是事

諸天隨順佛行路

悉持種種妙香華

為彼大聖天中天

隨路雨華恒至膝

彼時无寒復無熱

種種蚊蚋諸惡虫

微妙大聖天中尊

應感能招如是事

一切大地皆平正

山陵堆阜悉坦然

瞿曇十力大聖尊

遊行感應如是事

一切大地甚清淨

無有惡刺諸荆棘

瞿曇威德天人尊

遊行應感如是事

一切大地微徐動

并大巨海及諸山

瞿曇三界无上尊

遊行感應如是事

一切剎利婆羅門

并及毗舍首陀等

其數千万有千万

恒共如来相隨逐

復有地居妙勝天

有諸色力大威嚴

瞿曇雄猛大世尊

行住坐立相隨逐

復有護世四天王

並大威力最勝者

瞿曇微妙大聖尊

行住坐立相隨逐

須弥山頂帝釋王

及以梵王娑婆主

瞿曇奇特最勝尊

恒共如是相隨逐

復有欲界諸天衆

及以色界四禪等

瞿曇威猛大聖尊

恒共如是相隨逐

復有諸龍金翅鳥

捷閼婆等阿修羅

夜叉及以羅刹衆

皆共隨逐如来行

世間所有衆生類

已說及以不說者

悉逐雄猛瞿曇師

遊歷國土及城邑

世尊如是遊行時

教化无量人天等

憐愍所生親族故

今至本城迦毗羅

今時長老優陀夷及以長老車匿二

人俱詣佛所頂礼佛足却住一面時

二長老白佛言世尊輸頭檀王曾无

信心有不淨心乃至不欲見諸比丘

今時世尊知是事故告諸比丘作如

是言諸比丘等誰能往詣輸頭檀王

所至只教化令其信敬

今時衆中有一比丘白佛言世尊今

此長老舍利弗者堪能往詣輸頭檀王所方便教化令其信敬

或有比丘自言世尊今此長老目犍連者堪能往詣輸頭檀王所方便教化令其信敬

或有比丘自言世尊今此長老摩訶迦葉堪能教化令其信敬

或有比丘自言世尊今此長老迦旃延堪能教化令其信敬

或有比丘自言世尊今此衆中長老優樓頻伽葉堪能教化令其信敬

或有比丘自言世尊今此長老優波斯那堪能往詣輸頭檀王所方便教化令其信敬

余時世尊告優陀夷作如是言優陀夷汝於今者頗能往詣輸頭檀王所到已教化令信敬不

時優陀夷自言世尊我今堪能佛即告言汝優陀夷汝今往詣輸頭檀王所方便教化令其信敬

余時長老優陀夷者聞佛世尊如是

語已而白佛言唯然世尊如佛所教不敢違也時優陀夷於其晨朝日始初出著衣持鉢往詣向彼輸頭檀王宮到已問彼守門人言仁者應知輸頭檀王今在何許彼人報言王今在殿治理王務

尔時長老優陀夷往至輸頭檀王之所在於一廂默然而住

尔時左右諸大臣等見優陀夷在一邊已即告四門諸守人言速往斷此出家之人勿令在此致使王見起發惡心其守門人聞大臣命速往至彼優陀夷邊欲驅令出時守門人見已始知是國師子昔時恒共太子悉達少小朋遊拊塵之戲不忍驅逐而復迴還時諸大臣問守門人作如是言汝等何故不驅如此出家人即時守門人報諸臣等作如是言其人乃是國師之子從生已來悉達太子交故朋親拊塵之好是故我等不忍驅遣尔時輸頭檀王在殿料理事訖起欲還閣諸大臣等左右圍遶將入宮內時優陀夷速往直至輸頭檀王所執其

王手當於今時輸頭檀王默然不語作如是念我今若語恐守門人驅令出去其守門人復作是念諸大臣輩自應驅遣其諸大臣復作是念宮門內人當應遮却宮門內人復作是念此人本是輸頭檀王恒所愛念如今還復執手而行今時各作如是念故無有一人能驅遣者

今時輸頭檀王漸進入宮昇其內殿坐師子座時優陀夷見淨飯王入彼宮內昇其殿已優陀夷亦上其殿去王不遠在前而立輸頭檀王見優陀夷相去不遠在前立已即生煩惱出微細聲作如是言嗚呼苦哉我子形容如此枯悴可厭惡也汝等速驅此出家人阿誰聽入使來此也

時諸大臣白言大王如臣等見是事不然大王不應駭此人出所以者何此人既是國師之子復是忠達母來朋伴拊摩遊戲

時優陀夷言辭哀愍不令傷損淨飯王意而說偈言

規求穀實故犁種 貪覓寶貨入於海

我意今來貪住此 唯願其事速成就
如此道路常吉利 於諸无畏常安隱
欲至諸方求利者 必使瞿曇利得成
數數諸人耕其地 數數於中散種子
數數諸天下甘雨 數數國內五穀成
數數乞士恒常乞 數數施主恒常施
數數此世行檀那 數數天上獲其果
數數牝牛搆得乳 數數犢子向母邊
數數婦人懷胎藏 數數生產受諸苦
數數死屍向寒林 數數諸親悲啼送
若得聖道无後有 於煩惱中不受生
今時輪頭檀王聞優陀夷作如是等
哀愍語已猶懷小疑尋復重問優陀夷
言尊者本於誰邊出家大師是誰時
優陀夷說偈以報淨飯王言

師父名曰輪頭檀

所生尊母名摩耶

懷在胎中經十月

生已母終生忉利

如是聖者生汝家

大德大聖天中天

彼家七世已濟拔

名聞處處皆流布

丈夫人中寂希有

於一切處不受生

所生如是大聖者

其家恒受大安樂

釋種親族寂名稱

尊生百福莊嚴身

如是釋子天中勝

我於彼邊出家者

爾時輸頭檀王復問長老優陀夷言
善哉比丘汝實誰邊而得出家而彼
人師頗有正信及能正意行梵行不
在阿蘭若空閑樹下坐意樂不尔時
長老優陀夷以偈復報輸頭檀王作
如是言

王問誰邊出家者 彼人正信行梵行
无有方所懷憂怖 在於樹下常受樂
不畏他聲猶師子 不被羅網如猛風
教授他人自无學 拔諸恐怖身不怖

輸頭檀王復問長老優陀夷言如是
比丘今在何處優陀夷言如大王問然
彼多他伽多阿羅呵三藐三佛陀今
已在此迦毗羅城王俱陀林

尔時輸頭檀王即作是念此優陀夷
乃是我兒之弟子也以是因緣告諸
大臣作如是言卿等今可請此比丘
在座安坐其諸大臣聞王勅已自言
大王不敢違背即請長老優陀夷坐
時淨飯王復勅諸臣卿等將食與此
比丘諸臣得勅即持淨水與優陀夷
澡洗手已即將飯食授優陀夷時優
陀夷得此食已而不自食欲將此食

奉獻世尊。輸頭檀王遂問長老。憍陀夷言比丘何故不食此食。優陀夷言此食擬將奉獻世尊。是故不食。時淨飯王心復懊惱。涕淚橫流而作是言。嗚呼我子。身體柔軟。昔在宮內恒受快樂。身无諸苦。今日何故受如此困。乃使比丘亡得食。已。乃方食時。淨飯王作是語。已。悲啼哽咽。復告優陀夷。作如是言。比丘今者但食此食。我今更為別取飯食。將與汝。即時優陀夷復白王言。如是大王。此食已擬奉獻世尊。此食世間所有衆生無能消者。所以者何。然彼世尊戒行寂勝。禪定寂勝。智慧亦勝。時淨飯王告諸大臣。作如是言。卿等今者更取餘食。與此比丘。令其食已。速將此食送彼太子。諸臣即時更將別食。與優陀夷。時優陀夷飯食已訖。而白王言。如是大王。如來世尊阿羅呵三藐三佛陀。如是王者及諸人衆。元量無邊。皆來恭敬。然今大王亦應直往。到於彼處。作是語已。從座而起。欲出宮時。輸頭檀王復白長老。優陀夷言。尊者於先至悉達所。

作如是言我今不久欲來見汝優陀夷言敬如王命

尔時長老優陀夷即持彼食從城而出至尸俱陀樹林之內至佛所已白言世尊輸頭檀王我已教化令得歡喜欲來見佛其優陀夷從宮出時須臾之間其輸頭檀王勅諸大臣作如是言卿等知時志達太子已至此城我等今者當作何事諸大臣言善哉大王若更有別餘沙門來到王所者我等尚須供養供給况復今者志達太子與我等身无異無別豈得安然不生恭敬我等但護大王心意未至彼耳尔時輸頭檀王勅令振鐸普告城内悉使知聞我今欲至志達太子往觀彼處汝等各各備辦莊嚴隨從於我

迦葉遺師作如是說

其摩訶僧祇師復作是說乃言尔時輸頭檀王白優陀夷作如是言如比丘意欲為太子作何等食時優陀夷而白王言如是大王若其欲為世尊造食當須好作清淨甘美香潔餽饍世尊唯食如此食耳

今時輸頭檀王勅諸大臣卿等須知
速為太子辦諸清淨香潔飯食諸大
臣等聞王勅已而白王言依大王教
不敢違也遂即供辦種種餽膳清淨
香潔甘美飯食辦如是已付優陀夷
其優陀夷自食訖已持王所辦餽膳
飲食清淨香潔從迦毗羅婆蘇都城
出往至於尸俱陀林至彼佛所而白
佛言世尊我已教化輸頭檀王令心
歡喜欲來見佛先以如此香美飲食
辦具與我來奉世尊願佛納受如法
食耳

今時諸比丘而白佛言希有世尊云
何長老優陀夷教化輸頭檀王能令
歡喜又能令辦清淨香潔甘美飲食
將奉世尊作是語已佛告諸比丘作
如是言汝諸比丘其優陀夷非但今
日至於輸頭檀王之所教化訖已復
將甘美飲食與我往昔亦曾教化於
彼今歡喜已將甘美食而與我來
時諸比丘復白佛言唯然世尊其事
云何願為我等說如是事我輩今者
願樂欲聞

佛告諸比丘我念往昔久遠之時波

羅捺國有一烏王其烏名曰蘇弗多

羅隋言善子而依住彼波羅捺城與八万

烏和合共住善子烏王有妻名曰蘇

弗室利隋言善女時彼烏妻共彼烏王行

欲懷妊時彼烏妻忽作是念願我得

淨香潔飯食現今人王之所食者而

彼烏妻思是飯食不能得故宛轉迷

悶身體憔悴羸瘦戰掉不能得安善

子烏王既見已妻宛轉迷悶身體憔

悴羸瘦戰掉不自安故問其妻言汝

今何乃宛轉於地身體憔悴羸瘦戰

掉不能自安彼時烏妻報烏王言善

哉聖子我今有娠乃作是念願得清

淨香潔餽饈如王食者時善子烏告

其妻言異哉賢者如我今日何處得

是香美飲食王宮深邃不可得到我若

入者於彼手邊必失身命彼妻又復

報烏王言聖子今者若不能得如是

飲食我死无疑并其胎子亦必无活

善子烏王復告妻言異哉賢者汝今

死日必當欲至乃思如是難得之物

善子烏王作是語已憂愁悵快思惟

而住復作是念如我意者如是香潔
清淨飲食如王食者實難得也

今時鳥王群眾之內乃有一鳥見善
子鳥心懷愁憂不樂而住見是事已詣
鳥王所白鳥三言異哉聖者何故憂
愁思惟而住善子鳥王於時廣說前
事因緣彼鳥復白善子王言善哉聖
子莫復愁憂我能為王覓是難得香
美餚饍三所食者是時鳥王復告彼
鳥作如是言善哉善友汝若力能為
我得辦如此事者我當報汝所作功德
今時彼鳥從鳥王所居住之處飛騰
虛空至梵德宮去厨不遠坐一樹上
觀梵德王食厨之內其王食辦有一
婦女備具餚饍食時將至專以銀器
盛彼飲食欲奉與王今時彼鳥從樹
飛下在彼婦女頭上而立啄啗其鼻
時彼婦女急其鼻痛即翻此食在於
地上今時彼鳥即取其食將與鳥王
鳥王得已即將與彼善女鳥妻其妻
得已尋時飽食身體安隱如是產生
今時彼鳥日別數往奪彼食取將與
鳥王時梵德王屢見此事作如是念

奇哉奇異云何此烏數數恒來穢汙
我食復以喙爪傷我婦女而王不能
忍此事故尋時勅喚網捕獬師而語
之言卿等急速至彼烏處生捕將來
其諸獬師聞王勅已啓白王言如王
所勅不敢違命獬師往至以其羅網
捕得此烏生捉將來付梵德王時梵
德王語其烏言汝比何故數汙我食
復以喙爪傷我女婦今時彼烏語梵
德王善哉大王聽我向王說如此事
令王歡喜時梵德王心生喜悅作如
是念希有斯事云何此烏能作人語
作是念已告彼烏言善哉善哉汝必
為我說斯事意令我歡喜今時彼烏
即以偈頌向梵德王而說之曰
大王當知波羅捺 有一烏王恒依止
八萬烏衆所圍遶 悉皆取彼王處分
彼烏王妻有所憶 我向大王說其緣
烏妻所思香美饌 如是大王所食者
是故我今數數來 抄撥大王香美食
今者為彼烏王故 致被大王之所繫
善哉唯願大聖王 慈悲憐愍放脫我
我為烏王彼妻故 數來抄撥大王食
我念從此一生來 未曾經造如此事

今為大王勅已於後不敢更復為
時梵德王既聞彼烏如此語已心生
喜悅作如是言希有此事人尚不能
於其主邊有如是等愛重之心如此
烏也作是語已其梵德王而說偈言
若有如是太臣者 彼應重答食封祿
須似如是猛健烏 為主求食不惜命
其梵德王說此偈已復告烏言善哉
汝烏於今已去常來至此取香美食
若其有人遮斷於汝不與食者來語
我知我自與汝已分所食而將去耳
佛告諸比丘汝等當知彼烏王者我
身是也彼時為王偷食烏者即優陀
夷比丘是也梵德王者此即輸頭檀
王是也於時比丘優陀夷令彼歡喜
為我取食今亦復令淨飯王心生
歡喜又復為我而將食來
時淨飯王於後方始扣其鈴鐸勅迦
毗羅婆蘇都城所有人民不得一人
於先往見志達太子若欲見者要須
共我相隨而見

佛本行集經卷第五十二

癸卯歲高麗國大藏都監奉

勅彫造

佛本行集經卷第五十三

基

優陀夷因緣品下

隋天竺三藏闍那崛多譯

尔時輸頭檀王將自宮內諸眷屬等
前後圍遶復將志遠太子宫內一切
眷屬及將其餘外眷屬等并釋童子
及諸左右復將四兵百官大臣將帥
僚佐及諸居士城邑聚落長者耆年
以顯大王威勢之力并顯大三神德
自在將大親族兵衆左右前後圍遶
尔時釋種宗族士衆一切合有九万
九千及迦毗羅婆蘇都城所居人民
從城共往欲見如來世尊遙見輸頭
檀王與諸大衆嚴備而來即作是念
我若見彼不起迎奉人當說我此豈
戒行果報人乎云何見父不起迎逆
我今若見父及大衆起往迎者彼等
獲得無量大罪若我今者持其威儀
在此住者彼等於我不生敬心如來
作此三種念觀見有如此三種因緣
思量如是三種義已從坐而起以神
通力飛騰虛空在虛空中經行來往

或立或坐或卧或睡身或放烟或放
炎火或隱或現出如是等種種神通
變化顯示

時迦毗羅婆蘇都城有護城神守門
神等在於輸頭檀王之前飛騰虛空
詣向佛所頂礼佛足却住一面以其
偈頌向佛說言

如來初始出家日 夜叉諸神為開門
毗沙門等示道路 世尊是大功德器
如來當余出門時 發心作是大誓願
若不降伏諸魔衆 我更不入此城中
彼願今者已滿足 世尊已復降諸魔
得證菩提无上道 成於昔日之誓願
丈夫為福出於世 已證无上菩提道
憐愍一切親族故 今者還來入此城
余時輸頭檀王遙見世尊以神通力
飛騰虛空示現種種神通變化即作
是念我憶往昔悉達太子捨家出家
今成大仙有大威德具大神通輸頭
檀王作是念已從其馬車下地足步
往向佛所輸頭檀王漸欲近佛佛復
從空漸漸而下輸頭檀王至佛住所
停即從空下至本處輸頭檀王見佛

頭上無有天冠剝除鬚髮身著袈裟
以愛子故悶絕躋地經於少時方乃
還穌在地宛轉悲啼涕泣流淚被面
時彼釋種九万九千及以内外諸眷
屬等志亦悶絕宛轉于地悲號啼哭
涕淚交流煩冤懊惱而受大苦時彼
大衆而說偈言

大王將衆至佛邊 父見世尊未共語
王欲稱子不得言 欲道比丘復不得

王見如來沙門相 自於傘下生著慙
長叫口中出熱氣 迷悶躋地種種道
如來默然入禪定 王見如是自憂煎
猶如渴人從遠來 遙見水已還枯竭

余時世尊復作是念此釋種輩有大
我慢貢高自在若其以頂著地礼我
即生憐勸作是念已即騰虛空去地
一丈又念我今離地若干彼輩應當
僂身作礼而有偈說

佛觀三輩懷我慢 飛住虛空高一丈
憐愍自餘諸人等 是故佛在空中住
今時翰頭檀王從地而起頂礼佛足
而說偈言

我今三礼真如尊 初生已復礼佛足

昔在宮內相師記

當坐樹下陰覆身

今見行於第一行

面目清淨如華開

令我身心大欣悅

是故今還三頂礼

尔時輸頭檀王頂礼佛足然後次第
二宮眷属頭面頂礼次有外親諸眷
属等亦礼佛足復有釋種諸童子等
亦復頂礼復有左右將士僚佐百官大
目次第作礼復有如是大姓居士頂
礼佛足次第復有大富長者諸老宿
等亦復作礼

然佛世尊深有如是微妙之法但恐
大衆未生歡喜渴仰之心未生希有
奇特之意是故未說如此法耳

尔時世尊欲令時衆生歡喜心信敬
心故以神通力飛騰空裏在於東方去
地高至一多羅樹住空中已又作種種
神通變現所謂一身分作多身或以
多身合作一身從下橫行足不蹈地
從下上行從上下行石壁山障皆過
无碍入地如水履水如地在於虚空
結加趺坐安然不動經行虚空猶如
飛鳥身上放烟身下出火如大火聚
亦如日月有大威德有大神通威德

熾盛光明顯赫或時以手捫摸日月
其身長大乃至梵天出如是等種種
神通變化之事

今時世尊作是事已復現如是雙對
神通所謂如來於其半身身下出烟
又於半身身上出火

如來或復於其半身身上出烟或於
半身身下出火

如來或復左廂出火右廂放烟右廂
出火左廂出烟

如來又時於其半身身下出烟或復
半身身上出於清涼冷水

如來又時於其半身身下出於清涼
冷水或於半身身上出烟

如來或時左廂出烟於其右廂出涼
冷水須臾或復右廂出烟於其左廂
出涼冷水

如來又時於半身身下出其炎火於半
身上出涼冷水又半身上出其炎火
於半身身下出清冷水又時如來左廂
出火復於右廂出清冷水

如來又時左廂出火於其右廂出清
冷水或復右廂出清冷水於其左廂

放其焰火

如來又時遍身出火於兩目間出清冷水或於目間出其焰火或復遍身放清冷水

如來或時現下分身上分不現而說其法或時唯現上分之身下分不現而說其法

如來又時或復入於火光三昧於諸毛孔出種種光所謂青色光明黃色光明赤色光明白色光明青草色光頗梨色光

如來或復乘於空中去地高於一多羅樹而現神通或復去地高二多羅或三四五或七多羅住於空中而現神通所謂一身分作多身乃至放於頗梨色光種種神變悉皆示現

余時世尊或復從於南方出身西方去地高一多羅而作種種神通變化多羅住虛空中作於種種神通變化所謂一身分作多身乃至放於頗梨色光乃至一一諸方亦尔皆乘虛空去地高至七多羅樹俱現種種神通

變化所謂一身分作多身乃至放於
頗梨色光

尔時大衆見佛世尊現是神通即於
佛邊生歡喜心信敬希有如是等心
尔時世尊見彼大衆生於信敬希有
心故從空而下在其衆首敷座而坐
為其大衆次第說法言說法者所謂
衆生長夜在於煩惱之中聞是語者
令生厭離是故勸行布施持戒精進
忍辱得生善處教行厭離欲有漏等
令出煩惱亦復讚歎出家功德復讚
解脫有如是法如來說此諸法之時
知其大衆生歡喜心踊躍之心柔軟
等心得无外心

尔時世尊亦有諸佛攝受之法所謂
苦集滅道等法於時世尊為彼大衆
方便顯說宣通示現時彼大衆无量
百千万億衆類即於座上遠塵離垢
无復煩惱斷諸結使得法眼淨所有
集法悉皆滅相得如實智譬如清
淨無垢衣裳堪入諸色入諸色者尋
受其色如是說已彼時大衆无量無
邊百千万億諸衆生類即於座上遠

塵離垢無復煩惱斷諸結使得法眼
淨乃至一切滅相得如實智而彼大
衆自見諸法已得諸法已證諸法已
入諸法衆疑已度諸惑已滅無復疑
心已得元畏我生因緣志皆盡滅如
是知已歸依於佛歸依於法歸依於
僧受優婆塞五戒之法輸頭檀王為
於愛子煩惱羅網之所覆故遂不獲
果坐世尊前以哀愍音悲泣哽咽而
說偈言

汝昔首戴七寶冠 微妙莊嚴捨何處
又捨髻中明淨珠 露頭毀形无威德
昔日上妙迦尸服 汝亦當於何處捨
如此鹿毼糞掃衣 我所愛子去何著
尔時世尊以偈報彼輸頭檀王作如
是言

大王有國名奴師 我於彼處捨天冠
心欲除其我慢故 又欲證彼甘露句
為諸染色袈裟衣 故我棄彼迦尸服
袈裟既著身體已 我證无上妙菩提
於是輸頭檀王復向如來而說偈言
我昔在宮求百願 願得生子作輸王
今見剃頭手執鉢 子為我說得何勝

尔時世尊復以偈報輸頭檀王作是

言曰

輸王得万心无厭 雖得命長不自在

我心自在无邊際 願子輸王實愚癡

尔時輸頭檀王復以偈頌向佛說言

七寶草屣汝先著 卧具柔軟種種鋪

宮殿樓閣安隱居 頭上罩籠白傘蓋

足相軟淨如蓮華 沙棘礫磧云何踏

尔時世尊復以偈報輸頭檀言

我今一切遍知尊 諸法不染如蓮華

諸有已捨无愛著 如我今者无諸惱

尔時輸頭檀王復以偈頌而白佛言

昔在宮殿拊檀等 及以諸香凉似月

隨時用此摩汝身 摩已遍體受安隱

今時初夏正以熱 獨步林藪若為行

本在宮内微妙音 今無姝女誰娛樂

尔時世尊以偈復報輸頭檀言

我有法池清凉水 智人所歎无憂處

功德寶池洗浴身 不為水溺至彼岸

輸頭檀王復以偈頌向佛說言

在宮昔著迦尸衣 蓮華磨齒香熏體

柔軟疊華貯衣内 坐釋宮殿威顯赫

今者處麻糞掃物 隨處樹皮之所染

纔覆身體可著慚 汝大丈夫不厭惡
今時世尊復以偈頌報輸頭檀王作
如是言

衣服卧具飲食等 我於過去悉生貪
微妙端正色愛處 於今正念皆已捨

輸頭檀王復以偈頌向佛說言

汝昔宮中七寶器 及用金銀槃案等
種種餽饌甘美味 諸王隨意所堪食
今得冷熱鹿涎等 非妙薄淡去何食

云何不嫌如是食 不生臭穢嫌恨想

佛復以偈報輸頭檀王作如是言

傳聞過去今現在 及以未來諸聖者

隨食鹿涎及苦味 憐愍世間故不嫌

輸頭檀王復以偈頌而說之言

汝昔在我宮內時 坐卧微妙柔軟鋪

世間寂勝无比方 倚枕稱意无嫌者

今於麋涎鞞地上 唯鋪諸草及樹葉

云何眠卧而无嫌 身體柔軟不傷損

今時世尊復以偈頌報輸頭檀王作如

是言

我今得諸自在智 一切苦惱悉已脫

為拔諸苦煩惱刺 憐愍世間故不嫌

輸頭檀王復以偈頌向佛說言

汝於昔日愛樂家 種種妙華散地上
室內無風燈明照 及以樓閣諸窓牖

華鬘瓔珞莊嚴身 婦人端正猶玉女

語言婉媚相隨順 瞻仰不亂聽夫勅

佛復以偈報輸頭檀王作如是言

釋王我有新學行 微妙天中諸梵行

我以得心自在行 隨我意去皆得行

輸頭檀王復以偈頌向佛說言

音聲鼓瑟笙篳等 微妙歌詠覺汝眠

猶如帝釋在天中 汝昔在宮亦復余

佛復以偈報輸頭檀王作如是言

修多祇夜出妙音 如意解脫今覺我

我有梵行諸友等 大王我注如是衆

輸頭檀王復以偈頌向佛說言

降伏大地諸山川 并及欲具諸千子

微妙七寶捨棄來 云何行此沙門行

佛復以偈報輸頭檀王作如是言

智慧三昧我大地 千數禪定是我子

七種覺分是其實 大王知我志已得

輸頭檀王復以偈頌而說言曰

汝昔駕車調善馬 其車雜寶所莊嚴

潔白傘蓋持覆身 素拂清淨琉璃把

佛復以偈而報王言

我持正勤為馱馬 慧思慙愧以為重
精進駿疾作所乘 我乘以入無憂處
輸頭檀王復說偈言

汝昔在家乘捷步 其身潔白清淨勝
衆寶莊嚴鞍轡等 乘此調馬隨意行
佛復以偈而報王言

大地所有諸衆馬 世間無數多人乘
彼等一切無常定 觀已隨意取神通
輸頭檀王復以偈頌而說之言

汝昔在於宮內時 殿閣如天无有異
執刀弓箭衆所護 身著鎧甲甚精微
今汝在林无護者 夜叉羅刹可畏所
闇夜種種諸獸鳴 云何能生是无畏
佛復以偈而報王言

所有夜叉卑舍遮 種種諸獸可畏者
黑闇夜行在林內 不能動我一毛端
不畏他聲如師子 如風繩所不能羈
亦如蓮華不著水 吾在世法濁不汙
尔時長老目捷連長老摩訶迦葉長老
優樓頻螺迦葉都提迦葉伽耶迦葉優
婆斯那摩訶俱都羅村陀離波多等无
量大衆坐佛左右時彼諸德以苦行故
身無精光勤體疲勞形容羸瘦色不

光澤氣力尠少唯有筋皮纏裹其形
尔時輸頭檀王白佛言世尊今在世
尊右邊坐者此等人輩從何而来得
出家也

尔時世尊伸金色臂向輸頭檀王指
彼一一諸比丘等口悉稱名而示王
言此是舍利弗此是摩訶迦葉此是
優樓頻螺迦葉此是郝提迦葉此是
伽耶迦葉此是優婆斯郝此是離波
多此別離波多如是等輩皆是摩伽
陀國大姓婆羅門種

輸頭檀王復問佛言今在世尊左邊
坐者復是何人從何而來在世尊邊
而出家也佛告王言此是摩訶目犍
連此是摩訶迦旃延此是摩訶俱絺
羅此是摩訶訶純陀諸如是等亦摩伽
陀村邑聚落大姓諸子時輸頭檀王
聞此語已悵快不樂作如是念此我
子者真是大姓刹利童子端正可喜
視者不厭猶如金像既是大姓刹利
童子以婆羅門左右圍遶此事非宜
既是刹利大姓童子還應刹利大姓
圍遶此順其法作是念已為欲成就

如是事故即從坐起還其宮內

佛本行集經優波離因緣品第五十五上
今時輸頭檀王還宮未久有一童子
名優波離從其前衆來至佛所時優
波離童子之母牽捉其子優波離手
將以奉佛唱如是言此優波離曾為
世尊剗除鬚髮時優波離即為世尊
而剗鬚髮時優波離童子之母白佛
言世尊優波離童子剗佛鬚髮善能
已不佛告優波離童子母言雖復善
能剗除鬚髮身太伾也

今時優波離童子之母告優波離作
如是言汝優波離汝為如來剗除鬚
髮身莫太伾今尊心乱時優波離即
入初禪

時優波離童子之母復白佛言世尊
優波離童子剗除鬚髮善能已不佛
告優波離童子母言雖復善能剗除
鬚髮其身太伾

今時優波離童子之母復告優波離
童子言汝優波離身莫太伾今尊心
亂時優波離入第二禪

時優波離童子之母復白佛言世尊

優波離童子剗除鬚髮善能已不佛
告優波離童子母言雖復善能剗除
鬚髮但以入息稍復太多時優波離
童子之母告優波離作如是言汝與
如來剗除鬚髮勿使入息如是太多
令尊心亂時優波離童子於即入第
三禪時優波離童子之母復白佛言
世尊優波離童子剗除鬚髮善能已不
佛告優波離童子母言雖復善能剗
除鬚髮然其出息稍太多也

今時童子優波離母語優波離作如
是言汝與如來剗除鬚髮勿令出息
如是太多令尊心亂時優波離童子
於即入第四禪

今時世尊告諸比丘言諸比丘汝等
速疾取優波離手中剗刀勿使倒地
所以者何其彼童子已入四禪時優
波離童子之母從優波離童子手中
即取刀也

今時輸頭檀王入迦毗羅婆娑城都城
喚諸釋種悉皆來集於大殿庭而勅
之言汝等釋種應當知我王子志遠
若不出家必定當作轉輪聖王汝等

釋種亦應奉事何以故而彼出家已
成阿耨多羅三藐三菩提已能轉於
無上法輪人天中勝彼既刹利種姓
王子可喜端嚴猶如金像人皆樂見
而彼乃用婆羅門種以為弟子左右
圍遶此實非宜既是刹利釋種王子
還應刹利釋種圍遶乃可為善

余時諸釋咸皆共白輸頭檀言大王
今者欲於我等先作何事余時輸頭
檀王告諸釋言汝等諸釋若知時者
必須家別一人出家若其釋種兄弟
五人令三出家二人在家若四人者
二人出家二人在家若三人者二人
出家一人在家若二人者一人出家
一人在家若一人者不令出家何以
故不使斷我諸釋種故

余時諸釋咸復共白輸頭檀言大王
若余必須分明立其言契輸頭檀王
即集諸釋而問之言我子今者既已
出家誰能隨從而出家也若能隨從
而出家者可自抄名署以為記
余時五百諸釋童子各自手抄已之
名字咸謂能隨太子出家

今時五百釋種童子各解已身所服
瓔珞自相謂言阿誰合取我等瓔珞
作籌量已復作念言此優波離昔於
長夜勤事我等諸釋種來是優波離
堪受我等所脫瓔珞今時五百諸釋
童子各脫瓔珞付優波離既付囑已
俱還本家諮其父母時優波離尋作
是念彼等諸釋今既能捨珍寶瓔珞
我若受用是所不應而諸釋子有大威
勢有大神德既能棄捨所重官位及
諸財寶尚欲出家我今何事不出家也
時優波離剃鬚髮師見諸釋子各往
諮白父母之時便即捨彼所施瓔珞
即詣佛所頂禮佛足却住一面其優
波離住一面已而白佛言善哉世尊
唯願聽我隨佛出家今時世尊即聽
出家受具足戒時彼五百釋種童子
各至已家諮父母已還復來至輸頭
檀邊而白之曰大王今者可將我等
至世尊所彼既出家我亦應當隨從
出家時輸頭檀共彼五百諸釋童子
往詣佛所頂禮佛足却坐一面既安
坐已輸頭檀王而白佛言世尊善哉

大德刹利種姓不合將彼婆羅門種
共相圍遶實謂非宜今者世尊刹利
種姓還應以此刹利圍遶乃可為善
然今世尊釋種之內五百童子欲於
世尊法中出家受具足戒唯願世尊
哀愍聽許兼受具戒

今時世尊聽彼五百釋種出家受具
戒已教學威儀而告之言汝等比丘
咸可俱來禮優波離上座比丘時彼
五百諸比丘等先禮佛足然後頂禮
彼優波離上座比丘修禮已畢次第
而坐

今時世尊復告輸頭檀王言曰大王
今可頂禮比丘優波離已次第應禮
五百比丘今時大王聞佛教已即白
佛言唯然世尊我不敢違即從坐起
頂禮佛足然後禮彼上座比丘優波
離已次第復禮五百比丘禮已次第
還其本坐

今時世尊威顏悅豫作如是言今者
釋種已自降伏釋種憍豪亦復摧擗
諸釋傲慢時諸比丘即白佛言希有
世尊其優波離今因世尊得此五百

釋種比丘及輸頭檀王尊敬禮拜作是語已佛告諸比丘汝諸比丘此優波離非但今日因我得此五百比丘輸頭檀等恭敬禮拜汝諸比丘過去世時其優波離亦因我故曾得五百大臣跪拜亦得彼王名曰梵德之所敬禮時諸比丘各白佛言此事云何唯願世尊為我分別說其本業

今時世尊告諸比丘我念往昔波羅捺城時有二人共為親友其人貧下世无名聞彼人有時自持家内菜豆一升從波羅捺出城客作今時恒有一辟支佛往來住彼波羅捺城時辟支佛於晨朝時著衣持鉢入城乞食彼二貧人遙見尊者辟支佛來威儀庠序平視而進著僧伽梨齊亭相稱執鉢不動彼人見已得清淨信於辟支佛生勇悅心各相謂言我等貧窮皆由過去未曾逢值如是福田雖復逢遇或不恭敬供養瞻侍我等若當值遇如是勝上福田恭敬供養今應不遭如此厄難所謂无財恒常客作以自存活我等今者應當持此一升

菰豆奉施仙人若其憐愍受我所施
我等即應脫此貧苦作是念已將此
菰豆奉辟支佛作如是言唯願尊者
起憐愍心受我此施時辟支佛於彼
二人生憐愍故受其所施雖受施已
但辟支佛皆有一法欲化衆生唯現
神通更无方便時辟支佛愍彼二人
受其施已即從彼方騰空而行

佛本行集經卷第五十三

癸卯歲高麗國大藏都監奉
勅彫造

佛本行集經卷第五十四

基

隋天竺三藏闍那崛多譯

優波離因緣品中

尔時彼等親友二人見辟支佛飛騰
虛空遊行無尋心大歡喜遍身踊躍
不能自勝合十拍掌敬礼尊者辟支
佛足乞如是願願令我等於未來世
恒常值遇如是教師或更勝者彼所
說法我等聞已速即知解不生惡道
作是願已時彼一人又別乞願願言
藉此功德之力於未來世恒生大姓
婆羅門家願能誦持四惟陀論及以
六十種諸技藝等而有得說

非直端心懷正信 即得名為上福田

唯須供養佛與僧 并及值遇辟支佛

時彼二人於後命終一得生於波羅
捺城刹利姓家即紹王位名曰梵德
第二人者生婆羅門大清淨家名優
波伽摩那婆具解諸論其優波伽摩
那婆彼時有妻名曰摩那毗迦端嚴
可喜觀者不厭寂勝寂妙世所無比
得優波伽摩那婆之所愛敬若暫不

見心即不悅

第本行集經卷第五

第三張基

文

尔時彼妻摩那毗迦因為少事有所
嫌恨遂便不共優波伽語時優波伽
煩冤懊惱作如是念今日我妻摩那
毗迦不共我語聲音斷絕乃如此也
後時彼妻摩那毗迦過夏四月至於
秋節白優波伽摩那婆言善哉聖子
汝今可去往至市肆買取上妙塗香
末香及諸華等所以然者秋節四月
今者已至衆人皆共受五欲樂我等
亦須莊嚴身體受五欲樂

尔時優波伽摩那婆聞此語已歡喜
踊躍遍滿其體不能自勝作如是念
今者我妻摩那毗迦何期忽尔共我
言語而優波伽有一金錢先於餘村
他邊出舉遂於午時日炙大地陽焰
暉赫其諸地色猶如赤雞發其家宅
向彼村落往欲債錢於其道路欲心
纏逼口唱姪歌當於尔時與梵德宮
相去不遠其梵德王在於樓閣取納
清涼晝日眠著小時睡覺忽聞彼
涂著五欲作姪歌聲時王聞已即復
起發自奉欲心而有偈說

或有由於本習氣 或復因事動其情
斯由色欲著愛染 亦似蓮華因水生
尔時梵德聞彼婬歌忽即驚疑此是
誰也於盛日午炎熱之時染著欲心
口唱婬歌作是念已從窓遙見彼優
波伽於盛午持大地炎熱行歌於路
即嘆一目而勅之言汝可速往捉彼
歌人將向我邊其臣聞勅即白王言
不敢違旨遂至彼邊捉優波伽而語
之言汝摩那婆去來去來王今嘆汝
時優波伽心生恐怖舉身毛豎悵快
不樂作如是念今誰知我於梵德邊
有何罪過令我愁惱尔時大臣將優
波伽往即至於梵德王邊其王見已
即生愛心生愛心已向於彼人而說
偈言

日中暉赫正炎熱 大地紅色如赤雞
汝今耽著婬欲歌 云何於是不生惱
日光普照正炎熾 地上融沙弥復熱
汝今耽著婬欲歌 云何於是不生惱
尔時優波伽摩那婆以偈報彼梵德王言
大王今者非熱惱 上天日久何所及
唯有求利及失利 此是惱中取為惱

日光雖復大炎熾 此為惱中極下惱
經營種種諸事業 如此名為取大惱
時梵德王復問優波伽摩那婆言摩
那婆汝於今者經營何事而於是處
熾熱大地而行於路余時優波伽即
以上事向梵德王分別說之

余時梵德王復告優波伽摩那婆言
摩那婆止止莫去我於今者與汝兩
錢

即天生金錢

其梵德王遂即與之今時優

波伽於梵德邊受其錢已仍復白彼
梵德王言善哉大王雖得大王所賜
兩錢我今諮王更乞一枚通前得三
我向村落自取一錢并王所賜合得
四枚我即得共摩那毗迦供其秋節
為五欲樂其梵德王復告優波伽摩
那婆言汝止莫去我於今者與汝八
錢遂便與之其優波伽受八錢已復
白王言善哉大王願乞歡喜今者諮
王更乞一錢即成九枚復往聚落自
取一錢合成十枚如是因緣我便得
共摩那毗迦受其秋節五欲之樂
時梵德王復告優波伽摩那婆言止
止莫去我今與汝一十六錢王即與

錢一十六枚其受錢已復白王言善哉大三願乞歡喜已得王錢一十六枚今者諮王更乞一錢得成十七復往聚落自取一錢合成十八以是因緣我即得共摩那毗迦受五欲樂

今時梵德復告彼言汝摩那婆止止莫去我今與汝三十二錢其受錢已復白王言善哉大三願乞歡喜已得王錢三十二枚今復諮王更乞一錢

我往聚落自取一錢合即捻成三十四枚便得供我摩那毗迦於其秋節受五欲樂

今時梵德復告彼言汝摩那婆止止莫去我今與汝六十四錢時優波伽即受錢已復白王言善哉大三願乞歡喜已得大王六十四錢今者願王更與一錢我今復往彼村聚落自取一錢都合得成六十六枚便供我與摩那毗迦受於秋節五欲之樂

今時梵德復告彼言汝摩那婆止止莫去我於今者與汝百錢時優波伽受百錢已復白王言善哉大三願乞歡喜我今已得王錢百枚今諮大王

更乞一錢我往聚落復取一錢合得
成其一百二錢得供我與摩那毗迦
共受秋節五欲之樂

尔時梵德復告彼言汝摩那婆止止
莫去我當別更與汝一村以為封祿
而婆羅門為得為貪是故其人數至
王邊其王即擇取上一村與彼為封
彼得封已遂即勤劬不辭勞役猶如
奴僕伏事彼王先起後眠行迹和軟
所作事業悉稱王意意行端直如是
事王終不為王有所嫌責以是因緣
取王顏色令梵德王歡喜无已於後
復更與優波伽分國半治王之倉庫
亦共分半彼婆羅門得是優寵受其五
欲具足之樂无所乏少如是次第一
切所作悉皆為王檢校得辦彼婆羅
門但從已家來至王宮王恒枕彼膝
上而眠
其梵德王後於一時枕優波伽膝上
而卧因即睡著時優波伽見王睡已
心作是念云何一國乃有二王並用
威勢一倉庫內亦復不合二人共用
我今可覓梵德王便斷其命根若得

然者我即獨取王位治化彼優波伽
作是念已欲取刀時更作是念此梵
德王於先為我作此利益分其半國
與我共治一切倉庫亦忘分半我今
若煞是无恩義如是第二又作是念
云何二人可得一處共治國化亦復
不合二人共用倉庫財物乃至第三
念已還悔我若煞彼必當成我无恩
義行

時優波伽作是念已舉聲叫哭時梵
德王聞此哭聲忽然睡覺覺已問彼
優波伽言汝今云何作此大聲時優
波伽向梵德王廣說前事時梵德王
而心不信彼優波伽有如此事而語
之言優波伽汝應定无如此之事汝
優波伽莫作是語時優波伽尋復語
彼梵德王言大王今者當信我語我
實起發如是惡心時優波伽復更思
惟作如是念我今忽發如是惡心因
何事相正觀思已作如是言我發如
是惡事相者莫不由於為五欲故為
王位故我亦不須貪此三位亦復不
須貪其世樂我因此事生是惡心我

今唯可捨家出家即白玉言大王今者知我將欲捨家出家

時梵德王語優波伽莫作是語我既與汝分國半治倉庫亦半我於今者與汝腹心无有一人如似汝者汝若出家我今心意定不安樂其優波伽復語王言善哉大王願垂許我捨家出家我今決定出家不疑於我法行莫生留難時梵德王又復告彼優波伽言如汝所樂隨意而作

今時波羅捺城有一瓦師於先出家行仙人行依彼城住時彼仙人有大威德已成五通即能以手摸日月輪時優波伽依彼仙人剝除鬚髮既出家已勇猛精進即成四禪復得五通大有威力亦能以手摸日月輪其梵德王聞優波伽捨家出家成就大仙有大威德亦能以手摸日月輪聞已微笑入於宮內對諸宮人而說偈言優波造善未經久已獲利益果報深彼仙善哉得人身捨棄五欲出家行今時宮人聞梵德王說是偈已其心皆悉憂愁不樂遂共白彼梵德王言

大王當知彼人本昔販賣博戲執杖
行乞以自活命婆羅門人威力甚少
是故出家大王今者莫學彼人捨棄
家國而出家也

余時梵德有剃髮師其人名曰咍伽
波羅舊來恒可梵德王心時梵德王
追覓喚彼剃髮師而勅之言咍伽
波羅汝今為我剃治鬚髮作是語已
於即睡眠時剃髮師咍伽波羅見王
睡已便即剃治王之鬚髮如是治已
而梵德王睡眠不覺王後覺已謂剃
髮師咍伽波羅我已勅令汝與我
剃治鬚髮云何不也作是語已咍伽
波羅白梵德王我已治訖但王睡眠
而不覺也

余時梵德取鏡自照見已鬚髮治理
已訖見已生喜因即勅彼咍伽波羅
汝當受我取勝村落我更與汝稱意
樂事

時剃髮師咍伽波羅白梵德王我共
宮內王之眷屬委曲評論然後報王
作是語已拜辭而去其剃髮師咍伽
波羅本於王宮出入無尋遂即入宮

白宮人言王已許我寂勝村落以為
封邑諸后妃等意恚云何可取已不
尔時妃后告彼𡵓伽波羅言曰𡵓伽
波羅汝於今者何用取王寂勝村落
我等現在足能與汝金銀珍寶但我
有所囑託汝事為我辦不其剃髮師
𡵓伽波羅問宮人言妃等今者有何
事業令我欲辦時諸妃等即告彼之
剃髮師言大王以來每入宮內恒說
一偈作如是言

優波造善未經久 而得利益果報深
彼仙善哉得人身 捨棄五欲出家行

我等於時聞王此偈即作是念將恐
大王捨位出家善哉善哉𡵓伽波羅
汝至王邊問斯偈意其義云何

尔時𡵓伽波羅即往馳詣梵德王所
到已白言大王許我寂勝村落我今
不用如此之願但欲知王每入宮內
於妃后前所說之偈

優波造善未經久 而得利益果報深
彼仙善哉得人身 捨棄五欲出家行
善哉大王願為我說如此偈意其理
如何今從大王乞如是願

時梵德王告剃髮師𠵽伽波羅我聞
優波伽摩那婆捨半國位而求出家
得成仙人有大威力能以手掌摩日
月輪我今正以五欲醉亂貪著於斯
是故我今仰羨於彼數入宮內而說
是偈

時剃髮師𠵽伽波羅即入宮內至妃
后邊說如是言諸妃后等莫慮大王
欲出家也大王今者定不出家時彼
后妃聞剃髮師𠵽伽波羅說此語已
皆悉歡悅心懷踊躍遍滿其體不能
自勝將諸瓔珞莊嚴已身而告之言
𠵽伽波羅我此瓔珞今悉施汝汝今
更莫為活命故造作諸業𠵽伽波羅
見是事已作如是念彼優波伽既捨
如此半國王位而求出家今梵德王
仰羨於彼我今何故不作是事而使
一切世間羨我然此后妃將諸瓔珞
以施我者我若順從此后妃意事必
不善我於今者亦可捨棄而從出家
𠵽伽波羅作是念已詣梵德王而白
言曰大王許我以前事者我今意樂
捨棄出家時梵德王而問之言𠵽伽

波羅汝今意者欲於誰邊而出家也
咃伽波羅自言大王我欲往至優波
伽邊而出家耳時梵德王而告之言
咃伽波羅如汝意見隨願而作

尔時咃伽波羅自剃鬚髮至優波伽
仙人之所於即出家既出家已勤劬
精進尋獲四禪及以五通得大威神
有大威德亦能以手摩日月輪其梵
德王既復聞彼咃伽波羅得出家已
成大神仙有大威力復能以手摸日
月輪聞此事已不勝仰羨欲求見彼
告諸目言諸大目等我今欲往彼仙
人所共彼相見時諸目等而白王言
大王不然大王今者不合身自往彼
人所我等遣使喚彼仙來時梵德王
報諸目言卿等今者應无此理汝等
莫作如是之語上世已來無如此法
而有諸仙身不自在而從喚也我等
今者身自往彼此是如法何以故彼
仙人等是大福田堪受供養我等必
須身自至彼

時梵德王乘自威德莊嚴備辦五百
乘車左右圍遶及以五百諸大目等

從波羅標出詣向彼諸仙人所自欲
光顯於彼世界

今時仙人呬伽波羅遙見王來及至
白王善來梵德希能遠至

今時彼等五百諸君怨恨瞋彼呬伽
波羅出鹿獮言汝是下賤婬女所生
穢濁不淨恒洗垢膩云何今日喚大
三名

時梵德王止彼君言勿作是語仙法
如是喚人名字但此仙人有其戒行
有大威力時梵德王即向諸君而說
偈言

卿等莫恨此仙人 此仙修行已具足
所有苦事能行故 得度一切苦怖畏
心既得捨一切惡 即非剷除及瓦師
呬伽波羅已苦行 降伏我故喚名字
現得忍力汝等看 降伏諸根獲證果
得諸天人所敬重 即天人中最為勝
今時梵德王及宮內諸姝女等於先
頂禮仙人之足却住一面而彼五百
諸大臣等尋復頂禮彼仙人足既頂
禮已然後復禮呬伽波羅仙人之足
次後亦禮瓦師之足其梵德王一面

坐已慰諸仙言諸尊者輩身體康和
安隱以不所求活命不至疲也無人
惱亂諸仙人也

今時仙等報梵德言如是大王此事
須忍但王體內安和已不一切眷屬
及諸大臣國內民庶悉安隱不作是
語已彼等諸仙為梵德王說法教化
令心歡喜增長功德時梵德王蒙彼
諸仙說法教化令心歡喜增長功德
從坐而起頂禮諸仙還其本處

今時佛告諸比丘言汝等若有心疑
彼時優波伽者其人是誰莫作異見
即我身是

汝等比丘或有心疑彼時仙人咄伽
波羅剎髮師者其人是誰莫作異見
此優波離比丘是也

汝等比丘或有心疑於彼之時梵德
王者其人是誰莫作異見此即輸頭
檀王是也

汝等比丘或有心疑彼時五百諸大
臣等其人是誰莫作異見即今五百
比丘是也諸比丘於時優波離比丘
亦因我得五百大臣恭敬禮拜及

得彼梵德王礼今亦如此復因我得
五百比丘及輸頭檀王之所礼拜

尔時世尊告諸比丘汝等比丘若欲
善知於我聲聞弟子之中持律取者
謂優波離比丘是也

尔時諸比丘作是念言其優波離昔
作何業乘彼業報生剃髮師下賤之
家復作何業乘其業報而得出家受
具足戒獲羅漢果今得如来授其記
言汝諸比丘於我聲聞弟子之中持
律取者謂優波離比丘是也時諸比
丘作是語已往詣佛所白言世尊其
彼長老優波離者昔作何業乘彼報
故生剃髮師下賤之中復作何業乘
彼業故而得出家受具足戒得羅漢
果即得如来授其記別稱我聲聞弟
子之中持律第一

尔時佛告諸比丘言汝諸比丘我念
往昔在於此城有剃髮師其人婿求
稱自門戶剃髮師家娶女為妻其後
不久產生一子彼剃髮師尋時遇患
雖加醫療治而不差因其所患乃至
命終既命終已剃髮師妻將彼童兒

付自兄弟口告之言此之童兒是汝
甥甥今將相付汝等必須教此童兒
自父本業彼剃髮師聞其姊妹作是
語已受此童兒遂便教授彼父本業
彼剃髮師恒在王宮王所敬重每為
國王剃除鬚髮不大在外為人剃治
時王勅給白鳥一頭任所乘馳東西
南北又給金筒安置剃刀及餘雜事
而勅之言凡無佛世有辟支佛猶如
犀牛獨行出時當作利益尋於彼時
有辟支佛頭鬚亦髮悉皆長利來到
彼時剃髮師邊而告之言善哉賢首
願當與我剃除鬚髮時剃髮師報辟
支佛作如是言善哉大仙若欲然者
聽待明日晨朝早來必當與仙剃除
鬚髮時彼尊者辟支仙人聞此語已
尋時還去過於彼夜晨朝起時著衣
持鉢還復詣彼剃髮師邊作如是言
善哉賢首今當與我剃除鬚髮時剃
髮師還復白彼辟支佛言善哉大仙
若必然者聽至日晚即與仙剃如是
乃至若日西來還復語言聽待晨朝
若晨朝來聽待日西如是乃至晨亦

不剃晚亦不剃而彼童子見此尊者
辟支仙人或晨朝來或日西至日日
恒尔見已白言辟支尊者仙何緣故
或朝或晡恒來至此時辟支佛向彼
童子廣說前事

尔時童子白仙人言我舅終不為仙
剃髮何以故恃於王宮出入自在生
憍慢故我今當為仙人剃髮時彼童
子即為仙人剃除鬚髮尔時尊者辟支
仙人作如是念今此童子大作功德
我今當須為彼童子光揚示現功德
事相作是念已告童子言汝之童子
若知時者必當持取我之鬚髮汝於
當來有大利益作是語已猶如鴈王
舒其兩翅以神通力忽尔飛騰乘空
而去時彼童子取辟支佛所剃鬚髮
置於髻上向辟支佛生清淨心頂戴
十指合掌作礼即發是願願我當於
未來世中還值如是辟支佛尊或更
勝者彼之世尊所有說法願我速即
悉皆知解又願我更不生惡道又願
當來生生世世恒作如此剃鬚髮師
為福田故供養承事如是聖者

小時彼城宮內國王昇殿視事與大
國臣左右圍遶而彼大眾悉皆遙見
彼辟支佛騰空而行大眾見已白彼
王言大王今者甚有吉利善得人身
如今國內福田出世王遂仰觀即見
彼時辟支佛已告諸臣言剃此辟支
佛鬚髮者大得吉利時彼為王治鬚
髮師因在王邊而白王言如此仙人
是我能剃更誰能也時彼童子聞此
語已即至王邊而白王曰大王當知
我舅今者虛言浪語我舅本不剃彼
鬚髮此既小事猶尚妄稱是我剃彼
仙人鬚髮論其實剃即我身也余時
王所治鬚髮師訶彼童子咄哉癡人
汝有何力能剃彼髮時彼童子於師
挽出辟支佛髮顯示大眾此仙人髮
我現持行願悉知見

余時王見如是事已即生瞋怒告彼
恒治鬚髮師言咄哉癡人汝於我邊
有如是力今日何因虛誑我也汝速
出國勿住我境并即奪彼所乘白為
及治鬚髮諸具度等及以封祿與彼
童子而勅之言從今日後汝恒與我

治其鬚鬚及以小甲時彼童子而白
王言如王所勅不敢違也從今已後
恒即為三治其鬚鬚及小甲等隨世
壽命取終之後因彼功德生生世世
不墮惡道從天至人從人至天二處
往返後於一時還生在於波羅捺城
剌髮師家可喜端正觀者不厭而彼
童子父母養育及其長大意智漸漸
拔藝成就

今時迦葉世尊出現於世恒他伽多
阿羅訶三藐三佛陀作大教師應供
正遍知明行足善逝世間解无上七
調御丈夫天人師佛世尊今時迦葉
婆伽婆阿羅訶三藐三佛陀已轉法
輪逆轉源轉已受法輦本願具足取
得稱利勝丈夫志開敷示現所化蓮
華於元量億百千衆生安置善道當
今之時修行依彼波羅捺城住舊仙
人所居之處彼鹿苑中與比丘僧二
万人俱時彼剌治鬚髮師父數至彼
苑與諸比丘剌除鬚髮然彼小兒始
能行時共父至於伽藍寺內然諸比
丘或說諸法講論之時得至彼聽講

說律時或復得聽或不得聽時彼童子問諸比丘云何一切等是善言我或得聞或不得聽其意如何時諸比丘報言童子如此之法是諸比丘秘密之事若不受於具足戒者悉不得聽時彼童子聞此事已心生懊惱云何願我速得出家堪聞善語後時童子至律師邊請乞出家得受具戒律諸比丘誦持戒律依法而行雖復如此而不得證出世之智然彼後時病困著床臨欲命終又發是願迦葉如來怛他伽多阿羅訶三藐三佛隨有來壽百年世當得作佛号曰釋迦牟尼伽多阿羅訶三藐三佛隨我於今者願值將來釋迦牟尼若順所願在彼教中亦乞出家受具戒已於彼世尊諸弟子中所持律者我為第一如我今日此師和上於迦葉佛諸持律行弟子之中最為第一我亦如是當於彼時釋迦如來法教之中持律弟子我第一彼人從今命終已後即生天上及至今日窺後之身受胎生

於迦毗羅城剃髮師家名優波離即
其人也

佛本行集經卷第五十四

癸卯歲高麗國大藏都監奉

勅彫造

優波離因緣品下

隋天竺三藏罽那崛多譯

汝等比丘若有心疑彼時童子剃髮
師者莫作異想即優波離比丘是也
然優波離昔於尊者辟支佛邊剃鬚
髮已乞如是願願我生生世世之中
若得人身恒常生在剃髮師家復於
彼時更乞願言願我莫生惡道之中由
來流轉天人多受快樂現得已利復
作是願願我當於未來世時恒常值
遇如是教師或勝此者若彼教師所
說之法願我速證即得知解由斯業
報今得值我以為教師即得出家受
具足戒證羅漢果亦復在於迦葉如
來法教之中作如是願願我於彼未
來世中值遇釋迦牟尼如來莫背彼
法隨順出家若得出家於彼持律諸
弟子中我最第一藉彼業報今我法
中而得出家乃至持律諸弟子中
為第一汝諸比丘彼優波離於過去

世作如是業今得報生剎隸師家復以造彼願業因緣現今得報於我法中如是出家及受具戒證羅漢果我今又復授彼記言於我持律弟子之中第一

佛本行集經羅睺羅因緣品第五十六上

又於一時輸頭檀王白佛言世尊願佛及僧受我明朝所設飲食于時世尊默然而許輸頭檀王既見世尊默然許已從坐而起頂礼佛足圍遶三匝辭退而去至本宮已即於彼夜辦具微妙多種飲食所謂食食噉食噉食味食辦具已訖過夜至朝灑掃鋪設即遣使人白世尊言今已時至飲食備辦唯願降赴

尔時世尊曰在東方者衣持鉢諸比丘僧左右圍遶佛為導首來至輸頭檀王言已到已坐於所設佛座諸比丘僧各各依次如法而坐尔時輸頭自手行諸微妙飲食盡其種數乃至婁味悉令充飽稱意自恣既見佛僧飲食飽已洗治鉢器將置別處一小

座上却在二面既安坐已輸頭檀王而自佛言唯願世尊教誨於我又願世尊善逝示現今我長夜常得利益安樂之事

尔時世尊告輸頭檀王作如是言大王今日若知時者應須捨此聽法之事亦復不須數來問訊諸比丘等王身不久應自得其取勝妙果於時世尊方便教化輸頭檀王說法顯示令其解悟令歡喜已從座而起還於本處輸頭檀王又於一時因舍利弗得法眼淨兼得證於須陀洹果而淨飯王已得諸法已證諸法已入諸法已度諸疑心无有感已得无畏更不復問自餘法行悉證知已詣向佛所而白佛言善哉世尊唯願度我出家入道受具足戒

尔時世尊作如是念輸頭檀王於此教中捨家出家復更能證勝上法不尔時世尊思惟是已自證知此輸頭檀王決定不合捨家出家亦不得證勝上之法如是知已而告之言大王今日若知時者但在本家行檀布施

至於後日摩訶波闍波提大夫人請佛及僧供給飲食悉令飽滿至第三日第一宮內諸妃眷屬又復請佛及比丘僧供給餽饍亦悉充足至第四日其第二宮又復請佛及比丘僧供奉種種百味餽饍亦悉充足

其羅睺羅如來出家六年已後始出母胎如來還其父家之日其羅睺羅年始六歲

余時如來至迦毗羅婆蘇都城羅睺羅母作如是念我昔因此羅睺羅故為諸眷屬之所誹謗今日時至我於彼事應自清淨以明其身以是因緣必須請佛及比丘僧布施飲食及請一切諸眷屬等以自明白耶輸隨羅作是念已於其彼夜辦具種種微妙飲食既備辦已過於彼夜即遣使人往白佛言所設飲食辦具已訖世尊知時兼告一切諸眷屬等悉令聚集來赴所請

余時世尊於晨朝時日在東方著衣持鉢與諸比丘左右圍遶佛為導首

與大比丘一千二百五十人俱詣向王宮如所鋪座次第而坐

尔時羅睺羅母別作一枚大歡喜丸
喚羅睺羅內著手裏作如是言汝羅
睺羅往至比丘僧衆之內是汝父者
施歡喜丸羅睺羅母復告一切諸眷
屬言是羅睺羅今當覓父時羅睺羅
持歡喜丸遍觀一切諸比丘已直往
佛邊而白佛言如是沙門蔭涼快哉
如是沙門蔭涼快哉

尔時輸頭檀王白佛言世尊此事云
何耶輸陀羅頗有如此過患已不
尔時世尊告輸頭檀王作如是言大
王今日莫作是疑耶輸陀羅无此過
患其羅睺羅真我之子但是往昔業
緣所逼在胎六年

尔時輸頭檀王及諸眷屬聞佛此語
皆悉歡喜踊躍遍身不能自勝各各
以手持諸種種飲食餽饌供佛及僧
令得充足自恣飽已佛及大眾洗鉢
澡手各將小座遶佛左右却坐一面
尔時輸頭檀王以敬佛故不能廣問
如上因緣而白衆中諸比丘言願諸

師等請問世尊其羅睺羅及耶輸陀
羅往昔造業因緣之事今時諸比丘
即白佛言是羅睺羅往昔造作何業
因緣以何業報處胎六歲耶輸陀羅
復作何業懷孕六年

今時佛告諸比丘言我念往昔過无
量世時有一王婆羅門種名曰人天
生其二子大者名曰次者名月其大
王子恒不樂世願欲出家經未多時
其王人天竿盡命終命終之後其子
日月互相推讓其長子言汝當為王
治國政事其第二子復語彼言汝當
為王治國政事

其日王子告月王子復作是言汝必
為王我當捨家而出家也

時月王子復白彼兄作如是言汝既
長大王位當汝我不合受

其日王子復告其弟月王子言凡受
王位先作何法其月王子復報彼言
先頒号令

時日王子復問彼言世若有人違号
令者當合何罪其月王子復報彼言
必須重罰罪之重者其日王子復語

其弟月王子言依其道理我合得王
我今但捨王位付汝汝當作王我欲
捨家而出家也

時日王子以其王位付月王子遂即
捨家出家修道其日王子所有眷屬
皆隨出家

時日仙人作如是念此等諸人依我
出家我今既與此輩為師當須勤學
求於道業以勝於彼作是念已因發
誓言願我此身從今已後若非他施
不得自取乃至一物水及楊枝余時
仙人至於一時忘失本念他不施與
藥草根等及以諸菓而自取食又時
夜渴見他澡盥謂言自許遂取而飲
而自澡盥在於一邊時彼仙人奉澡
盥主見自澡盥空無有水而問之言
是誰取我澡盥中水此乃是賊住居
之處本非仙人所居地也時彼仙人
取水飲者見自澡盥水滿其中在於
一邊遂報彼言我不知故取汝水飲
謂言我許而彼仙人告彼飲水口仙
人言汝若飲者善哉快哉今時錯誤
飲水仙人正自思念我已違失昔日

捨言為不善也此非仙法我今云何
不與不受諸藥草根及果子等而自
食之復取他水而自飲也以此因緣
悵快不樂心生憂惱躡坐地上思惟
正念憂愁此事

尔時弟子摩那婆輩便即詣向日仙
人所頂礼其足如法承事而彼仙人
告彼弟子摩那婆言汝等童子從今
已後莫頂礼我何以故我於今日已
成賊也彼諸童子即問王仙作如是
言優波陀事云何也

時日王仙便報彼等摩那婆言汝等
童子今須知我不從他邊受得藥草
根及果等復取他水而自飲之作是
語已彼等童子尋復白彼曰王仙言
師於今者莫作是語所食飲者一切
皆是優波陀物時日王仙復語彼等
摩那婆言汝等知我不從他得而自
取不然我今者不從他得草葉根果
及澡澀水而自取飲我已成賊是故
汝等當罰我罪如治賊者等莫有異
時諸童子咸白彼仙我不敢決優波
陀罪優波陀弟今者作王現領此境

如法治化至於彼邊必能治罰優波
隨也

今時王仙詣月王所於時月王既聞
此事知其日王欲來其邊即辦四兵
出迎城外日王到已頂礼其足時日
王仙止月王言莫礼我足所以者何
我今是賊大王必須治罰我罪如賊
莫異

今時彼王即問其兄日仙人言聖者
今日作何賊也彼時仙人報月王言
大王當知我在空閑清靜樹林修道
之時不從他得藥草根果并取他水
而自飲也

今時彼王聞此語已煩冤懊惱嗔
悲啼涕淚滿面作是思惟如此仙人
初德本行自來清淨無有過患云何
今日可罪罰也作是念已報王仙言
我許諸仙取諸果子及藥草根乃至
水等自食自飲是故仙人所食之者
皆是已物大仙非賊亦不可罰

時日王仙告月王言大王今日始許
斯事非昔日也王復白言我昔初承
王位之時即有此語我施沙門及婆

羅門草木及水隨意用食是故大仙
實非賊耳我於今者去何罰罪而彼
王仙復告王言善哉大王我今已造
不善之事自念不能消此過罪我既
取他澡澀水飲是故大王須治罰我
如賊無二

余時月王有一甥甥在彼衆會而彼
甥甥白月王言大王但與此仙決罪
勿令此仙煩冤懊惱余時月王白彼
仙言事若余者入在我苑止住修道
余時月王令此仙人入其苑已尋即
廢忘不復更憶至於六日然後始念
笑諸臣佐諸卿等輩彼仙在苑出去
已未余時諸臣白月王言彼之仙人
猶未出苑仍在園內

余時月王放赦天下一切囚繫乃至
飛走諸禽獸等別喚彼仙布施種種
甘美飲食而白之言唯願大仙隨意
而去放已月王心懷不樂我於此仙
已有罪過因此仙人必得罪笑

余時佛告諸比丘言若有心疑於時
王仙号名曰者此是誰也莫作異見
我身是也汝等比丘若有心疑當於

彼時王名月者此是誰也其作異見
耶羅睺羅是其人也為其將彼仙人
入苑住六日故因彼業報住於生死
煩惱之中無量受苦因其餘業復在
母胎止住六歲

汝諸比丘我念往昔過无量世有一
群牛在於牧所其牛主妻自將一女
往至牛群攝取乳酪所將二器並皆
盈滿其器大者遺女而負其器小者
身自擔提至其中路語其女言汝速
疾行此間路險有可怖畏

今時彼女語其母言此器大重我今
云何可得速疾其母如是再語三語
汝速疾行今此路中大有恐怖

今時彼女而作是念云何遣我負取
大器更復催促遣令急行其女因此
便生瞋恚而白母言母可且兼將此
乳器我今暫欲大小便耳而彼女母
取此大器負擔行已其女於後徐徐
緩行今時彼母兼負重擔遂即行至
六拘盧舍

今時佛告諸比丘言汝等若有心疑
彼女有瞋恚心乃遣其母負重行六

拘盧舍者莫作異見耶輸陀羅釋女是也既於彼時遺母負重行其道路六拘盧舍由彼業報在於生死煩惱之內受无量苦以彼殘業今於此生懷胎六歲

諸比丘所有諸業非是虛受隨造善惡還自受之是故汝等諸比丘輩恒須捨此身口意惡何以故作身口意善惡因緣汝諸比丘現見如是善惡果報汝等比丘應當如是修學善業今時世尊與淨飯王及彼大眾說微妙法使令歡喜顯示宣通教化訖已從座而起還於本處

今時羅睺羅母遣羅睺羅往向父邊乞取父封時羅睺羅隨佛而行且行且語作如是言惟願沙門與我封邑唯願沙門與我封邑

今時世尊自授手指與羅睺羅時羅睺羅執佛指已傍佛而行

今時世尊將羅睺羅至於靜林遙喚長老舍利弗言汝舍利弗將羅睺羅令其出家時舍利弗而白佛言女世尊教承佛教已度羅睺羅而出家也

余時世尊為諸比丘制禁戒時其羅
睺羅甚大歡喜遂受禁戒如法奉行
所以者何教法應余其舍利弗依佛
教戒攝受教示當余之時有善男子
皆悉獲得正信正見何以故並欲出
家求无上道諸梵行故利益現自證
見法故自證知已口自唱言諸漏已
盡梵行已立所作已辦不受後有其
羅睺羅亦復如是自證其心得正解
脫世尊即記告諸比丘當知我之聲
聞弟子持戒之中其羅睺羅最為第
一

此摩訶僧祇
所作如是說

其迦葉維復有別說當余之時輸頭
檀王辦諸食已即喚宮內諸眷屬等
勅告之言汝等今者勿令一人示羅
睺羅言悉達多是汝之父何以故恐
羅睺羅聞已即隨其父出家時淨飯
王於其彼夜備辦種種甘美飲食食
噉噉唼辦具已訖過彼夜分始晨朝
時鋪設諸座將羅睺羅及諸侍從童
男童女左右圍遶並遣將人阿輸迦
林然後發使往白佛言食時已至飲
食已辦願尊知時

今時世尊曰在東方著衣持鉢詣比丘僧左右圍遶在前而行相隨往詣輸頭檀王宮到已即於先所鋪座次第而坐

時羅睺羅見彼童男及童女等各各亂行湯遊湯戲而諸傳母亦不遮斷共相戲笑遂私便從阿輸迦林漸入王宮往見世尊及比丘衆見已頂禮禮已即便昇樓閣上當於彼時羅睺羅母先在樓閣觀見世尊剃頭鬚髮身著袈裟見已悲泣而有偈說

大王釋子新婦者 其名号曰輸陀羅
見夫如是出家相 心懷悲泣自懊惱
時羅睺羅問其母言聖者何故悲啼
如此其母報子羅睺羅言身體金色
在沙門衆即是汝父時羅睺羅復白
母言如是聖者我生已來未曾憶念
有如是等快樂之事作是語已從樓
閣上速疾而下詣向佛所入佛衣裏
隱藏而住時諸比丘即欲遮斷佛告
之言汝詣比丘莫復遮斷但令人我
衣內而住

今時輸頭檀王見佛及僧次第而坐

自手奉過種種清淨甘美餽餽所謂
食敢喫等食志令飽滿自恣充足
余時世尊飯食已訖洗鉢澡手將一
小座却坐一面即為父王而作願言
祭祀久為寂 諸偈歎為寂人中王為寂
諸源海為寂 星宿月為寂 諸明日為寂
上下及四方 及於衆生輩 若天若人者
諸佛是為寂

今時世尊為淨飯王以此偈句咒願
已訖即從坐起隨緣而去

今時輸頭檀王於後檢校事務東西
行時其羅睺羅已遂世尊出於宮外
既出宮已還欲來入於時世尊自授
手指與羅睺羅令其執捉時羅睺羅
其身上分安隱快樂譬如以繩繫諸
鳥足更不復離如是依附著世尊已
即將往至屈拘陀林

今時世尊告羅睺羅作如是言汝羅
睺羅汝能隨我出家以不時羅睺羅
而報佛言我實如是能出家也

今時世尊告諸比丘作如是言汝諸
比丘我於今者令羅睺羅捨家出家
遣舍利弗以為和上

今時諸比丘作如是念世尊昔日曾告我等作如是言若有年歲不滿二十不得為受具足禁戒而羅睺羅今始十五我等為當依佛昔教為當更復別有所以作是念時即將前事具白世尊

今時佛告諸比丘言汝諸比丘當知十五而出家者可為沙彌時諸比丘蒙佛教已即今出家請舍利弗以為和上

今時輸頭檀王發遣世尊及比丘僧諸眷屬等然後方自欲坐食時而作是言汝等當喫羅睺羅來與我共食今時左右處處求覓了不能得還至王所俱白王言大王我今求羅睺羅莫知所在

今時輸頭檀王復告之言汝等往至阿輸迦林及諸宮內處處求覓時彼左右復即往至阿輸迦林及諸宮內求亦不得來告王言往至彼處求亦不見

今時輸頭檀王復告之言速往至於左拘陀園或非世尊將令出家如是

去也

佛本行集經卷第五 第七張基

今時左右聞王此敕速即至彼屈拘
陀園處處求覓見羅睺羅已為世尊
遣令出家見已還宮而白王言大王
當知其羅睺羅已被世尊放令出家
王聞是已迷悶躡地經於少時還得
醒悟從城出至屈拘陀林到於佛所
頂禮佛足却坐一面而白佛言世尊
往昔在家之日諸解相師婆羅門等
已曾授記若其在家必當得作轉輪
聖王世尊今已捨家出家我見世尊
出家之後作是思惟欲以王位付與難
陀世尊於後復令出家彼既出家我
復思惟令阿難陀紹其王位復為世
尊已放出家彼出家後我復作念當
欲令彼阿尼樓陀紹其王位復為世
尊放令出家彼出家後我復作念婆
提唎迦紹其王位世尊亦復放令出
家今者望欲留羅睺羅擬付王位復
為世尊將出家也世尊如是將羅睺
羅出家之後豈不斷我王種姓耳
復次世尊雖復如此兼戀子情穿徹
皮肉筋骨及髓是故世尊從今日後

作如是教制諸比丘有出家者令諮
父母許出家已然後乃放

尔時佛告輸頭檀王如大王意我不
違也我必當教作如是事作是語已
尔時世尊向淨飯王說諸法義顯示
教化令王欣悅加其威力復令歡喜
尔時輸頭檀王既歡喜已從坐而起
頂礼佛足遶佛三匝辭退而去還其
宮內

尔時世尊以此因緣集比丘僧而告
之言汝等比丘當知兒子於其父母
報恩寂難所以者何然其父母難作
能作顯示世間長育諸陰故令乳哺
養成身體是故汝等諸比丘輩從今
已去若善男子善女人等求出家者
先須令彼諮其父母然後乃聽若不
許可放出家者須如法治我今日後
立如是制凡人來投請出家者先須
問言汝之父母生存已不彼人若報
云我父母現今生在方更問言復當
聽汝出家已不

然其五師或有異說作如是言其羅
睺羅生二年後菩薩尔時方始出家

苦行六年然後成道成道七歲方始
來向迦毗羅城如是次第數羅睺羅
出家之日正年十五

或有諸師作如是說波闍波提見其
菩薩捨家出家為此因緣憂愁懊惱
啼哭之時眼壞失明然佛世尊已證
阿耨多羅三藐三菩提過十二年然
後方還迦毗羅城欲於眷屬現憐愍故
不時輸頭檀王及諸宮內一切眷屬
左右園遠王為導首在前而行
余時復有同姓種族合有九万九千
人俱同來見

佛其摩訶波闍波提憍曇彌同在彼
衆往詣佛所為看其子羅睺羅故
今時如來現雙神變余時摩訶波闍
波提憍曇彌既聞他說今我之子顯
現神通所謂於身下分放其火光於
身上分出其冷水如是聞已歡喜踊
躍遍滿其體不能自勝往詣佛所到
佛所已為敬佛故取其佛身所流之
水自灑已身及以洗面

今時世尊為令摩訶波闍波提起於
慈悲遍滿其體受其快樂其所壞眼

尋得清淨勝於本時今時摩訶波闍
波提即於佛邊更增信敬

時諸比丘又白佛言希有世尊云何
今此摩訶波闍波提惱曇彌為世尊
故憂愁啼泣失壞其目復因世尊還
得清淨

今時佛告諸比丘僧作如是言汝諸
比丘其摩訶波闍波提惱曇彌非但
今日為我作是憂愁啼哭失壞此眼
還復因我而得清淨過去之世亦曾
為我憂愁啼哭失壞其眼復還因我
眼得清明

今時諸比丘白佛言世尊此事云何
願為說之

佛本行集經卷第五十五

癸卯歲高麗國大藏都監奉
勅彫造

佛本行集經卷第五十六

基

隋天竺三藏闍那崛多譯

羅睺羅因緣品下

尔時佛告諸比丘言汝諸比丘我念
往昔過去久遠在迦尸國於彼聚落
近有一山名鬱蒸伽其山南面有一
園林其園雜樹數過十萬華果茂盛
枝葉扶疎遙遠瞻望如青雲隊於其
園內處處皆有蓮華池沿其數衆多
莊嚴園林其林高大空閑寂靜

或有師說

鬱蒸伽山近
波羅標城

尔時彼山有諸群象其象群內有一
象母生育一子形體端正觀者無厭
然彼象子其身潔白六牙備足其頭
純黑如因陀羅瞿波鳥頭七支拄地
其彼象子養育不久成大象龍如法
修行孝順父母供養之時有敬重心
然彼象子諸有飲食草果根等先奉
父母令其充飽然後自食

尔時象龍又於一時因求草果諸飲
食等處處遊行有諸獵師忽見此象
即作是念此之象龍非是餘人所堪

乘者唯梵德王堪能乘耳作是念已
遂即往詣梵德王邊到已白言大王
當知某處林內有一象龍端正可喜
其身潔白具有六牙其象黑頭如因
陀羅瞿波之鳥七支拄地如我所見
彼象當堪大王乘之如其大王意所
樂者可往遣人搦彼象取將示王來
時梵德王尋即召喚能搦象者勅告
之言我聞他說有一象龍其象六牙
端正可喜觀看之者无有厭足乃至
七支悉皆拄地汝等必當速往彼處
捉彼象龍將至我所勿使遲遲今有
失脫

今時所有諸搦象人聞梵德王有如
是勅而報之言如王所勅不敢違教
即辦牢韋諸皮索等往至象邊以呪
呪之其象自來赴向人所遂即捉之
以彼皮繩繫縛象已牽來將至梵德
王邊

時梵德王遙見彼等將其象龍欲至
之時即起出迎以歡喜故作如是言
快得如是妙好大乘快得如是妙好
大乘

時梵德王身自養飼但於彼象所堪
食者悉皆與之一切所食自看自與
雖復如此而彼象龍反更羸瘦恒大
呻吟呼聲大叫悲啼流淚无時暫慙
時梵德王見彼象龍羸瘦憔悴乃至
悲啼流淚如此至於象前合十拍掌
語象龍言我將一切諸好飲食供養
於汝汝乃羸瘦不著膚體減損色力
身嬰羸瘠然我觀汝心不悅懌不受
歡樂我心愛汝供給瞻養未曾暫捨
汝須何事我今皆與今汝歡喜汝何
緣故不喜不樂

今時象龍白梵德王作如是言我今
啓白大王一語令王歡喜

時梵德王聞彼象龍作如是言生大
希有歡喜之心復作是念希有此事
此龍象王能作人語作是念已報彼
象龍作如是言汝象龍王出如是語
令我歡喜

今時象龍白梵德王作如是言大王
當知彼林之內我有父母年老力衰
住彼林內我念未被王所擲時自
已前不曾憶有先自食敢始與父母

水漿亦尔先與父母然後自飲我今
思量受王供給一切資須无所乏少
養育於我然其父母在彼林中乃成
孤獨受大苦辛我今正以不見父母
是故如此憂愁不樂

時梵德王聞此語口生未曾有奇特
之心作如是念希有此事不可思議
人中猶尚難有此法云何象龍乃如
此也作是念已告彼象龍如是言曰
大衆龍王我今寧自將此身命閉於
牢獄不將如是如法之行持戒妙行
孝養父母於如此事不敢擾亂

尔時梵德復告象龍作如是言汝象
龍王我今放汝至父母邊共其父母
自相供養隨意受樂然梵德王放象
龍時即說偈言

汝今好去象龍王 供養父母當孝順
我寧自捨此命根 於汝更不相擾亂
尔時梵德放彼象龍其象龍王既得脫
已漸至彼林彼象龍母於時正以不
見子故憂愁懊惱泣淚啼哭兩目失
明以失明故東西馳走從於本處遊
行他所象龍初還至彼林時求覓其

母了不知處以不見故放聲大喚於時象母聞其叫聲即知彼聲是其已子其母亦時亦即放聲叫喚悲泣彼象龍王聞其母喚遂令尋聲往至母所其象龍王既見其母近一水池止息而住安置其母在於岸上

余時象龍入其水池取滿鼻水出已歡喜身心踊躍遍滿其體不能自勝至其母邊以水散灑而洗浴之余時其母得子持水洗浴身時眼還清淨勝於本日而彼象母既見其子而問之言子何處來今日始還令我多時不得見汝

時彼象龍向母具說如梵德王遣人所攝將向王宮供養因緣并放得脫還歸之事一切皆悉向其母說

余時象母聞此語已歡喜踊躍遍滿其體不能自勝唱言子子如我今日而得與汝共相養活喜樂如是願梵德王共其父母妻子男女諸眷屬輩及以知親大臣百官一切輔位共相養活如我今日受斯快樂

余時佛告諸比丘等作如是言汝諸

以上若有心疑彼象龍王此是誰也
即我身是汝等比丘若有心疑彼時
象母此是誰者莫作異見此即摩訶
波闍波提憊曇彌是當於彼時為我
啼哭悲涕流淚受於苦惱兩目失明
還因我故而得清淨今亦如是摩訶
波闍波提憊曇彌不見我故悲啼啼
哭憂愁苦惱兩目失明今還因我而
得清淨汝諸比丘如來昔在因地之
時未得成佛尚為衆生作是利益況
於今日已得成就阿耨多羅三藐三
菩提也是故諸比丘若有智者恒於
佛所作敬重心希有之心於法僧邊
亦須生於敬重之心汝等比丘當如
是學

佛本行集經難陀出家因緣品第三十七上

今時世尊教化難陀釋種之子捨家
出家數數為說出家因緣亦復讚歎
出家因緣而作是言汝來難陀當就
出家作是語已釋子難陀白言世尊
我不出家所以者何我以四事供養
世尊及比丘僧乃至盡其一形供養
衣服卧具飲食湯藥如是世尊第一

第三教化難陀讚歎捨家出家功德
乃至數數說其出家因緣之事及以
讚歎勸其出家而彼難陀不肯出家
猶言求以衣服卧具飲食湯藥盡形
供養佛及衆僧因緣之事

今時世尊經於少時飯食訖已將一
侍者徐徐向彼釋種童子難陀之家
然彼釋種童子難陀當於彼時在重
閣上共孫陀利昇樓觀看遊遨而坐
今時難陀在樓閣上遙見世尊將至
其所速即驚起下於重閣往至佛邊
頂禮佛足却立一面因白佛言善來
世尊何從遠至唯願垂神入我堂室
昇座而坐

今時世尊入彼堂室昇座坐已慰喻
難陀慰喻已訖默然而坐

今時難陀白佛言世尊唯願今者於
此受供我遣備辦餚饍飲食佛告難
陀我已食訖不須備辦

今時釋種童子難陀復白佛言今有
蜜漿非時飲不佛告難陀我隨汝意
今時難陀復白佛言唯然世尊於是
難陀執持佛鉢盛非時漿奉與世尊

於時世尊未為受取

尔時釋種童子難陀即持彼鉢將與侍者而彼侍者復不受取

尔時世尊從座而起與諸侍從相逐而還欲向本處其釋童子亦從閤持彼蜜漿欲隨佛去

尔時釋種女孫陀利見釋難陀執其滿鉢非時蜜漿從世尊行其孫陀利梳頭未訖便即高聲喚難陀言聖子難陀欲何去也尔時難陀指彼鉢言欲將此鉢奉送如來至彼即還孫陀利言聖子速來莫久住彼

尔時世尊出難陀家為難陀故步行東西在於街巷欲令城内一切人民見彼難陀執非時漿隨逐於佛是時人民見此事已各相謂言今者世尊必令難陀捨家出家

尔時世尊至僧伽藍喚一比丘密以手指作其相貌令取難陀手中蜜鉢時彼比丘知解佛意從難陀邊即取其鉢

尔時難陀頂礼佛足自言世尊我今辞佛欲還向家佛告難陀汝莫還去

尔時難陀復白佛言世尊我今思惟不欲出家所以者何我欲四事盡其一形供養如來及衆僧故

尔時世尊復告難陀作如是言此閻浮提世界縱廣七千由旬北面廣闊南面狹小猶如車箱滿中羅漢稠若甘蔗竹葦麻稻若有善男子善女人供養彼等諸阿羅漢盡其一形四事不闕彼等羅漢入涅槃後復更供養起舍利塔於其塔上各施幡蓋及寶鈴幢復以香華及諸油燈種種供養於汝意云何是善男子善女人等功德多不難陀自言得福甚多

尔時世尊復告難陀若有羅漢滿此閻浮有人盡形四事供養乃至香華然諸油燈若復有人供養一佛功德果報倍勝於彼

復次難陀若人能入佛法教中乃至出家一日一夜行於清淨梵行之法此之果報倍多於彼是故難陀必定出家莫復貪受五欲樂也

復次難陀諸欲少味多有苦患諸欲無常是可厭離是大苦本是大瘡疣

是太惡刺是大厄縛是大苦惱是損
減相是破壞相无常不住无時暫停
是不牢固危脆易壞多有怖畏苦空
無我汝今必當諦觀諸欲如是過患
難施汝今應善思惟五欲過患莫貪
著也

尔時世尊雖向難施說此過患然其
難施心故不欲願樂出家但敬佛故
佯惛仰自言世尊我當出家

尔時世尊且因經行以指作相招一
比丘來語之言汝當喫一剃髮師來
時彼比丘即喫衆中一剃髮師在難
施前手執剃刀欲為難施剃其鬚髮
尔時難施捉拳向彼剃除髮師作如
是言汝今何力敢剃我頭

尔時世尊正念正意告難施言來汝
比丘入我法中行於梵行盡諸苦故
尔時如來作是語已難施鬚髮即自
墮落猶如比丘剃其鬚髮始經七日
自然體著袈裟色衣手執鉢盂如法
之器而彼長老即成出家受具足戒
於時難施可喜端正諸人樂觀有三
十相具足不開身體金色高下四指

不及如來所作袈裟與佛衣服等无
有異作已受持或諸比丘遙見來者
皆謂難陀即是世尊欲起迎逆及至
知非始還本座以此因緣而諸比丘
嫌恨等量而作是言長老難陀云何
與佛衣服一等而用受持時諸比丘
即往白佛

尔時世尊以此因緣尋時聚集諸比
丘衆問難陀言汝作衣服僧伽梨等
與佛同量而受持不

尔時難陀白言世尊此事實然佛言
難陀此不如法汝今云何與佛世尊
同量受持僧伽梨也

尔時世尊訶責難陀教如是已告諸
比丘從今日後悉皆不得依世尊量
作諸衣服而受持也若有違者如法
治罪

尔時難陀作如是念世尊已斷不復
更聽依世尊量受持衣服今所作衣
必須治打出其光澤而受持也

尔時難陀尋即作彼打治之衣光澤
而服執持鉢器眼塗媚藥莊嚴其身
脚著草屣左手執傘右手持鉢詣向

佛所自言世尊我欲往入聚落乞食
今時佛告長老難陀作如是言汝今
豈非善男子也信心捨家而出家乎
難陀答言如是世尊事實然也

今時世尊復告難陀作如是言汝既
信心之善男子捨家出家所持衣服
何故打治令出光澤復以何緣莊嚴
身體眼塗媚藥脚著草屣一手執傘
一手持鉢欲乞食也

復次難陀汝若在於阿蘭若處乞食
活命著糞掃衣此乃為善

今時世尊以此因緣而說偈言

何時當得見難陀 住於空閑常乞食

少欲知足捨遺餘 又樂遠離諸欲想

今時世尊以此因緣以此事相集諸
比丘而告之言諸比丘輩從今日後
不得復著打出光衣若有受持出光
衣者如法治罪

亦復不得眼塗媚藥及妙草屣亦復
不得執輕妙鉢

亦復不得執傘入城聚落乞食若如
是者悉如法治

今時難陀雖被世尊斷此打治光澤

之衣并及不得眼塗媚藥斷好草履并持輕鉢及以傘蓋猶尚憶念王之勢樂不肯依斷還憶彼女釋孫陀利念其色欲不行梵行欲捨其戒還奔家宅以是因緣恒畫彼女孫陀利像後於一時至阿蘭若空閑之處或取埴瓦或取木板畫此釋女孫陀利像如是觀者便過一日而諸比丘其有見者心生嫌恨而相謂言長老難陀云何在於阿蘭若處或取埴瓦或取木板畫婦女形竟日觀看

時諸比丘即將此事往至白佛今時世尊以此因緣集諸比丘在於衆內問難陀言汝實在於阿蘭若處或取埴瓦或取木板畫婦女形竟日看不難陀白佛實今世尊

今時佛告長老難陀作如是言汝為此事是不善也出家比丘豈得畫其婦女形像而觀看乎

今時世尊告諸比丘作如是言汝諸比丘從今不得畫婦女形若實若虛以著欲心畫已觀者若有如是故畫者者得違戒罪

又於一時長老難陀次第當直守護
寺舍彼時難陀作如是念如來不久
當入聚落乞食之時我於今日當得
還家

今時世尊知彼難陀作是思惟知己
告言長老難陀汝若欲行開諸房門
然後還去

今時世尊作是語已便即往入聚落
乞食長老難陀作如是念世尊已入
聚落乞食我今當得還其家內

今時難陀遂見世尊房門不開作如
是念我開此門然後還去

即開彼門見舍利弗房門復開即復
往開舍利弗門

既開彼門其目捷速房門復開尋即
開彼目連房門

既開彼門見大迦葉房門復開尋即
往開大迦葉門

既開彼門復見摩訶迦旃延房其門
復開尋復往開迦旃延門

既開彼門又見優樓頻羅迦葉房門
復開尋即往開優樓頻羅迦葉房門

既開彼已鄰提迦葉房門復開尋復

往問那提房門

佛本行集經卷第六

第五雜著

寶

既開彼已伽耶迦葉房門復開今時難陀尋復開彼伽耶房門

既開彼已優波斯那房門復開開彼門已見俱那羅房門復開

既開彼已復見摩訶尊陀門開開彼門已見利婆多房門復開開彼門已見優波離波多房門復開

如是次第第一門已第二門開開第三已第四門開彼見其門一開一閉遂作是念彼諸比丘當能捉我作何事過若開若閉我當還去將恐世尊不久來至作是念已從后俱陀樹林之內將欲出時世尊尋以天眼觀彼難陀已見難陀將欲出其后俱陀處如來見已從迦毗羅婆蘇都城隱沒其身便即至其后俱陀林出現於彼今時難陀見佛於彼林中出已尋即依一后俱陀樹隱身而坐

今時世尊以神通力舉彼大樹置於虛空見彼難陀藏身而坐作如是言汝今難陀欲何處去時彼難陀報言世尊我於今者還復憶彼王位快樂

自在之事無復憶彼釋孫陀利是故
不樂行於梵行意欲捨戒還於本家
佛因此事而說偈言

欲離叢林已得離 從林得出還入林
汝富伽羅觀此事 從縛得脫還被縛

今時世尊為彼難陀說法句已更復
勸言長老難陀汝當精心於我自在
法教之中為盡諸苦勤行梵行世尊
以法教化難陀難陀猶故不忘昔日
五欲樂事及在王位適意之樂猶復
憶念釋孫陀利不樂正法行於梵行
心欲捨戒還其家宅

今時復有一大長者欲請世尊供設
飲食於時難陀次當守寺今時難陀
復作是念世尊今者當入聚落受彼
長者請食之時我當還家

今時世尊預知難陀作此憶念知已
便即告難陀言汝今難陀須必知時
灑掃寺地所有澡澣志令水滿作是
語已即往聚落赴其所請長老難陀
於彼之時即作是念今者世尊已赴
他請往於聚落我今可得自往向家
作是念已顧見如來所住之房多有

糞土見已作念我今先往掃彼糞穢
然後向家作是念已執持掃帚往掃
彼房其掃一邊風來還吹土草滿地
更須報掃彼時難隨復作是念掃地
且止我先當令所有衆僧水澡盥器
先著水滿然後向家作是念已取彼
澡盥將至水所志滿盛水其所滿器
滿已還覆彼時難隨作如是念我今
何假掃地盛水如來今者不久還來
我今亦可速至已家作是念已即還
從彼屋俱隨林欲向家去

今時世尊在彼所請長者之家以過
人眼清淨天眼觀彼難隨已從彼處
屋俱隨林欲出向家既見是已即別
化身從長者家隱沒不現尋一念頃
至屋俱隨樹林之內在彼長老難隨
前出

今時難隨遇見世尊來欲至已即上
一大高峻嶺岸從彼埤下至隈障處
存身而坐

今時世尊以神通力令彼峻埤地平
如掌今時世尊見彼坐時告言難隨
汝今在此欲作何事於時難隨而白

佛言婆伽婆我已言許共孫隨利還家為期今作是念勿使令我成其妄語是故我今欲往彼處

今時佛告長老難陀汝今何須見孫隨利其身如是皮裹筋骨內有髓腦膿血屎尿皆悉充滿最可厭惡猶如廁溷如是難陀我今略說一一衆生共娼和同所出不淨多於巨海亦不知足

今時世尊以此因緣而說彼偈

欲離稠林已得離 從林得脫還入林
欲富伽羅觀此等 從縛得脫還復縛

今時世尊教化難陀說法教言今汝難陀於我自在說法教中嬉樂行於清淨梵行為欲滅諸一切苦故

今時難陀雖被世尊作如是等方便教化猶故不樂行於梵行乃共六群諸比丘等以為明黨數至彼邊語言論說從晨到夜唯論邪命諸惡等事今時世尊觀知其行作如是念此之難陀今已學彼六群比丘惡畏損其功德業行我應斷其共彼人等以為明黨作是念已即便告彼長老難陀

作如是言難陀汝來我欲共汝入迦毗羅婆蘇都城難陀自言唯如尊教
今時世尊與彼難陀入迦毗羅婆蘇
都城入三漸至一賣魚店

今時世尊見彼店內茅草鋪上有一
百頭臭爛死魚置彼草鋪見已告彼
長老難陀作如是言難陀汝來取此
魚鋪一把茅草其彼難陀而白佛言
如世尊教作是語已即於彼店在魚
鋪下抽取一秉臭惡茅草既執取已
佛復告言長老難陀少時捉住還放
於地難陀自言如世尊教即把草住
今時難陀捉持彼草經一時頃便放
於地今時佛復告難陀言汝自嗅手
今時難陀即嗅其手
今時佛復告難陀言汝手何氣長老
難陀報言世尊唯有不淨腥臭氣也

佛本行集經卷第五十六

癸卯歲高麗國大藏都監奉

勅彫造

佛本行集經卷第五十七

其

難陀因緣品下

隋天竺三藏闍那崛多譯

爾時佛告長老難陀如是如是若人親近諸惡知識共為朋友交往止住雖經少時共相隨順後以惡業相雜習故令其惡聲名聞遠至

爾時世尊因斯事故而說偈言

猶如在於魚鱗上以手執取一把茅

其人手即同魚鱗親近惡友亦如是

爾時世尊又共長老難陀至於一賣

香耶見彼耶上有諸香裏見已即告

長老難陀作如是言難陀汝來取此

耶上諸香裏物難陀爾時即依佛教

於彼耶上取諸香裏佛告難陀汝於

漏刻一移之頃捉持香裏然後放地

爾時長老難陀聞佛如此語已手持

此香於一刻間還放地上

爾時佛告長老難陀汝今當自嗅於

手看爾時難陀聞佛語已即嗅自手

佛語難陀汝嗅此手作何等氣白言

世尊其手香氣微妙無量

佛告難陀如是如是若人親近諸善知識恒常共居隨順染習相親近故必定當得廣大名聞

今時世尊因此事故而說偈言

若有手執沉水香 及以薰香麝香等

須臾執持香自染 親附善友亦復然

今時世尊出迦毗羅婆蘇都城至本

住處以此因緣聚集大眾諸比丘已

即告長老難陀言曰難陀汝今莫親

近彼六群比丘莫共彼等以為親友

何以故若其有人親近如是惡知識

者雖復與彼共為朋友或時與彼平

相承事隨順彼等一切事業但為惡

人共相親近即得世間惡名流布

長老難陀汝若欲覓親友知識當近

比丘舍利弗比丘大目連比丘大迦

葉比丘迦旃延比丘優樓頻曇迦葉

都提迦葉伽耶迦葉優波斯都摩訶

俱都都摩 迦孫陀離波多等諸比丘

輩勸汝親近隨順承事所以者何若

人親近善知識者承事親善雖未證

得利益益之事交獲世間名聞流布

今時世尊以此因緣而說偈言

若人親近惡知識 現世不得好名聞
必以惡友相親近 當來亦墮阿鼻獄
若人親近善知識 隨順彼等所業行
雖不現證世間利 未來當得盡苦因
今時世尊雖以善言教示難陀而彼
難陀猶戀王位自在之樂憶孫陀利
五欲之事於佛法中猶不欣樂欲捨
梵行欲捨具戒還從家事

今時世尊知彼長老難陀心已作如
是念然此難陀煩惱熾盛豈能不教
破彼煩惱我於今者須作方便喻如
世間以火滅火以毒治毒作是念已
執彼長老難陀之手從屋俱隨樹林
而出以神通力隱沒其身忽然在於
香醉山上出現而住

今時彼山以風吹故兩樹相揩遂即
出火燒然彼山出大烟炎時彼山內
多有獼猴其數五百被火燒毛皆悉
存地摩滅身火

今時世尊見有一箇雌瞎獼猴在彼
群內亦復以手撲滅身火

今時佛告長老難陀汝今見此雌瞎
獼猴在彼群內亦復以手滅其身火

如此已不尔時難陀白佛言世尊如是如是是我今已見

尔時世尊尋復告彼長老難陀作如是言汝意云何汝孫陀利可意端嚴與此獼猴是誰為勝

尔時難陀遂向世尊舉眉其面默然不言尔時世尊執持長老難陀手臂從香醉山没身往至三十三天現於波利質多羅樹時彼樹下有一大石名曰婆奴咍逆林摩羅隋言住於彼處

尔時帝釋天王往入彼園遊戲其園名曰伊迦分陀利將領五百宮人姝女左右圍遶作倡伎樂於時世尊見帝釋王在彼伊迦分陀利園將領五百姝女音聲歡娛受樂時佛即告長老難陀作如是言汝今見此五百姝女作倡伎樂遊戲已不難陀自言如是世尊我今已見

尔時世尊尋復告彼長老難陀作如是言汝意云何為當釋女孫陀利好為當五百姝女端正

長老難陀白言世尊如以彼時雌暗

獼猴與孫陀利共相比校百倍不如
乃至千倍至百千倍世間竿數亦不
可及我今如是孫陀利女欲令比此
姝女五百亦復不如百倍千倍至百
千倍世間竿數所不能及今者云何
可為比喻

尔時佛告長老難陀汝今意欲共此
姝女相娛樂不

尔時難陀歡喜踊躍白言世尊如我
意者實欲與彼五百姝女共相娛樂
尔時佛告長老難陀汝今不可以此
凡身共彼娛樂若欲然者必須以汝
歡喜之心於我法中行於梵行我當
報汝今者若能隨順此法行清淨行
命終捨身於未來世必得受報生於
此處共此五百諸姝女輩共相娛樂
尔時難陀聞此事已歡喜踊躍遍滿
其體不能自勝而白佛言世尊我從
今日於佛法中歡喜行於清淨梵行
世尊今者已許報我我今實欲當未
來世生於此處共此五百諸姝女等
共相娛樂

尔時世尊復執長老難陀臂已從彼

三十三天沒身還其本處

今時難隨作如是念世尊於先已許
報我於未來世當得共彼五百姝女
以相娛樂是故難隨以此因緣盡其
身心正念行於清淨梵行調伏諸根
節量飲食初夜後夜起誦經行勇猛
精進不共他人言談戲笑心不躁急
心无狡猾口不綺言發精進行念四
威儀樂於空寂閑塞諸根成就取勝
微妙正念

今時難隨若欲意觀東方之時安定
身心志意充滿既正念已然後方始
觀於東方如是觀時无有愁惱无有
黑闇於不善法終無漏失亦不迷惑
如是欲觀南西北方上方下方亦定
身心志意充滿如是觀時亦无愁惱
無有黑闇於不善法更不漏失亦不
迷惑

今時難隨或有同行諸比丘輩而告
之言長老難隨汝於先時不閑諸根
於諸飲食不知厭足恒求妙好床褥
卧具安隱睡眠本無厭勑或時戲笑
心意不定狡猾訥語不曾精勤恒常

懈怠亦無正念多諸忘失威儀漏鉢
無憚无定不能攝心諸根逸浪不可
具說云何今者諸根調伏飲食知足
初夜後夜不曾睡眠無復狡戲攝斂
身心又不誇語勇猛精進正念正勤
已得禪定心不漏逸諸根不浪長老
今日何因得尔

尔時難陀告彼同行諸比丘言諸長
老輩當知世尊於未來世將欲報我
五百姊妹歡娛受樂是故我今於此
法中勤行梵行

尔時難陀親友同行諸比丘等於彼
難陀欲有調笑嘲弄譏戲各相謂言
長老難陀於世尊所客作傭力求將
來報故於法中勤行梵行長老難
陀汝於佛邊行梵行者正為諸天五
百玉女行梵行耳

尔時長老難陀親友諸比丘等從尔
已後是故常喚為客作者

尔時世尊見此難陀為諸玉女行於
梵行遂便執臂從彼后拘陀林而出
沒身入於大地獄裏世尊於時見一
銅釜下然猛火其釜熾赤與火無異

出大光炎熾然施絕世尊見已告彼
難陀汝往問此諸獄卒等此之銅金
欲為阿誰熾然涌沸乃至如是長老
難陀聞佛是語白言世尊唯如佛教
即往詣彼諸獄卒邊而問之言此大
銅金欲為何人如是涌沸乃至此也
尔時獄卒咸報難陀作如是言佛有
姨母所生之弟名曰難陀為彼人故
燒然此金

難陀復問汝豈不聞如來往日許報
其人若為五百天樂姝女行於梵行
後得生於三十三天諸獄卒言如是
如是我等已知但我等輩復聞其人
於彼二十三天之上墮落已後來生
此處

尔時難陀聞此語已心生恐怖舉身
毛豎作如是念我若次第於此受苦
我今亦欲不用如此姝女果報
尔時世尊即執長老難陀臂已從地
獄內隱沒其身還至尸俱陀林而出
尔時難陀為已同行諸親友等恒常
喚作佛客作人被笑被呵譏調戲弄
復見地獄慚愧恐怖即生厭離自悼

自悔求空閑處獨行獨坐更不放逸
精進勇猛凡善男子其有正信捨家
出家求於无上清淨梵行行已現得
自證神通得諸漏盡口自唱言生死
已盡梵行已立所作已辦不受後有
證羅漢果心得解脫長老難陀亦復
如是證羅漢果然後始往至於佛所
頂礼佛足却坐一面

尔時長老難陀白佛作如是言今捨
世尊往曰恩許我昔欲取如來報者
正為五百諸天姪女是故如此而今
世尊得解脫也

尔時佛告長老難陀非但今日我於
汝邊始得脫也汝初唱言梵行已立
所作已辦不受後有我於彼時已得
脫也

尔時長老難陀同行諸比丘等未知
難陀得漏盡者猶如先日未漏盡時
戲弄嘲調唱如是言長老難陀於世
尊所客作求報為彼五百諸天姪女
行於梵行

尔時世尊作如是念此等比丘未知
難陀諸漏已盡還依昔日未漏盡時

猶故唱言長老難陀為彼諸天五百
婬女行於梵行我恐彼等多獲罪過
然我今者可於衆中宣揚顯說長老
難陀漏盡事也

尔時世尊以如此等因緣事故集聚
一切諸比丘僧既聚集已而告之言
汝諸比丘若有人言好男子者難陀
比丘即其人也若言端正亦即難陀
比丘是也大壯人者難陀比丘亦其
人也

若言身體細軟弱者亦復難陀比丘
是也若言有人諸根寂靜不散亂者
亦復難陀比丘是也

若有人言於諸飲食知節量者亦復
難陀比丘是也

若有人言初夜後夜不睡眠者今亦
難陀比丘是也

若言三族清淨生者亦即難陀比丘
是也若有人言得六通者此亦難陀
比丘是也若言得八解脫定者亦復
難陀比丘是也

尔時世尊告比丘僧作如是言汝諸
比丘於我聲聞弟子之內調伏諸根

難陀比丘取為第一

時諸比丘而問佛言如是世尊其彼長老難陀比丘往昔之時有何善根因彼善根生於釋種甚大富貴豐足資財其人身體端正可意世尊今日復記去我聲聞弟子調伏諸根寂第一者難陀比丘即其人也作是語已佛告彼等諸比丘言汝諸比丘我念往昔九十一劫時有一佛出現於世名毗婆尸多他竭多阿羅呵三藐三佛陀如來應供正遍知明行足善逝世間解無上士調御丈夫天人師佛世尊於彼世界王所居住彼有一城名睺徒摩位於時彼佛依彼城住有諸比丘六千人俱皆阿羅漢時有一王名曰睺頭摩供養彼佛及比丘僧尊重恭敬所謂衣服卧具飲食及諸湯藥房舍之具無所乏少

尔時睺頭摩伍城內有一種姓婆羅門子而彼童子營造温室請佛及僧洗浴供養其婆羅門種姓童子見諸比丘從温室出身體清淨甚大香潔無有臭氣見已心生歡喜踴躍遍滿

其體不能自勝心發是願願我來世
常得如是清淨无垢不腥臭身當似
如是比丘僧等清淨香潔无臭之身
又於後時毗婆尸佛多他伽多阿羅
呵三藐三佛施入般涅槃其王脬頭
為彼世尊所有舍利取四種寶為造
塔廟所謂金銀琉璃頗梨時彼種姓
婆羅門子檢校經營當造彼塔既造
塔已心作是願願我來世恒常值遇
如是世尊彼所說法願我領解悉得
證知莫背彼法生生世世不入惡道
而彼童子命終之後恒生天上或生
人間於後一生生一大富長者之家
父母養育隨時長大意智漸漸皆得
成就

今時童子其家恒有一辟支佛為作
門師數數至家彼辟支佛可意端正
具足三十大丈夫相而彼童子恒
以四事供養供給彼辟支佛盡其二
形无所乏少其辟支佛盡其住世然
後涅槃

尔時長者見辟支佛命終涅槃即取
彼身如法闍毗收取舍利起塔供養

以泥塗飾復以石灰重塗其上以莊

嚴故懸諸種種寶珠瓔珞發是願言

願我未來恒值如是辟支世尊而彼

世尊所說之法聞已領解永不忘失

生生世世不墮惡道亦願我身端正

可意見者歡喜身有三十大丈夫

相具足無減如此大仙等無有異而

彼長者捨身命終後更不曾生於惡

道恒生人天久久流轉於後復生波

羅捺國彼時有王名吉利尸隋言以瘦細

為彼子於小之時乃有一佛出現於

世名曰迦葉多他伽多阿羅訶三藐

三佛陀然彼世尊隨其住世滅度已

後吉利尸王統以七寶為造塔廟所

謂金銀頗梨琉璃及赤真珠珊瑚馬

瑙其實塔外更以鹿搏重覆其上其

塔高峻至一由旬東西縱廣各半由

旬為作銘記名曰達舍婆陵迦隋言相

今時吉利尸王所生七子僉白王言

善哉大王當知我等欲於迦葉多他

伽多阿羅訶三藐三佛陀舍利塔上

各各奉施一大傘蓋以覆其塔善哉

大王願垂聽許王告之言任隨汝等

我今聽造

尔時彼等諸七王子各以一寶造其一蓋覆其塔上或造金蓋或造銀蓋乃至或造瑪瑙等蓋其七子内第二王子造其金蓋以覆塔上心發是願願我來世恒值如是辟支佛尊彼所說法願我領證永不忘失生生世世不墮惡道所生之處願得猶如金色之身

尔時佛告諸比丘等汝諸比丘若有心疑於彼膝頭摩城之内婆羅門子供養彼佛及比丘僧温室洗浴心發是願願我來世當得似此比丘僧衆清淨无垢香潔之身於毗婆尸多伽多阿羅訶三藐三佛施滅度之後造塔供養之童子者汝等比丘莫作異見此即難施比丘是也

汝諸比丘汝等若有疑彼長者一形供養彼辟支佛滅後復以舍利起塔供養塗治及以石灰種種莊飾及諸璽珞供養彼塔心作是願願我來世如此辟支端正可意觀者无厭身有三十大丈夫相具足無減如此仙

人蓋是誰也汝諸比丘莫作異見此亦難施比丘是也

汝諸比丘汝等若有心疑於彼波羅捺城吉利尸王第二之子為彼迦葉多他伽多阿羅訶三藐三佛施造作金蓋以覆塔者莫作異見此亦難施比丘是也

然此難施以於往昔毗婆尸佛及比丘僧為作温室如法洗浴因發是願願我來世當得如是清淨香潔无垢之身如此比丘清淨无垢又復供養辟支佛尊尊滅度後起舍利塔以泥塗治石灰嚴飾并以瓔珞而在校之心作是願願我來世如是端正如是可意身有三十大大丈夫相具足無減如此仙人復於迦葉多他伽多阿羅訶三藐三佛施滅度之後造舍利塔純金造蓋以覆其上心發是願願我來世所生之處身恒金色藉彼葉綠今成如此可喜端正觀者无厭金色之身復有三十大大丈夫相皆悉具足元有缺減於彼之時復起心願願我來世身生

惡道藉彼業報不曾生於惡道之內
恒得生於人天道中

復於彼時毗婆尸佛多他伽多阿羅
訶三藐三佛隨造塔之時撿校經紀
於辟支佛復以四事盡形供養藉彼
業報因緣力故今得生於釋種之家
又於今時心發是願願我來世常得
值遇如是世尊或勝此者然彼世尊
所有法教願我聞已速得證解藉彼
業報因緣力故今得值我即於我邊
而得出家及具足戒我復授記告諸
比丘若知於我聲聞弟子調伏諸根
寂第一者難隨比丘即其人也
汝諸比丘汝等須知難隨比丘昔日
造作如是善根藉彼善根今得生於
釋種之家身有金色具足三十大
丈夫相現得出家受具足戒得羅漢
果復得授記作如是言若欲知我聲
聞弟子調伏諸根寂第一者所謂難
隨比丘是也

佛本行集經婆提唎迦等因緣品第五十六
余時提婆達多釋種童子見諸五百
釋童子等捨家出家心發是念我今

亦可於世尊所捨家出家作是念已
至父母邊白如是言善哉父母我今
發心將欲佛邊捨家出家願垂許我
作是語已父母即告提婆達多釋童
子言我等今者作是思惟我等須依
提婆達多提婆達多復須依我既如
此者隨汝意樂當作是事

今時提婆達多童子身著上妙无價
衣服乘車勝爲從迎毗羅婆蘇都城
欲出城外於城門頽爲鈎所掛衣裳
破裂於彼之時有一解相大婆羅門
在邊而見其彼見已記此童子所覩
之事必當不成

今時童子提婆達多即出城已詣向
佛所頂礼佛足却住一面而白佛言
唯願世尊放我出家

今時世尊正念觀彼提婆達多前後
事業知其心行觀已即告提婆達多
作如是言提婆達多汝今慎莫捨家
出家但當還家在家修道持諸財錢
以用布施作諸功德於我法中不須
出家

今時童子提婆達多被佛訶已復至

長老舍利弗邊而白之言聖者舍利
弗與我出家今時長老舍利弗問提
婆達多作如是言提婆達多汝曾先
至佛邊已不提婆達多報言聖者我
先已曾至佛邊也

今時長老舍利弗言提婆達多世尊
向汝作何言說提婆達多語舍利弗
如是聖者世尊語我汝莫捨家而出
家也但當在家行其布施作諸功德
若其在我法中出家汝無利益

今時長老舍利弗作如是念世尊今
者既不聽彼於法出家我今若放彼
出家者是我不善如是念已遂即告
彼提婆達多作如是言提婆達多如
世尊教汝必應當作如是事

今時童子提婆達多被舍利弗之所
發遣復詣長老目犍連邊到已頂禮
却住一面而白之言大目犍連唯願
聖者與我出家

今時長老目犍連遂復告彼提婆
達多作如是言提婆達多汝曾於先
至佛邊不提婆達多報言聖者我已
於先至佛邊也

於時長老六目捷連尋復告彼提婆
達多作如是言世尊語汝有何事意
提婆達多復報之言世尊語我汝莫
於此捨家出家但當如法在家修道
以財布施作諸功德不須於我法中
出家若出家者於汝无益

今時長老六目捷連亦復報彼提婆
達多作如是言如世尊教汝必應當
作如是事

今時提婆達多既被目連不許出家
復詣長老六迦葉所乃至略說念如
前事次復詣於迦旃延邊

次復至於優樓頻螺迦葉之邊次復
至於長老那提迦葉之邊

次復至於長老優波斯那之邊及至
摩訶俱鄰羅邊摩訶孫陀離波多邊
悉皆不許既不許已方乃詣向長老
優波離波多邊頂礼優波離波多足
却住一面

今時提婆達多釋耆童子復從優波
離波多邊請乞出家然其長老優波
離波多復問之言提婆達多汝應於
先往到佛所提婆達多報言聖者我

尔時長老優波離波多作如是言汝
至佛邊語汝何事提婆達多作如是
言世尊語我汝莫於此捨家出家但
當在家如法修道以財布施作諸功
德不須於我法中出家若出家者於
汝無益

佛本行集經卷第五十七

癸卯歲高麗國大藏都監奉
勅彫造

佛本行集經卷第五十八

其

隋天竺三藏闍那崛多譯

婆提唎迦等品中

尔時長老優波離波多作是思惟世尊今者既不聽許彼人出家我若輒尔放出家者是不善如是念已尋即告彼提婆達多作如是言如世尊教汝必應當作如是事

提婆達多如是次第處處至於大德上座諸比丘所而諸大德上座比丘亦皆語彼提婆達多作如是言世尊既有如此之語汝必應當作如是事尔時提婆達多所至之處皆不許已還乘白象向迦毗羅婆蘇都城還於家内

於時阿難釋種童子初見五百釋童子等悉得出家便作是念我於今日亦須捨家至於佛邊而求出家如是念已至父母邊而自言曰我今意欲捨家徃至佛邊出家唯願放我而出家耳

尔時阿難所生之母本於佛邊无有

淨心所以者何世尊在家為菩薩時
其阿難母既見菩薩功德巍巍威力
顯赫遂於菩薩生其染心說於種種
邪異之言

尔時菩薩但以彼親是其姨母於此
言說默然無答以是因緣故於菩薩
無有淨心無淨心故恒常不放已子
阿難捨家出家

尔時提婆達多聞他人說阿難意欲
捨家出家然其父母不聽出家提婆
達多詣阿難所問言阿難汝心實欲
捨家出家父母頗曾不聽已不阿難
報言提婆達多實如所語今者不知
作何事業令得父母放我出家得成
比丘受具足戒

尔時釋子提婆達多謂阿難言汝後
若知父母許汝捨家出家必語我知
我當共汝俱時出家阿難尋報提婆
達多作如是言如汝所論我不違也
尔時阿難作如是念我之父母決不
聽我捨家出家作是念已即在其家
取五百枚波剎沙般私往至於毗提
耶國而彼聚落有長者是其父王

舊日知識將此五百波利沙般以相
付囑而語之言今以此錢付囑於汝
為我食直我若須食而來此者必將
此錢為我買食當至之時汝亦不須
問我來所但我到此汝必當知須食
故來作是語已至於空閑阿蘭若處
受无語戒行住坐卧默然不言須食
之時默然來至寄錢之家寂靜而坐
默受飲食食訖還復默然而去

時彼聚落所居諸人數見阿難釋種
童子默然行住去來坐卧見已問言
仁者是誰今時阿難亦不言語以報
彼人還復如本默然而去

時彼人輦各相謂言此之仙人應是
毗提耶國而出作是語已為其立名
稱為毗提耶國仙人

今時阿難父母聞人說如此語阿難
從此逃遁往至毗提耶國城邑聚落
受不言戒行仙人行而得成仙聞已
即遣使人往至謂言子子汝若決定
不住家者但來向此於我釋種童子
之邊而出家耳

今時阿難遂即還來往語釋種提婆

達多作如是言提婆達多汝今當知
我之父母今已放我而出家也

提婆達多復問阿難汝今意欲誰邊
出家阿難報言我今意欲佛邊出家
提婆達多復言我昔已至佛邊而求
出家為佛不許我出家也

阿難復言當至聖者舍利弗邊求請
出家提婆達多復作是言彼人亦不
與我出家如是乃至摩訶目犍連摩
訶迦葉大迦旃延優樓頻螺迦葉鄰
提迦葉伽耶迦葉優波斯鄰摩訶俱
鄰羅摩訶專陀優波離波多有如是
等大德上座諸比丘輩悉皆不許聽
我出家

阿難復問提婆達多作如是言提婆
達多如汝意者欲何處去提婆達多
報言阿難我所去處不令人識阿難
復言我亦隨從提婆達多如是意趣
尔時多有大威勢力釋種童子家別

一人佛邊出家時迦毗羅婆蘇都城

有二兄弟小者名曰摩屈樓陀

舊作阿
屈樓陀

大者名曰摩訶鄰摩摩屈樓陀久種
善根修解脫面向涅槃背於煩惱

不欲生於一切有中欲於此世在三
界內當取漏盡已曾積集大功德聚
故生於彼釋種家內自生彼家其家
生業漸漸增長所謂錢財諸穀麥等
真珠琉璃珊瑚帟魄諸璧玉等及以
金銀二足四足皆悉備有地下復有
五百伏藏自然顯現其在卧床眠息
睡時乃有諸天將五百種无價珍寶
置於床上其人眷屬見如是等希有
之事共相議言此之童子睡眠之時
諸天乃將无價寶物以覆其上是故
我等須立名為摩尸樓陀

然彼童子可喜端正觀者無厭身體
黃白猶如金色其頭形狀似如傘蓋
鼻隆高滿如鸚鵡喙兩脰臚停下垂
過膝身體縱廣上下齊等諸根具足
无所缺減然其父母為置四種阿姊
看視所謂抱者又洗浴者飲飼乳者
伴遊戲者其四姊母養育瞻視漸至
長大智慧成就復見行步東西馳走
及至堪事教授家業種種技藝所謂
書竿造印音樂歌舞戲笑嘲謔滑稽
趨踰嬉冶造摩尼寶染衣裁衣和合

諸香綵畫花葉及諸形像圍碁六博
搏菹等戲造作文章象伎馬伎及以
車伎弓射之術俯仰容儀搗力出壯
按摩等伎起梁賭走調象擲冒修治
園圍行來入出知解吉凶細行竊密
破餘軍陣自把其拳他壁不得踰地
正立人推不動理髮梳頭操刀斫斷
鑽穿等事劈裂木石射准不差乃至
毛髮射人支節放箭尋聲牽弓挽彊
如是諸技志皆明達成就具足無不
解者意智深遠精神迅疾心慮巧妙
黠慧聰明

然彼童子至於一時隨從其父檢校
田作及以生資既至彼處腹中渴乏
其以渴故徃至水邊掬水欲飲其水
變成天漿美味今時其父遮不聽飲
唱言子子莫飲此水或恐令汝身體
不安

今時童子摩肩婁隨嘗此水已而白
父言尊者此水甚大甘美其父不信
時彼童子以手掬水即奉其父口作
是言爺若不信願嘗此水其父於是
嘗此水已報言子子我雖生在王宮

之內未曾得此妙甘美水作是語已
心生喜悅為未曾有而自口言希有
我子大有福業從生已來所作飲食
色香味具倍勝他許

尔時彼兄摩訶那摩若見若嘗彼之
飲食即生妬心而口說言何故如是
香潔美食唯與小弟而不與我

尔時其母知有此語告言子子汝知
不乎從來為此摩尸婁陀所造飲食
恒常十倍勝他人許摩訶那摩猶故
不信

又於一時摩尸婁陀遊戲園林在彼
園內往遣使人從母索食而告使言
往我母所令送食來於時彼母以盤
置食將杞覆蓋先示大子摩訶那摩
然後遣使往送彼食將至摩尸婁陀
之所摩尸婁陀亦看此食其食色香
信即加勝亦於諸器悉皆盈滿雖復
如此摩訶那摩猶故不信而口說言
雖知家內所將好惡誰知不於諸眷
屬家備辦送去

又至一時摩尸婁陀復在園林觀看
遊戲又遣使人啓白母言願遣使人

送食來此其母尔時取諸空器安著
豚上以巾覆蓋先示大兒摩訶那摩
然後始送復告之言汝自隨看應知
虛實摩訶那摩聞此語已即隨豚去
往至摩尸婁陀之邊彼既見已一切
諸食色香美味皆悉充滿

尔時釋子摩訶那摩見是事已心生
喜悅口言希有未曾見也我弟如是
有大福德

摩尸婁陀漸至長大年盛壯已於是
父母為作三堂一擬冬坐二擬春秋
三擬夏坐擬冬坐者唯備暄燠擬夏
坐者唯備清涼擬春秋者唯備和適
其所居堂无別男子唯擬一人受五
欲樂具足自恣隨意居止

尔時童子摩訶那摩作如是念今於
釋種諸童子中有大勢者悉各家別
一人出家我今家内無出家者唯我
應當捨家出家若不尔者須遣我弟
摩尸婁陀而出家也摩訶那摩作是
念已便即詣向摩尸婁陀釋童子邊
到已告言摩尸婁陀我等釋種有勢
力者悉各家別一人出家我等家内

無出家者我今思惟或出出家或或出家

今時釋種摩尸婁陀啓白其兄摩訶
那摩釋童子言摩訶那摩汝自出家
我不能去摩訶那摩復告彼言摩尸
婁陀若如此者我今爲汝家業之事
凡生活法先犁其地然後磨治次復
除其瓦石株棘方下種子下種子已
若元天雨依時溉灌依法鋤治然後
待熟收刈料理貯入倉窖作如是已
至於來年還復如此次第造作乃至
年年不得休息

今時童子摩尸婁陀啓白其兄摩訶
那摩釋童子言若如此者我家作業
不得窮盡亦无盡時如此作業既無
盡日何時當得於此三堂受五欲樂
今時童子摩訶那摩復語其弟摩尸
婁陀作如是言摩尸婁陀作業之事
理不可盡亦无盡日我等父母憐惜
祖宗造作事業亦復如此未見盡時
而命終也

今時童子摩尸婁陀復語其兄摩訶
那摩作如是言若知作業不可窮盡

不知盡時我之父母亦復恹惜祖宗
作業未知盡時而取命終如是不虛
我今思惟摩訶那摩應須在家管理
家業我欲捨家出家修道

尔時童子摩且婁陀詣父母邊白言
爺孃我欲捨家於如來邊求請出家
願垂許我於如來邊而出家也

尔時父母告彼小兒摩且婁陀當知
我等唯有二子於汝二子大生憐愛
不離心首若暫不見心懷憂惱假使
我死猶望共汝不相離別况復我今
生平存在聽許於汝而出家也如是
再請乃至三請去我欲於如來法中
捨家出家願垂父母聽許我也

往昔菩薩從家出家修梵行時輸頭檀
王為菩薩故憂惱所逼聚集釋種諸
眷屬等而告之言諸眷屬輩汝等須
知我子志遠既出家已我亦不欲處
其王位亦復不用戴此天冠汝等誰
能受三位者我當委付并即灌頂授
與天冠

尔時象內有釋童子其人名曰婆提
唎迦其母名曰黑瞿多弥而白王言

我能受此王位及冠

今時輸頭檀王及諸釋種一切眷屬
即將王位及以天冠付與釋童婆提
唎迦而灌頂之從今已後婆提唎迦
釋種童子即作釋王其諸眷屬号为
釋王婆提唎迦然彼釋王婆提唎迦
受王位後經十二年如法治化而彼
釋種諸眷屬等本有要誓者有誰得
首戴天冠而為王者彼人當為一切
釋種諸眷屬等造作百味餽饌飲食
其王舊日與彼釋種摩尸婁陀少小
拊虛共為伴侶設會之時口勅喚彼
摩尸婁陀作如是言摩尸婁陀汝佐
助我先當供給諸眷屬訖然後我當
與汝共食摩尸婁陀答曰釋王婆提
唎迦作如是言如王今勅不敢違也
時彼二人共設釋種諸眷屬已然後
共食食已即留摩尸婁陀在宮止宿
余時釋王婆提唎迦過彼夜已天欲
曉時身自問彼摩尸婁陀作如是言
摩尸婁陀安眠已不摩尸婁陀而報
王言我於夜眠不得安隱王復問言
何故尔也

摩尸婁陀復報王言我夜腹痛又患寒熱三復問言何故然也

摩尸婁陀復報三言於彼飲食味不調適是故當時我患腹痛其所卧褥當織之時其彼織師身患寒熱是故我亦著寒熱病於時釋王婆提唎迦喚造食人而問之言汝當造作百味食時其食諸味為有增減為調適也其造食人而報王言如是大王其味稍多其味如少我於今時作事蒼忙不得如意事事檢校我佐助人不解用心志捉和雜

今時釋王婆提唎迦復喚織師而問之言汝當為我織被褥時何故不精織師報言如是大王我當織時著寒熱病大王復遣使人催促我於今時寒熱未差畏王瞋故急織而送是故我織不及精妙今時釋王婆提唎迦生希有心未曾有心如此之事不可思議又作是念希有希有摩尸婁陀乃有如此勝妙智慧

今時釋王婆提唎迦告釋童子摩尸婁陀作如是言摩尸婁陀從今日後

汝於我邊有所須者汝莫自來但遣使至我不相負

尔時釋童摩及婁陀其母念言今此釋王既與我子少小拊摩同志善友其人決定不應出家作是念已即喚已子摩及婁陀作如是言摩及婁陀若彼釋王婆提唎迦捨家出家汝於尔時當出家也

尔時釋童摩及婁陀聞是語已詣向釋王婆提唎所於時釋王婆提唎迦從宮而出在那吒迦

隋云以歌說吉事

喜樂之

會觀看而坐

尔時釋童摩及婁陀作如是念我今若入婆提唎迦釋王之會必當妨他觀看遊戲作是念已便坐門頰待那吒迦喜樂會訖然後欲入

尔時釋王婆提唎迦觀看此會正喜樂時會中有一音聲婦女手彈箏篴當尔筵篴後有一絃斷其彼婦女尋即還續而那吒迦喜樂會中无人覺者唯有釋王婆提唎迦一人獨知摩及婁陀在於門頰亦知此事

尔時釋童摩及婁陀見那吒迦喜會

欲訖方始往詣婆提唎迦釋王之所
到已將手抱釋王項然後却坐在於
一面

尔時釋王婆提唎迦告釋童子摩尼
婁陀作如是言摩尼婁陀我於已前
可不告汝若有所須身莫自来但遣
使索我不相負今日何容身猶自至
摩尼婁陀而報王言婆提唎迦此事
如是不可遣人能辦斯事

尔時釋王復問釋童子摩尼婁陀作如
是言摩尼婁陀所言辦者事云何也
為當由汝為當由我摩尼婁陀復報
王言此事由我亦關於王婆提唎迦
復作是言若關於我汝應即辦摩尼
婁陀復白王言大王當知我意將欲
捨家出家如此之事必關於汝婆提
唎迦報釋童子摩尼婁陀作如是言
摩尼婁陀汝今若欲捨家出家必關
我者我當放汝汝於我邊勿生疑慮
若欲出家隨汝意願

尔時釋童子摩尼婁陀啟白釋王婆提
唎迦作如是言汝今當須共我出家
何以故我之父母先語我言摩尼婁

施若彼釋王婆提唎迦捨家出家汝亦隨彼而出家去時彼釋童摩尸婁施復見釋王婆提唎迦在於大眾作是實語摩尸婁施汝今若欲捨家出家既聞我者我不相違任隨汝去當於彼時諸釋種等復皆實語是故請王同共出家

尔時釋王婆提唎迦告彼釋童摩尸婁施作如是言若必然者且住十年我之家業事得了辦辦已然後當得共汝捨家出家

尔時釋童摩尸婁施復白釋王婆提唎迦作如是言婆提唎迦莫作是語我今不能待至七歲所以然者婆提唎迦七歲久遠誰知我等其間或有出家障闕婆提唎迦復語釋童摩尸婁施作如是言摩尸婁施汝且待我六年之內備辦家事然後共汝捨家出家摩尸婁施復白王言婆提唎迦汝於今者莫作是語我亦不能待至六年所以者何六年久遠誰知我等中間儻有出家障闕婆提唎迦復語釋童摩尸婁施作如是言摩尸婁施

若不然者且聽待我於五年內備辦家業乃至四年三年二年摩尸婁陀皆悉不肯時王復言若必然者且待我於一年之內辦諸家業然後乃當共汝出家摩尸婁陀猶白王言婆提唎迦我不能待乃至一年所以者何一年尚久誰知我汝儻有障闕

尔時釋王婆提唎迦復告釋童摩尸婁陀作如是言摩尸婁陀若必然者且當待我於六月內辦諸家業乃至三月二月一月摩尸婁陀悉皆不肯尔時釋王婆提唎迦復告釋童摩尸婁陀作如是言摩尸婁陀若必然者且聽待我七日七夜辦諸家事然後共汝捨家出家摩尸婁陀即白釋王婆提唎迦作如是言善哉善哉婆提唎迦任汝意作我待汝至七日七夜尔時世尊住在阿奴弥迦耶聚落其王於彼七日七夜營辦家事所謂璆瑠以自嚴身至於園內受五欲樂喻如有人欲至他家赴大賓會沐髮洗振璆瑠衣服莊校其身然後始往至他家內其彼釋王婆提唎迦欲至園

中遨遊戲樂亦復如是

今時復有一釋童子名跋活婆

隋言多眉

又一釋童名宮毗羅又一童子名難

提迦復有釋童名曰阿難有釋童名

提婆達多亦如前者莊嚴其身皆悉

如上彼諸童子相共著諸衣服瓔珞

復將一好剃除髮師嚴四兵已出迦

毗羅婆蘇都城詣向阿奴弥迦耶聚

落於時釋三婆提喇迦有物價直三

百兩金一百兩金以為衣直一百兩

金為瓔珞直一百兩金嚴鞍馬直其

彼童子摩尼婁陀亦復如是諸釋童

子跋活婆宮毗羅難提迦阿難陀提

婆達多有如此等各各亦有寶物價

直三百兩金乃至充用嚴鞍馬直彼

諸童子寶物價直合有二千一百兩金

今時彼輩諸釋童子出迦毗羅婆蘇

都城各各下馬解身瓔珞皆投與彼

剃除髮師而口各言此諸瓔珞皆以

與汝為資主奉汝當受用以為活命

生業之基更莫餘求付瓔珞已詣向

阿奴弥迦聚落

時剃髮師作如是念是諸釋種威猛

熾盛謂言是我將諸童子逃走東西
以是因緣當恐彼來逼切於我彼諸
童子既吐此物我云何食我今不得
受此諸寶彼既如是豪富熾盛有大
威勢猶捨无量資生財寶王位之事
捨家出家況我今者何故不從彼剝
賤師作是思已將彼瓔珞財寶之物
懸著樹枝作如是念若有見者任取
此物終不為盜私自念已詣向諸釋
童子之所而彼諸釋童子遙見剝賤
師來而告之言汝今何故不歸家也
時剝賤師報諸釋童作如是言諸聖
子輩我今私自作如此念諸釋強盛
有大威德有大力勢謂言我將諸釋
童子東西逃走以是因緣當恐逼切
我之身命汝之童子既吐此物我今
云何方欲食之如我今者不受此物
何以故諸釋強盛有大力勢猶故出
家况我今者而不出家以此因緣我
不歸去

今時釋種諸童子等聞彼語已而語
之言汝今快作如是思惟作是念已
而不還家所以者何如汝所言我諸

釋種威嚴熾盛必有此語將我童子
逃走不疑既有此語彼定應來逼汝
身命

今時諸釋童子等輩共剃髮師詣向
佛所到佛所已頂礼佛足却坐一面
而作是言世尊今者願放我等捨家
出家及受具戒復白佛言世尊欲與
我等出家先當度此剃除髮師於前
出家何以故此剃髮師長夜勤苦供
奉我等不曾有失是故於先與彼出
家及受具戒彼出家已於後方與我
等出家及受具戒故令我等先當礼
此剃除髮師起動迎逆合掌恭敬示
現尊重所以者何我等諸釋憍慢貢
高今因此人令我諸釋迴意捨除憍
慢之心

今時世尊既先度彼剃除髮師及受
具戒然後次與婆提唎迦釋王出家
受具足戒自餘各各次第出家及受
具戒於時阿難提婆達多二人猶故
不得出家從世尊所迴還至於雪山
之下時彼山下有一長老姓跋耆瑟
吒名曰僧伽其人修行已住三果成

就四禪恒常依彼雪山而住

尔時跋耆瑟吒僧伽見阿難等二人
來至逆慰之言諸釋童子何因來此
時彼二人而報之言我等今者樂欲
出家故來於此善哉聖者願度我等
令得出家

尔時跋耆瑟吒僧伽不曾觀察提婆
達多童子之行不練其智即令二人
捨家出家及受具戒長老阿難出家
未久在於空閑坐禪思惟遂作是念
若優波陀今必許我至佛所者我今
亦須自見世尊時彼阿難作是念已
於晨朝時從房而出往詣向彼跋耆
瑟吒僧伽之所頂礼其足却住一面
住一面已而白長老跋耆瑟吒作如
是言婆檀多優波陀我今意欲往見於
佛聽許以不
尔時跋耆瑟吒僧伽報彼阿難作是
言曰阿難汝今若知時者往向佛邊
到佛邊已汝當為我頂礼佛足為我
通傳問訊世尊少病少惱身安以不
起居輕利行來化導不損德也身體
氣力勝常以不

佛本行集經卷第五十八 第五十八
今時阿難聞優波隨作是語已而白
之言如優波隨不敢違教遂即頂礼
跋哪瑟吒僧伽脚足圍遶三匝辭別
而去

佛本行集經卷第五十八

癸卯歲高麗國大藏都監奉
勅彫造

佛本行集經卷第五十九

基

目次三藏闍那崛多譯

婆提唎迦等因緣品下

尔時長老提婆達多見其阿難徃向
佛所而告之言長老阿難欲何處去
尔時阿難而報之曰我於今者欲徃
見佛尔時長老提婆達多報阿難言
阿難汝今若必然者少時相待我亦
欲徃諮優波陀共汝相隨俱徃佛處
尔時提婆達多即至跋耆瑟吒僧伽
之所頂礼其足却住一面而白之言
我今意欲徃見於佛唯願尊者慈愍
聽許

尔時長老跋耆瑟吒僧伽報彼提婆
達多作如是言汝若知時徃至佛所
為我通傳頂礼佛足問訊世尊少病
少惱身安以不起居輕利行來化導
不損德也身體氣力勝常以不提婆
達多報彼跋耆瑟吒僧伽作如是言
如尊者教不敢違背遂即頂礼圍遶
三匝辭退而去

尔時阿難與彼長老提婆達多二人

相隨發雪山下往向佛所到佛所已
頭面礼足却住一面

尔時長老提婆達多白佛言世尊我
昔求請如来出家如来而不與我出
家如来今日可不見我得出家耳

尔時佛告提婆達多作如是言提婆
達多汝為何事而出家也願汝得已
莫有背也

時諸比丘俱白佛言希有世尊世尊
往昔恒常教彼提婆達多為利益事
提婆達多今反投佛以為怨讎作是
語已佛告諸比丘作如是言汝諸比
丘非但今日我教彼人提婆達多為
利益事反為其人以為怨讎過去世
時亦復如是教我利益反怨於我時
諸比丘白佛言世尊此事云何願為
論說

尔時佛告諸比丘言我念往昔久遠
世時於雪山下有二頭鳥同共一身
在於彼住一頭名曰迦嚩荼鳥一名
優波迦嚩荼鳥而彼二鳥一頭若睡
一頭便覺其迦嚩荼又時睡眠近彼
覺頭有一果樹名摩頭迦其樹華落

風吹至彼時覺頭邊其頭今時作如是念我今雖復獨食此華若入於腹二頭俱時得色得力並除飢渴而彼覺頭遂即不令彼睡頭覺亦不告知默食彼華其彼睡頭於後覺時腹中飽滿咳嗽氣出即語彼頭作如是言汝於何處得此香美微妙飲食而噉食之令我身體安隱飽滿令我所出音聲微妙彼頭報言汝睡眠時此處去我頭邊不遠有摩頭迦華果之樹當於彼時一華墮落在我頭邊我於今時作如是念今我但當獨食此華若入於腹俱得色力並除飢渴是故我時不令汝覺亦不語知即食此華今時彼頭聞此語已即生瞋恚嫌恨之心作如是念其所得食不語我知不喚我覺即便自食若如此者我從今後所得飲食我亦不喚彼覺語知而彼二頭至於一時遊行經歷忽然值遇一箇毒華便作是念我食此華願令二頭俱時取死于時語彼迦嚩唎言汝今睡眠我當覺位時迦嚩唎聞彼優波迦嚩唎頭如是語已便即

睡眠其彼優波迦嚩唎頭尋食毒華
迦嚩唎頭既睡覺已咳嗽氣出於是
即覺有此毒氣而告彼頭作如是言
汝向覺時食何惡食令我身體不得
安隱命將欲死又令我今語言廢盡
欲作音聲障導不利於是覺頭報彼
頭言汝睡眠時我食毒華願今二頭
俱時取死於時彼頭語別頭言汝所
為者一何太率云何乃作如是事也
即說偈言

汝於昔日睡眠時 我食妙華甘美味
其華風吹在我邊 汝反生此大瞋恚
凡是癡人願莫見 亦願莫聞癡共居
與癡共居无利益 自損及以損他身
佛告諸比丘汝等若有心疑彼時迦
嚩唎鳥食美華者莫作異見即我身
是彼時優波迦嚩唎鳥食毒華者即
此提婆達多是也我於彼時為作利
益反生瞋恚今亦復令我教利益反
更用我為怨讎也

尔時長老婆提唎迦既出家已即於
彼時夏三月內成就三通摩尼婁陀
得成天眼長老跋提婆長老因耆長

聖難提迦此諸人等證羅漢果阿難
復得須陀洹果提婆達多成就世間
凡夫神通

今時長老婆提唎迦得羅漢果或在
樹林或住在於空閑房室或住露地
或住在於祇陀園林晝夜三時恒唱
是言嗚呼快樂

如是
三稱

今時衆多詣比丘等詣向佛所而白
佛言世尊其彼長老婆提唎迦高瞿
弥子不樂在於世尊法中不喜不樂
恒常憶昔王位時事富貴之樂恒常
憶念如此事故或住樹下或住空房
或在露地三時唱言嗚呼快樂

如是
三稱

今時世尊喚一比丘而告之言汝來
比丘當往詣彼婆提唎迦比丘之邊
而為我語作如是言世尊喚汝其彼
比丘白言如教不敢違也即往詣彼
婆提唎迦長老之所到已告言婆提
唎迦世尊喚汝

今時長老婆提唎迦聞彼語已詣向
佛所到已頂禮却住一面

今時佛告婆提唎迦作如是言婆提
唎迦汝實不樂於我法中行梵行不

恒常憶昔三位樂不由憶彼故或在
樹下或在閑房或在露處三時唱言
嗚呼快樂嗚呼快樂如是以不
尔時長老婆提唎迦而白佛言如是
世尊如是跋耆多佛復告言汝見何
利或在樹下乃至三時唱如是言嗚
呼快樂嗚呼快樂

尔時長老婆提唎迦白佛言世尊我
昔在家治於王位刹刹灌頂七重牆
壁圍我宮殿守護我等復有象軍七
重守護復有馬軍如是七重復有車
軍及以步軍皆各七重俱被鎧甲手
執戎仗所謂弓箭刀梨矛楯金剛大
杵及大鐵棒鉏鑿鐵輪三叉鉞斧諸
戎仗等周匝遶我牆外復有七重水
漸如是守護如是障蔽猶於夜中若
聞諸聲心生恐怖不得安樂身毛皆
豎恒生慙愧諸根變動世尊我今或
在樹下或在閑房或在露處夜間種
種諸惡獸聲无有恐怖身毛不豎无
有慙愧諸根不變是故我恒獨坐思
惟心作是念我今大得利益之事今
者世尊為我大師自覺說法於彼法

中我得出家行於梵行多有禁戒攝
受於我成妙行人我於今者善得活
命善得命終是故世尊我以往昔王
位樂時及富貴時比於今日出家之
樂坐空閑樂覺觀之樂寂定之樂沙
門等樂憶念此故或在樹下或在閑
房或在露處知足少欲從他乞食身
毛不豎猶如山鹿心得自在坐卧去
住无有障碍三時唱言嗚呼快樂如
是三稱

尔時長老婆提訶迦在於佛前對諸
大衆而說偈言

我昔在於深宮裏	七重牆壁甚高峻
嚴治樓櫓及却敵	并有七重隄塹等
軍衆宿衛執戎仗	無晝无夜守護我
如是種種自防守	身意猶故不安寧
我今在於世尊前	无有一人守護我
及以在於空閑處	或在樹下山林中
如我佛子婆提迦	諸人各各相守護
行住坐卧常安樂	是故心无有攀緣
我昔宮内乘大象	身著繒綵上妙衣
食飲粳粮甘美飯	羹臠調和肉味等
今者坐卧隨意躺	空閑身著糞掃衣

捨愛拔除苦根本

欲有所行隨我意

今時世尊因此事故復說偈言

若人知命不生惱

亦即不憂是命終

若能勇猛見真諦

雖墮苦海終無怖

已斷有愛比丘等

於一切物念已斷

生死煩惱皆滅盡

如是无復有後有

今時世尊告諸比丘作如是言汝諸

比丘若知於我聲聞弟子豪貴之中

捨家出家取第一者所謂即此婆提

唎迦比丘是也

今時諸比丘白佛言世尊今此長老

婆提唎迦往於昔日造何善根今生

釋種大豪貴家乃至多饒資財產業

无所乏少復作何業承繼釋種得昇

王位復作何業便得出家受具足戒

獲羅漢果世尊復記汝諸比丘若於

聲聞弟子之中捨彼豪望而出家者

婆提唎迦最為第一

今時佛告諸比丘僧作如是言汝諸

比丘我念往昔久遠之時有一貧人

以乞自活從一城至波羅捺城至彼

城已其城所有乞人見者皆呵責言

汝從何來而至於此遂遮不聽遊行

告乞

佛本行集經卷第九 第九張裝

商

尔時彼人見有障等作是思惟我於
彼輩无有過失何故障我而乞告也
於時波羅捺城有一長者遺失銅鉢
時彼長者求覓銅鉢所在不獲因求
鉢故至餘一村時彼乞人於糞聚中
得彼銅鉢掛於杖頭將來往入波羅
捺城從街至街從巷至巷從此交巷
至彼交巷從此隅角至彼隅角口唱
是言此之銅鉢是誰之物識者收取
而彼遊歷處處東西求覓其主了不
能得既不得主便即往至付梵德王
乃至長者後聞有人從彼糞中得一
銅鉢掛於杖頭將來入彼波羅捺城
從街至街從巷至巷而口唱言是誰
銅鉢處處遊訪不知主處既不得主
便付梵德既聞是已到梵德邊到已
自言大王當知前者乞人所奉銅鉢
是我之物

時梵德王遣使往喚彼之乞人而語
之言汝於前者所送銅鉢今此長者
云是我許其事如何彼人即白梵德
王言如是大王我本不知彼之銅鉢

是誰之物在黨聚中我既得已即掛杖頭將來往入波羅捺城東西訪問不知主處以不得主遂即將來奉與大王任王所用

尔時梵德聞彼語已心大歡喜而告彼言仁者汝今欲於我邊乞何等願我當與汝而彼銅鉢還其長者

尔時彼人白梵德王作如是言大王今若必欲歡喜與我願者願王於此波羅捺城所有乞人用我為王時梵德王復告彼言今者何用與彼乞兒而為王也但當更乞諸餘好願或金或銀或索國中軍勝村落用為封邑我即與汝時彼乞人復白王言王若歡喜與我願者我今止欲得前所願王遂報言任汝所樂隨汝作耳

尔時在彼波羅捺城合有五百乞兒依住彼乞願者悉喚令集而告之言我今得與汝等為王汝等必當聽我處分時諸乞人問彼王言汝今云何處分我等令作何事時彼人言汝等相共或有捉我置髀上者或有取我而背負者自餘皆悉為我左右園遠

而行而彼五百諸乞兒輩聞彼語已
即從處分或有舉者或背負者處處
遊行所有飲食坐席之所即往彼乞
乞已將向一處分張而共食噉如是
方便多時活命

時有一人昇處獨食摩呼荼迦

隋言歡喜丸

余時乞王從其人邊棄取彼食摩呼
荼迦棄已將走其王從衆五百乞兒
逐彼王走至於遠處皆患疲乏既疲
乏已志各迴還其彼乞王身力壯健
走而不乏更至遠已迴頭望看五百
乞兒悉皆不見既不見已入一園內
取水洗手坐於一邊欲食彼食未食
之間便生悔心我今不善我今何故
於彼人邊棄取其食更復誑我隨從
人輩此食既多我食不盡若世間內
有諸聖人願知我意而來此者我即
分與發是心已有辟支佛名曰善賢
從虛空裏飛騰而來在彼人前從空
直下去其不遠其人遙見彼辟支佛
威儀庠序行步齊傳舉動得所不緩
不急見如是已於彼辟支心得淨信
得淨心已作如是念由我往昔所受

貧賤及以現在皆念不值如是福田
於如是人不行布施恭敬供養我昔
若值如是福田今日應不遭斯困頓
亦應不被他人逼切而得活命我今
將此摩呼荼食奉上仙人未審此仙
受納已不若蒙受者願我將來免此
貧賤困厄之身作是念已即將此食
摩呼荼迦奉此仙人然辟支佛有如
是法唯現神通教化衆生更无別法
時辟支佛受取彼食摩呼荼迦愍斯
人故從彼地方騰空而去其人見彼
辟支世尊騰空去已歡喜踴躍遍滿
其體不能自勝以歡喜心頂戴拍掌
遙礼彼尊辟支佛足作是礼已心發
是願願我此身於未來世恒常值遇
如是世尊或勝此者而彼世尊所說
之法願我一聞速得證解又願我於
未來世中在大威德豪族姓家為王
治化更莫在彼貧兒之內復作是願
生生世世不墮惡道佛告諸比丘作
如是言汝諸比丘若有疑於彼之
時波羅捺城乞兒之王施辟支佛摩
呼荼迦此是誰者莫作異見婆提唎

迦比丘是也時乞兒王施辟支佛摩
呼茶食因彼業果今生釋種大豪貴
族乃至資財无所乏少復於彼時作
如是願願我來世於大威德豪族種
姓為王教化因彼業報今於釋種得
受王位又時乞願願我當來生生世
世不墮惡道因彼業報不曾生墮惡
道之中恒生人天流轉往反多受快
樂又時復乞如是願言願我來世恒
值如是辟支世尊或勝此者彼之世
尊所說經法願我聞已速知速解因
彼業報今值於我而得出家受具足
戒得羅漢果我又授記於我聲聞弟
子之中豪姓出家取第一者婆提唎
迦比丘是也

汝諸比丘婆提唎迦昔造如是善根
因緣以造如是善根因故今生豪姓
釋種之家大富大貴乃至資財无所
乏少於釋種中得紹王位捨其王位
而得出家受具足戒得羅漢果故我
授記於我聲聞弟子之中豪姓出家
婆提唎迦比丘第一

其彼長老婆提唎迦乃至已得阿羅

漢果恒住蘭若乞食活命著糞掃衣
常坐不卧隨宜鋪設唯持三衣更無
畜積

至於一時依住在彼舍婆提城於阿
蘭若樹林之內時彼長老求覓諸草
及以樹葉了不能得即時求覓乾白
象糞聚以為鋪上鋪坐具結加趺坐
端身正直即得正念過於一夜
今時長老婆提唎迦於晨朝時著衣
持鉢欲往入彼舍婆提城往來乞食
於彼之時城內多有乞食諸人乞得
食已從其城出去城不遠各各別欲
食所得食

今時長老婆提唎迦遇見如是諸乞
食人從城乞食既得彼食去城不遠
別坐欲食遂往彼邊默然而住
今時一切諸乞人等作如是念此之
比丘必於我等欲有憐愍故來乞食
作是念已各各自於所食之內減取
少分與彼長老婆提唎迦

今時波斯鄰憍薩羅國其王乘騎一
大白象其象名曰一分隨利從其彼
城舍婆提出共一大白其名曰尸

利跋陀

隋言德賢

時波斯那憍薩羅國其

王遙見婆提唎迦從彼乞兒乞食而

食即告大臣尸利跋陀作如是言尸利

跋陀此何比丘乃從乞兒乞食而喫

余時大臣審更熟看婆提唎迦知是

不虛而白王言大王當知此是釋王

婆提唎迦其三即告彼大臣言若如

此者汝驅白象向彼婆提唎迦之邊

尸利跋陀聞王勅已而白王言如王

教勅不敢違也受王勅已將此白象

王乘其上詣向長老婆提迦邊

時波斯那憍薩羅國其王去彼婆提

唎迦住處不遠從其象上下礼長老

婆提唎迦礼彼足已却住一面

時波斯那憍薩羅國王啓白長老婆

提唎迦作如是言阿梨耶今者何故

乃發如是貧賤之意乃於如此貧人

等邊乞食而食

余時長老婆提唎迦告波斯那憍薩

羅王作如是言大王我今不以貧故

而從彼乞我今自有七種寶財但我

意樂從於貧人而乞食耳又欲令彼

諸貧兒輩斷貧窮故而從乞也大王

當知我已有眼但欲為彼无明衆生
開眼目故而來從乞

復次大王我今已脫一切繫縛但以
為彼貪欲瞋恚所縛衆生得解脫故
而從乞食

大王我今已度彼岸但為拔脫煩惱
淤泥所溺衆生故從彼乞

復次大王我已獲得无病之處但欲
治彼煩惱所病諸衆生故而從彼乞
時波斯那憍薩羅國其王復白婆提
唎迦作如是言阿梨耶我亦貧无七
種財寶我亦幽冥住於黑闇我亦被
於煩惱淤泥之所沉溺我今亦有貪
欲之病願阿梨耶憐愍我故唯怖數
數來至我家

尔時長老婆提唎迦告波斯那憍薩
羅王作如是言大德大王不須如此
作是語已捨王而去

佛本行集經摩尸婁陀品第五十九上

又時世尊為諸比丘演說諸法於時
長老摩尸婁陀睡眠不覺

尔時佛告摩尸婁陀作如是言摩尸
婁陀汝何於此法義之内如是睡眠

汝於此事深為不善汝起莫瞞從此
已後摩尸婁陀更不瞞卧正以多時
不得瞞故壞其肉眼唯以天眼觀世
間色

今時世尊告比丘言汝詣比丘於我
聲聞諸弟子中清淨梵行最第一者
所謂摩尸婁陀是也

又於一時摩尸婁陀數數縫綻諸衣
裳等又時五指捻持五針

今時長老六目捷連詣向其所以語
之言摩尸婁陀汝今共我遊行去來
今時長老摩尸婁陀報目連言長老
目連且住且住待我衣成

今時目連復語長老摩尸婁陀汝今
若以神通縫者願速成就若以今意
所欲成者亦願早成摩尸婁陀縫此
衣時其針縱脫今時長老摩尸婁陀
獨自唱言世間誰樂欲作功德與我
穿針

今時世尊獨在房內攝心坐禪乃以
清淨天耳聞此摩尸婁陀作如是語
聞是語已辟如壯士屈申辟頃即於
本處不現其身往至長老摩尸婁陀

住於前已取針而貫

今時長老摩尸婁陀問言是誰為我穿針佛告之言摩尸婁陀是我為汝貫穿針耳

今時一切諸比丘等傳聞此語云道世尊為彼長老摩尸婁陀以縱穿針既聞此語各各思惟世尊猶尚為彼清淨梵行之人佐助不辦况復我等何故默然不相助也因余已後諸比丘僧有所作者各各相助

時諸比丘以此因緣往詣佛所自言世尊其彼長老摩尸婁陀往於昔日種何善業今得出家受具足戒得羅漢果世尊復記言諸比丘於我聲聞弟子之中得淨天眼第一者所謂長老摩尸婁陀比丘是也

作是語已佛告一切諸比丘言汝諸比丘我念往昔過去久遠起於无量阿僧祇劫有佛出世名曰然燈如來應供正遍知明行足善逝世間解无上士調御丈夫天人師佛世尊彼佛世尊為諸比丘說法之時種種讚歎天眼之事

余時有一居士之子名曰大財來集
彼會坐於衆內聽說其法彼居士子
既聽法已作是思惟我今雖復不諮
父母捨家出家我今但可為未來世
得天眼故造諸善根作是念已備辦
脂油得其百斛於然燈佛无上正真
等正覺所然燈供養心起是願願我
來世值如是佛彼佛說法速得證解
於彼世尊聲聞弟子所有天眼願我
第一又發是願生生世世不墮惡道
余時然燈如來應供正遍知明行足
善逝世間解无上士調御丈夫天人
師佛世尊告彼居士子大財言於未
來世有佛名曰釋迦牟尼多他伽多
阿羅訶三藐三佛陀十号具足於彼
世尊聲聞弟子得天眼者汝當第一
余時佛告諸比丘言汝等比丘或有
心疑彼時然燈佛邊大富居士子大
財者此即摩丘婁陀是也

余時佛復告諸比丘作如是言我念
往昔久遠之時有一賊人於闇夜中
行在小徑欲為竊盜至於半路其鞋
網斷

今時彼處有一辟支佛舍利塔於其塔所時有一人然燈求福供養承事而彼燈油將欲盡滅其賊至彼見燈欲盡為欲續彼斷鞋網故遂盜其脂又以箭鏃挑出燈炷今時彼燈還得明熾

今時彼賊見燈明已去邊不遠續彼鞋網因彼明故得見彼塔見彼塔已遂得心淨得心淨已發如是願此塔是誰願我來世當值此塔本體世尊或勝此者若彼世尊所說之法願我聞已速得知解於彼世尊所有聲聞弟子之中得天眼者取為第一又願當來生生世世不墮惡道

佛本行集經卷第五十九

癸卯歲高麗國大藏都監奉
勅開造

佛本行集經卷第六

基

隋天竺三藏闍那崛多譯

摩尼婁陀品下

尔時佛告諸比丘言汝諸比丘彼時
賊人在於辟支佛塔之前益燈明者
其人是誰莫作異見摩尼婁陀比丘
是也摩尼婁陀往昔作於大居士子
名曰大財於後復作行賊盜人為辟
支佛舍利塔中添益燈油以清淨心
乞如是願願我來世莫生惡道由彼
業報生世不曾墮惡道中恒於天人
往反受樂而於彼時復乞是願願我
來世恒常值遇如是世尊或勝此者
彼所說法願我速解由彼業報今得
值我如是世尊復於我邊獲得出家
受具足戒而於彼時復乞是願願我
於彼世尊所有弟子之中得天眼者
我為第一由彼業報今於我法聲聞
弟子得天眼中其第一也
汝諸比丘摩尼婁陀昔有如是種種
善根由彼業力今得出家受具足戒
得羅漢果汝諸比丘我復授記於我

聲聞弟子之中摩尸婁陀寂為第一
復有一時世尊在於波羅捺城舊仙
居處鹿野苑中被時天雨長老阿難
詣向佛所頂禮佛足却住一面住一
面已白言世尊今日天雨無有飲食
當作何計令諸比丘過一日夜佛告
阿難汝莫愁也摩尸婁陀比丘現在
福力甚強今日比丘應當得過一日
一夜

尔時長老摩尸婁陀詣向佛所到已
頂禮却住一面而白佛言世尊今者
受我微供若食我食堪令一切諸比
丘等過一日夜於時世尊默然受許
尔時長老摩尸婁陀於晨朝時著衣
持鉢往至入彼彼羅捺城其入城已
未曾告乞亦更无有親舊識知當於
尔時忽然即有五百鉢食來至彼前
尔時長老摩尸婁陀尋時送彼五百
鉢食向鹿苑中即敷諸座敷設已訖
往白佛言世尊時至飯食已辦唯願
就食

尔時世尊曰在東方著衣持鉢共諸
比丘來至食堂於所敷設次第而坐

尔時長老摩尸婁隨見佛及僧次第坐已奉持如上五百金食施佛及僧忘飽滿已然後自食飯食亦訖共諸比丘詣向講堂敷座而坐

尔時長老摩尸婁隨坐已即告諸比丘言諸長老輩希有希有未曾得見如此之事乃有如此多大果報多大功德多大威勢所以者何諸長老輩我念往昔久遠之時波羅捺城有一貧人无有資財不立倉庫於彼之時波羅捺城有辟支佛依倚而住名婆斯吒當今之時其城穀貴人民飢饉乏少者多其城内外多有人死唯見白骨處處狼藉於彼之時諸出家人乞食難得以飢所逼不能脩道當尔之時彼辟支佛於晨朝時日在東方著衣持鉢入波羅捺次第乞食遍歷彼城全无所得如本洗鉢還出城去我於尔時見婆斯吒辟支佛尊詣向彼邊到已白言善哉大仙此處乞食頗得已不彼尊報我作如是言仁者我今乞食不得我於尔時復白彼尊作如是言尊者若然來至我家於時

家內唯有一升稗子熟飯我即喫彼
辟支佛尊命入舍內將彼稗飯以用
奉施時辟支佛受我施已隨意所去
我於彼時為採薪柴出至城外與尸
陀林相去不遠採取柴木彼林有一
白骨屍骸忽然起來抱我項住我於
彼時欲脫彼屍慙懃用力不能得脫
我於彼日日落西下將欲沒時抱持
死屍來入城內我入城時人見我者
而告我言咄人何故將此骨屍而入
城內我報彼言是諸人輩我今盡力
欲脫此屍了不能得汝等若有堪能
脫者當為我脫時彼人輩詳共捉此
骨屍牽挽盡力望脫亦不能得我時
漸漸至於家內望欲脫彼白骨死屍
而彼白骨悲變成金自然墮地我於
余時作如是念我以此金不可獨用
作是念已即詣向彼梵德王邊白言
大王當知我今地得伏藏大王受取
用為國寶時梵德王嘆諸左右而勅
之言汝等當須隨此人去其人指授
悉皆受取將來向此

余時左右聞王勅已即時共我來至

家內我即以金示彼使人

今時使人還見死屍白骨如故見已

謂我吐哉癡人汝不癡狂何故持彼

死屍白骨以為金也而彼使者還至

王所具說前事我於後時復至王邊

而白王言大王當知我得伏藏事實不

虛惟願大王早為納受時梵德王遂

即自往至其家內見彼金藏還是白

骨如本不異復告我言吐哉癡人汝

著癡狂何為於此白骨死屍而作金

想我復白彼梵德王言大王當知此

實金也非是屍骨如是再三作是語

已我於今時手執彼金作是誓言若

此金寶為我來作善業報者願梵德

王亦如是見作此誓已時梵德王看

此死屍還如我見金寶不異即告我

言善哉仁者汝作何等善業因緣曾

事何神供養何天供養何仙而能與

汝如是願也我於今時白梵德王作

如是言大王當知有一仙人我曾供

給此仙人食必應是彼神力所致令

我今日得是果報時梵德王而告我

言汝以造作如是善業故於今日得

此果報汝此果報無人能奪從今日

後不須疑慮隨意而用諸長老輩我

於彼時正以布施彼辟支佛一食之

業現於今時即獲果報所須資財隨

意即辦正以施彼一食之故七反生

於三十三天受其福報乃於彼處三

十三天作帝釋王復於人中而為國

王并復得作轉輪聖王治四天下為

世界主護持世間七寶具足乃至降

伏如法治化由彼布施一食果報命

終生天從天下生在於人間命盡復

得生於天上流轉如是更不難生我

所生處恒得最勝上妙宮殿若生人

間生豪貴家資財豐足乃至一切无

所乏少如在天身多受快樂下生人

間亦復如是以施一食因彼果報今

生釋種我生之日諸天下來將五百

寶衣覆我身一地下復有五百伏藏

自然現出皆以布施一食果報我之

父母為我造作三種宮殿一宜夏坐

二宜冬坐三宜春秋二時居坐以彼

施食果報因緣我既生於釋種之家

我家小時遂即日別漸漸增長所謂

穀米盈溢倉廩真珠琉璃珊瑚虎骨
金銀玉等无量珍寶二足四足無所
數之又以彼時施食果報我在園苑
我母令時欲試我故辦具空器以衣
覆蓋送來與我至其半路即有諸天
種種飲食悉滿其器彼食香美大有
氣力又以施食果報力故共父相隨
檢校田作當尔之時身患飢渴遂往
赴水掬取欲飲其水變成天妙甘露
又以施彼一食之故果報成熟今來
入此波羅捺城未曾與彼委曲相識
自然即有五百金食來於我前我受
彼食遣送林中請佛及僧供奉此食
忘令佛僧大眾充飽藉彼業報我於
四事无所乏短我施彼食果業因緣
於世俗樂亦无所乏今者出家於出
家樂亦皆具足以彼施食果報熟故
今斷生死得梵行力所有作者皆忘
已辦不受後有至无畏處至於前所
當得沮脛得涅脛已无樂無苦自然
證知諸長老輩我於彼時乃不識是
辟支世尊我若決定知辟支佛我應
尋時更求勝果求大威德應求无上

廣大果報

今時長老摩尸婁陀說前語已重說
偈言

我自思惟往昔時 依住在於波羅捺
負責賣薪柴以為業 值遇尊者婆斯吒
見已布施一食食 故生豪貴釋種姓
其名号曰尸婁陀 善解音聲復能舞
拍手歌詠諷頌等 并及一切諸技藝
我今已自知宿命 及以昔世所生處
往於三十三天上 於彼七反往來生
彼處或作釋天王 及以自在天宮內
一切隨我所造作 如是治化於諸天
復經七反作人主 灌頂成就剎利王
自在大力降伏衆 不行刀兵諸戎仗
如法治化大地中 多有无量諸珍寶
於我境界悉豐饒 所生家中大巨富
資財增長无有數 於諸人中軍為首
世間五欲志圖備 七寶諸珍无闕少
皆由我作如是業 不曾生於惡道中
今於釋種得出家 得三解脫甘露處
我為何故得出家 棄捨家業來於此
正以我獲彼利益 故來報佛世尊恩
世尊知我機熟時 為我演說无常法

若有意所幻化身

神通自來至我所

若我心中有疑惑

如是皆悉為我解

佛所說法无分別

還為我說无別法

我今得聞彼實語

如法愛樂而奉行

如是即得三解脫

即是仰報諸佛恩

我今不樂此命終

亦不愛樂此壽命

但我所受業至時

正念思惟當捨壽

我知未來生死處

衆生往來處亦知

既知此處命終已

亦知往至彼處生

毗舍離境竹林村

我於彼林當捨壽

於彼林中尉茂處

渴盡其下入涅槃

余時世尊以淨天耳過於人耳聞彼

長老摩尸婁陀說此過去這業因緣

今昔獲得如是果報復以妙偈而陳

說之間是事已讚歎欣然

佛本行集經阿難因緣品第六

又於一時長老阿難被諸梵行大德

人輩勸請令彼奉侍世尊從余已來

盡心盡力意行調適如來所說念皆

受持從如來口所聞之事或世間事

或出世事念能受持永不忘失若有

人來諮問所疑亦念能令彼心歡喜

以是因緣世尊集衆告諸比丘作如是

言汝諸比丘於我聲聞弟子之中多聞利智侍者之內阿難比丘是其人也時諸比丘白佛言世尊長老阿難於往昔時造何善根藉彼善根今生釋種大豪姓家巨富饒財大有勢力乃至一切无所乏少復以何業今得出家受具足戒得諸聖法若聞世間出世間事永不忘失若有諸人來問所疑亦总能令彼心歡喜世尊復記謂諸比丘若知於我聲聞弟子多聞智慧強記不忘取第一者此即阿難比丘是也作是語已佛告諸比丘我念往昔過去世中久遠之時還於此處波羅捺城有王治化名曰梵德彼王介時生於二子一名喜根二名婆娑奴又隋言月二子之內喜根為大其大子者本性調善賢直柔和多有慈心畏懼諸罪獸離愛有其彼王子見其城內為諸王事之所逼切縣官苦惱煞害元窮多有繫閉所謂枷鎖枷械囹圄地牢固禁斬截手足割其耳鼻挑其眼目既見此事遂作是念我之父王百年已往我身云何當治王位我今知用如

此王位欲作何事及我身命亦知何用所以者何今見一切諸衆生輩以種種苦逼切其身如我今者不如捨家出家修道作是念已詣父母邊白言父母我欲捨家出家修道

尔時父母報其子言汝身是我所受之子不離心意瞻看无厭我等寧死不能別汝我等但使身命存在終不相放如是弄過喜根童子白父母言父母當知我今必定捨家出家唯願父母哀愍許我如是數數諮請父母而彼父母遂即聽許捨家出家而告之言汝是我子如汝所樂隨汝意也尔時梵德喜根王子以其父母許得出家至於他日捨家剃髮次第修道而悟緣覺能作神通變化之事放光放水迴天動地興雲致雨如是等事皆悉能辦彼辟支佛作如是念我為何事而得出家如是之事我今已辦已得已利所作已辦我今可往本生之地憐愍父母諸眷屬故及餘衆生今作福田

尔時喜根辟支世尊次第遊行至波

羅捺至彼國已依法彼城父王梵德
菴羅林內

今時梵德傳聞他說喜根童子已成
大仙還來於此住我境界我今可往
至喜根邊顯現於彼問訊慰喻時梵
德王以大勢力嚴盛威風示現神德
從城而出有四兵衆前後圍遶

今時喜根尊者辟支遙見父來而作
是念此諸人輩梵德王等大有威力
我慢貢高我若隨宜在彼前者梵德
王等必不敬我作是念已飛騰虛空
現諸神變坐卧經行半身放烟半身
出火身上放大身下出水示現如是
種種神通

時梵德王諸目百官見彼尊者大聖
辟支飛騰虛空現諸神變彼等見已
作如是念我之童子雖捨王位今得
出家已成大仙有大威德有大神通其
心今時即大歡喜踊躍无量遍滿其
體不能自勝詣彼喜根辟支佛所王
既漸進佛復下空王到其所歡喜敬
仰時辟支佛下住地上即便坐於所
敷之座

尔時梵德到辟支邊頂礼佛足却住
一面坐一面已時辟支佛少說諸法
令王歡喜踊躍無量顯示善事

尔時大王從辟支佛聽聞法已歡喜
踊躍白辟支言善哉大仙今受我請
常住我家我為尊者當作伽藍經行
房窟四事供養心所樂者志皆辦與
若欲哀愍諸衆生故村落城邑欲行
乞食任意所行我不障導辟支佛尊
默然而受父王所請於時彼王見彼
尊者喜根緣覺默然受請即辦種種
諸供養具經行房窟四事供養志持
施與自餘須者一切辦給

尔時喜根辟支仙人為欲憐愍諸衆
生故入城乞食如此之時即得入城
其月王子曰別至於喜根仙人辟支
佛邊承事供養於諸法中心有所疑
時時往問彼辟支佛其辟支佛或被
婆奴王子所問默然不答唯於諸指
出其光炎尔時婆奴作如是念此辟
支佛大有神通而无才辯

尔時喜根尊者辟支告婆奴言婆奴
王子汝來出家汝今若其不肯出家

我定知汝命終之後必墮惡道若其
出家汝亦應當成就大仙有大神通
尔時婆奴詣向父母白如是言善哉
父母喜根仙人今已出家我今意欲
隨出家也唯願父母哀愍許我而彼
父母遂不許可婆奴王子猶故數數
至彼喜根仙人之所承事供養其辟
支佛復數語彼婆奴王子汝當出家
婆奴王子復報兄言父母今日決不
聽我捨家出家事云何也

尔時王子婆奴面上色相出現於七
日內必當命終尔時喜根辟支仙人
告婆奴言汝來婆奴汝必當須捨家
出家何以故汝熟相現於七日內必
當命終尔時婆奴至父母邊白言父
母唯願放我捨家出家

尔時喜根辟支世尊亦即詣向自父
母邊白言父母汝等當放婆奴出家
所以者何其相出現七日之內定當
命終以此因緣父母必當與彼別離
以是定故寧放出家在於法內取於
命終莫令在家取命終也父母報言
婆奴王子於七日內必取命終與我

別者我今當許捨家出家

婆奴王子當於今時即剃鬚髮著袈
裟衣其出家已於七日中供養恭敬
事彼喜根時辟支佛教授威儀過六
日已至其七日定知命終哀愍彼故
從坐而起飛騰虛空經行坐卧放烟
放火隱身不現種種神通婆奴仙人
見彼喜根辟支佛尊於虛空中現於
種種神通變化見已心生歡喜踊躍
遍滿其體不能自勝合十拍掌頂禮
向彼辟支佛尊既頂禮已發如是願
願我來世恒值如是辟支聖人或勝
此者彼所說法願我聞已悉令通解
又願我身於彼聖人得為侍者供養
彼聖又願來世得諸神通所有威力
皆如此佛若有來問我之義者我悉
為解令彼歡喜又願生生世世之中
不在惡道

今時佛告諸比丘言汝等比丘若有
心疑於彼之時婆奴王子於七日內
供養於彼辟支佛尊受教法者莫作
異見此即阿難比丘是也於彼之時
婆奴王子以歡喜心供養喜根辟支

佛故以彼業報今得生於釋種之家
而於彼邊乞如是願願我生生世世
之中不墮惡道以彼業報所生之處
不曾墮於惡道之中唯生人天流轉
往反受大快樂而於彼時復作是願
願我來世值遇如是教師聖人或勝
此者彼所說法願我一聞即得知解
以是業報今得值我如是教師又於
我邊而得出家受具足戒得諸聖法
其於彼時乞如是願願我來世若當
值遇如是教師我於彼邊得作侍者
供養彼聖藉彼業報今於我邊得作
侍者供養於我其於彼時又乞是願
我於來世得大神通得大威力藉彼
業報今得成於如是大聖得大威力
其於彼時又乞是願若有人來問所
疑者我志為彼分別解說令心歡喜
藉彼業報今日阿難有人來問心中
所疑皆悉為解令心歡喜

今時佛復告諸比丘作如是言汝諸
比丘我念往昔久遠之時波羅捺城
其城有一大富長者名曰僧薩陀那

隋言
土安

其彼長者大富饒財多有生業

猶如毗沙天王無異家中日別恒有
五百辟支佛來向其家食其時而有
一辟支佛所持之鉢下底尖小如牛
乳形其鉢所安或在草上或簾箔上
隨即傾倒不得安住彼時長者僧薩
隨部有一女子可喜端正女相具足
其女見彼辟支佛鉢傾倒不住即自
脫釧奉辟支佛而白之言唯願大仙
取此釧用安其鉢下今時彼仙為憐
愍故即取此釧用安其鉢而彼鉢盂
遂不傾動於時彼女既見此鉢更不
傾動安住釧上歡喜踊躍遍滿其體
不能自勝心發是願如此仙人鉢安
釧上不傾不倒我於來世所聞如是
若世間事出世間事忘今憶持
今時佛告諸比丘言汝等比丘若有
心疑於彼之時長者家女今為誰者
莫作異見此即阿難比丘是也由於
彼時以歡喜心自脫手釧以奉尊者
辟支仙人安置鉢器因發是願如此
仙人以鉢安釧不傾倒故願我來世
若有所聞若世間事出世間事忘皆
憶持永不忘失由彼業緣今所聞事

長老阿難比丘又時日在東方著衣持鉢往入舍婆提城乞食去彼祇樹給孤獨園猶未至於舍婆提城於其中間有一大樹名尸舍波其樹陰下多有一切諸婆羅門止息其下諸婆羅門還見阿難來欲到邊各相告言汝輩當知此是沙門瞿曇弟子於諸聰明多聞之中軍第一者作是語已阿難便至白言仁者今請觀此尸舍波樹合有幾葉余時阿難觀其樹已而報彼言東枝合有若干百葉若干千葉如是南枝西枝北枝皆言合有若干百葉若干千葉作是語已遂即捨去

余時彼諸婆羅門輩阿難去後取百數葉隱藏一邊阿難迴已諸婆羅門於是復問仁者阿難汝復來也乞更觀此尸舍波樹有幾多葉

余時阿難仰觀樹已即知如是婆羅門等所隱藏葉若干百數便即報彼婆羅門言東枝合有若干百葉若干千葉如是南枝西枝北枝亦言合有

若干百業若干千業作是語已便即過去

今時彼等婆羅門輩生希有心未曾有心各相謂言此之沙門甚大聰明有大智慧諸婆羅門以此因緣心得正信得正信已其後不久悉各出家成羅漢果

今時復有長老分部婆素

隋言長老并宿

宮毗羅

隋言故能

長老難提迦等如是三人

唯得知其出家由緒不知所生因緣之事亦不知彼於往昔時作何業也或問曰當何名此經答曰摩訶僧祇師名為大事

薩婆多師名此經為大莊嚴

迦葉維師名為佛生因緣

曇無德師名為釋迦牟尼佛本行
目沙塞師名為毗尼藏根本

佛本行集經卷第六

癸卯歲高麗國大藏都監奉

勅彫造

本事經卷第一

結

大唐三藏法師玄奘奉詔譯

一法品第二之一

吾從世尊聞如是語苾芻當知我觀
世間無別一法覆障群生馳騁流轉
生死長途如無明蓋所以者何世間
群生由無明蓋所覆障故馳騁流轉
生死長途是故汝等應如是學我當
云何修起慧明破無明蓋出貪愛網
汝等苾芻應如是學今時世尊重攝
此義而說頌曰

無別有一法覆障諸群生馳流生死途
如無明蓋者無明大愚闇由斯久流轉
彼此有往來昇沉高下趣若破無明蓋
解脫貪愛網不履生死流以無彼因故
吾從世尊聞如是語苾芻當知我觀
世間無別一法繫縛群生馳騁流轉
生死長途如貪愛結所以者何世間
群生由貪愛結所繫縛故馳騁流轉
生死長途是故汝等應如是學我當
云何修鑒慧刀斷貪愛結破大闇聚
汝等苾芻應如是學今時世尊重攝

此義而說頌曰

無別有一法繫縛諸群生馳流生死途
如貪愛結者貪愛大繫縛由斯久流轉
彼此有往來昇沉高下趣若斷貪愛縛
破大黑闇聚不處生死流以無彼因故
吾從世尊聞如是語必當當知若一
有情於一劫中流轉生死所受身骨
假使有能積聚不爛其聚高廣如王
舍城毗補羅山況彼有情無初後際
馳騁流轉生死長途所受身骨而可
測量所以者何必窮當知我說有情
於四聖諦不了知故不照見故不現
觀故不通達故不審察故馳騁流轉
生死長途受諸骨身是故汝等應如
是學我當云何於四聖諦了知照見
現觀通達審察究竟汝等必當應如
是學余時世尊重攝此義而說頌曰
一有情一切受身骨不爛其聚量高廣
如毗補羅山況無初後際久流轉生死
所受諸骨身其量而可測受是大苦聚
由不見聖諦故應修妙智正觀四真實
所謂苦聖諦苦因及苦滅能滅苦苦因
八支真聖道此補特伽羅極七有流轉

定斷一切結能盡諸苦邊

吾從世尊聞如是語必當知我
佛眼遍觀世間諸有業果皆緣心
一類有情心意所使行如是行履如
是道身壞命終如捨重擔墮諸惡趣
生地獄中所以者何彼諸有情心
意染汙由此為因身壞命終墮諸
惡趣生地獄中余時世尊重攝此
義而說頌曰
一類諸有情心意起染汙我今當
為汝記別其所生彼身壞命終如
捨於重擔必墮諸惡趣生於地獄
中應知惡慧者由心意染汙因斯
染汙故當生地獄中吾從世尊聞
如是語必當知我以佛眼遍觀世
間諸有業果皆緣心意一類有情
心意所使行如是行履如是道身
壞命終如捨重擔昇諸善趣生於
天中所以者何彼諸有情心意清
淨由此為因身壞命終昇諸善趣
生天界中余時世尊重攝此義而
說頌曰

一類諸有情心意起清淨我今當
為汝記別其所生彼身壞命終如
捨於重擔必昇諸善趣生於天界
中應知善慧者

由心意清淨 因斯清淨故當生天界中

吾從世尊聞如是語苾芻當知一切

有情皆由自業業為伴侶業為生門

業為眷屬業為依趣業能分定一切

有情下中上品是故汝等應當善知

諸業自性諸業因緣諸業品類諸業

異熟諸業盡滅趣業滅道因緣資具

苾芻汝等如我所說應正了知云

何應知諸業自性業自性者謂或

思業或思已業如是應知諸業自

性既正了知業自性已云何應知諸

業因緣業因緣者謂諸貪愛如是

應知諸業因緣既正了知諸業自性

業因緣已云何應知諸業品類業品

類者謂別品類業趣地獄身別品類

業趣傍生身別品類業趣鬼界身別

品類業趣阿素洛界身別品類業趣

人界身別品類業趣天界身如是應

知諸業品類既正了知諸業自性諸

業因緣業品類已云何應知諸業異

熟業異熟者謂於此生造作諸業即此

生中能感諸有或受未受如是應知諸

業異熟既正了知諸業自性諸業因緣

諸業品類業異熟已云何應知諸業

盡滅業盡滅者謂受滅故諸業盡滅
如是應知諸業盡滅既正了知諸業
自性諸業因緣諸業品類諸業異熟
業盡滅已云何應知趣業滅道因緣
資具趣業滅道因緣資具者謂八支
聖道即是正見正思惟正語正業正
命正精進正念正定如是應知趣業滅
道因緣資具苾芻當知諸有沙門或
婆羅門若能正知諸業自性諸業因
緣諸業品類諸業異熟諸業盡滅趣
業滅道因緣資具即能信我法毗奈
耶若能信我法毗奈耶即能入我法
毗奈耶若能入我法毗奈耶即能達
我法毗奈耶修行梵行若能達我法
毗奈耶修行梵行即能究竟正盡諸
業所以者何是諸沙門或婆羅門既
正了知諸業自性諸業因緣諸業品
類諸業異熟諸業盡滅趣業滅道因
緣資具已即於諸業能厭離滅究竟
解脫得善解脫既善解脫即能獨立
既能獨立即具善修既具善修彼身
壞已法尔無有一切施設尔時世尊
重攝此義而說頌曰

世間諸有情 居前中後際 皆屬於自業

業為其伴侶 業為彼生門 業為其眷屬

業為所依趣 業能定三品 隨業彼彼生

不定如輪轉 或處天人中 或居四惡趣

世間諸有情 皆隨業力轉 非國財妻子

隨從往餘生 彼於命終時 所有皆頻捨

獨隨業而往 故皆由自業 當來諸有情

雖受如是業 若能依佛教 正信而出家

彼於愚癡類 無師開導中 名能善修行

不愚正法者 故汝等苾芻 精勤勿放逸

應善知諸業 相續正修行 為盡業自性

及業因緣等 修八支聖道 速令得圓滿

吾從世尊聞如是語 苾芻當知世間

所有惡不善法 於生起時 諸不善品

諸不善類 一切皆由意為前導 所以

者何意生起已 惡不善法皆隨後生

今時世尊重攝此義而說 頌曰

諸不善法生 為因能感苦 皆意為前導

與煩惱俱生 意為前導法 意尊意所使

由意有染汙 故有說有行 苦隨此而生

如輪因手轉

吾從世尊聞如是語 苾芻當知世間

所有白淨善法 於生起時 善品善類

一切皆由意為前導所以者何意生起已白淨善法皆隨後生尔時世尊重攝此義而說頌曰

諸淨善法生為因能感樂皆意為前導
與善法俱生意為前導法意尊意所使
由意有清淨故有說有行樂隨此而生
如影隨形轉

吾從世尊聞如是語苾芻當知世有一法於生起時與多眾生為不利益為不安樂引諸世間天人大眾作無義利感大苦果云何一法是謂破僧所以者何苾芻當知僧若破壞一切大眾平興諍論迤相訶責迤相陵蔑迤相罵辱迤相毀訾迤相怨嫌迤相惱觸迤相反戾迤相誹謗迤相棄捨當於尔時一切世間未敬信者轉不敬信已敬信者還不敬信苾芻當知如是名為世有一法於生起時與多眾生為不利益為不安樂引諸世間天人大眾作無義利感大苦果尔時世尊重攝此義而說頌曰

世有一法生能起無量惡所謂僧破壞
愚癡者隨喜能破壞僧若破壞眾亦苦

僧和合令壞經劫無間苦
吾從世尊聞如是語苾芻當知世有
一法於生起時與多衆生為大利益
為大安樂引諸世間天人大衆作大
義利感大樂果云何一法是謂僧和
所以者何苾芻當知僧若和合一切
大衆平無諍論不相訶責不相陵蔑
不相罵辱不相毀訾不相怨嫌不相
惱觸不相反戾不相誹謗不相棄捨
當於今時一切世間未敬信者便生
敬信已敬信者轉增敬信苾芻當知
如是名為世有一法於生起時與多
衆生為大利益為大安樂引諸世間
天人大衆作大義利感大樂果今時
世尊重攝此義而說頌曰

世有一法生能起無量福
所謂僧和合
慧利者隨喜能和合倍樂
和合衆亦樂
僧破壞令和經劫受天樂

吾從世尊聞如是語苾芻當知世間
有情一結斷時餘一切結皆亦隨斷
云何一結是謂我慢所以者何諸所
有結細中麤品一切皆以我慢為根
從我慢生我慢所長是故我慢一結

斷時餘一切結皆亦隨斷辭如世間
樓觀中心普為樓觀衆分依止中心
若墜餘亦隨墮如是我慢諸結所依
我慢若斷餘亦隨滅若諸苾芻已斷
我慢當知即是已斷餘結若諸苾芻
已斷餘結當知即是已盡苦邊已修
正智心善解脫慧善解脫無復後有
余時世尊重攝此義而說頌曰
如樓觀中心衆分所依止中心若墜墮
餘分皆墮落如是我慢結衆結之所依
我慢結斷時諸結皆隨滅苾芻斷我慢
餘結悉隨斷餘結既已斷即得盡苦邊
既得盡苦邊名已修正智心慧善解脫
後有畢竟無

吾從世尊聞如是語苾芻當知世有
一法若善修習善多修習攝持二利
令至圓滿謂現法利今至圓滿及後
法利今至圓滿能成現法利益安樂
能成後法利益安樂能成現後利益
安樂云何一法謂於所修諸善法中
修不放逸所以者何若於所修諸善
法中於不放逸能善修習善多修習
便能攝持二種義利今至圓滿廣說

乃至能成現後利益安樂是名一法
若善修習善多修習攝持二利廣說
乃至能成現後利益安樂今時世尊
重攝此義而說頌曰

諸有多聞人能捨貪財位 勤修不放逸
證常樂涅槃 智人無放逸 能攝持二利
謂現法當來 俱今至圓滿 諸有善能成
現後俱利樂 前後衆賢聖 皆稱為智人
重攝前經盟陀南曰

善結劫兩心業二意前行 僧破及僧和
斷慢修不逸

吾從世尊聞如是語 苾芻當知若諸
有情永斷一法我證彼定得不還果
云何一法謂是於貪所以者何一切
有情由貪染故數數還來墮諸惡趣
受生死苦若能永斷如是一法我證
彼定得不還果不復還來生此世間
是故我說若諸有情永斷一法我證
彼定得不還果今時世尊重攝此義
而說頌曰

我觀諸有情由貪之所染 還來墮惡趣
受生死輪迴 若能正了知 永斷此貪者
定得不還果 不來生此間

吾從世尊聞如是語必當當知若諸有情永斷一法我證彼定得不還果云何一法謂是於瞋所以者何一切有情由瞋染故數數還來墮諸惡趣受生死苦若能永斷如是一法我證彼定得不還果不復還來生此世間是故我說若諸有情永斷一法我證彼定得不還果今時世尊重攝此義而說頌曰

我觀諸有情由瞋之所染還來墮惡趣受生死輪迴若能正了知永斷此瞋者定得不還果不來生此間

吾從世尊聞如是語必當當知若諸有情永斷一法我證彼定得不還果云何一法謂是於癡所以者何一切有情由癡染故數數還來墮諸惡趣受生死苦若能永斷如是一法我證彼定得不還果不復還來生此世間是故我說若諸有情永斷一法我證彼定得不還果今時世尊重攝此義而說頌曰

我觀諸有情由癡之所染還來墮惡趣受生死輪迴若能正了知永斷此癡者

定得不還果不來生此間

吾從世尊聞如是語苾芻當知若諸有情永斷一法我證彼定得不還果云何一法謂是於覆所以者何一切有情由覆染故數數還來墮諸惡趣受生死苦若能永斷如是一法我證彼定得不還果不復還來生此世間是故我說若諸有情永斷一法我證彼定得不還果今時世尊重攝此義而說頌曰

我觀諸有情由覆之所染還來墮惡趣受生死輪迴若能正了知永斷此覆者定得不還果不來生此間

吾從世尊聞如是語苾芻當知若諸有情永斷一法我證彼定得不還果云何一法謂是於惱所以者何一切有情由惱染故數數還來墮諸惡趣受生死苦若能永斷如是一法我證彼定得不還果不復還來生此世間是故我說若諸有情永斷一法我證彼定得不還果今時世尊重攝此義而說頌曰

我觀諸有情由惱之所染還來墮惡趣

受生死輪迴若能正了知永斷此障者
定得不還果不來生此間

吾從世尊聞如是語必當知若諸
有情永斷一法我證彼定得不還果
云何一法謂是於念所以者何一切
有情由念染故數數還來墮諸惡趣
受生死苦若能永斷如是一法我證
彼定得不還果不復還來生此世間
是故我說若諸有情永斷一法我證
彼定得不還果今時世尊重攝此義
而說頌曰

我觀諸有情由念之所染還來墮惡趣
受生死輪迴若能正了知永斷此念者
定得不還果不來生此間
吾從世尊聞如是語必當知若諸
有情永斷一法我證彼定得不還果
云何一法謂是於恨所以者何一切
有情由恨染故數數還來墮諸惡趣
受生死苦若能永斷如是一法我證
彼定得不還果不復還來生此世間
是故我說若諸有情永斷一法我證
彼定得不還果今時世尊重攝此義
而說頌曰

我觀諸有情由恨之所染還來墮惡趣
受生死輪迴若能正了知永斷此恨者
定得不還果不來生此間

吾從世尊聞如是語必當當知若諸
有情永斷一法我證彼定得不還果
云何一法謂是於嫉所以者何一切
有情由嫉染故數數還來墮諸惡趣
受生死苦若能永斷如是一法我證
彼定得不還果不復還來生此世間
是故我說若諸有情永斷一法我證
彼定得不還果今時世尊重攝此義
而說頌曰

我觀諸有情由嫉之所染還來墮惡趣
受生死輪迴若能正了知永斷此嫉者
定得不還果不來生此間

吾從世尊聞如是語必當當知若諸
有情永斷一法我證彼定得不還果
云何一法謂是於慳所以者何一切
有情由慳染故數數還來墮諸惡趣
受生死苦若能永斷如是一法我證
彼定得不還果不復還來生此世間
是故我說若諸有情永斷一法我證
彼定得不還果今時世尊重攝此義

而說頌曰

我觀諸有情 由慳之所染 還來隨惡趣
受生死輪迴 若能正了知 永斷此慳者
定得不還果 不來生此間
吾從世尊聞 如是語 必當知 若諸
有情 永斷一法 我證彼 定得不還果
云何一法 謂是於耽之所染 所以者 何一切有
情 由耽染 故數數還來 隨諸惡趣 受
生死苦 若能永斷 如是一法 我證彼
定得不還果 不復還來 生此世間 是
故我說 若諸有情 永斷一法 我證彼
定得不還果 今時世尊 重攝此義 而
說頌曰

我觀諸有情 由耽之所染 還來隨惡趣
受生死輪迴 若能正了知 永斷此耽者
定得不還果 不來生此間
吾從世尊聞 如是語 必當知 若諸
有情 永斷一法 我證彼 定得不還果
云何一法 謂是於慢 所以者 何一切
有情 由慢染 故數數還來 隨諸惡趣
受生死苦 若能永斷 如是一法 我證
彼定得不還果 不復還來 生此世間
是故我說 若諸有情 永斷一法 我證

彼定得不還果今時世尊重攝此義而說頌曰

我觀諸有情 由慢之所染 還來墮惡趣
受生死輪迴 若能正了知 永斷此慢者
定得不還果 不來生此間

吾從世尊聞如是語 必當知若諸有情永斷一法我證彼定得不還果云何一法謂是於害所以者何一切有情由害染故 數數還來墮諸惡趣受生死苦若能永斷如是一法我證彼定得不還果不復還來生此世間是故我說若諸有情永斷一法我證彼定得不還果今時世尊重攝此義而說頌曰

我觀諸有情 由害之所染 還來墮惡趣
受生死輪迴 若能正了知 永斷此害者
定得不還果 不來生此間
重攝前經盟陀南曰

貪欲瞋恚癡 覆藏惱及忿 怨恨嫉與怪
耽嗜慢將害

吾從世尊聞如是語 必當知若諸有情永念一法我證彼定得不還果云何為一法謂是念佛所以者何一

切有情由不念佛故數數還來隨諸
惡趣受生死苦若能常念如是一法
我證彼定得不還果不復還來生此
世間是故我說若諸有情能念一法
我證彼定得不還果不還果亦時世尊重攝
此義而說頌曰

我觀諸有情由不念佛故還來隨惡趣
受生死輪迴若能正了知永念於佛者
定得不還果不來生此間

吾從世尊聞如是語發誓當知若諸
有情永念一法我證彼定得不還果
云何為一法謂是念法所以者何一
切有情由不念法數數還來隨諸惡
趣受生死苦若能常念如是一法我
證彼定得不還果不復還來生此世
間是故我說若諸有情能念一法我
證彼定得不還果亦時世尊重攝此
義而說頌曰

我觀諸有情由不念法故還來隨惡趣
受生死輪迴若能正了知永念於法者
定得不還果不來生此間

吾從世尊聞如是語發誓當知若諸
有情永念一法我證彼定得不還果

云何為一法謂是念聖衆所以者何
一切有情由不念聖衆故數數還來
墮諸惡趣受生死苦若能常念如是
一法我證彼定得不還果不復還來
生此世間是故我說若諸有情能念
一法我證彼定得不還果亦時世尊
重攝此義而說頌曰

我觀諸有情由不念聖衆還來墮惡趣
受生死輪迴若能正了知永念於聖衆
定得不還果不來生此間

吾從世尊聞如是語必當當知若諸
有情永念一法我證彼定得不還果
云何為一法謂是念戒所以者何一
切有情由不念戒故數數還來墮諸
惡趣受生死苦若能常念如是一法
我證彼定得不還果不復還來生此
世間是故我說若諸有情能念一法
我證彼定得不還果亦時世尊重攝
此義而說頌曰

我觀諸有情由不念戒故還來墮惡趣
受生死輪迴若能正了知永念於戒者
定得不還果不來生此間

吾從世尊聞如是語必當當知若諸
有情永念一法我證彼定得不還果

云何為一法謂是念施所以者何一切有情由不念施故數數還來墮諸惡趣受生死苦若能常念如是一法我證彼定得不還果不後還來生此世間是故我說若諸有情能念一法我證彼定得不還果今時世尊重攝此義而說頌曰

我觀諸有情 由不念施故 還來墮惡趣
受生死輪迴 若能正了知 永念於施者
定得不還果 不來生此間

吾從世尊聞如是語必當當知若諸有情永念一法我證彼定得不還果云何為一法謂是念天所以者何一切有情由不念天故數數還來墮諸惡趣受生死苦若能常念如是一法我說彼定得不還果不復還來生此世間是故我說若諸有情能念一法我證彼定得不還果今時世尊重攝此義而說頌曰

我觀諸有情 由不念天故 還來墮惡趣
受生死輪迴 若能正了知 永念於天者
定得不還果 不來生世間

善從世尊聞如是語必當當知若諸

有情永念一法我證彼定得不還果
云何為一法謂是念休息所以者何
一切有情由不念休息故數數還來
隨諸惡趣受生死苦若能常念一法
一法我證彼定得不還果不念還來
生此世間是故我說若諸有情能念
一法我證彼定得不還果尔時世尊
重攝此義而說頌曰

我觀諸有情 由不念休息 還來於惡趣
受生死輪迴 若能正了知 永念於休息
定得不還果 不來生此間

吾從世尊聞如是語 憂惱當知若諸
有情永念一法我證彼定得不還果
云何為一法謂是念安般所以者何
一切有情由不念安般故數數還來
隨諸惡趣受生死苦若能常念如是
一法我證彼定得不還果不復還來
生此世間是故我說若諸有情能念
一法我證彼定得不還果尔時世尊
重攝此義而說頌曰

我觀諸有情 由不念安般 還來隨惡趣
受生死輪迴 若能正了知 永念於安般

定得不還果不來生此間

吾從世尊聞如是語必當當知若諸有情永念一法我證彼定得不還果云何為一法謂是念身所以者何一切有情由不念身故數數還來墮諸惡趣受生死苦若能常念如是一法我證彼定得不還果不復還來生此世間是故我說若諸有情能念一法我證彼定得不還果今時世尊重攝此義而說頌曰

我觀諸有情由不念身故還來墮惡趣受生死輪迴若能正了知永念於身者定得不還果不來生此間

吾從世尊聞如是語必當當知若諸有情永念一法我證彼定得不還果云何為一法謂是念死所以者何一切有情由不念死故數數還來墮諸惡趣受生死苦若能常念如是一法我證彼定得不還果不復還來生此世間是故我說若諸有情能念一法我證彼定得不還果今時世尊重攝此義而說頌曰

我觀諸有情由不念死故還來墮惡趣

受生死輪迴若能正了知永念於死者
定得不還果不來生此間

本事經卷第一

癸卯歲高麗國分司大藏都監奉

勅彫造

本事經卷第二

楷

大唐三藏法師玄奘奉詔譯

一法品第二之二

吾從世尊聞如是語苾芻當知若有
於貪未如實知未正遍知未能永斷
彼於自心未離貪故不能通達不能
遍知不能等覺不能涅槃不能證得
無上安樂若有於貪已如實知已正
遍知已能永斷彼於自心已離貪故
即能通達即能遍知即能等覺即能
涅槃即能證得無上安樂是故於貪
應如實知應正遍知應求永斷於佛
法中當修梵行今時世尊重攝上義
而說偈言

若於貪未知 彼去涅槃遠 於貪已知者
去涅槃不遠 我觀諸有情 由貪之所染
還來墮惡趣 受生死輪迴 若能正了知
永斷此貪者 得上沙門果 畢竟不受生
吾從世尊聞如是語苾芻當知若有
於瞋未如實知未正遍知未能永斷
彼於自心未離瞋故不能通達不能
遍知不能等覺不能涅槃不能證得

無上安樂若有於瞋已如實知已正
遍知已能永斷彼於自心已離瞋故
即能通達即能遍知即能等覺即能
涅槃即能證得無上安樂是故於瞋
應如實知應正遍知應求永斷於佛
法中當修梵行今時世尊重攝上我
而說頌曰

若於瞋未知 彼去涅槃遠 於瞋已知者
去涅槃不遙 我觀諸有情 由瞋之所染
還來墮惡趣 受生死輪迴 若能正了知
永斷此瞋者 得上沙門果 畢竟不受生
吾從世尊聞如是語 苾芻當知 若有
於癡未知如實知未正遍知未能永斷
彼於自心未離癡故不能通達不能
遍知不能等覺不能涅槃不能證得
無上安樂 若有於癡已如實知已正
遍知已能永斷彼於自心已離癡故
即能通達即能遍知即能等覺即能
涅槃即能證得無上安樂是故於癡
應如實知應正遍知應求永斷於佛
法中當修梵行今時世尊重攝上義
而說頌曰

若於癡未知 彼去涅槃遠 於癡已知者

去涅槃不遙我觀諸有情由病之所染
還來墮惡趣受生死輪迴若能正了知
永斷此病者得上沙門果畢竟不受生
吾從世尊聞如是語茲當當知若有
於覆未如實知未正遍知未能永斷
彼於自心未離覆故不能通達不能
遍知不能等覺不能涅槃不能證得
無上安樂若有於覆已如實知已正
遍知已能永斷彼於自心已離覆故
即能通達即能遍知即能等覺即能
涅槃即能證得無上安樂是故於覆
應如實知應正遍知應求永斷於佛
法中當修梵行今時世尊重攝上義
而說頌曰

若於覆未知彼去涅槃遠於覆已知者
去涅槃不遙我觀諸有情由覆之所染
還來墮惡趣受生死輪迴若能正了知
永斷此覆者得上沙門果畢竟不受生
吾從世尊聞如是語茲當當知若有
於惱未如實知未正遍知未能永斷
彼於自心未離惱故不能通達不能
遍知不能等覺不能涅槃不能證得
無上安樂若有於惱已如實知已正

遍知已能永斷彼於自心已離惱故
即能通達即能遍知即能等覺即能
涅槃即能證得無上安樂是故於
惱應如實知應正遍知應求永斷於
佛法中當修梵行今時世尊重攝上
義而說頌曰

若於惱未知彼去涅槃遠於惱已知者
去涅槃不遙我觀諸有情由惱之所漆
還來墮惡趣受生死輪迴若能正了知
永斷此惱者得上沙門果畢竟不受生
吾從世尊聞如是語慈鞠當知若有
於念未知實知未正遍知未能永斷
彼於自心未離念故不能通達不能
遍知不能等覺不能涅槃不能證得
無上安樂若有於念已知實知已正
遍知已能永斷彼於自心已離念故
即能通達即能遍知即能等覺即能
涅槃即能證得無上安樂是故於念
應如實知應正遍知應求永斷於佛
法中當修梵行今時世尊重攝上義
而說頌曰

若於念未知彼去涅槃遠於念已知者
去涅槃不遙我觀諸有情由念之所漆

還來墮惡趣受生死輪迴若能正了知
永斷此念者得上沙門果畢竟不受生
吾從世尊聞如是語必當當知若有
於恨未如實知未正遍知未能永斷
彼於自心未離恨故不能通達不能
遍知不能等覺不能涅槃不能證得
無上安樂若有於恨已如實知已正
遍知已能永斷彼於自心已離恨故
即能通達即能遍知即能等覺即能
涅槃即能證得無上安樂是故於恨
應如實知應正遍知應求永斷於佛
法中當修梵行余時世尊重攝上義
而說頌曰

若於恨未知彼去涅槃遠於恨已知者
去涅槃不遠我觀諸有情由恨之所染
還來墮惡趣受生死輪迴若能正了知
永斷此恨者得上沙門果畢竟不受生
吾從世尊聞如是語必當當知若有
於嫉未如實知未正遍知未能永斷
彼於自心未離嫉故不能通達不能
遍知不能等覺不能涅槃不能證得
無上安樂若有於嫉已如實知已正
遍知已能永斷彼於自心已離嫉故

即能通達即能遍知即能等覺即能
涅槃即能證得無上安樂是故於嫉
應如實知應正遍知應求永斷於佛
法中當修梵行今時世尊重攝上義
而說頌曰

若於嫉未知彼去涅槃遠於嫉已知者
去涅槃不遙我觀諸有情由嫉之所染
還來墮惡趣受生死輪迴若能正了知
永斷此嫉者得上沙門果畢竟不受生
吾從世尊聞如是語必當知若有
於慳未知實知未正遍知未能永斷
彼於自心未離慳故不能通達不能
遍知不能等覺不能涅槃不能證得
無上安樂若有於慳已知實知已正
遍知已能永斷彼於自心已離慳故
即能通達即能遍知即能等覺即能
涅槃即能證得無上安樂是故於慳
應如實知應正遍知應求永斷於佛
法中當修梵行今時世尊重攝上義
而說頌曰

若於慳未知彼去涅槃遠於慳已知者
去涅槃不遙我觀諸有情由慳之所染
還來墮惡趣受生死輪迴若能正了知

永斷此慳者得上沙門果 畢竟不受生
吾從世尊聞如是語必當知若有
於耽末如實知未正遍知未能永斷
彼於自心未離耽故不能通達不能
遍知不能等覺不能涅槃不能證得
無上安樂若有於耽已如實知已正
遍知已能永斷彼於自心已離耽故
即能通達即能遍知即能等覺即能
涅槃即能證得無上安樂是故於耽
應如實知應正遍知應求永斷於佛
法中當修梵行今時世尊重攝上義
而說頌曰

若於耽未知 彼去涅槃遠 於耽已知者
去涅槃不遙 我觀諸有情 由耽之所染
還來墮惡趣 受生死輪迴 若能正了知
永斷此耽者 得上沙門果 畢竟不受生
吾從世尊聞如是語必當知若有
於慢末如實知未正遍知未能永斷
彼於自心未離慢故不能通達不能
遍知不能等覺不能涅槃不能證得
無上安樂若有於慢已如實知已正
遍知已能永斷彼於自心已離慢故
即能通達即能遍知即能等覺即能

涅槃即能證得無上安樂是故於慢
應如實知應正遍知應求永斷於佛
法中當修梵行今時世尊重攝上義
而說頌曰

若於慢未知彼去涅槃遠於慢已知者
去涅槃不遙我觀諸有情由慢之所染
還來墮惡趣受生死輪迴若能正了知
永斷此慢者得上沙門果畢竟不受生
吾從世尊聞如是語茲當當知若有
於害未如實知未正遍知未能永斷
彼於自心未離害故不能通達不能
遍知不能等覺不能涅槃不能證得
無上安樂若有於害已知如實知已正
遍知已能永斷彼於自心已離害故
即能通達即能遍知即能等覺即能
涅槃即能證得無上安樂是故於害
應如實知應正遍知應求永斷於佛
法中當修梵行今時世尊重攝上義
而說頌曰
若於害未知彼去涅槃遠於害已知者
去涅槃不遙我觀諸有情由害之所染
還來墮惡趣受生死輪迴若能正了知
永斷此害者得上沙門果畢竟不受生

吾從世尊聞如是語苾芻當知若於一切未如實知未正遍知未能永斷彼於自心未離一切故不能通達不能遍知不能等覺不能涅槃不能證得無上安樂若於一切已如實知已正遍知已能永斷彼於自心已離一切故即能通達即能遍知即能等覺即能涅槃即能證得無上安樂故於一切應如實知應正遍知應永永斷於佛法中當修梵行亦時世尊重此義而說頌曰

若一切未知彼去涅槃遠一切已知者去涅槃不遠我觀諸有情由一切所添還來墮惡趣受生死輪迴

重攝前經盟於南曰

貪恚及愚癡覆蔽心念恨嫉慳與耽慢害將一切

吾從世尊聞如是語苾芻當知一切修習福業事中慈心解脫最為第一所以者何慈心解脫威德熾盛嚴嚴一切諸福業事以彼諸事所有威德欲比所修慈心解脫十六分中亦不及一苾芻當知譬如小大諸國王中

轉輪聖王最為第一所以者何轉輪
聖王威德熾盛映蔽一切小大諸王
以彼諸王所有威德比轉輪王十六
分中亦不及一諸福業事亦復如是
欲比所修慈心解脫十六分中亦不
及一又如小大諸星之中其滿月輪
最為第一所以者何是滿月輪熾光
熾盛映蔽一切小大諸星以彼諸星
所有威光比滿月輪十六分中亦不
及一諸福業事亦復如是欲比所修
慈心解脫十六分中亦不及一余時
世尊重攝此義而說頌曰

一切福業事比慈心解脫於十六分中
亦不能及一於一有情所能修慈善心
其福尚無邊何況於一切諸有大國三
威伏於大地世間祠施會一切無不為
如是祠施福比所修慈心於十六分中
亦不能及一如轉輪聖帝威德蔽諸王
亦如滿月輪其光映諸宿如是諸所修
一切福業事皆為慈善心威德之所覆
修慈心解脫若人若非人一切諸有情
皆不能為害

吾從世尊聞如是語必當知我觀

世間無別一法為諸有學未得心者
希求無上安樂果時作外強緣如善
知識所以者何彼諸有情因善知識
所求皆遂謂斷眾惡修習諸善得無
雜染真淨之身今時世尊重攝此義
而說頌曰

我觀諸世間無別有一法學未得心者
求無上果時為作外強緣如彼善知識
親近善知識所求無不成恭敬受其教
無放逸奉行速證於涅槃離怖常安樂
吾從世尊聞如是語慈鞠當知我觀
世間無別一法為諸有學未得心者
希求無上安樂果時作內強緣如正
作意所以者何彼諸有情因正作意
所求皆遂謂斷眾惡修習諸善得無
雜染真淨之身今時世尊重攝此義
而說頌曰

我觀諸世間無別有一法學未得心者
求無上果時為作內強緣如彼正作意
修習正作意所求無不成如理審觀察
無放逸修行速證於涅槃離怖常安樂
吾從世尊聞如是語慈鞠當知若諸
有情能知惠施所感果報明了現前

如我知者必無慳慳經染其心設彼
唯有所食一搏要分施他然後自食
以不知故為諸慳慳經染其心雖有
無量飲食財寶而不施他唯自食用
所以者何惠施果報生人天中無量
往返受諸快樂今時世尊重攝此義
而說頌曰

世間諸有情若了知惠施能感大果報
明見似如來其心必不為慳慳所經染
唯有食一搏而亦能分施由不知施果
明見似如來雖有多財食慳慳不能捨
若於凡聖田三時心喜施感人天果報
往返量無邊

吾從世尊聞如是語必當當知若諸
有情能知犯戒所感果報明了現前
如我知者行住坐卧皆不能安言笑
飲食都無思念其心驚惶狂亂吐血
身形萎悴如被刈盧以不知故安然
無畏所以者何諸犯戒罪能感惡趣
增上猛利諸苦果報今時世尊重攝
此義而說頌曰

世間諸有情若了知犯戒能感苦果報
明見似如來四威儀不安不思言笑等

心驚狂吐血身悴如刈蘆由不知犯戒
能感惡趣苦明見似如來安然不驚懼
諸有犯戒人定墮於惡趣受增上猛利
苦果報無邊

吾從世尊聞如是語必當當知若諸
有情能知持戒所感果報明了現前
如我知者彼於自身深生厭離欣樂
當來堅持禁戒以不知故樂著自身
毀犯禁戒所以者何諸持戒福能感
善趣增上猛利諸樂果報今時世尊
重攝此義而說頌曰

世間諸有情若了知持戒能感樂果報
明見似如來便於不淨身深能生厭離
求當來勝果堅守淨尸羅由不知持戒
能感善趣樂明見似如來故毀犯淨戒
諸有持戒人得生於善趣受天諸妙樂
證無上涅槃

吾從世尊聞如是語必當當知若諸
有情知而妄語無慙愧無改悔心
我說彼於惡不善業無不能造今時
世尊重攝此義而說頌曰

知而故妄語無慙愧悔心如是諸有情
無惡而不造

吾從世尊聞如是語必當知若諸有情知而妄語深生慙愧有改悔心我說彼於白淨善法無不能造今時世尊重攝此義而說頌曰

知而故妄語有慙愧悔心如是諸有情無善而不造精勤不放逸如說正修行得無上涅槃永離諸怖畏

吾從世尊聞如是語必當知有一最勝補特伽羅彼於世間若不出現無量有情退失聖慧云何為一補特伽羅所謂如來應正等覺不現世間無能若諸如來應正等覺不現世間無能宣說修聖慧法故諸有情退失聖慧必當知諸有退失親友財位名小退失退失聖慧名大退失所以者何若諸有情退失聖慧於現法中多諸憂苦無喜樂住有灾有患有惱有燒及於當來長夜受苦及受種種猛利灾害增長血滴常遊死路數墮地獄餓鬼傍生阿素洛趣數受人天生死憂苦所以者何由彼有情於其聖慧未能隨覺未能通達故於六趣生死輪迴若諸有情證得聖慧便能出離

正盡苦邊是故汝等應如是學我當
云何修習聖慧今不退失我當云何
於諸聖慧隨覺通達汝等必當應如
是學今時世尊重攝此義而說頌曰
如來不出現 世間諸有情 無救無歸依
皆退失聖慧 失親友財位 是名小退失
若失真聖慧 是名大退失 我觀諸世間
失無上聖慧 輪轉於生死 受諸名色身
彼於現法中 有苦無上樂 於當來長夜
久生死輪迴 若欲求聖慧 正盡眾苦邊
當願諸如來 數出現於世
吾從世尊聞如是語必當當知有一
最勝補特伽羅彼於世間若出現者
無量有情增長聖慧云何為一補特
伽羅所謂如來應正等覺所以者何
若諸如來應正等覺出現世間有能
宣說修聖慧法令諸有情增長聖慧
必當當知諸有增長親友財位名小
增長增長聖慧名大增長所以者何
若諸有情增長聖慧於現法中多諸
喜樂無憂苦住無災無患無惱無燒
不於當來長夜受苦不受種種猛利
災害不增血滴不遊死路不墮地獄

餓鬼傍生阿素洛趣不受人天生死
憂苦所以者何由彼有情於其聖慧
已能隨覺已能通達不於六趣生死
輪迴若諸有情未增聖慧無能出離
正盡苦邊是故汝等應如是學我當
云何修習聖慧今其增長我當云何
於諸聖慧隨覺通達汝等茲當應如
是學今時世尊重攝此義而說頌曰
如來若出現 世間諸有情 有教有歸依
皆增長聖慧 得親友財位 是名小增長
若得真聖慧 是名大增長 我觀諸世間
得無上聖慧 不流轉生死 定取於涅槃
彼於現法中 離苦常安樂 於當來長夜
離生死輪迴 若欲增聖慧 正盡眾苦邊
當願佛世尊 長久住於世
吾從世尊聞如是語茲當當知世有
一法於生長時今諸有情愚癡增益
顛倒堅固垢穢隨增惡趣成滿與多
衆生為不利益為不安樂今諸世間
人天大衆無義無利增長憂苦云何
一法所謂邪見所以者何由邪見故
今諸有情愚癡增益顛倒堅固垢穢
隨增惡趣成滿與多衆生為不利益

為不安樂今諸世間人天大眾無義
無利增長憂苦如是名為世有一法
於生長時今諸有情愚癡增益廣說
乃至今諸世間人天大眾無義無利
增長憂苦今時世尊重攝此義而說
頌曰

邪見生長時今愚癡增益及顛倒堅固
諸垢穢隨增成滿諸惡趣為無利樂等
邪見害愚夫如火燒衆物

吾從世尊聞如是語必當當知世有
一法於生長時今諸有情愚癡損減
顛倒除滅淨法隨增脫諸惡趣善趣
成滿與多衆生為大利益為大安樂
今諸世間人天大眾有義有利增長
之樂云何一法所謂正見所以者何
由正見故今諸有情愚癡損減顛倒
除滅淨法隨增脫諸惡趣善趣成滿
與多衆生為大利益為大安樂今諸
世間人天大眾有義有利增長喜樂
如是名為世有一法於生長時今諸
有情愚癡損減廣說乃至今諸世間
人天大眾有義有利增長喜樂今時
世尊重攝此義而說頌曰

正見生長時 今愚癡損減 及顛倒除滅
諸淨法隨增 脫惡滿善趣 為有利樂等
正見現在前 速證涅槃樂

吾從世尊聞如是語 必當知我觀
世間無別一法 速疾迴轉 猶如其心
所以者何 是心於境 速疾迴轉 世出
世間 無可為喻 汝等應取如是心相
善取相已 應善思惟 善思惟已 應善
觀察 善觀察已 應善安住 善安住已
若不覺有內貪欲纏 汝等復應審諦
觀察 我今為有內貪欲纏 而不覺耶
我今為無內貪欲纏 而不覺耶 審觀
察已 復應作意思惟 隨一可愛境相
如是作意思惟 隨一可愛相時 若心
隨順趣向 喜樂可愛境相 當知此心
隨順諸欲 違背出離 汝等今時應自
覺了我今猶有內貪欲纏 而不能覺
非為無有我今未斷五欲貪纏 所證
與前未有著別 我今猶未證所修果
譬如有人於駛流水 牽重船 筏逆上
而行 此人今時多用功力 若暫懈慢
便順下流 如是汝等思惟 隨一可愛
相時 若心隨順趣向 喜樂可愛境相

當知此心隨順諸欲違背出離汝等
今時應自覺了我今猶有內貪欲經
而不能覺非為無有我今未斷五欲
貪纏所證與前未有差別我今猶未
證所修果汝等作意思惟隨一可愛
相時若心隨順趣向喜樂出離之相
當知此心隨順出離違背諸欲汝等
今時應自覺了我今無有內貪欲纏
非彼猶有而不能覺我今已斷五欲
貪纏所證與前已有差別我今已能
證所修果如以前羽投置火中便即
焦卷而不舒緩如是汝等思惟隨一
可愛相時若心隨順趣向喜樂出離
之相當知此心隨順出離違背諸欲
汝等今時應自覺了我今無有內貪
欲纏非彼猶有而不能覺我今已斷
五欲貪纏所證與前已有差別我今
已能證所修果是故汝等應如是學
我當云何善轉自心令其調伏違背
諸欲隨順出離汝等必勤應如是學
今時世尊重攝此義而說頌曰

無別有一法性躁動如心難調御難防
大仙之所說譬如智人以火等衆具

調直於利前令遠有所中如是諸苾芻
應善學方便調直於心性令速證涅槃
重攝前經盟於南曰

修慈修二緣施犯戒持戒二妄二聖慧
邪見正見心

本事經卷第三

癸卯歲高麗國分司大藏都監奉

新周造

本事經卷第三

籍

大唐三藏法師玄奘奉 詔譯

二法品第二之一

吾從世尊聞如是語必當當知若有
必當成就二分於現法中多諸憂苦
無喜樂住有災有患 有惱有燒有罪
有責為諸有情同梵行者之所訶毀
身壞命終生諸惡趣云何為二一於
根門不能守護二於飲食不善知量
諸有必當成就此二於現法中多諸
憂苦無喜樂住有災有患有惱有燒
有罪有責為諸有智同梵行者之所
訶毀身壞命終生諸惡趣尔時世尊
重攝此義而說頌曰

若不能守護 眼等六根門 飲食不知量
成不信懈怠 彼於現法中 身心多受苦
及有災有患 有惱有燒然 行住與坐卧
若覺若夢中 由彼二因緣 恒有罪有責
居聚落空閑 衆中及靜處 有智常訶責
當生惡趣中

吾從世尊聞如是語必當當知若有
必當成就二分於現法中多諸喜樂
無憂苦住無災無患無惱無燒無罪

無責為諸有智同梵行者之所稱讚
身壞命終生諸善趣云何為二一於
根門能自守護二於飲食能善知量
諸有苾芻成就此二於現法中多諸
喜樂無憂苦住無災無患無惱無燒
無罪無責為諸有智同梵行者之所
稱讚身壞命終生諸善趣今時世尊
重攝此義而說頌曰

若自能守護 眼等六根門 飲食善知量
成就信精進 彼於現法中 身心多受樂
及無災無患 無惱無燒然 行住與坐卧
若覺若夢中 由彼二因緣 恒無罪無責
居聚落空閑 衆中及靜處 有智常稱讚
當生善趣中

吾從世尊聞如是語 苾芻當知有二
種法能生焦惱云何為二 謂有一類
補特伽羅 唯造衆惡 唯作凶狂 唯起
雜穢 不修衆善 不習調柔 不救怖畏
彼於後時 身嬰重疾 遍體發生 增上
猛利 嚴切 苦受 楚毒 垂終 不可醫療
受此苦時 呻吟怨歎 作是念言 我從
昔來 唯造衆惡 唯作凶狂 唯起雜穢
不修衆善 不習調柔 不救怖畏 若諸

有情唯造衆惡唯作凶狂唯起雜穢
不修衆善不習調柔不救怖畏彼之
所趣我定當往彼由唯造衆惡等故
心生焦惱及以不修衆善等故心生
焦惱如是名為有二種法能生焦惱

今時世尊重攝此義而說頌曰

有二法能生愚者心焦惱
謂唯作罪業及不修福因
後遭病苦時呻吟而怨歎
恨有罪無福心悔惱焦然
有罪無福人所生諸惡趣
我亦當隨往決定無有疑
吾從世尊聞如是語
茲當當知有二種法
心不焦惱云何為二
謂有一類補特伽羅
唯修衆善唯習調柔
唯救怖畏不造衆惡
不作凶狂不起雜穢
不造衆惡不作凶狂
不起雜穢若諸有情
唯修衆善唯習調柔
唯救怖畏不造衆惡
不作凶狂不起雜穢
彼之所趣我定當往
彼由唯修衆善等故
心不焦惱及以不造
衆惡

等故心不焦惱如是名為有二種法
心不焦惱今時世尊重攝此義而說
頌曰

有二法能生智者心歡喜 謂唯修福業
及不作罪因 後遭痛苦時 呻吟無怨歎
慶有福無罪 不悔惱焦然 有福無罪人
所生諸善趣 我亦當隨往 決定無有疑
吾從世尊聞如是語 必當當知為汝
略說二速通行云何為二 一者樂行
二者苦行 謂由樂行證彼速通及由
苦行證彼速通 所修加行無罣難故
所得諸根皆猛利故 是則名為樂速
通行 所修加行有罣難故 所得諸根
皆猛利故 是則名為苦速通行 是名
略說二速通行 今時世尊重攝此義
而說頌曰

今為汝略說 二種速通行 謂樂行苦行
因斯證速通 無罣難加行 有猛利諸根
由是大仙尊 名樂速通行 有罣難加行
有猛利諸根 由是大仙尊 名苦速通行
吾從世尊聞如是語 必當當知為汝
略說二速通行云何為二 一者樂行
二者苦行 謂由樂行證彼速通及由

苦行證彼遲通所修加行無躋難故
所得諸根皆羸鈍故是則名為樂遲
通行所修加行有躋難故所得諸根
皆羸鈍故是則名為苦遲通行是名
略說二遲通行今時世尊重攝此義
而說頌曰

今為汝略說二種遲通行謂樂行苦行
因此證遲通無躋難加行有羸鈍諸根

由是大仙尊名樂遲通行有躋難加行
有羸鈍諸根由是大仙尊名苦遲通行

吾從世尊聞如是語必尊當知若有
一類補特伽羅成就二法不能發生

白淨善法設已發生不能決定設已

決定不能圓滿彼於如是白淨善法

能為障礙能作衰損能生憂悔身壞

命終如棄重擔墮於地獄受諸劇苦

云何為二一者惡戒二者惡見諸有

一類補特伽羅成就如是所說二法

定不能生白淨善法設復已生不能

決定廣說乃至身壞命終如棄重擔

墮於地獄受諸劇苦今時世尊重攝

此義而說頌曰

若成就二法謂惡戒惡見彼人終不能

生白淨善法 雖生而不定 設定不圓滿
於白淨善法 能衰損障礙 彼臨命終時
有憂悔悲惱 如棄捨重擔 定生地獄中
吾從世尊聞如是語 必當知若有
一類補特伽羅成就二法 定能發生
白淨善法 若先已生 能令決定 若先
已定 能令圓滿 彼於如是白淨善法
不為障礙 不作衰損 不生憂悔 身壞
命終 如棄重擔 生天趣中 受諸快樂
云何為二 一者善戒 二者善見 諸有
一類補特伽羅成就如是所說二法
決定能生白淨善法 若先已生 能令
決定 廣說乃至身壞命終 如棄重擔
生天趣中 受諸快樂 今時世尊重攝
此義而說 頌曰

若成就二法 謂善戒善見 彼人終定能
生白淨善法 若生而決定 決定必圓滿
於白淨善法 不衰損障礙 彼臨命終時
無憂悔悲惱 如棄捨重擔 定生天趣中
吾從世尊聞如是語 必當知 若有
一類補特伽羅成就二法 臨命終時
能生憂悔 身壞命終 墮諸惡趣 生地
獄中 云何為二 謂作不作 云何為作

謂身惡行語惡行意惡行是名爲作
云何不作謂身妙行語妙行意妙行
是名不作諸有一類補特伽羅成就
如是所說二法臨命終時能生憂悔
身壞命終墮諸惡趣生地獄中余時
世尊重攝此義而說頌曰

諸有愚癡人作三種惡行不作三妙行
引餘過令生彼臨命終時決定有憂悔
死墮諸惡趣生於地獄中

吾從世尊聞如是語必當知若有
一類補特伽羅成就二法臨命終時
不生憂悔身壞命終昇於善趣生天
界中云何爲二謂作不作云何爲作
謂身妙行語妙行意妙行是名爲作
云何不作謂身惡行語惡行意惡行
是名不作諸有一類補特伽羅成就
如是所說二法臨命終時不生憂悔
身壞命終昇於善趣生天界中余時
世尊重攝此義而說頌曰

諸有智慧人作三種妙行不作三惡行
引餘德令生彼臨命終時決定無憂悔
死昇諸善趣生於天界中

吾從世尊聞如是語必當知有二

妙智應修令生能得未得能觸未觸

能證未證能超愁歎能滅憂苦能會

正理能獲甘露能證涅槃云何為二

一者法智二者類智法智生時便能

無倒通知有為於有為法既通知已

便能令彼感後有因不得生起增長

實大類智生時便能如實斷滅無明

滅無明故便無戲論無戲論故便無

尋伺無尋伺故便無樂欲無樂欲故

便無愛憎無愛憎故便無慳嫉無慳

嫉故便無種種執持刀杖違害閭諍

互相罵辱不真實語相離間語諸雜

穢語及餘無量惡不善法無彼諸惡

不善法故感後有業便不增長感後

有業不增長故諸業滅盡業滅盡故

衆苦滅盡苦滅盡故生死路絕此路

絕已便自了知我生已盡梵行已立

所作已辦不受後有如是名為有二

妙智應修令生能得未得能觸未觸

能證未證能超愁歎能滅憂苦能會

正理能獲甘露能證涅槃今時世尊

重攝此義而說頌曰

有二種妙智應修習令生能得未得等

謂法智類智 若法智生時 遍知有為法 便能今後有 因不生不增 若類智生時 無明便斷滅 由此展轉法 絕生死輪迴 自知我生盡 及梵行已立 所作皆已辦 更不受後有

吾從世尊聞如是語 甚為當知 有二妙智 應正尋思 應善稱量 應審觀察 能得未得 能觸未觸 能證未證 能起愁歎 能滅憂苦 能會正理 能獲甘露 能證涅槃 云何為二 謂世間智及出世智 世間智者 謂於色蘊能正了知 此為色蘊 於受想行及識蘊中 亦復如是 於其地界能正了知 此為地界 於水火風及空識界 亦復如是 於其眼界能正了知 此為眼界 於其色界及眼識界 亦復如是 於其耳界能正了知 此為耳界 於其聲界及耳識界 亦復如是 於其鼻界能正了知 此為鼻界 於其香界及鼻識界 亦復如是 於其舌界能正了知 此為舌界 於其味界及舌識界 亦復如是 於其身界能正了知 此為身界 於其觸界及身識界 亦復如是 於其意界能正了知

此為意界於其法界及意識界亦復如是於如此等世俗法中如是如是如實了知智見通慧現觀等覺周遍照了名世間智諸聖弟子於此所說世間智中應正尋思應善稱量應審觀察此世間智正修習時為能令生法有情永脫生不為能令彼老法有情永脫老不病法死法愁法歎法憂法苦法不安隱法亦復如是既審察已能正了知此世間智正修習時不能令彼生法有情永脫於生不能令彼老法有情永脫於老病法死法愁法歎法憂法苦法不安隱法亦復如是所以者何此世間智非賢聖法非能永出非趣涅槃非能永歇非能永離非能永滅非能永寂非真通慧非正等覺不證涅槃是感生法是感老法病法死法愁法歎法憂法苦法不安隱法彼於如是尋思稱量審觀察時於世間法住怖畏想於出世法住安靜想以於世間生怖畏故都無執受無執受故不生渴愛不渴愛故便自內證究竟涅槃證涅槃已便自

了知我生已盡梵行已立所作已辦
不受後有是名於此世間智中應正
尋思應善稱量應審觀察出世智者
謂於一切蘊界囊中能正了知如是
諸法は無常性苦性病性癱性箭性
惱性害性怖性熱性壞性滅性灾性
橫性有疫癘性虛性偽性空性妄性
無實我性難保信性於如是等諸法
性中如實了知智見通慧現觀等覺
周遍照了名出世智諸聖弟子於此
所說出世智中應正尋思應善稱量
應審觀察此出世智正修習時為能
令彼三法有情永脫生不為能令彼
老法有情永脫老不病法死法愁法
歎法憂法苦法不安隱法亦復如是
既審察已能正了知此出世智正修
習時定能令彼三法有情永脫於生
定能令彼老法有情永脫於老病法
死法愁法歎法憂法苦法不安隱法
亦復如是所以者何此出世智是賢
聖法是能永出是趣涅槃是能永脫
是能永離是能永滅是能永寂是真
通慧是正等覺能證涅槃非惑生法

非感老法病法死法愁法歎法憂法
苦法不安隱法彼於如是尋思稱量
審觀察時於出世法生珍寶想於世
間法生下賤想以於出世生珍寶故
便生歡喜生歡喜故其心安適心安
適故身得輕安身輕安故便受悅樂
受悅樂故心得寂定心寂定故能實
知見實知見故能深厭背深厭背故
能正離欲正離欲故能得解脫得解
脫已便自了知我生已盡梵行已立
所作已辦不受後有是名於此出世
智中應正尋思應善稱量應審觀察
如是名為有二妙智應正尋思應善
稱量應審觀察能得未得能觸未觸
能證未證能超愁歎能滅憂苦能會
正理能獲甘露能證涅槃今時世尊
重攝此義而說頌曰

有二種妙智 知者應尋思 謂世出世間
能正盡眾苦 應觀世間智 發生怖畏想
都無有執受 展轉證涅槃 應觀出世智
發生珍寶想 由此生歡喜 便得身輕安
輕安故悅樂 悅樂故心定 由心得定故
便能生覺支 覺支觀聖諦 永斷諸疑網

無疑無所取 永脫衆苦邊

重攝前經盟陀南曰

二根二焦惱 二行二戒見 二作及不作
二智有二種

吾從世尊聞如是語 苾芻當知 若有
苾芻為欲矯誑諸衆生 故為求名譽
遠所聞 故為求利養及恭敬 故而出
家者 不名真實於如來所修行梵行
若有苾芻為通達 故為遍知 故而出
家者 是名真實於如來所修行梵行
所以者何 是諸苾芻為通達 故為遍
知 故而出家 已便能如實通所通達
所知 遍知 既能如實通所通達 知所
遍知 便能如實斷所應斷 修所應修
證所應證 既能如實斷修證 已便自
了知 我生已盡 梵行已立 所作已辦
不受後有 如是 若有為通達 故為遍
知 故而出家者 是名真實於如來所
修行梵行 今時世尊重攝此義而說
頌曰
為矯誑名譽 利養及恭敬 非真修梵行
是虛妄出家 為通達遍知 速證取上義
是真修梵行 非虛妄出家

吾從世尊聞如是語苾芻當知若有
苾芻為欲矯誑諸衆生故為求名譽
遠所聞故為求利養及恭敬故而出
家者不名真實於如來所修行梵行
右有苾芻為律儀故為正斷故而出
家者是名真實於如來所修行梵行
所以者何是諸苾芻為律儀故為正
斷故而出家已便能如實守護六根
不虧禁戒及能速證寂上正斷既能
如實守護六根不虧禁戒及能速證
寂上正斷便能如實斷所應斷修所
應修證所應證既能如實斷修證已
便自了知我生已盡梵行已立所作
已辦不受後有如是若有為律儀故
為正斷故而出家者是名真實於如
來所修行梵行尔時世尊重攝此義
而說頌曰

為矯誑名譽 利養及恭敬 非真修梵行
是虛妄出家 為正斷律儀 速證寂上義
是真修梵行 非虛妄出家

吾從世尊聞如是語苾芻當知若有
苾芻為欲矯誑諸衆生故為求名譽
遠所聞故為求利養及恭敬故而出

家者不名真實於如來所修行梵行
若有苾芻為求厭背為求離欲而出
家者是名真實於如來所修行梵行
所以者何是諸苾芻為厭背故為離
欲故而出家已便能如實厭背離欲
既離欲已便得解脫既解脫已便自
了知我生已盡梵行已立所作已辦
不受後有如是若有為厭背故為離
欲故而出家者是名真實於如來所
修行梵行今時世尊重攝此義而說
頌曰

為矯誑名譽 利養及恭敬 非真修梵行
是虛妄出家 為厭背離欲 速證寂上義
是真修梵行 非虛妄出家

吾從世尊聞如是語苾芻當知一切
如來應正等覺所說法門略有二種
云何為二一者於惡應正了知二者
於惡應深厭背一切如來應正等覺
略說如是二種法門所以者何諸修
行者於諸惡法應正了知既於惡法
正了知已便能厭背既厭背已便能
離欲既離欲已便得解脫得解脫已
便自了知我生已盡梵行已立所作

已辦不受後有如是行者求斷諸愛
及衆結縛無倒現觀正盡苦邊今時
世尊重攝此義而說頌曰

當知諸如來 應正等覺者 哀愍衆生故
說二種法門 於衆惡正知 及厭背離欲
心解脫自在 正盡衆苦邊

吾從世尊聞如是語 必當知有二
種法若修若習若多修習能斷二法
云何二法若修若習若多修習能斷
二法謂不淨觀及慈悲觀能斷貪欲
及與瞋恚所以者何一切已貪現貪
當貪皆由作意思惟淨相一切已瞋
現瞋當瞋皆由作意思惟怨相一切
已斷現斷當斷所有貪欲皆由作意
修不淨觀一切已斷現斷當斷所有
瞋恚皆由作意修慈悲觀於不淨觀
若修若習若多修習決定能斷一切
貪欲於慈悲觀若修若習若多修習
決定能斷一切瞋恚若欲決定斷貪
欲者當勤精進修不淨觀若欲決定
斷瞋恚者當勤精進修慈悲觀修不
淨觀無有貪欲而不能斷修慈悲觀
無有瞋恚而不能斷如是名為有二

種法若修若習若多修習能斷二法
余時世尊重攝此義而說頌曰

修習多修習 二法斷二法 謂不淨慈悲
斷貪欲瞋恚 是故有智者 當觀自饒益
修不淨慈悲 斷貪欲瞋恚

吾從世尊聞如是語慈尊當知其涅槃界略有二種云何為二一者有餘
依涅槃界二者無餘依涅槃界云何
名為有餘依涅槃界謂諸慈尊得阿
羅漢諸漏已盡梵行已立所作已辦
已捨重擔已證自義已盡有結已正
解了心善解脫已得遍知宿行為緣
所感諸根猶相續住雖成諸根現觸
種種好醜境界而能厭捨無所執著
不為愛恚纏繞其心愛恚等結皆永
斷故彼於諸色求欲見時雖復以眼
觀於諸色而不發起貪瞋癡等雖復
有眼及好醜色而無貪欲亦無瞋恚
所以者何愛恚等結皆永斷故彼於
諸聲求欲聞時雖復以耳聽於諸聲
而不發起貪瞋癡等雖復有耳及如
醜聲而無貪欲亦無瞋恚所以者何
愛恚等結皆永斷故彼於諸香求欲

艱時雖復以鼻艱於諸香而不發起
貪瞋癡等雖復有鼻及好醜香而無
貪欲亦無瞋恚所以者何愛恚等結
皆永斷故彼於諸味求欲嘗時雖復
以舌嘗於諸味而不發起貪瞋癡等
雖復有舌及好醜味而無貪欲亦無
瞋恚所以者何愛恚等結皆永斷故
彼於諸觸求欲覺時雖復以身覺於
諸觸而不發起貪瞋癡等雖復有身
及好醜觸而無貪欲亦無瞋恚所以
者何愛恚等結皆永斷故彼於諸法
求欲知時雖復以意知於諸法而不
發起貪瞋癡等離諸貪欲證得究
竟寂滅涅槃作是思惟世尊為彼怖
畏諸有阿賴耶者恒為斷見所繫縛
者令知業果無失壞故所說正法現
見應時易見饒益智者內證一切世
間真實對治謂能除滅憍慢渴愛害
阿賴耶斷諸徑路證真空性離諸貪
以證得究竟寂滅涅槃如是名為有
慧眼者能正觀察如是名為由二纏
故今諸天人一類怯劣一類勇猛有
慧眼者能正觀察今時世尊重顯此

義而說頌曰

本事經第三卷 第十九張 籍

備

由二纏所纏令諸天人衆一類有怯劣
一類有勇猛 有慧眼聲聞 能如實觀察
能除慢厭離 究竟證涅槃 復如實了知
佛所說正法 能滅斷常見 及二愛無餘
有慧眼龍王 能普雨法雨 滅諸煩惱焰
今證大清涼
本事經卷第三

校正後序

此一卷經宋鄉則同同有四十三段丹本唯
有十八段耳多少如是不同文義始終迥異
如何去取今檢末鄉本經有四大錯丹有二
事以知其正何則此卷品名既是二法則應
始終唯說二法而不相當是宋鄉本經四十三
一法則名義不相當是宋鄉本經四十三
初二段及第三段前六行七則是諸本初卷
二幅心義經一段十二行可宋鄉於此三重
重寫是二錯也第三段中一行有七情已下即
是諸本初卷七幅破僧經一段十七行耳宋
鄉於此重重寫之其乃至於四十一重是三
錯也其卷末頌云貪欲瞋害者即是諸本第二
不恨嫉與輕航嗜慢將害者即是諸本第二
卷九幅結經頌正云貪欲瞋害者即是諸本第二
恨嫉與輕航嗜慢將害者即是諸本第二
鄉於此開重寫之是四錯也故知大錯耳宋
此丹本十八段經始從成就二分終至二果
二經皆是二法即與品目名義相當是一正
也又按諸本第四卷中七幅有結頌云為通
達律儀狀知不淨果經覺悟冥坐愧所作尋
求者則結十二經為一頌其覺悟已下五經
即是諸本第四卷初五經其經耳則列結
上七經即是丹本此卷末七經耳則列結
相應是二正也餘本則非
故今取此丹本為正云

本事經卷第四

籍

大唐三藏法師玄奘奉 詔譯

二法品第二之二

吾從世尊聞如是語苾芻當知若有
苾芻減省睡眠具念正知心常安住
悅豫清淨於諸善法善觀時宜而正
修習如是苾芻減省睡眠具念正知
心常安住悅豫清淨於諸善法善觀
時宜而正修習於二果中隨證一果
謂於現法或證有餘依涅槃界或不
還果亦時世尊重攝此義而說頌曰
覺悟能聞法修行得勝果就著於睡眠
都無有所得減省睡眠者具正念正知
善安住其心常悅豫清淨於諸善法中
知時宜修習能究竟超越生老病死苦
是故應勤修減省睡眠法常安觀寂靜
得二果無疑或斷下分結證得不還果
或斷上分結度生老病死
吾從世尊聞如是語苾芻當知若有
苾芻於空閑處常樂宴坐勤修內心
奢摩他定不離靜慮成就明淨毗鉢
舍那守護自心令無散亂於諸善法

修集無狀如是苾芻於二果中我說
定能隨證一果謂於現法或證有餘
依涅槃界或不還果今時世尊重攝
此義而說頌曰

樂空閑宴坐 具正念正知 善安住其心
離虛妄分別 善防護自心 速斷無明闇
及諸欲煩惱 無憂悔歸真 常寂定其心
具正念靜慮 無所執解脫 永盡諸有貪
常樂不放逸 見放逸生怖 諸見能永斷
速證般涅槃

吾從世尊聞如是語苾芻當知若有
苾芻無慙無愧 彼人決定不能通達
不能遍知 不證等覺 不證涅槃 不能
證得無上安樂 若有苾芻有慙有愧
彼人決定能得通達 能得遍知 能證
等覺 能證涅槃 能證究竟無上安樂
今時世尊重攝此義而說頌曰

無慙無愧者 懈怠不精進 多憎沉睡眠
去結盡為遠 有慙有愧者 常無有放逸
樂靜慮深定 去涅槃不遙 彼能斷眾結
及生老病死 速證三菩提 得無上安樂
吾從世尊聞如是語苾芻當知諸出
家者略有二種 所應作事 若能正作

得所未得觸所未觸證所未證能起
愁歎能滅憂苦能觸如理能得甘露
能證涅槃云何為二一者靜慮二者
聽說云何靜慮謂諸苾芻遠離諸欲
惡不善法有尋有伺離生喜樂具足
安住取初靜慮尋伺靜息內淨一趣
無尋無伺定生喜樂具足安住第二
靜慮離喜住捨正念正知身受快樂
衆聖所說有捨有念安住快樂具足
安住第三靜慮斷苦斷樂先滅憂喜
不苦不樂捨念清淨具足安住第四
靜慮云何聽說謂諸苾芻於佛所說
初中後善文義巧妙純滿清白梵行
之法所謂契經應頌記別伽他自說
本事本生及與方廣未曾有法於如
是法受誦聽習令其通利宣暢解釋
是名聽說如是名為諸出家者略有
二種所應作事若能正作得所未得
觸所未觸證所未證能起愁歎能滅
憂苦能觸如理能得甘露能證涅槃
今時世尊重攝此義而說頌曰

出家有二種正所應作事謂靜慮聽說
速證於涅槃靜慮慧為因慧必由靜慮

有靜慮有慧速證於涅槃百千痼羊僧
無慧修靜慮設經百千歲無一得涅槃
勤修智慧人樂聽法說法欽念須臾頃
能速證涅槃

吾從世尊聞如是語必當當知尋求
有二更無第三云何為二謂聖尋求
非聖尋求云何名為非聖尋求謂有
一類已有老法尋求老法已有病法
尋求病法已有死法尋求死法已有
愁法尋求愁法已有染法尋求染法
云何老法所謂妻子奴婢僕使爲馬
牛羊鷄猪田宅金銀財穀是名老法
如是老法是諸有情生死苦本愚夫
異生於此守護染愛執著由此不能
解脫生死故名老法云何病法所謂
妻子奴婢僕使廣說乃至由此不能
解脫生死故名死法云何愁法所謂
妻子奴婢僕使廣說乃至由此不能
解脫生死故名愁法云何染法所謂
妻子奴婢僕使爲馬牛羊鷄猪田宅
金銀財穀是名染法如是染法是諸

有情生死苦本愚夫異生於此守護
染愛耽著由此不能解脫生死故名
染法若有於此愛樂尋求當知是名
非聖尋求如是尋求如來終不稱揚
讚歎唯勸導之今知捨離何緣如是
非聖尋求如來終不稱揚讚歎唯勸
導之今知捨離由此尋求非賢聖法
非能出離非趣涅槃非猒非離非滅
非靜非得通慧非成等覺非證涅槃
由此尋求能引一切生老病死愁歎
憂苦諸熱惱法是故如是非聖尋求
如來終不稱揚讚歎唯勸導之今知
捨離云何名為是聖尋求謂有一類
已有老法能自了知我有老法能如
實知老法過患尋求畢竟無老無上
安樂涅槃已有病法能自了知我有
病法能如實知病法過患尋求畢竟
無病無上安樂涅槃已有死法能自
了知我有死法能如實知死法過患
尋求畢竟無死無上安樂涅槃已有
愁法能自了知我有愁法能如實知
愁法過患尋求畢竟無愁無上安樂
涅槃已有染法能自了知我有染法

能如實知染法過患尋求畢竟無染
無上安樂涅槃如是名為是聖尋求
如是尋求一切如來稱揚讚歎何緣
如是是聖尋求一切如來稱揚讚歎
由此尋求是賢聖法能永出離能趣
涅槃能厭能離能滅能靜能得通慧
能成等覺能證涅槃由此尋求能超
一切生老病死愁歎憂苦生死熱惱
是故如是是聖尋求一切如來稱揚
讚歎如是名為尋求有二更無第三
是故汝等應如是學我當云何遠離
如是非聖尋求修行如是是聖尋求
汝等必當應如是學今時世尊重攝
此義而說頌曰

一切有情類有二種尋求更無有第三
謂聖與非聖不知老病死愁染法過患
希求深愛著名非聖尋求此增長衆苦
出離未為期從生復至生或高或下趣
善知老病死愁染法過患希求彼寂滅
名真聖尋求此損減衆苦速證於涅槃
永安樂清涼常無漏無怖彼非聖尋求
諸佛所呵毀是生死根本智者當遠離
此真聖尋求諸佛所稱讚是趣涅槃道

有智者應修

重攝前經喩於南曰

為通達律儀 狀知不淨界 經覺悟宴坐
愧所作尋求

吾從世尊聞如是語 必當知略有
二種白淨善法 能護世間云何為二
謂慙與愧 若無此二白淨善法 世間
有情皆成穢雜 猶如牛羊鷄猪狗等
不識父母兄弟姊妹 不識軌範親教
導師 似導師等 由有此二白淨善法
世間有情 離諸穢雜 非如牛羊鷄猪
狗等 了知父母兄弟姊妹 了知軌範
親教導師 似導師等 是故汝等應如
是學 我當云何成就如是二種最勝
第一慙愧 白淨善法 汝等必當應如
是學 今時世尊重攝此義而說 頌曰
二白淨善法 能護諸世間 令不失人天
謂慙及與愧 若無此二法 都不識尊卑
穢雜似牛羊 鷄猪狗等類 由有此二法
能了別尊卑 非如牛羊等 行諸雜穢事
諸有智慧人 成就二白法 常守人天趣
終不墮三塗

吾從世尊聞如是語 必當知我為

如來應正等覺未成佛時居菩薩位
多分安住二種尋思云何為二一者
如來居菩薩位多分安住不害尋思
欣喜悅樂如是安住不害尋思欣喜
悅樂是名第一多分尋思由住如是
修習行迹於諸有情都無損害由此
尋思證得無量圓滿梵住二者如來
居菩薩位多分安住永斷尋思欣喜樂
悅樂如是安住永斷尋思欣喜悅樂
是名第二多分尋思由住如是修習
行迹於不善法能正永斷由此尋思
證得善根圓滿勝道我於今時安住
如是二種尋思精進勇猛乃至自身
一切血肉志皆枯竭唯餘身肉骨筋
皮經裏亦不放逸乃至未知未見未
得未解未證所應知見得解證法於
其中間住不放逸精進勇猛曾無懈
廢由不放逸精進勇猛無懈廢故遠
證無上正等菩提速證無上清涼涅
槃速證無上一切智見是故汝等應
如是學我當云何安住不言欣喜悅
樂多分尋思安住永斷欣喜悅樂多
分尋思汝等必當應如是學今時世

尊重攝此義而說頌曰

佛為菩薩時多安住二法 謂不害永斷
欣喜悅樂思不害諸有情 修慈悲喜捨
證無量梵住圓滿不為難 永斷不善法
一切煩惱纏 證得諸善根 圓滿殊勝道
常精進勇猛 無放逸而住 證無上菩提
清涼涅槃等

吾從世尊聞如是語 必當知諸婆
羅門長者居士刹帝利等多有所作
謂施汝等如法衣服飲食卧具病緣
醫藥房舍資具汝等必當多有所作
謂能為彼宣說正法初中後善文義
巧妙純滿清白梵行之法由此俱能
解脫生法老病死法愁歎憂苦熱惱
之法汝等與彼力輪法輪長轉相依
於如來所勤修梵行速至無上般涅槃
城今時世尊重攝此義而說頌曰
出家與居家 長轉相依 由力法二輪
速至涅槃樂 出家依在俗 得如法資具
在俗依出家 獲微妙正法 二眾相依
受人天快樂 度生老病死 至清涼涅槃
吾從世尊聞如是語 必當知依住
尸羅能修二法云何為二 謂奢摩他

毗鉢舍那謂修行者依住尸羅修奢
摩他既修如是奢摩他已修心令滿
為何事故修習其心修習心者為斷
貪故諸修行者依住尸羅精勤修習
毗鉢舍那既修如是毗鉢舍那已修
慧令滿為何事故修習其慧修習慧
者為斷癡故貪染汙心令解脫癡
染汙慧令不明照若永離貪心善解
脫若永離癡慧善解脫若於如是二
種解脫已能正知見得觸證我說彼
為心善解脫慧善解脫獨一修習最
上丈夫諸聖弟子正證如是心解脫
者若他罵詈訶責輕弄毀辱等時不
由此緣發生種種不忍不信害恨等
心所以者何以能照見他罵詈等於
彼有罪於已無損諸聖弟子正證如
是心解脫者若他讚美恭敬禮拜供
養等時不由此緣發生種種歡喜踊
躍悅豫等心所以者何以能照見他
讚美等於彼有福於已無益若能如
是名於世法得心平等無感無欣安
隱自在是故汝等應如是學我當去
何依住尸羅修奢摩他毗鉢舍那汝

等必藉應如是學今時世尊重攝此義而說頌曰

依住淨尸羅 修無罪止觀 密護根及意
證甘露涅槃 修止令心調 心調離貪欲
離欲證解脫 證解脫心平 修觀今慧明
慧明滅癡闇 滅闇證解脫 證解心平等
故汝等必藉 精進勿放逸 常依住尸羅
修無罪止觀

吾從世尊聞如是語 必藉當知修學
勝利於如來所修行 梵行慧為上首
解脫堅固念寂尊 勝彼終不為味著
色貪纏擾其心 亦復不為味著聲香
味觸法貪纏擾其心 心不為貪所纏
擾故無隨味著色相 貌識無隨味著
聲香味觸法相 貌識於二果中隨證
一果謂於現法證有餘 依般涅槃界
或不還果今時世尊重攝此義而說
頌曰

修學勝利人 依佛修梵行 慧為其上首
及解脫堅牢 念寂居尊勝 二果隨證一
謂現法涅槃 及永不還果 由慧為上首

貪不擾其心 無隨色等緣 相貌所生識
學勝利圓滿 生勝定上慧 盡生老死邊
證有餘依界 故汝等必勤 應勤修戒定
生微妙勝慧 盡生老病死 住我法律中
能無放逸者 定壞魔軍力 永盡衆苦邊
吾從世尊聞如是語 必勤當知一切
世間惡不善法 皆以無明為其前導
而得生長 以無慙愧為其後助 而不
損減 所以者何 諸趣有生生老病死
愁歎憂苦熱惱等法 一切皆用無明
為根 而得生長 既生長已 依之復能
生起一切惡不善法 惡法既生 由無
慙愧都無悔變 無悔變故 而不損減
一切世間善清淨法 皆以慧明為其
前導 而得生長 以慙與愧為其後助
而不損減 所以者何 明處其前 慙愧
為後 能永斷滅諸趣有生生老病死
能超一切愁歎憂苦熱惱等法 能觸
如理 能得甘露 能證涅槃 是故汝等
應如是學 我當云何 永斷無明發起
慧明 永斷一切諸趣有生生老病死
永超一切愁歎憂苦熱惱等法 觸於
如理 得於甘露 證於涅槃 汝等必勤

應如是學。今時世尊重屬此義而說。
頌曰

此世及後生。生老病死等。貪愛等煩惱。
皆無明為根。無明為大愚。今久處生死。
此世與他世。高下趣往還。取初有無明。
最後無慙愧。生長諸惡法。墮眾惡趣中。
故應勤精進。離貪愛愚癡。發起智慧明。
斷生死苦本。

吾從世尊聞如是語。必當知一切。
如來應正等覺。憐愍世間出興於世。
為欲永斷除捨二法。轉於賢聖無上。
法輪一切世間所有沙門。或婆羅門。
天魔梵等。曾未有能如法轉者。云何。
二法一者無明。二者有愛。一切如來。
應正等覺。憐愍世間出興於世。皆為。
永斷除捨此二轉。於賢聖無上法輪。
廣說乃至曾未有能如法轉者。若能。
永斷除捨一切所有無明及諸有愛。
令其永盡。無有遺餘。便能永斷一切。
煩惱諸雜染法。是則名為出諸燒灑。
越諸垣牆。破諸關鍵。摧伊師迦。是真。
賢聖。是正法幢。是大沙門。是婆羅門。
是真聰慧。是真沐浴。是真智者。是真。

調順至調順地名世福田今時世尊
重攝此義而說頌曰

無上正等覺 商主世間尊 大雄大丈夫
拔衆毒箭者 哀愍諸世間 為斷除二法
謂無明有愛 轉無上法輪 是苦是苦因
是衆苦永滅 是八支聖道 趣滅苦涅槃
智者聞斯法 信解等堅牢 達諸法正真
斷無明有愛 無明有愛除 諸雜染皆滅
至善調順地 名世良福田

吾從世尊聞如是語 茲當當知有二
苦事最為難忍 一剃鬚髮二常乞求
所以者何 世間怨嫌興咒詛者 作是
願言 願彼貧窮剃除鬚髮服故弊衣
手持瓦器 從家至家行乞 自活諸有
淨信善男子等 受持此法而出家者
非為王賊債主怖畏之所逼切 非恐
不活而捨居家 但為超度生老病死
愁歎憂苦熱惱等法 但為滅除純大
苦蘊 我諸弟子 求如是事 正信出家
為利自他 受持此法 或有如是而出
家已 未經幾時 則便寬慢放逸懈怠
下劣精進 亡失正念 無有正知 心亂
不定 縱任諸根 多欲貪著 心懷瞋忿

愚鈍無知耽染諸欲虛妄思惟毀諸
禁戒實非沙門自稱沙門實非梵行
自稱梵行內朽順流如穢蝸螺貝音
狗行覆藏已惡詐現自善成就種種
惡不善法辭如有人從闇入闇從坑
墮坑從怨至怨我說如是癡出家人
亦復如是又如木雨頭火燃中塗
糞穢若在聚落及與空閑皆無復用
我說如是癡出家人亦復如是失在
家法復非沙門世出世間皆無勝分
今時世尊重攝此義而說頌曰
出家而破戒二俱無所成謂失在家儀
及壞沙門法寧吞熱鐵丸洋銅而灌口
不受人信施而毀犯尸羅諸毀犯尸羅
無悔無慙愧多受人信施定當生地獄
諸有智慧人應堅持淨戒勿受人信施
而毀犯尸羅

吾從世尊聞如是語茲勸當知世有
二種補特伽羅攝受增益惡趣地獄
惡不善法云何二種補特伽羅一者
一類補特伽羅毀犯淨戒實非沙門
目稱沙門實非梵行自稱梵行內朽
順流如穢蝸螺貝音狗行覆藏已惡

詐現自善如朽隧級無所復用唯增
惡趣二者一類補特伽羅於具淨戒
無所毀犯精進修行清白梵行有德
必藉以諸無根非梵行法誹謗毀辱
令失威光如是二種補特伽羅攝受
增益惡趣地獄惡不善法今時世尊
重攝此義而說頌曰

二補特伽羅生長惡趣業謂毀犯淨戒
及誹謗賢良如是二種人俱名為下賤
現在人所鄙受苦在當來是故諸苾芻
常應不放逸受持清淨戒勿毀謗他人
吾從世尊聞如是語苾芻當知世有
二種補特伽羅恩深難報云何為二
所謂父母假使有人一肩荷父一肩
擔母盡其壽量曾無慙捨供給衣食
病緣醫藥種種所須猶未能報父母
深恩所以者何父母於子恩極深重
所謂產生慈心乳哺洗拭將養令其
長大供給種種資身眾具教示世間
所有儀式心常欲令離苦得樂曾無
慙捨如影隨形父母於子既有如是
所說深恩當云何報若彼父母於佛
法僧無清淨信其子方便示現勸導

讚勵慶慰今生淨信若彼父母無清
淨戒其子方便示現勸導讚勵慶慰
令其受持清淨禁戒若彼父母無有
多聞其子方便示現勸導讚勵慶慰
令其聽聞諸佛正法若彼父母為性
慳貪不樂布施其子方便示現勸導
讚勵慶慰令行布施若彼父母為性
闇鈍無有勝慧其子方便示現勸導
讚勵慶慰令修勝慧其子如是乃名
真實報父母恩今時世尊重顯此義
而說頌曰

二補特伽羅 恩深重難報 所謂父及母
能生長世間 假使以兩肩 盡壽荷父母
常供養恭敬 猶未為報恩 父母於世間
能生育教導 慈心求利樂 如彼影隨形
若父母先無 信戒聞捨慧 子今其修習
名真實報恩 恭敬給所須 唯現世安樂
令修信戒等 究竟證涅槃

吾從世尊聞如是語必當當知世有
二種無欺誑法云何為二謂業與智
若諸有情已集諸業其異熟果若未
現前終不盡滅若諸有情已生諸智
一切煩惱若未永除終不捨離如是

名為世有二種無欺誑法今時世尊
重攝此義而說頌曰

二無欺誑法諸佛共所談謂已集已生
諸業及諸智異熟果未生諸業終不滅
煩惱若未盡智終不捨離業是生死因
智為滅惑本是故應修智永盡衆苦邊
吾從世尊聞如是語必當當知世有
二種補特伽羅應深尊重禮拜供養
以敬愛心親近而住云何為二所謂
父母若諸有情於其父母深心尊重
禮拜供養以敬愛心親近而住生無
量福諸有智人咸共稱歎聲譽普聞
廣衆無畏後不焦惱無悔命終身壞
死後昇諸善趣生於天中何緣有情
應於父母深心尊重禮拜供養以敬
愛心親近而住父母於子有深重恩
所謂產生慈心乳哺洗拭將養令其
長大供給種種資身衆具教示世間
可有儀式心常欲令離苦得樂曾無
慙捨如影隨形是故父母應深敬重
禮拜供養以敬愛心親近而住若諸
有情敬愛父母親近而住父母於其
深心慈慰除無益事授有益事制止

衆惡勤修衆善為其妙娶貞良妻室
有時賜與珍寶財穀世間天人咸共
稱歎恭敬供養親近加護令無憂惱
是故有情於其父母應深尊重禮拜
供養以敬愛心親近而住亦時世尊
重攝此義而說頌曰

諸有樂福人應尊重父母禮拜供養
敬愛親近居世間聖慧人恭敬於父母
恒時修供養常生歡喜心父母於世間
恩深重難報除無益制惡授利勸修善
與妻室資財慈心常覆護是故修供養
無量福聚生現得勝名聞咸供養恭敬
死生天善趣受妙樂無窮欲得生天人
受五欲妙樂猶如天帝釋當供養父母
重攝前經盟於南曰

善尋輪戒學無明慧斷除苦毀謗報恩
無欺誑父母

本事經卷第四

癸卯歲高麗國分貢人藏都事奉
勅彫造

本事經卷第五

籍

大唐三藏法師玄奘奉詔譯

二法品第二之三

吾從世尊聞如是語必當當知施有二種云何為二一者財施二者法施云何財施謂有一類補特伽羅能施種種美妙飲食香鬘衣乘房舍卧具資產燈明病緣醫藥捨如是等分布惠他名為財施云何法施謂廣為他宣說正法初中後善文義巧妙純滿清白梵行之法令諸有情聞已解脫生老病死愁歎憂苦諸熱惱法是名法施於此財法二種施中法施最上勝妙第一譬如世間從牛出乳從乳出酪酪出生酥從此生酥出於熟酥復從熟酥出於醍醐於是種種牛諸味中醍醐最上勝妙第一如是財法二種施中法施最上勝妙第一於法施中能無顛倒行法施者唯有如來應正等覺明行圓滿善逝世間解無上丈夫調御士天人師佛薄伽梵小時世尊重攝此義而說頌曰

於二種施中法施為第一能行法施者
善逝寂為尊受財施田中如來為第一
行財施不定受法施衆生財施令衆生
得世安隱樂法施令受者究竟證涅槃
吾從世尊聞如是語必當知祠祀
有二云何為二財祠祀二法祠祀
財祠祀者謂有一類補特伽羅祠祀
種種美妙飲食香鬘衣乘房舍卧具
資產燈明如是等類名財祠祀法祠
祀者謂能祠祀契經應頌記別伽他
自說本事本生方廣未曾有法以無
量門如理宣說施設建立分別開示
名法祠祀於此財法二祠祀中法祠
寂上勝妙第一辭如世間從牛出乳
從乳出酪酪出生酥從此生酥出於
熟酥復從熟酥出於醍醐於是種種
牛諸味中醍醐寂上勝妙第一如是
財法二祠祀中法祠寂上勝妙第一
於法祠中能無顛倒行法祠者唯有
如來應正等覺明行圓滿善逝世間
解無上丈夫調御士天人師佛薄伽
梵今時世尊重攝此義而說頌曰
於二種祠中法祠為第一能行法祠者

善逝最為尊受財祀田中如來為第一
 行財祀不定受法祀眾生財祀令眾生
 得世安隱樂法祠令受者究竟證涅槃
 吾從世尊聞如是語慈藹當知諸修
 行者同集會時應作二事一者法言
 二者宴默由法言故審知有德審知
 德故便深敬信深敬信故更往詣彼
 往詣彼故親近供事親供事故求聞
 正法求聞法故攝耳不乱耳不乱故
 聽聞正法聞正法故於法通利法通
 利故能記持法記持法故能觀察義
 觀察義時堪能於法審諦思惟堪能
 於法審諦思時便生欲樂生欲樂已
 便得勢力得勢力已便能稱量由稱
 量故便能決擇能決擇故於諦隨覺
 便自了知我生已盡梵行已立所作
 已辦不受後有由宴默故心便寂定
 清淨鮮白無有瑕疊離隨煩惱調順
 堪任安住不動堪能引發能引發故
 如實了知如實知故便能默背能默
 背故便能離欲既離欲已便得解脫
 得解脫已便自了知我已解脫我生
 已盡梵行已立所作已辦不受後有

汝等苾芻應說上法應了上法若能如是乃名真實攝受仙幢非眾集會戲論語言能正了知諸法實相能斷諸漏能證涅槃我常集會宣說上法了知上法故名第一攝受仙幢今時世尊重攝此義而說頌曰

行者集會時應修作二事 謂寂然宴默及說正法言由說正法言及寂然宴默知諸法實相究竟證涅槃汝等諸苾芻若說了上法乃得名真實攝受大仙幢我常處眾中宣說照了法是故名第一攝受大仙幢若依正法幢能說能修行定速脫生死至究竟涅槃

吾從世尊聞如是語苾芻當知若諸苾芻於言說時非理作意起欲尋思起志尋思起言尋思如是苾芻名多惡者行慢緩者趣向多惡為方便故於斷於離棄捨善軌放逸懈怠下劣精進亡失正念有不正知不定心亂縱任諸根無出離見不知出離如實正慧趣向惡魔惡不善法為諸惡魔惡下善法之所摧伏增長一切惡不善法若諸苾芻於宴默時非理作意

廣說乃至增長一切惡不善法如是
苾芻為諸有智同梵行者之所訶毀
我亦於彼常不稱讚如是苾芻雖得
出家受具足戒而名惡慧樂有癡人
是故汝等應如是學我當云何方便
斷除非理作意方便修習如理作意
汝等苾芻應如是學尔時世尊重攝
此義而說頌曰

言說宴默時 縱諸根造惡 不奉行我教
是愚昧癡人 故汝等苾芻 應修不放逸
離非理作意 當如理思惟 汝等若正勤
語默無放逸 不久度生死 證無上涅槃
吾從世尊聞 如是語苾芻 當知若諸
苾芻於言說時 如理作意 出離尋思
無恚尋思 無害尋思 如是苾芻 名多
善者 無慢緩者 趣向多善 為方便故
於斷於離 不捨善軌 離諸放逸 勇猛
精進 正念正知 心定無亂 密護諸根 有
出離見 能知出離 如實正慧 棄背惡
魔惡不善法 摧伏惡魔 惡不善法 損減
一切惡不善法 若諸苾芻 於宴默時
如理作意 廣說乃至損減 一切惡不
善法 如是苾芻 為諸有智同梵行者

之所稱讚我亦於彼恒常稱讚如是
必勤名真出家受具足戒有大智慧
不樂諸有名不癡人是故汝等應如
是學我當云何方便修習如理作意
方便斷除非理作意汝等必勤應如
是學亦時世尊重攝此義而說頌曰
言說宴默時不縱根造惡能奉行我教
是聰慧智人修出離尋思及無患無害
有出離正見於如實能知能摧伏惡魔
諸惡不善法永斷諸煩惱證究竟涅槃
故汝等必勤應修不放逸當如理作意
離非理思惟汝等若正勤語默無放逸
不久度生死證無上涅槃

吾從世尊聞如是語必勤當知有學
必勤有二種力云何為二謂思擇力
及修習力云何必勤有思擇力所謂
一類有學必勤受用種種衣服飲食
房舍卧具病緣醫藥資生具時皆善
思擇非不思擇而便受用於所未得
衣服飲食房舍卧具病緣醫藥諸資
生具不甚希求於所已得衣服飲食
房舍卧具病緣醫藥諸資生具不深
耽著堪能忍受寒熱飢渴風日蚊虻

蛇蝎等觸堪能忍受他所毀謗罵辱
等言堪能忍受身內所生猛利辛楚
酸疼難忍奪命臨終難治苦受堪能
忍受一切世間極難忍事能善思擇
諸身語意三種惡行能照現法生法
後法不可愛樂苦異熟果作是思惟
我今定當斷身語意三種惡行我今
定當修身語意三種妙行能正了知
二種惡行所有過患復正了知三種
妙行所有功德既正知已勤斷勤修
惡行妙行修治自身令其清淨離諸
罪法如是名為有學苾芻初思擇力
云何苾芻有修習力所謂一類有學
苾芻所得憶念一切皆與覺支相順
而不相違所得擇法及精進喜輕安
定捨一切皆與覺支相順而不相違
修念覺支皆依止猒皆依止離皆依
止滅迴向於捨修習擇法及精進喜
輕安定捨覺支皆依止猒皆依止離
皆依止滅迴向於捨如是名為有學
苾芻後修習力是名有學苾芻二力
尔時世尊重攝此義而說頌曰
諸有學苾芻略有二種力思擇及修習

能伏惡魔軍見惡過能斷知妙德能修
能忍受思惟是名思擇力依止歇離滅
及迴向於捨而修七覺支是名修習力
吾從世尊聞如是語必當當知由二
種法盡滅故死云何二法一業二壽
由業盡故及壽盡故決定命終若時
有業亦時有壽若時有壽亦時有業
所以者何如是二法恒常和合無不
和合如是二法不可施設分拆離散
此時有業彼時有壽此時有壽彼時
有業若有其業即有其壽若有其壽
即有其業若無其業即無其壽若無
其壽即無其業譬如燃燈生焰發明
若有其焰即有其明若有其明即有
其焰若無其焰即無其明若無其明
即無其焰業壽亦尔若有其業即有
其壽若有其壽即有其業若無其業
即無其壽若無其壽即無其業如是
二法盡滅故死亦時世尊重攝此義
而說頌曰

二法恒相隨 謂業及與壽
業有壽亦有 業無壽亦無
壽業未消亡 有情終不死
壽業若盡滅 含識死無疑

吾從世尊聞如是語苾芻當知有二種行世間衆生皆共造作云何為二一者能感短壽之行二者能感長壽之行云何能感短壽之行謂有一類補特伽羅常樂殺生為性兇暴血塗其手傷害物命無有慚著無有慈愍於諸衆生常行殺害乃至殺害折脚蟻子是名能感短壽之行云何能感長壽之行謂有一類補特伽羅遠離殺生棄捨殺具慚著慈愍於諸衆生常不殺害乃至不害折脚蟻子是名能感長壽之行如是名為有二種行世間衆生皆共造作今時世尊重攝此義而說頌曰

世間諸有情略有二種行由二行差別感壽有短長謂常樂殺生兇暴血塗手無慚著慈愍感短壽無疑常樂離殺生棄捨諸殺具有慚著慈愍感長壽無疑吾從世尊聞如是語苾芻當知由二行相應取心相云何為二一者名為所緣行相二者名為作意行相所有一切已取現取當取心相皆由如是二種行相汝等苾芻由二行相應當

正勤善取心相取心相已應善作意

善作意已應善觀察善觀察已應善

安住善安住已應同地界正勤修習

無量無損應同水界火界風界正勤

修習無量無損必藉當知譬如地界

若於其中安置糞穢涕唾膿血如是

等類淨不淨物雖置其中而其地界

曾無違順欣感高下如是安心應同

地界正勤修習無量無損既同地界

正勤修習無量無損雖遇種種違順

衆緣而心都無分別計著終不由此

差別因緣其心高下又如水界火界

風界若於其中安置糞穢涕唾膿血

如是等類淨不淨物雖置其中而其

水界火界風界曾無違順欣感高下

如是安心應同水界火界風界正勤

修習無量無損既同水界火界風界

正勤修習無量無損雖遇種種違順

衆緣而心都無分別計著終不由此

差別因緣其心高下由此定故於有

識身及外一切所緣相中我我所執

見慢隨眠善伏善斷於彼二種其心

超越離一切相寂靜安樂得善解脫

所有一切心善解脫慧善解脫皆於
其中我我所執見慢隨眠善伏善斷
於彼二種其心超越離一切相寂靜
安隱得善解脫於其所得利譽稱樂
其心不欣於其所遭衰毀譏苦其心
不感是名超過世間八法其心平等
猶如世間地水火風世間八法所不
能染今時世尊重攝此義而說頌曰
難調躁動心遠行無第二能正勤取相
是謂世聰明善取心相已復作意觀察
正念住其心勤修同四界如是正安住
能棄捨諸欲於世八法中名善巧無染
吾從世尊聞如是語必當當知有二
種法雖共乖違未嘗和合然於其中
無缺無間云何為二謂生與死譬如
世間光明影闇雖共乖違未嘗和合
然於其中無缺無間光明發時影闇
便沒影闇起時光明便謝生死亦尔
恒共乖違未嘗和合然於其中無缺
無間生法有時死法便沒死法有時
生法便謝今時世尊重攝此義而說
頌曰

如光明影闇雖恒共乖違然於二法中

未曾有間缺生死亦如是雖恒共乘連
然於二法中未曾有間缺無明根所生
愛水所滋潤纔死生便續中無間缺時
吾從世尊聞如是語悲慙當知死有
二種云何為二一者不調伏死二者
調伏死云何名為不調伏死謂諸愚
夫無聞異生未能親觀正見善士未
能了知善士之法於善士法未自調
順彼隨觀見色即是我色屬於我色
在我中我在色中彼隨觀見受即是
我受屬於我受在我中我在受中彼
隨觀見想即是我想屬於我想在我
中我在想中彼隨觀見行即是我行
屬於我行在我中我在行中彼隨觀
見識即是我識屬於我識在我中我
在識中眼見色已執取其相執取隨
好由是因緣於其眼根不能正念防
守而住發起貪憂便有無量惡不善
法隨心流漏不可堰塞於其眼根不
能防守縱蕩眼根行諸境界貪著色
味纏擾其心緣此貪故受長夜苦受猛
利苦受匱乏之苦增血鐵身增空曠路
無量往返生鄰落迦傍生鬼界及阿

素洛人天趣中受諸劇苦皆由眼根不調伏故如是或時耳聞聲已鼻嗅香已舌嘗味已身覺觸已意了法已執取其相執取隨好由是因緣於其意根不能正念防守而住發生貪憂便有無量惡不善法隨心流漏不可堰塞於其意根不能防守縱蕩意根行諸境界貪著法味纏擾其心緣此貪故受長夜苦受猛利苦受匱乏苦增血鑊身增空曠路無量往返生那落迦傍生鬼界及阿素洛人天趣中受諸劇苦皆由意根不調伏故如是名為不調伏死亡何名為調伏而死謂諸賢聖多聞弟子已能親覲正見善士已能了知善士之法於善士法已自調順不隨觀見色即是我色屬於我色在我中我在色中不隨觀見受即是我受屬於我受在我中我在受中不隨觀見想即是我想屬於我想在我中我在想中不隨觀見行即是我行屬於我行在我中我在行中不隨觀見識即是我識屬於我識在我中我在識中眼見色已不執其相

不執隨好由是因緣於其眼根善能
正念防守而住不起貪憂所有無量
惡不善法隨心流漏皆能堰塞於其
眼根善能防守不縱眼根行諸境界
不貪色味纏擾其心不緣此貪受長
夜苦受猛利苦受匱乏苦增血護身
增空曠路不復往返生鄰落迦傍生
鬼界及阿素洛人天趣中受諸劇苦
皆由眼根善調伏故如是或時耳聞
聲已鼻嗅香已舌嘗味已身覺觸已
意了法已不執其相不執隨好由是
因緣於其意根善能正念防守而住
不起貪憂所有無量惡不善法隨心
流漏皆能堰塞於其意根善能防守
不縱意根行諸境界不貪法味纏擾
其心不緣此貪受長夜苦受猛利苦
受匱乏苦增血護身增空曠路不復
往返生鄰落迦傍生鬼界及阿素洛
人天趣中受諸劇苦皆由意根善調
伏故如是名為調伏而死苾芻當知
不調伏死沉沒無量生死苦海調伏
而死超度無量生死苦海是名二死
尔時世尊重攝此義而說頌曰

略說諸有情 死法有二種 調伏不調伏
更無有第三 若不調伏死 定於諸趣中
受諸苦輪迴 經無量往返 調伏而死者
終不墮惡趣 於人天趣中能永盡衆苦
吾從世尊聞如是語 必當當知一切
諸法略有二種 云何為二 一者雜染
二者清淨 應正觀察 由一法生 所以
者何 若於一法能正守護 則於一切
能正守護 若於一法不能守護 則於
一切不能守護 云何一法 謂衆生心
若有於心不能守護 則不能護身語
意業 若不能護身語意業 是人即為
身語意業皆悉敗壞 身語意業皆敗
壞 故其心即有擾濁 垢穢心有擾濁
及垢穢者 能正了知 自利樂事 他利
樂事 俱利樂事 無有是處 能正了知
善言說義 惡言說義 無有是處 能證
一切勝上之法 真聖智見 亦無是處
所以者何 心有擾濁 及垢穢 故譬如
世間所有臺觀 若一中心不善覆蔽
則椽梁壁皆被淋漏 以椽梁壁被淋
漏 故皆悉敗壞 又如世間隣近村邑
聚落池沼 擾濁垢穢 有明眼人住其

岸上作意觀察其中所有螺蛤龜魚
礫石等類行住普側極難可見所以
者何水有擾濁及垢穢故如是衆生
若有於心不能守護則不能護身語
意業若不能護身語意業是人即為
身語意業皆悉敗壞身語意業皆敗
壞故其心即有擾濁垢穢心有擾濁
及垢穢者能正了知自利樂事他利
樂事俱利樂事無有是處能正了知
善言說義惡言說義無有是處能證
一切勝上人法真聖智見亦無是處
所以者何心有擾濁及垢穢故若有
於心能善守護則能善護身語意業
若能善護身語意業是人即為身語
意業皆不敗壞身語意業不敗壞故
其心即無擾濁垢穢心無擾濁及垢
穢者能正了知自利樂事他利樂事
俱利樂事斯有是處能正了知善言
說義惡言說義斯有是處能證一切
勝上人法真聖智見斯有是處所以
者何心無擾濁及垢穢故譬如世間
所有臺觀若一中心極善覆蔽則椽
梁壁皆無淋漏以椽梁壁無淋漏故

皆不敗壞又如世間遠離村邑聚落
池沼無有擾濁及諸垢穢有明眼人
住其岸上作意觀察其中所有螺蛤
龜魚礫石等類行住普則極易可見
所以者何水無擾濁及垢穢故如是
衆生若有於心能善守護則能善護
身語意業者能善護身語意業是人
即為身語意業皆不敗壞身語意業
不敗壞故其心即無擾濁垢穢心無
擾濁及垢穢者能正了知自利樂事
他利樂事俱利樂事斯有是處能正
了知善言說義惡言說義斯有是處
能證一切勝上人法真聖智見斯有
是處所以者何心無擾濁及垢穢故
必當知心雜染故有情雜染心清
淨故有情清淨是故雜染清淨二法
皆依止心從心所起今時世尊重攝
此義而說頌曰

若不護於心隨順於諸欲恒馳散放逸
一切無不為若善護於心不隨順諸欲
無馳散放逸一切皆防護世間聰慧人
能防身語意令不造諸惡名真健丈夫
復從世尊聞如是語必當當知有二

種見令諸有情展轉相違乎為怨害
云何為二所謂有見及無有見諸有
沙門或婆羅門攝受有見習行有見
就著有見與諸愛樂無有見者展轉
相違乎為怨害稱讚有見取為第一
諸有沙門或婆羅門攝無有見習無
有見者無有見與其愛樂諸有見者
展轉相違乎為怨害讚無有見取為
第一若有沙門或婆羅門於此二見
諸集滅味過患出離不以正慧如實
了知我說彼人名無智見有貪瞋癡
有違有言無慧無明不能解脫生老
病死愁歎憂苦熱惱等法不能解脫
生死衆苦若有沙門或婆羅門於此
二見諸集滅味過患出離能以正慧
如實了知我說彼人名有智見無貪
瞋癡無違無言有慧有明定能解脫
生老病死愁歎憂苦熱惱等法定能
解脫生死大苦余時世尊重攝此義
而說頌曰

世間由二見 展轉相違彼此作怨讎
謂見有無有 諸有於此見愛樂不能捨
是謂愚癡人 恒毀他自讚若不知此見

集滅味患出見毒箭所傷無明闇所覆
具足貪瞋癡無智見明慧定不能解脫
生老病死等若能知此見集滅味患出
見盡箭不傷破無明黑闇遠離貪瞋癡
具智見明慧決定能解脫生老病死等
復從世尊聞如是語必當知有二
正見應諦尋思稱量觀察若諦尋思
稱量觀察能得未得能觸未觸能證
未證能超愁歎能滅憂苦能得如理
能觸甘露能證涅槃云何為二所謂
一切世間正見出世正見云何名為
世間正見謂有一類起如是見立如
是論決定有施有受有祠有善惡業
有異熟果有此世間有彼世間有父
有母有諸有隋化生種類於其世間
有諸沙門婆羅門等正至正行於此
世間及彼世間自然通達作證領受
如是名為世間正見諸聖弟子於此
所說世間正見應諦尋思稱量觀察
依此所說世間正見能令衆生畢竟
解脫生老病死愁歎憂苦熱惱等法
不諦觀察已便正了知依此所說世
間正見不令衆生畢竟解脫生老病

死愁歎憂苦熱惱等法所以者何如是所說世間正見非真聖見非出離見非能究竟證涅槃見非獸非離非滅非靜不證通慧非成等覺非得涅槃而能感得生老病死愁歎憂苦熱惱等法如是知已於世間法生怖畏想於出世法生安靜想以於世間生怖畏故都無執受無執受故無所希求無希求故於內證得究竟涅槃如是證已便自了知我生已盡梵行已立所作已辦不受後有如是汝等於此所說世間正見應諦尋思稱量觀察云何名為出世正見謂知苦智知苦集智知苦滅智知能趣向苦滅道智如是名為出世正見諸聖弟子於此所說出世正見應諦尋思稱量觀察依脫生老病死愁歎憂苦熱惱等法不諦觀察已便正了知依此所說出世正見能令眾生畢竟解脫生老病死愁歎憂苦熱惱等法所以者何如是所說出世正見是真聖見是出離見是能究竟證涅槃見能獸能離能滅

能靜能證通慧能成等覺能得涅槃
能超一切生老病死愁歎憂苦熱惱
等法如是知已於出世法生珍寶想
於世間法生下賤想於出世法生珍
寶想故便生歡喜生歡喜故其心安
適心安適故身得輕安身輕安故便
受悅樂受悅樂故心得寂定心寂定
故能實知見實知見故能深厭背深
厭背故能正離欲正離欲故能得解
脫得解脫已便自了知我生已盡梵
行已立所作已辦不受後有如是汝
等於此所說出世正見應諦尋思稱
量觀察如是名為二種正見應諦尋
思稱量觀察能得未得能觸未觸能
證未證能超愁歎能滅憂苦能得如
理能觸甘露能證涅槃今時世尊重
攝此義而說頌曰

正見有二種世間出世間智者諦尋思
能正盡眾苦諦思於世間便生怖畏想
由無執受等究竟證涅槃諦思出世間
便生珍寶想歡喜心安適從此獲輕安
輕安故受樂樂故心寂定心定生覺支
知見四如實見實斷諸疑疑除無所取

解脫一切苦證無上涅槃

重攝前經盟於南曰

施祠與集會不如學終行相相違死

染淨及二見

本事經卷第五

癸卯歲高麗國寄太極都監奉

勅周造

本事經卷第六

籍

大唐三藏法師玄奘奉詔譯

三法品第三之一

吾從世尊聞如是語苾芻當知諸有情
界互相親近不相乖違諸劣勝解種
類有情與劣勝解種類有情更相親
近叅染承事諸妙勝解種類有情與
妙勝解種類有情更相親近叅染承
事在過去世諸有情界已相親愛不
相乖違諸劣勝解種類有情與劣勝
解種類有情已相親近叅染承事諸
妙勝解種類有情與妙勝解種類有
情已相親近叅染承事在未來世諸
有情界當相親愛不相乖違諸劣勝
解種類有情與劣勝解種類有情當
相親近叅染承事諸妙勝解種類有
情與妙勝解種類有情當相親近叅
染承事在現在世諸有情界現相親
愛不相乖違諸劣勝解種類有情與
劣勝解種類有情現相親近叅染承
事諸妙勝解種類有情與妙勝解種
類有情現相親近叅染承事是故尊

者解憍陳如與其同類有六十人恒集
同修阿練若行摩訶迦葉與其同類
有無量人恒集同修杜多妙行其舍
利子與其同類有無量人恒集同修
大智慧行大目犍連與其同類有無
量人恒集同修大神通行拘瑟社羅
與其同類有無量人恒集同修無等
解行其滿慈子與其同類有無量人
恒集同修說正法行迦多衍那與其
同類有無量人恒集同修辯釋經行
尊者善現與其同類有無量人恒集
同修無諍住行纈麗伐多與其同類
有無量人恒集同修諸靜慮行其優
波離與其同類有無量人恒集同修
持律之行物力士子與其同類有無
量人恒集同修為僧敷設卧具等行
尊者不減與其同類有無量人恒同
修集淨天眼行尊者阿難與其同類
有無量人恒集同修樂多聞行其羅
怛羅與其同類有無量人恒集同修
樂持戒行童子迦葉與其同類有無
量人恒集同修巧辯說行其劫比拏
與其同類有無量人恒集同修教誡

教授大必萬行尊者難隨與其同類
有無量人恒集同修教誡教授必萬
足行優波西那與其同類有無量人
恒集同修具威儀行妍美難隨與其
同類有六十人恒集同修端嚴之行
愚人天授與其同類有六十人恒集
同修勃逆惡行是故當知諸有情界
互相親近不相乖違諸劣勝解種類
有情與劣勝解種類有情更相親近
衆染承事諸妙勝解種類有情與妙
勝解種類有情更相親近衆染承事
亦時世尊重攝此義而說頌曰
如草木叢林亦如風火等物各以類聚
有情界亦然愚者狎於愚智者親於智
體知朋侶別應親有智人如凭破浮囊
必沉於大海親近怠慢者定失智光明
故應捨怠慢樂栖上空閑親近有智人
遠能殊衆苦

吾從世尊聞如是語必萬當知三因
三緣能感後有云何為三所謂無明
未永斷故愛未棄故業未息故由是
因緣能感後有所以者何業為良田
識為種子愛為澆灌無明無智無了

無見之所覆蔽識便安住欲有色有
 無色有處欲取為下色為其中無色
 為妙若欲界業感異熟果不現在前
 不可施設此為欲有由欲界業感異
 熟果正現在前故可施設此為欲有
 當於今時業為良田識為種子愛為
 溉灌無明無智無了無見之所覆蔽
 識便安住下欲有處若色界業感異
 熟果不現在前不可施設此為色有
 由色界業感異熟果正現在前故可
 施設此為色有當於今時業為良田
 識為種子愛為溉灌無明無智無了
 無見之所覆蔽識便安住中色有處
 若無色業感異熟果不現在前不可
 施設為無色有由無色業感異熟果
 正現在前故可施設為無色有當於
 今時業為良田識為種子愛為溉灌
 無明無智無了無見之所覆蔽識便
 安住妙無色處若欲取為下色為其中
 出離欲有由無色故出離色有由永
 滅故出離一切有為有起思慮緣生
 汝等苾芻應以正慧如實隨觀出離
 欲有應以正慧如實隨觀出離色有

及無色有云何汝等應以正慧如實
隨觀出離欲有謂離諸欲惡不善法
有尋有伺離生喜樂具足安住取初
靜慮能以正慧如實隨觀其中諸色
受想行識如是法性皆是無常皆是
其苦如病如癰如中毒箭有惱有苦有
怖有猜有怨有敵迅速敗壞多諸疾疫
多諸灾橫虛偽不實離散無我不可
保信如是汝等應以正慧如實隨觀
出離欲有云何汝等應以正慧如實
隨觀出離色有謂正超過一切色想
滅有對想不復思惟種種異想具足
安住無邊虛空三無邊處能以正
慧如實隨觀其中所有受想行識如
是法性皆是無常皆是其苦如病如
癰如中毒箭有惱有苦有怖有猜有
怨有敵迅速敗壞多諸疾疫多諸灾
橫虛偽不實離散無我不可保信如
是汝等應以正慧如實隨觀出離色
有云何汝等應以正慧如實隨觀出
無色有謂正了知是為寂靜是為微
妙謂離憍慢怠諸渴愛滅阿賴耶斷
諸徑路空無所得愛盡離欲寂滅涅

睽如是汝等應以正慧如實隨觀出
無色有若能如是以其正慧如實隨
觀出離三有便於欲有色無色有能
深厭背深厭背故能正離欲正離欲
故能得解脫得解脫已便自了知我
生已盡梵行已立所作已辦不受後
有尔時世尊重攝此義而說頌曰
以正慧隨觀三界出離相能止息諸行
得寂上涅槃已解脫諸漏善修習瑜伽
任持寂後身降伏魔所使

吾從世尊聞如是語苾芻當知三因
三緣今諸有情希求利養生多過患
云何為三一者貪欲為因為緣今諸
有情希求利養生多過患二者耽著
為因為緣今諸有情希求利養生多
過患三者受用不見過患為因為緣
今諸有情希求利養生多過患汝等
苾芻不應起此三因三緣希求利養
生多過患有諸苾芻具此所說三因
三緣往施主家求勝利養生或時其家
忿遽無賴見已感然默不敢問不起
承迎不延就座不共談論彼見此相
便起念言此施主家恒相敬待誰所

詭佞類使其然由此因緣便於彼所
不忍不悅起恚害心或發身語惡不
善業因斯墜墮諸惡趣中受不受果
必當知我觀世間諸有情類或由
利養擾亂其心身壞命終墮諸惡趣
生地獄中受不受果我觀世間諸有
情類或由衰損擾亂其心身壞命終
墮諸惡趣生地獄中受不受果我觀
世間諸有情類或由利養及以衰損
擾亂其心身壞命終墮諸惡趣生地
獄中受不受果所以者何愚癡凡夫
被諸利養先破其膜既破膜已復破
其皮既破皮已復破其肉既破肉已
復斷筋脉斷筋脉已復破其骨既破
骨已復傷髓腦然後方住是故汝等
應如是學我當云何不被利養擾亂
其心我當云何不被衰損擾亂其心
我當云何不被利養及以衰損擾亂
其心獨處空閑勤修聖行逮證無上
常樂涅槃汝等苾芻應如是學今時
世尊重攝此義而說頌曰

由三種因緣 希求諸利養 壞種種功德
及退失人天 諸有聰明人 遇利養衰損

其心善安定不動如山王常靜慮安然
正觀諸法義修深細智見證常樂涅槃
吾從世尊聞如是語必當知欲界
勝生略有三種於彼雖成極大福聚
而受諸欲生死輪迴不能出離所以
者何彼勝生處是欲所行境界地故
云何爲三一欲住天欲界勝生二樂
化天欲界勝生三他化天欲界勝生
如是三種欲界勝生於彼雖成極大
福聚而受諸欲生死輪迴不能出離
所以者何彼勝生處是欲所行境界
地故我聖弟子於此三種欲界勝生
如實隨觀有諸過患故於欲界深生
厭背生厭背故能正離欲正離欲故
能得解脫得解脫已便自了知我生
已盡梵行已立所作已辦不受後有
今時世尊重誦此義而說頌曰
欲界三勝生恒受諸欲樂謂欲住樂化
他化自在天生如是三處雖成就大福
而生死輪迴不能生上地於此諸欲中
若能知過患捨人天等趣證無上涅槃
吾從世尊聞如是語必當知世有
一類諸惡慧無成就三法而似驢鳴

云何為三謂有一類諸惡苾芻無敬
無承無慙無愧懈怠忘念如是一類
諸惡苾芻具足成就如是三法而似
驢鳴謂實無德而隨僧衆唱如是言
具壽當知我亦是真沙門釋子然此
一類諸惡苾芻無有增上戒定慧學
如餘清淨真苾芻僧而隨僧衆唱如
是言具壽當知我亦是真沙門釋子
如世有驢隨牛群後高聲唱言我亦
是牛宜相顧待然此驢身頭耳蹄喙
毛色音聲皆與牛別而隨牛後高聲
唱言我亦是牛宜相顧待如是一類
諸惡苾芻實無其德而隨僧衆唱如
是言具壽當知我亦是真沙門釋子
然此一類諸惡苾芻依止村城聚落
而住日初分時整理裳服執持衣鉢
往入村城聚落乞食不能護持身語
意業不住正念不守諸根詣於淨信
諸施主家為利養故身處下座為居
高座白衣說法我說此類諸惡苾芻
所有言說皆似驢鳴尔時世尊重攝
此義而說頌曰

剃髮服染衣 手執持應器 實無戒定慧

而自号沙門如世間有驢與牛形相異而逐牛群後自号是真牛如是惡苾芻成無敬等法雖常廁清衆而不證菩提吾從世尊聞如是語苾芻當知學有三種若能於中離諸放逸晝夜精勤絕諸緣務獨處空閑無倒修學未生諸漏令永不生已生諸漏令永盡滅云何為三一者增上戒學二者增上心學三者增上慧學何等名為增上戒學謂諸苾芻具淨尸羅安住守護別解脫戒軌範所行無不圓滿於微小罪見大怖畏具能受學所應學處成就清淨身語二業成就淨命成就淨見如是名為增上戒學何等名為增上心學謂諸苾芻能正離欲惡不善法有尋有伺離生喜樂具足安住寂初靜慮廣說乃至具足安住第四靜慮如是名為增上心學何等名為增上慧學謂諸苾芻如實了知是苦聖諦苦集聖諦苦滅聖諦及能趣苦滅道聖諦如是名為增上慧學如是三學若能於中離諸放逸晝夜精勤絕諸緣務獨處空閑無倒修學未生

諸漏令永不生已生諸漏令永盡滅
今時世尊重攝此義而說頌曰

戒心慧學三智者應修學勤精進常安
密禁守諸根晝夜處空閑絕世諸緣務
勤修戒心慧如教自頭然名學聖學處
至所學後邊脫所脫無遺成清淨妙智
得不動解脫已永斷諸漏盡生死苦邊
後有更無有

吾從世尊聞如是語必當知學有三
種若有勤修不空無果必至究竟
能得甘露能證涅槃云何為三一者
增上戒學二者增上心學二者增上
慧學何等名為增上戒學謂諸苾芻
尊重尸羅戒為增上不重等持定非
增上不重般若慧非增上彼於少小
所學戒中微有所犯即能出離所以
者何我說彼人終不毀犯所制學處
不深慙愧定能隨順清淨梵行定能
成辦清淨梵行於諸學處能住尸羅
能住所學彼人定能永盡三結證預
流果得無墮法定趣菩提極於七返
人天往來盡諸苦際如是名為增上
戒學何等名為增上心學謂諸苾芻

尊重尸羅戒為增上尊重等持定為
增上不重般若慧非增上彼於少小
所學戒中微有所犯即能出離所以
者何我說彼人終不毀犯所制學處
不深慙愧定能隨順清淨梵行定能
成辦清淨梵行於諸學處能住等持
能住所學彼定能盡五下分結證不
還果得不還法當受化生於彼世間
當般涅槃如是名為增上心學何等
名為增上慧學謂諸必當尊重尸羅
戒為增上尊重等持定為增上尊重
般若慧為增上彼於少小所學戒中
微有所犯即能出離所以者何我說
彼人終不毀犯所制學處不深慙愧
定能隨順清淨梵行定能成辦清淨
梵行於諸學處能住般若能住所學
彼人定能永盡諸漏得真無漏心善
解脫慧善解脫於現法中具足安住
自證通慧能自了知我生已盡梵行
已立所作已辦不受後有如是名為
增上慧學若有於此所說三學勤修
學者我說必定不空無果必至究竟
能得甘露能證涅槃如是名為學有

三種若有勤修不空無果必至究竟
能得甘露能得涅槃今時世尊重攝
此義而說頌曰

勤修增上戒 住戒住所學 能永盡三結
定證預流果 勤修增上心 住定住所學
能盡五下結 定證不還果 勤修增上慧
住慧住所學 能盡一切結 定證無生果
二學不唐捐 必證第一義 故尊重三學
達法性無疑

吾從世尊聞如是語茲當當知學有
三種若少分修得少分果若圓滿修
得圓滿果云何為三一者增上戒學
二者增上心學三者增上慧學何等
名為增上戒學謂諸苾芻尊重尸羅
戒為增上不重等持定非增上不重
般若慧非增上彼於少小所學戒中
微有所犯即能出離所以者何我說
彼人終不毀犯所制學處不深慙愧
定能隨順清淨梵行定能成辦清淨
梵行於諸學處能住尸羅能住所學
彼人定能永盡三結證預流果得無
墮法定趣菩提極於七返人天往來
盡諸苦際或復有能令其欲界貪恚

微薄證一來果一來此間盡諸苦際如是名為增上戒學何等名為增上心學謂諸苾芻尊重尸羅戒為增上尊重等持定為增上不重般若慧非增上彼於少小所學戒中微有所犯即能出離所以者何我說彼人終不毀犯所制學處不深慙愧定能隨順清淨梵行定能成辦清淨梵行於諸學處能住等持能住所學彼定能盡五下分結證不還果得不還法當受化生於彼世間當般涅槃如是名為增上心學何等名為增上慧學謂諸苾芻尊重尸羅戒為增上尊重等持定為增上尊重般若慧為增上彼於少小所學戒中微有所犯即能出離所以者何我說彼人終不毀犯所制學處不深慙愧定能隨順清淨梵行定能成辦清淨梵行於諸學處能住般若能住所學彼人定能永盡諸漏得真無漏心善解脫慧善解脫於現法中具足安住自證通慧能自了知我生已盡梵行已立所作已辦不受後有如是名為增上慧學如是名為學

有三種若少分修得少分果若圓滿修得圓滿果亦時世尊重攝此義而說頌曰

多住尊重戒 名於少分修 常精進熾然 便得少分果 多住尊重定 名於少分修 常精進熾然 亦得少分果 多住尊重慧 名於圓滿修 常精進熾然 便得圓滿果 少分圓滿修 各得同類果 知如是勝劣 應捨分修圓

吾從世尊聞如是語必當知學有三種若正修習令諸有情成下中上賢聖若別云何為三一者增上戒學二者增上心學三者增上慧學何等名為增上戒學謂諸苾芻尊重尸羅戒為增上不重等持定非增上不重般若慧非增上彼於少少所學戒中微有所犯即能出離所以者何我說彼人終不毀犯所制學處不深慙愧定能隨順清淨梵行定能成辦清淨梵行於諸學處能住尸羅能住所學彼人定能永盡三結證預流果得無量法定趣菩提極於七返人天往來或成家或一來果或成一間如是名慧

增上戒學何等名為增上心學謂諸
必爾者尊重尸羅戒為增上尊重等持
定為增上不重般若慧非增上彼於
少小所學戒中微有所犯即能出離
所以者何我說彼人終不毀犯所制學
處不深慙愧定能隨順清淨梵行定
能成辦清淨梵行於諸學處能住等
持能住所學彼定能盡五下分結證
不還果得不還法當受化生於彼世
間當般涅槃或成中般或成生般或
有行般或無行般或成上流趣色究
竟或趣非想非非想處而般涅槃如
是名為增上心學何等名為增上慧
學謂諸必爾者尊重尸羅戒為增上尊
重等持定為增上尊重般若慧為增
上彼於少小所學戒中微有所犯即能
出離所以者何我說彼人終不毀犯所
制學處不深慙愧定能隨順清淨梵
行定能成辦清淨梵行於諸學處能
住般若能住所學彼人定能永盡諸
漏得真無漏心善解脫慧善解脫於
現法中具足安住自證通慧能自了
知我生已盡梵行已立所作已辦不

受後有如是名為增上慧學如是名為學有三種若正修習令諸有情成下中上賢聖老別今時世尊重攝此義而說頌曰

隨學因勢力 常精進嚴然下中上品修
隨得果老別 謂下精進修 還成下品果
中修得中果 上修亦復然 既知三品修
所得果老別 故應捨中下 宜遵上品修
吾從世尊聞如是 語必精當知若諸
苾芻具調善戒具調善法具調善慧
彼於我法毗奈耶中已具修行名實
上士云何苾芻具調善戒謂諸苾芻
具淨尸羅安住守護別解脫戒軌範
所行無不圓滿於微小罪見大怖畏
具能受學所應學處成就清淨身語
二業成就淨命成就淨見是名苾芻
具調善戒既具如是調善戒已云何
苾芻具調善法謂諸苾芻勤修七種
菩提分法具足安住是名苾芻具調
善法既具如是調善尸羅調善法已
云何苾芻具調善慧謂諸苾芻未盡
諸漏得真無漏心善解脫慧善解脫
於現法中具足安住自證通慧能自

了知我生已盡梵行已立所作已辦
不受後有是名必滿具調善慧如是
名為若有必滿具調善戒具調善法
具調善慧彼於我法毗奈耶中已具
修行名取上士今時世尊重攝此義
而說頌曰

若身語意思離諸惡不善名具調善戒
有慙愧必滿若能善修行七菩提分法
名具調善法有妙定必滿若能正了知
自永盡諸漏名具調善慧真無漏必滿
若具三調善威德世難思若已具修行
取上聰明士

吾從世尊聞如是語必滿當知諸有
必滿成就三分應知是人於淨尸羅
已得圓滿於究竟位已得圓滿於修
梵行已得圓滿已能窮至梵行後邊
云何為三謂有必滿成就無學戒定
慧蓋是名必滿成就三分應知是人
於淨尸羅已得圓滿於究竟位已得
圓滿於修梵行已得圓滿已能窮至
梵行後邊若諸必滿於淨尸羅已得
圓滿於究竟位已得圓滿於修梵行
已得圓滿已能窮至梵行後邊應知

是人必不樂居村城聚落房舍卧具
亦不樂與諸苾芻衆苾芻尼衆鄔波
索迦鄔波斯迦勤策男等同一園林
喧雜而住應知是人成就第一寂靜
心法獨守空閑依四依住離諸垢穢
內守真實棄捨所未無染分別不為
世法之所塗染譬如世間盟鉢羅花
拘牟陀花鉢特摩花奔陀利花依水
而生依水而長雖從水出而不為水
之所染著是人亦尔依世間生依世
間長雖現世間而不為諸世法所染
尔時世尊重攝此義而說頌曰
無學三分成 尸羅究竟位 修梵行圓滿
至梵行後邊 如是苾芻衆 得最上瑜伽
永盡諸苦邊 證無上安樂

吾從世尊聞如是語苾芻當知若有
希求三種樂事應於淨戒不缺不穿
不穢不雜於淨尸羅應起上品欲勤
精進終無懈廢云何為三一者希求
名譽樂事應於淨戒不缺不穿不穢
不雜於淨尸羅應起上品欲勤精進
終無懈廢二者希求利養樂事應於
淨戒不缺不穿不穢不雜於淨尸羅

應起上品欲勤精進終無懈怠二者
希求生天樂事應於淨戒不缺不空
不穢不雜於淨尸羅應起上品欲勤
精進終無懈怠是名希求三種樂事
應於淨戒不缺不穿不穢不雜於淨
尸羅應起上品欲勤精進終無懈怠
今時世尊重攝此義而說頌曰

為求三種樂 智者護尸羅 謂世尚名譽
利養生天樂 觀如是勝樂 智者護尸羅
當遠惡親知 如避險惡道 雖不造眾惡
而親近惡人 如以吉祥茅 果臭爛魚肉
親所不應親 和所不應狎 如持鮮淨物
投糞穢深坑 世間樂淨人 常懼穢塗染
有智者亦尔 深怖惡親知

吾從世尊聞如是語必為當知有三
種香唯順風熏不能逆風云何為三
一者根香二者莖香三者花香如是
三種唯順風熏不能逆風汝等必勤
勿作是念更無餘香或順風熏或逆
風熏或復順逆皆悉能熏所以者何
我佛法中有一妙香能順風熏能逆
風熏能順逆熏天上人中皆聞芬馥
世間賢聖無不珍愛何等名為我佛

法由有一妙香能順風熏能逆風熏
能順逆熏天上人中皆聞芬馥世間
賢聖無不珍愛所謂戒香由此戒香
能順風熏能逆風熏能順逆熏天上
人中皆聞芬馥世間賢聖無不珍愛
如是名為我佛法中有一妙香能順
風熏能逆風熏能順逆熏天上人中
皆聞芬馥世間賢聖無不珍愛今時
世尊重攝此義而說頌曰

世間諸所有 根莖花等香 皆不逆風熏
以勢力微故 唯我佛法中 有一妙香類
順風逆風等 無不善皆熏 天上及人中
諸世間賢聖 一切皆珍愛 所謂淨戒香
若能於此香 無放逸而住 生無倒定慧
永盡衆苦邊

重攝前經溫陀南曰

同界感後有 求利及欲生 惡說似驢鳴
四學與四戒

本事經卷第六

癸卯歲高麗國分司人藏部監奉
勅耶造

本事經卷第七

雜

大唐三藏法師玄奘奉 詔譯

三法品第三之二

吾從世尊聞如是語必當當知於此
世間子有三種云何為三一者等子
二者勝子三者劣子云何等子謂有
一類父母具戒成調善法能離煞生
離不與取離欲邪行離虛誑語離飲
諸酒生放逸處子亦具戒成調善法
能離煞生離不與取離欲邪行離虛
誑語離飲諸酒生放逸處是名等子
云何勝子謂有一類父母犯戒成諸
惡法樂行殺生行不與取行欲邪行
行虛誑語行飲諸酒生放逸處子能
持戒成調善法能離殺生離不與取
離欲邪行離虛誑語離飲諸酒生放
逸處是名勝子云何劣子謂有一類
父母具戒成調善法能離殺生離不
與取離欲邪行離虛誑語離飲諸酒
生放逸處其子犯戒成諸惡法樂行
殺生行不與取行欲邪行行虛誑語
行飲諸酒生放逸處是名劣子如是

名為於此世間子有三種今時世尊
宣攝此義而說頌曰

世間聰慧人欣樂等勝子不欣樂劣子
勿損壞家門應知三子中一劣二為勝
佛正覺而說諸賢聖亦然二俱信尸羅
聰慧無慳恡如晴夜滿月廣眾耀威光
應親近供養諸佛所稱揚遠離諸垢塵
所行無怖畏

吾從世尊聞如是語慈著當知若有
必著尊重正法愛樂正法欣正法樂
精進修行愛樂法行如是慈著隨念
正法常樂永斷貪不善根無貪善根
修今圓滿常樂永斷瞋不善根無瞋
善根修今圓滿常樂永斷癡不善根
無癡善根修今圓滿修三善根得圓
滿已修四念住亦今圓滿修四念住
得圓滿已修四正斷亦今圓滿修四
正斷得圓滿已修四神足亦今圓滿
修四神足得圓滿已修習五根亦今
圓滿修習五根得圓滿已修習五力
亦今圓滿修習五力得圓滿已修七
覺支亦今圓滿修七覺支得圓滿已
修八聖道支亦今圓滿修八聖道支

得圓滿已明及解脫皆得圓滿。今時世尊重攝此義而說頌曰

尊重法樂法。欣法樂法行。於法常隨念。能不退正法。法念修善業。不念行惡行。行法定能招。此世他世樂。法護行法人。如羽時大傘。行法獲法利。定不墜三塗。吾從世尊聞如是。語必尊當知世間。略有三種尋思。有學。必。未。得。心。者。欣求無上安樂法時。能令退失。云何為三一者。親里相應尋思。二者。利養相應尋思。三者。妬勝相應尋思。如是略說三種尋思。有學。必。未。得。心。者。欣求無上安樂法時。能令退失。是故汝等應如是學。我當云何不起親里相應尋思。不起利養相應尋思。不起妬勝相應尋思。汝等必當隨應如是學。今時世尊重攝此義而說頌曰

依親里相應。略說有三種。學求無上樂。為障必無疑。依親里相應。利養及妬勝。去大樂大淨。結盡甚為過。捨親屬利養。及妬勝尋思。攝止觀勤修。速能盡眾苦。吾從世尊聞如是。語必尊當知。略有二法。有學。必。未。得。心。者。欣求無上

安樂法時能令退失云何為三一者
苾芻喜樂事業貪愛事業耽著事業
二者苾芻喜樂談話貪愛談話耽著
談話三者苾芻喜樂睡眠貪愛睡眠
耽著睡眠如是三法有學苾芻未得
心者欣求無上安樂法時能令退失
是故汝等應如是學我當云何不樂
事業不愛事業不著事業我當云何
不樂談話不愛談話不著談話我當
云何不樂睡眠不愛睡眠不著睡眠汝
等苾芻應如是學今時世尊重攝此
義而說頌曰

求無上果時 有三法令退 樂愛著事業
談話及睡眠 有學諸苾芻 若具此三法
終不能證得 最勝三菩提 若欲求速證
最勝三菩提 應少事話眠 正勤修止觀
吾從世尊聞如是語 苾芻當知有三
種法和合現前能令淨信諸善男子
生無量福云何為三一者淨信和合
現前能令淨信諸善男子生無量福
二者施物和合現前能令淨信諸善
男子生無量福三者福田和合現前
能令淨信諸善男子生無量福是名

三法和合現前能令淨信諸善男子
生無量福今時世尊重攝此義而說
頌曰

三法合現前能生無量福
謂淨信施物及真淨福田
具慧具尸羅善調伏三毒
修沙門梵行名真淨福田
具慧具淨信手持如法財
奉施良福田必當獲大果
身四威儀中於三寶四諦
正順無瑕絲名為淨信心
於諸惠施中法施為最勝
淨心演正法諸佛所稱譽

吾從世尊聞如是語
必當知諸有智者應以三種不堅之法
質易三堅云何為三一者應以不堅之財
質易堅財二者應以不堅之身
質易堅身三者應以不堅之命
質易堅命云何應以不堅之財
質易堅財謂有淨信諸善男子
或善女人如法精勤勞役手足竭力
流汗所獲珍財應自供身奉
上父母賑給妻子奴婢僕使
朋友眷屬晝夜集會歡娛受樂
而遇沙門或婆羅門具淨尸羅
成調善法勤修梵行除去憍逸
忍辱柔和履正直路弃諸邪道
趣涅槃城以淨信心歡喜

恭敬如應如時持用布施遠求無上
安樂涅槃或希當來人天樂果是名
應以不堅之財貧易堅財云何應以
不堅之身貧易堅身謂有淨信諸善
男子或善女人成就正見能離殺生
究竟圓滿無犯清淨離不與取究竟
圓滿無犯清淨離虛誑語究竟圓滿
無犯清淨離飲諸酒生放逸處究竟
圓滿無犯清淨如是等類是名應以
不堅之身貧易堅身云何應以不堅之
命貧易堅命謂我法中諸聖弟子如
實了知是為苦諦如實了知是苦集
諦如實了知是苦滅諦如實了知是
能趣向苦滅道諦是名應以不堅之
命貧易堅命如是名為諸有智者應
以三種不堅之法貧易三堅余時世
尊重攝此義而說頌曰

如世有智人以賤而貧貴 正見者亦
不以不堅易堅 知此財身命 不淨
不堅牢 求清淨堅牢 世出世間樂
天上財身命 是世淨堅牢 證常樂
涅槃 是真淨堅法 吾從世尊聞
如是語 苾芻當知根有

三種其性甚深顯了甚深其性難見
顯了難見云何為三一者未知當知
根二者知根三者具知根何等名為
未知當知根謂我法中諸聖弟子於
未見知諸苦聖諦為見為知發生樂
欲策勵精進攝心持心於未見知苦
集聖諦為見為知發生樂欲策勵精
進攝心持心於未見知苦滅聖諦為
見為知發生樂欲策勵精進攝心持
心是名未知當知根何等名為知根
謂我法中諸聖弟子如實了知是苦
聖諦是苦集聖諦是苦滅聖諦是能
趣苦滅真道聖諦是名知根何等名
為具知根謂我法中諸聖弟子諸漏
已盡得真無漏心善解脫慧善解脫
能正了知我生已盡梵行已立所作
已辦不受後有是名具知根如是名
為根有三種其性甚深顯了甚深其
性難見顯了難見今時世尊重攝此
義而說頌曰

於我正法中 聖弟子有學順修正直路

是名第一根 正知苦聖諦 及苦集苦滅

能趣苦滅道 是名第二根 第三根當知
諸漏皆永盡 證得真無漏 心慧善解脫
知我生已盡 及梵行已立 所作皆已辦
不受後有身 身心常寂靜 善攝護諸根
任持最後身 降伏魔所使

吾從世尊聞如是語 苾芻當知 略有
三種補特伽羅 為義利故 應當親近
云何為三一 有一類補特伽羅 成就劣
戒劣定劣慧 二有一類補特伽羅 成就
成就等戒等定等慧 三有一類補特
伽羅 成就勝戒勝定勝慧 諸有一類
補特伽羅 成就劣戒劣定劣慧 為何
義利 應當親近 謂於此類補特伽羅
無所希求 唯深悲愍 勸令勝進 為此
義利 應當親近 諸有一類補特伽羅
成就等戒等定等慧 為何義利 應當
親近 謂於此類補特伽羅 作是思惟
彼當為我說相似戒 我當為彼說相
似戒 更乎聽聞 令得相續 多有所作
作是思惟 彼當為我說相似定 我當
為彼說相似定 更乎聽聞 令得相續
多有所作 作是思惟 彼當為我說相

似慧我當為彼說相似慧更不聽聞
今得相續多有所作為此義利應當
親近諸有一類補特伽羅成就勝戒
勝定勝慧為何義利應當親近謂於
此類補特伽羅作是思惟我當依彼
所有戒蘊若未圓滿修令圓滿若已
圓滿內攝正念堅固任持作是思惟
我當依彼所有定蘊若未圓滿修令
圓滿若已圓滿內攝正念堅固任持
作是思惟我當依彼所有慧蘊若未
圓滿修令圓滿若已圓滿內攝正念
堅固任持為此義利應當親近如是
名為略有二種補特伽羅應當親近
今時世尊重攝此義而說頌曰
親劣為慈悲 親等為相益 親勝為已德
圓滿或堅持 親下士德劣 親中士德中
親上士德勝 故應親上士

吾從世尊聞如是語苾芻當知應於
其身住不淨觀應於其息住隨息念
應於諸行住無常觀苦無我觀若能
於身住不淨觀便於淨界當斷貪欲
若能於息住隨息念便能斷外尋思
障品若能於行住無常觀苦無我觀

便於諸有能斷有愛斷有愛故便於
世間無所執受無執受故便無怖畏
無怖畏故便自內證究竟涅槃證涅
槃已便自了知我生已盡梵行已立
所作已辦不受後有今時世尊重攝
此義而說頌曰

於身觀不淨 於息住隨念 觀諸行無常
及與苦無我 達諸行性空 得最勝寂靜
愛盡無執受 證究竟涅槃

吾從世尊聞如是語苾芻當知諸有
情身常為三種勇健怨賊隨逐切害
云何為三一者衰老勇健怨賊二者
疾病勇健怨賊三者無常勇健怨賊
如是三種勇健怨賊常隨切害諸有
情身有情身中略有三法一者壽命
二者煖氣三者心識如是三法遠離
身時名為死沒臭穢屍骸棄在塚間
無所復用所以者何是身虛偽諸法
合成其中勝者謂壽煖識而此諸法
依因緣生無常無強無堅無力迅速
滅壞老病死賊常隨不捨而諸愚夫
無明所覆實愛耽著無厭捨心我聖
弟子能於如是假合成身如實知見

多諸過患便於一切内外身中能深
獸背深獸背故能離貪欲離貪欲故
便得解脫得解脫已便自了知我生
已盡梵行已立所作已辦不受後有
今時世尊重攝此義而說頌曰
一切有情身三怨賊隨害 所謂老病死
曾無暫捨時 衆法合成身 虛偽無堅實
若捨壽煖識棄之於塚間 愚夫無所知
常寶愛耽著 賢聖有智見 獸之踰堦坑
修無漏聖道 斷三賊因緣 證常樂涅槃
永解脫三賊 世間有智者 當深獸自身
求常樂涅槃 精勤勿放逸

吾從世尊聞如是語甚爲當知諸福
業事略有三種應修應習應多修習
六何為三 一者施福業事二者戒福
業事三者修福業事何等名為施福
業事謂有淨信諸善男子或善女人
能施種種飲食餽饌香鬘衣服車乘
卧具堂宇室宅燈燭庭燎諸資生具
如是名為施福業事何等名為戒福
業事謂有淨信諸善男子或善女人
能離殺生究竟圓滿無犯清淨離不與
取究竟圓滿無犯清淨離欲邪行

究竟圓滿無犯清淨離虛誑語究竟
圓滿無犯清淨離飲諸酒生放逸處
究竟圓滿無犯清淨如是名為戒福
業事云何名為修福業事謂有淨信
諸善男子或善女人修慈俱心遍滿
一方具足安住如是第二第三第四
上下方維一切世界悉皆遍滿具足
安住令慈俱心廣大無量無怨無害
遍滿而住修悲俱心遍滿一方具足
安住如是第二第三第四上下方維
一切世界悉皆遍滿具足安住令悲
俱心廣大無量無怨無害遍滿而住
修喜俱心遍滿一方具足安住如是
第二第三第四上下方維一切世界
悉皆遍滿具足安住令喜俱心廣大
無量無怨無害遍滿而住修捨俱心
遍滿一方具足安住如是第二第三
第四上下方維一切世界悉皆遍滿
具足安住令捨俱心廣大無量無怨
無害遍滿而住如是名為修福業事
於此所說三福業事應修應習應多
修習余時世尊重攝此義而說頌曰
有三法應修 應習多修習能得三種樂

所謂施戒修修施感多財修戒得長壽
修慈悲喜捨當生清淨天世間有智人
欲求殊勝樂應修此三福定當得無疑
吾從世尊聞如是語必當當知世間
最勝略有三種云何為三一於一切施
設有情無足二足四足多足有色
無色有想無想及與非想非非想由
佛為最勝所謂如來應正等覺明行
圓滿善逝世間解無上丈夫調御士
天人師佛薄伽梵若於佛所起淨信
心於諸信中最為第一如是淨信所
感果報於天人中最為第一二於一
切施設法門世出世間為無為等諸
法門中涅槃最勝諸離憍慢息諸渴
愛滅阿賴耶斷諸徑路愛盡離欲寂
靜涅槃若於如是涅槃法中起淨信
心於諸信中最為第一如是淨信所
感果報於天人中最為第一三於一
切施設徒眾朋侶邑義諸集會中佛
聖弟子僧為最勝謂四向四果八種
特伽羅諸有情中為真為妙為最第
一應奉延請恭敬供養標揚讚歎不
懷身財是諸世間人天等眾無上福

田若於如是賢聖僧中起淨信心於諸信中最為第一如是淨信所感果報於天人中最為第一如是名為三種最勝今時世尊重攝此義而說頌曰最勝有三種所謂佛法僧依生淨信心能見最勝法依佛生淨信知兩足中尊證無上菩提天人等應供依法生淨信知離欲中尊證無上涅槃寂靜常安樂依僧生淨信知諸衆中尊證無上福田天人等應供施最勝良田生最勝功德感最勝安樂壽色力名聞供養最勝人修行最勝法得最勝安樂天上或人中施三寶福田名最勝施者所在常安樂後當證涅槃

重攝前經盟柁南曰

子尊重二學福堅根補羅不淨等及怨福業事最勝

吾從世尊聞如是語必當當知有三大師出現世間利益安樂無量衆生哀愍世間天人大衆令得無量義利安樂云何為三所謂如來應正等覺明行圓滿善逝世間解無上丈夫調御士天人師佛薄伽梵出現世間為

諸衆生開闡正法初中後善文義巧
妙示現純滿清白梵行謂是苦諦是
苦集諦是苦滅諦是能趣向苦滅道
諦如是名為第一大師出現世間利
益安樂無量衆生哀愍世間天人大
衆令得無量義利安樂復有如來應
正等覺無學弟子是阿羅漢諸漏已
盡梵行已立所作已辦棄諸重擔得
自義利盡諸有結已正奉行如來聖
教已得解脫已證遍知出現世間為
諸衆生開闡正法初中後善文義巧
妙示現純滿清白梵行謂是苦諦是
苦集諦是苦滅諦是能趣向苦滅道
諦如是名為第二大師出現世間利
益安樂無量衆生哀愍世間天人大
衆令得無量義利安樂復有如來應
正等覺有學弟子具修梵行具正多
聞所謂正聞契經應頌記別伽藍無
問自說本事本生方廣希法善知其
義出現世間為諸衆生開闡正法初
中後善文義巧妙示現純滿清白梵
行謂是苦諦是苦集諦是苦滅諦是
能趣向苦滅道諦如是名為第三大

師出現世間利益安樂無量衆生哀
愍世間天人大衆令得無量義利安
樂如是名為有三大師出現世間利
益安樂無量衆生哀愍世間天人大
衆令得無量義利安樂今時世尊重
攝此義而說頌曰

有三種大師 若出現於世 能利益安樂
天人等世間 一者謂如來 二無學弟子
三有學弟子 具淨戒多聞 如是三大師
天人等應供 能宣說正法 廣開甘露門
令無量衆生 永盡諸有結 解脫生死苦
證常樂涅槃 譬如善導師 能示人善道
正順而行者 得安樂無疑 如是三大師
示衆生四諦 修行無放逸 定起生死邊
吾從世尊聞 如是語甚尊 當知有三
時中諸天集會歡喜詳議更相勸勵
來降人間云何為三 謂我弟子或少
資財或多資財或少眷屬或多眷屬
或姓尊貴或姓卑微初發淨信厭背
家法欣樂出家今時諸天歡喜集會
咸相謂言天仙當知今佛弟子與惡
魔軍將興戰諍我等宜應師諸天衆
往降人間冥加祐助增彼信心令無

障難作是語已來降人間作所應作如是名為第一時中諸天集會歡喜詳議更相勸勵來降人間又我弟子剗除鬚髮被服袈裟以正信心棄捨家法出趣非家與諸苾芻同修和敬安住守護別解脫戒軌範所行無不圓滿於微少罪見大怖畏受學一切所應學處成就清淨身語意業成就淨命成就淨見余時諸天歡喜集會咸相謂言天仙當知今佛弟子與惡魔軍正與戰諍我等宜應師諸天衆往降人間冥加祐助增彼威力令勝魔軍作是語已來降人間作所應作如是名為第二時中諸天集會歡喜詳議更相勸勵來降人間又我弟子諸漏永盡證真無漏心善解脫慧善解脫於現法中自證通慧具足安住能自了知我生已盡梵行已立所作已辦不受後有余時諸天歡喜集會咸相謂言天仙當知今佛弟子與惡魔軍已與戰諍已斷魔首已碎魔軍已自稱言我生已盡梵行已立所作已辦不受後有我等宜應師諸天衆

持妙香花往降人間禮拜供養稱揚讚歎請說正法度脫已身生老病死作是語已來降人間作所應作如是名為第三時中諸天集會歡喜詳議更相勸勵來降人間必當知若有國土城邑聚落有淨信心求出家者有剃鬚髮正出家者有出家已諸漏盡者於彼國土城邑等中諸大天仙及善神等皆來降下勤加守護令其豐樂風雨順時無諸疾疫其中衆生慈心相向同修善業現在當來長夜安隱速證無上常樂涅槃如是名為有三時中諸天集會歡喜詳議更相勸勵來降人間今時世尊重攝此義而說頌曰

諸天於三時歡喜共集會詳議相勸師來降於人間最初求出家第二剃鬚髮第三漏永盡摧伏諸魔軍諸天見出家能永盡諸漏咸恭敬供養如是讚頌言歸命殊勝人歸命最上士歸命摧魔衆獲得大名聞諸天歡喜心祐助修供養希求剃鬚髮漏盡證無生是故應正勤繫念樂靜慮勇猛無放逸摧伏諸魔軍

於佛法律中正信出家者能解脫諸漏
永盡衆苦邊

吾從世尊聞如是語必當當知略有
三事天勝於人云何為三一者長壽
二者端嚴三者快樂如是三事天勝
於人百千万倍不可稱計所以者何
如此人間五十年量當彼天上四天
王天一日一夜如是日夜數至三十
以為一月積十二月以為一年以如
是年四天王天壽量五百當於人間
九百万歲如此人間一百年量當彼
天上三十三天一日一夜如是日夜
數至三十以為一月積十二月以為
一年以如是年三十三天壽量千歲
當於人間三千六百万歲如此人間
二百年量當彼天上夜摩天中一日
一夜如是日夜數至三十以為一月
積十二月以為一年以如是年夜摩
天中壽量二千歲當於人間一億四
千四百万歲如此人間四百年量當
彼天上覩史多天一日一夜如是日
夜數至三十以為一月積十二月以
為一年以如是年覩史多天壽量四

千當於人間五億七千六百万歲如
此人間八百年量當彼天上樂變化
天一日一夜如是日夜數至三十以
為一月積十二月以為一年以如是
年樂變化天壽量八千當於人間二
十三億四百万歲如此人間千六百
年當彼天上他化自在天一日一夜
如是日夜數至三十以為一月積十
二月以為一年以如是年他化自在
天壽量一千万有六千歲當於人間九
十二億一千六百万歲此中半數如
万万為億如
是名為諸天長壽請天端嚴諸天
快樂人間所有不可為喻如是諸天
三種勝事一切皆是無常無恒不可
保信變壞之法死力所吞繫屬於死
彼諸天眾臨命終時有餘天眾來詣
其所教授教誡言諸天仙當願汝等
往生善趣生善趣已獲得善利得善
利已有所成辦此中諸天從何善趣
得何善利何所成辦謂彼諸天既命
終已來生人中得人同分名往善趣
至人趣已於佛所說法毗奈耶獲得
正信名得善利如是正信增長廣大

根深堅固世間沙門或婆羅門諸天
魔梵無能如法引令退轉故名成辦
由成辦故於佛法中多有所作謂淨
信心出家受戒修奢摩他毗鉢舍那
觀四聖諦永斷諸漏證得涅槃盡苦
邊際今時世尊重攝此義而說頌曰
諸天三事勝長壽端嚴樂人中與校量
竿數甚難及如是三勝事非常亦非恒
難保變壞法死魔刀所繫天將捨命時
餘天集其所善教授教誡令生歡喜心
當願汝天仙往生於善趣得預人同分
生中國聰明於佛法律中獲得於正信
增長根堅固邪教不能轉身語意惡行
能方便棄捨彼所生過失亦能方便除
多修身語意三殊勝善業如理正思惟
令無量廣大修諸福業事謂施戒多聞
於佛正法中出家修梵行正信修法行
恒忍辱柔和或生天人中或證涅槃樂
如是諸天仙來教誡教授將捨命天眾
如母慈於子諸天常發願善趣轉增益
令阿素洛等退散永無增

本事經卷第七

癸卯歲高麗國公同大藏都監奉
勅周造

佛說興起行經序

籍

所謂崐崙山者則閻浮利地之中心也山皆寶石周圍有五百窟窟皆黃金常五百羅漢居之阿耨大泉外周圍山山內平地泉處其中泉岸皆黃金以四獸頭出水其口各遶一匝已還復其方出投四海為口所出者則黃河是也其泉方各二十五由延浮三歌劣一歌劣者七里也泉中有金臺臺方一由延臺上有金蓮華以七寶為蓋如來將五百羅漢常以月十五日於中說戒因舍利弗問佛十事宿緣後以十五日時將本弟子說訖乃止如是至九往所以十問而九答者以木槿之對人間償之欲示人宿緣下可逃避故也又阿耨泉中非有漏礙形所可周旋唯有阿難為如來所接也所以慇懃告舍利弗者欲化諸龍故也

佛說興起行經卷上

一名嚴說宿緣經
出難裁

後漢外國三藏康孟詳譯

聞如是一時佛在摩竭國普為衆生說

止於竹園中佛語諸比丘及神足羅漢
各齎所乞食共至阿耨泉路由五姓國
將諸比丘衆於中共乞食比丘五百人
以神足飛下比丘僧圍遶到阿耨大泉
世尊坐其中世尊食已訖諸比丘故食
當於飯食時地為大震動比丘問世尊
此地何為動世尊便為說愍此衆生動
地獄有罪人極行衆逆惡鬼神有千人
斫其兩大肋須臾不休息斧斤皆燒赤
斫滿正千歲力極乃得折問作何等罪
乃致此苦痛此肋大尔許使地為震動
此本世間人恒喜婬他妻坐貪色欲故
又殺清信士以是宿緣故致得此大身
鬼神有千人恒斫此兩肋世尊說如是
佛問諸四道汝等作何緣各各可自說
神通大弟子能逆轉法輪智慧舍利弗
起問於世尊世尊無雙比無事不見聞
世尊先自說宿世諸因緣孫隨生惡謗
望得其故事無故誹謗尊此是何因緣
坐奢弥跋提此五百比丘無故相誹謗
此是何因緣何為得頭痛誅殺五親時
諸節皆疼痛及患脊背強剛木槍刺脚
調達崖石擲埤破脚拇指此是何因緣
多舌童女人帶杆起其腹無故來相謗

在於大衆中又在毗蘭邑三月食馬麥
國師梵志請此是何因緣在於鬱秘地
苦行足六年斷息禪羸瘦此是何因緣
世尊為演說舍利弗諦聽今當盡為說
先世所行緣

佛說孫陀利宿緣經第一

聞如是一時佛在阿耨大泉與大比
丘五百人俱皆是阿羅漢六通神足
大有名稱端正姝好各有衆相不長
不短不白不黑不肥不瘦色猶紅蓮
華皆能伏心意唯除一比丘何者阿
難是也舍利弗自從華座起整衣服
偏露右臂右膝跪蓮華座向佛叉手
問世尊言世尊無事不見無事不聞
無事不知世尊無雙比衆惡滅盡諸
善普脩諸天龍神帝王臣民一切衆
生皆欲度之世尊今故現有殘緣願
佛自說此緣使天人衆生聞者開解
以何因緣孫陀利來誹謗以何因緣
坐奢弥跋提被謗及五百羅漢以何
因緣世尊頭痛以何因緣世尊骨節
疼痛以何因緣世尊脊背強以何因
緣剛木刺其脚以何因緣地婆達兜

以崖石擲以何因緣多古女人帶打
大衆中有漏無漏前來相誹謗曰何
以不自說家事乃為他說為我今臨產
當須酥油以何因緣於毗蘭邑與五百
比丘食馬麦以何因緣在鬱秘地苦
行經六年謂呼當得佛佛語舍利弗
還復華座吾當為汝說先世諸因緣
舍利弗即便還復本座阿耨大龍王
聞佛當說緣法踊躍歡喜即為佛作
七寶交露蓋蓋中雨梅檀末香周遍
諸座無數諸天龍鬼神輒香和阿湏
倫迦樓羅鵝隨羅摩休勒皆來詣佛
叉手作礼圍遶而立佛便為舍利弗
說往昔過去世波羅捺城中有博戲
人名曰淨眼巧於歌戲今時有姪女
名曰鹿相端正姝好嚴淨無比時淨
眼往至鹿相所語此女曰當共出外
詣樹園中求於好地共相娛樂女答
曰可余鹿相便歸莊嚴衣服詣淨眼
家淨眼即嚴駕好車與鹿相共載
出波羅捺城至於樹園共相娛樂經
於日夜淨眼覩其衣服珍妙便生貪
心當殺此女取其衣服復念殺已當

去何截之時此園中有辟支佛名樂
無為去其所止不遠淨眼又念此辟
支佛晨入城乞食後我當殺鹿相埋
其廬中持衣而歸誰知我處明旦辟
支佛即入城乞食淨眼於後便殺鹿
相脫衣服取埋屍著樂無為廬中平
地如故便乘車從餘門入城余時波
羅捺國王名梵達國人不見鹿相遂
徼國王衆人白王鹿相不見王即召
群臣遍詣里巷戶至覓之諸臣受教
如命覓之遍覓不得便復出城見樹
間衆鳥飛翔其上衆人便念城中已
遍不得此必有以當共往彼即尋便
往到樂無為廬前搜索得屍諸臣語
樂無為曰已行不淨胡為復殺辟支
佛默然不答問如此至三不答如前
樂無為手脚著土此是先世因緣故
默不答衆臣便反縛樂無為拷打問
辭樹神人現出半身語衆人曰莫拷打
此人衆臣曰何以不打神曰此無是
法終不行是諸臣雖聞神言不肯聽
用將此樂無為徑詣王所白王曰此
道士行不淨已又復殺之王聞是語

瞋恚大喚語諸大臣看是道士行於
 非法應當介耶王勅諸臣急縛驢馱
 打鼓遍巡然後出城南門將至樹下
 鐵鉉殲之貫著竿頭聚弓射之若不
 死者便斬其頭諸臣受教急縛驢馱
 打鼓巷至巡之國人見之皆恠所以
 或有信者或不信者衆人集觀喚咄
 悲傷於時淨眼在破牆中藏聞衆人
 大云聲便於牆中傾頭盜視見衆無
 為反縛驢馱衆人遂行見已心念此
 道士無故見枉當死此不應有愛欲
 我目殺麋相非道士殺我自受死當
 活道士淨眼念已便出走趣大衆普
 喚上官曰莫因殺此道士非道士殺
 麋相是我殺之耳願放此道士縛我
 隨罪治我諸上官皆驚愕曰何能代
 他受罪即共解辟支佛縛便捉淨眼
 反縛如前諸上官等皆向辟支佛作
 禮懺悔我等愚癡無故枉困道士當
 以大慈原赦我罪莫使我將來受此
 重殃如是至三樂無為辟支佛默然
 不荅辟支佛心念我不宜更入波羅
 捺城乞食我但當於此衆前取減度耳

辟支佛便於衆前踊昇虛空於中住
趺坐時住立臂以下出煙臂以上出
火或復臂以下出火臂以上出煙或
左脇出煙右脇出火或左脇出火右
脇出煙或腹前出煙背上出火或腹
前出火背上出煙或臂以下出火
臂以上出水或臂以下出水臂以
上出火或左脇出火右脇出水或
左脇出水右脇出火或腹前出水
背上出火或腹前出火背上出水
或左肩出水右肩出火或左肩出火
右肩出水或兩肩出水或兩肩出火
然後舉身出煙舉身出火舉身出水
即於空中燒身滅度於是大衆皆悲
涕泣或有懺悔或有作禮者取其舍
利於四衢道起偷婆諸上官即將淨
眼詣王梵達此人殺鹿相非是道士
殺王便瞋此監司前時何為妄白虛
事云此人殺人今云非也乃使我作虛
妄之人枉困道士諸臣白王於時頗
問道士何為殺人也時道士默不見
答又手脚復著上以是故臣等謂呼
其殺人王便勅臣驢馱此人於城南

先以鉶積之然後立竿貫頭聚弓射之若不死者便斫其頭諸臣受教即以驢馱打鼓遍巡已出城南詣樹下以鉶積貫木聚弓射之然後斫頭佛語舍利弗汝乃知今時淨眼者不則我身是舍利弗汝復知鹿相者不則今孫陀利是舍利弗汝知今時梵達王不則今執杖釋種是舍利弗我今時殺鹿相枉困辟支佛以是罪故無數千歲在泥犁中煮及上劍樹無數千時餘殃今雖作佛故獲此孫陀利謗於是佛自說宿命因緣偈曰

我先名淨眼乃是博戲人辟支名樂無無過致困苦此有真淨行為衆所擾惱毀辱而縛束復欲驅出城見此辟支佛困辱被繫縛我起慈悲心使令得解脫以是因緣故久受地獄苦乃今時殘殃今故被誹謗我今斷後生便盡於是世坐此孫陀利故得其誹謗因緣終不脫亦不著虛空當護三因緣終始不可犯我自成尊佛得為三界將故說先因緣阿耨大泉中

佛語舍利弗汝觀如來衆惡皆盡諸善普備能度天龍鬼神帝王臣民螺飛蠕動皆使得度無為安樂雖有是功德猶不免於宿緣况復愚冥未得道者不攝身口意此等當如何佛語舍利弗汝當學是及諸羅漢并一切衆生當護身三口四意三舍利弗汝當學是并及一切佛說是時舍利弗及五百羅漢阿耨大龍王天龍鬼神乾沓和阿須倫迦樓羅甄陀羅摩休勒聞佛所說歡喜受行

佛說奢弥跋宿緣經第二

聞如是一時佛在阿耨大泉與大比丘衆五百人俱皆是羅漢六通神足唯除一比丘阿難也是時佛告舍利弗過去久遠九十一劫是時有王名曰善說城名善說所造有一婆羅門名延如達好學廣博外學三部天文圖識占相藝術曉七種書及外道教誡解了衆法世俗典籍相有三十常教學五百豪族童子復有一婆羅門名曰梵天大富饒財爲馬七珍侍使僕從婦名淨音端正姝妙容貌第一

性行和調無嫉妬心延如達以梵天
為檀越婦淨音供養延如達飲食衣
被牀卧坐具病瘦醫藥有一辟支佛
名曰愛學往到城內執衣持鉢行欲
乞食偶至梵天門時淨音見辟支佛衣
服整齊行步詳審六根寂定心甚愛
樂即請供養曰自今已去衣被飲食
牀卧醫藥常從我受當為我故受我
請淨音即以濃美飲食滿鉢與之辟
支佛受已執鉢昇虛七反迴旋飛還
所止時城內人見此神足口國有是
人我等有福舉國歡喜供養無厭淨音
供養辟支佛日進待延如達遂薄延
如達自覺薄已厚彼便興妬嫉誹謗
之言此道士實無戒德何以故與此淨
音作不淨行故也以是故厚供養之
延如達告五百弟子曰此道士犯戒
無精進行諸童子各歸家宣令曰此
道士無有淨行與淨音通諸童子曰
尔如師所言此道士實有姪欲心五
百童子受教入城至巷宣令曰此道
士有姪欲心與淨音通國人咸疑神
足如有此穢聲耶此聲經十年乃

斷後辟支佛現十八變取於滅度衆人乃知延如達為虛妄辟支佛為清淨佛語舍利弗汝知今時延如達不則我身是今時梵天耆憂填王是今時淨音耆耆跋是今時五百童子耆今五百羅漢是佛語舍利弗我今時因失供養故便生妬嫉心與汝等共誹謗辟支佛以是因緣與汝等共入地獄鑊湯見者無數千歲由是餘殃今雖得佛故與汝等有耆耆跋之謗也於是世尊說先世因緣偈曰

我先為梵志 廣學外四部 止於樹園中 教授五百童 有一辟支佛 清淨有神足 見是得供養 無故橫相謗 還語諸童子 道士不淨行 我適說是時 童子皆歡喜 童子聞是已 遍行諸里巷 盡向衆人說 道士犯不淨 以是因緣故 經歷地獄久 我及汝曹等 更是無限苦 由是殘因緣 是衆五百人 無故被誹謗 坐此耆耆跋 我今在末世 成於無上道 無故而誹謗 坐此耆耆跋 如來我尊佛 三界之大將 阿耨大池中 自說本世緣 佛告舍利弗 汝觀如來衆漏已盡 諸

善普具慈愍天人乃至蠕動皆欲使
濟度雖有此功德猶不免於宿緣况
復愚昧未識道者佛語舍利弗汝當
學是及諸羅漢一切衆生皆當學是
佛語舍利弗汝當護身三口四意三
舍利弗當學如是佛說是已舍利弗
及五百羅漢阿耨大龍王天龍鬼神
乾沓和阿須倫迦樓羅甄陀羅摩休
勒聞佛所說歡喜受行

佛說頭痛宿緣經第三

聞如是一時佛在阿耨大泉與大比
丘五百人俱皆是阿羅漢六通神足
唯除一比丘阿難也佛告舍利弗過
去久遠世於羅閱祇大城中時穀貴
飢饉人皆拾取白骨打煮飲汁掘百
草根以續微命以一升金買一升穀
今時羅閱祇有大村數百家名曰岐
支越村東不遠有池名曰多魚岐越
村人將妻子詣多魚池止於池邊捕
魚食之時捕魚人採魚著岸上在陸
而跳我今時為小兒年適四歲見魚
跳而喜時池中有兩種魚一種名麴
一種名多舌此自相語曰我等不犯

人橫被見食我等後世要當報此佛語
舍利弗汝識今時吱越村人男女大
小不則今迦毗羅越國諸釋種是今
時小兒者我身是今時麤魚者毗樓
勒王是今時多舌魚者今毗樓勒王
相師婆羅門名惡舌者是今時魚跳
我以小杖打魚頭以是因緣墮地獄中
無數千歲我今雖得阿惟三佛由是殘
緣故毗樓勒王伐釋種時我得頭痛
佛語舍利弗汝知我去何頭痛舍利
弗我初得頭痛時語阿難曰以四升
鉢盛滿冷水來阿難如教持來以拍
我額上汗滲水中水即尋消滅猶如
終日炊空大釜投一滲水水即焦然
頭痛之熱其狀如是假令須弥山邊
旁出崖一由延至百由延值我頭
痛熱者亦當消盡舍利弗如來頭痛
如是佛今時說宿緣偈曰

先世吱越村有一吱越子捕魚置岸上
以杖敲其頭以是因緣故經歷地獄久
名曰黑繩獄燒煮其久長由是殘因緣
今得頭痛熱殺是諸釋時惡行毗樓勒
此緣終不化亦不著虛空當共自謹慎

防護身口意我自成尊佛得為三界將
故說先世緣阿耨大泉中

佛語舍利弗汝見如來衆惡已盡諸
善普具欲使天龍鬼神帝王臣民皆
念其善猶有此緣況復愚冥未得道
者佛語舍利弗汝當學是及諸羅漢
一切衆生皆當學是佛語舍利弗汝當
護身三口四意三舍利弗當學是佛
說是已舍利弗及五百羅漢阿耨大
龍王天龍鬼神軋沓和阿須倫迦樓
羅甄陀羅摩休勒聞佛所說歡喜受行
佛說骨節煩疼因緣經第四

聞如是一時佛在阿耨大泉與大比
丘衆五百人俱皆是阿羅漢六通神足
唯除一比丘阿難也佛語舍利弗往
昔久遠世於羅閱祇城中有一長者
子得熱病甚困其城中有一大醫子
別識諸藥能治衆病長者子呼此醫
子曰為我治病愈大與卿財寶醫子
即治長者子病得差既差之後不報其
功長者子於後復病復命治之老不
答勞如此至三不報如前後復得病
續喚治之醫子念曰前已三差而不

見報長者子曰卿前後治我未得相報今好治我老當併報醫子念曰見欺如此至三如誰小兒我今治此當令命斷即便與非藥病遂增劇便致無常佛語舍利弗汝知今時醫子不則我身是今時病長者子者地婆達梵是也佛語舍利弗我今時與此長者子非藥致令無常以是因緣數千歲受地獄燒煮及畜生餓鬼由是殘緣今雖得作佛故有骨節煩疼病生於是佛說宿緣頌曰

我往為醫子治於長者兒瞋恚與非藥由此致無常以是宿因緣久受地獄苦今時餘因緣故致煩疼患因緣終不滅亦不著虛空以是三因緣盡護身口意我自成尊佛得為三界將故說先世緣阿耨大泉中

佛語舍利弗汝見如來衆惡已盡諸善普具欲使天龍鬼神帝王臣民皆念其善猶有此緣况復愚冥未得道者佛語舍利弗汝當學是及五百羅漢一切衆生皆當學是佛語舍利弗汝當護身三口四意三舍利弗汝當

是佛說是已舍利弗及五百羅漢
阿耨大龍王天龍鬼神軋沓和阿湏
倫迦樓羅甄陀羅摩休勒聞佛所說
歡喜受行

佛說背痛宿緣經第五

聞如是一時佛在阿耨大泉與大比
丘衆五百人俱皆是羅漢六通神足
唯除一比丘阿難也於是佛語舍利
弗往昔久遠世時於羅閱祇時大節
日聚會時國中有兩姓力士一姓刹帝
利種一姓婆羅門種亦來在會時兩力
士共相撲婆羅門力士語刹帝利力士
曰卿莫撲我我當大與卿錢寶刹帝
利便不盡力戲令其屈伏也二人俱
得稱皆受王賞婆羅門力士竟不
報刹帝利力士所許到後節日復來
聚會相撲婆羅門力士復求首刹帝
利力士如前相許刹帝利力士復饒不
撲得賞如上復不相報如是至三後節
復會婆羅門力士重語刹帝利力士
曰前後所許當一時併報刹帝利力
士心念曰此人數欺我既不報我又
侵我今我今日當使其消是刹帝利

便乾笑語曰卿誑我滿三今不復用
卿物便右手捺項左手捉袴臂兩手
感之挫折其脊如折甘蔗擊之三旋
使衆人見然後撲地墮地即死王及
群臣皆大歡喜賜金錢十萬佛語舍
利弗汝知今時刹帝利力士撲殺婆
羅門力士者不則我身是婆羅門力
士者地婆達梵是佛語舍利弗我今
時以貪恚故撲殺此力士以是因緣
墮地獄中燒煮拷治經數千歲今我已
成阿惟三佛諸漏已盡今時殘緣今
故有此脊痛之患於是世尊自說宿
緣頌曰

節會共相撲意欲屈彼人一舉撲著地
令其脊中折以是因緣故久受地獄苦
先世殘餘殃故致脊痛患此緣終不滅
亦不著虛空護是三因緣莫犯身口意
我自成尊佛得為三界將阿耨大果中
自說宿世緣

佛語舍利弗汝見如來衆惡已盡諸
善普具諸天龍神帝王臣民一切衆
生皆欲令得渡尚不免餘殃况復愚
癡未得道者佛語舍利弗汝等當學

是護身三口四意三佛說是已舍利
弗及五百羅漢八部鬼神聞佛所說
歡喜受行

佛說木槍刺脚因緣經第六

聞如是一時佛在羅閱祇竹園精舍
與大比丘僧五百人俱世尊晨旦著
衣持鉢與五百比丘僧及阿難圍繞
共入羅閱祇城乞食家家遍至見此
里中有破剛木者有一片木長尺三
逆在一邊於佛前立佛便心念此是
宿緣我自作是自當受之衆人聞見
皆共聚觀大衆見之驚愕失聲佛復
心念今當現償宿緣使衆人見信解
殃對不敢造惡佛便踊在虛空去地
一寻木槍逐佛亦高一寻於佛前立
佛復上二寻三寻四月乃至七寻槍
亦隨上七寻世尊復上高一多羅槍
亦高一多羅佛復上乃至七多羅槍
亦隨上立於佛前佛復上高七里槍
亦高七里佛復上高十里槍亦如是
佛復上高一由延槍亦隨之佛復上七
由延槍亦上隨之佛於空中化作青
石厚六由延縱廣十二由延佛於上

立槍便穿石出在佛前立佛復於空中化作水縱廣十二由延深六由延於水上立槍復過水於佛前立佛復於空中化作大火縱廣十二由延高六由延於焰上立槍亦過焰至佛前立佛復於空中化作旋風縱廣十二由延高六由延於風上立槍從傍邊斜來趣佛前立佛復上至四天王宮殿中住槍亦來上至佛前立佛復上至三十三天上壁方一由延如瑠璃石佛於上立槍亦來上在佛前立佛去後四天王相告曰佛畏此木槍槍亦遂不置皆共忿然不悅從三十三天化去至焰天焰天化去至梵率梵率化去至涅槃摩羅他涅槃摩羅他化去至婆羅尼蜜婆羅尼蜜化去至梵天木槍從三十三天以次來上乃至梵天於佛前立諸天皆相謂曰佛畏此槍捨走然槍遂不置今時世尊與諸梵天說自宿緣法從梵天還至婆羅尼蜜婆羅尼蜜下至涅槃摩羅他涅槃摩羅他下至梵率梵率下至焰天焰天下至三十三大三十三天下至四天王四天王

下還至羅閱祇所過諸天皆為說宿
緣法捨亦復從上下至羅閱祇佛亦為
羅閱祇人說宿緣法佛與比丘僧出
羅閱祇城捨亦尋佛後國人盡逐佛
出城佛問衆人汝等欲何至衆人答
曰欲隨如來看此因緣佛語衆人各
自還歸如来自知時節阿難問佛如
來何以遣衆人還佛語阿難若衆人
見我償此緣者皆當盟死墮地阿難
便默世尊即還竹園僧伽藍自處已
房勅諸比丘各自還房各受教還房
阿難問佛我當云何佛語阿難汝亦
還房阿難即還佛使心念是緣我宿
自造必當償之即取大衣四疊褰之
還坐本座佛便展右足本捨便從足
跌上下入徹過入地地深六万八千
由延過此地至水水深亦六万八千
由延過水至火火高六万八千由延
至火乃燃當余時地六反震動阿難
諸比丘各自心念今此地動捨必判
佛脚也佛被刺已苦痛辛痛疼痛斷
氣痛阿難即至佛所見佛脚捨刺瘡
便悶死倒地佛便以水灑阿難阿難

乃起起已禮佛足摩拭佛足嗚佛足
涕泣墮淚曰佛以是脚行至樹下降
魔上至三十三天為母說法世尊金
剛之身作何因緣為此小木所害乃
余佛語阿難且止勿憂涕泣世間因
緣輪轉生死有是苦患阿難問佛令
者瘡痛增損何如佛語阿難漸漸有
降舍利弗將諸比丘僧來詣佛所稽
首佛足禮已一面住舍利弗問佛不
審瘡痛增損云何佛報舍利弗瘡痛
漸漸有損余時比丘眾中漏未盡者
見此瘡皆悲喚號泣曰世尊大悲無
物不濟而云何有此痛緣也佛語此
等比丘且止莫涕我乃先世自造此
緣要當受之無可逃避處此對亦非父
作亦非母作亦非王作亦非天作亦
非沙門婆羅門所作本我自造今自
受之諸漏盡神通者各自默然思惟
佛往曰曾所說偈曰

世人所作行或作善惡事此行還歸身
終不朽敗亡

耆婆聞佛為木捨所刺涕泣至阿闍
世王所阿闍世王曰卿何以涕泣耆

婆答曰我聞佛為木槍刺脚是以涕
耳阿闍世王聞此語便從牀上悶死
墮地良久乃蘇舉宮內外咸皆驚怖
王起涕泣勅諸臣曰速疾嚴駕欲至
佛所諸臣受教即便嚴駕白王曰嚴
駕已訖王即便上車出羅閱祇城城內
四姓宗族清信士女聞佛為木槍所
刺王與弟耆婆及此人衆百千圍遶
共至佛所下車脫冠解劍退蓋步進
詣佛佛右脇側卧王礼佛已手捉佛
足摩拔口嗚自稱國号姓名曰摩竭
王阿闍世問訊世尊瘡痛寧有損
不佛報阿闍世當使大王常得安隱
長壽無病王當治以正法莫行非法
佛便命王使坐王即就座王問佛言
我從如來所聞佛身金剛不可毀壞
不審今者何為此不槍所刺耶佛告
王曰一切諸法皆為緣對所壞我身
雖是金剛非木槍能壞宿對所壞於
是世尊即說頌曰
世人所為作各自見其行行善得善報
行惡得惡報

是故大王當學捨惡從善惡緣不學

問未識真道者戲笑輕作罪後當
號泣受是故大王不可以戲笑作罪
王當學如是王語耆婆汝合好藥洗
瘡呪治必令時耆耆婆曰諾耆婆即
便礼佛洗足耆生肌藥已復讀止痛呪
耆婆出百千價盡用裏佛足以手摩
足以口鳴之曰願佛老壽此患早除
一切衆生長夜之苦亦得解脫即起
礼佛於一面住佛於是為阿闍世王
一切衆會故說四諦法何謂四諦苦
諦苦習諦苦盡諦苦盡道諦是為四諦
說是時六十比丘得漏盡意解万一千
人得法眼淨王於是辭曰國事多故欲
還請辭佛言可宜知是時王即起稽
首佛足遶三匝而歸諸衆亦各礼佛
遶三匝而還於是暮夜半有七天人
人人能出百種音聲來詣佛所稽
首佛足遶牀一匝而立一天白佛瞿
曇沙門如師子受瘡能忍苦痛不告
他人一天又曰瞿曇沙門如爲受瘡
能忍苦痛不語他人一天復曰瞿曇
沙門如犍牛號時亦不覺苦痛一天復
曰瞿曇沙門如水牛號時亦不覺痛

一天復曰瞿曇沙門如八臂天王受
瘡能忍苦痛一天復曰瞿曇沙門如
寶馬不覺苦痛一天復曰瞿曇沙門
審諦清淨不覺苦痛第一天曰佛人中
師子人中鳥人中犍牛人中水牛人
中八臂天王人中寶馬人中審諦清
淨世尊如此等能忍苦痛此輩愚耐
痛世尊以慧耐不如外學梵志已過
中年懈廢取婦故墮度苦無由得度
何以故不能究竟故也如來法中清
淨究竟斷諸愛欲滅盡涅槃如此乃
度三界穢海也何以故是輩心意正
定從四諦求涅槃故也天於是以偈
頌曰

凶嶺難降伏癡疑無定智 志業處野露
不度生死淵定智除凶愚 調意衆縛解
志寂無狂惑是度生死海

於是天說偈已佛默然可之諸天見
佛默然知為可意即稽首佛足遠三
匝已忽然化去至清旦佛語舍利弗
往昔無數阿僧祇劫前小時有兩部
賈客各有五百人在波羅捺國各撰
合資財欲嚴舩渡海裝揀已訖解繫

張帆便引而去乘風徑往即至寶渚
渚上豈饒多有衣被飲食牀卧坐具及
妙姝女種種雜寶無物不有一部囊
客主語衆人曰我等以資財故勤身
苦體渡海至此所未已獲今當住此
以五樂自娛第二薩薄告其部衆此
間雖饒衆寶五樂姝女衣食無乏不
當於此久住是時於虛空中有天女
慈悲此輩賈客欲使從心所願多得
財寶無為還歸便於空中語衆賈人
曰此間雖有財寶五樂姝女衣被飲
食不足久住當早還去何以故却後
七日此地皆當浸水語訖化去復有
魔天女意欲使此賈客於此浸盡不
得還歸於空中告曰卿等不足嚴驚
欲還去此間快樂極可娛樂此地初
無水至設當有水至此此之衆寶飲食
衣被姝女五樂何由而有前天所說水
當浸此皆是虛妄不足信之說已化
去第一薩薄聞天女語已勅其部衆
卿等勿復嚴驚欲得還去莫信前天
所說此是虛妄耳此間快樂五欲無
乏閻浮勤苦正欲求此今已得之何緣

復去第二薩薄還告其衆卿等莫貪
五樂於此久住却後七日水當滿此
速疾市買裝駕治船前天所說至
誠不虛設七日無水猶當治嚴還去
豈可捨本父母妻子乎若當却後七
日水不至者便當於此五樂自娛然
後徐歸若水審來如前天所說者治
嚴已竟去復何難佛語舍利弗却後
七日如前天所言水滿其地於時第
二薩薄先已嚴辦水至之日所將部
衆即得上船第一薩薄先不治嚴水
至之日與治嚴者爭船船主護之不
令得前便著鎧持杖共相格戰第二
薩薄於船上以鎧後言鉞鉞第一薩薄脚
徹過即便命終佛語舍利弗汝知第
一薩薄者不則地婆達堯是第二薩
薄以鉞鉞第一薩薄者則我身是今
時第一賈客衆五百人者則今地婆
達堯五百弟子是今時第二賈客五
百衆者則今五百羅漢是今時第一
天女者則舍利弗是今時第二天女
則今名滿月比丘婆羅門弟子是佛
語舍利弗我往昔作薩薄貪財分死

渡海與彼爭船以鉸鉞鉸彼薩薄脚以是因緣無數千歲經地獄苦於地獄中無數千過為鉸鉞所刺無數千歲墮畜生中為人所射無數千歲在餓鬼中上鐵錐樹上今雖得如來金剛之身以是餘殃故今為木槍所刺今時世尊說宿緣偈曰

先世作薩薄乘船行渡海兩賈共爭船以鉸鉞彼脚以是因緣故地獄受鉸苦為畜常被射餓鬼上錐樹今已成佛道慙念衆生故雖得金剛身不免於木槍因緣終不滅亦不著虛空當護三因緣莫犯身口意今我成尊佛得為三界將阿耨大衆中自說先世緣

佛語舍利弗汝觀如來衆惡已盡諸善普脩諸天龍神帝王目民一切衆生皆欲度之猶不免此對况復愚冥未得道者是故舍利弗當護身口意莫犯是三事舍利弗汝等當學如是佛說是已舍利弗歡喜受行

佛說興起行經卷上

癸卯歲高麗國分言太藏都監奉

勅彫造

佛說興起行經卷下

籍

佛說地婆達地經第七

後漢外國三藏康孟詳譯

聞如是一時佛在阿耨大泉與大比丘衆五百人俱皆是阿羅漢六通神足唯除一比丘阿難也是時佛告舍利弗往昔過去世於羅閱祇城有長者名曰須檀大富多饒財寶爲馬七珍僮僕侍使產業備足子名須摩提其父須檀奄然命終須摩提有異母弟名修耶舍摩提心念我當云何設計不與修耶舍分須摩提復念唯當殺之乃得不與耳須摩提語修耶舍大弟共詣耆闍崛山上有所論說去來修耶舍曰可尔須摩提即執弟手上山既上山已將至絕高崖頭便推置崖底以石超之便即命絕佛語舍利弗汝知尔時長者須檀者不則今父王真淨是也尔時子須摩提者則我身是弟修耶舍者則今地婆達地是佛語舍利弗我尔時貪財害弟以是罪故無數千歲在地獄中燒煮爲

鐵山所埵尔時殘緣今雖得阿惟三
佛故不能免此宿對我於耆闍崛山
經行為地婆達兜舉崖石長六丈廣
三丈以擲佛頭耆闍崛山神名金埤
羅以手接石石邊小片迸墮中佛脚
拇指即破血出於是世尊即說宿命
偈曰

我往以財故殺其異母弟推著高崖下
以石埵其上以是因緣故久受地獄苦
於其地獄中為鐵山所埵由是殘餘殃
地婆達下石崖片落傷脚破我脚拇指
因緣終不朽亦不著虛空當護三因緣
莫犯身口意今我成尊佛得為三界將
阿耨大泉中說此先世緣

佛語舍利弗汝觀如來衆惡已盡諸
善普具諸天龍神帝王臣民一切衆
生皆欲度之尚有宿緣不能得免况
復愚冥未得道者舍利弗等當學如
是莫犯身口意佛說是已舍利弗及
五百羅漢阿耨大龍王天龍鬼神乾
沓和阿須倫迦樓羅甄陀羅摩休勒
聞佛所說歡喜受行

佛說婆羅門女梅沙謗佛緣經第八

聞如是一時佛在阿耨大泉與大比丘衆五百人俱皆是羅漢六通神足除一比丘阿難也佛告舍利弗往昔阿僧祇劫前尔時有佛号名盡勝如来至真等正覺明行成為善逝世間解無上士道法御天人師号佛世尊時在波羅捺國與大比丘六万八千衆皆是羅漢舍利弗尔時盡勝如来有兩種比丘一種比丘名無勝一種比丘名常歡無勝比丘者六通神足也常歡比丘者結使未除尔時波羅捺城有長者名大愛有烏馬七寶資財無極大愛長者有婦名曰善幻端正無比兩種比丘往來其家以為檀越善幻婦者供養無勝比丘衣被飲食牀卧醫藥四事無乏供養常歡至為微薄何以故無勝比丘斷於諸漏六通具足常歡比丘結使未盡未成道故也常歡比丘見無勝比丘偏受供養興嫉妬意橫生誹謗曰無勝比丘與善幻通不以道法供養自以恩愛供養耳佛語舍利弗汝知尔時盡勝如来弟子常歡者不則我身是欲

知善幻婦人者則今婆羅門女名梅沙者是佛語舍利弗我今時無故誹謗無勝羅漢以是罪故無數千歲在地獄中受諸苦痛今雖得佛為六師等諸比丘衆漏盡未盡及諸王臣民清信士女說法時以餘殃故多舌童女帶杆起腹來至我前曰沙門何以不自說家事乃說他事為汝今日獨自樂不知我苦耶何以故汝先共我通使我有娠今當臨月事須酥油養於小兒盡當給我今時衆會皆低頭默然時釋提桓因侍後肩佛以神力化作一鼠入其衣裏齒於帶杆忽然落地今時諸四部弟子及六師徒等見杆墮地皆大歡喜揚聲稱慶欣笑無量皆同音罵曰汝死亦吠罪物何能興此惡意誹謗清淨無上正真此地無知乃能容載如此惡物也諸衆各說是時地即為劈裂火焰躍出女便墮中徑至阿鼻大泥犁中大衆見此女現身墮泥犁阿闍世王便驚恐衣毛為豎即起叉手長跪白言此女所墮今在何處佛答大王此女所墮

名阿鼻泥犁阿闍世王復問佛此女
不殺人亦不偷盜直妄語便墮阿鼻
耶佛語阿闍世王我所說緣法有上
中下身口意行阿闍世王復問何者
為重何者為中何者為下佛語阿闍
世王意行取重口行處中身行在下
阿闍世王復問佛佛答曰身行處現
此事可見口行者耳所聞此二事者
世間所聞見佛語大王意行者設發
念時無聞見者此是內事衆行為意
釘所繫王復問佛意不可見云何獨
繫意釘耶佛答王曰若男子女人設
欲身行殺盜婬者先當思惟朝中人
定何時可行也思惟何處可往佛復
語王夫人作行先心計校然後施行
是故繫於意釘不在身口也佛復語
王是口行者欲行口行時先意思惟
若在大會議論法時若在都坐斷當
律時設問我者我當違反彼說此間
非是已事若有是語者我當反之此
受他意氣故作是語耳若行此三事
不著者復更作計當往聞之日彼欲
殺汝破汝壞汝汝當隨我語莫信他

人若作此兩舌者成於虛偽滅其正法命終之後墮於泥犁佛語王是故口行繫於意釘不繫身口王復問佛何以故佛答王曰身三口四皆繫意釘意不念者身不能獨行是故身口繫意釘於是世尊即說偈曰

意中熟思惟然後行二事佯慙於身口未曾愧心意先當慙於意然後耻身口此二不離意亦不能獨行

於是阿闍世王聞佛說法涕泣悲感佛問王王何為涕王答曰為衆生無智不解三事恒有損減是故悲耳此衆生但謂身口為大不知意為深奧世尊我本謂身口為大意为小今從佛聞乃知意为大身口為小佛問王曰本何以知身口大意为小今方云意大身口小耶王復白佛夫人殺生人皆見之若偷盜姦姦亦人所見此身三事天下盡見口行妄語惡口兩舌言不至誠此口四事天下所聞意家三事非耳所聞非眼所見是故衆生以眼見耳聞為大今聞佛說乃知心意为大身口為小以是故身口二

事繫於意釘佛復問王云何知意釘
為大身口二事繫於意釘王白佛言
此多舌女人欲設謗毀先心思念當
以繫杆起腹在大衆中說是輩事又
聞佛說是故我知意大身口小佛語
大王今云何解意大身口小王荅曰
設欲行事先心發念然後身口行之
是故知意大身口小佛言善哉善哉
大王善解此事常當學此意大身口
小說是法時衆中八十比丘漏盡意
解二百比丘得阿那含道四百比丘
得斯陀含道八百比丘得須陀洹道
八万天與人皆得法眼淨十万人及
非人皆受五戒二十万鬼神受三自
歸於是世尊說宿緣偈言

盡勝如來時我比丘多歡毀謗於無勝
墮於地獄久以是殘因緣多舌童女來
在於大衆中前立謗毀我宿對終不滅
亦不著虛空當護三因緣莫犯身口意
今我成佛道得為三界將阿耨大衆中
自說先世緣

佛語舍利弗汝觀如來衆惡已盡諸
善普具諸天龍鬼神帝王臣民一切

衆生皆欲度之尚不免此宿緣況汝
愚冥未得道者舍利弗當護身口意
佛說是已舍利弗及五百羅漢阿耨
大龍王八部鬼神聞佛所說歡喜受行
佛說食馬麦宿緣經第九

聞如是一時佛在阿耨大泉與大比
丘衆五百人俱皆是羅漢六通神足
佛告舍利弗過去久遠世時佛名毗
婆葉如來至真等正覺明行成為善
逝世間解無上士道法御天人師号
佛世尊在脩頭摩跋城中與大比丘
衆十六万八千人俱王名脩頭與群
臣庶民清信士女以四事供養毗婆
葉如來及衆終已無乏尔時城中有
婆羅門名因提耆利博達梵志四圍
典籍亦知星捷算術及婆羅門戒教
五百童子王設會先請佛佛便默然
許之王還具饌種種濃美及設牀座
毼氍毹氍毹已畢王執香爐於座上
長跪啓曰今時已到唯願屈尊時毗
婆葉佛見時已至便勅大衆著衣持
鉢當就王請大衆圍遶往詣王宮就
座而坐王即下食手自斟酌種種餚

饒今時有一比丘名曰弥勒時病不行佛及大衆食已各還還時皆為諸病比丘請食過梵志山見食香美便興妬嫉意曰此髮頭沙門正應食馬夫不應食此甘饌之供告諸童子汝等見此髮頭道人食於甘美饌饒不諸童子曰今實見此等師主亦應食馬麥佛語舍利弗汝知今時山王婆羅門不則我身是今時五百童子者今五百羅漢是今時病比丘弥勒者則今弥勒菩薩是佛語舍利弗我今時興妬嫉意言是輩不應食甘饒正應食馬麥耳及卿等亦云如是以是因緣我及卿等經歷地獄無數千歲今雖成佛今時殘緣我及卿等於毗蘭邑故食馬麥九十日我今時不言與佛馬麥但言與比丘以是故我今得食馬麥仁以卿等加言當與佛麥故今日卿等食著皮麥耳於是世尊說宿緣偈言

我今為梵志 所學甚廣博 教授五百童 在於樹園中 在毗葉佛世 形罵諸比丘 不應食糲糠 正應食馬麥 汝等童子說

實如師所道并及此等師亦應食馬麦以是因緣故久受地獄苦今時殘餘殃亦五百比丘婆羅門時請當會毗蘭邑與卿食馬麦九十日不減因緣終不朽亦不著虛空當護三因緣莫犯身口意今我成佛道得為三界將阿耨大泉中自說先世緣

佛語舍利弗汝觀如來衆惡已盡諸善普具諸天龍神帝王臣民一切衆生皆欲度之尚不能得免宿世餘殃况愚冥未得道者佛語舍利弗當學護三因緣莫犯身口意舍利弗當學如是佛說是已舍利弗及五百羅漢阿耨大龍王八部鬼神聞佛所說歡喜受行

佛說苦行宿緣經第十

聞如是一時佛在阿耨大泉與大比丘衆五百人俱皆是阿羅漢六通神足唯除一比丘阿難也是時佛告舍利弗往昔波羅捺城邊去城不遠有多獸邑中有婆羅門為王太史國中第一有一子頭上有自然火鬘因以為名婆首端正有三十相梵志典籍

圖書識記無事不博外道禁戒及諸
筭術皆悉明練時有一瓦師子名難
提婆羅與火鷄少小親友心相敬念
須臾不忘瓦師子精進勇猛慈仁孝
順其父母俱盲供養二親無所乏短
難提婆羅雖為瓦師手不掘地亦不
使人掘唯取破牆崩岸及鼠壤和以
為器成好無比若有男子女人欲來
買者以穀麥麻豆置地取器而去初
不爭價數亦不取金銀財帛唯取穀
米供食而已迦葉如來所住精舍去
多獸已不遠與大比丘衆二万人皆
是羅漢護喜語火鷄曰共見迦葉如
來去乎火鷄答曰護喜用見此鬘頭
道人為直是鬘頭人耳何有道哉佛
道難可得如是至三護喜後日復語
火鷄曰共至水上澡浴乎火鷄答曰
可尔便共詣水澡浴已著衣服護喜
舉右手遙指示曰迦葉如來精舍去
是不遠可共暫見不火鷄答曰護喜
用見此鬘頭道人為鬘頭道人何有
佛道佛道難得護喜便捉火鷄衣牽
曰共至迦葉佛去來去佛甚近不遠

火鴽便脫衣捨走護喜逐後捉臂帶
挽曰為可暫共見佛便還耶火鴽復解
帶捨走曰我不欲見此髡頭沙門護
喜便捉其頭牽曰為一過共見佛去
來佛語舍利弗今時波羅捺國俗諱
捉人頭捉頭者法皆斬刑火鴽代其
驚怖心念曰此瓦師子分死捉我頭
耶護喜語火鴽曰今我死終不相置
要當使卿見佛火鴽心念此非小事
必當有好事耳乃使此人分死相捉
火鴽曰放我頭我隨子去耳護喜即
放火鴽便還結頭著衣服即相隨共
詣迦葉佛所護喜礼迦葉如來足於
一面坐火鴽直立舉手問評而已便
坐一面護喜叉手白迦葉佛言此火
鴽者多獸邑中太史之子是我少小
親友然其不識三尊不信三寶不見
佛不聞法不供養眾僧願世尊開化
愚冥使其信解火鴽童子熟視世尊
從頭至足從足至頭覩佛相好威容
巍巍諸根寂定純淑調和以三十二相
嚴飾其體八十種好以為姿媚儀如
娑羅樹花身猶須弥山無能見其頂

面如月滿光如日明身色如金山火
鬘見佛相好已使心念曰我贊識記
所載相好今佛盡有唯無二事耳火
鬘於是說偈問曰

所聞三十二大士之相好於此人中尊
唯不覩二事豈有丈夫體猶如馬藏不
寧有廣長舌覆面舐頭不願為吐舌示
令我決狐疑我見乃當知如經所載不
於是迦葉如來便出廣長舌相以覆
其面上及肉髻并覆兩耳七過舐頭
縮舌入口色光出照大千世界蔽曰
月明乃至阿迦膩吒天光還遶身七
匝從頂上入迦葉如來以神足力現
陰馬藏令火鬘獨見餘人不覩火鬘
童子具足見佛三十二相無一缺減
踊躍歡喜不能自勝迦葉如來為火
鬘童子說法說何法說菩薩斷功德
法何等為斷菩薩功德法身行惡口
言惡意念惡身不可行而行口不可
言而言意不可念而念云何菩薩身
不可行而行者後作佛時身形短小
族姓子是為菩薩身不可行而行報
也云何菩薩口不可言而言者後出

家學時力極勤苦乃當得佛族姓子
是為菩薩口不可言而言報云何苦
薩意不可念而念者菩薩後成佛時
境內衆僧常不和合在在處處共相
是非族姓子是為菩薩心不可念而
念報族姓子是為菩薩三惡行對族
姓子當棄是於是火鷄童子即退前
礼佛足長跪叉手白佛言我今懺悔
身不可行而行口不可言而言意不
可念而念願世尊當受我此懺悔從
今已往不復敢犯如此懺至三迦葉
如來默然受之火鷄童子護喜童子
俱起稽首佛足辭退而還火鷄童子
於中路忽思惟向三惡報便報護喜
曰卿為失利不為得利卿為無利不
為有利我不應見卿面不喜聞卿名
護喜答曰何以故尔火鷄曰卿早從
迦葉佛聞深法寶何能在家而不作
道護喜答曰卿不知我父母年老又
復俱盲供養二親何由出家我亦久
欲為道耳若我出家為道者父母便
當命終以是故不得出家耳火鷄語
護喜曰我從迦葉佛聞菩薩行三惡

縛對不復樂在家我欲從此還至佛
所求為比丘護喜報曰善哉善哉火
燒得思惟力耶便可時還所以然者
佛世難值故也火燒童子即抱護喜
已便遶三匝又手謝曰我設有身口
意過於卿者願見原恕苦卿拍授正
真大道於是火燒童子說頌讚曰
仁為我善友法友無所貪導我以正道
是友佛所譽

火燒童子於是說偈已遶護喜三匝
已還詣精舍迦葉佛所稽首佛足兩
膝跪地叉手白佛言寧可得從迦葉
如來下鬚髮入道受具足戒不佛語
舍利弗迦葉即度火燒童子為道授
其具足戒佛語舍利弗汝知今時火
燒童子不則我身是火燒父者今父
王真淨是今時瓦師童子護喜者我
為太子在宮姝女時夜半作叛天子
來謂我曰時到可出家去為道者是
舍利弗此護喜者頻勸我出家則是
作道善知識也佛語舍利弗我前向
護喜作惡語道迦葉佛髡頭沙門何
有佛道佛道難得以是惡言故臨成

阿惟三佛時六年受苦行舍利弗余時日食一麻一米大豆小豆我如是雖受辛苦於法無益我忍飢渴寒熱風雨蚊虻之苦身形枯燥謂乎我成佛道實無所得舍利弗我六年苦行者償先緣對畢也然後乃得阿耨三耶三菩阿惟三佛耳於是世尊說宿緣偈曰

我昔火鷄童向於護喜說覓頭何有佛佛道甚難得以是因緣故六年自不減受此勤苦行望得成佛道不以是苦行能得成佛道非道而行求因緣自纏繞宿緣終不朽亦不著虛空當護三因緣莫犯身口意今我成佛道得為三界將阿耨大果中自說先世緣

佛語舍利弗汝觀如來衆惡已盡諸善普具諸天人神鬼軋沓和阿須倫迦樓羅甄陀羅摩休勒一切衆生皆欲度之我猶不免宿對况復愚冥未得道者舍利弗當學如是佛說如來先世因緣時萬一千天子得須陀洹道八千龍皆受五戒五千夜叉受三自歸阿耨大龍

王叉丰白佛世尊於我泉上受我供養說宿命因緣法使我將來成佛時莫有如此因緣使我衆惡皆盡作真淨如來佛語阿耨大龍王汝欲得如是願者當極護身口意不令犯者可得如上所願衆惡消盡作真淨如來阿耨大龍王聞佛所說踊躍歡喜以天栴檀香散佛及五百羅漢上佛於是為諸天龍神說安慰法何謂安慰法行布施法行持戒法行生天道法行斷欲法行斷三惡道法行無漏法行清淨法佛說如是已與諸比丘各離本花座比丘圍遶佛踊在虛空高七多羅以神足飛行猶鳥翔雲徐徐而還在羅閱祇竹園精舍佛說是已舍利弗及五百羅漢阿耨大龍王八部鬼神歡喜受行佛說興起行經卷下

癸卯歲高麗國分貝藏書奉
勅彫造

佛為首迦長者說業報差別經

籍

隋澤州郡守瞿曇法智譯

如是我聞一時佛住舍衛國祇樹給
孤獨園今時佛告切提耶子首迦長
者言首迦長者我當為汝說善惡業
報差別法門汝當諦聽善思念之是時
首迦即白佛言唯然世尊願樂欲聞
佛告首迦一切衆生繫屬於業依止
於業隨自業轉以是因緣有上中下
差別不同或有業能令衆生得短命
報或有業能令衆生得長命報
或有業能令衆生得多病報或有業
能令衆生得少病報

或有業能令衆生得醜陋報或有業
能令衆生得端正報或有業能令衆
生得小威勢報或有業能令衆生得
大威勢報

或有業能令衆生得下族姓報或有
業能令衆生得上族姓報

或有業能令衆生得少資生報或有
業能令衆生得多資生報

或有業能令衆生得邪智報或有業

能令衆生得正智報

或有業能令衆生得地獄報或有業

能令衆生得畜生報

或有業能令衆生得餓鬼報或有業

能令衆生得阿修羅報

或有業能令衆生得人趣報或有業

能令衆生得欲天報

或有業能令衆生得色天報或有業

能令衆生得無色天報

或有業能令衆生得決定報或有業

能令衆生得不定報

或有業能令衆生得邊地報

或有業能令衆生得中國報或有業

能令衆生盡地獄壽或有業能令衆

生半地獄壽或有業能令衆生暫入

即出或有業作而不集或有業集而

不作或有業亦作亦集或有業不作

不集

或有業能令衆生初樂後苦或有業

能令衆生初苦後樂或有業能令衆

生初苦後苦或有業能令衆生初樂

後樂

或有業能令衆生貧而樂施或有業

能令衆生富而慳貪

或有業能令衆生富而能施或有業能令衆生貧而慳貪

或有業能令衆生得身樂而心不樂或有業能令衆生得心樂而身不樂或有業能令衆生得身心俱樂

或有業能令衆生得身心俱不樂

或有業能令衆生命雖盡而業不盡或有業能令衆生業雖盡而命不盡或有業能令衆生業命俱盡

或有業能令衆生業命俱不盡能斷諸煩惱

或有業能令衆生生於惡道形容殊妙眼目端嚴膚體光澤人所樂見

或有業能令衆生生於惡道形容醜陋膚體麤澁人不喜見

或有業能令衆生生於惡道身口臭穢諸根殘缺

或有衆生習行十不善業得外惡報或有衆生習行十種善業得外勝報

復次長者若有衆生礼佛塔廟得十種功德奉施寶蓋得十種功德奉施

繒幡得十種功德奉施鐘鈴得十種

功德奉施衣服得十種功德奉施器
皿得十種功德奉施飲食得十種功
德奉施靴履得十種功德奉施香華
得十種功德奉施燈明得十種功德
恭敬合掌得十種功德是名略說
世間諸業差別法門

佛告首迦有十種業能令衆生得短
命報一者自行殺生二者勸他令殺
三者讚歎殺法四者見殺隨喜五者
於惡憎所欲令喪滅六者見怨滅已
心生歡喜七者壞他胎藏八者教人
毀壞九者建立天寺屠殺衆生十者
教人戰鬥互相殘害以是十業得短
命報

復有十業能令衆生得長命報一者
自不殺生二者勸他不殺三者讚歎
不殺四者見他不殺心生歡喜五者
見被殺者方便救免六者見死怖者
安慰其心七者見恐怖者施與無畏
八者見諸患苦之人起慈愍心九者
見諸急難之人起大悲心十者以諸
飲食惠施衆生以是十業得長命報
復有十業能令衆生得多病報一者

好喜打拍一切衆生二者勸他令打
三者讚歎打法四者見打歡喜五者
惱亂父母令心憂惱六者惱亂賢聖
七者見怨病苦心大歡喜八者見怨
病愈心生不樂九者於怨病所與非
治藥十者宿食不消而復更食以是
十業得多病報

復有十業能令衆生得少病報一者
不喜打拍一切衆生二者勸他不打
三者讚不打法四者見不打者心生
歡喜五者供養父母及諸病人六者
見賢聖病瞻視供養七者見怨病愈
心生歡喜八者見病苦者施與良藥
亦勸他施九者於病苦衆生起慈愍
心十者於諸飲食能自節量以是十
業得少病報

復有十業能令衆生得醜陋報一者
好行忿怒二者好懷嫌恨三者誑惑
於他四者惱亂衆生五者於父母所
無愛敬心六者於賢聖所不生恭敬
七者侵奪賢聖資生田業八者於佛
塔廟斷滅燈明九者見醜陋者毀訾
輕賤十者習諸惡行以是十業得醜

隨報

復有十業能令衆生得端正報一者
不真二者施衣三者愛敬父母四者
尊重賢聖五者塗飾佛塔六者掃灑
堂宇七者掃灑僧地八者掃灑佛塔
九者見醜陋者不生輕賤起恭敬心
十者見端正者曉悟宿因以是十業
得端正報

復有十業能令衆生得小威勢報一
者於諸衆生起嫉妬心二者見他得
利心生惱熱三者見他失利其心歡
喜四者於他名譽起嫉惡心五者見
失名譽心大忻悅六者退菩提心毀
佛形像七者於已父母及賢聖所無
心奉侍八者勸人修習少威德業九
者障他修行大威德業十者見少威
德者心生輕賤以是十業得少威
勢報

復有十業能令衆生得大威勢報一
者於諸衆生心無嫉妬二者見他得
利心生歡喜三者見他失利起憐愍
心四者於他名譽心生忻悅五者見
失名譽助懷憂惱六者發菩提心造

佛形像奉施寶蓋七者於已父母及
賢聖所恭敬奉迎八者勸人棄捨少
威德業九者勸人修行大威德業十
者見無威德不生輕賤以是十業得
大威勢報

復有十業能令衆生得下族姓報一
者不知敬父二者不知敬母三者不
知敬沙門四者不知敬婆羅門五者
於諸尊長而不敬仰六者於諸師
長不奉迎供養七者見諸尊長不迎
逆請坐八者於父母所不遵教誨九
者於賢聖所亦不受教十者輕蔑下
族以是十業得下族姓報

復有十業能令衆生得上族姓報一
者善知敬父二者善知敬母三者善
知敬沙門四者善知敬婆羅門五者
敬護尊長六者奉迎師長七者見諸
尊長迎逆請坐八者於父母所敬受
教誨九者於賢聖所尊敬受教十者
不輕下族以是十業得上族姓報
復有十業能令衆生得少資生報一
者自行偷盜二者勸他偷盜三者讚
歎偷盜四者見盜歡喜五者於父母

所減撤生業六者於賢聖所侵奪資財七者見他得利心不歡喜八者障他得利為作留難九者見他行施無隨喜心十者見世飢饉心不憐愍而生歡喜以是十業得少資生報

復有十業能令衆生得多資生報一者自離偷盜二者勸他不盜三者讚歎不盜四者見他不盜心生歡喜五者於父母所供奉生業六者於諸賢聖給施所須七者見他得利心生歡喜八者見求利者方便佐助九者見樂施者心生忻悅十者見世飢饉心生憐愍以是十業得多資生報

復有十業能令衆生得邪智報一者不能諮問智慧沙門婆羅門二者顯說惡法三者不能受持修習正法四者讚非定法以為定法五者怪法不說六者親近邪智七者遠離正智八者讚歎邪見九者棄捨正見十者見癡惡人輕賤毀訾以是十業得邪智報

復有十業能令衆生得正智報一者善能諮問智慧沙門婆羅門二者顯

說善法三者聞持正法四者見說定
法歎言善哉五者樂說正法六者親
近正智人七者攝護正法八者勤修
多聞九者遠離邪見十者見癡惡人
不生輕賤以是十業得正智報

復有十業能令衆生得地獄報一者
身行重惡業二者口行重惡業三者
意行重惡業四者起於斷見五者起
於常見六者起無因見七者起無作
見八者起於無見九者起於邊見十
者不知恩報以是十業得地獄報
復有十業能令衆生得畜生報一者
身行中惡業二者口行中惡業三者
意行中惡業四者從貪煩惱起諸惡
業五者從瞋煩惱起諸惡業六者從
癡煩惱起諸惡業七者毀罵衆生八
者惱害衆生九者施不淨物十者行
於邪淫以是十業得畜生報
復有十業能令衆生得餓鬼報一者
身行輕惡業二者口行輕惡業三者
意行輕惡業四者起於多貪五者起
於惡貪六者嫉妬七者邪見八者愛
著資生即便命終九者因飢而亡十

者枯渴而死以是十業得餓鬼報

復有十業能令衆生得阿修羅報一者身行微惡業二者口行微惡業三者意行微惡業四者憍慢五者我慢六者增上慢七者大慢八者邪慢九者憍慢十者迴諸善根向修羅趣以是十業得阿修羅報

復有十業能令衆生得人趣報一者不殺二者不盜三者不邪淫四者不妄語五者不綺語六者不兩舌七者不惡口八者不貪九者不瞋十者不邪見於十善業缺漏不全以是十業得人趣報

復有十業能令衆生得欲天報所謂具足修行增上十善復有十業能令衆生得色天報所謂修行有漏十善與定相應復有四業能令衆生得無色天報一者過一切色想滅有對想等入於空處定二者過一切空處定入識處定三者過一切識處定入無所有處定四者過無所有處定入非想非非想定以是四業得無色天報復有業能令衆生得決定報者若人於

佛法僧及持戒人所以增上心施以
此善業發願迴向即得往生是名次
定報業復有業能令衆生得不定報
者若業非增上心作更不修習又不
發願迴向受生是名不定報業

復有業能令衆生得邊地報者若業
於佛法僧淨持戒人及大衆所不增
上心施以此善根願生邊地以是願
故即生邊地受淨不淨報

復有業能令衆生得中國報者若作
業時於佛法僧清淨持戒梵行人邊
及大衆所起於增上殷重布施以是
善根決定發願求生中國還得值佛
及聞正法受於上妙清淨果報

復有業能令衆生盡地獄壽者若有
衆生造地獄業一無慙無愧而不厭離
心無怖畏又生壽壽又不懺悔而復
更造重增惡業如提婆達多等以是

業故盡地獄壽復有業能令衆生墮
於地獄至半而火不盡其壽若有衆
生造地獄業積集成已後生怖畏慙
愧厭離懺悔棄捨非增上心以是業
故墮於地獄後退悔故地獄半火不

盡其壽復有業能令衆生墮於地獄
慙入即出若有衆生造地獄業作已
怖畏起增上信生慙愧心默惡棄捨
慙重懺悔更不重造如阿闍世王殺
父等罪慙入地獄即得解脫於是世
尊即說偈言

若人造重罪作已深自責懺悔更不造
能拔根本業

復有業作而不集若有衆生身口意
等造諸惡業造已怖畏懺愧遠離深
自悔責更不重造是名作而不集復
有業集而不作若有衆生自不作業
以惡心故勸人行惡是名集而不作
復有業亦作亦集若有衆生造諸業
已心無改悔而復數造亦勸他人是
名亦作亦集復有業不作不集若有
衆生自不造業亦不教他無記業等
是名不作不集

復有業初樂後苦若有衆生為人所
勸歡喜行施施心不堅後還退悔以
是因緣生在人間先雖富樂後還貧
苦是名先樂後苦復有業初苦後樂
若有衆生為人勸導後仰少施施已

歡喜心無怪悔以是因緣生在人間
初時貧苦後還富樂是名初苦後樂
復有業初苦後苦若有衆生離善知
識無人勸導乃至不能少行惠施以
是因緣生在人間初時貧苦後還貧
苦是名初苦後苦復有業初樂後樂
若有衆生近善知識勸令行施便生
歡喜堅修施業以是因緣生在人間
初時富樂後亦富樂

復有業貧而樂施若有衆生先曾行
施不遇福田流轉生死在於人道以
不遇福田故果報微劣隨得隨盡以
習施故雖處貧窮而能行施復有業
富而慳貪若有衆生未曾布施遇善
知識暫行一施值良福田以田勝故
資生具足先不習故雖富而慳復有
業富而能施若有衆生值善知識多
修施業遇良福田以是因緣巨富饒
財而能行施復有業貧而慳貪若有
衆生離善知識無人勸導不能行施
以是因緣生在貧窮而復慳貪
復有業能令衆生得身樂而心不樂
如有福凡夫復有業能令衆生得心

樂而身不樂如無福羅漢復有業能令衆生得身心俱樂如有福羅漢復有業能令衆生得身心俱不樂如無福凡夫

復有業能令衆生命盡而業不盡若有衆生從地獄死還生地獄畜生餓鬼乃至人天阿修羅等亦復如是是名命盡而業不盡復有業能令衆生命盡而命不盡受苦盡受樂等是名業盡而命不盡復有業能令衆生業命俱盡若有衆生從地獄滅生於畜生及以餓鬼乃至人天阿修羅等是名業命俱盡復有業能令衆生業命俱不盡若有衆生盡諸煩惱所謂須陀洹斯陀含阿那含阿羅漢等是名業命俱不盡

復有業能令衆生雖生惡道形容殊妙眼目端嚴膚體光澤人所樂見若有衆生因欲煩惱起破戒業以是因緣雖生惡道形容殊妙眼目端嚴膚體光澤人所樂見

復有業能令衆生生於惡道形容醜陋膚體麁澁人不喜見若有衆生從

瞋煩惱起破戒業以是因緣生於惡
道形容醜陋膏體麤澁人不喜見
復有業能令衆生生於惡道身口臭
穢諸根殘缺若有衆生從癡煩惱起
破戒業以是因緣生於惡道身口臭
穢諸根殘缺

復有十業得外惡報若有衆生於十
不善業多修習故感諸外物悉不具
足一者以殺業故令諸外報大地鹹
鹵藥草無力二者以盜業故感外霜
雹蟲蝗虫等令世飢饉三者邪淫業
故感惡風雨及諸塵埃四者妄語業
故感生外物皆悉臭穢五者兩舌業
故感外大地高下不平峻崖崕谷株
杌槎菜六者惡口業故感生外報瓦
石沙礫麤澁惡物不可觸近七者綺
語業故感生外報令草木稠林枝條
棘刺八者以貪業故感生外報令諸
苗稼子實微細九者以瞋業故感生
外報令諸樹木果實苦澁十者以邪
見業故感生外報苗稼不實取獲少
少以是十業得外惡報
復有十業得外勝報若有衆生修十

善業與上相違當知即獲十外勝報
若有衆生禮佛塔廟得十種功德一
者得妙色好聲二者有所發言人皆
信伏三者愛衆無畏四者天人愛護
五者具足威勢六者威勢衆生皆來
親附七者常得親近諸佛菩薩八者
具大福報九者命終生天十者速證
涅槃是名禮佛塔廟得十種功德
若有衆生奉施寶蓋得十種功德一
者處世如蓋覆護衆生二者身心安
隱離諸熱惱三者一切敬重無敢輕
慢四者有大威勢五者常得親近諸
佛菩薩大威德者以為眷屬六者恒
作轉輪聖王七者恒為上首修習善
業八者具大福報九者命終生天十
者速證涅槃是名奉施寶蓋得十種
功德
若有衆生奉施繒幡得十種功德一
者處世如幢國王大臣親友知識恭
敬供養二者豪富自在具大財寶三
者善名流布遍至諸方四者形貌端
嚴壽命長遠五者常於生處施行堅
固六者有大名稱七者有大威德八

者生在上族九者身壞命終生於天上十者遠證涅槃是名奉施繒幡得十種功德

若有衆生奉施鐘鈴得十種功德一者得梵音聲二者有大名聞三者自識宿命四者所有出言人皆敬受五者常有寶蓋以自在嚴六者有妙瓔珞以為服飾七者面貌端嚴見者歡喜八者具大福報九者命終生天上十者遠證涅槃是名奉施鐘鈴得十種功德

若有衆生奉施衣服得十種功德一者面目端嚴二者肌膚細滑三者塵垢不著四者生使具足上妙衣服五者微妙卧具覆蓋其身六者具慙愧服七者見者愛敬八者具大財寶九者命終生天上十者遠證涅槃是名奉施衣服得十種功德

若有衆生奉施器皿得十種功德一者處世如器二者得善法津澤三者離諸渴愛四者若渴惡水流泉涌出五者終不生於饑鬼道中六者得天妙器七者遠離惡友八者具大福報

九者命終生天十者速證涅槃是名奉施器皿得十種功德

若有衆生奉施飲食得十種功德一者得命二者得色三者得力四者獲得安無尋辯五者得無所畏六者無諸懈怠為衆所仰七者衆人愛樂八者具大福報九者命終生天十者速證涅槃是名奉施飲食得十種功德

若有衆生奉施靴履得十種功德一者具足妙乘二者足下安平三者足趺柔軟四者遠涉輕健五者身無疲極六者所行之處不為荆棘瓦礫損壞其足七者得神通力八者具諸給使九者命終生天十者速證涅槃是名奉施靴履得十種功德

若有衆生奉施香花得十種功德一者處世如花二者身無臭穢三者福香戒香遍諸方所四者隨所生處鼻根不壞五者超勝世間為衆歸仰六者身常香潔七者愛樂正法受持讀誦八者具大福報九者命終生天十者速證涅槃是名奉施香花得十種功德

若有衆生奉施燈明得十種功德一者照世如燈二者隨所生處肉眼不壞三者得於天眼四者於善惡法得善智慧五者除滅大闇六者得智慧明七者流轉世間常不在於黑闇之處八者具大福報九者命終生天十者速證涅槃是名奉施燈明得十種功德

若有衆生恭敬合掌得十種功德一者得勝福報二者生於上族三者得勝妙色四者得勝妙聲五者得勝妙蓋六者得勝妙辯七者得勝妙信八者得勝妙智是名恭敬合掌得十種功德尔時世尊說此法已首迦長者於如來所得淨信心尔時首迦頭面礼佛作如是言我今請佛往舍婆提城到我父所切提長者家願令我父及一切衆生長夜安樂尔時世尊為利益故默然受請尔時首迦聞佛所說心大歡喜頂礼而退

佛為首迦長者說業報差別經

癸卯歲高麗國分司太藏都監奉

勅彫造

佛說大安般守意經卷上

其

康僧會序

夫安般者諸佛之大乘以濟衆生之
漂流也其事有六以治六情情有內
外眼耳鼻舌身心謂之內矣色聲香
味細滑邪念謂之外也經曰諸海十
二事謂內外六情之受邪行猶海受
流餓夫夢飯蓋無滿足也心之溢盪
無微不決恍惚騁馳出入無間視之
無形聽之無聲逆之無前尋之無後
深微細妙形無絲髮梵釋傳聖所不
能照明默種子此化生乎彼非凡所
覩謂之陰也猶以晦曉種夫深芬間
手覆種孳有万億旁人不覩其形種
家不知其數也一朽乎下万生乎上
彈指之間心九百六十轉一日一夕
十三億意意有一身心不自知猶彼
種夫也是以行寂繫意著息數一至
十十數不誤意定在之小定三日大
定七日寂無他念怕然若死謂之一
禪禪棄也棄十三億穢念之意已獲
數定轉念著隨觸除其八正有二意

意定在隨由在數矣垢濁消滅心稍清淨謂之二禪也又除其一注意鼻頭謂之止也得止之行三毒四走五陰六冥諸穢滅矣熒然心明踰明月珠姪邪汙心猶鏡覆泥穢垢汙焉偃以照天覆以臨土聰叡聖達万土臨照雖有天地之大靡一夫而能覩所以然者由其垢濁衆垢汙心有踰彼鏡矣若得良師剗刮瑩磨薄塵微瞋蕩使無餘舉之以照毛髮面理無微不察垢退明存使其然矣情溢意散念万不識一夫猶若於市馳心放聽廣採衆音退冥在思不識一夫之言心逸意散濁翳其聰也若自閑廢心思寂寞志無邪欲側耳靖聽万句不失片言斯著心靖意清之所由也行寂止意懸之鼻頭謂之三禪也還觀其身自頭至足又覆微察內體汙露森楚毛豎猶覩膿涕於斯具照天地人物其盛若衰無存不亡信佛三寶衆實皆明謂之四禪也攝心還念諸陰皆滅謂之還也穢欲寂盡其心無想謂之淨也得安般行者厥心即明

舉明所觀無幽不覩往無數劫方來之事人物所更現在諸刹其中所有世尊法化弟子誦習無遐不見無聲不聞恍惚焉歸存亡自由大弥八極細貫毛麓制天地住壽命猛神德壞天兵動三千移諸刹八不思議非梵所測神德無限六行之由也世尊初欲說斯經時大千震動人天易色三曰安般無能質者於是世尊化為兩身一曰何等一尊主演于斯義出矣大士上人六雙十二輩靡不執行有菩薩名安清守世高安息王嬪后之子讓國與叔馳避本土翔而後集遂處京師其為人也博學多識貫綜神機七正盈縮風氣吉凶山崩地動鐵鉢諸術觀色知病鳥獸鳴啼無音不照懷二儀之弘仁慈黎庶之頑闇先掩其耳却啓其目欲之視明聽聰也徐乃陳演正真之六度譯安般之秘奧學者塵興靡不去穢濁之操就清白之德者也余生末蹤始能負薪考壯殂落三師凋喪仰瞻雲日悲無質受瞻言願之潛然出涕宿祚未沒會見

南陽韓林類川皮業會稽陳慧此三賢者信道篤密執德引正烝烝進進志道不倦余從之請問規同矩合義無乖異陳慧注義余助斟酌非師所傳不敢自由也言多鄙拙不究佛意明詰衆賢願共臨察義有耽騰如聖刑定共顯神勲矣

佛說大安般守意經卷上

此經多隨字除散意相略之隨餘皆他本作隨

後漢安息三藏安世高

譯

佛在越祇國舍騶瘦國亦說一名遠匿迦羅國時佛坐行安般守意九十日佛復獨坐九十日者思惟按計欲度脫十方人及頭飛騰動之類復言我行安般守意九十日者安般守意得自在慈念意還行安般守意已復收意行念也安為身般為息守意為道守者為禁亦謂不犯戒禁者亦為護護者遍護一切無所犯意者息意亦為道也安為生般為滅意為因緣守者為道也安為數般為相隨守意為止也安為念道般為解結守意為不墮罪也安為避罪般為不入罪守意為道也安為定般為莫使動攝守

意莫亂意也安般守意名為御意至得無為也安為有般為無意念有不得道意念無不得道亦不念有亦不念無是應空定意隨道行有者謂万物無者謂疑亦為空也安為本因緣般為無處所道人知本無所從來亦知滅無處所是為守意也

安為清般為淨守為無意名為是清淨無為也無者謂活為者謂生不復得苦故為活也安為未般為起已未起便為守意若已意起便為守意若已起意便走為不守當為還故佛說安般守意也安為受五陰般為除五陰守意為覺因緣不隨身口意也守意者無所著為守意有所著不為守意何以故意起復滅故意不復起為道是為守意守意莫令意生因有死為不守意莫令意死有死因有生意亦不死是為道也安般守意有十點謂數息相隨止觀還淨四諦是為十點成謂合三十七品經為行成也守意譬如燈火有兩因緣一者壞冥二者見明守意一者壞惑二者見點也

守意意從因緣生當緣因緣莫著是
為守意也守意有三輩一者守令不得
生二者已生當滅滅三者事已行當
從後悔計億萬劫不復作也守與意
各自異護十方一切覺對不犯是為
守覺彼無為是為意是守意也守
意中有四樂一者知要樂二者知法
樂三者為知止樂四者為知可樂是
為四樂法為行得為道守意六事為
有內外數隨止是為外觀還淨是為
內隨道也何以故念息相隨止觀還
淨欲習意近道故離是六事便隨世
間也數息為適意相隨為般若止為
定意觀為離意還為一意淨為守意
用人不能刻意故行此六事耳何
以故數息用意亂故何以故不得用
不識故何以故不得禪用不崇習盡
證行道故也數息為地相隨為掣止
為觀觀為種還為雨淨為行如是六
事乃隨道也數息斷外相隨斷內止
為止罪行觀却意不受世間為還念
斷為淨也意亂當數息意定當相隨
意斷當行止得道意當觀不向五陰

當還無所有當為淨也多事當數息
少事當相隨家中意盡當行止長世
間當觀不欲世間為還念斷為淨也
何以故數息不欲隨五陰故何以故
相隨欲知五陰故何以故止欲觀五
陰故何以故觀陰欲知身本故何以
故知身本欲棄苦故何以故為還歇
生死故何以故為淨分別五陰不受
故便隨黠慧八種道得別為得所願
也行息時為隨數相隨時為隨念止
時為隨定觀時為隨淨還時為隨意
淨時為隨道亦為隨行也

數息為四意止相隨為四意斷止
為四神足念觀為五根五力還為七
覺意淨為八行也得息不相隨不為
守意得相隨不止不為守意得止不
觀不為守意得觀不還不為守意得
還不還不為守意得淨復淨乃為守意
也已念息惑不生復數者為共遮意
不隨六衰故行相隨為欲離六衰行
止為欲却六衰行觀為欲斷六衰行
還為欲不受六衰行淨為欲滅六衰
已滅盡便隨道也

數息欲遮意息中有長短當復遮是長短意也何以故守意欲止惡故惡亦可守亦不可守何以故惡已盡不當復守也

數息有三事一者當坐行二者見色當念非常不淫三者當曉瞋恚疑嫉念過去也數息亂者當識因緣所從起當知是內意一息亂者是外意過息從外入故二息亂者是內意過息從中出故三五七九屬外意四六八十屬內意嫉瞋恚疑是三意在內然盜煙兩舌惡口妄言綺語是七意及餘事屬外也得息為外不得息為內息從意生念息合為一數息至盡數為一亦非一意在外息未盡故譬如數錢意在五數為一也數息所以先數入者外有七惡內有三惡用少不能勝多故先數入也數息不得者失其本意故本意謂非常苦空非身失是意墮顛倒故亦為失師師者初坐時第一入息得身安便次第行為失其本意故不得息也數息意常當念非常苦空非身計息出亦滅入

亦滅已知是得道疾當持非常恐意
得是意即得息也入息出息所以異
者出息為生死陰入息為思想陰有
時出息為痛痒陰入息為識陰用是
為異道人當分別是意也入息者為
不受罪出息者為除罪守意者為離罪
入息者為受因緣出息者為到因緣守
意者為不離因緣也數息不得有三
因緣一者罪到二者行不步三者不
精進也入息短出息長無所從念為
道意有所念為罪罪惡在外不在內也
數息時有離意為喘息長得急為喘
息短不安行息為長定為短念万物
為長息無所念為短息未至十息壞
復更數為長息得十息為短息得息
為短何以故止不復數故得息亦為
長何以故息不休故為長也喘息長
自知喘息短自知謂意所在為自知長
短意覺長短為自知意不覺長短為
不自知也道人行安般守意欲止意
當何因緣得止意聽說安般守意何
等為定何等為般安名為入息般
名為出息念念不離是名為安般守

意者欲得上意在行者新學者有四
種安般守意行除兩惡十六勝即
時自知乃安般守意行令得止意何
等為四種一為數二為相隨三為止
四為觀何等為兩惡莫過十息莫減
十數何等為十六勝即時自知喘息
長即自知喘息短即自知喘息動身
即自知喘息微即自知喘息快即自
知喘息不快即自知喘息止即自知
喘息不止即自知喘息歡心即自知
喘息不歡心即自知內心念万物已去
不可復得喘息自知內無所復思喘息
自知棄捐所思喘息自知不棄捐所思
喘息自知放棄軀命喘息自知不放棄
軀命喘息自知是為十六即時自知也
問何等為莫過十數莫減十數報息
已盡未數是為過息未盡便數是為
減失數亦惡不及亦惡是為兩惡至
二息亂為短息至九息亂為長息得
十息為快息相隨為微意在長便轉
意我何以故念長意在短即時覺不
得令意止止為著放棄軀命者謂行
息得道意便放棄軀命未得道意常

愛身故不放棄軀命也息細微為道
長為生死短息動為生死長於道為
短何以故不得道意無知見故為短也
數息為單相隨為複止為一意觀為
知意還為行道淨為入道也數時為
念至十息為持是為外禪念身不淨
隨空是為內禪也禪法惡來不受是
名為棄開口數息隨氣出入知氣發
何所滅何所意有所念不得數息有
遲疾大小亦不得數耳聞聲亂亦不
得數也數息意在息數為不工行意
在意乃為止數息意在息是為不
工當知意所從起氣所滅是乃應數
因緣盡便得定意也守意者念出入
息已念息不生惡故為守意息見因
緣生無因緣滅因緣斷息止也數息
為至誠息不亂為忍辱數息氣微不
復覺出入如是當守一念止也息在
身亦在外得因緣息生罪未盡故有
息斷因緣息不復生也
數息以為隨第二禪何以故用不待
念故為隨第二禪也數息為不守意
念息乃為守意息從外入息未盡息

在入意在盡識在數也十息有十意
為十絆相隨有二意為二絆止為一
意為一絆不得息數為惡意不可絆
惡意止乃得數是為和調可意絆也
已得息棄息已得相隨棄相隨已得
止棄止已得觀棄觀莫復還莫復還
者莫復數息亦使意意示使息也有
所念為息使意無所念為意使息也
息有四事一為風二為氣三為息四
為喘有聲為風無聲為氣出入為息氣
出入不盡為喘也數息斷外相隨斷
內數從外入為斷外亦欲離外因緣
數從中出為欲離內因緣外為身離
內為意離身離意離是為相隨出入
息是為二事也數息為欲斷內外因
緣何等為內外謂眼耳鼻口身意為
內色聲香味細滑念為外也行息為
使意向空但欲止餘意何以為向空
息中無所為故也數息意走不即時
覺者罪重意輕罪引意去疾故不覺
也行道已得息自厭息意欲轉不復欲
數如是為得息相隨止觀亦尔也知
出入息滅滅為得息相知生死不復用

道哉

太安府守意經卷上 第十三章 甚 空

行息已得定不復覺氣出入便可觀
一當觀五十五事二當觀身中十二
因緣也問息出入寧有處不報息入
時是其處出息時是其處數息身坐
痛痒思想生死識止不行是為坐也
念息得道復校計者用息無所知故
問念息得道何以為無所知報意知
息息不知意是為無所知人不能得
校計意便令數息欲令意定雖數息
但不生惡無有點智當何等行得點
慧從一至十分別定亂識對行樂已
得定意便隨點慧得校計為墮觀也
問何等為數報數者謂事譬如人有
事更求足為數罪道人數福何以故
正為十一意起為一二意起為二數
終於十至十為竟故言十數為福復
有罪者用不能壞息故為罪亦謂意
生死不滅墮世間已不斷世間事為
罪也六情為六事痛痒思想生死識
合為十事應內十息無盜姪兩舌惡
口妄言綺語嫉妬瞋恚癡應外十息
謂止不行也

問何等為十六事報十事者謂數至十六者謂數相隨止觀還淨是為十六事為行不離為隨道也問數息念風為隨色何以應道報行意在數不念色氣盡便滅墮非常知非常為道也道人欲得道要當知坐行二事一者為坐二者為行問坐與行為同不同報有時同有時不同數息相隨止觀還淨此六事有時為坐有時為行何以故數息意定是為坐意隨法是為行已起意不離為行亦為坐也坐禪法一不數二不數一一數二者謂數一息未竟便言二是為一數二如是為過精進二數一者謂息已入二甫言一是為二數一如是為不及精進從三至四五至六七至八九至十各自有分部當分別所屬在一數一在二數二是為法行便墮精進也有三坐墮道一為數息坐二為誦經坐三為聞經喜坐是為三也坐有三品一為味合坐二為淨坐三為無有結坐何等為味合坐謂意著行不離是為味合坐何謂為淨坐謂不念為淨坐何等

為無有結坐謂結已盡為無有結坐也
息有三輩一為雜息二為淨息三為
道息不行道是為雜息數至十息不
亂是為淨息已得道是為道息也息有
三輩有大息有中息有微息口有所語
謂大息止念道中息止得四禪微息止
也問佛何以教人數息守意報有四因
緣一者用不欲痛故二者用避亂意
故三者用閑因緣不欲與生死會故
四者用欲得涅槃道故也譬喻說曰
無光明者有四因緣一者用有雲故
二者用有塵故三者用有大風故四
者用有烟故數息不得亦有四因緣
一者用念生死按計故二者用飲食
多故三者用疲極故四者用坐不得
更罪地故此四事來皆有相坐數息
忽念他事失息意是為念按計相骨
節盡痛不能久坐是為食多相身重
意瞪瞶但欲睡眠是為疲極相四面
坐不得一息是為罪地相以知罪當
經行若讀經文坐意不習罪亦禍消也
道人行道當念本何等為本謂心意
識是為本是三事皆不見已生便滅
本意不復生得是意為道意本意已

滅無為痛更因緣生便斷也定意曰
勝曰勝為定意有時從息得定意有
時從相隨得定意有時從止得定意
有時從觀得定意隨得定因緣直行
也行息亦墮貪何以故意以定便喜
故便當計出息入息念滅時息生身生
息滅身滅尚未脫生死苦何以故喜
已計如是便貪止也數息欲疾相隨
欲遲有時數息當安徐相隨時當為
疾何以故數息意不亂當安徐數亂
當為疾相隨亦同如是也第一數亦相
隨所念異雖數息當知氣出入意著
在數也數息復行相隨止觀者謂不
得息前世有習在相隨止觀雖得相
隨止觀當還從數息起也數息意不
離是為法離為非法數息意不隨罪
意在世間便墮罪也數息為不欲亂
意故意以不亂復行相隨者證上次
意知為止止與觀同還與淨同也行
道得微意當倒意者謂當更數息若
讀經已乃復行禪微意者謂不數息
及行相隨也

佛有六索意謂數息相隨止觀還淨

是六事能制無形也。息亦是意亦非意。何以故？數時意在息，為是不數時意，息各自行，是為非意。從意生息已止，無有意也。人不使意，意使人，使意者謂數息相隨止觀還淨念三十七品。經是為使意，人不行道貪求隨欲，是為意使人也。息有垢，息垢不去，不得息何等為息垢？謂三冥中取劇者是為息垢。何等為三冥？謂三毒起時身中正冥，故言三冥。三毒者：一為貪婬，二為瞋恚，三為愚癡。人皆坐是三事死，故言毒也。數息時意在數息，未數時有三意：有善意、有惡意、有不善不惡意。欲知人得息相者，當觀万物及諸好色，意不復著，是為得息相。意復著，是為未得當。更精進行家中，意欲盡者，謂六情為意家。貪愛万物皆為意家也。相隨者，謂行善法，從是得脫，當與相隨。亦謂不隨五陰六入，息與意相隨也。

問第三止，何以故止在鼻頭？報用數息相隨止，觀還淨，皆從鼻出入，意習故，處亦為易識，以是故著鼻頭也。惡

意來者斷為禪有時在鼻頭止有時
在心中止在所著為止邪來亂人意
直觀一事諸惡來心不當動心為不
畏之哉也止有四一為數止二為相
隨止三為鼻頭止四為息心止止者
謂五樂六入當制止之也

入息至盡鼻頭止謂惡不復入至鼻
頭止出息至盡著鼻頭謂意不復離
身行向惡故著鼻頭亦謂息初入時
便一念向不復轉息出入亦不復覺
是為止也止者如如出息入息覺知
前意出不覺後意出覺前意為意相觀
便察出入息見敗便受相畏生死便却
意便隨道意相也莫為相隨者但念
著鼻頭五陰因緣不復念罪斷意滅
亦不喘息是為止也莫為相隨者謂
莫復意念出入隨五陰因緣不復喘
息也

第四觀者觀息敗時與觀身體異息
見因緣生無因緣滅也心意受相者
謂意欲有所得心計因緣會當復滅
便斷所欲不復向是為心意受相也
以識因緣為俱相觀者謂識知五陰

因緣出息亦觀入息亦觀觀者謂觀
五陰是為俱觀亦應意意相觀為兩因
緣在內斷惡念道也觀出息異入息
異者謂出息為生死陰入息為思想
陰有時出息為痛痒陰入息為識陰
隨因緣起便受陰意所向無有常用
是故為異道人嘗分別知是亦謂出
息滅入息生入息滅出息生也無有
故者謂人意及万物意起已滅物生
復死是為無有故也非出息是入息非
入息是出息非謂出息時意不念入
息入息時意不念出息所念異故言
非也中信者謂入道中見道因緣信
道是為中信也

第五還棄結者謂棄身七惡第六淨
棄結者為棄意三惡是名為還還者
為意不復起惡惡者是為不還也還
身者謂還惡得第五還尚有身亦無
身何以故有意有身無意無身意為
人種是名為還還者謂意不復起惡
起惡者是為不還亦謂前助身後助
意不熱盜姪兩舌惡口妄言綺語是
為助身不嫉瞋恚癡是為助意也還

五陰者譬如買金得石便棄捐地不用人皆貪愛五陰得苦痛便不欲是為還五陰也何等為便見滅盡處謂無所有是為滅處問已無所有何以故為處者無所有處有四處一者飛鳥以空中為處二者羅漢以涅槃為處三者道以無有為處四者法在觀念疾轉還正以生覺斷為受五陰相言受者謂受不受相也以受五陰相知起何所滅何所滅者為受十二因緣人從十二因緣生亦從十二因緣死不念者為不念五陰也知起何所滅何所滅善惡因緣起便復滅亦謂身亦謂氣生滅念便生不念便死意與身同等是為斷生死道在是生死間一切惡事皆從意來也今不為前前不為今者謂前所念已滅今念非前念亦謂前世所作今世所作各自得福亦謂今所行善非前所行惡亦謂今息非前息前息非今息也為生死分別者為意念生即生念滅即滅故言生死當分別万物及身過去未來福為

索盡何以故盡以生便滅滅便盡已知
盡當盡力求也觀上頭無所從來者
謂人無所從來意起為人亦謂人不
自作來者為有所從來人自作自得
是為無所從來也生死當分別者謂
知分別五陰亦謂知分別意生死人
意為常知無有常亦為分別也後視
無處所者為今現在不見罪人在生
死貪當得無有脫於罪故言後視無
有處所未得道迹不得中命盡謂已
得十五意不得中死要當得十五意
便墮道亦轉上至阿羅漢也中得道
亦不得中命盡為息意身凡三事謂
善惡意要當得道迹亦復中壞息死
復生善意起復滅身亦不得中死也
何等為淨謂諸所貪欲為不淨除去
貪欲是為淨何等為五陰相譬喻火
為陰薪為相也從息至淨是皆為觀
謂觀身相隨止觀還淨本為無有內
意數息外意斷惡因緣是為二意也
問何以故不先內外觀身體反先數
息相隨止觀還淨報用意不淨故不
見身意已淨便悉見身内外道行有

十九行用人有十九病故亦有十九
藥觀身念惡露是為止貪姪藥念四
等心是為止瞋恚藥自計本何因緣
有是為止愚癡藥安般守意是為多
念藥也內外自觀身體何等為身何
等為體骨肉為身六情合為體也何
等為六情謂眼合色耳受聲鼻向香
口欲味細滑為身衰意為種栽為癡
為有生物也內外身體所以重出者
何謂人貪求有大小有前後謂所欲
得當分別觀觀者見為念念因見觀
者為知也身觀止者坐念起起念意
不離在所行意所著為識是為身觀
止也出息入息念滅時何等為念滅時
謂念出入氣盡時意息滅出息入息
念滅時譬如畫空中無有處生死意
道意俱尔也出息入息念滅時亦不
說息意息說滅時出息入息念滅時
物從因緣生斷本為滅時也內外痛
痒見觀者為見痛痒所從起便觀是
為見觀也內外痛痒者謂外好物為
外痒外惡物為外痛內可意為內痒
內不可意為內痛在內為內法在外

因緣為外法亦謂目為內色為外耳
為內聲為外鼻為內香為外口為內
味為外心為內念為外見好細滑意
欲得是為痒見慶惡意不用是為痛
俱墮罪也痛痒觀止者若人臂痛意不
作痛反念他一切身痛如是以意不
在痛為止痛亦可念亦不可念念痛
無所著自愛身當觀他人身意愛他
人身當自觀身亦為止也

內外痛痒所以重出者何謂人見色
愛有薄厚其意不等觀多與少異故
重分別觀道當內觀有疾當外觀以
自證也身心痛痒各自異得寒熱刀
杖痛極是為身痛得美飯載車好衣
身諸所便是為身痒心痛者身自愛
復憂他人及万事是為心痛心得所
好及諸歡喜是為心痒也意相觀者
有兩因緣在內斷惡念道一者謂五
樂六衰當制斷之觀者自觀身身不
知麤細以得乃覺是為意意相觀意
意相觀息亦是意數亦是意數時觀
息為意意相觀也意觀止者欲婬制不
為欲瞋恚制不怒欲癡制不作欲貪

制不求諸惡事一切不向是為觀止
亦謂以知三十七品經常念不離為
止也出息入息盡定便觀者盡謂罪
盡定謂息止意定觀者謂觀止還淨也
盡止者謂我能說是曉是遍更是是為
盡止也所起息若布施作福一切善法
已起便滅更意念耶向習罪行亦無
數古世今世意不如是相隨他人亦
尔已知覺當斷已斷為内外意意觀
止也内外法法者内法謂身外法謂
他人有持戒法有不持戒法是為内
外法法也内法謂行點不離三十七品
經一切餘事意不墮中行道得道是
為内法外法謂墮生死謂生死行便得
生死不脫一切當斷已斷為内外法
觀止也法觀止者一切人皆自身為身
諦按計非我身何以故有眼有色眼
亦非身色亦非身何以故人已死有
眼無所見亦有色無所應身如是但
有識亦非身何以故識無有形亦無
所輕止如是計眼耳鼻舌身意亦尔
得是計為法觀止亦謂不念惡為止
念惡為不止何以故意行故也

佛說大安般守意經卷上

癸卯歲高麗國大藏部監奉

勅彫造

佛說大安般守意經卷下

甚

後漢安世三藏安世高

譯

出息入息自覺出息入息自知當時
為覺以後為知覺者謂覺息長短知
者謂知息生滅麤細遲疾也出息入
息覺盡止者謂覺出入息欲報時為
盡亦計万物身生復滅止者謂意止
也見觀空者行道得觀不復見身便
墮空無所有者謂意無所有者意有所
著因為有斷六入使得賢明賢謂身
明謂道也知出何所滅何所者譬如
念石出石入木石便滅五陰亦念出
色入痛痒出痛痒入思想出思想入
生死出生死入識已分別是乃墮三
十七品經也

問何等為思惟無為道報思為校計
惟為聽無謂不念万物為者如說行
道為得故言思惟無為道也思為念
惟為分別白黑黑為生死白為道道
無所有已分別無所有便無所為故
言思惟無為道若計有所為所者為
非思惟思亦為物惟為解意解意便
知十二因緣事亦謂思為念惟為計

也斷生死得神足謂意有所念為生無所念為死得神足者能飛行故言生死當斷也

得神足有五意一者喜二者信三者精進四者定五者通也四神足念不盡力得五通盡力自在向六通為道人四神足得五通盡意可得六通盡意謂万物意不欲也一信二精進三意四定五點是五事為四神足念為力者凡六事也從信為屬四神足念從喜從念精進從定從點是為屬五根也定謂意念定從施定謂行道也為種故有根有為之事皆為惡便生想不能得勝謂得禪是因為力亦謂惡不能勝善意滅復起故為力力定者惡意欲來不能壞善意故為力定也道人行道未得觀當校計得觀在所觀意不復轉為得觀止惡一法為坐禪觀二法有時觀身有時觀意有時觀喘息有時觀有有時觀無在所因緣當分別觀也止惡一法觀二法惡已盡止觀者為觀道惡未盡不見道

惡已盡乃得觀道也止惡一法為知惡
一切能制不著意為止亦為得息想
隨止得息想隨止是為止惡一法惡
已止便得觀故為觀二法為得四諦
為行淨當復作淨者識苦棄習知盡
行道如日出時淨轉出十二門故經
言從道得脫也去冥見明如日出時
譬如日出多所見為棄諸冥冥為苦
何以知為苦多所罣礙故知為苦何
等為棄習謂不作事何等為盡證謂
無所有道者明識苦斷習盡證念道
識從苦生不得苦亦無有識是為苦也
盡證者謂知人盡當老病死證者知
万物皆當滅是為盡證也譬如日出
作四事一壞冥謂慧能壞癡二見明
謂癡除獨慧在三見色万物為見身
諸所有惡露四成熟万物設無日月
万物不熟人無有慧癡意亦不熟也
上頭行俱行者所行事已行不分別說
謂行五直聲身心并得行也從諦念
法意著法中從諦念法意著所念是
便生是求生死得生死求道得道內
外隨所起意是為念法意著法中者

從四諦自知意生是當得是不生是
不得是便却意畏不敢犯所行所念
常在道是為意著法中也是名為法
正從諦本起本著意法正者謂道法
從諦謂四諦本起著意者謂所向生
死万事皆本從意起便著意便有五
陰所起意當斷斷本五陰便斷有時
自斷不念意自起為罪復不定在道
為罪未盡故也意著法中者諦意念
万物為墮外法中意不念万物為墮
道法中五陰為生死法三十七品經
為道法意著法中者謂制五陰不犯
亦謂常念道不離是為意著法中也
所本正者所在外為物本為福所在
內惣為三十七品經行道非一時端
故言所本者謂行三十七品經法如
次第隨行意不入邪為正故名為所
本正所本正各自異行以無為對本
以不求為對正以無為為對無為以
不常為對道以無有為對亦無有所
亦無有本亦無有正為無所有也定
覺受身如是法道說謂法定道說者
謂說所從因緣得道見陰受者為受

五陰有入者為入五陰中因有生死
陰者為受正正者道自正但當為自
正心耳人行安般守意得數得相隨得
止便歡喜是四種辭如鎖火見烟不
能熟物得何等喜用未得出要故也
安般守意有十八惱令人不隨道一
為受欲二為瞋恚三為癡四為戲樂
五為慢六為疑七為不受行相八為
受他人相九為不念十為他念十一
為不滿念十二為過精進十三為不
及精進十四為驚怖十五為強制意
十六為憂十七為忿忿十八為不度
意行受是為十八惱不護是十八因
緣不得道以護便得道也不受行相
者謂不觀三十二物不念三十七品經
是為不受行相受他人相者謂未得
十息便行相隨是為受他人相他念
者入息時念出息出息時念入息
是為他念不滿念者謂未得一禪便
念二禪是為不滿念強制意者謂坐
亂意不得息當經行讀經以亂不起
是為強制意也精進為點走是六事
中謂數息相隨山觀還淨是為六也

何等為喘何等為息何等為氣何等
為力何等為風喘者為意息為命守
為氣為視聽風為能言語從道屈伸
力為能舉重瞋恚也要從守意得道
何緣得守意從數轉得息息轉得相隨
止觀還淨亦余也行道欲得止意當
知三事一者先觀念身本何從來但
從五陰行有斷五陰不復生譬如寄
託須臾耳意不解念九道以自證二
者自當內觀心中隨息出入三者出
息入息念滅時息出小輕念滅時何
等為知無所有意定便知空知空便
知無所有何以故息不報便死知身
但氣所作氣滅為空覺空隨道也故
行道有三事一者觀身二者念一心
三者念出入息復有三事一者止身
痛痒二者止口聲三者止意念行是
六事疾得息也要經言一念謂一心
近念謂計身多念謂一心不離念謂
不離念身行是四事便疾得息也坐
禪數息即時定意是為今福遂安隱
不亂是為未來福益久續復安定是
為過去福也坐禪數息不得定意是

為今罪遂不安隱亂意起是為當來
罪坐禪益久遂不安定是為過去罪
也亦有身過意過身直數息不得是為
意過身曲數息不得是為身過也坐
禪自覺得定意喜為亂意不喜為
道意坐禪念息已止便觀觀止復行
息人行道當以是為常法也

佛說有五信一者信有佛有經二者
去家下頭幾求道三者坐行道四者
得息五者定意所念不念為空難不
念為空何以故念息報曰息中無五
色貪婬瞋恚愚癡愛欲是亦為空也
可守身中意者謂意在身觀是為身
中意人不能制意故令數息以默能
制意不復數息也問何等為自知何
等為自證報謂能分別五陰是為自
知不疑道是為自證也問曰何等為
無為報無為有二輩有外無為有內
無為眼不觀色耳不聽聲鼻不受香
口不味味身不貪細滑意不志念是
為外無為數息相隨止觀還淨是為
內無為也問現有所念何以為無為
報身口為滅意向道行雖有所念本

趣無為也問何等為无何等名為報
無者謂不念万物為者隨經行拍事
稱名故言無為也

問設使宿命對來到當何以却報行
數息相隨止觀還淨念三十七品經
能却難宿命對不可却數息行三十
七品經何以故能却報用念道故消
惡設使數息相隨止觀還淨不能滅
惡世間人皆不得道用消惡故得道
數息相隨止觀還淨行三十七品經
尚得作佛何況罪對在十方積如山
精進行道不與罪會問曰經言作是
何以故不會報用作是故也數息為
隨十二品何謂十二品數息時墮四
意止息不亂時為墮四意念斷得十息
有時為墮四神足是為墮十二品也
問何等為念三十七品經報謂數息
相隨止觀還淨行是六事是為念三
十七品經也行數息亦為行三十七
品經問何以故為行三十七品經報
數息為墮四意止何以故為四意止
亦墮四意斷用不待念故為四意斷
亦墮四神足用從信故為神足也數

息為墮信根用信佛意喜故生信根
亦墮能根用坐行故為墮能根亦墮
識根用知諦故為識根亦墮定根用
意安故為定根亦墮默根用離癡意
解結故為默根也數息亦墮信力用
不疑故為信力亦墮進力用精進故
為進力亦墮念力用餘意不能攘故
為念力亦墮定力用一心故為定力
亦墮慧力用前分別四意止斷神足
故為慧力也數息亦墮覺意用識菩
故為覺意亦墮法識覺意用知道因
緣故為法覺意亦墮力覺意用喜
惡故為力覺意亦墮愛覺意用貪
樂道故為愛覺意亦墮息意覺用意
止故為息意覺亦墮定覺意用不念
故為定覺意亦墮守覺意用行不離故
為守覺意也數息亦墮八行用意正
故入八行定意慈心念淨法是為直
身至誠語軟語直語不還語是為直
語默在意信在意忍辱在意是為直
心所謂以聲息是為十善墮道行也
數息亦墮直見用諦觀故為直見亦
墮直行用向道故為直行亦墮直治

用行三十七品經故為直治亦墮直
意用念諦故為直意亦隨直定用意
白淨壞魔兵故為直定是為八行何
等為魔兵謂色聲香味細滑是為魔
兵不受是為壞魔兵三十七品應般
設自觀身觀他人身止姪不亂意止
餘意自觀痛痒觀他人痛痒止瞋恚
自觀意觀他人意止癡自觀法觀他
人法得道是名為四意止也避身為避
色避痛痒為避五樂避意為避念避法
不墮願業治生是名為四意念斷也識
苦者本為苦為苦者為有身從苦為因
緣起者所見万物苦習者本為苦從苦
為因緣生盡者万物皆當敗壞為增
苦習復當為墮八道中道人當念是
八道是名為四為四收苦得四神足
念也信佛意喜是名為信根為自守
行法從諦身意受是名能根為精進
從諦念遂諦是名識根為守意從諦
一意從諦一意止是名定根為正意
從諦觀諦是名照根為道意是名為
五根也

從諦信不復疑是名信力棄貪行道
從諦自精進惡意不能敗精進是名
進力惡意欲起當即時滅從諦是意
無有能壞意是名念力內外觀從諦
以定惡意不能增善意是名定力念
四禪從諦得黠惡意不能壞黠意是
名黠力念出入盡復生是名為五力也
從諦念諦是名為覺意得道意從諦
觀諦是名法名法識覺意得生死意
從諦身意持是名力覺意持道不失為
力從諦足喜諦是名愛覺意貪道法行
道行道法從諦意得休息是名息意
覺已息安隱從諦一念意是名定覺
意自知意以安定從諦自在意在所
行從觀是名守意覺從四諦觀意是
名為七覺意也從諦守諦是名直信
道從諦直從行諦是為直從行念道
從諦身意持是名直治法不欲墮四
惡者謂四顛倒從諦念諦是名直意
不亂意從諦一心意是名直定為一
心上頭為三法意行俱行以聲身心
如是佛弟子八行是名四禪為四意漸
也第一行為直念屬心常念道第二

行為直語屬口斷四意第三行為直
觀屬身觀身內外第四行為直見信
道第五行為直行不隨四惑謂四顛
倒第六行為直治斷餘意第七行為
直不墮貪欲第八行為直定正心是為
八行佛辟支佛阿羅漢所不行也第
一行為直念何等為直念謂不念万
物意不墮是中是為直念念万物意
墮中為不直念也四意止者一意止為
身念息二意止為念痛痒三意止為
念意息出入四意止為念法因緣是
為四意止也

道人當念是四意止一者為我前世
愛身故不得脫二者今有劇怨家何
以故所欲者愛生當斷已斷為外身
觀止也四意止者意止者意不在身
為止意不在痛痒為止意不在意為止
意不在法為止意隨色識便生是為
不止也問人何以故不墮四意止報
用不念若空非身不淨故不墮四意
止若人意常念苦空非身不淨行道
者常念是四事不離便疾得四意止
也問何等為身意止謂念老病死是

為身意止何等為痛痒意止謂所不可意是為痛痒意止何等為意意止謂已念復念是為意意止何等為法意止謂往時為行還報為法亦謂作是得是是為法意止也四意止有四輩一者念非常意止二者念苦身意止三者念空有意止四者念不淨樂意止是為四意止一切天下事皆墮身痛痒隨法都虛不過是四事也四意止者一者但念息不邪念二者但念善不念惡三者自念身非我所乃物皆非我所便不復向四者眼不視色意在法中是名為四意止也道人當行四意止一者眼色當校計身中惡露二者意歡喜念樂當念痛痒苦三者我意瞋他人意亦瞋我意轉他人意亦轉便不復轉意四意者我意我惡便不復念是為法也身意止者自觀身觀他人身何等為身欲言痛痒是身痛無有數欲言意是身復非身有過去意未來意欲言法是身復非身有過去未來法欲言行是身行無

有形知為非身得是計為四意止也
意不墮色念識亦不生耳鼻口身亦
介意不在身為心意不在痛痒意不
在念意不在法為心也問誰主知身
意痛痒者報有身身意知痛痒痛痒
意知意意意知有飢飢意知有渴
渴意知有寒寒意知有熱熱意知以
是分別知也身意起身意痛痒意起
痛痒意意意起意意法意起法意四
意止謂意念惡制使不起是為止也
四意止亦隨四禪亦隨四意止墮四
意止為近道不著惡便善意生四禪為
四意定為止意也行道有四因緣一
止身二止痛痒三止意四止法止身
者謂見色念不淨止痛痒者謂不自
貢高止意者謂止不瞋恚止法者謂
不疑道人行四意止意起念生即時
識對行樂得一意止便得四意止也
四意定一者自觀身亦復觀他人身二
者自觀痛痒亦復觀他人痛痒三者自
觀心亦復觀他人心四者自觀法因
緣亦復觀他人法因緣如是身一切
觀內外因緣成敗之事當念我身亦

當成敗如是是為四意定也人欲止
四意棄為外攝為內已攝意為外棄
為內也觀他人身謂自觀身不離他便
為觀他人身苦觀他人身為非痛痒
意法亦尔也自貪身當觀他人身念
他人身便自觀身如是為意止問意
見行何以為止報意以自觀身貪便
使觀他人身為意從貪轉故應止若
意貪他人身當還自觀身也
有時自身觀不觀他人身有時當
觀他人身不當自觀身有時可自觀
身亦可觀他人身有時不可自觀身
亦不可觀他人身自觀身者為按計
觀他人身意不止須自念身為著便
轉著他人身觀他人身為見色肥白
黛眉赤脣見肥當念死人脹見白當
念死人骨見眉黑當念死人正黑見
朱脣當念血正赤按計身諸所有以
得是意便轉不復愛身也觀有內外
嫌疑當內觀貪姪當外觀貪當念
非常敗姪當念對所有惡露如自觀
身姪當念四斷意也觀有兩輩一者
觀外二者觀內觀身有三十六物一

切有對皆屬外觀無所有為道是為
內觀也觀有三事一者觀身四色謂
黑青赤白二者觀生死三者觀九道
道未得道為聞得別為證得為知也
觀有四一者身觀二者意觀三者行
觀四者道觀是為四觀譬如人守物
盜來便捨物視盜人已得觀便捨身
觀物也

觀有二事一者觀外諸所有色二者
觀內謂無所有觀空已得四禪觀空
無所有有意無意無所有是為空亦
謂四棄得四禪也欲斷世間事當行
四意止欲除四意止當行四意斷人
墮貪貪故行四神足飛但有五根無
有五力不能制但有五力無有五根
不生得四神足尚轉五力能制上次
十二品四意斷不作現在罪但畢故
罪是為四意斷也畢故不受新為四
意止故畢新止為四意斷故竟新
斷為四神足知足不復求守意意
為畢生為新老為故死為身體壞敗
為盡也四意斷謂常念道善念生便惡

念斷故為斷息道善念止便惡念生
故為不斷也四意斷者意自不欲向惡
是為斷亦謂不念罪斷也四神足一
者身神足二者口神足三者意神足
四者道神足念飛念不欲滅不隨道
也四伊提鉢四為數伊提為止鉢為
神足欲飛便飛有時精進坐七日便
得或七日或七歲也得神足可久在
世間不死有藥一者意不轉二者信
三者念四者有諦五者有默是為神
足藥也得四神足不久在世間有三
因緣一者自厭其身臭惡故去二者
無有人能從受經道故去三者恐惡
人誹謗得罪故去也神足九輩謂乘車
馬步疾走亦為神足外戒堅亦為神足
至誠亦為神足忍辱亦為神足也行
神足當飛意問何為飛意報有四因
緣一者信二者精進三者定四者不
轉意何等為信信飛行何等為精進
飛行何等為定飛行何等為不轉意謂
著飛行不轉意也身不欲行道意欲行
便行神足如是意欲飛即能飛也五
根譬如種物堅乃生根不堅無有根

信為水雨不轉意為力所見万物為根制意為力也信根中有三陰一為痛痒二為思想三為識陰定根中有一陰謂識陰也

五根五力七覺意中有一陰者中有二陰者中有三陰者有四陰者皆有陰問是道行何緣有陰報以泥洹無陰餘皆有陰也七覺意上三覺屬口中三覺屬身下一覺屬意何等為覺念念為覺念念為得覺得是意便隨道也外七覺意為墮生死內七覺意為隨道內七覺意者謂三十七品經外七覺意者謂万物也覺者為識事便隨覺意也有覺意便隨道覺有覺意墮罪覺三十七品經便正意是為隨道覺善惡是為墮罪也問何等為從諦身意持報謂身持七戒意持三戒是為身意持也從諦意得休息從四諦意因緣休休者為止息為思得道為受思也貪樂道法常行道為愛覺意持道不失為力覺意已得十息身安隱為息覺意自知已安為定覺意身意持意不走為持從諦自在意

在所行謂得四諦亦可念四意止亦可四意斷亦可四神足亦可五根五力七覺意八行是為自在意在所行從諦觀者為三十七品經要是為守意覺者謂諦不復受罪也八行有内外身為然盜煙聲為兩舌惡口妄言綺語意為嫉妬癡是上頭三法為十事在外五道在內也從諦守諦從為神守為護謂法不犯罪諦為道知非常苦空非身不淨為直見非常人計為常思苦為樂空計為有非身用作身不淨計為淨是為不直見也何等為直見信今因緣知從宿命有是名為直見何等為直治分別思惟能到善意是為直治何等為直語守善言不犯法如應受言是名為直語也何等為直業身應行不犯行是名為直業也何等為直治隨得道者教戒行是名為直治也何等為直精進行行無為晝夜不中止不捨方便是名為直精進方便也何等為直念常向經戒是名為直念何等為直定意不惑亦不捨行是名為直定如是行令賢

者八業行具已行具足便行道也八直有治有行行八直乃得出要身不犯戒是為直治慧信忍辱是為行身意持是名為直治謂無所念為直有所念為不直也十二部經都皆墮三十七品經中譬如百川四流皆歸大海三十七品經為外思惟為內思惟生道故為內道人行道分別三十七品經是為拜佛也三十七品經亦墮世間亦墮道諷經口說是為世間意念是為應道持戒為制身禪為散意行從願願亦從行行道所向意不離意至佛意不還也亦有從次第行得道亦有不從次行得道謂行四意止斷神足五根五力七覺意八行是為從次第畏世間惡身便一念從是得道是為不從次第道人能得三十七品行意可不順從數息相隨止也身口七事心意識各有十事故為三十七品四意止斷神足屬外五根五力屬內七覺意八行得道也泥洹有四十輩謂三十七品經并三向凡四十二事皆為泥洹問數息為泥洹非報數

息相隨鼻頭止意有所著不為泥洹
泥洹為有不報泥洹為無有但為苦
滅一名意盡難泥洹為滅報但善惡
滅耳知行者有時可行四意止有時
可行四意斷有時可行四神足有時
可行五根五力七覺意八行諦者為
知定亂定為知行亂為不知行也問
何以故正有五根五力七覺意八行
報人有五根道有五根人有五力道
有五力人有七使道有七覺意行有
八直應道八種隨病說藥因緣相應
眼受色耳聞聲鼻向香口欲味身貪
細滑是為五根何以故名為根已受
當復生故名為根不受色聲香味細
滑是為力不墮七使為覺意已八直
為應道行五根堅意五力為不轉意
七覺為正意八行為直意也問何等
為善意何等為道意報謂四意止斷
神足五根五力是為善意七覺意八
行是為道意有道善有世間善杖四
意止至五根五力是為道善不經兩
舌口妄言綺語貪瞋癡是為世間善
諦見者知万物皆當滅是為諦見万物

壞敗身當死以不用為憂是為諦觀
意橫意走便責對得制是為除罪諸
來惡不受為禪一心內意十二事智
慧七為數八為相隨九為止十為觀
十一為還十二為淨是為內十二事
外復十二事一為目二為色三為耳
四為聲五為鼻六為香七為口八為
味九為身十為細滑十一為意十二
為受欲是為外十二事也術闇者為智
凡有三智一者知無數世父母兄弟
妻子二者知無數世白黑長短知他
人心中所念三者毒以斷是為三也
沙羅情急者為六通智一為神足二
為徹聽三為知他人意四為知本所
從來五為知往生何所六為知索漏
盡是為六也

佛說大安服守意經卷下

此經按經首序及見經文似是書者
之錯經注不分而連書者也義當節
而注之然往往多有不可分處故不
敢擅節以遺後賢焉

癸卯歲高麗國大藏都監奉
勅彫造

陳氏注

密伏自惟宿祚導幸生遠入難之昧
瞽值觀三尊之景輝洪潤普逮群生
蒙澤使密鈇鉞之質獲廟圭璧之次
雖覩神化稟懷淨誠然以曾銑之否
學不精勤之夜休惕懼忝大道命疾
電耀躬騰薄冰凝滯之性學不通窮
今以螢燭之耿裨天庭之日蓋陰持
者衍之號也與安般同原而別流安
俟世高者普見菩薩也捐王位之榮
安貧樂道夙興夜寐憂濟塗炭哀救
三寶光于京師於是俊乂雲集遂致
滋盛明哲之士靡不羨甘厭義郁郁
剝泥難測植之過乎清乳橫之弥于
八極洪洞浩洋無以為倫密睹其流
稟玩忘飢因閒麻總為其注義差次
條貫續釋衍伍令其章斷句解使否
者情通漸以進智才非生知揚不盡
景猶以相滯之水助洪海之潤貴令
覺睹之者差殊易曉唯願明哲留思
三人察其說勝幸加潤暢共顯三寶

不誤將來矣

陰持入經卷上

第二張 甚

果

陰持入經卷上

此經多衍字
他本皆作行

後漢安息國三藏安世高譯

佛經所衍亦教誡

師云衍衍謂所當施
所也教化畢生示之

正真也誠之所以壞邪皆在三部為

合衍謂色聲香味觸滑邪樂何等為

三一為五陰謂識神微妙往來無訖

故曰陰二為六本本根也魂靈以六

無休故曰本也三為所入身心斯六

所由入矣故曰入也五陰為何等

一為色謂四大可見是一為痛恚所存願

之情為情三為想想像也惡念日

其後之慮已則四為衍衍行也馳無

極思善惡思周旋十方五為識識至

暗所新心即知是為五陰色陰名為十現

之故曰識也

色入入不相失色親之可見故曰外現

也聲無形去何色乎曰聲以耳而動

耳可見故云色矣願也色邊十現色入

為何等一眼二色三耳四聲五鼻六

香七舌八味九身十樂是為十現色入

是名為色種種樂受也種種苦也謂六欲

今之羣生皆衍痛種為何等痛種為

身六痛一眼知痛二耳知痛三鼻知

痛四舌知痛五身知痛六心知痛是

為身六痛名為痛種思想種為何等

思想種為身六思想一色想色義上

二聲想三香想四味想五更想六

行種為何等街種名為身六更志之所至

更之故一色所更二聲所更三香所

更四味所更五觸所更通身也

六法所更是為身六更是名為

街種識種為何等識種名為身六識

眼識耳識鼻識舌識身識心識是為

身六識是名為識種名為五陰種六陰

種身也身有六情情有五陰有五陰

為好色轉中色轉色轉三色色有

五陰并同合為十八事六情各緣八

識受者生于上又觸元氣生于下

根受者生于下又觸元氣生于上

而後始輪轉三界無有窮極故曰種也

當知是是從何知為非常苦空非身

從是知亦有二知一為慧知二為斷

知從慧知為何等為非常苦空非身

是為從慧知從斷知為何等愛欲已

斷是為從斷知覺受者必覺感者必感

諸之非常生者病起履邪受罪謂之
告羣生未有不厭本四大終各端本非
已常實謂之空身為四大終各端本非
別無厭欲之端輪迴三界捨身受身積
本無量持志於正觀空三界欲達于
故度者以非常告空非身為常樂有身
明日大明陰具為何等積為陰具足

為陰具

積聚也謂心默積聚五陰成滿足六情樂告也譬如

物種名為物種木種名為木種火種

名為火種水種名為水種一切五陰

亦如是

物本火本各有本名木自名木以鮮五陰六情樂告也亦然

有十八本持

主持諸欲故口持十八本

持為何等一眼二色三識

眼與識合

六情義同老學經曰眼見色耳是意
意即是色了本六情欲為眼從之今
識生斷義四耳五聲六識十鼻八香

九識十舌十一味十二識十三身十

四更十五識十六心十七法十八識

是名為十八本持已知是從何知為

非常告空非身是為知從是知亦有

二知一為從慧知二為從已斷知從

慧知為何等為非常告空非身是為從

慧知從斷知為何等愛欲已斷是為

從斷知彼為具足具足為何等或言

無有餘具足

斷六欲被折家也樂欲已
斷三十七品即現矣高僧

具者邪向斷盡
無復有餘也

已無有餘令明明見

是譬喻所從所入從所入者冬供其地是眼自入色六

情皆然是從是有如是從所意念合者

謂意慮念色便成何有行罪苦法如

是有作惡街即受罪徒所致是名為

從是入徒所致者辭六情從意所念致六欲也入者邪入于六情矣

亦有從是入譬如王有人所有名是亦

如是亦如是者謂更引辟重說六情事王有人者諸邪僻君各以地所出

分別本名貢入於三為有四諦苦習盡

道苦名為要語身亦念苦之根身苦

二事故曰要也習名為要癡亦所世間

愛生之謂習習之所由集與愛也故不

苦也盡名為要慧亦解脫結

解者脫於三習總道門破結盡也

道名為要止亦觀觀要盡心寂止觀

無謂之道止亦有三十七品經法十三

與觀道要也四意止四意斷四神足

五根五力七覺意賢者八種道術是

為三十七品經法過去佛亦有是現在

佛亦有是未來佛亦有是辟支佛亦

從是得度世道佛弟子亦從是是為

度世無為道正真之明法也佛先睹

之以教知士弟子承之而領矣慧即

覺淨定獲無盡之明也得一切顯苦

薩日王也淨識者不犯三十七品根
林是閻王大地土所生以至此世
尊緣一覺應廣皆由之四意止為何等
得道可謂无上慧者

或見以立自身身身相觀衍止外身身

身相觀衍止內外身身身相觀衍止

自身已身也外身彼人身身也內外身
謂非本也身也身人身身車木身皆非
常有相解曰息然止意者道故曰衍止
安般解曰息從內出息中與有四大
而心在中謂之內身也息由外來四
大亦亦相解以息為身繫意在息无

今身盡意念以却世間癡心不便

也用力之大者當用却三舉觀或主誤
已心令不學三法之資者也一說云不
癡病却道心明心不便於無故司不

便自痛痛痛相觀衍止

獲六欲即不喜失之不感法鏡經曰
利義戰舉稱噉苦樂不以傾動也始
盡內淨心寂若也外痛痛痛相觀衍止

內外痛痛痛相觀衍止盡意念以却世

間癡心不便自意意意相觀衍止

出意所存曰思諸梯如睹其容之廣
前口想自觀已意觀彼人應又觀草
本俱司四大為體公為之類睹其非
已有心即無所復欲矣何曰吾我人
及與壽亦不計有是形意不念有與
无智覺者當達醉斯所謂思思意止

外意意意相觀衍止內外意意意

相觀衍止盡意念以却世間癡心不

便自法法法相觀衍止外法法法觀

衍止內外法法法相觀衍止盡意念

以却世間癡不便

想成形成以法觀法其法一也
心造无量之想而有無盡之

也法十二因緣法

也心所想即如

也法十二因緣法

也心所想即如

也法十二因緣法

神思無相止生起死意亦止生起死
念慮無有對空不願先想定何處
門也意和想四空无所著是為涅槃
若止者何等為從四意正斷或比丘

有未生弊惡意法發方便令不生勸

意不捨方便術

師云四意止也或若法學即相澤廣憚其後生當豫

攝制意捨散惡意是為一斷意謂所家

進其志攝制六情舍衆已生弊惡意

發清淨法欲斷勸意求方便術精進

攝制意捨散惡意是為二斷意謂淨

止觀也制止邪念斷諸欲未生清淨法勸

意發方便令生術精進攝制意捨散

惡意是為三斷意已生清淨法令止

不忘令不減止制止淨所情无令術

不當令術足術多也足滿也當進德

發方便術精進攝制意捨散惡意

是為四意正斷何等為四神足或有

比丘為欲定斷生死隨術增神足師

欲得定意以斷生死或隨術增神足

而進增益道志以成神足也總生死

猶指十二因緣轉却欲將盡猶欲六

從不便意生遺離去十二因緣諸惡

已若生術家當疾遣之去是為一神

足精進定師云定定在斷生死隨術

增神足德生死術却欲將盡術從不

便意生遠離去是為二神足意定斷

生死

師云嫉恚疑滅意即寂定謂之意定

隨何增神足

德生死猗却欲猗盡猗從不便意生

遠離去是為三神足戒定斷生死隨

何增神足德生死猗却欲猗盡猗從

不便意生遠離去是為四神足四意

止四意斷四神足為已說具

師云內藏盡淨

明威眼能洞視無極之義耳能徹聽身能

心念口言身諸所更無微不察佛經一

覺應備四神足足不稱受故曰神足矣

何等為五根信根精進根念根定根

師云樹非根不生

德之根信根立道乃成故信為首精

進在何勤存身若絕邪藏念習志于

淨定觀四非常入三法門慧印曰是

專慧入慧門慧門所謂三法門者

彼相應何義根為根義屬為根義

根屬屬道也兼枝節華實五事雖殊俱

屬於想信精進念定慧五德皆屬於

道故可喜為根義不為同事為根義

可喜根立也喜悅也同事別流也

相家獲道五根喜以殖德與俗相背

終始別流喜而自是名為根義何等

可故曰可喜根也

為五力信力精進力念力定力慧力

是名為五力彼力應何義無有能得

師云夫已得四意止者五

壞為力義

根即立五根立道力即成

天女玉色不能亂其目名樂故聲不

能災其耳象香上甘露王之尊雅行

如虛空真能動者謂六力

有所益為

力義

道何日降德測

有勝為力義

為力義

能依空何四辯不是名為力

義有七覺見意何等為七覺見意一念覺

意師古覺見善惡也惡念生即滅二法分

別觀覺見意法善惡法觀寂諦觀分別真偽

三精進覺見意四愛可覺見意

五猗覺見意常以

六定

覺見意得止時神足觀力意即寂定在其

七護覺見意華護

是名為七覺見意

有得道者八種道何何等為八一直見

見三常進意取之故曰直見也一直伺

終三尊淨伺三直語非佛教不四直

治以無欲五直利以道淨六直方便

諸為治矣七直意意遠三

門不復罪伺八直定是名為八道

謂之直意也

定定在三十七品及三結斯四

從本本寂而復寂是則為實又

合三三十七品用度諸若

之謂

八種道術為墮合三種一戒種二定

種三慧種

三十七品總為八道何合

淨度色界慧淨度无色界於成定慧
出斯彼所直語直業直治是名為

戒種彼所直方便直念直定是名為

定種彼所直見直術是名為慧種皆

從是教誡今不啻教誡今不啻教意

令不啻慧教誡

不啻多也何家由思

小乘多思解得累久故今竟術過四

定慧至以為得道故曰不啻

彼戒種比丘為拔瞋恚亦慧本為散

瞋恚結

散事也以思已四等拔瞋恚毒

生也為合慧瘡

患毒與而身命危請

為識苦痛為度欲界

苦身也身生老

何家照之勝身苦所

彼定種比丘為拔瞋恚本為散欲結

為合欲瘡為知樂痛為度色界

定止

六情所欲樂之樂失之即憂謂之痛

當以戒束道而默存天樂夫攝謂之

六欲之機減色身之想定在四止不

受故樂謂彼慧種比丘為拔癡恚本為散癡

結為合憍慢瘡為知不樂不苦痛為

得度无有色界是為三種謂不苦不樂

善又未苦在慈中問臂後受滿身此
身更苦斯為痛矣何家意在空不能
空空不色天樂空不能受開福盡入世有佛
道更諸苦已不能受開福盡入世有佛
苦空非身眼觀視三界無針鼻之土
可想免死不受苦者即念空滅願就淨
元想入三治門慧印曰空无所著是
比丘止為拔三慧本散三慧使
合四瘡知三痛度三界四瘡者一欲
瘡二見結瘡三戒願瘡四身結瘡
心為三毒因受披四瘡其使解瘡
無際何者書三毒積也識神受瘡因
深法當何空无想元願無識元生演
限也

何等為十二種

三部何上四事屬過

去中四事從求如求等生如從其也

求等俱也謂識舍本淨從未藏即如

故曰等從癡因緣令有衍也癡實也衍

生也從癡因緣令有衍也癡實也衍

已尊而欲意向之遠依受身不知親為

從衍令有識識知也魂靈受身即知從識

今有名字水火風可見謂之色矣地

從名字令有六入情生而有六邪入

從六入令有致味細滑束念了本曰

更樂眼更色心樂從致令有痛痒從痛

痒令有愛愛言身痛身熱毒痛癡心

從愛令有受受以愛之故五陰咸猛從

受後生哉其為無量從

受令後有

由受感陰今有後身從有

令有生

因親受身更生從生今有老

死憂悲苦不可心致瘡如是具足

苦種為致習

四大妻姑肉老命盡神

存之臨希日悲荷負重禍曰苦若斯

泉事心所不可不樂而自來求離而

不勉心滿肉結曰癡識為種生十二

因緣今若偕足而不以苦者以其說

習之久矣生死以苦習為本道癡已

以盡為基基立道焉得不成本道癡已

盡便衍盡已衍盡便識盡已識盡便

名字盡已名字盡便六入盡已六入

盡便致盡已致盡便痛痒盡已痛痒

盡便愛盡已愛盡便受盡已受盡便

有盡已有盡便生盡已生盡便老死

盡已老死盡憂悲苦不可心瘡便盡

如是具足苦種便得盡

十一因緣盡

彼癡名為不知四諦如有

謂諦有苦習

因而不止欲盡癡觀淨得道

安康無患而曰不受謂之癡也

不見不相應不受不解不解相是名

為癡

道正而群生心邪為

佛敎遠謂之不應矣

彼癡因緣

衍為何等為六埵受何等為六色聲

香味羣法是為身六埵受是名為衍

六情望六邪而心

受之以成法也

彼衍因緣識為六身識眼耳鼻舌身

心是名為六身識

六識所與輕穩身

彼識陰持入經教上 第十四卷 註因緣名字字為色名為四不色

陰痛想術識是為名不元也謂痛想故曰不色色矣色為四大本謂地水火風是

上為名是四為色是二相連共為名

字身強者地也軟濕水也溫煖火也神氣息風也斯四大可見謂之色神為斯名色彼名字因緣身六入受

眼耳鼻舌身心是名身六入受彼六

入因緣身六思望眼耳鼻舌身心是

名為身六思望

彼思望因緣身六痛眼耳鼻舌身心

是名為身六痛

彼痛因緣六身愛色愛聲愛香愛

味愛觸愛法愛是名為六身愛彼愛

因緣受為四受一欲受謂廣欲界二

見緒受色天見色心緒受三戒願受

術家戒當以求道而樂天福四身結

術升天慮彼延壽謂之願受術受得結心作術慕為身為身由結術

致受入欲相以若為樂致受入有術受以非常為常致受入見結以非身為

受四則二義同歸矣是名為四受

彼受因緣有為三有一欲界二色界

三無色界是名為三有三有有三身彼

有因緣生為上五陰六持六入上謂

說三部已有三部識神已有如有

輪轉受生蓋无事矣

已有所上三部邪識神因之作生聚
如所種有有身像故曰如有也
依四大聚五陰六入諸事共已往墮致

分別根往往至三部所墮墮三部已

入得有六情致六情分分別緒根已

情不得見故得者六邪得六情也六

老病死三界諸患眾苦備矣是名為

生死為何等名為人人所在在所往

已往壞已過所往人羣生也所在所居

同也壞敗無不過去也所往受身无不

壞敗命無不過去也所往受身无不

亦根已閑塞是根是群生也命息也根

身六情根都閑於是為死上本為

老後要為死是故名為老死生便病

次當老死斯義如之

癡相為何等為冥中見冥識神本受

陰窈冥之樹又以六情採受六邪以

自覆弊謂之冥中見冥矣道地經曰

行是同時當見明斯癡之相矣如有

不解報其事真而有愚不解中心經

曰不知生所來死令從是致墮街相處

街相為何等為今後復有是為街相

上從是發起至街相故六上從是

發起法句經曰癡今從是致墮識處

識相為何等為識物識事是為識相

識生分別事物今從是致墮名字處

名字相為何等為俱猗

五陰俱相猗以成諸使

是為名字相令從是致墮六入處六入

相為何等為分別根是為六入相令

從是致墮思望處思望相為何等為

相會更生是為思望相

眼與色會識神樂之謂之

相會更也了本去父母識為三會更

令從是致墮痛處

痛相為何等為更覺是為痛相令從

是致墮愛處愛相為何等為發往是

為愛相

內情愛欲而心發往

令從是致墮受處

受相為何等為受持是為受相

受受受而心持之不捨

令從是致墮有處有相為何

等令墮若干處是為有相

已受則有身處若干

六其非一處受身

令從是致墮生處生相為

何等為已有五陰是為生相

生受身則五陰

現是為生相矣

令從是致墮老處老相為何

等為轉熟是為老相令從是致墮死

處死相為何等為命根盡是為死相

令從是致墮苦處苦相為何等為身

急是為苦相

謂命盡四大分諸痛盡无量故言身急為苦也

令從是致墮不可處不可相為何等

為心意急是為不可相

不可處謂老病死處也命

根謂之急也時心不可會必往之維摩詰曰身身為窮道會老死故斯義

令幹從是致墮惛惛憂惛惛相為

何等為憂五陰

五陰為幹百八何為

其枝幹其根豈不復生哉是之謂也

令徒是致墮愁

癡慮悲愁相為何等口出聲音令致

悲癡邁邁為癡癡亦為邁

出聲謂為病者臨亡與旦

受此別九絕處為一切悲衍令部伴

九絕處者從流行

謂癡緣行至生死迴轉三界故謂之流

為有二本從有結罪為二悲本亦有

四倒彼二本罪癡為何等一為癡二

為墮有愛名為二本三悲本為何等

一為貪欲二為瞋恚三為癡惑是名

為三悲本有四倒四倒為何等非常

念常是為妄想倒為意倒為見倒是

為一倒計苦為樂非身為身不淨為

淨思想意見倒如上說是名為四倒

彼癡名為不解四諦不慧

四諦向四諦謂

之不不見

佛也不相應不解受為悲

是為癡

不解不辨命傳便解深彼有

愛為何等為所世間欲發往不捨是

為有愛是名為二本

不捨者謂之孝彼之不捨須臾也

欲貪本為何等為所在所種貪

種也

在者謂在五道中在在所種貪

為奇珍寶為奇財產為

奇嚴事為有嫉在奇

奇彼也謂群生見可欲之物靡不有

貪嫉之心在彼貪可貪欲可往愛相

或謂之嫉在奇

愛哀相往不捨是為貪慈本

專愚小人貪者

可貪邪欲相投彼此相愛愚愛相哀

更相之至令經曰道術者以道相然相

可相類類以道聚高志相生凡物以

邪為正以穢為淨黨類相

求以非相清謂之本惡也

是本為誰

為所有貪為身非法術口非法術心

非法行亦餘俱相連慈種所作意念是

法本是故名為貪慈本

誰者問告斯諸惡誰乎答云由

身二心非法之轉餘四緣亦然法本者

瞋恚非法本為何等為在人為在術

恚相恚

夫何在人也小人貪六邪已

盛即瞋恚

已恚往即彼來謂之恚相

不忍不識

以道力忍伏邪心中思送

非不識

因緣瞋瞋恚發

評譚

評譚由評彈瞋恚之一念

說不可所念說不好令意却

非三尊

存而念之

不可非十二部經法

念說之謂之

是為恚非法本是本

為誰為非法本所身罪所言罪所心

罪亦餘所相連意念為是法本是故

為瞋名為非法本彼癡或非法本為

何等不知四賢者譚如有

四賢者四

上二自佛下至

六雙十二輩為

有內二賢賢者

以元量之明暗真

不知曰不知也 不解不見不相應不

解受非法或隨或受或在或不識或

癡冥在冥蔽覆令冥令無眼令慧壞

知盡不能致無為度世癡冥心也在冥

癡冥又處在五陰重以五蓋自覆令其

眼盲慧壞知盡沒于四樹流于諸海轉

輪三界不獲度是癡惑非法衞本是

本為誰為惑非法身衞作口衞作心

衞作亦所共相助非法意所念非法

本是名為惑非法本謂十惡肇助身口

彼當知倒亦當知所倒當知從所倒

當知是彼彼彼家也樹家當知是心

所倒者非一倒也從所倒者心居元

明從邪因緣受倒逆倒明者當知之

彼有一倒從一倒為四倒從所有為三

倒何等為一倒為對或受非常為常

苦為樂非身為身不淨為淨是為一

倒何等為四倒所有身痛意法是為

四倒何等為三倒一為想二為意三為

見是為三倒使一想之中見有四倒意

見亦然彈指之間意九

為欲想執存尋之成欲故曰欲想矣

以為有欲想相隨久不斷之來心邪

衞或借淨向穢並變為在意念是為

欲念種若彼所想分別受是名為想

倒

分別謂六情各有所受聲色分淡中心經曰目但能視不能聽斯之

謂彼惑意不如有所受所從不應受解

是名為意倒

如真也真有四諦彼愚心惑而不受也所從往

諸倒不應不應道何所以受不捨在而受六邪謂之意倒

意念在色

在不捨諸倒存之在意在色色身也存身亦不

淨意計淨聽可意念已快所見受往

是名為見倒

聽從也受往從受也從眼心所可動意念之快

日所見往受諸欲謂之倒見矣彼所見已為相分別

應當為十二倒何等為十二在身有

三在痛有三在意有三在法有三有

四想倒意倒亦有四見倒亦有四亦

為在八因緣相會色

在八謂色不入眼眼往求色是

為會今為十二倒身三痛三意三法

三合為十二倒

在身有三者謂一想倒中有四倒者以

四非常為四倒者以為如是六有

十二因緣為七十二倒從本得因緣

起隨因緣多少元有量

雖有七十二倒隨因緣起

即是倒無有量數也不可數在人無有數無有數

倒

即在人意起彼五陰為四身有

即意法也想陰與從所有色陰是屬

色陰合為身痛陰從有痛陰是屬

痛身從有識陰是屬意身

屬意身者為識

陰屬從有想陰亦術陰是屬法身

受四身因緣有四身上身四也因緣則有四身合十受四身因緣有四身上身四也因緣則有四身合十

則有四身合十

彼身不淨計淨是為身倒彼痛苦計

為樂是為痛倒彼意非常計為常是

為意倒彼法不為身計為身是為法

倒為欲正四倒故佛為現四意止為

說分別

彼為身身相觀何止為不淨意念淨

倒得解

佛睹群生心沒盲冥之類以

言止令

觀不器實難保信明言先

得解彼為痛痛相觀為苦計為樂倒得

解彼為意意相觀非常計為常倒

得解彼為法法相觀非身計為身倒

得解彼冥中冥如有不解是為意相

令墮所倒處

欲得往是為愛相令從是受色為身

故令欺奇是為貪相令墮不與取

也故令欺奇是為貪相令墮不與取

志相令墮然處為不解事是為癡感

相令受邪墮邪處為作彼所術法不

知受相謂意不却諸過後非是為令墮

知受相謂意不却諸過後非是為令墮

堅持八經卷上

陰
捷
息

陸
良
為

了陰也

今人丁

五六
天情
本

起于
五在
陰之

二、生法

三三三

道征苦

是

和

了增

附錄

Figure 1

可
白
黑

五
核
核

平 難 過

復下

進

























學語
思語
金語

[illegible]

五、

卷之四

23
 24
 25
 26
 27
 28
 29
 30
 31
 32
 33
 34
 35
 36
 37
 38
 39
 40
 41
 42
 43
 44
 45
 46
 47
 48
 49
 50
 51
 52
 53
 54
 55
 56
 57
 58
 59
 60
 61
 62
 63
 64
 65
 66
 67
 68
 69
 70
 71
 72
 73
 74
 75
 76
 77
 78
 79
 80
 81
 82
 83
 84
 85
 86
 87
 88
 89
 90
 91
 92
 93
 94
 95
 96
 97
 98
 99
 100
 101
 102
 103
 104
 105
 106
 107
 108
 109
 110
 111
 112
 113
 114
 115
 116
 117
 118
 119
 120
 121
 122
 123
 124
 125
 126
 127
 128
 129
 130
 131
 132
 133
 134
 135
 136
 137
 138
 139
 140
 141
 142
 143
 144
 145
 146
 147
 148
 149
 150
 151
 152
 153
 154
 155
 156
 157
 158
 159
 160
 161
 162
 163
 164
 165
 166
 167
 168
 169
 170
 171
 172
 173
 174
 175
 176
 177
 178
 179
 180
 181
 182
 183
 184
 185
 186
 187
 188
 189
 190
 191
 192
 193
 194
 195
 196
 197
 198
 199
 200
 201
 202
 203
 204
 205
 206
 207
 208
 209
 210
 211
 212
 213
 214
 215
 216
 217
 218
 219
 220
 221
 222
 223
 224
 225
 226
 227
 228
 229
 230
 231
 232
 233
 234
 235
 236
 237
 238
 239
 240
 241
 242
 243
 244
 245
 246
 247
 248
 249
 250
 251
 252
 253
 254
 255
 256
 257
 258
 259
 260
 261
 262
 263
 264
 265
 266
 267
 268
 269
 270
 271
 272
 273
 274
 275
 276
 277
 278
 279
 280
 281
 282
 283
 284
 285
 286
 287
 288
 289
 290
 291
 292
 293
 294
 295
 296
 297
 298
 299
 300
 301
 302
 303
 304
 305
 306
 307
 308
 309
 310
 311
 312
 313
 314
 315
 316
 317
 318
 319
 320
 321
 322
 323
 324
 325
 326
 327
 328
 329
 330
 331
 332
 333
 334
 335
 336
 337
 338
 339
 340
 341
 342
 343
 344
 345
 346
 347
 348
 349
 350
 351
 352
 353
 354
 355
 356
 357
 358
 359
 360
 361
 362
 363
 364
 365
 366
 367
 368
 369
 370
 371
 372
 373
 374
 375
 376
 377
 378
 379
 380
 381
 382
 383
 384
 385
 386
 387
 388
 389
 390
 391
 392
 393
 394
 395
 396
 397
 398
 399
 400
 401
 402
 403
 404
 405
 406
 407
 408
 409
 410
 411
 412
 413
 414
 415
 416
 417
 418
 419
 420
 421
 422
 423
 424
 425
 426
 427
 428
 429
 430
 431
 432
 433
 434
 435
 436
 437
 438
 439
 440
 441
 442
 443
 444
 445
 446
 447
 448
 449
 450
 451
 452
 453
 454
 455
 456
 457
 458
 459
 460
 461
 462
 463
 464
 465
 466
 467
 468
 469
 470
 471
 472
 473
 474
 475
 476
 477
 478
 479
 480
 481
 482
 483
 484
 485
 486
 487
 488
 489
 490
 491
 492
 493
 494
 495
 496
 497
 498
 499
 500
 501
 502
 503
 504
 505
 506
 507
 508
 509
 510
 511
 512
 513
 514
 515
 516
 517
 518
 519
 520
 521
 522
 523
 524
 525
 526
 527
 528
 529
 530
 531
 532
 533
 534
 535
 536
 537
 538
 539
 540
 541
 542
 543

卷三

大 學

참

藝 藝 藝

藥生非

遠不
武不
遠不

從白竈

无不知

卷二

—

輩觀

意已覺見為下道種是故名曰

事多故曰

一為淨觀

謂空閑寂淨觀三十七品為淨觀

二為不淨觀

觀三部淨觀三為清淨觀

謂意念止為清淨

四為不清淨觀五

為黑觀六為白觀七為可御觀

可御

法可御觀

八為不可御觀九為罪衍

觀

入罪衍觀者觀履邪

十為殃福觀

知何福

十一為縛觀

觀知縛神縛十

二為解脫觀

知捨十二因緣當得解脫十三為有所

益觀

已得解脫十四為失無所益觀

失失道衍

十五為往觀

往觀謂六情

色聲香味

十六為還觀

還觀還身還十七為

受罪觀

作十二因緣十八為除罪觀

觀斷十二因緣為除罪

是故名為觀亦為二因緣

今有是說止為一切天下人有二病

何等為二一為癡二為愛是二病故

佛現二藥何等為二一為止二為觀

若用二藥為愈二病

止觀為二藥

止觀治二病

令自證

止滅愛觀滅癡

貪愛欲不復食

止觀道滿癡愛即滅

謂之貪

念意得解脫癡已解今從慧

得解脫

得四非常直淨之何即

陰持入經卷上

陰持入經卷下

此經多衍字
他本皆作行

甚

後漢安息國三藏安世高譯

彼愛欲樂為何等為止愛已解意亦

解意已解病便愈

愛之為病
止為下藥

彼癡藥

為何等為觀癡已却解從慧解脫為

病愈如是佛說如是二法當知一為

字二為色二法當捨一為癡二為愛

癡與愛者謂四陰為字四大為色合身
中但有癡愛名而字衍家當以止觀往
消索也

二法當自知一為慧二為解脫二法

可衍一為止二為觀

彼止已衍令識色已識令愛得捨知

大為識色意即不染色矣不染色者
即不墮望故言識色今愛得捨也

愛已解意便得解脫自證知止已衍

滿足便得捨癡

止衍滿足
便得捨癡

已得捨癡

便從慧得解脫自證知若比丘已二

法自知字亦色已二法捨癡亦愛如

是齊是便無所著應衍畢

謂止觀除
癡愛為所

畢欲度世是為尚有餘無為未度

無為

未度者謂已
涅槃未涅槃已無為竟

謂已得
涅槃也命已

竟畢

謂不復受
生死壽命

便為苦盡今後無苦

彼以有是陰亦持亦入已盡止寂然

從後無陰亦持亦入無相連不復起

謂起意滅不是為無餘
謂起意滅無微餘已

得度世無為畢是為二無為種彼不

貪清淨本為何等為三界中不得不

望不求

已得三定者六情不復於三界中有所求索也謂之清淨本

是

名為不貪清淨本是本為誰為不貪

身清淨言清淨亦餘相連清淨法意

所念為本

謂無復邪起所念在三十七品經也

是為不

貪清淨本亦有清淨本佛說為八種

街是清淨本彼為三清淨道種是為

不貪本何等為三一為直方便治二

為直念三為直定是為三清淨道種本

是故名為不貪清淨本彼無患不犯

法本為何等若忍所街未來為不出患

忍因緣為不患不患不受殃無患無瞋

亦不瞋

有患即瞋到若無患即無瞋也

無怨亦不想怨

是為無患不犯法本是故名為無患

不犯法本

亦有三清淨道種一無患不犯法本

為正語二為正業三為正致利

謂得道者

為致利也從身家上取八道街是亦謂從發意止至得道為致利也

為三清淨道種是故名為無患不犯

法本

彼不惑清淨本為何等為從慧見四諦

如有如有應受清淨不愚不惑不隨

惑亦不墮惑謂以得三十七品終不墮是諸惑事也慧明

明相見謂三毒已除為慧明通八直道為相見也從清淨

法是為不惑清淨本是本為誰為

不惑清淨所身行所言行所心行亦

所相連清淨法為意思惟相念所法

本法太三十法也亦為從二清淨道種為

不惑本一為直見二為直行是為從

二清淨道種本是故名為不惑清淨

本是為三清淨為八種道已份在所

隨應份音如部分之分隨佛教應應三十七品所也非常為

如是

彼非常想為何等一切所行是非

常想所想計知是為受已有想計即自知遂作不

受也 是為非常想亦從有世間八法

何等為八有利利心不悅勝矣無利

利德而累耗名聞德聲遠香不名聞

謂之無利也有論議謂之清淨淡泊

謂之無利也若苦謂之清淨淡泊

謂之無利也若樂謂之清淨淡泊

謂之無利也意不墮不受謂之清淨淡泊

謂之無利也若樂謂之清淨淡泊

謂之無利也意不墮不受謂之清淨淡泊

者從若干思不受止護觀思思得止

護觀不使失適也止止不受上者是

名為非常想彼苦想為何等為一切

世間術是為苦所想覺知受

謂知苦而覺減之也是名為苦想從是要為何

等望苦想為已習已增所念已多

衆苦從習為貪已足從危生瞋從癡

生瞋從不問生瞋從貪生為不墮

貪

謂人從貪望得後瞋患得病

已得三十七品為意不受不墮

相事不墮

事速也言道意速不念

若干意護觀為已惡為得止

惡六情也得從是思望致是要彼非身

想為何等為一切法不計身不墮身

言一切四大法不計為身身者為想知想受

是名為非身想從是為何等望致非

身想已為念思為已增今是是自

計我

計是我身也為是為意不受捨

若干意

八十四意即捨不受也不受

駐為觀藏惡得止

息也所以能知

是為從是要致

要者為作非彼惡不

淨想為何等為一切世間術為不

淨所想自知受是名為不淨想從是

想為何等堅致不淨想已為念為思

為已增令世間五樂意却捨意不牽

不受不復墮若干念以得護為癩惡

得跏是為從是要致非要致者作彼為

四思想念衍四思想不衍也何以

故令知五陰謂以得四禪即故佛說

是分別見彼不淨想衍為令色陰從

是解謂四大思盡皆屬色衍家存身

彼苦想衍令痛陰從是解衍家覺身

彼彼非身想衍令思想陰亦衍陰從

是解衍二陰或也

彼非常想衍令識陰從是解識識萬

意不貪善教

彼從止衍止也令受

從是解

彼從觀衍令癡從是解

彼從不貪為捨貪捨去華貪意

彼從不恚為捨恚元有微餘也

彼從不惑為捨癡

彼從非常想令解有常

彼從苦想為解樂想

彼從非身想為解身想

彼從不淨想為解淨想

彼從止攝意能得還是為止想今從

是止禪止也

彼從一切法寂然能得解受是為觀

想今止駐一切知從觀得止住觀分別一切為住一切知也

從欲能得還想是為不貪相今還不與

取止色聲香味細滑邪念名之曰不與受外六欲故言還不與取也

已後不復生癡是為無有恙想今從

然還得止識事亦物是為不惑相為

今得止止所世間所術為所法能受

相是為非常想今知從生亦知從

滅從生者貪欲生何者知滅也識為是

處識識是三為世間術作世間更所

所識想是為苦為所思想是為痛種

處一切所法不住想是為非身想是

為思想是已見身屍已壞青脰為受

是相謂是上說是為不淨思想念上

說為不從是為悔却今寂然止是為

九品處已分別說見絕也為一切無

為部謂定說具足是為誰知多聞少

聞不為慧者不慧不為常意在經為

意相連生為從不分別觀今不得非

常想不受非常想令從是墮五樂令
五樂覆蓋從所應衍失令不解苦想令
墮五陰受人令為意計是身若干本
非一本不捨不觀令不墮非身想為
意在顏色樂計是身為淨不計是皮
肌覆令不墮不淨想不住受不受是
者倒想
也止是想不信令無有想不受喜為
從是四種已除四種四
非常也墮得無為種處
佛說信根比丘欲見知當求在四溝
港種為清淨法相安無六事得衍為
清淨乃墮四意止也
不捨方便相令致清淨從清淨發起
令墮四意止

佛說精進根比丘欲見知當在四意
斷過去所更更四意
止矣相念不忘為從
不忘發生墮四意止

佛說念根比丘欲見知當觀在四意
止為一意想是為定從不惑起令墮
四禪處

佛說是比丘欲知定根當知在四禪
數息為身意止相隨為痛痒意止止
為意意止觀為法意止是四身止五
陰便止是為還還從本校計為慧如
淨是應四禪也

有能得持持持
六情從是發起令墮四諦

由大智起持六
情今意墮四諦

佛說慧根以丘欲見當在四諦為有陰持入經卷下 第八段 甚

四輪好郡縣居輪依慧人輪自本正

願輪宿命有福輪輪者喻車輪也能載致物言人有是

四輪亦載致人於道也四輪應四諦四禪為獨道術也百法四輪義同也

彼為道德共居相是為好郡縣居今

得賢者依止處以得道德依倚相是

為依慧人從是為墮有正願處以得正

願相是為身正願令墮福慶從清淨行

有所入相是名為福令致墮五樂處謂

根為五樂處也彼為戒法十一本一為色持戒

無悔色身也身持戒不犯七惡二為已不悔令得喜

意謂身不犯惡故今意喜三為已有喜令愛生四

為已意得愛為身得猗五為已身得

猗便得樂得樂得道樂止也六為已意

得樂便得正止七為已意得正止便

知如有八為已知如有便寂然九為已

寂然便得離離五十為已得離便得

解脫十一為已得解脫便見慧謂已

常苦空非有慧有慧便知生死已盡十二

滅即生道術已畢所作術已竟不復

還受苦得三活謂之聖淨行足意竭盡謂之竟直入涅槃不還三界受

戒相為何等至命盡持戒今從是教

無悔身不增罪相為无悔從是致喜

令得喜慶可意相為喜令致愛慶

喜足相為慶足令致有猗慶七十

從猗為是為得猗相令致樂慶已無

盡為樂相令從是致定慶致定慶者謂

也一說言戒去惡意隨便不忘為定相

道力能制意令致如有慧慶不惑如

有相隨相是為寂然慶若知非身是

為寂然相得非身念令從是致相別離

慶不近會為相別離意淨即與機離

為從是致解脫已為非法猗不受殃

若獲不退轉及瀟港道是為解脫相

令致解脫意見意見見四為有四道

德地何等為四為四猗者福彼若如

有知智謂世間人但知六入耳是為

見地為得道迹道迹謂是為得道福

彼如有如有知是為惡却離如有知者

知三十七品已知三十七品其意是名為薄

地為有往來福往來者謂斯陀舍所往

彼以惡却為不用惡惡是身不是名

為相離地彼已相離是為不復還福

不還可都舍也終生天上是名為欲

竟地無所著亦猗者福是何義問我

為道弟子有八種道術

謂上四人得道清淨皆得

入道是名為術者為是是福是故名

為術者福何以故為術清淨為名是

為清淨福是為道德有八種清淨道

術為是是福是故名為清淨福彼為

應得道迹云何已諦相應道

已得道迹與四諦相

應弟子便斷三縛結彼為三縛結為

何等一為知身非身二為无疑三為

不貿易術或

持戒之士以取三法治無想定放捨三界不以

此或貿易已斷是三縛結道弟子便

墮道迹不復墮惡道畢竟道七更天

上亦人間已更所在往來便斷苦從

苦得解

謂清淨七死一生乃得應儀

是名為見地

為得道迹福

見地是

彼何等為令意

墮是身亦知是身

問何術今心或有身以為有乎者曰

三聖今

癡為以不聞為世間人不見

覺者亦不從聞者受教或聞者亦為

未分別現正法為意念是色為身遍

觀色為身是色亦為身色亦是我身

痛想術識亦如上說已如是得觀便

受五樂

得觀謂愚者邪見墮五陰為身即悅五欲以為樂也了本曰為

在疑中令疑正要如是

今為受是身

如是者以五樂為樂樂受身想如是捨身受身輪轉皆也

為墮身

為不見是身二為不志三為不疑已

如是道弟子為無疑始盡明大在佛

亦無疑在佛者佛如魏至尊其為

故得六已無而復淨始不為信為

喜為佛如是如來無所著正覺慧

行已足為樂生死絕向涅槃為世間

已解言教化世間已畢所無有過是

法取法隨為師取止也法為教天上

天下為佛取上是得信不疑為隨是

法術為在法無結無疑為信為喜佛

說是法現可學可致謂可致現自更

見言諸善惡事佛志已解為慧為是

所貪飢渴相近已斷人情飢渴于六服

隨已斷謂不隨空無所應得至其心

志與得違故曰不應不愛已壞壞

已盡離愛願盡无三界為

無為謂欲無欲志寂無三界想矣法鏡

以是第二無結謂相

無疑謂結

得法隨法術法謂四意止

為同學聚為無結無疑已有受有喜

如是受得道弟子為學聚會

正受術為如

欲學還本無之聚會也

墮沒也意今意念我為是是是身也

在牽相隨如是有所忍忍著自可以為

受已受見隨衍所可者忍心所可尋

是為邪見墮受是身身以高吾我也

彼為見是五邪令墮疑無有謂無有三尊并

比前比前者前更想衍識亦尔是為

五邪見令墮無有後有餘十五令墮

常而不止非常想也如是見是身已斷便

六十二邪見已捨謂已得道者五陰

便減也今不墮常非常已非常常

為捨便道弟子無倒邪見但為度世

若道弟子為聞聞三十七品為直見

見通經家謂如阿難通為已受度世

無為為已解度世法解三十七品不

復見是色為身遍睹色為身是色亦

為身色色亦是我身痛遇行識已不

見如是如是如上所說何等為三一

便解三結使使疾起何等為三一

便解三結使使疾起何等為三一

便解三結使使疾起何等為三一

便解三結使使疾起何等為三一

便解三結使使疾起何等為三一

便解三結使使疾起何等為三一

應受戒已立定已定慧已得解脫已

成解脫慧已現已致正受時謂受止

相應受之謂戒定慧解脫是為佛第

子衙者聚為四人從衙四變名為八

人道衙四變八人者謂以得慧後而

得類者向類來者得海港向為世

間所重所尊謂斯八人為世明者

為無有比可祠可事可恭為福地無

過是天亦人所事祠神以聖福莫若此

是為第三謂類來已為無疑法

類來在法界中已捨隨法衙一切衙

為苦為苦也已無疑結已受已喜從

愛為習信佛言即結解受法喜發

得道苦亦從愛習苦由愛欲生不知

習之已無疑結已受已解已喜已

愛盡是為苦盡便無疑無結已得

是受便得喜已愛盡是為苦盡無

疑結已解受便得喜為八種道衙

從是受衙令苦盡便不疑不疑不

復結墮解得喜若本有疑不疑在佛

不解在法不解在衙者聚本有疑在佛

僧今落已解若本有疑在苦在習在

盡在道若本有疑在苦在習在

不解隨志所疑惑是如是云何是瘡

為是已解本已斷樹不復住瘡也謂瘡

是五音六義三毒經四六義所向夫

受六音則樂三音身中凡千八百遍指謂眼受

無今身得苦為眼罪也六情俱命如

是解數五音中已解漸覺已散不復

如樹已解不復住也

現言五陰不復現也從來本法不復生

三陰法滅不復現也

彼持術戒轉摸實為二輩一為渴愛

墮二為不解避持術戒轉摸實當以

道而時意買焉天上故言不解避也

又安般樂日轉戒本願當以戒求通

求道而天上樂也

求道而天上樂也

當為得天亦天比當為天上彼字為

甲王女當為是俱相樂共居如是望

如是可如可天上五女如是忍結相

見意向是為渴愛雖持術戒為墮摸

買彼為不解持術戒轉摸實為何等

戒術者為轉買戒轉買為何等為意

生從戒得淨從戒得解脫從戒得要

為從苦樂得度不從更罪福之或

意生從願得度是為不解持術戒轉
摸實已解戒當轉上經三十七品而
何因緣為不解轉摸實意生從被

服一說比三法也亦從願得度

世從苦樂得却離謂却離樂為從是

二業被服亦願為摸何等為摸為是

二戒被服願意計從是得解脫從是

得要從是得過苦樂從是苦樂為

得無為從是不正計法邪為真也

不從是解脫意計從是解脫不正計

為是正隨是術如有隨是上諸行如

忍可意望結見忍生死也可意望可

是從是為解見會是為不解

持戒轉摸賀是為二結得道弟子已

捨言已得皆為捨為無有本已斷有

本也樹已拔不復現從後不復生是

法便為已淨戒如得道戒隨街不為

破持戒不不為穿事焉也謂已

行品其相不為穿入其中間謂

之謂是不為失不為悔但有增如

慧者可言為慧者無有能奪所謂同

縛結道弟子為已斷已墮道迹不復墮

惡法必度世在七往來天上亦人中往

來期畢謂盡七生七死往來上天人

便得出苦出苦出三有四相

相早矣便得出苦界離諸苦有四相

應何謂四相應一為已解相應已解

得道也二為已斷捨相應三為自證

相應謂不還也言苦已斷之謂也四為增滿相應

謂真儀河彼道德弟子從苦為已解

相應從苦已解為從習為已斷捨相

應從盡為自證相應盡自證者謂之

之證也從道為增滿相應彼為止觀

俱隨行謂四諦止觀一處一時一意

應寂然本來有是有意令為作四事

何等為四一為苦從苦已解為苦相

應二為習從習已斷捨為習相應三

為盡從盡自證為盡相應四為道從

道增滿令道相應何以故從苦已解

相應何以故從習已斷捨相應何以

故從盡已自證相應何以故從道已

增滿相應謂說四諦盡為有譬喻如

水中沫行言水負上至竟為有四街

徙是岸邊致度岸邊度就斷脉新水

是亦如是止觀雙俱行一處一時一

意上至至竟謂街末以止義二街斷

道矣一處者源恒為成四事譬如日

出上至竟為現作四事致明壞真現

色現竟此四事以辭四諦譬如船渡

捨是岸邊致渡岸邊

謂善薩如波如致

人物於彼岸也告

致物斷脉止觀亦

如是雙發行

俱行為一處一時一意上

要至竟為作四事為解苦如應相燭

為斷習如應相應為盡自證如應解

相應為街道要如應相應何以故為

苦從更解相應習從斷解相應盡從

苦證解相應道街要解相應止觀亦

如是雙相連行一處一時一意止要

至竟為街竟四事為苦更為習斷為

盡自證為街道滿辟如然燈燭上至

竟為作四事為作明為去冥為現色

為却疑

却消也言却疑不止觀亦如是

為作四事為識苦為斷集

已得三十七品為知不改

之為盡自證為街道滿辟如然燈上

至竟為有四義為現明為去冥為現色

為盡膏炷止觀亦如是

世之為道之

為禁止其觀如使隨行一處一時一意

止至竟為作四事為識苦苦相應為

斷習習相應為盡自證盡相應為街

道滿道相應何以故為識苦苦相應

何以故為斷習習相應何以故為

盡自證盡相應何以故為街道滿

盡自證盡相應何以故為街道滿

道相應為從誰應為從止觀何等

為應應云何持意繫觀已意繫觀

便見五陰苦彼所意繫是為止已

見五陰為苦是為觀謂上分別四彼

所為五陰相近謂五陰與六可發往

欲著願得相往不捨習所是已斷已

盡止觀道亦如是令是道德四諦一

處一時一意上至竟為令四諦相應

如是道道德弟子為是法相法已應是

名為見地見道也已得道脉至道迹跬

為復止觀後重觀令是欲慧使縛為

復除為欲學處得道弟子為往來受

以是術足已從往來便壞苦本是為

薄地便已竟往來福已來得在德止

在道復增止觀令餘愛欲慧所使為

畢捨欲慧未畢捨畢捨為從結

中使結令畢已畢為得道弟子

便解下五結已畢何等為五一為見

身是非二為解疑三為不惑不習戒

四為不望五為不慧是為五結已畢

便得道弟子不復還世間彼度世不

復還是世間是名為却地是為不還

福已致得止不還福却地却諸惡地

也不還諸於彼

得道不還世復增翅止觀今為解

捨上五結何等為五一為色欲二為

不色欲三為癡四為憍慢五為不解

已上五術足為已捨五結便無所著

已度世無有漏已竟從正得解脫是

為畢地言想識處世如虛空故曰無所著上五結術皆已消盡故

無所著尚有妙無為為捨畢已

世間命根盡亦世間苦盡不復生苦

彼以為是陰持入已盡寂然不有陰

持入不相連不復發此經上已解之

身三陰六入絕不復發者不復發起正陰二入也是謂寂然矣故曰不復發也

是名為已畢無為為已說諦相應亦說

份相應份份亦說地四瞋亦說福

說斷斷諸說罪說離說二無為為一

切如是說佛已更度世畢若人欲度世

當術是彼何等為九次第思惟正定

為四禪亦無色正四定亦已盡畢定

為九次第正定彼第一禪已捨五種

隨正五種已捨五種為何等為五蓋

一愛欲二瞋恚三睡眠四不了悔五

為疑是為五種上禪已捨彼愛欲蓋

為何等愛欲名為所為五樂愛著

發性可求隨願發不捨使發起是

名為愛欲蓋彼瞋恚蓋為何等為
若人為發衝拖惡恚相恚非法本
所使所從起是名為瞋恚蓋彼瞋瞋
蓋為何等瞋為身跢為意跢為身止
為意止謂得身意止不為身癡為意
癡為身重為意重為身不便為意不
便為身不使為意不使是為瞋瞋為
何等為意相從今瞋動相動未早捨
至瞋也今不作事是為瞋上頭為瞋
後為瞋是共名為瞋瞋蓋蓋由瞋發
所見故彼不了悔蓋為何等為身不
止悔為何等為所念可不可不得悔
是上頭為不了後為悔是共名為不
了悔蓋彼疑蓋為何等若不信佛
不信法不信術者聚何者聚不解若
習盡道比結使比數有結使也亦從
發是名為疑蓋亦有五疑有縣聚疑
言群疑多人說道有發教疑有道分
別疑言有疑人發口教有欲術定疑有
得道福疑如是是為說定疑是為
五蓋五蓋上已章有說之上人辨
為疑不止之為瞋瞋四為樂五為蓋說
為何等蓋為却對為却一切清淨

法却云何愛欲為却清淨瞋恚為却
等意睡為却止瞋為却精進五樂為
却街亦止結為却不悔疑為却慧不
知本從起為却解明不為五蓋所
故曰明解也

陰持入經卷下

佛說慧印百六十三定解

當知舍利弗如來之身為無身無作
無起無滅無從有未曾造無合無遊
無至無知無
無至無知無
行無止無生
無間無臭無
嘗無更無識
無知忍無志
無思非意離
平去意無所
與無五道三
無聞無惱無
有無畏無可無不可無業無成無言
無更不現非明非冥非滅不滅離滅
已滅為淨極淨彼淨不用非悅非愛
非貪離身已住應於無處非逝非亡
非沒非法非無法非止非無土非空
無有盡捨盡無怨離於天離於獨離
於說離於思非合非不合非極非不
極非去非不去非二非不樂無彼受

無所視無相離相不求相明安徐無
著離著造信亦無二稱如為審如審
如義不負人度無度除無除救無救
說無說二無有等無比等與空等無
度等無生等無得等無休息離息已
寂而寂滿寂散解心善行轉至要一
切報斷成具甚真身明質淨無自惟
無所行行解無解無應不齊不長不
圓不方不讚陰不稱種不譽入不是
數不致數不復生不可見不有知亦
不死不世因無不因身然不致無有
居處非終非始非念非憂非事非靜
非惑相非滅度非滅訖非所造非不
造

此後一紙准品法錄無雜非佛經之通義明
相證皆歸出處上卷末既已記成不須更增

癸卯歲高麗國大藏都監奉
勅彫造

佛說慶喜經

甚

後漢安惠國王藏安世高譯

佛言道人行道若瞋恚意起時即當制已制便念善是為道人行若布施財利得之便計無常不隨身犯謂不犯竅盜姪是為不隨身犯出瞋恚者口亦不言意亦不念是為出瞋恚意中大深聲者譬如人作盜說言汝所作大無狀是為意中大深聲

佛言味味次第者所食物外合之內分別其味令不錯誤是為味味次第菩薩所以得知者前世所食取皆先上父母道人然後自食是故得是三十二相八十種好

佛言菩薩用四事得四無畏一者自身所知亦欲使人志知二者教人無厭極三者等心無所藏匿四者為人說經從後不悔是為四事佛亦用四事得四無所畏一者如法說一者不受他人物三者等心四者戒具佛言復有四無所畏一者如事說二者無所愛惜三者神足四者不與人共諍

佛得頂中光明者有三因緣一者然燈
施佛寺二者愛樂明經三者解人疑
結佛舉右手有四因緣一者用惡人
無反復故二者以善人有反復故三
者現教四者語人無作惡佛舉右手
復有四因緣一者欲令十方人皆來
學道隨行意二者為欲示我所行
福今得是相三者勸人皆令持戒四
者威儀自余亦為不欲見人惡態是
故舉一切右手

佛不著履有三因緣一者使行者少
欲二者現足下輪三者令人見之歡
喜佛行足去地四寸有三因緣一者
見地有虫蟻故二者地有生草故三
者現神足故亦欲令人意止佛行佛
行地高下皆平有三因緣一者本行
四等心欲令一切安隱地在水上水
中有神虫蟻一切值佛足下皆安隱
同心立意是故卑者為高高者為卑
二者諸天鬼神行福為佛除地故高
下為平三者佛為菩薩時通利道逕
橋梁度人故徙是得福故高下正平
欲令人意亦余

佛不飛行有四因緣一者勸弟子欲令精進二者欲令弟子聽經三者報宿命恩四者現相是故不飛行

佛在世時諸天鬼神龍人民皆到佛所聽經數千百重行坐前後皆見佛面所以者何佛前世時言語無前後是故無不見佛面者人卧皆隨佛所首用佛尊故

佛初得道不食七日有四因緣一者念道忘食二者一心不飢三者歡喜不渴四者不念痛痒思想生死識是為四欲使人聽經亦令佛袈裟裏塵水不著外垢不著有二因緣一者不念一切人惡故二者見一切人有欲欲令滅之佛復浣袈裟者外垢不著裏著有身故有垢所以者何外行已盡是故垢不著外內行未盡是故垢著用有身故為內未盡以有身為罪用是故不惜身命所以者何復惜命用命得道故

佛說八十億万因緣經都治人三病一者貪婬二者瞋恚三者愚癡是三事分為六故應六衰治三病經所以

多者譬如人服藥病不愈當更服餘藥佛言人意多端疾轉故多經隨意療之欲使疾解故

佛已得道復有三病六憂六愛者謂憂六入三病者謂心意識慮受故佛已得道有是憂病何況餘人殃罪不畢不得度世佛業未竟不得度世佛棄餘壽二十年有三因緣一者用世間人貪身故二者有所教已盡三者恐惡人誹謗之得罪重故便取般涅槃佛度世去亦不持身去亦不持意去但為苦滅耳地水火風空常在世間無有新時

佛度世燒身有三因緣一者腐爛故二者虫蟻生故三者人以香華持資來得福故

佛笑口有五色光出者有五因緣一者欲令人有所問因所問有益故二者恐人言佛不知笑故三者現口中光四者笑諸不至誠五者笑阿羅漢守空不得菩薩道光還從頂上入者當示後人大明故

佛欲度世去諸比丘白佛言諸在世

聞人皆當從佛得福今佛度世去諸
世間人民當復從誰得福佛言比丘
我雖度世去經法當在復有四因緣
可從得福一者畜生無所食飼之令
得命二者見人得疾病無瞻視者當
給與供養令得安隱三者貧窮孤獨
當護視四者人獨一身行禪念道無
所衣食當給視之是為四事布施持
善意與之其得福與佛等無有異尔
時身皆痛便欲度世去佛謂舍利弗
令說經者有三因緣一者恐佛去後
人不信餘比丘語故二者勸弟子意
令解佛尚令比丘說經何況餘人三者
現舍利弗功德恐餘比丘各自貢高
欲得說經故是故佛使舍利弗說經
佛度世去後諸阿羅漢共責數阿難
佛在世時欲得水何以故不與十方
一切皆當從佛解脫汝何以不留佛
莫令般泥洹佛欲行四神足止住一
劫亦可百劫亦可十劫汝何不勸佛
行四神足阿難言如卿語佛為不得
自在耶當湏我言設使止住一劫在
世間弥勒當邨得來下作佛佛本行

共學道者有八十億万人皆求菩薩
道唯有兩人得道耳一者釋迦文二
者弥勒其餘人有得阿羅漢辟支佛
者佛忍辱過於地心軟過於水意堅
過於須弥山功德過於海水智慧過
於虚空以是故前得佛耳

佛言弥勒不來下有四因緣一者有
時福應彼間二者是間人處無能受
經者三者功德未滿四者世間有能
說經者故弥勒不下當來下餘有五
億七千六十万歲弥勒時人眼皆見
四千里弥勒時人眼見四千里者本
行十因緣得一者不掩人眼明二者
不捨人眼三者不覆蔽人眼四者不
藏人善五者不視煞六者不視盜七
者不視婬八者不視陰私及人短九
者諸惡事不視十者然燈於佛寺是
為十事

佛辟支佛阿羅漢是三人法同行異
佛者為覺意辟支佛為見因緣知阿
羅漢坐禪乃知辟支佛為因緣見生
死相自守不敢離行從見因緣得道
故為辟支佛佛者為通行欲度脫人

故故求辟支佛辟支佛自割身活五百人以木自刺其頸見因緣計校如割土見血是水見万物皆非常便取道有辟支佛先世為菩薩五百劫身已有三十相無二相不及佛不及佛者無善權方便故

佛說生死勤苦三惡道事有瞋人意解便取阿羅漢雖作阿羅漢於中取尊所以者何用前世行菩薩道五百劫有慈心欲度十方人故雖得阿羅漢智慧能曉方俗語初為阿羅漢時不能自覺前世為菩薩佛便說佛功德復為說阿羅漢功德尔乃知佛功德大便自悔欲轉意取佛佛言已得阿羅漢道不可復得轉便自悔言我何愚癡正取阿羅漢道佛便為解意汝智勝餘阿羅漢智慧不及佛阿羅漢自斷苦不斷他人苦佛本行自斷苦亦斷他人苦是故不相及佛言舍利弗有三語忘以知人意一者廣語二者深語三者牽語得是三語有善意即見有惡意亦見有惡意亦見欲意從是三語忘知人意舍利

佛白佛言彈指之間人意有六十生死佛言有九百六十生死復不多要
有三意有善意有惡意有欲意善意
有三百二十惡意有三百二十欲意
有三百二十彈指之間三意并行合
為九百六十生死除善意三百二十
餘有六百四十生死意佛與舍利弗
同行三十七品經智慧不等者譬如
喘息同從諸毛孔出入能覺便但知
鼻息氣出入佛所知悉知諸毛孔舍
利弗所知如鼻孔取舍利弗知分為
十六分滿一佛界三千大千日月天
下點人所知不及舍利弗所知一分
取佛智分為十六分滿一佛界中舍
利弗所知不及佛知一分三十七品
行有三輩有大三十七品有中三十
七品有小三十七品意大得大意意
中得中意意小得小意深妙具行三
十七品便洞達何以故正分分為十
六分人本十六意故佛分別是故
不同
舍利弗知一切法語用時語護語守
語佛便謂舍利弗去非時語用不可

寄人故舍利弗本字優波替舍利弗
先佛度世去有三因緣一為宿命
盡二為不欲見佛度世去三為無所
復度脫舍利弗行受人飯已還精舍
中言當償債謂當坐禪念道為償債
不念道為負債行受人施辭如負債
未畢復更取前罪未竟今復造罪佛
言食人施不可不念道亦自得復益
一切用是故當償債

佛言舍利弗黠第一目捷連神足第
一阿難聞第一羅雲戒第一阿那律
徹視第一佛使目捷連請舍利弗舍
利弗言舉我帶恐不能勝目捷連便
牽帶三千大千日月天地志動不能
令帶起舍利弗便生意當先往到佛
所目捷連從後行先舍利弗至佛知
二人各第一十方天下比丘無有如
羅雲持戒者羅雲持戒有四因緣一
者自念言我為佛子二者謂命持多
三者常自念我為沙門四者持戒常
欲勝餘比丘舍利弗復持一盂水著
海水中撓撓之明旦往取故水去舍
利弗尚能如此何況佛目捷連為人

所過不飛去不能得神足故何以不能得神足用罪未畢故

佛言涕迦沙王行至十二門復還不知其身中六分乘意能為道不知身生意意生身不能分別是佛知可度故便往從宿王不知是佛佛問王行何法好何道而衣毛為豎佛為解身中事空於是便得道不惑斷不得阿羅漢佛言諸行者當知意能得道

佛言昔者末利滿臺學經二十四年得五言解垢下棄離亦不復憂何以故本有命更見五百佛悉通知眾經但問藏經道不肯教人後被病二十四日臨死時乃悔呼人教之有是一福故知五言何況乃具足教人得福德不可計

知利滿臺他本作朱利國特

佛言昔有梅那比丘得病佛使舍利弗往與分衛舍利弗因問之汝眼寧有所識不梅那對言曰眼無所識但見色識生身生病對至故有病身亦不知死設身死者地水火風空皆當滅但為意識移生耳

佛遣舍利弗行分衛遇姪女家女便

開門作治道謂舍利弗言汝不與我共嬉者當入是大火中舍利弗報言寧入是火中不與汝共嬉嬉使人墮惑道無有出時天便來下救之佛言人但不能守戒若能守者終不憂為邪道所中

佛言昔有一比丘坐禪行道佛第難陀飲酒醉數往來到其邊歌戲比丘白佛言我欲避之去佛言不須是難陀於今當得道迹佛即遣阿難往到其家摩訶迦葉隨其後舍利弗為說經目捷連現神足難陀便歡喜即得道迹佛說比丘行道當但堅心者何憂不得道比丘聞佛說此語歡喜意解便得阿羅漢

佛姑子名須那察多隨侍佛八年便生念與我兄弟俱行而獨端正有三十二相便惡意生隨佛後掃佛迹不令人見佛相復於人中說佛無道但言語中人意耳舍利弗阿難聞之便愁憂不樂佛言須那察多不為說我惡為稱譽佛功德耳言語中人意者人意多病故佛語舍利弗須那察多

不校計但瞋耳何以故不計佛有三十二相光明神足但降伏邪道故佛數教誡須那察多正真之言是邪待之禱是故瞋耳

佛有姑姊年老手自作金繯織成袈裟持上佛佛不受如是復言佛當哀憐我故當受之令我得福阿難白佛言可為我受之佛語阿難令持與諸比丘僧我亦是比丘僧不如與衆人後世當為因緣今世相見歡喜者皆是前世親里善知識何以故知之相見意解故佛言世間人相待但苦薄不苦厚

佛言今侍佛者字彌喜次字須那察多次字阿難佛告諸比丘我年老欲得一人侍我舍利弗摩訶迦葉目犍連等各自願侍佛佛言不得摩訶迦葉目犍連因憚思惟知佛欲得阿難便呼阿難言卿當侍佛阿難言我不敢侍佛我不能侍佛目犍連言不得不侍佛阿難言當聽我四事一者佛餘衣我不欲受二者佛餘飯我不欲受三者若有人請佛諸比丘不行我

亦不行四者佛坐禪思道時我當出入得自在佛言大善聽汝所願於是阿難因侍佛是故阿難獨能問佛佛弟子阿難律難提金毗羅三人共坐自思惟七事一者少欲得道多欲不得道二者知足得道不知足不得道三者精進得道不精進不得道四者守六衰使不起得道不守六衰放使起者不得道五者自護得道不自護不得道六者守意得道不守意不得道七者智慧得道不智慧不得道共思惟七事時去佛六十里佛時坐禪即知三人所念便移意往坐三人前言善哉善哉我復語汝一事不念家欲得道念家欲不得道於是三人歡喜即得菩薩

佛語阿難人眼所見四十二万由旬何以知之日月去地四十二万由旬人眼見日月以是知眼所見者十方廣遠之處日月億億万倍譬如大海中沙億億万倍不能計知人所作善惡殃福即前後所作殃福億万不可復計一切善惡要在命盡時作惡造惡處作善得善處殃福皆豫有處皆

踐有父母兄弟妻子得道便止不得道不斷絕也

佛言調達但教人作福不教人行道
佛教人作福持戒守意得道乃止調
達自意生念我當現神足於國王阿
闍世所王隨我餘人亦皆當隨我便
化作一白象獨出入宮中復化作一
小兒端正無比便上王膝上王大愛
之王見調達所作如是王意呼調達
勝佛王便隨調達所語王吏民及未
得道沙門志隨王至調達所問事調
達便至佛所言佛年耆可不須復教
諸弟子調達便呼舍利弗去及諸沙
門去調達癡貪有是惡意因亡神足佛
言癡人所作顛倒非諸佛法調達自
意念言我當飛去人是我飛志當隨
事我因欲飛去便不能復飛調達不
能自覺亡神足時即有婆羅門行等
心便從第一天上來下語舍利弗調
達以亡神足佛語舍利弗調達欲呼
汝重令得罪佛語天言調達未得神
足我知當亡之何況至今佛言人不
當貪調達但坐貪故亡失神足

佛言羅漢有兩輩一名舍沫自憂身得道即欲度世去二輩隨衛皆得度脫佛與羅漢俱行三十七品經譬如燈火佛計校知有幾事知其本末守而滅之阿羅漢不計本末直而滅之佛譬如順樹從本至末分別知之阿羅漢行譬如從末至本從本至末者計本空從不知空者不得道

佛言阿羅漢有盛陰無五陰所有皆現但不著可有有色痛痒思想識無生死佛言阿羅漢有為默以得阿羅漢有三相一者不復犯身口意二者三毒滅三者衣食不用作好但滅飢寒意有是三因緣便能變化自在意不著裴故不得自在佛言意但當分別六衰不當著著便不得道

佛言阿羅漢飛行有二因緣故令人不見一者恐人見便多供養二者恐惡人嫉妬之佛言現神足復有兩福一者人見飛行便精進念道二者從人受施今得大福用是故現神足意喜故便得大福

佛言有羅漢名憍梵鉢已得阿羅漢

道及作牛飼弟子問佛何以故佛言
是比丘前世宿命時七百世作牛今
世得道餘習未盡故佛語比丘當念
身無常有一比丘即報佛言我念非
常人在世間極可五十歲佛言莫說
是語復有一比丘言可三十歲佛復
言莫說是語復有一比丘言可十歲
佛言莫說是語復有一比丘言可一
歲佛復言莫說是語復有一比丘言可
一月佛復言莫說是語復有一比丘
言可一日佛復言莫說是語復有一
比丘言可一時佛復言莫說是語復
有一比丘言可呼吸間佛言是也佛
言出息不還則屬後世人命在呼吸
之間耳佛語諸比丘當會坐一切但
當說法語不能者為閑目聲守意善聽
可從得道諸比丘聞佛說此語歡喜
意解即得阿羅漢道

佛言比丘入人舍中當如手在空中
無所罣礙意亦無所著耳聞可意是
為著聞不可意是為著有一比丘白
佛可以不可皆善當云何得道佛言
比丘意解空都無所著是應善薩行

諸比丘聞此語皆歡喜踊躍即得無所從生法忍

佛言有一比丘於山中坐歎息有一人問比丘卿為道何以歎息比丘報言我在地獄中時五毒極痛今得作人復得見佛經戒而復不得道畏死復入是惡道中是故歎息耳為比丘亦憂俗人亦憂經戒亦自憂身善意不可得常或有因緣來時便念妻子錢財是為墮惡道

佛言有一比丘到優婆夷家分衛因為說經優婆夷便長跪淚出比丘說經至夜半優婆夷長跪不起比丘言我行說經未曾見人精進乃尔優婆夷報言我家有一驢鳴至夜半便死是故淚出耳佛言人說經不在為多但問解慧不也有一比丘聞佛說是事便往問佛言為我說一要法令我得道佛言非汝物莫取是汝物便取於是比丘即自思念天下万物皆非我許獨善是家物於是比丘因白佛言我已解佛言解是便為道耳時有一比丘聞佛說此語便往問佛舍利弗

為得是末佛言舍利弗志得比丘言
舍利弗何以罵我持袈裟拂我面佛
言呼舍利弗來問之舍利弗言我無
惡意所以罵者欲令忍辱所以持袈
裟拂面者欲令眼耳鼻口淨故佛語
比丘是舍利弗善權方便所作於是
比丘歡言即得阿羅漢道

佛言昔一人往難比丘言人死識念
思想所知皆滅行道得定意所知亦
滅有何等異比丘報言俱滅人死命
盡神不滅隨行所生但微不可便見
所得不同為善昇天為惡入淵以是
為異

佛言有一比丘到優婆夷家分衛見
端正好比比丘便生邪念因起優婆夷
即取飯具與之比丘便捨去我不應
受人施優婆夷便報之言已有悔意
可受施耳優婆夷復報比丘便受佛
言譬如人有惡即覺罪滅比丘受施
無有罪佛告諸弟子能計空制意如
彈指頃即可得道

佛言有一比丘坐得定意有一優婆
塞見坐處不平牽起示其安處優婆

塞後得五百劫不得安隱何以故斷
道念故佛告諸弟子有說經慎莫其
中斷斷經罪重不可計

佛言有比丘行道得一禪自言我得
道迹第一禪福上生第七天上壽一
劫得二禪自計得斯陀舍第三禪福
上生十五天壽八劫得四禪自計我
得阿羅漢今我何故不得生第十九
天上壽十六劫作是言已便言佛為
兩舌耳即時從天墮地獄中不覺失
天上壽便受地獄罪譬如世間人得
珍寶一日為火起盡燒之人生惡意
為橫燒善意

斯陀舍下諸本並脫出
大壽劫及得三禪等文

佛言人善惡相隨無有解以唯得道乃
離俗耳佛言日中後不食有五福一者
少婬二者少卧三者得一心四者無有
下風五者身安隱亦不作病是故沙門
道士知福不食燥漱有三因緣一者
為恐介下垢故二者肥痒隨可意三
者無憂故故亦欲使意淨無欲復不
汙經此者適可除外垢心念惡不能
除為學人第一當淨心為本心為法
本心正則行方行方則應道

佛言昔有沙彌與師共行見地有金便默取之語師言疾行是間無人其可畏師言但坐有金故今汝恐耳棄金去使不復恐弟子便為師作訛言我愚癡無所知故今已棄便不復懷於是佛告諸弟子學人貪道如沙彌貪金何憂不得道

佛言有比丘學道從師受經不精進師教取牛馬糞數升燒之至冥不盡師取大石持地獄中火燒之即作灰弟子大恐長跪問師是何等火師言汝不讀經行道死後當入地獄獄中火燒汝不復移時於是比丘惶怖便更精進日聞一阿舍便得羅漢道佛言善權方便度人如是

佛言阿那含有三結一者癡結二者世間愛結三者見未諦未盡結阿那舍譬如火上焰煙起不能有所燒湏陀洹除八十八結斯陀含除七結阿那含除三結阿羅漢無有結湏陀洹得道迹斯陀含為往來得道阿那含為不還世間阿羅漢為不復著何等為得道迹謂識苦世間人皆不識苦

須陀洹為識苦斯陀舍為棄習阿那
含為知盡阿羅漢為行道已竟得須
陀洹別百劫乃得阿羅漢何以故乃
百劫須陀洹餘有十結不斷不得阿
羅漢須陀洹但自憂身畏罪不敢豫
世間事餘有十疑結不解不解故便
止住須陀洹所棄常有五下結一者
貪欲結二者瞋恚結三者見行結四
者戒貪福結五者疑意結亦謂從六
天以下以至世間貪欲瞋恚貪身願
疑為下結須陀洹見因緣者謂不犯
五戒時當死死不犯餘人見急恚犯
五因緣須陀洹斷故受新阿羅漢新
故志斷苦薩畢故罪罪畢得道乃知
非常苦空非身非道道人行道不當
有所著行須陀洹得須陀洹行斯陀
舍得斯陀舍行阿那含得阿那含行
阿羅漢得阿羅漢行辟支佛得辟支
佛行菩薩得菩薩佛言學者隨意所
作便得其報如影響相隨
佛言鉢有四名一名為不供食二名
為戒三名為受四名為從是得福無
有瑕穢便應受福持鉢便立戒意中

無惡念

佛言阿羅漢不食肉者計畜生從頭
至足各自有字無有肉名辟支佛計
本精所作不淨故不食肉佛計一切
天下皆空無所有有便滅滅復生要
歸空故為無所有諸弟子聞經歡喜
為佛作禮而去
佛說慶嚴經

癸卯歲高麗國大藏部監奉
勅雕造

佛說罵意經

甚

後漢安恩國三藏安世高譯

佛說罵意十方虫蟻一切皆數已十
方虫蟻一切亦數我何不知慙十方
虫蟻一切我為作婦我亦一切取十
方虫蟻作婦何不能作愧在生死大
久不可數當種習道不當習種畜生
業犯姪姪有五罪一者亡錢財二者
墮驚怖三者畏縣官四者得怨禍五
者已命盡墮惡地獄中

人從色飲食得身作人無所畏沮恐
得畜生從入地獄餓鬼中耳道人除
黷緩行乞食忍於飢渴去家棄財產
目不妄視守護六根避惡因緣為欲
脫苦又起一意有百劫殃辟如種穀
百倍万倍穀無所知常得万倍人意
有知恐不當耳

人坐行道若見海水虫若所有物皆
前世水中虫物若禽獸通世作禽獸
今世得因緣故罪但當行多所見皆
為罪當覺是意前世為共地獄中
過去罪為表現在為罪未為殃惡有

父母癡為惡父愛為惡母善亦有父母三十品經為善父六波羅蜜為善母復有父母佛為父法為母隨佛語案法行是為父母行人墮地獄中鬼欲持棒擊之其人意便念鬼會當復滅不得久意念如是則便解脫生天上

有六事沒法一者不事佛二者不事法三者不事戒比丘僧四者不事點人五者不多教人精進行道六者論議賢者却是六事為增法

不當於福中作罪寧於罪中作福人在學處不行道誦經是為於福中作罪人得病瘦縣官水火亡錢財不憂是為罪中作福不當於福中作罪燒香散花乘車訶作是取是供是為福中作罪

煞有九輩罪有輕重寧煞千頭蟻不煞一頭蠅如是上至人煞大得罪益大作百佛寺不如活一人活十方天下人不如守意一日人得好意其福難量

施與惡人物後當與惡人為因緣是

為受惱施與善人物是為福相從亦不當受惡人物後與相違是為惱得惱寧受善人物施與善人物不當受惡人物施與惡人寧與惡人物不受善人物寧受善人物不受惡人物人得惡意當斷得善亦當斷惡意者地獄畜生餓鬼善意者天上人中一切當斷有五魔生亂人意令人不得道一者天魔二者罪魔三者行魔四者惱魔五者死魔道人行道當覺是五魔有五事十方佛無能制者一者宿命當忘二者命應當上生三者命當盡壞四者命當老五者命當死是事无能制者

人在生有四事一者有善計善相隨二者有惡計惡相隨三者有善計惡相隨四者有惡計善相隨

人所有所念意亦滅身亦滅所見因緣亦滅後世行受殃福者譬如種果今年已熟墮地後年復有果罪譬如樹意因緣譬如果人所作善惡有四神知之一者地神知之二者天神知之三者傍人知之四者自意知之有

三因緣圓道一者行二者受三者殃作惡事是為行已生是為受已受為殃有五層家子暮歸便念道後壽終於惡道中暮夜以五樂樂之至明復以五毒治之

有二輩人受佛語謂已黠人亦癡人是為二輩三事不可見辭如持戒諸惡不可見

道人傳經已行道有四受攝一者行道一心無所食飲得受人禮二者素貧窮無所有得受人禮三者居自有足不得受人禮四者人身行道不食取足不得受

人語應經法當受不應莫受聞經亦亦為人說經雖亂人意無有罪何以故本說經時不欲亂人意說經雖亂人意辭如食毒當死因教服止毒藥便不復死佛經辭如止毒藥道人有四事火不能燒兵不能加一者佛所使未受二者得滅盡三者得四禪四者在道意不在生死

佛在世時到人家主人便開門不欲令餘人見佛後世兩目無所見是故

佛經欲發露燃燈得天眼亦得遠見
亦得光明作娃得好眼駐與麻油膏
得好瞳子與火得識諦從是因緣得
好眼與燈後世得金銀珠寶器
人來說惡事迷亂人意是魔所作當
覺是名好人得惡父母是為罪魔人
來罵但有風耳當避之是為惡風不
避反為惡人風所中從是五得坐是
五行墮惡道

入衆人聚會中有四輩事應牽出一
者非法說為亂人意到使牽出二者
見所語非下制為牽出三者見所為
不是不教為牽出四者所問不如法不
復與語為牽出衆者此近道人衆中
坐臥坐穢齷人有四因緣一者宿命
當從受罪二者魔來壞人不欲使得
道三者不索淨處四者不等心
有八輩人不可信一者貪人二者嫉
人三者瞋恚人四者輕薄人五者吏
人六者異心人七者怨家人八者女
人縣官水火起玩利刀是不可近近
便煞人
貪愛經有五輩一者欲使人知我有

經多欲自貢高得名聞故二者欲持
行窮人自不解三者欲依經受人礼
四者一切欲令人皆從我受經我為
師故五者求經欲脫生死得度世道
可與經道

學經有五輩一者意欲多聞經二者
欲多行福三者欲解經四者為他人
說經五者欲斷生死

五嫉者一者如人共事師欲令獨愛
我不欲令復愛餘人是為居嫉二者
自念我但作人獨生小姓家是為生
嫉三者見他人富有願欲與等是為
財嫉四者佛有深經獨欲得之不
欲令餘人得之是為經嫉五者見他
人端正自念我獨不如是為色嫉犯
是五嫉不得道

道人莫墮五諍一者諍佛二者諍法
三者諍戒四者諍經五諍賢者道人
莫諍有是無是也

有五誤堅一者身誤堅二者要誤堅三
者邪誤堅四者貪誤堅五者誡誤堅
有七姪一者見衣被色二者聞珠環
聲三者聞婦人語聲四者心意念談

女人五者眼視六者念夫婦禮七者意思思想犯是七婬不得道人喜忘有五因緣一者身忘二者多念念三者著愛四者見著五者本宿命者謂故世惱入斷語驚怖人勞忘謂意念等飲酒得毒四分飲水得天氣四分卧出得死四分說善言得天四分說惡事得地獄四分地獄王有婦弟死當入地獄中婦白王言莫令我弟入是獄中王言汝為我止之其弟欲入婦言是獄門不可入弟言是中多所有人有直取他人犁輓用不報其主犁已欲還之佛言不應尔已為盜人言我欲作金輓償之佛言盜不解人持戒乃孝順報父母恩耳何以故不然方物得長生不盜物皆富不婬不亂不欺皆信不飲酒皆淨父母有時隨喜是中便安隱於佛寺中齋宿不得卧沙門繩床搶橙机上及被中皆為犯戒

人請道人道人未食不應問經道人為說有罪道人食乃得問經道

不持戒不行道居佛寺中不如自投
釜中釜中燒一身耳不持戒不行道
在佛寺中燒無數身

道人亦應說經人有問經者無違人
持物上道人不應問經後乃得問受
物亦不應說經有罪

道人有五因緣請不可行一者請甲
不如乙不當行二者請乙不如請
甲不當行三者若請甲甲言為故
請乙乙不當行四者我從遠方來即
時不請後乃請不應行五者若怨家
不相便與之同里相近若坐中不當
行何以故睡眠用止意故止有三輩
一者生死行止二者道行意不至生
死因緣意中止故復睡眠人喜睡眠
有三因緣一者多食二者飲三者憂
復有三因緣一者身休息二者餘意
極卧出更受意三者留受故

人卧出有意有識有壽有命有端有
息晝日凡三万六千五百息小完等耳
有八行除睡眠一者小食二者坐三者
立四者經行五者誦經六者視星七
者洗面八者觀骨不解當念諸善事

意已轉當自還物欲得福道定意故得念餘事已自解

有身得福有口意得福有空得福亦有身得罪亦有口意得罪亦有空得罪空得福者謂夢得金銀珍寶豪貴富樂是為空得福空得罪者夢人來煞人若侵人是為空得罪口教人作惡若勸人煞人後因緣橫為人所捶是為坐口罪意自作因為緣人所傷煞是為意罪

人所以有善惡夢者欲飲食無有物但有意因夢好飲食意欲煞人因夢人來煞之皆有因緣或前世後世或現世上夜夢者朝暮現在事

夢所為善惡皆意所作所對亦俱意譬如有人直取一物觀視已便藏去之雖不見意念即來與見無異前世所作便自與今世意作對

人死後復坐住者用生時喜作鬼恐人或出得病時語邊人叫我覺以是故已死復起坐住

墮龍中有四因緣一者多布施二者多瞋恚三者輕易人四者自貢高坐

是為四事作龍上頭一得福後三事得龍身

律經說諸畜生有角者為前世喜著角橫又為好得角罪畜生身或有異色者為著彩衣有惡意貪以為好故得是罪

鸚鵡有赤脣紫赤足者前世喜彩衣朱脣女人喜著長裘後世墮雉鸚鵡中長尾皆過世所喜今因得之

人及畜生身體多瘡者前世以木竹刺生魚畜生口故今世得罪如是若人畜生覩見有喜者有瞋恚者為前世相與善今世相見便喜前世不可故今相見不喜

作畜生為惡福得食便喜是為惡喜謂其人前世作惡已便喜故得是福畜生不得美食有三因緣一者不習二者善福盡三者罪使自然

畜生亦欲色聲香味細滑亦自相與語但不能如人語耳女人有鬚者故世從羊中鷄鷩地中來以故有鬚魚鼈無聲者前世斷人語頭故與生不即生乃七日乃生故著草木在乾

處四五十歲得水乃生所以多子者
作惡人多罪同俱生好瞋惡嫉妬癡
姪行是四墮獼猴中作事不安諦亦
墮獼猴中人好作倡伎後世墮鳥虫
獼猴中喜學無祠祀後世墮羊中何
以故斷人頭皮剥皮解或前世喜却
人解取人衣被故得殃毒亦復前世
却人解取人衣被令寒凍向火故自
先得是殃吐然自凍入湯火中死愚
癡喜煞後世作猪鷲怖人後世作鹿
多貪嗜美後世作蠅好捕人後世作
驢所以長耳者好挽人耳畜生好搏
人耳或故世征卒何以故一卒傳餘
卒皆作聲一驢鳴餘驢亦鳴負債不
償作牛牛所以破蹄者有二因緣一
者負債二者好著木屐以作好馬所
以完蹄者有二因緣一者負債二者
好著木屐以為好
有六人共為伴俱墮地獄中同在一
釜中皆欲說本罪一人言沙二人言
鄉三人言持四人言沙五人言姑六
人言陀羅佛見之便笑目連問佛何
以笑佛言有六人為伴共在地獄釜

中各欲自說湯沸踴躍不能得再語
各一語便復沒第一人言沙者世間
六千億萬歲在地獄中為一日當何
時竟也第二人言都者無有期亦不
知當何時得脫第三人言持者咄咄
當用生為治生如是不能得自制意
過世我所多少不知厭足第四人言
涉者我治生至誠亦令我財產屬他
人我為得苦痛第五人言姑者誰當
保我從地獄中得出便不復犯道
樂得上天受天下樂者第六人言陀
羅者是事上頭本不為心計譬如駞
車失大道入邪道折車輻悔無所復
及佛說四關從世間上至第六天為
死關從第七天上至十八天為空關
從十九天上至二十三天為非常關
從二十五天上至二十八天為出關
出是四關為出要極福不過二十八
天極惡不過阿鼻涅槃其餘殃罪皆
有多少從一事便有三毒從三毒便
有三惡道無有三惡道人亦皆得道從
阿鼻大涅槃至六天同為一界從七
天上至十九天同行四等心復為一

界從二十五天行非常苦空非身上
至二十八天復為一界不脫二十八
天三毒未盡復下作人往來三界欲
求出要當滅思想

從阿鼻摩訶涅槃上至第六天為欲
界從七天上至十九天為色界從二
十五天上至二十八天為無有色界
無有思想亦有思想從阿鼻涅槃以
上至二十八天為生死界過二十八
天為無為界斷貪婬乃到色界斷瞋
恚墮無思想界斷愚癡乃到要出三
界有三處一者從阿鼻涅槃上至六
天為貪婬處二者從七天上至十九
天名為行色著三者除四天上至阿
那含從二十五天上至二十八天無有
思想亦有思想名為行無有色是為
三處墮生死轉行色著譬如火光但
可見不可得持也在貪欲處在喜色
處是為三處從涅槃畜生餓鬼貪婬
色當出向三活在願何等道
要有三本有惡本有善本有道本地
獄畜生餓鬼是為惡本從人中上至第
六天是為善本從第七天以上出十

二門是為道本已到二十八天不得脫者有三因緣一者貪二者有癡三者有意故不得脫已出十二門當願無有意三毒不斷不上脫者未盡故二十八天何以故先身本世間時不貪身散意故斷外七事上第六天受福斷內三事上十八天上從二十一天為四處屬阿部舍

行十善有生第一天上者有生第六天上者作善有多少故不同處行十惡有入地獄者有入畜生餓鬼者作惡有輕重故不同處行善復得惡行惡復得善善中有小惡惡中有小善微不可見善中無小惡亦不復墮惡中惡中無小善亦不得出極惡極惡不過阿鼻泥犁極善不過二十八天不覺知微意故不得脫也一切從行十善得生天上人中天人所以化生者本在世間時不向色覺惡露不淨從是得化生有向意便當更女子胞胎諸天得化生有五因緣一者不近女人二者意不起三者不願小兒四者喜獨坐五者不用世間不貪身亦得化

生也

人命欲絕時當持意念息已意者著
喘息有時從第一天上是意息觀身
有三十二物者計髮毛齒骨皮肉五
藏十一事屬地涕唾膿血肪髓小
便七事屬水溫熱注消食二事屬火
風有十二事是三十二物皆從地水
火風出何等為地人生從穀精氣穀
為地意為種精氣為水兩便合生身
故求一衣一食是為養氣護主人身
為本無故滅盡無常得道便知身非
身念身不久要當死敗意為人種便
守意一心癡人不可守護魂魄神但養
四柯為色味所欺謂身是我計不知
惡一切從身起飲食貪味便墮苦往
來生死不脫今逢惡對魂魄空去趣
善惡之道身死墮地日夜消腐亦本
無所有但意行故化成身死皆歸土万
物亦尔皆過去是為非常人不自計
多念万端皆不為一已是为苦身死
索素万端亦尔亦滅是为已復生生
復苦便作善惡行種栽未知所趣是
為非身道人行道當為断人不知四

非常終不得道已自計身親諸死敗
知人物皆空空無所有意便守止得
行歡喜已得行心便安不離五者其
心一是為道

已自計身知無所有便身意止痛痒
意法亦身意止止謂三事痛痒止痛
痒意止謂四事貪欲止意止內三事
思想止作意止謂識滅外法止是為
四意止止便守守止便觀故經言止
觀俱行為得四諦

故佛言獨坐思惟自意謂思惟滅也
痛痒思想生死識自意止者外滅意
止常行如有見道為如有坐行便自
見故經言比丘能如是內意止乃守止
是意當先觀思惟滅念念待自意便
守意意不出身為道人待外謂万物
念在內謂意識欲滅念待常念念非
常敗皆非我所我亦非物生慧念念
死時持何等法持善持一心持觀經
多樂故佛言是汝物持去其餘一切
皆非我所意當識念何等思愛會當
別離各自消滅念之但亂人意墮人
罪要有還身守學起泥洹道

佛從一心至九道念四色皆當消滅
謂人死四日三日欲是敗色轉正青
五日六日膿血從口鼻耳口中出正
赤後肌肉壞敗腸胃生虫還自食肉
革消腐骨頌正白久久轉黑作灰土
地水火風空皆非我所意汝從無數
世以來亦為人作妻子奴婢亦作畜
生牛馬豕犬畜重負債亦為人所屠
剥膾炙今為人後取人作妻子奴婢
亦取畜生牛馬豕屠剥膾炙剝自
在身死皆當復受行道人法寧見人
死氣絕便無所知身純正直便竟壞
可惡諦念便畏不欲見何以故不怖
今人上天得泥沮道也
佛知九道皆空無所有故還就一心
行道人意滅念停無所他如便至物深
回行劫深俱在所見用不在故不見
意欲貪念非常敗經當念對瞋恚念
等心是歡念本行不常無為安隱人
不知非常終不去貪亦不離群為道
世間所有如夢身夢飲食是好覺便
不見世間所有如是生便死成便壞
要皆歸空當何樂貪人有妻子財產

亦尔何以故人治生得錢財利時若
室家合會喜樂辭如飛鳥聚會亦皆
無常一旦別離亦便不見正使有常
憂恐万端意在生死中為日積罪點
人自約少欲趣求一衣一食從定意
行不求地止常還身守淨斷求念
空問曰行道守意本從何起說曰天
地性成人從十五天上来下壽無有
夭拔生死五道從六衰起人生心意
本自善無有貪愛痛痒思想生死識
為目耳鼻口所欺目先視色耳聽音
鼻知香口知味心為念作十事成五
陰意為識合為六衰因作善惡行種
成我從是便有老病死生五道求道欲
斷生死故自守意止目色止耳聲止
鼻香止口味止身好斷六衰行觀壞
心念坐禪滅意識得道者五陰悉滅
知本無便念空想空徑向涅槃門於
已守者意為識主行故要六衰為禍
行種五道根本道人精思自守四意
欲止無邪念識思想走何道人欲滅
念識思想當一切行不當斷身十事
身口意三事者定五陰六衰乃正三

定者口無所知為口定身無所知為身定意無所念為意定也

意有四病癡多者謂五陰多五陰多意便走不得行不得行便自瞋恚便煙念起不能制便墮癡故行道要當斷五陰斷五陰痛痒不安多欲是師曰身不欲行用多疲極故意不欲行不欲念死敗苦空故

問曰何等為本生師言謂不疑為本根生何等為向何等為對何等為行師曰不轉意為向不轉念為對可意為行

問曰是何等田誰名為田意汝為有意田家不知為無意耶田家不覺汝為有意覺田家為無意不覺耶可言意覺煙味亦意何以故不覺近出家無有田如是為是問有意佛鄉里無意耶如是為本無身意但自作是得是譬如五種本亦無有種便生人生亦本無有種便有如燃火焰出為熾熾去薪便止人自計身非身万物亦止難曰本無有意所以守何師曰用本無故可守滅本有不可守

師曰道有四要一者衆持戶二者知身
非身便壞身不復愛是為從人得出門
第六天上戶三者知非常意不復向
是為得出第十八天戶四者如空滅
空是為得出二十八天戶空滅乃墮
道故經言行道覺者得出謂覺若空
非身非常得出者謂得出四要界得
第一禪上七天有身但有影何以故
行道壞身故念身觀頭髮腦念髮本
無所來作為化成皆當腐落腦如凝
米粥皆當臭敗眼但有穴水皆當汁
出空耳但有穴皆垢水漏鼻口唾涕
皆當流出棄散消壞舌咽喉肺捲肝
心心中惡血膽膈脾著胃腎著脊骨
睛中有味消食大腸有屎小腸有穴
有溺發便少腸皆當腴脹壞爛腸膈
屎溺相澆潰臭惡可惡下有尻肉血兩
脰脰兩足肌肉消盡筋脉壞敗骨鏤
節節解墮脰脰正白髀骨如車輪
尻骨與脊相連髀骨與肘臂手相連皮
革亦消腐節節解墮頭骨與髑髏相
連血肉消盡還作灰土一切蠕動出
氣不報便以過世身體挺直不復動

攝火去身冷風去氣絕汗從九孔流出
便為水去不復食為地去三四日色
轉青黑膿血從口鼻耳眼從九孔流
出正赤肌骨肉壞腸胃五藏支節一
切還為灰土視万物如是自身亦亦
皆滅盡為空出息入息諦知為空便
可近道

佛說罵意經

癸卯歲高麗國大藏都監奉
勅彫造

佛說分別善惡所起經

卷一

七

後漢安息國三藏安世高譯

佛在舍衛國祇洹阿難所垣阿藍時
佛傷哀諸所有生死之類故結出識
微分別善惡都有五道人作善惡有
多少瞋恚有薄厚天道無親常與善
人何謂五道一謂天道二謂人道三
謂餓鬼道四謂畜生道五謂泥犁太
山地獄道人不求度世道者生死憂
苦不斷絕往來五道不得解脫賢者
黠人厭於憂苦見師則承事不見則
思師教誡師教人去惡就善示人度
世之道父母養育老病死亡二世耳佛
度人万世不極賢明智者宜熟思惟
之佛告諸弟子皆聽我為汝陳說善
惡之禍福諸弟子皆長跪叉手言諾
受教佛言人於世間慈心不煞生從
不煞得五福何等五一者壽命增長
二者身安隱三者不為兵刃虜狼毒
虫所傷害四者得生天天上壽無極
五者從天上来下三世間則長壽今
見有百歲者皆故世宿命不煞所致

樂死不如苦生如是分明慎莫犯然
佛言人於世間不取他人財物道中
不拾遺心不貪利從是得五善何等
五一者財物日增二者不亡遺三者
無所畏四者得生天天上多珍寶五
者從天上来下生世間保守其財產
縣官盜賊不敢侵犯取其財今現有
係財至老者皆欲世宿命不敢取他
人財物所致也亡無多少令人憂惱
亡遺不如保在如是分明慎莫取也
人財物

佛言人於世間不犯他人婦女不念
邪僻從是得五善何等五一者不亡
費二者不畏縣官三者不畏人四者
得上天天上玉女作婦五者從天上
来下生世間多端正婦今尊者見有若
干婦端正好色皆欲世宿命不犯他
人婦女所致也見在分明慎莫犯
他人婦女佛言人於世間不兩舌謔
人不惡口罵人不妄言綺語從是得
五善何等五一者語言皆信二者為
人所愛三者口氣香好四者得上天
為諸天所敬五者從天上来下生世

聞為人好口齒他人不敢以惡語汗之今見有從生至老不被口謗者皆故世宿命護口善言所致也如是分明慎莫妄譏人

佛言人於世間不飲酒醉從不醉得五善何等五一者傳言上事進見長吏語言不謬誤亦仕官如意二者家事修治常有餘財三者假借求利疾得亦為人所敬愛四者得上天亦為諸天所尊重五者從天上来下生世間潔白自喜黠慧曉事皆從故世宿命不飲酒所致慎莫飲酒

佛言人於世間不持刀杖恐人不以手足加痛於人不鬪亂別離人已所不欲不施於人從是得五善何等五一者身體強健二者卧起常安隱三者為諸天龍鬼神所護視四者得上天天上樂無極五者從天上来下生世間身體完具無疾病今見有從生至老無有疾病者是皆故世宿命不加痛於人所致如是分明慎莫加惡於人

佛言人於世間和心不瞋恚見賢者

敬之愚者忍之徒是得五善何等五
一者為人所稱譽二者人見之皆歡
喜三者身自安隱亦潤澤好四者得
上天天上端正淨潔五者從天上来
下生世間為人善性端正姝好今見
有好人万人之選皆故世宿命和心
善性忍辱所致也不瞋恚如是分明
慎莫瞋恚於人佛言人於世間孝順
父母敬事長老恭執謙卑先跪後起
後言先止常教惡人為善從是得五
善何等五一者為人所敬愛二者人
皆道其善三者自意歡喜四者得上
天為諸天所敬愛五者從天上来下
生世間為衆人所媚愛今見有善心
孝順為衆人所媚愛者皆是故世宿
命孝順敬事長老所致如是分明可
作孝順事於長老

佛言人於世間用諫曉事善心好意
敬事尊老禮節兼備從是得五善何
等五一者仕宦得好職二者在官疾
還賣買得利三者百姓見之皆歡喜
四者得上天諸天見之皆歡喜五者
從天上来下生世間為王侯公卿作

子皆故世宿命行札作福所致如是
分明慎莫憍慢於人

佛言人於世間不慳貪好喜布施愛
視諸家親屬貧窮者若乞兒飲食
常當使飽衣亦當完好從是得五善
何等五一者財產日增二者為諸天
下人所稱譽三者為州郡國所尊敬
四者得上天天上所侍五者從天上
來下生世間大富樂為衆人所敬皆
故世宿命布施行善所致如是分明
者亦可行德布施佛言人於世間有
明經賢者若沙門道士喜往問度世
之道心不嫉妬貪愛高遠賢者從是
得五善何等五一者得點二者多聞
亦多知多見三者多敬難之四者得
上天天上識所學五者從天上来下
生世間即明經曉道為國家所敬重
亦為人所歸仰今見有明經曉道者
此皆故世宿命作道行德所致也如
是分明亦可行道德佛說經已諸第
子皆歡喜前為佛作礼

佛言聽說作惡得惡諸第二皆又乎
言諾受佛教佛言人於世間喜然生

無慈之心從是得五惡何等五一者
壽命短二者多驚怖三者多仇怨四
者刀分已後魂魄入太山地獄中太
山地獄中毒痛苦冷燒炙炆煮斫刺
屠剥相腸破骨欲生不得犯煞罪大
久久乃出五者從獄中來出生為人
常當短命或胎傷而死或墮地而死
或數十百日而死年數十歲而死者
今見有短命人若形癰瘡身體不完
跛蹇禿偻或盲聾瘖瘂鼻塞塞或
無手足孔竅不通皆由故世宿命屠
煞射獵羅網捕魚殘煞或害龜鼈蚰
虱所致如是分明慎莫犯煞

佛言人於世間偷盜劫人強取他人
財物求利不以道理欺詐取財物輕
秤小斗短尺欺人若以重秤大斗長
尺侵人道中拾遺取非其財負債借
貸不歸誑爾以行五人從是得五惡
何等五一者財物日耗減二者王法
所疾覺知當辜少有脫者三者若身
未嘗安歸常懷恐怖亦自欺身四者
死後魂魄入太山地獄中太山地獄
中考治數千萬毒隨所作受罪五者從

獄中來出隨所負輕重償債或有作
奴婢償者或作牛馬騾驢駱駝償者
或作猪羊鵝鴨鷄犬償者諸禽獸魚鼈
之屬皆是負債者經言債不腐朽所
謂也今見有下賤畜生之屬皆由故
世宿命貪利強取人財物所致也畜
生慙苦如是見在分明慎莫取他人
財物

佛言人於世間姪姪犯他人婦女從
是得五惡何等五一者家室不和夫
婦數鬪數亡錢財二者畏縣官常與
搗杖從事王法所疾身當倍辜多死少
生三者自欺身常愁畏人四者入太
山地獄中太山地獄中鐵柱正赤身
常抱之坐犯他人婦女故得是殃如
是數千萬歲形乃竟王者從獄中來
出生為鷄鳧鳥鴨人魂魄無形所著
為名今見有鷄鳧姪姪不避母子亦
無節度亦有犬馬之貞狗貞於犬畜
生之屬皆有信足而鷄鳧姪姪獨無
止足皆從故世宿命姪姪犯他人婦
女受是鷄鳧身當為人所取食如是
慙苦不可數說如是分明慎莫犯他

人婦女

分別善惡所應受報

卷

佛言人於世間喜兩舌譏人喜惡口
妄言綺語自貢高誹謗聖道嫉賢妬
能呬咄高才徒是得五惡何等五一
者多忿憎二者自欺身亦從是人皆
不信三者數逢非禍四者入太山地
獄中太山地獄中有鬼從人項拔其
舌若以燒鐵鈎其舌斷若以燒鐵錐
刺其咽欲死不得欲生不得不能
語言如是數千萬歲王者從地獄中
來出為人惡口齒或免缺弥蘭塞吃
重言或瘖瘡不能言語今見有是言
人皆故世宿命兩舌譏人誹謗聖道
所致也如是分明亦可懷惡口
佛言人於世間喜飲酒醉得三十六
失何等三十六失一者人飲酒醉使
子不敬父母臣不敬君臣父子无
有上下二者語言多亂誤三者醉便
兩舌多口四者人有伏匿隱秘之事
醉便道之五者醉便罵天瀕社不避
忌諱六者醉便卧道中不能復歸或亡
所持什物七者醉便不能自正八者
醉便佞仰橫行或墮溝坑九者醉便

躡踵復起破傷面目十者所賣買謬
誤妄觸軀十一者醉便失事不憂治
生十二者所有財物耗減十三者醉
便不念妻子飢寒十四者醉便囋罵
不避王法十五者醉便解衣脫褲袴
裸形而走十六者醉便妄入人家中
牽人婦女語言干乱其過無狀十七
者人過其傍欲與共闘十八者踰地
喚呼驚動四隣十九者醉便妄驚重
物二十者醉便搗捶舍中什物破碎
之二十一者醉便家室視之如醉四
語言衝口而出二十二者朋黨惡
人二十三者踈遠賢善二十四者醉
卧覺時身體如疾病二十五者醉便
吐逆如惡露出妻子自憎其所狀二
十六者醉便意欲前蕩象狼無所避
二十七者醉便不敬明經賢者不敬
道士不敬沙門二十八者醉便姪妹
無所畏避二十九者醉便如在人人
見之皆走三十者醉便如死人無所
復識知三十一者醉或得疮面或得
酒病正萎黃熱三十二者天龍鬼神
皆以酒為惡三十三者親厚知識日

速之三十四者醉便踴躍親長吏或
得鞭撻合兩目三十五者刀分之後
當入太山地獄常銷銅入口焦腹中
過下去如是求生難得求死難得
萬歲三十六者從地獄中來出生為
人常愚癡無所識知今見有愚癡無
所識知人皆從故世宿命喜嗜酒所
致如是分明亦可慎酒酒有三十六
失人飲酒皆犯三十六失

佛言人於世間喜持杖恐人以手足
加痛於人喜聞亂別離人已所不喜
強持與人從是得五惡何等五一者
自欺身亦為人所患毒二者身為恐
怖三者又數病疾四者入太山地獄
中隨所作受罪久久萬歲五者從獄
來出生為人多病身不離杖今見有
多病者皆故世宿命喜加痛疾之所
致也多病不如強健如是分明慎莫
加惡於人

佛言人於世間常喜瞋恚不和調見
賢者亦患見惡者亦患之不別善惡
但欲瞋恚而已從是得五惡何等五
一者為自燒身二者亦自亂意三者

卧起不安隱或憂患自煞四者入大
山地獄中毒痛考治數千万歲五者
從太山地獄中出生為人面目常惡色
萎黑黃熟今見有惡色人皆從故世
宿命喜瞋恚所致面醜惡色不如端
正好色如是分明慎莫瞋恚

佛言人於世間不孝父母不敬長老
見他人有孝父母敬事長老者常瞋
恚之不喜作善後是得五惡何等五
一者常得惡夢二者為人所憎三者
惡名聞四者入太山地獄中考治數
千万歲五者從地獄中來出生為人
弊性不媚為衆人所憎今見有不媚
急性為衆人所憎者皆從故世宿命
不孝父母不敬長老所致也如是分
明慎莫憍慢可孝順敬事長老

佛言人於世間不孝尊老無有禮節
輕易憍慢自用自強從是得五惡何
等五一者失亡職位二者自欺身三
者不為人所敬四者入太山地獄中
考治數千万歲五者從獄中來出生
為人當作下賤醜惡為人所輕易今
見有下賤人皆從故世宿命憍慢不

敬尊老所致也如是分明慎莫憍慢
佛言人於世間得財產慳貪不肯布
施不愛視諸家貧窮者不給與之不
供事沙門明經道士不白不與乞兒
若病人食飲不敢自飽衣被不敢自
完從是得五惡何等五一者自欺身
亦為人所不敬二者人皆呼守錢奴
三者恒荷慙愧四者墮餓鬼慙苦不
可言或千歲百歲不能得水飲遙望
見江湖若谿谷水走然欲飲之水便
少作銷銅若膿血不可飲如是慙苦
不可縷說五者從餓鬼中來出生為
人當貧窮凍餓從人乞食脊骨相支
柱乞食不能得人當唾罵之今見有
貧窮乞人皆從故世宿命慳貪不肯
布施所致也如是分明慎莫慳貪
佛言人於世間有明經賢者若沙門
道人不喜往問度世之道嫉妬高中
誹謗賢者從是得五惡何等五一者
不慧二者少知三者不為人所敬四
者入太山地獄八太山地獄中苦治
數千萬歲五者從獄中來出生為人
愚癡無所識知與畜生同列今見有

愚癡不別白黑者皆從先世宿命不喜道德嫉妬高遠所致也如是分明慎可行道

佛言人求壽得壽不求壽不得壽求病得病不求病不得病求端正好色得端正好色求醜惡色得醜惡色求媚得媚不求媚不得媚求下賤得下賤求富得富求貧得貧求明經曉道得明經曉道求愚癡得愚癡人作善得善若干福得上天若為人得尊貴亦得端正若人作惡得惡若干罪或入太山地獄中或墮餓鬼中或墮畜生中設得作人當作下賤貧窮無所識知亦復醜惡色如人種苦得苦實種甜得甜實長實譬如種五穀種稻得稻種豆得豆如人作善得善作惡得惡矣

傳遠踈通戒於太察 篤信守一戒於雍藏 勇猛剛毅戒於暴亂 仁愛溫良戒於不斷 廣心浩大戒於狐疑 沉清安舒戒於後時 刻削溢急戒於剽疾 多人長辭戒於無實 賢者且守戒 行之有三善 是敬多求思 壽盡受天身 住戒行已盡 已慧制意行

行至必當至 志斷所當受 從戒可滅痛
三世戒在上 制使邪毒龍 不犯有戒人
善哉有戒尊 以信可為伴 是道非凡言
故名戒有尊 戒尊善可怙 身終不見燒
既卧於夜安 已夢復歡然 為衆所見敬
力善自為身 法見自為尊 捨世為天王
我是世獨尊 我已脫世患 志是人天世
猶我拔魔兵 惟佛歷勤苦 畢劫不可數
往來五道中 未能具縷縷 斯匿席厭得
號呼見視短 今日礼佛者 一心皆叉手
從礼得上天 人中得長壽
佛尊覺第一 已現慧具足 當前礼法衆
恩德若江海 是以吾演說 佛之聖典藉
從本起因緣 所行有善惡 廣採以撰立
隨經義要趣 集叙如佛指 所作殃福事
佛已自覺法 梵釋來下請 尊乃刪說經
至要難見聞 苦從苦因緣 苦盡乃為尊
如應八道成 苦滅是為淨 從行有苦果
人雄之所演 是本為從心 勞行從是有
衆勞除愈者 是行之妙要 故為次第說
誠如大聖尊 是故著經典 令世觀摸法
合應正無疑 智者所宜取 亦非神所化
令禍福無緣 亦非性自然 又非時可傳

在天豈無緣時與性亦然殊勝與不勝
其實非無行從癡致有勞斯勞從行致
已作脫復過聽此非一輩鈔經經妙言
及律之雜要足知世所由部部各分明
神化解疑結以經現世間善行有福報
當可不識此已作不義行其死墮惡道
即時見閻王王氣便繫束嬰兒老病死
諫以當就罰知有五使者何為不修德
身口意所行唯戒施為上今獨何志念
而能不為善是時有罪人聞王以法諫
自揆無良操入佈而對曰但以親惡友
聞九非法言坐以貪濁故不能修德善
王曰人難得幸得奚不善為性何難悟
寃造泥犁行汝本興斯惡則非父母為
非沙門道士非君非我教愚癡懷心意
作此不善業自身之所為今當受其報
造以五使者忠正之言誨然後閻法王
默而不與語今乃錄罪人置於閻界中
擊將入地獄見惡甚惶懷始入黑繩獄
大小並喚呼次入阿鼻摩熾火燒其形
踏棘跂熱土徑涉沸灰水鐵獄九十六
自到刀葉樹為人犯惡故今有此泥犁
故列其本行次現所應受至于千億歲

生生而轉然由是結怨多賊害賢人雄
生妄挈無過離敗人朋友常喜譏惡人
死入黑繩獄有持多詐便拍治酷虐人
後更山機連擣之以鐵杵為人好煞生
馬牛鹿羊豕鷄犬及諸畜亦更山機連
擬貪懷怯弱苟以毒害彼求財不用法
鐵輪轉其軀恃量以力教伏彼無力者
喜施惱於人常為為所踰今生惱父母
沙門婆羅門燒故令鬻毒後身被熱炙
或遭擊父母仁賢奉道者及他所當敬
後世更煮治迫脅從受取證入無辜民
然後身長燒喫呼獨痛呻侵人以益己
受寄而直拉後燒在火室大呼無誰救
非法言是法是法言非法毀謗無聖
後生阿鼻獄學居廟堂淨而為過失行
由是令誘賢從是入深獄棄指正善業
從邪樂得生後身沒漚中啖泥虫為食
放火燔草野以害諸虫豕後入積薪獄
燒之如野火陰賊親厚者軀為利刀刺
啄鳥鐵耳狗宛轉共食之若有壞法橋
謗訕至德者墮獄蹈踐越履刀刃之道
犯人婦女者巨軀有百足容貌似美女
與友便擢之好樂於姪姪放意於人婦

斯常與苦會身攀抱刺樹若為諸方便
飲水所生虫然後墮沸湯灰河之中生
借貸不歸者身常被鐵鈎剛鐵燒炯然
洋銅以飲之懷恨意念怒果敢為非法
見人窮苦喜死為閻獄鬼生作不善行
死即入地獄其痛不可數一切但有苦
如是已具說地獄種種所行聽解畜生事
餓鬼及鬼神身意各有三口四為不善
躁擾心速變死墮畜生中若多婬欲熊
後生為癡重鴈鴿鳩鴛鴦孔雀亦蜚蜮
喜縛搥捶者後世多受惱自為為馬牛
瞋恚死成蛇憍傲常慢人後生為猛獸
輕易者後世為猪犬狐驢常內懷嫉妬
心亦不一伴後世為狢猴強面目成鳥
慳貪而邪詐多行盜賊人死後為狸豺
虎狼犬食獸布施多瞋恚持心不實直
然後墮龍中乃有大神力廣施有恚心
輕人而自大後作迦留鳥致有大威猛
身自食甘美以惡施與人死為涸餓鬼
常食臭中虫好調嬈老小凡兒與病人
後為躁餓鬼食產乳惡露雖與心慳悔
恒自懼不足後為黑餓鬼從下掣得食
謂施為無福未嘗肯少施後為鄙餓鬼

主食人所吐	不與追謗施	食腹外自舉
後為竇餓鬼	恒食人炊唾	自有既不與
常望求於人	後為窮餓鬼	所欲不能得
喜陰識彼短	治人以望財	後為弊餓鬼
主食死人肝	鹿言以惱彼	中傷說人短
後為焦餓鬼	常吞食火烟	勸訟好會關
酷虐恐熱人	後為焰火鬼	食於蜚蛾虫
禁止人布施	身亦不自與	後為大身鬼
其口若針鼻	擁財以遺子	不食亦不施
其死屬閻界	子祭乃得食	生為隘隙長
侵人以行患	為鬼形醜大	所欲終不得
語言常欺調	不與不持戒	歡娛行急促
終生鬼神中	殺虫以為餌	鈎生蒙其利
取殺而食之	後世為魅魍	布施望其後
不誠多忿怒	後成曰注鬼	顏貌極醜惡
既以恚且貪	好施而嗜酒	喜於鼓樂憊
死為守地神	於家内外親	無惡亦無嫉
後為有力神	乘雲風而行	布施屋室乘
亦與諸美味	為神在所之	廬舍隨其飛
好欲而慙怠	喜以華香施	後為天伎人
遊戲自恣心	於是畜生行	餓鬼及鬼神
悉已為摠說	又復聽善因	至於為所行
亦有若平比	其應非一種	今為如事說

天人何須羅	欲求長壽者	內意當自省
無害一切生	若以不施勞	不縛挂燒彼
恒發安群生	為人則無病	不殺好恩德
意固不復動	終不害一切	為人常仁賢
未嘗有少施	頗受於幾微	然後身極苦
求少得或不	好取他人財	而以為惠施
後雖得財富	猶速亡失之	不要取非物
亦都無所與	恒自勤苦求	後傳世得財
既不取彼物	常自樂布施	累世有財富
得利甚弘廣	自好持戒齋	後生必明智
愛法得譽安	足賢意端正	子善供養父
既亡屢祭祀	亦以敬施天	後所之得食
好施飯食者	後生得命色	有力辯達富
無病常安隱	好施衣被者	失慙好容色
心善人樂見	快樂得所欲	施與屋舍者
後世所止安	宮館諸所居	事事嚴具足
施井設義漿	沐浴蓮華池	後世得不得
所欲一切富	今世好布施	履屣船車橋
象馬亦諸乘	後世得天衆	無怒人愛見
一切所歸仰	後生高長子	其施園樹者
好以奴婢施	加以恭敬意	後得於群譽
侍使無所乏	先祖大布施	子孫繼不絕
後生巨億富	輒得父餘財	好稱布施德

有意不能與後雖墮人倫生於貧寒家
誘施謂無益但為求故與雖無布施意
猶生富財家必常樂智慧然而不布施
後常得聰明生於貧寒家常好喜布施
而不學智慧於智不敏達生於大富家
設兼行施智亦無受其福設兩不兼行
亦兩無所得施與望姓譽未施若已施
若後欲施者斯為食惱苦布施雖無信
然猶得財產若樂彼施財後意頗有喜
布施如有信後世常富財多貨能得尊
其意甚歡悅如侍敬有德善意供養施
後得財可意既得家殊勝常以輕易意
施與修德者然後雖得財喪時不得食
布施欲安人不行誠陷人然得所受敬
親屬靡不敬施與忘所有修德無所譁
後獲所愛喜法德利具足施與有慧眼
不誦求非物福祚傳子孫累世常保財
慧人行布施用時不勞後雖少不失時
食福時自恣修身以自守不好犯人婦
後得所受敬貞良有戒德婦人有非時
智士能自絕後為人無怨受性大清淨
若修清淨行所行無論議後生有威譽
為天所供養去離於醉酒修行常清淨

後識不迷悟 得利內明慧 為身若人故
終而不妄語 後生身中適 莫得說其短
友諍輒和解 不好妄傳說 後親不別離
身常為人雄 恒以柔軟言 忠至入人心
後語工可采 聞者莫不要 集會坐論議
如事言得中 後世得辯和 語時人樂聽
一切彼所有 其心不念取 後世心中安
終無忘遺憂 已知事事足 眾善之報應
為人都近善 食福果甚多 當欲利成就
望譽天上安 知生不常久 心必思修德
好惡信在行 人倫之大利 種雜故得雜
在白不自中 少壯或長老 自在作行時
然後如時得 苦樂各應本 暫行若長行
所為善不善 中作中時得 長作乃長得
師友忠恕言 今世後世厚 忽棄不承用
後生常驕驕 詐為欺慢者 後生偃短陋
瘡痕或惡色 族姓莫欲見 不親老則愚
事有道則利 不慢後尊貴 倚慢則卑賤
布施後則富 無與意則貧 瞋恚得惡色
不怒後好色 好奸不男女 欲犯不可姪
驟割諸畜生 後生為黃門 恩輕若熾火
身根心口犯 專行求女人 後生為黃門
說布施善道 來勸已樂從 等心視憎愛

後生有三眼喜以好衣服施與有德者
後世常好雅光潤色若金視人如赤子
護老病亦然後常值聖人瞰若星中日
不干奉齋戒兼身產乳婦後得伎女樂
犯者有干謗禮敬沈愛衆後軟手足掌
保貨安不動得敬如大山不問訊使令
無求但好施後得食具足有財聚若海
有德蒙上天法善衆歸仰後蒙尊歡樂
主為帝王種身口恒習善布施用和顏
後富莫能壞受樂生北方陰以善報雖
終不妄施惡口諱而心柔後為阿修羅
如有見善道具足以睹正後得生天上
曜若日之光善孝事父母後生貴姓家
不諱不好惡食福初利天無所與言諱
亦不參鬪訟守善心修德後生臨天上
多聞安思惟好利而求脫念善德以善
後生兜術天守戒常憚思依法無所恃
亦勸彼令然生不驕樂天自守好歡施
不逆不自憐平均愛有道生彼居密天
鞭杖繩之憫不以加群生安慰一切人
食福於梵天心慈口言善念安人若已
有求而輒與生彼迦夷天念行常如齋
不願世喜樂定意止安靜生阿波羅天

定以樂受女除三習一樂能歡思正止
得生遍淨天若樂計非常身所行則知
見識最清淨生墮奇願天曉了不淨想
多行有王慶棄習而無想生無有想天
無倚有微倚恢廓行四業念禪自清定
生五淨天中柔軟意殊勝心正性中和
廣博修天業生阿迦膩天解色猶無常
樂求無邊志所識意無際思惟得出生
已離諸情識無前所向生有念亦已過
欲無想而想雖次猶復生報現有平行
智士自觀察知善行可作是法有特異
故為人具說非天非時種所受從自作
生非常可觀慧不思望倚凡往生善處
皆為由行倚若已解非身無為生死空
寂寂滅苦辛是樂寂第一
辨說分別善惡所起經

癸卯歲高麗國大藏都監奉
勅雕造

佛說出家功德因緣經

卷

後漢安世國三藏安世高譯

出家因緣其福甚多若放男其年
數婢若聽人民若自己身出家入道
者功德無量布施之報十世受福六
天人中往還十度猶故不如放人出
家及自出家功德為勝何以故布施
之福報有限極出家之福無量無邊
又持戒果報五通神仙受天福報極
至梵世於佛法中出家果報不可思
議乃至涅槃福故不盡假使有人造
七寶塔高至三十三天所得功德不
如出家何以故七寶塔者貪惡愚人
能壞破故出家之法無有毀壞欲求
善法除佛法已更無勝故如盲盲人
有一明醫能治其目一時明見又有
百人罪應挑眼一人有力能救其罪
令不失目此二人福雖復無量猶亦
不如聽人出家及自出家其福孰大
何以故雖能施於二種人目此人唯
各獲一世利又盲眼性性有毀壞聽
人出家若自出家展轉亦導衆生永

劫無上慧眼慧眼之性歷劫無壞以
故福報入天之中恣意受樂無窮无
盡畢成佛道所以者何由出家法滅
魔眷屬增益佛種摧滅惡法長養善
法滅除罪垢與無上福業是故佛說
出家功德高於須弥深於大海廣於
虛空若使有人為出家者作諸留難
令不從志其罪甚重如夜黑闇無所
親見是人罪報亦復如是入深地獄
黑闇無日譬如大海江河自流忘擬
其中山人罪報亦復如是一切諸惡
皆集其身如須弥山劫火所燒無有
遺餘此人亦亦地獄火燒無有窮已
譬如迦留樓脂王樂極為害若等
介爾比於石蜜彼善惡報亦復如是
聽人出家若自出家功德最大以出
家人以修多羅為水洗除結使之垢
能滅除生死之苦為涅槃之因以毗
尼為之足踐清涼之地阿毗曇為自
視之善惡恣意遂入正之路至涅槃
之妙域以是義故故人出家者自
出家若若若其福最勝阿難善哉
有四法轉身當信善來比丘終不受

胎蓮華化生即於現身續增壽命何
謂為四自樂出家亦勸他人令行出
家亦為佐助出家因緣既出家已為
說法指示教利喜是名初法復次阿
難菩薩自能懃行精進求諸佛法亦
化他人精進求法是第二法復次阿
難菩薩自行柔和忍辱亦化他人令
住忍中是第三法復次阿難菩薩自
能習行方便深發大願亦化他人令行
方便及發大願是第四法阿難菩薩
成就是四法者轉身當作善來比丘
終不受胎蓮華化生

毘尼寺志節劉愛無所親 出家即聖道
願度一切人五德超世務名曰取福田
供養獲永安其福第一尊 家人有父樂
有母斯亦樂天下有道樂 國有沙門樂
佛說出家功德目錄經

癸卯歲高麗國大藏都監奉
勅彫造

佛說十八泥犁經

廿三

後漢安世高譯

佛言人生見日少不見日多善惡之變不相類侮父母犯天子死入泥犁中有深淺火泥犁有八寒泥犁有十入地半以下火泥犁天地際者寒泥犁有前惡後為善不入泥犁煞人盜人欺犯人妻欲使人死望得其財物垢且賊好為不善怒罵人撈咎繫人喜告彰人過失嫉妬言怒所使怒發背逆天地鬼神之類殊失壽死下入惡泥犁中後復變為善有不入泥犁中者知佛道變雖入泥犁中必當上云本善者上泥洹故曰佛道不可不知小人不變為善入泥犁中無樂入泥犁復不善入泥犁益深其類有得為人雖剛惡不煞好生為人疾不食肉者為益疾有陰德益壽且疾第一犁名曰先就乎而是人言起無死人居此犁中相見即欲鬪乎中無兵而自有兵相傷煞無歲數又不死有人來語起不死以風來吹即愈如

是無歲數已復持熱鐵劍相傷煞已
復用鐵椎相煞以手拳極利相傷久
久無歲數是其類其人長且大壽人
間三千七百五十歲為一日三十日
為一月十二月為一歲萬歲為人間
百三十五億歲

第二犁名居盧倅略居盧倅略一苦
當先就乎二十如人言繩而閼之人
居此犁者置大火中赤輒出閼之以
復內火中赤復出數行閼之久久無
歲數復燒之出而閼之以為方圓能
不死而復生無歲數已復走火中無
歲數是其類也其人長且大壽人間
七千五百歲為一日三十日為一月
十二月為一歲二萬歲為人間二百
七千億萬歲

第三犁名乘居都乘居都一苦當居
盧倅略二十而人言搗煞人居此犁
者在火中以熱不可言左右顧見山
山間如樂狀走往入其間山盡來壓
之又不死無歲數已復置火中赤復
出之無歲數其人長且大壽人間五
千歲為一日三十日為一月十二月為

一歲壽四万歲為人間五百四十億歲
第四犁名曰樓樓一苦當乘居都二十而人言樂之人居此犁城甚大其中復有小城人從外見之中盡有重天人盡入其中赤如燒鐵以復內城中大熱不可言其身肌盡爛無歲數不得息不得卧肌骨盡焦已復生無歲數是其類其人長大壽人間三万歲為一日三十日為一月十二月為一歲壽八万歲為人間千八百億歲第五犁名曰旁卒旁卒一苦當樓二十而人言爛煮之人居此犁者而坑大深浴滿其中火守犁者用鐵杖搗而內其中燒焦人身盡焦無歲數又不死積燒而不死而抱火著人身死出一浴復入一浴如是無數是其類其人長且大壽人間六万歲為一日三十日為一月十二月為一歲壽十六万歲為人間二千一百六十億歲第六犁名曰草烏卑次草烏卑次一苦當旁卒二十而人言焯熱之人居此者城高二千里廣四千里火滿其中置人其中復以鐵覆之無歲數如

是不得息言不得計無歲數焦已復
焦是其類其人長且大壽人間十二
萬歲為一日三十日為一月十二月
為一歲壽三十二萬歲為人間四千
三百二十億歲

第七犁名都意難旦都意難旦一苦
當草烏昇次二十如人言燒炙之與
豕人居此犁中者大積火如大鐵貫
人而內之無歲數時一門開人盡往
欲出門門復閉復墮火中無歲數已
復見一門開人盡走求欲出既得出
門又復墮汗泥中汗泥中有重舍又
不得出無歲數是其類其人長且大
壽人間二十四萬歲為一日三十日
為一月十二月為一歲壽六十四萬
歲為人間八千六百四十億歲

第八犁名曰不盧都般呼不盧都般
呼一苦當都意難旦二十如人言大
苦熱之居此犁中地盡有火卒人當
在火中炮且炙貫且立卧終不得去
不得息爛且焦已復生無歲數其苦
万倍於他犁之苦苦不可言是其類
其人長且大壽人間四十八萬歲為

一日三十日為一月十二月為一歲
壽百二十八萬歲為人間萬七千二
百八十億歲

佛言火犁八以惡多深且遲惡少淺
且易犁者譬如人拘於狴牢為囚徒
報作於遠所死於野家室半道若墮
木與此生不得道至其死入犁即苦
苦不可言久久得出所謂寒犁在天
際間有大山高二千里主蔽風名山
于雀廬山冥無日月所不及逮有蔽
大山故冥外有日月之王甚多無央
數寒犁中

第九犁名曰烏竟都烏竟都一苦當
不廬都般呼二十如人言暴而起之
人居此犁寒不可言無歲數身盡凍
數數暴而二十在火中有聲已復為
之其折半如等發折已復續其分以
大石擊大嬰痛不可言已復不死其
靡如鐵磑已復磑其足遍一身乃止
如此無歲數如痛苦不可言其人長
且大壽不種百二十八斛百歲去一
實芥種盡壽未盡如是未能為百分
持一是其類知佛道者出疾人畫為

惡如夜無所犯其人入犁晝苦夜為
惡晝無所犯者夜不樂不可言故佛
道不可不聞知

第十犁名曰泥盧都泥盧都一苦當
烏竟都二十其人長且大壽芥種二
百五十六斛百歲去一實芥種盡壽
未盡

第十一犁名曰烏略烏略一苦當泥
盧都二十其人長且大壽芥種五百
一十二斛百歲去一實芥種盡壽未盡
第十二犁名曰烏滿烏滿一苦當烏
略二十其人長且大壽芥種十二十
四斛百歲去一實芥種盡壽未盡

第十三犁名曰烏藉烏藉一苦當烏
滿二十其人長且大壽芥種二千四
十八斛百歲去一實芥種盡壽未盡
第十四犁名曰烏呼烏呼一苦當烏
藉二十其人長且大壽芥種四千九
十六斛百歲去一實芥種盡壽未盡
第十五犁名曰須健渠須健渠一苦
當烏呼二十其人長且大壽芥種八
千一百九十二斛百歲去一實芥種
盡壽未盡

第十六犁名曰末頭乾直呼末頭乾
直呼一苦當須健渠二十其人長且
大壽芥種一万二千三百八十四斛
百歲去一實芥種盡壽未盡

第十七犁名曰區逋塗區逋塗一苦
當末頭乾直呼二十其人長且大壽
芥種三万二千七百六十八斛百歲
去一實芥種盡壽未盡

第十八犁名曰沉莫沉莫一苦當區
逋塗二十其人長且大壽芥種六万
五千五百三十六斛百歲去一實芥
種盡壽未盡大寒且苦不可言不可
為辟皆万倍於他犁之苦痛不可極
佛言十八泥犁人所犯以事善惡輕
重入犁經

佛言十八泥犁鳳凰龍一至小蟲九
十八泥犁人行善多行惡少出泥犁
疾行惡多行善少出泥犁遲

佛言是安得鬼守十八泥犁居處冥
佛始生時天上天下上至三十一天
其十八泥犁皆明佛始得道時復一
明佛朝梵時復一明佛始行道教授
天下復一明佛般泥日復一明上至

三十二天盡明以知佛道不可不知
人為善多者上天為惡多者入泥犁
若為畜生知佛道不死小人必長生
但數聞佛道而不學生不近善人不
聞善事當離憂患其笑佛道入泥犁
中深佛故非之人為惡喜罵詈惡口
至老不止天神惡之使為禽獸畜生
血氣重歟子孫用正臘上家
佛言人不為善去人類為重畜生家
上與鬼是安得鬼食乎
佛言人為善上天後復生為人形

佛說十八泥犁經

癸卯歲高麗國大藏都監奉
勅彫造

佛說阿含正行經

甚

後漢安息國三藏安世高譯

聞如是一時佛在舍衛國祇樹給孤
獨園是時佛告諸比丘言我為汝說
經上語亦善中語亦善下語亦善語
深說度世之道正心為本聽我言使
後世傳行之諸比丘又手受教佛言
人身中有五賊牽人入惡道何等五
賊一者色二者痛痒三者思想四者
生死五者識是五者人所常念佛言
人常為目所欺為耳所欺為鼻所欺
為口所欺為身所欺目但能見不能
聞耳但能聞不能見鼻但能知香不
能聞口但能知味不能知香身體但
能知寒溫不能知味是五者皆屬心
心為本佛言諸比丘欲求道者當端
汝心從癡但墮十二因緣便有生死
何等十二一者本為癡二者行三者
識四者字五者六入六者我七者痛
八者愛九者受十者有十一者生十
二者死施行善者復得為人施行惡
者死入地獄餓鬼畜生中佛坐思念

人癡故有生死何等為癡本從癡中
來今生為人復癡心不解目不聞不
知死當所趣向見佛不問見經不讀
見沙門不承事不信道德見父母不
敬不念世間苦不知涅槃中苦治劇
是名為癡故有生死不止生死如呼
吸間脆不過於人命人身中有三事
身死識去心去意去是三者常相連
逐施行惡者死入涅槃餓鬼畜生鬼
神中施行善者亦有三相退逐或生
天上或生人中墮是五道中者皆坐
心不端故佛告諸比丘皆端汝心端
汝目端汝耳端汝鼻端汝口端汝身
端汝意身體當斷於主魂神當不復入
涅槃餓鬼畜生鬼神中視人家有惡
子為吏所取皆坐心不端故人身有
百字如車有百字人多貪好慾不思
惟身中事死入涅槃中悔無所復及
佛言我身棄國捐遮迦越王憂斷生
死欲度世間人使得涅槃道第一精
進者即得阿羅漢道第二精進者自
致阿那含道第三精進者得斯陀含
道第四精進者得須陀洹道雖不能

大精進者當持五戒一不殺二不盜
三不兩舌四不婬妹五不飲酒佛言
人坐起常當念是四事何等四一
者自觀身觀他人身二者自觀痛痒
觀他人痛痒三者自觀意觀他人意
四者自觀法觀他人法內復欲亂者
心小自端觀身體飽亦極飢亦極住
亦極坐亦極行亦極寒亦極熱亦極卧
亦極卧欲來時當自驚起坐坐不端者
當起立立不端者當經行心憊不端者
當自正譬如國王將兵出關健者在前
既在前鄙復却適欲却著後人沙門
既棄家去妻子除鬚髮作沙門雖一
世苦後長得解脫已得道者內獨歡
喜視妻如視姉弟視子如知識無貪
愛之心常慈哀十方諸天人民泥犁
餓鬼畜生蜎飛蠕動之類皆使富貴
安隱度脫得涅槃之道見地至當以
慈心傷哀之知生不復癡能有是意
常念師事佛如人念父母如獄中有
死罪囚有賢者往請囚囚默意常念
賢者恩以此立以得道常念佛如是念
經如人念飯食

佛言諸比丘轉相承事如弟事兄中
有癡者當問慧者長轉相教問慧者
如冥中有燈火無得陰攝作惡無得謂
訟見金銀當如視土無得妄證人入
罪法無得傳人惡言轉相聞語言無
得中傷人意不聞莫言聞不見莫言
見行道常當低頭視地至無得蹈殺
無得自食人婦女無得形相人婦女
坐自思惟去貪愛之心乃得為道耳
佛言欲求道者當於空閑處坐自呼
吸其喘息知息短長息不報形體皆
極閒氣不息形體亦極分別自思惟
形體誰作者心當觀外亦當觀內自
思惟歡然與人有異心當是時不用
天下珍寶心稍欲隨正道意復欲小
動者當攝止即還守意即為還譬如
人有鏡不明不見形磨去其垢即自
見形人已去貪嗔瞋恚愚癡譬如磨
鏡諦思惟天下皆無有堅固亦無有
常佛告諸比丘持心當如四方石石
在中庭雨墮亦不能壞日久亦不能
消風吹亦不能起持心當如石
佛告諸比丘天下人心如流水中有

草木各自流去不相顧望前者亦不顧後後者亦不顧前草木流行各自如故人心亦如是一念來一念去如草木前後不相顧望於天上天下無所復樂寄居天地間棄身不復生道成乃知師恩見師者即承事不見師即思念其教誡如人念父母意定乃能有一心便有哀天下人民蝸飛蠕動之類坐自笑我已脫身於天下及五道一者天道二者人道三者餓鬼道四者畜生道五者泥犁道得阿羅漢者欲飛行變化即能身中出水火即能出無間入無孔亦能離世間苦取涅槃道亦能

佛告諸比丘道不可不作經不可不讀佛說經已五百沙門皆得阿羅漢諸沙門皆起前以頭面著地為佛作禮

佛說阿含正行經

癸卯歲高麗國大藏都監奉
勅雕造

後漢安惠國三藏安世高譯

聞如是一時佛遊於舍衛祇樹給孤
獨園佛告諸比丘比丘受教從佛而
聽佛言諸比丘若以彈指間思惟死
想念有身皆死是為精進行禪為如
佛教不是愚癡食國人施也何況多
行者取要言之若念不淨想穢食想
一切世間無有樂想無常想無常為
苦想苦為非身想非身為空想奔離
想却姪想滅盡想無我想身死為五
食想血流想髓脹想青腐想糜爛腥
臭想髮落肉盡想一切縛解想骨節
分散想骨變赤白枯黑亦如鳩色想
骨糜為灰想世間無所歸想世間無
牢固想世間為別離想世間聞妄想
世間難忍想想世為費耗不中用想世
為災變可患厭想一切世間歸泥洹
想諸比丘若以彈指間念此諸想之
事皆為精進行為奉佛教不是愚癡
食人施也何況能多行是故可念行
法想佛說是已皆歡喜受
禪行法想經

癸卯歲高麗國大藏都監奉
勅影造

佛說長者子懊惱三處經

甚

後漢安惠國三藏安世高譯

聞如是一時佛在舍衛國祇樹給孤獨精舍與大比丘衆千二百五十人俱。尔時舍衛城有大長者財富無數田宅牛馬不可稱計。家無親子其國俗法若無子者壽終之後財没入官。長者夫婦禱祠諸天日月星辰求索子息。堅立門戶亦不能得。時長者婦歸命三寶奉受五戒。晨夜精進不敢懈怠。便得懷軀。婦人點者有五事應知。一者知夫背意。二者知夫背念。不念三者知所因懷軀。四者別知男女。五者別善惡。是長者婦報長者言。我已懷軀。長者歡喜。日日供養衣被飲食。極使精細。十月已滿。便生得男。五乳母共供養。子乳哺者洗浴者衣被者抱持者。兒即長大。年十五六。長者夫婦為子索婦。得長者女。端正姝好。於城外園館大請人客。飲食娛樂。銷鑄精細。四方來者無所拒逆。如是。賓從至于七日。時兒夫婦遊行園中有樹名

曰無憂其上有花色甚鮮好如弱緋
色婦語夫言欲得此華夫便上樹為
取此華樹枝細劣即時摧折兒便墮
地斷絕而死父母聞之知墮樹死便
走奔趣母抱其頭父抱兩脚摩挲瞻
視永絕不穌父母悲哀五內摧傷眾
客見之亦代哀痛死何急疾眾客飲
食娛樂未畢而反墮樹死亡無常時
佛世尊與阿難俱著衣持鉢入城分
衛見長者夫婦獨有一子而墮樹死
啼哭悲傷甚不可言佛見此兒所從
來生從忉利天壽命終盡過生於長
者家死即生龍中金翅鳥王復取食
之三處悲哀悉共發喪佛告阿難誦
長者所解喻其意為除其患設不介
者恐愁憂死阿難言唯然即從佛行
到長者所長者聞佛來到其所心即
歡喜稽首佛足佛問長者何為愁憂
乃如是乎長者白佛我身無相由有
一子為其娶婦請客飲食娛樂未畢
上樹取華墮地便死我身如石心如
對鐵適得一子而捨我死佛告長者
人生有死物成有敗對至命盡不可

避藏捐去憂念勿復憂感時佛出光明遍照十方使長者見天上龍中父母啼哭佛語長者此兒本從忉利天上壽盡命終來生卿家壽盡便生龍中金翅鳥王即取取之三處一時共啼哭為是誰子佛即說得言

天上諸天子為是卿子乎為在諸龍中龍神之子耶時佛自解言非是諸天子亦非為卿子復非諸龍子生死諸因緣無常譬如幻一切不久立譬若如過客佛語長者死不可得離去事不追長者白佛言此兒宿命罪福云何生豪富家其命早夭此為何應佛言此兒前世好喜布施尊敬於人緣此福德生豪富家喜射獵戲傷害群生用是之故今身命短罪福隨人如影隨形長者踊躍逮得法忍佛說如是長老夫婦一切衆會皆歡喜受

佛說長者子懊惱三處經

癸卯歲高麗國大藏都監奉
勅彫造

佛說須摩提長者經

一名會諸佛前
亦名如來所說亦現眾生

甚

吳月支國居士支謙譯

如是我聞一時佛在舍衛國祇洹精舍與大比丘衆五百人俱。爾時世尊時到著衣持鉢與阿難俱入城乞食。是時城中有大長者子名須摩提。是人命終父母宗親及諸知識一時號哭。氣悼蹕蹕。愁大咲悶。絕于地。或有喚父母兄弟者。或有呼夫主大家者。如是種種號咷。帝哭。又有把土而自塗者。又有持刀斷其髮者。譬如有人毒箭入心。苦惱無量。或有以衣自覆而悲泣者。譬如大風鼓扇林樹枝柯相振。又如失水之魚。宛轉在地。又如斬截大樹。崩倒狼藉。以如是楚毒而加其身。

爾時世尊知而故問阿難。彼諸大衆何故哀號悲泣。如是阿難白佛言。世尊。此城中有大長者子名須摩提。壽盡命終。是人父母兄弟妻子宗親。知識為恩愛所縛。故如是迷亂。唯願世尊為度一切。故可往至彼諸佛世尊。

不以無請而有所說我今為彼諸人
歡請於佛世尊以大慈悲願往至彼
今時如來受阿難請即往其家是時
彼諸人等遙見世尊各各以手拭面
前來迎佛既至佛所頭面礼足悲泣
哽塞不能發言正欲長歎以敬佛故
不敢出息咽氣而住

余時佛告長者父母兄弟宗親及諸
知識汝等何故悲泣懊惱著此幻法
是諸人等同時發聲而白佛言世尊
是城中唯有此人聰明智慧端正殊
妙年既威壯於諸人中為無有上我
等思念不離心懷衆人瞻仰視之無厭
言語柔和孝於父母恭順兄弟又復
多饒財寶金銀琉璃磑磑馬瑙珊瑚
屑珀會庫盈溢珍寶具足又有車馬
飲食醫藥衣服卧具奴婢使人如是
志俗一旦命終是故我等悲泣戀慕
不能自勝善哉世尊願為我等方便
說法得離諸惱從今已後更不復受
如是諸苦得斷貪欲瞋恚愚癡諸結
根本得度生老病死之岸永離憂悲
若惱之海所生之慶值遇諸佛善知

識會不遇惡緣

尔時世尊告長者父母宗親知識及諸大衆汝等曾見有生不老不病不死者不是諸人等白佛言世尊未曾見也佛復告諸大衆汝等欲離生老病死憂悲苦惱者莫復念是思愛之縛標心正見歸命三寶所以者何於諸世間無過佛者能導盲冥愚癡之衆於諸商主及諸醫王有相好中無與佛等所以然者如來身者即是藥王佛所說法即為良藥尔時世尊即說偈言

十方世界中生者無不死生死往來道唯法能除滅無有十方刹命終能濟者唯佛能除斷是故歸命佛

佛復告大衆汝等云何知名為死諸人答言不知世尊佛告大衆煞生偷盜邪婬妄語兩舌惡口綺語嫉妬恚礙若人行是十惡名之為死佛復告諸大衆若人違逆不順父母不行正法不敬沙門梵志及諸耆宿如是之人亦名為死復告大衆若有不敬三寶及諸持戒有德沙門如是之人亦

名為死復告大衆若有慳貪嫉妬憍慢自不持戒家內大小亦復不持言語處惡好傷於人狂癡懈怠心意不安六情不具少於智慧不能專正喜信他語常懷嫉恚而自稱譽過人之善揚他之非好自貢高不能親近沙門梵志不聞正法如是之人亦名為死亦時世尊而說偈言

若人作不善好行十惡者心常懷憍慢不敬於三寶不能持淨戒懈怠不精進如是諸人等皆名之為死好行諸惡者所生墮惡道若人行諸善亦乃得生天若人不信佛亦復不行法行於非法者是則名為死

復告大衆若人得富貴而無憍慢心意常安亦不自高亦不自下等心一切視之如已畢得富貴心無有異恒觀無常不為已有過如怨毒解知諸法會常有離既知是已精勤修習知一切法無可依止於諸名利不計我所亦復不著一切諸塵常修其心親近智者不近惡友常求遠離佛所說法初不違失亦時世尊而說偈言

少有衆生

在於世間

得大富貴

而不憍慢

行憍慢者

不得離苦

若不憍慢

速得解脫

無憍慢者

決定解脫

有憍慢者

必墮惡道

斷憍慢者

不名為死

有憍慢者

乃名為死

復告大衆汝等知有生老病死今世後世精神輪轉更受形不諸人答言不知世尊佛言汝等當知衆生以此四事因緣繫縛精神輪轉五道不知生所從來死所趣向今時世尊而說偈言

無常計有常不淨計有淨實苦而言樂無我計有我衆生生死中深著於倒見千萬億劫中不知生死本若有人能解真實大法者能知此非常取為大苦本若人見垢濁斷除三毒本必能得成就無上之大法復告大衆以結使故起諸因緣以因緣故受諸苦惱以是之故輪轉生死色不至後世受想行識不至後世所以者何五陰不可得不堅牢無量時故今時世尊而說偈言

緣諸結使故起衆惡因緣由是因緣故
而受無量苦以受諸苦故復起無量結
一切生死本輪轉皆如是世間諸美色
譬如水上沫一切衆苦痛喻之如雨泡
一切衆想念野馬等無異無量諸行等
其性如芭蕉一切諸心識猶如幻無實
如是之妙法如來口所說諸佛之妙法
已為汝等演慈悲衆生故說是甘露法
復告大衆地不至後世水火風亦不
至後世所以者何地無覺無知四大
無識地即虛偽四大合成以是因緣
不至後世今時世尊而說偈言

一切諸法中無形無有色亦無有所覺
虛妄無真實四大假合成羸弱無堅強
欲令至後世終無有是處

復告大衆眼不至後世耳鼻舌身意
亦不至後世所以者何眼空無我無
常無有暫住設欲令止不可得也有
緣則生緣散則滅生無所從來去無
所至耳鼻舌身意亦復如是諸人當
知此六情者緣會則有緣散則無譬
如寄客不得久住又如負債之人計
日償債日畢則去終無住期去則便

空竟不可得無有往來此六情者亦復如是尔時世尊而說偈言

諸情無堅固此法如虛空不安而無壽不可為我所因緣故有用竟無有決定和合所成法轉世不可得

佛說是經時三百比丘漏盡結解成羅漢道五百諸天遠塵離垢得法眼淨復有八千天人皆發阿耨多羅三藐三菩提心佛復告諸大眾汝等當觀非常不離是念諸大眾等我知過去諸佛為一切衆生作大橋梁有大慈悲普及一切過去佛者名為迦葉佛拘孫帝佛拘那含牟尼佛隨葉佛尸棄佛定光佛如是等恒河沙數諸佛如來斷除一切不善之法修集甚深無量善法於諸法中無所罣碍而皆無常過去亦有無量辟支佛志樂靜寂善修其心亦皆無常過去諸佛弟子無量無邊皆得漏盡意解三明六通及八解脫永離生死得到彼岸亦為無常之所遷變過去亦有五通仙人淨修其戒壽無量劫志歸无常往昔亦有無量轉輪聖王及諸小王

七寶具足無所乏少亦復無常我於過去無量世中作諸國王以頭目髓腦及以手足國城妻子爲馬七珍宮殿樓觀五樂之具一切布施我於念時無修淨戒無所虧損若有人來求是諸物歡喜施與不生瞋心亦無嫉意勇猛精進身心不懈深修禪定解脫三昧以深利智廣大之智無尋無等甚深智慧具足如是無量功德我行菩薩道時以是功德坐菩提樹下以金剛心而立誓言不起此坐當破四魔得一切種智十力四無所畏十八不共法適發此念天魔波旬將諸兵衆器仗嚴饒遶菩提樹面各三十二由旬而作惡念我以此兵衆必壞是人令不成道我念時伸手按地魔衆眷屬即便破散我所知所得所覺之法當現證驗應得成道念時即集無量功德智慧以一念相應慧得成阿耨多羅三藐三菩提而轉法輪自得成就亦復成就一切衆生念時有三夜又一名阿羅婆伽二名毗沙那伽三名修脂藍如是等無量鬼神化

令持戒於九十五種道中寂尊寂上
無與等者斷除一切三毒根本無有
生老病死之患而得成就無上道法
然亦當為無常所轉却後三月當般
涅槃復告大眾汝等觀此無常終不
捨人如來得一切種智色身相好具
足成就而不能免過去未來現在諸
佛亦歸無常是故汝等當深觀察無
常之法若能如是無復思愛係戀之
心亦無貪欲瞋恚愚癡之想永斷生
老病死之苦得離一切不善之法增
益無量清淨之行深達諸法十二緣
起以是因緣常值諸佛所以者何若
人得達十二因緣即是見法若見法
者即名見佛欲見佛者當持淨戒威
儀無缺今時世尊而說偈言

過去諸王	生長深宮	雄猛端正
莊嚴嚴飾	為馬車乘	多饒財寶
如是諸王	亦歸無常	過去諸仙
被鹿皮衣	提婆延等	諸大仙人
外道典籍	皆悉通利	如是諸仙
亦歸無常	過去羅漢	已斷三毒
三明六通	不著三界	離諸癡欲

是良福田。如是聖衆。亦歸無常。
不聞一句。善斷諸結。精勤為已。
是大福田。如犀一角。獨處山林。
名聞緣覺。亦歸無常。天魔兵衆。
一時破散。及斷諸結。得成佛道。
得成道已。而轉法輪。佛雖如是。
當歸無常。過去諸佛。知三界事。
當來諸佛。牢固衆生。現在諸佛。
恒沙億刹。如是諸佛。亦歸無常。
無常之力。不捨欲界。色無色界。
仙人國三。貴賤上下。亦復不捨。
諸佛緣覺。學無學人。無常不懼。
不選財色。不問強弱。及與大智。
執人牢固。以是當知。無常最苦。
當求真法。我本為王。施人宮殿。
園觀浴池。花果茂盛。國城妻子。
頭目布施。以此功德。為求佛道。
我往昔時。手足布施。以如此事。
修習忍辱。有鷹逐鵠。割肉贖之。
為無上道。忍諸苦痛。我行苦行。
久習難行。我破魔王。於道場樹。
得成佛道。無諸垢穢。我轉法輪。
於鹿野園。我已降伏。瞋恚夜叉。

於七山中

居止雪山

我已降伏

及其眷屬

而不能伏

無常之力

我能降伏

猶如山巖

如是猛為

化為弟子

及其眷屬

我皆降伏

而不能伏

無常之力

我於諸論師

及與諸外道

以正法共論

皆悉不如我

異趣諸衆生

化令為弟子

而不能降伏

無常之大力

我見貪欲縛

瞋恚及愚癡

如此愚冥法

皆已得除滅

然大智慧燈

照於三千界

而不能降伏

無常之大力

降伏天魔王

及與諸兵衆

壞於大盲冥

照以正法光

亦降諸論師

及諸占相者

而不能降伏

無常之大力

今時尊者阿難

前白佛言

善哉世尊

善能分別解說

此法當何名

此經云

何奉持之佛

言此經名為

除諸憂惱

我應受持一

名會諸佛前

亦名是來

所說亦現衆

生應當受持

佛告阿難

於後世中有

善男子善女

人受持如

來所說亦現

衆生經者於

七生中自

識宿命毒不

能害火不能

燒水不能

漂不墮地獄

餓鬼畜生八

難之處捨

此身已生彌

勒前得在彌

勒第一會

中佛說此經已阿難及諸大衆天龍
夜叉乾闥婆阿修羅迦樓羅緊那羅
摩睺羅伽人非人等聞佛所說歡喜
奉行

佛說須摩提長者經

癸卯歲高麗國大藏部監奉
勅彫造

佛說阿難四事經

甚

吳月支國居士支謙譯

聞如是一時佛在拘夷那竭國欲滅
度時阿難白佛言我念天龍鬼神帝
王人民與佛相見聞佛教誡無不歡
喜在志所願或作沙門得應真者或
有居家奉行五戒死得上天者今佛
去世天龍鬼神帝王人民及四輩弟
子當何恃賴得福得度將當復從誰
得之乎佛言善哉善哉阿難慈心多
愍天人雜類無不由汝得度脫者吾
去之後世名五濁人心憤憤穢垢自
亂世多顛倒賤善尊惡此實可憂世
雖然者吾有經籍懇惻之戒盡心遵
行福自歸身汝莫憂也吾雖去世與
籍續存六度大法不持之去行者得
度非神授與汝等不解吾之所言耶
阿難即白願重說之

佛言大法有四可從得福亦可得道
與得佛身其福正等阿難又言願佛為
我解釋四事世尊曰當以慈心育養
幼弱見禽獸虫蛾下賤仰人活者當

當慈念隨其所食令得蘇息莫得加
刀杖傷絕其命惻愴慈心當如慈母
天龍鬼神帝王人民有行此慈者其
得大福與侍佛身功德正等此謂一
事也世有災異水旱不調五穀不豐人
民飢饉不安本土志欲叛亡王及臣
民富有倉穀當惟無常身命難保勿
愛寶穀知愛人命當起悲心出穀
惠與調諸窮乏以濟其命安居本土
若意慳貪不欲布施當諦計念人初
來生魂神空來依因二親情欲之氣
以成已體在母腹中十月乃生得親
喜悅可得全命慈念之日即切絕之
因極乃終魂神不滅復更求身豪貴
貧賤皆由宿行官爵俸祿國土珍寶
無為迷惑以亂高德至其壽終身及
珍寶故留世間不隨已去常當慈心
練行經道以佛明教觀視人物如幻
如化如夢如響一切皆空不可久保
觀世皆令此為真諦世人愚惑心存
顛倒自欺自誤猶以金價買鎗銅也
身死神去當墮三塗諦思如此急當
布施與身命竟貧窮乞食羸老疾病

隨所當與莫令命絕執心如此十方諸佛開士大人天龍鬼神無不愍之至於壽終魂神所生輒受豪貴身意俱安災害不生具獲上願如佛在時供養佛身正等無異此謂二事也國中多有盜賊水火災異變生毒氣流布疾病縱橫恣是海中龍神鬼王之所為也故得此毒重病憂惱此諸鬼神龍者皆是世人所為射獵屠殺漁網中毒死者其魂神或墮海中為龍或為有力太神化生之類皆知宿命忿怒宿怨因作霧露吐惡毒氣雨其國中其時人民或中毒死者或但得病者有相塗汙者皆由世人所作不仁殘殺物命展轉相怨手自殺者中毒即死助其喜者皆更困病或相塗汙不相塗汙者皆由食肉有相分者不相分者聽聰之士覺知殺罪追人不置以已度彼正等無異如此奉行佛之引道行四等心慈悲喜護福自歸身若彼殺家以肉與已慎莫食之不食之者雖處惡世盜賊災變毒氣之時雖處其中不相塗染其帝王人民富有盈穀孤獨鰥寡衣食不

充疾病困篤無以自濟當給醫藥糜粥消息令其得愈命不橫盡當明此人宿命行惡不信三尊肯真向偽怪貪所致罪福分明慎莫為惡亦當慈心以佛經法教訓愚癡令持經道若活一人使病得愈示之善道令持五戒終身清潔與侍佛身其福正等是謂三事也

世有高節清潔無欲沙門梵志懷抱經典言輒法律帝王臣民心當恭肅誦稟律行此曹高士口之所陳皆是諸佛之遺典也令人去惡就善恩信於親百有餘分使人壽終不墮三塗當當慈心恭肅向之寧洋銅灌口利刀截舌慎莫謗毀此清潔之人寧自斷手莫加之痛寧自剖腹出心燒之無怒此人設使愚者見佛經道明知去就由遠頑闇之群馳就賢者之衆講受聖典以成高德沙門梵志無以貨買求利為身穢垢心清行淨猶明月珠護持應器勞身乞食供口即止不畜遺餘或居寺舍或處山澤樹下塚間皆知宿命分別真偽制作經籍

為世橋梁慈心多愍坐起呪願帝王
臣民令國平夷如此高士德訓諸天
龍鬼惻心不務世俗故不為情欲之
失所見歎述耳國王臣民若有智者
當尋求之供所當得衣食牀卧疾病
醫藥使其安隱得講經戒敷演訓導
坐禪念定或從得道或死得上天未
食一國穢濁之人不如盡心供養清
淨道士一人其福彌大如佛在時供
養佛身正等無異此謂四事也帝王
臣民視此輩人天龍鬼神無不擁護
助之歡喜者也

佛告阿難吾前世時行此四事長轉
受福自致得佛吾以是故重說四事
阿難汝言實為諸天帝王臣民說之所
作善行自得其福終不唐捐吾特滅
度四事累汝阿難聞經且悲且喜前
以頭面為佛作礼

佛說阿難四事經

癸卯歲高麗國大藏都監奉
勅雕造

佛說獼猴經

甚

吳月支國居士支謙譯

佛在羅閱祇者闍崛山中月十五日
 說戒時阿難長跪白佛言今佛為一
 切救開化五道童蒙盲冥者使脫惡
 道佛般泥洹後留舍利十二部經於
 世間當令諸弟子持佛威神傳佛經
 戒開度人民授其戒法使人供養是
 為如佛無異佛言若有人從我弟子
 受戒而有還嫉妬其師者是人當從
 惡道中來阿難問佛何謂惡道佛語
 阿難過去佛時有獼猴還嚙其主前
 佛悲哀呪願獼猴獼猴見佛威神即
 歡喜是猶今在泥犁中罪未畢佛般
 泥洹後罪畢用前歡喜故更生入人
 道中從我弟子受戒正當從作獼猴
 時主受戒猶有宿識故還嚙大家佛
 言若有人從師受戒還誹謗說師惡
 者言非我行若如是為如獼猴還嚙
 其主誹謗道師惡者宿命本是猶也
 阿難問佛猶罪畢入人道何以故復
 還嚙故大家耶佛語阿難是猶得入

人道持佛戒法有所教授貪利供養
愚癡不解便行謗說師故墮五逆惡處
佛語阿難諦聽佛當具為汝說之阿
難言諾受教佛言有人持佛法戒行
教人事佛令入涅槃中者阿難驚起
長跪問佛云何教人當令得佛道何
故更入涅槃中佛語阿難汝信佛語
不阿難言信佛語佛言汝信佛語何
故聞人受戒當入涅槃中驚為若人
不入涅槃佛語為妄阿難更起作禮
頭面著地繞佛三匝還接佛足長跪
問佛阿難不解未知人根願佛解之
教人入涅槃意佛語阿難後末世時
有弟子作師惰懶不能勤學無有智
慧貪穢欲得人供養錢財穀帛持用
自治不精佛法阿諛隨人見人貪慾
不與殺戒見人嗜酒不斷酒多少可
飲人行授人戒法言多少當得錢物
作福但欲得人物是為賣戒令人方
更有慢不精戒者便犯衆惡殺生如
是教者持人著涅槃中用負佛明教
故令護佛道神得其短便為惡鬼所
病罪重或能至死償罪即入涅槃中

阿難問佛新發意者偶值惡師不曉
了謂法當令至使信受其言愚癡不
解故阿難問佛更見明師為可復重
受戒不佛語阿難於我法中曠大極
可得悔更自湔洗初發意時心常矇
冥為惡師所誤實自不知更行受戒
始為入法不知不曉時非佛弟子是
為世間小善人耳無大功德阿難聞
佛所說歡喜作札

佛說獼猴經

癸卯歲高麗國大藏都監奉
勅彫造

佛說黑氏梵志經

甚

吳月支國居士支謙譯

聞如是一時佛遊居連江水邊在彼
一月造十八變化於迦葉兄弟三人
及千弟子轉遊行羅閱祇城止頻一
年教授國民為其講法初成佛道竟
二年已乃到舍衛興隆道化開度天
人世間人民時香山有梵志名曰迦
羅得偕四禪具足五通徹視洞聽身
能飛行自察心念知人來生講說經
義感動釋梵及四天王諸鬼神龍并
閻羅王悉往聽之言語雅妙聲和猶
梵日日誥受不以為懸音徹于遠普
來歸聽時閻羅王坐聞經法淚下如
雨舉目觀視益用悲歎于時梵志問
閻羅王何為悲泣淚下如雨閻羅答
曰事當歸實不可虛言仁今說經便
辞利口義理甚妙猶如蓮華若明月
珠而命欲盡餘有七日恐忽然過就
於後世是以悲泣不能自勝又仁命
過墮地獄中在我部界今自相歸一
心受法及當取卿持掠五毒熱思惟

此遂用增懷不可為喻梵志愕然心中沉吟報閻羅王曰吾獲四禪成五神通獨步四域超昇梵天不以為礙既無罪愆何因當墮地獄閻界閻王曰仁臨壽終時當值惡對起瞋恚恨意欲有所害失本行義故趣閻界梵志聞之忽然怛懷不知何計設何方便得濟斯難愁感惻惻心懷湯火坐起不安為長歎息釋梵四王諸神問曰何為不安長太息乎梵志答曰吾命欲盡餘有七日且有惡對來亂吾善心緣是之故恐歸惡趣是以反側不能自勝時彼香山有諸善神數詣佛所諮受經典謂於梵志佛興于世仁不知乎梵志答曰身沉俗人安能知之其神復謂佛為一切三界之救度諸未度脫未脫安未安皆濟危厄令至永寂無為之道何不詣佛可脫憂患長得恬怕道德合同梵志聞之欣然踴躍如真覩明兩手各取梧桐合歡好色華樹飛到佛所未到之頃佛告摩夷世尊大慈修無極哀未曾忘捨應當度者佛時頌曰

潮水徑順崖未曾越故際僅有水神亂起犯於故流佛觀於本無察應當度者普使得免濟終無越失耶

於是梵志飛到佛所住虛空中正向歸佛佛告梵志謂黑氏曰放捨放捨梵志應諾如世尊教即捨右手梧桐之樹種佛右面復謂梵志放捨放捨梵志即捨左手所執合歡之樹種佛左面佛復重告放捨放捨梵志白曰適有兩樹捨佛左右空手而立當復何捨佛告梵志佛不謂卿捨手中物佛曰所捨令捨其前亦當捨後復捨中間使無處所乃度生死衆患之難佛於是頌曰

仁當捨其本亦當捨其末中間無處所乃度生死原內無有六入外表不得前放置於六情乃成無為疾

黑氏梵志聞佛所說心自念言不見吾我則了心無心者本無應病與藥鄙心開解如盲得目聾者得聽真為普見審一切智今已值佛德不可訾尋即來下稽首佛足退住一面佛應心本而分別說顯示道場演三脫門

於時轉住不退轉地無一憂患歎佛
功德而說頌曰

光明踰日月智慧猶大海大慈無極哀
十方悉欣戴衆生流三界無數億萬載
應病授法藥宣暢大辯才雖現入生死
周旋無往來勸化令精進罪福無能代
努力勤精進勿為欲所灾降衰四魔除
道成無罣礙

梵志白佛我迷已來其日久矣願見
垂愍得為沙門佛即聽之頭駁自墮
袈裟著身威儀齊整成為寂志往詣
闍王而謂之曰卿本謂我餘命七日
當墮地獄今為沙門神通已具諸漏已
盡度於四瀆衆病永除猶大圍屋一
時增壽七七日諸苦已消起外異術
自在住世更無數劫闍王答曰仁賴
餘福得遇佛時應病授法滅婬怒癡
神通悉備內外無疑設不尔者如鼠
遭狸如稻得灾為罪所牽如魚鉤餌
墮地獄中無有出期今已永脫相代
歡喜說是語時無央數人皆發道意
佛說如是比丘菩薩黑氏寂志天龍
鬼神阿須倫世間人莫不悅豫作礼

而去

佛說黑氏梵志經

癸卯歲高麗國大藏都監奉
勅彫造

佛說四願經

甚

吳月支國居士支謙譯

聞如是一時佛在拘夷那竭國與五百比丘僧坐於尼延樹下為數千萬人說法於是城中有豪長者財富無數名曰純陀純陀有子厥年十四時得重病不免所疾遂便喪亡父母兄弟宗親中外莫不受重啼哭憂愁安可言乎今時純陀聞佛來化心大歡喜便告其妻言今佛在此宜當往見聞佛說經法者莫不解悅忘憂除患即與其妻親族僕使俱到佛所為佛作禮却坐一面長者純陀長跪叉手前白佛言人在世間積聚錢財思慮勤苦不敢衣食不知布施奉持經戒無尊無卑獲得如願者或時命盡父母兄弟妻子親屬啼哭愁毒為其棺殮遣送財寶衣被飲食寧有益於死者不佛告純陀及諸會弟子聽我所說善思念之純陀眷屬諸會弟子皆各叉手一心受教而聽

佛言人有四願不可常保何等為四

第一願者是人身沐浴莊飾飲食玉樂常先與之疾病卒至不能止之命盡軀強在地不隨人魂神去空受重之復何益也

第二願者謂有財產官爵俸祿得之者喜不得愁憂疾病死至命盡所有財物官爵俸祿故在世間不隨人魂神去空為愁苦

第三願者謂有父母兄弟妻子中外親屬朋友知識恩愛榮樂疾病至死命盡復不能救我命亦不能隨我魂神去空啼哭送我到城外深坑間以棄我去各疾還歸雖追念我愁苦憂思不過十日諸家宗族男女聚會相向歌僂快共飲食相對談笑捐忘死人雖有父母兄弟妻子中外親屬朋友知識不能共追我命空悲之復何益也

第四願者是人意天下人少有能守護其意者皆放心恣意姪於五樂貪利疾妬忿怒聞諍不信道德至於身死壽盡魂神去矣三者相追逐不但相離譬如雀飛意隨其兩翅意為身

神兩翅為蜺蜺人不能守護其意皆從惡念所為然盜貪婬以生時所為罪死入太山地獄中為飢餓鬼罪竟乃出為畜生當為人所屠割作人放心快意故入三惡道

佛告純陀及諸弟子當端汝心守護沒意諦自思惟知身非我身所有財物亦非我許當諦計按所有父母兄弟妻子五種親屬朋友知識官爵俸祿念欲得之無有厭足謂有益於我身老病死來皆不能益於我身亦不能為我却之人不能自拔為道如鸚鵡鳥愛其毛尾為射獵者所得賢者諦知是四願不隨人魂神去空為之困苦因拔思愛之根絕三惡之道得三善道一者不復老二者不復病三者不復死堅守護其意乃可得度諸弟子聞經歡喜為佛作礼

佛說四願經

甲辰歲高懸國大藏都監奉

勅彫造

佛說末生冤經

其

吳月支國居士支謙譯

聞如是一時佛在王舍國鷄山中諸
 天龍鬼神帝王臣民皆詣佛所稽首
 承風供養之儀靡不盡禮調達觀之
 其嫉無量還告太子末生冤曰汝父
 輦國衆寶以貢佛諸沙門國藏空竭
 可早圖之即位為王吾當與師徃征
 佛也子可為王吾當為佛兩得其所
 不亦善乎子必成之末生冤與調達
 結斯陰謀已則勅兼勢臣令勒兵至
 還奪其印綬以付獄王還臣即如命
 以王付獄王意怙然照之宿歿心無
 恐懼重信佛言王曰吾有何過而罪
 我乎皇后貴人率土臣細莫不哀慟
 王願謂哭者曰佛說天地日月須臾
 山海有成必敗盛者即衰合會有離
 生者必死由之憂悲輪轉無際以致
 重苦尋其原察其始因緣合會即有
 謂之生因緣離散即滅謂之空夫身
 者四大耳衆生魂靈寄處其中死還
 其本魂靈空去謂之非身身尚不保何

國之常守乎佛初入國吾未有子也
問吾寧知當來王不乎吾對曰不知
世尊重曰一切無常汝諦思之佛之
誠我正為今也各努力建志懷存佛
誠矣王謂太子曰汝每有疾吾為療
心欲以身命救危代汝親之仁恩唯
天為上汝懷何心忍為逆惡乎夫然
親者死入太山不中止息汝將當之
也吾是汝尊重親尊孝尚忍名不稱
豈況然父乎以國惠汝吾欲至佛所
作沙門吾觀姪姪猶火燒身女類之
好以為虛空無目之徒靡不惑焉唯
觀佛經照女媯之尤惡知榮利之害
身太子曰汝莫多云吾獲宿願豈有
救哉勅獄吏曰絕其餉食以餓煞之
有司將入獄泝沙王向佛所在稽首
重拜曰子有天地之惡吾無絲髮之
忿心矣唯存佛教世無常樂其苦有
長入獄被髮仰天呼曰痛乎天豈有
斯道哉后妃貴人舉國巨細靡不哀
慟后謂太子曰大王掠桎梏處牢獄
坐卧須人其痛難言自汝生來大王
赤心懸情于汝食息不忘四大盈縮

枕伏臨汝涕泗交并心焦體枯欲以身命代余殞矣當存天人之育無為逆也佛說經云夫善之極者莫大於孝惡之大者其唯害親乎長幼相事天當祐之豈况親哉汝順凶虐為斯重惡必入太山世間六十億年為太山一日一夕所更諸毒每處有年汝其畢之不亦難乎夫快心之士無不後悔太子曰吾少小有志煞父為王今日獲願何諫之云乎右曰夫不用諫者亡國之基矣吾欲見大王寧可不乎太子曰可右淨身澡浴以盛麁塗身入見大王面頰瘦瘠不識舉哀聞之者莫不揮淚右曰佛說榮樂無常罪苦有恒王曰獄吏絕餉食飢渴日久身八万户有數百種重擾吾腹中血肉消盡壽命且窮矣言之哽咽息絕復連右曰具照斯難妾以麁塗塗身可就食之當惟佛誠無忽也王食畢向佛所在哽咽稽首曰佛說榮福難保如幻如夢誠如尊教謂右曰吾為王時國土廣大衣食從好而今處獄當就餓死子所從得榮逆之師

佛說末生冤經 第五張 其
違佛仁教吾不懼死唯恨不面稟佛

清化與驚鷲子目連大迦葉講尊
道與耳王重謂后曰佛說恩愛猶若
衆鳥會栖于樹晨各離散隨其殃福
目連衆垢已除諸惡已滅得于六通
四達尚為貪嫉梵志所捶豈況吾哉
為殃惡退人猶影尋身響之應聲佛
時難遇神化難聞賢衆行高儀式無
量非世儒所能履行懷佛經典以仁
化民獲供養之福稟其清化誠亦難
值哉吾今死矣還神遠逝夫欲建志
莫尚佛教也汝慎守之防來禍矣后
聞王誠重又哀慟太子詰獄吏曰絕
王食有日不死何為對曰皇后入獄
有麤糞之貢以延王命太子曰自今
莫令后見王王飢勢起向佛所在稽
首即為不飢夜時為明太子聞之令
塞窓牖削其足底無令得起而覩佛
明有司即削足底其痛無量念佛不
忘佛遙為說經曰夫善惡行殃福歸
身可不慎矣瓶沙王對曰若當支解
寸斬於體終不念惡世尊重曰吾今
為如來無所著正真道取正覺道法

御天人師三千大千日月天神鬼龍
靡不稽首宿之餘殃下今不釋豈况
凡庶王受天中天恩具照宿殃不敢
愠望不懼大山燒煮之罪中心在佛
及諸弟子坐卧敢忽即叉手稽首今
日命絕永替神化啍啍哽咽斯須息
絕舉國臣民靡不踴踊呼天奈何瓶
沙王即得道迹上生天上三道門塞
諸苦都滅矣
佛說末生冤經

癸卯歲高麗國大藏都監奉
勅彫造

佛說阿鳩留經

甚

僧祐錄妄言與經今附漢錄

聞如是一時佛在舍衛國祇樹給孤
獨園佛告諸比丘言昔者有賈客名
阿鳩留居處其富金銀珍寶奴婢衆
多阿鳩留不信有後世生作善不得
善作惡不得惡阿鳩留言人死後身
地外地身水外水身火外火身風外
風身皆共和合人死後終不復生也
人所作善惡心所念口所言身所行
皆當棄捐後不復生時阿鳩留持財
貨數千萬與賈客五百人俱行阿鳩
留取尊豪相隨行賈客當經劇道無
水草處所持糧食水草皆已盡行一
日二日不見水草行三日四日不見
水草賈客皆恐怖言今我皆悉當於
此荒澤中餓死耶各自啼哭呼父母
妻子阿鳩留遣騎四布行求水草阿
鳩留自行遇見一樹樹葉青青果盛
繁熾自念此樹下猶當有水便前趣
樹見一男子端正無比遇見阿鳩留
騎馬來前迎趣之言多賀來到在所

求索阿鳩留見樹下人答之即大喜
知得更生樹下人言從何所來欲所
之到阿鳩留言盡救我命及五百人
畜生命樹下人言欲何求索言我欲
得水樹下人便舉右手水從五指端
出如流泉甚香味語阿鳩留言自極
飲飲已復從索飯樹下人便舉右手
美食從指端出阿鳩留得飽食已便
舉聲大啼哭樹下人因問仁者啼哭
為阿鳩留言我等伴五百人及畜生
從三四日以來皆不得飲食飢餓甚極
命在須臾是故我啼哭耳樹下人語
阿鳩留若行將五百人及畜生來我
忠為若飽之阿鳩留即馳行呼伴人
語之言勿復憂也已得飲食屢隨我
去來伴人大喜便隨去到樹下皆叉
手為樹下人作礼樹下人問言欲何
得人皆言大飢渴樹下人即復舉右
手五指端即復大水出水如流泉人
馬畜生皆飲復從索飯樹下人復舉
右手五指端出名美食與之五百
人及畜生皆飽滿樹下人因問五百
人等卿皆欲至到何等求索賈人言

我皆欲到大海求索珍寶樹下人因問卿皆欲索珍寶者便可從我手中出樹下人便舉右手從五指端出金銀水精琉璃珊瑚琥珀白珠人便歛取取各自重如去樹下人語阿鳩留持此金銀歸鄉里用布施貧窮者欲得飯者飯之欲得金銀錢財衣被者極與之令道人皆咒願我令我得其福令我手中出琦物又多使我早脫此荒澤中阿鳩留聞此語大驚怖便以頭面著地問仁者為何等人乎是天耶龍耶鬼神耶是人耶樹下人言我亦非天亦非龍亦非鬼亦非人我是豪薛荔也我前世時於國中大貧窮常在城門下坐雖貧窮心淨潔愛樂沙門道人我貧窮不能施人見他人布施代其喜時迦葉佛般泥洹去諸比丘來從我乞食我應比丘言我無所有但還指示城中某家善可得飯某家不善不可得飯比丘乞來出我見有所得即歡喜又迦葉佛般泥洹去其國王名為基立為迦葉佛起七寶塔我輒持手著其上言令我

得其福王上好物於佛塔我輒持予
著之言使我得其福但用貧故未曾
齋飯食無時又飲酒是故死後以作
豪肆荔耳但用我前世見人作善代
端在所出但用生時未曾齋故使我
作是聞肆荔阿鳩留自念言我前不
信有後世生作善不得善作惡不得
惡今我眼見是為審有後世復生審
有作善得善作惡得惡從今日以去
歸鄉里使當作善布施與人恣所求
索人有欲得金銀珍寶飲食衣被者
皆與之不逆人也阿鳩留歸到鄉里
語一國中人誰有欲得金銀珍寶衣
被飲食者恣所求索皆來取之如是
布施無央數日日飯八万四千道人
但澗汗流出門人用橈船而行阿鳩
留作善極意死後便上第二忉利天
上作天人去離天帝座四百八十里
其國中有七旬女人名曰娑以善心
持一杆米粥與沙門摩呵迦葉女人
死後亦生忉利天上作天人在天帝
釋邊第三座復勝餘天五事何謂五

事一者長壽二者端正三者安樂四者智慧五者威神勝於餘天後佛母忽故生忉利天時佛天上為母說經說經已佛母及諸天無央數皆得須陀洹道佛因見阿鳩留布施與人遠在天帝釋邊四百八十里坐復見乞自女人持米粥與沙門摩訶迦葉在天帝釋邊第三座又勝餘天五事佛見患皆識知即遙呼阿鳩留言布施善人來相見阿鳩留即來前持頭面著地為佛作礼白佛言我布施大眾多但得凡人耳不得須陀洹斯陀舍阿那含阿羅漢辟支佛佛道也今見乞自女人持米粥與沙門摩訶迦葉今世在帝釋邊第三座又勝餘天五事人持小物與摩訶迦葉得福乃今是故身自致豪貴如此天便為佛作礼而去

佛說阿鳩留經

癸卯歲高麗國大藏都監奉

勅周造

佛說八關齋經

卷一

宋居士沮渠京聲譯

聞如是一時婆伽婆在舍衛城祇樹
給孤獨園今時世尊告諸比丘我今
當說聖八關齋諦聽諦聽善思念之
我今當說對曰如是世尊今時彼比
丘從佛受教世尊告曰於是比丘若
信族姓子族姓女欲知聖八關齋便
教某甲當作是說猶如阿羅漢盡形
壽不煞生亦不教人殺生無怨恨心當
懷慚愧有慈心愍一切衆生我字某
名某為阿羅漢所教自今日始隨意
所欲不復殺生無怨恨心常懷慚愧
有慈心愍一切衆生猶如阿羅漢盡
形壽不盜好施亦不教人盜常樂閑
處如是我字某名某為阿羅漢所教
隨意所欲不復盜竊常懷惠施樂閑
居處猶如阿羅漢盡形壽不習不淨
行常修梵行清淨無穢而自娛樂如
是我字某名某為阿羅漢所教自今
已後不復婬佚清淨無穢猶如阿羅
漢盡形壽不妄語常行甯諦寂尊寂

貴諸尊長為世所貴如是我字某名
某為彼阿羅漢所教自今已後更不
復妄語亦不教人使習妄語當行審
諦為世尊長不行妄語猶如阿羅漢
亦不飲酒如是我字某名某自今已
後隨意所欲亦不飲酒亦不教人使
飲酒猶如阿羅漢盡形壽不犯齋隨
時食如是我字某名某今日一夜
隨意所欲亦不犯齋亦不教人使犯
齋隨時食猶如阿羅漢盡形壽不於
高好牀坐如是我字某名某今日一
夜不於高廣牀坐亦不教人使坐
猶如阿羅漢盡形壽不習歌儻戲樂
亦不著紋飾香熏塗身今日一夜
不習歌儻戲樂亦不著紋飾香熏塗
身如是修行聖八關齋於是八關齋
中功德不可限量言有尔所福尔所
功德尔所福報如是眾多福不可稱
計諸比丘譬如五大流水皆同一處
所謂恒伽謠婆奴新頭阿脂耶婆提
摩藥彼水所流處不可限量言有尔
所水有尔所瓶水有尔所千瓶百千
瓶水如是聖八關齋福不可稱量言

佛說八關齋經 第三張 甚

有尔所福尔所功德尔所果報此大
福不可稱計尔時諸比丘聞佛所說
歡喜奉行

佛說八關齋經

癸卯歲高麗國大藏都監奉

勅彫造

佛說分別經

甚

西晉月氏國三藏竺法護譯

聞如是一時佛在舍衛國祇樹給孤
獨園晨朝整服儼然而坐佛語阿難
告諸比丘皆寂靜明聽今當為汝說
人坐受苦阿難從坐起整衣服為佛
作禮白佛言願樂欲聞佛言人有六
忘以自侵欺何謂為六眼為色欺耳
為聲欺鼻為香欺口為味欺身為細
滑欺意墮邪念為邪念欺是為六欺
令人墮惡道中無有出期點人乃諸
覺是耳佛言人從三可得三苦何謂
三可一身可然盜煙二口可兩舌惡
罵妄言綺語三意可貪恚癡用是三
可故墮地獄餓鬼畜生中是為三苦
唯瞋者覺之佛言人有六忘墮十八
痛何謂六忘眼忘入色耳忘入音鼻
忘入香口忘入味身忘入細滑意忘
入邪念是為六忘亦為受亦為棄用
是故墮十八地獄苦痛長久無有出期
阿難白佛言人有事佛受戒能得脫
是苦痛不佛言有人事佛受戒得福

無量不可譬喻者有人事佛墮極罪者阿難問佛事佛受佛戒當得福更得深罪何以故願聞其意佛言有人事佛奉持經戒精進不犯得福無量不可譬喻也佛言有人事佛受戒不持不能精進禪定思惟記名事佛專行邪業貪求無厭不知止足姪姪色欲好喜歌舞耽耽于酒味以自放恣雖云事佛其過難量用是之故長墮三塗苦痛万端難得免出

佛言事佛有三輩一輩者為魔弟子事佛二輩為天人事佛三輩為佛弟子事佛何謂魔弟子事佛佛言雖受佛戒心樂邪業下問是樂解除禱祀信有家親丈人不信正真不知有罪惡之對候名事佛常與邪俱死墮無擇地獄受苦長久之乃出為魔邪屬諛諛然雖難可得度是曹道人宿命餘福暫得一時見於正道心意暫暫難曉宿已當復更入邪見無窮已也是為魔弟子事佛何謂天人事佛受持五戒行於十善死死不犯信有罪福作是得是壽終之後即生天上是為

天人事佛何謂佛弟子事佛奉持正
戒廣學經戒修治上慧知三界苦心
不樂著欲得解脫行於四等六度愍
傷衆生欲安濟之不貪身命知死有
生求長益福不為邪業是為佛弟子
事佛佛言吾般泥洹後千歲魔道當
興時世大惡國無常主民無常居遠
方之人當入中國掠煞殘暴無有法
則於斯之際像法當興盛阿難問佛
何謂像法佛言當來比丘不持正法
挾妻養子無有慚愧心耕田殖殖以
為常業無復學問坐禪行者好樂俗
常以為綺雅佯佯相看上下雷同
拂相教度世之基迷於色欲不畏于
罪時有知法者為說真言教示正法
便懷憎嫉欲毀壞之為立言議抄持
長短誹謗驅蹙使其無慘用是之故
大法轉成阿難問佛於是之時頗有
奉法者不佛言多有事佛亦出家者
耳但不持戒共相嫉妬識義者少多
不曉解阿難言當今之時何國取惡
不信行者佛言真丹之土當有千比
丘共在大國墮魔邦界其中黠者若

一若兩為佛弟子耳生六天上者亦復少少女魔邦者甚多甚多佛言吾般泥洹後亦多有外學來求吾道度者當隱括審志三月知其志能習清淨行虛寂少欲不為汙行便可受之先授十善滿三年已服習道意事亦犯乃為更受二百四十戒其為威儀之事精進守行皆向解脫是弥勒所當建也當從得度以為應道阿難問佛如佛所說我皆頂受宣語後人令佛之弘法不為斷絕佛言阿難汝前後所受皆以實心我亦知汝有信護於佛法也阿難問佛後若有人信樂應法至心欲求斷世違俗以從正道若時無明師傳教誡者若有一人書寫戒律授與之便可得度為道者不佛言阿難皆當得知禁法者余乃可授戒耳不可以文字受便為應法何以故佛為天上天下之大智天上天下之大度天上天下之大明不可妄傳失旨皆當明於戒法禁律事事委練乃為相授耳不明法戒禁要之事而妄授人或法違佛誠信及用為是

大罪不小也。宜以審諦阿難白佛言。後末之世。若有人至心至意。厭於苦痛。欲求度脫。世無有佛。當以何濟。其來意佛言。阿難。當將詣彼明戒法者。曉習威儀禁要之事。如是應度。度亦得度。自不明而復投彼。兩達失道。渾沌無窮。竟已何從得度脫耶。佛言。當來有比丘。不能自淨。畜妻養子。身行汙濁。貪求供養。不信罪福。而望安樂。難得免脫。甚亦可傷。阿難白佛言。如是後世。其有從道被服。皆是佛威神。其人以得像於正真。因緣當從得脫。何緣中復不信。違佛明教。當復更若于無數劫。受苦痛耶。佛言。阿難。是皆前世無數劫。墮久苦之中。其人於苦痛之地。自悔責。願得為善。當從得脫。緣一時自悔之福。輒得福隨。來生末世。為人暫覩佛經。又能除剔頭髮。以為比丘。本識未滅。心意猶豫。瞢瞢不了。故有汙濁。多不能離俗。不遇明慧。如是當後。更墮極苦之中。受無數劫罪。佛言。諸比丘。汝以出家捨妻子棄世行作沙門。當修戒行。如羅漢法。寧

以洋銅灌口中下過焦爛腹腸終不
無德食人信施寧以利刀截手支解
身體不以無德受人信施人無德力
受人信施當累劫墮於罪苦久久得
出用餘機末之福得為人身當復更
還一一償之有作奴婢償者有作兒
子償者有作父母償者阿難問佛何
謂償債佛言有作奴婢大家撾打不
以道理奴婢受之無有怨心勤力作
務不憚勞疲受惜大家之物不敢放
散是為現世償債奴婢也宿命先世
受人信施不行功德罪畢來償猶有
本識故無怨恚甘受而已何謂償債
兒子兒子致財父母散用無有限度
兒子心亦無惜意是為償債兒子何
謂償債父母父母致財兒主散用父
母不為愛惜恣所當得皆是宿識因
緣相償故無惜心諸此償債因緣合
會對訖更散亦無常住明者覺之故
不為也唯有道德可以久保吾前世
時亦更為人償債奴婢兒子父母不
可稱數皆有一時之緣難可免脫至
今得道現我父母皆先世道德之緣

不由償債父母世世放捨使我學道
累劫精進今成得佛皆是父母之恩
人欲學道不可不精進孝順二墮失
人種累劫不復五末之世持宜順行
遭值經道不可不勤遭值佛世不可
不諦受著心遭值明人不可不勤問
奉受何以故人身難有六情難具才
聰難得佛難得見經難得聞故宜勤
之佛言吾般泥洹後當有五逆惡世
當斯之時真丹土域魔事當盛開塞
正道雖有經法少有學者設有學者
少有行者世有比丘少有能自守清淨
多有汙濁習俗之行高望遊步世人
無異求好衣服學世辯辭造世禮賈
群黨相隨以快心意求世名譽教人
入法度為弟子不教護魔不依正道
度世之業亦不學問追求明智自謂
德大不守根門雖得為人假時而已
自謂長久不知大對當後受苦無窮
竟已顛倒翻覆在魔部衆一何痛哉
諸比丘已得人身六情完具覩佛經
或勤行當行誦之一失人本難有復
時佛世難值經法難聞且各思惟佛

佛說分別經
說經竟諸比丘皆儼然坐自思惟即
得羅漢

佛說分別經

癸卯歲高麗國大藏都監奉
勅周造

佛說法受塵經

甚

後漢書意國三藏安世高譯

聞知是一時佛遊於舍衛國祇樹給
孤獨園佛告諸比丘比丘受教從佛
而聽佛言比丘凡人為一法受塵自
汙迷惑憂愁沒無端際吾見其不得
無上吉祥之道如丈夫欲見女子色
是以好色之士為染為醉為貪為汙
為惑為著為住為受從婬女言故長
久起走往來為受熱苦耳常欲聞婬
女之聲鼻欲聞其香舌欲得其味身
欲更其細滑是以長久起走往來受
苦是故不當為女色聲香味細滑所
染惑也當覺知是又復諸比丘凡人
為法界塵自汙迷惑憂愁沒而無際
吾見其不得無上吉祥之道如婬女欲
見男子色是以好色之女為染為醉為
貪為汙為惑為著為住為受為土色故
長久起走往來受苦耳常欲聞男子
之聲鼻欲聞其香舌欲得其味身欲
更其細滑是以長久起走往來受苦
是故不當為土色聲香味細滑所染

惑也當覺知是佛說是已皆歡喜
受行

佛說法受塵經

癸卯歲高麗國大藏都監奉

勅彫造

犍陀國王經

甚

後漢安世國三藏安世高譯

聞如是一時佛在舍衛國祇樹給孤
獨園與千二百五十比丘俱時有國
王号名犍陀奉事婆羅門婆羅門居
在山中多種果樹時有採樵人毀敗
其果樹婆羅門時見之便將詣王所
言是人無狀殘敗我果樹王當治殺
之王敬事婆羅門不敢違之即為殺
敗樹者自後未久有牛食人稻其主
逐捕牛折其一角血流被面痛不可
忍牛徑到王所自言我實無狀食此
人少稻今為其見捕折我角稻主亦
追到王所王曉鳥獸語告牛言我當
為汝治殺之牛即報言今雖殺此人
亦不能令我不痛但當約勒後莫取
人如我耳王便感念言我事婆羅門
但坐果樹令我殺人不如此牛也便
呼婆羅門問言今事此道有何福乎
婆羅門報言可得獲災致福富貴長
壽王復問言可得免於生死不報言
不得免於生死也王獨念言當用此

道為事便勅群臣嚴駕往到佛所五
體投地為佛作禮白言我聞佛道至
尊巍巍教化天下所度無數願受法
言以自改操佛即授王五戒十善為
說一切天地人物無生不死者王以
頭面著地為禮白佛言今奉尊法戒
當得何福佛言布施持戒現世得福
忍辱精進一心智慧者其德無量後
上天上亦可得作遮迦越王亦可得
無為度世之道佛即為王現相好威
神光耀王即歡喜意解便得須陀洹
道阿難正衣服頭面著地為佛作禮
白佛言此王與牛本何因緣牛語意
便解捨婆羅門而事佛道見佛聞法
即得道迹佛言乃昔拘鄰舍牛居佛
時王與牛為兄弟作優婆塞俱持齋
一日一夜王守法精進不懈怠壽終
昇天上壽盡下為國王牛時犯齋夜
食後受其罪罪畢復作牛百世尚有
宿識故來聞悟王意牛後七日壽終
上生天上佛言四輩弟子受持齋戒
不可犯也諸比丘僧比丘尼優婆塞
優婆夷天龍鬼神聞經歡喜前為佛

捷施國王經

第三張

作礼而去

捷施國王經

癸卯歲高麗國大藏都監奉
勅彫造

佛說孝子經

三

失譯人名今附西晉錄

佛問諸沙門親之生子懷之十月身為重病臨生之日母危父怖其情難言既生之後推燥卧濕精誠之至血化為乳摩拭澡浴衣食教詔札賂師友奉貢君長子顏和悅親亦欣豫子設慘感親心焦枯出門愛念入則存之心懷惕惕懼其不善親恩若此何以報之諸沙門對曰唯當盡礼慈心供養以賽親恩世尊又曰子之養親甘露百味以恣其口天樂衆音以娛其耳名衣上服光耀其身兩肩荷負周流四海託子年命以賽養恩可謂孝乎諸沙門曰惟孝之大莫尚乎茲世尊告曰未為孝矣若親頑闇不奉三尊兇虐殘虐濫竊非理姪姪外色偽辭非道耽恣荒亂違背正真兇暴若斯子當極諫以啓悟之若猶瞽瞍未悟即為義化當牽臂引類示王者之牢獄諸囚之刑戮曰斯為不軌身被衆毒自招殞命命終神去繫于太山湯

火乃毒獨呼無救由彼履惡遭斯重
殃矣設復未移吟泣啼數絕不飲食親
雖不明必以恩愛之痛懼子死矣猶
當強忍伏以崇道若親遷志奉佛五
戒仁惻不殺清議不盜貞潔不淫守
信不欺孝順不醉者宗門之內即親
慈子孝夫正婦貞九族和睦僕使順
從潤澤遠被合血愛恩十方諸佛天
龍鬼神有道之君忠平之臣黎庶万
姓無不敬愛祐而安之數有顛倒之
政僕嬖之輔兒兒姦婦子邪万恠無
如已何於是二親履世常安壽終魂
靈往生天上諸佛共會得聞法言獲
道度世長與告別

佛告諸沙門觀世無孝唯斯為孝耳
能令親去惡為善奉持五戒執三自
歸朝奉而暮終者恩重於親乳哺之
養無量之惠若不能以三尊之三化
其親者雖為孝養猶為不孝無以養
妻遠賢不親女情多欲好色無勸進
孝敬親國政荒亂万民流亡今志息
施礼式自檢輒心崇仁蒸蒸進德潛
意寂冥學步

○

執達名動諸天明齊賢

者自穢妻聚惑志女色荒迷于欲媛
盡姿態其變万端薄智之夫淺見之
士觀其如此不覺微漸遂迴忘沒身
從彼魑魅邪巧之乱或危親斁君悞
色情蕩念嫉忌博敬心盲冥等行鳥
獸自古世來無不由之然身滅宗是
以沙門獨而不雙清潔其志以道是務
奉斯明戒為君即保四海為臣即忠
以仁養民即父法明子孝慈夫信婦貞
優婆塞優婆夷執行如是世世逢佛
見法得道佛說如是弟子歡喜

佛說孝子經

癸卯歲高麗國大藏部監奉
勅彫造

燈指因緣經

無

後秦龜茲國三藏鳩摩羅什譯

若種少善於勝福田人天受樂後得
涅槃是以智者應當勤心修集善業
言福田者即是佛也佛身光明如軸
金聚功德智慧以自在嚴得圓足眼
善能觀察衆生諸根世間黑闇為作
燈明衆生愚癡為作親善衆善悉備
名稱普聞牟尼世尊衆所歸依是故
人天至心修福無不獲報

昔王舍城五山圍繞於五摩伽陀家
處其裏此王城内里巷相當連園廣
博臺觀嚴嚴堂室綺妙高軒敞朗周
匝欄楯有好林池甚可愛樂其水清
淨溫涼調適通渠迴流轉相交注林
樹蕭森枝條翳鬱華實繁茂映蔽日
月風吹花林出微妙香其香芬鬱芳
馨四塞遍王舍城諸勝智人修梵行
者咸以此地莊嚴殊特心生喜樂自
遠而至雲集其中

時此城主阿闍世王道化光被遐迩
所歸正法治國修善者衆國實殷

安隱快樂。爾時城中有一長者。其家
巨富。庫藏盈溢。如毗沙門。然無子胤。
耨祀神祇。求乞有子。其婦不久便覺
有身。滿足十月。生一男兒。是兒先世
宿殖福因。初生之日。其手一指。出大
光明。明照十里。父母歡喜。即集親族
及諸相師。施設大會。為兒立字。因其
指光字曰燈指。諸集會者。觀其異相。
歎未曾有。時此會中有婆羅門名曰
婆修誦。四圍隨興。博聞多知。事無不
曉。見兒姿貌奇相。非常含笑而言。今
此兒者。或是那羅延天。釋提桓因。日
之天子。諸大德天。來現生也。時兒父
母聞是語。已倍增歡喜。設大檀會。七
日。七夜。布施作福。如是展轉。舉國聞
知。皆云。長者產一福子。稱美之音。上
徹於王。時王聞已。即勅將來長者受
教。尋即抱兒詣王宮門。值王宴會。作
衆伎樂。無人通啓。不得輒前。其兒指
光徹照宮廷。赫然大明。照于王身。及
以宮觀一切雜物。斯皆金色。其光遍
照於王宮內。辟如大水湛然。盈滿。王
即恠問。此光何來。忽照吾宮。將非世

尊欲化衆生至我門耶又非大德諸
天釋提桓因曰天子等下降來耶王
尋遣人往門外看使人見已還入白
三向者大王所喚小兒今在門外此
兒手在乳母肩上其指出光明來徹
照故有此光王勅使言速將兒來王
既見之深異此兒自捉兒手觀其兒
相諦瞻觀已而作是言外道六師稱
無因果真偽誰惑若無因果云何此
兒從生已來容貌超絕指光炳著以
此觀之諸外道輩陷諸衆生顛墜惡
趣定知此兒非自在天之所化生亦
非神祇自然而有必因宿福獲斯善
報始知佛語誠諦不虛佛說種種業
緣莊嚴世間一切衆生眼見報應而不
修福一何恠哉王復言曰今猶未審
此指光曜或因於日而有此明必欲
驗者須待夜半既至日暮即以小兒
置于爲上在前而行王將群臣共入
園中而此小兒指光所照幽闇大明
觀視園中鳥獸華果與晝無異王觀
此已喟然歎曰佛之所說何其真妙
我於今日於因於果生大堅信深鄙

六師愚迷之甚是故於佛倍生宗仰
於時耆域即白王言佛於修多羅中
說若不見業故有慳貪以見業故慳
貪永息今見燈指有此福報假令窮
困尚應罄竭而修善業况復富饒而
不作福如是語頃天已平曉還將燈
指入于王宮王甚歡喜大賜珍寶放
令還家燈指漸漸遂便長大其父長
者為求婿所選擇高門與已等者娉
以為婦長者既富禮教光脩閨門
穉資產轉盛夫威有義合會有離長
者夫妻俱時喪亡譬如日到沒雲暉
光潛翳如日既出月光不現如火為
灰熾炎永滅強健好色為病所殘少
壯之年為老所侵所愛之命為死所
奪父母既終生計漸損而此燈指少
長富逸不開家業惡伴交遊恣心放
意耽惑酒色用錢無度倉庫儲積無
人料理如月盈則開轉就損減時彼
國法歲一大會集般周山于時燈指
服勝奢靡將從伎樂皆悉嚴整擬於
王者詣彼會所彼會大眾見其如是
無不敬美余時眾人共相酣飲歡娛

適意鐘鼓競陳絃歌普作歡儔平塲
嬉戲原野娛樂之音動山蓋谷時後
群賊知燈指詎會未還之間伺其空便
往到其家劫掠錢財一切盡取燈拍
暮歸見已舍內為賊劫掠唯有木石
磚瓦等在見此事已悶絕踣地傍人
水邊方得醒寤憂愁啼哭而作是念
我父昔來廣作方面修治家業劬勞
積聚倉庫財寶是父所為生育我身
豈有委付如何至我不紹父業浮遊
懶惰為人欺陵父之餘財一旦喪失
倉庫空虛畜產遊散願瞻舍宅唯我
孑然著身環珞及以服藥當用貧食
以濟交急用之既盡當如之何當于
今時指光亦減其妻歐殺捨棄而走
僮僕逃失親里斷絕素與情昵極親
厚者反如怨讎見其貧窮恐從乞索
逆生瞋怒婦尚捨棄况於餘人當知
貧窮比於地獄貧窮苟生與死無別
先演富樂卒罹窮困失所依憑栖寄
無憂憂心火熾愁毒熾然華色既衰
悴容轉羸身體尪癯飢渴消削眼目
押陷諸節骨立薄皮纏綿筋脉露現

頭髮蓬亂手足銳細其色艾白舉體
皴裂又無衣裳至真穢中拾掇麤弊
遠綴相著纔遮人根赤露四體倚卧
真疑復無席薦諸親舊等見而不識
屋巷乞食猶如餓馬至知友邊欲從
乞食守門之人遮而不聽伺便輒入
復為排辱舍主既出欲加鞭打俯俛
曲躬再拜謝罪舍主輕蔑都不迴顧
誤得入舍輕賤之故既不與語又不
數座與少飲食揶揄盂器不使充飽
時彼國內取婦生子剃髮法皆設會
往到會中望乞殘食以輕賤故不喫
令坐駢其走使益索所湏得少餘殘
與奴共器便自思惟恠哉恠哉我今
去何貧賤伶仃忽至此私自念言
如我今日精神昏迷心智失識不知
今者為是本形更受身耶幸苦荼毒
世所無偶時如林樹無花眾蜂遠離
被霜之草葉自焦捲枯涸之池鴻鴈
不遊被燒之林糜鹿不趣田苗刈盡
無人招拾今日貧困說往富樂但謂
虛談誰肯信之世人甚衆無知我者
由我貧窮所向無路譬如曠野為火

所焚人不喜樂如枯樹無蔭無依投
者如苗被雹霜摧折不救如毒蛇室
人皆遠離如雜毒食無有嘗者如空
塚間無人趣向如惡廁溷臭穢盈集
如臭膾者人所惡賤如常偷賊人所
猜疑我亦如是所向之屢動作譏嫌
所可談說發言生過雖說好語他以
為非若造善業他以為鄙所為機捷
復嫌輕躁若復舒緩又言直直設復
讚歎人謂諂譽若不加譽復生誹謗
言此貧人常無好語若復教授復言
詐偽者舊強有所知若廣言說人謂
多舌若默無言人謂藏情若正直說
復去虛廣若求人意復言諂曲若數
親附復言幻惑若不親附復言譌訛
若順他所說復言詐取他意若不隨
順復言自尊若屈意承望罵言寒賤
若不屈意言是貧人猶故自我若小
自寬放言其愚癡無有拘忌若自攝
檢言其空虛詐自端確若復歡逸言
其譁張狀似狂人若復憂慘言其舍
事初無歡心若聞他語有所不盡為
其判釋言其命趣以愚代智耐著之

甚若復默然復言頑嚚不識道理若
小戲論言不信罪福若有所索言其
苟得不知慮耻若無所索言今雖不
求後望大得若言引經書復古詐作
聰明若言語樣素復熒踈鈍若公論
事實復言強說若私屏正語復言讒
佞若著新衣復言假借嚴飾若著弊
衣復言停劣寒悴若多飲食復言飢餓
饕餮若少飲食言腹中實飢詐作清
廉若說經論言顯已所知彰我闇短
若不說經論言愚癡無識可使放牛
若自道苦事業言誇業自譽若自杜
默言門資淺薄諸貧窮者行來進止
言說俯仰盡是慙過富貴之人作諸
非法都無過患舉措玄為斯皆得所
貧窮之人如起尸鬼一切怖畏如遇死
病難可療治如曠野險處絕無水草
如墮大海沒溺洪流如人捺咽不得
出氣如眼上翳不知所至如厚垢穢
難可洗去亦如怨家雖同衣食不捨
惡心如夏暴并入中斷氣如入深泥
滯不可出如山暴水駛沫吹漂樹木
摧折貧亦如是多諸艱難貧窮又能

毀壞壯年好色氣力名聞種族門戶
智慧持戒布施慚愧仁義信行勇武
意志恣能壞之又復能生飢寒怨憎
輕躁褊狹憂愁慘毒熾實罪負如是
衆苦從貧窮生譬如伏藏多有雜物
貧伏藏中多有種種身心苦惱夫富
貴者有好威德姿顏從容意度寬廣
禮義競興能生智勇增長家業眷屬
和讓善名遠聞燈指思惟我今貧厄
世間少比正欲捨身不能自殞當作
何方以自存濟復作是念世人所鄙
不過擔尸此事雖惡交無後世受苦
之業若當餘作或值然生作諸不善
以此而言我請為之今時有人聞其
此語即雇擔尸燈指取直尋從其言
擔負死人到於塚間意欲擲棄于時
死人急抱燈指譬如小兒抱其父母
急捉不放盡力拋却不能得去死人
著脊猶如胡膠不可得脫排推不離
甚大怖畏作是念言我於今日擔此
死人欲何處活即詣旃陀羅村語言
誰能却我背上死尸當重相雇諸旃陀
羅詳共盡力共挽却之亦不肯去餘

見之者罵燈指言狂人何為擔負死尸入人村落競以杖石而打擲之身體傷破痛懼並至有人憐愍將其詣城遂到城門既到門下守明之人逆遮打之不得近門此何癡人擔負死尸欲來入城自見己身被諸杖木身體皆破甚懷懊惱發聲大哭而作是言我正為食作此鄙事今日忽然遭此大苦由我貧困不擇作處為斯賤業真得價直以自存活如何一旦復值苦毒寧作餘死不負尸生且哭且言時守門者深生憐愍放令還家到自空室先同乞索諸貧人等共住之者遇見死尸在其背上悉皆捨去既到舍已尸自墮地燈指于時踰增惶怖悶絕躡地久乃得蘇尋見死尸手拍純是黃金雖復怖畏見是好金即前視之以刀試割實是真金既得金已心生歡喜復剪頭項手足如是剪已尋復還生須臾之頃金頭手足其積過人臂如王者失國還復本位如盲得眼視瞻明了如父思他女得與交歡如學禪者忽得道證燈指歡喜亦

復如是庫藏珍寶倍勝於前威德名
譽有過先日親里朋友妻子僮僕
一切還來燈指歎曰嗚呼恠哉富有
大力能使世人來歸極疾嗚呼恠哉
貧有大力能使所親捨我極速我先
貧時素所親昵交遊道絕忽無一人
與我語者今日一切願願承事合掌
恭敬假使生處如帝釋勇力如羅摩
知見如天師若無錢財都無所直富
者不問愚智皆稱好人實無所知人
以為智亦得勇健諸善名聞雖復醜
陋老弊少壯婦女樂至其邊阿闍世
王聞其還富尋即遣人來取其寶其
所取者盡是死人還擲屋中見是真
金燈指知王欲得此寶即以金頭手
足以用上王王既得已賣之還宮於
後燈指作是思惟而說偈言

五欲極輕動 如電毒地生榮樂不久停
即生厭患心

尋以珍寶施與眾人於佛法中出家
求道精勤修習得阿羅漢雖獲道果
而此尸寶常隨逐之

比丘問佛燈指比丘以何因緣從生

以來有是拍光以何因緣受此貧困
復何因緣有此尸寶常隨逐之佛告
比丘至心諦聽吾當為汝說其宿緣
燈指比丘乃往古世生波羅捺國大
長者家為小兒時乘車在外遊戲晚
來門戶已閉大喚開門無人來應良
久之母來與兒開門瞋罵母言舉家擔
死人去耶賊來劫耶何以無人與我
開門以是業緣死墮地獄地獄餘報
還生人中受斯貧困光指因緣尸寶
因緣為汝更說過去九十一劫有佛
名毗婆尸彼佛入涅槃後佛法住世
燈指余時為大長者其家大富往至
塔寺恭敬禮拜見有泥像一打破落
尋治此指以金薄補之脩治已訖尋
發願言我以香華伎樂供養治像功
德因緣持此功德願生天上人間常
得享豪華富貴假令漏失尋還得之使
我於佛法中出家得道以治佛指故
得是拍光及死尸寶聚以惡口故從
地獄出得貧窮果報佛說是燈指因
緣經時諸天人民散衆天華作天伎樂
供養已訖便還天宮以是因緣少種

福業於形像所得是福報乃至涅槃
形像尚尔况復如來法身者乎能於
佛法如說修行如此功德不可限量
若欲生天人中受諸快樂應當至心
聽法以惡口因緣受大苦報應畏眾
苦遠離惡口諸不善業以此觀之
一切世人富貴榮華不足貪著於諸
人天尊貴不應喜樂當知貧窮是大
苦聚欲斷貧窮不應慳貪是以經中
言貧窮者甚為大苦

燈指因緣經

癸卯歲高麗國大藏都監奉
勅彫造

第五百弟子自說本起經

無

西晉三藏法師護譯

蓋阿耨達龍王者 晉名無焚 佛在世
時受別菩薩也有神猛之德據于崑
崙之墟斯龍所居宮錦寶殿五河之
源則典覽焉有八味水池華殖七色
服此水者即識宿命於時龍王請佛
世尊及五百上首弟子進饌畢訖坐
蓮華上追講本起所造罪福皆由纖
微轉受報應彌劫塵紀莫能自濟僥
值正覺乃得度世各自撰歌而達頌曰
大迦葉品第一 十九偈

佛人中上為法御 斷除結獄遊舍衛
諸根為寂德巍巍 如來自告其比丘
有諸鬼神所娛樂 種種衆華無央數
四瀆涌出向四方 彼諸洑河歸江海
執頭鄰提伯師子 人不能至神足到
飛行疾矣乃越耳 疾共詣彼淵涼池
比丘曰善唯從命 大通安住上弟子
聞尊教勅衆神足 群如鷹王導衆鷹
行詣進遊于江河 悅觀輩類相娛樂
佛天中天亦如是 與弟子俱而飛騰

佛至告諸弟子曰 寧識前世所更歷
為我各說誰行步 而獲其福不可量
彼迦葉仁佛弟子 辭如師子歷深山
設有所歷無敢當 則說前世所作行
採取于野鷺麥耳 少所施與辟支倂
解脫心樂無有漏 奉于空行意寂寞
彼時心念有此願 尋即思惟於上法
與如是人俱合會 於此終生鬱單曰
用彼因緣福所致 更歷千反鬱單曰
然後生于勝命天 於中取時無有雙
吾用彼福所造德 亦復千反生忉利
著種種華香寶瓔 身微妙好而自在
既於天上壽終已 便復則生鬱單曰
用彼前世願所致 以作是福因緣故
生于富家梵志種 財產衆業無央數
在五樂中而不貪 其於是佛無等倫
大哀所可講說法 諸力一心定衆根
七覺之意八道行 以為獲致於此法
便盡諸漏手執燈 與此衆等取後俱
合會行正直離邪 佛者如來所說善
奉禁戒人所志得 如其意念所欲求
取後我身以具滿 為盡生死拔根株
我皆絕除諸愛結 則為是佛法土子

第一止足常思道 心空清淨無所著
其志堅固無能轉 靜如大山不可動
如是迦葉尊 在諸比丘僧 阿耨達大池
自說本福緣

舍利弗品第二

十偈

吾為仙閑居 於彼見沙門 辟支佛之尊
身著絳衣被 觀之心歡喜 為之浣衣服
復為縫袈裟 數數為作札 彼則愍念我
便飛虛空中 上下出水火 須臾忽不見
我即時叉手 自心作是願 令我得如是
聰明大智慧 莫令生豪家 亦勿生賤種
常生于中家 志多作沙門 用是功德故
吾以五百世 常獲致人身 世世作沙門
於是最後世 復還得人種 以值見正覺
導師無有上 則辨為沙門 於釋師子所
成就阿羅漢 清涼而滅度 今世尊目前
於比丘僧眾 論我智慧上 轉于正法輪
舍利弗智慧 於比丘眾前 阿耨達大池
自說本宿行
摩訶目犍連品第三 十五偈
吾為仙閑居 處于林樹間 於彼有人來
求我作沙門 吾除其蟻蛭 為浣其衣服
縫之而染之 心中自歡喜 彼退在一面

而結跏趺坐則得辟支佛便飛于虛空
我時即興願令身得神足使吾得如是
大力大神足用是福德故在在所生處
天上及人中照耀所造福於時取後世
以逮得人身如值見正覺導師無有上
以為作沙門於釋師子所則成阿羅漢
清涼而滅度所作善甚少得安隱無量
我復作不善今說且聽之東出羅閱祇
生為尊者子出舍外遊戲人家求飲食
即見其父母二人共相娛見之即搗我
罵詈而逐我但以王命耳其身不施行
墮于黑繩獄受苦不可計其彼餘殃故
於是取後世諸外異道學搗碎身如葷
吾當以是疾壽終而滅度彼所作餘殃
今乃滅盡耳是故當悅心至孝事父母
用歡悅心故令得勝天上如是拘律尊
在于比丘眾阿耨達大池自說本因緣
輪提陁品第四 淨除十七偈

我昔往詣寺見地不淨處即取其掃帚
便掃彼寺舍竟觀寺清淨心中甚忻踊
令我無垢塵如此寺舍淨用是功德故
在在所生處面色和悅殊端正難可比
其餘之福祚於是取後世父母則名吾

号曰為淨除我於親族中生時亦清淨
一切所愛敬見者無厭極值得見正覺
導師而無上已成阿羅漢清涼而滅度
我之所志願使吾無垢塵今無垢羅漢
無漏所作辨假令掃除是普天下使淨
不如為離欲除掃所經行假掃除天下
道人經行處不如四方僧掃除一步地
設復掃除是滿天下精舍不如於佛寺
掃除一步地我身所造福以是知老特
當掃除佛寺其心懷欣踊以此曉知之
等覺道德高當供事佛寺獲其祚甚大
唯君吾識念昔曾所作善以致彼果實
可意安隱樂是故為佛寺好淨心供事
唯仁此第一福田無有上於是能供事
得安而無量皆為破壞除一切婬怒癡
不輕空心悅得福薄少平向如來正覺
及諸佛弟子如是輪提陀在諸比丘前
阿釋達大池自說本所因

須募品第五

善念 十四偈

昔者出遊觀時與親友俱頭上戴傳飭
耳著須募花惟衛神通佛於彼立大寺
遇見眾庶人共住而奉事親友俱發家
各共賣好華悉以清淨心供散彼佛寺

我時見廣施亦復初發意便取林中華
以用上佛寺所生不墮餘昇天下為人
因是德本故所作善照見後值等正覺
無上之導師果證阿羅漢清涼得滅度
唯施一華耳更得百千歲天上自娛樂
餘福得泥洹假令我素知佛功德無量
便即起塔寺其福無有極未必心歡喜
其福猶為少如來等正覺及諸佛弟子
唯我憶念此身所作功德今已得實報
可意快安隱緣是所作行終始斷不生
無漏無所著清涼得滅度五道為已三
不復更胞胎是為最後世然則不復起
解脫生死本已度所有海今我以是緣
得号曰須臾時長者須臾會在眾僧中
於阿耨達池自說本所作
輪論品第六 明慧十偈

惟衛佛世時照頭摩國土本為四方僧
興立一房室加以牀財具皆周持布施
既與心歡喜應時發是願我見等正覺
令得作沙門逮無上無為清涼正滅度
是目功德本九十一劫安既得自然見
在天上世間其餘功德福於今最後世
生勢長者家嫡貴無兄弟生為父所敬

即聞番言教吾以子施與寶藏億種種
足底生異毛自然長四寸身體柔軟好
穩安得無害過去九十劫其餘復如一
我身不識念舉足踏地時於今取後世
已還得人身成就無所著清涼為滅度
佛普見說我精進尊第一解脫盡無漏
已得不動句如是拘梨種在衆僧中央
於阿耨達池自說本功德
凡著品第七 取善八偈

我不了福德本亦不識義見惟衛佛寺
供養而奉侍金寺紫磨色幡繖以香華
見供養塔寺而得生善處常在天人間
所作得照見過九十一劫未曾歸惡道
作少功德已獲安甚衆多已得無所著
滅度清且涼假使我本知佛功德如是
當當供塔寺所得福踰此是故用知明
正覺德如泰當供養塔寺其福無終極
佛普見說我經樂為第一多聞若干種
辯才德至真時長者凡著曾在衆僧中
於阿耨達池自說本所作

寶頭盧品第八 七開門十偈

我本經父母生為子中尊謹敬事其父
亦孝養於母二親及姊妹弟奴客僮僕使

吾為父母說飲食以時節時起貪嫉意
不當食父母瞋惠誘於語能得飲食財
緣是所作罪墮大山地獄燒炙黑繩中
更苦不可計從地獄中出世世所生處
常患大饑渴勤苦而飢死於今取後世
已還得人身值見等正覺導師無有上
於釋師子所已得作寂志成為無著道
清涼而滅度唯仁我於是捕足能飛行
還入坎窞中今乃得食耳是故當歡喜
供事於父母一心稽首礼保祐無有量
唯仁我識念制所作惡行皆受所種實
罪福不可離有頭盡閉門時會在僧中
於阿耨達池自說本所作
貨竭品第九 善果 三揭

曾為尊者子在嚴頭摩國族姓多財寶
眷屬所圍繞周匝在三邊快樂無有極
端正見者喜顏色難為比時我嚴駕出
諸眾導前後欲行適遊觀并從眾姝女
於彼遊觀時見相寂沙門奉行安定儀
身服赤絳衣時我見沙門興發起惡意
憎惡其形像瞋恚不歡喜為何下驕驕
顏姿黑醜陋瘡疽疥身體羸瘦身意俱
用是所造罪口說惡語故於彼壽終後

便墮地獄中 從獄得脫出 容色黑醜惡
癰疽疥身體 羸疲身意俱 捉瓦器乞食
著糞死人衣 衣弊服魚穢 所住無安慶
所欲往至詣 乞欲係餬口 執杖見驅叱
為人所嫉辱 如是五百世 在在所生處
窮困常飢餓 勤苦而餓死 時見等正覺
比丘僧圍繞 與大眾會俱 講說甘露句
適見大眾會 即疾奔走趨 意欲於彼中
希聖飲食具 到見大眾會 皆坐欲聽法
不獲副本願 未有餽施者 時彼大慈氣
如來告之言 仁者善來此 便來坐此座
我應時喜踊 則一心叉手 稽首世尊足
却在一面坐 於是尊大眾 瞿曇極慈悲
次第分別說 為我講四諦 能仁除驢騾
因是見道跡 佛令作寂志 於彼得神通
用是故号字 名曰為茶竭 緣此佛說我
正受為第一 佛勇猛大尊 世雄為最勝
神通無極哀 度脫我衆苦 善來尊如是
在於衆中 於阿耨達池 自說本所作
難陀品第十 欣樂 十二偈
王舍國城東 曾為富尊者 時世殺飢貴
有道士遊彼 時我坐獨食 有好道士來
壞破緣一覺 自在得無漏 興起貪嫉意

其心志于惡今此比丘來馬得同太歲
於是念飲食雜糅以馬通道人食之已
應時即命過我身壽終已墮地獄甚久
合會及叫喚世世見脯炙從地獄得出
便還得人身身常多疾病懊惱而命盡
如是五百世在在所生羸抱病常窮厄
懊惱乃命過於是取後世已得生人中
還見等正覺導師無有上出家為沙門
受釋師子法已得羅漢道清涼取滅度
吾於是仁者神足無有漏身體多疾病
所在不安隱於是意識念我本所作行
皆獲其果實罪福不可離如是難離尊
在比丘衆中於阿耨達池自說本所作
夜耶品第十一 名聞 三六偈

昔有一道人入聚落乞食見死亡女人
青腫甚臭惡結跏趺而坐觀視無常變
省察取不淨一志學定心便於彼坐上
有微細音響聞聲用忍諦則從一心起
見五臟潰壞惡露而不淨衆孔自流出
臭穢難可當臆謂五臟見心肝皆散絕
若于無數生觀已還靜心察于外死身
內省自己軀彼余我如是計本皆虛無
自從三昧起修行不憊怠亦不出分別

亦不思飲食 設我入聚落而行求飲食
雖見端正色 當作惡露觀 瞻彼諸形色
如死人無異 察衆壞敗本 一切無所樂
我思行如是 而得離愛欲 奉遵四梵行
深惟不輕戲 於彼壽終後 便得昇梵天
於梵壽命盡 下生波羅奈 為勢貴長者
生其家作子 為衆所見敬 正受夜無極
晝日常修行 於夜不睡眠 見女人衆多
等觀如腐穢 枕鼓卧眠者 執篋篋後人
伎樂器散地 夢想為寐語 於彼退思念
宿本功德行 想識不淨處 前世所更歷
遙觀觀此已 志求無欲意 我時逼迫是
仁者我捨去 即從牀上起 下殿避之逝
詣天慙念我 其門自然開 時出于國城
往詣流水側 還相見彼岸 見沙門寂根
又見大寂志 舉聲而大唱 告之我窮厄
神道我捨欲 世尊深歎音 用我辛苦言
童子來其憐 於此無窮厄 心捨衆苦惱
韓度於彼岸 往詣大寂所 世尊無比人
絕妙無等倫 譬如飢渴者 倒解識其義
即解識其義 於彼見道諦 從佛求捨家
瞿曇大慈哀 聽我作沙門 應時一夜中
天時將向曉 一切諸漏盡 清淨得滅度

是我前世時所更作善行是我取後世
遠得甘露跡如是賢夜耶尊者子神通
於阿耨達池自說本所作

尸利羅品第十二 二十偈

昔波羅奈城迦葉佛泥洹機惟王起塔
七寶造甚大今時王所作有取大太子
我時為佛尊第一建刹柱以是功德故
世世所生處在天上人間其福自然見
在在所生處於國甚殷富財數不可計
常喜大布施我於五百世惠施無所惜
給瞻衆賤人寂志及梵志緣一覺之行
離愛欲無漏清淨歡喜心供養五百衆
由是功德故在此取後世生勢貴釋種
應時口說言家中寧有寶錢財及於物
我當以施與救足諸貧窮我與無厭憊
救濟衆下劣身善見答報豈能有所息
家中聞吾言愁憂用惶懼馳散赴八方
乳母悉避去母以恩愛故便即告我言
為夫人鬼神何以言大疾我時即啓曰
我是人非鬼追識宿命施好欲見惠人
時母聞其言踊躍無所畏然許勸助之
恣意所布施家中眷屬多母勅供養我
為衆所敬愛見者莫不喜我今時適生

其家即興熾緣是諸寂志名我尸利羅
於彼便布施給足諸貧陋得值等正覺
便捨家為道初生家興熾墮地能語言
是故号尸利其名自然流生家無所貪
亦不用恐懼緣信出家學神通一切具
為國主所欽大目衆人民多獲衣食供
牀卧諸所安如是尸利羅在比丘僧中
於阿耨達池自說本所作

薄拘盧品第十三 賈姓十二偈

我昔曾賣藥於縣曇摩國在惟衛佛世
敬諸比丘僧時有病瘦者行藥療其疾
供給諸根藥以惠諸比丘一歲諸衆僧
令無所乏少時施諸沙門與一呵梨勒
於九十一劫未曾歸惡道在天上人間
其福自然見所作德少耳受福不可量
施一呵梨勒長久生善處其餘所有福
今還得人身值見平等覺導師無有一
未曾自識念郡縣受施處唯仁我二夜
證通三達智常衣應忍服五納之震越
棄家行學道願樂在閑居其年百六十
於此無垢濁未曾有疾病所生處常安
佛普見說法少欲無睡眠觀布施藥者
其福廣如是今我悉識念本殖少功德

悉獲其界實可意而安隱時賢薄拘盧
在衆比丘曾於阿耨達池自說本所作
摩訶醜品第十四 大長十二偈

昔作韋皮師本生亦安隱時國大穀貴
柔皮以為韋時得好穀皮煮熟令大美
時有沙門來乞句欲求食見之即歡喜
則分用布施其寂志食已尋飛在虛空
見道人踊躍應時叉手向恭敬普所在
所遊輒追隨欣喜廣大心便自殷願言
令我速如是常與尊者俱如此道人六
所施無形色其氣亦微惡無香亦無味
我所施如是所作德少耳獲福安無極
在天上人間其福自然見於是家後世
還得于人身值見等正覺道師無有上
我本所求願見世尊上人於是悉如意
清涼得滅度於是悉識知本所作功德
悉獲其果實可意歡喜受如是彼大尊
名醜羅大通於阿耨達池自說本所作
優為迦葉品第十五 八偈
導師有二人同類悉兄弟見迦葉佛塔
糖椽崩壞落合集衆賈人更補治起塔
時兄弟二人俱狀堅制柱緣是功德本

生天上甚久來還生人間在於勢族種
未見等正覺捨家學異道在泥蓮水邊
久習編駭志世尊無等倫慙念我我等
在於恒水側感動見變化我等見變化
從佛求下疑大尊念慙傷聽我等出家
供養佛塔寺前稽首作礼用是衆庶等
清涼而滅度優為迦葉尊及江河迦葉
於阿耨達池自說本所作

迦耶品第十六 提取 十五偈

昔為賣香者既獲香賣之有一童女人
來到香肆上客賴端正好見彼趣我所
適捉與調戲欲意察者之身亦不犯觸
亦不與合會唯但執其臂為燒他女人
用是過惡故壽終墮地獄來還得人身
右臂自然枯如是五百世所生處皆然
右臂常枯槁苦痛甚不便仁者識念是
作罪薄少耳獲殃甚衆多善惡不可離
但見等正覺捨家為沙門已得阿羅漢
清涼入滅度仁者吾於是有神足自在
於今一右臂不如左臂便假使有男子
喜犯他人者壽終墮地獄苦痛甚酷毒
不當外犯色如捕藥盛火智者覺了人
已每知足設見他婦女當作不淨觀

我更泥犁中受苦不可計我犯是罪時
自謂不足言患獲是果實罪福不可離
值見等正覺導師無有上已得無所著
清涼得滅度是為最後生逮得甘露句
已解一切苦清涼得滅度迦耶尊如是
在比丘僧中於阿耨達池自說本所作
樹提憐品第十七 三十偈

惟衛佛世尊膝頭摩國城時有富長者
名阿能乾那時佛之眷屬六十二百千
請惟衛佛尊及眾供三月我主膝頭摩
我供人中尊飯食日珍異供養佛弟子
飯食佛如是在膝頭摩國彼時最後施
膝頭王欲與供養好飯食衣被及牀卧
作微妙祠壇是王之所起奉上諸所安
牀座眾百千於一一比丘惠施令可意
彼國王家後所供養如是奉事無極雄
神通尊導師我時見彼供牀卧諸所安
衣被飲食施牀座悉具足時諸天中尊
帝釋來詣我彼天帝謂我我當為汝供
即時化祠壇可意嚴如天施設天上座
供以天飲食彼時佛世尊惟衛無等人
請供滿一月尊人及弟子我以天飲食
供養於導師奉以天衣被大人并弟子

用是功德故受恩不可量從九十一劫
未曾歸惡道所作福照見天上及世間
我奉侍大聖惟衛無輕尊於今取後世
生羅閱祇城蒔沙王之宮富家無量寶
為蒔沙國王一切所愛敬衆人見供奉
諸臣及人民我在天伎樂於是世自恣
生世得人身天伎樂自娛於是佛大智
導師無有上來蒔羅閱祇導師加慰傷
我聞大智慧佛蒔王舍城心歡喜踊躍
往詣仁世尊遙見世光煥光明出普照
即從車乘下步行往詣佛欣然我前行
稽首取勝足礼如來畢竟却在一面坐
我久思正雄今乃見大人導師人中明
降伏魔羅網世尊無有上應時慰傷我
解說四諦事如應為講奉彼日無極哀
世尊說如是大通欲出家願得受大戒
即時大智慧佛者無等倫說言比丘來
具足成沙門以是無放逸堅精進定意
遭遇甘露慶無為興無動遠見等正覺
導師無有上以成阿羅漢清涼而滅度
唯仁我追念身本所作惡忘受是果實
可意樂安隱廣行有同族離生老病死
脫於一切惱愁憂及啼哭如是樹提尊

在比丘僧中於阿耨達池自說本所作

賴吒想羅品第十八 二十六偈

有三修惟尼其王有一子名賴吒拔檀
是王家小子迦葉佛吉祥興起大塔寺
欲護父王意為作刹柱頭心歡喜踊躍
建立承露槃願我作沙門等正覺共會
用是功德故世所生處於天上人間
其德自然見是為最後生在投樓吒國
生於尊者家獨有一女耳一切所愛敬
如是狗鵝王是我親里家國土亦如是
端正甚姝好顏貌如敷踰在人中娛樂
一切欲自恣可意敬世尊來詣投樓吒
我見心歡喜便求作沙門本功德所致
化變難比倫慈哀愍傷我口便發是言
諸佛之正教父母不樂者不得為沙門
族姓子白報即時還歸家前白父母言
父母願聽我出家為沙門父母聞我言
愁憂不可勝子雖命時終不欲相遠離
我時不飲食一心無所樂志於清白法
欲求為沙門我時不飲食萎卧於空地
假令不聽我便當死於是六日不飲食
一心無所樂志於清白法欲求為沙門
時親厚知識往謂父母言善哉聽之去

用死人身為假令能樂者為沙門續在
命存可數見死者當奈何時父母知識
共出悲好音誤使作沙門來見我當聽
時親厚知識便往謂之言父母已聽汝
明者為沙門父母共結約假使為沙門
數來相見者子聽汝出家彼聞善哉言
自養有勢力往詣世尊所便前白佛言
唯然已聽我 便受佛尊教世尊下我疑
令我作沙門施承露槃故受安甚衆多
於天上世間功德自然見佛普見說我
樂閑居第一已得阿羅漢清涼而滅度
是故當歡喜悅心向大哀當供養塔寺
得脫大恐懼賴吒恕大尊閑居五納衣
於阿耨達池自說本所作
貨提品第十九 示大偈

曾在王舍城為富大尊者有五百道士
住我家一年五百諸長者一切皆往詣
彼時諸道人各就一家食譬如我等故
家中所炊食一一諸比丘供養亦如是
聽年長道士彼分與長者無上尊道人
其心念如是飯食五百人豆羹以灌上
我所作供具飼比丘如是如是連二日
布施彼比丘我時轉興意貪嫉惡心意

尚難飼我子婦女及姊妹兄弟諸親屬
是飢食供養何況此比丘當供養三月
供養五百人大減損我家我欲令比丘
作方便令死假使命過者不損用我物
心自念惡已馬適糝飢中持用飢食之
謂煞無所苦敢此飢食已得病甚困厄
結刮其腸胃傷絕於五臟樂法得道人
則為已命過諸天及鬼神俱共發聲言
是長者大惡傷害煞道人緣一覺之尊
清涼無所漏我聞知所語思念苦惱愁
我等罪無量坐害善道人親屬聞是言
惡共愁憂念皆會諸道人對悔過自首
歸命諸道人悔過自首已請五百道人
供養以飯食重悔過自首歸命衆道人
供養飯食已心自發願言令我與是等
諸尊者合會如是等得度我心脫如是
世世所生處勿令在貧窮莫令我興起
貪嫉惡心意害辟支佛已犯是惡罪殃
於彼壽終已墮太山地獄苦痛無數千
懊惱不可言來還得人身短命速疾過
所在得勢富衆人所供養腸胃每焦爛
然後乃命過棄捐家居去沙門無所慕
精進修佛教斷除一切欲假令我捨身

向般泥洹時諸腸胃五臟各各崩壞爛
我所作過惡惡意害比丘所作餘罪殃
寧後當畢了我身所起惡及所行善有
悉還受果實善惡俱前獲舍衛城里生
茶提大神足於阿釋達池自說本所作
禪承迦葉品第二十一 上偈

有諸比丘僧終竟于七歲時國穀米貴
飢餓六恐懼我分得一人摩竭妙道人
緣一覺之尊清涼無有漏彼時我興發
起意之為惡我當持何用施飼是以丘
時停置飯食令坐坐臭惡往觀諸作使
然後供養之以是所作罪壽終墮地獄
合會燒炙之苦痛不可言從地獄得出
世世所生處作若干方便求飯食難得
是為重後世來還生人間遠見等正覺
無上之導師以信故出家除言諸漏盡
已得無所著清涼而滅度仁者言於是
神足常自在求食設方便若干不能得
遠行避道路疲勞不可言既乃得所饒
飯食諸供具承迦葉尊大道名所作
於阿釋達池自說本所作

朱利般特品第二十一 八偈

昔我先世時曾為養猪者在於江水傍

繫繫衆猪口欲濟至江半身獨由得渡
猪不得喘息中流皆溺死余時我治生
亡遺無所依仙人來至彼從頂有慈象
便勸教化我剷除吾鬚髮解喻誨善律
行無相三昧於彼壽終後便得生天上
天壽復竟盡即還為道人遠見等正覺
捨家為寂志所在意瞭瞋受經尋轉忘
我諷學一偈三月乃諳知習讀誦四句
斷絕諸愛欲世尊時問之朱利般特說
從來善惡事於阿耨達池

醍醐施品第二十二 三七偈

迦葉佛滅度我為後弟子博聞知三世
常秘惜經法不為比丘說不肯亦與人
僅餘乞本知便當與我等設有比丘來
至我所問事吾則欺詐之不解意結恨
衆道人悲還憂悲罵詈言何嫉不說法
仁者豈為往臨欲壽終時心即自悔責
未曾講論法是為大不善自知壽向盡
緣過有七日聚會衆僧類應時為說法
晝夜講諸要蠲除貪嫉妬說法未竟畢
於後便命過如我所分別聞者極妙快
受教思惟義展轉相勸化所說法數少
聚會人七日用是得生天天伎以自娛

天上壽終下來還受人身在迦維羅衛
生釋國王家端正見者敬為衆所愛樂
大財無極寶普以度無極見諸族姓子
來者皆棄家我義為寂志捐家愛欲財
世尊無等人慈念愍哀我屢數率勵我
勸導令出家吾便敬遵佛無上之喜教
唯仁者我身十年行布施於是惠與已
終竟于十歲然後作寂志受勝智慧誼
十年為長久人命為甚短今日便布施
誰能保身命用尊是往故即時作寂志
唯仁我十日出家除驢騾信故為沙門
修行佛法身二十五歲中寂定心如水
於是弊惡道起念著家事奉行捐損業
亦不用甘露於彼甚慙愧發求無極利
毀辱于親屬悉當見仇憎作是為不可
亦不所憊恨已出志守寂豈復返懷居
興家種姓意財利之所欲當能斷斯著
終不捨離戒寧令我身沒其壽所惜惡
我當捉大刀安用此命為便執利刀劍
除割所因緣刈截垢濁已然後心解脫
一心便解度稍數令人寂我於慈果實
遠值法光明我壽向終時講說尊妙法
緣是所可行定意度無極釋子大神足

阿那律品第二十三 無獨九偈

昔我曾不食彼世時施與遭遇見沙門
大通和莊吒以故生穠種号曰阿那律
功德自娛樂俳伎之所娛時見等正覺
即喜慕世尊觀之心踊躍捨家為寂志
宿世行精進方便常堅彊已脫三達智
具足如佛教自識本宿命造行所更歷
於忉利天上積七世在彼七返還人間
人間轉勢尊富貴君子家金珠寶自然
於是七彼七生死凡十四本意識知之
前世之所行如是所與果曾無怪嫉意
世世所生處常求不生死時尊阿那律
處于眾僧中於阿耨達池自說本所作
彌迦弗品第二十四 無獨十四偈

昔我逐勇徇淫誦樂肆上緣一覺之尊
身體得不豫給之以醫藥瞻養至七日
尊人過七日便飛昇虛空我時先告諸
家之僕童客眾祐已來臻如是出家學
我聞僕所說辟支佛飛行其志踊躍喜
一意叉手向緣是喜悅意布施醫藥故
在天上人間功德自然見於今最後世
復還得人身值見等正覺導師無有上

於釋師子所出家為寂志已得無所著
清涼而減度於昔吾於是得供甚眾多
衣被及飲食牀卧所安具為其縫衣服
從施醫藥故四方給諸藥所安無所乏
天人往告語薄沙之國王卿當以醫藥
施與弥迦弗仁國當與利東樂大熾盛
遣耆域醫王等藥與慈子四面醫藥來
皆悉歸趣我彼時王薄沙施遣大神道
於是來被我具足系更堂悉遍比丘僧
千二百五十其應子比丘六通大神足
於阿耨達池自說本所作

羅雲品第二十五 十偈

我昔曾為王與主等竭國人民甚眾多
決事以義理余時有仙人飲他溝中水
即來詣我所前語我知是大王我為賊
之飲不與水便當謫罰我如拏盜竈者
我時即報言仙人持法樂我恣聽仁者
便去隨其欲大王我狐疑各結不得除
便當謫罰我今乃消殃罪即勅著後園
忘之至六日過六日已後亦不得飲食
坐是因緣故未曾有惡意墮燒炙黑繩
更歷六萬歲畢是有餘殃於今取後生
愛在母腹中六年乃得生未曾起亂意

身口不犯罪乃值得果實罪福不可離
如是羅雲尊在於比丘僧於阿耨達池
自說本所作

難提品第二十六 十四偈

昔惟衛佛世我施煖浴室一洗比丘僧
使自發願言令我與是等尊眾共集會
世世得清涼離欲無始塵端正常徐好
清淨若妙花於彼壽終後使得生天上
在天上人間顏色好端正世世所生處
所住大勢尊於彼壽終後來還生人間
諸天及人民見我無厭足見辟支佛塔
繕治溫整頻聖謗令鮮白於上懸幡蓋
我時自發願欲求得相好金體紫雲色
端嚴無有比因是所作福生波羅捺國
於脂惟尼生作子無患害見迦葉佛塔
其心為歡喜轉詣其寺中堅立承露槃
用是施塔故及治聖飭塔興建剎柱槃
受福不可量從彼有餘福於是家後世
生釋氏王家便為佛之弟我身自然有
大人之相好莊嚴威嚴尊平等布三十
佛普見說我端正第一已除盡諸漏
遠得甘露句難提父母子於比丘僧中
於阿耨達池自說本所作

毘提品第二十七

十九偈

昔世穀米貴飢餓大恐懼比丘有五百
求食則施與一切諸長者惠施家道術
分衛得飯食便持來授我雖得粗細食
常分以與身亦不能知我每隨用我語
諸人民來趣行求飯食具我今時自力
從彼便出去是時各馳走爭速相求索
盡力從後追不能及遠我即渡於涼河
便却坐一面周四向觀得靜無來人
我今日獨食柔軟美且香飽滿意盈足
終慕獲安隱於是有比丘則緣覺世尊
威神大巍巍生死除無餘意意常念言
窮賤甚苦劇本不修功德是故令我貧
即興清淨心歡踊意念言當施與比丘
是本家枯者時世尊便受則於彼飯食
用憐愍憐我使飛在虛空我時即發願
莫復令我貧後生勢富家端正如妙華
與如是等尊世世共會遇使我承此法
如仁者所得緣是所作德受安長且少
於天上人間所作德自見亦得為國王
天人無數反未曾墮惡道亦無有罪殃
從彼有餘福於是軍後世來生勢富家
釋迦大姓生今時佛世尊來詢所生地

我即為寂志并與親屬俱我本所立願
轉如意具足已得無所著清涼且滅度
捨勢為沙門 颺提受佛教於阿耨達池
自說本所作

羅勝颺提品第二十八 十四偈

拘提秦佛時昔有起塔者我時在彼住
其寺甚高大興造此塔寺我口呵謔之
是塔甚太大何日當成就可稍作功德
如是自立辦既不多勞煩塔寺亦速訖
用口說妄言坐犯語罪報命盡壽終後
便墮地獄中從地獄得出短小身玄醜
世世所生處為衆所輕鄙迦葉佛世時
為烏鳥赤喙波羅捺中道朝朝葉樹間
瞻見世光曜比丘所圍繞即順佛為礼
口出悲言聲佛世尊所遊波羅捺國時
每隨行出入常繞向悲鳴緣是所作德
來還得人身逮見等正覺無上之導師
得出為寂志於釋師子所已為無所著
清涼而滅度羅漢得自在六通大神足
名曰為持法正真有辯才一切衆聚會
聽聞我音聲諸天及人民一切皆歡喜
我作罪少可作福亦不多皆獲其果實
所為二罪福羅勝颺提尊在於比丘僧

於阿耨達池自說本所作

摩頭忍律致品第二十九 王得

皆於惟耶離身為大狢猴趣往取佛鉢
比丘見被呵得無壞佛鉢世尊告比丘
比丘勿得呵是終不壞鉢我時取佛鉢
徐徐持上樹底以滿鉢蜜便則從樹下
手擎滿鉢蜜以奉上世尊室中有五獼
正覺不肯受佛見其鉢中死蜂與蜜雜
惡好揮出之復擎蜜上佛時佛世光燄
復更不聽受我以水淨洗仍前誓首上
以水灑其上更底異鉢中供養佛尊已
心踊躍歡喜世尊無等人彼時度死蜂
受以一鉢蜜服食及弟子我時甚踴悅
叉手而向佛專住法王前其心常精進
在被譽頌言令我得人身來值世尊世
使得家上義緣是所作德因用得人身
遠得等正覺無上之導師得出為沙門
給侍釋師子已為無所著清涼而滅度
得自在羅漢六通大神足名曰為出家
諸比丘亦知知前所作福於今得恭敬
與數百比丘共遊行周旋設在窮乏路
比丘借飢渴心適自發願我欲得蜜漿
知我心所念眾人即遠來賣持蜜美食

以用奉上我我尋便受之自然慳美多
以施比丘僧可意甚飽滿我應時生已
猶猴所作行度脫無徑路便得甘露句
如我本所願轉得如其意供養佛世尊
所求則具足唯仁每慈念我所作功德
悉獲其果實可意安隱吉如是出空尊
在比丘僧中於阿耨達池自說本所作
世尊品第三十 五十偈

一切勝普明一切世間寂得除盡諸垢
除一切衆會諸通慧普見大人一切暢
度諸悉恐懼法船濟彼岸曉了衆所化
欣然愍世間矜傷脫衆生以義一切救
除去一切人悉解諸繫縛一切人中寂
說法為衆眼大人無極慧大雄極名聞
大光無極法以度於衆法大力化無照
開化大明慧歡勸大衆人大醫多所藥
世尊壞衆恐無上除諸憂佛仁為度脫
大牢獄開繫大龍大師子無著大比丘
大智慧世尊救濟衆塵勞精進有大力
方便大堅強降伏衆天民大道寂靜安
佛大天中天一切諸鬼神悉礼智慧足
佛出哀世間恒在大生死壞波羅網
神通無極衰度脫大牢獄大龍大天人

於眾會寂先廣施無極施已逮弘寂跡
尊長士仙人已度諸尊法成就大弟子
導師德極尊眾祐中寂上無上除愁憂
諸所度脫勝一切相好尊斷絕諸色欲
扶濟諸恩愛時遊在龍王阿耨達大池
一切所作辦踊在虛空中弟子眾圍繞
寂然有五百愍傷有極哀慈護一切人
觀察比丘眾便自說是言明聽我所語
前世之所造身始有所作今所獲餘殃
吾昔宿命時作人名文驪誹謗無瑕穢
善妙時支佛眾人大來會縛束善妙士
著相械閉繫須出如死囚吾時見沙門
得縛束苦惱其心發慈哀身則為救解
用是罪殃故墮地獄甚久後來生人間
常為人所誹用是有餘殃於此寂後世
須陀利吳道共議誣謗我曾為婆羅門
博聞持道術有五百學志講術兼樹聞
時有大神力五通比丘來我見道人至
誹謗揚其惡仙人深愛欲自高處樹聞
諸摩訶闍之便共效我宣時一切學志
家家行乞句大眾中誹謗仙人有垢欲
緣是所犯罪須陀利女人佛五百弟子
悉共被誹謗佛為一切明有虛妄之謗

知世吒弟子是為沙門耶犯是罪殃已
便墮惡道中生在太山獄勤苦甚酷毒
以此有餘殃旃遮摩尼女在大衆會中
虛妄掩煞佛曾為三兄弟而共諍錢財
推搡墮深谷石拍以煞之以是所犯罪
墮太山地獄燒炙在黑繩毒痛甚酷苦
以此有餘殃調達石所拍於是石墮落
中傷佛足指乘船入江海俱欲渡深水
時共載船上拔刀煞賣人用犯此罪故
身墮地獄中以是餘殃故鐵刺見佛前
曾在捕魚肆生為魚者子有捕煞魚者
我今時生心從是所犯罪墮太山地獄
燒炙在黑繩勤苦甚毒痛墮樓勒國王
傷煞釋子時以是有餘殃於今得頭痛
惟衛世尊時罵詈其弟子不應食糲米
當令眾生受用是所犯罪坐口出惡言
墮於黑繩獄受苦不可計以此有餘殃
惡結婆羅門請我終一時三月中毀棄
曾為治病醫時療尊者子合藥分倒錯
令疾轉增劇用犯此罪故墮地獄甚苦
以此有餘殃是故得下利吾昔前世時
曾為手搏師與力士相憐害煞有佛子
用犯此罪故受苦難量以此餘殃故

習肋為之痛 謂難提和羅 輕毀迦葉佛
用見此沙門 言不得佛道
佛五百弟子自說本起經

癸卯歲高麗國大藏都監奉
勅彫造

佛說四自侵經

西晉三藏法師譯

無

佛言夙夜不寧老不止姪得財不施
 不受佛言是四出心還自侵身往古
 豪富傲尊自恣國王帝王主世俗愚人
 但知晝夜過疾不覺命盡常欲瞋怒
 強很自用姪情貪富今為所在不好
 經道惡聞自侵走心恣意放逸無禁
 當余之時不覺飢渴不能自惟九孔
 瘡癢臭處不淨行止卧覺百端諸事
 種苦惱根悞於大法不曉愛身老
 病來時安顏則變五樂之欲不可常
 得病者將時擾動不安死命忽至身
 當敗壞安得久乎死生不絕惡道不
 休已身壽命亦與死生苦惱憂患皆
 由已矣以是觀之何者是人姪色戲
 樂歌儺倡伎幾何聞耶若如呼吸慧
 之明之改其志分守身貞潔世間所
 有一歸空無假使歌戲人不歡樂不
 以為快歌者便耻衆人迷惑常樂伎
 樂疾病憂至余乃愁感安隱之時多
 事萬端不為身計已招萬罪殃禍響

應不能分別所因致身身若畫瓶內
滿不淨臭處膿血猶如革囊裹於不
淨不知內外身當歸盡常以彩色脂
粉莊嚴自謂端正顏貌無雙不察九
孔瘡病流出斯人之等羅網所纏莫
能觀身譬如幻化驚惚不現唯有道
士觀世俗人迷惑如此常自計身諦
觀一切擾擾結結但誦咽喉不急之
事禍從口出千殃萬罪還自纏繞或
相害傷忿怒成仇皆由貪起競諍利
欲群迷雷同不識道義之真俗偽之
惑老死忽至不得自由仁賢知者若
能曉了財物非常忽若風雨暴至如
電如夢幻化野馬無常對至人所不
喜終始連鎖縛著相隨不離五陰六
衰之獄不孝師父疎遠道慧貪身骨
肉姪態不休耳目鼻口身心六事但
種災患多於天下草木之哉恩愛之
心既廣且長喻於江海從生至老經
事萬端雖有顏貌端正姝好當以庠
序觀察非常苦空非身而又迷惑自
見邪利沉溺五音匿能在內不能攝
心遊逸四方造俗方便不在時節漏

剋之念不在行步吉祥之間願一伏
心盡力削除衆厄之患莫若嬰兒不
別好醜屎尿不淨矣勤修精進棄惡
無虞則可離惱生老病死朽敗之患
自惟念之從三十三無思想天都在
三處終始之難發心學道識道不諦
貪身散意還墮六情當諦思計生死
正心無復往來終始乃斷人著色味
諸情不絕反畏禁戒衆疑不除吸吸
計常觀目前事以是之故五道不止
則復獲身除刈六情擯去五陰修行
則安見可貪者則自省已不受六入則
無憂懼已無所懼則入道場得白慧
門學者猶豫心不專恒或進或退故
使迷惑往來不絕假喻言之曾為怨
家後更和解至重相親前作士夫後
更驚怯意以向道中復遠失還墮六
入此之謂也還墮五道生死之惱飲
苦食毒更相吞沒不避親戚不別宗
門不自覺知巍巍佛聖目覩之耳痛
其失道故垂四等慈悲喜護慰傷万
姓萌類之兆未見群類苟懷一分志
不轉易假使有人至心欲度當諦思

計一心行道勿言我家宗親恩愛之
戀當知無常假借是身合會相偶皆
當別離長有憂患寄生相因万物歸
空皆非我所曉知無者則度天下十
方人民諸為業道者不疑患施不懷
忿怒捨貪愛心因緣皆斷道人觀察
可否之事內自省身辭如夢幻喻如
軍征百万之衆恃怙名將以却怨
道人伏心制意修法奉道順行戒禁
身意清白布恩施德除棄忿怒憍奢
諍訟專精行道無得為礙志在軌迹
若將師衆也先自正心余乃身行身
心俱正則無所失已無所失則無群
侶得道絕去雄猛無雙乃知道尊猶
如世人所行不同有事天祥地水火
風日月山川諸鬼神者永無所益故
在同族生死之裏不得脫出羅網牢
獄但願長壽安樂自恣橫百千歲何
足言乎會當歸死行道一日勝壽百
年不計無常而反貪愛言有父母兄
弟妻子中外親族疾病忽至困苦者
牀曉語親屬分取吾痛皆言不能疾
者乃覺也三種親戚謂當益已常坐

沙等勤勞治生隨時給足使身隨貪
自縛自縛憂念九族妨廢善行壞亂
道心老病死來善惡苦樂獨自當之
無有代者未得道者皆有此念不能
施與守道為德能施與者今世後世
長得安隱為生死糧世世豪富得致
車乘為馬舍宅金銀財寶不可稱數
父母兄弟妻子知識皆蒙得安有布
施者邊人助喜得福無量況其施主
手自斟酌後世所生福隨身帶若影
隨形響之應聲無陰蓋者謂之泥洹
其泥洹者亦無五陰日月星辰風寒
明暝不虛不實無有歲年除老病死
響之無聞不復陰身以與道合斯為
長壽常得安隱久存無極快樂難量
非俗所明也慧人了是分別說之則
可得佛真入之道愚不行道但為身
計慕老病死危苦之業若干苦痛如
種五穀還自食之善惡如是各自受
之本已種惱不當畏之而後恐懼畏
老病死四大之身不免此難水火盜
賊怨家債主縣官万端同復畏之不
覺是苦本由此生反求欲欲人生

在世作是憂事此非天與非道使然
從本所行自然獲之夫人學道求度
世者極易不難亦不勞役常自勤意
精進求之信受聖教雄猛伏意而得
明慧寶英之報譬如師子威衆獸靡
不降伏譬如世人不能了知苦之為
苦猶猪虮溷不知臭之為臭又如飛
蛾入于燈火顛愚之人從心所好苟
見邪姪投身愛獄貪於生死不知為
生死之所惱自謂無憂高勝無上虛
天邪步廣視裂目不知天地日月之
表而可進退求生之術但欲絃絃競
稱尊貴貪慕榮名情豪自恣欲令衆
人為已歸伏威加天地令人畏之望
於敬事自以畢足於當世也佛見天
下万端之事皆慶不肖當法道化類
冒先聖所棄汙辱之行世人可傷恠
求利欲益多有貪求使富溢者五欲
宛轉俗道不假自出如牢獄囚關鎖
五木安能自濟解脫苦哉如是之屬
志在生死譬如車輪無窮無竟斷絕
是行却除衆欲若開獄戶鳥脫羅網
夫學道者坐戀親戚妻子之屬是以

自迷不至泥洹諸來會者聞說如是

皆更一心離俗遠著精進作禮而去

佛說四自侵經

癸卯歲高麗國大藏都監奉

勅彫造

佛說大迦葉經

西晉三藏竺法護譯

聞如是一時佛遊三舍城靈鷲山余
時城中有勢富梵志名曰尼拘類

曰無患

財富無數金銀七寶田宅牛

馬不可稱計梵志有子名曰畢婆學
志捨六十佗梨金寶好物及千具梨
牛捐仁賢妻天下第一光顏微妙面
色為家心自念言當趣世間阿羅漢
學淨修梵行詣多子神祠樂樹之下
敬食其果於是世尊轉大法輪轉法
輪竟與比丘眾退至多子神祠止其
精舍

於時畢婆學志夜欲向明住立遙見
世尊在蓼樹間光明遠照威曜普達
志即念言今此蓼樹天已向明威神
普照光明無量殊妙巍巍於此樹間
必有魔王大雄師子若有天神及大
神通神足大變必令不疑我當往觀
時畢婆學志即從坐起往詣蓼樹遙
見世尊光明百千足夜相文眾好具
足即時歎曰吾等先古神仙所遺經

典說有瑞應三十二大人之相分別
具足當趣二處設在家者為轉輪聖
王主四天下選擇要教治以正法刀
杖兵甲制而不施假使出家棄國捐
王當為如來至真等正覺明行成為
善逝世間解無上士道法御天人師
号佛世尊寧可親觀畢發學志住詣
佛所觀世尊在於樹間端嚴而坐猶
大形象七寶合成威德巍巍諸根寂
定道心靜然逮寂憺怕忽然清淨度
于彼岸猶若金山若須弥王猶如夜分
坐於幽冥然大烽火辟龍在深淵其
水清凉相三十二莊嚴其身如大山
王頂有大火然如日出山豈光曜普
照如月盛滿衆星獨明如轉輪三眷
屬圍繞八十種好道布其體猶若干
華各各開擺億百千光從聖體出畢
發學志見佛如是心懷欣然如真見
光尋趣世尊精讓談語自達姓名却
坐一面佛為說經解若干義分別其
慧論佛世尊有誨悅辭布施持戒愛
欲之病排塵勞心出家為上憤擾諸
品應端發藥尊見其心應時柔心孤

疑盖心悅信之心罪福之心若平等心
應心與合而為說法如諸佛法察其
根源而分別說若習盡道即於坐上
遠塵離垢諸法眼生現在獲度覩見
法源分別經與拔于狐疑得立果證
受教誨慧致勇猛法即從坐起更整
衣服右膝著地稽首佛足我初來
時觀尊足心自說名字觀佛相好心
懷踊躍而失礼敬今時世尊告大迦
葉是故賢者從今以往若族姓子
有所至到心念猶月如月光照種姓
光明威曜如是族姓子開目而行如
是迦葉從今日始若族姓子制心修
行如月盛滿遊行空時是故迦葉從
今日始族姓子所遊三處制心修行
猶如日光照於天下其族姓子未曾
閉目制心修行猶如日光亦當如是
佛告迦葉從今日始制心修行猶如
蜜蜂所至到處多所發起猶如蜜蜂
採諸花味不萎色香若族姓子制心
修行從今日始造行如是佛告迦葉
從今已往制心修行當如地水火風
得淨不喜得諸不淨屎尿膿血死地

死人汗露不以愁憂若得華香金銀
七寶五種彩色不以喜悅無增無減
族姓子制心修行亦當如是嗟歎稱
譽安樂歡豫不以為悅若遇誹謗衆
苦惱患不以愁憂

佛告迦葉從今日始族姓子制心修行
當如拂淨物亦拂不淨亦拂屎鼻涕
唾膿血死狗死蛇死人汗露不以淨
悅不淨不憂若族姓子制心修行亦
當如是佛告迦葉從今以往制心修
行當如掃帚淨亦掃不淨亦掃佛告
迦葉從今以往族姓子制心修行當
如四祝子常恆頭行在所至到常內
其手若裸形人羞身不蔽在於世間
趣欲活命不說本姓若可不可不以
自宣若族姓子制心修行亦當如是
佛告迦葉從今以往族姓子制心修
行如截角牛如牛截角賢善柔順不
貪四事詣於四衢於四衢道無有門
戶而危其命若族姓子制心修行亦
當如是佛告迦葉從今以往制心修
行當如鐵金又如諸燈如金燈穿多
有孔漏滿中油脂如明眼人從一邊

觀金燈諸孔脂油漏出各各墮地若族
姓子察身非常四大合成九孔穿漏
皆出不淨不貪樂身不以為奇

於是大迦葉從佛世尊聞月喻行即
受諷誦觀八脫門佛告迦葉詣光曜
樹迦葉應曰唯然世尊即從坐起在
佛後住時佛與大迦葉出其藥樹詣
異藥樹尋復出去坐異樹下告大迦
葉於此樹下為如來敷座吾身疲弊
其背甚痛迦葉受教促疾促疾為佛
敷座令其方正敷座已竟前白大聖
敷座已訖唯願就席佛尋坐竟告迦
葉曰是地柔軟細滑妙好迦葉曰唯
然世尊彼地此地今者人身會歸此
地唯然世尊歸於盡滅持心忍辱當
如是地今我法衣亦猶柔軟好願佛慰
傷加哀受之

佛告迦葉假使我受柔軟絳衣汝服
何等迦葉白佛往古諸世尊讚譽若
族姓子者塚間死人弊衣及五納衣
為安諸天及世間人弗言善哉善哉
迦葉多所哀愍多所安隱若弊納衣
往古諸佛所稱歎者迦葉汝起促取

水來吾甚飢渴意欲飲水唯然世尊
即受教起稽首足下繞佛三匝候疾
促疾欲行取水諸比丘見尋時問之
仁為者年不以貢高亦不憂感寤除
因欲入無所憂何因為沙門欲受具
戒今所至迦葉報曰汝等詣佛以持
此事自問大聖悉當為汝分別說之
於時賢者大迦葉即取水來往奉止佛
佛尋受之飲水竟便殘水持與迦葉
即受以著一面長跪叉手右膝著地
更整衣服白世尊曰我行取水見諸
弟子及諸比丘問我曰仁為者年不
以貢高不以憂感亦不礙妄寂諸四
事衆欲之凶我自捨六十佳梨金妙
珍寶犁牛十具藥婁玉女天下第一
其有世間能成羅漢吾當從受今者
弟子諸比丘衆悉來問吾我時前在
多子神祠在藥樹下散其果蘇於是
世尊未受具戒今時世尊遊於王舍
城我時在竹樹間迦蘭園明旦著衣
持鉢入城分衛見日大殿有千光出
時佛世尊在三舍城迦蘭竹樹間時
見世尊吾自憶念謂日更出若大天

神夜忽如晝時佛晡時從宴坐起如月宮殿振大光明則以覆蔽諸月光辟如大炬照於暗冥佛在弟子衆中威神光明亦復如是為諸比丘講說經法如轉輪王與諸子眷屬俱與無央數衆比丘俱吾今時觀死不覩見諸比丘衆無能受者無能為師唯獨如來將出世間興隆道化而取滅度今諸比丘故來問我今時世尊告迦葉曰多有比丘不了善惡覺與不覺不解福田諸法之處多有義理是說第一迦葉寧尊不以貢高平等無憂寂諸四事諸欲之囚第一成就受具足戒佛說如是賢者迦葉及諸比丘莫不歡喜

佛說大迦葉本經

癸卯歲高麗國大藏都監奉
勅彫造

佛說自愛經

東晉天竺三藏竺法蘭譯

聞如是一時佛在舍衛國祇樹給孤
獨園時國王詣佛所遙見精舍下車
却蓋解劍脫履拱手直進五體投地
稽首足下却長跪白願以來日於四
街道請佛及僧施設微食普令愚
民知佛至尊觀其嚴式傳世為則願
使衆生遠惡效盡悉奉五戒以消國
患世尊曰善哉善哉夫為國王宜有
明導率民以道請求來福吾昔為王
亦奉諸佛沙門梵志常行四等六度
勤以致佛巍巍無上

王曰至真誠如佛教夫不種福無緣
獲其果吾受佛恩生世為人去女即
男六情完具景福之會值佛處世咸
明法化在於吾國積善難量乞退羣
辨世尊曰善哉善哉王即還宮平治
大道高下齊平廣設帳幔堅諸幢幡
自彼四衢至精舍門挾道欄楯羅燈
如星步有香爐天樂衆伎歌佛至尊
之靈密鑒沙門清貞之德散華雜寶

佛說自愛經

東晉天竺三藏竺法蘭譯

聞如是一時佛在舍衛國祇樹給孤
獨園時國王詣佛所遙見精舍下車
却蓋解劍脫履拱手直進五體投地
稽首足下却長跪白願以來日於四
街道請佛及僧施設微食普令愚
民知佛至尊觀其嚴式傳世為則願
使衆生遠惡效盡悉奉五戒以消國
患世尊曰善哉善哉夫為國王宜有
明導率民以道請求來福吾昔為王
亦奉諸佛沙門梵志常行四等六度
勤以致佛巍巍無上

王曰至真誠如佛教夫不種福無緣
獲其果吾受佛恩生世為人去女即
男六情完具景福之會值佛處世咸
明法化在於吾國積善難量乞退羣
辨世尊曰善哉善哉王即還宮平治
大道高下齊平廣設帳幔堅諸幢幡
自彼四衢至精舍門挾道欄楯羅燈
如星步有香爐天樂衆伎歌佛至尊
之靈密鑒沙門清貞之德散華雜寶

遠正不樂沙門之清戒常與愚會斯
謂樂危亡之禍不自愛者也三曰善
善唯佛教誠願聞自愛其則云何
佛言自愛之法先三自歸以法養親
慈愛人物悲愍愚惑見正喜進平等
普護安濟衆生施斯四恩布施窮乏
衆生無怨諸天祐育衆橫不加牢狹
利劍諸毒消歇親安族興生無灾患
死得上天常與明會斯謂自愛者也
王曰善哉唯佛教誠誠高行賢者清
貞守真穢利邪樂不以染心口四不
言三凶遠身危命全行諸佛所珍親
安族興終得上天常得福會斯謂自
愛者也王曰善哉唯佛教真衆等橫
加忍默不說慈惻愍彼終始濟之精
進不息紹心三尊外靜內寂殖念道
根深觀聖趣明化真言孝親濟已導
衆使然常與福會斯謂自愛者也王
曰善哉唯佛教真觀者無數時育兩
商人一人念曰佛身丈六華色紫金
頂有肉髻頂有日光巍巍難言佛如
帝王沙門猶忠臣佛陳明法沙門誦
宣斯王明矣知佛可尊佛知其念熟

視之其人心懽懽如獲寶其一人念
曰斯王愚惑余為國主將復何求
佛者若牛弟子猶車彼牛牽車東
西南北佛亦猶然子有何道屈意
奉之乎佛知其有惡念必獲其殃愴
然愍之其人心懼若有所遭二人俱去
三十里停宿沽酒飲之共平屬事訟
之紛紛其善念者四王達善神護焉
毒心誘佛者太山鬼令酒入腸猶火
燒身出停路卧即宛轉落車轍中晨
有商人車五百乘轉殺之馬伴求而
見其然曰吾褻矣還國見疑取物去
為不義遂輕身委財而逝展轉遠邁
去舍衛數万里有一國國王崩無太
子識書云中土有微人當王斯土羣
僚議曰國之無君猶體之無首難以
久立也故王有馬常為王礼若有任
王者馬必屈膝僉曰大善即具嚴駕
以王印綬者車上人馬填路觀者莫
不揮涕商人亦出觀國太史曰彼有
黃雲之蓋斯者氣也神馬直進屈膝
舐商人足群臣欣豫香湯澡浴拜為
國王僉然稱臣王曰余本商人無德

於民不任天位也群僚曰天授有德神馬屈膝於是遂處王宮聽省國政深惟曰余無微善何緣獲此必是佛恩使之然也晨在御座歎佛無上之聖率諸群僚向舍衛稽首曰賤人蒙世尊潤獲為人王斯土傳世不知有佛流俗之書亦無記焉願以大明開斯國人之翳盲明日願與應真衆垂意願斯一時三月佛告阿難勅諸比丘明日彼王請皆當徐徐變化現神尊德令其國民咸共覩焉諸天聞佛至彼教化相率導從作樂歌德寶帳幢幡華下紛紛光色耀人佛及應真皆坐正殿王案舍衛國王供養明法身自斟酌畢以小机於佛前坐佛廣說法王曰吾本微人素無伎德何緣獲斯佛告王曰昔彼王飯佛王心念言佛如國王沙門猶臣下王種斯哉今自獲其果彼一人云佛若牛弟子如車彼自種車轢之哉今在太山為火車所轢自獲其果也非王勇健所能致矣為善福隨履惡禍追響之應聲善惡如音非天龍鬼神所為非先靈所為

造之者心成身口矣佛說偈曰

心為法本 心尊心使 中心作惡

即言即行 罪苦自追 車轢于轍

心為法本 心尊心使 中心念善

即言即行 福樂自追 如影隨形

世尊又告王曰衆惡之罪取重有五

不孝不忠殺親殺君家滅國亂重罪

一也羅漢之行得空不願無想之定

與佛齊意拯濟衆生而愚向之重罪

二也佛者衆罪已畢眾福會成相好

十力法導衆生慈悲憐護心過慈母

而愚惡謗重罪三也清淨沙門志清

行高懷抱經法助佛化愚諸佛相紹

繼衆生得度皆由衆僧後說交攝以

致不調僧不調政法毀民狂走政法

毀民狂走者三道興起比丘僧重罪

四也佛之尊廟寶物水土衆生赤心

以貢三尊愚人或毀盜之重罪五也

犯斯五者罪無請謂之自殺身自滅於

自投太山火矣五罪之重重於須弥

頂無犯焉佛說經竟王及羣臣皆得

須弥頂受五戒為清信士國民有作

沙門者守戒為清信士者遂以五戒

卜善為國政諸天祐護國遂興矣諸
天龍神王臣黎民無不歡喜
佛說自愛經

癸卯歲高麗國大藏部監奉
勅彫造

聞如是一時佛在舍衛國祇樹給孤獨園時諸菩薩四輩弟子天龍鬼神帝三臣民日會聽經佛右面以上名目目連神通妙達智如虛空隨時變化權智並行普還濟衆數如恒沙諸天誓首靡不師仰佛告目連彼有大國去斯八千處在邊境不覩三尊之至靈希聞如來無所著正真等正覺神妙清化習於顛倒衆邪之行以為真諦王及臣民奉事梵志等五百人各有五通力能移山住滯分身變化國有大山塞民通路舉國患之王以山為民艱難具向梵志說之梵志答曰吾等自為民除害三無感焉即繞山坐各一其心以道定力止起欲移佛告目連汝往彼國現道袖化長度梵志濟其君民今遠三塗永處福堂目連受教承佛威神尋路放光過絕日明懸處虛空當其山巔山為不動梵志驚曰此山已起誰翅之乎日又

無光此將有以中有明者以定意觀
衆弟子心誰穢濁者令山不移觀見
諸心普有道淨國榮寶色不穢其心
仰頭觀見觀一沙門當其山上梵志
僉曰正是瞿曇弟子所為梵志呼曰
王今吾等為民除患汝抑之為目連
答曰吾自懸崖誰抑汝等山梵志三盡
道力欲令山移山入三下遂成平地
梵志願相謂曰夫有明達道德深者
即吾等所咸興整服誓首敬白願為
弟子本吾極聖目連答曰汝等欲去
瞋就明者善吾有尊師号無上正真
天中之天為一切智汝等尋吾往至
佛所請梵志曰佛之導化寧殊於
師乎目連曰佛以須弥為芥子吾
以芥子為須弥歎佛德畢曰汝等尋
吾後目連接諸梵志猶若壯士屈申
臂頃即在佛前具陳其情白佛言吾
等無上正真神勢之化化諸梵志斯
等内外已淨猶若新甃易可為色難
顯世尊蕩其微垢令成真淨梵志見
佛心開意喜皆作沙門佛言我為汝
曹說經上語亦善中語亦善下語亦

善語中深說度世之道政心為本聽
我所言使後世傳行之諸比丘皆叉
手受教佛言人身中有五賊牽人入
惡道何等為五一者色二者痛痒
三者思想四者生死五者識是五者
人所常念佛言人常為目所欺為耳
所欺為鼻所欺為口所欺為身所欺
目但能見不能聞耳但能聞不能見
鼻但能知香臭不能知味口但能知
味不能知香臭身體但能知寒溫不能
知味是五者皆屬心心為本佛言諸
比丘欲求道者當端決心人從癡故
隨十二因緣便有生死何等為十二因
緣一者癡二者行三者識四者名色
五者六入六者我七者痛八者愛九
者受十者有十一者生十二者死施
行善者復得為人施行惡者入地獄
饑鬼畜生鬼神中佛坐思念人癡故
有生死何等為癡本從癡中來今生
為人復癡心不解目不聞不知死當
何趣見佛不問見經不讀見沙門不
承事不信道德見父母不敬不念世
間苦不知地獄中苦治劇是名為癡

故有生死不止人死如呼吸之間脆不
過於人命人身中有三事身死識去心
去意去是三者常相追逐施行惡者
入地獄餓鬼畜生鬼神中施行善者
三亦相追逐或生天上或生人中墮
是五道中者皆坐心不端故佛告諸比
丘皆當端汝目端汝耳端汝鼻端汝
口端汝身端汝心身體皆當斷於七
鬼神當不復墮泥犁畜生鬼神中視人
家有惡子為吏所取皆坐心不端故
人身中有百字如車有百多人多貪
好怒不思惟身中事死入地獄中後
悔無所復及我棄國捐轉輪王憂斷
生死欲度世間人使得無為道第一
精進者立得阿羅漢第二精進者得
阿那含第三精進者得斯陀含第四
精進者得須陀洹雖不能大精進當
持五戒不飲不盜不淫不兩舌不
飲酒

佛言人坐起常當思念四事何等四
一者自觀身觀他人身二者自觀痛
痒觀他人痛痒三者自觀意觀他人
意四者自觀法觀他人法內復欲乳

者心當自端視身體飢亦極飽亦極行亦極住亦極坐亦極寒亦極熱亦極臥欲來時當自驚起坐端心坐心不端者當起立立不端者當經行心儻不端者當自正譬如國王將兵出關健者在前既在前卻復却適欲却著著後人諸比丘既棄家捨妻子剃鬚髮為沙門雖一世勤苦後長解脫已得道者內獨歡喜視妻如姊美視子如知識無貪愛之心常當慈哀十方諸天人民地獄餓鬼畜生蜎飛蠕動之類皆使富貴安隱度脫得無為之道見蟲獸當以慈哀憐傷之知生不復癡能有是意者常念師恩喜師如人念父母如獄中死罪囚有賢者往請囚出囚點慧者常念賢者思以止已得道者當念佛如是念經當如人念飲食諸比丘當轉相承事如弟事兄中有癡者當問點者展轉相教明點者如瞋中有澄火無得陰謀作惡無得諍訟見金銀當如見土無得妄證人入罪法語言無得妄中傷人意不聞莫言聞不見莫言見行道當忘

頭視地而無得跼然無得目貪人婦
女無得形相人婦女坐自思惟去貪
愛之心乃得為道耳

佛告諸比丘欲求道者當端汝心於
閑處坐自呼吸其氣息知息短長長
息不報形體亦極閑氣不息形體
亦極分別思惟形體誰作者心當視
內亦當觀外自思惟歡然與人有異
心當是時不用天下珍寶心稍欲隨
正道意復小動者即還自守其意意
即為還譬如人有鏡鏡不明則不見
其形磨去其垢乃自見形人以去貪
姪瞋恚愚癡譬如磨鏡端自思惟天
下無堅固皆無有常

佛告諸比丘持心當如四方石石在
中庭雨墮不能壞日炙亦不能消風
吹亦不能動持心當如石佛言天下
人心如流水中有草木各自流行不
相顧望前者亦不顧後後者亦不顧
前草木流行各自如故人心亦如是
一念來一念去亦如草木前後不相
顧望於天上天下無所復樂寄居天
地間棄身不復死道成了知師恩見

既即承事不見者思惟其教誠如孝子
念父母意定乃有一心便慈哀天下
人民蛸飛蠕動之類坐獨自嘆已脫
身於天下及五道一者天道二者人
道三者畜生道四者餓鬼道五者地
獄道已得羅漢道者便能飛行變化
身中能出水火能出無間入無孔欲
離世間取無為去者即能

佛告諸比丘道不可不學經不可不
讀佛說經已五百沙門皆得阿羅漢
道阿難白佛言是諸沙門聞經意解
何其疾也佛言此諸比丘前迦葉佛
時受誦斯經中間無佛隨世因緣廢
不復聞至吾為說聞即得道佛說經
竟諸菩薩四輩弟子帝王人民天龍
鬼神無不歡喜奉佛作禮
佛說忠心經

癸卯歲高麗國八歲都監奉
勅彫造

佛說呵鵬阿那鎗經

無

東晉天竺三藏竺法蘭譯

聞如是一時佛在舍衛國祇陀恒呵鵬阿那鎗將五百優婆塞至舍利弗所作禮已却坐舍利弗為說經大歡喜而退復至佛所以頭面著地叉手繞佛三匝却坐佛問呵鵬阿那鎗若有何功德教化五百弟子隨從汝呵鵬阿那鎗即長跪叉手言我常奉行佛所說四事何等為四一者布施於人二者說善說三者瞻視同學給足有無四者同事者財共不計佛言善哉善哉已過去佛無有過是四事未來佛亦無有過是四事今現在佛亦無有過是四事佛為呵鵬阿那鎗說經已各大歡喜而退呵鵬阿那鎗還歸入舍呼諸人客奴婢坐著前好為說經開解語生死善惡之道復上殿呼諸持戒人諸妓女著前為說經戒皆大歡喜復上後殿為諸夫人婦女說經戒已訖還至正殿齋戒床上端坐定意便得等心第一天上四王請

諸天皆會坐共稱譽呵鵬阿那鎗功德四天王中尊王下至呵鵬阿那鎗舍面稱譽呵鵬阿那鎗功德呵鵬阿那鎗時得等心不答天王佛邊有一比丘至呵鵬阿那鎗舍呵鵬阿那鎗起迎比丘前坐比丘說言佛坐中常相稱譽功德呵鵬阿那鎗問比丘言佛稱譽我時邊有白衣無比丘言無有白衣正使有白衣有何等嫌疑耶呵鵬阿那鎗言佛語至誠恐白衣不信者便當墮泥犁中正使信佛語者便復來承事我布施我我不喜煩擾於人以是故問耳比丘辭去呵鵬阿那鎗言想朝來未食且留飲食便行澡水下飯食訖比丘還白佛言屬至呵鵬阿那鎗舍道說言佛坐中大相稱譽呵鵬阿那鎗因問我言佛稱譽我時邊有白衣無我言無白衣正使有白衣有何等嫌疑呵鵬阿那鎗言佛稱譽我實至誠不妄白衣不信佛語者便當墮泥犁中正使信者便復來承事我我不喜煩擾他人以是故問耳佛言善哉善哉我不常為汝曹說呵

鵬阿那鎔有七事今復益一事為八
事何等為八事一者不求不欲令人
知二者信不欲令人知三者自著不
欲令人知四者自慙不欲令人知五
者精進不欲令人知六者自觀不欲
令人知七者得禪不欲令人知八者
智慧不欲令人知所以不欲令人知
者不欲煩擾於人故不欲令人知佛
說經已諸比丘皆大歡喜起前為佛
作礼

佛說呵鵬阿那鎔經

癸卯歲高麗國大藏都監奉
勅雕造

佛說見正經 亦名生死變識經

無

東晉天竺三藏竺法蘭譯

聞如是一時佛在羅閱祇園精舍正
以食時將諸比丘五百人菩薩及優
婆塞千人皆持供養具出羅閱祇城
外有大樹名曰甘香根深幹大枝葉
茂盛華實紅赤其味甜美樹下廣平
集石為座佛意欲止此諸優婆塞即
敷布坐席佛便止坐弟子菩薩亦皆
就坐時有一比丘名曰見正新入法
脈其心有疑獨念言佛說有後世生
至於人死皆無還相報告者何以知乎
當以此問佛未即發言佛已豫知佛
因先言諸弟子此樹本以一栴檀四
大胞毓自致巨盛覆余所人本為栴
時根幹葉實未有末見至得四大因
緣相連便生芽葉莖節華實轉增於
本自致成樹施布廣遠初名為栴栴
復生芽芽復生莖莖復生葉葉復生
華華復生實展轉變易非故不離故
而名非常名遂成大樹樹復生果果
復成樹歲月增益如是無數佛告諸

弟子欲躋集華實莖節根幹更使還作枝可得乎諸弟子皆言不可得也彼已變轉不可還復日就朽敗枝轉復生如是無極轉生轉易終皆歸朽不可復還使成本枝也

佛告諸弟子生死亦如此識神為起法起法為癡癡為就貪愛癡如彼樹枝枝小而長成大樹一癡而致多所因緣多所因緣本由癡出癡生行行生識識生字色字色生六入六入生更樂更樂生痛痛生愛愛生受受生有有致生生致老死合十二因緣成為身已有身當就老死識神轉易隨行而往更有父母更受形體更六情更所習更苦樂更風俗都非故使不得復還不復識故向所新見謂為有謂可常著所猗呼為諦謂無前世後世識神轉徙隨行而有也識神已徙更有父母更受新身更六情更所習更苦樂更風俗便不復識故亦不得復還故身故習故所見如樹不復還作枝也

於是比丘見正承佛言起坐長跪白

佛言我意未除未解正要今欲發愚
癡之問願佛哀我等為解了之我從
生已來見人死者不少或父子兄弟
夫妻內外或朋友相憐愛或有怨讎
相憎死後識神了無還面相答善惡
者何以乎識神為何所隔礙而不得
還面報人也願為分別說之令我等
結除疾得見諦佛言比丘彼識無形
至於轉徙隨行而有若身作福福識
轉生亦不得還面報人也何以故譬
如冶家洋石作鐵已成鐵便鑄以為
器已成器可復還使作石乎見正言
實不可石已成鐵終不得復還作石
佛言識之轉徙住在中陰如石已洋
成鐵從中陰轉受他體如鐵已鑄成
器形消體易不得復還故識何以故
行之善惡識往受之轉化變改如石
成鐵修行三善稟受人身則更有父
母已有父母便有六繫開一者住在
中陰不得復還二者隨所受身胞內
三者初生迫痛忘故識想四者墮地
故所識念滅更起新見想五者已生
便著食貪念故識念斷六者從生日長

大智所新見識滅無復宿識諸弟子
辟如賈客周遊四方國具見苦樂便
意思念東方一郡國所有已起是念
便三方念滅生死亦如是從是世作
行往後世受已受即生新想念故識
想便滅如賈客惟念一方三方想滅
也用是六事繫蔽隔礙不復還故識
如枝之成樹石之成鐵變本易名不
復還面相答報也佛言復辟如陶家
埏土為器以火燒之則轉成瓦寧可
使瓦還作土乎諸弟子皆言實不可
土已燒煉變形成瓦不可復使還作
土也佛言諸弟子識神轉徙隨行受
身如土成瓦人無道行不復識故不
得復還相報答也比丘復辟如樹大
數十圍巧匠便規斲刻鏤奇巧百種
若人欲復集聚斲梯及所刻巧還使
成樹可得乎諸弟子言實不可樹已
斷破段段刻盡枝葉槁朽不復可集
使成樹也佛言諸弟子識神於是世
作行善惡臨死識從隨行受體所見
所習非復故身不可得還不復識故
面相答報也如樹已斷不可復集使

生佛言復譬如土師燒砂作紅色更轉白形化如水諸弟子欲令紅還復作砂可得成乎諸弟子言實不可也燒砂一變不可還復佛言生死亦如是人未有道意無有淨眼身死識去隨行變化轉受他體所歷異世更受胞胎見習皆異不復識故如砂成紅不可復還也佛言諸弟子復譬如水處於圓瓶則體隨圓徙著方器則體復方大小曲直隨所墮處諸弟子生死亦如此識神本無無有常形隨行善惡輒往受身白黑長短苦樂善惡變受隨行如水從器或從人中所作非法死墮畜生合受惡體不復識故面相荅報也諸弟子譬如蝮蛸生在土中無聲無翼得時節氣轉化成蟬飛行著樹鳴聲不休佛問諸弟子寧可還蟬使入土成蝮蛸乎諸弟子言實不可也蝮蛸已變去陰在陽身形化異日當死亡或為衆鳥所取不得還作蝮蛸也佛言諸弟子生死亦如此命訖身死識神轉徙更受新身五陰覆障見習各異於彼亦當老死不得

復還不復識故面相答報也如蟬在樹不可復還作頭蛹也

佛告諸弟子復辟如段生肉過時不食則臭如生虫欲使還成鮮肉可得乎諸弟子言實不可肉已臭敗不能得使復成鮮潔佛言生死亦如此人在世間心念惡口言惡身行惡死則識神轉徙墮地獄身或畜生身或魚虫身所在異見不與前同罪網所蔽不復識故不得復還面相答報也如彼臭肉不可使更成鮮潔佛告諸弟子復辟如月晦夜陰以五色物著冥中令千人万人今夜觀色物寧有一人而別其青黃赤白者乎諸弟子皆言正使巨億万人復無央數人今夜觀視終無見者何能別其五色佛言若有人把炬照之令人觀視可得見不諸弟子言人依炬明視之皆可別五色佛言若愚人背炬火進入幽冥乃進極遠而望欲見五色可得見乎諸弟子言愚人背明向冥愈進闇終無見色時也佛告諸弟子人在生死亦如此一切

佛說見正經 第七張 無
人民歧行銷飛蠕動之類已受身形

癡冥闇蔽無有道行不學身事意事
未得慧眼而欲知生死所趣識神往
來面相答報如月晦夜陰欲視五色
終不得見也若修行經戒三十七品
守攝其意就清淨行如隨持炬火人
見別五色人隨佛法教則能了別死
生具見五道識神往來所墮善惡處
如炬火之照色皆悉了見人初不學
身事意事背於經戒隨俗三流快意
自從斷割真法不信不樂不肯奉行
如背炬入冥疑結日甚終無見知
有解了時也佛告諸弟子莫順汝愚
癡閉結之意而不信清淨正真之道
自墮地獄為身受痛我故引譬以解
了汝等常常勤力奉行經戒以著心中
佛告諸弟子人生是世稟受身形肉
眼所見現在之事父母親屬察察了
了然不能復見知前世所從來處於
是當老死往後世更受身形則亦
不能復識知今世之事也所以者何
一生一死識神轉易十二因緣變為
其主惛惛冥闇轉不識故諸弟子譬

如煮練白絲染作異色青黃赤黑變
本易故不可復轉還也生死轉易如
絲受色識無常體隨行染著未有淨
眼不識其故心意為法所念即成人
在一世心念万端善惡報受受新故
滅生死之法癡闇之常然也其欲知
見生死往來當廣學行身意之事深
入清淨思惟本末乃開寤如卧寤也
佛告諸弟子識神為癡冥法生作善
惡行死轉往受隨善惡行而有形地
如火得薪而見薪索則滅意識不作
善惡行則亦滅無所見未得道者沉
淪生死轉不識故譬如穢鏡垢濁蔽
汙舉以白面了無所見意識濁蔽生
死轉從慘懼蔽盈牽著殃福不復識
故如關穢鏡復辟如深濁之水雖有
魚虫了不得見生死錯亂憂思蔽塞
轉生忘故亦如濁水辟如冥夜閉眼
而行都無所見生死闇昧流隨殃福
或喜或惱綴制所受不復識故如夜
閉眼

佛告諸弟子今我為佛慧眼清淨一
切生死往來三界佛志知見譬如水

精琉璃寶珠絲然貫之青黃皆見佛
視生死如觀貫珠譬如淨水清澄見
底其中魚虫皆悉裸見佛視生死如
清水魚譬如大橋一切行人往來無
絕佛視生死往來五道如觀橋人譬
如高山遠望具見佛意高遠具知生死
無不分別佛告諸弟子汝等當隨我
教可具知生死千億劫事當行三十
七品要行四意止四意斷四神足五
根五力七覺意八正道以除意垢消
滅三毒疑結解散便見清淨得佛慧
意便知去來之事如視明鏡一切悉見
佛告諸弟子世人所作善惡死之後
世亦皆相答報但人未得三淨眼是
以不見不知不復識其本著在六繫
蔽為肉眼行故而不見相答報之本
謂之無有也其未得道者皆作濁穢
之行沉沒愚癡生死轉化更受身形
肉眼眩惑離故繫新四痛擾亂終不
得知識隨行相答報也今現世人或
受福或受殃或相憐或相憎此則宿
行答報之驗為無有三淨眼故不見
不知便結在疑一切人未來生是世

本與癡俱無有道意清淨之行而欲
望知前世之事識反報之効譬如無
手欲書無目欲視終不能也故佛出
世敷現經道以解人意其欲知見識
神往來生死所受者當隨佛教行三
十七品智度無極檢意勅意調意正
意入禪三昧之妙乃可具知識神所
隨去來之事耳汝諸弟子當勤學知
身事意事具了諸對至則滅除之
不為亂誤堅固於正法如此莫休汝
所疑問即可解了

佛告諸弟子識神有名無形隨善惡
行依四大為體初生身小諸根未具
識見復小所知未備及其長大六情
具足識亦隨體愛欲諸習日生感具
至於衰老四大羸靡識亦不明六情
減少現居一世變易無常不如其故
生所習見老如忘之况更異世陰胎
繫蔽未得道意癡行惑穢欲見意識
往來面相反報不可得也人無道行
而望見知宿命之事譬如闇夜貫針
水中求火終無見得汝諸弟子當勤
行經戒深思生死本從何來終歸何

佛說是正經 第十張 無

所何因往來所緣何等諦如思惟
空無之法得淨結除所疑自解佛說
經竟見正等五百人及諸優婆塞愚
得須陀洹諸菩薩皆得不傾迴三昧
各起遙佛三匝頭面著地作禮畢竟
悉從佛俱還精舍

佛說是正經 亦名生死變識經

癸卯歲高麗國大藏都監奉

勅彫造

阿難七夢經

無

東晉天竺三藏竺曇無蘭譯

阿難在舍衛國有七種夢來問於佛
一者陂池火炎滔天二者夢日月沒
星宿亦沒三者夢出家比丘轉在於
不淨坑塹之中在家白衣登頭而出
四者夢群猪來舐袂拂檀林恠之五
者夢頭戴須弥山不以為重六者夢
大魚摩訶山為大者夢師子三名華
撒頭上有七毫毛在地而死一切禽
獸見故怖畏後見身中垂出然後食
之以此惡夢來問於佛佛時在舍衛
國普會講堂上與波斯匿王說法若
冒滅得道為樂見阿難憂色愁苦臣言
佛言阿難汝於夢者皆為當來五濁
惡世不損汝也何為憂色第一夢陂
池火炎滔天者當來比丘善心轉少
惡逆熾盛共相殺害不可稱計第二
夢者日月沒星宿亦沒佛泥洹後一
切聲聞隨佛泥洹不在世界生眼滅
第三夢出家比丘轉在於不淨坑塹
之中在家白衣登頭出者當來比丘

懷毒嫉妬至相殺害道士斬頭白衣
現之諫訶不從死入地獄白衣精進死
生天上第四夢者群猪來舐舐檀林
涎之者當來自白衣來入塔寺誹謗衆僧
求其長短破塔害僧第五夢者頭戴
須弥山不以為重者佛泥洹後阿難當
為千阿羅漢出經之師一句不忘受恒
亦多不以為重第六夢者大為衆小
鳥將來邪見熾盛壞我佛法有德之
人皆隱不現第七夢師子死者佛泥
洹後一千四百七十歲我諸弟子修
慈之心一切惡魔不得燒亂七毫者
七百萬歲後事
阿難七夢經

癸卯歲高麗國大藏都監奉
勅彫造

佛說婦人過事經

無

元伏秦沙門聖堅譯

聞如是一時佛在舍衛國祇樹給孤獨精舍與大比丘衆千二百五十人俱時有一人無婦往詣舍衛國娶婦本國自有兩子大子七歲次子孩抱母復懷軀欲向在產天竺檀俗婦人臨月歸父母國時夫婦乘車載二子當詣舍衛中路食息并牧牛時有毒蛇纏牛脚牛遂離國其夫取牛欲得賊發見牛為毒蛇所煞蛇復捨牛復經夫煞婦還見之怖懼戰慄啼哭呼天無救護者日遂欲冥去道不遠有流河水水碓有家居婦迫日冥懼為賊所劫乘車將二子到水畔留大子著水邊抱小子渡水適到水半復食其小子叫呼母母時還顧見子為狼所欺驚惶怖懼失抱中子墮水隨流母益懊惱迷惑失途墮水中墮所懷子遂便渡水問道行人我家父母為安隱不行人答曰昨家大火皆燒父母悉盡無餘又問行人我家姑妯為安隱不行人答曰昨有鬪賊

傷害其家姑姪皆死無完在者其母聞之愁憂怖懼心迷意惑不識東西脫衣裸形迷惑狂走道中行人見大恠之謂得邪病鬼神所燒乎或謂愁憂迷惑失志或有唾賤捨避之走或有憐傷憇念哀之時佛在舍衛祇樹給孤獨精舍時婦馳走而往趨之過祇樹園今時世尊大會說法四輩弟子諸天龍神十方一切皆悉聽經諸佛之法言者見佛皆得眼目瞶者得聽症者能言疾病除愈延劣強健被毒不行心亂得定時婦見佛意即得定不復愁憂自視裸形慙愧伏地佛呼阿難取衣與婦即時受教則取衣與婦著衣竟稽首佛足却坐一面佛即說經為現罪福人命無常合會有別生者有死无生不終一切今空自作起滅展轉五道譬如車輪已解本無不復起分婦聞佛言心開意解即發無上正真道意即時得立不退轉地愁憂除愈如日無雲佛說如是四輩歡喜讚天龍神給首而退諸說婦人過事經

佛說罪福報應經

樂

宋于闐國三藏求那跋陀羅譯

聞如是一時佛在迦維羅衛國釋氏
精舍與千二百五十比丘俱九月奉
齋一時畢竟從神室出往至舍衛國
祇樹給孤獨園二國之間有一大樹
名尼拘類高二十里枝布方圓覆六
十里其樹上子數千萬斛食之香甜
其味如蜜甘果熟落人民食之衆病
皆除眼目精明佛坐樹下時諸比丘
取果食之佛告阿難吾觀天地万物
各有宿緣阿難即前為佛作礼長跪
白佛何等宿緣此諸弟子願欲聞之
唯具演說開化未聞佛告阿難善哉
善哉若樂聞者一心聽之

佛言夫人作福譬如樹本種一樹
稍稍漸大所益無限為人豪貴國王
長者從礼事三寶中來為人大富財
物無限從布施中來為人長壽無有
疾病身體強壯從持戒中來為人端
正顏色潔白暉容第一手體柔軟口
氣香潔人見姿容無不歡喜視之無
厭從忍辱中來為人精修無有懈

急樂為福德從精進中來為人安

詳言行審諦從禪定中來為人才

明達解深法講暢妙義開悟愚蒙

入聞其言莫不諮受宜用為師從智

慧中來為人音聲清徹從歌詠三寶

中來為人潔淨無有疾病從慈心中

來以其前生不行救拯故為人殊長

恭敬人故為人短小輕慢人故為人

醜陋喜瞋恚故生無所知不學問故

為人類愚不教人故為人暗惡謗毀

人故為人瞋言不親經法不聽經故為

人奴婢負債不償故為人卑賤不礼三

尊故為人醜黑速佛前光明故生在禪

國輕衣糖糈佛精舍故生馬蹄人國昔

最躡佛前故生穿背人國布施作福博

惜心故生尊座康寧中喜驚怖人故

生墮籠中喜調戲故果生惡習治讀

難孝難敬接衆生故人是歡喜前生

見人歡悅故人不歡喜前生見人

不歡悅故喜造惡言開繫牢獄折械

其身前生為人龍蝦衆生不從意故

為人吻咬前生的魚魚次口故聞好

言語不樂聞於中亦語衆人聽

受經者後為耽耳狗聞說法語心
不貪採後主長耳驢馬之中慳貪獨食
墮餓鬼中出生為人貧窮飢餓衣不蔽
形好者自耽惡者與人後墮猪豚蛇
蝨中劫奪人物後墮羊中人生剥皮意
欲生者後生水上浮游蟲朝生暮死
意偷盜人財物者後生牛馬奴婢中償
其宿債意姪他人婦女者死入地獄男
抱銅柱女卧鐵牀出生為人墮鴉鵂
中意作妄語傳人惡者入地獄中洋銅
灌口拔出其舌以牛犁之出生墮
聲鳥鴉鵂鴉鵂中人聞其鳴無不驚
怖皆言變怪况令其死意飲酒醉犯
三十六失後墮鴉鵂泥犁中出生墮
往往中後為人愚癡頑無所知夫婦
不相和鬪者數共鬪諍更相惡違後
生鴉鵂鳥中貪人力者後生鳥中為
州郡令長聚食於官者無罪或私侵
人民鞭打捶杖逼強輸送告訴無從
折減繫縛不得寬縱後墮地獄神受萬
痛數千萬歲從罪中出墮水牛中賣
穿鼻口挽車牽車大杖打撻償其宿
罪為人不得淨者從指中來後貪不

庶幾者從狗中來恨戾自用者從羊
中來為人不安諦不能忍事者從猴
猴中來人身腥臭者從魚鱉中來為
人兇惡含毒心者從蝮蛇中來為人
好美食煞害衆生無有慈心者從豺
狼狸鷹中來生世短命胞胎傷墮不
全生世未幾而早命終墮在三塗數
十萬劫無得貴時慎之慎之

佛言凡作功德皆應身為燒香福食
及以轉經不得請人而不親願如倩
人食豈得自飽不復飢耶燒香潔淨
逮薩去老攝一切想然燈聰明得三
達智無所罣礙燒香齋食讀經達觀
以為常法布施得福諸天扶將萬惡
皆却衆邪敢當懈怠之人安隱諧偶
無精進心一朝疾病有不吉利便欲
燒香方去作福諸天未降衆魔故前
試共燒觸作諸變恠以是之故常當
精進罪福隨人如影隨形殖種種福
如尼俱類樹本種之時為種幾換阿
難長跪叉手答佛言種一枚挾稍稍
漸大奴子無限涕言阿難施一得萬
倍言不虛也佛時頌曰

賢者好布施天人自扶將施一得萬倍
安樂壽命長今日施善人其福不可量
皆當得佛道度脫於十方

佛語阿難世人無知生死肉眼不知
罪福吾以道眼觀無數劫來至于今
日罪福報應猶如掌中觀寶琉璃內
外明徹無狐疑也阿難即前整衣服
作礼而白佛言演說此法當何名之
佛告阿難此經名為五道輪轉罪福
報應若有善男子善女人諷誦宣傳
切德無量當見賢劫千佛奉事供養
不墮三塗八難之處得無識定佛說
經已五百比丘漏盡意解諸天龍神
時會樹下清信士萬二千人清信女
六千人悉履道跡皆前為佛作礼而去

佛說罪福報應經

癸卯歲高麗國大藏都監奉
勅彫造

佛說摩訶迦葉度貧母經

無

宋于闐國三藏求那跋陀羅譯

聞如是一時佛在舍衛國度於君民
與除饑衆菩薩大士天龍鬼神世間
人民無央數衆會聽經是時摩訶迦
葉獨行教化到王舍城常行大哀福
於衆生捨諸豪富而從貧乞摩訶迦
葉時欲分衛若其未行先三昧正受
何所貧人吾當福之即入王舍大城
之中見一孤母寡甚貧困在於街巷
大糞聚中傍鑿糞聚以為巖窟羸劣
疾病常卧其中孤單零丁無有衣食
便於巖窟施小簍以障五形迦葉三
昧知此人宿不植福是以今貧知母
壽命終日在迫若吾不度永失福堂
母時飢困長者青衣而奔米汁臭惡
難言母從乞之即以破瓦盛著左右
摩訶迦葉到其所况願言且多少施
我可得大福尔時老母即說偈言
舉身得疾病孤窮安可言一國之寡貧
衣食不蓋形世有不慈人尚見矜憐
去何名慈哀而不知此厄普世之寒苦

無過我之身。願見哀矜恕。實不為仁惜。
摩訶迦葉即荅偈言。

佛為三界尊。吾備在其中。欲除汝飢貧。
是故從貧乞。若能減身口。分鉢以為施。
長夜得解脫。後生得豪富。

尔時老母重說偈言。

實如仁所言。生世無功德。今在糞窟中。
不淨塗其身。飲食無分米。羸形而不覆。
如今之極貧。施意與願違。

摩訶迦葉重說偈言。

母說處不悅。飢窮無以施。若其有施意。
此則不為貧。若復知慙慈。此則著法衣。
如母此二事。衣食為俗足。世有顯愚人。
俗衣實穀多。無慙不念施。計後此大貧。
嗟哉設福德。可謂為希有。信哉罪福眾。
至誠不虛說。

尔時老母聞偈歡喜。心念前日有與。
米汁欲以施之。則不可飲。遂啓迦葉。
哀我受不應。訶迦葉荅言。大善。母即。
在窟匍匐取之。形體裸露。不得持出。
側身僂體。籬上投與。迦葉受之。尊口。
呪願使蒙福安。迦葉心念。若吾賣去。
者。餘家飲之者。母則不信。謂吾弃之。

即於母前飲訖盪鉢還著布囊中於是老母特復真信迦葉自念當現神足令此母人必獲大安即沒入地更在虛空身出水火半身以上現其水出半身以下復現火出又復變化改易飛騰虛空從其東出沒於西方南北亦尔時母人見此踊躍一心長跪遙視迦葉迦葉告曰母今意中所願何等世間豪富轉輪聖王及四天王釋梵諸天若復欲得須陀洹斯隨舍阿那含阿羅漢辟支佛若復欲得阿耨多羅三藐三菩提阿惟三佛者悉可得果其願尔時母人默於世苦聞天堂上審為快樂即啓迦葉願以微福得生天上於是迦葉忽然不現老母數日壽終即生第二忉利天上威德巍巍震動天地光明捷特辟如七日一時俱出照耀天宮釋提桓因即自驚悸何所人者福德感動將無此間有勝吾者即以天眼觀此天女福德使然釋提桓因即偈問言

此女從何來大光明照耀辟如七大日一時俱出現震動吾宮毀威德難可當

本修何福德得來昇此天

是時天女答帝釋偈言

本在閻浮提糞窟不淨中羸老兼疾病
衣食不充脩三千大千土釋迦文佛尊
次有大弟子名摩訶迦葉哀矜從母乞
說法我心歡貢其糞米汁施少獲願多
一心供福地願欲生天上弃身糞窟中
來生忉利天

尔時天女即自念言此之福報緣其
前世供養迦葉所致假令當以天上
珍寶種種百千施上迦葉猶尚未報
須臾之恩即將侍女持天香華忽然
來下於虛空中散迦葉上然後來下
五體投地礼畢却住叉手歎曰

大千國土佛為特尊次有迦葉
能開罪門昔在閻浮糞窟之前
為其貧母開說真言時母歡喜
貢上米糲施如芥子獲報如山
自致天女封受自然是故來下
歸命福田

天女說已即與侍從俱還天上然後
帝釋心念此女於閻浮提臭惡之中
以其米汁供養迦葉乃致此福迦葉

大哀但福少家不及大姓當作良樂
於閭浮提詣迦葉所興設福祐釋提
洹因即與天石持百味食盛小瓶中
下詣王舍大城巷邊作小陋屋變其
形狀似于老人身體病瘦偻行而步
公妻二人而共織席自現貧窮乞人
之狀不儲飲食穀帛之具摩訶迦葉
後行分衛見此貧人而往乞食公言
至貧無有如何迦葉呪願良久不去
公言我等夫妻甚老織席不暇向乞
少飯適欲食之間仁慈德但從貧乞
欲以福之今雖窮困意自割指以施
賢者審如所云今吾得福天食之香
非世所聞若豫開瓶必芬之香迦葉
覺之全不肯取即言道入弊食不多
鉢來取之迦葉鉢取受呪願施家其
香普熏王舍大城及其國界迦葉即
嫌其香無量即使三昧思惟其本方
坐三昧公及母還復釋身還疾飛去
空中彈指讚喜無量迦葉思惟即知
帝釋化作老公而為此變欲增福祚
吾今已受不宜復還迦葉讚言善哉
帝釋種福無厭思此醜類求下殖福

必獲影報帝釋及后倍復欣踊是時
天上伎樂來迎帝釋到宮倍益歡喜
佛告阿難此貧母人一切世間無能
及者惠雖微少福報甚多以其苦厄
興至心故致無量福福應之報獲提
桓因天上自恣而捨豪尊來下殖福
獲報難量是以如來說檀第一問淨
提人愚癡可矜其如此比有少少耳
汝當廣宣如來真言佛說是時天龍
鬼神四輩弟子比丘僧興設大福而至
達親願及衆生隨其志願皆得果報
佛說經已一切衆會莫不欣樂稽首
作禮

佛說摩訶般若波羅蜜經

癸卯歲高麗國大藏部監奉
勅周造

十二品淨死經

無

宋平闕國三藏法師跋陀羅

譯

聞如是一時佛遊舍衛祇樹給孤獨
精舍尔時佛告諸比丘我為汝說經
比丘應唯然世尊願受教勅
佛言人死有十二品何等十二一日
無餘死者謂羅漢無所著也二日度
於死者謂阿那含不復還也三日有
餘死者謂斯陀含往而還也四日學
度死者謂須陀洹見道迹也五日無
欺死者謂八等人也六日歡喜死者
謂行一心也七日數數死者謂惡戒
人也八日悔死者謂凡夫也九日橫
死者謂孤獨苦也十日縛著死者謂
畜生也十一日燒爛死者謂如獄也
十二日飢渴死者謂餓鬼也比丘當
曉知是當作是學勿為放逸勿起如
色遠離諸橫以清淨心所未得證常
令成就所以者何數數死為甚苦悔
死亦苦橫死甚劇縛著死亦劇燒爛
死甚痛飢渴死亦痛如是比丘當作
是學習在閑居若處樹下學禪一心
無得輕戲無得後悔是為佛教是佛

法則佛說如是比丘歡喜誓首而退
十二品生死經

甲辰歲高麗國大藏都監奉

勅彫造

朱居士坦渠京聲譯

聞如是一時佛在舍衛國祇樹給孤獨園佛告諸比丘有五當來恐怖未到來成且來不久可畏當善思惟以方便遠離之何謂三一者謂後當來自無行無戒意不拘至無慧內彼人自無行無戒意不拘至無慧內彼人為學至與大戒從其學以師之自可戒自從意自明慧卒從上學類至後學者法先頭學如上從後毀律言謗法經真慧所遠比丘是為第一未來恐怖可畏且來不久當善思惟方便避之

二者謂後當來自立身無行無戒意不拘無慧為彼稱說有藏實以非次內無戒違尊令彼學謂從是可到岸為以遠流是為第二未來可畏且來不久當善思惟方便避之

三者謂後當來自立身無行無戒意不拘無慧本無明師受不正法比丘徒受失失法律義是為第三未來可

畏且來不久當善思惟方便避之

四者後當來比丘身無行無戒意不拘無慧從身無行無戒意不拘無慧比丘聚會講律說義後語現之在中語現之在後從是失明就冥不能自覺遠離正法是為第四未來可畏且來不久當善思惟方便避之

五者後當來比丘身無行無戒意不拘無慧從身無行無戒意不拘無慧世之所造巧言放語悉受意善見彼誦之意為悅樂尊所說合十二因緣苦空非常意態不樂悉捨不受聞彼之說意疑不然亦不悅喜是為第五未來可畏且來不久當善思惟方便避之佛說如是

佛說五恐怖世經

癸卯歲高麗國大藏都監奉
勅彫造

宋居士沮渠京聲譯

聞如是一時佛在祇樹給孤獨園與
千二百五十比丘俱菩薩萬二千人
袖足弟子五百人俱尔時有賢者優
婆塞奉奉外九十六種道獸若構祠
委捨入法奉戒不犯精進一心勤於
誦經好喜布施竿意忍辱常有慈心
暴得疾病遂便命過臨當死時囑其親
屬及其父母言我病若不諱之曰莫
殯銀七日若念我者不違我言遂奄
忽如死父母親屬諸家如其所言停
屍七日到八日親屬諸家言死人已
八日眠眠無所復知當急殯銀父母
言雖已日久亦不脫脹亦不臭慶小
復留之以到十日語言未竟死人便
即開眼諸家父母大小踊躍歡喜未
能動搖諸家共守之至十日便能起
坐善能語言眾人問所從來盡見何
等言有吏兵來將我去往到一大城
中有大獄獄正黑四面悉以鐵作城
城門悉燒鐵正赤獄中繫人身皆在

大火中坐上下火燒炙之青煙出或有人以刀割其肉散食之獄中有王問我言若何等人犯坐何等乃來到是中是中治五逆不孝父母不忠信事其君治諸惡人處若罪何重乃余荅言我小小為人以來為惡人所惑奉事外道少為世間愚癡煞生祠祀天地飲酒又於市裏採取財利并斗尺寸欲以自饒會後與善師相得相教作善牽我入佛道中得見沙門道人授我五戒奉行十善自余以來至于今日不復犯惡恩由明王哀我不及我便叩頭

王即起叉手謂我言止止清信之人不應當尔便與我座便坐王便呼吏問之此乃無上正真弟子汝曹等輩皆當從是人得度以其人壽命自盡時乃當死耳魂神自追隨行往受若生天上天神自當來迎之若生人中人中自當來迎之何得將此尊人來入是五逆之屬吏荅王言世間多有是人不畏王法不畏四時五行不拘鬼神天地無所取錄不可一二不問耶

是人橫行天下無所拘制有法師名之為沙門髡剔頭髮被服踈陋以法自大多將弟子東西南北無所取錄移徙葬埋嫁女取婦不畏四時毀敗改易不拘王相是曹輩人應當治之王言止止卿為了解是法耶法服之人無所貴敬他所畏難諸釋梵日月中王下及帝王臣民皆所尊奉尊奉是人得福無量使人得道不得輕慢是人輕慢是人者自求罪苦急索名錄壽命應盡未吏白王言以命錄理之未應死耶尚有餘算二十以其先小時所犯罪惡後乃欲作善是以取之使其黨輩小復自下王言人居世間少作惡至于百歲是輩人罪當復云何吏言是人但可以生不可以死死便更連延當受罪苦痛千劫万劫無得解脫時王曰其佛弟子有戒精進不懈怠為天神所貴敬所以今者佛以大慈大悲護心授心以是四等心憂念十方天下一切人民万物蚰蝸蠕動之類佛皆哀傷之功德流演十方天下是故佛子天神地祇鬼龍皆敬貴

之豈當拘王相四時五行耶佛恩如
四海不可得限量百億恒水邊流沙
尚可計量豈知其非數佛恩不可得
量耶吏白王言大王為奉佛淨戒耶
王曰坐我不奉佛故追罪來作此獄
王卿見此獄中今現有數壽終不受
亦不敢當前皆當叉手起往奉迎之
使案其所行善福福神自來迎取之未
應死者自有護速得除愈若有人已
入正法後悔乃復還為外道煞生祠祀
邪道惡鬼法見之得便此則自無護雖
有千歲壽命當逢九橫無病自死所以
余者救護神不祐之如是者終不得解
脫若持戒比丘及諸弟子當勤行六
事何等為六一者檀波羅蜜當好布
施無得慳惜二者尸羅波羅蜜當護
誠慎莫犯三者羼提波羅蜜當忍辱
竿意心口莫瞋恚四者毗梨耶波羅
蜜當勤力精進莫懈怠五者禪波羅
蜜當一心定意莫放逸六者般若波
羅蜜當勤作經上口誦誦當曉遍起
拘舍羅是為六事菩薩求道之本復
有六事一者眼二者耳三者鼻四者

口五者身六者意人欲求道家福當
護是六事護眼莫著色護耳莫著聲
護鼻莫著香護口莫著味護身莫著
細滑護意莫著愛欲是為護六事當
復減三事何等為三一者淫泆二者
瞋恚三者愚癡是為三毒當復減五
事何等為五一者痛痒二者思想三
者生死四者識五者愛欲是為五陰
復有六衰何等為六衰一者眼為色衰
二者耳為聲衰三者鼻為香衰四者
口為味衰五者身為細滑衰六者意
為法衰是為六衰五陰六情三毒合
為身中二十事常在人身中道人行道
常當斷絕是二十事不能禁絕是二
十事當墮人著罪中六情不絕當墮
十八泥犁中五陰不絕當展轉五道
中二毒不絕當入三惡道中若善男
子善女人禁制持戒身中二十事如
鏡之去垢清淨無穢內外照明者天
下千百億万人有一人是佛弟子不更
言實自無有五曰以是觀之知佛功
德大魏魏淵淵堂堂乎如巨海不可
當耶更白王言誠如大王所言小吏

罪之所致不別真偽請得遣之還王
曰善吏便辭謝人使自還去人便如
從高墮下墮然而穌便得生活父母
便以車載詣祇洹以白佛佛便呼人
問之其以所見所言答佛便笑五色
光從頂上出遶身三帀還從齋入阿
難便整衣服以膝著地叉手白佛言
佛不妄笑當有意願佛廣說其義
佛言阿難諦聽受衆會阿難受教而聽
佛言是間閭浮利天下為五逆惡世
子不孝父臣不忠君夫妻相欺欺上
同下人民佞戾少有義理輕慢無節
以強陵弱富富相從貧困守窮貪
利慳惜無有慈心但欲勝人四王相
守鬼惡神司取其便犯者則死魂神
展轉隨行往受當作餓鬼畜生地獄
楚毒痛掠笞斫湯鑊燒煮若有餘微
之福得上生天當在第六魔天薄福
短壽不受法教雖得作人當作下賤
奴婢或作牛馬畜生騾驢駱駝烏虎
師子鳥獸蟲蛾困苦叵言百劫千劫
万劫無得解脫時適生便病或時即
死若得為人六情不具癰殘瞽盲瘖

病如是困苦無極今是世上有一人
知世間有佛聞經法得見比丘僧有
善心好意恭敬慈心捐九十六種道
來入正法自惟自勉奉受五戒修行
一善以滅十惡今時有一人皆是維
衛佛時得道人功德同是人其有百
劫千劫万劫之罪皆悉滅盡其人壽
終已後不復更見三惡道中假有所
犯當導罪輕重詣地獄王見之衣毛當
豎敬仰其人帝王人民一切莫不尊
奉雖未得道功德隆赫天人龍鬼莫
不稱歎

佛語阿難我般泥洹後世人多不敬
法喜自貢高自大輕蔑於人薄賤正
法毀諸比丘不與分衛罵詈瓦石擊
之無所拘畏是曹輩人皆從魔界中
來生為人故復惡如是其信樂佛法
則是上古先世時佛上足弟子能知
真偽隨奉正法受持經戒復滅二十
事皆悉諸菩薩摩訶薩非凡人耶人
生當有死無有不死者持戒善人不
惜身命但念大慈大悲拯濟一切為
眾人作唱導菩薩不懼生死之變入

生死度生死入地獄說經戒止惡為
善入餓鬼為說布施施入畜生為說端
法止人身上天生為教諸天人中為
作法惡為善人作地獄行則有地獄
想人作畜生行則有畜生想人作天
行則有天想人作餓鬼行則有餓鬼
想人作人行則有人想一切万物皆
無所有但依所作名便有思想今是
賢者眼所見其證分明於世生已得
為人有福德盡正法何不努力可自
致得佛尊貴何為作勤苦之業身當
自往受之悔有何益

佛語阿難法之欲與世生善人法之
欲表惡人衆多善相告語各勤加精
進經戒為憂一切無常無常力大佛
不常住於世努力勤之既以自度復
能救度一切人非人諸比丘汝曹當
及我在世當努力莫言佛常在今不
努力後悔何益今以死人者名見諦
見諦聞佛訖經父母諸家皆得阿羅
漢道諦即得阿惟越致堅住不復動
轉諸比丘及諸菩薩大弟子天龍鬼神
聞經莫不歡喜皆前為佛作禮而去
弟子死後生處

佛說佛大僧大經

無

宋居士湛渠京聲譯

佛在王舍國國有富者其名曰厲金
銀衆寶田地舍宅牛馬奴婢不可稱
數厲年西耄絕無繼嗣其國常法人
無子者死後財物皆沒入官厲壽日
月諸天鬼神并九子母山樹諸神皆
從請子不能致之厲自念曰人有緩
急輒往自歸山樹之神靡所不至財
寶消索產業不修疾病相仍灾禍首
尾奴婢死亡六畜不準俱為奴婢鬼
神導師迷惑憊使亂君內居士富有
福而禍重至由盲吞毒謂之良藥庶
有療損毒著喪身吾今然生祠祀鬼
神當入地獄而望天祚豈不惑哉世
有佛道高操之聖有得仙者名曰應
真人真人清淨如瑠璃珠精進存想
乃觀之耳奉斯道者唯守靖漠無欲
無求以斯為樂現世得安終生天上
厲自念曰置吾常供養奉佛三寶奉
佛一載婦遇生男厲曰奉佛獲願乎
曰佛大佛諸弟子謚比丘僧試復事

之事未滿歲復生賢男字曰僧大厲
訓二子示以聖道僧大稟性仁愛人
物孝心難攀誦佛法戒親近沙門清
淨知足親覩其志愛之有特親被疾
著牀即呼長子涕泣誡之夫生有死
万物無常持戒者安犯戒者危其持
佛戒終始無患僧大尚小仁孝清白
屬已累今辭句適竟奄忽沒故弟去
所天孤無歸告數啓其兄欲作沙門
其國之法兒欲求婦便伴詐去欲作
沙門親懼其然立為娣妻佛大以弟
等彼偽類即為尋索國家賢家女字
使見光華煒煒端正少雙長短肥瘦
適得其中貞潔慈孝猶星中月國女
賢婦靡不歎悅婦歸昇堂兄會賓客
九族欣然無不和樂兄於衆賓調其
弟曰當今之日可作沙門乎僧大荅
曰大兄放吾使作沙門實我宿願寤
兄者天審欲作之戲之曰可從今志
願弟心歡喜為兄作礼即日入山見
一步門年少端正獨處樹下前趣叉
手稽首為礼却住問曰賢者何緣行
作沙門其人已得應真之道豫知去

來無數劫事謂僧大曰佛經說言人
好姪洸如火燒身如持炬火逆風而
行其焰稍却不置炬者火燒其手猶
鳥銜肉鷹鷂追爭鳥不置肉災及
軀命姪洸如斯無不危殆吾以是故
作沙門耳塗塗利刀小兒貪甜以舌
舐之有截舌之患姪洸之人苟快愚
心不惟其後有燒身之害譬如餓狗
得路枯骨齧齧齧傷口破齒適自
傷毀何益於已姪洸如此百千億劫
無絲髮之福而有三塗之罪吾念是
故作沙門耳譬如樹木華果茂盛行
人貪之杖石撻撻須臾之間華損果
落枝葉殘傷樹以華果自招凋喪蛾
貪火色投入于燈體見燒煮將何剋
獲為姪惑者不別善惡遠賢親愚日
就流冥亡國滅衆死入地獄惡著罪
成悔將何逮佛見之諦開示聖道吾
望佛恩得覩經戒心守清白獨而無
患顧視流俗乃知誤耳吾以是故作
沙門也僧大聞之頓首足下長跪而
白佛真上聖諸天之尊經以滅癡入
我心中願去世濁履清淨道奉沙門

戒以為榮福師即喻之沙門重戒侍
師數月即啓師云何意欲入山間寂
定禪息求道應真余乃減惠師曰獨
居山中大難處也處山澤者當學星
宿明知候時常當儲備水火麴蜜所
以然者盜賊之求水火麴蜜夜半向
晨間當解之給賊所欲違其意者賊
輒煞人僧大曰諾敬奉慈教具學所
命却乃入山其兄念曰弟作沙門終
不畜妻妻使見者端正無雙兄心悅
之起從使見持琴自隨作姿強之歌
姪沃之曲煌煌辭金坐于野田過時
不採宛見棄捐舅余豐熾華色惟新
與我同歡回斯厚親年一西宿孰復
余珍使見即覺兄欲為乱便以歌曲
答佛大曰魏魏我師天人之尊門徒
清潔謚曰沙門歎真為聖姪為畜倫
我受嚴戒不事二君終不姪生寧就
寸分佛大作情悲之曲委靡之詩宿
心加余故因良媒問名詣師占相良
時慘慘惕惕懼余不來既觀光顏我
心怡怡今不合歡豈徒費哉斯誓為
定淑女何疑使見惶怖歌答之曰佛

設札儀佛大僧大經 第五張 無尊卑有叙叔姪即子賀伯

即父我親奉戒日有隆舉真與聖
齊姪正豈鼠噫乎伯子焉為斯語兄
心遂惑貪好快見其意又甚不可轉
移使見又歌夫人處世當遠二事不
孝姪亂行違佛戒天及賢者變其自
異佛大歌曰余之容色懌懌灼然普
天美女豈有余顏我心相悅故踰大
山使見自念斯子欲我悖狂之亂沮
致大難請說身中惡盡不淨余乃却耳
使見重曰仁貪我軀軀有何好頭有
九骨合為髑髏中但有腦面有七孔
皆出痰唾以皮裹骨貪頭頸者皮肉
相裹身有三鬚爪齒皮肌血腦骨肉
腹中有心肝腎腸胃肪肺屎尿膿血
寒熱足與脛連脛與髀連髀與尻連
尻與腰連腰與脊連脊與脅連脅與
頸連頸與髑髏連髑髏與肘連肘與肩
連我如畫瓶中盈屎屎身中不淨可
惡如此何可貪乎凡人所言有說其
惡心即賤之佛大自念女念其智何
肯聽我我煞弟者余乃隨耳佛大瞋
恚即行募求數為賊者見輕薄人在

于酒家前與語曰寧知我家所畜六
籍奴子逃作沙門今在山中賊曰識
之佛大即出金銀與之令煞奴子疾
取其頭及身上衣所持法杖足下履
屣皆以相還吾復重賜卿等金銀賊
大喜曰徙吾取足即去入山到其弟
所呼曰沙門汝疾出來其弟出曰諸
君何求吾有水火麩蜜可食夜時已
半賊曰不求水火麩蜜不問卿時也
欲得汝頭持去之耳其弟聞之即大
惶怖涕泣而曰吾非長者諸侯子也
捨俗為道與世無爭學道日淺未獲
溝港頻來不還應真六通煞吾何益
賊曰來為汝首故空復去去求象何
益其弟自念此賊獨聞我富家謂我
持寶來在此也語其賊曰欲得寶者
吾兄在家字曰佛大吾與書今惠卿
寶在所欲得徙卿志願賊曰子兄今
我来煞子其弟曰即吾今死矣由斯
婦也師前誠我人與姪居如持炬火
逆風而行捨之不早火將燒手如蜜
塗刀如鷹追鳥狗得枯骨樹之華菓
色為身害深如師誠涕泣徙賊乞一

歲活今吾得道吾常在此相煞不晚
賊曰今欲得子頭去何去一歲山居
道人多得道者恐子輕舉行神足去
勿復多云俘取頭去其弟重曰願莫
即煞先斷我一髀置吾前也其賊因
前先斷一髀置於其前弟遭此痛痛
不可言天來下至道人所曰慎莫恐
怖牢持汝心汝前世時入畜生中人
所屠割稱賣汝肉非一世矣地獄餓
鬼汝皆更之苦痛以來非適今也僧
大語天一衰語我師令知吾因師亦
吾道死生何在天即為行語其師曰
卿賢弟子人欲煞之涕泣求哀欲得
見師師飛行到弟子所為說經曰天
地須弥尚有滅壞海有消竭七日有
壞天下有風其名惟嵐惟嵐一起山
山相搏斯風有滅況汝小軀何等比
數但當念佛佛常言無常盛必有衰
合會有離榮位難保身亦如之僧大
便得溝港道復斷一髀重念師戒
復得頻來道賊斷左手復念師戒得
不還道賊斷右手復念師戒得應真
道便不畏三惡道也生死自在無所

復畏僧大曰取樹皮來即為剝樹皮
與之僧大取枝以為筆自刺身血書
樹皮曰大兄起居隨時安善二親在
時以吾累兄兄不承之違廢親教以
女色故骨肉相殘違親慈教為不孝
也殘煞人命為不仁也然一畜生其
罪不小況煞應真吾不中止兄自招
之念吾有形可得相煞善逝寂寞待
復相言長別努力願崇真道曳頭長
二尺語其賊曰子斷吾頭由泥頭也
勿有恐意吾恐汝等墮地獄中賊前
斷頭取身上衣被杖屣及鉢持至兄
所衣杖屣鉢皆持與兄兄以金銀重
謝其賊兄取弟頭為作假形以頭著
上以衣衣之杖鉢及屣皆著其傍謂
使見曰汝等來歸可同評之使見大
喜走至其所見閉目坐以為思道妻
不敢呼具作美食須念道覺當飯之
日中不覺妻因前曰日今已中恐過
時也惟其不應牽衣起之頭便墮地
身皆分散各在一面妻即大怖擗踊
呼曰子竟坐吾見殘賊乎氣憤呼天
摧裂肝心崩血出口奄忽而死戒行

清白難汙如空樹心聖軌難動如地
貞淨行高難撓如天其未終時諸天
咨嗟豫安所生迎其魂靈處切利天
忍須臾之姪獲天上難盡之榮兄入
神室視婦胡為兄見弟頭身分散眾
藉其婦吐血死在一面兄見弟妻尸
死如此乎曰咄咄吾為逆天所作酷
烈乃致於此兄即至賊所問其意言
弟臨沒將有遺言乎賊曰有書以書
見之書辭懇惻讀書訖竟五內壹塞
涕泣交橫吾違尊親臨亡慈教骨肉
相殘又孰應真感激而死死入地獄
王及王民聞其事變魔涕泣哽噎歎
述清德殞葬其弟四輩立塔天龍鬼
神側塞空中散華燒香無不傷心其
妻快見國人葬之舉哀動國諸天下
讚精進得道五戒不虧貞生天上違
佛法教不孝殘聖死入地獄燒煮苦
毒其歲難數佛便告諸弟子自斯之
後重相勸勵尚於無欲佛說經竟諸
弟子歡喜作禮而去

佛說佛大僧大經

癸卯歲高麗國大藏都監奉

勅彫造

佛說耶祇經

無

宋居士沮渠京聲譯

聞如是一時佛在迦奈國國中有婆
羅門大富姓名耶祇本事九十六種
外道以求福祐聞人事佛得富貴長
壽安隱度脫生死受福不入三惡道中
不更勤苦耶祇自念我不如捨置外
道當奉事佛因詣佛所以頭面著地
為佛作禮長跪白佛言我本愚癡無
所識知竊聞佛道恢弘大慈普濟佛
天上天下人中之尊無不安隱者我
今欲捨置所事外道歸命於佛願佛
哀我當受教誡佛言若今所言大善
熟自思之而止惡為善者何憂不得
安隱耶祇白佛言今以我所事非真
故歸命於佛當哀愍我曹去濁穢之
行受佛清淨法言若審尔者大善耶
祇便前受五戒一不煞生二者不盜
三者不婬四者不兩舌惡口妄言綺
語五不飲酒三自歸已起繞佛三匝
持齋七日而去自是之後行到他國
見人煞生射獵盜人財物耶祇便欲

隨之見好色女人 心意貪之見人是
不是便論道之見人飲酒醉亂便欲
退之心不安定更欲悔之自念我不
能事是佛法終當還佛五戒即詣佛
所叩頭白佛言我前從佛受五戒多
所禁害不得從我今意今自思惟欲
罷不能事佛佛法尊重非我所能率
事當可得還五戒不於佛意當可介
不佛默然不應言未絕口中便有自
然鬼神持鐵椎擊耶祇頭破之復有鬼
神解脫其衣復有鬼神以鐵鉤就口
中移取其舌有姪女鬼神以刀深刻
其陰有鬼神泮銅液其口中前後左
右皆諸鬼神競來分裂其肉如是耶
祇眼目鼻毫面如土色自然之火燒
其身未生不得求死不得鬼神持之
甚急佛見之如是哀愍念之因問耶
祇汝今者當云何耶祇口噤不能復
語但舉手自搏從佛求哀佛便放威
神鬼神皆怖而走耶祇使得餘息更
起叩頭前白佛言我心中有是五賊
率我入惡罪中出是惡言今受其罪
自我所為違背佛言願佛哀我佛言

自汝心口所為當咎阿誰耶祇白佛
言從今日以往當自改更奉持五戒
歲三齋月六齋燒香燃燈供事三尊
身口意不敢復犯佛言如是大善自
若眼目所見身體所更自作自得作
善得善心念不善得不善佛者法中
之師教人去惡為善後長得度脫諸
天及人民愚癡者皆使智慧不更勤
苦從今已往改更修善莫得聽心意
所為誤人之本佛說經已耶祇心意
開解即得須陀洹道歡喜而去耶祇
歸家即勅舍中大小皆詣佛所受五
戒歲三齋月六齋耶祇便捨家剃頭
鬚被袈裟從佛作沙門遂得阿羅
漢道

佛說耶祇經

癸卯歲高麗國大藏都監奉
勅彫造

佛說摩達國王經

無

宋居士沮渠京聲譯

聞如是一時佛在羅閱祇竹園中與
千二百五十比丘俱時有國王号名
摩達王時當出軍征討還國中人民
數百萬入皆應赴從時有比丘已得
羅漢道到其國分衛並見錄將詣王
宮門王有馬監令比丘養視官馬勤
苦七日王後身自臨視軍陣比丘見
王即於其前輕舉飛翔上住空中現
其威神王便恐怖叩頭悔過我實愚
癡不別真偽推問國內誰令神人為
是者今當有所治然比丘告王言非
王及國人過也自我宿命行道常供
養師我時為師設飯師謂我言且先
澡手已乃當飯我愚癡心念言師亦
不養官馬何故不預澡手師即謂我
言汝今念此輕耳後重如何我聞是
語便愁憂師知其意便念言我會當
漉洹何故令人惱耶即以其夜三更時
般漉洹從來久遠各更生死今用是
故受其宿殃養馬七日夫善惡行報

有殃福如影隨形王聞比丘說罪福
意解歡喜乞得歸命於神人比丘告
言卿當自歸於佛佛為三界師王及
國人民皆隨比丘到佛所稽首為
佛作禮受五戒作優婆塞佛便為王
及人民現相好威神光曜天地復為
說無常苦空王於是便得須陀洹道
國中人民皆受五戒十善歸命三尊
月日齋戒以為常法阿難整衣服作
禮白佛言是王及國中人民見佛聞
經即解何以故佛言及昔摩父佛時是
比丘作沙門王時為優婆塞淨意供
養三日令我所在處常得其福今已
得度世之道今來會此聞經便得須
陀洹道四輩弟子天龍鬼神聞經歡
喜前為佛作禮而去

佛說摩達國王經

癸卯歲高麗國大藏都監奉
勅彫造

佛說旃陀越國王經

無

宋居士沮渠京聲譯

聞如是一時佛在舍衛國祇樹給孤
獨園與千二百五十比丘俱時有國
王号名旃陀越奉事婆羅門道王治
國政輒任用諸婆羅門王小夫人特
見珍重時兼娠諸夫人憎嫉之以金
賜婆羅門令譖之於王言此人凶惡
若其生子必為國患王聞之甚愁憂
不樂問婆羅門言當如之何婆羅門
言唯當并煞之耳王言人命至重何
可煞之報言若不然者必有亡國喪
身之憂禍不細也王便聽用其言遂
見枉煞便蓋埋之兒後於塚中生其
母半身不朽兒得飲其漣乃至三年
其塚崩陷兒後得出與鳥獸共戲暮
即還塚中宿兒時年六歲佛以普慈
念其勤苦與鳥獸同群即化為沙門
被服往呼問之言汝是誰家子居在
何處兒歡喜報言我無家居但栖宿
此塚中耳今乞隨道人去佛言汝隨
我去何等為乎兒報言我今善惡終

當隨道人佛便將其到祇洹中見諸比丘威儀法則意甚樂之使白佛言我欲乞作比丘佛即聽之以手摩其頭髮墮袈裟自然著身名為須陀從佛受尊戒勤意精進心不懈怠七日便得羅漢道佛語須陀從佛受尊戒拔欲之根本生死得自在今宜往度彼旃陀越王須陀承佛教頭面著地為佛作礼往到其國住在宮門請見於王臣下白王言外有道人乞欲見王王聞之即出與相見問言我大有所憂者當如之何道人言何所憂耶王言我年已長且欲過時國無續嗣為之愁憂道人聞王語初不應之獨笑而已王便言我與道人語初不答我而反獨笑即欲治教之須陀知其意便輕舉飛翔上住空中分身散體出入無間王見其威神變化即恐怖悔過言我實愚癡不別真偽唯願大神一還令我得自歸命須陀即從空中下住王前謂王言若能自歸甚善當自歸於佛佛是我大師三界之尊度脫衆生王便勸群臣嚴駕營

到佛所須陀便以道力如申辭頃將
王及人民俱到佛所頭面著地為佛
作禮歸命三尊乞受五戒為優婆塞
佛告王言欲知比丘須陀者是王昔
所用婆羅門言語殺戮嫉妬者子也母
死之後子於塚中生塚中母半身不朽
得飲其漣乃至六年今隨我為道乃
致於此王聞佛言更恐怖不能自勝
佛言昔拘先尼佛世有國王号名佛
舍達王及國中三億人皆隨王供養
三尊時有凡人居貧無業常為國中
富姓賃放牧養牛數百頭見王及人民
供養比丘僧即問言卿等何所為乎
人民答言吾等供養三尊後當得其
福即復問言得何等福耶人民報言
人有淨心施三尊者後所在處安樂
尊貴無有勤苦即念言我居貧窮但
賃放牧自無飲食當何以施即念言
唯當還取牛漣煎以為酪酥淨心上
比丘比丘僧咒願言令汝世世所往
處當得其福自後展轉更生死輒受
其福或上為諸天或下為王侯乃後
為王時出遊獵見國中人有好將牛

懷犢王便令人取牛煞之夫人語王
莫令人煞其子也時牛主追還破取
其子養護之其主患言當令王如此
牛也自後魂神來為王作子時未出
生母為王所煞欲知須陀者則是也
須陀母見狂煞者則是時王夫人也
婆羅門者牛主是也須陀所以於塚
中生其母半身不朽得飲其漣以自
長大者由其宿命以酪酥上比丘僧
故佛言罪福響應如影隨形未有為
善不得福行惡不受殃者王聞佛說
經意解即得須陀洹道國中人民皆
隨王奉五戒行十善歸命三尊或有
得須陀洹斯陀舍阿那舍阿羅漢者
四輩弟子天龍鬼神聞經歡喜前為
佛作禮而去

佛說旃陀越國王經

癸卯歲高麗國大藏都監奉
勅彫造

佛說五經反復經

無

宋居士祖渠直聲譯

聞如是一時佛在舍衛國與十二
百五十比丘俱時有一梵志從羅
閱祇國來聞舍衛國人慈孝順去
經修道故事三尊便到舍衛國見
父子二人耕地毒地墮救其子其
父故耕不着其子亦不啼哭梵志
問曰此是誰兒耕者答言是我之
子梵志問曰是卿之子何不啼哭故
耕如故其人答曰人生有死物或有
取善者有報惡者有對憂愁不樂啼
哭懊惱何益死者卿今入城吾家某
處願過語之吾子已死但持一人食來
梵志自念此是何人而無反復子死
在地情不憂愁而反索食此人下慈
無有是比梵志入城詣耕者家見死
兒母即便說云卿子已死其父寄信
但持一人食來何以不念子耶兒母
即為梵志說譬喻言兒來託生我
亦不棄兒今自去非我能留譬如
行客來過主人客今自去何能得

留我之母子亦復如是去住進止
非我之力隨其本行不能得留愁
憂啼哭何益死者復語其姊卿弟已
死何不啼哭姊為梵志說譬喻言我
之兄弟譬如巧師入山斫木縛作大
牀安置水中卒遇大風吹牀散失隨
水流去前後分張不相顧望我弟亦
今因緣和會同一家生隨命長短生
死無常合會有離我弟命盡隨其本
行不能得留愁憂啼哭何益死者復語
其姊卿夫已死何不啼哭姊為梵志
說譬喻言我之夫婦譬如飛鳥暮栖
高樹同共止宿須臾之間及明早起
各自飛去行求飲食有緣則合無緣
則離我之夫婦亦復如是去住進止
非我之力隨其本行不能得留愁憂啼
哭何益死者復語其奴大家已死何
不啼哭奴為梵志說譬喻言我之大
冢因緣和會我如犢子隨逐大牛人
奴大牛犢子在邊不能救護大牛之
命憂愁不樂啼哭懊惱何益死者梵
志聞之心感目冥不識東西我聞此
國孝順奉事恭敬三尊故從遠來欲

得學問既來到此了無所益又問行人佛在何許欲往問之行人答曰近在祇桓精舍梵志即到佛所誓首作禮却住一面憂愁低頭默無言說佛知其意謂梵志曰何以低頭憂愁不樂梵志白佛言不果所願違我本心是故不樂佛問梵志有何所失憂愁不樂梵志曰我從羅閱祇園來欲得學問既來到此見五無反復佛言何等五無反復梵志曰我見父子二人耕地下種子死在地情不憂愁而反索食居家大小亦無憂愁是為大逆佛言不然不如卿語此之五人家有反復知身無常財非已有往古聖人不免斯患況於凡夫大啼小哭何益死者世間俗人無數劫來凍轉生死遷轉不滅死而復生如車輪轉無有休息皆死向生非憂愁所違梵志聞之心開意解更无憂戚我聞佛說如病得愈如盲得視如闇遇明於是梵志即得遺跡一切死亡不足啼哭次為亡者請佛及僧燒香供養讀誦經典能日日作禮復至

五經及復經 第四卷

心供養三寶軍 是為要六 是梵志誓
首作礼受教而去
佛說五經及復經

甲辰歲高麗國大藏都監奉
勅彫造

佛說末羅王經

無

宋居士沮渠京聲譯

聞如是一時佛在舍衛國祇樹給孤獨園與千二百五十比丘俱時有國王号曰末羅土地豐浚士民壯勇其國中有一方石周旋數十里當於王道群臣共議啓王徙石王便料選國內凡得九億人令掘徙石乃歷年月士民疲極不能動石佛念人民愚癡空自勤苦而石不移即呼阿難與沙俱往如彈指頃便到其國佛時作沙門被服住在石邊謂人民言用何故掘徙此石初無應者如是至三人民患言我掘此石勤苦經年卿何等人反來問我各自委去佛即時笑以足指挑石手受之擲置空中復以手受住之於地佛便放光明現相好九億人見佛威神莫不震聳皆叩頭言吾等愚癡不別真偽將何神天佛言我是佛也人民問言佛用何等力能舉此石答言我有四力何等為四一為精進力二為忍辱力三為布施力四為父

母力何等為精進力謂不殺盜淫欺
 廣陳經法開導人物未曾懈怠是為
 精進力何等為忍辱力敢有殘害毀
 辱加惡於我我心如地無所不受是
 為忍辱力何等為布施力謂以國土
 珍寶妻子頭眼悉以施人意無恨悔
 是為布施力何等為父母力謂受父
 母身體哺乳育養之恩或從地積珍
 寶上至二十八天悉以施人不如供
 養父母是為父母力人民復問言盡
 復有何等力佛言復有四力何等為
 四謂生老病死是為四力復問言佛
 當常住於世不佛言我亦當般泥洹
 人民言佛乃神聖相好金色當世希
 有猶尚般泥洹何況我曹王及臣民
 九億人同時意解乞受五戒十善歸
 命三尊結解垢除即得須陀洹道阿
 難正衣服為佛作禮白言是王及與
 九億人皆有何功德今聞經即得解
 疾佛言乃昔俱留秦佛時王及國中
 九億人同時立志或受五戒十善者或
 持齋者或然燈者或燒香散華者或
 誦誦經者或聽經者今故來會聞經

即解諸比丘歡喜前為佛作礼

佛說末羅王經

癸卯歲高麗國大藏都監奉

勅彫造

佛為年少比丘說正事經

無

西晉沙門法炬譯

如是我聞一時佛住舍衛國祇樹給
孤獨園夏安居今時衆多上座聲聞
於世尊左右樹下窟中安居時有衆
多年少比丘詣佛所稽首佛足退坐
一面佛為諸年少比丘種種說法示
教照喜示教照喜已默然住諸年少
比丘聞佛所說歡喜隨喜從座起作
禮而去諸年少比丘往詣上座比丘
所禮諸上座足已於一面坐時諸上
座比丘作是念我等當攝受此諸年
少比丘或一人受一人或一人受二三
多人作是念已即便攝受或一人受
一人或受二三多人或有上座乃至
受六十人

今時世尊十五日布薩時於大衆前
敷座而坐今時世尊觀察諸比丘已
告比丘善哉善哉我今喜諸比丘行
諸正事是故比丘當勤精進於此舍
衛國滿迦提月諸歲人間比丘聞世
尊於舍衛國安居滿迦提月已作教

竟持衣鉢於舍衛國人間遊行漸至
舍衛國舉衣鉢洗足已詣世尊所稽首
礼足已退坐一面尔時世尊為人間
比丘種種說法亦教照喜已默然尔
時人聞比丘聞佛說法歡喜隨喜從
座起作礼而去徃詣上座比丘所稽
首礼足退坐一面時諸上座作是念
我等當受此人間比丘或一人受一
人或二三人乃至多人即便受之或一
人受一人或二三人乃至有受六十人
者彼上座比丘受諸人間比丘教誡
教授善知先後次第尔時世尊月十
五日布薩時於大眾前敷座而坐觀
察諸比丘告諸比丘善哉善哉諸比
丘我欣汝等所行正事樂法等所行
正事諸比丘過去諸佛亦有比丘衆
所行正事如今此衆未來諸佛所有
諸衆亦當如是所行正事如今此衆
所以者何今此衆中諸長老比丘有
得初禪第二禪第三禪第四禪慈悲
喜捨空入處識入處無所有入處非
想非非想處具足住有比丘三結盡
得須陀洹不墮惡趣法決定向三善

提七有天人往生究竟苦邊有比丘
三結盡貪恚癡薄得斯陀含有比丘
五下分結盡得阿那含生般涅槃不
復還生此世有比丘得無量神通境
界天耳他心智宿命智生死智漏盡
智有比丘修不淨觀斷貪欲修慈心
斷瞋恚修無常想斷我慢修安那般
那念斷覺想云何比丘修安那般那
念斷覺想是比丘依止聚落乃至觀
滅出息如觀滅出息覺是名修安那
般那念斷覺想佛說此經已諸比丘
聞佛所說歡喜奉行

佛為年少比丘說正事經

癸卯歲高麗國大藏都監奉
勅彫造

羅女忍辱經

無

西晉沙門法炬譯

阿難曰吾從佛聞如是一時佛在舍衛國祇樹給孤獨園時驚露子與羅女俱以平旦著衣法服執持應器入城求食時有輕薄者逢見兩賢意念曰瞿曇沙門第一弟子與羅女分衛即興毒意取地沙土著驚露子鉢中擊羅女首師見羅女血流汗面師曰為佛弟子慎無含毒當以慈心愍傷衆生世尊常教忍者寂快唯慧者能吾聞佛戒終身不犯吾自攝心以忍為寶恣心履惡猶自投火貢高自見愚者謂健不計殃禍當還害已恣心之禍重於須弥畢已年壽以當惡罪十六分中未減其一愚人作行惡向清淨持戒沙門猶若逆風把炬火行狂愚不捨必自燒身弊人懷毒自以為慧如比丘怙沙門四道為佛弟子常當伏心思生即滅勇中之上天神帝王雖謂多力不如忍惡其力無上羅女見血流下交面臨水澡血而自說曰我

痛斯須奈彼長苦斯人惡也斯地亦惡余無愠心悲奈彼何佛是吾尊教吾大慈狂悖之人志趣凶虐沙門默忍以成高德凶者狼殘惡人敬焉沙門守忍狂愚是輕斯人惡也我焉能惡歟輪轉無際豈一向乎吾欲以佛至真之經喻誨愚惑猶以利劍割彼臭屍屍不知痛非劍之不利乃死屍之無知以天甘露食彼溷脂脂捨之走非甘露之不美乃臭至之所不珍矣以佛真言訓世凶愚不亦然乎師徒俱還飯竟澡鉢洗手漱口俱到佛所稽首佛足驚露子退坐具以奉末向佛陳之世尊告曰夫惡心之興興已之衰輕薄者命終至于夜半當入無擇地獄之中獄鬼加痛毒無不至八万四千歲其壽乃終魂神更受含毒鱗身毒重還害其身終而復始續受腹形常食沙土万歲乃畢以瞋恚意向持戒人故受毒身以沙土投鉢中故世世食沙土而死罪畢乃出得生為人母懷之時常有重病家中日耗生兒頑鈍都無手足其親驚恠宗家皆然

曰斯何妖求為不祥即取捐之著于四衢路人往來無不愕然或以瓦石擲或以刀杖皆擊其頭腦窮苦旬月乃死死後魂神即復更生輒無手足頑鈍如前經五百世重罪乃畢後乃為人常有頭痛之患世尊重曰驚露子夫人處世不惟忍者所生之處不值佛世違法遠僧常在三塗終而復始輒有劫數若蒙餘福得出為人稟操常愚陋走自隨乃心嫉聖謗毀至尊為人醜陋衆所惡憎生輒貧窮仕不得官願與意違天神聖賢所不祐助夜常惡夢妖怪首尾飛禍縱橫所處不寧心常恐怖斯之所由由不忍伏惡心故使然耳忍惡行者所生常安衆禍消滅願輒如志願貌煒燁身強少病財榮尊貴皆由忍辱慈慧濟衆之所致也忍之為福身安親寧宗家和興未嘗不歡智者深見逆伏其心心者誤人破家危身王法所戮地獄燒責或為餓鬼亦為畜生皆心之過也世尊又曰寧以利劍貫腹截肌自投火中慎無履惡寧戴須弥逆毀其命投于

巨海魚鱉所吞慎無為忍矣不知其
義慎無妄言佛之明法與俗相背俗
之所稱道之所賤清濁興流明愚異
趣忠佞相讎邪常嫉正故嗜欲之人
不好我無慾之行也寧吞炭無謗
三尊忍之為明踰於日月龍鳥之力
可謂威猛比之於忍万万不如一七
實之耀凡俗所貴然其招憂以致灾
患忍之為實終始獲安布施十方雖
有大福福不如忍懷忍行慈世世無
恚中心恬然終無毒害世無所怖
忍可恃忍為安宅安法不生忍為神
鎧衆兵不加忍為大舟可以渡難忍
為良藥能濟衆命忍善之志恒願不
獲若欲願為飛行皇帝與四天下第
二天帝釋及上第六天壽命無極身
體香潔所願自然猶若事物取之則
得志願清淨沙門四道求之可得在
已所向吾今得佛諸天所宗獨得三
界忍力所致佛告諸沙門當讀忍經
無忘深懷懷之識之誦之實之嘗之
思德以濟衆生佛說經竟諸沙門皆
大歡喜作禮而去

羅士尼摩經

癸卯歲高麗國大藏部臣
勅彫造

佛說沙曷比丘功德經

無

西晉沙門法炬譯

聞如是一時佛在舍衛國祇樹給孤
獨園時與千二百五十比丘菩薩萬
人時須耶國有貧人行賃刺小兒頭
所刺者皆約到耒耨當各獲耒一斛
適別未遠道逢故人將其還求耒欲
以取酒飲之過水無以耒還者於是
便起恚意言願我壽終後作大神龍
當陷此國後壽終後作大神龍其
國中歷年風雨不時五穀毀敗佛念
此國人民飢饉即遣沙曷比丘往化
之龍見比丘往即興惡意欲敗國及
煞沙曷比丘沙曷便變化鉢覆蓋一
國龍雨之謂國已沒比丘以佛威神
令龍見人民安隱如故龍復興恚意
下重比丘以鉢受之重極比丘以手
掃之著一處如山比丘乃入龍室龍
即出比丘復出龍入比丘復入如是
若干輩龍極乃止長跪問言卿何等
神惱我如此比丘言吾是佛弟子龍
言我欲自歸於卿比丘答言吾有大

師佛三界取尊卿當自歸之龍言佛在何所報言佛在舍衛國龍言七逐道人去比丘言欲去者善便肉龍著箇中人民見比丘取龍如是皆歡喜問言道人是何等大神降伏國患告言吾是佛弟子人民問言佛可得見不答言欲得見佛且待吾還時日向中道遇分衛人民或與飯者與酒者比丘受而食飲之致酒醉遇樹下卧龍銖袈裟各在一處佛時笑五色光出阿難正衣服叉手白佛言佛不妄笑笑必有意佛告阿難汝為見沙曷比丘不阿難言不見佛言今在彼樹下卧卧時千二百五十比丘菩薩万人各相與語言沙曷比丘已得阿羅漢何以復卧佛知諸人意有疑因說四事一者阿羅漢不三昧不得知二者不得便現神足三者不得強勸人分衛四者身中尚有虫阿羅漢以是四事不及佛時万菩薩皆迴意欲向羅漢佛遣目捷連往到沙曷比丘所勅之攝龍來龍以頭面為佛作礼佛便為說宿命本末龍心即解受五戒

奉行十善即得須陀洹道為佛作禮
而去佛時說沙曷比丘功德微妙阿
難又手啓佛言沙曷比丘飲酒醉卧
而佛說其功德微妙乃余佛告阿難
阿羅漢不復飢渴用三事故現醉卧
耳一者佛欲開化菩薩意二者不欲
逆布施家意三者恐諸弟子未得道
者飲酒多失故以此至戒檢之沙曷
比丘雖飲酒是為不醉諸菩薩四輩
弟子聞佛說是皆起整衣服為佛作
禮沙曷比丘更前長跪白佛言須耶
越國王人民欲見佛默然受之沙曷
比丘即承佛教如彈指頃還到須耶
越國國王人民見比丘皆歡喜有作
禮者有跪者但叉手者沙曷比丘告
言佛明日當來到此王聞佛當來大
歡喜豫於四衢道掃灑廣施帳幔佛
明日與千二百五十比丘俱豫行空
中皆有自然蓮華奉佛足下王及臣
民皆以華香出城迎佛五體投地誓
首為禮佛及比丘到宮即有自然師
子座布以統縵七寶華蓋五色交絡
王施設供養手自斟酌飯畢行與水

祝願佛為王及人民說龍本末王與
人民心解即受五戒行十善或得須
陀洹者斯陀舍阿那舍阿羅漢者不
可稱數佛說經竟四輩弟子天龍鬼
神歡喜奉行

佛說沙曷比丘功德經

甲辰歲高麗國大藏都監奉
勅彫造

佛說懈怠耕者經

無

末沙門惠簡譯

聞如是一時佛在羅閱祇竹園中與
大比丘衆千二百五十人及衆菩薩
俱時佛從羅閱祇欲詣舍衛諸菩薩
導前釋梵被服又見身體如四天王
諸比丘僧悉從佛後諸天龍神在上
供養去城不遠時有一人在田耕種
遙見如來弟子侍從端正殊妙威神
巍巍容顏殊好如星中月奇相衆好
金光從容三十二相皆出衆好遙見
世尊心便歡喜欲往詣佛稽首作禮
詔受法義佛世難值時時一現退自
念言耕地未竟下種未畢須後閑時
乃當見佛時佛知心發此懈怠世尊
便笑放五色光光從口出照十方境界
安隱五道皆乘光來集會佛所地獄
休息餓鬼飽滿畜生思善人民求度
諸天龍神神聽道法賢者阿難解了
七應義法時即身與他人即詣佛所
長跪叉手白佛言何因笑既笑會當
有意佛告阿難汝見犁者不對曰已

見佛言是人從維衛佛已來九十一劫於是耕種每一見佛常自懈怠軟復後忿忿耕種生死罪法不識法犁種無極田已過六佛不得蒙度於今見我適發好心即便變悔欲故懈怠樂種罪根時人遙聞棄耕及曰來詣佛所稽首佛足悔過自責愚癡無知罪過甚重願見愍傷原其罪過蒙冥赦突懈怠來久唯見原恕濟脫生死佛言善哉卿能覺者於法有益終不為損佛為說經亦懈怠之垢精進之利踴躍歡喜立不退轉諸天龍神無央數千皆發無上正真道意以故學道常當精進莫為懈怠宛轉生死動有劫數佛說如是賢者阿難諸天龍神阿須倫王聞經歡喜作禮而退佛說懈怠耕者經

癸卯歲高麗國大藏都監奉
勅同造

佛說大魚事經

無

東晉天竺三藏竺曇無蘭譯

聞如是一時婆伽婆在舍衛城祇樹
 給孤獨園。爾時世尊告諸比丘。往昔
 時有一水饒諸大魚。爾時大魚勅小
 魚曰。汝等莫離此間。往他處所。偈為
 惡人所得。爾時小魚不從大魚教。便
 往至他處所。爾時魚師以飯網羅線
 捕諸魚。諸小魚見。便趣大魚處所。爾
 時大魚見小魚來。便問小魚曰。汝等
 莫離此間。往至他所。爾時小魚便答
 大魚曰。我等向者。以至他所。未大魚
 便勅小魚曰。汝等至他所。不為羅網
 取捕耶。小魚答大魚曰。我等至彼。不
 為人所捕。然遙見長線。尋我。後大魚
 便語小魚曰。汝等以為所害。所以然
 者。汝所遙見線。尋後來者。昔先祖父
 母。盡為此線所害。汝今必為所害。汝
 非我兒。爾時小魚盡為魚師所捕。舉
 著岸上。如是。小魚大魚有死者。此亦
 如是。或有一比丘。在他聚落遊行。著
 衣持鉢。周行乞食。福德衆生。不守護

身不守護口意不具足諸根意不專
一即於彼村落乞食時見諸女人端
正無雙色猶挑華見已便起婬心以
此婬心身口意識然彼以身口意識
然即於村落乞食還所止處故發欲
想便在尊比丘所以此因緣具向諸
比丘說諸尊大比丘告此比丘言汝
起婬想此不為淨汝比丘當惡露觀
尊大比丘語復至再三爾時彼比丘
身口意識盛復至彼村落乞食還見
女人端正無比色猶挑華見已便起
婬心以此婬心身口意識然彼以身
口意識然故即於彼村落乞食已還
所止處往尊大比丘所以此因緣具
向諸比丘說彼尊比丘告此比丘言
汝往非我衆中比丘爾時此比丘不
捨禁戒便著俗服樂受欲中是謂比
丘魔得其便隨波旬所欲亦不脫生
老病死愁憂苦惱如是諸比丘利養
具甚為難甚為苦甚為恐畏墮入惡
趣不生無上處是故諸比丘當作是
學已得利養當捨離之未得利養不起
貪意如是諸比丘當作是學爾時諸

大魚事經 第三張 無

比丘聞佛所說歡喜奉行

大魚事經

癸卯歲高麗國大藏都監奉

勅彫造

辯意長者子經

無

後魏沙門法場譯

聞如是一時佛在舍衛國祇樹給孤
獨園與千二百五十沙門俱等薩
人今時世尊與無央數大眾共會
圍繞說法時舍衛城中有大長者
子名曰辯意從五百長者子各有
五百侍從來詣佛所前以頭面著
地為佛作禮却坐一面於時辯意
長者子察衆坐定承佛威神從坐起
正衣服儼然而前為佛作禮長跪叉
手白佛言欲有所問唯願世尊慈愍
敷演世尊至真三界無上道德神化
濟度群萌普演權道令衆得所當來
之世五濁鼎沸三毒熾盛以此相燒
無尊無卑毒念相向若當臣王以貪
國位興師相伐身死名滅當余之時
災及小民若佛弟子四輩之衆蒙佛
遺恩得為道名外著法衣內懷嫉妬
無有敬順轉相誹謗揚惡遏善貢高
非彼此之人輩皆是地獄餓鬼畜生
之分利一時之榮不知後世劫數之
殃當以何法

而開化之唯願世尊具示教化使將來人可蒙此福得離三塗永處福堂佛言善哉善哉辯意長者子乃於佛前作師子吼有所發起開化一切當來愚闇凶惡之人得蒙是義悅如是乎所欲問者莫得疑難如來當為分別說之

長者子辯意白佛言人何因緣得生天上復何因緣來生人中復何因緣生地獄中復何因緣常生餓鬼中復何因緣生畜生中復何因緣常生尊貴衆人所敬復何因緣生奴婢中為人所使復何因緣生廢民中口氣香潔身心常安為人所譽不被誹謗復何因緣得生為人常被誹謗為人所憎形狀醜惡身意不安常懷恐怖復何因緣所生之處常與佛會聞法奉持初不萎遠還知識遠得好心若作沙門常得所願所問如是唯願世尊分別解說令此衆會得聞正教願使一切得濟彼安

佛告長者子辯意諦聽諦聽善思念之吾當為汝解說妙要有五事行得

生天上何謂為五一者慈心不煞群
生悉養物命今衆得安二者賢良不
盜他物布施無貪濟諸窮乏三者貞
潔不犯外色男女護戒奉齋精進四
者誠信不欺於人護口四過無得貪
欺五者不飲酒不過口行此五事乃
得生天尔時世尊以偈頌曰

不煞得長壽無病常鮮肥一切受天位
身安光景至不害常大富自然錢財寶
七寶為宮殿娛樂心常好男女俱不姪
身體香潔淨所生常端正德行自然明
不欺口氣香言詞常聰明談論不害吃
所說衆奉行酒肉不過口無有誤亂意
若當所生處天人常奉侍若其壽終後
二十五神迎三福自然來光景甚煒煒
佛告辯意復有五事得生人中何謂
為五一者布施恩潤貧窮二者持戒
不犯十惡三者忍辱不亂衆意四者
精進勸化懈怠五者一心奉孝盡忠
是為五事得生人中六富長壽端正
威德得為人主一切敬侍尔時世尊
以偈頌曰

布施得大富錢財而自然所生常尊貴

轉得父餘財持戒常完具奉受三尊教
盡心不犯惡便得壽命長忍辱不乱眾
瞋恚不犯人過罵不還報所生常端正
精進不懈怠常念奉持行所生轉豪強
得為一切將一心不退轉忘信念反復
供事諸尊長所生無艱難若行此五事
轉得為人主財力色端正自然勇猛將
佛復告辯意有五事行死入地獄億
劫乃出何謂為五一者不信有佛法
眾而行誹謗輕毀聖道二者破壞佛
寺尊廟三者四輩轉相謗毀不信殃
罪無訖順意四者及逆無有上下君
臣父子不相順從五者當來有欲為
道者已得為道便不順師教而自貢
高輕慢謗師是為五事死入地獄長
轉地獄無有出期今時世尊以偈頌曰
世間愚癡人不信佛法眾愚意欲毀壞
言佛無有神眼見善惡事故作眾罪行
神祠而壞之利少得罪多末世諸四輩
含毒懷嫉妬名利故相毀不知後罪重
世間諸群臣父子惡相加財寶利名故
無有訖順意當來諸惡人以得為沙門
不奉受師教死受罪不輕行此五事者

其罪不可說億劫地獄中諸佛不能救
復次長者子有五事行墮餓鬼中何
謂為五一者慳貪不欲布施二者盜
竊不孝二親三者愚冥無有慈心四
者積聚財物不肯衣食五者不給父
母兄弟妻子奴婢是為五事墮餓鬼
中尔時世尊以偈頌曰

慳貪不布施私竊不養親藏積恐亡遺
無慈於老人妻子及奴婢一皆不給與
坐守財物死餓鬼甚為苦身不見衣裳
腹大咽如針東西行求食洋銅灌其口
不欲得飲之拍口強令咽一口入腹中
肝肺腸胃爛如是之勤苦更歷數万年
罪畢乃得出生為貧賤人

復次長者子又有五事作畜生行墮
畜生中何謂為五一者犯戒私竊偷
盜二者負債解而不償三者煞生以
身償之四者不喜聽受經法五者常
以因緣艱難齋戒施會以俗為緣是
為五事生畜生中於是世尊以偈頌曰
常私竊盜人物負錢財解不償
喜煞生獲魚網作俗緣不法會
無誠信不知道去來事今現在

作衆罪不自覺

稍稍積墮畜生

牛馬烏驢駱駝

猪羊犬不可數

常負重死剥皮

如是苦甚巨當

復次長者子又有五事得為尊貴衆人所敬何謂為五一者布施周惠普廣二者禮敬佛法三寶及諸長老三者忍辱無有瞋恚四者柔和謙

下五者博聞學誦經戒是為五事得為尊貴衆人所敬尔時世尊以偈頌曰
市施常等心普濟令衆安色力壽無病
親厚皆蒙恩敬佛三寶者 礼事諸尊長
所生為尊貴常得一切礼忍辱無瞋恚
生輒得端正衆人見歡喜視之無厭足
心調能柔和謙讓而敬順學問誦習經
乃為人中尊

復次長者子又有五事常生昇賤為人奴婢何謂為五一者憍慢不敬二親二者剛強無恭敬心三者放逸不礼三尊四者盜竊以為生業五者負債逃避不償是為五事常生昇賤奴婢之中尔時世尊以偈頌曰

若有愚騃人 憍慢於二親 無有恭敬心
後生輒昇賤 三寶不礼事 對強於尊老

無慈孝於人 生輕為奴婢 放心恣其意
盜竊人財物 負債不欲償 後生奴婢中
衣食仰於人 走使不自在 功力償其主
罪畢乃得出

復次長者子又有五事得生人中口
氣香潔身心常安為人所譽不被誹
謗何謂為五一者至誠不欺於人二者
誦經無有彼此三者護口不謗聖道
四者教人遠惡就善五者不求人之
長短是為五事生於人中口氣香潔
身意常安為人所譽不被誹謗今時
世尊以偈頌曰

恭敬於三寶 不憍慢二親 至誠不欺詐
是行人所敬 護口不誹謗 等心於一切
勸人遠罪行 誦習念正法 世人不憍慢
相敬如父母 遇惡而揚善 如是得佛疾
復次長者子又有五事若在人中常
被誹謗為人所憎形體醜惡心意不
安常懷恐怖何謂為五一者常無至
誠欺詐於人二者大會中說法處而
誹謗之三者見諸同學而輕試之四
者不見他事而為作過五者兩舌闖
亂彼此是為五事若在人中常被誹

謗為人所憎形體醜惡心意不寧常懷恐怖今時世尊以偈頌曰

欺詐迷惑衆常無有至誠心口而作行令身受罪重若生地獄中鐵鈎鈎舌出洋銅灌其口晝夜不懈休若當生為人口氣常腥臭人見便不喜無有和悅歡常遇縣官事為人所譏論遭逢衆厄難心意初不安死還入地獄出則為畜生展轉五道中不脫衆苦難

復次長者子又有五事所生之處常與佛法衆會初不耆違見佛聞法便得好心若作沙門即得所願何謂為五一者身奉三寶勸人令事二者作佛形像當使鮮潔三者常奉師教不犯所受四者普慈一切與身正等如愛赤子五者所受經法晝夜諷誦是為五事所生之處常與佛法衆會初不耆違見佛聞法便得好心若作沙門即得所願今時世尊以偈頌曰

奉敬三尊實教化勸令事作佛形像好奉諸尊師教當視一切人與身等無異彼我悉平等行是會佛前晝夜常學問智慧是大寶開悟諸盲冥普使知道真

於是長者子辯意聞佛說五十事要

法之義欣然歡喜逮得法忍五百長

者子皆得法眼淨又諸會者各得其

志於是辯意即從坐起為佛作札長

跪叉手白佛言善哉世尊快說此法

乃令會者得聞其所復使將來濟度

厄難唯願世尊過於貧聚及諸衆會

明日日中屈於舍食此時世尊默然

而許諸長者子為佛作札歡喜而去

辯意到舍白父母言今所請者人中

難有名曰如來無上法師三界無比

便告其妻令設飯食即尋具饌明日

世尊與諸大衆往到其家就坐儼然

時辯意長者子父母眷屬前礼佛足

各自供侍辯意起行澡水敬意奉食

下食未訖有一乞兒前歷座乞佛未

咒願無敢與者遍無所得瞋恚而出

便生惡念此諸沙門放逸愚惑有何

道哉貧者從乞無心見與長者迷惑

用為飯此無慈悲意吾為王者以鐵

鞞車轢斷其頭言已便去佛達觀訖

有一乞兒來入乞句坐中衆人各各

與之大得飯食歡喜而去即生念言

此諸沙門皆有慈心憐吾貧寒施食充飽得濟數日善哉長者乃能供事此等大士其福無量吾為王者當供養佛及眾弟子乃至七日之中當報今日飢渴之恩言已使去佛食已訖說法即還精舍之中佛告阿難從今以後親訖下食以此為常

時二乞兒展轉乞到他國中卧於道邊深草之中時彼國王忽然崩亡無有係嗣時國相師明知相法讖書記曰當有賤人應為王者諸臣百官千乘萬騎按行國界誰應為王願見道邊深草之中上有雲蓋相師指曰中有神人即見乞兒相應為王諸臣拜謁各稱曰臣乞兒驚愕自云下賤非是王種皆言應相非是強力沐浴香湯著王者之服光相儼然稱善無量導從前後迴車入國時惡念者在於深草中卧寐不覺車轢斷其頭王到國中陰陽和調四氣隆赫人民安樂稱王之德今時國王自念昔者貧窮之人以何因緣得為國王昔行乞時得蒙佛恩大得飯食便生善念得

為王者供養十日佛之恩德今已果
之即占群臣遙向舍衛國燒香作禮
即遣使者往請佛言蒙世尊遺恩得
為人王願屈尊相來化此國愚冥之
人得見教訓於是佛告諸弟子當受
彼請佛與弟子無央數眾往到彼國
時王出迎與諸群臣持香佛足燒香
散華伎樂供養佛入宮中即以乾坐
王起行水供設飲食須臾以訖尔時
國王為佛作禮前白佛言我本是小
人有何福行得事斯位爾等解說令
此國人得蒙開眼

佛告王曰往日舍衛城中有長者子
名曰轉意施設大檀請佛及僧時佛
坐定下食未竟有一乞兒來入欲乞
一無所得瞋恚而出惡念生曰若吾
為王以鐵轡車轢斷僧頭一人後來
乞食大得飲食出即念言若我為王供
養此等眾聖之僧六日之中時時念者
今王是也時惡念者卧深草中王受
正位迴車入國車騎侍從轢斷其頭
死入地獄為火車所轢億劫乃出王
今請佛報償過厚世世受福無有極

已余時世尊以偈頌曰

人心是毒根口為禍之門心念而口言
身受其罪殃不念善惡人自作身受患
意欲害於彼不覺車轉頭心為甘露法
令人生天上心念而口言身受其福德
有念善惡人自作安身本意念一切善
如王得天位

是時國王聞經歡喜舉國臣民得須
陀洹道供養佛十日之後佛於是欲去
王及臣民為佛作礼而別於是世尊
還到舍衛祇樹精舍賢者阿難政衣
服徒坐起為佛作礼長跪白佛言當
以何名此經云何奉行佛告阿難是
經名為辯意長者子所問當奉持之一
名諸法要義佛復告阿難若有善男
子善女人有行斯經奉持諷誦宣傳
後世令人受持者是人如侍我身福無
有異誦斯經者當為弥勒佛所授決
如來廣長舌所語無有異佛說經已
時諸天龍鬼神四輩弟子聞經歡喜
為佛作礼
辯意長者子經

癸卯歲高麗國大藏都監奉

勅彫造

無垢優婆夷問經

無

後魏中印度三藏瞿曇般若流支譯

如是我聞一時婆伽婆住舍婆提城
寂靜宮殿重閣講堂尔時無垢優婆
夷賢優婆夷等諸優婆夷往詣佛所
到佛所已頭面札足札佛足已退坐
一面

尔時世尊即告無垢優婆夷言汝優
婆夷不放逸行懈怠心不優婆夷言
我不懈怠不放逸行

佛告無垢優婆夷言汝常去何不懈
怠耶又汝去何不放逸行無垢優婆
夷白佛言世尊我常早起掃佛塔地
掃已塗治四廂四處清淨塗已散華
燒香如是供養然後入房既入房已
次復入禪修四梵行不離三歸受持
五戒常恒如是我不懈怠不放逸行
無垢優婆夷作是語已復白佛言世
尊我今未知掃佛塔地所有善根得
何福報四廂塗治所有善根得何福
報散華燒香供養佛塔所有善根得
何福報禪四梵行三歸五戒所有善

根得何福報唯願世尊為我解說佛
告無垢優婆塞言掃佛塔地得五福
報何等為五一者自心清淨他人見
已生清淨心二者為他所愛三者天
心歡喜四者集端正業五者命終生
於善道天中無垢當知掃佛塔地福
報如是

無垢當知若人信佛作圓輪形塗佛
塔地散花燒香如是供養我說彼人
身壞命終生兜率天當樂自在於彼
壽終生化樂天

無垢當知若人信佛作半月形塗佛
塔地散花燒香如是供養我說彼人
身壞命終生瞿陀尼富樂自在於彼
壽終生梵率天

無垢當知若人信佛於佛塔邊四方
塗地散花燒香如是供養我說彼人
身壞命終生鬱單曰富樂自在於彼
壽終生炎摩天

無垢當知若人信佛作人面形塗佛
塔地散華燒香如是供養我說彼人
身壞命終生閻浮提富樂自在壽終
生於三十三天

無垢當知此塗塔地散華燒香所有善根果報如是

無垢當知若人入禪修四梵行歸佛法僧受持五戒我說彼人無量無數善根福報無窮無盡後得涅槃

無垢當知若人歸依聲聞緣覺修集戒聚不能如是無盡涅槃何以故受持五戒禪四梵行所得果報唯除涅槃更無處受以福多故世尊今時如是說已無垢優婆塞夷心生疑念默而無言今時世尊知心心念已即從面門出廣長舌遍覆自面二耳二眼并二鼻已遍覆虛空覆虛空已還攝入口攝入口已復語無垢優婆塞夷言汝頗曾見妄語之人兩舌惡口綺語之人有如是色舌相以不

今時無垢優婆塞夷既聞是語從坐而起合掌向佛自言世尊未曾見也有實語者未有此舌况妄語人唯除如來應正遍知無始已來常實語故得如是舌今時無垢優婆塞夷知佛實語離疑心喜以偈讚曰

我於千億劫不曾憶念見如是勝法寶

不憶曾供養我今日得見如是世間燈

既如是見已得聞第一法

余時世尊偈答無垢優婆塞曰
汝聞已成聖此真勝法寶清淨寂靜法
得入涅槃城

世尊說已無垢優婆塞心大歡喜比
丘比丘尼優婆塞優婆夷一切眾會
天人阿修羅乾闥婆等聞佛說已讚
言善哉

此經人天曰亦是涅槃道行者向人天
亦趣涅槃門譯此經功德普施諸眾生
願速修因道得人天涅槃
無垢優婆塞問經

癸卯歲高麗國大藏都監奉
勅彫造

佛說四天王經

無

宋京州沙門智嚴共寶雲 譯

聞如是一時佛在舍衛國祇樹給孤
獨園佛告諸弟子慎念心念無憂六
欲激情去垢無求為首內以清淨外
當盡孝以四等心奉養所生晨入尊
廟稽首悔過朝齋暮誦思經妙義以
佛重戒治心穢病齋肅靜慮數息禪
定反流盡源以求道真

壽命猶重恍惚即滅齋日責心慎身
寺口諸天齋日同人善惡須悉出上
即第二忉利天天帝名因福德巍巍
典主四天四天神王即因四鎮王也
各理一方常以月八日遣使者下接
行天下伺察帝王諸民龍鬼諸輩或
行端動之類必念口善身行善惡十
四日遣太子下十五日四天王自下
二十三日使者復下二十九日太子復
下三十日四王復自下四王下者日月
五星二十八宿其中諸天僉然俱下
四王命曰勤伺衆生施行吉凶若於
斯日歸佛歸法歸比丘僧清心守齋

布施貧乏持戒忍辱精進禪定翫經
散說開化盲冥孝順二親奉事三尊
稽首受法行四等心慈育衆生者具
分別之以啓帝釋若多修德精進不
怠釋及輔臣三十三人念然俱喜
釋勅伺命增壽益年遺諸善神營護
其身隨戒多少若持一戒令五神護
之五戒具者令二十五神營衛門戶
殃疫衆邪陰謀消滅夜無惡夢縣官
盜賊水火災變終而不害穰禍滅恠
唯斯四等五戒六齋猶如大水而滅
小火豈有不滅者乎臨其壽終迎其
魂神上生天上十寶宮殿無願不得
若有不濟衆生之命穢濁盜竊姪犯
他妻兩舌惡罵妄言綺語歡禱呪咀
嫉妬恚癡逆道不孝違佛違法謗比
丘僧善惡及論有斯行者四王以聞
帝釋及諸天神念然不悅
善神不復營護之即令日月無光星
宿失度風雨違時以現世人欲其改
往將來洗心齋肅首過三尊四等恭
親忠于帝王慈心諫諍盡誠無欺反
前將來捐穢濁之操就清淨之道若

有敗邪

行就正

真者帝釋及四王摩

不歡喜日月即清明星宿有常風雨

順時毒氣消歇天降甘露地出澤泉

水穀滋味食之少病華色冉冉壽命

益長生不更牢獄死得上生天上福德

所願自然飛行存亡自在頃有日光食

自消化無有便利之患身中香潔口

氣芬芳今日月星宿即諸天宮宅也

七寶殿堂懸處虛空在意所志壽終下

生侯王之家顏容煒燁見者心歡送

佛值法賢聖相連力行不與罪會必

得泥洹斯皆五戒十善檢情執欲六

齋使然拘留秦佛時人壽六萬歲民

性無為護彼猶養已平等無二彼佛

去世正教衰薄民無正行以漸為惡

其壽日減至于百歲吾善逝後民違

佛教無復孝子同命滅榮壽日有減

天神不祐起疫鬼鬼日來侵害灾怪首

足顛與意違非禍終橫生羅王法之

因國死入地獄餓鬼畜生若出為人

必為下賤善惡隨身猶如五穀隨其

所種獲其果實亦如夜書火滅字存

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

身死名滅殃福不朽慎護小心攝身

四天王經 第四羅 經

守口五戒十善可從得道吾今得佛
積行所致諸比丘聞經皆大歡喜稽
首礼佛而去

佛說四天王經

癸卯歲高麗國大藏都監奉
勅彫造

佛說時非時經

天竺三藏若羅嚴譯

無

如是我聞一時佛在王舍城鵲封竹園是時佛告諸比丘我當為汝說時與非時善思念之諸比丘言如是世尊當受教聽佛告諸比丘是中何者為時何者為非時比丘當知

冬分八月十六日至三十日七脚為時五脚半非時九月一日至十五日八脚為時六脚八拍為非時九月十六日至三十日九脚為時七脚六拍為非時十月一日至十五日十脚為時八脚三拍為非時十月十六日至三十日十一脚為時九脚三拍為非時十一月一日至十五日十二脚為時十脚六拍為非時十一月十六日至三十日十一脚半為時十脚一拍為非時十二月一日至十五日十一脚為時九脚四拍為非時

春分十二月十六日至三十日十脚為時八脚少一拍為非時正月一日至十五日九脚半為時七脚少三拍

為非時正月十六日至三十日九脚
為時六脚少三指為非時二月一日
至十五日八脚為時五脚為非時二
月十六日至三十日七脚為時四脚
少三指為非時三月一日至十五日
六脚為時三脚少四指為非時三月
十六日至三十日五脚為時三脚少
六指為非時四月一日至十五日四
脚為時二脚少一指為非時

夏分四月十六日至三十日三脚為
時二脚少四指為非時五月一日至
十五日二脚為時少三指為非時五
月十六日至三十日二脚半為時一
脚少為非時六月一日至十五日四
脚為時二脚少二指為非時六月十
六日至三十日四脚半為時二脚半
為非時七月一日至十五日五脚為
時三脚少為非時七月十六日至三
十日五脚半為時三脚少為非時八
月一日至十五日六脚為時四脚少
為非時八月十六日至三十日六脚半
為時四脚半少為非時

如是諸比丘我已說十二月時與非

時為諸聲聞之所應作憐愍利益故
說我所應作已竟汝等當行若樹下
空處露坐思惟諸比丘莫為放逸後
為悔恨是我所教誡佛說經竟時諸
比丘皆大歡喜勸助受持

因緣輕慢故命終墮惡道 因緣修善者
於此生天上 緣斯修善業離惡得解脫
不善觀因緣身壞入惡道

外國法師若羅嚴手執胡本口自宣
譯涼州道人于填城中為說

被褐懷玉深智作愚外女夷人內懷
明珠千億万劫與道同體

佛說時非時經

癸卯歲高麗國大藏都監奉
勅彫造

佛說目祿僧護經

竟

失譯人名今附東晉錄

如是我聞一時佛住舍衛國祇樹給
孤獨園今時有一大海龍王初發信
心變為人形來至園中依諸比丘求
欲出家時諸比丘不知是龍即度出
家有一年少比丘共同房住經一宿
已於其晨朝執持威儀詣城王食時
龍比丘福德果報乞食先得或詣本
宮食已早還比丘之法食後入房攝心
坐禪時龍比丘忘不捨心龍性多瞋
天時暑熱龍有五法不能隱身一者
坐時二者死時三者淫時四者瞋時
三者瞋時是為五事時龍比丘不能
隱身即便瞋眠身滿房中同房比丘
後來入房唯見龍身遍滿房中即大
驚怖馳走失聲喚諸比丘大德長老
此有龍王此有龍王龍聞大聲即便
覺寤還為比丘加趺坐禪因聲高太
大衆運集問此年少比丘何故揚聲
比丘答曰房中有龍時諸大衆尋即
共集入房覓龍不得但見比丘加趺

坐禪便大驚愕不知所以即往問佛
具說上事請決所疑今時世尊告諸
比丘此非人也乃是龍王汝可往喚
比丘受教喚彼龍王時龍比丘即詣
佛所頭面作禮却坐一面佛為說法
示教利喜佛即默然今時龍王心自
思惟便生歡喜佛慰勞曰汝可還宮
龍王聞已哀泣墮淚頂禮佛足還佛
三匝即便還去於其中路而自思惟
我今雖復不得出家於佛法中作大
檀越造立僧房四事供養作是念已
即於曠路化作僧房流泉池澤遊觀
園林甚感寂靜無有人衆憤鬧之處
晝夜逍遙復無三嘆晝夜之屬不寒
不暑溫和調適無諸惱患諸衆僧
衣服飲食卧具湯藥所須之物皆悉
備足持律比丘數數呵責時龍比丘
不解經戒每自懷愧心自念言我今
供養衆事悉備而諸比丘故見呵責
便減化寺更往空處復造化寺宮殿
林泉與前無異復請衆僧四事供養
時諸衆僧語龍比丘衆僧厨庫頭數
甚多寺主之法應以計算頭數衆示

衆僧時龍答曰本非僧物今索抄記去
為這作盡是我有今諸比丘難可供
給若如是者小可耐意於其中夜滅
寺還宮

余時舍衛國中有五百商人共立誓
言欲入大海商人共議求覓法師將
入大海時時問法因聞法利可得往
還商人衆中有一長者告諸商人我
有門師名曰僧護可請為師辯才安
智甚能說法時諸商人相隨往請到
僧護所頭面作礼白僧護曰我等諸
人欲入大海今請大德作說法師我
等聞法可得往還僧護答曰可白和
上和上若聽當受汝請僧護比丘將
諸商人詣舍利弗所頭面礼足時諸
商人白舍利弗言我等諸人欲入大
海今請僧護作說法師唯願尊者賜
見聽許舍利弗言可共問佛時舍利
弗及僧護比丘將諸商人往詣佛所
頭面作礼長跪合掌而白佛言世尊
我等諸人欲入大海請僧護尊者作
說法師時時問法因聞法力可得
往還

尔時世尊知僧護比丘應廣度衆生
即便聽許時諸商人踊躍歡喜與僧
護法師俱入大海未至寶所龍王捉
住時諸商人甚大驚怖胡跪合掌而
仰問曰是何神祇而捉船住若欲所
得應現身承尔時龍王忽然現身時
諸商人即便問曰欲何所索龍王答
曰以此僧護比丘與我商人答曰此僧
護比丘從佛世尊及舍利弗所而請
將來云何得與龍王答曰若不與我
盡沒然汝時諸商人即大驚怖尋自
思惟曾於佛所聞如是偈

為護一家 寧捨一人 為護一村
寧捨一家 為護一國 寧捨一村
為護身命 寧捨國財

時諸商人悅仰不已以僧護比丘捨
與龍王龍王歡喜將詣宮中尔時龍
王即以四龍聰明智慧作僧護弟子
龍王白一尊者為我教此四龍各有
一阿舍第一龍者教增一阿舍第二
龍者教中阿舍第三龍者教雜阿舍
第四龍者教長阿舍僧護答曰可尔
當教僧護比丘即便教之第一龍者

默然聽受第二龍者眠目口誦第三
龍者迴顧聽受第四龍者遠住聽受
此四龍子聰明智慧於六月中誦四
阿含領在心懷盡无遺餘時大龍王
詣僧護所拜跪問評不愁悶也僧護
答曰甚大愁悶龍王問曰何故愁悶
僧護答曰受持法者要須軌則此諸
龍等在畜生道无軌則心不知佛法
受持誦習龍王自言大德不應訶諸
龍等所以者何護師命故龍有四毒
不得如法受持讀誦何以故默然受
者以聲毒故不得如法若出聲者必
害師命是故默然而受眠目受者以
見毒故不得如法若見師者必害師
命是故閉目迴顧受者以氣毒故不
得如法若氣盛師必當害命是以迴
顧遠住受者以卑毒故不得如法若
身卑師必害師命是以遠住時諸商
人採寶還迴至失師處時諸商人共
相謂言我等今時於此失師今若還
到佛世尊所舍利弗目連諸尊者等
若問於我僧護法師當以何答今時
龍王知商人還即將僧護付歸商人

告商人曰此是汝師僧護比丘時諸商人踊躍歡喜平安得出

今時僧護問諸商人水陸二道從何道去商人白言水道甚遠經過六月糧食將盡不可得達即共詳宜從陸道去於中路宿時僧護比丘告商人曰吾離衆宿汝等夜發高聲喚我商人敬諾僧護比丘即出衆宿初夜坐禪中夜眠息時諸商人中夜發引迭手相謂喚僧護師竟無喚者即便捨去夜勢將盡大風雨起僧護比丘即便覺寤宿揚聲大喚竟元應者心口念言此便大罪伴棄我去

今時僧護比丘失伴獨去涉路未遠聞犍椎聲尋聲向寺路值一人即便問曰何因緣故打犍椎聲其人答曰入溫室浴僧護念言我從遠來可就僧浴即入僧坊見諸人等狀似衆僧共入溫室見諸浴具浴衣凡瓶瓶器浴室盡皆火然今時僧護比丘見諸比丘共入溫室入已火然筋肉消盡骨如焦炷僧護驚怖問諸比丘汝是何人比丘答曰閻浮提人為性難信

汝到佛所便可問佛即便驚怖捨寺
逃走進路未遠復值一寺其寺嚴博
殊能精好亦聞稚聲復見比丘即便
問言何因緣故打捷稚聲比丘荅曰
衆僧食飯尋自思惟我今遠來甚成
飢乏亦復須食入僧坊已見僧和集
食器敷具皆悉火然人及房舍盡皆
火然如前不異僧護問言汝是何人
其人荅言更不異前僧護驚怖更疾
捨去進路未遠復更值寺其寺嚴儀
更不異前前入僧坊復見諸比丘坐
於火床手相抓捶肉盡肋出五藏骨
髓亦如焦炷僧護問曰汝是何人比
丘荅言閻浮提人為性難信汝到佛
所便可問佛僧護驚怖復疾捨去進
路未遠復值一寺如前入寺見諸衆
僧共坐而食諸比丘言汝今出去僧
護踟躕未及出去見諸比丘鉢中唯
是人糞熱沸涌出時諸比丘皆悉食
取食已火然咽喉五藏皆成烟炭添
下直過見已驚怖復疾而去其去未
遠復見一寺其寺嚴儀如前不異即
入僧坊見諸比丘手把鐵鋸手相捧

打摧碎如塵見已驚怖復更進路其

去未遠復見一寺其寺嚴好亦不異

前即入僧坊聞捷稚聲僧護問曰何

故打稚諸比丘答言欲飲甜漿僧護比

丘即自念言我今渴乏須飲甜漿即

入衆中見諸食器床卧敷具諸比丘

等互相罵辱諸食器中盛滿融銅諸

比丘等皆共飲敗食已火然咽喉五

藏皆成炭火流下直過見已驚怖進

路而去其去未遠見大肉地其火焰

熾叫聲號痛苦楚難忍見已驚怖進

路而去其去未遠復見大地如前不

異復更前進見大肉甕盡皆火然熱

疼難忍如前无異復更前進亦見肉

甕盡皆火然如前不異復更前進見

一肉甕其火焰熾叫聲呼苦毒痛難

忍復更前進見一肉甕其火焰熾如前

不異復更前進見大皮泉其火焰熾

爛皮浩沸苦聲楚毒亦不異前見已

驚怖復更前進進路未遠更見一大

肉甕其火焰熾苦事如前復更前進

見一比丘手捉利刀而自割鼻割已

復生生已復割終而復始无有休息

復更前進見一比丘手提鋤鉞自斫
已舌終而復始如前不異復更前進
見一比丘止水中獨立口自唱言水水
不息而受苦毒復更前進見一比丘
在鐵刺園中立鐵刺上苦聲號叫亦
不異前復更前進見一肉廳其火焰
熾苦聲號叫與前不異復更前進見
一肉樑形如馬牙其火焰熾受苦如
前復更前進見一驢馳火燒身體苦
聲號叫亦不異前復更前進見馬一
疋火燒身體苦痛號叫亦不異前復
更前進見一白鳥熾火燒身苦不異
前復更前進見一驢身猛火燒身苦
不異前復更前進見一羝羊猛火燒
身苦不異前復更前進見一肉臺大
火焰熾苦不異前復更前進見一肉
臺如前不異復更前進見一肉房猛
火燒身苦聲號叫亦不異前復更前
進見一肉林苦聲號叫苦不異前復
更前進見一肉牀火焰燒身亦不異
前復更前進見一肉秤火燒申縮苦
不異前復更前進見一肉拘執火燒
申縮苦不異前復更前進見一肉繩

牀火燒受苦亦不異前復更前進見
一肉壁火燒搖動苦不異前復更前
進見一肉索火燒申縮苦不異前復
更前進見一廁并屎尿涌沸苦不異
前復更前進見一高座上有比丘攝
心端坐猛火焚燒苦聲如前復更前
進更見高座受苦比丘亦不異前復
更前進見肉捷椎火燒苦聲亦不異
前復更前進見肉胡岐支胡名拘修
羅猛火燒身受苦如前復更前進見一
肉拘修羅受苦如前復更前進見大
肉山猛火燒爛振動號吼苦不異前
復更前進見須臾都華樹火燒受苦
亦不異前復更前進更見須臾都華
樹火燒出聲亦不異前復更前進見
肉華樹火燒出聲苦不異前復更前
進見肉果樹火燒苦聲亦不異前
復更前進更見一樹火燒受苦亦
不異前復更前進見一肉柱火燒受
苦亦不異前復更前進更見一肉柱
獄平斧所受苦如前復更前進見一
肉柱火燒受苦亦不異前復更前進

見十四肉樹火燒受苦亦不異前復
更前進見二比丘以棒相打頭破腦
裂膿血流出消已還生終而復始苦
不休息僧護比丘小更前進見二沙
弥眠卧相抱猛火燒身苦不休息僧
護比丘見已驚怖問沙弥言汝是何
人受如是苦沙弥答言閻浮提人受
性難信汝到世尊所便可問佛見已
驚怖復更進路遙見林樹葉_茂可樂
往趣入林見五百仙人遊止林間仙
人見僧護比丘馳散避去共相謂言
釋迦弟子汙我等園僧護比丘從仙
人借樹寄止一宿明當早去仙人衆
中第一上座有大慈悲勅諸小仙借
沙門樹僧護比丘即得一樹於其樹
下敷足師檀加趺而坐於初夜中伏
滅五蓋中夜眠息後夜端坐高聲作
呗時諸仙人聞作呗聲悟解性空證
不還果見法歡喜詣沙門所頭面作
礼請祈沙門受三歸依於佛法中求
欲出家今時僧護比丘即度仙人如法
出家教修檀法不久得定證羅漢果
如栴檀栴檀圍繞得道比丘賢聖為衆

今時僧護比丘與諸弟子俱共詣舍衛國中祇桓精舍到於佛所頭面禮足却坐一面今時世尊慰勞諸比丘汝等行路不疲苦耶乞食易得不令時僧護比丘白佛言世尊我等行路不大疲苦乞食易得不生勞動得見世尊今時世尊為諸大衆而說法要今時僧護比丘於世尊前在大衆中高聲唱說已先所見地獄因緣唯願世尊為我說本因緣佛告僧護汝先所見比丘浴室此非比丘亦非浴室是地獄人此諸罪人迦葉佛時是出家比丘不依戒律順己愚情以僧浴具及諸器物隨意而用持律比丘常教軌則不順其教從迦葉佛涅槃以來受地獄苦至今不息佛告僧護汝初見寺者非是僧寺亦非比丘是地獄人迦葉佛時是出家人五德不成四方僧物不打撻穢不默共用以是因緣受火床苦從迦葉佛涅槃以來受地獄苦至今不息汝見第二寺者亦非僧寺復非比丘是地獄人迦葉佛時是出家人五德不具諸檀越等造作寺廟四事豐足檀越初心

造寺之時要打撻雅作曠濟意是諸比丘不打撻雅默然受用客比丘來不得飲食還空鉢出以是因緣受火鉢苦迭相抓撻筋肉消盡骨如焦炷從迦葉佛涅槃以來受如是苦至今不息汝見第三寺者非是僧寺亦非比丘是地獄人迦葉佛時是出家人懈怠比丘多人共住共相謂言我等今者可共請一持律比丘共作法事可得如法即時推覓得一淨行比丘共住食宿此淨行比丘復更推覓同行比丘時淨行人轉轉增多即便追逐令出寺外時破戒人於夜分中以火燒寺滅諸比丘以是因緣手捉鐵鎚互相摧滅從迦葉佛涅槃以來受大苦惱至今不息汝見第四寺者非是僧寺亦非比丘是地獄人迦葉佛時是出家人常住寺中有諸檀越施脂肉來應現前分時有客僧來舊住比丘以慳心故待客出去後方欲分未及得分虫出臭爛捐棄於外以是因緣入地獄中取糞屎食從迦葉佛涅槃以來受苦不息汝見第五

寺者非是僧寺亦非比丘是地獄人
迦葉佛時是出家人臨中食上不如
法食惡口相罵以是因緣受鐵牀苦
諸食器中沸火湯流筋肉消盡骨如
焦炷從迦葉佛涅槃以來至今不息
汝見第六寺者非是僧寺亦非比丘
是地獄人迦葉佛時是出家人不打
犍稚默然共飲衆僧甜漿恐外僧來
慳因緣故墮地獄中飲敗融銅從迦
葉佛涅槃以來受苦至今不息

今時佛復告僧護比丘汝見第一地
者非是大地是地獄人迦葉佛時是
出家人衆僧曰中為己私種不酬僧
直持律比丘依戒可責汝今云何不
酬僧直是人今時依恃王勢不受教
誨答諸比丘我是汝奴汝若有力何
不自種以是因緣受大地獄苦從迦
葉佛涅槃以來至今不息汝見第二
地者非是大地乃是罪人迦葉佛時
是白衣人在僧田種不酬僧直以是
因緣墮地獄中作大肉地受諸苦惱
至今不息汝見第一肉地者非是肉
地乃是罪人迦葉佛時是衆僧上

坐不能禪誦不解戒律飽食熟睡但
能論說无益之語精饍供養在先飲
食以是因緣入地獄中作大肉圯火
燒受苦至今不息汝見第二圯者非
是圯也是地獄人迦葉佛時是出家
人五德不具為僧當厨軟美供養在
先食瞰虛盟惡者僧中而行以是因
緣入地獄中作大肉圯火燒受苦至
今不息汝見第三圯者非是圯也是
地獄人迦葉佛時是僧淨人作飲食時
美妙好者先自嘗瞰或與婦兒虛盟
惡者持僧中行以是因緣在地獄中
作大肉圯火燒受苦至今不息

今時世尊復告僧護比丘汝見第一
瓶者非是瓶也是地獄人迦葉佛時
是出家人為僧當厨應朝食者留至
後日後日食者至第三日以是因緣
入地獄中作大肉圯火燒受苦至今
不息汝見第二瓶者非是瓶也是地
獄人迦葉佛時是出家人在寺常住
有諸檀越奉送酥瓶供養現前衆僧
人人應分此當事人見有客僧隱留
在後客僧去已然後乃分以是因緣

入地獄中作大肉瓶火燒受苦至今
不息汝見水中立人非是比丘是
地獄人迦葉佛時是出家人為僧當
水見僧用水小復過多逐可意處即
足其水餘者不給以是因緣入地獄
中水中獨立唱言水水受其大苦至
今不息汝見大甕者非是大甕是地
獄人迦葉佛時是出家人為僧與知
果菜香美好者先自食敗酢果盟菜
或逐隨意選好者與不平等故以是
因緣入地獄中作大肉甕火燒受苦
至今不息汝見比丘刀割鼻者非是比
丘是地獄人迦葉佛時是出家人在佛
僧淨地第墜汙地以是因緣入地獄中
刀割其鼻火燒受苦至今不息汝見
比丘手捉斫斤自斫己舌非是比丘
是地獄人迦葉佛時出家沙跡而為
衆僧當分石盃斫作數段於斧刃上
少著石盃沙弥散舐以是因緣受斫
舌苦至今不息尔時世尊復告僧護
比丘汝見泉者非是水泉是地獄人
迦葉佛時是出家沙弥為僧當蜜
先自嘗散後殘與衆僧減少不遍以

是因緣入地獄中作大肉泉火燒沸爛
受大苦惱今猶未息汝見比丘刺上
立者非是比丘是地獄人迦葉佛時
是出家人惡口毀訾罵諸比丘以是
因緣入地獄中立鐵刺上火燒受苦
至今不息汝見肉軒非是軒也是地
獄人迦葉佛時是出家人寺中常住
五德不具為僧當厨精美好者先自
食敢或時將與白衣使食高下心中
行付衆僧以是因緣受地獄苦至今
不息汝見擻者實非是擻是地獄人
迦葉佛時是出家人寺中常住僧牆
壁上浪豎諸擻非為僧事懸已衣鉢
以是因緣入地獄中作大肉擻火燒
受苦至今不息

今時世尊復告僧護汝見駱駝者實
非是駱駝是地獄人迦葉佛時是出家
人寺中上座長受食分或得一人二
人食分持律比丘如法教授上座之
法不應如是時老比丘答律師言汝
无所知聲如駱駝我於衆中身為上
座呪願說法或時作唄計勞應得汝等
何故恒嗔責我以是因緣入於地獄

受駱駝身火燒號叫受苦至今不息
汝見馬者實非是馬是地獄人迦葉
佛時作僧淨人用僧供養過分食瞰或
與眷屬知識白衣諸比丘等呵責語
言汝不應令其人惡口呵諸比丘汝等
如馬常食不飽我為僧作甚大勞苦
功勲應得以是因緣入地獄中受於
馬身火燒身體受大苦惱至今不息
汝見爲者非是白爲是地獄人迦葉
佛時是出家人為僧當厨諸檀越等
將諸供養向寺施僧或食後來檀越
自言大德日猶故未可打犍稚集僧施
食比丘惡口答白衣言諸比丘等猶如
白爲食不飽耶向食已竟停留後日以
是因緣入於地獄受白爲身火燒受苦
至今不息汝見驢者實非是驢是地
獄人迦葉佛時是出家人為僧當厨
五德不具分僧飲食恒自長受二三
人分持律比丘如法呵責此人答言
我當僧厨及園果菜常營僧事甚
大勞苦汝諸比丘不知我思狀似如驢
但養一身何不默然以是因緣入地
獄中驢身受苦至今不息汝見羖羊者

實非是羊是地獄人迦葉佛時是出家人為僧寺主當典内外事事檢校不勅弟子諸小比丘不如法打雜諸律師等白言寺主何不時節鳴稚集僧比丘答言我當營僧事甚成勞苦汝諸比丘猶如羖羊取食而住何不白打以是因緣入地獄中受羖羊形火燒痛毒受苦至今不息

余時世尊復告僧護比丘汝見肉臺實非是臺是地獄人迦葉佛時是出家人當僧房敷具閉僧房門將僧戶排四方遊行衆僧於後不得敷具及諸房舍以是因緣入地獄中作大肉臺火燒受苦至今不息汝見第二大肉臺實非是臺是地獄人迦葉佛時是出家人為僧寺主選好房舍而自受用及與知識不依戒律隨次分房不平等故以是因緣入於地獄作大肉臺受苦万端至今不息汝見肉房者非是肉房是地獄人迦葉佛時是出家人住僧房中以為已有終身不移不依戒律以次分房以是因緣作大肉房火燒受苦至今不息

尔時世尊復告僧護汝見肉繩牀實
非是牀是地獄人迦葉佛時是出家人
捉僧繩牀不依戒律如自己有一次
分牀以是因緣入於地獄作肉繩牀
火燒受苦至今不息汝見第二繩牀
實非是牀是地獄人迦葉佛時是出
家人破僧繩牀自用然火以是因緣
入地獄中作肉繩牀火燒受苦至今
不息汝見肉敷具者實非敷具是地
獄人迦葉佛時是出家人用僧敷具如
自己以有以脚踏上不依戒律以是因
緣入地獄中作肉敷具火燒申縮受
苦万端至今不息汝見肉拘執者實非
拘執是地獄人迦葉佛時是出家人
以僧拘執如自己有不依戒律或用
破壞以是因緣入地獄中作肉拘執
火燒受苦至今不息汝見肉繩牀者實
非是牀是地獄人迦葉佛時是出家人
恃王勢力似如聖德四輩弟子聖心
讚歎時彼比丘默然受歎施好繩牀
及諸好飲食作聖心受以是因緣入
地獄中作肉繩牀火燒受苦至今不
息汝見肉壁者實非是壁是地獄人迦

葉佛時是出家人衆僧壁上堅擲破
壁懸已衣鉢以是因緣入地獄中作
大肉壁火燒受苦至今不息汝見肉
索實非是索是地獄人迦葉佛時是
出家人捉衆僧索私自用以是因
緣墮地獄中作大肉索火燒受苦至
今不息汝見廁井實非廁井是地獄
人迦葉佛時是出家人住寺比丘佛
僧淨地大小便利不擇處所持律比
丘如法呵責不受教誨糞氣臭穢熏
諸衆僧以是因緣入地獄中作肉廁
井火燒受苦至今不息汝見高座法
師實非法師是地獄人迦葉佛時是
出家人不明律藏重作輕說說輕為
重有根之人說作無根无根之人說
道有根應懺悔者說言不懺不應懺者
強說道懺以是因緣入地獄中坐高
座上火燒受苦至今不息汝見第二
高座實非法師是地獄人迦葉佛時
是大法師邪命說法得利養處如理
而說無利養時法說非法非法說法
以是因緣入於地獄處鐵高座火燒
受苦至今不息汝見肉捷椎號叫聲

者實非提維是地獄人迦葉佛時是
出家人以三寶物非法打推詐作羯
磨捉三寶物為已受用以是因緣入
地獄中作肉提維火燒受苦至今不
息汝見拘修羅實非岐支是地獄人
迦葉佛時是出家人為僧寺主以僧
厨食衛賣得物用作衣裳斷僧供養
以是因緣入地獄中作肉岐支火燒
受苦至今不息汝見第二拘修羅實
非岐支是地獄人迦葉佛時是出家
人作僧寺中分物維那以春分物轉至
夏分夏分中衣物向冬中分以是因
緣入地獄中作肉拘修羅火燒受苦
至今不息汝見肉山非是肉山是地
獄人迦葉佛時是出家人為僧與坐
五德不具少有威勢偷取僧物斷僧
衣裳以是因緣墮地獄中作大肉山
人燒受苦至今不息

今時世尊復告僧讚汝始初見須臾
鄰柱實非是柱是地獄人迦葉佛時
是出家人當佛剎人四輩擅越須臾
鄰華散供養佛華既乾已比丘掃取
賣為已用以是因緣入地獄中作須

曼那柱火燒受苦至今不息汝見第
二須曼華柱實非是柱是地獄人迦
葉佛時是出家人當供養刹四華檀
越以須曼華油用供養佛比丘減取
為己自用以是因緣墮地獄中作須
曼柱火燒受苦至今不息汝見華樹
實非是樹是地獄人迦葉佛時是出
家人當僧果菜园有好華果為己私
用或與白衣以是因緣入地獄中作
大華樹火燒受苦至今不息汝見果
樹實非果樹是地獄人迦葉佛時是
出家人當僧菜果香美好者私自食
敢或與白衣以是因緣入地獄中作
肉果樹火燒受苦至今不息汝見一肉
樹實非是樹是地獄人迦葉佛時是
出家人為僧當薪以衆僧薪房中
自然或與知識以是因緣入地獄中
作大肉樹火燒受苦至今不息
今時世尊復告僧護比丘汝見第一肉
柱者實非是柱是地獄人迦葉佛時
是出家人寺中常住破佛刹柱為己
私用以是因緣入地獄中作大肉柱
火燒受苦至今不息汝見第二肉柱者

實非是柱是地獄人迦葉佛時是白衣人以刀刮取像上金薄以是因緣墮地獄中作大肉柱獄卒捉斧斫身受苦猛火燒身至今不息汝見第三柱者實非是柱是地獄人迦葉佛時是出家人為僧當事用僧梁柱浪與白衣以是因緣入地獄中作大肉柱火燒受苦至今不息汝見四樹實非是樹是四罪人是地獄人迦葉佛時是出家人五德不具作大眾主為僧斷事隨愛怖瞋癡斷事不平以是因緣入地獄中作四肉樹火燒受苦至今不息汝見十四樹者實非是樹是地獄人迦葉佛時是出家人在寺常住不依戒律分諸敷具好者自取或隨瞋愛好惡差別於佛法中塵沙比丘應隨次受不平等故以是因緣此十四人墮地獄中作大肉樹火燒受苦至今不息汝見二比丘者實非比丘是地獄人迦葉佛時是出家人於大眾中鬪諍相打以是因緣入地獄中猛火焚身受相打苦至今不息汝見二沙彌者實非沙彌是地獄人迦葉

佛時是出家沙彌一被褥中相抱眠卧
以是因緣入地獄中火燒被褥中相
抱受苦至今不息今時世尊重告僧
護以是因緣我今語汝在地獄中出
家者衆白衣甚少所以者何出家之
衆多喜犯戒不順比丘互相欺陵私
用僧物或分飲食不能平等是故我
今更重告汝當勤持戒頂戴奉行
今時世尊復告僧護我今語汝是諸
罪人於過去世時出家破戒雖不精
進四輩檀越見諸比丘威儀似僧恭
敬僧寶四事供養猶故能今得大果
報無量无边不可思議我復語汝如
前罪人先世出家犯僧物故墮大地
獄後於未來世中有諸白衣取衆僧
物者罪過於前說出家人百千萬倍
不可窮盡我復語汝若一比丘順於
毗尼在僧伽藍如法行道依時鳴
稚若施此人得福無量說不可盡何
况供養四方僧衆

今時世尊復告僧護若出家人營僧
事業難持淨戒是諸比丘初出家時
樂持淨戒求涅槃心四輩檀越送供

養時是諸比丘應受是供堅持淨戒
後不坐惱今時世尊欲重宣此義而
說偈言

持戒取為樂 身不受諸惱 睡眠得安樂
悟則心歡喜

今時世尊復告僧護有九種人常處
阿鼻大地獄中何等為九一者食眾僧
物二者佛物三者煞父四者煞母五
者煞阿羅漢六者破和合僧七者破
比丘淨戒八者犯淨行居九者作一
闍提是九種人恒在地獄有五種人
二處受報一者地獄二者餓鬼其地
獄者如汝所見是諸地獄其餓鬼者
身形長大何者為五一者斷施眾僧
物二者斷施僧食三者劫僧親物四
者應得施能令不得五者法說非法
非法說法此五種人受是二報餘業
不盡五道中受今時世尊欲重宣此
義而說偈言

行惡感地獄 造善受天樂 若能修空定
漏盡證涅槃

今時世尊復告僧護汝於海中所見
龍王受此龍身牙甲鱗角其狀可畏

臭穢難近以畜生道障出家法亦障
修禪无八解脫雖得長壽不能得免
金翅鳥王之所食敗命終之後生兜
率天天中命盡得受人身弥勒出世
作大長者財富巨億為大檀越供養
供給弥勒世尊及諸比丘四事具足
是諸長者有五百人同時出家得羅
漢果切高名遠衆所知識是諸龍王
猶尚能得如是功德况我弟子如法
出家坐禪誦經三業具足必證涅槃
今時世尊無問自說歸依佛者
得大吉利晝夜心中不離念佛
歸依法者得大吉利晝夜心中
不離念法歸依僧者得大吉利
晝夜心中不離念僧

今時僧護弟子五百商人於大衆中
聞佛說法忽然驚怖悟解無常共相
謂言我等從昔無量劫來處處經歷
受生死苦皆是無明貪心所造即從
座起長跪合掌而白佛言我等今日
歸依三寶受持五戒盡形不犯
今時世尊告僧護曰衆僧供養有應
得者不應得者何者應得持戒滿足

出入常念輕重等持恐怖不犯如是
之人應受供養今時世尊即說偈言
歡喜受他施 三衣常知足 定慧修三業
安樂在山谷

今時世尊告僧護曰何者不應得持
戒不滿足出入不念輕重不畏如是
之人不應受供養今時世尊即說偈言
寧食大鐵丸 焦熱如火焰 破戒不應受
得信檀越食

佛告諸善男子善女人間此偈者若
得信心樂出家者清淨持戒頂戴
奉行

今時諸比丘白佛言世尊如是等輩
五百仙人在過去世於何法中種諸
善根於何時中修行道業以何業緣
今得出家煩惱漏盡證阿羅漢果如
來遍知明達三世知諸仙人所修善業
於大衆中即說本緣佛告諸比丘此賢
劫中過去之世迦葉佛時人壽三萬歲
有大長者名曰恭意財富巨億於孝行
中小違父母慙愧懺悔即詣佛所出家
修道習學未久作大法師恭意比丘說
法化度五百弟子入山林中阿練若
處修禪定業心生歡喜亦教弟子俱

修禪定造作禪珠覺杖法杖法用成
就初中後夜精勤不息未得觀慧師
徒相率詳發善願作如是言我等今
日師徒相順於迦葉如來正法之中
出家修道持戒定慧業以此善根願求
來世得值釋迦十号具足天人中尊
真實不虛還遇和尚度我出家漏盡得
道今時復告諸大比丘今時恭意長者
豈異人乎所僧護比丘是五百弟子
豈異人乎今五百仙人是因過去世
迦葉佛時所種諸善根因發願故今
得正信還值和上正信出家漏盡得
道今時世尊於大眾中說因緣已時
四部衆歡喜奉行

浴室及六寺二地惣三坂 兩瓶涌泉
一甕刀割鼻斫舌水中立 立刺肉廳櫬
馳馬白爲驢 羖羊雙肉臺肉房二繩牀
肉穢及拘執牀壁肉繩索 廁井兩臺座
推二句修山 兩肉須臾柱花果一肉樹
一樹三肉柱 兩雙十四樹兩僧兩沙弥
合有五十六說法今因緣佛因僧護說
佛說因緣僧護經

盧至長者因緣經

竟

失譯人今附東晉錄

若者慳貪人天所賤是以智者應當
布施所以者何我昔曾聞有大長者
名曰盧至其家巨富財產無量倉庫
盈溢如毗沙門由其往昔於勝福田
修布施因故獲其報然其施時不能
至心以是之故雖復富有意常下劣
所著衣裳垢膩不淨所可食者雜穀
稗芳雜藿草菜以充其飢酢漿空水
用療其渴乘朽故車編草草業用以
為蓋於己財物皆生慳慳勞神役思
勤加守護營理疲苦猶如奴僕為一
切人之所嗤笑今時羅睺羅即說
偈言

所施因不同受果各有異信施志誠濃
獲報恣心意若不懷殺重徒施無淨報
盧至雖巨富輕賤致嗤笑

又於一時城中節會莊嚴屋宅塗飾
彩畫懸繒幡蓋琉璃裝飾處象周遍
懸諸華冠香水灑地嚴衆名華隱隔
門戶以華裝校各各皆有種種伎樂

歌舞嬉戲歡娛受樂如諸天宮諸門
之中皆以金瓶盛滿香水諸里巷中
懸繒幡蓋散衆名花香水灑地盧至
余時見諸人民種種會同戲舞盡歡
便生念言奴婢乏人下賤之者皆假
借衣服食美飲食我今衣服瓔珞財
寶自足我今何為而不自樂疾走歸
家自取鑰匙開庫藏門取五錢已還
閉鎖門即自思念我今若於家中食
者毋妻眷屬不可周遍若至他家或
有主人及以乞者來從我索於是即
用兩錢買麩兩錢沽酒一錢買葱從
自家中衣衾裹鹽賣出城外趣於
樹下既至樹下見有多鳥若此停止
烏來搏撮即詣塚間見有諸狗復更
進避至空靜處酒中著鹽和麩食葱
先不飲酒即時大醉既大醉已而作
是言舉國即時大作歡樂我今何
為獨不歡樂即便起舞揚聲而歌其
歌辭曰
縱令帝釋 今日歡樂 尚不及我
况毗沙門

復作是言我今節慶際縱酒大歡樂

踰過毗沙門亦勝天帝釋提桓因與無數天衆欲至祇桓於其道邊見此廬至既醉且舞而歌言勝於帝釋帝釋默念此慳貪人屏處飲酒罵辱於我復作是念我於今者莫至佛所先惱於彼釋提桓因即變已身猶如廬至即到其家聚集父母僕使眷屬於母前坐而白母言聽我愛語我於前後有大慳鬼隨逐於我所以使我惜不敢食不與父母及以眷屬錢財寶物皆由慳鬼今日出行值一道人與我好呪得除慳鬼若彼慳鬼設復更來終不重能惱亂於我然此慳鬼與我相似設當來者諸守門人痛當打棒其必詐禰我是廬至一切家人莫信其語大開庫藏出諸財物作好飲食與其母妻及以眷屬志令充飽飲食已竟語守門者急速開門慳鬼儻來待我分付瓔珞遍賜衣服作諸伎樂然後開門即時大開庫藏上妙瓔珞先用與母次者與婦舍內男女盡皆遍與其外來客亦與瓔珞及以衣食作衆伎樂其家眷屬衆香塗

身燒黑沈水于時帝釋一手捉母一手携婦歡樂起舞歡娛嬉戲不可具說舍衛城人皆聞盧至長者慳鬼得除一切集會盡來觀之盧至醉醒還來入城即歸已家見諸人衆充塞其門復聞家中歌舞之聲極大驚愕作是思惟將非是王以贖我故將諸群目大集兵衆來至我家欲誅於我為是舍衛城人因作節會盡入我家為是諸天欲增益我來至我家作斯伎樂為是家人破我庫藏而自取食思惟是已疾走衝門高聲大叫喚其家人時其家人音樂聲亂都無聞者帝釋聞笑聲語衆人言誰打門喚汝等且止音樂或能是彼慳鬼還來人間有鬼即大開門一切走避時彼盧至走來入屋見於帝釋眷屬圍遶正處中坐母處其右婦處其左在嚴衣服著好瓔珞鼓樂絃歌飲酒慶會容色熙怡羅列而坐盧至愕然驚問釋言汝是誰耶來我家中放逆如是釋微笑言今日家人自識於我其家眷屬即問盧至汝為是誰盧至答曰我是盧

至舉家盡皆同聲指釋而作是言此
是盧至我之家主盧至尋復問家人
言我今是誰家人答言汝之雖認似
盧至鬼盧至復言我非是鬼我是盧
至汝等今者宜好觀察願語母言母
是我母兄是我兄弟是我弟妻者是
我所敬之妻子者是我所念之子一
切僕從盡是我有復指帝釋語家人
言此是餘人顏貌似我幻化作我我
從小來產業積聚錢財庫藏是誰幻
惑散我財物時其家人咸皆不信釋
問母言今我兩人極相似不母答言彼
鬼形貌甚似於汝母復語釋觀汝孝
順奉事於我真實知汝我所生子彼
實是鬼若汝二人俱孝順我我不能
別以汝孝順彼人悖逆故我定知汝
是我子迴語婦言彼是汝夫汝今何
為不相鳴捉其婦者蔽而作是言恠
哉何不滅去終不為其而作婦也婦
語釋言大家我今寧在尔邊而死終
不在彼鬼邊而生釋語家人今定知
我是盧至者何為前彼鬼使入耶時
其家人聞此語已即時倒曳盧至之

脚牽挽打棒驢今出門到里巷中舉
聲大哭唱言恠哉我於今者身形面
首為異於本何故家人見棄如是復
語左右我今此身如本身不今我之
面如本面不言語行來長短相貌為
異不異傍人語言汝故如本與先不
異復語人言我今是誰將非化作他
異人不竟為字誰我今為在何處復
長歎曰奇哉恠哉我於今者知何所
道盧至介時如似顛狂其餘親里非
家人者咸來慰喻汝慎莫懼汝是盧
至汝於今者在舍衛城中市上我等
是汝親里故來看汝汝好強意當作
方計以自分明盧至介時間是語已
意用小安拔淚而言更問餘人我為
實是盧至以不餘人答言汝實是盧
至盧至語眾人言汝等皆能為我證
不眾人皆言我等諸人皆為汝證實
是盧至盧至答言汝等若介聽我廣
說因緣

誰有年少人與我極相似共我所愛婦
同牀接膝坐所親家眷屬見打驅逐出
所親皆愛彼安止我家中我忍飢寒苦

積聚諸錢財彼今自在用我無一毫分
猶如毗沙門自忘於衣食城中諸人等
各各生疑恠皆作如是言此事當云何
中有明智者而作如是言此間淫狡人
形貌似盧至知其大慳貪故來惱亂之
我等共證拔不宜便棄捨

今時諸人聞是語已皆悉同心咸言
盧至汝今云何欲何所為盧至即時
而作是言汝等諸人為我集會明日
當共至於王所眾人咸言明當送汝
至於王所至明日已諸人言曰善哉
善哉今正是時盧至即言此是大事
我於已財不得自在汝等若能貸我
錢財若我得者當償於汝諸人皆言
隨所須欲當給於汝又問欲須何物
今時盧至長者而言今汝與我二張
疊來使直四銖金當上於王諸人皆
笑作是念言盧至先來不曾有是念
言四銖乃是大施盧至今時即挾二
張疊到於王門語通門者言我於今
者欲有貢獻時守門人極驚笑言我
於三十年中未曾聞彼來至門中有
所貢獻今日云何卒能如是時守門

者即入白王合掌而言未曾有也盧
至今者在於門中欲有所貢王意沉
審不卒腹喜但自思惟今日將不因
於節會有諸人等來至門中盧至慙
慙亦復不應來至我門守門之人不
應於我而作調戲意為云何我不能
信夫為王者譬如大海不逆細流寧
可計其財物多少王於今時即便聽
前王作是念而此盧至稟性堅慙將
不死到卒能如是即時盧至共於眾
人往到王所欲出二疊用奉於王以
手挽疊其腋急扶挽不能得便自迴
轉盡力痛挽方乃得出既得出已帝
釋即化作兩束草願見草束生大慙
愧即使坐地王見如是即起慈愍而
語之言縱令草束亦無所苦欲有所
說隨汝意道盧至悲噎歔歔而言我
見此草蕃熟之盛不能以身陷入于
地不知今者為有此身為無此身知
何所云王聞其言特生哀愍問傍人
言彼今哀塞不能得言汝等若知其
意當代道之傍人答王盧至今來仰
白王者不知何人形貌相似至於其家

中詐稱盧至能使家人生其愛者散
用財物一切蕩盡使其家人都不識
別驗其令出返如路人以是之故其
心懊惱不能出言王言若如此者實
應苦惱何以故自己財物為他所
用雖復如是我當斷理使其還得室家
財物王復言曰世間之人雖形相似
然其心意未必一等雖心相似然其
形體隱屏之處有諸密事可不相知
必有小異汝莫愁憂我今為汝當細
檢校時有一目名曰宿舊即起合掌
而白王言善哉大王王之智慧慈惻
阿拉正應如是余時宿舊即說偈言
憂苦怖畏者王為作救護 貧窮困厄者
王當作親友 正真修善者 王共為法朋
於諸惡行者王為作烏鈎

余時盧至五體投地而白王言我家
密弄_舉財寶之處披終不能而得知
處我身有密事何必能知唯願大王
為我檢校王即遣使往喚彼人似盧
至者語今疾來即便喚來即至王所
在一面立王形相二人不能分別王
諦觀之生未曾有想年紀相貌形體

大小面目語笑顏色皆同如幻化所作等無有異今此二人在我前立不可分別使我驚疑王問喚來者言汝為是誰便自慨歎而言我今徒為此生不如其死我今云何生長王國不為王識方問我言而名是誰王小慙赦此實盧至語前者言汝今復欲何所論道盧至答言我是盧至彼非是也王言汝今二人如鏡中像色貌一種云何可別盧至白言以是事故我先歸王若似有人病痛苦厄急難恐怖悉歸於王王言實余我所以受人租賦正為是事王小思惟語帝釋言我欲問汝盧至為性慳貪汝好惠施其性各異汝今云何言是盧至帝釋答言王今應作如是細問實如王言雖尔我親自從佛教慳貪之者墮餓鬼中百千万歲受飢渴苦求索膿血屎尿不淨終不能得如毛驢許清冷河泉變成流火我聞慳貪有如是過畏怖因緣欲捨是惡以是事故即便捨慳施心即生王言實有是理如似垢衣灰浣即淨煩惱垢心聞法即除

三語諸目如是二人云何得知一是盧
至一非盧至宿舊答言問其家中所
有密事若有同異然後可知王言我
事很多不得細問如汝所言應如是
問即分二人各置異處而便問言汝
今內外親屬年紀大小頭數名字家
中所有屋舍門戶及以財物一切庫
藏地上地中種種諸物各自記之
明作書疏時速持來而此二人各持
書至一切所有隱密之事及以書迹
悉皆一種王見是事生未曾有想如
我今者盡其神思種種籌量不能分
別此非人事必是非人所為三言還
喚此二人來到我邊王久看已語使
人言喚其母來便即喚來其母到已
向王拜敬王合掌言我亦敬老老母
自言願王万歲離諸愁害修福不倦
王勅敷座命老母坐王語母言今此
二人誰是汝子誰非汝子帝釋密語
母言莫復更使見苦如前母言子汝莫
愁也老母敬白王言此兒慈孝種種
供養孝順於我此是我子彼不恭孝
常於我所無親愛心知非我子而此

二人雖知好醜言音相似我亦不能
別王復問言我欲更問餘事汝養此
兒自小之時及以洗浴頗見身上隱
屏之處瘡癰黑子私密之事記識以
不母言有之帝釋思惟我今所作當
同老母帝釋于時諦聽母語母語王
言我兒左脅下有小豆許癰帝釋念
言假使有癰如須弥山我亦能作况
復小癰即便化作王即念言我今斷
事必得決定王言汝等各脫左腋高
舉其臂既舉臂已見兩癰不異王及
羣目大聲而笑而作是言如此之事
未曾聞見能使人笑能使人怖能使
人疑此為奇事甚可怖畏王語羣目
如此之事非我所了當將此二人往
到祇洹至于佛所必得決了廢我此
間慶會之樂王時即說偈言

佛日久已出 能救濟世間 解脫諸過惡
乾竭愛欲海 面如盛滿月 神通具足眼

三界悉敬養 一切中自在 大悲者必能

除滅我等疑 一切皆稱讚 此事為善哉

說是偈已王及羣目各自嚴飾天冠
上明珠璣瓔珞莊校其身執持香華

各隨王後以二盧至置二無上種種
莊嚴時王自乘羽葆之車作倡伎樂
百千万種隨從王後往到祇洹捨王
五種天冠寶蓋刀劍草屨及摩尼珠
整其儀容往至佛所尔時世尊天龍
八部四眾國遶王及大眾五體投地
為佛作禮起已合掌而白佛言我及
三界愚闇所覆不別真偽唯佛意清
淨一切眾生為百千煩惱之所熾然唯
佛世尊寂靜除滅一切世間苦為生
死所縛唯佛一人獨得解脫為諸眾
生作真親友一切盲冥佛為作眼我
等種種因緣不能分別如此二人誰
是盧至誰非盧至將二盧至者於佛
前一切諸人各默然坐化盧至者神
色怡悅種種嚴飾瓔珞其身默然而
坐真實盧至顏色憔悴著垢膩衣塵
土至身極生憂苦而作是言世尊大
慈救濟一切願救濟我尔時帝釋見
其憔悴而自微笑波斯匿王從坐而
起合掌問佛言於此事中佛能證知
一切眾生為煩惱所闇唯佛世尊執
於慧炬導諸眾生解脫之路如大醫

王亦如導者能施一切衆生無畏亦施一切衆生善根之財摧滅結使故名大仙善哉世尊願以智火燒我煩惱網網林唯願世尊斷我等疑今此二人誰是誰非尔時世尊舉相好臂莊嚴之手語帝釋言汝作何事帝釋即滅盧至身相還復本形種種光明以如意珠璽路其身合掌向佛而說偈言

常為慳所伏 不肯自衣食 以五錢酒麴 著鹽而飲之 飲已即大醉 戲笑而歌舞 輕罵我諸天 以是因緣故 我故苦惱之 佛語帝釋一切衆生皆有過罪宜應放捨尔時盧至語帝釋言我辛苦所集一切錢財汝不用我財物賜耶帝釋言我不損汝一毫財物佛語盧至還歸汝家看其財物盧至言我所有財物皆已用盡用還家為帝釋言我實不損汝財毫釐之許盧至言我不信汝正信佛語以信佛語故即得須陀洹果時天龍八部及以四衆見聞是已得四道果種三業因緣諸天四衆聞帝所說歡喜而去 盧至長者因緣經

癸卯歲高麗國大藏都監奉

勅彫造

佛說出家功德經

竟

失譯人今附東晉錄

如是我聞一時佛在毗舍離國食時
 到入城乞食時毗舍離城中有一梨
 車名鞞羅羨邨素言辭如天與諸
 天女共相娛樂時此王子與諸姝
 女在閣上共相娛樂耽於色欲亦復
 如是今時世尊以一切智聞彼樂音
 告阿難言我知此人貪五欲樂者不
 久命終却後七日當捨如是眷屬快
 樂決定當死阿難如此人若當不捨
 欲樂不出家者命終或能墮於地獄
 今時阿難頂奉佛教欲利益此王子
 故次至其舍今時王子聞阿難在外
 即出奉見以敬念故請阿難入坐坐
 已未久今時王子起恭敬心白阿難
 言善哉好親友來今正是時我今見
 汝踊躍歡喜汝字歡喜汝今當教告
 我佛所教法令我歡喜今時王子如
 是三請阿難為欲作大利益默然无
 言王子又言鞞羅呵牟及大仙利益
 一切衆生有何嫌恨默然無所說不

見少告時第三師持佛法威利世間者慘然告言汝今善聽却後七日汝當命終汝若於此五欲樂中不能覺悟不出家者命終或當墮地獄中佛一切智人正語正說記汝如是辭火燒物終不虛發汝諦思惟時彼王子聞此語已甚大憂怖愁憤不樂受阿難教我當出家定且聽更六日受樂第七日中我許家眷屬定必出家阿難可之第七日畏生死故求佛出家佛即聽之一日一夜修持淨戒即便命終燒香畢已尊者阿難與其眷屬往白佛言世尊此耨羅羨那比丘今已命終神生何處時佛世尊天人之師一切智人以大梵音勝出雷鼓迦陵頻伽衆妙音聲以八種音告阿難言此耨羅羨那比丘畏於生死地獄苦故捨欲出家一日一夜持淨戒故捨此世已生四天王天為北方天王毗沙門子恣心受於五欲快樂貪受五欲與諸姊妹共相娛樂壽五百歲五百歲已命終轉生三十三天為帝釋子具受五欲極天之樂天妙姊妹

恣意千歲壽盡生焰天為焰天王子
自恣受天色聲香味觸快心欲樂受
天二千歲已命終生於兜率天王子
恣心受於五欲快樂目視相欲心自
歇足常談法語解脫智慧壽天中壽
滿四千歲已命終往生自在天上為
天王子受種種五欲妙樂於忉女中
化應恣意八十歲八十歲已命終生
他化自在天為天王子此第六天其
中欲樂下五天中所不能及生此中
已受寂妙樂眾樂之藏受此樂時心
極迷醉具足受於諸妙勝樂萬六千
歲如是受樂於六欲天往來七反此
毗羅美都以一日一夜出家故滿二
十劫不墮地獄餓鬼畜生常生天人
受福自然寧後人中生富樂家財富
珍寶具足壯年已過諸根熟時畏惡
生老病死患故厭世出家剝除鬚髮
故身披法服勤修精進持四威儀常
行正念觀於五陰苦空無我解法因
緣成辟支佛名毗流帝於是時放大
光明多有人天生於善根令諸群生
植於三乘解脫因緣今時阿難叉手

白佛言世尊若當有人放人出家若有出家者任其所須得幾所福若復有人毀破他人出家因緣受何罪報唯願世尊具盡告亦佛告阿難汝若具滿於百歲中問我此事我以無盡智慧除飲食時滿百歲中廣為汝說此人功德猶不能盡是人恒生天上人中常為國王受天人樂若有於此沙門法中使人出家若復營佐出家因緣於生死中常受快樂我滿百歲說其福德不可窮盡是故阿難汝滿百歲盡壽問我我至涅槃說此功德亦不能盡佛告阿難若復有人破壞他人出家因緣即為劫奪無盡善財福藏壞三十七助菩提法涅槃之因設有欲壞出家因緣者應善觀察如是之事何以故緣此罪業墮地獄中常盲無目受極憂苦若作盲生亦常生育若生餓鬼中亦常生盲在三惡苦久乃得脫若生為人在母腹中受胎便盲汝於百歲常問是義我百歲以無盡智說是罪報亦不可盡於四道中生而常盲我終不記此人當有

得脫時所以者何皆由毀出家故或
成就無邊功德以破如是善因緣故
受無量罪由障出家故於此清淨智
慧鏡中為於解脫諸善法故若見出
家修持淨戒趣解脫處破他出家為作
留難以是因緣故生便常盲不見涅
槃由毀出家故常觀癡等十二因緣
應得解脫以毀破他智慧眼故破出
家緣覆慧眼故從生至生常盲無目
不見三界緣障出家故出家應見五陰
二十我見人趣正道破出家因壞正見
故所生常盲不見正道出家應見一
切法聚善法住處應觀諸佛清淨法
身以破出家善因緣故所生常盲不
能觀見佛法身以因出家應具沙門
形貌及與持戒清淨福田種佛道因
破出家故於善法中斷一切望由是罪
緣生生常盲由毀出家故出家應善觀
察一切身心皆苦無常无我不淨破他
出家為作留難則破此眼破此眼故
不見四道四念處四正勤四如意足
五根五力七覺分八正道趣涅槃城
是罪緣故所生常盲乃至不見空無

相無作清淨善法向涅槃城是以智
慧之人知出家者應當成就如是善
法不應破壞善法因緣獲如是罪誰
毀破他人如是出家沙門正見因緣
者終不能得見涅槃城所生常盲
若復有人滿百劫中餘方出家修持
淨戒若復有人於此閻浮提出家持
戒一日一夜乃至須臾清淨出家於
十六分彼百劫出家持戒十六分中
不及其一若有顛倒婬姉妹女不應
婬處強生慳嫉此中罪報不可計限
若有一人能正思惟有出家心欲捨
諸惡若復有人破壞此人出家因緣
不令願滿是罪目緣增長於前復倍
百劫今時阿難復白佛言世尊此毗
羅美邨所種善根生尊貴處當受福
樂為過去世亦有善行為但齊今一日
一夜出家功德受今許福佛告阿難
汝不應觀過去因緣於此一日一夜
清淨出家故此善根六欲天中七反
受福二十劫中常受生死世間之樂
最後人中生福樂家壯年已過諸根
熟時畏於生老病死苦故出家持戒

成辟支佛

佛告阿難我今說喻汝當善聽譬四天下東弗婆提南閻浮提西瞿耶尼北鬱單越滿中阿羅漢若稻麻叢林若有一人滿百歲中盡心供養此諸羅漢衣服飲食病瘦醫藥房舍卧具乃至涅槃後若起塔廟種種珍寶花香環於幡蓋伎樂懸諸寶鈴掃灑香水以諸偈頌讚歎供養所得功德若有人為涅槃故出家受戒乃至一日一夜所作功德比前功德十六分中不及其一以是因緣善男子當應出家於持淨戒諸善男子諸須功德者求善法者自受法者不應留難出家因緣應勤方便勸作令成時諸大衆聞佛所說莫不歡世出家持戒有得須臾乃至阿羅漢者有種辟支佛善根者有發無上菩提心者皆大歡喜頂戴奉行

佛說出家功德經

癸卯歲高麗國大藏都監奉
勅周造

失譯人今附東晉錄

如是我聞一時佛在舍衛國祇樹給
孤獨園舍時世尊告諸比丘有三無
上處汝等諦聽當為汝說諸比丘白
佛唯然受教佛告比丘三無上處者
一佛無上處二法無上處三僧無上
處若諸衆生兩足四足無足多足若
色無色想無想非想非无想如來於
中說無上處諸比丘若有衆生能於
佛無上處起信向心者於天人中得
無上果報諸比丘是名初無上處復
次諸比丘於有為無為色無色法離
欲法為無上處諸比丘若有衆生能
於此法無上處起信向心者於天人
中得無上果報諸比丘是名第二無
上處復次諸比丘僧無上處者若僧
若群若叢聚若徒衆中如來弟子
僧為無上處諸比丘若有衆生能於
此僧無上處起信向心者於天人中
得無上果報是名三無上處時諸比
丘聞佛所說歡喜奉行

佛說無上處經

癸卯歲高麗國大藏都監

勅彫造

佛說木槌子經

竟

失譯人今附東晉錄

聞如是一時佛遊羅閱祇耆閻崛山中與大比丘衆一千二百五十人俱菩薩無數名稱遠聞天人所敬時難國王名波流離遣使來到佛所頂禮佛足白佛言世尊我國邊小頻歲穀賊五穀勇貴疾病流行人民困苦我恒不得安卧如來法藏多志深廣我有憂務不得修行唯願世尊特垂慈愍賜我要法使我日夜易得修行未來世中遠離衆苦

佛告王言若欲滅煩惱障報障者當習木槌子一百八以常自隨若行者坐若卧恒當至心無分散意稱佛隨造塵僧伽名乃過一木槌子如是漸次度木槌子若十若二十若百若干乃至百千万若能滿二十万遍身心不乱無諍諂曲者捨命得生第二焰天衣食自然常安樂行若復能滿一百万遍者當得断除百八結業始名背生死流趣向涅槃永断煩惱根獲无

上果信還啓王王大歡喜還向世尊
頭面禮佛云大善我當奉行即勅吏
民營辦木樨子以為千具六親國戚
皆與一具王常誦念雖親軍按亦不
廢置一作是念世尊大慈普應一切
若我此善得免長淪苦海如來當現
我身為我說法願樂追心三日不食
佛即應形與諸眷屬來其宮內而告
王曰莎斗比丘誦三寶名經歷十歲
得成斯陀含果漸次習行今在普香
世界作辟支佛王聞是已倍復修行
佛告阿難何況能誦三寶名經歷萬數
但能聞此人名生一念隨喜者未來
生處常聞十善說是法時六衆歡喜
皆願奉行

佛說木樨子經

癸卯歲高麗國大藏都監奉
勅彫造

佛說五王經

竟

宗義

失譯人名今附東晉錄

昔有五王國界相近共相往來不相
攻伐唯作善友其家大者字普安王
習菩薩行餘四小王常習邪行大王
憐愍意欲度之呼來上殿共相娛樂
乃至七日終日竟夜作倡伎樂七日
已滿四王共白大王言國事甚多請
還政治大三語諸左右嚴駕車乘羣
臣吏民都共送之至其半道大王憐
愍意欲度之語四王言各說卿等所
樂之事一王言我願欲得陽春三月
樹木榮華遊戲原野是我所樂一王
復言我願欲得常作國王鞍馬服飾樓
閣殿堂官屬人民園遶左右晃晃是
是推鍾鳴鼓出入行來路人傾目是我
之樂一王復言我所樂復具願得好婦
好兒端正無雙共相娛樂極情快意
是我之樂一王復言我所樂復具願
我父母常在多有兄弟妻子羅列
好衣美食以恣其口素琴清衣共相
娛樂是我之樂各自說其所樂竟曰

俱迴頭白其大王王所樂何事大王
答言我先說卿等所樂然後說我之
樂卿一人言陽春三月樹木榮華遊
戲原野秋則凋落非是久樂卿一人
言願我常作國王鞍馬服飾樓閣殿
堂官屬人民國遶左右是是是是推
鍾鳴鼓出入行來路人傾目往古諸
王隱隱聞聞快樂無極福德轉盡諸
國相伐忽然崩亡非是久樂卿一人
言願得好婦好兒端正無雙共相娛
樂極情快意一朝疾病憂苦無量非
是久樂卿一人言願我父母常在多
有兄弟妻子羅列好衣美食以恣其
口素琴清衣共相娛樂一朝有事為
官所執繫閉在獄無有救護此非久
樂四人俱問王樂何事王言我樂不
生不死不苦不惱不飢不渴不寒不
熱存亡自在此是我樂四王俱言此
樂何處當有明師大王答言吾師号
為佛近在祇桓精舍諸王歡喜各詣
佛所皆稽首作礼退坐一面大王胡
跪叉手白佛言我等今得為人銚聞无
智但深著世樂不知罪福願佛為弟子

等說其苦諦佛言卿等善聽當為汝
說人生在世常有無量衆苦初身今粗
為汝等略說八苦何謂八苦生苦老
苦病苦死苦思愛別苦所求不得苦
怨憎會苦憂悲惱苦是為八苦也何謂
生苦人死之時不知精神趣向何道未
得生處並受中陰之形至三七日父母和
合便來受胎一七日如凝酥四七日如肉膏五
桐酪三六日如凝酥四六日如肉膏五
胞成就巧風入腹吹其身體六情開
張在母腹中生藏之下熟藏之上母
取一杯熱食灌其身體如入饌湯母
飲一杯冷水亦如寒水切體母飽之
時迫近身體痛不可言母飢之時腹
中了亦如倒懸受苦無量至其滿
月欲生之時頭向產門劇如兩石挾山
欲生之時母危父怖生墮草上身體
細軟草觸其身如履刀劍忽然失聲
大呼此是苦不諸人咸言此是大
苦何謂老苦父母養育至年長大自
用強健搭輕負重不自裁量寒時極
寒熱時極熱飢時極飢飽時極飽无
有節度漸至年老頭白齒落目視眊

曉耳聽不聰盛去衰至皮緩面皺百
節痠疼行步苦極坐起呻吟憂悲心
惱識神轉滅便旋即忘命曰促盡言
之流涕坐起須人此是苦不大王答
曰實是大苦何謂病苦人有四大和
合而成其身何謂四大地大水大火
大風大一大不調百一病生四大不
調四百四病同時俱作地大不調舉
身沉重水大不調舉身膝腫火大不
調舉身蒸熱風大不調舉身搖強百
節苦痛猶被杖楚四大進退手足不
任氣力虛竭坐起須人口燥唇焦筋
斷鼻坼目不見色耳不聞聲不淨流
出身卧其上心懷苦惱言報悲哀六
親在側晝夜看視初不休息甘饈美
食入口皆苦此是苦不答言實是大
苦何謂死苦人死之時四百四病同
時俱作四大欲散魂魄不安欲死之
時刀風解形无處不痛白汗流出
兩手摸空室家内外在其左右憂悲
涕泣痛徹骨髓不能自勝死者去之
風去氣絕火滅身冷風先火次魂靈
去矣身體挺直無所復知旬日之間

肉壞血流腫脹爛臭甚不可近薰之
曠野衆鳥取食肉盡骨乾觸體異處
此是苦不答言實是大苦何謂恩愛別
苦室家內外兄弟妻子共相戀慕一朝
破亡為人抄劫各自分張父東子西
尋南女北非唯一處為人奴婢各自
悲呼心內斷絕窈窕冥冥無有相見
之期此是苦不答言實是大苦何謂所
求不得苦家有財錢散用追求大官吏
民望得富貴勤苦求之求之不止會
遇得之而作邊境令長未經幾時貧
取民物為人告言一朝有事監車戴
去欲赦之時憂苦無量不知死活何
日此是苦不答曰實是大苦何謂怨憎
會苦世人薄俗共居愛欲之中共諍不
急之事更相殺害遂成大怨各自相
避隱藏無地各磨刀錯箭挾弓持杖
恐畏相見會遇逢道相逢各自張弓對
箭兩刀相向不知勝負是誰當余之
時怖畏無量此是苦不答曰實是大
苦何謂憂悲惱苦人生在世長命
者乃至百歲短命者胞胎傷隨長命
之者與其百歲夜消其半餘有五十

年在醉酒疾病不知作人以減五歲
小時愚癡十五年中未知禮儀年過
八十老鈍無智耳聾目冥無有法則
復減二十年已九十年過餘有十歲
之中多諸憂愁天下欲亂時亦愁天
下旱時亦愁天下大水亦愁天下大
霜亦愁天下不熟亦愁室家内外多
諸病痛亦愁持家財物治生恐失亦
愁官家百調未輸亦愁家人遭縣官
事開繫牢獄未知出期亦愁兄弟妻
子遠行未歸亦愁居家窮寒無有衣
食亦愁比舍村落有事亦愁社稷不
辨亦愁室家死亡無有財物殯葬亦
愁至春時種作無有犁牛亦愁如是
種種憂悲常無樂時至其節日共相
集聚應當歡樂方共悲涕相向此是
苦不答曰實是大苦

尔時五王及諸羣目會中數千万人
聞說諸苦諦心開意悟即得須陀洹
道皆大歡喜作礼而去四王俱白普
安王言大王真是大摧菩薩化導我
等今得道跡大王之恩我本觀諸宮
殿心情愛著不能遠離今覩宮殿如

五王經 第七張 竟

視穢廟無可愛者即捨王位付弟出家為道修諸功德日日不倦

佛說五王經

癸卯歲高麗國大藏都監奉
勅彫造

佛說說淨經

竟

失譯人今附東晉錄

往昔佛於阿難行遇值一池東西四十里南北四十里深四十里池中有魚其形似科蚪形黑如墨佛語阿難識此池中魚不答言不識佛語阿難此池中至者十方世界大衆僧食不淨食墮此臭穢糞屎池中常食不淨五百世中受此苦惱竟後五百世中復隨鰕狗中常食不淨復墮暗畜中五百世常食不淨復墮蜣螂中常食不淨亦五百世得出為人常生貧窮家衣不覆形食不充口常食糠飯恒飢不足佛語諸比丘有如是者受罪尤苦無量无邊誠語後世末法中諸比丘不可不慎一切衆僧有住止處作不淨食不足往食欲淨食者一切白衣食如法著衣持鉢稱四威儀如法往造乞是真比丘除其邪命如法活命佛不妄言福報如影響昔比丘新得阿羅漢有結業身有便利患夜間上廁見一比丘在廁邊呻吟阿羅漢語是比丘汝本

好用意人女何隨餓鬼中呻吟如是
餓鬼比丘答言我餓渴來久五百餘
年不見漿水正欲趣廁用食不淨護廁
鬼神鐵杖打我不得近廁憶念本曾
作比丘知僧事時是用觸衆僧淨
食以不淨食食衆僧故致此殃遇
值阿羅漢善知識阿羅漢為比丘
僧中燒香咒願即免餓鬼還復人
道佛語諸比丘不可不慎一切下
得觸衆僧淨食佛不虛言福報如影
響言十八地獄經中出罪福此餓鬼本從
人道中來以不清淨手觸衆僧淨器
以不淨手觸沙門淨食以不淨食著
沙門淨食中以不淨食食衆僧故後
五百世中墮餓鬼中常食不淨欲趣
廁上食糞于時廁神手提鐵杖打之令
不得近此鬼食人膿血涕唾及蕩滌
惡汁常伺捕婦女產血不淨以為飲
食復經五百世墮豬狗蛇蠅之中常
食臭糞不淨受斯苦劇累世如此於
百千劫無有出期難得解脫痛不可
言以不淨手觸男根或觸女根觸沙
門淨器觸沙門淨食以不淨食著沙

門淨食中以不淨食食衆僧故致
此殃一切人肉眼不知罪福自今以後
欲得福祐佐衆僧作食以清淨手提衆
僧淨器淨手淘米及以淨米著衆僧淨
食中者得福无量自今以後以此為常
一切衆人普使聞知一切檀越施設
法會供齋調度持齋者得食不持
齋者不得食此飯一日持齋得六十
万世餘糧不持齋者六十万世墮餓
鬼中何以故此信施難銷故寧吞熱
鐵丸不食此飯吞熱鐵丸須臾聞耳
食此信施久受大苦五百万世中受
餓鬼苦諸有設食之處一切如法作
齋不得懷挾餘殘食歸給妻子若食
此飯若腋底挾搭後五百世常挾熱
鐵輪左腋底入從右腋底出一切齋
飯不可不慎一米化作熱丸一切賢
者施設福會於先嘗啜此食都作殘
食唐作此會不如不作何以故諸天
不歡鬼神不喜此人於先嘗者亦五
百世中受餓鬼苦自今已後欲得福
者如法作齋食可得福德諸天歡喜
百神慶悅天神擁護經不虛言福報

如影響

護淨經 第四卷 竟

佛說護淨經

癸卯歲高麗國大藏部監奉
勅周造

大唐龍興三藏聖教序

竟

御製

蓋聞蒼蒼者天列星辰而著象茫茫者地奠川岳以成形仰觀天文既如彼也俯循地理又若斯焉夫以妙旨幽微名言之路攸絕真如湛寂性相之義都捐然則發啓心聾資法雷之激響將導迷衆俟覺首以司方故知假名不壞於常名樂說乃詮於無說至若像外之象獨稱三界之尊天中之天爰誓六通之聖法王利見羣言於七十二君梵帝乘時宰龍於万八千歲周星闕彩言符降誕之徵漢曰流祥載叶通神之夢故能威揚沙劫化被塵區玉毫舒耀而除昏金口弘宣而遣滯破煩惱之賊詎藉干戈壞生死之軍唯憑慧力闢圓明之界廣納於無邊開常樂之門普談於有識縱使浮天欲浪境風息而俄澄漲日情塵法雨露而便廓歸依者銷殃而致福迴向者去危而獲安可謂魏魏乎其有成功蕩蕩乎而無能名者矣但

四生蠢蠢未悟無常六趣悠悠俱纏
有結詐知空花不實水月非堅馳逐
於五陰之中播遷於三界之域納諸
品彙終俟法明自白馬西來玄言東被
世尊則隨類敷演衆生乃逐性開迷
爲鳴擅美於瓊編龍樹騰芳於寶偈
於是遙通震旦遠布閭閻淨半滿之教區
分大小之乘並驚澄安俊德接武於
勝場琳遠高人駢蹤於法宇遂使微
言著範歷千古而暢英聲至蹟流規
周十方而騰茂實頃屬後周膺運大
扇魔風遂使天下招提咸從毀廢寥
中法侶並混編氓嗟乎聞寂禪居空
留宴坐之處荒涼慧苑無復經行之
蹤爰泊開皇重將修建旋逢大業又
遇分崩鬼哭神吟山鳴海沸旣遭塗
炭寧有伽藍正法消淪邪見增長於
是人迷覺路邇邇於苦集之區俗蔽
真宗羈絆於蓋纏之內我

大唐之有天下也上敷巢燧俯視羲軒
三聖重光万邦一統威加有截澤被
無垠揜坤絡以還淳亘軋維而獻款
舜懸佛日重補梵天龍宮將八柱齊

八無暇有暇經 第三張竟 未達
安驚嶺共五峯爭峻大弘

釋教諒屬

皇朝者焉大福先寺翻經三藏法師
義淨者范陽人也俗姓張氏五代相韓
之後三台仕晉之前朱紫分輝貂蟬
合彩高祖為東齊郡守仁風逐扇甘
雨隨車化聞六條政行十部爰祖及
父俱厭俗榮放曠一丘逍遙三徑含
和體素養性恬神摘芝秀於東山挹
清流於南澗可謂幽尋丹嶠棲偃白
雲臯鶴於是吞聲塲駒以之禁影法
師幼挺明晤夙彰聰敏纔踰辨字之
歲心樂出家甫過遊洛之年志尋西
國業該經史學洞古今惣三藏之玄
極明一乘之奧義旣而閑居習靜息
慮安禪託彼山林遠茲塵累三十有
七方遂雅懷以咸亨二年行至廣府
發蹤結契數乃十人鼓棹昇航雅存
一已巡南溟以遐逝指西域以長駘歷
巖岫之千重泛波濤之萬里漸屆天
竺次至王城

佛說法花靈峯尚在

如來成道聖躅仍留吠舍城中獻蓋

之蹤不泯給孤園內布金之地猶存
三道寶階居然目覩八大靈塔邈矣
親觀所經三十餘國凡歷二十餘載菩
提樹下屢攀折以淹留阿耨池邊幾
濯纓而澡鑒法師慈悲作室忍辱為
衣長齋則一食自資長坐則六時無
倦又古來翻譯之者莫不先出梵文
後資漢譯揆詞方憑於學者詮義別
真於僧徒今茲法師不如是矣旣閑
五天竺語又詳二諦幽宗譯義綴文
咸由於已出指詞定理匪假於傍求
超漢代之摩騰跨秦年之羅什所特
梵本經近四百部合五十萬頌

金剛座真容一鋪舍利三百粒以證
聖元年夏五月方屆都焉

則天大聖皇帝出震膺期乘軋提紀
紹隆為務弘濟為心爰命百寮甄整
四衆虹幡指日鳳吹遏雲香散六銖
花飄五色鏘鏘濟濟燁燁煌煌迎于上
東之門置于授記之寺共于闡三藏
及大福先寺至沙門復禮西崇福寺
主法藏等翻花嚴經後至大福先寺
與天竺三藏實思來多及授記寺主

慧表沙門勝莊慈訓等譯根本部律
其大德等莫不四禪疑慮六度冥懷
懸法鏡於心臺朗戒珠於性海詞林
挺秀將覺樹而連芳慧炬揚輝澄桂
輪而合影渾金璞玉諒屬其人誠梵
宇之棟梁寔法門之龍象已翻諸非
經律二百餘卷繕寫六畢尋並進內
其餘戒律諸論方俟後詮五篇之教
具明八法之因俗曉鵝珠尚護蟲命
無傷浮囊必取於不斷油鉢終期於
靡覆崇聖教之綱紀啓含生之耳目
伏願上資

先聖長隆

七廟之基下逮微躬恒

佐九天之命遷懷生於壽域致薄俗
於淳源歲稔時和遠安近肅願以万機
務惣四海事殷爰憑乙夜之餘式贊
彌天之德課虛扣寂聊題序云
佛說八無暇有暇經

大唐三藏法師 義淨

奉 制譯

如是我聞一時薄伽梵在室羅伐城
逝多林給孤獨園與大苾芻衆及人
天等俱尔時世尊告諸苾芻曰汝等
當知於此世間寡聞無識凡夫之類

常說無暇有暇之言然不了知云何

八无暇有暇經

第義竟

三

無暇云何有暇吾今為汝分別開示
汝等諦聽善思念之若諸有情欲住
聖行修善法時有其八事无暇修習
云何為八女等當知於此世間大師
出現所謂如來應供正遍知明行足
善逝世間解無上士調御丈夫天人
師佛世尊宣說諸佛所證妙法善除
煩惱能趣菩提究竟涅槃盡諸苦際
說是法時有人墮在地獄之中受大
苦惱是名第一欲住聖行無暇修習
復次諸苾芻於此世間大師出現十
号具足宣說諸佛所證妙法善除煩
惱能趣菩提究竟涅槃盡諸苦際說
是法時有人墮在餓鬼之中受大苦
惱是名第二欲住聖行無暇修習
復次諸苾芻於此世間大師出現十
号具足宣說諸佛所證妙法善除煩
惱能趣菩提究竟涅槃盡諸苦際說
是法時有人墮在傍生之中受諸苦
惱是名第三欲住聖行無暇修習
復次諸苾芻於此世間大師出現十
号具足宣說諸佛所證妙法善除煩

惱能趣菩提究竟涅槃盡諸苦際說
是法時有人生在長壽天中無所知
曉是名第四欲住聖行無暇修習

復次諸苾芻於此世間大師出現卜
号具足宣說諸佛所證妙法善除煩
惱能趣菩提究竟涅槃盡諸苦際說是
法時有人生在邊地下賤蔑戾車中
不識善惡於我四眾不聞不見是名
第五欲住聖行無暇修習

復次諸苾芻於此世間大師出現十
号具足宣說諸佛所證妙法善除煩
惱能趣菩提究竟涅槃盡諸苦際說
是法時有人雖復生在中國然受惡
報瞋瞋盲瘡癰以手代言於善於惡不
能分別是名第六欲住聖行無暇
修習

復次諸苾芻於此世間大師出現卜
号具足宣說諸佛所證妙法善除煩
惱能趣菩提究竟涅槃盡諸苦際說
是法時有人雖復生在中國其身雖
不瞋盲瘡癰以手代言於善於惡悉
能曉了然而信邪倒見作如是說無
施無受亦無祠祀無善惡業緣無異

熟果報無今世後世無父母眷屬無
化生有情於此世間無阿羅漢正趣
正行此世他世於現法中得自覺悟
正證圓滿皆悉了知我生已盡梵行
已立不受後有此事皆無生極邪見
是謂第七欲住聖行無暇修習

復次諸苾芻於此世間無大師現无
十号名不聞諸佛所證妙法不除煩
惱不趣菩提不至涅槃無苦邊際有
人雖復生在中國不瞽盲瘖瘂不以
手代言於善於惡悉能曉了不生邪
見作如是說有施有受亦有祠祀有
善惡業緣有異熟果報有今世後世
有父母眷屬有化生有情於此世間有
阿羅漢正趣正行此世他世於現法
中得自覺悟正證圓滿皆悉了知我
生已盡梵行已立不受後有此等皆
有生極正見然無將導開出離門是
名第八欲住聖行無暇修習
復次諸苾芻於此世間大師出現十
号具足宣說諸佛所證妙法善除煩
惱能趣菩提究竟涅槃盡諸苦際說
是法時有人生在中國而所受身諸

根具足了善惡言乃至生極正見汝等茲當知是人暇修習汝等茲當此有暇事汝等已得生居中國逢我出世得聞聖教諸根具足當生勇猛常勤策勵修諸善品於善法律如說修行展轉相教展轉懺悔常淨三業恒行十善勿為無益致招後悔今時世尊欲重宣此義說伽他曰

我已為說八無暇 皆願當生有暇中
若生難處不聞經 汝等至心應善聽
銅柱鐵山衆苦逼 燒煨糞屎刺刀林
於地獄中受斯苦 此處豈能聞正法
飢渴針咽苦逼身 雨注河流成猛火
於餓鬼中受斯苦 此處豈能聞正法
更于恒懷怖害心 常欲展轉相食取
於傍生中受斯苦 此處豈能聞正法
若在天中有頂處 由先福力生於彼
長壽覺慧不分明 此處豈能聞正法
生在邊方鄙惡處 耳不曾聞說法聲
無識恒居葦茨草 此處豈能聞正法
由彼先身造惡業 聾盲瘡癰敗諸根
癡鈍即是人身牛 此人豈能聞正法
若人不信於三寶 說無因果無尊親

如是邪見壞其心 此人豈能聞正法
諸佛大師不出現 亦無妙法流世間
若人生居閻世中 此時豈能聞正法
若人生於有暇處 八種無暇過皆除
猶如病者遇良醫 應可至心聞正法
汝已獲人身 復得聞正法 不得聖果者
多生無暇中 我說八無暇 是衆生難處
得住有暇者 斯人世希有 汝已獲人身
復得聞正法 愛護自身者 當除煩惱慢
若有聞正法 不能如說行 輪迴八難中
俗受諸辛苦 已捨無暇處 常求聞正法
於生老死中 不久當出離 若已獲人身
聞法行放逸 後當生惱悔 如商人失財
若人聞我說 識暇及無暇 是故應勤心
正修於梵行 我說明眼人 善護於諸惡
正念能防守 不隨諸有漏 一切隨眠斷
降伏大魔怨 永超生死流 得昇於彼岸
今時世尊說是經已時 諸苾芻人天
大衆聞佛所說 歡喜頂戴信受奉行
佛說八無暇有暇經

癸卯歲高麗國大藏都監奉
勅彫造

佛說經持病經

竟

大唐三藏義淨奉制譯

如是我聞一時薄伽梵在王舍大城
竹林園中與大比丘眾五百人俱時
有眾多比丘身患痔病形體羸瘦痛
苦繫纏於日夜中極受憂惱時具壽
阿難隨見是事已詣世尊所頂礼雙
足在一面立白言世尊今王舍城多
有比丘身患痔病形體羸瘦痛苦繫
纏於日夜中極受憂惱世尊此諸痔
病云何救療佛告阿難隨汝可聽此
療痔病經讀誦受持繫心勿忘亦於
他人廣為宣說此諸痔病悉得除滅
所謂風痔熱痔瘡痔三合痔血痔膿
中痔鼻內痔齒痔舌痔眼痔耳痔頂
痔手足痔脊背痔尿痔遍身之痔不
生諸痔如是痔瘡悉皆乾燥隨落淨
滅畢竟無疑皆應誦持如是神呪即
說呪曰

恒煙他 揭糲米 室利 室利 魔

揭室至三磨訖都沙訶

此呪 并讚云

恒燈他 頰師帝 藍謠 室利智 室里
室里 磨羯失 三婆跋 沙訶

阿難隨於此北方有大雲山王中有
大沙羅樹名曰勝勝有三種華一者
初生二者圓滿三者乾枯猶如彼華
乾燥落時我諸疾病亦復如是勿復
血出亦勿膿流永除苦痛悉皆乾燥
又復若常誦此經者得宿住智能憶
過去十生之事呪法成就沙訶又說
呪曰

恒姪他三米 占米捨占米 占沒你
捨占泥 沙訶

佛說是經已時具壽阿難及諸大衆
皆大歡喜信受奉行

佛說療痔病經

癸卯歲高麗國大將軍監奉
勅詔造

佛說略教誡經

竟

大唐三藏藏淨奉制譯

如是我聞一時佛在室羅伐城逝多林給孤獨園與無量苾芻眾俱舍時佛告諸苾芻汝等當知於我法中有少欲知足活命之事謂我弟子剃髮染衣持鉢巡家乞食自濟世間愚人之所輕慢若有淨信善男子離俗出家修行此事不為王難所逼迫故不為賊怖負債驚恐不存活故但為發心於生老病死憂悲苦惱生厭離故欲斷苦蘊煩惱纏縛盡其邊際求解脫故汝等豈非為此事故而求出家時諸苾芻白佛言世尊如是如是為解脫故而求出家汝等苾芻如有一類罪惡苾芻雖復出家性多貪染於五欲境深生戀著或起瞋恚生惡尋思心恒放逸不勤策勵常多妄念不習定門攀緣諸境樂下劣事不希勝行終無所獲此之惡人猶如何等汝諸苾芻聽說譬喻如野田中焚死屍木兩頭俱燒中間穢污此木不堪聚

落中人及野田人之所受用我今以此
喻彼一類出家懈怠愚癡之人棄捨
俗間諸快樂事以門義利復不修習
恆生三種不善思惟所謂思惟五欲
思惟瞋害思惟欺誑此之三種不善思
惟因何而起當知皆以無明為因而
得生起身壞命終墮三惡趣是故汝
等應勤修習除斷無明我是大師汝
是弟子於我教中要略之事今為汝
說由大悲故由哀愍故為利益故為
勝樂故如我所說汝等應修若在山
林蘭若樹下或露地汝可善思不應
放逸勿於後時心生悔恨如說修行
當得解脫奈時世尊說是語已諸苾
芻眾歡喜奉行

佛說略教誡經

癸卯歲高麗國大藏都監奉

勅彫造

佛說譬喻經

竟

大唐三藏法師義淨譯

如是我聞一時薄伽梵在室羅伐城
逝多林給孤獨園今時世尊於大眾中
告勝光王曰大王我今為王略說譬喻
諸有生老死味著過患王今諦聽善思
念之乃往過去於無量劫時有一人
遊於曠野為惡為所逐怖走無依見
一空井傍有樹根即尋根下潛身井
中有黑白二鼠一齧樹根於井四邊有
四毒蛇欲螫其人下有毒蛇心畏龍
蛇恐樹根斷樹根蟬塞五滴墮口樹
搖蟬散下螫斯人野火復來燒然此
樹王曰是人云何受無量苦貪彼少
味今時世尊告言大王曠野者喻於
無明長夜曠遠言彼人者喻於異生
為喻無常井喻生死險岸樹根喻
命黑白二鼠以喻晝夜齧樹根者喻
念念滅其四毒蛇喻於四大毒蛇喻王
欲蟬喻邪思火喻老病毒龍喻死是
故大王當知生老病死甚可怖畏常
應思念勿被五欲之所吞迫今時世

尊重說頌曰

譬喻經

第二張竟

三

曠野無明路 人走喻凡夫 大為比無常
井喻生死岸 樹根喻於命 二鬼晝夜同
劫斷根念念集 四蛇同四大 毒滴喻五欲
蜂螫比邪思 火同於老病 毒龍方死苦
智者觀斯事 為可厭生津 五欲心無著
方名解脫人 鎮處無明海 常為死王驅
寧知應聲色 不樂離凡夫
小時勝光大王聞佛為說生死過患
得未曾有深生厭離 合掌恭敬一心
瞻仰白佛言世尊如來大慈為說如
是微妙法義我今頂戴佛言善哉善
哉大王當如說行勿為放逸時勝光
王及諸大眾皆悉歡喜信受奉行
佛說譬喻經

癸卯歲高麗國大藏都監奉
勅彫造

長爪梵志請問經

竟

大唐三藏法師義淨

奉 制譯

如是我聞一時薄伽梵在王舍城鷲
峯山中與大苾芻衆千二百五十人
俱并餘苾芻苾芻足近事男近事女國
王大目沙門婆羅門外道之類天龍
藥叉人非人等瞻仰而住

尔時世尊為說自證微妙之法所謂
初中後善文義巧妙純一圓滿清淨
鮮白梵行之相

尔時有一長爪梵志來詣佛所策杖
而立問言高荅摩汝曾實作如是宣
說世由自業業為能授業為生處業
為親族業為所依耶

佛告婆羅門我作是說世由自業業
為能授業為生處業為親族業為所
依婆羅門曰若如是者沙門高荅摩
先作何業令汝獲得金剛不壞堅固
之身佛告婆羅門我於前生遠離殺
害有情命根由彼業力今獲斯果
沙門高荅摩先作何業令汝獲得手
指纖長網縵為相佛告婆羅門我於

前生遠離偷盜他人財物由彼業力
今獲斯果

沙門高答摩先作何業今汝獲得具
足色力諸根圓滿佛告婆羅門我於
前生遠離女人欲染之事由彼業力
今獲斯果

沙門高答摩先作何業今汝獲得出
廣長舌自覆其面佛告婆羅門我於
前生遠離妄語誑誑於人由彼業力
今獲斯果

沙門高答摩先作何業今汝獲得威
儀庠序如師子行佛告婆羅門我於
前生遠離諸酒放逸之處由彼業力
今獲斯果

沙門高答摩先作何業今汝獲得微
妙相好莊嚴其身佛告婆羅門我於
前生遠離歌舞倡詠之事由彼業力
今獲斯果

沙門高答摩先作何業今汝獲得上
妙香氣芬馥其身佛告婆羅門我於
前生遠離香花瓔珞莊飾由彼業力
今獲斯果

沙門高答摩先作何業今汝獲得受

用金剛勝妙之座佛告婆羅門我於前生遠離高牀大牀驕恣之物由彼業力今獲斯果

沙門高荅摩先作何業令汝獲得四十牙齒鮮白齊平佛告婆羅門我於前生遠離非時飲噉諸食由彼業力今獲斯果

沙門高荅摩先作何業令汝獲得頂上肉髻圓滿姤好佛告婆羅門我於前生於三寶二師沙門婆羅門父母尊長應恭敬處五輪著地以無傷心虔誠致禮由彼業力今獲斯果

時婆羅門見佛為說因果不虛自言高荅摩此名何福云何受持佛言此名八支淨戒若能一日一夜或復長時從師受持獲果如是

尔時長爪梵志既於佛所聞說八支日夜淨戒白先遠離鄙惡業故便能獲得勝妙莊嚴深心信受歡喜踴躍即於佛前捨高慢心投杖于地合掌恭敬礼佛雙足白言世尊我今始知善惡之業感報不虛我從今日乃至盡形歸依佛隨兩足中尊乃三盡形

歸依達磨離欲中尊乃至盡形歸依
僧伽諸衆中尊我受八支近住淨戒
始從今時乃至明旦日出已來於其
中間

不言一切命 不盜他財物 不婬不妄語
飲酒放逸處 花莊及歌舞 高大非時食
我今悉遠離 受持淨八支

第二第三亦如是說

佛告婆羅門善哉善哉如是應作如
是應持今時世尊說是法已時婆
羅門及苾芻衆諸人天等皆大歡喜
信受奉行

長爪梵志請問經

癸卯歲高麗國大藏都監奉
勅彫造

佛說無常經

亦名三啓經

竟

大唐三藏法師義淨奉

制譯

稽首歸依無上士 常起弘揚大悲心
為濟有情生死流 今得涅槃安隱處
大捨防非忍無倦 一心方便正慧力
自利利他悉圓滿 故号調御天人師
稽首歸依妙法藏 三四二五理圓明
七八能開四諦門 修者咸到無為岸
法雲法雨潤羣生 能除熱惱蠲衆病
難化之徒使調順 隨機引導非強力
稽首歸依真聖衆 八輩上人能離染
金剛智杵破邪山 永斷無始相纏縛
始從無死至雙林 隨佛一代而真教
各稱本緣行化已 灰身滅智寂無生
稽首慈敬三寶尊 是謂正因能普濟
生死迷愚鎮沉溺 咸令出離至菩提
生者皆歸死 容顏盡變衰 強力病所侵
無能免斯者 假使妙高山 劫盡皆壞散
大海深無底 亦復皆枯竭 大地及日月
時至皆歸盡 未曾有一事 不被無常吞
上至非想處 下至轉輪王 七寶鎮隨身
千子常圍遶 如其壽命盡 湏臾不暫停

還漂死海中 隨緣受衆苦 循環三界內
猶如汲井輪 亦如磨作鹽 吐然還自纏
無上諸世尊 獨覺聲聞衆 尚捨無常身
何況於凡夫 父母及妻子 兄弟并眷屬
目觀生死隔 云何不愁歎 是故勸諸人
諦聽真實法 共捨無常慮 當行不死門
佛法如甘露 除熱得清涼 一心應善聽
能滅諸煩惱

如是我聞一時薄伽梵在室羅伐城
逝多林給孤獨園 今時佛告諸苾芻
有三種法於諸世間是不可愛是不
光澤是不可念是不離意何者為三
謂老病死汝諸苾芻此老病死於諸
世間實不可愛實不光澤實不可念
實不稱意若老病死世間無者如來
應正等覺不出於世為諸衆生說所
證法及調伏事是故應知此老病死
於諸世間是不可愛是不光澤是不
可念是不稱意由此三事如來應正等
覺出現於世為諸衆生說所證法及
調伏事今時世尊重說頌曰
外事莊彩威歸壞 內身衰變亦同然
唯有勝法不滅亡 諸有智人應善察

此老病死皆共嫌 形儀醜惡極可厭
少年容貌整足時住 不久咸悉見枯羸
假使壽命滿百年 終歸不免無常逼
老病死苦常隨逐 恒與衆生作無利
今時世尊說是經已 諸苾芻衆天龍
藥叉捷闍婆阿菴羅等皆大歡喜信
受奉行

常求諸欲境 不行於善事 云何保形命
不見死來侵 命根氣欲盡 支節悉分離
衆苦與死俱 此時徒歎恨 兩目俱翻上
死刁隨業下 意想並悼惶 無能相救濟
長喘連胃急 短氣喉中乾 死王催伺命
親屬徒相守 諸識皆昏昧 行入險城中
親知咸棄捨 任彼繩牽去 將至琰魔王
隨業而受報 勝因生善道 惡業墮泥犁
明眼無過慧 黑闇不過癡 病不越怨家
大怖无過死 有生皆必死 造罪苦切身
當勤策三業 恒修於福智 眷屬皆捨去
財貨任他將 但持自善根 險道充糧食
譬如路傍樹 斃息非久停 車馬及妻兒
不久皆如是 譬如群宿鳥 夜聚旦隨飛
死去別親知 乖離亦如是 唯有佛菩提
是真歸伏處 依經我略說 智者善應思

天阿羅漢羅漢等 來聽法者應至心
擁護佛法使長存 各各勤行世尊教
諸有聽徒來至此 或在地上或居空
常於人世起慈心 晝夜自身依法住
願諸世界常安隱 無邊福智益群生
所有罪業並消除 遠離衆苦歸圓寂
恒用戒香塗瑩體 常持定服以資身
菩提妙華遍莊嚴 隨所住處常安樂
佛說無常經

癸卯歲高麗國大藏都監奉

勅彫造

佛說受新歲經

三見

西晉月氏國三藏竺法護譯

聞如是一時佛在舍衛國東苑鹿母園中與大比丘衆五百人俱是時世尊七月十五日於露地敷坐比丘僧前後圍繞佛告阿難曰汝今於露地速擊捷耜所以然者今七月十五日受新歲之日是時尊者阿難右膝著地長跪叉手便說此偈

淨眼無與等 無事而不練 智慧無染著 何等名受歲

尔時世尊復說此偈報阿難曰

受歲三業淨 身口意所作 兩兩比丘對 自陳所作短 還自稱名字 今日衆受歲 我亦淨意受 唯願原其過

尔時阿難復以此偈問其儀曰

過去恒沙佛 辟支及聲聞 盡是諸佛法 獨是釋迦文

尔時世尊復更以偈報阿難曰

恒沙過去佛 弟子清淨心 皆是諸佛法 非今釋迦文 辟支無此法 無歲無弟子 獨遊無伴侶 不與他說法 當來佛世尊

恒沙不可計 彼亦受此歲 如今瞿曇法
是時尊者阿難聞此語已歡喜踊躍
不能自勝即昇講堂手執捷趺並作
是說我今擊此如來信鼓諸有如來
弟子衆者盡當普集今時阿難復說
此偈

降伏魔力怨 除結無有餘 露地擊捷趺
比丘聞當集 諸欲聞法人 度流生死海
聞此妙響音 盡當速集此

今時尊者阿難已擊捷趺至世尊所
頭面礼足在一面住白世尊言今正
是時唯願世尊何所勅使是時世尊
告阿難曰汝隨次第坐如來自當知
時是時世尊坐于草坐告諸比丘汝
等盡當坐于草坐諸比丘對曰如是
世尊時諸比丘各坐草坐是時世尊
默然觀諸比丘已便勅諸比丘我今
欲受新歲我無過多於衆人乎又不
犯身口意耶如來說此語已諸比丘
默然不對如來是時復三告諸比丘
我今欲受新歲然我無過於衆人乎
是時尊者舍利弗即從坐起長跪叉
手白世尊言諸比丘衆觀察如來無

身口意過所以然者世尊今日不度者度不脫者脫不涅槃者令得涅槃無殺護者為作殺護為盲者作眼目為病者作醫王三界獨尊無能及者寂尊寂上未起道意者令發道意衆人未悟尊令悟之未聞法者使令聞之為迷者作徑路導以正法以此事緣如來無各於衆人也亦無身口意過是時舍利弗白世尊言我今亦向如來自陳然無過各於如來及比丘僧乎世尊告曰汝今舍利弗都無身口意所作非行所以然者汝今智慧無能及者種種智慧無量智慧無邊之智無與等智疾智捷智甚深之智平等之智少欲知足樂之處多諸方便念不錯亂摠持三昧根原具足戒成就三昧成就智慧成就解脫成就解脫知見成就勇悍能忍所說知惡之為非法心性序序不行平暴猶如轉輪聖王寂大太子當紹王位轉於寶輪舍利弗亦復如是轉於無上清淨法輪諸天世人及龍鬼神魔若魔天本所不轉汝今所說常如法議未曾

違理

是時舍利弗白佛言此五百比丘盡當受歲此五百人盡無過吝於如來乎世尊告曰我亦不責此五百比丘身口意行所以然者此舍利弗大眾之中極為清淨無諸瑕穢今此眾中寂小下座得須陀洹道必當上及不退轉法以是之故我不怨責此眾

尔時朋耆耆在此眾中即從坐起前至世尊所頭面礼足白世尊言我今堪任欲有所論世尊告曰欲有所說今正是時朋耆耆即於佛前歎佛及比丘僧而說此偈

十五清淨日 五百比丘集 諸縛結悉解 無愛更不生 轉輪大聖王 群臣所圍繞 普遍諸世界 天上及世間 大將人眾導 為人作導師 弟子樂侍從 三達六通徹 皆是真佛子 無有塵垢者 能斷欲愛刺 今日自歸命

尔時世尊可朋耆耆所說是時朋耆耆作是念如來今日可我所說歡喜踊躍不能自勝即從坐起礼佛却退還就本位尔時世尊告諸比丘我聲

聞中第一造偈弟子所謂朋耆耆比丘是所說無疑難亦是明耆耆比丘是也今時諸比丘聞佛所說歡喜奉行

佛說受新歲經

按此受新歲經竺法護譯者國本宋本皆編於容函中丹藏則容函中有名受歲經者而與此經大別今依開元錄檢之則丹藏之經正是容函受文異義同似是同本異譯耳則開元錄中以新歲經為單譯者厥義未詳今且欲類聚以待賢哲故以此經移編于竟函焉

癸卯歲高麗國大藏都監奉
勅周造

佛說新歲經

竟

東晉天竺三藏曇無蘭譯

閼如是一時佛在舍衛國祇樹給孤獨園與大比丘衆八萬四千人俱舍利弗目連等前後圍遶聽佛說經佛處大會猶如須弥衆山之王獨峻高顯如月盛滿照于群星威光雅景如紫金耀於是場地皆作金色卓然特異巍巍無侶於時世尊與比丘衆俱清淨無量如日如雲終竟三月以至新歲詣比丘衆寂然憺怕一心自思念於道定無有異想於是賢者阿難即從座起偏袒右臂右膝著地長跪叉手前自歸佛足以偈歎曰

佛尊所以來遊此以濟護三月處於斯祇樹孤獨園所願以具足今正是其時導師無等倫應宣布新歲

於時世尊聞阿難說偈歎誦至真寂坐一面告賢者大目犍連汝往詣三千大千世界幽閑山谷峻頂石室處遍聲告諸比丘衆始進舊學遠諸未悟悉使來會於斯祇樹所以者何如

來以到欲立新歲時大目犍連踊在虛
空承佛聖旨而發洪音告于三千大
千世界其大響中自然演偈而說頌曰
仁等所以處 林藪山石間 新歲時已到
心所願當成

時諸比丘所在遊居三千大千世界
聞斯偈告各各以神足若干方便變現
其身到祇樹園行詣佛所受立新歲并
在佛邊合集弟子各從異方他土來
者一時都會凡八十萬四千億姦欲
受新歲彼時世尊告賢者阿難汝往
擊于捷趺時今已到阿難受教即從
座起而過捷趺聲遍佛土一佛大國
地獄餓鬼畜生聞捷趺音承佛威神
一切諸病苦毒悉除皆得安隱於時
世尊以淨梵音告諸比丘汝等宜起
行舍羅籌各各相對悔過自責相謝
衆失所犯非法各忍和同淨身口心
今無餘穢時諸比丘即受佛教各從
坐起在世尊前各各相謝懺悔所失
託還復坐在其本位
佛時見衆各還位坐佛垂慈照因從
座起而自叉手向諸比丘言諸比丘衆

當和心相向向汝悔過所以者何我身口意儻相違失雖無上尊如來至真無有誤失闕漏之業心不放逸不失智慧無所貪慕不毀禁戒於諸聲聞緣覺中尊德超諸天世間人民三界最長而無等侶入諸比丘若種姓出家學道修沙門法心性各異志操不同在斯佛業當可施行宜奉訓誨不得違犯所以者何若有比丘處於聖衆建立新歲身行各異心念不同而懷諛諂計彼此互不受真正不應具戒所以者何身口意淨乃善真正受佛具戒心抱恭恪順上中下不為慢恣慙愧下意乃應法戒所以者何如是行者無有怨憎不為結恨觀古今法無有憤亂建立新歲亦無瞋恚勾大之心所以者何戒禁清淨造立新歲建立眾大衆不清淨非佛弟子猶如死人屍形在地棄捐塚間天上世間諸天人民各賣良藥神呪好術慙念瘡之不能使活如是比丘毀犯禁戒正使入衆若干新歲不能自救違成新歲所以者何是人毀戒會

歸自然因還獲報地獄餓鬼畜生苦
毒酸楚無量汝勤慎之佛說是法已
即從座起離于草蓐尋時三千大千
世界六反震動筵篲伎樂不鼓自鳴
天於虛空雨衆名香而散雜花佛說
是戒法品時告比丘衆時諸比丘各
在本坐以佛聖旨威神之誨功勳光
明皆以普周各自起立心不復樂在
於常坐山巖樹下唯是為欲各從
座起稽首佛足口自白言一切諸法
皆從佛受聖則道本為一切護慈愍
之目軍尊殊特聖德無上超絕無侶
巍巍堂堂宣布道化於時如來遷延
尊位懺謝聖衆矜愍天下還就草蓐
佛適復坐聖衆亦然各就故位復坐
如法

今時世尊見歲時到愍念諸會在此
丘前三自今竟所立畢訖五比丘從
座起建立新歲適立新歲一萬比丘
得成道跡八千比丘得阿羅漢虛空
諸天八萬四千咸見開化皆發無上
正真道意講說經法不可計數衆生
之類建立三乘今佛慈哀枉屈至尊

處在衆座度脫危厄十方蒙濟於時
難頭和難龍王各捨本居皆持澤香
栴檀雜香往詣佛所至新歲場歸命
於佛及與聖衆稽首足下以栴檀雜
香供養佛及比丘僧便以斯偈而歎
頌曰

其在於山巖 坐於陰樹下 若遊於大海
而懷飢餓恨 來坐之新歲 億載衆生集
供養志奉佛 得成甘露門

於時海龍王賣赤真珠化作上妙交
露閣帳廣長四百里紫紺瑠璃而共
合成手執擎持行虛空中出龍宮上
從交露閣八味水池流清灑地供養
如來及比丘衆以交露閣貢上大聖
及比丘僧以珠瓔珞散佛聖衆即說
偈言

清淨如虛空等一自然無禁戒家清淨
踰瑜妙明珠 無央數衆輩坐在於大會
志供養安住 及諸聲聞衆

尔時十方諸菩薩天龍神王各從十
方面而來合會化作若干奇妙供具
供養世尊及比丘衆稽首歸命諮受
經典各復如是等無有異咸來稽首

皆發無上正真道思於是天人各各發心供養世尊及諸聖衆以偈歎曰其心以清淨第一無思議聖衆最尊長在於會中坐去離一切想善除衆垢穢今日奉供養所敬不可議開化常衆難一切諸塵勞其戒禁清淨猶寶明月珠常心思惟正斷衆結瞋恨今日離垢尊合會立新歲誨心難調化遵行猶太山消礙常行法佛安立新歲時諸天人說是偈已稽首佛足忽然不現各歸本宮而各欣悅以法自娛於時世尊顯大陰涼衆衆寶交露以奉聖衆便說此偈

其戒最清淨所行甚難逮今日以樂施覆遍立新歲貢上安住子護戒甚清淨如鷦愛其毛佛威護新歲

佛告諸比丘今佛世尊雖新歲一年一會修行法則清淨道護嚴身口意三事無穢奉行十善四等六度蠲除六情三毒五蓋十二羣逆淨如日出照於天下明暉照耀衆冥消索八千道明無上正真一切和同苦樂無二乃應道法佛於是即說頌曰

諸佛興出快說經法亦快聖眾和同快
和常得安樂

佛說如是諸比丘眾諸天龍鬼神阿
須倫世間人民聞佛所說莫不歡喜
作禮而去

最尊行為在舍衛為眾弟子說如是
一切為在祇樹會今鉢和蘭造為常
舍利弗叉手白佛願聞等見鉢和蘭
三界有名誠說時比丘自淨法云何
舍利弗羅我布草為於樹下降魔力

若曹布草亦如是今汝所生當自淨

如應賢者坐是為無所畏已坐樂無欲
在三界安隱夏行今已竟為是佛弟子

當各自分別悲傷在世間今是歲大月

為覺第一智能自捨身行見斷若干苦

為說諸罪惱覺知無數苦是已得道迹

今為鉢和蘭貪欲瞋恚薄亦能除本癢

為能斷生死亦不惱想想自致得天上

亦來生人間是已得二道今為鉢和蘭

已致得天上亦不得下生為在所生天

諸愛為已滅世間第一法尊行為已得

是已得二道今為鉢和蘭一切諸惡惱

為盡得解脫已得四甘露是為無所畏

諸真為已壞所向一切苦是二四寂道

今為鉢和蘭

一月已竟即得一智

二月已到便得二智

一時三月便得三智

曾樂三智今為鉢和蘭

已拔四塘無有餘者

已度岸住為得安穩

已竟四月為無所者

已成功德今為鉢和蘭

能伏龍頭雞頭和羅

須弥山動亦并海水

所致天處皆為其動

目捷連輩今為鉢和蘭

自處見取賢者

為諸處已盡

為世間祐者

佛自說是語

常獨行樹間

為譬喻如群

為眾時支佛

今為鉢和蘭

三處不復著

眾為意清淨

三神為已定

為已離憍慢

在三界無欲

亦不動靜意

安靜如須弥

今為鉢和蘭

已行在右四

四道為已定

佛說是賢者

眾為眾增德

所祠施眾安

終無有能敗

佛得眾聚慧

今為鉢和蘭

持戒為已具

眾力不能動

法食衣被服

常樂在山間

是為已堅行

具足無瑕穢

清淨行者地

今為鉢和蘭

持戒斷諸惡

眾又手受法

為一切所向

眾魔皆為伏

諸天常善人

稱譽戒具足

不復觀眾魔

今為鉢和蘭

佛說新歲經

癸卯歲高麗國大藏都監奉

勅彫造

比丘聽施經

竟

東晉天竺三藏曇無蘭譯

聞如是一時佛在舍衛國祇樹給孤獨園時有一比丘到講堂諸比丘所言諸賢者今我不可經法大著睡眠不樂道行疑諸經法座中有一比丘即行白佛有一比丘字聽施來到講堂謂諸比丘言今我不可經法大著睡眠不樂道行疑諸經法佛便報言是比丘棄不守諸根門不少食不上夜後夜警覺順行不觀諸善法如是當都可經法離睡眠樂道行不疑諸經法聽施終不從此得是

佛言比丘以不守諸根門不少食不上夜後夜警覺順行不觀諸善法彼當都可經法離睡眠樂道行不疑諸經法終不從此得是若比丘守諸根門少食上夜後夜警覺順行觀諸善法便可經法離睡眠樂道行不疑諸經法從是可得此

佛告比丘便呼聽施來比丘便起頭面礼佛足往呼聽施聽施即至佛所頭

面礼佛足已就座佛便言聽施汝所欲便說之聽施言今身不可經法大著睡眠不樂道行疑諸經法佛語聽施我欲問若事隨若所以知事說之佛言若寧知貪色不離欲不離戀慕不離慷慨不離愛不離以彼色別離時便生他變憂愁悲哀痛亂意殭殭有是無聽施言如是若干從彼有佛言善哉善哉賢者如是應聽施佛言如彼不離若寧知痛痒思想作行識若人貪識不離欲不離戀慕不離慷慨不離愛不離以彼識別離時便生他變憂愁悲哀痛亂意殭殭有是不聽施言彼有是佛言善哉善哉賢者如是應聽施

佛言如彼不離若寧知離貪色離欲離戀慕離慷慨離愛以彼色別離時不生他變憂愁悲哀痛亂意殭殭彼有是無有聽施言彼有是佛言善哉善哉賢者如是應聽施

佛言如彼離痛痒思想生死行識若不貪識无有欲無戀慕无有慷慨无有愛以彼識別離時不生他變憂愁

悲哀痛乱意殞殞寧彼有是無有
聽施言彼有是佛言善哉善哉如
是應聽施

佛便告聽施我欲為若說經法上亦
善中亦善至竟亦善具為若現道
行至竟但諸善善好當聽之持者意
中聽施言唯諾

佛言曾有二人俱出在道其一人曉
道徑其一人不曉道徑不曉道徑者
便往問曉道徑者言我欲至某聚鄉
郡縣國願語我道所由曉道徑者便
言汝從是道直右行前當有兩道捨
左道上右道直右行須臾前當見溪
谷溪谷上亦當復有兩道捨左道上
右道直右行須臾當見叢樹叢樹上
亦當復有兩道捨左道上右道直右
行須臾稍稍便得若所欲至聚鄉郡
縣國

佛言我上頭所譬喻說當知是一切
所說亦當諦觀此所說上頭所說不
曉道徑者謂世間邪道亦復謂諸所
受邪者所說上頭曉道徑者謂如來
不著正覺亦復謂諸所受正覺者所

說左道者謂諸惡人三惡念一者欲
念二者亂念三者賊害念亦復謂邪
見邪念邪說邪意邪行邪方便邪志
邪定亦說右道者謂三善念一者出
家念二者不亂念三者不賊害念亦
復謂正見正念正說正意正行正方
便正志正定所謂兩道者謂人所疑
所說溪谷者謂瞋恚所說叢樹者謂
五樂一者眼樂色愛欲可以好色貪
著二者耳樂聲三者鼻樂香四者舌
樂味五者身樂細軟愛欲可以好色
貪著者所說聚鄉郡縣國者謂无為德
佛告聽施是諸佛事我以悲心故說
是其欲度脫者我已慰傷之今彼是
苦事當以寂靜樹下空閑一處一心
體行若山澤寂間當以果蔬為食比
丘莫貪欲於世間居後悔之是諸佛
名亦諸佛教今佛已說是賢者聽施
便歡喜思惟佛所說

比丘聽施經

癸卯歲高麗國大藏都監奉
奉問造

西晉月氏國三藏竺法護譯

聞如是一時佛在舍衛國祇樹給孤
獨園是時佛告諸比丘是身有肌膚
髓血肉含滿屎溺自視身見何等好
常有九孔惡病常不淨常流可足慙
常與冤家合為至老死亦與病俱何
以不惡身會當墮會當敗以棄屍地
中不復用為狐狼所敗何以見是不
慚誰說貪姪如佛言少可多罪自心
觀是如屠斫屠机為骨聚如燃熾火
如毒藥痛為旋癡人喜為喜不自知
何以不畏羅網貪姪為癡財錢穀金
銀牛馬奴婢人為命故求命在呼吸
本命亦自少極壽百餘歲亦苦合會
觀是誰為可者如時過去便命稍少
命曰俱盡如疾河水如日月盡命疾
是過去人命去不復還如是為不可
得人死時命去設使若干財索天下
奇物亦一切有死時對來亦不樂亦
不可厭亦不可樂亦不可自樂无餘
但可自作善所自作善所應自然若

以知會當死當有何等樂人可墮貪
姪設使久壽設使亡去會當死何以
意愛俱樂何以故不念自靜極意受
悅兒已死啼哭不過十日過十日
已後便稍忘之愛兒婦亦介為家室
親屬知識亦介以勤苦治生致財物
自愛身命綺好人死時皆棄所有身
僵在地下入於土但為陰去生隨行
受形人譬如樹果實已見如是為有
人意墮有中天下一切果物一人得
不自足若得一分當都得自歆無有
數三十五樂自樂遍之當為有何等
益人已逢苦索受罪人意為是所好
謂有所益不欲受靜索為毒虺自身
如少多亦介如多少亦介如病為大
小亦苦譬如骨無有肉狗得齧之不
歆如是欲狗習是亦難得已得當多
畏之是習所不久人亦墮惡如人見
夢已寤不復得貪姪亦如是劇夢如夢
為有樂如黑甕如鈎餌肉如樹果實
實少味多亡為增結為惡作本道家
常不用是人在天上舍樂亦天上色
樹亦在端正好花園亦得天上玉女

已得天人不獸天上五樂今當那得
獸天下樂耶為取二百日骨骨百二
十段為筋纏為九孔常漏為六十三
種為百病極為肉血和為生革肌為
中寒熱風為屎溺為千虫皆從身起
中亦有千孔亦有劇為親已壞他為
從是不淨出從鼻中涕出從口涎唾
出從腋下汗流出從下孔處屎溺出如
是皆從身出劇冠開死人誠可惡劇
舍後可惡處身所有不淨如是為不
淨種為從是本來如金塗餘物為衣
故香粉脂澤赤紫紺黛為癡人見是
為是意亂如畫瓶赤如坑覆草人所
抱愛後會悔比丘聞經跪拜受道教
如是

身觀經

癸卯歲高麗國大藏都監奉
勅彫造

佛說鬼子母經

竟

失譯人今附西晉錄

佛遊大兜國時國中有一母人多子
性極惡常喜行盜人子煞敗之亡子
家亦不知何誰取者行街里啼哭人
已還共議如是非一日阿難及衆沙
門出行輒見啼哭人已還共議傷哀
亡子家佛即知衆沙門議佛到衆沙
門所佛問衆沙門向者何等議衆沙
門阿難白佛言向者出行分衛見街
里有啼哭人衆多即問啼哭人汝何
為啼哭報言生亡我子不知尸死處
所如是啼哭者非一家皆亡子佛便
為阿難衆沙門說是國中盜人子者
非凡人故現鬼子母今生作人喜行
盜人子是母有千子五百子在天上
五百子在世間千子皆為鬼王一王
者徒數万鬼如是五百鬼王在天上
燒諸天五百鬼王在世間燒帝王人
民如是五百鬼王天亦無奈何阿難
白佛言鬼子母來在是國中今寧可
勅令不盜人子耶佛言大善可令不

復盜人子阿難問佛言當用何等方便使不復盜人子耶佛便語阿難到是母所居衆沙門共伺是母出已後悉斂取子來著精舍中述之衆沙門即往伺是母出行隨後斂取子得千數子述著精舍中是母便復行盜人子來入舍中不見其子便捨他人子不敢復然便行索其子遍舍中不知其子處便出行至街里遍城中不得復出城外索不得便入城行道啼哭如是十日母便狂被髮入市啼哭自搏撲仰天大呼為狂梁語亦不能復飲食佛遣沙門往視之見母問何為市中被髮啼哭母即報沙門言亡我子衆多故哭耳沙門言汝欲得汝子不母報言我欲得之沙門言汝審欲得者是間有佛可往問佛佛者知當來已去之事汝往則可得汝子母聞是語則歡喜意解便隨沙門去到佛所歡喜前為佛作礼佛即問母何為市中啼哭母報佛言亡我子故佛問母汝捨汝子至何所而亡汝子母即默然不言佛復問母汝捨子至何所

而反默然無語母知盜人子為惡母
即起為佛作礼頭面著地我愚癡故
佛復問汝有子愛之不母言我有子
坐起常欲著我傍佛復問汝有子知
愛之何故日行盜他人子他人有子
亦如汝愛之亡子家亦行道啼哭如
汝汝反盜人子煞敗之死後當入太
山地獄中母聞是語便恐怖佛復問
汝寧欲得汝子不母即起復持頭面
著地願哀我佛便語母言汝子若在
汝寧能自悔不若能自悔當還汝子
母言我能自悔佛言汝能自悔當作
何等自悔母言我聽佛教誡當隨佛
語自悔佛還我子我不敢遠離佛所
語佛言密如汝語不母言我審知佛
語佛便授以五戒第一不煞生第二
不盜三不煙四不兩舌五不飲酒報
能念還其子佛便為說汝有千子皆
為說千子名字五百子在天上皆是
鬼中王將鬼官屬嫉害燒天民五百
子在世間燒諸人民汝子作鬼王將
數万鬼如是五百子將鬼官屬一不
可轉數極嫉害惡或自稱作樹木神

者或作地神者或作水神者或詐為人兄弟妻子自然枉家室內外者或作海神者或作船車神者或作舍宅神者或自稱夜在冥中神者或使人夢寤者或使人恐怖為人作怪者或自稱星死者自稱病死者如是耗亂人適不在一處極嫉害惡如是矯稱令人祠祀烹熬人不知多為烹熬飲食是鬼是鬼亦不肯食端嫉害欲使人犯煞欲使人入地獄中要不食之人見人祠祀喜如是鬼亦不能護活人命但益罪惡癡人不知坐鬼貧窮是子母聞佛說是語即一心自悔即得須臾洎道知方來去事長跪白佛言我愚癡不知世世有惡乃今我得持戒思惟中正之道我心皆徹視還見我千子今我乃知佛所至至語成願佛哀我我欲止佛精舍傍我欲呼千子王我欲使與佛結要我欲樂復天上天下人恩佛言善哉如汝有是意大善佛言汝從是已去當稱是語便止佛精舍邊其國中人民無子者來求子當與之子自在所願我嘗

勅子姓與使隨護人不得復妄燒之
欲從鬼子母求願者名浮陀摩左鉢
娑名多匿天上天下鬼屬是摩左鉢
主四海內船車治生有財產皆屬摩
左鉢摩左鉢與佛結要受戒主護人
財物多匿主人若有產生當救之有
天王名毗沙門主四天地護人命出
入常從毗沙門求願有大鬼王名阿
湏倫主諸龍王諸毒氣人從求願令
毒不干人求願當慈心無所用謝亦
無所欺食人從求願者在人何求與
可要無所求索亦不責人人至浮陀
摩左鉢前為作礼
佛說鬼子母經

癸卯歲高麗國大藏都監奉
勅彫造

佛說頌多和多耆經

竟

失譯人今附西晉錄

聞如是一時佛在為耶國時有多樹
木處與衆比丘僧俱比丘有五百人
月十五日盛滿時夜半寂然安靜比
丘僧自相難問時栴檀調弗天人持天
形狀威神光耀來直前趣佛前以後
悉脫身上珍寶著一面但披一領衣
前以頭面著佛足礼畢問佛言諸可
過去佛正覺弟子有經經名頌多和
耆耆佛弟子今亦復說是頌多和多
耆經願佛為我說經當使弟子奉
持佛默然不應栴檀調弗瞽首而却
坐佛即為比丘僧說經言我為若說
頌多和多耆經皆聽著心中念之勿得忘
比丘言願佛說我皆當受經戒佛言布
施有八事何謂為八愚癡人布施但布
施不知其恩善所在既布施不達世間
无有常癡人持作常世間苦無極愚
人持作樂世間所有愚人言是我所
有可常得世間人皆顛倒不淨臭處
惡露愚人用作好不知作善得善作

愚得愚愚人施與人不知其人德深淺持善心施與得道者福不可量

佛告諸比丘何以知愚人不知布施有十因緣何等為十愚人布施不知為尊自用所與者得善愚人不至心施與人也愚人既施與人與時不敬重不自手與傳教人與施人不欲望其福不即得其福者自用忘其福愚人施與佛辟支佛阿羅漢不能自知其福大愚人施與不信佛辟支佛阿羅漢阿都舍斯陀舍須陀洹皆用為棄損元有後生愚人施與欲但得名字欲使人稱譽是為愚人布施佛說經已拊檀調弗及諸比丘皆歡喜前為佛作禮

佛說類多和多者經

癸卯歲高麗國大藏都監奉

勅彫造

普達王經

竟

失譯人今附西晉錄

聞如是一時衆祐遊於閬物國祇氏之樹給孤獨聚與千二百五十比丘俱時有夫延國王号名普達典領諸國四方貢獻王身奉佛尊法未嘗偏枉常有慈心愍傷愚民不知三尊每當齋戒輒登高觀燒香還頭面著地稽首為礼國中臣民佐王如此自共議言王處萬民之尊遠近敬伏發言人從有何請欲毀辱威儀頭面著地羣目數數共議欲諫不敢王勅臣下使嚴當行王即與吏民數千人始出宮未遠忽見一道人王便下車却盖住其群從頭面著地為道人作礼尋從而還施設飯食遂不成行羣目於是乃諫言大王至尊何宜於道路為此乞句道人頭面著地天下尊貴唯有頭面加為國主不與他同王便勅臣下今求死人頭及牛馬猪羊頭臣下即通行求索歷日乃得還白三言前被教求死人頭及六畜頭今悉

已得王言於市賣之。臣下即使人賣之。牛馬猪羊頭皆已集。但嘗有人頭未集。王言賤賣賣之。趣使其集。如其不集。便以句人如是。歷日賣。既不集。句人又無取者。頭皆腫脹臭處。不可近。王便大怒。語臣下言。卿曹前諫言人頭軍實不可毀辱。頭面著地。礼道人今使賣六畜頭。皆集。人頭何故句人無取者。王即勅臣下嚴駕。當出到城外曠澤中。有所問群臣。人民莫不振悚。未知王趣。王即導從出到城外。告群臣言。卿寧識吾先君時有小兒常執持蓋者不。臣下對曰。實識有之。王言。今此兒何所在。對曰。亡已久遠。乃歷十七年。王言。此兒為人善惡。何如。對言。臣等常觀其承事先王。齋戒恭肅。誠信自守。非法不言。王告諸臣。今若見此兒在時所著衣服。寧識之不。諸臣對曰。雖自久遠。臣故識之。王願使邊從急還。內咸覓取。前亡兒衣來。須臾衣至。王曰。此寧是不。臣下對曰。實是。其次三日。今僅見兒身為識之。不。臣下皆默然良久。對曰。臣自懼。蔽

間率觀不別王始欲說其本變前所見道人來到王大歡喜起頭面著地為道人作礼目下莫不歡喜道人就座王又手自言吾前事於道路見道人旋從而還並為臣民所見譏恠諫言人頭面軍為尊貴加為國君万姓之主四方歸向何所請欲為乞道人頭面作礼吾時勅令六畜頭及與人頭俱於市賣之六畜頭皆集有人頭無買者均人又不取而是曹所珍貴今故嚴出亦欲示其本去有幸之願道人屈威願為此國臣民開導愚癡今知真法導現橋梁道人即為目下說王本變欲知王者本是先王時執蓋小兒常隨先王齋戒一日奉行正法清淨守意不犯諸惡其後過世魂神還生為王作子今致尊貴皆由宿行齋戒所致目下大小莫不僉然曰吾等幸遇得觀道人願遂哀愍愚昧乞為弟子道人告諸臣民吾有大師嘗從受問諸臣報言願聞大師何所施行皆盡年命儻一親奉受其法言道人告言我師号曰佛身能飛行頂

有圓光分身散體變化萬端奇相三十二姿好八十章典領天地萬有一千獨步三界莫與齊倫門徒清潔号为沙門其所教授度脫不唐且下即登道人佛寧可得見不道人報言甚善當往啓尊且下問道人言佛今所在去是幾何道人報言乃六千餘里語言須臾頃道人便飛到舍衛國具以啓佛彼國人民甚可感傷今皆誠心願欲見佛唯垂大慈開示真道佛則默然呼告阿難勅諸比丘明日當到夫延闕阿難宣佛教還白佛言明日行儀式云何佛言臨至當現威神到時佛即與諸比丘俱未到數十里王及群臣皆隨道人持華香出城迎佛覩佛威靈喜懼交并五體投地稽首為禮迎佛上殿就座上前長跪叉手白佛言勞屈世尊并及眾僧遠來到此王及目下恐懼不辨佛知其意即語阿難尔告王莫憂不辨佛所至到豈有所乏王盡心供設手自斟酌飯食已行澡水呪願畢訖佛笑口中五色光出阿難正衣服為佛作礼白佛言佛不

妻笑將有所說佛言欲知普達王及道人本末不阿難言願聞其事佛言乃昔摩訶文佛時王為大姓家子其父供養三尊父命子傳香時有一侍使意中輕之不與其香罪福響應故獲其殃雖斲足為驢使奉法不忘今得為王典領人民當知是趣其所施設慎勿不平道人本是侍使時不得香雖不得香其意無恨即捨言若我得道當度此人福願果合今來度王并及人民王聞佛說其本末意解即得須臾沮國中人民聞經皆受五戒十善以為常法是時四輩弟子聞經歡喜前為佛作禮而去

普達王經

癸卯歲高麗國大藏都監奉
勅彫造

佛滅度後棺殮塋送經

一名比丘師經 竟

夫譯人名今附西晉錄

聞如是一時衆祐遊於華氏國阿難
以人定時白衆祐言衆祐滅訖之後
棺殮尊身其禮云何衆祐曰且自憂
身無憂佛也吾滅度後當有梵志理
家盡禮塋送阿難言其禮云何衆祐
曰如飛行皇帝送喪之儀重曰願聞
儀則衆祐曰聖帝崩時以劫波育甕
千張纏身香澤灌上令澤下徹以香
積身上下四面使其齊同放火闍維
撿骨香汁洗盛以金甕石為甕口縱廣
三尺厚一尺四邊上下各安一枚金甕
置中時剎懸繒具供所應起土為塔
華香供養佛當踰彼所以然者吾自
無數劫以四等初慈行六度無極經
緯十方拯濟群生功德隆赫成斯如
來無所著正真道寂正覺道法御天
人師至尊難齊各以犯土供養塔者
其福無量末世穢濁民有顛沛之命
財有五家之分吾以是故留舍利并
鉢以穰世顛沛之禍安祐衆生為宗

廟像令民規則沙門以經導化未聞
今生者永去牢獄之酷死者免三途
之罪必獲昇天若為佛廟當今踰彼
矣阿難言鉢當如之佛言吾鉢者四
天大王之所獻也合四以為一佛所
食器群生慎無以食矣滅度之後諸
國諱之民必邪荒賤命貴姪背孝尊
姪鉢當變化現五色光飛行昇降開
化民心黎庶親之追存佛德去惡即
明順用正教皆興廟寺旌表佛德轉
當東遊所歷諸國凶疫消歇君臣康
休樂帛豐穰欣懌無患終遠三塗皆
獲生天極東國王仁而有明鉢當翔
彼王崩之後其嗣姪荒廢真從邪民
心亦余觀鉢無肅敬之礼天龍見之
悲喜迎鉢還海供奉王亡尊鉢憂恚
文曾布告諸國購鉢千金連年募之
令出首尾民貪重賞遍索不得時有
賤人其名曰師偽作比丘鬻食酒食妻
居育子當醉提兒詣宮門言吾知鉢
處王聞大喜請沙門入曰鉢所在乎
對曰先以金來王賜金千斤師曰雅沙
門當盜之耳即下簪求推諸沙門其

毒酷烈日民觀之靡不怨王王曰公
為誰沙門乎荅曰吾師事佛王曰佛
有何戒耶師曰有二百五十戒王曰
首戒云何荅曰第一當遵慈仁普惠
思及群生視天下羣生身命若已
身命慈濟慈悲恕已安彼道喜開化
護彼若身潤遠草木無虛枉絕也王
曰善哉佛之仁化懷天畏地何生不
賴焉二當遵清無積穢實尊禁國土
非有無算草芥之屬非惠不取王曰
善哉斯可謂清白者也三當遵貞心
無存姪口無言調綺聲邪色一不視
聽觀彼婦人以母以姉以妹以女寧
就燔身無為姪乱王曰善哉摸真景
淨佛化為首矣四當慎言無兩舌惡
罵妄言綺語前譽後毀證入無辜蠱
道鬼蜮厭禱呪咀寧就吞炭不出毒
聲也王曰善哉佛化惴惴慄慄慎言乃
如茲乎五當絕酒矣酒者今君不仁
且不忠親不義子不孝婦人奢姪厥失
三十有六亡國破家靡不由茲寧飲
毒而死不酒乱而生矣王曰善哉佛之
明化令吞德懷道滅于眾惡興于諸
善清淨為身淡泊為志經化令仁而

今教吾人然戒空清淨無貪而今偷金戒
云無姪而今畜妻戒當盡誠而今虛
諧沙門云其盜鉢今吾罪無辜戒无
嗜酒而今醉來外諸沙門有具斯五
德為高行者不乎答曰其為凶穢甚
於吾矣王問有司諸沙門何以為業
對曰分衛無度其為眾穢甚於彼師
矣王曰佛戒有二百五十仁過仁儀
清等太素貞齊虛空信若四時明跨
日月緣得斯類纂法服偷應器偽為
沙門亂正真乎一戒不奉而云二百
五十勅有司曰佛清淨廟賢聖所宗
非鳥獸之巢窟逐出穢濁者無令止
佛廟矣國之君子欲興利廟惟無快
賢處中宣佛神化者投澁而止自斯
大道陵遲神化日衰佛告阿難吾雖滅
度後留鉢及舍利若有賢者關心奉
養終皆昇天阿難言千歲之末鉢現
神德變化若茲豈况無上正真道家
正覺之靈化乎佛說經時天龍鬼神
王目四輩靡不哽咽稽首而去
佛滅度後棺毀墓迷經

癸卯歲高麗國大藏都監奉
勅彫造

佛說梵摩難國王經

竟

失譯人名今附西晉錄

聞如是一時佛在舍衛國祇樹給孤
獨園與千二百五十比丘俱時有國
王号名梵摩難常供養佛及衆僧每
得齋日王輒宿勅群臣嚴駕王便導
從數千人到佛所五體投地稽首佛
足佛每為諸天人民說經法王輒歡
喜恭敬聽經王宮內亦奉事三尊清
淨齋戒王有太子名均鄰儒至心精
進覺世非常無生不死者不貪時榮
白王言佛世難值經法難聞我今
欲隨佛作沙門王即聽之均鄰儒便
辭王到佛所乞為比丘佛便以手摩
其頭幾墮袈裟自然著身均鄰儒奉
持重戒精進勤修晝夜不倦三月日
便得羅漢道王時不知其已得道見
其勤苦飯食麤蔬每往供養異於衆
僧其心不同輒謂之言我國中珍琦
七寶飲食甘餽無所不有汝何故正
當樂為沙門乎佛知王用恩愛故佛
便語均鄰儒起現威神均鄰儒即承

佛教頭面著地為佛作礼輕舉上住
空中飛行變化分身散體出入无間
畢已頭面著佛足王見其道德乃令
使悲喜交集五體投地為均鄰儒作
礼佛時令均鄰儒為王說苦空非常
四諦之要王於是意解即得須陀洹
道佛語阿難比丘有四事受人施飲
食美味衣服善惡不得有逆一者欲
福布施家二者不欲逆施者意三者
或年老或身體有病四者恐人行道
勤苦夫欲食美當存念重戒一切衆生
皆我親屬但展轉久遠各更生死不
識其本耳譬如人身體有瘡及病者
服藥趣令其愈不得貪著夫欲施者
皆當平心不問大小佛於是令阿難
臨飯說僧跋僧跋者衆僧飯皆悉
平等

准品次錄二紙
八行諸本皆闕

佛說梵摩難國王經

癸卯歲高麗國大藏都監奉
勅彫造

佛說栴檀樹經

竟

失譯人今附漢錄

聞如是一時佛從比丘在維耶梨國
有迦羅越奉佛明法請佛供養佛呪
願畢迦羅越於佛前肅然願聞法義
佛便笑五色光從口而出繞身三匝
還從頂入阿難整衣服叉手白佛言
佛不妄笑笑必說法有所濟度願為
說之天尊曰善哉阿難弘慈欲為一
切開通法橋沙門之儀汝應其式今
者演之諦聽執受彼國有五百人入
海採寶置船步還經歷深山日暮止
宿豫嚴早發四百九十九人皆引行
去一人卧熟失革仍遇天雨雪失去
徑路窮厄山中眾哭呼天有大栴檀香
樹樹神謂窮人可止留此自相給
衣食到春可去窮人便留至于三月
各樹神言受恩得全身命未有微報
願有二親今在本土實思得還願乞
發遣樹神言善便自從意以金一餅
賜之去此不遠當得國邑可得還汝
鄉里窮人臨去問神言此樹香潔世

可希有今當委還願知其名神言不
須問也窮人復言依陰此樹積歷三月
今當委還情懷恨恨若到本國當宣
揚樹恩神便言樹名梅檀根莖枝葉
治人百病其香遠聞世之奇異人所
貪求不須道也窮人還至故國中外
親親歡喜相樂後無幾間國王病頭
痛禱祝天地山水諸神病不消差名
醫者視唯當得梅檀香以護病便
得愈王即募求民間無有便宣令國
中得梅檀香者拜為封侯妻以小女
時窮人聞償祿重便詣王所自言我
知梅檀香處王便令近目將窮人往伐
取香樹至到樹所使者見樹洪直枝
脈淺盛華果煌煌人所希見心不忍
伐不伐者則違王命病不消愈伐之
者中心隱隱踟躕徘徊不知云何樹
神便於空中言便伐之但置其根耳
伐已以人血塗之肝膈覆其上樹自
當生還復如故使者聞神言如此便
令人伐之窮人住在樹邊樹踰地枝
探殺窮人使者便與左右議言向者
樹神言當得人血肝膈以祠樹心為

憮然不知當以詐害此此人今死便以當之則屠割取其肝血如神所勅樹即更生車載所伐樹以還國中醫即進藥王病得愈舉國歡喜王命國中人民其有病者皆詣宮門王出香藥給之病皆得愈王身康寧黎民元病舉國忻忻遂致太平阿難退坐稽首贊言是窮人何無反復還樹神重言誓佛報曰乃往昔惟衛佛時有父子三人其父奉五戒行十善持八閤齋未曾懈怠大兒常於中庭空中燒香供養十方諸佛小兒愚癡不知三尊輒以衣覆香上兄謂言此大重何以犯之弟起惡意誓言斷兄兩足兄復起念當拍教弟父言汝二子諍使我頭痛大兒報言願破我身為藥令父疾損口不可妄言故世世受罪弟與惡意欲斷兄足後果將人往斷樹兄欲拍教弟今作樹神果因樹為體拍教弟時國王頭痛者其父也奉齋精進故得尊貴時言使我頭痛後果頭痛各受其殃佛言罪福報應如影隨形佛廣為說身口意戒迦羅越則向

栴檀樹經 第四張竟

須陀洹迹率將妻子以家資上佛
發道願佛說經竟迦羅越歡喜作禮

佛說栴檀樹經

癸卯歲高麗國大藏都監奉
勅彫造

天請問經

竟

大唐三藏法師 玄奘奉詔譯

如是我聞一時薄伽梵在室羅筏國
住捨多林給孤獨園時有一天顏客
殊妙過於夜分來詣佛所頂禮佛足
却住一面是天盛光甚大赫奕周遍
照耀捨多園林今時彼天以妙伽他
而請佛曰

云何利刀劍 云何毒藥 云何熾盛火
云何極重暗

今時世尊亦以伽他告彼天曰

麤言利刀劍 貪欲毒藥 瞋恚熾盛火
無明極重暗

天復請曰

何人名得利 何名失利 何者堅鉀
何者利刀杖 世尊告曰

施者名得利 受者名失利 忍為堅鉀
慧為利刀杖

天復請曰

云何為盜賊 云何智者財 誰於天世間
說名能劫盜

世尊告曰

邪惡為盜賊 尸羅智者財於諸天世間
犯戒能劫盜

天復請曰

誰為最安樂 誰為大富貴 誰為恒端嚴
誰為常醜陋

世尊告曰

少欲最安樂 知足大富貴 持戒恒端嚴
破戒常醜陋

天復請曰

誰為善眷屬 誰為惡心怨 云何極重苦
云何第一樂

世尊告曰

福善善眷屬 罪為惡心怨 地獄極重苦
無生第一樂

天復請曰

何者愛非宜 何者宜非愛 何者極熱病
誰是大良醫

世尊告曰

諸欲愛非宜 解脫宜非愛 貪為極熱病
佛是大良醫

天復請曰

誰能最復世間 世間誰所慰 誰今捨親友

誰復障生天

天請問經

第三卷

世尊告曰

無智覆世間 世間癡所魅 憊貪害親友
染著障生天

天復請曰

何物火不燒 風亦不能碎 非水所能爛
能淨持世間 誰能與王賊 勇猛相抗敵
不為人非人 之所來侵奪

世尊告曰

福非火所燒 風亦不能碎 福非水所爛
能淨持世間 福能與王賊 勇猛相抗敵
不為人非人 之所來侵奪

天復請曰

我今猶有疑 請佛為除斷 今世往後世
誰極自欺誑

世尊告曰

若多有惡財 而不能修福 今世往後世
彼極自欺誑

今時彼天間佛世尊說是經已歡喜
踊躍歎未曾有頂禮佛足即於佛前
歎然不現
天請問經

癸卯歲高麗國大藏都監奉

勅彫造

佛說九橫經

竟

後漢安息國三藏安世高譯

佛在舍衛國祇樹給孤獨園佛便言
比丘有九輩九因緣命未盡便橫死
一者為不應飯為飯二者為不量飯
三者為不習飯飯四者為不出生五
者為止熱六者為不持戒七者為近
惡知識八者為入里不時不如法行
九者為可避不避如是為九因緣人
命為橫盡

一不應飯者名為不可意飯亦為以
飽腹不停調

二不量飯者名為不知節度多飯過
足

三不習飯者名為不知時冬夏為
至他國郡不知俗宜不能消飯食未
習故

四不出生者名為飯物未消復上飯
不服藥吐下不時消

五為止熱者名為大便小便來時不
即時行噫吐噎下風來時制

六不持戒者名為犯五戒無盜犯他

人婦兩舌飲酒亦有餘戒以犯便入
縣官或絃死或擣杖利刃所斫刺或
辜飢渴而終或以得脫從怨家得手
死或驚怖念罪憂死

七為近惡知識者名為惡知識已作
惡便反坐何以故坐不離惡知識故
不覺善惡不計惡知識惡態不思惡
知識惡

八為入里不時者名為冥行亦里有
諍時行亦里有縣官長吏追捕不避
不如法行者入里妄入他家舍中妄
見不可見妄聽不可聽妄犯不可犯
妄說不可說妄憂不可憂妄索不
可索

九為可避不避者名為當避避為醉
馬牛犇車地地坑井水火拔刀醉人
惡人亦餘若干惡如是為九因緣輩
人命未盡當坐是盡慧人當識當避
是因緣以避乃得兩福一者得長壽
二以長壽乃得聞道好語言亦能行
諸比丘歡喜受行
佛說九橫經

癸卯歲高麗國大藏都監奉

勅彫造

佛說父母恩難報經

竟

後漢安恩國三歲喪世高謬

聞如是一時婆伽婆在舍衛城祇樹
給孤獨園今時世尊告諸比丘父母
於子有大增益乳哺長養隨時將育
四大得成右肩負父左肩負母經歷
千年正使便利背上然無有怨心於
父母此子猶不足報父母恩若父母
無信教今信獲安隱處無戒與戒教
授獲安隱處不聞使聞教授獲安隱
處慳貪教令好施歡樂教授獲安隱
處無智慧教令黯慧勸樂教授獲安
隱處如是信如來至真等正覺明行
成為善逝世間解无上士道法御天
人師号佛世尊教信法教授獲安隱
處諸法甚深現身獲果義味甚深如
是智者明通此行教令信聖眾如來
聖眾其清淨行直不曲常和合法法成
就戒成就三昧成就智慧成就解脫
成就解脫見慧成就所謂聖眾四雙
八輩是謂如來聖眾最尊最貴當
尊奉訪仰是世間無上福田如是諸

子當教父母行慈諸比丘有二子所生
子而養子是謂比丘有二子是故諸
比丘當學所生子口出法味如是諸
比丘當作是學亦時諸比丘聞佛所
說歡喜奉行

佛說父母恩難報經

癸卯歲高麗國大藏部監奉
勅彫造

佛說孫多耶致經

竟

吳月支國居士 支謙譯

聞如是一時佛在舍衛國行在祇樹
給孤獨園除饅甚衆佛為說經時有
梵志名孫多耶致望見佛即拄杖
吐舌念曰吾日三浴啖果飲水不受
人施吾行勝沙門行子曹甘食好衣
溫厚訛賢非真不如吾道也佛知梵
志心之所存告諸沙門曰夫人為行
有二十一惡不得美食好衣志在婬
決志在瞋恚志在愚癡志在瞋卧志
在疑結謂無應儀志在貢高志在憍
慢志在嫉妬志在慳貪志在咒虐无
惻隱心志在虛偽内外相違志在不
慙內無愧心志在穢行不自羞鄙志
在彼惡而不自見志在婬泆言不款貞
志在交話讒成二惡志在會鬪不釋
兩諍志在無禮自可不謙志在遂非
不受賢諫志在不孝滅慈好逆志好
邪道供奉妖蠱家財虛竭令親困窮
不覺非常不歸三尊美食好衣從欲
奢華以斯二十一惡穢亂其心猶繫汙

垢染之為色萬無一益懷斯衆無死入
地獄餓鬼畜生其痛難量沙門觀佛
明戒素故自新練情滅欲內外清淨
又如淨潔染即成色為衆所觀沙門
觀明行高智足天下供奉衣食毀舍
受之無尤施者福大進行禪定獲滿
港願來不還應儀人亦聞之沙門雖
未得道明佛經義執心端正孝順經
教弘慈普育潤達羣生怨已安彼視怨
若子見女人來待之以妹若觀窮苦
當念地獄餓鬼畜生願令羣生身安
意喜得逢三寶垢除冥滅心淨見明
還於本無永康無極志行如斯美食
好衣終始無罪羣生本性貪婬瞋恚
愚癡嫉妬濁中之濁冥中之冥者沙
門心開受明癡垢都寂雖處穢世猶
遺華居夫泥中泥不能染華受施無
罪夫懷三毒十惡不除恣心從欲諂
欺求潤不奉佛戒寧吞熱鐵飲洋銅
斯死須臾穢濁受施死入太山飲銅
食炭其年難計矣梵志前白佛言吾
欲去浴有溪名好首夫入中浴者意
之穢垢隨水流漂自聞父教吾日三

浴佛告梵志斯土多溪人入中浴可得獲度苦乎千浴之人可除身垢奈心垢何吾諸沙門斷求念空不願三界心垢翳滅以得淨道汝從何師受法水浴去心垢乎對曰吾父云尔佛言若父得道不對曰不也佛言吾道從心出心端志淨乃得道耳梵志長跪陳白吾向拄杖吐舌但為狂愚耳今聞佛經心始醒寤猶冥中有燈火始今有目矣七為沙門願佛哀納佛言若有親報之對曰無親佛言沙門來即成沙門已於樹下坐惟二十一事去諸欲念霍然無想即得應儀道赴至佛所以頭面著佛足言今盲者得視狂病得愈佛言斯道佳耶汝道佳乎對曰家道皆邪唯佛道正佛告諸沙門熟惟二十一事道可得矣諸沙門聞經歡喜作礼而退
佛說孫多耶致經

癸卯歲高麗國大藏都監奉
勅彫造

佛說羣牛譬經

西晉沙門

法炬

譯

竟

聞如是一時婆伽婆在舍衛城祇樹
 給孤獨園今時世尊告諸比丘譬如
 羣牛志性調良所至到處擇苳草食
 飲清涼水時有一驢便作是念此諸
 羣牛志性調良所至到處擇苳草食
 飲清涼水時彼驢入羣牛中前脚跑
 土觸燒被羣牛亦効羣牛鳴吼然不
 能改其聲我亦是牛我亦是牛然被
 羣牛以角觸殺而捨之去此亦如是
 若有一比丘不精進修惡法非沙門
 言是沙門不修梵行言修梵行亦不
 多聞邪見威儀不具足行步來往屈
 申俯仰不解著衣持鉢不能延得衣
 被食飲牀卧具病瘦醫藥彼若見比
 丘精進修善法於沙門中成沙門行
 修梵行多聞博學而修善法威儀志
 善行步來往屈申俯仰著衣持鉢不
 得衣被飲食牀卧具病瘦醫
 藥以比丘便作是念此衆多比
 丘精進修善法於沙門成沙門行於

梵行成梵行威儀具足行步來往屈
申俯仰著衣持鉢皆悉備具是得衣
鉢飲食牀卧具病瘦醫藥皆已備具
我今可入彼眾中我亦當得衣被飲
食牀卧具病瘦醫藥

時惡比丘修惡法無沙門行言是沙
門無梵行言修梵行少聞有諸惡見
便入彼眾多精進比丘所欲効彼威
儀札節行步來往屈申俯仰著衣持
鉢如彼微妙比丘精進修善法行步
來往屈申俯仰著衣持鉢便作是言
我是沙門我是沙門時微妙比丘皆
悉證知此比丘不精進言精進非沙
門言是沙門不修梵行言修梵行不
多聞有諸邪見時諸微妙比丘便擯
出界外汝速出去莫住我眾譬如彼
羣牛志在調良驅出後驅是故諸比
丘非沙門行非婆羅門行當捨離之
諸沙門善行及婆羅門善行當善觀
調持如是諸比丘當作是學今時諸
比丘聞佛所說歡喜奉行
佛說羣牛譬經

癸卯歲為建國六歲都監奉
勅彫造

比丘避女惡名欲自殺經

竟

西晉沙門法炬譯

如是我聞一時佛住舍衛國祇樹給
孤獨園時有具比丘在拘薩羅人間
住一林中時彼比丘與長者婦女嬉
戲起惡名聲時彼比丘作是念我今
不應共他婦女起惡名聲我今欲於
此林中自殺時彼林中止住天神作
是念惡不善不類此比丘不壞無過
而於林中欲自殺身我今當往方便
開悟時彼天神化作長者女身語比
丘言於諸巷路四衢道中世間諸人
為我及汝起惡名聲言我與汝共相
習近作不正事已有惡名今可還俗
共相娛樂比丘答言以彼里巷四衢
道中為我與汝起惡名聲共相習近
為不正事我今且自殺身時彼天神
還復天身而說偈言

雖聞多惡名 苦行者忍之 不應苦自害
亦不應起惱 聞聲恐怖者 是則林中獸
是輕躁衆生 不成出家法 仁者當堪耐
下中上惡聲 執心堅住者 是則出家法

比丘避女經 第三卷 竟

進修經

不由他人語 今汝成劫賊 亦不由他人
令汝得羅漢 如汝自知已 諸天亦復知
余時比丘為彼天神所開悟已專精
思惟斷除煩惱得阿羅漢
比丘避女惡名欲自殺經

癸卯歲高麗國大藏都監奉
勅彫造

佛說禪行三十七品經

竟

後漢安息國三藏安世高譯

聞如是一時佛遊於舍衛國祇樹給孤
獨園佛言諸比丘若能彈指聞惟行
自身身止觀外身身止觀內外身身
止觀分別念解世間癡惱是為精進
為如佛教非是愚癡食人施何況能
多行者掇取其要若彈指聞止觀痛若
止觀意及止觀法內外分別念解世間
癡惱皆如上說何況多行者是故可
念行四意止

佛言諸比丘若彈指聞惟行未生惡
法不令生勸意治行精進攝意是為
精進行禪為如佛教不是愚癡食人施
何況多行者掇取其要若彈指聞惟行
已生惡法即得斷若惟行未生善法
便發生及已生善法立不忘增行得
滿勸意治行精進攝意皆如上說何
況多行者是故可念行四意斷

佛言諸比丘若彈指聞惟行欲定斷生
死惟神足是為寂精進行禪為如佛
教不是愚癡食人施何況多行者掇

取其要若彈指間惟行精進定若惟
行意定及戒定斷生死惟神足皆如上
說何況多行者是故可念行四神足
佛言諸比丘若彈指間惟行信根以
見四喜之事不離佛亦法與衆及戒
是為精進行禪為如佛教不是愚癡
食人施何況多行者擯取其要若彈
指間惟行精進根以見四意斷若惟
行念根以見四意止若惟行定根以
見四禪若惟行慧根以見四諦皆如
上說何況多行者是故可念行五根
佛言諸比丘若彈指間惟行信力徒
得四喜之事今無能壞是為精進行
禪為如佛教非是愚癡食人施何況
多行者若彈指間惟行精進力若念
力若定力若慧力皆如上說何況多
行者是故可念行五力

佛言諸比丘若彈指間惟行念覺意
以念所當念以愛念以正念為善法
念得志不忘是為精進行禪為如佛
教不是愚癡食人施何況多行者據
取其要若彈指間惟行法解覺意其
意經經分別解隨順解若惟行精進

覺意其身精進意亦精進若惟行愛
覺意知所當愛令意得喜若惟行止
覺意令身体止意亦休止若惟行定
覺意令意住念亦住志不乱不邪念
若惟行護覺意為護行知所念知安
身今見道護惡念安隱行事事皆如
上說何況多行者是故可念行七覺
意佛言諸比丘若彈指間惟行正見
以知古知始知終知內知外知苦知
習知盡知道知佛知法知比丘衆知學
行事如六舍所習所取歡樂變失及其
歸趣知不貪之德是為正見為精進
行禪為如佛教不是愚癡食人施何
況多行者採取其要若彈指間惟行
正思為思出家思不諍思不殺若惟
行正語不妄語不兩舌不惡口不邪
笑若惟行正命不以貪生活不恚生
活不以癡生活若惟行正業不殺不盜
竊不邪淫若惟行正治以修治四意斷
之事若惟行正念以受行四意止亦
惟行正定以思念四禪事事皆同如
上說其強指間功德如是何況多行
者是故可念行八正道佛說是已皆

歡喜受

佛說禪行三十七品經

癸卯歲高麗國大藏都監奉

勅彫造

佛說賢者五福德經

竟

西晉河內沙門白法祖譯

聞如是一時佛在舍衛國祇樹給孤獨園佛告諸比丘賢者說法時有五福德何謂為五其所生則得長壽是為一福德其所生即得大富饒財多寶是為二福德其所生即端正無比是為三福德其所生即名譽遠聞是為四福德其所生即聰明大智是為五福德何因賢者說法得長壽用前世說法時上語亦善中語亦善下語亦善其義備足歸寂無為好教之人聞法即止不教用是故得長壽何因說法之人得大富饒財多寶用前世說法時上中下語其義備悉歸寂無為盜竊之人聞經即止不盜便能施與用是故得大富何因說法之人得端正無比用前世說法時上中下語其義備悉歸寂無為令聞法者和氣安之即顏色悅自生光澤用是故得端正何因說法之人得名譽遠聞用前世說法時上中下語其義

備悉歸寂無為令聞法者敬佛教法
敬比丘僧用是故得名聞何因說法
之人得聰明大智用前世說法時上
中下語其義備悉歸寂無為令聞法者
曉了妙慧用是故得聰明大智是為
五法說經者得福也諸比丘聞經歡
喜前為佛作禮

佛說賢者五福德經

癸卯歲高麗國大藏都監奉
勅彫造